

वीर सेवा मन्दिर
दिल्ली



क्रम सख्या

२०१०

काल न०

५२५

खण्ड

श्रीगुरुवागम प्रकाशक सामितिक द्वितीय-संश्रुत.



श्रीमान मोहनलाल धनराज कर्णवट भवानी पेठ पूना नं. २.

णमोऽत्यु णं समणस्स भगवओ णायपुत्त-महावीरस्स

सुत्तागमे

तत्थ णं
आयारे

सुयं मे आउम । तेणं भगवया एवमक्खवाये ॥ १ ॥ इह-मेगेमि णो मण्णा भवट, तंजहा-पुरन्थिमाओ वा दिमाओ आगओ अहमंसि । दाहिणाओ वा दिमाओ आगओ अहमंसि, पच्चन्थिमाओ वा दिमाओ आगओ अहमंसि, उत्तराओ वा दिमाओ आगओ अहमंसि, उट्ठाओ वा दिमाओ आगओ अहमंसि । अहो दिमाओ वा आगओ अहमंसि । अण्णयरिओ वा दिमाओ अण्णदिमाओ वा आगओ अहमंसि । एवमेगेमि णो णाय भवट, अत्थि मे आया उववाटाए, णत्थि मे आया उववाटाए के अह आनि । के वा टओ चुओ इह पेच्च भविस्सामि । ॥ २ ॥ मे जं पुण जाणेज्जा महम्मटगए परवागण्णेणं अण्णायि अत्तिण वा मोच्चा, तंजहा— पुरन्थिमाओ वा दिमाओ आगओ अहमंसि जाव अण्णयरिओ दिमाओ अण्णदिमाओ वा आगओ अहमंसि एवमेगेमि जं णायं भवट अत्थि मे आया उववाटाए जो दमाओ-दिमाओ अण्णदिमाओ वा अण्णसचरड मोहं, मव्वाओ दिमाओ-अण्णदिमाओ जो आगओ अण्णसचरड, मोह । मे आयावाइ, लीयावाइ, कम्मवाइ, किरियावाइ ॥ ३ ॥ अकस्सिम्म चाहं कारवेसे चउदं करओ यावि समणुत्ते भविस्सामि, एयावन्ति मव्वावन्ति लोगंसि कम्मसमारंभा पारिजाणियव्वा भवन्ति ॥ ४ ॥ अपारिणायकस्से खलु अयं पुरिसं, जो इमाओ दिमाओ अण्णदिमाओ अण्णसचरड, मव्वाओ दिमाओ मव्वाओ अण्णदिमाओ गहट्ट, अण्णगह्वाओ ज्ञाणीओ मंधं, विक्खस्से फासे पटिसंवेदेद ॥ ५ ॥ तत्थ खलु भगवया परिण्णा पवेदया ॥ ६ ॥ इमस्स चैव जीवियस्स पारि-वदणमाणणपूयणाए, जाइमरणमोयणाए, दुक्खपाडिघायहेउं ॥ ७ ॥ एयावन्ति मव्वा-वन्ति लोगंसि कम्मसमारंभा पारिजाणियव्वा भवन्ति ॥ ८ ॥ जस्सेने लोगंसि कम्म-समारंभा परिण्णाया भवन्ति मे हु मुणी परिण्णायकस्से ति वेमि ॥ ९ ॥ पढमो उहेसो ॥

अट्टे लोए परिजुण्णे इस्समबोहे अविजाणए अस्सि लोए पव्वहिए तत्थ तत्थ पुढो पास आतुरा अस्सि परितावन्ति ॥ १० ॥ संति पाणा पुडोमिया, लज्जमाणा पुढो

पास ॥ ११ ॥ अणगारा मोत्ति एगे पवयमाणाः जमिणं विरुक्खवेहिं सत्थेहिं पुढ-
 विकम्मसमारंभेणं पुढविसत्थं समारंभमाणं अणेगरूवे पाणे विहिंसइ ॥ १२ ॥ तथ
 खलु भगवया परिण्णा पवेइआ । इमस्स चैव जीवियस्स परिवंदण-भाणण-पुयणाए,
 जाइमरणभोयणाए, दुक्खपडिघायहेउं, से सयमेव पुटाविसत्थं समारंभइ, अण्णेहिं
 वा पुढविसत्थं समारंभावेइ । अण्णवा पुढविसत्थं समारंभंते समणुजाणइ । त से
 अहियाए, तं से अबोहिए ॥ १३ ॥ से तं संबुज्जमाणे आयाणीयं समुट्ठाय सोच्चा
 खलु भगवओ, अणगाराणं अतिए; इहमेगेसिं णातं भवति-एम खलु, गंधे एस खलु
 मोहे, एस खलु मारे, एम खलु णए । इच्चत्थं गट्टिए लोए जमिणं विरुक्खवेहिं
 सत्थेहिं पुढविकम्मसमारंभेणं पुढविसत्थं समारंभमाणं अण्णे अणेगरूवे पाणं
 विहिंसइ ॥ १४ ॥ से बेमि-अप्पेगे अधमब्भे, अप्पेगे अंधमच्छे; अप्पेगे पाय-
 मब्भे, अप्पेगे पायमच्छे, अप्पेगे गुप्फमब्भे, २ अप्पेगे जंधमब्भे, २ अप्पेगे
 जाणुमब्भे २ अप्पेगे ऊहमब्भे, २ अप्पेगे कडिमब्भे, २ अप्पेगे णाभिमब्भे,
 २ अप्पेगे उयरमब्भे, २ अप्पेगे पायमब्भे, २ अप्पेगे पिट्टिमब्भे, २ अप्पेगे
 उरमब्भे, २ अप्पेगे हियमब्भे, २ अप्पेगे धणमब्भे, २ अप्पेगे वंधमब्भे,
 २ अप्पेगे बाहुमब्भे, २ अप्पेगे हत्थमब्भे, २ अप्पेगे अंगुलिमब्भे, २ अप्पेगे
 णहमब्भे, २ अप्पेगे गीवमब्भे, २ अप्पेगे हणुमब्भे, २ अप्पेगे होट्टमब्भे,
 २ अप्पेगे दंतमब्भे, २ अप्पेगे जिब्भमब्भे, २ अप्पेगे तालुमब्भे, २ अप्पेगे
 गलमब्भे, २ अप्पेगे गंटमब्भे, २ अप्पेगे कण्णमब्भे, २ अप्पेगे णाममब्भे,
 २ अप्पेगे अच्छमब्भे, २ अप्पेगे भसुहमब्भे, २ अप्पेगे णिडालमब्भे, २ अप्पेगे
 सीयमब्भे, २ अप्पेगे संपमारए, अप्पेगे उट्ठए ॥ १५ ॥ इत्थं सत्थं समारंभमा-
 णस्स इच्चंते आरंभा अपरिण्णाता भवंति । एत्थं सत्थं असमारंभमाणस्स इच्चंते
 आरंभा परिण्णाता भवंति ॥ १६ ॥ तं परिण्णाय मंहावी नेव सयं पुटावि सत्थं
 समारंभेज्जा, णेवण्णेहिं पुढविसत्थं समारंभावेज्जा, णेवण्णे पुढविसत्थं समारंभंतं
 समणुजाणेज्जा । जस्सेतं पुढविकम्मसमारंभा परिण्णाता भवंति मे हु मुष्पी परि-
 ण्णातकम्मोत्ति बेमि ॥ १७ ॥ **वीयो उद्देशो ॥**

से बेमि, जहावि अणगारे उज्जुकडे, णियायपडिबण्णे अमायं कुवमाणं विया-
 हिते, जाए सद्धाए णिकम्बतो तमेवअणुपालिया वियहित्तु विमोत्तियं- ॥ १८ ॥
 पणया वीरा महावीहिं, लोगं च आणाए अभिसमेच्चा अकुओभयं ॥ १९ ॥ से
 बेमि णेव सयं लोगं अब्भाइक्खज्जा, णेव अत्ताणं अब्भाइक्खज्जा । जे लोगं
 अब्भाइक्खइ, से अत्ताणं अब्भाइक्खइ, जे अत्ताणं अब्भाइक्खइ, से लोगं अब्भा-

इक्खइ ॥ २० ॥ लज्जमाणा पुट्ठो, पास, अणगारा मो त्ति एगे पवयमाणा; जमिणं विरूवरूवेहिं सत्थेहिं उदयकम्मसमारंभेणं उदयसत्थं समारंभमाणे अणेगरूवे पाणे विहिंसइ ॥ २१ ॥ तत्थ खलु भगवया परिण्णा पवेइया, इमस्स चेव जीवियस्स परिवंदण, माणण, पूयणाए जाइमरणमोयणाए, दुक्खपडिघायहेउं, से सयमेव उदयसत्थं समारभति, अण्णेहिं वा उदयसत्थं समारभावेति, अञ्जे उदयसत्थं समारंभंते समणुजाणति, तं मे अहियाए, तं मे अबोहीए ॥ २२ ॥ से तं संबुज्जमाणे आयाणीयं समुट्ठाय मोच्चा खलु भगवओ अणगारगणं अंतिए इहमेगोसि पायं भवति, एस खलु गंधे, एस खलु मोहे, एस खलु मारे, एस खलु णए ॥ इच्चत्थं गट्टिए लोए जमिणं विरूवरूवेहिं सत्थेहिं उदयकम्मसमारंभेणं उदयसत्थं समारंभमाणे अण्णे अणेगरूवे पाणे विहिंसइ ॥ २३ ॥ ने वेमि, संति पाणा उदयनिस्सिया जीवा अणेगे, इह च खलु भो ! अणगारगणं उदयजीवा विद्याहिया । सत्थं चेत्थं अणुवीइ पासो ॥ पुट्ठो सत्थं पवेदितं ॥ २४ ॥ अट्टुवा अदिजादारणं ॥ २५ ॥ कप्पइ णे कप्पइ णे पाउं, अट्टुवा विभूसाए, पुट्ठो सत्थेहिं विउट्ठंति एत्थडावं तेसि णो णिकरणाए ॥ २६ ॥ एत्थ सत्थं समारंभमाणस्स इच्चंते आरंभा अपरिण्णयाया भवंति । एत्थ सत्थं असमारंभमाणस्स इच्चंते आरंभा परिण्णयाया भवंति । तं परिण्णाय मेहावी णेव मयं उदयसत्थं समारंभेजा, णेवञ्जेहिं उदयसत्थं समारंभावेजा उदयसत्थं समारंभंतेडावं अण्णे ण समणुजाणेजा, जस्संते उदयसत्थसमारंभा परिण्णयाया भवंति मे हू मुणी परिण्णानकम्मं त्ति वेमि ॥ २७ ॥ **तइवोहेसो ॥**

से वेमि णेव मयं लोयं अब्भाइक्खेजा, णेव अणाणं अब्भाइक्खेजा, जे लोणं अब्भाइक्खति, से अणाणं अब्भाइक्खति, जे अणाण अब्भाइक्खति, से लोणं अब्भाइक्खति ॥ २८ ॥ जे दीहलोगसत्थस्स खेयञ्जे, से अमत्थस्स खेयञ्जे; जे असत्थस्स खेयञ्जे, से दीहलोगमत्थस्स खेयञ्जे ॥ २९ ॥ वीरेहिं एयं अभिभूय दिट्ठं संजतेहिं सया जत्तेहिं सया अप्पमत्तेहिं ॥ ३० ॥ जे पमत्ते गुणट्ठीए, से हु दंडे त्ति पवुत्तति । तं परिण्णाय मेहावी इयाणि णो जमहं पुव्वमकासी पमादेणं ॥ ३१ ॥ लज्जमाणा पुट्ठो पास-अणगारा मोत्ति एगे पवयमाणा जमिणं विरूवरूवेहिं सत्थेहिं अगणिकम्मसमारंभेणं अगणिसत्थं समारंभमाणं, अण्णे अणेगरूवे पाणे विहिंसति ॥ ३२ ॥ तत्थ खलु भगवया परिण्णा पवेइया, इमस्स चेव जीवियस्स परिवंदण-माणणपूयणाए, जाइमरणमोयणाए, दुक्खपडिघायहेउं, से सयमेव अगणिसत्थं समारंभति, अण्णेहिं वा अगणिसत्थं समारंभावेइ अण्णेवा अगणिसत्थं समारंभमाणे समणुजाणति । तं मे अहियाए तं मे अबोहिए ॥ ३३ ॥ से तं संबुज्जमाणे आया-

णीयं समुद्राय सोच्चा भगवओ अणगाराणं इहमेगेसि णायं भवति-एस खलु गंधे एस खलु मोहे एस खलु मारे एस खलु णरए । इच्चत्थं गत्थिए लोए जमिणं विरूक्क-रूवेहिं सत्येहिं अगणिकम्मसमारभमाणे अण्णे अणेगरूवे पाणे विहिंसति ॥ ३४ ॥ से बेमि, संति पाणा, पुटविणिस्सिया, तणणिस्सिया, पत्तणिस्सिया, कट्ठणिस्सिया, गोमयणिस्सिया, कयवरणिस्सिया; सन्ति संपात्तिमा पाणा, आहच्च संपयंति । अगणि च खलु पुट्टा, एगे सघायमावज्जंति । जे तत्थ सघायमावज्जंति, ते तत्थ परियावज्जंति, जे तत्थ परियावज्जंति ते तत्थ उद्दायंति ॥ ३५ ॥ एत्थ सत्थं अस-मारंभमाणस्स इच्चंत आरंभा परिण्णयाया भवंति ॥ ३६ ॥ तं परिण्णाय मेहावी नेव सयं अगणिसत्थं समारंभेज्जा, नेवजेहिं अगणिसत्थं समारंभावेज्जा, अगणिसत्थं समा-रंभमाणे अन्ने न समणुजाणेज्जा । जस्सेने अगणिकम्मसमारंभा परिण्णयाया भवंति, से हु मुणी परिण्णायकम्मे ति बेमि ॥ ३७ ॥ चउत्थोद्देशो ॥

तं णो करिस्सामि समुद्राए मत्ता मतिमं, अभयं विदिता, तं जे णो कए, एसो-वरए, एत्थोवरए, एम अणगारे ति पवुच्चइ ॥ ३८ ॥ जे गुणेसे आवदे जे आवदे से गुणे ॥ ३९ ॥ उक्कं-अहं-तिरियं-पाईणं पाममाणे रुवाटं पामइ, सुणमाणे मद्दाई सुणइ, उक्कं-अहं-तिरियं पाईणं मुच्छमाणे रुवेमु मुच्छति, मदेमु यावि एम लोणं वियाहिए । एत्थ अगुत्ते अणाणाए पुणो पुणो गुणामाते वंक्कमायारे पमत्तेऽगार-मावसे ॥ ४० ॥ लज्जमाणा पुटो पाम, अणगारा मोति एगे पवदमाणा । जमिणं विरूक्करूवेहिं सत्येहिं वणस्सइकम्मसमारंभेणं वणस्सइसत्थं ममारभमाणा अण्णे अणेगरूवे पाणे विहिंसति ॥ ४१ ॥ तत्थ खलु भगवया परिण्णा पवेदिता । इमस्स च्चैव जीवियस्स परिवदण, माणण, पूयणाए, जातिमरण मोयणाए दुक्खपडिघायहेउं से सयमेव वणस्सइसत्थं ममारंभइ, अण्णेहि वा वणस्सइसत्थं ममारंभावेइ, अण्णे वा वणस्सइसत्थं ममारभमाणे समणुजाणइ, तं से अहियाए, तं से अवोहीए ॥ ४२ ॥ से तं संबुज्जमाणे आयाणीयं समुद्राए सोच्चा भगवओ, अणगाराणं वा अंतिए उह मेगेसि णायं भवति-एस खलु गंधे एस खलु मोहे एस खलु मारे एस खलु णरए । इच्चत्थं गत्थिए लोए; जमिणं विरूक्करूवेहिं सत्येहिं वणस्सइकम्मसमारंभेणं वणस्सइसत्थं ममारंभमाणे अन्ने अणेगरूवे पाणे विहिंसति ॥ ४३ ॥ से बेमि.-इमंपि जाइधम्मयं, एयंपि जाइधम्मयं, इमंपि बुद्धिधम्मयं एयंपि बुद्धिधम्मयं; इमंपि चिन्तमंतयं एयंपि चिन्तमंतयं; इमंपि छिन्नं मिलाति, एयंपि छिन्नं मिलाति; इमंपि आहारगं, एयंपि आहारगं; इमंपि अणिच्चयं, एयंपि अणिच्चयं; इमंपि असासयं, एयंपि असासयं; इमंपि चओवचइयं, [एयंपि चओवचइयं; इमंपि विपरिणामधम्मयं, एयंपि

विपरिणामधम्मयं ॥ ४४ ॥ एत्थ सत्थं समारंभमाणस्स इच्छेते आरंभा अपरिण्णाता भवन्ति । एत्थ सत्थं असमारंभमाणस्स इच्छेते आरंभा परिण्णाया भवन्ति । तं परिण्णाय मेहावी णेव सयं वणस्सइसत्थं समारंभेज्जा, णेवण्णेहिं वणस्सइसत्थं समारंभावेज्जा, णेवण्णे वणस्सइसत्थं समारंभंते समणुजाणेज्जा, जस्सेते वणस्सइसत्थसमारंभा परिण्णाया भवन्ति से हु मुणी परिण्णायकम्मे ति बेमि ॥ ४५ ॥ पंचमोद्देशो ॥

से बेमि, संतिमे नसा पाणा, तंजहा-अंडया, पोयया, जराउया, रसया, संसेयया, संमुच्छिमा, उच्चभयया, उववातिया, एम ममारंति पवुच्चति, मंदस्स अविद्याणतो ॥ ४६ ॥ णिज्जाइत्ता पडिलेहिन्ता पण्यं परिणिच्चाणं सव्वेसिं पाणाणं, सव्वेसिं भूयाणं, सव्वेसिं जीवाणं, सव्वेसिं मत्ताणं, अमातं अपरिणिच्चाणं, महच्चभयं दुक्खं ति बेमि ॥ ४७ ॥ तसंति पाणा पदिसोदिमासुय । तत्थ तत्थ पुढो पाम आउरा परितावेंति । सति पाणा पुढोभिता ॥ ४८ ॥ लज्जमाणा पुढो पास अणगारा मोत्ति एगे पवयमाणा जमिणं विरूवरूवेहिं सत्थेहिं तसकायममारंभेणं तसकायसत्थं समारंभमाणे अण्णे अणंगरूवे पाणे विहिंसद ॥ ४९ ॥ तत्थ खलु भगवया परिण्णा पवेदिता । इमस्स चैव जीवियम्म परिवदण, माणण, पूयणाए, जाइमरणमोयणाए, दुक्खपडिघायहेउं, से मयमेव तसकायसत्थं समारंभति, अण्णेहिं वा तसकायसत्थं समारंभावेड, अण्णे वा तसकायसत्थं समारंभमाणे समणुजाणति, तं से अहियाए, तं से अबोर्हाए ॥ ५० ॥ से तं संबुज्जमाणे आयाणीयं समुट्ठाय सोच्चा भगवजो, अणगारागं अतिए इहमेगेसिं णायं भवइ-एम खलु गंधं, एम खलु मोहे, एम खलु मारे, एम खलु णरए । इच्चत्थं गत्थिए लोएः जमिणं विरूवरूवेहिं सत्थेहिं तसकायममारंभेणं तसकायसत्थं समारंभमाणे अण्णे अणंगरूवे पाणे विहिंसति ॥ ५१ ॥ से बेमि-अप्पेगे अच्चाए वहन्ति, अप्पेगे अजिणाए वहन्ति, अप्पेगे मंभाए वहन्ति, अप्पेगे मोणिनाए वहन्ति, अप्पेगे हिययाए वहन्ति, एवंपिनाए वसाए-पिच्छाए-पुच्छाए-बालाए-विसाणाए-दंताए-दाढाए-णहाए-ण्हारूणीए-अट्ठीए-अट्ठीमिजाए-अठ्ठाए-अणठ्ठाए-अप्पेगे हिंसिसु मेत्ति वा वहन्ति, अप्पेगे हिंसन्ति मोत्ति वा वहन्ति, अप्पेगे हिंसिस्सन्ति मोत्ति वा वहन्ति ॥ ५२ ॥ एत्थ सत्थं समारंभमाणस्स इच्छेते आरंभा अपरिण्णाया भवन्ति एत्थ सत्थं असमारंभमाणस्स इच्छेते आरंभा परिण्णाया भवन्ति ॥ ५३ ॥ तं परिण्णाय मेहावी णेवमयं तसकायसत्थं समारंभेज्जा, णेवण्णेहिं तसकायसत्थं समारंभावेज्जा, णेवण्णे तसकायसत्थं समारंभंते समणुजाणेज्जा, जस्सेते तसकायसत्थसमारंभा परिण्णाया भवन्ति, से हु मुणी परिण्णायकम्मे ति बेमि ॥ ५४ ॥ इइ छट्ठोद्देशो ॥

पहू एजस्स दुगंल्लणाए, आर्यकदंसी अहियंति नच्चा । जे अज्झत्थं जाणइ, से बहिया जाणइ, जे बहिया जाणइ, से अज्झत्थं जाणइ । एयं तुल्लमञ्जेसि । इह संतिगया दविया णावकंखंति जीविउं ॥ ५५ ॥ लज्जमाणा पुढो, पास, अणगारा मोत्ति एगे पवयमाणाः जमिणं विरूवरूवेहि मत्थेहि, वाउकम्मसमारंभेणं वाउसत्थं समारभमाणे अण्णे अणे-गरूवे पाणे विहिमइ ॥ ५६ ॥ तत्थ खलु भगवया परिण्णा पवेइया, इमस्स च्चव जीवियस्स परिवंदण, माणण, पूयणाए, जाइमरणमोयणाए दुक्खपडिघायहेउं, से मयमेव वाउसत्थं समारंभति, अञ्जेहिं वा वाउसत्थं समारभवेति, अञ्जे वा वाउसत्थं समारंभते समणुजाणति, तं से अहियाए तं से अबोहीए ॥ ५७ ॥ से तं सवुज्जमाणे आयाणीयं समुट्ठाए मोच्चा भगवओ अणगाराणं अतिए इहमेगेमि णायं भवति-एम खलु गंथे, एम खलु मोहे, एम खलु मारे, एम खलु णराए । इच्चत्थं गर्गट्ठाए लोण, जमिणं विरूवरूवेहि मत्थेहिं वाउकम्मसमारंभेणं वाउसत्थं समारभमाणे अञ्जे अणेगरूवे पाणे विहिमति ॥ ५८ ॥ से वेमि, संति संपादमा पाणा, आहच्च संपयंति य फरिसं च खलु पुट्ठा एगे संचायमावज्जंति । जे तत्थ संचायमावज्जंति, ते तत्थ परि-यावज्जंति, जे तत्थ परियावज्जंति, ते तत्थ उदार्यंति ॥ ५९ ॥ एत्थ मत्थं समारंभ-माणस्स इच्चेते आरंभा अपरिण्णाया भवति । एत्थ मत्थं असमारभमाणस्स इच्चेते आरंभा परिण्णाया भवंति ॥ ६० ॥ तं परिण्णाय मेहावी णव मयं वाउसत्थं समारंभेज्जा, णेवच्चेहि वाउसत्थं समारभावेज्जा, णेवच्चे वाउसत्थं समारंभते समणु-जाणेज्जा । जस्सेते वाउसत्थसमारंभा परिण्णाया भवंति से हु मुणी परिण्णायकम्मं ति वेमि ॥ ६१ ॥ एत्थं पि जाणे उवादीयमाणा जे आयारे न रमंति, आरंभमाणा विणयं वयंति, छंदोवणीया, अज्झोववण्णा, आरंभयत्ता पकरंति मंगं ॥ ६२ ॥ से वसुमं मव्वसमण्णाणायपण्णाणेणं अपाणेणं अकरणिज्जं पावकम्मं णो अञ्जेसि ॥ ६३ ॥ तं परिण्णाय मेहावी णव मयं छज्जीवणिकायसत्थं समारंभेज्जा, णेवच्चेहि छज्जीवणि-कायसत्थं समारंभावेज्जा, णेवच्चे छज्जीवणिकायसत्थं समारंभते समणुजाणेज्जा । जस्सेते छज्जीवणिकायसत्थसमारंभा परिण्णाया भवंति, से हु मुणी परिण्णायक-म्मंति वेमि ॥ ६४ ॥ सत्तमोइसो ॥

॥ सत्थपरिण्णा णाम पदमज्झयणं समत्तं ॥

जे गुणे से मूल्लूण्णे, जे मूल्लूण्णे से गुणे, इति से गुणट्ठी महता परिंयावेणं पुणो पुणो वसे पमत्ते, तंजहा-माया मे, पिया मे, भाया मे, भइणी मे, भज्जा मे, पुत्ता मे, धूया मे, ष्हुसा मे, सहि-सयण-संगंथ-संयुया मे, विवित्तुवगरण-पविट्टण-भोयण-

च्छायणं मे, इच्छत्यं गच्छिणु लोए वसे पमत्ते ॥ ६५ ॥ अहोय राओ परियप्पमाणे,
 कालाकालसमुद्राई, संजोगट्टी, अट्टालोमी, आलुंपे, महसाकारे, विणिविट्टुच्चिंते
 एत्थ मत्थे पुणो पुणो ॥ ६६ ॥ अप्पं च खलु आउयं इहमेगेसि माणवार्णं; तंजहा सो-
 यपरिण्णाणेहिं, परिहायमाणेहिं, चक्खुपरिण्णाणेहिं परिहायमाणेहिं, घाणपरिण्णाणेहिं
 परिहायमाणेहिं, रमणापरिण्णाणेहिं परिहायमाणेहिं, फामपरिण्णाणेहिं परिहायमा-
 णेहिं, अभिक्कंतं च खलु वयं संपेहाए तओ से एगया मूढभावं जणयति ॥ ६७ ॥
 जेहिं वा सद्धिं संवमति, तेविणं एगया णियगा पुंवि परिच्चयंति । सो वि ते णियगे
 पच्छा परिवण्णा, णालं ते तव ताणाए वा, सरणाए वा । तुमं पि नेसि नालं
 ताणाए वा, सरणाए वा । से ण द्दामाए, ण किट्टाए, ण रत्तीए, ण विभ्म्याए, ॥ ६८ ॥
 उच्चवं समुट्टिए अहोवहागाए अतर च खलु इमं संपेहाए धीरो मुहुत्तमवि णो पमा-
 याए । वओ अच्चंड जोच्चवं च ॥ ६९ ॥ इह जीविणं जे पमत्ता । से हंता, छेत्ता,
 भेत्ता, लुंपित्ता, विलुंपित्ता, उह्वित्ता, उत्तामडत्ता, अकडं करिम्मामिति मण्ण-
 माणे ॥ ७० ॥ जेहिं वा सद्धिं संवमति ते वा णं एगया णियगा तं पुंवि पोमेति,
 सो वा ते नियगे पच्छा पोसिज्जा । णालं ते तव ताणाए वा, सरणाए वा । तुमं पि
 तेसि णालं ताणाए वा सरणाए वा ॥ ७१ ॥ उवाइयसेमेण वा संधिहिंसंणियओ-कि-
 ज्जति, इहमेगेसि असत्ताणं भोयणाए । तओ से एगया गेगम्ममुप्पाया समुप्प-
 जंति ॥ ७२ ॥ जेहिं वा सद्धिं संवमति ते वा णं एगया णियगा तं पुंवि परिहंति,
 सो वा ते णियगे पच्छा परिहरिज्जा । णालं ते तव ताणाए वा सरणाए वा तुमं पि
 तेसि नालं ताणाए वा सरणाए वा ॥ ७३ ॥ एवं जाणित्तु दुक्खं पत्तयं सारं, अणभि-
 क्तं च खलु वयं संपेहाए त्वगं जाणाहिं पंडिए ॥ ७४ ॥ जाव भोयपरिण्णाणा
 अपरिहीणा, जाव णेत्तपरिण्णाणा अपरिहीणा, जाव घाणपरिण्णाणा अपरिहीणा, जाव
 जीहपरिण्णाणा अपरिहीणा, जाव फामपरिण्णाणा अपरिहीणा, उच्चेतहिं विरुक्खवेहिं
 पक्काणेहिं अपरिहीणेहिं आयट्टं मम्मं समणुवासिज्जात्तिंति वेसि ॥ ७५ ॥ पढमो-
 हेसो समत्तो ॥

अरइं आउट्टं से मेहावी; खणंसि मुक्के ॥ ७६ ॥ अणाणाय पुट्टावि एगे णियट्टंति
 मंदा मोहेण पाउडा ॥ ७७ ॥ “अपरिगहा भविस्सामो” समुट्टाय लद्धे कामे
 अभिगाहंति, अणाणाए सुणियो, पडिलेहंति, एत्थं मोहे पुणो पुणो मण्णा, णो हव्वाए
 णो, पाराए ॥ ७८ ॥ विमुत्ता हु ते जणा, जे जणा पारगामिणो लोभं अलोभेण
 दुगंछमाणे लद्धे कामे आभिगाहइ, विणावि लोभं निक्खम्म एस अकम्मे जाणति
 पासति । पडिलेहाए णावकंखति, एम अणगारित्तिपक्वति ॥ ७९ ॥ अहोयराओ

परितप्पमाणे कालाकालसमुद्गाइ, संजोगट्टी, अट्टालोमी, आलुंपे, सहसाकारे, विणि-
विट्टुच्चिने एत्थ, सत्थे पुणो पुणो ॥ ८० ॥ से आयबले, से णाइबले, से सयणबले,
से मित्तबले, से पिच्चबले, से देवबले, से रायबले, से चोरबले, से अतिहिबले, से
क्किविणबले, से ममणबले, इच्चेतहिं विरूवव्वेहिं कज्जेहिं दंडसमायाणं संपेहाए भया
कज्जति । पावमुक्खुत्ति मण्णमाणे अट्टुवा आसंसाए ॥ ८१ ॥ तं परिण्णाय मेहावी,
णेव सयं एएहि कज्जेहिं दंडं समारंभिज्जा, णेवण्णं एएहि कज्जेहिं दंडं समारंभाविज्जा,
एएहिं कज्जेहिं दंडं समारंभंतेवि अण्णे णो समणुजाणिज्जा ॥ ८२ ॥ एम मग्गे
आयरीएहि पवेटिए, जहेत्थ कुमले णोवत्तिप्यज्जासिन्नि वेमि ॥ ८३ ॥ वीओ-
हेसो समत्तो ॥

से अमइं उच्चागोए, अमइं णीयागोए । णो हीणे, णो अइरित्ते, णोऽपीहए, इय
संखाय को गोयावादी, को माणावादी, कंस वा एगे गिज्जा ॥ ८४ ॥ नम्हा पंडिए
णो हरिसे, णो कुप्पे, भूएहिं जाण पडिलेह मातं, ममित्ते एयाणुपस्सी, तंजहा-
अंधत्तं, बहिरत्तं, मूयत्तं, काणत्तं, कुट्तं, खुज्जत्तं, वटभत्तं, मामत्तं, सबलत्तं, महप-
माएणं, अणंगरूवाओ ज्ञोणीओ, सभायति, विरूवव्वे फामे पारिंसेवेट्टे ॥ ८५ ॥
से अबुज्जमाणे हतोवहतं जाइमरणमणुपरियट्टमाणे ॥ ८६ ॥ जीवियं पुटो पियं
इहमेगेसि माणवाणं खित्तवत्तुममायमाणं ॥ ८७ ॥ आरत्तं विरत्तं मणिकुटलं, मह
हिरण्णेण इत्थियाओ पारिगिज्जति तन्थेव रत्ता ॥ ८८ ॥ “ण इत्थ तवो वा, दमो
वा, णियमो वा, दिस्सति,” मपुणं बालं जीविउक्कमे लालप्पमाणं मूढं विप्परियास-
मुवेति ॥ ८९ ॥ इणमेव णावकंवंति, जे जणा धुवचारिणोः जानीमरणं परिज्जाय,
चरे संक्रमणे दहे ॥ ९० ॥ णान्थे कालस्म णागमो ॥ ९१ ॥ मव्वे पाणा पिया-
उया, मुहमाया, दुक्खपडिकूला, अप्पियवहा, पियजीविग्गे, जीविउकामा, ॥ ९२ ॥
सव्वेसिं जीवियं पियं ॥ ९३ ॥ तं परिगिज्ज कृपयं चउप्पयं अभिजुंजिया णं,
संमिच्चियाणं, निविधेण जावि से तत्थ मत्ता भवइ अप्पा वा बहुगा वा से तत्थ
गक्खिए चिट्ठइ, भोयणाए ॥ ९४ ॥ तओ से एगया विविहं परिंसिट्ठं संभूयं महोवगरणं
भवति । तंपि से एगया दायाया वा विभयंति, अदत्तहारो वा से अवहरति, रायाणो
वा से विट्ठंति, णस्सति वा से, विणस्सति वा से, अगारदाहेण वा से इज्जइ ॥ ९५ ॥
इय से परस्सट्टाए कूराइं कम्माइं बाले पक्खवमाणे तेण वुक्खेण संमूढे विप्परिया-
समुवेति ॥ ९६ ॥ मुणिणा हु एयं पवेइयं ॥ ९७ ॥ अणोहंतरा एते, णय ओहं
तरिन्नाए, अतीरंगमा एते, णयतीरं गमिन्नाए । अपारंगमा एते णय पारं गमि-
न्नाए ॥ ९८ ॥ आयाणिज्जं च आयाय, तंमि ठाणे ण चिट्ठइ । वित्तं पप्पडखेयखे

तस्मि ठार्णमि चिट्ठइ ॥ ९९ ॥ उद्देसो पासगस्स णत्थि ॥ १०० ॥ बाले पुण णिहे कामसमणुणे असमिनदुक्खे दुक्खी दुक्खानमेव आवट्टं अणुपरियट्ठत्ति बेमि ॥ १०१ ॥
तद्दोद्देसो समसो ॥

ततो से एगया गोगममुप्पाया समुप्पज्जंति ॥ १०२ ॥ जेहि वा साद्धि संवमति, ते वा णं एगया णियया पुत्तिं पणिवयंति । सो वा ते णियगे पच्छा परिवड्ज्जा, णालं ते तव ताणाए वा, सरणाए वा, तुमं पि तेस्सि णालं ताणाए वा सरणाए वा ॥ १०३ ॥ जाणित्तु दुक्खं पत्तेयं मायं ॥ १०४ ॥ भोगा मेव अणुसोयंति-इहमेगेसि माणवाणं, तिविहेण, जावि सं तन्थ मत्ता भवइ, अप्पा वा, बहुगा वा, मे नन्थ गट्ठिए चिट्ठति, भोयणाए ॥ १०५ ॥ ततो से एगया विपरिसिट्ठं संभूयं महोवगरणं भवति, तं पि से एगया दायाया विभयंति, अदत्तहागे वा से हरति, रायाणो वा से विलुपंति, णस्मइ वा मे, विणस्मइ वा मे, अगारडाहेण वा से डज्जइ ॥ १०६ ॥ इय, मे बाले परस्स अट्ठाए कृणाणि कम्मणि पकुब्बमाणे तेण दुक्खेण महे विपरियाममुवेति ॥ १०७ ॥ आसं च छंठं च विगिं च धीरे ॥ १०८ ॥ तुमं च व तं यत्तमाहट्ठु ॥ १०९ ॥ जेणसिया तेण णो मिया ॥ ११० ॥ उणमेव णाव-बुज्जंति, जे जणा मोहपाउडा ॥ १११ ॥ धीलोणपव्वहिए ते भो वयंति “एयाइं आयतणाइं” ॥ ११२ ॥ से दुक्ख्वाए-मोहाए-माराए-णरगाए-णरगतिसि-क्ख्वाए ॥ ११३ ॥ मततं मूढे धम्मं णाभिजाणानि ॥ ११४ ॥ उदाहु वीरे, अप्प-मादो महामोहे ॥ ११५ ॥ अलं कुमलस्स पमादेणं, सति मरणं संपेहाए, मेउरधम्मं संपेहाए ॥ ११६ ॥ णालं पाग अलं ते एएहिं, एयं पस्स, सुणी ! महच्चयं ॥ ११७ ॥ णातिवाड्ज्ज कंचणं ॥ ११८ ॥ एग वीरे पमासिए-जे ण णिविज्जति आदाणाए ॥ ११९ ॥ “ण मे दंति” ण कुप्पिज्जा, थोवं लद्धं ण खिमए, पडिसेहियो परिण-मिज्जा, पडिल्लाभओ परिणमेज्जा ॥ १२० ॥ एयं भोणं समणुवासिज्जासिन्नि बेमि ॥ १२१ ॥
खउत्थोद्देसो समसो ॥

त्रयिणं विक्खरुवेहिं मत्थेहिं लोगस्स कम्मगमारंभा कज्जंति, तंजहा-अप्पणो से पुत्ताणं, धूयाणं, सुण्हाणं, णातीणं, धातीणं, राईणं, दामाणं, दासीणं, कम्मकराणं, कम्मकरीणं, आएसाए, पुढोपेहणाए, सामागाए, पायरासाए, मंणिहिं-संनिचओ कज्जइ, इह मेगेसि माणवाणं भोयणाए ॥ १२२ ॥ समुत्तुते अणगारे आरिए आरि-यदंसी, आनियपण्णे, अयंसंधित्ति, अदक्खु, से णादिए, णादिआवए, णादियंतं समणुजाणइ ॥ १२३ ॥ सब्बामगंभं परिण्णाय णिगमगंधो परिच्चए ॥ १२४ ॥ अदिस्समाणे कयविक्रएसु; से ण किजे, ण किणावए, किणंतं ण समणुजाणइ ॥ १२५ ॥

से भिक्खु कालण्णे-बालण्णे-मायण्णे-ख्येयण्णे-खणयण्णे-विणयण्णे-सममयण्णे-परसम-
 यण्णे-भावण्णे-परिगहं अममायमाणे, कालाणुठाई, अपडिञ्जे दुहओ छेत्ता,
 नियाइ ॥ १२६ ॥ वत्थं-पडिगहं-कंबलं-पायपुंछुगं-उम्गाहं च कड्ढासणं, एतेसु
 चेव जाणिज्जा ॥ १२७ ॥ लद्धे आहारे, अणगारो मायं जाणिज्जा, मे जहेयं भगवथा
 पवेइयं ॥ १२८ ॥ लाभुत्ति ण मज्जिज्जा, अलाभुत्ति ण मोडज्जा, बहुंपि लद्धं ण
 णिहे, परिगहाओ अप्पाणं अवसक्किज्जा, अण्णहा णं पायए परिहरिज्जा ॥ १२९ ॥
 एस मग्गे आयरिएहिं पवेदिने, जहित्थ कुमले णोवन्दिणपज्जासिन्ति वेमि ॥ १३० ॥
 कामा दुरतिक्रमा, जीवियं दुप्पडिवुहणं, कामकामां खलु अयं पुरिसे, मे सोयति,
 जूरति, तिप्पति, पिड्ढति, परितप्पति ॥ १३१ ॥ आययच्चक्ख लोगविपासी लोगम्म
 अहो भागं जाणति, उट्ठं भागं जाणति, तिरियंभागं जाणति ॥ १३२ ॥ गद्धिए
 लोए अणुपरियट्ठमाणे, संधि विदिता इह मच्चिएहि, एम वीरे पमस्मिणं ते बद्धे
 पडिमोयए ॥ १३३ ॥ जहा अंतो नहा बाहिं जहा वाहिं नहा अता ॥ १३४ ॥
 अतो पूतिदेहंतराणि पायति पुटोवि सर्वताइं पंडिए पडिलेहाए ॥ १३५ ॥ सं मदमं
 परिण्णाय माय हु लालं पचासी, मा तेसु तिरिच्छमप्पाणमावायए ॥ १३६ ॥ काम-
 कामे खलु अयं पुरिसे, बहुमाडे, कडेण मूढे, पुणां न करेइ लोभ, वेर वद्धुति
 अप्पणो ॥ १३७ ॥ जमिणं परिकट्टिज्जइ इमम्म चेव पडिवृत्तणयाए अमराय महा-
 सद्धी अट्टमेतं तु पेहाए ॥ १३८ ॥ अपरिच्चाय कंदति, मे तं जाणह जमहं वेमि
 ॥ १३९ ॥ ते इच्छं पंडिते पवयमाणे, मे हंता, छित्ता भित्ता, लंपहत्ता, विलंपहत्ता
 उद्दवत्ता, अकटं करिस्सासिन्ति मण्णमाणे, जम्मति य णं करेइ, अले वालम्म
 संगेणं, जे वा से कारड बाले, ण एवं अणगारम्म जायतान्ति वेमि ॥ १४० ॥

पंचमोद्देशो समस्तो ॥

से तं सबुद्धमाणे आयाणीयं समुट्ठाय तम्हा पावकम्मं णेव कुज्जा, ण कार-
 वेज्जा ॥ १४१ ॥ सिया तत्थागययं विपरामुसति, छसु अणययंमि, कापाति ॥ १४२ ॥
 सुहट्ठी लालप्पमाणो मण्ण दुक्खेण मूढे विपरियासमुवेति । मण्ण विपमाणं पुटो
 वयं पकुव्वति, जं सि मे पाणा पव्वहिया, पडिलेहाए णो णिकरण्याए एय परिण्णा
 पवुच्चति, कम्मोवसन्ता ॥ १४३ ॥ जे ममाइयमतिं जहाति, मे चयड ममाइयं मे हु
 दिट्ठुपहे मुणी जम्म, णत्थि ममाइतं ॥ १४४ ॥ तं परिण्णाय मेहावी विदिता लोगं
 वंता लोगसणं से मतिमं परिक्रमिज्जासिन्ति वेमि ॥ १४५ ॥ णारति महते वीरे,
 वीरे णो सहते रतिं । जम्हा अविमणे वीरे, तम्हा वीरे ण रज्जति ॥ १४६ ॥ संहं
 फासे अहियासमाणे, णिव्विद णंदि इह जीवियस्स ॥ १४७ ॥ मुणी भोगे ममायाय,

धुणे कम्मसरीरगं; पंतं ल्हं च सेवंति, वीरा संमलदंसिणो ॥ १४८ ॥ एम ओषंतरे
मुणी, तिन्ने मुने, विते वियाहितेत्ति बेमि ॥ १४९ ॥ दुक्कमुणी अणाणाए०
तुच्छए गिलाइ वणए ॥ १५० ॥ एस वीरे पसंसिए, अब्बेइ लोयसंजोयं, ॥ १५१ ॥
एस णाए पवुच्चइ, जं दुक्खं पवेदितं इह माणवाणं, तस्म दुक्खस्स कुसला परिण्ण-
मुदाहरति ॥ १५२ ॥ इति कम्मं परिण्णाय सव्वसो ॥ १५३ ॥ जे अणजदंसी ने
अण्णारामे, जे अण्णारामे से अण्णदंसी ॥ १५४ ॥ जहा पुण्णस्स कत्थति
तहा तुच्छस्स कत्थति, जहा तुच्छस्स कत्थति तहा पुण्णस्स कत्थति ॥ १५५ ॥
अविय हणे अणातियमाणे । एत्थंपि जाण, मेयंति णत्थि ॥ १५६ ॥ केयं पुरिसं
कंच णए ? एम वीरे पसंसिए, जे बद्धे पडिमोयए, उद्धु अहं तिरियं दिमासु ॥ १५७ ॥
से गव्वतो मव्वपरिण्णाचारि ण लिप्पति छणपएण, वीरे ॥ १५८ ॥ से, मेहावी
अणुत्थायणखेयत्ते जे य ब्रधपमुक्खमजेसी ॥ १५९ ॥ कुमले पुण णो बद्धे, णो
मुक्के ॥ १६० ॥ से जं च आरमे ज च णारमे । अणारद्धं च ण आरमे ॥ १६१ ॥
छुणं छुणं परिण्णाय लोममलं च मव्वयो ॥ १६२ ॥ उट्ठो पामगस्स णत्थि
॥ १६३ ॥ बाले पुणे णिहे कामसमणुत्ते अममित्तदुक्खे दुक्खी दुक्खवाणमेव आवहं
अणुपमित्तदुक्खं वेमि ॥ १६४ ॥ छट्ठोहंनो समत्तो ॥

लोगविजय णाम वीअमज्झयणं समत्तं ॥

मुत्ता अमुणी मुण्णिणे सया जागरंति ॥ १६५ ॥ लोयंसि जाण अहियाय
दुक्खं ॥ १६६ ॥ ममयं लोगस्स जाणित्ता, इत्थं सत्थोवगए ॥ १६७ ॥ जास्समे
सहा य-क्खाय-भा य-ग्गा य-फामा य-अहिसमज्जागया भवंति, से आयवं-णाणवं-
वेयवं-धम्मवं-बंधव- पक्षाणहिं परियाणइ लोयं, मुणीति वुच्चे धम्मविऊ, उज्जू आव-
ट्ठाए संगमभिजाणति, सीउत्तिणच्चाइ, से निग्गेयं, अइरट्ठमहे फलमयं णो वेदंति,
जागरे-वेगोवगए-धीरे एवं दुक्खा पमुच्चति ॥ १६८ ॥ जग्गमक्खुवसोवणीए णरे सययं
मुहे धम्मं णाभिजाणाति ॥ १६९ ॥ पात्तिय आउरपाणे, अप्पमतो परिव्वए ॥ १७० ॥
मंता य, मइमं-पाम ॥ १७१ ॥ आरंभजं दुक्खमिग्गंति णच्चा, माइ पमाइ पुण-एइ
गव्वं, उव्वेहमाणो सहक्खेमु उज्जू, मारारिभिसंकी मरणा पमुच्चति ॥ १७२ ॥ अप्पमतो
कामेहिं, उवरतो पावक्खमेहिं, वीरे आयगुत्ते खेयत्ते ॥ १७३ ॥ जे पज्जवजायम-
रथस्स खेयत्ते, से अमत्थस्स खेयत्ते; जे अमत्थस्स खेयत्ते, से पज्जवजाय सत्थस्स
खेयत्ते ॥ १७४ ॥ अकम्मस्स ववहागे न विज्जइ, कम्मुणा उवाही जायइ ॥ १७५ ॥
कम्मं च पडिलेहाए, कम्ममूलं च जं छुणं ॥ १७६ ॥ पडिलेहिय, सव्वं समाशाय

दोहिं अंतेहिं अदिस्समाणे ॥ १७७ ॥ तं परिण्णाय मेहावी विदिता लोगं, वंता लोगसज्जं से मइमं परक्कमिज्जासिति बेमि ॥ १७८ ॥ **पढमोहेसो समत्तो ॥**

जातिं च वुद्धिं च इहज्ज पासे, भूतेहि जाणे पडिलेह मातं । तम्हाऽतिविज्जो परमंति ण्खा, समनदंसी ण करेति पावं ॥ १७९ ॥ उम्मंच पासं इह मच्चिएहि, आरंभजीवी उभयाणुपस्सी । कामेसु गिद्धा णिचयं करेति । संसच्चमाणा पुणरिति गब्भं ॥ १८० ॥ अवि से हासमासज्ज, हंता णंदीति मच्चति । अलं बालम्म संगेणं वेरं वद्धेति अप्पणो ॥ १८१ ॥ तम्हा-तिविज्जो परमंति ण्खा, आयकदंसी ण करेति पावं ॥ १८२ ॥ अगं च मूलं च विगिच धीरे, पलिच्छिदिया णं णिक्कम्मदंसी ॥ १८३ ॥ एस मरणा पमुच्चति, से हु दिठ्ठभए मुणी, लोदंसी परमदंसी विविभजीवी उवसंते समिते सहिते सयाजए कालकंखी परिच्चए ॥ १८४ ॥ बहुं च खलु पावकम्मं पगडं, मच्चंमि धिइं कुव्वहा, एत्थोवरए मेहावी मच्चं पावकम्मं झोमति ॥ १८५ ॥ अणेगच्चित्ते खलु अयं पुरिसं, सं केयणं अरिहए पूरिण्णए सं अन्नवहाए, अण्णपरियावा ए अण्णप्परिग्गहाए, जणवयवहाए, जणवयपरियावाए, जणवयपरिग्गहाए ॥ १८६ ॥ आसंविता एतमठ्ठं इच्चवेगे समुट्ठिया, तम्हा तं चिदयं नो सेवे णिम्मारां पामिय णाणी ॥ १८७ ॥ उववायं चवगं ण्खा, अण्णणं चर माहणे ॥ १८८ ॥ से ण छणं-ण छणावए, छणंतं णाणुजाणइ ॥ १८९ ॥ णिच्चिदं णंदि अरत्ते पयानु, अणोमदंसी णिसने पावेहि कम्महिं ॥ १९० ॥ कोहाडमाणं हणिया य वीरे, लोभम्म पासे णिरयं महंतं । तम्हाय वीरे विरते वहाओ, छिदिच्च सोयं लहुभूयगामां ॥ १९१ ॥ गंथं परिचाय इहज्ज वीरे, सोयं परिण्णाय चरिज्ज दंते । उम्मज्ज लद्धं इह माणवेहिं, णो पाणिणं पाणे समारभिज्जासि-त्ति बेमि ॥ १९२ ॥ **वीओहेसो समत्तो ॥**

संधिं लोगस्स जाणित्ता ॥ १९३ ॥ आययो बहिया पास, तम्हा ण हंताण-विचायये ॥ १९४ ॥ जमिणं अन्नमच्चवितिगिच्छाणं पडिलेहाए ण करेइ पावं कम्मं, किं तत्थ मुणी कारणं सिया? समयं तत्थवेहाए अण्णणं विप्पसायए ॥ १९५ ॥ अण्णणपरमं नाणी, णो पमाए कयाडवि । आययुत्ते मया धीरे, जायामायाइ जावए ॥ १९६ ॥ विरागं रुवेहिं गच्छिज्जा महता खुडुएहिं य ॥ १९७ ॥ आगतिं गतिं परिण्णाय दोहिंवि अंतेहिं अदिस्समाणेहिं से ण छिज्जइ, ण भिज्जइ, ण डज्जाइ, ण हम्मइ कंचणं सब्बलोए ॥ १९८ ॥ अवरेण पुब्धिं ण मरंति एगे, किमस्मतीतं किन्नाऽऽगमिस्सं । भासंति एगे इह माणवाओ, जमस्मतीतं तं आगमिस्सं ॥ १९९ ॥ णातीतमठ्ठं णय आगमिस्सं, अठ्ठं निअच्छंति तहामया उः विधूतकप्पे एताणुपस्सी, णिज्जोसइत्ता खवगे महेसी ॥ २०० ॥ का अरइं! के आणंठे? एत्थपि अग्गहे

चरे । मर्व्वं हासं परिचञ्ज, आलीणगुत्तो परिव्वए ॥ २०१ ॥ **पुरिसा, तुममेव तुमं मिच्चं, किं बहिया मिच्चमिच्छसि ॥ २०२ ॥** जं जाणिज्जा उच्चालइयं तं जाणिज्जा दूरालइयं, जं जाणिज्जा दूरालइयं तं जाणेज्जा उच्चालइयं ॥ २०३ ॥ पुरिसा ! अत्ताणमेवं अभिणिगिज्ज एवं दुक्खा पमुच्चसि ॥ २०४ ॥ पुरिसा ! मच्चमेव समभिजाणाहि, मच्चस्साणाए मे उवाठ्ठए मेहावी मारं तरति, सहिओ धम्ममायाय मेयं समणुपम्मति ॥ २०५ ॥ दुहओ, जीवियस्स परिवंदणमाणणपूयणाए, जंस्स एगे पमार्यंति ॥ २०६ ॥ यहिओ दुक्खमत्ताए पुट्ठो णो झंझाए; पासिंमं दविए लोए लोयालोयपवंचाओ मुच्चइत्ति वेमि ॥ २०७ ॥ **तइओहेसो समत्तो ॥**

से वंता कोहं च, माणं च, मार्यं च, लोभं च, एयं पामगस्स टंमणं, उवरयसन्थस्स पत्थियंतकरस्स आयाणं सगट्ठिभ ॥ २०८ ॥ **जे एगं जाणइ से सव्वं जाणइ, जे सव्वं जाणइ से एगं जाणइ ॥ २०९ ॥ सव्वतो पमत्तस्स भयं, सव्वतो अप्पमत्तस्स णत्थि भयं ॥ २१० ॥** जे एगं णामे मे बहुं णामे, जे बहुं णामे मे एगं णामे ॥ २११ ॥ दुक्खं लोयस्स जाणिता, वंता लोगस्स संजोगं, जंति वीग महाज्जाणं, परेण परं जंति, नावक्खंति जीवियं ॥ २१२ ॥ एगं विगिच्चमाणे पुट्ठो विगिच्चइ पुट्ठो विगिच्चमाणे एगं विगिच्चइ ॥ २१३ ॥ सद्धा आणाए मेहावी ॥ २१४ ॥ लोणं च आणाए अभिममेच्च अकुओभयं ॥ २१५ ॥ अत्थि मत्थं परेण परं, णत्थि अमत्थं परेण परं ॥ २१६ ॥ जे कोहदंसी से माणदंसी, जे माणदंसी से मायादंसी, जे मायादंसी से लोभदंसी, जे लोभदंसी से पिच्चदंसी, जे पिच्चदंसी से दोमदंसी, जे दोमदंसी से मोहदंसी, जे मोहदंसी से गच्चदंसी, जे गच्चदंसी से जम्मदंसी, जे जम्मदंसी से मारदंसी, जे मारदंसी से णरयदंसी, जे णरयदंसी से निरियदंसी, जे तिरियदंसी से दुक्खदंसी ॥ २१७ ॥ से मेहावी अभिनिवट्टिज्जा, कोहं च-माणं च-मायं च-लोहं च-पिच्चं च-टोमं च-मोहं च-गच्चं च-जम्मं च-भरणं च-अरणं च-तिरियं च-दुक्खं च-एयं पामगस्स टंमणं उवरयसन्थस्स पत्थियंतकरस्स ॥ २१८ ॥ आयाणं णिसिद्धा सगट्ठिभ ॥ २१९ ॥ किमत्थि ओवाहि पासगस्स ? ण विच्चइ ! णत्थिन्ति, वेमि ॥ २२० ॥ **चउत्थोहेसो समत्तो ॥**

सीयोसणीयं तइयज्जयणं समत्तं

से वेमि—जेय अईया, जेय पटुप्पत्ता, जेय आगमिस्सा-अरहंता भगवंतो ते सव्वे, एव-माइक्खंति-एवं भासंति-एवं पण्णविति, एवं परुविति—सव्वे पाणा, सव्वे भूया, सव्वे जीवा, सव्वे सत्ता, ण हंतव्वा, ण अज्जावेयव्वा, ण परिधितव्वा, ण

परितावेयव्वा, ण उह्वेयव्वा, ॥ २२१ ॥ एस धम्मं मुद्धे, णिइए-सामए-समिच्च लोयं
खेयजेहि पवेइए, तंजहा-उट्ठिएसु वा, अणुट्ठिएसु वा, उवट्ठिय-अणुवट्ठिएसु वा, उव-
रयदंडेसु वा, अणुवरयदंडेसु वा, सोवहििएसु वा, अणोवहििएसु वा, संजोगरएसु वा,
असंजोगरएसु वा ॥ २२२ ॥ तच्चं चेयं तथा चेयं अस्मिं चेयं पवुब्बड ॥ २२३ ॥
तं आइत्तु ण णिहे ण णिक्खिंस्ववे, जाणित्तु धम्मं जहा तथा ॥ २२४ ॥ दिट्ठेहि णिव्वेयं
गच्छिज्जा ॥ २२५ ॥ णो लोगस्सेसणं चरे ॥ २२६ ॥ जम्म णत्थि इमा जाइं अन्ना
तस्म कओ सिया ! ॥ २२७ ॥ दिट्ठं मयं मयं विच्चायं, जमेयं परिकहिज्जड ॥ २२८ ॥
समेमाणा पळेमाणा पुणो पुणो जाति पकणंपति ॥ २२९ ॥ अहोय राओय जयमाणं
धीरे सया आगयपन्नाणं, पमत्ते बहिया पाम अप्पमत्ते सया परिक्खिमिज्जासिंति
बेसि ॥ २३० ॥ **पढमोदेसो समत्तो ॥**

जे आमवा ते परिस्सवा, जे परिस्सवा ते आमवा ॥ २३१ ॥ जे अणामवा
ते अपरिस्सवा, जे अपरिस्सवा ते अणामवा ॥ २३२ ॥ एए पणं सवुज्जमाणे लोयं
च आणाए अभिससिच्चा पुटो पवेइयं ॥ २३३ ॥ आघाड णाणी इह माणवाणं
संसारपडिवन्नाणं संबुज्जमाणणं विच्चाणपन्नाणं, अट्ठावि संता अट्ठा पमत्ता, अह
सच्च सिगंति-बेसि ॥ २३४ ॥ नाणागामो मच्चुमुहम्म आत्थि । इच्छापणीया वंका-
णिकेया कारुणगहीआ णिचयणविट्ठा पुटो पुटो जाइं पकणंपति, ॥ २३५ ॥ इह-
मेगंसिं तत्थ तत्थ सथवो भवति । अहोववाइए फास पडिमंवेयंति ॥ २३६ ॥ चिट्ठं
कुरेहिं कम्महिं, चिट्ठं परिचिट्ठति; अचिट्ठं कुरेहिं कम्महिं णो चिट्ठं परिचिट्ठति ॥ २३७ ॥
एगे वयंति अट्ठावि णाणी, णाणी वयंति अट्ठावि एगे ॥ २३८ ॥ आबंती कंयावंती
लोयंसिं समणा य माहणाय पुटो विवायं वदंति, “मे दिट्ठं च णे, मयं च णं, मयं च
णे, विण्णायं च णे, उट्ठं अहं तिरियं दिमासु मच्चतो न्पडिलेहियं च णे मच्चे पाणा,
मच्चे भूया, सच्चे जीवा, सच्चे सत्ता-हंतव्वा-अज्जावेयव्वा-परिघेतव्वा-परियावेयव्वा-
उह्वेयव्वा । एत्थं पि जाणह, णत्थित्थ दोसो ।” अणारियवयणमेयं ॥ २३९ ॥ तत्थ
जे ते आरिया, ते एवं वयासी- “मे द्वाइट्ठं च मे, दुम्मयं च मे, दुम्मयं च मे,
दुव्विच्चायं च मे, उट्ठं, अहं, तिरियंदिमासु मच्चतो दुप्पडिलेहियं च मे, जं णं नुब्बे
एवमाइक्खह, एवं भामह, एवं परुवेह-एवं पन्नवेह-सच्चे पाणा-मच्चे भूया-सच्चे जीवा-
मच्चेसत्ता, हंतव्वा, अज्जावेयव्वा, परिघेतव्वा-परियावेयव्वा-उह्वेयव्वा-णत्थवि
जाणह नत्थित्थ दोसो ।” अणारियवयणमेयं ॥ २४० ॥ वयं पुण एवमाइक्खामो,
एवं भामामो, एवं परुवेमो, एवं पन्नवेमो, “मच्चे पाणा, सच्चे भूया, सच्चे जीवा,
सच्चे सत्ता, ण हंतव्वा, ण अज्जावेतव्वा, ण परिघेतव्वा, ण परियावेयव्वा, ण उह्वे-

वेयव्वा, एत्थवि जाणह, णत्थित्थ दोसो ।' आरियवयणमेयं ॥ २४१ ॥ पुवं
निकायस्समयं, पत्तेयं पत्तेयं पुच्छिस्सामो, हं भो पवादिया, किं मे सायं दुक्खं उदाहु
अमायं ? समिया पडिवन्ने यावि एवं वुया,—सव्वेमि पाणाणं, सव्वेमि भूयाणं,
सव्वेमि जीवाणं, सव्वेमि सत्ताणं, अमायं, अपाणिव्वाणं महच्चमयं दुक्खं ति
वेमि ॥ २४२ ॥ **वीओहेसो समत्तो ॥**

उवेहि णं वहिया य लोयं, से सव्वलोयंमि जे केइ विवृ ॥ २४३ ॥ अणुवीड
पाम, णिक्खिस्सलदंडा जे केइ मत्ता पत्थियं चयंति, णरे मुयच्चा धम्मविदुत्ति अज्जः
आरंभजं दुक्खमिणंति णच्चा, एवमाहु मंमलदंमिणो ॥ २४४ ॥ ते सव्वे पावाडया
दुक्खम्म कुमला परिच्चमुदाहरंति, इति कम्मं परिच्चाय मव्वसो ॥ २४५ ॥ इह
आणाक्खी पडिए अणिहे, एगमप्पाणं मंपेहाए धुणे मरीरं ॥ २४६ ॥ कसेहि
अपणं, जरेहि अप्पाण ॥ २४७ ॥ जहा जुत्ताटं कट्टाटं हव्ववाहो पमत्थयति, एवं
अत्तममाहिणं अणिहे ॥ २४८ ॥ विगिच्च कोहं अविक्कंमणे, उमं णिक्कदाउयं मंपेहाए
॥ २४९ ॥ दुक्खं च जाण अदुवागमेस्सं, पुटो फामाडं च फामे, लोयं च पास, विक्क-
दमाणं ॥ २५० ॥ जे णिव्वुडा, पात्रेहि कम्महेहि अणियाणा ते वियाहिया ॥ २५१ ॥
तम्हाडतिविज्जो णो पडिसंजलिज्जातिनि वेमि ॥ २५२ ॥ **तइओहेसो समत्तो ॥**

आवीलणं, पवीलणं निप्पीलणं, जहिन्ना पुव्वसंजोगं हिच्चा उव्वसमं ॥ २५३ ॥
तम्हा अविमणं वीरे, मारणं ममिणं, महिते सया जए ॥ २५४ ॥ दुरणुचरो मग्गो
वीरणं अणियद्दगामाणं ॥ २५५ ॥ विगिच्च मंससाणियं, एम पुग्गिसे दवीए वीरे
आयाणिजे वियाहिणं, जे धुणाड समुत्सयं वमिन्ना बंभच्चरंमि ॥ २५६ ॥ णित्तेहिं
पत्तिच्छित्तेहिं आयाणसोयगाद्रूपे वारं, अव्वोच्छिन्नचंधणे अणाभक्कतसंजोए । तमंमि
अविज्जाणओ आणाए लंभो णत्थिन्नि वेमि ॥ २५७ ॥ जस्स नत्थि पुग्ग पच्छा,
मज्जे तस्स कुओ मिया ? ॥ २५८ ॥ मे हु पत्ताणमंतं बुद्धे आरंभोवरए, मम्ममेयंति
पामह, जेण बंधं वहं घोरे परितावं च दाळणं ॥ २५९ ॥ पत्तिच्छिदिय बाहिरणं
च सोयं, णिक्कम्मदंसी इह मत्थाएहि ॥ २६० ॥ कम्मणं मफलं दट्टूण तओ णिज्जइ
पुव्ववी ॥ २६१ ॥ जे खलु भो ! वीरा ते ममिता सहिता सयाजता संघटदंसिणो
आतोवरया अहातहं लोगमुवेहमाणा पाडेणं पडीणं दाहीणं उडीणं इति सच्चंसि परि-
चिहिंसु ॥ २६२ ॥ साहिस्सामो णाणं वीरणं समियाणं सहियाणं, सयाजतारणं
सघडदंसिणं आतोवरयाणं अहातहं लोगसमुवेहमाणाणं किम्मत्थि उवाधी ? पासगस्स
ण विज्जति णत्थिन्नि वेमि ॥ २६३ ॥ **चउत्थोहेसो समत्तो ॥**

सम्मत्तं णाम चउत्थमज्जयणं समत्तं

आवंती केयावंती लोयंसि विप्परामुसति अट्टाए अणट्टाए वा । एएसु चैव विप्परामुसंति, गुरु से कामा, तओ से मारंते, जओ से मारंते, तओ से दूरे, णेव से अंतो णेव से दूरे ॥ २६४ ॥ से पामति फुसियमिव कुमग्गे पणुणं णिवइतं वाते-रितं, एवं बालस्स जीवियं मंदस्स अविजाणओ ॥ २६५ ॥ कूराइं कम्मार्इं बाळे पकुव्वमाणे तेण दुक्खेण मूढे विपरियाममुवेति, मोहेण गब्भं मरणाइ एति, एत्थ मोहे पुणो पुणो ॥ २६६ ॥ संसयं परियाणतो संसारे परिण्णाते भवति, संसयं अपरिजाणओ संसारे अपरिण्णाते भवति ॥ २६७ ॥ जे छेए से मागारियं ण सेवइ ॥ २६८ ॥ कट्टु एवं अविजाणओ वितिया मंदस्स बालया ॥ २६९ ॥ लद्धा हरुत्था पडिल्लेहाए आगमिन्ना आणविज्जा अणामेवणर्यात्ति वेमि ॥ २७० ॥ पासह एगे ह्वेसु गिद्धे परिणिज्जमाणे, इत्थ फासे पुणो पुणो, आवंती केयावंती लोयंसि आरंभजीवी ॥ २७१ ॥ एएसु चैव आरंभजीवी, इत्थवि बाळे परिपच्चमाणे रमति पावेहि कम्महिं असरणे सरणंत्ति मण्णमाणं ॥ २७२ ॥ एहमेगमिं एगचारिया भवति, से बहुकोहे, बहुमाणे बहुमाए बहुलोहे बहुगए बहुनडे बहुमडे बहुसंकापे, आमवमत्ती पलिउच्छन्ने उट्टियवायं पवयमाणं “मा मे केड अदक्खू” अण्णाणपमायदोमेगं, सययं मूढे धम्मं णाभिजाणाइ ॥ २७३ ॥ अइ पया माणव! कम्मकोविया जे अणुवरया अविज्जाए पलिमुक्खमाहु आवइमेव अणुपरियट्ठंति वेमि ॥ २७४ ॥

पदमोहेसो समत्तो ॥

आवंती केयावंती लोए अणारभजीविणो तेसु ॥ २७५ ॥ गुर्योवरए नं झोममाणे “अयं संधीति” अदक्खु, जे इमस्स विग्गहम्म अयं खणंत्ति अत्तेसी ॥ २७६ ॥ एस मग्गे आरिएहिं पवेदिते, उट्टिए णो पमायए, जाणि तु दुक्खं पत्तंयं सायं ॥ २७७ ॥ पुटो छंदा इह माणवा, पुटो दुक्खं पवेदितं, से अविहिंसमाणे अणवयमाणे, पुटो फासे विपपणुनए । एस समिया परियाए वियाहितं ॥ २७८ ॥ जे अमत्ता पावेहिं कम्महिं उदाहु ते आर्यका फुसांत इति उदाहु धीरे ते फासे पुटो अहियामइ ॥ २७९ ॥ से पुव्वं पेयं, पच्छापेयं भिउरधम्मं विद्धेमणधम्मं-अबुवं अणितियं अमासयं चयावचइयं विप्परिण्णामधम्मं, पामह एयं व्वमधि ॥ २८० ॥ समुपेहमाणस्स इकाययणरयस्स इह विप्पमुक्कस्स णत्थि मग्गे विरयस्सति वेमि ॥ २८१ ॥ आवंती केयावंती लोयंसि परिग्गहावंती; -से अपं वा, बहुयं वा, अणं वा, थूलं वा, चित्तमंतं वा, अचित्तमंतं वा, एतेसु चैव परिग्गहावंती ॥ २८२ ॥ एवमेवगेसिं महच्चभयं भवति, लोगवित्तं च णं उवेहाए ॥ २८३ ॥ एए संगे अविजाणतो से सुपांडवदं सुवणीयंति णत्था, पुरिसा! परमच्चक्खं विप्परिक्रया, एतेसु

चेव बंधचेरं ति बेमि ॥ २८४ ॥ से सुयं च मे, अज्ज्ञत्थयं च मे, बंधप्पुक्खो
अज्ज्ञत्थेव ॥ २८५ ॥ इत्थ विरते अणगारे कीहरायं तितिकखण ॥ २८६ ॥ पमत्ते
बहिया पाम, अप्पमत्तो परिव्वए ॥ २८७ ॥ एयं मोगं सम्मं अणुवासिजासिति
बेमि ॥ २८८ ॥ **वीयोहेसो समत्तो ॥**

आवंती के यावंती लोयंसि अपरिग्गहावंती एएसु चेव अपरिग्गहावंती सुच्चा वई
मेहावी, पंडियाण णिसामिया ॥ २८९ ॥ समियाए धम्मं आरिएहिं पवेदिते
जहित्य मए संधी झोसिए एवमण्णत्थ संधी दुज्जोसए भवति, तम्हा बेमि णो
णिर्हाणज्ज वीरियं ॥ २९० ॥ जे पुच्चुट्ठाई णो पच्छाणिवाइ, जे पुच्चुट्ठाई पच्छाणि-
वाइ, जे णो पुच्चुट्ठाई णो पच्छाणिवाइ, सेऽवि तारंसिए मिया, जे परिण्णाय लोम-
मण्णस्यंति, एय णियाय मुणिणा पवेदितं ॥ २९१ ॥ इह आणाकंखी पंडिए
अणिहे, पुच्चावगरायं जयमाणे मया सीलं सुपेहाए ॥ २९२ ॥ सुणिया भवे अक्कामे
अजंझे ॥ २९३ ॥ इमेण चेव जुज्जाहि, किं ते जुज्जेण वज्जओ ? जुद्धारिहं खलु
दुद्धं ॥ २९४ ॥ जहित्य कुम्लोहं परिच्चाविवेगे भासिए, चुए हु बाले गम्भाइसु
रज्जइ ॥ २९५ ॥ अस्मि चेरं पच्चुच्चति, रुवंसि वा छर्मसि वा ॥ २९६ ॥ से हु
एयं संविदपहे मुणी, अण्णहा लोममुवेहमाणे ॥ २९७ ॥ इति कम्मं परिण्णाय
सव्वसां से ण हिंसति संजमति णो पगम्भति, उवेहमाणो पत्तेयं सायं ॥ २९८ ॥
वच्चाएसी णारमे कंचरं मव्वलोए, एगप्पमुहे विदिमप्पइं निव्विज्जचारी अरए
पयामु ॥ २९९ ॥ से वसुमं मव्वसमच्चागयपच्चाणेयं अप्पाणेयं अकरणिजं पावकम्म
तं णो अज्जेसी ॥ ३०० ॥ जं सम्मं ति पामहा तं मोगं ति पासहा, जं मोगं ति
पासहा तं सम्मं ति पामहा ॥ ३०१ ॥ ण इमं मङ्गं सिद्धिहेहिं अहिज्जमाणेहिं
गुणासाएहिं वंक्खमायारेहिं पमत्तेहिं गारमावसत्तेहिं ॥ ३०२ ॥ मुणी मोगं ममायाए,
धुणे कम्मसरीरगं, पंतं लहं सेवंति, वीरा समत्तदंसिणो ॥ एस ओहं तरे मुणी,
तिण्णे मुत्तं विरए वियाहिएत्ति बेमि ॥ ३०३ ॥ **तइयोहेसो समत्तो ॥**

गामाणुगामं दूइज्जमाणस्स दुज्जातं दुपरत्तंतं भवति अवियत्तस्स भिक्खुणो
॥ ३०४ ॥ वयसावि एगे बुइया कुप्पंति माणवा, उच्चयमाणे य णरे महता मोहेण
मुज्झति, सबाहा बहवे भुज्जो २ दुरतिक्रमा अजाणतो, अपासतो, एयं ते मा होउ,
एयं कुम्लस्स दंसणं ॥ ३०५ ॥ तद्दिठीए तम्मुत्तीए तप्परुकारे तस्सन्धी तन्निवेसणे
जयं विहारी चिन्तणिवाती पंथणिज्जाती पलिबाहिरे, पासिय पाणे गच्छिज्जा । से
अभिक्रममाणे पडिक्कममाणे संकुचमाणे पसारमाणे विणिवट्टमाणे संपल्लिमज्जमाणे
॥ ३०६ ॥ एगया गुणसमियस्स रीयतो कायसफासं समणुच्चिच्चा एगतिया पाणा
२ सुत्ता०

उद्धार्यति; इह्लोगवेयणविज्जावडियं, जं आउट्टिकयं कम्मं तं परिचाय विवेगेमेति, एवं से अप्पमाणं विवेगं किट्टति पुव्ववी ॥ ३०७ ॥ से पभूयदंसी पभूयपरिचाणे उवसते समिणं सहिते सयाजए, दट्टु विप्पडिवेदेति अप्पणं, “किमेस जणे करिस्सति ! एम से परमारामो जाओ लोगमि इन्धीओ”, मुणिणा हु एतं पवेदितं ॥ ३०८ ॥ उव्वाहिज्जमाणे गामभम्मोहिं अवि णिव्वलासाए, अवि ओमोयसियं कुज्जा, अवि उड्डं ठागं ठाडज्जा, अवि गामाणुगामं दूडज्जिज्जा, अवि आहारं वुच्छिदिज्जा, अवि चए इत्थिसु मगं ॥ ३०९ ॥ पुव्वं दंडा पच्छा फामा, पुव्वं फामा पच्छा दंडा, इत्थेत्तं कलहासंगकग भवंति । पडिलेहाए आगमिन्ना आणविज्जा अणसेवणाए ति बेमि ॥ ३१० ॥ से णो काहिण, णो पायणिण, णो मामण, णो कयकिरिण, वड्ढुत्ते, अज्जापमवुडे, परिवज्जड सदा पावं, एयं मोगं समणुवामिज्जाति-त्ति बेमि ॥ ३११ ॥ **चउत्थोद्दंसो समत्तो ॥**

से बेमि—नंजहा, अवि हरण पडिपुजे समंसि भोमे चिट्ठ उवसतरए साग्गस-माणे, से चिट्ठति सोयमज्जगण, से पास, गव्वतो गुत्ते, पास, लोण महंसिणो, जं य पञ्चाणमंता पवुद्धा आरंभोवरया सम्ममेयंति पासह, कालस्स कंथाए परिव्वयंति ति बेमि ॥ ३१२ ॥ वित्तिगिच्छसमावज्जणं अप्पणं णो लभति समाधि ॥ ३१३ ॥ सिया वेगे अणुगच्छंति, असिया वेगे अणुगच्छंति, अणुगच्छमाणं अणुगच्छमाणे वदं ण णिव्विजे, तमेव सच्चं णीसंके जं जिणोहिं पवट्ठयं ॥ ३१४ ॥ सद्धिस्स णं समणुज्जस्स सपव्वयमाणस्स समियंति मण्णमाणस्स एगया समिया होति, समियंति मण्णमाणस्स एगया असमिया होति, असमियंति मण्णमाणस्स एगया नमिया होति, अनमियंति मण्णमाणस्स एगया अनमिया होति ॥ ३१५ ॥ समियंति मण्णमाणस्स समिया वा, असमिया वा, समिया होति उवेहाए ॥ ३१६ ॥ अगमियंति मण्णमाणस्स समिया वा, असमिया वा, असमिया होति उवेहाए ॥ ३१७ ॥ उवेहमाणो अणुवेहमाण बूया—“उवेहाहि समियाए इत्थेत्तं नत्थ सधी ओमितो भवति” ॥ ३१८ ॥ से उट्ठियस्स ठियस्स गति समणुपासह, एत्थवि बालभावे अप्पणं णो उवदंसज्जा ॥ ३१९ ॥ तुमंसि नाम सञ्चेव, जं हंतव्वंति मज्जसि, तुमंसि नाम सञ्चेव, जं अज्जा-वेयव्वंति मज्जसि, तुमंसि नाम सञ्चेव, जं परितावेयव्वंति मज्जसि, एवं जं परिधिणव्वंति मज्जसि, जं उद्वेयव्वंति मज्जसि । अज्जं चेषपडिबुद्धजीवी तम्हा ण हंता, ण विचायए; अणुसंवेयणमप्पणं जं हंतव्वं णाभिपत्याए ॥ ३२० ॥ जं आया से विचाया, जे विचाया से आया, जेण विजाणति से आया, तं पडुच्च परिस्खाए, एस आयाबाही समियाए परियाए वियाहितेति बेमि ॥ ३२१ ॥ **पंचमोद्दंसो समत्तो ॥**

अणाणाए एगे सोवट्टाणा आणाए एगे निरुवट्टाणा एतं ते मा होउ, एयं कुम-
 लस्स दंसयं ॥ ३२२ ॥ तद्दिट्ठीए तम्मूसीए तप्पुरक्कारे तस्सण्णी तण्णिवेसणे,
 अभिभूय अदक्खु, अणभिभूते पभू निरालंबणयाए; जे महं अबहिमणे ॥ ३२३ ॥
 पवापयं पवायं जाणिजा, महम्मडयाए, परवागरणंयं अत्तेमि वा अंतिए सोच्चा ॥ ३२४ ॥
 णिंदेसं णातिवट्टेजा मेहायी सुपडिलेहिया सव्वतो सव्वप्पणा सम्ममेव ममभिण्णाय
 ॥ ३२५ ॥ इह आगमं परिणाय अन्लीगगुत्तो आरामो परिव्वए, णिट्ठियट्ठी वीरे
 आगमेण सदा पारिक्कमेजामि लि वेमि ॥ ३२६ ॥ उड्डं सोता, अहे सोता, तिरियं सोता
 वियाहिया, एते सोया वियक्खाया, जेहं संगंति पामहा ॥ ३२७ ॥ आवटं तु
 उवेहाए, एत्थ विरमिज पुव्ववी ॥ ३२८ ॥ विगडत्तु सोयं णिक्खम्म एसमहं अक्कमा
 जाणति, पामति, पडिलेहाए णावकंवाति, इह आगतिं गतिं परिणाय अच्चेड जाति-
 मरणस्स वट्टमगं विक्खायरए ॥ ३२९ ॥ सव्वे सग णियट्ठंति, तक्का जत्थ ण
 विज्जड, मडे तत्थ ण गाहिता, ओए अप्पतिट्ठाणस्स खेयजे ॥ ३३० ॥ मे ण दीहे
 ण हस्से ण वेट्ठे ण तंमे ण चउरंमे ण पारिमंडले, न किण्हं, न णीले, ण लोहिण्ण, ण
 हात्थिदे ण सुंक्कले ण सुरहियंघे ण दुरहियंघे ण तिन्ने ण कडुए, ण क्कमाए ण अबिले ण
 मलुरे ण कक्कवेडे ण मउए ण गरुए ण लहुए ण सीए ण उण्हे ण णिद्वे ण लक्खे ण
 काऊ ण म्हे ण संगे ण इत्थी ण पुरिसे ण अन्नहा परिण्णे, सण्णे ॥ ३३१ ॥ उवमा
 ण विज्जए, अरुवी सत्ता, अपयस्स पयं णत्थि ॥ ३३२ ॥ मे ण म्हे ण रुवे ण गधे-
 ण रसे ण कामे इत्थेत्थि वेमि ॥ ३३३ ॥ छट्ठोद्देसो समत्तो ॥

॥ लोकसारणाम पंचमज्जयणं समत्तं ॥

ओबुद्धमाणे इह माणवेयु आघाट्ठे मे णरे, जस्सिमाओ जाडओ सव्वओ सुप-
 डिलेहियाओ भवंति, आघाट्ठे मे णाणमणेत्तिस ॥ ३३४ ॥ मे किट्ठति तेसिं समु-
 ट्ठियायं णिक्खिन्नट्टेयां समाहियायं पत्ताणमंत्तयं इह मुत्तिमगं, एवं एगे महावीरा
 विपरिक्कमंति, पामह एगे अविसीयमाणे अणत्तपत्ते ॥ ३३५ ॥ से वेमि से जहावि
 कुम्मे हरए विणिविट्ठचित्ते पत्तन्नपलासे उम्मगं से णो लहइ ॥ ३३६ ॥ भंजगा
 इव सन्निवेसं णो चयंति, एवं एगे अणेगरुवेहि कुत्थेहिं जाया, रुवेहिं सत्ता, क्लुणं
 धरंति, णियाणओ ते ण लभंति मुक्खं ॥ ३३७ ॥ अह पाम तेहिं कुत्थेहिं आयत्ताए
 जाया ॥ ३३८ ॥ गंभी अट्टुवा कुट्ठी, गयंसी अवमारियं । काणियं झिमियं चेव,
 कुणियं खुज्जियं नहा ॥ उअरिं पाम मयं च, सूणियं च गिलासिगि, वेवइ पीडसपिं
 च, सिंखिवयं महुमेहं सोलस्स एते रोगा, अक्खाया अणुपुव्वसो, अहं णुसंति

आयंका, फासाय असमंजसा ॥ मरणं तेसिं संपेहाए, उववायं चवणं णच्चा; परियागं च संपेहाए, तं सुणेह जहा तथा ॥ ३३९ ॥ सति पाणा अंधा तमंसि वियाहिया; तामेव सइ असइ अइ अच्च उच्चावयफामे पडिसवेदेति, बुद्धेहिं एवं पवेदिंतं ॥ ३४० ॥ संति पाणा वासगा, रसगा उदए उदएचरा आगासगामिणो पाणा पाणे किल्लेसंति ॥ ३४१ ॥ पास लोए महब्भयं ॥ ३४२ ॥ बहुदुक्खाहु जंतवो ॥ ३४३ ॥ मत्ता कामेसु माणवा, अबलेण वहं गच्छंति मरीरेणं पमंगुरेण ॥ ३४४ ॥ अट्टे से बहुदुक्खे, इति बाले पक्खवड; एते रोगा बहु णच्चा, आउरा परितावए ॥ ३४५ ॥ णालं पास, अलं तवेएहिं । एयं पाम मुणी ! महब्भयं, णातिवाएज्ज कंचगं ॥ ३४६ ॥ आयाणं भो ! सुस्पम ! भो धूयवाद पवेइस्सामि इह खल अत्तनाए तेहिं तेहिं कुलेहिं अभिसेएण, अभिसभूता, अभिसजाता, अभिणिव्वुडा, अभिसंदुट्ठा, अविमबुद्धा अभिणिकंता अणुपुव्वेयं महामुणी ॥ ३४७ ॥ तं परिक्कमंतं परिदेवमाणा मा चयाहि इति ते वदंति; “छंदोवणीया अज्झोववच्चा,” अक्कंदकारी जगगा खीति । अनारिमे मुणी षो ओहंतरए, जगगा जेण विप्पजडा ॥ ३४८ ॥ मग्गं तत्थ णो समेति कइं नु णाम से तत्थ रमति ? एवं णाणं सया समणुवासिज्जासिन्नि बेमि ॥ ३४९ ॥ **पढमोहेसो समत्तो ॥**

आतुरं लोयमायाए चड्ढा पुव्वसंजोग, हिच्चा उवसमं, वसिन्ना बंधंचरमि, वसु वा अणुवसु वा जाणित्तु धम्मं अहा तथा, अहणे तमचाइ कुसीला, वत्थ पडिग्गहं कंबलं पायपुच्छणं विउसिज्जा, अणुपुव्वेण अणुद्वियामेमाणा परीसहे दुरहियासए, कामे ममायमाणस्म, डयाणि मुहुत्तेण वा अपरिमाणाए भेए, एवं से अतगएहि कामेहिं आकेवल्लिएहि अवइत्ताचेए ॥ ३५० ॥ अहणे धम्ममादाय आयाणपरिभइसु पणहिंए चरे अपत्तीयमाणे दढे ॥ ३५१ ॥ सव्वं गिदिं परिण्णाय एम पणा महामुणी ॥ ३५२ ॥ अइअच्च सव्वतो सगं “णसहं आन्वत्ति इति एगोहमंसि” जयमाणे एत्थ विग्गे, अणगारे, सव्वओ सुंडे, रीयंते, जे अंचले परिगुत्तिए सच्चिक्खत्ति ओमोयरियाए ॥ ३५३ ॥ से आकूटो वा, हए वा, लंच्चिए वा, पलियं पक्कथ, अदुवा पक्कथ, अतहेहिं सइकासेहिं, इति मखाए एगतरं अन्नयरे अभिजाय तिनिक्खमाणे परिव्वए, जे य हिरी जे य अहिरीमाणा, चिच्चा सव्वं विगोत्तियं संसामे फासे समियदंमणे ॥ ३५४ ॥ एते भो णणिगा वुत्ता, जे लोमंसि अणागमणधम्मिणो, ॥ ३५५ ॥ “आयाए मामगं धम्मं” एम उत्तरवादे इह माणवायं वियाहिते ॥ ३५६ ॥ एत्थोवरए तं झोसमाणे, आयाणिज्जं परिण्णाय परियाएणं विगिंचइ ॥ ३५७ ॥ इह मेगेमि एगचरिया होति, तत्थियरा इयरेहिं कुलेहिं मुद्धेसणाए मव्वेसणाए से मेहावी परिव्वए, सुब्भि अदुवा दुट्ठि अदुवा तत्थ मेरवा पाणापाणे किल्लेसंति ते फासे पुट्ठो धीगे अहियासेज्जासिन्नि बेमि ॥ ३५८ ॥ **वीओहेसो समत्तो ॥**

एयं खु मुणी आयाणं मया मुअक्खवायधम्मो विघूतकूपे णिज्झोसइत्ता ॥३५९॥
जे अचेले परिवुसिए तस्म णं भिक्खुस्स णो एवं भवइ परिजुण्णे मे वत्थे वत्थं जाइ-
स्सामि, मुणं जाइस्सामि, सईं जाइस्सामि, संधिस्सामि, सीविस्सामि, उक्खसिस्सामि
वोक्खसिस्सामि, परिहिम्सामि पाउणिम्मामि ॥ ३६० ॥ अदुवा तत्थ परक्कमंतं भुज्जो
अचेले नणफाया फुसंति, तेउफामा भीयफामा फुसंति, दंसममगफासा फुसंति,
एगयरे अन्नयरे विस्वरूवे फासे अहियामेति, अचेले लाघवं आगममाणे, तवेसे
अभिसमण्णागाए भवति ॥ ३६१ ॥ जहेयं भगवता पवेदितं तमेव अभिसमेच्चा
सव्वतो सव्वनाए समत्तमेव गमभिजाणिज्जा एवं तेसि महावीरणं चिरराई पुट्वाई
वामाणि रीयमाणानं दवियाणं पाम, अहियाभियं ॥ ३६२ ॥ आगयपन्नाणानं किंसा
बाह्वो भवंति, पयणए मंससोणिण, विस्संणि कट्टु परिण्णाए, एम तिज्जे मुत्ते विरए
वियाहिण्णंति बेमि ॥ ३६३ ॥ विरयं भिक्खुं रीयतं चिरगानोसियं अरती तत्थ किं
विहारए ॥३६४॥ सधे माणे समुट्ठाए, जहासे दीवे असदीणे ॥३६५॥ एवं से धम्मो
आयगियपदंसाए ॥३६६॥ ते अणवकंठमाणा, पाणे अणत्तिवातेमाणा जइया मेहाविणो
पंडिया ॥ ३६७ ॥ एवं तेसि भगवओ अणुट्ठाओ जहामे दियापोण एवं ते सिस्सा
दिया य राओ य अणुपुट्ठेण वाडय ति बेमि ॥३६८॥ **तइओहेसो समत्तो ॥**

एवं ते सिस्सा दिया य राओ य अणुपुट्ठेण वाडया तेहिं महावीरहिं पण्णाण-
मंतंतिहिं तेसिमंतिए पण्णाणमुबलब्भ हिच्चा उवमसं फारसियं मसादियंति ॥ ३६९ ॥
वमिन्ना बंभचेरंसि आणं तं णो ति मण्णमाणा ॥३७०॥ अग्घायं तु मोच्चा णिसम्म
“समणुज्जा जीविस्सामो” एगे णिक्खमंते असंभवंता विडज्झमाणा कामेहिं सिद्धा
अज्झोववग्णा समाहिमाघायमज्जोमपंता सत्थारमेव फरसं वर्दंति ॥ ३७१ ॥
सीलमंता उवसता संखाए रीयमाणा “असीळा” अणुवयमाणस्म वितिया मंदस्स
बालया ॥ ३७२ ॥ णियइत्तमाणा वेगे आयारगोयरमाटक्खंति ॥ ३७३ ॥ णाणभट्टा
दंसणल्लुसिणो णममाणा एगे जीवितं विपणिणामंति ॥ ३७४ ॥ पुट्ठावेगे णियइत्ति
जीवियस्सेव च्चारणा, णिक्खवंतेपि तेसि दुब्बिक्खवंतं भवति ॥ ३७५ ॥ बालवयणिज्जा
इ ते नरा पुणे पुणे जातिं पकप्पंति अहे सभवंता विहायमाणा अहमांयि ति
विउक्कसे उदासीणे फरसं वर्दति, पलियं पकत्थे अदुवा पकत्थे अतहेहिं तं मेहावी
जाणिज्जा धम्मं ॥ ३७६ ॥ अहम्मट्ठी तुमंसि णामबाळे, आग्गभट्ठी अणुवयमाणे
“हणपाणे” घायमाणे, हणओयावि समणुजाणमाणे “धोरे धम्मो उदीरिण” उवेहइ
णं आणाणाए एस विमण्णे वियहे वियाहिते ति बेमि ॥ ३७७ ॥ किमणेणं भो
जणेण करिस्सामि ति मण्णमाणा एवं एगे वइत्ता, मातरं पितरं हिच्चा, णातओ य

परिगृहं, वीरायमाणा समुद्राए, अविहिंसा सुव्वया दंता, पस्म दीणे उप्पइए पडिव-
यमाणे ॥ ३७८ ॥ वसइया कायरा य जणा लसगा भवति ॥ ३७९ ॥ अहमेगेसि
सिलोए पावए भवइ, से मणो भविना विव्वंते ॥ ३८० ॥ पासहेगे सम-
जागएहिं सह असमण्णागए, णममाणेहिं अणममाणे विरतेहिं अविरते दविएहिं अद-
विए ॥ ३८१ ॥ अभिन्नमेच्चा पंडिए मेहावी णिट्ठियठ्ठे वीरे आगमेणं मया परक्क-
मेज्जासि ति वेमि ॥ ३८२ ॥ चउत्थोद्देशो समत्तो ॥

से गिहेसु वा, गिहंतरेय वा गामेसु वा, गामंतरेसु वा, नगरेसु वा, नगरंतरेसु
वा, जणवएसु वा, जणवयंतरेसु वा, गामजणवयंतरे वा गामणयंतरे वा,
णगरजगवयंतरे वा, मंतगतिया जणा लसगा भवति, अदुवा फामा फुसति ते
फासे पुट्ठो धागे अहियामए ओए समियदंमणे ॥ ३८३ ॥ दर्यं लोगस्स, जाणित्ता
पादीणं पढीणं, दाहीणं उदीणं, आइक्खे, विभये, क्किट्ठे, पुव्ववी ॥ ३८४ ॥
से उट्ठिणसु वा, अणुट्ठिणसु वा सुस्सममाणेसु पवेदणं, संति, विगतिं, उव्वमं, णिव्वणं
सोयं अज्जवियं मइनियं लाघवियं अणउव्वत्तियं ॥ ३८५ ॥ सत्वेणिय पाणाणं सत्वेमिं
भूयाणं सत्वेमिं जीवाणं सत्वेमिं गत्ताणं अणुवीड भिक्खु धम्ममाइक्खेज्जा ॥ ३८६ ॥
अणुवीड भिक्खु धम्मसाइक्खमाणे णो अत्ताणं आयुइज्जा, णो परं आयुइज्जा, णो
अत्ताइं पाणाइं भूयाइं जीवाइं गत्ताइं आसाएज्जा ॥ ३८७ ॥ मे अणामादणं अणामा-
दमाणे वज्झमाणेणं पाणाणं भूयाणं जीवाणं गत्ताणं, जहा मे दीवे असंसीणे एवं मे
भवति सरणं महामुणी ॥ ३८८ ॥ एवं मे उट्ठणं ठियापा अणिहं अचले चले
अवहिंहेस्से परिव्वए ॥ ३८९ ॥ सखाय पेगल धम्मं, दिट्ठिं पारिणिव्वुडे ॥ ३९० ॥
तम्हा सगं ति पामइ, मंधाहिं गहिया णम विमण्णा कामइना, तम्हा लुहाओ णो
परिवित्तमेज्जा ॥ ३९१ ॥ जरिगसे आरंभा गव्वतो सव्वापयाए सुपरिणयाथा भवति
तेमिमे लुण्णिणो णो परिवित्तसति से वंता कोटं च माणं च मायं च लोभं च, एस
तुट्ठे विचाहिते ति वेमि ॥ ३९२ ॥ कायस्स तियाघाणं संगमसीने तियाहिणं, से
हु पारंगमे मुणी, अविहम्ममाणे फलगावयाट्ठु कालोवणीते कंथेज्जकाल जाव सरीर
मेउत्ति वेमि ॥ ३९३ ॥ पंचमोद्देशो समत्तो ॥

॥ धूताक्खं छट्ठमज्झयणं समत्तं ॥

महापरिण्णा णामं सत्तमज्झयणं वोच्छिण्णं

से वेमि समणुत्तस्स वा असमणुत्तस्स वा अणणं वा, पाणं वा, खाइमं वा, साइमं
वा, वत्थं वा, पडिगृहं वा, कंबलं वा, पायपुंच्छणं वा णो पाएज्जा, णो णिमत्तिज्जा

णो कुञ्जा वेयावडियं परं आहायमाणेति वेमि ॥ ३९४ ॥ धुर्यं चेतं जाणेज्जा असणं वा जाव पायपुच्छं वा, लभिया णो लभिया, भुंजिया णो भुंजिया पंथं विउत्ता विउक्कम्म विभत्तं धम्मं जोमेमाणे समेमाणे चलेमाणे पाएज्जा वा णिमंतंज्जा वा कुञ्जा वेयावडियं परं अणाहायमाणेति वेमि ॥ ३९५ ॥ इहमेगेसि आयार-
गोयंरं णो गुणिसत्ते भवति, ते इह आरभट्ठी अणुवयमाणा “हण पाणा” धायमाणा हणतो यावि समणजाणमाणा अदुवा अदिक्कमाययंति, अदुवा वायाओ विउज्जति; तंजहा-अन्थि लोए णन्थि लोए धुवे लोए अधुवे लोए मादिए लोए अणादिए लोए सपज्जवमिते लोए अपज्जवमिते लोए सुक्कडेत्ति वा दुक्कडेत्ति वा कळ्ळणेत्ति वा पावेत्ति वा साहत्ति वा अमाहत्ति वा सिद्धीत्ति वा, अन्दिद्धीत्ति वा, णिरगत्ति वा अणिरएत्ति वा ॥ ३९६ ॥ जमिं विपडिवण्णा “मामगं धम्म” पल्लवेमाणा, इत्थवि जाणह अकम्हा । एवं तेसि णो सुअक्खाए सुपज्जेते धम्मे भवति, से जहेयं भगवया पवेदितं आगुपण्णेण जाणया पासया, अदुवा गुत्ती वओगोयस्स ति वेमि ॥ ३९७ ॥ सव्वत्थ संसयं पावं, तमेव उवाउक्कम्म, एस महं विवेगे वियाहिते ॥ ३९८ ॥ गामे अदुवा रण्णे, णेव गामे णेव रण्णे, धम्ममायाणह पवेदितं माहण्णेण मईमया ॥ ३९९ ॥ जामा तिण्ण उदाहिया, जेसु उमे आयरिया सवुज्झमाणा समुट्ठिया ॥ ४०० ॥ जे णिव्वुया पावेहिं कम्महेहिं अणियाणा ते वियाहिया ॥ ४०१ ॥ उट्ठं अहे तिरियं दिसामु सव्वतो सव्वावन्ति च णं पाडियक्कं जीवेहिं कम्मसमारंभे णं ॥ ४०२ ॥ तं परिणाय मेहावी णेव सयं एतेहिं कारयेहिं दंडं समारंभेज्जा, णेवण्णे एतेहिं कारयेहिं दंडं समारंभावेज्जा, नेवञ्जे एएहिं काएहिं दंडं समारंभेतेवि समणुजाणेज्जा ॥ ४०३ ॥ जेयञ्जे एतेहिं काएहिं दंडं समारंभांत तेनिपि बयं लज्जामो ॥ ४०४ ॥ तं परिणाय मेहावी त वा दंडं अण्यं वा णो दडेमि, दंडं समारंभेज्जासि ति वेमि ॥ ४०५ ॥ **पढमोहेमो समत्तो ॥**

से भिक्खु परक्कमेज वा, चिट्ठेज्ज वा, णिसीएज्ज वा, तुयट्ठेज्ज वा, सुसार्णसि वा, सुत्तागारंसि वा, गिरिगुहंसि वा, स्क्खामुलंसि वा, कुंभाराययंसि वा, हुरत्था वा, कहिं चि विहरमागं तं भिक्खु उवसंक्रमित्तु गाहावती बूया आउसंतो समणा ! अहं खलु तव अट्टाए असणं वा, पागं वा, खाइमं वा, साइम वा, वत्थं वा, पडिग्गहं वा, कंबलं वा, पायपुच्छं वा, पाणाई, भुयाई, जांवाई, सत्ताई, समारब्भ समुद्दिस्स कीयं, पामिच्चं, अच्छिज्जं, अणिसट्ठं, अभिहटं आहट्टु चेतमि, आवसहं वा समुत्तिग-
णोमि, से भुंजह, वगह ॥ ४०६ ॥ आउसंतो समणा ! भिक्खु त गाहावति समणसं सवयसं संपडियाइक्खे आउसंतो गाहावति ! णो खलु ते वयं आटामि, णो खलु ते वयं परिजाणामि, जो तुमं मम अट्टाए असणं वा (४) वत्थं वा (४) पाणाई

वा (४) जाव समारब्ध समुद्दिस्स कीयं पामिच्चं, अन्धिज्जं, अणिसुद्धं, अभिहडं आहट्टु चेएसि, आवसहं वा समुस्मिणासि, मे विरतो आउसो ! गाहावती ! एयस्स अकरणयाए ॥ ४०७ ॥ से भिक्खुं परिक्कमेज वा जाव हुरत्था वा कहिंश्चि विहर-माणं तं भिक्खुं उवसंक्रमित्तु गाहावड आयगयाए पेहाए असणं वा (४) वत्थं वा (४) पाणाइं (४) जाव आहट्टु चेएति आवसहं वा समुस्मिणाति भिक्खुं परिघामिउं, तं च भिक्खु जाणेजा गह समट्टयाए परवागरणेणं अण्णेसि वा मोच्चा “अय खलु गाहावड ! मम अट्टाए असण वा (४) वत्थं वा (४) पाणाइं वा (४) ममारब्ध जाव चेएति आवसहं वा समुस्मिणाति” तं च भिक्खु संपडिलेहाए आगमेत्ता आणवेजा अणामेवणाए ति वेमि ॥ ४०८ ॥ भिक्खुं च खलु पुट्ठा वा अपुट्ठा वा जे इमे आहच्च गथा फुसंति ने हंता “हणह खणह छिंदह दहह पयह आलंपह विलंपह सहमा कारेह विपरामुमह” ते फासे पुट्ठो धीरो अहियासए अट्टुवा आयारगोयग्गाइक्खे तक्कियाणमणेत्थि, अट्टुवा वडगुत्तिए गोयारम्म अणुपुब्बेण सम्मं पडिलेहाए आयगुत्ते जिणेहि एयं पवेदितं ॥ ४०९ ॥ मे समणुत्ते असमणुत्तस्स अमणंवा (४) वत्थं वा (४) नोपाएजा, नोनिमंतेजा, नो कुजा वेयावडियं परं आट्टायमाणेति वेमि ॥ ४१० ॥ धम्ममायाणह पवेदयं माहणेण मतिमया समणुत्ते समणुत्तस्स अमणं वा, (४) वत्थं वा (४) पाएजा णिमंतेजा कुजा वेयावडियं परं आट्टायमाणेति वेमि ॥ ४११ ॥ **वीओहेसो समत्तो ॥**

मज्झिमेगं वयमावि एगे मवुज्जमाणा समुट्ठिता ॥ ४१२ ॥ सोच्चा मेहावी वयणं पंडियागं निसामित्ता ॥ ४१३ ॥ समियाए धम्मं आरिण्हिं पवेदितं ॥ ४१४ ॥ ते अणवकंठमाणा अणतिवाएमाणा अपारिग्गहमाणा णो परिग्गहावतिं सव्वावतिं च णं लोगंसि । णिहाय दंडं पाणेहिं पावं कम्मं अकुब्बमाणे एम महं अगंधे वियाहिए, ओए जुत्तिमस्स खेयत्ते उववायं चवणं च णच्चा ॥ ४१५ ॥ आहागेवचया देहा, परिमह पभंगुग । पामहेगे मच्चिदिण्हिं परिगित्तायमाणेहिं ॥ ४१६ ॥ ओए दयं दयइ ॥ ४१७ ॥ जे सनिहागमत्थस्स खेयत्ते ने भिक्खु कालण्णे दलण्णे मायण्णे खणण्णे विणयण्णे समयण्णे परिग्गहं अममायमाणे कालेणुट्ठाड अपडिन्ने दहओ छेता णियाति ॥ ४१८ ॥ तं भिक्खुं सीयफामपरिवेवमाणगायं उवसकमिच्चु गाहावड वूया, “आउसतो समणा, णो खलु ते गामधम्मा उव्वाहंति” आउसतो गाहावड ! णो खलु मम गामधम्मा उव्वाहंति सीयफासं च णो खलु अहं संचाणमि अहियासित्ताए । णो खलु मे कप्पति अगणिकायं उज्जालेत्ताए पज्जालेत्ताए वा कायं आयावेत्ताए पयावेत्ताए वा, अण्णेसि वा वयणाओ ॥ ४१९ ॥ सिया से एवं बर्दतस्स परो अगणिकायं

उज्जालेता पज्जालेता कार्यं आयावेज्जा वा पयावेज्जा वा, तं च भिक्खु पडिलेहाए आगमेत्ता आणवेज्जा, अणासेवणाए ति वेमि ॥४२०॥ तद्दुओदेसो समत्तो ॥

जे भिक्खु तिवथेहिं परिवुसिते पायचउत्थेहिं तस्स णं णो एवं भवति “चउत्थं वत्थं जाइस्सामि” से अहेसणिज्जाइं वत्थाइं जाएज्जा, अहापरिग्गहियाइं वत्थाइं धारेज्जा, णो धोविज्जा णो रएज्जा णो धोयरत्ताइं वत्थाइं धारेज्जा, अपलिओवमाणे, गामंतेरेसु, ओमचेलेए, एयं खु वत्थभारिस्स मामगियं ॥ ४२१ ॥ अह पुण एवं जाणेज्जा; उवातिकंते खल हेमंते, गिम्हे पडिवन्ने अहापरिजुत्ताइं वत्थाइं परिट्टविज्जा, अदुवा सत्तरुत्तरे, अदुवा ओमचेले, अदुवा एग्गाडे, अदुवा अचले, लाघवियं आगममाणे, तवे से अभिसमणाए भवति । जमेयं भगवता पवेदितं तमेव अभिसमेच्चा, मच्चतो सच्चत्ताए सम्मत्तमेव समाभजाणिया ॥ ४२२ ॥ जस्स णं भिक्खुस्स एवं भवति, पुट्ठो खल अहमंसि, नालमहमंसि सीयफामं अहियागिन्हाए, से वमुमं मच्चसमणागयपन्नाणेणं अप्पाणेण केठ अकरणयाए आउट्टे, तवाम्मणे हु तं सेयं जमेगे विहमाइए, तत्थवि तस्स कालपरियाए, से वि तत्थ विअंतिकाए, उच्चंतं विमोहायतणं हियंसुहयमंसिस्सेयम आणुगामियं ति वेमि ॥४२३॥ चउत्थोदेसो समत्तो ॥

से भिक्खु दोहिं वत्थेहिं परिगुसिते, पायत्तइएहिं, तस्स णं णो एवं भवति, तइयं वत्थं जाइस्सामि, से अहेसणिज्जाइं वत्थाइं जाएज्जा, जाव एवं खलु तस्स भिक्खुस्स सामगियं ॥ ४२४ ॥ अह पुण एवं जाणेज्जा, उवातिकंते खलु हेमंते, गिम्हे पडिवन्ने, अहा परिजुत्ताइं वत्थाइं परिट्टवेज्जा २ अदुवा संतरुत्तरे, अदुवा ओमचेलेए, अदुवा एग्गाडे, अदुवा अचले, लाघवियं आगममाणे, तवं से अभिसमणाए भवति, जहेयं भगवता पवेदितं तमेव अभिसमेच्चा सच्चतो मच्चत्ताए सम्मत्तमेव समाभजाणिया ॥ ४२५ ॥ जस्सणं भिक्खुस्स एवं भवति, पुट्ठो अबलो अहमंसि, नालमहमंसि गिहंतरसंक्रमणं भिक्खुत्तायरियं गमणाए, से चेवं वदंतस्स परो अभिहडं असणं वा (४) आहट्टु दलएज्जा से पुव्वामेव आलोएज्जा आउसतो गाहावती णो खलु मे कापट्ट अभिहडं असणं वा (४) भोत्तए वा, पायए वा, अन्नं वा एयप्पगारे ॥ ४२६ ॥ जस्सणं भिक्खुस्स अयं पगप्पे; अहं च खलु पडिण्णत्तो अपडिज्जंतहिं, गिलाणे अगिलाणंहिं, अभिकंत्त माहम्मिएहिं, कीरमाणं वेयावडियं साइज्जिस्सामि । अहं वा वि खलु अपडिज्जतो पडिण्णत्तस्स अगिलाणे गिलाणस्स, अभिकंत्त साहम्मिअस्स कुच्चा वेयावडियं करणाए ॥ ४२७ ॥ आहट्टु परिणं अणुक्खिस्सामि, आहडं च सातिज्जिस्सामि, (१) आहट्टु परिणं आणक्खेस्सामि, आहडं च णो सातिज्जिस्सामि (२) आहट्टु परिणं, णो आणक्खेस्सामि, आहडं

च सातिजिस्सामि (३) आहट्टु परिणं णो आणक्खेस्सामि, आहडं च णो मात्ति-
जिस्सामि (४) एवं से अहाकिट्टियमेव, धम्मं समहिजाणमाणे संते विरते
सुसमाहितत्थेसे तत्थवि तस्स कालपरियाए, से तत्थ विअंतिकारए, इच्चंतं विमोहायतणं
हितं सुह खमं णिस्सेस आणुगामियं ति वेमि ॥ ४२८ ॥ **पंचमोद्देशो समत्तो ॥**

जे भिक्खु एणेण वत्थेण परिवुमिते पायवितिएण, तस्साणं णो एवं भवड, “अितियं
वत्थं जाइस्सामि” से अहेरणिजं वत्थ जाएजा, अहापरिग्गहियं वा वत्थं धारेजा,
जाव गिम्हे पडिवण्णे अहा परिजुजं वत्थं परिट्टवेजा २ अट्वा एग गाडे अट्वा
अचेल्ले लाघवियं आगममाणे, जाव गम्मत्तमेव समभिजाणिया, जस्स णं भिक्खुस्स
एवं भवट् एणे अहमंति न मे अत्थि कोट न याहमवि कस्स वि, एवं से एगाणिण-
मेव अप्पायं समभिजाणिजा लाघवियं आगममाणे तवे से अभिममन्नागए भवट
जाव समभिजाणिया ॥ ४२९ ॥ से भिक्खु वा भिक्खुणी वा अमग वा (४)
आहारेमाणे णो वामाओ हणुयाओ दाहिणं हणुयं सच्चारेजा आसाएमाणे, दाहिणाओ
वा हणुयाओ वामं हणुयं णो मंचारेजा आसाएमाणे, से अणामायमाणे लाघवियं
आगममाणे, तवेसे अभिममन्नागए भवट । जहेयं भगवन्ता पवेटयं तमेव अभिममेच्चा
सव्वतो सव्वत्ताए गम्मत्तमेव समभिजाणिया ॥ ४३० ॥ जस्सणं भिक्खुस्स एवं
भवति, से गित्तामि च खल्ल अहं डमंमि समए णो सच्चाएमि डमं मरीगं अणुपुव्वेण
परिवहिताए, से अणुपुव्वेणं आहार सव्वेजा, आहारं अणुपुव्वेण सव्विन्ता, कमाए
पयणुए किच्चा, मसाहियच्चे फलगावयट्ठी उट्ठाए भिक्खु अभिनिव्वुट्ठयं अणुपरिविन्ता
गामं वा, णगरं वा, खेटं वा, कव्वटं वा, मंडवं वा, पट्टं वा, दोगमुह वा, आगर वा,
आसमं वा, मंणिवेसं वा, णिगमं वा, रायहामिं वा, तणाटं जाएजा, तणाटं जाइत्ता
से तमायाए एगंतमवक्कमिजा, एगंतमवक्कमिच्चा, आपडे-आप्पाणं-आपधीए-अप्पह-
रिए-अप्पोसे-अप्पोट्टए-अपुत्तिग-पणय-दग-अट्टियमक्कडासंताणए पडिल्लेहिय २ पम-
ज्जिय २ तणाइं संयरेजा, तणाटं संयरेत्ता एट्ठवि समए इत्तरियं कुजा ॥ ४३१ ॥
तं सच्चं मच्चवादी ओए तिण्णे, छिण्णकहं कहं, आनीतट्टे अणातीते चिच्चाण भिउरं
कार्यं सविहय विरुवरुवे परिमट्ठोवगग्गे अस्सिं विसभणयाए मेरवमणुचिण्णं, तत्थवि
तस्स कालपरियाए, जाव आणुगामियं ति वेमि ॥ ४३२ ॥ **छट्ठोद्देशो समत्तो ॥**

जे भिक्खु अचेल्ले परिवुसिते, तस्स णं एवं भवति, चाएमि अहं तण क्कासं
अहियांसितए, सीयक्कासं अहियांसितए, तेउक्कासं अहियांसितए, दंसमसगक्कासं
अहियांसितए, एगतरे अन्नतरे विरुवरुवे क्कासं अहियांसितए हिरिपडिच्छादणं चऽहं

णो सचाएमि अहियासिणए, एवं से कप्पति कडिबंधणं धारिणए ॥ ४३३ ॥ अदुवा तत्थ परक्कमंतं भुज्जां अचेल तणफामा पुसंति, सीयफासा पुसंति, नेउफामा फुसंति, दसमसगफासा फुसति, एगयरे अन्नयरे विरुवरुवे फासे अहियासेति अचंले लाघविय आगममाणे, जाव समभिजाणिया ॥ ४३४ ॥ जस्सणं भिक्खुस्स एवं भवति: अहं च खलु अज्जेमि भिक्खुणं असणं वा (४) आहट्टु दलइस्सामि, आहट्टं च मार्तिज्जस्सामि [१] जस्सणं भिक्खुस्स एवं भवति, अहं च खलु अज्जेमि भिक्खुणं असणं वा (४) आहट्टु दलइस्सामि आहट्टं च णो मार्तिज्जस्सामि (२) जस्सणं भिक्खुस्स एवं भवति; अहं च खलु असणं वा (४) आहट्टु नो दलइस्सामि आहट्टं च मार्तिज्जस्सामि (३) जस्सणं भिक्खुस्स एवं भवति अहं च खलु अण्णेमि भिक्खुणं असणं वा (४) आहट्टु नो दलइस्सामि आहट्टं च णो मार्तिज्जस्सामि ॥ ८ ॥ अहं च खलु तेण अहाइरिण्णेण अहेमणिजेण अहापरिग्गहिण्णेण असणं वा (४) अभिक्कंय माहम्मियस्स कुज्जा वेयावडियं करणाए, अहं वावि तेण अहानिरिण्णेण अहेमणिजेणं अहापरिग्गहिण्णेण असणं वा (४) अभिक्कंय माहम्मिण्हं कीरमाणं वेयावडियं मार्तिज्जस्सामि लाघवियं आगममाणे जाव सम्मन्नमेव समभिजाणिया ॥ ४३५ ॥ जस्सणं भिक्खुस्स एवं भवति से गिलासि खलु अहं उमम्मि समयं इमं गरीरं अणुपुट्ठेणं परिवहिणए, से अणुपुट्ठेणं आहारं सवट्टज्जा सवट्टत्ता कराए पयणए किच्चा समाहिअच्चे फलगावयट्ठी उट्ठाय भिक्खुं अभिण्णिवुडच्चे, अणुपट्ठिण्णं गासं वा जाव रायहाणिं वा तणाइं जाणज्जा, तणाइं जाणत्ता, से तमायाए एगंतमवक्कमेज्जा, अपंडे जाव तणाइं सेयरेज्जा, इत्थवि ममए कार्यं च, जोगं च, टिग्यं च, पच्चक्खाएज्जा ॥ ४३६ ॥ तं मच्चं मच्चावादीओण तिज्जे छिन्नकहकहे आर्तानट्ठे अणार्तते चेच्चाण भिउरं कार्यं संविहरणियं विरुवरुवे परिग्गहोवमग्गे अस्सि विसमणाए भेरवमणुच्चिजे तत्थवि तस्सकालपरियाए से तत्थ विअत्तिकारए ट्ठेच्चं निमोहायतणं द्वियं च्हं स्वमं णिस्सेयसं आणुगामियं णि बेमि ॥ ४३७ ॥ सत्तमोहेसो समत्तो ॥

अणुपुट्ठेण विमोहाइं, जाइं धीरा समामज्जः वसुमंतो मइमंतो, सव्वं णच्चा अणल्लिंसं ॥ १ ॥ ४३८ ॥ दुविहं पि विदित्ताणं, जिणा धम्मस्स पाग्गा; अणुपुट्ठेण संखाए, कम्मणाउ तिउट्ठति ॥ २ ॥ ४३९ ॥ कमाए पयणु किच्चा, अप्पाहारी तितिकवए; अह भिक्खु गिलाएज्जा, आहारस्सेव अतियं ॥ ३ ॥ ४४० ॥ जीवियं णाभिक्कंखेज्जा, मरणं णोवि पत्थए; दुहतोवि ण सजेज्जा, जीविते मरणं तहा ॥ ४ ॥ मज्झत्यो णिज्जरापेही, समा-

हिमणुपालए; अतो बहिं विउस्सिज्ज, अज्जत्थं मुद्धमेसए ॥५॥४४१॥ जं किंचुवक्कमं
जाणे, आउक्खेमस्स अप्पणे; तस्सेव अंतरद्दाए, खिपं सिक्खेज पडिए
॥६॥४४२॥ गामे वा अदुवा रण्णे, थंडिलं पडिलेहिया; अप्पपाणं तु विन्नाय, तणाइं
संयरे मुणी ॥७॥४४३॥ अणाहारो तुअट्टज्जा, पुट्ठो तत्थ हियासए; णानिवेलं उवचरे,
माणस्सेहिं विपुट्ठवं ॥८॥४४४॥ समापगा य जे पाणा, जे उ उच्चमहाचरा; भुजंति
मंससोणितं, ण छणे ण पमज्जए ॥ ९ ॥ ४४५ ॥ पाणा देहं विहिंसंति, टाणाओ
ण वि उच्चमे; आसवेहिं विविचेहिं, तिप्पमागोऽहियामए ॥ १० ॥ गंयेहिं विविचेहिं,
आउकालस्स पारए ॥ ४४६ ॥ पग्गहियतरगं चेयं, दवियस्स विद्याणतो ॥ ११ ॥ ४४७ ॥
अयं से अवरे धम्मे, गायपुत्तेण माहिए; आयवजं पवीयार, विज्जहिजा तिहा
तिहा ॥ १२ ॥ ४४८ ॥ हरिएसु ण णिवजेज्जा, थंडिलं मुण्णिआ माए, विउस्सिज्ज
अणाहारो, पुट्ठो तत्थ हियासए ॥ १३ ॥ ४४९ ॥ इंदिएहिं गिलायंते, मम्मियं
आहरे मुणी; तहावि से अगरिहे, अचले जे समाहिए ॥ १४ ॥ ४५० ॥ अभिक्कमे
पडिक्कमे, सकुचए पसारए, कायमाहारणट्टाण, इत्थं वा वि अचेयणे ॥ १५ ॥ ४५१ ॥
परिक्कमे परिकिलंतं, अदुवा चिट्ठे अहायते; टाणेण परिकिलंतं, णिमिट्ठाय अंतसो
॥ १६ ॥ ४५२ ॥ आसीणे णेल्लिमं मरणं, इदियाणि मसाराण; कोलावासं समासज्ज,
वितहं पादुरेसए ॥ १७ ॥ ४५३ ॥ जओ वजं ममुप्पजे, ण तत्थ अवलबाण;
ततो उक्कसे अप्पागं, मव्वे फासे अहियासए ॥ १८ ॥ ४५४ ॥ अयं चायनतरे
सिया, जो एवं अणुपालए; मव्वगायणाणेधेवि, टाणातो णवि उच्चमे ॥ १९ ॥ ४५५ ॥
अर्थ से उल्लमे धम्मे, पुव्वट्ठाणस्स पग्गहे; अचिरं पडिलेहिजा, विहरे चिट्ठ माहणो
॥ २० ॥ ४५६ ॥ अचिल तु समासज्ज, टावण तत्थ अप्पगं; वोमिरे मव्वगो
कार्यं, ण मे देहे परीमहा ॥ २१ ॥ ४५७ ॥ जावजीवं परीमहा, उवमग्गा इति
संखया; संवुडे देहमेयाए, इति पण्णे हियागए ॥ २२ ॥ ४५८ ॥ भेउरंसु न रजेज्जा,
कामेसु बहुतरेसु वि; इच्छा लोभं ण मेवेज्जा, धुवं वन्नं मपेहिया ॥ २३ ॥ ४५९ ॥
सासएहिं णिमंतंजा, दिव्वमायं ण सद्देहे, तं पडिबुज्ज माहणे, मव्वं नृम विधूणिया
॥ २४ ॥ ४६० ॥ सव्वट्ठेहिं असुच्छिए, आउकालस्स पारए; तिनिक्खं परमं
णच्चा, विमोहन्नतरं हितं ति वेमि ॥ २५ ॥ ४६१ ॥ अट्ठमोहेसो समत्तो ॥

॥ विमोक्खणाममट्ठमज्जयणं समत्तं ॥

अहासुयं वदिस्सामि, जहा से समणे भगवं उट्ठाय, संखाय तंस्सि हेमंतं. अहुणा पव्वइए रीयत्था ॥ ४६० ॥ णो चेविमेण वन्धेण, पिहिस्सामि तंमि हेमंतं; से पारए आचकहाए, एवं खु अणुधम्मियं तस्स ॥ ४६३ ॥ चत्तारि माहिंए मासे, बहवे पाणजाइया आगम्म; अभिक्कञ्जकायं विहरिंसु, आरुहियाणं तत्थ हिंसिमु ॥ ४६४ ॥ संवच्छरं माहिंए मासे, जं ण रिक्कामि वत्थयं भगवं; अचेलेए ततो चाई, तं वोसिरिज्ज वत्थमणगारे ॥ ४६५ ॥ अदु पोरिंसि निरियंभित्ति, चक्खुमासज्ज अनयो ज्ञायत्ति; अह चक्खुमीया संहिया, ते हंता बहवे कंठिमु ॥ ४६६ ॥ सयणेहिं वितिमिस्सेहि, इत्थीओ तत्थसे परिण्णाय, सागारियं ण सेवेड, य इति से सयं पवेसिया ज्ञानि ॥ ४६७ ॥ जे केड इमे अगारत्था, मासीभावं पट्ठाय ते ज्ञानि; पुट्ठो वि णाभिभामिंसु, गच्छति णाउवत्ताइ अंजु ॥ ४६८ ॥ णो सुगग्गंमंतसेगेसि, णाभिभामे अभिवायमाणे; हयपुव्वो तत्थ दंडेहिं, ल्हनियपुव्वो आपुक्केहिं ॥ ४६९ ॥ फरुमाइं दुत्तितिक्खाइं, अत्तिअच्च मुणी परक्कममाणे; आघायणट्ठगीताइं, दंडजुज्जाइं मुट्ठिजुज्जाइं ॥ ४७० ॥ गट्ठिए मिहो कहान्, समरंमि णायसुण्ण विसोणे अदक्खु; णताइं मो उगलाइं, गच्छइ णायपुत्ते असरण्णए ॥ ४७१ ॥ अविमाहिंए दुवे वासे, सीतोदं अभोच्चा णिक्खंतंते; एगलगाए पिहियच्च, से अहिंन्नायदंमणं सुत्ते ॥ ४७२ ॥ पुट्ठवि च आउक्कायं, तेउक्कायं च वाउक्कायं च; पणगाटं बीयहरियाइं, तमकायं च सव्वमो णच्चा “एयाइं संति” पडिलेहे, चित्तमंताइं मे अभिघाय; परिवाज्जिय विहरित्था, इति सखाय से महावीरे ॥ ४७३ ॥ अदु थावरा तसत्ताए, तमजीवाय थावरत्ताए; अदुवा सव्व-जोणीया, सत्ता कम्मुणा कप्पिथा पुट्ठो बाला ॥ ४७४ ॥ भगवं च एवमन्नेसि, सोवहिंए हु ल्हप्पती बाले, कम्मं च सव्वसो णच्चा, तं पडियाइक्खे पावगं भगवं ॥ ४७५ ॥ दुविहं समिच्च मेहावी, किरियमक्खायमणंलिस णाणी; आयाण-सोयमतिवायसोयं जोग च सव्वमोणच्चा ॥ ४७६ ॥ इव्वत्तयं अणाउट्ठिं, सयमन्नेसिं अकरणयाए; जस्सिमात्थओ परिण्णया, सव्वक्कम्मावहाउसे अदक्खु ॥ ४७७ ॥ अहाकडं न से सेवे, सव्वमो कम्मुणा वंधं अदक्खु; जं किंचि पावगं भगवं, तं अकुव्वं वियडं भुंजित्था ॥ ४७८ ॥ णो सेवती य परवत्थं, परपाएवि से ण भुंजित्था; परिवज्जियाण ओमाणं, गच्छति सखडिं असरणयाए ॥ ४७९ ॥ मायन्ने असण-पाणस्स, णाणुगिद्धे रसेसु अपडिण्णे; अच्छिपि णो पमज्जिज्जा, णोवि य कंहुयथे मुणी गायं ॥ ४८० ॥ अप्पं तिरियं पेहाए, अप्पं पिट्ठओ व पेहाए; अप्पं खुइए पडिभाणी, पंयपेही चरे जयमाणे ॥ ४८१ ॥ सिसिरंसि अद्धपडिवजे, तं वोसिच्च वत्थमणगारे; पसारिचु बाहूं परक्कमे, णो अवलंबिया ण खंधंसि ॥ ४८२ ॥ एस

विही अणुकृतो, माहणेण मदमया; बहुसो अप्पडिणेण, भगवया एवं रियति ति बेमि ॥ ४८३ ॥ **पढमोहेसो समत्तो ॥**

चरियासणाई सेजाओ, एगतिथाओ जाओ बुडयाओ; आडक्खताई मयणास-
णाई, जाई सेविट्था से महावीरो ॥ ४८४ ॥ आवेयणमभापवानु, पणियसालासु,
एगदा वासो: अदुवा पलियट्ठाणेसु, पलालपुंजेसु एगदा वागो ॥ ४८५ ॥ आगंतारे
आरामागारे तह य णगरे वि एगदा वासो- मुमाणे मुण्णागारे वा, क्खमूले वि
एगदा वासो ॥ ४८६ ॥ एतेहिं सुणी सयणेहिं, ममणे आसी पत्तेरमवामे: राई
दिवं पि जयमाणे, अप्पमत्ते समाहिण, ज्ञानि ॥ ४८७ ॥ णिहंपि णो पगामाए,
सेवइ य भगवं उट्ठाए: जग्गावती य अप्पागं, ईमिं ज्ञानि य अपडिजे ॥ ४८८ ॥
संबुज्जमाणे पुणरति, आसिंसु भगवं उट्ठाए, णिक्खम्म एगदा राओ, बाहं चंक्रमिणा
मुहुत्तागं ॥ ४८९ ॥ मयणेहिं तत्थवमग्गा, भीमा आसी अणेगक्खाय: समप्पगाय
जे पाणा, अदुवा जे पक्खिणे उवचरंति ॥ ४९० ॥ अदुवा कुचग उवचरति,
गामरक्खाय सत्तिहत्थाय: अदुगामिया उवमग्गा इत्थी एगतिया पुरिमा य
॥ ४९१ ॥ इहलोडयाइ परलोडयाइ, भीमाई अणेगक्खाइ; अवि सुंभटु-
च्चिगंधाई, महाई अणेगक्खाई अहियामए मया ममिण, फामाटं विक्खक्खाई
॥ ४९२ ॥ अरइं गइं अभिभूय, रीयइं माहणे अबहुवाइ ॥ ४९३ ॥ ग जणेहिं
तत्थ पुच्छिसु, एगचग वि एगदा राओ: अब्वाहिण क्खाइत्था, पेहमाणे ममाहिं
अपडिजे ॥ ४९४ ॥ अयमंतरमि को एत्थ, अहमंतिरि भिक्खु आहडु: अयमुत्तमे
से धम्मे तुसिणीण सक्खाइण ज्ञानि ॥ ४९५ ॥ जंमिपेगे पवयंति, मित्तिरे माहए
पवायंते; तंसिपेगे अणगाग, हिमवाए णिवायमेमंति ॥ सघाडिओ पयासिस्सामो,
एहा य समादहमाणा, पिहिया वा सक्खामो, अनिदुक्खे हिमगसफाया ॥ तंसि
भगवं अपडिणं, अहे विद्यडे अहियामए दविण, णिक्खम्म एगदा राओ, ठाडए
भगवं ममियाए ॥ ४९६ ॥ एम विही अणुकृतो माहणेण मडमया, बहुसो अप्पडि-
णेण, भगवया एवं रीयंति ति बेमि ॥ ४९७ ॥ **वितिओहेसो समत्तो ॥**

तणफासे, सीयफासे, तेउफासे य, दंयममगे य: अहियामए मया ममिण, फासाई
विक्खक्खाई ॥ ४९८ ॥ अह दुच्चरलाहमचारी, वजभूमिं च सुच्चभूमिं च; पंतं
सेजं सेत्तिंसु, आमणगाईं चंवे पंताई ॥ ४९९ ॥ लाडेसु तस्सुवगग्गा, बहुवे जाणवया
ल्लमिसु; अह ल्लहदेमिण भत्ते, युक्कुग तत्थ हिंमिसु णिवत्तिंसु ॥ ५०० ॥ अप्पे जणे
णिवारेइ, ल्लमणए सुणए इयमाणे; ल्लुक्कुकारंतिं आहंसु 'ममगं कुक्कुरा इसत्तु'ति
॥ ५०१ ॥ एलिस्सए जगा भुज्जां, बहुवे वजभूमिं फल्लासी; ल्हुं गहाय णालीयं,

समणा तत्थ य विहरिंसु ॥ ५०२ ॥ एवं पि तत्थ विहरंता, पुट्टपुव्वा अहेसि
सुणएहिं; संलुच्चमाणा सुणएहिं, दुच्चरगाणि तत्थ लाढेहिं ॥ निधाय दंडं पणोहिं, तं
कायं वोसिज्जमणगारे ॥ अह गामकंटए भगवं, ते अहियामए अभिसमेच्चा ॥ ५०२ ॥
णागो संगामसीसे वा, पारए तत्थ से महावीरे ॥ ५०३ ॥ एवं पि तत्थ लाढेहिं,
अलद्धपुव्वो वि एगदा गामे उव्वसंक्रमंतमपडिन्नं, गामंतियंमि अप्पत्तं: पडिणिक्ख-
मित्तु ल्हमिन्, एतातो परं पलेह्वंति ॥ ५०४ ॥ हयपुव्वो तत्थ दंडेण, अदुवा
मुट्ठिणा, अदु कुंताडफलेगं; अदु लेट्ठणा क्वालंगं, हंता हंता बह्वे कंदिसु ॥ ५०५ ॥
मंगाणि छिन्नपुव्ववाइं, उट्ठंभिया एगया कायं; परीमहाइं लुंचिसु, अहवा पंमुणा
उवकारिंणु ॥ उच्चालडय णिहणिसु, अदुवा आमणाओ खलइंसु; वोमट्ठकाये पणयासी,
दुक्खमहे भगवं अपडिन्ने ॥ ५०६ ॥ सुगो संगामसीसे वा, संवुडे तत्थ से महा-
वीरे: पडिसंवमाणे फल्माटं, अचले भगवं रीइत्था ॥ ५०७ ॥ एम विही अणुक्कतो,
माहणंण मंडमया; बहुगो अपडिन्नेणं, भगवया एवं रीयंति, ति वेमि ॥ ५०८ ॥
तद्दओवेसो समत्तो ॥

आंमोदरंथं चाएणि, अपुट्ठेवि भगवं गेगेहि; पुट्ठो वा से अपुट्ठो वा, णो से साति-
ज्जति तेउच्छं ॥ ५०९ ॥ मगोहणं च वमणं च, गायधमंगणं च निणारणं च; संबा
हणं ण मे कप्पे, दंतपक्खालण परिण्णाए ॥ ५१० ॥ विरए य गामधम्मोहिं, रीयति
माहणो अवहुवाइं ॥ ५११ ॥ मिसिरंमि एगदा भगवं, छायाए झाइं आसीया ॥
आयावइं य गिम्हागं, अन्च्छति उक्कुए अभित्तावे ॥ ५१२ ॥ अदु जावइत्थ
ल्लहेणं, ओयणमंथक्कुम्मासेणं ॥ एयाणि तिज्जि पडिसेवे, अट्ठमासे य जावयं भगवं
॥ ५१३ ॥ अवि इत्थ एगया भगवं, अद्धमासं अदुवा मासंपि ॥ अविसाहिए
दुवं मासे, छांपमासे अदुवा विहरित्था ॥ रायोवरायं अपडिन्ने, अन्नगिलायमेगया
भुंजे; छट्ठेण एगया भुंजे, अदुवा अट्ठमेणं दसमेणं; दुवालसमेण एगया भुंजे, पेह-
माणे नमाहिं अपडिन्ने ॥ ५१४ ॥ णच्चा णं से महावीरे, णोवि य पावगं सयमकासी ॥
अन्नेहिं वा ण कारित्था, कीरंतंपि णाणुजाणित्था ॥ ५१५ ॥ गामं पविस्तारं णयरं
वा, धाममेमे कडं परट्ठाए; सुविसुद्धमेसिया भगवं, आयतजोगयाए सेवित्था
॥ ५१६ ॥ अदु वायसा दिगिच्छिन्ता, जे अन्ने रसेसिणो सत्ता; घासेसणाए चिट्ठंति,
सययं णिवसिए य पेहाए ॥ ५१७ ॥ अदु माहणं व समणं वा, गामपिंडोलं च
अतिहिं वा; सोवागं मूसयारं वा कुक्कुरं वा विट्ठितं पुरतो ॥ वित्तिच्छेदं वज्जंतो,
तेसिमप्पत्तियं परिहरंतो; मंदं परक्कमे भगवं, अहिंसमाणो घासमेसित्था ॥ ५१८ ॥
अविसुइयं वा सुक्कं वा, सीयपिंडं पुराणकुम्मासं; अदु बुक्कसं पुलागं वा, लद्धे पिंडे

अलङ्कारे दविण् ॥ ५१९ ॥ अवि ज्ञाति से महावीरे, आसणत्थे अकुक्कुए ज्ञाणं;
उडुमहेर्यं तिरियं च, पेहमाणे समाहिमपडिजे ॥ ५२० ॥ अकसायी विगय-
गेही य, सह्रुवेसु अमुच्छिण्णं ज्ञातिः छउमत्थो वि परकममाणो, ण पमायं सइपि
कुव्वित्था ॥ ५२१ ॥ सयमेव अभिममागम्म, आयतजोगमायसोर्हाण् । अभिणिच्छुडे
अमाइल्ले आवकहं भगवं समिआसी ॥ एम विधी अणुक्कतो माहणेण मईमया; बहुसो
अपडिजेगं भगवया एवं रीर्यति ति वेसि ॥ ५२२ ॥ चउत्थोहेसो समत्तो ॥

॥ उवहाणसुयं नवमज्जयणं समत्तं ॥

॥ बंभचेरणां पढमे सुयक्खं धे संपुण्णे ॥

श्रीमद्वागम प्रकाशक समितिके द्वितीय-संस्करण



श्रीमान मोहनलाल धनराज कर्णावट, भवानी घाट पुना जं. इ.

णमो त्थु ण समणस्स भगवओ णायपुत्त-महावीरस्स

विद्ये सुयक्खंघे

से भिक्खू वा, भिक्खुणी वा, गाहावडकुलं पिडवायपडियाए अणुपविट्ठे समाणे, से जं पुणजाणेज्जा अमणं वा पाणं वा खाइमं वा माइमं वा पाणहिं वा पणएहिं वा बीएहिं वा, हरिणहिं वा, समन्न उम्मिस्स मीओदएण वा ओत्तित्तं, रयन्ना वा परिचा-
 त्तियं, तहप्पगारं अमणं वा पाणं वा खाइमं वा माइमं वा, परहन्यंसि वा परपार्यमि
 वा, अफामुयं अणेसणिज्जंति मण्णमाणे लामे वि संते णो पडिगाहेज्जा ॥ ५.२३ ॥ से
 य आहच्च पडिग्गहिए मिया से तं आयाय एगंतमवक्कमेज्जा, एगंतमवक्कमिन्ना अहं
 आगामसि वा अहे उवम्मयंमि वा, अप्पंडे-अप्पपाणे-अप्पवीए, अप्पहांगु, अप्पोसे,
 अप्पोदए, अप्पुत्तिग-पणग-दग-मार्द्धयमक्कटामताणए विगिच्चिय विगिच्चिय उम्मांसं
 विगोहिय विमोहिय तओ संजयामेव भुंजिज्ज वा, पीडज्ज वा, जं च णो संचाडज्जा
 मोत्तए वा पायए वा, से तमायाय एगंतमवक्कमिज्जा, एगंतमवक्कमिन्ना, अहे
 ज्जामधंढिलेसि वा, किट्टामिंसि वा, तुमगामिसि वा, म्हाओमयरारिंसि वा अण्ण-
 यरंसि वा तहप्पगारंसि थंढिलेसि पडिलेहिय २ पर्माज्जय २ तओ संजयामेव परि-
 ट्ठविज्जा ॥ ५.२४ ॥ से भिक्खू वा, भिक्खुणी वा, गाहावडकुलं पिडवायपडियाए
 अणुपविट्ठे समाणे, से जाओ पुण ओसहीओ जाणेज्जा कर्त्तणाओ मासिआओ अवि-
 दलकडाओ अतिरिच्छच्छिन्नाओ, अव्वोच्छिन्नाओ तरुणियं वा छिवाडि अणभिक्खंत-
 भज्जियं पेहाए, अफामुयं अणेसणिज्जंति मण्णमाणे लामे संते णो पडिगाहिज्जा
 ॥ ५.२५ ॥ से भिक्खू वा, भिक्खुणी वा, जाव. पविट्ठे समाणे से जाओ पुण
 ओसहीओ जाणेज्जा, अकसिणाओ असासियाओ, विदलकडाओ, निरिच्छच्छिन्नाओ,
 चोच्छिन्नाओ, तरुणिजं वा छिवाडि अभिक्कंतं भज्जियं पेहाए फामुयं एसणिज्जंति
 मण्णमाणं लामे संते पडिगाहेज्जा ॥ ५.२६ ॥ से भिक्खू वा भिक्खुणी वा जाव
 पविट्ठे समाणे से जं पुण जाणेज्जा, पिहुयं वा बहुरयं वा, मुज्जियं वा, मंथुं वा,
 चाउलं वा, चाउलपलेवं वा, मइं संभज्जियं, अफामुयं अणेसणिज्जं मण्णमाणे लामे
 संते णो पडिगाहिज्जा ॥ ५.२७ ॥ से भिक्खू वा, भिक्खुणी वा, जाव पविट्ठे समाणे
 से जं पुण जाणिज्जा, पिहुयं वा जाव चाउलपलेवं वा असइं भज्जियं दुक्खुत्तो वा
 भज्जियं तिक्खुत्तो वा भज्जियं फामुयं एसणिज्जं जाव लामे संते पडिगाहिज्जा ॥ ५.२८ ॥
 से भिक्खू वा भिक्खुणी वा, गाहावडकुलं जाव पविसिउत्तामे णो अन्नउत्तिएण वा
 गारत्थिएण वा परिहारिओ वा अपरिहारिएणं मदि गाहावडकुलं पिडवायपडियाए
 ३ सुत्ता०

पविस्त्रिज्ज वा णिकस्त्रिज्ज वा ॥५२९॥ से भिक्खु वा भिक्खुणी वा, बहिया विहारभूमि वा, विहारभूमि वा, णिकस्त्रिममाणे पविसमाणे वा, णो अण्णउत्थिएण वा गारत्थिएण वा परिहारिओ वा अपरिहारिएण सदिं बहिया विहारभूमि वा विहारभूमि वा णिकस्त्रिज्ज वा पविस्त्रिज्ज वा ॥५३०॥ से भिक्खु वा भिक्खुणी वा जाव पविट्ठे समणे से णो अण्णउत्थिअस्स वा गारत्थियस्स वा परिहारिओ वा अपरिहारिअस्स वा असणं पाणं खाडमं साहमं वा देजा अण्णपट्टेजा वा ॥ ५३१ ॥ से भिक्खु वा भिक्खुणी वा गामाणुगामं दूइज्जमाणे णो अण्णउत्थिएण वा गारत्थिएण वा, परिहारिओ अपरिहारिएण वा, सदिं गामाणुगामं दूइज्जिजा ॥ ५३२ ॥ से भिक्खु वा भिक्खुणी वा जाव पविट्ठे समणे से जं पुण जाणिज्जा, असणं वा (१) अस्संपडियार् एयं साहम्मियं समुद्दिस्स पाणाइं, भूयाइं जीवाइं, म्माइं समारब्भ समुद्दिस्स कीयं पासिबं अन्धिज्जं अणिसट्ठं अभिहइं आहट्टुं चोएइं तं नहण्णगारं असणं वा (१) पुरिसंतरकटं अपुरिसंतरकटं वा बहिया णीहटं वा अणीहटं वा अत्तट्ठियं वा अणत्तट्ठियं वा, परिभुत्तं वा अपरिभुत्तं वा आसेवियं वा अणासेवियं वा अफामुयं जाव णो पडिगाहिजा ॥ ५३३ ॥ एवं बहवे गाहाम्मिया, एया गाहाम्मणी, बहवे साहम्मिणीओ समुद्दिस्स चत्तारि आत्तावगा भाणियत्वा ॥ ५३४ ॥ से भिक्खु वा (२) गाहावडकुलं जाव पविट्ठे समणे से जं पुण जाणिज्जा, असणं वा (१) बहवे समणमाहणअतिहिक्खिवणवणीमणं पगणिय पगणिय समुद्दिस्स पाणाइं वा १ जाव समारब्भ आसेवियं वा अफामुयं अणेरणज्जंति मण्णमाणे त्तामे मत्ते जाव णो पडिगाहिजा ॥ ५३५ ॥ से भिक्खु वा (२) गाहावडकुलं जाव पविट्ठे समणे से जं पुण जाणेज्जा, असणं वा (१) बहवे समणमाहणअतिहिक्खिवणवणीमणं समुद्दिस्स पाणाइं (४) आहट्टुं चोएइं, तं नहण्णगारं असणं वा (१) अपुरिसंतरकटं अबहिया णीहटं अणत्तट्ठियं अपरिभुत्तं अणासेवितं अफामुयं अणेरणज्जं जाव णो पडिगाहिजा ॥ ५३६ ॥ अह पुण एवं जाणिज्जा पुरिसंतरकटं बहिया णीहटं अत्तट्ठियं परिभुत्तं आसेवियं फामुयं एसणज्जं जाव पडिगाहिजा ॥ ५३७ ॥ से भिक्खु वा (२) गाहावडकुलं पिंडवायपडियाए पविगत्तु कामे से जाइं पुण कुन्दाइं जाणिज्जा, इमेनु खलु कुलेमु णितिए पिंडे दिज्जइं, णितिए अग्गपिंडे दिज्जइं, णितिए भाए दिज्जइं, अवक्कभाए दिज्जइं, नहण्णगाराइं कुत्ताइं णितियाइं णितिओमाणाइं, णो अत्ताए वा णो पाणाए वा पविस्त्रिज्ज वा णिकस्त्रिज्ज वा ॥ ५३८ ॥ एयं खलु तस्स भिक्खुस्स वा भिक्खुणीए वा सामग्गियं जं सट्ठठेहिं समिए महिए सयाजए ति वेसि ॥ ५३९ ॥ पटमोहेसो समतो ॥

से भिक्खु वा भिक्खुणी वा गाहावडकुलं पिंडवायपडियाए अणुपविट्ठे ममाणे से जं पुण जाणेज्जा, असणं वा (४) अट्टमिपोसहिएसु वा, अद्धमासिएसु वा, मासिएसु वा, दोमासिएसु वा, तिमासिएसु वा, चाउमासिएसु वा, पंचमासिएसु वा, छमासिएसु वा, उऊसु वा, उऊसंधीसु वा, उउपरियट्ठेसु वा, बहवे समणमाहणअतिहिक्विणवणीमणे एगाओ उक्खाओ परिएसिज्जमाणे पेहाए, दोहिं उक्खाहिं परिएसिज्जमाणे पेहाए, तिहिं उक्खाहिं परिएसिज्जमाणे पेहाए, चउहिं उक्खाहिं परिएसिज्जमाणे पेहाए, कुंगीमुहाओ वा कलोवाइओ वा, संणिहिसंणिचयाओ वा परिएसिज्जमाणे पेहाए तहप्पगारं असणं (४) अपुरिसंतरकडं जाव अणासेवियं अफामुयं अणैसणिज्जं णो पडिगाहिज्जा ॥ ५४० ॥ अह पुण एवं जाणिज्जा पुरिसंतरकडं जाव आसोवियं फामुयं जाव पडिगाहिज्जा ॥ ५४१ ॥ से भिक्खु वा (२) जाव पविट्ठे ममाणे जाइं पुण कुलाइं जाणिज्जा; तंजहा-उग्गकुलाणि वा भोगकुलाणि वा, राडण्णकुलाणि वा, खान्थककुलाणि वा, इक्खागकुलाणि वा, हरिवंसकुलाणि वा, एसियकुलाणि वा, वेसियकुलाणि वा, गंडागकुलाणि वा, कोट्टागकुलाणि वा, गामग्गवक्ककुलाणि वा, बोक्खालियकुलाणि वा, अण्णयरेसु वा तहप्पगारेसु कुलेसु अदुमुल्लिएसु अगारहिएसु वा, असणं वा (४) फामुयं एमणिज्जं जाव पडिगाहिज्जा ॥ ५४२ ॥ से भिक्खु वा (२) गाहावडकुलं पिंडवायपडियाए अणुपविट्ठे ममाणे से जं पुण जाणेज्जा असणं वा (४) सम्भाएसु वा, पिंडणियरेसु वा, इंदमहेसु वा, संदमहेसु वा, रुद्धमहेसु वा, सुगुंदमहेसु वा, भूयमहेसु वा, जक्खमहेसु वा, णागमहेसु वा, थुभमहेसु वा, क्खमहेसु वा, गिरिमहेसु वा, दरिमहेसु वा, अगडमहेसु वा, तडागमहेसु वा, दहमहेसु वा, णइमहेसु वा, सरमहेसु वा, मागरमहेसु वा, आगरमहेसु वा, अण्णयरेसु वा तहप्पगारेसु विक्खव्वेसु महामहेसु वट्टमाणेसु, बहवे समणमाहणअतिहिक्विणवणीमए एगाओ उक्खाओ परिएसिज्जमाणे पेहाए, दोहिं जाव संणिहिसंणिचयाओ वा परिएसिज्जमाणे पेहाए तहप्पगारं असणं वा (४) अपुरिसंतरकडं जाव णो पडिगाहिज्जा ॥ ५४३ ॥ अह पुण एवं जाणिज्जा, दिण्णं जं तेसि दायव्वं, अह तत्थ भुंजमाणे पेहाए गाहावडभारियं वा, गाहावडभगिणि वा, गाहावडपुनं वा, गाहावडधूयं वा, सुण्हं वा, धाईं वा, दामं वा, दासिं वा, कम्मकरं वा, कम्मकरिं वा, से पुव्वामेव आलोएज्जा, आउमि नि वा भगिणिसि वा, दाहिस्ति मे इत्तो अन्नयरं भोयणजायं ? से सेवं वयंतस्स परो असणं वा (४) आहट्टु दलएज्जा तहप्पगारं असणं वा (४) सयं वा पुण जाएज्जा, परो वा से देज्जा, फामुयं जाव पडिगाहिज्जा ॥ ५४४ ॥ से भिक्खु वा (२) परं अद्धजोयणमेराए

संखडि णञ्जा संखडिपडियाए णो अभिसंधारेज्जा गमणाए ॥ ५४५ ॥ से भिक्खु वा
 (२) पाईणं संखडि णञ्जा पडीणं गच्छे अणाहायमाणे पडीणं संखडि णञ्जा पाईणं
 गच्छे अणाहायमाणे दाहिणं संखडि णञ्जा उदीणं गच्छे अणाहायमाणे, उदीणं संखडि
 णञ्जा दाहिणं गच्छे अणाहायमाणे ॥ ५४६ ॥ जस्सेव सा संखडी सिया, नेज्जा
 गामंसि वा, णगरंसि वा, खेडंसि वा, कच्चडंसि वा, भंडबंसि वा, पट्टगंसि वा, आगरंसि
 वा, दोणमुहंसि वा, णिगमंसि वा, आममंसि वा, रायहरणिसि वा, ताव संनिवेसंसि
 वा, संखडि संखडिपडियाए णो अभिसंधारेज्जा गमणाए, कंचली बूया 'आवाणमेयं'
 ॥ ५४७ ॥ संखडि संखडिपडियाए अभिसंधारेमाणे आहाकम्मियं वा उहंसियं, मीस-
 जायं वा, कीयगडं वा पासिबं वा, अचछेज्जं वा, अणिसट्ठं वा, आभहडं वा, आह-
 दिज्जमाणं भुंजिज्जा, असंजए भिक्खुपडियाए, खुण्डियदुवारियाओ महाक्खियदुवारियाओ
 कुञ्जा, महाक्खियदुवारियाओ खुण्डियदुवारियाओ कुञ्जा, समाओ सिज्जाओ विममाओ
 कुञ्जा, विममाओ सिज्जाओ समाओ कुञ्जा, पवायाओ सिज्जाओ णिवायाओ कुञ्जा,
 णिवायाओ सिज्जाओ पवायाओ कुञ्जा, अतो वा, बहिं वा उवम्मयस्स हरियाणि छिट्ठिय
 २ दाळिय २ संधारणं संधारिज्जा एम चित्तंगयामो सिज्जाए तम्हा से संजए णियंटे
 अण्णयरं वा तहप्पगारं पुरे संखडिं वा पच्छासंखडिं वा संखडिं संखडिपडियाए णो
 अभिसंधारिज्जा गमणाए ॥ ५४८ ॥ एयं लल्ल तस्स भिक्खुम्म भिक्खुणीए वा साम-
 णियं जं सन्वट्ठं हि समिणं महिणं सयाजए ति वेमि ॥ ५४९ ॥ **बीओइसो समत्तो ॥**
 से एगया अण्णतरं संखडिं आसिणा पिपिणा उट्ठेज्ज वा तमेज्ज वा, भुले वा से
 णो सम्मं परिणमिज्जा अण्णतरं वा से दुक्खे गोदानंके समुपाज्जञ्जा, कंचली बूया
 ज्ञायणमेयं ॥ ५५० ॥ इह खल्ल भिक्खु गाहावडहिं वा, गाहावडणीहिं वा, परिवा-
 यएहिं वा, परिवाडयाहिं वा, एगज्जं सदि मोंडं पाउं मे वा निसिस्सं दृग्गया वा,
 उवस्सयं पडिलेहेमाणे णो लभिज्जा, तमेव उवम्मयं संमासग्गभावमावजिज्जा अण्ण-
 मण्णे वा से मत्ते विप्परियासियभूए उन्वियिगहे वा किन्तीवे वा तं भिक्खु उवसं-
 मित्तु बूया 'आउसंतो ममणा अहे आगामंसि वा, अहे उवम्मयंसि वा, राओ वा,
 वियाले वा, गामधम्मणियंतियं कट्टं, रहस्मियंभेरुणधम्मपरियागणाए आउट्टामो' त
 चेवेगडओ सार्हाज्जिज्जा, अकरणिज्जं चयं संखाए । एत आद्यतणाणि संति संखिज्जमाण
 पञ्चवाया भवंति, तम्हा से संजए णियंटे तहापगारं पुरेसंखडिं वा पच्छासंखडिं वा
 संखडिं संखडिपडियाए णो अभिसंधारिज्जा गमणाए ॥ ५५१ ॥ से भिक्खु वा (२)
 अन्नयदि संखडिं वा सोखा णिसम्म संपरिहावड उस्सुयभूयेअ अप्पाणेजं 'धुवा संखडी'
 णो संखाएड, तत्थ इयरेयेरहिं कुलेहिं मामुदाणिये एस्सियं वेस्सियं पिंडवायं पडिगा-

हिता आहारं आहारेत्तए, माहृद्गार्णं संपासे णो एवं करिज्जा, से तत्थ कालेण अणुप-
 विस्सिता तत्थेयरेयरेहिं कुलेहिं सामुदाणियं एसियं वेसियं पिंडवायं पडिगाहिता आहारं
 आहारिज्जा ॥ ५५२ ॥ से भिक्खू वा (२) से जं पुण जाणेज्जा गामं वा जाव
 रायहाणि वा, इमंमि खल्लु गामंसि वा जाव रायहाणिसि वा संखडि सिवा तंपि य
 गामं वा जाव रायहाणि वा संखडिं संखडिपडियाए णो अभिसंधारेज्जा गमणाए,
 केवन्ती बूया आयाणमेयं ॥ ५५३ ॥ आइण्णा अवमा णं संखडिं अणुपविस्समाणस्स
 पाएण वा पाए अकंतपुब्बे भवइ, हत्थेण वा हत्थे संचालियपुब्बे भवइ, पाएण वा
 पाए आबडियपुब्बे भवइ, सीसेण वा सीसे संचडियपुब्बे भवइ, काएण वा काए
 मंखोभियपुब्बे भवइ, दंडेण वा मुट्ठिणा वा लेट्ठणा वा क्वाट्ठेण वा अभिहयपुब्बे वा
 भवइ, सीओदएण वा उत्तिसपुब्बे भवइ, रयसा वा परिचासियपुब्बे भवइ, अणेस-
 णिज्जेण वा परिभुत्तपुब्बे भवइ, अणेसि वा दिज्जमाणे पडिगाहियपुब्बे भवइ, तम्हा
 से संजए णिगंथे तहृप्पगारं आइण्णाऽवमा णं संखडिं संखडिपडियाए नो अमिसं-
 धारिज्जा गमणाए ॥ ५५४ ॥ से भिक्खू वा (२) गाहावडकुलं पिंडवायपडियाए
 पविट्ठे समाणे से जं पुण जाणेज्जा, असणं वा (४) एमणिजं मिया अणेमणिजं मिया
 विट्ठिणिच्छसमावण्णेणं अप्पाणेणं असमाहृडाए टेस्साए तहृप्पगारं असणं वा (४)
 लामे संते णो पडिगाहिज्जा ॥ ५५५ ॥ से भिक्खू वा (२) गाहावडकुलं पविस्सित्तु
 कामे सव्वं भंडगमायाय गाहावडकुलं पिंडवायपडियाए पविसिज्ज वा णिक्खमिज्ज
 वा ॥ ५५६ ॥ से भिक्खू वा (२) बहिया वियारभूमि वा विहारभूमि वा णिक्ख-
 ममाणे पविसमाणे वा सव्वं भंडगमायाए बहिया वियारभूमि वा विहारभूमि वा
 णिक्खमिज्ज वा पविसिज्ज वा ॥ ५५७ ॥ से भिक्खू वा (२) गामाणुगामं दूइज्ज-
 माणे सव्वं भंडगमायाए गामाणुगामं दूइज्जिज्जा ॥ ५५८ ॥ से भिक्खू वा (२)
 अह पुण एवं जाणिज्जा तिक्कदेसियं वासं वासंमाणं पेहाए, तिक्कदेसियं महियं
 सण्णिचयमाणं पेहाए महाबाएण वा रयं ममुद्धयं पेहाए तिरिच्छसपाइमा वा तमा
 पाणा संथडा सन्निचयमाणा पेहाए, से एवं णच्चा णो सव्वं भंडगमायाय गाहावड-
 कुलं पिंडवायपडियाए पविसिज्ज वा णिक्खमिज्ज वा बहिया वियारभूमि वा विहार-
 भूमि वा पविसिज्ज वा णिक्खमिज्ज वा गामाणुगामं दूइज्जिज्जा ॥ ५५९ ॥ से भिक्खू
 वा (२) से जाइं पुण कुलाइं जाणिज्जा, तंजहा-खणियाण वा, राईण वा, कुराईण
 वा, रायपेसियाण वा, रायवंसट्ठियाण वा अंतो वा बहिं वा सण्णिविठ्ठाण वा, गच्छंताण
 वा णिमंतेमाणण वा अणिमंतेमाणण वा असणं वा (४) लामे संते णो पडिगा-
 हिज्जा ति वेमि ॥ ५६० ॥ तद्दोहेसो समत्तो ॥

से भिक्खु वा (२) जाव पविट्ठे समणं मे जं पुण जाणंजा, आहेणं वा पहणं वा, हिगोलं वा, समेलं वा हरमाणं पेहाए अतरा मे मग्गा बग्गणा, बहुकीया, बहुहरिया, बहुओमा, बहुउरया, वत्तं गतिगपगमदग्गमादग्गमासंताणया, बरं वे तत्थ समणमाहणअतिरिक्खिवणवणीमया उपागत उवागमिस्सन्ति त्थाउण्णाविन्ती णो पण्णास्सर्ण क्खमणपवेमाए णो वायणपुच्छगपान्यदयाणुपेहाभस्साओगचिताए, मेव णच्चा तहप्पगारं पुरेसंग्गाडे वा पच्छासंग्गाडे वा संग्गाडे सन्वडिपडियाए णो अभिसधारेज्जा गमणाए ॥ ५६१ ॥ से भिक्खु वा (२) गाहावडकुलं पिंडवायपडियाए पाण्डु समाणं मे जं पुण जाणंजा, आहेणं वा जाव समेणं वा हरमाणं पेहाए अतरा मे मग्गा अपंदा जाव अपसंताणया णो जत्थ बहवे समणमाहणा जाव उवागमिस्सन्ति अप्पाउण्णाविन्ती पण्णास्स गिक्खमणपवेमाए पण्णास्स वायणपुच्छगपान्यदयाणुपेहाभस्साओगचिताए मेवं णच्चा तहप्पगारं पुरेसंग्गाडे वा पच्छासंग्गाडे वा संग्गाडे-पडियाए अभिसधारेज्जा गमणाए ॥ ५६२ ॥ से भिक्खु वा (२) गाहावडकुलं जाव पविसिउक्कामे जं पुण जाणंजा, खीवणियाओ गावीओ स्वीज्जमाणीओ पेहाए असणं वा (४) उवसग्गडिज्जमाणं पेहाए पुरा अपजह्णिणं मेवं णमा णो गाहावडकुलं पिंडवायपडियाए गिक्खमिज्ज वा पविमिज्ज वा मे तमायाए णगमवडमिज्जा, अणावायमसलोए चिह्ठिज्जा, अह पुण एवं जाणंजा खीवणीओ गावीओ स्वीरियाओ पेहाए, असणं वा (४) उवक्खडियं पेहाए पुराए जह्णिणं मे एवं णच्चा तओ संजयामेव गाहावडकुलं पिंडवायपडियाए पविमिज्जवा गिक्खमिज्ज वा ॥ ५६३ ॥ भिक्खागाणामेगे एवमाहंसु समाणा वा वगमाणा वा गामाणुगामं द्दज्जमाणं म्हुण्णाए खलु अयं गामे सगिक्खाए णो महात्ताए मे हंता, भयंतारो वाहिरग्गाण गामाणि भिक्खायारियाए वयह ॥ ५६४ ॥ मति तन्धेगडयस्स भिक्खुम्मा पुरे मनुत्ता वा पच्छासंथुया वा पारिवसन्ति, तंजहा-गाहावट वा, गाहावटणीओ वा, गाहावटपुत्ता वा, गाहावडधुयाओ वा, गाहावटमुण्हाओ वा, धाईओ वा, दाया वा, दासीओ वा, कम्मकरा वा, कम्मकरीओ वा, तहप्पगारं कुलाईं पुरे संथुयाणि वा पच्छासंथुयाणि वा, पुट्ठामेव भिक्खायारियाए अणुपविमिस्सामि अविद्य इत्थ लभिस्सामि, पिंडं वा लोयं वा, अरणं वा, पाणं वा, खीयं वा, दधि वा, पयं वा, गुल्लं वा, तेल्लं वा, सकुलि, फागियं वा, पूयं वा, सिहारिणि वा, तं पुट्ठामेव भुच्चा पिच्चा पडिगहं संलिट्ठियं समज्जियं तओ पच्छा भिक्खुहिं सडिं गाहावडकुलं पिंडवायपडियाए पविमिस्सामि गिक्खमिस्सामि वा, माइह्ठणं संफासे, तं णो एवं करेज्जा, से तत्थ णोहिं सडिं कालेण अणुपविसिन्ता, तत्थियरेयरेहिं कुलेहिं सामुदाणियं एत्थियं

येमियं । इवायं पडिगाहिला आहार आहारिजा ॥ ५६६ ॥ एवं स्वदु तन्म
भिक्स्व वा भिक्स्वृणाण वा भामार्गयं ॥ ५६६ ॥ चउत्थोहेमो ममत्तो ॥

से भिक्स्व वा (२) जाव पविट्टे समाणे से जं पुण जाणिजा, अग्गपिटं
उत्तम्यपमाणं पेहाए, अग्गपिटं णिक्खपमाणं पेहाए, अग्गपिटं हीरमाणं पेहाए,
अग्गपिटं परिभाटजमाणं पेहाए, परिभुंजमाणं पेहाए, अग्गपिटं परिद्वविजमाणं
पेहाए, पुरा अनिणाट वा, अवहराड वा पुरा जन्थजे ममणमाहणअतिहिकिवण-
वर्णीमगा स्वदं स्वदं उवसं रुमंति, से हंता अहमवि स्वदं २ उवसं रुमामि, माडट्टाणं
संक्रामे णो एवं कारिजा ॥ ५६७ ॥ से भिक्स्व वा, (२) जाव पविट्टे समाणे
अंतरा से वापाणि वा, फलिहाणि वा, पागाणाणि वा, तोरणाणि वा, अग्गलाणि वा,
अग्गलपायगाण वा नड परक्कमे सजयामेव परक्कमिजा, णो उज्जुयं गच्छिज्जा,
केवलीं पुरा आयाणमेयं ॥ ५६८ ॥ से तन्थ परक्कममाणे पयालिज वा, पक्क-
लेज वा पवडिज वा, से तन्थ पयलेमाणे वा पक्कलेजमाणे पवडमाणे वा, तन्थ से
कायं उच्चारेण वा पायवणेण वा खेलेण वा सिघाणेण वा, वंतेण वा पिन्तेण वा,
पूण वा, मूत्रेण वा, मोणिणण वा, उवल्लिने सिया, तहप्पगारं कायं णो अणंतरहि-
याए पुटवीए, णो सार्सणिद्राण पुटवीए, णो मग्गरक्खाए पुटवीए, णो चिन्मंताए
मिळाए, णो चिन्मंताए लेट्टाए, कोलावार्समि वा, दाहए जीवपडिट्टिए सअडे सपाणे
जाव मस गाणए, णो आमजिज वा पमजिज वा, संलिहिज वा, विलिहिज वा, उव-
लिज वा, उवट्टिज वा, आयाविज वा, पयाविज वा, से पुव्वामेव अपममरक्कत्तं तणं
वा, पत्तं वा, कट्टं वा, सक्करं वा, जाइजा, जाइजा सेतमायाय एणंतमवक्कमिजा, २
अहे झामथंडिलेसि वा, जाव अण्ययरंसि वा, तहप्पगारसि पडिलेहिय २ पमजिय
२ तओ सजयामेव आमजिज वा जाव पयाविज वा ॥ ५६९ ॥ से भिक्स्व वा
(२) जाव पविट्टे समाणे से जं पुण जाणेजा गोणं वियालं पडिपहे पेहाए, महिसं
वियालं पडिपहे पेहाए एवं मणुस्सं आमं हन्थि सीढ वधं विगं दीविणं अच्छं तरच्छं
परिसरं सियाल विरालं मृणयं कोळमृणय कोकंतिणं चित्ताचेद्धरयं वियालं पडिपहे
पेहाए सइपरक्कमे संजयामेव परक्कमेज्जा णो उज्जुयं गच्छेज्जा ॥ ५७० ॥ से
भिक्स्व वा (२) जाव समाणे अंतरा से ओवाओ वा, खाणू वा, कंटे वा, घसी
वा, भिल्लगा वा, विसमे वा, विज्जले वा, परियावजिज्जा, सति परक्कमे सजयामेव
परक्कमेज्जा णो उज्जुयं गच्छिज्जा ॥ ५७१ ॥ से भिक्स्व वा (२) गाहावइकुल्लस्स दुवार-
बाहं कंठक्कबोदियाए परिपिहियं पेहाए तेसिं पुव्वामेव उग्गहं अणणुजविय अपडि-
लेहिय अपमजिय णो अवंगुगिज वा, पविसिज वा णिक्खमिज वा, तेसिं पुव्वामेव

उगर्हं अणुप्रविय पडिलेहिय २ पमजिय २ तओ संजयामेव अक्वणुणिज्ज वा पविसेज्ज वा णिक्खमेज्ज वा ॥ ५.७२ ॥ से भिक्खु वा (२) जाव समाणे से जं पुण जाणेज्जा, समणं वा, माहणं वा, गामपिंडोल्लं वा, अतिहिं वा, पुव्वपविट्ठं पेहाए णो तेसिं संलोए सपडिदुवारे चिट्ठेज्जा, केवली बूया आयाणमेयं ॥ ५.७३ ॥ पुरा पेहाए तस्सट्ठाए परो अमणं वा, (४) आहट्टुं दलएज्जा अह भिक्खुं पुव्वोवदिट्ठा एस पइत्ता एस हेऊ, एस उवएसो, जं णो तेसिं संलोए सपडिदुवारे चिट्ठेज्जा से तमायाए एगंतमवक्कमिज्जा अणावायमसंलोए चिट्ठेज्जा ॥ ५.७४ ॥ से परो अणावायमसंलोए चिट्ठमाणस्स अमणं वा (४) आहट्टुं दलएज्जा से य वदेज्जा “आउसंतो समणा इमे भे असणे वा (४) सव्वजणाए निसिट्ठे, नं भुंजह च णं परिभाएह च णं” तं चेगइओ पडिगाहेत्ता तुसिणीओ उवेहेज्जा, अवियाइ एयं मममेव मिया एवं माइट्ठाणं संफासे, णो एवं करेज्जा, से तमायाए तत्थ गच्छेज्जा (२) से पुव्वामेव आलोएज्जा, “आउसंतो समणा, इमे भे अमणं वा (४) सव्व जणाए णिसिट्ठे तं भुंजह च णं परिभाएह च णं” सेवं वदंनं परो वएज्जा “आउसंतो समणा, तुमं चेव णं परिभाएहि, से तत्थ परिभाएमाणं णो अप्पणो खदं २ डायं २ ऊमडं २ रमियं २ मणुजं २ णिदं २ लुक्खं २ से तत्थ अमुच्छिए अणिदं अगहिए अणज्जोववण्णे, बहुमममेव, परिभाएज्जा ॥ ५.७५ ॥ मे णं परिभाएमाणं परो वएज्जा “आउसंतो समणा मा णं तुमं परिभाएहि सव्वे वेगतिया ठिया उ भोक्खामो वा पाहामो वा” से तत्थ भुंजमाणे णो अप्पणा खदं २ जाव लुक्खं २ से तत्थ अमुच्छिए (४) बहुमममेव भुंजिज्ज वा पीइज्ज वा ॥ ५.७६ ॥ से भिक्खु वा (२) जाव समाणे से जं पुण जाणिज्जा, समणं वा, माहणं वा, गामपिंडोल्लं वा, अतिहिं वा, पुव्वपविट्ठं पेहाए णो ते उवाइक्कम्म पविसेज्ज वा ओभासेज्ज वा से तमायाय एगंतमवक्कमेज्जा अणावायमसंलोए चिट्ठेज्जा, अह पुण एवं जाणिज्जा, पडिसेहिए वा दिजे वा नओ तंमि णियारिणं संजयामेव पविसिज्ज वा ओभासिज्ज वा ॥ ५.७७ ॥ एयं म्वलु तस्म भिक्खुस्स भिक्खुणीए वा सामगियं ॥ ५.७८ ॥ पंचमोहेसो समत्तो ॥

से भिक्खु वा (२) जाव समाणे से जं पुण जाणेज्जा, रसेसिणो बहवे पाणा घामेसणाए संथडे संणिवइए पेहाए तंजहा-कुक्कुडजाउयं वा, मूयरजाइयं वा अगपिंडसि वा वायसा संथटा संणिवइया पेहाए सइ परक्कमे संजयामेव परक्कमेज्जा नो उज्जुर्यं गच्छिज्जा ॥ ५.७९ ॥ से भिक्खु वा (२) जाव पविट्ठं समाणे नो गाहावइकुलस्स दुवारसाहं अबलंभिय २ चिट्ठेज्जा, नो गाहावइकुलस्स दगच्छणुणमत्ताए

चिद्विज्ञा, नो गाहावइकुलस्स चंदणित्तयए चिद्विज्ञा, णो० सिण्णाणस्स वा वच्चस्स वा संलोए सपडिदुवारे चिद्विज्ञा णो गाहावइकुलस्स आलोयं वा चिग्गलं वा संधिं वा दगभवणं वा बाहाउ पणित्तिय २ अंगुलियाए वा उदिसिय २ उण्णमिय २ अवनमिय २ णिज्झाइज्जा, णो गाहावइं अंगुलियाए उदिसिय २ जाइज्जा, णो गाहावइं अंगुलियाए चालिय २ जाएजा, णो गाहावइं अंगुलियाए तच्चिय २ जाएजा, णो गाहावइं अंगुलियाए उक्खुलंपिय २ जाएजा, णो गाहावइं वंदिय २ जाएजा, णो वयणं फरसं वइज्जा ॥ ५८० ॥ अह तत्थ कंचि भुंजमाणं पेहाए, तंजहा-गाहावइं वा जाव कम्मकरिं वा मे पुव्वामेव आलोइजा, “आउसो णि वा, भइणि णि वा दाहिसि मे एत्तो अन्नयरं भोयणजायं” से एवं वयंतस्स परो हत्थं वा मत्तं वा दच्चिं वा भायणं वा सीओदगवियडेण वा, उस्सिणोदगवियडेण वा, उच्छोलेज्ज वा, पहोएज्ज वा, से पुव्वामेव आलोएजा “आउसो णि, वा भइणिणि वा, मा एयं तुमं हत्थं वा, मत्तं वा, दच्चिं वा, भायणं वा, सीओदगवियडेण वा उस्सिणोदगवियडेण वा, उच्छोलेहि वा पहोवेहि वा, अभिक्कत्तसि मे दाउं एमेव दलयाहि” से सेवं वयंतस्स परो हत्थं वा (१) सीओदगवियडेण वा २ उच्छोलेत्ता पहोइत्ता आहट्टु दलएज्जा तहप्पगारेण पुरे कम्मकरणं हत्थेण वा (४) असणं वा (४) अफासुयं अणेसणित्तं जाव णो पडिगाहिज्जा, अह पुण एवं जाणिज्जा णो पुरेकम्मएणं उदउल्लेणं तहप्पगारेणं वा सस्सिणिट्ठेण वा हत्थेण वा (४) असणं वा (४) अफासुयं जाव णो पडिगाहिज्जा अह पुण एवं जाणेज्जा णो उदउल्लेण सस्सिणिट्ठेणं संसं तं चेव, एवं समरक्खे, मट्टिया, ऊसे हरियाले, हिंगलए, मणोसित्ता, अंजणे, लोणे, गेरुव, वच्चिय, सेट्टिय, मोरट्टिय पिट्ट कुक्कस उक्कुट्ट संसट्ठेणं ॥ ५८१ ॥ अह पुण एवं जाणिज्जा, णो असंमट्ठे, संसट्ठे तहप्पगारेण संसट्ठेण हत्थेण वा (४) असणं वा (४) फासुयं जाव पडिगाहिज्जा ॥ ५८२ ॥ से भिक्खु वा (२) से जं पुण जाणेज्जा पिहुयं वा बहुरयं वा जाव चाउलपलंबं वा, असंजए भिक्खुपडियाए चित्तमंताए सिलाए जाव मक्खुटासंताणाए कुट्टिसु वा, कुट्टिति वा, कुट्टिसंति वा, उप्पणिसु वा (३) तहप्पगारं पिहुयं वा, जाव चाउलपलंबं वा, अफासुयं जाव णो पडिगाहिज्जा ॥ ५८३ ॥ से भिक्खु वा (२) जाव समाणे से जं पुण जाणिज्जा बिलं वा लोणं उच्चिभयं वा लोणं असंजए भिक्खुपडियाए चित्तमंताए सिलाए जाव मंताणाए भिंदिसु वा, भिंदेति वा, भिदिस्संति वा, रुच्चिसु वा (३) बिलं वा लोणं उच्चिभयं वा लोणं अफासुयं जाव णो पडिगाहिज्जा ॥ ५८४ ॥ से भिक्खु वा जाव समाणे से जं पुण जाणेज्जा असणं वा (४) अगणित्ठिक्खुत्तं तहप्पगारं

अमणं वा (४) अफामुयं लामे संते णो पडिगाहिजा, केवली वृथा, "आयाण-
मेयं" असंजणं भिक्खुपडियाणं उद्विभजमाणे वा, भास्मजमाणे वा, आमजमाणे
वा, पमजमाणे वा, भोयारमाणे वा, उक्कलमाणे वा, अगणंजोवे हिमिजा, अह
भिक्खणं पुब्बोवदिट्ठा एस पट्ठणा, एस हेऊ, एस कारणे, एसवासं, जं तहापगारं
अमणं वा, (४) अगणंजोवे अफामुयं अणंजोवे लामे संते णो पडिगाहिजा
॥ ५८५ ॥ एवं खलु तस्य भिक्खुस्स वा भिक्खुणी वा यामांगय ॥ ५८६ ॥

छट्ठोद्देशो समत्तो ॥

से भिक्खु वा (२) जाव समाणे से जं पुण जाणेजा अमणं वा (४) खंभणि
वा थंभंणि वा, मंचंणि वा, मालांणि वा, पायायंणि वा, हांमनयत्तंणि वा, अन्नय-
रंणि वा, तहप्पगारंणि अनलिक्खजायंणि उवां त्कयत्ते सिया, तहापगारं मालोहट्टं
अमणं वा (४) जाव अफामुयं णो पडिगाहिजा, केवली वृथा "आयाणमेयं"
असंजणं भिक्खुपडियाणं पीढं वा फट्ठं वा, गम्मंणि वा, उद्वहं वा, आशु
उस्मवियं दुग्हेजा, से तत्तं दुग्हेमाणं, पयलेजा वा पवडेजा वा, से पयं पयत्ते-
माणं वा पवडेमाणं वा, हत्थं वा, पायं वा, बाहुं वा, ऊरुं वा, उदरं वा, मीमं वा,
अण्णयरं वा कार्यामं उदियजायं लीमज्जं वा, पाणांणि वा, मयांणि वा, जंघांणि
वा, मत्ताणि वा, अभिदण्णिजं वा, वित्तामिजं वा, लेसिजं वा, संधावज्जं वा, मघ-
ट्ठिजं वा, परियाविजं वा, किलामिजं वा, टाणाओ टाणं मसांमिजं वा, तं तहाप-
गारं मालोहट्टं अमणं वा, (४) लामे संते णो पडिगाहिजा ॥ ५८७ ॥ से भिक्खु
वा, (२) जाव समाणे से जं पुण जाणेजा, अमणं वा (४) कुट्टियाओ वा
कोलेजाओ वा, असंजणं भिक्खुपडियाणं, उक्कजियं अक्कजियं ओदायं, आहट्टं,
दल्लंजा, तहप्पगारं अमणं वा, (४) मालोहट्टं णच्चा लामे संते णो पडिगा-
हिजा ॥ ५८८ ॥ से भिक्खु वा (२) जाव समाणे से जं पुण जाणेजा अमणं
वा (४) मट्ठियाओलित्तं तहापगारं अमणं वा (४) जाव लामे संते णो पडिगा-
हिजा । केवली वृथा "आयाण, मेयं" असंजणं भिक्खुपडियाणं मट्ठिओलित्तं अमणं
वा (४) उद्विभजमाणं पुट्टीकायं समारंभिजा, तहा तेऊवाऊवगरसइत्तस्य कायं
समारंभिजा पुणगवि ओल्लिपमाणे पच्छाकम्मं करिजा । अहं भिक्खुणं पुब्बोवदिट्ठा
जाव जं तहापगारं मट्ठिओलित्तं अमणं वा, (४) लामे संते णो पडिगाहिजा
॥ ५८९ ॥ से भिक्खु वा (२) जाव पविट्ठं समाणे से जं पुण जाणेजा अमणं
वा (४) पुट्टिकायपट्ठियं तहापगारं अमणं वा (४) अफामुयं जाव णो पडि-
गाहिजा ॥ ५९० ॥ से भिक्खु वा भिक्खुणी वा से जं पुण जाणेजा, अमणं वा

(४) आउकायपडांठुयं चेव एव अगाणकायपडांठुयं लामे संते णो पडिगाहिजा,
 'केवलीवुया' "आयाणमेयं" अमजए भिक्खुपडियाए अगाण उस्मक्किय २ गिग-
 क्किय २ ओत्तरिय २ आहट्ट, दलएजा अह भिक्खुं पुच्चोवदिट्ठा जाव णो पडिगा-
 हिजा ॥ ५९१ ॥ मे भिक्खु वा (२) जाव पविट्ठे समाणे से जं पुण जाणजा,
 अगाणं वा (४) अञ्जमिणं अमजए भिक्खुपडियाए, सुप्पेण वा, विट्ठयणेण वा,
 तालियंटेण वा, पत्तेण वा, साहाए वा, महाभंगेण वा, पिट्ठयणेण वा, पिट्ठणहन्थेण
 वा, चेल्लेण वा, चेल्लकल्लेण वा, हन्थेण वा, मुहेण वा, फुमिज्ज वा, वीएज वा,
 से पुच्चामेव आलोएजा "आउसो ति वा, भगिणि ति वा, मा एयं तुम, अमणं
 वा, (४) अञ्जमिण सुप्पेण वा जाव फुमाहि वा, वीयादि वा, अभिक्खंवांम मे दाउं
 एमेव दलवाहि" मे मेवं वयंनम्म परो सुप्पेण वा जाव वीइत्ता आहट्टु दलएजा,
 तहप्पगार अमणं वा (४) अफामुयं जाव णो पडिगाहिजा ॥ ५९२ ॥ मे भिक्खु
 वा (२) जाव समाणे से जं पुण जाणजा, अमणं वा (४) वणम्मइकायपडांठुयं
 तहप्पगार अमणं वा (४) वणम्मइकायपडांठुयं अफामुयं अणमणिज्जं लामे संते
 णो पडिगाहिजा, एवं तमकाएवि ॥ ५९३ ॥ मे भिक्खु वा (२) जाव पविट्ठे
 समाणे से जं पुण पाणगजायं जाणेजा, तंजता-उस्मइमं वा, समंडमं वा, चाउलोदगं
 वा, अण्णयरं वा तहप्पगारं पाणगजायं, अहुणाधोयं, अण्णिलं, अवांइकं, अररिणयं
 अविद्वत्थं, अफामुयं, अणमणिज्जं, मण्णमाणे णो पडिगाहिजा ॥ ५९४ ॥ अह पुण
 एवं जाणजा, चिराधोयं, अब्बिलं, वुव्वंलं, परिणयं, निद्वत्थं, फामुयं जाव पडिगा-
 हिजा ॥ ५९५ ॥ मे भिक्खु वा, (२) जाव पविट्ठे समाणे से जं पुण पाणगजायं
 जाणेजा, तंजहा-तिलोदगं वा, तुसोदगं वा, जवोदगं वा, आयाम वा, मोपीर वा,
 सुद्ववियउं वा, अण्णयर वा तहप्पगार पाणगजायं पुच्चामेव आलोएजा "आउसो
 ति वा, भगिणिति वा, दाहिस्सि मे गत्तो अन्नयर पाणगजायं ?" से सेवं वयंनं परो
 वएजा "आउसंतो ममणा, तुमं चेवंदं पाणगजायं पडिगाहेण वा उस्मिच्चियाणं २
 ओयत्तियाणं गिण्हाहि" तहापगारं पाणगजायं सयं वा गिण्हिजा, परो वा से दिजा,
 फामुयं लामे सते पडिगाहिजा ॥ ५९६ ॥ मे भिक्खु वा (२) से जं पुण पाणगं
 जाणेजा अणंतरहिियाए पुडवीए जाव संताणए ओहेट्टु निक्खित्ते सिया अमंजए
 भिक्खुपडियाए, उदउल्लेण वा, मसिण्णिद्वेण वा, सक्साएण वा, मत्तेण वा सीओद-
 एण वा, संभोएत्ता आहट्टु दलएजा तहप्पगारं पाणगजायं अफामुयं लामे सते णो
 पडिगाहिजा ॥ ५९७ ॥ एयं खलु तस्स भिक्खुस्स भिक्खुणीए वा सामगियं
 ॥ ५९८ ॥ ससमोइसो समत्तो ॥

से भिक्खु वा (२) जाव पविट्ठे समणे से जं पुण पाणगजायं जाणिज्जा, तंजहा-अंबपाणगं वा, अवाटगपाणगं वा, कविट्ठपाणगं वा, माउडिगपाणगं वा, मुहियापाणगं वा, दाडिमपाणगं वा, खज्जरपाणगं वा, णांत्तरपाणगं वा, करीर-पाणगं वा, कौलपाणगं वा आमत्तगपाणगं वा, निच्चापाणगं वा, अण्णयरं वा तहप्पगारं पाणगजायं अफामुयं मबीयगं अमंत्तं भिक्खुपड्डियाणं छब्बेण वा दूमेण वा, वालगणं वा, आर्यालियाणं वा, पवीलियाणं पम्मिआयाणं आट्टं दग्गज्जा, तहापगारं पाणगजायं अफामुयं लामे सत्ते णो पडिगाहिज्जा ॥ ६०० ॥ से भिक्खु वा (२) जाव पविट्ठे समणे, से आगेतारेसु वा, आरामगारेसु वा, गान्हावट्ठसु वा, परियावसहेसु वा, अन्नगंधाणि वा, पाणगंधाणि वा, मूरभिगंधाणि वा, अग्घाय २ से तत्थ आमायवड्डियाणं मुच्छिदणं, गिदं, गट्ठिणं, अन्नोक्कवत्थं 'अहो गंधो २' णो गंधमाघाडज्जा ॥ ६०० ॥ से भिक्खु वा (२) जाव समणे, से जं पुण जाणेज्जा, साल्लयं वा, विगालियं वा, सामवणात्थियं वा, अण्णतरं वा तहापगारं आमगं असत्थपरिणयं अफामुयं जाव णो पडिगाहिज्जा ॥ ६०१ ॥ से भिक्खु वा (२) जाव पविट्ठे समणे से जं पुण जाणेज्जा, पिपाठं वा, पिप्पटि-त्तुणं वा, भिरियं वा, भिरियत्तुणं वा, सिग्गेरं वा, सिग्गेरत्तुणं वा, अण्णतरं वा तहप्पगारं आमगं असत्थपरिणयं अफामुयं जाव णो पडिगाहिज्जा ॥ ६०२ ॥ से भिक्खु वा (२) जाव पविट्ठे समणे से जं पुण जाणेज्जा, पलंबजायं तंजहा-अंबपलंबं वा, अवाटगपलंबं वा, तालपलंबं वा, झिन्डिगपलंबं वा, मूरभिगलंबं वा, मल्लपलंबं वा, अन्नयरं वा तहप्पगारं पलंबजायं आमगं असत्थपरिणयं अफामुयं अणेसणिज्जं जाव लामे सत्ते णो पडिगाहिज्जा ॥ ६०३ ॥ से भिक्खु वा (२) जाव पविट्ठे समणे से जं पुण पवालजायं जाणिज्जा, तंजहा-आमोत्थपवालं वा, णग्गेह-पवालं वा, पिल्लुसुपवालं वा, णीपुग्गपवालं वा, मल्लपवालं वा, अन्नयरं तहापगारं पवालजायं आमगं असत्थपरिणयं अफामुयं अणेसणिज्जं जाव णो पडिगाहिज्जा ॥ ६०४ ॥ से भिक्खु वा (२) जाव समणे से जं पुण गरदुयजायं जाणिज्जा, तंजहा-अंबसरदुयं वा, कविट्ठगरदुयं वा, दाडिमसरदुयं वा, विद्धसरदुयं वा, अण्ण-यरं वा तहापगारं सरदुयजायं आमं असत्थपरिणयं अफामुयं णो पडिगाहिज्जा ॥ ६०५ ॥ से भिक्खु वा (२) जाव पविट्ठे समणे, से जं पुण मंथुजायं जाणिज्जा, तंजहा-उंबरमंथुं वा, णग्गेहमंथुं वा, पिल्लुक्खुमंथुं वा, आमोत्थमंथुं वा, अण्णयरं वा तहापगारं मंथुजायं आमयं दुक्कं साणुवीयं अफामुयं णो पडिगा-हिज्जा ॥ ६०६ ॥ से भिक्खु वा (२) जाव समणे से जं पुण जाणिज्जा, आमडारं

वा, पूडपिण्णां वा, सार्पि वा, पेजं वा लेज्जं वा खाइमं वा माइमं वा, पुगणं
 एत्थ पाणा, अणुपमया, एत्थ पाणा संवुद्धा, एत्थ पाणा जाया, एत्थ पाणा अवुक्कंता,
 एत्थ पाणा अरिणया, एत्थ पाणा अविद्धत्था, णो पडिगाहिज्जा ॥ ६०७ ॥ मे भिक्खु
 वा, (२) जाव समाणे से जं पुण जाणिज्जा, उच्चुमेरगं वा अक्करेलुयं वा, कमेमं
 वा, सिग्धाडरं वा, पूतिआलम वा, अन्नयर वा तहपगारं आमं अमत्थपरिणयं
 जाव णो पडिगाहिज्जा ॥ ६०८ ॥ मे भिक्खु वा (२) से जं पुण जाणिज्जा, उपल
 वा, उपल नाठं वा, भिम वा, भिममुणालं वा, पोक्खलं वा, पोक्खलविभंगं वा,
 अण्णतरं वा तहपगारं, जाव णो पडिगाहिज्जा ॥ ६०९ ॥ से भिक्खु वा, (२) जाव
 समाणे, मे जं पुण जाणिज्जा, अग्गबीयाणि वा, मग्गबीयाणि वा, स्वंधबीयाणि वा,
 पोगबीयाणि वा, अग्गजायाणि वा, मग्गजायाणि वा, स्वंधजायाणि वा, पोरजायाणि
 वा, णण्णत्थ तक्कलिमत्थण वा, तक्कलिसीमेण वा, णालिग्गमत्थाण वा, खज्जरमत्थ-
 ण वा, तालमत्थाण वा, अन्नयर वा तहपगारं आमं अमत्थपरिणयं जाव णो पडि-
 गाहिज्जा ॥ ६१० ॥ मे भिक्खु वा (२) जाव समाणे से जं पुण जाणिज्जा, उच्चुं
 वा, काणगं, अगारियं समिरमं, विग्गदसिय, वेत्तमं वा, कंठलीऊसयं वा, अण्णयरं
 वा, तहपगारं आमं अमत्थ परिणयं जाव णो पडिगाहिज्जा ॥ ६११ ॥ मे भिक्खु
 वा (२) जाव समाणे से जं पुण जाणिज्जा, लमुणं वा, लमुणपत्तं वा, लमुणनाल
 वा, लमुणकंठं वा, लमुणचोयं वा, अण्णयरं वा तहपगारं कंदजायं णो पडिगा-
 हिज्जा ॥ ६१२ ॥ से भिक्खु वा (२) जाव समाणे से जं पुण जाणिज्जा, अञ्छअ
 वा, कुंभिपक्कं, तिदुगं वा, टिबभयं वा, विलयं वा, पत्तं वा, कामवणालिय वा, अण्ण-
 तरं वा आमं अमत्थपरिणयं जाव णो पडिगाहिज्जा ॥ ६१३ ॥ से भिक्खु वा, (२)
 जाव समाणे से जं पुण जाणिज्जा, कणं वा कणकुंडगं वा, कणपुयलियं वा, चाउलं
 वा, चाउलपिट्ठं वा, तिलं वा, तिलपिट्ठं वा, तिलपपडगं वा, अन्नतरं वा, तहप-
 गारं आमं अमत्थपरिणयं जाव लाभे संते णो पडिगाहिज्जा ॥ ६१४ ॥ एस खल
 तस्स भिक्खुस्स भिक्खुणीए वा सामरिगयं ॥ ६१५ ॥ अट्टमोइसो समत्तो ॥

इह खल पाईणं वा, पडीणं वा, दाहिणं वा, उदीणं वा, संतेगडया सक्खा भवन्ति,
 गाहावइ वा जाव कम्मकरी वा; तेसिं च णं एवं वुत्तपुव्वं भवइ जे इमे भवन्ति
 समणा, भगवंतो, सीलमंता, वयमंता, गुणमंता, संजया, संखुडा, बंधचारी, उवरया
 मेहुणाओ धम्माओ, णो खल एएमिं कापइ आहाकम्मिए असणं वा (४) भोइत्तए
 वा पाइत्तए वा; से जं पुण इमं अहं अप्पणो अट्टाए णिट्ठियं, तंजहा-असणं वा
 (४) सव्वमेयं समणाणं णिसिरामो, अविद्याइं वयं पच्छा अप्पणो अट्टाए असणं

वा (४) चैडस्मामो एगणपगारं णियघोम गोष्ठा णियम्म तहपगारं अमणं वा
 (४) अफासुयं अणेमणिजं लामे मने णो पडिगाहिजा ॥ ६१६ ॥ मे भिक्खु वा
 (२) जाव समाणे वममाणे वा गामाणुगामे उरजमाणे से जं पुण जाणिजा, गामं
 वा जाव रायहाणि वा, उरसि राड गामेना वा जाव रायहाणिश वा संतेगदयरग
 भिक्खुस्स पुरे सपुथा वा पन्ध्रामथ्या वा परिवसंति, तजहा-गाहावट वा जाव
 कम्मकरी वा तहपगारादं कुलादं णो पुव्वामेव भत्ताए वा पाणाए वा णिसामेज्ज
 वा पविसेज वा, केवली वृथा, 'आयाणमेयं' । पुरा पेहाए 'इमं परो अट्ठाणं अमणं
 वा (४) उवकरेज वा, उवक्खवेज वा, अहं भिक्खुयं पु-योवदिट्ठा (२) ज णो
 तहपगारादं कुलादं पुव्वामेव भत्ताए वा पाणाए वा पविसेज वा णिसामेज वा ।
 से तमादाय एगंतमवक्कामिजा अणावायमसंलोए निट्ठेजा, से तत्थ कालेयं अणुपाव-
 मिजा (२) तत्थियरेयगेहि कुलेहिं मापुदाणियं तासये वेणियं पिट्ठाय एगन्ता
 आहार आहारिजा ॥ ६१७ ॥ सिया से परो कालेयं अणुपाविट्ठम्मा आहारकम्मियं
 अमणं वा (४) उवकरेज वा उवक्खवेज वा, तं वेगदभी त्थणीओ उवेहेजा,
 'आहडमेव पन्नाटकिन्स्सामि' माडट्ठाणं संफामे, णो एवं करेजा, से पुव्वामेव
 आलोएजा 'आउसो ति वा भगिणि ति वा, णो खल्ल मे कापड आहाकम्मियं अमणं
 वा (४) भोत्तए वा पायए वा । मा उवकरेहि, मा उवक्खवेहि, मे सेव वयंतरग
 परो आहाकम्मियं अमणं वा (४) उवक्खवाधिता आहट्टु दलणजा, तहपगार
 अमणं वा (४) अफासुयं लामे मने णो पडिगाहिजा ॥ ६१८ ॥ मे भिक्खु वा
 (२) जाव समाणे से जं पुण जाणिजा, अमण वा ४ आगमण उवक्खवेजिजमाणं
 पेहाए णो खल्लं २ उवमकमित्तु ओभामेजा णत्तथ गित्ठागणीमाए ॥ ६१९ ॥ मे भिक्खु
 वा जाव समाणे अण्णतरं भोयणजाय पडिगाहिजा सुद्धिं सुद्धिं भोवा दुद्धिं दुद्धिं
 परिट्ठवेड, माडट्ठाणं संफामे, णो एवं करेजा, सुद्धिं वा दुद्धिं वा सव्वं भुंजे न छट्ठाए
 ॥ ६२० ॥ मे भिक्खु वा (२) जाव समाणे अण्णतरं वा पाणयजायं पडिगाहिना
 पुष्क २ आमाइता कमायं २ परिट्ठवेड, माडट्ठाणं संफामे णो एवं करिजा, पुष्क
 पुष्केति वा कमायं कमाणंति वा सव्वमेयं भुंजिजा णो किंचिदि परिट्ठवेजा ॥ ६२१ ॥
 से भिक्खु वा (२) बहुपरियावणं भोयणजायं पडिगाहिना बहवे माहाम्मिया
 तत्थ वमंति संभोडया, समणुणा अपरिहारिया, अदग्गया तेसि अणालोडया अणा-
 मंतिय परिट्ठवेड, माडट्ठाणं संफामे णो एवं करेजा से तमादाय तत्थ गच्छेजा (२)
 से पुव्वामेव आलोएजा, "आउसतो समणा एमे मे अमणं वा (४) बहुपरियावणे,
 तं भुंजह च णं" से सेवं वयंतं परो वएजा "आउसतो समणा आहारमेयं अमणं वा

(४) जायडयं (२) पण्डित तावडयं (२) भोक्त्वामो वा, पाहामो वा, सव्व-
मेयं पण्डित्ठं, सव्वमेयं भोक्त्वामो वा” २ ॥ ६२२ ॥ से भिक्खु वा (२) से जं पुण
जाणिजा, अमणं वा, पाण वा, स्वाडमं वा, साडमं वा, परं समुहिस्स बहिया
णीहटं तं परेहिं अग्गमणुजाय अण्णिसिट्ठं अफामुयं जाव णो पडिगाहिजा, तं परेहिं
समणुजायं तंणिसिट्ठं फामुयं लामे सते जाव पडिगाहिजा ॥ ६२३ ॥ एम खलु
तस्म भिक्खस्स भिक्खवुणीणं वा मामग्गियं ॥ ६२४ ॥ **नवमोहेसो समत्तो ॥**
१ से एण्डओ साहाणं वा पिण्डवायं पडिगाहिजा, ते साहम्मिणं अण्णपुच्छिजा
जम्म जम्म इच्छत्त तस्म तम्म खद्धं सद्धं दलयट, माडट्टाणं मफासे णो एवं करेजा,
से तमायाण तत्थ गच्छेजा (२) पुट्टवामेव आलोएजा “आउमतो समणा, संति
मम पुरे मधुया वा फच्छासधुया वा, तंजहा-आयणं वा, उवज्जाणं वा, पविच्छी
वा, धेरे वा, गणी वा, गणहरे वा, गणावच्छेणं वा, अविद्याई एणिसि खद्धं खद्धं
दाहामि” से सेवं वयंतं परो वएजा, कामं खलु आउमो अहापज्जंतं णिसिराहि
जावडयं २ परो वयड तावडयं २ णियरेजा, सव्वमेयं परो वयट सव्वमेयं णियरेजा
॥ ६२५ ॥ से एण्डओ मणुजं भोयणजायं पडिगाहिजा पंतण भोयणेण पल्लिच्छाएति
“मामेयं ताडयं संते, दट्ठं गयमायणं, आयणं वा जाव गणावच्छेणं वा, णो खलु
मे कम्मवि किंवि दायव्वं सिया” माडट्टाणं सफासे णो एवं करेजा, से तमायाण
तत्थ गच्छेजा, (२) पुट्टवामेव उत्ताणए हत्थे पडिग्गहं कट्टु “इमं खलु इमं खलु
त्ति” आलोएजा, णो किंवि णिग्गहंजा ॥ ६२६ ॥ से एण्डओ अण्णतरं भोयण-
जायं पडिगाहिजा, भट्ठं भट्ठं भोच्चा, विवसं विरसमाहरड, माडट्टाणं मफामं, णो
एवं करेजा ॥ ६२७ ॥ से भिक्खु वा, (२) से जं पुण जाणिजा, अतरुच्छयं
वा, उच्छुगंडियं वा, उच्छुचोयगं वा, उच्छुमेरगं वा, उच्छुसालगं वा, उच्छुडालगं
वा, सिबलिं वा, सिबलयालगं वा, अस्सि खलु पडिग्गहियंमि अप्पे सिया भोयण-
जाए, बहुउज्जयधम्मिए, तहप्पगारं अंतरुच्छुयं जाव सिबली थालगं वा अफामुयं,
जाव णो पडिगाहिजा ॥ ६२८ ॥ से भिक्खु वा (२) से जं पुण जाणिजा,
बहुवीयगं-बहुकंटगं-फलं अस्सि खलु पडिगाहियंमि अप्पेसिया भोयणजाए बहु-
उज्जयधम्मिए-तहप्पगारं बहुवीयगं बहुकंटगं फलं लामे सते जाव णो पडिगा-
हिजा ॥ ६२९ ॥ से भिक्खु वा (२) जाव समाणे, सिया णं परो बहुवीयणं,
बहुकंटगेण फलेण उवणिमंतेजा “आउसंतो समणा अभिकंखसि! बहुवीयअ-
बहुकंटगं फलं पडिगाहिजाए ?” एयप्पगारं णिग्घोसं सोच्चा णिसम्म से पुट्टवामेव
आलोएजा “आउसो त्ति वा भइणित्ति वा, णो खलु मे कप्पइ से बहुकंटयं बहु-

वीयअं फलं पडिगाहिताए, अभिक्खसि मे दाउं, जावइयं तावइयं फलस्स सार-
भागं दलयाहि, मा य वीयाइं “से सेवं वयंतस्स परो अभिहट्टु अंतो पडिग्गह-
गंसि बहुवीयअं २ फलं परिभाएत्ता णिहट्टु दलएज्जा, तहप्पगारं पडिग्गहर्णं
परहत्थांसि वा परपायंसि वा अफामुयं अणेसणिज्जं लामे संते णो पडिगाहिज्जा, से
आहच्च पडिगाहिए सिया तं णो हि ति वएज्जा, णो अणहिंति वएज्जा, से तमायाए
एगंतमवक्कमेज्जा (२) अहे आरामंसि वा, अहे उवम्सयंसि वा, अप्पंडए जाव
अप्पसंताणए, फलस्स सारभागं भुच्चा वीयाइं कटए गहाय से तमायाए
एगंतमवक्कमिज्जा, अहे ज्जामथंडिलंसि वा, जाव पमाज्जिय २ परिट्ठविज्जा ॥ ६३० ॥
से भिक्खु वा (२) जाव समाणे सिया परो अभिहट्टु अंतो पडिग्गहए बिलं वा
लोगं, उच्चिभयं वा लोगं, परिभाएत्ता णीहट्टु दलएज्जा, तहप्पगारं पडिग्गहर्णं परह-
त्थमि वा, परपायंसि वा अफामुयं जाव णो पडिगाहिज्जा से आहच्च पडिग्गहाहिए
सिया तं च णाइदूरगए जागिज्जा, से तमायाए तथ गच्छिज्जा (२) पुव्वामेव
आलोएज्जा “आउसो ति वा, भइणि ति वा, इमं ते किं जाणया दिज्जं उदाहु
अजाणया ? सो य भणंज्जा, णो खलु मे जाणया दिज्जं अजाणया दिज्जं, कामं खलु
आउसो इदाणि णिमिरामि तं भुंजह च णं परिभाएह च णं, तं परंहिं समणुत्तायं
समणुसिद्धं तओ संजयामेव, भुंजेज वा पीएज्ज वा, जं च णो संचार्णति भोत्तए वा
पायए वा साहम्मिया तथ वसति संभोइया समणुत्ता अपरिहारिया अदूरगया
तेसि अणुपयायन्वं, सिया णो तथ साहम्मिया जहेव बहुपरियावजे कीरति तहेव
कायन्वं सिया ॥ ६३१ ॥ एम खलु तस्स भिक्खुस्स भिक्खुणीए वा मामभियं
॥ ६३२ ॥ **दसमोइसो समत्तो ॥**

भिक्ख्वागा णामेगे एवमाहंसु समाणे वा वसमाणे वा गामाणुगामं वा दूइज्जमाणे
मणुप्पं भोयणजायं लभित्ता “मे य भिक्खु गिलाइं से इंदह णं तस्साहरह से य
भिक्खु णो भुंजिज्जा आहरिज्जा तुमं चेव णं भुंजिज्जासि” से एगइओ भोक्खामिणि
कट्टु पल्लिउच्चिय २ आलोएज्जा, तंजहा-इमे पिंढे इमे लोए इमे तित्तए इमे कट्टुए
इमे कसाए इमे अंबिले इमे महुरे णो खलु एत्तो किंचि गिलाणस्स मयइति
माइट्ठाणं संफासे, णो एवं करेज्जा, तहेव तं आलोएज्जा, जहेव तं गिलाणस्स
सयइति, तंजहा-तित्तयं तित्तएति वा, कट्टयं कट्टुएति वा, कसायं कसाएति वा,
अंबिलं अंबिलेति वा, महुरं महुरेति वा ॥ ६३३ ॥ भिक्ख्वागा णामेगे एवमाहंसु,
समाणे वा वसमाणे वा, गामाणुगामं दूइज्जमाणे मणुप्पं भोयणजायं लभित्ता से
भिक्खु गिलाइ से इंदह णं तस्साहरह सेय भिक्खु णो भुंजिज्जा, आहरेज्जा, से णं

णो खलु मे अंतराए आहरिस्सामि इच्चेयाइं आयतणाइं उवाइक्कम्म ॥ ६३४ ॥ अह भिक्खु जाणिज्जा सत्त पिंडेसणाओ सत्त पाणेसणाओ तत्थ खलु इमा पढमा पिंडेसणा असंसट्ठे हत्थे असंसट्ठे मत्ते, तहप्पगारेण असंसट्ठेण हत्थेण वा मत्तेण वा, असणं वा पाणं वा खाइमं वा साइमं वा सयं वा णं जाएज्जा, परो वा से दिज्जा, फामुयं जाव पडिगाहिज्जा, इति पढमा पिंडेसणा ॥ ६३५ ॥ अहावरा दोब्बा पिंडेसणा, संसट्ठे हत्थे संसट्ठे मत्तेण तहेव दोब्बा पिंडेसणा इति दोब्बा पिंडेसणा ॥ ६३६ ॥ अहावरा तच्चा पिंडेसणा, इह खलु पाइणं वा ४ संतेगइया सद्धा भवंति गाहावइ वा जाव कम्मकरी वा, तेमि च णं अण्णतरेसु विरुवरुवेसु भायणजाएसु उवणिक्खित्तपुव्वे सिया तंजहा थालंमि वा, पिठरंसि वा सरगंसि वा, परगंसि वा, वरगंसि वा, अह पुण एवं जाणिज्जा, असंसट्ठे हत्थे संसट्ठे मत्ते, संसट्ठे हत्थे असंसट्ठे मत्ते से य पडिगहधारी सिया पाणिपडिगहिए वा, से पुव्वामेव आलोएज्जा “आउमोमि वा, भगिणि ति वा, एएणं तुमं असंसट्ठेण हत्थेण संसट्ठेण मत्तेण संसट्ठेण वा हत्थेण असंसट्ठेण मत्तेण अस्मि पडिगहगंसि वा पाणिसि वा णिहट्टु उच्चित्तु दलयाहि” तहप्पगारं भोयणजायं सयं वा णं जाएज्जा, परो वा से देज्जा, फामुयं जाव पडिगाहिज्जा, तच्चा पिंडेसणा ॥ ६३७ ॥ अहावरा चउत्था पिंडेसणा ॥ से भिक्खु वा, (२) से जं पुण जाणिज्जा, पिहुअं वा, जाव चाउलपलंबं वा, अस्मि खलु पडिगहियंसि अप्पे पच्छाकम्मे अप्पे पज्जवजाए, तहप्पगारं पिहुयं वा जाव चाउलपलंबं वा सयं वा जाएज्जा जाव पडिगाहिज्जा । इति चउत्था पिंडेसणा ॥ ६३८ ॥ अहावरा पंचमा पिंडेसणा से भिक्खु वा भिक्खुणी वा, जाव समाणे, उरगहितमेव भोयणजायं जाणिज्जा, तंजहा-सरावंसि वा, डिंढिमंसि वा, कोमगंसि वा, अह पुण एवं जाणिज्जा बहुपरियावत्ते पाणीसु उदगलेवे तहप्पगारं असणं वा (४) सयं वा णं जाएज्जा, जाव पडिगाहिज्जा ॥ पंचमा पिंडेसणा ॥ ६३९ ॥ अहावरा छट्ठा पिंडेसणा, से भिक्खु वा (२) परगहियमेव भोयणजायं जाणिज्जा, जं च सयट्ठाए परगहियं जं च परट्ठाए परगहियं तं पायपरियावत्ते तं पाणिपरियावत्ते फामुयं जाव पडिगाहिज्जा, छट्ठा पिंडेसणा ॥ ६४० ॥ अहावरा सत्तमा पिंडेसणा, से भिक्खु वा (२) जाव समाणे बहु उज्झियधम्मियं भोयणजायं जाणिज्जा, जं चउत्ते बहुवे दुपय-चउत्पय-समण-भाहण-अतिहि-क्किवण-वणीमगा णावकंखंति तहप्पगारं उज्झियधम्मियं भोयणजायं सयं वा णं जाएज्जा परो वा से दिज्जा जाव फामुयं पडिगाहिज्जा ॥ सत्तमा पिंडेसणा ॥ इच्चेयाओ सत्त पिंडेसणाओ ॥ ६४१ ॥ अहावराओ सत्त पाणेसणाओ, तत्थ

खलु इमा पठमा पाणेषणा, असंसद्वे हत्ये २ तं चेव भाणियव्वं, णवरं चउत्ताए
 णाणत्तं, से भिक्खू वा (२) जाव समाणे से जं पुण पाणगजायं जाणिजा, तंजहा-
 तिलोदगं वा, तुसोदगं वा, जवोदगं वा, आयामं वा, सोवीरं वा, मुद्धवियडं वा,
 अस्सि खलु पडिग्गाहियंमि अप्पे पन्छाकम्मे, तहेव पडिग्गाहिजा ॥ ६४२ ॥
 इच्चेयामि सत्तण्हं पिडेसणाणं सत्तण्हं पाणेषणाणं अण्णतरं पडिमं पडिवज्जमाणे णो एवं
 वाएजा "मिन्छापडिवण्णा भवत् एते भयतारो अहमेगं मम्मं पडिवज्जे, जे एते भय-
 तारो एयाओ पडिमाओ पडिवाञ्जनाणं विहरंति, तो य अहमंमि एवं पडिमं पडिव-
 जिनाणं विहरामि मव्वेऽवि ते उ जिणाणाए उव्वट्ठिया अन्नोन्नममाहीए एवं च णं
 विहरंति ॥ ६४३ ॥ एवं खलु तस्म भिक्खुस्स भिक्खुणीए वा मामाणियं ॥ ६४४ ॥
 पिडेसणा णामज्झयणस्स एगारसमोहेसो, विइयसुयक्खंधस्स पिडे-
 सणा णामं पढमज्झयणं समत्तं ॥

से भिक्खू वा (२) अभिकंवेजा, उव्वस्सयं एणिया, से अणुपामे गामं वा
 जाव रायहाणि वा ॥ ६४५ ॥ से जं पुण उव्वस्सयं जाणिजा, सअटं जाव समं-
 ताणयं तहप्पगारे उव्वस्सए णो ठाणं वा सेज्जं वा णिसीहियं वा चेत्तेजा ॥ ६४६ ॥
 से भिक्खू वा (२) से जं पुण उव्वस्सयं जाणिजा, अप्पंडं अप्पपामं जाव अप्प-
 संताणयं तहप्पगारे उव्वस्सए पडिलेहिता पमाज्जता, तओ संजयामेव ठाणं वा सेज्जं
 वा णिसीहियं वा चेत्तेजा ॥ ६४७ ॥ म जं पुण उव्वस्सयं जाणिजा आम्मपडियाए
 एगं माहाम्मियं समुहस्स पाणाइं भूयाइं जीवाइं मणाइं समारब्भ समुहम्म कीयं
 पामिब्भं अन्निज्जं अणिसद्वं आभहदं आहइं चोण्णि तहप्पगारे उव्वस्सए पुंसिन-
 रगडे वा अपुंसिनरगडे वा जाव अणामेविने वा णो ठाणं वा सेज्जं वा णिसीहियं
 वा चेत्तेजा । एवं बहवे माहाम्मिया एसा माहाम्मिणी बहवे माहाम्मिणीओ ॥ ६४८ ॥
 से भिक्खू वा (२) से जं पुण उव्वस्सयं जाणिजा अमंजए भिक्खुपडियाए बहवे
 समणमाइणअतिहिक्खिणवणीमाए पगणिय २ समुहस्स पाणाइं भूयाइं जीवाइं
 सत्ताइं जाव चेएउ तहप्पगारे उव्वस्सए अपुंसिनरगडे जाव अणामेविण्णो णो ठाणं
 वा सेज्जं वा णिसीहियं वा चेत्तेजा, अह पुण एवं जाणिजा पुंसिनरगडे जाव आसे-
 विण्ण पडिलेहिता पमाज्जता तओ संजयामेव ठाणं वा सेज्जं वा णिसीहियं वा चेत्तेजा
 ॥ ६४९ ॥ से भिक्खू वा (२) से जं पुण उव्वस्सयं जाणिजा, अमंजए भिक्खु-
 पडियाए कडिए वा, उक्कोविए वा, छजे वा, लोणे वा, पट्टे वा, मट्टे वा, संपट्टे वा,
 संपथुमिए वा, तहप्पगारे उव्वस्सए अपुंसिनरगडे जाव अणामेविण्णो णो ठाणं वा,
 सेज्जं वा, णिसीहियं वा, चेत्तेजा, अह पुण एवं जाणिजा पुंसिनरगडे जाव आसे-

विण्, पडिलेहिना पमजिजा, तओ संजयामेव जाव चेतेज्जा ॥ ६५० ॥ से भिक्खु वा (२) से जं पुण उच्चस्सयं जाणिज्जा, असंजए भिक्खुपडियाए खुट्टियाओ दुवारियाओ महत्तिआओ कुज्जा, जहा पिडेसणाए जाव संवारगं संथारिज्जा, वहिया वा णिण्णक्खु तहप्पगारे उच्चस्सए अपुरिसंनरगढे जाव अणसेविते णो ठागं वा, सेजं वा निसीहियं वा चेतेज्जा, अह पुण एवं जाणिज्जा पुरिसंनरगढे जाव आसेविए पडिलेहिना पमजिजा तओ संजयामेव जाव चेतेज्जा ॥ ६५१ ॥ से भिक्खु वा (२) से जं पुण उच्चस्सयं जाणिज्जा, असंजए भिक्खुपडियाए उदगप्पसूयाणि वा, कंदाणि वा, मूत्याणि वा, पलाणि वा, पुष्पाणि वा, फलाणि वा, बीयाणि वा, हृत्तियाणि वा, ठाणाओ ठागं माहरति, वहिया वा णिण्णक्खु तहप्पगारे उच्चस्सए अपुरिसंनरगढे जाव णो ठागं वा सेजं वा निसीहियं वा चेतेज्जा । अह पुण एवं जाणिज्जा, पुरिसंनरगढे जाव चेतेज्जा ॥ ६५२ ॥ से भिक्खु वा, भिक्खुणी वा, से जं पुण जाणिज्जा, असंजए भिक्खुपडियाए पीडं वा फलागं वा णिस्संगि वा उदुहलं वा ठाणाओ ठागं माहरद वहिया वा णिण्णक्खु तहप्पगारे उच्चस्सए अपुरिसंनरगढे जाव णो ठागं वा सेजं वा निसीहियं वा चेतेज्जा, अह पुण एवं जाणिज्जा पुरिसंनरगढे जाव चेतेज्जा ॥ ६५३ ॥ से भिक्खु वा (२) से जं पुण उच्चस्सयं जाणिज्जा, तंजहा संघंमि वा मेवंमि वा मालंमि वा पत्तायंमि वा हांमयतलंमि वा अन्नतरंमि वा तहप्पगारंमि अतत्तिक्खुजायंमि, णण्यत्थ आगाराणागाढेहि कारणेहि, ठागं वा सेजं वा निसीहियं वा णो चेतेज्जा ॥ ६५४ ॥ से आह्वय चेत्तिते मिया णो तन्व सीओदगवियडेण वा, उस्सिओदगवियडेण वा, हत्थाणि वा, पादाणि वा, अन्तरीणि वा, दंताणि वा, मुहं वा, उच्छोलेज्जा वा पहोएज्जा वा, णो तत्थ ऊसडं पगरेज्जा, तंजहा—उच्चारं वा, पासवणं वा, ख्यंलं वा, मियाणं वा, वंनं वा, पित्तं वा, पूयं वा, मोणियं वा, अन्नयर वा सगीरावयवं केवलीं वूया “आयाण मेवं” से तत्थ ऊसडं पगरेमाणे पयलेज्जा वा, पवडेज्जा वा, से तत्थ पयलेमाणे पवडेमाणे वा हत्थं वा, जाव सीसं वा अन्नतरं वा कार्यंमि इदियज्जालं छूसेज्जा पायाणि वा ४ अभिहणेज्जा वा जाव बवरोवेज्जा वा, अह भिक्खुणं पुब्बोवदिट्ठा एस पइत्ता जाव जं तहप्पगारे उच्चस्सए अंतत्तिक्खुजाए णो ठागं वा सेजं वा निसीहियं वा चेतेज्जा ॥ ६५५ ॥ से भिक्खु वा (२) से जं पुण उच्चस्सयं जाणिज्जा सडत्थिवं सख्खं सपमुअतपारं तहप्पगारे सागारिए उच्चस्सए णो ठागं वा सेजं वा निसीहियं वा चेतेज्जा, आयाणमेवं भिक्खुस्स गाहावइकुलेण सद्धिं संवसमाणस्स अत्तसए वा, निरुद्धा वा छुट्ठी वा उग्गाहिज्जा अन्नतरे वा से बुक्खे रोधावंके समुप्पजेज्जा असं-

जए कलुणपडियाए तं भिक्खुस्स गानं तेल्लेण वा, घएण वा, उच्चट्टणेण वा अन्ध-
गेज्ज मक्खिखज्ज वा, सिणाणेण वा, कक्केण वा, लोद्वेण वा, वण्णेण वा चुभेण वा,
पउमेण वा, आधंसेज्ज वा, पधंसेज्ज वा, उच्चलेज्ज वा, उवट्टेज्ज वा सीओदग्गविय-
डेण वा, उसिणोदग्गवियडेण वा, उच्छोल्लेज्ज वा, पच्छोल्लेज्ज वा, पहाएज्ज वा, सिणा-
विज्ज वा, सिच्चिज्ज वा, दारुणा वा दारुपरिणामं कट्टु, अग्गणिकायं उज्जालेज्ज वा,
पज्जालिज्ज वा, उज्जालिन्ना २ कायं आयावेज्ज वा पयावेज्ज वा अह भिक्खूणं पुब्बो-
वदिट्ठा एस पइन्ना जं तहप्पगारे सागारिए उवस्सए णो ठाणं वा सेज्जं वा निसी-
हिय वा चेतेज्जा ॥ ६५६ ॥ आयाणमेयं भिक्खुस्स मागारिए उवस्सए वग्गमा-
णस्स इह खलु गाहावड् वा जाव कम्मकरी वा अन्नमज्जं अक्कोसंति वा, पचति वा
रुंभंति वा उद्विंति वा अह भिक्खूणं उच्चावयं मणं णियंछेज्जा एते खलु अन्नमज्जं
उक्कोसंतु वा मा वा उक्कोसंतु जाव मा वा उद्वित्तु । अह भिक्खूणं पुब्बोवदिट्ठा
एस पइन्ना जाव जं तहप्पगारे सागारिए उवस्सए णो ठाणं वा सेज्जं वा
णिसीहियं वा चेतेज्जा ॥ ६५७ ॥ आयाणमेयं भिक्खुस्स गाहावड् इह मद्धि
संवसमाणस्स इह खलु गाहावड् अप्पणो सअट्ठाए अग्गणिकायं उज्जालेज्ज वा, पज्जा-
लेज्ज वा विज्जावेज्ज वा, अह भिक्खू उच्चावयं मणं णियंछेज्जा, एते खलु अग्गण-
कायं उज्जालेत्तु वा जाव मा वा विज्जावेत्तु अह भिक्खूणं पुब्बोवदिट्ठा जाव जं
तहप्पगारे उवस्सए नो ठाणं वा सेज्जं वा, निसीहियं वा चेतेज्जा ॥ ६५८ ॥ आया-
णमेयं भिक्खुस्स गाहावड् इह मद्धि संवसमाणस्स इह खलु गाहावड् उस्स कुंडले वा,
गुणे वा, मणी वा, मोत्तिए वा, हिरण्णे वा, सुवण्णे वा, कड्ढाणं वा, तुड्डियाणं वा,
तिसरगाणि वा, पालवाणि वा, हारे वा, अद्धदारे वा, एगावन्दी वा, मुत्तावन्दी वा,
कणगावली वा, रयणावली वा, तर्माणं वा कुमार्णि अलंक्रियविभूमियं पेडाए,
अह भिक्खू उच्चावयं मणं, णियंछेज्जा, “एग्गिमिया वा सा णो वा एग्गिमिया” इति वा
णं बूया, इति वा णं मणं साएज्जा, अह भिक्खूणं पुब्बोवदिट्ठा ४ जाव जं तहप्पगारे
उवस्सए णो ठाणं वा जाव चेतेज्जा ॥ ६५९ ॥ आयाणमेयं भिक्खुस्स गाहाव-
ड् इह मद्धि संवसमाणस्स इह खलु गाहावड् णीओ वा, गाहावड् भूयाओ वा, गाहावड्-
सुण्हाओ वा, गाहावड् वाइओ वा, गाहावड् दासीओ वा, गाहावड् कम्मकरीओ वा,
तामिं च णं एवं वुत्तपुव्वं भवइ, “जे इमे भवंति समणा भगवंतो जाव उवरया
मेहुणधम्मोओ णो खलु एतेमिं कप्पइ मेहुणधम्मं परियारणाए आउट्ठिणाए, जा य
खलु एएहिं मद्धि मेहुणधम्मं परियारणाए आउट्ठाविज्जा पुत्तं खलु मा लमेज्जा,
ओयस्सिं तेयस्सिं वच्चस्सिं जसस्सिं संपराइयं आलोयणदरिंसिणज्जं,” एयप्पगारे

णिग्घोसं सोच्चा णिसम्म तामि च णं अण्णयरी सद्धी तं तवस्सि भिक्खुं मेहुण-
घम्मपरियारणाए आउट्टावेज्जा, अह भिक्खुणं पुब्बोवदिट्ठा जाव जं तहप्पगारे
सागारिए उच्चस्सए णो ठाणं वा सेज्जं वा णिसीहियं वा चेतेज्जा ॥ ६६० ॥ एयं
खलु तस्स भिक्खुस्स भिक्खुणीए वा सामग्गियं ॥ ६६१ ॥ **सेज्जाज्जयणस्स
पदमोहेसो समत्तो ॥**

गाहावइ णामेगे सुइसमायारा भवति से भिक्खु य अत्तिणाणाए से तम्मंघे दुग्गंघे
पडिक्खुले पडिलोमे यावि भवइ, जं पुब्बकम्मं तं पच्छाकम्मं, जं पच्छाकम्मं तं
पुब्बकम्मं तं भिक्खुपडियाए वट्ठमाणे करेज्जा वा नो करेज्जा वा अह भिक्खुणं
पुब्बोवदिट्ठा जाव जं तहप्पगारे उच्चस्सए णो ठाणं वा जाव चेतेज्जा ॥ ६६२ ॥
आयाणमेयं भिक्खुस्स गाहावट्ठहिं सद्धि संवसमाणस्स इह खलु गाहावइस्स
अप्पणे सअट्ठाए विरुवरूवे भोयणजाए उवक्खडिए सिया अह पच्छा भिक्खुपडियाए
अमणं वा (४) उवक्खवडेज्ज वा उवकरेज्ज वा तं च भिक्खु अभिक्खेज्जा भोत्तए वा
पायए वा वियट्ठिए वा अह भिक्खुणं पुब्बोवदिट्ठा जाव जं नो तहप्पगारे
उच्चस्सए ठाणं चेतेज्जा ॥ ६६३ ॥ आयाणमेयं भिक्खुस्स गाहावट्ठणा सद्धि संवस-
माणस्स इह खलु गाहावइस्स अप्पणे सयट्ठाए विरुवरूवाईं दासुयाईं मिणपुब्बाईं
भवति, अह पच्छा भिक्खुपडियाए विरुवरूवाईं दासुयाईं भिदेज्ज वा, किणेज्ज वा
पामिच्चेज्ज वा, दासुणा वा दासपरिणामं कट्ठु अगणिकायं उज्जात्तेज्ज वा, पज्जात्तेज्ज वा,
तत्थ भिक्खु अभिक्खेज्ज वा आतावेत्तए वा, पयावेत्तए वा, वियट्ठिए वा,
अह भिक्खुणं पुब्बोवदिट्ठा जाव जं तहप्पगारे उच्चस्सए णो ठाणं चेतेज्जा
॥ ६६४ ॥ से भिक्खु वा (२) उच्चारपासवणेणं उब्बाहिज्जमाणे राओ वा विआले
वा, गाहावइकुलस्स दुवारबाहं अवंगुणेज्जा तेणे य तस्संथिच्चारी अणुपविसेज्जा,
तस्स भिक्खुस्स णो कप्पइ एवं वदित्तए “अयं तेणे पविसइ वा णो वा पविसइ,
उवक्खियइ वा णो वा उवक्खियइ, आवयति वा णो वा आवयति, वदति वा णो वा
वदति, तेण हइं अण्णेण हइं, तस्स हइं अण्णस्स हइं, अयं तेणे अयं उवयरए,
अयं हंता, अयं एत्थमकासी,” तं तवस्सि भिक्खुं अतेणं तेणं ति संकइ, अह
भिक्खुणं पुब्बोवदिट्ठा जाव णो चेतेज्जा ॥ ६६५ ॥ से भिक्खु वा (२) से जं पुण
उच्चस्सयं जाणिज्जा तणपुंजेसु पलालपुंजेसु वा, सअडे जाव ससंताणए तहप्प-
गारे उच्चस्सए णो ठाणं वा सेज्जं वा णिसीहियं वा चेएज्जा ॥ ६६६ ॥ से भिक्खु
वा (२) से जं पुण उच्चस्सयं जाणिज्जा, तणपुंजेसु वा, पलालपुंजेसु वा अप्पडे
जाव चेएज्जा ॥ ६६७ ॥ से अगंतारेसु वा, आरामागारेसु वा, गाहावइकुलेसु वा

परियावसहेसु वा अभिक्खणं अभिक्खणं साहम्मिण्हि ओवयमाणेहि णो ओवण्जा
 ॥ ६६८ ॥ से आगंतारेसु वा जाव परियावसहेसु वा, जे भयंतारो उडुबद्धियं वासा-
 वासियं वा कप्पं उवातिणिता तत्थेव भुज्जो भुज्जो सवसंति, अयमाउसो कालाङ्कंत-
 किरिया भवइ ॥ ६६९ ॥ से आगंतारेसु वा जाव परियावसहेसु वा, जे भयंतारो
 उडुबद्धियं वा, वासावासियं वा, कप्प उवातिणाविता त दुग्णा दुग्णेण अपरिहरिता
 तत्थेव भुज्जो भुज्जो सवसंति, अयमाउसो इत्तरा उवट्टाणकिरिया यावि भवइ ॥ ६७० ॥
 इह खलु पाइणं वा पडीणं वा दाहीणं वा उदीणं वा सत्तेगइया मञ्जू भवंति
 तंजहा गाहावट्ट वा जाव कम्मकरीओ वा तेमि च णं आयागोयरे णो मुणिसंते
 भवइ तं सहस्यमाणेहि, तं पत्तियमाणेहि, तं रोयमाणेहि वत्थे समणमाहणअनिहि-
 किवणवणीमए समुहिस्य तत्थ तत्थ अगारीहि अगाराइ चेतिआइं भवंति, तंजहा-
 आएसणाणि वा आयतणाणि वा टेक्कुलाणि वा म्हाओ वा पवाणि वा पणिय-
 गिहाणि वा पणियमालाओ वा जाणगिहाणि वा जाणमालाओ वा गृहाकम्मन्ताणि
 वा दब्भकम्मन्ताणि वा बद्धकम्मन्ताणि वा वक्कयकम्मन्ताणि वा वणकम्मन्ताणि वा
 ईगालकम्मन्ताणि वा कट्टकम्मन्ताणि वा समाणकम्मन्ताणि वा सति कम्मन्ताणि वा
 सुण्णागारकम्मन्ताणि वा गिरिकम्मन्ताणि वा कंदराकम्मन्ताणि वा सेलोवट्टाणकम्मन्ताणि
 वा भवणगिहाणि वा जे भयंतारो तहप्पगाराइं आएसणाणि वा जाव भवणगिहाणि
 वा तेहि ओवयमाणेहि ओवयंति अयमाउसो अभिक्खंतकिरिया या वि भवइ ॥ ६७१ ॥
 इह खलु पाइणं वा पडीणं वा दाहिणं वा उदीणं वा सत्तेगइया मञ्जू भवंति जाव
 तं रोयमाणेहि वत्थे समण जाव वणीमए समुहिस्य, तत्थ अगारीहि अगाराइं
 चेतिआइं भवंति, तंजहा-आएसणाणि वा जाव भवणगिहाणि वा जे भयंतारो
 तहप्पगाराइं आएसणाणि वा जाव भवणगिहाणि वा तेहि ओवयमाणेहि
 ओवयंति अयमाउसो ! अभिक्खंतकिरिया या वि भवति ॥ ६७२ ॥ इह खलु पाइणं वा
 पडीणं वा दाहिणं वा उदीणं वा सत्तेगइया मञ्जू भवंति, तंजहा-गाहावट्ट वा जाव
 कम्मकरी वा, तेमि च णं एवं वुत्तपुच्चं भवइ, “जे इमे भवंति मग्गा भगवंतो
 सीलमंता जाव उवगया मेहुणधम्माओ, णो खलु एणमि भयंताराणं कप्पइ
 आहाकम्मिए उवस्सए वत्थए, से जाणि इमाणि अम्हं जप्पणो मअट्टाए
 चेतिताइं भवंति, तंजहा आएसणाणि वा, जाव भवणगिहाणि वा, मत्वाणि ताणि
 समणाणं णिसिरामो अविद्याइं वयं पच्छा अप्पणो मअट्टाए चेतिस्सामो तंजहा-
 आएसणाणि वा जाव भवणगिहाणि वा, एयप्पगारं णिसोमं सोष्वा णिसम्म जे
 भयंतारो तहप्पगाराइं आएसणाणि वा जाव भवणगिहाणि वा उवापच्छंति उवा-

गच्छिष्या इयराइयरेहिं पाहुडेहिं वट्टति अयमाउसो वज्जकिरिया या वि भवइ ॥६७३॥
 इह खलु पाईणं वा पढीणं वा दाहीणं वा उढीणं वा संतेगइया सञ्जा भवति तेसिं
 च णं आयारगोयरे णो मुणिसंते भवइ, जाव तं रोयमाणेहिं बहवे समण जाव
 चणीमए पणणिय २ समुहिस्स तत्थ २ अगारीहिं अगाराइं चेतिताइं भवति तंजहा-
 आण्णणाणि वा जाव भवणगिहाणि वा जे भयंतारो तहप्पगाराइ आण्णणाणि
 वा जाव भवणगिहाणि वा उवागच्छंति, इयराइयरेहिं पाहुडेहिं वट्टति अयमाउसो
 महावज्जकिरिया या वि भवइ ॥६७४॥ इह खलु पाईणं वा पढीणं दाहिणं वा उढीणं
 वा संतेगइया सञ्जा भवति जाव तं रोयमाणेहिं बहवे समण० जाव समुहिस्स तत्थ
 तत्थ अगारीहिं अगाराइं चेतिताइं भवति-तंजहा आण्णणाणि वा जाव भवण-
 गिहाणि वा जे भयंतारो तहप्पगाराइं आण्णणाणि वा जाव भवणगिहाणि वा
 उवागच्छंति इयराइयरेहिं पाहुडेहिं वट्टति, अयमाउसो सावज्जकिरिया या वि भवइ
 ॥ ६७५ ॥ इह खलु पाईणं वा जाव उढीणं वा संतेगइया सञ्जा भवति तंजहा-
 गाहावट वा जाव कम्मकरी वा तेणिं च णं आयारगोयरे णो मुणिसंते भवइ जाव
 तं रोयमाणेहिं एहं समणजायं समुहिस्स तत्थ तत्थ अगारीहिं अगाराइं चेतिताइं
 भवति, तंजहा आण्णणाणि वा जाव भवणगिहाणि वा, महया पुट्टवीकायममारभेणं
 एवं महया आउ-नेउ-वाउ-वणस्सइ-तसकायममारभेणं महया संरेभेणं महया आरं-
 भेणं महया विरुद्धंवेहिं पावकम्महिं तंजहा छाद्यणओ, लेवणओ, संधारदुवारपिह-
 णाओ, मीतोए वा, पणिठ्ठावियपुव्वे भवइ, अगणिकाए वा उज्जालियपुव्वे भवइ, जे
 भयंतारो तहप्पगाराइं आण्णणाणि वा जाव भवणगिहाणि वा उवागच्छंति इय-
 राइयरेहिं पाहुडेहिं वट्टति दुपक्खं ते कम्मं सेवंति अयमाउसो महासावज्जकिरिया या
 वि भवइ ॥ ६७६ ॥ इह खलु पाईणं वा जाव तं रोयमाणेहिं अप्पणो सअट्टाए
 तत्थ २ अगारीहिं जाव भवणगिहाणि वा, महया पुट्टवीकायममारभेणं जाव अग-
 णिकाए वा उज्जालियपुव्वे भवइ जे भयंतारो तहप्पगाराइं आण्णणाणि वा जाव
 भवणगिहाणि वा उवागच्छंति इयराइयरेहिं पाहुडेहिं वट्टति एगपक्खं ते कम्मं सेवंति
 अयमाउसो अप्पसावज्जा किरिया या वि भवइ ॥ ६७७ ॥ एम खलु तस्स भिवक्खुस्स
 भिवक्खुणीए वा सामगियं ॥ ६७८ ॥ सेज्जाज्जयणस्स वीओइसो समत्तो ॥

“से य णो सुलभे फसए उंछे अहेसणिओ णो य खलु सुदे इमेहिं पाहुडेहिं,
 तंजहा-छाद्यणओ, लेवणओ संधारदुवारपिहणओ पिट्ठाएसणाओ से य भिवक्ख
 चरियारए ठाणए निसीहियारए सेज्जासंधारपिट्ठाएसणारए” संति भिवक्खुणो एव
 मक्खत्ताओ उज्जया भियारपिट्ठिणा अमायं कुब्बमाणा वियाहिया ॥ ६७९ ॥ संते-

गइआ पाहुडिया उक्खित्तपुव्वा भवइ एवं णिक्खित्तपुव्वा भवइ परिभाइयपुव्वा भवइ परिभुत्तपुव्वा भवइ परिठ्ठवियपुव्वा भवइ एवं वियागरेमाणे सम्भियाए वियागरेति ? हंता भवइ ॥ ६८० ॥ से भिक्खू वा (२) से जं पुण उवस्सयं जाणिज्जा खुड्डियाओ खुड्डुवारियाओ नीयाओ सनिरुद्धाओ भवति, तहप्पगारे उवस्सए राओ वा विआले वा णिक्खममाणे वा पविसमाणे वा पुरा हत्थेण वा पच्छा पाएण वा तओ संजयामेव णिक्खमेज्ज वा पविसेज्ज वा, केवली बूया, 'आयाणमेयं' जे तत्थ समणाय वा माहणाय वा छत्तए वा मत्तए वा दट्टए वा लट्ठिआ वा भिसिया वा नालिया वा चेले वा चिलिमिली वा चम्मए वा चम्मकोमए वा चम्मछेदणए वा दुब्बद्धे दुण्णिक्खित्ते अणिकप्पे चलाचले भिक्खू य राओ वा वियाले वा णिक्खममाणे वा पविसमाणे वा पयलिज्ज वा पवडेज्ज वा, से तत्थ पयल्लमाणे वा पवडेमाणे वा, हत्थे वा पायं वा जाव इंटियजायं वा लसेज्ज वा, पाणाणि जाव मत्ताणि वा, अभिहणेज्ज वा जाव ववगेवेज्ज वा, अह भिक्खूणं पुव्वोवदिट्ठा जाव जं तहप्पगारे उवस्सए पुग हत्थेणं पच्छा पाएणं तओ संजयामेव णिक्खमेज्ज वा पविसेज्ज वा ॥ ६८१ ॥ से आरंत्तारेसु वा अणुकीड उवस्सयं जाणज्जा, जे तत्थ ईसरे जे तत्थ समहिट्ठाए, ते उवस्सयं अणुणवेज्जा, कामं खलु आउओ अहालंदं अहापरिणानं वनिम्मामो जाव आउसतो जाव आउसतस्स उवस्सए जाव साहम्मियाए तओ उवस्सयं णिणहस्सामो तेण पर विहरिस्सामो ॥ ६८२ ॥ से भिक्खू वा (२) जस्सुवस्सए सवमिज्जा तम्म णामगोयं पुव्वाभं व जाणिज्जा तओ पच्छा तस्म गिहे णिमंतेमाणस्स अणिमंतेमाणस्स वा अमणं वा (४) अफामुयं जाव णो पडिग्गाहिज्जा ॥ ६८३ ॥ से भिक्खू वा (२) से जं पुण उवस्सयं जाणिज्जा गसागारियं सागणियं मउदयं णो पण्णस्स निक्खमणपवेणणाए, णो पण्णस्स वायण जाव चिन्ताए, तहप्पगारे उवस्सए णो ठाणं वा मेज्जं वा निसीहियं वा चंतेज्जा ॥ ६८४ ॥ से भिक्खू वा (२) से जं पुण उवस्सयं जाणिज्जा गाहावडकुल्लम्य मज्झं मज्झंणं गंतुं पंधाए पएपएपडिबद्धं णो पण्णस्स निक्खमण जाव चिन्ताए तहप्पगारे उवस्सए णो ठाणं वा सेज्जं वा निसीहियं वा चंतेज्जा ॥ ६८५ ॥ से भिक्खू वा (२) से जं पुण उवस्सयं जाणिज्जा इह खलु गाहावड वा जाव कम्मकरीओ वा अण्णमण्णमक्खोसंति वा जाव उव्वेति वा णो पण्णस्स जाव चिन्ताए सेवं णच्चा तहप्पगारे उवस्सए णो ठाणं वा जाव चंतेज्जा ॥ ६८६ ॥ से भिक्खू वा (२) से जं पुण उवस्सयं जाणिज्जा इह खलु गाहावड वा जाव कम्मकरीओ वा अण्णमण्णस्स गायं तेहेण वा घएण वा अब्भंसेति वा

मक्खंति वा णो पण्यस्स जाव चिंताए, तहप्पगारे उवस्सए णो ठाणं वा जाव चेंतेज्जा ॥ ६८७ ॥ से भिक्खु वा (२) से जं पुण उवस्सयं जाणिज्जा, इह खलु गाहावड वा जाव कम्मकरीओ वा, अण्णमण्यस्स गायं मिणाणेण वा वक्खेण वा लोहेण वा वण्णेण वा चुण्णेण वा पउमेण वा, आघंसंति वा पघसंति वा उव्वलंति वा उव्वट्ठिति वा णो पण्यस्स णिक्खमण जाव चिंताए तहप्पगारे उवस्सए णो ठाणं वा जाव चेंतेज्जा ॥ ६८८ ॥ मे भिक्खु वा (२) से जं पुण उवस्सयं जाणिज्जा इह खलु गाहावड वा जाव कम्मकरीओ वा अण्णमण्यस्स गायं सीओद-गावयडेण वा उस्सिणोदगावयडेण वा, उन्धोलंति वा पधोवेत्ति वा सिचंति वा सिणावेत्ति वा णो पण्यस्स जाव णो ठाणं वा जाव चेंतेज्जा ॥ ६८९ ॥ मे भिक्खु वा (२) से जं पुण उवस्सयं जाणिज्जा, इह खलु गाहावड वा जाव कम्मकरीओ वा णिणिणा ठिज्जा णिणिणा उल्लीणा मेहुणधम्मं विण्णवेत्ति रद्दास्सियं वा मंतं मंतंति णो पण्यस्स जाव णो ठाणं वा जाव चेंतेज्जा ॥ ६९० ॥ से भिक्खु वा (२) से जं पुण उवस्सयं जाणिज्जा आहण्यसंलिकखं णो पण्यस्स जाव चिंताए जाव णो ठाणं वा मेज्जं वा निसीदियं वा चेंतेज्जा ॥ ६९१ ॥ से भिक्खु वा (२) अभिक्खेज्जा संघार एस्सिण ॥ ६९२ ॥ मे जं पुण संघारयं जाणिज्जा सज्जं जाव ससं-ताणम तहप्पगारं संघारमं लामे संते णो पडिगाहिज्जा ॥ ६९३ ॥ मे भिक्खु वा (२) से जं पुण संघारयं जाणिज्जा अप्पंडं जाव संताणमं गळ्यं तहप्पगारं लामे संते णो पडिगाहिज्जा ॥ ६९४ ॥ से भिक्खु वा (२) मे जं पुण संघारमं जाणिज्जा, अप्पंडं जाव संताणमं लहुयं अपाडिहारियं तहप्पगारं सेज्जा संघारयं लामे संते णो पडिगाहिज्जा ॥ ६९५ ॥ से भिक्खु वा (२) मे जं पुण संघारमं जाणिज्जा, अप्पंडं जाव संताणमं लहुयं पाडिहारियं णो अहाबडं तहप्पगारं लामे संते णो पडिगाहिज्जा ॥ ६९६ ॥ से भिक्खु वा (२) से जं पुण संघारयं जाणिज्जा अप्पंडं जाव संताणमं लहुयं पाडिहारियं अहाबडं तहप्पगारं संघारयं जाव लामे संते पडिगाहिज्जा ॥ ६९७ ॥ इत्थेयाइं आयतथाइं उवाइक्खम्म अह भिक्खु जाणिज्जा इमाहिं चउडिं पडिमाहिं संघारमं एस्सिणए तत्थ खलु इमा पढमा पढिमा,—से भिक्खु वा (२) उडिंमिय उडिंमिय संघारमं जाएज्जा, तंजहा—इक्कंडं वा कडिणं वा जतुयं वा परयं वा मोरमं वा तणं वा सोरमं वा कुंसं वा कुब्बमं वा पव्वमं वा पिप्पल्लमं वा पसाल्लमं वा से पुब्बामेव आलोएज्जा आउसो ति वा अग्निष्ठी ति वा दाहिस्सि मे एत्तो अण्णयरं संघारमं ? तहप्पगारं सयं वा णं जाएज्जा परो वा से देज्जा पत्तमं एस्सिज्जं लामे संते पडिगाहिज्जा पढमा पडिज्जा

॥ ६९८ ॥ अहावरा दोष्ठा पडिमा, से भिक्खु वा (२) पेहाए संथारगं जाएजा तंजहा-गाहावई वा जाव कम्मकरि वा पुव्वामेव आलोएजा आउसो ति वा भगिणि ति वा दाहिस्सि मे एतो अण्णयरं संथारगं ?" नहप्पगार संथारगं मयं वा णं जाएजा परो वा से देजा फामुयं एमणिज्ज जाव पडिगाहिजा दोष्ठा पडिमा ॥ ६९९ ॥ अहावरा तच्छा पडिमा, से भिक्खु वा (२) जम्सुव-स्सए संवसेजा जे तत्त अहाममण्णागए तंजहा-इक्खंडे वा जाव पलालेइवा तम्म लामे सवसेजा तम्म अलामे उक्कुटुए वा निसज्जिए वा विहरेजा तच्छा पडिमा ॥ ७०० ॥ अहावरा चउत्था पडिमा, से भिक्खु वा (२) अहा संयउमेव संथारगं जाइजा तंजहा-पुडविस्सिल कठूलिलं वा, अहा संयउमेव तम्म लामे मने संवसेजा, अलामे उक्कुटुए वा निसज्जिए वा विहरेजा, चउत्था पडिमा, ॥ ७०१ ॥ इच्चेयागं चउत्थं पडिमाणं अण्णयरं पडिमं पडिवज्जमाणं तं चैव जाव अज्जोअगमा-हीए एवं चणं विहरंति ॥ ७०२ ॥ से भिक्खु वा (२) आभिकंखेजा संथारं पच्च-प्पिणित्तए से जं पुण संथारगं जाणिजा अज्जं जाव मत्ताणमं नहप्पगार संथारग णो पच्चाप्पणिजा ॥ ७०३ ॥ से भिक्खु वा (२) अभिकंखेजा संथारग पच्चाप्प-णिताए, से जं पुण संथारग जाणिजा अप्पंटे जाव मत्ताणमं नहप्पगारं संथारगं पडिलेहिय २ पमज्जिय २ आयाविय २ विभूणिय २ तओ सज्जयामेव पच्चाप्पणेजा ॥ ७०४ ॥ से भिक्खु वा (२) समणे वा वगमाणे वा गामाणुगामं दुइजमाणे पुव्वामेव णं पण्णस्स उच्चारपामवणभूमिं पडिलेहिया कवणं बूया 'आयाणमेयं' अपडिलेहियाए उच्चारपामवणभूमिए भिक्खु वा भिक्खुणी वा गओ वा विपले वा उच्चारपामवणं परिट्ठेमाणे, पयलेज वा पवडेज वा से तत्त पयलेमाणे पवटमाणे वा हत्थं वा पायं वा जाव लुगिजा पाणाणि वा ४ जाव ववरोवेजा, अह भिक्खुणी पुव्वोविट्ठा जाव जं पुव्वामेव पण्णस्स उच्चारपामवणभूमिं पडिलेहिया ॥ ७०५ ॥ से भिक्खु वा (२) अभिकंखेजा सेज्जामंथारगभूमिं पांत्थेइस्सए णण्णव आय-रिएण वा उवन्नाएण वा जाव गणावन्नेएण वा बालेण वा बुद्धेण वा सेहेण वा गिलाणेण वा आएसेण वा अत्तेण वा मज्जेणे वा समेण वा विममेण वा पक्काएण वा णिवाएण वा तओ सज्जयामेव पडिलेहिय २ पमज्जिय २ तओ सज्जयामेव बहु-फामुयं सिज्जासंथारगं संथारिजा ॥ ७०६ ॥ से भिक्खु वा (२) बहुफामुयं सेज्जा-संथारगं संथरिजा अभिकंखेजा, बहुफामुए सेज्जामंथारए दुरहिट्ठाए ॥ ७०७ ॥ से भिक्खु वा (२) बहुफामुए सेज्जामंथारए दुरहमाणे से पुव्वामेव गमीमोवसियं कावं पाए य पमज्जिय २ तओ संज्जयामेव बहुफामुए सिज्जामंथारगे दुरहिट्ठा तओ संज्ज-

यामेव बहुफासुए सेजासंधारए सएजा ॥ ७०८ ॥ से भिक्खु वा (२) बहुफासुए सेजा संधारए समयामेणे णो अण्णमण्णस्स हत्थेण हत्थं पाएण पायं काएण कायं, आसाएजा, से अणासायमणे तथो संजयामेव बहुफासुए सेजासंधारए सएजा ॥ ७०९ ॥ से भिक्खु वा (२) उम्सायमाणे वा णीसासमाणे वा काममाणे वा छीयमाणे वा जंभायमाणे वा उट्ठुए वा वायणिसग्गे वा करेमाणे पुच्चामेव आसयं वा पोमयं वा पाणिणा परिपिट्ठिता तओ संजयामेव उम्सासंज वा जाव वायणिसग्गे वा करेजा, ॥ ७१० ॥ से भिक्खु वा (२) ममावेगया सेजा भवेजा, विसमा वेगया सेजा भवेजा, पवाता वेगया सेजा भवेजा, णिवाता वेगया सेजा भवेजा, समरक्खा वेगया सेजा भवेजा, आपममरक्खा वेगया सेजा भवेजा, मयंसम-सगा वेगया सेजा भवेजा, अप्पदंसमसगा वेगया सेजा भवेजा, सपरिसाटा वेगया सेजा भवेजा, अपारंसाटा वेगया सेजा भवेजा, सउत्तरगा वेगया सेजा भवेजा, णिक्खसग्गा वेगया सेजा भवेजा, तट्ठप्पगाराहिं सेजाहिं संविज्जभाणाहिं परगहित-तगणं विहारं विहरेजा, णो किंवि विंल्लाएजा ॥ ७११ ॥ एम खलु तस्स भिक्खुग्गं भिक्खुणीए वा मामागयं जं गच्छेहेहिं महिए सया जण्जामि ति वेमि ॥ ७१२ ॥ सेजाज्जयणस्स तइओहेसो समत्तो ॥

॥ सेजाणामविइयमज्जयणं समत्तं ॥

“अब्भुवगए स्सु वासावासं अभिक्खुहे बहवे पाणा अभिसंभूया, बहवे बीया-अट्ठुणांभक्षा, अतरा से मग्गा, बहुपाणा बहुबीया, जाव सतापगा, अण्णमिक्कता पैवा णो विण्णया मग्गा” सेवं णक्खा णो गामाणुगामं दइजेजा, तथो संजयामेव वासावासं उवाक्खेजा ॥ ७१३ ॥ से भिक्खु वा (२) से अं पुण जाणिजा गामं वा जाव रायहाणि वा, इमंसि खलु गामंसि रायहाणि वा णो महती विहारभूमी णो महती विचारभूमी, णो सुत्तमे पीडफत्तगनेजासंधारए णो सुत्तमे फानुए उच्छे अहेसणिये बहवे जत्व समणमाहणअनिहिक्खिक्खणवणीमगा उवागया उवागमिस्सेति व अवाइण्णा विनी णो पग्गस्स निकलमणपवेसाए जाव धम्मणुओगन्धिताए सेवं णक्खा तट्ठप्पगारं गामं वा जगरं वा जाव रायहाणि वा णो वासावासं उवाक्खेजा ॥ ७१४ ॥ से भिक्खु वा (२) से अं पुण जाणिजा गामं वा जाव रायहाणि वा, इमंसि खलु गामंसि वा रायहाणिसि वा महती विहारभूमी महती विचारभूमी सुत्तमे जत्व पीडफत्तगनेजासंधारए सुत्तमे फानुए उच्छे अहेसणिये णो जत्व बहवे समण

जाव उवागया उवागमिस्संति य अप्पाइण्णा वित्ती जाव रायहाणिसि वा तओ संज-
यामेव वासावास उवळ्ळिएजा ॥ ७१५ ॥ अह पुण एवं जाणिज्जा चत्तारि मासा
वासावासाणं वीइक्कंता हेमंताण य पंचदसरायकप्पे परिवुसिए अंतरा से मग्गा
बहुपाणा जाव संताणगा णो जत्थ बहवे समण जाव उवागया उवागमिस्संति य
सेवं णच्चा णो गामाणुगामं दइज्जेजा ॥ ७१६ ॥ अह पुण एवं जाणिज्जा चत्तारि मासा
वासा वासाणं वीइक्कंता हेमंताण य पंच दस रायकप्पे परिवुसिए, अंतरा से मग्गा
अप्पंडा जाव असताणगा बहवे जत्थ समण जाव उवागमिस्संति य सेवं णच्चा तओ
संजयामेव गामाणुगामं दइज्जेजा ॥ ७१७ ॥ से भिक्खु वा (२) गामाणुगामं
दइज्जमाणे पुरओ जुगमयं पेहमाणे दट्ठण तसे पाणे उददु पायं रीएजा गइदु
पायं रीएजा उक्खिप्पपायं रीएजा तिचिच्छं वा कट्टु पायं रीएजा सति परक्कमे मज्ज-
तामेव परिक्रमेजा णो उज्जुयं गच्छेजा, तओ संजयामेव गामाणुगामं दइज्जेजा
॥ ७१८ ॥ से भिक्खु वा (२) गामाणुगामं दइज्जमाणं अंतरा से पाणाणि वा
बीयाणि वा हरियाणि वा उदए वा मट्टिया वा अविदन्थे मउ परक्कमे जाव णो उज्जुयं
गच्छेजा, तओ संजयामेव गामाणुगामं दइज्जेजा ॥ ७१९ ॥ से भिक्खु वा (२)
गामाणुगामं दइज्जमाणे अंतरा से विरूवरूवाणि पच्चंतिकाणि दुस्सुगायतणाणि सिउ-
क्खूणि अणायरियाणि दुस्सन्नप्पाणि दुप्पण्णवर्णिजाणि अकालपट्टिबोहीणि अकाल-
परिमोडेणि सति लाडे विहाराए संधरमाणेहिं जणवएहिं णो विहारवत्तियाए पव-
ज्जेजा गमणाए केवली बूया 'आयाणमेयं' ते णं बाला "अयं तेषं अयं उवचराए
अयं तओ आगाए" ति कट्टु तं भिक्खुं अक्कोमंज वा जाव उदयेज्ज वा वत्थं पट्टि-
ग्गहं कंबलं पायपुंछणं अच्छिदंज्ज वा अभिदंज वा अवहरंज वा, परिट्टयिज्ज वा,
अह भिक्खुणं पुट्टोवदिट्ठा पडण्णा जाव जं णो तहप्पगागणि विरूवरूवाणि पच्चंति-
याणि दुस्सुगायतणाणि जाव विहारवत्तियाए णो पवज्जेजा गमणाए, तओ संजयामेव
गामाणुगामं दइज्जेजा ॥ ७२० ॥ से भिक्खु वा (२) गामाणुगामं दइज्जमाणे
अंतरा से अरायाणि वा, गणरायाणि वा, जुवरायाणि वा, दोरजाणि वा, वेरजाणि
वा, विरुद्धरजाणि वा, मउ लाडे विहाराए संधरमाणेहिं जणवएहिं णो विहारवत्तियाए
पवज्जेजगमणाए, केवली बूया 'आयाणमेयं' ते णं बाला 'अयं तेषं' तं सेव ज्ञाण
णो विहारवत्तियाए पवज्जेज गमणाए तओ संजयामेव गामाणुगामं दइज्जेजा ॥ ७२१ ॥
से भिक्खु वा (२) गामाणुगामं दइज्जमाणे अंतरा से विहं सिया से जं पुण विहं
जाणिज्जा, एगाहेण वा, दुयाहेण वा, तियाहेण वा, चउयाहेण वा, पंचाहुण वा,
पाउणिज्ज वा, नो पाउणिज्ज वा, तहप्पगारं विहं अणेगाहग्गमणिज्जं सति लाडे जाव

णो विहारवतियाए पबजेज्ज गमणाए, केवली बूया 'आयाणमेयं' अंतरा से वासे सिया, पाणेषु वा, पणएसु वा, धीएसु वा, हरिएसु वा, उदएसु वा, मट्टियाए वा, अबिद्वत्थाए, अह भिक्खुणं पुक्खोवदिट्ठा जाव जं तहप्पगारं अणेगाहग्गम्मणिज्जं जाव णो गमणाए, तओ संजयामेव गामाणुगामं दूइजेज्जा गमणाए ॥ ७२२ ॥ से भिक्खु वा (२) गामाणुगामं दूइज्जमाणे अंतरा से णावा संतारिमे उदए सिया, से जं पुण णावं जाणिज्जा, असंजए भिक्खुपडियाए किणेज्ज वा, पामिचेज्ज वा, गावाए वा णावं परिणामे कट्ट, थलाओ वा णावं जलेसि ओगाहेज्जा, जलाओ वा णावं थलेसि उक्खसेज्जा, पुष्पं वा णावं उस्सिचंजेज्जा, मण्यं वा णावं उप्पीलावेज्जा, तहप्पगारं णावं उच्चुगामिणि वा, अहेगामिणि वा, तिरियगामिणि वा, परं ज्ञोयणमेराए अद्दज्ञोयणमेराए अप्पतरो वा, भुज्जतरो वा. णे दुरुहेज्ज गमणाए ॥ ७२३ ॥ से भिक्खु वा (२) पुक्खामेव तिरिच्छसंपातिमं णावं जाणिज्जा जाणिना से तमायाए एगं मवक्खमिज्जा, भंउगं पडिलेहिज्जा, पडिलेहिणा एगओ भोयणभंउगं करेज्जा २ ससीगोवनिंयं कायं पाए य पमजेज्जा पमाज्जना मागारियभत्ते पब्वक्खाएज्जा पब्वक्खाट्ठना एगं पायं थले किखा एगं पायं थले किखा तओ संजयामेव णावं दुरुहेज्जा ॥ ७२४ ॥ से भिक्खु वा (२) णावं दुरुहमाणे णो गावाए पुरओ दुरुहेज्जा, णो गावाए अगओ दुरुहेज्जा, णो गावाए मज्जतो दुरुहेज्जा, णो बाहाओ पणिज्जस्य पणिज्जस्य अमुत्तिए उवउंसिय २ आणसिय २ उण्णसिय २ णिज्जाएज्जा ॥ ७२५ ॥ से णं परो गावागओ गावागयं वएज्जा "आउंसंतो समणा ! एयं ता तुमं णावं उक्खसाहि वा वोक्खसाहि वा म्ब्वहाहि वा रज्जुए वा गहाय आक्खसाहि" णो से तं परिचं परिजाणेज्जा तुस्सिणीओ उवेहेज्जा ॥ ७२६ ॥ से णं परो गावागओ गावागयं वएज्जा "आउंसंतो समणा णो मंवाएसि णावं उक्खसिणए वा वोक्खसिणए वा सिवितए वा रज्जुमाए वा गहाय आक्खसिणए आहर एतं गावाए रज्जुयं मयं चेव णं वयं णावं उक्खसिस्सामो वा जाव रज्जुए वा गहाय आक्खसिस्सामो" णो से तं परिचं परिजाणेज्जा तुस्सिणीओ उवेहेज्जा ॥ ७२७ ॥ से णं परो गावागओ गावागयं वएज्जा आउंसंतो समणा एयं ता तुमं णावं आल्लिणं वा, पीडेण वा कंसेण वा कलएण वा अब्बहएण वा वाहेहि णो से तं परिचं परिजाणिज्जा तुस्सिणीओ उवेहेज्जा ॥ ७२८ ॥ से णं परो गावागओ गावागयं वएज्जा "आउंसंतो समणा एयं ता तुमं गावाए उदयं हत्थेण वा पाएण वा मलेण वा पडिग्गहंण वा गावा उस्सिचवेण वा उस्सिचवाहि" णो से तं परिचं परिजाणिज्जा तुस्सिणीओ उवेहेज्जा ॥ ७२९ ॥ से णं परो गावागओ गावागयं वएज्जा, आउंसंतो समणा एतं तो तुमं गावाए उतिंय हत्थेण

वा पाएण वा बाहुणा वा उरुणा वा उदरेण वा सीसेण वा काएण वा णावा उरसि-
चणेण चेलेण वा मट्टियाए वा कुसपत्तएण वा कुमविदेण वा पिहेहि” णो से तं
परिणं परिजाणिज्जा ॥ ७३० ॥ से भिक्खु वा (२) णावाए उरुत्तरेण उदयं आस-
वमाणं पेहाए उवक्खरि णावं कज्जलावेमाणिं पेहाए णो परं उवसंक्रमित्तु एवं बूया,
“आउसंतो गाहावड् इत्यं ते णावाए उदयं उरुत्तरेण आमवति, उवक्खरि वा णावा
कज्जलावेति” एतप्पगारं मणं वा वायं वा णो पुरओ कट्टु विहरेज्जा, अप्पुस्सए
अवह्निद्वेस्से एगंतगाएणं आपागं विउसेज्ज समाहीए, तओ संजयामेव णावासंतारिमे
उदाए अहारियं रीएज्जा ॥ ७३१ ॥ एयं खलु तस्स भिक्खुस्स भिक्खुणीए वा
सामरिगयं जं सव्वेहेहिं सहिए सदा जणज्जासि ति बेमि ॥ ७३२ ॥ इरिया-
ज्जयणे पढमोहेस्सो समत्तो ॥

से णं परो णावागओ णावागयं वदेज्जा, “आउमंतो समगा एय ना तुमं छणं
वा जाव चम्मच्छेयणगं वा गिण्हाहि, एयाणि तुमं विक्खव्वाणि सत्यजायाणि
धारेहि, एयं ना तुमं दारगं वा, पज्जेहि” णो से तं परिणं परिजाणिज्जा, तुस्सिणीओ
उवेहेज्जा ॥ ७३३ ॥ से णं परो णावागए णावागयं वदेज्जा एयणं ममणे णावाए
भंडमारिए भवड् से णं बाहाए गहाय णावाओ उदगंमि पक्खिवह” एतप्पगारं
गिण्घोमं मोच्चा णिसम्म से य नीवरधारी मिया खिप्पामेव चीवरणि उट्ठेहिज्ज वा
पिण्वेहिज्ज वा उट्ठेसं वा करिज्जा ॥ ७३४ ॥ अह पुण एवं जाणिज्जा अभिक्कत-
कूरकम्मा खलु बाला बाहाहिं गहाय नावाओ उदगंमि पक्खिवावज्जा मे पुव्वाभेव
वएज्जा ‘आउमंतो ! गाहावड ! मा मेनो बाहाए गहाय णावाओ उदगंमि पक्खिवह
सयं चेव णं अहं णावातो उदगंमि ओगाहिस्सामि,’ मे णेवं वयंते परो महसा बलमा
बाहाहिं गहाय उदगंमि पक्खिवज्जा तं णो मुमणे सिया णो तुमणे मिया णो उष्ठा-
वयं मण णियछिज्जा, णो तेमिं बालाणं घातए वहाए ममुत्तिज्जा, अप्पुस्सए जाव
समाहिए तओ मजयामेव उदगंमि पक्खिज्जा ॥ ७३५ ॥ से भिक्खु वा (२) उद-
गंमि पवमाणे णो इत्थेण इत्थं पाएण पायं काएण कार्यं आगाएज्जा, से अणागाय-
णाए अणागायमाणे तओ संजयामेव उदगंमि पक्खिज्जा ॥ ७३६ ॥ से भिक्खु वा
(२) उदगंमि पवमाणे णो उम्मुगणिम्मुरिगयं करिज्जा, मामेयं उदगं कणेणु वा
अच्छीसु वा णक्कंमि वा मुहंमि वा परियावज्जिज्जा, तओ संजयामेव उदगंमि पक्खिज्जा
॥ ७३७ ॥ से भिक्खु वा (२) उदगंमि पवमाणे दोब्बलियं पाउणिज्जा खिप्पामेव
उवहिं विगिंविज्ज वा विसोहिज्ज वा, णो चेव णं सातिज्जिज्जा अह पुण एवं जाणिज्जा
पारए सिया उदगाओ तीरं पाउणितए तओ संजयामेव उदउत्तेण वा ससिदिदेण

वा काएण उदगतीरे चिट्ठिज्जा ॥ ७३८ ॥ से भिक्खु वा (२) उदउल्लं वा सत्ति-
 णिद्धं वा काय णो आमज्जिज्ज वा पमज्जिज्ज वा संलिहिज्ज वा णिल्लिहिज्ज वा उव्व-
 लिज्ज वा उव्वट्ठिज्ज वा, आयाविज्ज पयाविज्ज वा, अह पु० विगओदओ मे काए
 छिज्जसिणेहे काए त० आ० पयाविज्ज वा० तओ संजयामेव गामाणुगामं दूइज्जेज्जा
 ॥ ७३९ ॥ से भिक्खु वा (२) गामाणुगामं दूइज्जमाणे णो परेहिं सद्धिं परिज-
 विय परिजविय गामाणुगामं दूइज्जिज्जा, तओ मंजयामेव गामाणुगामं दूइज्जिज्जा
 ॥ ७४० ॥ से भिक्खु वा (२) गामाणुगामं दूइज्जमाणे अंतरा से जंघासंतारिमे
 उदए सिया से पुव्वामेव ससीमोवरियं कायं पादे य पमज्जेज्जा से पुव्वामेव पम-
 जिज्जा एगं पायं जत्ते किच्चा एगं पायं थले किच्चा तओ संजयामेव जंघासंतारिमे
 उदए अहारियं रीएज्जा ॥ ७४१ ॥ से भिक्खु वा (२) जंघासंतारिमे उदगे अहा-
 रियं रीयमाणे णो हत्थेण वा हत्थ पाएण वा पायं काएण वा कायं आसाएज्जा, से
 अणामायए अणामायमाणे तओ संजयामेव जंघासंतारिमे उदए अहारियं रीएज्जा
 ॥ ७४२ ॥ से भिक्खु वा (२) जंघासंतारिमे उदए अहारियं रीयमाणे णो माया-
 वडियाए णो परिदाहवडियाए महइ महालयंसि उदगंसि कायं विउसिज्जा, तओ
 संजयामेव जंघासंतारिमे उदए अहारियं रीएज्जा, अह पुण एवं जाणिज्जा पारए
 सिया उदगाओ तीरं पाउणित्तए तओ मंजयामेव उदउल्लेण वा सत्तिण्डिणेण वा
 काएण उदगतीरे चिट्ठिज्जा ॥ ७४३ ॥ से भिक्खु वा (२) उदउल्लं वा कायं सत्ति-
 णिद्धं वा कायं णो आमज्जेज्ज वा पमज्जेज्ज वा, अह पुण एवं जाणिज्जा विगतोदए मे
 काए छिण्णसिणेहे तहप्पगारं कायं आमज्जेज्ज वा जाव पयावेज्ज वा, तओ संजया-
 मेव गामाणुगामं दूइज्जेज्जा ॥ ७४४ ॥ से भिक्खु वा (२) गामाणुगामं दूइज्जमाणे
 णो मट्ठियामएहिं पाएहिं हरियाणि त्ठिदिय २ विकुञ्जिय २ विफालिय २ उम्भग्गेणं
 हरियवहाए गच्छेज्जा “जहेयं पाएहिं मट्ठियं खिप्पामेव हरियाणि अबहरंतु” माइट्ठणं
 संफामे णो एवं करेज्जा से पुव्वामेव अप्पहरियं मगं पळिल्लेहेज्जा, तओ संजयामेव
 गामाणुगामं दूइज्जेज्जा ॥ ७४५ ॥ से भिक्खु वा (२) गामाणुगामं दूइज्जमाणे
 अंतरा से बप्पाणि वा, फलिहाणि वा, पागाराणि वा, तोरणाणि वा, अग्गलाणि वा,
 अग्गलपासगाणि वा, गग्गाओ वा, दरीओ वा, सइ परक्कमे संजयामेव परक्कमेज्जा,
 णो उज्जुयं गच्छेज्जा, केवली बूया ‘आयाणमेयं’ से तत्थ परक्कमाणे पयत्तेज्ज वा
 पवडेज्ज वा ॥ ७४६ ॥ से तत्थ पयत्तमाणे वा, पवडेमाणे वा, लक्खाणि वा,
 गुच्छाणि वा, गुम्माणि वा, लयाओ वा, बल्लीओ वा, तणाणि वा, गह्पाणि वा,
 हरियाणि वा, अबलंबिय २ उत्तरेज्जा, जे तत्थ पाळिपट्टिया उच्चागच्छंति, ते पाणी

जाएजा, तओ संजयामेव अवलंबिय २ उत्तरेजा, तओ गामाणुगामं दूइजेजा ॥ ७४७ ॥ से भिक्खु वा (२) गामाणुगामं दूइजमाणे अंतरा से जवमाणि वा, सगढाणि वा, रहाणि वा, सचक्काणि वा, परचक्काणि वा, से णं वा विस्वरुवं संणि-
रुद्धं पेहाए सइ परक्कमे संजयामेव णो उज्जुपं गच्छेजा ॥ ७४८ ॥ से णं परो सेणा-
गओ वएजा, आउसंतो एसणं ममणे सेणाए अभिनिवारियं करोइ, से णं बाहाए
गहाय आगसह सेणं परो बाहाहिं गहाय आगसेजा, तं गो मुमणे मिया जाव
समाहीए तओ संजयामेव गामाणुगामं दूइजेजा ॥ ७४९ ॥ से भिक्खु वा (२)
अंतरा से पाडिपहिया उवागच्छेजा तेणं पाडिपहिया एवं वदेजा आउसंतो ममणा
केवइए एस गामे वा रायहाणी वा केवडया एत्थ आसा हृथी गाममिंडोलाग
मणुस्मा परिवसंति ? मे बहुभत्ते बहुउदए बहुजणे बहुत्रवमे मे अप्पुदए अप्पमणे
अप्पजणे अप्पजवसे, एयप्पगाराणि पसिणाणि पुट्टो वा अपुट्टो वा णो आदक्खेजा,
एतप्पगाराणि पसिणाणि णो पुच्छेजा ॥ ७५० ॥ एयं भवत्तु तस्स भिक्खुस्स भिक्खु-
णीए वा सामगियं ॥ ७५१ ॥ इरियाज्झयणे वीओइंसो समत्तो ॥

से भिक्खु वा (२) गामाणुगामं दूइजमाणे अंतरा से वप्पाणि वा, फट्ठिहाणि
वा, पागाराणि वा, जाव दरीओ वा, कूटागाराणि वा, पायादाणि वा, गुमगिहाणि
वा, रुक्खगिहाणि वा, पव्वयगिहाणि वा, आएमणाणि वा, जाव भवगगिहाणि वा,
णो बाहाओ पग्गिज्झय २ अगुलियाए उट्ठिमिय २ ओ-२ उण्णमिय २ णिज्झाणजा,
तओ संजयामेव गामाणुगामं दूइजेजा ॥ ७५२ ॥ से भिक्खु वा (२) गामाणुगामं
दूइजमाणे अंतरा से कच्छाणि वा, दवियाणि वा, गुमाणि वा, वलयाणि वा, गह-
णाणि वा, गहणविदुरगाणि वा, वणाणि वा, वगपव्वयाणि वा, पव्वतविदुरगाणि वा,
पव्वतगिहाणि वा, अगडाणि वा, तलागाणि वा, दहाणि वा, णदीओ वा, वावीओ
वा, पुक्खरणीओ वा, वीहियाओ वा, गुंजालियाओ वा, मगाणि वा, सरपंतियाणि
वा, सरसरपंतियाणि वा, णो बाहाओ पग्गिज्झय जाव णिज्झाणजा, केवडी बूया
'आयाण-मेयं' जे तथ मिया वा, पमू वा, पक्खी वा, मिरीसिवा वा, सीहा वा,
जलचरा वा, थलचरा वा, स्रहचरा वा, सत्ता ते उतमेज वा, विलमेज वा, वाडे
वा सरणं वा कल्लेजा, "चारिणि मे अयं समणे" अह भिक्खुं पृचोवदिट्ठो एस
पइणा जं णो बाहाओ पग्गिज्झय २ जाव णिज्झाएजा, तओ संजयामेव आयसिय
उवज्जाएहिं सद्धिं गामाणुगामं दूइजेजा ॥ ७५३ ॥ से भिक्खु वा (२) आयरि-
यउवज्जाएहिं सद्धिं गामाणुगामं दूइजमाणे, णो आयरियउवज्जावस्स हत्थेण वा
हत्थं जाव अणासायमाणे तओ संजयामेव आयरियउवज्जाएहिं सद्धिं जाव दूइ-

जिज्जा ॥ ७५४ ॥ से भिक्खू वा (२) आयरियउवज्जाएहिं सदिं दइज्जमाणे अंतरा से पाडिपहिया उवागच्छेज्जा, ते णं पाडिपहिया से एवं वएज्जा “आउसंतो समणा के तुब्भे ? कओ वा एह ? कहिं वा गच्छिहिइ” जे तत्थ आयरियउवज्जाए से भासेज्ज वा, वियागरेज्ज वा, आयरिभौवज्जायस्स भासमाणस्स वा वियागरे-माणस्स वा णो अंतराभासं करेज्जा, तओ संजयामेव अहारातिणिए वा० दइज्जेज्जा ॥ ७५५ ॥ से भिक्खू वा (२) अहारातिणियं गामाणुगामं दइज्जमाणे णो अहारा-तिणियस्स हत्थेण हत्थं जाव अणामायमाणे तओ संजयामेव अहारातिणियं गामा-णुगामं दइज्जिज्जा ॥ ७५६ ॥ से भिक्खू वा (२) अहारातिणियं दइज्जमाणे अंतरा से पाडिपहिया उवागच्छेज्जा, ते णं पाडिपहिया एवं वदेज्जा, आउसंतो समणा के तुब्भे ? कओ वा एह ? कहिं वा गच्छिहिइ ? जे तत्थ सब्वरातिणिए से भासेज्ज वा वागरेज्ज वा अहारातिणियस्स भासमाणस्स वियागरेमाणस्स वा णो अंतराभासं भासेज्जा, तओ संजयामेव अहाराइणियाए गामाणुगामं दइज्जिज्जा ॥ ७५७ ॥ से भिक्खू वा (२) गामाणुगामं दइज्जमाणे अंतरा से पाडिपहिया आगच्छेज्जा, ते णं पाडिपहिया एवं वदेज्जा “आउसंतो समणा ! अवियाइं एत्तो पडिपहे पासह तंजहा-मणुस्सं वा गोगं वा महिसं वा पमुं वा पक्खिं वा, सिरीसिं वा जलयरं वा से आइक्खह दंसेइ” तं णो आइक्खेज्जा णो दंसेज्जा णो तेसि तं परिणं परिजाणिज्जा, तुसिणीओ उवेहेज्जा, जाणं वा, णो जाणंति वएज्जा, तओ संजयामेव गामा-णुगामं दइजेज्जा ॥ ७५८ ॥ से भिक्खू वा (२) गामाणुगामं दइज्जमाणे अंतरा से पाडिपहिया आगच्छेज्जा ते णं पाडिपहिया एवं वएज्जा “आउसंतो समणा अवियाइं एत्तो पडिपहे पासह उदगपसूयाणि कंदाणि वा मूलाणि वा तयाणि वा पत्ताणि वा पुप्फाणि वा फलाणि वा बीयाणि वा हरियाणि वा उदगं वा संधिहियं अगणि वा संधिक्खत्तां, सेसं तं चं व से आइक्खह, जाव दइजेज्जा ॥ ७५९ ॥ से भिक्खू वा (२) गामाणुगामं दइज्जमाणे अंतरा से पाडिपहिया उवागच्छेज्जा ते णं पाडिपहिया एवं वएज्जा, आउसंतो समणा अवियाइं एत्तो पडिपहे पासह, जवसाणि वा, जाव से णं वा, विरुवकं संधिविठं, से आइक्खह जाव दइज्जिज्जा ॥ ७६० ॥ से भिक्खू वा (२) गामाणुगामं दइज्जमाणे अंतरा से पाडिपहिया जाव “आउसंतो समणा ! केवइए एत्तो गामे वा जाव रायहाणी वा रे आइक्खह जाव दइज्जिज्जा ॥ ७६१ ॥ से भिक्खू वा (२) गामाणुगामं दइज्जमाणे अंतरा से पाडिपहिया जाव “आउसंतो समणा केवइए एत्तो गामस्स णगरस्स वा जाव राय-हाणीए वा मग्गे, से आइक्खह तहेव जाव दइज्जिज्जा ॥ ७६२ ॥ से भिक्खू वा

(२) गामाणुगामं दृड्ज्जमाणे अंतरा से गोणं वियालं पडिपहे पेहाए जाव वित्तवि-
 ल्लं वियालं पडिपहे पेहाए णो तेसि भीओ उम्मरणेणं गच्छेज्जा, णो मग्गाओ उम्मग्गं
 संकमिज्जा, णो गहणं वा वणं वा दुग्गं वा अणुपविसेज्जा, णो स्वत्वंसि दुरुहेज्जा, णो
 महइमहालयंसि उदर्यंसि कायं विउसेज्जा, णो वाडं वा सरणं वा सेणं वा सत्थं वा
 कंखेज्जा, अप्पुस्सुए जाव समाहीए तओ सज्जयामेव गामाणुगामं दृड्ज्जिज्जा ॥ ७६३ ॥
 से भिक्खू वा (२) गामाणुगामं दृड्ज्जमाणे अतरा मे विहं सिया मे जं पुण विहं
 जाणिज्जा, इमंसि खलु विहंसि बहवे आमोसगा उवगरणपडियाए संपिडिया गच्छेज्जा,
 णो तेसि भीओ उम्मरणेणं गच्छेज्जा, जाव समाहीए तओ सज्जयामेव गामाणुगामं
 दृड्ज्जिज्जा ॥ ७६४ ॥ से भिक्खू वा (२) गामाणुगामं दृड्ज्जमाणे अंतरा से आमो-
 सगा संपिडिया गच्छेज्जा तं णं आमोसगा एवं वदेज्जा, आउसंतो समणा, आहर
 एयं वरथं वा पायं वा कंबलं वा पायपुच्छं वा देहि णिक्खिवाहि, तं णो देज्जा
 णिक्खिवाहेज्जा, णो वंदिय २ जाणज्जा, णो अज्जलं कट्टं जाणज्जा, णो कल्लणपडियाए
 जाएज्जा, धम्मियाए जाणज्जा, तुसिणीयभावेण वा उवेहिज्जा, तं णं आमोसगा 'सयं
 करणजं' ति कट्टं, अक्कोसति वा जाव उवद्वंति वा वत्थं वा पायं वा कंबलं वा
 पायपुच्छं अच्छिद्वेज्जा वा, जाव परिट्टवेज्जा वा, तं णं णो गामसमारियं कुज्जा, णो
 रायसंसारियं कुज्जा, णो परं उवसकमित्तु वृया, आउसंतो गाहावड एए खलु मे
 आमोसगा उवगरणपडियाए सयं करणजं ति कट्टं अक्कोमंति वा जाव परिट्टवेति
 वा, एयप्पगारं मगं वा वयणं वा णो पुरओ कट्टं विहरेज्जा, अप्पुस्सुए जाव समाहीए
 तओ संजयामेव गामाणुगामं दृड्ज्जेज्जा ॥ ७६५ ॥ एयं खलु तस्स भिक्खुस्स
 भिक्खुणीए वा साम्भियं, जं मव्वद्वेहिं सहिए सया जएज्जानि ति वेमि ॥ ७६६ ॥
 इरियाज्जयणस्स तद्वोहेसो समत्तो ॥ तद्वयं इरियाज्जयणं समत्तं ॥

मे भिक्खू वा (२) इमाइं वयायाराइं सोच्चा णिमम्म इमाइं अणायाराइं
 अणायारियपुव्वाटं जाणिज्जा, जे कोहा वा माणा वा मायाए वा लोहा वा कायं विउजंति,
 जाणओ वा फल्लं वयंति, अजाणओ वा फल्लं वधंति, मव्वमेयं सावज्जं वजेज्जा,
 विवेगमायाए ॥ ७६७ ॥ धुवं चयं जाणिज्जा, अधुवं चयं जाणिज्जा, असणं वा (४)
 लभिय णो लभिय, भुंजिय णो भुंजिय, अदुवा आगए णो आगए, अदुवा एइ
 णो एइ, अदुवा एहिति णो एहिति, एत्थवि आगए णो आगए, एत्थवि एइ णो एइ,
 एत्थवि एहिति णो एहिति ॥ ७६८ ॥ अणुवीइ णिट्ठाभासी, समियाए संजए भासं
 भासंज्जा, तंजहा-एगवयणं, दुवयणं, बहुवयणं, इत्थिवयणं, पुरिसवयणं, णपुंसवयणं,

अज्जत्थवयणं, उवणीयवयणं, अवणीयवयणं, उवणीयावणीयवयणं, अवणीयोवणी-
यवयणं, तीयवयणं, पडुप्पन्नवयणं, अणागयवयणं, पञ्चक्खवयणं, परोक्खवयणं
॥ ७६९ ॥ से एगवयणं वदिस्सामीति एगवयणं वएज्जा, जाव परोक्खवयणं वड-
स्सामीति परोक्खवयणं वएज्जा, इत्थी वेस पुस्सो वेस, गुणुस्सं वेस, एवं वा चेयं,
अण्णं वा चेयं, अणुवीद् णिट्ठाभासी, समियाए संजए भासं भासिज्जा, इच्चेयाई
आयतणाई उवातिकम्म ॥ ७७० ॥ अह भिक्खू जाणिज्जा चत्तारि भासज्जायाई,
तंजहा-मच्चमेगे पढमं भासजायं, बीयं मोसं, तइयं सच्चामोसं, जं णेव मच्चं णेव
मोसं नेव सच्चामोसं “अमच्चामोसं” णाम तं चउत्थं भासज्जातं ॥ ७७१ ॥ से वेस्मि
जे अतीना जे य पडुप्पन्ना जे य अणागया अरहंता भगवंतो सव्वे ते एयाणि
चेव चत्तारि भासाजायाई भास्सिमु वा भासंति वा भासिस्संति वा, पण्णविमु वा,
पण्णवेति वा, पण्णावस्संति वा, सव्ववाई च णं एयाई अच्चिन्नाणि वण्णमंताणि गंध-
मंताणि रममंताणि फाममंताणि चओवचउयाई विपरिणामधम्ममाई भवतीति सम-
क्खवायाई ॥ ७७२ ॥ से भिक्खू वा (२) पुब्बिं भामा अभासा भासमाण भासा
भागा, भामाममयविडक्कता च ण भास्सिया भासा अभासा ॥ ७७३ ॥ से भिक्खू वा (२)
जाय भामा सच्चा, जाय भामा मोमा, जाय भामा सच्चामोसा, जाय भासा असच्चा-
मोमा, तहप्पगारं भासं सावज्जं सक्किरियं कक्कसं कडुयं निदुरं फरुसं अण्हयकारिं
छेय्यणमेयणकरिं परितान्णकरिं उद्वकरिं भूतोवघाडयं अभिक्खं भासं णो भासेज्जा
॥ ७७४ ॥ से भिक्खू वा (२) जा य भासा मच्चा सुहुमा जाय भासा अमच्चा-
मोमा तहप्पगारं भासे असावज्जं अक्किरियं जाव अभूतोवघाडयं अभिक्खं भासे
भासेज्जा, अदुत्ता य पुमं आमंतेमाणे आमंतितं वा अपडिमुणेमाणं णो एवं वएज्जा,
होटे णि वा गोटे ति वा बमुले णि वा कुपक्खे ति वा घडदासे ति वा साणे ति
वा तेणे ति वा चारिए ति वा माई ति वा मुसावाई ति वा एयाई तुमं ते जणगा
वा, एतप्पगारं भासं सावज्जं सक्किरियं जाव अभिक्खं नो भासेज्जा ॥ ७७५ ॥ से
भिक्खू वा (२) पुमं आमंतेमाणे आमंतिए वा अपडिमुणेमाणे एवं वएज्जा, अमुगे
णि वा आउसोत्ति वा आउसंतोत्ति वा सावगे णि वा उपायगेत्ति वा धम्मिएत्ति वा
धम्मपियेत्ति वा एयप्पगारं भासं असावज्जं जाव अभूतोवघाडयं अभिक्खं भासेज्जा
॥ ७७६ ॥ से भिक्खू वा (२) इत्थिं आमंतेमाणे आमंतिए य अपडिमुणेमाणीं
नो एवं वएज्जा, होली इ वा मोली इ वा इत्थीगमेणं णेतव्वं ॥ ७७७ ॥ से भिक्खू
वा (२) इत्थियं आमंतेमाणे आमंतिए य अपडिमुणेमाणीं एवं वएज्जा, आउत्ति
त्ति वा भन्निणि ति वा भगवइ ति वा साविगे ति वा उवात्तिए ति वा धम्मिए ति

वा धम्मपियेति वा एतप्पगारं भासं असावज्जं जाव अभिक्ख भासेज्जा ॥ ७७८ ॥
 से भिक्खू वा (२) णो एवं वएज्जा, णभोद्वेति वा गज्जदेवेति वा विज्जुदेवे ति
 वा पवुठ्ठदेवेति वा निवुठ्ठदेवेति वा पडउ वा वासं मा वा पडउ मिप्फज्जउ वा
 सस्सं मा वा णिप्फज्जउ विभाउ वा रयणी मा वा विभाउ उदेउ वा सूरिए मा वा
 उदेउ सो वा राया जयउ मा वा जयउ णो एतप्पगारं भासं भासिज्जा, पण्णवं
 ॥ ७७९ ॥ से भिक्खू वा (२) अतलिकखेति वा गुज्जाणुचरिएति वा संमुच्छिए
 वा णिवइए वा पओवएज्जा वा वुठ्ठवलाहगेति वा ॥ ७८० ॥ एवं खलु तस्स भिक्खुस्स
 भिक्खणीए वा सामागियं जं सव्वट्ठेहिं समिए सहिए मया जएज्जासि ति बेमि
 ॥ ७८१ ॥ भासाज्जयणस्स पढमोहेसो समसो ॥

से भिक्खू वा (२) जहा वेगइयाइं रुवाइं पासेज्जा तहावि ताइं णो एवं वएज्जा,
 तंजहा-गंडी गंडीति वा, कुठ्ठी कुठ्ठीति वा, जाव महुमंहुणीति वा, हत्थच्छिन्नं
 हत्थच्छिन्नेति वा, एवं पादणक्कण्णउट्टुच्छिण्णेति वा । जे या वण्णे तहप्पगारा
 एयप्पगाराहिं भामाहिं बुइया बुइया कुर्यंति माणवा, तेयावि तहप्पगाराहिं भामाहिं
 अभिक्ख णो भासेज्जा ॥ ७८२ ॥ से भिक्खू वा (२) जहा वेगइयाइं रुवाइं
 पासेज्जा तहावि ताइं एवं वएज्जा तंजहा-ओयंसी ओयंसीति वा, तेयंसी तेयंसी ति
 वा, वचंसी वचंसीति वा, जसंसी जससीति वा, अभिक्खवं अभिक्खेति वा पडिक्खं
 पडिक्खेति वा, पासाइयं पासाइयंति वा दरिसण्णज्जं दरिसणीएति वा, जेया वण्णं
 तहप्पगारा एयप्पगाराहिं भामाहिं बुइया बुइया णो कुर्यंति माणवा, तेयावि तहप्प-
 गारा एयप्पगाराहिं भामाहिं अभिक्ख भामिज्जा । तहप्पगार भासं असावज्जं जाव
 भासेज्जा ॥ ७८३ ॥ से भिक्खू वा (२) जहा वेगइयाइं रुवाइं पासेज्जा तंजहा-
 वप्पाणि वा जाव भवणगिहाणि वा, तहावि ताइं णो एवं वएज्जा, तंजहा-सुकडे इ
 वा सुट्टुकडे इ वा साहुकडे इ वा क्खण्णे इ वा करण्णज्जे इ वा एयप्पगारं
 भासं सावज्जं जाव णो भासेज्जा ॥ ७८४ ॥ से भिक्खू वा (२) जहा वेगइयाइं
 रुवाइं पासेज्जा, तंजहा-वप्पाणि वा जाव भवणगिहाणि वा तहावि ताइं एवं
 वएज्जा, तंजहा-आरंभकडेइ वा सावज्जकडे इ वा पयत्तकडे इ वा पासाइयं
 पासाइएति वा दरिसणीयं दरिसणीएति वा अभिक्खं अभिक्खेति वा पडिक्खं
 पडिक्खेति वा एयप्पगारं भासं असावज्जं जाव भासेज्जा ॥ ७८५ ॥ से भिक्खू वा
 (२) असणं वा (४) उवक्खडियं पेहाए तहाविहं तं णो एवं वएज्जा, तंजहा-सुकडेति
 वा सुट्टुकडे इ वा साहुकडे इ वा क्खण्णे इ वा करण्णज्जे इ वा एयप्पगारं भासं सावज्जं
 जाव णो भासेज्जा ॥ ७८६ ॥ से भिक्खू वा (२) असणं वा (४) उवक्खडियं

पेहाए एवं वएजा, तंजहा-आरंभकडे ति वा सावज्जकडे ति वा पयत्तकडेति वा
 महयं भए ति वा ऊढं ऊसडे ति वा रसियं रसिए ति वा मणुष्णं मणुष्णे ति
 वा एयप्पगारं भासं असावज्जं जाव भासेज्जा ॥ ७८७ ॥ से भिक्खू वा (२)
 मणुस्सं वा गोणं वा महिसं वा भिगं वा पुत्तं वा पक्खिं वा सरीसिवं वा जलयरं
 वा से तं परिवूडकायं पेहाए णो एवं वएजा थूलेइ वा पमेइलेइ वा वट्टेइ वा
 वज्जे इ वा पाइमे इ वा एयप्पगारं भासं सावज्जं जाव णो भासिज्जा ॥ ७८८ ॥
 से भिक्खू वा (२) मणुस्सं जाव जलयरं वा से तं परिवूडकायं पेहाए एवं
 वएजा, परिवूडकाएणि वा, उवन्नियकाए ति वा थिगसंघयणेति वा उवन्नियमंस-
 सोणिएणि वा बहुपडिपुष्णइंदिएणि वा एयप्पगारं भासं असावज्जं जाव भासिज्जा
 ॥ ७८९ ॥ से भिक्खू वा (२) विक्खवाओ गाओ पेहाए णो एवं वएजा,
 तंजहा-गाओ दोज्जाओ ति वा दम्भेति वा गोरहति वा वाहिमति वा रहजोग्गति
 वा एयप्पगारं भासं सावज्जं जाव णो भासिज्जा ॥ ७९० ॥ से भिक्खू वा (२)
 विक्खवाओ गाओ पेहाए एवं वएजा तंजहा-जुवंगवेति वा धेणु ति वा
 रमवइ ति वा हस्से इ वा महल्लए इ वा महव्वए इ वा संवहणि ति वा
 एयप्पगारं भासं असावज्जं जाव अभिक्खं भासिज्जा ॥ ७९१ ॥ से भिक्खू वा
 (२) तहेव गंतुमुजाणाइं पव्वयाइं वणाणि वा ख्खवा महल्ला पेहाए णो एवं
 वएजा, तंजहा-पासायजोग्गा ति वा तोरणजोग्गाति वा निहजोग्गा इ वा
 फलिहजोग्गाइ वा अगल-नावा-उदगदोणि-पीड-वंगत्रे-गंगल-कुलिय-जंतलट्टी-
 णाभि-गंभी-आसण-सयण-जाण-उवस्मय-जोग्गा इ वा, एयप्पगारं भासं सावज्जं
 जाव णो भासिज्जा ॥ ७९२ ॥ से भिक्खू वा (२) तहेव गंतुमुजाणाइं पव्व-
 याणि वणाणि य ख्खवा महल्ला पेहाए एवं वएजा, तंजहा-जातिमंता इ वा
 वीहवट्ठा इ वा महाल्ला इ वा पयायसाला इ वा विडिमसाला इ वा
 पासाइया इ वा जाव पडिक्खा इ वा एयप्पगारं भासं असावज्जं जाव अभिक्खं
 भासिज्जा ॥ ७९३ ॥ से भिक्खू वा (२) बहुसंभूया वणफला पेहाए तहावि
 से णो एवं वएजा तंजहा-पक्का ति वा पायक्खज्जाइ वा वेलोइयाति वा टालाइ
 वा वेहिया इ वा एयप्पगारं भासं सावज्जं जाव णो भासिज्जा ॥ ७९४ ॥ से
 भिक्खू वा (२) बहुसंभूयाफला अंबा पेहाए एवं वएजा, तंजहा-असंयडा इ वा
 बहुणिवट्टिमफला इ वा बहुसंभूया इ वा भूवस्विति वा एयप्पगारं भासं असावज्जं
 जाव भासेज्जा ॥ ७९५ ॥ से भिक्खू वा (२) बहुसंभूयाओ ओसहीओ पेहाए
 तहावि ताओ णो एवं वएजा, तंजहा-पक्का इ वा नीलिया इ वा छवीइ वा

लाइमा इ वा भजिमा इ वा बहुखज्जा इ वा एयप्पगारं भासं सावज्जं जाव णो भासेज्जा ॥ ७९६ ॥ से भिक्खू वा (२) बहुसंभूयाओ ओसहीओ पेहाए तहावि एवं वएज्जा, तंजहा-रूडा इ वा बहुसंभूया इ वा यिग इ वा ऊमटा इ वा गब्भिया इ वा पसूया इ वा ससारा इ वा एयप्पगारं अमावज्जं जाव भासेज्जा ॥ ७९७ ॥ से भिक्खू वा (२) जहा वेगडयादं महाई सुणेज्जा, तहावि एयाई णो एवं वएज्जा, तंजहा-सुसेहे इ वा दुसेहे इ वा एयप्पगारं सावज्जं जाव णो भासेज्जा, तहावि ताई एवं वएज्जा, तंजहा-सुमहे सुमहे ति वा दुसहे दुसेहे ति वा एयप्पगारं अमावज्जं जाव भासेज्जा ॥ ७९८ ॥ एवं रुवदं कण्हे ति वा १ गंधादं सुच्चिभंगंघे ति वा २ रमाई तिणाणि वा ५ फासाई कक्खडारिण वा ८ ॥ ७९९ ॥ से भिक्खू वा (२) वंता कोहं च मार्गं च मायं च लोभं च अणुवीट्ठ णिद्धाभासी णिमम्म भासी अनुरियभासी विवेगभासी ममियाए संजए भासं भासेज्जा ॥ ८०० ॥ एवं खलु तस्म भिक्खूस्स भिक्खुणीए वा सामगियं ॥ ८०१ ॥ भासाज्जयणे वीओहेसो ममत्तो ॥ चउत्थं भासाज्जयणं समत्तं ॥

से भिक्खू वा (२) अभिक्खेज्जा वत्थ एमिणाए, से जं पुण वत्थं जाणिज्जा, तंजहा-जेगियं-साणयं-पोतयं-न्नोमियं वा तल्लकडं वा तहाप्पगार वत्थं ॥ ८०२ ॥ जे णिमंगे तरुणे जुगवं वलव आपायंके धिरसंयणे से एगं वत्थ धारेज्जा णो वितियं, जा णिरगंथी सा चत्तावि मंघावीओ धारेज्जा, एगं दुहत्थविन्थारं, दो तिहत्थ-वित्याराओ, एगं चउहत्थवित्यार, एण्हिं वत्थेहिं अमाधज्जमाणेहिं अह पच्छा एगमेगं संसीविज्जा ॥ ८०३ ॥ से भिक्खू वा (२) परं अद्धज्जयणमेगाए वत्थपडियाए नो अभिसयारेज्जा गमणाए ॥ ८०४ ॥ से भिक्खू वा (२) से जं पुण वत्थं जाणिज्जा अस्सिंपडियाए एगं साहम्मियं समुहिस्स पाणाई (जहा पिंहेमणाए) ॥ ८०५ ॥ एवं बहवे साहम्मिया, एगं साहम्मिणि, बहवे साहम्मिणीओ, बहवे समणमाहणा, उहेव पुरिसंतरकडं (जहा पिंहेमणाए) ॥ ८०६ ॥ से भिक्खू वा (२) से जं पुण वत्थं जाणिज्जा, असंजए भिक्खुपडियाए कीय वा धोयं रत्तं वा घट्टं वा मड्डं वा संसट्टं वा संपभूमिय वा तहाप्पगारं वत्थं अपुरिसंतरकडं जाव णो पडिगाहेज्जा, अह पुण एवं जाणिज्जा पुरिसंतरकडं जाव पडिगाहेज्जा ॥ ८०७ ॥ से भिक्खू वा (२) से जाई पुण वत्थाई जाणिज्जा, विल्लक्खाई महदणमोत्साई तंजहा-आजिणाणि वा, सहिणाणि वा, सहिणकल्लाणाणि वा, आयाणि वा, कायकाणि वा, खोमियाणि वा, दुग्गुणाणि वा, पट्टाणि वा, मल्लयाणि वा, फनुण्वाणि वा, अंहुयाणि

वा, श्रीगंभ्याणि वा, देसरागाणि वा, अमिलाणि वा, गज्जफलाणि वा, फालियाणि वा, कोयवाणि वा, कंबलगाणि वा, पावरणाणि वा, अण्णयराणि वा तहप्पगाराइं वत्थाइं महद्धणमोन्लाईं लामे संते णो पडिगाहिज्जा ॥ ८०८ ॥ से भिक्खू वा (२) से जाइं पुण आइंणपाउरणाणि वत्थाणि जाणिज्जा, तंजहा-उहाणि वा पेमाणि वा, पेसलाणि वा किण्हमिगाइंणगाणि वा णीलमिगाइंणगाणि वा गोरमिगाइंणगाणि वा कणगाणि वा कणगकंताणि वा कणगपट्टाणि वा कणगखइयाणि वा कणगफूसियाणि वा वग्घाणि वा विवग्घाणि वा आभरणाणि वा आभरणविचिन्ताणि वा अण्णयराणि वा तहप्पगाराणि आइंणपाउरणाणि वत्थाणि लामे संते णो पडिगाहिज्जा ॥ ८०९ ॥ इच्चेइयाइं आयतणाइं उवाइक्कम्म अह भिक्खू जाणिज्जा, चउहिं पडिमाहिं वत्थं एमिणए ॥ ८१० ॥ तत्थ खलु इमा पट्टमा पडिमा, से भिक्खू वा (२) उहिंसिय ५ वत्थं जाएज्जा, तंजहा-जंमियं वा साणयं वा पोत्तयं वा न्धोमियं वा तुलकडं वा तहप्पगारं वत्थं सयं वा णं जाएज्जा परो वा णं देज्जा, फासुर्यं एसणीयं लामे संते पडिगाहिज्जा, **पट्टमा पडिमा** ॥ ८११ ॥ **अहावरा दोब्बा पडिमा** ॥ से भिक्खू वा (२) पेहाए ० जाएज्जा, तंजहा-गाहावई वा जाव कम्मकरी वा, से पुब्बामेव आलोएज्जा, आउसो ति वा भागिणि ति वा, दाहिंसि मे एत्तो अण्णतरं वत्थं ? तहप्पगारं वत्थं सयं वा णं जाएज्जा, परो वा से देज्जा, जाव फासुर्यं एसणीयं लामे संते पडिगाहिज्जा ॥ **दोब्बा पडिमा**, ॥ ८१२ ॥ **अहावरा तब्बा पडिमा** ॥ से भिक्खू वा (२) से जं पुण वत्थं जाणिज्जा तंजहा-अंनरिज्जगं वा उत्तरिज्जगं वा तहप्पगारं वत्थं सयं वा णं जाएज्जा जाव पडिगाहिज्जा ॥ **तब्बा पडिमा** ॥ ८१३ ॥ **अहावरा चउत्था पडिमा** ॥ से भिक्खू वा (२) उज्जिसयधम्मियं वत्थं जाएज्जा, ज चउत्थे बह्वे समणमाहणअतिहिकिबणवणीमगा णावकंस्संति, तहप्पगारं उज्जिसयधम्मियं वत्थं सयं वा णं जाएज्जा परो वा से देज्जा फासुर्यं जाव पडिगाहेज्जा, **चउत्था पडिमा** ॥ ८१४ ॥ इच्चेयाणं चउत्थं पडिमाणं जहा पिडेसणाए ॥ ८१५ ॥ सिया णं एवाए एसणाए एममाणं परो बएज्जा आउसंतो समणा एज्जाहि तुमं मासेण वा दसराएण वा पंचराएण वा सुए वा नुयतरे वा तो ते वयं आउसो अण्णयरं वत्थं दाहामो ।" तहप्पगारं णिग्घोसं सोच्चा णिसम्म से पुब्बामेव आलोएज्जा आउसो ति वा भइणि ति वा षो खलु मे कप्पइ एयप्पगारे संगारे वयणे पडिइणेत्तए अमिक्कंस्सि मे दाठे इयाणिमिव दल्लयाहि, से णेवं वयंतं परो बएज्जा आउसंतो समणा अणुगच्छाहि तो ते वयं अण्णतरं वत्थं दाहामो से पुब्बामेव आलोएज्जा

आउसो ति वा भइणि ति वा णो खलु मे कप्पइ एयप्पगारे संगारवयणे पडिसु-
 गेत्ताए, अभिकंत्वासि मे दाउं इयाणिमेव दलयाहि ।” से सेवं वयंतं परो णेया
 वदेज्जा “आउमो ति वा भइणि ति वा आहरेयं वत्थं समणस्स दाहामो अवियाइं
 वयं पच्छावि अप्पणो मयट्टाए पाणाइं भूयाइं जीवाइं सत्ताइं समारब्भ समुहस्स
 जाव चेइस्सामो” एयप्पगार णिग्घोस मोच्चा णिमम्म तहप्पगारं वत्थं अफामुयं
 जाव णो पडिगाहेज्जा ॥ ८१६ ॥ सिया णं परो णेया वएज्जा “आउमो ति वा
 भइणि ति वा आहरेयं वत्थं णिणाणेण वा ४ जाव आघंसित्ता वा पघंसित्ता वा
 समणस्स णं दाहामो” एयप्पगारं णिग्घोस मोच्चा णिमम्म से पुब्बामेव आलो-
 एज्जा, आउमो ति वा भइणि ति वा मा एयं तुमं वत्थं सिणाणेण वा जाव पघंसाहि
 वा अभिकंत्वासि मे दाउं, एमेव दलयाहि” मे सेवं वयंतस्स परो सिणाणेण वा जाव
 पघंसित्ता दलएज्जा, तहप्पगारं वत्थं अफामुयं जाव णो पडिगाहेज्जा ॥ ८१७ ॥ से
 णं परो णेया वएज्जा, “आउसो ति वा भइणि ति वा आहर एयं वत्थं सीओदग-
 वियडेण वा उस्सिणोदगवियडेण वा उच्छोलेत्ता वा पधोवेत्ता वा समणस्स दाहामो
 एयप्पगारं णिग्घोसं गोच्चा णिमम्म से पुब्बामेव आलोएज्जा आउसो ति वा भइणि
 ति वा मा एयं तुमं वत्थं सीओदगवियडेण वा उस्सिणोदगवियडेण वा उच्छोलेहि
 वा पधोवेहि वा अभिकंत्वासि सेम तहेव जाव णो पडिगाहेज्जा ॥ ८१८ ॥ से णं
 परो णेया वएज्जा “आउमो ति वा भइणि ति वा आहरेयं वत्थं कंदाणि वा जाव
 हरियाणि वा विमोहिता समणस्स दाहामो” एयप्पगारं णिग्घोसं सोच्चा णिमम्म
 जाव “भइणि ति वा मा एयाणि तुमं कंदाणि वा जाव विसोहेहि णो खलु मे
 कप्पइ एयप्पगारे वत्थे पडिगाहिताए” से सेवं वयंतस्स परो कंदाणि वा जाव
 विसोहिता दलएज्जा तहप्पगारं वत्थं अफामुयं णो पडिगाहेज्जा ॥ ८१९ ॥ सिया
 से परो णेया वत्थं णिसिरेज्जा से पुब्बामेव आलोएज्जा “आउसो ति वा भइणि ति
 वा तुमं चेवणं संतियं वत्थं अंतोअनेणं पडिलेहिज्जिस्सामि” केवन्दी बूया आयाणमेयं
 वत्थंतेण बडे सिया कुंडले वा गुणे वा हिरण्णे वा सुवण्णे वा मणी वा जाव
 रयणावली वा पाणे वा बीए वा हरिए वा भइ भिक्खुणं पुब्बोवदिट्ठा जाव जं
 पुब्बामेव वत्थं अंतोअनेणं पडिलेहिज्जा ॥ ८२० ॥ से भिक्खु वा (२) से जं
 पुण वत्थं जाणिज्जा सअंडं जाव संताणयं तहप्पगारं वत्थं अफामुयं जाव णो पडि-
 गाहेज्जा ॥ ८२१ ॥ से भिक्खु वा (२) से जं पुण वत्थं जाणिज्जा अण्यं जाव
 अप्पसंताणयं अणलं अचिरं अनुवं अधारणिज्जं रोइजंतं ण गोच्चा तहप्पगारं वत्थं
 अफामुयं जाव णो पडिगाहेज्जा ॥ ५२२ ॥ से भिक्खु वा (२) से जं पुण वत्थं

जाणिजा, अप्पंडं जाव संताणगं वलं धिरं धुवं धारणिजं रोइज्जंतं त्त्वइ तहप्पगारं वत्थं फासुयं जाव पडिग्गाहेज्जा ॥ णो णवए मे वत्थे ति कट्टु णो बहुदेसिएण सिणाणेण वा जाव पधंसेज्जा ॥ ८२३ ॥ पुण णो णवए मे वत्थे ति कट्टु णो बहुदेसिएण सीतोदगवियडेण वा जाव पहोवेज्जा ॥ ८२४ ॥ पुण दुट्ठिभगंधे मे वत्थे ति कट्टु णो बहुदेसिएण सिणाणेण वा तहेव सीओदगवियडेण वा उसिणोदगवियडेण वा (आलावओ) ॥ ८२५ ॥ पुण अभिकंखेज्ज वत्थं आयावेत्तए वा पयावेत्तए वा तहप्पगारं वत्थं णो अणंतरहियाए जाव पुटवीए णो ससिणद्दाए जाव संताणाए आयावेज्ज वा पयावेज्ज वा ॥ ८२६ ॥ पुण अभिकंखेज्जा वत्थं आयावेत्तए वा पयावेत्तए वा तहप्पगारं वत्थं थूणंसि वा गिहेलुगंसि वा उमुयालंसि वा कामजलंसि वा अण्णयरं वा तहप्पगारं अंतलिक्खजाए दुब्बद्धे दुत्तिक्खित्ते अण्णिके चलाचले णो आयावेज्ज वा पयावेज्ज वा ॥ ८२७ ॥ पुण अभिकंखेज्जा वत्थं आयावेत्तए पयावेत्तए वा तहप्पगारं वत्थं कुडियंसि भित्तिसि निलंसि वा लेहंसि वा अण्णतरे वा तहप्पगारं अंतलिक्खजाए जाव णो आयावेज्ज वा पयावेज्ज वा ॥ ८२८ ॥ पुण अभिकंखेज्जा वत्थं आयावेत्तए पयावेत्तए वा तहप्पगारं वत्थं मंवंसि वा मंवंसि-मालंसि-पासायंसि-हम्मियनलंसि वा अण्णयरं वा तहप्पगारं अंतलिक्खजाए जाव णो आयावेज्ज वा पयावेज्ज वा ॥ ८२९ ॥ मे तमादाय एगंतमवक्कमेज्जा अहे ज्जामयंठिलंसि वा जाव अण्णयरंसि वा तहप्पगारंसि थंठिलंसि पडिलोहियं २ प्प-ज्जियं २ तओ संजयामेव वत्थं आयावेज्ज वा पयावेज्ज वा ॥ ८३० ॥ एयं खलु तस्स भिक्खुस्स भिक्खुणीए वा सामग्गियं मया जइज्जामि ति वेमि ॥ ८३१ ॥ वत्थेसणाज्जयजे पट्ठमोइसो समत्तो ॥

से भिक्खु वा भिक्खुणी वा, अहेसणिज्जाइं वत्थाइं जाएज्जा, अहापरिगहियाइं वत्थाइं धारेज्जा, णो धोएज्जा, णो रएज्जा, णो धोयरणाइं वत्थाइं धारेज्जा अपट्ठि-उंचमाणे गार्मंतरेसु ओमचेत्तिए, एयं खलु वत्थधारिस्स सामग्गियं ॥ ८३२ ॥ से भिक्खु वा (२) गाहावइ कुलं पिंडवायपडियाए पविसिउकामे सव्वं चीवरमायाए गाहावइकुलं पिंडवायपडियाए भिक्खमेज्ज वा पविसेज्ज वा, एवं बहिया विचारभूमिं विहारभूमिं वा गग्गामुगामं दइजेज्जा । अह पुण एवं जाणिजा तिव्वदेसियं वा वासं वानवायं पेहाए ज्जहा पिंडेमणाए णवरं सव्वं चीवरमायाए ॥ ८३३ ॥ से एगइओ मुहुत्तगं २ पाडिहारिबं वीयं वत्थं जाएज्जा, जाव एगाहेण वा दुयाहेण वा तिया-वउ-थंवाहेण वा विप्पवसियं २ उवाणच्छेज्जा, तहप्पगारं वत्थं णो अण्णणा गिण्हेज्जा, णो अण्णमण्णस्स देज्जा, णो पासिबं कुज्जा, णो वत्थेण वत्थपरिणामं

करेजा, णो परं उवसंकमिन्ता एवं वण्जा “आउसतो ममणा अभिकंखसि वत्थं धारेत्तए परिहरितए वा” थिरं वा णं सनं णो पत्तिच्छिदिय २ परिट्ठवेज्जा, तहप्यगारं ससंधितं वत्थं तस्स चैव णिग्गरेज्जा, णो अत्ताणं साइजेज्जा ॥ ८३४ ॥ से एगइओ तहप्यगारं णिग्गोस गोच्चा णिग्गम्म जे भयंतारो तहप्यगाराणि वत्थाणि ससंधियाणि मुहुत्ताणं २ जाइत्ता जाव एगाहेण वा जाव पंचाहेण वा विप्पवसिय विप्पवसिय उवागच्छेत्ति, तहप्यगाराणि वत्थाणि णो अप्पया गिण्हंति. नो अण्णमण्णस्स दत्तयंति अणुवर्यांति, त चैव जाव णो माइज्जति बहुवर्येण भाणियब्बं ॥ ८३५ ॥ से हंता “अहमवि मुहुत्ते पाटिहारियं वत्थं जाइत्ता जाव एगाहेण वा जाव पंचाहेण वा विप्पवसिय २ उवागच्छिस्सामि, अथियाइं एयं ममेव सिया” माट्ठ्याणं संकासं णो एवं करेज्जा ॥ ८३६ ॥ पुण णो वण्णमेताइं वत्थाइं विवण्णाइं करेज्जा, णो विवण्णाइं वण्णमेताइं करेज्जा. “अच्चं वा वत्थं त्थंभस्सामि णि” कट्ठु नो अण्णमण्णस्स दिज्जा, णो पामिच्चं कुज्जा, णो वत्थेण वत्थपरिणामं कुज्जा, णो परं उवसकमित्तु एवं वण्जा, “आउसतो ममणा अभिकंखसि मे वत्थं धारितए वा परिहरितए वा” थिरं वा णं सनं णो पत्तिच्छिदिय २ परिट्ठवेज्जा, जहा भयं वत्थं पावगं परो मज्जट्ठ, परं च णं अत्तहागि पडिपहे पेत्ताए तस्स वत्थस्स णिदाणाए णो तेसि भीओ उम्मग्गेणं गच्छेज्जा । जाव आपुस्सए त्थो सज्जयामेव गामाणुगामं दूइज्जेज्जा ॥ ८३७ ॥ से भिक्खु वा (२) गामाणुगामं दूइज्जमाणे अतरा से विहं सिया मे जं पुण विहं जाणित्ता, ट्ठमंति खलु विहंसि बहवे आमोसगा वत्थपडियाए संधिया गच्छेज्जा णो तेसि भीओ उम्मग्गेणं गच्छेज्जा, जाव गामाणुगामं दूइजेज्जा ॥ ८३८ ॥ पुण गामाणुगामं दूइज्जमाणे अतरा से आमोसगा पडियागच्छेज्जा, ते णं आमोसगा एवं वण्जा “आउसतो ममणा आहरेयं वत्थं वेहि निक्खिवाहि” जहा इग्गियाए णाणत्तं वत्थपडियाए ॥ ८३९ ॥ एयं खलु तस्स भिक्खुस्स भिक्खुणीए वा मामाभयं ॥ ८४० ॥ वत्थेस्सणाज्झयणे धीओहेसो ॥ पंचमं वत्थेस्सणाज्झयणं समत्तं ॥

से भिक्खु वा (२) अभिकंखिज्जा पायं एत्तिए, से जं पुण पायं जाणित्ता तेज्जा अलाउयपायं वा दारुपायं मट्ठियापायं वा तहप्यगारं पायं जे णिग्गोस तहणे जाव थिरसंधयणे से एयं पायं धारेज्जा णो नीयं ॥ ८४१ ॥ पुण परं अद्धजोयणमेगए पायपडियाए णो अभिसंधारेज्जा गमणाए ॥ ८४२ ॥ से जं पुण पायं जाणित्ता अत्तिपडियाए एयं साहम्मियं समुत्तिस्स पाणाइं ४ जहा पिण्डेत्तणाए चत्तारि

आलावगा, पंचमे बहवे समणमाहणा पगणिय २ तहेव ॥ ८४३ ॥ पुण असंजए भिक्खुपडियाए बहवे समणमाहणा (वत्थेसणाऽऽलावजो) ॥ ८४४ ॥ से भिक्खु वा (२) से जाई पुण पादाई जाणिजा विरूवक्खाई महद्धणमुखाई तंजहा-अयपादाणि वा तउ० तंबपादाणि वा सीसग-हिरण्ण-सुवण्ण-रीरिय-हारपुड-पायाणि वा मणि-काय-कंस-मंग-ईत-चेल-सेल-पायाणि वा चम्मपायाणि वा अण्णयराणि वा तहापगाराई विरूवक्खाई महद्धणमोखाई पायाई अफासुयाई जाव णो पडिग्गा-हेजा ॥ ८४५ ॥ से भिक्खु वा (२) से जाई पुण पायाई जाणिजा, विरूवक्खाई महद्धणबंधणाई नं० अयबंधणाणि वा जाव चम्मबंधणाणि वा अन्नयराई तहप्पगाराई महद्धणबंधणाई अफासुयाई जाव णो पडिग्गाहेजा, इब्बेइयाई आयतणाई उवातिकम्म ॥ ८४६ ॥ अह भिक्खु जाणिजा चउहिं पडिमाहिं पायं एसिणए, तरथ खल इमा पढमा पडिमा से भिक्खु वा (२) उहिसिय २ पायं जाएजा, तंजहा-अत्ताउयपायं वा टारुपायं वा मट्टियापायं वा तहप्पगारं पायं सयं वा णं जाण्जा, जाव पडिगाहिंजा ॥ **पढमा-पडिमा** ॥ ८४७ ॥ **अहावरा दोष्वा पडिमा**, से भिक्खु वा (२) पेहाए पायं जाएजा, तंजहा-गाहावडं वा जाव कम्मकरिं वा से पुव्वामेव आलोएजा, “आउसो ति वा भडणि ति वा दाहिसि मे एणो अण्णयरं पायं, तंजहा-अत्ताउयपायं वा” जाव तहप्पगारं पायं सयं वा णं जाएजा, पगे वा से देजा जाव पडिगाहेजा ॥ **दोष्वा पडिमा** ॥ ८४८ ॥ **अहावरा तष्वा पडिमा** ॥ से भिक्खु वा (२) से जं पुण पायं जाणिजा, संगनियं वा वेज्जइयंतियं वा तहप्पगारं पायं सयं वा जाव पडिगाहिंजा ॥ **तष्वा पडिमा** ॥ ८४९ ॥ **अहावरा चउत्था पडिमा** ॥ से भिक्खु वा (२) उज्जिन्यभम्मियं पायं जाएजा, जं चउण्णे बहवे समणमाहणा जाव वणीमगा जावकं-खंति, तहप्पगारं पायं सयं वा णं जाव पडिगाहिंजा, **चउत्था पडिमा** ॥ ८५० ॥ इब्बेयाणं चउण्हं पडिमाणं अण्णयरं पांडेभं (जहा पिंडेसणाए) ॥ ८५१ ॥ से णं एलाए एसणाए एसमाणं पासिणा परो वएजा, “आउसंतो समणा एज्जानि तुयं मत्सेण वा जाव” जहा **वत्थेसणाए** ॥ ८५२ ॥ से णं पणे णया वएजा, आउसो ति वा भइमि ति वा आहरेयं पायं तेहेण वा घएण वा अब्भंगेत्ता वा तहेव सिणाणाइ तहेव सीओदगकंदाई तहेव ॥ ८५३ ॥ से णं परो णया वएजा, “आउसंतो समणा मुहुत्तयं २ अन्खाहि जाव ताव अग्गे असणं वा उवकरेसु उव-क्खारहेसु वा, तो ते बयं आउसो सपाणं समोयणं पडिम्यद्दगं दाहामो, तुच्छए पडिग्गाए दिण्णे समणस्स णो सुद्धं साहु भवइ” से पुव्वामेव आलोएजा आउसो

ति वा भङ्गि ति वा, णो खलु मे कप्पइ आहाकम्मिए असणे वा पाणे वा खाइमे वा साइमे वा भोत्तए वा पायए वा मा उवकरोहि मा उवक्खडेहि, अभिक्खसि मे दाउं एमेव दलयाहि से सेवं वयंतस्स परो अमणं वा जाव उवकरिणा उवक्खडिन्ना, सपाणमं सभोयणं पडिग्गहणं दलएज्जा तहप्पगारं पडिग्गहं अफासुर्यं जाव णो पडिग्गाहेज्जा ॥ ८५४ ॥ सिया से परो उवणेत्ता पडिग्गहं णिमिरेज्जा से पुब्बामेव आलोएज्जा आउसो ति वा भङ्गि ति वा तुमं चेव णं संतियं पडिग्गहणं अंतोअतेणं पडिलेहिस्सामि ॥ ८५५ ॥ केवली बूया 'आयाणमेयं' अंतो पडिग्गहंमि पाणाणि वा वीयाणि वा हरियाणि वा जाव अह भिक्खुणं एस पडण्णा जं पुब्बामेव पडिग्गहणं अंतोअतेणं पडिलेहिज्जा ॥ ८५६ ॥ मअटाईं सव्वे आलावगा भाणियव्वा जहा वत्थेसणाए, णायत्तं तेत्थेण वा पएण वा सिणाणाइ जाव अण्णयवंसि वा तहप्पगारंमि थंल्लिमि पडिलेहिय २ पमज्जिय २ तओ सज्जयामेव आमज्जिज्जा ॥ ८५७ ॥ एयं खलु तस्स भिक्खुस्स भिक्खुणीए वा सामगियं जं सव्वट्ठेहिं सहिएहिं सया जएज्जामि ति वेमि ॥ ८५८ ॥ पत्तेसणाज्जयणे पढमोहेसो समत्तो ॥

से भिक्खु वा (२) गाहावड्कुलं पिंडवायपडियाए पविट्ठे समाणे, पुब्बामेव पेहाए पडिग्गहणं अवहट्ठु पाणे पमज्जिय रयं ततो संजयामेव गाहावड्कुलं पिंडवाय पडियाए णिक्खमेज्ज वा पविसेज्ज वा ॥ ८५९ ॥ केवली बूया 'आयाणमेयं' अंतो पडिग्गहणंमि पाणे वा वीए वा रए वा परियावज्जेज्जा अह भिक्खुणं पुब्बोवदिट्ठा एस पडण्णा जं पुब्बामेव पेहाए पडिग्गहं अवहट्ठु पाणे पमज्जिय रयं तओ संजयामेव गाहावड्कुलं पिंडवायपडियाए पविसेज्ज वा णिक्खमेज्ज वा ॥ ८६० ॥ से भिक्खु वा (२) गाहावड्कुलं जाव० समाणे सिया मे परो आहट्ठु अंतो पडिग्गहणंमि सीओदगं परिभाएत्ता णीहट्ठु दलएज्जा तहप्पगारं पडिग्गहं परहत्वंसि वा परपायंसि वा अफासुर्यं जाव णो पडिग्गाहेज्जा ॥ ८६१ ॥ संय आहत्थ पडिग्गहिए सिया से खिप्पामेव उदगंमि माहुरिज्जा, से पडिग्गहमायाए पाणं परिट्ठवेज्जा, ससणिट्ठाए वा भूमीए णियमिज्जा ॥ ८६२ ॥ से भिक्खु वा (२) उदउलं वा सत्तिण्णं वा पडिग्गहं णो आमज्जिज्ज वा जाव पयावेज्ज वा ॥ ८६३ ॥ अह पुण एवं जायिज्जा-विगओदए मे पडिग्गहए छिण्णमिणेहे तहप्पगारं पडिग्गहं तओ संजयामेव आय-ज्जिज्ज वा जाव पयाविज्ज वा ॥ ८६४ ॥ से भिक्खु वा (२) गाहावड्कुलं वा० पविसिउकामे से पडिग्गहमायाए गाहा० पिंडवायपडियाए पविसिज्ज वा णिक्ख-मिज्ज वा एवं बहिया वियारभूमिं वा विहारभूमिं वा गामाणुगामं द्दुज्जिज्जा ॥ ८६५ ॥ तिब्बदेसियाए जहा सिइयाए वत्थेसणाए षवरं एत्थ पडिग्गहे ॥ ८६६ ॥

एयं खलु तस्स भिक्खुस्स भिक्खुणीए वा सामगिगयं जं सव्वट्ठेहिं सहिए सया
जएज्जासि ति वेमि ॥ ८६७ ॥ पत्तेसणाज्जयणे वीथोइसो समत्तो ॥
छट्ठं पत्तेसणाज्जयणं समत्तं ॥

समणे भविस्सामि अणगारे अक्किचणे अपुत्ते अपसू परदत्तभोइ पावं कम्मं
णो करिस्सामि ति समुट्ठाए सव्वं भंते अदिण्णादाणं पच्चक्खामि ॥ ८६८ ॥
से अणुपविसिना गामं वा जाव० णव सयं अदिन्नं गिण्हिज्जा, णेक्खणेणं अदिण्णं
गिण्हिज्जा, णेक्खणेणं अदिण्णं गिण्हंत्तं समणुजाणेज्जा । जेहिवि सद्धिं संपव्वइए
तेसिं पुव्वामेव उग्गहं अणुण्णाविद्य अपडिलेहिय अपमज्जिय णो गिण्हेज्ज वा
पगिण्हेज्ज वा तंसिं पुव्वामेव उग्गहं जाइज्जा अणुण्णविद्य पडिलेहिय पमज्जिय
तभो सं० उगिण्हिज्ज वा पगिण्हिज्ज वा ॥ ८६९ ॥ से आगंतारेसु वा (४)
अणुवीइ उग्गहं जाएज्जा, जे तत्थ ईसरे जे तत्थ समहिट्ठाए ते उग्गहं अणु-
ण्णवेज्जा कामं खलु आउसो अहाल्लंदं अहापरिण्णात्तं वसामो जाव आउसंतस्स
उग्गहे जाव साहम्मिया एइ ताव उग्गहं गिण्हिस्सामो तेण परं विहरिस्सामो
॥ ८७० ॥ से किं पुण तत्थोग्गहंसि एवोग्गहियंसि ? जे तत्थ साहम्मिया
संभोइया समणुण्णा उवागच्छेज्जा, जे तेण सयमेसित्तए असणे वा (४) तेण
ते साहम्मिया संभोइया समणुण्णा उवणिमंतज्जा, णो चेव णं परवडियाए उगि-
ज्जिय २ उवणिमंतज्जा ॥ ८७१ ॥ से आगंतारेसु वा (४) जाव से किं पुण
तत्थोग्गहंसि एवोग्गहियंसि, जे तत्थ साहम्मिया अण्णसंभोइया समणुक्का उवाग-
च्छेज्जा जे तेणं सयमेसित्तए पीढे वा फल्लए वा सेज्जासंथारए वा, तेण ते साह-
म्मिए अण्णसंभोइए समणुक्के उवणिमंतज्जा णो चेव णं परवडियाए उगिज्जिय २
उवणिमंतज्जा ॥ ८७२ ॥ से आगंतारेसु वा (४) जाव से किं पुण तत्थोग्गहंसि
एवोग्गहियंसि जे तत्थ गाहावइण वा गाहावइपुत्ताय वा मूइ वा पिप्पलए वा कण्ण-
सोहणए वा णहच्छेयणए वा अप्पणो तं एगस्स अट्ठाए पाक्खिहारियं जाइत्ता णो
अण्णसण्णस्स देज्ज वा अणुपदेज्ज वा सयं करणिज्जं ति कट्ठु से तमादाए तत्थ
गच्छेज्जा गच्छित्ता पुव्वामेव उत्ताणए हत्थे ति कट्ठु भूमीए वा ठवेत्ता 'इमं खलु
इमं खलु' ति आस्सीएज्जा, णो चेव णं सयं पाणिणा परपाणिंसि पक्खिण्णज्जा
॥ ८७३ ॥ से भिक्खु वा (२) से जं पुण उग्गहं जाणिज्जा अणंतरहियाए पुढवीए
ससण्णिदाए पुढवीए जाव संताणए तहप्पगारं उग्गहं णो उगिण्हेज्ज वा पगिण्हेज्ज
वा ॥ ८७४ ॥ से भिक्खु वा (२) से जं पुण उग्गहं जाणिज्जा थूणंसि वा (४)
तहप्पगारे अंतलिक्खज्जाए दुब्बदे जाव णो उग्गहं उगिण्हेज्ज वा पगिण्हेज्ज वा

पडिमा, से भिक्खु वा, अहासंधमेव उग्गहं जाएजा, तंजहा-पुढविस्सिलं वा, कट्टसिलं वा, अहासंधमेव तस्स लाभे संवसेज्जा, तस्स अत्तामे उच्छुद्धो वा णेसज्जिओ वा, विहरेज्जा ॥ ९०६ ॥ इत्थेमि सत्तण्हं पडिमाणं अण्णयरं, जहा पिंढे-सणाए ॥ ९०७ ॥ सुयं मे आउसं तेषं भगवथा एवमक्खायं इह खलु धेरेहिं भगवंतेहिं पंचविहे उग्गहे पण्णमे, तज्जहा-वेकिंदोग्गहे, रायोग्गहे, गाहावडउग्गहे, सागारियउग्गहे, माहम्मियउग्गहे ॥ ९०८ ॥ एवं खलु तस्स भिक्खुस्स २ सामगियं ॥ ९०९ ॥ **उग्गहपडिमाज्झयणे वीओइसो समत्तो ॥ सत्तमं उग्गहपडिमाज्झयणं समत्तं, पट्टमा चूडा समत्ता ॥**

से भिक्खु वा (२) अभिक्खेज्जा ठाणं ठाउण्णं मे अणुपविसिज्जा, गामं वा, नगरं वा, जाव सण्णवेसं वा, मे अणुपविसिजा, गामे वा जाव सण्णवेसं वा, मे तं पुण ठाणं जाणिज्जा, सअंठं जाव मक्कहासंताणयं तं तहप्यगारं ठाणं अफामुयं अणेमणिज्जं लाभे संते णो पडिगाहिज्जा, एवं मेज्जागमेण णेयत्थं, जाव उदयपमुया-इति ॥ ९१० ॥ इत्थेयाइं आयतणाइं उवानिकम्म अट्ट भिक्खु इन्डेज्जा, चउइं पडिमाइं ठाणं ठाउण्णं ॥ ९११ ॥ **पट्टमा पडिमा**-अचित्तं मल्ल उवमजेज्जा अवलंबेज्जा काएण विपरिकम्मादि सवियारं ठाणं ठाउस्सामि ॥ ९१२ ॥ **दोष्ठा पडिमा**-अचित्तं खलु उवमजेज्जा अवलंबेज्जा काएण विपरिकम्माइं णो सवियारं ठाणं ठाउस्सामि ॥ ९१३ ॥ **तच्छा पडिमा**-अचित्तं मल्ल उवमजेज्जा अवलंबेज्जा णो काएण, विपरिकम्माइं णो सवियारं ठाणं ठाउस्सामि णि ॥ ९१४ ॥ **चउत्थ्या पडिमा**-अचित्तं खलु उवमजेज्जा, णो अवलंबेज्जा काएण, णो विपरिकम्माइं णो सवियारं ठाणं ठाउस्सामि णि वीमट्टुकाए वीमट्टुकेयमंयुत्तोमणहे संणिच्छं वा ठाणं ठाउस्सामि णि ॥ ९१५ ॥ इत्थेयामि चउण्हं पडिमाणं जाव परगहिय-गयं विहरेज्जा, णो तत्थ किंचिवि वएज्जा ॥ ९१६ ॥ एवं खलु तस्स भिक्खुस्स २ वा सामगियं जाव जएज्जाणि णि वेमि ॥ ९१७ ॥ **ठाणसत्तिक्खयं अट्टमं अज्झयणं समत्तं, पट्टमं सत्तिक्खयं समत्तं ॥**

से भिक्खु वा (२) अभिक्खेज्जा णिहीदियं फामुयं गमणाए मे पुण णिहीदियं जाणिज्जा, सअंठं सपाणं जाव मक्कहासंताणयं तहप्यगारं णिहीदियं अणेमणिज्जं लाभे संते णो चेत्तिस्सामि ॥ ९१८ ॥ से भिक्खु वा (२) अभिक्खेज्जा णिहीदियं गमणाए मे तं पुण णिहीदियं जाणिज्जा अप्पंडं अप्पपाणं जाव मक्कहासंताणयं तहप्यगारं णिहीदियं फामुयं एसणिज्जं लाभे संते चेत्तिस्सामि एवं वेज्जाग्गमेयं

जेयव्वं जाव उदगप्पसूयाइं ॥ ९१९ ॥ जे तत्थ दुवग्गा जाव पंचवग्गा वा अभिसंधारेंति णिसीहियं गमणाए तं णो अण्णमण्यस्स कायं आलिंगेज्ज वा विलिंगेज्ज वा चुंबेज्ज वा दंतैहिं णहेहिं वा अच्छिदेज्ज वा कुच्छिदेज्ज वा ॥ ९२० ॥ एवं खलु तस्स भिक्खुस्स (२) वा सामग्नियं जं सन्वट्ठेहिं सहिए ससिए मया जएजा सेयमिं गं मण्णिजासि ति वेसि ॥ ९२१ ॥ णव्वमं णिसीहियाज्जशयणं समत्तं, णिसीहियासत्तिकयं समत्तं वीयं ॥

से भिक्खु वा (२) उच्चारपासवगक्रियाए उच्चाह्विजमाणे सयस्स पायपुंछणस्स अमईए तत्रो पच्छा माहम्मियं जाएजा ॥ ९२२ ॥ से भिक्खु वा (२) से जं पुण थंडिलं जाणिजा मअंइं मपारं जाव मक्कडामंताणयं तहप्पगारंति थंडिलंसि णो उच्चारपासवणं वोसिरेजा ॥ ९२३ ॥ से भिक्खु वा (२) से जं पुण थंडिलं जाणिजा, अप्पपाणं अप्पणीयं जाव मक्कडामंताणयं तहप्पगारंति थंडिलंसि उच्चारपासवणं वोसिरेजा ॥ ९२४ ॥ से भिक्खु वा (२) से जं पुण थंडिलं जाणिजा, अस्सिपडियाए एमं माहम्मियं गमुहस्स अस्सिपडियाए बहवे साहम्मिया गमुहस्स अस्सिपडियाए एमं माहम्मियं गमुहस्स अस्सिपडियाए बहवे साहम्मिणीओ समुहस्स अस्सि० बहवे मनणमाहणवणीमया पगणिव पगणिय गमुहस्स पाणाईं (४) जाव उहेसियं चेनेति, तहप्पगारं थंडिलं पुरिसंतरकडं जाव बहिया णीहडं वा अनीहडं वा अण्ययरंसि वा तहप्पगारंसि थंडिलंसि णो उच्चारपासवणं वोसिरेजा ॥ ९२५ ॥ से भिक्खु वा (२) से जं पुण थंडिलं जाणिजा, बहवे समणमाहणकिरणवणीमगअतिही समुहस्स पाणाईं (४) जाव उहेसियं चेनेति, तहप्पगारं थंडिलं अपुरिसंतरकडं जाव बहिया अणीहडं वा अण्ययरंसि वा तहप्पगारंसि थंडिलंसि णो उच्चारपासवणं वोसिरेजा ॥ ९२६ ॥ अइ पुण एवं जाणिजा, पुरिसंतरकडं जाव बहिया णीहडं वा अण्ययरंसि तहप्पगारंसि थंडिलंसि उच्चारपासवणं वोसिरेजा ॥ ९२७ ॥ से भिक्खु वा (२) से जं पुण थंडिलं जाणिजा, अस्सिपडियाए कयं वा कारियं वा पालिचियं वा छणं वा षट्ठं वा मट्ठं वा लित्तं वा संपधूमियं वा अण्ययरंसि तहप्पगारंसि थंडिलंसि णो उच्चारपासवणं वोसिरेजा ॥ ९२८ ॥ से भिक्खु वा (२) से जं पुण थंडिलं जाणिजा, इह खलु माहावइ वा माहावइपुणा वा कंदाणि वा मूलाणि वा जाव हरिदाणि वा अंतराओ वा बाहिं णीहरंति बहियाओ वा अंतो साहरंति अण्ययरंसि वा तहप्पगारंसि थंडिलंसि णो उच्चारपासवणं वोसिरेजा ॥ ९२९ ॥ से भिक्खु वा (२) से जं पुण थंडिलं जाणिजा, खंभंसि वा पीठंसि वा मंभंसि वा माकंसि वा

अट्टमि वा पासायंसि वा अण्ययंसि वा थंडिलंसि णो उच्चारपासवणं वोसिरेज्जा ॥ ९३० ॥ से भिक्खु वा (२) से जं पुण थंडिलं जाणिज्जा, अणंतरहियाए पुठवीए ससिणिद्धाए पुठवीए मसरक्खाए पुठवीए मट्टियामक्खडाए चित्तमंताए मित्ताए चित्तमंताए ख्लेयाए कोलावासि वा दास्यंसि वा जीवपद्दाट्टयंसि वा जाव मक्खडासंताणयंसि वा अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३१ ॥ से भिक्खु वा (२) से जं पुण थंडिलं जाणिज्जा, इह खल्ल गाहावड वा गाहावड पुत्ता वा कंदाणि वा जाव बीयाणि वा परिगाडेम वा परिसाडिंति वा परिसाडिस्संति वा अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३२ ॥ से भिक्खु वा (२) से जं पुण थंडिलं जाणिज्जा, इह खल्ल गाहावड वा गाहावटपुत्ता वा मालाणि वा वोहीणि वा मुरगाणि वा मासाणि वा कण्ठरवाणि वा जवाणि वा जवजवाणि वा पारिंरंसु वा पारिंरंसि वा पारिंरस्सन्ति वा अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३३ ॥ से भिक्खु वा (२) से जं पुण थंडिलं जाणिज्जा, आमोशाणि वा घामाणि वा भिदयाणि वा विज्जलयाणि वा स्वणयाणि वा कटयाणि वा पगहाणि वा दराणि वा पट्टगारण वा ममाणि वा विममाणि वा अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३४ ॥ से भिक्खु वा (२) से जं पुण थंडिलं जाणिज्जा, माणुमरेधणाणि वा, महियकरणाणि वा, वगभकरणाणि वा, अस्सकरणाणि वा, कुक्कुटकरणाणि वा, मक्खडकरणाणि वा त्यावयकरणाणि वा, बह्यकरणाणि वा, च्चिन्निकरणाणि वा, क्खोयकरणाणि वा, कपिंज्जकरणाणि वा, अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३५ ॥ से भिक्खु वा (२) से जं पुण थंडिलं जाणिज्जा, वेहाणमट्ठाणेषु वा, सिद्धपिट्ठाणेषु वा, तस्यडणट्ठाणेषु वा, मेठपडणट्ठाणेषु वा, विमभवस्वणपट्ठाणेषु वा, अण्णपडणट्ठाणेषु वा अण्ययंसि वा तहप्पगारंसि णो उच्चारपासवणं वोसिरेज्जा ॥ ९३६ ॥ से भिक्खु वा (२) से जं पुण थंडिलं जाणिज्जा, आगमाणि वा, उज्जाणाणि वा, वणाणि वा वणसंडाणि वा, टेक्कुत्ताणि वा, मभाणि वा, पवाणि वा, अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३७ ॥ से भिक्खु वा (२) से जं पुण थंडिलं जाणिज्जा, अट्ठालयाणि वा, च्चत्तियाणि वा, दाराणि वा, गोपुराणि वा, अण्ययंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३८ ॥ से भिक्खु वा (२) से जं पुण थंडिलं जाणिज्जा, तिगाणि वा, खड्दाणि वा, वक्कराणि वा, च्चतमुहाणि वा, अण्ययंसि वा तहप्पगारंसि थंडिलंसि णो उच्चारपासवणं

बोमिरेजा ॥ ९३९ ॥ से भिक्खु वा (२) से जं पुण थंङ्किलं जाणिजा, इगार-
 डाहेमु वा, खारडाहेमु वा, महयडाहेमु वा, महयधुभियामु वा, अण्णयरंसि वा
 तहप्पगारंसि थंङ्किलंसि णो उच्चारपामवणं बोमिरेजा ॥ ९४० ॥ से भिक्खु वा
 (२) से जं पुण थंङ्किलं जाणिजा णदियाययणेमु वा, पंकाययणेमु वा, ओषाय-
 यणेमु वा, सेयणवहंसि वा, अण्णयरंसि वा तहप्पगारंसि थंङ्किलंसि णो उच्चारपा-
 सवणं बोमिरेजा ॥ ९४१ ॥ से भिक्खु वा (२) से जं पुण थंङ्किलं जाणिजा,
 णवियामु वा मरिदियस्वाणियामु णवियामु गोपहिलियामु वा, गवाणीमु वा, खाणीमु
 वा, अण्णयरंसि वा तहप्पगारंसि थंङ्किलंसि णो उच्चारपामवणं बोमिरेजा ॥ ९४२ ॥
 से भिक्खु वा (२) से जं पुण थंङ्किलं जाणिजा, इगववणंसि वा, मागववणंसि वा,
 मूलगववणंसि वा, हत्थंकरववणंसि वा, अण्णयरंसि वा तहप्पगारंसि थंङ्किलंसि णो
 उच्चारपामवणं बोमिरेजा ॥ ९४३ ॥ से भिक्खु वा (२) से जं पुण थंङ्किलं
 जाणिजा, असणवणंसि वा, सणवणंसि वा, धायट्ठवणंसि वा, केयट्ठवणंसि वा,
 अंबवणंसि वा, असोणवणंसि वा, णागवणंसि वा, पुण्णागवणंसि वा, चुल्लगवणंसि
 वा, अण्णयरंसि वा तहप्पगारंसि वा पणोवेणमु वा, पुण्णोवेणमु वा, फलोवेणमु वा,
 बीओवेणमु वा, हरिओवेणमु वा णो उच्चारपामवणं बोमिरेजा ॥ ९४४ ॥ से
 भिक्खु वा (२) ससपायसं वा परपाससं वा गहाय सेतमायाण् एणंतमक्कमेजा,
 अणावायंसि असंलोदयंसि अप्पपाणंसि जाव मक्कडासंतानयंसि अहारमंसि वा
 उव्वञ्जसवथंसि तओ संत्रयामेव उच्चारपामवणं बोमिरेजा, उच्चारपामवणं बोमिरेजा
 सेतमायाण् एणंतमक्कमे अणावाहंसि जाव मक्कडासंतानयंसि अहारमंसि वा,
 जप्तामथंङ्किलंसि वा, अण्णयरंसि वा तहप्पगारंसि थंङ्किलंसि अचिणंसि तओ संजया-
 मेव उच्चारपामवणं परितुवेजा ॥ ९४५ ॥ एयं खल्ल तस्स भिक्खुस्स २ वा साम-
 ग्गियं जाव जएजासि ति वेमि ॥ ९४६ ॥ उच्चारपामवणसत्तिकयं दस्सम-
 मज्झयणं समत्तं ॥ सत्तिकयं समत्तं तइयं ॥

से भिक्खु वा (२) मुइणसहाणि वा, मंठीसहाणि वा, इत्थरीसहाणि वा,
 अण्णयरान्णि वा तहप्पगारान्णि विरुद्धरुद्धान्णि विनताइं सहाइं कण्णसेवणपडियाण्
 णो अभिसंधारेजा गमणाण् ॥ ९४७ ॥ से भिक्खु वा (२) अहावेणह्याइं सहाइं
 सुणेइं तंजहा—वीणामहाणि वा, सिपंभीसहाणि वा, पिप्पीसगसहाणि वा, तुणयसहाणि
 वा, वणयसहाणि वा, तुंबवीणियसहाणि वा, उंफुणसहाणि वा अण्णयरान्णि वा
 तहप्पगारान्णि विरुद्धरुद्धान्णि सहाणि विनताइं कण्णसेवणपडियाण् णो अभिसंधारेजा
 गमणाण् ॥ ९४८ ॥ से भिक्खु वा (२) अहावेणह्याइं सहाइं सुणेति तंजहा—

तालसहाणि वा, कंसतालसहाणि वा, ललितयसहाणि वा, गोहियसहाणि वा, किरिकिरियसहाणि वा अण्ययराणि वा तहपगाराई विरुक्कवाई तालसहाई कण्णसोयपडियाए णो अभिसंधारेज्जा गमणाए ॥ ९५९ ॥ से भिक्खु वा (२) अहावेगडयाई सहाई सुणेति तंजहा-संखसहाणि वा, वेणुसहाणि वा, वंससहाणि वा, खरमुहीसहाणि वा, पिरंपिरियसहाणि वा अण्ययराई वा तहपगाराई विरुक्कवाई सहाई झुसिराई कण्णसोयपडियाए णो अभिसंधारेज्जा गमणाए ॥ ९६० ॥ से भिक्खु वा (२) अहावेगडयाई सहाई सुणेति तंजहा-वपपाणि वा, फल्लिहाण वा, जाव सराणि वा, सागराणि वा सरपंनियाणि वा, मरगरपंनियाणि वा, अण्ययराई तहपगाराई विरुक्कवाई सहाई कण्णसोयपडियाए णो अभिसंधारेज्जा गमणाए ॥ ९६१ ॥ से भिक्खु वा (२) अहावेगडयाई सहाई सुणेति तंजहा-कच्छाणि वा, णूमाणि वा, गहणाणि वा, वणाणि वा, वणदुग्गाणि वा, पब्बयाणि वा, पब्बयदुग्गाणि वा, अण्ययराई वा तहपगाराई विरुक्कवाई सहाई कण्णसोयपडियाए णो अभिसंधारेज्जा गमणाए ॥ ९६२ ॥ से भिक्खु वा (२) अहावेगडयाई सहाई सुणेति तंजहा-गामाणि वा, णगराणि वा, णिममाणि वा, रायहाणिआसमपण्णमनिवेसाणि वा, अण्ययराई तहपगाराई सहाई णो अभिसंधारेज्जा गमणाए ॥ ९६३ ॥ से भिक्खु वा (२) अहावेगडयाई सहाई सुणेति तंजहा-आरामाणि वा, उज्जाणाणि वा, वणाणि वा, वगसडाणि वा, देवकूलाणि वा सभाणि वा, पशाणि वा, अण्ययराई वा तहपगाराई सहाई णो अभिसंधारेज्जा गमणाए ॥ ९६४ ॥ से भिक्खु वा (२) अहावेगडयाई सहाई सुणेति तंजहा अट्ठाणि वा, अट्ठालयाणि वा, चरियाणि वा, दागणि वा, गोपुराणि वा, अण्ययराई वा तहपगाराई सहाई णो अभिसंधारेज्जा गमणाए ॥ ९६५ ॥ से भिक्खु वा (२) अहावेगडयाई सहाई सुणेति तंजहा-तियाणि वा, चउक्काणि वा, चचराणि वा, चउम्मुहाणि वा, अण्ययराई वा तहपगाराई सहाई णो अभिसंधारेज्जा गमणाए ॥ ९६६ ॥ से भिक्खु वा (२) अहावेगडयाई सहाई सुणेति तंजहा-सहिंसट्ठाणकरणाणि वा, वसभट्ठाणकरणाणि वा, अस्मट्ठाणकरणाणि वा, इत्थिट्ठाणकरणाणि वा जाव कविज्जलट्ठाणकरणाणि वा, अण्ययराई वा तहपगाराई सहाई णो अभिसंधारेज्जा गमणाए ॥ ९६७ ॥ से भिक्खु वा (२) अहावेगडयाई सहाई सुणेति तंजहा-सहिंसजुद्धाणि वा, वसभजुद्धाणि वा, अस्मजुद्धाणि वा, इत्थिजुद्धाणि वा जाव कविज्जलजुद्धाणि वा, अण्ययराई वा तहपगाराई णो अभिसंधारेज्जा गमणाए ॥ ९६८ ॥ से भिक्खु वा (२) अहावेगडयाई सहाई सुणेति तंजहा-अत्थिज्जटाणाणि वा, इत्थिज्जट्टाणाणि वा, अण्ययराई

तहृप्पगाराई णो अभिसंधारेज्ज गमणाए ॥ ९५९ ॥ से भिक्खू वा (२) जाव मुणेति तंजहा-अक्खाइयट्ठाणाणि वा, माणुम्मालियट्ठाणाणि वा, महयाऽऽहयणट्ठीयवाइय-
 तंतिनलतालुट्ठियपट्ठप्पवाइयट्ठाणाणि वा, अण्यराई वा तहृप्पगाराई णो अभिसं-
 धारेज्ज गमणाए ॥ ९६० ॥ से भिक्खू वा (२) जाव मुणेति तंजहा-कल्लहाणि वा,
 टिंवाणि वा, इमराणि वा, दोरजाणि वा, वेररजाणि वा विरुद्धरजाणि वा, अण्यय-
 राई वा तहृप्पगाराई महाई णो अभिसंधारेज्ज गमणाए ॥ ९६१ ॥ से भिक्खू वा (२)
 जाव महाई मुणेडं सुद्धियं दारियं पविभुजमंठियालंठियनिवुज्जमाणि पेहाए एगं पुमिसं
 वा बहाए णीमिज्जमारुणं पेहाए अण्यराई वा तहृप्पगाराई णो अभिसंधारेज्ज गमणाए
 ॥ ९६२ ॥ से भिक्खू वा (२) अण्यराई विक्खव्वाइं महासवाइं एवं जाणिजा
 तंजहा बहुमगडाणि वा, बहुरहाणि वा, बहुमिलक्खणि वा, बहुपबंधाणि वा, अण्य-
 यराई वा तहृप्पगाराई विक्खव्वाइं महामवाइं कण्णमोयपडियाए णो अभिसंधारेज्ज
 गमणाए ॥ ९६३ ॥ से भिक्खू वा (२) विक्खव्वाइं महुस्सवाइं एवं जाणिजा
 तंजहा-इत्थीणि वा, पुमिमाणि वा, घेराणि वा, उहगणि वा, मज्जमाणि वा, आभ-
 रणविभूमियाणि वा, गायंताणि वायंताणि वा, णबंधाणि वा, हसंताणि वा, रसंताणि
 वा, मोहंताणि वा, विडत्ते असणपाणखाइमसाइमं परिभुजंताणि वा, परिभाईताणि
 वा, विरुद्धाण्यमाणाणि वा, विगोबयमाणाणि वा, अण्यराई वा तहृप्पगाराई विक्ख-
 व्वाइं महुस्सवाइं कण्णमोयपडियाए णो अभिसंधारेज्ज गमणाए ॥ ९६४ ॥ से
 भिक्खू वा (२) णो इहलोइएहिं महेहिं णो परलोइएहिं सहेहिं, णो सुएहिं सहेहिं,
 णो अमुएहिं सहेहिं, णो दिट्ठेहिं सहेहिं णो अदिट्ठेहिं महेहिं, णो कंतेहिं सहेहिं सज्जिजा,
 णो रजेज्जा, णो गिज्जेज्जा, णो मुज्जेज्जा, णो अज्जोक्खजेज्जा ॥ ९६५ ॥ एवं सल्ल
 तस्म भिक्खुस्स २ वा सामग्गिये जाव जएज्जासि ति वेमि ॥ ९६६ ॥ सहस्स-
 सत्तिकर्यं पयारहममज्जयणं समसं सहसत्तिकर्यं कउत्थं ॥

से भिक्खू वा (२) अहावेणइवाइं स्साइं पासइ तंजहा-गंथिमाणि वा, वेडिमाणि
 वा, पुमिमाणि वा, संघाइमाणि वा, कल्लकम्मणि वा, पोत्थकम्मणि वा, चित्तक-
 म्माणि वा, मणिकम्मणि वा, इंतकम्मणि वा, पत्तच्छेज्जकम्मणि वा, विविहाणि
 वा वेडिमाई जाव अण्यराई वा तहृप्पगाराई विक्खव्वाइं कण्णमोयपडियाए णो
 अभिसंधारेज्ज गमणाए ॥ ९६७ ॥ एवं णायम्बं जहा सहपडियाए सन्धा वाइत्तवजा
 रूपपडियाएणि ॥ ९६८ ॥ कवसत्तिकर्यं दुषाकसममज्जयणं समसं कव-
 सत्तिकर्यं पंचमं ॥

परकिरियं अज्जदियं संसेसियं णो तं सायए णो तं थियमे ॥ ९६९ ॥ सिवा

से परो पाए आमजिज वा पमजिज वा णो तं सायए णो तं नियमे सिया से परो पादाई संवाहेज वा पलिमहिज वा णो तं मायए णो तं नियमे सिया से परो पायाई फुसेज वा रणज वा णो तं मायए णो तं नियमे सिया से परो पादाई तेहेण वा घएण वा मकन्हेज वा आम्भगिज वा णो तं सायए णो तं नियमे, सिया से परो पादाई लोरेण वा कङ्केण वा चुण्णेण वा वण्णेण वा उलोहिज वा उव्वलिज वा णो तं सायए णो तं नियमे, सिया से परो पादाई सीओदगविय-हेण वा उल्लिणोदगवियहेण वा उव्वोलेज वा पधोएज वा णो तं सायए णो तं नियमे, सिया से परो पादाई अण्यथरेण विल्लेणजाएण आलिपेज वा विलिपेज वा णो तं सायए णो तं नियमे, सिया से परो पादाई अण्यथरेण भूणजाएण धूवेज वा पधूवेज वा णो तं सायए णो तं नियमे, सिया से परो पादाओ व्वाणु वा कंटयं वा णोहरेज वा विमोहेज वा णो तं सायए णो तं नियमे । सिया से परो पादाओ पूयं वा भोणियं वा णोहरेज वा विमोहेज वा णो तं सायए णो तं नियमे ॥ ९.३० ॥ सिया से परो कार्यं आमजेज वा पमजेज वा णो तं सायए णो तं नियमे, सिया से परो कार्यं लोरेण वा मंवाहिज वा पलिमहिज वा णो तं सायए णो तं नियमे, सिया से परो कार्यं नेहेण वा घएण वा मकन्हेज वा अम्भगेज वा णो तं सायए णो तं नियमे, सिया से परो कार्यं लोरेण वा कङ्केण वा चुण्णेण वा वण्णेण वा उलोहिज वा उव्वलिज वा णो तं सायए णो तं नियमे सिया से परो कार्यं सीओदगवियहेण वा उल्लिणोदगवियहेण वा उव्वोलेज वा पधोएज वा णो तं सायए णो तं नियमे, सिया से परो कार्यं अण्यथरेण विल्लेणजाएण आलिपेज वा, विलिपेज वा, णो तं सायए, णो तं नियमे । सिया से परो कार्यं अण्यथरेण भूणजाएण धूवेज वा, पधूवेज वा, णो तं सायए णो तं नियमे ॥ ९.३१ ॥ सिया से परो कार्यंसि वणं आमजेज वा पमजेज वा णो तं सायए णो तं नियमे, सिया से परो कार्यंसि वणं संवाहेज वा पलिमहेज वा णो तं सायए णो तं नियमे, सिया से परो कार्यंसि वणं नेहेण वा घएण वा मकन्हेज वा अम्भगेज वा, णो तं सायए णो तं नियमे । सिया से परो कार्यंसि वणं लोरेण वा कङ्केण वा चुण्णेण वा वण्णेण वा उलोहिज वा उव्वलेज वा णो तं सायए णो तं नियमे, सिया से परो कार्यंसि वणं सीओदगवियहेण वा उल्लिणोदगवियहेण वा उव्वोलेज वा पधोएज वा णो तं सायए णो तं नियमे ॥ ९.३२ ॥ से सिया परो कार्यंसि वणं अण्यथरेण विल्लेणजाएण आलिपेज वा विलिपेज वा णो तं १६ सिया से परो कार्यंसि वणं अण्यथरेण भूणजाएण धूवेज वा णो तं २१ सिया से परो कार्यंसि

बर्ण अश्वयरेण सत्त्वजाएण अच्छिदिज्ज वा विच्छिदिज्ज वा ५० नो तं० २। सिया से
 परो कार्यसि बर्ण अश्व० सत्त्वजाएण अच्छिदिजा वा विच्छिदिजा वा पूयं वा मोषियं
 वा नीहरिज्ज वा सि० नो तं० २। सिया से परो कार्यसि गंडं वा, अरइयं वा, पुण्डर्यं
 वा, भगंदलं वा, आमजेज्ज वा, पमजेज्ज वा, णो तं सायए णो तं नियमे । सिया से
 परो कार्यसि गंडं वा, अरइयं वा, पुण्डर्यं वा, भगंदलं वा, संबाहेज्ज वा
 पत्तिमहेज्ज वा, णो तं सायए णो तं नियमे, सिया से परो कार्यसि गंडं वा जाव
 भगंदलं वा, तेल्लेण वा घएण वा मक्खेज्ज वा अम्भगेज्ज वा णो तं सायए णो तं
 नियमे । सिया से कार्यसि गंडं वा जाव भगंदलं वा, लोहेण वा कल्लेण वा चुण्णेण वा,
 कण्णेण वा उल्लोदिज्ज वा, उल्लेजेज्ज वा, णो तं सायए णो तं नियमे । सिया से परो
 कार्यसि गंडं वा भगंदलं वा, सीओदगावियबडेण वा, उमिणोदगावियबडेण वा, उच्छो-
 लेज्ज वा, पधोबेज्ज वा, णो तं सायए णो तं नियमे, सिया से परो कार्यसि गंडं वा
 जाव भगंदलं वा अश्वयरेण सत्त्वजाएण अच्छिदिजेज्ज विच्छिदिजेज्ज वा, सिया से परो
 अश्वयरेण सत्त्वजाएण अच्छिदिजा वा २ पूयं वा मोषियं वा पीहरेज्ज वा णो तं
 सायए णो तं नियमे ॥९०३॥ सिया से परो कायाओ सेयं वा अश्वं वा पीहरेज्ज वा
 विसोहेज्ज वा णो तं सायए णो तं नियमे ॥९०४॥ सिया से परो अच्छिमलं, कण्णमलं
 वा, दंतमलं वा गहमलं वा, पीहरेज्ज वा विमोहेज्ज वा णो तं सायए णो तं नियमे
 ॥९०५॥ सिया से परो वीहाइं वाजाइं, वीहाइं रोमाइं, वीहाइं भमुहाइं, वीहाइं कक्ख-
 रोमाइं, वीहाइं बत्थरोमाइं, कपेज्ज वा सठवेज्ज वा णो तं सायए णो तं नियमे
 ॥९०६॥ सिया से परो सीसाओ सिक्खं वा सूयं वा पीहरेज्ज वा विमोहेज्ज वा णो तं
 सायए णो तं नियमे ॥ ९०७ ॥ सिया से परो अंकांसि पत्तिवंकंसि वा युवहावित्ता
 पादाइं आमज्जिज्ज वा पमाज्जिज्ज वा एवं हिंदुसो गमो पायाइं भावियव्वो,
 सिया से परो अंकांसि वा पत्तिवंकंसि वा युवहावित्ता, हारं वा अदहारं वा उरत्थं
 वा, नेयं वा, मउडं वा, पाळं वा सुवण्णसुतं वा, आविहिज्ज वा, पिणहिज्ज वा
 णो तं सायए णो तं नियमे ॥ ९०८ ॥ सिया से परो आरामंसि वा, उज्जाणंसि वा,
 पीहविता वा पविस्सिता वा पायाइं आमजेज्ज वा पमजेज्ज वा, णो तं सायए णो
 तं नियमे ॥ ९०९ ॥ एवं वेयव्वया अण्णमण्णकिरियावि ॥ ९१० ॥ सिया से परो
 सुद्धेयं वइयव्वेयं तेइयव्वं आउहे सिया से परो अलुद्धेयं वइयव्वेयं तेइयव्वं आउहे,
 सिया से परो यिन्नाणसस सवित्तापि कंदापि वा मूलापि वा तवापि वा हरियापि
 वा सवित्तु वा कवित्तु वा कवित्तु वा तेइयव्वं आउहावित्ता णो तं सायए
 णो तं नियमे ॥ ९११ ॥ कहुवेयथा पाणभूयजीवसता वेयवं वेइसि ॥ ९१२ ॥

एयं खलु तस्म भिक्वुस्स २ सामगियं जं सव्वट्ठेहिं महिते समिते सदा अए
सेयमिणं मण्णेजासि ति वेमि ॥ ९८३ ॥ परकिरियासत्तिकयं समत्तं छट्ठं,
तेरहममज्झयणं समत्तं ॥

से भिक्वु वा (२) अणमणकियं अज्झवियं संसेइयं णो तं मायाए णो तं
नियमे ॥ ९८४ ॥ मिया से अणमणं पाए आमजेज्ज वा पमजेज्ज वा णो तं
सायए णो तं नियमे ॥ ९८५ ॥ मेमं तं चेष ॥ ९८६ ॥ एयं खलु तस्म भिक्वुस्स २
वा सामगियं ॥ ९८७ ॥ अन्नकियरिया सत्तिकयं समत्तं सत्तमं,
चउहसममज्झयणं समत्तं, व्रीया खुडा समत्ता ॥

तेण कालेणं तेणं ममाणं मणणे भगवं महावीरे पंचहत्तुणरे यावि होत्था,
तंजहा-हत्तुणराहिं चुए चउत्ता गच्चं वक्कंते, हत्तुणराहिं गच्चआओ गच्चं माहमिए,
हत्तुणराहिं जाए, हत्तुणराहिं मुंढे भावित्ता आगागओ अणमारियं पच्चइए, हत्तुण-
राहिं कसिणे पडिपुण्णे अववाषाए निगवरणे अगंते अणुणरे केवत्तवरनाणदंमणे
ममुप्पण्णे, साइणा परिनिच्चुए भगवं ॥ ९८८ ॥ समणे भगवं महावीरे, इमाए
ओमथिणीए मुममत्तमाए ममाए विट्ठंताए, मुगमाए ममाए वीतिट्ठंताए, मुम-
सदुममाए ममाए वीतिट्ठंताए, दुममगुममाए ममाए बहुवीतिट्ठंताए, एण्हणवीए
वासिंहे मासेहि य अट्ठणवयमेसेहि, जे मे गग्गहाणं चउत्थे मासे अट्ठमे पक्खे,
आसाइमुंढे, तस्मणं अमाइसुदस्स छट्ठीपक्खेण हत्तुणराहिं एकक्खत्तेणं ओगमुवागएणं,
महावित्रयसिद्धत्थपुफुल्लपवरपुंडरीयदिसामोवत्थियवदमाणाओं महाविभाषाओ
वीसेमागरोवमाई आउयं पाळटना, आउक्खएणं, भवक्खएणं तिइक्खएणं खुए चइत्ता
इह खलु जेवुहीवे बीचे, भारहे वासे, दाहिणक्खुमरहे दाहिणमाइणकुंडपुगसंनिवेशेमि
उमभदलस्स माइणस्स कोटाल्लमगोत्तस्स देवारंदाए माइणीए जालंधरस्स गुत्ताए
सीहृत्तभवभूएणं आपाणेणं कुच्छमि गच्चं वक्कंते, समणे भगवं महावीरे तिष्ठाओ-
वगाए यावि होत्था, चइस्सामिणं जाणइ नएमिंति जाणइ, चयमाणे न जाणेइ,
सुट्टमे णं से काले पल्लने । तओ णं समणे भगवं महावीरे हियायुक्कंएय नं देवेली
जीयमेयं ति कट्टु जे मे वासाणं तथे मासे पंचमे पक्खे आसोयवहुले तस्स नं
आसोयवहुलस्स तेरसीपक्खेणं हत्तुणराहिं एकक्खत्तेणं ओगमुवागएणं वाहीहिं राईवि-
एहिं विट्ठंतेहिं तेसीइमस्स राईदियस्स परिवाए बइमाणे दाहिणमाइणकुंडपुरसंनि-
वेगाओ उत्तरखणियकुंडपुरसंनिवेशेमि जावाणं खणियाणं सिद्धत्थस्स खणिवस्स
कानवगुत्तस्स तिस्सलाए खणियाणीए वासिट्ठमगुत्ताए असुमार्णं पुम्मकारं अक्खारं
करिता, सुमार्णं पुगल्लार्णं पक्खेणं करिता कुण्डिसि गच्छं साहरए, वेमिं वी

तिमलाए स्वनियाणीए कुच्छिमि गन्धे तंपि य दाहिणमाहणकुंडपुरसंनिवेशंसि
 उस...को...देवा...जालंधरायणगुणाए कुच्छिमि गन्धं साहरइ ॥ ९८९ ॥ समणे
 भगवं महावीरे तिष्णाणोवणए यावि होत्वा, साहरिजिस्सामिणि जाणइ, साहरिज्ज-
 माणे न जाणइ साहरिणमिणि जाणइ समणाउत्तो ! ॥ ९९० ॥ तेणं कालेणं तेषं
 समाणं तिमलाए स्वनियाणीए अह अण्णया कयाइ णवण्हं मासाणं बहुपडिपुष्णाणं
 अद्धट्ठमाणं राईदियाणं वीतिहंतागे जे मे गिम्हाणे पढमे माने दोवे पक्खे विनमुद्धे
 तस्मणं विनमुद्धस्स तेरसीपक्खेणं, हन्धुणाहिं जोगमुवाणएणं समणं भगवं महावीरं
 आगेयारोयं पम्पया ॥ ९९१ ॥ जं णं राई तिमला स्वनियाणी समणं भगवं महावीरं
 आगेयारोयं पम्पया, तं णं राई भवणवट्ठवाणमंतजोइमियविमाणवासिदेवेहि य देवी-
 हि य उवयनेहि य उपयनेहि य एगे महं दिव्वे देवुजोए देवमणिवाते देवकहहहे
 उप्पिज्जलगभूण यावि होत्वा ॥ ९९२ ॥ जं णं रयागे तिमला स्वनियाणी समणं
 भगवं महावीरं आगेयारोयं पम्पया तं णं रयाणि बहवे देवा य देवीओ य एणं महं
 अमयवासं च, गंधवासं च, खुष्णवासं च, पुष्पवासं च, हिरण्णवासं च, रयणवासं
 च वामिसु ॥ ९९३ ॥ जं णं रयाणि तिमला स्वनियाणी समणं भगवं महावीरं
 आगेयारोयं पम्पया, तं णं रयाणि भवणवट्ठवाणमंतजोइमियविमाणवासिणो देवा य
 देवीओ य सम्मणस्स भगवओ महावीरस्स सुद्धकम्माइं तिस्ववराभिसेयं च कम्मि
 ॥ ९९४ ॥ जओ णं पमिइ भगवं महावीरे तिमलाए स्वनियाणीए कुच्छिमि गन्धं
 आगए ततो णं पमिइ तं कुलं विपुलेणं हिरण्णेणं सुवण्णेणं धणेणं धण्णेणं माणिक्खेणं
 मोत्तिएणं संबत्तिलप्पवाळेणं जईव २ परिववुइ, ततो णं समणस्स भगवओ महावीरस्स
 अम्मापियरो एवमट्ठं जाणिता तिस्वत्तदमाहंसि बोद्धंतमि सुचिभूयंसि विपुले
 अमणपाणसाइममाइमं उवक्खवावेति उवक्खवावेता मित्ताणिसयणसंबंधिवग्गं
 उवणिमंतंति उवणिमंतंता बहवे समणमाहणकैवणवणियगाहिं भिस्सुइगपंडरगातीण
 विच्छुंति विस्सोवेंति विस्सावेंति दायारेसु णं दाणं पज्जवाइंति, विच्छुहिता विग्गो
 णिता विस्साणिता दायारेसु णं दाणं पज्जभाइता मित्ताणिसयणसंबंधिवग्गं भुंजावेंति
 भुंजावेता मित्ताणिसयणसंबंधिवग्गोण इमेयात्थं णामधेजं कारवेंति, जओ णं पमिइ
 इमे कुमारे तिमलाए स्वनियाणीए कुच्छिमि गन्धे आगए, तओणं पमिइ इमं कुलं,
 विउळेणं हिरण्णेणं सुवण्णेणं धणेणं धण्णेणं माणिक्खेणं मोत्तिएणं संबत्तिलप्पवाळेणं
 जईव २ परिववुइ तं होइ णं कुमारे "कद्धमाणे" ॥ ९९५ ॥ तओ णं समणे भगवं
 महावीरे पंचधातिपरिवुइ तं जहा-धीरधाईए-मज्जणधाईए-संठावणधाईए-वेत्तावण-
 धाईए-अंजधाईए अंजओ जई साहरिज्जमाणे रग्गे मणिओत्तिमतळे गिरिकररस-

महीणे विव चंपयपायवे अहाणुपुष्पीए संववुइ ॥ ९९६ ॥ तजो णं समणे भगवं
महावीरे विष्णायपरिणये विणियत्तबालभावे अणुस्तुयाई उरालाई माणुस्सगाई
पंचलक्खणाई कामभोगाड महफरिस्ससम्भजंगाई परिवारेमाणे एवं च णं विहरइ
॥ ९९७ ॥ समणे भगवं महावीरे कामवगोत्ते तस्स णं इमे तिष्ण णाम धेज्जा
एवमाहिज्जंति, अम्मापिउसति। “वदमाणं,” सहसम्मइए “समणे” भीमभयभरवं
उरालं अचेय्य परिमहं महइ ति कट्टु देवेहिं से णामं कयं “समणे भगवं महावीरे”
॥ ९९८ ॥ समणस्स णं भगवओ महावीरस्स पिआ कासवगोत्तेणं तस्स णं तिष्ण
णामधेज्जा एवमाहिज्जंति, तज्जहा-सिद्धये णं वा, संज्जेमिंति वा, जम्मंसे ति वा
॥ ९९९ ॥ समणस्स भगवओ महावीरस्स अम्मा कामिदुमगोत्ता तीमेणं तिष्ण
णामधेज्जा, एवमाहिज्जंति तंज्जहा-लिमन्ता इ वा, विदेहदिष्णा इ वा, पियकारिणी
इ वा ॥ १००० ॥ समणस्स णं भगवओ महावीरस्स पित्तियाए ‘सुपामे’ कामव-
गोत्तेणं, समणस्स णं भगवओ महावीरस्स जेट्ठु भाया पंदिबद्धेणं कामवगोत्तेणं,
समणस्स णं भगवओ महावीरस्स जेट्ठु भदुणी मूर्धमगा कामवगोत्तेणं, समणस्स
णं भगवओ महावीरस्स भज्जा त्तमोथा गोत्तेणं कोटिष्णा, समणस्स भगवओ
महावीरस्स धूया कामवगोत्तेणं, तानेणं दो णाम धेज्जा, एवमाहिज्जंति, तंज्जहा-
अणोज्जा इ वा, पियदमणा इ वा, समणस्स णं भगवओ महावीरस्स णसुई
कोत्तियगोत्तेणं तीमेणं दो णामधेज्जा, एव माहिज्जंति, तंज्जहा-सेयवइ इ वा, त्तमवणी
इ वा ॥ १००१ ॥ समणस्स णं भगवओ महावीरस्स अम्मापियगे पाम्मावांथज्जा,
समणोवामगा यावि होत्था, ते णं अहुइं वामाई समणोवामगपरियामं गालइत्ता,
छम्हं तीवानेकायामं सेरक्खणांनमत्तं आलोइत्ता निंदिता मरहिता पट्टिकामिण
अहारिइं उतरमुणयायनिच्छं पट्टिकाज्जता कुत्तमवारं दुहहिता, भत्तं पक्कत्ताईति,
भत्तं पक्कत्ताइत्ता अर्वाच्छमाए माणंलियाए संदेइयाए सुणिवमरीरा कात्तमासे
कालं किंवा तं मरीरं विपजहिता अणुए कापाए देवणाए उववन्ना, मओत्ते भाउ-
क्खएणं भवक्खएणं ठिउक्खएणं सुए चइत्ता महाविदेहवामे चरिमेणं ऊससेत्तं
सिउत्तस्सति, बुउत्तस्सति, मुत्तिस्सति, परिणिव्वाइस्सति, मच्छदुक्खायमत्तं करि-
स्सति ॥ १००२ ॥ तेणं कालेणं तेणं समएणं समणे भगवं महावीरे च्छाए
णायपुत्तं णायकुलणियत्तं विदेहे विदेहदिष्णे विदेहज्जे विदेहइत्ताळे तीसं
वामाई विदेहंसिणि कट्टु अगारमज्जे वसिता अम्मापिउई कामगएई देवत्तेणमकु-
पंतहिं समत्तपइण्ये विवा हिरणं, विवा सुवणं, विवा वत्तं, विवा वाहणं विवा
धणधण्यइणयरयणसंतसारसावइत्तं, विच्छइत्ता, विणोविता, विस्ताविता, वावादेइ

दार्ण दाहता परिभाङ्गता, संवच्छरे इच्छता, जे से हेर्मताण पठमे मासे पठमे
 पक्के, भगतिरबहुले, तस्मण भगतिरबहुलस्स दमयीपक्केण इत्युत्तराहिं णक्क-
 लेणं जोगमुवाणएणं अभिणिकत्तमणाभिप्पाए यावि होत्था ॥ १००३ ॥ संवच्छरेण
 होहिंति अभिणिकत्तमणं नु जिणवर्दिदाणं, तां अत्थि संपदाणं, पव्वणइं पुव्वमूराओ
 ॥ १००४ ॥ एगा सिरप्पकोडी, अट्टेव अण्णया सवसहस्सा, मूरोदयमाइयं
 विजइ जा पायराओण ॥ १००५ ॥ निण्णेव य कोडिसया अट्टासीइं च होति
 कोडीओ, अत्तइं च मयसहस्सा, एवं संवच्छरे दिण्णं ॥ १००६ ॥ वेमणकंडल-
 धरा, देवा लोगनिवा म्हािण्णया । होहिंति य तित्थयरे, पण्णमसु कम्मभूमिसु
 ॥ १००७ ॥ बंभमि य कण्णमि य बोद्धवा कट्टराइणो मज्जेः लोगनिवा विमाणा,
 अट्टसुत्ता असंखेजा ॥ १००८ ॥ एतं देवणिकाया, भगवं बोहिंति जिणवर वीरं,
 मव्वजगज्जीवहिंयं, अरहं नित्यं पव्वणेहि ॥ १००९ ॥ तओ णं ममणस्स भगवओ
 महावीरस्स अभिणिकत्तमणाभिप्पायं जाणेना भवणवडवाणमंतरओडमियाविमाण-
 वात्थिओ देवा य देवीओ य सएहिं सएहिं क्वेहिं, सएहिं सएहिं णेवत्थेहिं, सएहिं
 सएहिं चिथेहिं, मव्वकूए, मव्वनुइंए, मव्वबल्लममुदण्णं, मयाइं मयाइं जाणवि-
 माणाइं दुक्खंति मयाइं २ जाणविमाणाइं दुरहिंणा, अहा वाटगइं पोगलाइं परि-
 साहेंति परिमाडिणा, अहामुद्धमाइं पोगलाइं परिदाहंति पणियाडिणा, उद्धुं उप्पयंति
 उप्पहणा, ताए उक्किट्ठाए निरघाए चवताए नुवियाए दिव्वाए देवगंडं अहेणं उव-
 यमाणा २ निरिण्णं असंखेजाइं हीवममुहणं वीतिकम्मयाणा २ जेणेव अंक्कुहीवं हीवे
 तेणेव उवागच्छंति उवागच्छिता, जेणेव उत्तरम्विण्णकंडपुरमंविसें तेणेव उवाग-
 च्छिता, तस्स उत्तरपुरम्विणे विमिमाए तेणेव प्राणवेणेण उवट्ठिणा ॥ १०१० ॥
 तओ णं मज्जे देविं दे देवराया मज्जियं सज्जियं जाणविमाणं ठवेति ठवेता, मज्जियं २
 जाणविमाणाओ पवोणरति, पवोणरिणा एतंमवक्कमेति एतंमवक्कमेणा, महवा
 वेउत्थिण्णं समुग्घाण्णं ममोहथति, महवा वेउत्थिण्णं समुग्घाण्णं ममोहणिणा, एणं
 मइं वाणाअधिकणवरवणमत्तचित्तं सुमं वाळ्ळंणस्स देवच्छंदयं विउच्चति, तस्सणं
 देवच्छंदयस्स बहुमज्जवेसमाए एणं मइं सपावपीइं सीहासयं वाणाअधिकणवरवण-
 मत्तचित्तं सुमं वाळ्ळंणस्स विउच्चइं विउच्चिता, जेणेव समणे भगवं महावीरे तेणेव
 उवागच्छति उवागच्छिता सज्जं भगवं महावीरं तिक्कण्णो आयाहिंणं पयाहिंणं
 करेइ, सज्जं भगवं महावीरं वंदति णमंसति, वंदिता णमंसिता सज्जं भगवं महा-
 वीरं महाव जेणेव देवच्छंदए तेणेव उवागच्छति उवागच्छिता, सज्जं २ पुरस्वा-
 म्मिण्णुइं सीहासये विधीयवेइं विधीयावेता सवपायवहस्सपामेहिं तेणेहिं अज्जमेति

अभंगेना गंधकासाइएहि उल्लोकेति उल्लोलिता, सुद्धोदणं मज्जावेइ मज्जाविता,
जस्स णं मुल्लं सयमहस्सेणं तिपडोलतिणिएणं माहिणं सीएणं गोहीसरत्तवंदणं
अणुलिपति अणुलिपिता ईसिणिस्यामत्तावोउत्तं वरणगरपट्टणुगयं कुसलणरपसंसितं
अस्सलालापेलवं लेयायारथकणगखचियंनकम्मं हंसलकण्णं, पट्टजुयलं णियंसावेइ,
णियंसावेत्ता हारं अद्धहार उगत्यं नेवत्थं एगावलिं पालंअदुत्तं पट्टमउडरयणमालाओ
आविंभावेति आविंभावेत्ता गंठिमवेदिमपुरिमसंघाडमेणं मत्तेणं कएपलकम्ममित्तं समलं-
करोति २ दोब्बंति महया वेउड्वियमसुग्गाणं समोहणइ, समोहणिता एणं महं चंद-
प्पभं सितियं सत्तस्सवादिमि विउड्वट्टं तंजहा-ईहामियउमभत्तुरगणरसकरविहवावा-
णरकुंजरस्सरभचमममइत्तसीहवणलसपउमत्तयमानविलकय्यावविभविज्जाहरमिहुण-
जुयलंजंतजोगजुणं, असीमदुस्समात्तिणीयं मुणिल्लियं मिसिम्मिनेनकम्मगमत्तस्सकलियं,
ईमाभंगमाणं भिन्निममाणं चककवुद्धोयणत्तेणं, मुणाहल्लमुत्तज्जालंतरोपियंतवणीय-
पवरलंबूमगपलंबंतमुत्तमं, हारदुद्धारभूमणममोणयं अहियपिच्छणित्तं पउमत्तयम-
त्तिचिणं, असोककुंदणाणान्दयमभाचिणं वरइयं मुभं चाल्लंतत्तवं णाणाअणियंअवग्ग-
घंटापढायपरिमंदिअगसिहंरं पामादीयं दंरिमणीयं सुकळं ॥ १०-११ ॥ सीया उवणीया
जिणवरस्स जरमरणविप्पमुक्कस्स; ओमत्तमत्तदामा, जलघलयविष्णुकुमुमेहि ॥ १ ॥
सिखियाड मत्तयारे, दिव्वं वरणगळ्ळावचइयं; सीहागयं महंरंइ मपादपीइं जिण-
वरस्स ॥ २ ॥ आल्लयमाल्ळमउहो भासुरांवी वराभरणपारी; ओमियवरदणि-
यत्थो, जस्स य मोरं सयमहस्स ॥ ३ ॥ छट्टेण उ भणेण अज्जवमाणंय मोहणेण
जिणो, लेमाहि विमुत्तंतेतो, आच्छइ उत्तं सीयं ॥ ४ ॥ सीहामत्ते विविठ्ठो सक्की-
सागा य दोहिं पासेहिं, वीर्यंति चायगाहिं माभरणंविचिणदंवाहिं ॥ ५ ॥ पुत्तिं
उक्खिणा माणुमेहिं साहट्टोमपुलएहिं, पच्छा बहंनि देवा, सुरअसुरगळ्ळणाधिदा
॥ ६ ॥ पुरओ मुगं बहंती असुरा पुण दाहिणंमि पासंमि । अबरे बहंति गरत्ता,
णागा पुण उतरे पासं ॥ ७ ॥ वणसंइं व कुसुमियं, पउमसरो वा जहा सरवकळ्ळे;
सोहइ कुसुमभरेणं, इय गगणयलं सुरगणेहिं ॥ ८ ॥ सिद्धत्तपवयं व जहा, कणिय-
रवणं व चंपयवणे वा, सोहइ कुसुमभरेणं, इय गगणयलं सुरगणेहिं ॥ ९ ॥
वरपट्टहमेतिअत्तारिखंअसयमहस्सिएहिं तुरेहिं । गगणयलं धरमित्ते तुरणिणाओ
परमरम्मो ॥ १० ॥ नतवित्तं वणत्तुसिरे आउत्तं अउत्तं बहुविहीयं; वावसि तत्तं
देवा, बहुहिं आअट्टगसएहिं ॥ ११ ॥ १०-१२ ॥ तंणं कात्तेणं तंणं समएणं ले ले
हेमंतणं पढमे मासे पढमे पक्खे, मग्गतिरबहुत्ते, तस्सयं मग्गतिरबहुत्तस्स दस-
संपक्खेणं, सुव्वएणं दिव्वेणं, विजएणं सुहुत्तेणं, इत्तुत्तएणंअत्तेणं ओवोवणं

पाईणगामिणीए छायाए विडियाए पोरिखीए छट्टेणं भत्तेणं अपाणएणं, एगसाहगमा-
याए, चंदप्पहाए सिवियाए सहस्सवाहिणीए सदेवमणुयामुराएपरिमाए समणिज्जमाने
२ उत्तरखणियकूडपुरसंघिवेमस्स भज्जंभज्जेणं भिगच्छिणा जेणेव णायसंढे उज्जाणे
तेणेव उवागच्छड, उवागच्छिणा ईमिरवणियप्पमाणं अच्छोप्येणं भूमिभागेणं मणियं
२ चंदप्पभं सिवियं महस्सवाहिणि उवेह उवेसा मणियं २ चंदप्पभाओ सिवियाओ
सहस्सवाहिणीओ पबोयरड, पबोयरिणा मणियं २ पुरत्थाभिमुहे सीहास्सणे णिसीयेड,
आभरणालंकारं भोमुयड, तओणं वंममणे देवे जञ्जुव्वायपडिओ समणस्स भगवओ
महावीरस्स हंसत्तस्सज्जेणं पडेणं आभरणालंकारं पडिच्छड; तओ णं समणे भगव
महावीरे दाहिणेणं दाहिणं वामेणं वामं पंचमुट्ठियं लोयं करेड, तओ णं सङ्गे देविंदे
देवगाया समणस्स भगवओ महावीरस्स जञ्जुव्वायपडिए वयरामयेणं धालेणं केसाई
पडिच्छड, पडिच्छिउणा "अणुजाणेति मंते" ति कट्टु म्हीरोवमायरं भाहरड, तओ णं
समणे भगव महावीरे दाहिणेणं दाहिणं वामेणं वामं पंचमुट्ठियं लोयं करेणा सिद्धाणं
जमोकारं करेड करेणा, "मठ्ठं मे अकरणिज्जं पावकम्मं" ति कट्टु सामादयं
चरितं पडिवज्जड, सामादयं चरितं पडिवाज्जणा देवपरिसं मणुयपरिसं च आन्डिवस्स-
च्चित्तभयमित्तं कूवेड ॥ १०१३ ॥ दिव्वा मणुस्सभोमो, नुरियणियाओ य मक्खवज्ज-
जेण, सिप्पामेव विट्ठओ, त्राहे पडिवज्जड चरितं ॥ १ ॥ पडिवाज्जनु चरितं अहो-
णिसि मक्खपाणभूतहिंसं; माहट्टु लोमपुल्लया, मठ्ठे देवा निमामिति २ ॥ १०१४ ॥
तओ णं समणस्स भगवओ महावीरस्स सामादयं ल्वाओवमणियं चरितं पडिवज्जस्स
मणपज्जक्खमाणे वासं जाणे समुप्पजे, अक्काडजेहिं सीवेहिं दोहिं य तमुदेहिं सक्कीणं
पेवेदियानं पज्जानाणं सिवणमणमाणं मणोगायाई भावाई जाणेड ॥ १०१५ ॥ तओ णं
समणे भगव महावीरे पक्खइते समणे सिणजाणिसिक्खसंबंधिवायणं पडिविज्जजेति,
पडिविज्जिणा इमे एवाकथं अभिगगहं आभिगिण्हए, "वारसवासार्हं बोसट्टकाए चण-
देहे जे केड उवसग्गा समुप्पजंति. तंजडा-दिव्वा वा, माणुग्सा वा, तेरिच्छिवा
वा, ते सव्वे उवसग्गे समुप्पज्जे समाने सम्यं महिस्सामि, सविस्सामि अहिया-
सइस्सामि" ॥ १०१६ ॥ तओ णं समणे भगव महावीरे इमेयाकथं अभिगगहं अभि-
गिण्हिणा बोसट्टकाए चणदेहे दिवसे सुहुणसेसे कुमारगामं समणुपते ॥ १०१७ ॥
तओ णं समणे भगव महावीरे बोसट्टचणदेहे अनुत्तरेणं आलएणं, अनुत्तरेणं विहा-
रेणं, एवं संज्जेणं, पग्गजेणं, संवरेणं तवेणं, वंमचेरवासेणं, खीतीए, मोगीए, तुट्ठीए,
समितीए, सुगीए, टाणेव, कम्मणे, सुचदेवकलविक्खावमुत्तिसनेणे, अप्पाणं भावे-
काणे विहरड ॥ १०१८ ॥ एवं वा विहरमाचस्स जे केड उवसग्गा समुप्पजंति दिव्वा

वा माणुस्सा वा तेरिच्छया वा ते सब्बे उक्खवग्गे समुप्पन्ने समाणे अणाउत्ते अब्ब-
 हिए अशीणमाणसे तिविहमणवयणकायगुणे सम्मं महइ लमइ तितिकखइ अहियासेइ
 ॥ १०१९ ॥ तओ णं समणस्स भगवओ महावीरस्स एएणं विहारेणं विहरमाणस्स
 बारसवासा विडङ्कता, तेरसमस्स वागस्स परियाए वट्टमाणस्स जे से गिम्हाणं दोषे
 मासे चउत्थे पक्खे वसमाहमुद्धे, तस्सणं वइमाहमुद्धस्स दमर्मापक्खेणं सुब्बएणं
 दिवसेण विजाएणं मुहुत्तेणं हत्थएणं णक्खेणं जोगोवगतेणं पाइणगामिणीए छायाए
 वियणाए पोरिसीए त्थियगामस्स गगग्गस्स बहिया णइए उज्ज्वालियाए उज्जरे
 कुत्ते, सामागस्स गाहावइस्स कट्टकरणंति त्रेयावणस्स वेइयस्स उणएणत्थिमे
 दिसीभाए मालरुक्खस्स अट्टममंते उक्खुयस्स गोदोहियाए आयावणाए आयावे-
 माणस्स छट्टेणं भनेणं अपाणाएणं उक्खुज्जानुअहोमिग्गस्स पम्मज्जाणकोट्टोवगयस्स
 सुक्खज्जाणंनरियाए वट्टमाणस्स निब्बाने, कम्मिणे, पडिपुण्णे, अव्वाइए, णिगवणे,
 अणंते, अणुत्तरे, केवलवण्णाणदंमाणे समुप्पण्णे ॥ १०२० ॥ से भयवं अरहा
 जिणे जाए, केवली मव्वण्णु मव्वभवट्टरिसी, मव्ववमणयासुरस्स जोयस्स पज्जाए
 जाणइ, तंजहा-आगति गणि टांते चक्खं, उक्खायं भूत्ते पीयं कइ पडिसेवियं
 आवीकम्मं रत्तोकम्मं लवियं कहियं मणोमाणणियं मव्वत्थेए मव्ववीशणं, मव्व-
 भावाइं जाणमाणे पाममाणे तवं च णं विहरइ ॥ १०२१ ॥ जणं दिवसं सुमणस्स
 भगवओ महावीरस्स निब्बाने कम्मिणे जाव समुप्पण्णे, तणं दिवसं भवणवट्टाण-
 मंत्तरजोइसियावमाणगामिदेवेहि व डंतीहि य उक्खरतेहि य जाव उप्पिरत्तमा-
 भूए यावि होत्था ॥ १०२२ ॥ तओ णं मज्जे भगवं महावीरे उप्पण्णवाणाणदंसवधरे
 अप्पाणं च लोगं च अभिसमिक्ख पुब्बं देवानं धम्ममाइक्खति तओ पच्छा
 मणुत्ताणं ॥ १०२३ ॥ तओ णं समणे भगवं महावीरे उप्पण्णवाणाणदंसवधरे मोक्ख-
 माइण समणाणं निग्गंघाणं पंच महव्वयाइं सभावणाइं छज्जीवानिकायाइं आइक्खइ,
 आमइ, पक्खेइ तंजहा-पुइविकाए जाव तस्सकाए ॥ १०२४ ॥ पट्ठमं भंते । महव्वयं
 पक्कवामि, मव्वं पाणाइवायं मे मज्जुयं वा कायरे वा तसे वा धावरं वा णेव
 मयं पाणाइवायं करंजा ३ जावजीवाए तिविहं तिविहेणं मणया वयगा कायता,
 तस्स भंते ! पडिक्कामि निदामि गरिहामि अप्पाणं वोसिमि ॥ १०२५ ॥
 तस्सिमाओ पंच भावणाओ भवंति ॥ १०२६ ॥ तन्थिमा पट्ठमा मावणा,
 इरियासमिए से निग्गंघे, जो अणइरियासमिए णि, केवली वूवा अणइरियासमिए से
 निग्गंघे, पाणाइं ४ अभिहणेज्ज वा, वनेज्ज वा, परिवायेज्ज वा, सेयेज्ज वा, उप्पेज्ज
 वा, इरियासमिए से निग्गंघे, जो अणइरियासमिए णि पट्ठमा मावणा ॥ १०२७ ॥

अहावरा दोष्ठा भावणा, मर्ण परिजाणाइ से निग्गंथे, जे य मणे पवए सावअ मकिरिए अण्हयकरे छेयकरे भेयकरे अधिकरणिए पाउंसिए, परिताणिए पाणाइवाइए, भूओवघाइए तहप्पगारं वणं णो पघारेज्जा, मर्ण परिजाणाणि से निग्गंथे जे य मणे अपावए ति दोष्ठा भावणा ॥ १०२८ ॥ अहावरा तच्चा भावणा ॥ वई परिजाणाइ से निग्गंथे जा य वई पाविया सावज्जा मकिरिया जाव भूओवघाइया तहप्पगारं वई णो उच्चारिज्जा, जे वई परिजाणाइ से निग्गंथे जाय वई अपाविय ति तच्चा भावणा ॥ १०२९ ॥ अहावरा चउत्था भावणा, आयाणभंडमणजिक्खेवणात्ममिए मे निग्गंथे, णो अणायणभंडमणजिक्खेवणात्ममिए निग्गंथे केवली बूया, आयाणभंडमणजिक्खेवणाअत्ममिए निग्गंथे पाणाइभूयाइंजीवाइं मत्ताइं अभिहणेज वा जाव उह्वेज वा, तम्हा आयाणभंडमणजिक्खेवणात्ममिए मे निग्गंथे णो आयाणभंडमणजिक्खेवणाअत्ममिए ति चउत्था भावणा ॥ १०३० ॥ अहावरा पंचमा भावणा, आलोइयपाणभोयणभोइं से निग्गंथे, णो अणालोइयपाणभोयणभोइं, केवली बूया, अणालोइयपाणभोयणभोइं से निग्गंथे पाणाइं वा ४ अभिहणेज वा जाव उह्वेज वा, तम्हा आलोइयपाणभोयणभोइं से निग्गंथे, णो अणालोइयपाणभोयणभोइं ति पंचमा भावणा ॥ १०३१ ॥ एतावता पहमे महव्वए मम्मं काएण फाणिए पालिए तीरिए किट्टिए अवट्टिए अण्णाए आराहिए यावि मवइ ॥ १०३२ ॥ पहमे भंते ! महव्वए पाणाइवायाओ वेरमणं ॥ १०३३ ॥ अहावरं दोष्ठां महव्वयं पचकत्तामि सव्वं मुसत्तायं वइदोसं से कोहा वा, लोहा वा, मया वा, हासा वा, जेव सयं मुसं भासंजेजा, जेवजेवं मुसं भासावेजा, अणं पि मुसं भासंते ण समणुजाणेज्जा, तिहिं तिहिहेणं मणमा वायमा कायता तस्स भंते पडिहमाणि जाव बोत्तिराणि ॥ १०३४ ॥ तस्सिम्मंओ पंच भावणाओ भवंति ॥ १०३५ ॥ तत्थिमा पदमा भावणा, अणुवीहभासी से निग्गंथे, णो अणुवीहभासी; केवली बूया, अणुवीहभासी से निग्गंथे समावजिज्ज मोसं वयणाए, अणुवीहभासी से निग्गंथे, णो अणुवीहभासि ति पदमा भावणा ॥ १०३६ ॥ अहावरा दोष्ठा भावणा, कोहं परिजाणाइ से निग्गंथे, णो कोहणे सिवा, केवली बूया, कोहणे कोहनं समावदेजा मोसं वयणाए, कोहं परिजाणाइ से निग्गंथे, णव कोहणे सिवति दोष्ठा भावणा ॥ १०३७ ॥ अहावरा तच्चा भावणा, लोभं परिजाणाइ से निग्गंथे, णो व लोभणए सिवा, केवली जा, लोभणे लोभी समावदेजा मोसं वयणाए, लोभं परिजाणाइ से निग्गंथे, णो लोभणए सिवति तच्चा भावणा ॥ १०३८ ॥ अहावरा चउत्था भावणा.

भयं परिजाणइ से णिगंगे, णो भयभीरुए सिया; केवली बूया, भयप्पत्ते मीरु समावदेज्जा मोसं वयणाए, भयं परिजाणइ से णिगंगे, णो भयभीरुए सिव ति चउत्था भावणा ॥ १०३९ ॥ **अहावरा पंचमा भावणा**, हासं परिजाणइ से णिगंगे, णो य हासणए सिया, केवली बूया, हासप्पत्ते हासी समावदेज्जा मोसं वयणाए, हासं परिजाणइ से णिगंगे, णो य हासणए सिय ति पंचमा भावणा ॥ १०४० ॥ एतावता दोच्चे महव्वए सम्मं काएण फासिए जाव आणाए आराहिए या वि भवति ॥ **दोच्चे भंते महव्वए०** ॥ १०४१ ॥ **अहावरं तच्चं भंते ! महव्वयं** पच्चक्खामि सव्वं अदिण्णादाणं; से गामे वा, णगरे वा, अरण्णे वा, अप्प वा, बहुं वा, अणुं वा, थूलं वा, चित्तमंतं वा, अच्चित्तमंतं वा, णेव सयं अदिण्णं णिण्हेज्जा, णेवण्णेहिं अदिण्णं गेण्होच्चेज्जा अण्णापि अदिण्णं णिण्हंतं न समणुजाणिज्जा जावज्जीवाए जाव वोमिरामि ॥ १०४२ ॥ तस्मिमाओ **पंचभावणाओ** भवंति तत्थिमा **पढमा भावणा**, अणुवीइ मिउगहं जाई से णिगंगे णो अणुवीइमिउगहं जाई से णिगंगे केवली बूया अणुवीइमिभोगह जाई से णिगंगे अदिण्णं णिण्हेज्जा अणुवीइमिउगहं जाई से णिगंगे णो अणुवीइमिओगहं जाइ ति पढमा भावणा ॥ १०४३ ॥ **अहावरा दोच्चा भावणा**, अणुणवियपाणभोयणभोई से णिगंगे णो अणुणवियपाणभोयणभोई, केवली बूया, अणुणवियपाणभोयणभोई से णिगंगे अदिण्णं भुंजेज्जा, तम्हा अणुणवियपाणभोयणभोई से णिगंगे, णो अणुणवियपाणभोयणभोइ ति दोच्चा भावणा ॥ १०४४ ॥ **अहावरा तच्चा भावणा**, णिगंगे णं उगहंसि उगहियंसि एतावताव उगहणसीलए सिया, केवली बूया, णिगंगेणं उगहंसि अणुगहियंसि एतावताव अणोगहणसीले अदिण्णं णिण्हेज्जा णिगंगेणं उगहंसि उगहियंसि एतावताव उगहणसीलए सियति तच्चा भावणा ॥ १०४५ ॥ **अहावरा चउत्था भावणा**, णिगंगेणं उगहंसि उगहियंसि अभिक्खणं २ उगहणसीलए सिया, केवली बूया, णिगंगेणं उगहंसि उगहियंसि अभिक्खणं २ अणोगहणसीले अदिण्णं णिण्हेज्जा णिगंगे उगहंसि उगहियंसि अभिक्खणं २ उगहणसीलए सिय ति चउत्था भावणा ॥ १०४६ ॥ **अहावरा पंचमा भावणा**, अणुवीइमिनोगहजाई से णिगंगे साहम्मिएसु णो अणुवीइमिउगहजाई, केवली बूया, अणुवीइमिउगहजाई से णिगंगे साहम्मिएसु अदिण्णं उगहंजेज्जा, अणुवीइमिओगहजाई से णिगंगे साहम्मिएसु णो अणुवीइमिओगहजाई इइ पंचमा भावणा ॥ १०४७ ॥ एतावताव तच्चे महव्वए सम्मं जाव आणाए आराहिए यावि भवइ, तच्चं भंते मह-

स्वयं ॥ १०४८ ॥ अहावरं चउत्थं मह्व्वयं पक्वस्वामि सव्वं मेहुणं, से दिव्वं
 वा, माणुसं वा, तिरिक्खजोणियं वा, णेव सयं मेहुणं गच्छेज्जा तं चेव अदिण्णा
 दाणवत्तव्वया भाणियव्वा, जाव बोसिरामि ॥ १०४९ ॥ तस्सिमाओ पंच भाव
 णाओ भवति ॥ १०५० ॥ तत्थिमा पढमा भावणा, णो णिग्गंथे अभिक्खणं
 २ इत्थीणं क्हं क्हइत्तए सिया, केवली बूया, णिग्गंथेणं अभिक्खणं २ इत्थीणं
 क्हं कहेमाणे संतिमेदा संतिविभंगा संतिकेवलीपण्णनाओ धम्माओ भंसेज्जा, णो
 णिग्गंथेणं अभिक्खणं २ इत्थीणं क्हं क्हित्तए सिय ति पढमा भावणा ॥ १०५१ ॥
 अहावरा दोच्चा भावणा, णो णिग्गंथे इत्थीणं मणोहराई २ ईदियाई आलोए-
 त्तए णिज्जाइत्तए सिया, केवली बूया, णिग्गंथे णं इत्थीणं मणोहराई २ ईदियाई
 आलोएमाणे णिज्जाएमाणे संतिमेया संतिविभंगा जाव धम्माओ भंसेज्जा, णो
 णिग्गंथे इत्थीणं मणोहराई २ ईदियाई आलोएत्तए णिज्जाइत्तए सिय ति दोच्चा
 भावणा ॥ १०५२ ॥ अहावरा तच्चा भावणा, णो णिग्गंथे इत्थीणं पुव्वरयाई
 पुव्वकीलियाई सरत्तए सिया, केवली बूया, णिग्गंथे णं इत्थीणं पुव्वरयाई पुव्वकी-
 लियाई सरमाणे संतिमेया जाव भंसेज्जा, णो णिग्गंथे इत्थीणं पुव्वरयाई पुव्वकी-
 लियाई सरत्तए सिय ति तच्चा भावणा ॥ १०५३ ॥ अहावरा चउत्था भावणा,
 णाड्ढत्तपाणभोयणभोई से णिग्गंथे णो पणीयरसभोयणभोई, केवली बूया, अड्ढ-
 त्तपाणभोयणभोई से णिग्गंथे पणीयरसभोयणभोई य संतिमेदा जाव भंसेज्जा,
 णोऽत्तिमत्तपाणभोयणभोई से णिग्गंथे, णो पणीयरसभोयणभोड ति चउत्था
 भावणा, ॥ १०५४ ॥ अहावरा पंचमा भावणा, णो णिग्गंथे इत्थीपसुपंड-
 गसंत्ताई सयणासणाई सेवित्तए सिया, केवली बूया, णिग्गंथेणं इत्थीपसुपंडग-
 संत्ताई सयणासणाई सेवेमाणे संतिमेया जाव भंसेज्जा, णो णिग्गंथे इत्थीपसुपंडग-
 संत्ताई सयणासणाई सेवित्तए सियत्ति पंचमा भावणा ॥ १०५५ ॥ एतावताव चउत्थे
 मह्व्वए सम्मं काएण फासिए जाव आराहिए या वि भवइ, चउत्थं भंते । मह्व्वयं ०
 ॥ १०५६ ॥ अहावरं पंचमं भंते । मह्व्वयं सव्वं परिग्गहं पक्वस्वामि, से अप्पं वा, बहुं
 वा, अणुं वा, बूलं वा, चित्तमंतं वा, अचित्तमंतं वा, णेव सयं परिग्गहं गिण्हेज्जा,
 णेवण्णेहिं परिग्गहं गिण्हाडिज्जा, अण्णापि परिग्गहं गिण्हेतं ण समणुजाणिज्जा, जाव
 बोसिरामि ॥ १०५७ ॥ तस्सिमाओ पंच भावणाओ भवति ॥ तत्थिमा पढमा
 भावणा, स्तोयओणं जीवे मणुज्जामणुज्जाई सदाई सुणेइ, मणुज्जामणुज्जेहिं संहंहिं णो
 सज्जेज्जा, णो रजेज्जा, णो गिज्जेज्जा, णो मुज्जेज्जा, णो अज्जोवड्ढेज्जा, णो
 विविग्गधायमावड्ढेज्जा, केवली बूया, विग्गंथेणं मणुज्जामणुज्जेहिं सहेहिं सज्जमाणे

जाव विणिग्घायमावज्जमाणे संतिभेया संतिविभंगा संतिकेवल्लिपण्णत्ताओ धम्माम्भो
 भंसेज्जा ॥ १०५८ ॥ ष सक्का ण सोउं सहा, खोवविसयमगग्गता; राग्गदोसा उ जे
 तत्थ ते भिक्खु परिवज्जए ॥ १०५९ ॥ खोववो जीवो मणुण्णामणुण्णाम्भं सहाई
 सुण्णेइ० ॥ १०६० ॥ अहावरा दोब्बा भावणा, चक्खुओ जीवो मणुण्णामणुण्णाम्भं
 रुवाई पासइ, मणुण्णामणुण्णेहिं रुवेहिं षो सज्जेज्जा, णो रज्जेज्जा, जाव षो विणि-
 ग्घायमावज्जेज्जा, केवली बूया, मणुण्णामणुण्णेहिं रुवेहिं सज्जमाणे रज्जमाणे जाव
 विणिग्घायमावज्जमाणे सतिभेया संतिविभंगा जाव भंसेज्जा ॥ १०६१ ॥ ष सक्का
 रुवमदट्ठं चक्खुविसयमामभं, राग्गदोसा उ जे तत्थ, ते भिक्खु परिवज्जए ॥ १०६२ ॥
 चक्खुओ जीवो मणुण्णामणुण्णाम्भं रुवाई पासइ ॥ १०६३ ॥ अहावरा नब्बा
 भावणा, घाणओ जीवो मणुण्णामणुण्णाम्भं गंधाई अग्घायइ, मणुण्णामणुण्णेहिं
 गंधेहिं णो सज्जेज्जा, णो रज्जेज्जा, जाव णो विणिग्घायमावज्जेज्जा, केवली बूया,
 मणुण्णामणुण्णेहिं गंधेहिं सज्जमाणे रज्जमाणे जाव विणिग्घायमावज्जमाणे संतिभेदा
 संतिविभंगा जाव भंसेज्जा ॥ १०६४ ॥ णो सक्का गंधमग्घाउं णासाविसयमग्गमं,
 राग्गदोसा उ जे तत्थ ते भिक्खु परिवज्जए ॥ १०६५ ॥ घाणओ जीवो मणुण्णाम-
 णुण्णाम्भं गंधाई अग्घायइ ॥ १०६६ ॥ अहावरा चउत्था भावणा, जिन्नाओ
 जीवो मणुण्णामणुण्णाम्भं रसाई अस्सादेइ, मणुण्णामणुण्णेहिं रसेहिं षो रज्जेज्जा, जाव
 णो विणिग्घायमावज्जेज्जा, केवली बूया, णिग्गंथे णं मणुण्णामणुण्णेहिं रसेहिं सज्ज-
 माणे जाव विणिग्घायमावज्जमाणे संतिभेदा जाव भंसेज्जा ॥ १०६७ ॥ णो सक्का
 रसमस्साउं, जीहाविसयमग्गमं; राग्गदोसा उ जे तत्थ, ते भिक्खु परिवज्जए
 ॥ १०६८ ॥ जीहाओ जीवो मणुण्णामणुण्णाम्भं रसाई अस्सादेइ० ॥ १०६९ ॥
 अहावरा पंचमा भावणा, फसओ जीवो मणुण्णामणुण्णाम्भं फसाई पडिसंवेदेइ,
 मणुण्णामणुण्णेहिं फसेहिं णो सज्जेज्जा, णो रज्जेज्जा, णो विज्जेज्जा, णो मुण्णेज्जा,
 णो खज्जोववज्जेज्जा, णो विणिग्घायमावज्जेज्जा, केवली बूया, णिग्गंथे णं मणुण्णाम-
 णुण्णेहिं फसेहिं सज्जमाणे जाव विणिग्घायमावज्जमाणे, संतिभेदा संतिविभंगा,
 संतिकेवल्लिपण्णत्ताओ धम्माम्भो भंसेज्जा ॥ १०७० ॥ णो सक्का फासमवेदेउं
 फासविचयमग्गमं; राग्गदोसा उ जे तत्थ, ते भिक्खु परिवज्जए ॥ १०७१ ॥
 फासओ मणुण्णामणुण्णाम्भं फसाई पडिसंवेदेइ० ॥ १०७२ ॥ एणात्तम वंचवे
 षडब्बए सुम्मं फाएण फासिएवालिइलीरिएकिइए अदिइए आणाए आराहिए वामि
 भवइ, पंचमं भंते । षडब्बं ॥ १०७३ ॥ इण्णेहिं वंचमहब्बएहिं पणवीसाहिं
 व भावणाहिं संपण्णे अणगारे अहासयं अहाकयं अहाममं समं कक्खु फल्लिता,

पालिता, तीरिता, किट्टिता, आणाए आराहिए यावि भवइ ॥१०७४॥ भावणा-
ज्जयणं पणरहमं समसं इय तइमा चूला समत्ता ॥

अणिचमावासमुवेति जंतुणो, पलोयए सुचमिदं अणुत्तरं; विऊसिरे विजु अगार-
बंधणं, अमीह आरंभपरिगाहं चए ॥ १०७५ ॥ तहाणअं भिक्खुमणंतसंजयं,
अणेत्तिसं विजु चरंतमेतणं; तुदंति वायाहिं अभिहवं णरा, सरेहिं संगामगर्यं व
कुंजरं ॥ १०७६ ॥ तहप्पगारेहिं जणेहिं हीलिए, ससइफासा फल्ला उईरिया;
तिरिक्खए णाणि अतुट्ठचेयसा, गिरिव्व वाएण ण संपवेयए ॥१०७७॥ उवेहमाणे
कुरावेहिं संवसे, अकंतदुक्खी तसथावरा दुही; अळसए सम्बसहे महासुणी, तहा हि
से सुस्समणं समाहिए ॥ १०७८ ॥ विऊ णए धम्मपयं अणुत्तरं, विणीयतण्हस्स
मुत्तिस्स ज्जायओ; समाहियस्सउरिगासहा व तेयमा, तवो य पण्णा य जसो य
बहुइ ॥ १०७९ ॥ दिसोदिस्सिणंतजिणेण ताइया, महव्वयय खेमपदा पवेदिता;
महागुरू णिस्सयरा उवीरिवा, तयेव त्तेत्तदिखं पगासया ॥ १०८० ॥ सिएहिं
भिक्खु अस्सिए परिच्छए, अस्सज्जमितीसु चएज्ज पूअणं; अणिस्सओ खोगमिणं तहा
परं, णमिज्ज कामणुणेहिं पंडिए ॥ १०८१ ॥ तहा विमुक्कस्स परिण्यचारिणो
धिईमओ दुक्खल्लमस्स भिक्खुणो; विज्जज्जइ अंति मत्तं पुरेकडे, समीरियं हप्पमत्तं
व जोइया ॥ १०८२ ॥ से हु प्परिण्णा समयंमि वट्टइ, गिराससे उवरव मेहुणा
चरे; भुजंगमे जुण्णतयं जहा जहे, विमुच्चइ से दुहसेज्ज याहणे ॥ १०८३ ॥ जमाहु
ओहं सत्तिलं अपारमं, महासमुइं व भुवाहिं दुगारं; अहे य वं परिजायाहि पंडिए, से
हु सुणी अंतकडे ति सुचइ ॥ १०८४ ॥ जहा हि बर्द इह माणवेहिं, जहा य तेसिं
तु विमोक्ख आहिओ; अहा तहा बंधविमोक्ख जे विऊ, से हु सुणी अंतकडे ति
सुचइ ॥ १०८५ ॥ इमंमि लोए परए य दोसुवि, ण विज्जइ बंधणं जस्स किंमिदि;
से हु गिरालंबणमप्पइट्टिए, कलंकली भावपहं विमुच्चइ ति वेमि ॥ १०८६ ॥
सोळहमं विमुत्तिज्जयणं समसं ॥ सदाचारणाम वीओ सुयक्खंघो
संपुण्णो, जउत्था चूडा समत्ता ॥


इह आयारे



आचारांगप्रवेश

संसारमें अज्ञान और लोभ पतन (दुःख)का कारण है १६६ परमात्माका संसारसे कोई संबंध नहीं है मात्र प्राणिओंके कर्मसे ही सब उपाधिएँ उत्पन्न होती हैं १७५ हिंसादि १८ पापोंके मूल कारण राग-द्वेष हैं अतः मतिमान् उनसे अलग रहे १७७ कण्ठगत प्राण होनेपरभी सत्यका समाचरण करो, सौँचको आँच नहीं १८५ सकर्मक अवस्थामें जन्ममरणके थपेड़े सबको सहने पड़ते हैं अतः अनन्य संयममें वर्तन कर १८८ परिग्रहसहिष्णु तथा वेष धरनेसे साधु न होकर संयमाचरणसे साधु होता है १९२ धर्मध्यानके अवसरको पाकर न चूके १९३ अपने स्वार्थके लिए औरोंके हितोंपर कुठाराघात न कर १९४ ममता द्वारा दुःख तथा ममतासे सुख होता है १९५ हे पुरुष! (आत्मन्!) तू अपना मित्र स्वयं ही है बाहर (बहिरंग-भाव)के मित्रोंकी ओर क्यों ताकता है २०२ तू सत्यका समाचरण कर, मुनियोंने इसके अवलंबनसे ही संसारको पार किया है २०५ जो एकको पाता या जानता है वह सबको जानता है । तथा जो कर्म वर्गणाओंको दुःखरूप जानता है वही आत्मस्वरूपको जानता है २०९ प्रमाद सेवन करनेवाला चारों ओरसे डरता है, अप्रमत्त नहीं २१० क्रोधसे मुक्त होनेपर क्रमशः मान-छल-लोभ-राग-द्वेष-मोह-नार्म-जन्म मरण-नरक-पशुगति आदि दुःखोंसे छूटकर निजानंद विहारी होता है २१७ दुनियाकी देखादेखी मत करो २२६ जो कर्मबन्धनके कारण हैं वे मुक्तिके हेतु हो सकते हैं २३१ मृत्युके मुखमें रहा हुआ प्राणी उससे कैसे बचे ! असयमी आशाके पाशमें बंधकर आरंभादिप्रवृत्तिओंद्वारा जन्ममृत्युकी परंपराको बढाकर अपने अस्तित्वको मिटा रहा है २३५ तुम्हें सुख प्यारा है या दुःख ? यदि तुम्हें दुःख अच्छा नहीं लगता तो अपने ममान औरोंको भी दुःख अप्रिय एवं अनिच्छनीय जानकर सबको सुख देनेका प्रयत्न करो २४२ बुद्धिमान् क्रोधकी आगमें मदा बचना है २५२ सर्वज्ञोंका कथन है कि किए कर्मका फल अवश्य मिलता है अतः कर्मबन्धके कारणोंसे बचें २६१ उठो और प्रमाद सेवन न करो २७७ तू इस अंतरंगभावसे युद्ध कर, व्यक्तिगत ध्येयके युद्धसे क्या लाभ ? २९४ जो सम्यक्त्व है वही मुनित्व है, जो मुनिपन है वही समत्व है ३०१ कर्मका फल होता है या नहीं ! इस प्रकार संशय रखनेवालेको समाधि नसीब नहीं होती ३१३ जिस किसीपर शासन करना, जिसे दुःख देना या मारना चाहता है वह स्वयं तू ही है, क्योंकि सब आत्माएँ समानधर्मा हैं ३२० जो आत्मा है वही जान है, जो जान है वही आत्मा है ३२१ आँखें पसारकर देख जगत्के सब प्राणी डरे हुए हैं ३४२ प्राणिओंके दुःखकी कोई सीमा नहीं ३४३ प्राणी अकेला है उसका साथी कोई नहीं ३५३ आज्ञा पालनमेंही भगवान्का धर्म है ३५६ आर्य तीर्थकरोंने समताकी स्थितिमेंही धर्मभाव कहा है ४१५॥

श्रीमूचागम प्रकाशक समितिके द्वितीय-संरक्षक,



श्रीमान मोहनलाल धनराज कर्णवठ, भवनि पेट, पृजा तं. २.

पमो त्पु षं समणस्स भगवओ गायपुत्त महावीरस्स

सूयगडं

पढमे सुयक्खंघे

समयज्झयणे पढमे

बुज्झिज्ज ति तिउट्टिज्जा बन्धणं परिजाणिया । किमाह बन्धणं वीरो किं वा जाणं
 तिउट्टइ ॥ १ ॥ १ ॥ चित्तमन्तमचित्तं वा परिगिज्ज किस्तामवि । अणं वा अपुजा-
 गाइ एवं दुक्खा न मुच्चई ॥ २ ॥ २ ॥ सयं तिवायए पाणे अदुवडजेहि धायए ।
 हणन्तं वाऽपुजाणाइ वेरं वञ्जेइ अप्पणो ॥ ३ ॥ ३ ॥ जस्सि कुळे समुप्पजे जेहिं वा
 संवसें नरे । ममाइ लुप्पई बाले अजे अजेहि मुच्छए ॥ ४ ॥ ४ ॥ विणं सोयरिया
 चेव मव्वमेयं न ताणइ । सखाएँ जीवियं चेवं कम्मणा उ तिउट्टइ ॥ ५ ॥ ५ ॥ एए
 गन्थं विउक्कम्म एगे समणमाहणा । अयाणन्ता विउस्सिता सत्ता कामेहि माणवा
 ॥ ६ ॥ ६ ॥ सन्ति पच्च महब्भूया इहमेगेसिमाहिया । पुठवी आउ तेऊ वा वाउ
 आगासपच्चमा ॥ ७ ॥ ७ ॥ एए पच्च महब्भूया तेब्भो एगो ति आहिया । अह
 तेसिं विणासेणं विणासो होइ देहिणो ॥ ८ ॥ ८ ॥ जहा य पुठवीधूमे एगो नाणाहि
 वीसइ । एवं भो कसिणे लोए विञ्च नाणाहि वीसइ ॥ ९ ॥ ९ ॥ एवमेगे ति जम्पन्ति
 मन्दा आरम्भनिस्सिया । एगे किच्चा सयं पावं तिब्बं दुक्खं नियच्छइ ॥ १० ॥ १० ॥
 पत्तेयं कसिणे आया जे बाला जे य पण्डया । सन्ति पिच्चा न ते सन्ति नत्थि
 सत्तोववाइया ॥ ११ ॥ ११ ॥ नत्थि पुण्णे व पावे वा नत्थि लोए इओवरे । सरी-
 रस्स विणासेणं विणासो होइ देहिणो ॥ १२ ॥ १२ ॥ कुब्बं च कारयं चेष सर्व्व
 कुब्बं न विच्चई । एवं अकारओ अप्पा एवं ते उ पगन्धिया ॥ १३ ॥ १३ ॥ जे ते
 उ बाइणो एवं लोए तेसिं कओ सिया । तमाओ ते तमं जन्ति मन्दा आरम्भनि-
 स्सिया ॥ १४ ॥ १४ ॥ सन्ति पच्च महब्भूया इहमेगेसिमाहिया । आबछट्टा पुणो
 आहु आया लोगे य सासए ॥ १५ ॥ १५ ॥ दुहओ न विणस्सन्ति नो य ठप्पज्जए
 असं । सव्वे वि सव्वहा भावा नियत्तीभावमागया ॥ १६ ॥ १६ ॥ पच्च खन्धे
 वयन्तेगे बाला उ खणजोहणो । अओ अणओ नेवाहु हेउयं च अहेउयं ॥ १७ ॥ १७ ॥
 पुठवी आउ तेऊ य तहा चक्क य एगओ । चत्तारि धाउणो खं एवमाहंणु आबरे
 ॥ १८ ॥ १८ ॥ अगारमाक्खन्ता वि अदण्णा वा वि पच्चया । इयं दरिमणमावजा
 सव्वदुक्खा विमुच्चई ॥ १९ ॥ १९ ॥ ते वावि संधिं नच्चा णं न ते धम्मविक्क जया ।

जे ते उ वाङ्गो एवं न ते ओर्हंतराऽऽहिया ॥ २० ॥ २० ॥ ते नावि संधि नचा णं
 न ते धम्मविऊ जणा । जे ते उ वाङ्गो एवं न ते संसारपारगा ॥ २१ ॥ २१ ॥
 ते नावि संधि नचा णं न ते धम्मविऊ जणा । जे ते उ वाङ्गो एवं न ते गब्भस्स
 पारगा ॥ २२ ॥ २२ ॥ ते नावि संधि नचा णं न ते धम्मविऊ जणा । जे ते उ
 वाङ्गो एवं न ते जम्मस्स पारगा ॥ २३ ॥ २३ ॥ ते नावि संधि नचा णं न ते
 धम्मविऊ जणा । जे ते उ वाङ्गो एवं न ते दुक्खस्स पारगा ॥ २४ ॥ २४ ॥ ते
 नावि संधि नचा णं न ते धम्मविऊ जणा । जे ते उ वाङ्गो एवं न ते मारस्स
 पारगा ॥ २५ ॥ २५ ॥ नाणाविहाई दुक्खाई अणुहोन्ति पुणो पुणो । संसारचक्क-
 वालम्मि मञ्जुवाहिजराकुले ॥ २६ ॥ २६ ॥ उच्चावयाणि गच्छन्ता गब्भमेस्सन्ति
 णन्तसो । **नायपुत्ते महावीरे एवमाह जिणुत्तमे ॥ २७ ॥ २७ ॥ नि वेमि ॥
 समयज्जयणे पढमुहेसो ॥**

आघायं पुण एगेसि उववच्चा पुढो जिया । वेदयन्ति सुहं दुक्खं अदु वा लप्पन्नि
 ठाणओ ॥ १ ॥ २८ ॥ न नं सयं कटं दुक्खं कओ अन्नकटं च णं । सुहं वा अदु
 वा दुक्खं सेहियं वा असेहियं ॥ २ ॥ २९ ॥ सयं कटं न अजेहि वेदयन्ति पुढो
 जिया । संगडयं तं तहा तेसि इहमेगेसिमाहियं ॥ ३ ॥ ३० ॥ एवमेयाणि जम्पन्ता
 बाला पण्डियमाणियो । निययानिययं सन्तं अयाणन्ता अबुद्धिया ॥ ४ ॥ ३१ ॥
 एवमेगे उ पासत्था ते भुज्जो विप्पगच्छिया । एवं उवद्विया सन्ता न ते दुक्ख-
 विमोक्खगा ॥ ५ ॥ ३२ ॥ जविणो सिगा जहा सन्ता परियाणेण वच्चिया ।
 असङ्कियाईं सङ्कन्ति सङ्कियाईं असङ्कियो ॥ ६ ॥ ३३ ॥ परियाणियाणि सङ्कन्ता
 पासियाणि असङ्कियो । अजाणभयसंविग्गा संपल्लिन्ति तहिं तहिं ॥ ७ ॥ ३४ ॥
 अह तं पवेज्ज बज्जं अहे बज्जस्स वा बए । मुञ्जेज्ज पयपासाओ तं तु मन्दे न
 देहई ॥ ८ ॥ ३५ ॥ अहियप्पाहियपक्खाणे विसमन्तेणुवागए । स बद्धे पयपासेयं
 तत्थ घायं नियच्छइ ॥ ९ ॥ ३६ ॥ एवं तु समणा एगे मिच्छदिट्ठी अणारिया ।
 असङ्कियाईं सङ्कन्ति सङ्कियाईं असङ्कियो ॥ १० ॥ ३७ ॥ धम्मपक्खणा जा सा
 तं तु सङ्कन्ति मूढगा । आरम्भाईं न सङ्कन्ति अवियत्ता अक्रोविया ॥ ११ ॥ ३८ ॥
 सव्वप्पणं विउक्कस्सं सव्वं नूर्मं विट्ठणिया । अप्पत्तियं अकम्मसे एयमट्ठे भिगे खुए
 ॥ १२ ॥ ३९ ॥ जे एयं नाभिजाणन्ति मिच्छदिट्ठी अणारिया । सिगा वा पास-
 बद्धा ते घायमेस्सन्ति णन्तसो ॥ १३ ॥ ४० ॥ माहणा समणा एगे सव्वे माणं
 सयं बए । सव्वलोगे भि जे पाणा न ते जाणन्ति किच्चण ॥ १४ ॥ ४१ ॥ मिच्छव्व
 अभिक्खस्स जहा सुताणुभासए । न हेउं से वियाणाइ चासियं तऽणुभासए ॥ १५ ॥

॥ ४२ ॥ एकमन्त्राणिया नाणं वयन्ता वि सयं सयं । निच्छयत्यं ण जाणन्ति
 मिल्कलु व्व अणोहिया ॥ १६ ॥ ४३ ॥ अन्नाणियाणं वीमंसा अन्नाणे न नियच्छइ ।
 अप्पणो य परं नालं कुतो अन्नाणुसासिउं ॥ १७ ॥ ४४ ॥ बणे मूडे जहा जन्तू
 मूडे न्याणुगामिए । वो वि एए अकोविया तिब्बं सोयं नियच्छइ ॥ १८ ॥ ४५ ॥
 अन्धो अन्धं पहं नेन्तो इरमद्दाणुगच्छइ । आवजे उप्पहं जन्तू अदु वा पन्थाणु-
 गामिए ॥ १९ ॥ ४६ ॥ एषमेगे नियागट्ठी धम्ममारहगा वयं । अदु वा अहम्म-
 मावजे न ते सव्वजुयं वए ॥ २० ॥ ४७ ॥ एवमेगे वियक्काहिं नो अणं पजु-
 वासिया । अप्पणो य वियक्काहिं अयमन्नू हि दुम्मइ ॥ २१ ॥ ४८ ॥ एवं तक्काइ
 साहेन्ता धम्माधम्मं अकोविया । दुक्खं ते नाउत्तेण्णि सउणी पज्जरं जहा ॥ २२ ॥
 ॥ ४९ ॥ मयं मयं पसंमन्ता गरहन्ता परं वयं । जे उ तस्थ विउस्सन्ति संसारं ते
 विउस्सिया ॥ २३ ॥ ५० ॥ अहावरं पुरक्खायं किरियावाइइरिसणं । कम्मचिन्ता-
 पणट्ठाणं संसारस्स पक्कणं ॥ २४ ॥ ५१ ॥ जाणं काएणऽणाउट्ठी अबुहो जं च
 हिंसइ । पुट्ठो संवेयइ परं अवियनं खु सावज्जं ॥ २५ ॥ ५२ ॥ सन्निभे तउ
 आयाणा जेहि कीरइ पावगं । अभिकम्मा य पेसा य मणसा अणुजाणिया
 ॥ २६ ॥ ५३ ॥ एए उ तउ आयाणा जेहिं कीरइ पावगं । एवं भावविसोहीए
 निव्वाणमभिगच्छइ ॥ २७ ॥ ५४ ॥ पुनं पिया समारब्भ आहारोज्ज असंजए ।
 भुज्जमाणो य मेहावी कम्मुणा नोवलिप्पइ ॥ २८ ॥ ५५ ॥ मणसा जे
 पउस्सन्ति चित्ते तेसिं न विज्जइ । अणवज्जमतहं तेसिं न ते संवुडचारिणो ॥ २९ ॥
 ॥ ५६ ॥ इच्चेयाहि य दिट्ठीहिं सायामारबन्निस्सिया । सरणं ति मज्जमाणा सेवन्ती
 पावगं जणा ॥ ३० ॥ ५७ ॥ जहा अस्साविणिं नावं जाइअन्धो दुरूहिया । इच्छइ
 पारमागन्तुं अन्तरा य विधीयइ ॥ ३१ ॥ ५८ ॥ एवं तु समणा एगे मिच्छदिट्ठी
 अणारिया । संसारपारकंखी ते संसारं अणुपरियट्ठन्ति ॥ ३२ ॥ ५९ ॥ ति बेसि ॥
 समयज्जपणे विइयुइसो ॥

जं किन्चि उ प्पूकडं सङ्गीमागन्तुमीहियं । सहस्सन्तरियं भुजे दुपक्खं चेव
 सेवइ ॥ १ ॥ ६० ॥ तमेव अघियाणन्ता विसमंसि अकोविया । मच्छा वेसालिया
 चेव उदगस्सभियागमे ॥ २ ॥ ६१ ॥ उदगस्स पहावेमं सुक्खं सिग्घं तमेन्ति उ ।
 उक्केहि य क्केहि य आमिसत्येहि ते वुही ॥ ३ ॥ ६२ ॥ एवं तु समणा एगे
 वट्ठमाषपुट्ठेसिणो । मच्छा वेसालिया चेव घायमेस्सन्ति णन्तसो ॥ ४ ॥ ६३ ॥
 इणमणं तु अज्जाणं इहमेगेसिमाहियं । देवउत्ते अयं लोए कम्मउत्ते इ आवरे ॥ ५ ॥
 ॥ ६४ ॥ ईसरेण कडे लोए पहाणाइ तहावरे । बीवाजीवसमाउत्ते सुइदुक्खसम-

त्ति ॥ ६ ॥ ६५ ॥ सयंभुणा कडे लोए इइ वुत्तं महेसिणा । मारेण संपुया माया
 तेण लोए असासए ॥ ७ ॥ ६६ ॥ माहणा समणा एगे आह अण्डकडे जए ।
 असो तत्तमकासी य अयाणन्ता मुसं वए ॥ ८ ॥ ६७ ॥ सएहिं परियाएहिं लोमं
 बूया कडे ति य । तत्तं ते न विथाणन्ति न विणासी कयाइ वि ॥ ९ ॥ ६८ ॥
 अमणुत्तसमुप्पायं दुक्खमेव विद्याणिया । समुप्पायमयाणन्ता क्हं नायन्ति संवरं
 ॥ १० ॥ ६९ ॥ मुद्धं अपावए आया इहमेगेसिमाहियं । पुणां किट्ठापदोसेणं सो
 तत्थ अवरज्झई ॥ ११ ॥ ७० ॥ इह संवुडे मुणी जाए पच्छा होइ अपावए ।
 चियडम्बु जहा मुज्जा नीरयं मरयं तहा ॥ १२ ॥ ७१ ॥ एयाणुवीइ मेहावी बम्भ-
 चेरेण ते वसे । पुठो पावाउया सव्वे अक्खादागे मयं मयं ॥ १३ ॥ ७२ ॥ सए
 सए उवट्ठणे सिद्धिमेव न अत्तहा । अहे इहेव वसवणी सव्वकामममपिए ॥ १४ ॥
 ॥ ७३ ॥ सिद्धा य ते अरोगे य इहमेगेसिमाहियं । सिद्धियेव पुरो काउ सामए
 गट्टिया नरा ॥ १५ ॥ ७४ ॥ अससुडा अणाइयं भमिहिन्ति पुणे पुणां । कप्प-
 कालमुवज्जन्ति ठाणा आसुरकिन्विसिय ॥ १६ ॥ ७५ ॥ ति वेमि ॥ समय-
 ज्जयणे तइयुइसो ॥

एए जिया भो न सरणं बाला पण्डियमाणिणो । हिष्वा णं पुव्वसंजोयं मिया
 किच्चोवएसगा ॥ १ ॥ ७६ ॥ नं च भिक्खू परिचाय वियं तेसु न मुच्छए । अणु-
 क्खस्से अप्पलीणे सज्जेण मुणि जावए ॥ २ ॥ ७७ ॥ सपरिग्गहा य सारम्भा
 इहमेगेसिमाहियं । अपरिग्गहा अणारम्भा भिक्खू नाणं परिव्वए ॥ ३ ॥ ७८ ॥
 कडेसु घासमेसेज्जा विउ दत्तेमणं चरे । अणिको विप्पमुक्को य ओमाणं परिव्वए
 ॥ ४ ॥ ७९ ॥ लोगवार्यं निवाभेज्जा इहमेगेसिमाहियं । विवरीयपणसंभूयं अत्तउत्तं
 तयाणुयं ॥ ५ ॥ ८० ॥ अणन्ते निइए लोए सामए न विणस्सई । अन्तवं निइए
 लोए इइ धीरोऽतिपासई ॥ ६ ॥ ८१ ॥ अपरिमाणं वियाणाइ इहमेगेसिमाहियं ।
 संव्वत्थ सपरिमाणं इइ धीरोऽतिपासई ॥ ७ ॥ ८२ ॥ जे केइ नसा पाणा विट्ठन्ति
 अदु थावरा । परियाए अत्थि से अज्जु जेण ते तम्थावरा ॥ ८ ॥ ८३ ॥ उरालं
 जगभो जोगं विवज्जासं पळेन्ति य । सव्वे अक्कन्तदुक्खा य अओ सव्वे अहिसिया
 ॥ ९ ॥ ८४ ॥ एयं सु नाणिणो सारं जं न हिंसइ किच्चण । अहिंसासमयं खेव
 एयावन्तं वियाणिया ॥ १० ॥ ८५ ॥ सुसिए य विगयगेही आयाणं सम्म रक्खए ।
 चरियासणसेज्जासु भणपाणे य अन्तसो ॥ ११ ॥ ८६ ॥ एएहिं तिहि ठाणेहिं संजए
 सययं मुणी । टक्कसं जलणं नूयं मज्जत्थं च विगिञ्चए ॥ १२ ॥ ८७ ॥ समिए उ
 मया साहू प्पवसंवरसंयुडे । सिएहिं असिए भिक्खू आम्भोक्खाए परिव्वएजासि
 ॥ १३ ॥ ८८ ॥ ति वेमि ॥ समयज्जयणं पडमं ॥

वेयालियज्झयथे विइए

संबुज्झह किं न बुज्झह संबोही खलु पेच्च दुल्लहा । नो द्व्वणमन्ति गइयो नो सुलभं पुणगवि जीवियं ॥ १ ॥ ८९ ॥ डहरा बुद्धा य पामह गच्चत्था वि चयन्ति माणवा । सेणे जह वइयं हरे एवं आउखयम्मि तुइइं ॥ २ ॥ ९० ॥ मायाहि पियाहि लुप्पइं नो सुलहा सुगइं य पेच्चओ । एयाइ भयाइ पेहिया आरम्भा विरमेज्ज मुव्वए ॥ ३ ॥ ९१ ॥ त्रमिणं जगइं पुटो जगा कम्मोहि लुप्पन्ति पाणिणो । मयमेव कळेहि गाहइं नो तस्स मुञ्जेज्जऽपुट्टयं ॥ ४ ॥ ९२ ॥ देवा गन्धव्वरक्खसा असुरा भूमिचरा सरीरिवा । राया नरमेट्टिमाहणा ठाणा ते वि चयन्ति दुक्खिया ॥ ५ ॥ ९३ ॥ कामेहि य संघवेहि गिद्धा कम्ममहा कालेण जन्तवो । ताले जह बन्धणञ्चुए एवं आउखयम्मि तुइइं ॥ ६ ॥ ९४ ॥ जे यावि बहुस्सुए मिया धम्मिय माहण भिक्खुए मिया । अभिनुमकळेहि मुच्छिणं तिव्वं ते कम्मोहि किच्चइं ॥ ७ ॥ ९५ ॥ अह पाम वियेगमुट्टिए अवित्तिणो इह भासइं धुवं । नाहिसि आरं कओ परं वेहासे कम्मोहि किच्चइं ॥ ८ ॥ ९६ ॥ जड वि य नागणे किसे चरे जइ वि य मुञ्चिय मामन्नमो । जे इह मायाहि मिच्चइं आगन्ता गच्चाय णन्नमो ॥ ९ ॥ ९७ ॥ पुरिमोम पावकम्मणा पलियन्नं मणुयाण जीवियं । सत्ता इह काममुच्छिया मोहं जन्ति नरा असवुडा ॥ १० ॥ ९८ ॥ जययं विहराहि जोगवं अणुपाणा पन्था दुरुतरा । अणुसासणमेव पक्कमे वीरेहिं सम्मं पवेइयं ॥ ११ ॥ ९९ ॥ विरया वीरा समुट्टिया कोहकायरियाइपीसणा । पाणे न हणन्ति सव्वसो पाबाओ विरयाऽभिनेव्वुडा ॥ १२ ॥ १०० ॥ न वि ता अहमेव लुप्पए लुप्पन्ती लोयंसि पाणिणो । एवं सहिएहि पासए अण्णिहे से पुट्टेऽहियासए ॥ १३ ॥ १०१ ॥ धुणिया कुलियं व लेववं किमए देहमणासणाइहिं । अबिहिंस्समेव पव्वए अणुधम्मो मुणिणा पवेइयो ॥ १४ ॥ १०२ ॥ सउणी जह पंसुगुण्डिया विहुणिय घंसयइं सियं रयं । एवं दविओवहाणवं कम्मं खवइ तवत्ति माहणे ॥ १५ ॥ १०३ ॥ उट्टियमणगारमेसणं समणं ठाणठियं तवत्तिणं । डहरा बुद्धा य पत्यए अवि मुस्से न य तं लभेज्ज नो ॥ १६ ॥ १०४ ॥ अइ कालुणियाणि कासिया जइ रोयन्ति य पुत्तकारणा । दवियं भिक्खुं समुट्टियं नो लब्भन्ति न संठवित्तए ॥ १७ ॥ १०५ ॥ जइ वि य कामेहि लाविया जइ नेज्जाहि ण बन्धिउं धरं । जइ जीविय नावकञ्चए नो लब्भन्ति न संठवित्तए ॥ १८ ॥ १०६ ॥ सेहन्ति य णं ममाइणो माय पिया य सुया य भासिया । पोसाहि ण पासओ तुमं लोग परं पि जहासि पोसणो ॥ १९ ॥ १०७ ॥ अणे अवेहि मुच्छिया मोहं जन्ति नरा असवुडा । विसमं विसमेहि गाहिया ते

पावेहि पुणो पगच्छिभया ॥ २० ॥ १०८ ॥ तम्हा दवि इक्ख पण्डिए पावाओ
विरएऽभिनिव्वुडे । पणए वीरे महाविर्हि सिद्धिपहं नेयाउयं धुवं ॥ २१ ॥ १०९ ॥
वेयालियमग्गमागओ मणवयसा काएण निव्वुडो । चिच्चा वित्तं च नायओ आरम्भ
च सुसवुडं चरे ॥ २२ ॥ ११० ॥ त्ति बेमि वेयालियज्जयणे पढमुद्देसो ॥

तयस व जहाड से रयं इइ संखाय मुणी न मज्जई । गोयत्तरेण माहणे
अहसेयकरी अन्नेमि इत्थिणी ॥ १ ॥ १११ ॥ जो परिभवई परं जणं संसारे परि-
वणई महं । अदु इत्थिणिया उ पाविया इइ संखाय मुणी न मज्जई ॥ २ ॥ ११२ ॥
जे यावि अणायगे सिया जे वि य पेसगपेसगे सिया । जे भोणपयं उर्वाट्टिए नो
लज्जे समयं सया चरे ॥ ३ ॥ ११३ ॥ सम अज्जयरम्मि संजमे संसुद्धे समणे
परिव्वए । जे आवकहा ममाहिए दविए काल्मकासि पण्डिए ॥ ४ ॥ ११४ ॥
दूरं अणुपस्मिया मुणी तीयं धम्ममणागयं तहा । पुट्टे फल्सेहि माहणे अवि हण्ण
समयम्मि रीयइ ॥ ५ ॥ ११५ ॥ पल्लममले सया जए समताधम्ममुदाहरे मुणी ।
सुहुमे उ सया अल्लसए नो कुज्जे नो माणि माहणे ॥ ६ ॥ ११६ ॥ बहुजणन-
मणम्मि संवुडो मव्वट्ठेहि नरे अणिसिए । हए व सया अणाविले धम्मं पादुर-
कासि कामवं ॥ ७ ॥ ११७ ॥ बहवे पाणा पुढो सिया पनेयं समयं मर्माहिया ।
जे भोणपयं उर्वाट्टिए विरइं नत्थ अकारिय पण्डिए ॥ ८ ॥ ११८ ॥ धम्मस्स य
पारगे मुणी आरम्भस्स य अन्तए टिए । सोयन्ति यणं ममाइणो नो लब्भन्ति
नियं परिगहं ॥ ९ ॥ ११९ ॥ दहलोगदुहाबहं विऊ परलोगे य दुहं दुहावहं ।
विद्धंमणधम्ममेव तं इइ विज्जं को गारमावसे ॥ १० ॥ १२० ॥ महयं पत्थियोव
जाणिया जा वि य वंदणपूयणा उहं । सुहुमे मल्ले दुरद्धरे विउयंता पयट्ठिज्ज संयवं
॥ ११ ॥ १२१ ॥ एगे चर उणमामणे सयणे एग समाहिए सिया । भिक्ख
उवहाणवीरिए बइगुप्पे अज्जात्तसंवुडो ॥ १२ ॥ १२२ ॥ नो पीहे न यावपंगुणे दारं
सुत्तघरस्स संजए । पुट्टे न उदाहरे वयं न ममुच्छे नो संधरे तणं ॥ १३ ॥ १२३ ॥
जत्थत्थमिए अणाउले समविसमाई मुणी हियामए । चरगा अदु वा वि भेरवा अदु
वा तत्थ सरीसिवा सिया ॥ १४ ॥ १२४ ॥ तिरिया मणुया य दिव्वगा उवसग्गा
तिविहा हियासिया । लोमापीयं न हारिसे मुत्तागारगओ मढामुणी ॥ १५ ॥ १२५ ॥
नो अभिक्खेज्ज जीवियं नो वि य पूयणपत्थए सिया । अब्भत्थमुवेन्ति भेरवा
मुत्तागारगयस्स भिक्खुणो ॥ १६ ॥ १२६ ॥ उवणीयतरस्स ताइणो भयमाणस्स
विदिक्कमासणी । सामाइयमाहु तस्स जं जो अप्पाण भए न दंसए ॥ १७ ॥ १२७ ॥
उत्तिणोदमतत्तभोइणो धम्मठियस्स मुणिसस्स हीमतो । संसव्वो असाहु राइई

असमाही उ तहागयस्स वि ॥ १८ ॥ १२८ ॥ अहिगरणकडस्स भिक्खुणो
 वयमाणस्स पसज्ज दाण्णं । अट्टे पनिहायई बहु अहिगरणं न करेज्ज पण्डिए
 ॥ १९ ॥ १२९ ॥ सीओदग पडि दुग्गुछिणो अपडिच्चस्स लवावसपिण्णो । सामाड-
 यमाहु तस्स जं जो गिहिमणेऽसणं न भुज्जई ॥ २० ॥ १३० ॥ न य संव्वयमाहु
 जीवियं तह वि य बालजणो पगच्चभई । बाले पावेहि भिज्जई इह संखाय मुणी न
 मज्जई ॥ २१ ॥ १३१ ॥ छदेण पले इमा पया बहुमाया मोहेण पावुडा । वियडेण
 पलेन्ति माहणे सीउण्हं वयमा हियासए ॥ २२ ॥ १३२ ॥ कुजए अपराजिए जहा
 अक्खेहि कुमलेहि बीवयं । कडमेव गहाय नो कलि नो तीयं नो चैव दावरं
 ॥ २३ ॥ १३३ ॥ एवं लोणम्मि नाइणा वुइए जे धम्मे अणुत्तरे । तं गिण्ह हियं
 ति उत्तमं कडभिव सेगऽवहाय पण्डिए ॥ २४ ॥ १३४ ॥ उत्तर मणुयाण आहिया
 गामधम्म इह मे अणुस्सुयं । जंघी विरया ममुट्टिया कामवस्स अणुधम्मचारिणो
 ॥ २५ ॥ १३५ ॥ जे एय चरन्ति आहियं नाएणं महया महेम्मिणा । ते उट्ठिय ते
 ममुट्टिया अन्नोन्नं सारंन्ति धम्मओ ॥ २६ ॥ १३६ ॥ मा पेह पुरा पणामए
 अभिकखे उवहि भुण्णिए । जे दमण तेहि नो नया ते जाणन्ति ममाहिमाहियं
 ॥ २७ ॥ १३७ ॥ नो काहिए ङोच्च संजए पामणिए न य सपमारए । नच्चा धम्मं
 अणुत्तर कयकिरिए न यावि मामए ॥ २८ ॥ १३८ ॥ छन्नं च पसंस नो करे न
 य उक्कोय पणाम माहणे । तेसि सुखिवेगमाहिए पणया जेहि सुजोमियं धुयं ॥ २९ ॥
 ॥ १३९ ॥ अनिहे महिए सुसंबुडे धम्मट्ठी उवहाणवीरिए । विहरंज समाहिइंदिए
 अपहियं ख दुहेण लच्चमइ ॥ ३० ॥ १४० ॥ न हि नूण पुरा अणुस्सुयं अदु वा
 तं तह नो ममुट्टियं । मुणिणा सामाड आहियं नाएणं जगसव्वदंसिणा ॥ ३१ ॥ १४१ ॥
 एवं मत्ता महन्तरं धम्मम्मिणं महिया बहु जणा । गुरुणो छंदाणुवत्तणा विरया तिण्ण
 महोषमाहियं ॥ ३२ ॥ १४२ ॥ ति वेमि ॥ **वेयालियज्जयणम्मि विइयुहेसो ॥**
 संबुडकम्मस्स भिक्खुणो जं दुक्खं पुट्ठं अबोहिए । तं संजमओऽवच्चिज्जई मरणं
 हेच वयन्ति पण्डिया ॥ १ ॥ १४३ ॥ जे विज्जवणाहिजोसिया संतिण्णेहि समं वियाहिया ।
 नम्हा उट्ठं ति पामहा अदक्खु कामाई रोगवं ॥ २ ॥ १४४ ॥ अगं वणिएहि
 आहियं धारेन्ती राइणिया इहं । एवं पामा महव्वया अक्खाया उ सराइभोयणा
 ॥ ३ ॥ १४५ ॥ जे इह सायाणुगा नरा अज्जोववणा कामेहि मुच्छिया । किवणेण
 समं पगाब्भया न वि जाणन्ति समाहिमाहियं ॥ ४ ॥ १४६ ॥ वाहेण जहा व
 विच्छए अबले होइ गवं पचोइए । से अन्तसो अप्पणामए नाइवहे अबले विसीयह
 ॥ ५ ॥ १४७ ॥ एवं कामेत्तणं विज्ज अज्ज सुए पबहेज्ज संयवं । कामी कामे न

कामए ल्हे वा वि अलद्ध कण्डुइ ॥ ६ ॥ १४८ ॥ मा पच्छ असाहुया भवे अंबही
 अणुसास अप्पणं । अहियं च असाहु सोयई से षणई परिदेवई बहुं ॥ ७ ॥ १४९ ॥
 इह जीवियमेव पासहा तरुणे वा मसयस्स तुइइ । इतरवासे य बुज्झह गिद्ध नरा
 कामेसु मुच्छिया ॥ ८ ॥ १५० ॥ जे इह आरम्भनिस्सिया आयदण्ड एगन्तस्सगा ।
 गन्ता ते पावलीगयं चिररायं आसुरियं दिसं ॥ ९ ॥ १५१ ॥ न य संखयमाहु
 जीवियं तह वि य बालजणो पगम्भई ॥ पञ्चुप्पणेण कारियं को दट्ठुं परलोगमागए
 ॥ १० ॥ १५२ ॥ अदक्खुव दक्खुवाहियं तं सहहसु अदक्खुवदमणा । हंदि हु
 सुनिरुद्धदंमणे मोहणिण कडेण कम्मणा ॥ ११ ॥ १५३ ॥ दुक्खी मोहो पुणो पुणो
 निव्विन्देज्ज सिलोगपूरणं । एवं सहिए हिपासए आयतुल पाणेहि संजए ॥ १२ ॥
 ॥ १५४ ॥ गारं पि य आवसे नरे अणुपुव्वं पाणेहि संजए । ममया मव्वत्थ मुव्वए
 देवाणं गच्छे मलो गयं ॥ १३ ॥ १५५ ॥ सोच्चा भगवाणुसासनं मच्च तत्थ करेज्जु-
 वक्कमं । मव्वत्थ विणीयमच्छरे उण्ठं भिक्खु विमुद्धमाहरे ॥ १४ ॥ १५६ ॥ मव्वं
 नच्चा अहिट्टए धम्मट्ठी उक्कहाणवीरिए । गुत्ते जुत्ते मया जग आयपरे परमायतट्टिए
 ॥ १५ ॥ १५७ ॥ विमं पसवो य नादओ तं बाले सरणं ति मज्जई । एए मम तेसु
 वी अहं तो ताणं मरणं न विज्जई ॥ १६ ॥ १५८ ॥ अब्भागमियम्मि वा दुहे
 अहवा उक्कमिए भवन्तिए । एगस्स गई य आगई विदुमन्ता सरणं न मज्जई
 ॥ १७ ॥ १५९ ॥ मव्वे मयकम्मकप्पिया अवियत्तेण दुहेण पाणिणो । हिण्टन्ति
 मयाउला मडा जाइजरा मरणेहिऽभिहुया ॥ १८ ॥ १६० ॥ इणमेव खणं वियाणिया
 नो सुलभं वोहिं च आहियं । एवं सहिए हिपासए आह जिणे इणमेव संमगा
 ॥ १९ ॥ १६१ ॥ अभविंसु पुग वि भिक्खुवो आपसा वि भवन्ति मुच्चया ।
 एयाई गुणई आहु ते कामवस्स अणुधम्मचारिणो ॥ २० ॥ १६२ ॥ त्तिविहेण वि
 पाण मा हणे आयहिण अणियाण संकुबे । एवं सिद्धा अणन्तसो संपह जे म
 अणागयावरे ॥ २१ ॥ १६३ ॥ एवं से उदाहु अणुत्तरनाणी अणुत्तरदंसी अणुत्तर-
 नाणदंमणवरे । अरहा नायपुत्ते भगवं वेसालिए वियाहिण ॥ २२ ॥ १६४ ॥ ति
 वेमि ॥ वेयालियज्जयणं बिहयं ॥

उवसगज्जयणे तइए

सूरं मज्जइ अप्पाणं जाव जेयं न पस्सई । जुज्जन्तं दहधम्माणं तिसुपालो व
 महारई ॥ १ ॥ १६५ ॥ पयाया सूरं रणवीसे संगामम्मि उक्कट्टिए । माया पुत्तं

न जाणाइ जेएण परिविच्छए ॥ २ ॥ १६६ ॥ एवं सेहे वि अप्पुट्टे भिक्खुवारिया-
 अकोविए । सूरं मज्झइ अप्पाणं जाव ल्हं न सेवए ॥ ३ ॥ १६७ ॥ जया हंमन्त-
 मासम्मि सीयं फुसइ सुव्वगं । तत्थ मन्दा विसीयन्ति रजहीणा व खत्तिया ॥ ४ ॥
 ॥ १६८ ॥ पुट्ठे गिम्हाहितावेणं विमणं सुपिवासिए । तत्थ मन्दा विसीयन्ति मच्छा
 अप्पोदए जहा ॥ ५ ॥ १६९ ॥ मया दत्तेसणा दुक्खा जायणा दुप्पणोल्लिया ।
 कम्मत्ता दुब्भगा चेव इष्वाहंसु पुट्ठोजणा ॥ ६ ॥ १७० ॥ एए सहे अचायन्ता गामेसु
 नगरेसु वा । तत्थ मन्दा विसीयन्ति सगामम्मि व भीरुया ॥ ७ ॥ १७१ ॥ अप्पेगे
 खुहियं भिक्खुं सुणी डंमइ लूसए । तत्थ मन्दा विसीयन्ति तेउपुट्ठा व पाणिणो
 ॥ ८ ॥ १७२ ॥ अप्पेगे पडिभामन्ति पडिपन्नियमागया । पडियारगंया एए जे
 एए एवजीविणो ॥ ९ ॥ १७३ ॥ अप्पेगे वइ जुज्जान्ति नगिणा पिण्डोलगाहमा ।
 मुण्डा कण्डविणट्टजा उज्जहा असमाहिया ॥ १० ॥ १७४ ॥ एवं विप्पडिक्केगे
 अप्पणा उ अजाणया । तमाओ ते तम जन्ति मन्दा मोहेण पावुडा ॥ ११ ॥ १७५ ॥
 पुट्ठो य दंसमसगेहिं नणफाममचाडया । न मे दिट्ठे परे लोए जइ परं मरणं सिया
 ॥ १२ ॥ १७६ ॥ संतत्ता कंसलोएणं बम्भचेरपराइया । तत्थ मन्दा विसीयन्ति
 मच्छा विट्ठा व केयणे ॥ १३ ॥ १७७ ॥ आयदण्डसमायारे भिच्छामंठियभावणा ।
 हरिसप्पभोसमावजा केई द्सन्तिऽनारिया ॥ १४ ॥ १७८ ॥ अप्पेगे पडियन्तेसि
 चारो चारो त्ति सुव्वयं । बन्धन्ति भिक्खुयं बाला कमायवयणेहि य ॥ १५ ॥ १७९ ॥
 तत्थ दण्डेण संवीते मुट्ठिणा अदु फलेण वा । नाईणं सरई बाले इत्थी वा कुद्धया-
 मिणी ॥ १६ ॥ १८० ॥ एए भो कसिणा फासा फस्ता दुग्हियानया । हत्थी वा
 सरसंविता कीवावस गया गिहं ॥ १७ ॥ १८१ ॥ ति बेमि ॥ उवसग्गज्झयणे
 पदमुइसे ॥

अहिमे सुहुमा संग्गा भिक्खुणं जे दुहत्तरा । जत्थ एगे विसीयन्ति न चयन्ति
 जवित्तए ॥ १ ॥ १८२ ॥ अप्पेगे नायओ दिस्स रोयन्ति परिवारिया । पोस जे
 ताय पुट्ठो सि कस्स ताय जहासि जे ॥ २ ॥ १८३ ॥ पिया ते येरओ ताय ससा
 ते खुट्टिया इमा । भायरो ते सगा ताय सोयरा किं जहासि जे ॥ ३ ॥ १८४ ॥
 मायरं पियरं पोस एवं लोगो भविस्सइ । एवं खु लोइयं ताय जे पाळेन्ति य मायरं
 ॥ ४ ॥ १८५ ॥ उत्तरा महुस्सावा पुत्ता ते ताय खुट्टया । भारिया ते नवा ताव
 मा हा अर्धं जणं गमे ॥ ५ ॥ १८६ ॥ एहि ताय घरं जामो मा य कम्मं सहा
 वयं । भिइयं पि ताय पासामो जासु ताव सयं गिहं ॥ ६ ॥ १८७ ॥ गन्तुं ताय पुणो
 यच्छे न तेणा समणो सिया । अक्खमगं परिक्कम्मं को ते वारित्तमरिहइ ॥ ७ ॥ १८८ ॥

जं किञ्चि अणरां ताय तं पि सव्वं समीक्यं । हिरण्यं बवहाराह तं पि दाहामु ते बयं
 ॥८॥१८९॥ इञ्चेव णं सुसेहन्ति कालुणीयसमुट्टिया । विबद्धो नाइसंगेहिं तओऽगारं
 पहावइ ॥ ९ ॥ १९० ॥ जहा रुक्खं वणे जायं मालुया पडिबन्धइ । एवं णं पडि-
 बन्धन्ति नाइओ अममाहिणा ॥ १० ॥ १९१ ॥ विबद्धो नाइसंगेहिं हत्थी वा वि
 नवग्गहे । पिट्ठओ परिगप्पन्ति सुय गो व्व अट्टए ॥ ११ ॥ १९२ ॥ एए संगम
 मणूसाणं पायाला व अतारिमा । कीवा जत्य य किस्सन्ति नाइसंगेहिं मुच्छिया
 ॥ १२ ॥ १९३ ॥ तं च भिक्खु परिभाय सव्वे सगा महामवा । जीवियं नावकं-
 खिज्जा सोच्चा धम्ममणुत्तरं ॥ १३ ॥ १९४ ॥ अहिमे सन्ति आवट्टा कासवेणं
 पवेइया । बुद्धा जत्यावसप्पन्ति सीयन्ति अबुहा जहिं ॥ १४ ॥ १९५ ॥ रायाणे
 रायऽमच्चा य माट्ठणा अट्टु व खलिया । निमन्तयन्ति भोगेहिं भिक्खुयं साहुजीविणं
 ॥ १५ ॥ १९६ ॥ हत्थस्सरहजाणेहिं विहारगमणेहिं य । भुज्ज भोगे इमे सग्घे
 महारिसी पूजयामु तं ॥ १६ ॥ १९७ ॥ वत्थगन्धमलंकारं इत्थीओ मयणाणि य ।
 मुज्जाहिमाई भोगाई आउसो पूजयामु तं ॥ १७ ॥ १९८ ॥ जो तुमे नियमो चिष्णो
 भिक्खु भावम्मि सुव्वया । अगारमावसन्तस्स सव्वो सविजए तद्दा ॥ १८॥१९९॥
 चिरं दूइज्जमाणस्स दोसो दाणि कुओ तव । इञ्चेव णं निमन्तेन्ति नीवारणे व सुयं
 ॥ १९ ॥ २०० ॥ चोइया भिक्खचरियाए अचयन्ता जविणए । तथ मन्दा
 विसीयन्ति उज्जाणंसि व दुब्बला ॥ २० ॥ २०१ ॥ अचयन्ता व ल्हंणं उवट्ठणेण
 तज्जिया । तथ मन्दा विसीयन्ति उज्जाणंसि जरग्गवा ॥ २१ ॥ २०२ ॥ एवं
 निमन्तणं लद्धुं मुच्छिया गिद्ध इत्थिमु । अज्झोववक्खा कामेहिं चोइज्जन्ता गया गिहं
 ॥ २२ ॥ २०३ ॥ ति बेमि ॥ उवसग्गज्जयणे विइयुइस्से ॥

जहा संगमकालम्मि पिट्ठओ भीरु वेहइ । वलयं गहणं नूमं को जाणइ पराज्जयं
 ॥ १ ॥ २०४ ॥ मुहुत्ताणं मुहुत्तस्स मुहुत्तो होइ तारियो । पराजियाऽवसप्पामो
 इइ भीरु उवेहइ ॥ २ ॥ २०५ ॥ एवं उ समणा एगे अबलं नखाण अप्पणं ।
 अणागयं भयं दिस्स अबकप्पन्तिमं सुयं ॥ ३ ॥ २०६ ॥ को जाणइ विठ्ठवायं
 इत्थीओ उदगाउ वा । चोइज्जन्ता पवक्खामो न नो अत्थि पकप्पियं ॥ ४ ॥ २०७ ॥
 इञ्चेव पडिठेहन्ति वलया पडिठेहिणो । वित्तिगिच्छसमावक्खा पन्थानं च अकोविया
 ॥ ५ ॥ २०८ ॥ जे उ संगमकालम्मि नाया सूरपुरंगमा । नो ते पिट्ठसुवेहन्ति
 किं परं मरणं सिया ॥ ६ ॥ २०९ ॥ एवं समुट्ठिए भिक्खु कोसिज्जा गारबन्धणं ।
 आरम्मं तिरियं कट्ठु अत्ताए परिव्वए ॥ ७ ॥ २१० ॥ तमेगे परिभासन्ति
 भिक्खुयं साहुजीविणं । जे एवं परिभासन्ति अन्तए ते समाहिए ॥ ८ ॥ २११ ॥

संबद्धसमकृपा उ अक्षमज्ञेयु मुच्छिद्या । पिण्डवायं गिलाणस्स जं सारेह दलाह य
 ॥ ९ ॥ २१२ ॥ एवं तुब्भे सरागत्वा अक्षमज्ञमणुव्वस्ता । नट्टसम्पहसम्भावा
 संसारस्स अपारगा ॥ १० ॥ २१३ ॥ अह ते परिभासेज्जा भिक्खु भोक्ख-
 विसारए । एवं तुब्भे पभासन्ता दुपक्खं चेव सेवह ॥ ११ ॥ २१४ ॥ तुब्भे
 भुज्जह पाएसु गिलाणो अभिहडम्मि य । तं च बीओदगं भोच्चा तमुद्दिस्सादि जं
 कडं ॥ १२ ॥ २१५ ॥ लिता तिब्बाभितावेणं उज्झिया असमाहिया । नाडकण्डुयं
 सेयं अरुयस्सावरज्जई ॥ १३ ॥ २१६ ॥ तत्तेण अणुसिद्धा ते अपडिन्नेण
 जाणया । न एस नियए मग्गे असमिक्खा वई किई ॥ १४ ॥ २१७ ॥ एरिसा
 जा वई एसा अग्गवेणु व्व करिसिया । गिद्धिणो अभिहई सेयं भुज्जितं न उ भिक्खुणं
 ॥ १५ ॥ २१८ ॥ धम्मपञ्चवणा जा सा सारम्भा न विसोहिया । न उ एयाहि
 दिट्ठीहिं पुव्वमासिं पगप्पियं ॥ १६ ॥ २१९ ॥ सव्वाहिं अणुजुत्तीहिं अचयन्ता
 जावित्तए । तओ वायं निराकिच्चा ते भुज्जो वि पगाब्भया ॥ १७ ॥ २२० ॥ गग-
 दोसाभिभूयप्पा मिच्छन्नेण अभिहुया । आउस्से सरणं जन्ति टंकणा इव पव्वयं
 ॥ १८ ॥ २२१ ॥ बहुगुणप्पगप्पाई कुज्जा अत्तममाहिए । जेण्णे न विरुज्जेज्जा
 तेण तं तं समायरे ॥ १९ ॥ २२२ ॥ इमं च धम्ममायाय कासत्तेण पवेट्ठयं । कुज्जा
 भिक्खु गिलाणस्स अगिलाए समाट्टिए ॥ २० ॥ २२३ ॥ संवाय पेसलं धम्मं
 दिट्ठिम परिनिव्वुडे । उव्वसमो नियामिन्ता आमोक्खाए पारेव्वएज्जासि ॥ २१ ॥ २२४ ॥
 त्त नेमि ॥ उव्वसग्गज्जयणे तद्दयुइसे ॥

आहंसु महापुरिसा पुब्बि तत्तवोधणा । उदएण सिद्धिमावच्चा तत्थ मन्तो
 विसीयइ ॥ १ ॥ २२५ ॥ अभुज्जिया नमी विदेही रामगुलं य भुज्जिया । बाहुए उदगं
 भोच्चा तहा नारायणे रिसी ॥ २ ॥ २२६ ॥ आसिल्ले देविल्ले चेव वीवायण महारिसी ।
 पारासरे दगं भोच्चा बीयाणि हरियाणि य ॥ ३ ॥ २२७ ॥ एए पुव्वं महापुरिसा
 आहिया इह संमया । भोच्चा बीयोदगं सिद्धा इह मेयमणुस्सुयं ॥ ४ ॥ २२८ ॥ तत्थ
 मन्दा विसीयन्ति बाह्विच्छन्ना व गहभा । पिट्ठुओ परिसप्पान्ति पिट्ठसप्पी य संभये
 ॥ ५ ॥ २२९ ॥ इहमेगे उ भासन्ति सायं साएण विज्जई । जे तत्थ आरियं मम्मं
 परमं च ममाहियं ॥ ६ ॥ २३० ॥ मा एवं अक्कमज्जन्ता अप्पेणं लम्पहा बहुं ।
 एयस्स उ अमोक्खाए अयोहारि व्व जूरह ॥ ७ ॥ २३१ ॥ पाप्पाइवाए वट्टन्ता
 मुसावाए असंजया । अदिज्जादणे वट्टन्ता मेहुणे य परिग्गहे ॥ ८ ॥ २३२ ॥
 एवमेगे उ पासत्था पञ्चवन्ति अणारिया । इत्थीवसं गया बाला जिणसासनपरंसुहा
 ॥ ९ ॥ २३३ ॥ च्छा मण्डं पिलारं वा परिपीकेज्ज मुहुत्तयं । एवं विजवणित्थीइ

दोसो तत्थ कओ सिया ॥ १० ॥ २३४ ॥ जहा मन्धादणे नाम थिमियं भुजई दगं । एवं विन्नवणित्थीसु दोसो तत्थ कओ सिया ॥ ११ ॥ २३५ ॥ जहा विहंगमा पिन्ना थिमियं भुजई दगं । एवं विन्नवणित्थीसु दोसो तत्थ कओ सिया ॥ १२ ॥ २३६ ॥ एवमेगे उ पासत्था मिच्छदिट्ठी अणारिया । अज्झोववजा कामेहिं पूयणा इव तरुणए ॥ १३ ॥ २३७ ॥ अगागयमपस्सन्ता पञ्चुप्पन्नगबेसगा । ते पच्छा परितप्पंति खीणे आउम्मि जोव्वणे ॥ १४ ॥ २३८ ॥ जेहिं काले परिकन्तं न पच्छा परितप्पए । ते धीरा बंधणुम्मुक्का नावकंखन्ति जीवियं ॥ १५ ॥ २३९ ॥ जहा नई वेयरणी दुत्तरा इह संमया । एवं लोगंसि नारीओ दुत्तरा अमईमया ॥ १६ ॥ २४० ॥ जेहिं नारीण सजोगा पूयणा पिट्ठओ कया । सव्वमेयं निराकिञ्चा तं ठिया सुसमाहिए ॥ १७ ॥ २४१ ॥ एए ओषं तरिस्सन्ति समुदं ववहारिणो । जत्थ पाणा विमन्नासि किञ्चन्ती सयकम्ममुणा ॥ १८ ॥ २४२ ॥ तं च भिक्खु परिजाय सुव्वए समिए चरे । मुसावायं च वज्जिजा अदिन्नादाणं च बोसिरे ॥ १९ ॥ २४३ ॥ उद्धमहे तिरियं वा जे केई तसथावरा । गव्वत्थ विरई कुञ्जा सन्ति निव्वानमाहियं ॥ २० ॥ २४४ ॥ इमं च धम्ममायाय कामवेण पवेइयं । कुञ्जा भिक्खु गिलानस्स अगिलाए समाहिए ॥ २१ ॥ २४५ ॥ संन्नाय पेसल धम्मं दिट्ठिमं परिनिव्वुडे । उवसम्मे नियाम्मिन्ता आमोक्त्ताए परिव्वएजासि ॥ २२ ॥ २४६ ॥ त्ति बेमि ॥ उवसग्गज्झयणं तहयं ॥

इत्थिपरिन्नज्झयणे चउत्थे

जे मायरं च पियरं च विप्पज्जाय पुव्वसंजोगं । एगे सहिए चरिस्सामि आरयमेहुणो विवित्तोसु ॥ १ ॥ २४७ ॥ सुहुमेणं तं परिकम्म छन्नपएण इत्थिओ मन्दा । उव्वायं पि ताउ जाणंमु जहा लिस्सन्ति भिक्खुणो एगे ॥ २ ॥ २४८ ॥ पासे मिसं निसीयन्ति अभिक्खणं पोमबत्थं परिहन्ति । कायं अहे वि दंसन्ति बाहु उद्धट्टु कक्खमणुव्वए ॥ ३ ॥ २४९ ॥ सयणासणेहि जोगेहिं इत्थियो एया निमन्तेन्ति । एयाणि च्चेव से जाणे पासणि विरूज्ज्जाणि ॥ ४ ॥ २५० ॥ नो तासु चक्खु संघेजा नो वि य साहसं समभिजाणे । नो सहियं पि विहरेजा एवमप्पा सरन्निओ होइ ॥ ५ ॥ २५१ ॥ आमन्तिय उस्सविया भिक्खुं आयसा निमन्तेन्ति । एयाणि च्चेव से जाणे सहाणि विरूज्ज्जाणि ॥ ६ ॥ २५२ ॥ मणबन्धणेहि जेणेहिं कट्टणविणीय-मुबगसित्तारणं । अदु मञ्जुकाइं भासन्ति आणवयन्ति भिक्खुइहि ॥ ७ ॥ २५३ ॥

सीहं जहा व कुणिमेणं निव्वभयमेगचरं ति पासेणं । एवित्थियाउ बन्धन्ति संवुडं
एगइयमणगारं ॥ ८ ॥ २५४ ॥ अह तत्थ पुणो नमयन्ती रहकारो व नेमि आपुपु-
ब्बीए । बद्धो मिए व पासेणं फन्दन्ते वि न मुच्चए ताहे ॥ ९ ॥ २५५ ॥ अह
सेउणुतापई पच्छा भोच्चा पायसं व विममिस्सं । एवं विवेगमायाय संवामो न वि
कप्पए दाविए ॥ १० ॥ २५६ ॥ तम्हा उ बज्जए इत्थी विमलिसं व कण्ठं नच्चा ।
ओए कुत्ताणि वमवती आघाए न से वि निरगन्थे ॥ ११ ॥ २५७ ॥ जे एयं उच्छं
अणुगिद्धा अन्नयरा होन्ति कुसीलाणं । सुतवस्मिण्ण वि से भिक्खु नो विहरे मह णमि-
त्थीसु ॥ १२ ॥ २५८ ॥ अवि धूराराहि तम्हाहिं धाडंहि अदुव दासीहिं । महइंहि वा
कुमारीहिं संयवं से न कुज्जा अणगारे ॥ १३ ॥ २५९ ॥ अदु नाइणं च सुहीणं वा
अणियं दडु एगया होइ । गिद्धा मत्ता कामेहिं ग्क्खणपोमणे णणुम्सोडसि ॥ १४ ॥
॥ २६० ॥ समणं पि दद्दुदासीणं तत्थ वि ताव एगे कुप्पन्ति । अदु वा भोयणेहि
नत्थेहिं इत्थीसेसं संक्किणो होन्ति ॥ १५ ॥ २६१ ॥ कुब्बन्ति संयवं ताहिं पच्चमद्दा
यमाहिजोगेहिं । तम्हा ममणा न ममेन्ति आयहियाए संनिसेज्जाओ ॥ १६ ॥ २६२ ॥
बहवे गिहाइ अवहट्ठु सिस्सीभावं पत्थुया य एगे । धुवमग्गमेव पवयन्ति वायावीरियं
कुसीलाणं ॥ १७ ॥ २६३ ॥ मुद्धं ग्वह परिसाए अह रहम्मम्मि द्कण्डे करेन्ति ।
जाणन्ति य णं तहाविउ माइहे महामडेउयं ति ॥ १८ ॥ २६४ ॥ मयं दुक्कं च
न वयइ आइट्ठो वि पक्कयड बाले । वेयाणुवीइ मा कासी चोइज्जन्तो गिलाइ से
भुज्जो ॥ १९ ॥ २६५ ॥ ओसिया वि इत्थिपोसेगु पुरिसा इत्थिवेयखेयत्ता । पत्ताम-
मत्थिया वेगे नारीणं वसे उवकमन्ति ॥ २० ॥ २६६ ॥ अवि हन्थपायछेयाए अदु वा
उद्धमंसउक्कन्ते । अवि तेयमाभिनावणाणि तच्छिय ग्वारमिच्छणाइ य ॥ २१ ॥ २६७ ॥
अदु कण्णनामत्थेयं कण्ठच्छेयणं निडक्खन्ती । इइ एत्थ पावसंतता न वेन्ति पुणो
न काहिन्ति ॥ २२ ॥ २६८ ॥ सुयमेयमेवमेगमि इत्थिवेय ति हु सुयक्खायं । एयं
पि ता वडणाणं अदु वा कम्मणा अवकरेन्ति ॥ २३ ॥ २६९ ॥ अन्नं मणेण
चिन्तन्ते वाया अन्नं च कम्मणा अन्नं । तम्हा न सहहे भिक्खु बहुमाथाओ इत्थिओ
नच्चा ॥ २४ ॥ २७० ॥ जुवई समणं बूया विचित्तलंकारवत्थगाणि परिहिता ।
विरया चरिस्सहं रुक्खं धम्ममाइक्ख णे भयन्तारो ॥ २५ ॥ २७१ ॥ अदु सावि-
त्थापवाएणं अहयंसि साहम्मिणी य समणाणं । जउकुम्भे जहा उवज्जोई संवासे तिउ
सीएज्जा ॥ २६ ॥ २७२ ॥ जउकुम्भे जोइउवगूडे आसुमित्तो नासमुवथाइ ।
वित्थियाहि अणगारा संवासेण नासमुवयन्ति ॥ २७ ॥ २७३ ॥ कुब्बन्ति पावगं
मं पुट्ठा वेगेवमाहिंसु । नो इं करेमि पावं ति अंकेसाइणी ममेस ति ॥ २८ ॥ २७४ ॥

बालस्स मन्दयं वीयं जं च कडं अवजाणह भुज्जो । दुगुणं करेइ से पावं पूयणकामो
 विसजेसी ॥ २९ ॥ २७५ ॥ संलोकणिज्जमणगारं आयगयं निमन्तणेष्णहंसु । वत्थं
 च ताइ पायं वा अन्नं पाणणं पडिग्गाहे ॥ ३० ॥ २७६ ॥ नीवारमेवं बुज्जेजा नो
 इच्छे अगारमागन्तुं । बदे विसयपासेहिं मोहमावज्जइ पुणो मन्थे ॥ ३१ ॥ २७७ ॥
 ति वेमि ॥ इत्थिपरिअज्जयणे पढमुद्देसे ॥

ओए सया न रजेजा भोगकामी पुणो विरजेजा । भोगे समणाण सुणेह जह
 भुज्जन्ति भिक्खुणो एगे ॥ १ ॥ २७८ ॥ अह तं तु मेयमावन्नं मुच्छिर्यं भिक्खुं
 काममइवट्ठं । पलिभिन्दिया णं तो पच्छा पादुद्धट्ठ मुद्धि पहणन्ति ॥ २ ॥ २७९ ॥
 जइ केसिया णं मए भिक्खु नो विहरे सह णमित्थीए । केसाणवि हं लुअिस्सं नअन्थ
 मए चरेज्जासि ॥ ३ ॥ २८० ॥ अह णं से होड उवल्लो तो पेसन्ति तहाभएहिं ।
 अलाउच्छेयं पेहेहि वग्गुफलाई आहराहि ति ॥ ४ ॥ २८१ ॥ दाळुणि सागपागाए
 पज्जोओ वा भविस्सई राओ । पायाणि य मे रयावेहि एहि ता मे पिट्ठोमहे ॥५॥
 ॥ २८२ ॥ वत्थाणि य मे पडिलेहेहि अन्नं पाणं च आहराहि ति । गन्धं च
 रओहरणं च कासवगं च मे समणुजाणाहि ॥ ६ ॥ २८३ ॥ अदु अज्जणि अलंकारं
 कुक्कयथं मे पयच्छाहि । लोद्धं च लोद्धकुसुमं च वेणुपलासियं च गुलियं च ॥ ७ ॥
 ॥ २८४ ॥ कुट्टं तगरं च अग्रं संपिट्ठं सम्मं उंसिरेणं । तेढं मुहभिजाए वेणुफलाई
 संनिहाणाए ॥ ८ ॥ २८५ ॥ नन्दीचुण्णगाई पाहराहि छनोवाणहं च जाणाहि ।
 सत्थं च सूवच्छेज्जाए आणीलं च वत्थयं रयावेहि ॥ ९ ॥ २८६ ॥ सुफणि च
 सागपागाए आमलगाई दगाहरणं च । तिलगकरणिमज्जणमलार्गं विसु मे विहणयं
 विजाणेहि ॥ १० ॥ २८७ ॥ संडामगं च फणिहं च सीहलिपासगं च आणाहि ।
 आर्दमगं च पयच्छाहि दन्तपक्खालगं पवेमाहि ॥ ११ ॥ २८८ ॥ पूगफलं तंबोळयं सूइ
 सुत्तगं च जाणाहि । कोसं च मोयमेहाए सुप्पुक्खलगं च खारगालगं च ॥ १२ ॥
 ॥ २८९ ॥ चन्दालगं च करगं च वबधरं च आउमो खणाहि । सरपाययं च
 जायाए गोरहगं च सामणेराए ॥ १३ ॥ २९० ॥ घडिगं च मडिण्डिमयं च चेल-
 गोलं कुम्मारभूयाए । वासं समभिआवणं आवसहं च जाण भलं च ॥ १४ ॥ २९१ ॥
 आसन्दिन्यं च नवसुत्तं पाउल्लई संकमट्ठाए । अदु पुत्तदोडलट्ठाए आणप्पा हवन्ति
 दासा वा ॥ १५ ॥ २९२ ॥ जाए फले समुप्पजे गेण्हमु वा णं अहवा जहाहि ।
 अह पुत्तपोसिणो एगे भारवहा हवन्ति उट्ठा वा ॥ १६ ॥ २९३ ॥ राजो वि
 उट्ठिया सन्ता दारगं च संउवन्ति धाई वा । सुहिरामणा वि ते सन्ता बत्थघोवा
 हवन्ति हंसा वा ॥ १७ ॥ २९४ ॥ एवं बहुहिं कयपुणं भोगत्वाए जेअभिजावजा ।

दासे मिए व पेसे व पसुभए वा से न वा कोई ॥ १८ ॥ २९५ ॥ एवं खु ताछ
 विजप्यं संथवं संवांसं च वजेज्जा । तज्जातिया इमे कामा वज्जकरा य एवमक्खाए
 ॥ १९ ॥ २९६ ॥ एयं भयं न सेयाए इह से अप्पमं निरुम्भिता । नो उट्थि नो
 पसुं भिक्खु नो सयं पाणिणा निलिजेज्जा ॥ २० ॥ २९७ ॥ सुविमुदत्थे मेहावी
 परकिरियं च वज्जए नाणी । मणया वयसा काएणं सव्वफाससहे अणगारे ॥ २१ ॥
 ॥ २९८ ॥ इवेवमाहु से वीरे धुयरए धुयमोहे से भिक्खु । तम्हा अज्झातविमुडे
 सुविमुके आमोक्खाए परिव्वएज्जामि ॥ २२ ॥ २९९ ॥ ति वेमि ॥ इत्थिपरि-
 ज्जयणं चउत्थं ॥

निरयविभत्तियज्जयणे पञ्चमे

पुच्छिस्सहं केवलियं महेसिं कदं भितावा नरगा पुरत्था । अजाणओ मे मुणि
 बूहि जाणं कहिं नु बाला नरगं उवेन्ति ॥ १ ॥ ३०० ॥ एवं मए पुट्ठे महाणुभावे
 इणमोऽव्ववी कामवे आनुपजे । पवेयइस्सं दुहमद्दुग्गं आईणियं दुक्कडिणं पुरत्था
 ॥ २ ॥ ३०१ ॥ जे केइ बाला इह जीवियन्ती पावाइं कम्माइं करेन्ति रुहा । ते
 धोररुवे तम्मिन्धयारे तिब्बाभितावे नरगे पडन्ति ॥ ३ ॥ ३०२ ॥ तिब्बं तसे
 पाणिणो धावरे य जे हिंसइं आयउद्धं पडुक्खा । जे त्सए होइ अदत्तहारी न सिक्खइं
 सेयवियस्स किञ्चि ॥ ४ ॥ ३०३ ॥ पागब्धि पाणे बहुणं तिवाइं अनिन्वुए घायमु-
 वेड बाळे । निदो निसं गच्छइ अन्तकाले अहोसिरं कट्टु उवेइ दुग्गं ॥ ५ ॥ ३०४ ॥
 हण छिन्दह भिन्दह णं दहेति सइं सुणेन्ता परपम्मियाणं । ते नारगाओ भयभिज-
 सखा कंखन्ति कं नाम दिसें वयामो ॥ ६ ॥ ३०५ ॥ इणालरासिं जलियं सजोइं
 ततोवमं भूमिमणुकमन्ता । ते उज्जमाणा कल्लुणं थणन्ति अरहस्सरा तत्थ चिरट्ठि-
 ईया ॥ ७ ॥ ३०६ ॥ जइ ते मुया वेयरणी भिदुग्गा निस्सिओ जहा खुर इव
 तिक्खसोया । तरन्ति ते वेयरणिं भिदुग्गं उसुचोइया सत्तिसु हम्ममाणा ॥ ८ ॥
 ॥ ३०७ ॥ कीलेहि विज्जन्ति असाहुक्कमा नावं उवेन्ते सइविप्पहणा । अजे उ
 सुलाहि तिमूळियाहिं वीहाहि विदूण अहे करेन्ति ॥ ९ ॥ ३०८ ॥ केसिं च
 बन्धित्तु गले सिलाओ उदगंसि बोलेन्ति महालयंसि । कल्लुयावालयमुम्मुरे य
 लोलन्ति पच्चन्ति य तत्थ अजे ॥ १० ॥ ३०९ ॥ आसुरियं नाम महाभित्तारं
 अन्धतमं दुप्पतरं महन्तं । उच्चं अहे यं तिरियं दिसासु समाहिओ जत्थगणी सिवाह
 ॥ ११ ॥ ३१० ॥ जंसी गुहाए जलणेऽतिउट्ठे अविजाणओ उज्जइ हत्तापजो । सया
 य कल्लुणं पुण कम्मठाणं गाढोवणीयं अइदुक्खधम्मं ॥ १२ ॥ ३११ ॥ चत्तारि

अगणीओ समारभेता जहिं कूरकम्मा भितयेन्ति बालं । ते तत्थ चिद्धन्तभित्तप-
 माणा मच्छा व जीवन्तो व जोइपत्ता ॥ १३ ॥ ३१२ ॥ संतच्छं नाम महाभितावं
 ते नारगा जत्थ अमाहुकम्मा । हत्थेहि पाएहि य बन्धिऊणं फल्लं व तच्छन्ति
 कुहाडहत्था ॥ १४ ॥ ३१३ ॥ रुहिरे पुणो वच्चसमुस्सियंगे भिञ्जणमंगे परिवत्तयन्ता ।
 पयन्ति णं नेरइए फुगन्ते सजीवमच्छे व अयोक्वळे ॥ १५ ॥ ३१४ ॥ नो चैव ते
 तत्थ मसीभवन्ति न मिज्जइ तिच्चभिवेयणाए । तमाणुभागं अणुवेययन्ता दुक्खन्ति
 दुक्खी इह दुक्खेणं ॥ १६ ॥ ३१५ ॥ तहिं च ते लोलाणसंपगाट्ठे गाढं सुतत्तं
 अगणिं वयन्ति । न तत्थ सायं लहई भिदुग्गे भरहियाभितावा तद्द वी तवन्ति
 ॥ १७ ॥ ३१६ ॥ से मुब्बइ नगरवहे व म्हे दुहोवणीयाणि पयाणि तत्थ ।
 उदिग्गकम्माण उदिग्गकम्मा पुणो पुणो ते मग्गं दुहेन्ति ॥ १८ ॥ ३१७ ॥ पाणेहि
 णं पाव विथोजयन्ति तं भे पवक्खामि जहानहेणं । दण्डेहि तत्था मरयन्ति बान्हा
 मव्वेहि दण्डेहि पुराकएहिं ॥ १९ ॥ ३१८ ॥ ते हम्ममाया नरगे पडन्ति पुण्णे
 दुक्खम्म महाभितावे । ते तत्थ चिद्धन्ति दुक्खमक्खी तुद्धन्ति कम्मोवगया किरीहिं
 ॥ २० ॥ ३१९ ॥ मया कम्मिं पुण घम्मडागं गाढोवणीयं अद्दुक्खमवधम्मं । अन्दुमु
 पक्खिप्प विहत्तु देहं वेहेण सीसं सेट्ठभितावयान्ति ॥ २१ ॥ ३२० ॥ छिन्दन्ति
 बालस्स खुरेण नक्कं ओट्ट वि छिन्दन्ति दुवे वि कण्णे । जिब्भं विणिकस्स विहत्थि-
 येत्तं तिक्खाहि मूलाहि भितावयान्ति ॥ २२ ॥ ३२१ ॥ ते तिप्पमाणा तलसपुडं व
 राईदियं तत्थ थणन्ति बाला । गलान्ति ते सोणियरूयमंसं पज्जोइया म्मारपइदियंगा
 ॥ २३ ॥ ३२२ ॥ जइ ते मुया लाहियरूयपाई बालागणी तेअगुणा परेणं । कुम्भी
 महन्ताहियरोस्सीया समूसिया लाहियरूयपुण्णा ॥ २४ ॥ ३२३ ॥ पक्खिप्प तामुं
 पययान्ति बाले अद्दस्सरे ते कल्लणं रमन्ते । तग्गाइया ते तउतम्बतत्तं पाञ्जजमाण-
 द्दयरं रसन्ति ॥ २५ ॥ ३२४ ॥ अप्पेण अप्पं इह वत्थइणा भवाहमे पुच्चमए
 महस्से । चिद्धन्ति तत्था बहुकूरकम्मा जहा कइं कम्म तहासि भारे ॥ २६ ॥ ३२५ ॥
 समज्जिणिता कल्लमं अणजा इट्ठेहि कन्तेहि य विप्पहूणा । ते दुब्भिमग्गं कम्मिणं य
 फासे कम्मोवणा कृण्णिं आबयन्ति ॥ २७ ॥ ३२६ ॥ ति वेमि निरयविमसिय-
 ज्ञायणे पढमुहस्से ॥

अहावरं नामयदुक्खमग्गं तं भे पवक्खामि जहानहेणं । बाला जहा दुक्ख-
 कम्मकारी वेयान्ति कम्माईं पुरेकडाई ॥ १ ॥ ३२७ ॥ हत्थेहि पाएहि य बन्धिऊणं
 उयरं विकणन्ति सुरासिएहिं । निण्हित्तु बालस्स विहत्तु देहं वदं थिरं पिद्धउ
 उद्धरन्ति ॥ २ ॥ ३२८ ॥ बाहु पकणन्ति य मूलओ से धूले वियासं मुहे आड-

हन्ति । रहंसि जुषं सरयन्ति बालं आरुस्स विज्जन्ति तुदेण पिट्ठे ॥ ३ ॥ ३२९ ॥
 अयं व तत्तं जलियं सजोइ तज्ज्वमं भूमिमणुकमन्ता । ते डज्जमाणा कल्लुणं थणन्ति
 उसुचोइया तज्जुगेसु जुषा ॥ ४ ॥ ३३० ॥ बाला बला भूमिमणुकमन्ता पविज्जलं
 लोहपहं च तत्तं । जंसी भिदुग्गंसि पवज्जमाणा पेसे व दण्डेहि पुरा करेन्ति ॥ ५ ॥
 ॥ ३३१ ॥ ते संपगावसि पवज्जमाणा मिलाहि हम्मन्ति निपातिणीहिं । सतावणी
 नाम चिरट्ठिइया संतप्पइ जत्थ असाहुकम्मा ॥ ६ ॥ ३३२ ॥ कन्वसु पविस्सप्प
 पयन्ति बालं तओ वि दङ्गा पुण उप्पयन्ति । ते उक्कुकाएहि पवज्जमाणा अवरेहि
 खज्जन्ति मणप्फाएहिं ॥ ७ ॥ ३३३ ॥ सम्मनियं नाम विधूमठाणं जं सोयतणा
 कल्लुणं थणन्ति । अहोमिं कट्टु विगन्तिऊणं अयं व मन्धेहि समोमवेन्ति ॥ ८ ॥
 ॥ ३३४ ॥ सम्मिया तत्थ किम्भियंग्गा पक्खीहिं खज्जन्ति अयोमुहेहिं । संजीवणी
 नाम चिरट्ठिइया जंसी पया हम्मइ पावचेया ॥ ९ ॥ ३३५ ॥ तिक्खाहिं मूलाहिं
 निवाययन्ति वमोमयं मावययं व ल्हं । ते मूलविद्धा कल्लुणं थणन्ति एगन्तदुक्खं
 दुहओ मिलाणा ॥ १० ॥ ३३६ ॥ मया जलं नाम निहं महन्तं जंसी जलन्तो
 अगणी अकट्टो । चिट्ठन्ति बद्धा बहुकूरकम्मा अरहस्सरा केद चिरट्ठिइया ॥ ११ ॥
 ॥ ३३७ ॥ चिया महन्तीउ समारभिणा लुन्मन्ति ते तं कल्लुणं रसन्ति । आवट्टे
 तत्थ असाहुकम्मा मप्पी जहा पडियं जोइमज्जे ॥ १२ ॥ ३३८ ॥ मया कसिणं
 पुण घम्मठाणं गाओवणीयं अइदुक्खधम्मं । हत्थेहि पाणहिं य वन्धिऊणं सत्तु-
 व्वदण्डेहि समारभन्ति ॥ १३ ॥ ३३९ ॥ भज्जन्ति बालस्स वहेण पुट्ठी सीसं पि
 भिन्दन्ति अयोघणेहिं । ते भिन्नदेहा फलगं व तच्छा तणाहिं आराहिं नियोजयन्ति
 ॥ १४ ॥ ३४० ॥ अभिजुंजिया र्ह असाहुकम्मा उसुचोइया हत्थिवहं वहन्ति ।
 एगं दुक्कहिंत्तु दुवे तओ वा आरुस्स विज्जन्ति ककाणओ से ॥ १५ ॥ ३४१ ॥ बाला
 बला भूमिमणुकमन्ता पविज्जलं कण्ठहलं महन्तं । विवद्धतपेहिं विवण्णचिने ममी-
 रिया कोट्टवालं करेन्ति ॥ १६ ॥ ३४२ ॥ वेयालिए नाम महाभितावे एगायए
 पव्वयमन्तलिकखे । हम्मन्ति तत्था बहुकूरकम्मा परं सहस्साण मुहुत्तगाणं ॥ १७ ॥
 ॥ ३४३ ॥ संबाहिया दुक्कडिणो थणन्ति अहो य राओ परितपमाणा । एगन्तकूडे
 नरगे महन्ते कूडेण तत्था विसमे हया उ ॥ १८ ॥ ३४४ ॥ भज्जन्ति णं पुव्वमरी
 सरोसं ससुग्गरे ते मुसले गहेउं । ते भिन्नदेहा सहिरं वमन्ता ओसुदगा धरमितले
 पडन्ति ॥ १९ ॥ ३४५ ॥ अणासिया नाम महासियाला पागम्भिणो तत्थ
 सयाबक्खेवा । खज्जन्ति तत्था बहुकूरकम्मा अरुग्गा संखलियाहिं बद्धा ॥ २० ॥
 ॥ ३४६ ॥ सयाजला नाम नई भिदुग्गा पविज्जलं लोहविलीणतता । जंसी भिदु-

गंसि पवज्जमाणा एगायताणुक्कमणं करेन्ति ॥ २१ ॥ ३४७ ॥ एयाईं फासाईं
 फुसन्ति बालं निरन्तरे तत्थ विरट्ठिईयं । न हम्ममाणस्स उ होइ ताणं एगो सयं
 पक्खण्होइ दुक्खं ॥ २२ ॥ ३४८ ॥ जं जारिसं पुव्वमकासि कम्मं तमेव आगच्छइ
 संपराए । एगन्तदुक्खं भवमज्जणिता वेयन्ति दुक्खी तमणन्तदुक्खं ॥ २३ ॥
 ॥ ३४९ ॥ एयाणि सोब्बा नरगाणि धीरे न हिंसए किञ्चण सव्वलोए । एगन्तदिट्ठी
 अपरियगहे उ बुज्जिज्ज लोगस्म वसं न गच्छे ॥ २४ ॥ ३५० ॥ एवं तिरिक्खे
 मणुयामरेसुं चउरन्नणन्तं तयणुव्विवागं । स सव्वभेयं इइ वेयइणा कंखेज्ज कालं
 धुयमायरेज्ज ॥ २५ ॥ ३५१ ॥ नि वेमि ॥ निरयविभत्तियज्जयणे पञ्चमं ॥

सिरीवीरत्थुइयज्जयणे छंदे

पुच्छिस्सु णं समणा माहणा य अगारिणो या परनित्थिया य । से केइ नेगंतहिंयं
 धम्ममाहु अणेत्तिस माहुसमिक्खयाए ॥ १ ॥ ३५२ ॥ क्हं च नाणं क्ह दंमणं से
 सीलं क्हं नायसुयस्स आम्हि । जाणासि णं भिक्खु ज्हातहेणं अहासुयं बूहि ज्हा
 निसन्तं ॥ २ ॥ ३५३ ॥ खेयत्तए से कुसलासुपक्के अणन्तनाणी य अणन्तदंसी ।
 जसंसिणो चक्खुपहे ठियस्स जाणाहि धम्मं च धिईं च पेहि ॥ ३ ॥ ३५४ ॥
 उहुं अहे यं तिरियं दिसासु तमा य जे थावर जे य पाणा । से निच्चनिवेहि ममिक्ख
 पक्के वीवे व धम्मं समियं उदाहु ॥ ४ ॥ ३५५ ॥ से सव्वदंसी अभिभूयनाणी
 निरामगन्धे धिइमं ठियप्पा । अणुत्तरे सव्वजगंसि विज्जं गन्था अईए अभए अणाऊ
 ॥ ५ ॥ ३५६ ॥ से भूइपक्के अणिएअचारी ओहंतरे धीरे अणन्तचक्खु । अणुत्तरं
 तप्पइ सूरिए वा वइरोयणिन्दे व तमं पगासे ॥ ६ ॥ ३५७ ॥ अणुत्तरं धम्ममिणं
 जिणाणं नेया मुणी कामव आसुपक्के । इन्दे व देवाण महाणुभावे सहस्समणेया विवि
 णं विसिद्धे ॥ ७ ॥ ३५८ ॥ से पत्तया अक्खयमागरे वा महोवही वा वि अणन्त-
 पारे । अणाविले वा अकताइ मुक्के सक्के व देवाहिंवेई जुईमं ॥ ८ ॥ ३५९ ॥ से
 वीरिएणं पट्ठिपुण्णवीरिए सुदंसणे वा नगसव्वसेट्ठे । सुरालए वा सि युदागरे से
 विरायए नेगणुगोववेए ॥ ९ ॥ ३६० ॥ सयं सहस्साण उ जोयणार्णं तिक्कण्ढे
 पण्हगवेजयन्ते । से जोयणे नवनवते सहस्से उद्धुत्तिस्यो हेट्ठ सहस्समेणं ॥ १० ॥
 ॥ ३६१ ॥ पुट्ठे नमे च्चिट्ठइ भूमिबट्ठिए जं सुरिया अणुपरिवइयन्ति । से हेमवण्णे
 बहुनन्दणे य जंसी रहं वेकयई महिन्दा ॥ ११ ॥ ३६२ ॥ से पव्वए सहमहप्पगासे
 विरायई कक्खणमट्ठवण्णे । अणुत्तरे तिरिसु य पव्ववुग्गे तिरिबरे से अल्लिए व भोमे

॥ १२ ॥ ३६३ ॥ महीह मज्जम्मि ठिए नगिन्दे पजायए सूरियसुद्धलेसे । एवं
 सिरीए उ स भूविषण्ये मणोरमे जोयइ अब्बिमाली ॥ १३ ॥ ३६४ ॥ सुदंसणस्सेव
 जसो गिरिस्स पवुब्बइ महओ पव्वयस्स । एओवमे समये नायपुत्ते जाइजसोदंसण-
 नाणसीले ॥ १४ ॥ ३६५ ॥ गिरीवरे वा निसहाययामं रुयए व सेट्टे वल्ल्याययाणं ।
 तओवमे से जगभूइपप्पे मुणीण मज्जे तमुदाहु पप्पे ॥ १५ ॥ ३६६ ॥ अणुत्तरं
 धम्ममुईरइत्ता अणुत्तरं ज्ञाणवरं झियाइ । सुमुक्कसुक्कं अपगण्डसुक्कं संखिन्दुएगन्तव-
 दायसुक्कं ॥ १६ ॥ ३६७ ॥ अणुत्तरगं परमं महेसी असेसकम्मं स किमोहइत्ता ।
 सिद्धिं गए साइमणन्तपत्ते नाणेण सीलेण य दंसणेण ॥ १७ ॥ ३६८ ॥ स्वस्सेसु
 णाए जह सामली वा जस्सि रइं वेययई सुवण्णा । वणेषु वा नन्दणमाहु सेट्टं नाणेण
 सीलेण य भूइपप्पे ॥ १८ ॥ ३६९ ॥ धणियं व सहाण अणुत्तरे उ चन्दो व ताराण
 महाणुभावे । गन्धेसु वा चन्दणमाहु सेट्टं एवं मुणीणं अपडिज्जमाहु ॥ १९ ॥ ३७० ॥
 जहा सयंभू उदहीण सेट्टे नागेसु वा धरणिन्दमाहु सेट्टं । लोओदए वा रस वेजयन्ते
 तवोवहाणे मुणि वेजयन्ते ॥ २० ॥ ३७१ ॥ हत्थीसु एरावणमाहु नाए सीहो भिगाणं
 सत्तिलाण गज्जा । पक्खीसु वा गरुळे वेणुदेवो निव्वाणवादीणिह नायपुत्ते ॥ २१ ॥
 ॥ ३७२ ॥ जोहेसु नाए जह वीससेणे पुप्फेसु वा जह अरविन्दमाहु । सत्तीण सेट्टे
 जह दन्तवके इत्तीण सेट्टे तह वद्धमाणे ॥ २२ ॥ ३७३ ॥ दाणाण सेट्टं अभयप्प-
 याणं सच्चेषु वा अणवज्जं वयन्ति । तवेषु वा उत्तमं बम्मचेरं लोयुत्तमे समणे नाय-
 पुत्ते ॥ २३ ॥ ३७४ ॥ ठिईण सेट्टा लवसत्तमा वा सभा सुहम्मा व सभाण सेट्टा ।
 निव्वाणसेट्टा जह सव्वधम्मा न नायपुत्ता परमत्थि नाणी ॥ २४ ॥ ३७५ ॥
 पुढोवमे धुणइ विगयगेही न संनिहिं कुब्बइ आसुपप्पे । तरिउं समुई व महाभवोपं
 अभयंकरे वीर अणन्तवक्खु ॥ २५ ॥ ३७६ ॥ कोहं च माणं च तहेव मायं लोभं
 चउत्थं अज्जात्तोसा । एयाणि वन्ता अरहा महेसी न कुब्बइ पाव न कारवेइ
 ॥ २६ ॥ ३७७ ॥ किरियाकिरियं वेणइयाणुवायं अब्बाणियाणं पडियच्च ठाणं । से
 सव्ववायं इइ वेयइत्ता उवट्ठिए संजमदीहरायं ॥ २७ ॥ ३७८ ॥ से वारिया इत्थि
 सराइभारं उवहाणवं दुक्खस्सयट्ठयाए । लोणं विदित्ता आरं परं च सव्वं पभू वारिय
 सव्ववारं ॥ २८ ॥ ३७९ ॥ सोच्चा य धम्मं अरहन्तभासियं समाहियं अट्ठपदोक्क-
 सुद्धं । तं सहहाणा य जणा जणात्त इन्दा व देवाहि व आगमिस्सन्ति ॥ २९ ॥ ३८० ॥
 ति वेमि ॥ सिरिबीरत्थुइज्जयणं छट्ठं ॥

कुसीलपरिभासियज्जयणे सत्तमे

पुट्टवी य आऊ अगणी य वाऊ तण रुक्ख बीया य तसा य पाणा । जे अण्डया
जे य जराउ पाणा संसेयया जे रमयाभिहाणा ॥ १ ॥ ३८१ ॥ एयाईं कायाईं
पवेइयाईं एएमु जाणे पडिलेह सायं । एएण काएण य आयदण्डे एएमु या विप्परि-
यासुवेन्ति ॥ २ ॥ ३८२ ॥ जाईपईं अणुपरिवट्टमाणे तमथावरेहिं विणिघायमेड ।
से जाड जाईं बहुकुरकम्मे जं कृब्बईं मिज्जइ तेण बाले ॥ ३ ॥ ३८३ ॥ आस्मिं च
लोए अट्टु वा परत्या मयग्गमो वा तह अन्नहा वा । संमारमावन्न परं परं ते बन्धन्ति
वेयन्ति य दुन्नियाणि ॥ ४ ॥ ३८४ ॥ जे मायरं वा पियरं च हिक्खा ममणव्वए
अगणिं समारभिज्जा । अहाट्टु से लोए कुसीलधम्मं भयाइं जे हिंमइ आयसाए ॥ ५ ॥
॥ ३८५ ॥ उज्जालओ पाण निवायाएज्जा निव्वावओ अगणिं निवायवेज्जा । तम्हा उ
मेहावि समिक्ख भम्मं न पण्डिए अगणिं समारभिज्जा ॥ ६ ॥ ३८६ ॥ पुट्टवी वि
जीवा आऊ वि जीवा पाणा य संराडस संपयन्ति । संसेयया कट्टममस्सिया य एए
दहे अगणिं समारभन्ते ॥ ७ ॥ ३८७ ॥ हरियाणि भूथाणि विलम्बगाणि आहार
देहा य पुट्टो सियाइ । जे छिन्दडे आयमुहं पडुच्च पागग्गिं पाणे बहुणे निवाइं
॥ ८ ॥ ३८८ ॥ जाईं च बुद्धिं च विणारायन्ते बीयाइ अस्मंजय आयदण्डे ।
अहाट्टु से लोए अणज्जधम्मं बीयाइ से हिंमइ आयसाए ॥ ९ ॥ ३८९ ॥ गन्भाइ
मिज्जन्ति बुयावुयाणा नरा परे पन्ननिहा कुम्माग । नुवाणगा मज्जिम येग्गा य
चयन्ति ते आउवए पलीणा ॥ १० ॥ ३९० ॥ सबुज्जहा जन्तवो माणुसत्तं दट्टुं
भयं काल्लिमं अलम्भो । एगन्नदुक्खं जरिणं व लोए सक्कमूणा विप्परियासुवेह
॥ ११ ॥ ३९१ ॥ इहेग मट्टा पवयन्ति मोक्खं आहारसंपज्जणवज्जयेगं । एगे य
सीओदगमेवणेगं हुएण एगे पवयन्ति मोक्खं ॥ १२ ॥ ३९२ ॥ पाओसिणाणाडसु
नत्थि मोक्खो खारस्म लोणस्म अणालयेणं । ते मज्जमंस्सं लसुणं च भोक्खा अभत्थ
वासं परिकपयन्ति ॥ १३ ॥ ३९३ ॥ उदगेण जे सिद्धिमुदाहरन्ति सायं च पायं
उदगं फुसन्ता । उदगस्स फामेण मिया य सिद्धी मिज्जिंसु पाणा बहुवे दगंस्सि
॥ १४ ॥ ३९४ ॥ मच्छा य कुम्मा य तिरीसिवा य मग्गू य उट्टा दगरक्खमा य ।
अट्टाणमेयं कुसला वयन्ति उदगेण जे सिद्धिमुदाहरन्ति ॥ १५ ॥ ३९५ ॥ उदगं
जईं कम्ममलं हरेज्जा एवं मुहं इच्छामिणमेव । अन्धं व नेयारमणुस्सरिता पाणाणि
चेवं विणिहन्ति मन्दा ॥ १६ ॥ ३९६ ॥ पावाइ कम्माईं पकुब्बओ हिं सिओदगं
ऊ जइं तं हरेज्जा । सिज्जिंसु एगे दगमत्तथाइं सुसं वयन्ते जलमिद्धिमाहु ॥ १७ ॥
॥ ३९७ ॥ हुएण जे सिद्धिमुदाहरन्ति सायं च पायं अगणिं फुसन्ता । एवं सिया

सिद्धि हवेज्ज तम्हा अगणिं कुम्भनाण कुम्भमिणं पि ॥ १८ ॥ ३९८ ॥ अपरिक्ख
 दिट्ठं न हु एव सिद्धी एहिन्ति ते घायमवुज्जमाणा । भूएहि जाणं पडिल्लेह सायं
 विज्ज गहायं तसथावरेहिं ॥ १९ ॥ ३९९ ॥ थणन्ति लुप्पन्ति तमन्ति कम्मी पुटो
 जगा परिमंवाय भिक्खु । तम्हा विऊ विरओ आयुणे दट्ठुं तसे या पडिसंहरेजा
 ॥ २० ॥ ४०० ॥ जे धम्मलद्धं विणिहाय भुञ्जे वियडेण साहद्दु य जे सिणाई । जे
 धोवई लययई च वत्थं अहाहु ते नागणियस्स दूरे ॥ २१ ॥ ४०१ ॥ कम्मं परिज्ञाय
 दगंमि धीरे वियडेण जीवेज्ज य आदिमोक्खं । से वीयकन्दड अमुक्खमाणे विरेण
 मिणाणाडमु उन्थियासु ॥ २२ ॥ ४०२ ॥ जे मायरं च पियरं च हिच्चा गार नद्दा
 पुनपयं धणं च । कुलाट जे धावड साउगाई अहाहु मे सामणियस्स दूरे ॥ २३ ॥
 ॥ ४०३ ॥ कुलाई जे धावड साउगाई आपाड धम्मं उयराणुगिद्धे । अहाहु मे
 आयरियाण सयंसे जे लावाज्जा असणस्स हेऊ ॥ २४ ॥ ४०४ ॥ तिक्खवम्म दीणे
 परभोयणम्मि मुहमङ्गलीए उयराणुगिद्धे । नीवारगिद्धे व महावगहे अदुरए एहिड
 घायगेव ॥ २५ ॥ ४०५ ॥ अच्चस्स पाणस्मिहलोडयस्स अणुपियं भाग्द सेवमाणे ।
 पामन्वयं चैव कुमीलयं च निस्सरए होड जहा पुलाए ॥ २६ ॥ ४०६ ॥ अच्चाय-
 पिण्डेण द्वियामएजा नो पूयणं नवसा आवहेजा । मंहहि ह्वेहि असज्जमाणं मव्घेहि
 कामेहि विणीय गेहि ॥ २७ ॥ ४०७ ॥ मव्घाई संगड अड्च धीरे मव्घाई
 दुक्ख्वाई तित्तिक्खमाणे । अखिले अगिद्धे अणिएयचारी अभयंकरे भिक्खु अणा-
 विल्लपा ॥ २८ ॥ ४०८ ॥ भारम्म जाआ मुणि भुञ्जएजा कखेज्ज पावस्स विवेग
 भिक्खु । दुक्खेण पुट्टे धुयमाडएजा संगमसीसे व पां दमेजा ॥ २९ ॥ ४०९ ॥
 अवि हम्ममाणे फलगावतट्ठी समागमं कंलट अन्नराग्ग । निव्वय कम्मं न पवभुवेड
 अक्कक्खए वा मगाडं ति वेमि ॥ ३० ॥ ४१० ॥ कुमीलपरिभासियज्जयणं
 सत्तमं ॥

वीरियज्जयणे अट्टमे

दुहा वेयं सुयक्खायं वीरियं ति पवुच्चई । किं नु वीरस्स वीरत्त क्हं चयं पवुच्चई
 ॥ १ ॥ ४११ ॥ कम्ममेगे पवेदेन्ति अकम्मं वा वि मुक्खया । एएहिं दोहि ठाणेहिं
 जेहिं वीसन्ति मच्चिया ॥ २ ॥ ४१२ ॥ पमायं कम्ममाहंसु अप्पमायं नहावरं ।
 तच्चभावादेसओ वा वि बालं पण्डियमेव वा ॥ ३ ॥ ४१३ ॥ मत्थमेगे नु सिक्खन्ता
 अइवायाय पाणिणं । एगे मन्ते अहिज्जन्ति पाणभुयविहेडिणे ॥ ४ ॥ ४१४ ॥
 मायिणे कडु माया य कामभोगे समारभे । हन्ता छेणा पगम्भिणा आयसायाणु-

गमिणो ॥ ५ ॥ ४१५ ॥ मणसा वयसा चैव कायसा चैव अन्तसो । आरओ परओ
 वा वि दुहा वि य असंजया ॥ ६ ॥ ४१६ ॥ वेराई कुव्वई वेरी तओ वेरेहि रज्जई ।
 पावोवगा य आरम्भा दुक्खफासा य अन्तसो ॥ ७ ॥ ४१७ ॥ संपरायं नियच्छन्ति
 भत्तदुक्कडकारिणो । रागदोसस्सिया बाला पावं कुव्वन्ति ते बहुं ॥ ८ ॥ ४१८ ॥ एवं
 सकम्मविरियं बालाणं तु पवेइयं । इत्तो अकम्मविरियं पण्डियाणं सुणेह मे ॥ ९ ॥
 ॥ ४१९ ॥ दविए बन्धणुम्मूके सव्वओ छिन्नबन्धणे । पणोळ्ळं पावगं कम्मं सल्लं
 कंतइ अन्तसो ॥ १० ॥ ४२० ॥ नेयाउर्यं सुयक्खायं उवायाय ममीहए । भुज्जो
 भुज्जो दुहावास असुहत्तं तथा तथा ॥ ११ ॥ ४२१ ॥ टाणी विविहटाणाणि चइ-
 स्सन्ति न संसओ । अणियए अयं वासे नायएहि सुहीहि य ॥ १२ ॥ ४२२ ॥
 एवमाथाय मेहावी अप्पणो गिद्धिसुद्धरे । आरियं उवसंपजे सव्वधम्ममकोवियं
 ॥ १३ ॥ ४२३ ॥ सहसंसमइए नच्चा धम्ममारं सुणेत्तु वा । समुबट्टिए उ अणगारे
 पञ्चकवायपावए ॥ १४ ॥ ४२४ ॥ जं किंचुवकमं जाणे आउक्खेमस्स अप्पणो ।
 तस्सेव अन्तरा सिव्णं सिक्खं सिक्खेज्ज पण्डिए ॥ १५ ॥ ४२५ ॥ जहा कुम्मे
 सअत्ताई मए देहे समाहरे । एवं पावाई मेहावी अज्जप्पेण समाहरे ॥ १६ ॥
 ॥ ४२६ ॥ साहरे हत्वपाए य मगं पञ्चिन्दियाणि य । पावगं च परीणामं भामा-
 दोमं च तारिसं ॥ १७ ॥ ४२७ ॥ अणु माणं च मायं च तं परिज्जाय पण्डिए ।
 सायागारवणिहुए उवसन्ते तिहे चरे ॥ १८ ॥ ४२८ ॥ पाणे य नाइवाएज्जा
 अदिन्नं पि य नायए । माइयं न मुसं वूया एस धम्मे वुसीमओ ॥ १९ ॥ ४२९ ॥
 अइक्कम्मन्ति वायाए मणसा वि न पत्थए । सव्वओ संवुढे दन्ते आयाणं सुसमाहरे
 ॥ २० ॥ ४३० ॥ कटं च कज्जमाणं च आगमिस्सं च पावगं । सव्वं तं नाणु-
 जाणन्ति आयगुत्ता जिइन्दिया ॥ २१ ॥ ४३१ ॥ जे याऽसुद्धा महाभागा वीरा
 असमत्तदंसिणो । असुद्धं तेसिं परक्कन्तं सफलं होइ सव्वसो ॥ २२ ॥ ४३२ ॥ जे
 य बुद्धा महाभागा वीरा सम्मत्तदंसिणो । सुद्धं तेसिं परक्कन्तं अफलं होइ सव्वसो
 ॥ २३ ॥ ४३३ ॥ तेसिं पि न तवो सुद्धो निक्खन्ता जे महाकुला । जं नेवणे
 वियाणन्ति न सिलोगं पवेज्जए ॥ २४ ॥ ४३४ ॥ अप्पपिण्डासि पाणासि अप्पं
 भासेज्ज सुव्वए । खन्ते भिनिव्वुढे दन्ते वीयगिद्धी मया जए ॥ २५ ॥ ४३५ ॥
 ज्ञाणजोगं समाहट्ठु कायं विउसेज्ज सव्वसो । तित्तिक्खं परमं नच्चा आमोक्खाए
 परिव्वएज्जासि ॥ २६ ॥ ४३६ ॥ सि वेसि ॥ वीरियज्जयणं अट्टमं ॥

धम्मज्झयणे नवमे

१ कयरे धम्मो अक्खाए माहणेण मईमया । अञ्जु धम्मं जहातच्चं जिणाणं तं सुणेह मे ॥ १ ॥ ४३७ ॥ माहणा खलिया वेस्सा चण्डाला अदु बोक्कसा । एसिया वेसिया सुहा जे य आरम्मनिस्सिया ॥ २ ॥ ४३८ ॥ परिग्गहनिविट्ठाणं पावं तेसिं पक्खुई । आरम्मसंभिया कामा न ते दुक्खविमोयगा ॥ ३ ॥ ४३९ ॥ आघायकिच्चमाहेउं नाइओ विसएसिणो । अञ्जे हरन्ति तं विजं कम्मं कम्महि किच्चई ॥ ४ ॥ ४४० ॥ माया पिया णुसा भाया भज्जा पुत्ता य ओरसा । नालं ते तव ताणाय लुप्पन्तस्स सक्खमुणा ॥ ५ ॥ ४४१ ॥ एयमट्ठं सपेहाणं परमट्ठाणुगामियं । निम्ममो निरहंकागे चरे भिक्खु जिणाहियं ॥ ६ ॥ ४४२ ॥ चिच्चा विजं च पुत्ते य नाइओ य परिग्गहं । चिच्चा णं अन्तगं सोयं निरवेक्खो परिक्खए ॥ ७ ॥ ४४३ ॥ पुडवी अगणी बाळ तणक्खव सवीयगा । अण्डया पोयजराळ रमन्तेयउच्चिभया ॥ ८ ॥ ४४४ ॥ एएहिं छहिं काएहिं तं विजं परिजाणिया । मणमा कायवक्केणं नारम्मी न परिग्गही ॥ ९ ॥ ४४५ ॥ मुमावायं बहिडं च उग्गहं च अजाइया । मत्थादाणाइ लोगंसि तं विजं परिजाणिया ॥ १० ॥ ४४६ ॥ पलिउत्तणं च भयणं च यण्डिल्लुस्मयणाणि य । धूणादाणाइ लोगंसि तं विजं परिजाणिया ॥ ११ ॥ ४४७ ॥ धोयणं रयणं चैव बत्थीकम्मं विरेयणं । वमणङ्गणपलीमंथं तं विजं परिजाणिया ॥ १२ ॥ ४४८ ॥ गन्धमल्लसिणाणं च दन्तपक्खालणं तहा । परिग्गहित्थिकम्मं च तं विजं परिजाणिया ॥ १३ ॥ ४४९ ॥ उहेभियं कीयगहं पामिच्चं चैव आहडं । पूयं अणेसमिजं च तं विजं परिजाणिया ॥ १४ ॥ ४५० ॥ आस्मिमक्खिराणं च गिद्धुवघायकम्मगं । उच्छोलगं च कक्कं च तं विजं परिजाणिया ॥ १५ ॥ ४५१ ॥ संपसारी कयकिरिए पसिणाययणाणि य । सागारियं च पिण्डं च तं विजं परिजाणिया ॥ १६ ॥ ४५२ ॥ अट्ठावयं न सिक्खिज्जा वेहाईयं च नो बए । हत्थकम्मं विवायं च तं विजं परिजाणिया ॥ १७ ॥ ४५३ ॥ पाणहाओ य छत्तं च नालीयं बालवीयणं । परकिरियं अन्नमज्जं च तं विजं परिजाणिया ॥ १८ ॥ ४५४ ॥ उच्चारं पासवगं हरिएसु न करे मुणी । वियड्डेण वा वि साहट्टु नावमजे कयाइ वि ॥ १९ ॥ ४५५ ॥ परमत्ते अन्नपाणं न भुज्जेज्ज कयाइ वि । परवत्थं अब्बेलो वि तं विजं परिजाणिया ॥ २० ॥ ४५६ ॥ आसन्धी पल्लियेहे अ निसिजं च गिहन्तरे । संपुच्छणं सरणं वा तं विजं परिजाणिया ॥ २१ ॥ ४५७ ॥ जसं कित्तिं सिलोणं च जा य वन्दणपूयणा । सब्बलोयंसि जे कामा तं विजं परिजाणिया ॥ २२ ॥ ४५८ ॥ जेणेहं निव्वहे भिक्खु

अन्नपाणं तहाविहं । अणुप्पयाणमज्जेसि तं विज्जं परिजाणिया ॥ २३ ॥ ४५९ ॥
 एवं उदाहु निग्गन्थे महावीरे महासुणी । अणन्तनाणदंसी से धम्मं, देसितवं सुयं
 ॥ २४ ॥ ४६० ॥ भायमाणो न भासेज्जा नेव वम्फेज्ज मम्मयं । माइट्ठाणं विव-
 ज्जेज्जा अणुचिन्तिय वियागरे ॥ २५ ॥ ४६१ ॥ तत्थिमा तइया भामा जं वडत्ता-
 णुतप्पई । जं छजं तं न वतव्वं एमा आणा नियण्ठिया ॥ २६ ॥ ४६२ ॥
 होलावायं सहीवायं गोयावायं च नो वए । तुमं तुमं ति अमणुजं सव्वमो तं न
 वनए ॥ २७ ॥ ४६३ ॥ अक्खसीले मया भिक्खू नेव संसग्गियं भए । सुहक्खा
 तत्थुवस्सग्गा पडिबुज्जेज्ज ते विऊ ॥ २८ ॥ ४६४ ॥ नत्तत्थ अन्तराएणं परगेहे
 न निमीयए । गामकुमारियं किं न्नाइवलं हसे मुणी ॥ २९ ॥ ४६५ ॥ अणुस्सुओ
 उराल्लेनु जयमाणो परिव्वाए । चरियाए अपमत्तो पुट्ठो तत्थ हियासए ॥ ३० ॥
 ॥ ४६६ ॥ हम्ममाणो न कुप्पेज्ज वुच्चमाणो न सुज्जले । नुमणे अहियासेज्जा न य
 कोलाहलं करे ॥ ३१ ॥ ४६७ ॥ लद्धे कामे न पत्थेज्जा विवेगे एवमाहिए ।
 आयरियाइं भिक्ख्वेज्जा गुक्खणं अन्तिए मया ॥ ३२ ॥ ४६८ ॥ म्मम्ममाणो उवा-
 सेज्जा सुप्पजं सुतवस्सियं । वीरा जे अन्नपंचसी धिइमन्ता जिइन्दिया ॥ ३३ ॥
 ॥ ४६९ ॥ गिहे बीवमपामन्ता पुरिसादाणिया नरा । ते वीरा बन्धणुम्मुक्का
 नावकंखन्ति जीविय ॥ ३४ ॥ ४७० ॥ अगिद्धे सहकासेसु आरम्भेसु अनास्सए ।
 सव्वं तं समयातीयं जमेयं लवियं बहु ॥ ३५ ॥ ४७१ ॥ अइमाणं च मायं च तं
 परिज्जाय पण्डए । गारवाणि य सव्वाणि निव्वाणं मेधए मुणी ॥ ३६ ॥ ४७२ ॥
 ति वेसि ॥ धम्मज्झयणं नवमं ॥

समाहियज्झयणे दसमे

आधं मईमं अणुवीड धम्मं अज्ज गमाहिं तमिमं सुणेह । अपडिन्न भिक्खू उ
 समाहिपत्ते अणियाण भूणसु परिव्वएज्जा ॥ १ ॥ ४७३ ॥ उच्चं अहे यं तिरियं
 दिसामु तया य जे थावर जे य पाणा । इत्थेहि पाण्हि य संजमिणा अदिअमजेसु
 य नो गहेज्जा ॥ २ ॥ ४७४ ॥ सुयक्खत्रायधम्मं विर्तागच्छत्तिण्णे लाडे चरे आय-
 नुळे पयामु । आयं न कुज्जा इह जीवियट्ठी चयं न कुज्जा सुतवस्सि भिक्खू ॥ ३ ॥
 ॥ ४७५ ॥ सव्विन्दियाभिनिव्वुडे पयामु चरे मुणी मध्वउ विप्पमुक्के । पासाहि
 पाणे य पुट्ठो वि सत्ते दुक्खेण अट्ठे परितप्पमाणे ॥ ४ ॥ ४७६ ॥ एएसु बाले य
 पकुब्बमाणे आवट्ठइं कम्मम पावएसु । अइवायओ कीरइ पावकम्मं निउअमाणे उ
 करेइ कम्मं ॥ ५ ॥ ४७७ ॥ आदीणविसी य करेइ पावं मन्ता उ एणन्तसमाहि-
 माहु । बुडे समाहीय रए विवेगे पाणाइवाया विरए टियप्पा ॥ ६ ॥ ४७८ ॥

सर्वं जगं तु समयानुपेही पियमपियं कस्म वि नो करेजा । उट्टाय दीणो य
पुणो विसण्णो संपुयणं चेव सिलोयकामी ॥ ७ ॥ ४७९ ॥ आहाकडं चेव निकाम-
माणे नियामचारी य विसण्णमेसी । इत्थीसु सत्ते य पुढो य बाले परिगहं चेव
पकुव्वमाणे ॥ ८ ॥ ४८० ॥ वेराणुगिडे निचयं करेइ इओ चुए से इहमट्टदुग्गं ।
तम्हा उ मेहावि समिक्ख धम्मं चरे मुणि सव्वउ विप्पमुक्के ॥ ९ ॥ ४८१ ॥ आयं
न कुज्जा इह जीवियट्ठी असज्जमागो य परिव्वएज्जा । निमम्मभासी य विणीय
गिद्धि हिमच्चियं वा न कहं करेजा ॥ १० ॥ ४८२ ॥ आहाकडं वा न निकामएज्जा
निकामयन्ते य न संथवेजा । धुणे उगलं अणुवेहमाणे विच्चा न मोयं अणवेक्ख-
माणो ॥ ११ ॥ ४८३ ॥ एगलमेयं अभिपत्तवएज्जा एवं पमोक्खो न मुसं ति पासं ।
एमप्पमोक्खो अमुमं वरे वि अकोहणे मच्चणं तवस्सी ॥ १२ ॥ ४८४ ॥ इत्थीसु
या आरय मेहुणाओ परिगहं चेव अकुव्वमाणे । उच्चावएमु विगएमु ताई निस्संमयं
भिक्खु समाहियणे ॥ १३ ॥ ४८५ ॥ अरइं रइं च अभिभूय भिक्खु तणाडफामं
नह सीयफासं । उण्हं च टंस चऽहियावएज्जा मुट्ठिं व दुट्ठिं व तित्तिक्खएज्जा
॥ १४ ॥ ४८६ ॥ गुणो वईणं य समाहियणो लेम समाहट्टु परिव्वएज्जा । गिहं न
ज्जाए न वि छायाएज्जा संमिम्मभावं पयहे पयामु ॥ १५ ॥ ४८७ ॥ जे केह
लोगम्मि उ अकियिआया अणेण पुट्ठा धुयमादिमान्ति । आरम्ममत्ता गट्ठिया य
लोए धम्मं न जागान्ति विमोक्खहेउं ॥ १६ ॥ ४८८ ॥ पुढो य छन्दा इह माणवा
उ किरियाकिरीयं च पुढो य वायं । जायस्स बालस्स पकुव्व देहं पव्वइं वेगम-
संजयस्स ॥ १७ ॥ ४८९ ॥ आउक्खयं चेव अवुज्जमाणे ममाइ मे माहमकारि
मन्दे । अहो य राओ परितप्पमाणे अट्टेसु मूढे अजगमरे व्व ॥ १८ ॥ ४९० ॥
जहाहिं विमं पसवो य सर्वं जे बन्धवा जे य पिया य मिता । लालप्पई सं वि य
एउ मोहं अणे जणा तंस हरन्ति विमं ॥ १९ ॥ ४९१ ॥ सीहं जहा खुड्ढिया
चरन्ता दूरे चरन्ति परिसंक्रमाणा । एवं नृ मेहावि समिक्ख धम्मं दूरेण पावं
परिव्वएज्जा ॥ २० ॥ ४९२ ॥ सवुज्जमाणे उ नरे मईमं पावाउ अप्पाण निवट्ट-
एज्जा । हिंसप्पसूयाइं दुहाइं मत्ता वेराणुबन्धीणि महब्भयाणि ॥ २१ ॥ ४९३ ॥
मुमं न बुया मुणि अत्तगामी निव्वानमेयं कम्मिणं ममाहिं । मयं न कुज्जा न य
कारवेज्जा करन्तमच्चं पि य नाणुजाणे ॥ २२ ॥ ४९४ ॥ सुद्धे सिया जाणं न दूय-
एज्जा अमुत्तिण्णं न य अज्जोक्खणे । धिइमं विमुक्के न य पूयणट्ठी न मिलोयगामी
य परिव्वएज्जा ॥ २३ ॥ ४९५ ॥ निक्खम्म गेहाउ निरावकंखी कायं विउस्सेज्ज
नियाणच्छिजे । नो जीवियं नो मरणाभिकंखी चरेज्ज भिक्खु बलया विमुक्के ॥ २४ ॥
॥ ४९६ ॥ ति वेमि ॥ समाहियज्जयणं दूसमं ॥

मग्गज्झयणे एयारहमे

कयरे मग्गे अक्खाए माहणेणं मईमया । जं मग्गं उज्जु पाविता ओहं तरइ
 दुत्तरं ॥ १ ॥ ४९७ ॥ जं मग्गं गुत्तरं सुद्धं सव्वदुक्खविमोक्खणं । जाणासि णं
 जहा भिक्खु तं णो बूहि महामुणी ॥ २ ॥ ४९८ ॥ जइ णो केइ पुच्छिजा देवा
 अदुव माणुसा । तेसिं तु कयरं मग्गं आइक्खेज्ज कहाहि णो ॥ ३ ॥ ४९९ ॥ जइ
 वो केइ पुच्छिजा देवा अदुव माणुसा । नेसिमं पडिमाहेज्जा मग्गसारं सुणेह मे
 ॥ ४ ॥ ५०० ॥ अणुपुण्वेण महाघोरं कामवेण पवेइयं । जमायाय इओ पुव्वं समुइं
 ववहारिणे ॥ ५ ॥ ५०१ ॥ अतरिंमु तरन्तेगे तरिस्सन्ति अणागया । तं सोब्बा
 पडिवक्खामि जन्तवो तं सुणेह मे ॥ ६ ॥ ५०२ ॥ पुढवीजीवा पुढो सत्ता आउ-
 जीवा तहागणी । वाउजीवा पुढो सत्ता तणक्खवा मवीयगा ॥ ७ ॥ ५०३ ॥
 अहावरा तसा पाणा एवं छक्काय आहिया । एयावण जीवकाए नाबरे कोइ विज्जई
 ॥ ८ ॥ ५०४ ॥ सव्ववहिं अणुजुत्तीहिं मइमं पडिलेहिया । सव्वे अक्कन्तदुक्खा य
 अओ सव्वे न हिंसया ॥ ९ ॥ ५०५ ॥ एयं खु नाणिगो सारं जं न हिंसइ कंचण ।
 अहिंसा समयं चेव एयावन्नं वियाणिया ॥ १० ॥ ५०६ ॥ उच्चं अहे य तिरियं जे
 केइ तसथावरा । सव्वत्य विरइं विज्जा सन्ति निव्वानमाहियं ॥ ११ ॥ ५०७ ॥
 पभू दोसे निराकिच्चा न विहज्जेज्ज केण वि । मणमा वयसा चेव कायसा चेव
 अन्तरो ॥ १२ ॥ ५०८ ॥ संवुडे से महापप्पे धारे द्देमणं चरे । एसणासमिए
 निच्चं वज्जयन्ते अणेसणं ॥ १३ ॥ ५०९ ॥ भूयाइं च ममारम्म तमुद्दिस्ता य जं
 कडं । तारिसं तु न गिण्हेज्जा अणपाणं सुसंजए ॥ १४ ॥ ५१० ॥ पूइकम्मं न
 सेवेज्जा एम धम्मो वुसीमओ । जं किंचि अभिकखेज्जा मव्वसो तं न कप्पए ॥ १५ ॥
 ॥ ५११ ॥ इणन्नं नाणुजाणेज्जा आयगुत्ते जिइन्दिए । ठाणाईं सन्ति सङ्घीणं गामेसु
 नगरेसु वा ॥ १६ ॥ ५१२ ॥ तहा गिरं समारम्म अत्थि पुण्णं ति नो वए ।
 अहवा नत्थि पुण्णं ति एवमेयं महब्भयं ॥ १७ ॥ ५१३ ॥ दाणट्टया य जे पाणा
 हम्मन्ति तमथावरा । तेसिं सारक्खणट्टाए तम्हा अत्थि ति नो वए ॥ १८ ॥ ५१४ ॥
 जेसिं तं उवक्कप्पन्ति अन्नपाणं तहाविहं । तेसिं जामन्नरायं ति तम्हा नत्थि ति नो
 वए ॥ १९ ॥ ५१५ ॥ जे य दाणं पसंसन्ति बहमिच्छन्ति पाणिणं । जे य णं
 पडिसेहन्ति वित्तिच्छेयं करन्ति ते ॥ २० ॥ ५१६ ॥ दुहओ वि ते न भासन्ति
 अत्थि वा नत्थि वा पुणो । आयं रयस्स हेच्चा णं निव्वानं पाउणन्ति ते ॥ २१ ॥
 ॥ ५१७ ॥ निव्वानं परमं बुद्धा नक्खत्ताण व चन्दिमा । तम्हा सया जए दन्ते
 निव्वानं संघए मुणी ॥ २२ ॥ ५१८ ॥ बुज्जमाणाण पाणाणं किञ्चन्ताण सक्कमुणा ।

आषाड साहु तं वीवं पइट्टेसा पवुब्बई ॥ २३ ॥ ५१९ ॥ आयगुत्ते सया दन्ते
 छिन्नसोए अणासवे । जे धम्मं सुद्धमक्ख्वाइ पडिपुष्णमणोलिसं ॥ २४ ॥ ५२० ॥
 तमेव अवियाणन्ता अबुद्धा बुद्धमाणिणो । बुद्धा मो ति य मच्चन्ता अन्त एए समा-
 हिए ॥ २५ ॥ ५२१ ॥ ते य बीयोदगं चं व तमुद्दिस्सा य जं कडं । भोष्वा झाणं
 झियायन्ति अखेयच्चापमाहिया ॥ २६ ॥ ५२२ ॥ जहा ढंका य कंका य कुल्ला
 मग्गुका सिही । मच्छेसणं झियायन्ति झाणं ते कळुसाधमं ॥ २७ ॥ ५२३ ॥ एवं
 तु समणा एगे मिच्छदिट्ठी अणारिया । विसएम्भणं झियायन्ति कंका वा कळुसाहमा
 ॥ २८ ॥ ५२४ ॥ सुद्धं मग्गं विराहिता इहमेगे उ दुम्मई । उम्मग्गगया दुक्खं
 प्रायमेमन्ति तं तथा ॥ २९ ॥ ५२५ ॥ जहा आमाविणि नावं जाइअन्धो दुक्कहिया ।
 इच्छई पारमागन्तुं अन्तरा य विसीयइ ॥ ३० ॥ ५२६ ॥ एवं तु समणा एगे
 मिच्छदिट्ठी अणारिया । मोयं कसिणमावच्चा आगन्तारो महब्भयं ॥ ३१ ॥ ५२७ ॥
 इमं च धम्ममायाय कागवेण पवेइयं । तरे मोयं महाधोरे अत्ताए परिव्वए
 ॥ ३२ ॥ ५२८ ॥ विरए गामधम्मैहिं जे केइ जगई जगा । तेमि अत्तुवमायाए
 धामं कुव्वं परिव्वए ॥ ३३ ॥ ५२९ ॥ अइमाणं च मायं च तं परिच्चाय पणिए ।
 मव्वमेयं निराक्किच्चा निव्वारणं संघए मुणी ॥ ३४ ॥ ५३० ॥ संघए साहुधम्मं
 च पावधम्मं निराकरे । उवहाणवीरिए भिक्खु कोहं माणं न पत्थए ॥ ३५ ॥ ५३१ ॥
 जे य बुद्धा अतिकन्ता जे स बुद्धा अणागया । सन्ति तेमि पइट्टाणं भूयाणं जगई
 जहा ॥ ३६ ॥ ५३२ ॥ अहं णं बयमावच्चं फासा उच्चावया फुत्ते । न तेसु विणि-
 हण्णेज्जा वाएण व महागिरी ॥ ३७ ॥ ५३३ ॥ संवुडे से महापच्चे धीरे दत्तेसणं
 चरे । निव्वुडे कालमाकंखी एवं केवळिणो मयं ॥ ३८ ॥ ५३४ ॥ ति वेमि ॥
 मग्गज्झयणं एयारहमं ॥

समोसरणज्झयणे बारहमे

चत्तारि समोसरणाण्यिमाणि पाषाडुया जाई पुढो वयन्ति । किरियं अकिरियं
 विणयं ति तइयं अजाणमाहंसु चउत्थमेव ॥ १ ॥ ५३५ ॥ अच्चाणिया ता कुसला
 वि सन्ता असंथुया नो वित्तिमिच्छतिण्णा । अकोविया आहु अकोवियेहिं अणाणु-
 वीइत्तु मुसं वयन्ति ॥ २ ॥ ५३६ ॥ सब्बं असब्बं इति चिन्तयन्ता असाहु साहु
 मि उदाहरन्ता । जेमे जणा वेणइया अणेगे पुट्ठा वि भावं विणइंसु नाम ॥ ३ ॥
 ॥ ५३७ ॥ अणोवसंत्ता इह ते उदाहु अट्ठे स ओभासइ अम्ह एवं । लब्बावसंक्खी

य अणागएहिं नो किरियमाहंसु अकिरियवाई ॥ ४ ॥ ५.३८ ॥ संमिस्मभावं च
 गिरा गहीए से मुम्मुई होइ अणाणुवाई । इमं दुपक्खं इममेगपक्खं आहंसु
 छलाययणं च कम्मं ॥ ५ ॥ ५.३९ ॥ ते एवमक्खन्ति अबुज्झमाणा विक्खवृत्ताणि
 अकिरियवाई । जे मायइता बहवे मणूसा भमन्ति संसारमणोचदरगं ॥ ६ ॥
 ॥ ५.४० ॥ नाइच्चो उदेइ न अत्यमेइ न चन्दिमा ववुइ हायई वा । मल्लिन्ना न
 सन्दन्ति न वन्ति वाया वन्डो नियओ कसिणे हु लोए ॥ ७ ॥ ५.४१ ॥ जहा हि
 अन्धे सह जोइणा वि र्वाइ नो पस्मइ हीणनेत्त । मन्तं पि ते एवमकिरियवाई
 किरियं न पस्मान्ति निरुद्धपत्ता ॥ ८ ॥ ५.४२ ॥ भवच्छरं नुविगं लक्खवणं च
 निमित्तदेहं च उपाइयं च । अट्टङ्गमेयं बहवे अहिता लोगंसि जाणन्ति अणागयाई
 ॥ ९ ॥ ५.४३ ॥ केइ निमिन्ता तहिया भवन्ति केमिन्धि तं विप्पडिण्ड नाणं । ते
 विज्जभावं अणह्तिज्जमाणा आहंसु विज्जा पारमोक्खमेव ॥ १० ॥ ५.४४ ॥ ते एवम-
 क्वन्ति समिच्च लोग तहा तहा ममगा माहणा य । मयंकडे नन्नकडे च दुक्खं
 आहंसु विज्जाचरणं पमोक्ख ॥ ११ ॥ ५.४५ ॥ ते चक्खु लोगंसिह नायगा उ
 मग्गाणुसामन्ति हियं पयाग । तहा तहा मासयमाहु लोए जंसी पया माणव संप-
 गाढा ॥ १२ ॥ ५.४६ ॥ जे रक्खमा वा जमलोउया वा जे वा मुरा गंधव्वं य
 काया । आगासगामी य पुढोसिया जे पुगो पुगो विप्पारियासुवेन्ति ॥ १३ ॥
 ॥ ५.४७ ॥ जमाहु ओहं मल्लिले अपागगं जाणाहिं णं भवगहणं दुमोक्ख ॥ जंसी
 विमण्णा विमयङ्गगाहिं दुहओ वि लोयं अणुमंचरन्ति ॥ १४ ॥ ५.४८ ॥ न
 कम्मणा कम्म खवेन्ति बाला अकम्मणा कम्म खवेन्ति धीरा । मेहाविणे लोभ-
 भयावईया सतोमिगो नो पकरेन्ति पावं ॥ १५ ॥ ५.४९ ॥ ते तीयउपपन्नमा-
 गयाई लोगस्म जाणन्ति तहागयाई । नेयागे अजेमि अगन्ननेया बुद्धा हु ते अन्न-
 कडा भवन्ति ॥ १६ ॥ ५.५० ॥ ते नेव कुव्वन्ति न कारवेन्ति भूयाइसकाइ
 दुगुञ्छमाणा । मया जया विप्पगमन्ति धीरा विग्गाल धीरा य हवन्ति एगे
 ॥ १७ ॥ ५.५१ ॥ इहरे य पाणे तुण्हे य पाणे ते अन्नओ पामइ मव्वलोए ।
 उव्वेहई लोगमिगं महन्तं बुद्धपमत्तेम परिव्वएज्जा ॥ १८ ॥ ५.५२ ॥ जे आयओ
 परओ वा वि नक्का अलमप्पणे होन्ति अलं परेमि । तं जोइभूयं च मयावसेज्जा
 जे पाउकुज्जा अणुवीइ घम्मं ॥ १९ ॥ ५.५३ ॥ अणाण जो जाणइ जो य लोगं
 गई च जो जाणइ नागई च । जो सासयं जाण अमासयं च जाई च मरणं च
 अगोववायं ॥ २० ॥ ५.५४ ॥ अहो वि सत्ताण विउट्टणं च जो भासवं जाणइ
 संवरं च । दुक्खं च जो जाणइ निज्जरं च सो भासिउमारिहइ किरियवायं ॥ २१ ॥

॥ ५५५ ॥ सहेसु रुवेसु असज्जमाणे गन्धेसु रसेसु अवुस्समाणे । नो जीवियं नो मरणाहिकंखी आयाणयुते बलया विमुक्के ॥ २२ ॥ ५५६ ॥ ति बेमि ॥ समो-
सरणज्झयणं वारहमं ॥

आहत्तहीयज्झयणे तेरहमे

आहत्तहीयं तु पवेयइस्सं नाणप्पकारं पुरिसस्स जायं । सओ य धम्मं अयओ असीलं सन्ति असन्ति करिस्सामि पाउं ॥ १ ॥ ५५७ ॥ अहो य राओ य समुट्ठाएहिं तहागएहिं पडिल्लभ धम्मं । समाहिमाघायमजोसयन्ता मत्थारमेवं फरुस्सं वर्यान्ति ॥ २ ॥ ५५८ ॥ विमोहियं ते अणुकाहयन्ते जे आयमावेण विया-
गरेजा । अट्ठाणिए होइ बहुगुणार्णं जे नाणसकाड मुसं वएजा ॥ ३ ॥ ५५९ ॥ जे यावि पुट्ठा पल्लिउअयन्ति आयाणमट्ठं खलु बबद्धता । अगाहुणो ते इह साहु-
माणी मायणिए एस्सन्ति अणन्तघायं ॥ ४ ॥ ५६० ॥ जे कोहणे होइ जयट्ठभासी विओसियं जे उ उखीरणजा । अन्ये व से दण्डपहं गहाय अविओसिए धागइ पावकम्मो ॥ ५ ॥ ५६१ ॥ जे विग्गहीए अजायभासी न से ममे होइ अज्झ-
पत्ते । ओवायकारी य हिरीमणे य एगन्तदिट्ठी य अमाइरुवे ॥ ६ ॥ ५६२ ॥ से पेगले सुहुमे पुरिसजाए जच्चलिए चेष सुउज्जुयारे । बहुं पि अणुमासिए जे तहका ममे हु से होइ अज्झपत्ते ॥ ७ ॥ ५६३ ॥ जे यावि अप्पं वसुमे ति ममा मखाव वायं अपरिक्ख कुजा । तवेण वाहं सहिउ ति ममा अन्नं जणं पस्सइ विम्बभुयं ॥ ८ ॥ ५६४ ॥ एगन्तकूडेण उ से पलेइ न विज्जई मोणपर्यसि गोत्ते । जे माणणट्ठेण विउक्कसेजा वसुमन्नतरेण अबुज्झमाणे ॥ ९ ॥ ५६५ ॥ जे माहणे खलियजायए वा तहुगपुत्ते तह छेन्छई वा । जे पव्वईए परदत्तभोई गोत्ते न जे थब्भइ माणबडे ॥ १० ॥ ५६६ ॥ न तस्स जाई व कुलं व ताणं नन्नत्थ विजा-
चरणं सुच्चिणं । निक्खम्म से सेवइऽगारिकम्मं न से पारए होइ विमोयणाए ॥ ११ ॥ ५६७ ॥ निक्किंचणे भिक्खु सुल्लहजीवी जे गारवं होइ सिलोयकामी । आजीवमेयं तु अबुज्झमाणो पुणो पुणो विप्परियासुवेन्ति ॥ १२ ॥ ५६८ ॥ जे आसवं भिक्खु सुगाहुवाई पडिहाणवं होइ विसारए य । आगाठपत्ते सुविभावियप्पा-
णवं जणं पन्नया परिह्वेज्जा ॥ १३ ॥ ५६९ ॥ एवं न सं होइ समाहिपत्ते जे आसवं भिक्खु विउक्कसेजा । अहवा वि जे लाहमयावलित्ते अन्नं जणं खिसइ बाल-
णं ॥ १४ ॥ ५७० ॥ यज्जामयं चैव तवोमयं च निज्जामए गोयमयं च भिक्खु ।

आजीवगं चैव चउत्थमाहु से पण्डिए उन्नमयोगले से ॥ १५ ॥ ५७१ ॥ मयाई
 एयाई विगिख धीरा न ताणि सेवन्ति सुधीरधम्मा । ते सब्बगोलावगया महेसी
 उच्चं अगोत्तं च गतिं वयन्ति ॥ १६ ॥ ५७२ ॥ भिक्खु सुयच्चं तह दिट्ठधम्मो
 गामं च नगरं च अणुप्पविस्सा । से एमणं जाणमणेसणं च अजस्स पाणस्स
 अणाणुगिद्धे ॥ १७ ॥ ५७३ ॥ अरई रई च अभिभूय भिक्खु बहुजणे वा तह
 एगचारी । एगन्तमोणेण वियागरेज्जा एगस्स जन्तो गइरागई य ॥ १८ ॥
 ५७४ ॥ मयं समेच्चा अदुवा वि सोच्चा भामेज्ज धम्मं हिययं पयाणं । जे गर-
 हिया मणियाणप्पओगा न ताणि सेवन्ति सुधीरधम्मा ॥ १९ ॥ ५७५ ॥ केसिखि
 तक्काइ अबुज्ज भावं खुईं पि गच्छेज्ज अनहहाणे । आउत्सम कालाइयारं वषाए
 लद्धाणुमाणे य परेसु अट्ठे ॥ २० ॥ ५७६ ॥ कम्मं च छन्दं च विगिख धीरे
 विणडज्ज ऊ मव्वउ आयभावं । ह्वेदि लुप्पन्ति भयावहेहिं विज्जं गहाया तसयाव-
 रेहिं ॥ २१ ॥ ५७७ ॥ न पूयणं चैव तिलोयकामी पियमपियं कस्सड नो
 करेज्जा । सव्वे अणट्ठे पखिज्जयन्ते अणाउले या अक्याइ भिक्खु ॥ २२ ॥
 ५७८ ॥ आहतहीयं ममुपेहमाणे मव्वेहिं पाणेहिं निहाय दण्डं । नो जीवियं
 नो मरणहिक्कंती परिव्वणज्जा वक्कया विमुक्के ॥ २३ ॥ ५७९ ॥ ति बेमि ॥
 आहत्तहीयज्जयणं तेरहमं ॥

गन्थज्जयणे चोद्दहमे

गन्थं विहाय इह सिक्खमाणो उट्ठाय युवम्भचेरं बसेज्जा । ओवायकारी विणयं
 सुमिक्खे जे छेय से विप्पमायं न कुज्जा ॥ १ ॥ ५८० ॥ जहा दियापोयमपनजायं
 सावामगा पविउं मज्जमाणं । तमचाडयं तम्णमपनजायं टंकाइ अव्वनगमं हरेज्जा
 ॥ २ ॥ ५८१ ॥ एवं तु सेहं पि अपुट्ठधम्मं निस्मारियं वुमिमं मज्जमाणं । दियस्स
 छायां व अपनजायं हरिसुणं पावधम्मा अणेगे ॥ ३ ॥ ५८२ ॥ ओसाणमिच्छे
 मणुए समाहिं अणोसिए णन्तकरिं ति नच्चा । ओमासमाणे दवियस्स वित्तं न निक्कमे
 बहिया आसुपन्नो ॥ ४ ॥ ५८३ ॥ जे टाणओ य मयणासणे य परक्कमे यावि
 सुसाहुजुत्ते । समिईसु गुत्तीसु य जायपत्ते वियागरिं ने य पुट्ठो बएज्जा ॥ ५ ॥ ५८४ ॥
 सहाणि सोच्चा अदु भेरवाणि अणासवे तेसु परिव्वएज्जा । जिहं च भिक्खु न पमाय
 कुज्जा क्हंक्हं वा वित्तिगिच्छतिण्णे ॥ ६ ॥ ५८५ ॥ डहरेण सुत्तेणइसुसासिए उ
 राइणिणावि ममव्वएणं । सम्मं तयं थिरओ नाभिगच्छे निज्जन्तए कावि अपारए
 से ॥ ७ ॥ ५८६ ॥ विउट्टिएणं समयाणुसिट्ठे डहरेण सुत्तेण उ बोएए व । अनुट्ठि-

याए घडदासिए वा अगारिणं वा समयाणुसिद्धे ॥ ८ ॥ ५८७ ॥ न तेसु कुञ्जे न
 य पव्वहेज्जा न यावि किञ्ची फलसं वएज्जा । तहा करिस्सं ति पढिस्सुणेज्जा सेयं खु
 मेयं न पमाय कुञ्जा ॥ ९ ॥ ५८८ ॥ वर्णसि मूढस्स जहा अमूढा मग्गाणुमासन्ति
 हियं पयाणं । तेणेव मज्झं णमेव सेयं जं मे बुहा मग्गुमासयन्ति ॥ १० ॥ ५८९ ॥
 अह तेण मूढेण अमूढगस्म कायव्व पूया सविसेसजुता । एओवमं तत्थ
 उदाहु वीरे अणुगम्म अत्यं उवणेइ मम्मं ॥ ११ ॥ ५९० ॥ नेया जहा अन्ध-
 कारंति राओ मग्गं न जाणाइ अपस्ममाणे । से सुरियस्स अब्भुगमेणं मग्गं
 वियाणाइ पगासियंसि ॥ १२ ॥ ५९१ ॥ एवं तु मेहे वि अपुट्टधम्मं धम्मं न
 जाणाइ अबुज्जमाणे । से कोविए जिणवयणेण पच्छा मूरोइए पासइ चक्खुणेव
 ॥ १३ ॥ ५९२ ॥ उक्खं अहे यं तिरियं दिमासु तसा य जे यावर जे य पाणा ।
 सया जए तेसु परिव्वएज्जा मणप्यओसं अविकम्पमाणे ॥ १४ ॥ ५९३ ॥ कालेण
 पुच्छे समिय पयासु आइक्खमाणो दवियस्स वित्तं । तं सोयकारी य पुढो पवेसे
 संखा इमं केवलियं समाहिं ॥ १५ ॥ ५९४ ॥ अस्मि सुठिखा निविहेण तायी
 एएसु या सन्ति निरोइमाहु । ते एवमक्खन्ति तिल्लोगदंसी न भुज्जमेयन्ति पमाय-
 मंगं ॥ १६ ॥ ५९५ ॥ नितम्म से भिक्खु समीहियद्वं पडिभाणवं होइ विसारए य ।
 आयाणअट्ठी बोदाणमणे उवेव सुद्धेण उवेइ मोक्खं ॥ १७ ॥ ५९६ ॥ संखाइ
 धम्मं च वियागरन्ति बुद्धा हु ते अन्तकरा भवन्ति । ते पारगा दोण्ड वि मोयणाए
 संसोधियं पण्हमुदाहरन्ति ॥ १८ ॥ ५९७ ॥ नो छायाए नो वि य ल्हाएज्जा माणं
 न सेवेज्ज पगासणं च । न यावि पजे परिहास कुञ्जा न याऽऽसियावाय वियागरेज्जा
 ॥ १९ ॥ ५९८ ॥ भूयाभिसंकाइ दुगुच्छमाणे न निव्वहे मन्तपण्य गोयं । न
 किञ्चिच्चिच्छे मणुए पबामुं असाहुधम्मणि न संवएज्जा ॥ २० ॥ ५९९ ॥ हासं पि
 नो संघइ पावधम्म्ये ओए तर्हायं फलसं वियाणे । नो कुच्छए नो य विकंथइज्जा
 अणाइले या अकताइ भिक्खु ॥ २१ ॥ ६०० ॥ संकेज्ज याऽऽसियभाव भिक्खु
 विमज्जवायं च वियागरेज्जा । मासादुयं धम्मसमुट्ठिएहिं वियागरेज्जा समयासुपजे
 ॥ २२ ॥ ६०१ ॥ अणुगच्छमाणे वित्तं विजाणे तहा तहा साहु अकल्लसेणं । न
 कत्थं भास विहिंसइज्जा निरुद्धं वापि न वीहइज्जा ॥ २३ ॥ ६०२ ॥ समाल्लवेज्जा
 पडिपुण्णभासी निसामिया समियाअद्वंदंसी । आणाइ सुद्धं वयणं मिउजे अभिसंधए
 पावविवेग भिक्खु ॥ २४ ॥ ६०३ ॥ अहासुइयाई सुसिक्खाएज्जा जइज्जया नाइवेलं
 वएज्जा । से दिट्ठियं दिट्ठि न ल्हाएज्जा से आणाइ भासिउं तं समाहिं ॥ २५ ॥ ६०४ ॥
 अल्लए नो पच्छवभासी नो सुत्तमत्थं च करेज्ज ताई । सत्वारभती अणुवीह वायं

सुयं च सम्मं पडिवाययन्ति ॥ २६ ॥ ६०५ ॥ से मुद्धसुने उवहाणवं च धम्मं च
जे विन्दइ तथ तथ । आप्जनके कुमले धियंते स अरिहद भासितं तं समाहिं
॥ २७ ॥ ६०६ ॥ ति वेमि ॥ गन्धज्जयणं चोहहमं ॥

आयाणियज्जयणे पण्णरहमे

जमईअ पडुप्पत्तं आगामेस्स च नायओ । सव्वं मज्जइ तं ताई रंसणावरणन्तए
॥ १ ॥ ६०७ ॥ अन्नए विंतिगिच्छाप मे ज्ञाणइ अणेत्तिसं । अणेत्तिसस्स अक्खाया
न से होइ तहिं तहि ॥ २ ॥ ६०८ ॥ तहिं तहिं सुयक्खायं से य मब्बे सुआहिं ।
सया सव्वेण संपत्ते मोत्तं भूणहि कप्पए ॥ ३ ॥ ६०९ ॥ भूणहि न विरुज्जेज्जा एम
धम्मं वुसीमत्तं । वुत्तिसं जगं परिज्ञाय अस्सि जीवियभावणा ॥ ४ ॥ ६१० ॥
भावणाजोगमुद्धपा जत्ते नावा व आदिया । नावा व तीरसपत्ता सव्वदुक्खा तिउ-
ट्ट ॥ ५ ॥ ६११ ॥ तिउट्टे उ मेहावी जाणे लोर्गमि पावरां । तुट्टन्ति पावकम्माणि
नवं कम्ममकुब्बओ ॥ ६ ॥ ६१२ ॥ अकुब्बओ नवं नत्थि कम्मं नाम विजाणट ।
विज्ञाय से महावीरे जेण जाई न म्मज्जइ ॥ ७ ॥ ६१३ ॥ न म्मज्जइ महावीरे
जस्स नत्थि पुरेकउं । वाउ व्व जालमब्बेउ पिया लोर्गमि इत्थियो ॥ ८ ॥ ६१४ ॥
इत्थियो जे न सेवन्ति आदमोक्खा हु ने जगा । ने जगा बन्धणुम्मुहा नावकंत्तान्त
जीवियं ॥ ९ ॥ ६१५ ॥ जीवियं पिट्ठओ किवा अन्नं पावन्ति कम्ममुणं । कम्ममुणा
संमुहीभूया जे मग्गमणुमासई ॥ १० ॥ ६१६ ॥ अणुमासणे पुट्ठो पाणी वमसं
पुयणानु ते । अणामए जए दन्ते ददे आरयमेहुणे ॥ ११ ॥ ६१७ ॥ नीवारं
व न लीएज्जा तिक्कमोए अणावित्ते । अणाटले सया दन्ते संधि पत्ते अणेत्तिसं ॥ १२ ॥
॥ ६१८ ॥ अणेत्तिसस्स खेयत्ते न विरुज्जेज्ज केणइ । मणमा वयसा चंब कायमा चंब
चक्कपुसं ॥ १३ ॥ ६१९ ॥ से हु चक्क मणुम्माणं जे कंखाए व अन्नए । अन्तेण
खुरो वट्टई चक्कं अन्तेण लोड्डई ॥ १४ ॥ ६२० ॥ अन्ताणि धीग सेवन्ति तेण
अन्नकरा उह । उह माणुस्सए ठाणे धम्ममाराहिउं नरा ॥ १५ ॥ ६२१ ॥ निट्ठि-
यट्ठा व देवा वा उत्तरीए इयं सुयं । सुयं च मेयमेगेमि अमणुस्सेसु नो नहा ॥ १६ ॥
॥ ६२२ ॥ अन्नं करान्त दुक्खाणं इहमेगेसिमाहिं । आचार्यं पुण एगेमि सुक्कमेइयं
समुस्सए ॥ १७ ॥ ६२३ ॥ इओ विट्ठंममाणस्स पुणो संबोहि सुक्कहा । सुक्कहाओ
तह्वाओ जे धम्मट्ठं वियागरे ॥ १८ ॥ ६२४ ॥ जे धम्मं मुद्धमक्खन्ति पडिपु-
ण्णामणेत्तिसं । अणेत्तिसस्स जं ठाणं तस्स जम्मकहा कत्तो ॥ १९ ॥ ६२५ ॥ कओ
कयाइ मेहावी उप्पज्जन्ति तहागया । तहागया अप्पडिजा चक्क लोर्गस्सपुत्तरा

॥ २० ॥ ६२६ ॥ अणुत्तरे य ठाणे मे कासवेण पवेइए । जं किष्वा निव्वुडा एगे
 निट्ठे पावन्ति पण्डिया ॥ २१ ॥ ६२७ ॥ पण्डिए वीरियं लद्धं निरघायाय पवनगं
 धुणे पुव्वकडं कम्मं नवं वा वि न कुव्वई ॥ २२ ॥ ६२८ ॥ न कुव्वई महावीरे
 अणुपुव्वकडं रयं । रयमा संसुदीभूया कम्मं हेत्थाणं जं मयं ॥ २३ ॥ ६२९ ॥ जं
 मयं मव्वमाहुणे तं मयं सद्दगणनं । माटडत्ताणं तं तिष्णा देवा वा अर्भाविसु ते
 ॥ २४ ॥ ६३० ॥ अर्भाविसु पुरा धीरा आगमिस्सा वि सुव्वया । दुत्तित्तवोहस्स मग्गस्स
 अन्नं पाउकरा तिष्णे ॥ २५ ॥ ६३१ ॥ ति वेमि ॥ आयाणियज्जयणं पण्णरहमं ॥

गाहज्जयणे सोळसमे

अहाह भगवं—एवं से दन्ते दविए वोमट्ठकाए ति वच्चे माहणे ति वा १ समणे
 ति वा २ भिक्खु ति वा ३ निग्गन्थे ति वा ४ । पड्डिआह—भन्ते कडं नु दन्ते
 दविए वोमट्ठकाए ति वच्चे माहणे ति वा समणे ति वा भिक्खु ति वा निग्गन्थे ति
 वा । तं नो बुद्धिं महामुणी ॥ इति विरए सव्वपावकम्मोहिं पिज्जदोमकलहं अच्च-
 क्खवाणं पेसुजं परपत्तिवायं अरइरइं मायामोमं सिच्छादंमणमर्जविरए मभिए
 सहिए मया जए नो कुज्जे नो माणी माहणे ति वच्चे ॥ १ ॥ ६३० ॥ एत्थ वि
 समणे अनिस्सिए अधियाणं आयाणं च अद्वारं च मुसावायं च बहिदं च कोहं च
 माणं च मायं च लोहं च पिज्जं च शोसं च इत्थेव जओ जओ आयाणं अप्पणो
 पदोमहेउ तओ तओ आयाणाओ पुव्वं पड्डिविरए पाणाइवाया सिआ दन्ते दविए
 वोमट्ठकाए समणे ति वच्चे ॥ २ ॥ ६३३ ॥ एत्थ वि भिक्खु अणुत्तए विणीए नामए
 दन्ते दविए वोमट्ठकाए संविधुणीय विरुवरुवे परीसहोबमग्गे अज्जप्पजोगसुद्धादाणे
 उर्वाट्टिए ठिअप्पा मंखाए परदत्तभोई भिक्खु ति वच्चे ॥ ३ ॥ ६३४ ॥ एत्थ वि
 निग्गन्थे एगे एगविकु बुद्धे संछिन्नसोए सुसंजए सुसमिए सुसामाइए आयवायपत्ते
 विकु दुहओ वि सोयपत्तिच्छिन्ने णो पूयणसक्कारलाभट्ठी धम्मट्ठी धम्मविकु नियाग
 पड्डिवन्ते मभियं चरे दन्ते दविए वोमट्ठकाए निग्गन्थे ति वच्चे ॥ ४ ॥ ६३५ ॥
 से एवमेव जाणह जमहं भवन्तारो ॥ ति वेमि ॥ गाहज्जयणं सोळसमं,
 पढमे सुयक्खन्थे समत्ते ॥

पोण्डसियज्जयणे षड्ढमे

सुयं मे आउसं तेणं भगवन्ना एवमक्खार्यं । इह कल्लु पोण्डरीए नामज्जयणे

तस्स णं अयमट्ठे पज्जते । से जहानामए पुक्खरिणी सिया बहुउदगा बहुसेया बहु-
 पुक्खला उद्धटा पुण्डरिक्किणी पासादिया दरिसणिया अभिरूवा पडिस्वा । तीसे णं
 पुक्खरिणीए तत्थ तत्थ देसे देसे तहिं तहिं बहवे पउमवरपोण्डरीया बुइया, अणु-
 पुव्वुट्ठिया ऊसिया छला वण्णमन्ता गन्धमन्ता रसमन्ता फासमन्ता पासादिया
 दरिसणिया अभिरूवा पडिस्वा । तीसे णं पुक्खरिणीए बहुमज्जदेसभाए एगे महं
 पउमवरपोण्डरीए बुइए, अणुपुव्वुट्ठिए ऊसिए छले वण्णमन्ते गन्धमन्ते रसमन्ते
 फासमन्ते पासादीए जाव पडिस्वे । सव्वावन्ति च णं तीसे पुक्खरिणीए तत्थ तत्थ
 देसे देसे तहिं तहिं बहवे पउमवरपोण्डरीया बुइया अणुपुव्वुट्ठिया ऊसिया छला
 जाव पडिस्वा । सव्वावन्ति च णं तीसे णं पुक्खरिणीए बहुमज्जदेसभाए एगे महं
 पउमवरपोण्डरीए बुइए अणुपुव्वुट्ठिए जाव पडिस्वे ॥ १ ॥ ६३६ ॥ अहं पुरिसे
 पुरित्थिमाओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासइ
 तं महं एगं पउमवरपोण्डरीयं अणुपुव्वुट्ठियं ऊसियं जाव पडिस्वं । तए णं से पुरिसे
 एवं वयासी-अहमंसि पुरिसे खेयत्ते कुसले पण्डिए वियत्ते मेहावी अवाळे मग्गट्ठे
 मग्गविऊ मग्गस्त गइपरिक्कमञ्जु । अहमेयं पउमवरपोण्डरीयं उच्चिक्खिस्सामि पि
 कट्टु इइ बुया से पुरिसे अभिक्कमेइ तं पुक्खरिणिं । जावं जावं च णं अभिक्कमेइ
 तावं तावं च णं महन्ते उदए महन्ते सेए पहीणे तीरं अपत्ते पउमवरपोण्डरीयं
 नो हव्वाए नो पाराए अन्तरा पुक्खरिणीए सेयंसि निसण्णे पढमे पुरिसजाए
 ॥ २ ॥ ६३७ ॥ अहावरे दोच्चे पुरिसजाए । अहं पुरिसे दक्खिण्णाओ दिसाओ
 आगम्म तं पुक्खरिणिं तीसे पुक्खरिणीए तीरे ठिच्चा पासइ तं महं एगं पउमवर-
 पोण्डरीयं अणुपुव्वुट्ठियं पासादीयं जाव पडिस्वं । तं च एत्थ एगं पुरिसजायं पासइ
 पहीणतीरं अपत्तपउमवरपोण्डरीयं नो हव्वाए नो पाराए अन्तरा पुक्खरिणीए सेयंसि
 निसण्णं । तए णं से पुरिसे तं पुरिसं एवं वयासी-अहो णं इमे पुरिसे अखेयत्ते
 अकुसले अपण्डिए अवियत्ते अमेहावी बाळे नो मग्गट्टु नो मग्गविऊ नो मग्गस्त
 गइपरिक्कमञ्जु जं णं एम पुरिसे । अहमंसि खेयत्ते कुसले जाव पउमवरपोण्डरीयं
 उच्चिक्खिस्सामि । नो य खल्लु एयं पउमवरपोण्डरीयं एवं उच्चिक्खेयत्थं जहा णं एस
 पुरिसे मजे । अहमंसि पुरिसे खेयत्ते कुसले पण्डिए वियत्ते मेहावी अवाळे मग्गट्ठे
 मग्गविऊ मग्गस्त गइपरिक्कमञ्जु, अहमेयं पउमवरपोण्डरीयं उच्चिक्खिस्सामि पि कट्टु
 इइ बुया से पुरिसे अभिक्कमे तं पुक्खरिणिं । जावं जावं च णं अभिक्कमेइ तावं तावं
 च णं महन्ते उदए महन्ते सेए पहीणे तीरं अपत्ते पउमवरपोण्डरीयं नो हव्वाए
 नो पाराए अन्तरा पुक्खरिणीए सेयंसि निसण्णे दोच्चे पुरिसजाए ॥ ३ ॥ ६३८ ॥

अहावरे तत्रे पुरिसजाए । अह पुरिसे पञ्चत्थिमाओ दिसाओ आगम्म तं पुक्खरिणि तीसे पुक्खरिणीए तीरे ठिष्वा पासइ तं एणं महं पउमवरपोण्ढरीयं अणुपुञ्जुट्टियं जाव पडिस्सं । ते तत्थ दोष्णि पुरिसजाए पासइ पहीणे तीरं अपत्ते पउमवरपोण्ढरीयं नो इत्थाए नो पाराए जाव सेयंसि निसण्णे । तए णं से पुरिसे एवं वयासी-अहो णं इमे पुरिसा अखेयन्ना अकुमला अपण्डिया अवियत्ता अमेहावी बाला नो मग्गट्ठा नो मग्गविऊ नो मग्गस्स गइपरिकमञ्जु जं णं एए पुरिसा एवं मजे-अम्हे एयं पउमवरपोण्ढरीयं उच्चिक्खिस्सामो नो य खलु एयं पउमवरपोण्ढरीयं एवं उच्चिक्खेयण्वं अहा णं एए पुरिसा मजे । अहमंसि पुरिसे खेयजे कुसले पण्डिए वियत्तं मेहावी अवाळे मग्गट्ठे मग्गविऊ मग्गस्स गइपरिकमञ्जु अहमेयं पउमवरपोण्ढरीयं उच्चिक्खिस्सामि ति कट्टु इति बुष्वा से पुरिसे अभिक्कमे तं पुक्खरिणि । जावं जावं च णं अभिक्कमे तावं तावं च णं महन्ते उदए महन्ते सेए जाव अन्तरा पुक्खरिणीए सेयंसि निसण्णे तत्रे पुरिसजाए ॥ ४ ॥ ६३९ ॥ अहावरे चउत्थे पुरिसजाए । अह पुरिसे उतराओ दिसाओ आगम्म तं पुक्खरिणि तीसे पुक्खरिणीए तीरे ठिष्वा पासइ तं महं एणं पउमवरपोण्ढरीयं अणुपुञ्जुट्टियं जाव पडिस्सं । ते तत्थ तिष्णि पुरिसजाए पासइ पहीणे तीरं अपत्ते जाव सेयंसि निसण्णे । तए णं से पुरिसे एवं वयासी-अहो णं इमे पुरिसा अखेयन्ना जाव नो मग्गस्स गइपरिकमञ्जु जं णं एए पुरिसा एवं मजे-अम्हे एयं पउमवरपोण्ढरीयं उच्चिक्खिस्सामो नो य खलु एयं पउमवरपोण्ढरीयं एवं उच्चिक्खेयण्वं अहा णं एए पुरिसा मजे । अहमंसि पुरिसे खेयजे जाव मग्गस्स गइपरिकमञ्जु, अहमेयं पउमवरपोण्ढरीयं एवं उच्चिक्खिस्सामि ति कट्टु इति बुष्वा से पुरिसे अभिक्कमे तं पुक्खरिणि । जावं जावं च णं अभिक्कमे तावं तावं च णं महन्ते उदए महन्ते सेए जाव निसण्णे चउत्थे पुरिसजाए ॥ ५ ॥ ६४० ॥ अह भिक्खु लहे तीरट्ठी खेयजे जाव गइपरिकमञ्जु अजयराओ दिसाओ वा अणुदिसाओ वा आगम्म तं पुक्खरिणि तीसे पुक्खरिणीए तीरे ठिष्वा पासइ तं महं एणं पउमवरपोण्ढरीयं जाव पडिस्सं । ते तत्थ चत्तासि पुरिसजाए पासइ पहीणे तीरं अपत्ते जाव पउमवरपोण्ढरीयं नो इत्थाए नो पाराए अन्तरा पुक्खरिणीए सेयंसि निसण्णे । तए णं से भिक्खु एवं वयासी-अहो णं इमे पुरिसा अखेयन्ना जाव नो मग्गस्स गइपरिकमञ्जु जं एए पुरिसा एवं मजे अम्हे एयं पउमवरपोण्ढरीयं उच्चिक्खिस्सामो, नो य खलु एयं पउमवरपोण्ढरीयं एवं उच्चिक्खेयण्वं अहा णं एए पुरिसा मजे । अहमंसि भिक्खु लहे तीरट्ठी खेयजे जाव गइपरिकमञ्जु अहमेयं पउमवरपोण्ढरीयं उच्चिक्खिस्सामि ति कट्टु इति बुष्वा से भिक्खु

नो अभिक्कमे तं पुक्खरिणि तीसे पुक्खरिणीए तीरे ठिच्चा सहं कुब्जा-उप्पयाहि
 खलु भो पउमवरपोण्डरीया उप्पयाहि । अह उप्पइए से पउमवरपोण्डरीए ॥ ६ ॥
 ॥ ६४१ ॥ किट्टिए नाए समणाउमो, अट्टे पुण से जाणियव्वे भवइ । भन्ते ति समणे
 भगवं महावीर निग्गन्था य निग्गन्धीओ य वन्दन्ति नमंसन्ति वन्टिन्ना नमंसिन्ना
 एवं वयासी-किट्टिए नाए समणाउमो, अट्टं पुण से न जाणामो समणाउमो ति ।
 समणे भगवं महावीरे ते य बहवे निग्गन्थे य निग्गन्धीओ य आमन्तेत्ता एवं
 वयासी-हन्त समणाउमो आउक्खामि विभावेमि किन्तेमि पवेएमि मअट्टं महंउं
 सनिमित्तं भुजो भुजो उवदंसेमि । से वेमि ॥ ७ ॥ ६४२ ॥ लोयं च खलु मए
 अप्पाहट्टु समणाउमो पुक्खरिणी बुदया । कम्मं च खलु मए अप्पाहट्टु समणाउमो
 से उदए वुडए । कामभोगं य खलु मए अप्पाहट्टु समणाउमो से सेए बुदए । जण-
 जाणवयं च खलु मए अप्पाहट्टु समणाउमो ते बहवे पउमवरपोण्डरीए वुडए ।
 रायाणं च खलु मए अप्पाहट्टु समणाउमो से एगे महं पउमवरपोण्डरीए वुडए ।
 अज्जनित्थिया य खलु मए अप्पाहट्टु समणाउमो ते चत्थारि पुरिमजाया बुदया ।
 धम्मं च खलु मए अप्पाहट्टु समणाउमो से भिक्खु वुडए । धम्मतिथं च खलु
 मए अप्पाहट्टु समणाउमो से तीरे वुडए । धम्मकटं च खलु मए अप्पाहट्टु सम-
 णाउमो से महे वुडए । निव्वयाणं च खलु मए अप्पाहट्टु समणाउमो से उप्पाए
 वुडए । एवमेयं च मए अप्पाहट्टु समणाउमो से एवमेयं बुदयं ॥ ८ ॥ ६४३ ॥
 इह खलु पाडेणं वा पवीणं वा उवीणं वा इहियं वा गन्तेगइया मणुस्सा भवन्ति
 अणुपुट्ठेणं लोणं उववञ्जा । नंजहा-आरिया वेगे अणारिया वेगे उच्चागोत्ता वेगे
 णीयागोया वेगे कायमन्ता वेगे रहस्समन्ता वेगे सवण्णा वेगे दुक्खण्णा वेगे मूक्खा
 वेगे दुरूवा वेगे । नेमि च णं मणुयाणं एगे राया भवइ महया हिमवन्तमलयमन्दर-
 महिन्दराणे अचन्तमिसुदरायकुल्लवंसप्फणाए निग्गन्तरायलक्खणविगाइयप्रमञ्जे बहु-
 जणबहुमाणपुट्टाए गच्चगुणमसिद्धे र्वाणए सुट्टिए सुत्ताभिमित्ते माउपिउत्तुआए दय-
 ष्मिए सीमंकरे सीमंधरे स्वेमंकरे स्वेमंधरे मणुस्सिद्धे जणवयपिया जणवयपुणेहिए
 सेउकरे केउकरे नरपवरे पुरिमपवरे पुरिमसीहे पुरिमआसीविसे पुरिसवरपोण्डरीए
 पुरिमवरगंधहन्धी अञ्जु दित्ते विने विन्धिण्यविउल्लमवणमयणासवजाणवाहणाउण्णे
 बहुधणबहुजायह्वरयए आओगपओगमंपउणे विच्छट्टियपउरअत्तयाणे बहुवासीदास-
 गोमहियगवेल्गप्पभूए पडिपुण्णजंतकोमकोट्टागाराउहागारे बल्लवं दुम्बलपक्कामिने
 ओहयकण्टयं निहयकण्टयं मल्लियकण्टयं उद्धियकण्टयं अकण्टयं ओहयसत्तु निहयसत्तु
 मल्लियसत्तु उद्धियसत्तु निद्धियसत्तु पराइयसत्तु कवययनुविमकव्वारिमइविप्पमुहं

(रायवष्णुओ जहा ओववाइए) जाव पसंतडिम्बडमरं रजं पमाहेमाणे विहरड । तस्म णं रजो परिता भवइ उग्गा उग्गपुत्ता भोगा भोगपुत्ता इक्खागाइ इक्खागाड-पुत्ता नाया नायपुत्ता कोरव्वा कोरव्वपुत्ता भट्टा भट्टपुत्ता माहणा माहणपुत्ता लेच्छड लेच्छडपुत्ता पत्तत्थारो पत्तत्थपुत्ता मेणावइ सेणावडपुत्ता । तेमिं च णं एगइए मङ्गी भवइ कामं तं समणा वा माहणा वा संपहारिंसु गमणाए । तत्थ अन्नयरेणं धम्मेषं पत्तत्थारो वयं इमेणं धम्मेषं पत्तवडस्सामो मे एवमायाणह भसंतारो जहा माए एम धम्मो सुयक्खाए सुपत्तमे भवइ । तं जहा-उक्कुं पायतत्ता अहे केसग्गमत्थया निरियं तयपांग्यंते जीवे एम आयापज्जेवे कनिणं एम जीवे जीवड, एम मए नो जांवड, मरीरे धाम्माणं धरइ विघट्टांमि य नो धरइ । एयं तं जीवियं भवइ, आउहणाए परेहिं निज्जट, अगणिआमिणं मरीरे क्कोयवष्णाणि अट्टीणि भवन्ति, आसंदीपत्तमा पुरिमा गामं पक्खागच्छन्ति, एवं असंते असंविज्जमाणे । जेसिं तं अमंते अमंविज्जमाणे तसिं तं न्यक्खायं भवइ-अत्तो भवइ जीवो अज्जं मरीरं, तम्हा तं एवं नो विपडिवे-देवि-अयमाउमो आया दीहे णि वा इम्मं णि वा परिमण्डले णि वा वट्टं णि वा तंसे णि वा चउत्तंसे णि वा आयाए णि वा छलंसिए णि वा अट्टंसे णि वा किण्हे णि वा नीले णि वा लोहियहाल्लंहे णि वा मुक्कंसे णि वा म्दिभग्गंथे णि वा दुडिभग्गंथे णि वा निम्भं णि वा कडुए णि वा कमाए णि वा आम्बले णि वा महुरे णि वा कक्खडे णि वा मउए णि वा गरुए णि वा लहुए णि वा झीए णि वा उण्णिणे णि वा निद्वे णि वा लक्खे णि वा । एवं असंते असंविज्जमाणे । जेसिं तं सुयक्खायं भवइ-अत्तो जावो अज्जं मरीरे, तम्हा तं नो एवं उवल्लभंमि । से जहानामए-केइ पुरिसे कोसीओ अमिं अभिनिव्वट्टिणा णं उवदंसेज्जा अयमाउमो असी अयं कोसी, एवमेव नत्थि केइ पुरिसे अभिनिव्वट्टिणा णं उवदंसेत्तारो अयमाउमो आया इयं मरीरं । से जहानामए केइ पुरिसे मुत्ताओ इत्तियं अभिनिव्वट्टिणा णं उवदंसेज्जा अयमाउमो मुत्ते इयं उमित्तियं, एवमेव नत्थि केइ पुरिसे उवदंसेत्तारो अयमाउमो आया इयं मरीरं । से जहानामए-केइ पुरिसे मंसाओ अट्टिं अभिनिव्वट्टिणा णं उवदंसेज्जा अयमाउमो मंसं अवं अट्टी, एवमेव नत्थि केइ पुरिसे उवदंसेत्तारो अयमाउमो आया इयं मरीरं । से जहानामए-केइ पुरिसे करयत्ताओ आमलकं अभिनिव्वट्टिणा णं उवदं-सेज्जा अयमाउमो करयले अयं आमलए, एवमेव नत्थि केइ पुरिसे उवदंसेत्तारो अय-माउमो आया इयं मरीरं । से जहानामए-केइ पुरिसे दहीओ नवणीयं अभिनिव्व-ट्टिणा णं उवदंसेज्जा अयमाउमो नवणीयं अयं तु दही, एवमेव नत्थि केइ पुरिसे जाव मरीरं । से जहानामए-केइ पुरिसे तिळेहिंनो तेळं अभिनिव्वट्टिणा णं उवदंसेज्जा

अयमाउसो तेहं अयं पिष्णाए, एवमेव जाव सरीरं । से जहानामए-केइ पुरिसे इक्खुओ खोयरसं अभिनिव्वट्ठिणा णं उवदंसेज्जा अयमाउसो खोयरसे अयं छोए, एवमेव जाव सरीरं । से जहानामए-केइ पुरिसे अरणीओ अरिग अभिनिव्वट्ठिणा णं उवदंसेज्जा अयमाउसो अरणी अयं अग्गी, एवमेव जाव सरीरं । एवं असंते असंविज्जमाणे । जेसिं तं सुयक्खायं भवइ तं जहा-अओ जीवो अञ्जे सरीरं । तम्हा ते मिच्छा ॥ से हंता तं हणह खणह छणह डहह पयह आलुम्यह विलुम्यह मह-सक्कारेह विपरामुसह, एयावया जीवो नत्थि परलोए । ते नो एवं विपरिडंवेदंति, तं जहा-किरिया इ वा अकिरिया इ वा सुक्खे इ वा दुक्खे इ वा कल्लाने इ वा पावए इ वा साहु इ वा असाहु इ वा सिद्धी इ वा असिद्धी इ वा निरए इ वा अणिरए इ वा । एवं ते विरुवरुवेहिं कम्मसमारंभेहिं विरुवस्वाइं कामभोगाईं समारभन्ति भोयणाए ॥ एवं एगे पागब्भिया निक्खम्म मामगं धम्मं पञ्चवेत्ति । तं सहमाणा तं पत्तियमाणा तं रोएमाणा साहु सुयक्खाए समणे त्ति वा माहणे त्ति वा कामं खलु आउसो तुमं पूययामि, तं जहा-अमणेण वा पाणेण वा स्वाइमेण वा साइमेण वा वत्थेण वा पड्डिग्गहेण वा कम्बलेण वा पायपुञ्जणेण वा । तन्वेगे पूयणाए समा-उट्ठिस तत्थेगे पूयणाए निकाइंमु ॥ पुव्वमेव तेसिं नायं भवइ-समणा भविस्सामो अणगारा अकिञ्चना अपुत्ता अपमू परदत्तभोइणो भिक्खुणो पावं कम्मं नो करि-स्सामो समुट्ठाए । ते अपणा अप्पड्डिविरिया भवंति, सयमाइयंति अञ्जे वि आइयावेत्ति अञ्जे पि आचरयंतं समणुज्जाणंति एवमेव ते इत्थिकामभोगेहिं मुच्छिक्खा मिद्धा गट्ठिया अज्जोवक्खा लुद्धा रागदोसकमट्ठा । ते नो अप्पाणं समुच्छेदंति ते नो परं समुच्छे-दंति ते नो अजाइं पाणाइं भूयाइं जीवाइं सणाइं समुच्छेदंति, पहीणा पुव्वसंजोगं आयरियं मग्गं असंपत्ता इति ते नो हव्वाए नो पाराए अंतरा कम्मभोगेसु विसण्णा । इति पदमे पुरिसजाए तज्जीवतच्छरीरए त्ति आहिण्ण ॥ ९ ॥ ६४४ ॥

अहावरे दोषे पुरिसजाए पक्कमहन्नुहए त्ति आहिज्जइ । इह खलु पाइणं वा ६ सन्तेगडया मणुस्सा भवन्ति अणुपुव्वेण लोयं उवक्खा, तं जहा-आरिया वेगे अणारिया वेगे एवं जाव दुरूवा वेगे । तेसिं च णं महं एगे रावा भवइ महया एवं चैव निरवसेसं जाव सेणावइपुत्ता । तेसिं च णं एगइए सणी भवति कामं तं समणा य माहणा य पहारिसु गमणाए । नत्थ अज्जयरेणं धम्मोणं पक्कतारो वयं हमेणं धम्मोणं पक्कइस्सामो से एवमायाणह भयन्तारो जहा मए एस धम्मो सुअक्खाए सुपक्कते भवइ । इह खलु पक्कमहन्नुया जेहिं नो विज्जइ किरिय त्ति वा अकिरिय त्ति वा सुक्खे त्ति वा दुक्खे त्ति वा कल्लाने त्ति वा पावए त्ति वा साहु त्ति वा असाहु त्ति

वा सिद्धि ति वा असिद्धि ति वा निरए ति वा अनिरए ति वा अवि अन्तसो
तणमायमवि ॥ तं च पिहुवुत्तेणं पुढोभूयसमवायं जाणेजा । तं जहा पुडवी एगे
महब्भूए, आऊ दुक्के महब्भूए, तेऊ तक्के महब्भूए, वाऊ वउत्तये महब्भूए, आगासे
पक्कमे महब्भूए । इक्केए पक्क महब्भूया अनिम्मिया अनिम्माविया अकडा नो
कित्तिमा नो कडगा अणाइया अणिहणा अवप्पसा अपुरोहिवा नतंता सामया
आयच्छदा । पुण एगे एवमाहु-मओ नत्थि विणासो असओ नत्थि संभवो । एयावया
व जीवकाए एयावया व अत्थिकाए एयावया व सक्कलोए, एयं मुहं लोगस्स करण-
याए, अवि अन्तसो तणमायमवि । से किणं किणावेमाणे हणं घायमाणे पयं पया-
वेमाणे अवि अन्तसो पुरिममवि कीणिता घायत्ता एत्थं पि जाणाहि नत्थित्थ दोनो ।
ते नो एवं विप्पड्ढिवेदंति । तं जहा-किरिया इ वा जाव अनिरए इ वा । एवं ते
विरुक्कवेहिं कम्मममारंभेहिं विरुक्कवाइं कामभोगाइं समारंभंति भोयणाए । एव-
मेव ते अणारिया विप्पड्ढिजा नं सहहमाणा तं पत्तियमाणा जाव ते नो हक्काए
नो पाराए अंतरा कम्मभोगेणु विसण्णा । दोक्के पुरिसजाए पक्कमहब्भूइए ति
आहिए ॥ १० ॥ ६०० ॥ अहावरे तक्के पुरिमजाए ईसरकारणिए ति आहिज्जह ।
इह खलु पाईणं वा ६ संतेगइया मणुस्सा भवंति अणुपुब्बेणं लोयं उच्चवत्ता । तं
जहा-आरिया वेगे जाव तेसि च णं महंते एगे राया नवइ जाव सेणावइपुत्ता ।
तेसि च णं एणइए सच्ची भवइ, कामं तं समणा य माहणा य पहारिसु गमणाए
जाव जहा मए एम धम्मे सुयक्खाए उपपत्ते भवइ । इह खलु धम्मा पुरिमादिया
पुरिसोत्तरिया पुरिसप्पणीया पुरिससंभूया पुरिसपज्जोइया पुरिसमभिसमजागया
पुरिसमेव अभिभूय चिट्ठंति । से जहानामए-गण्डे सिया सरीरे जाए सरीरे संवुद्धे
सरीरे अभिसमजागए सरीरमेव अभिभूय चिट्ठइ, एवमेव धम्मा पुरिसादिया जाव
पुरिसमेव अभिभूय चिट्ठंति । से जहानामए-अरई सिया सरीरे जाया सरीरे
संवुद्धा सरीरे अभिसमजागया सरीरमेव अभिभूय चिट्ठइ, एवमेव धम्मा वि पुरि-
साविया जाव पुरिसमेव अभिभूय चिट्ठंति से जहानामए-वम्मिए सिया पुडविजाए
पुडविसंवुद्धे पुडविअभिसमजागए पुडविमेव अभिभूय चिट्ठइ, एवमेव धम्मा वि
पुरिसादिया जाव पुरिसमेव अभिभूय चिट्ठंति, से जहानामए-इक्के सिया पुडविजाए
पुडविसंवुद्धे पुडविअभिसमजागए पुडविमेव अभिभूय चिट्ठइ, एवमेव धम्मं वि
पुरिसादिया जाव पुरिसमेव अभिभूय चिट्ठंति । से जहानामए-पुक्कखरिणी सिया
पुडविजाया जाव पुडविमेव अभिभूय चिट्ठइ, एवमेव धम्मा वि पुरिसादिया जाव
पुरिसमेव अभिभूय चिट्ठंति । से जहानामए-उदगपुक्कखे सिया उदगजाए जाव

उदगमेव अभिभूय चिद्वड, एवमेव धम्मा वि पुरिसादिया जाव पुरिसमेव अभिभूय चिद्वडंति से जहानामए-उदगबुब्बुए सिंया उदगजाए जाव उदगमेव अभिभूय चिद्वड, एवमेव धम्मा वि पुरिसादिया जाव पुरिसमेव अभिभूय चिद्वडंति । जं पि य इमं समणाणं निरग्थाणं उद्विद्वं पणीयं वियज्जियं दुवालसङ्गं गणिपिडगं, तं जहा-आयारो स्यगडो जाव विद्विवाओ, मव्वमेवं भिन्हा, न एयं तहियं न एयं आहातहियं, इमं सच्चं इयं तहियं इमं आहातहियं । ते एवं सच्चं कुव्वंति, ते एवं सच्चं संठवेंति, ते एवं सच्चं सोवड्वंति । तमेवं ते तज्जाइयं दुक्खं नाइउट्टंति सउणी पञ्जरं जहा । ते नो एवं विप्पडिवेदंति तं जहा-किरिया इ वा जाव अनिरए इ वा, एवामेव ते विक्खव्वेहिं कम्मसमारम्भेहिं विक्खव्वेहाइं कामभोगाइं समाग्भंति भोयणाए । एवामेव ते अगारिया विप्पडिवज्जा एवं सहहमाणा जाव इति ते नो इव्वाए नो पाराए, अतरा कामभोगेसु विसण्णं ति, तच्चे पुरिसजाए इमरकारणिए ति आहिण ॥ ११ ॥ ६४६ ॥ अहावरे चउत्थे पुरिसजाए नियडवाइए ति आहिजड । इह खलु पाईणं वा ६ तहेव जाव सेगावइपुणा वा । तंमिं च णं एगइए मञ्जी भवड, कामं तं समणा य माहणा य सपहारिभु समणाए जाव मए एम धम्मं सुअक्ख्वाए सुपन्नते भवड । इह खलु दुवे पुरिमा भवंति-एगे पुरिमे किरियमाइक्खड एगे पुरिमे नोकिरिय माइक्खड । जे य पुरिम किरियमाइक्खड जे य पुरिसे नोकिरियमाइक्खड दो वि ते पुरिसा तुया एगट्ठा कारणमावज्जा । बाळे पुण एवं विप्पडिवेदंति कारण-मावजे-अहमंसि दुक्खामि वा सोयामि वा जुरामि वा निप्पामि वा पीडामि वा परितप्पामि वा अहमेयमकासि, पगे वा जं दुक्खड वा भोयड वा जुरड वा निप्पड वा पीडड वा परितप्पड वा पगे एवमकासि । एवं मे बाळे सकारणं वा परकारणं वा एवं विप्पडिवेदंति कारणमावजे । मेहावी पुण एवं विप्पडिवेदंति कारण-मावजे-अहमंसि दुक्खामि वा सोयामि वा जुरामि वा निप्पामि वा पीडामि वा परितप्पामि वा, नो अहं एवमकासि । पगे वा जं दुक्खड वा जाव परिनापड वा नो परो एवमकासि, एवं से मेहावी सकारणं वा परकारणं वा एवं विप्पडिवेदंति कारणमावजे । से वेमि पाईणं वा ६ जे तसथावरा पाणा ते एवं संघायमागच्छंति ते एवं विप्परिवायमावजंति ते एवं विवेगमागच्छंति ते एवं विहाणमागच्छंति ते एवं सेगइयान्ति उवेहाए । नो एवं विप्पडिवेदंति, तं जहा-किरिया इ वा जाव निरए इ वा अनिरए इ वा । एवं ते विक्खव्वेहिं कम्मसमारम्भेहिं विक्खव्वेहाइं कामभोगाइं समाग्भंति भोयणाए । एवमेव ते अवारिया विप्पडिवज्जा तं सहह-माणा जाव इति ते नो इव्वाए नो पाराए अतरा कामभोगेसु विसण्णा । चउत्थे

पुरिसजाए नियद्वाइए ति आहिए ॥ इच्छेए चत्तारि पुरिसजाया नाणापक्षा नाना-
छंदा नाणासीला नाणादिट्ठी नाणाइई नाणारम्भा नाणाअज्जवसाणसंजुत्ता पहीण-
पुव्वसंजोगा आरियं मग्गं असंपत्ता इति ते नो हव्वाए नो पाराए अंतरा काम-
भोगेसु विमण्णा ॥ १२ ॥ ६४७ ॥ से वेमि पाईणं वा ६ सन्तेगइया मणुस्सा
भवन्ति । तं जहा-आरिया वेगे अणारिया वेगे उच्चागोया वेगे नीयागोया वेगे
कायमन्ना वेगे हस्समन्ना वेगे मुवण्णा वेगे दुवण्णा वेगे सुक्खा वेगे दुक्खा वेगे ।
तेमि च णं खेतवत्थुणि परिग्गहियाणं भवन्ति, तं जहा अप्पयरो वा भुज्जयरो वा ।
तेमि च णं जणजाणवयाई परिग्गहियाई भवन्ति, तं जहा अप्पयरा भुज्जयरा वा ।
तहप्पगारेहिं कलेहिं आगम्म आभभूय एगे भिक्खायारियाए समुट्ठिया । सओ वा वि
एगे नायओ (अणायओ) य उवगरणं च विप्पजहाय भिक्खायारियाए समुट्ठिया ।
अमओ वा वि एगे नायओ (अणायओ) य उवगरणं च विप्पजहाय भिक्खाय-
रियाए समुट्ठिया । [जे ते सओ वा अमओ वा नायओ य अणायओ य उवगरणं
च विप्पजहाय भिक्खायारियाए समुट्ठिया] पुव्वमेव तेहिं नायं भवइ । तं जहा-
इह खलु पुरिसं अज्जमज्जं समट्ठाए एवं विप्पडिदेदि । तं जहा-ख्वं मे वत्थु मे
हिरण्णं मे सुवण्णं मे धणं मे धज्जं मे कंसु मे दूस मे विपुलधणकणगरयणमणिसो-
लियमेखसिलपवालरत्तरयणसनसारमानएयं मे । सहा मे क्खा मे गंधा मे ग्गा मे
फामा मे । एए खलु मे कामभोगा अहमवि एगामि । मे मेहावी पुव्वामेव अप्पणो
एवं तमभिजाणेज्जा । तं जहा-इह खलु मम अज्जयरो दुक्खं रोगायकं ममुग्गजेजा
अणिट्ठे अकंतं अप्पिए अमुं अमणुज्ज अमणामे दुक्खं नो सुहे । से इंता अयंतारो
कामभोगाई मम अज्जयरो दुक्खं रोगायकं परियाइयइ अणिट्ठं अकंतं अप्पियं अमुं
अमणुज्ज अमणामं दुक्खं नो सुहं । ता अहं दुक्खामि वा मोयामि वा जुरामि वा
तिप्पामि वा पीडामि वा परित्पामि वा इमाओ मे अज्जयरो दुक्खाओ रोगायकाओ
पडिमोयइ अणिट्ठाओ अकंताओ आणियाओ अनुभाओ अमणुजाओ अमणामाओ
दुक्खाओ नो सुहाओ । एवमेव नो लद्धपुव्वं भवइ । इह खलु कामभोगा नो ताणाए
वा नो सरणाए वा । पुरिसं वा एगया पुव्विं कामभोगे विप्पजहइ, कामभोगा वा
एगया पुठिं पुरिसं विप्पजहन्ति । अजे खलु कामभोगा अणो अहमंसि । से किमंग
पुण वयं अज्जमजेहिं कामभोगेहिं मुच्छामो । इति संखाए णं वयं च कामभोगेहिं
विप्पजहिस्सामो । से मेहावी जाणेज्जा बहिरत्तमेयं इणमेव उवणीययरागं । तं जहा-
माया मे पिवा मे भाया मे भगिणी मे भज्जा मे पुत्ता मे धूया मे पेसा मे नत्ता मे
उण्हा मे सुहा मे पिवा मे सहा मे सयणसंगवसंधुवा मे । एए खलु मम नायओ

अहमवि एएसि । एवं से मेहावी पुब्बामेव अप्पणा एवं समभिजाणेज्जा । इह खलु मम अन्नयरे दुक्खे रोगायंके समुप्पजेज्जा अणिट्ठे जाव दुक्खे नो सुहे । से हंता भयंतारो नायओ इमं मम अन्नयरं दुक्खं रोगायंके परियाइयह् अणिट्ठं जाव नो सुहं । ता अहं दुक्खामि वा सोयामि वा जाव परितप्पामि वा, इमाओ मे अन्नयराओ दुक्खाओ रोगायंकाओ परिमोएह् अणिट्ठाओ जाव नो सुहाओ, एवमेव नो लद्धपुव्वं भवइ । तेमि वा वि भयंताराणं मम नाययाणं अन्नयरे दुक्खे रोगायंके समुप्पजेज्जा अणिट्ठे जाव नो सुहे, से हंता अहमेएसि भयंताराणं नाययाणं इमं अन्नयरं दुक्खं रोगायंके परियाइयामि अणिट्ठं जाव नो सुहे, मा मे दुक्खंतु वा जाव मा मे परितप्पंतु वा, इमाओ णं अन्नयराओ दुक्खाओ रोगायंकाओ परिमो-एसि अणिट्ठाओ जाव नो सुहाओ, एवमेव नो लद्धपुव्वं भवइ । अन्नस्स दुक्खं अन्नो न परियाइयइ अजेण कइं अन्नो नो पडिसंवेदेइ पत्तेयं जायइ पत्तेयं भरइ पत्तेयं चयइ पत्तेयं उववज्जइ पत्तेयं झंझा पत्तेयं सच्चा पत्तेयं मच्चा एवं विहू वंयणा । इह खलु नाइसंजोगा नो ताणाए वा नो सरणाए वा । पुरिसे वा एगया पुक्वि नाइसंजोगे विप्पजहइ, नाइसंजोगा वा एगया पुक्वि पुरिसं विप्पजहन्ति, अन्ने खलु नाइसंजोगा अन्नो अहमांसि, से किमंग पुण वयं अन्नमजेहिं नाइसंजोगेहिं मुच्छामो, इति संखाए णं वयं नाइसंजोगं विप्पजहिस्सामो । से मेहावी जाणेज्जा बहिरङ्गमेयं, इणमेव उवणीययरारं । तं जहा-हत्या मे पाया मे बाहा मे उरु मे उयरं मे सीसं मे सीलं मे आऊ मे बलं मे वण्णो मे तथा मे छाया मे गोयं मे चक्खु मे घाणं मे जिब्भा मे फामा मे ममाइज्जइ, वयाउ पडिजूरइ । तं जहा-आउओ बलाओ वण्णाओ तथाओ छायाओ सोयाओ जाव फामाओ । मुसंधिओ संपी विसंधीभवइ, वलियतरंगे गाए भवइ, किण्हा केमा पलिया भवन्ति । तं जहा-जं पि य इमं सरीरं उरालं आहारोवइयं एयं पि य अणुपुव्वेणं विप्पजहियव्वं भविस्सइ । एयं संखाए से भिक्खु भिक्खायरियाए ममुट्ठिए दुहओ लोगं जाणेज्जा, तं जहा-जीवा चेव अजीवा चेव, तसा चेव धावरा चेव ॥ १३ ॥ ६४८ ॥ इह खलु गारत्या सारम्भा सपरिग्गहा, संतेगइया समणा माहणा वि सारम्भा सपरिग्गहा, जे इमे तसा धावरा पाणा ते सयं समारभन्ति अजेण वि समारम्भावेति अन्नं पि समारभंतं समणुजाणन्ति । इह खलु गारत्या सारम्भा सपरिग्गहा, संतेगइया समणा माहणा वि सारम्भा सपरिग्गहा, जे इमे कामभोगा सवित्ता वा अचित्ता वा ते सयं परिणिण्हुन्ति अजेण वि परिणिण्हावेन्ति अन्नं पि परिणिण्हुंतं समणु-जाणन्ति । इह खलु गारत्या सारम्भा सपरिग्गहा, संतेगइया समणा माहणा वि

सारम्भा सपरिगहा, अहं खलु अणारम्भे अपरिगहे, जे खलु गारत्या सारम्भा सपरिगहा, संतेगइया समणा माहणा वि सारम्भा सपरिगहा, एएसिं चैव निस्साए बम्भचेरवासं वसिस्सामो । कस्म णं तं हेउं ? जहा पुब्बं तथा अवरं जहा अवरं तथा पुब्बं, अज्जू एए अणुवरया अणुबद्धिया पुणरवि तारिसगा चैव । जे खलु गारत्या सारम्भा सपरिगहा, संतेगइया समणा माहणा वि सारम्भा सपरिगहा, दुहओ पावाइं कुब्बंति इति संखाए दोहि वि अंतेहिं अदिस्समाणो इति भिक्खु रीण्जा । से बेमि पाइंगं वा ६ जाव एवं से परिक्कायकम्भे, एवं से ववेयकम्भे, एवं से विअंतकारए भवइ पि-मक्खायं ॥ १४ ॥ ६४९ ॥ तत्थ खलु भगवया छज्जीबनिकायहेऊ पत्तत्ता । तं जहा-पुठवीकाए जाव तसकाए । से जहानामए-मम अमायं दण्डेण वा मुट्ठीण वा लेट्ठण वा कवालेण वा आउट्टिजमाणस्स वा हम्ममाणस्स वा तज्जिजमाणस्स वा ताडिज्जमाणस्स वा परियाविज्जमाणस्स वा किलामिज्जमाणस्स वा उट्ठविज्जमाणस्स वा जाव लोमुक्खणणमायमवि हिंसाकारगं दुक्खं भयं पडिसंवेदमि, इच्चैवं जाण मव्वे जीवा मव्वे भूया मव्वे पाणा मव्वे सत्ता दण्डेण वा जाव कवालेण वा आउट्टिजमणा वा हम्ममणा वा तज्जिजमणा वा ताडिज्जमणा वा परियाविज्जमणा वा किलामिज्जमणा वा उट्ठविज्जमणा वा जाव लोमुक्खणणमायमवि हिंसाकारगं दुक्खं भयं पडिसंवेदंति । एवं नत्था मव्वे पाणा जाव सत्ता न हंतव्वा न अज्जावेयव्वा न परिधेयव्वा न परितावेयव्वा न उट्ठवेयव्वा । से बेमि जे य अइया जे य पट्टुपत्ता जे य आगमिस्सा अरिहंता भगवंता मव्वे ते एवमाइक्खंति एवं भासंति एवं पक्कवंति एवं पक्कवंति मव्वे पाणा जाव सत्ता न हंतव्वा न परिधेयव्वा न अज्जावेयव्वा न परितावेयव्वा न उट्ठवेयव्वा । एस धम्मं धुवे नीइए सासए समिच्च लोगं खेयंहेहिं पवेइए । एवं से भिक्खु विरए पाणाइवायाओ जाव विरए परिगहाओ नो इंतपक्खालणं दंते पक्खालेज्जा नो अक्खणं नो वमणं नो धूवणे नो तं परिआवि-
एज्जा ॥ से भिक्खु अकिरिए अल्लसए अकोहे अमाणे अमाए अलोहे उबसंते परि-
निव्वुडे नो आसंसं पुरओ करेज्जा इमेण मे दिट्ठेण वा सुएण वा मएण वा विक्खाएण
वा इमेण वा सुचरियतवनियमबम्भचेरवासेण इमेण वा जायमायावुत्तिएण धम्मोणं
ओओ जुए पेष्सा देवे सिया कामभोगाण वसवती सिद्धे वा अदुक्खमसुमे एत्थ वि
थया एत्थ वि नो सिया । से भिक्खु म्हेहिं अमुच्छिए रुव्वेहिं अमुच्छिए गंधेहिं
अमुच्छिए रसेहिं अमुच्छिए फासेहिं अमुच्छिए विरए कोहाओ माणाओ मायाओ
लोभाओ वैजाओ दोसाओ कलहाओ अन्नकखाणाओ पेसुजाओ परपरिकायाओ

अरइरवओ मायामोसाओ मिच्छादंसणमळाओ इति से महओ आयाणाओ उवसते उवट्टिए पडिविए से भिक्खू । जं इमे तसथावरा पाणा भवन्ति ते नो सय समा-
 रम्भइ नो वज्जहिं समारम्भावेइ अज्जे समारम्भंते वि न समणुजाणइ इति से महओ
 आयाणाओ उवसते उवट्टिए पडिविए से भिक्खू जे इमे कामभोगा मच्चिन्ना वा
 अचित्ता वा ते णो सय परिगिण्हंति णो अण्णणं परिगिण्हवेंति अज्जे परिगिण्हंतंति न
 समणुजाणंति इति से महओ आयाणाओ उवसते उवट्टिए पडिविएओ मे भिक्खू ।
 जं पि य इम संपराइयं कम्मं किज्जइ, नो तं सयं करेइ नो अज्जाणं कारवेइ अज्जे
 पि करंतं न समणुजाणइ, इति से महओ आयाणाओ उवसते उवट्टिए पडिविए ।
 से भिक्खू जाणेजा अमणं वा ४ अस्सि पडियाए एयं राहम्मियं समुद्दिस्स पाणाइं
 भूयाइं जीवाइं सत्ताइं समारम्भ समुद्दिस्स कीयं पामिच्चं अचिच्छज्जे अण्णमद्दं आंभहं
 आहट्टहेमियं तं चेइयं मिया तं नो सयं भुज्जइ नो अज्जेणं भुजावेइ अज्जे पि भुज्जंतं
 न समणुजाणइ, इति से महओ आयाणाओ उवसते उवट्टिए पडिविए मे भिक्खू
 अह पुण एवं जाणेजा तं विज्जइ तेमि परक्कमे । (जस्मट्टा ते वेइयं सिया तेजहा
 अप्पणो पुत्तादणट्टाए जाव आएमाए पुढो पहेणाए गामायाए पायरायाए मनिहिम-
 निच्चओ किज्जइ इह एण्णियं माणवाणं भोगयाए) तत्थ भिक्खू परकटं परानिट्ठियमु-
 ग्गमुप्पायणेमणामुद्दं सत्थाइयं सत्थपरिणाभियं अविहिंमियं एत्थियं वेमियं मामुदाणियं
 पत्तममणं कारणट्टा पमाणजुत्तं अक्खोवज्जणवणलेवणभूयं संजमजायामाथावात्थं
 विलमिब पल्लगभाणं अपपाणं आहारं आहारंजा अज्जे अज्जकाले पाणं पाणकाले
 वत्थं वत्थकाले लेणं लेणकाले सयण सयणकाले । से भिक्खू मायजे अज्जयरं तस्ये
 अणुदिम वा पडिविजे धम्मं आइक्खे विभाए किंउ उवाट्टिएम वा अणुवाट्टिएम वा
 सुस्सममाणेमु पवेयाए, संनिविइ उवसय निच्चवाणं गोयावयं अज्जावयं महवियं
 लाघवियं अणुवाट्टियं सव्वेसि पाणाणं सव्वेसि भूयाणं जाव सत्ताण अणुवाइं किंउए
 धम्मं । से भिक्खू धम्मं किट्टमाणे नो अज्जस्स हेउं धम्ममाइक्खेज्जा, नो पाणस्स
 हेउं धम्ममाइक्खेज्जा, नो वत्थस्स हेउं धम्ममाइक्खेज्जा, नो लेणस्स हेउं धम्म-
 माइक्खेज्जा, नो सयणस्स हेउं धम्ममाइक्खेज्जा, नो अज्जाणि विस्सक्ख्वाणं कामभो-
 गाणं हेउं धम्ममाइक्खेज्जा, आगलाए धम्ममाइक्खेज्जा, नजत्थ कम्मनिज्जरट्टाए
 धम्ममाइक्खेज्जा । इह क्लइ तस्स भिक्खुस्स अतिए धम्मं सोळा निसम्म उट्ठा-
 णेणं उट्ठाय वीरा अस्सि धम्मं समुट्ठिया । जे तस्स भिक्खुस्स अतिए धम्मं सोळा
 निसम्म सम्मं उट्ठाणं उट्ठाय वीरा अस्सि धम्मं समुट्ठिया ते एवं सव्वोवगया ते
 एवं सव्वोवरया ते एवं सव्वोवसंता ते एवं सव्वत्ताए परिभिब्बुवे ति वेमि । एवं

से भिक्खु धम्मट्ठी धम्मविज्ज निवागपण्डिके से जहेयं बुद्ध्यं अदुवा पत्ते पउमवर-
पोण्डरीयं अदुवा अपत्ते पउमवरपोण्डरीयं, एवं से भिक्खु परिजायकम्मे परिजाय
संगे परिजायगेहवासं उवसंते समिणं सहिए सयाजए । सेयं वयणिके नं जहा—
समणे ति वा माहणे ति वा खंतं ति वा दंतं ति वा गुणे ति वा मुणे ति वा
इसि ति वा मुणि ति वा कइ ति वा विउ ति वा भिक्खु ति वा लहे ति वा तीरट्ठि
ति वा चरणकरणपारविउ ति वेमि ॥ १५ ॥ ६५० ॥ पोण्डरियज्जयणं
पट्टमं समत्तं ॥

किरियाठाणज्जयणे विद्ध्ये

सुयं मे आउसं ! तेणं भगवया एवमक्खायं । इह खलु किरियाठाणे नामज्जयणे
पज्जेते, तस्म णं अयमट्ठे । इह खलु संजुहंणे दुव्वं ठाणे एवमाहिज्जंति । तं जहा ।
धम्मं च्चैव अधम्मं च्चैव उवसंते च्चैव अणुवसंते च्चैव । तत्थ णं जे से पटमस्स
ठाणस्स अहम्मपक्खस्स विभंजं तस्म णं अयमट्ठे पज्जेते । इह खलु पाईणं वा ६
सत्तेगडसा मणुस्सा भवति । तं जहा—आरिया वेगे अणारिया वेगे उच्चागोया वेगे
नीयागोया वेगे कायसंता वेगे हस्ससंता वेगे सुवण्णा वेगे दुव्वण्णा वेगे सुक्खा
वेगे दुक्खा वेगे । तेमि च्च णं इमं एयास्सं दण्डसमादाणं सपेहाए । तं जहा—नेरड-
एसु वा तिरिक्खजोणिएसु वा मणुस्सेसु वा देवेषु वा जे याक्खे तहप्पगारा पाणा
विज्जु वेयणं वेयंति ॥ तेमि पि य णं इमाईं तेरस किरियाठाणाइं भवतीतिमक्खायं ।
तं जहा—अट्ठादण्डे १, अणट्ठादण्डे २, हिसादण्डे ३, अकम्हादण्डे ४, दिट्ठिविपरि-
यासियादण्डे ५, मोसवत्तिए ६, अदिजादाणवत्तिए ७, अज्जसत्थवत्तिए ८, माणवत्तिए
९, मिणटोसवत्तिए १०, मायावत्तिए ११, लोभवत्तिए १२, इरियावत्तिए १३
॥ १॥ ६५१ ॥ पट्टमे दण्डसमादाणे अट्ठादण्डवत्तिए ति आहिज्जइ । से जहानामए—कंइ
पुरिसे आयहेउं वा नाइहेउं वा अगारहेउं वा परिवारहेउं वा मिणहेउं वा नागहेउं
वा भूयहेउं वा जक्खहेउं वा तं दण्डं तससावरोहिं पाणेहिं सयमेव निस्तरइ अणेण
पि निस्तरावेइ अजं पि निस्तरितं समणुवाणइ, एवं खलु तस्स तप्पत्थियं माक्खं ति
आहिज्जइ । पट्टमे दण्डसमादाणे अणट्ठादण्डवत्तिए ति आहिज्जइ ॥ २ ॥ ६५२ ॥
अहावरे दोखे दण्डसमादाणे अणट्ठादण्डवत्तिए ति आहिज्जइ । से जहानामए—
कंइ पुरिसे जे इमे तसा पाणा भवति ते नो अच्चाए नो अजिणाए नो मंसणए नो
सोणियाए एवं हिक्खाए पिणाए कसाए पिच्छाए पुच्छाए बालाए सिंगाए क्खिसाणाए
१० सुत्ता०

दंताए दाढाए नहाए प्हारुणिए अट्टीए अट्टिमञ्जाए नो हिंसिसु मे लि नो हिंसति
 मे लि नो हिंसिस्संति मे लि नो पुत्तपोसणाए नो पसुपोसणाए नो अगारपरिवुहण-
 याए नो समणमाहणवत्तगाहेउं नो तस्स सरीरगस्स किञ्चि विप्परियाइत्ता भवति ।
 से हंता छेत्ता भेत्ता लुम्पदत्ता विलुम्पइत्ता उहवइत्ता उच्चिउं बाले वेरस्स आभागी
 भवइ अणट्ठादण्डे । से जहानामए केइ पुरिसे जे इमे थावरा पाणा भवति । तं
 जहा-इक्कडा इ वा कडिणा इ वा जंतुगा इ वा परगा इ वा मोक्खा इ वा तणा
 इ वा कुमा इ वा कुच्छगा इ वा पव्वगा इ वा पत्थला इ वा, ते नो पुत्तपोमणाए
 नो पसुपोसणाए नो अगारपरिवुहणयाए नो समणमाहणपोसणयाए नो तस्स सरीर-
 गस्स किञ्चि विपरियाइत्ता भवति । से हंता छेत्ता भेत्ता लुम्पदत्ता विलुम्पइत्ता
 उहवइत्ता उच्चिउं बाले वेरस्स आभागी भवइ अणट्ठादण्डे ॥ से जहानामए केइ
 पुरिसे कच्छंसि वा दहंसि वा उदगंसि वा दवियंसि वा वत्थयंसि वा नूमंसि वा
 गहगंसि वा गहणविदुग्गंसि वा वर्णंसि वा वणविदुग्गंसि वा पव्वयंसि वा पव्वय-
 विदुग्गंसि वा तणाइं ऊसविय ऊसविय मयमेव अगणिकायं निसिरउ अञ्जेण वि
 अगणिकायं निगिरावेत्त अञ्चं पि अगणिकायं निगिरत्तं समणुजाणइ अणट्ठादण्डे ।
 एवं खलु तस्स तप्पत्तियं नावजं ति आहिज्जइ । दोब्बे दण्डसमादाणे अणट्ठादण्ड-
 वत्तिए ति आहिण ॥ ३ ॥ ६५.३ ॥ अहावरे तच्चे दण्डसमादाणे हिंयादण्डवत्तिए
 ति आहिज्जइ । से जहानामए-केइ पुरिसे ममं वा ममिं वा अञ्चं वा अञ्चि वा हिंसिमु
 वा हिंसइ वा हिंसिस्सइ वा तं दण्डं तसथावरेहिं पाणेहिं मयमेव निसिरउ अञ्जेण
 वि निसिरावेत्त अञ्चं पि निसिरत्तं समणुजाणइ हिंयादण्डे, एवं खलु तस्स तप्पत्तियं
 नावजं ति आहिज्जइ । तच्चे दण्डसमादाणे हिंयादण्डवत्तिए ति आहिण ॥ ४ ॥ ६५.४ ॥
 अहावरे चउत्थे दण्डसमादाणे अकम्हादण्डवत्तिए ति आहिज्जइ । से जहाना-
 माए-केइ पुरिसे कच्छंसि वा जाव वणविदुग्गंसि वा मियवत्तिए मियसंक्रापे मियपणि-
 हाणे मियवहाए गंता एए मियं ति काउं अञ्जयरस्स मियस्स बहाए उमुं आयामेत्त
 णं निगिरेज्जा, म मियं वहिस्साप्पि ति कट्टु तिगिरे वा वट्ठं वा चट्ठं वा लावणं
 वा कवोयणं वा कविं वा कविंजलं वा विधिणा भवइ, उइ खलु से अञ्जस्स अट्ठाए
 अञ्चं पुत्तइ अकम्हादण्डे । से जहानामए केइ पुरिसे मालीणि वा वीहीणि वा कोह-
 वाणि वा कंगुणि वा परगणि वा शलाणि वा निलिज्जमाणे अञ्जयरस्स तणस्स बहाए
 मत्थं निसिरेज्जा, से नामगं तणगं कुमुदुगं वीहीरुत्तियं कळेमुत्थ तणं छिन्दिस्साप्पि
 ति कट्टु मालिं वा वीहिं वा कोहवं वा कंगुं वा परगं वा रात्थं वा छिन्दिता भवइ ।
 इति खलु से अञ्जस्स अट्ठाए अञ्चं पुत्तइ अकम्हादण्डे । एवं खलु तस्स तप्पत्तियं

सावज्जं आहिज्जइ । चउत्थे दण्डसमादाणे अकम्हादण्डवत्तिए आहिए ॥५॥६५५॥
 अहावरे पथमे दण्डसमादाणे दिट्ठिविपरियासियादण्डवत्तिए णि आहिज्जइ । से
 जहानामए-केइ पुरिसे माईहिं वा पिईहिं वा भाईहिं वा भणिणीहिं वा भज्जाहिं वा
 पुत्तेहिं वा धूयाहिं वा मुण्हाहिं वा गद्धिं संबममाणे मित्त अमित्तमेव मज्जमाणे मित्ते
 द्वयपुण्वे भवइ दिट्ठिविपरियासियादण्डे । से जहानामए-केइ पुरिसे गामघार्यंसि वा
 नगरघार्यंसि वा खेडघार्यंसि कब्बडघार्यंसि मडंबघार्यंसि वा दोणमुहुघार्यंसि वा
 पट्टणघार्यंसि वा आसमघार्यंसि वा संनिवेमघार्यंसि वा निग्गमघार्यंसि वा रायहाणि-
 धार्यंसि वा अतेणं तेणम्मिदि मज्जमाणे अतेणे द्वयपुण्वे भवइ दिट्ठिविपरियासियादण्डे ।
 एवं खलु तस्स तप्पणियं मावज्जं ति आहिज्जइ । पथमे दण्डसमादाणे दिट्ठिविपरि-
 यानियादण्डवत्तिए णि आहिए ॥ ६ ॥ ६५६ ॥ अहावरे छट्ठे किरियट्ठाणे मोमावत्तिए
 णि आहिज्जइ । से जहानामए-केइ पुरिसे आयहेउं वा नाइहेउं वा अगारहेउं वा
 परिवारहेउं वा सयमेव मुसं वयड अण्णण वि मुसं वाण्ड मुसं वयन्नं पि अज्जं गमणु-
 जाणड, एवं खलु तस्स तप्पणियं मावज्जं ति आहिज्जइ । छट्ठे किरियट्ठाणे मोमावत्तिए
 णि आहिए ॥७॥६५७॥ अहावरे गत्तमे किरियट्ठाणे अदिज्जादाणवत्तिए णि आहिज्जइ ।
 से जहानामए-केइ पुरिसे आयहेउं वा जाव परिवारहेउं वा सयमेव अदिज्जं आदियड
 अज्जं वि अदिज्जं आदियावेड अदिज्जं आदियन्नं अज्जं गमणुजाणड, एवं खलु तस्स
 तप्पणियं मावज्जं ति आहिज्जइ । गत्तमे किरियट्ठाणे अदिज्जादाणवत्तिए णि आहिए
 ॥८॥६५८॥ अहावरे अट्ठमे किरियट्ठाणे अज्जन्थवत्तिए णि आहिज्जइ । से जहानामए-
 केइ पुरिसे नात्थ णं कइ किंचि विमवादेइ सयमेव हीणे हीणे दुट्ठे वुम्मणे ओहयमण-
 संकूपे चिन्नासोगसागरसंपविट्ठे कथयत्तपल्हत्थमुहे अट्ठज्जाणोवणए भूमिगयदिट्ठिए
 सिंयाइ, तस्स णं अज्जत्थया आसंमडया चत्तारि ठाणा एवमाहिज्जन्ति । त जहा-
 कोहे माणे माया लोहे । अज्जत्थमेव कोहमाणमायालोहे । एवं खलु तस्स तप्प-
 णियं मावज्जं ति आहिज्जइ । अट्ठमे किरियट्ठाणे अज्जत्थवत्तिए णि आहिए ॥९॥६५९॥
 अहावरे नवमे किरियट्ठाणे माणवत्तिए णि आहिज्जइ । से जहानामए-केइ पुरिसे
 जाइमएण वा कुत्तमएण वा बलमएण वा रुवमएण वा तवमएण वा सुयमएण वा
 लाभमएण वा इस्सरियमएण वा पज्जामएण वा अन्नयरेण वा मयट्ठाणेणं मत्ते समाणे
 परं हीलेइ तिन्देइ खिमइ गरहइ परिभवइ अवमणेइ, इत्तरिए अयं, अहमंसि पुण
 विसिट्ठजइकुलवत्तइगुणोषवेए । एवं अप्पायं समुक्कसे, देहणुए कम्मन्दिइए अवसे
 पयाइ । तं जहा-गम्भाओ गम्भं ४ जम्माओ जम्मं माराओ मारं नरगाओ नरगं
 चण्डे षडे चण्डे माणी यावि भवइ । एवं खलु तस्स तप्पणियं सावज्जं

ति आहिज्ज । नवमे किरियद्वाणे माणवत्तिए ति आहिए ॥ १० ॥ ६६० ॥ अहावरे दममे किरियद्वाणे मिनदोसवत्तिए ति आहिज्ज । से जहानामए-केड पुरिसे माईहिं वा पिईहिं वा भाईहिं वा भइणीहिं वा भज्जाहिं वा धूयाहिं वा पुत्तेहिं वा सुण्हाहिं वा सद्धि संवसमाणे तेसि अन्नयरंसि अहालहुगंसि अवराहंसि सयमेव गरुयं दण्डं निवलेइ । तं जहा-सीओदगावियडंसि वा कायं उच्छोलिता भवइ, उस्तिणोदगावियडेण वा कायं ओसिखिता भवइ, अगणिकायेणं कायं उवडहिता भवइ, जोत्तेण वा वेत्तेण वा नेत्तेण वा तयाइ वा [कण्णेण वा छियाए वा] लयाए वा (अन्नयरेण वा दवरण) पासाई उहाल्लिता भवइ, दण्डेण वा अट्ठीण वा मुट्ठीण वा लेट्ठण वा क्वालेण वा कायं आउट्ठिता भवइ । तहप्पगारे पुरिसजाए सबमयाणे दुम्मणा भवइ, पवसमाणे सुमणा भवइ, तहप्पगारे पुरिमजाए दण्डपासी दण्डगुरुए दण्डपुरकडे अहिए इर्ममि लोगंसि अहिए परंसि लोगंसि संत्रलणे कोहणे पिट्ठिमंसी यावि भवइ । एवं खलु तस्म तप्पत्तियं सावज्जं ति आहिज्ज । दममे किरियद्वाणे मिनदोगवत्तिए ति आहिए ॥ ११ ॥ ६६१ ॥ अहावरे एकारममे किरियद्वाणे मायावत्तिए ति आहिज्ज । जे इमे भवन्ति-गूढायारा तमोकासिया उलुगपलहुया पव्वयगुरुया ते आरिया वि सन्ता अपारियाओ भासाओ वि पउज्जन्ति, अन्नहामन्नं अप्पाणं अन्नहा मन्नन्ति, अन्नं पुट्ठा अन्नं वागरन्ति, अन्नं आइक्खयव्वं अन्नं आइक्खन्ति । से जहानामए केड पुरिसे अंतो-सल्लं तं सल्लं नो सयं निहरइ नो अजेण निहरावेइ नो पडिधिदंसेइ, एवमेव निण्हवेइ, अविउट्टमाणे अतोअतो मियइ, एवमेव माई मायं कट्टु नो आलोएइ नो पडिक्कमेइ नो निन्दइ नो गरहइ नो विउट्टइ नो विमोहेइ नो अकरणाए अब्भुट्टेइ नो अहारिहं तवोक्खमं पायच्छिन्नं पडिबज्जइ, माई अस्सि लोए पच्चायाइ माई परंसि लोए पुगो पुणां पच्चायाइ निन्दइ गरहइ पसंसइ निच्चरइ न नियट्टइ निमित्तिरियं दण्डं छाएइ, माइ अममाहडमुहलेस्से यावि भवइ । एवं खलु तस्म तप्पत्तियं सावज्जं ति आहिज्ज । एकारममे किरियद्वाणे मायावत्तिए ति आहिए ॥ १२ ॥ ६६२ ॥ अहावरे बारममे किरियद्वाणे लोभवत्तिए ति आहिज्ज । जे इमे भवन्ति, तं जहा-आरणिाया आवसहिाया गामन्तिया कण्णुशेरहसिया नो बहुसंजया नो बहु-पडिविरया सव्वपाणभूयत्रीवत्तेहिं ते अप्पणो मच्चाओसाई एवं विउज्जन्ति । अहं न हन्तव्वो अजे हन्तव्वा, अहं न अजावेयव्वो अजे अजावेयव्वा, अहं न परि-धेयव्वो अजे परिधेयव्वा, अहं न परितावेयव्वो, अजे परितावेयव्वा, अहं न उद-वेयव्वो अजे उदवेयव्वा, एवमेव ते इत्थिकामेहिं मुच्छिया गिद्धा यद्धिया गरहिा

अज्जोवक्का जाव वासाई चउपञ्चमाई छईसमाई अप्पयरो वा भुज्जयरो वा भुज्जित्तु भोगभोगाई कात्थमासे कालं किच्चा अज्जयरेसु आत्तुरिएसु किच्चित्तिएसु ठाणेसु उव-
 वत्तारो भवन्ति । ततो विप्पमुच्चमाणे भुज्जो भुज्जो एल्लमूयत्ताए तमूयत्ताए जाइमूय-
 ताए पच्चायन्ति । एवं खलु तस्स तप्पत्तियं सावज्जं ति आहिज्जइ । दुवालसमे
 किरियट्ठाणे लोभवत्तिए ति आहिण्ण । इच्चेयाई दुवालस किरियट्ठाणाई दक्खिणं
 समणेण वा माहणेण वा सम्मं सुपरिजाणियच्च्चाई भवन्ति ॥ १३ ॥ ६६३ ॥
 अहावरे तेरम्ममे किरियट्ठाणे इरियावट्ठिए ति आहिज्जइ । इह खलु अत्तत्ताए
 संवुडस्स अणगारस्स इरियासमियस्स भासासमियस्स एमणासमियस्स आयाणमण्ड-
 मत्तनिक्खेवणासमियस्स उच्चारपासवणत्थेत्थमिघाणज्जपारिट्ठावणियासमियस्स मणस-
 मियस्स वयसमियस्स कायसमियस्स मणगुणस्स वयगुणस्स कायगुणस्स गुत्तिन्दि-
 यस्स गुणबम्भयारिस्स आउत्तं चिट्ठमाणस्स आउत्तं निसेयमाणस्स आउत्तं तुयट्ठमा-
 णस्स आउत्तं भुज्जमाणस्स आउत्तं गच्छमाणस्स आउत्तं भासमाणस्स आउत्तं वत्थं
 पट्ठिगगं कम्बलं पायपुच्छणं गिण्हमाणस्स वा निक्खिवमाणस्स वा जाव चक्खु-
 पम्हानिवायमवि अत्थि किमाया सुट्ठमा किरिया इरियावट्ठिया नाम कज्जड । सा पट-
 मसमए बद्धा पुट्ठा बिईयममए वेदया तडयसमए निज्जिण्णा सा बद्धा पुट्ठा उवीरिया
 वेदया निज्जिण्णा सेयकाले अक्कमे यावि भवइ । एवं खलु तस्स तप्पत्तियं मावज्जं
 ति आहिज्जइ, तेरम्ममे किरियट्ठाणे इरियावट्ठिए ति आहिज्जइ । से वेमि जे य अईया
 जे य पट्ठप्पञ्जा जे य आगमिस्सा अरिहन्ता भगवन्ता मव्वे ते एयाई चेव तेरम्म
 किरियट्ठाणाई भासिसु वा भासेन्ति वा भासिस्सन्ति वा पक्खिसु वा पक्खेन्ति वा
 पक्खिस्सन्ति वा, एवं चेव तेरम्ममे किरियट्ठाणं सेविसु वा सेवन्ति वा सेविस्सन्ति
 वा ॥ १४ ॥ ६६४ ॥ अदुत्तरे च मे पुरिमविज्जयं विभङ्गयाइक्खिस्सतामि । इह खलु
 नाणापक्काणं नाणाच्छन्दाणं नाणासीलाणं नाणादिट्ठणं नाणारुईणं नाणारम्भाणं
 नाणाज्जवमाणसंजुत्ताणं नाणाविहपावमुयज्जयणं एवं भवइ । तं जहा-भोमं उप्पायं
 सुविणं अन्तलिकक्खं अङ्गं सरं लक्खणं वज्जणं इत्थिलक्खणं पुरिसलक्खणं हयलक्खणं
 गयलक्खणं गोपालक्खणं मेण्डलक्खणं कुक्कुडलक्खणं तिप्पिरलक्खणं बट्ठालक्खणं
 लावयलक्खणं चक्कलक्खणं छत्तालक्खणं चम्मलक्खणं दण्डलक्खणं अत्तिलक्खणं
 मणिलक्खणं कागिणिलक्खणं सुभगाकरं हुब्भगाकरं गम्भाकरं मोहणकरं आहव्वमि
 पागसासणि दम्बहोमं खत्तियविज्जं चन्दचरियं सरचरियं सुक्कचरियं बहस्सइचरियं
 उक्कापायं दिसादाहं मियचक्कं वायसपरिमण्डलं पंसुवुट्ठिं केसवुट्ठिं मंसवुट्ठिं र्हिरवुट्ठिं
 वेवालं अद्दवेयाळिं ओत्तेवणिं ताळुग्घाडणिं सोवाणिं सोवारिं दामिलिं कालिं

गौरि गन्धारि ओवयणि उप्पयणि जम्भणि धम्भणि लेसणि आमयकरणि विसरु-
 कारणि पक्कमणि अन्नदाणेण आयमिणि, एवमाइयाओ विजाओ अन्नस्स हेउं
 पउञ्जन्ति पाणस्स हेउं पउञ्जन्ति वत्तस्स हेउं पउञ्जन्ति लेगस्स हेउं पउञ्जन्ति
 सयणस्स हेउं पउञ्जन्ति, अन्नोणि वा विरुक्खवागे कामभोगाण हेउं पउञ्जन्ति ।
 तिरिच्छं ते विजं सेवन्ति, ते अगारिया विप्पडिवन्ना काल्मासे कालं किञ्चा अन्न-
 यराइ आसुरियाइं किञ्चिमयाटं ठागाइं उक्खत्तागे भवन्ति । तओ वि विप्पमुब्बमाया
 भुज्जो एत्तम्यथाए तमअन्धयाए पच्चायन्ति ॥ १५ ॥ ६६५ ॥ से एगइओ
 आयहेउं वा नायहेउं वा मयगहेउं वा अगारहेउं वा परिवारहेउं वा नायगे वा
 सहवासियं वा भिम्माए अदुवा अणुगामिए १ अदुवा उक्खरए २ अदुवा पडिपडिए
 ३ अदुवा संधिन्हेयए ४ अदुवा गण्ठिच्छेयए ५ अदुवा उरब्भिए ६ अदुवा
 सोवरिए ७ अदुवा वागुरिए ८ अदुवा सउणिए ९ अदुवा मच्छिए १० अदुवा
 गोघायाए ११ अदुवा गोवालाए १२ अदुवा गोवणिए १३ अदुवा सोवणियंतिए १४ ।
 एगइओ आणुगामियभावं पडिसंधाय तमेव अणुगामियाणुगामियं हन्ता छेत्ता भेत्ता
 लम्पइत्ता विलम्पइत्ता उह्वइत्ता आहारं आहारेइ, इति से महया पावेहिं कम्मोहिं
 अत्ताणं उक्खवाइत्ता भवइ । से एगइओ उक्खरयभावं पडिसंधाय तमेव उक्खरय
 हन्ता छेत्ता भेत्ता लम्पइत्ता विलम्पइत्ता उह्वइत्ता आहारं आहारेइ । इति से महया
 पावेहिं कम्मोहिं अत्ताणं उक्खवाइत्ता भवइ । से एगइओ पाडिपडियभावं पडिसंधाय
 तमेव पडिपडे इत्ता हन्ता छेत्ता भेत्ता लम्पइत्ता विलम्पइत्ता उह्वइत्ता आहारं
 आहारेइ, इति से महया पावेहिं कम्मोहिं अत्ताणं उक्खवाइत्ता भवइ । से एगइओ
 संधिन्हेयभावं पडिसंधाय तमेव संधिं छेत्ता भेत्ता जाव इति से महया पावेहिं
 कम्मोहिं अत्ताणं उक्खवाइत्ता भवइ । से एगइओ गण्ठिच्छेयभावं पडिसंधाय तमेव
 गण्ठिं छेत्ता भेत्ता जाव इति से महया पावेहिं कम्मोहिं अत्ताणं उक्खवाइत्ता भवइ ।
 से एगइओ उरब्भयभावं पडिसंधाय उरब्भे वा अन्नयरं वा तसं पाणं हन्ता जाव
 उक्खवाइत्ता भवइ । (एसो अभिन्नावो सक्खरव) से एगइओ सोवरियभावं पडि-
 संधाय महिसं वा अन्नयरं वा तसं पाणं हन्ता जाव उक्खवाइत्ता भवइ । से एगइओ
 वागुरियभावं पडिसंधाय मियं वा अन्नयरं वा तसं पाणं हन्ता जाव उक्खवाइत्ता
 भवइ । से एगइओ सउणियभावं पडिसंधाय सउणिं वा अन्नयरं वा तसं पाणं हन्ता
 जाव उक्खवाइत्ता भवइ । से एगइओ मच्छियभावं पडिसंधाय मच्छं वा अन्नयरं
 वा तसं पाणं हन्ता जाव उक्खवाइत्ता भवइ । से एगइओ गोघायाभावं पडिसंधाय
 तमेव गोणे वा अन्नयरं वा तसं पाणं हन्ता जाव उक्खवाइत्ता भवइ । से एगइओ

गोबालभावं पडिसंधाय तमेव गोबालं वा परिजविय परिजविय हन्ता जाव उव-
 क्खाइत्ता भवइ । से एगइओ सोवणियभावं पडिसंधाय तमेव लुगं वा अन्नयर
 वा तसं पाणं हन्ता जाव उवक्खाइत्ता भवइ । से एगइओ सोवणियन्तियभावं
 पडिसंधाय तमेव मणुस्मं वा अन्नयर वा तसं पाणं हन्ता जाव आहारं आहारैइ
 इति से महया पावेहिं कम्मैहिं अत्ताणं उवक्खाइत्ता भवइ ॥ १६ ॥ ६६६ ॥
 से एगइओ परिमामज्जाओ उट्टिता अहमेयं हणास्मि ति कट्टु नित्तिरं वा वट्ठं वा
 लावणं वा कयोयणं वा कविकळं वा अन्नयरं वा तम वा पाणं हन्ता जाव उवक्खा-
 इत्ता भवइ । से एगइओ केणइ आयाणेणं विरुद्धे समणे अदुवा खलदाणेणं अदुवा
 सुराथालएणं गाहावईणं वा गाहावइपुत्ताणं वा मयमेव अगणिकाएणं सस्साईं ज्ञामेइ
 अत्तेण वि अगणिकाएणं सस्साईं ज्ञामावेइ अगणिकाएणं सस्साईं ज्ञामन्तं पि अत्तं
 समणुजाणइ, इति से महया पावकम्मैहिं अत्ताणं उवक्खाइत्ता भवइ । से एगइओ
 केणइ आयाणेणं विरुद्धे समणे अदुवा खलदाणेणं अदुवा सुराथालएणं गाहावईणं वा
 गाहावइपुत्ताणं वा उट्टाणं वा गोणाणं वा घोडगाणं वा गद्भाणं वा मयमेव घूराओ
 कपेइ अत्तेण वि कपवेइ कप्पन्तं पि अत्तं समणुजाणइ, इति से महया जाव
 भवइ । से एगइओ केणइ आयाणेणं विरुद्धे समणे अदुवा खलदाणेणं अदुवा सुरा-
 थालएणं गाहावईणं वा गाहावइपुत्ताणं वा उट्टमान्ताओ वा गोणमान्ताओ वा घोड-
 गमान्ताओ वा गद्भमान्ताओ वा कण्टकनोदियाणं पडिपेहिन्ता मयमेव अगणिकाएणं
 ज्ञामेइ अत्तेण वि ज्ञामावेइ ज्ञामन्तं पि अत्तं समणुजाणइ, इति से महया जाव
 भवइ । से एगइओ केणइ आयाणेणं विरुद्धे समणे अदुवा खलदाणेणं अदुवा सुरा-
 थालएणं गाहावईणं वा गाहावइपुत्ताणं वा कुण्डलं वा मणिं वा मोत्तियं वा मयमेव
 अवहरइ अत्तेण वि अवहरवेइ अवहरन्तं पि अत्तं समणुजाणइ इति से महया जाव
 भवइ ॥ से एगइओ केणइ वि आयाणेणं विरुद्धे समणे अदुवा खलदाणेणं अदुवा
 सुराथालएणं समणाणं वा माहाणाणं वा छनगं वा दण्डगं वा भण्डगं वा मणगं वा
 लट्ठिं वा भित्तिगं वा खेलगं वा च्चिल्लिमिलिगं वा च्चम्मयं वा छेयणगं वा च्चम्मको-
 मियं वा सवमेव अवहरइ जाव समणुजाणइ, इति से महया जाव उवक्खाइत्ता
 भवइ ॥ से एगइओ नो वित्तिनिच्छइ । तं जहा-गाहावईणं वा गाहावइपुत्ताणं वा
 मयमेव अगणिकाएणं ओसहीओ ज्ञामेइ जाव अत्तं पि ज्ञामन्तं समणुजाणइ, इति
 से महया जाव उवक्खाइत्ता भवइ । से एगइओ नो वित्तिनिच्छइ, तं जहा-गाहा-
 वईणं वा गाहावइपुत्ताणं वा उट्टाणं वा गोणाणं वा घोडगाणं वा गद्भाणं वा सव-
 मेव घूराओ कपेइ अत्तेण वि कप्यावेइ अत्तं पि कप्पन्तं समणुजाणइ । से एगइओ

नो वितिगिच्छइ, तं जहा-गाहावईण वा गाहावइपुताण वा उट्टसालाओ वा जाव गइभसालाओ वा कण्टकबोदियाहिं पडिपेहिना सयमेव अगणिकाएणं जामेइ जाव समणुजाणइ । से एगइओ नो वितिगिच्छइ, तं जहा-गाहावईण वा गाहावइपुताण वा जाव मोनियं वा सयमेव अवहरइ जाव समणुजाणइ । से एगइओ नो वितिगिच्छइ तं जहा-समणाण वा माहणाण वा छत्तगं वा दण्डगं वा जाव चम्मछेयणमं वा सयमेव अवहरइ जाव समणुजाणइ । इति से महया जाव उवक्खाइत्ता भवइ । से एगइओ समणं वा माहणं वा दिस्सा नाणाविहेहिं पावक्म्महेहिं अत्ताणं उवक्खाइत्ता भवइ, अदुवा षं अच्छराए आफालिता भवइ, अदुवा ण फरसं वदिता भवइ, कालेण वि से अणुपविट्ठस्स असणं वा पाणं वा जाव नो दवावेत्ता भवइ, जे इमे भवन्ति बोणमन्ता भारक्कन्ता अलमगा वमलगा किवणगा समणगा निउज्झमा वणगा एव्वयन्ति ते इणमेव जीवियं धिज्जीवियं संपडिवुहेन्ति, नाउ ते परलोगस्स अट्टाए किंचि वि सिलीमन्ति, ते दुक्कन्ति ते मोयन्ति ते जूरन्ति ते निप्पन्ति ते पिट्ठन्ति ते परितप्पन्ति ते दुक्कवणजूरणसोयणतिपणपिट्ठणपरितप्पणवहबन्धणपरिकिलेत्ताओ अप्पडिविरया भवन्ति । ते महया आरम्भेण ते महया ममारम्भेण ते महया आरम्भममारम्भेण विरुवक्खेहिं पावक्म्मकिचेहिं उरालाई माणुस्सगाइं भोगभोगाईं भुज्जित्तारो भवन्ति । तं जहा-अन्नं अन्नकाले पाणं पाणकाले वत्थ वत्थकाले लेणं लेणकाले मयणं मयणकाले सपुव्वावरं च णं ण्हाए कण्ठेमालाकञ्जे आविद्धमणिमुवण्णे कपियमालामउली पडिबद्धसरीरे वग्यारियगोणिसुणममद्धामकलावे अहयवत्थपरिहाए चन्दणोक्खित्तगायमरीरे महइमहालियाए कूडागारसालाए महइमहालयंसि सीहामणंसि इत्थोग्गम्मसंपरिबुडे सच्चराइएणं जोइणा जियायमाणेणं महयाहयनइगीयवाइयतन्तीतलताल्लुडियघणमुइंगपडुप्पवाइयरवेणं उरालाई माणुस्सगाईं भोगभोगाईं भुज्जमाणे विहरइ । तस्स णं एगमवि आणवेमाणम्म जाव चत्तारि पच्च जणा अवुत्ता चेव अब्भुट्ठन्ति । भणइ देवाणुप्पिया किं करेमो ? किं आहरेमो ? किं उवणेमो ? किं आधिद्वासो ? किं मे हिंयं इच्छियं ? किं भे आमगस्स मयइ ? तमेव पासिता अणारिया एवं वयन्ति-देवे खलु अयं पुरिसे, देवसिणाए खलु अयं पुरिसे, देवजीवणिजे खलु अयं पुरिसे, अजे वि य णं उवजीवन्ति । तमेव पासिता आरिया वयन्ति-अभिकन्तक्कम्ममे खलु अयं पुरिसे अइणुए अइयायरक्खे दाहिणगामिए नेरहए कण्ठपक्खिए आगमिस्साणं दुक्खबोहियाए यावि भविस्सइ । इधेयस्स ठाणस्स उट्ठिया वेगे अभिणिज्जन्ति अणुट्ठिया वेगे अभिणिज्जन्ति अभिज्ञात्तारो अभि-

गिज्जन्ति । एस ठाणे अणारिए अकेवळे अप्पडिपुण्णे अणेयाउए असंसुद्धे असल्ल-
 गणणे असिद्धिमग्गे अमुण्णिमग्गे अनिव्वाणमग्गे अनिज्जाणमग्गे असव्वदुक्खपहीण-
 मग्गे एगन्तमिच्छे असाहु । एम खलु पढमस्स ठाणस्स अधम्मपक्खस्स विभङ्गे
 एवमाहिए ॥१७॥६६७॥ अहावरे दोब्बस्स ठाणस्स धम्मपक्खस्स विभङ्गे एव-
 माहिज्जइ । इह खलु पाईणं वा पहीणं वा उवीणं वा दाहिणं वा सन्नेगइया मणुस्सा
 भवन्ति । तं जहा-आरिया वेगे अणारिया वेगे उच्चागोया वेगे नीयागोया वेगे काय-
 मन्ता वेगे हस्समन्ता वेगे सुवण्णा वेगे दुवण्णा वेगे सुक्खा वेगे दुक्खा वेगे । तंमि
 च णं खेणवत्थूणि परिगहियाई भवन्ति, एस्से आलावगो जहा पोण्ढरीए तहा
 नेयव्वो, तेषव अभिलावेण जाव सव्वोवमन्ता सव्वणाए परिनिव्वुद्धे णि वेमि ॥ एम
 ठाणं आरिए केवले जाव मव्वदुक्खपहीणमग्गे एगन्तमग्गे माहु । दोब्बस्स ठाणस्स
 धम्मपक्खस्स विभङ्गे एवमाहिए ॥१८॥६६८॥ अहावरे तच्चस्स ठाणस्स सिस्सगस्स
 विभङ्गे एवमाहिज्जइ । जे इमे भवन्ति आरणिंया आवसहिया गामणियन्तिया
 कण्हुईरहस्सिया जाव ते ततो विप्पमुच्चमाणा भुज्जो एल्लमूयाए तमूयणाए पच्चा-
 यान्ति । एम ठाणे अणारिए अकेवले जाव असव्वदुक्खपहीणमग्गे एगन्तमिच्छे
 असाहु । एम खलु तच्चस्स ठाणस्स सिस्सगस्स विभङ्गे एवमाहिए ॥ १९ ॥ ६६९ ॥
 अहावरे पढमस्स ठाणस्स अधम्मपक्खस्स विभङ्गे एवमाहिज्जइ । इह खलु
 पाईणं वा ४ मन्नेगइया मणुस्सा भवन्ति-गिहत्था महिच्छा महारम्मा महापरि-
 गहा अधम्मिया अधम्माणुया अधम्मिद्धा अधम्मक्खाई अधम्मपायजीक्किणे अध-
 म्मफलोई अधम्मपलज्जणा अधम्मसीलसमुदायारा अधम्मेषं चैव विसि कप्पेमाणा
 विहरन्ति । इण छिन्द भिन्द विगल्लया लोहियपाणी चण्डा रहा खुहा साहस्सिया
 उक्कळणवच्चणमायानियडिक्कडक्कडसाइसंपओगबहुला दुस्सीला दुव्वया दुप्पडिया-
 णन्दा अग्गाहु सव्वाओ पाणाइवायाओ अप्पडिविरया जावजीवाए जाव सव्वाओ
 परिगगहाओ अप्पडिविरया जावजीवाए सव्वाओ कोहाओ जाव मिच्छादंसणसज्जाओ
 अप्पडिविरया, सव्वाओ ष्हाणुम्महणवण्णगन्धविल्लेणसइफरिसरसक्खगन्धमद्द-
 तंकाराओ अप्पडिविरया जावजीवाए सव्वाओ मगडरहजाणजुगगिक्किथिक्किसिया-
 संदमणियासयणासणजाणवाहणभोगभोयणपवित्ठरविहीओ अप्पडिविरया जावजी-
 वाए सव्वाओ कयविक्कयमासद्धमासक्खगसंबवहाराओ अप्पडिविरया, जावजीवाए,
 सव्वाओ हिरणसुवण्णधणवत्तमणिमोणियसंखसिलप्पवालाओ अप्पडिविरया जाव-
 जीवाए सव्वाओ कूडतुलकूडमाणाओ अप्पडिविरया जावजीवाए सव्वाओ आरम्म-
 ममारम्माओ अप्पडिविरया जावजीवाए सव्वाओ करणकारावणाओ अप्पडिविरया

जावजीवाए सव्वाओ पयणपयावणाओ अप्पडिविरया जावजीवाए सव्वाओ कुट्टणपिट्ठगतज्जगताडणवहबन्धपरिकिलेमाओ अप्पडिविरया जावजीवाए । जे यावण्णे तहप्पगारा सावजा अबोहिया कम्मन्ता परपाणपरियावणकरा जे अणारिएहिं कज्जन्ति तओ अप्पडिविरया जावजीवाए । से जहानामए केइ पुरिसे कलममसुरति ऋग्गमासनिष्कावकुलत्थआलिमन्दगपलिमन्धगमादिएहिं अयन्ते कुरे सिच्छादणं पउज्जन्ति, एवमेव तहप्पगारे पुरिसजाए तित्तिरवट्टगत्तावगकवोयकविञ्जलमियमहिमवराहगाहगोहकम्ममिरिसिवमादिएहिं अयन्ते कुरे सिच्छादणं पउज्जन्ति जा वि य से बाहिरिया परिसा भवइ, तं जहा-दामे इ वा पेसे इ वा भयए इ वा भाइहे इ वा कम्मकरए इ वा भोगपुरिसे इ वा तेमि पि य ण अन्नयरसि अहालहुगंसि अवराहंसि सयमेव गरुयं दण्डं निवत्तेइ । तं जहा-इमं दण्डेइ इमं मुण्डेइ इमं तज्जेइ इमं ताजेइ इमं अद्यवन्धणं करेइ इमं नियलवन्धणं करेइ इमं हट्ठिवन्धणं करेइ इमं चारगवन्धणं करेइ इमं नियउनुयलसक्कोचियमोडियं करेइ इमं हत्थाच्छन्नयं करेइ इमं पायच्छन्नयं करेइ इमं कणच्छन्नयं करेइ इमं नक्कओट्टमीममुहनिच्छन्नयं करेइ वेयगच्छहिय अन्नच्छहियं पक्खाफोडियं करेइ इमं नयणुपाडियं करेइ इमं दंमणुप्पाडियं वमणुप्पाडियं जिब्बुप्पाडियं ओलम्बियं करेइ पमियं करेइ घोडियं करेइ सुत्ताडयं करेइ सुत्ताभिन्नयं करेइ प्यारवत्तियं करेइ वज्जवत्तियं करेइ सीहपुच्छियं करेइ वमभपुच्छियं करेइ द्वांसिगदण्डुयं कागणिसंमव्यालियं भनपागानेच्छयं इमं जावजीवं वहवन्धणं करेइ इमं अन्नयरेण अमुभं कुमारेणं मारेइ । जा वि य से अट्ठिन्नरिया परिमा भवइ, तं जहा-माया उ वा पिया उ वा भाया इ वा भगिणी उ वा भजा उ वा पुत्ता इ वा धूया इ वा गण्हा उ वा, तेमि पि य ण अन्नयरसि अहालहुगंसि अवराहंसि सयमेव गरुयं दण्डं निवत्तेइ, सीओदगवियडंसि उच्छोलित्ता भवइ जहा भिनदोमवत्तिए जाव अहिए परिसि लोमंसि । ते दुक्खन्ति सोयन्ति ज्ञान्ति तिप्पन्ति पिट्ठन्ति परितप्पान्ति ते दुक्खगमोयणजृग्गतिप्पणपिट्ठणपरितप्पणवहबन्धणपरिकिलेमाओ अप्पडिविरया भवन्ति । एवमेव ते इत्थिकामेहिं मुच्छियं गिद्धा गट्ठिया अज्जोववजा जाव वाराई चउपन्नमाई छहसमाई वा अप्पयरो वा भुज्यरो वा कालं भुज्जित्तु भोगभोगाई पतिवुट्ठता वेगययणाई संक्षिप्पिता बहूई पावाई कम्माई उस्सजाई संभारकडेय कम्मगा से जहानामए अयगोले इ वा संन्मोले इ वा उदगंसि पक्खित्तं समोले उदगयलमइवइत्ता अहं धग्गियलपट्टाणे भवइ, एवमेव तहप्पगारे पुरिसजाए बज्जबहुले धूयबहुले पट्टबहुले वेरबहुले अप्पत्तियबहुले दम्मबहुले नियडिबहुले साइबहुले अयसबहुले उहसत्तसपाणघाई कालमात्ते

कालं किञ्चा धरणिग्रन्मइवइता अहे नरगयलपइद्वाणे भवइ ॥ २० ॥ ६७० ॥ ते णं
 नरगा अन्तो वडा बाहिं चउरंमा अहे खुरप्पसंठाणसंठिया निच्चन्धकारतमसा
 ववगयगहचन्दसूरनक्वणजोदमप्पहा मेदवनामंमरुहिरपूयपडलच्चिक्खल्लत्तिता-
 णुलेवणयात्ता असुई वीसा परमदुच्चिभगन्वा कण्हा अगणिवण्णाभा कक्खवडफामा
 दुरहियासा अमुभा नरगा अमुभा नरणसु वेयणाओ ॥ नो चैव नरणसु नेरइया
 निहायन्ति वा पयलायन्ति वा सुइं वा रईं वा थिईं वा मईं वा उचलभन्ते । ते णं
 तत्थ उज्जलं विउलं पगात्तं कटुयं कक्खसु चणं दुक्खं दुग्गं तिव्वं दुरहियासं नेरइया
 वेयणं पक्खणुभवमाणा विहरन्ति ॥ २१ ॥ ६७१ ॥ से जहानाम्प रुक्खे मिया
 पक्खयग्गे जाए मूले छिक्खे अग्गे गरुए जओ निणणं जओ विममं जओ दुग्गं तओ
 पवडड, एवामेव तदुप्पगारे पुरिमजाए गव्भाओ गव्भं जम्माओ जम्मं माराओ
 मार नरगाओ नरगं दुक्खाओ दुक्खं दाहिणगामिण् नेरइए कण्हपक्खए आग-
 मिम्माणं दुक्खबोहिण् यावि भवइ । एम ठाणे अगारिण् अकेवले जाव असव्वदुक्ख-
 पहीगमग्गे एगन्तमिन्हे अमाह । पडमस्म ठागस्म अधम्मपक्खस्म विभङ्ग एव-
 माहिण् ॥ २२ ॥ ६७२ ॥ अहावरे दोच्चम्म ठाणस्म धम्मपक्खम्म विभङ्ग एव-
 माहिण् ॥ इह खल्ल पाइणं वा ४ मन्नेगइया मणुस्या भवन्ति । तं जहा-अणारम्भा
 अपारंगगहा धम्मिया धम्माणगा धम्मिद्धा जाव धम्मणेणं चैव विणिं कपेमाणा
 विहरन्ति, सुसीला सुव्वया सुप्पडियाणन्दा सुमाहू सव्वाओ पाणाइवायाओ पडि-
 विरया जावजीवाए जाव जे यावणे तदुप्पगारा मावज्जा अबोहिया कम्मन्ता
 परपागपरियावणकग कज्जान्त तओ वि पडिविरया जावजीवाण् ॥ से जहानामए-
 अणगारा भगवन्तो इरियाममिया भामाममिया एमणाममिया आयाणभण्डमत्त-
 निक चैवणममिया उच्चारपासवणखेत्तमिप्राणजल्लपरिट्ठावणियासमिया मणममिया वय-
 समिया कायममिया मणगुत्ता वयगुत्ता कायगुत्ता गुत्ता गुत्तिन्दिया गुत्तवम्भयारी
 अकोहा अमाणा अमाया अलोभा सन्ता पमन्ता उवमन्ता परिनिव्वुडा अणामवा
 अरगन्था छिन्नसोया निरुवलेवा कंसपाइ व्व मुक्कतोया संखो इव निरज्जणा जीव इव
 अपडिहयगई गगणतलं पिब निराळम्बणा वाउरिव अपडिबद्धा सारदसलित्तं व
 सुद्धहियया पुक्खरपणं व निरुवलेवा कम्मो इव गुत्तिन्दिया विहग इव विप्पमुक्का
 खमिगविसार्णं व एगजाया भारुण्डपक्खी व अप्पमत्ता कुज्जरो इव सोण्डीरा दमओ
 इव जायत्थामा सीहो इव दुद्धिसा मन्दगे इव अप्पकम्पा सागरो इव गम्भीरा
 चन्दो इव सोमलेमा सरो इव वित्ततेया जच्चकण्णमं व आयस्सा वसुधरा इव
 सव्वकसविसहा सुयुयुयासणो विव तेयसा जलन्ता । नत्थि णं तेसिं भगवन्तार्ष

करथ वि पष्ठिबन्धे भवद् । से पष्ठिबन्धे चउत्विहे पत्तते । तं जहा-अण्वए इ वा पोयए इ वा उग्गहे इ वा पग्गहे इ वा जं णं जं णं दिंस इच्छन्ति तं णं तं णं दिंस अपष्ठिबद्धा सुइभूया लहुभूया अप्पगन्था संजमेणं तबसा अप्पार्णं भावेमाणा विहरन्ति ॥ तेसिं णं भगवन्ताणं इमा एयारूवा जायामायावित्ती होत्था । तं जहा-चउत्थे भत्ते छट्ठे भत्ते अट्ठमे भत्ते दसमे भत्ते दुवालममे भत्ते चउदसमे भत्ते अद्ध-मासिए भत्ते मासिए भत्ते दोमासिए तिमासिए चाउम्मासिए पच्चमासिए छम्मासिए अदुत्तरं च णं उक्खित्तचरया निक्खित्तचरया उक्खित्तानिक्खित्तचरया अन्तचरगा पन्तचरगा ल्हचरगा समुदाणचरगा ससट्ठचरगा असंसट्ठचरगा तज्जायसंसट्ठचरगा दिट्ठलाभिया अदिट्ठलाभिया पुट्ठलाभिया अपुट्ठलाभिया भिक्खलाभिया अभिक्खला-भिया अजायचरगा उवनिहिया संखादत्तिया परिमियपिण्डवाइया मुद्देसणिया अन्ना-हारा पन्नाहारा अरसाहारा विग्गाहारा ल्हहाहारा तुच्छाहारा अन्नजीवी पन्तजीवी आयम्बिलिया पुरिमिठ्ठिया निव्विण्डया अमज्जमंमासिणो नो नियामरसभोई ठाणाइया पष्ठिमाठाणाइया उक्कडुआसणिया नेमज्जिया वीरामणिया दण्डायडया लगहसाइणो अप्पाउडा अगत्तया अक्कडुया अणिरुहा (एवं जहोववाइए) धुयकेममंसुरोमनहा सव्वगायपष्ठिकम्मविप्पमुक्का चिट्ठन्ति । ते णं एएणं विहारोणं विहरमाणा बहूई वामाई मामन्नपरियागं पाउणन्ति २ बहुबहु आवाहंसि उप्पञ्जंसि वा अणुप्पञ्जंसि वा बहूई भत्ताई पच्चक्खन्ति पच्चक्खइणा बहूई भत्ताई अणमणाए छेदेन्ति, अणसणाए छेदिता जस्मट्ठाए कीरड येरकप्पभावे जिणकप्पभावे मुण्डभावे अण्हाणभावे अदन्तवणो अछत्तए अणोवाहणए भूमिसेज्जा फलगसेज्जा कट्टमेज्जा केमलोणं बम्भ-चेरवासे परषरपवेसे लद्धावल्ले माणावमाणणाओ हीलणाओ निन्दणाओ क्षिम्पणाओ गरहणाओ तज्जणाओ तालणाओ उच्चावया गामकण्ट्या बावीसं परीमहोवसग्गा अडियासिज्जन्ति तमट्ठं आराहेन्ति तमट्ठं आराहिता चरमेहं उस्सागनिस्सासेहि अणन्तं अणुत्तरं निव्वाघायं निरावरणं कसिणं पष्ठिपुण्णं केवल्लखरनाणदंसणं समु-प्पाडेन्ति, समुप्पाडिणा तओ पच्छा सिज्जन्ति बुज्जन्ति मुर्चान्तं पारिणिव्वायन्ति सव्वदुक्खणं अन्तं करन्ति । एगच्चाए पुण एगे भयन्तारी भवन्ति, अबरे पुण पुव्वकम्मवसेसेणं कालमासे कालं किञ्चा अज्जयरेसु देवलोत्सु देवत्ताए उववत्तारी भवन्ति । तं जहा-महत्थिएसु महज्जुइएसु महापरक्कमेसु महाजसेसु महाबलेसु महाशु-नावेसु महामुक्खेसु । ते णं तत्थ देवा भवन्ति महत्थिया महज्जुइया जाव महत्थमुक्खा हारविराइयवच्छं कडगानुत्थियधम्मियभुया अत्तयकुण्डलभट्टगण्डयलकण्णपीठधारी विक्खित्तहत्थाभरणा विक्खित्तमालामउत्तिमउडा कज्जाणगन्धपवरवत्थपरिहिया कज्जाणग-

पवरमल्लाणुलेवणधरा भासुरबोधी पलम्बबणमालाधरा दिव्वेणं रूवेणं दिव्वेणं वण्णेणं दिव्वेणं गन्वेणं दिव्वेणं फासेणं दिव्वेणं संधाएणं दिव्वेणं संठाणेणं दिव्वाए इह्णीए दिव्वाए जुईए दिव्वाए पभाए दिव्वाए छायाए दिव्वाए अच्चाए दिव्वेणं तेएणं दिव्वाए छेसाए दस दिसाओ उज्जोवेमाणा पभासेमाणा गइक्कळाणा ठिइक्कळाणा आगभेसिभइया यावि भवन्ति । एस ठाणे आरिए जाव सव्वदुक्खपहीणमगे एगन्तसम्मे सुसाहू । दोबस्स ठाणस्स धम्मपक्खस्स विभङ्गे एवमाहिए ॥ २३ ॥ ६७३ ॥ अहावरे तच्चस्स ठाणस्स मीसगस्सविभङ्गे एवमाहिज्जइ । इह खलु पाईणं वा ४ सन्तेगइया मणुस्सा भवन्ति । तं जहा-अप्पिच्छा अप्पारम्भा अप्पपरिग्गहा धम्मिया धम्माणया जाव धम्मणे च्च विसि कप्पेमाणा विहरन्ति सुसीला सुव्वया सुप्पडियाणन्दा माहू एगच्चाओ पाणाइवायाओ पडिविरया जावजीवाए एगच्चाओ अप्पडिविरया जाव जे यावजे तहप्पगारा मावजा अबोहिया कम्मन्ता परपाणपरि-तावणकरा कज्जन्ति तओ वि एगच्चाओ अप्पडिविरया । से जहानामए समणोवामगा भवन्ति अभिगयजीवाजीवा उवल्लदपुण्णपावा आमवसंवग्गेयणानिज्जराकिरियाहिग-रणबन्धमोक्खकुसला असहेज्जदेवासुरनागमुबण्णजक्खरक्खसकिरकिंपुरिसगल्लग-न्धव्वमहोरगाइएहिं देवगणेहिं निग्गन्याओ पावयणाओ अणइक्कमणिज्जा, इणमेव निग्गन्थे पावयणे निस्संक्रिया निक्कंखिया निव्विइगिच्छा लद्धा गहियट्ठा पुच्छियट्ठा विणिच्छियट्ठा अभिगयट्ठा अट्ठिमिअपेम्माणुरागरत्ता । अयमाउमो निग्गन्थे पावयणे अट्ठे अयं परमट्ठे सेसं अणट्ठे उंसियकल्लेहा अवंगुयदुवाराअच्चियनन्तेउरपरपरपवेसा चाउहसट्ठमुद्धिद्वपुष्पिमासिणीसु पडिपुण्णं पोमहं सम्मं अणुपाळेमाणा ममणे निग्गन्थे फामुएसणिजेणं असणपाणस्साइममाइमेणं बन्धपडिग्गहकम्बलपायपुच्छणेणं ओमह-भंसज्जेणं पीठकलगसेज्जासन्धारएणं पडिलाभेमाणा बहुहिं सीलव्वयगुणवेरमणपक्क-क्खाणपोसहोबवासोहिं अहापरिग्गहिं तवोक्कमेहिं अप्पाणं भावेमाणा विहरन्ति ॥ ते णं एयारूवेणं विहारेणं विहरमाणा बहुइं वामाईं समणोवामगपरियागं पाउणंति पाउणिता आवाइसि उप्पणंसि वा, अणुप्पणंसि वा बहुइं भत्ताइं अणसणाए पक्क-क्खाएन्ति बहुइं भत्ताइं अणसणाए पक्कक्खाएणा बहुइं भत्ताइं अणसणाए छेदेन्ति बहुइं भत्ताइं अणसणाए छेइता आलोइयपडिक्कता समाहिपता काल्मासे कालं किष्वा अज्जयरेसु देवलोएसु देवताए उक्खत्तारो भवंति, तंजहा-महक्खिएसु महज्जुइएसु जाव महासोक्खेसु सेसं तहेव जाव एसट्ठाणे आयरिए जाव एगंतसम्मे साहू तच्चस्स ठाणस्स मीसगस्स विभगे एवमाहिए ॥ २४ ॥ ६७४ ॥ अवरिइं पट्ठच्च बाळे आहि-ज्जइ विरइं पट्ठच्च पडििए आहिज्जइ विरयाविरइं पट्ठच्च बालपकिए आहिज्जइ, तत्थणं

जा सा सव्वओ अविरेइ एसट्टाणे आरंभट्टाणे अणारिए जाव असव्वदुक्खप्पहीणमग्गे एगंतमिच्छे असाहू, तत्थयं जा सा सव्वओ विरेइ एसट्टाणे अणारंभट्टाणे आरिए जाव सव्वदुक्खप्पहीणमग्गे एगंतमम्मि साहू, तत्थयं जा सा सव्वओ विग्ग्याविरइ एसट्टाणं आरभणोरआभट्टाणे एसट्टाणे आरिए जाव सव्वदुक्खप्पहीणमग्गे एगंतसम्मि साहू ॥ २५ ॥ ६७५ ॥ एवमेव समणुगम्ममाणा इमेहिं च्चव दोहिं ठाण्हिं समोअरंति, तंजहा-धम्मि च्चव अधम्मि च्चव, उवसंतं च्चव अणुवसंतं च्चव, तत्थयं जे से पढमट्टाणस्म अधम्मपक्खस्म विभगे एवमाहििए तस्मणं टमाइं तिञ्जि तेवट्टाइं पावा-दुयसयाइं भवतीति मक्खायाइं, तंजहा-किरियावाइंणं अकिरियावाइंणं अञ्जाणियवा-इंणं वेणुयवाइंणं तेवि परिनेव्वाणमाहंनु तेवि परिमोक्खमाहंनु तेवि लवंति सावगा तेवि लवंति सावत्तागे ॥ २६ ॥ ६७६ ॥ ते सव्वे पावाउया आडगरा धम्मार्णं णाणापन्ना णाणाच्छंदा णाणासीला णाणादिट्ठी णाणाइं णाणारभा णाणाञ्जवसाण-संजुता एगं महं मंडलिचंभं किञ्च सव्वे एगओ च्चिट्ठंति ॥ २७ ॥ ६७७ ॥ पुरिसेयं सागणियागं इंगालाणं पाइं बहुपडिपुञ्जं अओमणं संडासएणं गहाय ते सव्वे पावाउए आइगरा धम्मार्णं णाणापन्ना जाव णाणाञ्जवमाणसंजुता एवं वयासी-हंभो पावाउया आडगरा धम्मार्णं णाणापन्ना जाव णाणाञ्जवमाणसंजुता इमं नाव तुब्भे सागणियागं इंगालाणं पाइं बहुपडिपुञ्जं गहाय मुहम्मयं २ पाणिणा धरेह णो बहुमडा-सगं संमारियं कुञ्जा, णो बहुआग्गयंभणियं कुञ्जा णो बहु साहम्मियवेयावडियं कुञ्जा णो बहु परधम्मियवेयावडियं कुञ्जा, उज्जया णियागपडिवन्ना अमायं कुट्ठमाणं पाणिं पमारहेइ इतिवुच्चा से पुरिसे तेमि पावादुयायं तं सागणियाणं इंगालाणं पाइं बहुप-डिपुञ्जं अउमएणं संडासएणं गहाय पाणिं णिसिगति तएणं ते पावादुया आइगरा धम्मार्णं णाणापन्ना जाव णाणाञ्जवमाणसंजुता पाणिं पडिमाहरंति तएणं से पुरिसे ते सव्वे पावाउए आइगरं धम्मार्णं जाव णाणाञ्जवमाणसंजुता एवं वयासी हंभो । पावादुया आइगरा धम्मार्णं णाणापन्ना जाव णाणाञ्जवमाणसंजुता कम्महाणं तुब्भे पाणिं पडिमाहरइ पाणिं णो इहिञ्जा, दंहे किं भविस्सइ दुक्खं दुक्खं ति मण्णमाणा पडिमाहरइ एव तुला ऐमापमाणे एव समोमरणे पनेयं तुला पत्तयं पमाणे पत्तयं समोमरणे तत्थयं जे ते ममणा माहणा एवमाइक्खंति, जाव परव्वेति सव्वे पाणा जाव मत्ता हंतव्वा अज्जावेयव्वा परिषेत्तव्वा परियावेयव्वा किलाभेयव्वा उह्वेयव्वा ते आगंतु छेयाए ते आगंतु भेयाए जाव ते आगंतु जाडजराकरणजोषिजम्मणसं-मारपुणंभवगंभवामभवपवंचकलंक्करीभाणिणो भविससंति, ते बहूणं दंडणानं बहूणं मुंडणानं तज्जमाणं तालाणायं अंदुबंजणायं जाव बोलाणायं माइमरणायं पिइमरणायं

भाइमरणाणं भगिणीमरणाणं मज्जापुल्लभूयासुण्डामरणाणं दारिद्राणं दोहृग्गाणं अधिय-
 संवासाणं पियविप्पओगाणं बहूणं दुक्खदोमणस्साणं आभागिणो भविस्संति अणादियं
 च णं अणवयमं वीहमदं चाउरन्तसंसारकन्तारं भुज्जो भुज्जो अणुपरियट्ठिस्संति ते णो
 सिज्झिस्संति णो वुज्झिस्संति जाव णो सब्बदुक्खाणमंतं करिस्सति एस तुला एस
 पमाणे एस ममोसरणे पत्तेयं तुला पत्तेयं पमाणे पत्तेयं ममोसरणे । तत्थ णं जे ते
 ममणा माहणा एवमाइक्खन्ति जाव परूवेन्ति । मव्वे पाणा मव्वे भूया मव्वे जीवा
 मव्वे मणा न हन्नव्वा न अज्जावेयव्वा न परिघेयव्वा न उद्देव्यव्वा ते नो आग-
 न्नुन्हेयाए ते नो आगन्नुभेयाए जाव जाइजगामरणजोणिजम्मणसंसारपुणञ्चभवग-
 च्चभवासुभक्कपवंचकल्लकलीभागिणो भविस्सन्ति, जाव अणादियं च णं अणवयमं
 वीहमदं चाउरन्तसंसारकन्तारं भुज्जो भुज्जो नो अणुपरियट्ठिस्सन्ति, ते सिज्झिस्सन्ति
 जाव सब्बदुक्खाणं अन्तं करिस्सन्ति ॥ २८ ॥ ६७८ ॥ इत्थेएहि वारमहिं किरिया-
 ठाणेहिं वट्टमाणा जीवा नो सिज्झिस्सु नो वुज्झिस्सु नो मुष्मिस्सु नो परिणिव्वाइंसु जाव
 नो सब्बदुक्खाणं अन्तं करेसु वा नो करेन्ति वा नो करिस्सन्ति वा । एयंसि चेष
 तेरसमे किरियाठाणे वट्टमाणा जीवा सिज्झिन्तु वुज्झिन्तु मुष्मिन्तु परिणिव्वाइंसु जाव
 मव्वदुक्खाणं अंतं करेसु वा करेति वा करिस्संति वा । एवं सं भिक्खु आयुट्ठी आय-
 हिए आयुगुत्ते आयजोगे आयपरक्कमे आयरक्किए आयाणुकम्पए आयणिफेडए
 आयाणमेव पडिसाहरेज्जासि णि वेसि किरियाट्टाणज्जयणं विइयं ॥ २९ ॥ ६७९ ॥

आहारपरिब्रज्जयणे तद्दे

सुयं मे आउसं ! तेगं भगवया एवमक्खायं । इह खलु आहारपरिजा नामज्जयणे
 तस्स णं अयमट्ठे । इह खलु पाइण वा ४ सब्बओ सब्बावंति य णं लोमंनि चत्तारि
 वीथकाया एवमाहिज्जंति । तं जहा—अगवीया मूलवीया पोरवीया खंधवीया । तेसिं
 च णं अहावीएणं अहावगासेणे इहेमइया सत्ता पुडवीजोणिया पुडवीसभवा पुडवी-
 कुक्कमा तज्जोणिया तस्संभवा तदुवक्कमा कम्मोवगा कम्मनियाणेणं तत्तकुक्कमा नाणा-
 विहजोणियासु पुडवीसु रुक्खलाए विउट्ठंति ॥ ते जीवा तेसिं नाणाविहजोणियाणं
 पुडवीणं सिणेहमाहारंति । ते जीवा आहारंति पुडवीसरीरं आउसरीरं तेउसरीरं
 वाउसरीरं वणस्सइसरीरं । नाणाविहाणं तसथावरारणं पाणाणं सरीरं अब्धिं कुब्बंति
 परिविद्धयं । तं सरीरं पुब्बाहारियं तथाहारियं विपरिणयं सारुक्खियकडं सेतं । अबरे
 सि य णं तेसिं पुडविजोणियाणं रुक्खारणं सरीरा नामावण्णा नाणागंचा नाणारहा

नाणाफासा नाणासंठाणसंठिया नाणाविहसरीरपुग्गलविउब्बिया ते जीवा कम्मोवव-
 जगा भवन्तीति मक्खायं ॥ १ ॥ ६८० ॥ अहावरं पुरक्खायं इहेगइया सत्ता एक्ख-
 जोणिया एक्खसंभवा एक्खवुक्कमा तज्जोणिया तस्संभवा तदुवक्कमा कम्मोवगा कम्म-
 नियाणेणं तत्थवुक्कमा पुढवीजोणिएहिं एक्खेहिं एक्खत्ताए विउट्ठंति । ते जीवा तेसिं
 पुढवीजोणियाणं एक्खाणं सिणेहमाहारैति, ते जीवा आहारैति पुढवीसरीरं आउते-
 उवाउवणस्सइसरीरं नाणाविहाणं तसथावराणं पाणाणं मरीरं अच्चित्तं कुब्बंति परिकि-
 द्दत्थं । तं मरीरं पुव्वाहारियं तथाहारियं विप्परिणामियं सारुवियकडं सन्तं । अवरे
 वि य णं तेसिं एक्खजोणियाणं एक्खाणं मरीरा नाणावण्णा नाणागन्धा नाणारमा
 नाणाफासा नाणासंठाणसंठिया नाणाविहसरीरपुग्गलविउब्बिया ते जीवा कम्मोव-
 वजगा भवन्तीति मक्खायं ॥ २ ॥ ६८१ ॥ अहावरं पुरक्खायं इहेगइया सत्ता
 एक्खजोणिया एक्खसंभवा एक्खवुक्कमा तज्जोणिया तस्संभवा तदुवक्कमा कम्मोवगा
 कम्मणियाणेणं तत्थवुक्कमा एक्खजोणिएमु एक्खत्ताए विउट्ठंति, ते जीवा तेसिं एक्ख-
 जोणियाणं एक्खाणं सिणेहमाहारैति ते जीवा आहारैति, पुढवीमरीरं आउतेउवा-
 उवणस्सइसरीरं तमथावराणं पाणाणं मरीरं अच्चित्तं कुब्बंति परिकिद्वत्थं तं मरीरं
 पुव्वाहारियं तथाहारियं विपरिणामियं सारुवियकडं सन्तं अवरेवि य णं तेसिं एक्ख-
 जोणियाणं एक्खाणं मरीरा नाणावण्णा जाव ते जीवा कम्मोववजगा भवंति णि
 मक्खायं ॥ ३ ॥ ६८२ ॥ अहावरं पुरक्खायं इहेगइया सत्ता एक्खजोणिया एक्ख-
 संभवा एक्खवुक्कमा तज्जोणिया तस्संभवा तदुवक्कमा कम्मोवगा कम्मनियाणेणं तत्थ-
 वुक्कमा एक्खजोणिएमु एक्खेमु मूलत्ताए कंदत्ताए, खंधत्ताए तयत्ताए मालत्ताए पवा-
 लत्ताए पमत्ताए पुप्फत्ताए फलत्ताए बीयत्ताए विउट्ठंति ते जीवा तेसिं एक्खजो-
 णियाणं एक्खाणं सिणेहमाहारैति ते जीवा आहारैति पुढवीमरीरं आउतेउवाउ-
 वणस्सइं नाणाविहाणं तमथावराणं पाणाणं मरीरं अच्चित्तं कुब्बंति परिकिद्वत्थं तं
 मरीरं जाव सारुवियकडं सन्तं अवरेवियणं तेसिं एक्खजोणियाणं मूलत्ताए कंदत्ताए
 खंधत्ताए तयाणं मालत्ताए पवालत्ताए जाव बीयाणं मरीरा नाणावण्णा नाणागंधा जाव
 नाणाविहसरीरपुग्गलविउब्बिया ते जीवा कम्मोववजगा भवंति णि मक्खायं
 ॥ ४ ॥ ६८३ ॥ अहावरं पुरक्खायं इहेगइया सत्ता एक्खजोणिया एक्खसंभवा
 एक्खवुक्कमा तज्जोणिया तस्संभवा तदुवक्कमा कम्मोववजगा कम्मनियाणेणं तत्थवुक्कमा
 एक्खजोणिएहिं एक्खेहिं अज्जारोहत्ताए विउट्ठंति ते जीवा तेसिं एक्खजोणियाणं
 एक्खाणं सिणेहमाहारैति ते जीवा आहारैति पुढवीसरीरं जाव सारुवियकडं सन्तं
 अवरेवि य णं तेसिं एक्खजोणियाणं अज्जारोहत्ताए मरीरा नाणावण्णा जाव मक्खायं

॥ ५ ॥ ६८४ ॥ अहावरं पुरकस्त्रायं इहेगइया सत्ता अज्झारोहजोणिया अज्झारोहसंभवा जाव कम्मनियणेणं तत्थ वुक्कमा रुक्खजोणिएसु अज्झारोहेसु अज्झारोहत्ताए विउट्टंति ते जीवा तेसि रुक्खजोणियाणं अज्झारोहाणं सिणेहमाहारैति ते जीवा आहारैति पुटवीमरीरं जाव मारुवियकडं संतं अवरेवि य णं तेसि अज्झारोहजोणियाणं अज्झारोहाणं मरीरा णाणावण्णा जावमक्खायं ॥ ६ ॥ ६८५ ॥ अहावरं पुरकस्त्रायं इहेगइया सत्ता अज्झारोहजोणिया अज्झारोहसंभवा जाव कम्मनियणेणं तत्थ वुक्कमा अज्झारोहजोणिएसु अज्झारोहत्ताए विउट्टंति ते जीवा तेसि अज्झारोहजोणियाणं अज्झारोहाणं सिणेहमाहारैति ते जीवा आहारैति-पुटविमरीरं आउमरीरं जाव मारुवियकडं संतं अवरेवि य णं तेसि अज्झारोहजोणियाणं अज्झारोहाणं मरीरा णाणावण्णा जावमक्खायं ॥ ७ ॥ ६८६ ॥ अहावरं पुरकस्त्रायं इहेगइया सत्ता अज्झारोहजोणिया अज्झारोहसंभवा जाव कम्मनियणेणं तत्थवुक्कमा अज्झारोहजोणिएसु अज्झारोहेसु मूलत्ताए जाव बीयत्ताए विउट्टंति ते जीवा तेसि अज्झारोहजोणियाणं अज्झारोहाणं सिणेहमाहारैति जाव अवरेवि य णं तेसि अज्झारोहजोणियाणं मूलाणं जाव बीयाण मरीरा णाणावण्णा जावमक्खायं ॥ ८ ॥ ६८७ ॥ अहावरं पुरकस्त्रायं इहेगइया सत्ता पुटविजोणिया पुटविमंभवा जाव णाणाविहजोणियासु पुटवीसु तणत्ताए विउट्टंति ते जीवा तेसि णाणाविहजोणियाणं पुटवीणं सिणेहमाहारैति जाव ते जीवा कम्मोववक्खा भवंति ति मक्खायं-एवं पुटविजोणिएसु तणेसु तणत्ताए विउट्टंति जाव मक्खायं-एवं तणजोणिएसु तणेसु तणत्ताए विउट्टंति तणजोणियं तणमरीरं च आहारैति, जावमक्खायं-एवं तणजोणिएसु तणेसु मूलत्ताए जाव बीयत्ताए विउट्टंति ते जीवा जाव एवमक्खायं-एवं ओसहीणं वि चत्तारि आलावगा-एवं हरियाणवि चत्तारि आलावगा-॥ ९-१० ॥ ६८८-६८९ ॥ अहावरं पुरकस्त्रायं इहेगइया सत्ता पुटवीजोणिया पुटविसंभवा जाव कम्मनियणेणं तत्थवुक्कमा णाणाविहजोणियासु पुटवीसु आयत्ताए वायत्ताए कायत्ताए कूहणत्ताए कन्दुकत्ताए उप्पेहणियत्ताए निप्पेहणियत्ताए मच्छत्ताए छलगतत्ताए बामाणियत्ताए कूरत्ताए विउट्टन्ति । ते जीवा तेसि णाणाविहजोणियाणं पुटवीणं सिणेहमाहारैति । ते वि जीवा आहारैति पुटविसरीरं जाव मन्तं । अवरे वि य णं तेसि पुटविजोणियाणं आयत्ताणं जाव कूरानं मरीरा णाणावण्णा जाव मक्खायं । एगो च्चैव आलावगो सेसा तिण्णि नत्थि । अहावरं पुरकस्त्रायं इहेगइया सत्ता उदगजोणिया उदगसंभवा जाव कम्मनियणेणं तत्थवुक्कमा णाणाविहजोणिएसु उदगसु रुक्खत्ताए विउट्टन्ति । ते जीवा तेसि णाणाविहजोणियाणं

उदगणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे वि य णं तेमि उदगजोणियाणं रुक्खाणं सरीरा नाणावण्णा जाव मक्खवायं । जहा पुढविजोणियाणं रुक्खाणं चत्तारि गमा अज्जारोहाण वि तहेव, तणाणं ओसहीणं हरियाणं चत्तारि आलावगा भाणियव्वा एकेके, अहावर पुरक्खायं इहेगइया सत्ता उदगजोणिया उदगसम्भवा जाव कम्मनियाणेणं तत्थवुक्खा नाणाविह जोणिएनु उदएसु उदगत्ताए अवगत्ताए पणगत्ताए सेवालत्ताए कलम्बुगत्ताए इडत्ताए कसेरुगत्ताए कल्लभाणियत्ताए उप्पलत्ताए पउमत्ताए कुमुयत्ताए नल्लिणत्ताए मुभगत्ताए सोगन्धियत्ताए पोण्डरीयमहापोण्डरीयत्ताए सयपत्ताए सहम्मपत्ताए एवं कल्लहारकोकणयत्ताए अरविन्दत्ताए तामरमत्ताए भिसभिसमुणालपुक्खत्ताए पुक्खत्तच्छिडभगत्ताए विउट्टन्ति । ते जीवा तेमि नाणाविह जोणियाणं उदगणं सिणेहमाहारेन्ति । ते जीवा आहारेन्ति पुढवीसरीरं जाव सन्तं । अवरे वि य णं तेमि उदगजोणियाणं उदगणं जाव पुक्खत्तच्छिडभगणं सरीरा नाणावण्णा जाव मक्खवायं । एगो च्चव आलावगो ॥ ११ ॥ ६२० ॥ अहावर पुरक्खायं इहेगइया सत्ता तेमि च्चव पुटवीजोणिएहिं रुक्खेहिं रुक्खजोणिएहिं रुक्खेहिं रुक्खजोणिएहिं मुन्देहिं जाव बीएहिं, रुक्खजोणिएहिं अज्जारोहेहिं अज्जारोहजोणिएहिं अज्जारोहेहिं अज्जारोहजोणिएहिं मुन्देहिं जाव बीएहिं, पुटविजोणिएहिं तणेहिं तणजोणिएहिं तणेहिं तणजोणिएहिं मुलेहिं जाव बीएहिं । एवं ओगहीहिं वि तिण्ण आलावगा एवं हरिएहिं वि तिण्ण आलावगा । पुटविजोणिएहिं वि आएहिं काएहिं जाव कुरेहिं उदगजोणिएहिं रुक्खेहिं रुक्खजोणिएहिं रुक्खेहिं रुक्खजोणिएहिं मुलेहिं जाव बीएहिं एवं अज्जारोहेहिं वि तिण्ण । तणेहिं पि तिण्ण आलावगा । ओगहीहिं पि तिण्ण, हरिएहिं पि तिण्ण, उदगजोणिएहिं, उदएहिं अवगहिं जाव पुक्खत्तच्छिडभगहिं तसपाणत्ताए विउट्टन्ति ॥ ते जीवा तेमि पुढवीजोणियाणं उदगजोणियाणं रुक्खजोणियाणं अज्जारोहजोणियाणं तणजोणियाणं ओसहीजोणियाणं हरियजोणियाणं रुक्खाणं अज्जारोहाणं तणाणं ओसहीणं हरियाणं मूलाणं जाव बीयाणं आयणं कायाणं जाव कुरवाणं [कुराणं] उदगणं अवगणं जाव पुक्खत्तच्छिडभगणं सिणेहमाहारेन्ति । ते जीवा आहारेन्ति पुढवीसरीरं जाव सन्तं । अवरे वि य णं तेमि रुक्खजोणियाणं अज्जारोहजोणियाणं तणजोणियाणं ओसहीजोणियाणं हरियजोणियाणं मून्जोणियाणं कन्दजोणियाणं जाव बीयजोणियाणं आयजोणियाणं कायजोणियाणं जाव कुरजोणियाणं उदगजोणियाणं अवगजोणियाणं जाव पुक्खत्तच्छिडभगजोणियाणं तसपाणं सरीरा नाणावण्णा जाव मक्खवायं ॥ १२ ॥ ६२१ ॥ अहावरं पुरक्खायं नाणाविहाणं मणुस्साणं । तं जहा-कम्मभूम-

गाणं अकम्मभूमगाणं अन्तरहीवगाणं आरियाणं मिलक्खुयाणं । तेसि च णं अहा-
 बीएणं अहावगासेणं इत्थीए पुरिसस्स य कम्मकडाए जोणिए एत्थ णं मेहुणवनिथाए
 (व) नामं संजोगे ममुप्पज्जइ । ते दुहओ वि सिणेहं संखिणंति । तत्थ णं जीवा इत्थि-
 ताए पुरिसताए नपुंसगाणाए विउट्टंति, ते जीवा माओउयं पिउसुक्कं तं तदुभयं संसट्टं
 कल्लसं किव्विसं तं पइमणाए आहारमाहारैति तओ पच्छा जं से माया णाणाविहाओ
 रस्सविहीओ आहारमाहारैति तओ एगंसेणं ओयमाहारैति अणुपुब्बेणं वुक्खा पलिपाग-
 मणुपक्खा तओ कायाओ अभिनिवट्टमाणा इत्थि वेगया जणयंति पुरिसं वेगया जण-
 यंति, णपुंसगं वेगया जणयंति, ते जीवा इहरा ममाणा माउक्खीर सप्पि आहारैति
 आणुपुब्बेणं वुक्खा ओयणं कुम्मासं तसथावरे य पाणे ते जीवा आहारैति पुट्टविसरीरं
 जाव तात्तवियकडं संतं अवरेवि य णं तेसि णाणाविहाणं मणुस्सगाणं कम्मभूमगाणं
 अकम्मभूमगाणं अन्तरहीवगाण आरियाणं मिलक्खुणं सरीरा णाणावण्णा भवंति त्ति
 मक्खसायं ॥ ६९,२ ॥ अहावरं पुरक्खायं णाणाविहाणं जलचराणं पंचिदियतिरिक्ख-
 जोणियाणं, तंजहा-मच्छाणं जाव सुंसुमारणं तेसि च णं अहाबीएणं अहावगासेणं
 इत्थीए पुरिसस्स य कम्मकडा तहवे जाव तओ पच्छा एगंसेणं ओयमाहारैति
 आणुपुब्बेणं वुक्खा पलिपागमणुपक्खा तओ कायाओ अभिनिवट्टमाणा अंउ वेगया
 जणयंति पोयं वेगया जणयंति, से अडे उब्भज्जाणे इत्थि वेगया जणयंति, पुरिसं
 वेगया जणयंति, णपुंसगं वेगया जणयंति, ते जीवा इहरा ममाणा आउसिणेहमा-
 हारैति, आणुपुब्बेणं वुक्खा वणस्सइकायं तसथावरे य पाणे ते जीवा आहारैति
 पुट्टविसरीरं जाव संतं अवरेवि य णं तेसि णाणाविहाणं जलचरपंचिदियतिरिक्ख-
 जोणियाणं मच्छाणं सुंसुमारणं सरीरा णाणावण्णा जावमक्खायं ॥ ६९,३ ॥ अहावरं
 पुरक्खायं णाणाविहाणं चउप्पयथलयरपंचिदियतिरिक्खजोणियाणं तंजहा एगखुराणं
 दुत्तगाणं गंभीपदाणं सणप्पयाणं तेसि च णं अहाबीएणं अहावगासेणं इत्थिपुरिसस्स य
 कम्म जाव मेहुणवनिथाए णामं संजोगे ममुप्पज्जइ ते दुहओ सिणेहं संखिणंति तत्थणं
 जीवा इत्थिताए पुरिसताए जाव विउट्टंति ते जीवा माओउयं पिउसुक्कं एवं जहा
 माणुस्साणं इत्थि वेगया जणयंति पुरिसंपि नपुंसगंपि ते जीवा इहरा ममाणा
 माउक्खीर सप्पि आहारैति आणुपुब्बेणं वुक्खा वणस्सइकायं तसथावरे य पाणे ते
 जीवा आहारैति पुट्टविसरीरं जाव संतं अवरेवि य णं तेसि णाणाविहाणं चउप्प-
 यथलयरपंचिदियतिरिक्खजोणियाणं एगखुराणं जाव सणप्पयाणं सरीरा णाणावण्णा
 जावमक्खायं ॥ ६९,४ ॥ अहावरं पुरक्खायं णाणाविहाणं उरपरिसपथलयरपंचि-
 दियतिरिक्खजोणियाणं तंजहा-अहीणं अयगराणं आसाळियाणं महोरगाणं तेसि च

णं अहावीर्णं अहावगामेणं इत्थीए पुरिमस्स जाव एत्थणं मेहुणे एवं तं चेव नाणत्त
 अंडं वेगइया जगयंति पोयं वेगइया जणयंति से अंडे उच्चिज्जमाणे इत्थि वेगइया
 जणयंति पुरिसपि णपुंसगपि, ते जीवा इहमा ममाणा वाउकायमाहारैरि आणुपु-
 व्वेणं वुष्ठा वगस्सइकायं तमथावग्गणे ते जीवा आहारैरि पुटविमरीरं जाव संतं
 अबरेवि य णं तेसि णाणाविहाण उरपरिमप्पयलयरपंचेदियतिरिक्ख० अर्हाणं जाव
 महोरमाणं मरीरा णाणावग्गा णाणागंधा जावमक्खायं ॥ ६९,५ ॥ अहावरं पुग्-
 क्खायं णाणाविहाणं भुयपरिमप्पयलयरपंचेदियतिरिक्खजोणियाणं, तं जहा—गोहाणं
 नउलाणं सिहाणं मग्गणं मल्लाणं मरघाणं खराणं धरकोइल्लियाणं विरसंभराणं
 मुमगाणं मंगुपाणं पयठाइयाणं विगल्लियाणं जोहाणं चउप्पाइयाणं तेसि च णं
 अहावीर्णं अहावगामेणं इत्थिए पुरिमस्स य जहा उरपरिमप्पाणं तहा भाणियव्वं
 जाव म्हावियइडं संतं अबरेवि य णं तेसि णाणाविहाणं भुयपरिमप्पयलयर-
 रतिरिक्खाणं ० गोहाणं जावमक्खायं ॥ ६९,६ ॥ अहावरं पुग्कखायं णाणाविहाणं
 स्वहचग्गंचेदियतिरिक्खजोणियाणं, तं जहा—चम्मपक्खीणं लोमपक्खीणं मयुग्ग-
 पक्खीणं वित्तपक्खीणं तेसि च णं अहावीर्णं अहावगामेणं इत्थीए जहा
 उरपरिमप्पाणं नाणत्तं ते जीवा इहमा ममाणा माउगात्तमिणेहमाहारैरि आणुपुव्वेणं
 वुष्ठा वगस्सइकायं तमथावरे य णे ते जीवा आहारैरि पुटविमरीरं जाव संतं अबरे
 वि य णं तेसि नाणाविहाणं स्वहचग्गंचेदियतिरिक्खजोणियाणं चम्मपक्खीणं जाव
 मक्खायं ॥ ९३ ॥ ६९,७ ॥ अहावरं पुग्कखायं इहेगइया मत्ता नाणाविहजोणिया
 नाणाविहमभवा नाणाविहवुकुमा तज्जोणिया तम्मभवा तदुवक्का कम्मोवगा कम्म-
 नियाणेणं तद्वनुक्का नाणाविहाणं तमथावराणं पोयगणं मरीरेनु वा मच्चिणु वा
 अच्चिणु वा अणुम्यभाणं विउट्ठन्ति । ते जीवा तेसि नाणाविहाणं तमथावराणं
 पाणाण मिणेहमाहारैरिन्ति । ते जीवा आहारैरिन्ति पुटविमरीरं जाव सन्तं । अबरे
 वि य णं तेसि तमथावराजोणियाणं अणुम्यभाणं मरीरा नाणावग्गा जाव मक्खायं ।
 एवं उट्ठमभवत्ताए । एवं स्वग्गुत्ताए ॥ ९४ ॥ ६९,८ ॥ अहावरं पुग्कखायं इहे-
 गइया मत्ता नाणाविहजोणिया जाव कम्मनियाणेणं तद्वनुक्का नाणाविहाणं तमथा-
 वराणं पाणाणं मरीरेनु मच्चिणु वा अच्चिणु वा तं मरीरां वायसेमिदं वा वाय-
 संगद्वियं वा वायपरिग्गद्वियं उट्ठुत्ताए उट्ठुभागी भवइ, अहेवाएनु अहेभागी भवइ,
 तिरियवाएनु तिरियभागी भवइ । तं जहा—ओमा हिमाए महिया करए हरतणुए
 सुद्धोदए । ते जीवा तेसि नाणाविहाणं तमथावराणं पाणाणं तिणेहमाहारैरिन्ति । ते
 जीवा आहारैरिन्ति पुटविमरीरं जाव सन्तं । अबरे वि य णं तेसि तमथावराजोणि-

यागं ओम्नाणं जाव मुद्दोदगाणं सरीरा नाणावण्णा जावमक्खायं । अहावरं पुरक्खायं इहेगइया सत्ता उदगजोणिया उदगसंभवा जाव कम्मनियाणं तत्थयुक्कमा तसथावरजोणिएसु उदएसु उदगत्ताए विउट्टन्ति । ते जीवा तेसिं तसथावरजोणियाणं उदगाणं सिणेहमाहारेन्ति । ते जीवा आहारेन्ति पुटविसरीरं जाव सन्तं । अवरे वि य णं तेसिं तसथावरजोणियाणं उदगाणं सरीरा नाणावण्णा जाव मक्खायं । अहावरं पुरक्खायं इहेगइया सत्ता उदगजोणियाणं जाव कम्मनियाणं तत्थयुक्कमा उदगजोणिएसु उदएसु उदगत्ताए विउट्टन्ति ते जीवा तेसिं उदगजोणियाणं उदगाणं सिणेहमाहारेन्ति । ते जीवा आहारेन्ति पुटविसरीरं जाव सन्तं । अवरे वि य णं तेसिं उदगजोणियाणं उदगाणं सरीरा नाणावण्णा जाव मक्खायं । अहावरं पुरक्खायं इहेगइया सत्ता उदगजोणियाणं जाव कम्मनियाणं तत्थयुक्कमा उदगजोणिएसु उदएसु तसपाणाए विउट्टन्ति । ते जीवा तेसिं उदगजोणियाणं उदगाणं सिणेहमाहारेन्ति । ते जीवा आहारेन्ति पुटविसरीरं जाव सन्तं । अवरे वि य णं तेसिं उदगजोणियाणं तसपाणाणं सरीरा नाणावण्णा जाव मक्खायं ॥ १५ ॥ ६५५ ॥

अहावरं पुरक्खायं इहेगइया सत्ता नाणाविहजोणिया जाव कम्मनियाणं तत्थयुक्कमा नाणाविहाणं तसथावरारणं पाणाणं सरीरेसु सच्चित्तोसु वा अच्चित्तोसु वा अगणीकायत्ताए विउट्टन्ति । ते जीवा तेसिं नाणाविहाणं तसथावरारणं पाणाणं सिणेहमाहारेन्ति । ते जीवा आहारेन्ति पुटविसरीरं जाव सन्तं । अवरे वि य णं तेसिं तसथावरजोणियाणं अगणीणं सरीरा नाणावण्णा जावमक्खायं । सेमा निष्णि अत्तावगा जहा उदगाणं । अहावरं पुरक्खायं इहेगइया सत्ता नाणाविहजोणियाणं जाव कम्मनियाणं तत्थयुक्कमा नाणाविहाणं तसथावरारणं पाणाणं सरीरेसु सच्चित्तोसु वा अच्चित्तोसु वा काउक्कायत्ताए विउट्टन्ति । जहा अगणीणं तहा भाणियब्बा चत्तारि गमा ॥ १६ ॥

॥ ७०० ॥ अहावरं पुरक्खायं इहेगइया सत्ता नाणाविहजोणिया जाव कम्मनियाणं तत्थयुक्कमा नाणाविहाणं तसथावरारणं पाणाणं सरीरेसु सच्चित्तोसु वा अच्चित्तोसु वा पुटवित्ताए सक्करत्ताए बालयत्ताए । इमाओ गाहाओ अणुगन्तब्बाओ—पुडवी य सक्करा बालया य उवळे सित्ता य लोणूसे । अय तउय तम्ब सीसग रूप सुवण्णेय वडरे य (१) हरियाळे हियुलए, मणोसित्ता सासगंजणफ्वाळे, अब्बपडलब्बवाळुय, बायरकाए मणिविहाणा (२) गोमेजए य द्यए, अंके फलिहे य लोहियक्खेय, सरगयमसारगळे भुयमोयगइंदनीळे य (३) चंइणगेद्वहंसगम्भे, पुत्तए सोगंधिए य षोद्धब्बे, चंदप्पभवेहिए, अलकंते सूरकंते य (४) एयाओ एएसु भाणियब्बाओ गाहाओ जाव सूरकंत्ताए विउट्टंति, ते जीवा तेसिं नाणाविहाणं तसथावरारणं

पाणाणं सिणोहमाहारैरिति, ते जीवा आहारैरिति पुढविमरीरं जाव संतं अवरे वि य णं तेसिं तसयावरजोणियाणं पुढवीणं जाव सूरकंताणं सरीरा णाणावण्णा जावमक्खायं, सेसं तिण्णि आत्तावगा जहा उदगाणं ॥ ७०१ ॥ अहावरं पुरक्खायं सव्वं पाणा सव्वे भूया, मव्वे जीवा, मव्वे गत्ता, णाणाविह्वजोणिया, णाणाविह्वसंभवा, णाणा-विह्वुक्कमा, सरीरजोणिया, सरीरसंभवा, सरीरबुक्कमा, सरीराहारा, कम्मोवगा, कम्मनियाणा, कम्मगइया, कम्मठिइया, कम्मणा चेव विप्परियासमुवेति ॥ ७०२ ॥ सेएवमायाणह मे एवमायाणिना आहारगुत्ते महिए समिए मयाजए णि वेमि ॥ ७०३ ॥ आहारपरिणयज्झयणं तइयं ॥

पञ्चक्खाणकिरियज्झयणे चउत्थे

सुयं मे आउमं ! तेनं भगवया एवमक्खायं, इह खलु पञ्चक्खाणकिरियाणा-मज्झयणे तस्मिणं अयमट्ठे पण्णत्ते, आया अपञ्चक्खाणीयावि भवइ, आया अकिरिया कुमत्थेयावि भवइ, आया मिच्छासाठिंएयावि भवइ, आया एगंतदंढेयावि भवइ, आया एगंतवालेयावि भवइ, आया एगंतसुत्तेयावि भवइ, आया अविचारमणवयकायवक्के-यावि भवइ, आया अप्पट्ठिहयअपञ्चक्खायपावकम्मोयावि भवइ, एम खलु भगवया अक्खाए, असंजए, आवंरए, अप्पट्ठिहयपञ्चक्खायपावकम्मं, सकिंरए, असंबुडे, एगंतदंढे, एगंतवाले, एगंतसुत्ते से बाले, आविचारमणवयकायवक्के, सुविणमवि ण पस्सइ पावे य से कम्मं कज्जइ ॥ ७०४ ॥ तत्थ चोयए पक्कवगं एवं बयासी, असंत-एणं मणेणं पावएणं असंतिवाए वइए पाविवाए, असंतएणं काएणं पावएणं अह-र्णंतस्म अमणक्खस्स, अविचारमणवयकायवक्कस्स सुविणमवि अपस्सओ पावकम्मं णो कज्जइ कस्सणं तं हेउं चोयए एवं बवीइ अन्नयरेणं मणेणं पावएणं मणवात्तिए पावे कम्मं कज्जइ, अन्नयरीए वइए पाविवाए वनिवात्तिए पावे कम्मं कज्जइ, अन्न-यरेणं काएणं पावएणं कायवात्तिए पावेकम्मं कज्जइ, हर्णंतस्म ममणक्खस्स अविचार-मणवयकायवक्कस्स सुविणमवि पामओ, एव गुणजाइयस्स पावेकम्मं कज्जइ, पुणरवि चोयए, एव बवीइ तत्थणं जे ते एवमाहंसु असंतएणं मणेणं पावएणं असंतिवाए वइए पाविवाए, असंतएणं काएणं पावएणं अहर्णंतस्म अमणक्खस्स अविचारमण-वयकायवक्कस्स सुविणमवि अपस्सओ पावे कम्मं कज्जइ, तत्थ णं जे ते एवमाहंसु मिच्छा ते एवमाहंसु ॥ ७०५ ॥ तत्थ पक्कवए चोयगं एवं बयासी—तं तस्मं जं मए पुवं वुणं असंतएणं मणेणं पावएणं, असंतिवाए वइए पाविवाए, असंतएणं काएणं पावएणं, अहर्णंतस्स अमणक्खस्स अविचारमणवयकायवक्कस्स सुविणमवि अपस्सओ

पावे कस्मे कज्जइ, तं सम्मं कस्म णं तं हेउं ? आयरिय आह, तत्थ खलु भगवया छजीवणिकायहेऊ पण्णत्ता, तंजहा पुडविकाइया जाव तसकाइया इच्चैएहिं छहिं जीवणिकाएहिं आया अप्पडिइयपक्कक्खायपावकस्मे, निच्चं पमडविउवावच्चित्तदण्ढे, तंजहा-पाणाइवाए जाव परिगमहे, कोहे जाव सिच्छादंसणमहे ॥ ३०६ ॥ आयरिय आह तत्थ खलु भगवया वहए दिट्ठन्ते पण्णत्ते । से जहानामए-वहए सिया गाहावडस्स वा गाहावडपुत्तस्स वा रण्णो वा रायपुरिमस्स वा स्वणं निहाय पविस्सिस्सामि स्वणं लड्ढणं वहिस्सामि संपहारेमाणे से किं नु हु नाम से वहए तस्म गाहावडस्स वा गाहावडपुत्तस्स वा रण्णो वा रायपुरिमस्स वा स्वणं निहाय पविस्सिस्सामि स्वणं लड्ढणं वहिस्सामि पहारेमाणे दिया वा राओ वा सुत्ते वा जागरमाणे वा अमित्तभूए सिच्छासंठिए निच्चं पमडविउवावच्चित्तदण्ढे भवइ ? एवं वियागरेमाणे ममियाए वियागरे चोयए-हंता भवइ । आयरिय आह-जहा से वहए तस्म गाहावडस्स वा तस्म गाहावडपुत्तस्स वा रण्णो वा रायपुरिमस्स वा स्वणं निहाय पविस्सिस्सामि स्वणं लड्ढणं वहिस्सामि ति पहारेमाणे दिया वा राओ वा सुत्ते वा जागरमाणे वा अमित्तभूए सिच्छासंठिए निच्चं पमडविउवावच्चित्तदण्ढे, एवमेव बाले वि सच्चैसि पाणाणं जाव सच्चैसि सत्ताणं दिया वा राओ वा सुत्ते वा जागरमाणे वा अमित्तभूए सिच्छासंठिए निच्चं पमडविउवावच्चित्तदण्ढे । तं जहा-पाणाइवाए जाव सिच्छादंसणमहे । एवं खलु भगवया अकस्माए असंजए अविरए अप्पडिइयपक्कक्खायपावकस्मे मकिरिणं असंबुडे एगन्तदण्ढे एगन्तबाले एगन्तसुत्ते यावि भवइ । से बाले अवियारमणवयणकायवक्के सुविणमवि न पम्मइ पावे य मे कस्मे कज्जइ । जहा से वहए तस्म वा गाहावडस्स जाव तस्म वा रायपुरिमस्स पत्तेयं पत्तेयं चित्तममादाए दिया वा राओ वा सुत्ते वा जागरमाणे वा अमित्तभूए सिच्छासंठिए निच्चं पमडविउवावच्चित्तदण्ढे भवइ ॥ २॥३०७॥ नो इण्ठे ममहे [चोयए] । इह खलु वहवे पाणा० जे इमेणं मरीरममुस्साम्णे नो दिट्ठा वा सुया वा नाभिमया वा विषाया वा जेसि नो पत्तेयं पत्तेयं चित्तममायाए दिया वा राओ वा सुत्ते वा जागरमाणे वा अमित्तभूए सिच्छासंठिए निच्चं पमडविउवावच्चित्तदण्ढे । तं जहा पाणाइवाए जाव सिच्छादंसणमहे ॥ ३॥३०८॥ आयरिय आह-तत्थ खलु भगवया तुवे दिट्ठन्ता पण्णत्ता । तं जहा-सच्चिदिट्ठन्ते य असच्चिदिट्ठन्ते य । से किं तं सच्चिदिट्ठन्ते ? जे इमे सच्चिदिट्ठिया पज्जत्ता एएसि णं छजीवणिकाए पड्ढव, तं जहा-पुडवी-

कार्यं जाव तमकार्यं । से एगइओ पुडवीकार्णं किञ्चं करेइ वि कारवेइ वि । तस्म
 णं एवं भवइ-एवं खलु अहं पुडवीकार्णं किञ्चं करेमि वि कारवेमि वि, नो चैव णं
 से एवं भवइ-इमेण वा इमेण वा से एणं पुडवीकार्णं किञ्चं करेइ वि कारवेइ वि ।
 से णं तओ पुडवीकायाओ असंजयअविरयअपडिहयपञ्चक्खायपावकम्मं यावि
 भवइ । एवं जाव तसकाए ति भाणियव्वं । से एगइओ छजीवनिकाएहिं किञ्चं
 करेइ वि कारवेइ वि । तस्म णं एवं भवइ-एवं खलु छजीवनिकाएहिं किञ्चं करेमि
 वि कारवेमि वि । नो चैव णं से एवं भवइ-इमेहिं वा २, से य तेहिं छहिं जीवनिका-
 एहिं जाव कारवेइ वि । से य तेहिं छहिं जीवनिकाएहिं असंजयअविरयअपडिहय-
 पञ्चक्खायपावकम्मं, तं जहा-पाणइवाए जाव सिच्छादंसणसत्ते । एम खलु भगवया
 अक्खाए असंजए अविरए अपडिहयपञ्चक्खायपावकम्मं सविणमवि अपस्मओ ।
 पावं य से कम्मं कज्जइ । से त सर्जिदिट्ठन्ते ॥ से किं तं असञ्जिदिट्ठन्ते । जे इमे
 असञ्जिणो पाणा, तं जहा-पुडवीकाइया जाव वणस्पइकाइया छट्ठा वेगइया तमा
 पाणा, जेमि नो तक्का इ वा मत्ता इ वा पत्ता इ वा मणा इ वा वई इ वा मयं वा
 करणाए अत्तेहि वा कारवेणए करन्तं वा गमणुजाणित्तए, ते वि णं बाले मत्वेमि
 पाणाणं जाव मत्वेमि सत्ताणं दिया वा राओ वा मुत्ते वा जागरमाणे वा अमित्त-
 भूया सिच्छासट्ठिया निच्चं पसद्विउवायचित्तदंढा तं० पाणाइवाए जाव सिच्छा-
 दंसणसत्ते । उखेव जाव नो चैव मणो नो चैव वई पाणाणं जाव सत्ताणं दुक्खण-
 याए सोयणयाए जृग्णयाए तिपणयाए पिट्ठणयाए परितप्पणयाए । ते दुक्ख-
 णसोयण जाव परितप्पणवहबन्धणपरिकिलेसाओ अप्पडिविया भवन्ति । इति
 खलु मे असञ्जिणो वि मत्ता अहोर्निमि पाणाइवाए उवक्खाइज्जन्ति जाव अहोर्निमि
 परिग्गहे उवक्खाइज्जन्ति जाव सिच्छादंसणसत्ते उवक्खाइज्जन्ति [एवं भूयवाइ] ।
 सव्वजोषिया वि खलु मत्ता सञ्जिणो दुष्सा अगञ्जिणो होन्ति असञ्जिणो दुष्सा सञ्जिणो
 होन्ति, होत्ता मत्ता अद्वया असञ्जी, तत्थ से अविचिचिन्ता अविभूषिता असंमुच्छिता
 अणणुताविन्ता असञ्जिकायाओ वा सञ्जिकाए संकमन्ति सञ्जिकायाओ वा असञ्जिकार्यं
 संकमन्ति, सञ्जिकायाओ वा सञ्जिकार्यं संकमन्ति असञ्जिकायाओ वा असञ्जिकार्यं
 संकमन्ति । जे एए सञ्जि वा असञ्जि वा सव्वे ते सिच्छायारा निच्चं पसद्विउवाय-
 चित्तदंढा । तं जहा-पाणाइवाए जाव सिच्छादंसणसत्ते । एवं खलु भगवया अ-
 क्खाए असंजए अविरए अप्पडिहयपञ्चक्खायपावकम्मं सकिरिए असंबुडे एगन्तदण्णे
 एगन्तबाले एगन्तमुत्ते से बाले अवियारमणवयणकायवक्खे सुविणमवि न पासइ पावे
 य से कम्मं कज्जइ ॥ ४ ॥ ७०९ ॥ चोवए-से किं कुञ्चं किं कारवं काइ संजयविर-

यत्पडिहयपञ्चक्खायपाक्कम्मे भवइ? आयरिय आह—नत्य खल्ल भगवया एज्जीव-
निकासहेऊ पणना, तं जहा—पुडवीकाइया जाव तसकाइया । से जहानामण मम
अस्माय दण्डेण वा अट्ठीण वा मुट्ठीण वा लेट्ठण वा क्वाल्लेण वा आतोडिज्जमाणस्स
वा जाव उवहविज्जमाणस्स वा जाव लोमुक्खणणमायमवि हिंसाकारं दुक्खं भयं
पडिसंवेदेमि, उच्चवं ज्ञाण सत्त्वे पाणा जाव सत्त्वे मत्ता दण्डेण वा जाव क्वाल्लेण वा
आतोडिज्जमाणे वा हम्ममाणे वा नज्जिज्जमाणे वा ताल्लिज्जमाणे जाव उवहविज्जमाणे
वा जाव लोमुक्खणणमायमवि हिंसाकारं दुक्खं भयं पडिसंवेदेन्ति । एवं नत्था सत्त्वे
पाणा जाव सत्त्वे मत्ता न हन्नत्त्वा जाव न उहवैयत्त्वा । एस धम्मं धुवे निट्ठए सामए
ममिच्च लोगं खेयत्तेहि पवेइए । एवं से भिक्खु विरए पाणाइवायाओ जाव मित्छा-
इमणमत्ताओ । से भिक्खु नो दन्तपक्खाल्लणो दन्ते पक्खाल्लेजा, नो अञ्जणं नो
वमणं नो धुवण्णिणं पि आइए । से भिक्खु अकिरिणं अन्दमए अवांहे जाव अलोभे
उवमन्ते परिनिव्वुडे । एस खल्ल भगवया अक्खाणं मंजयविरयपडिहयपञ्चक्खाय-
पाक्कम्मे अकिरिणं संवुडे एगन्तपाण्डए भवइ ति वेमि ॥ ५ ॥ ३१० ॥ एष-
क्खाणकिरियज्झयणं चउत्थं ॥

आयारमुयज्झयणे पञ्चमे

आदाय बम्मचेरं च आमपेजे इमं वडं । अस्सि धम्मं अणायारं नायरेज्ज कयाइ
वे ॥ १ ॥ ३११ ॥ अणाइयं परिञ्जाय अणवदग्गे ति वा पुणे । सामयसमाए
वा उइ दिट्ठि न धारए ॥ २ ॥ ३१२ ॥ एएहिं दोहिं ठाणेहिं ववहारो न विज्जइ ।
एएहिं दोहिं ठाणेहिं अणायारं तु जाणए ॥ ३ ॥ ३१३ ॥ समुच्छिहित्ति सन्धारो
सत्त्वे पाणा अणेत्थिमा । गरिठगा वा भविस्सन्ति यासयं ति व नो वए ॥ ४ ॥
॥ ३१४ ॥ एएहिं दोहिं ठाणेहिं ववहारो न विज्जइ । एएहिं दोहिं ठाणेहिं अणायारं
तु जाणए ॥ ५ ॥ ३१५ ॥ जे केड खुहगा पाणा अट्टवा सन्ति महान्तया । सरिस
तेहि वेत्ति अमरिसं ति य नो वए ॥ ६ ॥ ३१६ ॥ एएहिं दोहिं ठाणेहिं ववहारो
न विज्जइ । एएहिं दोहिं ठाणेहिं अणायारं तु जाणए ॥ ७ ॥ ३१७ ॥ अहाकम्मणि
धुज्जन्ति, अज्जमजे सकम्मणा । उवत्तिने ति जाभिजा अनुवत्तिने ति वा पुणो
॥ ८ ॥ ३१८ ॥ एएहिं दोहिं ठाणेहिं ववहारो न विज्जइ । एएहिं दोहिं ठाणेहिं
अणायारं तु जाणए ॥ ९ ॥ ३१९ ॥ जम्मिदं ओराल्लमाहारं कम्मणं च तहेव य ।
सन्वरव वीरियं अत्थि नत्थि सन्वरव वीरियं ॥ १० ॥ ३२० ॥ एएहिं दोहिं ठाणेहिं
ववहारो न विज्जइ । एएहिं दोहिं ठाणेहिं अणायारं तु जाणए ॥ ११ ॥ ३२१ ॥

नत्थि लोए अलोए वा नेवं सन्नं निवेमए । अत्थि लोए अलोए वा एवं सन्नं निवेमए ॥ १२ ॥ ७२२ ॥ नत्थि जीवा अजीवा वा नेवं सन्नं निवेमए । अत्थि जीवा अजीवा वा एवं सन्नं निवेमए ॥ १३ ॥ ७२३ ॥ नत्थि धम्मो अधम्मो वा नेवं सन्नं निवेमए । अत्थि धम्मो अधम्मो वा एवं सन्नं निवेमए ॥ १४ ॥ ७२४ ॥ नत्थि बन्धे व मोक्खे वा नेवं सन्नं निवेमए । अत्थि बन्धे व मोक्खे वा एवं सन्नं निवेमए ॥ १५ ॥ ७२५ ॥ नत्थि पुण्णे व पावे वा नेवं सन्नं निवेमए । अत्थि पुण्णे व पावे वा एवं सन्नं निवेमए ॥ १६ ॥ ७२६ ॥ नत्थि आमवे संवरे वा नेवं सन्नं निवेमए । अत्थि आमवे संवरे वा एवं सन्नं निवेमए ॥ १७ ॥ ७२७ ॥ नत्थि वेयणा निज्जरा वा नेवं सन्नं निवेमए । अत्थि वेयणा निज्जरा वा एवं सन्नं निवेमए ॥ १८ ॥ ७२८ ॥ नत्थि किरिया अकिरिया वा नेवं सन्नं निवेमए । अत्थि किंय्या अकिरिया वा एवं सन्नं निवेमए ॥ १९ ॥ ७२९ ॥ नत्थि कोहं व माणे वा नेवं सन्नं निवेमए । अत्थि कोहं व माणे वा एवं सन्नं निवेमए ॥ २० ॥ ७३० ॥ नत्थि माया व लोभे वा नेवं सन्नं निवेमए । अत्थि माया व लोभे वा एवं सन्नं निवेमए ॥ २१ ॥ ७३१ ॥ नत्थि पेज्जे व दोसे वा नेवं सन्नं निवेमए । अत्थि पेज्जे व दोसे वा एवं सन्नं निवेमए ॥ २२ ॥ ७३२ ॥ नत्थि चाउरन्ते संमारे नेवं सन्नं निवेमए । अत्थि चाउरन्ते संमारे एवं सन्नं निवेमए ॥ २३ ॥ ७३३ ॥ नत्थि देवो व देवी वा नेवं सन्नं निवेमए । अत्थि देवो व देवी वा एवं सन्नं निवेमए ॥ २४ ॥ ७३४ ॥ नत्थि सिद्धी असिद्धी वा नेवं सन्नं निवेमए । अत्थि सिद्धी असिद्धी वा एवं सन्नं निवेमए ॥ २५ ॥ ७३५ ॥ नत्थि सिद्धी नियं ठाणं नेवं सन्नं निवेमए । अत्थि सिद्धी नियं ठाणं एवं सन्नं निवेमए ॥ २६ ॥ ७३६ ॥ नत्थि माहू अमाहू वा नेवं सन्नं निवेमए । अत्थि माहू अमाहू वा एवं सन्नं निवेमए ॥ २७ ॥ ७३७ ॥ नत्थि कल्लाण पावे वा नेवं सन्नं निवेमए । अत्थि कल्लाण पावे वा एवं सन्नं निवेमए ॥ २८ ॥ ७३८ ॥ कल्लाणे पावए वा वि बवहागे न विज्जड । वं वेरं तं न जाणान्त समणा बालपण्डिया ॥ २९ ॥ ७३९ ॥ असेसे अकखयं वाप्पि सव्वदुकखे इ वा पुणो । वज्जा पाणा न वज्ज नि इइ वायं न नीसरे ॥ ३० ॥ ७४० ॥ बीसन्ति समियायारा भिक्खुगो माहूजीविणो । एए भिच्छोवगीवन्ति इइ दिट्ठि न धारए ॥ ३१ ॥ ७४१ ॥ टक्खिणए पढिल्लम्भो अत्थि वा नत्थि वा पुणो । न वियागरेज मेहावी सन्निमगं व वूहए ॥ ३२ ॥ ७४२ ॥ इबेएहिं ठाणेहिं जिणदिट्ठेहिं संजए । धारयन्ते उ आपाणं आ मोक्खाए पविब्बएज्जसि ॥ ३३ ॥ ७४३ ॥ पि वेप्पि ॥ आथारसुयज्जयणं पञ्चमं ॥

अद्वैतजन्मयणे छन्दे

पुराकडे अह इमे सुणेह मेगन्तयारी समणे पुगसी । से भिक्खुणो उवणेत्ता
अणेगे आइक्खएण्हि पुढो वित्थरेणं ॥ १ ॥ ७४४ ॥ साऽऽजीविया पट्टविद्याऽधियरेणं
सभागओ गणओ भिक्खुमज्जे । आइक्खमाणो बहुज्जमस्यं न संधयाइ अवरेण
पुव्वं ॥ २ ॥ ७४५ ॥ एगन्तमेवं अदुवा वि एण्हि दोऽवज्जमज्जे न ममेइ जम्हा ।
पुत्वि च एण्हि च अणाययं वा एगन्तमेवं पडिसंधयाइ ॥ ३ ॥ ७४६ ॥ समिच्च
लोगं तमथावगणं खेमकरे समणे माहणे वा । आइक्खमाणो वि महस्समज्जे एग-
न्तयं सारयइ तहसे ॥ ४ ॥ ७४७ ॥ धम्मं कहन्तस्स उ नान्धि दोगो खन्तस्स
दन्तस्स जिइन्दियस्स । भासाय दोमे य विवज्जगस्स गुणे य भासाय निसेवगस्स
॥ ५ ॥ ७४८ ॥ महज्वाणं पय अणुज्वाणं य तहेव पजामव संवरे य । विरइ इह
स्सामणियाम्म पणे लवावमक्की समणे नि वेमि ॥ ६ ॥ ७४९ ॥ सीओदगं संवउ
बीयकायं आहायक्खं तह टांथयाओ । एगन्तचारिस्सिह अम्ह धम्मं तवस्सिणो
नाभिममेइ पावं ॥ ७ ॥ ७५० ॥ सीओदगं वा तह बीयकायं आहायक्खं तह
इत्थियाओ । एयाइ जाणं पडिमवमाणा अगारिणो अस्समणा भवन्ति ॥ ८ ॥
॥ ७५१ ॥ सिया य बीयोदगइत्थियाओ पडिसेवमाणा समणा भवन्तु । अगारिणो
वि समणा भवन्तु मेवन्ति ऊ ने पि तहप्पगारं ॥ ९ ॥ ७५२ ॥ जे यावि बीयो-
दगभोइ भिक्खुं भिक्खवं विहं जायइ जीवियट्ठी । ते नाइसंजोगमविप्पहाय कायोवगा
नन्तकरा भवन्ति ॥ १० ॥ ७५३ ॥ इमं वयं तु तुम पाउकुव्वं पावाडगे गरिहस्सि
मव्व एव । पावाडणो पुढो किइयन्ता मयं मयं दिट्ठि करेन्ति पाउ ॥ ११ ॥
॥ ७५४ ॥ ते अज्जमज्जस्स उ गरहमाणा अक्खन्ति भो समणा माहणा य । मओ
य अत्थी असओ य नान्धि गरहामु दिट्ठि न गरहामु किच्चि ॥ १२ ॥ ७५५ ॥ न
किच्चि क्वेणऽभिधारयामो मदिट्ठिमगं तु करेमु पाउं । मग्गे इमे किट्ठेणं आरिण्हि
अणुत्तरे सप्पुरिसेहिं अज्ज ॥ १३ ॥ ७५६ ॥ उहुं अहे यं तिरियं दिग्गानु तया य
जे थावर जे य पाणा । भूयाहिसंकाभिदुगुच्छमाणा भो गरहइ बुत्तिमं किच्चि लोए
॥ १४ ॥ ७५७ ॥ आगन्तगारे आरामगारे समणे उ भीए न उवेइ वासं । दक्खा
हु मन्ती बहवे मणुस्सा ऊणाइरिणा य लवाल्ला य ॥ १५ ॥ ७५८ ॥ मेहाविणो
सिक्खिय बुद्धिमन्ता सुत्तेहि अत्थेहि य निच्छयणा । पुच्छिमु मा ने अणगार अजे
इइ संक्खामो न उवेइ तत्थ ॥ १६ ॥ ७५९ ॥ नो कामकिच्चा न य बालकिच्चा
रावाभियोगेण कुओ भएणं । विजागरेज्ज पत्तिणं न वा वि सकामकिच्चेण्हि आरियार्णं
॥ १७ ॥ ७६० ॥ गन्ता च तत्था अदुवा जगन्ता विजागरेज्जा ममियामुप्पे ।

अणारिया दंसणओ परिता इह संकमागो न उवेइ तत्थ ॥ १८ ॥ ७६१ ॥ पणं
जहा वणिए उदयट्ठी आयस्स हेउं पगरेइ सङ्गं । तयोवमे समणे नायपुत्ते इबेव
मे होइ मई वियको ॥ १९ ॥ ७६२ ॥ नवं न कुञ्जा विहुणे पुराणं चिञ्चाऽमइं ताइ
य माह एवं । एयावथा बम्भवइ ति वुत्ता तस्सोदयट्ठी समणे ति वेमि ॥ २० ॥
॥ ७६३ ॥ समारभन्ते वणिया भूयगामं परिगर्हं चेव ममायमाणा । ते नाइसं-
जोगमविप्पहाय आयस्स हेउं पगरेन्ति सङ्गं ॥ २१ ॥ ७६४ ॥ वितोसिणो मेहुण-
संपगाढा ते भोयणट्ठा वणिया वयन्ति । वयं तु कामेसु अज्झोववज्जा अणारिया
पेमरसेसु गिद्धा ॥ २२ ॥ ७६५ ॥ आग्ग्भगं चेव परिगर्हं च अविउस्सिया
निस्सिय आयदण्डा । तेमिं च से उदए जं वयासी चउरन्तणन्ताय दुहाय नेह
॥ २३ ॥ ७६६ ॥ नेगान्त नचन्ति य ओदए सो वयन्ति ते दो वि गुणोदयम्मि ।
से उदए माइमणन्तपत्ते तमुदयं माहयइ ताइ नाइ ॥ २४ ॥ ७६७ ॥ अहिमयं
सव्वपयाणुक्कपी धम्मं ठियं कम्मविनेगहेउं । तमायदण्डेहि ममायग्ग्ता अबोहिए
ते पडिस्समेयं ॥ २५ ॥ ७६८ ॥ पिण्णागपिप्पीमवि विद्ध मत्ते केउं पएज्जा पुरिसं
इमे ति । अलाउयं वा वि कुमारए ति स लिप्पइं पाणिवहेण अम्हं ॥ २६ ॥ ७६९ ॥
अहवा वि विद्धूण मित्ठक्कुपु मत्ते पिण्णागबुद्धीउ नरं पएज्जा । कुमारं वा वि अला-
बुयं ति न लिप्पइं पाणिवहेण अम्हं ॥ २७ ॥ ७७० ॥ पुरिसं च विद्धूण कुमारं
वा मत्तंमि केउं पए जायतेए । पिण्णागपिण्डं सदमारहेत्ता बुद्धाणं तं कप्पइ पाणाए
॥ २८ ॥ ७७१ ॥ सिणायगणं तु दुवे महस्से जे भोयए नियए भिक्खुयाणं ।
ते पुण्णखन्धं मुमहं जिणिता भवन्ति आरोप्य महन्त गत्ता ॥ २९ ॥ ७७२ ॥
अजोगत्तं इह संजयाणं पावं तु पाणा ण पत्तञ्ज काउं । अबोहिए दोण्ह वि तं
असाहु वयन्ति जे यावि पडिस्सुणन्ति ॥ ३० ॥ ७७३ ॥ उच्चु अहे यं तिरिसं
दिमानु विञ्चाय लिङ्गं तमथावरारणं । भूयाभिमंकाइ दुगुण्ठमाणं वए करेज्जा व कुओ
विहऽन्थि ॥ ३१ ॥ ७७४ ॥ पुरिसं ति विञ्चान्त न एवमान्थि अणारिए से पुरिसं तथा
हु । को समवो पिण्णागपिण्डियाए वाया वि एसा बुइया असत्ता ॥ ३२ ॥ ७७५ ॥
वायाभियोगेण जमावहेज्जा नो तारिसं बायमुदाहरेज्जा । अट्ठाणमेयं वयणं गुणार्थं
नो दिम्भिए वूयमुगलमेयं ॥ ३३ ॥ ७७६ ॥ लद्धे अट्ठे अट्ठो एव तुग्गे जीवा-
णुभागे सुविचिन्तिए व । पुवं समुहं अबरं च पुट्ठे ओलोइए पाणित्ठे ठिए वा
॥ ३४ ॥ ७७७ ॥ जीवाणुभागे सुविचिन्तवन्ता आहारिया अन्नविहीणं सोहिं ।
न वियागरे छन्नपओपर्मीवी एसोऽणुधम्मो इह संजयाणं ॥ ३५ ॥ ७७८ ॥ सिणाय-
गणं तु दुवे महस्से जे भोयए नियए भिक्खुयाणं । असंजए लोहियपाणि से ऊ

नियच्छई गरिहमिहेव लोए ॥ ३६ ॥ ७७९ ॥ धूलं उरुभं इह मारियाणं उद्दिट्ठ-
 भत्तं च पगप्पणा । तं लोणतेहेण उवक्खडेणा सपिप्पलीयं पगरन्ति मंसं ॥ ३७ ॥
 ॥ ७८० ॥ तं भुज्जमाणा पिमियं पभुयं नो भोवलिप्पामु वयं राणं । इक्खवमाहंसु
 अणञ्चयम्मा अणारिया बाल रमेसु गिद्धा ॥ ३८ ॥ ७८१ ॥ जे यावि भुज्जन्ति
 तहपपगारं मेवन्ति ते पावमजाणमाणा । मणं न एयं कुसला करेन्ति वाया वि
 एसा बुइया उ म्पिच्छा ॥ ३९ ॥ ७८२ ॥ मध्वेसि जीवाण दयट्ठयाए मावज्जदोमं
 परिवज्जयन्ता । तस्संकिणो इस्सिणो नायपुत्ता उद्दिट्ठभत्तं परिवज्जयन्ति ॥ ४० ॥
 ॥ ७८३ ॥ भूयाभिसकाए दुगुञ्छमाणा मध्वेसि पाणाण निहाय दण्डं । तम्हा न
 भुज्जन्ति तहपपगारं एमोऽणुधम्मो इह मंजयागं ॥ ४१ ॥ ७८४ ॥ निग्गन्थधम्मम्मि
 इमं गमाहं अस्मि सुट्ठिच्चा अणिहे चरेजा । बुद्धे मुणी सीलगुणोववेए अच्चत्थयं
 पाउगई मिलोमं ॥ ४२ ॥ ७८५ ॥ सिणायमाणं तु दुवे महस्से जे भोयए नियए
 माहगाणं । ते पुण्णखन्धे सुमहड्ज्जणिणा भवन्ति देव उड वेयवाओ ॥ ४३ ॥ ७८६ ॥
 सिणायमाणं तु दुवे महस्से जे भोयए नियए कुलालयाणं । ते गच्छई लोत्तवसंप-
 गादे विव्वाभिभावी नग्गभिमित्री ॥ ४४ ॥ ७८७ ॥ दशव्व धम्म दुगुञ्छमाणा
 वहावट्ठं धम्म पमंसमाणा । एतं पि जे भोययई असीलं निवो निमं जाइ कुओऽमु-
 रेहि ॥ ४५ ॥ ७८८ ॥ दुहओ वि धम्मम्मि समुट्ठियामो अस्मि सुट्ठिच्चा तह एम-
 कालं । आयासिले बुइएह नाणी न मपरायम्मि विमंसमात्थि ॥ ४६ ॥ ७८९ ॥
 अब्बलत्तं पुरंसं महन्तं मणाजणं अक्खयमव्वयं च । मध्वेसु भुण्णं वि मव्वओ
 मे चन्दी व तागहि समलत्तवे ॥ ४७ ॥ ७९० ॥ एवं न भिज्जन्ति न संसरान्ति न
 माहणा ख्वाणिय वेम पेमा । कीडा य पक्खी य नरीणिका य नरा य मध्वे तह
 देवलोगा ॥ ४८ ॥ ७९१ ॥ लोमं अयाणित्तह केवल्लेणं क्कहन्ति जे धम्ममजाण-
 माणा । नासन्ति अप्पाण परं च नट्ठा मंनार धोराम्मि अणोणपारे ॥ ४९ ॥ ७९२ ॥
 णोमं विजाणन्तिह केवल्लेण पुण्णेण भाणेण गमाहित्तुणा । धम्मं ममणं च क्कहन्ति
 जे उ तारन्ति अप्पाण परं च तिण्णा ॥ ५० ॥ ७९३ ॥ जे गरहियं ठाणमिहाव-
 सन्ति जे यावि लोए चरणीववेया । उदाहडं तं तु ममं मईए अहाउमो विपपरिया-
 समेव ॥ ५१ ॥ ७९४ ॥ संवच्छरेणावि य एगमेगं बाणेण मारेउ महागयं तु ।
 सेनाण जीवाण इयट्ठयाए बासं बयं विणि पक्कपयामो ॥ ५२ ॥ ७९५ ॥ संवच्छ-
 रेणावि य एगमेगं पाणं हणन्ता अणियत्तदोमा । सेमाण जीवाण बहेण लग्गा
 सिया य थोवं विहिणो वि तम्हा ॥ ५३ ॥ ७९६ ॥ संवच्छरेणावि य एगमेगं पाणं
 हणन्ता समणव्वएसु । आयाहिए से पुरिसे अणजे न तारिसे केवल्लिणो भवन्ति

॥ ५४ ॥ ७९७ ॥ बुद्धस्स आणाए इमं समाहिं अस्सिं सुठिञ्जा तिविहेण ताई ।
तविउं समुहं व महाभवीधं आयाणवं धम्ममुदाहरेज ॥ ५५ ॥ ७९८ ॥ ति वेमि ॥
अहइज्जन्हायणं छट्टं ॥

नालन्दइज्जन्हायणे सत्तमे

तेणं काळेणं तेणं समणं रायगिहे नामं नयरे होत्था रिद्धित्थिमियमिद्धे
(वण्णओ) जाव पडिस्सवे । तस्स णं रायगिहस्स नयरस्स बहिया उत्तरपुरत्थिमे
दिस्सिभाए एत्थ णं नालन्दा नामं बाहिरिया होत्था अणेगभवणमयमंनिविट्ठा जाव
पडिस्सवा । तत्थ णं नालन्दाए बाहिरियाए लेवे नामं गाहावई होत्था अणुं दिने
विने वित्थिष्णाविपुलभवणसयणासणजाणवाहणाडण्णे बहुरणवट्टजायस्वरजए आओ-
गपओगत्तपउत्ते विच्छट्टियपउरभत्तपाणे बहुदामीदामगोमहिंसगवेत्तगपभूए बहु-
जणस्स अपविभूए यावि होत्था ॥ १ ॥ ७९९ ॥ से णं लेवे नामं गाहावई समणो-
वासए यावि होत्था आभियजजीवाज्जवे जाव विहरट्ट निग्गन्थे पावयणे निस्सक्किए
निक्कस्सिणं निव्विडगिच्छे लद्धट्टे गहियट्टे पुत्तल्लयट्टे विणिच्छयट्टे आभगाहयट्टे अट्टि-
म्पिजा पेमाणुरागरत्तं । अयमाउमो निग्गन्थे पावयणे, अयं अट्टे, अयं परमट्टे, सेसे
अणट्टे, उस्सियफाल्हं अपावयदुवारे चियत्तन्ते उरूपवेने चाउम्हट्टुमुहिट्टुपुण्णनामि-
णीसु पडिपुणं पोसहं सम्मं अणुपालेमाणे समणे निग्गन्थे नहाविहेणं एमणिजेणं
असणपाणस्वाइयमाउमेण पडित्ताभेमाणे बहुहिं सीत्तव्वयगुणाधिग्गणपक्कत्तागपोमहो-
ववासोहिं आपाणं भावेमाणे एवं च णं विहरड ॥ २ ॥ ८०० ॥ तस्स णं लेवस्स
गाहावहम्म नालन्दाए बाहिरियाए उत्तरपुरत्थिमे दिस्सिभाए एत्थ णं मेमदविया
नामं उदगसात्ता होत्था अणेगव्वम्मभयमंनिविट्ठा पाभावीया जाव पडिस्सवा । तीसे
णं मेमदवियाए उदगसात्ताए उत्तरपुरत्थिमे दिस्सिभाए एत्थ णं हात्थिजामे नामं
वणमग्गं होत्था किण्हं (वण्णओ वणमग्गस्स) ॥ ३ ॥ ८०१ ॥ तस्सि च णं
गिहपदेमम्मि भगवं गोयमे विहरट्ट, भगवं च णं अहे आरामंमि । अहे णं उदए
पेट्टालपुत्ते भगवं पागावाञ्चजे निग्गण्टे भेयजे गोमणं जेणव भगवं गोयमे तेणेव
उवागच्छउ, उवागच्छिजा भगवं गोयमं एवं बयासी-आउमंनो गोयसा, अत्थि खलु
मे केट्ट पदेमे पुत्तल्लयव्वं, तं च आउमो अहामुयं अहादरिसियं मे वियागरेहि
मवायं । भगवं गोयमे उदयं पेट्टालपुत्तं एवं बयासी-आविद्याइ आउसो, सेञ्जा
नियम्म जाणिसमाप्पो सवायं । उदए पेट्टालपुत्ते भगवं गोयमं एवं बयासी ॥ ४ ॥

॥ ८०२ ॥ आउगो गीयमा, अत्थि खलु कुमारपुत्रिया नाम समणा निग्गन्धा तुम्हार्ण पवयणं पवयमाणा गाहावद्दं समणोवासमं उवसंपक्कं एत्तं पक्कस्सवावेत्ति । नत्तत्थ अभिओएणं गाहावदचोरग्गहणविमोक्खणयाए तसेहिं पाणेहिं निहाय दण्डं । एवं ष्हं पक्कस्सन्तार्णं दुप्पक्कस्सार्थं भवड । एवं ष्हं पक्कस्सन्तार्वेमाणाणं दुप्पक्कस्सवा-
 विवब्बं भवड । एवं ते परं पक्कस्सन्तार्वेमाणा अइयरन्ति सयं पइण्णं । कस्स णं तं हेउं ? संसारिया खलु पाणा, थावरा वि पाणा तसत्ताए पच्चायन्ति, तस्मा वि पाणा थावरत्ताए पच्चायन्ति, थावरकायाओ विप्पमुच्चमाणा तसकार्यसि उववज्जन्ति, तसका-
 याओ विप्पमुच्चमाणा थावरकार्यसि उववज्जन्ति । तेसि च णं थावरकार्यसि उवव-
 ण्णाणं ठाणमेयं अणं ॥ १॥ ८०३ ॥ एवं ष्हं पक्कस्सन्तार्णं सुप्पक्कस्सार्थं भवड । एव ष्हं पक्कस्सन्तार्वेमाणाणं सुप्पक्कस्सवावियं भवड । एवं ते परं पक्कस्सन्तार्वेमाणा नाइयरन्ति सयं पइण्णं नत्तत्थ अभियोगेणं गाहावदचोरग्गहणविमोक्खणयाए तसभुएहिं पाणेहिं निहाय दण्डं । एवमेव सइ भासाए परक्कमे विज्जमाणे जे ते कोहा वा लोहा वा परं पक्कस्सवा-
 वेत्ति अयं पि तो उवएमे नो नेयाउए भवड । आविआड आउमो गीयमा तुच्चं पि एवं गीयड ? ॥ ६ ॥ ८०४ ॥ सवार्थं भगवं गीयमे उदयं पेठालपुत्तं एवं बयासी-आउमन्तो उदगा, नो खलु अम्हे एवं गीयड । जे ते समणा वा माइणा वा एवमाउक्कन्ति जाव पच्चोन्ति नो खलु ते समणा वा निग्गन्धा भासं भासन्ति, अण्णावियं खलु ते भासं भासन्ति, अब्भाइक्कन्ति खलु ते समणे समणोवासए वा जेहिं पि अवेहिं जीवेहिं पाणेहिं भूएहिं मत्तेहिं संजययन्ति ताण वि ते अब्भाइक्कन्ति । कस्स णं तं हेउं ? संसारिया खलु पाणा, तस्मा वि पाणा थावरत्ताए पच्चायन्ति थावरा वि वा पाणा तसत्ताए पच्चायन्ति तसकायाओ विप्पमुच्चमाणा थावरकार्यसि उववज्जन्ति, थावर-
 कायाओ विप्पमुच्चमाणा तसकार्यसि उववज्जन्ति, तेसि च णं तसकार्यसि उववज्जार्णं ठाणमेयं अणं ॥ ७ ॥ ८०५ ॥ सवार्थं उदए पेठालपुत्तं भगवं गीयमे एवं बयासी-
 कयने खलु ते आउमन्तो गीयमा तुच्चं वयह तस्मा पाणा तस्मा आउ अज्जहा ? सवार्थं भगवं गीयमे उदयं पेठालपुत्तं एवं बयासी-आउमन्तो उदगा जे तुच्चं वयह तसभूया पाणा तस्मा ते वयं बयामो तस्मा पाणा, जे वयं बयामो तस्मा पाणा ते तुच्चं वयह तसभूया पाणा । एए सन्ति दुवे ठाणा तुल्ला एगट्ठा । किमाउसो इमे भे सुप्प-
 णीयतराए भवह तसभूया पाणा तस्मा, इमे भे सुप्पणीयतराए भवड-तस्मा पाणा तस्मा । तओ एगमाउसो पक्किसइ एक्कं अभिनन्दह । अयं पि भेदो से नो नेयाउए भवड । भगवं च णं उदाहु-सन्तेगइया मणुस्सा भवन्ति, तेसि च णं एवं बुत्तपुब्बं भवड-नो खलु वयं संत्ताएमो सुण्हा भविता अगाराओ अणमारियं पच्चइत्ताए ।

सावयं ष्ह अणुपुव्वेण गुणस्स लिसिस्सामो । ते एवं संख्वेन्ति, ते एवं संख्वं ठवयन्ति
 ते एवं संख्वं ठवयन्ति नत्थ अभिओएणं गाहावच्चौरगहणविमोक्खणयाए तसेहिं
 पाणेहिं निहाय दण्डं । तं पि तेसि कुमलमेव भवइ ॥८॥८०६॥ तसा वि बुच्चन्ति
 तसा तससंभारकड्ढेणं कम्मणा नामं च णं अच्चुवगयं भवइ, तसाउयं च णं पलि-
 क्खीणं भवइ, तसकायट्टिइया ते तओ आउयं विपजहन्ति । ते तओ आउयं
 विपजहिता थावरत्ताए पच्चायन्ति । थावरा वि बुच्चन्ति थावरा थावरसंभारकड्ढेणं
 कम्मणा नामं च णं अच्चुवगयं भवइ थावराउयं च णं पलिक्खीणं भवइ । थावर-
 कायट्टिइया ते तओ आउयं विपजहन्ति तओ आउयं विपजहिता भुजो परलो-
 इयत्ताए पच्चायन्ति । ते पाणा वि बुच्चन्ति, ते तसा वि बुच्चन्ति, ते महाकाया ते
 चिरट्टिइया ॥ ९ ॥ ८०७ ॥ सवायं उदए पेडालपुत्ते भयवं गोयमं एवं वयासी-
 आउमन्तो गोयमा नत्थि णं से केइ परियाए जं णं समणोवामगस्स एगपागाइ-
 वायविरए वि दण्डे निकिखत्ते । कस्म णं तं हेउं ? संमारिया खलु पाणा, थावरा
 वि पाणा तमत्ताए पच्चायन्ति, तसा वि पाणा थावरत्ताए पच्चायन्ति, थावरकायाओ
 विपपमुच्चमाणा सव्वे तमकायांसि उव्वज्जन्ति, तमकायाओ विपपमुच्चमाणा सव्वे
 थावरकायांसि उव्वज्जन्ति, तेसि च णं थावरकायांसि उव्वज्जानं ठागमेयं घणं ।
 सवायं भगवं गोयमे उदयं पेडालपुत्तं एवं वयासी-तो खलु आउतो अम्हाकं वणव्व-
 एणं तुब्भं चव अणुपुव्वएणं अत्थि णं से परियाए जे णं समणोवामगस्स सव्व-
 पाणेहिं सव्वभाएहिं सव्वजीवेहिं सव्वसत्तेहिं दण्डे निकिखत्ते भवइ । कस्म णं तं
 हेउं ? संमारिया खलु पाणा, तसा वि पाणा थावरत्ताए पच्चायन्ति, थावरा वि पाणा
 तमत्ताए पच्चायन्ति, तमकायाओ विपपमुच्चमाणा सव्वे थावरकायांसि उव्वज्जन्ति,
 थावरकायाओ विपपमुच्चमाणा सव्वे तमकायांसि उव्वज्जन्ति, तेसि च णं तमकायांसि
 उव्वज्जानं ठागमेयं अघणं । ते पाणा वि बुच्चन्ति, ते तसा वि बुच्चन्ति, ते महा-
 काया ते चिरट्टिइया । ते बहुयरा पाणा जेहिं समणोवामगस्स म्पक्कत्तायं
 भवइ । ते अप्पयरा पाणा जेहिं समणोवामगस्स अपक्कत्तायं भवइ । से महया
 तमकायाओ उव्वमन्तस्स उव्वट्टियस्स पड्डिविरयस्स जं णं तुब्भे वा अज्जो वा एव
 वयह-नत्थि णं से केइ परियाए जं णं समणोवामगस्स एगपागाए वि दण्डे
 निकिखत्ते । अयं पि भेदे से तो जेकाउए भवइ ॥ १० ॥ ८०८ ॥ भगवं च णं
 उदाहु नियण्ठा खलु पुच्छियत्था । आउमन्तो नियण्ठा इह खलु सन्तेगइया मणुस्सा
 भवन्ति । तेसि च एवं बुत्तपुव्वं भवइ-जे इमे मुण्डे भविता अगाराओ अणगारिवं
 पव्वइए एसि च णं आमरणन्ताए दण्डे निकिखत्ते । जे इमे अगारावक्खन्ति एसि

णं आमरणन्ताए दण्डे नो निक्खित्ते । केहिं च णं समणा जाव वासाइं चउपबमाइं छट्ठहसमाइं अप्पयरो वा भुज्जयरो वा देसं दूद्धज्जिणा अगारमावसेज्जा ? हुंता-
वसेज्जा । तस्स णं तं गारत्थं वहमाणस्स से पच्चक्खाणे भङ्गे भवइ ? नो इण्ठे
समेट्ठे । एवमेव समणोवासगस्स वि तसेहिं पाणेहिं दण्डे निक्खित्ते, थावरेहिं पाणेहिं
दण्डे नो निक्खित्ते । तस्स णं तं थावरकायं वहमाणस्स से पच्चक्खाणे नो भङ्गे
भवइ । से एवमायाणह ? नियण्ठा । एवमायाणियव्वं ॥ भगवं च णं उदाहु नियण्ठा
खलु पुच्छियव्वा-आउमन्तो नियण्ठा उह खलु गाहावई वा गाहावइपुत्तो वा
तहप्पगारोहिं कुल्लेहिं आगम्म धम्मं सवणवात्थं उवसकमेज्जा ? हुन्ता उवसकमेज्जा ।
तेसि च णं तहप्पगाराणं धम्मं आइक्खियव्वे ? हुन्ता आइक्खियव्वे । किं ते
तहप्पगारं धम्मं तोक्का निमम्म एवं वएज्जा इणमेव निग्गन्थं पावयणं सच्चं अणुत्तरं
केवलियं पडिपुणं समट्ठं नेयाउयं सइकत्तणं सिद्धिमग्गं मुत्तिमग्गं निज्जाणमग्गं
निव्वाणमग्गं अविनइमसदिदं सव्वदुक्खप्पहीणमग्गं । एत्थ ठिया जीवा सिज्जन्ति
वुज्जान्ति मुच्चन्ति परिणिव्वायन्ति सव्वदुक्खागमन्तो करेन्ति । तमाणाए तहा
गच्छामो तहा चिट्ठामो तहा निसीथामो तहा तुयज्जामो तहा भुत्तामो तहा भायामो
तहा अब्भुत्तामो तहा उट्ठाए उट्ठामो ति पाणासं भूयसं जीवाणं सत्ताणं संजमेणं
सज्जमामो । न वएज्जा ! हुन्ता वएज्जा । किं ते तहप्पगारा कप्पन्ति पव्वाविणए ?
हुन्ता कप्पन्ति । किं ते तहप्पगारा कप्पन्ति मुण्डाविणए ? हुन्ता कप्पन्ति । किं
ते तहप्पगारा कप्पन्ति निक्खविणए ? हुन्ता कप्पन्ति । किं ते तहप्पगारा
कप्पन्ति उवट्ठाविणए ? हुन्ता कप्पन्ति । तेसि च णं तहप्पगाराणं सव्वपाणेहिं
जाव सव्वसणेहिं दण्डे निक्खित्ते ? हुंता निक्खित्ते । से णं गयासत्वेणं विहारेणं
तहमाणो जाव वामाईं वउपबमाईं छट्ठहसमाईं वा आपयरो वा भुज्जयरो वा देस
दूद्धज्जिणा अगारं वएज्जा ! हुन्ता वएज्जा । तस्स णं सव्वपाणेहिं जाव सव्वसणेहिं
दण्डे नो निक्खित्ते ! नो इण्ठे समेट्ठे । से जे से जीवे जस्स परेणं सव्वपाणेहिं
जाव सव्वसणेहिं दण्डे नो निक्खित्ते । से जे से जीवे जस्स आरेणं सव्वपाणेहिं
जाव सव्वसणेहिं दण्डे निक्खित्ते । से जे से जीवे जस्स इयादिं सव्वपाणेहिं जाव सव्वसणेहिं
दण्डे नो निक्खित्ते भवइ, परेणं असंजए आरेणं संजए, इयादिं असंजए, असंज-
यस्स णं सव्वपाणेहिं जाव सव्वसणेहिं दण्डे नो निक्खित्ते भवइ । से एवमायाणह ?
नियण्ठा मे एवमायाणियव्वं ॥ भगवं च णं उदाहु नियण्ठा खलु पुच्छियव्वा-
आउमन्तो नियण्ठा इह खलु परिव्वाइया वा परिव्वाइयाओ वा अन्नयरोहिंतो
नित्यायसणेहिंतो आगम्म धम्मं सव्वणवात्थं उवसकमेज्जा ? हुन्ता उवसकमेज्जा ।

किं तेसि तद्दृष्ट्यारेणं धम्मे आइक्खियव्वे ? हन्ता आइक्खियव्वे । तं चेव उव-
 द्धावित्तए जाव कप्पन्ति ! हन्ता कप्पन्ति । किं ते तद्दृष्ट्यारेण कप्पन्ति संभुञ्जितए ?
 हन्ता कप्पन्ति । ते णं एवाइक्खेणं विहारेणं विहरमाणा तं चेव जाव अगारं वएज्जा ?
 हन्ता वएज्जा । ते णं तद्दृष्ट्यारेण कप्पन्ति संभुञ्जितए ? नो इणट्ठे समट्ठे । से जे से
 जीवे जे परेणं नो कप्पन्ति संभुञ्जितए । से जे से जीवे आरेणं कप्पन्ति संभुञ्जितए ।
 से जे से जीवे जे इय्याणि नो कप्पन्ति संभुञ्जितए । परेणं अस्समणे आरेणं समणे,
 इय्याणि अस्समणे, अस्समणेणं मद्धि नो कप्पन्ति समणाणं निग्गंधाणं संभुञ्जितए ।
 से एवमायाणह ! निग्गण्डा से एवमायाणियव्वं ॥ ११ ॥ ८१० ॥ भगवं च णं
 उदाहु मन्तेगइया समणोवासमा भवन्ति । तेसि च णं एवं वृत्तपुव्वं भवइ-नो स्वत्त
 वयं मंचाएसो मुण्डा भवित्ता अगाराओ अगारायि पव्वइत्तए । वयं णं चाउद्दमद्द-
 मुद्धिट्ठपुण्णमात्तिणीम पड्डियुण्णं पोसहं मम्मं अणुपात्तेमाणा विहारस्सामो । धूत्तया
 पाणाडवायं पक्कक्खाइस्सामो, एवं धूत्तया मुत्तावायं धूत्तया अविहादाणं धूत्तया सेट्ठयां
 धूत्तया परिग्गहं पक्कक्खाइस्सामो । उत्तटापरिमाणं करिस्सामो, दुक्खिं निविहेणं ।
 मा स्वत्त ममट्ठाए किञ्चि करेह वा करवेह वा नन्व वि पक्कक्खाइस्सामो । ते णं
 अभोच्चा अपिच्चा आसिणइत्ता आमन्दीपेठियाओ पच्चोदहिता । ते तद्दृष्ट्यारेणया
 किं वत्तव्वं मिया-मम्मं कात्तमय ति ! वत्तव्वं मिया । ते पाणा वि कुब्बन्ति ते
 तमा वि कुब्बन्ति ते मट्ठकाम्य ते चिग्गट्ठया । ते वट्ठयमा पाणा जेहिं समणो-
 वासगस्स मपक्कक्खायं भवइ । ते अप्पयग्ग पाणा जेहिं समणोवासगस्स अपक्क-
 क्खायं भवइ । इति से महयाओ जे णं तद्दृष्ट्यारेण चेव जाव अय पि भेडे से
 नो नेयाउण भवइ ॥ भगवं च णं उदाहु मन्तेगइया समणोवासमा भवन्ति । तेसि
 च णं एवं वृत्तपुव्वं भवइ-नो स्वत्त वयं मंचाएसो मुण्डा भवित्ता अगाराओ जाव
 पव्वइत्तए । नो स्वत्त वयं मंचाएसो चाउद्दमद्दमुद्धिट्ठपुण्णमात्तिणीम जाव अणुपात्ते-
 माणे विहरित्तए । वयं णं अविहादाणं मत्तेहणावमणात्तमिया अत्तपाणं
 पड्डियाडक्खिया जाव कालं अणवकंयमाणा विहरिस्सामो । मच्च पाणाडवायं पक्क-
 क्खाइस्सामो जाव मच्च परिग्गहं पक्कक्खाइस्सामो निविहेणं निविहेणं मा स्वत्त मम-
 ट्ठाए किञ्चि वि जाव आमन्दीपेठियाओ पच्चोदहिता । एण तद्दृष्ट्यारेणया, किं वत्तव्वं
 मिया मम्मं कात्तमय ति ! वत्तव्वं मिया । ते पाणा वि कुब्बन्ति जाव अयं पि
 भेडे से नो नेयाउण भवइ ॥ भगवं च णं उदाहु मन्तेगइया मणुग्गा भवन्ति । ते
 तद्दृष्ट्यारेणया महारग्गा महारपरिग्गहा अहम्मिया जाव वुण्णियान्णदा जाव
 मच्चो परिग्गहाओ अप्पडिक्खिया जावजीवाए जेहिं समणोवासगस्स अत्तपाणो

आमरणताए दंडे निक्खित्ते ते तओ आउमं विपजहति तओ भुज्जो मग्गमादाए दुग्गइयामिणो भवन्ति, ते पाणावि बुब्बन्ति ते तसावि बुब्बन्ति ते महाकाया ते चिर-
 ङ्घ्रियया ते बहुवरगा आयाणमो इति से महयाओ णं जणं तुब्भे वदह तं चैव
 जयंपि भेट्ठे से णो नेयाउए भवइ-भगवं च णं उदाहु सन्तेगइया मणुस्सा भवन्ति ।
 तं जहा-अणारम्भा अपरिगहा धम्मिया धम्माणया जाव सव्वाओ परिगहाओ
 पडिविरया जावञ्जीवाए, जेहिं ममणोवासगस्स आयाणमो आमरणन्ताए दण्डे
 निक्खित्ते, ते तओ आउमं विपजहन्ति, ते तओ भुज्जो मग्गमायाए मोग्गइयामिणो
 भवन्ति । ते पाणा वि बुब्बन्ति जाव नो नेयाउए भवइ । भगवं च णं उदाहु
 सन्तेगइया मणुस्सा भवन्ति । तं जहा-अप्यच्छा अप्पारम्भा अप्परिगहा
 धम्मिया धम्माणया जाव एग्गवाओ परिगहाओ अप्पडिविरया, जेहिं ममणोवास-
 गस्स आयाणमो आमरणन्ताए दण्डे निक्खित्ते । ते तओ आउमं विपजहन्ति,
 तओ भुज्जो मग्गमादाए मोग्गइयामिणो भवन्ति । ते पाणा वि बुब्बन्ति जाव नो
 नेयाउए भवइ । भगवं च णं उदाहु सन्तेगइया मणुस्सा भवन्ति । तं जहा-
 अरणिणया आवसइया गामणियांनया कण्हइरइस्सिया, जेहिं ममणोवासगस्स
 आयाणमो आमरणन्ताए दण्डे निक्खित्ते भवइ । नो बहुमंजया नो बहुपडिविरया
 पाणभयजीवमंसाहि अप्पणा मन्नामोसाहं एवं विपपडिवेयन्ति-अहं न हन्तव्वो
 अंसे हन्तव्वया जाव काय्मसांसे कालं किंवा अण्यराहं आनुरियाहं किंविस्सियाहं
 जाव उववणारो भवन्ति, तओ विपमुक्कमाणा भुज्जो म्णुमुयत्ताए तमोक्वत्ताए
 पञ्चयन्ति । ते पाणा वि बुब्बन्ति जाव नो नेयाउए भवइ । भगवं च णं उदाहु
 सन्तेगइया पाणा सीहाउया जेहिं ममणोवासगस्स आयाणमो आमरणन्ताए जाव
 दण्डे निक्खित्ते भवइ । ते पुब्बामेव कालं करेन्ति करिन्ता पारलोइयत्ताए पञ्चा-
 यन्ति । ते पाणा वि बुब्बन्ति, ते तसा वि बुब्बन्ति । ते महाकाया ते चिराहुइया
 ते सीहाउया ते बहुवरगा, पाणा जेहिं ममणोवासगस्स सुपक्कस्सायं भवइ, जाव
 नो नेयाउए भवइ । भगवं च णं उदाहु सन्तेगइया पाणा समाउवा, जेहिं ममणो-
 वासगस्स आयाणमो आमरणन्ताए जाव दण्डे निक्खित्ते भवइ । ते समयेव कालं
 करेन्ति, करिन्ता पारलोइयत्ताए पञ्चयन्ति । ते पाणा वि बुब्बन्ति, तसा वि बुब्बन्ति,
 ते महाकाया ते समाउवा ते बहुवरगा जेहिं ममणोवासगस्स सुपक्कस्सायं भवइ
 जाव नो नेयाउए भवइ । भगवं च णं उदाहु सन्तेगइया पाणा अप्पाउया, जेहिं
 ममणोवासगस्स आयाणमो आमरणन्ताए जाव दण्डे निक्खित्ते भवइ । ते पुब्बामेव
 कालं करेन्ति, करिन्ता पारलोइयत्ताए पञ्चयन्ति । ते पाणा वि बुब्बन्ति, ते तसा वि

कुर्वन्ति, ते महाकाया ते अप्पाउया ते बहुयरगा पाणा जेहिं समणोवासगस्स सुप-
 च्चक्खायं भवइ, जाव नो नेयाउए भवइ । भगवं च णं उदाहु सन्तेगइया ममणो-
 वासगा भवन्ति । तेमिं च णं एवं वुत्तपुव्वं भवइ-नो खलु वयं संचाएमो मुण्डे
 भवित्ता जाव पव्वइत्तए । नो खलु वयं संचाएमो चाउहसट्ठमुट्ठिपुण्णामाणिणीमु
 पडिपुण्ण पोसहं अणुपाल्लितए । नो खलु वयं संचाएमो अपच्छिद्धं जाव विहरितए
 वयं च णं गामाडयं देवावगासियं पुरत्था पाइणं वा पडीणं वा दाहिणं वा उदीणं
 वा एयावगा जाव मव्वपाणेहिं जाव मव्वसत्तेहिं दण्डे निक्खित्ते सव्वपाणभूय-
 जीवमत्तेहिं खेमंकरे अहमंसि । तत्थ आरेणं जे तस्मा पाणा जेहिं ममणोवासगस्स
 आयाणमो आमरणन्ताए, दण्डे निक्खित्ते । तओ आउं विप्पजइत्ति, विप्पजइत्ता तत्थ
 आरेणं चैव जे तस्मा पाणा जेहिं ममणोवासगस्स आयाणमो जाव तेसु पञ्चायन्ति,
 जेहिं ममणोवासगस्स सुपच्चक्खायं भवइ । ते पाणा वि जाव अयं पि भेदे जाव नेया-
 उए भवइ ॥ ८१० ॥ तत्थ आरेणं जे तस्मा पाणा जेहिं ममणोवासगस्स आया-
 णमो आमरणन्ताए, दण्डे निक्खित्ते ते तओ आउं विप्पजइत्ति । विप्पजइत्ता
 तत्थ आरेणं चैव जाव थावरा पाणा जेहिं ममणोवासगस्स अट्ठाए दण्डे अनि-
 क्खित्ते अणट्ठाए, दण्डे निक्खित्ते तेसु पञ्चायन्ति । तेहिं ममणोवासगस्स अट्ठाए दण्डे
 अनिक्खित्ते अणट्ठाए दण्डे निक्खित्ते, ते पाणा वि कुर्वन्ति, ते तस्मा ते विगइत्तइया
 जाव अयं पि भेदे से... । तत्थ जे आरेणं तस्मा पाणा जेहिं ममणोवासगस्स
 आयाणमो आमरणन्ताए, तओ आउं विगइत्तइत्ति विप्पजइत्ता तत्थ परेणं
 जे तस्मा थावरा पाणा जेहिं ममणोवासगस्स आयाणमो आमरणन्ताए, तेसु
 पञ्चायन्ति, तेहिं ममणोवासगस्स सुपच्चक्खायं भवइ, ते पाणा वि जाव अयं
 पि भेदे से... । तत्थ जे आरेणं थावरा पाणा जेहिं ममणोवासगस्स अट्ठाए दण्डे
 अनिक्खित्ते अणट्ठाए, निक्खित्ते ते तओ आउं विप्पजइत्ति, विप्पजइत्ता तत्थ
 आरेणं चैव जे तस्मा पाणा जेहिं ममणोवासगस्स आयाणमो आमरणन्ताए,
 तेसु पञ्चायन्ति, तेसु ममणोवासगस्स सुपच्चक्खायं भवइ, ते पाणा वि जाव अ-
 यं पि भेदे से... । तत्थ जे ते आरेणं जे थावरा पाणा जेहिं ममणोवासगस्स अट्ठाए
 दण्डे अनिक्खित्ते अणट्ठाए, निक्खित्ते, ते तओ आउं विप्पजइत्ति विप्पजइत्ता
 ते तत्थ आरेणं चैव जे थावरा पाणा जेहिं ममणोवासगस्स अट्ठाए दण्डे अनि-
 क्खित्ते अणट्ठाए, निक्खित्ते तेसु पञ्चायन्ति । तेहिं ममणोवासगस्स अट्ठाए अणट्ठाए
 ते पाणा वि जाव अयं पि भेदे से नो... । तत्थ जे ते आरेणं थावरा पाणा जेहिं
 ममणोवासगस्स अट्ठाए दण्डे अनिक्खित्ते, अणट्ठाए निक्खित्ते तओ आउं विप्पज-

हन्ति । विष्पजह्निता तस्य परेण जे तसथावरा पाणा जेहिं समणोवासगस्स आयाणसो आमरणन्ताए० तेषु पञ्चायन्ति । तेहिं समणोवासगस्स सुपञ्चक्खायं भवइ । ते पाणा वि जाव अयं पि भेदे से नो नैयाउए भवइ । तस्य जे ते परेणं तमथावरा पाणा जेहिं समणोवासगस्स आयाणसो आमरणन्ताए० ते तओ आउं विष्पजहन्ति, विष्पजह्निता तस्य आरेणं जे तगा पाणा जेहिं समणोवासगस्स आवाणसो आमरणन्ताए. .तेसु पञ्चायन्ति । तेहिं समणोवासगस्स सुपञ्चक्खायं भवइ । ते पाणा वि जाव अयं पि भेदे से नो नैयाउए भवइ । तस्य जे ते परेणं तमथावरा पाणा जेहिं समणोवासगस्स आयाणसो आमरणन्ताए...ते तओ आउं विष्पजहन्ति विष्पजह्निता तस्य आरेणं जे थावरा पाणा जेहिं समणोवासगस्स अट्टाए दण्ठे अणिक्खणे अणट्टाए निक्खिन्वणे तेषु पञ्चायन्ति, जेहिं समणोवासगस्स अट्टाए अणिक्खणे अणट्टाए निक्खिन्वणे जाव ते पाणा वि जाव अयं पि भेदे से नो...। तस्य जे ते परेणं तमथावरा पाणा जेहिं समणोवासगस्स आयाणसो आमरणन्ताए... ते तओ आउं विष्पजहन्ति । विष्पजह्निता ते तस्य परेणं चैव जे तमथावरा पाणा जेहिं समणोवासगस्स आयाणसो आमरणन्ताए० तेषु पञ्चायन्ति, जेहिं समणोवासगस्स सुपञ्चक्खायं भवइ । ते पाणा वि जाव अयं पि भेदे से नो...। भगवं च णं उदाहृ न एयं भूयं न एयं भव्वं न एयं भविस्सइ जं णं तया पाणा वोत्थज्जिह्निता थावरा पाणा भविस्सन्ति, थावरा पाणा वि वोत्थिज्जिह्निता तया पाणा भविस्सन्ति । अत्रोच्छिजेहिं तमथावरेहिं पाणेहिं जं णं तुभे वा अलो वा एवं वदहन्ति णं मे कइ परिआए जाव नो नैयाउए भवइ ॥ ८११ ॥ भगवं च णं उदाहृ आउसन्तो उदगा जे खल्ल समणं वा माहणं वा परिभासेइ मिणं मज्जन्ति आगमिता नाणं आगमिता दंसणं आगमिता चरित्तं पावाणं कम्मणं अकरणयाए से खल्ल परल्लोगपरिअन्धताए विट्ठइ, जे खल्ल नमणं वा माहणं वा नो परिभासइ मिणि मज्जन्ति आगमिता नाणं आगमिता दंसणं आगमिता चरित्तं पावाणं कम्मणं अकरणयाए से खल्ल परल्लोगविट्ठोए विट्ठइ । ताए णं से उदए पेडाल्लपुजे भगवं गोवसं अणाउयमाणं जावेव दिसि पाउञ्जुए तावेव दिसि पहारेत्थ गमणाए । भगवं च णं उदाहृ आउसन्तो उदगा जे खल्ल तहाभूयस्स तमणस्स वा माहणस्स वा अन्तिए एगमवि आरियं धम्मिअं सुवयणं भोवा निसम्म अप्पणो चैव मुहुमाए पडिलेहाए अणुअरं ओगखेमपरं लम्मिए समाणे सो वि ताव तं आवाइ परिआणेइ वन्दइ नमंताइ सक्कारेइ सम्मानेइ जाव क्खणं मंगलं देववं चेइयं पज्जुवासइ । ताए णं से उदए पेडाल्लपुजे भगवं गोवसं एवं बवासी-एएसि षं भन्ते पदार्थं पुब्बि

अज्ञानयाए असवणयाए अबोहिए अणभिगमेण अविद्वानं असुयाणं अमुयाणं
 अक्खिआयाणं अन्वोगडाणं अविगूढाणं अविच्छिन्नाणं अणिसिद्धाणं अणिवूढाणं अणु-
 बहारियाणं एयमद्वं नो सदहियं नो पत्तियं नो रोइयं । एएस्सि णं भन्ते पदाणं एष्मि
 जाणयाए सवणयाए बोहिए जाव उवहारणयाए एयमद्वं सदहामि पत्तियामि रोएमि
 एवमेव से जहेयं तुब्भे बदह । तए णं भगवं गोयमे उदगं पेडालपुत्तं एवं वयासी
 सदहाहि णं अज्जो पत्तियाहि णं अज्जो रोएहि णं अज्जो एवमेव जहा णं अम्हे
 वयामो । तए णं से उदए पेडालपुत्ते भगवं गोयमं एवं वयासी-इच्छामि णं भन्ते
 तुब्भं अन्तिए चाउज्जामाओ धम्माओ पद्ममहव्वइयं सपडिक्कमणं धम्मं उवसप-
 ज्जिता णं विहरित्तए ॥ तए णं से भगवं गोयमे उदगं पेडालपुत्तं गहाय जणेव
 समणे भगवं महावीरे तेणेष उवागच्छइ, उवागच्छिता तए णं से उदए पेडालपुत्ते
 समणं भगवं महावीरं तिक्खुत्तो आयाहिणं पयाहिणं करेइ, तिक्खुत्तो आयाहिणं
 पयाहिणं करिता वन्दइ नमंसइ वन्डिता नमंसिता एवं वयासी-इच्छामि णं भन्ते
 तुब्भं अन्तिए चाउज्जामाओ धम्माओ पद्ममहव्वइयं सपडिक्कमणं धम्मं उवसप-
 ज्जिता णं विहरित्तए । तए णं समणे भगवं महावीरे उदगं एवं वयासी-अहामुहं
 देवाणुप्पिया मा पडिबन्धं करेहि । तए णं से उदए पेडालपुत्ते समणस्स भगवओ
 महावीरस्स अन्तिए चाउज्जामाओ धम्माओ पद्ममहव्वइयं सपडिक्कमणं धम्मं उव-
 सपज्जिता णं विहरइ ति वेमि ॥ १४ ॥ ८१३ ॥ नालन्दइज्जज्जयणं सत्तमं ॥

सूर्यगङ् समत्तं ॥





श्रीमान् विजयकाशय चलीकाय कल्याण - १९५५ मे - १ - १

गमो त्थु षं समणस्स भगवओ णायपुत्त महावीरस्स

ठाणे

पढमं ठाणं

सुयं मे आउस ! तेषं भगवया एव मक्खवायं, एगे आया ॥ १ ॥ एगे दंडे
 ॥ २ ॥ एगा किरिया ॥ ३ ॥ एगे लोए ॥ ४ ॥ एगे अलोए ॥ ५ ॥ एगे धम्मं
 ॥ ६ ॥ एगे अहम्मं ॥ ७ ॥ एगे बंधे ॥ ८ ॥ एगे मोक्खे ॥ ९ ॥ एगे पुण्ये
 ॥ १० ॥ एगे पावे ॥ ११ ॥ एगे आमवे ॥ १२ ॥ एगे संवरे ॥ १३ ॥ एगा
 वेयणा ॥ १४ ॥ एगा णिज्जरा ॥ १५ ॥ एगे जीवे पाडिक्कएणं सरीरएणं ॥ १६ ॥
 एगा जीवाणं अपरिआहता विगुब्बणा ॥ १७ ॥ एगे मणे ॥ १८ ॥ एगा बई
 ॥ १९ ॥ एगे कायकायामे ॥ २० ॥ एगा उप्पा ॥ २१ ॥ एगा वियती ॥ २२ ॥
 एगा विववा ॥ २३ ॥ एगा गइ ॥ २४ ॥ एगा आगइ ॥ २५ ॥ एगे चयणे
 ॥ २६ ॥ एगे उववाए ॥ २७ ॥ एगा ढक्का ॥ २८ ॥ एगा सत्ता ॥ २९ ॥ एगा
 मजा ॥ ३० ॥ एगा विहं ॥ ३१ ॥ एगा वेयणा ॥ ३२ ॥ एगा जेयणा ॥ ३३ ॥
 एगा भेयणा ॥ ३४ ॥ एगे मणे अतिमसारीणियाणं ॥ ३५ ॥ एगे संमुदे अहामुने
 पजे ॥ ३६ ॥ एगे दुक्खे जीवाणं ॥ ३७ ॥ एगे भूए ॥ ३८ ॥ एगा अहम्मपडिमा
 जं मे आया पडिक्किल्लेमइ ॥ ३९ ॥ एगा धम्मपडिमा जं मे आया पज्जवजाए
 ॥ ४० ॥ एगे मणे देवागुरमणुआणं तंति तंति समयंसि, एगा बई देवागुरमणुआणं
 तंति तंति समयंसि, एगे कायकायामे देवागुरमणुआणं तंति तंति समयंसि, एगे
 उट्टाणकम्मबलवीरियपुरिसक्कारपरक्कमे देवागुरमणुआणं तंति तंति समयंसि ॥ ४१ ॥
 एगे नाणे ॥ ४२ ॥ एगे दंमणे ॥ ४३ ॥ एगे चरित्ते ॥ ४४ ॥ एगे ममए
 ॥ ४५ ॥ एगे पएसे ॥ ४६ ॥ एगे परमाणू ॥ ४७ ॥ एगा तिडी ॥ ४८ ॥ एगे
 सिडे ॥ ४९ ॥ एगे परिनिब्बाने ॥ ५० ॥ एगे परिनिब्बुए ॥ ५१ ॥ एगे मई
 ॥ ५२ ॥ एगे रुडे ॥ ५३ ॥ एगे गंधे ॥ ५४ ॥ एगे रसे ॥ ५५ ॥ एगे फासे
 ॥ ५६ ॥ एगे सुब्बिमसो, एगे दुब्बिमसो ॥ ५७ ॥ एगे मुरुवे एगे दुरुवे ॥ ५८ ॥
 एगे बीहे एगे इस्से ॥ ५९ ॥ एगे बट्टे-एगे तंसे-एगे चउरंसे-एगे पिहुले-एगे
 पारंमंडले ॥ ६० ॥ एगे किण्हे-एगे नीले एगे लोहिए-एगे हाळिं-एगे सुक्खिं
 ॥ ६१ ॥ एगे सुब्बिमगंधे-एगे दुब्बिमगंधे ॥ ६२ ॥ एगे त्तिसे-एगे कडुए-एगे
 कटाए एगे अंबिले-एगे मधुरे ॥ ६३ ॥ एगे कक्खडे-जाव एगे लुक्खे ॥ ६४ ॥ एगे
 ११५ सुता०

पाणाइवाए जाव एगे परिग्गहे ॥ एगे कोहे जाव लोहे, एगे पेजे, एगे दोसे, जाव एगे परपरिवाए, एगा अरइरइ, एगे मायाभोसे एगे मिच्छादंसणसल्ले ॥ ६५ ॥ एगे पाणाइवायवेरमणे जाव परिग्गहवेरमणे, एगे कोहविबेगे, जाव मिच्छादंसणमहविबेगे ॥ ६६ ॥ एगा ओसप्पिणी एगा सुसमसुभमा जाव एगा दुसमदुसमा, एगा उस्सप्पिणी, एगा दुममदुसमा जाव एगा सुममसुभमा ॥ ६७ ॥ एगा णेरइयाणं वग्गणा, एगा असुरकुमारणं वग्गणा, चउवीसदंडओ जाव एगा वेमाणियाणं वग्गणा ॥ ६८ ॥ एगा भवसिद्धियाणं वग्गणा, एगा अभवसिद्धियाणं वग्गणा, एगा भवसिद्धियाणं णेरइयाणं वग्गणा, एगा अभवसिद्धियाणं णेरइयाणं वग्गणा, एवं जाव एगा भवसिद्धियाणं वेमाणियाणं वग्गणा एगा अभवसिद्धियाणं वेमाणियाणं वग्गणा ॥ ६९ ॥ एगा सम्मदिट्ठियाणं वग्गणा, एगा मिच्छदिट्ठियाणं वग्गणा, एगा सम्मिच्छदिट्ठियाणं वग्गणा, एगा सम्मदिट्ठियाणं णेरइयाणं वग्गणा, एगा मिच्छदिट्ठियाणं णेरइयाणं वग्गणा, एवं जाव थणियकुमारणं, एगा मिच्छदिट्ठियाणं पुजवीकाइयाणं वग्गणा, एवं जाव वणम्मइकाइयाणं, एगा सम्मदिट्ठियाणं वेदंदिद्याणं वग्गणा, एगा मिच्छदिट्ठियाणं वेदंदिद्याणं वग्गणा, एवं वेदंदिद्याणं चउतीसदंदिद्याणं वि मेगा त्था नेरइया, जाव एगा सम्मिच्छदिट्ठियाणं वेमाणियाणं वग्गणा ॥ ७० ॥ एगा कण्हपक्खियाणं वग्गणा, एगा सुक्खपक्खियाणं वग्गणा, एगा कण्हपक्खियाणं नेरइयाणं वग्गणा, एगा सुक्खपक्खियाणं नेरइयाणं वग्गणा, एवं चउवीसदंडओवि भाणियव्वो ॥ ७१ ॥ एगा कण्हलेस्साणं वग्गणा, एगा णील्लेस्साणं वग्गणा, एवं जाव सुक्खलेस्साणं वग्गणा, एगा कण्हलेस्साणं नेरइयाणं वग्गणा, जाव काउलेस्साणं नेरइयाणं वग्गणा, एवं जस्म जति लेस्साओ, भवणवइवाणमेत्तरपुइविआ उवणम्मइहाइयाणं च चत्तारि लेस्साओ तेत्तवा उयेदिअनेइदियचउतीसदंदिद्याणं तिज्जिलेस्साओ पंनिदियाणंत्तरिअव्वोय्योणियाणं मणुस्साणं छहेस्साओ, जोइतियाणं एगा तेउलेस्सा, वेमाणियाणं तिज्जिउवविमलेस्साओ एगा कण्हलेस्साणं भवसिद्धियाणं वग्गणा, एगा कण्हलेस्साणं अभवसिद्धियाणं वग्गणा, एवं छसु वि लेस्सासु दो दो पयाणि भाणियव्वानि, एगा कण्हलेस्साणं भवसिद्धियाणं नेरइयाणं वग्गणा, एगा कण्हलेस्साणं अभवसिद्धियाणं नेरइयाणं वग्गणा, एवं जस्म जति लेस्साओ तस्म तति भाणियव्वो, जाव वेमाणियाणं । एगा कण्हलेस्साणं समदिट्ठियाणं वग्गणा, एगा कण्हलेस्साणं मिच्छदिट्ठियाणं वग्गणा, एगा कण्हलेस्साणं सम्मिच्छदिट्ठियाणं वग्गणा, एवं छसु वि लेस्सासु जाव वेमाणियाणं वेसि अइ दिट्ठिओ, एगा कण्हलेस्साणं कण्हपक्खियाणं वग्गणा, एगा कण्हलेस्साणं सुक्खपक्खियाणं

वग्गणा, एवं जाव वेमाणियाणं, जस्स जइ छेस्साओ, एए अट्ट चउवीसदंडबा ॥७२॥
 एगा तित्थसिद्धानं वग्गणा, एगा अतित्थसिद्धानं वग्गणा, एवं जाव एगा एगसिद्धानं
 वग्गणा, एगा अणेगसिद्धानं वग्गणा, एगा पढमममयसिद्धानं वग्गणा, एवं जाव
 अणंतममयसिद्धानं वग्गणा ॥ ७३ ॥ एगा परमाणुपोग्गलाणं वग्गणा, एवं जाव
 एगा अणंतपण्णियाणं खंधाणं पोग्गलाणं वग्गणा, एगा एगपण्णोगाढाणं पोग्गलाणं
 वग्गणा, जाव एगा असंखेज्जपण्णोगाढाणं पोग्गलाणं वग्गणा, एगा एगममय-
 ठिइयाणं पोग्गलाणं वग्गणा, जाव असंखेज्जममयठिइयाणं पोग्गलाणं वग्गणा,
 एगा एगगुणकालयाणं पोग्गलाणं वग्गणा, जाव एगा असंखेज्ज एगा अणंतगुण-
 कालयाणं पोग्गलाणं वग्गणा, एवं वण्णमंधरमफासा भाणियव्वा जाव एगा अणंत-
 गुणलक्खणां पोग्गलाणं वग्गणा, एगा जहज्जपण्णियाणं खंधाणं वग्गणा, एगा
 उक्कोसपण्णियाणं खंधाणं वग्गणा, एगा अजहज्जुक्कोसपण्णियाणं खंधाणं वग्गणा,
 एवं जहज्जोसाहणयाणं, उक्कोसोसाहणयाणं, अजहज्जुक्कोसोसाहणयाणं, जहज्जठिइयाणं,
 उक्कोसठिइयाणं, अजहज्जुक्कोसठिइयाणं, जहज्जगुणकालयाणं, उक्कोसगुणकालयाणं,
 अजहज्जुक्कोसगुणकालयाणं, एवं वण्णमंधरमफासाणं वग्गणा भाणियव्वा, जाव एगा
 अजहज्जुक्कोसगुणलक्खणां पोग्गलाणं वग्गणा ॥ ७४ ॥ एगे जंबुदीवे २ सव्वचीव-
 ममुहाणं जाव अद्दगुल्लो च किंचि किममाहिए परिकखेवंसं ॥ ७५ ॥ एगे समणे
 भगवं महावीरे इमीसि ओसाप्यणीए चउवीसाए तित्थवग्गणां चग्गमन्तित्थयरे सिद्धे
 पुद्दं मुत्ते जाव सव्वदुक्खल्लपपरीणं ॥ ७६ ॥ अणुत्तरोचवाइयाणं देवाणं एगा रयणी
 उक्कु उच्चलेणं पज्जता ॥ ७७ ॥ अद्दानकखले एगतारे पज्जते, विनातकखले एगतारे
 पज्जते, वाइिनकखले एगतारे पज्जते ॥ ७८ ॥ एगपण्णोगाढा पोग्गला अणंता
 पज्जता, एवमेगममयठिइया, एगगुणकालया पोग्गला अणंता पज्जता, जाव एगगुण-
 लक्खया पोग्गला अणंता पज्जता ॥ ७९ ॥ पढमं ढाणं ममसं ॥

जदात्थ णं लोए ते सव्वं दुपटोआरं, तंजहा-जीवा चेव अजीवा चेव, तसे चेव
 यावरं चेव, सजोणिया चेव अजोणिया चेव, साउया चेव अणाउया चेव, सइंदिया
 चेव आणंदिया चेव, सवेयगा चेव अवैयगा चेव, सक्खि चेव अक्खि चेव, सयो-
 गला चेव अपोयगला चेव, संसारसमावज्जगा चेव असंसारसमावज्जगा चेव, मासया
 चेव असासया चेव, आगासे चेव नो आगासे चेव, धम्मो चेव अधम्मो चेव, बंधे
 चेव मोक्खे चेव, पुण्णे चेव पावे चेव, आसवे चेव संवरं चेव, संयणा चेव,
 णिज्जरा चेव ॥ ८० ॥ दो किरियाओ प० तंजहा-जीवकिरिया चेव अजीव-
 किरिया चेव, जीवकिरिया दुविहा पज्जता, तंजहा-सम्मत्किरिया चेव सिक्खत्त-

किरिया चेष, अजीवकिरिया दुविहा पञ्जता, तंजहा-इरियावहिया चेष संपराइया चेष ॥ ८१ ॥ दो किरियाओ प० तंजहा-काइया चेष अहिगरणिया चेष, काइया किरिया दुविहा पञ्जता, तंजहा-अणुवरथकायकिरिया चेष, दुप्पउत्तकाय-किरिया चेष, अहिगरणियाकिरिया दुविहा पञ्जता, तंजहा-संजोयणाहिगरणिया चेष णिवण्णान्निगरणिया चेष ॥ ८२ ॥ दो किरियाओ प० तंजहा-पाउसिया चेष पारियावणिया चेष, पाउसिया किरिया दुविहा पञ्जता, तंजहा-जीवपाउसिया चेष अजीवपाउसिया चेष, पारियावणियाकिरिया दुविहा पञ्जता, तंजहा-सदत्थपारियावणिया चेष, परदत्थपारियावणिया चेष ॥ ८३ ॥ दो किरियाओ प० तंजहा-पाणाइवायकिरिया चेष, अपञ्चकस्वाणकिरिया चेष, पाणाइवायकिरिया दुविहा पञ्जता, तंजहा-सदत्थपाणाइवायकिरिया चेष, परदत्थपाणाइवायकिरिया चेष, अपञ्चकस्वाणकिरिया दुविहा पञ्जता, तंजहा-जीवअपञ्चकस्वाणकिरिया चेष, अजीव-अपञ्चकस्वाणकिरिया चेष ॥ ८४ ॥ दो किरियाओ प० तंजहा-आरंभिया चेष परिग्गहिया चेष, आरंभियाकिरिया दुविहा पञ्जता, तंजहा-जीवआरंभिया चेष अजीवआरंभिया चेष, एवं परिग्गहियावि ॥ ८५ ॥ दो किरियाओ प० तंजहा-मायावात्तभा चेष, मिच्छाईरणवात्तभा चेष, मायावात्तभाकिरिया दुविहा पञ्जता, तंजहा-आयभावत्तंकरणया चेष परभावत्तंकरणया चेष, मिच्छाईरणवात्तभाकिरिया दुविहा पञ्जता, तंजहा-ऊणाइमिमिच्छाईरणवात्तभा चेष नव्वइरिमिमिच्छाईरण-वात्तभा चेष ॥ ८६ ॥ दो किरियाओ प० तंजहा-दिट्ठिया चेष पुट्ठिया चेष, दिट्ठियाकिरिया दुविहा प० तंजहा-जीवदिट्ठिया चेष अजीवदिट्ठिया चेष, एवं पुट्ठियावि ॥ ८७ ॥ दो किरियाओ प० तंजहा-पाट्ठिया चेष मामंतोवणि-वाइया चेष, पाट्ठियाकिरिया दुविहा पञ्जता, तंजहा-जीवपाट्ठिया चेष अजीव-पाट्ठिया चेष, एवं मामंतोवणिवाइयावि ॥ ८८ ॥ दो किरियाओ प० तंजहा-साहत्थिया चेष, जेमत्थिया चेष, साहत्थियाकिरिया दुविहा पञ्जता, तंजहा-जीव-साहत्थिया चेष, अजीवसाहत्थिया चेष, एवं जेमत्थियावि ॥ ८९ ॥ दो किरियाओ प० तंजहा-आणवणिया चेष वेयारणिया चेष, जहेव जेमत्थिया ॥ ९० ॥ दो किरियाओ प० तंजहा-अण्णामोवणिया चेष अणवत्तंवरणिया चेष, अण्णामो-वणियाकिरिया दुविहा पञ्जता, तंजहा-अण्णउत्तमाइवणिया चेष, अण्णउत्तपमज्जणया चेष, अणवत्तंवरणिया किरिया दुविहा पञ्जता, तंजहा-आयमरीरअणवत्तंवरणिया चेष, परमरीरअणवत्तंवरणिया चेष ॥ ९१ ॥ दो किरियाओ प० तंजहा-पेज-वणिया चेष, दोमवणिया चेष, पेजवणियाकिरिया दुविहा पञ्जता, तंजहा-माया-

वतिया चैव, लोहवतिया चैव, दोसवतिया किरिया दुविहा पञ्जना, तंजहा-कोहे चैव माणे चैव ॥ ९२ ॥ दुविहा गरिहा पञ्जना, तंजहा-मणसावेगे गरिहइ वयसावेगे गरिहइ, अहवा गरिहा दुविहा प० वीहं एगे अदं गरिहइ, रहस्सं एगे अदं गरिहइ ॥ ९३ ॥ दुविहं पञ्चक्खाणं, मणसावेगे पञ्चक्खाइ, वयसावेगे पञ्चक्खाइ, अहवा पञ्चक्खाणे दुविहे, वीहं एगे अदं पञ्चक्खाइ, रहस्सं एगे अदं पञ्चक्खाइ ॥ ९४ ॥ दोहिं ठाणेहिं अणगारे संपहे अणाइयं अणवदग्गं वीहमदं चाउरंत-संनारकंतारं वीइवएज्जा, तंजहा-विज्जाए चैव, चग्गेण चैव ॥ ९५ ॥ दो ठाणाइं अपरियाणिना आया णो केवत्तिपञ्जतं धम्मं लभेज्जा सवणयाए, तंजहा-आरंभे चैव परिग्गहे चैव, दो ठाणाइं अपरिआणिना आया णो केवलं बोहिं बुज्जेज्जा तं० आरंभे चैव परिग्गहे चैव, दो ठाणाइं अपरियाइना आया णो केवलं मुडे भविता आगगओ अणगारिअं पट्ठइज्जा, तंजहा-आरंभे चैव परिग्गहे चैव, एवं णो केवलं वंनचग्गवाममावसेज्जा णो केवल्लेणं संजमणं संजमेज्जा, णो केवल्लेणं सवरेणं सवरेज्जा, णो केवलं आभिणिबोद्धियणाणं उप्पाडेज्जा, एवं सुअणणं, भोद्धिणाणं, मण-पञ्चक्खाणं, केवल्लणां ॥ ९६ ॥ दो ठाणाइं परियाइना आया केवलीपञ्जतं धम्मं लभेज्जा सवणयाए, तंजहा-आरंभे चैव परिग्गहे चैव, एवं जाव केवल्लणाणमुप्पा-डेज्जा ॥ ९७ ॥ दोहिं ठाणेहिं आया केवत्तिपञ्जतं धम्मं लभेज्जा सवणयाए तंजहा गोवा चैव, अभिममेवा चैव, जाव केवल्लणां उप्पाडेज्जा ॥ ९८ ॥ दो समाओ एज्जनाओ, तंजहा-उत्तमपिणिसमा चैव, ओत्तमपिणिसमा चैव ॥ ९९ ॥ दुविहे उम्माए पञ्जते, तंजहा-अक्खवावेसे चैव मोहणिज्जस्स चैव कम्मस्स उदएणं, तत्थणं जे मे अक्खवावेसे मे में सुहवेयनराए चैव सुहविमोयनराए चैव, तत्थणं जे से मोहणिज्जस्स कम्मस्स उदएणं, से णं सुहवेयनराए चैव सुहविमोयनराए चैव ॥ १०० ॥ दो दंठा पञ्जना, तंजहा-अट्ठादंडे चैव, अणट्ठादंडे चैव, नेग्गियाणं दो दंठा पञ्जना तंजहा-अट्ठादंडे चैव अणट्ठादंडे य एवं चउवीसदंडओ जाव वेमाणियाणं ॥ १०१ ॥ दुविहे दंमणे० सम्मदंसणे चैव, भिच्छादंसणे चैव, सम्मदंसणे दुविहे० णिसग्ग-सम्मदंसणे चैव, अभिगमसम्मदंसणे चैव, णिसग्गसम्मदंसणे दुविहे०, पडिवाइं चैव, अपडिवाइं चैव, अभिगमसम्मदंसणे दुविहे०, पडिवाइं चैव, अपडिवाइं चैव, भिच्छादंसणे दुविहे० तं जहा अभिगगहियभिच्छादंसणे चैव, अणभिगगहियभिच्छा-दंसणे चैव, अभिगगहियभिच्छादंसणे दुविहे० सपज्जवसिए चैव, अपज्जवसिए चैव, एवमणभिगगहियभिच्छादंसणेवि ॥ १०२ ॥ दुविहे नाणे० पञ्चक्खे चैव, परोक्खे चैव, पञ्चक्खणाणे दुविहे० केवल्लणाणे चैव, नो केवल्लणाणे चैव, केवल्लणाणे दुविहे०

भवत्थकेवलनाणे चैव सिद्धकेवलनाणे चैव, भवत्थकेवलनाणे दुविहे० सजोगिभवत्थकेवलनाणे चैव अजोगिभवत्थकेवलनाणे चैव, सजोगिभवत्थकेवलनाणे दुविहे० पठमसमयसजोगिभवत्थकेवलनाणे चैव, अपठमसमयसजोगिभवत्थकेवलनाणे चैव, अहवा, चरिमसमयसजोगिभवत्थकेवलनाणे चैव, अचरिमसमयसजोगिभवत्थकेवलनाणे चैव, एवं अजोगिभवत्थकेवलनाणे वि, सिद्धकेवलनाणे दुविहे०, अणंतरसिद्धकेवलनाणे चैव, परंपरसिद्धकेवलनाणे चैव, अणंतरसिद्धकेवलनाणे दुविहे० एकाणंतरसिद्धकेवलनाणे चैव, अणेकाणंतरसिद्धकेवलनाणे चैव, परंपरसिद्धकेवलनाणे दुविहे० एकपरंपरसिद्धकेवलनाणे चैव, अणेकपरंपरसिद्धकेवलनाणे चैव, णो केवलनाणे दुविहे० ओहिनाणे चैव, मणपञ्चवनाणे चैव, ओहिनाणे दुविहे० भवपञ्चइए चैव, खओवसमिए चैव, दोण्हं भवपञ्चइए० वेवाणं चैव, णरटयां चैव, दोण्हं खओवसमिए० मणुग्गाणं चैव, परिदिदयानिरिक्खजोगियाणं चैव, मणपञ्चवणाणे दुविहे० उज्जमई चैव, विउलमई चैव, पगेम्बवणाणे दुविहे० आभिणिबोहिणयाणाणे चैव, सुअणाणे चैव, आभिणिबोहिणयाणाणे दुविहे० मुयनिस्सिए चैव अमयनिस्सिए चैव, मुयनिस्सिए दुविहे० अत्थोगगहं चैव, यंजणोगगहं चैव, अमयनिस्सिएवि एवमेव, मयणाणे दुविहे० अंगपविट्ठे चैव, अगबाहिरे चैव, अगबाहिरे दुविहे० आवस्साए चैव आवस्सयवइरिणे चैव, आवस्सयवइरिणे दुविहे० कान्हिए चैव, उक्काटिए चैव ॥ १०३ ॥ दुविहे धम्मो० मुअधम्मो चैव, चरिणधम्मो चैव, सुअधम्मो दुविहे० मुत्तमुअधम्मो चैव, अत्थमुअधम्मो चैव, चरिणधम्मो दुविहे० अगारचरिणधम्मो चैव, अणगारचरिणधम्मो चैव, संजमे दुविहे० मरागसंजमे चैव, वीयरागसंजमे चैव, मरागसंजमे दुविहे० महुमसंपरायमरागसंजमे चैव वादरसंपरायमरागसंजमे चैव, महुमसंपरायमरागसंजमे दुविहे० पठमसमयमहुमसंपरायमरागसंजमे चैव, अपठमसमयमहुमसंपरायमरागसंजमे चैव, अहवा चरिमसमयमहुमसंपरायमरागसंजमे चैव, अचरिमसमयमहुमसंपरायमरागसंजमे चैव, अहवा महुमसंपरायमरागसंजमे दुविहे० संकिट्टेसमाणए चैव, वित्तज्जमाणए चैव, वादरसंपरायमरागसंजमे दुविहे० पठमसमयवादरसंपरायमरागसंजमे, अपठमसमयवादरसंपरायमरागसंजमे, अहवा चरिमसमयवादरसंपरायमरागसंजमे, अचरिमसमयवादरसंपरायमरागसंजमे, अहवा वादरसंपरायमरागसंजमे दुविहे० पट्टिवाइए चैव, अपट्टिवाइए चैव, वीयरागसंजमे दुविहे० उवसंतकसायवीयरागसंजमे चैव, वीणकसायवीयरागसंजमे चैव, उवसंतकसायवीयरागसंजमे दुविहे० पठमसमयउवसंतकसायवीयरागसंजमे चैव, अपठमसमयउवसंतकसायवीयराग-

संज्ञमे चैव, अहवा चरिमसमयठवसंतकन्मायवीयरागसंज्ञमे चैव, अचरिमसमय-
 उवसंतकत्सायवीयरागसंज्ञमे चैव, स्त्रीणकत्सायवीयरागसंज्ञमे दुविहे० छउमन्थस्त्रीण-
 कत्सायवीयरागसंज्ञमे चैव, केवलस्त्रीणकत्सायवीयरागसंज्ञमे चैव, छउमन्थस्त्रीण-
 कत्सायवीयरागसंज्ञमे दुविहे० सयंबुद्धछउमन्थस्त्रीणकत्सायवीयरागसंज्ञमे, बुद्धबोहिय-
 छउमन्थस्त्रीणकत्सायवीयरागसंज्ञमे, सयंबुद्धछउमन्थस्त्रीणकत्सायवीयरागसंज्ञमे दुविहे०
 पठमसमयसयंबुद्धछउमन्थस्त्रीणकत्सायवीयरागसंज्ञमे, अपठमसमयसयंबुद्धछउमन्थ-
 स्त्रीणकत्सायवीयरागसंज्ञमे, अहवा चरिमसमयसयंबुद्धछउमन्थस्त्रीणकत्सायवीयराग-
 संज्ञमे, अचरिमसमयसयंबुद्धछउमन्थस्त्रीणकत्सायवीयरागसंज्ञमे, बुद्धबोहियछउमन्थ-
 स्त्रीणकत्सायवीयरागसंज्ञमे दुविहे० पठमसमयबुद्धबोहियछउमन्थस्त्रीणकत्सायवीयराग-
 संज्ञमे, अपठमसमयबुद्धबोहियछउमन्थस्त्रीणकत्सायवीयरागसंज्ञमे, अहवा चरिमसम-
 यबुद्धबोहियछउमन्थस्त्रीणकत्सायवीयरागसंज्ञमे अचरिमसमयबुद्धबोहियछउमन्थस्त्रीण-
 कत्सायवीयरागसंज्ञमे, केवलस्त्रीणकत्सायवीयरागसंज्ञमे दुविहे० सजोगिकेवलस्त्रीणक-
 त्सायवीयरागसंज्ञमे, अजोगिकेवलस्त्रीणकत्सायवीयरागसंज्ञमे, भजोगिकेवलस्त्रीणक-
 त्सायवीयरागसंज्ञमे दुविहे० पठमसमयसजोगिकेवलस्त्रीणकत्सायवीयरागसंज्ञमे अपठ-
 मसमयसजोगिकेवलस्त्रीणकत्सायवीयरागसंज्ञमे, अहवा चरिमसमयसजोगिकेवलस्त्री-
 णकत्सायवीयरागसंज्ञमे, अचरिमसमयसजोगिकेवलस्त्रीणकत्सायवीयरागसंज्ञमे, अजो-
 गिकेवलस्त्रीणकत्सायवीयरागसंज्ञमे दुविहे० पठमसमयअजोगिकेवलस्त्रीणकत्सायवी-
 यरागसंज्ञमे, अपठमसमयअजोगिकेवलस्त्रीणकत्सायवीयरागसंज्ञमे, अहवा चरिमस-
 मयअजोगिकेवलस्त्रीणकत्सायवीयरागसंज्ञमे, अचरिमसमयअजोगिकेवलस्त्रीणकत्साय-
 वीयरागसंज्ञमे ॥ १०४ ॥ दुविहा पुठविकाइया पञ्जत्ता, तंजहा—सुहमा चैव, बायरा
 चैव, एवं जाव दुविहा वणस्मइकाइया पञ्जत्ता तंजहा—सुहमा चैव बायरा चैव,
 दुविहा पुठविकाइया पञ्जत्ता तंजहा—पञ्जत्ता चैव, अपञ्जत्ता चैव, एवं जाव
 वणस्मउकाइया, दुविहा पुठविकाइया पञ्जत्ता, तंजहा—परिणया चैव, अपरिणया
 चैव, जाव वणस्मइकाइया, दुविहा दब्बा० परिणया चैव अपरिणया चैव, दुविहा
 पुठविकाइया पञ्जत्ता तंजहा—गइसमावज्जत्ता चैव अगइसमावज्जत्ता चैव, एवं जाव
 वणस्मइकाइया, दुविहा दब्बा पञ्जत्ता तंजहा—गइसमावज्जत्ता चैव अगइसमावज्जत्ता
 चैव, दुविहा पुठविकाइया० अगंतरोगात्ता चैव परंपरोगात्ता चैव, जाव दब्बा
 ॥ १०५ ॥ दुविहे काळे० ओसपिणीकाळे चैव, उस्सपिणीकाळे चैव ॥ १०६ ॥
 दुविहे आगासे० लोगागासे चैव, अलोगागासे चैव ॥ १०७ ॥ षेरइवाथं दो
 मरीरगा० अर्म्मंतरगे चैव, बाहिरगे चैव, अर्म्मंतरए कम्मए, बाहिरए वेठत्तिए,

एवं देवाणं भाणियञ्चं, पुढविकाइयाणं दो सरीरगा० अब्भंतरगे चेव, बाहिरगे चेव, अब्भंतरगे कम्मए, बाहिरगे उरालिए, जाव वणस्सइकाइयाणं, वेइदियाणं दोसरीरगा० अब्भंतरगे चेव बाहिरगे चेव, अब्भंतरगे कम्मए, अट्टिमंससोणित-बदे बाहिरगे उरालिए, जाव चउरिदियाणं, पंचेदियतिरिक्खजोणियाणं दो सरी-रगा० अब्भंतरगे चेव, बाहिरगे चेव, अब्भंतरगे कम्मए, अट्टिमंससोणियण्हा-रुच्छिराबदे, बाहिरगे उरालिए, मणुस्साणवि एवं चेव, विग्गहगतिसमावन्नगाणं षेरइयाणं दो सरीरगा० तेयए चेव कम्मए चेव, निरंतरं जाव वेमाणियाणं, नेरइ-याणं दोहिं ठाणेहिं मरीरूपत्ती मिया, तं० रागेणं चेव, दोसेणं चेव, जाव वेमाणियाणं, नेरइयां दृढ्ढाणनिव्वत्तिए सरीरगे० रागनिव्वत्तिए चेव दोमनिव्वत्तिए चेव, जाव वेमाणियाणं ॥ १०८ ॥ दो काया० तसकाए चेव, थावरकाए चेव, तसकाए दुविहे पण्णत्ते० भवसिद्धिणं चेव, अभवसिद्धिणं चेव, एवं थावरकाए वि ॥ १०९ ॥ दो दिमाओ अभिगिञ्ज कप्पड णिसंथाणं वा, णिसंथीणं वा, प्वावित्तए, पाडेणं चेव, उदीणं चेव, एवं मुंडावित्तए सिक्खावित्तए, उवट्ठावित्तए, संभुंजित्तए, संवगित्तए, मज्झायं उइमित्तए, मज्झायं ममुहिमित्तए, मज्झायमणु-जाणित्तए, आओइत्तए, पडिक्कमित्तए, निदित्तए, गरिहित्तए, विउहित्तए, विमोहित्तए, अकरणगाए अब्भुट्टित्तए, अहारिहं पायसिद्धत्त नवोक्कम्मे पडिवाजित्तए, दो दिमाओ अभिगिञ्ज कप्पड णिसंथाणं वा णिसंथीणं वा, अपच्छिन्नमारणं निप-संवेह्णा-इत्थणा अणियाणं भत्तपाणपडियाट्ठिक्खियाणं पाओवगयाणं कालं अणवकंस्वमाणणं विहरित्तए, नेजहा-पाइणं चेव उदीणं चेव ॥ ११० ॥ वीयड्ढाणस्स पद-मोहेसो ममत्तो ॥

जे देवा उड्ढोववण्णगा कप्पोववण्णगा, विमाणोववण्णगा, चारोववण्णगा, चार्गट्टइया, गइइया, गइममावगगा, तेमि देवाणं सयासमियं जे पावे कम्मे कज्जइ नत्थगयावि एगइया वेयणं वेयंति अन्नत्थगयावि एगइया वेयणं वेयंति नेरइयाणं सयासमियं जे पावे कम्मे कज्जइ नत्थगयावि एगइया वेयणं वेयंति अन्नत्थगयावि एगइया वेयणं वेयंति, जाव पंचेदियतिरिक्खजोणियाणं, मणुस्साणं सयासमियं जे पावे कम्मे कज्जइ, उहगयावि एगइया वेयणं वेयंति अन्नत्थगयावि एगइया वेयणं वेयंति, मणुस्सवज्जा सेसा एकगमा ॥ १११ ॥ नेरइया दुगइया दुयागइया प० तं० नेरइए नेरइएसु उववज्जमाणे मणुस्सेहिंतो वा पंचेदिय-तिरिक्खजोणिएहिंतो वा उववज्जेज्जा, से चेव णं से नेरइए नेरइयाणं विपपज्जहमाणे मणुस्सताए वा पंचेदियतिरिक्खजोणियाणाए वा गच्छेज्जा, एवं असुरकुमारवि,

णवरं से चैवणं से असुरकुमारतं विष्णुजहमाणे मणुस्सनाए वा तिरिक्खजोणियणाए वा गच्छेज्जा, एवं सच्चदेवा, पुढविकाइया दुगइया बुयागइया प० तं०—पुढविकाइए पुढविकाइएणु उववज्जमाणे पुढविकाइएहिंतो वा णो पुढविकाइएहिंतो वा उववज्जेज्जा, से चैवणं से पुढविकाइयत्तं विष्णुजहमाणे पुढविकाइयत्ताए वा णो पुढविकाइयत्ताए वा गच्छेज्जा, एवं जाव मणुस्सा ॥ ११२ ॥ दुविहा णेरइया प० तं० भवत्तिद्धिया चैव, अभवत्तिद्धिया चैव, जाव वेमाणिया, दुविहा णेरइया प० तं० अणंतरोववज्जगा चैव परंपरोववज्जगा चैव, जाव वेमाणिया, दुविहा णेरइया प० तं० गटममावज्जगा चैव, अगडममावज्जगा चैव, जाव वेमाणिया, दुविहा णेरइया प० तं० पटम-समयउववज्जगा चैव अपटमममयउववज्जगा चैव, जाव वेमाणिया, दुविहा णेरइया प० तं० आहारगा चैव अणाहारगा चैव, एवं जाव वेमाणिया, दुविहा णेरइया पञ्जगा तं०, उस्सासगा चैव नोउस्सासगा चैव, जाव वेमाणिया, दुविहा णेरइया प० तं० सइदिया चैव, अणिदिया चैव, जाव वेमाणिया, दुविहा णेरइया प० तं० पज्जत्तगा चैव, अपज्जत्तगा चैव, जाव वेमाणिया, दुविहा णेरइया प० तं० मत्ती चैव अमत्ती चैव, एवं जाव पंविदिया सत्त्वे विगळिदियवज्जा, जाव वाणमंतरा । दुविहा णेरइया प० तं० भामगा चैव अभामगा चैव, एवमेगंदियवज्जा सत्त्वे, दुविहा णेरइया प० तं० समदिंदिट्टिया चैव मिच्छदिदिट्टिया चैव, एगिंदियवज्जा सत्त्वे, दुविहा णेरइया प० तं० परिणसंमारिया चैव, अणंतसंमारिया चैव, जाव वेमाणिया, दुविहा णेरइया प० तं० सत्तेज्जकाअममयाट्टइया चैव असंत्तेज्जकालममयाट्टइया चैव, एवं पंविदिया, एगिंदिया विगळिदियवज्जा जाव वाणमंतरा, दुविहा णेरइया प० तं० सुत्तमवोदिया य दुत्तमवोदिया य जाव वेमाणिया, दुविहा णेरइया प० तं० कण्हपक्खिया चैव मुक्कपक्खिया चैव, जाव वेमाणिया, दुविहा णेरइया प० तं० चारिमा चैव अचरिमा चैव, जाव वेमाणिया ॥ ११३ ॥ दोहिं ठाणेहिं आया अहे लोगं जाणइ पामइ, तं० समोहएणं चैव अप्पाणेणं आया अहे लोगं जाणइ पासइ, असमोहएणं चैव अप्पाणेणं आया अहे लोगं जाणइ पामइ, आधोहिं समोहया समोहएणं चैव अप्पाणेणं आया अहे लोगं जाणइ पामइ । एवं तिरियलोगं उक्खु-लोगं केवलकप्पं लोगं । दोहिं ठाणेहिं आया अहे लोगं जाणइ पासइ, तंजहा-विउत्थिएणं चैव अप्पाणेणं आया अहेलोगं जाणइ पामइ, अविउत्थिएणं चैव अप्पाणेणं आया अहेलोगं जाणइ पासइ, आहोहिं विउत्थियाविउत्थिएणं चैव अप्पाणेणं आया अहेलोगं जाणइ पासइ, एवंतिरियलोगं उक्खुलोगं केवलकप्पं लोगं ११४ ॥ दोहिं ठाणेहिं आया सहाइ सुणेइ, तंजहा-इसेणवि आया सहाइ सुणेइ,

सव्वेणवि आया सहाई मुणेइ, एवं रुवाई पासइ, गंधाई आषायइ, रमाई आसाएइ, फासाई पडिसंवेणइ, दोहिं ठाणेहिं आया ओभामइ, तंजहा-देसेणवि आया ओभासइ, सव्वेण वि आया ओभामइ, एवं पभासरइ, बिउव्वइ, परियारेइ, भासं भासइ, आहारेइ, परिणामेइ, वेणइ, निज्जरेइ, दोहिं ठाणेहिं देवे सहाई मुणेइ, तंजहा-देसेणवि देवे सहाई मुणेइ, सव्वेण वि सहाई मुणेइ, जाव णिज्जरेइ ॥ ११५ ॥ मरुया देवा दुविहा प० तं० एगमरीरी चव विमरीरी चव, एवं किज्जरा, किपुरिमा, गंधव्वा, णामकुमारा, मुव्वलकुमारा अरिग कुमारा, वाउकुमारा देवा दुविहा प० तं० एगमरीरी चव विसरीरी चव ॥ ११६ ॥ **वीयट्टाणस्स वीओहेसो ममत्तो ॥**

दुविहे मदे प० तं० भामागदे चव नोभागागदे चव । भामागदे दुविहे प० तं० अक्खरमंबदे चव, नोअक्खरमंबदे चव । णोभागागदे दुविहे प० तं० आउज्जमदे चव, णोआउज्जमदे चव, आउज्जमदे दुविहे प० तं० तने चव, वित्तने चव, तने दुविहे प० तं० पणे चव झुमिरे चव, एवं वित्तनेवि, णोआउज्जमदे दुविहे प० तं० भूमणमदे चव, णोभूमणमदे चव, णोभूमणमदे दुविहे प० तं० नालमदे चव लत्तियामदे चव, दोहिं ठाणेहिं महुपाण सिया तंजहा-साहसंताणं चव, पुग्गलाणं महुपाण सिया भिज्जंताणं चव पोगगलाणं महुपाण सिया ॥ ११७ ॥ दोहिं ठाणेहिं पोगगला साहसंति, तंजहा-सय वा पोगगला साहसंति परेण वा पोगगला साहसंति, दोहिं ठाणेहिं पोगगला भिज्जंति, तंजहा-सय वा पोगगला भिज्जंति, परेण वा पोगगला भिज्जंति, दोहिं ठाणेहिं पोगगला परिगहंति, मय वा पोगगला परिगहंति, परेण वा पोगगला परिगहंति, एवं परिपहंति, विद्धंमति ॥ ११८ ॥ दुविहा पोगगला प० तं० भिज्जा चव आभज्जा चव, दुविहा पोगगला प० तं० भिउरधम्ममा चव नोभिउरधम्ममा चव, दुविहा पोगगला प० तं० परमाणुपोगगला चव नोपरमाणुपोगगला चव, दुविहा पोगगला प० तं० सुहुमा चव जायरा चव, दुविहा पोगगला प० तं० बद्धपासपुट्टा चव नोबद्धपासपुट्टा चव, दुविहा पोगगला प० तं० परियादिअशेष, अपरियादित्त-शेष, दुविहा पोगगला प० तं० अत्ताचव अणत्ताचव, दुविहा पोगगला प० तं० इट्ठा चव अणिट्ठा चव, एवं कंता, पिया, मणुष्सा, मणामा । दुविहा महा प० तं० अत्ता चव, अणत्ता चव एवं इट्ठा जाव मणामा, दुविहा रुवा प० तं० अत्ता चव अणत्ता चव, जाव मणामा । एवं गंधा, रमा, फामा, एवमिक्कंणे छालावगा भाणियच्च्वा ॥ ११९ ॥ दुविहे आयारे प० तं० णागायारे चव णो णागायारे चव, णोणागायारे दुविहे प० तं० रंरणायारे चव, णोदंमणायारे चव, णोदंमणा-यारे दुविहे पण्णते, चरित्तायारे चव, णो चरित्तायारे चव, णो चरित्तायारे दुविहे

५० तं० तवायारे चैव, वीरियायारे चैव ॥ १२० ॥ दो पडिमाओ ५० तं०
 समाह्निपडिमा चैव, उचहाणपडिमा चैव, दो पडिमाओ ५० तं० विवेगपडिमा
 चैव, विउसगपडिमा चैव, दोपडिमाओ ५० तं० महा चैव, सुमहा चैव, दो पडि-
 माओ ५० तं० महामहा चैव सक्तामहा चैव, दो पडिमाओ ५० तं० खुट्टिया चैव
 मोयपडिमा महक्किया चैव मोयपडिमा, दोपडिमाओ ५० तं० जवमज्जे चैव
 चंदपडिमा वडमज्जे चैव चंदपडिमा ॥ १२१ ॥ दुविहे सामाहए ५० तं०
 आगारस्सामाहए चैव, अणगारस्सामाहए चैव ॥ १२२ ॥ दोण्हं उववाए
 ५० तं० देवाणं चैव, नेरइयाणं चैव, दोण्हं उववहणा ५० तं० नेरइयाणं चैव,
 भवगवामीणं चैव, दोण्हं वयणे ५० तं० जोडनियाणं चैव, वेमाणियाणं चैव,
 दोण्हं गच्चभक्कती ५० तं० मणुस्साणं चैव, पंचिदियनिरिक्खजोणियाणं चैव ।
 दोण्हं गच्चभक्कती आहारे ५० तं० मणुस्साणं चैव पंचिदियनिरिक्खजोणियाणं चैव
 दोण्हं गच्चभक्कती खुट्टी ५० तं० मणुस्साणं चैव पंचिदियनिरिक्खजोणियाणं चैव,
 एव निवुवुत्ति विगुत्तणा गइपरियाए समुग्धाए कायसजेग अयाइ मग्गे, दोण्हं
 उरविपत्था ५० तं० मणुस्साणं चैव पंचिदियनिरिक्खजोणियाणं चैव, दो सुक्खगेथि-
 भमेभया, ५० तं० मणुस्सा चैव पंचिदियनिरिक्खजोणिया चैव, दुविहा ठिइ,
 सासिइ चैव, भवाइइ चैव, दोण्हं कायाइइ, मणुस्साणं चैव पंचिदियनिरिक्खजो-
 णियाणं चैव, दोण्हं भवाइइ, देवाणं चैव णरइयाणं चैव, दुविहे आउए, भदाउए
 चैव, भवाउए चैव, दोण्हं अदाउए, मणुस्साणं चैव पंचिदियनिरिक्खजोणियाणं
 चैव, दोण्हं भवाउए देवाणं चैव, णरइयाणं चैव, दुविहे कम्मं, पग्गकम्मं चैव,
 अणुभावकम्मं चैव, दो भदाउए पालेति, देवखेव णरइयखेव, दोण्हं आउयमवहए
 ५० तं० मणुस्साणं चैव पंचिदियनिरिक्खजोणियाणं चैव ॥ १२३ ॥ जंबुदीवे दीवे
 मंदरस्स पच्चयस्स उत्तरदाहिणेणं दोवामा बहुसमउत्ता अविसेसमणाणत्ता अन्नमण्णं
 णाइवइति, आयामविकखंभमेत्ताणपरिगाहेणं, तज्जहा-भग्गे चैव, एरवए चैव,
 एवमोण्ण अहिठारेणं नेयव्वं, हेमवए चैव हेरण्णवए चैव, हरिवारिसे चैव,
 रस्सयवारिसे चैव ॥ १२४ ॥ जंबुदीवे दीवे मंदरस्स पच्चयस्स पुरच्छिम्मपच्चयिमेणं
 दो विता, बहुसमउत्ता अविसेस जाव पुच्चविदेहे चैव अवरविदेहे चैव ॥ १२५ ॥
 जंबुमंदरस्स पच्चयस्स उत्तरदाहिणेणं दोकुराओ, बहुसमउत्ताओ अविसेसा जाव देव-
 कुग चैव उत्तरकुरा चैव, तत्थ णं दो महइ महात्तया महादुमा, बहुसमउत्ता, अवि-
 सेसमणाणत्ता अन्नमण्णं णाइवइति, आयामविकखंभुत्ततोव्वेहसंत्ताणपरिगाहेणं तंजहा
 कूडसामली चैव, जंबु चैव सुदंसणा, तत्थणं दो देवा महिक्किया जाव महासोक्खा,

पलिओवमट्टिइया परिवसति तंजहा-गरुळे चैव वेणुडेव अणाहिए चैव जंबूडीवाहिवई
 ॥ १२६ ॥ जंबूमंदरस्म पव्वयस्स उत्तरदाहिणेणं दोवासहरपव्वया, बहुममउल्ला,
 आविसेसमणाणत्ता, अजमभं नाडवट्टंति, आयामविकखंभुच्चतोव्वेहसंठाणपरिणाहेणं,
 तंजहा-चुल्लहिमवंते चैव मिहरी चैव एवं महाहिमवंते चैव, रुपी चैव, एवं जिसडे
 चैव, णीलवंते चैव ॥ १२७ ॥ जंबूमंदरस्म पव्वयस्स उत्तरदाहिणेणं हेमवएरज-
 वएमु वामेमु दोवट्टवेयड्डुपव्वया, बहुममउल्ला, आविसममणाणत्ता जाव मदावाई चव
 वियडावाई चैव, तन्धणं दो देवा महिइया जाव पलिओवमट्टिइया परिवसति,
 तंजहा-माउ चैव पभास चैव ॥ १२८ ॥ जंबूमंदरस्म उत्तरदाहिणेणं हांरवासरम्म-
 एमु वामेमु दोवट्टवेयड्डुपव्वया, बहुममउल्ला, जाव गंधावाई चव, मालवंतपरियाए
 चैव, तन्धणं दो देवा महिइया, जाव पलिओवमट्टिइया परिवसति, तंजहा-अरणे चैव,
 पउमे चैव ॥ १२९ ॥ जंबूमंदरस्म पव्वयस्स दाहिणेणं देवकुराए पुव्वावरे पामे,
 एण्यं आसक्खंअगगरिस्सा, अद्धचंदमंठाणसाठया दो वक्खारपव्वया, बहुममउल्ला
 जाव, सोमणमे चैव विज्जुपभे चैव, जंबूमंदरस्म उत्तरेणं उत्तरकुराए पुव्वावरे पामे
 एण्यं आयकखंअगसरिस्सा अद्धचंदमंठाणसाठया दो वक्खारपव्वया प० ण० बहु०
 जाव, गंधमायणे चैव, मालवंते चैव ॥ जंबूमंदरस्म पव्वयस्स उत्तरदाहिणेणं
 दोवीहवेयड्डुपव्वया, बहुममउल्ला जाव भारहे चैव दीहवेयड्डु परावणं चैव दीह-
 वेयड्डु, भारहेणं दीहवेयड्डु दोगुहाओ, बहुममउल्लाओ अयिसममणाणत्ताओ अजमभं
 णाडवट्टंति आयामविकखंभुच्चतमंठाणपरिणाहेणं, तंजहा-निम्मिगुहा चैव, खंड-
 गण्पवायगुहा चैव, तन्धणं दो देवा महिइया, जाव पलिओवमट्टिइया परिवसति,
 तंजहा-कयमालं चैव, णट्टमालं चैव, परावणं दीहवेयड्डु दोगुहा, जाव कयमाल-
 ए चैव णट्टमालं चैव ॥ १३० ॥ जंबूमंदरस्म पव्वयस्स दाहिणेणं चुल्लहिमवंते
 वासहरपव्वए दोकूडा, बहुममउल्ला, जाव विकखंभुच्चतमंठाणपरिणाहेणं, तंजहा-
 चुल्लहिमवंतकूडे चैव येसमणकूडे चैव, जंबूमंदरस्म दाहिणेणं महाहिमवंते वास-
 हरपव्वए दोकूडा, बहुममउल्ला जाव महाहिमवतकूडे चैव, वेरलियकूडे चैव, एवं
 निमडे वासहरपव्वए दोकूडा, बहुममउल्ला जाव० निराडकूडे चैव, रथगण्पमे चैव,
 जंबूमंदरस्म उत्तरेणं नीलवंते वासहरपव्वए दोकूडा, बहुममउल्ला जाव० नीलवंत-
 कूडे चैव, उवदंसणकूडे चैव, एवं रप्पिम्मि वासहरपव्वए दोकूडा, बहुममउल्ला
 जाव० तंजहा रप्पिकूडे चैव, मणिकंठणकूडे चैव, एवं सिहविम्मि वि वासहरपव्वए
 दोकूडा, बहुममउल्ला तंजहा-सिहिकूडे चैव, तियिच्छिकूडे चैव ॥ १३१ ॥
 जंबूमंदरस्स उत्तरदाहिणेणं चुल्लहिमवंतसिहरीसु वासहरपव्वएसु दो मद्दहा, बहुमम-

उल्ला, अविमेषमणाणना अण्णमण्णं नाडवइति, आयामविकस्संभउव्वेहसंठाणपरिणा-
हेणं, तंजहा-पउमदहे चैव, पुंडरीयदहे चैव, तव्यणं दो देवयाओ महिक्कियाओ
जाव पलिओवमाट्टइयाओ परिवसंति, तं० मिरी चैव लच्छी चैव, एवं महाहिमवंत-
रूपीणु वामहरपव्वएसु दो महदहा प० बहुममउल्ला जाव महापउमदहे चैव,
महापुंडरीयदहे चैव, देवताओ दिग्गिखेव बुद्धिखेव, एवं तिसदहनालवंतेसु निगि-
च्छिदहे चैव, केसरिदहे चैव, देवताओ थिई चैव किति खेव ॥ १३० ॥
जंबुमंदरदाहिणेणं महाहिमवंताओ वामहरपव्वयाओ महापउमदहाओ दो महाणइओ
पवहंति तंजहा रोहियखेव हरिकंतखेव, एवं निग्हाओ वामहरपव्वयाओ निगिच्छि-
दहाओ दोमहानइओ पवहंति तं० हरिखेव, सीनाअखेव । जंबुमंदरस्म उत्तरेण नीलवं-
ताओ वामहरपव्वयाओ केसरिदहाओ दो महाणइओ पवहंति तं० सीना चैव, नारि-
कंता चैव, एवं रुपिवासहरपव्वयाओ महापुंडरीयदहाओ दोमहाणइओ पवहंति,
तंजहा णारकंता चैव रापकूला चैव । जंबुमंदरदाहिणेणं भाग्देवामे दोपवायदहा प०
तं० बहुममउल्ला जाव गंगापवायदहे चैव सिंधुपवायदहे चैव । एवं हेमवणवामे दोप-
वायदहा प० बहुममउल्ला तं० रोहियापवायदहे चैव, रोहियमपवायदहे चैव, जंबु-
मंदरदाहिणे णं हरिवासे वामे दोपवायदहा प० बहुममउल्ला तं० हरिपवायदहे चैव हरि-
कंतापवायदहे चैव, जंबुमंदर उत्तरदाहिणेणं महाविदेहे वामे दोपवायदहा प० तं०
बहुममउल्ला जाव० सीयापवायदहे चैव, सीयापवायदहे चैव, जंबुमंदरउत्तरेणं
रम्मावामे दोपवायदहा प० बहुममउल्ला जाव नरवत्तपवायदहे चैव णारिकंतप-
वायदहे चैव, एवं हेरअवणवामे दोपवायदहा प० बहुममउल्ला जाव० मुक्ककूलप-
वायदहे चैव, रापकूलपवायदहे चैव, जंबुमंदर उत्तरेणं एगवणवामे दोपवायदहा, प०
बहुममउल्ला जाव० रणापवायदहे चैव रणावडपवायदहे चैव, जंबुमंदरदाहिणेणं भर-
हेवामे दोमहानइओ प० बहुममउल्ला गंगा चैव, सिंधु चैव, एवं जहा पवायदहा एवं
णइओ भाणियव्वामे, जाव एगवण वामे दोमहानइओ प० बहुममउल्लाओ जाव रणा
चैव रणवई चैव ॥ १३३ ॥ जंबुहीवे हीवे भरहेरवएसु वामेसु उतीनाए उस्सपिणीए सुस-
मवुसमाए नमाए दो मगगोवमकोलाकोडीओ काले दोत्था, एवमिमासे ओसपिणीए
जाव प० एवं आगमिस्साए उस्सपिणीए जाव भविस्सड । जंबुहीवे हीवे भरहेरवएसु
वामेसु तीयाए उस्सपिणीए सुसमाए नमाए मणुया दोगाउवाइ उड्डु उच्चणेणं होत्था,
दोण्णयपलिओवमाइ परमाउं पालइत्था एवमिमासे ओसपिणीए जाव पालइत्था,
एवमागमिस्साए उस्सपिणीए जाव पालइत्संति ॥ १३४ ॥ जंबुहीवे हीवे भरहेर-
वएसु वामेसु एगसमए एगजुगे दो अरहंतवसा उप्पजिस्सु वा उप्पज्जंति वा उप्पजि-

स्संति वा । एवं चक्रवर्तिन्मा, दमारवमा, जंबूभरहोरवणु एगसमए दोअरिईता
उप्पज्जिसु वा उप्पज्जंति वा उप्पज्जस्संति वा, एवं चक्रवर्तिणो बलदेवा वामुदेवा,
जाव उपज्जस्संति वा ॥ १३५ ॥ जंबु० दोसु कुरासु मणुया सया सुमसुत्तसमुत्तम-
मिद्धि पत्ता पच्चणुभवमाणा विहरंति, तंजहा-देवकुराए चंभ, उत्तरकुराए चंभ,
जंबुद्वीचे वीचे दोसु वासेसु मणुया सया सुमसुत्तममिद्धि पत्ता पच्चणुभवमाणा विहरंति
तंजहा-हांगवामे चंभ रम्मगवासं चंभ. जंबु० दोसु वासेसु मणुया सया सुमसुत्तम-
मुत्तममिद्धि पत्ता पच्चणुभवमाणा विहरंति, तंजहा-हेभवए चंभ एरन्नवए चंभ, जंबु-
द्वीचे वीचे दोसु विल्लेसु मणुया सया दुसमसुत्तममिद्धि पत्ता पच्चणुभवमाणा विह-
रति, तंजहा-पुच्चविदेहे चंभ अवरविदेहे चंभ, जंबुद्वीचे वीचे दोसु वासेसु मणुया
छव्विहंपिकालं पच्चणुभवमाणा विहरंति, तंजहा-भग्हे चंभ, एवण चंभ ॥ १३६ ॥
जंबुद्वीचे २ दोचंदा पभासिं वा, पभासति वा, पभासिस्संति वा, दोमगिया नवइंयु वा,
नवंति वा, नविस्सति वा, दो कालयाओ, दो गंहीणीओ दो मियासगओ, दो अडाओ,
एवं भाणियव्वं ॥ कालयगोद्धिणिमियसिग् अडा य पुणव्वसू य पुम्पो य । तपोवि
अस्मलेया, मत्ता य दो फग्गुणीओ य १ इत्यो चिन्ता माई, त्रमाहा तह य दोनि
अणुराहा, जेठ्ठा सूओ पुच्चा य, आनाद्या उत्तरा चंभ २ अभिइं सवण चण्ह्हा
मयाभिगया दो य होति भइवया, रेवइ आस्सणि भरणी, पंचव्वा आणुपुच्चांग ३
एवं गाहानुसारेण णायव्वं जाव दो भरणीओ, दो अग्गी दो पयावई दोगोमा दोग्हा
दोअइई दोवहस्सइ दोमप्पी दोपीई दोसगा दोअज्जमा दोमविया दोनह्हा दोवाऊ
दोईदग्गी दोमिन्ना दोटंदा दोनरइं दोआऊ दोविम्मा दोबह्हा दोविण्हु दोवसु दोव-
रुणा दोअया दोविक्खिदी दोपुस्सा दोअस्सा दोयमा दोइंगालगा दोविथालगा
दोलोहिक्खवा दोसणिव्वरा दोआहुणिया दोपाहुणिया दोकणा दोकणगा दोकण-
कणगा दोकणगाययाणगा दोकणगमन्ताणगा दोमोमा दोसहिया दोआमायणा दोकज्जो-
ववा दोकज्जइगा दोअयकरगा दोदुंदुभगा दोमंवा दोसंभव्वा दोमंभव्वाभा
दोक्कंसा दोक्कंसवच्चा दोक्कंसवच्चाभा दोरुप्पी दोरुप्पाभासा दोनीला दोनात्तोभासा
दोभासा दोभासगसी दोतिला दोतिन्नुप्पवच्चा दोद्दगा दोद्दगपंचवच्चा दोकाका
दोक्कंधा दोईदग्गीवा दोधूमक्केऊ दोहरी दोसिगन्ना दोबुद्धा दोसुक्का दोबहस्सइ
दोराहू दोअगतथी दोमाणवगा दोक्कसा दोफासा दोधुरा दोप्पमुहा दोविथइअ दोविंसंधी
दोनिक्खला दोपइह्हा दोजड्डियाइलगा दोअलगा दोअरिगिह्हा दोकाला दोमहाकालगा
दोमोत्थिया दोमोत्थिया दोवइमाणगा दोपूसमाणगा दोअंकुमा दोपलंथा दोनिष्ठा-
लोगा दोनिष्ठाज्जोया दोसयंपभा दोओभासा दोसयंपकरा दोक्कमंकरा दोआभंकरा

दोपर्मकरा दोअपराजिना दोअरया दोअसोगा दोविगयमोगा दोविमला दोवि-
 तना दोवितत्या दोविसाला दोसाला दोमुख्यया दोअणियट्टी दोएगजडी दोदुजडी
 दोकरकरिगा दोरायगला दोपुप्फकेऊ दोभावकेऊ ॥१३७॥ जंबुहीवस्म णं दीवस्म
 वेह्या दोगाउआई उडुं उच्चतेणं प० लवणेणं समुद्दे दोजोयणसयसहस्साइं चकवा-
 लक्खंतेण प० लवणस्सणं समुद्दस्म वेह्या दोगाउआई उडुं उच्चतेणं प० ॥१३८॥
 धायईस्वहेणं दीवे पुरन्धिमद्वेणं मंदरस्म पव्वयस्स उत्तरदाहिणेणं दोवामा, बहुसम-
 उला जाव भग्हे चंव, एरवाए चंव, एवं जहा जंबुवीवे तथा एत्थ वि भाणियच्चं,
 जाव दोम वामेण मणुया छव्विहंपि कालं पच्चणुभवमाणा विहरंति, तंजहा-भरहे चंव
 एरवाए चंव, णवर कूडमाम्मी चंव, धायईस्वत्वे चंव, देवा गरुले चंव वेणुदेवे
 सुदंसणेचंव, धायईस्वंडदीवपच्चच्छिमद्वेणं मंदरस्स पव्वयस्स उत्तरदाहिणेणं दोवासा
 प० बहुसमउला जाव भग्हे चंव एरवाए चंव, जाव छव्विहंपि कालं पच्चणुभवमाणा
 विहरंति, णवर कूडमाम्मी चंव महाधायईस्वत्वे चंव, देवा गरुले चंव वेणुदेवे
 पियदंसणे चंव, धायईस्वहेणं दीवे दोभरहाइं दोग्गवयाइं दोहिमवंताइं दो
 हेरणवयाइं दोहग्गिवामाइं दोग्गमगवामाइं, दोपुव्विदेहाइं दोअवरविदेहाइं
 दोदेवकुराओ दोदेवकुम्महादुमा, दोदेवकुम्महादुमावासी देवा दोउत्तरकुराओ
 दोउत्तरकुम्महादुमा दोउत्तरकुम्महादुमावासी देवा दोचुल्लहिमवंता दोमहाहिमवंता
 दोानमहा दोनीलवंता दोरुणी दोसिहरी दोमहावाइं दोमहावायवासी माइं देवा,
 दोवियडावाइं दोवियडावाइंवासी पभासा देवा दोगंधावाइं दोगंधावाइंवासी
 अरुणादेवा दोमालवंतपरियागा दोमालवंतपरियागावासी पउमादेवा दोमालवंता
 दोच्चिककूडा दोपउमकूडा दोनल्लिनकूडा दोग्गमेला दोतिकूडा दोवेसमणकूडा
 दोअंजणा दोमानंजणा दोगोमणसा दोविज्जुपभा दोअंकावईं दोपम्हावईं दोआसी-
 विसा दोमुहावहा दोचंदपव्वया दोमूरपव्वया दोणागपव्वया दोदेवपव्वया दोगंध-
 मायणा दोउमुगारपव्वया दोचुल्लहिमवंतकूडा दोवेसमणकूडा दोमहाहिमवंतकूडा दोवे-
 रुलियकूडा दोनिमहकूडा दोरुयगकूडा दोनीलवंतकूडा दोउवदंसणकूडा दोरुप्पिकूडा
 दोमणिकंचणकूडा दोसिहिकूडा दोतिगिच्छिकूडा दोपउमहहा, दोपउमहहासिणीओ
 सिरीदेवीओ दोमहापउमहहा दोमहापउमहहासिणीओ हिरीओ एवं जाव दोपुंड-
 रीयहहा दोपुंडरीयहहासिणीओ लच्छीओ देवीओ दोगंधपवायहहा जाव दोरत्त-
 वईपवायहहा दोगेहियाओ जाव दोरुप्पकूलाओ दोगाहावईंओ दोदहवईंओ दोपंकद-
 ईओ दोत्तजलाओ दोमत्तजलाओ दोउम्मत्तजलाओ दोसीरोयाओ दोसीहसोयाओ
 दोअंनोवाहिणीओ दोउम्मिमालिणीओ दोफेणमालिणीओ दोगभीरमालिणीओ दोक्क-

च्छा दोसुकच्छा दोमहाकच्छा दोकच्छगावई दोआवला दोमंगलावला दोपुक्खला दोपुक्खलावई दोवच्छा दोसुवच्छा दोमहावच्छा दोवच्छगावई दोरम्मा दोग्ग्मगा दोरमणिजा दोमंगलावई दोपम्हा दोमुपम्हा दोमहापम्हा दोपम्हागावई दोसंखा दोण-
 लिणा दोकुमुया दोसलिलावई दोनलिणावई दोवप्पा दोसुवप्पा दोमहावप्पा दोवप्पागा-
 वई दोवग्ग् दोसुवग्ग् दोगंधिला दोगंधिलावई दोखेमाओ दोखेमपुरीओ दोरिद्धाओ
 दोरिद्धपुरीओ दोवग्गीओ दोमंजुमाओ दोओमहीओ दोपुण्णरीगिणीओ दोसुसीमाओ
 दोकुंडलाओ दोअपरादाओ दोप्पभंकराओ दोअंकावईओ दोपम्हावईओ दोनुभाओ
 दोरयणसच्चयाओ दोआमपुराओ दोसीहपुराओ दोमहापुराओ दोविजयपुराओ दोअव-
 राजियाओ दोअवराओ दोअणोयाओ दोविगयसोयाओ दोविजयाओ दोवेजयतीओ
 दोजयतीओ दोअपराजियाओ दोचक्रपुराओ दोखरगपुराओ दोअवज्जाओ दोअ-
 ओज्जाओ दोभद्दमालवणा दोगंदगवणा दोसोमणसवणा दोपंडगवणा दोपंडुक्ख-
 लमिलाओ दोअतिरंडुक्खलमिलाओ दोरत्तक्खलमिलाओ दोअडरत्तक्खलमियाओ
 दोमंदरा दोमंदरचूलियाओ, धायइग्ग्दम्मणं दीवस्स वेइया दोगाउयाई उच्चं
 उच्चणं पज्जाता, कालोदस्सणं समुहस्स वेइया दोगाउयाई उच्चं उच्चणं पज्जाता
 पुक्खवरदीवद्वपुग्गिच्छमंद्रेणं मंदरस्स पव्वयस्स उत्तरदाहिणेणं दोवासा प० बहु-
 समउला जाव भग्गे चैव एरवए चैव जाव दोकुंराओ पण्णताओ देवकुरा चैव उत्तर-
 कुरा चैव । नत्थणं दोमहउमहालया महहुसा प० तं० कूडसामली चैव, पउमक्खस्से
 चैव, देवा गरुले चैव वेणुदेवे पउमे चैव, जाव छाब्बहंपि कालं पञ्चण्णभवमाणा
 विहरंति, पुक्खवरदीवद्वपञ्चमंद्रेणं मंदरपव्वयस्स उत्तरदाहिणेणं दोवासा प० तं०
 तहेव पाणत्तं कूडसामली चैव, महापउमक्खस्से चैव, देवा गरुले चैव, वेणुदेवे
 पुंडरीए चैव, पुक्खवरदीवद्वपञ्चमंद्रेणं दीवे दोभग्ग्हाई दोएरवयाई जाव दोमंदरा दोमंद-
 रचूलाओ, पुक्खवरस्स णं दीवस्स वेइया दोगाउयाई उच्चं उच्चणं प० मव्वेभिं पि
 णं दीवसमुहागं वेइयाओ दोगाउयाई उच्चं उच्चणं पण्णताओ ॥ १३९ ॥ दो
 असुरकुमारिंदा प० तं० चमरे चैव बली चैव, दोनागकुमारिंदा प० तं० धरणे चैव
 भूयाणंदे चैव, दोसुवण्णकुमारिंदा प० तं० वेणुदेवे चैव वेणुदाली चैव, दोविज्जु-
 कुमारिंदा प० तं० हरी चैव हरिस्सहे चैव, दोअग्गिकुमारिंदा प० तं० अग्गिगिहे चैव
 अग्गिमाणवे चैव, दोदीवकुमारिंदा प० तं० पुण्णे चैव, विग्गिहे चैव, दोउत्थिकुमारिंदा
 प० तं० अलकंते चैव अलप्येभे चैव, दोदिसाकुमारिंदा प० तं० अमियगई चैव,
 अमियवाइणे चैव, दोवाउकुमारिंदा प० तं० वेळंवे चैव परमंजणे चैव, दोथणिय-
 कुमारिंदा प० तं० धोसे चैव महाधोसे चैव, दोपिसागईदा प० तं० काळे चैव महा-

काले चैव, दोभ्यर्इदा प० तं० सुरुवे चैव पञ्चिरुवे चैव, दोजक्विन्दा प० तं० पुष्ण-
भरे चैव माणिभरे चैव, दोरक्वमिदा प० तं० भीमे चैव महाभीमे चैव, दोक्कि-
ञ्चरिंदा प० तं० किन्नरे चैव किपुरिसे चैव, दोक्किपुरिमिदा प० तं० सप्पुरिसे चैव
महापुरिसे चैव, दोमहोरगिदा प० तं० अडकाये चैव महाकाये चैव, दोगंधव्विदा
प० तं० गीयरई चैव गीयज्जसे चैव, दोअणपण्णिदा प० तं० मंनिहिए चैव, सामण्णे
चैव, दोपणपण्णिदा प० तं० धाए चैव विहाए चैव, दोडसिवाइंदा प० तं० इति चैव
इमिवालाए चैव, दोभ्यवाइंदा प० तं० ईसरे चैव महिस्सरे चैव, दोकंदिदा प०
तं० सुवन्हे चैव विन्नाले चैव, दोमहाकंदिदा प० तं० हासे चैव हासरई चैव,
दोक्कभंदिदा प० तं० सए चैव महासेए चैव, दोपयगिदा प० तं० पयए चैव पयगवई
चैव, जोइमियाणं देवाणं दोइंदा प० तं० चंड चैव सुरे चैव, मोहम्मीसाणेणु णं
कापेसु दोइंदा प० तं० गक्के चैव ईमाणे चैव, एवं मणंकुमारमहिंदिंसे कपेसु दोइंदा
प० तं० मणंहुमारे चैव माहिंदिं चैव, वंमलोयलंतंगेसु णं दोइंदा प० तं० बंभे चैव
लंताए चैव, महामुक्कमहस्मारेसु णं कपेसु दोइंदा पञ्जत्ता तंजहा-महामुक्के चैव
सहस्मारे चैव, आणयपाणयारणञ्जुएसु णं कपेसु दोइंदा प० तं० पाणए चैव, अञ्जुए
चैव ॥ १४० ॥ महामुक्कमहस्मारेसु णं कपेसु निमाणा दुवण्णा प० तं० हालिहा
चैव सुक्किहा चैव, गेक्किज्जागां देवाणं दोरयणीओ उट्ठु उच्चतेणं पञ्जत्ता ॥ १४१ ॥
वीयट्ठाणस्स तइओइेसो समत्तो ॥

ममयाइ वा आवलियाइ वा, जीवाइ वा अजीवाइ वा पवुच्चइ, आणापाण्ड वा,
धोवाइ वा जीवाइ वा अजीवाइ वा पवुच्चइ, न्यणाइ वा न्वाइ वा जीवाइ वा
अजीवाइ वा पवुच्चइ, एवं मुहुत्ताइ वा, अहोरत्ताइ वा, पक्खाइ वा, मासाइ वा,
उत्तइ वा, अयणाइ वा, संवच्छराइ वा, जुगाइ वा, वाससयाइ वा, वाससहस्साइ
वा, वामसयसहस्साइ वा, वाग्कोडीइ वा, पुव्वंगाइ वा, पुव्वाइ वा, तुळियंगाइ
वा तुळियाइ वा अडडंगाइ वा, अडडाइ वा, अववंगाइ वा, अववाइ वा हूहअंगाइ
वा, हूहयाइ वा, उप्पलंगाइ वा, उप्पलाइ वा, पउमंगाइ वा, पउमाइ वा, णल्लिणं-
गाइ वा, णल्लिगाइ वा, अच्चुत्थिउरंगाइ वा, अच्चुत्थिउराइ वा, अउअंगाइ वा
अउआइ वा, णउअंगाइ वा, अउआइ वा पउअंगाइ वा, पउयाइ वा, चूलिअंगाइ
वा चूलियाइ वा, सीसप्पहेलिअंगाइ वा, सीसप्पहेलिवाइ वा, पलिओवमाइ वा,
सागरोवमाइ वा उस्सप्पिणीइ वा, ओसप्पिणीइ वा, जीवाइ वा अजीवाइ वा
पवुच्चइ ॥ १४२ ॥ गामाइ वा, णमराइ वा, निग्गमाइ वा, रायहाणीइ वा, खेवाइ
वा, कब्बडाइ वा, मडवाइ वा, दोणमुहाइ वा, पट्टमाइ वा, आगराइ वा, आस-

माइ वा, संवाहाइ वा, संनिवेसाइ वा, घोसाइ वा, आरामाइ वा, उजाणाइ वा, वणाइ वा, वणखंडाइ वा, वावीइ वा, पुक्खरणीइ वा, सराइ वा, सरपंतीइ वा, अगडाइ वा, तटागाइ वा, दहाइ वा, ण्ठीइ वा, पुठवीइ वा, उदहीइ वा, बात-
खंडाइ वा, उवासंतराइ वा, बलयाइ वा, विग्गहाइ वा, हीवाइ वा, समुदाइ वा, वेलाइ वा, वेइयाइ वा, दाराइ वा, तोरणाइ वा, णेरइयाइ वा, णेरइयावामाइ वा, जाव वेमाणियावासाइ वा, कप्पाइ वा, कप्पनिमाणवामाइ वा, वामाइ वा, वा-
सहरपव्वयाइ वा, कूडाइ वा, कूडागाराइ वा, विजयाइ वा, रायहाणीइ वा जीवाइ वा अजीवाइ वा पवुच्चइ ॥ १४३ ॥ छायाइ वा, आत्वाइ वा, जोमिणाइ वा, अधगाराइ वा, ओमाणाइ वा, पमाणाइ वा, उम्माणाइ वा, अतिताणगिहाइ वा, उजाणागिहाइ वा, अवलिम्बाइ वा, गणिपवायाइ वा जीवाइ वा अजीवाइ वा पवुच्चइ ॥ १४४ ॥ दोगसी प० तं० जीवरासी चव, अजीवरासी चव, दुविह्हे वधे प० तं० पेज्जबंधे चव, दोमंत्रे चव, जीवाणं दोहिं टाणेहिं पातकम्मं अधान्ति तं० राणेण चव, दोमेण चव जीवाणं दोहिं टाणेहिं पातकम्म उदीरेन्ति तं० अब्भो-
वगमियाणं चव वेयणाणं उवक्कमियाणं चव वेयणाणं एवं वेदेति एवं णिज्जेरेति अब्भो-
वगमियाणं चव वेयणाणं उवक्कमियाणं चव वेयणाणं दोहिं टाणेहिं आया सरीरे फुमिन्नाणं णिज्जानि तं० दोमेणति आया सरीरे फुमिन्नाणं णिज्जानि सव्वेणधि आया सरीरे फुमिन्नाणं णिज्जानि, एवं फुमिन्नाणं एवं फुडिन्नाणं एवं मवाइन्नाणं निव्वट्टि-
न्नाणं, दोहिं टाणेहिं आया केवल्लिपल्ले थम्मं उभेज्जा मवणयाणं तंज्जहा-स्वणं चव उवममेण चव, एवं जाव मणपज्जवणाणं उप्पाहेज्जा तं० स्वणं चव उवममेण चव ॥ १४५ ॥ दुविह्हे अट्ठोवमिणं प० तं० पत्तिओवमे चव सागगेवमे चव । मे किं तं पत्तिओवमे ! पत्तिओवमे अं जोयणविच्छेदं पल्लं एमाहियप्पत्तणं होज्ज णिर-
तगणिविधं भणियं वात्थरगकोठीयं १ वायमणं वायमणं एवमेके, अवहट्ठमि जो कालो; सो कालो वोद्धवो, उवमा एगस्स पव्वस्स २ एतेमि पट्ठाणं कोडाकोठी ह्वेज्ज दसगुणिया; तं सागगेवमस्स उ एगस्स भवे परीमाणं ३-॥ १४६ ॥ दुविह्हे कोहे प० तं० आयपट्ठिणं चव, परपट्ठिणं चव, एवं णेरइयाणं जाव वेमाणियाणं, एवं जाव मिच्छाईमणगळे ॥ १४७ ॥ दुविह्हा संभारममावक्कणा जीवा प० तं० तमा चव, थावरा चव, दुविह्हा मव्वजीवा प० तं० सिद्धा चव असिद्धा चव । दुविह्हा मव्वजीवा प० तं० मदीदिया चव, अण्णिदिया चव, एवं एमा गाहा फासे-
यव्वा जाव ससरीरी चव असरीरी चव; सिद्धमदीदियकाए, जोगे वेए कसाबळेसा य, णाणुवओगाहारे भारागचरिमे य ससरीरी (१) ॥ १४८ ॥ दोमरणाइ समणेण

भगवत्या महावीरेण समगणं शिखंशार्णं णो शिखं वणिण्याई किन्नियाई णो शिखं
 वुडयाई णो शिखं पसत्थाई णो शिखं अब्भणुजायाई भवति तं० वलयमरणे च्चैव,
 वराट्टमरणे च्चैव, एवं णियाणमरणे च्चैव, तब्भवमरणे च्चैव, गिरिपडणे च्चैव, तरुपडणे
 च्चैव, जल्पपवेसे च्चैव, जल्पणपवेसे च्चैव, विसभक्खणे च्चैव, सत्थोवाडणे च्चैव,
 दोमरणाई जाव णो शिखं अब्भणुजायाई भवति, कारणेणं पुण अप्पडिक्कुट्टाई तंजहा-
 वेहाणसे च्चैव गिद्धपिट्ठे च्चैव ॥ १४९ ॥ दोमरणाई समणेणं भगवत्या महावीरेणं
 समगणं शिखंशार्णं शिखं वाणयाई जाव अब्भणुजायाई भवति तं० पाओवगमणे
 च्चैव भनपच्चक्खाणे च्चैव, पाओवगमणे दुविहे प० तं० णीहारिमे च्चैव अणीहारिमे
 च्चैव णियमं अप्पडिक्कमे, भनपच्चक्खाणे दुविहे प० तं० णीहारिमे च्चैव, अणीहा-
 रिमे च्चैव, णियमं अप्पडिक्कमे ॥ १५० ॥ के अयं लोए ? जीवञ्चैव अजीवञ्चैव, के
 अर्णानालोए ? जीवञ्चैव अर्णञ्चैव, के मासया लोए ? जीवञ्चैव अजीवञ्चैव ॥ १५१ ॥
 दुविहा बोही, गाणबोही च्चैव, टंगणबोही च्चैव । दुविहा बुद्धाग्गाणबुद्धा च्चैव टंमण-
 बुद्धा च्चैव, एवं मोट्टे मूढा ॥ १५२ ॥ गाणावरणिजे कम्मं दुविहे पक्खे तं० टंम-
 णाणावरणिजे च्चैव, सत्त्वणाणावरणिजे च्चैव, टंमणावरणिजे कम्मं एवं च्चैव वेद-
 णिजे कम्मं दुविहे प० तं० मायाचेरणिजे च्चैव अनायाचेरणिजे च्चैव मोहणिजे
 कम्मं दुविहे प० तं० टंमणमोहणिजे च्चैव चरित्तमोहणिजे च्चैव, आउकम्मं दुविहे
 प० तं० अद्धाउए च्चैव, भवाउए च्चैव, णामकम्मं दुविहे प० तं० नभणामे च्चैव
 अनभणामे च्चैव, गोणकम्मं दुविहे प० तं० उच्चानोए च्चैव णीयागोए च्चैव, अन-
 राउएकम्मं दुविहे प० तं० पट्टुप्पणनिष्ठाए च्चैव पिहित्त्यागामिपदं ॥ १५३ ॥
 दुविहा मुन्छा प० तं० पेज्जवत्तिया च्चैव, दोमवत्तिया च्चैव, पेज्जवत्तियामुन्छा
 दुविहा प० तं० माए च्चैव मोहे च्चैव, दोमवत्तियामुन्छा दुविहा प० तं० कोहे
 च्चैव माणे च्चैव ॥ १५४ ॥ दुविहा आराहणा प० तं० धम्मियाराहणा च्चैव केवल्लि-
 आराहणा च्चैव, धम्मियाराहणा दुविहा प० तं० सुवधम्माराहणा च्चैव चरित्त-
 धम्माराहणा च्चैव, केवल्लिआराहणा दुविहा प० तं० अंतकिरिया च्चैव कप्पवि-
 माणावत्तिया च्चैव ॥ १५५ ॥ दोतित्थयरा नीलप्पलसमावज्जेणं प० तं० मुणिसुव्वए
 च्चैव, आरिठ्ठणमी च्चैव, दोतित्थयरा पियंमुभमावज्जेणं प० तं० मल्ली च्चैव पासि च्चैव,
 दोतित्थयरा पउमगोरा वण्णेणं, प० तं० पउमप्पहे च्चैव, वासुप्पजे च्चैव, दोतित्थयरा
 चंदगोरा वण्णेणं प० तं० चंदप्पभे च्चैव पुप्फरंतं च्चैव ॥ १५६ ॥ सच्चप्पवाव-
 पुव्वस्सणं दुवे वत्थू पक्खा, पुव्वभइवयानक्खत्ते दुतारे प० उत्तरभइवयानक्खत्ते
 दुतारे प०-एवं पुव्वफग्गुणी, उत्तरफग्गुणी ॥ १५७ ॥ अंतोणं मणुस्सखेतस्स दो

समुद्रा, प० तं० लवणे चैव कालोदे चैव, दोचकषट्ठी अपरिचतकामभोगा काल-
 मासे कालं किञ्चा अहे सत्तमाए पुटवीए अप्पइठ्ठाणनए नेरइयत्ताए उववत्ता नं०
 सुभूमे चैव बंभदत्ते चैव ॥ १५८ ॥ अनुरिदवज्जियाणं भवणवासीणं देवाणं देमू-
 णाई दोपत्तिओवमाईं ठिईं प० सोहम्मं कप्पे देवाणं उक्कोसेणं दोसागरोवमाईं ठिईं
 प० इमाणे कप्पे देवाणं उक्कोसेणं माइरेगाईं दोसागरोवमाईं ठिईं प० मणकुमारै
 कप्पे देवाणं जहन्नंण दोसागरोवमाईं ठिईं प० माहिंदे कप्पे देवाणं जहन्नंणं
 साइरेगाड दोसागरोवमाईं ठिईं पञ्जत्ता ॥ १५९ ॥ दोमु कप्पेसु देवा तेउत्तेम्मा प० तं०
 सोहम्मं चैव इमाणे चैव, दोमु कप्पेसु देवा तेउत्तेम्मा प० तं०
 सोहम्मं चैव इमाणे चैव, दोमु कप्पेसु देवा कायपरियारगा प० तं० गोहम्मं चैव
 इमाणे चैव, दोमु कप्पेसु देवा कायपरियारगा प० तं० मणकुमारै चैव, माहिंदे
 चैव, दोमु कप्पेसु देवा क्वपरियारगा प० तं० बंभलोए चैव, लंतए चैव, दोमु
 कप्पेसु देवा सहपरियारगा प० तं० महासुद्धं चैव, महस्सारे चैव, दोईदा मग-
 परियारगा, प० तं० पागण चैव, अञ्जुए चैव ॥ १६० ॥ जीवाणं दोठ्ठाणनिव्वत्तिए
 पोग्गळे पावक्कम्मणाए चिणंसु वा चिणंति वा चिणिस्संति वा तंजहा-तसकायनिव्व-
 त्तिए चैव, यावरकायनिव्वत्तिए चैव, एवं उवचिणंसु वा, उवचिणंति वा, उवचिणि-
 स्संति वा, बंधंसु वा, बंधंति वा, बंधेस्संति वा, उदीरंसु वा, उदीरंति वा,
 उदीरिस्संति वा, वेदिंसु वा, वेदिंति वा, वेदिस्संति वा, णिज्जरिंसु वा, णिज्जरेति
 वा, णिज्जरिस्संति वा ॥ १६१ ॥ दुप्पणिया खंधा अणंता प० दुप्पणोमाटा
 पोग्गळा अणंता प० एवं जाव दुग्गलुक्कता पोग्गळा अणता पण्णत्ता ॥ १६२ ॥
 वीयट्ठाणस्स चउत्थोईसो समत्तो, वीयं ठाणं समत्तं ॥

तइयट्ठाणं

तओ उंदा प० तं० णामिंदे-द्विंदे-आविंदे ॥ तओ इंदा प० तं० णामिंदे-
 दंसिंदे-चरिंदिंदे, तओ इंदा प० तं० देविंदे-असुग्गिंदे-मणुस्सिंदे ॥ १६३ ॥
 तिविहा विउव्वणा प० तं० बाहिरए पोग्गळे परिआइत्ता एगा विउव्वणा, बाहिरए
 पोग्गळे अपरियाइत्ता एगाविउव्वणा, बाहिरए पोग्गळे परिआइत्ता वि अपरियाइत्ता वि
 एगा विउव्वणा तिविहा विउव्वणा, प० तं० अब्भंतरए पोग्गळे परिआइत्ता एगा
 विउव्वणा अब्भंतरए पोग्गळे अपरियाइत्ता एगाविउव्वणा अब्भंतरए पोग्गळे
 परिआइत्तावि अपरियाइत्तावि एगा विउव्वणा, तिविहा विउव्वणा प० तं० बाहिर-
 अब्भंतरए पोग्गळे परिआइत्ता एगा विउव्वणा बाहिरअब्भंतरए पोग्गळे अपरियाइत्ता

एषा विउव्वणा बाहिरिअंतरए षोणले परियाइत्तावि अपरियाइत्तावि एषा विउव्वणा
 ॥ १६४ ॥ तिविहा नेरइया प० तं० कतिसंखिया, अकतिसंखिया अवणव्वगसंखिया
 एवभेगिदियवज्जा जाव वेमाणिया ॥ १६५ ॥ तिविहा परियाग्णा प० तं० एगे
 देवे अन्नं देवे अन्नमि देवाणं देवीओ य अभिजुजिय २ परियारेइ, अप्पणिज्जिआओ
 देवीओ अभिजुजिय २ परियारेइ अप्पाणमेव अप्पणा विउव्विय २ परियारेइ एगे
 देवे णो अन्नं देवे णो अन्नमि देवाणं देवीओ अभिजुजिय २ परियारेइ अप्पणिज्जि-
 आओ देवीओ अभिजुजिय २ परियारेइ अप्पाणमेव अप्पणा विउव्विय २ परिया-
 रेइ । एगे देवे णो अन्नं देवे णो अन्नमि देवाणं देवीओ अभिजुजिय २ परियारेइ,
 णो अप्पणिज्जियाओ देवीओ अभिजुजिय २ परियारेइ अप्पाणमेव अप्पाणं विउ-
 व्विय २ परियारेइ ॥ १६६ ॥ तिविहे मेहुणे प० तं० दिव्वे माणुस्सए तिरिक्ख-
 जोणिए, तओ मेहुणं गच्छंति तं० देवा मणुस्सा तिरिक्खजोणिया, तओ मेहुण सेवंति
 तं० इन्धी पुरिसा णपुससा ॥ १६७ ॥ तिविहे जोगे प० तं० मणजोगे वयजोगे
 कायजोगे, एवं णेरइयाणं विगळिदियवज्जाणं जाव वेमाणियाणं, तिविहे पओगे प० तं०
 मणपओगे, वयपओगे, कायपओगे; जहा जोगो विगळिदियवज्जाणं जाव वेमाणि-
 याणं तहा पओगेवि । तिविहे करणे प० तं० मणकरणे, वयकरणे, कायकरणे, एवं
 णेरइयाणं विगळिदियवज्जाणं जाव वेमाणियाणं । तिविहे करणे पओगे तं० आरंभ-
 करणे, संरंभकरणे समांभकरणे, णिरंतरे जाव वेमाणियाणं ॥ १६८ ॥ तिहिं
 ठाणेहिं जीवा अप्पाउअत्ताए कम्मं पगरंति तं० पाणे अइवाइत्ता भवइ, मुसं वइत्ता
 भवइ, तहारुवं समणं वा, णिरगंधं वा, अफासुणं अणेमणिज्जेणं असणपाणयाइम-
 साइमेणं पडिलामेत्ता भवइ, इच्चेएहिं तिहिं ठाणेहिं जीवा अप्पाउअत्ताए कम्मं पग-
 रंति । तिहिं ठाणेहिं जीवा वीहाउअत्ताए कम्मं पगरंति तं० जहा-णो पाणे अइवाइत्ता
 भवइ, णो मुसं वइत्ता भवइ, तहारुवं समणं णिरगंधं वा फासुएणज्जेणं
 असणपाणयाइमसाइमेणं पडिलामेत्ता भवइ । इच्चेएहिं तिहिं ठाणेहिं जीवा वीहाउ-
 अत्ताए कम्मं पगरंति ॥ १६९ ॥ तिहिं ठाणेहिं जीवा असुमवीहाउअत्ताए कम्मं
 पगरंति तं० पाणे अइवाइत्ता भवइ, मुसं वइत्ता भवइ, तहारुवं समणं णिरगंधं वा
 हीलेत्ता निदेत्ता खिसेत्ता गरिहित्ता अबमाणित्ता अन्नयरेणं अमणुज्जेणं अपीइकारएणं
 असणपाणयाइमसाइमेणं वा पडिलामेत्ता भवइ, इच्चेएहिं तिहिं ठाणेहिं जीवा असु-
 मवीहाउअत्ताए कम्मं पगरंति, तिहिं ठाणेहिं जीवा सुभवीहाउअत्ताए कम्मं पगरंति,
 तं० जहा-णो पाणे अइवाइत्ता भवइ, णो मुसं वइत्ता भवइ, तहारुवं समणं वा णिरगंधं
 वा वंदित्ता नमंसित्ता सक्कारेत्ता सम्मानेत्ता कज्जाणं मंगलं देवयं चेइयं पज्जुवासेत्ता

मणुक्तेषां पीडकारणं असणपाणखाइमसाइमेणं पढिलाभेता भवइ, इच्छेएहिं तिहिं ठाणेहिं जीवा सुहवीहाउअताए कम्मं पगरंति ॥१७०॥ तओ गुणीओ पण्णाओ तं० मणगुत्ती, वयगुत्ती, कायगुत्ती, संजयमणुस्माणं तओ गुत्तीओ प० तं० मण, वय, काय०। तओ अगुत्तीओ प० तं० मणअगुत्ती, वयअगुत्ती, कायअगुत्ती, एवं णेरइयाणं जाव० थणियकुमारणं पंचिदियनिरिक्खजोणियाण असजयमणुस्माणं वाणमंतराणं जोइ-सियाणं वेमाणियाणं। तओ दंडा प० तं० मणदंडे, वयदंडे, कायदंडे, णेरइयाणं तओ दंडा प० मणदंडे, जाव कायदंडे विगळिदियवजं जाव वेमाणियाणं ॥१७१॥ तिविहा गरिहा प० तं० मणसावेगे गरहइ, वयसावेगे गरहइ, कायसावेगे गरहइ, पावाणं कम्मार्णं अकरणयाए। अहवा गरहा तिविहा प० तं० वीहवेगे अळं गरहइ, रहस्मं वेगे अदं गरहइ, कायवेगे पढिसाहरइ पावाणं कम्मार्णं अकरणयाए तिविहे पच्चकन्वाणे प० तं० मणसावेगे पच्चकन्वाड, वयसावेगे पच्चकन्वाड, कायसावेगे पच्चकन्वाड, एवं जहा गरहा नहा पच्चकन्वाणेवि दो आत्तावगा भाणियव्वा ॥ १७२ ॥ तओ रुक्खा, प० तं० पत्तोवण, फलोवण, पुष्पोवण, एवाभेव तओ पुरिमजाया प० तं० पत्तो वा रुक्खत्तममाणे, पुष्पो वा रुक्खत्तमाणे फलो वा रुक्खत्तमाणे ॥ तओ पुरिमजाया प० तं० णामपुरिमं, दब्बपुरिमं, भावपुरिमं, तओ पुरिमजाया प० तं० णाणपुरिमं, वंमणपुरिमं, चरिणपुरिमं, तओ पुरिमजाया प० तं० वेत्तपुरिमं, चिंधपुरिमं, अभित्तावपुरिमं ॥ १७३ ॥ तिविहा पुरिसा प० तं० उत्तमपुरिगा, मज्झिमपुरिगा जहजपुरिमा, उत्तमपुरिमा तिविहा प० तं० धम्मपुरिमा, भोग-पुरिमा, कम्मपुरिमा, घम्मपुरिगा आरंहुंता, भोगपुरिमा चक्खडी, कम्मपुरिमा वामुदेवा, मज्झिमपुरिमा तिविहा-उग्गा भोगा राउग्गा, जहजपुरिमा तिविहा, प० तं० दासा, भयगा, भाउळगा ॥ १७४ ॥ तिविहा मन्हा प० तं० अंदया, पोयया, संमुच्छिमा, अडया मन्हा तिविहा प० तं० इत्थी, पुरिमा, णपुंसगा; पोयया मन्हा तिविहा प० तं० इत्थी, पुरिमा, णपुंसगा ॥ १७५ ॥ तिविहा पक्खी प० तं० अडया, पोयया, संमुच्छिमा, अंदया पक्खी तिविहा प० तं० इत्थी पुरिमा, णपुंसगा, पोयया पक्खी तिविहा प० तं० इत्थी, पुरिमा, णपुंसगा, एवमे-एणं अभित्तावेणं उरपरिमप्पावि भाणियव्वा, भुजपरिमप्पा वि णेयव्वा, एवं चेव ॥ १७६ ॥ तिविहाओ इत्थीओ पण्णाओ तं० तिरिक्खजोणित्थीओ, मणुस्सित्थीओ, देवित्थीओ, तिरिक्खजोणित्थीओ तिविहाओ प० तं० जलचरीओ, दम्मचरीओ, खहचरीओ, मणुस्सित्थीओ तिविहाओ पण्णाओ, तं० कम्मभूमियाओ, अकम्म-भूमियाओ, अंतरवीवियाओ ॥ १७७ ॥ तिविहा पुरिसा तिरिक्खजोणियपुरिसा,

मणुस्सपुरिसा, देवपुरिसा, तिरिक्खजोणियपुरिसा तिविहा ५० तं० जलयरा,
 थलयरा, खहयरा, मणुस्सपुरिसा तिविहा ५० तं० कम्मभूमिया, अकम्मभूमिया अंत-
 रबीवया ॥ १०८ ॥ तिविहा णपुंसगा, णेरइयणपुंसगा, तिरिक्खजोणियणपुंसगा मणु-
 स्सणपुंसगा, तिरिक्खजोणियणपुंसगा तिविहा-जलयरा थलयरा खहयरा ॥ १०९ ॥
 मणुस्सणपुंसगा तिविहा ५० तं० कम्मभूमिया अकम्मभूमिया अंतरबीवगा, तिविहा
 तिरिक्खजोणिया, इत्थी पुरिसा णपुंसगा ॥ ११० ॥ णेरइयाणं तओ लेस्साओ ५०
 तं० कण्हलेस्सा नीललेस्सा काउलेस्सा, अमुरकुमाराणं तओ लेस्साओ संकिन्दिट्ठाओ
 ५० तं० कण्हलेस्सा नीललेस्सा काउलेस्सा एवं जाव थणियकुमाराणं । एवं पुट्टवि-
 काइयाणं आउवणस्सइकाइयाणं वि नेउवाउवेईदियतेईदियचउर्गिदियाणं वि तओ
 लेस्सा जहा णेरइयाणं, पंचिदियतिरिक्खजोणियाणं तओ लेस्साओ संकिन्दिट्ठाओ ५०
 तं० कण्हनीलकाउलेस्सा, पंचिदियतिरिक्खजोणियाणं तओ लेस्साओ असंकिन्दिट्ठाओ
 ५० तं० नेउपम्हयुक्कलेस्सा एवं मणुष्साणवि वाणमेतगणं जहा अनुरकुमाराणं,
 वेमाणियाणं तओ लेस्साओ ५० तं० नेउपम्हसुक्कलेस्सा ॥ १११ ॥ तिहि ठाणेहि
 तारास्से चलेजा तं० विकुब्बमाणे वा परिवारेमाणे वा, टाणाओ वा टाणं संकम-
 माणे तारास्से चलेजा । तिहि ठाणेहि देवे विज्जुधारं करेजा तं० विउव्वमाणे वा
 परिवारेमाणे वा तारास्सेस्स ममणस्स वा णिमंगथस्स वा इत्थि जूई जम बले वींग्घे
 पुग्गेमक्कारपक्कम उव्वमेमाणे देवे विज्जुधारं करेजा, तिहि ठाणेहि देवे थणियमई
 करेजा तं० विउव्वमाणे एवं जहा विज्जुधारं तदेव थणियमईपि ॥ ११२ ॥ तिहि
 ठाणेहि लोंगंधयारे सिया तं० जहा-अरिहंतेहि बोन्दिज्जमाणेहि अरिहंतपण्णेने धम्मे
 बोन्दिज्जमाणे पुव्वगए बोन्दिज्जमाणे । तिहि ठाणेहि लोगुज्जोए सिया तं० अरिहं-
 तेहि जायमाणेहि अरिहंतेम पुव्वयमाणेसु, अरिहंतामं णाणुप्पायमहिमासु । तिहि
 ठाणेहि देवंधयारे सिया तं० अरिहंतेहि बोन्दिज्जमाणेहि अरिहंतपण्णेने धम्मे
 बोन्दिज्जमाणे पुव्वगए बोन्दिज्जमाणे । तिहि ठाणेहि देवुज्जोए सिया तं० अरिहंतेहि
 जायमाणेहि, अरिहंतेहि पुव्वयमाणेहि, अरिहंताणं णाणुप्पायमहिमासु । तिहि ठाणेहि
 देवमज्जिवाए सिया तं० अरिहंतेहि जायमाणेहि अरिहंतेहि पुव्वयमाणेहि अरिहंताणं
 णाणुप्पायमहिमासु । एवं देयुक्किया, देवकहकहाए, तिहि ठाणेहि देविदा माणुसं
 लोगं हव्वमागच्छंति तं० अरिहंतेहि जायमाणेहि अरिहंतेहि पुव्वयमाणेहि अरिहं-
 ताणं णाणुप्पायमहिमासु, एवं सामाणिया, तायणीसगा लोगपाला देवा अग्गमहि-
 सीओ देवीओ परिसोववणगा देवा, अणियाहिवई देवा, आयरक्खा देवा माणुसं
 लोगं हव्वमागच्छंति, तिहि ठाणेहि देवा अब्भुट्टेजा तं० अरिहंतेहि जायमाणेहि

जाव तं चेव । एवमासणाई चलेजा, सीहणायं करेजा, चेलुक्खेवं करेजा । तिहिं ठाणेहिं देवाणं खस्सा चलेजा तं० अरिहंतेहिं जायमाणेहिं, जाव तं चेव । तिहिं ठाणेहिं लोगंतिया देवा माणुसं लोगं हव्वमागच्छेजा तं० अरिहंतेहिं जायमाणेहिं, अरिहंतेहिं पव्वयमाणेहिं, अरिहंताणं णाणुपायमहिमासु ॥ १८३ ॥ तिण्हं दुप्पडियारं ममणाउमो तंजहा-अम्मापिउणो भट्टिस्स धम्मयारियस्स, संपाओवि य णं केइ पुरिसे अम्मापियारं मयणागमहस्सपागेहिं तिण्हिं अम्भगेत्ता, मुराभणा गंधदुण्हं उव्वट्ठिता, तिहिं उदगेहिं मज्जावेत्ता, मव्वालंकारविभूसियं करेत्ता, मणुजं धात्रीपागमुद्धं अट्टारसवंजणाउलं भोशणं भोआवेत्ता जानज्जीव पिण्डुवडिस्सियाणं परिवहेत्ता, तेणावि तस्स अम्मापिउस्स दुप्पडियारं भवड । अहेणं मे तं अम्मापियारं केवल्लिपज्जेने धम्मं आघवडत्ता पन्नवडत्ता पस्सवडत्ता ठावडत्ता भवड तेणामेव तस्स अम्मापिउस्स मण्णडियारं भवड । ममणाउमो केइ महत्थं दरिहं समुक्खेत्ता तण्णं से दरिहं समुक्खिंठे समाणे पच्छा पुरं च णं विउल्लभोगगामिइमण्णयाणं वा ति विहरेत्ता, तण्णं मे महत्थं अज्जया कयाई दारिदी क्खणं समाणे तस्स दरिहम्मा ओतिण्णं हव्वमागच्छेत्ता तण्णं से दरिहं तस्स भट्टिस्स मव्वस्समवि दलयमाणं तेणावि तस्स दुप्पडियारं भवड, अहेणं मे तं भट्टिं केवल्लिपज्जेने धम्मं आघवडत्ता पण्णवडत्ता पस्सवडत्ता ठावडत्ता भवड तेणामेव तस्स भट्टिस्स दुप्पडियारं भवड । केइ तहामव्वस्स ममणस्स वा णिगंधस्स वा अतिअमेगमवि आरियं जिणभालियं धम्मं सुवक्खं सोत्था निसम्म कालमामे कालं किच्चा अज्जयरेत्तु देवलोत्तु देवलाणं उव्वभे, तण्णं मे केइ तं धम्मयारियं दुच्चिभक्कयाओ वा देसाओ सुभक्कयं देसं साहरेत्ता, कंताराओ वा णिकंतारं करेत्ता, वीइकाटिण्णं वा गेआतंकेणं आभभूयं समाणे विमोडत्ता, तेणावि तस्स धम्मयारियस्स दुप्पडियारं भवड, अहेणं मे तं धम्मयारियं केवल्लिपज्जेनाओ धम्मोओ भट्टं समाणं भुज्जावि केवल्लिपज्जेने धम्मं आघवडत्ता जाव ठावडत्ता भवड तेणामेव तस्स धम्मयारियस्स मण्णडियारं भवड ॥ १८४ ॥ तिहिं ठाणेहिं संपणं अणगारे अणाइयं अणवदग्गं वीइमहं चाउरंतसंसारकंतारं वीइवाएत्ता, तंजहा-अणियाणयाणं, दिट्ठिसंपज्जयात्ता, जोगवाहियाणं ॥ १८५ ॥ तिविहा ओसांपणी ५० तं० उक्कोमा मज्झिमा जहत्ता, एवं छापिसमाओ भाणियव्वाओ जाव दुसमदूसमा, तिविहा उरुमाप्पणी ५० तं० उक्कोमा मज्झिमा जहत्ता एवं छापिसमाओ भाणियव्वाओ, जाव सुसमसुग्गमा ॥ १८६ ॥ तिहिं ठाणेहिं अरिच्छे पोगगळे चळेजा तं० आहारिज्जमाणं वा पोगगळे चळेजा, विउव्वमाणं वा पोगगळे चळेजा, ठाणाओ ठाणं संकामेज्जमाणं वा पोगगळे चळेजा ॥ १८७ ॥ तिविहा उव्वही ५० तं० कम्मोव्वही

सरीरोवही बाहिरभंडमत्तोवही, एवं असुरकुमाराणं भाणियब्बं, एवं एगिदियनेरइय-
 ब्बजं जाव वेमाणियाणं । अहवा तिविहा उवही प० तं० सच्चिना अच्चिना मीणिया ।
 एवं नेरइयाणं निरंतरं जाव वेमाणियाणं, तिविहे परिग्गहे प० तं० कम्मपरिग्गहे
 सरौरपरिग्गहे बाहिरभंडमत्तपरिग्गहे, एवं असुरकुमाराणं, एवं एगिदियनेरइयवजं
 जाव वेमाणियाणं, अहवा तिविहे परिग्गहे प० तं० सच्चित्तं अच्चित्तं मीसणं एवं
 नेरइयाणं निरंतरं जाव वेमाणियाणं ॥ १८८ ॥ तिविहे पणिहाणे प० तं० मणप-
 णिहाणे वयपणिहाणे कायपणिहाणे एवं पंचिदियाणं जाव वेमाणियाणं । तिविहे सुप्प-
 णिहाणे प० तं० मणसुप्पणिहाणे वयसुप्पणिहाणे कायसुप्पणिहाणे, संजयमणुस्साणं
 तिविहे सुप्पणिहाणे प० तं० मणसुप्पणिहाणे वयसुप्पणिहाणे कायसुप्पणिहाणे, तिविहे
 दुप्पणिहाणे प० तं० मणदुप्पणिहाणे वयदुप्पणिहाणे कायदुप्पणिहाणे, एवं पंचिदि-
 याणं जाव वेमाणियाणं ॥ १८९ ॥ तिविहा जोणी पण्णत्ता नेज्जहा-सीआ उमिणा
 सीआसिणा । एवमेगिदियाणं विगालिदियाणं तेउकाइयवजाणं संसुच्छिमपंचिदियति-
 रिस्सजोणियाणं संसुच्छिममणुस्साणं य, तिविहा जोणी प० तं० सच्चिना अच्चिना
 मीसिया एवमेगिदियाणं विगालिदियाणं संसुच्छिमपंचिदियतिरिक्खजोणियाणं संसु-
 च्छिममणुस्साणं य । तिविहा जोणी प० तं० सच्चुटा, धियडा मवुडवियडा । तिविहा
 जोणी प० तं० कुम्मुजया सखावत्ता वंसीवत्तिया, कुम्मुजयाणं जोणी उल्लमपुरिग्ग-
 माऊणं, कुम्मुजयाएणं जोणीए तिविहा उल्लमपुरिग्गमा गळं वक्कमेति तं० अरिहंता
 चक्कवडी बलदेववासुदेवा, सखावत्ता जोणी इत्थीरयणस्स सखावत्ताणं जोणीए
 बहवे जीवा य पोगत्ता य वक्कमेति विउक्कमेति चयेति उववज्जेति नो चं चं णिप्पज्जेति ।
 वंसीवत्तियाणं जोणी पिहज्जणस्स वंसीवत्तियाएणं जोणीए बहवे पिहज्जणं गळं वक्क-
 मेति ॥ १९० ॥ तिविहा तणवणस्सइकाइया प० तं० सखेज्जजीविया असंखेज्जजी-
 विया अणंतजीविया ॥ १९१ ॥ जंबुहीवे दीवे भारहेवासे तओ तित्था प० तं०
 मागहे वरदामे पभासे एवं एरवएवि । जंबुहीवे दीवे महाविदेहवासे एगमेगे चक्क-
 ण्णिविजए तओ तित्था प० तं० मागहे वरदामे पभासे । एवं धायइस्सडे दीवे
 पुरच्छिमदेवि पक्खत्थिमदेवि पुक्खरववीवडुपुरच्छिमदेवि पक्खत्थिमदेवि ॥ १९२ ॥
 जंबुहीवे दीवे भरहेरवणु वासेसु तीआए उस्सपिणीए सुसमाए समाए निजिसागरो-
 मकोडाकोबीओ कालो होत्था । एवं ओसपिणीए णवरं प० आगमेस्साए उस्स-
 पिणीए भविस्सइ । एवं धायइस्सडे पुरच्छिमदेवि पक्खत्थिमदेवि । एवं पुक्खरव-
 वीवडुपुरत्थिमदे पक्खत्थिमदेवि कालो भाणियब्बो ॥ १९३ ॥ जंबुहीवे दीवे भरहेर-
 वणु वासेसु तीआए उस्सपिणीए सुसमसुत्तमाए समाए मणुया तिविहा गाउआई

उद्धु उच्चतेणं तिष्णिपलिओवमाई परमाउं पालइत्था एवं इमीसे ओसपिणीए आग-
 मेस्साए उस्सपिणीए । जंबुदीवे दीवे देवकुहउत्तरकुरामु मणुया तिष्णि गाउआई उद्धु
 उच्चतेणं प० तिष्णिपलिओवमाई परमाउं पालयंति । एवं जाव पुक्खरवरदीवद्धुपच्चन्धि-
 मदे ॥ १९४ ॥ जंबुदीवे दीवे भरहेरवणु वासेमु एगमेगाए ओमपिणिउस्सपिणीए
 तओ वंमा उप्पज्जिमु वा उप्पज्जंति वा उप्पज्जिस्सति वा तं० अरिहंतवंसे चक्खवट्ठि-
 वंसे दमारवंसे । एवं जाव पुक्खरवरदीवद्धुपच्चन्धि मदे । जंबुदीवे दीवे भरहेरवणु
 वासेमु एगमेगाए ओमपिणीउस्सपिणीए तओ उत्तमपुरिमा उप्पज्जिमु वा उप्पज्जंति
 वा उप्पज्जिस्सति वा तं० अरिहंता वा चक्खवट्ठी वा बलदेववामुदेवा । एवं जाव
 पुक्खरवरदीवद्धुपच्चन्धि मदे । तओ अहाउयं पालेति तं० अरिहंता चक्खवट्ठी बलदेव-
 वायुदेवा, तओ मज्झिममाउयं पालयंति तं० अरिहंता चक्खवट्ठी बलदेववामुदेवा
 ॥ १९५ ॥ बायरते उक्काटयाणं उक्कोमेणं तिष्णि राट्टियाउं ठिइ प० बायरवा उक्काट-
 याणं उक्कोसेण तिष्णिवागमहम्मसां ठिइ पञ्चमा ॥ १९६ ॥ अह भंते मालीणे वीर्याणे
 गोभूमाणं जवाणं जवजवाण एणसिणं धन्वाण कोट्टाउत्ताणं पट्टाउत्ताणं मंचाउत्ताणं
 मालाउत्ताणं ओल्लिन्ताणं लिन्ताणं लंछियाणं मुट्टियाणं पिट्टियाणं केवडयं कालं जोणी
 संविट्ठइ ? गोयमा ! जह्जेणं अतोमुहुत्तं उक्कोमेणं तिष्णिमबन्धुगइ तेण परं त्रोणी
 पम्मिलायइ पत्तिद्धमड विद्धमड तेण परं वीए अवीए भवइ तेण परं त्रोणी बोच्छेदे
 प० ॥ १९७ ॥ दोच्चाणं मकरप्पभाए पुटवीए नेरइयाणं उक्कोमेणं तिष्णिमागरो-
 वमाइं ठिइ प० तच्चाएणं वाळयापभाए पुटवीए जह्जेणं नेरइयाणं तिष्णिमागरोव-
 माइं ठिइ प० । पंचमाए णं भूमापभाए पुटवीए तिष्णिनिश्यावासमयमहम्मसा प०
 तिसु णं पुटवीमु नेरइया उंसिणं वेयणं पञ्चणुभवमाणा विहरंति तं० पट्टमाए दोच्चाए
 तच्चाए ॥ १९८ ॥ तओ लोणे सत्ता मपक्खिंय मपडिदिमिं प० तं० अप्पट्टाणे णए
 जंबुदीवे दीवे सव्वट्टसिद्धे महाविमाणं । तओ लोणे सत्ता मपक्खिंय मपडिदिमिं प०
 तं० सीमंतणं णए समयकत्थेने इंसिपब्भारापुटवी ॥ १९९ ॥ तओ समुहा पगईए
 उदगरसेणं प० तं० कालोदे पुक्खरोदे मयंभुरमणे, तओ समुहा बहुमच्छकच्छभा-
 इण्णा प० तं० लवणे कालोदे मयंभुरमणे ॥ २०० ॥ तओ लोणे निस्सीला णिव्वया
 णिग्गुणा णिम्मंग णिपच्चक्खवाणपोसहोववामा कालमासे काले किञ्चा अहं सत्तमाए
 पुटवीए अप्पट्टाणे णए नेरइयाणं उववज्जंति तं० रायाणो मंडलिया जे य महा-
 रंभा कोट्टुवी । तओ लोए सुसीला सुव्वया मग्गुणा सम्मेग सपच्चक्खवाणपोसहोव-
 वासा कालमासे काले किञ्चा सव्वट्टसिद्धे महाविमाणे देवताए उववत्तारो भवंति
 तं० रायाणो परिचत्तकामभोगा सेणावई पसत्तारो ॥ २०१ ॥ संबलोगलंतएसु णं

कप्येसु विमाणा तिविजा पञ्चता तं० किष्ठा नीला लोहिया । आणयपाणयारणञ्चुएसु
 र्ण कापेसु देवाण भवधारणजसरीरगा उक्कोसेण तिजि रयणीओ उक्कु उच्चतेणं प०
 ॥ २०२ ॥ तओ पञ्चतीओ काळेणं अहिजन्ति तं० चंदपञ्चती सूरपञ्चती वीवमागर-
 पञ्चती ॥ २०३ ॥ तइयड्डाणस्स पढमोहेसो समत्तो ॥

तिविहे लोणे पञ्चत तं० णामलोणे ठवणलोणे दव्वलोणे, तिविहं लोणे प० तं०
 णाणलोणे दंमणलोणे चरित्तलोणे, तिविहं लोणे प० तं० उक्कुलोणे अहोलोणे तिरिय-
 लोणे ॥ २०४ ॥ चमरस्सयं अमुरिंदस्स अमुरकुमाररण्णो तओ परिमाओ पण्णत्ताओ
 तं० समिया चंडा जाया अभिनारिया मम्मिया मज्जमिया चंडा बाहिरिया जाया,
 चमरस्स णं अमुरिंदस्स अमुरकुमाररण्णो मामाणियाणं देवाणं तओ परिमाओ
 पण्णत्ताओ तं० समिया जडेव चमरस्स । एवं नायत्तीमगाणांवि लोगपालाणं तुंबा
 नुडिया पव्वा एवं अगमहिंसीणं वि । बल्लिस्स वि एवं चेव जाव अगमहिंसीणं ।
 धरणस्स य मामाणियनायत्तीमगाणं च समिया चंडा जाया, लोगपालाणं अग-
 महिंसीणं डेया नुडिया दडरहा, जहा धरणस्स तहा संसाणं भवणवासीणं, काल-
 म्भयणं पियाहंइस्स पियायग्गो तओ परिमाओ पञ्चत्ताओ, तं० डेया नुडिया दडरहा,
 एवं मामाणियअगमहिंसीणं वि एवं जाव गीयग्गं गीयजमाणं चंदस्स णं जंइमिंदस्स
 जोइमरण्णो तओ परिमाओ, तुंबा नुडिया पव्वा, एवं सामाणियअगमहिंसीणं,
 एव धरस्स वि, मक्कस्स णं देविंदस्स देवरण्णो तओ परिमाओ पञ्चत्ताओ तं० समिया
 चंडा जाया, एवं जहा चमरस्स जाव अगमहिंसीणं, एवं जाव अञ्चुयस्स लोगपालाणं
 ॥ २०५ ॥ तओ जामा प० तं० पडमे जामे मज्जमे जामे पच्छिमं जामे, तिहिं
 जामेहिं आया केवल्लिपज्जत्तं धम्मं लभेज्ज गच्चगयाए तं० पडमे जामे मज्जमे
 जामे पच्छिमं जामे, एवं जाव केवल्लानाणं उप्पाडेज्जा पडमे जामे मज्जमे जामे
 पच्छिमं जामे । तओ वया प० तं० पडमे वए मज्जमे वए पच्छिमं वए, तिहिं
 वएहिं आया केवल्लिपज्जत्तं धम्मं लभेज्ज सवणयाए तं० पडमे वए मज्जमे वए
 पच्छिमं वए, एसो चेव गमो गेयव्वो, जाव केवल्लानाणंति ॥ २०६ ॥ तिविहा बोही
 प० तं० णाणबोही दंमणबोही चरित्तबोही, तिविहा बुद्धा प० तं० णाणबुद्धा
 दंसणबुद्धा चरित्तबुद्धा, एवं मोहे मूढा ॥ २०७ ॥ तिविहा पव्वज्जा प० तं० इह-
 लोगपडिबद्धा, परलोगपडिबद्धा, दुहओ पडिबद्धा, तिविहा पव्वज्जा प० तं० पुरओ-
 पडिबद्धा, मग्गओपडिबद्धा, उअओपडिबद्धा, तिविहा पव्वज्जा प० तं० तुयावइत्ता
 पुयावइत्ता बुयावइत्ता, तिविहा पव्वज्जा पण्णत्ता तं० उकायपव्वज्जा अक्खाय-
 पव्वज्जा संगारपव्वज्जा ॥ २०८ ॥ तओ धियंठा णोसण्णोवउत्ता प० तं० पुत्ताए

णियंठे सिगाए, तओ णियंठा मण्णणोमण्णोवउत्ता प० तं० बउसे पडिसेवणाकुसीले
 क्कसायकुसीले ॥ २०९ ॥ तओ सेहभूसीओ प० तं० उक्कोसा मज्झिमा जहण्णा
 उक्कोसा छम्मासा मज्झिमा चउमासा, जहणा सत्तराईदिया ॥ २१० ॥ तओ
 थेरभूसीओ पज्जताओ तं० जाइथेरे सुयथेरे परियायथेरे । सट्ठिवामजाए समणे
 णिगंथे जाइथेरे, ठाणममवायधरे णं समणे णिगंथे सुयथेरे, वीमवामपरियाए णं
 समणे णिगंथे परियायथेरे ॥ २११ ॥ तओ पुरिसजाया प० सुमणे दुम्मणे णो-
 दुम्मणेणोदुम्मणे, तओ पुरिसजाया प० गंताणामेगे सुमणे भवइ गंताणामेगे
 दुम्मणे भवइ गंताणामेगे णोसुमणेणोदुम्मणे भवइ, तओ पुरिसजाया प० तं०
 जामि एगे सुमणे भवइ, जामि एगे दुम्मणे भवइ, जामि एगे णोसुमणेणोदुम्मणे
 भवइ, एवं जाइम्मामि एगे सुमणे भवइ (३) तओ पुरिसजाया पण्यत्ता तं०
 अगंताणामेगे सुमणे भवइ (३) तओ पुरिसजाया प० तं० ण जामि एगे सुमणे
 भवइ (३) तओ पुरिसजाया प० तं० ण जाइम्मामि एगे सुमणे भवइ (३) एवं
 आगताणामेगे सुमणे भवइ (२) एमि एगे सुमणे भवइ, एम्मामि एगे सुमणे भवइ (२)
 एवं एण्णं आभलावेण गंता य अगंता य आगंता खलु तद्दा अगायंता । विट्ठम-
 चिट्ठिता, णिमिट्ठिता चेव नो चेव १ हंता य अहंता य अइंदता खलु तद्दा अइंदता,
 वूइता अबूइता, भासिता चेव णो चेव २ दब्बा य अदब्बा य, भुजिता खलु
 तद्दा अभुजिता, लंभिता अलंभिता, पिइता चेव नो चेव ३ सुइता असुइता,
 जुइइत्ता खलु तद्दा असुइइत्ता; जइता अजइता य, पराजिणिता चेव नो
 चेव ४ सहा ख्वा गंधा, रसा य फासा तद्देव ठाणा य; निस्सीलस्स गरहिया,
 पमत्था पुग सीलवंतस्स ५ एवमेकेके तिच्चित्तिच्चित्त आत्तावगा भाणियत्त्वा । मई
 सुणेत्ताणामेगे सुमणे भवइ (३) एवं सुणेमिणि (३) सुणेस्सामिणि ३ एवं असुणे-
 ताणामेगे सुमणे भवइ (३) न सुणेमि नि ३ न सुणेस्सामिणि ३ एवं ह्वाइ गंधाई
 रसाई फासाई इक्केके छल्ल आत्तावगा भाणियत्त्वा, एवं १२७ आत्तावगा भवति
 ॥ २१२ ॥ तओ ठाणा निस्सीलस्स णिव्वयस्स णिग्गुगस्स किम्मोरस्स णिण्य-
 च्चक्खागपोसहोववामस्स गरहिया भवति तं० अहिंय लोणे गरहिए भवइ उववाए
 गरहिए भवइ आयाई गरहिया भवइ । तओ ठाणा सुसीलस्स सुक्कयस्स सुग्गुगस्स
 समेस्स मपच्चक्खागपोसहोववामस्स पमत्था भवति तं० अहिंय लोणे पसत्थे
 भवइ उववाए पमत्थे भवइ आयाई पमत्था भवइ ॥ २१३ ॥ तिविहा संसारसमा-
 वज्जा जीवा प० तं० इत्थी पुरिया णपुंसगा । तिविहा सम्बजीवा प० तं० सम्मदिट्ठी
 मिच्छदिट्ठी सम्ममिच्छदिट्ठी य । अहवा तिविहा सम्बजीवा प० तं० पज्जत्ता

अपञ्जतगा नोपञ्जतगानोअपञ्जतगा । एवं सम्महिट्टिपरिणापञ्जतगमुद्रुमसधि-
भविष्य य ॥ २१४ ॥ तिविहा लोपट्टिइं प० तं० आगासपइट्टिए बाए बायपइट्टिए
उदही उदहीपइट्टिया पुट्टवी । तओ दिसाओ प० तं० उट्टा अहा निरिया, तिहिं
दिसाहिं जीवाणं गइं पवणइं तं० उट्टाए अहाए तिरियाए, एवं आगइं वक्तीं आहारे
कुट्टी णिवुट्टी गइपरियाए समुत्थाए कालमंजोगे दंपगाभिगमे णागाभिगमे जीवाभि-
गमे । तिहिं दिसाहिं जीवाणं अजीवाभिगमे प० तं० उट्टाए अहाए तिरियाए, एवं
पंचिदियतिरिक्खजोणियणं । एवं मणुस्साणवि ॥ २१५ ॥ तिविहा तसा प० तं०
तेउकाइया, वाउकाइया उराला तसा पाणा, निविहा वावरा प० तं० पुट्टविकाइया
आउकाइया वणस्सइकाइया ॥ २१६ ॥ तओ अन्हेज्जा प० तं० समए पएसे
परमाणू ; एवमभेज्जा अडज्जा आंगज्जा अणञ्जा अमज्जा अपएसा । तओ अवि-
भाट्ठा प० तं० समए पएसे परमाणू ॥ २१७ ॥ अज्जाति समणे भगवं महावीरे
गोयमाइं समणे णिमंथे आमंतिना एवं वयासी ; किं भया पाणा समणाउमो ?
गोयमाइं समणा णिमंथा समणं भगवं महावीरं उवसकमेति, उवसं कम्मिना वंदंति
नमेसंति वंदिता नमेसिता एवं वयासी णो क्खल वयं देवाणुप्पिया ! एयमट्ठं जाणामो
वा पाणामो वा नं जइयं देवाणुप्पिया ! एयमट्ठं नो विलायंति परिक्कहतए तस्मि-
न्नामो णं देवाणुप्पियायं अतिए एयमट्ठं जाणितए, अज्जाति समणे भगवं महावीरे
गोयमाइं समणे णिमंथे आमंतिना एवं वयासी, दुक्खं भया पाणा समणाउमो,
मे णं भंते दुक्खे केग कडे ? जीवणं कडे पमाणं, से णं भंते दुक्खे कइं वेइज्जति ?
आपमाणं ॥ २१८ ॥ अणउत्थिया णं भंते एवमाइक्खन्ति, एवं भासेन्ति एवं
परवोचन्ति कइणो समणाणं निमंथःणं किरिया कजइ तत्थ जासा कइा कजइ णो
न पुच्छंति, तत्थ जासा कइा नो कजइ णो तं पुच्छंति, तत्थ जासा अकइा नो
कजइ णो नं पुच्छंति, तत्थ जासा अकइा कजइ तं पुच्छंति, से एवं वणध्वं सिया
अक्खं दुक्खं अफुसं दुक्खं अकज्जमाणकडं दुक्खं अकट्टं अकट्टु पाणा भूया जीवा
सत्ता वेयणं वेयंति ति वणध्वं जे तं एवमाइंसु ते भिच्छा, अइं पुण एवमाइक्खामि,
एवं भासामि, एवं पक्खेमि, एवं परक्खेमि, किञ्च दुक्खं फुसं दुक्खं कज्जमाणं कडं
दुक्खं कट्टु २ पाणा भूया जीवा सत्ता वेयणं वेयंति ति वणध्वं सिया ॥ २१९ ॥
तइयहाणस्स बीओहेसो समत्तो ॥

तिहिं ठाणहिं मावीं मावं कट्टु णो आलोएज्जा णो पडिक्कमेज्जा, णो णिदिज्जा णो गर-
हज्जा णो विउट्टेज्जा णो विओहेज्जा णो अकरणयाए अन्मुट्टेज्जा णो अहारिहं पामच्छिणं
तवोक्खं पडिक्कज्जा तं० अकरिणु वाहं करेमि वाहं करिस्सामि वाह ॥ २२० ॥

तिहिं ठाणेहिं मायी मायं कट्टु णो आलोएज्जा णो पडिक्कमेज्जा जाव णो पडिवज्जेज्जा तं० अकित्ती वा मे सिया अब्बे वा मे सिया अविणए वा मे सिया, तिहिं ठाणेहिं मायी मायं कट्टु णो आलोएज्जा जाव णो पडिवज्जेज्जा तं० किन्नी वा मे परिहाइस्सइ जमो वा मे परिहाइस्सइ पूयामक्कारे वा मे परिहाइस्सइ, तिहिं ठाणेहिं मायी मायं कट्टु आलोएज्जा पडिक्कमेज्जा निदेज्जा जाव पडिवज्जेज्जा तज्जहा मायिस्स णं अस्सि लोणे गरहिण भवइ उववाए गरहिण भवइ आयाइ गरहिया भवइ । तिहिं ठाणेहिं मायी मायं कट्टु आलोएज्जा जाव पडिवज्जेज्जा तं० अमायिस्स णं अस्सि लोणे पमत्थे भवइ, उववाए पमत्थे भवइ आयाइ पमत्था भवइ, तिहिं ठाणेहिं मायी मायं कट्टु आलोएज्जा जाव पडिवज्जेज्जा तं० णाणट्टपाए रंसणट्टयाए चरिणट्टयाए ॥२०१॥ तओ पुरिस्सजाया प० तं० सुत्तधरे अत्थधरे तदुत्तधरे ॥२०२॥ कापइ निग्गंथाण वा निग्गंथीण वा तओ वत्थाए धारिणए वा परिहरिणए वा तं० जंगिण भाणए खोमिण । कापइ निग्गंथारण वा निग्गंथीण वा तओ पायाइ धारिणए वा परिहरिणए वा तं० लाउथपाए वा दावपाए वा मट्ठियापाए वा, तिहिं ठाणेहिं वत्थे धरेज्जा तं० हिरिवत्तिं दुग्गंजावात्तयं परीमदवात्तयं ॥२०३॥ तओ आयरक्खा प० तं० धम्मियाए पडिचोयगाए पडिचोएणा भवइ तृनिणीए वा सिया उट्टणा वा आयाए एणंअमन्तम-चक्कमेज्जा ॥ २०४ ॥ निग्गंयस्स ण गिलायमाणस्स कर्पन्ति तओ वियउट्ठनीओ पडिगाहिणए तं० उक्कोपा माउत्तमा जहन्ना ॥ २०५ ॥ तिहिं ठाणेहिं मग्गणे निग्गंथे साहम्मियं संभोउयं विसंभोउयं करेमाणे णाउक्कमइ तं० मयं वा दट्ठं सक्कम्म वा निमम्म तर्कं मोस आउट्ट चउत्थं नो आउट्ट ॥ २०६ ॥ निविहा अणुत्ता प० तं० आयरियत्ताए उवज्जायत्ताए गणित्ताए, निविहा ममणुत्ता प० तं० आयरियत्ताए उवज्जायत्ताए गणित्ताए, एवं उवमंपया एवं विजहण्णा ॥ २०७ ॥ निविहे वयणं प० तं० तव्वयणे तदन्नवयणे णो अवयणे, निविहे अवयणे प० तं० णो तव्वयणे णो तट्ठवयणे अवयणे, निविहे मणे प० तं० तम्मणे तयज्जमणे णो अमणे; निविहे अमणे णो तंजणे णो तयज्जमणे अमणे ॥ २०८ ॥ तिहिं ठाणेहिं अप्पबुट्ठिकाए सिया तं० तस्सि च णं देसंसि वा पणंसंसि वा णो बह्वे उदगजोणिया जीवा य पोग्गला य उदगत्ताए वक्कमंति विउक्कमंति चयंति उववज्जेति पडिलोमवाक्क समु-ट्ठियं उदगपोग्गले परिणयं वासिउक्कामं अणं देसं साइइ, अब्भवह्लमं च णं समुट्ठियं परिणयं वासिउक्कामं वाउक्काए विट्ठेणंइ इत्थेएहिं तिहिं ठाणेहिं अप्पबु-ट्ठिकाये सिया । तिहिं ठाणेहिं महाबुट्ठिकाए सिया तं० तस्सि च णं देसंसि वा पणंसंसि वा बह्वे उदगजोणिया जीवा य पोग्गला य उदगत्ताए वक्कमंति विउक्क-

मति, चर्याति उववजंति अणुलोमबाऊ समुष्टियं उदगपोग्गलं परिणयं वासिउकामं तं देसं साहरति अबभवहल्यं च णं समुष्टियं परिणयं वासिउकामं णो वाउकाओ विहुणेलि, इक्षेएहि तिहिं ठाणेहिं महावुठिकाए सिया ॥ २२९ ॥ तिहिं ठाणेहिं अहुणोववजे देवे देवलोगेसु इच्छेज्जा माणुसं लोगं हव्वमागच्छित्तए, णो चैव णं सचाएइ हव्वमागच्छित्तए तं० अहुणोववजे देवे देवलोगेसु दिव्वेसु कामभोगेसु मुच्छिए गिद्धे गट्टिए अज्जोववजे से णं माणुस्सए कामभोगे णो आडाइ णो परिआणाइ णो अठ्ठं बंधइ णो णियणं पगरेइ, णो ठिडापकप्पं पकरेइ, अहुणोववजे देवे देवलोगेसु दिव्वेसु कामभोगेसु मुच्छिए गिद्धे गट्टिए अज्जोववजे तस्स णं माणुस्सए पेम्मं सोच्छिजे दिव्वे संकंते भवट, अहुणोववजे देवे देवलोएसु दिव्वेसु कामभोगेसु मुच्छिए जाव अज्जोववजे तस्स णमेव भवइ इयत्थिं न गच्छं मुहुत्तं गच्छं तेणं कालेणमप्पाउया मणुस्सा कालधम्मणा सजुत्ता भवंति इक्षेएहिं तिहिं ठाणेहिं अहुणोववजे देवे देवलोगेसु इच्छेज्जा माणुस्सं लोगं हव्वमागच्छित्तए णो चैव णं सचाएइ हव्वमागच्छित्तए । तिहिं ठाणेहिं अहुणोववजे देवे देवलोएसु इच्छेज्जा माणुस्सलोगं हव्वमागच्छित्तए संचाएइ हव्वमागच्छित्तए तं० अहुणोववजे देवे देव-लोगेसु दिव्वेसु कामभोगेसु अमुच्छिए अगिद्धे अगट्टिए अणज्जाववज्जे तस्स णं एवं भवइ अत्थिं णं मम माणुस्सए भवं आयरिएइ वा, उवज्जाएइ वा पवत्तेइ वा येरेइ वा, गणीइ वा गणहरेइ वा गणावच्छेएइ वा जेमिं पभावेणं मए इमा एया क्वा दिव्वा देविक्का दिव्वा देवजुइ दिव्वं देवाणुभावं लद्धं पत्तं आभयमण्णागए तं गच्छामि णं ते भगवते वंदामि णमंसामि सक्कारेमि सम्माणेमि क्ल्माणं मंगलं देवयं जाव पज्जवामामि अहुणोववजे देवे देवलोगेसु दिव्वेसु कामभोगेसु अमुच्छिए जाव अणज्जाववजे तस्स णं एवं भवइ, एसण माणुस्सए भवे णाणीइ वा, तवस्सीइ वा, अइदुकर-दुकरकारगे तं गच्छामि णं भगवंतं वंदामि णमंसामि जाव पज्जवामामि अहुणोव-वज्जे देवे देवलोगेसु जाव अणज्जाववजे तस्स णं एवं भवइ अत्थिं णं मम माणुस्सए भवे मायाइ वा जाव सुव्हाइ वा तं गच्छामि णं तंस्सिमंतिं पाउअभवामि, पासंतु ता मे इमं एवात्थं दिव्वं देविक्किं, दिव्वं देवजुइ दिव्वं देवाणुभावं लद्धं पत्तं आभयमण्णागयं इक्षेएहिं तिहिं ठाणेहिं अहुणोववजे देवे देवलोगेसु इच्छेज्जा माणुसं लोगं हव्वमागच्छित्तए संचाएइ हव्वमागच्छित्तए ॥ २३० ॥ तओ ठाणाइ देवे पीहेज्जा तं० माणुस्सणं भवं, आरिए खेते जम्मं, सुकुलपवायाइ ॥ २३१ ॥ तिहिं ठाणेहिं देवे परितप्येज्जा तं० अहो णं मए संते बले संते वीरिए संते पुरिसक्कार-परकमे खेमंति सुभिकखंति आभयियउवज्जाएहिं विज्जमाणेहिं कम्मरिरेणं णो बहुए

सुए अहीए अहो णं मए इहलोगपडिबडेणं परलोगपरमुहेणं विमयनिसिण्णं णो
 बीहे सामन्नपरियाए अणुपाळिए । अहो णं मए इच्चिम्मसायगरुएणं भोगमित्तदिहेणं
 णो विमुद्धे चरित्ते पासिए इच्चेएहिं ० ॥ २३२ ॥ तिहिं ठाणेहिं देवे चडस्सामीति
 जाणइ, तं० विमाणाभरणाइं णिप्पभाइं पासिणा, कापहक्खवंगं मिलायमाणं पासिणा
 अप्पणो तेयलेस्सं परिहायमाणे जाणिणा, इच्चेएहिं ०, तिहिं ठाणेहिं देवे उव्वेगमाग-
 च्छेज्जा तं०-अहो णं मा इमाओ एयाक्खाओ दिव्वाओ देविच्चीओ दिव्वाओ देव-
 जुईओ, दिव्वाओ देवाणुभाव्वाओ पत्ताओ लद्धाओ अभिसमण्णागयाओ चउयव्वं
 भविस्सइ । अहो णं मा माउओयं पिउमुद्धं तं तदुभयमंसिद्धं तापउमयाए आहारो
 आहारेयव्वो भविस्सइ । अहो णं मा कलमलजंबाळाए अमुईए उव्वेयणियाए
 भीमाए गच्चमव्वहीए वसियव्वं भविस्सइ । इच्चेएहिं तिहिं ठाणेहिं ० ॥ २३३ ॥
 तिसंठिया विमाणा प० तं० वट्टा तंसा चउरंसा । तत्थ णं जे ते वट्टविमाणा ते णं
 पुक्खरकणिया संटागसंठिया मव्वओ समंता पागारपरिक्खिणा एगदुवारा प० ।
 तत्थ णं जे ते तंमविमाणा ते सिंघाडगसंटागसंठिया दुहुओ पागारपरिक्खिणा
 एगओ वेइया परिक्खिणा तित्तुवारा प० । तत्थ णं जे ते चउरंसविमाणा ते णं
 अक्खाडगसंटागसंठिया मव्वओ समंता वेइया परिक्खिणा चउतुवारा प० ।
 तिपइट्टिया विमाणा प० तं० घणोदहिपट्टिया, घणवायपरट्टिया, उवासंतरपइट्टिया ।
 तिविहा विमाणा प० तं० अवाट्टिया वेउव्विया परिजाणिया ॥ २३४ ॥ तिविहा
 षेरइया प० तं० सम्मदिट्टी मिच्छादिट्टी सम्माभिच्छादिट्टी । एवं विगालंदिववज्जं
 जाच वेमाणियाणं । तओ दुग्गईओ पण्णत्ताओ तं० णेइयदुग्गई, तिरिक्खज्जेणिय-
 दुग्गई मणुयदुग्गई । तओ मुग्गईओ प० तं० सिद्धिभोगई देवभोगई मणुस्स-
 गोगई । तओ दुग्गया प० तं० णेइयदुग्गया तिरिक्खज्जेणियदुग्गया, मणुस्स-
 दुग्गया, तओ मुग्गया प० तं० सिद्धमुग्गया देवमुग्गया मणुस्समुग्गया ॥ २३५ ॥
 चउत्थमणियस्स णं भिक्खुस्स कप्पंति तओ पाणगाइं पडिगाहितए तं० उस्सेइमे
 संसेइमे चाउलधोवणे । छट्ठमणियस्स णं भिक्खुस्स कप्पंति तओ पाणगाइं पडि-
 गाहितए, तंअहा-तिलोदए तुम्भोदए जवोदए, अट्ठमणियस्स भिक्खुस्स कप्पंति
 तओ पाणगाइं पडिगाहितए तंअहा-आयामए सोवीरए सुदवियडे ॥ २३६ ॥
 तिविहे उवहडे प० तं० फल्लिओवहडे सुदोवहडे संमट्ठोवहडे, तिविहे भोगहिए प०
 तं० जं च ओणिण्हइ जं च साहरइ जं च आसगंति पक्खिवह ॥ २३७ ॥
 तिविहा ओभोयरिया प० तं० उवगरणोभोयरिया, मत्तपाणोभोयरिया, भाक्कोभोय-
 रिया; उवगरणोभोयरिया तिविहा प० तं० एणे वस्से, एणे पाथे चियरोवहि-

साहज्जणया ॥ २३८ ॥ तत्रो ठाणा णिमंथारणं वा णिमंथीणं वा अहियाए अमुहाए अक्खमाए अणित्सेयमाए अणाणुगामियत्ताए भवन्ति, तं० कूअणया, कक्करणया अवज्जाणया, तत्रो ठाणा णिमंथारणं वा णिमंथीणं वा हियाए सुहाए खमाए णित्सेयमाए आणुगामियत्ताए भवन्ति, तं० अक्कअणया अक्कक्करणया अणवज्जाणया ॥ २३९ ॥ तत्रो सहा प० तं० मायासद्धे णियाणसद्धे मिच्छादंसणसद्धे ॥ २४० ॥ तिहिं ठाणेहिं समणे णिमंथे संखणवित्तलनेउत्तस्से भवद तं० आयावणयाणं खंनियमाए अपाणगेणं तत्रोक्कमेणं ॥ २४१ ॥ निमासियं णं भिक्खुपडिमं पडि-
वन्नस्स अणगारस्स कर्पति तत्रो दत्तीओ भोयणस्स पडिगाहत्ताए तत्रो पाणगस्स, एगराड्यं भिक्खुपडिमं सम्ममणुपालेमाणस्स अणगारस्स इमे तत्रो ठाणा अहि-
याए अमुभाए अक्खमाए अणित्सेयमाए अणाणुगामियत्ताए भवन्ति तं० उम्मायं वा लभेज्जा, दीहकात्थिय वा रोयातकं पाउणेज्जा, केवत्तिपण्णाओ धम्माओ भंमेज्जा । एगराड्यं णं भिक्खुपडिमं सम्ममणुपालेमाणस्स अणगारस्स तत्रो ठाणा हियाए सुभाए खमाए णित्सेयमाए आणुगामियत्ताए भवन्ति तं० ओहिणाणे वा से समुप्प-
ज्जेजा मणपज्जवणणे वा से समुप्पज्जेजा, केवलणणे वा से समुप्पज्जेजा ॥ २४२ ॥ अयुहंवे वीवे तत्रो कम्मभूमीओ प० तं० भरहं, एरवाए, महाविदेहे । एवं धायइ-
संहे वीवे पुरच्छमदे जाव पुक्खर-वर-वीवञ्च-पच्चत्थिमदे ॥ २४३ ॥ तिविहं दंसणे सम्मदंसणे, मिच्छादंसणे, सम्ममिच्छादंसणे, तिविहा र्हं प० तं० मम्मरहं, मिच्छरहं, सम्ममिच्छरहं, तिविहे पओगे प० तं० सम्म-पओगे, मिच्छपओगे, सम्ममिच्छपओगे ॥ २४४ ॥ तिविहे ववसाए प० तं० धम्मिणं ववसाए अहम्मिणं ववसाए, धम्मियाधम्मिणं ववसाए, अहवा तिविहे ववसाए, प० तं० पच्चक्खे, पच्चइए, आणुगामिणं, अहवा तिविहे ववसाए प० तं० इहलोइए, परलोइए, इह-
लोइएपरलोइए, इहलोइए ववसाए तिविहे प० तं० लोइए वेइए सामइए, लोइए ववसाए तिविहे प० तं० अत्थे धम्मे कामे, वेइए ववसाए तिविहे प० तं० रिउव्वेए त्रजुव्वेए मामवेए, सामइए ववसाए तिविहे प० तं० णाणे दंसणे चरिते ॥ २४५ ॥ तिविहा अत्थओणी प० तं० सामे दंडे भेए ॥ २४६ ॥ तिविहा पोगगला प० तं० पओगपरिणया, मीसापरिणया, वीससापरिणया ॥ २४७ ॥ तिपइत्थिया णरगा प० तं० पुठवीपइत्थिया आगासपइत्थिया आयपइत्थिया, नेगमसंगहव्वहारारणं पुठवीप-
इत्थिया, उज्जसुयस्स आगासपइत्थिया तिण्हं सण्यारणं आयपइत्थिया ॥ २४८ ॥ तिविहे मिच्छणे प० तं० अकिरिया अणियए अण्णामे, अकिरिया तिविहा प० तं० पओगकिरिया, समुदाणकिरिया अजाणकिरिया, पओगकिरिया तिविहा प०

तं० मणपओगकिरिया बहूपओगकिरिया कायपओगकिरिया, समुदाणकिरिया तिविहा
 प० तं० अणंतरसमुदाणकिरिया, परंपरसमुदाणकिरिया तदुभयसमुदाणकिरिया,
 अण्णाणकिरिया तिविहा प० तं० मइअण्णाणकिरिया, सुयअण्णाणकिरिया, विभंग-
 अण्णाणकिरिया, अविणए तिविहे प० तं० डेमच्चाई, णिरालंबणया, णाणापेज्जदोसे,
 अण्णाणे तिविहे प० तं० डेमअण्णाणे, सव्वअण्णाणे, भावअण्णाणे ॥ २४९ ॥
 तिविहे धम्मं प० तं० सुयधम्मं, चरित्तधम्मं, अत्थिकायधम्मं, तिविहे उवक्कमे
 प० तं० धम्मिए उवक्कमे, अर्हम्मिए उवक्कमे, धम्मियाधम्मिए उवक्कमे, अहवा
 तिविहे उवक्कमे प० तं० आओवक्कमे, परोवक्कमे, तदुभयोवक्कमे, एवं त्रयावक्के,
 अणुगहे, अणुमिठ्ठि, उवाल्लंभं, एवमिक्कं तिल्लं = आत्तावगा जहेव उवक्कमे
 ॥ २५० ॥ तिविहा कहा प० तं० अपकहा, धम्मकहा, कामकहा, तिविहे विणिच्छए
 प० तं० अत्थविणिच्छए धम्मविणिच्छए कामविणिच्छए ॥ २५१ ॥ तहाक्ख णं भंते
 समणं वा णिरगंथं वा सेवमागस्स किं फला सेवणया ? सेवणफला, से णं भंते सेवणे
 किं फले ? णाणफले, से णं भंते णाणे किं फले ? विण्णाण फले, एवमेणं आभेत्तावेणं
 इमा गाहा अणुगतव्वा-“सेवणे णाणे य विण्णाणे, पञ्चक्खाणे य संजमे । अणुए
 तवे चेव, दोदानं अकिरिया णिव्वाणं (१) जाव से णं भंते अकिरिया किं फला ?
 णिव्वाणफला, से णं भंते णिव्वाणे किं फले ? सिद्धिगडगमणपञ्चमाणफले पण्यते
 मण्णाउयो ॥ २५२ ॥ तइओहेसो समत्तो ॥

पडिमापडिक्कस्स णं अणारस्स कर्पति तओ उवत्तया पडिडेहिणए तं०-
 अहे आगमगिहंसि वा, अहे वियडगिहंसि वा, अहे उक्खमूठगिहंसि वा, एव-
 मणुजवेत्तए, उवाइणिए, पडिमापडिक्कस्स णं अणारस्स कर्पति तओ संधारगा
 पडिडेहिणए तं० पुटवीमिला, कट्टासिला, अहासंधडमेव, एवमणुजवित्तए उवाइणि-
 तए ॥ २५३ ॥ तिविहे काले प० तं० तीए पटुप्पजे अणागए, तिविहे समए प०
 तं० तीए, पटुप्पजे, अणागए, एवं आवट्टिया, आणाणए, बोवं लवे मुहूते अहो-
 रत्ते, जाव वासमयसहस्से पुब्बं, पुब्बे, जाव ओसण्णिणी, तिविहे पोमालपरियंटे
 प० तं० तीते पटुप्पजे अणागए ॥ २५४ ॥ तिविहे वयणे प० तं०-एगबबणे,
 दुवयणे, बहुवयणे, अहवा तिविहे वयणे प० तं० इत्थिवयणे, पुंभवयणे, णंसस-
 वयणे, अहवा तिविहे वयणे प० तं० मीतवयणे, पटुप्पणवयणे, अणारसवयणे
 ॥ २५५ ॥ तिविहा पणवणा तं० णाणपणवणा, संसणपणवणा, चरित्तपणवणा,
 तिविहे सम्मे प० तं० णाणसम्मे, संसणसम्मे, चरित्तसम्मे ॥ २५६ ॥ तिविहे
 उवचाए प० तं० उग्गमोवचाए, उप्पायमोवचाए, एसणोवचाए, एवं निच्छोही

॥ २५७ ॥ त्रिविहा आराहणा प० तं० णाणाराहणा, दंसणाराहणा, चरित्ताराहणा, णाणाराहणा त्रिविहा प० तं० उक्कोसा, मज्झिमा, जहजा, एवं दंसणाराहणावि, चरित्ताराहणावि, त्रिविहे संकिलेसे प० तं० णाणसंकिलेसे, दंसणसंकिलेसे, चरित्तसंकिलेसे, एवं असंकिलेसेवि, एवं अट्ठकमे वि, वट्ठकमे वि, अडयारे वि, अणायारे वि, निण्हमट्ठकमाणं आलोएजा, पडिक्कमेजा, णिदेजा, गरहिजा जाव पडिक्कमेजा, तं० णाणाइक्कमस्स, दंसणाइक्कमस्स, चरित्तइक्कमस्स, एवं वट्ठकमाणं, अडयारारणं, अणायारारणं ॥ २५८ ॥ त्रिविहे पायच्छित्ते प० तं० आलोयगारिहे, पडिक्कमणारिहे, तदुभयारिहे ॥ २५९ ॥ जंबुदीवे वीवे मंदरस्स पव्वयस्स दाहिणेणं तओ अक्कम्मभूमीओ प० तं० हेमवण हरिवामे देवकुग, जंबुदीवे वीवे मंदरस्स पव्वयस्स उन्नरेणं तओ अक्कम्मभूमाओ प० तं० उन्नरकुरा, रम्मगवामे, एरजवण, जंबुदीवे वीवे मंदरपव्वयस्स दाहिणेणं तओ वासा प० तं० भरहे, हेमवण, हरिवामे, जंबुमंदरस्स उन्नरेणं तओ वासा प० तं० रम्मगवामे, हेरजवण, एवण, जंबुमंदरस्स दाहिणेणं तओ वामहरपव्वया प० तं० चुड्हिमवन्ते, महाहिमवन्ते, णिगहे, जंबुमंदरस्स उन्नरेणं तओ वामहरपव्वया प० तं० णीलवन्ते, सपी, सिहरी, जंबुमंदरस्स दाहिणेणं तओ महादहा प० तं० पउमहहे, महापउमहहे, त्रिगच्छहहे, तथा णं तओ देवयाओ महिण्डयाओ जाव पत्तिओन्नमाट्टईयाओ पत्तिवमति तं० सिरी, हिरी, धिई । एवं उन्नरेण वि, णवरं केमारिहहे, महापोडरीयहहे, पाट्टरीयहहे, देवयाओ किणी, बुद्धी, लन्ही, जंबुमंदरस्स दाहिणेणं चुड्हिमवन्ताओ वामहरपव्वयाओ पउमदहाओ महादहाओ तओ महाणईओ पव्हन्ति तं० गंगा निन्धु गेहियंमा । जंबुमंदरस्स उन्नरेणं सिहरीओ वामहरपव्वयाओ पोट्टरीयहहाओ महदहाओ तओ महाणवीओ पव्हन्ति तं० सुवन्नकन्त्या रणा रणवई । जंबुमंदरस्स पुरच्छिमेणं सीयाए महाणईए उन्नरेणं तओ अंतरणईओ प० तं० गाहावई, दहवई, पंक्कवई, जंबुमंदरस्स पुरात्थमेणं सीयाए महाणईए दाहिणेणं तओ अंतरणईओ प० तं० लणजला, मणजला, उम्मणजला । जंबुमंदरस्स पश्चिमेणं सीओदाए महाणईए दाहिणेणं तओ अंतरणईओ प० तं० खीरोदा, सीहसोया, अंतोषाहिणी, जंबुमंदरस्स पश्चिमेणं सीओदाए महाणईए उन्नरेणं तओ अंतरणईओ प० तं० उअम्ममात्तिणी, केअमात्तिणी, गंभीरमात्तिणी, एवं धायईस्सदे वीवे पुरच्छिमदेवि अक्कम्मभूमीओ आदवेणा जाव अंतरणईओत्ति, गिरवसेसं भाणियध्वं, जाव पुक्कसरवरवीयवृपश्चिमेदे तह्वेण गिरवसेसं भाणियध्वं ॥ २६० ॥ त्रिविहे ठाणेहि देसे पुडवीए चळेजा संजहा-अहेणमिमीसे रणणप्पमाए पुडवीए

उराला पोगगला णिवतेज्जा, तएणं ते उराला पोगगला णिवयमाणा देसं पुडवीए चलेज्जा । महोरए वा महिच्चिए जाव महेसकखे इमीसे रयणपभाए पुडवीए अहे उम्मज्जणिमज्जियं करेमाणे देसं पुडवीए चलेज्जा । णागसुवण्णाण वा संगामसि बट्टमागंसि देसं पुडवीए चलेज्जा, इच्चएहिं तिहिं ठाणेहिं केवलकप्पा पुडवी चलेज्जा तं० अहेण इमीसे रयणपभाए पुडवीए घणवाए गुप्पेज्जा, तएणं से घणवाए गुविए समाणे घणोदहिमेएज्जा, तएणं मे घणोदही एइए समाणे केवलकप्यं पुडविं चालेज्जा । देवे वा महिच्चिए जाव महेसकखे तहारुवस्स ममणस्स णिगंथस्स वा डाड्डु नुदं जसं बलं वीरियं पुरिमक्कापरइमं उवदंमेमाणे केवलकप्यं पुडविं चालेज्जा । देवानुरसं गामंसि वा वट्टमागंसि केवलकप्पा पुडवी चलेज्जा इच्चएहिं तिहिं-

॥ २६१ ॥ तिविद्धा देवा किच्चिसिया प० तं० तिपलिओवमट्टिइया, निसागरोवमट्टिइया, तेरससागरोवमट्टिइया, कहिं णं भंते तिपलिओवमट्टिइया देवा किच्चिसिया परिवसति ? उप्पि जोइनियणं हिट्ठिं मोहम्मामाणेषु कप्पेसु एत्थं तिपलिओवमट्टिइया देवा किच्चिसिया परिवसति. कहिं णं भंते निसागरोवमट्टिइया देवा किच्चिसिया परिवसति ? उप्पि मोहम्मामागाणं कप्पाणं, होट्ठिं मणकुमारमाहिंदकप्पेसु एत्थं निसागरोवमट्टिइया देवा किच्चिसिया परिवसति । कहिं णं भंते तेरससागरोवमट्टिइया देवा किच्चिसिया परिवसति ? उप्पि बंभलोयस्स कप्पस्स हिट्ठिं लंतगे कप्पे एत्थं तेरससागरोवमट्टिइया देवा किच्चिसिया परिवसति ॥ २६२ ॥ मक्कस्स णं देविंदस्स देवरणो बाहिरपरिमाए देवाणं तिञ्जिपलिओवमाडं ठिइं प०—मक्कस्स णं देविंदस्स देवरणो अविंभतरपरिमाए देवीणं तिञ्जिपलिओवमाडं ठिइं प० इसाणस्सणं देविंदस्स देवरणो बाहिरपरिमाए देवीणं तिञ्जिपलिओवमाडं ठिइं प० ॥ २६३ ॥ तिविद्धे पायच्छित्ते प० तं० आणपायच्छित्ते, उगणपायच्छित्ते, चरित्तपायच्छित्ते । तओ अप्पुग्गाइमा प० तं० हत्थकम्मं करेमाणे, मेहुणं सेवेमाणे, राइभोयणं भुंजमाणे, तओ पारंभिया प० तं० दुट्ठे पारंभिए, पमंते पारंभिए, अग्गमग्गं करेमाणे पारंभिए, तओ अणवट्टप्पा प० तं० साहम्मिययाणं नेणं करेमाणे, अग्गधम्मियाणं सेणं करेमाणे, हत्थलानं दानवमाणे, तओ णो कप्पंति पक्कावेत्तए, पंडए, वाइए, कीवे, एवं मुंडावेत्तए, सिक्खावेत्तए, उवट्टावेत्तए, सभुंजितए, संवासितए ॥ २६४ ॥ तओ अवायणिज्जा प० तं० अविणीए, विगइपडिबंदे, अविओसियपाहुडे । तओ कप्पंति वाइत्तए तं० विणीए अविगपडिबंदे विओसियपाहुडे ॥ २६५ ॥ तओ दुसण्णप्पा प० तं० दुट्ठे मूढे वग्गात्रिए, तओ सुसण्णप्पा प० तं० अदुट्ठे अमूढे अकुग्गात्रिए ॥ २६६ ॥ तओ

मंहलियपव्वया प० तं० माणुसुणरे कुडलवरे ऱयगवरे, तओ महइमहालया प०
 तं० जंबुहीवे दीवे मंदरे मंदरेसु, सयंभुरमणसमुदे समुइसु, चंभलोए कप्पे कप्पेसु
 ॥ २६७ ॥ तिविहा कप्पठिइं प० तं० सामादयकप्पठिइं छेदोवठावणियकपठिइं
 निव्विसमाणकपठिइं, अहवा तिविहा कप्पठिइं प० तं० णिविट्ठकप्पठिइं, जिण-
 कप्पठिइं, येरकप्पठिइं ॥ २६८ ॥ णेरइयाणं तओ सरीरगा प० तं० वेउव्विए,
 तेयए, कम्मए, अनुरकुम्माराणं तओ सरीरगा, एवं चेव सव्वेसि देवाणं, पुढवी-
 काइयाणं तओ सरीरगा प० तं० ओरालिए, नेयए, कम्मए, एवं वाउकाइयवज्जाणं
 जाव चउग्गिदियाणं ॥ २६९ ॥ गुरुं पडुच्च तओ पडिणीया प० तं० आयरियपडि-
 णीए, उवज्जायपडिणीए, येरपडिणीए, गहं पडुच्च तओ पडिणीया प० तं० इह-
 लोयपडिणीए, परलोयपडिणीए, दुहओलोयपडिणीए । समुहं पडुच्च तओ पडिणीया
 प० तं० सुल्लपडिणीए, गणपडिणीए, सपपडिणीए, अणुसंयं पडुच्च तओ पडिणीया
 प० तं० तवस्सियपडिणीए, गिालाणपडिणीए, सेहपडिणीए, भावं पडुच्च तओ पडि-
 णीया प० तं० णाणपडिणीए, टंगणपडिणीए, चग्गिपडिणीए, सुयं पडुच्च तओ
 पडिणीया प० तं० सुत्तपडिणीए, अत्थपडिणीए, तदुभयपडिणीए ॥ २७० ॥
 तओ पितियंगा प० तं० अट्टी, अट्टिमिआ, केसमंसुगेमनहे । तओ माउयंगा प०
 तं० मंसे, गोणिए, मत्थुल्लिगे ॥ २७१ ॥ तिहिं ठाणेहिं समणे णिग्गंथे महानिज्जरे
 महापज्जवमाणे भवइ तं० कया णं अहं अप्पं वा बहुं वा सुयं अहिज्जिस्सामि, कया
 णं अहं एकज्जविहारपडिमं उवसेपज्जिणाणं विहरिस्सामि, कया णं अहं अपच्छिम-
 मारणं नियसंसेहणाइसजाइसिए भत्तपायपडियाइक्खिए पाओवगए काल्मणवकंस-
 मणे विहरिस्सामि । एवं समणसा सव्वयसा सकयसा, पागडेमाणे निग्गंथे महा-
 णिज्जरे महापज्जवमाणे भवइ ॥ २७२ ॥ तिहिं ठाणेहिं समणोवासए महानिज्जरे
 महापज्जवमाणे भवइ तं० कयाणमहमप्यं वा, बहुअं वा परिगहं परेचइस्सामि,
 कयाणमहं मुंढे भविता आगाराओ अणगारियं पव्वइस्सामि, कयाणमपच्छिममारणं-
 नियसंसेहणाइसजाइसिए भत्तपायपडियाइक्खिए पाओवगए काल्मणवकंसमाणे
 विहरिस्सामि, एवं समणसा सव्वयसा सकायसा जागरमाणे समणोवासए महा-
 णिज्जरे महापज्जवमाणे भवइ ॥ २७३ ॥ तिविहे पोग्गलपडिघाए प० तं० परमाण-
 पोग्गले परमाणुपोग्गलं पप्प पडिहण्णिज्जा, लुक्खलाए वा पडिहण्णिज्जा, सोग्गंते वा
 पडिहण्णिज्जा ॥ २७४ ॥ तिविहे चक्खं प० तं० एगचक्खं, विचक्खं, तिचक्खं ;
 छउमरेषेणं मणुस्से एगचक्खं, देवे विचक्खं, तहारूवे समणे वा णिग्गंथे वा
 उप्पसणणानंदसणधरे से अं तिचक्खण्णि वत्तव्वं सिया ॥ २७५ ॥ तिविहे अग्नि-

समागमे प० तं० उक्त्वं अहं तिरियं, जया णं तहारुवस्स समणस्स वा णिगंधस्स वा अहसेसे णाणदंसणे समुप्पज्जइ सेणं तप्पहमयाए उक्कुमभिसमेइ, तओ तिरियं तओ पच्छा अहे अहोत्तेणेण दुराभिगमे प० समणाउत्तो ॥ २७६ ॥ तिविहा दक्खी प० तं० देविद्धी-राइद्धी-गणिद्धी, देविद्धी तिविहा प० तं० विमाणिद्धी, विगुब्बिणिद्धी, परियारणिद्धी, अहवा देविद्धी तिविहा प० तं० सच्चिता, अच्चिता, मीत्तिया, राइद्धी तिविहा प० तं० रण्णो अइयाणिद्धी, रण्णो णिज्जाणिद्धी, रण्णो बलवाहणकेस-कोट्टागारिद्धी, अहवा राइद्धी तिविहा प० तं० सच्चिता, अच्चिता, मीत्तिया, गणिद्धी तिविहा प० तं० णाणिद्धी, दंसणिद्धी, चरिणिद्धी, अहवा गणिद्धी तिविहा प० तं० सच्चिता अच्चिता मीत्तिया ॥ २७७ ॥ तओ गारवा प० तं० इक्खीगारवे, रमगारवे, सायागारवे । कण्णे तिविहे प० तं० धम्मिण्णं कण्णे, अधम्मिण्णं कण्णे, धम्मिया-धम्मिण्णं कण्णे ॥ २७८ ॥ तिविहे भगवया धम्मं प० तं० सुअहिज्जण, मुज्जाइए, सुतवास्सिण, जया सुअहिज्जय भवइ, तदा मुज्जाइयं भवइ, जया सुज्जाइयं भवइ तथा सुनवास्सिय भवइ, से सुअहिज्जण, मुज्जाइए, सुतवास्सिण, सुयक्कयाणं भगवया धम्मं पज्जे ॥ २७९ ॥ तिविहा वावत्ती प० तं० जाणू, अजाणू, विनि-णिच्छा, एवमज्जोववज्जणा परियावज्जणा ॥ २८० ॥ तिविहे अते प० तं० लांगंते, वेयंते, समवंते ॥ २८१ ॥ तओ जिणा प० तं० ओहिणाणजिणं, मण-पज्जवणाणजिणं, केवलणाणजिणं, तओ केवली प० तं० ओहिणाणकेवली, मण-पज्जवणाणकेवली, केवलणाणकेवली, तओ अरहा प० तं० ओहिणाणअरहा, मण-पज्जवणाणअरहा, केवलणाणअरहा ॥ २८२ ॥ तओ छेस्साओ दुब्भिगंधाओ प० तं० कण्हलेस्सा, नीललेस्सा, काउलेस्सा, तओ लेस्साओ सुब्भिगंधाओ प० तं० तेक्क पम्ह सुक्कलेस्सा । एवं तिदुगट्ठगामिणीओ, तिसुगट्ठगामिणीओ तओ सकिलिट्ठाओ, असकिलिट्ठाओ, अमणुत्ताओ, मणुत्ताओ, अविमुत्ताओ, विसुत्ताओ, अप्पमत्थाओ, पमत्थाओ, सीअलक्खाओ, णिदुत्ताओ ॥ २८३ ॥ तिविहे मरणे प० तं० बालमरणे, पंडियमरणे, बालपंडियमरणे, बालमरणे तिविहे प० तं० ठिअलेस्से, संकिलिट्ठेस्से, पज्जवजायलेस्से । पंडियमरणे तिविहे प० तं० ठिअ-लेस्से, असकिलिट्ठेस्से, पज्जवजायलेस्से, बालपंडियमरणे तिविहे प० तं० ठिअ-लेस्से असकिलिट्ठेस्से अपज्जवजायलेस्से ॥ २८४ ॥ तओ ठाणा अब्बवसिबस्स अहियाए, अमुभाए, असमाए, अणिसंसाए, अणाजुगामियणाए भवंति तं० से मं मुंढे भविता अगाराओ अणगारियं पब्बइए णिसांये पावयणे संक्खिए कंक्खिए विस्सि-णिच्छिए भेदममावणे कल्लसस्सावणे णिसांयं पावयणं णो सइइइ ओ पणियइ, णो

रोएइ, तं परीमहा अभिजुजिय अभिजुजिय अभिभवन्ति, नो से परीमहे अभि-
जुजिय अभिजुजिय अभिभवइ, से णं मुंडे भविता आगाराओ अणगारियं पव्वइए,
पंचहिं महव्वणहिं संकिण जाव कल्लमसमावण्णे, पंचमहव्वयाई णो सहइइ जाव नो
से परीमहे अभिजुजिय २ अभिभवइ, से णं मुंडे भविता आगाराओ अणगारियं
पव्वइए छहिं जीवनिक्काणहिं जाव अभिभवइ, तओ टाणा ववमिअम्म हियाए जाव
आणुगामियत्ताए भवन्ति तं० मे णं मुंडे भविता आगाराओ अणगारियं पव्वइए
णिग्गंथं पावयणं णिरसंकिण णिक्कंविण जाव णो कल्लमसमावण्णे णिग्गंथं पावयणं
महइइ पानियइ रोएइ मे परीमहे अभिजुजिय २ अभिभवइ, णो तं परीमहा
अभिजुजिय २ अभिभवन्ति, सेणं मुंडे भविता आगाराओ अणगारियं पव्वइए
समाणे पंचहिं महव्वणहिं णिरसंकिण-णिक्कंविण जाव, परीमहे अभिजुजिय २
अभिभवइ, णो तं परीमहा अभिजुजिय २ अभिभवन्ति, से णं जाव छहिं जीव-
निक्काणहिं णिग्गंथं जाव परीमहे अभिजुजिय २ अभिभवइ णो तं परीमहा
अभिजुजिय २ अभिभवन्ति ॥ २८० ॥ एगमेगणं पुइवी तिहिं वल्लणहिं मव्वओ
समेत्ता सेपरिक्खत्ता संजहा-घणोदहिक्काणं, पणवायवत्तणं, तणुवायवत्तणं
॥ २८१ ॥ णेरत्तणं उक्कोसेणं नियमदणं विग्गहेणं उव्वजंति एगिदियवजं जाव
वेमाणियणं ॥ २८२ ॥ खीगमोहस्सणं अरइओ तओ कम्मंवा जुगवं त्विजंति तं०
एगयवणिज्ज, संसणाघरणिज्जं, अंतराउयं ॥ २८३ ॥ अमीडेणक्खंते तिनारे प० एवं
सवणं आसणी भग्णी भगसिरे पूमे जेट्ठा ॥ २८४ ॥ धम्माओ णे अरहाओ संती
अरहा तिहिं मागरोवमेहिं निचउवभागं पळिओवमअणणहिं वीट्ठंतेहिं ममुप्पसे ।
समणस्स णं भगवओ महावीरस्स जाव तच्चाओ पुत्तिसज्ज ओ जुगंतकडुभनी, मदीणं
अरहा तिहिं पुत्तिसयणहिं मांइ मुंडे भवेत्ता जाव पव्वइए, एवं पासेवि, समणस्स णं
भगवओ महावीरस्स तिसिसया चोइमपुव्वीणं अजिणाणं जिणसंकासाणं सव्वक्ख-
संकासाणं जिण इव अविहवकाग्गमागणं उक्कोमिया चोइमपुत्तिसंपया होत्था,
तओ तित्थयरा चक्खही होत्था तं० संती बुंधु अरो ॥ २९० ॥ तओ रोविज्ज-
सिमाणपत्थटा प० तं० हिट्ठिमगेविज्जविमाणपत्थडे, मज्झिमगेविज्जविमाणपत्थडे,
उत्तरिमगेविज्जविमाणपत्थडे, हिट्ठिमगेविज्जविमाणपत्थडे तिविहे प० तं० हिट्ठिम-
हिट्ठिमगेविज्जविमाणपत्थडे, हिट्ठिममज्झिमगेविज्जविमाणपत्थडे हिट्ठिमउत्तरिम-
गेविज्जविमाणपत्थडे, मज्झिमगेविज्जविमाणपत्थडे, तिविहे प० तं० मज्झिमहिट्ठिम-
गेविज्जविमाणपत्थडे, मज्झिममज्झिमगेविज्जविमाणपत्थडे, मज्झिमउत्तरिमगेविज्ज-
विमाणपत्थडे, उत्तरिमगेविज्जविमाणपत्थडे तिविहे प० तं० उत्तरिमहिट्ठिमगेविज्ज-

विमाणपत्यडे, उवरिममञ्जिमगेविज्जविमाणपत्यडे, उवरिमउवरिमगेविज्जविमाण-
पत्यडे ॥ २९१ ॥ जीवागं तिठाणणिव्वत्तिए पोग्गडे पावकम्मत्ताए चिणिंसु
वा चिणंति वा चिणिरसंति वा तंजहा-इत्थिणिव्वत्तिए, पुरिसणिव्वत्तिए, णपुंस-
गणिव्वत्तिए, एवं चिणउवचिणबंधउवीग्वेय तह णिज्जरा चेव ॥ २९२ ॥ तिपए-
सिया खवा अणता पण्णता, एवं जाव तिगुगलुक्खा पोग्गला अणता पण्णता
॥ २९३ ॥ तिठ्ठाणं समत्तं ॥

चउत्थहाणं

चत्तारि अंतकिरियाओ प० तं० तव स्वलु उमा पडमा अंतकिरिया,
अपफकम्मपचायाए यावि भवइ, से णं मुंडे भविता अगाराओ अणगारिअं पव्व-
इए, संजमबहुले सवरबहुले समाहिबहुले दहं नीरट्ठी उवहाणवं दुक्खक्खवे तवस्सी
तस्मणं णो नहपगारे तवे भवइ णो नहपगारा वेयणा भवइ, नहपगारे पुरि-
सजाए दीहणं परियाएणं मिज्जइ, बुज्जइ मुच्चइ परिणिव्वाइ सव्वदुक्खाणमंतं करेइ,
जहा से भरहे राया चाउरंतचक्कवही पडमा अंतकिरिया, अहावरा दोखा अंत-
किरिया, महाकम्मपचायाए यावि भवइ से णं मुंडे भविता अगाराओ अणगारिअं
पव्वइए, संजमबहुले संवरबहुले जाव उवहाणवं दुक्खक्खवे तवस्सी तस्म णो
तहपगारे तवे भवइ, तहपगारा वेयणा भवइ तहपगारे पुरिसजाए निन्देणं
परियाएणं मिज्जइ जाव अंतं करेइ जहा से गज्जमाले अणगारे, दोखा अंत-
किरिया, अहावरा तच्चा अंतकिरिया, महाकम्मपचायाएयावि भवइ, से णं मुंडे
भविता अगाराओ अणगारियं पव्वइए जहा दोखा, णवरं दीहणं परियाएणं
मिज्जइ जाव सव्वदुक्खाणमंतं करेइ, जहा से गणकुमारे राया चाउरंतचक्कवही
तच्चा अंतकिरिया, अहावरा चउत्था अंतकिरिया, अपफकम्मपचायाएयावि
भवइ, से णं मुंडे भविता जाव पव्वइए संजमबहुले जाव तस्म णं नहपगारे तवे
भवइ णो नहपगारा वेयणा भवइ तहपगारे पुरिसजाए निन्देणं परियाएणं
मिज्जइ जाव सव्वदुक्खाणमंतं करेइ जहा सा भरुंडेवा भगवई, चउत्था अंत-
किरिया ॥ २९४ ॥ चत्तारि कक्खा प० तं० उज्जाए णाममेगे उज्जाए, उज्जाए णाममेगे
पणए, पणए णाममेगे उज्जाए, पणए णाममेगे पणए, एवामेव चत्तारि पुरिसजाया
प० तं० उज्जाए णाममेगे उज्जाए, तहेव जाव पणए णाममेगे पणए । चत्तारि कक्खा
प० तं० उज्जाए णाममेगे उज्जाए, उज्जाए णाममेगे पणवपरिणए, पणए
णाममेगे उज्जाएपरिणए, पणए णाममेगे पणवपरिणए । एवामेव चत्तारि पुरिसजाया
प० तं० उज्जाए णाममेगे उज्जाएपरिणए, चउत्तंणो । चत्तारि कक्खा प० तं० उज्जाए

णाममेगे उज्जए हवे, तहेव चउभंगो, एवमेव चत्तारि पुरिसजाया प० तं० उज्जए
 णामं ४ । चत्तारि पुरिसजाया प० तं० उज्जए णाममेगे उज्जए मणे, उज्ज० एव संकप्पे-
 पत्ते-दिट्ठी-सीलाचारै-ववहारै-परक्कमे-णगे पुरिसजाए पडिवक्खो णत्थि ॥ २९५ ॥
 चत्तारि छक्खा प० तं० उज्जणाममेगे उज्ज, उज्जणाममेगे वंके, चउभंगो । एवमेव
 चत्तारि पुरिसजाया, प० तं० उज्जणाममेगे उज्ज ४ एवं जहा उज्जयपणएहिं गमो
 तहा उज्जवंकेहिं वि भाणियव्वो, जाव परक्कमे ॥ २९६ ॥ पडिमापडिवक्खस्मणं
 अगगारस्म कर्णत्ति चत्तारि भासाथो भासितए तं० जायणी पुच्छणी अणुज-
 वणी पुठुस्म वागरणी । चत्तारिभासजाया प० तं० मच्चमेगं भासजायं,
 वीयं मोमं तइयं मच्चमोसं चउत्थं अमच्चमोस ॥ २९७ ॥ चत्तारि वत्था प०
 तं० सुदे णाममेगे सुदे, सुदे णाममेगे असुदे, असुदे णाममेगे सुदे, असुदे णाम-
 मेगे असुदे । एवमेव चत्तारि पुरिसजाया प० तं० सुदे णाममेगे सुदे चउभंगो ।
 एव परिणयक्खे वत्था नपडिवक्खा ॥ २९८ ॥ चत्तारि पुरिसजाया प० तं० सुदे
 णाममेगे सुदमणे चउभंगो, एवं संकप्पे जाव परक्कमे ॥ २९९ ॥ चत्तारि सुया
 प० तं० अटजाए, अणुजाए, अवजाए, कुलिगाले ॥ ३०० ॥ चत्तारि पुरिसजाया
 प० तं० सञ्जे णाममेगे मञ्जे, मञ्जे णाममेगे अमञ्जे (४) एवं परिणए जाव पर-
 क्कमे ॥ ३०१ ॥ चत्तारि वत्था प० तं० सुई णाममेगे सुई, सुई णाममेगे असुई,
 चउभंगो, एवमेव चत्तारि पुरिसजाया प० तं० सुई णाममेगे सुई, चउभंगो । एवं
 जहेव सुदेणं वत्थेणं भाणियं, तहेव सुइणावि जाव परक्कमे ॥ ३०२ ॥ चत्तारि
 कोरवा प० तं० अबपलंबकोरवे, तालपलंबकोरवे, वल्लिपलंबकोरवे, मिड-
 विमाणकोरवे, एवमेव चत्तारि पुरिस जाया प० तं० अबपलंबकोरवममाणे,
 तालपलंबकोरवममाणे, वल्लिपलंबकोरवममाणे, मिडविमाणकोरवममाणे
 ॥ ३०३ ॥ चत्तारि पुण्णा प० तं० तयक्खाए, छल्लिक्खाए, कट्टक्खाए, सार-
 क्खाए, एवमेव चत्तारि भिक्खायरा प० तं० तयक्खायसमाणे, जाव सारक्खाय-
 ममाणे, तयक्खायसमाणस्स णं भिक्खागस्स सारक्खायसमाणे तवे प० सारक्खाय-
 गमाणस्सणं भिक्खागस्स तयक्खायसमाणे तवे पञ्चते, छल्लिक्खायसमाणस्स णं
 भिक्खागस्स कट्टक्खायसमाणे तवे प० कट्टक्खायसमाणस्स णं भिक्खागस्स
 छल्लिक्खायसमाणे तवे प० ॥ ३०४ ॥ चउत्थिहा तणवणस्सइकाइया प० तं०
 अगगवीया मूलवीया पोरवीया खंधवीया ॥ ३०५ ॥ चउहिं ठाणेहिं अहुणोववण्णे
 णेरइए णिरयलोमंसि इक्खेजा माणुपं लोमं हव्वमागच्छितए णो चेवणं संचाएइ
 हव्वमागच्छितए, अहुणोववण्णे णेरइए णिरयलोमंसि ससुन्भूर्यं वेयणं वेवमाणे

इच्छेज्जा माणुसं लोगं हव्वमागच्छित्तए णो चेव णं संचाएइ हव्वमागच्छित्तए, अहुणोववन्ने णेरइए णिरयलोगंसि णिरयपालेहि भुज्जो भुज्जो अहिट्ठिज्जमाणे इच्छेज्जा माणुसं लोगं हव्वमागच्छित्तए, नो चेव णं संचाएइ हव्वमागच्छित्तए, अहुणोववन्ने णेरइए णिरयवेयणिजंसि कम्मंसि अक्खीणंसि अवेइयंसि अणिजिणंसि इच्छेज्जा० नो चेव णं संचाएइ, हव्वमागच्छित्तए, एवं णिरयाउअंसि कम्मंसि अक्खीणंसि, जाव णो संचाएइ हव्वमागच्छित्तए इच्चेएहिं चउहिं ठाणेहिं अहुणोववन्न नेरइए जाव णो चेव णं संचाएइ हव्वमागच्छित्तए ॥ ३०६ ॥ कप्पंति णिमगंधीणं चत्तारि संवाइओ धारित्तए ना परिहरित्तए वा तं० एगं दुहत्तवित्थारं, दोत्तित्तवित्थाराओ, एगं चउहत्तवित्थार ॥ ३०७ ॥ चत्तारि ज्ञाणा प० तं० अट्टे ज्ञाणे, रोहे ज्ञाणे, धम्मे ज्ञाणे, सुक्के ज्ञाणे, अट्टे ज्ञाणे चउव्विह्हे प० तं० अमणुजसंपओगसंपउत्ते तस्म विप्पओगमत्तिसमण्णागए यावि भवइ, मणुजसंपओगसंपउत्ते तस्म अविप्पओगमत्तिसमण्णागए यावि भवइ, आर्यकम्मपओगसंपउत्ते तस्म विप्पओगमत्तिसमण्णागए यावि भवइ, परिजुसियकामभोगसंपओगसंपउत्ते तरम अविप्पओगमत्तिसमण्णागए यावि भवइ, अट्टस्सणं ज्ञाणस्स चत्तारि लक्खणा प० तं० कंदणया, सोयणया, तिप्पणया परिदेवणया, रोहे ज्ञाणे चउव्विह्हे प० तं० हिंसाणुवंधि, मोसाणुवंधि तेणाणुवंधि संरक्खणाणुवंधि । रोहस्स णं ज्ञाणस्स चत्तारि लक्खणा प० तं० ओसन्नदोसे, बहुलदोसे, अज्जाणदोसे आमरणंतदोसे । धम्मे ज्ञाणे चउव्विह्हे चउपडोयारे प० तं० आणाविजए, अवायविजए, विवागविजए, संठाणविजए । धम्मस्स णं ज्ञाणस्स चत्तारि लक्खणा प० तं० आणारुइ, णिमगरुइ, सुत्तरुइ, ओगादरुइ । धम्मस्स णं ज्ञाणस्स चत्तारि आलंबणा प० तं० वायणा, पडिपुच्छणा, परियट्टणा, अणुप्पेहा । धम्मस्स णं ज्ञाणस्स चत्तारि अणुप्पेहाओ प० तं० एगाणुप्पेहा, अणिच्चाणुप्पेहा, अमरणाणुप्पेहा, सगराणुप्पेहा । सुक्के ज्ञाणे चउव्विह्हे चउपडोयारे प० तं० पुहुत्तवियक्केसवियारी, एगत्तवियक्के अवि-यारी, सुहुमकिरिए अणियट्टी, समुच्छिन्नकिरिए अपडिवाइ । सुक्कस्स णं ज्ञाणस्स चत्तारि लक्खणा प० तं० अव्वह्हे असम्मोह्हे विवेगे विउम्मग्गे, सुक्कस्स णं ज्ञाणस्स चत्तारि आलंबणा प० तं० संती मुत्ती मह्वे अज्जवे, सुक्कस्स णं ज्ञाणस्स चत्तारि अणुप्पेहाओ प० तं० अणंतवत्तिग्राणुप्पेहा, विपरिणामाणुप्पेहा, असुभाणुप्पेहा, अवायाणुप्पेहा ॥ ३०८ ॥ चउव्विह्हा देवाणं ठिई प० तं० देवेगामेगे, देवसिणाए णामेगे, देवपुरोहिण णामेगे, देवपज्जलणे णामेगे ॥ ३०९ ॥ चउव्विह्हे संवासे प० तं० देवेणामेगे देवीए सद्धिं संवासं गच्छेज्जा, देवेणामेगे छवीए सद्धिं संवासं

गच्छेज्जा, छवीणाममेगे देवीए सद्धिं संवासं गच्छेज्जा, छवीणाममेगे छवीए सद्धिं संवासं गच्छेज्जा ॥३१०॥ चत्तारि कस्साया प० तं० कोहकसाए माणकसाए माथा-कसाए लोभकसाए, एवं नेरइयाणं जाव वेमाणियाणं, चउप्पइट्ठिए कोहे प० तं० आयपइट्ठिए, परपइट्ठिए, तदुभयपइट्ठिए, अपइट्ठिए, एवं णेरइयाणं जाव वेमाणि-याणं, एवं जाव लोभे वेमाणियाणं, चउहिं ठाणेहिं क्रोधुप्पत्तीं सिया तं० खेत पडुच्च, बत्थं पडुच्च, मरीर पडुच्च, उवहिं पडुच्च, एवं नेरइयाणं जाव वेमाणियाणं, एवं जाव लोहे वेमाणियाणं, चउव्विहे कोहे प० तं० अणंताणुर्वधिकोहे, अपच्चक्खाणकोहे, पच्चक्खाणावरणे कोहे, संजलणे कोहे, एवं नेरइयाणं जाव वेमाणियाणं, एवं जाव लोभे वेमाणियाणं, चउव्विहे कोहे पणत्त, आभोगनिव्वानिए, अणाभोगनिव्वानिए, उवसने, अणुवसने. एवं नेरइयाणं, जाव वेमाणियाणं, एवं जाव लोभे, जाव वेमाणियाणं ॥ ३११ ॥ जीवा णं चउहिं ठाणेहिं अट्टकम्मपगडीओ च्चिणिसु तं० कोहेण माणेणं मायाए लोभेणं, एवं जाव वेमाणियाणं, एवं च्चिणंति एम दंडओ । एवं च्चिणिस्संति एम दंडओ, एवमेएणं तिज्जि दंडगा, एव उवच्चिणिसु, उवच्चिणंति, उवच्चिणिस्संति, बंधिसु ३ । उदीरिसु ३ । वेदेंसु ३ । णिज्जरेंसु णिज्जरेंति णिज्जरिस्संति, जाव वेमाणियाणमेवमेक्किं पदे तिज्जि २ दंडगा भाणियव्वा, जाव तिज्जरिस्सति ॥ ३१२ ॥ चत्तारि पडिमाओ प० तं० समाहिपडिमा, उवहाण-पडिमा, विवेगपडिमा, विउस्सगपडिमा, चत्तारि पडिमाओ प० तं० महा, सुमहा, महाभहा, सब्बओभहा, चत्तारि पडिमाओ प० तं० खुट्ठियामोयपडिमा, महत्ठिया-मोयपडिमा, जवमज्झा, वडरमज्झा ॥ ३१३ ॥ चत्तारि अत्थिकाया अजीवकाया प० तं० धम्मत्थिकाए, अवम्मत्थिकाए, आगासत्थिकाए, पोग्गलत्थिकाए, चत्तारि अत्थिकाया अरुत्थिकाया प० तं० धम्मत्थिकाए, अवम्मत्थिकाए, आगासत्थिकाए, जीवात्थिकाए ॥ ३१४ ॥ चत्तारि फला प० तं० आमेषाममेगे आममहुरे, आमेषाम-मेगे पक्कमहुरे, पक्केगाममेगे आममहुरे, पक्केगाममेगे पक्कमहुरे, एवामेव चत्तारि पुरि-सजाया प० तं० आमेषाममेगे आममहुरफलममाणे (४) ॥ ३१५ ॥ चउव्विहे स्सच्छे प० तं० काउज्जुपया, भासुज्जुयया, भावुज्जुयया, अविंसवायणाजोगे, चउ-व्विहे मोसे प० तं०-कायअणुज्जुयया, भायअणुज्जुयया, भावअणुज्जुयया, क्विंसं-वादगाजोगे ॥ ३१६ ॥ चउव्विहे पणिहाणे प० तं० मणपणिहाणे, वइपणिहाणे, कायपणिहाणे, उवगरणपणिहाणे । एवं नेरइयाणं पंचिदियाणं जाव वेमाणियाणं, चउव्विहे सुप्पणिहाणे प० तं० मणसुप्पणिहाणे जाव उवगरणसुप्पणिहाणे, एवं संजयमणुस्साभवि, चउव्विहे दुप्पणिहाणे प० तं० मणदुप्पणिहाणे जाव उवगरण

दु० एवं पंचिदियाणं जाव वेमाणियाणं ॥ ३१७ ॥ चत्तारि पुरिसजाया प० तं०
 आवायभइए णाममेगे णो संवासभइए, संवासभइए णाममेगे णो आवायभइए, एगे
 आवायभइएवि संवासभइएवि, एगे णो आवायभइए णो संवासभइए, चत्तारि
 पुरिसजाया प० तं० अप्पणो णाममेगे वज्जं पासइ णो परस्स, परस्स णाममेगे वज्जं
 पासइ ४ । चत्तारि पुरिसजाया प० तं० अप्पणो णाममेगे वज्जं उदीरेति णो परस्स
 ४ । चत्तारि पुरिसजाया प० तं० अप्पणो णाममेगे वज्जं उवसामेइ णो परस्स ४ ।
 चत्तारि पुरिसजाया प० तं० अब्भुट्ठेइ णाममेगे णो अब्भुट्ठावेइ ४ । एवं वंदइ णाममेगे
 णो वंदावेइ ४ । एवं सक्कारेइ, सम्माणेइ ४ । पूएइ वाएइ पडिपुच्छइ पुच्छइ वाग-
 रेइ ४ । चत्तारि पुरिसजाया प० तं० सुत्तधरे णाममेगे णो अत्थधरे, अत्थधरे
 णाममेगे णो सुत्तधरे, एगे सुत्तधरेवि अत्थधरेवि, एगे णो सुत्तधरे णो अत्थधरे
 ॥ ३१८ ॥ चमरस्स णं अमुरिदस्स असुरकुमाररत्तो चत्तारि लोगपाला प० तं०
 सोमे जमे वरणे वेसमणे; एवं बलिस्सवि सोमे जमे वेसमणे वरणे, धरणस्स काल-
 वाले कोलवाले सेलवाले संखवाले । एवं भूताणंदस्स कालवाले कोलवाले संखवाले सेल-
 वाले, वेणुदेवस्स चित्ते विचित्ते चित्तपक्खे विचित्तपक्खे, वेणुदालिस्स चित्तं विचित्तं
 विचित्तपक्खे चित्तपक्खे । हरिकंतस्स पभे सुप्पभे पभकंते सुप्पभकंते; हरिसहस्स पभे
 सुप्पभे सुप्पभकंते पभकंते; अग्गिस्सिहस्स तेऊ तेउसिहे तेउकंते तेउप्पभे, अग्गि-
 माणवस्स तेऊ तेउसिहे तेउप्पभे तेउकंते, पुत्तस्स एए ह्यंसे ह्यकंते ह्यप्पभे, विसि-
 ठस्स एए ह्यंसे ह्यप्पभे ह्यकंते । जलकतस्स जले जलए जलकंते जलप्पभे ।
 जलप्पभस्स जले जलए जलप्पभे जलकंते । अग्गियगइस्स तुरियगइ स्विप्पगइ
 सीहगइ सीहविक्रमगइ, अग्गियवाहणस्स तुरियगइ त्रिप्पगइ सीहविक्रमगइ सीहगइ;
 वेल्बस्स काले महाकाले अंजणे रिट्ठे । पभंजणस्स काले महाकाले रिट्ठे अंजणे ।
 घोसस्स आवत्ते वियावत्ते णंदियावत्ते महाणंदियावत्ते । महाघोमस्स आवत्ते वियावत्ते
 महाणंदियावत्ते णंदियावत्ते, सक्कस्स सोमे जमे वरणे वेसमणे । ईसाणस्स सोमे जमे
 वेसमणे वरणे, एवं एगंतरिया जाव अञ्जुयस्स ॥ ३१९ ॥ चउव्विहा वाउकुमारा
 प० तं० काले महाकाले वेल्बे पभंजणे, चउव्विहा देवा प० तं० भवणवासी
 वाणमंतरा जोइमिया विमाणवासी ॥ ३२० ॥ चउव्विहे पमाणे प० तं० दव्वप्प-
 माणे खेतत्पमाणे कालप्पमाणे भावप्पमाणे ॥ ३२१ ॥ चत्तारि दिसाकुमारिमहत्तरि-
 याओ प० तं० रुवा रुवंसा सुह्वा रुवावई । चत्तारि विज्जुमारिमहत्तरियाओ प०
 तं० चित्ता चित्तकणगा सेयंसा सोयामणी ॥ ३२२ ॥ सक्कस्स णं देविंदस्स देवरत्तो
 मज्झिमपरिसाए देवाणं चत्तारि पलिओवमाई ठिई प०; ईसाणस्स णं देविंदस्स देव-

रभो मज्झिमपरिसाए देवीणं चत्तारि पल्लिओवमाईं ठिईं प० ॥ ३२३ ॥ चउव्विहे
संसारे दव्वसंसारे खेतसंसारे कालसंसारे भावसंसारे ॥ ३२४ ॥ चउव्विहे
दिट्ठिवाए प० तं० परिकम्मं सुत्ताइं पुव्वगए अणुजोगे ॥ ३२५ ॥ चउव्विहे
पायच्छित्ते, णाणपायच्छित्ते दंसणपायच्छित्ते चरित्तपायच्छित्ते वियत्तक्किच्चपाय-
 च्छित्ते, चउव्विहे पायच्छित्तं, पल्लिसेवणापायच्छित्ते संजोयणापायच्छित्ते, आरोवणापा-
 यच्छित्ते, पल्लिउंचणापायच्छित्ते ॥ ३२६ ॥ चउव्विहे **क. ले** पमाणकाळे अहाउयणि-
 व्वत्तिकाले मरणकाले अद्धाकाले ॥ ३२७ ॥ चउव्विहे पोग्गलपरिणामे, वण्णपरि-
 णामे गंधपरिणामे रसपरिणामे फासपरिणामे ॥ ३२८ ॥ भरहेरवएसु णं वासेसु
 पुरिमपच्छिमवज्जा मज्झिमगा बावीसं अरहंता भगवंता चाउज्जामं धम्मं पल्लवित्ति
 तं० सव्वाओ पाणाइवायाओ वेरमणं, एवं सुमावायाओ, अदिन्नादाणाओ, सव्वाओ
 बहिद्दादाणाओ वेरमणं । सव्वेसु णं महाविदेहेसु अरहंता भगवंता चाउज्जामं धम्मं
 पल्लवर्यति तं० सव्वाओ पाणाइवायाओ वेरमणं जाव सव्वाओ बहिद्दादाणाओ
 वेरमणं ॥ ३२९ ॥ चत्तारि **दुग्गईओ** प० तं० णेरइयदुग्गई, तिखिक्खजोणियदुग्गई,
 मणुस्सदुग्गई, देवदुग्गई, चत्तारि **सोग्गई** प० तं० सिद्धसोग्गई, देवसोग्गई,
 मणुयसोग्गई, सुक्खले पन्नायाई, चत्तारि दुग्गया प० तं० णेरइयदु० जाव देवदुग्गया,
 चत्तारि सुग्गया प० तं० सिद्धसुग्गया जाव सुक्खलपन्नायाया ॥ ३३० ॥ पढमसमय-
 जिणस्स णं चत्तारि कम्मंसा खीणा भवंति तं० णाणावरणिज्जं, दरिस्सणावरणिज्जं,
 मोहणिज्जं, अंतराइयं । उप्पन्नपाणदंसणधरे णं अरहा जिणे केवली चत्तारि कम्मंसे
 वेदेति तं० वेयणिज्जं आउयं णामं गोयं । पढमसमयसिद्धस्स णं चत्तारि कम्मंसा
 जुगवं खिज्जंति तं० वेयणिज्जं आउयं णामं गोयं ॥ ३३१ ॥ चउहिं ठाणेहिं **हासु-**
प्पत्ती सिया तं० पासेत्ता भासेत्ता मृणेत्ता संभरेत्ता ॥ ३३२ ॥ चउव्विहे अंतरे
 प० तं० कट्ठंतरे पम्हंतरे लोहंतरे पत्थरंतरे । एवामेव इत्थीए वा पुरिसस्स वा,
 चउव्विहे अंतरे प० तं० कट्ठंतरसमाणे, पम्हंतरसमाणे, लोहंतरसमाणे, पत्थरं-
 तरसमाणे ॥ ३३३ ॥ चत्तारि भयगा प० तं० दिवसभयए जत्ताभयए उच्चत्तभयए
 कब्बालभयए ॥ ३३४ ॥ चत्तारि पुरिसजाया प० तं० संपागडपडिसेवी णाममेगे
 णो पच्छण्णपडिसेवी, पच्छण्णपडिसेवी णाममेगे णो संपागडपडिसेवी, एगे संपागड-
 पडिसेवीवि पच्छण्णपडिसेवीवि, एगे णो संपागडपडिसेवी णो पच्छण्णपडिसेवी
 ॥ ३३५ ॥ चमरस्स णं असुरिंदस्स असुरकुमाररण्णो सोमस्स महारण्णो चत्तारि
 अग्गमहिंसीओ प० तं० कणगा कणगलया चित्तगुत्ता वसुंधरा, एवं जमस्स वरु-
 णस्स वेसमणस्स, बलिस्स णं बहरोमणिंदस्स दइरोयणरण्णो, सोमस्स महारण्णो
 चत्तारि अग्गमहिंसीओ प० तं० मित्तगा सुभहा विज्जुवा असणी, एवं जमस्स वेस-

मणस्स वरुणस्स; धरणस्स णं णागकुमारिंदस्स णागकुमाररण्णो कालवालस्स महारण्णो चत्तारि अगमहिंसीओ प० तं० असोगा विमला सुप्पभा सुदंसणा, एवं जाव संख-
 बालस्स । भूयाणंदस्स णं णागकुमारिंदस्स णागकुमाररण्णो कालवालस्स महारण्णो चत्तारि अगमहिंसीओ प० तं० सुणंदा सुभद्दा सुजाया सुमणा । एवं जाव सेल-
 बालस्स जहा धरणस्स, एवं सव्वेसि दाहिणेंदलोगपालाणं जाव घोसस्स जहा भूयाणंदस्स एवं जाव महाघोसस्स लोणपालाणं । कालस्स णं पिसाईदस्स पिमाय-
 रण्णो चत्तारि अगमहिंसीओ प० तं० कमला कमलप्पभा उप्पला सुदंसणा, एवं महाकालस्स वि । सुरूवस्स णं भूइंदस्स भूयरण्णो चत्तारि अगमहिंसीओ प० तं०
 ह्ववई बहुहवा सुरूवा सुभगा । एवं पडिह्वस्स वि, पुण्णभइस्स णं जक्खिंदस्स जक्खरण्णो चत्तारि अगमहिंसीओ प० तं० पुत्ता बहुपुत्तिया उत्तमा तारगा, एवं माणिभइस्स वि । भीमस्स णं रक्खसिंदस्स रक्खसरण्णो चत्तारि अगमहिंसीओ प० तं० पउमा वसुमई कगगा रयणप्पभा । एवं महाभीमस्स वि किन्नरस्स णं किन्नरिंदस्स चत्तारि अगमहिंसीओ प० तं० बडिंसा केउमई रइसेणा रइप्पभा । एव किंपुरिसस्स वि सुपुरिसस्स णं किंपुरिसिंदस्स चत्तारि अगमहिंसीओ प० तं० रोहिणी णवमिया द्विरी पुक्कवई । एवं महापुरिमस्स वि, अडकायस्स ण महोरिंदस्स चत्तारि अगमहिंसीओ प० तं० भुयगा भुयगवई महाकन्ळा फुडा, एव महाकायस्स वि, गीयरइस्स णं गंधर्विंदस्स चत्तारि अगमहिंसीओ प० तं० सुघोसा विमला सुस्सरा सरस्सई, एव गीयजमस्स वि, चंदस्स णं जोइमिंदस्स जोइसरण्णो चत्तारि अगमहिंसीओ प० तं० चंदप्पभा दोसिनाभा अच्चिमाली पमंकरा । एवं सूरस्स वि, णवरं सूरप्पभा दोसिणाभा अच्चिमाली पमंकरा । डंगालस्स णं महग्गहस्स चत्तारि अगमहिंसीओ प० तं० विजया वेजयंती जयंती अपराजिता । एवं सव्वेसि महग्ग-
 हाणं जाव भावकेउस्स । सक्कस्स णं देविंदस्स देवरण्णो सोमस्स महारण्णो चत्तारि अगमहिंसीओ प० तं० रोहिणी मयणा चिंता सोमा, एवं जाव वेसमणस्स ईसाण-
 स्स णं देविंदस्स देवरण्णो सोमस्स महारण्णो चत्तारि अगमहिंसीओ प० तं० पुढवी राई रयणी विज्जू, एवं जाव बरुणस्स ॥ ३३६ ॥ चत्तारि गोरसधिगईओ प० तं० खीरं दहिं मय्पि णवणीअं, चत्तारि सिणेहविगईओ प० तं० तेअं धवं वसा णवणीअ, चत्तारि महाधिगईओ वज्जणीयाओ तं० महुं मंसं मज्जं णवणीअं ॥ ३३७ ॥ चत्तारि कूडागारा प० तं० गुत्तेणाममेगे गुत्ते गुत्तेणाममेगे अगुत्ते अगुत्ते णाममेगे गुत्ते, अगुत्ते णाममेगे अगुत्ते । एवामेव चत्तारि पुरिसजाया प० तं० गुत्तेणाममेगे गुत्ते ४ । चत्तारि कूडागारसालाओ प० तं० गुत्ता णाममेगा गुत्तादुवारा, गुत्ताणाममेगा

अगुत्तदुवारा, अगुत्ता णाममेगा गुत्तदुवारा, अगुत्ता णाममेगा अगुत्तदुवारा, एवामेव चत्तारित्थीओ प० तं० गुत्ता णाममेगा गुत्तिदिया, गुत्ता णाममेगा अगुत्तिदिया ४ ।
 ॥ ३३८ ॥ चउव्विहा ओगाहणा प० तं० दव्वोगाहणा खेतोगाहणा कालो-
 गाहणा भावोगाहणा ॥ ३३९ ॥ चत्तारि पण्णत्तीओ अंगवाहिरियाओ प०
 तं० चंदपण्णत्ती सूरपण्णत्ती जंबुद्वीपपण्णत्ती, **दीवसागरपण्णत्ती** ॥ ३४० ॥
चउट्टाणस्स पढमोद्दसो समत्तो ॥

चत्तारि पडिसलीणा प० तं० कोहपडिसंलीणे माणपडिसंलीणे मायापडिसंलीणे लोभपडिसंलीणे, चत्तारि अपडिसंलीणा प० तं० कोहअपडिसंलीणे जाव लोभ-
 अपडिसंलीणे । चत्तारि पडिसंलीणा प० तं० मणपडिसंलीणे, बडपडिसंलीणे, काय-
 पडिसंलीणे, इंदियपडिसंलीणे; चत्तारि अपडिसंलीणा प० तं० मणअपडिसंलीणे
 जाव इंदिय० ॥ ३४१ ॥ चत्तारि पुरिसजाया प० तं० दीणे णाममेगे दीणे, दीणे
 णाममेगे अदीणे, अदीणे णाममेगे दीणे, अदीणे णाममेगे अदीणे । चत्तारि पुरिसजाया
 प० तं० दीणे णाममेगे दीणपरिणए, दीणे णाममेगे अदीणपरिणए, अदीणे णाममेगे
 दीणपरिणए, अदीणे णाममेगे अदीणपरिणए, चत्तारि पुरिसजाया प० तं० दीणे
 णाममेगे दीणरूवे ४ । एवं दीणमणे दीणसंक्रुपे दीणपण्णे दीणदिट्ठी दीणसीलायारे
 दीणववहारे ४ । चत्तारि पुरिसजाया प० तं० दीणे णाममेगे दीणपरक्कमे, दीणे णाममेगे
 अदीणपरक्कमे ४ । एवं सव्वेसि चउभंगो भाणियव्वो । चत्तारि पुरिसजाया प०
 तं० दीणे णाममेगे दीणवित्ती ४ । एवं दीणजाई दीणभासी दीणोभासी, चत्तारि पुरिस-
 जाया पण्णत्ता प० तं० दीणे णाममेगे दीणसेवी ४ । एवं दीणे णाममेगे दीणपरियाए ४
 एवं दीणे णाममेगे दीणपरियाले ४ । सव्वत्थ चउभंगो ॥३४२॥ चत्तारि पुरिसजाया
 प० तं० अज्जे णाममेगे अज्जे ४ । चत्तारि पुरिसजाया प० तं० अज्जे णाममेगेअज्ज-
 परिणए ४ । एवं अज्जरूवे ४ । अज्जमणे ४ । अज्जसंक्रुपे ४ । अज्जपण्णे ४ ।
 अज्जदिट्ठी ४ । अज्जसीलायारे ४ । अज्जववहारे ४ । अज्ज परक्कमे ४ । अज्ज-
 वित्ती ४ । अज्जजाई ४ । अज्जभासी ४ । अज्ज ओभासी ४ । अज्जसेवी ४ । एवं
 अज्जपरियाए ४ । अज्जपरियाले ४ । एवं सत्तरस आलावगा, जहा दीणेण भणिया
 तहा अज्जेगवि भाणियव्वो । चत्तारि पुरिसजाया प० तं० अज्जे णाममेगे अज्जभावे,
 अज्ज णाममेगे अज्जभावे, अज्जे णाममेगे अज्जभावे, अणज्जे णाममेगे अणज्जभावे
 ॥ ३४३ ॥ चत्तारि उसभा प० तं० जाइसंफ्फे कुलसंपन्ने बलसंपन्ने रूवसंपण्णे,
 एवामेव चत्तारि पुरिसजाया प० तं० जाइसंपन्ने कुलसंपन्ने बलसंपन्ने रूवसंपन्ने,
 चत्तारि उसभा प० तं० जाइसंपन्ने णाममेगे णो कुलसंपन्ने, कुलसंपन्ने णाममेगे णो

जाइसंपन्ने, एगे कुलसंपन्नेवि जाइसंपन्नेवि, एगे णो जाइसंपन्ने णो कुलसंपन्णे ।
 एवामेव चत्तारि पुरिसजाया प० तं० जाइसंपन्ने णाममेगे णो कुलसंपन्ने ४ ।
 चत्तारि उसभा प० तं० जाइसंपन्ने णाममेगे णो बलसंपन्ने ४ । एवामेव चत्तारि
 पुरिसजाया प० तं० जाइसंपन्ने णाममेगे णो बलसंपन्ने ४ । चत्तारि उसभा प० तं०
 जाइसंपन्ने णाममेगे नो रुवसंपन्ने ४ । एवामेव चत्तारि पुरिसजाया प० तं० जाइ-
 संपन्ने णाममेगे णो रुवसंपन्ने ४ । चत्तारि उसभा प० तं० कुलसंपन्ने णाममेगे णो
 बलसंपन्ने ४ । एवामेव चत्तारि पुरिसजाया प० तं० कुलसंपन्ने णाममेगे णो
 बलसंपन्ने ४ । चत्तारि उसभा प० तं० कुलसंपन्ने णाममेगे णो रुवसंपन्ने ४ ।
 एवामेव चत्तारि पुरिसजाया प० तं० कुलसंपन्ने णाममेगे णो रुवसंपन्ने ४ ।
 चत्तारि उसभा प० तं० बलसंपन्ने णाममेगे णो रुवसंपन्ने ४ । एवामेव चत्तारि
 पुरिसजाया प० तं० बलसंपन्ने णाममेगे णो रुवसंपन्ने ४ ॥ ३४४ ॥ चत्तारि
 हत्थी प० नं० भेदे मंडे मिए संकिण्णे, एवामेव चत्तारि पुरिसजाया प० तं० भेदे
 मंडे मिए संकिण्णे, चत्तारि हत्थी प० नं० भेदे णाममेगे भद्दमणे, भेदे णाममेगे
 मंदमणे, भेदे णाममेगे मियमणे, भेदे णाममेगे संकिण्णमणे, एवामेव चत्तारि पुरिस-
 जाया प० तं० भेदे णाममेगे भद्दमणे, भेदे णाममेगे मंदमणे, भेदे णाममेगे मियमणे,
 भेदे णाममेगे संकिण्णमणे, चत्तारि हत्थी प० तं० मंडे णाममेगे भद्दमणे, मंडे
 णाममेगे मंदमणे मंडे णाममेगे मियमणे, मंडे णाममेगे संकिण्णमणे, एवामेव चत्तारि
 पुरिसजाया प० तं० मंडे णाममेगे भद्दमणे, तं चैव । चत्तारि हत्थी प० तं० मिए
 णाममेगे भद्दमणे, मिए णाममेगे मंदमणे, मिए णाममेगे मियमणे, मिए णाममेगे
 संकिण्णमणे, एवामेव चत्तारि पुरिसजाया प० तं० मिए णाममेगे भद्दमणे, तं चैव ।
 चत्तारि हत्थी प० तं० संकिण्णे णाममेगे भद्दमणे, संकिण्णे णाममेगे मंदमणे,
 संकिण्णे णाममेगे मियमणे, संकिण्णे णाममेगे संकिण्णमणे । एवामेव चत्तारि पुरि-
 सजाया प० तं० संकिण्णे णाममेगे भद्दमणे, तं चैव जाव संकिण्णे णाममेगे
 संकिण्णमणे । गाथा=मधुगुलियर्पिगलक्खो, अणुपुव्वमुजायसीहलंगूलो; पुरवो
 उदग्गधीरो, सव्वंगसमाहिओ भद्दो ॥ ३४५ ॥ (१) चलबहलविसमच्चमो
 थूलसिरो थूलएण पेण; थूलणहदंतवालो, हरिर्पिगल्लोयणो मंदो ॥ ३४६ ॥
 (२) तणुओ तणुयग्गीवो, तणुयतओ तणुयदंतणहवालो; भीरू तत्तुव्विग्गो;
 तासी य भवे मिए णामं ॥ ३४७ ॥ (३) एएसि हत्थीणं, थोवं थोवं तु जो
 अणुहरइ हत्थी; रुवेण व सीलेण च, सो संकिण्णो ति णायव्वो ॥ ३४८ ॥ (४)
 भद्दो मज्जइ सरए, मंदो उण मज्जए वसंतम्मि; मिच्च मज्जइ हेमंते, संकिण्णो सव्व-

कालम्भि (५) ॥ ३४९ ॥ चत्तारि विकहाओ प० तं० इत्थिकहा भत्तकहा
 देसकहा रायकहा । इत्थिकहा चउव्विहा प० तं० इत्थीणं जाइकहा, इत्थीणं
 कुलकहा, इत्थीणं रूवकहा, इत्थीणं नेवत्थकहा, भत्तकहा चउव्विहा प० तं०
 भत्तस्स आवावकहा, भत्तस्स निव्वावकहा, भत्तस्स आरंभकहा, भत्तस्स णिठ्ठाण-
 कहा । देसकहा चउव्विहा प० तं० देसविहिकहा, देसविकप्पकहा, देसच्छंदकहा,
 देसनेवत्थकहा, रायकहा चउव्विहा प० तं० रण्णो अइयाणकहा रण्णो निज्जाण-
 कहा, रण्णो बलवाहणकहा, रण्णो कोसकोट्टागारकहा ॥ ३५० ॥ चउव्विहा धम्म-
 कहा प० तं० अक्खेवणी विक्खेवणी संवेगणी णिव्वेगणी । अक्खेवणी कहा
 चउव्विहा प० तं० आयारऽक्खेवणी ववहारऽक्खेवणी पण्णत्तऽक्खेवणी दिट्ठि-
 वायअक्खेवणी । विक्खेवणी कहा चउव्विहा प० तं० ससमयं कहेइ, ससमयं
 कहेत्ता परसमयं कहेइ, परसमयं कहेत्ता ससमयं ठावित्ता भवइ, सम्मावायं
 कहेइ, सम्मावायं कहेत्ता मिच्छावायं कहेइ, मिच्छावायं कहेत्ता सम्मावायं
 ठावइत्ता भवइ । संवेगणी कहा चउव्विहा प० तं० इहलोगसंवेगणी परलोग-
 सवेगणी आयसरीरसंवेगणी परसरीरसंवेगणी । णिव्वेगणी कहा चउव्विहा प०
 तं० इहलोगे दुच्चिण्णा कम्मा इहलोगे दुहफलविवागसंजुत्ता भवंति, इहलोगे दुच्चिण्णा
 कम्मा परलोगे दुहफलविवागसंजुत्ता भवंति, परलोगे दुच्चिण्णा कम्मा इहलोगे दुहफल-
 विवागसंजुत्ता भवंति । परलोगे दुच्चिण्णा कम्मा परलोगे दुहफलविवागसंजुत्ता भवंति ।
 इहलोगे सुच्चिण्णाकम्मा इहलोगे सुहफलविवागसंजुत्ता भवंति, इहलोगे सुच्चिण्णा कम्मा
 परलोगे सुहफलविवागसंजुत्ता भवंति, एवं चउभंगो तहेव ॥ ३५१ ॥ चत्तारि पुरि-
 सजाया प० तं० किसे णाममेगे किसे, किसे णाममेगे दढे, दढे णाममेगे किसे, दढे
 णाममेगे दढे । चत्तारि पुरिसजाया प० तं० किसे णाममेगे किससरीरे, किसे णाम-
 मेगे दढसरीरे, दढे णाममेगे किससरीरे, दढे णाममेगे दढसरीरे । चत्तारि पुरिस-
 जाया प० तं० किससरीरस्स णाममेगस्स णाणदंसणे समुप्पज्जइ णो दढसरीरस्स,
 दढसरीरस्स णाममेगस्स णाणदंसणे समुप्पज्जइ णो किससरीरस्स, एगस्स किससरी-
 रस्स वि णाणदंसणे समुप्पज्जइ दढसरीरस्स वि, एगस्स णो किससरीरस्स णाणदंसणे
 समुप्पज्जइ णो दढसरीरस्स ॥ ३५२ ॥ चउहिं ठाणेहिं णिरगंथाण वा, णिरगंधीण
 वा अस्सिं समयंभि अइसेसे णाणदंसणे समुपज्जिउकामेवि णो समुप्पज्जेज्जा तं० अभि-
 क्खणं अभिक्खणं इत्थिकहं भत्तकहं देसकहं रायकहं कहेत्ता भवइ, विवेगेणं विउ-
 मग्गेणं णो सम्ममप्पाणं भावेत्ता भवइ, पुब्बरात्तावरत्ताकालसमयंसि णो धम्मजाग-
 रिवं जागरित्ता भवइ, फासुयस्स एसणिजस्स उच्छस्स सामुदाणियस्स णो सम्मै

गवेसइत्ता भवइ, इच्चैएहिं चउहिं ठाणेहिं णिग्गंथाण वा णिग्गंथीण वा जाव णो समुप्पजेजा, चउहिं ठाणेहिं णिग्गंथाण वा णिग्गंथीण वा अइसेसे णाणंदंसणे समुप्पज्जिउकामे समुप्पजेजा तं० इत्थिकह भत्तकहं देसकहं रायकहं णो कहेत्ता भवइ, विवेगेण विउसग्गेणं सम्ममप्पाणं भावेत्ता भवइ, पुव्वरत्तावरत्तकालसमयंसि धम्मजागरियं जागरित्ता भवइ, फासुयस्स एमणिज्जस्स उच्छस्स मामुदाणियस्स सम्मं गवेसइत्ता भवइ, इच्चैएहिं चउहिं ठाणेहिं णिग्गंथाण वा णिग्गंथीण वा जाव समुप्पजेजा ॥ ३५३ ॥ णो कप्पइ णिग्गंथाण वा णिग्गंथीण वा चउहिं महापाडिउएहिं मज्झायं करेत्तए तं० आसाउपाडिउए इंदमहपाडिउए कत्तियपाडिउए मुग्गिहपाडिउए, णो कप्पइ णिग्गंथाण वा णिग्गंथीण वा चउहिं संज्ञाहिं सज्झायं करेत्तए तं० पडमाए पच्छिमाए मज्झण्हे अद्वरत्ते । कप्पइ णिग्गंथाण वा णिग्गंथीण वा चाउक्कालं सज्झायं करेत्तए तं० पुव्वण्हे अवरण्हे पओसे पच्चूमे ॥ ३५४ ॥ चउव्विहा लोगट्टिई प० तं० आगासपइट्टिए वाए, वायपइट्टिए उदही, उदहिपइट्टिया पुडवी, पुडविपइट्टिया तमा थावरा पाणा ॥ ३५५ ॥ चत्तारि पुरिसजाया प० तं० तहे णाममेगे णोत्तहे णाममेगे सोवत्थी णाममेगे पहाणे णाममेगे ॥ ३५६ ॥ चत्तारि पुरिसजाया प० तं० आयंतकरे णाममेगे णो परंतकरे, परंतकरे णाममेगे णो आयंतकरे, एगे आयंतकरेवि परंतकरेवि, एगे णो आयंतकरे णो परंतकरे, चत्तारि पुरिसजाया प० तं० आयंतमे णाममेगे णो परंतमे परंतमे णाममेगे णो आयंतमे ४ । चत्तारि पुरिसजाया प० तं० आयंदमे णाममेगे णो परंदमे, परंदमे णाममेगे णो आयंदमे, एगे आयंदमेवि परंदमेवि, एगे णो आयंदमे णो परंदमे ॥ ३५७ ॥ चउव्विहा गरहा प० तं० उवमपज्जामिन्ति एगा गरहा, वित्तिगिच्छामिन्ति एगा गरहा, ज किंचिमिच्छामिन्ति एगा गरहा, एवंपि पण्णत्ते एगा गरहा ॥ ३५८ ॥ चत्तारि पुरिसजाया प० तं० अप्पणो णाममेगे अलमंधू भवइ णो परस्म, परस्स णाममेगे अलमंधू भवइ णो अप्पणो, एगे अप्पणोवि अलमंधू भवइ परस्सवि, एगे णो अप्पणो अलमंधू भवइ णो परस्म ॥ ३५९ ॥ चत्तारि मग्गा प० तं० उज्ज णाममेगे उज्जू, उज्जू णाममेगे वंके, वंके णाममेगे उज्जू, वंके णाममेगे वंके । एवामेव चत्तारि पुरिसजाया प० तं० उज्जू णाममेगे उज्जू ४ । चत्तारि मग्गा प० तं० खेमे णाममेगे खेमे, खेमे णाममेगे अखेमे ४ । एवामेव चत्तारि पुरिसजाया प० तं० खेमे णाममेगे खेमे ४ । चत्तारि मग्गा प० तं० खेमे णाममेगे खेमरूवे, खेमे णाममेगे अखेमरूवे ४ । एवामेव चत्तारि पुरिसजाया प० तं० खेमे णाममेगे खेमरूवे ४ ॥ ३६० ॥ चत्तारि संवुक्का प० तं० वामे णाममेगे वामावत्ते, वामे णाममेगे दाहिणवत्ते,


दाहिणे णाममेगे वामावत्ते, दाहिणे णाममेगे दाहिणावत्ते, एवामेव चत्तारि पुरि-
सजाया प० तं० वामे णाममेगे वामावत्ते ४ । चत्तारि धूमसिहाओ प० तं० वामा
णाममेगा वामावत्ता ४ । एवामेव चत्तारिन्थियाओ प० तं० वामा णाममेगा
वामावत्ता ४ । चत्तारि अग्गिमिहाओ प० तं० वामा णाममेगा वामावत्ता ४ ।
एवामेव चत्तारिन्थियाओ प० तं० वामा णाममेगा वामावत्ता ४ । चत्तारि वाय-
मंडलिया, वामा णाममेगा वामावत्ता ४ । एवामेव चत्तारिन्थियाओ प० तं०
वामा णाममेगा वामावत्ता ४ । चत्तारि वणखंडा प० तं० वामे णाममेगे वामावत्ते
४ । एवामेव चत्तारि पुरिसजाया प० तं० वामे णाममेगे वामावत्ते ४ ॥ ३६१ ॥
चउहि ठाणेहि णिमंथे णिमंथि आलवमाणे वा सलवमाणे वा णाइक्कमइ, तं० पंथं
पुच्छमाणे वा पंथं देसमाणे वा असणं वा पाणं वा खाइमं वा साइमं वा दलयमाणे
वा, दलावमाणे वा ॥ ३६२ ॥ तमुक्कायस्स णं चत्तारि णामधेज्जा प० तं० तमेइ वा,
तमुक्काएइ वा, अंधयारेइ वा, सहंधयारेइ वा, तमुक्कायस्स णं चत्तारि णामधेज्जा
प० तं० लोगेधयारेइ वा, लोगतमसेइ वा, देवंधयारेइ वा, देवनमसेइ वा, तमु-
क्कायस्स णं चत्तारि णामधेज्जा प० तं० वायफलिहेइ वा, वायफलिहस्खोभेइ वा,
देवरणेइ वा, देवइहेइ वा, तमुक्काए णं चत्तारि कप्पे आवरित्ता चिट्ठइ तं० सोहम्मी-
साणं सणकुमारमहिंदं ॥ ३६३ ॥ चत्तारि पुरिसजाया प० तं० सपागडपडिसेवी
णाममेगे, पच्छण्णपडिसेवी णाममेगे, पड्डुपण्णंदी णाममेगे, णिस्सरणणंदी
णाममेगे ॥ ३६४ ॥ चत्तारि सेणाओ प० तं० जइत्ता णाममेगा णो पराजिणित्ता,
पराजिणित्ता णाममेगा णो जइत्ता, एगा जइत्ता वि पराजिणित्तावि, एगा णो जइत्ता
णो पराजिणित्ता । एवामेव चत्तारि पुरिसजाया प० तं० जइत्ता णाममेगे णो
पराजिणित्ता ४ । चत्तारि सेणाओ प० तं० जइत्ता णाममेगा जयइ, जइत्ता णाममेगा
पराजिणइ, पराजिणित्ता णाममेगा जयइ, पराजिणित्ता णाममेगा पराजिणइ, एवा-
मेव चत्तारि पुरिसजाया प० तं० जइत्ता णाममेगे जयइ ॥ ३६५ ॥ चत्तारि केअणा
प० तं० बंसीमूलकेअणए, मेंढविसाणकेअणए, गोमुत्तिकेअणए, अवलेहणियके-
अणए । एवामेव चउब्बिहा माया प० तं० बंसीमूलकेअणासमाणा जाव अवलेहणि-
याकेअणासमाणा, बंसीमूलकेअणासमाणं भायं अणुप्पविट्ठे जीवे कालं करेइ णेरइएसु
उववज्जइ, मेंढविसाणकेअणासमाणं मायमणुप्पविट्ठे जीवे कालं करेइ तिरिकख-
जोणिएसु उववज्जइ, गोमुत्तिअ जाव कालं करेइ मणुस्सेसु उववज्जइ, अवलेहणिया
जाव देवेसु उववज्जइ ॥ ३६६ ॥ चत्तारि थंभा प० तं० सेलथंभे षट्ठिथंभे दास-
थंभे, तिणिसलयाथंभे; एवामेव चउब्बिहे माणे प० तं० सेलथंभसमाणे जाव तिणि-

सलयाथंभसमाणे । सेलथंभसमाणं माणं अणुप्पविट्ठे जीवे कालं करेइ णेरइएसु उववज्जइ, एवं जाव तिणिसलयाथंभसमाणं माणं अणुप्पविट्ठे जीवे कालं करेइ देवेसु उववज्जइ ॥ ३६७ ॥ चत्तारि वत्था प० तं० किमिरागरत्ते कइमरागरत्ते खंजणरागरत्ते हलिइरागरत्ते एवामेव चउव्विहे लोभे प० तं० किमिरागरत्तवत्थसमाणे कइमरागरत्तवत्थसमाणे खंजणरागरत्तवत्थसमाणे हलिइरागरत्तवत्थसमाणे, किमिरागरत्तवत्थसमाणे लोभमणुप्पविट्ठे जीवे कालं करेइ नेरइएसु उववज्जइ, तहेव जाव हलिइरागरत्तवत्थसमाणं लोभमणुप्पविट्ठे जीवे कालं करेइ देवेसु उववज्जइ ॥ ३६८ ॥ चउव्विहे संसारे प० तं० णेरइयसंसारे जाव देवसंसारे, चउव्विहे आउए प० तं० णेरइयआउए जाव देवाउए, चउव्विहे भवे प० तं० णेरइयभवे जाव देवभवे ॥ ३६९ ॥ चउव्विहे आहारे प० तं० असणे पाणे खाइमे साइमे । चउव्विहे आहारे प० तं० उवक्खरसंपन्ने, उवक्खडसपन्ने, सभावसंपन्ने, परिजुसियसंपन्ने ॥ ३७० ॥ चउव्विहे बंधे प० तं० पगइबंधे ठिइबंधे अणुभावबंधे पएसबंधे, चउव्विहे उवक्कमे प० तं० बंधणोवक्कमे उदीरणोवक्कमे उवसमणोवक्कमे विप्परिणामणोवक्कमे, बंधणोवक्कमे चउव्विहे प० तं० पगइबंधणोवक्कमे ठिइबंधणोवक्कमे अणुभावबंधणोवक्कमे पएसबंधणोवक्कमे, उदीरणोवक्कमे चउव्विहे प० तं० पगइउदीरणोवक्कमे ठिइउदीरणोवक्कमे अणुभागउदीरणोवक्कमे पएसउदीरणोवक्कमे, उवसामणोवक्कमे चउव्विहे प० तं० पगइउवसामणोवक्कमे ठिइअणुभावपएसउवसामणोवक्कमे । विपरिणामणोवक्कमे चउव्विहे प० तं० पगइठिइअणुभावपएसविपरिणामणोवक्कमे । चउव्विहे अप्पाबहुए प० तं० पगइअप्पाबहुए ठिइअणुभावपएसअप्पाबहुए; चउव्विहे संकमे, पगइसंकमे ठिइअणुभावपएससंकमे । चउव्विहे निधत्ते प० तं० पगइनिधत्ते, ठिइअणुभावपएसनिधत्ते । चउव्विहे निगाइए प० तं० पगइनिगाइए, ठिइनिगाइए, अणुभावनिगाइए, पएसनिगाइए ॥ ३७१ ॥ चत्तारि एक्का प० तं० दविए एक्कए माउएक्कए पज्जएएक्कए सगहएक्कए, चत्तारि कइं प० तं० दवियकइं माउयकइं पज्जवकइं संगहकइं, चत्तारि मव्वा प० तं० णामसव्वए ठव्वणसव्वए आएससव्वए निरवमेससव्वए ॥ ३७२ ॥ माणुसुत्तरस्स णं पव्वयस्स चउव्विहिं चत्तारि कूडा प० तं० रयणे रयणुच्चए सव्वरयणए रयणसंचए ॥ ३७३ ॥ जंबुहीवे २ भरहेरवएसु वासेसु तीयाए उस्सप्पिणीए सुसमसुसमाए ममाए चत्तारि सागरोवमकोडाकोडीओ कालो होत्था, जंबुहीवे २ भरहेरवए इमीसे ओसप्पिणीए दुसमसुसमाए समाए जहण्णपए णं चत्तारि सागरोवमकोडाकोडीओ कालो होत्था । जंबुहीवे हीवे जाव आगमिस्साए उस्सप्पिणीए सुसमसुसमाए समाए

चत्तारि सागरोवमकोडाकोडीओ कालो भविस्सइ, जंबुद्दीवे दीवे देवकुरुत्तरकुरुव-
जाओ चत्तारि अकम्मभूमीओ प० तं० हेमवए एरण्णवए हरिवासे रम्मगवासे,
चत्तारि वट्टवेयङ्गुपव्वया प० तं० सद्दावई वियडावई गंधावई मालवंतपरियाए ।
तत्थ णं चत्तारि देवा महिङ्गिया जाव पलिओवमठिइया परिवसंति तं० साई पभासे
अरुणे पउमे, जंबुद्दीवे दीवे महाविदेहेवासे चउव्विहे प० तं० पुव्वविदेहे,
अवरविदेहे, देवकुरा, उत्तरकुरा, सव्वेवि णं णिसट्ठणीलवंतवासहरपव्वया चत्तारि
जोयणसयाई उट्ठु उच्चत्तेणं, चत्तारि गाउयसयाई उव्वेहेणं प० । जंबुद्दीवे
दीवे मंदरस्स पव्वयस्स पुरत्थिमेणं सीआए महाणईए उत्तरकूले चत्तारि वक्खार-
रपव्वया प० तं० च्चिक्कूडे पम्हकूडे णल्लिणकूडे एगसेले, जंबूमंदरपुरत्थिमेणं
सीआए महाणईए दाहिणकूले चत्तारि वक्खारपव्वया प० तं० तिक्कूडे वेसमणकूडे
अंजणे मायंजणे, जंबूमंदरस्स पच्चत्थिमेणं सीओआए महाणईए दाहिणकूले चत्तारि
वक्खारपव्वया प० तं० अंकावई पम्हावई आसीविसे सुद्दावहे । जंबूमंदरस्स
पच्चत्थिमेणं सीओआए महाणईए उत्तरकूले चत्तारि वक्खारपव्वया प० तं० चंद-
पव्वए सुएपव्वए देवपव्वए णागपव्वए, जंबुद्दीवे दीवे मंदरस्स पव्वयस्स चउसु
विदिसासु चत्तारि वक्खारपव्वया प० तं० सोमणसे विज्जुपभे गंधमायणे माल-
वंते, जंबुद्दीवे दीवे महाविदेहे वासे जहण्णपए चत्तारि अरिहंता, चत्तारि चक्कवट्ठी,
चत्तारि बलदेवा, चत्तारि वासुदेवा, उप्पज्जिसु वा उप्पज्जंति वा उप्पज्जिस्संति
बा, जंबुद्दीवे दीवे मंदरे पव्वए चत्तारि वणा प० तं० भइसालवणे, णंदणवणे,
सोमणमवणे, पंडगवणे, जंबूमंदरपव्वयपंडगवणे चत्तारि अभिसेगसिलाओ प० तं०
पंडुकंबलसिला, अतिपंडुकंबलसिला, रत्तकंबलसिला, अइरत्तकंबलसिला, मंदरचूलि-
या णं उवरिं चत्तारि जोयणाई विक्खंभेणं पण्णात्ता, एवं धायइखंडदीवपुरच्छिमइदेवि
कालं आई करित्ता जाव मंदरचूलियत्ति । एवं जाव पुक्खरवरदीवपच्चत्थिमइदे जाव
मंदरचूलियत्ति, जंबुद्दीवगआवस्सगं तु कालाओ चूलिया जाव धायइखंडे पुक्खर-
वरे य पुव्वावरे पासे । जंबुद्दीवस्स णं दीवस्स चत्तारि दारा प० तं० विजयं वेजयंते
जयते अपराजिए, ते णं दारा चत्तारि जोयणाई विक्खंभेणं तावइयं चेव पवेसेणं
प० तत्थ णं चत्तारि देवा महिङ्गिया जाव पलिओवमठिइया परिवसंति तं० विजए
वेजयंते जयंते अपराजिए ॥ ३७४ ॥ जंबुद्दीवे दीवे मंदरस्स पव्वयस्स दाहिणेणं
चुल्लहिमवंतस्स वासहरपव्वयस्स चउसु विदिसासु लवणसमुदं तिण्णि तिण्णि जोयण-
सयाई ओगाहेत्ता एत्थणं चत्तारि अंतरदीवा प० तं० एगरुयदीवे ओभासिअदीवे
वेसाणियदीवे पंगोलियदीवे, तेसु णं दीवेसु चउव्विहवा मणुस्सा परिवसंति, एगरुया

ओभासिया वेसाणिया गंगोलिया, तेसि णं वीवाणं चउसु वि दिसासु लवणसमुद्दं चत्तारि चत्तारि जोयणसयाइं ओगाहेत्ता एत्थ णं चत्तारि अंतरदीवा प० तं० हय-
 कण्णदीवे, गयकण्णदीवे गोकण्णदीवे मक्कुलिकण्णदीवे, तेसु णं वीवेसु चउव्विहा
 मणुस्सा परिवसंति तं० हयकण्णा गयकण्णा गोकण्णा सक्कुलिकण्णा, तेसि णं वीवाणं
 चउसु विदिमासु लवणसमुद्दं पच्च पंच जोयणसयाइं ओगाहेत्ता एत्थ णं चत्तारि अंतर-
 दीवा प० तं० आर्यसमुहदीवे मेडगमुहदीवे अओमुहदीवे गोमुहदीवे । तेसु णं दीवेसु
 चउव्विहा मणुस्सा भाणियव्वा, तेसि णं वीवाणं चउसु विदिमासु लवणसमुद्दं छ
 छजोयणसयाइं ओगाहेत्ता एत्थ णं चत्तारि अंतरदीवा प० तं० आमसुहदीवे हत्थि-
 मुहदीवे सीहसुहदीवे वग्गसुहदीवे, तेसु णं दीवेसु मणुस्सा भाणियव्वा तेसि णं
 वीवाणं चउसु विदिमासु लवणसमुद्दं सत्तभत्तजोयणसयाइं ओगाहेत्ता एत्थ णं चत्तारि
 अंतरदीवा प० तं० आसकण्णदीवे हत्थिकण्णदीवे अकण्णदीवे कण्णपाउरणदीवे ।
 तेसु णं दीवेसु मणुस्सा भाणियव्वा । तेसि णं वीवाणं चउसु विदिमासु लवणसमुद्दं
 अट्ठ अट्ठजोयणसयाइं ओगाहेत्ता एत्थ णं चत्तारि अंतरदीवा प० तं० उक्कामुहदीवे
 मेहमुहदीवे विज्जुमुहदीवे विज्जुदत्तदीवे तेसु णं दीवेसु मणुस्सा भाणियव्वा । तेसि णं
 वीवाणं चउसु विदिमासु लवणसमुद्दं णव णव जोयणसयाइं ओगाहेत्ता एत्थ णं चत्तारि
 अंतरदीवा प० तं० घणदंतदीवे लट्ठदंतदीवे गुट्टदंतदीवे सुद्धदंतदीवे, तेसु णं दीवेसु
 चउव्विहा मणुस्सा परिवसंति तं० घणदंता लट्ठदंता गुट्टदंता सुद्धदंता । जंबुद्वीवे
 दीवे मंदरस्स पव्वयस्स उत्तरेणं मिहरिस्स वामहग्गपव्वयस्स चउसु विदिमासु
 लवणसमुद्दं तिष्णि तिष्णि जोयणसयाइं ओगाहेत्ता एत्थ णं चत्तारि अंतरदीवा
 प० तं० एगरूयदीवे सेसं तहेव निरवसेस भाणियव्व जाव सुद्धदंता ॥ ३७५ ॥
 जंबुद्वीवस्स णं वीवस्स बाहिरिक्काओ वेइयंताओ चउहिसि लवणसमुद्दं पंचाणउइजोयण-
 सहस्साइं ओगाहेत्ता एत्थ णं महइमहालया महालिंजरसंठाणसंठिया चत्तारि महा-
 पायाला प० तं० वलयामुहे केउए ज्वए ईमरे, तत्थ णं चत्तारि देवा महिन्धिया जाव
 पलिओवमठिइया परिवसंति तं० काले महाकाले वेलेने पभंजणे ॥ ३७६ ॥ जंबु-
 द्वीवस्स णं वीवस्स बाहिरिक्काओ वेइयंताओ चउहिसि लवणसमुद्दं बायालीसं २ जोयण-
 सहस्साइं ओगाहेत्ता एत्थ णं चउहं वेलेधरणागरायाणं चत्तारि आवासपव्वया
 प० तं० गोथूमे उदयभामे संखे दगसीमे, तत्थ णं चत्तारि देवा महिन्धिया जाव परि-
 वसंति तं० गोथूमे सिवए जाव मणोसिलए । जंबुद्वीवस्स णं वीवस्स बाहिरिक्काओ वेइय-
 न्ताओ चउसु विदिमासु लवणसमुद्दं बायालीसं २ जोयणसहस्साइं ओगाहेत्ता एत्थ णं
 चउहं अणुवेलेधरणागरायाणं चत्तारि आवासपव्वया प० तं० कक्कोडए विक्कुप्पे

श्रीसूत्रागम प्रकाशक सभितिकं द्वितीय-संरक्षक,



श्रीमान मोहनलाल धनराज कर्णावट, भवानी पेठ पूना नं. २.

केलासे अरुणप्पमे । तत्थ णं चत्तारि महिच्चिया जाव पलिओवमठिइया देवा परिव-
संति तं० कक्कोडए कइमए केलासे अरुणप्पमे ॥३७७॥ लवणे णं समुद्दे चत्तारि चंदा
पभासिसु वा पभासंति वा पभासिस्संति वा, चत्तारि सूरिया तविंसु वा तवंति वा तवि-
स्संति वा, चत्तारि कत्तियाओ जाव चत्तारि भरणीओ, चत्तारि अरुणी जाव चत्तारि
जमा, चत्तारि अंगारया जाव चत्तारि भावकेऊ ॥ ३७८ ॥ लवणस्स णं समुद्दस्स
चत्तारि दारा प० तं० विजए वेजयंते जयंते अपराजिए, ते णं दारा णं चत्तारि
जोयणाई विक्खंभेणं तावइयं चैव पवसेणं पण्णत्ता, तत्थ णं चत्तारि देवा महिच्चिया
जाव पलिओवमठिइया परिवसति विजए जाव अपराजिए ॥३७९॥ धायइखंडे णं
दीवे चत्तारि जोयणसयसहस्साई चक्कवालविक्खंभेणं प० ॥ ३८० ॥ जंबुद्दीवस्स णं
दीवस्स वहिया चत्तारि भरहाई चत्तारि एरवयाई, एवं जहा सदुहेसए तहेव णिरव-
सेसं भाणियव्वं, जाव चत्तारि मंदरा चत्तारि मंदरचूलियाओ ॥ ३८१ ॥ णंवीस-
रवरस्स णं दीवस्स चक्कवालविक्खंभस्स बहुमज्झदेसभाए चउद्दिसिं चत्तारि
अंजणगपव्वया प० तं० पुरच्छिमिळे अंजणगपव्वए दाहिणिळे अंजणगपव्वए,
पच्चत्थिमिळे अंजणगपव्वए उत्तरिळे अंजणगपव्वए, ते णं अजणगपव्वया चउरासीइ-
जोयणसहस्साई उच्च उच्चतेणं एणं जोयणसहस्सं उव्वेहेणं मूले दसजोयणमहस्साई
विक्खंभेणं नदणंनरं च णं मायाए मायाए परिहाएमाणा परिहाएमाणा उवरिभेणं
जोयणमहस्सं विक्खंभेणं प० मूले एकतीसं जोयणसहस्साई छच्चतेवीसे जोयणसए
परिकखेवेणं उवरिं तिण्णि २ जोयणसहस्साई एणं च छच्चठु जोयणसयं परिकखेवेणं
मूले विच्छिण्णा मज्जे संखित्ता उाप्य तणुया गोपुच्छसठाणसंठिया सव्वअंजण-
मया अच्छा जाव पडिहवा, तेसिणं अंजणगपव्वयाणं चउद्दिसिं चत्तारि २ णं-
दाओ पुक्खरणीओ प० तासिणं पोक्खरणीणं पत्तेयं पत्तेयं चउद्दिसिं चत्तारि वण-
खंडा प० तं० पुरच्छिमेणं दाहिणेणं पच्चत्थिमेणं उत्तरेणं, पुव्वेणं असोगवणं
दाहिणओ होति सत्तवण्णवणं, अवरेण चंपगवणं, अबवणं उत्तरे पासे ॥ १ ॥
तत्थ णं जे से पुरच्छिमिळे अंजणगपव्वए तस्स णं चउद्दिसिं चत्तारि णंदापोक्खर-
णीओ पण्णत्ताओ तं० णंदा णंदुत्तरा आणंदा णंदिवद्धणा, तासिणं पोक्खरणीणं पत्तेयं
पत्तेयं चउद्दिसिं चत्तारि तिसोवाणपडिहवगा प० तेसिणं तिसोवाणपडिहवगणं पुरओ
चत्तारि तोरणा प० पुरच्छिमेणं दाहिणेणं पच्चत्थिमेणं उत्तरेणं, तासिणं पोक्खर-
णीणं पत्तेयं पत्तेयं चउद्दिसिं चत्तारि वणखंडा प० तं० पुरओ दाहिणओ पच्चत्थिमेणं
उत्तरेणं, पुव्वेणं असोगवणं जाव अबवणं उत्तरे पासे । तासिणं पुक्खरणीणं बहु-
मज्झदेसभाए चत्तारि दहिमुद्दगपव्वया प० ते णं दहिमुद्दगपव्वया चउत्तद्धिं जोयण-

सहस्साई उद्धं उच्चतेणं एगं जोयणसहस्समुव्वेहेणं, सव्वत्थसमा पल्लगसंठाणसंठिया दसजोयणसहस्साई विक्खंभेणं एकतीसं जोयणसहस्साई छच्चतेवीसजोयणसए परिक्खेवेणं सव्वरयणामया अच्छा जाव पडिस्वा । सेसं जहेव अंजणगपव्वयाणं तहेव णिरवसेसं भाणियव्वं जाव अंबवणं उत्तरेपासे । तत्थ णं जे से दाहिणिल्ले अंजणगपव्वए तस्सणं चउद्दिसिं चत्तारि णंदाओ पुक्खरणीओ प० तं० भहा विसाला कुमुया पोंडरीगिणी । सेसं तं चेव जाव दहिमुहगपव्वया जाव वणखंडा । तत्थणं जे से पच्चत्थिमिल्ले अंजणगपव्वए तस्स णं चउद्दिसिं चत्तारि णंदाओ पोक्खरणीओ पण्णत्ताओ तं० णंदिसेणा अमोहा गोथूभा सुदंसणा, सेसं तं चेव, तहेव दहिमुहगपव्वया तहेव जाव वणखंडा । तत्थणं जे से उत्तरिल्ले अंजणगपव्वए तस्स णं चउद्दिसिं चत्तारि णंदाओ पोक्खरणीओ प० तं० विजया वेजयंती जयंती अपराजिया, तहेव दहिमुहगपव्वया, तहेव जाव वणखंडा । णंदीसरवरस्स णं दीवस्स चक्कवाळविकखंभस्स बहुमज्झदसभाए चउमु विदिसासु चत्तारि रतिकरगपव्वया प० तं० उत्तरपुरच्छिमिल्ले रतिकरगपव्वए दाहिणपुरत्थिमिल्ले रतिकरगपव्वए दाहिणपच्चत्थिमिल्ले रतिकरगपव्वए उत्तरपच्चत्थिमिल्ले रतिकरगपव्वए, ते णं रतिकरगपव्वया दसजोयणसयाई उद्धं उच्चतेणं दमगाउयमयाई उव्वेहेणं, सव्वत्थसमा झद्धरिमंठाणसंठिया, दसजोयणसहस्साई विक्खंभेणं, एकतीसं जोयणसहस्साई छच्चतेवीसे जोयणसए परिक्खेवेणं, सव्वरयणामया अच्छा जाव पडिस्वा । तत्थ णं जे से उत्तरपुरच्छिमिल्ले रतिकरगपव्वए तस्सणं चउद्दिसिं सक्कस्स देविदस्स देवरण्णो चउण्हमग्गमहिसीणं जंबुहीवप्पमाणमेत्ताओ चत्तारि रायहाणीओ पण्णत्ताओ तं० णंदोत्तरा णंदा उत्तरकुरा देवकुरा । कण्हाए कण्हराईए कामाए कामरक्खियाए, तत्थ णं जे से दाहिणपुरच्छिमिल्ले रतिकरगपव्वए तस्सणं चउद्दिसिं सक्कस्स देविदस्स देवरण्णो चउण्हमग्गमहिसीणं जंबुहीवप्पमाणो चत्तारि रायहाणीओ प० तं० सुमणा सोमणसा अच्चिमाली मणोरमा । पउमाए सिवाए सईए अंजूए । तत्थणं जे से दाहिणपच्चत्थिमिल्ले रतिकरगपव्वए तस्सणं चउद्दिसिं सक्कस्स देविदस्स देवरण्णो चउण्हमग्गमहिसीणं जंबुहीवप्पमाणमेत्ताओ चत्तारि रायहाणीओ प० तं० भूया भूयवडिसा गोथूभा सुदंसणा । अमलाए अच्छराए नवसियाए रोहिणीए । तत्थ णं जे से उत्तरपच्चत्थिमिल्ले रतिकरगपव्वए तस्सणं चउदिसिमीसाणस्स चउण्हमग्गमहिसीणं जंबुहीवप्पमाणमेत्ताओ चत्तारि रायहाणीओ प० तं० रयणा रयणोच्चया सव्वरयणा रयणसंचया । वसूए वसुगुत्ताए वसुमित्ताए वसुंधराए ॥ ३८२ ॥ चउव्विहे सव्वे प० तं० णामसव्वे ठवणसव्वे द्धव्वसव्वे भावसव्वे ॥ ३८३ ॥ आग्नी-

वियाणं चउव्विहे तवे प० तं० उग्गतवे घोरतवे रसनिज्जूहणया जिब्भिदियपडि-
संलीणया ॥ ३८४ ॥ चउव्विहे संजमे प० तं० मणसंजमे वइसंजमे कायसजमे
उवगरणसंजमे । चउव्विहे चियाए प० तं० मणचियाए वदचियाए कायचियाए
उवगरणचियाए, चउव्विहा अकिचणया प० तं० मणअकिचणया वइअकिचणया
कायअकिचणया उवगरणअकिचणया ॥ ३८५ ॥ चउत्थट्टाणस्स वीओ-
हेसो समत्तो ॥

चत्तारि राईओ प० तं० पव्वयराई पुडविराई बालुयराई उदगराई । एवामेव
चउव्विहे कोहे प० तं० पव्वयराइसमाणे पुडविराइसमाणे बालुयराइसमाणे उदग-
राइसमाणे । पव्वयराइसमाणं कोहमणुपविट्ठे जीवे कालं करेइ णेरइएसु उववज्जइ,
पुडविराइसमाणं कोहमणुपविट्ठे जीवे कालं करेइ तिरिअखजोणिएसु उववज्जइ, बालु-
यराइसमाणं कोहमणुपविट्ठे जीवे कालं करेइ मणुस्सेसु उववज्जइ, उदगराइसमाणं
कोहमणुपविट्ठे जीवे कालं करेइ देवेसु उववज्जइ, चत्तारि उदगा प० तं० कद्दमोदए
खंजणोदए बालुओदए सेलोदए, एवामेव चउव्विहे भावे प० तं० कद्दमोदगसमाणे
खंजणोदगसमाणे बालुओदगसमाणे सेलोदगसमाणे । कद्दमोदगसमाणं भावमणुपविट्ठे
जीवे कालं करेइ णेरइएसु उववज्जइ एवं जाव सेलोदगसमाणं भावमणुपविट्ठे जीवे
कालं करेइ देवेसु उववज्जइ ॥ ३८६ ॥ चत्तारि पक्खी प० तं० हयसंपन्ने णाममेगे
णो रुवसंपन्ने, रुवसंपन्ने णाममेगे णो हयसंपन्ने, एगे हयसंपन्ने वि रुवसंपन्ने वि,
एगे णो हयसंपन्ने णो रुवसंपन्ने, एवामेव चत्तारि पुरिसजाया प० तं० हयसंपन्ने
णाममेगे णो रुवसंपन्ने ४ ॥ ३८७ ॥ चत्तारि पुरिसजाया प० तं० पत्तियं करेमिप्पि
एगे पत्तियं करेइ, पत्तियं करेमिप्पि एगे अपत्तियं करेइ, अपत्तियं करेमिप्पि एगे
पत्तियं करेइ, अपत्तियं करेमिप्पि एगे अपत्तियं करेइ, चत्तारि पुरिसजाया प० तं०
अप्पणो णाममेगे पत्तियं करेइ णो परस्स, परस्स णाममेगे पत्तियं करेइ णो अप्पणो
४ । चत्तारि पुरिसजाया प० तं० पत्तियं पवेसामिप्पि एगे पत्तियं पवेसेइ, पत्तियं
पवेसामिप्पि एगे अपत्तियं पवेसेइ, अपत्तियं पवेसामिप्पि एगे पत्तियं पवेसेइ, अप-
त्तियं पवेसामिप्पि एगे अपत्तियं पवेसेइ, चत्तारि पुरिसजाया प० तं० अप्पणो णाम-
मेगे पत्तियं पवेसेइ णो परस्स ४ ॥ ३८८ ॥ चत्तारि रुक्खा प० तं० पत्तोवए
पुप्फोवए फलोवए छायोवए, एवामेव चत्तारि पुरिसजाया प० तं० पत्तो वा रुक्ख-
समाणे पुप्फो वा रुक्खसमाणे फलो वा रुक्खसमाणे छायो वा रुक्खसमाणे
॥ ३८९ ॥ भारं णं बहुमाणस्स चत्तारि आसासा प० तं० जत्थ णं अंसाओ अंसं
साहरइ तत्थ वि ग से एगे आसासे पण्णत्ते, जत्थ वि य णं उच्चारं वा पासवणं

वा परिठावेति तत्थ वि य से एगे आसासे प० जत्थ वि य णं गागकुमारावासंसि
वा सुवच्चकुमारावासंसि वा वासं उवेइ तत्थ वि य से एगे आसासे प० जत्थ वि
य णं आवकहाए चिट्ठइ जाव आसासे प०, एवामेव समणोवासगस्स चत्तारि
आसासा प० तं० जत्थ वि य णं सीलव्वयगुगव्वयवेरमणपच्चक्खत्ताणपोसहोववा-
साइं पड्विज्जइ तत्थ वि य से एगे आसासे प०, जत्थ वि य णं सामाइयं देसा-
वगासियं सम्ममणुपालेइ तत्थ वि य से एगे आसासे प०, जत्थ वि य णं चाउद्दमकूम-
हिट्ठुण्णिमात्तिणीसु पड्विपुण्णं पोसहं सम्मं अणुपालेइ तत्थ वि य से एगे आसासे
प०, जत्थ वि य णं अपच्छिममारणंतियसंलेहणाजूमणाजूसिए भत्तपाणपड्विया-
इक्खिए पाओवगए कालमणवक्खमाणे विहरइ तत्थ वि य से एगे आसासे प०
॥ ३९० ॥ चत्तारि पुरिसजाया प० त० उदिओदिए णाममेगे, उदियत्थमिए
णाममेगे, अत्थमिओदिए णाममेगे, अत्थमियत्थमिए णाममेगे । भरहे राया
चाउरंतच्चक्खवट्ठी ण उदिओदिए, वंभदत्ते णं राया चाउरंतच्चक्खवट्ठी उदियत्थमिए,
हरिएमबलेणमणगारे अत्थमिओदिए, काले णं सोयरिए अत्थमियत्थमिए ॥ ३९१ ॥
चत्तारि जुंसा प० तं० कडजुम्मे तेयोए, दावरजुम्मे कळिओए, णेरइयाणं चत्तारि
जुंसा प० तं० कडजुंमे जाव कळिओए, एवमसुरकुमाराणं जाव थणियकूमागणं,
एवं पुडविकाइयाणं आउतंतवाउवणस्सइवेदियाणं तेइदियाणं चउरिंदियाणं पंचि-
दियतिरिक्खजाणियाणं मणुस्साणं वाणमंतरजोइसियाणं वेमाणियाणं सव्वेसि जहा
नेरइयाणं ॥ ३९२ ॥ चत्तारि सूरा प० तं० खंतिसूरे तवमूरे दाणसूरे जुद्धसूरे,
खंतिसूरा अरिहंता तवसूरा अणगारा; दाणसूरे वेममणे जुद्धसूरे वामुदेवे ॥ ३९३ ॥
चत्तारि पुरिसजाया प० तं० उच्चे णाममेगे उच्चच्छंदे उच्चे णाममेगे णीयच्छंदे णीए
णाममेगे उच्चच्छंदे णीए णाममेगे णीयच्छंदे ॥ ३९४ ॥ असुरकुमाराणं चत्तारि
लेस्सा प० तं० कण्डलेस्सा णीललेस्सा काउलेस्सा तेउलेस्सा, एवं जाव थणिय-
कुमाराणं एवं पुडविकाइयाणं आउवणस्सइकाइयाणं वाणमंतराणं सव्वेसि जहा
असुरकुमाराणं ॥ ३९५ ॥ चत्तारि जाणा प० तं० जुत्ते णाममेगे जुत्ते जुत्ते णाममेगे
अजुत्ते अजुत्ते णाममेगे जुत्ते अजुत्ते णाममेगे अजुत्ते, एवामेव चत्तारि पुरिसजाया
प० तं० जुत्ते णाममेगे जुत्ते ४ । चत्तारि जाणा प० तं० जुत्ते णाममेगे जुत्तपरिणए,
जुत्ते णाममेगे अजुत्तपरिणए ४ । एवामेव चत्तारि पुरिसजाया प० तं० जुत्ते णाममेगे
जुत्तपरिणए ४ । चत्तारि जाणा प० तं० जुत्ते णाममेगे जुत्तरूवे जुत्ते णाममेगे
अजुत्तरूवे ४ । एवामेव चत्तारि पुरिसजाया प० तं० जुत्ते णाममेगे जुत्तरूवे ४ ।
चत्तारि जाणा प० तं० जुत्ते णाममेगे जुत्तसोभे ४ । एवामेव चत्तारि पुरिसजाया

प० तं० जुत्ते णाममेगे जुत्तसोभे ४ । चत्तारि जुग्गा प० तं० जुत्ते णाममेगे जुत्ते ४ । एवामेव चत्तारि पुरिसजाया प० तं० जुत्ते णाममेगे जुत्ते ४ । एवं जहा जाणेण चत्तारि आलावगा तथा जुग्गेणवि पडिवक्खो तहेव पुरिसजाया जाव सोभेत्ति, चत्तारि सारही प० तं० जोआवइत्ता णाममेगे णो विजोयावइत्ता, विजोयावइत्ता णाममेगे णो जोयावइत्ता, एगे जोयावइत्तावि विजोयावइत्तावि, एगे णो जोयावइत्ता णो विजोयावइत्ता, एवामेव चत्तारि पुरिसजाया, चत्तारि हया प० तं० जुत्ते णाममेगे जुत्ते ४ । एवामेव चत्तारि पुरिसजाया प० तं० जुत्ते णाममेगे जुत्ते ४ । एवं जुत्तपरिणए जुत्तरूवे जुत्तगोभे सव्वेत्ति पडिवक्खो पुरिसजाया । चत्तारि गया प० तं० जुत्ते णाममेगे जुत्ते ४ । एवामेव चत्तारि पुरिसजाया प० तं० जुत्ते णाममेगे जुत्ते ४ । एवं जहा हयाणं तथा गयाणवि भाणियव्वं । पडिवक्खो तहेव पुग्गिजाया, चत्तारि जुग्गारिया प० तं० पंथजाइं णाममेगे णो उप्पहजाइं उप्पहजाइं णाममेगे णो पंथजाइं एगे पंथजाइं वि उप्पहजाइं वि एगे णो पंथजाइं णो उप्पहजाइं । एवामेव चत्तारि पुरिमजाया ४ ॥ ३९६ ॥ चत्तारि पुप्फा प० तं० रूवसंपन्ने णाममेगे णो गंधसपन्ने गंधसंपन्ने णाममेगे णो रूवसंपन्ने एगे रूवसंपन्नेवि गंधसंपन्नेवि एगे णो रूवसंपन्ने णो गंधसंपन्ने । एवामेव चत्तारि पुरिमजाया प० तं० रूवसंपन्ने णाममेगे णो सीलसंपन्ने ४ ॥ ३९७ ॥ चत्तारि पुरिमजाया प० तं० जाइसंपन्ने णाममेगे णो कुलसंपन्ने कुलसंपन्ने णाममेगे णो जाइसंपन्ने ४ । चत्तारि पुरिमजाया प० तं० जाइसंपन्ने णाममेगे णो बलसंपन्ने बलसंपन्ने णाममेगे णो जाइसंपन्ने ४ । एवं जाइए रूवेण य चत्तारि आलावगा, एवं जाइए सुएण य ४ । एवं जाइए सीलेण ४ एवं जाइए चरित्तेण ४ । एवं कुलेण बलेण ४ । कुलेण रूवेण ४ । कुलेण सुएण ४ । कुलेण सीलेण ४ । कुलेण चरित्तेण ४ । चत्तारि पुरिमजाया प० तं० बलसंपन्ने णाममेगे णो रूवसंपन्ने ४ । एवं बलेण सुएण ४ । एवं बलेण सीलेण ४ । एवं बलेण चरित्तेण ४ । चत्तारि पुरिसजाया प० तं० रूवसंपन्ने णाममेगे णो सुयसंपन्ने ४ । एवं रूवेण सीलेण ४ । रूवेण चरित्तेण ४ । चत्तारि पुरिसजाया प० तं० सुयसंपन्ने णाममेगे णो सीलसंपन्ने ४ । एवं सुएण चरित्तेण य ४ । चत्तारि पुरिसजाया प० तं० सीलसंपन्ने णाममेगे णो चरित्तसंपन्ने ४ । एए इक्कीमं भंगा भाणियव्वं ॥ ३९८ ॥ चत्तारि फला प० तं० आमलगमहुरे मुद्दियामहुरे खीरमहुरे खंडमहुरे, एवामेव चत्तारि आयरिया प० तं० आमलगमहु-रफलसमाणे जाव खंडमहुरफलसमाणे ॥ ३९९ ॥ चत्तारि पुरिसजाया प० तं० आयवेयावच्चरे णाममेगे णो परवेयावच्चरे ४ । चत्तारि पुरिसजाया प० तं०

करेइ णाममेगे वेयावच्चं णो पडिच्छइ पडिच्छइ णाममेगे वेयावच्चं णो करेइ ४ ।
 ॥ ४०० ॥ चत्तारि पुरिसजाया प० तं० अट्टकरे णाममेगे णो माणकरे माणकरे
 णाममेगे णो अट्टकरे, एगे अट्टकरेवि माणकरेवि एगे णो अट्टकरे णो माणकरे,
 चत्तारि पुरिसजाया प० तं० गणट्टकरे णाममेगे णो माणकरे ४, च० पु० जा०
 प० तं० गणसंगहकरे णाममेगे णो माणकरे ४ । चत्तारि पुरिसजाया प० तं०
 गणसोभकरे णाममेगे णो माणकरे ४ । चत्तारि पुरिसजाया प० तं० गणसोहिकरे
 णाममेगे णो माणकरे ४ ॥ ४०१ ॥ चत्तारि पुरिमजाया प० तं० ह्वं णाममेगे
 जहइ णो धम्मं धम्मं णाममेगे जहइ णो ह्वं एगे ह्वंपि जहइ धम्मंपि जहइ,
 एगे णो ह्वं जहइ णो धम्मं, चत्तारि पुरिसजाया प० तं० धम्मं णाममेगे
 जहइ णो गणसठिइं ४ । चत्तारि पुरिसजाया प० तं० पियधम्मं णाममेगे णो
 दट्ठधम्मं दट्ठधम्मं णाममेगे णो पियधम्मं, एगे पियधम्मंवि दट्ठधम्मंवि एगे णो
 पियधम्मं णो दट्ठधम्मं ॥ ४०२ ॥ चत्तारि आयरिया प० तं० पव्वावणायरिए
 णाममेगे णो उवट्ठावणायरिए उवट्ठावणायरिए णाममेगे णो पव्वावणायरिए, एगे
 पव्वावणायरिएवि उवट्ठावणायरिएवि, एगे णो पव्वावणायरिए णो उवट्ठावणाय-
 रिए, चत्तारि आयरिया प० तं० उद्दसणायरिए णाममेगे णो वायणायरिए ४
 धम्मायरिए सम्मत्तपओ णायव्वो ॥ ४०३ ॥ चत्तारि अत्तेवासी प० तं० पव्वा-
 वणंतेवासी णाममेगे णो उवट्ठावणंतेवासी ४ जाव धम्मंतेवासी, चत्तारि अत्तेवासी
 प० तं० उद्दसणंतेवासी णाममेगे णो वायणंतेवासी ४ ॥ ४०४ ॥ चत्तारि णिगंथा
 प० तं० रायणिए समणे निगंथे महाकम्मं महाकिरिए अणायवी असमिए धम्मस्स
 अणाराहए भवइ, रायणिए समणे निगंथे अप्पकम्मं अप्पकिरिए आयात्री समिए
 धम्मस्स आराहए भवइ, ओमराइणिए समणे णिगंथे महाकम्मं महाकिरिए अणा-
 यावी असमिए धम्मस्स अणाराहए भवइ, ओमराइणिए समणे णिगंथे अप्पकम्मं
 अप्पकिरिए आयावी समिए धम्मस्स आराहए भवइ, चत्तारि णिगंथीओ प० तं०
 राइणिया समणी णिगंथी ४ एवं चैव, चत्तारि समणोवासगा प० तं० रायणिए
 समणोवासए महाकम्मं ४ तहेव, चत्तारि समणोवासियाओ प० तं० रायणिया सम-
 णोवासिया महाकम्मं तहेव चत्तारि गमा ॥ ४०५ ॥ चत्तारि समणोवासगा प०
 तं० अम्मापिइसमाणे भाइसमाणे भित्तसमाणे सवत्तिसमाणे । चत्तारि समणोवा-
 सगा प० तं० अद्दागसमाणे पडागसमाणे ख्वाणुसमाणे खरकंटकसमाणे ॥ ४०६ ॥
 समणस्स णं भगवओ महावीरस्स समणोवासगाणं सोहम्मं कप्पे अरुणाभे विमाणे
 चत्तारि पत्तिओवमाइं ठिइ प० ॥ ४०७ ॥ चउहिं ठाणेहिं अहुणोववञ्जे देवे देवलोगेसु

इच्छेज्जा माणुसं लोगं हव्वमागच्छित्तए णो चेव णं संचाएइ हव्वमागच्छित्तए तं०
 अहुणोववन्ने देवे देवलोगेसु दिव्वेसु कामभोगेसु मुच्छिए णिद्धं गट्टिए अज्झोववन्ने
 से णं माणुस्सए कामभोगे णो आढाइ णो परियाणाइ णो अट्ठं बंधइ णो णियाणं
 पगरेइ, णो ठिइप्पगप्पं पगरेइ, अहुणोववन्ने देवे देवलोगेसु दिव्वेसु कामभोगेसु
 मुच्छिए ४ तस्स णं माणुस्सए पेमे वोच्छिण्णे दिव्वं पेमे सकंते भवइ, अहुणोववन्ने
 देवे देवलोएसु दिव्वेसु कामभोगेसु मुच्छिए ४ तस्स णं एवं भवइ, इयण्हि गच्छं
 मुहुत्तेग गच्छं तेणं कालेणमप्पाउआ मणुस्सा कालधम्मणा संजुत्ता भवंति, अहुणोव-
 वन्ने देवे देवलोएसु दिव्वेसु कामभोगेसु मुच्छिए ४ तस्स णं माणुस्सए गंधे पडिकूले
 पडिलोमे यावि भवइ, उच्चु पिय णं माणुस्सए गंधे जाव चत्तारिपंचजोयणसयाइं
 हव्वमागच्छइ ४ इच्चेएहिं चउहिं ठाणेहिं अहुणोववन्ने देवे देवलोएसु इच्छेज्जा
 माणुसं लोगं हव्वमागच्छित्तए णो चेव णं मचाएइ हव्वमागच्छित्तए ॥ ४०८ ॥ चउहिं
 ठाणेहिं अहुणोववन्ने देवे देवलोएसु इच्छेज्जा माणुसं लोगं हव्वमागच्छित्तए संचा-
 एइ हव्वमागच्छित्तए तं० अहुणोववन्णे देवे देवलोगेसु दिव्वेसु कामभोगेसु अमु-
 च्छिए जाव अणज्झोववन्णे तस्स ण एव भवइ अत्थि खल्ल मम माणुस्सए भवे
 आयरिएइ वा उवज्जाएइ वा पवनीइ वा धेरेइ वा गणीइ वा गणहरेइ वा गणा-
 वच्छेइ वा जेमिं पभावेण मए इमा एयारूवा दिव्वा देविद्धी दिव्वा देवजुइ लद्धा
 पत्ता अभिममण्णागया तं गच्छामि णं तं भगवंते वंदामि जाव पज्जुवासामि, अहु-
 णोववन्ने देवे देवलोएसु जाव अणज्झोववन्णे तस्स णं एवं भवइ एम णं माणुस्सए
 भवे णाणीइ वा तवस्सीइ वा अइदुक्करदुक्करकारए तं गच्छामि णं भगवन्तं वंदामि
 जाव पज्जुवासामि, अहुणोववन्ने देवे जाव अणज्झोववन्णे तस्स णं एवं भवइ अत्थि णं
 मम माणुस्सए भवे मायाइ वा जाव सुण्हाइ वा तं गच्छामि णं तेसिमंतियं पाउअभवामि
 पासतु ता मे इममेयारूवं दिव्वं देविद्धु दिव्वं देवजुइ लद्धं पत्तं अभिसमण्णागरयं,
 अहुणोववन्ने देवे देवलोएसु जाव अणज्झोववन्ने तस्स णं एवं भवइ अत्थि णं मम
 माणुस्सए भवे मिनेइ वा सुहीइ वा सहीइ वा सहाएइ वा संगइए वा तेसिं च णं
 अम्हे अणमण्णस्स संगारे पडिसुए भवइ, जो मे पुव्वि चयइ से सवोहियव्वे इच्चे-
 एहिं जाव संचाएइ हव्वमागच्छित्तए ॥ ४०९ ॥ चउहिं ठाणेहिं लोगंधगारे सिया
 तं० अरिहंतेहिं वांच्छिज्जमाणेहिं, अरिहंतपण्णत्ते धम्मो वोच्छिज्जमाणे पुव्वगए
 वोच्छिज्जमाणे जायतेए वोच्छिज्जमाणे, चउहिं ठाणेहिं लेउज्जोए सिया तं० अरिहंतेहिं
 जायमाणेहिं, अरिहंतेहिं पव्वयमाणेहिं, अरिहंताणं णाणुप्पायसहिमासु, अरिहंताणं
 परिनिव्वाणमहिमासु, एवं देवंधगारे देवुज्जोए देवसन्निवाए देवुकुलिया देवकुकइए,

चउहिं ठाणेहिं देविदा माणुसं लोगं हव्वमागच्छंति, एवं जहा तिठाणे जाव लोगं-
 तिया देवा माणुस्सं लोगं हव्वमागच्छेज्जा तं० अरिहंतेहिं जायमाणेहिं जाव अरिहं-
 ताणं परिनिव्वाणमहिमासु ॥ ४१० ॥ चत्तारि दुहसेज्जाओ प० तं० तत्थ खलु
 इमा पढमा दुहसेज्जा से णं मुंडे भविता अगाराओ अणगारियं पव्वइए निग्गंथे
 पावयणे सक्किए कंखिए वितिगिच्छिए भेयसमावण्णे कल्लससमावण्णे निग्गंथं पावयणं
 णो सहइ णो पत्तियइ णो रोएइ, निग्गंथं पावयणं असइहमाणे अपत्तियमाणे अरोए-
 माणे मणं उच्चावयं नियच्छइ विणिघायमावज्जइ पढमा दुहसेज्जा, अहावरा दोच्चा
 दुहसेज्जा से णं मुंडे भविता अगाराओ अणगारियं पव्वइए सएणं लाभेणं णो
 तुस्सइ परस्स लाभमासाएइ पीहेइ पत्थेइ अभिलसइ परस्स लाभमासाएमाणे
 जाव अभिलसमाणे मणं उच्चावयं नियच्छइ विणिघायमावज्जइ दोच्चा दुहसेज्जा,
 अहावरा तच्चा दुहसेज्जा, से णं मुंडे भविता अगाराओ अणगारियं पव्वइए
 दिव्वे माणुस्सए कामभोगे आसाएइ जाव अभिलसइ दिव्वे माणुस्सए कामभोगे
 आसाएमाणे जाव अभिलसमाणे मणं उच्चावयं नियच्छइ, विणिघायमावज्जइ तच्चा
 दुहसेज्जा, अहावरा चउत्था दुहसेज्जा से णं मुंडे भविता जाव पव्वइए तस्स
 णमेवं भवइ तया णं अहमगरावाममाववामि तया णमहं संवाहणपरिमहण्णायब्भंग-
 गाउच्छोळणाइं लभामि जप्पभिइं च णं अहं मुंडे भविता जाव पव्वइए तप्पभिइं-
 च णं अहं संवाहण जाव गाउच्छोळणाइं णो लभामि से णं संवाहणं जाव गाउ-
 च्छोळणाइं आसाएइ जाव अभिलसइ से णं संवाहण जाव गाउच्छोळणाइं आसाए-
 माणे जाव मणं उच्चावयं नियच्छइ विणिघायमावज्जइ चउत्था दुहसेज्जा ॥ ४११ ॥
 चत्तारि सुहसेज्जाओ प० तं० तत्थ खलु इमा पढमा सुहसेज्जा से णं मुंडे
 भविता अगाराओ अणगारियं पव्वइए निग्गंथे पावयणे णिस्सक्किए णिक्खिए,
 णिव्वितिगिच्छिए, णो भेयसमावण्णे णो कल्लससमावण्णे निग्गंथं पावयणं सहइ
 पत्तियइ रोएइ निग्गंथं पावयणं सहइमाणे पत्तियमाणे रोगमाणे णो मणं उच्चावयं
 नियच्छइ, णो विणिघायमावज्जइ पढमा सुहसेज्जा, अहावरा दोच्चा सुहसेज्जा से
 णं मुंडे भविता जाव पव्वइए सएणं लाभेणं तुस्सइ, परस्स लाभं णो आसाएइ, णो
 पीहेइ, णो पत्थेइ, णो अभिलसइ, परस्स लाभमणासाएमाणे जाव अणभिलसमाणे
 णो मणं उच्चावयं नियच्छइ, णो विणिघायमावज्जइ, दोच्चा सुहसेज्जा, अहावरा
 तच्चा सुहसेज्जा, से णं मुंडे भविता जाव पव्वइए दिव्वमाणुस्सए कामभोगे णो
 आसाएइ जाव णो अभिलसइ, दिव्वमाणुस्सए कामभोगे अणासाएमाणे जाव अण-
 भिलसमाणे णो मणं उच्चावयं नियच्छइ णो विणिघायमावज्जइ, तच्चा सुहसेज्जा,

अहावरा चउत्था सुहसेज्जा, से णं मुंडे भविता जाव पव्वइए तस्स णमेवं भवइ जइ ताव अरिहंता भगवंता हठ्ठा आरोग्गा बलिया कळ्ळसरीरा अन्नयराई ओरालाई कळ्ळाणाई विउलाई पयत्ताई परगहियाई महाणुभागाई कम्मक्खयकारणाई तवोकम्माई पडिबज्जति किमंगपुण अहं अब्भोवगमिओवक्कमियं वेयणं णो सम्मं सहामि खमामि तितिक्खेमि अहियासेमि ममं च णं अब्भोवगमिओवक्कमियं सम्मम-सहमाणस्स अखममाणस्स अतितिक्खमाणस्स अणहियासेमाणस्स किमण्णे कज्जइ ? एगंतसो मे पावे कम्मे कज्जइ ममं च णं अब्भोवगमिओ जाव सम्मं सहमाणस्स जाव अहियासेमाणस्स किमण्णे कज्जइ ? एगंतसो मे णिजरा कज्जइ, चउत्था सुह-सेज्जा ॥ ४१२ ॥ चत्तारि अवायणिज्जा प० तं० अविणीए, विगईपडिबडे, अविओसवियपाहुडे, मायी, चत्तारि वायणिज्जा प० तं० विणीए, अविगईपडिबडे, विओसवियपाहुडे, अमायी ॥ ४१३ ॥ चत्तारि पुरिसजाया प० तं० आयंभरे णाममेगे णो परंभरे, परंभरे णाममेगे णो आयंभरे, एगे आयंभरेवि परंभरेवि, एगे णो आयंभरे णो परंभरे ॥ ४१४ ॥ चत्तारि पुरिसजाया प० तं० दुग्गए णाम-मेगे दुग्गए, दुग्गए णाममेगे सुग्गए, सुग्गए णाममेगे दुग्गए, सुग्गए णाममेगे सुग्गए, चत्तारि पुरिसजाया प० तं० दुग्गए णाममेगे दुब्बए, दुग्गए णाममेगे सुब्बए, सुग्गए णाममेगे दुब्बए, सुग्गए णाममेगे सुब्बए, चत्तारि पुरिसजाया प० तं० दुग्गए णाममेगे दुप्पडियाणंदे, दुग्गए णाममेगे मुप्पडियाणंदे ४ । चत्तारि पुरिसजाया प० तं० दुग्गए णाममेगे दुग्गइगामी, दुग्गए णाममेगे सुग्गइगामी ४ । चत्तारि पुरिसजाया प० तं० दुग्गए णाममेगे दुग्गइ गए, दुग्गए णाममेगे सुग्गइ गए ॥ ४१५ ॥ चत्तारि पुरिसजाया प० तं० तमे णाममेगे तमे, तमे णाममेगे जोई, जोई णाममेगे तमे, जोई णाममेगे जोई, चत्तारि पुरिसजाया प० तं० तमे णाममेगे तमबले, तमे णाममेगे जोईबले, जोई णाममेगे तमबले, जोई णाममेगे जोईबले, चत्तारि पुरिसजाया प० तं० तमे णाममेगे तमबलपलज्जणे, तमे णाममेगे जोईबलपलज्जणे, ४ ॥ ४१६ ॥ चत्तारि पुरिसजाया प० तं० परिण्णायकम्मे णाममेगे णो परिण्णायसण्णे, परिण्णायसण्णे णाममेगे णो परिण्णायकम्मे, एगे परिण्णायकम्मेवि परिण्णायसण्णेवि, एगे णो परिण्णायकम्मे णो परिण्णायसण्णे, चत्तारि पुरिसजाया प० तं० परिण्णाय-कम्मे णाममेगे णो परिण्णायगिहावासे, परिण्णायगिहावासे णाममेगे णो परिण्णाय-कम्मे ४ । चत्तारि पुरिसजाया प० तं० परिण्णायसण्णे णाममेगे णो परिण्णाय-गिहावासे परिण्णायगिहावासे णाममेगे णो परिण्णायसण्णे ४ ॥ ४१७ ॥ चत्तारि पुरिसजाया प० तं० इहत्थे णाममेगे णो परत्थे परत्थे णाममेगे णो इहत्थे ४ । चत्तारि

पुरिसजाया प० तं० एगेणं णाममेगे वक्कुइ एगेणं हायइ, एगेणं णाममेगे वक्कुइ दोहिं हायइ, दोहिं णाममेगे वक्कुइ एगेण हायइ, दोहिं णाममेगे वक्कुइ दोहिं हायइ ॥ ४१८ ॥ चत्तारि कंथका प० तं० आइजे णाममेगे आइजे, आइजे णाममेगे खलुंके, खलुंके णाममेगे आइजे, खलुंके णाममेगे खलुंके, एवामेव चत्तारि पुरिसजाया प० तं० आइजे णाममेगे आइजे, चउभंगो । चत्तारि कंथका प० तं० आइजे णाममेगे आइजेत्ताए विहरइ, आइजे णाममेगे खलुंक्ताए विहरइ ४ । एवामेव चत्तारि पुरिसजाया प० तं० आइजे णाममेगे आइजेत्ताए विहरइ, चउभंगो । चत्तारि पकंथका प० तं० जाइसंपजे णाममेगे णो कुलसंपजे ४ । एवामेव चत्तारि पुरिसजाया प० तं० जाइसंपजे णाममेगे चउभंगो । चत्तारि कंथगा प० तं० जाइसंपजे णाममेगे णो बलसंपजे ४ । एवामेव चत्तारि पुरिसजाया प० तं० जाइसंपजे णाममेगे णो बलसंपजे ४ । चत्तारि कंथगा प० तं० जाइसंपजे णाममेगे णो रुवसंपजे ४ । एवामेव चत्तारि पुरिसजाया प० तं० जाइसंपजे णाममेगे णो रुवसंपजे ४ । चत्तारि कंथगा प० तं० जाइसंपजे णाममेगे णो जयसंपजे ४ । एवामेव चत्तारि पुरिसजाया प० तं० जाइसंपजे ४ । एवं कुलसंपजेण य बलसंपजेण य ४ । कुलसंपजेण य रुवसंपजेण य ४ । कुलसंपजेण य जयसंपजेण य ४ । एवं बलसंपजेण य रुवसंपजेण य ४ । बलसंपजेण य जयसंपजेण य ४ । सव्वत्थ पुरिसजाया पडिवक्खो, चत्तारि कंथगा प० तं० रुवसंपजे णाममेगे णो जयसंपजे ४ । एवामेव चत्तारि पुरिस ॥ ४१९ ॥ चत्तारि पुरिसजाया प० तं० सीहत्ताए णाममेगे णिक्खंते सीहत्ताए विहरइ, सीहत्ताए णाममेगे णिक्खंते सियालत्ताए विहरइ, सियालत्ताए णाममेगे णिक्खंते सीहत्ताए विहरइ, सियालत्ताए णाममेगे णिक्खंते सियालत्ताए विहरइ ॥ ४२० ॥ चत्तारि लोगे समा प० तं० अपडङ्गणे णरए, जंबुहीवे ढीवे, पालए जाणविमाणे, सव्वट्टसिद्धे महाविमाणे, चत्तारि लोगे समा, सपक्खि सपडिदिसिं प० तं० सीमंतए णरए ममयक्खेत्ते उडुविमाणे ईसिंपभारा पुढवी ॥ ४२१ ॥ उडुलोए णं चत्तारि बिसरीरा प० तं० पुडविकाइया आउवणस्सइका० उराला तमा पाणा, अहे लोगे णं चत्तारि बिसरीरा प० तं० एवं चं च, एवं तिरियलोएवि ४ ॥ ४२२ ॥ चत्तारि पुरिसजाया प० तं० हिरिमत्ते हिरिमणसत्ते चलसत्ते थिरसत्ते ॥ ४२३ ॥ चत्तारि सेज्जपडिमाओ प० चत्तारि बत्थपडिमाओ प० चत्तारि पायपडिमाओ प० चत्तारि ठाणपडिमाओ प० ॥ ४२४ ॥ चत्तारि सरीरगा जीवफुडा प० तं० वेउव्विए आहारगे तेयए कम्मए; चत्तारि सरीरगा कम्मुम्मीसगा प० तं० ओरालिए वेउव्विए आहारए तेयए ॥ ४२५ ॥ चउहिं अत्थिकाएहिं लोगे फुडे प० तं० धम्म-

त्थिकाएणं अधम्मत्थिकाएणं जीवत्थिकाएणं पोग्गलत्थिकाएणं । चउहिं बायरकाएहिं
उववज्जमाणेहिं लोगे फुडे प० तं० पुढविकाइएहिं आउकाइएहिं वाउवणस्सइकाइएहिं ।
चत्तारि एएसणेणं तुल्ला प० तं० धम्मत्थिकाए अधम्मत्थिकाए लोगागसे एगजीवे ।
चउण्हमेगमरीरं नो सुपस्सं भवइ तं० पुढविआउतेउवणस्सइकाइयाणं ॥ ४२६ ॥
चत्तारि इंदियत्था पुठ्ठा वेदंति तं० सोइंदियत्थे घाण्णियत्थे जिम्भियत्थे फासि-
दियत्थे ॥ ४२७ ॥ चउहिं ठाणेहिं जीवा य पोग्गला य णो संचाएन्ति बहिया खेगंता-
गमण्याए तं० गइअभावेणं निरुवग्गहयाए लुक्खत्ताए लोगाणुभावेणं ॥ ४२८ ॥
चउव्विहे णाए प० तं० आहरणे आहरणत्तंसे आहरणत्तहोसे उवन्नासोवणए ।
आहरणे चउव्विहे प० तं० अवाए उवाए ठवणाकम्मसे पडुप्पन्नविणासी । आहरण-
त्तंसे चउव्विहे प० तं० अणुसिद्धी उवालंभे पुच्छा णिस्सावयणे । आहरणत्तहोसे
चउव्विहे प० तं० अधम्मजुत्तं पडिलोमे अंतोवणीए दुक्खणीए । उवण्णासोवणए
चउव्विहे प० तं० तव्वत्थुए तदन्नवत्थुए पडिणिभे हेऊ ॥ ४२९ ॥ चउव्विहे
हेऊ प० तं० जावए थावए वंसए ल्हाए, अहवा हेऊ चउव्विहे प० तं०
पक्कखे अणुमाणे ओवम्भे आगमे अहवा हेऊ चउव्विहे प० तं० अत्थित्तं अत्थि सो
हेऊ अत्थित्तं णत्थि सो हेऊ णत्थित्तं अत्थि सो हेऊ णत्थित्तं णत्थि सो हेऊ ॥ ४३० ॥
चउव्विहे संखाणे प० तं० पडिकम्मं ववहारे रज्जु रासी ॥ ४३१ ॥ अहोलोगे णं
चत्तारि अधयारं करंति तं० णरगा णेरइया पावाइं कम्माइं असुभा पोग्गला,
तिरियलोगे णं चत्तारि उज्जोयं करंति तं० चंदा मुरा मणी जोई, उद्धूलोगे णं
चत्तारि उज्जोयं करंति तं० देवा देवीओ विमाणा आभरणा ॥ ४३२ ॥ चउट्ठा-
णस्स तइओइंसो समत्तो ॥

चत्तारि पसप्पगा प० तं० अणुप्पन्नाणं भोगाणं उप्पाएत्ता एगे पसप्पए,
पुव्वुप्पन्नाणं भोगाणं अविप्पओगेणं एगे पसप्पए, अणुप्पण्णाणं सोक्ख्वाणं उप्पाइत्ता
एगे पसप्पए पुव्वुप्पण्णाणं सोक्ख्वाणं अविप्पओगेणं एगे पसप्पए ॥ ४३३ ॥
णेरइयाणं चउव्विहे आहारे प० तं० इंगालोवमे मुम्मुरोवमे सीयले हिमसीयले ।
तिरिक्खजोणियाणं चउव्विहे आहारे प० तं० कंकोवमे बिलोवमे पाणमंसोवमे
पुत्तमंसोवमे । मणुस्साणं चउव्विहे आहारे, असणे पाणे खाइमे साइमे । देवाणं
चउव्विहे आहारे प० तं० वण्णमंते गंधमंते रसमंते फासमंते ॥ ४३४ ॥
चत्तारि जाइआसीविसा प० तं० विच्छुयजाइआसीविसे मंडुक्कजाइआसीविसे
उरगजाइआसीविसे मणुस्सजाइआसीविसे । विच्छुयजाइआसीविसस्स णं मंते केवइए
विसए प० ? पभूणं विच्छुयजाइआसीविसे अद्धभरहप्पमाणमेत्तं बोदिं विसेणं

विसपरिणयं विसट्टमाणिं करेतए विसएसे विसट्टयाए नो चेव णं संपसीए करिसु
वा करैति वा करिस्संति वा मंडुक्कजाइआसीविसस्स पुच्छा, पभूणं मंडुक्कजाइआसी-
विसे भरहप्पमाणमेत्तं बोदिं विसेणं विसपरिणयं विसट्टमाणिं तं चेव जाव करिस्संति,
उरगजाइआसीविसस्स पुच्छा, पभूणं उरगजाइआसीविसे जंबुहीवप्पमाणमेत्तं
बोदि विसेणं सेसं तं चेव जाव करिस्संति वा । मणुस्सजाइआसीविसपुच्छा, पभूणं
मणुस्सजाइआसीविसे समयक्खेत्तपमाणमेत्तं बोदि विसेणं विसपरिणयं विसट्टमाण
करेतए विसएसे विसट्टयाए नो चेव णं जाव करिस्संति वा ॥ ४३५ ॥ चउव्विहा
वाही प० तं० वाइए पित्तिए सिंभिए मज्जिवाइए, चउव्विहा तिगिच्छा प० तं०
विज्जो ओसहाइं आउरे परियारए, चत्तारि तिगिच्छगा प० तं० आयतिगिच्छए
णाममेगे णो परतिगिच्छए परतिगिच्छए णाममेगे णो आयतिगिच्छए जाव चउ-
भंगो ॥ ४३६ ॥ चत्तारि पुरिसजाया प० तं० वणकरे णाममेगे णो वणपरिमासी,
वणपरिमासी णाममेगे णो वणकरे, एगे वणकरेवि वणपरिमासीवि, एगे णो वणकरे
णो वणपरिमासी, चत्तारि पुरिसजाया प० तं० वणकरे णाममेगे णो वणसाक्खी ४ ।
चत्तारि पुरिसजाया प० तं० वणकरे णाममेगे णो वणसंतोही ४ ॥ ४३७ ॥ चत्तारि
वणा प० तं० अतो सल्ले णाममेगे णो बाहिंसल्ले ४ । एवामेव चत्तारि पुरिसजाया
प० तं० अतो सल्ले णाममेगे णो बाहिंसल्ले ४ । चत्तारि वणा प० तं० अंतो दुट्ठे
णाममेगे णो बाहिंदुट्ठे, बाहिंदुट्ठे णाममेगे णो अंतो दुट्ठे ४ । एवामेव चत्तारि
पुरिसजाया प० तं० अंतो दुट्ठे णाममेगे णो बाहिंदुट्ठे ४ ॥ ४३८ ॥ चत्तारि पुरिस-
जाया प० तं० सेयंसे णाममेगे सेयंसे, सेयंसे णाममेगे पावंसे, पावंसे णाममेगे सेयंसे,
पावंसे णाममेगे पावंसे । चत्तारि पुरिसजाया प० तं० सेयंसे णाममेगे सेयंसेत्ति साल्लि-
सए सेयंसे णाममेगे पावंसेत्ति साल्लिसए ४ । चत्तारि पुरिसजाया प० तं० सेयंसेत्ति
णाममेगे सेयंसेत्ति मण्णइ, सेयंसेत्ति णाममेगे पावंसेत्ति मण्णइ ४ । चत्तारि पुरिसजाया
प० तं० सेयंसे णाममेगे सेयंसेत्ति साल्लिसए मज्जइ सेयंसे णाममेगे पावंसेत्ति साल्लिसए
मज्जइ ४ ॥ ४३९ ॥ चत्तारि पु० प० तं० आघवइत्ता णाममेगे णो परिभावइत्ता,
परिभावइत्ता णाममेगे णो आघवइत्ता ४ । चत्तारि पु० प० तं० आघवइत्ता णाम-
मेगे णो उंछजीवियासंपभे, उंछजीवियासंपभे णाममेगे णो आघवइत्ता ४ ॥ ४४० ॥
चउव्विहा ढक्खविगुंक्कणा प० तं० पवालत्ताए पत्ताए पुप्फत्ताए फलत्ताए
॥ ४४१ ॥ चत्तारि वाइसमोसरणा प० तं० किरियावाई अकिरियावाई अण्णाणियावाई
वेणइयावाई, षेरइयाणं चत्तारि वाइसमोसरणा प० तं० किरियावाई जाव वेणइया-
वाई, एवमसुरकुमारणावि जाव यणियकुमारणां, एवं विगल्लिदियक्खं जाव वेमाणि-

याणं ॥ ४४२ ॥ चत्तारि मेहा प० तं० गज्जिता णाममेगे णो वासित्ता, वासित्ता णाममेगे णो गज्जिता, एगे गज्जितावि वासित्तावि, एगे णो गज्जिता णो वासित्ता, एवामेव चत्तारि पु० प० तं० गज्जिता णाममेगे णो वासित्ता ४ । चत्तारि मेहा प० तं० गज्जिता णाममेगे णो विज्जुयाइत्ता, विज्जुयाइत्ता णाममेगे णो गज्जिता ४ । एवामेव चत्तारि पु० प० तं० गज्जिता णाममेगे णो विज्जुयाइत्ता ४ । चत्तारि मेहा प० तं० वासित्ता णाममेगे णो विज्जुयाइत्ता ४ । एवामेव चत्तारि पु० प० तं० वासित्ता णाममेगे णो विज्जुयाइत्ता ४ । चत्तारि मेहा प० तं० कालवासी णाममेगे णो अकालवासी, अकालवासी णाममेगे णो कालवासी ४ । एवामेव चत्तारि पुरिस-जाया प० तं० कालवासी णाममेगे णो अकालवासी ४ । चत्तारि मेहा प० तं० खेत्तवासी णाममेगे णो अखेत्तवासी ४ । एवामेव चत्तारि पु० प० तं० खेत्तवासी णाममेगे णो अखेत्तवासी ४ । चत्तारि मेहा प० तं० जणइत्ता णाममेगे णो णिम्मव-इत्ता, णिम्मवइत्ता णाममेगे णो जणइत्ता ४ । एवामेव चत्तारि अम्मापियगे प० तं० जणइत्ता णाममेगे णो णिम्मवइत्ता ४ । चत्तारि मेहा प० तं० देसवासी णाम-मेगे णो सब्बवासी ४ । एवामेव चत्तारि रायाणो प० तं० देसाहिवई णाममेगे णो सब्बाहिवई ४ । चत्तारि मेहा प० तं० पुक्खलसंवट्टए पज्जुणे जीमूए जिम्हे । पोक्खलसवट्टए णं महामेहे एगेणं वामेणं दमवाससहस्साई भावेइ, पज्जुणे णं महामेहे एगेणं वासेणं दसवाससयाई भावेइ, जीमूए णं महामेहे एगेणं वामेणं दसवासाई भावेइ, जिम्हे णं महामेहे बहुवासेहिं एगं वासं भावेइ वा ण भावेइ वा ॥ ४४३ ॥ चत्तारि करंडगा प० तं० सोवागकरंडए वेसियाकरंडए गाहावइकरंडए रायकरंडए, एवामेव चत्तारि आयरिया प० तं० सोवागकरंडगसमाणे, वेसियाकरंडगसमाणे, गाहा-वइकरंडगसमाणे, रायकरंडगसमाणे ॥ ४४४ ॥ चत्तारि रुक्खा प० तं० साले णाममेगे सालपरियाए साले णाममेगे एरंडपरियाए ४ । एवामेव चत्तारि आयरिया प० तं० साले णाममेगे सालपरियाए साले णाममेगे एरंडपरियाए एरंडे णाममेगे० ४ । चत्तारि रुक्खा प० तं० साले णाममेगे सालपरिवारे ४ । एवामेव चत्तारि आयरिया प० तं० साले णाममेगे सालपरिवारे ४ । गाहा सालदुममज्झगारे जह साले णाम होइ दुमराया, इय सुंदरआयरिए सुंदरसीसे मुणेयव्वे (१) एरंडमज्झ-गारे जह साले णाम होइ दुमराया, इय सुंदरआयरिए मंगुलसीसे मुणेयव्वे (२) सालदुममज्झयारे एरंडे णाम होइ दुमराया, इय मंगुलआयरिए सुंदरसीसे मुणेयव्वे (३) एरंडमज्झयारे, एरंडे णाम होइ दुमराया, इय मंगुलआयरिए मंगुलसीसे मुणे-यव्वे (४) ॥ ४४५ ॥ चत्तारि मच्छा प० तं० अणुसोयचारी पडिसोयचारी, अंतचारी

मञ्जुचारी, एवामेव चत्तारि भिक्खागा प० तं० अणुसोयचारी पडिसोयचारी अत्त-
 चारी मञ्जुचारी ॥ ४४६ ॥ चत्तारि गोला प० तं० मधुसित्थगोले जउगोले
 दासगोले मट्टियागोले, एवामेव चत्तारि पुरिसजाया प० तं० मधुसित्थगोलसमाणे ४ ।
 चत्तारि गोला प० तं० अयगोले तउगोले तंबगोले सीसगोले एवामेव चत्तारि पु०
 प० तं० अयगोलसमाणे जाव सीसगोलसमाणे ४ । चत्तारि गोला प० तं०
 हिरण्णगोले सुवण्णगोले रयण्णगोले वयरगोले एवामेव चत्तारि पुरिसजाया प० तं०
 हिरण्णगोलसमाणे जाव वयरगोलसमाणे ॥ ४४७ ॥ चत्तारि पत्ता प० तं० अस्सि-
 पत्ते करपत्ते खुरपत्ते कलंबचीरियापत्ते, एवामेव चत्तारि पु० प० तं० अस्सिपत्त-
 समाणे जाव कलंबचीरियापत्तसमाणे ॥ ४४८ ॥ चत्तारि कडा प० तं० मुंबकडे
 विदलकडे चम्मकडे कंबलकडे एवामेव चत्तारि पु० प० तं० मुंबकडसमाणे जाव
 कंबलकडसमाणे ॥ ४४९ ॥ चउव्विहा चउप्पया प० तं० एगखुरा दुखुरा गळीपदा
 मणप्पदा, चउव्विहा पक्खी प० तं० चम्मपक्खी लोमपक्खी ममुग्गपक्खी वियय-
 पक्खी । चउव्विहा सुहपाणा प० तं० वेइंदिया नेइंदिया चउग्गिंदिया समुच्छिम-
 प्पांचदियतिरिक्खजोणिया ॥ ४५० ॥ चत्तारि पक्खी प० तं० णिवइत्ता णाममेगे
 णो परिवइत्ता परिवइत्ता णाममेगे णो णिवइत्ता एगे णिवइत्तावि परिवइत्तावि एगे णो
 णिवइत्ता णो परिवइत्ता एवामेव चत्तारि भिक्खागा प० तं० णिवइत्ता णाममेगे णो
 परिवइत्ता ४ ॥ ४५१ ॥ चत्तारि पुरिसजाया प० तं० णिक्कट्ठे णाममेगे णिक्कट्ठे
 णाममेगे अणिक्कट्ठे ४ । चत्तारि पुरिसजाया प० तं० णिक्कट्ठे णाममेगे णिक्कट्ठे
 णाममेगे अणिक्कट्ठे ४ । चत्तारि पु० प० तं० बुहे णाममेगे बुहे बुहे
 णाममेगे अबुहे ४ । चत्तारि पुरिसजाया प० तं० बुहे णाममेगे बुहहियए ४ ।
 चत्तारि पुरिसजाया प० तं० आयाणुकंपए णाममेगे णो पगणुकंपए ४ ॥ ४५२ ॥
 चउव्विहे संवासे प० तं० दिवे आसुरे रक्खसे माणुसे, चउव्विहे संवासे प० तं०
 देवे णाममेगे देवीए सद्धि संवासं गच्छइ देवे णाममेगे असुरीए सद्धि संवासं
 गच्छइ असुरे णाममेगे देवीए सद्धि संवासं गच्छइ असुरे णाममेगे असुरीए
 सद्धि संवासं गच्छइ, चउव्विहे संवामे प० तं० देवे णाममेगे देवीए सद्धि संवासं
 गच्छइ, देवे णाममेगे रक्खसीए सद्धि संवासं गच्छइ, रक्खसे णाममेगे ० ४ ।
 चउव्विहे संवासे प० तं० देवे णाममेगे देवीए सद्धि संवासं गच्छइ, देवे णाममेगे
 मणुस्सीहिं सद्धि संवासं गच्छइ ४ । चउव्विहे संवासे प० तं० असुरे णाममेगे
 असुरीहिं सद्धि संवासं गच्छइ, असुरे णाममेगे रक्खसीहिं सद्धि संवासं गच्छइ ४
 चउव्विहे संवासे प० तं० असुरे णाममेगे असुरीए सद्धि संवासं गच्छइ, असुरे

णाममेगे मणुस्तीए सद्धिं संवासं गच्छइ ४ । चउव्विहे संवासे प० तं० रक्खसे
 णाममेगे रक्खसीए सद्धिं संवासं गच्छइ, रक्खसे णाममेगे माणुस्तीए सद्धिं संवासं
 गच्छइ ४ ॥ ४५३ ॥ चउव्विहे अवद्धंसे प० तं० आसुरे आभियोगे संमोहे
 देवकिव्विसे, चउहिं ठाणेहि जीवा आमुरत्ताए कम्मं पकरेंति तं० कोहसीलयाए
 पाहुडसीलयाए ससनतवोक्कमेणं निमिन्नाजीवयाए, चउहिं ठाणेहिं जीवा आभि-
 ओगत्ताए कम्मं पगरेंति तं० अत्तुक्कोसेणं परपरिवाएणं भूइक्कमेणं कोउयकरणेणं ।
 चउहिं ठाणेहिं जीवा सम्मोहत्ताए कम्मं पगरेंति तं० उम्मग्गदेमणाए मग्गंतराएणं
 कामासंसपओगेणं भिज्जानियाणकरणेणं । चउहिं ठाणेहि जीवा देवकिव्विसियाए
 कम्मं पगरेंति तं० अरिहंतानं अवणं वयमाणे अरिहंतपण्णत्तस्स धम्मस्स अवणं
 वयमाणे, आयरियउवज्झायाणमवणं वयमाणे चाउवण्णस्स संघस्स अवणं
 वयमाणे ॥ ४५४ ॥ चउव्विहा पव्वज्जा प० तं० इहलोगपडिबद्धा परलोगपडि-
 बद्धा दुहओ लोगपडिबद्धा अप्पडिबद्धा, चउव्विहा पव्वज्जा प० तं० पुरओपडिबद्धा
 मग्गअपडिबद्धा दुहओपडिबद्धा अप्पडिबद्धा, चउव्विहा पव्वज्जा प० तं० ओवाय-
 पव्वज्जा अक्खायपव्वज्जा संगारपव्वज्जा विहग्गइपव्वज्जा चउव्विहा पव्वज्जा
 प० तं० तुयावदत्ता पुयावदत्ता मोयावदत्ता परिपूयावदत्ता, चउव्विहा पव्वज्जा
 प० तं० णडखइया भट्ठखइया सीहखइया सीयालक्खइया, चउव्विहा किस्सी
 प० तं० वाविया परिव्वाविया णिंदिया परिण्णिंदिया एवामेव चउव्विहा पव्वज्जा
 प० तं० वाविया परिव्वाविया णिंदिया परिण्णिंदिया, चउव्विहा पव्वज्जा प० तं०
 धण्णपुंजियसमाणा धण्णविराडियसमाणा धण्णविक्खित्तसमाणा धण्णसंक्कट्टियसमाणा
 ॥ ४५५ ॥ चत्तारि सण्णाओ पण्णत्ताओ तं० आहारसण्णा भयसण्णा मेहुण-
 सण्णा परिग्गहसण्णा चउहिं ठाणेहिं आहारसण्णा समुप्पज्जइ तं० ओमको-
 ठुयाए लुहावेयणिज्जस्स कम्मस्स उदएणं मईए तदट्ठोवओगेणं, चउहिं ठाणेहि
 भयसण्णा समुप्पज्जइ तं० हीणसत्तयाए भयवेयणिज्जस्स कम्मस्स उदएणं मईए
 तदट्ठोवओगेणं, चउहिं ठाणेहि मेहुणसण्णा समुप्पज्जइ तं० चियंसंसोणिययाए
 मोहणिज्जस्स कम्मस्स उदएणं मईए तदट्ठोवओगेणं, चउहिं ठाणेहिं परिग्गहसण्णा
 समुप्पज्जइ तं० अविमुत्तयाए लोभवेयणिज्जस्स कम्मस्स उदएणं मईए तदट्ठोव-
 ओगेणं ॥ ४५६ ॥ चउव्विहा कामा सिंगारा कलुणा बीमच्छा रोहा, सिंगारा
 कामा देवाणं, कलुणा कामा मणुयाणं, बीमच्छा कामा तिरिक्खजोणियाणं,
 रोहा कामा णेरइयाणं ॥ ४५७ ॥ चत्तारि उद्दगा प० तं० उत्ताणे णाममेगे
 उत्ताणेदए उत्ताणे णाममेगे गंभीरोदए गंभीरे णाममेगे उत्ताणेदए गंभीरे णाममेगे

गंभीरोदए, एवामेव चत्तारि पुरिसजाया प० तं० उत्ताणे णाममेगे उत्ताणहियए उत्ताणे णाममेगे गंभीरहियए ४ चत्तारि उदगा प० तं० उत्ताणे णाममेगे उत्ताणोभासी उत्ताणे णाममेगे गंभीरोभासी ४ । एवामेव चत्तारि पुरिसजाया प० तं० उत्ताणे णाममेगे उत्ताणोभासी, उत्ताणे णाममेगे गंभीरोभासी ४ । चत्तारि उदही प० तं० उत्ताणे णाममेगे उत्ताणोदही, उत्ताणे णाममेगे गंभीरोदही ४ । एवामेव चत्तारि पुरिसजाया प० तं० उत्ताणे णाममेगे उत्ताणहियए ४ । चत्तारि उदही प० तं० उत्ताणे णाममेगे उत्ताणोभासी उत्ताणे णाममेगे गंभीरोभासी ४ । एवामेव चत्तारि पुरिसजाया प० तं० उत्ताणे णाममेगे उत्ताणोभासी ४ ॥ ४५८ ॥ चत्तारि तरगा प० तं० समुहं तरामिति एगे समुहं तरइ, समुहं तरामिति एगे गोप्पयं तरइ, गोप्पयं तरामिति एगे ४ । चत्तारि तरगा प० तं० समुहं तरिता णाममेगे समुहे विसीयइ, समुहं तरिता णाममेगे गोप्पए विसीयइ ४ ॥ ४५९ ॥ चत्तारि कुंभा प० तं० पुण्णे णाममेगे पुण्णे पुण्णे णाममेगे तुच्छे, तुच्छे णाममेगे पुण्णे तुच्छे णाममेगे तुच्छे, एवामेव चत्तारि पुरिसजाया प० तं० पुण्णे णाममेगे पुण्णे ४ । चत्तारि कुंभा प० तं० पुण्णे णाममेगे पुण्णोभासी, पुण्णं णाममेगे तुच्छोभासी ४ एवामेव चत्तारि पुरिसजाया प० तं० पुण्णे णाममेगे पुण्णोभासी ४ । चत्तारि कुंभा प० तं० पुण्णे णाममेगे पुण्णरूवे पुण्णे णाममेगे तुच्छरूवे ४ । एवामेव चत्तारि पुरिसजाया प० तं० पुण्णे णाममेगे पुण्णरूवे ४ । चत्तारि कुंभा प० तं० पुण्णवि एगे पियठ्ठे, पुण्णवि एगे अवदळे, तुच्छेवि एगे पियठ्ठे तुच्छेवि एगे अवदळे, एवामेव चत्तारि पुरिसजाया प० तं० पुण्णवि एगे पियठ्ठे ४ । तहेव, चत्तारि कुंभा प० तं० पुण्णवि एगे विस्सदइ, पुण्णवि एगे णो विस्संदइ, तुच्छेवि एगे विस्संदइ, तुच्छेवि एगे णो विस्संदइ । एवामेव चत्तारि पुरिसजाया प० तं० पुण्णवि एगे विस्संदइ ४ तहेव । चत्तारि कुंभा प० तं० भिजे जजरिए परिस्साई अपरिस्साई । एवामेव चउव्वहे चरित्ते प० तं० भिजे जाव अपरिस्साई । चत्तारि कुंभा प० तं० मधुकुंभे णाममेगे महुप्पिहाणे मधुकुंभे णाममेगे विसपिहाणे विसकुंभे णाममेगे महुप्पिहाणे विसकुंभे णाममेगे विसपिहाणे ४ एवामेव चत्तारि पुरिसजाया ४ । हिययमपावमक्कसं जीहा वि य मधुरभासिणी णिच्चं, जंमि पुरिसंमि विज्जइ से मधुकुंभे महुप्पिहाणे (१) हिययमपावमक्कसं, जीहा वि य कड्डयभासिणी णिच्चं; जंमि पुरिसंमि विज्जइ, से मधुकुंभे विसपिहाणे, (२) जं हिययं कल्लसमयं जीहा वि य मधुरभासिणी णिच्चं, जंमि पुरिसंमि विज्जइ, से विसकुंभे मधुपिहाणे (३) जं हिययं कल्लसमयं, जीहा वि य कड्डयभासिणी णिच्चं, जंमि पुरिसंमि विज्जइ, से विसकुंभे विसपिहाणे (४) ॥ ४६० ॥ चउ-

विवाहा उवसग्गा ५० तं० दिव्वा माणुसा तिरिक्खजोणिया आयसंवेयणिज्जा ।
दिव्वा उवसग्गा चउव्विहा ५० तं० हासा पओसा वीमंसा पुढोवेमाया,
माणुस्सा उवसग्गा चउव्विहा ५० तं० हासा पाओसा वीमंसा कुसील-
पडिसेवणया, तिरिक्खजोणिया उवसग्गा चउव्विहा ५० तं० भया पदोसा
आहारहेउं अवक्खलेणसारक्खणया, आयसंवेयणिज्जा उवसग्गा चउव्विहा
५० तं० घट्टणया पवडणया थंभणया लेमणया ॥ ४६१ ॥ चउव्विहे कम्मे
५० तं० सुभे णामं एगे सुभे, सुभे णाममेगे असुभे, असुभे ० ४ । चउव्विहे कम्मे
५० तं० सुभे णाममेगे सुभविवागे, सुभे णाममेगे असुभविवागे, असुभे णाममेगे
सुभविवागे, असुभे णाममेगे असुभविवागे । चउव्विहे कम्मे ५० तं० पगढीकम्मे,
ठिइकम्मे, अणुभावकम्मे पदेसकम्मे ॥ ४६२ ॥ चउव्विहे संघे ५० तं० समणा
समणीओ सावगा माविगाओ ॥ ४६३ ॥ चउव्विहा बुद्धी ५० तं० उप्पत्तिया
वेगइया कम्मिया, पारिणामिया, चउव्विहा मई ५० तं० उग्गहमई ईहामई
अवायमई धारणामई अहवा चउव्विहा मई, अरजरोदगसमाणा, वियरोदग-
समाणा सरोदगसमाणा सागरोदगसमाणा ॥ ४६४ ॥ चउव्विहा संसारसमा-
वणणा जीवा ५० तं० णेरइया तिरिक्खजोणिया मणुस्सा देवा, चउव्विहा सव्व-
जीवा ५० तं० मणजोगी बइजोगी कायजोगी अजोगी, अहवा चउव्विहा सव्वजीवा
५० तं० इत्थिवेयगा पुरिमवेयगा णपुंसकवेयगा अवेयगा, अहवा चउव्विहा सव्व-
जीवा ५० तं० चक्खुदंसणी अचक्खुदंसणी ओहिदंसणी केवलदंसणी, अहवा चउ-
व्विहा गव्वजीवा ५० तं० सजया असंजया सजयासंजया णोसजयाणोअसंजया
॥ ४६५ ॥ चत्तारि पुरिसजाया ५० तं० मित्ते णाममेगे मित्ते, मित्ते णाममेगे अमित्ते,
अमित्ते णाममेगे मित्ते, अमित्ते णाममेगे अमित्ते, चत्तारि पुरिसजाया ५० तं० मित्ते
णाममेगे मित्त्वे चउभंगो ॥ ४६६ ॥ चत्तारि पुरिसजाया ५० तं० मुत्ते णाममेगे
मुत्ते मुत्ते णाममेगे अमुत्ते ४ । चत्तारि पुरिसजाया ५० तं० मुत्ते णाममेगे मुत्तस्वे
४ ॥ ४६७ ॥ पंचिदियतिरिक्खजोणिया चउगइया चउआगइया ५० तं० पंचिदिय-
तिरिक्खजोणिया पंचिदियतिरिक्खजोणिण्णु उव्वज्जमाणा णेरइएहितो वा, तिरिक्ख-
जोणिण्णु वा, मणुस्सेहितो वा, देवेहितो वा उव्वज्जेजा, से चेव णं से पंचिदियति-
रिक्खजोणिण्णु पंचिदियतिरिक्खजोणियत्तं विप्पज्जहमाणे णेरइयत्ताए वा जाव देवत्ताए
वा उवागच्छेजा, मणुस्सा चउगइया चउआगइया एवं चेव मणुस्सावि ॥ ४६८ ॥
बेइदिया णं जीवा असमारंभमाणस्स चउव्विहे संजमे कज्जइ तं० जिब्भामयाओ
सोक्खाओ अववरोवेत्ता भवइ, जिब्भामएणं दुक्खेणं असंजोगेत्ता भवइ, फासामयाओ

सोक्खाओ अववरोविता भवइ, फासामयाओ दुक्खाओ असंजोगेता भवइ, वेइंदिया णं जीवा समारभमाणस्स चउव्विहे असंजमे कज्जइ तं० जिब्भामयाओ सोक्खाओ ववरोविता भवइ जिब्भामएणं दुक्खेणं संजोगेता भवइ फासामयाओ सोक्खाओ ववरोविता भवइ फासामएणं दुक्खेणं संजोगेता भवइ ॥ ४६९ ॥ समदिट्ठियाणं णेरइयाणं चत्तारि किरियाओ पण्णत्ताओ तं० आरभिया, परिग्गहिया मायावत्तिया, अपच्चक्खाणकिरिया, सम्मदिट्ठियाणमसुरकुमारणं चत्तारि किरियाओ प० एवं चैव । एवं विगल्लिदियवज्जं जाव वेमाणियाणं ॥ ४७० ॥ चउहिं ठाणेहिं संते गुणे णासेजा तं० कोहेणं पडिनिसेवेणं, अकयण्णुयाए, भिच्छत्ताहिणिवसेणं । चउहिं ठाणेहिं सते गुणे सीवेजा तं० अब्भासवत्तिय, परछंदाणवत्तियं, कज्जहेउं, कयपडिक्कइइ वा; णेरइयाणं चउहिं ठाणेहिं मरीरूपत्ती सिया तं० कोहेणं माणेणं मायाए लोभेणं, एवं जाव वेमाणियाणं, णेरइयाणं चउठागणिव्वत्तिए मरीरे तं० कोहनिव्वत्तिए जाव लोभनिव्वत्तिए, एवं जाव वेमाणियाणं । चत्तारि भम्मदारा प० तं० खंती मुत्ती अज्जवे मद्दे ॥ ४७१ ॥ चउहिं ठाणेहिं जीवा णेरइयत्ताए कम्मं पगरेति तं० महारंभयाए, महापरिग्गहयाए पंचिदियवहेणं कुणिमाहारेणं, चउहिं ठाणेहिं जीवा तिरिक्खजोणियत्ताए कम्मं पगरेति तं० माइल्लयाए नियडिड्याए अलियवयणेणं कूडनुलकूडमाणेणं, चउहिं ठाणेहिं जीवा मणुस्सत्ताए कम्म पगरेति तं० पगइभइयाए पगइविणीययाए माणुक्कोमयाए अमच्छरियाए । चउहिं ठाणेहिं जीवा देवा उयत्ताए कम्मं पगरेति तं० मरागसंजमेणं संजमासजमेणं बालतवोक्कमेणं अक्कामणिज्जराए ॥ ४७२ ॥ चउव्विहे वज्जे प० तं० तने वितते षणे झुसिरे, चउव्विहे णट्टे प० तं० अंचिए रिभिए आरभडे भिसोडे, चउव्विहे गेये प० तं० उक्खत्तए पत्ताए मंदए रोविंदए, चउव्विहे मल्ले प० तं० गंधिम वेढिम पूरिमे संघाइमे चउव्विहे अलंकारे प० तं० केसालंकारे वत्थालंकारे मल्लालंकारे आभरणालंकारे, चउव्विहे अभिणए प० तं० दिट्ठितिए पाउंसुए सामंतोवायणिए लोगमव्भावसिए ॥ ४७३ ॥ सणं कुमारमाहिंदेसु णं कप्पेसु विमाणा चउवण्णा प० तं० णीला लोहिया हाल्लिहा मुक्किल्ला । महामुक्कमहस्सारेसु णं कप्पेसु देवाणं भवधारणिजा मरीरगा उक्कोसेणं चत्तारि रयणीओ उक्कु उच्चनेणं पण्णत्ता ॥ ४७४ ॥ चत्तारि उद्दगगब्भा प० तं० उस्सा महिया सीया उप्पिणा, चत्तारि उद्दगगब्भा प० तं० हेमगा अब्भसथडा सीओसिणा पचरुविया माहे उ हेमगा गब्भा फग्गुणे अब्भसथडा, सीओसिणा उ चित्ते, वइमाहे पंचरुविया (१) चत्तारि माणुस्सीगब्भा प० तं० इत्थित्ताए पुरिसत्ताए णंसुंगत्ताए विवत्ताए अप्पं सुक्कं बहुं ओयं इत्थी तत्थ पजायइ, अप्पं ओयं

बहुं सुकं पुरिसो तत्थ पजायइ (१) दोण्हं पि रत्तसुक्काणं, तुल्लभावे नपुंसओ; इत्थीओतसमाओगे, विंबं तत्थ पजायइ (२) ॥ ४७५ ॥ उप्पायपुव्वस्स णं चत्तारि चूलियावत्थू प०, चउव्विहे कव्वे प० गज्जे पजे कत्थे गेए ॥ ४७६ ॥ णेरइ-याणं चत्तारि समुग्घाया प० तं० वेयणासमुग्घाए कसायसमुग्घाए मारणंतिथममुग्घाए वेउव्वियसमुग्घाए एवं वाउकाइयाणवि ॥ ४७७ ॥ अरहओ णं अरिट्ठनेमिस्स चत्तारि सया चोइसपुव्वीगं अजिणाणं जिणसंकासाणं सब्वक्खरसंनिवाईणं जिगो इव अवितहवागरमाणाणं उक्कोसिया चोइमपुव्विसंपया होत्था, समणस्स णं भगवओ महावीरस्स चत्तारि सया वाईणं सदेवमणुयासुराए परिसाए अपराजियाणं उक्कोसिया वाइसंपया होत्था ॥ ४७८ ॥ हेठ्ठिळा चत्तारि कप्पा अद्धचंदसठाणसंठिया प० तं० मोहम्म ईसाणे सणकुमारो माहिंदे, मज्झिळा चत्तारि कप्पा पडिपुण्णचंदसठाणसंठिया प० तं० बंभलोगे लंतए महानुक्के महस्सारे, उवरिळा चत्तारि कप्पा अद्धचंदसठाणसंठिया प० तं० आणए पाणए आरणे अच्चुए ॥ ४७९ ॥ चत्तारि समुद्दा पत्तेयरसा प० तं० लवणोदए वरुणोदए खीरोदए धओदए, चत्तारि आवत्ता प० तं० खरावत्ते उज्जावत्ते गूडावत्ते आमिसावत्ते, एवामेव चत्तारि कमाया प० तं० खरावत्तसमाणे कोहे उज्जावत्तसमाणे माणे, गूडावत्तसमाणा माया, आमिसावत्तसमाणे लोभे । खरावत्तसमाणं कोट्टमणुपविठ्ठे जीवे कालं करेइ णेरइएमु उववज्जइ, उज्जावत्तसमाणं माणं एवं चैव गूडावत्तसमाणं मायमेवं चैव आमिसावत्तसमाणं लोभं अणुपविठ्ठे जीवे कालं करेइ णेरइएमु उववज्जइ ॥ ४८० ॥ अणुराहा णक्खत्ते चउतारे प० पुव्वामाढे एवं चैव । उत्तरासाढे एवं चैव ॥ ४८१ ॥ जीवा णं चउट्टाणनिव्वत्तिए पोग्गले पावकम्मनाए च्चिणमु वा चिणंति वा च्चिणिस्संति वा तं० णेरइयणिव्वत्तिए तिरिक्खज्जोणियणिव्वत्तिए मणुस्सणिव्वत्तिए देवणिव्वत्तिए । एवं उवच्चिणिमु वा उवच्चिणंति वा उवच्चिणिस्संति वा एवं चिणउवच्चिगबंधोधीरवेय तह णिज्जरा चैव ॥ ४८२ ॥ चउप्पएसिया खंधा अणंता प० चउप्पएसोगाढा पोग्गला अणता प० चउसमयठिईया पोग्गला अणंता प० चउगुणकालगा पोग्गला अणता जाव चउगुणलुक्खा पोग्गला अणंता प० ॥ ४८३ ॥ चउट्टाणस्स चउत्थोहेसो समत्तो ॥ चउट्टाणं समत्तं ॥

पंचमहाणं

पंचमहद्वया प० तं० सव्वाओ पाणाइवायाओ वेरमणं, सव्वाओ मुसावायाओ वेरमणं, सव्वाओ अदिजादागाओ वेरमणं, सव्वाओ मेहुणाओ वेरमणं, सव्वाओ परिग्गहाओ वेरमणं, पंचाणुव्वया प० तं० थूलाओ पाणाइवायाओ वेरमणं, थूलाओ मुसावायाओ वेरमणं, थूलाओ अदिजादागाओ वेरमणं, थूलाओ

मेहुणाओ वेरमणं (सदारसंतोसे), इच्छापरिमाणे ॥ ४८४ ॥ पंच वण्णा प० तं०
 किण्हा नीला लोहिया हाल्लिदा सुक्किळा, पंचरसा प० तं० तिन्ना कडुया कसाया
 अंबिला महुरा, पंचकामगुणा प० तं० सदा रूवा गंधा रसा फासा, पंचहिं
 ठाणेहिं जीवा सज्जंति तं० सदेहिं जाव फासेहिं, एवं रज्जंति मुच्छंति गिज्जंति
 अज्जोववज्जंति, पंचहिं ठाणेहिं जीवा विणिघायमावज्जंति तं० सदेहिं जाव फासेहिं,
 पंच ठाणा अपरिण्णाया जीवाणं अहियाए असुभाए अखमाए अणिस्सेयसाए
 अणाणुगामियत्ताए भवंति तं० सदा जाव फासा, पंचठाणा सुपरिण्णाया जीवाणं
 हियाए सुभाए जाव आणुगामियत्ताए भवंति तं० सदा जाव फासा, पंच ठाणा
 अपरिण्णाया जीवाणं दुग्गइगमणाए भवंति तं० सदा जाव फासा, पंचठाणा
 परिण्णाया जीवाणं सुग्गइगमणाए भवंति तं० सदा जाव फासा ॥ ४८५ ॥ पंचहिं
 ठाणेहिं जीवा दुग्गइं गच्छंति तं० पाणाइवाएणं जाव परिग्गहेणं, पंचहिं ठाणेहिं
 जीवा सोग्गइं गच्छंति तं० पाणाइवायवेरमणेणं जाव परिग्गहवेरमणेणं ॥ ४८६ ॥
 पंच पडिमाओ प० तं० भदा सुभदा महाभदा मव्वओभदा बहुतरपडिमा
 ॥ ४८७ ॥ पंच थावरकाया प० तं० इंदे थावरकाए बिंबे थावरकाए पिप्पे
 थावरकाए संभई थावरकाए पायावच्चे थावरकाए, पंच थावरकायाहिवई प० तं०
 इंदे थावरकायाहिवई, जाव पायावच्चे थावरकायाहिवई ॥ ४८८ ॥ पंचहिं ठाणेहिं
 ओहिंदंसणे समुप्पज्जिउकामेवि तप्पडमयाए खंभाएज्जा तं० अप्पभूयं वा
 पुडवि पासिन्ना तप्पडमयाए खंभाएज्जा, कृथुगग्निभूयं वा पुडवि पासिन्ना तप्पड-
 मयाए खंभाएज्जा, महइमहालयं वा महोरगमरीर पासिन्ना तप्पडमयाए खंभाएज्जा,
 देवं वा महिच्चियं जाव महेसक्खं पासिन्ना तप्पडमयाए खंभाएज्जा, पुरेसु वा
 पोराणाइं महइमहालयाइं महाणिहाणाइं पहीगसामियाइं पहीणसेउयाइं पहीण-
 गुत्तागाराइं उच्छिण्णसामियाइं उच्छिण्णमेउयाइं उच्छिण्णगुत्तागाराइं जाइं इमाइं
 गामागरणगरखेडकब्बडमंडवदोणमुहपट्टणाममसंवाहमनिवमेसु मिघाडगतिगचउक्क-
 चच्चरचउम्मुहमहापट्टपट्टेसु णगरणिद्धमणेसु सुमाणगुग्गागारगिरिकंदरसंतिसेलोवट्टा-
 वणभवणगिहेसु संनिक्खित्ताइं चिट्ठंति ताइं वा पासिन्ना तप्पडमयाए खंभाएज्जा,
 इच्चेएहिं पंचहिं ठाणेहिं ओहिंदंसणे समुप्पज्जिउकामे तप्पडमयाए खंभाएज्जा ॥ ४८९ ॥
 पंचहिं ठाणेहिं केवलवरनाणदंसणे समुप्पज्जिउकामे तप्पडमयाए णो खंभाएज्जा तं०
 अप्पभूयं वा पुडवि पासिन्ना तप्पडमयाए णो खंभाएज्जा सेसं तहेव जाव भवणगिहेसु
 संनिक्खित्ताइं चिट्ठंति ताइं वा पासिन्ना तप्पडमयाए णो खंभाएज्जा, सेसं तहेव,
 इच्चेएहिं पंचहिं ठाणेहिं जाव णो खंभाएज्जा ॥ ४९० ॥ णेरइयार्थं सरीरगा पंचवण्णा

पंचरसा प० तं० किण्हा जाव सुक्लिहा तिता जाव मधुरा, एवं निरंतरं जाव वेमाणि-
याणं ॥ ४९१ ॥ पंच सरीरगा प० तं० ओरालिए वेउव्विए आहारए तेयए
कम्मए, ओरालियसरीरे पंचवण्णे पंचरसे प० तं० किण्हे जाव सुक्लिहे, तित्ते जाव
महुरे, एवं जाव कम्मगसरीरे, सव्वे वि णं बादरबोदिधरा कळेवरा पंचवण्णा पंचरसा
दुग्धा अट्टफासा ॥ ४९२ ॥ पंचहिं ठाणेहिं पुरिमपच्छिमगाणं जिणाणं **दुग्गमं**
भवइ तं० दुआइक्खं दुविभजं दुपस्सं दुतितिक्खं दुरणुचरं । पंचहिं ठाणेहिं
मज्झिमगाणं जिणाणं सुगमं भवइ तं० सुआइक्खं सुविभजं सुपस्स सुतितिक्खं
सुरणुचर ॥ ४९३ ॥ पंचठाणाइं समणेणं भगवया महावीरेणं समणाणं निग्गथाणं
णिच्चं वण्णियाइं णिच्चं कित्तियाइं णिच्चं वुड्याइं णिच्चं पसत्याइं णिच्चमब्भणु-
ण्णयाइं भवंति तं० खंती मुत्ती अज्जवे मद्दवे लाघवे, पंचठाणाइं समणाणं जाव
अब्भणुण्णयाइं भवंति तं० मच्चे संजमे तवे चियाए बंभचेरवासे ॥ ४९४ ॥
पंचठाणाइं समणाणं जाव **अब्भणुण्णयाइं** भवंति तं० उक्खित्तचरणे णिक्खित्त-
चरणे अंतचरणे पंतचरणे ल्हहचरणे, पंचठाणाइं जाव **अब्भणुण्णयाइं** भवंति तं०
अन्नाग्रचरणे अन्नवेलचरणे मोणचरणे संसठ्ठकप्पिए तज्जायसंसठ्ठकप्पिए, पंचठाणाइं
जाव अब्भणुण्णयाइं भवंति तं० उवनिहिए सुद्धेसणिए संखादत्तिए दिट्ठलाभिए
पुट्ठलाभिए, पंचठाणाइं जाव अब्भणुण्णयाइं भवंति तं० आयंत्तिए निव्वियए
पुरिमाङ्गए परिमियपिंडवाइए भिन्नपिंडवाइए, पंचठाणाइं जाव अब्भणुण्णयाइं
भवन्ति तं० अरमाहारे विरसाहारे अंताहारे पंताहारे ल्हहाहारे, पंचठाणाइं जाव
भवन्ति तं० अरसजीवी विरसजीवी अंतजीवी पंतजीवी ल्हहजीवी, पंचठाणाइं जाव
भवन्ति तंजहा-ठाणाइए उकुडुआसणिए पडिमठ्ठाइं वीरामणिए णेसज्जिए, पंचठाणाइं
जाव भवंति तं० दंडायइए लगंडसाइं आयावए **अवाउडए** अकंडुयए ॥ ४९५ ॥
पंचहिं ठाणेहिं समणे णिग्गंथे **महानिज्जरे** महापज्जवसाणे भवइ तं० अगिलाए
आयारेयवेयावच्चं करेमाणे एवं उवज्जायवेयावच्चं येरवेयावच्चं तवस्सिवेयावच्चं
गिलाणवेयावच्चं करेमाणे, पंचहिं ठाणेहिं समणे णिग्गंथे **महानिज्जरे** महापज्जवसाणे
भवइ तं० अगिलाए सेहवेयावच्चं करेमाणे, अगिलाए कुलवेयावच्चं करेमाणे, अगि-
लाए गणवेयावच्चं करेमाणे, अगिलाए संधवेयावच्चं करेमाणे, अगिलाए साहम्मिय-
वेयावच्चं करेमाणे ॥ ४९६ ॥ पंचहिं ठाणेहिं समणे निग्गंथे **साहम्मियं संभो-**
इयं विसंभोइयं करेमाणे णाइक्कमइ तं० सकरियट्ठाणं पडिसेविता भवति
पडिसेविता णो आलोएइ आलोएत्ता णो पट्टवेइ पट्टवेत्ता णो णिव्विसइ जाइं
इमाइं थेराणं ठिइप्पकप्पाइं भवंति ताइं अइयंचिय २ पडिसेवेइ से हंव हं पडिसेवाप्ति

किं मे थेरा करिस्संति ? पंचहिं ठाणेहिं समणे निगंगे साहम्मियं पारंभियं करेमाणे
 णाहकम्मइ तं० सकुले वसइ कुलस्स भेयाए अब्भुट्ठेत्ता भवइ, गणे वसइ गणस्स भेयाए
 अब्भुट्ठेत्ता भवइ हिंसप्पेही छिह्पेही अभिक्खणं अभिक्खणं पसिणायतणाइं पउजिता
 भवइ, आयरियउवज्जायस्स णं गणंसि पंचवुगहट्ठणा प० तं० आयरियउवज्जाए
 णं गणंसि आणं वा धारणं वा नो सम्मं पउजिता भवइ, आयरियउवज्जाए णं गणंसि
 आहाराइणियाए किइकम्मं णो सम्मं पउजिता भवइ, आयरियउवज्जाए णं गणंसि जे
 सुयपज्जवाए धारेन्ति ते काले २ णो सम्ममणुप्पवाएत्ता भवइ, आयरियउवज्जाए णं
 गणंसि गिलाणसेह्वेयावच्चं णो सम्ममब्भुट्ठेत्ता भवइ, आयरियउवज्जाए णं गणंसि
 अणापुच्छियचारी यावि भवइ, णो आपुच्छियचारी, आयरियउवज्जायस्स णं गणंसि
 पंच **अवुगहट्ठणा** प० तं० आयरियउवज्जाए णं गणंसि आणं वा धारणं वा सम्मं
 पउजिता भवइ एवमहाराइणियाए सम्मं किइकम्मं पउजिता भवइ, आयरियउवज्जाए
 णं गणंसि जे सुयपज्जवाए धारेन्ति ते काले २ सम्ममणुपवाइत्ता एवं गिलाणसेह्वेया-
 वच्चं सम्मं अब्भुट्ठिता भवइ, आयरियउवज्जाए णं गणंसि आपुच्छियचारी यावि भवइ,
 णो अणापुच्छियचारी ॥ ४९७ ॥ **पंच निसिज्जाओ** प० तं० उकुडुया गोदोहिया मम-
 पायपुया पलियंका अद्धपलियंका ॥ ४९८ ॥ **पंच अज्जवट्ठणा** प० तं० साहुअज्जवं साहु-
 मइवं साहुलाघवं साहुखंती साहुसुत्ती ॥ ४९९ ॥ **पंच विहा जोदमिया** प० तं० चंदा सूरा
 गहा णक्खत्ता ताराओ ॥ ५०० ॥ **पंच विहा देवा** प० तं० भवियदव्वंदेवा
 णरदेवा धम्मदेवा देवाइदेवा भावदेवा ॥ ५०१ ॥ **पंचविहा परियारणा** प०
 तं० कायपरियारणा फासपरियारणा रुवपरियारणा मट्परियारणा मणपरियारणा
 ॥ ५०२ ॥ चमरस्स णं असुरिदस्स असुरकुमाररण्णो पंच अगमहिंसीओ प० तं०
 कान्ठी राइं रयणी विज्जु मेहा, बलिस्स णं वड्ढोयणिदस्स वड्ढोयणरण्णो पंच अग्ग-
 महिंसीओ प० तं० नुभा णिसुभा रंभा णिरंभा मयणा ॥ ५०३ ॥ चमरस्स णं असुरि-
 दस्स असुरकुमाररण्णो पंच संगामिया अणिया पंच संगामिया अणियाहिंवई प०
 तं० पायत्ताणिए पीढाणिए कुंजराणिए महिसाणिए रहाणिए, दुमे पायत्ताणियाहिंवई
 सोदामे आसराया पीढाणियाहिंवई कुंभू हत्थिराया कुंजराणियाहिंवई लोहियक्खे
 महिसाणियाहिंवई किण्णरे रहाणियाहिंवई, बलिस्स णं वड्ढोयणिदस्स वड्ढोयणरण्णो
 पंच संगामिया अणिया पंच संगामिया अणियाहिंवई प० तं० पायत्ताणिए जाव
 रहाणिए, महादुमे पायत्ताणियाहिंवई महामोदामे आसराया पीढाणियाहिंवई
 मालंकारे हत्थिराया कुंजराणियाहिंवई महालोहियक्खे महिसाणियाहिंवई किंपुरिसे
 रहाणियाहिंवई, धरणिदस्स णं णागिदस्स नागकुमाररण्णो पंच संगामिया अणिया

पंच संगामिया अणियाहिवई ५० तं० पायत्ताणिए जाव रहाणिए महेसे पायत्ताणियाहिवई जसोघरे आसराया पीढाणियाहिवई सुदंसणे हत्थिराया कुंजराणियाहिवई नीलकंठे महिसाणियाहिवई आणंदे रहाणियाहिवई । भूयाणंदस्स नागकुमारिंदस्स नागकुमाररत्तो पंच संगामिया अणिया पंच संगामिया अणियाहिवई ५० तं० पायत्ताणिए जाव रहाणिए, दक्खे पायत्ताणियाहिवई सुग्गीवे आसराया पीढाणियाहिवई सुविक्रमे हत्थिराया कुंजराणियाहिवई सेयकंठे महिसाणियाहिवई णंदुगरे रहाणियाहिवई वेणुदेवस्स णं सुवर्णिदस्स सुवन्नकुमाररत्तो पंच संगामिया अणिया पंच संगामिया अणियाहिवई ५० तं० पायत्ताणिए एवं जहा घरणस्स तहा वेणुदेवस्स वि । वेणुदालियस्स य जहा भूयाणंदस्स, जहा घरणस्स तहा सब्बेसिं दाहिणिक्खणं जाव घोसस्स जहा भूयाणंदस्स तहा सब्बेसिं उत्तरिक्खणं जाव महाघोसस्स, सक्कस्स णं देविदस्स देवरत्तो पंच संगामिया अणिया पंच संगामिया अणियाहिवई ५० तं० पायत्ताणिए जाव उमभाणिए हरिणेगमेसी पायत्ताणियाहिवई बाऊ आसराया पीढाणियाहिवई एरावणे हत्थिराया कुंजराणियाहिवई दामद्धी उसभाणियाहिवई माडरे रहाणियाहिवई ईसाणस्स णं देविदस्स देवरत्तो पंच संगामिया अणिया जाव पायत्ताणिए पीढाणिए कुंजराणिए उमभाणिए रहाणिए, लहुपरक्कमे पायत्ताणियाहिवई महावाऊ आसराया पीढाणियाहिवई पुप्फटंने हत्थिराया कुंजराणियाहिवई महादामद्धी उसभाणियाहिवई महामाडरे रहाणियाहिवई जहा सक्कस्स तहा सब्बेसिं दाहिणिक्खणं जाव आरणस्स जहा ईसाणस्स तहा सब्बेसिं उत्तरिक्खणं जाव अक्खुयस्स । सक्कस्स णं देविदस्स देवरत्तो अम्भितरपरिसाए देवाणं पंच पल्लिओबमाईं ठिई ५० ईसाणस्स णं देविदस्स देवरत्तो अम्भितरपरिसाए देवीणं पंच पल्लिओबमाईं ठिई ५० ॥ ५०४ ॥ पंच विहा पडिहा ५० तं० गइपडिहा ठिइपडिहा बंधणपडिहा भोगपडिहा बलवीरियपुरिसक्कारपरक्कमपडिहा ॥ ५०५ ॥ पंचविहे आजीवे ५० तं० जाइआजीवे कुलाजीवे कम्माजीवे सिप्पाजीवे लिगाजीवे ॥ ५०६ ॥ पंच रायककुहा ५० तं० खगं छत्तं उपेसं उवाहणाओ बालवीयणी ॥ ५०७ ॥ पंचहिं ठाणेहिं छउमत्तेणं उदिणो परिसहोवसग्गे सम्मं सहेज्जा खमेज्जा तित्तिक्खेज्जा अहियासेज्जा तं० उदिक्कम्मे खल्लु अयं पुरिसे उम्मत्तगभूए तेण मे एस्स पुरिसे अक्कोसए वा अवहसइ वा णिच्छोदेइ वा णिब्भत्तेइ वा बंधइ वा णंधइ वा छविच्छेयं करेइ वा पमारं वा णेइ उह्वेइ वा वत्थं वा पडिगगई वा कंबले वा पायपुच्छणमच्छिदइ वा विच्छिदइ वा भिदइ वा अवहरइ वा जक्कहाइठ्ठे खल्लु अयं पुरिसे तेण मे एस्स पुरिसे अक्कोसइ वा तह्वेव जाव अवहरइ वा मयं च णं तन्मववैयणिये कम्मे उदिणे भवइ तेण मे एस्स

पुरिसे अक्कोसइ वा जाव अवहरइ वा ममं च णं सम्मं असहमाणस्स अखममाणस्स अतिक्खमाणस्स अणहियासेमाणस्स किं मजे कज्जइ ? एगंतसो मे पावे कम्मे कज्जइ ममं च णं सम्मं सहमाणस्स जाव अहियासेमाणस्स किं मजे कज्जइ ? एगंतसो मे निज्जरा कज्जइ इच्चेएहि पंचहिं ठाणेहि छउमत्थे उदिजे परिसहोवमग्गे मम्मं सहेज्जा जाव अहियासेज्जा ॥ ५०८ ॥ पंचहिं ठाणेहिं केवली उदिजे परिसहोवमग्गे सम्मं सहेज्जा जाव अहियासेज्जा तं० खित्तचित्ते खलु अयं पुरिसे तेण मे एम पुरिसे अक्कोसइ वा तहेव जाव अवहरइ वा दित्तचित्ते खलु अयं पुरिसे तेण मे एम पुरिसे जाव अवहरइ वा जक्खसाइठ्ठे खलु अयं पुरिसे तेण मे एम पुरिसे जाव अवहरइ वा ममं च णं तवभवचेयणिजे कम्मं उदिजे भवइ तेण मे एम पुरिसे जाव अवहरइ वा ममं च णं सम्मं सहमाणं खममाणं तित्तिक्खमाणं अहियासेमाणं पानित्ता बहवे अजे छउमत्था ममणा निरगंण उदिजे परिसहोवमग्गे एवं मम्मं गहिरसति जाव अहियासेस्संति उच्चेएहि पंचहिं ठाणेहिं केवली उदिजे परिसहोवमग्गे मम्मं सहेज्जा जाव अहियासेज्जा ॥ ५०९ ॥ पंच हेऊ प० तं० हेउं न जाणइ हेउं न पासति हेउं ण बुद्धइ हेउं नाभिरच्छइ हेउमण्णाणमरणं मरइ, पंच हेऊ प० तं० हेउणा ण जाणइ जाव हेउणा अग्गाणमरणं मरइ, पंच हेऊ प० तं० हेउं जाणइ जाव हेउं छउमत्थमरणं मरइ, पंच हेऊ प० तं० हेउणा जाणइ जाव हेउणा छउमत्थमरणं मरइ, पंच अहेऊ प० तं० अहेउं न जाणइ जाव अहेउं छउमत्थमरणं मरइ, पंच अहेऊ प० तं० अहेउणा न जाणइ जाव अहेउणा छउमत्थमरणं मरइ, पंच अहेऊ प० तं० अहेउं जाणइ जाव अहेउं केवलिसरणं मरइ, पंच अहेऊ प० तं० अहेउणा ण जाणइ जाव अहेउणा केवलिसरणं मरइ ॥ ५१० ॥

केवलिसस्स णं पंच अणुत्तरा प० तं० अणुत्तरे णाणे अणुत्तरे इमणे अणुत्तरे चरित्ते अणुत्तरे तथे अणुत्तरे वीरिण ॥ ५११ ॥ पउमपइ णं अग्हा पंच चित्ते होत्था तं० चित्ताहिं चुए चउत्ता गधमं वक्कंते चित्ताहिं जाए चित्ताहिं मुंळे अविता अगागओ अणगारियं पव्वइए चित्ताहिं अणंते अणुत्तरे णिव्वाधाए निरावरणे कसिणे पडिपुत्ते केवलवरनागदमणे समुप्पन्नं चित्ताहिं परिनिव्वुए । पुप्फदंते णं अरहा पंच मूळे होत्था मूलेणं चुए चउत्ता गधमं वक्कंते, एवं चेव एएअ अभिन्नावेणं इमाओ गाहाओ अणुगंतव्वाओ ॥ पउमप्पभस्स चित्ता मूळे पुण होइ पुप्फदंतस्स; पुब्बाई आसाहा सीयलस्सुत्तर विमलस्स भद्वया (१) रेवइया अणंतजिणां पूसो धम्मस्स संतिणो भरणी, कुंयुस्स कत्तियाओ अरस्स तह रेवइओ य (२) मुणिसुव्ववस्स सब्बो श्रासिणं नसिणो थ नेसिणो चित्ता, पासस्स विसाहाओ पंच थ हत्थुत्तरे वीरो (३) सेसं जहा ध्यायारे ॥ ५१२ ॥ पंचमहाणस्स पदमोदेसो समत्तो ॥

नो कप्पइ निग्गंथाणं वा, निग्गंथीणं वा इमाओ उहिठ्ठाओ गणियाओ विर्यंजि-
याओ पंच महण्णावाओ महाण्णैओ अंतो मामस्स दुल्लुतो वा, तिक्खुतो वा, उत्तरि-
त्ताए वा संतरित्ताए वा तं० गंगा जउणा मरुत्त एरावई मही, पंचहिं ठाणेहिं कप्पइ तं०
भयंमि वा, दुब्भिकखंमि वा, पव्वहेज्ज व णं कोई उदयोवंसि वा एज्जमाणंसि, महता
वा अणारिएहिं, णो कप्पइ णिग्गंथाणं वा णिग्गंथीणं वा पडमपाउमंसि गामाणुगामं
दुडञ्जितए, पंचहिं ठाणेहिं कप्पइ तं० भयंमि वा दुब्भिकखंमि वा जाव महता वा
अणारिएहिं, दासावामं पच्चोमवियाणं णो कप्पइ णिग्गंथाणं वा निग्गंथीणं वा गामाणु-
गामं दुडञ्जितए, पंचाहिं ठाणेहिं कप्पइ तं० णाणट्टयाए, दंसणट्टयाए चरित्तट्टयाए
आयरियउवज्जाया वा से वीमंभेज्जा आयरियउवज्जायाणं वा बहिया वैयावच्चं करण-
याए ॥ ५१३ ॥ पंच **अणुग्घाडमा** प० तं० हत्थकम्मं करेमाणे मेट्टुणं पडिमेवेषाणे
राउभोयणे भुंजमाणे मागारियपंडे भुंजमाणे गयपिटं भुंजमाणे, पंचाहिं ठाणेहिं
समणे निग्गंथे रायंते उरमणुपविममाणे नाट्कमड तं० णगरं निया मव्वओ समंता
गुत्ते गुत्तदुवारं बहवे ममणा निग्गंथा णो संचाणन्ति भन्ताए वा पण्णाए वा निक्ख-
मिन्ताए वा पविमिन्ताए वा तेमि विष्णवणट्टयाए रायंते उरमणुपविमेज्जा पाडिहारियं
वा पीट्ठफलगसेज्जासंधारयं पच्चापणमाणे रायंते उरमणुपविमेज्जा हयस्स वा गयस्स
वा दुट्टस्स आगच्छमाणस्स भीए रायंते उरमणुपविसेज्जा परो वा णं सहमा वा
बलसा वा बाहाए गहाय रायंते उरमणुपविसेज्जा बहिया व णं आरामगयं वा उज्जाण-
गयं वा रायंते उरज्जणे मव्वओ समंता संपवेक्खिवित्ता णं जित्तिमेज्जा इच्चेएहिं पंचहिं
ठाणेहिं समणे निग्गंथे जाव णाइक्कमड ॥ ५१४ ॥ पंचाहिं ठाणेहिं **इत्थी पुरिसेण**
सद्धिं असंवसमाणी वि गब्भं धरेज्जा तं० इत्थी दुब्बियडा दुन्नमत्ता सुक्क-
पोग्गले अहिंठ्ठेज्जा, सुक्कपोग्गलसंनिठ्ठे वा से वत्थे अंतो जोणीए अणुपविसेज्जा सयं
वा सा मक्कपोग्गले अणुपविसेज्जा परो वा से मक्कपोग्गले अणुपविसेज्जा सीभ्रांदाविय-
डेण वा से आयममाणीए सुक्कपोग्गले अणुपविसेज्जा, इच्चेएहिं पंचहिं ठाणेहिं जाव
धरेज्जा, पंचाहिं ठाणेहिं **इत्थी पुरिसेण सद्धिं संवसमाणी वि गब्भं नो**
धरेज्जा तं० अप्पनजोवगा अइक्कंतजोवणा जाइवंझा गेलन्नपुट्ठा दोमणंमिया इच्चे-
एहिं पंचाहिं ठाणेहिं इत्थी पुरिसेण सद्धिं संवसमाणी वि गब्भं नो धरेज्जा, पंचाहिं
ठाणेहिं **इत्थी पुरिसेण सद्धिं संवसमाणी वि गब्भं नो धरेज्जा** तं०
निच्चोउजा अणोउजा वावन्नसोया वाविदसोया अणंगपडिसेविणी इच्चेएहिं पंचाहिं
ठाणेहिं इत्थी पुरिसेण सद्धिं संवसमाणी वि गब्भं नो धरेज्जा, पंचाहिं ठाणेहिं **इत्थी**
पुरिसेण सद्धिं संवसमाणी वि गब्भं नो धरेज्जा तं० उरुंसि णो णिगाम-

पडिसेविधी यावि भवइ, समागया वा से कुक्कपोग्गला पडिविदंसंति उदिने वा से पित्त-
 सेणिए पुरा वा देवकम्मुणा पुत्तफले वा नो निदिट्ठे भवइ इत्थेएहिं जाव गो
 धरेज्जा ॥ ५१५ ॥ पंचहिं ठाणेहिं निग्गंधा निग्गंधीओ य एगयओ ठाणं
 वा सेज्जं वा निसीहियं वा चेएमाणा णाइक्कमंति तं० अत्थेगइया निग्गंधा
 निग्गंधीओ य एगं महं अगामियं छिन्नावार्यं वीहमदं अडविमणुपविट्ठा तत्थेग-
 यओ ठाणं वा सेज्जं वा निसीहियं वा चेएमाणा णाइक्कमंति अत्थेगइया निग्गंधा २
 गामंसि वा णगरसि वा जाव रायहाणिसि वा वामे उवागया एगइया जत्थ उवस्सयं
 लभंति एगइया गो लभंति तत्थेगयओ ठाणं वा जाव णाइक्कमंति अत्थेगइया
 निग्गंधा निग्गंधीओ य णागकुमारावासंसि वा सुवन्नकुमारावासंसि वा वासं उवा-
 गया तत्थेगयओ ठाणं वा जाव णाइक्कमंति, आमोसगा वीसंति ते इच्छंति निग्गंधीओ
 चीवरपडियाए पडिगाहेत्तए तत्थेगयओ ठाणं वा जाव णाइक्कमंति, जुवाणा वीसंति ते
 इच्छंति निग्गंधीओ मेहुणपडियाए पडिगाहेत्तए तत्थेगयओ ठाणं वा जाव णाइक्कमंति,
 इत्थेएहिं पंचहिं ठाणेहिं जाव णाइक्कमंति । पंचहिं ठाणेहिं ममणे निग्गंधे अचेत्तए
 सचेत्तियाहिं निग्गंधीहिं मद्धि संवममाणे नाइक्कमइ तं० मित्तचित्ते ममणे निग्गंधे
 निग्गंधेहिं अविज्जमाणेहिं अचेत्तओ मचेत्तियाहिं निग्गंधीहिं मद्धि संवममाणे नाइ-
 क्कमइ एवमेएणं गमएणं दित्तचित्ते जक्ख्खादंत्ते उम्मायपंतं निग्गंधीपव्वावियए ममणे
 निग्गंधेहिं अविज्जमाणेहिं अचेत्तए मचेत्तियाहिं निग्गंधीहिं मद्धि संवममाणे णाइक्कमइ
 ॥ ५१६ ॥ पंच आसवदारा प० तं० म्मच्छत्तं अविरेदं पमाओ कमाया जोगा,
 पंच संवरदारा प० तं० मम्मत्तं विरेदं अपमाओ अकमात्तं पसत्थजोगिणं, पंच
 दंडा प० तं० अट्टादंडे अणट्टादंडे हिसादंडे अक्कहादंडे दिट्ठिविपरियामित्यादंडे ।
 पंच किरियाओ प० तं० आरंभिया परिग्गहिया मायावत्तिया अपच्चक्ख्खाणकिरिया
 म्मिच्छादंसणवत्तिया, म्मिच्छादिट्ठिनेरइयाणं पंच किरियाओ प० तं० आरंभिया
 जाव म्मिच्छादंसणवत्तिया एवं मव्वेसि निरंतरं जाव म्मिच्छादिट्ठियाणं वेमाणियाणं ।
 णवरं विगळेदिया म्मिच्छादिट्ठी न भजंति सेसे तहेव पंच किरियाओ प० तं०
 काइया अहिग्गणिया पाओमितिया पाणियावत्तिया पाणाडवायक्किया, नेरइयाणं पंच
 एवं चैव निरंतरं जाव वेमाणियाणं, पंच किरियाओ प० तं० आरंभिया जाव म्मिच्छादं-
 सणवत्तिया नेरइयाणं पंच जाव वेमाणियाणं । पंच किरियाओ प० तं० दिट्ठिया
 पुट्टिया पाडुत्तिया सामंतेवत्तियाइया साहत्थिया एवं नेरइयाणं जाव वेमाणियाणं, पंच
 किरियाओ प० तं० नेमत्थिया आणवत्तिया वेयारणिया अणाभोगवत्तिया अणव-
 कंत्तवत्तिया, एवं जाव वेमाणियाणं, पंच किरियाओ प० तं० पेज्जवत्तिया दोस-
 वत्तिया पओगकिरिया समुदाणकिरिया इरियावहिया एवं मणुस्साण वि सेसाणं

णत्थि ॥ ५१७ ॥ **पंच विहा परिण्णा** प० तं० उव्हिपरिण्णा उवस्सयपरिष्वा
 क्सायपरिण्णा जोगपरिष्वा भत्तपाणपरिण्णा ॥ ५१८ ॥ **पंच विहे व्वहारै** प० तं०
 आगमे सुए आणा धारणा जीए, जहा से तत्थ आगमे सिया आगमेणं व्वहारं पठु-
 वेज्जा, णो से तत्थ आगमे सिया जहा से तत्थ सुए सिया सुएणं व्वहारं पठुवेज्जा
 णो से तत्थ सुए सिया एवं जाव जहा से तत्थ जीए सिया जीएणं व्वहारं पठुवेज्जा
 इत्थेएहि पंचहि व्वहारं पठुवेज्जा, आगमेणं जाव जीएणं जहा २ से तत्थ आगमे जाव
 जीए तथा २ व्वहारं पठुवेज्जा से किमाहु भन्ते ! आगमबलिया मग्गणा णिग्गंधा ? इत्थेयं
 पंच विहं व्वहारं जया जया जहिं जहिं तथा तथा तहिं तहिं अणिसिओवस्सियं सम्मं
 व्वहरमाणं समणे णिग्गंधे आणाए आराहए भवड ॥ ५१९ ॥ **संजयमणुस्साणं**
सुत्ताणं पंच जागरा प० तं० मद्दा जाव फासा संजयमणुस्साणं जागराणं पंच
 सुत्ता प० तं० मद्दा जाव फासा असंजयमणुस्साणं सुत्ताणं वा जागराणं वा पंच
 जागरा प० तं० मद्दा जाव फासा ॥ ५२० ॥ पंचहिं टाणेहिं जीवा रयं आदज्जति
 तं० पाणाइवाएणं जाव परिग्गहेणं । पंचहिं टाणेहिं जीवा रयं वमंति तं० पाणाइ-
 वायवेरमणेणं जाव परिग्गहवेरमणेणं । पंचमानियं णं भिक्खुपडिभं पडिवन्नस्स अण-
 गारस्स कप्पति पंचदत्ताओ भोयणस्स पडिगाहेत्तए पंचपाणगस्स ॥ ५२१ ॥ पंच
 विहे **उवघाए** प० तं० उग्गमोवघाए उप्पायणोवघाए एमणोवघाए परिकम्मोवघाए
 परिहरणोवघाए **पंचविहा विसोही** प० तं० उग्गमविमोही उप्पायणविसोही
 एणणाविसोही परिकम्मविमोही परिहरणविसोही, **पंचहिं टाणेहिं जीवा दुल्लभ-**
बोहियत्ताए कम्मं पगरंति तं० अरिहंताणमवणं वदमाणे अरिहंतपण्णात्तस्स
 धम्मस्स अवणं वदमाणे आरियउक्कजायाणमवणं वदमाणे चाउवण्णस्स संघस्स
 अवणं वदमाणे विविक्कतवंबंभचेराणं देवाणं अवणं वदमाणे, पंचहिं टाणेहिं जीवा
सुल्लभबोहियत्ताए कम्मं पगरंति, अरिहंताणं वणं वदमाणे, जाव विविक्कतव-
 वंबंभचेराणं देवाणं वणं वदमाणे ॥ ५२२ ॥ पंच **पडिसंलीणा** प० तं० सोई-
 दियपडिसंलीणे जाव फासिदियपडिसंलीणे, **पंच अपडिसंलीणा** प० तं० सोई-
 दियअपडिसंलीणे जाव फासिदियअपडिसंलीणे, **पंच विहे संवरे** प० तं०-
 सोईदियसंवरे जाव फासिदियसंवरे **पंचविहे असंवरे** प० तं० सोईदियअसंवरे
 जाव फासिदियअसंवरे ॥ ५२३ ॥ **पंच विहे संजमे** प० तं० सामाइयसंजमे छेदो-
 वट्ठावणियसंजमे परिहारविमुदियसंजमे सुहुमसंपरायसंजमे अहक्खायचरितसंजमे,
 एगिदिया णं जीवा असमारंभमाणस्स पंचविहे संजमे कज्ज तं० पुढविकाइयसंजमे
 जाव वणस्सइक्कइयसंजमे, एगिदिया णं जीवा समारंभमाणस्स पंचविहे असंजमे

कज्जइ तं० पुढविकाइयअसंजमे जाव वणस्सइकाइयअसंजमे, पंचिदिया णं जीवा
 असमारंभमाणस्स पंचविहे संजमे कज्जइ तं० सोईदियसंजमे जाव फासिंदियसंजमे,
 पंचिदिया णं जीवा समारंभमाणस्स पंचविहे असंजमे कज्जइ तं० सोईदियअसंजमे जाव
 फासिंदियअसंजमे, सब्बपाणभूयजीवसत्ता णं असमारंभमाणस्स पंचविहे संजमे कज्जइ
 तं० एगिंदियसंजमे जाव पंचिदियसंजमे, सब्बपाणभूयजीवसत्ता णं समारंभमाणस्स
 पंचविहे असंजमे कज्जइ तं० एगिंदियअसंजमे जाव पंचिदियअसंजमे ॥५२४॥ **पंच-**
विहा तणवणस्सइकाइया प० तं० अग्गवीया मूलवीया पोरवीया मंधवीया
 वीयरुहा ॥ ५२५ ॥ **पंचविहे आयारे** प० तं० णाणायारे दंमणायारे चरिणा-
 यारे तवायारे वीरियायारे, **पंचविहे आयारपक्कपे** प० तं० मासिण उग्घाडए
 मासिण अणुग्घाडए चउमासिण उग्घाडए चउमासिण अणुग्घाडए आगेवणा,
आरोवणा पंचविहा प० तं० पठुविया ठविया कम्मिणा अकम्मिणा हाउहउा
 ॥ ५२६ ॥ जवुईवि वीवें मंदरस्स पव्वयस्स पुग्गच्छिमे णं सीयाए महानइए उत्तरेणं
 पंचवक्खारपव्वया प० तं० मालवंते चित्तकूडे पम्हकूडे णल्लिणकूडे एगमेले, जंबु-
 मंदरस्स पुरओ नीयाए महाणइए दाहिणेणं पंचवक्खारपव्वया प० तं० तिकूडे
 वेमणकूडे अंजणे मयंजणे सोमणमे, जंबुमंदरपव्वयस्स पच्चत्थिमेणं सीओयाए
 महाणइए दाहिणेणं पंचवक्खारपव्वया प० तं० विज्जुपभे अंकावई पम्हावई
 आसीविसे सुहावहे, जंबुमंदरस्स पच्चत्थिमेणं सीओयाए महाणइए उत्तरेणं पंच
 वक्खारपव्वया प० तं० चंदपव्वण मृगपव्वण णागपव्वण देवपव्वण गंधमायणे,
 जंबुमंदरस्स दाहिणेणं देवकुराण कुराण पंचमहदहा प० तं० निसहदहे देवकुरुदहे
 मूरदहे सुल्लसदहे विज्जुपहदहे, जंबुमंदरउत्तरेणं उत्तरकुराण कुराण पंचमहदहा प०
 तं० नीलवंतदहे उत्तरकुरदहे चंददहे एगवणदहे मालवंतदहे, सब्बवि णं वक्खारप-
 व्वया सीयासीओयाओ महाणइओ मंदरं वा पव्वयंतणं पंचजोयणमयाई उहुं
 उच्चतेणं पंचगाउयमयाई उव्वेहेणं, धायइसंटे वीवें पुग्गत्थिमद्वेणं मंदरस्स पव्वयस्स
 पुग्गच्छिमेणं सीयाण महाणइए उत्तरेणं पंचवक्खारपव्वया प० तं० मालवंते एवं
 जहा जंबुईवि तहा जाव पोक्खरवरवीवहुपच्चत्थिमद्वे वक्खारा दहा य वक्खारपव्व-
 याणं उच्चते भाणियव्वं, समयक्खेत्ते णं पंच भरहाई पंच एववयाई एवं जहा चउट्ठाणे
 विडए उदमे तहा गत्थवि भाणियव्वं जाव पंच मंदरा पंचमंदरचुल्लियाओ णवरं
 उमुयाग णत्थि ॥ ५२७ ॥ उत्तंभे णं अरहा कोसलिण पंचधणुमयाई उहुं उच्चतेणं
 होत्था भग्गे णं राया चाउरंतचक्कवट्ठी पंचधणुमयाई उहुं उच्चतेणं होत्था बाहुवली णं
 अगगारं एवं चेव । बभी णं अज्जा एवं चेव एवं सुंदरीवि, पंचहिं ठाणेहिं सुत्ते वि

बुज्जेज्जा तं० सदेणं फासेणं भोगणपरिणामेणं णिहक्खएणं सुविणदंसणेणं, पंचहिं ठाणेहिं समणे णिगंगंथे णिगंगंथिं णिण्हमाणे वा अवलंबमाणे वा णाइकमइ तं० णिगंगंथिं च णं अन्नयरे पमुत्राइए वा पक्खीजाइए वा ओहाएज्जा तत्थ णिगंगंथे णिगंगंथिं णिण्हमाणे वा अवलंबमाणे वा णाटक्कमइ णिगंगंथे णिगंगंथिं दुग्गंसि वा विरमंसि वा पक्खलमाणिं वा पवडमाणिं वा गेण्हमाणे वा अवलंबमाणे वा णाटक्कमइ णिगंगंथे णिगंगंथिं मेयंसि वा पंकेमि वा पणगंसि वा उदगंसि वा उक्कस्समाणिं वा उवुच्चमाणिं वा णिण्हमाणे वा अवलंबमाणे वा णाटक्कमइ णिगंगंथे णिगंगंथिं णावं आरुहमाणे वा ओरुहमाणे वा णाटक्कमइ खिल्लत्तं दित्तत्तं जक्खाइत्तं उम्मायपत्तं उवय्यगपत्तं माहिगरणं यपायन्त्थित्तं जाव भत्तपाणपडियाडन्त्थिर्य अट्टजायं वा निगंगंथे णिगंगंथिं णिण्हमाणे वा अवलंबमाणे वा णाटक्कमइ ॥ ५२८ ॥

आयारियउवज्जायस्स णं गणंसि पंच अतिस्सेमा ५० तं० आयारियउवज्जाए अंतोउवस्सयस्स पाए निगिंज्जय ० पप्फोडेमाणे वा पमज्जेमाणे वा णाटक्कमइ आयारियउवज्जाए अंतो उवस्सयस्स उच्चारपामवणं विगिच्चमाणे वा निगोहेमाणे वा णाटक्कमइ आयारियउवज्जाए पभ उच्छा वेयावडियं करेजा उच्छा णो करेजा आयारियउवज्जाए अंतो उवस्सयस्स एगराडं वा दुराडं वा ग्गामी वगमाणे णाटक्कमइ । आयारियउवज्जाए बाहिं उवस्सयस्स एगराडं वा दुराडं वा वगमाणे णाटक्कमइ । पंचहिं ठाणेहिं आयारियउवज्जायस्स गणावक्कमणे ५० तं० आयारियउवज्जाए गणंसि आणं वा धारणं वा नो मम्म पउंजिना भवद, आयारियउवज्जाए गणंसि अहारायणियाए किट्ठकम्मं वेणइयं नो मम्मं पउंजिना भवद, आयारियउवज्जाए गणंसि जे गुयपज्जवजाए धारिंति ते काले णो मम्ममणुपवादेना भवद, आयारियउवज्जाए गणंसि सगणियाए वा परगणियाए वा निगंगंथीए बाहिंहेमं भवद, मित्ते णाइगणे वा से गणाओ अवक्कमेज्जा तेमिं संगदोवगहट्टयाए गणावक्कमणे पण्णत्ते । पंच विहाइत्थिमंता मणुस्सा ५० तं० अरहंता चक्खवट्ठी बलदेवा वामुदेवा भावियप्पाणे अणगारा ॥ ५२९ ॥ पंचमट्ठाणस्स बिइओ उहेसो समत्तो ॥

पंच अत्यिकाया ५० तं० धम्मत्थिकाए अधम्मत्थिकाए आगामत्थिकाए जीवत्थिकाए पोगलत्थिकाए धम्मत्थिकाए अब्बे अगंथे अरसे अफामे अस्वी अजीवे मासए अब्बट्टिए लोगदव्ये से समासओ पंचविहे ५० तं० दव्वओ खेतओ कालओ भावओ गुणओ दव्वओ णं धम्मत्थिकाए एगं दव्वं खेतओ लोगपमाणमेते कालओ ण कयाइ णासी न कयाइ न भवइ न कयाइ न भविस्सइत्ति भुवि भवइ य भविस्सइ य धुवे गित्तिए सासए अक्खए अब्बए अबट्टिए णिबे, भावतो अब्बे

अगंधे अरसे अफासे, गुणओ गमणगुणे य (१) अधम्मत्थिकाए अवघे एवं चेव नवरं गुणओ ठाणगुणे (२) आगासत्थिकाए अवघे एवं चेव नवरं खेतओ लोगा-
 लोगप्पमाणमित्ते गुणओ अवगाहणागुणे सेसं तं चेव (३) जीवत्थिकाए णं अवघे
 एवं चेव नवरं दब्बओ णं जीवत्थिकाए अणंताई दब्बाई, अरूवी जीवे सासए, गुणओ
 चवजोगुणे, सेसं तं चेव (४) पोग्गलत्थिकाए पंचवघे पंचरसे दुगंधे अट्टफासे
 रूवी अजीवे सासए अवट्ठिए जाव दब्बओ णं पोग्गलत्थिकाए अणंताई दब्बाई,
 खेतओ लोगपमाणमेत्ते, कालओ ण कयाइ णासी जाव णिच्चे भावओ वण्णमंते
 गंधमते रसमंते फाममंते, गुणओ गहणगुणे ॥ ५३० ॥ **पंच गईओ** प० तं०
 निरयगई तिरियगई मणुयगई देवगई सिद्धिगई । पंच **इंदियत्था** प० तं० सोई-
 दियत्थे जाव फासिदियत्थे **पंच मुंडा** प० तं०—सोईदियमुंडे जाव फासिदियमुंडे,
 अहवा **पंच मुंडा** प० तं० कोहमुंडे, माणमुंडे, मायामुंडे, लोभमुंडे, सिरमुंडे
 ॥ ५३१ ॥ अहे लोगे णं पंच बायरा प० तं० पुढविकाइया आउ० वाउ० वणस्सइ-
 काइया उराला तसा पाणा ॥ उक्कलोगे णं पंच बायरा, एए चेव, तिरियलोगे णं
 पंच बायरा प० तं० एगिदिया जाव पंचिदिया । पंच विहा बादरनेउकाइया प० तं०
 इंगाळे जाला मुम्मुरे अची अलाए, **बादरवाउकाइया** पंचविहा प० तं० पाईण-
 वाए पडीणवाए उडीणवाए दाहिणवाए विदिसिवाए **पंचविहा अचित्ता वाउ-**
काइया प० तं० अक्कंते थंते पीळिए सरीराणुगए संमुच्छिमे ॥ ५३२ ॥ **पंच**
नियंठा प० तं० पुलाए बउसे कुसीले नियंठे सिणाए । **पुलाए पंच विहे** प०
 तं० णाणपुलाए दंसणपुलाए चरित्तपुलाए लिंगपुलाए अहामुहुमपुलाए नामं पंचमे ।
 बउसे **पंचविहे** प० तं० आभोगबउसे अणाभोगबउसे संसुडबउसे असंसुडबउसे
 अहामुहुमबउसे णामं पंचमे । **कुसीले पंचविहे** प० तं० णाणकुसीले दंसण-
 कुसीले चरित्तकुसीले लिंगकुसीले अहामुहुमकुसीले णामं पंचमे । **नियंठे पंचविहे**
 प० तं० पढमसमयनियंठे अपढमसमयनियंठे चारिमसमयनियंठे अचरिमसमयनियंठे
 अहामुहुमनियंठे णामं पंचमे । **सिणाए पंच विहे** प० तं० अच्छवी असबले अक-
 म्मंसे संसुद्धणाणदंसणवरं अरहा जिणं केवली अपरिस्सावी ॥ ५३३ ॥ कप्पइ
 निग्गंथाणं वा निग्गंधीणं वा **पंचवत्थाई धारेत्तए** वा परिहरित्तए वा तं० अंगिए
 खोमिए साणए पोत्तिए तिरीडपट्टए णामं पंचमए । कप्पइ निग्गंधाणं वा निग्गंधीणं वा
 पंच रयहरणाई धारित्तए वा परिहरित्तए वा, तंजहा—उणिए उट्टिए साणए पक्का-
 पिच्चियए मुंजापिच्चिए णामं पंचमे ॥ ५३४ ॥ **धम्मं चरमाणस्स पंच मिस्सा-**
टाणा प० तं० छक्काए गणो राया गिहवई सरीरं । **पंच जिही** प० तं०

पुतणिही मिताणिही सिप्पणिही वणणिही धम्मणिही पंचविहे सोए प० तं०
 पुढविसोए आउसोए तेउसोए मंतसोए बंभसोए, पंचठाणाई छउमत्थे सव्व-
 भावेणं ण जाणइ ण पासइ तं० धम्मत्थिकायं अधम्मत्थिकायं आगासत्थि-
 कायं जीवं असरीरपडिक्कं परमाणुपोग्गलं, एयाणि चैव उप्पण्णणाणंदंसणधरे अरहा
 जिणे केवली सव्वभावेणं जाणइ पासइ धम्मत्थिकायं जाव परमाणुपोग्गलं । अहे
 लोगे णं पंच अणुत्तरा महइमहालया महागिरया प० तं० काले महाकाले रोहए
 महारोहए अप्पइठ्ठणे, उक्कलोगे णं पंच अणुत्तरा महइमहालया महाविमाणा
 प० तं० विजये वैजयंते जयंते अपराजिए मव्वट्टसिद्धे ॥ ५३५ ॥ पंच पुरिस-
 जाया प० तं० हिरिसत्ते हिरिमणसत्ते चलमत्ते धिरसत्ते उदयणसत्ते पंच मच्छा
 प० तं० अणुसोयचारी पडिसोयचारी अंतचारी मज्झचारी सव्वचारी, एवामेव पंच
 भिक्खवागा प० तं० अणुसोयचारी जाव सव्वसोयचारी पंच वणीमगा प० तं०
 अतिहिवणीमए किणववणीमए माहणवणीमए माणवणीमए समणवणीमए । पंचहिं
 ठाणेहिं अचेलए पसत्थे भवइ तं० अप्पा पडिडेहा लाघविए पसत्थे ह्वेवेसा-
 सिए तवे अणुण्णाए विउले ईदियनिग्गहे पंच उक्कला प० तं० इंदुक्कले रज्जुक्कले
 तेणुक्कले देसुक्कले सव्वुक्कले पंच समिईओ प० तं० इरियासमिई भासा जाव
 पारिठावणियासमिई ॥ ५३६ ॥ पंचविहा संसारसमावन्नगा जीवा प० तं०
 एगिदिया जाव पंचिदिया, एगिदिया पंचगइया पंचागइया प० तं० एगिदिए एगि-
 दिएसु उवबज्जमाणे एगिदिएहिंते वा जाव पंचिदिएहिंते वा उववज्जेजा से चैव णं
 से एगिदिए एगिदियत्तं सिप्पजहमाणे एगिदियणाए वा जाव पंचिदियत्ताए वा
 गच्छेज्जा, बेईदिया पंचगइया पंचागइया एवं चैव, एवं जाव पंचिदिया पंचगइया
 पंचागइया प० तं० पंचिदिया जाव गच्छेज्जा ॥ ५३७ ॥ पंचविहा सव्वजीवा
 प० तं० कोहकसाई जाव लोभकसाई अक्कसाई, अहवा पंचविहा सव्वजीवा प० तं०
 नेरइया जाव देवा सिद्धा, अह भंते ! कल्लमसूरतिल्लमुग्गमासखिप्फावकुलत्थआस्सि-
 संदगसईणपल्लिमंधगारणं एएस्सि णं धन्नाणं कुट्टाउत्तारणं जहा सालीणं जाव केवइयं
 कालं जोणी संविट्ठइ ! गोयमा ! जहण्णेणं अंतोमुहुत्तं उक्कोसेणं पंच संवच्छराई,
 तेण परं जोणी पमिल्लायइ जाव तेण परं जोणीवेच्छेदे पण्णते ॥ ५३८ ॥ पंच
 संवच्छरा प० तं० णक्खत्तासंवच्छरे जुगसंवच्छरे पमाणसंवच्छरे लक्खणसंव-
 च्छरे सर्णिचरसंवच्छरे, जुगसंवच्छरे पंचविहे प० तं० चंदे चंदे अभिवत्तिए
 चंदे अभिवत्तिए चैव, पमाणसंवच्छरे पंचविहे प० तं० णक्खत्ते चंदे उक्क
 आइये अभिवत्तिए लक्खणसंवच्छरे पंचविहे प० तं० समगं नक्खत्ता जेवं

जोयति समरं उक्त परिणमति; णञ्चुहं णाइसीओ बहूदओ होइ णक्खते (१)
 ससिसगलपुण्णमासी जोएइ विसमचारिणक्खते कहुओ बहूदओ या तमाहु संक्खरं
 चंदं (२) विसरं पवाल्लिओ परिणमंति, अणुदसु देंति पुप्फफळं; बासं ण सम्म वासइ
 तमाहु संक्खरं कम्मं (३) पुडाविदगारं तु रसं पुप्फफलाणं तु देइ आदिच्चो;
 अप्पेण वि वासेणं सम्मं निप्फजए सस्सं (४) आइच्चतेयतविया खणलवदिवसा
 उक्त परिणमंति; पारति रेणुथलयार्इ, तमाहु अभिवच्चियं जाण ५, (५३९) **पंच-**
विहे जीवस्स निज्जाणमग्गे प० तं० पाएहिं ऊरुहिं उरेणं सिरेणं सव्वंगेहिं
 पाएहिं निज्जाणमाणे णिरयंगामी भवइ ऊरुहिं णिज्जाणमाणे तिरियगामी भवइ
 उरेणं णिज्जाणमाणे मणयगामी भवइ सिरेणं णिज्जाणमाणे देवगामी भवइ सव्वंगेहिं
 णिज्जाणमाणे सिद्धिगइपज्जवमाणे पण्णने, **पंचविहे छेयणे** प० तं० उप्पायच्छेयणे
 वियच्छेयणे बंधच्छेयणे पाप्पच्छेयणे दोधारच्छेयणे, **पंचविहे आणंतरिए**
 प० तं० उप्पायणंतरिए वियणंतरिए पएसाणंतरिए समयणंतरिए सामण्णाणतरिए ।
पंचविहे अणंते प० तं० णामणंतए ठवणाणंतए दव्वणंतए गणणाणंतए पए-
 साणंतए, **अहवा पंचविहे अणंतए** प० तं० एगओऽणंतए दुहओणंतए देस-
 वित्थारणंतए सव्ववित्थारणंतए मामयणंतए ॥ ५४० ॥ **पंचविहे णाणे** प० तं०
 आभिणिबोहियणाणे मुयणाणे ओहिणाणे मणपज्जवणाणे केवलणाणे **पंचविहे**
णाणावरणिजे कम्मे प० तं० अभिणिबोहियणाणावरणिजे जाव केवलणाणा-
 वरणिजे, **पंचविहे सज्जाप** प० तं० वायणा पुच्छणा परियट्ठणा अणुप्पेहा धम्मकहा,
पंचविहे पञ्चक्खलाणे प० तं० सदहणमुद्धे विणयमुद्धे अणुभासणासुद्धे अणुपालणा-
 सुद्धे भावमुद्धे **पंचविहे पडिक्कमणे** प० तं० आसवदारपडिक्कमणे भिच्छत्तपडि-
 क्कमणे कमायपडिक्कमणे जोगपडिक्कमणे भावपडिक्कमणे **पंचहिं ठाणेहिं सुत्तं**
वाएज्जा तं० संगहट्ठयाए उवग्गहणट्ठयाए निज्जरणट्ठयाए सुत्ते वा मे पज्जवयाए भवि-
 स्सइ सुत्तस्स वा अवोच्छिन्निणयट्ठयाए **पंचहिं ठाणेहिं सुत्तं सिक्खिज्जा** तं०
 णाणट्ठयाए दंसणट्ठयाए चरित्तट्ठयाए वुग्गहविमोयणट्ठयाए अहत्ये वा भावे जाणि-
 स्सामीति कट्ठे, मोहम्मीयाणेसु णं कप्पेसु विमाणा पंचवण्णा प० तं० किण्हा जाव
 सुक्खिज्जा (१) सोहम्मोसाणेसु णं कप्पेसु विमाणा पंचजोयणसयाइं उच्चं उच्चत्तेणं प०
 (२) बंभलोगलंतएसु णं कप्पेसु देवाणं भवधारणिज्जसरीरगा उक्कोसेणं पंचरयणीओ
 उच्चं उच्चत्तेणं प० (३) णेरट्ठया णं पंचवण्णे पंचरसे पोग्गळे बंधेसु वा बंधंति वा
 बंधिस्संति वा तं० किण्हे जाव सुक्खिजे, तित्ते जाव मधुरे, एवं जाव वेमाणिया
 ॥ ५४१ ॥ जंबुदीवे दीवे मंदरस्स पण्वयस्स दाहिणेणं गंगामहाणइं पंचमहाणइओ

समप्येति तं० जठणा सरक जावी कोसी मही (१) जंबूमंदरस्स दाहिणेणं सिद्धुमहाणई पंचमहाणसीओ समप्येति तं० सयहू बिभासा वितत्वा एरावती चंदभागा (२) जंबूमंदरस्स उत्तरेणं रत्तामहानई पंचमहाणईओ समप्येति तं० किन्हा महाकिन्हा नीला महानीला महातीरा (३) जंबूमंदरस्स उत्तरेणं रत्तावई महाणई पंचमहाणईओ समप्येति तं० इदा इंदसेणा सुसेणा वारिसेणा महाभोया (४) ॥ ५४२ ॥

पंच सित्थयरा कुमारवासमज्जे वसित्ता मुंडा जाव पच्चइया तं० वाइपुजे मली अरिठ्ठनेमी पासे वीरे । चमरचंचाए णं रायहाणीए पंच सभा प० तं० सुहम्मासभा उववायसभा अभिसेयसभा अलंकारियसभा ववसायसभा, एगमेगे णं इंदठ्ठाणं णं पंच मभाओ प० तं० सुहम्मासभा जाव ववसायसभा । पंच णक्खत्ता पंच तारा प० तं० धणिठ्ठा रोहिणी पुणव्वम् हत्थो किमाहा, जीवा णं पंचठ्ठाणणिव्वत्तिए पोगगळे पावकम्मत्ताए चिणिसु वा चिणंति वा चिणिस्संति वा तं० एगिंदियनिव्वत्तिए जाव पंचिंदियनिव्वत्तिए एवं चिण उवचिण बंध उदीर वेद तह णिज्जरा चेव, पंचपएसिया खंधा अणंता प० पंचपएसोगाठा पोगगला अणंता प० जाव पंच गुणलक्खा पोगगला अणंता पण्णा ॥ ५४३ ॥ पंचमहाणस्स तहओ उहेसो समत्तो, पंचमहाणं समत्तं ॥

छठ्ठहाणं

छहिं ठाणेहिं संपजे अणगारे अरिहइ गणं धारितए तं० सधुं पुरिसजाए, सचे पुरिसजाए, मेहावी पुरिसजाए, बहुस्सुए पुरिसजाए, सत्तिमं, अप्पाहिगरणं, छहिं ठाणेहिं निगंये निगंथिं गिण्ठमाणे वा अबलंबमाणे वा नाइक्कमइ, तं० खित्तचित्तं, दित्तचित्तं, जक्खाइठ्ठं, उम्मायपणं, उवसग्गपत्तं, साहिगरणं ॥ ५४४ ॥ छहिं ठाणेहिं निगंथा निगंथीओ य साहम्मियं कालगयं समायरमाणा णाइक्कमन्ति तं० अंतोहिंतो वा बाहिं णीगेमाणा, बाहिंहिंतो वा निब्बाहिं णीगेमाणा, उवेहमाणा वा, उवासमाणा वा, अणुक्कवेमाणा वा, तुसिणीए वा संपव्वयमाणा ॥ ५४५ ॥ छ ठाणाइं छउमत्थे सव्वभावेणं ण जाणइ ण पासइ तं० धम्मत्थिकार्यधम्मत्थिकार्यमागासं जीवमसररीरपडिक्कं परमाणुपोगगलं सई एस्यणि चेव उप्पन्नानाणदंसणधरे अरहा जिणे जाव सव्वभावेणं जाणइ पासइ धम्मत्थिकार्यं जाव सई ॥ ५४६ ॥ छहिं ठाणेहिं सव्वजीवत्थं पत्थि इत्थीति वा जुत्थीति वा जसेइ वा वत्तेइ वा वीरिएइ वा पुरिसक्कार जाव परक्कयेति वा तं० जीयं वा अजीयं करणवाए, अजीयं वा जीयं करणवाए, एससमएणं वा सो भासुआओ भासितए, सयं कळं वा कम्मं वेएमि वा मा वा वेएमि,

परमाप्तुपोगर्हं वा छिदित्वा वा भिदित्वा वा, अग्निकाएण वा समोदहित्वा,
 बहिया वा लोमता गमण्याए ॥ ५४७ ॥ छज्जीवनिकाया प० तं० पुढविकाइया
 जाव तसकाइया ॥ ५४८ ॥ छ तारगगाहा प० तं० सुके, बुहे, बहस्सई, अंगारए,
 सणिच्चरे, केऊ ॥ ५४९ ॥ छव्विहा संसारसमावज्जगा जीवा प० तं० पुढविका-
 इया जाव तसकाइया ॥ ५५० ॥ पुढविकाइया छगइया छआगइया प० तं०
 पुढविकाइए पुढविकाइएष उववज्जमाणे पुढविकाइएहिंतो वा जाव तसकाइएहिंतो वा
 उववज्जेज्जा, सो चेव णं से पुढविकाइए पुढविकाइयत्तं विप्पज्जमाणे पुढविकाइयत्ताए
 वा जाव तसकाइयत्ताए वा गच्छेज्जा, आउकाइयावि छगइया छआगइया, एवं चेव
 जाव तसकाइया ॥ ५५१ ॥ छव्विहा सव्वजीवा प० तं० आभिणिबोहियणाणी
 जाव केवलणाणी, अजाणी ॥ ५५२ ॥ अहवा छव्विहा सव्वजीवा प० तं०
 एगिदिया जाव पंचिदिया, अगिदिया ॥ ५५३ ॥ अहवा छव्विहा सव्वजीवा
 प० तं० ओरालियसरीरी, वेउव्वियसरीरी, आहारगसरीरी, तेयगसरीरी, कम्मगस-
 रीरी, असरीरी ॥ ५५४ ॥ छव्विहा तणवणस्सइकाइया प० तं० अगगीया मूलबीया
 पोरबीया खंधबीया बीयरुहा संमुच्छिमा ॥ ५५५ ॥ छठाणाई सव्वजीवाणं णो
 सुलभाई भवंति, तं० माणुस्सए भवे, आयरिए खिणे अम्मं, सुकुळे पचायाती, केव-
 लिपन्नत्तस्स धम्मस्स सव्वणया सुयस्स वा सद्दहणया, सद्दहियस्स वा पत्तियस्स वा
 रोइयस्स वा सम्मं काएर्ग फासणया ॥ ५५६ ॥ छ इंदियत्था प० तं० सोईदियत्थे
 जाव फासिंदियत्थे णोईदियत्थे ॥ ५५७ ॥ छव्विहे संवरे प० तं० सोईदिय-
 संवरे जाव फासिंदियसंवरे णोईदियसंवरे ॥ ५५८ ॥ छव्विहे असंवरे प० तं०
 सोईदियअसंवरे, जाव फासिदिअसंवरे, णोईदिअसंवरे ॥ ५५९ ॥ छव्विहे
 साए प० तं० सोईदियसाए जाव नोईदियसाए ॥ ५६० ॥ छव्विहे असाए
 प० तं० सोईदियअसाए, जाव नोईदियअसाए ॥ ५६१ ॥ छव्विहे पायच्छित्ते
 प० तं० आलोयणारिहे, पढिकमणारिहे, तदुमयारिहे, विवेगारिहे, विउस्स-
 गगारिहे, तवारिहे ॥ ५६२ ॥ छव्विहा मणुस्सा प० तं० जंबूवीवगा, धायइ-
 खंडवीवपुरच्छिमद्दगा, धायइखंडवीवपच्चत्थिमद्दगा, पुक्खरवरवीववुपुरत्थिमद्दगा,
 पुक्खरवरवीववुपच्चत्थिमद्दगा, अंतरवीवगा, अहवा छव्विहा मणुस्सा प० तं०
 संमुच्छिमणुस्सा, कम्मभूमगा अकम्मभूमगा अंतरवीवगा, गब्भवक्कंसियमणुस्सा
 कम्मभूमिगा अकम्मभूमिगा अंतरवीवगा ॥ ५६३ ॥ छव्विहा इत्थिमता मणुस्सा प०
 तं० अरहता, चकवटी, बलदेवा, बासुदेवा, चारणा, विजाहरा ॥ ५६४ ॥ छव्विहा
 अग्निधुमंता मणुस्सा प० तं० हेमवत्तगा हेरवत्तगा हरिवत्तगा रम्मगवत्तगा कुय-

वास्त्रिणो अंतरवीवगा ॥ ५६५ ॥ छविहा ओसपिणी ५० तं० सुसमसुसमा जाव
दुसमदुसमा, छविहा उस्सपिणी ५० तं० दुसमदुसमा जाव सुसमसुसमा ॥ ५६६ ॥
जंबुहीवे वीवे भरहेरवएसु वासेसु तीताए उस्सपिणीए सुसमसुसमाए समाए मणुया
छब घणुसहस्साई उच्चुमुचतेणं हुत्वा, छब अद्दपलिओवमाई परमाउं पालयित्वा
॥ ५६७ ॥ जंबुहीवे वीवे भरहेरवएसु वासेसु इमीसे ओसपिणीए सुसमसुसमाए समाए
एवं चेव ॥ ५६८ ॥ जंबू भरहेरवए आगमिस्साए उस्सपिणीए सुसमसुसमाए समाए
एवं चेव, जाव छब अद्दपलिओवमाई परमाउं पाल्हुस्संति ॥ ५६९ ॥ जंबुहीवे
वीवे देवकुरुउत्तरकुरासु मणुया छबणुस्सहस्साई उच्चु उच्चतेणं ५० छब अद्दपलि-
ओवमाई परमाउं पालेति ॥ ५७० ॥ एवं धायइसंडवीवपुरच्छिमदे चत्तारि आला-
वगा जाव पुक्खरवरवीवपुषच्छिमदे चत्तारि आलावगा ॥ ५७१ ॥ छविहे
संघयणे ५० तं० वड्रोसभणारायसंघयणे, उसभणारायसंघयणे, नारायसंघयणे, अद्द-
नारायसंघयणे, कीलियासंघयणे, छेवठुसंघयणे ॥ ५७२ ॥ छविहे संठाणे ५० तं०
समच्चउरंसे, णग्गोहपरिमंडले, साई, सुजे, वामणे, हुंडे ॥ ५७३ ॥ छठाणा
अणत्तवओ अहियाए अमुभाए जाव अणाणुगामियत्ताए भवंति, तं० परियाए
परियाडे सुए तवे लामे पूसासकारे ॥ ५७४ ॥ छठाणा अत्तवतो हियाए जाव
आणुगामियत्ताए भवंति तं० परियाए परियाडे जाव पूसासकारे ॥ ५७५ ॥ छविहा
जाइआरिया मणुस्सा ५० तं० अंबठा य कलंदा य वेदेहा वेदिगाइया; हरिता
सुंजुणा चेव छप्पेया इब्भजाइओ ॥ ५७६ ॥ छविहा कुलारिया मणुस्सा
५० तं० उग्गा भोगा राइसा इक्खागा णाया करेवा ॥ ५७७ ॥ छविहा लोणट्टिई
५० तं० आगासपइट्टिए वाए वायपइट्टिए उदही उदहिपइट्टिवा पुडवी पुडविपइ-
ट्टिया तसा थावरा पाणा अजीवा जीवपइट्टिया जीवा कम्मपइट्टिया ॥ ५७८ ॥
छहिसाओ ५० तं० पाईणा पडीणा दाहिणा उईणा उक्का अहा ॥ ५७९ ॥ छह्ण
दिसाहिं जीवाणं गई पवत्तइ तं० पाईणाए जाव अहाए एवमागई वक्कंती आहारे
पुद्धी निवुद्धी विणुब्बणा मइपरियाए समुग्घाए कलसंजोणे दंसणाभिगमे षाणाभि-
गमे जीवाभिगमे अजीवाभिगमे एवं पंचिदियतिरिक्खजोभियाणपवि मणुस्साणवि
॥ ५८० ॥ छह्ण ठाणेहिं समणे भिग्गंथे आहारमाहारेभाणे णाक्कमइ तं० वेयण-
थेयावथे इरियट्टाए य संजमट्टाए, तह पाणवत्तिवाए छट्ठं पुण धम्मचित्ताए, छह्ण
ठाणेहिं समणे भिग्गंथे आहारं बोच्छिदमाणे णाक्कमइ तं० आतंके उक्कमणे तिसि-
क्कणे वंभचेरुत्तीए पाम्भिदया तथहेउं सरिरकुच्छेयणट्टाए ॥ ५८१ ॥ छह्ण
ठाणेहिं जाया उम्माव पाउणेजा तं० अरहंताणमवणं वदमाणे, अरहंतपणात्स

धम्मस्स अवण्णं वदमाणे, आयरियउवज्जायाणमवण्णं वदमाणे, चाउम्बस्स
 संघस्स अवण्णं वदमाणे, जक्खावेसेण चैव मोहणिज्जस्स चैव कम्मस्स उदण्णं
 ॥ ५८२ ॥ छव्विहे पमाए प० तं० मज्जपमाए, णिहपमाए, विसयपमाए, कसाव-
 पमाए, जूयपमाए, पडिडेहेणापमाए ॥ ५८३ ॥ छव्विहा पमायपडिडेहेणा प० तं०
 आरभडा संमदा, वज्जेयव्वा य मोसली तइया, पप्फोडणा चउत्थी विक्खिता
 वेइया छठ्ठी (१) छव्विहा अप्पमायपडिडेहेणा प० तं० अणव्वावियं अववित्तं,
 अणणुबंधि अमोसलि चैव छप्पुरेमा णव खोडा पाणी पाणविसोहणी (२)
 ॥ ५८४ ॥ छ लेसाओ प० तं० कण्हलेसा जाव सुक्कलेसा, पंचिदियतिरिक्खज्जे-
 णियाणं छ लेसाओ प० तं० कण्हलेसा जाव सुक्कलेसा, एवं मणस्सदेवाण वि
 ॥ ५८५ ॥ सक्कस्स णं देविंदस्स देवरत्तो सोमस्स महारत्तो छ अग्गमहिसीओ प०
 ॥ ५८६ ॥ सक्कस्स णं देविंदस्स देवरण्णो जमस्स महारत्तो छ अग्गमहिसीओ प०
 ॥ ५८७ ॥ ईसाणस्स णं देविंदस्स मज्झिमपरिसाए देवाणं छ पलिओवमाइं ठिइं
 प० ॥ ५८८ ॥ छ दिसिक्कुमारिमहत्तारियाओ प० तं० रुवा रुत्तंसा सुरुवा रुववई
 रुवकंता रुयप्पभा, छ विज्जुकुमारिमहत्तारियाओ प० तं० आला सक्का सतेरा सोया-
 मणी इंदो घणविज्जुया ॥ ५८९ ॥ धरणस्स णं नागकुमारिंदस्स नागकुमाररत्तो
 छ अग्गमहिसीओ प० तं० आला सक्का सतेरा सोयामणी इंदो घणविज्जुया,
 भूयाणंदस्स णं नागकुमारिंदस्स नागकुमाररण्णो छ अग्गमहिसीओ प० तं० रुवा
 रुत्तंसा सुरुवा रुववई रुवकंता रुयप्पभा, जहा धरणस्स तहा सव्वेसिं दाहिणिल्लाणं
 जाव घोसस्स, जहा भूयाणंदस्स तहा सव्वेसिं उत्तारिल्लाणं जाव महाघोसस्स
 ॥ ५९० ॥ धरणस्स णं नागकुमारिंदस्स नागकुमाररत्तो छसामाणियत्ताहस्सीओ
 पण्णत्ताओ, एवं भूयाणंदस्स वि जाव महाघोसस्स ॥ ५९१ ॥ छव्विहा उग्गहमई
 प० तं० खिप्पमोगिण्हइ बहुमोगिण्हइ बहुविधमोगिण्हइ धुवमोगिण्हइ अणित्ति-
 यमोगिण्हइ असंदिद्धमोगिण्हइ ॥ ५९२ ॥ छव्विहा ईहामई प० तं० खिप्पमी-
 हइ, बहुमीहइ, जाव असंदिद्धमीहइ ॥ ५९३ ॥ छव्विहा अवायमई प० तं०
 खिप्पमवेइ जाव असंदिद्धमवेइ छव्विहा धारणा प० तं० बहु धारेइ बहुविहं धारेइ
 पोराणं धारेइ तुद्धरं धारेइ अणित्तियं धारेइ असंदिद्धं धारेइ ॥ ५९४ ॥ छव्विहे
 बाहिरए तवे प० तं० अणसणं ओमोयरिया भिक्खायरिया रसपरिच्चाए कायक्खिल्लेसो
 पडिसंलीणया ॥ ५९५ ॥ छव्विहे अन्भतरिए तवे प० तं० पायच्छित्तं विण्णो
 वेयावच्चं तहेव सज्जाओ ज्ञाणं विउत्सग्गो ॥ ५९६ ॥ छव्विहे विवादे प० तं०
 ओसक्कइत्ता उत्सक्कइत्ता अपुल्लोमइत्ता पडिल्लोमइत्ता भइत्ता मेळइत्ता ॥ ५९७ ॥

छविहा सुदा पाणा प० तं० वेइदिया तेइदिया चउरिंदिया संसुच्छिमर्पचिदियतिरि-
 क्खजोमिया तेउकाइया वाउकाइया ॥ ५९८ ॥ छविहा गोयरचरिया प० तं० पेडा
 अदुपेडा गोमुणिया पतंगवीहिया संबुक्कवट्टा गंतुपणागया ॥ ५९९ ॥ जंबुहीवे दीवे
 मंदरस्स पव्वयस्स दाहिणेणमिमीसे रयणप्पभाए पुहवीए छ अवक्कंतमहानिरया
 प० तं० लोडे लोडुए उइण्णे निहण्णे जरए पज्जरए ॥ ६०० ॥ चउत्थीए णं पंकप्पभाए
 पुहवीए छ अवक्कंता महानिरया प० तं० आरे वारे मारे रोरे रोएए स्खाडखडे
 ॥ ६०१ ॥ बंभलोए णं कप्पे छ विमाणपत्थडा प० तं० अरए विरए नीरए निम्मडे
 वितिमिरे विडुडे ॥ ६०२ ॥ चंदस्स णं जोइसिदस्स जोइसरत्तो छ णक्खत्ता पुव्वं
 भागा समखेत्ता तीसइमुहुत्ता प० तं० पुव्वाभइवया कत्तिया महा पुव्वाफगुणी
 मूलो पुव्वासाढा ॥ ६०३ ॥ चंदस्स णं जोइमिदस्स जोइसरत्तो छ णक्खत्ता
 णत्तंभागा अवक्खत्ता पन्नरसमुहुत्ता प० तं० सयभिसया भरणी अदा अस्सेसा
 साई जेट्ठा ॥ ६०४ ॥ चंदस्स णं जोइसिदस्स जोइसरत्तो छ णक्खत्ता उभयंभागा
 दिवक्खत्ता पणयालीसमुहुत्ता प० तं० रोहिणी पुणव्वस् उत्तराफगुणी विसाहा
 उत्तरासाढा उत्तराभइवया ॥ ६०५ ॥ अभिचंदे णं कुलकरे छ धणुसयाई उच्चं उच्च-
 त्तेणं हुत्था ॥ ६०६ ॥ भरहे णं राया चाउरंतक्कवट्ठी छ पुव्वसयसहस्साई महाराया
 हुत्था ॥ ६०७ ॥ पामस्स णं अरहओ पुरिसादाणियस्स छस्सया वाईणं सदेवमणया-
 सुराए परिसाए अपराजियाणं संपया होत्था ॥ ६०८ ॥ वासुपुज्जे णं अरहा छहिं पुरिस-
 सएहिं सद्धिं मुंडे जाव पव्वइए ॥ ६०९ ॥ चंदप्पमे णं अरहा छम्मासे छउमत्थे होत्था
 ॥ ६१० ॥ तेइदियाणं जीवाणं असमारभमाणस्स छव्विहे संजमे कज्जइ तं० घाणामाओ
 सोक्खाओ अववरोवेत्ता भवति घाणामएणं दुक्खेणं असंजोगेत्ता भवइ जिब्भामाओ
 सोक्खाओ अववरोवेत्ता भवइ एवं चेव फासामाओ वि ॥ ६११ ॥ तेइदियाणं
 जीवाणं समारभमाणस्स छव्विहे असंजमे कज्जइ तं० घाणामाओ सोक्खाओ ववरो-
 वेत्ता भवइ घाणामएणं दुक्खेणं संजोगेत्ता भवइ जाव फासमएणं दुक्खेणं संजोगेत्ता
 भवइ ॥ ६१२ ॥ जंबुहीवे दीवे छ अक्कम्मभूमीओ प० तं० हेमवए हेरण्वए हरि-
 वासे रम्मगवासे देवकुत्ता उत्तरकुत्ता ॥ ६१३ ॥ जंबुहीवे दीवे छव्वासा प० तं० भरहे
 एरवए हेमवए हेरण्वए हनिवासे रम्मगवासे ॥ ६१४ ॥ जंबुहीवे दीवे छव्वासर-
 पव्वया प० तं० बुद्धिमवंते महाद्धिमवंते निसडे व्हीव्वंते रुप्पी सिद्धी ॥ ६१५ ॥
 जंबुमंदरदाहिणे णं छ कूडा प० तं० बुद्धिमवंतकूडे वैसमणकूडे महाद्धिमवंतकूडे
 वेवल्लियकूडे निसडकूडे रम्मणकूडे ॥ ६१६ ॥ जंबुमंदरउत्तरेणं छकूडा प० तं०
 वीव्वंत्तकूडे उव्वंसणकूडे रम्मणकूडे मयिकं चणकूडे सिद्धरिक्खे विगिच्छकूडे ॥ ६१७ ॥

जंबुद्वीवे वीवे छ महद्दहा प० तं० पउमद्दहे महापउमद्दहे तिगिच्छद्दहे केसरिद्दहे
 महापोडरीयद्दहे पुंडरीयद्दहे ॥ ६१८ ॥ तत्थ णं छ देवयाओ महन्धियाओ जाव
 पलिओवमट्ठिईयाओ परिवसंति तं० सिरी हिरी धिई किती बुद्धी लच्छी ॥ ६१९ ॥
 जंबूमंदरदाहिणेणं छ महानईओ प० तं० गंगा सिंधू रोहिया रोहियंसा हरी हरिकंता
 ॥ ६२० ॥ जंबूमंदरस्स उत्तरे णं छ महानईओ प० तं० णरकंता णारिकंता सुवण्ण-
 कूला रूपकूला रत्ता रत्तवई ॥ ६२१ ॥ जंबूमंदरपुरच्छिमे णं सीयाए महानईए
 उभयकूले छ अंतरनईओ प० तं० गाहावई दहावई पंकवई तत्तजला मत्तजला
 उम्मत्तजला ॥ ६२२ ॥ जंबूमंदरपच्चत्थिमे णं सीओयाए महानईए उभयकूले छ
 अंतरनईओ प० तं० खीरोदा सीहमोया अंतोवाहिणी उम्मिमालिणी फेणमालिणी
 गंभीरमालिणी ॥ ६२३ ॥ धायइसंडवीवपुरच्छिमद्देणं छ अकम्मभूमीओ प० तं०
 हेमवए एवं जहा जंबुद्वीवे २ तहा णई जाव अंतरणईओ जाव पुक्खरवरवीववृपच्चत्थि-
 मद्दे भाणियव्वं ॥ ६२४ ॥ छ उऊ प० तं० पाउसे वरिसारत्ते सरए हेमंते वसंते गिम्हे
 ॥ ६२५ ॥ छ ओमरत्ता प० तं० तइए पव्वे सत्तमे पव्वे एक्कारसमे पव्वे पन्नरसमे
 पव्वे एगुणवीसइमे पव्वे तेवीसइमे पव्वे ॥ ६२६ ॥ छ अवरत्ता प० तं० चउत्थे
 पव्वे अठ्ठमे पव्वे दुवाल्समे पव्वे मोलसमे पव्वे वीसइमे पव्वे चउवीसइमे पव्वे
 ॥ ६२७ ॥ आभिणिबोहियणाणस्स णं छव्विहे अत्योग्गहे प० तं० सोईदियत्योग्गहे
 जाव नोईदियत्योग्गहे ॥ ६२८ ॥ छव्विहे ओहिणाणे प० तं० आणुगामिए
 अणाणुगामिए वड्डुमाणए हीयमाणए पखिवाइ अपखिवाइ ॥ ६२९ ॥ नो कप्पइ
 निग्गंयाण वा निग्गंभीण वा इमाई छअवयणाई वड्डए तं० अलियवयणे हीलि-
 यवयणे खिसियवयणे फल्लसवयणे गारत्थियवयणे विउसवियं वा पुणो उवीरित्तए
 ॥ ६३० ॥ छ कप्पस्स पत्थारा प० तं० पाणाइवायस्स वायं वयमाणे
 मुसावायस्स वायं वयमाणे अदिजादाणस्स वायं वयमाणे अविरइवायं वयमाणे
 अपुरिसवायं वयमाणे दासवायं वयमाणे इबोए छ कप्पस्स पत्थारे पत्थरेत्ता मम्मम-
 परिपूरेमाणे तट्टाणपत्ते ॥ ६३१ ॥ छ कप्पस्स पत्थिमंथू प० तं० कोकुरए संजमस्स
 पत्थिमंथू मोहरिए सच्चवयणस्स पत्थिमंथू चक्खुल्लोत्तए इरियावहियाए पत्थिमंथू
 तित्तिणिए एसणागोयरस्स पत्थिमंथू इच्छालोभिए मुत्तिमग्गस्स पत्थिमंथू भिज्जाधि-
 दाणकरणे मोक्खमग्गस्स पत्थिमंथू सव्वत्त्व भगवया अणिदाणत्ता पसत्था ॥ ६३२ ॥
 छव्विहा कप्पठिई प० तं० सामाइयकप्पठिई छेओवट्टावणियकप्पठिई निब्बिसमाप्प-
 कप्पठिई षिव्विट्ठकप्पठिई जिणकप्पठिई चिविरकप्पठिई ॥ ६३३ ॥ समणे भगव
 महावीरे छट्ठेणं भत्तेणं अपाणएणं सुंवे जाव पव्वइए ॥ ६३४ ॥ समणस्स अ

भगवतो महावीरस्स छट्ठेण भतेण अपाणएणं अणते अणुत्तरे जाव समुप्पण्णे
 ॥ ६३५ ॥ समणे भगवं महावीरे छट्ठेण भतेण अपाणएणं सिट्ठे जाव सब्बदुक्ख-
 प्पहीणे ॥ ६३६ ॥ सणकुमारमाहिंदेसु णं कप्पेसु विमाणा छ जोजयमयाई उक्खं उक्ख-
 तेणं प० ॥ ६३७ ॥ सणकुमारमाहिंदेसु णं कप्पेसु देवाणं भवधारणिज्जगा सरीरगा
 उक्कोसेणं छ रयणीओ उक्खं उक्खतेणं पण्णत्ता ॥ ६३८ ॥ छव्विहे भोक्खणपरिणामे
 प० तं० मणुजे रसिए पीणणिजे विहणिजे [मयणणिजे दीवणिजे] दप्पणिजे
 ॥ ६३९ ॥ छव्विहे विसपरिणामे प० तं० डक्के भुत्ते निवइए मंसाणुसारी सोणि-
 याणुसारी अट्ठिमिजाणुसारी ॥ ६४० ॥ छव्विहे पठ्ठे प० तं० संसयपठ्ठे तुग्गहपठ्ठे अणु-
 जोगी अणुलोमे तहणणे अतहणणे ॥ ६४१ ॥ चमरवंचा णं रायहाणी उक्कोसेणं
 छम्मासा विरहिया उववाएणं ॥ ६४२ ॥ एगमेगे णं ईदट्ठणे उक्कोसेणं छम्मासा
 विरहिए उववाएणं ॥ ६४३ ॥ अहेसत्तमा णं पुठ्ठवी उक्कोसेणं छम्मासा विरहिया
 उववाएणं ॥ ६४४ ॥ सिद्धिगई णं उक्कोसेणं छम्मासा विरहिया उववाएणं ॥ ६४५ ॥
 छव्विहे आउयबंधे प० तं० जाइणामनिधत्ताउए गइणामणिधत्ताउए ठिइणामणिध-
 त्ताउए ओगाइणामणिधत्ताउए पएसणामणिधत्ताउए अणुभावणामणिधत्ताउए
 ॥ ६४६ ॥ णेरइयाणं छव्विहे आउयबंधे प० तं० जाइणामणिधत्ताउए जाव
 अणुभावणामणिधत्ताउए एवं जाव वेमाणियाणं ॥ ६४७ ॥ णेरइया णियमा छम्मा-
 सावसेसाउया परभवियाउयं पगरेंति, एवामेव असुक्खमारवि जाव थणियकुमारा,
 असंखेज्जवासाउया सन्निपंचिदियतिरिक्खजोणिया णियमं छम्मासावसेसाउया पर-
 भवियाउयं पगरेंति, असंखेज्जवासाउया सन्निमणुस्सा णियमं जाव पगरेंति, षाण-
 मंतरा जोइसवासिया वेमाणिया जहा णेरइया ॥ ६४८ ॥ छव्विहे भावे प० तं०
 ओदइए उवसमिए खइए खयोवसमिए पाणिमिए संनिवाइए ॥ ६४९ ॥ छव्विहे
 पच्छिक्कमणे प० तं० उच्चारपच्छिक्कमणे पासवणपच्छिक्कमणे इत्तरिए आबकहिए जंकिंवि-
 मिच्छा सोमणसिए ॥ ६५० ॥ कत्तियाणक्खत्ते छत्तारे प० ॥ ६५१ ॥ असिलेसा-
 णक्खत्ते छत्तारे प० ॥ ६५२ ॥ जीवा णं छट्ठाणनिव्वत्तिए पोग्गळे पावक्खत्ताए
 चिणिसु वा चिणंति वा चिणिसंति वा तं० पुठ्ठविक्कइयनिव्वत्तिए जाव तसकायनि-
 व्वत्तिए एवं चिण उवचिण बंध उदीर वेय तह णिज्जरा चेव ॥ ६५३ ॥ छप्पएस्तिया णं
 खंधा अर्षता प० ॥ ६५४ ॥ छप्पएसोगाढा पोग्गळा अर्षता प० ॥ ६५५ ॥ छसमय-
 ठिईवा पोम्मक्ख अर्षता प० ॥ ६५६ ॥ छणुणकाल्हा पोम्मळा जाव छणुणहक्खळा
 पोम्मळा अर्षता पण्णत्ता ॥ ६५७ ॥ छट्ठार्यं छट्ठमज्जयणं समर्यं ॥

सप्तमव्याजं

सप्तविधे गणावक्रमणे प० तं० मन्वधम्मा रोएमि एगइया रोएमि एगइया णो रोएमि सव्वधम्मा वितिगिन्छामि एगइया वितिगिन्छामि एगइया नो वितिगिन्छामि सव्वधम्मा जुहुणामि एगइया जुहुणामि एगइया णो जुहुणामि इच्छामिणं मंते । एगल्लविहारपडिमं उवमंपाज्जता णं विहरित्तए ॥ ६५८ ॥ सप्तविधे विभंगणाणे प० तं० एगदिसिलोगाभिगमे, पंचदिमिलोगाभिगमे, किरियावरणे जीवे, मुदग्गे जीवे, अमुदग्गे जीवे, रूवी जीवे, मन्वधमिणं जीवा, तत्थ खल्ल इमे पढमे विभंगणाणे जया णं तद्दारुवस्स समणस्स वा माहणस्स वा विभंगणाणे समुप्पज्जइ से णं तेणं विभंगणाणेणं समुप्पजेणं पासइ पाइणं वा पडीणं वा दाहिणं वा उदीणं वा उडुं वा जाव सोहम्मे कप्पे तस्म णमेवं भवइ अत्थि णं मम अइसेसे णाणदंसणे समुप्पजे एगदिमि लोगाभिगमे संतेगइया समणा वा माहणा वा एवमाहंसु पंचदिमि लोगाभिगमे जे ते एवमाहंसु मिच्छं ते एव माहंसु पढमे विभंगणाणे, अहावरे दोखे विभंगणाणे जया णं तद्दारुवस्स समणस्स वा माहणस्स वा विभंगणाणे समुप्पज्जइ से णं तेणं विभंगणाणेणं समुप्पणेणं पासइ पाइणं वा पडीणं वा दाहिणं वा उदीणं वा उडुं वा जाव सोहम्मे कप्पे तस्म णं एवं भवइ अत्थि णं मम अइसेसे णाणदंसणे समुप्पणे पंचदिमि लोगाभिगमे संतेगइया समणा वा माहणा वा एवमाहंसु एगदिमि लोगाभिगमे जे ते एवमाहंसु मिच्छं ते एवमाहंसु दोखे विभंगणाणे । अहावरे तच्छे विभंगणाणे जया णं तद्दारुवस्स समणस्स वा माहणस्स वा विभंगणाणे समुप्पज्जइ, से णं तेणं विभंगणाणेणं समुप्पणेणं पासइ पाणे अइवाएमाणा, सुसं वणमाणे अदिन्नमादितमाणे मेहुणं पडिसेवमाणे पांसुगहं परिगिण्हमाणे, राइभोयणं भुंजमाणे वा पावं च णं कम्मं कीरमाणं णो पासइ तस्म णमेवं भवइ अत्थि णं मम अइसेसे णाणदंसणे समुप्पजे किरियावरणे जीवे संतेगइया समणा वा माहणा वा एवमाहंसु णो किरियावरणे जीवे जे ते एवमाहंसु मिच्छं ते एवमाहंसु तच्छे विभंगणाणे । अहावरे चउत्थे विभंगणाणे जया णं तद्दारुवस्स समणस्स वा माहणस्स वा जाव समुप्पज्जइ से णं तेणं विभंगणाणेणं समुप्पजेणं देवामेव पासइ बाहिरब्भंतरए पोगले परियाइइत्ता पुट्टेणं णाणतं फुमिया फुरित्ता फुट्टित्ता विकुच्चित्ता णं विकुच्चित्ता णं चिट्ठित्तए तस्स णमेवं भवइ अत्थि णं मम अइसेसे णाणदंसणसमुप्पजे मुदग्गे जीवे संतेगइया समणा वा माहणा वा एवमाहंसु अमुदग्गे जीवे, जे ते एवमाहंसु मिच्छं ते एवमाहंसु चउत्थे विभंगणाणे, अहावरे पंचमे विभंगणाणे जया णं तद्दारुवस्स समणस्स वा जाव समुप्पज्जइ, से णं तेणं

विभंगणाणेणं समुप्पन्नेणं देवामेव पासइ बाहिरिभंतरए पोग्गळे अपरियायिइत्ता पुडेगतं णाणत्तं जाव विउच्चिन्ता णं चिठ्ठित्तए तस्स णमेवं भवइ अत्थि जाव समुप्पन्णे अमुदग्गे जीवे, संतेगइया समणा वा माहणा वा एवमाहंसु मुदग्गे जीवे, जे ते एवमाहंसु भिच्छं ते एवमाहंसु, **पंचमे विभंगणाणे ।** अहावरे छुट्टे विभंगणाणे, जया णं तहारूवस्स समणस्स वा माहणस्स वा जाव समुप्पज्जति, से णं तेषं विभंगणाणेणं समुप्पन्नेणं देवामेव पासइ बाहिरिभंतरए पोग्गळे परियाइत्ता वा, अपरियायिइत्ता वा पुडेगतं णाणत्तं फुसेत्ता जाव विकुच्चिन्ता चिठ्ठित्तए तस्स णमेवं भवइ, अत्थि णं मम अइसेसे णाणदंसणे समुप्पन्ने रूवी जीवे संतेगइया समणा वा माहणा वा एवमाहंसु अरूवी जीवे जे ते एवमाहंसु भिच्छं ते एवमाहंसु **छुट्टे विभंगणाणे ।** अहावरे **सत्तमे विभंगणाणे** जया णं तहारूवस्स समणस्स वा माहणस्स वा विभंगणाणे समुप्पज्जइ, मे णं नेणं विभंगणाणेणं समुप्पन्नेणं पासइ सुट्टुमेणं वाउक्काएणं फुडं पोग्गळक्कायं एयंते वेयंते चलंते खुच्चमंतं फंदंते घट्टंते उदीरेतं तं तं भावं परिणमंतं तस्स णमेवं भवइ अत्थि णं मम अइमेमे णाणदंसणे समुप्पन्णे, मच्चम्मिणं जीवा संतेगइया समणा वा माहणा वा एवमाहंसु जीवा चैव अजीवा चैव जे ते एवमाहंसु भिच्छं ते एवमाहंसु तस्स णमिमे चत्तारि जीवनिकाया णो सम्ममुबगया भवंति तंजहा पुडविकाइया आऊ तेऊ वाउक्काइया, इत्थेएहिं चउहिं जीवनिकाएहिं भिच्छादंडं पवत्तेइ, सत्तमे विभंगणाणे ॥ ६५९ ॥ सत्तविहे जोगि-संगहे प० तं० अडया पोयया जराउया रमया संसेयया संमुच्छिम्मा उच्चिन्ना, अंडगा सत्तागइया सत्तागइया प० तं० अंडगे अंडगेमु उववज्जमाणे अंडएहिंतो वा पोयएहिंतो वा जाव उच्चिन्नाएहिंतो वा उववज्जेज्जा से चैव णं से अंडए अडगतं विप्पज्जहमाणे अंडयत्ताए वा पोययत्ताए वा जाव उच्चिन्नाए वा गच्छेज्जा, पोयया सत्तागइया सत्तागइया, एवं चैव, सत्ताण्हवि गइरागइं भाणियव्वा जाव उच्चिन्नायति ॥ ६६० ॥ आयरियउवज्जायस्स णं गणंसि सत्तसंगइठाणा प० तं० आयरियउवज्जाए गणंसि आणं वा धारणं वा सम्मं पडंजिता भवइ, एवं जहा पंचट्टाणे जाव आयरियउवज्जाए गणंसि आपुच्छियचारी यावि भवइ, नो अणापुच्छियचारी यावि भवइ आयरियउवज्जाए गणंसि अणुप्पत्ताइ उक्करणाइं सम्मं उप्पाइत्ता भवइ, आयरियउवज्जाए गणंसि पुच्चुप्पत्ताइ उक्करणाइं सम्मं सारक्खेत्ता संगोवइत्ता भवइ नो असम्मं सारक्खेत्ता संगोवेत्ता भवइ ॥ ६६१ ॥ आयरियउवज्जायस्स णं गणंसि सत्त अणुगइठाणा प० तं० आयरियउवज्जाए गणंसि आणं वा धारणं वा सम्मं पडंजिता भवइ, एवं जाव उक्करणां नो सम्मं सारक्खेत्ता संगोवेत्ता

भवइ ॥ ६६२ ॥ सत्त पिंडेसणाओ प० ॥ ६६३ ॥ सत्तपाणेसणाओ प० ॥ ६६४ ॥
 सत्त उग्गहपडिमाओ प० ॥ ६६५ ॥ सत्त सत्तिकया प० ॥ ६६६ ॥ सत्त महज्ज-
 यणा प० ॥ ६६७ ॥ सत्तसत्तमिया णं भिक्खुपडिमा एगूणपत्तयाए राइदिएहिं एणेण
 य छण्णउएणं भिक्खासएणं अहासुत्तं (अहा अत्थं) जाव आराहिया यावि भवइ
 ॥ ६६८ ॥ अहे लोणे णं सत्त पुटवीओ प० सत्त घणोदहीओ प० सत्त घणवाया
 प० सत्त तणुवाया प० सत्त उवासतरा प० एएसु णं सत्तमु उवासंतरेसु सत्ततणुवाया
 पइट्ठिया एएसु णं सत्तमु तणुवाएसु सत्त घणवाया पइट्ठिया एएसु णं सत्तमु घणवा-
 एसु सत्त घणोदधी पइट्ठिया एतेसु णं सत्तमु घणोदहीमु पिंडलगपिहुणसंठाणसंठि-
 आओ सत्त पुटवीओ प० तं० पटमा जाव सत्तमा, एयासि णं सत्तहं पुटवीणं सत्त
 णामधेज्जा प० तं० धम्मा वसा मेला अजणा रिठ्ठा मघा माघवइ, एयासि णं सत्तहं
 पुटवीणं सत्त गोत्ता प० तं० रयणप्पभा सक्करप्पभा वालुअप्पभा पंकप्पभा धूमप्पभा
 तमा तमनमा ॥ ६६९ ॥ सत्तविहा बायरवाउकाइया प० तं० पाईणवाए पडीण-
 वाए दाहिणवाए उदीणवाए उट्टुवाए अहोवाए विदिसिवाए ॥ ६७० ॥ सत्त संठाणा
 प० तं० दीहे रहस्से वडे तंसे चउग्गंसे पिहुले परिमंडले ॥ ६७१ ॥ सत्त भयट्ठाणा
 प० तं० उहलोगभाए परलोगभाए आदाणभाए अकम्हाभाए वेयषभाए मरणभाए
 असिलोगभाए ॥ ६७२ ॥ सत्तहिं ठाणेहिं छउमत्थं जाणेज्जा तं० पाणे अइवाएत्ता
 भवइ मुसं वइत्ता भवइ अदिजमाइत्ता भवइ मट्फरिसरसरूवगंधे आसाएत्ता भवइ
 पूयासक्कारमणुवूहेत्ता भवइ इमं मावज्जंति पण्णवेत्ता पडिसेवेत्ता भवइ णो जहावाइ
 तहाकारी यावि भवइ ॥ ६७३ ॥ सत्तहिं ठाणेहिं केवली जाणेज्जा तं० णो पाणे
 अइवाएत्ता भवइ जाव जहावाइ तहाकारी यावि भवइ ॥ ६७४ ॥ सत्त मूलगोत्ता
 प० तं० कामवा गोयमा वच्छा कोच्छा कोसिया मंडवा वासिठ्ठा । जे कासवा ते
 सत्तविहा प० तं० ते कासवा ते संबेत्ता ते गोत्ता ते वाला ते मुंजइणो ते पव्व-
 पेच्छइणो ते वरिसकम्हा, जे गोयमा ते सत्त विहा प० तं० ते गोयमा ते गग्गा ते
 भारद्दा ते अगिरसा ते सक्कराभा ते भक्खराभा ते उदगत्ताभा, जे वच्छा ते सत्त
 विहा प० तं० ते वच्छा ते अग्गेया ते मित्तिया ते साम्भिलिणो ते सेल्लय्या ते
 अट्ठिसेणा ते वीयकम्हा, जे कोच्छा ते सत्तविहा प० तं० ते कोच्छा ते भोम्मलायणा
 ते पिंगलायणा ते कोडीणा ते मंडलिणो ते हारिता ते मोमवा, जे कोसिया ते सत्त
 विहा प० तं० ते कोसिया ते क्खायणा ते सालकायणा ते गोळिकायणा ते पक्खि-
 कायणा ते अग्गिवा ते लोहिता, जे मंडवा ते सत्तविहा प० तं० ते मंडवा ते
 अरिठ्ठा ते समुत्ता ते तेला ते एलाववा ते कंठिवा ते चारतणा, जे वासिठ्ठा ते

सप्तविहा ५० तं० ते वासिष्ठा ते उंजायणा ते आरेकण्डा ते बग्धावन्वा ते कोडिष्ठा
 ते सण्णी ते पारासरा ॥ ६७५ ॥ सप्त मूलणया ५० तं० नेगमे संगहे बवहारे
 उज्जुष्टए सदे समभिरुढे एवभूते ॥ ६७६ ॥ सप्त सरा ५० तं० सज्जे रिसमे गंधारे
 मज्जिममे पंचमे सरं, धेवते चैव णिसादे सरा सप्त वियाहिया (१) एएसि णं सप्तहं
 सराणं सप्त सरठ्ठाणा ५० तं० सज्जं तु अग्गजिन्भाए उरेण रिसभं सरं, कण्डुगएण
 गंधारं मज्जजिन्भाए मज्जिमं (२) णासाए पंचमं बूया दंतोठ्ठेण य धेवयं,
 मुद्धणेण य णेसायं सरठ्ठाणा वियाहिया (३) सप्त सरा जीवनिस्सिया ५० तं०
 सज्जं रवइ मयूरो कुकुडो रिसहं सरं, हंसो णदइ गंधारं मज्जिमं तु गवेलगा (४)
 अह कुम्भसंभवे काले कोडला पंचमं सरं, छट्ठं च सारसा कौंचा णिसायं सप्तमं
 गया (५) सप्तसरा अजीवनिस्सिया ५० तं० मज्जं रवइ मुइंगो गोमुही रिसभं
 सरं, संखो णदइ गंधारं मज्जिमं पुण झलरी (६) चउचलणपइठ्ठाणा गोहिया
 पंचमं सरं, आडंबरो य रेवइयं महाभेरी य सप्तमं (७) एएसि णं सप्त सराणं सप्त
 सरलक्खणा ५० तं० सज्जेण लभइ विसिं कयं च ण विणस्सइ, गावो मित्ता य पुत्ता
 य णारीणं चैव वल्लभो (८) रिसभेण उ एसज्जं, सेणावच्चं धणाणि य; वत्थगंधम-
 लंकारं इत्थीओ सयणाणि य (९) गंधारे गीयजुत्तिष्णा वज्जिविती कलाहिया,
 भवंति कइणो पत्ता जे अञ्जे सत्थपारगा (१०) मज्जिमसरसंपत्ता भवंति सुह-
 जीविणो, स्वायती पीयती देती, मज्जिमं सरमस्सिओ (११) पंचमसरसंपत्ता भवंति
 पुडवीपई, सूरा संगहकत्तारो अणेगग्गणायगा (१२) धेवयसरसंपत्ता भवंति
 कलहप्पिया; साउणित्ता बग्गुरिया सोयरिया मच्छबंधा य (१३) चंडाला मुट्टिया
 सेया, जे अञ्जे पावकम्मिणो; गोघातगा य जे चोरा, णिसायं सरमस्सिता (१४)
 एएसि णं सप्तहं सराणं तओ गामा ५० तं० सज्जगामे मज्जिमगामे गंधारगामे,
 सज्जगामस्स णं सप्त मुच्छणाओ ५० तं० मंगी कोरन्वीया हरी य रययणी य
 सारकंता य, छट्ठी य सारसी णाम सुद्धसज्जा य सप्तमा (१५) मज्जिमगामस्स णं
 सप्तमुच्छणाओ ५० तं० उत्तरमंदा रयणी उत्तरा उत्तरासमा; आसोकंता य सोवीरा,
 अभीरू हवइ सप्तमा (१६) गंधारगामस्स णं सप्त मुच्छणाओ ५० तं० गंधी य
 खुदिमा पूरिमा य चउत्थी य सुद्धगंधारा, उत्तरगंधारा वि य पंचमिया हवइ मुच्छा उ
 (१७) सुद्धतरमायामा सा छट्ठी णियमसो उ धायक्वा अह उत्तरावया कोडीमायसा
 सप्तमी मुच्छा (१८) सप्त सराओ कम्मो संभवति गेयस्स का भवइ जोणी ? कइ
 समवा उत्सासा कइ वा गेयस्स आगारा ? (१९) सप्त सरा वागीओ भवंति,
 गीयं च कवजोणीयं; पाइयमा उत्सासा तिथि य गेयस्स आगारा (२०) आइमिउ

आरमंता, समुब्वहता य मज्झगारंमि; अवसाणे तज्जकितो तिञ्चि य गेयस्स
 आगारा (२१) छद्दोसे अट्ठगुणे तिञ्चि य विणाई दो य भणिईओ जाणाहिंति सो
 गाहिइ सुसिक्खिओ रंगमज्झम्मि (२२) भीतं दुतं रहस्सं गायंतो मा य गाहि
 उत्तालं, काकस्सरमणुणासं च होति गेयस्स छद्दोमा (२३) पुत्तं रत्तं च अलंकियं
 च वत्तं तथा अविषुट्ठं; मत्तुरं मम सुकुमारं अट्ठ गुणा होति गेयस्स (२४) उरकंठ-
 स्तिरपमत्थं च गेज्जंते मत्तुरिभिअपदब्धं; समतालपडुक्खेवं सत्तसुरसीहरं गीयं (२५)
 निद्दोसं मारवंतं च हेउजुत्तमलंकियं, उवणीय मोवयारं च मियं मधुरमेव य (२६)
 सममद्धममं चैव सच्चत्थ विसमं च जं, तिञ्चि विताप्पयाराई चउत्थं नोवलब्भइ
 (२७) मक्कया पागया चैव दुहा भणिईओ आहिया; सरमंडलम्मि गिज्जंते पमत्था
 इंसिभामिया (२८) केसी गायइ मत्तुरं केसी गायइ खरं च रक्खवं च, केसी गायइ
 चउरं केनि विलवं दुतं केसी (२९) विस्सरं पुण केरिसी? मामा गायइ मत्तुरं
 काली गायइ खरं च रक्खवं च, गोरी गायइ चउरं, काण विलवं दुतं अंधा (३०)
 विस्सरं पुण विगळा, तंतिसमं तालममं पादममं लयममं गहममं च, नीससिऊमप्पि-
 यसमं गंचारसमा मरा मत्त (३१) मत्त मरा य तओ गामा मुच्छणा एगवीसई
 ताणा एगूणपण्णामा समत्तं सरमंडलं (३२) **सरमंडलं समत्तं** ॥ ६७७ ॥

सत्तविहे कायकिल्लेसे प० तं० ठाणाडाए उक्कुडुयामणिए पडिमट्टाई वीरामणिए
 णेसज्जिए दंडाडए लंगंडमाई ॥ ६७८ ॥ जंबुहीवे वीवे सत्तवासा प० तं० भरहे
 एरवए हेमवए हेरज्जवए हरिवासि म्मगवासि महाविदेहे ॥ ६७९ ॥ जंबुहीवे २ सत्त
 वासहरपव्वया प० तं० चुद्धहिमवंते महात्थिमवंते निसहे नीलवंते रुप्पी मिहरी
 मंदरे ॥ ६८० ॥ जंबुहीवे २ सत्त महानईओ पुरत्थाभिमुहीओ लवणसमुद्धं समप्पेंति
 तं० गंगा रोहिया हिरी सीया णरकंता सुवण्णकूला रत्ता ॥ ६८१ ॥ जंबुहीवे २ सत्त
 महानईओ पच्चत्थाभिमुहीओ लवणसमुद्धं समप्पेंति तं० सिंधू रोहियसा हरिकंता
 सीतोदा णारिकंता रुप्पकूला रत्तवई ॥ ६८२ ॥ धायइसंडवीवपुरच्छिमदे णं सत्त
 वासा प० तं० भरहे जाव महाविदेहे, धायइसंडवीवपुरच्छिमदे णं सत्त वासहर-
 पव्वया प० तं० चुद्धहिमवंते जाव मंदरे धायइसंडवीवपुरच्छिमदे णं सत्त महानईओ
 पुरत्थाभिमुहीओ कालोयममुद्धं समप्पेंति तं० गंगा जाव रत्ता, धायइसंडवीवपुरत्थि-
 मदे णं सत्त महानईओ पच्चत्थाभिमुहीओ लवणसमुद्धं समप्पेंति तं० सिंधू जाव
 रत्तवई, धायइसंडवीवे पच्चत्थिमदे णं सत्त वासा एवं चैव जवरं पुरत्थाभिमुहीओ
 लवणसमुद्धं समप्पेंति पच्चत्थाभिमुहीओ कालोदं सेसं तं चैव ॥ ६८३ ॥ पुक्खार-
 वीवपुरच्छिमदे णं सत्त वासा तहेव जवरं पुरत्थाभिमुहीओ पुक्खारोई सत्तुरं

समर्प्येति पञ्चत्याभिमुहीओ कालोदं समुहं समर्प्येति सेसं तं चेव एवं पञ्चत्यिमद्वेषि
 गकरं पुरत्याभिमुहीओ कालोदं समुहं समर्प्येति, पञ्चत्याभिमुहीओ पुक्खरोदं समर्प्येति,
 सव्वत्थ वासा वासहरपव्वया णईओ य भाणियव्वाणि ॥ ६८४ ॥ जंबुद्वीवे २
 भारहे वासेऽतीयाए उस्सप्पिणीए सत्त कुलगरा होत्था, तंजहा-मित्तदामे सुदामे य
 मुपासे य सयंपभे; विमलघोसे सुघोसे य महाघोसे य सत्तमे ॥ ६८५ ॥ जंबुद्वीवे २
 भारहे वासे इमीसे ओसप्पिणीए सत्त कुलगरा होत्था तं० पढमित्थ विमलवाहण
 चक्खुम जगमं चउत्थमभिचंदे; तत्तो य पसेणइ पुण मरुदेवे चेव नामी य (१)
 एएसि णं सत्तप्पं कुलगराणं सत्त भारियाओ हुत्था, तं० चंदजमा चंदकंता सुख्ख
 पढिख्ख चक्खुबुंता य; सिगिकंता मरुदेवी, कुलकरइत्थीण नामाई (२) ॥ ६८६ ॥
 जंबुद्वीवे २ भारहे वामे आगमिस्साए उस्सप्पिणीए सत्त कुलगरा भविस्संति तं०
 मित्तवाहण मुभोमे य मुपपभे य सयंपभे; दत्ते सुहुमे [सुहे सुख्खे] सुयंधू य आगमे-
 स्सिण होक्खइ ॥ ६८७ ॥ विमलवाहणे णं कुलगरे सत्तविहा ख्ख्खा उवभोगाणाए हव्व-
 मागच्छिंत्तु तं० मत्तंगया य भिगा च्चिंत्तंग च्चव होंति च्चिन्तंगा; मणियंगा य
 अणियणा मत्तमगा कप्पख्ख्खा य (१) ॥ ६८८ ॥ सत्तविहा दंडनीई प० तं०
 हक्कारे मक्कारे धिक्कारे परिभासे मंटलबंधे चाए छविल्लेडे ॥ ६८९ ॥ एगमेगस्स
 णं रत्तो चाउरंतचक्खवट्टिस्स णं सत्त एगिदियरयणा प० तं० चक्करयणे छत्तरयणे
 चम्मरयणे दंडरयणे अस्सिरयणे मणिरयणे काकणिरयणे ॥ ६९० ॥ एगमेगस्स णं
 रत्तो चाउरंतचक्खवट्टिस्स सत्त पंचिदियरयणा प० तं० सेणावडरयणे गाहावडरयणे
 वक्खुतिरयणे पुरोहियरयणे इत्थिरयणे आसरयणे हत्थिरयणे ॥ ६९१ ॥ सत्तहिं
 ठाणेहिं ओगाइं दुस्समं जाणेज्जा, तं० अकाले वरिसइ काले ण वरिसइ असाधू
 पुज्जंति साधू ण पुज्जंति गुक्खहिं जणो मिच्छं पडिबन्नो मणोसुहया वइसुहया ॥ ६९२ ॥
 सत्तहिं ठाणेहिं ओगाइं मुममं जाणेज्जा तं० अकाले ण वरिसइ काले वरिसइ असाधू
 ण पुज्जन्ति साधू पुज्जन्ति गुक्खहिं जणो सम्मं पडिबन्नो मणोसुहया वइसुहया ॥ ६९३ ॥
 सत्तविहा संसारसमावधया जीवा प० तं० नेरइया, तिरिक्खजोणिया, तिरिक्खजो-
 णिजिओ, मणुस्सा, मणुस्सीओ, देवा, देवीओ ॥ ६९४ ॥ सत्तविहे आउभेदे प०
 तं० अज्जवसाणनिमित्ते, आहारे, वेवणा, पराचाए, फासे, आणापाणू, सत्तविहं
 भिज्जाए आउं ॥ ६९५ ॥ सत्तविहा सव्वजीवा प० तं० पुढविकाइया आउ-
 वेउ-वाउ-वणस्सइ० तसकाइया अकाइया, अइवा सत्तविहा सव्वजीवा प० तं०
 कम्हलेसा जाव सुक्खेसा अलेसा ॥ ६९६ ॥ बंभदत्ते वं राया चाउरंतचक्खवट्टी सत्त
 चण्णइ उण्णं उक्खत्तेण सत्त य वाससयाई परमाई वास्सत्ता कालमासे कालं किंवा अहे

सत्तमाए पुढवीए अप्पइठ्ठाणे गरए णेरइयत्ताए उववण्णे ॥ ६९७ ॥ मल्ली णं अरहा
 अप्पसत्तमे मुंडे भवित्ता अगाराओ अणगारियं पव्वइए तं० मल्ली विदेहरायवरक-
 ण्णगा, पखिबुद्धी इक्खागराया, चंदच्छाए अंगराया, रुप्पी कुणालाहिबई, संखे
 कासीराया, अवीणसत्तू कुराया, जियसत्तू पंचालराया ॥ ६९८ ॥ सत्तविहे दंसणे
 प० तं० सम्मदंसणे मिच्छदंसणे सम्ममिच्छदंसणे चक्खुदंसणे अचक्खुदंसणे
 ओहिदंसणे केवलदंसणे ॥ ६९९ ॥ छउमत्थवीयरागे णं मोहणिज्जवज्जाओ सत्त
 कम्मपयढीओ वेएइ, तं० णाणावरणिज्जं, दंसणावरणिज्जं, वेयणियं, आउयं, नामं,
 गीयमंतराडयं ॥ ७०० ॥ सत्त ठाणाइं छउमत्थे सव्वभावेणं न जाणइ न पासइ,
 तं० धम्मत्थिकायं, अधम्मत्थिकायं, आगासत्थिकायं, जीवं अमरीरपडिबद्धं, पर-
 माणुपोगलं, सहं, गंधं ॥ ७०१ ॥ एयाणि चेव उप्पज्जाणे जाव जाणइ पासइ,
 तं० धम्मत्थिकायं जाव गंधं ॥ ७०२ ॥ समणे भगवं महावीरे वयरोसभणाराय-
 संघयणे समचउरंमसंठाणसंठिए सत्त रयणीओ उच्चं उच्चत्तणं होत्था ॥ ७०३ ॥
 सत्तविकहाओ प० तं० इत्थिकहा, भलकहा, देमकहा, रायकहा, मिउकाल्णिया,
 दंसणभेयणी, चरित्तभेयणी ॥ ७०४ ॥ आयरियउवज्जायस्म णं गर्णसि सत्त अइसेसा
 प० तं० आयरियउवज्जाए अतो उवस्मयस्स पाए णिर्गिज्जय २ पप्फोडेमाणे वा
 पमज्जेमाणे वा णाइकमइ एवं जहा पंचठ्ठाणे जाव बाहिं उवस्मयस्स एगरायं वा
 दुरायं वा वसमाणे णाइकमइ उवगरणाइसेसे भलपाणाइसेमे ॥ ७०५ ॥ सत्तविहे
 संजमे प० तं० पुढविकाइयसंजमे जाव तसकाइयसंजमे अजीवकायसंजमे ॥ ७०६ ॥
 सत्त विहे असजमे प० तं० पुढविकाइयअसजमे जाव तसकाइयअसंजमे, अजीवकाय-
 असंजमे ॥ ७०७ ॥ सत्तविहे आरंभे प० तं० पुढविकाइयआरंभे जाव अजीवकाय-
 आरंभे एवमणारंभेवि एवं सारंभे वि एवममारंभे वि एवं ममारंभेवि एवं असमारंभेवि
 जाव अजीवकायअसमारंभे ॥ ७०८ ॥ अह भंतं ! अयमिदुमुंभक्रोहवकंगुरालग (वरा-
 कोदसगा) सणसरिसवमूलगबीयाणं एएसि णं धन्नाणं कोट्टाउत्ताणं पल्लउत्ताणं जाव
 पिहियाणं केवइयं कालं जोणी संविट्ठइ ? गोयमा ! जहणेणं अंतोमुहुत्तं उक्कोसेणं
 सत्त संवच्छराइं, तेण परं जोणी पमिलायइ जाव जोणीवोच्छेदे प० ॥ ७०९ ॥
 बायरआउकाइयाणं उक्कोसेणं सत्त वाससहस्साइं ठिइ प० ॥ ७१० ॥ तच्चाए णं
 वाल्लयप्पमाए पुढवीए उक्कोसेणं नेरइयाणं सत्त सागरोवमाइं ठिती प० ॥ ७११ ॥
 चउत्थीए णं पंकप्पमाए पुढवीए जहण्णेणं नेरइयाणं सत्तसागरोवमाइं ठिती प०
 ॥ ७१२ ॥ सक्कस्स णं देविदस्स देवरज्जो वणस्स महारज्जो सत्त अग्गमहिद्धीओ
 प० ॥ ७१३ ॥ ईसाणस्स णं देविदस्स देवरज्जो सोमस्स महारज्जो सत्त अग्ग

महिषीओ प० ॥ ७१४ ॥ ईसाणस्स णं देविदस्स देवरण्णो जमस्स महारण्णो सत्त
अग्गमहिषीओ प० ॥ ७१५ ॥ ईसाणस्स णं देविदस्स देवरण्णो अब्भितरपरिसाए
देवाणं सत्त पलिओवमाइं ठिई प० ॥ ७१६ ॥ सक्कस्स णं देविदस्स देवरण्णो
अब्भितरपरिसाए देवाणं सत्त पलिओवमाइं ठिई प० ॥ ७१७ ॥ सक्कस्स णं
देविदस्स देवरण्णो अग्गमहिषीणं देवीणं सत्त पलिओवमाइं ठिई प० ॥ ७१८ ॥
सोहम्मि कप्पे परिग्गहियाणं देवीणं उक्कोसेणं सत्त पलिओवमाइं ठिई प० ॥ ७१९ ॥
सारस्सयमाइच्चाणं सत्त देवा सत्त देवमया प० ॥ ७२० ॥ गहतोयतुसियाणं
देवाणं सत्त देवा सत्त देवसहस्सा प० ॥ ७२१ ॥ सणकुमारे कप्पे उक्कोसेणं देवाणं
सत्त सागरोवमाइं ठिई प० ॥ ७२२ ॥ माहिदे कप्पे उक्कोसेणं देवाणं साइरेगाइं
सत्तसागरोवमाइं ठिई प० ॥ ७२३ ॥ वंभलोए कप्पे जह्वेणं देवाणं सत्त सागरो-
वमाइं ठिई प० ॥ ७२४ ॥ थंभलोयलंतणम्पु णं कप्पेसु विमाणा सत्त जोयणसयाइं
उब्भु उच्चत्तेणं प० ॥ ७२५ ॥ भवणवासीणं देवाणं भवधारणिज्जा सरीरगा उक्कोसेणं सत्त
रयणीओ उब्भु उच्चत्तेणं प०, एवं वाणमंतराणं एवं जोडसियाणं सोहम्म्याणेषु णं कप्पेसु
देवाणं भवधारणिज्जागा सरीरा सत्त रयणीओ उब्भु उच्चत्तेणं प० ॥ ७२६ ॥ णंदीसर-
वरस्स णं बीवस्स अंतो सत्त बीवा प० तं० जंबुहीवे २ धायइसडे बीवे पोक्खरवरे
वरुणवरे खीरवरे घयवरे स्योयवरे ॥ ७२७ ॥ णंदीसरवरस्स णं बीवस्स अंतो
सत्त समुहा प० तं० लवणे कालोए पुक्खरोदे वरुणोए खीरोदे धओदे खोओए
॥ ७२८ ॥ सत्त सेढीओ प० तं० उज्जुआयया एगओवंका दुहओवंका एगओखुहा
दुहओखुहा चक्कवाला अद्धचक्कवाला ॥ ७२९ ॥ चमरस्स णं असुरिदस्स असुर-
कुमाररओ सत्त अणिया सत्त अणियाहिबई प० तं० पायत्ताणिए पीठाणिए कुंज-
राणिए महिसाणिए रहाणिए नट्टाणिए गंधब्वाणिए दुमे पायत्ताणियाहिबई एवं जहा
पंचट्टाणे जाव किज्जे रह्याणियाहिबई रिठ्ठे णट्टाणियाहिबई गीयरई गंधब्वाणिया-
हिबई बलिस्स णं बहरोयणिदस्स बहरोयणरओ सत्त अणिया सत्त अणियाहिबई
प० तं० पायत्ताणिए जाव गंधब्वाणिए महत्तुमे पायत्ताणियाहिबई जाव किंपुरिसे
रह्याणियाहिबई महारिठ्ठे णट्टाणियाहिबई गीयजसे गंधब्वाणियाहिबई, धरणस्स णं
णागकुमारिदस्स णागकुमाररण्णो सत्त अणिया सत्त अणियाहिबई प० तं० पाय-
त्ताणिए जाव गंधब्वाणिए रुसेणे पायत्ताणियाहिबई जाव आण्णदे रह्याणियाहिबई
मंदणे णट्टाणियाहिबई तेतली गंधब्वाणियाहिबई भूयाणंदस्स सत्त अणिया सत्त
अणियाहिबई प० तं० पायत्ताणिए जाव गंधब्वाणिए दक्खे पायत्ताणियाहिबई
जाव मंगुलारे रह्याणियाहिबई रई णट्टाणियाहिबई माणसे गंधब्वाणियाहिबई एवं

जाव घोसमहाघोसाणं जेयव्वं सकस्स णं देविदस्स देवरज्जो सत्त अणिया सत्त अणियाहिवई प० तं० पायत्ताणिए जाव गंधव्वाणिए हरिणेगमेसी पायत्ताणियाहिवई जाव माडरे रहाणियाहिवई सेए णट्टाणियाहिवई तुंबुरु. गंधव्वाणियाहिवई ईसाणस्स णं देविदस्स देवरण्णो मत्त अणिया सत्त अणियाहिवइणो प० तं० पायत्ताणिए जाव गंधव्वाणिए लहुपरक्कमे पायत्ताणियाहिवई जाव महासेए णट्टाणियाहिवई एए गंधव्वाणियाहिवई सेम जहा पंचट्टाणे एवं जाव अब्बयस्स वि जेयव्वं ॥ ७३०-७३१ ॥ चमरस्स णं अमुरिदस्स अमुरकुम्मररज्जो दुमस्स पायत्ताणियाहिवइस्स सत्त कच्छाओ प० तं० पडमा कच्छा जाव सत्तमा कच्छा, चमरस्स णं अमुरिदस्स अमुरकुमाग्गज्जो दुमस्स पायत्ताणियाहिवइस्स पडमाए कच्छाए चउसट्ठि देवसहस्सा प० जावइया पडमा कच्छा तच्चिगुणा दोच्चा कच्छा तच्चिगुणा तच्चा कच्छा एवं जाव जावइया छट्ठा कच्छा तच्चिगुणा सत्तमा कच्छा एवं बलिस्स वि णवर महहुमे सट्ठिदेवमाहस्सिमो सेम तं चेव धरणस्स एवं चेव णवरं अट्टावीम देवसहस्सा सेसं तं चेव जहा धरणस्स एवं जाव महाघोमस्स णवरं पायत्ताणियाहिवई अज्जे ते पुव्वभणिता ॥ ७३२ ॥ सकस्स णं देविदस्स देवरण्णो हरिणेगमेसिस्स सत्त कच्छाओ प० तं० पडमा कच्छा एवं जहा चमरस्स तथा जाव अब्बुयस्स, णाणत्तं पायत्ताणियाहिवईणं ते पुव्वभणिया देवपरिमाणम्मिंमं मक्कस्स चउरासीइ देवसहस्सा ईमाणस्स असीइ देवगहम्मइं देवा उमाए गाहाए अणुगंतव्वा, 'चउरासीइ असीइ बावत्तरे सत्तरी य सट्ठीया; पच्चा चत्तालांमा तीया वीया दमसहस्सा' (१) जाव अच्चुयस्स लहुपरक्कमस्स दसदेवसहस्सा जाव जावइया छट्ठा कच्छा तच्चिगुणा सत्तमा कच्छा ॥ ७३३ ॥ सत्तविहे वयणाविकरपे प० तं० आलावे, अपालावे, उल्लावे, अणुल्लावे, संलावे, पलावे, विप्पलावे ॥ ७३४ ॥ सत्तविहे विणए प० तं० णाणविणए, दंसणविणए, चरित्तविणए, मणविणए, वटविणए, कायविणए, लोयोब-यारविणए ॥ ७३५ ॥ पसत्थमणविणए सत्तविहे प० तं० अपावए असावज्जे अक्कि-रिए निस्सक्केसे अण्हकरे अच्छविकरे अभूताभिसंक्रमणे ॥ ७३६ ॥ अप-सत्थमणविणए सत्तविहे प० तं० पावए सावज्जे सक्किरिए सुउबक्केसे अण्हकरे छविकरे भूयाभिसंक्रमणे ॥ ७३७ ॥ पसत्थवइविणए सत्तविहे प० तं० अपावए असावज्जे जाव अभूयाभिसंक्रमणे ॥ ७३८ ॥ अपसत्थवइविणए सत्तविहे प० तं० पावए जाव भूयाभिसंक्रमणे ॥ ७३९ ॥ पसत्थकायविणए सत्तविहे प० तं० आउत्तं गमणं आउत्तं टाणं आउत्तं निसीयणं आउत्तं तुअट्टणं आउत्तं उल्लंघणं आउत्तं धर-घणं आउत्तं सर्व्विदियजोगजुंजणया ॥ ७४० ॥ अपसत्थकायविणए सत्तविहे प० तं०

अणाउत्तं गमणं, जाव अणाउत्तं सखिदियभोगजुंजणया ॥ ७४१ ॥ लोणोवयार-
विणए सत्तविहे ५० तं० अन्भासवत्तियं परच्छंदाणुवत्तियं कज्जहेउं कयपडिक्किया
अत्तगवेसणया देसकालण्णुया सच्चत्थेसु यापडिलोमया ॥ ७४२ ॥ सत्त समुग्घाया
५० तं० वेयणासमुग्घाए कसायसमुग्घाए मारणंतियममुग्घाए वेउव्वियसमुग्घाए
तेजससमुग्घाए आहारगसमुग्घाए केवलिसमुग्घाए, मणुस्साणं सत्त समुग्घाया ५०
एवं चेव ॥ ७४३ ॥ समणस्स णं भगवओ महावीरस्स तित्यंसि सत्त पवयणनि-
ण्हगा ५० तं० बहुरया जीवपएसिया अवत्तिया सामुच्छेइया दोकिरिया तेरासिया
अबद्धिया, एएसि णं सत्तण्हं पवयणनिण्हगाणं सत्तऽधम्मयारिया होत्था तं० जमाली
तीमगुत्ते आसाढे आसमित्ते गंगे छलुए गोठ्ठासाहिले, एएसि णं सत्तण्हं पवयणनि-
ण्हगाणं सत्त उप्पत्तिनगरा होत्था तं० सावत्थी उमभपुरं सेयविया मिहिल्लुक्क-
गान्तीरं पुरिमंतंरंजि दसपुर णिण्हगउप्पत्तिनगराई ॥ ७४४ ॥ मायावेयणिजस्स
कम्मस्स मनविहे अणुभावे ५० तं० मणुत्ता सहा मणुत्ता रुवा जाव मणुत्ता फासा
मणोभुहया वइसुहया ॥ ७४५ ॥ अमायावेयणिजस्स णं कम्मस्स सत्तविहे अणु-
भावे ५० तं० अमणुत्ता सहा जाव वइसुहया ॥ ७४६ ॥ महाणक्खत्ते सत्ततारे ५०
॥ ७४७ ॥ अभिईयाइया सत्तनक्खत्ता पुव्वदारिया ५० तं० अभिई मवणो धणिठ्ठा
सयाभमया पुव्वाभइवया उत्तराभइवया रेवई, अस्मिणियाइया णं सत्त णक्खत्ता
दाहिणदारिया ५० तं० अस्मिणी भरिणी कत्तिया रोहिणी मिगसिरे अहा पुणव्वसु
पुस्साइया णं सत्त णक्खत्ता अवरदारिया ५० तं० पुस्सो अत्तिव्हेत्ता मघा पुव्वाफ-
ग्गुणी उत्तराफग्गुणी हत्थो चिन्ता, साइयाइया णं सत्त णक्खत्ता उत्तरदारिया ५० तं०
साई विसाहा अणुराहा जेठ्ठा मूलो पुव्वाअसाहा उत्तरासाहा ॥ ७४८ ॥ जंबुहीवे
हीवे सोमणसे वक्खारपव्वए सत्त कूडा ५० तं० सिद्धे सोमणसे तह बोधव्वे
मंगलावईकूडे, देवकुह विमल कंचण विसिठ्ठकूडे य बोद्धव्वे ॥ ७४९ ॥ जंबुहीवे
हीवे गंधमायणे वक्खारपव्वए सत्त कूडा ५० तं० सिद्धे य गंधमायणे बोद्धव्वे
गंधिलावईकूडे उत्तरकुक्कस्सिहे लोहिंयक्ख आणंदणं चेव ॥ ७५० ॥ बिईदि-
याणं सत्त जाइकुल्लक्कोडिजोणीपमुहसयसहस्सा ५० ॥ ७५१ ॥ जीवा णं सत्त-
ट्ठानिण्वत्तिए पोग्गळे पावकम्मत्ताए चिणित्तु वा चिणित्ति वा चिणित्तिस्संति वा
तं० नेरइयनिण्वत्तिए जाव देवनिण्वत्तिए एवं चिण जाव चिज्जरा चेव ॥ ७५२ ॥
सत्तपएसिया खंधा अणंता ५० ॥ ७५३ ॥ सत्त पएसोयाडा पोग्गला जाव सत्त-
युणल्लुक्खा पोग्गला अणंता ५० ॥ ७५४ ॥ सत्तमट्ठायं समत्तं, सत्तम-
मज्झपणं समत्तं ॥

अठमवृणं

अठुहिं ठाणेहिं संपञ्जे अणगारे अरिहति एगल्लविहारपडिम्मं उवसंपज्जिणाणं विहरित्तए तं० सङ्की पुरिसजाए सञ्जे पुरिसजाए मेहावी पुरिसजाए बहुसुए पुरिसजाए सत्तिमं अप्पाहिगरणे धिइमं वीरियसंपञ्जे ॥ ७५५ ॥ अठुविहे जोणिंसंगहे प० तं० अंडया पोयया जाव उच्चिभया उववाइया, अंडया अठुगइया अठुगइया प० तं० अंडए अंडएसु उववज्जमाणे अंडएहिंतो वा जाव उववाइएहिंतो वा उववज्जेज्जा, से चव णं से अडए अडगत्तं विप्पजहमाणे अंडगणाए वा पोयगणाए वा जाव उववाइयाणए वा गच्छेज्जा एवं पोययावि जराउयावि सेसाणं गहरागई णत्थि ॥ ७५६ ॥ जीवा णं अठु कम्मपयडीओ च्चिणिसु वा च्चिणंति वा च्चिणिस्संति वा तं० णाणावरणिज्जं दरिसणावरणिज्जं वेयणिज्जं मोहणिज्जं आउयं नामं गोणं अंतराइयं, नेरइया णं अठु कम्मपगडीओ च्चिणिसु वा ३ एवं चव, एवं निरंतरं जाव वेमाणियाणं २४. जीवाणमठुकम्मपगडीओ उवच्चिणिसु वा ३ एवं चव एवं च्चिण उवच्चिण बंध उदीर वेय तह णिज्जरा चव, एए छ चउवीसा दंडगा भाणियव्वा ॥ ७५७ ॥ अठुहिं ठाणेहिं माई मायं कट्टु नो आलोएज्जा नो पडिक्कमेज्जा जाव नो पडिक्कमेज्जा, तं० करिंमु वाऽहं करेमि वाऽहं करिस्सामि वाऽहं अकित्ती वा मे सिया अवण्णे वा मे सिया अवणए वा मे सिया कित्ती वा मे परिहाइस्सइ जसो वा मे परिहाइस्सइ, अठुहिं ठाणेहिं माई मायं कट्टु आलोएज्जा जाव पडिक्कमेज्जा तं० माइस्स णं अस्सि लोए गरहिए भवइ उववाए गरहिए भवइ आजाई गरहिया भवइ एगमवि माई मायं कट्टु नो आलोएज्जा जाव नो पडिक्कमेज्जा णत्थि तस्स आराहणा एगमवि माई माय कट्टु आलोएज्जा जाव पडिक्कमेज्जा अत्थि तस्स आराहणा बहुओवि माई मायं कट्टु नो आलोएज्जा जाव नो पडिक्कमेज्जा नत्थि तस्स आराहणा बहुओवि माई मायं कट्टु आलोएज्जा जाव अत्थि तस्स आराहणा आयरियउवज्जायस्स वा मे अइसेसे णाणदंमणे समुपज्जेज्जा, से तं मममालोएज्जा माई णं एसे माई णं मायं कट्टु से जहा नामए अयागरेइ वा तंभागरेइ वा तउ-आगरेइ वा सीसागरेइ वा रुप्पागरेइ वा मुवजागरेइ वा तिलागणीइ वा तुसागणीइ वा बुसागणीइ वा णलागणीइ वा दलागणीइ वा सोळियालिच्छाणिवा भंठियालिच्छाणि वा मोळियालिच्छाणि वा कुंभारावाएइ वा कवेळ्ळुयावाएइ वा इट्टावाएइ वा जंतवाटचुल्लीइ वा लोहारंबरिसाणि वा तणाणि समजोइभूयाणि किंसुकफुल्लस-माणणि उक्कासइस्साइ विधिम्मियमाणाइ २ जालासइस्साइ पनुक्कमाणाइ इंगाळस-हस्साइ परिकिरमाणार्हं अंतो २ झियार्यति एवामेव माई मायं कट्टु अंतो २ झिया-

यद् जइवि य णं अण्णे केह् वदति तं पि य णं माई जाणइ अहमेसे अभिसंकिज्जामि माई णं मायं कट्टु अणालोइयपडिक्कंते कालमासे कालं किञ्चा अण्णयरेसु देवलोगेसु देवताए उववतारो भवति तंजहा नो महिच्चिएसु जाव नो दूरंगइएसु नो चिरट्टिईएसु से णं तत्थ देवे भवइ णो महिच्चिए जाव णो चिरट्टिईए जावि य से तत्थ बाहिरब्भंतरिया परिसा भवइ साविय णं णो आढाइ णो परिजाणाइ णो महारिहेणमासणेणं उवनिमंतेइ भासंपि य से भासमाणस्स जाव चत्तारि पंच देवा अवुत्ता चैव अब्भुट्ठेति मा बहुं देवे ! भासउ से णं तओ देवलोगाओ आउक्खएणं भवक्खएणं ठिइक्खएणं अणंतरं चयं चइता इहेव माणुस्सए भवे जाई इमाई कुलाई भवति तं० अतकुलाणि वा पंतकुलाणि वा तुच्छकुलाणि वा दरिइकुलाणि वा भिक्खागकुलाणि वा किवणकुलाणि वा तहप्पगारेसु कुलेसु पुमत्ताए पञ्चायाइ से णं तत्थ पुमे भवइ दुरूवें दुवण्णे दुग्गंधे दुरसे दुफासे अणिट्ठे अकंते अप्पिए अमणुण्णे अमणामे हीणस्सरे वीणस्सरे अणिट्ठसरे अकंसरे अपियस्सरे अमणुण्णस्सरे अमणामस्सरे अणाएज्जवयणपञ्चायाए जाविय से तत्थ बाहिरब्भंतरिया परिसा भवइ मावि य णं णो आढाइ णो परिजाणाइ णो महारिहेणं आसणेणं उवणिमंतेइ भासंपि य से भासमाणस्स जाव चत्तारि पंच जणा अवुत्ता चैव अब्भुट्ठेति मा बहुं अजउत्तो ! भासउ माई णं मायं कट्टु आलोइयपडिक्कंते कालमासे कालं किञ्चा अण्णतरेसु देवलोगेसु देवताए उववतारो भवति तं० महिच्चिएसु जाव चिरट्टिईएसु से णं तत्थ देवे भवइ महिच्चिए जाव चिरट्टिईए हारविराइवच्छे कडगतुट्ठियर्यभियभुए अंगदकुंडलमउडगंडतलकजपीडधारी विचित्तहत्थाभरणे विचित्तवत्थाभरणे विचित्तमालामउली कक्षाणगपवरवत्थपरिहिए कक्षाणगपवरगंधमज्जाणुलेवणधरे भासुरबांधी पलंबवणमालधरे दिव्वेणं वण्णेणं दिव्वेणं गंधेणं दिव्वेणं रसेणं दिव्वेणं फासेणं दिव्वेणं संघाएणं दिव्वेणं संठाणेणं दिव्वाए इट्ठीए दिव्वाए जुईए दिव्वाए पभाए दिव्वाए छायाए दिव्वाए अचीए दिव्वेणं तेएणं दिव्वाए छेस्साए दसदिसाओ उज्जेएमाणे पभासेमाणे महायाइइवत्थएगीयवाइवत्ती-तलतालतुट्ठियघणमुइंगपडुप्पवाइयरवैणं दिव्वाइं भोगभोगाईं भुंजमाणे विहरइ, जावि य से तत्थ बाहिरब्भंतरिया परिसा भवइ, सावि य णं आढाइ परिजाणाइ महारिहेण आसणेणं उवनिमंतेइ भासंपि य से भासमाणस्स जाव चत्तारि पंच देवा अवुत्ता चैव अब्भुट्ठेति बहुं देवे ! भासउ से णं तओ देवलोगाओ आउक्खएणं भवक्खएणं ठिइक्खएणं अणंतरं चयं चइता इहेव माणुस्सए भवे जाई इमाई कुलाई भवति, इत्ताई जाव बहुजजस्स अपरिभूसाई तहप्पगारेसु कुलेसु पुमत्ताए पञ्चायाइ, से णं तत्थ पुमे भवइ

सुखे सुखे सुगंधे सुरसे सुफासे इष्टे कंते जाव मणामे अहीणस्सरे जाव मणाम-
 स्सरे आदेज्जवयणे पचायाए जाऽविय से तत्थ बाहिरभंतरिया परिसा भवइ
 सावि य णं आढाइ जाव बहुमज्जउत्ते! भासउ ॥ ७५८ ॥ अट्टविहे संवरे
 प० तं० सोईदियसंवरे जाव फासिंदियसंवरे मणसंवरे वइसंवरे कायसंवरे, अट्टविहे
 असंवरे प० तं० सोईदियअसंवरे जाव कायअसवरे ॥ ७५९ ॥ अट्ट फासा प०
 तं० कक्खे मउए गरुए लहुए सीए उत्तिणे निद्धे लक्खे ॥ ७६० ॥ अट्टविहा
 लोग्गिई १० तं० आगासपइट्टिए वाए वायपइट्टिए उदही एवं जाव छट्ठाणे जाव
 जीवा कम्मपइट्टया अजांवा जीवसंगहीया जीवा कम्मसंगहीया ॥ ७६१ ॥ अट्टविहा
 गणिसंपया प० तं० आयारसंपया सुयसंपया सरिरसंपया वयणसंपया वायणासंपया
 मइसंपया पयोगसंपया संगहपरिण्णाणाम अट्टमा ॥ ७६२ ॥ एगमेगे णं महानिही
 अट्टचक्खवालपइट्टाणे अट्टठ्ठजोयणाई उच्च उच्चनेणं प० ॥ ७६३ ॥ अट्टसमिईओ
 प० तं० इरियासमिई भासासमिई एसणासमिई आयाणभंडमत्तनिक्खेवणासमिई
 उच्चारपामवणखेलजद्धमिघाणपारिठ्ठावणियासमिई मणसमिई वइसमिई कायसमिई
 ॥ ७६४ ॥ अट्टहि ठाणेहि संपजे अणगारे अरिहइ आलोयणा पडिच्छित्तए तं०
 आयागं आहारं ववहारं ओवीलए पकुव्वए अपरिस्साई निजावए अवायदंसी
 ॥ ७६५ ॥ अट्टहि ठाणेहि सपजे अणगारे अरिहइ अत्तदोममालोइत्तए तं० जाइ-
 संपजे कुलसपजे विगयसंपजे णाणसंपजे दंसणसंपजे चरित्तसंपजे खंतं दंतं ॥ ७६६ ॥
 अट्टविहे पायच्छित्ते प० तं० आलोयणारिहे पडिक्कमणारिहे तदुभयारिहे विवेगारिहे
 विउत्सन्गारिहे तवारिहे छेयारिहे मूलारिहे ॥ ७६७ ॥ अट्ट मयट्टाणा प० तं०
 जाइमए कुलमए बलमए रुवमए तवमए सुयमए लाभमए इस्सारियमए ॥ ७६८ ॥
 अट्ट अकिरियावाइ प० तं० एगावाइ अणेगावाइ मितवाइ निम्मितवाइ सायवाइ
 समुच्छेदवाइ णियावाइ ण संति परलोगवाइ ॥ ७६९ ॥ अट्टविहे महानिमित्ते
 प० तं० भोमे उप्पाए सुविणे अतल्लिक्खे अगे सुरे लक्खणे वज्जे ॥ ७७० ॥
 अट्टविहा वयणविभती प० तं० निहेसे पढमा होइ बिइया उवएसणे; तइया करणंमि
 कया चउत्थी सपयावणे (१) पंचमी य अवायाणे छट्ठी सस्सामिवायणे; सत्तमी
 सञ्जिहाणत्थे अट्टमा आमंतणी भवे (२) तत्थ पढमा विभती निहेसे सो इमो
 अहं वत्ति १-बिइया उण उवएसे मण कृण व इमं व तं वत्ति (३) तइया कर-
 णंमि कया णीयं च कयं च तेण व मए वा; इदि णमो साहाए हवइ चउत्थी
 पयाणंमि (४) अवणे गिण्हसु तत्तो इत्तोत्ति व पंचमा अवादाणे; छट्ठी तस्स
 इमस्स व मयस्स वा मामिसंके (५) हवइ पुण सत्तमीमं इमंमि आहारक-

आवे य; आर्मतणी भवे अठुमी उ जह हे जुवापति (६) ॥ ७७१ ॥ अठु ठागाई
 छउमरये णं सक्कभावेण ण जाणइ ण पासइ तं० धम्मस्विकार्यं जाव गंधं वायं,
 ह्यामि चेव उप्पण्णणाणदंसणधरे अरहा जिणे केवली जाणइ पासइ जाव गंधं
 वायं ॥ ७७२ ॥ अठुविहे आउवेए प० तं० कुमारभिषे, कायतिगिच्छा, साल्हाई,
 सल्लहता, जंगोली, भूयवेजा, खारतंते, रसायणे ॥ ७७३ ॥ सक्कस्स णं देविदस्स
 देवरज्जो अठुग्गमहिंसीओ प० तं० पउमा सिवा सई अंजू अमला अच्छरा णवमिया
 रोहिणी ॥ ७७४ ॥ ईसाणस्स णं देविदस्स देवरज्जो अठुग्गमहिंसीओ प० तं०
 कण्हा कण्हराई सामा सामरक्खिया वम् वसुगुत्ता वसुमिन्ना वसुधरा ॥ ७७५ ॥
 सक्कस्स णं देविदस्स देवरज्जो सोमस्स महारज्जो अठुग्गमहिंसीओ प० ईसाणस्स णं
 देविदस्स देवरज्जो वेममणस्स महारज्जो अठुग्गमहिंसीओ प० ॥ ७७६-७७७ ॥
 अठु महग्गहा प० तं० चंदे मरे सुक्के बुहे बहस्सई अगारए मणिचरे केऊ ॥ ७७८ ॥
 अठुविहा तणवणस्सइकाइया प० तं० मूले कंदे खंधे तया साले पवाले पत्ते पुप्फे
 ॥ ७७९ ॥ चउरिंदिया णं जीवा असमारममाणस्स अठुविहे संजमे कज्जइ तं०
 चक्खुमाओ सोक्खाओ अववरोवेत्ता भवइ चक्खुमएणं दुक्खेणं असंजोएत्ता भवइ
 एवं जाव फासामाओ सोक्खाओ अववरोवेत्ता भवइ फासामएणं दुक्खेणं असंजो-
 एत्ता भवइ ॥ ७८० ॥ चउरिंदिया णं जीवा समारममाणस्स अठुविहे असंजमे
 कज्जइ तं० चक्खुमाओ सोक्खाओ अववरोवेत्ता भवइ चक्खुमएणं दुक्खेणं संजोएत्ता
 भवइ एवं जाव फासामाओ सोक्खाओ ॥ ७८१ ॥ अठु सुहुमा प० तं० पाणसुहुमे
 पणगसुहुमे बीयसुहुमे हरियसुहुमे पुप्फसुहुमे अंबसुहुमे लेणसुहुमे सिणेहसुहुमे
 ॥ ७८२ ॥ भरहस्स णं रण्णो चाउरंतचक्कवट्टिस्स अठुपुरिसजुगाई अणुवदं सिद्धाई
 जाव सक्कदुक्खप्पहीणाई तं०-आइच्चजसे महाजसे अइबले महाबले तेयवीरिए
 कितवीरिए दंडवीरिए जलवीरिए ॥ ७८३ ॥ पासस्स णं अरहज्जो पुरिसादानिवस्स
 अठु गणा अठु गणहरा होत्था तं० सुभे अज्जघोसे वसिठ्ठे बंमयारी सोभे सिरिधरै
 वीरिए भइवसे ॥ ७८४ ॥ अठुविहे हंसणे प० तं० सम्मईसणे मिच्छदंसणे सम्मा-
 मिच्छदंसणे चक्खुदंसणे जाव केवलदंसणे जुविणदंसणे ॥ ७८५ ॥ अठुविहे अद्धो-
 वमिए प० तं० पळिओवमे सागरोवमे उस्सप्पिणी ओसप्पिणी पोग्गळपरियेठ्ठे
 वीतद्धा अणागयद्धा सक्कद्धा ॥ ७८६ ॥ अरहज्जो णं अरिउनेमिस्स जाव अठुमाओ
 पुरिसजुगाओ जुगंतकरभूमी बुवासपरियाए अंतमक्कावी ॥ ७८७ ॥ सम्मणेणं अण-
 वया महावीरेणं अठु रायाओ मुंठे भवेत्ता अगाराओ अणगारिअं पव्वाभिया तं०
 खीरंगय वीरज्जसे संजयए मिअए य रावरीसी, वेयसिधे उदावणे (तह संखे

कासिपदने) ॥ ७८८ ॥ अट्टविहे आहारे प० तं० मणुष्णे असणे पाणे साइमे
 साइमे अमणुष्णे जाव साइमे ॥ ७८९ ॥ उप्पि सणकुमारमाहिंदाणं कप्पाणं हेट्ठि
 बंभलोए कप्पे रिट्ठे विमाणे पत्थे एत्थ णमक्खाडगसमचउरंसंठाणसंठियाओ
 अट्ट कण्हराईओ प० तं० पुरच्छिमेणं दो कण्हराईओ दाहिणेणं दो कण्हराईओ
 पञ्चच्छिमेणं दो कण्हराईओ उत्तरेणं दो कण्हराईओ, पुरच्छिमा अब्भंतरा कण्हराई
 दाहिणं बाहिरं कण्हराई पुट्ठा, दाहिणा अब्भंतरा कण्हराई पञ्चच्छिमगं बाहिरं कण्ह-
 राई पुट्ठा, पञ्चच्छिमा अब्भंतरा कण्हराई उत्तरं बाहिरं कण्हराई पुट्ठा, उत्तरा
 अब्भंतरा कण्हराई पुरच्छिमं बाहिरं कण्हराई पुट्ठा, पुरच्छिमपञ्चच्छिमिल्लो
 बाहिराओ दो कण्हराईओ छलंसाओ उत्तरदाहिणाओ बाहिराओ दो कण्हराईओ
 तंसाओ मन्वाओ वि णं अब्भंतरकण्हराईओ चउरंसाओ, एयासि णं अट्टण्हं कण्ह-
 राईणं अट्ट नामधेज्जा प० तं० कण्हराईति वा मेहराईति वा मघाति वा माघवईति
 वा वातफलिहेति वा वातपलिकखोभेति वा देवपलिहे वा देवपलिकखोभेति वा,
 एयासि णं अट्टण्हं कण्हराईणं अट्टसु उवासंतरेसु अट्टलोगंतियविमाणा प० तं०
 अच्ची अच्चिमाली वइरोयणे पभंकरे चंदाभे सूराभे सुपइट्टाभे अग्गिच्चाभे, एएसु
 णं अट्टसु लोगतियविमाणेसु अट्टविहा लोगतिया देवा प० तं० सारस्सयमाइच्चा
 वण्ही वरुणा य गइतोया य, तुसिया अब्वावाहा अग्गिच्चा चेव बोधव्वा (१)
 एएसि णं अट्टण्हं लोगतियदेवाणं अजहण्णमणुक्कोसेणं अट्ट सागरोवमाइं ठिई प०
 ॥ ७९० ॥ अट्ट धम्मत्थिकायमज्झपएसा प० अट्ट अहम्मत्थिकायमज्झपएसा
 एवं चेव अट्ट आगासत्थिकायमज्झपएसा प० एवं चेव अट्ट जीवमज्झपएसा प०
 ॥ ७९१ ॥ अरहंता णं महापउमे अट्ट रायाणो मुंडा भवित्ता अगाराओ अणगारियं
 पव्वावेस्सति तं० पउमं पउमगुम्मं नल्लिणं नल्लिणगुम्मं पउमद्वयं धणुद्वयं कणगरहं
 भरहं ॥ ७९२ ॥ कण्हस्स णं वासुदेवस्स अट्ट अग्गमाहिंसीओ अरहओ णं अरिट्ठ-
 नेम्मिस्स अनिए मुंडा भवेत्ता अगाराओ अणगारियं पव्वइया सिद्धाओ जाव
 सव्वदुक्खप्पहीणाओ तं० पउमावई य गोरी गंधारी लक्खणा सुसीमा य जंबवई
 सच्चभामा रुप्पिणी कण्हअग्गमाहिंसीओ ॥ ७९३ ॥ वीरियपुव्वस्स णं अट्ट वत्थु
 अट्ट चूलियावत्थु प० ॥ ७९४ ॥ अट्ट गईओ प० तं० णिरयगई तिरियगई जाव
 सिद्धिगई गुल्गई पणोल्लणगई पब्भारगई ॥ ७९५ ॥ गंगासिधुरत्तारत्तवइदेवीणं
 वीवा अट्ट २ जोयणाई आयामविकखंभेणं प० ॥ ७९६ ॥ उक्कासुहमेहमुहविज्जु-
 मुहविज्जुदंतवीवाणं वीवा अट्ट २ जोयणसयाई आयामविकखंभेणं प० ॥ ७९७ ॥
 कालोदे णं समुदे अट्ट जोयणसयसइस्साई चक्कवालविकखंभेणं प० ॥ ७९८ ॥

अर्धतपुक्खरदे णं अट्ट ज्ञोयणसयसहस्साई चक्रवालविकखंभेणं प० एवं बाहिर-
 पुक्खरदेवि ॥ ७९९ ॥ एगमेगस्स णं रत्तो चाउरंतचक्रवट्टिस्स अट्ट सोवधिए
 क्ककिणिरयणे छत्ते दुवालसंसिए अट्टकणिए अधिकरणिसंठिए प० ॥ ८०० ॥
 मागधस्स णं जोयणस्स अट्ट धणुसहस्साई निघत्ते प० ॥ ८०१ ॥ जंबू णं सुदंसणा
 अट्ट जोयणाई उट्टं उच्चत्तेणं बहुमज्जादेसभाए अट्ट जोयणाई विकखंभेणं साइरेगाई
 अट्ट जोयणाई सब्वग्गेणं प० ॥ ८०२ ॥ कूडसामली णं अट्ट जोयणाई एवं चेव
 ॥ ८०३ ॥ तिमिसगुहा णमट्ट जोयणाई उट्टं उच्चत्तेणं ॥ ८०४ ॥ खंडप्पवायगुहा
 णं अट्ट जोयणाई उट्टं उच्चत्तेणं एवं चेव ॥ ८०५ ॥ जंबूमंदरस्स पव्वयस्स
 पुरच्छिमेणं सीताए महानईए उभओ कूले अट्ट वक्खारपव्वया प० तं० चित्तकूडे
 पम्हकूडे नल्लिणकूडे एगसेले तिकूडे वेसमणकूडे अंजणे मायंजणे ॥ ८०६ ॥
 जंबूमंदरपच्चच्छिमेणं सीओयाए महाणईए उभओकूले अट्ट वक्खारपव्वया
 प० तं० अंकावई पम्हावई आसीविसे सुहावहे चंदपव्वए सूरपव्वए णागपव्वए
 देवपव्वए ॥ ८०७ ॥ जंबूमंदरपुरच्छिमेणं सीआए महाणईए उत्तरेणं अट्ट
 चक्रवट्टिविजया प० तं० कच्छे सुकच्छे महाकच्छे कच्छगावई आवत्ते जाव पुक्ख-
 लावई ॥ ८०८ ॥ जंबूमंदरपुरच्छिमेणं सीयाए महाणईए दाहिणेणमट्ट चक्रवट्टि-
 विजया प० तं० वच्छे सुवच्छे जाव मंगलावई ॥ ८०९ ॥ जंबूमंदरपच्चच्छिमेणं
 सीओयाए महाणईए दाहिणेणं अट्ट चक्रवट्टिविजया प० तं० पम्हे जाव सल्लिलावई
 ॥ ८१० ॥ जंबूमंदरपच्चत्थिमेणं सीओयाए महाणईए उत्तरेणं अट्ट चक्रवट्टिविजया
 प० तं० वप्पे सुवप्पे जाव गंधिलावई ॥ ८११ ॥ जंबूमंदरपुरच्छिमेणं सीताए
 महाणईए उत्तरेणमट्ट रायहाणीओ प० तं० खेमा खेमपुरी चेव जाव पुंडरीगिणी
 ॥ ८१२ ॥ जंबूमंदरपुरच्छिमेणं सीताए महाणईए दाहिणेणमट्ट रायहाणीओ प० तं०
 सुसीमा कुंडला चेव जाव रयणसंचया ॥ ८१३ ॥ जंबूमंदरपच्चच्छिमेणं सीओआए
 महाणईए दाहिणेणं अट्ट रायहाणीओ प० तं० आसपुरा जाव बीतसोगा ॥ ८१४ ॥
 जंबूमंदरस्स पच्चच्छिमेणं सीओआए महाणईए उत्तरेणं अट्ट रायहाणीओ प० तं०
 विजया वेजयंती जाव अउज्झा ॥ ८१५ ॥ जंबूमंदरस्स पुरच्छिमेणं सीयाए
 महाणईए उत्तरेणं उक्कोसपए अट्ट अरिईता अट्ट चक्रवट्टी अट्ट बलदेवा अट्ट
 वासुदेवा उप्पाज्जसु वा उप्पज्जंति वा उप्पज्जिस्संति वा ॥ ८१६ ॥ जंबूमंदरपुरच्छि-
 मेणं सीयाए महाणईए दाहिणेणं उक्कोसपए एवं चेव ॥ ८१७ ॥ जंबूमंदरपच्चत्थिमेणं
 सीओयाए महाणईए दाहिणेणं उक्कोसपए एवं चेव ॥ ८१८ ॥ एवं उत्तरेणवि
 जंबूमंदरपुरच्छिमेणं सीआए महाणईए उत्तरेणं अट्ट बीहवेयन्ना अट्ट तिमिसगुहाओ

अट्ट खंडगप्पवायुहाओ अट्ट कयमालगा देवा अट्ट गट्टमालगा देवा अट्ट गंगा-
 कुंडा अट्ट सिधुकुंडा अट्ट गंगाओ अट्ट सिधूओ अट्ट उसमकूडपव्वया अट्ट उस-
 भकूडा देवा प० जंबूमंदरपुरच्छिमेणं सीयाए महाणईए दाहिणेणं अट्ट वीहवेयणा
 एवं चेव जाव अट्ट उसभकूडा देवा प० णवरमेत्थ रत्तात्तावईओ तासि चेव कुंडा
 ॥ ८१९ ॥ जंबूमंदरपच्चत्थि० सीओआए महाणईए दाहिणेणं अट्ट वीहवेयणा जाव
 अट्ट गंगाकुंडा अट्ट सिधुकुंडा अट्ट गंगाओ अट्ट सिधूओ जाव अट्ट उसभकूडा देवा
 प० जंबूमंदरपच्चत्थिमेणं सीओआए महाणईए उत्तरेणं अट्ट वीहवेयणा जाव अट्ट गट्ट-
 मालगा देवा अट्ट रत्तकुंडा अट्ट रत्तावईकुंडा अट्ट रत्ताओ जाव अट्ट उसभकूडा देवा
 प० ॥ ८२० ॥ मंदरचूलिया णं बहुमज्झदेसभाए अट्ट जोयणाईं विक्खंभेणं प०
 ॥ ८२१ ॥ धायइसड्डीवे पुरत्थिमद्धेणं धायइरुक्खे अट्ट जोयणाईं उट्ठं उच्चतेणं
 प० बहुमज्झदेसभाए अट्ट जोयणाईं विक्खंभेणं साइरेगाईं अट्ट जोयणाईं सव्वगेणं
 प० एवं धायइरुक्खाओ आठवेत्ता सव्वेव जंबुवीवत्तव्वया भाणियव्वया जाव मंदर-
 चूलियत्ति एवं पच्चच्छिमद्धेवि महाधायइरुक्खाओ आठवेत्ता जाव मंदरचूलियत्ति
 ॥ ८२२ ॥ एवं पुक्खरवरवीवट्ठपुरच्छिमद्धेवि पउमरुक्खाओ आठवेत्ता जाव मंदर-
 चूलियत्ति एवं पुक्खरवरवीवत्तपच्चत्थिमद्धे महापउमरुक्खाओ जाव मंदरचूलियत्ति
 ॥ ८२३ ॥ जंबुवीवे वीवे मंदरे पव्वए भूसालवणे अट्ट दिसाहत्थिकूडा प० तं०-
 पउमुत्तर नीलवंते सुहत्थी अंजगागिरी, कुमुए य पन्नासए वडिसे अट्टमए रोयणा-
 गिरी ॥ ८२४ ॥ जंबुवीवत्तस णं वीवत्तस जाई अट्ट जोयणाईं उट्ठं उच्चतेणं बहुम-
 ज्झदेसभाए अट्ट जोयणाईं विक्खंभेणं प० ॥ ८२५ ॥ जंबुवीवे वीवे मंदरपव्वयस्स
 दाहिणेणं महाहिमवंते वासहरपव्वए अट्ट कूडा प० तं० सिद्धे महाहिमवंते हिमवंते
 रोहिता हरीरूढे, हरिकंठा हरिवासे वेत्थिए चेव कूडा उ ॥ ८२६ ॥ जंबूमंदरउत्ता-
 रेणं रुप्पिमि वासहरपव्वए अट्ट कूडा प० तं० सिद्धे य रुप्पी रम्मग नरकंता बुद्धि
 रुपकूडे या, हिरण्णवए मणिकंचणे य रुप्पिमि कूडा उ ॥ ८२७ ॥ जंबूमंदरपुर-
 च्छिमेणं रुयगवरे पव्वए अट्ट कूडा प० तं०-रिट्ठे तवणिज्ज कंचण रयय दिसासोत्थिए
 पल्लवे य; अंजणे अंजणपुल्लए रुयगस्स पुरच्छिमे कूडा (१) तत्त्व णं अट्ट दिसा-
 कुमारिमहत्तरियाओ महिण्डियाओ जाव पल्लिओवमट्ठिईयाओ परिवर्त्तति तं० जंबुत्तरा
 य णंदा य आणंदा णंदिवद्धणा, विज्जाया य वेज्जयंती अयंती अपराजिया ॥ ८२८ ॥
 जंबूमंदरदाहिणेणं रुयगवरे पव्वए अट्ट कूडा प० तं०-रुणए कंचणे पउमे मत्थिणे सत्ति
 दिवायरे चेव, वेसमणे वेत्थिए रुयगस्स उ दाहिणे कूडा (१) तत्त्व णं अट्ट दिसा-
 कुमारिमहत्तरियाओ महिण्डियाओ जाव पल्लिओवमट्ठिईयाओ परिवर्त्तति तं० सक्कात्तरा

सुष्पश्रुता सुष्पबुद्धा जसोहरा; उच्छिष्वई सेसवई चित्तसुता वसुंधरा ॥ ८२९ ॥
 जंबुसंदरपञ्चत्वमेणं रुयगवरे पञ्चए अट्ट कूढा प० तं० सोत्थिए य अमोहे य
 ह्मिबं मंदरे तहा, रुभगे रुयगुत्तमे चंदे अट्टमे य इदंसणे (१) तत्थ णं अट्ट
 दिसाकुमारिमहत्तरियाओ महिन्धियाओ जाव पत्तिओवमट्टिईयाओ परिवसंति तं०-
 इलादेवी सुरादेवी पुढवी पत्तमावई, एगनासा नवभिया सीया भहा य अट्टमा
 ॥ ८३० ॥ जंबुसंदरत्तररुअगवरे पञ्चए अट्टकूढा प० तं० रयणे रयणुचए या
 सन्वरयणे रयणसंचए च्चेव, विजये य वेजयते य जयंते अपराजिए (१) तत्थ णं
 अट्ट दिसाकुमारिमहत्तरियाओ महिन्धियाओ जाव पत्तिओवमट्टिईयाओ परिवसंति
 तं०-अलंबुसा मितफेसी पोंठरी गीतवारणी, आसा य सन्वगा च्चेव तिरी हिरी श्वेव
 उत्तरओ ॥ ८३१ ॥ अट्ट अहेलोगवत्पञ्चाओ दिसाकुमारिमहत्तरियाओ प०
 तं० भोगंकरा भोगवई सुभोगा भोगमालिणी; सुवच्छा वच्छमिता य, धारि-
 सेणा बलाहगा (१) अट्ट उड्डुलोगवत्पञ्चाओ दिसाकुमारिमहत्तरियाओ प० तं०-
 मेचंकरा मेघवई मुमेघा मेघमालिणी, तोयधारा विचिता य पुप्फमाला अण्णदिता ३
 ॥ ८३२ ॥ अट्ट कप्पा तिरियमित्तोवचणगा प० तं० सोहम्मे जाव सहस्सारे
 ॥ ८३३ ॥ एएसु णं अट्टसु कप्पेसु अट्ट इंदा प० तं० सक्के जाव सहस्सारे
 ॥ ८३४ ॥ एस्सि णं अट्टण्हं ईंदाणं अट्ट परियाणिया विमाणा प० तं० पालए
 पुप्फए सोमणसे तिरिवच्छे णंदावत्ते कामकमे पीइमणे विमळे ॥ ८३५ ॥ अट्टट्ट-
 मिया णं भिक्खुपट्टिमा णं चउसट्ठीए राइंदिएहिं दोहि य अट्टासीएहिं भिक्खासएहिं
 अहासुता जाव अणुपालियानि भवइ ॥ ८३६ ॥ अट्टविहा संसारसमावणगा जीवा
 प० तं० पढमसमयनेरइया अपढमसमयनेरइया एवं जाव अपढमसमयवेवा
 ॥ ८३७ ॥ अट्टविहा सन्वजीवा प० तं० नेरइया तिरिक्खजोभिया तिरिक्खजोभिसिओ
 मणुस्ता मणुस्तीओ देवा देवीओ सिद्धा ॥ ८३८ ॥ अहवा अट्टविहा सन्वजीवा
 प० तं० आभिणिओहियनाणी जाव केवलनाणी मइअभाणी सुयअभाणी विमत्त-
 नाणी ॥ ८३९ ॥ अट्टविहे संजमे प० तं० पढमसमयसुहुमसंपरायसरागसंजमे,
 अपढमसमयसुहुमसंपरायसरागसंजमे, पढमसमयसादरसंजमे, अपढमसमयसाद-
 संजमे, पढमसमयउवसंतकसायवीयरायसंजमे, अपढमसमयउवसंतकसायवीयराय-
 संजमे, पढमसमयखीणकसायवीयरायसंजमे, अपढमसमयखीणकसायवीयरायसंजमे
 ॥ ८४० ॥ अट्ट पुढवीओ प० तं० रयणप्पमा जाव अहे सत्तासा ईसिपन्भारा
 ॥ ८४१ ॥ ईसिपन्भाराए णं पुढवीए बहुमज्जादेसमाए अट्टओकम्मिण्णे वेत्ते अट्ट
 जोमवई वाइत्तेणं प० ॥ ८४२ ॥ ईसिपन्भाराए णं पुढवीए अट्ट नाभयेजा ५०

तं० ईषीइ वा, ईसिपन्भाराइ वा, तण्ण वा, तणुतण्ण वा, सिद्धीति वा, सिद्धालण्ण वा, मुत्तीइ वा, मुत्तालण्ण वा ॥ ८४३ ॥ अट्टहिं ठाणेहिं सम्मं संवच्चियव्वं अइयव्वं परक्कमियव्वं अस्सि च णं अट्टे णो पमाएयव्वं भवइ, अट्टयाणं धम्माणं सम्मं सुण-
णयाए अन्भुट्टेयव्वं भवइ, सुयाणं धम्माणं ओगिण्हणयाए उवधारणयाए अन्भुट्टेयव्वं
भवइ, पावाणं कम्माणं संजमेणमकरणयाए अन्भुट्टेयव्वं भवइ, पोराणाणं कम्माणं
तवसा विगिचणयाए विसोहणयाए अन्भुट्टेयव्वं भवइ, असंगिहीयपरियणस्त संगि-
ण्हणयाए अन्भुट्टेयव्वं भवइ, सेहं आयारगोयरगहणयाए अन्भुट्टेयव्वं भवइ, गिला-
णस्त अगिलाए वेयावच्चकरणयाए अन्भुट्टेयव्वं भवइ, साहम्मियाणमधिकरणसि
उप्पणंसि तत्थ अणित्तिओवत्तिओ अपक्खग्गाही मज्झत्यभावभूए कइ णु साह-
म्मिया अप्पसद्दा अप्पसंज्ञा अप्पतुमंतुमा उवसामणयाए अन्भुट्टेयव्वं भवइ
॥ ८४४ ॥ महासुक्कसहस्सारेसु णं कप्पेसु विमाणा अट्ट जोजणसयाइ उट्ठं उच्चतेणं
प० ॥ ८४५ ॥ अरहओ णं अरिट्टेनेमिस्स अट्टसया वाईणं सदेवमणयासुराए
परिसाए वाए अपराजियाणं उक्कोसिया वाइसंपया होत्था ॥ ८४६ ॥ अट्टसामहए
केवल्लिसमुग्घाए प० तं० पढमे समए दंढं करेइ बीए समए कवाडं करेइ तइए
समए मंधानं करेइ चउत्थे समए लोगं पूरेइ पंचमे समए लोगं पडिसाहरइ छट्ठे
समए मंधं पडिसाहरइ सत्तमे समए कवाडं पडिसाहरइ अट्टमे समए दंढं पडि-
साहरइ ॥ ८४७ ॥ समणस्स णं भगवओ महावीरस्स अट्ट सया अणुत्तरोक्कवाइ-
याणं गइक्कल्लाणणं जाव आगमेसिभहाणं उक्कोसिया अणुत्तरोक्कवाइयसंपया होत्था
॥ ८४८ ॥ अट्टविहा वाणमंतरा देवा प० तं०-पिसाया भूया जक्खत्ता रक्खत्ता
किन्नरा किंपुरिसा महोरगा गंधव्वा ॥ ८४९ ॥ एएसि णं अट्टण्हं वाणमंतरदेवाणं
अट्टरक्खत्ता प० तं०-कल्लंबो अ पिसायाणं वडो जक्खणमेव य; तुलसी भूयाणं
भवे रक्खसाणं च कंडओ (१) असोओ किन्नराणं च किंपुरिसाणं य चंपओ;
नागक्खत्तो सुर्यगाणं गंधव्वाणं य तैदुओ (२) ॥ ८५० ॥ इमीसे रयणप्पभाए
पुढवीए बहुसमरमणिजाओ भूमिभागाओ अट्टजोजणसए उट्ठवाहाए सुरविमाणे
चारे चरइ ॥ ८५१ ॥ अट्ट नक्खत्ता चंदेणं सदिं पमइ जोगं जोएति तं०
कतिया रोहिणी पुणव्वस् महा चित्ता विसाहा अणुराहा जेट्ठा ॥ ८५२ ॥
जंबुहीवस्स णं वीवस्स दारा अट्टजोजणाइ उट्ठं उच्चतेणं प०-सव्वेसिपि वीवसमु-
हाणं दारा अट्टजोजणाइ उट्ठं उच्चतेणं प० ॥ ८५३ ॥ पुरिसवेयणित्तस्स णं कम्मस्स
अहण्णेणं अट्टसंक्खत्ताइ वंधठिई प० ॥ ८५४ ॥ अत्तोकितीनामएणं कम्मस्स
अहत्तेणं अट्ट सुट्टाई वंधठिई प० ॥ ८५५ ॥ उच्चगोयस्स णं कम्मस्स एव वंध

॥ ८५६ ॥ तेइदियाणमट्ट जाइकुलफोडीजोणीपमुहसयसहस्ता प० ॥ ८५७ ॥
 जीवा णं अट्टठाणणिव्वसिए पोगगळे पावकम्मताए विधिंसु वा विधिंति वा विधि-
 स्संति वा तं०-पडमसमयनेरइयनिव्वसिए जाव अपडमसमयदेवनिव्वसिए एवं
 विण उवविण जाव णिज्जरा चेव ॥ ८५८ ॥ अट्टपएसिया खंधा अर्णता प०
 ॥ ८५९ ॥ अट्ट पएसोगाढा पोगगला अर्णता प० ॥ ८६० ॥ जाव अट्टगुणल्लुक्खा
 पोगगला अर्णता प० ॥ ८६१ ॥ अट्टमं ठाणं समसं ॥

नवमहाणं

नवहिं ठाणेहिं समणे णिगंगे संभोइयं विसंभोइयं करेमाणे णाइक्कमइ तं०-
 आयरियपडिणीयं उवज्जायपडिणीयं येरपडिणीयं कुल० गण० संघ० नाण०
 दंसण० चरित्तपडिणीयं ॥ ८६२ ॥ नव बंभचेरा प० तं० सत्थपरिआ लोगविज्जओ
 जाव उवहाणसुयं महापरिणा ॥ ८६३ ॥ नव बंभचेरगुत्तीओ प० तं० विविताई
 सयणासणाई सेवित्ता भवइ णो इत्थिसंसत्ताई नो पमुसंसत्ताई नो पंडगसंसत्ताई १
 नो इत्थीणं कइं कहेत्ता २ नो इत्थिठाणाई सेवित्ता भवइ ३ नो इत्थीणमिदियाई
 मणोहराई मणोरमाई आलोइत्ता निज्जाइत्ता भवइ ४ नो पणीयरसभोइं ५ नो
 पाणभोयणस्स अइमत्तं आहारए सया भवइ ६ नो पुव्वरयं पुव्वकीळियं समरेत्ता
 भवइ ७ णो सहाणुवाई णो रुवाणुवाई णो सिलोगाणुवाई ८ णो सायसोकखपडिबडे
 यावि भवइ ९ ॥ ८६४ ॥ नव बंभचेरअगुत्तीओ प० तं० नो विविताई सयणा-
 सणाई सेवित्ता भवइ इत्थीसंसत्ताई पमुसंसत्ताई पंडगसंसत्ताई इत्थीणं कइं कहेत्ता
 भवइ इत्थीणं ठाणाई सेवित्ता भवइ इत्थीणं ईदियाई जाव निज्जाइत्ता भवइ पणीय-
 रसभोइं पाणभोयणस्स अइमायमाहारए सया भवइ पुव्वरयं पुव्वकीळियं सवित्ता
 भवइ सहाणुवाई रुवाणुवाई सिलोगाणुवाई जाव सायासुकखपडिबडे यावि भवइ
 ॥ ८६५ ॥ अभिणंदणाओ णं अरहओ सुमई अरहा नवहिं सागरोबमकोडिसयसह-
 स्सेहिं विश्कंतेहिं समुप्पजे ॥ ८६६ ॥ नव सम्भावपयत्था प० तं० जीवा अजीवा
 पुष्पं पावो आसवो संबतो णिज्जरा बंधो मोक्खो ॥ ८६७ ॥ णवविहा संसारसमा-
 खल्ला जीवा प० तं० पुढविकाइया जाव षणस्सइकाइया बेईदिया जाव पंचिदि-
 यत्ति ॥ ८६८ ॥ पुढवीकाइया नबगइया नव आगइया प० तं० पुढवीकाइए पुढ-
 वीकाइएउ उववज्जमाणे पुढवीकाइएहिंतो वा जाव पंचिदिएहिंतो वा उववज्जेज्जा, से
 चेव णं से पुढवीकाइए पुढवीकायत्तं विप्पज्जमाणे पुढविकाइयात्ताए जाव पंचिदि-
 यत्ताए वा गच्छेज्जा, एवं आउक्काइयावि जाव पंचिदियत्ति ॥ ८६९ ॥ नवविहा
 सम्बजीवा प० तं० एगिदिया बेईदिया तेइदिया चउरिदिया नेरइक्क पंचिदियत्ति-

विक्खब्बोभिया मणुस्सा देवा सिद्धा ॥ ८७० ॥ अहवा नवविहा सव्वजीवा प० तं०
 पढमसमयनेरइया अपढमसमयनेरइया जाव अपढमसमयदेवा सिद्धा ॥ ८७१ ॥
 नवविहा सव्वजीवोगाहणा प० तं० पुढविकाइओगाहणा आउ० जाव वणस्सइकाइ-
 ओगाहणा बेइंदियोगाहणा तेइंदियोगाहणा चउरिंदियोगाहणा पंचिंदियोगाहणा
 ॥ ८७२ ॥ जीवा णं नवहिं ठाणेहिं संसारं वत्तिं सु वा वत्तंति वा वत्तिस्संति वा तं०
 पुढविकाइयत्ताए जाव पंचिंदियत्ताए ॥ ८७३ ॥ नवहिं ठाणेहिं रोगुप्पत्ती सिया तं०
 अजासणाए अहियामणाए अइणिहाए अइजागरिणं उच्चारनिरोहेणं पासवणनिरोहेणं
 अद्धानगमणेणं भोयणपडिकूलयाए ईदियत्यविकोवणयाए ॥ ८७४ ॥ णवविहे
 दरिसणावरणिज्जे क्रमे प० तं०-निहा निहानिहा पयला पयलापयला धीणगिद्धी
 चक्खुदरिसणावरणे अचक्खुदरिसणावरणे ओहिदरिसणावरणे केवलदरिसणावरणे
 ॥ ८७५ ॥ अभीइं णं णक्खत्ते साइरेगे नवमुहुत्ते चंठेणं सद्धिं जोगं जोएइ
 ॥ ८७६ ॥ अभिइंआइआ णं णवनक्खत्ता णं चंदस्स उत्तरेणं जोगं जोएति तं०, अभिइं
 सव्वणो धणिठ्ठा जाव भरणी ॥ ८७७ ॥ इमीसे णं रयणप्पभाए पुहुवीए बहुसम-
 रमणिजाओ भूमिभागाओ णवजोअणसयाइं उहुं अवाहाए उवरिठ्ठे ताराकवे चारं
 चरति ॥ ८७८ ॥ जंबुद्वीवे णं द्वीवे णवजोअणिया मच्छा पविसिंसु वा पविसिंसुति वा
 पविसिस्संति वा ॥ ८७९ ॥ जंबुद्वीवे द्वीवे भारहे वासे इमीसे ओसप्पिणीए णव
 बलदेववासुदेवपियरो होत्था तं० पयावई य बंभे य रोइे सोमे गिवेइया, महासीहे
 अग्गिसीहे दमरह नवमे य वमुदेवे (१) इणो आउत्तं जहा समवाये निरक्खसेसं
 जाव एगा से गम्भवसही सिज्झिस्सति आगमिस्सेणं ॥ ८८० ॥ जंबुद्वीवे द्वीवे
 भारहे वासे आगमेस्साए उस्सपिणीए नवबलदेववासुदेवपियरो भविस्संति नव
 बलदेववासुदेवमायरो भविस्संति, एवं जहा समवाए निरक्खसेसं जाव महाभीमसेणे
 य सुग्गीवे य अपच्छिमे; एए खलु पडिमत्तु किर्त्तीपुरिमाण वासुदेवार्णं सव्वेवि
 च्चक्खोही हम्महंती सचक्खेहिं ॥ ८८१ ॥ एगमेगे णं महानिही नवनव जोयणाई
 विक्खस्वमेणं प० एगमेगस्स णं रण्णो चाउरंतचक्खवट्ठिस्स णव महानिहओ प० तं०
 “जेसप्पे पंडुयाए पिगलए सव्वरयण महापउत्ते, काळे य महाकाळे माणवग महा-
 निही संखे (१) नेसणंमि निवेसा गामागरनगरपट्टणां च, दोणमुहमठंवाणं
 खंधारारणं गिहाणं च (२) गणियस्स य बीयाणं माणुम्माणस्स अं पमाणं च,
 घन्नस्स य बीयाणं उप्पत्ती पंडुए भणिया (३) सव्वा आमरणविही पुरिसाणं
 जा य होइ महिलारणं, आसाण य हत्थीण य पिगलमनिहिंमिं ता अणिया (४)
 रयणाईं सव्वरयणे चोहस पवराईं चक्खवट्ठिस्स, उप्पज्जति एमिदिक्खाईं पंचिदि-

बाई च (५) वत्थाण य उप्पती निप्पती चेव सम्भवन्तीणं, रंगाण य धोयाण य सम्भा एसा महापउमे (६) काळे कालण्णाणं मव्वपुराणं च तीस्र वासेसु; सिप्पसदं कम्मणि य, तिप्पि पयाए हियकराई (७) लोहस्स य उप्पती होइ महाकाळि जागराणं च, रुप्पस्स सुवण्णस्स य भणिमोत्तिसिलिप्पवालाणं (८) जोधाण य उप्पती आवरणणं च पहरणाणं च, सव्वा य जुद्धनीई, माणवए दंडनीई य (९) नट्टविही नाडगविही, कव्वस्स चउव्विहस्स उप्पती, संखे महानिहिम्मी, तुळियंगाणं च सव्वेसि (१०) चकठुपइठ्ठाणा अट्टुस्सेहा य नव य विक्खंमे, बारसवीहा मंजूससंठिया, जन्दवीइ मुहे (११) वेहलियमणिक्खाडा कणगमया विविहरयणपट्टिपुञ्जा, ससिसरचकलक्खण अणुसमजुगबाहुवयणा य (१२) पत्ति-
 ओवमट्टिईया णिहिसरिणामा य तेसु खलु देवा; जेसि ते आवासा अक्खिज्जा आहि-
 व्वा वा (१३) एए ते नवनिहओ पभूयधणरयणसंचयमसिद्धा जे वसमुवगच्छंती सव्वेसि चक्खट्टीणं” (१४) ॥ ८८२ ॥ नव विगईओ प० तं० खीरं दहिं णवणीयं सपिं तेलं गुलो महुं मज्जं मंसं ॥ ८८३ ॥ नवमोयपरिस्सवा वोंपी प० तं० दो सोत्ता दो गेत्ता दो घाणा मुहं पोसे पाऊ ॥ ८८४ ॥ णवविहे पुजे प० तं० अन्नपुजे पाणपुजे वत्थपुणे लेणपुजे सयणपुजे मणपुजे वडपुजे कायपुजे नमोक्कारपुजे ॥ ८८५ ॥ णव पावस्सायतणा प० तं० पाणाइवाए मुत्तावाए जाव परिग्गहे कोहे माणे माया लोहे ॥ ८८६ ॥ नवविहे पावस्सुयपसंगे प० तं० उप्पाए निमित्ते मंते आइक्खिए तिगिच्छए, क्खा आवरणे अन्नामे मिच्छापावयणेति य ॥ ८८७ ॥ णव जेतथिया वत्थू प० तं० संखाणे निमित्ते काइए पोरणे पारिहृत्थिए परपंडिए वाइए भूक्कमे तिगिच्छए ॥ ८८८ ॥ समणस्स णं भगवओ णायपुत्तमहावीरस्स नव गणा होत्था तं० गोदासगणे उत्तरबल्लिस्सहगणे उहेहगणे चारणगणे उह्वाइयगणे विस्सवाइयगणे कामत्थियगणे माणवगणे कोटियगणे ॥ ८८९ ॥ समणेणं भगवया महावीरेणं सम-
 णाणं भिग्गंथाणं णवकोट्टिपरिसुदे भिक्खे प० तं० ण हणइ ण हयाइइ हणंतं णाणुजाणइ ण पयइ ण पयावेइ पयंतं णाणुजाणइ ण किणइ ण किपावेइ किणंतं णाणुजाणइ ॥ ८९० ॥ ईसाणस्स णं देविदस्स देवरणो वरुणस्स महारथो णव अग्गमहिषीओ प० ॥ ८९१ ॥ ईसाणस्स णं देविदस्स देवरणो अग्गमहिषीणं णवपत्तिओवमत्तं ठिई प० ॥ ८९२ ॥ ईसाणे कपे उक्कोसेणं देवीणं णव पत्तिओ-
 वमत्तं ठिई प० ॥ ८९३ ॥ नव देवनिक्खाया प० तं० “सारस्सययइहा वण्ही वरुणा य यत्तोका य तुत्तिया अम्भावाहा अम्भिया चेव रिट्ठा य” ॥ ८९४ ॥ अम्भावाहायं देवायं नव देवा नव देवसया प० एवं अरिगिक्खासि एवं रिट्ठासि

॥ ८९५-६ ॥ णव गेवेज्जविमाणपत्थडा प० तं० हेट्टिमहेट्टिमगेविज्जविमाणपत्थडे
हेट्टिममज्झिमगेविज्जविमाणपत्थडे हेट्टिमउवरिमगेविज्जविमाणपत्थडे मज्झिमहेट्टि-
मगेविज्जविमाणपत्थडे मज्झिममज्झिमगेविज्जविमाणपत्थडे मज्झिमउवरिमगेविज्जवि-
माणपत्थडे उवरिमहेट्टिमगेविज्जविमाणपत्थडे उवरिममज्झिमगेविज्जविमाणपत्थडे
उवरिमउवरिमगेविज्जविमाणपत्थडे ॥ ८९७ ॥ एएसि णं णवण्हं गेविज्जविमाणपत्थ-
डाणं णव नामधिजा प० तं० भेदे सुभेदे सुजाए सोमणसे पियदरिसणे, सुदंसणे
अमोहे य सुप्पबुद्धे जसोधरे ॥ ८९८ ॥ नवविहे आउपरिणामे प० तं० गइपरि-
णामे गइबंधणपरिणामे ठिइपरिणामे ठिइबंधणपरिणामे उणुंगारवपरिणामे अहे-
गारवपरिणामे तिरियंगारवपरिणामे वीहंगारवपरिणामे रहस्संगारवपरिणामे ॥ ८९९ ॥
नवनवमिया णं भिक्खुपडिमा एगासीए राइदिएहिं चउहिं य पंचुनारेहिं भिक्खु-
सएहिं अहासुत्ता जाव आराहिया यावि भवइ ॥ ९०० ॥ नवविहे पायच्छित्ते
प० तं० आलायणारिहे जाव मूलारिहे अणवठुप्पारिहे ॥ ९०१ ॥ जंबूमंदरदाहि-
णेणं भरहे वीहवेयन्हे नव कूडा प० तं० सिद्धे भरहे खंडग माणी वेयन्हु पुण्ण
तिमिसगुहा, भरहे वेसमणे या भरहे कूडाण णामाई ॥ ९०२ ॥ जंबूमंदरदाहिणेणं
निसभे वासहरपव्वए णवकूडा प० तं० सिद्धे निसहे हरिवास विदेह हरि धिइ
अ सीओया, अवरविदेहे ह्यगे निसभे कूडाण नामाणि ॥ ९०३ ॥ जंबूमंदरपव्वए
णंदणवणे णव कूडा प० तं० णंदणे मंदरे चेव निसहे हेमवए रयय ह्यए य,
सागरचित्ते वइरे बल्लकूडे चेव बोद्धव्वे ॥ ९०४ ॥ जंबूमालवंतवक्खारपव्वए णव
कूडा प० तं० सिद्धे य मालवंते य उन्नरकुरु कच्छ सागरे रयए, सीया तह पुण्ण-
णामे हरिस्सहकूडे य बोद्धव्वे ॥ ९०५ ॥ जंबू० कच्छे वीहवेयन्हे नव कूडा प० तं०
सिद्धे कच्छे खंडग माणी वेयन्हु पुण्ण निमिसगुहा, कच्छे वेसमणे या कच्छे कूडाण
णामाई ॥ ९०६ ॥ जंबू० सुकच्छे वीहवेयन्हे णव कूडा प० तं० सिद्धे सुकच्छे खंडग
माणी वेयन्हु पुण्ण तिमिसगुहा; सुकच्छे वेसमणे या सुकच्छे कूडाण णामाई
॥ ९०७ ॥ एवं जाव पोक्खलावईमि वीहवेयन्हे एवं कच्छे वीहवेयन्हे एवं जाव
मंगलावईमि वीहवेयन्हे ॥ ९०८ ॥ जंबू० विज्जुप्पभे वक्खारपव्वए नव कूडा प०
तं०-सिद्धे अ विज्जुणामे देवकुरा पम्ह कणग सोवत्थी, सीओयाए सज्जे हरिकूडे
चेव बोद्धव्वे ॥ ९०९ ॥ जंबू० पम्हे वीहवेयन्हे नव कूडा प० तं०-सिद्धे पम्हे
खंडग माणी वेयन्हु एवं चेव जाव सलिलावईमि वीहवेयन्हे एवं वप्पे वीहवेयन्हे एवं जाव
गंधिलावईमि वीहवेयन्हे नव कूडा प० तं०-सिद्धे गंधिल खंडग माणी वेयन्हु पुच
तिमिसगुहा; गंधिलावइ वेसमण कूडाणं होति णामाई (१) एवं सव्वेस वीहवेयन्हेस

दो कूडा सरिसणामगा सेसा ते चेव ॥ ९१० ॥ जंबूमदरउत्तरेणं नीलवन्ते वासहर-
 पव्वए णव कूडा प० तं० सिद्धे नीलवन्त विदेहे सीया कित्ती य नारिकंता य, अब-
 रविदेहे रम्मगकूडे उवदंसणे चेव ॥ ९११ ॥ जंबूमदरउत्तरेणं एरवए वीहवेयधुं
 नव कूडा प० तं० सिद्धे रयणे खंडग माणी वेयधु पुण्ण तिमिसगुहा, एरवए वेस-
 मणे एरवए कूडणामाई ॥ ९१२ ॥ पासे णं अरहा पुरिसादाणिए वज्जरिसहणा-
 रायसंधयणे समचउरंससंडाणसंठिए नव रयणीओ उच्चं उच्चतेणं होत्या ॥ ९१३ ॥
 समणस्स णं भगवओ महावीरस्स तित्थंसि णवहिं जीवेहिं तित्थगरणामगोत्ते कम्म्ये
 णिव्वत्तिए तं० सेणिएणं सुपासेणं उदाङ्गा पोट्टिल्लेणं अणगारेणं दढाउणा संखेणं
 सयएणं सुलसाए सावियाए रेवईए ॥ ९१४ ॥ एस णं अज्जे । कण्हे वासुदेवे, रामे
 बलदेवे, उदए पेडाळपुणे, पुट्टिल्ले, सयये गाहावई, दारए नियंठे, सच्चई नियंठीपुत्ते,
 साविययुद्धे अंबडे परिव्वायाए, अज्जाविणं सुपासा पासावच्चिज्जा, आगमेस्साए उस्स-
 प्पिणीए चाउज्जामं धम्मं पन्नवइत्ता सिज्झिहिति जाव अंतं काहिति ॥ ९१५ ॥ एस
 णं अज्जे ! सेणिए राया भिमिसारे कालमासे कालं किच्चा इमीसे रयणप्पभाए पुढ-
 वीए सीमंतए नरए चउरासीइवाससहस्सट्ठिईर्यंसि निरयांसि णेरइयणाए उववच्चिहिति
 से णं तत्थ णेरइए भविस्सइ काले कालोभासे जाव परमकिण्हे वज्जेणं से णं तत्थ
 वेयणं वेदिहिति उज्जलं जाव दुरहियांसं से णं तओ नरयाओ उव्वट्टेणा आगमेस्साए
 उस्सप्पिणीए इहेव जंबुद्वीवे वीवे भारहे वासे वेयधुगिरिपायमूले पुंडेसु जणवएसु
 सयदुवारे णयरे संमुइस्स कुलगरस्स भहाए भारियाए कुच्चिसि पुमत्ताए पच्चा-
 याहिइ तए णं सा भहा भारिया नवण्हं मासाणं बहुपडिपुण्णाणं अदट्टमाणं व राई-
 दियाणं वीइक्कंणाणं सुकुमालपाणिपायं अहीणपडिपुण्णपंचिदियसरीरं लक्खणवज्जण०
 जाव सुखं दारगं पयाहिती अं रयणिं च णं से दारए पयाहिती तं रयणिं च णं
 सयदुवारे णयरे सच्चंतरबाहिए भारग्गसो य कुंभग्गसो य पउमवासे य रयणवासे
 य वासे वासिहिति तए णं तस्स दारगस्स अम्मापियरो एक्कारसमे दिवसे वइक्कंते
 जाव बारसाहे दिवसे अयमेयारुखं गोण्णं गुणनिप्फण्णं नामधिज्जं काहिति जम्हा णं
 अम्हं इमंसि दारगंसि जायंसि समारणंसि सयदुवारे नयरे सच्चिंतरबाहिए भार-
 ग्गसो य कुंभग्गसो य पउमवासे य रयणवासे य वासे बुट्टे तं होउ णं अम्हं इमस्स
 दारगस्स नामधिज्जं महापउमे तए णं तस्स दारगस्स अम्मापियरो नामधिज्जं
 काहिति महापउमेति, तए णं महापउमं दारगं अम्मापियरो साइरेणं अट्टवासजाययं
 जाणित्ता मह्वा रायाभिसेएणं अभिसिंघिहिति से णं तत्थ राया भविस्सइ मह्वा
 हिमवतमईतभल्लयमेदररायवज्जओ जाव रज्जे पसाहेमाणे विहरिस्सइ तए णं तस्स

महापउमस्स रत्तो अजया कयाइ दो देवा महिच्चिया जाव महेसक्खा सेणाकम्मं काहेति तं० पुण्णभइए माणिभइए तए णं सयदुवारे णयरे बहवे राईसरतलवरमा-
 ङं वियकोडुं वियइब्भसेट्टिसेणावइसत्थवाहप्पभिइयो अजमच्चं सदावेहिंति एवं वइस्संति जम्हा णं देवाणुप्पिया ! अम्हं महापउमस्स रत्तो दो देवा महिच्चिया जाव महेसक्खा
 सेणाकम्मं करेति तं० पुञ्जभदे य माणिभदे य तं होउ णं अम्हं देवाणुप्पिया ! महा-
 पउमस्स रत्तो दोच्चेवि नामधेजे देवसेणे, तए णं तस्स महापउमस्स दोच्चेवि नाम-
 धेजे भविस्सइ देवसेणेति २ तए णं तस्स देवसेणस्स रण्णो अण्णया कयाइ सेयसं-
 खतलविमलसन्निकासे चउदंते हत्थिरयणे समुप्पज्जिहिति तए णं से देवसेणे राया
 तं सेयसखतलविमलसन्निकासं चउदंतं हत्थिरयणं दुरुडे समाणे सयदुवारं णगर
 मज्झंमज्जेणं अभिक्खणं २ अइच्चाहि य णिच्चाहि य, तए णं सयदुवारे णगरे बहवे
 राईसरतलवर जाव अजमच्चं सदावेहिंति २ एवं वइस्संति जम्हा णं देवाणुप्पिया !
 अम्हं देवसेणस्स रत्तो सेयसंखतलविमलसन्निकासे चउदंते हत्थिरयणे समुप्पजे
 तं होउ णं अम्हं देवाणुप्पिया ! देवसेणस्स रण्णो तच्चेवि णामधेजे विमलवाहणे
 तए णं तस्स देवसेणस्स रत्तो तच्चेवि णामधेजे भविस्सइ विमलवाहणे २ तए णं
 से विमलवाहणे राया तीसं वायाइ अगारवासमज्जे वसित्ता अम्मापिइहिं
 देवत्तागएहिं गुह्महत्तरएहिं अब्भणुजाए समाणे उदुंमि सरए संबुदे अणुत्तरे
 मोक्खमग्गे पुणरवि लोगतिएहिं जीयकप्पिएहिं देवेहिं ताहिं इट्ठाहिं कंताहिं पियाहिं
 मणुजाहिं मणामाहिं उरालाहिं कल्लाणाहिं धजाहिं सिवाहिं मंगळाहिं सस्सिरीआहिं
 वग्गुहिं अभिणंदिजमाणे अभिधुवमाणे य बहिया सुभूमिभागे उज्जाणे एणं
 देवदूसमादाय मुंढे भविता अगाराओ अणगारियं पव्वयाहिति तस्स णं भगवंतस्स
 साइरेगाइ दुवालस वासाइ निच्चं वोमट्टकाए वियत्तादेहे जे केइ उवसग्गा
 उप्पज्जति तं० दिच्चा वा माणुसा वा तिरिक्खजोणिया वा ते उप्पजे सम्मं सहिस्सइ
 खमिस्सइ तित्तिक्खिस्सइ अहियासिस्सइ तए णं से भगवं इरियासमिए मातासमिए
 जाव गुत्तवंभयारी अममे अक्किंचणे छिन्नगंधे निरुवलेवे कंसपाइं व मुक्कतोए जहा
 भावणाए जाव सुहुयहुयासणेइव तेयसा जलंते, कंसं संखे जीवे गगणे वाए य सारए
 सल्लिडे, पुक्खरपणे कुम्मे विहगे खम्मे य भारंढे (१) कुंजर बसहे हीहे नगराया
 चेव सागरमक्खोभे, चंदे सुरे कण्णे बभ्रुंधरा चेव सुहुयहुए (२) नत्थि णं तस्स
 भगवंतस्स कत्थइ पडिबंधे भवइ, से य पडिबंधे चउत्विहवे ५० तं०—अंइए वा पोय-
 एइ वा उग्गहेइ वा पग्गहिंएइ वा जं णं जं णं दिसं इच्छइ तं णं तं णं दिसं अपडिच्छे
 सुइभूए लहुभूए अणप्पगंधे संजमेणं अप्पणं भावेमाणे विहरिस्सइ, तस्स णं अयत्तइ

अणुत्तरेणं नाणेणं अणुत्तरेणं दंसणेणं अणुत्तरेणं चरितेणं एवं आल्लएणं विहारेंणं अज्जवे मह्वे लाघवे खंती मुत्ती गुत्ती सच्च संजम तवगुणसुचरियसोवक्खियफलपरि-
निव्वाणमग्गेणं अप्पाणं भावेमाणस्स ज्ञाणंतरियाए वट्टमाणस्स अणंतं अणुत्तरे
निव्वाणाए जाव केवलवरनाणदंसणे समुप्पज्जिहिति, तए णं से भगवं अरहा खिणे
भविस्सइ केवली सच्चन्नू सच्चदरिसी सदेवमणुयासुरस्स लोगस्स परियागं जाणइ
पासइ सच्चलोए सच्चजीवाणं आगइ गइं ठिइं चत्तं उववायं तं मणोमाणसिर्व
भुत्तं कइं परिसेवियं आत्तीकम्मं रहोकम्मं अरहा अरहस्स मागी तं तं कालं मणस-
वयसकाइए जोगे वट्टमाणं सच्चलोए सच्चजीवाणं सच्चभावे जाणमाणे पासमाणे
विहरइ, तए णं से भगवं तेणं अणुत्तरेणं केवलवरनाणदंसणेणं सदेवमणुआसुरल्लोणं
अभिसमिच्चा समणाणं णिग्गंथाणं पंच महव्वयाइं सभावणाइं छच्च जीवनिक्कायधम्मं
देसेमाणे विहरिस्सइ मे जहाणामए अज्जे ! मए समणाणं णिग्गंथाणं एगे आरंभ-
ठाणे पण्णते एवामेव महापउमेवि अरहा समणाणं णिग्गंथाणं एणं आरंभट्टाणं पञ्च-
वेहिति, से जहाणामए अज्जे ! मए समणाणं णिग्गंथाणं दुविहे बंधणे ५० तं०
पेज्जबंधणे, दोसबंधणे, एवामेव महापउमेवि अरहा समणाणं णिग्गंथाणं दुविहं
बंधणं पञ्चवेहिती तं० पेज्जबंधणं च दोमबंधणं च से जहाणामए अज्जे ! मए
समणाणं णिग्गंथाणं तओ दंडा ५० तं० मणदंडे ३ एवामेव महापउमेवि समणाणं
णिग्गंथाणं तओ दंडे पण्णवेहिती तं० मणोदंडं ३ से जहाणामए एएणं अभिल्लावेणं
चत्तारि कमाया ५० तं० कोहकसाए ४ पंच कामगुणे ५० तं० सदे ५ छज्जीवनिक्काया
५० तं० पुडविकाइया जाव तसकाइया एवामेव जाव तसकाइया से जहाणामए
एएणं अभिल्लावेणं सत्त भयट्टाणा ५० तं० एवामेव महापउमेवि अरहा समणाणं
णिग्गंथाणं सत्त भयट्टाणा पञ्चवेहिती, एवमट्ट मयट्टाणे, णव बंभचेरगुत्तीओ दस-
विहे समणधम्मं एवं जाव तेत्तीसमासायणाउत्ति से जहाणामए अज्जे ! मए सम-
णाणं णिग्गंथाणं खेरकप्पे जिणकप्पे मुंडभावे अण्णाणए अदंतवणे अच्छत्तए
अणुवाहणए भूमिसेज्जा फलासेज्जा कट्टसेज्जा केसलोए बंभचेरवासे परघरपवेसे
जाव लद्धावल्लद्वितीओ ५० एवामेव महापउमेवि अरहा समणाणं णिग्गंथाणं
खेरकप्पं जिणकप्पं जाव लद्धावल्लद्विती पण्णवेहिती, से जहाणामए अज्जे !
मए समणाणं णिग्गंथाणं आहाकम्मिए वा उदेसिए वा मीसजाए वा अण्णोव-
रए वा पूए कीए यामिणे अच्छेजे अणिसट्ठे अभिहजे वा कंतारभरोइ वा दुक्कि-
क्खभरोइ वा मिलावभरोइ बहुत्तियाभरोइ वा पाहुणभरोइ वा मूल्लभोयभरोइ वा कंइ-
फलं धीयं हरियभोयभरोइ वा पक्खिसेइ एवामेव महापउमे वि अरहा समणाणं०

आहाकम्मियं वा जाव हरियभोयणं वा पडिसेहिस्सइ, से जहाणामए अज्जो ! मए समणाणं णिग्गंथाणं पंचमहव्वइए सपडिक्कमणे अचेलए धम्मे प० एवामेव महापउमेवि अरहा समणाणं णिग्गंथाणं पंचमहव्वइयं जाव अचेलं धम्मं पण्णवेहिती, से जहाणामए अज्जो ! मए पंचाणुव्वइए सप्तसिक्खावइए दुवाल्सविहे सावगधम्मं प० एवामेव महापउमेवि अरहा पंचाणुव्वइयं जाव सावगधम्मं पण्णवेस्सइ, से जहाणामए अज्जो ! मए समणाणं णिग्गंथाणं सेजायरपिडेइ वा रायपिडेइ वा पडिस्सिद्धे एवामेव महापउमेवि अरहा समणाणं णिग्गंथाणं सेजायरपिडेइ वा जाव पडिसेहिस्सइ, से जहाणामए अज्जो ! मम णव गणा इगारस गणहरा, एवामेव महापउमस्स वि अरहओ णव गणा इगारस गणहरा भविस्संति । से जहाणामए अज्जो ! अहं तीसं वासाइं अगारवासमज्जे वसित्ता मुंढे भविन्ता जाव पव्वइए दुवाल्स संवच्छराइं तेरस पक्खा छउमत्थपरियागं पाउणिता तेरमहिं पक्खेहिं ऊणगाइं तीसं वासाइं केवल्लिपरियागं पाउणिता बायालीसं वामाइं सामण्णपरियागं पाउणिता वावत्तरी वासाइं सव्वाउयं पालइता सिज्झिस्सं जाव सव्वदुक्खानमंतं करेस्सं, एवामेव महापउमेवि अरहा तीसं वासाइं अगारवासमज्जे वसित्ता जाव पव्विहिति दुवाल्स संवच्छराइं जाव वावत्तरिवासाइं सव्वाउयं पालइता सिज्झिहिती जाव सव्वदुक्खानमंतं काहिती, “जंसीलसमायागे अरहा तित्थंक्रो महावीरो, नस्सीलसमायारो होइ उ अरहा महापउमे ॥ ९१६ ॥ महापउमचरिअं समचं ॥

णव णक्खत्ता चंदस्स पच्छंभागा प० तं० अभिइं सवणो धणिट्ठा रेवइ अस्सिणि मग्गस्तिर पृग्गे, हत्थो चिन्ता य तथा पच्छंभागा णव हवंति ॥ ९१७ ॥ आणयपाणयआरणञ्चएसु कपेसु विमाणा णव जोयणमयाइं उक्कं उक्खनेणं प० ॥ ९१८ ॥ विमलवाहणे णं कुलगरे णव धणुमयाइं उक्कं उक्खनेणं होन्था ॥ ९१९ ॥ उसमे णं अरहा कोमलिए णं इमासे ओमपिणीए णवहिं सागरोवमकोडाकोवीहिं विइंकांताहिं तित्थे पवत्तिए ॥ ९२० ॥ घणदंतलट्ठदंतगुडदंतसुद्धदंतवीवा णं वीवा णवणवजोयणसयाइं आयामविक्खंभेणं प० ॥ ९२१ ॥ सुक्कस्म णं महागहस्स णव वीहीओ प० तं०—हयवीही गयवीही णागवीही बसहवीही गोवीही उरगवीही अयवीही भियवीही वेसाणरवीही ॥ ९२२ ॥ नवविहे नोक्कसायवेयणिजे कम्मं प० तं०—इत्थिवेए पुरिसवेए णपुंसगव्वेए हासे रइं अरइं भये सोगे दुग्गंछे ॥ ९२३ ॥ चउरिदियाणं णव जाइकुलकोवीजोणिपमुहसयसहस्सा प० ॥ ९२४ ॥ भुयगपरिसप्पवलयरपंचिदियतिरिक्खजोणियाणं नवजाइकुलकोवीजोणिपमुहसयसहस्सा प० ॥ ९२५ ॥ जीवा णं णवदुणानिवत्तिए पोम्मेडे पावकम्मणाए चिणिसु वा ३ ॥ ९२६ ॥ पुडि-

कह्यनिवतिए जाव पविदियनिवतिए एवं विण उवविण जाव णिजरा चेव
 ॥ ९२७ ॥ णव पएसिया खंधा अणता प० ॥ ९२८ ॥ णव पएसोगाढा पोग्गला
 अणता प० ॥ ९२९ ॥ जाव णव गुणलुक्खा पोग्गला अणता प० ॥ ९३० ॥
 नवमं टाणं नवममज्झयणं समत्तं ॥

दसमहाणं

दसविहा लोगतुट्टिं प० तं० जणं जीवा उदाइता २ तत्येव २ भुज्जे २ पच्चार्यति,
 एवं एगा लोगतुट्टिं प० १ जणं जीवाणं सया समियं पावे कम्मे कब्बइ एवं एगा
 लोगतुट्टिं प० २ जणं जीवा सया समियं मोहणिज्जे पावे कम्मे कब्बइ एवं एगा लोग-
 तुट्टिं प० ३ ण एवं भूयं वा भव्वं वा भविस्सइ वा जं जीवा अजीवा भविस्संति
 अजीवा वा जीवा भविस्संति एवं एगा लोगतुट्टिं प० ४ ण एवं भूयं ३ जं तसा
 पाणा वोच्छिज्जिस्संति थावरा पाणा वोच्छिज्जिस्संति तसा पाणा भविस्संति वा एवं पि
 एगा लोगतुट्टिं प० ५ ण एवं भूयं वा ३ जं लोगे अलोगे भविस्सइ अलोगे वा लोगे
 भविस्सइ एवं एगा लोगतुट्टिं प० ६ ण एवं भूयं वा ३ जं लोए अलोए पविस्सइ
 अलोए वा लोए पविस्सइ एवं एगा लोगतुट्टिं प० ७ जाव ताव लोगे ताव ताव
 जीवा जाव ताव जीवा ताव ताव लोए एवं एगा लोगतुट्टिं प० ८ जाव ताव जीवाण
 य पोग्गलाण य गइपरियाए ताव ताव लोए जाव ताव लोए ताव ताव जीवाण य
 पोग्गलाण य गइपरियाए एवं एगा लोगतुट्टिं प० ९ सव्वेसु वि णं लोगतंतु अषड-
 पासुपुट्टा पोग्गला लुक्खताए कब्बंति जेणं जीवा य पोग्गला य नो संचार्यति बहिया
 लोगंता गमणयाए एवं एगा लोगतुट्टिं पण्णाता ॥ ९३१ ॥ दमविहें सइ प० तं०
 नीहारि विडिमे लुक्खे भिजे जज्जरिए इय; दीहे रहस्से पुहत्ते य, काकणी सिखि-
 णिस्सरे ॥ ९३२ ॥ दस ईदियत्थातीता प० तं० देसेण वि एगे सहाईं सुणिंसु
 सव्वेण वि एगे सहाईं सुणिंसु देसेण वि एगे रुवाइं पासिसु सव्वेण वि एगे रुवाइं
 पासिसु एवं गंधाईं रसाईं फासाईं जाव सव्वेण वि एगे फासाईं पडिसंवेदेंसु
 ॥ ९३३ ॥ दस ईदियत्था पडुप्पत्ता प० तं०-देसेण वि एगे सहाईं सुणेति, सव्वेण
 वि एगे सहाईं सुणेति, एवं जाव फासाईं, दस ईदियत्था अणागया प० तं०-देसेण
 वि एगे सहाईं सुणिस्संति सव्वेण वि एगे सहाईं सुणिस्संति एवं जाव सव्वेण वि
 एगे फासाईं पडिसंवेदेस्संति ॥ ९३४ ॥ दसहिं टाणेहिं अक्खिजे पोग्गले चळेज्जा
 तं०-आहारिज्जमाणे वा चळेज्जा, परिणामेज्जमाणे वा चळेज्जा, उस्ससिज्जमाणे वा
 चळेज्जा, निस्ससिज्जमाणे वा चळेज्जा, वेदेज्जमाणे वा चळेज्जा, विज्जरिज्जमाणे वा

चलेजा, विउव्विज्जमाणे वा चलेजा, परियारिज्जमाणे वा चलेजा, जक्खाइहे वा चलेजा, वायपरिग्गहे वा चलेजा ॥ ९३५ ॥ दसहिं ठाणेहिं कोहुप्पत्ती सिया तं० मणुजाइं मे सद्दफरिसरसरूवगंधाइभवहरिसु, अमणुजाइं मे सद्दफरिसरसरूवगंधाइं उवहरिसु, मणुजाइं मे सद्दफरिसरसरूवगंधाइं अवहरइ, अमणुजाइं मे सद्दफरिसरजावगंधाइं उवहरइ, मणुणाइं मे सद्द जाव अवहरिस्सइ, अमणुणाइं मे सद्द जाव उवहरिस्सइ, मणुणाइं मे सद्द जाव गंधाइं अवहरिसु वा अवहरइ अवहरिस्सइ, अमणुणाइं मे सद्द जाव उवहरिसु वा उवहरइ उवहरिस्सइ, मणुणाअमणुणाइं सद्द जाव अवहरिसु अवहरइ अवहरिस्सइ उवहरिसु उवहरइ उवहरिस्सइ अहं च णं आयरियउवज्जायाणं सम्मं वट्ठामि ममं च णं आयरियउवज्जाया मिच्छं पडिक्कत्ता ॥ ९३६ ॥ दसविहे संजमे प० तं० पुढविकाइयसंजमे जाव वणस्सइकाइयसंजमे बेइंदियसंजमे तेइंदियसंजमे चउरिंदियसंजमे पांचेदियसंजमे अजीवकायसंजमे ॥ ९३७ ॥ दसविहे असंजमे प० तं० पुढविकाइयअसंजमे, आउ० तेउ० वाउ० वणस्सइ० जाव अजीवकायअसंजमे ॥ ९३८ ॥ दसविहे संवरे प० तं०—सोइंदियसंवरे जाव फासिंदियसंवरे मण० वय० काय० उवकरण० सूचीकुमग्गसंवरे ॥ ९३९ ॥ दसविहे असंवरे प० तं०—सोइंदियअसंवरे, जाव सूचीकुमग्गअसंवरे ॥ ९४० ॥ दसहिं ठाणेहिं अहमंताति यंभिजा तं०—जाइमएण वा कुलमएण वा जाव इस्सरियमएण वा णागसुवत्ता वा मे अतियं हव्वमागच्छंति, पुरिमधम्माओ वा मे उत्तरिए अहोहिए नाणदंमणे समुप्पत्ते ॥ ९४१ ॥ दसविहा समाही प० तं०—पाणाइवायवेरमणे, मुसा० अदिजा० मेहुण० परिग्गह० इरियासमिई भासा० एसणा० आसाण० उच्चारपासवणखेलज्जासिंघाणपरिट्ठावणियाममिई ॥ ९४२ ॥ दसविहा असमाही प० तं० पाणाइवाए जाव परिग्गहे, इरियाऽसमिई जाव उच्चार० ॥ ९४३ ॥ दसविहा पव्वजा प० तं०—छंदा रोमा परिजुजा सुविणा पडिस्सुआ चेव सारणिया रोणिक्किया अणाडिया देवसज्जत्ता वच्छाणुबंधिया ॥ ९४४ ॥ दसविहे ममणधम्ममे प० तं० खंती मुत्ती अज्जेव महवे लाघवे सत्ते संजमे तवे चियाए बंधचेरवासे ॥ ९४५ ॥ दसविहे वेयावत्ते प० तं० आयरियवेयावत्ते उवज्जायवेयावत्ते थेरवेयावत्ते तवस्सि० मिलाण० संह० कुल० गण० संघवेयावत्ते साहम्मियवेयावत्ते ॥ ९४६ ॥ दसविहे जीवपरिणामे प० तं० गहपरिणामे इंदियपरिणामे कसयपरिणामे केस्सा० जौय० उवओग० णाण० दंसण० चरित्त० वेयपरिणामे ॥ ९४७ ॥ दसविहे अजीवपरिणामे प० तं० बंधणपरिणामे गइ० संठाण० मेद० वण्ण० रस० गंध० फास० अणु-रूल्हु० सद्दपरिणामे ॥ ९४८ ॥ दसविहे अंतलिक्किए असज्जाइए प० तं०—

उक्त्वाबाए दिसिदाधे गजिए विज्जुए निग्वाए जूयए जक्खालित्ते धूमिया महिवा
 रयउग्वाए ॥ ९४९ ॥ दसविहै ओरालिए असज्जाइए प० तं०-अट्टि मंसं सोणिए
 असुइमामंते सुसाणसामंते चंदोबराए सूरुवराए पढणे रायकुग्गहे उवस्तयस्स
 अंतो ओरालिए सरीरगे ॥ ९५० ॥ पंचिदियाणं जीवाणं असमारभमाणस्स दस-
 विहे संजमे कज्जइ तं०-सोयामयाओ सुक्खाओ अववरोवेत्ता भवइ, सोयामएणं
 तुक्खेणं असंजोगेत्ता भवइ, एवं जाव फासामएणं तुक्खेणं असंजोएत्ता भवइ, एवं
 असंजमोवि भाणियव्वो ॥ ९५१ ॥ दमसुहुमा प० तं०-पाणसुहुमे, पणगसुहुमे
 जाव सिणेहसुहुमे, गणियसुहुमे, भंगसुहुमे ॥ ९५२ ॥ जंबूमंदरदाहिणेणं गंगास्सि-
 महणइओ दममहाणइओ ममप्पेंति तं० जउणा, सरऊ, आवी, कोसी, मही, सिंधु,
 विवच्छा, विभासा, एरावई, चंदभागा ॥ ९५३ ॥ जंबूमंदरउत्तरेणं रत्तारत्तवईव्वे
 महाणइओ दस महाणइओ समप्पेंति तं०-किण्हा, महाकिण्हा, नीला, महानीला,
 तीरा, महातीरा, ईदा जाव महाभोगा ॥ ९५४ ॥ जंबुईवि बीचे भारहे वासे दस
 रायहाणीओ प० तं० चंपा, महुरा, वाणारसी य, सावत्थी, तह य साएयं, हत्थि-
 णाउर, कपिल्लं, मिहिला, कोसंबि, रायगिहं ॥ ९५५ ॥ एयासु णं दस रायहाणीसु
 दस रायाणो सुंडा भवेत्ता जाव पव्वइया, तं०-भरहे, सगरो, मघवं, सर्णकुमारो,
 संती, कुंधू, अरे, महापउमे, हरिसेणो, जयणामे ॥ ९५६ ॥ जंबूमंदरपव्वए दस
 जोयणसयाइ उव्वेहेणं धरणिनळे दस जोयणसहस्साइ विक्खंभेणं उवरिं दमजोक्-
 णमयाइ विक्खंभेणं दमदसाइ जोयणसहस्साइ सब्बमोणं प० ॥ ९५७ ॥ जंबुईवि
 बीचे मंदरस्स पव्वयस्स बहुमज्झदेसभाए इमीसे रयणप्पभाए पुट्टवीए उवरिमहे-
 ट्ठिल्लेसु सुव्वगपयरेसु एत्थ णं अट्ट पएम्मिए क्यगे प० जओ णं इमाओ दम दिसाव्वे
 पव्वइति तं० पुरच्छिमा, पुरच्छिमदाहिणा, दाहिणा, दाहिणपच्चत्थिमा, पच्चत्थिमा,
 पच्चत्थिमुत्तरा, उत्तरा, उत्तरपुरच्छिमा, उट्टा, अहो ॥ ९५८ ॥ एएसि णं दसहं दिसाव्वं
 दस णामधिजा, प० तं०-ईदा अग्गीइ जमा णेरई वारुणी य बायव्वा, सोमा ईसा-
 णावि य विमला य तमा य बोद्धव्वा ॥ ९५९ ॥ लवणस्स णं समुइस्स दस जोयण-
 सहस्साइ गोसित्थविरहिए खेत्ते प० ॥ ९६० ॥ लवणस्स णं समुइस्स दस जोयण-
 सहस्साइ उदगमाले पत्तते ॥ ९६१ ॥ सब्बेवि णं महापायाळा दसदसाइ जोयण-
 सहस्साइ उव्वेहेणं प० मूले दस जोयणसहस्साइ विक्खंभेणं प० बहुमज्झदेसमामे
 ष्णपएसिमाए सेवीए दसदसाइ जोयणसहस्साइ विक्खंभेणं प० उवरिं मुहमूले दस
 जोयणसहस्साइ विक्खंभेणं प० सेसि णं महापायाळारं कुट्टा सब्बवइरत्तमा सब्ब-
 स्वत्तमा दस जोयणसयाइ बहल्लेणं प० सब्बेवि णं सुद्धा पायाळा दस जोयणसयाइ

उब्बेहेणं प० मूले दसदसाई ज्योणयाई विक्खंभेणं बहुमज्जदेसभाए एगपएसियाए
 सेडीए दस ज्योणसयाई विक्खंभेणं प० उवरिं मुहमूले दसदसाई ज्योणयाई विक्खं-
 भेणं प० तेलिं णं खुवापायालाणं कुडा सव्ववइरामया सव्वत्थ समा दस ज्योणयाई
 बाह्णेणं प० ॥ ९६२ ॥ धायइसंडगा णं मंदरा दस ज्योणसयाई उब्बेहेणं धर-
 णितले देसुणाई दस ज्योणसहस्साई विक्खंभेणं उवरिं दस ज्योणसयाई विक्खं-
 भेणं प० ॥ ९६३ ॥ पुक्खरवरणीवद्धगा णं मंदरा दस ज्योण एवं चेव
 ॥ ९६४ ॥ सव्वेवि णं वट्टेयवपव्वया दसज्योणसयाई उब्बुं उच्चतेणं दस गाउ-
 यसयाई उब्बेहेणं सव्वत्थसमा पल्लगसंठाणसंठिया दसज्योणसयाई विक्खंभेणं प०
 ॥ ९६५ ॥ जंबुदीवे रीवे दस खेत्ता प० तं० भरहे एरवए हेमवए हेरभवए
 हरिवस्से रम्मगवस्से पुव्वविदेहे अवरविदेहे देवकुरा उमरकुरा ॥ ९६६ ॥
 माणुसुतरे णं पव्वए मूले दस बावीसे ज्योणसए विक्खंभेणं प० ॥ ९६७ ॥
 सव्वेवि णं अंजणगपव्वया दस ज्योणसयाई उब्बेहेणं मूले दस ज्योण-
 सहस्साई विक्खंभेणं उवरिं दस ज्योणसयाई विक्खंभेणं प० ॥ ९६८ ॥ सव्वेवि
 णं दहिमुहपव्वया दस ज्योणसयाई उब्बेहेणं सव्वत्थसमा पल्लगसंठाणसंठिया
 दस ज्योणसहस्साई विक्खंभेणं प० ॥ ९६९ ॥ सव्वेवि णं रइकरयपव्वया
 दस ज्योणसयाई उब्बुं उच्चतेणं दस गाउयसयाई उब्बेहेणं सव्वत्थसमा झल्लरिमंठाण-
 संठिया दस ज्योणसहस्साई विक्खंभेणं प० ॥ ९७० ॥ रुयगवरे णं पव्वए दस
 ज्योणसयाई उब्बेहेणं, मूले दस ज्योणसहस्साई विक्खंभेणं उवरिं दस ज्योण-
 सयाई विक्खंभेणं प० एवं कुंडलवरेवि ॥ ९७१ ॥ दसविहे दवियाणुओगे प० तं०
 दवियाणुओगे माउयाणुओगे एगट्टियाणुओगे करणाणुओगे अप्पियणप्पिए भाविया-
 भाविए बाहिराबाहिरिं सासयात्तासए तहणाणे अतहणाणे ॥ ९७२ ॥ चमरस्स णं
 असुरिंदस्स असुरकुमाररत्तो तिगिच्छिकूठे उप्पायपव्वए मूले दसबावीसे ज्योणसए
 विक्खंभेणं प० ॥ ९७३ ॥ चमरस्स णं असुरिंदस्स असुरकुमाररत्तो सोमस्स महा-
 रत्तो सोमप्पभे उप्पायपव्वए दस ज्योणसयाई उब्बुं उच्चतेणं दस गाउयसयाई
 उब्बेहेणं मूले दस ज्योणसयाई विक्खंभेणं प० ॥ ९७४ ॥ चमरस्स णं असुरिंदस्स
 असुरकुमाररत्तो जमस्स महारत्तो जमप्पभे उप्पायपव्वए एवं चेव, एवं वरुणस्सप्पि
 एवं वेसमणस्स वि ॥ ९७५ ॥ बल्लिस्स णं वइरोयणिंदस्स वइरोयणरत्तो रुयणिंदे
 उप्पायपव्वए मूले दसबावीसे ज्योणसए विक्खंभेणं प० ॥ ९७६ ॥ बल्लिस्स णं
 वइरोयणिंदस्स सोमस्स एवं चेव, जहा चमरस्स छोगपालाणं तं चेव बल्लिस्स वि
 ॥ ९७७ ॥ धरणस्स णं णागकुमारिंदस्स णागकुमाररत्तो धरणप्पभे उप्पायपव्वए

दस ज्योणसयाई उक्त्वं उच्चतेणं दस गाउयसयाई उव्वेहेणं मूले दस ज्योणसयाई विक्खंभेणं ॥ ९७८ ॥ धरणस्स नागकुमारिदस्स णं नागकुमाररण्णो कालवालस्स महारण्णो महाकालप्पमे उप्पायपव्वए दस ज्योणसयाई उक्त्वं उच्चतेणं एवं च्वेव, एवं जाव संखवालस्स, एवं भूयाणंदस्स वि, एवं लोगपालाणंपि से जहा धरणस्स, एवं जाव थणियकुमारणं सलोगपालाणं भाणियव्वं, सव्वेसि उप्पायपव्वया भाणियव्वा सरिसणामगा ॥ ९७९ ॥ सक्कस्स णं देविदस्स देवरत्तो सक्कप्पमे उप्पायपव्वए दस ज्योणसहस्साई उक्त्वं उच्चतेणं दसगाउयसहस्साई उव्वेहेणं मूले दस ज्योणसहस्साई विक्खंभेणं प० ॥ ९८० ॥ सक्कस्स णं देविदस्स देवरण्णो सोमस्स महारत्तो जहा सक्कस्स तहा सव्वेसिं लोगपालाणं सव्वेसि च इंदानं जाव अञ्जुयत्ति, सव्वेसिं पमाणमेणं ॥ ९८१ ॥ बायरवणस्सइकाइयाणं उक्कोसेणं दस ज्योणसयाई सरीरोगाहणा प० ॥ ९८२ ॥ जलचरपंचिंदियतिरिक्खजोणियाणं उक्कोसेणं दस ज्योणसयाई सरीरोगाहणा प० उरपरिमप्पथलचरपंचिंदियतिरिक्खजोणियाणं उक्कोसेणं एवं च्वेव ॥ ९८३ ॥ संभवाओ णं अरहाओ अभिनंदणे अरहा दसहिं सागरोवमक्कोठिसयसहस्सेहिं वीइकंतेहिं समुप्पजे ॥ ९८४ ॥ दसविहे अणंतए प० तं० णामाणंतए ठवणाणंतए दव्वानंतए गणणाणंतए पएसाणंतए एगओणंतए दुहओणंतए देसवित्थाराणंतए सव्ववित्थाराणंतए सासयाणंतए ॥ ९८५ ॥ उप्पायपुव्वस्स णं दस वत्थू प० ॥ ९८६ ॥ अत्थिणत्थिप्पवायपुव्वस्स णं दस चूलवत्थू प० ॥ ९८७ ॥ दसविहा पत्थिसेवणा प० तं०-दप्प पमाय णामोगे आउरे आवईसु य, संकिए सहसक्कारे भय प्पयोसा य वीर्मसा ॥ ९८८ ॥ दस आलोयणा दोसा प० तं० आर्कपइता अणुमाणइता अंरिठ्ठं बायरं च सुहुमं वा, छण्णं सहाउलगं बहुज्ज अव्वता तस्सेवी ॥ ९८९ ॥ दसहिं ठाणेहिं संपजे अणगारे अरिइइ अत्तदोसमालोएत्तए तं०-आइसंपजे कुत्तसंपजे एवं जहा अट्टुठाणे जाव खंतं दंते अमाई अपच्छाणुतावी ॥ ९९० ॥ दसहिं ठाणेहिं संपजे अणगारे अरिइइ आलोयणं पत्थिच्छिताए तं०-आयारवं अवहारवं जाव अवाअंदसी पियवम्मं दठधम्मं ॥ ९९१ ॥ दसविहे पावच्छित्ते प० तं०-आलोयणारिहे जाव अणवट्टुप्पारिहे पारंथियारिहे ॥ ९९२ ॥ दसविहे मिच्छते प० तं०-अधम्मं धम्मसण्णा धम्मं अधम्मसण्णा उम्मगो अगसण्णा मग्गे उम्मगसण्णा अजीवेसु जीवसत्ता जीवेसु अजीवसण्णा असाहुसु साहुसण्णा साहुसु असाहुसण्णा अमुत्तेसु मुत्तसण्णा मुत्तेसु अमुत्तसण्णा ॥ ९९३ ॥ चंदप्पमे नं अरहा दस पुब्बसवसहस्साई सव्वाउवं पालइता सिद्धे जावप्पहीचे ॥ ९९४ ॥ धम्मं नं अरहा दस वासवसहस्साई सव्वाउवं पालइता सिद्धे जाव-

प्पहीणे ॥९९५॥ णमी णं अरहा दस वाससहस्साई सव्वाउर्यं पालइत्ता सिद्धे जाव
 प्पहीणे ॥ ९९६ ॥ पुरिससीहे णं वासुदेवे दसवाससयसहस्साई सव्वाउर्यं पालइत्ता
 छुट्ठीए तमाए पुढवीए नेरइयत्ताए उववन्ने ॥ ९९७ ॥ णेमी णं अरहा दस धण्णई
 उड्डं उच्चतेणं दस य वाससयाई सव्वाउर्यं पालइत्ता सिद्धे जावप्पहीणे ॥ ९९८ ॥
 कण्हे णं वासुदेवे दस धण्णई उड्डं उच्चतेणं दसवाससयाई सव्वाउर्यं पालइत्ता तच्चाए
 वाल्लयप्पभाए पुढवीए नेरइयत्ताए उववन्ने ॥ ९९९ ॥ दसविहा भवणवासी देवा
 प० तं०-असुरकुमारा जाव थणियकुमारा ॥ १००० ॥ एएस्ति णं दसविहाणं
 भवणवासीणं देवाणं दस रुक्खा प० तं०-आसत्थ सत्तिवण्णे सामलि उंबर
 सिरीस दहिवन्ने, वंजुल पत्तास वप्पे तए य कणियारुक्खे ॥ १००१ ॥ दसविहे
 सोक्खे प० तं०-आरोग्ग वीहमाउं अङ्गुजं काम भोग संतोसे; अत्थि सुहभोग
 निक्खम्ममेव तत्तो अणाबाहे ॥ १००२ ॥ दसविहे उवचाए प० तं०-उग्गमोवचाए
 उप्पायणोवचाए जह पंचमे ठाणे जाव परिहरणोवचाए णाणोवचाए दंसणोवचाए
 चरित्तोवचाए अचियत्तोवचाए सारक्खणोवचाए ॥ १००३ ॥ दसविहा विमोही प०
 तं०-उग्गमविसोही उप्पायणविसोही जाव मारक्खणविसोही ॥ १००४ ॥ दसविहे
 संकिल्लेसे प० तं०-उवहिसंकिल्लेसे उवस्सयसंकिल्लेसे कसायसंकिल्लेसे भत्त-
 पाणसंकिल्लेसे मणसंकिल्लेसे वइसंकिल्लेसे कायसंकिल्लेसे णाणसंकिल्लेसे दंसणसंकिल्लेसे
 चरित्तसंकिल्लेसे ॥ १००५ ॥ दसविहे असंकिल्लेसे प० तं० उवहिसंकिल्लेसे जाव
 चरित्तसंकिल्लेसे ॥ १००६ ॥ दसविहे बले प० तं०-मोइदियबले जाव फासिदि-
 यबले णाणबले दंसणबले चरित्तबले तवबले वीरियबले ॥ १००७ ॥ दसविहे सत्थे
 प० तं०-जणवय सम्मय ठवणा नामे ह्वे पटुत्तसत्थे य, ववहार भाव जोगे दसमे
 ओवम्मयत्थे य ॥ १००८ ॥ दसविहे मोसे प० तं०-कोहे माणे माया लोभे पिजे
 तहेव दोसे य, ह्ताम भए अक्ख्खाइय उवचायनिस्सिए दसमे ॥ १००९ ॥ दसविहे
 सच्चा मोसे प० तं० उप्पज्जमीसए विगयमीसए उप्पज्जविगयमीसए जीवमीसए अजी-
 वमीसए जीवाजीवमीसए अणंतमीसए परित्तमीसए अद्दामीसए अद्ददामीसए
 ॥ १०१० ॥ दिट्ठिवायस्म णं दस नामधेज्जा प० तं० दिट्ठिवाएइ वा हेउवाएइ वा
 भूयवाएइ वा तच्चावाएइ वा सम्मावाएइ वा धम्मावाएइ वा भासाविजएइ वा पुक्क-
 गएइ वा अणुजोगएइ वा मव्वपाणभूयजीवसत्तसुहावहेइ वा ॥ १०११ ॥ दसविहे
 सत्थे प० तं०-मत्थमग्गी विसं लोणं सिणेहो खार मंबिलं, दुप्पउत्तो मणो बाया काया
 भावो य अत्थिरेइ ॥ १०१२ ॥ दसविहे दोसे प० तं०-तज्जायदोसे अग्गमग्गदोसे
 पसत्थारदोसे परिहरणदोसे, सलक्खण कारण हेउदोसे संकामणं निग्गह्णं मत्थुपोसे

॥ १०१३ ॥ दसविहे विसेसे प० तं०-बत्यु तजायदोसे य दोसे एगद्विएह य, कारणे च पद्मपुष्णे दोसे निव्वे हि अट्टमे; अत्तणा उवणीए य विसेसेति य ते दस...॥ १०१४ ॥
 दसविहे सुद्धावायाणुओगे प० तं०-वंचारे मंकारे पिकारे सेयंकारे सार्यंकारे एगणे पुहुत्ते संजहे संकामिए भिजे ॥ १०१५ ॥ दसविहे दाणे प० तं० अणुकंपा संगहे चेष भये कालुणिएह य; लज्जाए गारवेणं च, अहम्म्ये पुण सत्तमे ॥
 धम्म्ये य अट्टमे वुत्ते काहीइ य कयंति य ॥ १०१६ ॥ दसविहा गई प० तं०-
 निरयगई, निरयविग्गहगई, तिरियगई, तिरियविग्गहगई, एवं जाव सिद्धिगई, सिद्धि-
 विग्गहगई ॥ १०१७ ॥ दसमुंडा प० तं०-सोईदियमुंडे जाव फासिदियमुंडे, कोह-
 मुंडे जाव लोभमुंडे दसमे स्तिरमुंडे ॥ १०१८ ॥ दसविहे संज्ञाणे प० तं०-परि-
 कम्मं ववहारो रज्जू रासी कलासवणे य, जावंतावइ वगो घणो य तह वगवम्मो
 वि, कप्पो य ॥ १०१९ ॥ दसविहे पच्चक्खाणे प० तं०-अणागयमइकंतं कोडी-
 सहियं नियंतिर्यं चेष, सागारमणागारं, परिमाणकडं, निरवसेसं, संकेयं चेष
 अद्दाए, पच्चक्खाणं दसविहं तु ॥ १०२० ॥ दसविहा सामायारी प० तं०-इच्छा
 मिच्छा तहकारो आवस्मिया निसीहिया, आपुच्छणा य पडिपुच्छा छंदणा य निमं-
 तणा, उवसंपया य काले सामायारी भवे दसविहा उ ॥ १०२१ ॥ समणे भगवं
 महावीरे छउमत्यकालियाए अंतिमराइयंसि इमे दस महासुमिणे पासिता णं पडि-
 बुद्धे तं०-एगं च णं महाघोररुद्धित्तधरं तालपिसायं सुमिणे पराजियं पासिता णं पडि-
 बुद्धे १ एगं च णं महं सुक्खिलपक्खगं पुंसकोइल्लगं सुमिणे पासिता णं पडि-
 बुद्धे २ एगं च णं महं चित्तवित्तपक्खगं पुंसकोइल्लगं सुमिणे पासिता णं पडि-
 बुद्धे ३ एगं च णं महं दामदुगं सव्वरयणामयं सुमिणे पासिता णं पडिबुद्धे ४
 एगं च णं महं सेयं गोवग्गं सुमिणे पासिता णं पडिबुद्धे ५ एगं च णं महं पउ-
 मसरं सव्वओ समंता कुसुमियं सुमिणे पासिता णं पडिबुद्धे ६ एगं च णं महा-
 सागरं उम्मीवीचीसहस्सकळियं भुयाहिं तिन्नं सुमिणे पासिता णं पडिबुद्धे ७ एगं
 च णं महं दिणयरं तेयसा जलंतं सुमिणे पासिता णं पडिबुद्धे ८ एगं च णं महं
 हरिवैरुल्लियवज्जाभेणं निययेणमंतेणं माणुसुत्तरं पव्वयं सव्वओ समंता आवेष्टियं परि-
 वेष्टियं सुमिणे पासिता णं पडिबुद्धे ९ एगं च णं महं मंदरे पव्वए मंदरभूत्तियाओ
 उवरिं सीहासणवरगयमत्ताणं सुमिणे पासिता णं पडिबुद्धे १० जण्यं समणे भगवं
 महावीरे एगं महं घोररुद्धित्तधरं तालपिसायं सुमिणे पराजियं पासिता णं पडि-
 बुद्धे तणं समणेणं भगवत्ता महावीरेणं ओहणिये कम्म्ये मूलाओ उव्वइए १ जण्यं
 समणे भगवं महावीरे एगं महं सुक्खिलपक्खगं जाव पडिबुद्धे तं णं समणे भगवं

महावीरे सुक्लज्जाणोवगाए विहरइ २ जणं समणे भगवं महावीरे एगं महं चित्त-
 विचित्तपक्खं जाव पडिबुद्धे तं णं समणे भगवं महावीरे ससमयपरसमइयं चित्त-
 विचित्तं दुवालसंगं गण्णिपिडगं आघवेइ पण्णवेइ परूवेइ दंसेइ निदंसेइ उवदंसेइ
 तं० आयारं जाव दिट्ठिवायं ३ जणं समणे भगवं महावीरे एगं महं दामदुगं
 सव्वरयणा जाव पडिबुद्धे तं णं समणे भगवं महावीरे दुविहं धम्मं पण्णवेइ, तं०-
 अगारधम्मं च अणगारधम्मं च ४ जं णं समणे भगवं महावीरे एगं महं सेयं
 गोवगं सुमिणे जाव पडिबुद्धे तं णं समणस्स भगवओ महावीरस्स चाउव्वण्णाइण्णे
 संघे तं०-समणा समणीओ सावगा सावियाओ ५ जणं समणे भगवं महावीरे
 एगं महं पउमसरं जाव पडिबुद्धे तं णं समणे भगवं महावीरे चउव्विहे देवे पण्ण-
 वेइ, तं० भवणवासी वाणमंतरा जोइसवासी वेमाणवासी ६ जणं समणे भगवं
 महावीरे एगं महं उम्मीवीची जाव पडिबुद्धे तं णं समणेणं भगवया महावीरेणं
 अणाइए अणवदग्गे वीहमद्धे चाउरंतसंसारकंतारे तिणे ७ जणं समणे भगवं
 महावीरे एगं महं दिणकरं जाव पडिबुद्धे तं णं समणस्स भगवओ महावीरस्स
 अणंते अणुत्तरे जाव समुप्पणे ८ जणं समणे भगवं महावीरे एगं महं हरिवे-
 रुल्लिय जाव पडिबुद्धे तं णं समणस्स भगवओ महावीरस्स सदेवमणुयासुरे लोणे
 उराला कित्तिवजसइसिलोगा परिगुव्वंति इति खल्लु समणे भगवं महावीरे इइ० ९
 जणं समणे भगवं महावीरे मंदरे पव्वए मंदरचूलियाए उवरि जाव पडिबुद्धे तं
 णं समणे भगवं महावीरे सदेवमणुयासुराए परिसाए मज्झगए केवल्लिपव्वतं धम्मं
 आघवेइ पण्णवेइ जाव उवदंसेइ १० ॥ १०२२ ॥ दमविहे सरागसम्मइसणे प०
 तं०-निसग्गवएसइई आणइई सुलबीयइमेव, अभिगम वित्थारइई किरिया संखेव
 धम्मइई ॥ १०२३ ॥ दमसण्णाओ प० तं०-आहारसण्णा भयसण्णा मेहुणसण्णा
 परिग्गहसण्णा कोहसण्णा माणसण्णा मायासण्णा लोहमण्णा लोगसण्णा ओहसण्णा
 नेरइयाणं दस सण्णाओ एवं चेव एवं निरंतरं जाव वेमाधियाणं २४ ॥ १०२४ ॥
 नेरइया णं दसविहं वेयणं पक्खणुभवमाणा विहरंति तं० वीयं उत्तिणं खइं पिवासं कंडुं
 परज्झं भयं सोगं जरं वार्हि ॥ १०२५ ॥ दस ठाणाइ छउमत्ये णं सव्वभावेणं न
 जाणइ ण पासइ तं०-धम्मत्थिगायं जाव वायं अयं जिणे भविस्सइ वा ण वा भवि-
 स्सइ अयं सव्वदुक्खाणमंतं करेस्सइ वा ण वा करेस्सइ एयाणि चेव उप्पण्णयाण-
 दंसणघरे अरहा जाणइ पासइ जाव अयं सव्वदुक्खाणमंतं करेस्सइ वा ण वा करेस्सइ
 ॥ १०२६ ॥ दस दसाओ प० तं०-कम्मविवागदसाओ, उवासगदसाओ, अंतगवद-
 साओ, अणुत्तरोक्कवायदसाओ, आचारदसाओ, पद्दवायरइसाओ, वंघदसाओ,

दोगिद्विदसाओ, वीहदसाओ, संखेवियदसाओ ॥ १०२७ ॥ कम्मविवागदसाओ
दस अज्जयणा प० तं०-मियापुत्ते य गोत्तासे अंठे सगडेइ यावरे, माहणे णदिसेणे य
सोरियत्ति उदुंबरे १ सहसुदाहे आमलए कुमारे लेच्छई इइ २ ॥१०२८॥ उवासम-
दसाणं दस अज्जयणा प० तं०-आणंदे कामदेवे अ गाहावइ चूलणीपिया, सुरादेवे
चुल्लसयए गाहावइ कुंडकोलिए (१) सहालपुत्ते महासयए णदिणीपिया सालइयापिया
॥ १०२९ ॥ अंतगडदसाणं दस अज्जयणा प० तं०-णमि मातंगे सोमिले रामयुत्ते
सुदंसणे चेव, जमाली य भगाली य किकमे पल्लएइ य (१) फाले अंबडपुत्ते य एमेए
दस आहिआ ॥१०३०॥ अणुत्तरोववाइयदसाणं दस अज्जयणा प० तं०-इसिदास्ते य
धण्णे य सुणक्खत्ते य काइए, सट्टाणे सालिभदे य आणंदे तेयली इय (१) दस-
णभदे अइमुत्ते एमेए दम आहिआ ॥ १०३१ ॥ आयारदसाणं दस अज्जयणा
प० तं० वीसं असमाहिट्टाणा एगवीसं सबला तंत्तीसं आसायणाओ अट्टविहा गम्भि-
संपया दम चित्तममाहिट्टाणा एगारसउवासगपडिमाओ बारस भिक्खुपडिमाओ
पज्जोसवणाकप्पो तीसं मोहणिज्जट्टाणा आजाइट्टाणं ॥ १०३२ ॥ पण्डावागर-
णदमाणं दस अज्जयणा प० तं० उवमा संखा इत्तिभासियाई आयरियभासियाई
महावीरभासियाई खोमगपसिणाई कोमलपसिणाई अहागपसिणाई अंगुठपसिणाई
बाहुपसिणाई ॥ १०३३ ॥ बंधदसाणं दस अज्जयणा प० तं०-बंधे य मोक्खे य
देवद्वि दसारमंडळेवि य, आयरियविप्पडिवत्ती उवज्जायविप्पडिवत्ती भावणा
विमुत्ती साओ कम्मे ॥ १०३४ ॥ दोगेहिदसाणं दस अज्जयणा प० तं० वाए
विवाए उववाए सुक्खिणे कसिणे बायालीसं सुमिणे तीसं महासुमिणा वावत्तरि सच्च-
सुमिणा हारे रामे गुत्ते एमेए दस आहिआ ॥ १०३५ ॥ वीहदसाणं दस अज्ज-
यणा प० तं० चंदे सुरए सुद्धे य सिरिदेवी पभाबई वीवसमुहोववत्ती बहुपुत्ती मंद-
रेइ य धेरे संभूयविजए येरे पम्ह उसासनीसासे ॥ १०३६ ॥ संखेवियदसाणं
दस अज्जयणा प० तं० छुट्टियाविमाणपविभत्ती महत्तियाविमाणपविभत्ती अंगचू-
ल्लिया वगगचूल्लिया विवाइचूल्लिया अरुणोववाए बरुणोववाए गरुलोववाए वेलेधरो-
ववाए वेसमणोववाए ॥ १०३७ ॥ दस सागरोवमकोडाकोडीओ कालो उस्मप्पिणीए
दस सागरोवमकोडाकोडीओ कालो ओसप्पिणीए ॥ १०३८ ॥ दसविहा नेरइया
प० तं०-अर्णत्तरोववत्ता परंपरोववत्ता अर्णत्तरावगाढा परंपरावगाढा अर्णत्तराहारगा
परंपराहारगा अर्णत्तरपज्जत्ता परंपरपज्जत्ता चरिमा अचरिमा एवं निरत्तरं जाव
वेवाणिया ॥ १०३९ ॥ चउत्थीए णं पंरुप्पभाए पुडवीए दस निरयावाससस्य-
इरसा प० ॥ १०४० ॥ रक्खप्पवाए पुडवीए जहवेणं नेरइमाणं दसवाससइरसाई


ठिई प० ॥ १०४१ ॥ चउत्तीए णं पंकप्पभाए पुठवीए उक्कोसेणं नेरइयाणं दस
 सागरोवमाई ठिई प० ॥ १०४२ ॥ पंचमाए णं घूमप्पभाए पुठवीए जहणेणं
 नेरइयाणं दस सागरोवमाई ठिई प० ॥ १०४३ ॥ असुरकुमाराणं जहणेणं दस-
 काससहस्साई ठिई प० ॥ १०४४ ॥ एवं जाव थणियकुमाराणं बायरवणास्सइकाइ-
 याणं उक्कोसेणं दसवासमहस्साई ठिई प० ॥ १०४५ ॥ वाणमंतराणं देवाणं
 जहणेणं दस वाससहस्साई ठिई प० ॥ १०४६ ॥ बंभलोए कप्पे देवाणं उक्कोसेणं
 दस सागरोवमाई ठिई प० ॥ १०४७ ॥ लंतए कप्पे देवाणं जहणेणं दस सागरोवमाई
 ठिई प० ॥ १०४८ ॥ दसहिं ठाणेहिं जीवा आगमेसिभइत्ताए कम्मं पगरेति तं०-
 अणिदाणयाए, दिट्ठिसंपज्जयाए, जोगवाहियताए, खंतिसम्मणयाए, जिहंदिययाए, अमा-
 इल्लयाए, अपासत्थयाए, सुसामणयाए, पवयणवच्छल्लयाए, पवयणउम्भावणयाए
 ॥ १०४९ ॥ दसविहे आसंसप्पओगे प० तं०-इहलोगासंसप्पओगे, परलोगासस-
 प्पओगे, दुहओलोगासंसप्पओगे, जीवियासंसप्पओगे, मरणासंसप्पओगे, कामासंस-
 प्पओगे, भोगासंसप्पओगे, लाभासंसप्पओगे, पूयासंसप्पओगे, सक्कारासंसप्पओगे
 ॥ १०५० ॥ दसविहे धम्मं प० तं०-गामधम्मं, णगरधम्मं, रट्ठधम्मं, पासंड-
 धम्मं, कुलधम्मं, गणधम्मं, संघधम्मं, सुयधम्मं, चरित्तधम्मं, अत्थिकायधम्मं
 ॥ १०५१ ॥ दसथेरा प० तं० गामथेरा, णगरथेरा, रट्ठथेरा, पमत्थारथेरा, कुलथेरा,
 गणथेरा, संघथेरा, जाइथेरा, सुअथेरा, परियायथेरा ॥ १०५२ ॥ दसपुत्ता प०
 तं०-अत्ताए खेत्ताए दित्ताए वित्ताए उरसे मोहरे सोढीरे संतुक्के उवयाइए धम्मंतोवासी
 ॥ १०५३ ॥ केवलस्सि णं दस अणुत्तरा प० तं० अणुत्तरे णाणे अणुत्तरे दंसखे
 अणुत्तरे चरित्ते अणुत्तरे तंवे अणुत्तरे वीरिए अणुत्तरे खंती अणुत्तरा सुत्ती अणुत्तरे
 अज्जवे अणुत्तरे मद्दवे अणुत्तरे लाघवे ॥ १०५४ ॥ समयखेते णं दस कुराओ प०
 तं०-पंच देवकुराओ पंच उत्तरकुराओ तत्थ णं दस महइमहालया महादुमा प०
 तं०-जंबू सुदंसणा धायइस्सखे महाधायइस्सखे पउमत्तखे महापउमत्तखे पंच
 कूढसामलीओ तत्थ णं दस देवा महिच्चिया जाव परिवसंति तं० अणाट्टिए जंबुदी-
 वाहिवई सुदंसणे पियदंसणे पौंडरीए महापौंडरीए पंच गरुत्ता केजुदेवा ॥ १०५५ ॥
 दसहिं ठाणेहिं ओगाडं दुस्समं आणेज्जा तं०-अकाळे वरिसइ काळे ण वरिसइ
 अमाहू पूइज्जंति माहू ण पूइज्जंति गुत्तु जणो सिच्छं पडिविच्चो अमणुष्सा सहा जाव
 फासा ॥ १०५६ ॥ दसहिं ठाणेहिं ओगाडं सुसमं आणेज्जा तं०-अकाळे न वरिसइ
 तं चेव विवरीयं जाव मणुष्सा फासा ॥ १०५७ ॥ सुसमसुसमाए णं सभाए वस-
 विहा स्ससा उवभोगताए इप्पमागच्छंति तं०-अत्तंगया य भिग्गा तुत्तिवंगत्त सीव

जोइ चित्तंगा; चित्तरसा मभियंगा नेहागारा अणियणा य ॥ १०५८ ॥ जंबु-
 द्वीवे २ भारहे वासे तीताए उस्तपिणीए दस कुलगरा होत्था तं०-सयज्जडे
 सयाऊ य अणंतसेणे य अमितसेणे य, तक्कसेणे सीमसेणे महामीमसेणे य सत्तमे
 (१) दठरहे दसरहे सयरहे ॥ १०५९ ॥ जंबुद्वीवे २ भारहे वासे आगमीसाए
 उस्तपिणीए दस कुलगरा भविस्संतितं०-सीमंकरे सीमंधरे खेमंकरे खेमंधरे
 विमलवाहणे संमुइ पड्डिसए दढधणू दसधणू सयधणू ॥ १०६० ॥ जंबुद्वीवे द्वीवे
 मंदरपव्वयम्म पुरच्छिमेणं सीयाए महानइए उभओ कूले दस वक्खारपव्वया प०
 तं०-मालवंते चित्तकूडे विचित्तकूडे बंमकूडे जाव सोमणसे ॥ १०६१ ॥ जंबुमंद-
 रपच्चत्थिमे णं सीओआए महानइए उभओ कूले दस वक्खारपव्वया प० तं०-
 विज्जुप्पमे जाव गंधमायणे एवं धायइसंउपुरच्छिमेदेवि वक्खारा भाणियव्वा जाव
 पुक्खरवरद्वीवद्धपच्चत्थिमेदे ॥ १०६२ ॥ दसकप्पा इंदाहिट्टिया प० तं० सोहम्ममे
 जाव महुस्सारे पाणए अञ्चुए एएसु णं दमसु कप्पेसु दस इंदा प० तं०-सक्के ईसाणे
 जाव अञ्चुए एएसु णं दसहं इंदाणं दस परिजाणियविमाणा प० तं०-पालए पुप्फए
 जाव विमलवरे मव्वओभेइ ॥ १०६३ ॥ दस दसमिया णं भिक्खुपड्डिमा णं एणेण
 राईदियसएणं अद्धच्छेहिं य भिक्खामएहि अहामुक्ता जाव आराहियावि भवइ
 ॥ १०६४ ॥ दसविहा संमारसमावज्जगा जीवा प० तं०-पढमममयएगिदिया
 अपढमसमयएगिदिया एवं जाव अपढमममयपंचिदिया ॥ १०६५ ॥ दसविहा
 सव्वजीवा प० तं०-पुढविकाइया जाव वणस्मइकाइया बेइदिया जाव पंचिदिया
 अणिदिया ॥ १०६६ ॥ अहवा दसविहा मव्वजीवा प० तं० पढमसमयनेरइया
 अपढमसमयनेरइया जाव अपढमसमयदेवा पढमसमयसिद्धा अपढमसमयसिद्धा
 ॥ १०६७ ॥ बाससयाउयस्स णं पुरिसस्म दस दसाओ प० तं०-बाला किट्टा य
 मंदा य बला पत्ता य हायणी, पवंचा पब्भारा य मुमुही सावणी तथा ॥ १०६८ ॥
 दसविहा तणवणस्सइकाइया प० तं०-मूले कंढे जाव पुप्फे फले बीए ॥ १०६९ ॥
 सव्वओवि णं विज्जाहरसेदीओ दसदसजोयणाइं विक्खंभेणं प० ॥ १०७० ॥
 सव्वओवि णं आभिओगसेदीओ दस दस जोयणाइं विक्खंभेणं प० ॥ १०७१ ॥
 गेविज्जगग्गिमाणाणं दस जोयणसयाइं उच्चं उच्चतेणं प० ॥ १०७२ ॥ दसहिं ठाणेहिं
 सह तेयसा भासं कुज्जा, तं० केइ तहास्सं समणं वा माहणं वा अच्चासाएज्जा, से
 य अच्चासाइए समाणे परिक्खुविए तस्स तेवं निसिरेज्जा से तं परितावेइ, से तं
 परितावित्ता तामेव सह तेयसा भासं कुज्जा, केइ तहास्सं समणं वा माहणं वा अच्चा-
 साएज्जा से य अच्चासाइए समाणे देवे, परिक्खुविए तस्स तेवं निसिरेज्जा से तं परि-

-तावेइ से तं २ तमेव सह तेयसा भासं कुज्जा, केइ तहारूवं समणं वा माहणं वा
 अच्चासाएज्जा, से य अच्चासाइए समाणे परिकुविए देवे य परिकुविए दुहुओ पडिण्णा
 तस्स तेयं निसिरेज्जा ते तं परितारिविति ते तं परियावेत्ता तमेव सह तेयसा भासं
 कुज्जा, केइ तहारूवं समणं माहणं वा अच्चासाएज्जा से य अच्चासाइए परिकुविए
 तस्स तेयं निसिरेज्जा तत्थ फोडा संमुच्छंति ते फोडा भिज्जंति ते फोडा भिज्जा
 समाणा तामेव सह तेयसा भासं कुज्जा, केइ तहारूवं समणं वा माहणं वा अच्चासाएज्जा
 से य अच्चासाइए देवे परिकुविए तस्स तेयं निसिरेज्जा, तत्थ फोडा संमुच्छंति ते
 फोडा भिज्जंति, ते फोडा भिज्जा समाणा तमेव सह तेयसा भासं कुज्जा, केइ
 तहारूवं समणं वा माहणं वा अच्चासाएज्जा से य अच्चासाइए परिकुविए देवे य परि-
 कुविए ते दुहुओ पडिण्णा ते तस्स तेयं निसिरेज्जा, तत्थ फोडा संमुच्छंति, सेसं
 तहेव जाव भासं कुज्जा, केइ तहारूवं समणं वा माहणं वा अच्चासाएज्जा, से य
 अच्चासाइए परिकुविए तस्स तेयं निसिरेज्जा, तत्थ फोडा संमुच्छंति ते फोडा
 भिज्जंति तत्थ पुला संमुच्छंति ते पुला भिज्जंति, ते पुला भिज्जा समाणा तामेव
 सह तेयसा भासं कुज्जा, एए तिज्जे आलावगा भाणियव्वा केइ तहारूवं समणं वा
 माहणं वा अच्चासाएमाणे तेयं निसिरेज्जा से य तत्थ णो कम्मइ णो पक्कम्मइ अंचियं
 अंचियं करेइ करेत्ता आयाहिणपयाहिणं करेइ २ ता उद्धं वेहास उप्पयइ २ से णं
 तओ पडिहए पडिणियत्तइ २ ता तमेव सरीरगमणुदहमाणे २ सह तेयसा भासं
 कुज्जा जहा वा गोसालस्स मंखलिपुत्तस्स तवनेए ॥ १०७३ ॥ दस अच्छेरगा
 प० तं०-उवसग्ग गम्भहरणं इत्थीतित्थं अभाविया परिमा, कण्हस्स अवरकंका
 उत्तरणं चंदसूरारणं (१) हरिवंसकुलुप्पत्ती चमरुपाओ य अठ्ठसयसिद्धा, असंजएसु
 पूआ दसवि अणंतेण कालेण २ ॥ १०७४ ॥ इमीमे णं रयणप्पभाए पुडवीए रयणे
 कंठे दसजोयणसयाइं बाहृहेणं प० ॥ १०७५ ॥ इमंसे रयणप्पभाए पुडवीए वयरे
 कंठे दस जोयणसयाइं बाहृहेणं प० एवं वेरुल्लिए लोहितक्खे मसारगळे हंसमब्भे
 पुलए सोगंधिए जोइसे अंजणे अंजणपुलए रयए जायस्सवे अंके फल्लिहे तिठ्ठे जहा
 रयणे तहा शोलसविहा भाणियव्वा ॥ १०७६ ॥ सव्वेवि णं बीवसमुहा दसजोयण-
 सयाइं उव्वेहेणं प० ॥ १०७७ ॥ सव्वेवि णं महादहा दस जोयणाइं उव्वेहेणं
 प० ॥ १०७८ ॥ सव्वेवि णं सल्लिकुंडा दसजोयणाइं उव्वेहेणं प० ॥ १०७९ ॥
 सीआसीओया णं महानइंओ मुहमूले दस दस जोयणाइं उव्वेहेणं प० ॥ १०८० ॥
 कत्तियाणक्खत्ते सव्वबाहिराओ मंडलाओ दसमे मंडळे चारं चरइ ॥ १०८१ ॥
 अणुराहा णक्खत्ते सव्वभंतराओ मंडलाओ दसमे मंडळे चारं चरइ ॥ १०८२ ॥

दस णक्खत्ता णाणस्स विद्धिकरा प० तं० भिगसिरमहा पुस्सो तिणिय पुब्बाई
मूलमस्सेसा, हत्थो चित्ता य तथा दस विद्धिकराई णाणस्स ॥ १०८३ ॥ चउप्पय-
थलयरपंचिदियतिरिक्खजोणियाणं दस जाइकुलकोडिजोणिपमुहसयसहस्सा प०
उरपरिसप्पथलयरपंचिदियतिरिक्खजोणियाणं दस जाइकुलकोडिजोणिपमुहसय-
सहस्सा प० ॥ १०८४ ॥ जीवा णं दसठाणनिव्वत्तिया पोग्गले पावक्कम्मत्ताए
विर्णिसु वा ३ तंजहा-पढमसमयएग्गिदियनिव्वत्तिए जाव फासिदियनिव्वत्तिए,
एवं चिण उवचिण बंध उदीर वेय नह णिजरा चेव ॥ १०८५ ॥ दसपएसिया
खंधा अणंता प० ॥ १०८६ ॥ दम पएसोगाढा पोग्गला अणंता प० ॥ १०८७ ॥
दससमयटिईया पोग्गला अणंता प० दमगुणकालगा पोग्गला अणंता प०
॥ १०८८ ॥ ॥ एवं वण्णेहिं गंधेहिं रसेहिं फासेहिं दसगुणलक्ख्खा पोग्गला अणंता
प० ॥ १०८९ ॥ **दसमं ठाणं समत्तं ॥ दसमं अज्जयणं समत्तं ॥**
ग्रंथसंख्या ॥ ३७०० ॥

ठाणं समत्तं



जमोऽत्यु णं समणस्स भगवओ णायपुत्तमहावीरस्स समवाए

सुयं मे आउसं ! तेणं भगवया एवमक्ख्वायं ॥ १ ॥ [इह खलु समणेणं भगवया महावीरेणं आङ्गरेणं तित्थगरेणं सयंसंबुद्धेणं पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थिणा लोगुणमेणं लोगनाहेणं लोगहिएणं लोगपईवेणं लोगपज्जोअगरेणं अभयदएणं चक्खुदएणं मग्गदएणं सरणदएणं जीवदएणं धम्मदएणं धम्मदेसएणं धम्मनायगेणं धम्मसारहिणा धम्मवरचाउरंतचक्खवट्ठिणा अप्पट्ठिह्यवरनाणदंसणधरेणं वियट्ठच्छउमेणं जिणेणं जावएणं तिन्नेणं तारएणं बुद्धेणं बोद्धएणं मुत्तेणं मोयगेणं सब्वज्जुणा सब्वदरिसिणा तिवमयलमरुयमणंतमक्खयमव्वाबाहमपुणरावित्तिसिद्धिगइनामधेयं ठाणं संपाविउकामेणं इमे दुवाल्संगे गणिपिडगे पन्नत्ते, तं जहा—आयारे १ स्यगडे २ ठाणे ३ समवाए ४ विवाहपन्नत्ती ५ नायाधम्मकहाओ ६ उवासगदसाओ ७ अंतगडदसाओ ८ अणुत्तरोववाइयदसाओ ९ पण्हावागरणं १० विवागमुए ११ दिट्ठिवाए १२ ॥ २ ॥ तत्थ णं जे से चउत्थे अंगे समवाए ति आहिते तस्स णं अयमट्ठे पन्नत्ते—तं जहा] एगे आया, एगे अणाया, एगे दंडे, एगे अदंडे, एगा किरिआ, एगा अकिरिआ, एगे लोए, एगे अलोए, एगे धम्मे, एगे अधम्मे, एगे पुण्णे, एगे पावे, एगे वंधे, एगे मोक्खे, एगे आमवे, एगे संवरे, एगा वेयणा, एगा णिज्जरा ॥ ३ ॥ जंबुद्दीवे दीवे एगं जोयणसयसहस्सं आयामविकखंभेणं पण्णत्तं । अप्पट्ठट्ठाणे नएए एगं जोयणसयसहस्सं आयामविकखंभेणं पन्नत्ते । पालए जाणविमाणे एगं जोयणसयसहस्सं आयामविकखंभेणं पन्नत्ते । सब्वट्ठसिद्धे महाविमाणे एगं जोयणसयसहस्सं आयामविकखंभेणं पन्नत्ते । अहानक्खत्ते एगतारे पन्नत्ते । चित्ताणक्खत्ते एगतारे पन्नत्ते । सान्निक्खत्ते एगतारे पन्नत्ते ॥ ४ ॥ इमीसे णं रयणप्पभाए पुडवीए अत्येगइयाणं नेरइयाणं एगं पलिओवमं टिई पन्नत्ता । इमीसे णं रयणप्पहाए पुडवीए नेरइयाणं उक्कोसेणं एगं सागरोवमं टिई पन्नत्ता । दोच्चाए पुडवीए नेरइयाणं जहन्नेणं एगं सागरोवमं टिई पन्नत्ता । असुरकुमारारणं देवाणं अत्येगइयाणं एगं पलिओवमं टिई पन्नत्ता । असुरकुमारारणं देवाणं उक्कोसेणं एगं साहियं सागरोवमं टिई पन्नत्ता । असुरकुमारिंदक्खिजियाणं भोमिच्चारणं देवाणं अत्येगइयाणं एगं पलिओवमं टिई पन्नत्ता । असंखिजवासाउयसण्णिपंविदियतिरिक्खजोणियाणं अत्येगइयाणं एगं पलिओवमं टिई पन्नत्ता । असंखिजवासाउयसण्णभवक्कंतियसण्णिमणुयाणं अत्येगइयाणं एगं पलिओवमं टिई पन्नत्ता । बाणमंतरारणं

देवाणं उक्त्रोसेण एगं पलिओवमं ठिई पज्जाता । जोइसियाणं देवाणं उक्त्रोसेणं एगं पलिओवमं वाससयसहस्समम्भहियं ठिई पज्जाता । सोहम्मं कप्पे देवाणं जहणेणं एगं पलिओवमं ठिई पज्जाता । सोहम्मं कप्पे देवाणं अत्येगइयाणं एगं सागरोवमं ठिई पज्जाता । ईसाणे कप्पे देवाणं जहणेणं साइरेगं एगं पलिओवमं ठिई पज्जाता । ईसाणे कप्पे देवाणं अत्येगइयाणं एगं सागरोवमं ठिई पज्जाता । जे देवा सागरं सुसागरं सागरकंठं भवं मणुं माणुसोनरं लोगहियं विमाणं देवताए उववन्ना तेसि णं देवाणं उक्त्रोसेणं एगं सागरोवमं ठिई पज्जाता । ते णं देवा एगस्स अट्टमासस्स आणमंति वा पाणमंति वा उस्ससंति वा नीससंति वा । तेसि णं देवाणं एगस्स वाससहस्सस्स आहारट्ठे समुप्पज्जइ । संतेगइया भवसिद्धिया जे जीवा ते एगेणं भवग्गहणेणं सिज्झिस्सन्ति वुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति ॥ ५ ॥ दो दंडा पज्जाता, तं जहा-अट्टादंडे चैव, अणट्टादंडे चैव । दुवे रासी पज्जाता, तं जहा-जीवरासी चैव, अजीवरासी चैव । दुविहे बंधणे पज्जेते, तं जहा-रागबंधणे चैव, दोसबंधणे चैव । पुव्वाफग्गुणी नक्खत्ते दुतारे पज्जेते । उत्तराफग्गुणी नक्खत्ते दुतारे पज्जेते । पुव्वाभइवया नक्खत्ते दुतारे पज्जेते । उत्तराभइवया नक्खत्ते दुतारे पज्जेते ॥ ६ ॥ इमासे णं रयणप्पभाए पुढवीए अत्येगइयाणं नेरइयाणं दो पलिओवमाईं ठिई पज्जाता । बुच्चाए पुढवीए अत्येगइयाणं नेरइयाणं दो सागरोवमाईं ठिई पज्जाता । असुरकुमारणं देवाणं अत्येगइयाणं दोपलिओवमाईं ठिई पज्जाता । असुरकुमारिंदवाज्जयाणं भोमिजाणं देवाणं उक्त्रोसेणं वेसूणाईं दो पलिओवमाईं ठिई पज्जाता । असंसिज्जवासाउयमण्णिणं वैदियतिरिक्खजोणियाणं अत्येगइयाणं दोपलिओवमाईं ठिई पज्जाता । असंसिज्जवासाउयग्गम्भवक्कंतियसन्निपंचिदियमाणुस्साणं अत्येगइयाणं दोपलिओवमाईं ठिई पज्जाता । सोहम्मं कप्पे अत्येगइयाणं देवाणं दो पलिओवमाईं ठिई पज्जाता । ईसाणे कप्पे अत्येगइयाणं देवाणं दो पलिओवमाईं ठिई पज्जाता । सोहम्मं कप्पे अत्येगइयाणं देवाणं उक्त्रोसेणं दो सागरोवमाईं ठिई पज्जाता । ईसाणे कप्पे देवाणं उक्त्रोसेणं साहियाईं दो सागरोवमाईं ठिई पज्जाता । सणकुमारे कप्पे देवाणं जहणेणं दो सागरोवमाईं ठिई पज्जाता । माहिंदे कप्पे देवाणं जहणेणं साहियाईं दो सागरोवमाईं ठिई पज्जाता । जे देवा सुभं सुभकंठं सुभवणं सुभगंधं सुभकेसं सुभफासं सोहम्मवडिसणं विमाणं देवताए उववन्ना तेसि णं देवाणं उक्त्रोसेणं दो सागरोवमाईं ठिई पज्जाता ॥ ७ ॥ ते णं देवा दोणं अट्टमासाणं आणमंति वा पाणमंति वा उस्ससंति वा नीससंति वा । तेसि णं देवाणं दोणं वाससहस्सेइं आहारट्ठे समुप्पज्जइ । अत्येगइया भवसिद्धिया

जीवा जे दोहिं भवग्गहणेहिं सिञ्जिस्संति बुञ्जिस्संति मुञ्चिस्संति परिनिब्वाइस्संति सव्वदुक्खाणमंतं करिस्संति ॥ ८ ॥ तओ दंडा पज्जा, तं जहा-मणदंडे, वइदंडे, कायदंडे । तओ गुत्तीओ पज्जाओ, तं जहा-मणगुत्ती, वयगुत्ती, कायगुत्ती । तओ सत्ता पज्जा, तं जहा-मायासत्ते णं, नियाणसत्ते णं, मिच्छादंसणसत्ते णं । तओ गारवा पज्जा, तं जहा-इञ्जीगारवे णं, रसगारवे णं, सायागारवे णं । तओ विराहणा पज्जा, तं जहा-नाणविराहणा, दंसणविराहणा, चरित्तविराहणा । भिगसिरन-क्खत्ते तितारे पज्जे । पुस्सनक्खत्ते तितारे पज्जे । जेट्टानक्खत्ते तितारे पज्जे । अमीइनक्खत्ते तितारे पज्जे । सवणनक्खत्ते तितारे पज्जे । अस्सिणिनक्खत्ते तितारे पज्जे । भरणीनक्खत्ते तितारे पज्जे ॥ ९ ॥ इमीसे णं रयणप्पभाए पुढवीए अत्ये-गइयाणं नेरइयाणं तिञ्जि पळिओवमाइं ठिई पज्जा । दोच्चाए णं पुढवीए नेरइयाणं उक्कोसेणं तिण्णि सागरोवमाइं ठिई पज्जा । तच्चाए णं पुढवीए नेरइयाणं जहण्णेणं तिण्णि सागरोवमाइं ठिई पज्जा । असुरकुम्माराणं देवाणं अत्येगइयाणं तिण्णि पळि-ओवमाइं ठिई पज्जा । असंखिज्जवासाउयसभिपंचिदियतिरिक्खजोणियाणं उक्कोसेणं तिण्णि पळिओवमाइं ठिई पज्जा । असंखिज्जवासाउयसभिगन्भवकंठितियमणुस्साणं उक्कोसेणं तिण्णि पळिओवमाइं ठिई पज्जा । सोहम्मसीसाणेसु अत्येगइयाणं देवाणं तिण्णि पळिओवमाइं ठिई पज्जा । सणंकुम्मारामाहिंदेसु कपेसु अत्येगइयाणं देवाणं तिण्णि सागरोवमाइं ठिई पज्जा । जे देवा आमंकरं पभंकरं आमंकरपभंकरं चंदं चंदावत्तं चंदप्पभं चंदकंतं चंदवण्णं चंदलेसं चंदज्जयं चंदसिगं चंदसिद्धं चंदकूडं चंदुत्तरवडिसगं विमाणं देवत्ताए उववण्णा तेसि णं देवाणं उक्कोसेणं तिण्णि सागरो-वमाइं ठिई पज्जा ॥ १० ॥ ते णं देवा तिण्हं अद्धमासाणं आणमंति वा पाणमंति वा उस्संति वा नीमसंति वा । तेसि णं देवाणं तिहिं वामसहस्सेहिं आहारट्ठे समु-प्पज्जइ । संतेगइया भवसिद्धिया जीवा जे तिहिं भवग्गहणेहिं सिञ्जिस्संति बुञ्जिस्संति मुञ्चिस्संति परिनिब्वाइस्संति सव्वदुक्खाणमंतं करिस्संति ॥ ११ ॥ चत्तारि कसाया पज्जा, तं जहा-कोहकसाए माणकसाए मायाकसाए लोभकसाए । चत्तारि ज्ञाणा पज्जा, तं जहा-अट्टज्ज्ञाणे रुद्धज्ज्ञाणे धम्मज्ज्ञाणे सुक्कज्ज्ञाणे । चत्तारि विग्गहाज्जे प०, तं जहा-इत्थिकहा भत्तकहा रायकहा श्रेसकहा । चत्तारि सण्णा पज्जा, तं जहा-आहारसण्णा भयसण्णा मेहुणसण्णा परिग्गहसण्णा । चउम्बिहे बंधे पज्जे, तं जहा-पगइबंधे ठिइबंधे अनुभावबंधे पप्सबंधे, चउगाउए जोयणे पज्जे ॥ १२ ॥ अणुराहानक्खत्ते चउतारे पज्जे । पुब्बासाढानक्खत्ते चउतारे पज्जे । उत्तरासाढानक्खत्ते चउतारे पज्जे ॥ १३ ॥ इमीसे णं रयणप्पभाए पुढवीए अत्ये-

गइयाणं नेरइयाणं चत्तारि पळिओवमाईं ठिईं पञ्चत्ता । तच्चाए णं पुढवीए अत्येगइ-
याणं नेरइयाणं चत्तारि सागरोवमाईं ठिईं पञ्चत्ता । असुरकुमारारणं देवाणं अत्येगइ-
याणं चत्तारि पळिओवमाईं ठिईं पञ्चत्ता । सोहम्म्यीसाणेसु कप्पेसु अत्येगइयाणं देवाणं
चत्तारि पळिओवमाईं ठिईं पञ्चत्ता । सणकुमारमाहिंदेसु कप्पेसु अत्येगइयाणं देवाणं
चत्तारि सागरोवमाईं ठिईं पञ्चत्ता । जे देवा किट्ठि सुकिट्ठि किट्ठियावत्तं किट्ठिप्पभं
किट्ठिजुत्तं किट्ठिवणं किट्ठिल्लेसं किट्ठिज्जयं किट्ठिसिंणं किट्ठिसिद्धं किट्ठिकूढं किट्ठुत्तर-
वडिसणं विमाणं देवत्ताए उववण्णा तेसि णं देवाणं उक्कोसेणं चत्तारि सागरोवमाईं
ठिईं पञ्चत्ता ॥ १४ ॥ ते णं देवा चउण्हउद्धमासाणं आणमंति वा पाणमंति वा
ऊससंति वा नीससंति वा । तेसि देवाणं चउहिं वाससइस्सेहिं आहारट्टे समुप्पज्जइ ।
अत्येगइया भवसिद्धिया जीवा जे चउहिं भवग्गहणेहिं तिज्झस्संति जाव सव्वदु-
क्कवाणं अंतं करिस्संति ॥ १५ ॥ पंच किरिया पञ्चत्ता, तं जहा-काइया अहिगर-
णिया पाउसिया पारितावणिया पाणाइवायकिरिया । पंचमहव्वया पञ्चत्ता, तं जहा-
सव्वाओ पाणाइवायाओ वेरमणं, सव्वाओ मुसावायाओ वेरमणं, सव्वाओ अदत्ता-
दाणाओ वेरमणं, सव्वाओ मेहुणाओ वेरमणं, सव्वाओ परिग्गहाओ वेरमणं । पंच
कामगुणा पञ्चत्ता, तं जहा-सइहा रुवा रसा गंधा फासा । पंच आसवदारा पञ्चत्ता,
तं जहा-मिच्छत्तं अविरइं पमाया कसाया जोगा । पंच संवरदारा पञ्चत्ता, तं जहा-
सम्मत्तं विरइं अप्पमत्तया अकसाया अजोगया । पंच निज्जरट्टाणा पञ्चत्ता, तं जहा-
पाणाइवायाओ वेरमणं, मुसावायाओ वेरमणं, अदिजादाणाओ वेरमणं, मेहुणाओ
वेरमणं, परिग्गहाओ वेरमणं । पंच समिईओ पञ्चत्ताओ, तं जहा-इरियासमिईं
भासासमिईं एसणासमिईं आयाणभंडमत्तानिक्खेवणासमिईं उच्चारपासवणखेलसिंवा-
णजल्लपारिट्ठावणियासमिईं । पंच अत्थिकाया पञ्चत्ता, तं जहा-धम्मत्थिकाए अध-
म्मत्थिकाए आगासत्थिकाए जीवत्थिकाए पोम्मलत्थिकाए ॥ १६ ॥ रोहिणी नक्खत्ते
पंचतारे पञ्चत्ते । पुणव्वसुनक्खत्ते पंचतारे पञ्चत्ते । हत्यनक्खत्ते पंचतारे पञ्चत्ते ।
विसाहानक्खत्ते पंचतारे पञ्चत्ते । धणिट्ठानक्खत्ते पंचतारे पञ्चत्ते ॥ १७ ॥ इमींसे
णं रयणप्पभाए पुढवीए अत्येगइयाणं नेरइयाणं पंच पळिओवमाईं ठिईं पञ्चत्ता ।
तच्चाए णं पुढवीए अत्येगइयाणं नेरइयाणं पंचसागरोवमाईं ठिईं पञ्चत्ता । असुरकु-
मारारणं देवाणं अत्येगइयाणं पंचपळिओवमाईं ठिईं पञ्चत्ता । सोहम्म्यीसाणेसु कप्पेसु
अत्येगइयाणं देवाणं पंचपळिओवमाईं ठिईं पञ्चत्ता । सणकुमारमाहिंदेसु कप्पेसु
अत्येगइयाणं देवाणं पंच सागरोवमाईं ठिईं पञ्चत्ता । जे देवा वार्यं उज्जयं वायावत्ते
वायप्पभं वायवत्तं वायवणं वायवेत्तं वायवज्जयं वायवसिंणं वायवसिद्धं वायवकूढं वायवत्त-

रवडिसणं सूरं सुसूरं सूरावतं सूरप्पभं सूरकंतं सूरवणं सूरलेसं सूरज्जायं सूरसिं
 सरसिड्डं सूरकूडं सूरुत्तरवडिसणं विमाणं देवताए उववण्णा तेसि णं देवाणं उक्कोसेणं
 पंच सागरोवमाईं टिईं पज्जता ॥ १८ ॥ ते णं देवा पंचहं अद्धमासाणं आणमंति
 वा पाणमंति वा ऊससंति वा नीससंति वा । तेसि णं देवाणं पंचहिं वाससहस्सेहिं
 आहारट्टे समुप्पज्जइ । संतेगइया भवसिद्धिया जीवा जे पंचहिं भवग्गहणेहिं सिज्जि-
 स्संति जाव अंतं करिस्संति ॥ १९ ॥ छ लेसाओ पण्णता, तं जहा-कण्हलेसा नील्-
 लेसा काउलेसा तेउलेसा पण्हलेसा सुक्कलेसा । छ जीवनिक्काया पज्जता, तं जहा-
 पुडविकाए आउकाए तेउकाए वाउकाए वणस्सइकाए तसकाए । छव्विहे बाहिरे
 तवोक्कमे पज्जते, तं जहा-अणसणे ऊणोयरिया वितीसंखेवो रसपरिक्खाओ कायकि-
 लेसो संलीणया । छव्विहे अट्ठिभतरे तवोक्कमे पज्जते, तं जहा-पायच्छिन्नं विणओ
 वेयावच्चं सज्जाओ क्षाणं उस्सग्गो । छ छाउमत्थिया समुग्घाया पज्जता, तं जहा-
 वेयणासमुग्घाए क्कमायसमुग्घाए मारणंतिअसमुग्घाए वेउव्वियसमुग्घाए तेयसमु-
 ग्घाए आहारसमुग्घाए । छव्विहे अत्युग्गहे पज्जते, तं जहा-मोईदियअत्युग्गहे
 चक्कखुईदियअत्युग्गहे घाणिदिअत्युग्गहे जिट्ठिभदियअत्युग्गहे फामिदियअत्युग्गहे
 नोईदियअत्युग्गहे ॥ २० ॥ कनियानक्खणे छतारे पज्जते । असिलेसाणक्खणे छतारे
 पज्जते ॥ २१ ॥ इमीसे णं रयणप्पभाए पुढवीए अत्येगइयाणं नेरइयाणं छ पलि-
 ओवमाईं टिईं पज्जता । तच्चाए णं पुढवीए अत्येगइयाणं नेरइयाणं छ सागरोवमाईं
 टिईं पज्जता । असुरकुमारारणं देवाणं अत्येगइयाणं छ पलिओवमाईं टिईं पज्जता ।
 सोहम्मसीसाणेसु कप्पेसु अत्येगइयाणं देवाणं छ पलिओवमाईं टिईं पज्जता । सण्ह-
 मारमाहिंदेसु कप्पेसु अत्येगइयाणं देवाणं छ सागरोवमाईं टिईं पज्जता । जे देवा
 सयं वाईं सयंभुं सयंभूरमणं घोसं सुघोसं महाघोसं किट्ठिघोसं वीरं सुवीरं वीरगतं
 वीरसेणियं वीरावतं वीरप्पभं वीरकंतं वीरवणं वीरलेसं वीरज्जायं वीरसिं वीरसिड्डं
 वीरकूडं वीरुत्तरवडिसणं विमाणं देवताए उववण्णा तेसि णं देवाणं उक्कोसेणं छ
 सागरोवमाईं टिईं पज्जता ॥ २२ ॥ ते णं देवा छहं अद्धमासाणं आणमंति वा
 पाणमंति वा ऊससंति वा नीससंति वा । तेसि णं देवाणं छहिं वाससहस्सेहिं
 आहारट्टे समुप्पज्जइ । संतेगइया भवसिद्धिया जीवा जे छहिं भवग्गहणेहिं सिज्जि-
 स्संति जाव सब्बदुक्खाणमंतं करिस्संति ॥ २३ ॥ सण भयट्ठाणा पज्जता, तं जहा-
 इह्लोगभए परलोगभए आदाणभए अक्कम्हाभए आजीवभए मरणभए असिलोग-
 भए । सण समुग्घाया पज्जता, तं जहा-वेयणासमुग्घाए क्कमायसमुग्घाए मारणंति-
 असमुग्घाए वेउव्वियसमुग्घाए तेयसमुग्घाए आहारसमुग्घाए केवलिसमुग्घाए ।

श्रीमूत्रागमप्रकाशकसमितिके तृतीय सहायक



रावसाहेब श्रीकिशनलालजी नन्दलालजी पारख
मु० पो० येवला जिला नासिक

समये भगवं महावीरे सप्त रयणीओ उहुं उचत्तेणं होत्था । इहेव जंबुदीवे दीवे सप्त वासाहरपव्वया पव्वता तं जहा-कुळहिमव्वते महाहिमव्वते निमडे नीलव्वते रूप्पी सिहरी मंदरे । इहेव जंबुदीवे दीवे सप्त वासा पव्वता, तं जहा-भरहे हेमवए हरिवासे महाविदेहे रम्मए एरण्णवए एरवए । खीणमोहेणं भगवया मोहण्णिव्व-जाओ सप्त कम्मपयसीओ वेए(ज)ई ॥ २४ ॥ महानक्खणे सप्ततारे पव्वणे । कत्तिआइआ सप्त नक्खणा पुव्वदारिआ प० (अभियाइया सप्त नक्खणा) महाइआ सप्त नक्खणा दाहिणदारिआ प० । अणुराहाइआ सप्त नक्खणा अवर-दारिआ प० । धम्मिद्दाइआ सप्त नक्खणा उत्तरदारिआ प० ॥ २५ ॥ इमंसे णं रयणपभाए पुटवीए अत्येगइयाणं नेरइयाणं सप्त पत्तिओवमाईं ठिईं प० । तच्चाए णं पुटवीए नेरइयाणं उक्कोसेणं सप्त सागरोवमाईं ठिईं प० । चउत्तीए णं पुटवीए नेरइयाणं जहण्णेणं सप्त सागरोवमाईं ठिईं प० । अन्नरकुमारारे देवाणं अत्ये-गइयाणं सप्त पत्तिओवमाईं ठिईं प० । मोहम्मामाणंमु कप्पेसु अत्येगइयाणं देवाणं सप्त पत्तिओवमाईं ठिईं प० । सणकुमारे कप्पे अत्येगइयाणं देवाणं उक्कोसेणं सप्त सागरोवमाईं ठिईं प० । माहिदे कप्पे देवाणं उक्कोसेणं माहरेगाईं सप्त सागरो-वमाईं ठिईं प० । बभओए कप्पे अत्येगइयाणं देवाणं सप्त माहिद्या सागरोवमाईं ठिईं प० । जे देवा समं समप्पमं महापमं पभासं भासुरं विमलं कंबणकूदं सण-कुमारवडिसणं विमणं देवणाए उववण्णा तेसि णं देवाणं उक्कोसेणं सप्त सागरोवमाईं ठिईं प० ॥ २६ ॥ ते णं देवा मत्तण्हं अद्धमासाणं आणमंसि वा पाणमंसि वा खलसंसि वा नीसंसि वा । तेसि णं देवाणं सत्तहिं वासमहस्सेहिं आहारट्ट समु-प्पज्जइ । संतेगइया भवसिद्धिवा जीवा जे णं सत्तहिं भवग्गइणेहिं सिज्जिस्सेसि जाव सव्वदुक्खाणमंतं करिस्सेसि ॥ २७ ॥ अहु मयट्ठाणा पव्वता, तं जहा-जाति-माए कुळमए वत्तमए क्खमए तवमए सुयमए लाभमए इस्सरियमए । अहु पव्वयथ-मायाओ प० तं जहा-इरियात्तमिईं भासासमिईं एत्तासमिईं आयाणमंडमत-निकखेवणासमिईं उचारपासकण्णेलज्जसिपाणपारिद्दावणियासमिईं मणगुती वइ-गुती कायगुती । काणमंतरारे देवाणं इक्का अहु जोयणाईं उदं उचत्तेणं पव्वता । जंइ णं सुवंसणा अहु जोयणाईं उदं उचत्तेणं प० । कूळसासली णं गळ्ळावासे अहु जोयणाईं उदं उचत्तेणं पव्वता । जंबुदीवस्स णं जगईं अहु जोयणाईं उदं उच-त्तेणं पव्वता । अहुसामए केवळिसमुग्गाए पव्वते तं जहा-पव्वमे समए ईदं करेइ, वीए समए क्कावं करेइ, तइए समए मंथं करेइ, चउत्थे समए मंथंतराईं पूरेइ, पंथमे समए मंथंतराईं पडिसाहरइ, कट्ठे समए मंथं पडिसाहरइ, सत्तमे समए क्कावं

पडिसाहरइ, अट्टमे समए दंडं पडिसाहरइ, तओ पच्छा सरीरत्थे भवइ । पासस्स णं अरहओ पुरिसादाणिअस्स अट्ट गणा अट्ट गणहरा होत्था, तं जहा-सुभे य सुभघोसे य, वसिट्ठे वंभयारि य । सोमे सिरिधरे चेव, वीरभेइ जसे इय ॥ १ ॥ अट्ट नक्खत्ता चंद्रेण सद्धि पमई जोगं जोएंति, तं जहा-कत्तिया, रोहिणी, पुणन्वस्, महा, चित्ता, विसाहा, अणुराहा, जेट्ठा ॥ २८ ॥ इमीसे णं रयणप्पभाए पुढवीए अत्थेगइयाणं नेरइयाणं अट्ट पलिओवमाईं टिईं प० । चउत्थीए पुढवीए अत्थेगइयाणं नेरइयाणं अट्ट सागरोवमाईं टिईं प० । असुरकुमारारणं देवाणं अत्थेगइयाणं अट्ट पलिओवमाईं टिईं प० । सोहम्मीमाणेसु कप्पेसु अत्थेगइयाणं देवाणं अट्ट पलिओवमाईं टिईं प० । बभलोए कप्पे अत्थेगइयाणं देवाणं अट्ट सागरोवमाईं टिईं प० । जे देवा अच्चिं अच्चिमालिं वइरोयणं पभंकरं चंदाभं सूराभं सुपइट्ठाभं अरिगच्चामं रिट्ठाभं अरुणाभं अरुणत्तरवडिसगं विमाणं देवत्ताए उववण्णा तेसि णं देवाणं उक्कोसेणं अट्ट सागरोवमाईं टिईं प० ॥ २९ ॥ ते णं देवा अट्टुण्हं अट्टमासाणं आणमंति वा पाणमंति वा ऊससंति वा नीमसंति वा । तेसि णं देवाणं अट्टुहिं वाससहस्सेहिं आहारट्ठे समुप्पज्जइ । संतेगइया भवसिद्धिया जीवा जे अट्टुहिं भवग्गहणेहिं सिज्जिस्संति बुज्जिस्संति जाव अंतं करिस्सति ॥ ३० ॥ नव वंभचेरअगुत्तीओ पज्जत्ताओ, तं जहा-नो इत्थीपसुपंडगसंसत्ताणि सिज्जासणाणि सेविता भवइ, नो इत्थीणं कइं कहित्ता भवइ, नो इत्थीणं गणाइं सेविता भवइ, नो इत्थीणं ईदियाणि मणोहराईं मणोरमाईं आलोइत्ता निज्जाइत्ता भवइ, नो पणीयरसभोईं, नो पाणभोयणस्स अइमायाए आहारइत्ता, नो इत्थीणं पुक्वरयाईं पुक्वकीलिआईं समरइत्ता भवइ, नो गदाणुवाईं नो रुवाणुवाईं नो गंधाणुवाईं नो रसाणुवाईं नो फासाणुवाईं नो सिलोगाणुवाईं, नो सायामोक्खपच्चिबद्धे यावि भवइ । नव वंभचेरअगुत्तीओ पज्जत्ताओ तं जहा-इत्थीपसुपंडगसंसत्ताणं सिज्जासणाणं सेवणया जाव सायासुक्खपच्चिबद्धे यावि भवइ । नव वंभचेरा पज्जत्ता, तं जहा-सत्थपरिण्णा लोगविजओ सीओसणिज्ज सम्मत्तं । आवंति धुत विमोहा [यण] उवहाणसुयं महपरिण्णा । पासे णं अरहा पुरिसादाणीए नव रयणीओ उद्धं उक्कत्तेणं होत्था ॥ ३१ ॥ अभीजी नक्खत्ते साइरेगे नव मुहुत्ते चंद्रेणं सद्धि जोगं जोएइ । अभीजियाइया नव नक्खत्ता चंदस्स उत्तरेणं जोगं जोएंति, तं जहा-अभीजि सवणो जाव भरणी । इमीसे णं रयणप्पभाए पुढवीए बहुसमरमणिज्जाओ भूमिभागाओ नव जोयणसए उद्धं आवाहाए उव्वरिण्णे ताराह्वे चारं चरइ ॥ ३२ ॥ जंबुद्वीचे णं द्वीचे नवजोयणिआ मच्छा पविर्सिंसु वा ३ । विजयस्स णं दारस्स एगभेगाए बाहाए नव

नव भोमा पञ्चता । वाणमंतराणं देवाणं सभाओ सुहृम्माओ नव जोयणाई उद्धं उच्चत्तेणं पञ्चता । दंसणावरणिज्जस्स णं कम्मस्स नव उत्तरपगडीओ प०, तं जहा-निहा पयला निहानिहा पयलापयला धीणद्धी चक्खुदंसणावरणे अबक्खुदंसणावरणे ओहिदंसणावरणे केवलदंसणावरणे ॥ ३३ ॥ इमीसे णं रयणप्पभाए पुढवीए अत्थेगइयाणं नेरइयाणं नव पलिओवमाई टिई प० । चउत्थीए पुढवीए अत्थेगइयाणं नेरइयाणं नव सागरोवमाई टिई प० । असुरकुमाराणं देवाणं अत्थेगइयाणं नव पलिओवमाई टिई प० । सोहृम्मीसाणेसु कप्पेसु अत्थेगइयाणं देवाणं नव पलिओवमाई टिई प० । बंभलोए कप्पे अत्थेगइयाणं देवाणं नव सागरोवमाई टिई प० । जे देवा पम्हं सुपम्हं पम्हावत्तं पम्हप्पभं पम्हकत्तं पम्हवण्णं पम्हलेसं पम्हज्झयं पम्हरिंमं पम्हसिट्ठं पम्हकूडं पम्हुत्तरवडिसगं सुज्जं सुसुज्जं सुज्जवित्ते सुज्जपभं सुज्जकत्तं सुज्जवण्णं सुज्जलेसं सुज्जज्झयं सुज्जसिंमं सुज्जसिट्ठं सुज्जकूडं सुज्जुत्तरवडिसगं रुद्धं रुद्धावत्तं रुद्धप्पभं रुद्धकत्तं रुद्धवण्णं रुद्धलेसं रुद्धज्झयं रुद्धसिंमं रुद्धसिट्ठं रुद्धकूडं रुद्धुत्तरवडिसगं विमाणं देवत्ताए उववण्णा तेसि णं देवाणं नव सागरोवमाई टिई प० ॥ ३४ ॥ ते णं देवा नवपहं अद्धमासाणं आणमंति वा पाणमंति वा ऊससंति वा नीससंति वा । तेसि णं देवाणं नवहिं वाससहस्सेहिं आहारट्ठे समुप्पज्जइ । संतेगइया भवमिद्धिया जीवा जे नवहिं भवग्गहणेहिं सिज्झिस्संति जाव सव्वदुक्खाणमंतं करिस्संति ॥ ३५ ॥ दसविहै समणधम्मं पच्चत्ते, तं जहा-खंती मुत्ती अज्जवे मइवे लाधवे सच्चे संजमे तवे चियाए वंभचेरवासे । दस चित्तसमाहिट्ठाणा पच्चत्ता, तं जहा-धम्मचिंता वा से असमुप्पण्णपुव्वा समुप्पज्जिजा सव्वं धम्मं जाणित्तए, सुमिणदंसणे वा से असमुप्पण्णपुव्वे समुप्पज्जिजा अहातक्कं सुमिणं पासित्तए, सण्णिनाणे वा से असमुप्पण्णपुव्वे समुप्पज्जिजा पुव्वभवे सुमारित्तए, देवदंसणे वा से असमुप्पण्णपुव्वे समुप्पज्जिजा दिव्वं देविद्धिं दिव्वं देवजुइं दिव्वं देवाणुभावं पासित्तए, ओहिनाणे वा से असमुप्पण्णपुव्वे समुप्पज्जिजा ओहिणा लोगं जाणित्तए, ओहिदंसणे वा से असमुप्पण्णपुव्वे समुप्पज्जिजा ओहिणा लोगं पासित्तए, मणपज्जवनाणे वा से असमुप्पण्णपुव्वे समुप्पज्जिजा जाव मणोगए भावे जाणित्तए, केवलनाणे वा से असमुप्पण्णपुव्वे समुप्पज्जिजा केवलं लोगं जाणित्तए, केवलदंसणे वा से असमुप्पण्णपुव्वे समुप्पज्जिजा केवलं लोयं पासित्तए, केवलमरणं वा मरिज्जा सव्वदुक्खप्पहीणाए । मंदरे षं पव्वए मूढे दस जोवणसइस्साई विक्खंभेणं प० । अरिहा णं अरिद्धनेमी दस धणूई उद्धं उच्चत्तेणं होत्था । कण्हे षं वसुदेवे दस धणूई उद्धं उच्चत्तेणं होत्था । रामे षं

बलदेवे दस धणूई उद्धं उच्चतेणं होत्या । दस नक्खत्ता नाणवुष्किरा प० तं जहा—“मिगसिर अहा पुस्सो, तिण्णि अ पुव्वा य मूलमस्सेसा । हत्थो चित्तो य तथा, दस वुष्किराई नाणस्स” अकम्मभूमियाणं मणुआणं दसविहा लक्खा उव-भोगत्ताए उवत्थिया प० तं जहा—“मत्तंगया य भिगा, तुडिअंगा बीव जोइ चित्तंगा । चित्तरसा मणिअंगा, गेहागारा अनिणिणा य ॥ १ ॥” ३६ ॥ इमीसे णं रयणप्पभाए पुढवीए अत्थेगइयाणं नेरइयाणं जहण्णेणं दस वाससहस्साई ठिई प० । इमीसे णं रयणप्पभाए पुढवीए अत्थेगइयाणं नेरइयाणं दस पलिओवमाई ठिई प० । चउत्थीए पुढवीए दस निरयावाससयसहस्साइ प० । चउत्थीए पुढवीए नेरइयाणं अत्थेगइयाणं उक्कोसेणं दस सागरोवमाई ठिई प० । पंचमीए पुढवीए अत्थेगइयाणं नेरइयाणं जहण्णेणं दस सागरोवमाई ठिई प० । असुरकुमारारणं देवाणं अत्थेगइयाणं जहण्णेणं दस वामसहस्साई ठिई प० । असुरिंदवजाणं भोमिजाणं देवाणं अत्थेगइयाणं जहण्णेणं दस वाससहस्साई ठिई पञ्चत्ता । असुरकुमारारणं देवाणं अत्थेगइयाणं दस पलिओवमाई ठिई प० । बायरवणस्सइकाइयाणं उक्कोसेणं दस वाससहस्साई ठिई प० । वाणमंतरारणं देवाणं अत्थेगइयाणं जहण्णेणं दस वामसहस्साई ठिई प० । सोहम्मिसाणेसु कप्पेसु अत्थेगइयाणं देवाणं दस पलिओवमाई ठिई प० । बंभलोए कप्पे देवाणं उक्कोसेणं दस सागरोवमाई ठिई प० । लंतए कप्पे देवाणं अत्थेगइयाणं जहण्णेणं दस सागरोवमाई ठिई प० । जे देवा घोसं सुघोसं महाघोसं नंदिघोसं सुसरं मणोरमं रम्मं रम्मगं रमणिज्जं मंगलावलं बंभलो-गवडिसगं विमाणं देवत्ताए उववण्णा तेसि णं देवाणं उक्कोसेणं दस सागरोवमाई ठिई प० ॥ ३७ ॥ ते णं देवा दसण्हं अद्धमासाणं आणमंति वा पाणमंति वा ऊससंति वा नीमसंति वा । तेसि णं देवाणं दसहिं वाससहस्सेहिं आहारुटे समुप्प-ज्जइ । संतेगइआ भवसिद्धिआ जीवा जे दसहिं भवगहणेहिं सिज्झिस्संति बुज्झि-स्सेति मुच्चिस्संति परिनिव्वाइस्संति सव्वदुक्खाणमंतं करिस्संति ॥ ३८ ॥ एक्कारस उवासगपद्धिमाओ प० तं जहा—दंसणसावए, कयव्वयकम्मे, सामाइअकडे, पोस-होववासनिरए, दिया बंभयारी रत्ति परिमाणकडे, दिआ वि राओ वि बंभयारी असिणाई विअडभोई मोलिकडे, सचित्तपरिण्णाए, आरंभपरिण्णाए, पेसपरिण्णाए, उदिट्ठभलपरिण्णाए, समणभूए आवि भवइ समणाउसो । लोणताओ इक्कारसएहिं एकारेहिं जोयणसएहिं आबाहाए जोइसंते पण्णते । जंबूवीवे बीवे मंदरस्स पव्ववस्स एकारसहिं एकवीसेहिं जोयणसएहिं अबाहाए जोइसे चारं चरइ । समणस्स णं भग-

वओ महावीरस्स एकारस गणहरा होत्था, तं जहा-इंदभूई अगिगभूई वायुभूई विज्जेतो सोहम्मे मंडिए मोरियपुते अर्कपिए अयलभाए मेवज्जे पभासे । मूळे नक्खत्ते एकारसतारे पज्जेते । हेट्टिमगेविज्जयाणं देवाणं एकारसमुत्तरं गेविज्जविमाणसतं भवइ ति मक्खत्तायं । मंदरे णं पव्वए धरणितलाओ सिहरतळे एकारसभागपरिहीणे उच्चनेणं प० ॥ ३९ ॥ इमीसे णं रयणप्पभाए पुठवीए अत्येगइयाणं नेरइयाणं एकारस पलिओवमाई ठिई प० । पंचमीए पुठवीए अत्येगइयाणं नेरइयाणं एकारस सागरोवमाई ठिई प० । असुरकुमारणं देवाणं अत्येगइयाणं एकारस पलिओवमाई ठिई प० । सोहम्मीसाणेसु कप्पेसु अत्येगइयाणं देवाणं एकारस पलिओवमाई ठिई प० । लंतए कप्पे अत्येगइयाणं देवाणं एकारस सागरोवमाई ठिई प० । जे देवा बंभं सुवंभं वंभावत्तं वंभप्पभं वंभकंतं वंभवणं वंभत्सें वंभज्झयं वंभसिं वंभसिट्ठं वंभकूडं वंभुत्तरवडिसगं विमाणं देवत्ताए उववण्णा तेसि णं देवाणं (उक्कोसेणं) एकारस सागरोवमाई ठिई प० ॥ ४० ॥ ते णं देवा एकारसण्हं अद्धमासाणं आणमंति वा पाणमंति वा ऊससंति वा नीससंति वा । तेसि णं देवाणं एकारसण्हं वाससहस्साणं आहारट्ठे समुप्पज्जइ । संतेगइआ भवसिद्धिआ जीवा जे एकारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिच्चाइस्संति सव्वदुक्खाणमंतं करिस्संति ॥ ४१ ॥ बारस भिक्खुपडिमाओ पज्जत्ताओ, तं जहा-मासिआ भिक्खुपडिमा, दोमासिआ भिक्खुपडिमा, तिमासिआ भिक्खुपडिमा, चउमासिआ भिक्खुपडिमा, पंचमासिआ भिक्खुपडिमा, छमासिआ भिक्खुपडिमा, सत्तमासिआ भिक्खुपडिमा, पढमा सत्तराईदिआ भिक्खुपडिमा, दोच्चा सत्तराईदिआ भिक्खुपडिमा, तच्चा सत्तराईदिआ भिक्खुपडिमा, अहोराइआ भिक्खुपडिमा, एग-राइआ भिक्खुपडिमा । दुवाल्सविहे संभोगे प० तं जहा-“उवहीउअभत्तपाणे, अंजलीपग्गहे ति य । दायणे य निकाए अ अच्भुट्ठणेति आवरे । कितिकम्मस्स व करणे, वेयावक्ककरणे इअ । समोसरणं संनिसिज्जा य, कहाए अ पवंचणे” । दुवाल्सावते कितिकम्मे पज्जेते, तं जहा-“दुओणयं जहाजायं, कितिकम्मं बारसावयं । चउसिरं तिगुत्तं च, दुषवेसं एगनिकस्समणं” । विज्जया णं रायहाणी दुवाल्स जोयण-सयसहस्साई आयामक्किस्संभेणं प० । रामे णं बलदेवे दुवाल्स वाससयाई सव्वाउयं पालिता देवत्तं गए । मंदरस्स णं पव्वयस्स चूलिआ मूळे दुवाल्स जोयणाई विक्खंभेणं प० । जंबूवीवस्स णं वीवस्स वेइआ मूळे दुवाल्स जोय-णाई विक्खंभेणं प० । सव्वजहण्णिया राई दुवाल्ससमुहुत्तिआ प० । एवं दिवसोऽपि नायञ्चो । सव्वज्जसिद्धस्स षं महाविभाषस्स उवदिक्खो चूटिअग्गाओ

दुवाल्स जोयणाई उद्धं उप्फइआ ईसिपब्भारानामपुढवी पण्णत्ता । ईसिपब्भाराए णं पुढवीए दुवाल्स नामधेजा पण्णत्ता, तं जहा-ईसिति वा ईसिपब्भाराति वा तण्णइ वा तण्णयतरि ति वा सिद्धिति वा सिद्धालए ति वा मुत्तीति वा मुत्तालए ति वा बंभे ति वा बंभवडिसए ति वा लोकपरिपूरणे ति वा लोगगचूळिआइ वा ॥ ४२ ॥ इमीसे णं रयणप्पभाए पुढवीए अत्थेगइयाणं नेरइयाणं बारस पलिओवमाइं ठिई प० । पंचमीए पुढवीए अत्थेगइयाणं नेरइयाणं बारस सागरोवमाइं ठिई प० । असुरकुमारारणं देवाणं अत्थेगइयाणं बारस पलिओवमाइं ठिई प० । सोहम्मसाणेसु कप्पेसु अत्थेगइयाणं देवाणं बारस पलिओवमाइं ठिई प० । लंतए कप्पे अत्थेगइयाणं देवाणं बारस सागरोवमाइं ठिई प० । जे देवा महिदं महिदज्जयं कंतुं कंबुग्गीवं पुंखं सुपुंखं महापुंखं पुंउं सुपुंउं महापुंउं नरिदं नरिदकंतं नरिदुत्तरवडिसयं विमाणं देवत्ताए उववण्णा तेसि णं देवाणं उक्कोसेणं बारस सागरोवमाइं ठिई प० ॥ ४३ ॥ ते णं देवा बारसण्हं अद्धमायाणं आणमंति वा पाणमंति वा उस्ससंति वा नीससति वा । तेसि णं देवाणं बारसहिं वामसहस्सेहिं आहारट्टे ममुप्पजइ । सतेगइया भवसिद्धिआ जीवा जे बारसहिं भवग्गहणेहिं सिज्जिस्संति बुज्जिस्संति मुच्चिस्संति परिनिव्वाडस्संति मव्वदुक्खाणमंतं करिस्संति ॥ ४४ ॥ तेरम किरियाठाणा प० तं जहा—अट्टादंडे अणट्टादंडे हिंसादंडे अकम्हादंडे दिट्ठिविपरिआमिआदंडे मुमावायवत्तिए अदिन्नादाणवत्तिए अज्जत्थिए माणवत्तिए भित्तदोमवत्तिए मायावत्तिए लोभवत्तिए इरिआवहिए नामं तेरसमे । सोहम्मसाणेसु कप्पेसु तेरस विमाणपत्थडा प० । सोहम्मवडिसगे णं विमाणे णं अद्धतेरसजोयणमयमहस्साइं आयामविकस्संभेणं प० । एवं ईमाणवडिसगे वि । जलयरपंचंदिअतिरिक्खजोणिआणं अद्धतेरसजाइकुलकोडीजोणीपमुहसयमहस्साइं प० । पाणाउस्स णं पुव्वस्स तेरम वत्थं प० । गब्भवक्कंतिअपंचंदिअतिरिक्खजोणिआणं तेरसविहे पओगे प० तं जहा—सक्खमणपओगे मोसमणपओगे सच्चाओसमणपओगे असच्चाओसमणपओगे सक्खवइपओगे मोसवइपओगे सच्चाओसवइपओगे असच्चाओसवइपओगे ओरालिअसत्तैरकायपओगे ओरालिअमीससरीरकायपओगे वेउव्विअसरीरकायपओगे वेउव्विअमीससरीरकायपओगे कम्मसरीरकायपओगे । सरमंडलं जोअणेणं तेरसे (स) हिं एगसट्ठिभाग (ने) हिं जोयणस्स ऊणं पक्कंतं ॥ ४५ ॥ इमीसे णं रयणप्पभाए पुढवीए अत्थेगइयाणं नेरइयाणं तेरस पलिओवमाइं ठिई प० । पंचमीए पुढवीए अत्थेगइयाणं नेरइयाणं तेरस सागरोवमाइं ठिई प० । असुरकुमारारणं देवाणं अत्थेगइयाणं तेरस

पलिओवमाईं ठिईं प० । सोहम्मीसाणेसु कप्पेसु अत्थेगइआणं देवाणं तेरस
 पलिओवमाईं ठिईं प० । लेतए कप्पे अत्थेगइआणं देवाणं तेरस सागरोवमाईं
 ठिईं प० । जे देवा वज्जं सुवज्जं वज्जावत्तां वज्जप्पमं वज्जकंतं वज्जवर्णं वज्जलेसं
 वज्जरुवं वज्जसिगं वज्जसिट्ठं वज्जकूडं वज्जुत्तरवडिसगं वडरं वडरावत्तां वडरप्पमं वड-
 रकंतं वडरवर्णं वडरलेसं वडररुवं वडरसिगं वडरसिट्ठं वडरकूडं वडरुत्तरवडिसगं लोगं
 लोगवत्तां लोगप्पमं लोगकंतं लोगवर्णं लोगलेसं लोगरुवं लोगसिगं लोगसिट्ठं
 लोगकूडं लोगुत्तरवडिसगं विमाणं देवताए उववण्णा तेसि णं देवाणं उक्कोसेगं तेरस
 सागरोवमाईं ठिईं प० ॥ ४६ ॥ ते णं देवा तेरसहिं अद्धमासेहिं आणमंति वा
 पाणमंति वा उस्ससति वा नीससंति वा । तेमि णं देवाणं तेरसहिं वाससहस्सेहिं
 आहारट्ठे समुप्पजइ । संतेगइआ भवसिद्धिआ जीवा जे तेरसहिं भवग्गहणेहिं
 सिञ्जिस्संति मुञ्जिस्संति मुच्चिस्संति परिनिच्चाइस्सति सच्चदुक्खाणमंतं करिस्संति
 ॥ ४७ ॥ चउहस भूअग्गामा पजत्ता, तं जहा-सुहुमा अपजत्ताआ सुहुमा पजत्तया
 बादरा अपजत्तया बादरा पजत्तया बेईदिया अपजत्तया बेईदिया पजत्तया तेंदिया
 अपजत्तया तेंदिया पजत्तया चउरिंदिया अपजत्तया चउरिंदिया पजत्तया पंचिंदिया
 असज्जिअपजत्तया पंचिंदिया असज्जिअपजत्तया पंचिंदिया माज्जिअपजत्तया पंचिंदिया
 सज्जिअपजत्तया । चउदस पुच्चा प० तं जहा-उप्पायपुच्चमग्गेणियं च तइयं च
 वीरियं पुच्चं । अत्थीनत्थि पवार्यं तत्तो नाणप्पवार्यं च ॥ १ ॥ सच्चप्पवायपुच्चं तत्तो
 आयप्पवायपुच्चं च । कम्मप्पवायपुच्चं पच्चक्खणं भवे नवमं ॥ २ ॥ विज्जाअणुप्प-
 वार्यं अवंअ पाणाउ बारसं पुद्वं । तत्तो किरियविमालं पुद्वं तह बिंदुसारं च ॥ ३ ॥
 अग्गेणीअस्स णं पुच्चस्स चउहस वत्थू पजत्ता । समणस्स णं भगवओ महावीरस्स
 चउहस समणसाहस्सीओ उक्कोसिआ समणसंपया होत्था । कम्मविसोहिमग्गणं पहुच्च
 चउदस जीवट्ठणा पजत्ता, तं जहा-मिच्छदिट्ठी सासायणसम्महिट्ठी सम्माभिच्छदिट्ठी
 अविरयसम्महिट्ठी विरयाविरए पमतसंजए अपमतसंजए निअट्ठिबायरे अनियट्ठिबायरे
 सुहुमसंपराए उवसाभए वा खवए वा उवसंतमोहे खीणमोहे सजोगीकेवली अजोगी-
 केवली । भरहैरवयाओ णं जीवाओ चउहम चउहस जोयणसहस्साईं चत्तारि अ एगु-
 त्तरे जोयणसए छब्ब एगुणवीसे भागे जोयणस्स आगामेणं पजत्ता । एग्गेगस्स णं रत्तो
 वाउरंतवक्कवट्ठिस्स चउहस रयणा पजत्ता, तं जहा-इत्थीरयणे सेणावइरयणे गाहाव-
 इरयणे पुरोहिअरयणे बह्वुरयणे आसरयणे हत्थिरयणे असिरयणे दंडरयणे चक्करयणे
 छत्तरयणे चम्मरयणे म्भिरयणे काम्भिरयणे । जंबुहीवे णं बीवे चउहस महानईओ
 पुच्चावरेण लब्धसमुहं समप्पेति, तं जहा-गंगा सिंखू रोहिआ रोहिअंसा हरी

हरिकंता सीआ सीओदा नरकंता नारिकंता सुवष्णकूला रूपकूला रता रतावई
 ॥ ४८ ॥ इमीसे णं रयणप्पभाए पुढवीए अत्येगइयाणं नेरइयाणं चउदस पलिओ-
 वमाइं ठिईं प० । पंचमीए णं पुढवीए अत्येगइयाणं नेरइयाणं चउदस सागरो-
 वमाइं ठिईं प० । असुरकुमाराणं देवाणं अत्येगइयाणं चउदस पलिओवमाइं
 ठिईं प० । सोहम्मीसाणेसु कप्पेसु अत्येगइयाणं देवाणं चउदस पलिओवमाइं
 ठिईं प० । लंतए कप्पे देवाणं उक्कोसेणं चउदस सागरोवमाइं ठिईं प० ।
 महासुक्के कप्पे देवाणं जहण्णेणं चउदस सागरोवमाइं ठिईं प० । जे देवा सिरि-
 कंतं सिरिमहिअं सिरिसोमनसं लंतयं काविट्ठं महिंदं महिंदकंतं महिंदुत्तरवडिसं
 विमाणं देवत्ताए उववण्णा तेसिं णं देवाणं उक्कोसेणं चउदस सागरोवमाइं ठिईं
 प० ॥ ४९ ॥ ते णं देवा चउदसहिं अद्धमासेहिं आणमंति वा पाणमंति वा
 उस्ससंति वा नीससंति वा । तेसिं णं देवाणं चउदसहिं वाससहस्सेहिं आहारद्वे
 समुप्पज्जइ । संतेगइया भवसिद्धिआ जीवा जे चउदसहिं भवग्गहणेहिं सिज्जिस्संति
 बुज्जिस्संति मुच्चिस्संति परिनिव्वाइस्संति सव्वदुक्खणमंतं करिस्संति ॥ ५० ॥
 पन्नरस परमाहम्मिआ पन्नता, तं जहा-अंबे अंबरिसी चेव, सामे सबले ति आवरे ।
 रुहोवरुहकाळे अ, महाकाळे ति आवरे ॥ १ ॥ असिपत्ते धणु कुंभे, वालए वेअर-
 णीति अ । खरस्सरे महाघोसे, एते पन्नरसाहिआ ॥ २ ॥ णमी णं अरहा पन्नरस
 घणूई उच्चं उच्चत्तेणं होत्था । धुवराह्णं बहुलपक्खस्स पडिवए पन्नरसभागं पन्नरस-
 भागेणं चंदस्स लेसं आवरेत्ताणं चिट्ठति, तं जहा-पडमाए पडमं भागं बीआए
 दुभागं तइआए तिभागं चउत्थीए चउभागं पंचमीए पंचभागं छट्ठीए छभागं सत्त-
 मीए सत्तभागं अट्ठमीए अट्ठभागं नवमीए नवभागं दसमीए दसभागं एक्कारसीए
 एक्कारसभागं बारसीए बारसभागं तेरसीए तेरसभागं चउदसीए चउदसभागं पन्न-
 रसेसु पन्नरसभागं । तं चेव सुक्कपक्खस्स य उवदसेमाणे २ चिट्ठति, तं जहा-पडमाए
 पडमं भागं जाव पन्नरसेसु पन्नरसभागं । छ णक्खत्ता पन्नरसमुहुत्तसंजुत्ता पन्नता,
 तं जहा-सतभिसय भरणि अहा असलेसा साईं तहा जेट्ठा । एते छण्णक्खत्ता पन्न-
 रसमुहुत्तसंजुत्ता ॥ १ ॥ चेत्तासोएसु णं मासेसु पन्नरसमुहुत्तो दिवसो भवति, एषं
 चेत्तासोएसु णं मासेसु पन्नरसमुहुत्ता राईं भवति । विज्जाअणुप्पवायस्स णं पुब्बस्स
 पन्नरस वत्थू पण्णत्ता । मणूसार्णं पण्णरसविहे पओगे प० तं जहा-सक्कमणप-
 ओगे मोसमणपओगे सक्कमोसमणपओगे असक्कामोसमणपओगे सक्कवहपओगे मोस-
 वहपओगे सक्कमोसवहपओगे असक्कामोसवहपओगे ओराल्लिअसरीरकायपओगे ओर-
 लिअमीससरीरकायपओगे त्रैउम्बियसरीरकायपओगे वेउम्बियमीससरीरकायपओगे

आहारयसरीरकायपओगे आहारयमीससरीरकायप्पओगे कम्मयसरीरकायपओगे
 ॥ ५१ ॥ इमीसे णं रयणप्पभाए पुढवीए अत्येगइआणं नेरइआणं पण्णरम पत्ति-
 ओवमाइं ठिईं प० । पंचमीए पुढवीए अत्येगइआणं नेरइयाणं पण्णरस मागरो-
 वमाइं ठिईं प० । असुरकुमारारणं देवाणं अत्येगइयाणं पण्णरस पत्तिओवमाइं
 ठिईं प० । सोहम्मसीसाणेसु कप्पेसु अत्येगइआणं देवाणं पण्णरस पत्तिओवमाइं
 ठिईं प० । महासुक्के कप्पे अत्येगइआणं देवाणं पण्णरस सागरोवमाइं ठिईं
 प० । जे देवा णंदं सुणंदं णंदावत्तं णंदप्पभं णंदकंतं णंदवण्णं णंदत्थं णंदज्जयं
 णंदसिंणं णंदसिद्धं णंदकुडं णंदुत्तरवडिसंणं विमाणं देवत्ताए उववण्णा तेसिं णं देवाणं
 उक्कोसेणं पण्णरम सागरोवमाइं ठिईं प० ॥ ५२ ॥ ते णं देवा पण्णरसहं
 अद्धमासाणं आणमंति वा पाणमंति वा उस्ससंति वा नीससंति वा । तेसिं णं देवाणं
 पण्णरसहिं वाससहस्सेहिं आहारट्टे समुप्पज्जइ । संतेगइआ भवसिद्धिआ जीवा जे
 पन्नरसहिं भवग्गहणेहिं सिज्जिस्संति बुज्जिस्संति मुच्चिस्संति परिनिव्वाइस्संति
 सव्वदुक्खाणमंतं करिस्संति ॥ ५३ ॥ सोलस य गाहा सोलसगा पज्जत्ता, तं जहा-
 समए वेयालिए उवसग्गपरिच्चा इत्थीपरिण्णा निरयविभत्ती महावीरयुं कुसीलपरि-
 भासिए वीरिए धम्ममे समाही मग्गे समोसरणे आहान्हिए गंथे जमईए गाहामोल-
 समे सोलसगे । सोलस क्साया पज्जत्ता, तं जहा-अणंताणुबंधी कोहे, अणंताणुबंधी
 माणे, अणंताणुबंधी माया, अणंताणुबंधी लोभे, अपच्चक्खाणकसाए कोहे, अपच्च-
 क्खाणकसाए माणे, अपच्चक्खाणकसाए माया, अपच्चक्खाणकसाए लोभे, पच्च-
 क्खाणावरणे कोहे, पच्चक्खाणावरणे माणे, पच्चक्खाणावरणा माया, पच्चक्खाणावरणे
 लोभे, संजलणे कोहे, संजलणे माणे, संजलणे माया, संजलणे लोभे । मंदरस्म णं
 पव्वयस्त सोलस नामधेया पज्जत्ता, तं जहा-मंदर मेरु मणोरम, सुदंसण सयंपमे
 य गिरिराया । रयणुच्चय पियदंसण, मज्जे लोगस्स नाभी य ॥ १ ॥ अत्ये अ
 सूरिआवत्ते, सूरिआवरणे त्ति अ । उत्तरे अ दिसाई अ, वडिसे इव सोलसमे ॥२॥
 पासस्स णं अरहतो पुरिसादाणीयस्स सोलस समणसाहस्सीओ उक्कोसिआ समण-
 संपदा होत्था । आयप्पवायस्स णं पुव्वस्स णं सोलस वत्थु पज्जत्ता । चमरबलीणं
 ऊवारियाळेणे सोलस जोयणसहस्साइं आयामविकखंभेणं प० । लवणे णं समुदे
 सोलस जोयणसहस्साइं उस्सेहपरिवुद्धीए पज्जते ॥ ५४ ॥ इमीसे णं रयणप्पभाए
 पुढवीए अत्येगइयाणं नेरइआणं सोलस पत्तिओवमाइं ठिईं प० । पंचमीए पुढ-
 वीए अत्येगइयाणं नेरइयाणं सोलस सागरोवमाइं ठिईं प० । असुरकुमारारणं देवाणं
 अत्येगइयाणं सोलस पत्तिओवमाइं ठिईं प० । सोहम्मसीसाणेसु कप्पेसु अत्येगइ-

याणं देवाणं सोलस पत्तिओवमाईं ठिईं प० । महासुक्के कप्पे देवाणं अत्येगइयाणं सोलस सागरोवमाईं ठिईं प० । जे देवा आवत्तं विआवत्तं नदिआवत्तं महाणंदि-
 आवत्तं अंकुसं अंकुसपलंबं भइं सुभइं महाभइं सब्बओभइं भट्टत्तरवडिसर्गं विमाणं
 देवत्ताए उववण्णा तेसि णं देवाणं उक्कोसेणं सोलस सागरोवमाईं ठिईं प०
 ॥ ५५ ॥ ते णं देवा सोलसहिं अद्धमासाणं आणमंति वा पाणमंति वा उस्ससंति वा
 नीससति वा । तेसि णं देवाणं सोलसवाससहस्सेहिं आहारट्टे समुप्पज्जइ । संतेग-
 इआ भवसिद्धिआ जीवा जे सोलसहिं भवग्गहणेहिं सिज्जिस्संति वुज्जिस्संति मुच्चि-
 स्संति परिनिव्वाइस्संति मव्वदुक्खाणमंतं करिस्संति ॥ ५६ ॥ मत्तरसविहे असंजमे
 पन्नत्ते, तं जहा-पुडविकायअसजमे आउकायअसजमे तेउकायअसजमे वाउकाय-
 असंजमे वणस्मइकायअसंजमे बेइंदिअअसजमे तेइंदियअसंजमे चउरिंदियअसंजमे
 पंचिंदियअसंजमे अजीवकायअसंजमे पेहाअसजमे उवेहाअसंजमे अवहट्टअसंजमे
 अप्पमज्जणाअसंजमे मणअसजमे वइअसजमे कायअसंजमे । मत्तरसविहे संजमे
 पन्नत्ते, तं जहा-पुडवीकायसंजमे आउकायसंजमे तेउकायसंजमे वाउकायसंजमे
 वणस्सइकायसंजमे बेइंदिअसंजमे तेइंदियसंजमे चउरिंदिअसंजमे पंचिंदिअसंजमे
 अजीवकायसंजमे पेहासंजमे उवेहासंजमे अवहट्टसंजमे पमज्जणासंजमे मणसंजमे
 वइसंजमे कायसंजमे । माणुसत्तरे णं पव्वए सत्तरस एकवीसे जोयणसए उट्ठं उच्चतेणं
 पन्नत्ते । सब्बेसि पि णं वेल्धरअणुवेल्धरणागराईणं आवामपव्वया सत्तरस एकवीसाईं
 जोयणसयाइं उट्ठं उच्चतेणं पन्नत्ता । लवणे णं समुहे सत्तरस जोयणसहस्साइं सब्ब-
 ग्गेणं पन्नत्ते । इमासे णं रयणप्पभाए पुडवीए बहुसमरमणिज्जाओ भूमिभागाओ
 सातिरेगाइं सत्तरस जोयणसहस्साइं उट्ठं उच्चतेणं ततो पच्छा चाग्गणां तिरिआ
 गती पवत्तति । चमरस्स णं असुरिंदस्म असुररण्णो तिग्गिंछिक्कडे उप्पायपव्वए सत्त-
 रस एकवीसाईं जोयणसयाइं उट्ठं उच्चतेणं पन्नत्ते । बलिस्स णं असुरिंदस्स रुअग्गिंडे
 उप्पायपव्वए सत्तरस एकवीसाईं जोयणसयाइं उट्ठं उच्चतेणं पन्नत्ते । सत्तरसविहे
 मरणे पन्नत्ते, तं जहा-आवीइंमरणे ओहिंमरणे आर्यंतियमरणे वलायमरणे वसट्टमरणे
 अंतोमल्लमरणे तच्चभवमरणे बालमरणे पंडितमरणे बालपंडितमरणे छउमत्थमरणे
 केवल्लमरणे वेहासमरणे गिद्धपिट्टमरणे भत्तपञ्चक्खाणमरणे इंगिणिमरणे पाओवग-
 मणमरणे । सुहुमसंपराए णं भगवं सुहुमसंपरायभावे वट्टमाणे सत्तरस कम्मपगळीओ
 णिबंधति, तं जहा-आभिणिजोहियणाणावरणे सुयणाणावरणे ओहिणाणावरणे मणप-
 ज्जवणाणावरणे केवलणाणावरणे चक्खुदंसणावरणे अब्बक्खुदंसणावरणे ओहिंदंसणा-
 वरणे केवलदंसणावरणे सायाबेयणिजं जसोकित्तिनामं उच्चागोयं दार्णतरायं खाभंतरायं

भांगंतरायं उवभोगंतरायं वीरिअंतरायं ॥ ५७ ॥ इमीसे णं रयणप्पभाए पुढवीए अत्थेगइआणं नेरइयाणं सत्तरस पळिओवमाइं ठिईं पज्जाता । पंचमीए पुढवीए अत्थे-
 गइयाणं नेरइयाणं उक्कोसेणं सत्तरस सागरोवमाइं ठिईं प० । छट्ठीए पुढवीए अत्थे-
 गइयाणं नेरइयाणं जहण्णेणं सत्तरस सागरोवमाइं ठिईं प० । असुरकुमारणं देवाणं
 अत्थेगइयाणं सत्तरस पळिओवमाइं ठिईं प० । सोहम्मीसाणेसु कप्पेसु अत्थेगइआणं
 देवाणं सत्तरस पळिओवमाइं ठिईं प० । महासुक्के कप्पे देवाणं उक्कोसेणं सत्तरस
 सागरोवमाइं ठिईं प० । सहस्सारे कप्पे देवाणं जहण्णेणं सत्तरस सागरोवमाइं
 ठिईं प० । जे देवा सामाणं सुसामाणं महासामाणं पउमं महापउमं कुमुदं महाकुमुदं
 नल्लिणं महानल्लिणं पोंडरीअं महापोडरीअं सुक्कं महासुक्कं सीहं सीहकंतं सीहवीअं
 भाविअ विमाणं देवत्ताए उववण्णा तेसि णं देवाणं उक्कोसेणं सत्तरस सागरोवमाइं
 ठिईं प० ॥ ५८ ॥ ते णं देवा सत्तरमहिं अडमासेहिं आणमंति वा पाणमंति वा
 उस्ममंति वा नीससंति वा । तेसि णं देवाणं सत्तरमहिं वाससहस्सेहिं आहारट्ठे
 समुप्पज्जइ । संतेगइया भवसिद्धिआ जीवा जे सत्तरसहिं भवग्गहणेहिं सिञ्जिस्संति
 धुञ्जिस्संति मुच्चिस्संति परिनिव्वाइस्संति सव्वदुक्खवाणमंतं करिस्संति ॥ ५९ ॥
 अट्ठारसविहे बंभे पज्जे, तं जहा-ओरालिए कामभोगे णेव सयं मणेणं सेवइ, नो
 वि अण्णं मणेणं सेवावेइ, मणेणं सेवंतं पि अण्णं न समणुजाणाइ ओरालिए काम-
 भोगे णेव सयं वायाए सेवइ, नो वि अण्णं वायाए सेवावेइ, वायाए सेवंतं पि अण्णं
 न समणुजाणाइ, ओरालिए कामभोगे णेव सयं काएणं सेवइ, नो वि यऽण्णं काएणं
 सेवावेइ, काएणं सेवंतं पि अण्णं न समणुजाणाइ, दिव्वे कामभोगे णेव सयं मणेणं
 सेवइ, णो वि अण्णं मणेणं सेवावेइ, मणेणं सेवंतं पि अण्णं न समणुजाणाइ, दिव्वे
 कामभोगे णेव सयं वायाए सेवइ, णो वि अण्णं वायाए सेवावेइ, वायाए सेवंतं पि
 अण्णं न समणुजाणाइ, दिव्वे कामभोगे णेव सयं काएणं सेवइ, णो वि अण्णं काएणं
 सेवावेइ, काएणं सेवंतं पि अण्णं न समणुजाणाइ । अरहतो णं अरिद्धनेमिस्स
 अट्ठारस समणसाहस्सीओ उक्कोसिया समणसंपया होत्था । समणेणं भगवया महा-
 वीरेणं समणार्णं षिग्गंथाणं सब्बुयविअत्ताणं अट्ठारस ठाणा पज्जाता, तं जहा-वयच्छं
 कायच्छं, अकप्पो गिहिभायणं; पलियं क निसिज्जा य, सिणाणं सोभवज्जणं ॥ १ ॥
 आयारस्स णं भगवतो सब्बुत्थिआगस्स अट्ठारस पयसहस्साइं पयग्गेणं पज्जाताइं ।
 बंभीए णं लिवीए अट्ठारसविहे लेखविहाणे पज्जे, तं०-बंभी जवणी लियादोसा
 ऊरिया खरोट्टिया खरसाविया पहाराइआ लखारिया अक्खरपुट्टि(त्थि)आ
 भोगवयता वेणसिया गिण्हइया अंकलिवि गणिअलिबी गंधव्वलिबी[भूयलिवि]

आदंसलिवी माहेसरीलिवी दामिलिवी बोलिदिलिवी । अत्यिनत्यिप्पवायस्स णं पुव्वस्स णं अट्टारस वत्थू प० । धूमप्पभाए णं पुढवीए अट्टारसुतरं जोयणसयसहस्सं बाह्लेणं प० । पोसासाढेसु णं मासेसु सइ उक्कोसेणं अट्टारस मुहुत्ते दिवसे भवइ सइ उक्कोसेणं अट्टारस मुहुत्ता राती भवइ ॥ ६० ॥ इमीसे णं रयणप्पभाए पुढवीए अत्येगइयाणं नेरइयाणं अट्टारस(पलिओवमाई ठिई प० । छट्ठीए पुढवीए अत्येगइयाणं नेरइयाणं अट्टारस)सागरोवमाई ठिई प० । असुरकुमारारणं देवाणं अत्येगइयाणं अट्टारस पलिओवमाई ठिई प० । सोहम्मीसाणेसु कप्पेसु अत्येगइयाणं देवाणं अट्टारस पलिओवमाई ठिई प० । सहस्सारे कप्पे देवाणं उक्कोसेणं अट्टारस सागरोवमाई ठिई प० । आणते कप्पे देवाणं अत्येगइयाणं जहण्णेणं अट्टारस सागरोवमाई ठिई प० । जे देवा कालं सुकालं महाकालं अजणं रिट्ठं सालं समाणं दुमं महादुमं विसालं सुसालं पउमं पउमगुम्मं कुमुदं कुमुदगुम्मं नलिणं नलिणगुम्मं पुंडरीअं पुंडरीयगुम्मं सहस्सारवडिसणं विमाणं देवत्ताए उववण्णा तेसि णं देवाणं(उक्कोसेणं)अट्टारस सागरोवमाई ठिई प० ॥ ६१ ॥ ते णं देवा णं अट्टारसेहिं अद्धमासेहिं आणमंति वा पाणमंति वा ऊससंति वा नीससंति वा । तेसि णं देवाणं अट्टारसवामसहस्सेहिं आहारट्ठे समुप्पज्जइ । संतेगइया भवसिद्धिया (जीवा)जे अट्टारसहिं भवग्गहणेहिं सिज्जिस्संति वुज्जिस्संति मुच्चिस्सति परिनिव्वाइस्संति सच्चदुक्खाणमंतं करिस्संति ॥ ६२ ॥ एगूणवीसं णायज्झयणा पज्जत्ता, तं जहा-उक्खित्ताणाए सघाडे, अंढे कुम्मे अ सेलए । तुवे अ रोहिणी मल्ली, मागवी चंदिमाति अ ॥ १ ॥ दावह्वे उदगणाए, मंडुक्के तेत्तली इअ । नंदिफले अवरकंका, आइण्णे सुंसमा इअ ॥ २ ॥ अवरे अ पोंडरीए, णाए एगूणवीसमे । जंबुद्दीवे णं वीवे सूरिआ उक्कोसेणं एगूणवीस जोयणसयाई उद्धमहो तवयंति । सुक्के णं महग्गहे अवरे णं उदिए समाणे एगूणवीसं णक्खत्ताइं समं चारं चरिमा अवरेणं अत्यमणं उवागच्छइ । जंबुद्दीवस्स णं वीवस्स कलाओ एगूणवीसं छेअणाओ पज्जत्ता ।

एगूणवीसं तित्थयरा अगारवासमज्झे वसित्ता मुंडे भवित्ता णं अगाराओ अणगारिअं पव्वइआ ॥ ६३ ॥ इमीसे णं रयणप्पभाए पुढवीए अत्येगइयाणं नेरइयाणं एगूणवीसं पलिओवमाई ठिई प० । छट्ठीए पुढवीए अत्येगइयाणं नेरइयाणं एगूणवीसं सागरोवमाई ठिई प० । असुरकुमारारणं देवाणं अत्येगइयाणं एगूणवीसं पलिओवमाई ठिई प० । सोहम्मीसाणेसु कप्पेसु अत्येगइयाणं देवाणं एगूणवीसं पलिओवमाई ठिई प० । आणयकप्पे[अत्येगइयाणं] देवाणं उक्कोसेणं एगूणवीसं सागरोवमाई ठिई प० । पाणए कप्पे[अत्येगइयाणं]

देवाणं जहण्णेणं एगुणवीसं सागरोवमाइं ठिईं प० । जे देवा आणतं पाणतं णतं विणतं घणं सुसिरं इंदं इंदोर्कतं इंदुत्तरवडिसगं विमाणं देवताए उववण्णा तेसि णं देवाणं उक्कोसेणं एगुणवीसं सागरोवमाइं ठिईं प० ॥ ६४ ॥ ते णं देवा एगुणवीसाए अद्धमासाणं आणमंति वा पाणमंति वा उस्ससंति वा नीससंति वा । तेसि णं देवाणं एगुणवीसाए वाससहस्सेहिं आहारट्टे समुप्पज्जइ । सतेगइआ भवसिद्धिया जीवा जे एगुणवीसाए भवग्गहणेहिं सिञ्जिस्संति बुज्जिस्संति मुच्चिस्संति परिनिव्वाइस्संति सब्बदुक्खाणं अंतं करिस्संति ॥ ६५ ॥ वीसं असमाहिठणा पन्नता, तं जहादवदवचारि यावि भवइ, अपमज्जियचारि यावि भवइ, दुप्पमज्जियचारि आवि भवइ, अतिरित्तसेज्जासणिए, रातिणिअपरिभासी, थेरोवचाइए, भूओवचाइए, संजलणे कोहणे, पिट्ठिमंसिए, अभिक्खणं अभिक्खणं ओहारइत्ता भवइ, णवाणं अधिकरणणं अणुप्पण्णणं उप्पाएत्ता भवइ, पोरानाणं अधिकरणणं खामिअविउसविआणं पुणोदीरेत्ता भवइ, ससरक्खपाणिपाए, अकालसज्जायकारए यावि भवइ, कलहकरे, सइकरे, झंझकरे, सुरप्पमाणभोई, एसणाऽसमिते यावि भवइ । मुणिमुव्वए णं अरहा वीसं धणूइं उच्चं उच्चतेणं होत्था । सब्बेऽविअ णं घणोदही वीसं जोयणमहस्साइं बाहल्लेणं पन्नता । पाणयस्स णं देविंदस्स देवरण्णो वीसं सामाणिअसाहस्सीओ पन्नताओ । णपुंसयवेयणिज्जस्स णं कम्मस्स वीसं सागरोवमकोडाकोडीओ वंधओ वंधाठिईं प० । पच्चक्खाणस्स णं पुव्वस्स वीसं वत्थू । उस्सप्पिणिओसप्पिणिमंडले वीसं सागरोवमकोडाकोडीओ कालो पन्नतो ॥ ६६ ॥ इमीसे णं रयणप्पभाए पुडवीए अत्थेगइयाणं नेरइयाणं वीसं पलिओवमाइं ठिईं प० । छट्ठीए पुडवीए अत्थेगइयाणं नेरइयाणं वीसं सागरोवमाइं ठिईं प० । असुरकुमारानं देवाणं अत्थेगइयाणं वीसं पलिओवमाइं ठिईं प० । सोहम्मीसाणेसु कप्पेसु अत्थेगइयाणं देवाणं वीसं पलिओवमाइं ठिईं प० । पाणते कप्पे देवाणं उक्कोसेणं वीसं सागरोवमाइं ठिईं प० । आरणे कप्पे देवाणं जहण्णेणं वीसं सागरोवमाइं ठिईं प० । जे देवा सायं विसायं सुविसायं सिद्धत्थं उप्पलं भित्तिरं तिगिच्छं दिसासोवत्थियं पलंबं हल्लं पुप्फं सुपुप्फं पुप्फावत्तं पुप्फपभं पुप्फकंतं पुप्फवण्णं पुप्फळेसं पुप्फज्जयं पुप्फसिंणं पुप्फसिद्धं पुप्फुत्तरवडिसगं विमाणं देवताए उववण्णा तेसि णं देवाणं उक्कोसेणं वीसं सागरोवमाइं ठिईं प० ॥ ६७ ॥ ते णं देवा वीसाए अद्धमासाणं आणमंति वा पाणमंति वा उस्ससंति वा नीससंति वा । तेसि णं देवाणं वीसाए वाससहस्सेहिं आहारट्टे समुप्पज्जइ । संतेगइया भवसिद्धिया जीवा जे वीसाए भवग्गहणेहिं सिञ्जिस्संति

बुद्धिस्संति मुच्चिस्संति परिणिव्वाइस्संति सब्बदुक्खाणमंतं करिस्संति ॥ ६८ ॥
 एकवीसं सबला पण्णत्ता, तं जहा-हत्थकम्मं करेमाणे सबले, मेहुणं पडिसेवमाणे
 सबले, राइभोअणं भुंजमाणे सबले, आहाकम्मं भुंजमाणे सबले, सागारियं पिंडं
 भुंजमाणे सबले, उदेसियं कीयं आहट्टु दिज्जमाणं भुंजमाणे सबले, अभिक्खणं
 अभिक्खणं पडियाइक्खेत्ता णं भुंजमाणे सबले, अतो छहं मासाणं गणाओ गणं
 संकममाणे सबले, अंतो मासस्स तओ दगळेवे करेमाणे सबले, अंतो मासस्स तओ
 माईठाणे सेवमाणे सबले, रायपिंडं भुंजमाणे सबले, आउट्टिआए पाणाइवायं करे-
 माणे सबले, आउट्टिआए मुसावायं वदमाणे सबले, आउट्टिआए अदिण्णादाणं
 भोण्हमाणे सबले, आउट्टिआए अणंतरहिआए पुढवीए ठाणं वा निसीहियं वा
 चेतेमाणे सबले, एवं आउट्टिआ चित्तमंताए पुढवीए एवं आउट्टिआ चित्तमंताए
 सिलाए कोलावाससि वा दारुए ठाणं वा सिज्जं वा निसीहियं वा चेतेमाणे सबले,
 जीवपइट्टिए सपाणे सबीए महरिए सउत्तिगे पणगदगमट्टीमक्कडासंताणाए तहूप्पगारे
 ठाणं वा सिज्जं वा निसीहियं वा चेतेमाणे सबले, आउट्टिआए मूलभोअणं वा कंद-
 भोअणं वा तयाभोयणं वा पवालभोयणं वा पुप्फभोयणं वा फलभोयणं वा हरिय-
 भोयणं वा भुंजमाणे सबले, अंतो संवच्छरस्स दस दगळेवे करेमाणे सबले, अंतो
 संवच्छरस्स दस माइठाणाइ सेवमाणे सबले, अभिक्खणं अभिक्खणं सीतोदय-
 वियडवग्घारियपाणिणा असणं वा पाणं वा खाइमं वा साइम वा पडिगाहिना भुंज-
 माणे सबले ॥ ६९ ॥ णिअट्टिबादरस्स णं खवियमत्तयस्स मोहणिज्जस्स कम्मस्स
 एकवीस कम्मंसा संतकम्मा प० तं जहा-अपच्चक्खाणकमाए कोहे, अपच्चक्खा-
 णकसाए माणे, अपच्चक्खाणकमाए माया, अपच्चक्खाणकसाए लोभे, पच्चक्खा-
 णावरणकमाए कोहे, पच्चक्खाणावरणकमाए माणे, पच्चक्खाणावरणकसाए माया,
 पच्चक्खाणावरणकसाए लोभे, संजलणकसाए कोहे, संजलणकसाए माणे, संज-
 लणकसाए माया, संजलणकसाए लोभे, इत्थिवेदे, पुंबेदे, णपुंबेदे, हासे, अरति,
 रति, भय, सोग, दुगुछा । एकमेक्काए णं ओसप्पिणीए पंचमच्छट्टाओ समाओ एक-
 वीसं एकवीसं वाममहस्साई कालेणं प० तं जहा-दूसमा दूसमदूसमा । एगमे-
 गाए णं उस्सप्पिणीए पट्टमबित्तिआओ समाओ एकवीसं एकवीसं वाससहस्साई
 कालेणं प० तं जहा-दूसमदूसमाए दूसमाए य ॥ ७० ॥ इमीसे णं रयणप्पभाए
 पुढवीए अत्येगइयाणं नेरइआणं एकवीसपलिओवमाई ठिई प० । छट्टीए पुढवीए
 अत्येगइयाणं नेरइयाणं एकवीससागरोवमाई ठिई प० । असुरकुमारारणं देवाणं
 अत्येगइयाणं एगवीसपलिओवमाई ठिई प० । सोहम्मीसाणेसु कप्पेसु अत्येगइ-

याणं देवाणं एकवीसं पलिओवमाईं ठिईं प० । आरणे कप्पे देवाणं उक्कोसेणं एकवीसं सागरोवमाईं ठिईं प० । अच्चते कप्पे देवाणं जहण्णेणं एकवीसं सागरोवमाईं ठिईं प० । जे देवा सिरिवच्छं सिरिदामकंढं मल्लं किट्टं चावोण्णतं अरणवडिसं विमाणं देवताए उववण्णा तेसि णं देवाणं उक्कोसेणं एकवीसं सागरोवमाईं ठिईं प० ॥ ७१ ॥ ते णं देवा एकवीसाए अद्धमासाणं आणमंति वा पाणमंति वा उस्ससंति वा नीससति वा । तेसि णं देवाणं एकवीसाए वाससहस्सेहिं आहारंद्दं समुप्पज्जइ । संतेगइया भवसिद्धिया जीवा जे एकवीसाए भवगहणेहिं सिज्झस्सति बुज्झिस्संति मुच्चिस्संति परिनिच्चाइस्संति सच्चदुक्खाणमंतं करिस्संति ॥ ७२ ॥ बावीसं परीसहा प० तं जहा-दिगिच्छापरीसहे, पिवासापरीसहे, सीतपरीसहे, उस्सिणपरीसहे, दंसमसगपरीसहे, अचेलपरीसहे, अरइपरीसहे, इत्थीपरीसहे, चरिआपरीसहे, निसीहिआपरीसहे, सिज्जापरीसहे, अक्कोसपरीसहे, वहपरीसहे, जायणापरीसहे, अलाभपरीसहे, रोगपरीसहे, तण्णफासपरीसहे, जल्लपरीसहे, सक्कारपुरक्कारपरीसहे, पण्णापरीसहे, अण्णाणपरीसहे, दंसणपरीसहे । दिट्ठिवायस्स णं बावीसं सुत्ताईं छिन्नछेयणइयाईं सगमयसुत्तपरिवाडीए बावीसं सुत्ताईं अछिन्नछेयणइयाईं आजीवियसुत्तपरिवाडीए । बावीसं सुत्ताईं निरुणइयाईं त्तरासियसुत्तपरिवाडीए । बावीसं सुत्ताईं चउक्कणइयाईं ससमयसुत्तपरिवाडीए । बावीसविहे पोग्गलपरिणामे पन्नत्ते, तं जहा-कालवण्णपरिणामे, नीलवण्णपरिणामे, लोहियवण्णपरिणामे, हात्तिवण्णपरिणामे, सुक्किळ्वण्णपरिणामे, सुच्चिभगंधपरिणामे, तुच्चिभगंधपरिणामे, तिचरसपरिणामे, कडुयरसपरिणामे, कसायरसपरिणामे, अबिलरसपरिणामे, महुररसपरिणामे, कक्खडफासपरिणामे, मउयफासपरिणामे, गुरुफासपरिणामे, लहुफासपरिणामे, सीतफासपरिणामे, उस्सिणफासपरिणामे, णिद्धफासपरिणामे, लुक्खफासपरिणामे, अगुरुलहुफासपरिणामे, गुरुलहुफासपरिणामे ॥ ७३ ॥ इमीसं णं रयणप्पमाए पुढवीए अत्येगइयाणं नेरइयाणं बावीसं पलिओवमाईं ठिईं प० । छट्ठीए पुढवीए (नेरइयाणं) उक्कोसेणं बावीसं सागरोवमाईं ठिईं प० । अहेसत्तमाए पुढवीए [अत्येगइयाणं] नेरइयाणं जहण्णेणं बावीसं सागरोवमाईं ठिईं प० । असुरकुमारणं देवाणं अत्येगइयाणं बावीसं पलिओवमाईं ठिईं प० । सोहम्मीसाणेसु कप्पेसु अत्येगइयाणं देवाणं बावीसं पलिओवमाईं ठिईं प० । अच्चते कप्पे देवाणं (उक्कोसेणं) बावीसं सागरोवमाईं ठिईं प० । हेट्ठिमहेट्ठिमगेवेज्जगणं देवाणं जहण्णेणं बावीसं सागरोवमाईं ठिईं प० । जे देवा महियं विसुहियं विमलं पभासं वण्णमालं अच्चुत्तवडिसं विमाणं देवताए उववण्णा तेसि णं देवाणं उक्कोसेणं बावीसं साग-

रोवमाईं ठिईं प० ॥ ७४ ॥ ते णं देवा बावीसाए अद्धमासाएणं आणमंति वा पाणमंति वा उस्ससंति वा नीससंति वा । तेसि णं देवाणं बावीसवाससहस्सेहिं आहारट्टे समुप्पज्जइ । संतेगइया भवसिद्धिया जीवा जे बावीसं भवरगहणेहिं सिज्जिस्संति बुज्जिस्सति मुच्चिस्संति परिनिव्वाइस्संति मच्चदुक्खणमंतं करिस्संति ॥ ७५ ॥ तेवीसं सुयगडज्जयणा पज्जत्ता, तं जहा—समए, वेतालिए, उवसग्गपरिणा, धीपरिणा, नरयविभत्ती, महावीरधुई, कुसीलपरिभासिए, वीरिए, धम्मे, समाही, मग्गे, समोसग्गे, आहत्तहिए, गंधे, जमइए, गाथा, पुंडरीए, किरियाठाणा, आहारपरिणा, [अ]प्पच्चक्खणकिरिआ, अणगारसुयं, अहइज्जं, णालंदइज्जं । जंबुद्वीवे णं द्वीवे भारहे वासे इमीमे णं ओसप्पिणीए तेवीसाए जिणाणं सुखग्गमणमुहुत्तं केवल्लवरनाणदंसणे समुप्पण्णे । जंबुद्वीवे णं द्वीवे इमीसे णं ओसप्पिणीए तेवीसं तित्थकरा पुव्वभवे एकारसंणिणो होत्था, तं जहा—अज्जिन संभव अभिणंदण मुमई जाव पासो बद्धमाणो य, उमभे णं अरहा कोमलिए चोइसपुव्वी होत्था । जंबुद्वीवे णं द्वीवे इमीसे ओसप्पिणीए तेवीसं तित्थकरा पुव्वभवे मंडलिरायाणो होत्था, तं जहा—अज्जित संभव अभिणंदण जाव पासो बद्धमाणो य, उमभे णं अरहा कोसलिए पुव्वभवे चक्खवट्ठी होत्था ॥ ७६ ॥ इमीसे णं रयणप्पभाए पुव्ववीए अत्थेगइयाणं नेरइयाणं तेवीसं पलिओवमाईं ठिईं प० । अहे मत्ताए णं पुव्ववीए अत्थेगइयाणं नेरइयाणं तेवीसं सागरोवमाईं ठिईं प० । असुरकुमारारणं देवाणं अत्थेगइयाणं तेवीसं पलिओवमाईं ठिईं प० । मोहम्मंमाणारणं देवाणं अत्थेगइयाणं तेवीसं पलिओवमाईं ठिईं प० । हेट्ठिममज्जिमगेविज्जाणं देवाणं जहण्ण्येणं तेवीसं सागरोवमाईं ठिईं प० । जे देवा हेट्ठिमहेट्ठिमगेवेज्जयक्किमाणेसु देवत्ताए उववण्णा तेसि णं देवाणं उक्कोसेणं तेवीसं सागरोवमाईं ठिईं प० ॥ ७७ ॥ ते णं देवा तेवीसाए अद्धमासाणं (मासेहिं) आणमंति वा पाणमंति वा ऊपसंति वा नीससंति वा । तेसि णं देवाणं तेवीसाए वाससहस्सेहिं आहारट्टे समुप्पज्जइ । संतेगइआ भवसिद्धिया जीवा जे तेवीसाए भवरगहणेहिं सिज्जिस्संति बुज्जिस्संति मुच्चिस्संति परिनिव्वाइस्संति मच्चदुक्खणमंतं करिस्संति ॥ ७८ ॥ चउव्वीसं देवाहिदेवा प० तं जहा—उसभअज्जितसंभवअभिणंदणमुमइपठमप्पहसुपासचंदप्पहसुविधिहीअलसिज्जंसंवासुपुज्जविमलअणंतधम्मसंतिउसुअरमस्सीमुणिसुव्वयनमिनेमीपासबद्धमाणा । सुक्कहिमवंतसिहरीणं वासहरपव्वयाणं जीवाओ चउव्वीसं चउव्वीसं ओवणसहस्साईं णववत्तीसे जोयणसए एणं अट्टतीसइमाणं जोयणत्स किप्पि विसेसाहिमाओ आवाणेणं प० । चउव्वीसं देवठाणा सईदया प० तेसा अहमिदा अहिदा जपुरोहिजा ।

उत्तरायणगते णं सूरिए चउवीसंगुलिए पोरिसीछायं भिच्चत्तइत्ता णं णिअट्टति ।
 गंगासिधूओ णं महाणवीओ पवाहे सातिरेगेणं चउवीसं कोसे वित्त्यारेणं प० ।
 रत्तारत्तवतीओ णं महाणवीओ पवाहे सातिरेगे चउवीसं कोसे वित्त्यारेणं प० ॥७९॥
 इमीसे णं रयणप्पमाए पुढवीए अत्थेगइयाणं नेरइयाणं चउवीसं पलिओवमाइं ठिइं
 प० । अहे सत्तमाए पुढवीए अत्थेगइयाणं नेरइयाणं चउवीसं सागरोवमाइं ठिइं
 प० । असुरकुमाराणं देवाणं अत्थेगइयाणं चउवीसं पलिओवमाइं ठिइं प० ।
 सोहम्मसाणेणं कप्पेसु अत्थेगइयाणं देवाणं चउवीसं पलिओवमाइं ठिइं प० ।
 हेट्टिमउवविमगेविजाणं देवाणं जहण्णं चउवीसं सागरोवमाइं ठिइं प० । जे देवा
 हेट्टिममज्जिमगेवेज्जयविमाणेसु देवत्ताए उववण्णा तेनि णं देवाणं उक्कोसेणं चउवीसं
 सागरोवमाइं ठिइं प० ॥ ८० ॥ ते णं देवा चउवीसाए अद्धमासाणं आणमंति
 वा पाणमंति वा ऊगमंति वा नीममति वा । तेसि णं देवाणं चउवीसाए वाससह-
 स्सां आहारट्टे समुप्पजइ । संनेगडआ भवमिद्विया जीवा जे चउवीसाए भवगह-
 णंहिं स्तज्जिस्संति बुज्जिस्संति मुच्चिस्संति परिनेव्वाइस्सति सच्चुक्कत्ताणमंति
 करिस्संति ॥ ८१ ॥ पुरिमपच्छिमगारं तित्त्यगराणं पंचजामस्व पणवीसं भाव-
 णाओ प० तं जटा-इरियाममिइं, मणगुत्ती, वयगुत्ती, आलोचभायणभोयणं,
 आदानभंडमणिकखेवणसमिइं, अणुवीतिभासणया, कोहविवेगे, सोभविवेगे, भयवि-
 वेगे, हासविवेगे, उगहअणुष्णवणया, उगहसीमजाणयया, सयमेव उग्गहं अणु-
 गिण्हणया, साहम्मियउग्गहं अणुष्णविय परिभुंजणया, साहारणमत्तपाणं अणुष्णविय
 पच्छिभुंजणया, इत्थीपसुपंडगसेसत्तगमयणासणवज्जणया, इत्थीक्ख विवज्जणया, इत्थीणं
 इंदियाणमालोयणवज्जणया, पुच्चरयपुच्चकीटिआणं अणुसरणया, पणीनाहारविवज्ज-
 णया, सोइंदियरागोवरइं, चक्खिंदियरागोवरइं, घाणिंदियरागोवरइं, जिडिंभदिय-
 रागोवरइं, फासिंदियरागोवरइं । मळी णं अरहा पणवीसं धणु उहुं उच्चत्तेणं होत्था ।
 सच्चे वि दीहवेयक्खुपच्चया पणवीसं जोयणाणि उहुं उच्चत्तेणं पत्ता पणवीसं पणवीसं
 गाउआणि उच्चिद्धेणं प० । होच्चाए णं पुढवीए पणवीसं णिरयावाससमसहस्सा
 पत्ता । आयारस्स णं भगवओ सच्चुलिआयस्स पणवीसं अज्जयत्ता पत्ता, तं
 जहा-सत्थपरिण्णा लोणविजओ वीओसणीअ सम्मत्तं । आवंति धुय विमोह उव-
 हाणसुयं महपरिण्णा । पिंसेसण सिज्जिरिआ भासज्जयणया य वरथ पाएत्ता । उगह-
 पडिमा सत्तिस्सत्तवा भावण विमुत्ती । निसीहज्जयणं पणवीसइयं । भिच्छादिट्ठि-
 विगलिंदिए णं अपज्जाए णं संकिलिण्णपरिणामे थामस्स कम्मस्स पणवीसं उत्तरप्प-
 वीओ भिच्चत्ति-तिरियगत्तिनामं विगलिंदियजात्तिनामं ओरात्तियसरिरनामं तेजग-

सरीरणामं कम्मणसरीरनामं हुंडगसंठाणनामं ओरालिअसरीरंगोवंगणामं छेवट्टसंघ-
यगनामं वण्णनामं गंधणामं रसणामं फासणामं तिरिआणुपुब्बिनामं अगुरुलहुनामं
उवघायनामं तसनामं बादरणाम अपज्जलयणामं पत्तियसरीरणामं अधिरणामं अत्तभ-
णामं दुभणणामं अणादेज्जनामं अजसोकित्तिनामं निम्माणनामं । गंगासिंधूओ णं
महाणवीओ पणवीस गाउयाणि पुहुत्तेमं दुहुओ घडमुहपवित्तिएणं मुत्तावलिहार-
संठिएणं पवातेण पडंति । रत्तारवईओ णं महाणवीओ पणवीसं गाउयाणि पुहुत्तेणं
पकर (घड) मुहपवित्तिएणं मुत्तावलिहारसंठिएणं पवातेण पडंति । लोगबिंदुसारस्म
णं पुव्वस्म पणवीम वन्थु प० ॥ ८२ ॥ इमीसे णं रयणप्पभाए पुडवीए
अत्थेगइयाणं नेरइयाणं पणवीसं पलिओवमाडं ठिई प० । अहे सणमाए पुडवीए
अत्थेगइयाणं नेरइयाणं पणवीसं सागरोवमाडं ठिई पण्णा । अमुरकुमागणं देवाणं
अत्थेगइयाणं पणवीसं पलिओवमाडं ठिई प० । सोहम्मामाणे णं देवाणं अत्थेग-
इयाणं पणवीसं पलिओवमाडं ठिई प० । मज्झिमहेट्ठिमगेवेज्जाणं देवाणं जहण्णेणं
पणवीसं सागरोवमाडं ठिई प० । जे देवा हेट्ठिमउवारमगेवेज्जगविमाणेसु देवत्ताए
उववणा तेसि णं देवाणं उक्कोमेणं पणवीसं सागरोवमाडं ठिई प० ॥ ८३ ॥ ते
णं देवा पणवीसाए अट्ठमासेहिं आणमेति वा पाणमेति वा उस्ससंति वा नीससंति
वा । तेसि णं देवाणं पणवीम वामसहस्सेहिं आहारुत्ते समुप्पज्ज । संतेगइया
मवसिद्धिआ जीवा जे पणवीसाए भवरगहणेहिं सिअस्संति वुअस्संति मुब्बिस्संति
परिनिव्वाटस्संति मव्वदुक्खाणमेनें करिस्संति ॥ ८४ ॥ छुव्वीसं दमकपववहाराणं
उहेमणकाला पव्वणा, तं जहा-दम दयाणं छ कप्पस्स दस ववहारस्स । अभव-
सिद्धियाणं जीवाणं मोहणिज्जम्म कम्मस्सं छुव्वीम कम्मसा संतकम्मा पव्वणा, तं
जहा-सिच्छलमोहणिज्जं सोल्लस कयाया इत्थीवेदे पुंसिवेदे नपुंसकवेदे हासे अरति
रति भयं मोगं दुग्गुंछा ॥ ८५ ॥ इमीसे णं रयणप्पभाए पुडवीए अत्थेगइयाणं
नेरइयाणं छुव्वीमं पलिओवमाडं ठिई प० । अहे सणमाए पुडवीए अत्थेगइयाणं
नेरइयाणं छुव्वीमं सागरोवमाडं ठिई प० । अमुरकुमागणं देवाणं अत्थेगइयाणं
छुव्वीमं पलिओवमाडं ठिई प० । सोहम्मामाणे णं देवाणं अत्थेगइयाणं छुव्वीस
पलिओवमाडं ठिई प० । मज्झिममज्झिमगेवेज्जाणं देवाणं जहण्णेणं छुव्वीस
सागरोवमाडं ठिई प० । जे देवा मज्झिमहेट्ठिमगेवेज्जगविमाणेसु देवत्ताए उववणा
तेसि णं देवाणं उक्कोमेणं छुव्वीसं सागरोवमाडं ठिई प० ॥ ८६ ॥ ते णं देवा
छुव्वीसाए अट्ठमासाणं आणमेति वा पाणमेति वा उस्ससंति वा नीससंति वा ।
तेसि णं देवाणं छुव्वीसं वामसहस्सेहिं आहारुत्ते समुप्पज्ज । संतेगइया मवसिद्धिआ

जीवा जे छव्वीसेहिं भवग्गहणेहिं तिज्जिहस्संति बुज्जिहस्संति मुच्चिस्संति परिणिव्वाह-
स्संति सव्वदुक्खाणमंतं करिस्संति ॥ ८७ ॥ सत्तावीसं अणगारगुणा पत्तता, तं
जहा-पाणाइवायाओ वेरमणं, मुसावायाओ वेरमणं, अदिन्नादाणाओ वेरमणं, मेहु-
णाओ वेरमणं, परिगहाओ वेरमणं, सोईदियनिग्गहे, च्चिंखदियनिग्गहे, घाणि-
दियनिग्गहे, जिच्चिभदियनिग्गहे, फासिदियनिग्गहे, कोहविंवेगे, माणविंवेगे, मायावि-
वेगे, लोभविंवेगे, भावसच्चे, करणसच्चे, जोगसच्चे, खमा, विरागया, मणसमाहरणया,
वयमसाहरणया, कायसमाहरणया, णाणसंपणया, ढंसणसंपणया, चरितसंपणया,
बेयणअहियासणया, मारणांतियअहियासणया । जंबुदीवे वीवे अभिइवज्जेहिं सत्तावी-
साए णक्खत्तेहिं संववहारे वट्टति । एगमेगे णं णक्खत्तमासे सत्तावीसाहिं राईदियाहिं
राईदियगेणं पत्तने । मोहम्मियाणेषु कप्पेसु विमाणपुट्टवी सत्तावीसं जोयणसयाई
बाहङ्गणं पत्तता । वेयगसम्मत्तबंधोवरयस्स णं मोहणिज्जस्स कम्मस्स सत्तावीसं
उत्तरपगढीओ संतकम्ममा पत्तता । यावणसुद्धसत्तमीसु णं मरिए सत्तावीसंगुल्लिबं
पोरिण्णिच्छायं णिव्वत्तइत्ता णं दिवसखेतं नियट्टेमाणे रयणिखेतं अभिणिवट्टमाणे चारं
चरइ ॥ ८८ ॥ इमीसे णं रयणप्पभाए पुट्टवीए अत्थेगइयाणं नेरइयाणं सत्तावीसं
पत्तिओवमाइं ठिईं प० । अहे सत्तामाए पुट्टवीए अत्थेगइयाणं नेरइयाणं सत्तावीसं
सागरोवमाइं ठिईं प० । असुरकुमाराणं देवाणं अत्थेगइयाणं सत्तावीसं पत्ति-
ओवमाइं ठिईं प० । सोहम्मसाणेसु कप्पेसु अत्थेगइयाणं देवाणं सत्तावीसं
पत्तिओवमाइं ठिईं प० । मज्जिमउत्तरिमगेवेज्जयाणं देवाणं जहण्णेणं सत्तावीसं
सागरोवमाइं ठिईं प० । जे देवा मज्जिममज्जिमगेवेज्जयविमाणेसु देवताए
उववण्णा तेसि णं देवाणं उल्लोसेणं सत्तावीसं सागरोवमाइं ठिईं प० ॥ ८९ ॥
ते णं देवा सत्तावीसाए अद्धमासेहिं आणमंति वा पाणमंति वा उत्ससंति वा नीस-
संति वा । तेसि णं देवाणं सत्तावीसबाससइस्सेहिं आहारुं समुप्पज्जइ । संतेगइया
भवसिद्धिया जीवा जे सत्तावीसाए भवग्गहणेहिं तिज्जिहस्संति बुज्जिहस्संति मुच्चि-
स्संति परिणिव्वाहस्संति सव्वदुक्खाणमंतं करिस्संति ॥ ९० ॥ अट्ठावीसविहे
आयारपकप्पे पत्तने, तं जहा-मासिआ आरोवणा, सर्पचरार्इमासिआ आरोवणा,
सदसराइमासिआ आरोवणा, (सपण्णरसराइमासिआ आरोवणा, सवीसइराइमासिआ
आरोवणा, सर्पचवीसराइमासिआ आरोवणा) एवं च्चेव दोमासिआ आरोवणा,
सर्पचरार्इदोमासिआ आरोवणा, एवं तिमासिआ आरोवणा, चउत्तमासिआ आरोवणा,
उवघाइया आरोवणा, अनुवघाइया आरोवणा, कसिणा आरोवणा, अकसिणा
आरोवणा, एतावता आयारपकप्पे एताव ताव आयारिअब्बे । भवसिद्धियानं वीदानं

अत्येगइयाणं मोहणिजस्स कम्मस्स अट्ठावीसं कम्मंसा संतकम्मा पञ्चरा तं जहा-
सम्मत्तवेअणिजं भिच्छत्तवेयणिजं सम्मभिच्छत्तवेयणिजं सोल्लस कसाया नव णोक-
साया । आभिणिबोहियणाणे अट्ठावीसइविहे ५० तं० सोइंदियअत्थावग्गहे, चक्खि-
दियअत्थावग्गहे, घाणिदियअत्थावग्गहे, जिम्भिदियअत्थावग्गहे, फासिदियअत्था-
वग्गहे, णोइंदियअत्थावग्गहे, सोइंदियवंजणोग्गहे, घाणिदियवंजणोग्गहे, जिम्भि-
दियवंजणोग्गहे, फासिदियवंजणोग्गहे, सोतिंदियइहा, चक्खिदियइहा, घाणिदिय-
इहा, जिम्भिदियइहा, फासिदियइहा, णोइंदियइहा, सोतिंदियावाए, चक्खिदिया-
वाए, घाणिदियावाए, जिम्भिदियावाए, फासिदियावाए, णोइंदियावाए, मोइंदिय-
धारणा, चक्खिदियधारणा, घाणिदियधारणा, जिम्भिदियधारणा, फासिदियधारणा,
णोइंदियधारणा । ईसाणे णं कप्पे अट्ठावीसं विमाणावाससयसहस्सा ५० । जीवे
णं देवगइम्मि बंधमाणे नामस्स कम्मस्स अट्ठावीस उत्तरपगबीओ णिबंधति. तं
जहा-देवगतिनामं, पंचिंदियजातिनामं, वेत्तव्वियसरीरनामं, तेयगसरीरनामं,
कम्मणसरीरनामं, समन्नउरंसंठाणणामं, पेत्तव्वियसरीरंगोवंगणामं, वण्णणामं,
गंधणामं, रसणामं, फासनामं, देवाणुपुव्विणामं, अगुरुत्तहुनामं, उक्कघायनामं, परा-
घायनामं, उस्सासनामं, पसत्थविहायोगट्ठणामं, तसनामं, बायरणामं, पज्जननामं,
पत्तैयसरीरनामं, यिराथिराणं सुभासुभाणं (सुभगनामं, सुस्सरनामं), आएजाणाए-
ज्जाणं दोण्हं अण्णयरं एणं नामं णिवंधइ, जयोक्कित्तनामं, निम्माणनामं । एवं च्व
नेरइया वि, णाणत्तं अप्पसत्थविहायोगट्ठणामं, हुंउगसंठाणणामं, अथिरणामं,
दुब्भगणामं, अनुभनामं, दुस्सरनामं, अणादिज्जणामं, अजगोकित्तीणामं, णिम्माण-
णामं ॥ ९१ ॥ इमांसे णं रयणप्पभाए पुट्ठीए अत्थेगइयाणं नेरइयाणं अट्ठावीसं
पलिओवमाइं ठिइं ५० । अहे सत्तमाए पुट्ठीए अत्थेगइयाणं नेरइयाणं अट्ठावीसं
सागरोवमाइं ठिइं ५० । असुरकुमारारणं देवाणं अत्थेगइयाणं अट्ठावीसं पलिओवमाइं
ठिइं पञ्चत्ता । मोहम्मीसाणेषु कप्पेषु देवाणं अत्थेगइयाणं अट्ठावीसं पलिओवमाइं
ठिइं ५० । उवारमहेट्टिमगेवेज्जयाणं देवाणं जहण्णेणं अट्ठावीसं सागरोवमाइं ठिइं
५० । जे देवा माज्जमउवरिमगेवेज्जएसु विमाणेषु देवत्ताए उक्कवण्णा तेसि णं
देवाणं उक्कोसेणं अट्ठावीसं सागरोवमाइं ठिइं ५० ॥ ९२ ॥ ते णं देवा अट्ठावी-
साए अद्धमासेहिं आणमंति वा पाणमंति वा ऊससंति वा नीससंति वा । तेसि णं
देवाणं अट्ठावीसाए वासमहस्सेहिं आहारट्ठे समुप्पज्जइ । संतेगइया भवसिद्धिया
जीवा जे अट्ठावीसाए भवग्गहणेहिं सिज्जिस्संति बुज्जिस्संति सुच्चिस्संति परि-
णिव्वाइस्संति सच्चदुक्खणमंत्तं करिस्संति ॥ ९३ ॥ एण्णतीसइविहे पावसुअपसंणे

णं प० तं० भोमे, उप्पाए, सुमिणे, अंतरिक्खे, अगे, सरे, वंजणे, लक्खणे, भोमे तिविहे प० तं० सुत्ते वित्ती वसिए, एवं एक्केकं तिविहं, विकहाणुजोगे, विज्जाणुजोगे, मंताणुजोगे, जोगाणुजोगे, अण्णत्तिथियपवत्ताणुजोगे । आसाढे णं मासे एगूणतीसराइंदिआई राईदियग्गेणं पक्कत्ताई । (एवं चेव) भइवए णं मासे । कत्तिए णं मासे । पोसे णं मासे । फग्गुणे णं मासे । बइसाहे णं मासे । चंददिणे णं एगूणतीसं मुहुत्ते सानिरेगे मुहुत्तग्गेणं प० । जीवे णं पसत्यऽऽज्जवसाणजुत्ते भविए सम्मदिट्ठी तित्थकरनामसहिआओ णामस्स णियमा एगूणतीसं उत्तरपग-
 षीओ निबंधिणा वेमाणिएसु देवेषु देवत्ताए उववज्जइ ॥ ९४ ॥ इमासे णं रक्ख-
 प्पमाए पुडवीए अत्थेगइयाणं नेरइयाणं एगूणतीसं पत्तिओवमाईं ठिई प० । अहे सत्तमाए पुडवीए अत्थेगइयाणं नेरइयाणं एगूणतीसं सागरोवमाईं ठिई प० ।
 असुरकुमारणं देवाणं अत्थेगइयाणं एगूणतीसं पत्तिओवमाईं ठिई प० । सोहम्मी-
 साणंसु कप्पेसु देवाणं अत्थेगइयाणं एगूणतीसं पत्तिओवमाईं ठिई प० । उवरिम-
 मज्झिमगेवेज्जयागं देवाणं जहण्णेणं एगूणतीसं मागरोवमाईं ठिई प० । जे देवा उवरिमहेट्ठिमगेवेज्जयविमाणेसु देवत्ताए उववण्णा तेनि णं देवाणं उक्कोसेणं एगूण-
 तीसं सागरोवमाईं ठिई प० ॥ ९५ ॥ ते णं देवा एगूणतीसाए अद्दमासेहिं आण-
 मंति वा पाणमंति वा ऊससेंति वा नीससेंति वा । तेसि णं देवाणं एगूणतीसं दास-
 महस्सेहिं आहारट्ठे समुप्पज्जइ । संतेगइया भवत्तिद्विया जीवा जे एगूणतीसभव-
 गइणेहिं मिज्जस्संति बुज्जिस्संति मुक्खिस्संति परिनिव्वाइस्संति सब्बदुक्खणामंतं
 कटिस्संति ॥ ९६ ॥ तीसं मोहणीयठाणा प० तं० जे यावि तसे पाणे, वारिमज्जे
 विगाहिआ । उदएण कम्मा मारेईं, महामोहं पकुब्बइ ॥ १-१ ॥ सीसावेडेण जे
 केई, आवेदेइ अभिक्खणं । तिव्वासुभसमायारे, महामोहं पकुब्बइ ॥ २-२ ॥
 पाणिणा संपिहिणा णं, सोयमावरिय पाणिणं । अंतोनदंतं मारेईं, महामोहं पकुब्बइ
 ॥ ३-३ ॥ जायतेयं समारब्भ, बहुं ओहंभिया जणं, अंतोधूमेण मारेईं(जा),
 महामोहं पकुब्बइ ॥ ४-४ ॥ सिस्सम्मि जे पहणइ, उत्तमंगम्मि चेषसा । विभज्ज
 मत्थयं फाले, महामोहं पकुब्बइ ॥ ५-५ ॥ पुणो पुणो पम्पिषिए, हरिता उवहसे
 जणं । फलेणं अदुवा दंढेणं, महामोहं पकुब्बइ ॥ ६-६ ॥ गूढत्पारी निगूहिजा,
 मार्यं मायाए छावए । असक्खाईं पिण्हाईं, महामोहं पकुब्बइ ॥ ७-७ ॥ धंसेह ओ
 अभूएणं, अकम्मं अत्तकम्मुणा । अदुवा तुल क्खसिणि, महामोहं पकुब्बइ ॥ ८-८ ॥
 जाणमाणो परिसओ, सत्ताओसावि भासइ । अक्खीकइसे सुरिसे, महामोहं पकु-
 ब्बइ ॥ ९-९ ॥ अण्णयगस्स नय्यं, दारे तस्सेव पंत्तिवा । विउळं भिक्खोभइत्ता

णं, किञ्चा णं पडिबाहिरं ॥ १० ॥ उव्वगसंतं पि झपित्ता, पडिलोमाहिं वग्गुहिं ।
 भोगभोगे वियारेइं, महामोहं पकुव्वइ ॥ ११-१० ॥ अकुमारभूय जे केई,
 कुमारभूय त्ति हं वए । इत्थीहिं गिद्धे वसए, महामोहं पकुव्वइ ॥ १२-११ ॥
 अवंबयारी जे केई, वंबयारी त्ति हं वए । गद्दहेव्व गवां मज्जे, विस्सरं नयई
 नदं ॥ १३ ॥ अप्पणो अहिए बाले, मायामोसं बहुं भसे । इत्थीविसयगेहीए,
 महामोहं पकुव्वइ ॥ १४-१२ ॥ जं निस्सिए उव्वहइ, जसमाहिगमेष वा । तस्स
 लुब्भइ विन्त्तम्मि, महामोहं पकुव्वइ ॥ १५-१३ ॥ ईसरेण अदुवा गामेणं, अण्णि-
 सरे ईसरीक्कए । तस्स संपयहीणस्स, सिरी अनुल्लमागया ॥ १६ ॥ ईमादोसेण
 आविद्धे, क्लुसाविलचेयसे । जे अंतराअं चेएइ, महामोहं पकुव्वइ ॥ १७-१४ ॥
 सप्पी जहा अंडउडं, भत्तारं जो विहिसइ । सेणावई पसत्थारं, महामोहं पकुव्वइ
 ॥ १८-१५ ॥ जे नायगं च रट्टस्स, नेयारं निगमस्स वा । सेट्ठिं बहुरवं हंता,
 महामोहं पकुव्वइ ॥ १९-१६ ॥ बहुजणस्स जेयारं, धीवं नाणं च पाणिणं ।
 एयारिसं नरं हंता, महामोहं पकुव्वइ ॥ २०-१७ ॥ उव्वद्वियं पडिविरयं, संजयं
 सुतवस्सियं । वुक्कम्म धम्माजो भंसेइ, महामोहं पकुव्वइ ॥ २१-१८ ॥ तहंवाणंतणा-
 णीणं, जिणाणं वरदंस्सिणं । तेसिं अवण्णवं बाले, महामोहं पकुव्वइ ॥ २२-१९ ॥
 नेयाइअस्स मग्गस्स, दुट्ठे अवययंइ बहुं । तं तिप्पयंतो भावेइ, महामोहं पकुव्वइ
 ॥ २३-२० ॥ आयरियउवज्जाएहिं, सुयं विणयं च गाहिणं । ते चंच सिंमइ
 बाले, महामोहं पकुव्वइ ॥ २४-२१ ॥ आयरियउवज्जायाणं, मम्मं नो पडिन-
 प्पइ । अप्पडिपूयए थद्धे, महामोहं पकुव्वइ ॥ २५-२२ ॥ अबहुस्सुए य जे केई,
 सुएणं पविकत्थइ । सज्जायवायं वयइ, महामोहं पकुव्वइ ॥ २६-२३ ॥ अतव-
 स्सीए य जे केई, तवेण पविकत्थइ । सव्वलोयपरे नेणे, महामोहं पकुव्वइ
 ॥ २७-२४ ॥ साहारणट्ठा जे केई, गिलाणम्मि उवाट्टए । पभू ण कुणइ किञ्चं,
 मज्झं पि से न कुव्वइ ॥ २८ ॥ सद्धे नियदीपण्णाणे, क्लुसाउल्लचेयसे । अप्पणो
 य अबोहीय, महामोहं पकुव्वइ ॥ २९-२५ ॥ जे क्कहाहिगरणाइं, संपउंजे पुणो
 पुणो । सव्वतित्थाण भेयाणं, महामोहं पकुव्वइ ॥ ३०-२६ ॥ जे अ आहम्मिए
 जोए, संपओजे पुणो पुणो । सहाहेउं सहीहेउं, महामोहं पकुव्वइ ॥ ३१-२७ ॥
 जे अ माणुस्सए भोए, अदुवा पारलोहए । तेऽतिप्पयंतो आसक्ख, महामोहं पकु-
 व्वइ ॥ ३२-२८ ॥ इत्थीं जुईं जसो वण्णो, देवाणं षडवीरिय । तेसिं अवण्णवं
 बाले, महामोहं पकुव्वइ ॥ ३३-२९ ॥ अपस्समाणो पस्सामि, देवे जक्खे य
 युज्जने । अण्णाणीं जिणपूयइ, महामोहं पकुव्वइ ॥ ३४-३० ॥ ९७ ॥ वेरे वं

मंडियपुत्रे तीसं वासाई सामण्यपरियायं पाउणिता सिद्धे बुद्धे जाव सव्वदुक्खण्य-
हीणे । एगमेगे णं अहोरत्ते तीसमुहुत्ते मुहुत्तग्गेणं पज्जत्ते । एएस्सि णं तीसाए मुहुत्तार्णं
तीसं नामधेज्जा प०, तं जहा-रोहं, सत्ते, मिणे, वाऊ, सुपीए, अभिचंद्रे, माहिंदे,
पलंभे, बंभे, सव्वे, आणंदे, विजए, विस्ससेणे, पायावव्वे, उव्वसमे, ईसाणे, तट्टे,
भाविअप्पा, वेममणे, वरुणे, मतरिसंभे, गंधव्वे, अग्गिवेसायणे, आनवे, आवत्ते,
तट्टवे, भूमहे, रिसंभे, सव्वदुत्तिसिद्धे, रक्खसे । अरे णं अरहा तीसं घणु(णु)ई उच्चं
उच्चत्तं होत्था । सहस्मारस्म णं देविंदस्स देवरत्तो तीसं सामाणियसाहस्सीओ
प० । पासे णं अरहा तीसं वासाई अगारवासमज्जे वसित्ता अगाराओ अणगारियं
पव्वइए । समणे भगवं महावीरे तीसं वासाई अगारवासमज्जे वसित्ता अगाराओ
अणगारियं पव्वइए । रयणपभाए णं पुडवीए तीसं निरयावाससयसइस्सा प०
॥ ९८ ॥ इमांसे णं रयणपभाए पुडवीए अत्थेगइयाणं नेरइयाणं तीसं पलिओवमाई
टिई प० । अहं सणभाए पुडवीए अत्थेगइयाणं नेरइयाणं तीसं सागरोवमाई टिई
प० । अमुरकुमारार्णं देवाणं अत्थेगइयाणं तीसं पलिओवमाई टिई प० । मोहम्मि-
साणेस्स कप्पेस्सु देवाणं अत्थेगइयाणं तीसं पलिओवमाई टिई प० । उवरिमउवरिम-
गेव्वेज्जायाणं देवाणं जइण्णेणं तीसं सागरोवमाई टिई प० । जे देवा उवरिममज्जि-
मगेव्वेज्जाएस्सु विमाणेस्सु देवणाए उव्ववण्णा त्तेस्सि णं देवाणं उच्चोसेणं तीसं सागरोवमाई
टिई प० ॥ ९९ ॥ ते णं देवा तीसाए अद्धमासेहिं आणमंति वा पाणमंति वा
उस्ससंति वा नीमसंति वा । तेस्सि णं देवाणं तीसाए वाससइस्सेहिं आहारट्टे समु-
प्पज्जइ । संतेगइया भवसिद्धिया जीवा जे तीसाए भवग्गहणेहिं सिज्जिस्संति
बुज्जिस्संति मुखिस्संति परिनिव्वाइस्संति सव्वदुक्खण्यमंतं करिस्संति ॥ १०० ॥
एकतीसं सिद्धाइगुणा पज्जत्ता, तं जहा-खीणे आभिणिबोहिंयणाणावरणे, खीणे सुय-
णाणावरणे, खीणे ओहिणाणावरणे, खीणे मणपज्जवणाणावरणे, खीणे केवल्लणाणा-
वरणे, खीणे चक्खदंसणावरणे, खीणे अचक्खदंसणावरणे, खीणे ओहिंदंसणावरणे,
खीणे केवल्लदंसणावरणे, खीणे निहा, खीणे मिहाभिहा, खीणे पयला, खीणे पयला-
पयला, खीणे धीणदी, खीणे सायावेयभिजे, खीणे असायावेयभिजे, खीणे दंसय-
भोहणिजे, खीणे वरिमभोहणिजे, खीणे नेरइआउए, खीणे तिरिआउए, खीणे मणु-
स्साउए, खीणे देवाउए, खीणे उवाणोए, खीणे निष्वाणोए, खीणे इमभामे, खीणे
असुभामे, खीणे दार्गतराए, खीणे काभंतराए, खीणे भोगंतराए, खीणे उव्वभोगं-
तराए, खीणे वीरिअंतराए ॥ १०१ ॥ मंदरे णं पव्वए धरमित्ते एकतीसं जोयण-
सइस्साई छेव्वे सेवीसे जोयणसए किंविदेस्सुणा परिक्खेदेणं पज्जत्ता । जया णं एरिए

सव्वबाहिरियं मंडलं उव्वसकमिक्का चारं चरइ तया णं इहगयस्स मणुस्सस्स एक-
 तीसाए जोयणसहस्सेहिं अट्टहि अ एकतीसेहिं जोयणमएहिं तीसाए सट्ठिभाजे जोय-
 णस्स सूरेए चक्खुप्फासं हव्वमागच्छइ । अभिवट्ठिए णं मासे एकतीसं सातिरेगाई
 राईंदियाई राईंदियग्गेणं पन्नत्ते । आइच्चे णं मासे एकतीसं राईंदियाई किंवि विसेसूणाई
 राईंदियग्गेणं पन्नत्ते ॥ १०२ ॥ इमांसे णं रयणप्पभाए पुढवीए अत्थेगइयाणं नेरइयाणं
 एकतीसं पल्लिओवमाईं टिईं प० । अहे सत्तमाए पुढवीए अत्थेगइयाणं नेरइयाणं
 एकतीसं सागरोवमाईं टिईं प० । असुरकुमाराणं देवाणं अत्थेगइयाणं एकतीसं पल्लि-
 ओवमाईं टिईं प० । मोहम्मसीसाणेसु कप्पेसु अत्थेगइयाणं देवाणं एकतीसं पल्लिओ-
 वमाईं टिईं प० । विजयवेजयंतजयंतअपराजिआणं देवाणं जहण्णेणं एकतीसं साग-
 रोवमाईं टिईं प० । जे देवा उवरिमउवरिमगेवेज्जयविमाणेसु देवत्ताए उव्ववण्णा तेसि
 णं देवाणं उक्कोसेणं एकतीसं सागरोवमाईं टिईं प० ॥ १०३ ॥ ते णं देवा एकती-
 साए अद्धमासेहिं आणमंति वा पाणमंति वा उस्समंति वा नीससति वा । तेसि णं
 देवाणं एकतीसं(स)वाससहस्सेहिं आहारट्टे समुप्पज्जइ । संतेगइया भवागिइया जीवा
 जे एकतीसेहिं भवग्गहणेहिं सिज्जिस्संति मुज्जिस्संति मुच्चिस्संति परिनिव्वाइस्संति
 सव्वदुक्खाणमंतं करिस्सति ॥ १०४ ॥ बत्तीसं जोगसंगहा प०, तं जहा-आलोयण,
 निरवलावे, आवडंसु दडधम्मया । अणिस्सिओवहाणे य, सिक्खा निप्पट्टिकम्मया
 ॥ १ ॥ अण्णायया, अलोभे य, तितिक्खा अज्जवे मुडे । सम्मादट्ठी समाही य,
 आयारे विणओवए ॥ २ ॥ धिईमडे य सवेगे, पण्णही नुविट्ठि मंवेरे । अन्नदोमोव-
 संहारे, सव्वकामविरत्तया ॥ ३ ॥ पच्चक्खाणे विउम्मग्गे, आपमादे लवालवे ।
 ज्ञाणसवरजोगे य, उदए मारणंतिए ॥ ४ ॥ संगणं च परिण्णयाया, पार्याच्छिन्नकरणे
 वि य । आराहणा य मरणंते, वत्तीस जोगसंगहा ॥ ५ ॥ १०५ ॥ बत्तीसं देविदा
 प०, तं जहा-चमरे बली धरणे भूआणंदे जाव घोमं महाघोसे चंदे मरे सक्के ईसाणे
 सणंकुमारे जाव पाणए अच्चुए । कुंथुस्स णं अरहओ वत्तीमहिंथा बत्तीसं जिणसया
 होत्था । मोहम्मसे कप्पे बत्तीसं विमाणावासमयसहस्ता प० । रेवडणक्खत्ते बत्ती-
 सइतारे पन्नत्ते । बत्तीसतिविहे णट्टे पन्नत्ते ॥ १०६ ॥ इमांसे णं रयणप्पभाए पुढ-
 वीए अत्थेगइयाणं नेरइयाणं बत्तीसं पल्लिओवमाईं टिईं प० । अहे सत्तमाए पुढवीए
 अत्थेगइयाणं नेरइयाणं बत्तीसं सागरोवमाईं टिईं प० । असुरकुमाराणं देवाणं अत्थे-
 गइयाणं बत्तीसं पल्लिओवमाईं टिईं प० । मोहम्मसीसाणेसु कप्पेसु देवाणं अत्थेगइयाणं
 बत्तीसं पल्लिओवमाईं टिईं प० । जे देवा विजयवेजयंतजयंतअपराजियविमाणेसु
 देवत्ताए उव्ववण्णा तेसि णं देवाणं अत्थेगइयाणं बत्तीसं सागरोवमाईं टिईं प० ।

ते ण देवा बत्तीसाए अद्यमासेहिं आणमंति वा पाणमंति वा उस्ससंति वा नीससंति वा । तेसि णं देवाणं बत्तीसवाससहस्सेहिं आहारद्वे समुप्पज्जइ । संतेगइया भवसिद्धिया जीवा जे बत्तीसाए भवगहणेहिं सिज्जिस्संति बुज्जिस्संति मुच्चिस्संति परिनिब्बाइस्संति सब्बदुक्खाणमंतं करिस्संति ॥ १०७ ॥ तेत्तीसं आसायणाओ पत्ताओ, तं जहा-सेहे राइणियस्स आसन्नं गंता भवइ आसायणा सेहस्स, सेहे राइणियस्स पुरओ गंता भवइ आसायणा सेहस्स, सेहे राइणियस्स सपक्खं गंता भवइ आसायणा सेहस्स, सेहे राइणियस्स आसन्नं टिष्ठा भवइ आसायणा सेहस्स, जाव सेहे राइणियस्स आलवमाणस्स तत्थगाए चेव पडिसुणित्ता भवइ आमायणा सेहस्स । चमग्गस्स णं अर्भुरिदस्स अमुररण्णो चमरचंचाए रायहाणीए एकमेक्कबाराए तेत्तीसं तेत्तीसं भोमा प० । महाविदेहे णं वामे तेत्तीसं जोयणसहस्साइं साइरेगाइं विक्खंभेणं प० । जया णं मृरिणं बाहिराणंतरं तच्चं मंडलं उवसंकमिष्ठा णं चारं चरइ तथा णं इह गयस्स पुरिमम्म तेत्तीसाए जोयणसहस्सेहिं किंविदिसेयूणेहिं चक्खुप्फासं हव्वमागच्छइ ॥ १०८ ॥ इत्तीसे णं रयणप्पभाए पुडवीए अत्थेगइयाणं नेरइयाणं तेत्तीसे पत्तिओवमाइं टिइं प० । अहं सत्तमाए पुडवीए कालमटाक्खल्लोप्यमहारोएएसु नेरइयाणं उक्कोसेणं तेत्तीसे मागरोवमाइं टिइं प० । अप्पइट्ठानरए नेरइयाणं अज्जणमणुक्कोसेणं तेत्तीसे मागरोवमाइं टिइं प० । असुरकुमारारणं अत्थेगइयाणं देवाणं तेत्तीसे पत्तिओवमाइं टिइं प० । सोहम्मीमाणेसु अत्थेगइयाणं देवाणं तेत्तीसे पत्तिओवमाइं टिइं प० । विजयवेज्जयंतजयंतअपराजिएसु विमाणेसु उक्कोसेणं तेत्तीसे मागरोवमाइं टिइं प० । जे देवा सब्बट्ठमिदं महाविमाणे देवणाए उववण्णा तेसि णं देवाणं अज्जणमणुक्कोसेणं तेत्तीसे मागरोवमाइं टिइं प० ॥ १०९ ॥ ते णं देवा तेत्तीसाए अद्यमासेहिं आणमंति वा पाणमंति वा उस्ससंति वा निस्ससंति वा । तेसि णं देवाणं तेत्तीसाए वाससहस्सेहिं आहारद्वे समुप्पज्जइ । संतेगइया भवसिद्धिया जीवा जे तेत्तीसे भवगहणेहिं सिज्जिस्संति बुज्जिस्संति मुच्चिस्संति सब्बदुक्खाणमंतं करिस्संति ॥ ११० ॥ चोत्तीसं जिष्ठाइसेसा प० तं जहा-अवट्ठिए केसमंसरोमन्हे, निरामवा निरुवळेवा मायलट्ठी, गोक्खीरपंडुरे संससोणिए, पउमुप्पल्लगंधिए उस्सासनिस्सासे, पक्खजे आइरनीहारे अदिस्से संसचक्खणा, आगासगयं चक्कं, आगासगयं छर्त्तं, आगासगयाओ सेयवरचामराओ, आगासफाळिआसयं गपायपीडं वीहासणं, आगासगयाओ कुडमीसहस्सपरिमैडिआभिरामो इंदज्जओ पुरओ गच्छइ, जाव अत्थ वि य णं अरहंता भगवंतो चिद्धंति वा निदीयंति वा तत्थ तत्थ वि य णं तक्खवादेव संज्जपरत्तुप्फाससमाज्जजे संज्जतो संज्जओ संपटो

सपढागो असोगवरपायवो अभिसंजायइ. ईसिं पिट्टओ मउडठाणमि तेयमंडळं
 अभिसंजायइ अंधकारे वि य णं दस दिसाओ पभासेइ, बहुसमरमणिजे भूमिभागे,
 अहोसिरा कंठया जायंति, उऊ विवरीया सुहफासा भवति, सीयलेणं सुहफासेणं सुर-
 मिणा मारुणं जोयणपरिमंडळं सच्चओ समंता संपमज्जिइइ, जुत्तफुसिएणं मेहेण य
 निहयरयरेण्यं किज्जइ, जलथलयभासुरपभूतेणं बिट्टाइणा दसद्धवणेणं कुसुमेणं जाणु-
 स्सेहप्पमाणमित्ते (अच्चित्तं) पुप्फोवयारे किज्जइ, अमणुण्णाणं सहफरिसरसरुवगंधाणं
 अवकरिसो भवइ, मणुण्णाणं सहफरिसरसरुवगंधाणं पाउब्भाओ भवइ, पचाहरओ वि
 य णं हिययगमणीओ जोयणनीहारी सरो, भगवं च णं अद्धमागहीए भासाए धम्म-
 माइक्खइ, सा वि य णं अद्धमागही भासा भासिज्जमाणी तेषिं सव्वेसिं आरियम-
 गारियाणं दुप्पयचउप्पअभियपसुपक्खिसरीसिवाणं अप्पणो हियसिक्खसुहयभामत्ताए
 परिणमइ, पुव्वबद्धवेरा वि य णं देवासुरनागसुवण्णजक्खरक्खमकिनरक्किपुरिसगरु-
 लगंधच्चमहोरगा अरहओ पायमूले पसंतचित्तमाणसा धम्मं निसामंति, अण्णउत्थि-
 यपावयणिया वि य णमागया वंदंति, आगया समाणा अरहओ पायमूले निप्पालव-
 यणा हवंति, जओ जओ वि य णं अरहंतो भगवंतो विहरंति तओ तओ वि य णं
 जोयणपणवीसाए णं इती न भवइ, मारी न भवइ, सच्चं न भवइ, परच्चं न भवइ,
 अइचुट्ठी न भवइ, अणाचुट्ठी न भवइ, दुट्ठिभक्खं न भवइ, पुव्वुप्पणा वि य णं
 उप्पाइया वाही खिप्पमिव उवसमंति ॥ १११ ॥ जंबुदीवे ण दीवे चउत्तीस चच्चवाट्ट-
 विजया प० तं जहा-बत्तीसं महाविदेहे दो भरहे एवए । जंबुदीवे णं दीवे चोत्तीसं
 वीहवेयक्का प० । जंबुदीवे णं दीवे उक्कोसपए चोत्तीसं नित्यंकरा ममुप्पज्जंति, चमरस्स
 णं असुरिंदस्स असुररण्णो चोत्तीसं भवणावाससयसहस्सा प० । पट्ठमपंचमछट्ठी-
 सत्तमासु चउसु पुट्ठवीसु चोत्तीसं निरयावाससयसहस्सा प० ॥ ११२ ॥ पणतीस
 सच्चवयणाइसेसा प० । कुंथू णं अरहा पणतीसं धणुइं उक्कुं उच्चत्तेणं होत्था । दणे णं
 वासुदेवे पणतीसं धणुइं उक्कुं उच्चत्तेणं होत्था । नंदणे णं बलदेवे पणतीसं धणुइं उक्कुं
 उच्चत्तेणं होत्था । वितियच्चउत्थीसु दोसु पुट्ठवीसु पणतीसं निरयावाससयसहस्सा प०
 ॥ ११३ ॥ छत्तीसं उत्तरज्जयणा प० तं जहा-विण्यसुयं, परीसहो, चाउरंगिज्जं, असं-
 खयं, अकाममरणिज्जं, पुरिसविज्जा, उरब्भिज्जं, काविलियं, नमिपच्चज्जा, दुमपत्तवं,
 बहुसुयपूजा, हरिएसिज्जं, चित्तसंभूयं, उसुयारिज्जं, सभिवसुगं, समाहिठाणाइं, पावस-
 मणिज्जं, संजइज्जं, मियचारिया, अणाहपच्चज्जा, समुहपाळिज्जं, रहनेमिज्जं, गोयसके-
 सिज्जं, समित्तिओ, जच्चत्तिज्जं, सप्पायारी, खल्लुकिज्जं, मोक्खमग्गणइं, अप्पमाओ,
 तवोमग्गो, चरणविही, पमायठाणाइं, कम्मपयवी, केसुज्जयणं, अणगारमग्गो, जीवा-

जीवविभती य । चमरस्स णं असुरिदस्स असुररण्णो सभा सुहम्मा छत्तीसं जोयणाई उच्चं उच्चत्तेणं होत्था । समणस्स णं भगवओ महावीरस्स छत्तीसं अज्जाणं साहस्सीओ होत्था । चेनासोएस्स णं मासेसु सइ छत्तीसंगुत्थियं सुरिए पोरिसिछायं निव्वत्तइ ॥ ११४ ॥ कुंथुस्स णं अरहओ सत्ततीसं गणा सत्ततीसं गणहरा होत्था । हेमवयहेरण्णवयाओ णं जीवाओ सत्ततीसं जोयणसहस्साई छच्च चउसत्तरे जोयणसए सोत्तस य एगूणवीमइभाए जोयणस्स किञ्चि विसेमृणाओ आयामेणं पत्तताओ । सव्वासु णं विअयवेजयंतजयंतअपराजिआमु रायहाणीसु पागारा सत्ततीसं सत्ततीसं जोयणाई उच्चं उच्चत्तेणं प० । सुत्थियाए णं विमाणपविभत्तीए पट्ठमे वग्गे सत्ततीसं उद्देशणकाला प० । कत्तियबहुत्तसत्तमाए णं सुरिए सत्ततीमगुत्थियं पोरिसिछायं निव्वत्तइत्ता णं चारं चरइ ॥ ११५ ॥ पामस्स णं अरहओ पुत्तिआदाणीयस्स अट्ठतीसं अज्जिआसाहस्सीओ उक्कोमिया अज्जियासंपया होत्था । हेमवयएरण्णवइयाणं जीवाणं धण्णपिट्ठे अट्ठतीसं जोयणसहस्साई सण य चत्ताळे जोयणसए दम एगूणवीसइभागे जोयणस्स किञ्चि विसेमृणा परिकम्भवेणं पत्तता । अत्थस्स णं पव्वयरण्णो कित्तिए कंठे अट्ठतीसं जोयणसहस्साई उच्चं उच्चत्तेणं होत्था । सुत्थियाए णं विमाणपविभत्तीए कित्तिए वग्गे अट्ठतीसं उद्देशणकाला प० ॥ ११६ ॥ नमिस्स णं अरहओ एगूणचत्तालीसं आहोत्थियसया होत्था । ममयत्थेणं एगूणचत्तालीसं कूत्तपव्वया प०, तं जहा-तीसं वासहरा, पंच मंदरा, चत्तासि उमुकारा । दोच्चउत्तव्यंचमच्छट्ठसत्तमासु णं पंचसु पुट्ठवीसु एगूणचत्तालीसं निरयावाससक्कसहस्सा प० । नाणावरण्णजस्स मोहणिज्जस्स गोणस्स आउयस्स एयासि णं चउच्चं कम्मपगवीणं एगूणचत्तालीसं उत्तरपगवीओ पत्तताओ ॥ ११७ ॥ अरहओ णं अरिद्धवेमिस्स चत्तालीसं अज्जियासाहस्सीओ होत्था । मंदरचूत्थियाणं चत्तालीसं जोयणाई उच्चं उच्चत्तेणं पण्णत्ता । संती अरहा चत्तालीसं धण्णुई उच्चं उच्चत्तेणं होत्था । भूयाणंदस्स णं नागकुमारस्स नागरओ चत्तालीसं भवणावाससक्कसहस्सा प० । सुत्थियाए णं विमाणपविभत्तीए तइए वग्गे चत्तालीसं उद्देशणकाला प० । एगूणपुण्णिमासिणीए णं सुरिए चत्तालीसंगुत्थियं पोरिसिछायं निव्वत्तइत्ता णं चारं चरइ । एवं कत्तियाए सि पुण्णिमाए । महात्थे कप्पे चत्तालीसं विमाणावाससहस्सा प० ॥ ११८ ॥ नमिस्स णं अरहओ एगूणचत्तालीसं अज्जियासाहस्सीओ होत्था । चउत्तु पुट्ठवीसु एकचत्तालीसं निरयावाससक्कसहस्सा प०, तं जहा-रयत्तप्यभाए पंकप्यभाए तभाए समतभाए । महात्थियाए णं विमाणपविभत्तीए पट्ठमे वग्गे एकचत्तालीसं उद्देशणकाला प० ॥ ११९ ॥ समन्थे भग्गं महावीरे वावालीसं वासाई सात्थिवाई सामण्णपरिवारं पाठवित्ता सिद्धे जाव सम्भुत्तकप्पहीणे । जेसुदीचस्स णं

दीवस्स पुरच्छिमिद्धाओ चरमंताओ गोथूभस्स णं आवासपव्वयस्स पव्वच्छिमिद्धे चरमंते एस णं बायालीसं जोयणसहस्साइं अबाहातो अंतरे पत्तं । एवं चउद्दिसिं पि दओभासे संखोदयसीमे य । कालोए णं समुद्दे बायालीसं चंदा जोइंसु वा जोइंति वा जोइस्सति वा बायालीसं सूरिया पभासिसु वा पभासिति वा पभासिस्संति वा । संमुच्छिमभुयपरिसप्पाणं उक्कोसेणं बायालीसं वाससहस्साइं ठिईं प० । नामकम्मे बायालीसविहे पत्तंते, तं जहा-गइनामे, जाइनामे, सरीरनामे, सरीरंगोवंगनामे, सरीरबंधणनामे, सरीरसंघायणनामे, संघयणनामे, संठाणनामे, वण्णनामे, गंधनामे, रसनामे, फासनामे, अगुरुलहुयनामे, उवघायनामे, पराघायनामे, आणुपुव्वीनामे, उस्तासनामे, आयवनामे, उज्जोयनामे, विहगगइनामे, तसनामे, थावरनामे, सुहुमनामे, बायरनामे, पज्जननामे, अपज्जतनामे, साहारणसरीरनामे, पत्तेयसरीरनामे, थिरनामे, अथिरनामे, मुभनामे, असुभनामे, सुभगनामे, दुब्भगनामे, सुमरनामे, दुस्सरनामे, आएज्जनामे, अणाएज्जनामे, जसोकित्तिनामे, अज्जसोकित्तिनामे, निम्माणनामे, नित्थकरनामे । लवणे णं समुद्दे बायालीसं नागसाहस्सीओ अर्द्धिमतारियं वेलं धारंति । महालियाए णं विमाणपविभत्तीए बितिए वग्गे बायालीसं उद्देसणकाला प० । एगमेगाए ओसप्पिणीए पंचमछट्टीओ समाओ बायालीसं वाससहस्साइं कालेणं पत्तत्ताइं । एगमेगाए उस्सप्पिणीए पढमबीयाओ समाओ बायालीसं वाससहस्साइं कालेणं पत्तत्ताइं ॥ १२० ॥ तेयालीसं कम्मविवागज्झयणा प० । पढमचउत्तपंचमासु पुढवीसु तेयालीसं निरयावाससयसहस्सा प० । जंबुदीवस्स णं दीवस्स पुरच्छिमिद्धाओ चरमंताओ गोथूभस्स णं आवासपव्वयस्स पुरच्छिमिद्धे चरमंते एस णं तेयालीसं जोयणसहस्साइं अबाहाए अंतरे प० । एवं चउद्दिसिं पि दगभागे सखे दयसीमे । महालियाए णं विमाणपविभत्तीए तइए वग्गे तेयालीसं उद्देसणकाला प० ॥ १२१ ॥ चोयालीसं अज्झयणा इंसिभासिया दियलोगचुयाभासिया प० । विमलस्स ण अरहओ णं चउआलीसं पुरिसजुगाइं अणुपिट्ठिं मिद्दाइं जाव प्पहीणाइं । धरणस्स णं नागिंदस्स नागरण्णो चोयालीसं भवणावाससयसहस्सा प० । महालियाए णं विमाणपविभत्तीए चउत्तये वग्गे चोयालीसं उद्देसणकाला प० ॥ १२२ ॥ समयखेत्ते णं पणयालीसं जोयणसयसहस्साइं आयामविकखंभेण प० । सीमेतए णं नरए पणयालीसं जोयणसयसहस्साइं आयामविकखंभेण प० । एवं उद्धुविमाणे विं । इंसिपव्वभारा णं पुढवी एवं चेव । धम्मे णं अरहा पणयालीसं धणूइं उद्धु उच्चतेणं होत्था । मंदरस्स णं पव्वयस्स चउद्दिसिं पि पणयालीसं पणयालीसं जोयणसहस्साइं अबाहाए अंतरे प० । सब्बे वि णं दिववुखेत्तिया नक्खत्ता पणयालीसं मुहुत्ते

चंदेण सद्धि जोगं जोइसु वा जोईति वा जोइस्संति वा-तिशेव उत्तराई, पुणव्वस्
 रोहिणी विसाहा य । एए छ नक्खत्ता, पणयालमुहुत्तासंजोगा ॥ महालियाए णं
 विमाणपविभत्ताए पंचमे वग्गे पणयालीसं उद्देसणकाला प० ॥ १२३ ॥ दिट्ठिवायस्स
 णं छायालीसं माउयापया प० । बंभीए णं लिवीए छायालीसं माउयक्खरा प० ।
 पभंजणस्स णं वाउकुमारिंदस्स छायालीसं भवणावाससयसहस्सा प० ॥ १२४ ॥
 ज्या णं सूरिए सव्वच्चिभतरमंडलं उवसंक्रमित्ता णं चारं चरइ तथा णं इहगयस्स
 मणूमस्स सत्तचत्तालीसं जोयणसहस्सेहिं दोहि य तेवट्ठेहिं जोयणसएहिं एकवीसाए
 य सट्ठिभागेहिं जोयणस्स सूरिए चक्खुफासं हव्वमागच्छइ । थेरे णं अग्गिभूई सत्त-
 चालीसं वासाई अगारमज्जे वसित्ता मुंडे भवित्ता अगाराओ अणगारियं पव्वइए
 ॥ १२५ ॥ एगमेगस्स णं रत्तो चाउरंतचक्खवट्ठिस्स अडयालीसं पट्टणसहस्सा प० ।
 धम्मस्स णं अरहओ अडयालीसं गणा अडयान्तीस गणहरा होत्था । सुरमंडले णं
 अडयालीसं एकसट्ठिभागे जोयणस्स विक्खंभेणं प० ॥ १२६ ॥ सत्तसत्तमियाए णं
 भिक्खुपडिमाए एगूणपत्ताए राईदिएहिं छत्तउड्ढिक्ख्वासाएणं अहासुत्तं जाव आरा-
 हिया भवइ । देवकुलउत्तरकुलएसु णं मणुया एगूणपत्ता राईदिएहिं संपत्तजोव्वणा
 भवंति । तेइंदियाणं उक्कोसेणं एगूणपत्ता राईदिया ठिई प० ॥ १२७ ॥ मुणिमुव्व-
 यस्स णं अरहओ पंचास अज्जियासाहस्सीओ होत्था । अणंते णं अरहा पत्तासं
 धणूई उक्कु उच्चत्तेणं होत्था । पुरिसुत्तमे णं वासुदेवे पत्तासं धणूई उक्कु उच्चत्तेणं
 होत्था । सव्वे वि णं वीहवेयक्का मूले पत्तासं पत्तासं जोयणाणि विक्खंभेणं प० ।
 लंतए कप्पे पत्तासं विमाणावामसहस्सा प० । सव्वाओ णं तिमिस्सगुहास्संडगप्पवा-
 यगुहाओ पत्तासं पत्तासं जोयणाई आयामेणं प० । सव्वे वि णं कंचणरापव्वया
 सिहरतले पत्तासं पत्तासं जोयणाई विक्खंभेणं प० ॥ १२८ ॥ नवण्हं बंभचेराणं
 एकावत्तं उद्देसणकाला प० । चमरस्स णं असुरिंदस्स असुररत्तो समा सुधम्मा एका-
 वत्तखंभसयसंनिविट्ठा प० । एवं चेव बलिस्स वि । सुप्पभे णं बलदेवे एकावत्तं
 वाससयसहस्साई परमाउं पालइत्ता सिद्धे बुद्धे जाव सव्वदुक्खप्पहीणे । दंसणावर-
 णनामाणं दोण्हं कम्मणं एकावत्तं उत्तरकम्मपगवीओ पत्ताओ ॥ १२९ ॥ मोहणि-
 ज्जस्स णं कम्मस्स बावत्तं नामषेजा प०, तं जहा-कोहे, कोवे, रोसे, दोसे, अस्समा,
 संजलणे, कलहे, चंछिहे, भंडणे, विवाए, माणे, मदे, दप्पे, बंभे, असुक्कोसे, गग्गे,
 परपरिवाए, अक्कोसे, अक्कोसे (परिभवे), उच्चए, उच्चामे, माया, उक्की, निक्की,
 वलए, माणे, कूमे, कूमे, कुणए, दंभे, कूमे, चिन्हे, किम्बिसे, अणायरण्या, गूह-
 णया, बंचणवा, पत्तिङ्गवणवा, सात्तिजोमे, लोमे, इच्छा, सुच्छा, कंथा, रेणी,

तिष्ठा, भिजा, अभिजा, कामासा, भोगासा, जीवियासा, मरणासा, नंभी, रागे । गोथूमस्स णं आवासपव्वयस्स पुरच्छिमिल्लोओ चरमंताओ बलयासुहस्स महापायालस्स पच्चच्छिमिल्ले चरमंते एस णं बावन्नं जोयणसहस्साइं अबाहाए अंतरे प० । एवं दगभासस्स णं केउगस्स सखस्स जूयगस्स दगसीमस्स ईसरस्स । नाणावरणिज्जस्स नामस्स अंतरायस्स एतेसि ण तिष्णं कम्मपगडीणं बावन्नं उत्तरपयबीओ पत्तनाओ । सोहम्मसणं कुमारमार्हिंदेसु तिसु कप्पेसु बावन्नं विमाणावाससयसहस्सा प० ॥ १३० ॥ देवकुरुउत्तरकुरुयाओ णं जीवाओ तेवन्नं तेवन्नं जोयणमहस्साइं साइरेगाइं आयामेणं पत्तनाओ । महाहिमवंतरूपीणं वासहरपव्वयाणं जीवाओ तेवन्नं तेवन्नं जोयणमहस्साइं नव य एगतीसे जोयणसए छच्च एगुणवीसडभाए जोयणस्स आयामेणं पत्तनाओ । समणस्स णं भगवओ महावीरस्स तेवन्नं अणगारा संवच्छरपरियाया पंचसु अणुत्तरेसु महइमहालएसु महाविमाणेसु देवत्ताए उववन्ना । संमुच्छिमउरपरिसप्पाणं उक्कोसेणं तेवन्नं वामसहस्सा ठिई प० ॥ १३१ ॥ भरहेरवएसु णं वासेसु एगमेगाए उस्सप्पिणीए ओसप्पिणीए चउवन्नं चउवन्नं उतमपुरिसा उप्पज्जिसु वा उप्पज्जंति वा उप्पज्जिस्संति वा, तं जहा-चउवीस तित्थकरा बारम चक्कवडी नव बलदेवा नव वासुदेवा । अरहा णं अविट्टनेमी चउवन्नं राईदियाइं छउमत्थपरियायं पाउणिता जिणे जाए केवली सव्वञ्च सव्वभावदरिसी । समणे भगवं महावीरे एगदिवसेणं एगनिसिजाए चउप्पन्नाइं वागरणाइं वागरित्था । अणंतस्स णं अरहओ चउपन्नं गणहरा होत्था ॥ १३२ ॥ मल्लिस्स णं अरहओ [मली णं अरहा] पणपन्नं वासमहस्साइं परमाउं पालइत्ता सिद्धे बुद्धे जाव प्पहीणे । मंदरस्स णं पव्वयस्स पच्चच्छिमिल्लोओ चरमंताओ विजयदारस्स पच्चच्छिमिल्ले चरमंते एस णं पणपन्नं जोयणसहस्साइं अबाहाए अंतरे प० । एवं चउहिर्मि पि विजयवेजयंतजयंतअपराजियं ति । समणे भगवं महावीरे अंतिमराइयंसि पणपन्नं अज्झयणाइं कळाणफलविवागाइं पणपन्नं अज्झयणाइं पावफलविवागाइं वागरित्ता सिद्धे बुद्धे जाव प्पहीणे । पडमब्बिइयासु दोसु पुढवीसु पणपन्नं निरयावाससयसहस्सा प० । इंसणावरणिज्जनामाउयाणं तिष्णं कम्मपगडीणं पणपन्नं उत्तरपगडीओ प० ॥ १३३ ॥ जंबुदीवे णं दीवे छप्पन्नं नक्खत्ता चंदेण सदिं जोगं जोइंसु वा जोईति वा जोइस्संति वा । विमलस्स णं अरहओ छप्पन्नं गणा छप्पन्नं गणहरा होत्था ॥ १३४ ॥ तिष्णं गणिपिडगाणं आयारचूलियावज्जाण सत्तावन्नं अज्झयणा प० तं जहा-आयारे सूर्यगडे ठाणे । गोथूमस्स णं आवासपव्वयस्स पुरच्छिमिल्लोओ चरमंताओ बलयासुहस्स महापायालस्स बहुअज्झदेसभाए एस णं सत्तावन्नं जोयणसहस्साइं अबाहाए

अंतरे प० । एवं दगभासस्स केउयस्स य संखस्स य जयस्स य दयसीमस्स ईस-
रस्स य । मद्धिस्स णं अरहओ सत्तावन्नं मणपज्जवनाणिसया होत्था । महाहिमवन्त-
रूपीणं वासहरपव्वयाणं जीवाणं धणुपिट्ठं सत्तावन्नं सत्तावन्नं जोयणसहस्साइं
दोह्नि य तेणउए जोयणसए दस य एगूणवीसइभाए जोयणस्स परिकम्बेवेणं प०
॥ १३५ ॥ पढमदोच्चपंचमासु तिसु पुढवीसु अट्टावन्नं निरयावाससयसहस्सा प० ।
नाणावरणिज्जस्स वेयणियआउयनामअंतराइयस्स एएसि णं पंचण्हं कम्मपगडीणं
अट्टावन्नं उत्तरपगडीओ पज्जाओ । गोधूमस्स णं आवासपव्वयस्स पच्चिच्चिमिद्धाओ
चरमंताओ वलयासुहस्स महापायालस्स बहुमज्जदेसभाए एस णं अट्टावन्नं जोयण-
सहस्साइं अबाहाए अंतरे प० । एवं चउदिमिं पि नेयव्वं ॥ १३६ ॥ चंदस्स णं
संवच्छरस्स एगमेणं उऊ एगूणसट्ठिं राईदियाइं राईदियगेणं प० । संबवे णं अरहा
एगूणसट्ठिं पुव्वसयसहस्साइं अगारमज्जे वसिन्ता मुंडे जाव पव्वइए । मद्धिस्स णं
अरहओ एगूणसट्ठिं ओहिनाणिसया होत्था ॥ १३७ ॥ एगमेणं णं मंडले सूरिए सट्ठिए
सट्ठिए मुहुत्तेहिं संघाइए । लवणस्स णं समुदस्स सट्ठिं नागसाहस्सीओ अगोदयं
धारति । विमले णं अरहा सट्ठिं धणुइं उण्णं उच्चतेणं होत्था । बलिस्स णं वइरोयणिदस्स
सट्ठिं सामाणियसाहस्सीओ पज्जाओ । बंभस्स णं देविदस्स देवरणो मट्ठिं सामाणि-
यसाहस्सीओ पज्जाओ । सोहम्मसाणेषु दोसु कप्पेसु सट्ठिं विभाणावाससयमहस्सा
प० ॥ १३८ ॥ पंचसंवच्छरियस्स णं जुगस्स रिउमासेणं मिज्जमाणस्स इगसट्ठिं उऊ-
मामा प० । मंदरस्स णं पव्वयस्स पढमे कंठे इगसट्ठिजोयणसहस्साइं उण्णं उच्चतेणं
प० । चंदमंडले णं एगसट्ठिविभागविभाइए समंसे प० । एवं सूरस्स वि ॥ १३९ ॥
पंचसंवच्छरिए णं जुगे वासट्ठिं पुब्बिमाओ बावट्ठिं अमावसाओ पज्जाओ । वासुपुज्जस्स
णं अरहओ वासट्ठिं गणा वासट्ठिं गणहरा होत्था । सुक्कपक्खस्स णं चंदे वासट्ठिं भागे
दिवसे दिवसे परिवव्वइ, ते चेव बहुलपक्खे दिवसे दिवसे परिहायइ । रोहम्मसा-
णेषु कप्पेसु पढमे पत्थके पढमावळियाए एगमेगाए दिसाए वासट्ठिं वासट्ठिं विभाणा
प० । सब्बे वेमाणियानं वासट्ठिं विमाणपत्थडा पत्थडग्गेणं प० ॥ १४० ॥ उसमे
णं अरहा कोसलिए तेसट्ठिं पुब्बसयसहस्साइं महारायमज्जे वसिन्ता मुंडे भविन्ता
अगाराओ अणगारियं पव्वइए । हरिवासरम्मयवासेसु मणुस्सा तेसट्ठिए राईदिएहिं
संपत्ताजोव्वणा भवंति । विसडे णं पव्वए तेसट्ठिं सूरुदया प० । एवं नीलव्वंते वि
॥ १४१ ॥ अट्टुमिया णं भिक्खुपट्ठिमा चउसट्ठीए राईदिएहिं दोहि य अट्टासीएहिं
भिक्खवासएहिं अहासुतां जाव भवइ । चउसट्ठिं अउरकुमारवासासयसहस्सा प० ।
चमरस्स णं रणे चउसट्ठिं सामाणिकसाहस्सीओ पज्जाओ । सब्बे वि दधि मुहाणं

पव्वया पद्मासंठाणसठिया सव्वत्थ समा विक्खंभुस्सेहेणं चउसट्ठि जोयणसहस्साई
 प० । सोहम्मीसाणेसु बंभलोए य तिसु कप्पेसु चउसट्ठि विमाणावाससयसहस्सा
 प० । सव्वस्स वि य णं रत्तो चाउरंतचक्कवट्ठिस्स चउसट्ठिउट्ठीए महस्से मुत्तामणि-
 (मए)हारे प० ॥ १४२ ॥ जंबुद्वीवे णं दीवे पणसट्ठि सूरमंडला प० । येरे णं मोरि-
 यपुत्ते पणसट्ठिवासाई अगारमज्जे वत्तिता मुंडे भविता अगाराओ अणगरियं पव्व-
 इए । सोहम्मवडिसयस्स णं विमाणस्म एगमेगाए बाहाए पणमट्ठि पणसट्ठि भोमा
 प० ॥ १४३ ॥ दाहिणद्धमाणस्सखेत्ता ण छावट्ठि चंदा पभासिसु वा पभासंति वा
 पभासिस्संति वा । छावट्ठि सूरिया तविमु वा तवंति वा नविस्संति वा । उत्तरदु-
 माणुस्मखेत्ता णं छावट्ठि चंदा पभासिसु वा पभासति वा पभामिस्संति वा ।
 छावट्ठि सूरिया तविमु वा तवंति वा तविस्संति वा । सेज्जमस्स णं अरहओ छावट्ठि
 गणा छावट्ठि गणहरा होत्था । आभिणिबोहियनाणस्म णं उक्कोसेणं छावट्ठि साग-
 रोवमाई ठिई प० ॥ १४४ ॥ पंचसंवच्छरियस्स णं जुगस्स नक्खत्तमासेणं मिज्ज-
 माणस्स सत्तसट्ठि नक्खत्तमाया प० । हेमवयएरत्तवयाओ णं बाहाओ मत्तट्ठि मत्तट्ठि
 जोयणसयाई पणपत्ताई तिण्णि य भागा जोयणस्म आयासेणं प० । मंदरस्म णं
 पव्वयस्म पुरच्छिमिज्जाओ चरमंताओ गोयमदीवस्स पुरच्छिमिजे चरमंते एग णं
 मत्तमट्ठि जोयणमहम्साई अवाहाए अंतरे प० । मव्वंमि पि णं नक्खत्ताणं सीमा-
 विक्खंमे णं मत्तट्ठि भागं भइए ममेसे प० ॥ १४५ ॥ धायइमंडे णं बीवे अडमट्ठि
 चक्कवट्ठिविजया अडमट्ठि रायहाणीओ प० । उक्कोमए अडसट्ठि अरहंता समु-
 प्पज्जिसु वा समुप्पज्जंति वा समुप्पज्जिस्सति वा । एवं चक्कवट्ठी बलदेवा वासुदेवा ।
 पुक्खरवरदीवट्ठे णं अडसट्ठि विजया एवं चेव जाव वासुदेवा । विमलस्स णं
 अरहओ अडसट्ठि समणमाहस्सीओ उक्कोसिया समणमंपया होत्था ॥ १४६ ॥
 समयरित्ते णं मंदरवज्जा एगूणमत्तरिं वासा वामधरपव्वया प० तं जहा-पणतीसं
 वासा तीस वामहरा चत्तारि उमुयारा । मंदरस्म पव्वयस्स पक्खच्छिमिज्जाओ चरमं-
 ताओ गोयमदीवस्स पक्खच्छिमिजे चरमंते एस णं एगूणमत्तरिं जोयणसहस्साई
 अवाहाए अंतरे प० । मोहणिज्जवज्जाणं सण्णं कम्मपगडीणं एगूणसत्तरिं उत्तर-
 पगडीओ पत्ताओ ॥ १४७ ॥ समणे भगवं महावीरे वासाणं सवीसहराए मासे
 वइकंते सत्तरिंएहिं राईदिंएहिं सेसेहिं वासावासं पज्जोसवेइ । पासे णं अरहा पुरि-
 सादाणीए सत्तरिं वासाई बहुपडिपुत्ताई सामन्नपरियाणं पाउणित्ता सिद्धे बुद्धे जाव
 प्पहीणे । वासुपुजे णं अरहा मत्तरिं धणूई उब्बुं उब्बत्तेणं होत्था । मोहणिज्जस्स णं
 कम्मस्स सत्तरिं सागरोवमकोडाकोडीओ अवाहणिया कम्मट्ठिई कम्मनिसेगे प० ।

मार्हिदस्स णं देविदस्स देवरजो सत्तारिं सामाणियसाहस्सीओ पज्जाओ ॥ १४८ ॥
चउत्थस्स णं चंदसंबच्छरस्स हेमंतार्णं एकसत्तरीए राईदिएहिं वीइकंतेहिं सब्ब-
बाहिराओ मंडलाओ सुरिए आउट्टिं करेइ । वीरियप्पवायस्स णं पुव्वस्स एकसत्तारिं
पाहुडा प० । अजिते णं अरहा एकसत्तारिं पुव्वसयसहस्साई अगारमज्जे वसित्ता
मुंडे भविता जाव पव्वइए । एवं सगरो वि राया चाउरंतचक्कवट्टी एकसत्तारिं पुव्व
जाव पव्वइए ति ॥ १४९ ॥ बावत्तारिं सुवज्जकुआरावाससयसहस्सा प० । लवणस्स
समुदस्स बावत्तारिं नागसाहस्सीओ वाहिरियं वेलं धारंति । समणे भगवं महावीरे
वावत्तारिं वामाईं सव्वाउयं पालइत्ता सिद्धे बुद्धे जाव प्पहीणे । येरे णं अयलभाया
बावत्तारिं वामाईं मव्वाउयं पालइत्ता सिद्धे जाव प्पहीणे । अब्भितरपुक्खरदे णं
वावत्तारिं चंद्रा पभासिंसु वा पभामंति वा पभासिंमंति वा, बावत्तारिं सुरिया तविसु
वा तवंति वा तविस्संति वा । एगमेगम्म णं रज्जो चाउरंतचक्कवट्टिस्स बावत्तारिपुर-
वरमाहस्सीओ पज्जाओ । बावत्तारि कन्धाओ प० तं जहा-लेहं, गणियं, ह्वं, नट्टं,
गीयं, वाइयं, सरगयं, पुक्खरगयं, समतालं, जूयं, जणचायं, पोक्खच्चं, अट्ठाधयं,
दगमाट्टियं, अन्नविहीं, पाणविहीं, वत्थविहीं, सयणविहीं, अज्जं, पहेलियं, मागहियं,
गाहं, सिलोगं, गंधजुमिं, मधुसित्थं, आभरणविहीं, नरुणीपडिकम्मं, इत्थीलक्खणं,
पुरंसलक्खणं, हयलक्खणं, गयलक्खणं, गोणलक्खणं, कुकुडलक्खणं, मिठवल-
क्खणं, चक्कलक्खणं, छत्तलक्खणं, दंडलक्खणं, अंसिलक्खणं, मणिलक्खणं,
कागणिलक्खणं, चम्मलक्खणं, चंदलक्खणं, सूचरियं, राहुचरियं, गहचरियं,
सोभागकरं, दोभागकरं, विज्जागयं, मंनगयं, रहस्सगयं, सभासं, चारं, पडिचारं,
वूहं, पडिबूहं, खंवावारमाणं, नगरमाणं, वत्तुमाणं, खंवावारनिवेशं, वत्थनिवेशं,
नगरनिवेशं, ईसत्थं, छरुप्पवायं, आससिक्खं, इत्थिसिक्खं, धणुव्वयं, हिरण्यपायं
सुवज्जपाणं मणिपाणं धातुपाणं, बाहुजुद्धं दंडजुद्धं मुट्टिजुद्धं लट्ठिजुद्धं जुद्धं निजुद्धं
जुद्धाईं जुद्धं, सुत्तखेडं नालियाखेडं बट्टेखेडं धम्मखेडं चम्मखेडं, पत्तच्छेज्जं कट्ठग-
च्छेज्जं, सर्जावं निज्जावं, सउणह्यं । संमुत्तिअमल्लहयरपंचिदियतिरिक्खओवियार्णं
उक्कोसेणं बावत्तारिं वामसहस्साईं टिईं प० ॥ १५० ॥ हरिवासरम्मयवासयाओ णं
जीवाओ तेवत्तारिं तेवत्तारिं जौयणसहस्साईं नव य एण्तारे जौयणसए सत्तरस्स च
एण्णवीसइभागे जौयणस्स अद्धभागं च आयामेणं प० । विजए णं बलवेवे तेव-
त्तारिं वाससयसहस्साईं सव्वाउयं पालइत्ता सिद्धे जाव प्पहीणे ॥ १५१ ॥ येरे णं
अग्गिभूईं गणहरे चोवत्तारिं वामाईं सव्वाउयं पालइत्ता सिद्धे जाव प्पहीणे । विस्-
द्धाओ णं वासहरपण्यवाओ तिग्गिच्छिओ णं वहाओ सीतोयाम्हाणवीओ चोवत्तारिं

जोयणसयाई साहियाई उत्तराहिमुही पवहिता बइरामयाए जिच्चियाए चउजोयणा-
यामाए पक्षासजोयणविकसंभाए वइरनले कुंडे महया चडमुहपवतिएणं मुताबलि-
हारसंठाणसंठिएणं पवाएणं महया सदेणं पवइइ । एवं सीता वि दक्खिणाहिमुही
भाणियव्वा । चउत्थवज्जासु छसु पुडवीसु चोवत्तरिं नरयावाससयसहस्सा प०
॥ १५२ ॥ सुविहिस्स णं पुप्फदंतस्स अरहओ पन्नत्तरिं जिणमया होत्था । सीतले
णं अरहा पन्नत्तरिं पुव्वसहस्साई अगारवासमज्जे वसिन्ता मुंडे भविता जाव पव्व-
इए । सती णं अरहा पन्नत्तरिवामसहस्साई अगारवाममज्जे वसिन्ता मुंडे भविता
अगाराओ अणगारियं पव्वइए ॥ १५३ ॥ छावत्तरिं विज्जुकुमारावागमयसहस्सा
प० । एवं-दीवदिमाउदहीणं, विज्जुकुमारिंदथणियमग्गीणं । छण्हं पि जुगलयणं,
छावत्तरिं मयसहस्साई ॥ १५४ ॥ भरहे राया चाउरंतचक्कवी सत्तहत्तरिं पुव्वसय-
सहस्साई कुमारवासमज्जे वसिन्ता महारायाभिसेयं संपणे । अगवंगाओ णं मत्तहत्तरिं
रायाणो मुंडे जाव पव्वइया । गहतोयतुमियाणं देवाणं मत्तहत्तरिं देवमहस्मपरिवारा
प० । एगमेगे णं मुहुत्ते मत्तहत्तरिं लवे लवगेणं प० ॥ १५५ ॥ मक्कस्साणं देविंदस्स
देवरओ वेसमणे महाराया अट्टहत्तरिं सुवअकुमारबीजुकुमारावासमयसहस्साणं
आहेवच्चं पोरेवच्चं सामिन्तं भट्ठितं महारायत्तं आणाईसरसेणावच्चं कारेमाणं पालेमाणे
विहरइ । धेरे णं अकपिए अट्टहत्तरिं वामाई सव्वाउयं पालइता सिद्धे जाव प्पहीणे ।
उत्तरायणनियेइं णं मुरिए पटमाओ मंडलाओ एगुणचत्तात्तामइमे मंडले अट्टहत्तरिं
एगामट्टिभाए दिवसखेतस्स निवुद्धेत्ता रयणिवेत्तस्स अभिनिवुद्धेत्ता णं चारं चरइ,
एवं दक्खिणायणनियेइं वि ॥ १५६ ॥ वलयामुहस्स णं पायालस्स हिट्टिआओ चर-
मंताओ डर्मासे णं रयणप्पभाए पुडवीए हेट्टिइं चरमते एम णं एगूणासिं जोयणस-
हस्साई अवाहाए अंतरे प० । एवं कंउस्स वि जयस्स वि हेमरस्स वि । छट्टीए
पुडवीए बहुमज्जडेसभायाओ छट्टम्म घणोदहिस्स हेट्टिइं चरमते एस णं एगूणा-
सीति जोयणमहस्साई अवाहाए अंतरे प० । जंतुहीवस्स णं बीवस्स बारस्स य
बारस्स य एस णं एगूणासीईं जोयणसहस्साई साइरेगाई अवाहाए अंतरे प०
॥ १५७ ॥ सेज्जे णं अरहा असीईं धणूइं उक्कु उच्चत्तेणं होत्था । तिबिट्ठे णं वासु-
देवे असीईं धणूइं उक्कु उच्चत्तेणं होत्था । अयले णं बलदेवे असीईं धणूइं उक्कु उच्च-
त्तेणं होत्था । तिबिट्ठे णं वासुदेवे असीइवामसयमहस्साई महाराया होत्था । आउ-
बहुले णं कंडे असीइ जोयणसहस्साई बाहत्तेणं प० । ईमाणस्स देविंदस्स देवरओ
असीईं सामणियसाहस्सीओ पक्कत्ताओ । जंतुहीवे णं बीवे असीउत्तरं जोयणसयं बोगा-
देत्ता मुरिए उत्तरकट्टोवगए पडमं उदयं करेइ ॥ १५८ ॥ मयमवमिया चं भिक्ख-

पठिमा एकासीइ राईदिएहिं चउहिं य पंचुतरेहिं (भिक्खासएहिं) अहासुत्तं जाव आराहिया । कुंचुस्स णं अरहओ एकासीतिं मणपज्जवनाणिसया द्वोत्था । विवाहपक्क-
 तीए एकासीतिं महाजुम्मसया प० ॥ १५५ ॥ जंबुहीने शीवे बासीयं मंडलसयं जं
 सूरिए दुक्खुत्तो संकमिणा णं चारं चरइ, तं जहा-निक्खम्ममाणे य पविसमाणे य ।
 समणे भगवं महावीरे बासीए राईदिएहिं वीइकंतेहिं गब्भाओ गब्भं साहरिए । महा-
 हियवंतस्स णं वासहरपव्वयस्स उवरिज्जाओ चरमंताओ सोगंधियस्स कंडस्स हेट्ठिणे
 चरमंते एस्स णं बासीइं जोयणसयाइं अबाहाए अंतरे प० । एवं रुप्पिस्स वि ॥ १६० ॥
 समणे भगवं महावीरे बासीइ राईदिएहिं वीइकंतेहिं तेयासीइमे राईदिए बट्टमाणे
 गब्भाओ गब्भं साहरिए । सीयलस्स णं अरहओ तेसीइं गणा तेसीइं गणहरा
 होत्था । पेरे णं मंडियपुत्ते तेसीइं वासाइं सव्वाउयं पालइत्ता सिद्धे जाव प्पहीणे ।
 उसभे णं अरहा कोसलिए तेसीइं पुव्वमयसहस्साइं अगारमज्जे वसिणा मुंढे
 भविता णं जाव पव्वइए । भरहे णं राया चाउरंतचक्कवट्टी तेसीइं पुव्वमयसहस्साइं
 अगारमज्जे वसिणा जिणे जाए केवली सव्वन्न सव्वभावदरिसी ॥ १६१ ॥
 चउरासीइं निरयावाससयसहस्सा प० । उसभे णं अरहा कोमणिए चउरासीइं
 पुव्वमयमहस्साइं सव्वाउयं पालइत्ता सिद्धे बुद्धे जाव प्पहीणे । एवं भरहो बाहुबली
 बंभी मुंदरी । निज्जे णं अरहा चउरासीइं वाससयसहस्साइं सव्वाउयं पालइत्ता
 सिद्धे जाव प्पहीणे । तिविट्ठे णं वासुदेवे चउरासीइं वाससयसहस्साइं सव्वाउयं
 पालइत्ता अप्पइट्ठणे नरए नेरइयत्ताए उववज्जो । सक्कस्स णं देविंदस्स देवरज्जो
 चउरासीइं मामाणियसाहस्सीओ पक्कताओ । सव्वे वि णं बाहिरया मंदरा चउरा-
 सीइं चउरासीइं जोयणसहस्साइं उच्चं उच्चणेणं प० । सव्वे वि णं अंजणपव्वया
 चउरासीइं चउरासीइं जोयणसहस्साइं उच्चं उच्चणेणं प० । हरिवासरम्मयवासिवाणं
 जीवाणं धणुपिट्ठा चउरासीं जोयणसहस्साइं सोलस जोयणाइं चत्तारि य भाया
 जोयणस्स परिकखेवेणं प० । पंक्कहुलस्स णं कंडस्स उवरिज्जाओ चरमंताओ हेट्ठिणे
 चरमंते एस्स णं चोरासीइं जोयणसयसहस्साइं अबाहाए अंतरे प० । विवाहपक्कतीए
 णं भगवतीए चउरासीइं पयसहस्सा पदग्गेणं प० । चोरासीइं नागकुमाराबाससव-
 सहस्सा प० । चोरासीइं पद्धगसहस्साइं पक्कताइं । चोरासीइं ओणिप्पमुइसव-
 सहस्सा प० । पुव्वाइयानं सीसपहेलियापज्जक्खाणाणं सट्ठानट्ठानंतराणं चोरासीए
 पुणकारे प० । उसमस्स णं अरहओ कोसलियस्स चउरासीइं गणा चउरासीइं
 गणहरा होत्था, उसमस्स णं अरहओ कोसलियस्स उसमसेणपामोक्खाओ चउरा-
 सीइं समणसाहस्सीओ होत्था । सव्वे वि चउरासीइं विजायावाससवसहस्सा

सत्ताणउई च सहस्सा तेवीसं च विमाणा भवंतीति मक्खायं ॥ १६२ ॥
 आथारस्स णं भगवओ सच्चुलियागस्स पंचासीइ उदेसणकाला प० । धायइसंडस्स
 णं मंदरा पंचासीइ जोयणमहस्साइं सव्वग्गेणं प० । रुयए णं मंडलियपव्वए पंचा-
 सीइ जोयणसहस्साइं सव्वग्गेणं प० । नंदणवणत्स णं हेट्ठिआओ चरमंताओ सोगंधि-
 यस्स कंडस्स हेट्ठिणे चरमंते एस्स णं पंचासीइ जोयणसयाइं अवाहाए अंतरे प०
 ॥ १६३ ॥ सुविहिस्स णं पुप्फदंतस्स अरहओ छलसीइ गणा छलसीइ गणाहरा
 होत्था । सुपासस्स णं अरहओ छलसीइ वाइमया होत्था । दोच्चाए णं पुठवीए बहु-
 मज्झद्वेसभागाओ दोच्चस्स घणोदहिस्स हेट्ठिणे चरमंते एस्स णं छलसीइ जोयणसह-
 स्साइं अवाहाए अंतरे प० ॥ १६४ ॥ मंदरस्स णं पव्वयस्स पुरच्छिमिआओ चर-
 मंताओ गोधूमस्स आवासपव्वयस्स पच्चच्छिमिणे चरमंते एस्स णं मत्तासीइं जोयण-
 सहस्साइं अवाहाए अंतरे प० । मंदरस्स णं पव्वयस्स दक्खिणिआओ चरमंताओ
 दगभासस्स आवासपव्वयस्स उत्तरिणे चरमंते एस्स णं मत्तासीइं जोयणमहस्साइं
 अवाहाए अंतरे प० । एवं मंदरस्स पच्चच्छिमिआओ चरमंताओ संखस्स आवास-
 पव्वयस्स पुरच्छिमिणे चरमंते एस्स णं मत्तासीइं जोयणसहस्साइं अवाहाए अंतरे
 प० । एवं चेव मंदरस्स उत्तरिआओ चरमंताओ दगसीमस्स आवासपव्वयस्स दाहि-
 णिणे चरमंते एस्स णं मत्तासीइं जोयणमहस्साइं अवाहाए अंतरे प० । छण्हं कम्म-
 पगणीणं आइमउवरिअवज्जणं मत्तासीइं उत्तरपगणीओ पजत्ताओ । महाहिमवंतकू-
 डस्स णं उवरिमंताओ सोगंधियस्स कंडस्स हेट्ठिणे चरमंते एस्स णं मत्तासीइं जोय-
 णसयाइं अवाहाए अंतरे प० । एवं कथिकूडस्स वि ॥ १६५ ॥ एगमेगस्स णं चंदि-
 मसरियस्स अट्टासीइ अट्टासीइ महग्गहा परिवारो प० । दिट्ठिवायस्स णं अट्टासीइ
 मुत्ताइं पजत्ताइं, तं जहा-उज्जुसुयं परिणयापरिणयं एवं अट्टासीइ मुत्ताणि भाणिय-
 व्वाणि जहा नंवीए । मंदरस्स णं पव्वयस्स पुरच्छिमिआओ चरमंताओ गोधूमस्स
 आवासपव्वयस्स पुरच्छिमिणे चरमंते एस्स णं अट्टासीइं जोयणसहस्साइं अवाहाए
 अंतरे प० । एवं चउमु वि दिसामु नेयव्वं । बाहिराओ उत्तराओ णं कट्ठाओ सुरिए
 पढमं छम्मासं अयमाणे चोयालीसइमे मंडलगते अट्टासीति एगसट्ठिभागे मुहुत्तस्स
 दिवसखेतस्स निवुहेत्ता रयणिखेतस्स अभिनिवुहेत्ता सुरिए चारं चरइ । इक्खिण-
 कट्ठाओ णं सुरिए दोब्बं छम्मासं अयमाणे चोयालीसतिमे मंडलगते अट्टासीइं एग-
 सट्ठिभागे मुहुत्तस्स रयणिखेतस्स निवुहेत्ता दिवसखेतस्स अभिनिवुहेत्ता णं सुरिए
 चारं चरइ ॥ १६६ ॥ उममे णं अरहा क्खेसलिए इमीसे ओसपिणीए तत्तियाए छस-
 मद्दसमाए (सभाए) पच्छिमे भागे एग्गणउए अट्टमासेहिं खेसेहिं काळग्गए वाव सव्व-

बुक्कल्पहीणे । समणे भगवं महावीरे इमीसे ओसपिणीए चउत्थाए दूमसुमयाए
 समाए पच्छिमे भागे एगूणनउइए अडमासेहिं सेसेहिं कालगए जाव सम्बुक्कल्प-
 हीणे । हरितेणे णं राया चाउरंतचक्कवट्टी एगूणनउई वाससयाई महाराया होत्था ।
 संतिस्स णं अरहओ एगूणनउई अज्जासाहस्सीओ उक्कोसिया अज्जियासंपया होत्था
 ॥ १६७ ॥ सीयळे णं अरहा नउई धणूई उक्कु उच्चनेणं होत्था । अज्जियस्स णं अर-
 हओ नउई गणा नउई गणहरा होत्था । एवं संतिस्स वि । समंभुस्स णं वासुदेवस्स
 णउइ वामाउं विजए होत्था । सम्बेस्स णं बट्टवेयक्कपव्वयाणं उवरिक्काओ सिहरतलाओ
 सोगंधियकण्डस्स हेट्टिळे चरमंते एस्स णं नउइ जोयणसयाई अबाहाए अंतरे ५०
 ॥ १६८ ॥ एकाणउई परवेयावच्चकम्मपडिमाओ पज्जाताओ । कालोए णं समुदे
 एकाणउई जोयणमयमहस्साई महियाई परिकखेवेणं ५० । कुंभुस्स णं अरहओ
 एकाणउई आहोहियसया होत्था । आउयगोयवज्जाणं छण्डं कम्मपगडीणं एकाणउई
 उत्तरपगडीओ पज्जाताओ ॥ १६९ ॥ बाणउई पडिमाओ पज्जाताओ । येरे णं ईदभूती
 बाणउइ वासाई सम्बाउयं पालहता सिद्धे बुद्धे । मंदरस्स णं पव्वयस्स बहुमज्ज-
 देसभागाओ गोधूमस्स आवामपव्वयस्स पच्चच्छिम्भिळे चरमंते एस्स णं बाणउई
 जोयणसहस्साई अबाहाए अंतरे ५० । एवं चउण्डं वि आबामपव्वयाणं ॥ १७० ॥
 चंदप्पहस्स णं अरहओ तेणउई गणा तेणउई गणहरा होत्था । संतिस्स णं अरहओ
 तेणउई चउहसपुव्विसया होत्था । तेणउइमंडलमते णं सुरिए अतिबट्टमाणे वा निब-
 द्दमाणे वा समं अहोरतं विसमं करेइ ॥ १७१ ॥ निंसहनीलवतियाओ णं जीवाओ चउ-
 णउइ जोयणसहस्साई एक्कं छप्पणं जोयणसयं दोषि य एगूणवीसइभागे जोयणस्स
 आयामेणं ५० । अज्जियस्स णं अरहओ चउणउइ ओहिनाणिसया होत्था ॥ १७२ ॥
 सुपासस्स णं अरहओ पंचाणउइ गणा पंचाणउइ गणहरा होत्था । जंबुदीवस्स णं सीब-
 स्स चरमंताओ चउहिसि लवणसमुई पंचाणउइ पंचाणउइ जोयणसहस्साई ओगाहिता
 चत्तारि महापायालकलसा ५०तं अहा-वलयामुहे केऊए जूयए ईसरे । लवणसमुहस्स
 उभओ पासं पि पंचाणउयं पंचाणउयं पदेसाओ उम्बेहुस्सेहपरिहाणीए ५० । कुंभू णं
 अरहा पंचाणउइ वाससहस्साई परमाउयं पालहता सिद्धे बुद्धे जाव प्यहीणे । येरे णं
 मोरियपुणे पंचाणउइ वासाई सम्बाउयं पालहता सिद्धे बुद्धे जाव प्यहीणे ॥ १७३ ॥
 एममेगस्स णं रओ चाउरंतचक्कवट्टिस्स छण्णउई छण्णउई गामक्खेवीओ होत्था ।
 वाउकुमारारणं छण्णउइ भववावाससयसहस्सा ५० । ववहारिए णं दंडे छण्णउइ
 अंगुलाई अंगुलमाणेणं । एवं वणू नाळिया उगे अक्खे सुसुळे वि हु । अरिमतएओ
 आहमुहो छण्णउइअंगुलाए ५० ॥ १७४ ॥ मंदरस्स णं पव्वयस्स पच्चच्छिम्भि-

ह्याओ चरमंताओ गोधूमस्स ण आवासपव्वयस्स पच्चच्छिमिल्ले चरमंते एस णं सत्ता-
 णउइ जोयणसहस्साई अबाहाए अंतरे पज्जते । एवं चउदिसिं पि । अट्ठण्हं कम्मप-
 गढीणं सत्ताणउइ उत्तरपगढीओ पज्जताओ । हरिसेणे णं राया चाउरंतचक्खवट्ठी देस्-
 णाई सत्ताणउइ वाससयाई अगारमज्जे वसिता मुंढे भवित्ता णं जाब पव्वइए
 ॥ १७५ ॥ नंदणवणस्स णं उवरिल्लाओ चरमंताओ पंडुयवणस्स हेट्ठिल्ले चरमंते एस
 णं अट्ठाणउइ जोयणसहस्साई अबाहाए अंतरे पज्जते । मंदरस्स णं पव्वयस्स पच्च-
 च्छिमिल्लाओ चरमंताओ गोधूमस्स आवासपव्वयस्स पुरच्छिमिल्ले चरमंते एस णं
 अट्ठाणउइ जोयणसहस्साई अबाहाए अंतरे प० । एवं चउदिसिं पि । दाहिणभर-
 ह्वस्स णं धणुप्पिट्ठे अट्ठाणउइ जोयणसयाई किंचूणाई आयामेणं पज्जते । उत्तराओ
 णं कट्ठाओ सुरिए पढमं छम्मासं अयमाणे एगूणपजासतिमे मंडलगते अट्ठाणउइ
 एकसट्ठिभागे मुहुत्तस्स दिवसखेतस्स निवुद्धेता रयणिवेतस्स अभिनिवुद्धिता णं
 सुरिए चारं चरइ । दक्खिणाओ णं कट्ठाओ सुरिए दोब्बं छम्मासं अयमाणे एगूण-
 पजासइमे मंडलगते अट्ठाणउइ एकसट्ठिभाए मुहुत्तस्स रयणिवेतस्स निवुद्धेता
 दिवसखेतस्स अभिनिवुद्धिता णं सुरिए चारं चरइ । रेवईपढमेज्जापज्जवसाणाणं
 एगूणवीसाए नक्खत्ताणं अट्ठाणउइ ताराओ तारग्गेणं पज्जताओ ॥ १७६ ॥ मंदरे
 णं पव्वए णवणउइ जोयणसहस्साई उहुं उच्चतेणं पज्जते । नंदणवणस्स णं पुरच्छि-
 मिल्लाओ चरमंताओ पच्चच्छिमिल्ले चरमंते एस णं नवनउइ जोयणसयाई अबाहाए
 अंतरे पज्जते । एवं दक्खिणिल्लाओ चरमंताओ उत्तरिल्ले चरमंते एस णं णवणउइ
 जोयणसयाई अबाहाए अंतरे पज्जते । उत्तरे पढमे सुरियमंडले नवनउइ जोयण-
 सहस्साई साइरेगाई आयामविकखंभेणं पज्जते । दोब्बं सुरियमंडले नवनउइ जोयण-
 सहस्साई साहियाई आयामविकखंभेणं पज्जते । तइए सुरियमंडले नवनउइ जोयण-
 सहस्साई साहियाई आयामविकखंभेणं पज्जते । इमीसे णं रयणप्पभाए पुढवीए
 अंजणस्स कंडस्स हेट्ठिल्लाओ चरमंताओ बाणमंतरभोमेज्जविहारणं उवरिमंते एस
 णं नवनउइ जोयणसयाई अबाहाए अंतरे पज्जते ॥ १७७ ॥ दसदसमिया णं
 भिक्खुपत्थिमा एगेणं राईदियसतेणं अद्धच्छट्ठेहिं भिक्खासतेहिं अहासुते जाब अतरा-
 हिया वि भवइ । सयभिसया नक्खत्ते एक्कसयतारे पज्जते । सुमिही पुप्फवंते णं
 अरहा एगं धणुसयं उहुं उच्चतेणं होत्था । पासे णं अरहा पुरिसादाणीए एक्कं वाक्ख-
 सयं सव्वाउयं पालइता सिद्धे जाब प्पहीणे । एवं येरे वि अज्जउहम्मे । सव्वे वि
 णं वीहवेयपुपव्वया एगमेणं गाउयसयं उहुं उच्चतेणं प० । सव्वे वि णं पुत्तसि-
 वंतसिहरीवासहरपव्वया एगमेणं जोयणसयं उहुं उच्चतेणं प० एगमेणं वाक्खसयं

उब्बेहेणं प० । सब्बे वि णं कच्चणपव्वयया एगमेगं जोयणसयं उब्बुं उच्चतेणं प० । एगमेगं गाउयसयं उब्बेहेणं प० । एगमेगं जोयणसयं मूळे विकखंभेणं प० ॥ १७८ ॥ चंदप्पमे णं अरहा दिवहुं धणुसयं उब्बुं उच्चतेणं होत्था । आरजे कप्पे दिवहुं विमाणावासमयं प० । एवं अब्बुए वि ॥ १७९ ॥ सुपासे णं अरहा दो धणुसया उब्बुं उच्चतेणं होत्था । मब्बे वि णं महाहिमवंतरुप्पीवासहरपव्वया दो दो जोयणसयाइं उब्बुं उच्चतेणं प० । दो दो गाउयसयाइं उब्बेहेणं प० । जंबुदीवे णं धीवे दो कच्चणपव्वयसया प० ॥ १८० ॥ पउमप्पमे णं अरहा अब्बाइज्जाइं धणुसयाइं उब्बुं उच्चतेणं होत्था । असुरकुमारानं देवानं पामायवडिसगा अब्बाइज्जाइं जोयणसयाइं उब्बुं उच्चतेणं प० ॥ १८१ ॥ सुमइं णं अरहा तिण्णि धणुसयाइं उब्बुं उच्चतेणं होत्था । अरिट्टनेमी णं अरहा तिण्णि वासमयाइं कुमारवासमज्जे वसित्ता मुंडे भविता जाव पव्वडए । वेमाणियाणं देवानं विमाणपागारा तिण्णि तिण्णि जोयणसयाइं उब्बुं उच्चतेणं प० । समणम्म भगवओ महावीरस्स तिण्ण सयाणि चोहसपुव्वीणं होत्था । पंचधणुमइयस्स णं अंतिममारीरियस्स सिद्धिगयस्स सातिरेगाणि तिण्णि धणुसयाणि जीवप्पदेमोगाहणा प० ॥ १८२ ॥ पासस्स णं अरहओ पुरिसादाणीयस्स अब्बुट्टसयाइं चोहसपुव्वीणं मंपया होत्था । अभिनेदणे णं अरहा अब्बुट्टाइं धणुसयाइं उब्बुं उच्चतेणं होत्था ॥ १८३ ॥ संभवे णं अरहा चत्तारि धणुसयाइं उब्बुं उच्चतेणं होत्था । सब्बे वि णं गिसठनीलवंता वासहरपव्वया चत्तारि चत्तारि जोयणसयाइं उब्बुं उच्चतेणं चत्तारि चत्तारि गाउयसयाइं उब्बेहेणं प० । सब्बे वि णं वक्खारपव्वया गिसठनीलवंतवासहरपव्वयए णं चत्तारि चत्तारि जोयणसयाइं उब्बुं उच्चतेणं चत्तारि चत्तारि गाउयसयाइं उब्बेहेणं पक्कते । आणयपाणएसु दोसु कप्पेसु चत्तारि विमाणसया प० । समणस्स णं भगवओ महावीरस्स चत्तारि सया वडिंभं सदेवमणुयासुरंभि लोणंभि बाए अपराजियाणं उच्छोसिया वाइसपया होत्था ॥ १८४ ॥ अब्बिए णं अरहा अब्बपंचमाइं धणुसयाइं उब्बुं उच्चतेणं होत्था । सगरे णं राया चाउरंतचक्कवट्ठी अब्बपंचमाइं धणुसयाइं उब्बुं उच्चतेणं होत्था ॥ १८५ ॥ सब्बे वि णं वक्खारपव्वया सीआसीओआओ महानईओ मंवरपव्वयंतेणं पंच पंच जोयणसयाइं उब्बुं उच्चतेणं पंच पंच गाउयसयाइं उब्बेहेणं प० । सब्बे वि णं वासहरकूडा पंच पंच जोयणसयाइं उब्बुं उच्चतेणं होत्था, मूळे पंच पंच जोयणसयाइं विकखंभेणं प० । उसमे णं अरहा कोसलिए पंच धणुसयाइं उब्बुं उच्चतेणं होत्था । सरइं वं राया चाउरंतचक्कवट्ठी पंच धणुसयाइं उब्बुं उच्चतेणं होत्था । जेयणसयंपमादक-विजुप्पसमासवतंणं वक्खारपव्वयाणं मंदरपव्वयंतेणं पंच पंच जोयणसयाइं उब्बुं

उच्चतेर्णं पंच पंच गाउयसयाई उव्वेहेणं प० । सव्वे वि णं वक्खारपव्वयकूडा
हरिहरिस्सहकूडवजा पंच पंच जोयणसयाई उच्चं उच्चतेर्णं मूले पंच पंच जोयणसयाई
आत्थमविकसंभेणं प० । सव्वे वि णं नंदणकूडा बलकूडवजा पंच पंच जोयण-
सयाई उच्चं उच्चतेर्णं मूले पंच पंच जोयणमयाई आयामविकसंभेणं प० । सोहम्मी-
साणेसु कप्पेसु विमाणा पंच पंच जोयणमयाई उच्चं उच्चतेर्णं प० ॥ १८६ ॥ सर्ण-
कुमारमाहिंदेसु कप्पेसु विमाणा छ जोयणसयाई उच्चं उच्चतेर्णं प० । चुद्धहिमवंत-
कूडस्स उवरिक्खाओ चरमंताओ चुद्धहिमवंतस्स वामहरपव्वयस्स समधरणितले एम
णं छ जोयणसयाई अबाहाए अंतरे पच्चते । एवं सिहरीकूडस्स वि । पायस्स णं
अरहओ छ मया वाईणं मदेवमणुयासुरे लोए वाए अपराजियाणं उक्कोसिया वाईसं-
पया होत्था । अभिचंदे णं कुलगरे छ धणुमयाई उच्चं उच्चतेर्णं होत्था । वासुपुजे णं
अरहा छहिं पुरिससएहिं सद्धिं मुंडे भविता अगाराओ अणगारियं पव्वइए ॥ १८७ ॥
वंमलंतएसु कप्पेसु विमाणा सत्त सत्त जोयणसयाई उच्चं उच्चतेर्णं प० । ममणस्स णं
भगवओ महावीरस्स सत्त जिणसया होत्था । समणस्स भगवओ महावीरस्स सत्त
वेउच्चियसया होत्था । अरिट्ठनेमी णं अरहा सत्त वाससयाई देसुणाई केवलपरियाणं
पाउणित्ता सिद्धे बुद्धे जाव प्पहीणे । महाहिमवंतकूडस्स णं उवरिक्खाओ चरमंताओ
महाहिमवंतस्स वामहरपव्वयस्स समधरणितले एम णं सत्त जोयणसयाई अबाहाए
अंतरे पच्चते । एवं रुप्पिकूडस्स वि ॥ १८८ ॥ महानुक्कमहस्सारेसु दोसु कप्पेसु
विमाणा अट्ट जोयणसयाई उच्चं उच्चतेर्णं प० । इमीसे णं रयणप्पभाए पुडवीए पढमे
कंठे अट्टसु जोयणसएसु वाणमंतरभोभेज्जविहारा प० । ममणस्स णं भगवओ महा-
वीरस्स अट्टसया अणुत्तरोववाइयाणं देवाणं गइक्कणाणं ठिइक्कणाणं आगमेसि-
भहाणं उक्कोसिया अणुत्तरोववाइयसंपया होत्था । इमीसे णं रयणप्पभाए पुडवीए
बहुसमरमणिजाओ भूमिभागाओ अट्टहिं जोयणसएहिं सुरिए चारं चरइ । अरहओ
णं अरिट्ठनेमिस्स अट्ट सयाई वाईणं सदेवमणुयासुरंमि लोगमि वाए अपराजियाणं
उक्कोसिया वाईसंपया होत्था ॥ १८९ ॥ आणयपाणयआरणअणुएसु कप्पेसु विमाणा
नव नव जोयणसयाई उच्चं उच्चतेर्णं प० । निसडकूडस्स णं उवरिक्खाओ सिहरतलाओ
निसडस्स वासहरपव्वयस्स समे धरणितले एस णं नव जोयणसयाई अबाहाए अंतरे
पच्चते । एवं नीलवंतकूडस्स वि । विमलवाहणे णं कुलगरे णं नव धणुसयाई उच्चं
उच्चतेर्णं होत्था । इमीसे णं रयणप्पभाए बहुसमरमणिजाओ भूमिभागाओ नवहिं
जोयणसएहिं सच्चुवरिमे ताराकूवे चारं चरइ । निसडस्स णं वासहरपव्वयस्स उव-
रिक्खाओ सिहरतलाओ इमीसे णं रयणप्पभाए पुडवीए पढमस्स कंठस्स बहुमज्जा-

सभाए एस णं नव जोयणसयाई अबाहाए अंतरे पज्जेते । एवं नीलवंतस्स वि
 ॥ १९० ॥ सव्वे वि णं गेवेज्जविमाणे दस दस जोयणसयाई उच्चं उच्चतेणं पज्जेते ।
 सव्वे वि णं जग्गपव्वया दस दस जोयणसयाई उच्चं उच्चतेणं प०, दस दस गाउ-
 यसयाई उव्वेहेणं प०, मूले दस दस जोयणसयाई आयामविकसंभेणं प० । एवं
 चित्तवित्तकूडा वि भाणियव्वा । सव्वे वि णं वट्टवेयव्वया दस दस जोयण-
 सयाई उच्चं उच्चतेणं प०, दस दस गाउयसयाई उव्वेहेणं प० मूले दस दस जोय-
 णसयाई विकसंभेणं प०, सव्वत्थ मया पल्लगसंठाणसंठिया प० । सव्वे वि णं हरि-
 हरिस्सहकूडा वक्खारकूडवज्जा दस दस जोयणसयाई उच्चं उच्चतेणं प०, मूले दस दस
 जोयणसयाई विकसंभेणं प० । एवं बलकूडा वि नंदणकूडवज्जा । अरहा वि अरिद्ध-
 नेमी दस वासमयाई सव्वाउयं पालइत्ता सिद्धे बुद्धे जाव मच्चदुक्खप्पहीणे । पासस्स
 णं अरहओ दस मयाई जिणाणं होत्था । पासस्स णं अरहओ दस अंतेवासीसयाई
 कालगयाई जाव सच्चदुक्खप्पहीणाइं । पउमहहपुंडरीयइहा य दस दस जोयणस-
 याई आयामेणं प० ॥ १९१ ॥ अणुत्तरोववाइयाणं देवाणं विमाणा एक्कारस जोय-
 णसयाई उच्चं उच्चतेणं प० । पासस्स णं अरहओ इक्कारस मयाई वेउव्वियाणं होत्था
 ॥ १९२ ॥ महापउममहापुंडरीयदहाणं दो दो जोयणमहस्साई आयामेणं प० ॥ १९३ ॥
 इमीसे णं रयणप्पभाए पुठवीए वरकंडस्स उव्वरिळाओ चरमंताओ लोहियक्ख-
 कंडस्स हेट्ठिणे चरमंते एस णं तिणि जोयणसहस्साई अबाहाए अंतरे प० ॥ १९४ ॥
 तिनिच्छिकेमरिदहाणं चत्तारि चत्तारि जोयणसहस्साई आयामेणं पज्जेताइं ॥ १९५ ॥
 धरमित्ठे मंदरस्स णं पव्वयस्स बहुमज्जदेसभाए रयणनाभीओ चउदिसि पंच पंच
 जोयणसहस्साई अबाहाए अंतरे मंदरपव्वए पज्जेते ॥ १९६ ॥ सहस्सारे णं कप्पे
 छ विमाणावाससहस्सा प० ॥ १९७ ॥ इमीसे णं रयणप्पभाए पुठवीए रयणस्स
 कंडस्स उव्वरिळाओ चरमंताओ पुल्लास्स कंडस्स हेट्ठिणे चरमंते एस णं सत्त जोय-
 णसहस्साई अबाहाए अंतरे पज्जेते ॥ १९८ ॥ हरिवासरम्मयाणं वासा अट्ठ जोय-
 णसहस्साई साइरेगाई विस्वरेणं प० ॥ १९९ ॥ दाहिणवुभरहस्स णं जीवा पाईण-
 पणीयायया दुइओ समुई पुट्ठा नव जोयणसहस्साई आयामेणं प० । अजियस्स
 णं अरहओ साइरेगाई नव ओहिनाणसहस्साई होत्था, मंदरे णं पव्वए धरमि-
 त्ठे दस जोयणसहस्साई विकसंभेणं पज्जेते, जंबूवीए णं हीवे एणं जोयण-
 सयसहस्सं आयामविकसंभेणं प०, लव्वे णं समुई दो जोयणसयसहस्साई
 चक्कालविकसंभेणं प० ॥ २०० ॥ पासस्स णं अरहओ तिणि सयसाह-
 स्सीओ सत्तावीसे च सहस्साई उक्कोसिया साविवासंपथा होत्था ॥ २०१ ॥ धाव-

हृत्क्षेपं णं दीवे चत्तारि जौयणसयसहस्साइं चक्रवालविकखंभेणं पञ्जते ॥ २०२ ॥
 स्ववणस्स णं समुहस्स पुरच्छिमिह्माओ चरमंताओ पञ्चच्छिमिह्मे चरमंते एस णं पञ्च
 खौयणसयसहस्साइं अबाहाए अतरे पञ्जते ॥ २०३ ॥ भरहे णं राया चाउरंतचक्र-
 वक्षी छ पुव्वसयसहस्साइं रायमज्जे वसित्ता मुंडे भवित्ता अगाराओ अणगारियं
 पव्वइए ॥ २०४ ॥ जंबूदीवस्स णं दीवस्स पुरच्छिमिह्माओ वेइयंताओ धायइखंड-
 चक्रवालस्स पञ्चच्छिमिह्मे चरमंते एस णं सत्त जौयणसयसहस्साइं अबाहाए अंतरे
 पञ्जते ॥ २०५ ॥ माहिंदे णं कप्पे अद्द विमाणावाससयसहस्साइं पञ्जताइं ॥ २०६ ॥
 अजियस्स णं अरहओ सादरेगाइं नव ओहिनाणिसहस्साइं होत्था ॥ २०७ ॥
 पुरिससीहे णं वानुदेवे दस वाससयसहस्साइं सव्वाउर्यं पालइत्ता पंचमाए पुठवीए
 नेरइएसु नेइयत्ताए उववजे ॥ २०८ ॥ समणे भगवं महावीरे तित्थगरभवग्गह्णणाओ
 छट्ठे पोडिलभवग्गहणे एग वासकोडिं सामन्नपरियागं पाउणिता सहस्सारे कप्पे
 सव्वट्टविमाणे देवत्ताए उववजे ॥ २०९ ॥ उसमसिरिस्स भगवओ चरिमस्स य
 महावीरवट्टमाणस्स एगा सागरोवमकोडाकोडी अबाहाए अंतरे पञ्जते ॥ २१० ॥
 दुवालसंगे गणिपिट्ठेणं पञ्जते, तं जहा-आयारे, मूयगडे, ठाणे, ममबाए,
 विवाहपन्नती, णायाधम्मकहाओ, उवासगदसाओ, अंतगडदसाओ, अणुत्तरोव-
 चाइयदसाओ, पण्हावागरणाइं, विवागसुए, दिट्ठिवाए । से किं तं आयारे ?
 आयारे णं समणाणं निगंथाणं आयारगोयरविणयवेणइयट्ठणगमणचक्रमणपमाथ-
 जोगजुंजणभासानमितिगुर्तामेज्जेवहिभणपाणउग्गमउप्पायणएसणाविसोहिमुद्धासुद-
 गहणवयणियमतवोवह्णणमुप्पमत्थमाहिज्जइ । से समासओ पंचविहे पञ्जते, तं
 जहा-णाणायारे, दंसणायारे, चरिणायारे, तवायारे, विरियायारे । आयारस्स णं
 परिता वायणा, संखेज्जा अणुओगदारा, संखेज्जाओ पडिबत्तीओ, संखेज्जा वेडा,
 संखेज्जा सिलोगा, संखेज्जाओ निज्जुत्तीओ । से णं अंगट्टयाए पट्टमे अगे दो सुय-
 व्खंधा, पणवीमं अज्जयणा, पंचासीइं उहेसणकाला, पंचासीइं समुहेसणकाला,
 अट्टारस पदसहस्साइं पदग्गेणं, संखेज्जा अक्खरा, अणंता गमा, अणंता पज्जवा,
 परिता तमा, अणंता थावरा, सासया कडा निबद्धा णिकारया जिणपण्यता भावा
 आघविजंति पण्णविजंति परुविजंति दंसिजंति निर्दंसिजंति उवदंसिजंति । से एवं
 णाया एवं विण्णया । एवं चरणकरणपरुवणया आघविजंति पण्णविजंति परुविजंति
 दंसिजंति निर्दंसिजंति उवदंसिजंति । से तं आयारे ॥ २११ ॥ से किं तं सुवगडे ?
 सुवगडे णं ससमया सुइजंति, परसमया सुइजंति, ससमयपरसमका सुइजंति,
 जीवा सुइजंति, अजीवा सुइजंति, जीवाजीवा सुइजंति, कोयो सुइजंति, कालोयो

सूहृज्जति, लोगालोगे सूहृज्जति । सूअगढे ण जीवाजीवपुण्णपावासवसंवरनिज्जरु-
 बंधमोकखावसाणा पयत्था सूहृज्जति । समणार्थं अचिरकालपव्वइवाणं कुसमयमोह-
 षोहमइमोहियाणं संदेहजायसहजबुद्धिपरिणामसंसइयाणं पावकरमलिनमइगुणविशोह-
 णत्थं असीअस्स किरियाबाइयसयस्स चउरासीए अकिरियवाइणं सत्तट्ठीए अण्णा-
 णियवाइणं बत्तीमाए वेणइयवाइणं तिण्हं तेवट्ठीणं अण्णदिट्ठियसयाणं वूहं किंवा
 ससमए ठाविज्जति णाणदिट्ठित्तवयणणिस्सारं सुट्ठु दरिसयंता विविहविथराणुगमपरम-
 सव्भावगुणविसिद्धा मोक्खपहोयारगा उदारा अण्णाणनमंधकारदुग्गेसु दीवभूजा
 सोवाणा च्चव सिद्धिसुगइग्गिहुत्तमस्स णिक्खोभनिप्पकंपा सुत्ताया । सुयगइस्स णं
 परिता वायणा संखेज्जा अणुओगदारा संखेज्जाओ पडिवर्तीओ संखेज्जा वेढा संखेज्जा
 सिलोगा संखेज्जाओ निज्जुत्तीओ । से णं अंगट्ठयाए दोषे अंगे दो सुयकखंधा तेवीसं
 अज्जयणा तेत्तीसं उहेसणकाला तेत्तीसं समुहेसणकाला छणीसं पदसहस्साइं पव-
 रणेणं पक्कताइं, संखेज्जा अक्खरा अर्णता गमा अर्णता पज्जवा परिता तसा अर्णता
 यावरा म्पामया कडा णिबद्धा णिकाइया जिणपण्णत्ता भावा आघविज्जंति पण्णविज्जंति
 परुविज्जंति दंसिज्जंति निर्दंसिज्जंति उवदंसिज्जंति । से एवं आया एवं णाया एवं
 विण्णाया एवं चरणकरणपरुवणया आघविज्जंति पण्णविज्जंति परुविज्जंति दंसिज्जंति
 निर्दंसिज्जंति उवदंसिज्जंति । सेतं सूअगढे ॥ २१२ ॥ से किं तं ठाणे ! ठाणे णं
 सममया ठाविज्जति, परममया ठाविज्जति, ससमयपरसमया ठाविज्जति, जीवा
 ठाविज्जति, अजीवा ठाविज्जति, जीवाजीवा ठाविज्जति, लोगा ठाविज्जति, अलोगा
 ठाविज्जति, लोगालोगा ठाविज्जति, ठाणेणं दव्वगुणखेतकालपज्जवपवत्थानं—खेज्जा
 सखिला य समुहा, सुरभवणविमाणआगरणदीज्जे । णिहिओ पुरिसज्जाया, सरा च
 गोत्ता य जोहसंचाला ॥ १ ॥ एकविहवणव्वयं दुविह जाव दसविहवणव्वयं, जीवाण
 पोगगलण य लोगट्ठाइं च णं परुवणया आघविज्जंति । ठाणस्स णं परिता वायणां,
 संखेज्जा अणुओगदारा, संखेज्जाओ पडिवर्तीओ, संखेज्जा वेढा, संखेज्जा सिलोगा,
 संखेज्जाओ संगहणीओ । से णं अंगट्ठयाए तइए अंगे, एगे सुयकखंधे, दस अज्ज-
 यणा, एकवीसं उहेसणकाला, (एकवीसं समुहेसणकाला), वावत्तरिं पवसहस्साइं
 पयमेणं पक्कताइं । संखेज्जा अक्खरा, (अर्णता गमा) अर्णता पज्जवा, परिता
 तसा, अर्णता यावरा, म्पामया कडा णिबद्धा णिकाइया जिणपण्णत्ता भावा आघवि-
 ज्जंति पण्णविज्जंति परुविज्जंति (दंसिज्जंति) निर्दंसिज्जंति उवदंसिज्जंति । से एवं
 आया एवं णाया एवं विण्णाया एवं चरणकरणपरुवणया आघविज्जंति । से तं ठाणे
 म २१३ म से किं तं समवाए ! समवाए णं ससमया सूहृज्जति, परसमया सूहृज्जति,

ससमयपरसमया सृज्जंति, जाव लोगालोगा सृज्जंति । समवाए णं एकाइयाणं एणद्धाणं एगुत्तरियपरिवुद्धीए, दुवालसंगस्स य गणपिडगस्स पल्लवगे सम-
शुभाइज्जइ ठाणगसयस्स, बारसविहवित्थरस्स सुयणाणस्स जगजीवहियस्स भगवओ
समासेणं समोयारे आहिज्जति । तत्थ य णाणाविहप्पगारा जीवाजीवा य वण्णिंया
वित्थरेण, अवरे वि अ बहुविहा विसेसा नरगतिरियमणुअमुरगणाणं आहारुस्सास-
लेसाआवाससखआययप्पमाणउववायचवणओगाहणोवहिवेयणविहाणउवओगजोगई-
दियकसाय, विविहा य जीवजोणी, विक्खंभुस्सेहपरियप्पमाणं विह्विसेसा य मंद-
रावीणं महीधराणं, कुलगरतित्थगरगणहराणं सम्मन्नभरहाहिवान चक्कोणं चव चक्क-
हरहलहराण य, वागाण य निगमा य समाए । एए अण्णे य एवमाइ एत्थ वित्थ-
रेणं अत्था समाहिज्जंति । समवायस्स णं परित्ता वायणा जाव से णं अगट्टयाए
चउत्थे अंगे एगे अज्जयणे एगे सुयक्खंधे एगे उडेमणकाले एगे समुडेमणकाले एगे
चउत्थाले पदसत्तसहस्से पदग्गेणं पत्तसे । संखेज्जाणि अक्खराणि जाव चरणकरण-
परूवणया आघविज्जंति । से तं समवाए ॥ २१४ ॥ से किं तं वियाहे ? वियाहेणं
ससमया विआहिज्जंति परसमया विआहिज्जंति मसमयपरसमया विआहिज्जंति, जीवा
विआहिज्जंति अजीवा विआहिज्जंति जीवाजीवा विआहिज्जंति, लोगे विआहिज्जइ
अलोगे विआहिज्जइ लोगालोगे विआहिज्जइ । वियाहेणं नाणाविहसुरनरिंदरायरिसि-
विविहसंसइअपुच्छियाणं जिणेणं वित्थरेण भासियाणं दव्वगणवेत्तकालपज्जवपदेम-
परिणामजहच्छियभावअणुगमनिकखेवणयप्पमाणसुनिउणोवक्कमविविहप्पकारपगडप-
यासियाणं लोगालोगपयासियाणं संसारसमुहंसंदउत्तरणममत्थाणं सुरवइसंपजियाणं
भक्खियजणपयहिययाभिनंदियाणं तमरयविदंसणाणं सुदिदुवीवभूयईहामतिबुद्धिवद-
व्वाणं छतीससहस्समणूयाणं वागरणाणं दंसणाओ सुयत्थबहुविहप्पगारा सीस-
हियत्था य गुणमहत्था । वियाहस्स णं परित्ता वायणा संखेज्जा अणुओगदारा संखे-
ज्जाओ पडिवतीओ संखेज्जा वेढा संखेज्जा सिलोगा संखेज्जाओ निज्जुतीओ । से णं
अंगट्टयाए पंचमे अंगे एगे सुयक्खंधे एगे साइरेगे अज्जयणसत्ते दस उडेसगमहस्साई
दस समुडेसगसहस्साई छतीसं वागरणसहस्साई चउरासीई पयमहस्साई पयग्गेणं
५० । संखेज्जाई अक्खराई अणंता गमा अणंता पज्जवा परित्ता नसा अणंता वावरा
सासया कडा णिवद्धा णिकाइया जिणपण्णत्ता भावा आघविज्जंति पण्णविज्जंति परूविज्जं-
ति दंसिज्जंति निदंसिज्जंति उवदंसिज्जंति । से एवं आया से एवं णाया से एवं विज्जाया
एवं चरणकरणपरूवणया आघविज्जंति । से तं वियाहे ॥ से किं तं आयाधम्मकहाओ ई
णायाधम्मकहासु णं णायार्णं णगराई उज्जाणाई वणखंडा रायाणो अम्मापियरे

समोसरणाई धम्मायरिया धम्मकहाओ इहलोइयपरलोइअइङ्गीविसेसा भोगपरिच्चाया पव्वज्जाओ सुयपरिग्गहा तवोवहाणाई परियागा संखेहणाओ भत्तपच्चक्खाणाई पाओ-
वगमणाई देवलीगगमणाई सुकूलपच्चायायाई पुणबोहिलाभा अंतकिरियाओ य आच-
विजंति जाव नायाधम्मकहासु णं पव्वइयाणं विणयकरणजिणसामिसामणवरे संज-
मपइण्णपालणधिइमइववसायदुब्बलाणं तवनियमतवोवहाणरणदुद्धरभरभागयणिस्स-
इयणिसिद्धाणं घोरपरीसहपराजियाणं महपारद्धरुद्धसिद्धालयमग्गनिग्गयाणं विसयसुह-
तुच्छआमावसदोसमुच्छिद्याणं विराहियचरित्तनाणदंसणजइगुणविहिएपरानिस्सार-
सुत्तयाणं संसारअपारदुक्खदुग्गइभवविहिएपरंपगापवंचा । धीराण य जियपरिसहक-
सायसेण्णधिइधणियसंजमउच्छाहनिच्छियाणं आराहियनाणदंसणचरित्तजोगानिस्सह-
सुद्धसिद्धालयमग्गमभिमुहाणं सुरभवणविमाणसुक्खवाई अणोवमाई भुत्तूण चिरं च
भोगभोगाणि ताणि दिव्वापि महुरिहाणि ततो य कालक्कमत्तयाणं जह य पुणो लब्ध-
स्तिद्धिमग्गणं अंतकिरिया । त्तलियाण य सदेवमाणुस्सधीरकरणकारणानि बोधण-
अणुसासणाणि गुणदोसदरिसणाणि दिट्ठंते पच्चये य सोऊण लोगमुणिणो जहट्टिय-
सामणम्मि जरभरणनासणकरे आराहिअसंजमा य सुरलोगपडिनियत्ता ओवेत्ति जह
सासयं सिवं सव्वदुक्खमोक्खं । एए अण्णे य एवमइअत्था विदधरेण य । पव्वज-
धम्मकहासु णं परिसा वायणा संखेज्जा अणुओगदारा जाव संखेज्जाओ संगहणीओ ।
से णं अंगट्टयाए छट्ठे अगे दो सुअक्खंधा एगूणवीसं अज्जयणा, ते समासबो
दुविहा पज्जता, तं जहा-चरिता य कप्पिया य, दस धम्मकहाणं वग्गा, तत्त्व र्त्तं
एगमेगाए धम्मकहाए पंच पंच अक्खाइयासयाई एगमेगाए अक्खाइयाए पंच
पंच उवक्खाइयासयाई, एगमेगाए उवक्खाइयाए पंच पंच अक्खाइयउवक्खा-
इयामयाई, एवमेव सपुव्वावरेणं अहुट्टाओ अक्खाइयाकोबीओ भवंतीति मक्ख-
याओ, एगूणतीसं उदेसणकाला एगूणतीसं समुदेसणकाला संखेज्जाई पयसह-
स्साई पयग्गेणं पज्जता, संखेज्जा अक्खरा जाव चरणकरणपरुवणया आचविजंति ।
से णं णायाधम्मकहाओ ॥ २१५ ॥ से किं तं उवाचगदसाओ ? उवाच-
गदसासु णं उवासयाणं णगराई उज्जाणाई बणखंडा रायाणो अम्मापियरो समोस-
रणाई धम्मायरिया धम्मकहाओ इहलोइयपरलोइयइङ्गीविसेसा उवासयाणं सीलक्क-
यवेरभग्गुणपच्चक्खाणफोसदोववासपडिवज्जणयाओ सुयपरिग्गहा तवोवहाणा पडि-
माओ उवसग्गा संखेहणाओ भत्तपच्चक्खाणाई पाओवगमणाई देवलीगगमणाई सुक-
ूलपच्चायावा पुणो बोहिलाभा अंतकिरियाओ आचविजंति । उवाचगदसासु र्त्तं उवा-
सवार्त्तं रिद्धिबिसेसा परिसा वित्थरधम्मसवणाणि बोहिलामभमिग्गमसम्भत्तियुद्ध

थिरत्तं मूलगुणउत्तरगुणाइयारा ठिइविसेसा य बहुविसेसा पडिमाभिग्गहग्गहणपालणा
 उवसग्गाहियासणा णिरुवसग्गा य तवा य विचिता सीलव्वयगुणवेरणपक्खस्त्राण-
 पोसहोववासा अपच्छिममारणतिया य संछेहणाञ्जोसणाहिं अप्पाणं जह य भावइत्ता
 बहूणि भत्ताणि अणसणाए य छेअइत्ता उववग्णा कप्पवरविमाणुत्तमेसु जह अणुभ-
 वंति सुरवरविमाणवरपोंडरीएसु सोक्खाई अणोवमाईं कमेण भुत्तूण उत्तमाईं तओ
 आउक्खएणं चुया समाणा जह जिणमयंमि बोहिं लद्धूण य संजमुत्तमं तमरयोघ-
 विप्पमुक्का उवेंति जह अक्खयं सव्वदुक्खमोक्खं । एते अत्ते य एवमाइअत्था वित्थ-
 रेण य । उवासयदसासु णं परिता वायणा संखेज्जा अणुओगदारा जाव संखेज्जाओ
 संगहणीओ । से णं अंगट्टयाए सत्तमे अंगे एगे सुयक्खंघे दस अज्झयणा दस उद्दे-
 सणकाला दस समुद्देसणकाला मंखेज्जाईं पयसयसहस्साईं पयग्गेणं पण्णत्ता । संखे-
 ज्जाईं अक्खराईं जाव एवं चरणकरणपरूवणया आघविज्जंति । से तं उवासगदसाओ
 ॥ २१६ ॥ से किं तं अंतगडदसाओ ! अंतगडदसासु णं अंतगडानं णगराईं उज्जाणाईं
 वणाईं राया अम्मापियरो समोसरणा धम्मायरिया धम्मकहा इहलोइयपरलोइयइच्चिवि-
 सेसा भोगपरिच्चाया पव्वज्जाओ सुयपरिग्गहा तवोवहाणाईं पडिमाओ बहुविहाओ खमा
 अज्जवं महवं च सोअं च सच्चसहियं सत्तरसविहो य संजमो उत्तमं च बंधं आकि-
 च्चणया तवो चियाओ समिइगुत्तीओ चैव तह अप्पमायजोगो सज्जायज्जाणेण य
 उत्तमाणं दोण्हं पि लक्खणाईं पत्ताण य संजमुत्तमं जियपरीसहाणं चउच्चिहक्कम्म-
 वक्खयम्मि जह केवलस्स लंभो परियाओ जत्तिओ य जह पालिओ मुणिहिं पायो-
 वगओ य जो जहिं जत्तियाणि भत्ताणि छेअइत्ता अतगडो मुनिवरो तमरयोघविप्प-
 मुक्को मोक्खसुहमणुत्तरं च पत्ता । एए अत्ते य एवमाइअत्था वित्थारेणं परूवेईं ।
 अंतगडदसासु णं परिता वायणा संखेज्जा अणुओगदारा जाव संखेज्जाओ संगह-
 णीओ, जाव से णं अंगट्टयाए अट्टमे अंगे एगे सुयक्खंघे दस अज्झयणा सत्त वग्गा
 दस उद्देसणकाला दस समुद्देसणकाला संखेज्जाईं पयसयसहस्साईं पयग्गेणं प०
 संखेज्जा अक्खरा जाव एवं चरणकरणपरूवणया आघविज्जंति । से तं अंतगड-
 दसाओ ॥ २१७ ॥ से किं तं अणुत्तरोववाइयदसाओ ! अणुत्तरोववाइयदसासु णं
 अणुत्तरोववाइयाणं नगराईं उज्जाणाईं वणस्संडा रायाणो अम्मापियरो समोसरणाईं
 धम्मायरिया धम्मकहाओ इहलोगपरलोइच्चिविसेसा भोगपरिच्चाया पव्वज्जाओ
 सुयपरिग्गहा तवोवहाणाईं परियाओ पडिमाओ संछेहणाओ भत्तपाणपक्खस्त्राणाईं
 पाओवगमणाईं अणुत्तरोववाओ सुक्कलपच्चायाया पुणो बोहिलामो अंतकिरियाओ य
 आघविज्जंति । अणुत्तरोववाइयदसासु णं तित्थकरसमोसरणाईं परमंगल्लजगहिंवाधि

जिणातिसेसा य बहुविसेसा जिणसीसाणं चेव समणगणपवरगंधहत्थीणं थिरजसाणं परिसहसेष्णरिउबलपमहणाणं तवदित्तचरित्तणाणसम्भत्तसारविविहप्पगारवित्थरपस-
 त्यगुणसंजुयाणं अणगारमहरितीणं अणगारगुणाण बण्णओ उत्तमवरतवविसिद्धणाण-
 जोगजुताणं जह य जगहियं भगवओ जारिसा इत्थिविसेसा देवासुरमाणुसाणं परि-
 साणं पाउब्भावा य जिणसमीवं जह य उवासंति जिणवरं जह य परिकहंति धम्मं
 लोगुरू अमरनरसुरगणाणं सोऊण य तस्स भासियं अवसेसकम्मविसयविरत्ता नर
 जहा अब्भुवेति धम्मसुरालं संजमं तवं चावि बहुविहप्पगारं जह बहूणि वासाणि
 अणुचरित्ता आराहियनाणदंसणचरित्तजोगा जिणवयणमणुगयमहियभासिया जिणव-
 राण हिययेणमणुण्णेतता जे य जहिं जत्तियाणि भत्ताणि छेअइत्ता लद्धूण य समाहि-
 मुत्तमज्झाणजोगजुत्ता उववजा मुणिवरोत्तमा जह अणुत्तरेसु पावंति जह अणुत्तरं
 तत्थ विसयसोक्खं तओ य चुआ कमेण काहिंति संजया जहा य अंतकिरियं एए
 अत्ते य एवमाइअत्था वित्थरेण । अणुत्तरोववाइयदसासु णं परिता वायणा संखेज्जा
 अणुओगदारा संखेज्जाओ संगहणीओ । से णं अंगट्टयाए नवमे अगे एगे सुयक्खंधे
 दस अज्झयणा तिञ्चि वग्गा दस उद्देसणकाला दस समुद्देसणकाला संखेज्जाइं पय-
 सयसहस्साइं पयग्गेणं प० । संखेज्जाणि अक्खराणि जाव एवं चरणकरणपरुवणया
 आघविज्जंति । से तं अणुत्तरोववाइयदसाओ ॥ २१८ ॥ से किं तं पण्हावागरणाणि ?
 पण्हावागरणेसु णं अट्टत्तरं पसिणसयं अट्टत्तरं अपसिणमयं अट्टत्तरं पसिणापसिणसयं
 विजाहसया नागसुवणेहिं सक्किं दिव्वा संवाया आघविज्जंति । पण्हावागरणदसासु
 णं समयपरसमयपण्णवयपत्तेअबुद्धविविहत्थभासाभासियाणं अइसयगुणउवसमणाण-
 प्पगारआयरियभासियाणं वित्थरेणं वीरमहेसीहिं विविहवित्थरभासियाणं च जगहि-
 याणं अद्दागुट्टुबाहुअसिमणिखोमआइच्चमाइयाणं विविहमहापसिणविज्जाभणपसिण-
 विज्जादेवयपयोगपहाणगुणप्फासियाणं सच्चयदुगुणप्पभाववरगण्णइक्किंमह्यकरणं
 अइसयमइयकालसमयदमसमतित्थकहतमस्स ठिइकरणकारणाणं दुरहिगमदुरवगा-
 हत्तस्स सत्त्वसत्त्वजुसम्मअस्स अबुहजणविबोहणकरत्तस्स पक्कक्खयपक्ककरणं पण्हाणं
 विविहगुणमहत्था जिणवरप्पणीया आघविज्जंति । पण्हावागरणेसु णं परिता वायणा
 संखेज्जा अणुओगदारा जाव संखेज्जाओ संगहणीओ । से णं अंगट्टयाए दसमे अगे
 एगे सुयक्खंधे पणयालीसं उद्देसणकाला पणयालीसं समुद्देसणकाला संखेज्जाणि पय-
 सयसहस्साणि पयग्गेणं पत्तता । संखेज्जा अक्खरा अणंता गमा जाव चरणकरण-
 परुवणया आघविज्जंति । से तं पण्हावागरणाइं ॥ २१९ ॥ से किं तं विवागसूर्यं ?
 विवागसूर्यं णं उक्कवदुक्कणं कम्मणं फलविवागे आघविज्जंति से समासओ बुद्धिहे

पन्नते, तं जहा—दुहविवागे चैव सुहविवागे चैव । तत्थ णं दस दुहविवागाणि दस सुहविवागाणि । से किं तं दुहविवागाणि ? दुहविवागेसु णं दुहविवागाणं नगराई उज्जाणाई वणखंडा रायाणो अम्मापियरो समोसरणाई धम्मायरिया धम्मकहाओ नगरगमणाई ससारपबंधे दुहपरंपराओ य आघविजंति । से सं दुहविवागाणि । से किं तं सुहविवागाई ? सुहविवागेसु सुहविवागाणं नगराई उज्जाणाई वणखंडा रायाणो अम्मापियरो समोसरणाई धम्मायरिया धम्मकहाओ इहलोइयपरलोइयइत्थिविसेसा भोगपरिचाया पव्वज्जाओ सुयपरिग्गहा तवोवहाणाई परियागा पडिमाओ सल्लेहणाओ भत्तपच्चक्खाणाई पाओवगमणाई देवलोगगमणाई सुकुलपच्चायाया पुण बोहिलाहा अतकिरियाओ य आघविजंति । दुहविवागेसु णं पाणाइवायअलियवयणचोरिककरणपरदारमेहुणससंगयाए महतिव्वकसायईदियप्पमायपावप्पओयअसुहज्झवसाणसंचियाणं कम्माणं पावगाणं पावअणुभागफलविवागा णिरयगतितिरिक्खजोणिबहुविहवसणमयपरंपरापबद्धाणं मणुयते वि आगयाणं जहा पावकम्मसेसेण पावगा होति फलविवागा वहवसणविणासनासाकल्लुट्टं गुट्टकरचरणनहच्छेयणजिब्भच्छेयणअंजणकडग्गिदाहगयचलणमलणफालणउल्लंघणसूललयालउडलट्ठिभंजणतउसीसगतत्ततेल्लकलकलअहिसिंचणकुंभिपागककंपणथिरबंधणवेहवज्झकतणपतिभयकरकरपल्लीवणादिदारुणाणि दुक्खाणि अगोवमाणि । बहुविहपरंपराणुबद्धा ण मुचंति पावकम्मचल्लीए, अवेयइत्ता हु णत्थि मोक्खो तवेण थिइधणियचद्धकच्छेण मोहणं तस्म वावि हुज्जा । एत्तो य सुहविवागेसु णं सीलसंजमणियमगुणतवोवहाणेसु साहसु सुविहिंसु अणुकंपासयप्पओगतिकालमइविसुद्धभत्तपाणाई पययमणमा हियसुहनीसेसतिव्वपरिणामानिच्छियमई पयच्छिऊणं पयोगसुद्धाई जह य निव्वत्तंति उ बोहिलामं जह य परितीकरंति नरनरयतिरियसुरगमणविपुलपरियट्टअरतिभयविमायसोगमिच्छत्तसेलसंकडं अन्नातमंधकारं च्चिक्खल्लसुदुत्तारं जरमरणजोणिसल्लुभियचक्कवालं सोल्लसकसायमावयपर्यडचंडं अणाइअं अणवदसगं संमारसागरमिणं । जह य णिबंधंति आउगं सुरगणेसु जह य अणुभवति सुरगणविमाणसोक्खाणि अगोवमाणि ततो य कालंतरे चुआगं इहेव नरलोगमागयाणं आउवपुपु(व)ण्णरुवजातिकूलजम्मआरोरमबुद्धिमेहाविसेसा मित्तजणसयणवणघण्णाविभवसमिद्धसारसमुदयविसेसा बहुविहकामभोगुब्भवाण सोक्खाण सुहविवागोत्तमेसु अणुवरयपरंपराणुबद्धा असुमाणं सुभार्णं चेव कम्माणं भासिजा बहुविहा विवागा विवागसुयम्मि भगवया जिगवरेण संवेगकारणत्था अन्ने वि य एवमाइया बहुविहा वित्थरेणं अत्थपरुवणया आघविजंति । विवागसुअस्स णं परित्ता वायणा संखेज्जा अणुओगदारा जाव संखेज्जाओ संगहवीज्जाओ ।

से णं अंगद्वयाए एकारसमे अगे वीसं अज्जयणा वीसं उदेसणकाला वीसं समुदेस-
णकाला । संखेज्जाई पयसयसहस्साईं पयग्गेणं पज्जता । संखेज्जाणि अक्खराणि
अणंता गमा अणंता पज्जवा जाव एवं चरणकरणपरुवणया आघविजंति । से त्तं
विवागसुए ॥ २२० ॥ से किं तं दिट्ठिवाए ? दिट्ठिवाए णं सव्वभावपरुवणया आघ-
विजंति । से समासओ पंचविहे पज्जते, तं जहा-परिकम्मं, सुत्ताईं, पुव्वगयं, अणु-
ओगो, चूलिया । से किं तं परिकम्मे ? परिकम्मे सत्तविहे पज्जते, तं जहा-सिद्धसेणि-
यापरिकम्मे, मणुस्ससेणियापरिकम्मे, पुट्टसेणियापरिकम्मे, ओगाहणसेणियापरिकम्मे,
उवसंपज्जसेणियापरिकम्मे, विप्पजहसेणियापरिकम्मे, चुआचुअसेणियापरिकम्मे । से
किं तं सिद्धसेणियापरिकम्मे ? सिद्धसेणियापरिकम्मे चोहसविहे पज्जते, तं जहा-माउ-
यापयाणि, एगट्टियपयाणि, पादोट्टपयाणि, आगासपयाणि, केउभूयं, रासिबद्धं,
एगगुणं, दुगुणं, तिगुणं, केउभूयं, पडिग्गहो, संसारपडिग्गहो, नंदावत्तं, सिद्धबद्धं, से
त्तं सिद्धसेणियापरिकम्मे । से किं तं मणुस्ससेणियापरिकम्मे ? मणुस्ससेणियापरिकम्मे
चोहसविहे पज्जते, तं जहा-ताईं चेव माउआपयाणि जाव नंदावत्तं मणुस्सवद्धं, से
त्तं मणुस्ससेणियापरिकम्मे । अवसेसा परिकम्ममाईं पुट्टाइयाईं एकारसविहाईं पज्ज-
ताईं । इच्चेयाईं सत्त परिकम्ममाईं, छ ससमइयाईं सत्त आजीवियाईं, छ चउक्कण-
इयाईं सत्त तेरासियाईं, एवामेव सपुव्वावरेणं सत्त परिकम्ममाईं तेसीति भवंतीति
मक्खायाईं, से त्तं परिकम्ममाईं ॥ २२१ ॥ से किं तं सुत्ताईं ? सुत्ताईं अट्ठावीसि
भवंतीति मक्खायाईं, तं जहा-उजुगं परिणयापरिणयं बहुभंणियं विप्पच्चइयं [विन
(ज)यचरियं] अणंतरं परंपरं समारणं संजृहं [मासाणं] संभिज्जं अहाच्चयं [अह-
व्वायं नन्दीए] सोवत्थि(वत्तं) यं णंदावत्तं बहुलं पुट्टापुट्टं वियावत्तं एवंभूयं दुव्वावत्तं
वत्तमाणपयं समभिरुद्धं सव्वओभइं पणामं [पस्सासं नन्दीए] दुपडिग्गहं इच्चेयाईं
बावीसं सुत्ताईं छिण्णछेअणइयाईं ससमयसुत्तपरिवादीए इच्चेयाईं बावीसं सुत्ताईं
अछिण्णछेअणइयाईं आजीवियसुत्तपरिवादीए इच्चेयाईं बावीसं सुत्ताईं तिकणइयाईं
तेरासियसुत्तपरिवादीए, इच्चेयाईं बावीसं सुत्ताईं चउक्कणइयाईं ससमयसुत्तपरिवादीए,
एवामेव सपुव्वावरेणं अट्ठासीति सुत्ताईं भवंतीति मक्खायाईं, से त्तं सुत्ताईं ॥२२२॥
से किं तं पुव्वगयं ? पुव्वगयं चउहसविहं पज्जत्तं, तं जहा-उप्पायपुव्वं, अग्गेणीयं,
वीरियं, अत्थिणत्थिप्पवायं, नाणप्पवायं, सच्चप्पवायं, आयप्पवायं, कम्मप्पवायं,
पच्चक्खाणप्पवायं, विज्जाणुप्पवायं, अर्हत्तं, घाणाऊ, किरियाविसालं, लोगविंदुसाईं ।
उप्पायपुव्वस्स णं दसवत्थु पज्जता, चत्तारि चूलियावत्थु पज्जता । अग्गेणियस्स णं
पुव्वस्स चोहसवत्थु ५०, वारस चूलियावत्थु ५० । वीरियप्पवामस्स णं पुव्वस्स

अद्द वत्थू प०, अद्द चूलियावत्थू प० । अत्थिणत्थिप्पवायस्स णं पुव्वस्स अद्दारस वत्थू प०, दस चूलियावत्थू प० । नाणप्पवायस्स णं पुव्वस्स बारस वत्थू प० । सच्चप्पवायस्स णं पुव्वस्स दो वत्थू प० । आयप्पवायस्स णं पुव्वस्स सोलस वत्थू प० । कम्मप्पवायपुव्वस्स णं तीसं वत्थू प० । पच्चक्खाणस्स णं पुव्वस्स वीसं वत्थू प० । विज्जाणुप्पवायस्स णं पुव्वस्स पनरस वत्थू प० । अव्वहस्स णं पुव्वस्स बारस वत्थू प० । पाणाउस्स णं पुव्वस्स तेरस वत्थू प० । किरियाविसालस्स णं पुव्वस्स तीसं वत्थू प० । लोगविंदुसारस्स णं पुव्वस्स पणवीसं वत्थू प० । “दस चोइस अद्दद्दारसे व बारस दुवे य वत्थूणि । सोलस तीसा वीसा पन्नरस अणुप्पवायम्मि ॥ बारस एक्कारसमे, बारसमे तेरसेव वत्थूणि । तीसा पुण तेरसमे चउदममे पन्नवीसाओ । चत्तारि दुवालस अद्द चैव दस चैव चूलवत्थूणि । आत्थिल्लण चउण्हं, सेसाणं चूलिया णत्थि” से तं पुव्वगयं ॥ २२३ ॥ से किं तं अणुओगे ? अणुओगे दुविहे पन्नत्ते, तं जहा—मूलपडमाणुओगे य गंडियाणुओगे य । से किं तं मूलपडमाणुओगे ? एत्थ णं अरहंताणं भगवंताणं पुव्वभवा देवलोगगमणाणि आउं चवणाणि जम्मणाणि अ अभिसेया रायवरसिरीओ सीयाओ पव्वजाओ तवा य भत्ता केवलणाणुप्पाया अ तित्थपवत्तणाणि अ संघयणं संठाणं उच्चत्तं आउं वज्जविभागे सीसा गणा गणहरा य अजा पवत्तणीओ संघस्स चउव्वहस्स जं वावि परिमाणं जिणमणपज्जबओहिनाणसम्मत्तसुयनाणिणो य वाई अणुत्तरगई य जत्तिया सिद्धा पाओवगया य जे जहिं जत्तियाई भत्ताई छेअइत्ता अंतगडा मुणिवरुत्तमा तमरओअविप्पमुक्का सिद्धिपहमणुत्तरं च पत्ता, एए अजे य एवमाइया भावा मूलपडमाणुओगे कहिआ आधविज्जंति पण्णविज्जंति परुविज्जंति, से तं मूलपडमाणुओगे । से किं तं गंडियाणुओगे ? (गंडियाणुओगे) अणेगविहे पन्नत्ते, तं जहा—कुल्लगरगंडियाओ तित्थगरगंडियाओ गणहरगंडियाओ चक्कहरगंडियाओ दमारगंडियाओ बलदेवगंडियाओ वासुदेवगंडियाओ हरिवंसगंडियाओ भद्दबाहुगंडियाओ तवोक्कम्मगंडियाओ चित्ततरगंडियाओ उस्सप्पिणीगंडियाओ ओसप्पिणीगंडियाओ अमरनरतिरियनिरयगइगमणविविहपरियट्टणाणुओगे, एवमाइयाओ गंडियाओ आधविज्जंति पण्णविज्जंति परुविज्जंति, से तं गंडियाणुओगे ॥ २२४ ॥ से किं तं चूलियाओ ? जण्णं आइल्लणं चउण्हं पुव्वाणं चूलियाओ सेसाई पुव्वाहं अचूलियाई, से तं चूलियाओ ॥ २२५ ॥ दिट्ठिवायस्स णं परिता वायणा, संखेज्जा अणुओगदारा संखेज्जाओ पडिच्चत्तीओ संखेज्जाओ निज्जत्तीओ संखेज्जा सिलोगा संखेज्जाओ संगहणीओ, से णं अयट्टयाए बारसमे अगे एगे सुयक्खंधे चउत्तस पुव्वाई संखेज्जा वत्थू संखेज्जा बूलवत्थू संखेज्जा

पाहुडा संखेजा पाहुडपाहुडा संखेजाओ पाहुडियावो संखेजाओ पाहुडपाहुडियाओ
 संखेजाणि पयसयसहस्साणि पयगोणं पक्कता, संखेजा अक्खरा अणंता गमा अणंता
 पज्जवा परिता तसा अणंता यावरा सासया कडा णिक्खा णिकाइया जिणपण्णता
 भावा आघविज्जंति पण्णविज्जंति परूविज्जंति दंसिज्जंति निर्दंसिज्जंति उवदंसिज्जंति, एवं
 णाया एवं विण्णयाया एवं चरणकरणपरूवणया आघविज्जंति, से तं दिट्ठिवाए, से तं
 दुवालसंगे गणिपिडगे ॥ २२६ ॥ इच्छेइयं दुवालसंगं गणिपिडगं अतीतकाले अणंता
 जीवा आणाए विराहिता चाउरंतसंसारकंतारं अणुपरियट्ठिसु, इच्छेइयं दुवालसंगं
 गणिपिडगं पडुप्पण्णे काले परिता जीवा आणाए विराहिता चाउरंतसंसारकंतारं
 अणुपरियट्ठंति, इच्छेइयं दुवालसंगं गणिपिडगं अणागए काले अणंता जीवा आणाए
 विराहिता चाउरंतसंसारकंतारं अणुपरियट्ठिस्संति, इच्छेइयं दुवालसंगं गणिपिडगं
 अतीतकाले अणंता जीवा आणाए आराहिता चाउरंतसंसारकंतारं वीईवईसु, एवं
 पडुप्पण्णेऽवि, एवं अणागएऽवि । दुवालसंगे णं गणिपिडगे ण कयावि णत्थि, ण
 कयाइ णासी, ण कयाइ ण भविस्सइ, भुवि च भवति य भविस्सति य (अयले)
 धुवे णितिए सासए अक्खए अव्वए अबट्टिए णिक्खे, से जहा णामए पंच अत्थिकाया
 ण कयाइ ण आसि, ण कयाइ णत्थि, ण कयाइ ण भविस्सति, भुवि च भवति य
 भविस्सति य, (अयला) धुवा णितिया सासया अक्खया अव्वया अबट्टिया णिक्खा,
 एवामेव दुवालसंगे गणिपिडगे ण कयाइ ण आसि, ण कयाइ णत्थि, ण कयाइ ण
 भविस्सइ, भुवि च भवति य भविस्सइ य, (अयले) धुवे जाव अबट्टिए णिक्खे ।
 एत्थ णं दुवालसंगे गणिपिडगे अणंता भावा अणंता अभावा अणंता हेऊ अणंता
 अहेऊ अणंता कारणा अणंता अकारणा अणंता जीवा अणंता अजीवा अणंता भव-
 सिद्धिया अणंता अभवसिद्धिया अणंता सिद्धा अणंता असिद्धा आघविज्जंति पण्णवि-
 ज्जंति परूविज्जंति दंसिज्जंति निर्दंसिज्जंति उवदंसिज्जंति । एवं दुवालसंगं गणिपिडगं इति
 ॥ २२७ ॥ धुवे रासी प० तं जहा-जीवरासी अजीवरासी य । अजीवरासी दुविहा
 प० तं जहा-रूवी अजीवरासी अरूवी अजीवरासी य । से किं तं अरूवी अजीवरासी ?
 अरूवी अजीवरासी दसविहा प० तं जहा-वम्मत्थिकाए जाव वद्धासमए । रूवी
 अजीवरासी अणेगविहा प० । जाव से किं तं अणुत्तरोववाइया ? अणुत्तरोववाइया
 पंचविहा प० तं जहा-विज्जयवेअर्यंतअर्यंतअपराखितसव्वडुसिद्धिआ, से तं अणुत्तरो-
 ववाइया, से तं पंचिदियसंसारसमावण्णजीवरासी । दुविहा णेरइया प० तं जहा-
 पज्जता य अपज्जता य, एवं दंडओ आत्थिवव्वो जाव वेमात्थिय ति । इमीसे णं रयण-
 प्पमाए पुठवीए केवइयं जेतं ओगाहोता केवइया शिरसावासा प० १, णोयमा । इमीसे

णं रयणप्पभाए पुढवीए असीउत्तरजोयणसयसहस्सबाह्लाए उवरि एगं जोयणसहस्सं
 ओगाहेत्ता हेट्ठा चेगं जोयणसहस्सं वज्जेत्ता मज्जे अट्ठसत्तारि जोयणसयसहस्से एत्थ
 णं रयणप्पभाए पुढवीए गेरइयाणं तीसं गिरयावाससयसहस्सा भवंतीति मक्खाया ।
 ते णं गिरयावासा अतो वट्ठा बाहिं चउरंसा जाव असुभा गिरया असुभाओ गिर-
 एसु वेयणाओ, एवं सत्त वि भाणियव्वाओ जं जासु जुज्जइ-आसीयं वत्तीसं अट्ठा-
 वीसं तहेव वीसं च । अट्ठारस सोत्सगं अट्ठुत्तरमेव चाहल्लं ॥ १ ॥ तीसा य
 ण्णवीसा पन्नरस दसेव सयसहस्साइं । तिण्णेगं पंचूणं पंचेव अणुत्तरा नरगा ॥२॥
 चउसट्ठी असुराणं चउरासीइं च होइ नागणं । वावत्तारि सुवत्ताण वाउकुमाराण
 छण्णउइ ॥ ३ ॥ दीवदिसाउदहीणं विज्जुकुमारिंदथणियमग्गीणं । छण्हं पि जुवन्त्याणं
 वावत्तारिमो य सयमहमा(स्सा) ॥ ४ ॥ वत्तीमट्ठावीसा वारस अड चउरो य सय-
 सहस्सा । पण्णा चत्तालीसा छच्च सहस्सा सहस्सारे ॥ ५ ॥ आणयपाणयकप्पे
 चत्तारि मयाऽऽरण्णुए तिच्चि । सत्त विमाणसयाइं चउसु वि एणु कप्पेसु ॥ ६ ॥
 एकारमुत्तरं हेट्ठिमेसु सत्तुत्तरं च मज्झिमए । सयमेगं उवरिमए पंचेव अणुत्तरविमाणा
 ॥ ७ ॥ दोच्चाए णं पुढवीए तच्चाए णं पुढवीए चउत्थीए पुढवीए पंचमीए पुढवीए
 छट्ठीए पुढवीए सत्तमीए पुढवीए गाहाहिं भाणियव्वा । सत्तमाए पुढवीए पुच्छा,
 गोयमा । सत्तमाए पुढवीए अट्ठुत्तरजोयणसयसहस्साइं बाह्लाए उवरि अट्ठतेवच्चं
 जोयणसहस्साइं ओगाहेत्ता हेट्ठा वि अट्ठतेवच्चं जोयणसहस्साइं वज्जिता मज्जे तिसु
 जोयणसहस्सेसु एत्थ णं मत्तमाए पुढवीए नेरइयाणं पंच अणुत्तरा महइमहालया
 महानिरया प० तं जहा-काले महाकाले रोरुए महारोरुए अप्पइट्ठाणे नामं पंचमे ।
 ते णं निरया वट्ठे य तंमा य अहे खुरप्पसंठाणसंठिया जाव असुभा नरगा अत्त-
 भाओ नरएसु वेयणाओ ॥ २२८ ॥ केवइया णं अंते ! अमुरकुमारावासा प० !
 गोयमा ! इमीसे णं रयणप्पभाए पुढवीए असीउत्तरजोयणसयसहस्सबाह्लाए उवरि
 एगं जोयणमहस्सं ओगाहेत्ता हेट्ठा चेगं जोयणसहस्सं वज्जिता मज्जे अट्ठहत्तारि
 जोयणसयसहस्से एत्थ णं रयणप्पभाए पुढवीए चउसट्ठिं अमुरकुमारावाससयसहस्सा
 प० । ते णं भवणा बाहिं वट्ठा अंतो चउरंसा अहे पोक्खरकण्णिआसंठाणसंठिया
 उक्किणंतरविउलगंभीरस्त्रायफलिहा अट्ठालयचरियदारगोउरफवाडतोरणपडिदुवारवेस-
 भागा जंतमुसल्लमुसंठिसयग्धिपरिवारिया अउज्जा अडयालक्खेदुरइया अडयालक्ख-
 वणमाला लाउल्लोइयमहिया गोसीससरसरत्तचंदणदरदिण्णपंचंगुलितल्ल क्खल्लगुरु-
 पवरकुंदुरुक्खतुक्खइज्जंतधुवमधमपेंतगंधुक्खयाभिरामा सुगंधवरगंधिया गंधवट्ठिभूवा
 अच्छा सण्हा लण्हा घट्ठा मट्ठा नीरया गिम्मला वितिमिरा विट्ठवा सण्णभा सण्णि-

रीया सउज्जोआ पासाईया दरिसणिज्जा अभिरूवा पडिरूवा, एवं जं जस्स कम्मती तं तस्स जं जं गाहाहिं भणियं तहू चेव वण्णओ ॥ २२९ ॥ केवइया णं भंते ! पुढविकाइयावासा प० गोयमा ! असंखेज्जा पुढवीकाइयावासा प० एवं जाव मणुस्स ति । केवइया णं भंते ! वाणमंतरावासा प० गोयमा ! इमीसे णं रयणप्पभाए पुढवीए रयणामयस्स कंडस्स जोयणसहस्सबाहल्लस्स उवरिं एणं जोयणसयं ओगाहेत्ता हेट्ठा चेगं जोयणसयं वज्जेत्ता मज्जे अट्टसु जोयणसएसु एत्थ णं वाणमंतराणं देवाणं तिरियमसंखेज्जा भोमेज्जा नगरावामसयसहस्सा पन्नत्ता, ते णं भोमेज्जा नगरा बाहिं वट्ठा अंतो चउरंसा, एवं जहा भवणवासीणं तहेव णेयच्चा, णवरं पडागमालाउत्ता सुरम्मा पासाईया दरिसणिज्जा अभिरूवा पडिरूवा ॥ २३० ॥ केवइया णं भंते ! जोइसियाणं विमाणावासा पन्नत्ता ! गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ सन्नउयाई जोयणसयाई उच्चं उप्पइत्ता एत्थ णं दसुत्तरजोयणसयबाहल्ले तिरियं जोइसविगए जोइसियाणं देवाणं असंखेज्जा जोइसियविमाणावासा पन्नत्ता, ते णं जोइसियविमाणावासा अब्भुग्गयमूसियपहसिया विविहरमणिरयणभत्तिच्चिन्ना वाउडुयवियजयवेजयतीपडागच्छत्ताइच्छकलिया तुंगा गगणतलमणुलिहंतमिहरा जालंतररयणपज्जग्गम्मिलियच्च मणिकणगधूमियागा वियसियसयपत्तपुंडरीयतिलययणद्वचंदच्चिन्ना अंतो बाहिं च सण्हा तवणिज्जवालुआपत्थडा मुहफासा सस्सिरीयरूवा पासाईया दरिसणिज्जा ॥ २३१ ॥ केवइया णं भंते ! वेमाणियावासा पन्नत्ता ? गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ उच्चं चंदिमसुरियगहगणनक्खत्तारारूवाणं वीइवइत्ता बहूणि जोयणाणि बहूणि जोयणसयाणि बहूणि जोयणसहस्साणि बहूणि जोयणसयसहस्साणि बहूइओ जोयणकोडीओ बहुइओ जोयणकोडाकोडीओ असंखेज्जाओ जोयणकोडाकोडीओ उच्चं दूरं वीइवइत्ता एत्थं णं विमाणियाणं देवाणं सोहम्मिसाणसणं कुमारमाहिंदबंमलंतगसुक्कसहस्सारआणयपाणयआरणअञ्जुएसु गेवेज्जगमणुत्तरेसु य चउरासीई विमाणावाससयसहस्सा सत्ताणउई च सइस्सा तेवीसं च विमाणा भवंतीति मक्खाया, ते णं विमाणा अक्खिमाळिप्पभा भासरासिवण्णाभा अरया नीरया णिम्मला वितिम्मिरा विप्रुद्धा सक्खरयणमया अच्छा सण्हा चट्ठा मट्ठा णिप्पंका णिक्ककडच्छाया सप्पभा समरीया सउज्जोया पासाईया दरिसणिज्जा अभिरूवा पडिरूवा । सोहम्मो णं भंते ! कप्पे केवइया विमाणावासा प० ? गोयमा ! वत्तीसं विमाणावाससयसहस्सा प०, एवं ईसाणाइसु अट्ठावीस वारस अट्ठ चत्तारि एयाई सयसहस्साई पण्णासं चत्तालीसं छ एयाई सइस्साई आणए पाणए चत्तारि आरणञ्जुए तिक्कि एयाणि सयाणि, एवं गाहाहिं भाणियच्चं ॥ २३२ ॥

नेरइयाणं भंते ! केवइयं कालं ठिईं पञ्जता ? गोयमा । जहजेणं दस वाससहस्साइं उक्कोसेणं तेत्तीसं सागरोवमाइं ठिईं प० । अपज्जत्तगणं नेरइयाणं भंते ! केवइयं कालं ठिईं प० ? गोयमा । जहजेणं अतोमुहुत्तं उक्कोसेण वि अंतोमुहुत्तं । पज्जत्तगणं जहजेणं दस वाससहस्साइं अंतोमुहुत्तणाइं । उक्कोसेणं तेत्तीसं सागरोवमाइं अंतोमुहुत्तणाइं । इमीसे णं रयणप्पभाए पुढवीए एवं जाव विजयवेजयंतजयंतअपराजियाणं देवाणं केवइयं कालं ठिईं प० ? गोयमा । जहजेणं बत्तीसं सागरोवमाइं उक्कोसेणं तेत्तीसं सागरोवमाइं । सब्बट्ठे अजहण्णमणुक्कोसेणं तेत्तीस सागरोवमाइं ठिईं प० ॥ २३३ ॥ कति णं भंते सरीरा पञ्जता ? गोयमा ! पंच सरीरा प०, तं जहा—ओरालिए वेउव्विए आहारए तेयए कम्मए । ओरालियसरीरे णं भंते ! कइविहे पञ्जते ? गोयमा ! पंचविहे पञ्जते, तं जहा—एगिदियओरालियसरीरे जाव गब्भवक्कंतियमणुस्सपंचिदियओरालियसरीरे य । ओरालियसरीरस्स णं भंते ! के महालिया सरीरोगाहणा प० ? गोयमा ! जहजेणं अंगुलअसंखेज्जतिभागं उक्कोसेणं साइरेगं जोयणसहस्सं, एवं जहा ओगाहणसंठाणे ओरालियपमाणं तहा निरवसेसं, एवं जाव मणुस्से त्ति उक्कोसेणं तिण्णि गाउयाइं । कइविहे णं भंते ! वेउव्वियसरीरे पञ्जते ? गोयमा ! दुविहे पञ्जते—एगिदियवेउव्वियसरीरे य पंचिदियवेउव्वियसरीरे य, एवं जाव सणकुम्भारे आढत्तं जाव अणुत्तराणं भवधारणिज्जा जाव तेसिं रयणी रयणी परिहायइ । आहारयमरीरे णं भंते ! कइविहे प० ? गोयमा । एगाकारे प० । जइ एगाकारे प० किं मणुस्सआहारयमरीरे अमणुस्सआहारयसरीरे ? गोयमा । मणुस्सआहारगसरीरे णो अमणुस्सआहारगसरीरे, एवं जइ मणुस्सआहारगसरीरे किं गब्भवक्कंतियमणुस्सआहारगसरीरे संमुच्छिमणुस्सआहारगसरीरे ? गोयमा । गब्भवक्कंतियमणुस्सआहारगसरीरे नो संमुच्छिमणुस्सआहारगसरीरे । जइ गब्भवक्कंतियमणुस्सआहारयसरीरे किं कम्मभूमिगा० अकम्मभूमिगा० ? गोयमा ! कम्मभूमिगा० नो अकम्मभूमिगा० । जइ कम्मभूमिगा० किं संखेज्जवासाउय० असंखेज्जवासाउय० ? गोयमा । संखेज्जवासाउय० नो असंखेज्जवासाउय० । जइ संखेज्जवासाउय० किं पज्जत्तय० अपज्जत्तय० ? गोयमा । पज्जत्तय० नो अपज्जत्तय० । जइ पज्जत्तय० किं सम्मदिट्ठी० मिच्छदिट्ठी० सम्मामिच्छदिट्ठी० ? गोयमा । सम्मदिट्ठी० नो मिच्छदिट्ठी० नो सम्मामिच्छदिट्ठी० । जइ सम्मदिट्ठी० किं संजय० असंजय० संजयासंजय० ? गोयमा । संजय० नो असंजय० नो संजयासंजय० । जइ संजय० किं पमत्तसंजय० अपमत्तसंजय० ? गोयमा ! पमत्तसंजय० नो अपमत्तसंजय० । जइ पमत्तसंजय० किं इण्डिपत्तं अण्डिपत्तं ? गोयमा । इण्डिपत्तं नो अण्डिपत्तं ।

वयणा विभाषियन्वा आहारयसरीरे समचउरंससंठाणसंठिए । आहारयसरीरस्स
के महाळिया सरीरोगाहणा प० ? गोयमा । जहणेणं देसूणा रयणी उक्कोसेणं पद्धि-
पुण्णा रयणी । तेआसरीरे णं भंते । कत्तिविहे प० ? गोयमा । पंचविहे पत्तसे-
एगिदियतेयसरीरे भित्तिचउपंच० एवं जाव गेवेजस्स णं भंते । देवस्स णं मार-
णत्तियसमुग्घाएणं समोहयस्स समाणस्स के महाळिया सरीरोगाहणा प० ? गोयमा ।
सरीरप्पमाणमेत्ता विक्खंभवाहल्लेणं आयामेणं जहणेणं अहे जाव विजाहरसेढीओ
उक्कोसेणं जाव अहोत्तेइयग्गामाओ, उद्धुं जाव सयाई विमाणाई, तिरियं जाव
मणुस्सखेत्तं, एवं जाव अणुत्तरोववाइया । एवं कम्मयसरीरं भाषियव्वं ॥ २३४ ॥
भेय विसयसंठाणे, अत्थिभतर बाहिरे य देसोही । ओहिस्स बुद्धिहाणी, पद्धिवाई
चेव अपद्धिवाई ॥ १ ॥ २३५ ॥ कइविहे णं भंते ! ओही प० ? गोयमा । दुक्किहा
प०-भवपक्खइए य खओवसमिए य, एवं सव्वं ओहिपदं भाषियव्वं ॥ २३६ ॥
सीया य दव्व सारीर साता तह वेयणा भवे दुक्खा । अब्भुवगमुबक्कमिया णीयाए
चेव अणियाए ॥ १ ॥ नेरइया णं भंते ! किं सीतं वेयणं वेयंति उस्सिणं वेयणं
वेयंति सीतोस्सिणं वेयणं वेयंति ! गोयमा । नेरइया० एवं चेव वेयणापदं भाषियव्वं
॥ २३७ ॥ कइ णं भंते ! लेसाओ पत्तताओ ? गोयमा ! छ लेसाओ पत्तताओ, तं
जहा-किण्हा नीला काऊ तेऊ पम्हा मुक्का, एवं लेसापयं भाषियव्वं ॥ २३८ ॥
अणंतरा य आहारे, आहाराभोगणा इय । पोगला नेव जाणति, अज्जवसाणे व
सम्मत्ते ॥ १ ॥ नेरइया णं भंते ! अणंतराहारा तओ निव्वत्तणया तओ परियाइव-
णया तओ परिणामणया तओ परियारणया तओ पच्छा विकुव्वणया ? हुंता
गोयमा ! एवं आहारपदं भाषियव्वं ॥ २३९ ॥ कइविहे णं भंते ! आउगबंधे
प० ? गोयमा ! छव्विहे आउगबंधे प०, तं जहा-जाइनामनिहत्ताउए गतिनाम-
निहत्ताउए ठिइनामनिहत्ताउए पएसनामनिहत्ताउए अणुभागनामनिहत्ताउए ओग-
हणानामनिहत्ताउए । नेरइयाणं भंते ! कइविहे आउगबंधे प० ? गोयमा ! छव्विहे
प०, तं जहा-जातिनामनिहत्ताउए गइनामनिहत्ताउए ठिइनामनिहत्ताउए पएस-
नामनिहत्ताउए अणुभागनामनिहत्ताउए ओगाहणानामनिहत्ताउए । एवं जाव वेत्ता-
णियाणं ॥ २४० ॥ निरवगई णं भंते ! केवइयं कालं विरहिंया उववाएणं प० ?
गोयमा ! जहणेणं एक्कं समयं उक्कोसेणं बारस सुद्धुते, एवं तिरियगई मणुस्सगई
देवगई । सिद्धिगई णं भंते ! केवइयं कालं विरहिंया तिण्णणयाए प० ? गोयमा !
जहणेणं एक्कं समयं उक्कोसेणं छम्मासे, एवं सिद्धिज्जा उव्वट्टमा । इमीसे णं भंते !
रयणप्पभाए पुढवीए नेरइया केवइयं कालं विरहिंया उववाएणं ? एवं उववाययंक्खो.

भाणियब्बो उव्वट्टणादंडओ य । नेरइया णं भंते ! जातिनामनिहत्ताउगं कति आगरिसेहिं पगरंति ? गोयमा ! सिय १ सिय २ सिय ३ सिय ४ सिय ५ सिय ६ सिय ७ सिय अट्टहिं, नो चेव णं नवहिं । एवं सेसाण वि आउगाणि जाव वेमाणिय ति ॥ २४१ ॥ कइविहे णं भंते ! संघयणे पत्तत्ते ? गोयमा ! छव्विहे संघयणे पत्तत्ते, तं जहा-वट्टोसभनारायसंघयणे रिसभनारायसंघयणे नारायसंघयणे अद्धनारायसंघयणे कीलियासंघयणे छेवट्टसंघयणे । नेरइया णं भंते ! किंसंघयणी ? गोयमा ! छण्हं संघयणाणं असंघयणी णेव अट्टि णेव छिरा णेव ष्हारू जे पोगगला अणिट्ठा अकंता अप्पिया अणाएज्जा असुभा अमणुष्णा अमणामा अमणाभिरामा ते तेसिं असंघयणत्ताए परिणमंति । असुरकुमारारणं भंते ! किंसंघयणा प० ? गोयमा ! छण्हं संघयणाणं असंघयणी णेवट्टी णेव छिरा णेव ष्हारू जे पोगगला इट्ठा कंता पिया मणुष्णा मणामा मणाभिरामा ते तेमिं असंघयणत्ताए परिणमंति, एवं जाव यणियकुमारारणं । पुडवीकाइया णं भंते ! किंसंघयणी प० ? गोयमा ! छेवट्टसंघयणी प०, एवं जाव संमुच्छिमपंचिदियतिरिक्खजोणिय ति । गम्भवक्कंतिया छव्विहसंघयणी, संमुच्छिममणुस्सा छेवट्टसंघयणी, गम्भवक्कंतियमणुस्सा छव्विहे संघयणे प० । जहा असुरकुमारा तहा वाणमंतरजोइसियवेमाणिया य ॥ २४२ ॥ कइविहे णं भंते ! संठाणे पत्तत्ते ? गोयमा ! छव्विहे संठाणे पत्तत्ते, तं जहा-समचउरंसे १ णिग्गोहपरिमंडले २ साइए ३ वामणे ४ खुज्जे ५ हुंडे ६ । नेरइया णं भंते ! किंसंठाणी प० ? गोयमा ! हुंडसंठाणी प० । असुरकुमारारणं भंते ! किंसंठाणी प० ? गोयमा ! समचउरंमसंठाणसंठिया प०, एवं जाव थणियकुमारा । पुडवी मसूरसंठाणा प०, आऊ थिबुयसंठाणा प०, तेऊ मूइकलावसंठाणा प०, बाऊ पढागासंठाणा प०, वणस्मई नाणासंठाणसंठिया प०, बेइंदियनेइंदियचउरिदिय-संमुच्छिमपंचिदियतिरिक्खा हुंडसंठाणा प०, गम्भवक्कंतिया छव्विहसंठाणा प०, संमुच्छिममणुस्सा हुंडसंठाणसंठिया प०, गम्भवक्कंतियाणं मणुस्साणं छव्विहा संठाणा प० । जहा असुरकुमारा तहा वाणमंतरजोइसियवेमाणिया वि ॥ २४३ ॥ कइविहे णं भंते ! वेए पत्तत्ते ? गोयमा ! तिविहे वेए प०, तं जहा-इत्थीवेए पुरिसवेए नपुंसवेए । नेरइया णं भंते ! किं इत्थीवेया पुरिसवेया णपुंसगवेया प० ? गोयमा ! णो इत्थीवेए णो पुंवेए णपुंसगवेया प० । असुरकुमारारणं भंते ! किं इत्थीवेया पुरिसवेया नपुंसगवेया ? गोयमा ! इत्थीवेया पुरिसवेया णो णपुंसगवेया, जाव थणियकुमारा, पुडवी आऊ तेऊ बाऊ वणस्सई भित्तिचउरिदियसंमुच्छिमपंचिदियतिरिक्खसंमुच्छिममणुस्सा णपुंसगवेया, गम्भवक्कंतियमणुस्सा पंचिदियतिरिक्ख

य तिवेया, जहा असुरकुमारा तथा बाणमंतरा जोइसियवेमाणिया वि ॥ २४४ ॥
 ते णं काले णं ते णं समए णं कप्पस्स समोसरणं गेयव्वं, जाव गणहरा सावच्चा
 निरषच्चा वोच्छिण्णा ॥ २४५ ॥ जंबुद्वीवे णं द्वीवे भारहे वासे तीयाए उस्सप्पिणीए
 सत्त कुलगरा होत्था, तं जहा-मित्तदामे सुदामे य, सुपासे य सयंपभे । विमलघोसे
 सुघोसे य, महाघोसे य सत्तमे ॥ १ ॥ जंबुद्वीवे णं द्वीवे भारहे वासे तीयाए ओस-
 प्पिणीए दस कुलगरा होत्था, तं जहा-सयंजले सयाऊ य, अजियसेणे अणंतसेणे
 य । कज्जमेणे भीमसेणे, महाभीमसेणे य सत्तमे ॥ २ ॥ दडरहे दसरहे सय-
 रहे ॥ जंबुद्वीवे णं द्वीवे भारहे वामे इमीसे ओसप्पिणीए समाए सत्त कुलगरा होत्था,
 तं जहा-पट्टमेत्थ विमलवाहण [चक्खुम जममं चउत्थमभिचंदे । तत्तो य पसेणइए
 मरुदेवे चैव नाभी य ॥ ३ ॥] एतेसि णं सत्तण्हं कुलगराण सत्त भारिया होत्था,
 तं जहा-चंदजग्गा चंदकंता [सुक्ख पडिक्ख चक्खुकंता य । मिरिकंता मरुदेवी कुल-
 गरपत्तीण णामाई ॥ ४ ॥] २४६ ॥ जंबुद्वीवे णं द्वीवे भारहे वासे इमीसे णं ओस-
 प्पिणीए चउवीसं तित्थगराणं पियरो होत्था, तं जहा-णाभी य जियसन्नु य [जियारी
 संवरे इय । मेहे धरे पट्टे य महसेणे य खत्तिए ॥ ५ ॥ सुग्गीवे दडरहे विण्हु वसु-
 पुज्जे य खत्तिए । कयवम्मा सीहमेणे भाणु विस्ससेणे इय ॥ ६ ॥ मूरे सुदंसणे
 कुंभे, सुमित्तविजए समुद्विजए य । राया य आससेणे य निद्धयेच्चिय खत्तिए
 ॥ ७ ॥] उदितोदियकुल्लवंसा विसुद्धवंसा गुणेहि उववेया । तित्थप्पवत्तयाणं एए
 पियरो जिणवरारणं ॥ ८ ॥ जंबुद्वीवे णं द्वीवे भारहे वासे इमीसे ओसप्पिणीए चउ-
 वीसं तित्थगराणं मायरो होत्था, तं जहा-मरुदेवी विजया सेणा [निद्धत्था मंगला
 सुसीमा य । पुहवी लखणा रामा नंदा विण्हु जया सामा ॥ ९ ॥ सुजसा सुव्वय
 अहरा मिरिया देवी पभावई पउमा । वप्पा मिवा य वामा तिसला देवी य जिण-
 माया ॥ १० ॥] २४७ ॥ जंबुद्वीवे णं द्वीवे भारहे वासे इमीसे ओसप्पिणीए चउ-
 वीसं तित्थगरा होत्था, तं जहा-उसभ अजिय संभव अभिनंदण सुमह पउमप्पह
 सुपास वेदप्पभ सुभेहि=पुप्फदंत सीयल मिज्जंस वासुपुज्ज विमल अणंत धम्म संति
 कुंभु अर मत्ति सुणिसुव्वय णमि णेसि पाम वक्कुमाणो य ॥ २४८ ॥ एएसिं चउवी-
 साए तित्थगराणं चउवीसं पुव्वभवया णामधेया होत्था, तं जहा-पट्टमेत्थ वइ-
 णामे विमळे तह विमलवाहणे चैव । तत्तो य धम्मसीहे सुमित्त तह धम्ममित्ते य
 ॥ ११ ॥ सुंदरबाहु तह वीहबाहु जुगबाहु लडुबाहु य । दिण्णे य ईददत्ते सुंदर
 माहिंदरे चैव ॥ १२ ॥ सीहरहे मेहरहे हप्पी अ सुदंसणे य बोद्धव्वे । तत्तो य
 नंदणे क्खु सीहचिरी चैव वीसदमे ॥ १३ ॥ अवीणसत्तु संखे सुदंसणे नंदणे क्ख

चोद्धवे । ओसपिणीए एए तित्थकरणं तु पुव्वमवा ॥ १४ ॥ २४९ ॥ एएसि णं
 चउव्वीसाए तित्थगराणं चउव्वीसं सीयाओ होत्था, तं जहा-सीया सुदंसणा सुप्पभा
 य सिद्धत्थ सुप्पसिद्धा य । विजया य वेजयंती जयंती अपराजिया चेव ॥ १५ ॥
 अरुणप्पम चंदप्पम सरप्पह अगि सुप्पभा चेव । विमला य पंचवण्णा सागरदत्ता
 य णागदत्ता य ॥ १६ ॥ अभयकर निव्वुड्ढकरा मणोरमा तह मणोहरा चेव । देव-
 कुरुरत्तरकुरा विसाल चंदप्पभा सीया ॥ १७ ॥ एआओ सीआओ सव्वेसिं चेव
 जिणवरिदाणं । सव्वजगवच्छलाणं सव्वोउगमुभाए छायाए ॥ १८ ॥ पुव्विं
 ओक्खित्ता माणसेहिं साहडु(ड्ड) रोमकूवेहिं । पच्छा वहंति मीअं असुरिंदसुरिंदना-
 गिंदा ॥ १९ ॥ चलचवलकुंडलधरा सच्छंदविउप्पियाभरणधारी । सुरअसुरवंदि-
 आणं वहंति सीअं जिणंदाणं ॥ २० ॥ पुरओ वहंति देवा नागा पुण दाहिणम्मि
 पासम्मि । पन्नच्छमेण असुरा गरुला पुण उप्परे पासे ॥ २१ ॥ उमभो अ
 विणीयाए बारवईए अरिद्धवरणेमी । अवसेसा तित्थयरा निक्खंता जम्मभूमीसु
 ॥ २२ ॥ सव्वे वि एगदूसेण [णिग्गया जिणवरा चउव्वीसं । ण य णाम अण्णल्लिगे
 ण य गिहिल्लिगे कुल्लिगे य ॥ २३ ॥] एक्को भगवं वीरो [पासो मल्ली य तिहि
 तिहि सएहिं । भगवं पि वासुपुज्जो छहिं पुरिसमएहिं निक्खंतो ॥ २४ ॥] उग्गाणं
 भोगाणं राइण्णाणं [च खत्तियाणं च । चउहिं सहस्सेहिं उमभो सेसा उ सहस्स-
 परिवारा ॥ २५ ॥] सुमइत्थ णिच्चभत्तेण [णिग्गओ वासुपुज्ज चोत्थेणं । पासो मल्ली य
 अट्टमेण सेसा उ छट्ठेणं ॥ २६ ॥] एएसि णं चउव्वीसाए तित्थगराणं चउव्वीसं
 पढमभिकखादायारो होत्था, तं जहा-सिजंस बंभदत्ते सुरिंददत्ते य इंददत्ते य ।
 पउमे य सोमदेवे माहिंदे तह सोमदत्ते य । पुस्से पुणव्वस् पुण्णणंद सुणदि जये व
 विजये य । तत्तो य धम्मसीहे सुमित्त तह वग्गसीहे अ ॥ २७ ॥ अपराखिय
 विस्ससेणे वीसइमे होइ उसभसेणे य । दिण्णे वरदत्ते धणे बहूले य आणुपुव्वीए
 ॥ २८ ॥ एए विमुद्धलेसा जिणवरभत्ताइ पंजलिउडा उ । तं कालं तं सममं
 पत्थिलाभेइ जिणवरिंदे ॥ २९ ॥ संवच्छरेण भिक्खा लद्धा उमभेण लोबणाहेण ।
 सेसेहिं वीयदिवसे लद्धाओ पढमभिकखाओ ॥ ३० ॥ उसभस्स पढमभिकखा
 खोयरसो आसि लोगणाहस्स । सेसाणं परमण्णं अभियरसरसोवमं आसि ॥ ३१ ॥
 सव्वेसिं पि जिणाणं जहियं लद्धाउ पढमभिकखाउ । तहियं वसुधाराओ सरिरेमेतीओ
 सुद्धाओ ॥ ३२ ॥ २५० ॥ एएसि चउव्वीसाए तित्थगराणं चउव्वीसं चेइयस्सत्ता
 [बद्धपीढस्सत्ता जेसि अहे केवलाई उप्पण्णाइ ति] होत्था, तं जहा-णग्गोह सत्तिव्वे
 साठे पियए पियंगु छाणाहे । सिरिसे य णागस्सत्ते माली य पित्तकस्सत्ते य ॥ ३३ ॥

सिंदुग पाडल जंभू आसत्ये खल्ल तहोष दहिवण्णे । णंवीरुक्खे तिलए अंबयरुक्खे
 असोगे य ॥ ३४ ॥ चंपय बउळे य तहा वेडसक्खे य धाबईरुक्खे । साळे व
 बद्धमाणस्स चेइयरुक्खा जिणवराणं ॥ ३५ ॥ बत्तीसं धणुयाईं चेइयरुक्खो य
 बद्धमाणस्स । णिच्चोउगो असोगो ओच्छण्णो सालरुक्खेणं ॥ ३६ ॥ तिण्णे व
 गाउआईं चेइयरुक्खो जिणस्स उसभस्स । सेसाणं पुण रुक्खा सररीओ बारसगुणा
 उ ॥ ३७ ॥ सच्छणा सपडागा सवेइया तोरणेहिं उववेया । सुरअसुरगरुत्तमहिवा
 चेइयरुक्खा जिणवराणं ॥ ३८ ॥ २५१ ॥ एएसिं चउवीसाए तित्थगराणं चउव्वीसं
 पढमसीसा होत्था, तं जहा-पढमेत्थ उसभसेणे बीइए पुण होइ सीहसेणे य । चाळ
 य वज्जणाभे चमरे तह सुव्वय विदब्भे ॥ ३९ ॥ दिण्णे य वराहे पुण आणंदे
 गोधुमे सुहम्मे य । मंदर जसे अरिद्धे चक्काह सयंभु कुंभे य ॥ ४० ॥ ईदे कुंभे
 य सुभे वरदत्ते दिण्ण इंदभूईं य । उदितोदितकुलवंसा विसुद्धवंसा गुणेहिं उववेया ।
 तित्थप्पवत्तयाणं पढमा सिस्सा जिणवराणं ॥ ४१ ॥ २५२ ॥ एएसिं णं चउवीसाए
 तित्थगराणं चउवीसं पढमनिस्सिणी होत्था, तं जहा-बंभी य फग्गु सामा अजिया
 कासवीरईं मोमा । सुमणा वारुणि मुल्ला धारणि धरणी य धरणिधरा ॥ ४२ ॥
 पउमा सिवाभुयी तह अंजुया भावियप्पा य रक्खी य । बंधुवती पुप्फवती अज्जा
 अमिला य अहिया य ॥ ४३ ॥ जक्खिणी पुप्फचूला य चंदणज्जा य आहियाउ ।
 उदितोदितकुलवंसा विसुद्धवंसा गुणेहिं उववेया । तित्थप्पवत्तयाणं पढमा सिस्वी
 जिणवराणं ॥ ४४ ॥ २५३ ॥ जंबुहीवे णं बीवे भारहे वासे इमीसे ओसप्पिणीए
 बारह चक्कवट्टिपियरो होत्था, तं जहा-उसभे सुमिते विजए समुहविजए य आस्-
 सेणे य । विस्ससेणे य सुरे सुदंसणे कत्तवीरिए चेव ॥ ४५ ॥ पउमुत्तरे महाहरी
 विजए राया तहेव य । बंभे बारसमे उत्ते पिउनामा चक्कवट्टीणं ॥ ४६ ॥ २५४ ॥
 जंबुहीवे णं बीवे भारहे वासे इमीसे ओसप्पिणीए बारस चक्कवट्टिमायरो होत्था, तं
 जहा-सुर्मगला जसवती भहा सहदेवी अहरा सिरिवेवी । तारा जाला (जाल्म
 तारा) मेरा वप्पा सुद्धवि अपच्छिम्मा ॥ २५५ ॥ जंबुहीवे णं बीवे भारहे वासे
 इमीसे ओसप्पिणीए बारस चक्कवट्टी होत्था, तं जहा-भरहो सगरो मघवं [सणकुमारो
 य रायसहुलो । संती कुंभू य धरो हवइ सुभूमो य कोरव्वो ॥ ४७ ॥ नवमो य महा-
 पवमो हुरिसेणो चेव रायसहुलो । जयनामो य नरवईं, बारसमो बंभइत्तो व
 ॥ ४८ ॥] एएसिं बारसण्णं चक्कवट्टीणं बारस इत्थिरयणा होत्था, तं जहा-पढम
 होइ सुभहा भइ सुर्गदा जया य विजया य । किण्हसिरी सुरसिरी पढमसिरी वसुंधरा
 वेवी ॥ ४९ ॥ लच्छिमईं कुल्लमईं इत्थिरयणाण नामाईं ॥ २५६ ॥ जंबुहीवे णं बीवे

भारहे वासे इमीसे ओसपिणीए नवबलदेवनववासुदेवपियरो होत्था, तं जहा-पया-
 वई य बंभो [सोमो रुदो सिवो महसिवो य । अग्निहिहो य दसरहो नवमो भणिओ
 य वसुदेवो ॥ ५० ॥] जंबुद्वीवे णं दीवे भारहे वासे इमीसे ओसपिणीए णव वासु-
 देवमायरो होत्था, तं जहा-मियावई उमा चेंव पुह्वी सीया य अम्मया । लच्छि-
 मई सेसमई केकई देवई तहा ॥ ५१ ॥ जंबुद्वीवे णं दीवे भारहे वासे इमीसे
 ओसपिणीए णवबलदेवमायरो होत्था, तं जहा-भहा तह सुभहा य सुप्पभा य
 सुदंसणा । विजया वेजयंती य जयंती अपराजिया ॥ ५२ ॥ णवमीया रोहिणी य
 बलदेवाण मायरो ॥ २५७ ॥ जंबुद्वीवे णं दीवे भारहे वासे इमीसे ओसपिणीए
 नव दसारमंडला होत्था, तं जहा-उत्तमपुरिसा मज्झिमपुरिसा पहाणपुरिसा ओयंसी
 तेयंसी वचंसी जसंसी छायंसी कंता सोमा सुभगा पियदंसणा सुरुआ सुहसीलमुद्दाभि-
 गमसच्चजणयणकंता ओहबला अतिबला महाबला अनिहता अपराइया सत्तुमइणा
 रिपुसहस्समाणमहणा साणुक्कोमा अमच्छरा अचबला अचंडा मियमंजुलपलाव-
 हस्तियगंभीरमधुरपडिपुण्णसच्चवयणा अच्चुवगयवच्छला सरण्णा लक्खणवंजणगुणो-
 ववेआ माणुम्माणपमाणपडिपुण्णसुजायसव्वंगसुंदरंगा समिसोमागारकंतपियदंसणा
 अमरिसणा पयंउदंडपयारा(र)गंभीरदर(रि)मणिजा तालद्धओक्किद्वगलकेऊ महा-
 धणुविकइया महासत्तसाअरा दुद्धरा धणुद्धरा धीरपुरिसा जुद्धकित्तपुरिसा विउलकुल-
 समुच्चवा महारयणविहाडगा अद्धभरहमार्मा सोमा रायकुलवंसनिलया अजिया
 अजियरहा हल्लमुसलकणकपाणी संखचक्रगयसत्तिनंदगधरा पवरज्जलमुक्कंतविमल्लो-
 त्तुभतिरीडघारी कुंडलउज्जोइयाणणा पुंडरीयणयणा एकावलिंकंठलइयवच्छा निरिव-
 च्छसुलंछणा वरजसा सव्वोउयमुरभिकुमुमरचितपल्लवमोभंतकंतविकसंतविचित्तरमा-
 लरइयवच्छा अट्टसयविभत्तलक्खणपसत्थयुंदरविरइयंगभंगा मगगयवर्गिंदललियविक-
 मविलसियगई सारयनवयणियमहुरगंभीरकुंचन्नियोमदुंदुभिमरा कडिमुत्तगनीलपीय-
 क्केसेज्जवाससा पवरदित्तेया नरसीहा नरवई नरिदा नरवमहा मइयवसभकप्पा
 अच्चहियरायतेयलच्छीए दिप्पमाणा नीलगपीयगवसणा दुवे दुवे रामकेसवा भायरो
 होत्था, तं जहा-तिविद्ध जाव कण्हे अयले जाव रामे यावि अपच्छिमे ॥५३॥२५८॥
 एएसि णं णवण्हं बलदेववासुदेवाणं पुव्वभविआ नव नामधेज्जा होत्था, तं जहा-
 विस्समई पव्वयए धणदत्त समुदत्त इमिवाले । पियमित्त ललियमित्ते पुणव्वसू
 गंगदत्ते य ॥ ५४ ॥ एयाई नामाई पुव्वभवे आसि वासुदेवाणं । एतो बलदेवाणं
 जहक्कमं कित्तइस्सामि ॥ ५५ ॥ विसनंसी य सुवंधू मागरदत्ते असोमल्लिए य ।
 वाराह धम्मसेणे अपराइय रायललिए य ॥ ५६ ॥ २५९ ॥ एएसि नवण्हं बलदेव-

वासुदेवाणं पुव्वभविया नव धम्मयारिया होत्था, तं जहा-संभूय सुमहं सुदंसणे य
 सेयंस कण्ह गंगदत्ते अ । सागरसमुद्दनामे दुमसेणे य णवमए ॥ ५७ ॥ एए धम्मा-
 यरिया किन्तीपुरिसाण वासुदेवाणं । पुव्वभवै एआसि जत्थ नियाणाइं कासी य
 ॥ ५८ ॥ २६० ॥ एएसि नवण्हं वासुदेवाणं पुव्वभवै नव नियाणभूमिओ होत्था,
 तं जहा-महुरा य० हत्थिणाउरं च ॥ ५९ ॥ २६१ ॥ एएसि णं नवण्हं वासुदेवाणं
 नव नियाणकारणा होत्था, तं जहा-गावी जुवे जाव माउआ ॥ ६० ॥ २६२ ॥
 एएमि नवण्हं वासुदेवाणं नव पडिसत्तू होत्था, तं जहा-अस्सग्गीवे जाव जरासेवे
 ॥ ६१ ॥ एए खलु पडिसत्तू जाव सच्चक्केहिं ॥ ६२ ॥ एक्को य सत्तमीए पंच व
 छट्ठीए पंचमी एक्को । एक्को य चउत्थीए कण्हो पुण तच्चपुढवीए ॥ ६३ ॥ अणिद-
 णकडा रामा [सव्वे वि य केसवा नियाणकडा । उक्कुगामी रामा केसव सव्वे अहो-
 गामी ॥ ६४ ॥] अट्टंतकडा रामा एगो पुण वंभलोकप्पम्मि । एक्का से गम्मव-
 सही सिज्जिस्सइ आगमिस्सेणं ॥ ६५ ॥ २६३ ॥ जंबुहीवे णं वीवे एरवए वासे
 इमीसे ओसप्पिणीए चउव्वीसं तित्थयरा होत्था, तं जहा-वंदाणणं सुचंदं अग्गीसेव
 च नंदिसेणं च । इत्तिदिण्णं वइ(व)हारि वंदिमो सोमचंदं च ॥ ६६ ॥ वंदामि जुत्तिसेणं
 अजियसेणं तहेव सिवसेणं । सुदं च देवसम्मं सययं निक्खित्तसत्यं च ॥ ६७ ॥
 असंजलं जिणवसहं वंदे य अणंतयं अमियणाणि । उवसंतं च धुयरयं वंदे खलु
 गुत्तिसेणं च ॥ ६८ ॥ अतिपासं च सुपासं देवैसरव्वदियं च मरुदेवं । निव्वाणगव
 च ध(व)रं खीणदुहं सामकोट्टं च ॥ ६९ ॥ जियरागमग्गिसेणं वंदे खीणरायमग्गिउत्तं
 च । वोक्खिसियपिज्जदोसं वारिसेणं गयं निद्धिं ॥ ७० ॥ २६४ ॥ जंबुहीवे णं वीवे
 आगमिस्साए उस्सप्पिणीए भारहे वासे सत्त कुलगरा भविस्संति, तं जहा-मिय-
 वाहणे सुभूमे य सुप्पभे य सयंपभे । दत्ते सुहुमे सुबंधू य आगमिस्साण होक्खति
 ॥ ७१ ॥ ॥ २६५ ॥ जंबुहीवे णं वीवे आगमिस्साए उस्सप्पिणीए एरवए वासे
 दस कुलगरा भविस्संति, तं जहा-विमलवाहणे सीमंकरे सीमंधरे खेमंकरे खेमंकरे
 दडधणू दसधणू सयधणू पडिसुइं सुमइ ति ॥ २६६ ॥ जंबुहीवे णं वीवे भारहे
 वासे आगमिस्साए उस्सप्पिणीए चउवीसं तित्थगरा भविस्संति, तं जहा-महापउमे
 सूरदेवे, सुपासे य सयंपभे । सव्वाणुभूइं अरहा, देवस्तुए य होक्खइं ॥ ७२ ॥
 उदए पेढालपुत्ते य, पोट्टिछे सत(त्त)किति य । मुणिसुव्वए य अरहा, सव्वभावक्कि
 जिणे ॥ ७३ ॥ अममे णिक्कसाए य, निप्पुलाए य निम्ममे । चित्तउत्ते समाही य,
 आगमिस्सेणं होक्खइं ॥ ७४ ॥ संघरे (असोहरे) अमियट्ठी य, विजए विमकेत्ति य ।
 देवोववाए अरहा, अणंतविजए इय ॥ ७५ ॥ एए सुत्ता चउव्वीसं, भरहे वात्तम्मि

केवली । आगमिस्सेण होक्खंति, धम्मतित्थस्स देसगा ॥ ७६ ॥ २६७ ॥ एएसि
 षं चउव्वीसाए तित्थकराणं पुव्वभविया चउव्वीसं नामधेज्जा भविस्संति, तं जहा-
 सेणिय सुपास उदए पोड्डिळ अणगार तह दढाऊ य । कत्तिय संखे य तहा नंद
 सुनंदे य सतए य ॥ ७७ ॥ बोद्धव्वा देवई य सच्चइ तह वासुदेव बलदेवे ।
 रोहिणि सुलसा चेव तत्तो खल्ल रेवई चेव ॥ ७८ ॥ ततो हवइ सयाली बोद्धव्वे
 खल्ल तहा भयाली य । वीवायणे य कण्हे तत्तो खल्ल नारए चेव ॥ ७९ ॥ अंबड
 दासुमडे य साईबुद्धे य होइ बोद्धव्वे । भावीतित्थगराणं णामाई पुव्वभवियाई
 ॥ ८० ॥ २६८ ॥ एएसि णं चउव्वीसाए तित्थगराणं चउव्वीसं पियरो भवि-
 स्संति, चउव्वीसं मायरो भविस्संति, चउव्वीसं पडमसीमा भविस्संति, चउव्वीसं
 पडमसिस्सणीओ भविस्संति, चउव्वीसं पडमभिकखादायगा भविस्संति, चउव्वीसं
 चेइयक्खवा भविस्संति ॥ २६९ ॥ जंबुद्वीवे णं वीवे भारहे वासे आगमिस्साए
 उस्सप्पिणीए बारस चक्कवट्ठिणे भविस्संति, तं जहा-भरहे य वीहदंते गूढदंते य
 सुद्धदंते य । सिरिउत्ते सिरिभूई सिरिसोमे य सत्तमे ॥ ८१ ॥ पउमे य महापउमे
 विमलवाहणे विपुलवाहणे चेव । वरिट्ठे बारसमे युत्ते आगमिसा भरहाहिवा ॥ ८२ ॥
 एएसि णं बारसण्हं चक्कवट्ठीणं बारस पियरो भविस्संति बारस मायरो भविस्संति
 बारस इत्थीरयणा भविस्संति ॥ २७० ॥ जंबुद्वीवे णं वीवे भारहे वासे आगमि-
 स्साए उस्सप्पिणीए नव बलदेववासुदेवपियरो भविस्संति, नव वासुदेवमायरो
 भविस्संति, नव बलदेवमायरो भविस्संति, नव दसारमंडला भविस्संति, तं जहा-
 उत्तमपुरिसा मज्झिमपुरिसा पहाणपुरिसा ओयंसी नेयंसी एवं सो चं व षण्णाओ
 शाणियव्वो जाव नीलगपीतगक्खणा दुवे दुवं रामकेमवा भायरो भविस्संति, तं
 जहा-नंदे य नंदमित्ते वीहबाहू तहा महाबाहू । अइवळे महावळे बलभेदे य सत्तमे
 ॥ ८३ ॥ दुविट्ठं य त्रिविट्ठं य आगमिस्माणं विण्णुणे । जयंते विजये भूरे सुप्पभे य
 सुद्धसणे । आणंदे नंदणे पउमे संकरिसणे य अपच्छिमे ॥ ८४ ॥ २७१ ॥ एएसि
 णं नवण्हं बलदेववासुदेवाणं पुव्वभविया णव नामधेज्जा भविस्संति, नव धम्माय-
 रिया भविस्संति, नव नियाणभूमाओ भविस्संति, नव नियाणकारणा भविस्संति,
 नव पडिसतू भविस्संति, तं जहा-तिलए य लोहजंघे बइरजंघे य कंसरी पहराए ।
 अपराइए य मीमे महामीमे य सुग्गीवे ॥ ८५ ॥ एए खल्ल पडिसतू किन्तीपुरिसाभ
 वासुदेवाणं । सव्वे वि चक्कजोही इम्मिहिंति सच्चकैहिं ॥ ८६ ॥ २७२ ॥ जंबुद्वीवे
 णं वीवे एरवए वासे आगमिस्साए उस्सप्पिणीए चउव्वीसं तित्थगरा भविस्संति,
 तं जहा-सुमंगले अ सिद्धत्थे, निव्वाणे य महाजसे । धम्मज्जए य भरहा, आण-

श्रीमन्नागप्रकाशकसमितिके तृतीय सहायक



रावसाहेब श्रीकिशनलालजी नन्दलालजी पारख
मु० भे० येवला जिला नासिक

मिस्साण होक्खई ॥ ८७ ॥ सिरिचंदे पुप्फकेऊ, महाचंदे य केवली । सुयसायरे य अरहा, आगमिस्साण होक्खई ॥ ८८ ॥ सिद्धत्थे पुण्णघोसे य, महाघोसे य केवली । सच्चसेणे य अरहा, आगमिस्साण होक्खई ॥ ८९ ॥ सूरसेणे य अरहा, महासेणे य केवली । सव्वाणंदे य अरहा, देवउत्ते य होक्खई ॥ ९० ॥ सुपासे सुव्वए अरहा, अरहे य सुकोसळे । अरहा अणंतविजए, आगमिस्साण होक्खई ॥ ९१ ॥ विमळे उत्तरे अरहा, अरहा य महाबळे । देवाणंदे य अरहा, आगमिस्साण होक्खई ॥ ९२ ॥ एए वुत्ता चउव्वीसं, एरवयंमि केवली । आगमिस्साण होक्खंति, धम्मतित्थस्स देसगा ॥ ९३ ॥ २७३ ॥ बारस चक्कवट्ठिणो भविस्संति, बारस चक्कवट्ठिपियरो भविस्संति, बारस चक्कवट्ठिमायरो भविस्संति, बारस इत्थीरयणा भविस्संति ॥ नव बलदेववानुदेवपियरो भविस्संति, णव वासुदेवमायरो भविस्संति, णव बलदेवमायरो भविस्संति, णव दसारमंडला भविस्संति, तं जहाउत्तमपुरिसा मज्झिमपुरिसा पहाणपुरिसा जाव दुवे दुवे रामकंसवा भायरो भविस्संति, णव पडिमनू भविस्संति, नव पुव्वभवणामधेज्जा, नव धम्मायरिया, णव णियाणभूसीओ, णव णियाणकारणा, आयाए एरवए आगमिस्साए भाणियव्वा । एवं दोसु वि आगमिस्साए भाणियव्वा ॥ २७४ ॥ इत्थेयं एवमाहिज्जंति, तं जहाकुलगरवंसेइ य एवं तित्थगरवंसेइ य चक्कवट्ठिवंसेइ य दसारवंसेइ य गणधरवंसेइ य इसिवंसेइ य जइवंसेइ य मुणिवंसेइ य । सुएइ वा सुअंगेइ वा सुयसभासेइ वा सुयखंधेइ वा समवाएइ वा संखेइ वा सम्मतमंगमक्खायं अज्जयणं ति वेमि ॥२७५॥

समवायं चउत्थमंगं समत्तं ॥



णमोऽस्त्यु णं समणस्स भगवओ णायपुत्तमहावीरस्स

भगवई-विवाहपण्णत्ती

णमो अरिहंताणं णमो सिद्धाणं णमो आयरियाण णमो उवज्झायाणं णमो ख्लेए सच्चसाहूणं ॥ १ ॥ णमो वंभीयस्स लिवीयस्स ॥ २ ॥ णमो सुयस्से ॥ ३ ॥ ते णं काळे णं ते णं ममए ण रायगिहे नामं णयरे होत्था, वण्णओ, तस्म णं रायगिहस्स णगरस्स बहिया उत्तरपुरच्छिमे दिसीभाए गृणसितए णामं उज्जाणे होत्था, सेणिए राया, च्चिळ्णा देवी ॥ ४ ॥ ते णं काळे णं ते णं ममए णं ममणे भगवं महावीरे आइगरे तित्थगरे सहसंबुद्धे पुरिसुत्तमे पुरिमसीहे पुरिसवरपुंडरीए पुरिसवरगंधहत्थीए लोगुत्तमे लोगनाहे लोगप्पदीवे लोगप्पज्जोगरे अभयदए चक्खुदए मगदए सरणदए [धम्मदए] धम्मदेसए धम्ममारहीए धम्मवरचाउरंतचक्खवटी अप्पच्छिद्दयवरनाणदंसणधरे वियदुल्लउमे जिणे जाणए बुद्धे बोहए सुत्ते मोयए सच्चसु सच्चदरिसी सिवमयल्लमत्यमणंतमक्खयमव्वावाहमपुणरावत्तयं सिद्धिगइनामधेयं ठाणं संपाविउकामे जाव नमोमरणं ॥ ५ ॥ परिमा निग्गया, धम्मो क्हिओ, परिसा पडिग्गया ॥ ६ ॥ तेणं काळेणं तेणं ममएणं समणस्स भगवओ महावीरस्स जेट्ठे अंतवासी इंदभूती नामं अणगारे गोयमसगोत्तणं मत्तुरस्तेहे ममचउरंसमंठाणसंठिए वज्जरिसहनारायसंघयणे कणगपुलगाणिघसपम्हगारे उग्गतवं दित्तवे तत्तवे महातवे ओराळे घोरे घोरगुणे घोरनवस्सी घोरवंमचेरवासी उच्छूडमगीरे संस्तिणविउल्लतेक्खेसे चोहसपुच्ची चउनाणोवगए सच्चक्खरसन्निवाई ममणस्स भगवओ महावीरस्स अदूरसामंते उच्छुंजाणू अहोसिरे झणकोट्टोवगए संजमेणं तवसा अप्पाणं भावेमाणे विहरइ ॥ ७ ॥ तए णं से भगवं गोयमे जायमहे जायसंसए जायकोउहल्ले उप्पन्नसहे उप्पन्नसंसए उप्पन्नकोउहल्ले संजायसहे संजायसंसए संजायकोउहल्ले समुप्पन्नसहे समुप्पन्नसंसए समुप्पन्नकोउहल्ले उट्टाए उट्टेइ उट्टाए उट्टेत्ता जेणेव ममणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आवाहिणपयाहिणं करेइ २ ता वंदइ नमंसइ २ ता णच्चासन्ने णाइदरे सुस्ससमाणे णमंसमाणे अभिमुहे विणएणं पंजलिउडे पज्जवासमाणे एवं वयासी-से नूनं भंते ! च्चल्लमाणे च्चलिए १, उदीरिज्जमाणे उदीरिए २, वेइज्जमाणे वेइए ३, पहिज्जमाणे पहीणे

१ रायगिह चल्थ दुक्खे कंखपओसे य पगइ पुठवीओ, जावते नेरइए बाळे शुरुए य च्चल्लणाओ ॥ १ ॥

४, छिज्जमाणे छिजे ५, भिज्जमाणे भिजे ६, दह्णु (उज्झ) माणे दहे ७, मिज्जमाणे मए ८, निज्जरिज्जमाणे निज्जिजे ९, हंता गोयमा ! चल्माणे चलिए जाव णिज्जरिज्जमाणे णिज्जिणे ॥ एए णं भंते ! नव पया किं एगट्ठा णाणाघोसा नाणावज्जणा उदाहु नाणट्ठा नाणाघोसा नाणावज्जणा १, गोयमा ! चल्माणे चलिए १ उदीरिज्जमाणे उदीरिए २ वेइज्जमाणे वेइए ३ पहिज्जमाणे परीणे ४ ते एए णं चत्तारे पया एगट्ठा नाणाघोसा नाणावज्जणा उप्पन्नपक्खस्स, छिज्जमाणे छिजे भिज्जमाणे भिजे दह्णु-(उज्झ)-माणे दहे मिज्जमाणे मडे निज्जरिज्जमाणे निज्जिणे एए णं पंच पया णाणट्ठा नाणाघोसा नाणावज्जणा विगयपक्खस्स ॥ ८ ॥ नेरइयाणं भंते ! केवइकालं टिइं पज्जता ! गोयमा ! जह्जेणं दम वामसहस्साइं उक्कोसेणं तेषीसं सागरोवमार्इं टिइं प० १ । नेरइयाणं भंते ' केवइकालस्स आयमंति वा पाणमंति वा उस्ससंति वा पीससंति वा !, जहा ऊसामपए २ । नेरइया णं भंते आहारट्ठी १, जहा पक्कवणाए पट्टमए आहाकंहेसए तहा भाणियच्चं ३ । टिइ उस्सासाहारे किं वाऽऽहारेति ३६ मच्चओ वावि ३७ । कतिभागं ? ३८ सव्वाणि व ३९ कोस व भुज्जे परिणमंति ! ४० ॥ १ ॥ ९ ॥ नेरइयाणं भंते ! पुब्बाहारिया पोग्गला परिणया १ ! आहारिया आहारिज्जमाणा पोग्गला परिणया २ ! अणाहारिया आहारिज्जिस्समाणा पोग्गला परिणया ३ !, अणाहारिया अणाहारिज्जिस्समाणा पोग्गला परिणया ४ !, गोयमा ! नेरइयाणं पुब्बाहारिया पोग्गला परिणया १, आहारिया आहारिज्जमाणा पोग्गला परिणया परिणमंति २, अणाहारिया आहारिज्जिस्समाणा पोग्गला नो परिणया परिणमिस्संति ३, अणाहारिया अणाहारिज्जिस्समाणा पोग्गला नो परिणया परिणमिस्संति ४ ॥ १० ॥ नेरइयाणं भंते ! पुब्बाहारिया पोग्गला चिया पुच्छा, जहा परिणया तहा चियावि, एवं चिया उवचिया उदीरिया वेइया निज्जिजा, गाहा-परिणय चिया उवचिय उदीरिया वेइया य निज्जिजा । एकेकंमि पदंमि(मी) चउ-व्विहा पोग्गला होति ॥ १ ॥ ११ ॥ नेरइयाणं भंते ! कइविहा पोग्गला मिज्जति १, गोयमा ! कम्मदव्ववग्गणमहिक्किञ्च दुविहा पोग्गला मिज्जति, तंजहा-अणूं चेव वायरा चेव १ । नेरइयाणं भंते ! कतिविहा पोग्गला चिज्जति १, गोयमा ! आहार-दव्ववग्गणमहिक्किञ्च दुविहा पोग्गला चिज्जति, तंजहा-अणूं चेव वायरा चेव २ । एवं उवचिज्जति ३ । नेर० क० पो० उदीरंति १, गोयमा ! कम्मदव्ववग्गणमहिक्किञ्च दुविहे पोग्गले उदीरंति, तंजहा-अणूं चेव वायरा चेव, सेसावि एवं चेव भाणियच्च्या, एवं वेदंति ५ निज्जरंति ६ उययिस्स ७ उव्वंहेति ८ उव्वहिस्संति ९ संकामिस्सु १० संकामंति ११ संकामिस्संति १२ निहरिस्सु १३ निहंतेति १४ निह-

तिस्संति १५ निकायं सु १६ निकायंति १७ निकाइस्संति १८, सव्वेसुवि कम्मद-
 व्ववग्गणमहिक्खिच्च गाहा-भेइयच्चिया उवच्चिया उदीरिया वेइया य निज्जिहा । उय-
 ङ्गसं कामणनिहत्तणनिकायणे तिविह कालो ॥ १ ॥ १२ ॥ नेरइयाणं भंते ! जे
 पोग्गळे तेयाकम्मत्ताए गेण्हंति ते किं तीतकालसमए गेण्हंति ? पडुप्पन्नकालसमए
 गेण्हंति ? अणा० का० समए गेण्हंति ?, गोयमा ! नो तीयकालसमए गेण्हंति पडु-
 प्पन्नकालसमए गेण्हंति नो अणा० समए गिण्हंति १ । नेरइयाणं भंते ! जे पोग्गला
 तेयाकम्मत्ताए गहिए उदीरंति ते किं तीयकालसमयगहिए पोग्गळे उदीरंति पडु-
 प्पन्नकालसमए घेप्पमाणे पोग्गळे उदीरंति गहणसमयपुरक्खडे पोग्गळे उदीरंति ?,
 गोयमा ! अतीयकालसमयगहिए पोग्गळे उदीरंति नो पडुप्पन्नकालसमए घेप्पमाणे
 पोग्गळे उदीरंति नो गहणसमयपुरक्खडे पोग्गळे उदीरंति २, एवं वेदंति ३
 निज्जरंति ॥ १३ ॥ नेरइयाणं भंते ! जीवाओ किं चलियं कम्मं बंधंति अचलियं
 कम्मं बंधंति ?, गोयमा ! नो चलियं कम्मं बंधंति अचलियं कम्मं बंधंति १ ।
 नेरइयाणं भंते ! जीवाओ किं चलियं कम्मं उदीरंति अचलियं कम्मं उदीरंति २,
 गोयमा ! नो चलियं कम्मं उदीरंति अचलियं कम्मं उदीरंति २ । एवं वेदंति ३
 उयट्ठंति ४ संकामंति ५ निहत्तंति ६ निकायंति ७, सव्वेसु अचलियं नो चलियं ।
 नेरइयाणं भंते ! जीवाओ किं चलियं कम्मं निज्जरंति अचलियं कम्मं निज्जरंति ?,
 गोयमा ! चलियं कम्मं निज्जरंति नो अचलियं कम्मं निज्जरंति ८, गाहा-बंधोदय-
 वेदोयट्ठसंकमे तह निहत्तणनिकाये । अचलियं कम्मं तु भवे चलियं जीवाउ निज्जरए
 ॥ १ ॥ १४ ॥ एवं ठिइं आहारो य भाणियव्वो, ठिती-जहा ठितिपदे तहा
 भाणियव्वो, सव्वर्जावाणं आहारोऽवि जहा पन्नवणाए पट्ठमे आहारोऽमए तहा
 भाणियव्वो, एत्तो आटत्तो-नेरइयाणं भंते ! आहारट्ठी ? जाव दुक्खत्ताए भुज्जो
 भुज्जो परिणमंति, गोयमा ! ० । असुरकुमारारणं भंते ! केवइयं कालं ठिइं प० ?,
 जहजेणं दस वाससहस्साइं उक्कोसेणं सातिरेगं सागरोवमं, असुरकुमारारणं भंते !
 केवइयं कालस्स आणमंति वा पाणमंति वा ?, गोयमा ! जहजेणं सत्तण्हं योवाणं
 उक्कोसेणं साइरेगस्स पक्खस्स आणमंति वा पाणमंति वा, असुरकुमारारणं भंते !
 आहारट्ठी ?, हंता आहारट्ठी, अशुरकुमारारणं भंते ! केवइकालस्स आहारट्ठे समु-
 प्पज्जइ ?, गोयमा ! असुरकुमारारणं दुविहे आहारे पन्नते, तंजहा-आभोगनिव्वत्तिए
 य अणाभोगनिव्वत्तिए य, तत्थ णं जे से अणाभोगनिव्वत्तिए से अणुसमवर्णं अवि-
 हिए आहारट्ठे समुप्पज्जइ, तत्थ णं जे से आभोगनिव्वत्तिए से जहजेणं षडत्त-
 मत्तस्स उक्कोसेणं साइरेगस्स वाससहस्सस्स आहारट्ठे समुप्पज्जइ, असुरकुमारारणं

भंते । किमाहारमाहारेति ? , गोयमा । दब्बओ अणंतपएसियाई दब्बाई खिलकाल-
 भावपन्नवणागमेणं सेसं जहा नेरइयाणं जाव तेणं तेसिं पोग्गला कीसत्ताए भुज्जो
 भुज्जो परिणमंति ? , गोयमा । सोईदियत्ताए सुस्वत्ताए सुवज्जत्ताए ५ इट्ठत्ताए इच्छि-
 यत्ताए भिज्जियत्ताए उट्ठत्ताए णो अहत्ताए सुहत्ताए णो दुहत्ताए भुज्जो भुज्जो परिण-
 मंति, असुरकुमारा णं पुव्वाहारिया पुग्गला परिणया असुरकुमाराभिलावेण जहा
 नेरइयाणं जाव नो अचलियं कम्मं निज्जरेति । नागकुमारारणं भंते ! केवइयं काल
 ठिती प० ? , गोयमा । जह्जेणं दस वाससहस्साई उट्ठोसेणं देसुणाई दो पलिओव-
 माई, नागकुमारारणं भंते ! केवइकालस्स आणमंति वा पा० ? , गोयमा । जह्जेणं
 सत्तण्हं योवाणं उट्ठोसेणं मुहुत्तपुहुत्तस्स आणमंति वा पा०, नागकुमारारणं आहा-
 रट्ठी ? , हंता आहारट्ठी, नागकुमारारणं भंते । केवइकालस्स आहारट्ठे समुप्पज्जइ ? ,
 गोयमा ! नागकुमारारणं दुविट्ठे आहारे पन्नत्ते, तंजहा-आभोगनिव्वत्तिए य अणा-
 भोगनिव्वत्तिए य, तत्थ णं जे से अणाभोगनिव्वत्तिए से अणुसमयमविरहिए
 आहारट्ठे समुप्पज्जइ, तत्थ णं जे से आभोगनिव्वत्तिए से जह्जेणं चउत्थभत्तस्स
 उट्ठोसेणं दिवस्सपुहुत्तस्स आहारट्ठे समुप्पज्जइ, सेमं जहा असुरकुमारारणं जाव नो
 अचलियं कम्मं निज्जरेति । एवं सुवज्जकुमारावि जाव यणियकुमारारणंति । पुढविका-
 इयाणं भंते ! केवइयं कालं टिई प० ? , गोयमा ! जह्जेणं अंतोमुहुत्तं उट्ठोसेणं
 बावीसं वाससहस्साई, पुढविकाइया केवइकालस्स आणमंति वा पा० ? , गो०
 वेमाय० आणमंति वा पा० ? पुढविकाइयाणं आहारट्ठी ? , हंता आहारट्ठी, पुढ-
 विकाइयाणं केवइकालस्स आहारट्ठे समुप्पज्जइ ? , गोयमा ! अणुसमयं अविरहिए
 आहारट्ठे समुप्पज्जइ, पुढविकाइया किमाहारेति ! , गोयमा । दब्बओ जहा नेरइयाणं
 जाव निव्वाघाएणं छट्ठिसिं वाघायं पडुब्ब सिय तिदिसिं सिय चउट्ठिसिं सिय पंच-
 दिसिं, वन्नओ कालनीलपीतलोहियहाल्लिइसुक्खिणाणि, गंधओ सुरभिगंध २ रसओ
 तित्त ५ फासओ कक्खड < सेसं तह्वेव, णाणत्तं कइभागं आहारेति ? कइभागं
 फासाईति ? , गोयमा । असंखिज्जइभागं आहारेन्ति अणंतभागं फासाईति जाव
 तेसिं पोग्गला कीसत्ताए भुज्जो भुज्जो परिणमंति ? , गोयमा ! फासिदियवेमायत्ताए
 भुज्जो भुज्जो परिणमंति, सेसं जहा नेरइयाणं जाव नो अचलियं कम्मं निज्जरेति ।
 एवं जाव वणस्सइकाइयाणं, नवरं ठिती वनेयव्वा जाव (इया) जस्स, उस्सासो
 वेमायाए । बेईदियाणं टिई भाणियव्वा उस्सासो वेमायाए, बेईदियाणं आहारे
 पुच्छ, गोयमा । आभोगनिव्वत्तिए य अणाभोगनिव्वत्तिए य तह्वेव, तत्थ णं जे
 से आभोगनिव्वत्तिए से णं असंवेज्जसमए अंतोमुहुत्तिए वेमायाए आहारट्ठे समु-

पुग्गलु, सेसं तहेव जाव अणंतभागं आसायंति, बेइंदियाणं भंते ! जे पोगगले आहारत्ताए गेण्हंति ते कि सव्वे आहारेंति णो सव्वे आहारेंति ?, गोयमा ! बेइंदियाणं दुविहे आहारे पन्नते, तंजहा—लोमाहारे पक्खेवाहारे य, जे पोगगले लोमाहारत्ताए गिण्हंति ते सव्वे अपरिसेसिए आहारेंति, जे पोगगले पक्खेवाहारत्ताए गिण्हंति तेसिणं पोगगलाणं असखिज्जभागं आहारेंति अणेगाइं च णं भागमहस्साइं अणासाइज्जमाणाइं अफामिज्जमाणाइं विद्धंसमागच्छंति, एएसि णं भंते ! पोगगलाणं अणामाइज्जमाणाणं अफामाइज्जमाणाण य कयरे कयरे अप्पा वा बहुया वा तुल्ला वा विसेसाहिया वा ?, गोयमा ! सव्वत्थोवा पुग्गला अणामाइज्जमाणा अफामाइज्जमाणा अणंतगुणा, बेइंदियाणं भंते ! जे पोगगला आहारत्ताए गिण्हंति ते णं तेमि पुग्गला कीसत्ताए भुज्जो भुज्जो परिणमंति ?, गोयमा ! जिंभदियकामिदियकेमायत्ताए भुज्जो भुज्जो परिणमंति, बेइंदियाणं भंते ! पुब्बाहारिया पुग्गला परिणया तहेव जाव चलियं कम्मं निज्जरति । तेइंदियचउरिंदियाणं णाणत्तं ठिइए जाव णेगाइं च णं भागमहस्साइं अणाघाइज्जमाणाइं अणासाइज्जमाणाइं अफामाइज्जमाणाइं विद्धंसमागच्छंति, एएसिणं भंते ! पोगगलाणं अणाघाइज्जमाणाइं ३ पुच्छा, गोयमा ! सव्वत्थोवा पोगगला अणाघाइज्जमाणा अणासाइज्जमाणा अणंतगुणा अफामाइज्जमाणा अणंतगुणा, तेइंदियाणं धाणिंदियज्जिंभदियकामिदियकेमायाए भुज्जो २ परिणमंति, चउरिंदियाणं चरिंखदियघाणिंदियज्जिंभदियकामिदियकेमायाए भुज्जो भुज्जो परिणमंति । पंचिंदियतिरिक्खजोणियाणं ठिइं भणिक्कणं उत्तामो वेमायाए, आहारो अणाभोगनिव्वत्तिए अणुसमयं अविरहिओ, आभोगनिव्वत्तओ जह्जेणं अंतोमुहुत्तस्स उक्कोसेणं अट्टमभत्तस्स, सेसं जहा चउरिंदियाणं जाव चलियं कम्मं निज्जरेंति । एवं मणुस्साणवि, नवरं आभोगनिव्वत्तिए जह्जेणं अंतोमुहुत्तं उक्कोसेणं अट्टमभत्तस्स सोइंदियकेमायाए भुज्जो भुज्जो परिणमंति सेसं जहा चउरिंदियाणं, तहेव जाव निज्जरेंति । वाणमंतराणं ठिइंए नाणत्तं, परिणमंति अबसेसं जहा नागकुमारारणं, एवं ओइस्तिवाणवि, नवरं उत्तामो जह्जेणं मुहुत्तपुहुत्तस्स उक्कोसेणवि मुहुत्तपुहुत्तस्स, आहारो जह्जेणं दिवसपुहुत्तस्स उक्कोसेणवि दिवसपुहुत्तस्स सेसं तहेव । वेमाणियाणं ठिइं माणियव्वा ओहिया, उत्तामो जह्जेणं मुहुत्तपुहुत्तस्स उक्कोसेणं तेत्तीसाए पक्खारणं, आहारो आभोगनिव्वत्तिओ जह्जेणं दिवसपुहुत्तस्स उक्कोसेणं तेत्तीसाए दाससहस्साणं, सेसं चळियाइयं तहेव जाव निज्जरेंति ॥ १५ ॥ जीवा णं भंते ! किं आयारंभा परारंभा तदुभयारंभा अनारम्भा ?, गोयमा ! अत्थेगइया जीवा आणारंभावि परारंभावि तदुभयारंभावि नो अनारंभा अत्थेगइया जीवा नो आयारंभा

नो परारंभा नो तदुभयारंभा अणारंभा ॥ से केणट्टेणं भंते । एवं बुच्चइ-अत्थे-
 गइया जीवा आयारंभावि ? एवं पळिउच्चारेयव्वं, गोयमा ! जीवा दुविहा पण्णत्ता,
 तंजहा-संसारसमावन्नगा य असंसारसमावन्नगा य, तत्थ णं जे ते असंसार-
 समावन्नगा ते णं सिद्धा, सिद्धा णं नो आयारंभा जाव अणारंभा, तत्थ णं
 जे ते संसारसमावन्नगा ते दुविहा पण्णत्ता, तंजहा-संजया य असंजया य, तत्थ
 णं जे ते संजया ते दुविहा पण्णत्ता, तंजहा-पमत्तसंजया य अप्पमत्तसंजया य,
 तत्थ णं जे ते अप्पमत्तसंजया ते णं नो आयारंभा नो परारंभा जाव अणारंभा,
 तत्थ णं जे ते पमत्तसंजया ते सुहं जोगं पडुच्च नो आयारंभा नो परारंभा जाव
 अणारंभा, अमुभं जोगं पडुच्च आयारंभावि जाव नो अणारंभा, तत्थ णं जे ते
 असंजया ते अविरतिं पडुच्च आयारंभावि जाव नो अणारंभा, से तेणट्टेणं गोयमा !
 एवं बुच्चइ-अत्थेगइया जीवा जाव अणारंभा ॥ नेरइयाणं भंते ! किं आयारंभा
 परारंभा तदुभयारंभा अणारंभा ?, गोयमा ! नेरइया आयारंभावि जाव नो अणा-
 रंभा, से केणट्टेणं भन्ते एवं बुच्चइ ?, गोयमा ! अविरतिं पडुच्च, से तेणट्टेणं जाव
 नो अणारंभा, एवं जाव असुरकुमारणवि जाव पंचिदियतिरिक्खजोणिया, मणुस्सा
 जहा जीवा, नवरं सिद्धविरहिया भाणियव्वा, वाणमंतरा जाव वेमाणिया जहा नेर-
 इया । सत्तेस्सा जहा ओहिया, कण्हत्तेस्स नीलत्तेस्स काउत्तेस्स जहा ओहिया
 जीवा, नवरं पमत्तवप्पमत्ता न भाणियव्वा, तेउत्तेस्स पम्हत्तेस्स सुत्तेस्स
 जहा ओहिया जीवा, नवरं सिद्धा न भाणियव्वा ॥ १६ ॥ इहभविए भंते । नाणे
 परभविए नाणे तदुभयभविए नाणे ?, गोयमा ! इहभविएवि नाणे परभविएवि नाणे
 तदुभयभविएवि नाणे । दंसणंपि एवमेव । इहभविए भंते ! चरित्ते परभविए चरित्ते
 तदुभयभविए चरित्ते ?, गोयमा ! इहभविए चरित्ते नो परभविए चरित्ते नो तदुभय-
 भविए चरित्ते । एवं तवे संजमे ॥ १७ ॥ असंखुडे णं भंते ! अणगारे किं सिज्जइ
 बुज्जइ सुज्जइ परिनिब्बाइ सव्वदुक्खाणमंतं करेइ ?, गोयमा ! नो इणट्ठे समट्ठे ।
 से केणट्टेणं जाव नो अंतं करेइ ?, गोयमा ! असंखुडे अणगारे आउयवज्जाओ सत्त
 कम्मपगडीओ सिद्धिलबंधणवद्दाओ धणियबंधणवद्दाओ पकरेइ इस्सकळट्टिइयाओ
 वीहकळट्टिइयाओ पकरेइ मंदणुभावाओ तिब्बाणुभावाओ पकरेइ अप्पपएसग्गाओ
 बहुप्पएसग्गाओ पकरेइ आउयं च णं कम्मं स्थि बंधइ स्थि नो बंधइ अस्साया-
 वेयमिज्जं च यं कम्मं मुज्जे मुज्जे उव्विणाइ अणाइयं च यं अणवद्दमं वीहमद्दं
 नाउरंतसंसारकंतारं अणुपरिवइइ, से एणट्टेणं गोयमा ! असंखुडे अणगारे यो
 सिज्जइ ५ । खुडुडे णं भंते ! अणगारे सिज्जइ ५ इ, इत्ता सिज्जइ जाव अंतं

करेइ, से केणट्टेणं ?, गोयमा ! संवुडे अणगारे आउयवजाओ सत्त कम्मपगढीओ धणियबंधणबद्धाओ सिद्धिलबंधणबद्धाओ पकरेइ वीहकालठिईयाओ हस्सकालड्डिइयाओ पकरेइ तिब्वाणुभावाओ मंदाणुभावाओ पकरेइ बहुप्पएसग्गाओ अप्पएसग्गाओ पकरेइ, आउयं च णं कम्मं न बंधइ, अस्सायावेयणिज्जं च णं कम्मं नो भुज्जो भुज्जो उवच्चिणाइ, अणाइयं च णं अणवदग्गं वीहमद्धं चाउरंतसंसारकंतारं वीइवयइ, से एएणट्टेणं गोयमा ! एवं वुच्चइ—संवुडे अणगारे सिज्जइ जाव अंतं करेइ ॥ १८ ॥ जीवे णं भंते ! अस्संजए अविरए अप्पच्छिदुयपच्चक्खायपावकम्मि इओ जुए पेच्चा देवे सिया ?, गोयमा ! अत्येगइए देवे सिया अत्येगइए नो देवे सिया । से केणट्टेणं जाव इओ जुए पेच्चा अत्येगइए देवे सिया अत्येगइए नो देवे सिया ?, गोयमा ! जे इमे जीवा गामागरनगरनिगमरायहाणिखेडकच्चडमडंबदोण-मुहपट्टणासममञ्जिवेसेसु अकामतण्हाए अकामलुहाए अकामबंभवेरवासेणं अकामसीतातवदंसमसगअण्हाणगसेयजल्लमलपंकपरिदाहेणं अप्पतरं वा भुज्जतरं वा कालं अप्पाणं परिकिळेसंति अप्पाणं परिकिळेसित्ता कालमासे कालं किच्चा अन्नवरेसु वाणमंतरेसु देवलोगेसु देवताए उववत्तारो भवंति ॥ केरिसाणं भंते । तेसिं वाणमंतराणं देवाणं देवलोगा पण्णात्ता ?, गोयमा ! से जहानामए—इहं मणुस्सलोगंमि असोगवणे इ वा सत्तवन्नवणे इ वा चंपयवणे इ वा चूयवणे इ वा तिलगवणे इ वा त्ताउयवणे इ वा निग्गोहवणे इ वा छत्तोववणे इ वा असणवणे इ वा सणवणे इ वा अयस्सिवणे इ वा कुसुंभवणे इ वा सिद्धत्थवणे इ वा बंधुर्जावगवणे इ वा णिच्चं कुसुमियमाइयलवइयथवइयगुलइयगुच्छियजमलियजुवलियविणमियपणमियसुविभत्तापिंदिमंजिबडेंसगधरे सिरीए अतीव अतीव उवसोभेमाणे उवसोभेमाणे च्चिद्धइ, एवामेव तेसिं वाणमंतराणं देवाणं देवलोगा जहणेणं दसवामसहस्सट्टितीएहिं उक्कोसेणं पल्लिओवमट्टितीएहिं बहूहिं वाणमंतरेहिं देवेहिं तेह्वीहि य आइण्णा वित्तिकिण्णा उवत्थडा संयढा फुडा अबगाढगाढसिरीए अतीव अतीव उवसोभेमाणा च्चिद्धंति, एरिसमाणं गोयमा ! तेसिं वाणमंतराणं देवाणं देवलोगा प०, से तेणट्टेणं गोयमा ! एवं वुच्चइ—जीवे णं असंजए जाव देवे सिया । सेवं भंते । सेवं भंते ! त्ति भगवं गोयमे समणं भगवं महावीरं वंदति नर्मसति वंदइत्ता नर्मसइत्ता संजमेणं तवसा अप्पाणं भावेमाणे विहरति ॥ १९ ॥ पढमे सए पढमो उव्वेसो समत्तो ॥

रायमिहे नगरे समोसरणं, परिसा निग्गया जाव एवं वयासी—जीवे णं भंते ! सयंकडं दुक्खं वेदेइ ?, गोयमा ! अत्येगइयं वेएइ अत्येगइयं नो वेएइ, से केणट्टेणं भंते । एवं वुच्चइ—अत्येगइयं वेदेइ अत्येगइयं नो वेएइ ?, गोयमा ! उदिच्चं वेएइ

अणुदिक्षं नो वेएइ, से तेणट्टेणं एवं कुब्बइ-अत्येगइयं वेएइ अत्येगतियं नो वेएइ, एवं चउव्वीसदंडएणं जाव वेमाणिए ॥ जीवा णं भंते ! सयंकळं दुक्खं वेएन्ति ?, गोयमा ! अत्येगइयं वेयन्ति अत्येगइयं णो वेयन्ति, से केणट्टेणं ?, गोयमा ! उदिक्षं वेयन्ति नो अणुदिक्षं वेयन्ति, से तेणट्टेणं, एवं जाव वेमाणिया ॥ जीवे णं भंते ! सयंकळं आउयं वेएइ ? गोयमा ! अत्येगइयं वेएइ अत्येगइयं नो वेएइ अहा दुक्खेणं दो दंडगा तथा आउएणवि दो दंडगा एगत्तपुहुत्तिया, एगत्तेणं जाव वेमाणिया पुहुत्तेणवि तहेव ॥ २० ॥ नेरइया णं भंते ! सव्वे समाहारा सव्वे समसरीरा सव्वे समुस्सासनीसासा ?, गोयमा ! नो इणट्टे समट्टे । से केणट्टेणं भंते ! एवं कुब्बइ नेरइया नो सव्वे समाहारा नो सव्वे समसरीरा नो सव्वे समुस्सासनिस्सासा ?, गोयमा ! नेरइया दुविहा पणत्ता, तंजहा-महासरीरा य अप्पसरीरा य, तत्थ णं जे ते महामरीरा ते बहुतराए पोग्गळे आहारैति बहुतराए पोग्गळे परिणामैति बहुतराए पोग्गळे उस्ससंति बहुतराए पोग्गळे नीससंति अभिक्खणं आहारैति अभिक्खणं परिणामैति अभिक्खणं उस्ससंति अभिक्खणं नी०, तत्थ णं जे ते अप्पसरीरा ते णं अप्पतराए पुग्गळे आहारैति अप्पतराए पुग्गळे परिणामैति अप्पतराए पोग्गळे उस्ससंति अप्पतराए पोग्गळे नीससंति आहृच्च आहारैति आहृच्च परिणामैति आहृच्च उस्ससंति आहृच्च नीससंति, से तेणट्टेणं गोयमा ! एवं कुब्बइ-नेरइया नो सव्वे समाहारा जाव नो सव्वे समुस्सासनिस्सासा ॥ नेरइया णं भंते ! सव्वे समकम्मा ?, गोयमा ! णो इणट्टे समट्टे, से केणट्टेणं ?, गोयमा ! नेरइया दुविहा पणत्ता, तंजहा-पुब्बोववन्नगा य पच्छोववन्नगा य, तत्थ णं जे ते पुब्बोववन्नगा ते णं अप्पकम्मतरागा, तत्थ णं जे ते पच्छोववन्नगा ते णं महाकम्मतरागा, से तेणट्टेणं गोयमा ! ० ॥ नेरइया णं भंते ! सव्वे समवन्ना ?, गोयमा ! नो इणट्टे समट्टे, से केणट्टेणं तहेव ? गोयमा ! जे ते पुब्बोववन्नगा ते णं विसुद्धवन्नतरागा, तत्थ णं जे ते पच्छोववन्नगा ते णं अविसुद्धवन्नतरागा तहेव से तेणट्टेणं एवं ० ॥ नेरइया णं भंते ! सव्वे समलेस्सा ?, गोयमा ! नो इणट्टे समट्टे, से केणट्टेणं जाव नो सव्वे समलेस्सा ?, गोयमा ! नेरइया दुविहा पणत्ता, तंजहा-पुब्बोववन्नगा य पच्छोववन्नगा य, तत्थ णं जे ते पुब्बोववन्नगा ते णं विसुद्धलेस्सतरागा, तत्थ णं जे ते पच्छोववन्नगा ते णं अविसुद्धलेस्सतरागा, से तेणट्टेणं ० ॥ नेरइया णं भंते ! सव्वे समवेयणा ?, गोयमा ! नो इणट्टे समट्टे, से केणट्टेणं ?, गोयमा ! नेरइया दुविहा पणत्ता, तंजहा-सच्चिभूया य असच्चिभूया य, तत्थ णं जे ते सच्चिभूया ते णं महावेयणा, तत्थ णं जे ते असच्चिभूया ते णं अप्पवेयणतरागा, से तेणट्टेणं गोयमा ! ० ॥ नेरइया

सव्वे समकिरिया ? , गोयमा ! नो इणट्टे समट्टे, से केणट्टेण ? , गोयमा ! नेरइया तिविहा ५०, तंजहा—सम्मदिट्ठी मिच्छादिट्ठी सम्मामिच्छादिट्ठी, तत्थ णं जे ते सम्मदिट्ठी तेषि णं चत्तारि किरियाओ पण्णत्ताओ, तंजहा—आरंभिया १ परि० २ माया० ३ अप्पच्च० ४, तत्थ णं जे ते मिच्छादिट्ठी तेषि णं पंच किरियाओ कज्जंति—आरंभिया जाव मिच्छादंसणवत्तिया, एवं सम्मामिच्छादिट्ठीणंपि, से तेणट्टेणं गोयमा !० ॥ नेरइया णं भंते ' सव्वे समाउया सव्वे समोववन्नगा ? , गोयमा ! नो इणट्टे समट्टे, से केणट्टेणं ? , गोयमा ! नेरइया चउव्विहा ५०, तंजहा—अत्येगइया समाउया समोववन्नगा १ अत्येगइया समाउया विसमोववन्नगा २ अत्येगइया विसमाउया समोववन्नगा ३ अत्येगइया विसमाउया विसमोववन्नगा ४ से तेणट्टेणं गोयमा !० ॥ असुरकुमारा णं भंते ' सव्वे समाहारा सव्वे समसरीरा, जहा नेरइया तहा भाणियव्वा, नवरं कम्मवज्जलेस्साओ परिवण्ण्येयव्वाओ, पुव्वोववन्नगा महाकम्मतरागा अविमुद्धवन्नतरागा अविमुद्धलेम्मतरागा, पच्छोववन्नगा पसत्था, सेसं तहेव, एवं जाव थणियकुमारारणं । पुढविकाइयाणं आहारकम्मवज्जलेस्सा जहा नेरइयाणं ॥ पुढविकाइया णं भंते ! सव्वे समवेयणा ! , हंता समवेयणा, से केणट्टेणं भंते ! समवेयणा ! , गोयमा ! पुढविकाइया सव्वे अमन्नी अमन्धिभूया अण्णिदाए वेयणं वेदंति से तेणट्टेणं ॥ पुढविकाइया णं भंते ! सव्वे समकिरिया ? हंता समकिरिया, से केणट्टेणं ? , गोयमा ! पुढविकाइया सव्वे माई मिच्छादिट्ठी ताणं णिययाओ पंच किरियाओ कज्जंति, तंजहा—आरंभिया जाव मिच्छादंसणवत्तिया, से तेणट्टेणं समाउया समोववन्नगा, जहा नेरइया तहा भाणियव्वा, जहा पुढविकाइया तहा जाव चउरिंदिया । पंचिंदियतिरिक्खजोणिया जहा नेरइया नाणत्तं किरियासु, पंचिंदियतिरिक्खजोणिया णं भंते ! सव्वे समकिरिया ? , गो०, षो ति०, से केणट्टेणं ? गो० पंचिंदियतिरिक्खजोणिया तिविहा ५०, तंजहा—सम्मदिट्ठी मिच्छादिट्ठी सम्मामिच्छादिट्ठी, तत्थ णं जे ते सम्मदिट्ठी ते दुविहा ५०, तंजहा—अस्संजया य संजयासंजया य, तत्थ णं जे ते संजयासंजया तेषिणं तिच्चि किरियाओ कज्जंति, तंजहा—आरंभिया परिमाहिया मायावत्तिया, असंजयाणं चत्तारि, मिच्छादिट्ठीणं पंच, सम्मामिच्छादिट्ठीणं पंच, मणुस्सा जहा नेरइया नाणत्तं जे महासरीरा ते बहुतराए पोमाले आहारेंति आहूच आहारेंति जे अप्पसरीरा ते अप्पतराए आहारेंति अभिक्खणं आहारेंति सेसं जहा नेरइयाणं जाव वेयणा । मणुस्सा णं भंते ! सव्वे समकिरिया ? , गोयमा ! नो तिणट्टे समट्टे, से केणट्टेणं ? , गोयमा ! मणुस्सा तिविहा ५०, तंजहा—सम्मदिट्ठी मिच्छादिट्ठी सम्मामिच्छादिट्ठी, तत्थ णं

जे ते सम्मदिट्ठी ते तिविहा प०, तंजहा-संजया अस्संजया संजयासंजया य, तत्थ
 थं जे ते संजया ते दुविहा प०, तंजहा-सरागसंजया य वीयरगसंजया य, तत्थ
 णं जे ते वीयरगसंजया ते णं अकिरिया, तत्थ णं जे ते सरागसंजया ते दुविहा
 प०, तंजहा-पमत्तसंजया य अपमत्तसंजया य, तत्थ णं जे ते अप्पमत्तसंजया तेसिणं
 एग मायावत्तिया किरिया कब्बइ, तत्थ णं जे ते पमत्तसंजया तेसिणं दो किरियाओ
 कब्बंति, तं०-आरंभिया य मायावत्तिया य, तत्थ णं जे ते संजयासंजया तेसि णं
 आइल्लाओ तिन्नि किरियाओ कब्बंति, तंजहा-आरंभिया १ परिग्गहिया २ मायावत्तिया
 ३, अस्संजयाणं चत्तारि किरियाओ कब्बंति-आरं० १ परि० २ मायावत्तिया ३ अप्प-
 च्च० ४, मिच्छादिट्ठीगं पंच-आरंभि० १ परि० २ माया० ३ अप्पच्च० ४ मिच्छा-
 दंसण० ५, सम्माभिच्छदिट्ठीगं पंच ५ । वाणमंतरजोतिमवेमाणिया जहा अन्नरकु-
 मारा, नवरं वेयणाए नाणत्तं-मायिमिच्छादिट्ठीउववज्जगा य अप्पवेदणतरा अमायि-
 सम्मदिट्ठीउववज्जगा य महावेयणतरागा भाणियव्वा, जोतिमवेमाणिया ॥ मत्थेस्सा
 णं भंते 'नेरइया सब्बं समाहारगा', ओहिया णं सत्थेस्साणं सुक्कत्थेस्साणं, एएसि णं
 तिण्हं एक्को गमो, कम्हत्थेस्साणं नीलत्थेस्साणंपि एक्को गमो नवरं वेदणाए माग्गि-
 च्छादिट्ठीउववज्जगा य अमायिसम्मदिट्ठीउवव० भाणियव्वा । मणुस्सा किरियासु
 सरागवीयरगपमत्तापमत्ता ण भाणियव्वा । काउत्थेत्ताएवि एसेव गमो, नवरं नेरइए
 जहा ओहिए दंडए तद्दा भाणियव्वा, तेउत्थेस्सा पम्हत्थेस्सा जस्स अत्थि जहा ओहियाओ
 दंडओ तद्दा भाणियव्वा नवरं मणुस्सा सरागा वीयरगा य न भाणियव्वा, गाहा-
 दुक्खाउए उदिक्खे आहारे कम्मवत्थेस्सा य । तमवेयणसमकिरिया समाउए चेव
 बोद्धव्वा ॥ १॥ २ ॥ १॥ कइ णं भंते ! छत्थेस्साओ पज्जत्ताओ ?, गोयमा ! छत्थेस्साओ पज्जत्ता,
 तंजहा-त्थेसाणं वीयो उत्थेस्साओ भाणियव्वो जाव इत्थी ॥ २२ ॥ जीवस्स णं भंते !
 तीतद्धाए आदिट्ठस्स कइविहे संसारसंविट्ठणकाले पण्णत्ते ?, गोयमा ! चउत्थिव्हे संसा-
 रसंविट्ठणकाले पण्णत्ते, तंजहा-वेरइयसंसारसंविट्ठणकाले तिरिकख० मणुस्स० देवसं-
 सारसंविट्ठणकाले य पण्णत्ते ॥ नेरइयसंसारसंविट्ठणकाले णं भंते ! कतिविहे पण्णत्ते ?,
 गोयमा ! तिविहे पण्णत्ते, तंजहा-सुज्जकाले अज्जकाले मिस्सकाले ॥ तिरिकखजोपि-
 यसंसार पुच्छा, गोयमा ! दुविहे पण्णत्ते, तंजहा-अज्जकाले य मिस्सकाले य, मणु-
 स्साण य देवाण य जहा वेरइयाणं ॥ एवस्स णं भंते ! नेरइयसंसारसंविट्ठणका-
 लस्स सुज्जकालस्स अज्जकालस्स मीसकालस्स य कयरेरहिंत्तो अप्पा वा बहुए वा
 तुले वा विसेसाहिए वा ?, गोयमा ! सब्ब० अज्जकाले मिस्सकाले अर्णतणुणे सुज्ज-
 काले अर्णतणुणे ॥ तिरि० ओ० भंते ! सब्ब० अज्जकाले मिस्सकाले अर्णतणुणे,

मणुस्सदेवाण य जहा नेरइयाणं ॥ एयस्स णं भंते ! नेरइयस्स संसारसंविट्ठणक-
 लस्स जाव देवसंसारसंविट्ठण जाव विसेसाहिए वा ?, गोयमा ! सव्वत्थोवे मणुस्ससं-
 सारसंविट्ठणकाले, नेरइयसंसारसंविट्ठणकाले असंखेज्जगुणे, देवसंसारसंविट्ठणकाले
 असंखेज्जगुणे, तिरिक्खजोणिए अणंतगुणे ॥ २३ ॥ जीवे णं भंते ! अंतकिरियं
 करेज्जा ?, गोयमा ! अत्येगतिया करेज्जा अत्येगतिया नो करेज्जा, अंतकिरियापयं
 नेयव्वं ॥ २४ ॥ अह भंते ! असंजयभवियदव्वदेवाणं १ अविराहियसंजमाणं २
 विराहियसं० ३ अविराहियसंजमासंज० ४ विराहियसंजमासं० ५ असत्तीणं ६
 तावसाणं ७ कंदप्पियाणं ८ चरगपरिव्वायगाणं ९ किंक्खिसियाणं १० तेरिच्छि-
 याणं ११ आजीवियाणं १२ आभिओगियाणं १३ सल्लिगीणं दंसणवावन्नगाणं १४
 एएसि णं देवलोगेषु उववज्जमाणायणं कस्स कर्हि उववाए पण्णत्ते !, गोयमा ! अस्स-
 जयभवियदव्वदेवाणं जह्जेणं भवणवासीसु उक्कोसेणं उवरिमगेविज्जएसु १, अविरा-
 हियसंजमाणं जह्जेणं सोहम्मं कप्पे उक्कोसेणं मव्वट्ठसिद्धे विमाणे २, विराहियसंज-
 माणं जह्जेणं भवणवासीसु उक्कोसेणं मोहम्मं कप्पे ३, अविराहियसंजमा० २ णं
 जह० सोहम्मं कप्पे उक्कोसेणं अञ्चए कप्पे ४, विराहियसंजमासं० जह्जेणं भवण-
 वासीसु उक्कोसेणं जोतिसिएसु ५, अमत्तीणं जह्जेणं भवणवासीसु उक्कोसेणं वाणयंत-
 रेसु ६, अवसेसा मव्वे जह० भवणवा० उक्कोसं वोच्छाम्मि-तावमाणं जोतिसिएसु,
 कंदप्पियाणं मोहम्मं, चरगपरिव्वायगाणं वंभलोए कप्पे, किंक्खिसियाणं लंतगं कप्पे,
 तेरिच्छियाणं सहस्सारे कप्पे, आजीवियाणं अञ्चए कप्पे, आभिओगियाणं अञ्चए
 कप्पे, सल्लिगीणं दंसणवावन्नगाणं उवरिमगेविज्जएसु १४ ॥ २५ ॥ कतिविट्ठे णं भंते !
 असत्तिआउए पण्णत्ते !, गोयमा ! चउव्वहे अमत्तिआउए पण्णत्ते, तंजहा-नेरइय-
 असत्तिआउए तिरिक्ख० मणुस्स० देव० । असत्ती णं भंते ! जीवे किं नेरइयाउयं
 पकरेइ तिरि० मणु० देवाउयं पकरेइ ?, इता गोयमा ! नेरइयाउयंपि पकरेइ तिरि०
 मणु० देवाउयंपि पकरेइ, नेरइयाउयं पकरेमाणे जह्जेणं दमवासमहस्साइ उक्कोसेणं
 पत्तिओवमस्स असंखेज्जभागं पकरेति तिरिक्खजोणियाउयं पकरेमाणे जह्जेणं
 अंतोमुहुत्त उक्कोसेणं पत्तिओवमस्स असंखेज्जभागं पकरेइ, मणुस्साउएवि एवं वेव,
 देवाउयं जहा नेरइया ॥ एयस्स णं भंते ! नेरइयअसत्तिआउयस्स तिरि० मणु०
 देवअसत्तिआउयस्स कयरे कयरे जाव विसेसाहिए वा ?, गोयमा ! सव्वत्थोवे देव-
 असत्तिआउए, मणुस्स० असंखेज्जगुणे, तिरिय० असंखेज्जगुणे, नेरइए० असंखेज्ज-
 गुणे । सेवं भंते ! सेवं भंते ! ति ॥ २६ ॥ **बित्तिओ उहेसओ समत्तो ॥**

जीवाणं भंते ! कंखामोहणिजे कम्मं कडे ?, इता कडे ॥ से भंते ! किं देसेणं

देसे कडे ? १ देसेणं सव्वे कडे ? २ सव्वेणं देसे कडे ? ३ सव्वेणं सव्वे कडे ?
 ४, गोयमा ! नो देसेणं देसे कडे १ नो देसेणं सव्वे कडे २ नो सव्वेणं देसे कडे
 ३ सव्वेणं सव्वे कडे ४ ॥ नेरइया णं भंते ! कंखामोहणिज्जे कम्मं कडे ?, हुंता कडे,
 जाव सव्वेणं सव्वे कडे ४ । एवं जाव वेमाणियाणं दंडओ भाणियव्वो ॥ २७ ॥
 जीवा णं भंते ! कंखामोहणिज्जं कम्मं करिसु ?, हुंता करिसु । तं भंते ! किं देसेणं
 देसं करिसु ?, एएणं अभिलावेणं दंडओ भाणियव्वो जाव वेमाणियाणं, एवं करेति
 एत्यवि दंडओ जाव वेमाणियाणं, एवं करेस्संति, एत्यवि दंडओ जाव वेमाणियाणं ॥
 एवं चिए विणिंसु विणंति विणिस्संति, उवचिए उवविणिसु उवविणंति उवविचि-
 स्संति, उवीरंसु उवीरेति उवीरिस्संति, वेदिंसु वेदंति वेदिस्संति, निज्जरेंसु निज्जरेति
 निज्जरिस्संति, गाहा-कडविया उवचिया उवीरिया वेदिया य निज्जिजा । आदिट्टिए
 चउभेदा तियभेदा पच्छिमा तिज्जि ॥ १ ॥ २८ ॥ जीवा णं भंते ! कंखामोहणिज्जं
 कम्मं वेदंति ?, हुंता वेदंति । कइज्जं भंते ! जीवा कंखामोहणिज्जं कम्मं वेदंति ?,
 गोयमा ! तेहिं तेहिं कारणेहिं संखिया कंखिया चित्तिगिच्छया भेदसमावज्जा कल्लुस-
 समावज्जा, एवं कल्लु जीवा कंखामोहणिज्जं कम्मं वेदंति ॥ २९ ॥ से नूणं भंते !
 तमेव सच्चं णीसंकं जं जिणेहिं पवेइयं ?, हुंता गोयमा ! तमेव सच्चं णीसंकं जं
 जिणेहिं पवेदितं ॥ ३० ॥ से नूणं भंते ! एवं मणं धारेमाणे एवं पकरेमाणे एवं
 चिट्ठेमाणे एवं संबरेमाणे आणाए आराहए भवति ?, हुंता गोयमा ! एवं मणं धारे-
 माणे जाव भवइ ॥ ३१ ॥ से नूणं भंते ! अत्थित्तं अत्थित्ते परिणमइ नत्थित्तं नत्थित्ते
 परिणमइ ?, हुंता गोयमा ! जाव परिणमइ ॥ जण्णं भंते ! अत्थित्तं अत्थित्ते परिण-
 मइ नत्थित्तं नत्थित्ते परिणमइ तं किं पयोगसा वीमसा ?, गोयमा ! पयोगसावि तं
 वीससावि तं, जहा ते भंते ! अत्थित्तं अत्थित्ते परिणमइ तहा ते नत्थित्तं नत्थित्ते
 परिणमइ ? जहा ते नत्थित्तं नत्थित्ते परिणमइ तहा ते अत्थित्तं अत्थित्ते परिणमइ ?,
 हुंता गोयमा ! जहा मे अत्थित्तं अत्थित्ते परिणमइ तहा मे नत्थित्तं नत्थित्ते परिण-
 मइ, जहा मे नत्थित्तं नत्थित्ते परिणमइ तहा मे अत्थित्तं अत्थित्ते परिणमइ ॥ से
 नूणं भंते ! अत्थित्तं अत्थित्ते गमणिज्जं जहा परिणमइ दो आलावगा तहा ते इह
 गमणिजेणवि दो आलावगा भाणियव्वो जाव जहा मे अत्थित्तं अत्थित्ते गमणिज्जं
 ॥ ३२ ॥ जहा ते भंते ! एत्थं गमणिज्जं तहा ते इहं गमणिज्जं जहा ते इहं गमणिज्जं
 तहा ते एत्थं गमणिज्जं ?, हुंता ! गोयमा !, जहा मे एत्थं गमणिज्जं जाव तहा
 मे एत्थं (इहं) गमणिज्जं ॥ ३३ ॥ जीवाणं भंते ! कंखामोहणिज्जं कम्मं बंधंति ?, हुंता !
 बंधंति । कइं वं भंते ! जीवा कंखामोहणिज्जं कम्मं बंधंति ?, गोयमा ! पमाइएववा

ओगतिमितं च ॥ से णं भंते ! पमाए किंपवहे ?, गोयमा ! जोगप्पवहे । से णं भंते !
ओए किंपवहे ?, गोयमा ! वीरियप्पवहे । मे णं भंते वीरिए किंपवहे ?, गोयमा !
सरीरप्पवहे । से णं भंते ! मरीरे किंपवहे ?, गोयमा ! जीवप्पवहे । एवं सति अत्थि
उट्ठाणे ति वा कम्मे ति वा बले इ वा वीरिए इ वा पुरिसक्कारपरकमे इ वा ॥ ३४ ॥
से णूणं भंते ! अप्पणा चेव उदीरेइ अप्पणा चेव गरहइ अप्पणा चेव संवरइ ?,
हंता ! गोयमा ! अप्पणा चेव तं चेव उच्चारयेव्वं ३ ॥ जं तं भंते ! अप्पणा चेव
उदीरेइ अप्पणा चेव गरहेइ अप्पणा चेव संवरइ तं किं उदिञ्चं उदीरेइ १ अणु-
दिञ्चं उदीरेइ २ अणुदिञ्चं उदीरणाभविंयं कम्मं उदीरेइ ३ उदयाणंतरपच्छाकडं
कम्मं उदीरेइ ४ ?, गोयमा ! नो उदिणं उदीरेइ १ नो अणुदिञ्चं उदीरेइ २ अणु-
दिञ्चं उदीरणाभविंयं कम्मं उदीरेइ ३ णो उदयाणंतरपच्छाकडं कम्मं उदीरेइ ४ ॥
जं तं भंते ! अणुदिञ्चं उदीरणाभविंयं कम्मं उदीरेइ तं किं उट्ठाणेणं कम्मं बलेणं
वीरिएणं पुरिसक्कारपरकमेणं अणुदिञ्चं उदीरणाभविंयं क० उदी० ! उदाटु तं
अणुट्ठाणेणं अकम्मं अवलेण अवीरिएणं अपुरिसक्कारपरकमेणं अणुदिञ्चं उदीरणा-
भविंयं कम्मं उदी० ?, गोयमा ! तं० उट्ठाणेणं कम्मं० बले० वीरिए० पुरि-
सक्कारपरकमेणं अणुदिञ्चं उदीरणाभविंयं कम्मं उदीरेइ, णो तं अणुट्ठाणेणं अक-
म्मं अवलेणं अवीरिएणं अपुरिसक्कार० अणुदिञ्चं उदी० भ० क० उदी०, एवं
सति अत्थि उट्ठाणे इ वा कम्मं इ वा बले इ वा वीरिए इ वा पुरिसक्कारपरकमे इ
वा ॥ से नूणं भंते ! अप्पणा चेव उवमामेइ अप्पणा चेव गरहइ अप्पणा चेव
संवरइ ?, हंता गोयमा ! एत्थं वि तहेव भाणियव्वं, नवरं अणुदिञ्चं उवमामेइ सेसा
पडिसेहेयव्वा तिञ्चि ॥ जं तं भंते ! अणुदिञ्चं उवमामेइ तं किं उट्ठाणेणं जाव पुरि-
सक्कारपरकमेति वा, से नूणं भंते ! अप्पणा चेव वेडेइ अप्पणा चेव गरहइ ?,
एत्थं वि सबेव परिवाडी, नवरं उदिञ्चं वेएइ नो अणुदिञ्चं वेएइ, एवं जाव पुरि-
सक्कारपरकमे इ वा । से नूणं भंते ! अप्पणा चेव निज्जरेति अप्पणा चेव गरहइ,
एत्थं वि सबेव परिवाडी नवरं उदयाणंतरपच्छाकडं कम्मं निज्जरेइ एवं जाव परिक-
मेइ वा ॥ ३५ ॥ नेरइयाणं भंते ! कंखामोहणिञ्चं कम्मं वेएस्मि ?, जहा ओहिया
जीवा तहा नेरइया, जाव यणियकुमारो ॥ पुढविकाइयाणं भंते ! कंखामोहणिञ्चं
कम्मं वेईति, हंता वेईति, कहणं भंते ! पुढविका० कंखामोहणिञ्चं कम्मं वेईति ?,
गोयमा ! तेषिणं जीवाणं णो एवं तक्का इ वा सण्णा इ वा पण्णा इ वा मणे इ वा
वइ ति वा—अम्हे णं कंखामोहणिञ्चं कम्मं वेएस्मो, वेएस्मि पुण से । से णूणं भंते !
तमेव सत्थं नीसकं जं जिणेहिं पवेइयं, सेसं तं चेव, जाव पुरिसक्कारपरकमेइ वा ।

एवं जाव अउरिदिमाणं पविदियतिरिक्खजोणिया जाव वेमाणिया जहा ओहिया जीवा ॥ ३६ ॥ अत्थि णं भंते ! समणावि निगंथा कंखामोहणिजं कम्मं वेएन्ति ?, हंता अत्थि, कहन्ते भंते ! समणा निगंथा कंखामोहणिजं कम्मं वेएन्ति ?, गोयमा तेहिं २ नाणंतरेहिं इंसणंतरेहिं चरिणंतरेहिं डिगंतरेहिं पवयणंतरेहिं पावयणंतरेहिं कर्णंतरेहिं मग्गंतरेहिं मत्तंतरेहिं भंगंतरेहिं णयंतरेहिं नियमंतरेहिं पमाणंतरेहिं संकिया कंखिया वितिगिच्छिया भेयसमावजा कलुससमावजा, एवं खलु समणा निगंथा कंखामोहणिजं कम्मं वेईन्ति, से नूणं भंते ! तमेव सखं नीसकं जं जिणेहिं पवेइयं, हंता गोयमा ! तमेव सखं नीसकं, जाव पुरियकारपरक्कमेइ वा सेवं भंते ! सेवं भंते ! ॥ ३७ ॥ पढमसए ततिओ उहेसओ समत्तो ॥

कति णं भंते ! कम्मापगडीओ पण्णात्ताओ ! गोयमा ! अट्ट कम्मापगडीओ पण्णत्ताओ, कम्मापगडीए पढमो उहेगो नेयव्वो जाव अनुभागो सम्मत्तो । गाहा-कह पयडी कह बंधट कइहि व टाणेहि बंधइ पयडी । कइ वेदेउ य पयडी अनुभागो कइविहो कस्स ? ॥ १ ॥ ३८ ॥ जीवे णं भंते ! मोहणिज्जेणं कडेणं कम्मणं उदिजेणं उवट्टाएज्जा ? हंता उवट्टाएज्जा । से भंते ! किं वीरियत्ताए उवट्टाएज्जा अवीरियत्ताए उवट्टाएज्जा ? गोयमा ! वीरियत्ताए उवट्टाएज्जा नो अवीरियत्ताए उवट्टाएज्जा, जइ वीरियत्ताए उवट्टाएज्जा किं बालवीरियत्ताए उवट्टाएज्जा पंडियवीरियत्ताए उवट्टाएज्जा बालपंडियवीरियत्ताए उवट्टाएज्जा ?, गोयमा ! बालवीरियत्ताए उवट्टाएज्जा णो पंडियवीरियत्ताए उवट्टाएज्जा णो बालपंडियवीरियत्ताए उवट्टाएज्जा । जीवे णं भंते ! मोहणिज्जेणं कडेणं कम्मणं उदिजेणं अवक्कमेज्जा ! हंता अवक्कमेज्जा, से भंते ! जाव बालपंडियवीरियत्ताए अवक्कमेज्जा ३!, गोयमा ! बालवीरियत्ताए अवक्कमेज्जा नो पंडियवीरियत्ताए अवक्कमेज्जा, सिय बालपंडियवीरियत्ताए अवक्कमेज्जा । जहा उदिजेणं दो आलावगा तहा उवसंतणेवि दो आलावगा भाणियव्वा, नवरं उवट्टाएज्जा पंडियवीरियत्ताए अवक्कमेज्जा बालपंडियवीरियत्ताए ॥ से भंते ' किं आयाए अवक्कमइ ! अणायए अवक्कमइ ! गोयमा ! आवाए अवक्कमइ णो अणायए अवक्कमइ, मोहणिजं कम्मं वेएमाणे से कइमेयं भंते ! एवं ! गोयमा ! पुत्थि से एयं एवं रोयइ इयाणि से एवं एवं नो रोयइ एवं खलु एवं ॥ ३९ ॥ से नूणं भंते ! नेरइयस्स वा तिरिक्खजोणियस्स वा मणूस्स वा देवस्स वा जे कडे पावे कम्म्ये नत्थि तस्स अवेइणा भोक्खो ?, हंता गोयमा ! नेरइयस्स वा तिरिक्ख० मणु० देवस्स वा जे कडे पावे कम्म्ये नत्थि तस्स अवेइणा भोक्खो । से केणट्ठेणं भंते ! एवं लुचति-नेरइयस्स वा जाव भोक्खो, एवं खलु मए गोयमा ! दुमिहे कम्म्ये पण्णणे, तज्जहा-पएसकम्म्ये य अनुमायकम्म्ये व,

तत्थ णं जं तं पएसकम्मं तं तियमा वेएइ, तत्थ णं जं तं अणुभागकम्मं तं अत्ये-
 गइयं वेएइ अत्येगइयं नो वेएइ । णायमेयं अरहया सुयमेयं अरहया विच्चायमेयं
 अरहया इमं कम्मं अयं जीवे अज्झोवगमियाए वेयणाए वेदिस्सइ इमं कम्मं अयं
 जीवे उवक्कमियाए वेदणाए वेदिस्सइ, अहाकम्मं अहानिकरणं जहा जहा तं भग-
 वया दिट्ठं नहा तहा तं विप्परिणमिस्सतीति, से तेणट्ठेणं गोयमा ! नेरइयस्स वा
 ४ जाव मोक्खो ॥ ४० ॥ एस णं भंते ' पोगगळे तीतमणंतं सासयं समयं भुवीति
 वत्तव्वं सिया ?, हंता गोयमा ! एस णं पोगगळे अतीतमणंतं सासयं समयं भुवीति
 वत्तव्वं सिया । एस णं भंते ! पोगगळे पडुप्पन्नसासयं समयं भवतीति वत्तव्वं
 सिया ?, हंता गोयमा ! तं चेव उच्चारैयव्वं । एस णं भंते ! पोगगळे अणागयमणंतं
 सासयं समयं भविस्सतीति वत्तव्वं सिया ?, हुन्ता गोयमा ! तं चेव उच्चारैयव्वं ।
 एवं खंधेणवि तिञ्जि आलावगा, एवं जीवेणवि तिञ्जि आलावगा भाणियव्वा ॥ ४१ ॥
 छउमत्थे णं भंते ! मणसे अतीतमणंतं सासयं समयं भुवीति केवलेणं मंजमेणं केवलेमं
 संबरेणं केवलेणं वंभचेरचामेणं केवलाहिं पवणनाइहिं सिज्झिन्नु बुज्झिन्नु जाव मव्व-
 दुक्खणाणमंतं करिंसे ? गोयमा ! नो टणट्ठे मसट्ठे । मे केणट्ठेणं भंते ! एवं चुच्चइ तं चेव
 जाव अंतं करिंसे ? गोयमा ! जे केड अंतकरा वा अंतिमसारीरिया वा मव्वदुक्खणाण-
 मंतं करिंसे वा करेति वा करिस्सति वा मव्वे ते उपपन्नानाणदंसणधरा अरहा जिणे
 केवली भविता तओ पच्छा सिज्झंति बुज्झंति मुब्बंति परिंत्तव्वयंति मव्वदुक्खणाण-
 मंतं करिंसे वा करेति वा करिस्सति वा, मे तेणट्ठेणं गोयमा ! जाव मव्वदुक्खणाण-
 मंतं करिंसे, पडुप्पत्तेडवि एवं चेव नवरं सिज्झंति भाणियव्वं, अणागएवि एवं चेव,
 नवरं सिज्झिस्संति भाणियव्वं, जहा छउमत्थो नहा आहोहिओवि तहा परमाहोहि-
 ओडवि तिञ्जि तिञ्जि आलावगा भाणियव्वा । केवली णं भंते ! मणसे तीतमणंतं
 सासयं समयं जाव अंतं करिंसे ? हंता सिज्झिन्नु जाव अंतं करिंसे, एते तिञ्जि आला-
 वगा भाणियव्वा छउमत्थस्स जहा नवरं सिज्झिन्नु सिज्झंति सिज्झिस्संति । से णूणं
 भंते ! तीतमणंतं सासयं समयं पडुप्पन्नं वा सासयं समयं अणागयमणंतं वा सासयं
 समयं जे केड अंतकरा वा अंतिमसारीरिया वा मव्वदुक्खणाणमंतं करिंसे वा करेति वा
 करिस्संति वा मव्वे ते उपपन्नानाणदंसणधरा अरहा जिणे केवली भविता तओ पच्छा
 सिज्झंति जाव अंतं करेस्संति वा ? हंता गोयमा ! तीतमणंतं सासयं समयं जाव
 अंतं करेस्सति वा । से णूणं भंते ! उपपन्नानाणदंसणधरे अरहा जिणे केवली अवम-
 त्युति वत्तव्वं सिया ? हंता गोयमा ! उपपन्नानाणदंसणधरे अरहा जिणे केवली अवम-
 त्युति वत्तव्वं सिया । सेवं भंते ! सेवं भंते ! ति ॥ ४२ ॥ चउत्थो उहेलो समसो #

कति णं भंते । पुढवीओ पक्कताओ ? , गोयमा ! सत्त पुढवीओ पक्कताओ, तंजहा-
 रयणप्पभा जाव तमतमा ॥ इमीसे णं भंते । रयणप्पभाए पुढवीए कति निरया-
 वाससयसहस्सा प० ? , गोयमा ! तीसं निरयावाससयसहस्सा प०, गाहा—तीसा
 य पक्कवीसा पक्करस दसेव या सयसहस्सा । तिभेणं पंचूणं पंचेव अणुनरा निरया
 ॥ १ ॥ केवइया णं भंते ? असुरकुमारावाससयसहस्सा प० ? , एवं—चउसट्ठी
 असुराणं चउरासीई य होइ नागाणं । बावत्तरि सुवज्जाण वाउकुमाराण छजउई
 ॥ १ ॥ दीवदिसाउदहीणं विञ्जुकुमारिदयणियमग्गीणं । छण्हंपि जुयलयाणं छावत्ता-
 रिमो सयसहस्सा ॥ २ ॥ केवइया णं भंते ! पुढविकाइयावाससयसहस्सा प० ? ,
 गोयमा ! असंखेज्जा पुढविकाइयावाससयसहस्सा प०, गोयमा ! जाव असंसिज्ज
 जोतिसियविमाणावाससयसहस्सा प० । मोहम्मं णं भंते ' कप्पे केवइया विमाणा-
 वाससयसहस्सा प० ? , गोयमा ! वत्तीम विमाणावाससयसहस्सा प०, एवं—वत्ती-
 सट्ठावीसा बारस अट्ठ चउरो मयसहस्सा । पक्का चत्तात्तीसा छष सहस्सा सह-
 स्सारे ॥ १ ॥ आणयपाणयकप्पे चत्तारि मयाऽऽग्गहुए तिसि । सत्त विमाणनयाई
 चउमुवि एएमु कप्पेमुं ॥ २ ॥ एक्कारमुत्तं हेट्ठिमेमुं मत्तुत्तं मयं चं मज्झिमए ।
 सयमेणं उवरिमए पंचेव अणुत्तरविमाणा ॥ ३ ॥ ४३ ॥ पुढवि ट्ठिति ओगाहण-
 सरीरसंघयणमेव संठाणे । लेस्सा दिट्ठं णाणे जोगुवओणे य दस ठाणा ॥ १ ॥
 इमीसे णं भंते ' रयणप्पभाए पुढवीए तीसाए निरयावाससयसहस्सेसु एगमेगंसि
 निरयावासंसि नेरइयाणं केवइया ठितिठाणा प० ? , गोयमा ! असंखेज्जा ठितिठाणा
 प०, तंजहा—जहणिया ठिती समयाहिया जहाणिया टिई हुममयाहिया जाव
 असंखेज्जसमयाहिया जहणिया टिई तप्पाउग्गुक्कोसिया टिनो ॥ इमीसे णं भंते
 रयणप्पभाए पुढवीए तीसाए निरयावाससयसहस्सेसु एगमेगंसि निरयावासंसि
 जहणियाए ठितीए बट्ठमाणा नेरइया किं कोहोवउत्ता माणोवउत्ता मायोवउत्ता
 लोभोवउत्ता ? , गोयमा ! सुखेवि ताव होत्ता कोहोवउत्ता १, अहवा कोहोवउत्ता य
 माणोवउत्ते य २, अहवा कोहोवउत्ता य माणोवउत्ता य ३, अहवा कोहोवउत्ता य
 मायोवउत्ते य ४, अहवा कोहोवउत्ता य मायोवउत्ता य ५, अहवा कोहोवउत्ता य
 लोभोवउत्ते य ६, अहवा कोहोवउत्ता य लोभोवउत्ता य ७ । अहवा कोहोवउत्ता
 य माणोवउत्ते य मायोवउत्ते य १, कोहोवउत्ता य माणोवउत्ते य मायोवउत्ता य
 २, कोहोवउत्ता य माणोवउत्ता य मायोवउत्ते य ३, कोहोवउत्ता य माणोवउत्ता य
 मायोवउत्ता य ४ एवं कोहमाणलोभेणवि चउ ४, एवं कोहमायालोभेणवि चउ ५
 एवं १२, पच्छा माणेण माभाए लोभेण य कोहो भइवप्पो, ते कोहं असुचत्ता ६.

एवं सत्तावीसं भंगा नेयव्वा ॥ इमीसे णं भंते ! रयणप्पभाए पुडवीए तीसाए निरयावाससयसहस्सेनु एगमेगंसि निरयावासंसि समयाहियाए जहज्जट्ठीए वट्ट-
 माणा नेरइया कि कोहोवउत्ता माणोवउत्ता मायोवउत्ता लोभोवउत्ता !, गोयमा !
 कोहोवउत्ते य माणोवउत्ते य मायोवउत्ते य लोभोवउत्ते य, कोहोवउत्ता य माणो-
 वउत्ता य मायोवउत्ता य लोभोवउत्ता य, अहवा कोहोवउत्ते य माणोवउत्ते य,
 अहवा कोहोवउत्ते य माणोवउत्ता य एवं असीति भंगा नेयव्वा, एवं जाव संखिज्ज-
 समयाहिया टिई असंखेज्जममयाहियाए टिईए तापाउग्गुक्कोसियाए टिईए मत्तावीसं
 भंगा भाणियव्वा ॥ ४८ ॥ इमीसे णं भंते ! रयणप्पभाए पुडवीए तीसाए निरयावा-
 ससयसहस्सेनु एगमेगंसि निरयावासंसि नेरइयाणं केवइया ओगाहणाठाणा पज्जता !,
 गोयमा ! असंखेज्जा ओगाहणाठाणा पज्जता, तंजहा-जहज्जिया ओगाहणा अगुलस्स
 असंखेज्जदभागं जहणिया ओगाहणा एगपडेमाहिया जहज्जिया ओगाहणा, दुप्पए-
 माहिया जहज्जिया ओगाहणा, जाव अमंखिज्जपएमाहिया जहज्जिया ओगाहणा,
 तप्पाउग्गुक्कोसिया ओगाहणा ॥ इमीसे णं भंते ! रयणप्पभाए पुडवीए तीसाए
 निरयावाससयसहस्सेनु एगमेगंसि निरयावासंसि जहज्जियाए ओगाहणाए वट्टमाणा
 नेरइया कि कोहोवउत्ता !, असीदभंगा भाणियव्वा जाव संखिज्जपएमाहिया जह-
 ज्जिया ओगाहणा, अमखेज्जपएमाहियाए जहज्जियाए ओगाहणाए वट्टमाणेणं तप्पा-
 उग्गुक्कोमियाए ओगाहणाए वट्टमाणेणं नेरइयाणं कोवइ मत्तावीसं भंगा ॥ इमीसे
 णं भंते ! रयण० जाव एगमेगंसि निरयावासंसि नेरइयाणं कइ सरीरया पण्णत्ता !,
 गोयमा ! तिज्जि सरीरया पण्णत्ता, तंजहा-वेउत्थए तेवए कम्मए ॥ इमीसे णं भंते !
 जाव वेउत्थिवयमरीरे वट्टमाणा नेरइया कि कोहोवउत्ता ! मत्तावीसं भंगा भाणियव्वा,
 एएणं गमएणं तिज्जि सरीरा भाणियव्वा ॥ इमीसे णं भंते ! रयणप्पभाए पुडवीए
 जाव नेरइयाणं सरीरया कि सपयणी पज्जता !, गोयमा ! छण्हं संघयणाणं अस्सं-
 घयणी, नेवट्ठी नेव छिरा नेव ष्हाण्णं जे पोगाता अपिद्धा अकंता अपिया अक्का
 अमण्णत्ता अमणामा, एतेमिं सरीरसंघायत्ताए परिणमंति ॥ इमीसे णं भंते ! जाव
 छण्हं संघयणाणं असंघयणे वट्टमाणेणं नेरइया कि कोहोवउत्ता ! मत्तावीसं भंगा ॥
 इमीसे णं भंते ! रयणप्पभा जाव सरीरिया किंसांटिया पज्जता !, गोयमा ! दुविहा
 पज्जता, तंजहा-भवधारणिज्जा य उत्तरविउच्चिया य, तरथ णं जे ते भवधारणिज्जा
 ते हुंडसंठिया पण्णत्ता, तत्थ णं जे ते उत्तरवेउच्चिया तेमिं हुंडसंठिया पण्णत्ता ।
 इमीसे णं जाव हुंडसंठणे वट्टमाणा नेरइया कि कोहोवउत्ता ! सत्तावीसं भंगा ॥
 इमीसे णं भंते ! रयणप्पभाए पुडवीए नेरइयाणं कति केस्साओ पज्जता !, गोयमा !

एषा काउलेस्सा पण्णत्ता । इमीसे णं भंते ! रयणप्पभाए जाव काउलेस्साए वट्ट-
 माणा सत्तावीसं भंगा ॥ ४५ ॥ इमीसे णं जाव किं सम्महिट्ठी मिच्छादिट्ठी सम्मा-
 मिच्छादिट्ठी !, तिप्पिवि । इमीसे णं जाव सम्महंसणे वट्टमाणा नेरइया सत्तावीसं
 भंगा, एवं मिच्छादंसणेवि, सम्मामिच्छादंसणे असीति भंगा ॥ इमीसे णं भंते !
 जाव किं नाणी अक्काणी !, गोयमा ! णाणीवि अक्काणीवि, तिप्पि नाणाई नियमा,
 तिप्पि अक्काणाई भयणाए । इमीसे णं भंते ! जाव आभिणियोहियनाणे वट्टमाणा
 सत्तावीसं भंगा, एवं तिप्पि नाणाई तिप्पि अक्काणाई भाणियव्वाई ॥ इमीसे णं जाव
 किं मणजोगी वड्डजोगी कायजोगी, ! तिप्पिवि । इमीसे णं जाव मणजोए वट्टमाणा
 कोहोवउत्ता !, सत्तावीसं भंगा । एवं वड्डजोए एवं कायजोए ॥ इमीसे णं जाव नेर-
 इया किं सागारोवउत्ता अणागारोवउत्ता !, गोयमा ! सागारोवउत्तावि अणागारो-
 वउत्तावि । इमीसे णं जाव सागारोवउत्ता वट्टमाणा किं कोहोवउत्ता !, सत्तावीसं
 भंगा । एवं अणागारोवउत्तावि सत्तावीसं भंगा ॥ एवं सत्तवि पुट्टवीओ नेयव्वाओ,
 णाणसं लेसासु गाहा—काऊ य दोसु तइयाए मीसिया नीत्तिया वउत्थीए । पंच-
 मियाए मीसा कण्हा तत्तो परमकण्हा ॥ ५ ॥ ४६ ॥ चउसट्ठीए णं भंते ! अमुर-
 कुमारावासययगहस्सेसु एगमेगंसि असुरकुमारावासंसि असुरकुमाराणं केवइया ठिइ-
 टाणा प० !, गोयमा ! असंखेज्जा टित्तिटाणा प०, जहन्निया टिई जहा नेरइया
 तहा, नवरं पडिलोमा भंगा भाणियव्वा—सव्वेवि ताव होअ लोभोवउत्ता, अहवा
 लोभोवउत्ता य मायोवउत्ते य, अहवा लोभोवउत्ता य मायोवउत्ता य, एएणं गमेणं
 नेयव्वं जाव धणियकुमाराणं, नवरं णाणसं जाणियव्वं ॥ ४७ ॥ असंखेजेसु णं
 भंते ! पुट्टविकाइयावाससययगहस्सेसु एगमेगंसि पुट्टविकाइयावासंसि पुट्टविकाइयाव्वं
 केवत्तिया टित्तिटाणा प० !, गोयमा ! असंखेज्जा टित्तिटाणा प०, तंजहा—जहन्निय
 टिई जाव तप्पाउम्पुक्कांसिया टिई । असंखेजेसु णं भंते ! पुट्टविकाइयावाससययगह-
 स्सेसु एगमेगंसि पुट्टविकाइयावासंसि जहन्नियाए टिटीए वट्टमाणा पुट्टविकाइया किं
 कोहोवउत्ता माणोवउत्ता मायोवउत्ता लोभोवउत्ता !, गोयमा ! कोहोवउत्तावि माणो-
 वउत्तावि मायोवउत्तावि लोभोवउत्तावि, एवं पुट्टविकाइयाणं सव्वेसुवि ठाणेसु अर्भ-
 गयं, नवरं तेउलेस्साए असीति भंगा, एवं आउक्काइयावि, तेउक्काइयवाउक्काइयाणं
 सव्वेसुवि ठाणेसु अर्भगयं ॥ वणस्सइक्काइया जहा पुट्टविकाइया ॥ ४८ ॥ वेइदिय-
 तेइदियवउत्तरिदियाणं जेहिं ठाणेहिं नेरइयाणं असीभंगा तेहिं ठाणेहिं असीई
 चं, नवरं अरुमहिया सम्मते आभिणियोहियनाणे इयनाणे य, एएहिं असीभंगा,
 जेहिं ठाणेहिं नेरइयाणं सत्तावीसं भंगा तेसु ठाणेसु सव्वेसु अर्भगयं ॥ धंविदिय-

तिरिक्खजोणिया जहा नेरइया तहा भाणियव्वा, नवरं जेहिं सत्तावीसं भंगा तेहिं
अभंगयं कायव्वं जत्थ असीति तत्थ असीति चेव ॥ मणुस्साणवि जेहिं ठाणेहिं
नेरइयाणं असीतिभंगा तेहिं ठाणेहिं मणुस्साणवि असीतिभंगा भाणियव्वा, जेसु
ठाणेसु सत्तावीसा तेसु अभंगयं, नवरं मणुस्साणं अब्भहियं जहणिया ठिइं आहारए
य असीति भंगा ॥ वाणमंतरजोइसवेमाणिया जहा भवणवासी, नवरं णाणत्तं
आणियव्वं जं जस्स, जाव अणुत्तरा, सेवं भंते ! सेवं भंते ! ति ॥ ४९ ॥
पढमसयस्स पंचमो उहेसो समत्तो ॥

जावइयाओ य णं भंते ' उवासंतराओ उदयंते मृगिए चक्खुप्फासं हव्वमाग-
च्छति अत्यमंतेविय णं सूरिए तावइयाओ चेव उवासंतराओ चक्खुप्फासं हव्व-
मागच्छति ?, हंता ! गोयमा ! जावइयाओ णं उवासंतराओ उदयंते सूरिए चक्खु-
प्फासं हव्वमागच्छति अत्यमंतेवि सूरिए जाव हव्वमागच्छति । जावइयाणं भंते !
खित्तं उदयंते मृगिए आतावेणं सव्वओ ममंता ओभासेइ उज्जोएइ तवेइ पभासेइ,
अत्यमंतेविय णं सूरिए तावइयं चेव नित्तं आयावेणं सव्वओ ममंता ओभासेइ
उज्जोएइ तवेइ पभासेइ ?, हंता गोयमा ! जावतियणं येत्तं जाव पभासेइ ॥ तं
भंते ! किं पुट्टं ओभासेइ अपुट्टं ओभासेइ ?, जाव छहिंमि ओभासेति, एवं उज्जोवेइ
तवेइ पभासेइ जाव नियमा छहिंमि ॥ मे नूणं भंते ! सव्वति मव्वव्वंति फुममाण-
कालसमयंति जावतियं येत्तं फुमइ तावतियं फुममाणे पुट्टेण वत्तव्वं निया ?, हंता !
गोयमा ! सव्वंति जाव वत्तव्वं निया ॥ तं भंते ! किं पुट्टं फुमइ अपुट्टं फुमइ ?
जाव नियमा छहिंमि ॥ ५० ॥ लोयंते भंते ' अलोयंते फुमइ अलोयंतेवि लोयंते
फुसइ ?, हंता गोयमा ! लोयंते अलोयंते फुमइ अलोयंतेवि लोयंते फुमइ ३ । तं
भंते ! किं पुट्टं फुसइ अपुट्टं फुमइ ? जाव नियमा छहिंमि फुमइ । वीवंते भंते !
सागरंते फुसइ सागरंतेवि वीवंते फुसइ ?, हंता जाव नियमा छहिंमि फुमइ, एवं
एएणं अभिलावेणं उदयंते पोयंते फुसइ छिहंते वसंते छायंते आयवंते जाव नियमा
छहिंमि फुसइ ॥ ५१ ॥ अन्थि णं भंते ! जीवाणं पाणाइवाएणं किरिया कज्जइ ?,
हंता अन्थि । सा भंते ' किं पुट्टा कज्जइ अपुट्टा कज्जइ ?, जाव निव्वाधाएणं छहिंसि
धाघायं पट्टुच्च सिय त्तिदिसिं सिय चउदिसिं सिय पंचदिसिं । सा भंते ! किं कडा
कज्जइ अकडा कज्जइ ?, गोयमा ! कडा कज्जइ नो अकडा कज्जइ । सा भंते ! किं
अणकडा कज्जइ परकडा कज्जइ तदुभयकडा कज्जइ ?, गोयमा ! अणकडा कज्जइ
णो परकडा कज्जइ णो तदुभयकडा कज्जइ । सा भंते ! किं आणुपुब्बि कडा कज्जइ
अणाणुपुब्बि कडा कज्जइ ?, गोयमा ! आणुपुब्बि कडा कज्जइ नो अणाणुपुब्बि कडा

कज्जइ, जा य कडा जा य कज्जइ जा य कज्जिस्सइ मग्घा सा आणुपुब्बि कटा तो अणाणुपुब्बि कडत्ति वत्तव्वं सिया । अत्थि णं भंते ! नेरइयाणं पाणाइवायकिरिया कज्जइ ?, हुंता अत्थि । सा भंते ! किं पुट्ठा कज्जइ अपुट्ठा कज्जइ जाव नियमा छदिसि कज्जइ, सा भंते ! किं कडा कज्जइ अकडा कज्जइ ?, तं वेव जाव नो अणाणुपुब्बि कडत्ति वत्तव्वं सिया, जहा नेरइया तथा एगिदियवजा भाणियग्घा, जाव वेमाणिया, एगिदिया जहा जीवा नहा भाणियग्घा, जहा पाणाइवाए तथा मुसावाए तथा अदिजादाणे मेहुणे परिग्गहे कोहे जाव मिच्छादंसणसक्के, एवं एए अट्ठारस, चउवीसं दंढगा भाणियग्घा, सेवं भंते ! सेवं भंते ! ति भगवं गोयमे समणे भगवं जाव विहरति ॥ ५२ ॥ तेणं काळेणं तेणं समएणं समणस्स भगवओ महावीरस्स अंतेवासी रोहे नामं अणगारे पगइभए पगइमउए पगइविणीए पगइउवसेते पगइपयणुओहमाणमायालोभे मिउयहवसेपणे अर्द्धाणे भए विणीए समणस्स भगवओ महावीरस्स अट्ठारसामंते उच्चंजाणु अहोसिरे आणकोट्टोवगाए सजमेणं तवसा अण्णाणं भावेमाणे विहरइ, तए णं से रोहे नामं अणगारे जायमहे जाव पज्जुवासमाणे एवं वदासी-पुब्बि भंते ' लोए पच्छा अलोए पुब्बि अलोए पच्छा लोए !, रोहा ' लोए य अलोए य पुब्बिपेते पच्छापेते दोवि एए सामया भावा, अणाणुपुब्बी एसा रोहा ! । पुब्बि भंते ' जावा पच्छा अजीवा पुब्बि अजीवा पच्छा जीवा ?, जहेव लोए य अलोए य नहेव जीवा य अजीवा य, एवं भवसिदिया य अभवसिदिया य गट्ठी असिददी सिद्धा असिद्धा, पुब्बि भंते ! अंडए पच्छा कुक्कुडी पुब्बि कुक्कुडी पच्छा अंडए !, रोहा ! से णं अंडए कओ !, भयवं ! कुक्कुडीओ, सा णं कुक्कुडी कओ !, भंते ! अंडयाओ, एवामेव रोहा ! से य अंडए ता य कुक्कुडी, पुब्बिपेते पच्छापेते दुवेते सामया भावा, अणाणुपुब्बी एसा रोहा ! । पुब्बि भंते ! लोयंते पच्छा अलोयंते पुब्बि अलोयंते पच्छा लोयंते !, रोहा ! लोयंते य अलोयंते य जाव अणाणुपुब्बी एसा रोहा ! । पुब्बि भंते ! लोयंते पच्छा सत्तमे उवाचंतरे पच्छा, रोहा ! लोयंते य सत्तमे उवाचंतरे पुब्बिपि दोवि एते जाव अणाणुपुब्बी एसा रोहा ! । एवं लोयंते य सत्तमे य तणुवाए, एवं वणुवाए वणोदही सत्तया पुडवी, एवं लोयंते एकेकेणं संजोएग्घे इमेहिं ठामेहिं-तजहा-ओवासवायवणउवहिं पुडवी वीवा य सागरा वासा । नेरइवाई अत्थिय समयया कम्माई केस्साओ ॥ १ ॥ विट्ठी ईंसव भावा सव सरीरा य जोग उवभंणे । दव्वपएसा पज्जव अट्ठा किं पुब्बि लोयंते ! ॥ २ ॥ पुब्बि भंते ! लोयंते पच्छा सत्तमा ! । जहा लोयंतेणं संजोइया सग्घे ठामा एते एवं अलोयंतेणमि संजोएग्घा सग्घे । पुब्बि भंते !

सप्तमे उवाचंतरे पच्छा सप्तमे तणुवाए १, एवं सप्तमे उवाचंतरे सव्वेहिं सप्तं संजोएयव्वं जाव सव्वद्दाए । पुत्वि भंते ! सप्तमे तणुवाए पच्छा सप्तमे घणवाए १, एयंपि तहेव नेयव्वं जाव सव्वद्दा, एवं उवरिळं एक्केः संजोयनेणं जो जो हिट्ठिओ तं तं छइतेणं नेयव्वं जाव अर्जावअणागयद्धा पच्छा सव्वद्दा जाव अणानुपुब्बी एसा रोहा ! मेधं भंते ! मेवं भंतेति ! जाव विहरइ ॥ ५३ ॥ भंतेति भगवं गोयमे समणं जाव एवं वयासी-कतिविहा णं भंते ! लोयट्ठिती ५० !, गोयमा ! अट्टविहा लोयट्ठिती ५०, तंजहा-आगामपटट्ठिए वाए १ वायपटट्ठिए उदही २ उदहीपडट्ठिया पुडवी ३ पुटविपडट्ठिया तथा थावरा पाणा ४ अजीवा जीवपटट्ठिया ५ जीवा कम्मपडट्ठिया ६ अजीवा जीवमंगहिया ७ जीवा कम्ममंगहिया ८ । से केगट्ठेणं भंते ! एवं वुबइ (-अट्टविहा जाव जीवा कम्ममंगहिया /, गोयमा ! मे जहानामए-केड पुरिसे वत्थिमाडोवेड वत्थिमाडोवेत्ता उप्पि तिमं वंधइ २ मज्जेमं गंठि वंधइ २ उवरिळं गंठि मुयइ २ उवरिळं देस वामेइ २ उवरिळं देस वामेत्ता उवरिळं देस आउयायस्स पूरेइ २ उप्पिस्सि तं वंधइ २ माज्जमं गंठि मुयइ । से नृणं गोयमा ! से आउयाए तस्स वाउयायस्स उप्पि उवाचंतले चिट्ठइ, हंता चिट्ठइ, से तेणट्ठेणं जाव जीवा कम्मसंगहिया, से जहा वा केड पुरिसे वत्थिमाडोवेड २ कटीए वंधइ २ अत्थाहमतारमपोरसियंसि उदगंसि ओगाहेज्जा, से नृणं गोयमा । से पुरिसे तस्स वाउयायस्स उवरिमंतले चिट्ठइ, हंता चिट्ठइ, एवं वा अट्टविहा लोयाट्ठेइ पण्णत्ता जाव जीवा कम्मसंगहिया ॥ ५४ ॥ अत्थि णं भंते ! जीवा य पोमग्गा य अजमज्ज-वद्धा अजमज्जपुट्ठा अजमज्जमोगाटा अजमज्जसिणेहपडिवद्धा अजमज्जपडत्ताए चिट्ठंति !, हंता ! अत्थि । से केगट्ठेणं भंते ! जाव चिट्ठंति !, गोयमा । से जहानामए-हरंसे सिया पुण्णे पुण्णप्पमाणे वोळट्ठमाणे वामट्ठमाणे समभरघटत्ताए चिट्ठइ, अहे णं केड पुरिसे तंसि हरंसेसि एणं महं तावं मयासवं मयत्तिइ ओगाहेज्जा, से नृणं गोयमा । सा णावा तेहिं असव्वदारेहिं आरुग्गामी २ पुण्णा पुण्णप्पमाणा वोळट्ठमाणा वामट्ठमाणा समभरघटत्ताए चिट्ठइ, हंता चिट्ठइ, से तेणट्ठेणं गोयमा ! अत्थि णं जीवा य जाव चिट्ठंति ॥ ५५ ॥ अत्थि णं भंते ! मया समियं सुट्टुमे सिणेहकाए पवइइ !, हंता अत्थि । से भंते ! किं उट्ठे पवइइ अहे पवइइ तिरिए पवइइ !, गोयमा ! उट्ठुमि पवइइ अहे पवइइ तिरिएपि पवइइ, जहा से बादरे आउयाए अजमज्जसमाउणे चिरंपि वीहकालं चिट्ठइ तथा णं सेवि !, नो इणट्ठे समट्ठे, से णं चिप्पामेव विट्ठस-मागच्छइ । सेवं भंते ! सेवं भंतेति ! ॥ ५ ॥ ५६ ॥ छडो उइसो समसो ॥

नेरइए णं भंते ! नेरइएसु उववज्जमाणे किं देसेणं वेसं उववज्जइ देसेणं सव्वं

उक्त्वज्जइ सव्वेणं देसं उक्त्वज्जइ सव्वेणं सव्वं उक्त्वज्जइ १, गोयमा ! नो देसेणं देसं उक्त्वज्जइ नो देसेणं सव्वं उक्त्वज्जइ नो सव्वेणं देसं उक्त्वज्जइ सव्वेणं सव्वं उक्त्वज्जइ, जहा नेरइए एवं जाव वेमाणिए ॥ १ ॥ ५७ ॥ नेरइए णं भंते ! नेरइएसु उक्त्वज्जमाणे किं देसेणं देसं आहारेइ १ देसेणं सव्वं आहारेइ २ सव्वेणं देसं आहारेइ ३ सव्वेणं सव्वं आहारेइ ४, गोयमा ! नो देसेणं देसं आहारेइ नो देसेणं सव्वं आहारेइ सव्वेण वा देसं आहारेइ सव्वेण वा सव्वं आहारेइ, एवं जाव वेमाणिए २ । नेरइए णं भंते ! नेरइएहिंनो उक्त्वट्टमाणे किं देसेणं देसं उक्त्वट्टइ ? जहा उक्त्वज्जमाणे तहेव उक्त्वट्टमाणेऽपि दंडगा भाणियब्बो ३ । नेरइए णं भंते ! नेरइएहिंनो उक्त्वट्टमाणे किं देसेणं देसं आहारेइ तहेव जाव सव्वेण वा देसं आहारेइ १, सव्वेण वा सव्वं आ० १, एवं जाव वेमाणिए ५ । नेरइ० भंते ! नेर० उक्त्वजे किं देसेणं देसं उक्त्वजे, एमोऽपि तहेव जाव सव्वेणं सव्वं उक्त्वजे १, जहा उक्त्वज्जमाणे उक्त्वट्टमाणे य चत्तामि दंडगा तथा उक्त्वजेणं उक्त्वट्टेमपि चत्तामि दंडगा भाणियब्बा, सव्वेणं सव्वं उक्त्वजे सव्वेण वा देसं आहारेइ सव्वेण वा सव्वं आहारेइ, एणं अभित्तावेणं उक्त्वजेपि उक्त्वट्टेमपि नेयत्वं ८ ॥ नेरइए णं भंते ! नेरइएसु उक्त्वज्जमाणे किं अद्रेणं अदं उक्त्वज्जइ ? १ अद्रेणं सव्वं उक्त्वज्जइ ? २ सव्वेणं अदं उक्त्वज्जइ ? ३ सव्वेणं सव्वं उक्त्वज्जइ ० ! ४, जहा पढस्सिअं अट्टु दंडगा तथा अद्रेणपि अट्टु दंडगा भाणियब्बा, नवरं जहिं देसेणं देसं उक्त्वज्जइ तहिं अद्रेणं अदं उक्त्वज्जइ इति भाणियत्वं, एवं णाणत्तं, एते सव्वेपि सोत्तसव्वंजया भाणियब्बा ॥ ५८ ॥ जीवे णं भंते ! किं विग्गहगतिसमावज्जए अविग्गहगतिसमावज्जए ?, गोयमा ! सिय विग्गहगइसमावज्जए सिय अविग्गहगतिसमावज्जणे, एवं अज्ज वेमाणिए । जीवा णं भंते ! किं विग्गहगइसमावज्जया अविग्गहगइसमावज्जया १, गोयमा ! विग्गहगइसमावज्जयापि अविग्गहगइसमावज्जयापि । नेरइया णं भंते ! किं विग्गहगतिसमावज्जया अविग्गहगतिसमावज्जया १, गोयमा ! सव्वेपि ताव होज्जा अविग्गहगतिसमावज्जया १ । अहवा अविग्गहगतिसमावज्जया य विग्गहगतिसमावज्जे य २ अहवा अविग्गहगतिसमावज्जया य विग्गहगइसमावज्जया य ३ ॥ एवं जीवेमिदियवज्जे तियमंनो ॥ ५९ ॥ देवे णं भंते ! महिणिए महज्जुईए महज्जुके महाकते महासुक्खे महापुमावे अवित्ठेत्तियं वज्जमाणे किंमिदिकामं हिरियत्तियं दुग्गुत्तयत्तियं वरिसइयत्तियं आहारं नो आहारेइ, अहे णं आहारेइ, आहारिज्जमाणे आहारिए परिवाट्टिज्जमाणे परिवाट्टिए यहीणे व आउए मज्जइ जत्थ उक्त्वज्जइ उमाउत्वं पत्तिउत्तवेइइ, तंज्जा-तिरियवज्जोत्तियत्तयं वा मज्जुत्तयत्तयं वा १, इता गोयमा ! देवे णं महिणिए

जाव मणुस्साउयं वा ॥६०॥ जीवे णं भंते गब्भं वक्कममाणे किं सइंदिए वक्कमइ अणि-
 दिए वक्कमइ ?, गोयमा । सिय सइंदिए वक्कमइ सिय अणिदिए वक्कमइ, से केणट्टेणं ?,
 गोयमा । दक्खिदियाइं पडुच्च अणिदिए वक्कमइ भाविदियाइं पडुच्च सइंदिए वक्कमइ,
 से तेणट्टेणं० । जीवे णं भंते ! गब्भं वक्कममाणे किं ससरीरी वक्कमइ असरीरी
 वक्कमइ ?, गोयमा । सिय ससरीरी व० सिय असरीरी वक्कमइ, से केणट्टेणं ?,
 गोयमा । ओरालियवेउच्चियआहारयाइं पडुच्च असरीरी व० तेयाकम्मा० प० मस०
 वक्क० से तेणट्टेणं गोयमा ।० । जीवे णं भंते ! गब्भं वक्कममाणे तप्पडमयाए
 किमाहारमाहारेइ ?, गोयमा । माउओयं पिउसुक्कं तं तदुभयसंनिट्ठं क्लृप्तं किक्खिसं
 तप्पडमयाए आहारमाहारेइ । जीवे णं भंते ! गब्भगए समाणे किमाहारमाहारेइ ?,
 गोयमा ! जं से माया नाणाविहाओ रसविगईओ आहारमाहारेइ तदेकट्ठेणं ओय-
 माहारेइ । जीवस्स णं भंते ! गब्भगयस्स समाणस्स अथि उच्चारैउ वा पामवणेइ
 वा खेलेइ वा सिंघाणेइ वा वंतेइ वा पित्तेइ वा ?, णो इणट्ठे समट्ठे, से केणट्टेणं ?,
 गोयमा ! जीवे णं गब्भगए समाणे जमाहारेइ तं चिणाइ तं मोइंदियत्ताए जाव
 फासिदियात्ताए अट्ठिआट्ठिमिजकेसमंसुरोमनहत्ताए, से तेणट्टेणं० । जीवे णं भंते !
 गब्भगए समाणे पभू मुहेणं कावलियं आहारं आहारित्ताए, गोयमा ! णो इणट्ठे
 समट्ठे, से केणट्टेणं ?, गोयमा ! जीवे णं गब्भगए समाणे मच्चओ आहारेइ मच्चओ
 परिणामेइ मच्चओ उस्समइ मच्चओ निस्समइ अभिक्खणं आहारेइ अभिक्खणं
 परिणामेइ अभिक्खणं उस्समइ अभिक्खणं निस्समइ आहारेइ आहारेइ आहारेइ
 परिणामेइ आहारेइ उस्समइ आहारेइ नीममइ ॥ माउजीवरमहरणी पुत्तजीवरसहरणी
 माउजीवपडिबदा पुत्तजीवं फुडा तम्हा आहारेइ तम्हा परिणामेइ, अवरानि य णं
 पुत्तजीवपडिबदा माउजीवफुडा तम्हा चिणाइ तम्हा उच्चियाइ से तेणट्टेणं० जाव
 नो पभू मुहेणं कावलियं आहारं आहारित्ताए ॥ कइ णं भंते ! माइयंगं प० ?,
 गोयमा । तओ माइयंगं प०, तजहा—मंसे मोषिए मत्तुट्ठेगे । कइ णं भंते ! पिइ-
 यंगं प० ?, गोयमा ! तओ पिइयंगं प०, तजहा—अट्ठि आट्ठिमिजा केसमंसुरोमनहइ ।
 अम्मापिइए णं भंते ! मरीए केवइयं कालं संचिहुइ ?, गोयमा ! जावइयं से कालं
 भवधारण्णिये मरीए अच्चावणे भवइ एवतियं कालं संचिहुइ, अहे णं समए सवए
 वोक्खिज्जमाणे २ चरमकान्त्समयंसि वोक्खिजे भवइ ॥ ६१ ॥ जीवे णं भंते !
 गब्भगए समाणे नेरइएउ उववजेजा ?, गोयमा । अत्थेगइए उववजेजा अत्थेगइए
 नो उववजेजा, से केणट्टेणं ?, गोयमा ! से णं मणी पंचिदिए सच्चाइं पच्चतीइं
 पच्चत्ताए वीरियल्लदीए वेउच्चियल्लदीए पराणीएणं आगय सोच्चा मिहम्मं वच्चे

निष्कृमह नि० २ वेदव्ययसमुग्धाएणं समोहणइ समो० २ चाउरंविणिं सेव
 विउव्वइ चाउरंविणीसेव विउव्वेत्ता चाउरंविणीए सेणाए पराणीएणं सदि संगमं
 संगामेइ, से णं जीवे अत्यकामए रज्जकामए भोगकामए कामकामए अत्यकंखिए
 रज्जकंखिए भोगकंखिए कामकंखिए अत्यपिवासिए रज्जपिवासिए भोगपिवासिए
 कामपिवासिए तच्चित्ते तम्मणे तल्लेसे तदज्जवसिए तत्तिव्वज्जवसाणे तदद्दोवउत्ते
 तदप्पियकरणे तच्चावणाभाविए एयंसि णं अंतरंसि कालं करेज्ज नेरइएस उववज्जइ,
 से तेणट्ठेणं गोयमा ! जाव अत्येगइए उववजेज्जा अत्येगइए नो उववजेज्जा । जीवे
 णं भंते ! गच्चमए समाणे देवत्तेगेसु उववजेज्जा ?, गोयमा ! अत्येगइए उववजेज्जा
 अत्येगइए नो उववजेज्जा, से केणट्ठेणं ?, गोयमा ! से णं सची पंचिदिए सव्वाहिं
 पज्जतोहिं पज्जतए तहास्सत्स समणस्स वा माहणस्स वा अंतिए एगमवि आयसियं
 धम्मियं सुवयणं गोवा निसम्म तओ भवइ संबेगजायसत्तु तिव्वघम्मापुरागरणे,
 से णं जीवे धम्मकामए पुण्णकामए मग्गकामए मोक्खकामए धम्मकंखिए पुण्ण-
 कंखिए सगमोक्खकं० धम्मपिवासिए पुण्णनागमोक्खपिवासिए तच्चित्ते तम्मणे
 तल्लेसे तदज्जवसिए तत्तिव्वज्जवसाणे तदद्दोवउत्ते तदप्पियकरणे तच्चावणाभाविए
 एयंसि णं अंतरंसि कालं करे० देवत्ते० उव०, से तेणट्ठेणं गोयमा !० । जीवे णं
 भंते ! गच्चमए समाणे उप्पाणए वा पासिणए वा अंबक्कुजए वा अच्छेज्ज वा च्चिट्ठेज्ज
 वा निसीएज्ज वा तुयंइज्ज वा माऊए सुयमाणीए सुवइ जागरमाणीए जागरइ सुहि-
 याए सुहिए भवइ दुहियाए दुहिए भवइ ?, इना गोयमा ! जीवे णं गच्चमए समाणे
 जाव दुहियाए दुहिए भवइ, अहे णं पसवणकालसमयंसि सीसेण वा पाएहिं वा
 आगच्छइ सममागच्छइ निरियमागच्छइ विणिहायमागच्छइ ॥ वण्णवज्जावि य से
 कम्माइं बढाईं पुढाईं निहताईं कडाईं पट्टवियाईं अभिनिविट्ठाईं अभिसमणायवईं
 उदिताईं नो उवमनाईं भवति तओ भवइ दुक्कं दुक्कत्ते दुग्गेधे वुरसे दुप्पत्ते
 अणिट्ठे अकंतं अप्पिए असुभे अमणुजे अमणामे हीगस्सरे वीचस्सरे अणिट्ठस्सरे
 अकंतस्सरे अप्पिवस्सरे असुभस्सरे अमणुजस्सरे अमणामस्सरे अणाएज्जवणे
 पचायाए यावि भवइ, वच्चवज्जावि य से कम्माईं नो बढाईं पसत्वं नेयम्वं जाव
 आदेज्जवणं पचायाए यावि भवइ, सेवं भंते ! सेवं भंते ! ति ॥१२॥ पडमसवयस्स
 सत्तमो उइंसो समत्तो ॥

रायगिहे समोसरणं जाव एवं वयासी-एपत्तवाळे णं भंते ! मत्ते किं नेरइयावणं
 पकरेइ तिरिक्क० मणु० देवा० प० १, नेरइयाउवं किंवा नेरइएस उव० तिरि-
 याउवं कि० तिरिएस उवव० सत्तुस्सावणं किंवा सत्तुस्से० उव० देवाउ० कि० देव-

लोएसु उववज्जइ ? गोयमा ! एगंतवाळे णं मणुस्से नेरइयाउयंपि पकरेइ तिरि० मणु० देवाउयंपि पकरेइ, नेरइयाउयंपि किच्चा नेरइएसु उव० तिरि० मणु० देवाउयं किच्चा तिरि० मणु० देवलोएसु उववज्जइ ॥ ८३ ॥ एगंतपंडिए णं भंते ! मणुस्से किं नेर० पकरेइ जाव देवाउयं किच्चा देवलोएसु उवव० !, गोयमा ! एगंतपंडिए णं मणुस्से आउयं सिय पकरेइ सिय नो पकरेइ, जइ पकरेइ नो नेरइया० पकरेइ नो तिरि० नो मणु० देवाउयं पकरेइ, नो नेरइयाउयं किच्चा नेर० उव० णो तिरि० णो मणुस्स० देवाउयं किच्चा देवेसु उव०, से केणट्टेणं जाव देवा० किच्चा देवेसु उववज्जइ ?, गोयमा ! एगंतपंडियस्स णं मणुस्सस्स केवलमेव दो गइंओ पजायति, तंजहा-अंतकिरिया चेव कपोववात्तया चेव, से तणट्टेणं गोयमा ! जाव देवाउयं किच्चा देवेसु उववज्जइ ॥ बालपंडिए णं भंते ! मणुस्से किं नेरइयाउयं पकरेइ जाव देवाउयं किच्चा देवेसु उववज्जइ ?, गोयमा ! नो नेरइयाउयं पकरेइ जाव देवाउयं किच्चा देवेसु उववज्जइ, से केणट्टेणं जाव देवाउयं किच्चा देवेसु उववज्जइ ?, गोयमा ! बालपंडिए णं मणुस्से तहाक्खस्स समणस्सा वा माहणस्स वा अत्रिए णगमवि आयसियं धम्मियं सुवयणं सोच्चा निमम्म देसं उवरमट्ठं देसं नो उवरमट्ठं देसं पच्चक्खाइ देसं णो पच्चक्खाइ, से नेणट्टेणं देसोवरमदेसपच्चक्खाणेणं नो नेरइयाउयं पकरेइ जाव देवाउयं किच्चा देवेसु उववज्जइ, से तणट्टेणं जाव देवेसु उववज्जइ ॥ ८४ ॥ पुरिसे णं भंते ! कच्छंमि वा १ दहंमि वा २ उदगंमि वा ३ दनियंमि वा ४ वयंमि वा ५ नूर्ममि वा ६ गहणंमि वा ७ गहणविदुग्गंमि वा ८ पत्त्वयंमि ९ पत्त्वविदुग्गंमि वा १० वणंसि वा ११ वणविदुग्गंमि वा १२ सिद्विज्जाणं मियसंकापे मियपणिहावे मियवहाए गंता एए मिएत्तकाउं अन्नयरस्स मियम्म तहाए कूटपासं उहाइ, ततो णं भंते ! से पुरिसे कनिकरिए पण्णत्ते ?, गोयमा ! जवं च णं से पुरिसे कच्छंसि वा १० (१२) जाव कूटपासं उहाइ तावं च णं से पुरिसे मिय तिक्कि० मिय चउ-मिय पंच०, से केणट्टेणं मिय ति० मिय च० मिय पंच० !, गोयमा ! जे भविए उह्वणयाए णो बंधणयाए णो मारणयाए तावं च णं से पुरिसे काइयाए अहिगर-भियाए पाउनियाए तिहिं किरियाहिं पुट्टे, जे भविए उह्वणयाएवि बंधणयाएवि णो मारणयाए तावं च णं से पुरिसे काइयाए अहिगरणियाए पाउतियाए धारियावभियाए चउहिं किरियाहिं पुट्टे, जे भविए उह्वणयाएवि बंधणयाएवि मारणयाएवि तावं च णं से पुरिसे काइयाए अहिगरभियाए पाउतियाए जाव पंचहिं पुट्टे, से नेणट्टेणं जाव पंचकिरिए ॥ ८५ ॥ पुरिसे णं भंते ! कच्छंसि वा जाव कणविदुग्गंसि वा तणाइं ज्जमिय २ अगणिकारं निस्सरइ तावं च णं से भंते ! से पुरिसे कति-

किरिए ? , गोयमा ! सिय तिकिरिए सिय चउकि० सिय पंच०, से केणट्टेणं ? , गोयमा ! जे भविए उस्सवणयाए तिहिं, उस्सवणयाएवि निस्सिरणयाएवि नो दहण-
याए चउहिं, जे भविए उस्सवणयाएवि निस्सिरणयाएवि दहणयाएवि तावं च णं से पुरिसे काइयाए जाव पंचहिं किरियाहिं पुट्टे, से तेण० गोयमा ! ॥ ६६ ॥ पुरिसे णं भंते ! कच्छंमि वा जाव वणविदुगंसि वा मियविनीए मियसंक्खे मियपविद्धाने मियवहाए गंता एए मिण्णिकाउं अन्नयरम्म मियस्स बहाए उमुं निमिरइ, ततो णं भंते ! मे पुरिसे कइकिरिए ? , गोयमा ! मिय निकिरिए सिय चउकिरिए सिय पंच-
किरिए, से केणट्टेणं ? , गोयमा ! जे भविए निस्सिरणयाए नो विदंसणयाएवि नो मारणयाए तिहिं, जे भविए निस्सिरणयाएवि विदंसणयाएवि नो मारणयाए चउहिं, जे भविए निस्सिरणयाएवि वि० मा० तावं च णं मे पुरिसे जाव पंचहिं किरियाहिं पुट्टे, से तेणट्टेणं गोयमा ! मिय निकिरिए मिय चउकिरिए सिय पंचकिरिए ॥ ६७ ॥ पुरिसे णं भंते ! कच्छंमि वा जाव अन्नयरम्म मियस्स बहाए आयवकजाययं उमुं आयाभेणा च्चिट्ठिजा, अन्नयरे पुरिसे मग्गओ आगम्म सयपाणिणा अग्निणा सीसं छिडेजा मे य उमुं ताए चव पुब्बायामणयाण तं विभेजा मे णं भंते ! पुरिसे कि मियबेरेणं पुट्टे पुरिसबेरेणं पुट्टे ? , गोयमा ! जे मियं मारेइ मे मियबेरेणं पुट्टे, जे पुरिसं मारेइ से पुरिसबेरेणं पुट्टे, से केणट्टेणं भंते ! एवं बुब्बइ जाव से पुरिसबेरेणं पुट्टे ? , से नृणं गोयमा ! कज्जामे कडे संघिज्जामे संघिए निज्जतिज्जामे निज्ज-
णिण निमिरिज्जामे निसिट्टेणि वत्तव्वं सिया ! , हंता भगवं ! कज्जामे कडे जाव निसिट्टेणि वत्तव्वं सिया, से तेणट्टेणं गोयमा ! जे मियं मारेइ से मियबेरेणं पुट्टे, से पुरिसं मारेइ मे पुरिसबेरेणं पुट्टे ॥ अंतो छण्हं मामाणं मरइ काइयाए जाव पंचहिं किरियाहिं पुट्टे, बाहिं छण्हं मामाणं मरइ काइयाए जाव पारियावणियाए चउहिं किरियाहिं पुट्टे ॥ ६८ ॥ पुरिसं णं भंते ! पुरिसं सतीए सममिषसेजा सयपाणिणा वा से अग्निणा सीसं छिडेजा तज्जे णं भंते ! से पुरिसे कतिकिरिए ? , गोयमा ! जावं च णं से पुरिसे तं पुरिसं सतीए जमिसंघेइ सयपाणिणा वा से अग्निणा सीसं छिदइ तावं च णं से पुरिसे काइयाए अहिरवि० जाव पाणाइवायकिरियाए पंचहिं किरियाहिं पुट्टे, आसन्नइएण य अन्नवकंसवणिएणं पुरिसबेरेणं पुट्टे ॥ ६९ ॥ दो भंते ! पुरिसा सरिसया सरित्थया सरिव्वया सरिसंभंमत्तोवगरणा अन्नमयेणं सद्धिं संगारं संघामेत्ति, तत्थ णं एणे पुरिसे पराइणइ एणे पुरिसे पराइणइ, से कइयेवं भंते ! एवं ? , गोयमा ! सवीरिए पराइणइ अवीरिए पराइणइ, से केणट्टेणं जाव पराइणइ ? , गोयमा ! जइस णं वीरिवणज्जाइं कज्जामं नो बइयं नो पुइयं जाव

नो अभिसमजागयाई नो उदिजाई उवसंताई भवंति से णं पराङ्गण्डं, जस्स णं वीरि-
यवज्जाई कम्माई बद्धाई जाव उदिजाई नो उवसंताई भवंति से णं पुरिसे पराङ्-
ज्जइ, से तेणट्ठेणं गोयमा ! एवं बुच्चइ-सवीरिए पराङ्गण्डं अवीरिए पराङ्ज्जइ ॥ ७० ॥
जीवा णं भंते ! किं सवीरिया अवीरिया ?, गोयमा । सवीरियावि अवीरियावि, से
केणट्ठेणं ?, गोयमा । जीवा दुविहा पन्नत्ता, तंजहा-संसारसमावन्नगा य असंसार-
समावन्नगा य, तत्थ णं जे ते असंसारसमावन्नगा ते णं सिद्धा, सिद्धा णं अवीरिया,
तत्थ णं जे ते संसारसमावन्नगा ते दुविहा पन्नत्ता, तंजहा-सेलेसिपडिवन्नगा य
असेलेसिपडिवन्नगा य, तत्थ णं जे ते सेलेसिपडिवन्नगा ते णं लद्धिवीरिएणं सवी-
रिया करणवीरिएणं अवीरिया, तत्थ णं जे ते असेलेसिपडिवन्नगा ते णं लद्धिवीरि-
एणं सवीरिया करणवीरिएणं सवीरियावि अवीरियावि, से तेणट्ठेणं गोयमा ! एवं
बुच्चइ-जीवा दुविहा पणत्ता, तंजहा-सवीरियावि अवीरियावि । नेरइया णं भंते !
किं सवीरिया अवीरिया ?, गोयमा ! नेरइया लद्धिवीरिएणं सवीरिया करणवीरिएणं
सवीरियावि अवीरियावि, से केणट्ठेणं ?, गोयमा । जेसि णं नेरइयाणं अत्थि उट्ठणे
कम्मे बले वीरिए पुरिसङ्कारपरकम्मे ते णं नेरइया लद्धिवीरिएणवि सवीरिया करण-
वीरिएणवि सवीरिया, जेसि णं नेरइयाणं नत्थि उट्ठणे जाव परकम्मे ते णं नेरइया
लद्धिवीरिएणं सवीरिया करणवीरिएणं अवीरिया, से तेणट्ठेणं, जहा नेरइया एवं
जाव पांचिदियतिरिक्खजोणिया, मणुस्सा जहा ओहिया जीवा, नवरं सिद्धवच्चा
भाणियब्बा, वाणमंतरजोइसवेमाणिया जहा नेरइया, सेवं भंते ! सेवं भंते ! सि
॥ ७१ ॥ पढमसए अट्टमो उहेसो समत्तो ॥

कहूञ्चं भते ! जीवा गरुयत्तं हव्वमागच्छन्ति ?, गोयमा ! पाणाइवाएणं मुसा-
वाएणं अदिजा० मेहुण० परि० कोह० माण० माया० लोभ० पे० दोस० कलह०
अ०भक्खण० पेसुञ्ज० रतिअरति० परपरिचाय० मायामोसमिच्छादंसणसङ्गेणं, एवं
खलु गोयमा ! जीवा गरुयत्तं हव्वमागच्छन्ति । कहूञ्चं भंते ! जीवा लहुयत्तं हव्व-
मागच्छन्ति ?, गोयमा ! पाणाइवायवेरमणेणं जाव मिच्छादंसणसङ्खवेरमणेणं एवं
खलु गोयमा ! जीवा लहुयत्तं हव्वमागच्छन्ति, एवं संसारं आउलीकरेति एवं परि-
त्तीकरेति वीहीकरेति हस्सीकरेति एवं अणुपरियट्ठेति एवं वीइबयंति-पसत्था चत्तारि
अप्पसत्था चत्तारि ॥ ७२ ॥ सप्तमे णं भंते ओवासंतरे किं गुरुए लहुए गुरुयलहुए
अगुरुयलहुए ?, गोयमा ! नो गुरुए नो लहुए नो गुरुयलहुए अगुरुयलहुए । सप्तमे
णं भंते ! तण्णाए किं गुरुए लहुए गुरुयलहुए अगुरुयलहुए ?, गोयमा ! नो गुरुए
नो लहुए गुरुयलहुए नो अगुरुयलहुए । एवं सप्तमे चण्णाए सप्तमे चणोदही सप्तमा

पुढवी, उवासंतराईं सव्वाइं जहा सत्तमे ओवासंतरे, (सेसा) जहा तणुवाए, एवं-ओवासवायघणउदहि पुढवी वीचा य सागरा बासा । नेरइया णं भंते । किं गुस्या जाव अगुसुलहुया ?, गोयमा ! नो गुस्या नो लहुया गुस्यलहुयावि अगुसुलहुयावि, से केणट्टेणं ?, गोयमा ! वेउव्वियतेयाइं पडुच्च नो गुस्या नो लहुया गुस्यलहुया नो अगुसुलहुया, जीवं च कम्मणं च पडुच्च नो गुस्या नो लहुया नो गुस्यलहुया अगुस्यलहुया, से तेणट्टेणं जाव वेमाणिया, नवरं णाणत्तं जाणियव्वं सरीरेहि । धम्मत्थिकाए जाव जीवत्थिकाए चउत्थपएणं । पोगगलत्थिकाए णं भंते ! किं गुरुए लहुए गुस्यलहुए अगुस्यलहुए ?, गोयमा ! णो गुरुए नो लहुए गुस्यलहुएवि अगुस्यलहुएवि, से केणट्टेणं ?, गोयमा ! गुस्यलहुयदव्वाइं पडुच्च नो गुरुए नो लहुए गुस्यलहुए नो अगुस्यलहुए, अगुस्यलहुयदव्वाइं पडुच्च नो गुरुए नो लहुए नो गुस्यलहुए अगुस्यलहुए, समया कम्माणि य चउत्थपदेणं । कण्हलेसा णं भंते ! किं गुस्या जाव अगुस्यलहुया ?, गोयमा ! नो गुस्या नो लहुया गुस्यलहुयावि अगुस्यलहुयावि, से केणट्टेणं ?, गोयमा ! दव्वलेसं पडुच्च ततियपदेणं भावलेसं पडुच्च चउत्थपदेणं, एवं जाव सुक्कलेसा, दिट्ठीदंसणनाणअञ्जाणसण्णा चउत्थपदेणं भेयव्वाओ, हेट्ठिञ्जा चत्तारि सरीरा नायव्वा ततियपदेणं, कम्मं य चउत्थपएणं, मणजोगो वइजोगो चउत्थएणं पदेणं, कायजोगो ततिएणं पदेणं, सागारोवओगो अणागारोवओगो चउत्थपदेणं, सव्वपदेसा सव्वदव्वा सव्वपज्जवा जहा पोगगलत्थिकाओ, तीतद्धा अणागयद्धा सव्वद्धा चउत्थएणं पदेणं ॥ ७३ ॥ से नूणं भंते ! लाघवियं आपिच्छा अमुच्छा अगेही अपडिबइया समणाणं णिग्गंथाणं पसत्थं ?, हंता गोयमा ! लाघवियं जाव पसत्थं ॥ से नूणं भंते ! अकोहत्तं अमाणत्तं अमायत्तं अलोभत्तं समणाणं निग्गंथाणं पसत्थं ?, हंता गोयमा ! अकोहत्तं अमाणत्तं जाव पसत्थं ॥ से नूणं भंते ! कंखापदोसे खीणे समणे निग्गंथे अंतकरे भवति अंतिमसारीरिए वा बहुमोहेवि य णं पुत्थिं विहरित्ता अह पच्छा संवुडे कालं करेति तओ पच्छा सिज्जति ३ जाव अंतं करेइ ?, हंता गोयमा ! कंखापदोसे खीणे जाव अंतं करेति ॥ ७४ ॥ अण्णउत्थिया णं भंते ! एवमाइक्खंति एवं भासेंति एवं पण्णवेत्ति एवं परुवेत्ति-एवं खल्ल एगे जीवे एगेणं समएणं दो आउयाइं पकरेति, तंजहा-इहभविआउयं च परभविआउयं च, जं समयं इहभविआउयं पकरेति तं समयं परभविआउयं पकरेति, जं समयं परभविआउयं पकरेति तं समयं इहभविआउयं पकरेति, इहभविआउयस्स पकरणयाए परभविआउयं पकरेइ, परभविआउयस्स पकरणयाए इहभविआउयं पकरेति, एवं खल्ल एगे जीवे एगेणं समएणं दो आउयाइं

पकरोति, तं०—इहभविद्याउयं च परभविद्याउयं च, से कहमेवं भंते ! एवं ?, खलु गोयमा ! जणं ते अण्णउत्थिया एवमाइक्खंति जाव परभविद्याउयं च, जे ते एवमाहंसु मिच्छंते ते एवमाहंसु, अहं पुण गोयमा ! एवमाइक्खामि जाव पुरुवेमि— एवं खलु एगे जीवे एगेणं समएणं एणं आउयं पकरोति, तं०—इहभविद्याउयं वा परभविद्याउयं वा, जं समयं इहभविद्याउयं पकरोति णो तं समयं परभविद्याउयं पकरोति, जं समयं परभविद्याउयं पकरोइ णो तं समयं इहभविद्याउयं पकरोइ, इहभविद्याउयस्स पकरणताए णो परभविद्याउयं पकरोति, परभविद्याउयस्स पकरणताए णो इहभविद्याउयं पकरोति, एवं खलु एगे जीवे एगेणं समएणं एणं आउयं पकरोति, तं०—इहभविद्याउयं वा परभविद्याउयं वा, सेवं भंते ' सेवं भंते ' ति भगवं गोयमे जाव विहरति ॥ ७५ ॥ तेणं कालेणं तेणं समएणं पासावक्खिजे कालासवेसियपुत्ते णामं अणगारे जेणेव थेरा भगवंतो तेणेव उवागच्छति २ ता थेरे भगवंते एवं वयासी—थेरा सामाइयं ण जाणंति थेरा सामाइयस्स अट्टं ण याणंति थेरा पक्खखाणं ण याणंति थेरा पक्खखाणस्स अट्टं ण याणंति थेरा संजमं ण याणंति थेरा संजमस्स अट्टं ण याणंति थेरा संवरं ण याणंति थेरा संवरस्स अट्टं ण याणंति थेरा विवेगं ण याणंति थेरा विवेगस्स अट्टं ण याणंति थेरा विउस्सग्गं ण याणंति थेरा विउस्सग्गस्स अट्टं ण याणंति ६ । तए णं ते थेरा भगवंतो कालासवेसियपुत्तं अणगारं एवं वयासी—जाणामो णं अज्जो ! सामाइयं जाणामो णं अज्जो ! सामाइयस्स अट्टं जाव जाणामो णं अज्जो ! विउस्सग्गस्स अट्टं । तए णं से कालासवेसियपुत्ते अणगारे थेरे भगवंते एवं वयासी—जति णं अज्जो ! तुब्भे जाणह सामाइयं जाणह सामाइयस्स अट्टं जाव जाणह विउस्सग्गस्स अट्टं किं भे अज्जो ! सामाइए किं भे अज्जो सामाइयस्स अट्टे ? जाव किं भे विउस्सग्गस्स अट्टे ?, तए णं ते थेरा भगवंतो कालासवेसियपुत्तं अणगारं एवं वयासी—आया णे अज्जो ! सामाइए आया णे अज्जो ! सामाइयस्स अट्टे जाव विउस्सग्गस्स अट्टे । तए णं से कालासवेसियपुत्ते अणगारे थेरे भगवंते एवं वयासी—जति भे अज्जो ! आया सामाइए आया सामाइयस्स अट्टे एवं जाव आया विउस्सग्गस्स अट्टे अबहं दुक्खेइमाणमायालोमे किमट्टं अज्जो ! गरहह ?, कालास० संजमट्टयाए, से भंते ! किं गरहा संजमे अणगारहा संजमे ?, कालास० गरहा संजमे नो अणगारहासंजमे, गरहावि यं णं सब्बं दोसं पक्खिणंति सब्बं बालियं परिण्णाए, एवं सु णे आया संजमे उवहिए भवति, एवं सु णे आया संजमे उवधिए भवति, एवं सु णे आया संजमे उवट्ठिए भवति, एत्थं णं से कालासवेसियपुत्ते अणगारे संकुदे थेरे भगवंते बंदति धम्मं सति २ एवं

वयासी-एएसि णं भंते ! पयाणं पुत्वि अण्णाणयाए असवणयाए अबोहियाए अण-
 भिगमेणं अदिट्ठाणं अस्सुयाणं असुयाणं अविण्णायाणं अव्वोगडाणं अव्वोच्छिञ्चाणं
 अण्णिज्जूहाणं अणुवधारियाणं एयमट्ठं णो सद्दहिए णो पत्तिइए णो रोइए इयाणिं
 भंते ! एतेसि पयाणं जाणणयाए सवणयाए बोहीए अभिगमेणं दिट्ठाणं सुयाणं मुयाणं
 विण्णायाणं वोगडाणं वोच्छिञ्चाणं णिज्जूहाणं उवधारियाणं एयमट्ठं सद्दहामि पत्ति-
 यामि रोएमि एवमेयं से जहेयं तुब्भे वदह, तए णं ते येरा भगवंतो कालासवेसि-
 यपुत्तं अणगारं एवं वयासी-सद्दहाहि अज्जो ! पत्तियाहि अज्जो ! रोएहि अज्जो ! से
 जहेयं अम्हे वदामो । तए णं से कालासवेसियपुत्ते अणगारे येरे भगवंतो वंदइ
 नमंसइ २ एवं वदासी-इच्छामि णं भंते ! तुच्चं अंतिए चाउज्जामाओ धम्माओ
 पंचमहव्वइयं सपडिक्कमणं धम्मं उवसंपज्जिता णं विहरित्तए, अहात्तुं देवाणुप्पिया !
 मा पडिचंधं । तए णं से कालासवेसियपुत्तं अणगारे येरे भगवंते वंदइ नमंसइ वंदित्ता
 नर्ममिता चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जिता णं
 विहरइ । तए णं से कालासवेसियपुत्ते अणगारे बहूणि वासाणि सामण्णपरियाणं
 पाउणइ जस्सट्ठाए कीरइ येरकप्पभावे जिणकप्पभावे मुंडभावे अण्हाणयं अदंतसु-
 वणयं अच्छतयं अपोवाहणयं भूमिसेज्जा फलहसेज्जा कट्ठसेज्जा केसलोओ बंभचेर-
 वासो परघरपवेसो लद्धावल्लद्धी उच्चावया गामकंठगा बावीसं परिसहोवसग्गा अहि-
 यासिज्जंति तमट्ठं आराहेइ २ चरिमेहिं उस्सासनीसासेहिं सिद्धे बुद्धे मुक्के परिनिब्बुडे
 सव्वदुक्खप्पहीणे ॥ ७६ ॥ भंतेति भगवं गोयमे समणं भगवं महावीरं वंदति नमं-
 सति २ एवं वदासी-से नृणं भंते ! सेट्ठियस्स य तणुयस्स य किवणस्स य खत्ति-
 यस्स य समं चैव अपच्चक्खाणकिरिया कज्जइ ?, हंता गोयमा ! सेट्ठियस्स य जाव
 अपच्चक्खाणकिरिया कज्जइ, से केणट्ठेणं भंते !?, गोयमा ! अविरतिं पडुच्च से
 तेण० गोयमा ! एवं वुच्चइ-सेट्ठियस्स य तणु० जाव कज्जइ ॥ ७७ ॥ आहाकम्मं
 भुंजमाणे समणे निग्गंधे किं बंधइ किं पकरेइ किं चिणाइ किं उवचिणाइ ?, गोयमा !
 आहाकम्मं णं भुंजमाणे आउयवज्जाओ सत्त कम्मपगडीओ सिट्ठिलबंधणबद्धाओ
 धणियबंधणबद्धाओ पकरेइ जाव अणुपरियट्ठइ, से केणट्ठेणं जाव अणुपरियट्ठइ ?,
 गोयमा ! आहाकम्मं णं भुंजमाणे आयाए धम्मं अइक्कमइ आयाए धम्मं अइक्कम-
 माणे पुढविक्कायं णावकंखइ जाव तसकायं णावकंखइ, जेसिपि य णं जीवाणं सरी-
 राइं आहारमाहारेइ तेवि जीवे णावकंखइ, से तेणट्ठेणं गोयमा ! एवं वुच्चइ-आहा-
 कम्मं णं भुंजमाणे आउयवज्जाओ सत्त कम्मपगडीओ जाव अणुपरियट्ठइ ॥ फासुए-
 सणिज्जं भंते ! भुंजमाणे किं बंधइ जाव उवचिणाइ ?, गोयमा ! फासुएसणिज्जं भं

भुंजमाणे आउयवज्जाओ सत्त कम्मपयसीओ धणियबंधणबद्धाओ सिद्धिलबंधणबद्धाओ पकरेइ जहा संवुडे णं नवरं आउयं च णं कम्मं सिय बंधइ सिय नो बंधइ, सेवं तहेव जाव वीईवयइ, से केणट्टेणं जाव वीईवयइ ?, गोयमा ! फासुएसणिज्जं भुंजमाणे समणे निगंथे आयाए धम्मं नो अइक्कमइ, आयाए धम्मं अणइक्कममाणे पुढ-विक्काइयं अवकंखति जाव तसकायं अवकंखइ, जेसिपि य णं जीवाणं सरीराई आहा-रेइ तेऽवि जीवे अवकंखति से तेणट्टेणं जाव वीईवयइ ॥ ७८ ॥ से नूणं भंते ! अथिरे पलोट्टइ नो थिरे पलोट्टति अथिरे भज्जइ नो थिरे भज्जइ सासए बालए बालियत्तं असासयं सासए पंडििए पंडियत्तं असासयं ?, हंता गोयमा ! अथिरे पलोट्टइ जाव पंडियत्तं असासयं सेवं भंते ! सेवं भंतेत्ति जाव विहरति ॥ ७९ ॥ पढमसए, नवमो उहेसो समत्तो ॥

अन्नउत्थिया णं भंते ! एवमाइक्खंति जाव एवं परुवेत्ति—एवं खलु चल्माणे अचलिए जाव निज्जरिज्जमाणे अणिज्जिणे, दो परमाणुपोगगला एगयओ न साह-णंति, कम्हा दो परमाणुपोगगला एगततो न साहणंति ?, दोण्हं परमाणुपोगगलाणं नत्थि सिणेहकाए, तम्हा दो परमाणुपोगगला एगयओ न साहणंति, तिन्नि परमाणु-पोगगला एगयओ साहणंति, कम्हा ? तिन्नि परमाणुपोगगला एगयओ साहणंति, तिण्हं परमाणुपोगगलाणं अत्थि सिणेहकाए, तम्हा तिण्णि परमाणुपोगगला एगयओ सा०, ते भिज्जमाणा दुहावि तिहावि कज्जंति, दुहा कज्जमाणा एगयओ दिवङ्गे परमा-णुपोगगले भवति एगयओवि दिवङ्गे पर० पो० भवति, तिहा कज्जमाणा तिण्णि पर-माणुपोगगला भवति, एवं जाव चत्तारि पंचपरमाणुपो० एगयओ साहणंति, एगयओ साहणित्ता दुक्खत्ताए कज्जंति, दुक्खेवि य णं से सासए सया समियं उवत्तिज्जइ य अवत्तिज्जइ य पुत्वि भासा भासा भासिज्जमाणी भासा अभासा भासासमयवीति-कृतं च णं भासिया भासा, जा सा पुत्वि भासा भासा भासिज्जमाणी भासा अभासा भासासमयवीतिकृतं च णं भासिया भासा सा किं भासओ भासा अभासओ भासा ?, वमासओ णं सा भासा नो खलु सा भासओ भासा । पुत्वि किरिया दुक्खा कज्जमाणी किरिया अदुक्खा किरियासमयवीतिकृतं च णं कडा किरिया दुक्खा, जा सा पुत्वि किरिया दुक्खा कज्जमाणी किरिया अदुक्खा किरियासमयवीतिकृतं च णं कडा किरिया दुक्खा सा किं करणओ दुक्खा अकरणओ दुक्खा ?, अकरणओ णं सा दुक्खा णो खलु सा करणओ दुक्खा, सेवं वत्तव्वं सिया—अकिण्णं दुक्खं अपुत्तं दुक्खं अकज्ज-माणकडं दुक्खं अकट्टु अकट्टु पाणभूयजीवसत्ता वेदणं वेदंतीति वत्तव्वं सिया ॥ से कहमेयं भंते ! एवं ?, गोयमा ! जण्णं ते अण्णउत्थिया एवमात्तिक्खंति जाव वेदणं

वेदंति, वत्तव्वं सिया, जे ते एवमाहंसु मिच्छा ते एवमाहंसु, अहं पुण गोयमा ।
 एवमातिक्खामि, एवं खलु चलमाणे चलिए जाव निज्जमाणे निज्जिण्णे, दो
 परमाणुपोग्गला एगयओ साहणंति, कम्हा ? दो परमाणुपोग्गला एगयओ साह-
 णंति ?, दोहं परमाणुपोग्गलाणं अत्थि सिणेहकाए, तम्हा दो परमाणुपोग्गला
 एगयओ सा०, ते भिज्जमाणा दुहा कज्जंति, दुहा कज्जमाणे एगयओ पर० पोग्गले
 एगयओ प० पोग्गले भवति, तिण्णि परमा० एगओ साह०, कम्हा ? तिज्जि परमा-
 णुपोग्गले एग० सा० ?, तिण्हं परमाणुपोग्गलाणं अत्थि सिणेहकाए, तम्हा तिण्णि
 परमाणुपोग्गला एगयओ साहणंति, ते भिज्जमाणा दुहावि निहावि कज्जंति, दुहा
 कज्जमाणा एगयओ परमाणुपोग्गले एगयओ दुपदेसिए खंधे भवति, तिहा कज्जमाणा
 तिण्णि परमाणुपोग्गला भवति, एवं जाव चत्तारिपंचपरमाणुपो० एगओ साहणित्ता
 २ खंधत्ताए कज्जंति, खंधेवि य णं से असासए सया समियं उवच्चिज्जइ य अवच्चि-
 ज्जइ य । पुट्ठि भासा अभासा भासिज्जमाणी भासा २ भासासमयवीतिक्कंतं च णं
 भासिया भासा अभासा जा सा पुट्ठि भासा अभासा भासिज्जमाणी भासा २
 भासासमयवीतिक्कंतं च णं भासिया भासा अभासा ना कि भासओ भासा अभा-
 सओ भासा ?, भासओ णं भासा नो खलु मा अभासओ भासा । पुट्ठि किरिया
 अदुक्खा जहा भासा तदा भाणियव्वा, किरियावि जाव करणओ णं सा दुक्खा नो
 खलु सा अकरणओ दुक्खा, सेवं वत्तव्वं सिया-किच्चं फुसं दुक्खं कज्जमाणकळं कट्टु
 २ पाणभूयजीवसत्ता चेदणं वेदंतीति वत्तव्वं सिया ॥ ८० ॥ अण्णउत्थिया णं भंते !
 एवमाइक्खंति जाव-एवं खलु एगे जीवे एगेणं समएणं दो किरियाओ पकरेइ,
 तंजहा-इरियावहियं च संपराइयं च, [जं समयं इरियावहियं पकरेइ तं समयं संप-
 राइयं पकरेइ, जं समयं संपराइयं पकरेइ तं समयं इरियावहियं पकरेइ, इरियावहि-
 याए पकरणताए संपराइयं पकरेइ संपराइयपकरणयाए इरियावहियं पकरेइ, एवं
 खलु एगे जीवे एगेणं समएणं दो किरियाओ पकरेति, तंजहा-इरियावहियं च
 संपराइयं च । से क्हमेयं भंते एवं ?, गोयमा ! जं णं ते अण्णउत्थिया एवमाइ-
 क्खंति तं चेव जाव जे ते एवमाहंसु मिच्छा ते एवमाहंसु, अहं पुण गोयमा !
 एवमाइक्खामि ४-एवं खलु एगे जीवे एगसमए एक्कं किरियं पकरेइ] परउत्थिय-
 वत्तव्वं णेयव्वं, ससमयवत्तव्वयाए नेयव्वं जाव इरियावहियं संपराइयं वा ॥ ८१ ॥
 निरयगइं णं भंते ! केवत्थियं कालं विरहिया उववाएणं प० ?, गोयमा ! जहणेणं
 एक्कं समयं उक्कोसेणं बारस सुदुत्ता, एवं वक्कंतीपर्यं भाणियव्वं निरवसेसं, सेवं भंते !
 सेवं भंते ति जाव विहरइ ॥ ८२ ॥ दसमो उद्देसओ ॥ पदमं सयं समसं ॥

गाहा—ऊसासखंदए वि य १ समुग्घाय २ पुढवि ३ दिय ४ अनउत्थिभासा ५ य । देवा य ६ चमरचंचा ७ समय ८ खिल ९ थिकाय १० बीयसए ॥१॥८३॥
तेणं कालेणं तेणं समएणं रायगिहे नामं नगरे होत्था, वणओ, सामी समोसठे परिसा निगगया धम्मो कहिओ पडिगया परिसा । तेणं कालेणं २ जेट्ठे अतेवासी जाव पच्चुवासमाणे एवं वयासी—जे इमे भंते ! वेईदिया तेईदिया चउरिंदिया पंचदिया जीवा एएसि णं आणामं वा पागामं वा उस्तासं वा नीमासं वा जाणामो पासामो, जे इमे पुढविक्काइया जाव वणस्सइकाइया एगिंदिया जीवा एएसि णं आणामं वा पागामं वा उस्तासं वा निस्तासं वा ण याणामो ण पासामो, एएसि णं भंते ! जीवा आणमंति वा पाणमंति वा उस्ससंति वा नीससंति वा ? हंता गोयमा ! एएवि य णं जीवा आणमंति वा पाणमंति वा उस्ससंति वा नीससंति वा ॥ ८४ ॥
क्किणं भंते ! जीवा आण० पा० उ० नी० !, गोयमा ! दव्वओ णं अणंतपए-सियाई दव्वाई खेलओ णं असंखपएसोगाढाई कालओ अनयरद्वितीयाई भावओ वण्णमंताई गंधमंताई रसमंताई फासमंताई आणमंति वा पाणमंति वा ऊससंति वा नीससंति वा, जाई भावओ वण्णमंताई आण० पाण० ऊस० नीस० नाई कि एगवण्णाई आणमंति पाणमंति ऊस० नीस० !, आहारगमो नेयव्वो जाव तिचउ-पंचदिसि । क्किणं भंते ! नेरइया आ० पा० उ० नी० तं चेव जाव नियमा छइसि आ० पा० उ० नी० जीवा एगिंदिया वाघाया य निव्वाघाया य भाणियव्वा, सेसा नियमा छइसि ॥ वाउयाए णं भंते ! वाउयाए चेव आणमंति वा पाणमंति वा ऊससंति वा नीससंति वा ?, हंता गोयमा ! वाउयाए णं जाव नीससंति वा ॥ ८५ ॥ वाउयाए णं भंते ! वाउयाए चेव अणेगसयसहस्सखुत्तो उहाइत्ता २ तत्थेव भुज्जो भुज्जो पच्चायाति !, हंता गोयमा ! जाव पच्चायाति । से भंते कि पुट्ठे उहाति अपुट्ठे उहाति !, गोयमा ! पुट्ठे उहाइ नो अपुट्ठे उहाइ । से भंते ! कि सस-रीरी निक्खमइ असरीरी निक्खमइ !, गोयमा ! सिय ससरीरी निक्खमइ सिय असरीरी निक्खमइ । से केणट्ठेणं भंते ! एवं बुच्चइ सिय ससरीरी निक्खमइ सिय असरीरी निक्खमइ !, गोयमा ! वाउकायस्स णं चत्तारि सरीरया पक्कता, तज्जहा-ओरालिए वेउव्विए तेयए कम्मए, ओरालियवेउव्वियाई विप्पजहाय तेयकम्मएहि निक्खमंति, से तेणट्ठेणं गोयमा ! एवं बुच्चइ—सिय ससरीरी सिय असरीरी निक्ख-मइ ॥ ८६ ॥ मडाई णं भंते ! नियंटे नो निरुद्धभवे नो निरुद्धभवपर्वंचे णो पहीण-संसारे णो पहीणसंसारवेयणिजे णो बोच्छिण्णसंसारे णो बोच्छिण्णसंसारवेयणिजे नो निट्ठियट्ठे नो निट्ठियट्ठकरणिजे पुणरवि इरथीं हव्वभागच्छसि !, हंता गोयमा !

मडाई णं नियंठे जाव पुणरवि इत्यत्तं हव्वमागच्छति ॥ ८७ ॥ से णं भंते ! किं वत्तव्वं सिया ? गोयमा ! पाणेति वत्तव्वं सिया भूतेति वत्तव्वं सिया जीवेति वत्तव्वं ० सत्तेति वत्तव्वं ० विष्णुति वत्तव्वं ० वेदेति वत्तव्वं सिया पाणे भूए जीवे सत्ते विष्णु वेएति वत्तव्वं सिया, से केणट्टेणं भंते ! पाणेति वत्तव्वं सिया जाव वेदेति वत्तव्वं सिया ?, गोयमा ! जम्हा आ० पा० उ० नी० तम्हा पाणेति वत्तव्वं सिया, जम्हा भूते भवति भविस्सति य तम्हा भूएति वत्तव्वं सिया, जम्हा जीवे जीवइ जीवत्तं आउयं च कम्मं उवजीवइ तम्हा जीवेति वत्तव्वं सिया, जम्हा सत्ते सुहासुहेहिं कम्मोहिं तम्हा सत्तेति वत्तव्वं सिया, जम्हा तित्तकड्डयकसायअंबिलम्महुरे रसे जणइ तम्हा विष्णुति वत्तव्वं सिया, वेदेइ य सुहदुक्खं तम्हा वेदेति वत्तव्वं सिया, से तेणट्टेणं जाव पाणेति वत्तव्वं सिया जाव वेदेति वत्तव्वं सिया ॥ ८८ ॥ मडाई णं भंते ! नियंठे निरुद्धभवे निरुद्धभवपर्वचे जाव निट्टियट्टुकरणिजे णो पुणरवि इत्यत्तं हव्वमागच्छति ?, इता गोयमा ! मडाई णं नियंठे जाव नो पुणरवि इत्यत्तं हव्वमागच्छति से णं भंते ! किति वत्तव्वं सिया ?, गोयमा ! सिद्धेति वत्तव्वं सिया बुद्धेति वत्तव्वं सिया सुत्तेति वत्तव्वं ० पारगएत्ति व० परंपरगएत्ति व० सिद्धे बुद्धे सुत्ते परिनिव्वुडे अंतकडे सव्वदुक्खप्पहीणेति वत्तव्वं सिया, सेवं भंते ! सेवं भंते ! ति भगवं गोयमे समणं भगवं महावीरं वंदइ नमंसइ २ संजमेणं तवसा अप्पार्णं भावेमाणे विहरति ॥ ८९ ॥ तेणं कालेणं तेणं समएणं समणे भगवं महावीरे रायणिहाओ नगराओ गुणसिलाओ उज्जाणाओ पड्डिनिकखमइ पड्डिनिकखमित्ता बहिया जणवयविहारं विहरइ, तेणं कालेणं तेणं समएणं कयंगलानामं नगरी होत्था वण्णओ, तीसे णं कयंगलाए नगरीए बहिया उत्तरपुरच्छिमे दिसीभाए छत्तपलासए नामं उज्जाणे होत्था वण्णओ, तए णं समणे भगवं महावीरे उप्पण्णनाणदंसणघरे जाव समोसरणं परिसा निग्गच्छति, तीसे णं कयंगलाए नगरीए अदूरसामंते सावत्थी नामं नयरी होत्था वण्णओ, तत्थ णं सावत्थीए नयरीए गह्मालिस्स अंतवासी खंदए नामं क्खायणस्सगोत्ते परिव्वायणे परिवसइ रिउव्वेदजजुव्वेदसामवेदअहव्वणवेदइत्तिहासपंचमाणं निग्बंदुल्लुट्ठाणं चउण्हं वेदाणं संगोबंगणं सरइस्साणं सारए वारए धारए पारए सडंगवी सट्ठित्तकिसारए संखाणे सिक्खाकूपे वागरणे छंदे निरुत्ते जोत्तिसामयणे अण्णेसु य बहुसु बंगण्णएसु परिव्वायएसु य नयेसु सुपरिनिट्टिए यावि होत्था, तत्थ णं सावत्थीए नयरीए पिंगलए नामं नियंठे वेसाळियसावए परिवसइ, तए णं से पिंगलए नामं नियंठे वेसाळियसावए अण्णया कयाइ जेवेव

खंदए कच्चायणस्सगोते तेणेव उवागच्छइ २ खंदर्ग कच्चायणस्सगोतं इणमकखेवं पुच्छे—मागहा ! किं सअंते लोए अणंते लोए १ सअंते जीवे अणंते जीवे २ सअंता सिद्धी अणंता सिद्धी ३ सअंते सिद्धे अणंते सिद्धे ४ केण वा मरणेणं मरमाणे जीवे वव्वति वा हायति वा ५ ? , एतावं ताव आयक्खाहि बुच्चमाणे एवं, तए णं से खंदए कच्चा० गोते पिंगलएणं णियंटेणं वेसालीसावएणं इणमकखेवं पुच्छिए समाणे संकिए कंसिए वितिगिच्छिए भेदसमावणे कल्लससमावणे णो संचाएइ पिंगलयस्स नियंठस्स वेसालियसावयस्स किंचिवि पमोक्खमक्खाइउं, तुसिणीए संचिट्ठइ, तए णं से पिंगले नियंटे वेसालीसावए खंदयं कच्चायणस्सगोतं दोच्चंपि तच्चंपि इणमकखेवं पुच्छे—मागहा ! किं सअंते लोए जाव केण वा मरणेणं मरमाणे जीवे वव्वइ वा हायति वा ? एतावं ताव आइक्खाहि बुच्चमाणे एवं, तते णं से खंदए कच्चा० गोते पिंगलएणं नियंटेणं वेसालीसावएणं दोच्चंपि तच्चंपि इणमकखेवं पुच्छिए समाणे संकिए कंसिए वितिगिच्छिए भेदसमावणे कल्लससमावणे नो संचाएइ पिंगलयस्स नियंठस्स वेसालिसावयस्स किंचिवि पमोक्खमक्खाउं तुसिणीए संचिट्ठइ । तए णं सावत्थीए नयरीए सिंघाडग जाव महापहेसु महया जणसंभेइ इ वा जणवूहे इ वा परिसा निग्गच्छइ । तए णं तस्स खंदयस्स कच्चायणस्सगोतस्स बहुजणस्स अतिए एयमट्ठं सोच्चा निसम्मं ट्ठेयारूवे अचभत्थिए चितिए पत्थिए मणोए संकपे ममुप्पजित्था— एवं खल्ल ममणे भगवं महावीरे कर्यंगलाए नयरीए बहिया छत्तपलासए उज्जाणे संजमेणं तवसा अप्पाणं भावेमाणे विहरइ, तं गच्छामि णं ममणं भगवं महावीरं वंदामि नमंसाभि, सेयं खल्ल मे समणं भगवं महावीरं वंदित्ता णमंसित्ता सक्कारेत्ता सम्माणित्ता कल्लणं मंगलं देवयं चेइयं पज्ज्वासित्ता इमाई च णं एयारूवाइं अट्ठाई हेऊइं पसिष्ठाईं कारणाईं पुच्छित्तएत्ति कड्डु एवं संपेहेइ २ जेणेव परिव्वायावसहे तेणेव उवागच्छइ २ ता तिदंढं च कुंडियं च कंचणियं च करोडियं च भिसियं च केसरियं च छाल्लयं च अंकुसयं च पवित्तयं च गणेत्तियं च छत्तयं च बाहणाओ च पाउयाओ य धाउरत्ताओ य गेण्हइ गेण्हइत्ता परिव्वायावसहीओ पड्ढिनिकखमइ पड्ढिनिकखमइत्ता तिदंढकुंडियकंचणियकरोडियभिसियकेसरियछाल्लयअंकुसयपवित्तगणेत्तियहत्थगए छत्तोवाहणसंजुते धाउरत्तवत्थपरिहिए सावत्थीए नगरीए मज्जंमज्जेणं निग्गच्छइ निग्गच्छइत्ता जेणेव कर्यंगला नगरी जेणेव छत्तपलासए उज्जाणे जेणेव समणे भगवं महावीरे तेणेव पहारेत्थ ममणाए । गोयमाइ समणे भगवं महावीरे भगवं गोयमं एवं वयासी—दच्छिसि थं गोयमा ! पुव्वसंगत्तियं, कईं अंते !?, खंदयं नाम, से काई वा किई वा केवधिरेण वा ?, एवं खल्ल गोयमा ! तेणं काळेणं

२ सावत्थीनामं नगरी होत्या वज्रओ, तस्य णं सावत्थीए नगरीए गद्भाळिस्स अंतेषासी खंदए णामं कच्चायणस्सगोत्ते परिव्वायए परिवसइ तं चेव जाव जेणेव ममं अंतिए तेणेव पहारेत्थ गमणाए, से तं अदुरागते बहुसंपत्ते अट्टाणपडिक्खणे अंतरापह्वे वट्टइ । अज्जव णं दच्छिसि गोयमा !, भंतंति भगवं गोयमे समणं भगवं वंदइ नमंसइ २ एवं वदासी-पट्ट णं भंतं ! खंदए कच्चायणस्सगोत्ते देवाणुप्पियाणं अतिए मुंढे भक्किता अगाराओ अणगरियं पच्चइत्तए १, हंता पभू, जावं च णं समणे भगवं महावीरे भगवओ गोयमस्स एयमट्ठं परिकहेइ तावं च णं से खंदए कच्चायणस्सगोत्ते तं देस हव्वमागते, तए णं भगवं गोयमे खंदयं कच्चायणस्सगोत्ते अदुरागयं जाणित्ता खिप्पामेव अब्भुट्ठेत्ति खिप्पामेव पच्चुवगच्छइ २ जेणेव खंदए कच्चायणस्सगोत्ते तेणेव उवागच्छइ २ ता खंदयं कच्चायणस्सगोत्ते एवं वयासी-हे खंदया ! सागयं खंदया ! सुमागयं खंदया ! अणुरागयं खंदया ! मागयमणुरागयं खंदया ! से नूणं तुमं खंदया ! सावत्थीए नयरीए पिंगलएणं निघंठेणं वेसाळिय-सावएणं ङ्गमक्खवं पुच्छिए—मागहा ! किं मअंते लोणे अणते लोणे ? एवं तं चेव जेणेव इहं तेणेव हव्वमागए, से नूणं खंदया ! अट्टे समट्टे १, हंता अत्थि, तए णं से खंदए कच्चा० भगवं गोयमं एवं वयासी-से केणट्टेणं गोयमा ! तहारुवे नाणी वा तवस्सी वा जेणं तव एस अट्टे मम ताव रहस्सकडे हव्वमक्खाए ? जओ णं तुमं जाणसि, तए णं से भगवं गोयमे खंदयं कच्चायणस्सगोत्ते एवं वयासी-एवं खट्ट खंदया ! मम धम्मयारिए धम्मोवएसए समणे भगवं महावीरे उप्पण्णजाणदंसणधरे अरहा जिणे केवळी तीयपच्चुप्पन्नमणागयविद्याणए सव्वच्चू सव्वदरिसी जेणं ममं एस अट्टे तव ताव रहस्सकडे हव्वमक्खाए जओ णं अहं जाणामि खंदया ! तए णं से खंदए कच्चायणस्सगोत्ते भगवं गोयमं एवं वयासी—गच्छामो णं गोयमा ! तव धम्मयारियं धम्मोवदेसयं समणं भगवं महावीरं वंदामो णमंसामो जाव पच्चुवासामो, अहासुहं देवाणुप्पिया ! मा पडिबंचं, तए णं से भगवं गोयमे खंदएणं कच्चायणस्सगोत्तेणं सद्धिं जेणेव समणे भगवं महावीरे तेणेव पहारेत्थ गम-णयाए । तेणं काळेणं २ समणे भगवं महावीरे वियडभोई यावि होत्था, तए णं समणस्स भगवओ महावीरस्स वियट्ठभोइस्स सरीरं ओरालं सिंगारं क्खणं सिवं धणं मंगळं सत्तिरियं अणलं कियविभूसियं लक्खणवज्जणगुणोववेयं सिरीए अतीव २ उवसोभेयानं चिट्ठइ । तए णं से खंदए कच्चायणस्सगोत्ते समणस्स भगवओ महा-वीरस्स वियट्ठभोइस्स सरीरं ओरालं जाव अतीव २ उवसोभेयानं पासइ २ त्त ददुत्तद्विज्जाभाणंदिए पीइमणे परमसोमवत्तिए हरिसवसविसप्पमाणसियए जेणेव

समणे भगवं महावीरे तेणेव उवागच्छइ २ ता समणं भगवं महावीरं तिकच्छुणो
 आयाहिणप्पयाहिणं करेइ जाव पज्जुवासइ । खंदयाति समणे भगवं महावीरे खंदयं
 कब्बाय० एवं धयासी—से नूणं तुमं खंदया ! सावत्थीए नयरीए पिंगलएणं णियंठिणं
 वेसालियसावएणं इणमक्खेवं पुच्छिए मागहा । किं सअंते लोए अणंते लोए एवं तं
 जेणेव मम अंतिए तेणेव हव्वमागए, से नूणं खंदया ! अयमट्ठे समट्ठे ?, इंता
 अत्थि, जेविय ते खंदया ! अयमेयारूवे अन्भत्थिए चिंतिए पत्थिए मणोगए संकप्पे
 समुप्पज्जित्था—किं सअंते लोए अणंते लोए ? तस्सवि य णं अयमट्ठे—एवं खलु मए
 खंदया । चउच्चिहे लोए पज्जते, तंजहा—दव्वओ खेतओ कालओ भावओ । दव्वओ
 णं एगे लोए सअंते १, खेतओ णं लोए असंखेज्जाओ जोयणकोडाकोडीओ आयाम-
 विकखंभेणं असंखेज्जाओ जोयणकोडाकोडीओ परिकखेवेणं प० अत्थि पुण सअंते २,
 कालओ णं लोए ण कयावि न आसी न कयावि न भवति न कयावि न भविस्सति
 भविषु य भवति य भविस्सइ य धुवे णितिए सासते अक्खए अव्वए अषट्ठिए
 णिच्चे, णत्थि पुण से अंते ३, भावओ णं लोए अणंता वण्णपज्जवा गंध० रस०
 फासपज्जवा अणंता संठाणपज्जवा अणंता गह्यलहुयपज्जवा अणंता अगह्यलहुय-
 पज्जवा, नत्थि पुण से अंते ४, सेतं खंदगा । दव्वओ लोए सअंते खेतओ लोए
 सअंते कालओ लोए अणंते भावओ लोए अणंते । जेवि य ते खंदया । जाव सअंते
 जीवे अणंते जीवे, तस्सवि य णं अयमट्ठे—एवं खलु जाव दव्वओ णं एगे जीवे
 सअंते, खेतओ णं जीवे असंखेज्जपएसिए असंखेज्जपदेसोगाढे अत्थि पुण से अंते
 कालओ णं जीवे न कयावि न आसि जाव निच्चे नत्थि पुण से अंते, भावओ णं
 जीवे अणंता णाणपज्जवा अणंता दंसणप० अणंता चरित्तप० अणंता अगुरुलहुयप०
 नत्थि पुण से अंते, सेतं दव्वओ जीवे सअंते खेतओ जीवे सअंते कालओ जीवे
 अणंते भावओ जीवे अणंते । जेवि य ते खंदया पुच्छा [इमेयारूवे चिंतिए जात्र
 सअंता सिद्धी अणंता सिद्धी, तस्सवि य णं अयमट्ठे खंदया !—मए एवं खलु चउ-
 च्चिहा सिद्धी प०, तं०—दव्वओ ४, दव्वओ णं एगा सिद्धी सअता खेतओ णं
 सिद्धी पणयालीसं जोयणसयसहस्साइ आयामविकखंभेणं एगा जोयणकोडी बायालीसं
 च जोयणसयसहस्साइ तीसं च जोयणसहस्साइ दोलि य अउणापक्कजोयणसए
 किंचि विसेसाहिए परिकखेवेणं अत्थि पुण से अंते, कालओ णं सिद्धी न कयावि न
 आसि० भावओ य जहा लोयस्स तहा भाणियव्वा, तत्थ दव्वओ सिद्धी सअंता
 खे० सिद्धी सअंता का० सिद्धी अणंता भावओ सिद्धी अणंता । जेवि य ते खंदया ।
 जाव किं अणंते सिद्धे तं चेव जाव दव्वओ णं एगे सिद्धे सअंते, खे० सिद्धे असं-

खेज्वपएसिए असंखेज्वपदेसोगाडे, अत्थि पुण से अंते, कालओ णं सिद्धे साइए अपज्ववसिए नत्थि पुण से अंते, भा० सिद्धे अणंता णाणपज्जवा अणंता दंसणपज्जवा जाव अणंता अगुल्लहुयप० नत्थि पुण से अंते, सेत्तं दव्वओ सिद्धे सअंते खेतओ सिद्धे सअंते का० सिद्धे अणंते भा० सिद्धे अणंते । जेवि य ते खंदया । इमेयारूवे अब्भत्थिए चित्थिए जाव समुप्पज्जित्था-केण वा मरणेणं मरमाणे जीवे वव्वुत्ति वा हायति वा ? तस्सवि य णं अयमट्ठे एवं खल्ल खंदया । मए दुविहे मरणे पण्णत्ते, तंजहा-बालमरणे य पंडियमरणे य, से किं तं बालमरणे ?, २ दुवालसविहे प०, तं० बलयमरणे वसट्टमरणे अंतोसल्लमरणे तंभवमरणे गिरिपडणे तरुपडणे जलप्यवेसे जलणप्प० विमभक्खणे सत्तोवाडणे वेहाणत्ते गिद्धपट्टे । इच्चेतेणं खंदया । दुवाल-यविहेणं बालमरणेणं मरमाणे जीवे अणंतेहिं नेरइयभवग्गहणेहिं अप्पाणं संजोएह त्तिरियमणुदेव० अणाइयं च णं अणवदग्गं वीहमदं चाउरंतसंसारकंतारं अणुपरि-यट्टइ, सेत्तं मरमाणे वव्वुइ २, सेत्तं बालमरणे । से किं तं पंडियमरणे ?, २ दुविहे प०, तं० पाओवगमणे य भत्तपच्चक्खाणे य । से किं तं पाओवगमणे ?, २ दुविहे प०, तं०-नीहारिमे य अनीहारिमे य नियमा अप्पडिक्कमे, सेत्तं पाओवगमणे । से किं तं भत्तपच्चक्खाणे ?, २ दुविहे प०, तं०-नीहारिमे य अनीहारिमे य, नियमा सपडिक्कमे, सेत्तं भत्तपच्चक्खाणे । इच्चेते खंदया । दुवि-हेणं पंडियमरणेणं मरमाणे जीवे अणंतेहिं नेरइयभवग्गहणेहिं अप्पाणं विसंजोएह जाव वीइवयति, सेत्तं मरमाणे हायइ, सेत्तं पंडियमरणे । इच्चेणं खंदया । दुविहेणं मरणेणं मरमाणे जीवे वव्वुइ वा हायति वा ॥ ९० ॥ एत्थ णं से खंदए कच्चायणस्स गोत्ते संबुद्धे समणं भगवं महावीरं वंदइ नमंसइ २ एवं वदासी-इच्छामि णं भंते ! तुब्भे अंतिए केवलपज्जत्तं धम्मं निसामेतए, अहासुहं देवाणुप्पिया । मा पडिबंधं । तए णं समणे भगवं महावीरे खंदयस्स कच्चाय-णस्सगोत्तस्स तीसे महत्तिमहालियाए परिसाए धम्मं परिक्खेइ, धम्मकहा भाणि-यव्वा । तए णं से खंदए कच्चायणस्सगोत्ते समणस्स भगवओ महावीरस्स अंतिए धम्मं मोच्चा निसम्म हट्टुट्ठे जाव हियए उट्ठाए उट्ठेइ २ समणं भगवं महावीरं तिक्खुत्तो आयाहिणं पयाहिणं करेइ २ एवं वदासी-सहहामि णं भंते ! निग्गंयं पावयणं, पत्तिशामि णं भंते । निग्गंयं पावयणं, रोएमि णं भंते ! निग्गंयं पावयणं, अब्भुट्ठेमि णं भंते ! निग्गंयं पा०, एवमेयं भंते ! तहमेयं भंते ! अचित्तहमेयं भंते । असंदिद्धमेयं भंते ! इच्छियमेयं भंते । पडिच्छियमेयं भंते । इच्छियपडिच्छियमेयं भंते । से जहेयं तुब्भे वदहति कट्टु समणं भगवं महावीरं वदति नमंसवि २ उत्तर-

पुरच्छिमं दिक्षीभायं अवक्कमइ २ तिदंडं च कुंडियं च जाव धाउरत्ताओ य एगंते
 सुडेइ २ जेणेव समणे भगवं महावीरे तेणेव उवागच्छइ २ समणं भगवं महावीरं
 तिक्खुतो आयाहिणं पयाहिणं करेइ करेइत्ता जाव नमंसित्ता एवं वदासी-आलित्ते
 णं भंते ! लोए पलित्ते णं भंते ! लोए आ० प० भं० लो० जरामरणेण य, से
 जहानामए-केइ गहावती आगारंसि त्रियायमाणंसि जे से तत्थ भंढे भवइ अप्पभारे
 मोल्लगरुए तं गहाय आयाए एगंतमंतं अवक्कमइत्ति, एस मे नित्थारिए ममाणे पच्छा
 पुरा हियाए सुहाए खमाए निस्सेसाए आणुगामियत्ताए भविस्सइ, एवामेव देवाणु-
 प्पिया ! मज्जावि आया एगे भंढे इट्ठे कंते पिए मणुञ्जे मणामे थेजे वेसासिए संभए
 बहुमए अणुमए भंडकरंडगसमाणे मा णं सीयं मा णं उण्हं मा णं खुहा मा णं पिवासा
 मा णं चोरा मा णं बाला मा णं दंसा मा णं मसगा मा णं वाइयपित्तियमभियसं-
 निवाइयविविहा रोगायंका परीसहोवसग्गा फुसंतुत्ति कइ एस मे नित्थारिए समाणे
 परलोयस्स हियाए सुहाए खमाए नीसेसाए अणुगामियत्ताए भविस्सइ, तं इच्छामि
 णं देवाणुप्पिया ! सयमेव पच्चावियं मयमेव मुंडावियं सयमेव मेहावियं सयमेव
 सिक्खावियं सयमेव आयारगोयरं विणयवेणइयचरणकरणजायामायावत्तियं धम्म-
 माइक्खिच्चं । तए णं समणे भगवं महावीरे खंदयं कच्चायणस्सगोत्तं सयमेव पच्चा-
 वेइ जाव धम्ममातिकस्सइ, एवं देवाणुप्पिया ! गंतव्वं एवं च्चिट्ठियव्वं एवं निसीति-
 यव्वं एवं नुयट्ठियव्वं एवं भुंजियव्वं एवं भासियव्वं एवं उट्ठाए पाणेहिं भूएहिं
 जीवेहिं सत्तेहिं संजमेणं संजमियव्वं, अस्सि च णं अट्ठे णो किंत्वि वि पमाइयव्वं ।
 तए णं से खंदए कच्चायणस्सगोत्ते समणस्स भगवओ महावीरस्स इमं एयारुवं
 धम्मियं उवएसं सम्मं संपडिवज्जति तमाणाए तह गच्छइ तह च्चिट्ठइ तह निसीयति
 तह नुयट्ठइ तह भुंजइ तह भासइ तह उट्ठाए २ पाणेहिं भूएहिं जीवेहिं सत्तेहिं
 संजमेणं संजमियव्वमिति, अस्सि च णं अट्ठे णो पमायइ । तए णं से खंदए कच्चाय०
 अणगारे जाते इरियासमिए भासासमिए एसणाममिए आयाणभंडमत्तनिकखेवणा-
 समिए उच्चारपासवणखेलसिघाणजल्लपारिद्धावणियासमिए मणसमिए वयसमिए काय-
 समिए मणगुत्ते वहगुत्ते कायगुत्ते गुत्ते गुत्तिदिए गुत्तबंभयारी चाई लज्जु धण्णे संनि-
 खमे जिईदिए सोहिए अणियाणे अप्पुस्सुए अबहिक्खेस्से मुसासमण्णरए दंते इणमेव
 णिगंगंयं पावयणं पुरओ काउं विहरइ ॥ ५१ ॥ तए णं समणे भगवं महावीरे
 कयंगलाओ नयरीओ छत्तपलासयाओ उज्जाणाओ पट्टिनिक्खमइ २ बहिया अणव-
 यविहारं विहरति । तए णं से खंदए अणगारे समणस्स भगवओ महावीरस्स तहा-
 रुत्ताणं येराणं अंतिए सामाइयमाइयाई एकारस अंगार्इ अट्ठिज्जइ, जेणेव समणे

भगवं महावीरे तेणेव उवागच्छइ २ समणं भगवं महावीरं वंदइ नमंसइ २ एवं वयासी-इच्छामि णं भंते ! तुब्भेहिं अब्भणुण्णाए समाणे मासियं भिक्खुपडिमं उवसंपज्जिता णं विहरिताए, अहासुहं देवाणुप्पिया ! मा पडिबंधं । तए णं से खंदए अणगारे समणेणं भगवया महावीरेणं अब्भणुण्णाए समाणे हट्ठे जाव नमंसित्ता मासियं भिक्खुपडिमं उवसंपज्जिता णं विहरइ, तए णं से खंदए अणगारे मासिय-भिक्खुपडिमं अहासुत्तं अहाकप्पं अहामग्गं अहातच्चं अहासम्मं काएण फासेति पाळेति सोभेति तीरेति पूरेति किट्ठेति अणुपाळेइ आणाए आराहेइ संमं काएण फासित्ता जाव आराहेत्ता जेणेव समणे भगवं महावीरे तेणेव उवागच्छइ २ समणं भगवं जाव नमंसित्ता एवं वयासी-इच्छामि णं भंते ! तुब्भेहिं अब्भणुण्णाए समाणे दोमासियं भिक्खुपडिमं उवसंपज्जिता णं विहरिताए अहासुहं देवाणुप्पिया ! मा पडिबंधं, तं चेव, एवं तेमासियं चाउम्मामियं पंचलसत्तमा०, पडमं सत्तराईदियं दोच्चं सत्तराईदियं तच्चं सत्तरानिदियं अहोरातिदियं एगरा०, तए णं से खंदए अणगारे एगराईदियं भिक्खुपडिमं अहासुत्तं जाव आराहेत्ता जेणेव समणे० तेणेव उवागच्छति २ समणं भगवं म० जाव नमंसित्ता एवं वयासी-इच्छामि णं भंते ! तुब्भेहिं अब्भणुण्णाए समाणे गुणरयणसंबच्छरं तवोकम्मं उवसंपज्जिता णं विहरिताए, अहासुहं देवाणुप्पिया ! मा पडिबंधं । तए णं से खंदए अणगारे समणेणं भगवया महावीरेणं अब्भणुण्णाए समाणे जाव नमंसित्ता गुणरयणसंबच्छरं तवोकम्मं उवसंपज्जिता णं विहरति, तं०-पडमं मासं चउत्थंचउत्थेणं अनिक्खित्तेणं तवोकम्मेणं दिया ठाणुकुडुए सूराभिमुहे आयावणभूमीए आयावेमाणे रत्तिं वीरासणेणं अवाउडेण य । एवं दोच्चं मासं छट्ठंछट्ठेणं एवं तच्चं मासं अट्ठमंअट्ठमेणं चउत्थं मासं दसमंदसमेणं पंचमं मासं बारसमंबारसमेणं छट्ठं मासं चोहसमंचोहसमेणं सत्तमं मासं सोलसमं २ अट्ठमं मासं अट्ठारसमं २ नवमं मासं बीसतिमं २ दसमं मासं वावीसं २ एक्कारसमं मासं चउब्बीसतिमं २ बारसमं मासं छब्बीसतिमं २ तेरसमं मासं अट्ठावीसतिमं २ चोहसमं मासं तीसइमं २ पन्नरसमं मासं बत्तीसतिमं २ सोलसमं मासं चोत्तीसइमं २ अनिक्खित्तेणं तवोकम्मेणं दिया ठाणुकुडुए सूराभिमुहे आयावणभूमीए आयावेमाणे रत्तिं वीरासणेणं अवाउडेणं, तए णं से खंदए अणगारे गुणरयणसंबच्छरं तवोकम्मं अहासुत्तं अहाकप्पं जाव आराहेत्ता जेणेव समणे भगवं महावीरे तेणेव उवागच्छइ २ समणं भगवं महावीरं वंदइ नमंसइ २ बहुहिं चउत्थंछट्ठमंदसमदुवाउसेहिं मासदमासखमणेहिं विचित्तेहिं तवोकम्मेहिं अप्पाणं भावेमाणे विहरति । तए णं से खंदए अणगारे तेणं अरेराळेणं विसळेणं पयत्तेणं पय्य-

द्विएणं कल्लापेणं सिवेणं धञ्जेणं मंगल्लेणं सस्सिरीएणं उदग्गेणं उदत्तेणं उत्तमेणं उदा-
 रेणं महाणुभाणेणं तवोकम्मेणं सुल्ले लुक्खे निम्मंसे अट्टिचम्मावणद्धे किडि किडिया-
 भूए किसे धमणिंसंतए जाते यावि होत्था, जीवंजीवेण गच्छइ जीवंजीवेण चिट्ठइ
 भासं भासित्तावि गिलाइ भासं भासमाणे गिलात्ति भासं भासिस्सामीति गिलायति,
 से जहा नामए—कट्टसगड्डिया इ वा पत्तसगड्डिया इ वा पत्ततिलभंडगसगड्डिया इ वा
 एरंडकट्टसगड्डिया इ वा इंगालसगड्डिया इ वा उण्हे दिण्णा सुक्का समाणी ससहं
 गच्छइ ससहं चिट्ठइ एवामेव खंदएवि अणगारे ससहं गच्छइ ससहं चिट्ठइ उवचिते
 तवेणं अवचिए मंससोणिएणं हुयात्तणेविव भासरासिपडिच्छञ्जे तवेणं तेएणं तवते-
 यस्सिरीए अतीव २ उवसोभेमाणे २ चिट्ठइ ॥ ९२ ॥ तेणं काळेगं २ रायगिहे नगरे
 जाव समोसरणं जाव परिसा पडिगया, तए णं तस्स खंदयस्स अण० अण्णया
 कयाइ पुव्वरत्तावरत्तकालसमयंसि धम्मजागरियं जागरमाणस्स इमेयारूवे अन्भत्थिए
 चित्तिए जाव समुप्पज्जित्था—एवं खल्ल अहं इमेणं एयारूवेणं ओराळेणं जाव किसे
 धमणिंसंतए जाते जीवंजीवेणं गच्छामि जीवंजीवेणं चिट्ठामि जाव गिलामि जाव
 एवामेव अहंपि ससहं गच्छामि ससहं चिट्ठामि तं अत्थि ता मे उट्ठाणे कम्मे बडे
 वीरिए पुरिसक्कारपरक्कमे तं जाव ता मे अत्थि उट्ठाणे कम्मे बडे वीरिए पुरिसक्कार-
 परक्कमे जाव य मे धम्मायरिए धम्मोवदेसए समणे भगवं महावीरे जिणे सुहत्थी
 विहरइ ताव ता मे सेयं कळं पाउप्पभायाए रयणीए फुल्लुप्पलकमलकोमलुम्भिल्लि-
 यंमि अहापांडुरे पभाए रत्तासोयप्पकासकिमुयसुयमुहगुंजद्धरागमरिसे कमलागरसंड-
 बोहए उट्ठियंमि सूरे सहस्सरस्सिमि दिणयरे तेयसा जलंते समणं भगवं महावीरं
 वंदित्ता जाव पज्जुवासित्ता समणेणं भगवया महावीरेणं अन्भणुण्णाए समाणे सयमेव
 पंच महव्वयाणि आरोवेत्ता समणा य समणीओ य खामेत्ता तद्धारूवेहिं थेरेहिं
 कडाईहिं सद्धिं विपुलं पव्वयं सणियं २ दुक्कहिता मेघघणसत्तिगासं देवसत्तिवातं
 पुडवीसिलावट्ठयं पडिळेहिता दन्भसंथारयं संथरित्ता दन्भसंथारोवगयस्स संलेहणा-
 जोसणाजूसियस्स भत्तपाणपडियाइक्खियस्स पाओवगयस्स काल अणवकंखमाणस्स
 विहरित्तपत्ति कट्टु एवं संपेहेइ २ ता कळं पाउप्पभायाए रयणीए जाव जलंते जेणेव
 समणे भग० जाव पज्जुवासत्ति, खंदयाइ समणे भगवं महावीरं खंदयं अणगारे एवं
 वयासी—से नूणं तव खंदया । पुव्वरत्तावरत्तकालस० जाव जागरमाणस्स इमेयारूवे
 अन्भत्थिए जाव समुप्पज्जित्था—एवं खल्ल अहं इमेणं एयारूवेणं तवेणं ओराळेणं
 विपुळेणं तं चेव जाव कालं अणवकंखमाणस्स विहरित्तपत्ति कट्टु एवं संपेहेत्ति २
 कळं पाउप्पभाए जाव जलंते जेणेव मम अंतिए तेणेव इव्वमाणए, से नूणं खंदया ।

अष्टे समष्टे ? , हंता अत्यि, अहासुहं देवानुष्पिया ! मा पडिबंवं ॥ ५३ ॥ तए णं
 से खंदए अणगारे समणेणं भगवया महावीरेणं अन्भणुष्णाए समाणे हट्टुट्टु जाव
 ह्यहियए उट्टाए उट्टेइ २ समणं भगवं महा० तिक्खुतो आयाहिणं पयाहिणं करेइ
 २ जाव नमंसित्ता सयमेव पंच महव्वयाई आरुहेइ २ ता समणे य समणीओ य
 खामेइ २ ता तहारुवेहिं थेरोहिं कडाईहिं सद्धिं विपुलं पव्वयं सणियं २ दुरुहेइ
 मेहघणसज्जिगासं देवसज्जिवायं पुढविसिलावट्टयं पडिलेहेइ २ उच्चारपासवणभूमि
 पडिलेहेइ २ दन्भसंथारयं संथारइ २ ता पुरत्याभिमुहे संपलियं कनिसत्ते करयल-
 परिग्गहियं दसनहं सिरसावत्तं मत्थए अंजलिं कट्टु एवं वदासी-नमोऽत्थु णं अरहं-
 ताणं भगवंताणं जाव संपत्ताणं, नमोऽत्थु णं समणस्स भगवओ म० जाव संपा-
 विउक्कामस्स, वंदामि णं भगवंतं तत्थ गयं इहगते, पासउ मे भयवं तत्थगए इह-
 गयंति कट्टु वंदइ नमंसति २ एवं वदासी—पुव्विपि मए समणस्स भगवओ महा-
 वीरस्स अंतिए सव्वे पाणाइवाए पच्चक्खाए जावज्जीवाए जाव मिच्छादंसणसत्ते
 पच्चक्खाए जावज्जीवाए इयाणिपि य णं समणस्स भ० म० अंतिए सव्वं पाणाइ-
 वायं पच्चक्खामि जावज्जीवाए जाव मिच्छादंसणसत्तं पच्चक्खामि, एवं सव्वं असणं
 पाणं खा० सा० चउव्विहंपि आहारं पच्चक्खामि जावज्जीवाए, जंपि य इमं सरीदं
 इट्ठं कंतं पियं जाव फुसंतुत्तिकट्टु एयंपि णं चरिमेहिं उत्सासनीसासेहिं वोसिरा-
 म्मित्तिकट्टु संलेहणाज्जसणाज्जसिए भत्तपाणपडियाइक्खिए पाओवगए कालं अणवक्ख-
 माणे विहरति । तए णं से खंदए अण० समणस्स भ० म० तहारुवाणं थेराणं
 अंतिए सामाइयमाइयाई इकारस अंगाइं अहिज्जिता बहुपडिपुष्णाई दुवालसवासाई
 सामज्जपरियारं पाउणित्ता मासियाए संलेहणाए अत्ताणं अूसित्ता सट्ठिं भत्ताई अण-
 सणाए छेदेत्ता आलोइयपडिक्कंते समाहिपत्ते आणुपुव्वीए कालगए ॥ ५४ ॥ तए
 णं ते थेरा भगवंतो खंदयं अण० कालगयं जाणित्ता परिनिव्वाणवत्तियं काउस्सगं
 करंति २ पत्तचीवराणि मिण्हंति २ विपुलाओ पव्वयाओ सणियं २ पच्चोस्संति २
 जेणेव समणे भगवं म० तेणेव उवा० समणं भगवं म० वंदंति नमंसति २ एवं
 वदासी—एवं खलु देवानुष्पियाणं अंतेवासी खंदए नामं अणगारे पगइभए पगति-
 विणीए पगतिउवसंते पगतिपयणुक्कोहमाणमायालोभे मिउमद्वसंपत्ते अलीणे भए
 विणीए, से णं देवानुष्पिएहिं अन्भणुष्णाए समाणे सयमेव पंच महव्वयाणि आरे-
 वित्ता समणे य समणीओ य खामेत्ता अम्हेहिं सद्धिं विपुलं पव्वयं तं चेव निरव-
 मेसं जाव आणुपुव्वीए कालगए इमे य से आयारभंडए । अंते ति भगवं गोयमे
 समणं भगवं म० वंदंति नमंसति २ एवं वदासी—एवं खलु देवानुष्पियाणं अंतेवासी

खंदए नामं अण० कालमासे कालं किच्चा कहि गए ? कहिं उववण्णे ? गोयमाइ समणे भगवं महा० भगवं गोयमं एवं वयासी-एवं खलु गोयमा ! मम अंतेवासी खंदए नामं अणगारे पगतिभ० जाव से णं मए अब्भणुण्णाए समाणे सयमेव पंच महव्वयाइं आरुहेत्ता तं चेव सव्वं अविसेसियं नेयव्वं जाव आलोइयपडिक्कते समाहिपत्ते कालमासे कालं किच्चा अञ्जुए कप्पे देवत्ताए उववण्णे, तत्थ णं अत्थेग-इयाणं देवाणं बावीसं सागरोवमाइं ठिती प०, तस्स णं खंदयस्सवि देवस्स बावीसं सागरोवमाइं ठिती प० । से णं भंते ' खंदए देवे ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता कहिं गच्छिहिति ? कहिं उववज्जिहिति ? गोयमा ! महाविदेहे वासे सिज्झिहिति बुज्झिहिति मुच्चिहिति परेनिव्वाहिति मव्व-डुक्खाणमंतं करेहिति ॥ ९५ ॥ खंदओ समत्तो ॥ बितीयसयस्स पढमो ॥

कति णं भंते ! समुग्घाया पण्णत्ता ?, गोयमा ! सत्त समुग्घाया पण्णत्ता, तंजहा-वेदणासमुग्घाए एवं समुग्घायपदं छाउमत्थियसमुग्घायवज्जं भाणियव्वं, जाव वेमा-णियाणं कसायसमुग्घाया अप्पाबहुयं । अणगारस्स णं भंते ! भावियप्पणो केवलि-समुग्घाय जाव सासयमणागयद्धं चिट्ठति, समुग्घायपदं नेयव्वं ॥ ९६ ॥ बितीय-सए बितीयोद्देशो भाणियव्वो ॥

कति णं भंते ! पुढवीओ पञ्जत्ताओ ?, जीवाभिगमे नेरइयाणं जो बिितिओ उद्देशो सो नेयव्वो, पुढविं ओगाहिता निरया संटाणमेव बाहल्लं । [विकखंभपरिक्खेवो वण्णो गंधो य फासो य ॥ १ ॥] जाव किं सव्वपाणा उववण्णपुव्वा ?, हंता गोयमा ! असतिं अदुवा अणंतखुत्तो ॥ ९७ ॥ पुढवी उद्देशो तद्दओ ॥

कति णं भंते ! इंदिया पञ्जत्ता ?, गोयमा ! पंचिंदिया पञ्जत्ता, तंजहा-पढमिद्धो इंदियउद्देशो नेयव्वो, संटाणं बाहल्लं पोहत्तं जाव अलोगो ॥ ९८ ॥ इंदियउद्देशो ॥

अण्णउत्थिया णं भंते ! एवमाइक्खंति भासंति पक्खंति परुव्वंति, तंजहा-एवं खलु नियंठे कालगए समाणे देवब्भूएणं अप्पाणेणं से णं तत्थ णो अच्चे देवे नो अच्चेसिं देवाणं देवीओ अहिजुंजिय १ परियारेइ १ णो अप्पणच्चियाओ देवीओ अभिजुंजिय २ परियारेइ २ अप्पणामेव अप्पाणं विउच्चिय २ परियारेइ ३ एगेवि य णं जीवे एगेणं समएणं दो वेदे वेदेइ, तंजहा-इत्थिवेदं च पुरिसवेदं च, एवं परउ-त्थियवत्तव्वया नेयव्वा जाव इत्थिवेदं च पुरिसवेदं च । से कहमेयं भंते ! एवं ?, गोयमा ! जण्णं ते अण्णउत्थिया एवमाइक्खंति जाव इत्थिवेदं च पुरिसवेदं च, जे ते एवमाइंसु मिच्छं ते एवमाइंसु, अहं पुण गोयमा ! एवमात्तिकखामि मा० प० प०-एवं खलु नियंठे कालगए समाणे अण्यरेसु देवओएसु देवत्ताए उववत्तारो

भवन्ति महिष्णुएषु जाव महाणुभागेसु दूरगतीसु चिरद्वितीएसु, से णं तत्थ देवे भवति महिष्णुए जाव दस दिसाओ उज्जोवेमाणे पभासेमाणे जाव पडिह्वे । से णं तत्थ अन्ने देव अन्नेसिं देवाणं देवीओ अभिजुंजिय २ परियारेइ १ अप्पणाच्चियाओ देवीओ अभिजुंजिय २ परियारेड २ नो अप्पणामेव अप्पणं विउब्बिय २ परियारेड ३, एगेविय णं जीवे एगेणं समएणं एगं वेदं वेदेइ, तंजहा-इत्थिवेदं वा पुरिसवेदं वा, जं समयं इत्थिवेदं वेदेइ णो तं समयं पुस्सवेयं वेएइ जं समयं पुरिसवेयं वेएइ नो तं समयं इत्थिवेयं वेदेइ, इत्थिवेयस्स उदएणं नो पुरिसवेदं वेएइ, पुरिसवेयस्स उदएणं नो इत्थिवेयं वेएइ, एवं खलु एगे जीवे एगेणं समएणं एगं वेदं वेदेइ, तंजहा-इत्थीवेयं वा पुरिसवेयं वा, इत्थी इत्थिवेएणं उदिजेणं पुरिसं पत्थेइ, पुरिसो पुरिसवेएणं उदिजेणं इत्थि पत्थेइ, दोवि ते अज्जमज्जं पत्थेति, तंजहा-इत्थी वा पुरिसं पुरिसे वा इत्थि ॥५९॥ उदगगम्भे णं भंते ! उदगगम्भेति कालतो केवच्चिरं होइ ?, गोयमा ! जहजेणं एक्कं समयं उक्कोसेणं छम्मासा ॥ तिरिक्खजोणियगम्भे णं भंते ! तिरिक्खजोणिय-गम्भेति कालओ केवच्चिरं होति ?, गोयमा ! जहजेणं अंतोमुहुत्तं उक्कोसेणं अट्ट संव-च्छराइं ॥ मणुस्सीगम्भे णं भंते ! मणुस्सीगम्भेति कालओ केवच्चिरं होइ ?, गोयमा ! जहजेणं अंतोमुहुत्तं उक्कोसेणं बारस संवच्छराइं ॥ १०० ॥ कायभवत्ये णं भंते ! कायभवत्येति कालओ केवच्चिरं होइ ?, गोयमा ! जहजेणं अंतोमुहुत्तं उक्कोसेणं चउब्बीसं संवच्छराइं ॥ १०१ ॥ मणुस्सपंचेदियतिरिक्खजोणियबीए णं भंते ! जोणियब्भूए केवतियं कालं सच्चिट्ठं ?, गोयमा ! जहजेणं अंतोमुहुत्तं उक्कोसेणं बारस मुहुत्ता ॥ १०२ ॥ एगजीवे णं भंते ! जोणिए बीयब्भूए केवतियाणं पुत्तत्ताए हव्व-मागच्छइ ?, गोयमा ! जहजेणं इक्कस्स वा दोण्हं वा तिण्हं वा, उक्कोसेणं सयपुहुत्तास्स जीवाणं पुत्तत्ताए हव्वमागच्छति ॥ १०३ ॥ एगजीवस्स णं भंते ! एगभवग्गहणेणं केवइया जीवा पुत्तत्ताए हव्वमागच्छति ! गोयमा ! जहजेणं इक्को वा दो वा तिषि वा, उक्कोसेणं सयसहस्सपुहुत्तं जीवा णं पुत्तत्ताए हव्वमागच्छति, से केणट्ठेणं भंते । एवं बुच्चइ-जाव हव्वमागच्छइ ?, गोयमा ! इत्थीए य पुरिसस्स य कम्मकडाए जोणीए मेहुणवत्तिए नामं संजोए समुप्पज्जइ, ते दुहओ सिणेहं संघिणंति २ तत्थ णं जहजेणं एक्को वा दो वा तिण्णि वा उक्कोसेणं सयसहस्सपुहुत्तं जीवाणं पुत्तत्ताए हव्वमागच्छति, से तेणट्ठेणं जाव हव्वमागच्छइ ॥ १०४ ॥ मेहुणे णं भंते ! सेव-माणस्स केरिसिए असंजमे कज्जइ ?, गोयमा ! से जहानामए केइ पुरिसे रुयनाळियं वा बूरनाळियं वा ततेणं कणएणं समभिधंसेज्जा एरिसए णं गोयमा ! मेहुणं सेवमा-णस्स असंजमे कज्जइ, सेवं भंते ! सेवं भंते ! जाव विहरति ॥ १०५ ॥ तए ऋ

समणे भगवं महावीरे रायगिहाओ नगराओ गुणसिलाओ उज्जाणाओ पड्डिनिक्खमइ २
 बहिया जणवयविहारं विहरति । तेणं कालेणं २ तुंगिया नामं नगरी होत्था वण्णओ,
 सीसे णं तुंगियाए नगरीए बहिया उत्तरपुरच्छिमे दिक्षीभाए पुप्फवतिए नामं उज्जाणे
 होत्था, वण्णओ, तत्थ णं तुंगियाए नयरीए बहवे समणोवासया परिवसंति अण्णा
 दित्ता विच्छिण्णविपुलभवणसयणासणजाणवाहणाइण्णा बहुधणबहुजायरूवरयया
 आओगपओगसंपउत्ता विच्छड्डियविपुलभत्तपाणा बहुदासीदासगोमहिसगवेलयप्प-
 भूया बहुजणस्स अपरिभूया अभिगयजीवाजीवा उवळ्ळुपुण्णपावा आसवसंवरनिज्ज-
 रकिरियाहिंकरणबंधमोक्खकुसला असहेज्जदेवासुरनागसुवण्णजक्खरक्खसकिंनरकिं-
 पुरिसगरुल्लगंधव्वमहोरगाइएहिं देवगणेहिं निग्गंथाओ पावयणाओ अणतिकमणिज्जा
 णिगंथे पावयणे निस्सकिया निक्कंखिया निव्वित्तिगिच्छा लद्धा गहियट्ठा पुच्छियट्ठा
 अभिगयट्ठा विणिच्छियट्ठा अट्ठिमिजपेम्माणुरागरत्ता अयमाउसो ! निग्गंथे पावयणे
 अट्ठे अयं परमट्ठे सेसे अणट्ठे ऊमियफलिहा अवंगुयदुवारा चियत्तंतेउरघरप्पवेसा बट्टुहिं
 छीलव्वयगुणवेरमणपच्चक्खणपोसहोववासेहिं, चाउद्दमट्टमुट्ठिपुण्णमासिणीसु पडिपुञ्जं
 पोसहं सम्मं अणुपालेमाणा समणे निग्गंथे फासुएमणिज्जेणं अमणपाणस्साइमसाइमेणं
 वत्थपडिग्गहक्कंबलपायपुंज्जेणं पीडफलगसेज्जासंधारएणं ओमहभेसज्जेण य पडि-
 लाभेमाणा अहापडिग्गहिएहिं तवोक्कमेहिं अप्पाणं भावेमाणा विहरंति ॥ १०६ ॥
 तेणं कालेणं २ पासावच्चिज्जा थेरा भगवंतो जातिसंपन्ना कुलसंपन्ना बलसंपन्ना
 रूवसंपन्ना विणयसंपन्ना णाणसंपन्ना दंसणसंपन्ना चरित्तसंपन्ना लज्जासंपन्ना लाघव-
 संपन्ना ओयंसी तेयंसी वच्चंसी जसंसी जियकोहा जियमाणा जियलोभा जियनिहा
 जित्तिदिया जियपरीसहा जीवियासमरणभयविप्पमुक्का जाव कुणियावणभूता बहु-
 स्सया बहुपरिवारा पंचहिं अणगारसएहिं मडिं संपरिवुडा अहाणुपुव्विं चरमाणा
 गामाणुगामं दूइज्जमाणा सुइंसुहेणं विहरमाणा जेणेव तुंगिया नगरी जेणेव पुप्फ-
 वतीए उज्जाणे तेणेव उवागच्छंति २ अहापडिरूवं उग्गहं उगिण्हिता णं संजमेणं
 तवसा अप्पाणं भावेमाणा विहरंति ॥ १०७ ॥ तए णं तुंगियाए नगरीए सिवाड-
 गतिगचउक्कचरमहापहपहेसु जाव एगदिसाभिमुहा णिज्जायंति, तए णं ते समणो-
 वासया इमीसे कहाए लद्धा समाणा हट्टुट्ठा जाव सहावेति २ एवं वदासी-एवं
 खलु देवाणुप्पिया ! पासावच्चेज्जा थेरा भगवंतो जातिसंपन्ना जाव अहापडिरूवं
 उग्गहं उगिण्हिता णं संजमेणं तवसा अप्पाणं भावेमाणा विहरंति, तं महाफलं
 खलु देवाणुप्पिया ! तहास्वारणं थेराणं भगवंताणं णामगोयस्सवि सबणयाए किमंग
 पुण अभिगमणवंदणनमंसणपडिपुच्छणपज्जुवासथयाए ! जाव गहणयाए !, तं

गच्छामो णं देवाणुप्पिया ! धेरे भगवंते वंदामो नमंसामो जाव पज्जुवासामो, एयं णं इह भवे वा परभवे वा जाव अणुगामियत्ताए भविस्सतीतिकहु अन्नमन्नस्स अंतिए एयमट्ठं पड्डिदुणेंति २ जेणेव सयाई २ गिहाई तेणेव उवागच्छंति २ ष्हाया सुद्धप्पावेसाई मंगलाई वत्थाई पवराई परिहिया अप्पमहग्घाभरणालंकियसरीरा सएहिं २ गेहेहिंतो पड्डिनिकखमंति २ ता एगयओ मेलायंति २ पायविहारचारेणं तुंगियाए नगरीए मज्झमज्जेणं णिग्गच्छंति २ जेणेव पुप्फवतीए उज्जाणे तेणेव उवागच्छंति २ धेरे भगवंते पंचविट्ठेणं अभिगमेणं अबिगच्छंति, तंजहा—सच्चित्ताणं दन्वाणं निउसरणयाए १ अच्चित्ताणं दन्वाणं अबिउसरणयाए २ एगसोडिएणं उत्तरासंगकरणेणं ३ चक्खुप्फासे अंजलिप्पग्गहेणं ४ मणसो एगत्तीकरणेणं ५ जेणेव थेरा भगवंतो तेणेव उवागच्छंति २ तिक्खुत्तो आयाहिणं पयाहिणं करेन्ति २ जाव तिविहाए पज्जुवासणाए पज्जुवासंति ॥ १०८ ॥ तए णं ते थेरा भगवंतो तेसिं समणोवासयाणं तीसे य महतिमहालियाए चाउज्जामं धम्मं परिकहेंति जहा केस्सि-सामिस्स जाव समणोवासियत्ताए आणाए आराहगे भवति जाव धम्मो कहिओ । तए णं ते समणोवासया थेराणं भगवंताणं अंतिए धम्मं सोच्चा निसम्म हट्ट दुट्ट जाव हयहियया तिक्खुत्तो आयाहिणप्पयाहिणं करेन्ति २ जाव तिविहाए पज्जुवास-णाए पज्जुवासंति २ एवं वदासी-संजमे णं भंते ! किंफले ? तवे णं भंते ! किंफले ?, तए णं ते थेरा भगवंतो ते समणोवासए एवं वदासी-संजमे णं अज्जो ! अणण्हय-फले तवं वोदाणफले, तए णं ते समणोवासया धेरे भगवंतं एवं वदासी-जति णं भंते ! संजमं अणण्हयफले तवे वोदाणफले किंपत्तियं णं भंते ! देवा देवलोएसु उववज्जंति, तत्थ णं कालियपुणे नामं धेरे ते समणोवासए एवं वदासी-पुव्वतवेणं अज्जो ! देवा देवलोएसु उववज्जंति, तत्थ णं मेहिंले नामं धेरे ते समणोवासए एवं वदासी-पुव्वसंजमेणं अज्जो ! देवा देवलोएसु उववज्जंति, तत्थ णं आणंदरक्खिए णामं धेरे ते समणोवासए एवं वदासी-कम्मियाए अज्जो ! देवा देवलोएसु उव-वज्जंति, तत्थ णं कासवे णामं धेरे ते समणोवासए एवं वदासी-संगियाए अज्जो ! देवा देवलोएसु उववज्जंति, पुव्वतवेणं पुव्वसंजमेणं कम्मियाए संगियाए अज्जो ! देवा देवलोएसु उववज्जंति, सब्बे णं एस अट्ठे नो चैव णं आयभाववत्तवयाए, तए णं ते समणोवासया धेरेहिं भगवंतेहिं इमाई एयारूवाई वागरणाई वाग-रिया समाणा हट्टुट्ठा धेरे भगवंते वंदंति नमंसंति २ पस्सिणाई पुच्छंति २ उट्ठाई उवादिपंति २ उट्ठाई उट्ठेसिं २ धेरे भगवंते तिक्खुत्तो वंदंति णमंसंति २ थेराणं मगवं० अंतियाओ पुप्फवतियाओ उज्जाणाओ पड्डिनिकखमंति २ जामेव दिशिं

षाउञ्चमूया तामेव दिसि पडिगया ॥ तए णं ते थेरा अन्नया कयाइं तुंगियाओ
 पुप्फवतिउज्जाणाओ पडिनिग्गच्छन्ति २ बहिया जणवयविहारं विहरन्ति ॥ १०९ ॥
 तेणं काळेणं २ रायगिहे नामं नगरे जाव परिसा पडिगया, तेणं काळेणं २ सम-
 णस्स भगवओ महावीरस्स जेट्ठे अंतेवासी इंदभूतीनामं अणगारे जाव संखितवि-
 उलतेयलेस्से छट्ठंछट्ठेणं अनिक्खितेणं तवोक्कम्भेणं संजमेणं तवसा अप्पाणं भावे-
 माणे जाव विहरति । तए णं से भगवं गोयमे छट्ठंक्खमणपारणंगंसि पढमाए पोरी-
 सीए सज्झायं करेइ बीयाए पोरीसीए ज्ञाणं झियायइ तइयाए पोरीसीए अतुरियम-
 चवल्मसंभेते मुहपोत्तियं पडिलेहेइ २ भायणाइं वत्याइं पडिलेहेइ २ भायणाइं
 पमजइ २ भायणाइं उग्गाहेइ २ जेणेव समणे भगवं महावीरे तेणेव उवागच्छइ
 २ समणं भगवं महावीरं वंदइ नमंसइ २ एवं वदासी-इच्छामि णं भंते ! तुब्भेहिं
 अब्भणुजाए छट्ठंक्खमणपारणंगंसि रायगिहे नगरे उच्चनीयमज्झिमाइं कुलाइं घरस-
 मुदाणस्स भिक्खायरियाए अडित्ताए, अहासुहं देवाणुप्पिया ' मा पडिवंधं, तए णं
 भगवं गोयमे समणेणं भगवया महावीरेणं अब्भणुजाए समाणे समणस्स भगवओ
 महावीरस्स अंतियाओ गुणसिलाओ उज्जाणाओ पडिनिक्खमइ २ अतुरियमचवल्म-
 मसंभेते जुगंतरप्लोयणाए दिट्ठीए पुरओ रियं सोहेमाणे २ जेणेव रायगिहे नगरे
 तेणेव उवागच्छइ २ रायगिहे नगरे उच्चनीयमज्झिमाइं कुलाइं घरसमुदाणस्स
 भिक्खायरियं अडइ । तए णं से भगवं गोयमे रायगिहे न० जाव अडमाणे बहु-
 जणसहं निसामेइ-एवं खलु देवाणुप्पिया ! तुज्झियाए नगरीए बहिया पुप्फवतीए
 उज्जाणे पासावच्चिजा थेरा भगवंतो समणोवासएहिं इमाइं एयास्वाइं वागरणाइं
 पुच्छिया-संजमे णं भंते ' किंफले ? तवे णं भंते ! किंफले ?, तए णं ते थेरा भग-
 वंतो ते समणोवासए एवं वदासी-संजमे णं अज्जो ! अणण्हयफले तवे बोदाणफले
 तं चेव जाव पुव्वतवेणं पुव्वसंजमेणं कम्मियाए सगियाए अज्जो ! देवा देवलोएसु
 उववजंति, मच्चं णं एसमट्ठे णो चेव णं आयभाववत्तव्वयाए ॥ से क्हमेवं मण्णे
 एवं ?, तए णं समणे० गोयमे इमीसि क्हाए लट्ठे समाणे जायसत्ते जाव समुप्प-
 ण्णकोउहले अहापज्जातं समुदाणं गेण्हइ २ रायगिहाओ नगराओ पडिनिक्खमइ २
 अतुरियं जाव सोहेमाणे जेणेव गुणसिलए उज्जाणे जेणेव समणे भगवं महावीरे
 तेणेव उवा० सम० भ० महावीरस्स अदूरसामंते गमणागमणए पडिक्कमइ एसण-
 मणेसणं आलोएइ २ भत्तपाणं पडिईसेइ २ समणं भ० महावीरं जाव एवं वयासी-
 एवं खलु भंते ! अहं तुब्भेहिं अब्भणुजाए समाणे रायगिहे नगरे उच्चनीयमज्झि-
 माणि कुलाणि घरसमुदाणस्स भिक्खायरियाए अडमाणे बहुजणसहं निसामेति(मि),

एवं खलु देवाः तुंगियाए नगरीए बहिया पुष्कवईए उज्जाणे पासावञ्चिज्जा थेरा भगवंतो समणोवासएहिं इमाई एयारूवाई वागरणाई पुच्छिज्या—संजमे णं भंते ! किंफले ? तवे किंफले ? तं चेव जाव सच्चे णं एसमट्टे णो चेव णं आयभाववत्तव्वयाए, तं पभू णं भंते ! ते थेरा भगवंतो तेसिं समणोवासयाणं इमाई एयारूवाई वागरणाई वागरितए उदाहु अप्पभू ?, समिया णं भंते ! ते थेरा भगवंतो तेसिं समणोवास-याणं इमाई एयारूवाई वागरणाई वागरितए उदाहु असमिया ? आउज्जिया णं भंते ! ते थेरा भगवंतो तेसिं समणोवासयाणं इमाई एयारूवाई वागरणाई वागरितए ? उदाहु अणाउज्जिया ? पल्लिउज्जिया णं भंते ! ते थेरा भगवंतो तेसिं समणोवासयाणं इमाई एयारूवाई वागरणाई वागरितए उदाहु अपल्लिउज्जिया ?, पुव्वतवेणं अज्जो ! देवा देवलोएसु उव्वज्जंति पुव्वसंजमेणं कम्मियाए संगियाए अज्जो ! देवा देव-लोएसु उव्वज्जंति, सच्चे णं एसमट्टे णो चेव णं आयभाववत्तव्वयाए, पभू णं गोयमा ! ते थेरा भगवंतो तेसिं समणोवासयाणं इमाई एयारूवाई वागरणाई वागरितए, णो चेव णं अप्पभू, तद्द चेव नेयव्वं अवसेसियं जाव पभू समियं आउज्जिया पल्लिउ-ज्जिया जाव सच्चे णं एसमट्टे णो चेव णं आयभाववत्तव्वयाए, अहंपि णं गोयमा ! एवमाइक्खामि भासेमि पण्णवेमि परूवेमि पुव्वतवेणं देवा देवलोएसु उव्वज्जंति पुव्वसंजमेणं देवा देवलोएसु उव्वज्जंति कम्मियाए देवा देवलोएसु उव्वज्जंति संगि-याए देवा देवलोएसु उव्वज्जंति, पुव्वतवेणं पुव्वसंजमेणं कम्मियाए संगियाए अज्जो ! देवा देवलोएसु उव्वज्जंति, सच्चे णं एसमट्टे णो चेव णं आयभाववत्तव्वयाए ॥ ११० ॥

तहारूवं भंते ! समणं वा माहणं वा पञ्चुवासमाणस्स किंफला पञ्चुवासणा ?, गोयमा ! सबणफला, से णं भंते ! सबणे किंफले ?, णाणफले, से णं भंते ! नाणे किंफले ?, विण्णाणफले, से णं भंते ! विजाणे किंफले ?, पच्चक्खाणफले, से णं भंते ! पच्चक्खाणे किंफले ?, संजमफले, से णं भंते ! संजमे किंफले ?, अणण्हयफले, एवं अणण्हए तवफले, तवे बोदाणफले, बोदाणे अकिरियाफले, से णं भंते ! अकिरिया किंफला ?, सिद्धिपज्जक्खाणफला पण्णत्ता गोयमा !, गाहा-सबणे णाणे य विण्णाणे पच्चक्खाणे य संजमे । अणण्हए तवे चेव बोदाणे अकिरिया सिद्धी ॥ ११ ॥ १११ ॥

अण्णउत्थिया णं भंते ! एवमात्तिकखंति भासंति पण्णवेति परूवेति—एवं खलु राय-गिहस्स नगरस्स बहिया वैभारस्स पव्वयस्स अहे एत्थ णं महं एगे हरए अणे पन्नते अणेगाई जोयणाई आत्तामत्तिकखंमेणं नाणादुमसंढमंछितउहेसे सत्तिरीए जाव पडिरूवे, तत्थ णं बहवे औराला क्खहाया संसेयंति सम्मुच्छिन्ति वासंति तव्वतिरिते य णं सया समिज्जो उस्सिणे २ आउक्काए अभिनिस्सव्व । से क्खभेयं

भंते ! एवं ? , गोयमा ! जर्णं ते अण्णउत्थिया एवमातिक्खंति जाव जे ते एवं पस्-
 वेंति मिच्छंते एवमातिक्खंति जाव सव्वं नेयव्वं, जाव अहं पुण गोयमा ! एवमाति-
 क्खामि भा० प० प० एवं खलु रायगिहस्स नगरस्स बहिया वेभारपव्वयस्स
 अदूरसामंते, एत्थ णं महातवोवतीरप्पभवे नामं पासवणे पन्नते पंचघणुसयाणि
 आयामविकखंभेणं नाणादुमसंडमंडिउद्देसे सत्तिरीए पासाइए दरिसणिज्जे अभिह्वे
 पडिह्वे तत्थ णं बह्वे उसिणजोणिया जीवा य पोगगला य उदगत्ताए वक्कमंति
 विउक्कमंति चयंति उववज्जति तव्वतिरित्तेवि य णं सया समियं उसिणे २ आउयाए
 अभिनिस्सवइ, एस णं गोयमा ! महातवोवतीरप्पभवे पासवणं एस णं गोयमा !
 महातवोवतीरप्पभवस्स पासवणस्स अट्ठे पन्नते, सेवं भंते २ ति भगवं गोयमे
 समणं भगवं महावीरं वंदति नमंसति ॥ ११२ ॥ **बीए सए पंचमो उद्देसो ॥**
 से णूणं भंते ! मण्णामीति ओहारिणी भासा, एवं भासापदं भाणियव्वं ॥ ११३ ॥
बीए सए छट्ठो उद्देसो समत्तो ॥

कतिविहा णं भंते ! देवा प० ? , गोयमा ! चउव्विहा देवा प०, तंजहा-भव-
 णवइवाणमंतरजोतिसवेमाणिया । कहि णं भंते ! भवणवासीणं देवाणं ठाणा प० ? ,
 गोयमा ! इमीसे रयणप्पभाए पुढवीए जहा ठाणपदे देवाणं वत्तव्वया सा भाणि-
 यव्वा, नवरं भवणा प०, उववाएणं लोयस्स असंखेज्जइभागे, एवं सव्वं भाणियव्वं
 जाव सिद्धगंडिया समता-कप्पाण पइट्ठागं बाहुल्लुच्चतमेव संठाणं । जीवाभिगमे जाव
 वेमाणियउद्देसो भाणियव्वो सव्वो ॥ ११४ ॥ **बीए सए सप्तमो उद्देसो ॥**

कहि णं भंते ! चमरस्स असुरिंदस्स असुरकुमाररजो सभा सुहम्मा प० ? ,
 गोयमा ! जंतुदीवे दीवे मंदरस्स पव्वयस्स दाहिणेणं तिरियमसंखेजे दीवसमुदं
 वीईवइत्ता अरुणवरस्स दीवस्स बाहिरिआओ वेइयंताओ अरुणोदयं समुदं बाया-
 लीसं जोयणसहस्साइ ओगाहिता एत्थ णं चमरस्स असुरिंदस्स असुरकुमार-
 रणो तिगिच्छियकूडे नामं उप्पायपव्वए पण्णते, सत्तारसएक्कवीसे जोयणसए उहुं
 उच्चतेणं चत्तारि तीसे जोयणसए कोसं च उव्वेहेणं गोयूभस्स आवासपव्वयस्स
 पमाणेणं णेयव्वं नवरं उवरिल्लं पमाणं मज्जे भाणियव्वं [मूले दसवावीसे जोयणसए
 विकखंभेणं मज्जे चत्तारि चउवीसे जोयणसते विकखंभेणं उवरिं सत्ततेवीसे जोयण-
 सते विकखंभेणं मूले तिण्णि जोयणसहस्साइ दोण्णि य वणीत्तरे जोयणसते
 किंशिविसेसूणे परिकखेवेणं मज्जे एगं जोयणसहस्सं तिण्णि य इगयाले जोयणसते
 किंशिविसेसूणे परिकखेवेणं उवरिं दोण्णि य जोयणसहस्साइ दोण्णि य छल्लहीते
 जोयणसते किंशिविसेसाहिए परिकखेवेणं] जाव मूले वित्थे मज्जे संसिते उप्पि

विसाळे मज्जे वरचरविग्गहिए महामन्दसंठाणसंठिए सव्वरयणामए अच्छे जाव पडिरूवे, से णं एगाए पउमवरवेइयाए एणेणं वणसंढेण य सव्वओ समता संपरि-
 वित्तते, पउमवरवेइयाए वणसंढस्स य वण्णओ, तस्स णं तिगिच्छिक्कडस्स उप्पाय-
 पव्वयस्स उप्पि बहुसमरमणिजे भूमिभागे पण्णते, वण्णओ, तस्स णं बहुसमरमणि-
 जस्स भूमिभागस्स बहुमज्झदेसभागे एत्थ णं महं एगे पासायवडिसए पत्तते, अङ्का-
 इज्जाइं जोयणसयाइं उच्चुं उच्चतेणं पणवीसं जोयणसयाइं विक्खंभेणं, पासायवण्णओ
 उल्लोयभूमिवणओ अद्द जोयणाइं मणिपेट्टिया चमरस्स सीहासणं सपरिवारं भाणि-
 यव्वं, तस्स णं तिगिच्छिक्कडस्स दाहिणेणं छक्कोडिसए पणपत्तं च कोबीओ पणतीसं
 च सयसहस्साइं पण्णासं च सहस्साइं अरुणोदे समुदे तिरियं वीइवइत्ता अहे रयण-
 प्पमाए पुडवीए चतालीसं जोयणसहस्साइं ओगाहिता एत्थ णं चमरस्स असुरिदस्स
 असुरकुमाररण्णो चमरचंचा नामं रायहाणी प० एगं जोयणसयसहस्सं आयाम-
 विक्खंभेणं जंबुहीवप्पमाणं, पागारो दिवहं जोयणसयं उच्चुं उच्चतेणं मूले पत्तासं जोय-
 णाइं विक्खंभेणं उवरिं अद्दतेरसजोयणा कविस्सीसगा अद्दजोयणआयामं कोसं
 विक्खंभेणं देत्तणं अद्दजोयणं उच्चुं उच्चतेणं एगमेगाए बाहाए पंच २ दारसया अङ्का-
 इज्जाइं जोयणसयाइं २५० उच्चुं उच्चतेणं १२५ अद्दं विक्खंभेणं उवरियत्तेणं सोल-
 सजोयणसहस्साइं आयामविक्खंभेणं पत्तासं जोयणसहस्साइं पंच य सणाणउयजोय-
 णसए किंचिविसेमूणे परिक्खेवेणं सव्वप्पमाणं वेमाणियप्पमाणस्स अद्दं नेव्वं,
 सभा तुहम्मा, तओ उववायसभा हरओ अभिसेय० अलंकारो अहा विजयस्स
 अभिसेयविभुसणा य ववसाओ । चमरपरिवार इहत्तं ॥ ११५ ॥ **वीयसए
 अट्टमो उहेसओ समत्तो ॥**

किमिदं भंते ! समयखेत्तेति पवुच्चति ?, गोयमा ! अङ्काइज्जा दीवा दो य समुहा
 एस णं एवइए समयखेत्तेति पवुच्चति, तत्थ णं अयं जंबुहीवे २ सव्वदीवसमुहाणं
 सव्वन्भंतरं एवं जीवाभिगमवत्तव्वया (जोइसविहृणं) नेयव्वा जाव अन्भितरं
 पुक्खरद्धं जोइसविहृणं (इमा गाहा) ॥ ११६ ॥ **बितीयस्स नचमो उहेसो ॥**

कति णं भंते ! अत्थिकाया प० ?, गोयमा ! पंच अत्थिकाया प०, तंजहा-
 धम्मत्थिकाए अधम्मत्थिकाए आगासत्थिकाए जीवत्थिकाए पोगलत्थिकाए ॥ धम्म-
 त्थिकाए णं भंते ! कतिवत्थे कतिगंधे कतिरसं कतिफासे ?, गोयमा ! अवण्णे अगंधे
 अरसे अफासे अरुवी अजीवे सासए अबट्टिए लोगदव्वे, से समासओ पंचविहे
 पत्तते, तंजहा-दव्वओ खेतओ कालओ भावओ गुणओ, दव्वओ षं धम्मत्थिकाए
 एगे दव्वे, खेतओ षं लोगप्पमाणभेते, क्खळओ न कयावि न जासि न कयाइ

नत्थि जाव निच्चे, भावओ अवण्णे अगंधे अरसे अफासे, गुणओ गमणगुणे । अहम्मत्थिकाएवि एवं च्चव, नवरं गुणओ ठाणगुणे, आगासत्थिकाएवि एवं च्चव, नवरं खेतओ णं आगासत्थिकाए लोयालयप्पमाणमेत्ते अणंते च्चव जाव गुणओ अवगाहणागुणे । जीवत्थिकाए णं भंते । कतिवच्चे कतिगंधे कतिरसे कइफासे ?, गोयमा ! अवण्णे जाव अरूवी जीवे सासए अवट्टिए लोणदब्बे, से समासओ पंच-विहे पण्णत्ते, तंजहा-दब्बओ जाव गुणओ, दब्बओ णं जीवत्थिकाए अणंताइ जीव-दब्बाइ, खेतओ लोणप्पमाणमेत्ते कालओ न कयाइ न आसि जाव निच्चे, भावओ पुण अवण्णे अगंधे अरसे अफासे, गुणओ उवओगगुणे । पोरगलत्थिकाए णं भंते ! कतिवण्णे कतिगंधे ० रसे ० फासे ?, गोयमा ! पंचवण्णे पंचरसे दुगंधे अट्टफासे हवी अजीवे सासए अवट्टिए लोणदब्बे, से समासओ पंचविहे पण्णत्ते, तंजहा-दब्बओ खेतओ कालओ भावओ गुणओ, दब्बओ णं पोरगलत्थिकाए अणंताइ दब्बाइ, खेतओ लोयप्पमाणमेत्ते, कालओ न कयाइ न आसि जाव निच्चे, भावओ वण्णमंते गंध ० रस ० फासमंते, गुणओ गहणगुणे ॥ ११७ ॥ एगे भंते ! धम्मत्थिकायपदेसे धम्मत्थिकाएत्ति वत्तव्वं सिया ?, गोयमा ! णो इणट्टे समट्टे, एवं दोल्लिवि तिन्निवि चत्तारि पंच छ सत्त अट्ट नव दस संखेज्जा, असंखेज्जा भंते ! धम्मत्थिकायप्पएसा धम्मत्थिकाएत्ति वत्तव्वं सिया ?, गोयमा ! णो इणट्टे समट्टे, एगपदेसूणेवि य णं भंते ! धम्मत्थिकाए २ ति वत्तव्वं सिया ? णो तिणट्टे समट्टे, से केणट्टेणं भंते ! एवं बुच्चइ ? एगे धम्मत्थिकायपदेसे नो धम्मत्थिकाएत्ति वत्तव्वं सिया जाव एग-पदेसूणेवि य णं धम्मत्थिकाए नो धम्मत्थिकाएत्ति वत्तव्वं सिया ?, से नूणं गोयमा ! खंडे चक्के सगळे चक्के ?, भगवं ! नो खंडे चक्के सकळे चक्के, एवं छत्ते चम्ममे दंडे दूसे आज पहे मोयए, से तेणट्टेणं गोयमा ! एवं बुच्चइ-एगे धम्मत्थिकायपदेसे नो धम्मत्थिकाएत्ति वत्तव्वं सिया जाव एगपदेसूणेवि य णं धम्मत्थिकाए नो धम्मत्थिकाएत्ति वत्तव्वं सिया ॥ से किंखातिए णं भंते ! धम्मत्थिकाए ति वत्तव्वं सिया ?, गोयमा ! असंखेज्जा धम्मत्थिकायपएसा ते सव्वे कसिणा पड्डिपुण्णा निरवसेसा एगगहणगहिया एस णं गोयमा ! धम्मत्थिकाएत्ति वत्तव्वं सिया, एवं अहम्मत्थिकाएवि, आगासत्थिकाएवि, जीवत्थिकायपोरगलत्थिकायावि एवं च्चव, नवरं तिष्हंपि पदेसा अणंता भाणियब्बा, सेसं नं च्चव ॥ ११८ ॥ जीवं णं भंते ! सउट्टण्णे मकम्मे सबळे सवीरिए सपुरिसक्कारपरक्कमे आयभावेणं जीव-भावं उवदंसेतीति वत्तव्वं सिया ?, हंता गोयमा ! जीवे णं सउट्टण्णे जाव उव-दंसेतीति वत्तव्वं सिया । से केणट्टेणं जाव वत्तव्वं सिया ?, गोयमा ! जीवे णं अणं-

ताणं आभिणिबोहियनाणपज्जवाणं एवं सुयनाणपज्जवाणं ओहिनाणपज्जवाणं मणपज्ज-
 वनाणप० केवलनाणप० मइअजाणप० सुयअजाणप० विभंगणाणपज्जवाणं चक्खु-
 दंसणप० अचक्खुदंसणप० ओहिदंसणप० केवलदंसणप० उबओगं गच्छइ, उबओ-
 गलक्खणे णं जीवे, से तेणट्ठेणं एवं बुब्बइ-गोयमा ! जीवे णं सउट्ठणे जाव वत्तव्वं
 सिया ॥ ११९ ॥ कतिविहे णं भंते ! आगासे पण्णत्ते ? गोयमा ! दुविहे आगासे
 प०, तंजहा-लोयागासे य अलोयागासे य ॥ लोयागासे णं भंते ! किं जीवा जीव-
 देसा जीवपदेसा अजीवा अजीवदेसा अजीवपएमा ?, गोयमा ! जीवावि जीवदे-
 सावि जीवपदेसावि अजीवावि अजीवदेसावि अजीवपदेसावि जे जीवा ते नियमा
 एगिदिया वैदिया तेईदिया चउरिदिया पंचेदिया अणिदिया, जे जीवदेसा ते नियमा
 एगिदियदेसा जाव अणिदियदेसा, जे जीवपदेसा ते नियमा एगिदियपदेसा जाव
 अणिदियपदेसा, जे अजीवा ते दुविहा पत्तता, तंजहा-हवी य अहवी य, जे
 हवी ते चउव्विहा पण्णत्ता, तंजहा-खंधा खंधेमा खंधपदेसा परमाणुपोगला, जे
 अहवी ते पंचविहा पण्णत्ता, तंजहा-धम्मत्थिकाए नो धम्मत्थिकायस्स देसे धम्म-
 त्थिकायस्स पदेसा अधम्मत्थिकाए नो अधम्मत्थिकायस्स देसे अधम्मत्थिकायस्स
 पदेसा अद्दासमए ॥ १२० ॥ अलोयागासे णं भंते ! किं जीवा ? पुच्छा तह चेव,
 गोयमा ! नो जीवा जाव नो अजीवपएमा एगे अजीवदव्वदेसे अगुह्यलहुए अणं-
 तेहि अगुह्यलहुयगुणेहि संजुते सव्वागासे अणंतभागूणे ॥ १२१ ॥ धम्मत्थिकाए
 णं भंते ' किं (के) महालए पण्णत्ते ?, गोयमा ' लोए लोयमेत्ते लोयप्पमाणे लोयफुडे
 लोयं चेव फुसित्ता णं चिट्ठइ, एवं अहम्मत्थिकाए लोयागासे जीवत्थिकाए पोगल-
 त्थिकाए पचवि एक्काभिलावा ॥ १२२ ॥ अहेलोए णं भंते ! धम्मत्थिकायस्स
 केवइयं फुसति ?, गोयमा ! सातिरेगं अदं फुसति । तिरियलोए णं भंते ! पुच्छा,
 गोयमा ! असंखेज्जइभागं फुसइ । उट्ठलोए णं भंते ! पुच्छा, गोयमा ! देसूणं अदं
 फुसइ ॥ १२३ ॥ इमा णं भंते ! रयणप्पभापुठवी धम्मत्थिकायस्स किं संखेज्जइ-
 भागं फुसति ? असंखेज्जइभागं फुसइ ? संखेज्जइ भागे फुसति ? असंखेज्जइ भागे
 फुसति ? सव्वं फुसति ?, गोयमा ! णो संखेज्जइभागं फुसति असंखेज्जइभागं फुसइ
 णो संखेज्जे णो असंखेज्जे नो सव्वं फुसति । इमीसे णं भंते ! रयणप्पभाए पुठवीए
 उवासंतरे षणोदही धम्मत्थिकायस्स पुच्छा, किं संखेज्जइभागं फुसति ? जहा
 रयणप्पभा तहा षणोदहिषणवायतणुवाया । इमीसे णं भंते ! रयणप्पभाए पुठवीए
 उवासंतरे धम्मत्थिकायस्स किं संखेज्जइभागं फुसति असंखेज्जइभागं फुसइ जाव
 सव्वं फुसइ ?, गोयमा ! संखेज्जइभागं फुसइ णो असंखेज्जइभागं फुसइ नो संखेज्जे०

नो असंखेजे० नो सव्वं फुसइ, उवासंतराई सव्वाइं जहा रयणप्पभाए पुडवीए
 वत्तव्वया भणिया, एवं जाव अहेसत्तामाए, जंबुहीवाइया वीवा लक्खणसमुदाइया
 समुदा, एवं सोहम्मं कप्पे जाव ईत्तिपन्भारापुडवीए, एते सव्वेऽवि असंखेज्जतिभायं
 फुसन्ति, सेसा पडिसेहेयव्वा । एवं अधम्मन्थिकाए, एवं लोयागासेवि, गाहा—
 पुडवोदहीघणतणुक्कप्पा गेवेज्जणुत्तरा सिद्धी । संखेज्जतिभागं अंतरेसु सेसा असंखेज्जा
 ॥ १ ॥ १२४ ॥ **दसमो उहेसो, वितियं सयं समत्तं ॥**

गाहा—केरिसविउव्वणा चमर किरिय जाणित्थि नगर पाला य । अह्विइ
 इंदियपरिसा ततियम्मि सए दसुहेसा ॥ १ ॥ तेणं कालेणं तेणं समएणं मोया नामं
 नगरी होत्या, वण्णओ, तीसे णं मोयाए नगरीए बहिया उत्तरपुरच्छिमे दिसीभागे णं
 नंदणे नामं उज्जाणे होत्या, वण्णओ, तेणं कालेणं २. सामी समोसडे, परिसा निग्ग-
 च्छइ पडिगया परिसा, तेणं कालेणं तेणं समएणं समणस्स भगवओ महावीरस्स
 दोब्बे अंतवासी अग्गिभूती नामं अणगारे गोयमगोतेणं सत्तुस्सेहे जाव पण्णवासमाणे
 एव वदासी-चमरे णं भंते ! असुरिंदे असुरराया केमहिण्णिए ? केमहण्णिए ? केम-
 हाबळे ? केमहायसे ? केमहासोक्खे ! केमहाणुभागे ! केवइयं च णं पभू विउव्वित्त-
 ए, गोयमा ! चमरे णं असुरिंदे असुरराया महिण्णिए जाव महाणुभागे से णं तत्थ चोत्ती-
 साए भवणावाससयसहस्साणं चउसट्ठीए सामाणियसाहस्वीणं तायत्तोसाए तायत्ती-
 सगणं जाव विहरइ, एवंमहिण्णिए जाव महाणुभागे, एवतियं च णं पभू विउव्वित्त-
 ए से जहानामए-जुवइं जुवाणे हत्थेणं हत्थे गण्हेज्जा चक्कस्स वा नामी अरगाउत्ता
 सिया, एवामेव गोयमा ! चमरे असुरिंदे असुरराया वेउव्वियसमुग्घाएणं समोहणइ २
 संखेज्जाइं जोयणाइं उहुं दंढं निस्सिइ, तंजहा-रयणाणं जाव रिट्ठाणं अहावाथरे पोग्गळे
 परिसाडेइ २ अहासुहुमे पोग्गळे परियाएति २ दोब्बपि वेउव्वियसमुग्घाएणं समोहणति
 २, पभू णं गोयमा ! चमरे असुरिंदे असुरराया केवलकप्पं जंबुहीवं २ बह्विं असुर-
 कुमारेहिं देवेहिं देवीहि य आइण्णं वित्तिक्किण्णं उवत्थडं संथडं फुडं अवगाढाऽवगाढं
 करेत्ताए । अदुत्तरं च णं गोयमा ! पभू चमरे असुरिंदे असुरराया तिरियमसंखेजे वीव-
 समुदं बह्विं असुरकुमारेहिं देवेहिं देवीहि य आइण्णे वित्तिक्किणे उवत्थडे संथडे फुडे
 अवगाढावगाढं करेत्ताए, एस णं गोयमा ! चमरस्स असुरिंदस्स असुररण्णे अय-
 मेयारूवं विसए विसयमेत्ते बुइए णो चेव णं संपत्तीए विकुम्बिसु वा विकुम्बति वा
 विकुम्बस्सति वा ॥ १२५ ॥ जति णं भंते ! चमरे असुरिंदे असुरराया एमहिण्णिए
 जाव एवइयं च णं पभू विकुम्बित्तए, चमरस्स णं भंते ! असुरिंदस्स असुररण्णे

सामाणिया देवा केमहिष्ठिया जाव केवतियं च णं पभू विकुब्बितए ? , गोयमा ! चमरस्स असुरिदस्स असुररत्तो सामाणिया देवा महिष्ठिया जाव महाणुभागा, ते णं तत्थ साणं २ भवणाणं साणं २ सामाणियाणं साणं २ अग्गमहिस्सीणं जाव दिब्बाइं भोगभोगाइं भुंजमाणा विहरति, एवंमहिष्ठिया जाव एवइयं च णं पभू विकुब्बितए, से जहानामए-जुवति जुवाणे हुरयेणं हृत्ये गेण्हेज्जा चक्रस्स वा नामी अरयाउत्ता सिया एवामेव गोयमा ! चमरस्स असुरिदस्स असुररत्तो एगमेगे सामाणिए देवे वेउब्बियसमुग्घाएणं समोहणाइ २ जाव दोच्चपि वेउब्बियसमुग्घाएणं समोहणति २ पभू णं गोयमा ! चमरस्स असुरिदस्स असुररत्तो एगमेगे सामाणिए देवे केवलकप्पं जंबुदीवं २ बहूहि असुरकुम्भारेहिं देवेहिं देवीहि य आइंणं वितिकिंणं उवत्थइं संथइं फुडं अवगाढावगाढं करेत्तए, अनुतरं च णं गोयमा ! पभू चमरस्स असुरिदस्स असुररत्तो एगमेगे सामाणियदेवे निरियमसंखेजे दीवसमुंहे बहूहि असुरकुम्भारेहिं देवेहिं देवीहि य आइंणो वितिकिंणो उवत्थइं संथइं फुडं अवगाढावगाढे करेत्तए, एस णं गोयमा ! चमरस्स असुरिदस्स असुररत्तो एगमेगस्स सामाणियदेवस्स अयमेयाक्खे विसए विसयमेत्तं बुइए णो चं च णं संपत्तीए विकुब्बिन्नु वा विकुब्बति वा विकुब्बिस्सति वा । जति णं भंते ! चमरस्स असुरिदस्स असुररत्तो सामाणिया देवा एवंमहिष्ठिया जाव एवतियं च णं पभू विकुब्बितए चमरस्स णं भंते ! असुरिदस्स असुररत्तो नायत्तीसिया देवा केमहिष्ठिया ?, नायत्तीसिया देवा जहा सामाणिया तहा नेयव्वा, लोयपाला तहेव, नवरं संखेज्जा दीवसमुहा भाणियव्वा, बहूहि असुरकुम्भारेहिं २ आइंणे जाव विउब्बिस्संति वा । जति णं भंते ! चमरस्स असुरिदस्स असुररत्तो लोयपाला देवा एवंमहिष्ठिया जाव एवतियं च णं पभू विउब्बितए चमरस्स णं भंते ! असुरिदस्स असुररत्तो अग्गमहिस्सीओ देवीओ केमहिष्ठियाओ जाव केवतियं च णं पभू विकुब्बितए ?, गोयमा ! चमरस्स णं असुरिदस्स असुररत्तो अग्गमहिस्सीओ महिष्ठियाओ जाव महाणुभागाओ, नाओ णं तत्थ साणं २ भवणाणं साणं २ सामाणियसाइस्सीणं साणं २ महत्तारियाणं साणं २ परिमाणं जाव एमहिष्ठियाओ अन्नं जहा लोयपालाणं अपरिसेसं । सेवं भंते ! २ ति ॥ १२६ ॥ भगवं दोचे गोयमे समणं भगवं महावीरं वंदइ नमंसइ २ जेणेव तच्चे गोयमे वासुभूतिअणगारे लेणेव उवागच्छति २ तच्च गोयमं वायुभूते अणगारे एवं वदासी-एवं स्सु गोयमा ! चमरे असुरिदे असुरराया एवंमहिष्ठिए तं च्चेव एवं सब्बं अपुट्टमागरणं नेयव्वं अपरिसेसियं जाव अग्गमहिस्सीणं वत्तव्ववा समत्ता । तए णं से तच्चे गोयमे वासुभूती अणगारे दोच्चस्स गोयमस्स अग्गिभूइस्स अणगा-

रस्त एवमाइक्खमाणस्स भा० प० परू० एयमट्टं नो सहइह नो पत्तियइ नो रोयइ
 एयमट्टं असइहमाणे अपत्तियमाणे अरोएमाणे उट्टाए उट्टेइ २ जेणेव समणे भगवं
 महावीरे तेणेव उवागच्छइ जाव पज्जुवाणमाणे एवं बयासी—एवं खलु भंते ! दोषे
 गोयमे अग्गिभूतिअणगारे मम एवमातिकखइ भासइ पन्नवेइ परूवेइ—एवं खलु
 गोयमा ! चमरे असुरिंदे असुरराया महिहिण्णए जाव महाणुभावे से णं तत्थ चोत्ती-
 साए भवणावामसयसइहस्साणं एवं तं चेव सव्वं अपरिसेस भाणियव्वं जाव अग्ग-
 महिहीणं वनव्वया समत्ता, से कहमेयं भंते !, एवं ? गोयमादि समणे भगवं महा-
 वीरे तच्चं गोयमं वाउभूति अणगारं एवं वदासी—जण्णं गोयमा ! दोषे गो० अग्गि-
 भूइअणगारे तव एवमातिकखइ ४—एवं खलु गोयमा ! चमरे ३ महिहिण्णए एवं तं
 चेव सव्वं जाव अग्गमहिहीणं वनव्वया समत्ता, सखे णं एसमट्टे, अहंपि णं
 गोयमा ! एवमातिकखामि भा० प० परू०, एवं खलु गोयमा !—चमरे ३ जाव
 महिहिण्णए सो चेव वित्तिओ गमो भाणियव्वो जाव अग्गमहिहीओ, सखे णं एसमट्टे,
 सेवं भंते २, तच्चे गोयमे ! वायुभूती अणगारे समणं भगवं महावीरं वंदइ नमसइ
 २ जेणेव दोषे गोयमे अग्गिभूती अणगारे तेणेव उवागच्छइ २ दांखं गो० अग्गि-
 भूति अणगार वंदइ नमसति २ एयमट्टं समं विणएणं भुज्जो २ खामेति ॥ १२० ॥
 तए णं से तच्चं गोयमे वाउभूती अणगारे दोषेणं गोयमणं अग्गिभूतीगामणं अण-
 गारेणं सट्ठि जेणेव समणे भगवं महावीरे जाव पज्जुवाणमाणे एवं बयासी—जति
 णं भंते ! चमरे असुरिंदे असुरराया एवंमहिहिण्णए जाव एवतियं च णं पभू विक्कुब्बि-
 त्तए बली णं भंते ! वइरोयणिंदे वइरोयणराया केमहिहिण्णए जाव केवइयं च णं पभू
 विक्कुब्बित्तए !, गोयमा ! बली णं वइरोयणिंदे वइरोयणराया महिहिण्णए जाव महाणु-
 मागे, से णं तत्थ तीसाए भवणावाससयसइहस्साणं सट्ठीए सामाणियसाइहस्सीणं सेस
 जहा चमरस्स तहा बल्लियस्सवि जेयव्वं, णवरं सातिरेणं केवलकप्यं अंबुहीवंति
 भाणियव्वं, सेसं तं चेव णिरवसेसं जेयव्वं, णवरं णाणत्तं जाणियव्वं भवणेहिं सामा-
 णिएहिं, सेवं भंते २ त्ति तच्चे गोयमे वायुभूती जाव विइरति । भंते त्ति भगवं दोषे
 गोयमे अग्गिभूती अणगारे समणं भगवं महावीरं वंदइ २ एवं वदासी—अइ णं
 भंते ! बली वइरोयणिंदे वइरोयणराया एमहिहिण्णए जाव एवइयं च णं पभू विक्कु-
 व्वित्तए धरणे णं भंते ! नागकुमारिंदे नागकुमारराया केमहिहिण्णए जाव केवतियं च
 णं पभू विक्कुब्बित्तए !, गोयमा ! धरणे णं नागकुमारिंदे नागकुमारराया एमहिहिण्णए
 जाव से णं तत्थ चोवालीसाए भवणावाससयसइहस्साणं छण्हं सामाणियसाइहस्सीणं
 तावत्तीसाए तायत्तीसगार्थं उउण्हं लोणपाळाणं छण्हं अग्गमहिहीणं सपरिचाराणं

तिष्ठं परिसाणं सत्तुहं अणियाणं सत्तुहं अणियाहिबईं चउवीसाए आयरक्खदे-
वसाहस्सीणं अन्नसिं च जाव विहरइ, एवतियं च णं पभू विउच्चित्तए से जहाना-
मए—जुवति जुवाणं जाव पभू केवलकप्पं जुबुहीवं २ जाव तिरियं संखेजे दीवसमुद्दे
बहुहिं नागकुमारैहिं २ जाव विउच्चिस्संति वा, सामाणिया तावत्तीसल्लोगपालगा महि-
सीओ य तहेव, जहा चमरस्स एवं धरणे णं नागकुमारराया महिहिण्णए जाव एवतियं
जहा चमरं तहा धरणेणवि, नवरं संखेजे दीवसमुद्दे भाणियव्वं, एवं जाव थणिय-
कुमारा वाणमंतरा जोइसियावि, नवरं दाहिणिल्ले सव्वे अग्निभूती पुच्छति, उताहिं
सव्वे वाउभूती पुच्छइ, भंतंति भगवं दोचे गोयमे अग्निभूती अणगारे समणं
भगवं म० वंदति नमंसति २ एवं बयासी—जति णं भंते ! जोइसिंदे जोतिसराया
एवंमहिहिण्णए जाव एवतियं च णं पभू विकुच्चित्तए सक्के णं भंते ! देविंदे देवराया
कमहिहिण्णए जाव केवतियं च णं पभू विउच्चित्तए !, गोयमा ' सक्के णं देविंदे देव-
राया महिहिण्णए जाव महाणुभागे, से णं तत्तं बत्तीणाए विमाणावाससयसहस्साण
चउरासीए सामाणियसाहस्सीणं जाव चउण्हं चउरासीणं आयरक्ख (देव) साह-
स्सीणं अन्नसिं च जाव विहरइ, एवंमहिहिण्णए जाव एवतियं च णं पभू विकुच्चित्तए,
एवं जहेव चमरस्स तहेव भाणियव्वं, नवरं दो केवलकप्पे जुबुहीवं २ अवसेसं तं
चव, एम णं गोयमा ' सक्कस्स देविंदस्स देवरण्णो इमेयास्सु विसए विसयमेत्ते णं
जुए नो चेव णं संपत्तीए विउच्चित्तं वा विउच्चित्तं वा विउच्चिस्सति वा ॥ ५२८ ॥
जउ णं भंते ! सक्के देविंदे देवराया एमहिहिण्णए जाव एवतियं च णं पभू विकुच्चि-
त्तए ॥ एवं खलु देवाणुप्पियाणं अंतंवासी तीसए णामं अणगारे पगतिभए जाव
विणीए छट्ठंछट्ठेणं अणिकित्तलेणं तवोक्कमेणं अप्पाणं भावेमाणे बहुपडिपुण्णाइ अट्ठ
सवच्छराइं सामण्यपरियागं पाउणिता मासियाए संखेहणाए अत्ताणं इत्तेता सट्ठि
भत्ताइं अणसणाए छेदेत्ता आलोहयपडिक्कते समाहिपत्ते काल्मासे कालं किच्चा
सोहम्मे कप्पे सयंसि विमाणंसि उववायसभाए देवसयणजंसि देवदूसंतिरे अंगु-
लस्स असंखेजइभागमेत्ताए ओगाहणाए सक्कस्स देविंदस्स देवरण्णो सामाणियदेव-
ताए उववण्णे, तए णं तीसए देवे अहुणोववजमेत्ते समाणे पंचविहाए पज्जतीए
पज्जतिभावं गच्छइ, तंजहा—आहारपज्जतीए सरीर० इंदिय० आपुणाणुपज्जतीए
भासामण्यपज्जतीए, तए णं तं तीसयं देवं पंचविहाए पज्जतीए पज्जतिभावं गवं
समाणं सामाणियपरिसोववज्जया देवा कवलपरिगहियं दसन्इं सिरसावत्तं मत्थए
अजलिं क्कु जएणं विजएणं बद्धाविति २ एवं बदासी—अहो णं देवस्सुप्पिए ! दिग्घा
देविणी दिग्घा देवसुरं दिग्घे देवाणुभावे कडे पत्ते अग्निमग्घावते, अरिसिवा कं

देवाणुप्पिएहिं दिव्वा देविण्णी दिव्वा देवजुई दिव्वे देवाणुभावे लद्धे पत्ते अभि-
समन्नागते तारिसिया णं सक्केणं देविदेणं देवरत्ता दिव्वा देविण्णी जाव अभिसमन्ना-
गया, जारिसिया णं (सक्केणं देविदेणं देवरत्ता दिव्वा देविण्णी जाव अभिसमन्ना-
गया तारिसिया णं) देवाणुप्पिएहिं दिव्वा देविण्णी जाव अभिसमन्नागया । से णं
भंते ! तीसए देवे केमहिण्णिए जाव केवतियं च णं पभू विउव्वित्तए ?, गोयमा !
महिण्णिए जाव महाणुभागे, से णं तत्थ सयस्स विमाणस्स चउण्हं मामाणियसाह-
स्सीणं चउण्हं अग्गमहिणीणं सपरिवाराणं तिण्हं परिसाणं सत्तण्हं अणियाणं सत्तण्हं
अणियाहिवईणं सोलसण्हं आयरक्खदेवसाहस्सीणं अण्णेसिं च बहूणं वेमाणियाणं
देवाण य देवीण य जाव विहरति, एवंमहिण्णिए जाव एवइयं च णं पभू विउव्वित्तए,
से जहाणामए जुवतिं जुवाणे हत्थेणं हत्थे गेण्हेज्जा जहेव सक्कस्स तहेव जाव एस णं
गोयमा ! तीसयस्स देवस्स अयमेयारूवे विसए विसयमेत्ते बुइए नो चेव णं संपत्तीए
विउव्वित्तु वा ३ । जति णं भंते ! तीमए देवे महिण्णिए जाव एवइयं च णं पभू विउ-
व्वित्तए सक्कस्स णं भंते ! देविदस्स देवरत्तो अवसेमा सामाणिया देवा केमहिण्णिया
तहेव सव्वं जाव एम णं गोयमा ! सक्कस्स देविदस्स देवरत्तो एग्गेगस्स मामाणियस्स
देवस्स इमेयारूवे विसए विसयमेत्ते बुइए नो चेव णं संपत्तीए विउव्वित्तु वा विउव्वित्ति
वा विउव्वित्तंति वा तायत्तीमा य लोगपालअग्गमहिणीणं जहेव चमरस्स नवरं दो
केवलकप्पे जंबुदीवे २ अण्णं तं चेव, सेवं भंते २ नि दोखे गोयमे जाव विहरति
॥ १२९ ॥ भंतेत्ति भगवं तच्चे गोयमे बाउभूती अणगारे समणं भगवं जाव एवं
वदासी-जति णं भंते ! मक्के देविदे देवराया एमहिण्णिए जाव एवइयं च णं पभू
विउव्वित्तए ईसाणे णं भंते ! देविदे देवराया केमहिण्णिए ? एवं तहेव, नवरं साहिए
दो केवलकप्पे जंबुदीवे २ अवसेसं तहेव ॥ १३० ॥ जति णं भंते ! ईसाणे देविदे देव-
राया एमहिण्णिए जाव एवतियं च णं पभू विउव्वित्तए ॥ एवं खल्ल देवाणुप्पियाणं अंते-
वासी कुरुदत्तपुत्ते नामं पगतिभइए जाव विणीए अट्टमअट्टमेणं अणिकिस्सत्तेणं पारणए
आर्यबिलपरिग्गहिण्णं तवोक्कमेणं उच्चं बाहाओ पगिज्जिय २ सूराभिमुहे आया-
वणभूमीए आयावेमाणे बहुपडिपुञ्जे छम्मासे सामण्णपरियाणं पाउणित्ता अट्टमासि-
याए संलेहणाए अत्ताणं झोसित्ता तीसं भत्ताई अणसणाए छेदिता आलोइयपडिक्कंते
समाहिपत्ते काल्मासे कालं किच्चा ईसाणे कप्पे स्यसि विमाणंसि जा चेव तीसए
वणव्वया ता सब्बेव अपरिसेसा कुरुदत्तपुत्तेवि, नवरं सातिरेगे दो केवलकप्पे
जंबुदीवे २, अवसेसं तं चेव, एवं सामाणियतायत्तीसलोगपालअग्गमहिणीणं जाव
एस णं गोयमा ! ईसाणस्स देविदस्स देवरत्तो एवं एग्गेगाए अग्गमहिणीए देवीए

अयमेवाह्वे विसए विसयमेणे बुइए नो च्वे णं संपत्तीए विउच्चिसु वा ३ ॥१३१॥
 एवं सणकुमारेवि, नवरं चत्तारि केवलकप्पे जंबुदीवे द्वीवे अदुत्तरं च णं निरियम-
 संखेजे, एवं सामाणियतायत्तीसलोगपालअगमहिस्तीणं असंखेजे द्वीवसमुद्रे सव्वे
 विउच्चवति, मणकुमाराओ आरद्धा उवरिद्धा लोगपाला सव्वेवि असंखेजे द्वीवसमुद्रे
 विउच्चवति, एवं माहिदेवि, नवरं सातिरेगे चत्तारि केवलकप्पे जंबुदीवे २, एवं बंभ-
 लोएवि, नवरं अट्ट केवलकप्पे, एवं लंतएवि, नवरं सातिरेगे अट्ट केवलकप्पे, महा-
 तुक्के सोलस केवलकप्पे, महस्सारे सातिरेगे सोलस, एवं पाणएवि, नवरं बत्तीसं
 केवल०, एव अञ्जुएवि नवरं सातिरेगे बत्तीसं केवलकप्पे जंबुदीवे २ अञ्चं तं च्वे;
 तेवं भंते २ त्ति तच्चे गोयमे वायुभती अणगारे समणं भगवं महावीरं वंदइ नमंसति
 जाव विहरति । तए णं समणे भगवं महावीरे अन्नया कयाइ मोयाओ नगरीओ
 नंदणाओ उज्जाणाओ पडिनिक्खमइ २ बहिया जणवयविहारं विहरइ ॥ १३२ ॥
 तेणं कालेण तेणं० रायगिहे नामं नगरे होत्था, वल्लओ, जाव परिसा पज्जुवा-
 मइ । तेणं कालेण २ ईमाणे देविदे देवराया सुलपाणी वमभवाहणे उत्तरबुलोगा-
 दिवई अट्टावीसविमाणायामसयसहस्साहिवई अयरंवरवत्थधरे आलइयमालमउडे
 नवहेमचाहखित्तंचंचलकुंडलविलिहिज्जमाणगंडे जाव दस दिसाओ उज्जेवेमाणे पभा-
 ममाणे ईमाणे कप्पे ईसाणवडिमए विमाणे जहेव रायप्पमेणइजे जाव दिव्वं देविहिं
 जाव जामेव दिसिं पाउब्भुए तामेव दिसिं पडिगए । भंतेत्ति भगवं गोयमे समणं
 भगवं महावीरं वंदति णमंसति २ एवं बदासी-अट्टो णं भंते ! ईमाणे देविदे देव-
 राया महिंणुए ईसाणस्स णं भंते ! सा दिव्वा देविष्ठी कहिं गता कहिं अणुपविट्ठा ?,
 गोयमा ! सरीरं गता २, से केणट्टेणं भंते ! एवं वुच्चति सरीरं गता ? २, गोयमा !
 मे जहानामए-कूडागारसाला सिया बुहओ लिता गुणा गुप्तद्वारा णिवाया णिवाय-
 गंभीरा नासे णं कूडागारे जाव कूडागारसालादिट्टंओ भाणियच्चो । ईसाणेणं भंते !
 देविदेणं देवरण्णा सा दिव्वा देविष्ठी दिव्वा देवजुई दिव्वे देवानुभागे किण्णा लद्धे
 किंजा पणे किण्णा अभिसमजागए के वा एस आसि पुव्वभवे किण्णामए वा किंगोणे
 वा कयरंसि वा गारंसि वा नगरंसि वा जाव संनिवेसंसि वा किं वा सुब्बा किं वा
 दत्ता किं वा भोब्बा किं वा किब्बा किं वा समायरिता कस्स वा तहाह्वस्स समणस्स
 वा माहणस्स वा अंतिए एगमवि आयरियं भम्मियं मुवयणं सोब्बा निसम्म [जण्णं]
 ईमाणेणं देविदेणं देवरण्णा सा दिव्वा देविष्ठी जाव अभिसमजागया ?, एवं कल्लु
 गोयमा ! तेणं कालेणं २ इहेव जंबुदीवे २ मारहे वासे तामलिती नामं नगरी
 होत्था, वल्लओ, तत्थ णं तामलितीए नगरीए तामली नामं मोरिअपणे ताम्माअणी

होत्या, अन्वे दिने जाव बहुजणस्त अपरिभूए यावि होत्या, तए णं तस्स मोरिय-
 पुत्तस्स तामलित्तस्स गाहावड्यस्स अण्णया कयाइ पुब्बरतावरत्तकालसमयंसि कुट्ट-
 बजागरियं जागरमाणस्स इमेयारूवे अज्जात्थिए जाव समुप्पज्जित्या-अत्थि ता मे
 पुरा पोरमाणं सुच्चिन्नाणं सुपरिक्कंताणं मुभाणं कल्लाणाणं कडाण कम्माणं कल्लाणफल-
 वित्तिविसेसो जेणाहं हिरण्णेण वड्ढामि सुवज्जणं वड्ढामि धणेणं वड्ढामि धजेणं वड्ढामि
 पुत्तेहिं वड्ढामि पसूहिं वड्ढामि विउलधणकणगरयणमणिमोत्तियसखसिलप्पवालरत्तर-
 यणसंतसारसावएज्जेणं अतीव २ अभिवड्ढामि, तं किण्णं अहं पुण पोरमाणं सुच्चि-
 न्नाणं जाव कडाणं कम्माणं एगंतसोक्खयं उवेहेमा^१ विहरामि !, तं जाव ताव अहं
 हिरण्णेणं वड्ढामि जाव अतीव २ अभिवड्ढामि जावं च णं मे मित्तनात्तिनियगसंब-
 धिपरियणो आढाति परियाणाइ सक्कारेइ सम्माणेइ कल्लाणं मंगलं देवयं चेइयं विणएणं
 पज्जुवासइ ताव ता मे सेयं कळं पाउप्पभायाए रयणीए जाव जलंते मयमेव दासु-
 मयं पडिग्गहियं करेत्ता विउलं असणं पाणं खातिमं सातिमं उवक्खडावेत्ता मित्तणा-
 त्तिनियगसयणसंबंधिपरियणं आमंतेत्ता त मित्तणाइनियगसंबंधिपरियणं विउलेणं
 असणपाणखातिमसातिमेणं वत्थगधमडालकारेण य सक्कारेत्ता सम्माणेत्ता तस्सेव
 मित्तणाइनियगसंबंधिपरियणस्स पुरतो जेट्टपुत्तं कुट्टुवे ठावेत्ता तं मित्तणात्तिनियग-
 संबंधिपरियणं जेट्टपुत्तं च आपुच्छत्ता मयमेव दासुमयं पडिग्गहं गहाय मुंजे भविता
 पाणामाए पव्वजाए पव्वइत्तए, पव्वइएऽवि य णं समाणे उमं एयाएवं अभिग्गहं
 अभिगिण्हस्सामि-कापड मे जावजीवाए छट्ठंछट्ठेणं अणिक्खत्तेणं तवोक्खमेणं उट्ठ-
 बाहाओ परिगज्जिय २ सूराभिमुहस्स आयावणभूमीए आयावेमाणस्स विहरत्तए,
 छट्ठस्सवि य णं पारणयंसि आयावणभूमातो पक्कोरांभत्ता मयमेव दासुमयं पडिग्ग-
 हयं गहाय तामलित्तीए नगरीए उच्चनीयमज्झमाइ कुलाइ धरसमुदाणस्स भिक्खा-
 यरियाए अडित्ता सुद्धोदणं पडिग्गहात्तेत्ता तं तिसक्खत्तो उदएणं पक्खालेत्ता तओ
 पच्छा आहार आहारित्तएत्तिकइ, एवं सपेहेइ २ कळं पाउप्पभायाए जाव जलंते
 मयमेव दासुमयं पडिग्गहयं करेइ २ विउलं असणं पाणं खाइमं साइमं उवक्खडावेइ
 २ तओ पच्छा ष्हाए सुद्धप्पावेमाइ मंगल्लाइ वत्थाइ पवरपरिहिंए अप्पमहग्गभाभरणा-
 लक्खिसरीरे भोगवेलाए भोगणसंबंधांसि सुहासणवरत्तए तए णं मित्तणाइनियगस-
 यणसंबंधिपरिजणेणं सद्धिं तं विउलं असणं पाणं खातिमं साइमं आसादेमाणे
 वीसाएमाणे परिभाएमाणे परिभुंजेमाणे विहरइ । जिमियभुत्तुत्तराणएऽवि य णं
 समाणे आयंते चोक्खे परमसुइभूए तं मित्तं जाव परिचयं विउलेणं असणपाण
 ४-पुप्फवत्तकांधमज्जलंकारेण य सक्कारेइ २ तस्सेव मित्तणाइ जाव परिचयस्स पुरओ

जेद्वं पुत्रं कुटुंबे ठावेइ २ ता तस्सेव तं भित्तनाहणियगसयणसंबंधिपरिजणं जेद्वपुत्रं च आपुच्छइ २ जुंढे भविता पाणामाए पव्वज्जाए पव्वइए, पव्वइएवि य णं समाणे इमं एयारुवं अभिग्गहं अभिणिण्हइ-कप्पइ मे जावजीवाए छट्ठंछट्ठेणं जाव आहारि-त्तएत्तिकट्टु इमं एयारुवं अभिग्गहं अभिणिण्हइ २ ता जावजीवाए छट्ठंछट्ठेणं अणि-क्खित्तेणं तवोकम्मेणं उच्चं बाहाओ पांगज्जिय २ सूराम्भिमुहे आयावणभूमीए आयावेमाणे विहरइ, छट्ठस्सवि य णं पारणयंसि आयावणभूमीओ पच्चोरुहइ २ सयमेव दास्ययं पडिग्गहं गहाय तामलितीए नगरीए उच्चनीयमज्जिमाई कुलाई घरसमुदाणस्स भिक्खायरियाए अडइ २ सुदोयणं पडिग्गहइ २ तिसत्तवुत्तो उदएणं पक्खालेइ, तओ पच्छा आहारं आहारंइ । से केणट्ठेणं भंते ! एव बुच्चइ-पाणामा पव्वज्जा २ ९, गोयमा । पाणामाए णं पव्वज्जाए पव्वइए समाणे जं जत्थ पामइ ईदं वा ज्वंदं वा रुहं वा सिवं वा विसमणं वा अज्जं वा कोट्टिकियं वा रायं वा जाव सत्थवाहं वा कागं वा ग्गणं वा पाणं वा उच्चं पामइ उच्चं पणामं करेइ नीयं पामइ नीयं पणामं करेइ, जं जद्दा पामति तस्स तहा पणामं करेइ, मे तेणट्ठेणं गोयमा ! एवं बुच्चइ--पाणामा जाव पव्वज्जा ॥ १३३ ॥ तए णं से तामली भोगियपुत्तं तेमं ओराटेणं विपुल्लेणं पयत्तेणं पग्गहिणं बालनवोकम्मेणं सुक्खे भुक्खे जाव धमणिसंनए जाए यावि होत्था, तए णं तस्स तामलित्तस्स बालनवस्मिस्स अन्नथा कयाइ पुव्वरत्तावरत्तकालसमयंसि आणच्चजागरियं जागरमाणस्स इमेयारुवे अज्जन्थिए चित्तिए जाव समुप्पज्जित्था-एवं ग्वत्त अहं इमेणं ओराटेणं विपुल्लेणं जाव उदगेण उदत्तेणं उत्तमेणं महाणुभागेणं तवोकम्मेणं सुक्खे भुक्खे जाव धमणि-संनए जाए, तं अत्थि जा मे उट्ठाणे कम्मं बले वीरिए पुरिसकारपरक्कमे ताव ता मे सेयं कळं जाव जलंते तामलितीए नगरीए दिट्ठाभट्टे य पांसइत्थे य पुव्वसंगतिए य पिहइत्थे य पच्छासंगतिए य परिवायसंगतिए य आपुच्छित्ता तामलितीए नगरीए मज्जमज्जेणं निग्गच्छित्ता पाउग्गं कुट्टियमादीयं उच्चकरणं दास्ययं च पडिग्गहियं एगंतं [एवेइ] एडिता तामलितीए नगरीए उत्तरपुरच्छिमे दिसीभाए गियत्तभिय-मंडले [आत्तिहइ] आत्तिहिता संखेइणाइसणाइसियस्स भत्तपाणपडियाइक्खियस्स पाओवगयस्स कालं अणवकंखमाणस्स विहरित्तएत्तिकट्टु एवं संपेहेइ एवं संपेहेता कळं जाव जलंते जाव आपुच्छइ २ तामलितीए [एगंतं एवेइ] जाव जलंते जाव भत्तपाणपडियाइक्खए पाओवगमणं निवसे । तेणं कालेणं २ बलित्चंचारायहाणी अणिदा अपुरोदिवा वावि होत्था । तए णं से बलित्चंचाराकहाणिवत्थवव्या बहुवे असुरकुमारा देवा य देवीओ य तामलि बालनवस्मि अहिणा आहोयंसि २ अन्नयणं

सहावेति २ एवं वयासी-एवं खलु देवाणुप्पिया ! बल्लिचंचा रायहाणी अणिदा अपुरोहिया अम्हे णं देवाणुप्पिया ! इंदाहीणा इंदाबिद्धिया इंदाहीणकज्जा अयं च णं देवाणुप्पिया ! तामली बालतवस्सी तामलितीए नगरीए बहिया उत्तरपुरच्छिमे द्विसीभाए नियत्तणियमंडलं आलिहिता संलेहणाइसणाइसिए भत्तपाणपडियाइक्खिए पाओवगमणं निव्वणे, तं सेयं खलु देवाणुप्पिया ! अम्हं तामलिं बालतवस्सिं बल्लिचंचाए रायहाणीए ठित्तिपकप्पं पकरावेत्तएत्तिकइं अन्नमज्जस्स अतिए एयमट्ठं पडि-सुणेंति २ बल्लिचंचाए रायहाणीए मज्झमज्जेणं निग्गच्छन्ति २ जेणेव ह्यगिंदे उप्पायपव्वए तेणेव उवागच्छन्ति २ वेउव्वियसमुग्घाएणं समोहणंति जाव उत्तर-वेउव्वियाइं रुवाइं विकुव्वंति, ताए उक्किट्ठाए तुरियाए चवलाए चंडाए जइणाए छेयाए सीहाए सिग्घाए दिव्वाए उडुयाए देवगतीए निरियमसखेज्जाणं बीवसमुद्दाणं मज्झमज्जेणं जेणेव जंबुद्वीवे २ जेणेव भारहे वासे जेणेव तामलिती[ए]नगरी[ए]जे-णेव तामलिती मोरियपुत्ते तेणेव उवागच्छंति २ ता तामलिस्स बालतवस्सिमस्स उप्पिं मपक्खिं सपडिदिसिं ठिच्चा दिव्वं देविद्धं दिव्वं देवज्जुइं दिव्वं देवाणुभागं दिव्वं बत्तीसविहं नट्टविहं उवदंसंति २ तामलिं बालतवस्सिं तिक्खुतो आयाहिणं पयाहिणं करेंति वंदंति नमंसंति २ एवं वदासी-एवं खलु देवाणुप्पिया ! अम्हे बल्लिचंचारायहाणिवत्थव्वया बहवे असुरकुमारा देवा य देवीओ य देवाणुप्पियं वंदामो नमंसामो जाव पज्जुवासामो, अम्हाणं देवाणुप्पिया ! बल्लिचंचा रायहाणी अणिदा अपुरोहिया अम्हेऽवि य णं देवाणुप्पिया ' इंदाहीणा इंदाबिद्धिया इंदा-हीणकज्जा तं तुब्भे णं देवाणुप्पिया ' बल्लिचंचारायहाणि आढाह परियाणह सुमरह अट्ठं बंधह निदानं पकरेह ठित्तिपकप्पं पकरेह, तते णं तुब्भे कालमासे कालं किच्चा बल्लिचंचारायहाणीए उववज्जिस्सह, तते णं तुब्भे अम्हं इंदा मविस्सह, ताए णं तुब्भे अम्हेहिं मद्धिं दिव्वाइं भोगभोगाइं भुंजमाणा विहतिस्सह । ताए णं से तामली बालतवस्सी तेहिं बल्लिचंचारायहाणिवत्थव्वेहिं बहुहिं असुर-कुमारेहिं देवेहिं देवीहिं य एवं वुत्ते समाणे एयमट्ठं नो आढाइ नो परियाणेइ तुत्तिणीए संविट्ठइ, ताए णं ते बल्लिचंचारायहाणिवत्थव्वया बहवे असुरकुमारा देवा य देवीओ य तामलिं मोरियपुत्तं दोच्चपि तच्चपि तिक्खुतो आयाहिणपयाहिणं करेंति २ जाव अम्हं च णं देवाणुप्पिया ! बल्लिचंचारायहाणी अणिदा जाव ठित्तिप-कप्पं पकरेह जाव दोच्चपि तच्चपि, एवं वुत्ते समाणे जाव तुत्तिणीए संविट्ठइ, ताए णं ते बल्लिचंचारायहाणिवत्थव्वया बहवे असुरकुमारा देवा य देवीओ य तामलिणा बालतवस्सिणा अणाढाइज्जमाणा अपरियाणिज्जमाणा आनेव दिसिं पाउब्भूया तमिं

दिसि पडिगया ॥ १३४ ॥ तेण कालेण २ ईसाणे कप्पे अणिदे अपुरोहिए यावि होत्था, तते णं से तामली बालतवस्सी बहुपडिपुजाई सट्टि वाससहत्साई परियाणं पाउणिता दोमासियाए संखेहणाए अत्ताणं झुसिता सवीसं भत्तसयं अणसणाए छेदिता कालमासे कालं किच्चा ईसाणे कप्पे ईसाणवडिसए विमाणे उववायसभाए देवसय-
णिज्जंसि देवदूसंतरिए अंगुलस्स असंखेज्जभागमेत्ताए ओगाहणाए ईसाणदेविंद-
विरहकालसमयंसि ईसाणदेविंदत्ताए उववण्णे, तए णं से ईसाणे देविंदे देवराया
अहुणोववणे पंचविहाए पज्जतीए पज्जतिभावं गच्छति, तंजहा-आहारप० जाव
भासामणपज्जतीए, तए णं ते बलिचंचारायहाणिवत्थव्वया बहवे असुरकुमारा देवा
य देवीओ य तामलि बालतवस्सि कालगयं जाणिता ईमाणे य कप्पे देविंदत्ताए
उववण्णं पासिता आसुरहा कुविया चंडिक्रिया मिसिमिसेमाणा बलिचंचाराय०
मज्जमज्जेणं निग्गच्छंति २ ताए उक्किट्टाए जाव जेणेव भारहे वासे जेणेव ताम-
लिती [ए] नयरी [ए] जेणेव तामलिस्स बालतवस्सि सरीरए तेणेव उवागच्छंति
२ वामे पाए सुंबेणं बंधंति २ तिक्खुतो मुहे उट्टूहति २ तामलितीए नगरीए
मिधाडगनिगचउक्कचत्तरत्तउम्मुहमहापहपहेसु आकहुविकड्ढि करेमाणा महया २
सुहेण उरपोसेमाणा २ एवं वयासी-केस ण भो से तामली बालतव० सयंगहियलिणे
पाणामाए पव्वजाए पव्वइए ? केस णं भते (भो) ! ईसाणे कप्पे ईसाणे देविंदे
देवरायाइतिकड्डु तामलिस्स बालतव० सरीरयं हीलंति निंदंति खिसंति गरिहंति
अवमज्जंति तज्जंति तालंति परिवहंति पव्वहंति आकहुविकड्ढि करंति हीलेता जाव
आकहुविकड्ढि करेना एगंते एडंति २ जामेव दिसि पाउच्चूया तामेव दिसि पडि-
गया ॥ १३५ ॥ तए णं ते ईसाणकप्पवासी बहवे वेमाणिया देवा य देवीओ य
बलिचंचारायहाणिवत्थव्वएहि असुरकुमारोहिं देवेहिं देवीहिं य तामलिस्स बालतव-
स्सि सरीरयं हीलिज्जमाणं निदिज्जमाणं जाव आकहुविकड्ढि कीरमाणं पासंति २
आसुरहा जाव मिसिमिसेमाणा जेणेव ईसाणे देविंदे देवराया तेणेव उवागच्छंति
२ करयलपरिग्गहियं दसनहं सिरसावणं मत्थए अजलि कड्डु जएणं विजएणं वद्धावेंति
२ एवं वदासी-एवं खलु देवाणुप्पिया ! बलिचंचारायहाणिवत्थव्वया बहवे असुर-
कुमारा देवा य देवीओ य देवाणुप्पिए कालगए जाणिता ईसाणे कप्पे इंदत्ताए
उववणे पासेता आसुरहा जाव एगंते एडंति २ जामेव दिसि पाउच्चूया तामेव
दिसि पडिगया । तए णं से ईसाणे देविंदे देवराया तेसि ईसाणकप्पवासीणं बहूणं
वेमाणियाणं देवाग य देवीण य भंतिए एयमहं सोच्चा निसम्म आसुरतो जाव
मिसिमिसेमाणे तत्थेव क्षयणिज्जवरगए तिबलियं थिउडिं निडाळे साहहुं बलिचंचा-

रायहाणि अहे सपक्खि सपडिदिमि समभिलोएइ, तए णं सा बलिचंचारायहाणी
 ईसाणेणं देविदेणं देवरत्ता अहे सपक्खि सपडिदिमि समभिलोइया समाणी तेणं
 दिव्वप्पभावेणं इंगालब्भूया मुम्मुरभूया छारियब्भूया तत्तकवेळकब्भूया तत्ता सम-
 जोइभूया जाया यावि होत्था, तए णं ते बलिचंचारायहाणिवत्थव्वया बहवे असुर-
 कुमारा देवा य देवीओ य तं बलिचंचं रायहाणि इंगालब्भूयं जाव समजोतिब्भूयं
 पासंति २ भीया तत्था तसिया उव्विग्गा संजायभया सव्वओ समंता आधावेति परि-
 धावेति २ अन्नमन्नस्स कायं समनुरंगेमाणा २ चिट्ठंति, तए णं ते बलिचंचारायहाणि-
 वत्थव्वया बहवे असुरकुमारा देवा य देवीओ य ईमाणं देविदं देवरायं परिकुवियं
 जाणिता ईमाणस्स देविदस्स देवरत्तो तं दिव्वं देविद्धि दिव्वं देवज्जुइ दिव्वं देवा-
 णुभायं दिव्वं तेयलेस्सं असहमाणा सव्वे सपक्खि सपडिदिमि ठिच्चा करयलपरि-
 ग्गहियं दसनहं सिरमावत्तं मत्था अंजलि कट्टु जणं विजणं वद्धाविति २ एवं
 वयासी-अहो णं देवाणुप्पिएहि दिव्वा देविद्धी जाव अभिसमन्नागता नं टिच्चा णं
 देवाणुप्पियाणं दिव्वा देविद्धी जाव लद्धा पत्ता अभिसमन्नागया तं स्वामेणि णं देवा-
 णुप्पिया ! खमंतु णं देवाणुप्पिया ' [खमंतु] मरिहंतु णं देवाणुप्पिया ! णाइ भुजो
 २ एवंकरणयाएत्तिकट्टु एयमट्टं सम्मं विणणं भुजो २ स्वामेति, तत्ते णं से ईमाणे
 देविदे देवराया तेहि बलिचंचारायहाणिवत्थव्वेहि बह्वेहि असुरकुमारेहि देवेहि
 देवीहि य एयमट्टं सम्मं विणणं भुजो २ स्वामिणं ममाणे तं दिव्वं देविद्धि जाव
 तेयलेस्सं पडिसाहइ, नप्पभित्तं च णं गोयमा !, ते बलिचंचारायहाणिवत्थव्वया
 बहवे असुरकुमारा देवा य देवीओ य ईमाणं देविदं देवरायं आवंति जाव पज्जुवा-
 संति, ईसाणस्स देविदस्स देवरत्तो आणाउववायवयगनिहेमे चिट्ठंति, एवं खल
 गोयमा ! ईसाणेणं देविदेणं देवरत्ता या दिव्वा देविद्धी जाव अभिसमन्नागया ।
 ईसाणस्स णं भंते ! देविदस्स देवरत्तो केववियं कालं ठिनी पण्णत्ता !, गोयमा !
 सातिरेगाइ दो मागरोवमाइ ठिती पण्णत्ता ईसाणे णं भंते ! देविदे देवराया
 ताओ देवलोगाओ आउक्खएणं जाव कहिं गांल्लहिदि ! कहिं उववज्जि-
 हिति !, गो० ' महाविदेहे वासे सिअिअहिदि जाव अंतं काहेति ॥ १३६ ॥
 सक्कस्स णं भंते ! देविदस्स देवरत्तो विमाणेहिंते इयाणस्स देविदस्स देवरत्तो
 विमाणा ईमि उच्चयरा चैव ईमि उच्चयतरा चैव ईसाणस्स वा देविदस्स देवरत्तो
 विमाणेहिंते सक्कस्स देविदस्स देवरत्तो विमाणा णीययरा चैव ईमि निच्चयरा चैव !,
 हंता ! गोयमा ! सक्कस्स तं चैव सव्वं नेयव्वं । से केणट्टेणं !, गोयमा ! से जहा-
 नामए-करयळे सिया देसे उच्चे देसे उच्चए देसे णीए देसे निच्चे, से सेणट्टेणं

गोयमा ! सकस्स देविदस्स देवरत्तो जाव ईसि निण्णतरा चेव ॥ १३७ ॥ पभू णं भंते ! सक्के देविंदे देवराया ईमाणस्स देविंदस्स देवरत्तो अंतिय पाउब्भविणए ? , हंता पभू, से णं भंते ! किं आढायमाणे पभू अणाढायमाणे पभू ? , गोयमा ! आढायमाणे पभू नो अणाढायमाणे पभू, पभू णं भंते ! ईमाणे देविंदे देवराया सकस्स देविदस्स देवरत्तो अंतिय पाउब्भविणए ? , हंता पभू, से भंते ! किं आढायमाणे पभू अणाढायमाणे पभू ? , गोयमा ! आढायमाणेवि पभू अणाढायमाणेवि पभू । पभू णं भंते ! सक्के देविंदे देवराया ईसाणं देविंदं देवरायं सपर्विस्स सपड्ढिदिसिं समभिलोएणए जहा पाउब्भवणा तथा दोवि आलावगा नेयव्वा । पभू णं भंते ! सक्के देविंदे देवराया ईमाणेणं देविंदेणं देवरत्ता सद्धिं आलावं वा मंलावं वा करेणए ? , हंता ! पभू जहा पाउब्भवणा । अत्थि णं भंते ! तेसिं सक्कीसाणाणं देविदाणं देवराईणं किञ्चाइं करणिजाइं समुप्पज्जंति ? , हंता । अत्थि, से क्हमिदाणिं पकरंति ? , गोयमा ! ताहे चेव णं से सक्के देविंदे देवराया ईमाणस्स देविदस्स देवरत्तो अंतिय पाउब्भवति, ईमाणे णं देविंदे देवराया सकस्स देविदस्स देवरायस्स अंतिय पाउब्भवइ, इति भो ! सक्का देविंदा देवराया दाहिणद्धुजोगाहि-वइ, इति भो ! ईमाणा देविंदा देवराया उत्तरद्धुजोगाहिक्कइ, इति भो ! इति भो ति ते अजमज्जस्स किञ्चाइं करणिजाइं पच्चणुब्भवमाणा विहरंति ॥ १३८ ॥ अत्थि णं भंते ! तेमिं सक्कीसाणाणं देविदाणं देवराईणं विवादा समुप्पज्जंति ? , हंता । अत्थि । से क्हमिदाणिं पकरंति ? , गोयमा ! ताहे चेव णं ने सक्कीमाणा देविंदा देवरायाणो मणकुमारं देविंदं देवरायं मणसीकरंति, तए णं से मणकुमारे देविंदे देवराया तेहिं सक्कीमाणेहिं देविंदेहिं देवराईहिं मणसीकाए समाणे त्विप्पामेव मणकुसाणाणं देविंदाणं देवराईणं अंतिय पाउब्भवति, जं से वदइ तस्स आणाउ-ववायवयणानेहेमे चिट्ठंति ॥ १३९ ॥ मणकुमारे णं भंते ! देविंदे देवराया किं भवमिद्धिए अभवसिद्धिए सम्महिद्धी मिच्छदिद्धीं परित्तंसंसारए अणंतसंसारए सुलभवोहिए दुलभवोहिए आराहए विराहए चरिमे अचरिमे ? , गोयमा ! सणकुमारे णं देविंदे देवराया भवसिद्धिए नो अभवसिद्धिए, एवं सम्महिद्धीं परित्तंसंसारए सुलभवोहिए आराहए चरिमे पसत्थे नेयव्वं । से केणट्टेणं भंते ? ! , गोयमा ! मणकुमारे देविंदे देवराया बहूणं समणाणं बहूणं समणीणं बहूणं सावयाणं बहूणं सावियाणं हियकामए सुहकामए पत्थकामए आणुकंपिए निस्सेयासिए हियसुहविस्से-मकामए, से तेणट्टेणं गोयमा ! सणकुमारे णं भवसिद्धिए जाव नो अचरिमे । सण-कुमारस्स णं भंते ! देविदस्स देवरत्तो केवतियं कालं ठिठी पत्तणा ? , गोयमा !

सत्त सागरोवमाणि ठिठी पञ्जता । से णं भंते ! ताओ देवलोगाओ आउक्खएणं
जाव कहिं उववज्जिहिति ? गोयमा ! महाविदेहे वासे सिञ्जिहिति जाव अंतं
करेहिति, सेवं भंते ! सेवं भंते ! २ । गाहाओ-छट्टुममासो अदमासो वासाई
अट्ट छम्मासा । तीसगकुहदत्ताणं तवभत्तपरिण्णपरियाओ ॥ १ ॥ उच्चत्तविमाणाणं
पाउच्चभव पेच्छणा य संलावे । किञ्चि विवादुप्पती सणकुमारे य भवियव्वं (त्तं)
॥ २ ॥ १४० ॥ **मोया समस्ता । तईयसए पढमो उहेसो समत्तो ॥**

तेण कालेणं तेणं समएणं रायगिहे नामं नगरे होत्या जाव परिसा पञ्जुवासइ,
तेणं कालेणं तेणं समएणं चमरे असुरिंदे असुरराया चमरचंचाए रायहाणीए
सभाए सुहम्माए चमरंसि सीहासणंसि चउसट्टीए सामाणियसाहस्सीहिं जाव नट्ट-
विहिं उवदंसेत्ता जामेव दिसि पाउच्चभूए तामेव दिसि पडिगए । भंतंति भगवं गोयमे
समणं भगवं महावीरं वंदति नमंसति २ एवं वदासी-अत्थि णं भंते ' इमांसे
रयणप्पभाए पुढवीए अहे असुरकुमारा देवा परिवसंति !, गोयमा ' नो इणट्टे समट्टे,
जाव अहेसत्तमाए पुढवीए, सोहम्मस्स कप्पस्स अहे जाव अत्थि णं भंते ! इंसि-
पच्चाराए पुढवीए अहे असुरकुमारा देवा परिवसति !, णो इणट्टे समट्टे । से कहिं
खाइ णं भंते ! असुरकुमारा देवा परिवसंति !, गोयमा ! इमांसे रयणप्पभाए
पुढवीए असीउत्तरजोयणसयसहस्सबाह्छाए, एवं असुरकुमारदेववत्तव्वया जाव
दिव्वाइं भोगभोगाईं भुंजमाणा विहरंति । अत्थि णं भंते ! असुरकुमाराणं देवाणं
अहे गतिविसए !, हुंता अत्थि, केवतियं च णं पभू ! ते असुरकुमाराणं देवाणं अहे
गतिविसए पज्जेते !, गोयमा ! जाव अहेसत्तमाए पुढवीए तच्चं पुण पुढविं गया य गमि-
स्संति य । किं पत्तियच्चं भंते ! असुरकुमारा देवा तच्चं पुढविं गया य गमिस्संति
य !, गोयमा ' पुव्ववेरियस्स वा वेदणउदीरणयाए पुव्वसंगइयस्स वा वेदणउवसा-
मणयाए, एवं खलु असुरकुमारा देवा तच्चं पुढविं गया य गमिस्संति य । अत्थि णं
भंते ! असुरकुमाराणं देवाणं तिरियं गतिविसए पज्जेते !, हुंता अत्थि, केवतियं च
णं भंते ! असुरकुमाराणं देवाणं तिरियं गइविसए पज्जेते !, गोयमा ! जाव असंखेज्जा
दीवसमुहा नंदिस्सरवरं पुण दीवं गया य गमिस्संति य । किं पत्तियच्चं भंते ! असु-
रकुमारा देवा नंदीसरवरदीवं गया य गमिस्संति य !, गोयमा जे इमे अरिहुंता
भगवंता एएसि णं जम्मणमहेसु वा निक्खम्मणमहेसु वा णापुप्पायमहिमासु वा परि-
निव्वाणमहिमासु वा, एवं खलु असुरकुमारा देवा नंदीसरवरदीवं गया य गमिस्संति
य । अत्थि णं भंते ! असुरकुमाराणं देवाणं उच्चं गतिविसए !, हुंता ! अत्थि ।
केवतियं च णं भंते ! असुरकुमाराणं देवाणं उच्चं गतिविसए !, गोयमा ! जावऽपुए

कप्ये सोहम्मं पुण कप्यं गया य गमिस्संति य । किं पत्तियण्णं भंते ! असुरकुमारा देवा सोहम्मं कप्यं गया य गमिस्संति य ?, गोयमा ! तेसि णं देवाणं भवपक्खइय-वेराणुबंधे, ते णं देवा विक्खवेमाणा परियारेमाणा वा आयरक्खे देवे विनासेंति अहालहुस्सगाई रयणाई गहाय आयाए एणंतमंतं अबक्कंति । अत्थि णं भंते ! तेसि देवाणं अहालहुस्सगाई रयणाई ?, हंता अत्थि । से क्हमियाणि पक्करोंति ?, तओ से पच्छा कायं पच्चहंति । पभू णं भंते ! ते असुरकुमारा देवा तत्थ गया चैव ममाणा ताहिं अच्छराहिं सद्धि दिव्वाइ भोगभोगाई भुंजमाणा विहरितए ?, णो तिण्णट्टे समट्टे, ते णं तओ पडिनियत्तंति २ ता इहमागच्छंति २ जति णं ताओ अच्छराओ आढार्यंति परियाणंति । पभू णं ते असुरकुमारा देवा ताहिं अच्छराहिं सद्धि दिव्वाइ भोगभोगाई भुंजमाणा विहरितए अहंताओ अच्छराओ नो आढार्यंति नो परियाणंति णो णं पभू ते असुरकुमारा देवा ताहिं अच्छराहिं सद्धि दिव्वाइ भोगभोगाई भुंजमाणा विहरितए, एवं खलु गोयमा ! असुरकुमारा देवा सोहम्मं कप्यं गया य गमिस्संति य ॥ १४१ ॥ केवइकालस्स णं भंते ! असुरकुमारा देवा उट्ठं उप्पयंति जाव सोहम्मं कप्यं गया य गमिस्संति य ?, गोयमा ! अणंताहिं उस्सपिणीहिं अणंताहिं अबमपिणीहिं समइक्कंताहिं, अत्थि ण एम भावे लोयच्छेरयभूए ममुप्पज्जइ जत्तं असुरकुमारा देवा उट्ठं उप्पयंति जाव सोहम्मो कप्यो, किं निस्साए णं भंते ! असुरकुमारा देवा उट्ठं उप्पयंति जाव सोहम्मो कप्यो !, गोयमा ! से जहानामए-इह सबरा इ वा बन्बरा इ वा टंक्का इ वा भुत्तुया इ वा पन्हाया इ वा पुलिदा इ वा एणं महं गट्ठं वा खट्ठं वा दुग्गं वा दारि वा विसमं वा पच्चयं वा णीसाए सुमहम्मवि आसबलं वा हत्थिबलं वा जोहबलं वा धणुबलं वा आगलेंति, एवामेव असुरकुमारावि देवा, णणत्थ अरिहंते वा अणगारे वा भावियप्पणो निस्साए उट्ठं उप्पयंति जाव सोहम्मो कप्यो । सव्यंवि णं भंते ! असुरकुमारा देवा उट्ठं उप्पयंति जाव सोहम्मो कप्यो !, गोयमा ! णो ट्णट्टे समट्टे, महिच्चिया णं असुरकुमारा देवा उट्ठं उप्पयंति जाव सोहम्मो कप्यो । एसवि णं भंते ! चमरे असुरिं दे असुरकुमारया उट्ठं उप्पइयपुब्बि जाव सोहम्मो कप्यो ?, हंता गोयमा ! २ । अहो णं भंते ! चमरे असुरिं दे असुरकुमार-या महिच्चिए महज्जुए जाव कहिं पविट्ठा ?, कूडानगरसालादिट्ठतो भाणियब्बो ॥ १४२ ॥ चमरेणं भंते ! असुरिं देणं असुररजा सा दिव्वा देविच्चिं तं चैव जाव किंसा लड्ढा पत्ता अभिसमन्नागया, एवं खलु गोयमा ! तेषं काळेणं तेषं समएणं इहंवे जंबुदीवे २ नारइ वासे विक्कगिरियाक्खुळे वेमेळे नामं संनिवेशे होत्था, नत्तओ,

तत्थ णं बेमेले संनिवेसे पूरणे नामं गाहावई परिवसति अक्के दित्ते जहा तामलिस्स वत्तव्वया तथा नेयव्वा, नवरं चउप्पुडयं दास्समयं पडिग्गहयं करेत्ता जाव विपुलं असणं पाणं खाइमं साइमं जाव सयमेव चउप्पुडयं दास्समयं पडिग्गहयं गहाय मुंढे भवित्ता दाणामाए पव्वज्जाए पव्वइत्तए पव्वइएऽवि य णं समाणे तं चेव, जाव आयावणभूमीओ पच्चोरुभइ २ ता सयमेव चउप्पुडयं दास्समयं पडिग्गहियं गहाय बेमेले मन्निवेसे उच्चनीयमज्झिमाई कुलाईं घरसमुदाणस्स भिक्खायरियाए अबेत्ता जं मे पढमे पुडए पडइ कप्पइ मे तं पंथे पहियाणं दलइत्तए जं मे दोखे पुडए पडइ कप्पइ मे तं कागसुणयाणं दलइत्तए जं मे तच्चे पुडए पडइ कप्पइ मे तं मच्छकच्छभाणं दलइत्तए जं मे चउत्ये पुडए पडइ कप्पइ मे तं अप्पणा आहारि-त्तएत्तिकड्डु एवं संपेहेइ २ कळं पाउप्पभायाए रयणीए तं चेव निरवसेसं जाव जं मे (से) चउत्ये पुडए पडइ तं अप्पणा आहारं आहारैइ, तए णं से पूरणे बालत-वस्सी तेणं ओराळेणं विउळेणं पयत्तेणं पग्गहिएणं बालतवोक्कम्मेणं तं चेव जाव बेमेलस्स सन्निवेसस्स मज्झंमज्जेणं निग्गच्छति २ पाउयं कुंडियमादीयं उवगरणं चउप्पुडयं च दास्समयं पडिग्गहियं एगंतमंत एडेइ २ बेमेलस्स मन्निवेसस्स दाहि-णपुरच्छिमे दिसीभागे अद्धनियत्तणियमडलं आलिहित्ता संलेहणाइस्सणाइस्सिए भत्त-पाणपडियाइस्सिए पाओवगमणं निवण्णे । तेणं कालेणं तेणं समएणं अहं गोयमा ! छउमत्थकालियाए एक्कारमवासपरियाए छट्टंछट्टेणं अनिक्खत्तेणं तवोक्कम्मेणं संज-मेणं तवसा अप्पणं आवेमाणे पुव्वाणुपुव्वि चरमाणे गामाणुगामं दूइज्जमाणं जेणेव सुंममारपुरे नगरे जेणेव असोयवणसंढे उज्जाणे जेणेव असोयवरपायवे जेणेव पुढविस्सिलापट्टए तेणेव उवागच्छामि २ असोगवरपायवस्स हेट्ठा पुढविस्सिलापट्ट-यंसि अट्टमभत्तं परिग्गिण्हामि, दोवि पाए साहट्टु वग्घारियपाणी एगपोग्गलनिविट्ठदिट्ठी अणिमिसनयणे ईसिपन्मारगएणं क्राएणं अहापणिहिएहिं गत्तेहिं सव्विदिएहिं गुत्तेहिं एगराइयं महापडिं उवसंपज्जित्ता णं विहरामि । तेणं कालेणं तेणं समएणं चमर-चंचारायहाणी अणिंदा अपुरोहिया यावि होत्था, तए णं से पूरणे बालतवस्सी बहुपडिपुच्चाईं दुवालसवासाईं परियाणं पाउभित्ता मासियाए संलेहणाए अत्ताणं इस्सेत्ता सट्ठिं भत्ताई अणसणाए छेदेत्ता कालमासे कालं किच्चा चमरचंचाए रामहाणीए उववायसभाए जाव इंदत्ताए उववञ्जे, तए णं से चमरे अमुरिंदे असुररात्ता अहुणो-ववञ्जं पंचविहाए पज्जतीए पज्जतिमावं गच्छइ, तंजहा-आहारपज्जतीए जाव भासा-मणपज्जतीए, तए णं से चमरे अमुरिंदे असुररात्ता पंचविहाए पज्जतीए पज्जतिमावं गए समाणे उच्चं वीससाए ओहिष्ठा आभोएइ जाव सोहम्मो कप्पो, पासइ य तत्थ

सकं देविदं देवरायं मघवं पाकसासणं सयक्कतुं सहस्सकस्वं वज्जपाणिं पुरंदरं जाव
दस दिसाओ उज्जोवेमाणं पभासेमाणं सोहम्मं कप्पे सोहम्मवड्ढेसए विमाणे सक्कसि
सीहासणंसि जाव दिव्वाइं भोगभोगाईं भुंजमाणं पासइ २ इमेयाख्वे अज्जत्थिए
विंसिए पत्थिए मणोगए संकप्पे समुप्पजित्था-केस णं एस अपत्थियपत्थए दुरंत-
पंतलक्खणे हिरिसिरिपरिबज्जिए हीणपुत्रचाउइसे ज्जं ममं इमाए एयाख्वाए दिव्वाए
देविद्धीए जाव दिव्वे देवाणुभावे लद्धे पत्ते अभिसमन्नागए उप्पि अप्पुस्सुए दिव्वाइं
भोगभोगाईं भुंजमाणे विहरइ, एवं संपेहेइ २ सामाणियपरिमोववन्नए देवे सद्दावेइ
२ एवं वयासी-केस णं एस देवाणुप्पिया अपत्थियपत्थए जाव भुंजमाणे विहरइ !,
तए णं ते मामाणियपरिसोववन्नगा देवा चमरेणं अन्नुरिदेणं अन्नुररत्ता एवं वुत्ता
ममाणा हट्टुट्ठा जाव हयहियया करयलपरिग्गहियं दसनहं सिरसावत्तं मत्थए
अज्जलिं कट्टु जएणं विजएणं वद्धावेत्ति २ एवं वयासी-एस णं देवाणुप्पिया ! सक्के
देविदे देवराया जाव विहरइ, तए णं से चमरे अन्नुरिदे अन्नुरराया तेसि सामाणि-
यपरिमोववन्नगणं देवाणं अंतिए एयमट्ठं सोच्चा निसम्म आसुरते ष्टे कुविए चंढि-
क्किए निमिसिसेमाणे ते मामाणियपरिमोववन्नए देवे एवं वयासी-अणे खलु भो !
से)मक्के देविदे देवराया अन्ने खलु भो ! से चमरे अन्नुरिदे अन्नुरराया, महिंक्किए
खलु भो ! से सक्के देविदे देवराया, अप्पाक्किए खलु भो ! से चमरे अन्नुरिदे अन्नुरराया,
ते इच्छामि णं देवाणुप्पिया ! सक्कं देविदं देवरायं सयमेव अब्बासादेत्तएत्तिकट्टु उंसणे
उंसणन्भूए जाए यावि होत्था, तए णं से चमरे अन्नुरिदे अन्नुरराया ओहिं पउंजइ
ममं ओहिणा आओएइ २ इमेयाख्वे अज्जत्थिए जाव समुप्पजित्था-एवं खलु
समणे भगवं महावीरे जंबुदीवे २ भारहे वासे सुंममारपुरे नगरे असोगवणसठे उज्जाणे
असोगवरपायवस्स अहे पुडविसिलापट्टयंसि अट्टमभत्तं पडिगिप्पिन्ना एगराइयं महा-
पडिमं उवसंपजित्ता णं विहरत्ति, तं सेयं खलु मे समणं भगवं महावीरं नीसाए सक्कं
देविदं देवरायं सयमेव अब्बासादेत्तएत्तिकट्टु एवं संपेहेइ २ सयणिज्जाओ अब्बुट्ठेइ
२ ता देवदुंसं परिहेइ २ उववायसभाए पुरच्छिम्मिल्लेणं दारेणं णिग्गच्छइ, जेणेव
ममा महम्ममा जेणेव चोप्पाळे पहरणक्खेसे तेणेव उवागच्छइ २ ता फल्लिहरयणं
पामुमइ २ एगे अवीए फल्लिहरयणमायाए महया अमरिसं वड्ढमाणे चमरवंच्चाए
रायहाणीए मज्जेमज्जेणं निग्गच्छइ २ जेणेव तिग्गिच्छिक्खे उप्पायपव्वए लेणामेव
उवागच्छइ २ ता वेड्ढियसमुग्घाएणं समोहणइ २ ता संसेज्जाइं जोयणाइं जाव
उत्तरवेड्ढियस्सं विडब्बइ २ ता ताए उक्किट्ठाए जाव जेणेव पुडविसिलापट्टए जेणेव
मम अंतिए तेणेव उवागच्छति २ मम तिक्कत्तो आयाहिणं पयाहिणं करेति जाव

नमसिन्ता एवं वयासी-इच्छामि णं भंते ! तुब्भं नीसाए सक्कं देविंदं देवरायं सयमेव
अच्चासादित्तएत्तिकट्टु उत्तरपुरच्छिमे दिसीभागे अबक्कमइ २ वेउब्बियसमुग्घाएणं
समोहणइ २ जाव दोब्बपि वेउब्बियसमुग्घाएणं समोहणइ २ एगं महं घोरं घोरागारं
भीमं भीमागार भासुरं भयाणीयं गंभीरं उत्तासणयं कालबुरत्तमासरासिसकासं जोय-
णसयसाहस्सीयं महाचोदि विउब्बइ २ अप्फोडेइ २ वग्गइ २ गज्जइ २ हयहेसियं
करेइ २ हत्थिगुलगुलाइयं करेइ २ रहघणघणाइयं करेइ २ पायदहरणं करेइ २
भूमिचवेडयं दलयइ २ सीहणादं नदइ २ उच्छोलेइ २ पच्छोलेइ २ तिपइं छिंदइ
२ वामं भुयं ऊसवेइ २ दाहिणहत्थपदेसिणीए य अंगुट्ठणहेण य कितिचिच्छमुहं
विडंबेइ २ महया २ सहेणं कलकलरवं करेइ, एगे अबीए फलिहरयणमायाए
उहं वेहासं उप्पइए, खोभंते चेव अहेलीयं कंपेमाणे च मेयणितलं आकट्टं (साकट्टुं)
तेव तिरियलोयं फोडेमाणेव अंबरतलं कत्थइ गज्जंतो कत्थइ विज्जयायंतं कत्थइ वाम
वासमाणे कत्थइ रउग्घायं पकरेमाणे कत्थइ तमुक्कायं पकरेमाणे वाणमंतरदंवे वित्ता-
सेमाणे जोइसिए उंवे दुहा विमयमाणे २ आयरक्कं देवे विपलायमाणे २ फलिहर-
यणं अंबरतलंसि वियट्टमाणे २ विउज्जाएमाणे २ ताए उक्किट्टाए जाव तिरियमसं-
खंज्जाणं दीवसमुद्दाणं मज्जंमज्जेणं वीइवयमाणे २ जेणेव सोहम्मं कप्पे जेणेव
सोहम्मवडंमए विमाणे जेणेव सभा सुधम्मा तंणेव उवागच्छइ २ एगं पायं पउम-
वरवेइयाए करेइ एगं पायं सभाए सुहम्माए करेइ फलिहरयणेणं महया २ संहणं
तिक्खुतो इंदकीलं आउडेइ २ एवं वयासी-कहि णं भो ! मक्के देविंदं देवराया ?
कहि णं ताओ चउरासीइ सामाणियसाहस्सीओ ? जाव कहि णं ताओ चत्तारि चउ-
रासीओ आयरक्कं देवसाहस्सीओ ? कहि णं ताओ अणेगाओ अच्छराकोदीओ ?
अज्ज हणामि अज्ज महेमि अज्ज वहेमि अज्ज मयं अवसाओ अच्छराओ वसमुवण-
मंतुत्तिकट्टु तं अणिट्ठं अकंतं अप्पियं असुभं अमणुणं अमणामं फरुसं गिरं निसिरट्ट,
तए णं से सक्के देविंदं देवराया तं अणिट्ठं जाव अमणामं अस्सुयपुब्बं फरुसं गिरं
सोच्चा निसम्म आसुरत्ते जाव मिसिमिसेमाणे तिबलियं भिउडिं निडाळे साहइ चमर
असुरिंदं असुररायं एवं वदासी-हं भो चमरा ! असुरिंदा ! असुरराया ! अपत्थिय-
पत्थया ! जाव हीणपुब्बचाउहसा ! अज्जं न भवस्ति नाहि तं सुहमरत्तीतिकट्टु तत्थेव
सीहासणवरगए वज्जं परामुसइ २ तं जलंतं फुडंतं तडतडंतं उक्कासहस्साइं विणि-
म्मयमाणं जालासहस्साइं पयुंभमाणं ईगाल्त्सहस्साइं पविक्खिरमाणं १ फुलिंग-
जालामालासहस्सेहिं चक्कविकल्हेवदिट्ठिपडिघायं पकरेमाणं हुयवहअहरेगतेवदिप्यं
अहणवेगं फुल्लिंमुयसमाणं महब्भयं भयंकरं चमरत्स असुरिंदत्स असुररत्तो वहाए

वज्रं निसिरइ । तते णं से चमरे असुरिदे असुरराया तं जलंतं जाव भयंकरं वज्र-
मभिसुहं आचयमाणं पासइ पासइता झियाति पिहाइ झियाइता पिहाइता तहेव
संभगमउडविडए सालंबहत्वाभरणे उडुपाए अहोसिरे कन्खागयसेयंपि व विणि-
म्मुयमाणे २ ताए उक्किट्टाए जाव तिरियमसंखेज्जाणं वीवसमुहाणं मज्झंमज्जेणं
वीहिवयमाणे २ जेणेव जंबुदीवे २ जाव जेणेव अमोगवरपायवे जेणेव मम अंतिए
तेणेव उवागच्छइ २ ता भीए भयगगरसरे मगवं सरणमिति बुयमाणे ममं दोण्हवि
पायाणं अंतरंसि झत्तिवेगेण समोवडिए ॥ १४३ ॥ ताए णं तस्स सक्कस्स देविदस्स देव-
रत्तो इमेयारूवे अज्झत्थिए जाव समुप्पज्जित्या—नो खलु पभू चमरे असुरिदे
असुरराया नो खलु समत्थे चमरे असुरिदे असुरराया नो खलु विसए चमरस्स
असुरिदस्स असुररत्तो अप्पणो निस्साए उडुं उप्पइता जाव सोहम्मो कप्पो णणत्थ
अरिहंतं वा अणगारे वा भावियप्पणो णीसाए उडुं उप्पयति जाव सोहम्मो कप्पो,
तं महादुक्खं खलु तहारूवाणं अरहंताणं भगवंताणं अणगाराण य अच्चासायणाए-
त्तिकहु ओहिं पटंजति २ ममं ओहिणा आभोएति २ हा हा अहो हतोऽहमंसित्तिकहु
ताए उक्किट्टाए जाव दिव्वाए देवगतीए वज्रस्स वीहिं अणुगच्छमाणे २ तिरियम-
संखेज्जाणं वीवसमुहाणं मज्झंमज्जेणं जाव जेणेव अमोगवरपायवे जेणेव ममं अंतिए
तेणेव उवागच्छइ २ ममं चउरंगुल्लमसंपत्तं वज्रं पडिसाहरइ ॥ १४४ ॥ अवियाई
मे गोयमा । मुट्ठिवाएणं केमग्गे वीइत्या, ताए णं से सक्के त्रेविंदे देवराया वज्रं
पडिसाहरिता ममं तिक्खत्तो आयाहिणं पयाहिणं करइ २ वंदइ नमंसइ २ एवं
वयासी—एवं खलु भंतं । अहं दुब्भं नीसाए चमरेणं असुरिदेणं असुररत्ता सयमेव
अच्चासाइए, ताए णं मए परिकुविएणं समाणेणं चमरस्स असुरिदस्स असुररत्तो
वहाए वज्जे निसिट्ठे, ताए णं मे इमेयारूवे अज्झत्थिए जाव समुप्पज्जित्या—नो खलु
पभू चमरे असुरिदे असुरराया तहेव जाव ओहिं पटंजामि देवाणुप्पिए ओहिणा
आभोएमि हा हा अहो इतोमीतिकहु ताए उक्किट्टाए जाव जेणेव देवाणुप्पिए तेणेव
उवागच्छामि देवाणुप्पियाणं चउरंगुल्लमसंपत्तं वज्रं पडिसाहरामि वज्रपडिसाहर-
ण्हयाए णं इहयागए इह समोसडे इह संपत्ते इहेव अज्ज उबसंपज्जिता णं विहरामि,
तं खामेमि णं देवाणुप्पिया । खमंतु णं देवाणुप्पिया ! [खमंतु] भरहंतु णं देवाणु-
प्पिया । णाइमुज्जे एवं पकरणवाएत्तिकहु ममं वंदइ नमंसइ २ उत्तरपुरच्छिमं दिसी-
भागं अवकमइ २ कामेणं पात्रेणं तिक्खत्तो भूमिं दडेइ २ चमरे असुरिदं असुररायं
एवं वदासी—मुत्तोऽसि णं भो चमरा ! असुरिदा ! असुरराया ! समणस्स भगवत्तो
महावीरस्स पभावेणं काहिं ते दाणिं ममाज्जो भयमत्तीतिकहु जामेव विसि पाठ-

ञ्मू ए तामेव दिसि पङ्क्तिगए ॥ १४५ ॥ भंतेति भगवं गोयमे समणं भगवं महावीरं
 वंदति २ एवं वदासी-देवे णं भंते । महिङ्गिए महञ्जुतीए जाव महाणुभागे पुब्बामेव
 पोग्गळं खिविता पभू तमेव अणुपरियट्ठिता णं गिण्हित्तए ?, हंता पभू ॥ से
 केणट्टेणं भंते ! जाव गिण्हित्तए ?, गोयमा ! पोग्गळे निक्खित्ते समाणे पुब्बामेव
 सिग्घगती भवित्ता ततो पच्छा मंदगती भवति, देवे णं महिङ्गिए पुक्खिपिय पच्छावि
 सीहे सीहगती चैव तुरिए तुरियगती चैव, से तेणट्टेणं जाव पभू गेण्हित्तए । जति
 णं भंते ! देवे महिङ्गिए जाव अणुपरियट्ठिता णं गेण्हित्तए कम्हा णं भंते ! सक्के-
 णं देविदेणं देवरत्ता (राया) चमरे असुरिंदे असुरराया नो संचाएति साहत्थि
 गेण्हित्तए ?, गोयमा ! असुरकुमाराणं देवाणं अहे गतिविसए सीहे २ चैव तुरिए
 २ चैव उड्डु गतिविसए अप्पे २ चैव मंदे मंदे चैव वेमाणियाणं देवाणं उड्डु गति-
 विसए सीहे २ चैव तुरिए २ चैव अहे गतिविसए अप्पे २ चैव मंदे २ चैव,
 जावतियं खेतं सक्के देविंदे देवराया उड्डु उप्पयति एक्केणं समएणं तं वजे दोहिं, जं
 वजे दोहिं तं चमरे तिहिं, मव्वत्थोव सक्कस्स देविंदस्स देवरत्तो उड्डुलोकंडए
 अहेलोकंडए संखेज्जगुणे, जावतियं खेतं चमरे असुरिंदे असुरराया अहे ओवयति
 एक्केणं समएणं तं सक्के दोहिं जं सक्के दोहिं तं वजे तिहिं, मव्वत्थोवे चमरस्स
 असुरिंदस्स असुररत्तो अहेलोकंडए उड्डुलोकंडए संखेज्जगुणे । एवं खलु गोयमा
 सक्केणं देविदेणं देवरत्ता चमरे असुरिंदे असुरराया नो संचाएति साहत्थि गेण्हि-
 त्तए ॥ सक्कस्स णं भंते ! देविंदस्स देवरत्तो उड्डु अहे तिरियं च गतिविसयस्स
 कयरे २ हिंनो अप्पे वा बहुए वा तुळे वा विसेसाहिए वा ?, गोयमा ! मव्वत्थोवं
 खेतं सक्के देविंदे देवराया अहे ओवयइ एक्केणं समएणं तिरियं संखेजे भागे गच्छइ
 उड्डु संखेजे भागे गच्छइ । चमरस्स णं भंते ! असुरिंदस्स असुररत्तो उड्डु अहे
 तिरियं च गतिविसयस्स कयरे २ हिंनो अप्पे वा बहुए वा तुळे वा विसेसाहिए
 वा ?, गोयमा ! मव्वत्थोवं खेतं चमरे असुरिंदे असुरराया उड्डु उप्पयति एक्केणं
 समएणं तिरियं संखेजे भागे गच्छइ अहे संखेजे भागे गच्छइ, वज्जं जहा सक्कस्स
 देविंदस्स तहेव नवरं विसेसाहियं कायव्वं ॥ सक्कस्स णं भंते ! देविंदस्स देवरत्तो
 ओवयणकालस्स य उप्पयणकालस्स य कयरे २ हिंनो अप्पे वा बहुए वा तुळे वा
 विसेसाहिए वा ?, गोयमा ! मव्वत्थोवे सक्कस्स देविंदस्स देवरत्तो उड्डु उप्पयणकाले
 ओवयणकाले संखेज्जगुणे ॥ चमरस्सवि जहा सक्कस्स नवरं मव्वत्थोवे ओवयणकाले
 उप्पयणकाले संखेज्जगुणे ॥ वज्जस्स पुच्छा, गोयमा ! मव्वत्थोवे उप्पयणकाले
 ओवयणकाले विसेसाहिए ॥ एमस्स णं भंते ! वज्जस्स वजाहिइस्स चमरस्स य

असुरिदस्स असुररत्तो ओवयणकालस्स य उप्पयणकालस्स य कयरे २ हितो अप्पे वा ४?, गोयमा ! सक्कस्स य उप्पयणकाले चमरस्स य ओवयणकाले एए णं दोञ्चिवि तुल्ला सव्वत्थोवा, सक्कस्स य ओवयणकाले बज्जस्स य उप्पयणकाले एस णं दोण्हवि तुल्ले संखेज्जणुणे चमरस्स य उप्पयणकाले बज्जस्स य ओवयणकाले एस णं दोण्हवि तुल्ले विसेसाहिए ॥ १४६ ॥ तए णं से चमरे असुरिदे असुरराया बज्जभय-विप्पमुक्के सक्केणं देविदेणं देवरत्ता महया अवमाणेणं अवमाणिए समाणे चमरचंचाए रायहाणीए समाए सुहम्माए चमरंसि सीहासणंसि ओहयमणसंकप्पे चिंतासोयसागर-संपविट्ठे करयलपल्हत्थमुद्धे अट्टज्जाणोवगए भूमिगयदिट्ठीए श्रियाति, तते णं तं चमरं असुरिदं असुररायं सामाणियपरिसोववज्जया देवा ओहयमणसंकर्पं जाव श्रियायमाणं पासंति २ करयल जाव एवं वयासी-किण्णं देवाणुप्पिया ! ओहयमण-संकप्पा जाव श्रियायह?, तए णं से चमरे असुरिदे अमुर० ते सामाणियपरिसोव-वज्जए देवे एवं वयासी-एवं खल देवाणुप्पिया ! मए समणं भगवं महावीरं नीसाए सक्के देविदे देवराया सयमेव अच्चासादिए, तए णं तेणं परिकुविणं समाणेणं ममं वहाए बज्जे निस्सिट्ठे तं भइणं भवतु देवाणुप्पिया ! समणस्स भगवओ महावीरस्स जस्स मग्गिमनुपभावेण अक्खिट्ठे अब्बहिए अपरिताविए इहमागए इह समोसडे इह सपत्ते इहेव अज्जं उवसंपज्जिता णं विहरामि, तं गच्छामो णं देवाणुप्पिया ! समणं भगवं महावीरं वंदामो णंमंसामो जाव पज्जवासामोत्तिकद्धु चउसट्ठीए सामाणिय-साहस्सीहिं जाव सव्विक्खीए जाव जेणेव असोगवरपायवे जेणेव मम अंतिए तेणेव उवागच्छइ २ ममं तिक्खुत्तो आयाहिणं पयाहिणं जाव नमंसिता एवं वदासी-एवं खल भंते ! मए तुब्भं नीसाए सक्के देविदे देवराया सयमेव अच्चासादिए जाव तं भइं णं भवतु देवाणुप्पियाणं मग्गि जस्स अणुपभावेणं अक्खिट्ठे जाव विहरामि तं तामेमि णं देवाणुप्पिया ! जाव उत्तरपुरच्छिमं दिसीभागं अवक्कमइ २ ता जाव वर्णासइबद्धं नइविहिं उवदंसेइ २ जामेव दिसि पाउच्चूए तामेव दिसि पडिगए, एवं खल गोयमा ! चमरेणं असुरिदेणं असुररत्ता सा दिव्वा देविक्खी लद्धा पत्ता जाव अभिममजागया, ठित्ठी सागरोवमं, महाविदेहे वासे तिज्जिह्वहिति जाव अंतं काहिति ॥ १४७ ॥ किं पत्तिए णं भंते ! असुरकुमारा देवा उण्णं उप्पयंति जाव सोहम्मो कपो?, गोयमा ! तेसि णं देवाणं अहुणोववज्जगाण वा चरिममवत्थाण वा इमेयारूवे अज्जत्थिए जाव समुप्पज्जइ-अहो णं अग्गेहिं दिव्वा देविक्खी लद्धा पत्ता जाव अभिममजागया जारितिया णं अग्गेहिं दिव्वा देविक्खी जाव अभिसमजागया तासि-निया णं सक्केणं देविदेणं देवरत्ता दिव्वा देविक्खी जाव अभिसमजागया जारितिया

णं सक्रेणं देविदेणं देवरत्ना जाव अभिसमजागया तारिसिया णं अम्हेहिवि जाव
अभिसमजागया तं गच्छामो णं सकस्स देविदस्स देवरत्तो अंतियं पाउब्भवामो
पासामो ताव सकस्स देविदस्स देवरत्तो दिव्वं देविद्धिं जाव अभिसमजागयं पासतु
ताव अम्हवि सक्के देविदे देवराया दिव्वं देविद्धिं जाव अभिसमजणागयं, तं जाणामो
ताव सकस्स देविदस्स देवरत्तो दिव्वं देविद्धिं जाव अभिसमजागयं जाणउ ताव
अम्हवि सक्के देविदे देवराया दिव्वं देविद्धिं जाव अभिसमजणागयं, एवं खलु गोयमा ।
असुरकुमारा देवा उद्धं उप्पयंति जाव सोहम्मो कप्पो । सेवं भंते ! सेवं भंते ! ति
॥ १४८ ॥ चमरो समत्तो ॥ त्थयसए वीओ उद्देसओ समत्तो ॥

तेणं कालेणं तेणं समएणं रायगिहे नामं नगरे होत्था जाव परिसा पडिगया ।
तेणं कालेणं तेणं समएणं जाव अतेचासी मंडियपुरे णामं अणगारे पगतिभएए
जाव पज्जुवासमाणे एवं वदासी-कत्ति णं भंते ! किरियाओ पण्णत्ताओ ?, मंडिय-
पुत्ता ! पंच किरियाओ पण्णत्ताओ, तंजहा-काइयाअ हिगरणिया पाओसिया पारिया-
वणिया पाणाइवायकिरिया । काइया णं भंते ! किरिया कत्तिविहा पण्णत्ता ?, मंडिय-
पुत्ता । दुविहा पण्णत्ता, तंजहा-अणुवरयकायकिरिया य दुप्पउत्तकायकिरिया य ।
अहिगरणिया णं भंते ! किरिया कत्तिविहा पण्णत्ता ?, मंडियपुत्ता ' दुविहा पण्णत्ता,
तंजहा-संजोयणाहिगरणकिरिया य निव्वत्तणाहिगरणकिरिया य । पाओसिया णं
भंते ! किरिया कत्तिविहा पण्णत्ता ?, मंडियपुत्ता ! दुविहा पण्णत्ता, तंजहा-जीवपा-
ओसिया य अजीवपाओसिया य । पारियावणिया णं भंते ! किरिया कइविहा प० ?,
मंडियपुत्ता ! दुविहा प०, तंजहा-सहत्थपारियावणिया य । परहत्थपारियावणिया
य । पाणाइवायकिरिया णं भंते ! पुच्छा, पाणाइवायकिरिया कइविहा प० ?, मंडिय-
पुत्ता ! दुविहा पण्णत्ता, तंजहा-सहत्थपा० परहत्थपा० किरिया य ॥ १४९ ॥
पुव्विं भंते ! किरिया पच्छा वेदणा पुव्विं वेदणा पच्छा किरिया ?, मंडियपुत्ता !
पुव्विं किरिया पच्छा वेदणा, णो पुव्विं वेदणा पच्छा किरिया ॥ १५० ॥ अत्थि
णं भंते ! समणणं निग्गंघाणं किरिया कज्जइ ?, हंता ! अत्थि । कइं णं भंते !
समणणं निग्गंघाणं किरिया कज्जइ ?, मंडियपुत्ता ! पमायपच्चया जोगनिमित्तं च,
एवं खलु समणणं निग्गंघाणं किरिया कज्जति ॥ १५१ ॥ जीवे णं भंते ! सया
समियं एयति वेयति चलति षट्ठइ षट्ठइ खुब्भइ उठीरइ तं तं भावं परिणमति ?,
हन्ता ! मंडियपुत्ता । जीवे णं सया समियं एयति जाव तं तं भावं परिणमइ । जावं
च णं भंते ! से जीवे सया समित्तं जाव परिणमइ तावं च णं तस्स जीवस्स अंतं
अंतकिरिया भवति ?, णो तिण्हे समहे, से केण्हेणं भंते ! एवं बुब्भइ-जावं च णं

से जीवे सया समितं जाव अंते अंतकिरिया न भवति ?, मंडियपुत्ता ! जावं च णं से जीवे सया समितं जाव परिणमति तावं च णं से जीवे आरंभइ सारंभइ समारंभइ आरंभे वट्टइ सारंभे वट्टइ समारंभे वट्टइ आरंभमाणे सारंभमाणे समारंभमाणे आरंभे वट्टमाणे सारंभे वट्टमाणे समारंभे वट्टमाणे बहूणं पाणाणं भूयारणं जीवारणं सत्ताणं दुक्खावणयाए सोयावणयाए जूरावणयाए तिप्पावणयाए पिट्ठावणयाए परिव्यावणयाए वट्टइ, से तेणट्टेणं मंडियपुत्ता ! एवं लुब्धइ-जावं च णं से जीवे सया समियं एयति जाव परिणमति तावं च णं तस्स जीवस्स अंते अंतकिरिया न भवइ ॥ जीवे णं भंते ! सया समियं णो एयइ जाव नो तं तं भावं परिणमइ ?, हंता मंडियपुत्ता ! जीवे णं सया समियं जाव नो परिणमति । जावं च णं भंते ! से जीवे नो एयति जाव नो तं तं भावं परिणमति तावं च णं तस्स जीवस्स अंते अंतकिरिया भवइ ? हंता ! जाव भवति । से केणट्टेणं भंते ! जाव भवति ?, मंडियपुत्ता ! जावं च णं से जीवे सया समियं णो एयति जाव णो परिणमइ तावं च णं से जीवे नो आरंभइ नो सारंभइ नो समारंभइ नो आरंभे वट्टइ णो सारंभे वट्टइ णो समारंभे वट्टइ अणारंभमाणे असारंभमाणे असमारंभमाणे आरंभे अवट्टमाणे सारंभे अवट्टमाणे समारंभे अवट्टमाणे बहूणं पाणाणं ४ अदुक्खावणयाए जाव अपरियावणयाए वट्टइ । से जहानामए केइ पुरिसे सुद्धं तूणहत्थयं जायतेर्यसि पक्खिवेज्जा, से नूणं मंडियपुत्ता ! से सुद्धं तणहत्थए जायतेर्यसि पक्खित्ते म्माणे खिप्पामेव मसमसाविज्जइ ? हंता ! मसमसाविज्जइ, से जहानामए-केइ पुरिसे तत्तंसि अयकवड्ढंसि उदयविंदू पक्खिवेज्जा, से नूणं मंडियपुत्ता ! से उदयविंदू तत्तंसि अयकवड्ढंसि पक्खित्ते म्माणे खिप्पामेव विद्धंसमागच्छइ ?, हंता ! विद्धंसमागच्छइ, से जहानामए हरए सिया पुण्णे पुण्यप्पमाणे बोलट्टमाणे वोसट्टमाणे समभरघट्ताए चिद्धति ?, हंता ! चिद्धति, अहे णं केइ पुरिसे तंसि हरयंसि एणं महं णावं सतासवं सयच्छिं ओगाहेज्जा से नूणं मंडियपुत्ता ! सा नावा तेहिं आसवदारोहिं आपूरेमाणी २ पुण्णा पुण्यप्पमाणा बोलट्टमाणा वोसट्टमाणा समभरघट्ताए चिद्धति ? हंता ! चिद्धति, अहे णं केइ पुरिसे तीसे नावाए सम्बतो समंता आसवदादाइं पिहेइ २ नावाउत्तिसवणएणं उदयं उत्तिसिञ्जि सा से नूणं मंडियपुत्ता ! सा नावा तंसि उदयंसि उत्तिसिञ्जंसि समारणंसि खिप्पामेव उणुं उदाइ ?, हंता ! उदाइज्जा, एवामेव मंडियपुत्ता ! अणत्तासंबुडस्स अणगारस्स इरियासमियस्स जाव गुत्तबंभयारिस्स आउत्तं गच्छमाणस्स चिद्धमाणस्स निखीयमाणस्स तुयट्टमाणस्स आउत्तं वत्थपडिमाहकं कयायपुं सुद्धं देण्डमाणस्स विक्खिक्खमाणस्स जाव चक्कपम्हनिवाय-

मवि नेमाया सुहमा इरियाबहिया किरिया कज्जइ, सा पठमसमयबद्धपुट्टा वितियस-
मयवेइया तइयसमयनिज्जरिया सा बद्धा पुट्टा उधीरिया वेदिया निज्जिण्णा सेय-
काळे अकम्मं वावि भवति, से तेणट्टेणं मंडियपुत्ता ! एवं लुच्चति-जावं च णं से जीवे
सया समियं नो एयति जाव अंते अंतकिरिया भवति ॥ १५२ ॥ पमत्तसंजयस्स णं
भंते ! पमत्तसंजमे वट्टमाणस्स सव्वावि य णं पमत्तद्धा कालओ केवच्चिरं होइ ?,
मंडियपुत्ता ! एगजीवं पडुच्च जहभेणं एक्कं समयं उक्कोसेणं देसूणा पुव्वकोढी, णाणा-
जीवे पडुच्च सव्वद्धा ॥ अप्पमत्तसंजयस्स णं भंते ! अप्पमत्तसंजमे वट्टमाणस्स
सव्वावि य णं अप्पमत्तद्धा कालओ केवच्चिरं होइ ?, मंडियपुत्ता ! एगजीवं पडुच्च
जहभेणं अंतोमुहुणं उक्को० पुव्वकोढी देसूणा, णाणाजीवे पडुच्च सव्वद्धं, सेवं भंते !
२ त्ति भयवं मंडियपुत्ते अणगारे समणं भगवं महावीरं वंदइ नमंसइ २ संजमेणं
त्वसा अप्पाणं भावेमाणे विहरइ ॥ १५३ ॥ भंते ! त्ति भगवं गोयमे समणं भगवं
महावीरं वंदइ नमंसइ २ ता एवं वयासी-कम्हा णं भंते ! लवणसमुहे चाउइसट्ट-
मुहिट्टपुत्तमासिणीसु अतिरेयं वच्चुत्ति वा हायति वा ?, जहा जीवाभिगमे लवणसमु-
ह्वत्तव्वया नेयव्वा जाव लोयट्टिती, जणं लवणसमुहे जंबुहीवं २ णो उप्पीलेत्ति णो
चेव णं एगोदगं करेइ (लोयट्टिइ) लोयाणुभावे । सेवं भंते ! २ त्ति जाव विहरत्ति ॥
किरिया समत्ता ॥ १५४ ॥ तइयस्स सयस्स तइओ उहेसो समत्तो ॥

अणगारे णं भंते ! भावियप्पा देवं वेउव्वियसमुग्घाएणं समोहयं जाणरूवेणं जाय-
माणं जाणइ पासइ ? गोयमा । अत्येगइए देवं पासइ णो जाणं पासइ १ अत्येगइए
जाणं पासइ नो देवं पासइ २ अत्येगइए देवंपि पासइ जाणंपि पासइ ३ अत्येगइए
नो देवं पासइ नो जाणं पासइ ४ ॥ अणगारे णं भंते ! भावियप्पा देवं वेउव्वियस-
मुग्घाएणं समोहयं जाणरूवेणं जायमाणं जाणइ पासइ ?, गोयमा । एवं चेव ॥ अण-
गारे णं भंते ! भावियप्पा देवं सदेवीयं वेउव्वियसमुग्घाएणं समोहयं जाणरूवेणं
जायमाणं जाणइ पासइ ?, गोयमा । अत्येगइए देवं सदेवीयं पासइ नो जाणं पासइ,
एएणं अभित्तावेणं चत्तारि भंग्गा ॥ अणगारे णं भंते ! भावियप्पा स्खस्स किं
अंतो पासइ बाहिं पासइ ? चउभंगो । एवं किं मूलं पासइ कंदं पा० ?, चउभंगो, मूलं
पा० खवं पा० ? चउभंगो, एवं मूलेणं बीजं संजोएयव्वं, एवं कंदेणपि समं संजोएयव्वं
जाव बीयं, एवं जाव पुप्फेण समं बीयं संजोएयव्वं ॥ अणगारे णं भंते ! भावियप्पा
स्खस्स किं फलं पा० बीयं पा०?, चउभंगो ॥ १५५ ॥ पभू णं भंते ! बाउक्काए एगं महं
इत्थिरुवं वा पुरिसरुवं वा हत्थिरुवं वा जाणरुवं वा एवं कुम्भगित्थिक्खितीसंयमा-
पियरुवं वा विउव्वित्तए ?, गोयमा । णो तिण्ठे समइ, बाउक्काए णं विउव्वित्तए एवं

महं पडागासंठियं रूवं विकुम्बइ । पभू णं भंते ! वाउकाए एगं महं पडागासंठियं रूवं विउब्बिता अणेगाइं जोयणाइं गमित्तए ? , हुंता ! पभू । से भंते ! किं आयक्कीए गच्छइ परिक्कीए गच्छइ ? , गोयमा ! आयक्कीए ग० णो परिक्कीए ग० जहा आयक्कीए एवं चेव आयक्कमुणावि आयप्पओणेणवि भाणियब्बं । से भंते ! किं ऊसिओदगं गच्छइ पयोदगं ग० ? , गोयमा ! ऊसिओदर्यपि ग० पयोदर्यपि ग०, से भंते ! किं एगओपडागं गच्छइ दुहओपडागं गच्छइ ? , गोयमा ! एगओपडागं गच्छइ नो दुहओपडागं गच्छइ, से णं भंते ! किं वाउकाए पडागा ? , गोयमा ! वाउकाए णं से नो खलु सा पडागा ॥ १५६ ॥ पभू णं भंते ! बलाहरे एगं महं इत्थिरूवं वा जाव संदमाणियरूवं वा परिणामेत्ताए ? , हुंता ! पभू । पभू णं भंते ! बलाहरे एगं महं इत्थिरूवं परिणामेत्ता अणेगाइं जोयणाइं गमित्तए ? , हुंता ! पभू, से भंते ! किं आयक्कीए गच्छइ परिक्कीए गच्छइ ? , गोयमा ! नो आयक्कीए गच्छति, परिक्कीए ग० एवं नो आयक्कमुणा परक्कमुणा नो आयप्पओणेणं परप्पओणेणं ऊसितोदयं वा गच्छइ पयोदयं वा गच्छइ, से भंते ! किं बलाहरे इत्थी ? , गोयमा ! बलाहरे णं से णो खलु सा इत्थी, एवं पुरिसे आसे इत्थी ॥ पभू णं भंते ! बलाहरे एगं महं जाणरूवं परिणामेत्ता अणेगाइं जोयणाइं गमित्तए ? जहा इत्थिरूवं तहा भाणियब्बं, णवरं एगओचक्कवालंपि दुहओचक्कवालंपि गच्छइ (ति) भाणियब्बं, जुगण्णिच्छि-
थिच्छिीयासंदमाणियाणं तहेव ॥ १५७ ॥ जीवे णं भंते ! जे भविए नेरइएसु उव-
वज्जितए से णं भंते ! किंलेसेसु उववज्जति ? , गोयमा ! जल्लेसाइं दब्बाइं परियाइत्ता कालं करेइ तल्लेसेसु उववज्जइ, तं०—कण्हलेसेसु वा नीललेसेसु वा काउलेसेसु वा, एवं जस्स जा लेस्सा सा तस्स भाणियब्बा जाव जीवे णं भंते ! जे भविए जातिसिएसु उववज्जितए ? पुच्छा, गोयमा ! जल्लेसाइं दब्बाइं परियाइत्ता कालं करेइ तल्लेसेसु उववज्जइ, तं०—तेउलेसेसु । जीवे णं भंते ! जे भविए वेमाणि-
एसु उववज्जितए से णं भंते ! किंलेसेसु उववज्जइ ? , गोयमा ! जल्लेसाइं दब्बाइं परियाइत्ता कालं करेइ तल्लेसेसु उववज्जइ, तं०—तेउलेसेसु वा पम्हलेसेसु वा सुक्क-
लेसेसु वा ॥ १५८ ॥ अणगारे णं भंते ! भावियप्पा बाहिरए पोगगळे अपरियाइत्ता पभू वेभारं पब्बयं उल्लंघेत्ताए वा फलंघेत्ताए वा ? , गोयमा ! णो तिण्ठे समठ्ठे । अण-
गारे णं भंते ! भावियप्पा बाहिरए पोगगळे परियाइत्ता पभू वेभारं पब्बयं उल्लंघेत्ताए वा फलंघेत्ताए वा ? , हुंता ! पभू । अणगारे णं भंते ! भावियप्पा बाहिरए पोगगळे अपरियाइत्ता जावइसाइं रायग्गिहे नगरे त्वाइं एक्कइसाइं विकुम्बिता वेभारं पब्बयं अंनो अणुप्पवित्तिता पभू समं वा विसमं करेत्ताए विसमं वा समं करेत्ताए ? , गोयमा !

णो इण्ट्रे समट्टे, एवं चेव वित्तिओऽवि आलावगो णवरं परियाइत्ता पभू ॥ से भंते । किं माई विकुब्बति अमाई विकुब्बइ ?, गोयमा ! माई विकुब्बइ नो अमाई विकुब्बति, से केणट्टेणं भंते ! एवं बुच्चइ जाव नो अमाई विकुब्बइ ?, गोयमा ! माइए पणीयं पाणभोयणं भोच्चा २ वामेति तस्स णं तेणं पणीएणं पाणभोयणेणं अट्टि अट्टिमिजा बहलीभवति पयणुए मंससोणिए भवति, जेविय से अहाबायरा पोगगला तेविय से परिणमंति, तं जहा—सोतिदियत्ताए जाव फासिदियत्ताए अट्टि-अट्टिमिजकेसमंसुरोमनहत्ताए सुक्कत्ताए सोणियत्ताए, अमाई णं ल्हं पाणभोयणं भोच्चा २ णो वामेइ, तस्स णं तेणं ल्हेणं पाणभोयणेणं अट्टि अट्टिमिजा० पयणु भवति बहले मंससोणिए, जेविय से अहाबादरा पोगगला तेविय से परिणमंति, तं जहा—उच्चारत्ताए पासवणत्ताए जाव सोणियत्ताए, से तेणट्टेणं जाव नो अमाई विकुब्बइ ॥ माई णं तस्स ठाणस्स अणालोइयपडिक्कंते कालं करेइ नत्थि तस्स आराहणा । अमाई णं तस्स ठाणस्स आलोइयपडिक्कंते कालं करेइ अत्थि तस्स आराहणा । सेवं भंते ! सेवं भंते ! ति ॥ १५५ ॥ तइयसए चउत्थो उइसो समसो ॥

अणगारे णं भंते ! भावियप्पा बाहिरए पोगगले अपरियाइत्ता पभू एणं महं इत्थिरूवं वा जाव संदमाणियरूवं वा विउव्वित्तए ? णो ति०, अणगारे णं भंते ! भावियप्पा बाहिरए पोगगले परियाइत्ता पभू एणं महं इत्थिरूवं वा जाव संदमाणियरूवं वा विउव्वित्तए ?, हंता ' पभू, अणगारे णं भंते ! भावि० केवतियाई पभू इत्थिरूवाइं विकुव्वित्तए ?, गोयमा ! से जहानामए जुबईं जुवाणे हत्थेणं हत्थे गेण्हेज्जा चक्कस्स वा नाभी अरगाउत्ता सिया एवामेव अणगारेवि भावियप्पा वेउ-व्वियसमुग्घाएणं समोहणइ जाव पभू णं, गोयमा ! अणगारे णं भावियप्पा केवल्ल-कप्पं जंबुदीवं बहूहिं इत्थिरूवेहिं आइहं वित्तिक्किं जाव एस णं गोयमा ! अणगा-रस्स भावि० अयमेयारूवे विसए विसयमेते बुच्चइ नो चेव णं संपत्तीए विकुव्वित्तु वा ३, एवं परिवारीए नेयव्वं जाव संदमाणिया । से जहानामए केइ पुरिसे अस्सि-चम्मपायं गहाय गच्छेज्जा एवामेव भावियप्पा अणगारेवि अस्सिचम्मपायहत्थक्किच्च-गएणं अप्पाजेणं उणुं वेहासं उप्पइज्जा ?, हंता । उप्पइज्जा, अणगारे णं भंते ! भावि-यप्पा केवतियाई पभू अस्सिचम्मपायहत्थक्किच्चगयाइं रूवाइं विउव्वित्तए ?, गोयमा ! से जहानामए—जुवतिं जुवाणे हत्थेणं हत्थे गेण्हेज्जा तं चेव जाव विउव्वित्तु वा ३ । से जहानामए केइ पुरिसे एगओपडानं काउं गच्छेज्जा, एवामेव अणगारेवि भावि-यप्पा एगओपडामाहत्थक्किच्चगएणं अप्पाजेणं उणुं वेहासं उप्पइज्जा ! हंता गोयमा । उप्पइज्जा, अणगारे णं भंते ! भावियप्पा केवतियाई पभू एवओपडामाहत्थक्किच्च-

याई क्वाई विउब्बिताए ? एवं चेव जाव विकुब्बिसु वा ३ । एवं तुहओपडागंपि । से जहानामए-केइ पुरिसे एगओजण्णोवइयं काउं गच्छेज्जा, एवामेव अण० भा० एगओजण्णोवइयकिच्चगएणं अप्पाणेणं उच्चं वेहासं उप्पएज्जा ? हंता ! उप्पएज्जा, अणगारे णं भंते ! भावियप्पा केवतियाई पभू एगओजण्णोवइयकिच्चगयाई क्वाई विकुब्बिताए ? तं चेव जाव विकुब्बिसु वा ३, एवं तुहओजण्णोवइयंपि । से जहानामए-केइ पुरिसे एगओपल्हत्थियं काउं चिट्ठेज्जा, एवामेव अणगारेवि भावियप्पा एवं चेव जाव विकुब्बिसु वा ३ एवं तुहओपत्थियंके पि । अणगारे णं भंते ! भावियप्पा बाहिरए पोग्गळे अपरियाइत्ता पभू एगं महं आसरूवं वा हत्थिरूवं वा सीहरूवं वा वग्गवगायीवियअच्छतरच्छपरासररूवं वा अभिजुंजिताए ?, णो तिण्णुत्ते समट्ठे, अणगारे णं एवं बाहिरए पोग्गळे परियाइत्ता पभू । अणगारे णं भंते ! भा० एगं महं आमरूवं वा अभिजुंजिता अणेगाई जोयणाई गमित्ताए ? हंता ! पभू, से भंते ! किं आयद्धीए गच्छति परिद्धीए गच्छति ?, गोयमा ! आयद्धीए गच्छइ नो परिद्धीए, एवं आयक्कमुणा नो परक्कमुणा आयप्पओगेणं नो परप्पओगेणं उत्तिसओदयं वा गच्छइ पयोदगं वा गच्छइ । से णं भंते ! किं अणगारे आसे ?, गोयमा ! अणगारे णं मे नो खल्लु से आसे, एवं जाव परासररूवं वा । से भंते ! किं माई विकुब्बति अमाई विकुब्बति ?, गोयमा ! माई विकुब्बति नो अमाई विकुब्बति, माई णं भंते ! तस्स ठाणस्स अणालोइयपडिक्कंते कालं करेइ कहिं उववज्जति ?, गोयमा ! अन्नयरेसु आभियोगेसु देवलोगेसु देवताए उववज्जइ, अमाई णं तस्स ठाणस्स आलोइयपडिक्कंते कालं करेइ कहिं उववज्जति ?, गोयमा ! अन्नयरेसु अणाभियोगेसु देवलोगेसु देवताए उववज्जइ, सेवं भंते २ ति, गाहा-इत्थीअसीपडागा जण्णोवइए य होइ बोद्धवे । पल्हत्थियपत्थियंके अभिओगविकुब्बणा माई ॥ १ ॥

॥ १६० ॥ तइए सए पंचमो उहेसो समत्तो ॥

अणगारे णं भंते ! भावियप्पा माई भिच्छदिट्ठी वीरियल्लदीए वेउब्बियल्लदीए विभंगनाणल्लदीए बाणारसि नगरि समोहए समोहणित्ता रायगिहे नगरे क्वाई जायति पासति ?, हंता ! जाणइ पासइ । से भंते ! किं तद्वाभावं जाणइ पासइ अन्नहाभावं जा० पा० ?, गोयमा ! णो तद्वाभावं जाणइ पा० अन्नहाभावं जा० पा० । से केणट्ठेणं भंते ! एवं कुब्ब नो तद्वाभावं जा० पा० अन्नहाभावं जाणइ पा० ?, गोयमा ! तस्स णं एवं भवति-एवं खल्लु अहं रायगिहे नगरे समोहए समोहणित्ता बाणारसीए नगरीए क्वाई जाणामि पासामि, से से दंसणे विवत्तासे भवति, से तेणट्ठेणं जाव पासति । अणगारे णं भंते ! भावियप्पा माई भिच्छदिट्ठी

जाव रायगिहे नगरे समोहए समोहणित्ता वाणारसीए नगरीए रूवाई जाणइ पासइ १, हुंता ! जाणइ पासइ, तं चैव जाव तस्स णं एवं होइ-एवं खलु अहं वाणारसीए नगरीए समोहए २ रायगिहे नगरे रूवाई जाणामि पासामि, से से दंसणे विवच्चासे भवति, से तेणट्टेणं जाव अन्नहाभावं जाणइ पासइ ॥ अणगारे णं भंते ! भावियप्पा माई मिच्छदिट्ठी वीरियलद्धीए वेउव्वियलद्धीए विभंगणाणलद्धीए वाणारसि नगरिं रायगिहं च नगरं अंतरा एगं महं जणवयवग्गं समोहए २ वाणारसिं नगरिं रायगिहं च नगरं अंतरा एगं महं जणवयवग्गं जाणति पासति ? हुंता ! जाणइ पासइ, से भंते ! किं तहाभावं जाणइ पासइ अन्नहाभावं जाणइ पा० १, गोयमा ! णो तहाभावं जाणति पासइ अन्नहाभावं जाणइ पासइ, से केणट्टेणं जाव पासइ ?, गोयमा ! तस्स खलु एवं भवति एस खलु वाणारसी [ए] नगरी एस खलु रायगिहे नगरे एम खलु अंतरा एगे महं जणवयवग्गे नो खलु एस महं वीरियलद्धी वेउव्वियलद्धी विभंगणाणलद्धी इट्ठी जुई जसे बले वीरिए पुरिसक्कारपरक्कमे लद्धे पत्ते अभिसमण्णागए, से से दंसणे विवच्चासे भवति, से तेणट्टेणं जाव पासति ॥ अणगारे णं भंते ! भावियप्पा अमाई सम्मदिट्ठी वीरियलद्धीए वेउव्वियलद्धीए ओहिनाणलद्धीए रायगिहे नगरे समोहए २ वाणारसीए नगरीए रूवाई जाणइ पासइ ?, हुंता !, से भंते ! किं तहाभावं जाणइ पासइ अन्नहाभावं जाणति पासति ?, गोयमा ! तहाभावं जाणति पासति नो अन्नहाभावं जाणति पासति, मे केणट्टेणं भंते ! एवं बुच्चइ ?, गोयमा ! तस्स णं एवं भवति-एवं खलु अहं रायगिहे नगरे समोहणित्ता वाणारसीए नगरीए रूवाई जाणामि पासामि, से से दंसणे अविवच्चासे भवति, से तेणट्टेणं गोयमा ! एवं बुच्चति, वीओ आलावगो एवं चैव नवरं वाणारसीए नगरीए समोहणः नेयव्वा रायगिहे नगरे रूवाई जाणइ पासइ । अणगारे णं भंते ! भावियप्पा अमाई सम्मदिट्ठी वीरियलद्धीए वेउव्वियलद्धीए ओहिनाणलद्धीए रायगिहं नगरं वाणारसि नगरिं च अंतरा एगं महं जणवयवग्गं समोहए २ रायगिहं नगरं वाणारसि च नगरिं तं च अंतरा एगं महं जणवयवग्गं जाणइ पासइ ?, हुंता ! जा० पा०, से भंते ! किं तहाभावं जाणइ पासइ अन्नहाभावं जाणइ पासइ ?, गोयमा ! तहाभावं जाणइ पा०, णो अन्नहाभावं जा० पा०, से केणट्टेणं ? गोयमा ! तस्स णं एवं भवति-नो खलु एस रायगिहे नगरे णो खलु एस वाणारसी नगरी नो खलु एस अंतरा एगे जणवयवग्गे एस खलु ममं वीरियलद्धी वेउव्वियलद्धी ओहिनाणलद्धी इट्ठी जुई जसे बले वीरिए पुरिसक्कारपरक्कमे लद्धे पत्ते अभिसमण्णागए से से दंसणे अविवच्चासे भवति से तेणट्टेणं गोयमा ! एवं बुच्चति तहाभावं जाणति पासति नो अन्नहाभावं

जाणति पासति । अणगारे णं भंते ! भावियप्पा बाहिरए पोग्गळे अपरियाइत्ता पभू एणं महं गामरूवं वा नगररूवं वा जाव सन्निवेसरूवं वा विकुव्वित्तए ? , णो तिण्ठे सम्भे, एवं भित्तिओवि आलावगो, णवरं बाहिरए पोग्गळे परियाइत्ता पभू । अणगारे णं भंते ! भावियप्पा केवलियाइं पभू गामरूवाइं विकुव्वित्तए ? , गोयमा ! से जहानामए जुवति जुवाणे हत्थेणं हत्थे गण्ठेज्जा तं चेव जाव विकुव्विसु वा ३ एवं जाव सन्निवेसरूवं वा ॥ १६१ ॥ चमरस्स णं भंते ! असुरिंदस्स असुररज्जो कति आयरक्खदेवसाहस्सीओ पण्णत्ता ? गोयमा ! चत्तारि चउसट्ठीओ आयरक्खदेवसाहस्सीओ पण्णत्ताओ, ते णं आयरक्खा वण्णओ जहा रायप्पसेणइज्जे, एवं सव्वेसिं ईदाणं जस्स जत्थिया आयरक्खा भाणियव्वा । सेवं भंते २ ति ॥ १६२ ॥

तइयसए छट्ठो उद्देसो समत्तो ॥

रायगिहे नगरे जाव पञ्चवासमाणे एवं वयासी-सक्कस्स णं भंते ! देविंदस्स देवरज्जो कति लोगपाला पण्णत्ता ? , गोयमा ! चत्तारि लोगपाला पण्णत्ता, तंजहा-मोमे जमे वरुणे वेसमणे । एएसि णं भंते ! चउण्हं लोगपालाणं कति विमाणा पण्णत्ता ? गोयमा ! चत्तारि विमाणा प०, तंजहा-संझप्पमे वरसिट्ठे सर्यजले वग्गु । क्खिं णं भंते ! सक्कस्स देविंदस्स देवरण्णो सोमस्स महारज्जो संझप्पमे णामं महाविमाणे पण्णत्ते ? , गोयमा ! जंबुदीवे २ मंदरस्स पव्वयस्स दाहिणेणं इमीसे रयणपमाए पुटवीए बहुसमरमणिजाओ भूमिभागाओ उच्चं चंदिमसुरियगहगणणक्खत्तनागरूवाणं बहूइं जोयणाइं जाव पंच वडिसया पण्णत्ता, तंजहा-असोयवडेंमए नत्तवज्जवडिसए चंपयवडिसए अंबवडिसए मज्जे सोहम्मवडिसए, तस्स णं सोहम्मवडेंसयस्स महाविमाणस्स पुरच्छिमेणं सोहम्मे कप्पे असंखेज्जाइं जोयणाइं वीइवत्ता एत्थ णं सक्कस्स देविंदस्स देवरज्जो सोमस्स महारज्जो संझप्पमे नामं महाविमाणे पण्णत्ते अद्धतेरस जोयणसयसहस्साइं आयामविकखंमेणं उयालीसं जोयणसयसहस्साइं बाबलं च सहस्साइं अट्ट य अडयाले जोयणसए किंचिविसेसाहिए परिकखेवेणं प० आ सुरियाभविमाणस्स वणव्वया सा अपरिसेसा भाणियव्वा जाव आभसेओ न्वरं सोमे देवे ॥ संझप्पभस्स णं महाविमाणस्स अहे सपर्विख सपट्ठिदिमं असंखेज्जाइं जोयणसयसहस्साइं ओगाहिता एत्थ णं सक्कस्स देविंदस्स देवज्जो सोमस्स महारज्जो सोमा नामं रायहाणी पण्णत्ता एणं जोयणसयसहस्सं आयामविकखंमेणं जंबुदीवपमाणे (ण) वेमावियारणं पमाणस्स अद्धं नेयव्वं जाव उवरियलेणं सोलस जोयणसहस्साइं आयामविकखंमेणं पक्कासं जोयणसहस्साइं पंच य समाणत्तए जोयणसहे किंचिविसेसुवे परिकखेवेणं पण्णत्ते, पासायारणं चत्तारि परि-

वासीओ नेयव्वाओ, तेसा नत्थि । सक्कस्स णं देविंदस्स देवरत्तो सोमस्स महारत्तो इमे देवा आणाउववायवयणनिहेसे चिद्धंति, तंजहा-सोमकाइयाइ वा सोमदेवकाइ-याइ वा विज्जुक्कारा विज्जुक्कारीओ अग्गिक्कारा अग्गिक्कारीओ वाउक्कारा वाउक्कारीओ चंदा सूरा गहा णक्खत्ता ताराह्वा जे यावत्ते तहप्पगारा सव्वे ते तब्भत्तिया तप्पक्खिया तब्भारिया सक्कस्स देविंदस्स देवरत्तो सोमस्स महारत्तो आणाउववायवयणनिहेसे चिद्धंति । जंबुद्वीवे २ मंदरस्स पव्वयस्स दाहिणेणं जाइं इमाइं समुप्पज्जति, तं जहा-गहदंडाइ वा गहमुसलाइ वा गहगज्जियाइ वा, एवं गहजुद्धाइ वा गहमिघाडगाइ वा गहावसव्वाइ वा अब्भाइ वा अब्भरुक्खाइ वा संझाइ वा गंधव्वनगराइ वा उक्कापायाइ- वा दीसीदाहाइ वा गज्जियाइ वा विज्जुयाइ वा पंसुवुट्टीइ वा जूवेत्ति वा जक्खालितयत्ति वा धूमियाइ वा महियाइ वा रउग्घायाइ वा चंदोवरागाइ वा सुरोवरागाइ वा चंदपरिवेसाइ वा सुरपरिवेसाइ वा पडिचंदाइ वा पडिसुराइ वा ईदधणुइ वा उदगमच्छकपिहसियअमोहापाईण-वायाइ वा पडीणवाताइ वा जाव संवट्टयवाताइ वा गामदाहाइ वा जाव सज्जिवे-सदाहाइ वा पाणक्खया जणक्खया धणक्खया कुलक्खया वसणब्भूया अणारिया जे यावत्ते तहप्पगारा ण ते सक्कस्स देविंदस्स देवरत्तो सोमस्स महारत्तो अण्णाया अदिट्ठा असुया असुया अविण्णाया तेसिं वा सोमकाइयाणं देवाणं, सक्कस्स णं देविंदस्स देवरत्तो सोमस्स महारत्तो इमे अहावत्ता देवा अभिजाया होत्था, तं जहा-इंगालए वियालए लोहियक्खे सण्णिवे चंटे मूरे सुक्के बुहे बहस्सती राह् ॥ सक्कस्स णं देविंदस्स देवरत्तो सोमस्स महारत्तो सत्तिभागं पलिओवमं ठिती पण्णत्ता, अहा-वत्ताभिजायाणं देवाणं एगं पलिओवमं ठिई पण्णत्ता, एवंमहिंण्णिए जाव महाणुभागो सोमे महाराया ॥ १६३ ॥ कह्णि णं भंते ! सक्कस्स देविंदस्स देवरत्तो जमस्स महारत्तो वरसिद्धे णामं महाविमाणे पण्णत्ते ?, गोयमा ! सोहम्मवडिसयस्स महाविमा-णस्स दाहिणेणं सोहम्मे कप्पे असंखंजाइं जोयणसहस्साइं वीइवइत्ता एत्थ णं सक्कस्स देविंदस्स देवरत्तो जमस्स महारत्तो वरसिद्धे णामं महाविमाणे पण्णत्ते अद-तेरस जोयणसयसहस्साइं जहा सोमस्स विमाणे तथा जाव अभिसेओ रायहाणी तहेव जाव पासायपंतीओ ॥ सक्कस्स णं देविंदस्स देवरत्तो जमस्स महारत्तो इमे देवा आणा० जाव चिद्धंति, तं जहा-जमकाइयाइ वा जमदेवकाइयाइ वा पेयकाइया-इ वा पेयदेवकाइयाइ वा असुरक्कारा असुरक्कारीओ कंदप्पा निरयवात्ता आभि-ओगा जे यावत्ते तहप्पगारा सव्वे ते तब्भत्तिया तप्पक्खिया तब्भारिया सक्कस्स देविंदस्स देवरत्तो जमस्स महारत्तो आणाए जाव चिद्धंति ॥ जंबुद्वीवे २ मंदरस्स

पञ्चयस्स दाहिणेण जाई इमाई समुप्पज्जति, तंजहा-डिवाइ वा डमराइ वा कल-
 हाइ वा बोलाइ वा खाराइ वा महाजुद्धाइ वा महासंगमाइ वा महासत्यनिव-
 डणाइ वा एवं पुरिसनिवडणाइ वा महाकविरनिवडणाइ वा दुम्भ्याइ वा कुल-
 रोगाइ वा यामरोगाइ वा मंडलरोगाइ वा नगररोगाइ वा सीसवेयणाइ वा
 अच्छिवेयणाइ वा कञ्जहदंतवेयणाइ वा इंदगाहाइ वा खंदगाहाइ वा कुमारगाह
 जणखगाहा० भूयगाहा० एगाहियाइ वा बेआहियाइ वा तेयाहियाइ वा चाउत्पहियाइ
 वा उन्वेयगाइ वा कासा० सासाइ वा सोसेइ वा जराइ वा दाहा० कच्छकोहाइ वा
 अजीरवा पंडुरगा हरिसाइ वा भगंदराइ वा हिययसूलाइ वा मत्पयस्० जोषिस्०
 पासस्० कुच्छिस्० गाममारीइ वा नगर० खेड० कन्बड० दोणमुह० मडंब० पट्ट्य०
 आसम० संबाइ० संनिवेसमारीइ वा पाणक्खया धणक्खया जणक्खया कुलक्खया
 वसणभूमणारिया जे यावन्ने तहप्पगारा न ते सक्कस्स देविदस्स देवरत्तो जमस्स
 महारत्तो अण्णाया०५ तेंसि वा जमकाइयाणं देवाणं ॥१६४॥ सक्कस्स णं देविदस्स
 देवरत्तो जमस्स महारत्तो इमे देवा अहावन्ना अभिण्णाया होत्था, तंजहा-अवे १ अंब-
 रिसे च्च २, सामे ३ सबलेति यावरे ४ । र्हो ५-वत्ते ६ काले ७ य, महाकालेति
 यावरे ८ ॥ १ ॥ अस्तिपत्ते ९ धणू १० कुंभे ११ (असी य अस्तिपत्ते कुंभे) वाल
 १२ वेयरणीति य १३ । खरस्सरे १४ महाघोसे १५, एए पन्नरसाहिया ॥ २ ॥
 सक्कस्स णं देविदस्स देवरत्तो जमस्स महारत्तो सत्तिमागं पत्तिओवमं ठिई प०,
 अहावन्नाभिण्णायाणं देवाणं एणं पत्तिओवमं ठिई पज्जाता, एवंमहिण्णिए जाव जमे
 महाराया २ ॥१६५॥ कहि णं मंते । सक्कस्स देविदस्स देवरत्तो वरुणस्स महारत्तो
 सर्वजले नामं महाविमाणे पज्जते ? गोयमा । तस्स णं सोहम्मवडिसयस्स महावि-
 माणस्स पच्चत्थिमेणं सोहम्मे कप्पे असंखेजाई अहा सोमस्स तहा विमाणरायहा-
 णीओ भाषियन्ना जाव पासायबडिसया नवरं नामणाणत्तं । सक्कस्स णं ३ वरुणस्स
 महारत्तो इमे देवा आणा० जाव चिद्धंति, तं०-वरुणकाइयाइ वा वरुणदेवकाइ-
 याइ वा नागकुमारा नागकुमारीओ उददिकुमारा उददिकुमारीओ यणियकुमारा यणि-
 यकुमारीओ जे यावन्ने तहप्पगारा सध्वे ते तम्भतिवा जाव चिद्धंति ॥ जंबूवीवे २
 मंदरस्स पञ्चयस्स दाहिणेण जाई इमाई समुप्पज्जति, तंजहा-अइवासाइ वा मंद-
 वासाइ वा सुसुद्धीइ वा दुम्भुद्धीइ वा उदम्भेयाइ वा उदम्पीलाइ वा उदवाहाइ
 वा पम्वाहाइ वा गामवाहाइ वा जाव सन्निवेसवाहाइ वा पाणक्खया जाव सेसि
 वा वरुणकाइयाणं देवाणं, सक्कस्स णं देविदस्स देवरत्तो वरुणस्स महारत्तो जाव
 अहावन्नाभिण्णाया होत्था, तंजहा-कण्णोवए कयमए अंबणे संखवालए पुंठे पत्तसे

मोएजए दहिसुहे अयंपुले कामरिए । सक्कस्स णं देविदस्स देवरत्तो बरुणस्स महारत्तो
 देसणाइं दो पल्लिओवमाइं ठिईं पण्णत्ता, अहावच्चाभिजायाणं देवाणं एगं पल्लिओ-
 वमं ठिईं पण्णत्ता, एवमहिक्खिए जाव बरुणे महाराया २ ॥ १६६ ॥ कहि णं भंते !
 सक्कस्स देविदस्स देवरत्तो वेसमणस्स महारत्तो बग्गूणामं महाविभाणे पण्णत्ते ?,
 गोयमा ! तस्स णं सोहम्मवडिसयस्स महाविमाणस्स उत्तरेणं जहा सोमस्स विभा-
 नारायहाणिवत्तव्वया तथा नेयव्वा जाव पासायवडिसया । सक्कस्स णं देविदस्स
 देवरत्तो वेसमणस्स महारत्तो इमे देवा आणाउववायवयणनिहेसे चिट्ठंति, तंजहा-
 वेसमणकाइयाइ वा वेसमणदेवकाइयाइ वा सुवन्नकुमारा सुवन्नकुमारीओ दीवकु-
 मारा दीवकुमारीओ दिसाकुमारा दिसाकुमारीओ वाणमंतरा वाणमंतरीओ जे याक्खे
 तहप्पगारा सव्वे ते तच्चभित्तिया जाव चिट्ठंति ॥ जंबूदीवे २ मंदरस्स पव्वयस्स
 दाहिणेणं जाइं इमाइं समुप्पज्जंति, तंजहा-अयागराइ वा तउयागराइ वा तंबयाग-
 राइ वा एवं सीसागराइ वा हिरज० सुवन्न० रयण० वयरागराइ वा वसुहाराइ
 वा हिरज्जवामाइ वा सुवन्नवासाइ वा रयण० वइर० आभरण० पत्त० पुप्फ०
 फल० बीय० मल्ल० वण्ण० चुज्ज० गंध० वत्थवासाइ वा हिरज्जवुट्ठीइ वा सु० र०
 व० आ० प० पु० फ० बी० व० चुज्ज० गंधवुट्ठी० वत्थवुट्ठीइ वा भायणवुट्ठीइ
 वा खीरवुट्ठीइ वा सुयालाइ वा दुक्कालाइ वा अप्परग्घाइ वा महग्घाइ वा सुभिक्ष्वाइ
 वा दुभिक्ष्वाइ वा कयविक्रयाइ वा सच्चिहियाइ वा संनिचयाइ वा निहीइ वा
 णिहाणाइ वा चिरपोराणाइं पहीणसामियाइ वा पहीणसेउयाइ वा [पहीणमग्गाणि
 वा] पहीणगोत्तागराइ वा उच्छिन्नसामियाइ वा उच्छिन्नसेउयाइ वा उच्छिन्नगोत्ता-
 गाराइ वा सिंघाडगतिगच्चउक्कच्चरच्चउम्मुहमहापहपहेसु नगरनिदमणेसु वा सुसाण-
 गिरिकंदरसंनिसेलोवट्ठाणभवणगिहेसु संनिक्खित्ताइं चिट्ठंति, एयाइं सक्कस्स देविदस्स
 देवरत्तो वेसमणस्स महारत्तो ण अण्णायाइं अदिट्ठाइं असुयाइं अविजायाइं तेसिं वा
 वेसमणकाइयाणं देवाणं, सक्कस्स णं देविदस्स देवरत्तो वेसमणस्स महारत्तो इमे
 देवा अहावच्चाभिजाया होत्था, तंजहा-पुज्जभदे माण्णिभदे साल्भिभदे सुमणभदे च्छे
 रक्खे पुत्तरक्खे सव्वाने [पव्वाने] सव्वजसे सव्वकामे समिद्धे जमोहे असंगे,
 सक्कस्स णं देविदस्स देवरत्तो वेसमणस्स महारत्तो दो पल्लिओवमाणि ठिईं पण्णत्ता,
 अहावच्चाभिजायाणं देवाणं एगं पल्लिओवमं ठिईं पण्णत्ता, एमहिक्खिए जाव वेसमणे
 महाराया सेवं भंते ! २ त्ति ॥ १६७ ॥ तइए सए सत्तमो उइसवो सव्वतो ॥

रायगिहे नगरे जाव पज्जवासमाने एवं वदासी-असुरकुमारानं भंते ! देवाणं
 चइ देवा आहेवचं जाव विहरंति ?, गोयमा ! दस देवा आहेवचं जाव विहरंति,

तंजहा-चमरे असुरिदे असुरराया सोमे जमे बरुणे वेसमणे बली बहुरोयणिदे बह-
 रोयणराया सोमे जमे बरुणे वेसमणे । नागकुमारारणं भंते । पुच्छा, गोयमा । दस
 देवा आहेवचं जाब विहरंति, तंजहा-घरणे नागकुमारिदे नागकुमारराया काल्वाळे
 कोलवाळे सेलवाळे संखवाळे भूयाणं दे नागकुमारिदे नागकुमारराया काल्वाळे कोल-
 वाळे संखवाळे सेलवाळे, जहा नागकुमारिदणं एयाए वतव्वयाए जेयव्वं एवं इमारणं
 नेयव्वं, सुवन्नकुमारारणं वेणुदेवे वेणुदाली चित्ते विचित्ते चित्तपक्खे विचित्तपक्खे,
 विज्जुकुमारारणं हरिकंठे हरिस्सहे पमे १ सुप्पमे २ पभकंते ३ सुप्पभकंते ४, अग्नि-
 कुमारारणं अग्गिसीहे अग्गिमाणवे तंऊ तेउसीहे तेउकंते तेउप्पमे, वीवकुमारारणं पुण्ण-
 विसिद्धरुयसुरुयरुयकंतं (रुयंस, रुयसीहे) रुयप्पभा, उदहिकुमारारणं जलकंतजलप्पम-
 जलजलरुयजलकंतजलप्पभा, दिसाकुमारारणं अमियगई अमियवाहणे तुरियगई खिप्प-
 गई सीहगई सीहविक्रमगई, वाउकुमारारणं वेल्बपभंजणकालमहाकालअंजणरिद्धा,
 धणियकुमारारणं घोसमहाघोसआवणवियावत्तनंदियावत्तमहानंदियावत्ता, एवं भाणियव्वं
 जहा असुरकुमारारणं । सो० १ का० २ वि० ३ प० ४ ते० ५ ह० ६ ज०
 ७ तु० ८ का० ९ आ० १० सोमे य महाकाले, चित्तप्पम तेउ तह एए चेव ।
 जल तह तुरियगई य काळे आउण पडमा उ । पिसायकुमारारणं पुच्छा, गोयमा ।
 दो देवा आहेवचं जाब विहरंति, तंजहा-काले य महाकाले सुखपच्छिख पुन्नभेदे य ।
 अमरवइ माणिभेदे भीमे य तहा महाभीमे ॥ १॥ किंनरकिंपुरिसे खलु सप्पुरिसे खलु
 तहा महापुरिसे । अइकाय महाकाए गीयरई चेव गीयजसे ॥ २ ॥ एए वाणमंतराणं
 देवाणं । जोइसियाणं देवाणं दो देवा आहेवचं जाब विहरंति, तंजहा-वंदे य सुरे
 य । सोहम्मिसाणेसु णं भंते ! कप्पेसु कइ देवा आहेवचं जाब विहरंति ? गोयमा ।
 दम देवा जाब विहरंति, तंजहा-सङ्के देविदे देवराया सोमे जमे बरुणे वेसमणे,
 ईसाणे देविदे देवराया सोमे जमे बरुणे वेसमणे, एसा वतव्वया सव्वेसुवि कप्पेसु,
 एए चेव भाणियव्वा, जे य ईदा ते य भाणियव्वा सेवं भंते ! २ ति ॥ १६८ ॥
 तइए सए अहमो उहेसओ समत्तो ॥

रायगिहे जाब एवं बदासी-कइविहे णं भंते ! इदियविसए पण्णते !, गोवमा ।
 पंचविहे इदियविसए पण्णते, तं०-सोत्तिदियविसए० जीवाभिगमे जोइसियउरेसो
 नेयव्वो अपरिसेसो, से० २ ति ॥ १६९ ॥ तइए सए नहमो उहेसओ समत्तो ॥

रायगिहे जाब एहं बदासी-चमरत्स णं भंते ! असुरिदस्स असुररओ कइ
 परिमाओ पण्णत्ताओ !, गोयमा । तओ परिसाओ पण्णत्ताओ, तंजहा-समिया चंदा
 जाया, एवं जहाणुप्पीए जाबउओ कप्पो, सेवं भंते ! २ ति ॥ १७० ॥ तइए सए
 दसमो उहेसओ समत्तो, तहयं सयं समत्तं ॥

चत्तारि विमाणेहिं चत्तारि य होति रायहाणीहिं । नेरइए लेस्साहि य दस उहेसा
 चउत्थसए ॥ १ ॥ रायगिहे नगरे जाव एवं बयासी-ईसाणस्स णं भंते ! देविदस्स
 देवरण्णो कइ लोगपाला प० ?, गोयमा ! चत्तारि लोगपाला प०, तंजहा-सोमे
 जमे वेसमणे बरुणे । एएसि णं भंते ! लोगपालाणं कइ विमाणा प० ?, गोयमा !
 चत्तारि विमाणा प०, तंजहा-सुमणे सव्वओभेइ वग्गु सुवग्गु । कहि णं भंते !
 ईसाणस्स देविदस्स देवरण्णो सोमस्स महारण्णो सुमणे नामं महाविमाणे पण्णते ?,
 गोयमा ! जंबूवीवे २ मंदरस्स पव्वयस्स उत्तरेणं इमीसे रयणप्पमाए पुढवीए जाव
 ईसाणे णामं कप्पे पण्णत्ते, तत्थ णं जाव पंचवडेंसया प०, तंजहा-अंकवडेंसए
 फलिहवडेंसए रयणवडेंसए आयव्वडेंसए मज्जे य तत्थ ईसाणवडेंसए, तस्स
 णं ईसाणवडेंसयस्स महाविमाणस्स पुरच्छिमेणं तिरियमसंखेज्जाई जोयणसह-
 स्साई वीइवइता एत्थ णं ईसाणस्स ३ सोमस्स २ सुमणे नामं महाविमाणे
 पण्णत्ते अद्धतेरसजोयण जहा सक्कस्स वत्तव्वया तइयमए तहा ईसाणस्सवि ।
 चउण्हवि लोगपालाणं विमाणे २ उहेसओ, चउसु विमाणेसु चत्तारि उहेसा
 अपरिसेसा, नवरं ठिईए नाणाणं-आदिदुय तिभागूणा पत्तिया धणयस्स होति
 दो चेव । दो सत्तिमागा वरुणे पत्तियमहावचदेवाणं १ ॥ १७१ ॥ चउत्थे सए
 पढमविइयतइयचउत्था उहेसा समत्ता ॥

रायहाणीसुवि चत्तारि उहेसा भाणियव्वो जाव एवंमहिहिण्णए जाव वरुणे महाराया
 ॥ १७२ ॥ चउत्थे सए पंचमछट्टसत्तमट्टमा उहेसा समत्ता ॥

नेरइए णं भंते ' नेरइएसु उववज्जइ अनेरइए नेरइएसु उववज्जइ ? पज्जवाणए
 लेस्सापए तइओ उहेसओ भाणियव्वो जाव नाणाई ॥ १७३ ॥ चउत्थसए
 नवमो उहेसो समत्तो ॥

से ' नृणं भंते ! कण्हलेस्सा नीललेस्सं पप्प ताव्वत्ताए तावण्णत्ताए एवं चउत्थो
 उहेसओ पज्जवाणए चेव लेस्सापदे नेयव्वो जाव-परिणामवण्णरसगंधसुद्धअपसत्त्व-
 संक्किल्लिहुण्हा । गइपरिणामपदेसोगाहणवग्गणाठाणमप्पवहुं ॥ १ ॥ सेवं भंते ! २ ति
 ॥ १७४ ॥ चउत्थसए दसमो उहेसो समत्तो ॥ चउत्थं सयं समत्तं ॥

चंप(चंपाए)रवि १ अनिल २ गंठिब ३ स्रो ४ छउमाउ ५-६ एयण ७ विवटि ८ ।
 रावगिई ९ चंपावंदिमा १० य दस पंचमंमि सए ॥११॥ तेणं क्खळेणं २ चंपा नामं
 नगरी होत्था, बज्जओ, तीसे णं चंपाए णसरीए पुण्यभेइ नामं उज्जाणे होत्था, बण्णओ,
 सामी समोसडे जाव परिसा पडिगया । तेणं क्खळेणं २ सज्जणस्स भणवओ महा-
 वीरस्स जेट्ठे अंतेवासी इंदभूई णामं अण्णगारे गोवसुणोतेणं जाव एवं बयासी-अंभू-

शीवे णं भंते ! शीवे सुरिया उषीणपार्श्वमुग्गच्छ पाईणदाहिणमागच्छंति, पाईण-
 दाहिणमुग्गच्छ दाहिणपषीणमागच्छंति, दाहिणपषीणमुग्गच्छ पषीणउषीणमागच्छंति
 पषीणउषीणं जग्गच्छ उषीणपार्श्वमागच्छंति ?, हंता ! गोयमा ! जंबूवीवे णं
 शीवे सुरिया उषीणपार्श्वमुग्गच्छ जाव उषीणपार्श्वमागच्छंति ॥ १७५ ॥
 जया णं भंते ! जंबूवीवे २ दाहिणद्धे दिवसे भवइ तदा णं उत्तरद्धे दिवसे भवइ
 जदा णं उत्तरद्धे दिवसे भवइ तदा णं जंबूवीवे २ मंदरस्स पब्बयस्स पुरच्छिम-
 पच्चत्थिमेणं राई भवइ ?, हंता गोयमा ! जया णं जंबूवीवे २ दाहिणद्धे दिवसे
 जाव राई भवइ । जदा णं भंते ! जंबू० मंदरस्स पब्बयस्स पुरच्छिमेणं दिवसे
 भवइ तदा णं पच्चत्थिमेणं दिवसे भवइ जया णं पच्चत्थिमेणं दिवसे भवइ तदा
 णं जंबूवीवे २ मंदरस्स पब्बयस्स उत्तरदाहिणेणं राई भवइ ?, हंता गोयमा ।
 जदा णं जंबू० मंदरपुरच्छिमेणं दिवसे जाव राई भवइ, जदा णं भंते ! जंबूवीवे
 २ दाहिणद्धे उक्कोसए अट्टारसमुहुते दिवसे भवइ तदा णं उत्तरद्धे उक्कोसए अट्टा-
 रसमुहुते दिवसे भवइ जदा णं उत्तरद्धे उक्कोसए अट्टारसमुहुते दिवसे भवइ तदा
 णं जंबूवीवे २ मंदरस्स पुरच्छिमपच्चत्थिमेणं जहणिया दुवाल्समुहुता राई भवइ ?,
 हंता गोयमा ! जदा णं जंबू० जाव दुवाल्समुहुता राई भवइ । जदा णं जंबू०
 मंदरस्स पुरच्छिमेणं उक्कोसए अट्टारस जाव तदा णं जंबूवीवे २ पच्चत्थिमेणं
 उक्को० अट्टारसमुहुते दिवसे भवइ जया णं पच्चत्थिमेणं उक्कोसए अट्टारसमुहुते
 दिवसे भवइ तदा णं भंते ! जंबूवीवे २ उत्तर० दुवाल्समुहुता जाव राई भवइ ?,
 हंता गोयमा ! जाव भवइ । जया णं भंते ! जंबू० दाहिणद्धे अट्टारसमुहुताणंतरे
 दिवसे भवइ तदा णं उत्तरे अट्टारसमुहुताणंतरे दिवसे भवइ जदा णं उत्तरे अट्टा-
 रसमुहुताणंतरे दिवसे भवइ तदा णं जंबू० मंदरस्स पब्बयस्स पुरच्छिमपच्चत्थिमेणं
 सातिरेगा दुवाल्समुहुता राई भवइ ?, हंता गोयमा ! जदा णं जंबू० जाव राई
 भवइ । जदा णं भंते ! जंबूवीवे २ पुरच्छिमेणं अट्टारसमुहुताणंतरे दिवसे भवइ
 तदा णं पच्चत्थिमेणं अट्टारसमुहुताणंतरे दिवसे भवइ जदा णं पच्चत्थिमेणं अट्टा-
 रसमुहुताणंतरे दिवसे भवइ तदा णं जंबू० २ मंदरस्स पब्बयस्स दाहिणेणं साह-
 रेगा दुवाल्समुहुता राई भवइ ?, हंता गोयमा ! जाव भवइ ॥ एवं एणं कमेणं
 उच्चारयेय्वं सत्तरसमुहुते दिवसे तेरसमुहुता राई भवइ सत्तरसमुहुताणंतरे दिवसे
 सातिरेगा तेरसमुहुता राई सोलसमुहुते दिवसे ओइसमुहुता राई सोलसमुहुताणं-
 तरे दिवसे सातिरेगाओइसमुहुता राई पच्चरसमुहुते दिवसे पच्चरसमुहुता राई
 भवइ पच्चरसमुहुताणंतरे दिवसे सातिरेगा पच्चरसमुहुता राई ओइसमुहुते

दिवसे सौलसमुहुता राई चोदसमुहुताणतरे दिवसे सातिरेगा सोलसमुहुता राई तेरसमुहुते दिवसे सत्तरसमुहुता राई तेरसमुहुताणतरे दिवसे सातिरेगा सत्तरसमुहुता राई । जया णं जंबू० दाहिण्णे जहण्णए दुवालसमुहुते दिवसे भवइ तथा णं उत्तरद्देवि, जया णं उत्तरद्दे तथा णं जंबूवीवे २ मंदरस्स पव्वयस्स पुरच्छिमेणं उक्कोसिया अट्टारसमुहुता राई भवइ?, हंता गोयमा ! एवं चेव उच्चारैयव्वं जाव राई भवइ । जया णं भंते ! जंबू० मंदरस्स पव्वयस्स पुरच्छिमेणं जहण्णए दुवालसमुहुते दिवसे भवइ तथा णं पच्चत्थिमेणवि० तथा णं जंबू० मंदरस्स उत्तरदाहिणेणं उक्कोसिया अट्टारसमुहुता राई भवइ?, हंता गोयमा ! जाव राई भवइ ॥ १७६ ॥ जया णं भंते ! जंबू० दाहिण्णे वासाणं पढमे समए पडिक्कजइ तथा णं उत्तरद्देवि वासाणं पढमे समए पडिक्कजइ जया णं उत्तरद्देवि वासाणं पढमे समए पडिक्कजइ तथा णं जंबूवीवे २ मंदरस्स पव्वयस्स पुरच्छिमपच्चत्थिमेणं अणंतरपुरक्खडसमयंसि वासाणं प० स० प० ?, हंता गोयमा ! जया णं जंबू० २ दाहिण्णे वासाणं प० स० पडिक्कजइ तह चेव जाव पडिक्कजइ । जया णं भंते ! जंबू० मंदरस्स० पुरच्छिमेणं वासाणं पढमे स० पडिक्कजइ तथा णं पच्चत्थिमेणवि वासाणं पढमे समए पडिक्कजइ, जया णं पच्चत्थिमेणवि वासाणं पढमे समए पडिक्कजइ तथा णं जाव मंदरस्स पव्वयस्स उत्तरदाहिणेणं अणंतरपच्छाकडसमयंसि वासाणं प० स० पडिक्कजे भवइ?, हंता गोयमा ! जया णं जंबू० मंदरस्स पव्वयस्स पुरच्छिमेणं, एवं चेव उच्चारैयव्वं जाव पडिक्कजे भवइ ॥ एवं जहा समएणं अभिलावो भणियो वासाणं तहा आवलियाएवि २ भाणियव्वो, आणापाणुणवि ३ थोवैणवि ४ लवेणवि ५ मुहुत्तेणवि ६ अहोरेत्तेणवि ७ पक्खेणवि ८ मासेणवि ९ उउणावि १०, एएसिं सव्वेसिं जहा समयस्स अभिलावो तहा भाणियव्वो । जया णं भंते ! जंबू० दाहिण्णे हेमंताणं पढमे समए पडिक्कजइ जहेव वासाणं अभिलावो तहेव हेमंताणवि २० गिम्हाणवि ३० भाणियव्वो जाव उक्क, एवं एए तिच्चि, एएसि तीसं आलावगा भाणियव्वो । जया णं भंते ! जंबू० मंदरस्स पव्वयस्स दाहिण्णे पढमे अयणे पडिक्कजइ तथा णं उत्तरद्देवि पढमे अयणे पडिक्कजइ, जहा समएणं अभिलावो तहेव अयणेणवि भाणियव्वो जाव अणंतरपच्छाकडसमयंसि पढमे अयणे पडिक्कजे भवइ, जहा अयणेणं अभिलावो तहा संबच्छरेणवि भाणियव्वो जुएणवि वाससएणवि वाससहस्सेणवि वाससव्वहस्सेणवि पुब्बेणवि पुब्बेणवि तुब्बियेणवि तुब्बियेणवि, एवं पुब्बे २ तुब्बि १ अउडे २ अउडे ३ इत्तए २ उप्पडे २ पउमे २ मल्लि २ अक्क(अरि)मित्ठे २ अउए २ अउए २ वउए २ वउिया

२ शीसपहेळिया २ पळिओवमेणवि सागरोकमेणवि भाणियव्वो । जया णं भंते ।
 जंबूवीचे २ दाहिण्णे पठमा ओसपिणी पडिवज्जइ तथा णं उत्तरणेवि पठमा ओसपिणी
 पडिवज्जइ, जया णं उत्तरणेवि पडिवज्जइ तदा णं जंबूवीचे २ मंदरस्स पव्ववस्स
 पुरच्छिमपक्खत्थिमेणवि नेवत्थि ओसपिणी नेवत्थि उस्सपिणी अबट्ठिए णं तत्थ
 काळे पज्जेते ? समणाउसो !, हुंता गोयमा ! तं चेव उच्चारेयव्वं जाव समणाउसो !,
 जहा ओसपिणीए आलाबओ भणिओ एवं उस्सपिणीएवि भाणियव्वो ॥ १७७ ॥
 लवणे णं भंते ! समुहे सुरिया उबीचिपाईणमुग्गच्छ जहेव जंबूवीवस्स वत्तव्वया
 भणिया सचेव सव्वा अपरिसेसिया लवणसमुहस्सवि भाणियव्वा, नवरं अभिलावो
 इमो नेयव्वो-जया णं भंते ! लवणे समुहे दाहिण्णे दिवसे भवइ तं चेव जाव
 तदा णं लवणे समुहे पुरच्छिमपक्खत्थिमेणं राई भवइ, एएणं अभिलावेणं नेयव्वं ।
 जदा णं भंते ! लवणसमुहे दाहिण्णे पठमा ओसपिणी पडिवज्जइ तदा णं उत्तरणेवि
 पठमा ओसपिणी पडिवज्जइ, जदा णं उत्तरणे पठमा ओसपिणी पडिवज्जइ तदा णं
 लवणसमुहे पुरच्छिमपक्खत्थिमेणं नेवत्थि ओसपिणी २ समणाउसो !, हुंता गोयमा !
 जाव समणाउसो ! ॥ धायइसंडे णं भंते ! शीचे सुरिया उबीचिपाईणमुग्गच्छ जहेव
 जंबूवीवस्स वत्तव्वया भणिया सचेव धायइसंडस्सवि भाणियव्वा, नवरं इमेणं अभि-
 लावेणं सव्वे आलाबगा भाणियव्वा । जया णं भंते ! धायइसंडे शीचे दाहिण्णे
 दिवसे भवइ तदा णं उत्तरणेवि जया णं उत्तरणेवि तदा णं धायइसंडे शीचे मंदराणं
 पव्वयाणं पुरच्छिमपक्खत्थिमेणं राई भवइ !, हुंता गोयमा ! एवं चेव जाव राई
 भवइ । जदा णं भंते ! धायइसंडे शीचे मंदराणं पव्वयाणं पुरच्छिमेण दिवसे
 भवइ तदा णं पक्खत्थिमेणवि, जदा णं पक्खत्थिमेणवि तदा णं धायइसंडे शीचे मंद-
 राणं पव्वयाणं उत्तरेणं दाहिणेणं राई भवइ !, हुंता गोयमा ! जाव भवइ, एवं
 एएणं अभिलावेणं नेवव्वं जाव जया णं भंते ! दाहिण्णे पठमा ओस० तथा णं
 उत्तरणे जया णं उत्तरणे तथा णं धायइसंडे शीचे मंदराणं पव्वयाणं पुरच्छिम-
 पक्खत्थिमेणं नत्थि ओस० जाव समणाउसो !, हुंता गोयमा ! जाव समणाउसो !,
 जहा लवणसमुहस्स वत्तव्वया तथा कालोदस्सवि भाणियव्वा, नवरं कालोदस्स
 नामं भाणियव्वं । अग्गिभतरपुक्खरदे णं भंते ! सुरिया उबीचिपाईणमुग्गच्छ जहेव
 धायइसंडस्स वत्तव्वया तहेव अग्गिभतरपुक्खरदेस्सवि भाणियव्वा नवरं अभिलावो
 जाव जावियव्वो जाव तथा णं अग्गिभतरपुक्खरदे मंदराणं पुरच्छिमपक्खत्थिमेणं
 नेवत्थि ओस० नेवत्थि उस्सपिणी अबट्ठिए णं तत्थ काळे पज्जेते समणाउसो ! सेव
 भंते ! २ ति ॥ १७८ ॥ पंथमसय पठमो उहेसो समसो ॥

सीसए उवळे कसटिया, एए णं पुव्वभावपणवणं पडुच्च पुढविजीवसरीरा तओ पच्छा सत्यातीया जाव अगणिजीवसरीराति वत्तव्वं सिया । अहण्णं भंते । अट्ठी अट्ठिज्जामे चम्ममे चम्मज्जामे रोमे २ सिंगे २ खुरे २ नखे २ एए णं किसरीराति वत्तव्वं सिया ?, गोयमा । अट्ठी चम्ममे रोमे सिंगे खुरे नहे एए णं तसपाणजीवसरीरा अट्ठिज्जामे चम्मज्जामे रोमज्जामे सिंग० खुर० णहज्जामे एए णं पुव्वभावपणवणं पडुच्च तसपाणजीवसरीरा तओ पच्छा सत्यातीया जाव अगणिजीव० ति वत्तव्वं सिया । अह भंते ! इंगाले छारिए भुसे गोमए एए णं किसरीराह वत्तव्वं सिया ?, गोयमा ! इंगाले छारिए भुसे गोमए एए णं पुव्वभावपणवणं पडुच्च एगिंदियजीवसरीरप्पओगपरिणामियावि जाव पंगिंदियजीवसरीरप्पओगपरिणामियावि तओ पच्छा सत्यातीया जाव अगणिजीवसरीराति वत्तव्वं सिया ॥ १८० ॥ लवणे णं भंते ! समुदे केवइयं चक्रवालविकत्तमेणं पज्जते ?, एवं नेयव्वं जाव लोगाणुद्दिहं लोगाणुभावे, सेव भंते । २ ति भगवं जाव विहरइ ॥ १८१ ॥ पंचमे सए वीओ उहेसो समत्तो ॥

अण्णउत्थिया णं भंते ! एवमाइक्खंति भा० प० एवं प० से जहानामए जाल्-गंठिया सिया आणुपुव्विगट्टिया अर्धतरगट्टिया परंपरगट्टिया अन्नमन्नगट्टिया अन्न-मन्नगुरुयत्ताए अन्नमन्नभारियत्ताए अन्नमन्नगुरुयसंभारियत्ताए अण्णमण्णघडत्ताए जाव चिद्धंति, एवामेव बहूणं जीवाणं बहुसु आजाइससहस्सेसु बहूइ आउयसहस्साइ आणुपुव्विगट्टियाइ जाव चिद्धंति, एगेऽविय णं जीवे एगेणं समएणं दो आउयाइ पडिसंवेदेइ, तंजहा-इहभविआउयं च परभविआउयं च, जं समयं इहभविआउयं पडिसंवेदेइ तं समयं परभविआउयं पडिसंवेदेइ जाव से क्हमेयं भंते ! एवं ?, गोयमा ! अर्धं ते अन्नउत्थिया तं च्चैव जाव परभविआउयं च, जे ते एवमाहंसु तं मेच्छा, अहं पुण गोयमा । एवमाइक्खामि जाव परुवेमि जाव अन्नमन्नघडत्ताए चिद्धंति, एवामेव एगमेगस्स जीवस्स बहूहिं आजाइसहस्सेहिं बहूइ आउयसहस्साइ आणु-पुव्विगट्टियाइ जाव चिद्धंति, एगेऽविय णं जीवे एगेणं समएणं एणं आउयं पडि-संवेदेइ, तंजहा-इहभविआउयं वा परभविआउयं वा, जं समयं इहभविआउयं पडि-संवेदेइ नो तं समयं पर० पडिसंवेदेइ जं समयं प० नो तं समयं इहभविआउयं । प०, इहभविआउयस्स पडिसंवेदणाए नो परभविआउयं पडिसंवेदेइ परभविआ-उयस्स पडिसंवेदणाए नो इहभविआउयं पडिसंवेदेइ, एवं सल्लु एगे जीवे एगेणं समएणं एणं आउयं प० तंजहा-इहम० वा परम० वा ॥ १८२ ॥ जीवे णं भंते ! जे भविए नेरइएसु उववत्थिताए से णं भंते ! किं साउए संज्जा निराउए संज्जइइ,

गोयमा ! साउए संक्रमइ नो निराउए संक्रमइ । से णं भते ! आउए कर्हि कडे कर्हि समाइण्णे ? , गोयमा ! पुरिमे भवे कडे पुरिमे भवे समाइण्णे, एवं जाव वेमाणियाणं दंडओ । से नूणं भंते ! जे जभविए जोणिं उव्वज्जितए से तमाउयं पकरेइ, तंजहा-नेरइयाउयं वा जाव देवाउयं वा ? , हंता गोयमा । जे जंभविए जोणिं उव्वज्जितए से तमाउयं पकरेइ, तंजहा-नेरइयाउयं वा तिरि० मणु० देवाउयं वा, नेरइयाउयं पकरेमाणे सत्तविहं पकरेइ, तंजहा-रणप्पभापुढविनेरइयाउयं वा जाव अहेसत्तमापुढविनेरइयाउयं वा, तिरिक्खजोणियाउयं पकरेमाणे पंचविहं पकरेइ, तंजहा-एगिंदियतिरिक्खजोणियाउयं वा, भेदो सब्बो भाणियव्वो, मणुस्साउयं दुविहं, देवाउयं चउव्विहं, सेवं भंते ! सेवं भंते ! त्ति ॥ १८३ ॥ पंचमे सए तइओ उहेसो समत्तो ॥

छउमत्थे णं भंते ! मणुस्से आउडिच्चमाणाइं सहाइं मुणेइ, तंजहा-संखसहाणि वा सिगस० संखियस० खरमुहिस० पोयाम० परिपिरियाम० पणवस० पडहस० भंभास० होरंभस० भेरिसहाणि वा झळरिस० दुंदुहिस० तयाणि वा वितयाणि वा घणाणि वा झुसिराणि वा ? , हंता गोयमा । छउमत्थे णं मणुस्से आउडिच्चमाणाइं सहाइं मुणेइ, तंजहा-संखसहाणि वा जाव झुसिराणि वा । ताडं भंते ! किं पुट्ठाइं मुणेइ अपुट्ठाइं मुणेइ ? , गोयमा ! पुट्ठाइं मुणं नो अपुट्ठाइं मुणेइ, जाव नियमा छहिंसि मुणेइ । छउमत्थे णं मणुस्से किं आरगयाडं सहाइं मुणंइ पारगयाइं सहाइं मुणेइ ? , गोयमा । आरगयाइं सहाइं मुणंइ नो पारगयाइं सहाइं मुणेइ । जहा णं भंते ! छउमत्थे मणुस्से आरगयाइं सहाइं मुणंइ नो पारगयाइं सहाइं मुणंइ तथा णं भंते ! केवली मणुस्से किं आरगयाइं सहाइं मुणेइ पारगयाइं सहाइं मुणेइ ? , गोयमा ! केवली णं आरगयं वा पारगयं वा सब्बदूरमूलमणंतियं मइं जाणेइ पासेइ, से केणट्टेणं तं चेव केवली णं आरगयं वा पारगयं वा जाव पामइ ? , गोयमा । केवली णं पुरच्छिमेणं मियंपि जाणइ अमियंपि जा० एवं दाहिजेणं पव्वत्थिमेणं उत्तरेणं उव्वं अहे मियंपि जाणइ अमियंपि जा० सब्बं जाणइ केवली सब्बं पामइ केवली मव्वओ जाणइ पासइ सब्बकालं जा० पा० सब्बभावे जाणइ केवली सब्बभावं पासइ केवली ॥ अणंते नाणे केवलिस्स अणंते दंसणे केवलिस्स निव्वुडे नाणे केवलिस्स निव्वुडे दंसणे केवलिस्स से तेणट्टेणं जाव पासइ ॥ १८४ ॥ छउमत्थे णं भंते ! मणुस्से हसेज्ज वा उस्सुयाएज्ज वा ? , हंता ! हसेज्ज वा उस्सुयाएज्ज वा, जहा णं भंते ! छउमत्थे मणुस्से हसेज्ज जाव उस्सु० तथा णं केवलीवि हसेज्ज वा उस्सुयाएज्ज वा ? , गोयमा ! नो इणट्ठे समट्ठे, से केणट्टेणं भंते ! जाव

नो णं तद्वा केवली हसेज्ज वा जाव उस्सुयाएज्ज वा ?, गोयमा ! जण्णं जीवा चरि-
 त्तमोहणिज्जस्स कम्मस्स उदएणं हसेति वा उस्सुयार्यति वा से णं केवलिस्स नत्थि,
 से तेणेट्ठेणं जाव नो णं तद्वा केवली हसेज्ज वा उस्सुयाएज्ज वा । जीवे णं भंते ।
 हसमाणे वा उस्सुयमाणे वा कइ कम्मपयडीओ बंधइ ?, गोयमा ! सत्तविहबंधए वा
 अट्ठविहबंधए वा, णेरइएणं भंते । हसमाणे वा उस्सुयमाणे वा कइ कम्मपगडीओ
 बंधइ ? गोयमा ! सत्तविहबंधए वा अट्ठविहबंधए वा, जीवा णं भंते ! हसमाणा वा
 उस्सुयायमाणा वा कइ कम्मपगडीओ बंधंति ? गोयमा ! सत्तविहबंधगा वा अट्ठविह-
 बंधगा वा, णेरइयाणं पुच्छा, गोयमा ! सच्चे वि ताव होज्जा सत्तविहबंधगा अहवा
 सत्तविहबंधगावि अट्ठविहबंधगावि, अदुवा सत्तविहबंधगा य अट्ठविहबंधगा य ।
 एवं जाव वेमाणिए, पोहत्तिएहिं जीवेगिदियवज्जो तियभंगो ॥ छउमत्थे णं भंते ।
 मणसे निहाएज्ज वा पयलाएज्ज वा ? हंता ! निहाएज्ज वा पयलाएज्ज वा, जहा
 हसेज्ज वा तद्वा नवरं दरिसणावरणिज्जस्स कम्मस्स उदएणं निहार्यति वा पयलायंति
 वा, से णं केवलिस्स नत्थि, अच्चं तं चेव । जीवे णं भंते ! निहायमाणे वा
 पयलायमाणे वा कइ कम्मपयडीओ बंधइ ?, गोयमा ! सत्तविहबंधए वा अट्ठविहबंध-
 धए वा, एवं जाव वेमाणिए, पोहत्तिएसु जीवेगिदियवज्जो तियभंगो ॥ १८५ ॥
 हरी णं भंते ! हरिणेगमेसी मक्कदए इत्थीगब्भं संहरणमाणे किं गब्भाओ
 गब्भं साहरइ १ गब्भाओ जोणिं साहरइ २ जोणीओ गब्भं साहरइ ३
 जोणीओ जोणिं साहरइ ४ ?, गोयमा ! नो गब्भाओ गब्भं साहरइ नो
 गब्भाओ जोणिं साहरइ नो जोणीओ जोणिं साहरइ परामुसिय २ अच्चा-
 वाहेणं अच्चाबाहं जोणीओ गब्भं साहरइ ॥ पभू णं भंते ! हरिणेगमेसी सक्कस्स
 णं दूए इत्थीगब्भं नहसिरंति वा रोमकूवंसि वा साहरिणए वा नीहरिणए वा ?,
 हंता ! पभू, नो चेव णं तस्स गब्भस्स किंचिवि आबाहं वा विबाहं वा उप्पाएज्जा
 छविच्छेदं पुण करेज्जा, एमूहुमं च णं साहरिज्ज वा नीहरिज्ज वा ॥ १८६ ॥
 तेणं काळेणं तेणं समएणं समणस्स भगवओ महावीरस्स अतेवासी अइमुत्ते णामं
 कुमारसमणे पगइभइए जाव विणीए, तए णं से अइमुत्ते कुमारसमणे अण्णया
 कयाइ महावुत्तिकार्यंति निबयमाणंति कक्खपडिग्गहरयहरणमायाए बहिया संपट्टिए
 विहाराए, तए णं से अइमुत्ते कुमारसमणे वाहर्यं बहमाणं पासइ २ मट्टियाए पाळि
 बंधइ २ णाविया मे २ भाविलोविव णावमयं पडिग्गहणं उदणंति कहु पब्बाहमाणे २
 अभिरमइ, तं च वेरा अइक्ख, जेवेव समणे भगव० तेवेव उवागच्छंति २ एवं
 वदासी-एवं कलु देवाणुप्पियानं अतेवासी अइमुत्ते णामं कुमारसमणे से णं भंते !

अइमुत्ते कुमारसमणे कइहिं भवग्गहणेहिं सिज्झहिइ जाव अंतं करेहिइ ? अज्जोत्ति समणे भगवं महावीरे ते येरे एवं वयासी-एवं खलु अज्जो । मम अंतेवासी अइमुत्ते णामं कुमारसमणे पगइभए जाव विणीए से णं अइमुत्ते कुमारसमणे इमेणं चेव भवग्गहणेणं सिज्झहिइ जाव अंतं करेहिइ, तं मा णं अज्जो । तुब्भे अइमुत्तं कुमारसमणं हीलेह निदह खिसह गरहह अवमज्जह, तुब्भे णं देवाणुप्पिया ! अइ-मुत्तं कुमारसमणं अगिलाए संगिण्हह अगिलाए उवगिण्हह अगिलाए भत्तेणं पाणेणं विणएणं वेयावडियं करेह, अइमुत्ते णं कुमारसमणे अतकरे चेव अंतिमसरीरिए चेव, तए णं ते थेरा भगवंतो समणेणं भगवया म० एवं वुत्ता समाणा समणं भगवं महावीरं वंदंति नमंसंति अइमुत्तं कुमारसमणं अगिलाए संगिण्हंति जाव वेयाव-डियं करेति ॥ १८७ ॥ तेणं कालेणं २ महासुक्काओ कप्पाओ महासग्गाओ महावि-मागाओ दो देवा महिच्चिया जाव महाणुभागा समणस्स भगवओ महावीरस्स अंतियं पाउब्भूया, तए णं ते देवा समणं भगवं महावीरं मणसा चेव वंदंति नमंसंति मणसा चेव इमं एयाख्वं वागरणं पुच्छंति-कइ णं भंते ! देवाणुप्पियाणं अंतेवासिसयाइ मिज्झहिंति जाव अंतं करेहिंति ? तए णं समणे भगवं महावीरे तेहिं देवेहिं मणसा पुट्टं तेमि देवाणं मणसा चेव इमं एयाख्वं वागरणं वागरेइ-एवं खलु देवाणुप्पिया । मम सत्त अंतेवासिसयाइ सिज्झहिंति जाव अंतं करेहिंति, तए णं ते देवा समणेणं भगवया महावीरेणं मणसा पुट्टेणं मणसा चेव इमं एयाख्वं वागरणं वागरिया समाणा हट्टुट्टा जाव हयहियया समणं भगवं महावीरं वंदंति णमंसंति २ ता मणसा चेव सुस्सुसमाणा णमंसमाणा आंममुहा जाव पज्जुवासंति । तेणं कालेणं २ सम-णस्स भगवओ महावीरस्स जेट्ठे अंतेवासी इंदभूई णामं अणगारे जाव अदूरमा-मंते उट्ठंजाणू जाव विहरइ, तए णं तस्स भगवओ गोयमस्स झार्णंतरियाए वट्ट-माणस्स इमेयारूवे अज्जत्थिए जाव समुप्पज्जित्था, एवं खलु दो देवा महिच्चिया जाव महाणुभागा समणस्स भगवओ महावीरस्स अंतियं पाउब्भूया तं नो खलु अहं ते देवे जाणामि कयराओ कप्पाओ वा सग्गाओ वा विमाणाओ वा कस्स वा अत्यस्स अट्टाए इहं हव्वमाणया ? तं गच्छामि णं भगवं महावीरं वंदामि णमंसामि जाव पज्जुवासामि इमाई च णं एयाख्वाइं वागरणाइं पुच्छिस्सामिति कट्टु एवं संये-हेइ २ उट्टाए उट्टेइ २ जेणेव समणे भगवं महा० जाव पज्जुवासइ, गोवमादि समणे भगवं म० भगवं गोयमं एवं वदासी-से कूणं तव गोयमा । झार्णंतरियाए वट्टमाणस्स इमेयारूवे अज्जत्थिए जाव जेणेव मम अंतिए तेणेव हव्वमाणए से णं गोयमा ! अत्ये समत्ये ? इता ! अरिय, तं गच्छहिं णं गोवमा ! एए चेव देवा

इमाई एयाक्काई वागरणाई वागरेहिति, तए णं भगवं गोयमे समणेणं भगवया महावीरेणं अब्भणुजाए समाणे समणं भगवं महावीरं वंदइ णमंसइ २ जेणेव ते देवा तेणेव पहारेत्थ गमणाए, तए णं ते देवा भगवं गोयमं एज्जमाणं पासंति २ इट्ठा जाव इयहियया खिप्पामेव अब्भुट्ठेति २ खिप्पामेव पञ्जुवागच्छंति २ जेणेव भगवं गोयमे तेणेव उवागच्छंति २ ता जाव णमंसिता एवं वयासी-एवं खलु भंते ! अम्हे महासुक्काओ कप्पाओ महासग्गाओ महाविमाणाओ दो देवा महिङ्गिया जाव पाउब्भूआ तए णं अम्हे समणं भगवं महावीरं वंदामो णमंसामो २ मणसा चेव इमाई एयाक्काई वागरणाई पुच्छामो-कइ णं भंते ! देवाणुप्पियाणं अंतवा-सिसयाइं सिज्जिहंति जाव अंतं करेहिति ?, तए णं समणे भगवं महावीरे अम्हेहिं मणसा पुट्ठे अम्हं मणसा चेव इमं एयाक्वं वागरणं वागरेइ-एवं खलु देवाणु० मम सत्त अतेवासिसयाइं जाव अंतं करेहिति, तए णं अम्हे समणेणं भगवया महावीरेणं मणसा चेव पुट्ठेणं मणसा चेव इमं एयाक्वं वागरणं वागरिया समाणा यमणं भगवं महावीरं वंदामो नमंसामो २ जाव पञ्जुवासामोत्तिकट्टु भगवं गोयमं वंदंति नमंसंति २ जामेव दिंसि पाउ० तामेव दिंसि प० ॥ १८८ ॥ भंतेति भगवं गोयमे समणं जाव एवं बदासी-देवा णं भंते ! संजयाति वत्तव्वं सिया ?, गोयमा ! णो तिण्ठे समट्ठे, अब्भक्खणमेयं, देवा णं भंते ! असंजयाइ वत्तव्वं सिया ?, गोयमा ! णो तिण्ठे०, जिट्ठुवयणमेयं, देवा णं भंते ! संजया-संजयाति वत्तव्वं सिया ?, गोयमा ! णो तिण्ठे समट्ठे, असब्भूयमेयं देवाणं, से किं खाइ णं भंते ! देवाति वत्तव्वं सिया ?, गोयमा ! देवा णं नोसंजयाति वत्तव्वं सिया ॥ १८९ ॥ देवा णं भंते ! कयराए भासाए भासंति ?, कयरा वा भासा भासिज्जमाणी विसिस्सइ ?, गोयमा ! देवा णं अट्ठमागहाए भासाए भासंति, सावि य णं अट्ठमागहा भासा भासिज्जमाणी विसिस्सइ ॥ १९० ॥ केवली णं भंते ! अंतकरं वा अंतिमसरीरियं वा जाणइ पासइ ?, हुंता ! गोयमा ! जाणइ पामइ । जहा णं भंते ! केवली अंतकरं वा अंतिमसरीरियं वा जाणति पासति तहा णं छउ-मत्येवि अंतकरं वा अंतिमसरीरियं वा जाणइ पासइ ?, गोयमा ! णो तिण्ठे समट्ठे, सोच्चा जाणइ पासइ, पमालओ वा, से किं तं सोच्चा ?, सोच्चा णं केवलिस्स वा केवलिसावयस्स वा केवलिसावियाए वा केवलिसावगस्स वा केवलिसावियाए वा तप्पक्खियस्स वा तप्पक्खियसावगस्स वा तप्पक्खियसावियाए वा तप्पक्खिय-उवासगस्स वा तप्पक्खियउवासियाए वा से तं सोच्चा ॥ १९१ ॥ से किं तं पमाणे ?, पमाणे चउत्थिहे प० तज्जहा-पञ्चक्खे अणुमाणे ओबम्मो आगमे, जहा

अणुओगदारे तहा गेयव्वं पमाणं जाव तेण परं नो अत्तागमे नो अणतरागमे परंपरागमे ॥ १९२ ॥ केवली णं भंते ! चरिमकम्मं वा चरिमणिज्जरं वा जाणइ पासइ ?, हुंता गेयमा ! जाणइ पासइ । जहा णं भंते ! केवली चरिमकम्मं वा जहा णं अतकरेणं आलावगो तहा चरिमकम्मणेवि अपरिसेसिओ गेयव्वो ॥ १९३ ॥ केवली णं भंते ! पणीयं मणं वा वइं वा धारेज्जा ?, हुंता ! धारेज्जा, जहा णं भंते ! केवली पणीयं मणं वा वइं वा धारेज्जा ते णं वेमाणिया देवा जाणंति पासंति ?, गेयमा ! अत्थेगइया जाणंति पा० अत्थेगइया न जाणंति न पा०, से केणट्ठेणं जाव ण जाणंति ण पासंति ?, गेयमा ! वेमाणिया देवा दुविहा पण्णत्ता, तंजहा-माइमिच्छादिट्ठिउववन्नगा य अमाइसम्मदिट्ठिउववन्नगा य, तत्थ णं जे ते माइमिच्छादिट्ठिउववन्नगा ते न जाणंति न पासंति, तत्थ णं जे ते अमाइसम्मदिट्ठिउववन्नगा ते णं जाणंति पासंति, से केणट्ठेणं एवं वु० अमाइसम्मदिट्ठी जाव पा० ?, गेयमा ! अमाइसम्मदिट्ठी दुविहा पण्णत्ता-अणंतरोववन्नगा य परंपरोववन्नगा य, तत्थ अणंतरोववन्नगा न जा० परंपरोववन्नगा जाणंति, से केणट्ठेणं भंते ! एवं परंपरोववन्नगा जाव जाणंति ?, गेयमा ! परंपरोववन्नगा दुविहा पण्णत्ता-पज्जत्ता य अपज्जत्ता य, पज्जत्ता जा० अपज्जत्ता न जा०, एवं अणंतरपरंपरपज्जत्तापज्जत्ता य उवउत्ता अणुवउत्ता, तत्थ णं जे ते उवउत्ता ते जा० पा० से तेणट्ठेणं तं चव ॥ १९४ ॥ पभू णं भंते ! अणुत्तरोववाइया देवा तत्थगया चव समाणा इहगएणं केवलिया सद्धिं आलावं वा संलावं वा करेत्तए ?, हुंता ! पभू, से केणट्ठेणं जाव पभू णं अणुत्तरोववाइया देवा जाव करेत्तए ?, गेयमा ! जणं अणुत्तरोववाइया देवा तत्थगया चव समाणा अट्ठं वा हेउं वा पसिणं वा वागरणं वा कारणं वा पुच्छंति तण्णं इहगए केवली अट्ठं वा जाव वागरणं वा वागरेइ से तेणट्ठेणं । जणं भंते ! इहगए चव केवली अट्ठं वा जाव वागरेइ तण्णं अणुत्तरोववाइया देवा तत्थगया चव समाणा जा० पा० ?, हुंता ! जाणंति पासंति, से केणट्ठेणं जाव पासंति ?, गेयमा ! नेसि णं देवाणं अणंताओ मणोदव्ववग्गणाओ लद्धाओ पत्ताओ अभिसमजागयाओ भवंति से तेणट्ठेणं जणं इहगए केवली जाव पा० ॥ १९५ ॥ अणुत्तरोववाइया णं भंते ! देवा किं उदिज्जमोहा उवसंतमोहा खीणमोहा ?, गेयमा ! नो उदिज्जमोहा उवसंतमोहा णो खीणमोहा ॥ १९६ ॥ केवली णं भंते ! आयाणेहिं जा० पा० ?, गेयमा ! णो तिण्ठे स०, से केणट्ठेणं जाव केवली णं आयाणेहिं न जाणइ न पासइ ?, गेयमा ! केवली णं पुरच्छिमेणं मियंयि जाणइ अभियंयि जा० जाव निव्वुद्धे र्दमणे केवलिसस से तेण० ॥ १९७ ॥ केवली णं

भंते । अस्मि समयंस्ति जेषु आगासपदेसेसु हृत्य वा पायं वा बाहुं वा ऊरुं वा ओगाहिता णं चिद्द्वि पभू णं भंते । केवली सेयकालंसि वि तेसु चैव आगासपदेसेसु हृत्य वा जाव ओगाहिता णं चिट्ठित्तए ? , गोयमा ! णो ति०, से केणट्टेणं भंते । जाव केवली णं अस्मि समयंस्ति जेषु आगासपदेसेसु हृत्य वा जाव चिद्द्वि णो णं पभू केवली सेयकालंसि वि तेसु चैव आगासपदेसेसु हृत्य वा जाव चिट्ठित्तए ? , गो० । केवलस्स णं वीरियसजोगसहव्वयाए चलाई उवगरणाई भवंति, चलोवगरणट्टयाए य णं केवली अस्मि समयंस्ति जेषु आगासपदेसेसु हृत्य वा जाव चिद्द्वि णो णं पभू केवली सेयकालंसि वि तेसु चैव जाव चिट्ठित्तए, से तेणट्टेणं जाव बुब्बइ-केवली णं अस्मि समयंस्ति जाव चिट्ठित्तए ॥ १९८ ॥ पभू णं भंते ! चोहसपुब्बी पडाओ घडसहस्सं पडाओ पडसहस्सं कडाओ २ रहाओ २ छत्ताओ छत्तसहस्सं दंडाओ दंडसहस्सं अभिनिव्वेट्ठेता उवदंसेत्तए ? , हंता ! पभू, से केणट्टेणं पभू चोहसपुब्बी जाव उवदंसेत्तए ? गोयमा ' चउहसपुब्बिस्स णं अणंताई दव्वाई उक्क-रियामेएणं भिज्जाणाई लद्धाई पत्ताई अभिसमन्नागयाई भवंति, से तेणट्टेणं जाव उवदंसेत्तए । सेवं भंते ! सेवं भंते ! ति ॥ १९९ ॥ पंचमे सए चउत्थो उहेसो ॥

छउमत्थे णं भंते ! मणुसे तीयमणंतं सासयं समयं केवलेणं संजमेणं जहा पट-मसए चउत्थुहेसे आलावगा तथा नेयव्वा जाव अलमत्थुत्ति वक्खवं सिया ॥ २०० ॥ अन्नउत्थिया णं भंते ! एवमाइक्खंति जाव पुरुवेति सव्वे पाणा सव्वे भूया सव्वे जीवा सव्वे सत्ता एवंभूयं वेदणं वेदंति से क्हमेयं भंते ! एवं ? , गोयमा ! जणं ने अन्नउत्थिया एवमाइक्खंति जाव वेदंति जे ते एवमाहंसु भिच्छा ते एवमा-हंसु, अहं पुण गोयमा ! एवमाइक्खामि जाव पुरुवेमि अत्थेगइया पाणा भूया जीवा सत्ता एवंभूयं वेदणं वेदंति अत्थेगइया पाणा भूया जीवा सत्ता अणेवंभूयं वेदणं वेदंति, से केणट्टेणं अत्थेगइया ? तं चैव उच्चारयेव्वं, गोयमा ' जे णं पाणा भया जीवा सत्ता जहा कडा कम्मा तथा वेदणं वेदंति ते णं पाणा भूया जीवा सत्ता एवंभूयं वेदणं वेदंति, जे णं पाणा भूया जीवा सत्ता जहा कडा कम्मा नो तथा वेदणं वेदंति ते णं पाणा भूया जीवा सत्ता अणेवंभूयं वेदणं वेदंति, से तेणट्टेणं तहेव । नेरइया णं भंते ! किं एवंभूयं वेदणं वेदंति अणेवंभूयं वेदणं वेदंति ? , गोयमा ! नेर-इया णं एवंभूयं वेदणं वेदंति अणेवंभूयं वेदणं वेदंति । से केणट्टेणं तं चैव ? गोयमा ! जे णं नेरइया जहा कडा कम्मा तथा वेयणं वेदंति ते णं नेरइया एवंभूयं वेदणं वेदंति जे णं नेरइया जहा कडा कम्मा णो तथा वेदणं वेदंति ते णं नेरइया अणेवंभूयं वेदणं वेदंति, से तेणट्टेणं, एवं जाव येमाणिया संसारमंडलं नेयव्वं

॥ २०१ ॥ जंबुद्वीपे णं भंते ! भारहे वासे इमीसे ओस० कइ कुलगरा होत्वा ?, गोयमा । सत एवं तित्थयरा तित्थयरमायरो पियरो पडमा सिस्तिणीओ च्चबडी-मायरो पियरो इत्थिरयणं बलदेवा वासुदेवा वासुदेवमायरो पियरो, एएसि पडिसत्तु जहा समवाए णामपरिवाडी तहा णेयव्वा, सेवं भंते ! २ ति जाव विहरइ ॥ २०२ ॥
पंचमसए पंचमो उहेसओ समत्तो ॥

कहण्यं भंते ! जीवा अप्पाउयत्ताए कम्मं पकरेंति ?, गोयमा ! तिहिं ठाणेहिं, तंजहा-पाणे अइवाएत्ता मुसं वइत्ता तहारुवं समणं वा माहणं वा अफासुएणं अणे-सणिज्जेणं असणपाणस्वाइमसाइमेणं पडिलाभेत्ता, एवं खलु जीवा अप्पाउयत्ताए कम्मं पकरेन्ति ॥ कहण्यं भंते ! जीवा बीहाउयत्ताए कम्मं पकरेंति ?, गोयमा ! तिहिं ठाणेहिं-नो पाणे अइवाइत्ता नो मुसं वइत्ता तहारुवं समणं वा माहणं वा फासुए-सणिज्जेणं असणपाणस्वाइमसाइमेणं पडिलाभेत्ता एवं खलु जीवा बीहाउयत्ताए कम्मं पकरेंति ॥ कहण्यं भंते ! जीवा असुभवीहाउयत्ताए कम्मं पकरेंति ?, गोयमा ! पाणे अइवाइत्ता मुसं वइत्ता तहारुवं समणं वा माहणं वा हीलित्ता निंदित्ता खिसित्ता गरहित्ता अवमज्जित्ता अन्नयरेणं अमणुजेणं अपीइक्करएणं असणपाणस्वाइमसाइमेणं पडिलाभेत्ता एवं खलु जीवा असुभवीहाउयत्ताए कम्मं पकरेंति ॥ कहण्यं भंते ! जीवा सुभवीहाउयत्ताए कम्मं पकरेंति ?, गोयमा ! नो पाणे अइवाइत्ता नो मुसं वइत्ता तहारुवं समणं वा माहणं वा वंदित्ता नमंस्सित्ता जाव पज्जुवात्तित्ता अन्नयरेणं मणुजेणं पीइक्करएणं असणपाणस्वाइमसाइमेणं पडिलाभेत्ता एवं खलु जीवा सुभ-वीहाउयत्ताए कम्मं पकरेंति ॥ २०३ ॥ गाहावइस्स णं भंते ! भंडं विक्किणमाणस्स केइ भंडं अवहरेज्जा तस्स णं भंते ! तं भंडं अणुगवेसमाणस्स किं आरंभिया किरिया कज्जइ परिग्गहिया० माया० अप० मिच्छा० ?, गोयमा ! आरंभिया किरिया कज्जइ परि० माया० अप० मिच्छादंसणकिरिया सिय कज्जइ सिय नो कज्जइ ॥ अह से भंडे अभिसमच्चागए भवइ, ताओ से पच्छा सव्वाओ ताओ पयणुईभवन्ति ॥ गाहावइस्स णं भंते ! तं भंडं विक्किणमाणस्स कइए भंडं साइ-ज्जेज्जा भंडे य से अणुवणीए सिया, गाहावइस्स णं भंते ! ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ ? कइयस्स वा ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ ?, गोयमा ! गाहावइस्स ताओ भंडाओ आरंभिया किरिया कज्जइ जाव अपक्कक्खाभिवा मिच्छा-दंसणवत्तिया किरिया सिय कज्जइ सिय नो कज्जइ, कइयस्स ये ताओ सव्वाओ पयणुईभवन्ति । गाहावइस्स णं भंते ! भंडं विक्किणमाणस्स जाव भंडे से उवणीए

सिया कइयस्स णं भंते । ताओ भंडाओ किं आरंभिया किरिया कज्जइ ?, गहावइस्स वा ताओ भंडाओ किं आरंभिया किरिया कज्जइ ?, गोयमा ! कइयस्स ताओ भंडाओ हेट्ठिआओ चत्तारि किरियाओ कज्जंति भिच्छअदंसणकिरिया भयणाए गहावइस्स णं ताओ सव्वाओ पयण्णुंभवन्ति । गहावइस्स णं भंते । भंडं जाव धणे य से अणुवणीए सिया एवंपि जहा भंडे उवणीए तहा नेयव्वं चउत्थो आलावगो, धणे से उवणीए सिया जहा पढमो आलावगो भंडे य से अणुवणीए सिया तहा नेयव्वो पढमचउत्थाणं एक्को गमो विइयतइयाणं एक्को गमो ॥ अगणिकाए णं भंते । अहुणोज्जलिए समाणे महाकम्मतराए चेव महाकिरियतराए चेव महासवतराए चेव महावेयणतराए चेव भवइ, अहे णं समए २ वोक्खिज्जमाणे २ चरिमकालसमयंसि इंगालभूए मुम्पुरभूए छारियभूए तओ पच्छा अप्पकम्मतराए चेव अप्पकिरियतराए चेव अप्पासवतराए चेव अप्पवेयणतराए चेव भवइ ?, हुंता गोयमा । अगणिकाए णं अहुणोज्जलिए समाणे तं चेव ॥ २०४ ॥ पुरिसे णं भंते । धणुं परामुसइ धणुं परामुसित्ता उमुं परामुसइ २ ठाणं ठाइ ठाणं ठिन्ना आययकण्णाययं उमुं करेइ आययकण्णाययं उमुं करेता उहुं वेहासं उमुं उव्विहइ २ तओ णं से उमुं उहुं वेहासं उव्विहिए समाणं जाइं तत्थ पाणाइं भूयाइं जीवाइं मत्ताइं अभिहणइ वत्तइ केस्सेइ संघाएइ संघट्टेइ परियावेइ किलामेइ ठाणाओ ठाणं संकामेइ जीवियाओ ववरोवेइ तए णं भंते । से पुरिसे कइकिरिए ?, गोयमा ! जावं च णं से पुरिसे धणुं परामुसइ २ जाव उव्विहइ तावं च णं से पुरिसे काइयाए जाव पाणाइवायकिरियाए पंचहिं किरियाहिं पुट्टे, जेसिपि य णं जीवाणं सरीरेहिं धणुं निव्वत्तिए तेडवि य णं जीवा काइयाए जाव पंचहिं किरियाहिं पुट्टे(ट्टा) एवं धणुपुट्टे पंचहिं किरियाहिं, जोवा पंचहिं, ष्हारू पंचहिं, उसू पंचहिं, सरे पत्तणे फळे ष्हारू पंचहिं ॥ २०५ ॥ अहे णं से उमुं अप्पणो गुरुयत्ताए भारियत्ताए गुरुयसभारियत्ताए अहे वीससाए पच्चाइयमाणे जाइं तत्थ पाणाइं जाव जीवियाओ ववरोवेइ तावं च णं से पुरिसे कइकिरिए ?, गोयमा ! जावं च णं से उमुं अप्पणो गुरुयत्ताए जाव ववरोवेइ तावं च णं से पुरिसे काइयाए जाव चउहिं किरियाहिं पुट्टे, जेसिपि य णं जीवाणं सरीरेहिं धणुं निव्वत्तिए तेवि जीवा चउहिं किरियाहिं, धणुपुट्टे चउहिं, जीवा चउहिं, ष्हारू चउहिं, उसू पंचहिं, सरे पत्तणे फळे ष्हारू पंचहिं, जेवि य से जीवा अहे पच्चोवयमाणस्स उवगगहे विट्ठंति तेवि य णं जीवा काइयाए जाव पंचहिं किरियाहिं पुट्टा ॥ २०६ ॥ अप्पउत्थिया णं भंते । एवसाइव्वन्ति जाव परूवेत्ति से जहानामए-जुवइं जुवाणे हत्थेणं हत्थे गेण्हेजा २१ सुत्ता०

चक्रस्स वा नामी अरगाउता सिया एवामेव जाव चत्तारि पंच जोयणसयाइ बहु-
समाइजे मणुयलोए मणुस्सेहिं, से कहमेयं भंते । एवं ? , गोयमा ! जणं ते अण्ण-
उत्तिया जाव मणुस्सेहिं जे ते एवमाहंसु भिच्छा०, अहं पुण गोयमा ! एवमाइ-
कस्सामि जाव एवामेव चत्तारि पंच जोयणसयाइ बहुसमाइण्णे निरयलोए नेरइएहिं
॥ २०७ ॥ नेरइया णं भंते ! किं एगतं पभू विउव्वित्तए पुहुतं पभू विउव्वित्तए ? ,
जहा जीवाभिगमे आलावगो तहा नेयव्वो जाव दुरहिवासे ॥ २०८ ॥ आहाकम्मं
अणवज्जेति मणं पद्दारेत्ता भवइ, से णं तस्स ठाणस्स अणालोइयपडिक्कंते कालं
करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ
अत्थि तस्स आराहणा, एणं गमेणं नेयव्वं-कीयगडं ठवियं रइयं कंतारभत्तं
दुब्बिक्खभत्तं व्हलियाभत्तं गिलाणभत्तं सेजायरपिंडं रायपिंडं । आहाकम्मं अण-
वज्जेति बहुजणमज्जे भासित्ता सयमेव परिभुजिणा भवइ से णं तस्स ठाणस्स
जाव अत्थि तस्स आराहणा, एयंपि तह च्चैव जाव रायपिंडं । आहाकम्मं अणव-
ज्जेति सयं अन्नमन्नस्स अणुप्पदावेत्ता भवइ, से णं तस्स एयं तह च्चैव जाव
रायपिंडं । आहाकम्मं णं अणवज्जेति बहुजणमज्जे पक्कवइत्ता भवइ से णं तस्स
जाव अत्थि आराहणा जाव रायपिंडं ॥ २०९ ॥ आयरियउच्चग्गाए णं भंते !
सविसयंसि गणं अगिलाए संगिण्हमाणे अगिलाए उवगिण्हमाणे कडहिं भवग्गह-
णेहिं सिज्जइ जाव अंतं करेइ ? , गोयमा ! अत्थेगइए तेणेव भवग्गहणेणं सिज्जइ
अत्थेगइए दोब्बेणं भवग्गहणेणं सिज्जइ तच्चं पुण भवग्गहणं णाइक्कमइ ॥ २१० ॥ जे
णं भंते ! परं अत्तिएणं असम्भूएणं अब्भक्खाणेणं अब्भक्खाइ तस्स णं कहप्पगारा
कम्मा कज्जंति ? , गोयमा ! जे णं परं अत्तिएणं असंन(एणं)वयणेणं अब्भक्खाणेणं
अब्भक्खाइ तस्स णं तहप्पगारा च्चैव कम्मा कज्जंति, जत्थेव णं अभिममा-
गच्छंति तत्थेव णं पडिसंवेदंति तओ से पच्छा वेदंति सेवं भंते ! २ ति ॥ २११ ॥
पंचमसए छट्ठो उद्देसो समसो ॥

परमाणुपोगले णं भंते ! एयइ वेयइ जाव तं तं भावं परिणमइ ? , गोयमा !
सिय एयइ वेयइ जाव परिणमइ सिय णो एयइ जाव णो परिणमइ । दुपदेसिए
णं भंते ! खंधे एयइ जाव परिणमइ ? , गोयमा ! सिय एयइ जाव परिणमइ सिय
णो एयइ जाव णो परिणमइ, सिय देसे एयइ देसे नो एयइ । तिपएसिए णं
भंते ! खंधे एयइ ? , गोयमा ! सिय एयइ सिय नो एयइ, सिय देसे एयइ नो
देसे एयइ सिय देसे एयइ नो देसा एयंति सिय देसा एयंति नो देसे एयइ । चउप्प-
एसिए णं भंते ! खंधे एयइ ? , गोयमा ! सिय एयइ सिय नो एयइ सिय देसे

एयइ णो देसे एयइ सिय देसे एयइ णो देसा एयंति सिय देसा एयंति नो देसे
 एयइ सिय देसा एयंति नो देसा एयंति जहा चउप्यदेसिओ तहा पंचपदेसिओ
 तहा जाव अणंतपदेसिओ ॥ २१२ ॥ परमाणुपोग्गले णं भंते ! अस्सिधारं वा खुर-
 धारं वा ओगाहेज्जा ?, हुंता ! ओगाहेज्जा ! से णं भंते ! तत्थ छिज्जेज्ज वा भिज्जेज्ज
 वा ?, गोयमा ! णो तिण्ठे समय्ठे, नो खलु तत्थ सत्थं कम्मइ, एवं जाव असंखेज्ज-
 पएसिओ । अणंतपदेसिए णं भंते ! खंधे अस्सिधारं वा खुरधारं वा ओगाहेज्जा ?,
 हुंता ! ओगाहेज्जा, से णं तत्थ छिज्जेज्ज वा भिज्जेज्ज वा ?, गोयमा ! अत्येयइए
 छिज्जेज्ज वा भिज्जेज्ज वा अत्येयइए नो छिज्जेज्ज वा नो भिज्जेज्ज वा, एवं अग्णि-
 कायस्स मज्झमज्जेणं तहिं णवरं झियाएज्जा भाणियब्बं, एवं पुक्खलसंबवट्ठस्स
 महामहेस्स मज्झमज्जेणं तहिं उल्ले सिया, एवं गंगाए महाणईए पडिसोयं ह्वब्बमा-
 गच्छेज्जा, तहिं विणिहायमावजेज्जा, उदगावत्तं वा उदगविंदुं वा ओगाहेज्जा से णं
 तत्थ परियावजेज्जा ॥ २१३ ॥ परमाणुपोग्गले णं भंते ! किं सअद्धं समज्जे सप-
 पसे ? उदाहु अणद्धं अमज्जे अपएसे !, गोयमा ! अणद्धं अमज्जे अपएसे नो सअद्धे
 नो समज्जे नो सपएसे ॥ दुपदेसिए णं भंते ! खंधे किं सअदे समज्जे सपदेसे उदाहु
 अणद्धं अमज्जे अपएसे ?, गोयमा ! सअदे अमज्जे सपदेसे णो अणद्धे णो समज्जे
 णो अपदेसे । तिपदेसिए णं भंते ! खंधे पुच्छा, गोयमा ! अणद्धे समज्जे सपदेसे
 नो सअदे णो अमज्जे णो अपदेसे, जहा दूपदेसिओ तहा जे समा ते भाणियब्बा,
 जे विगमा ते जहा तिपएसिओ तहा भाणियब्बा । संखेज्जपदेसिए णं भंते ! खंधे किं
 सअद्धं ? पुच्छा, गोयमा ! सिय सअदे अमज्जे सपदेसे सिय अणद्धे समज्जे सप-
 देसे जहा संखेज्जपदेसिओ तहा असंखेज्जपदेसिओऽपि अणंतपदेसिओऽपि ॥ २१४ ॥
 परमाणुपोग्गले णं भंते ! परमाणुपोग्गलं फुसमाणे किं देसेणं देसं फुसइ १ देसेणं
 देसे फुसइ २ देसेणं सव्वं फुसइ ३ देसेहिं देसं फुसइ ४ देसेहिं देसे फुसइ ५
 देसेहिं सव्वं फुसइ ६ सव्वेणं देसं फुसइ ७ सव्वेणं देसे फुसइ ८ सव्वेणं सव्वं
 फुसइ ९ ?, गोयमा ! णो देसेणं देसं फुसइ णो देसेणं देसे फुसइ णो देसेणं सव्वं
 फुसइ णो देसेहिं देसं फुसइ नो देसेहिं देसे फुसइ नो देसेहिं सव्वं फुसइ णो
 सव्वेणं देसं फुसइ णो सव्वेणं देसे फुसइ सव्वेणं सव्वं फुसइ, एवं परमाणुपोग्गले
 दूपदेसियं फुसमाणे सत्तमणबभेहिं फुसइ, परमाणुपोग्गले तिपएसियं फुसमाणे
 णिप्यच्छिमएहिं तिहिं फु०, जहा परमाणुपोग्गले तिपएसियं फुसाविओ एवं फुसावे-
 यवो जाव अणंतपएसिओ ॥ दुपएसिए णं भंते ! खंधे परमाणुपोग्गलं फुसमाणे
 पुच्छा, तइयनबभेहिं फुसइ, दुपदेसियं फुसमाणो पडमतइयसत्तमणबभेहिं फुसइ,

दुपदेसिओ तिपदेसियं फुसमाणो आदिङ्गएहि य पच्छिङ्गएहि य तिहिं फुसइ, मज्झि-
मएहिं तिहिं विपडिसेहेयव्वं, दुपदेसिओ जहा तिपदेसियं फुसाविओ एवं फुसावेयव्वो
जाव अणंतपएसियं । तिपएसिए णं भंते ! स्वंधे परमाणुपोग्गलं फुसमाणे पुच्छा,
तइयल्लट्टणवमेहिं फुमइ, तिपएसिओ दुपएसियं फुसमाणो पढमएणं तडएणं चउ-
त्थल्लट्टमत्तमणवमेहिं फुसइ, तिपएसिओ तिपएसियं फुसमाणो मव्वेसुवि ठाणेइ
फुसइ, जहा तिपएसिओ तिपदेसियं फुसाविओ एवं तिपदेसिओ जाव अणंतपएसि-
एणं संजोएयव्वो, जहा तिपएसिओ एवं जाव अणंतपएसिओ भाणियव्वो ॥ २१५ ॥
परमाणुपोग्गले णं भंते ! कालओ केवच्चिरं होइ !, गोयमा ! जहजेणं एगं समयं
उक्कोसेणं असंखेज्जं कालं, एवं जाव अणंतपएसिओ । एगपदेसोगाटे णं भंते !
पोग्गले सेए तम्मि वा ठाणे अत्तमि वा ठाणे कालओ केवच्चिरं होइ !, गोयमा !
जह० एगं समयं उक्को० आबलियाए असंखेज्जइभागं, एवं जाव असंखेज्जपदेसो-
गाटे । एगपदेसोगाटे णं भंते ! पोग्गले निरेए कालओ केवच्चिरं होइ !, गोयमा !
जहजेणं एगं समयं उक्कोसेणं असंखेज्जं कालं, एवं जाव असंखेज्जपदेसोगाटे । एग-
गुणकालए णं भंते ! पोग्गले कालओ केवच्चिरं होइ !, गोयमा ! जह० एगं समयं
उ० असंखेज्जं कालं एवं जाव अणंतगुणकालए, एवं वज्जगंधरमफास० जाव अणंत-
गुणल्लक्ये, एवं सुहुमपरिणए पोग्गले एवं बायरपरिणए पोग्गले । महपरिणए ण
भंते ! पोग्गले कालओ केवच्चिरं होइ !, गोयमा ! ज० एगं समयं उ० आबलियाए
असंखेज्जइभागं, असहपरिणए जहा एगगुणकालए ॥ परमाणुपोग्गलस्स णं भंते !
अतरं कालओ केवच्चिरं होइ !, गोयमा ! जहजेणं एगं समयं उक्कोसेणं असंखेज्जं
कालं, दुपएसियस्स णं भंते ! स्वंधस्स अंतरं कालओ केवच्चिरं होइ !, गोयमा !
जहजेणं एगं समयं उक्कोसेणं अणंतं कालं, एव जाव अणंतपएसिओ । एगपएसो-
गाडस्स णं भंते ! पोग्गलस्स सेयस्स अंतरं कालओ केवच्चिरं होइ !, गोयमा !
जहजेणं एगं समयं उक्कोसेणं असंखेज्जं कालं, एवं जाव असंखेज्जपएसोगाटे । एग-
पएसोगाडस्स णं भंते ! पोग्गलस्स निरेयस्स अंतरं कालओ केवच्चिरं होइ !,
गोयमा ! जहजेणं एगं समयं उक्कोसेणं आबलियाए असंखेज्जइभागं, एवं जाव असं-
खेज्जपएसोगाटे । वज्जगंधरमफाससुहुमपरिणयबायरपरिणयागं एएसिं जं वेव संक्कि-
ट्ठणा तं चैव अतरंपि भाणियव्वं । सहपरिणयस्स णं भंते ! पोग्गलस्स अंतरं
कालओ केवच्चिरं होइ !, गोयमा ! जहजेणं एगं समयं उक्कोसेणं असंखेज्जं कालं ।
असहपरिणयस्स णं भंते ! पोग्गलस्स अंतरं कालओ केवच्चिरं होइ !, गोयमा !
जहजेणं एगं समयं उक्कोसेणं आबलियाए असंखेज्जइभागं ॥ २१६ ॥ एयस्स णं

भंते ! द्रव्यद्राणाउयस्स खेतद्राणाउयस्स भोगाहणद्राणाउयस्स भावद्राणाउयस्स
 कयरे २ जाव विसेसाहिया वा ? गोयमा ! सव्वत्थोवे खेतद्राणाउए ओगाहणद्रा-
 णाउए असंखेज्जगुणे द्रव्यद्राणाउए असंखेज्जगुणे भावद्राणाउए असंखेज्जगुणे-
 खेतोगाहणदब्बे भावद्राणाउयं च अप्पबहुं । खेतं सव्वत्थोवे सेमा ठाणा अस-
 खेज्जा ॥ १ ॥ २१७ ॥ नेरइया णं भंते ! किं सारंभा सपरिग्गहा उदाहु अणारंभा
 अपरिग्गहा ? गोयमा ! नेरइया सारंभा सपरिग्गहा नो अणारंभा णो अपरि-
 ग्गहा । से केणट्ठेणं जाव अपरिग्गहा ? गोयमा ! नेरइया णं पुढविकार्यं समारंभंति
 जाव तसकयं समारंभंति मरीरा परिग्गहिया भवंति कम्मा परिग्गहिया भवंति
 मच्चित्ताच्चित्तमासयाईं दब्बाईं परि० भ०, से नेणट्ठेणं नं चेव । असुरकुमारा णं
 भंते ' किं सारंभा ४ ! पुच्छा, गोयमा ! असुरकुमारा सारंभा सपरिग्गहा नो अणा-
 रंभा अप० । से केणट्ठेणं ? गोयमा ! असुरकुमारा णं पुढविकार्यं समारंभंति
 सव्व तसकयं समारंभंति मरीरा परिग्गहिया भवंति कम्मा परिग्गहिया भवंति
 मवणा परि० भवंति देवा देवीओ मणुस्सा मणुस्सीओ तिरिक्खजोणिया तिरिक्ख-
 जोणियाओ परिग्गहियाओ भवंति आसणसयणभंडमत्तोवगरणा परिग्गहिया भवंति
 मच्चित्ताच्चित्तमासयाईं दब्बाईं परिग्गहियाईं भवंति से नेणट्ठेणं तद्देव एवं जाव
 णियवमारा । एगिहिया जहा नेरइया । वेडंदिवा णं भंते ! किं सारंभा सपरि-
 ग्गहा नं चेव जाव मरीरा परिग्गहिया भवंति बाहिरिया भंडमत्तोवगरणा परि०
 भवंति मच्चित्ताच्चित्त० जाव भवंति एवं जाव चउरिंदिया । पंचेदियंतिरिक्खजोणिया
 णं भंते ! न चेव जाव कम्मा परि० भवन्ति टंका कूडा सेला सिहरी पच्चारा
 परिग्गहिया भवंति जलधलधिलगुहालेणा परिग्गहिया भवंति उज्जरनिज्जरचिक्ख-
 ल्लवपिणा परिग्गहिया भवंति अगइतडागदहनइंओ वाविपुक्खरिणीवीहिया
 पजालिया सरा सरपंतियाओ सरसरपंतियाओ बिलपंतियाओ परिग्गहियाओ भवंति
 आगमुज्जाणा कणणा वणाइं वणसंडाईं वणगइंओ परिग्गहियाओ भवन्ति देवउ-
 ल्लभापवाथूभास्साइयपरिस्साओ परिग्गहियाओ भवंति पागारइल्लमच्चरियदारगो-
 पुरा परिग्गहिया भवंति पसायधरसरणलेणभात्तणा परिग्गहिया भवंति पिंघाडगत-
 गचउल्लवचरचउम्मुइमहापहा परिग्गहिया भवंति सगडरइजाणमुग्गगिक्खिचिक्खि-
 यसंदमाणियाओ परिग्गहियाओ भवंति लोहीलोहकडाइकडुच्चुया परिग्गहिया
 भवंति भवणा परिग्गहिया भवंति देवा देवीओ मणुस्सा मणुस्सीओ तिरिक्खजो-
 णिया तिरिक्खजोणियाओ आसणसयणभंडमत्तचित्ताच्चित्तमासयाईं दब्बाईं परि-
 ग्गहियाईं भवंति से तेणट्ठेणं, (जहा) तिरिक्खजोणिया नह मणुस्साहि

भाषियञ्वा, बाणमंतरजोडसवेमाणिया अहा भवणवासी तहा नेयञ्वा ॥ २१८ ॥
 पंच हेऊ पण्णत्ता, तंजहा-हेउं जाणइ हेउं पासइ हेउं बुज्जइ हेउं अभिसमाग-
 च्छइ हेउं छउमत्थमरणं मरइ ॥ पंच हेऊ प०, तंजहा-हेउणा जाणइ जाव
 हेउणा छउमत्थमरणं मरइ ॥ पंच हेऊ पण्णत्ता, तंजहा-हेउं न जाणइ जाव हेउं
 अण्णमरणं मरइ ॥ पंच हेऊ पण्णत्ता, तंजहा-हेउणा ण जाणइ जाव हेउणा अण्णम-
 मरणं मरइ ॥ पंच अहेऊ पण्णत्ता, तंजहा-अहेउं जाणइ जाव अहेउं केवलिमरणं
 मरइ ॥ पंच अहेऊ पण्णत्ता, तंजहा-अहेउणा जाणइ जाव अहेउणा केवलिमरणं
 मरइ ॥ पंच अहेऊ पण्णत्ता, तंजहा-अहेउं न जाणइ जाव अहेउं छउमत्थमरणं
 मरइ ॥ पंच अहेऊ पण्णत्ता, तंजहा-अहेउणा न जाणइ जाव अहेउणा छउमत्थमरणं
 मरइ । तेवं मंते ! २ ति ॥ २१९ ॥ **पंचमे सए सत्तमो उडेसो समत्तो ॥**

तेणं कालेणं २ जाव परिसा पडिगया, तेणं कालेणं २ समणस्स ३ जाव अंत-
 वासी नारयपुत्ते नामं अणगारे पगइभए जाव विहरइ, तेणं कालेणं २ समणस्स
 ३ जाव अंतवासी नियंतिपुत्ते णामं अण० पगइभए जाव विहरइ, नए णं से
 नियंतिपुत्ते अण० जेणामेव नारयपुत्ते अणगारे तेणेव उवागच्छइ २ नारयपुत्तं
 अण० एवं वयासी-मव्वा पोगगला ते अज्जो ! किं मअह्वा ममज्जा सपएसा उदाहृ
 अणह्वा अमज्जा अपएसा ?, अज्जोति नारयपुत्ते अणगारे नियंतिपुत्तं अणगारं एवं
 वयासी-सव्वपोगगला मे अज्जो ! मअह्वा ममज्जा मपदेसा नो अणह्वा अमज्जा
 अपएसा, तए णं से नियंतिपुत्ते अणगारे नारयपुत्तं अ० एवं वदासी-जइ णं
 ते अज्जो ! सव्वपोगगला सअह्वा ममज्जा मपदेसा नो अणह्वा अमज्जा अपदेसा
 किं दव्वादेसेणं अज्जो ! सव्वपोगगला सअह्वा ममज्जा मपदेसा नो अणह्वा अमज्जा
 अपदेसा ? खेत्तादेसेणं अज्जो ! सव्वपोगगला सअह्वा ममज्जा सपएसा तहेव चंभ,
 कालादेसेणं नं चंभ, भावादेसेणं अज्जो ! तं चंभ, तए णं से नारयपुत्ते अणगारे
 नियंतिपुत्तं अणगारं एवं वदासी-दव्वादेसेणवि मे अज्जो ! सव्वपोगगला सअह्वा
 ममज्जा मपदेसा नो अणह्वा अमज्जा अपदेसा खेत्ताएमेणवि सव्वे पोगगला
 सअह्वा नह चंभ कालादेसेणवि, तं चंभ भावादेसेण वि । तए णं से नियंतिपुत्तं
 अण० नारयपुत्तं अणगारं एवं वयासी-जइ णं अज्जो ! दव्वादेसेणं सव्वपोगगला
 सअह्वा ममज्जा मपएसा नो अणह्वा अमज्जा अपएसा, एवं ते परमाणुपोगगलेनं
 मअह्वा ममज्जे मपएसे णो अणह्वा अमज्जे अपएसे, जइ णं अज्जो ! खेत्तादेसेणवि
 सव्वपोगगला सअ० ३ जाव एवं ते एणपएसेगाडेवि पोगगळे सअह्वा ममज्जे सप-
 एसे, जइ णं अज्जो ! कालादेसेणं सव्वपोगगला सअह्वा ममज्जा सपएसा, एवं

ते एगसमयटिईएवि पोगगळे ३ तं चेष, जइ णं अज्जो ! भावादेसेणं सव्वपोगगला सअण्णा समज्जा सपएसा, एवं ते एगगुणकालएवि पोगगळे सज० ३ तं चेष, अह ते एवं न भवइ तो जं वयासि दव्वादेसेणवि सव्वपोगगला सअ० ३ नो अण्णा अमज्जा अपदेसा एवं खेत्तादेसेणवि काला० भावादेसेणवि तणं मिच्छा, तए णं से नारयपुत्ते अणगारे नियंठिपुत्तं अ० एवं वयासी-नो खल्ल वयं देवा० एयमट्टं जाणामो पासामो, जइ णं देवा० नो गिलायंति परिकहितए तं इच्छामि णं देवा० अंतिए एयमट्टं सोक्खा निसम्म जाणितए, तए णं से नियंठिपुत्ते अणगारे नारयपुत्तं अणगारं एवं वयासी-दव्वादेसेणवि मे अज्जो सव्वे पोगगला सपदेसावि अपदेसावि अणंता खेत्तादेसेणवि एवं चेष कालादेसेणवि भावादेसेणवि एवं चेष ॥ जे दव्वओ अपदेसे मे खेत्तओ नियमा अपदेसे कालओ सिय सपदेसे सिय अपदेसे भावओ सिय सपदेसे सिय अपदेसे । जे खेत्तओ अपदेसे से दव्वओ सिय सपदेसे सिय अपदेसे कालओ भयणाए भावओ भयणाए । जहा खेत्तओ एवं कालओ भावओ ॥ जे दव्वओ सपदेसे से खेत्तओ सिय सपदेसे सिय अपदेसे, एवं कालओ भावओवि, जे खेत्तओ सपदेसे से दव्वओ नियमा सपदेसे कालओ भयणाए भावओ भयणाए जहा दव्वओ नहा कालओ भावओवि ॥ एएस्ति णं जने पोगगलाणं दव्वादेसेणं खेत्तादेसेणं कालादेसेणं भावादेसेणं सपदेसाणं य अपदेसाणं य कयरे २ जाव विसेसाहिया वा ? नारयपुत्ता ! सव्वत्थोवा पोगगला भावादेसेणं अपदेसा कालादेसेणं अपदेसा असंखेज्जगुणा दव्वादेसेणं अपदेसा असंखेज्जगुणा खेत्तादेसेणं अपदेसा असंखेज्जगुणा खेत्तादेसेणं चेष सपदेसा असंखेज्जगुणा दव्वादेसेणं सपदेसा विसेसाहिया कालादेसेणं सपदेसा विसेसाहिया भावादेसेणं सपदेसा विसेसाहिया । तए णं से नारयपुत्ते अणगारे नियंठिपुत्तं अणगारं वंदइ नमंसइ नियंठिपुत्तं अणगारे वंदित्ता नमंसित्ता एयमट्टं सम्मं विणएणं भुत्तो २ खामेइ २ ता संजमेणं तवसा जप्पाणं भावेमाणे विहरइ ॥ २२० ॥ भन्तेति भगवं गोयमे जाव एवं वयासी-जीवा णं भंते ! किं वहुंति हायंति अबट्ठिया ? गोयमा ! जीवा णो वहुंति नो हायंति अबट्ठिया । नेरइया णं भंते ! किं वहुंति हायंति अबट्ठिया ? गोयमा ! नेरइया वहुंतिवि हायंतिवि अबट्ठियावि, जहा नेरइया एवं जाव वेमाणिया । सिद्धा णं भंते ! पुच्छा, गोयमा ! सिद्धा वहुंति नो हायंति अबट्ठियावि ॥ जीवा णं भंते ! केवइयं कालं अबट्ठिया [वि] ? सव्वइ । नेरइया णं भंते ! केवइयं कालं वहुंति ? गोयमा ! ज० एणं समयं उज्जो० आवडिणाए असंखेज्जइमानं, एवं हायंति, नेरइया णं भंते ! केवइयं कालं अबट्ठिया ?

गोयमा ! जहणेणं एगं समयं उक्को० चउव्वीसं मुहुत्ता, एवं सत्तसुवि पुहवीसु ववुंति हायंति भाणियव्वं, नवरं अवट्टिएसु इमं नाणत्तं, तंजहा-रयणप्पभाए पुढ-बीए अडत्तालीस मुहुत्ता सक्कर० चोइस राइदियाई वालु० मासं पंक० दो मासा धूम० चत्तारि मासा तमाए अट्ट मागा तमतमाए बारस मासा । असुरकुमारावि ववुंति हायंति जहा नेरउया, अवट्टिया जह० एगं समयं उक्को० अट्टचत्तालीसं मुहुत्ता, एवं दसाविहावि, एगिदिया ववुंतिवि हायंतिवि अवट्टियावि, एएहिं तिहिंवि जहणेणं एक्कं समयं उक्को० आबलियाए असंखेज्जइभागं, बेईदिया ववुंति हायंति तहेव, अवट्टिया ज० एक्कं समयं उक्को० दो अंतोमुहुत्ता, एवं जाव चउरिदिया, अवसेमा सव्वे ववुंति हायंति तहेव, अवट्टियाणं णाणत्तं इमं, तं०-संमुच्छिममण्यि-दियतिरिक्खजोणियाणं दो अंतोमुहुत्ता, गम्भवक्कंतियाणं चउव्वीसं मुहुत्ता, समु-च्छिममणुस्साणं अट्टचत्तालीसं मुहुत्ता, गम्भवक्कंतिमणुस्साणं चउव्वीसं मुहुत्ता, वाणसेतरजोउसमोहम्मामाणेषु अट्टचत्तालीसं मुहुत्ता, मणकुमारे अट्टारम राइ-दियाई चत्तालीस य मुहुत्ता, माहिंटे चउवीसं राइदियाई वीस य मु०, बंभलोए पंचचत्तालीसं राइदियाई, लेताए नउउ राइदियाई, महाक्कः माट्टि राइदियसयं, सहस्सारे दो राइदियमयाई, आणयपाणयाणं संखेज्जा मासा, आणययाणं संखे-जाई वासाई, एवं गेवेज्जेवाणं विजयंजयंतजयंतअपरजियाणं असंखेज्जाई वाम-सहस्साई, मव्वट्टसिडे य पत्तिओवमस्स असंखेज्जइभागो, एवं भाणियव्वं, ववुंति हायंति जह० एक्कं समयं उ० आबलियाए असंखेज्जइभागं, अवट्टियाणं जं अणियं । सिद्धा णं भंते ! केवइयं कालं ववुंति !, गोयमा ! जह० एक्कं समयं उक्को० अट्ट समयया, केवइयं कालं अवट्टिया ?, गोयमा ! जह० एक्कं समयं उक्को० छम्मासा ॥ जीवा णं भंते ! किं सोवचया मावचया सोवचयसावचया निरुवचयनिरवचया ?, गोयमा ! जीवा णो सोवचया नो मावचया णो सोवचयसावचया निरुवचयनिर-वचया । एगिदिया तउयए, सेमा जीवा चउहिंवि पएहिंवि भाणियव्वा, सिद्धा णं भंते ! पुच्छा, गोयमा ! सिद्धा सोवचया णो मावचया णो सोवचयसावचया निरु-वचयनिरवचया । जीवा णं भंते ! केवइयं कालं निरुवचयनिरवचया ?, गोयमा ! सव्वदं, नेरइया णं भंते ! केवइयं कालं सोवचया ?, गोयमा ! जह० एक्कं समयं उ० आबलियाए असंखेज्जइभागं । केवइयं कालं मावचया ? एवं खेव । केवइयं कालं सोवचयसावचया ?, एवं खेव । केवइयं कालं निरुवचयनिरवचया ?, गोयमा ! ज० एक्कं समयं उक्को० बारसमु० एगिदिया सव्वे सोवचयसावचया सव्वदं सेया सव्वे सोवचयावि सावचयावि सोवचयसावचयावि निरुवचयनिरवचयावि जहणेणं

एगं समयं उक्त्रोसेणं आवलियाए असंखेज्जटभागं अवट्टिएहिं वक्कंतियकालो भाणियव्वो
 सिद्धा णं भंते ! केवइयं कालं सोवचया ? , गोयमा ! जह० एकं समयं उक्त्रो० अट्ट
 समयया, केवइयं कालं निख्वचयनिरवचया ? , जह० एकं समयं उ० छम्मासा ।
 मेवं भंते ! २ ति ॥ २२१ ॥ पंचमसय अट्टमो उहेसो समसो ॥

तेणं कालेणं तेणं समएणं जाव एवं वयासी-किमिदं भंते ! नगरं रायगिहंति
 पवुच्चइ ? , किं पुटवी नगरं रायगिहंति पवुच्चइ, आरु नगरं रायगिहंति पवुच्चइ ?
 जाव वणस्सइ ? , जहा एयणुहेमए पंचिदियतिरिक्खजोणियाणं वत्तव्वया तहा भाणि-
 यव्वं जाव मच्चिणाच्चित्तमीमयाइं दव्वाइं नगरं रायगिहंति पवुच्चइ ? , गोयमा ! पुट-
 वीवि नगरं रायगिहंति पवुच्चइ जाव मच्चिणाच्चित्तमांसियाइं दव्वाइं नगरं रायगिहंति
 पवुच्चइ । से केणट्टेणं ? , गोयमा ! पुटवी जीवाइय अजीवाइय नगरं रायगिहंति
 पवुच्चइ जाव मच्चिणाच्चित्तमींसियाइं दव्वाइं जीवाइय अजीवाइय नगरं रायगिहंति
 पवुच्चइ से तेणट्टेणं नं चव ॥ २०० ॥ से नृणं भंते ! दिया उज्जोए राइ अंध-
 यारे ? , हंता गोयमा ! जाव अंधयारे । से केणट्टेणं ? , गोयमा ! दिया सुभा
 पोग्गला सुभे पोग्गलपरिणामे राइं अनुभा पोग्गला अनुभे पोग्गलपरिणामे से
 तेणट्टेणं ? , नेरइयाणं भंते ! किं उज्जोए अंधयारे ? , गोयमा ! नेरइयाणं ने
 उज्जोए अंधयारे, से केणट्टेणं ? , गोयमा ! नेरइयाणं असुहा पोग्गला अनुभे पोग्ग-
 लपरिणामे से तेणट्टेणं ? , असुरकुमारारणं भंते ! किं उज्जोए अंधयारे ? , गोयमा !
 असुरकुमारारणं उज्जोए नो अंधयारे । से केणट्टेणं ? , गोयमा ! असुरकुमारारणं सुभा
 पोग्गला सुभे पोग्गलपरिणामे, से तेणट्टेणं एवं खुच्चइ, एवं जाव थणिकुमारारणं,
 पुट्टविकाइया जाव तेइदिया जहा नेरइया । चउरिदियाणं भंते ! किं उज्जोए अंध-
 यारे ? , गोयमा ! उज्जोएवि अंधयारेवि, से तेणट्टेणं ? , गोयमा ! चउरिदियाणं
 नुभासुभा पोग्गला सुभासुभे पोग्गलपरिणामे, से तेणट्टेणं एवं जाव मणुस्साणं ।
 वाणमेनरत्रोडसवेमणिया जहा अनुरकुमारा ॥ २२३ ॥ अत्थि णं भंते ! नेरइयाणं
 नत्थगयाणं एवं पच्चायइ-समयाइ वा आवलियाइ वा जाव ओसपिणीइ वा
 उस्सपिणीइ वा ? , णो तिणट्टे ममट्टे । से केणट्टेणं जाव समयाइ वा आवलियाइ
 वा ओसपिणीइ वा उस्सपिणीइ वा ? , गोयमा ! इहं तेसि माणं इहं तेसि पमाणं
 इहं तंति पण्णायइ, तंजहा-समयाइ वा जाव उस्सपिणीइ वा, से तेणट्टेणं जाव
 नो एवं पण्णायए, तंजहा-समयाइ वा जाव उस्सपिणीइ वा, एवं जाव पंचेदि-
 यतिरिक्खजोणियाणं, अत्थि णं भंते ! मणुस्साणं इहगयाणं एवं पच्चायइ, तंजहा-
 मयाइ वा जाव उस्सपिणीइ वा ? , हंता ! अत्थि । से केणट्टेणं ? गोयमा !

इहं तेसि माणं इहं चेव तेसि एवं पण्णायइ, तंजहा—समयाइ वा जाव उस्ताप्पिणीइ वा से तेणं वाणमंतरजोइसवेमाणियाणं जहा नेरइयाणं ॥ २२४ ॥ तेणं कालेणं २ पासावच्चिजा [ते] थेरा भगवंतो जेणेव समणे भगवं महावीरे तेणेव उवागच्छंति २ समणस्स भगवओ महावीरस्स अदूरसामंते ठिष्वा एवं वदासी—से नूणं भंते ! असखेजे लोए अणंता राइंदिया उप्पज्जिस्सु वा उप्पज्जंति वा उप्पज्जिस्संति वा विगच्छिस्सु वा विगच्छंति वा विगच्छिस्संति वा परिता राइंदिया उप्पज्जिस्सु वा ३ विगच्छिस्सु वा ३ इ, हंता अज्जो ! असखेजे लोए अणंता राइंदिया तं चेव, से केणट्टेणं जाव विगच्छिस्संति वा ?, से नूणं भंते ! अज्जो ! पासेणं अरहया पुरिसादाणिएणं सासए लोए बुइए अणाइए अणवदग्गे परिसे परियुडे हेट्ठा विच्छिण्णे मज्जे संखिते उप्पि विसाले अहे पलियकसंठिए मज्जे वरवइरविग्गहिए उप्पि उदमुइंगाकारसंठिए तेमि च णं गामयंसि लोणंसि अणादियंसि अणवदग्गसि परितंसि परियुडंसि हेट्ठा विच्छिण्णमि मज्जे सखितंसि उप्पि विसालंसि अहे पलियकसंठियंसि मज्जे वरवइरविग्गहियंसि उप्पि उदमुइंगाकारसंठियंसि अणता जीवघणा उप्पज्जिता २ निर्लीयंति परिता जीवघणा उप्पज्जिता ० निर्लीयंति मे नूणं भूए उप्पजे विगए परिणए अजंवेहिं लोक्कइ पलोक्कइ, जे लोक्कइ मे लोए ९, हंता भगवं [ते]!, से तेणट्टेणं अज्जो ! एवं बुच्चइ असखेजे तं चेव । तप्पभिइ च णं ते पासावच्चिजा थेरा भगवंतो समणं भगवं महावीरं पच्चभिजाणंति सव्वसुं सव्वदरिमि तए णं ते थेरा भगवंतो समणं भगवं महावीरं वंदंसि नमंसंति २ एवं वदासी—इच्छामि णं भंते ! तुच्चं अतिए चाउज्जामाओ धम्मामो पंचमहव्वइयं सप्पड्ढिमणं धम्मं उवसंपज्जिता णं विहरितए, अहासुइ देवाणुप्पिया ! मा पच्चिबंधं करेह, तए णं ते पासावच्चिजा थेरा भगवंतो जाव चरिमेहिं उस्तामनिस्सासेहिं सिद्धा जाव सव्वदुक्खप्पहीणा अत्थेगइया देवा देवलोएसु उववजा ॥ २२५ ॥ कइविहा णं भंते ! देवलोगा पण्णता ?, गोयमा ! चउच्चिहा देवलोगा पण्णता, तंजहा—भवणवासिवाणमंतरजोइसियवेमाणियभेएण, भवणवासी दसविहा वाणमंतरा अह्वविहा जोइसिया पंचविहा वेमाणिया दुविहा । गाहा—किमियं रायगिइति य उज्जेए अधयार समए य । पासतिवासि पुच्छा राइंदिय देवलोगा य ॥ १ ॥ सेवं भंते ! २ लि ॥ २२६ ॥ पंचमे सए नवमो उइसो समत्तो ॥

तेणं कालेणं तेणं समएणं चंपा नामं नयरी जहा पठमिओ उइमओ तहा नेक्खो एमोवि, नवरं चंदिमा भाणियव्वा ॥ २२७ ॥ पंचमे सए वसमो उइसो समत्तो ॥ पंचमं सयं समत्तं ॥

गाहा—वेयण १ आहार २ महस्त्वै य ३ सपएस ४ तमुए य ५ भविए ।
 ६ साली ७ पुहवी ८ कम्म ९ अन्नठत्थि १० दस छट्ठगंमि सए ॥ १ ॥ से नूणं
 भंते ! जे महावेयणे से महानिज्जरे जे महानिज्जरे से महावेदणे, महावेदणस्स य
 अप्पवेदणस्स य से सेए जे पसत्थनिज्जराए ? , हुंता गोयमा ! जे महावेदणे एवं
 चैव । छट्ठमत्तमात्तु णं भंते ! पुटवीसु नेरइया महावेयणा ? , हुंता ! महावेयणा, ते
 णं भंते ! समणेहितो निग्गंथेहितो महानिज्जराए ? , गोयमा ! णो तिणट्ठे समट्ठे,
 से केणट्ठेणं भंते ! एवं युच्चइ जे महावेदणे जाव पसत्थनिज्जराए ? , गोयमा ! से
 जहानामए—दुवै वत्था सिया, एगे वत्थे कइमारागरत्ते एगे वत्थे खंजणारागरत्ते एएसि
 णं गोयमा ! दोअं वत्थाणं कयरे वत्थे दुभोयतराए चैव दुबामतराए चैव दुपरिक-
 म्मताराए चैव कयरे वा वत्थे सुभोयतराए चैव सुबामतराए चैव सुपरिकम्मतराए
 चैव, जे वा से वत्थे कइमारागरत्ते जे वा से वत्थे खंजणारागरत्ते ! , भगवं ! तत्थ
 णं जे मे वत्थे कइमारागरत्ते मे णं वत्थे दुभोयतराए चैव दुबामतराए चैव दुपरि-
 कम्मतराए चैव, एवामेव गोयमा ! नेरइयाणं पावाइं कम्माइं गाढीकयाइं चिकणी-
 कयाइं (अ) सिट्ठिनीकयाइं खिन्नीभूयाइं भवन्ति सपगादंपि य णं ते वेयणं वेदंमाण
 णं महानिज्जरा णो महापज्जवमाणा भवन्ति, से जहा वा केइ पुरिसे अहिगरणे
 आउहेमाणे महया २ महेणं महया २ घोसेणं महया २ परंपराचाएणं णो संचाएइ
 नीमे अहिगारणीए अहावायरे पोगले परिमाडिणए एवामेव गोयमा ! नेरइ-
 याण पावाइं कम्माइं गाढीकयाइं जाव नो महापज्जवसाणा भवन्ति, भगवं ! तत्थ
 ते मे वत्थे खंजणारागरत्ते से णं वत्थे सुभोयतराए चैव सुबामतराए चैव सुपरिक-
 म्मताराए चैव, एवामेव गोयमा ! समणाणं निग्गंथाणं अहावायराइं कम्माइं सिट्ठि-
 नीकयाइं निट्ठियाइं कडाइं विपरिणामियाइं खिप्पामेव विदत्थाइं भवन्ति, जावइयं
 तयट्ठयंपि णं ते वेयणं वेदंमाण महानिज्जरा महापज्जवसाणा भवन्ति, से जहाना-
 मए—केइ पुरिसे सुद्धतणहत्थयं जायतेयंसि पक्खिवेज्जा से नूणं गोयमा ! से सुद्धे
 तणहत्थए जायतेयंसि पक्खित्ते ममाणे खिप्पामेव मसमसाविज्जइ ? , हुंता ! मसम-
 साविज्जइ, एवामेव गोयमा ! समणाणं निग्गंथाणं अहावायराइं कम्माइं जाव महा-
 पज्जवमाणा भवन्ति, से जहानामए केइ पुरिसे तत्तंसि अयकवडंसि उदगविइ जाव
 हुंता ! विदंममागच्छइ, एवामेव गोयमा ! समणाणं निग्गंथाणं जाव महापज्जवसाणा
 भवन्ति, से तेणट्ठेणं जे महावेदणे से महानिज्जरे जाव निज्जराए ॥ २२८ ॥ कइ-
 विहे णं भंते ! करवे पत्तो ? , गोयमा ! चउत्थिहे करणे पत्तो, तंजहा—अमकरवे
 वइकरणे कायकरणे कम्मकरणे । नेरइयाणं भंते ! कइविहे करणे पत्तो ? , गोयमा !

चउव्विहे पन्नते, तंजहा—मणकरणे वड्करणे कायकरणे कम्मकरणे ४ [चउ०], एवं पंचिदियाणं सव्वेस्मि चउव्विहे करणे पन्नते । एगिदियाणं दुविहे—कायकरणे य कम्मकरणे य, विगलेदियाणं ३—वड्करणे कायकरणे कम्मकरणे । नेरइयाणं भंते ! किं करणओ असायं वेयणं वेयंति अकरणओ असायं वेयणं वेदंति !, गोयमा ! नेरइयाणं करणओ असायं वेयणं वेयंति नो अकरणओ असायं वेयणं वेयंति, मे केणट्ठेणं०, ! गोयमा ! नेरइयाणं चउव्विहे करणे पन्नते, तंजहा—मणकरणे वड्करणे कायकरणे कम्मकरणे, इच्चेएणं चउव्विहेणं असुभेणं करणेणं नेरइया करणओ असायं वेयणं वेयंति नो अकरणओ, मे तेणट्ठेणं० । असुरकुमारारणं किं करणओ अकरणओ !, गोयमा ! करणओ नो अकरणओ, मे केणट्ठेणं० !, गोयमा ' असुरकुमारारणं चउव्विहे करणे पन्नते, तंजहा—मणकरणे वड्करणे कायकरणे कम्मकरणे, इच्चेएणं सुभेणं करणेणं असुरकुमारारणं करणओ सायं वेयणं वेयंति नो अकरणओ, एवं जाव थणियकुमारारणं । पुट्टविकाइयाण एवामेव पुच्छा, नवरं इच्चेएणं सुभानुभेणं करणेणं पुट्टविकाइया करणओ वेमायाए वेयणं वेयंति नो अकरणओ, ओरालियमरीग सव्वं सुभानुभेणं वेमायाए । देवा सुभेणं सायं वेयणं वेयन्ति ॥ २०९ ॥ जीवा णं भंते ' किं महावेयणा महानिज्जरा १ महावेदणा अप्पनिज्जरा २ अप्पवेदणा महानिज्जरा ३ अप्पवेदणा अप्पनिज्जरा ४ !, गोयमा ! अत्थेगइया जीवा महावेदणा महानिज्जरा १ अत्थेगइया जीवा महावेयणा अप्पनिज्जरा २ अत्थेगइया जीवा अप्पवेदणा महानिज्जरा ३ अत्थेगइया जीवा अप्पवेदणा अप्पनिज्जरा ४ । मे केणट्ठेणं० !, गोयमा ! पड्डिमापड्डिवज्जाए अणगारे महावेदणे महानिज्जरे छट्ठमत्तमासु पुट्टवीसु नेरइया महावेदणा अप्पनिज्जरा मेलेस्मि पड्डिवज्जाए अणगारे अप्पवेदणे महानिज्जरे अणुत्तरोववाइया देवा अप्पवेदणा अप्पनिज्जरा, सेवं भंते ! २ ति ॥—महवेदणे य वरथं कइमन्त्रंजणमए य अट्ठिगरणी । तणहन्थे य कव्वळे करण महावेदणा जीवा ॥ १ ॥ ॥२३०॥ सेवं भंते ! सेवं भंते ! ति ॥ छट्ठसयस्स पट्ठमो उहेसो समत्तो ॥ रायगिहं नगरं जाव एवं वयासी—आहाहेमो ओ पन्नवणाए मो सव्वो निरवसेमो जेयव्वो । सेवं भंते ! सेवं भंते ! ति ॥२३१॥ छट्ठे सए वीमो उहेसो समत्तो ॥ बहुकम्मवत्थयोगलपयोगमावीसमा य साइए । कम्मट्ठिइत्थिसंजय सम्महिट्ठी य सर्त्ता य ॥ १ ॥ भविए दंसण पज्जते भासअपरित नाणओगे य । उव्वओगा-हारगसुहुमचमिमबंधी य अण्णबहुं ॥ २ ॥ से नूर्णं भंते ! महाकम्मस्स महाकिरियस्स महासवस्स महावेदणस्स सव्वओ पोग्गला बज्जंति सव्वओ पोग्गला चिज्जंति सव्वओ पोग्गला उव्विज्जंति समा समियं च णं पोग्गला बज्जंति सया

समियं पोगगला चिञ्जंति सया समियं पोगगला उबचिञ्जंति सया समियं च णं तस्स
 आया दुक्खत्ताए दुक्खत्ताए दुग्ंधत्ताए दुरसत्ताए दुफासत्ताए अणिट्ठत्ताए अकंत०
 अप्पिय० अनुभ० अमणुज० अमणामत्ताए अणिकिञ्चयत्ताए अमिञ्चियत्ताए अह-
 ताए नो उक्खत्ताए दुक्खत्ताए नो मुहत्ताए भुजो २ परिणमंति ? , हुंता गोयमा !
 महाकम्मस्स तं चेव । से केणट्ठेण० ? , गोयमा ! से जहानामए-वत्थस्स अहवस्स
 वा धोयस्स वा तंतुगयस्स वा आणुपुब्बीए परिभुजमाणस्स सव्वओ पोगगला
 बज्जंति सव्वओ पोगगला चिञ्जंति जाव परिणमंति से तेणट्ठेण० । से नूणं भंते !
 अप्पासवस्स अप्पकम्मस्स अप्पकिरियस्स अप्पवेदणस्स सव्वओ पोगगला चिञ्जंति
 सव्वओ पोगगला चिञ्जंति सव्वओ पोगगला विद्धंसंति सव्वओ पोगगला परिविद्धंसंति
 सया समियं पोगगला भिञ्जंति सव्वओ पोगगला छिञ्जंति विद्धंसंति परिविद्धंसंति
 सया समियं च णं तस्स आया सुक्खत्ताए पसत्थं नेयत्वं जाव मुहत्ताए नो दुक्ख-
 ताए भुजो २ परिणमंति ? , हुंता गोयमा ! जाव परिणमंति । से केणट्ठेण० ? ,
 गोयमा ! से जहानामए-वत्थस्स जाञ्चियस्स वा पंक्रियस्स वा मइच्चियस्स वा रइक्कि-
 यस्स वा आणुपुब्बीए परिक्कम्मिजमाणस्स सुट्ठेणं वारिणा धोवेमाणस्स पोगगला
 भिञ्जंति जाव परिणमंति से तेणट्ठेण० ॥ २३२ ॥ वत्थस्स णं भंते ! पोगगलोवचए
 कि पओगसा वीससा ? , गोयमा ! पओगसावि वीससावि । जहा णं भंते ! वत्थस्स
 णं पोगगलोवचए पओगसावि वीससावि तहा णं जीवाणं कम्मोवचए कि पओगसा
 वीससा ? , गोयमा ! पओगसा नो वीससा, से केणट्ठेण० ? , गोयमा ! जीवाणं
 तिविहे पओगे पण्णत्ते, तजहा-मणप्पओगे वइ० का०, इत्थेएणं तिविहेणं पओगेणं
 जीवाणं कम्मोवचए पओगसा नो वीससा, एवं सव्वेसि पंचेदियाणं तिविहे पओगे
 मणियत्थे, पुट्ठिकाइयाणं एगविहेणं पओगेणं एवं जाव वणस्सइकाइयाणं, विग-
 ण्णियाणं दुविहे पओगे पण्णत्ते, तजहा-वइपओगे य कयप्पओगे य, इत्थेएणं
 दुविहेणं पओगेणं कम्मोवचए पओगसा नो वीससा, से एएणट्ठेणं जाव नो वीससा
 एव जस्स जो पओगो जाव वेमाणियाणं ॥ २३३ ॥ वत्थस्स णं भंते ! पोगगलो-
 वचए कि साइए सपज्जवत्तिए १ साइए अपज्जवत्तिए २ अणाइए सपज्ज० ३
 अणा० अप० ४ ? , गोयमा ! वत्थस्स णं पोगगलोवचए साइए सपज्जवत्तिए नो
 साइए अप० नो अणा० स० नो अणा० अप० । जहा णं भंते ! वत्थस्स
 पोगगलोवचए साइए सपज्ज० नो साइए अप० नो अणा० सप० नो अणा०
 अप० तहा णं जीवाणं कम्मोवचए पुच्छा, गोयमा ! अत्थेणइयाणं जीवाणं कम्मो-
 वचए साइए सपज्जवत्तिए अत्थे० अणाइए सपज्जवत्तिए अत्थे० अणाइए अप-

ज्ववसि ए नो चेव णं जीवाणं कम्मोवचए साइए अप० । से केण०?, गोयमा । इरियावहियाबंधयस्स कम्मोवचए साइए सप० भवसिद्धियस्स कम्मोवचए अणाइए सपज्ववसि ए अभवसिद्धियस्स कम्मोवचए अणाइए अपज्ववसि ए, से तेणट्टेणं गोयमा । एवं वुच्चइ अत्थे० जीवाणं कम्मोवचए साइए नो चेव णं जीवाणं कम्मोवचए साइए अपज्ववसि ए, वत्थे णं भंते ! किं माइए सपज्ववसि ए चउभंगो?, गोयमा ! वत्थे साइए सपज्ववसि ए अवसेसा तिष्ठिवि पड्डिसेहेयव्वा । जहा णं भंते ! वत्थे साइए सपज्ववसि ए नो साइए अपज्व० नो अणाइए सप० नो अणाइए अपज्ववसि ए तहा णं जीवाणं किं साइयं सपज्ववसिया ? चउभंगो पुच्छा, गोयमा ! अत्थेगइया साइया सपज्ववसिया चत्तारिवि भाणियव्वा । से केणट्टेणं?, गोयमा ! नेरइया तिरिक्खजोणिया मणुस्सा देवा गडरागइं पडुच्च माइया सपज्ववसिया सिद्धि (द्धा) गइं पडुच्च साइया अपज्ववसिया, भवसिद्धिया लद्धि पडुच्च अणाइया सपज्ववसिया अभवसिद्धिया संसारं पडुच्च अणाइया अपज्ववसिया, से तेणट्टेणं ॥ २३४ ॥ कइ णं भंते ! कम्मप्पगढीओ पण्णत्ताओ?, गोयमा ! अट्ट कम्मप्पगढीओ प०, तज्जहा-णाणावरणिज्जं दरिमणावरणिज्जं जाव अंतराइयं । नाणावरणिज्जस्स णं भंते ! कम्मस्स केवइयं कालं बंधटिइं प०?, गोयमा ! जह० अंतोमुहुत्तं उल्लो० तीसं सागरोवमकोडाकोडीओ तिच्चि य वाममहस्साइं अबाहा अबाहणिया कम्मट्ठिइं कम्मनिसेओ, तवं दरिमणावरणिज्जंपि, वेदणिज्जं जह० दो समया उल्लो० जहा नाणावरणिज्जं, मोहणिज्जं जह० अंतोमुहुत्तं उल्लो० मत्तरि सागरोवमकोडाकोडीओ, मत्त य वाममहस्साणि अबाहा, अबाहणिया कम्मट्ठिइं कम्मनिसेओ, आउगं जहत्तेणं अंतोमुहुत्तं उल्लो० तेत्तीसं सागरोवमाणि पुब्बकोडिनिभागमच्चहियाणि, (पुब्बकोडिनिभागो अबाहा, अबाहणिया) कम्मट्ठिइं कम्मनिसेओ, नामगोयाणं जह० अट्ट मुहुत्ता उल्लो० वीसं सागरोवमकोडाकोडीओ दोण्णि य वाममहस्साणि अबाहा, अबाहणिया कम्मट्ठिइं कम्मनिसेओ, अंतराइयं जहा नाणावरणिज्जं ॥ २३५ ॥ नाणावरणिज्जं णं भंते ! कम्मं किं इत्थी बंधइ पुरिसो बंधइ नपुंसओ बंधइ ? जोइत्थी नोपुरिसो नोनपुंसओ बंधइ ? गोयमा ! इत्थीवि बंधइ पुरिसोवि बंधइ नपुंसओवि बंधइ नोइत्थी नोपुरिसो नोनपुंसओ सिय बंधइ सिय नो बंधइ एवं आउगवज्जाओ सत्त कम्मप्पगढीओ ॥ आउगं णं भंते ! कम्मं किं इत्थी बंधइ पुरिसो बंधइ नपुंसओ बंधइ० ? पुच्छा, गोयमा ! इत्थी सिय बंधइ सिय नो बंधइ, एवं तिच्चिभि भाणियव्वा, नोइत्थी नोपुरिसो नोनपुंसओ न बंधइ ॥ नाणावरणिज्जं णं भंते ! कम्मं किं संजए बंधइ असंजए० एवं संजयासंजए बंधइ

नोसंजएनोअसंजएनोसंजयासंजए बंधइ ?, गोयमा ! संजए सिय बंधइ सिय नो बंधइ असंजए बंधइ संजयासंजएवि बंधइ नोसंजएनोअसंजएनोसंजयासंजए न बंधइ, एवं आउगवजाओ सत्तवि, आउगे हेट्टिका तिक्कि भयणाए उवरिक्के ण बंधइ ॥

णाणावरणिज्जं णं अंते ' कम्मं किं सम्मदिट्ठी बंधइ मिच्छादिट्ठी बंधइ सम्मामिच्छ-
विट्ठी बंधइ ?, गोयमा ! सम्मदिट्ठी सिय बंधइ सिय नो बंधइ मिच्छदिट्ठी बंधइ
सम्मामिच्छदिट्ठी बंधइ, एवं आउगवजाओ सत्तवि, आउए हेट्टिका दो भयणाए
सम्मामिच्छदिट्ठी न बंधइ ॥ णाणावरणिज्जं किं सण्णी बंधइ असणी बंधइ नोलणी-
नोअमण्णी बंधइ ?, गोयमा ! मणी सिय बंधइ सिय नो बंधइ असणी बंधइ
नोमणीनोअमणी न बंधइ, एवं वेदणिजाउगवजाओ छ कम्मप्पगढीओ, वेदणिज्जं
हेट्टिका दो बंधति, उवरिक्के भयणाए, आउगं हेट्टिका दो भयणाए, उवरिक्के न
बंधट ॥ णाणावरणिज्जं कम्मं किं भवसिद्धिए बंधइ अभवसिद्धिए बंधइ नोभव-
सिद्धिएनोअभवसिद्धिए बंधइ ?, गोयमा ! भवसिद्धिए भयणाए अभवसिद्धिए बंधइ
नोभवसिद्धिएनोअभवसिद्धिए न बंधइ, एवं आउगवजाओ सत्तवि, आउगं हेट्टिका
दो भयणाए उवरिक्को न बंधइ ॥ णाणावरणिज्जं किं चक्कमुदमणी बंधइ अचक्क-
उमं ओट्टिदंमं केवलदंमं !, गोयमा ! हेट्टिका तिक्कि भयणाए उवरिक्के ण बंधइ,
एवं वेदणिज्जवजाओ सत्तवि, वेदणिज्जं हेट्टिका तिक्कि बंधति केवलदंमणी भयणाए ॥

णाणावरणिज्जं कम्मं किं पज्जत्तओ बंधइ अपज्जत्तओ बंधइ नोपज्जत्तएनोअपज्जत्तए
बंधट ?, गोयमा ! पज्जत्तए भयणाए, अपज्जत्तए बंधइ, नोपज्जत्तएनोअपज्जत्तए न
बंधइ, एवं आउगवजाओ, आउगं हेट्टिका दो भयणाए उवरिक्के ण बंधइ ॥ णाणा-
वरणिज्जं किं भासए बंधइ अभासए !, गोयमा ! दोवि भयणाए, एवं वेयणिज्ज-
वजाओ सत्त, वेदणिज्जं भासए बंधइ अभासए भयणाए ॥ णाणावरणिज्जं किं परित्ते
बंधइ अपरित्ते बंधइ नोपरित्तेनोअपरित्ते बंधइ ?, गोयमा ! परित्ते भयणाए अपरित्ते
बंधइ नोपरित्तेनोअपरित्ते न बंधइ, एवं आउगवजाओ सत्त कम्मप्पगढीओ, आउए
परित्तेवि अपरित्तेवि भयणाए, नोपरित्तेनोअपरित्ते न बंधइ ॥ णाणावरणिज्जं कम्मं
किं आभिन्निबोद्धियमाणी बंधइ सुयमाणी ओहिनाणी मणपज्जवनाणी केवलनाणी
बंधइ, गोयमा ! हेट्टिका चत्तारि भयणाए केवलनाणी न बंधइ, एवं वेदणिज्ज-
वजाओ सत्तवि, वेदणिज्जं हेट्टिका चत्तारि बंधति केवलनाणी भयणाए ॥ णाणावर-
णिज्जं किं मइअजाणी बंधइ सुयं विभंगं ?, गोयमा ! (सच्चेवि) आउगवजाओ
सत्तवि बंधति, आउगं भयणाए ॥ णाणावरणिज्जं किं मणजोगी बंधइ वबं कामं
अजोगी बंधइ ?, गोयमा ! हेट्टिका तिक्कि भयणाए अजोगी न बंधइ, एवं वेदणिज्ज-

वज्राओ, वेदणिजं हेट्टिजा बंधसि अजोगी न बंधइ ॥ णाणावरणिजं किं मागारो-
 वउत्ते बंधइ अगागारोवउत्ते बंधइ ?, गोयमा ! अट्टुत्तुवि भयणाए ॥ णाणावरणिजं
 किं आहारए बंधइ अणाहारए बंधइ ?, गोयमा ! दोवि भयणाए, एवं वेदणिज्जा-
 उगवज्जाणं छण्हं, वेदणिजं आहारए बंधइ अणाहारए भयणाए, आउए आहा-
 रए भयणाए, अणाहारए न बंधइ ॥ णाणावरणिजं किं सुहुमे बंधइ बायरे बंधइ
 नोसुहुमेनोबादरे बंधइ ?, गोयमा ! सुहुमे बंधइ बायरे भयणाए नोसुहुमेनोबादरे न
 बंधइ, एवं आउगवज्जाओ मत्तवि, आउए सुहुमे बायरे भयणाए नोसुहुमेनोबायरे ण
 बंधइ ॥ णाणावरणिजं किं चरिमे अचरिमे बं० ?, गोयमा ! अट्टुवि भयणाए ॥ २३६ ॥
 एएसि णं भंते ! जीवाणं इत्थिवेदगाणं पुरिसवेदगाणं नपुंसगवेदगाणं अवेयगाण
 य कयरे २ अप्पा वा ४ ?, गोयमा ! सव्वत्थांवा जीवा पुरिसवेदगा इत्थिवेदगा
 संखेज्जगुणा अवेदगा अणंनगुणा नपुंसगवेदगा अणंनगुणा ॥ एएसि सव्वेवि पदाणं
 अप्पवहुगाई उच्चारयेव्वाई जाव सव्वत्थोवा जीवा अचरिमा चरिमा अणंनगुणा ।
 सेवं भंते ! सेवं भंते ! ति ॥ २३७ ॥ छट्टुसए तइओ उइसो समणो ॥

जीवे णं भंते ! कालाएमेणं किं सपदेसे अपदेसे ?, गोयमा ! नियमा सपदेसे ।
 नेरइए णं भंते ! कालादेसेणं किं सपदेसे अपदेसे ?, गोयमा ! नियम सपदेसे सिय
 अपदेसे, एवं जाव सिद्धे । जीवा णं भंते ! कालादेसेणं किं सपदेसा अपदेसा ?,
 गोयमा ! नियमा सपदेसा । नेरइया णं भंते ! कालादेसेणं किं सपदेसा अपदेसा ?,
 गोयमा ! सव्वेवि ताव होज्जा सपदेसा १ अहवा सपदेसा य अपदेसे य २ अहवा
 सपदेसा य अपदेसा य ३, एवं जाव यणियकुमारा ॥ पुडविकाइया णं भंते ! किं
 सपदेसा अपदेसा ?, गोयमा ! सपदेसावि अपदेसावि, एवं जाव वणप्फइकाइया,
 मेमा जहा नेरइया तहा जाव सिद्धा ॥ आहारगाणं जीवेगांदियवज्जा नियमंगो,
 अणाहारगाणं जीवेगंदियवज्जा छब्भंगा एवं भाषियव्वा—सपदेसा वा १ अपएसा
 वा २ अहवा सपदेसे य अपदेसे य ३ अहवा सपदेसे य अपदेसा य ४ अहवा
 सपदेसा य अपदेसे य ५ अहवा सपदेसा य अपदेसा य ६, सिद्धेहिं तियमंगो,
 भवसिद्धिया अभवसिद्धिया [भवसिद्धिया] जहा ओहिया, नोभवसिद्धियनोअभ-
 वसिद्धिया जीवसिद्धेहिं तियमंगो, मण्णीहिं जीवादिओ तियमंगो, असण्णीहिं एमि-
 दियवज्जा तियमंगो, नेरइयदेवमणएहिं छब्भंगो, नोसांजनोअसक्खिजीवमणुयसिद्धेहिं
 तियमंगो मडेमा जहा ओहिया ॥ कण्ठेस्सा नीलकेस्सा काउकेस्सा जहा आहारओ
 नवरं जस्स आंथ एयाओ, तेउकेस्साए जीवादिओ तियमंगो, नवरं पुडविकाइएए
 आउवणप्फहेसु छब्भंगा, पण्ठकेसककेस्साए जीवादिओ तियमंगो, अकेवीहिं

जीवसिद्धेहिं तियभंगो मणुस्से(सु) छब्भंगा, सम्मदिट्ठीहिं जीवाइ(य)तियभंगो, विग-
लिदिण्णु छब्भंगा, मिच्छदिट्ठीहिं एगिदियवज्जो तियभंगो, सम्मामिच्छदिट्ठीहिं छब्भंगा,
संजएहिं जीवाइओ तियभंगो, असंजएहिं एगिदियवज्जो तियभंगो, संजयासंजएहिं तिय-
भंगो जीवादिओ, नोसं जयनो असं जयनो सं जयासं जय जीवसिद्धेहिं तियभंगो, मक्साईहिं
जीवादिओ तियभंगो, एगिदिण्णु अभंगयं, कोहकसाईहिं जीवएगिदियवज्जो तियभंगो,
देवेहिं छब्भंगा, माणकसाई मायाकसाई जंवेगिदियवज्जो तियभंगो, नेरइयदेवेहिं
छब्भंगा, लोभकसाईहिं जीवेगिदियवज्जो तियभंगो, नेरइण्णु छब्भंगा, अक्साईजी-
वमणुएहिं सिद्धेहिं तियभंगो, ओहियनाणे आभिणिज्जोहियनाणे म्यनाणे जीवादिओ
तियभंगो, विगलिदिण्णुहिं छब्भंगा, ओहिनाणे मण० केवन्नाणे जीवादिओ तियभंगो,
ओहिए अजाणे मडअण्णाणे म्यअण्णाणे एगिदियवज्जो तियभंगो, विभंगनाणे
तीवग्दिओ तियभंगो, सजोगी जहा ओहिओ, मणजोगी वयजोगी कायजोगी जीवा-
दिओ तियभंगो नवर कायजोगी एगिदिया तेसु अभंगयं, अजोगी जहा अल्लेमा,
नागारोवउत्ते अणागारोवउत्ते जीवएगिदियवज्जो तियभंगो, मवेयगा य जहा सक-
साई, इत्थिवेयगपुग्गिमवेयगनपुंसगवेयगेसु जीवादिओ तियभंगो, नवरं नपुंसगवेदे
एगदिण्णु अभंगयं, अव्येयगा जहा अक्साई, ममरीगी जहा ओहिओ, ओरालियवे-
त्तएवमरीगाणे जीवएगिदियवज्जो तियभंगो, आहारममरीरे जीवमणुएसु छब्भंगा,
तेपनकम्मगाणं जहा ओहिया, असरीरेहिं जीवसिद्धेहिं तियभंगो, आहारपज्जतीए
मरीरपज्जतीए इंदियपज्जतीए आणापाणुपज्जतीए जीवएगिदियवज्जो तियभंगो, भासा-
मणपज्जतीए जहा मण्णी, आहारअपज्जतीए जहा अणाहारगा, मरीरअपज्जतीए
इंदियअपज्जतीए आणापाणअपज्जतीए जीवेगिदियवज्जो तियभंगो, नेरइयदेवमणुएहिं
छब्भंगा, भासामणअपज्जतीए जीवादिओ तियभंगो, नेरइयदेवमणुएहिं छब्भंगा ॥

गाहा-सपदेसा आहारगभवियमच्चिच्छेस्सा दिट्ठी सजयकसाए । णाणे जोगुवओगे वेदे
व मरीरपज्जती ॥ १ ॥ २३८ ॥ जीवा णं भंते ! किं पक्कस्साणी अपक्कस्साणी
पक्कस्साणापक्कस्साणी ? गोयमा ! जीवा पक्कस्साणीवि अपक्कस्साणीवि पक्कस्सा-
णापक्कस्साणीवि । सव्वजीवाणं एवं पुच्छा, गोयमा ! नेरइया अपक्कस्साणी जाव
उत्तिदिया, सेमा वो पक्किसेहेयव्वा, पंचेदियत्तिरिक्खजोणिया नो पक्कस्साणी अप-
क्कस्साणीवि पक्कस्साणापक्कस्साणीवि, मणुस्सा तिक्खि, सेमा जहा नेरइया ॥
जीवा णं भंते ! किं पक्कस्साणं जाणंति अपक्कस्साणं जाणंति पक्कस्साणापक्कस्साणं
जाणंति ? गोयमा ! जे पंचेदिया ते तिक्खि जाणंति अक्खेसा पक्कस्साणं न जाणंति
३ ॥ जीवा णं भंते ! किं पक्कस्साणं कुर्वंति अपक्कस्साणं कुर्वंति पक्कस्साणापक्कस्साणं

ईओ चउरंसाओ 'पुव्वावरा छलंसा तंसा पुण दाहिणुत्तरा बज्जा । अब्भंतर (अवसेसा)चउरंसा सव्वावि य कण्हराईओ ॥ १ ॥' कण्हराईओ णं भंते ! केवइयं आयामेणं केवइयं विक्खंभेणं केवइयं परिक्खेवेणं पण्णत्ता ? गोयमा ! असंखेज्जाई जोयणसहस्साई आयामेणं असंखेज्जाई जोयणसहस्साई विक्खंभेणं असंखेज्जाई जोयणसहस्साई परिक्खेवेणं पण्णत्ताओ । कण्हराईओ णं भंते ! केमहालियाओ पण्णत्ता ? गोयमा ! अयण्णं जंबुदीवे २ जाव अ(ट्ठ)द्वमासं वीईवएज्जा अत्येगइयं कण्हराई वीईवएज्जा अत्येगइयं कण्हराई णो वीईवएज्जा, एमहालियाओ णं गोयमा ! कण्हराईओ पण्णत्ताओ । अत्थि णं भंते ! कण्हराईसु गेहाइ वा गेहावणाइ वा ?, नो तिणट्ठे समट्ठे । अत्थि णं भंते ! कण्हराईसु गामाइ वा० ?, णो तिणट्ठे समट्ठे । अत्थि णं भंते ! कण्ह० ओराला बलाहया संमुच्छंति ३ ?, हंता । अत्थि, तं भंते ! किं देवो प० ३ ?, गो० देवो पकरेइ नो सुरो नो नागो य । अत्थि णं भंते ! कण्हराईसु बादरे थणियसइे जहा ओराला तहा । अत्थि णं भंते ! कण्हराईए बादरे आउकाए बादरे अगणिकाए बायरे वणप्फइकाए ?, णो तिणट्ठे समट्ठे, पण्णत्थ विग्गहगइसमावन्नएणं । अत्थि णं० चंदिमसुरिय ४ प० ?, णो तिण० । अत्थि णं कण्ह० चंदाभाइ वा २ ?, णो तिणट्ठे समट्ठे । कण्हराईओ णं भंते ! केरिसियाओ वज्जेणं पन्नत्ताओ ?, गोयमा ! कालाओ जाव खिप्पामेव वीईवएज्जा । कण्हराईओ णं भंते ! कइ नामधेज्जा पण्णत्ता ? गोयमा ! अट्ठ नामधेज्जा पण्णत्ता, तंजहा-कण्हराइत्ति वा मेहराईइ वा मघावई(घे)इ वा माघवईइ वा वायफलिहेइ वा वायपलिक्खोभेइ वा देवफलिहेइ वा देवपलिक्खोभेइ वा, कण्हराईओ णं भंते ! किं पुढविपरिणामाओ आउपरिणामाओ जीवपरिणामाओ पोग्गलपरिणामाओ ?, गोयमा ! पुढविपरिणामाओ नो आउपरिणामाओ जीवपरिणामाओवि पोग्गलपरिणामाओवि । कण्हराईसु णं भंते ! सव्वे पाणा भूया जीवा सत्ता उववज्जपुव्वा ?, हंता गोयमा ! असई अदुवा अणंतखुत्तो नो चेव णं बादरआउकाइयत्ताए बादरअगणिकाइयत्ताए वा बादरवणप्फइकाइयत्ताए वा ॥ २४१ ॥ एएसि णं अट्ठण्हं कण्हराईणं अट्ठसु उवासतरेसु अट्ठ लोगंतियविमाणा पण्णत्ता, तंजहा-१ अच्ची २ अच्चिमाली ३ वइरोयणे ४ पमंकरे ५ चंदाभे ६ सूराभे ७ सुक्काभे ८ सुपइट्ठाभे ९ मज्जे रिट्ठाभे । कहि णं भंते ! अच्चिविमाणे प० ?, गोयमा ! उत्तरपुरच्छिमेणं, कहि णं भंते ! अच्चिमालिविमाणे प० ?; गोयमा ! पुरच्छिमेणं, एवं परिवाहीए नेयव्वं जाव कहि णं भंते ! रिट्ठे विमाणे पण्णत्ते ?, गोयमा ! बहुमज्जदेसमागे । एएसु णं अट्ठसु लोगंतियविमाणेसु अट्ठविहा लोगंतियदेवा परिवसंति, तंजहा-सारस्सयमाइवा वण्णी बरुणा

य गहतोया य । तुसिया अन्वाबाहा अग्निच्चा चेव रिद्धा य ॥ १ ॥ कहि णं भंते ! सारस्सया देवा परिवसंति ? , गोयमा ! अच्चिविमाणे परिवसंति, कहि णं भंते ! आइच्चा देवा परिवसंति ? , गोयमा ! अच्चिमालिविमाणे, एवं नेयव्वं जहाणुपुञ्जीए जाव कहि णं भंते ! रिद्धा देवा परिवसति ? , गोयमा । रिद्धविमाणे ॥ सारस्सयमा-इच्चाणं भंते ! देवाणं कइ देवा कइ देवसया पण्णत्ता ? , गोयमा । सत्त देवा सत्त देवसया परिवारो पण्णत्तो, वण्हीवरुणाणं देवाणं चउहस देवा चउहस देवसहस्सा परिवारो पण्णत्तो, गहतोयतुसियाणं देवाणं सत्त देवा सत्त देवसहस्सा पण्णत्ता, अवसेसाणं नव देवा नव देवसया पण्णत्ता—‘पढमजुगलम्मि सत्त उ सयाणि वीयंमि चोहससहस्सा । तइए सत्तसहस्सा नव चेव सयाणि सेसेसु ॥ १ ॥’ लोणंतियविमाणे णं भंते ! किपइट्टिया पण्णत्ता ? , गोयमा ! वाउपइट्टिया तदुभयपइट्टिया प०, एवं नेयव्वं—‘विमाणेणं पइट्टाणं बाहल्लुच्चत्तमेव संठाणं ।’ बंभलोयवत्तव्वया नेयव्वा [जहा जीवाभिगमे देवुइए] जाव हंता गोयमा ! असइं अदुवा अणंतखुत्तो । नो चेव णं देवित्ताए । लोणंतियविमाणेसु णं भंते ! केवइयं कालं ठिई पण्णत्ता ? , गोयमा ! अट्ट सागरोवमाइं ठिई पण्णत्ता । लोणंतियविमाणेहिंतो णं भंते ! केवइयं अबाहाए लोणंते पण्णत्ते ! , गोयमा ! असखेज्जाइं जोयणसहस्साइं अबाहाए लोणंते पण्णत्ते, सेवं भंते ! सेवं भंते ! त्ति ॥ २४२ ॥ छट्टसए पंचमो उइसओ समत्तो ॥

कइ णं भंते ! पुढवीओ पण्णत्ताओ ? , गोयमा ! सत्त पुढवीओ पण्णत्ताओ, तंजहा—रयणप्पभा जाव तमतमा, रयणप्पभाइं आवासा भाणियव्वा (जाव) अहेसत्तमाए, एवं जे जत्तिया आवासा ते भाणियव्वा जाव कइ णं भंते ! अणुत्तरविमाणे पण्णत्ता ? , गोयमा ! पंच अणुत्तरविमाणे पण्णत्ता, तंजहा—विजए जाव सव्वट्टसिद्धे ॥ २४३ ॥ जीवे णं भंते ! मारणंतियसमुग्घाएणं समोहए समोहणित्ता जे भविए इमीसे रयणप्पभाए पुढवीए तीसाए निरयावाससयसहस्सेसु अन्नयरंसि निरयावासंसि नेरइयत्ताए उववज्जित्ताए से णं भंते ! तत्थगए चेव आहारेज्ज वा परिणामेज्ज वा सरीरं वा बंधेज्जा ? , गोयमा ! अत्थेगइए तत्थगए चेव आहारेज्ज वा परिणामेज्ज वा सरीरं वा बंधेज्जा अत्थेगइए तओ पडिनियत्तइ, तओ पडिनियत्तित्ता इहमायच्छइ २ दोब्बपि मारणंतियसमुग्घाएणं समोहणइ २ इमीसे रयणप्पभाए पुढवीए तीसाए निरयावाससयसहस्सेसु अन्नयरंसि निरयावासंसि नेरइयत्ताए उववज्जित्ताए, तओ पच्छा आहारेज्ज वा परिणामेज्ज वा सरीरं वा बंधेज्जा एवं जाव अहेसत्तमा पुढवी । जीवे णं भंते ! मारणंतियसमुग्घाएणं समोहए २ जे भविए चउसट्टीए अन्नुरकुमारावाससयसहस्सेसु अन्नयरंसि अन्नुरकुमारावासंसि अन्न-

रक्कमारताए उववज्जिताए जहा नेरइया तथा भाणियव्वा जाव थणियकुमार । जीवे णं भंते ! मारणंतियसमुग्घाएणं समोहए २ जे भविए असंखेज्जेसु पुढविकाइयावाससयसहस्सेसु अण्णयरंसि पुढविकाइयावासंसि पुढविकाइयताए उववज्जिताए से णं भंते ! मंदरस्स पव्वयस्स पुरच्छिमेणं केवइयं गच्छेज्जा केवइयं पाउणेज्जा ?, गोयमा ! लोयंतं गच्छेज्जा लोयंतं पाउणिज्जा, से णं भंते ! तत्थगए चेव आहारेज्ज वा परिणामेज्ज वा सरीरं वा बंधेज्जा ?, गोयमा ! अत्येगइए तत्थगए चेव आहारेज्ज वा परिणामेज्ज वा सरीरं वा बंधेज्जा अत्येगइए तओ पडिनियत्तइ २ ता इह हव्वमागच्छइ २ ता दोच्चंपि मारणंतियसमुग्घाएणं समोहणइ २ ता मंदरस्स पव्वयस्स पुरच्छिमेणं अगुलस्स असंखेज्जभागमेत्तं वा संखेज्जभागमेत्तं वा वालगं वा वालगपुहुत्तं वा एवं लिक्खं जूयं जवं अगुलं जाव जोयणकोडिं वा जोयणकोडा-कोडिं वा संखेज्जेसु वा असंखेज्जेसु वा जोयणसहस्सेसु लोगतं वा एगपदेसियं सेट्ठिं मोत्तूण असंखेज्जेसु पुढविकाइयावाससयसहस्सेसु अन्नयरंसि पुढविकाइयावासंसि पुढविकाइयताए उववज्जेता तओ पच्छा आहारेज्ज वा परिणामेज्ज वा सरीरं वा बंधेज्जा, जहा पुरच्छिमेणं मंदरस्स पव्वयस्स आलावओ भणिओ एवं दाहिणेणं पच्चत्थिमेणं उत्तरेणं उच्चे अहे, जहा पुढविकाइया तथा एगिंदियाणं सव्वेसि, एक्क-क्कस्स छ आलावया भाणियव्वा । जीवे णं भंते ! मारणंतियसमुग्घाएणं समोहए २ ता जे भविए असंखेज्जेसु बेंदियावाससयसहस्सेसु अण्णयरंसि बेंदियावासंसि बेईंदियताए उववज्जिताए से णं भंते ! तत्थगए चेव जहा नेरइया, एवं जाव अणु-त्तरोषवाइया । जीवे णं भंते ! मारणंतियसमुग्घाएणं समोहए २ जे भविए एवं पंचसु अणुत्तरेसु महइमहालएसु महाविमाणेसु अन्नयरंसि अणुत्तरविमाणंसि अणुत्त-रोववाइयदेवताए उववज्जिताए, से णं भंते ! तत्थगए चेव जाव आहारेज्ज वा परिणामेज्ज वा सरीरं वा बंधेज्जा ?० । सेवं भंते । सेवं भंते । त्ति ॥२४४॥ पुढवि-उहेसो समत्तो । छट्ठसए छट्ठो उहेसो समत्तो ॥

अह णं भंते ! सालीणं वीहीणं गोधूमाणं जवार्णं जवजवार्णं एएसि णं धज्जाणं कोट्टाउत्ताणं पळाउत्ताणं मंचाउत्ताणं मालाउत्ताणं उल्लिताणं लिताणं पिहियाणं मुट्ठि-याणं लंछियाणं केवइयं कालं जोणी संखिड्डइ ?, गोयमा ! जहन्नेषं अंतोमुहुत्तं उक्कोसेणं तिज्जि संवच्छराइं तेण परं जोणी पमिलायइ तेण परं जोणी पविइंसइ तेण परं बीए अबीए भवइ तेण परं जोणीवोच्छेदे पत्ते समणाउसो ! । अह भंते । कलायमसूरतिलमुग्गमासनिप्फावकुलत्थवाल्लिसंदगसतीणपलिभंयग्गमाईणं एएसि णं धज्जाणं जहा सालीणं तथा एयाणिवि, नवरं पंच संवच्छराइं, सेसं तं चेव । अह

भंते ! अयसिकुसुंभगकोह्वकंगुवरगरालगकोदूसगसणसरिसवमूलगबीयमाईणं एएसि
 णं घन्नाणं, एयाणिवि तहेव, नवरं सत्त संवच्छराइं, सेसं तं चेव ॥ २४५ ॥
 एगमेगस्स णं भंते । मुहुत्तस्स केवइया ऊसासद्धा वियाहिया ?, गोयमा ! असं-
 खेज्जाणं समयणं समुदयसमिद्दसमागमेणं सा एगा आवलियत्ति पवुच्चइ, संखेज्जा
 आवलिया ऊसासो संखेज्जा आवलिया निस्सासो-हट्टस्स अणवगल्लस्स, निष्ककिट्टस्स
 जंतुणो । एगे ऊसासनीसासे, एस पाणुत्ति वुच्चइ ॥ १ ॥ सत्त पाणूणि से थोवे,
 सत्त थोवाइं से लवे । लवाणं सत्तहत्तरिए, एस मुहुत्ते वियाहिए ॥ २ ॥ तिन्नि
 सहस्सा सत्त य सयाइं तेवत्तरिं च ऊसासा । एस मुहुत्तो दिट्ठो सन्वेहिं अणंत-
 नाणीहिं ॥ ३ ॥ एएणं मुहुत्तपमाणेणं तीसमुहुत्तो अहोरत्तो, पजरस अहोरत्ता
 पक्खो, दो पक्खा मासे, दो मासा उऊ, तिन्नि उउए अयणे, दो अयणे संवच्छरे,
 पंचसंवच्छरिए जुगे, वीसं जुगाइं वाससयं, दस वासमयाइं वाससहस्सं, सयं वास-
 सहस्साइं वामसयसहस्सं, चउरासीइ वाससयसहस्साणि से एगे पुव्वंगे, चउरासीइ
 पुव्वंगसयसहस्साइं से एगे पुव्वे, [एवं पुव्वे] २ तुडिए २ अडडे २ अववे २
 हट्टए २ उप्पले २ पउमे २ नल्लिणे २ अच्छणित्तरे २ अउए २ पउए य २ नउए
 य २ चूलिया २ सीसपहेलिया २ एताव ताव गणिए एताव ताव गणियस्स त्रिसए,
 तेण परं ? ओवमिए । से किं तं ओवमिए ?, २ दुविट्ठे पण्णत्ते तंजहा पत्तिओवमे
 य सागरोवमे य, से किं तं पत्तिओवमे ? से किं तं सागरोवमे ? ॥ सत्थेण सुत्ति-
 ऋखेणवि छेत्तुं भेत्तुं च जं न किर सक्का । तं परमाणुं सिद्धा वयंति आई पमाणणं
 ॥ १ ॥ अणंताणं परमाणुपोरगलाणं समुदयसमिद्दसमागमेणं सा एगा उस्सप्ह-
 सण्हियाइ वा सण्हसण्हियाइ वा उच्चरेणूइ वा तसरेणूइ वा रहरेणूइ वा बाल-
 ग्गेइ वा लिक्खाइ वा जूयाइ वा जवमज्जेइ वा अंगुळेइ वा, अट्ठ उस्सप्ह-
 सण्हियाओ सा एगा सण्हसण्हिया, अट्ठ सण्हसण्हियाओ सा एगा उच्चरेणू, अट्ठ
 उच्चरेणूओ सा एगा तसरेणू, अट्ठ तसरेणूओ सा एगा रहरेणू, अट्ठ रहरेणूओ से
 एगे देवकुरुत्ताकुरुत्ताणं मणूसाणं बालग्गे, एवं हरिवासरम्मगहेमवरएरञ्जवयाणं पुव्व-
 विदेहाणं मणूसाणं अट्ठ बालग्गा सा एगा लिक्खा, अट्ठ लिक्खाओ सा एगा जूया,
 अट्ठ जूयाओ से एगे जवमज्जे, अट्ठ जवमज्जाओ से एगे अंगुळे, एएणं अंगुलपमा-
 णेणं छ अंगुलाणि पाओ, बारस अंगुलाइं विहत्थी, चउव्वीसं अंगुलाइं रयणी, अडया-
 लीसं अंगुलाइं कुच्छी, छन्नउइ अंगुलाणि से एगे दंडेइ वा घणूइ वा जूएइ वा
 नालियाइ वा अक्खेइ वा मुसळेइ वा, एएणं धणुप्पमाणेणं दो धणुसहस्साइं
 गाउयं, चत्तारि गाउयाइं जोयणं, एएणं जोयणप्पमाणेणं जे पल्ले जोयणं आयाअ-

विक्खंभेणं जोयणं उद्धं उच्चत्तेणं तं तिउणं सविसेसं परिरएणं, से णं एगाहियबेया-
हियतेयाहिय उक्कोसं सत्तरत्तप्परूढाणं संमट्ठे संनिच्चिए भरिए बालगगकोडीणं [ते],
से णं वालग्गे नो अग्गी दहेज्जा नो वाऊ हरेज्जा नो कुत्थेज्जा नो परिविद्धंसेज्जा
नो पूइत्ताए हव्वमागच्छेज्जा, तओ णं वाससए २ एगमेणं वालग्गं अवहाय जाव-
इएणं कालेणं से पल्ले खीणे नीरए निम्मले निट्ठिए निट्ठेवे अवहडे विसुद्धे भवह,
से तं पलिओवमे । गाहा-एएसिं पल्लणं कोडाकोडी हवेज्ज दसगुणिया । तं साग-
रोवमस्स उ एकस्स भवे परिमाणं ॥ १ ॥ एएणं सागरोवमपमाणेणं चत्तारि साग-
रोवमकोडाकोडीओ कालो सुसमसुसमा १ तिच्चि सागरोवमकोडाकोडीओ कालो
सुसमा २ दो सागरोवमकोडाकोडीओ कालो सुसमदुसमा ३ एगा सागरोवमकोडा-
कोडी बायालीसाए वाससहस्सेहिं ऊणिया कालो दुसमसुसमा ४ एकवीसं वाससह-
स्साइं कालो दुसमा ५ एकवीस वाससहस्साइं कालो दुसमदुसमा ६ । पुणरवि
ओसप्पिणीए एकवीसं वाससहस्साइं कालो दुसमदुसमा १ एकवीस वासमहस्साइं
जाव चत्तारि सागरोवमकोडाकोडीओ कालो सुसमसुसमा, दस सागरोवमकोडा-
कोडीओ कालो ओसप्पिणी दस सागरोवमकोडाकोडीओ कालो उस्सप्पिणी वीसं
सागरोवमकोडाकोडीओ कालो ओसप्पिणी य उस्सप्पिणी य ॥ २४६ ॥ जंबुद्दीवे णं
भंते ! दीवे इमीसे ओसप्पिणीए सुसमसुसमाए समाए उत्तमट्टपत्ताए भरहस्स
वासस्स केरिसए आगारभावपडोयारे होत्था ?, गोयमा ! बहुसमरमणिजे भूमिभागे
होत्था, से जहानामए-आलिंगपुक्खरेइ वा एवं उत्तरकुखत्तव्वया नेयव्वा जाव
आसयंति सयंति, तीसे णं समाए भारहे वासे तत्थ २ देसे २ तहिं २ बहवे
ओराला कुहाला जाव कुसविकुसविसुद्धरत्तमूला जाव छव्विहा मणुस्सा अणुसज्जित्था
प०, तं०-पम्हगंधा १ मियगंधा २ अममा ३ तेयली ४ सहा ५ सणिचारी ६ ।
सेवं भंते ! सेवं भंते ! त्ति ॥ २४७ ॥ छट्टसए सत्तमो उद्देसओ समत्तो ॥

कइ णं भंते ! पुढवीओ पन्नत्ताओ ?, गोयमा ! अट्ट पुढवीओ पणत्ताओ,
तंजहा-रयणप्पभा जाव ईत्तिप्पब्भारा । अत्थि णं भंते ! इमीसे रयणप्पभाए पुढवीए
अहे गेहाइ वा गेहावणाइ वा ?, गोयमा ! णो तिणट्ठे समट्ठे । अत्थि णं भंते !
इमीसे रयणप्पभाए अहे गाम्माइ वा जाव संनिवेसाइ वा ? नो तिणट्ठे समट्ठे । अत्थि
णं भंते ! इमीसे रयणप्पभाए पुढवीए अहे उराला बलाहया संसेयंति संमुच्छंति
वासं वासंति ?, हंता ! अत्थि, निच्चिवि पकरंति देवोवि पकरेइ असुरोवि प० नागोवि
प० । अत्थि णं भंते ! इमीसे रयण० बादरे थणियसहे ?, हंता ! अत्थि, तिच्चिवि
पकरेन्ति । अत्थि णं भंते ! इमीसे रयण० अहे बादरे अगणिकाए ?, गोयमा ! नो

तिण्ट्रे समट्टे, नञ्जत्थ विग्गहगइसमावन्नएणं । अत्थि णं भंते ! इमीसे रयण० अहे चंदिमि जाव ताराह्वा ? , नो तिण्ट्रे समट्टे । अत्थि णं भंते ! इमीसे रयणप्पभाए पुढवीए चंदाभाइ वा २ ? , णो इण्ट्रे समट्टे, एवं दोच्चाएवि पुढवीए भाणियव्वं, एवं तच्चाएवि भाणियव्वं, नवरं देवोवि पकरेइ असुरोवि पकरेइ णो पागो पकरेइ, चउत्थाएवि एवं नवरं देवो एक्को पकरेइ नो असुरो० नो नागो पकरेइ, एवं हेट्टिञ्जासु सव्वासु देवो एक्को पकरेइ । अत्थि णं भंते ! सोहम्मीसाणाणं कप्पाणं अहे गेहाइ वा २ ? नो इण्ट्रे समट्टे । अत्थि णं भंते ! उराला वलाहया ? हंता । अत्थि, देवो पकरेइ असुरोवि पकरेइ नो नाओ पकरेइ, एवं यणियसदेवि । अत्थि णं भंते । बायरे पुढविकाए बादरे अगणिकाए ? , णो इण्ट्रे समट्टे, नण्णत्थ विग्गहगइसमावन्नएणं । अत्थि णं भंते ! चंदिम० ? , णो तिण्ट्रे समट्टे । अत्थि णं भंते ! गामाइ वा० ? , णो तिण्ट्रे स० । अत्थि णं भंते ! चंदाभाइ वा २ ? , गोयमा ! णो तिण्ट्रे समट्टे । एवं सणंकुमारमाहिंदेसु नवरं देवो एगो पकरेइ । एवं बंभलोएवि । एवं बंभलोगस्स उवरिं सव्वहिं देवो पकरेइ, पुत्तियव्वो य, बायरे आउकाए बायरे अगणिकाए बायरे वणस्सइकाए अन्नं तं चेव ॥ गाहा—तमुकाए कप्पपणए अगणी पुढवी य अगणि पुढवीसु । आऊतेउवणस्सइ कप्पुवरिमकम्हराईसु ॥ १ ॥ ॥ २४८ ॥ कडविहं णं भंते । आउयबंधए पज्जते ? , गोयमा ! छव्विहा आउयवधा पज्जत्ता, तंजहा—जाइनामनिहत्ताउए १ गइनामनिहत्ताउए २ ठिइनामनिहत्ताउए ३ ओगाहणानामनिहत्ताउए ४ पएसनामनिहत्ताउए ५ अणुभागनामनिहत्ताउए ६ दंडओ जाव वेमाणियाणं ॥ जीवा णं भंते ! किं जाइनामनिहत्ता जाव अणुभागनामनिहत्ता ? , गोयमा ! जाइनामनिहत्तावि जाव अणुभागनामनिहत्तावि, दंडओ जाव वेमाणियाणं । जीवा णं भंते ! किं जाइनामनिहत्ताउया जाव अणुभागनामनिहत्ताउया ? , गोयमा ! जाइनामनिहत्ताउयावि जाव अणुभागनामनिहत्ताउयावि, दंडओ जाव वेमाणियाणं । एवं एए दुवालस दंडगा भाणियव्वं । जीवा णं भंते ! किं जाइनामनिहत्ता १ जाइनामनिहत्ताउया २ ? , १२ । जीवा णं भंते ! किं जाइनामनिउत्ता ३ जाइनामनिउत्ताउया ४ जाइगोयनिहत्ता ५ जाइगोयनिहत्ताउया ६ जाइगोयनिउत्ता ७ जाइगोयनिउत्ताउया ८ जाइणामगोयनिहत्ता ९ जाइणामगोयनिहत्ताउया १० जाइणामगोयनिउत्ता ११ ? जीवा णं भंते ! किं जाइनामगोयनिउत्ताउया १२ जाव अणुभागनामगोयनिउत्ताउया ? , गोयमा ! जाइनामगोयनिउत्ताउयावि जाव अणुभागनामगोयनिउत्ताउयावि दंडओ जाव वेमाणियाणं ॥ २४९ ॥ लवणे णं भंते ! समुदे किं उस्सिओदए पत्थडोदए खुभियजळे अञ्ज-

भियजले ?, गोयमा ! लवणे णं समुदे असिओदए नो पत्थडोदए खुभियजले नो अखुभियजले एत्तो आढत्तं जहा जीवाभिगमे जाव से तेण० गोयमा ! बाहिरया णं बीवसमुदा पुत्रा पुत्रप्पमाणा वोल्लट्टमाणा वोसट्टमाणा समभरघडत्ताए चिट्ठति संठाणओ एगविहिविहाणा वित्थारओ अणेगविहिविहाणा दुगुणादुगुणप्पमाणओ जाव अस्सि तिरियलोए असंखेजा बीवसमुदा सयंभुरमणपज्जवसाणा पन्नता समणाउत्तो । बीवसमुदा णं भंते । केवइया नामधेजेहिं पन्नता ?, गोयमा ! जावडया लोए सुभा नामा सुभा रूवा सुभा गंधा सुभा रसा सुभा फासा एवइया णं बीवसमुदा नामधेजेहिं पन्नता, एवं नेयव्वा सुभा नामा उद्धारो परिणामो सब्बजीवाणं । सेवं भंते ! सेवं भंते ! ति ॥ २५० ॥ छट्टसयस्स अट्टमो उदेसो समत्तो ॥

जीवे णं भंते ! णाणावरणिज्जं कम्मं बंधमाणे कइ कम्मप्पगढीओ बंधइ ?, गोयमा ! सत्तविहबंधए वा अट्टविहबंधए वा छव्विहबंधए वा, बंधुद्देशो पन्नवणाए नेयव्वो ॥ २५१ ॥ देवे णं भंते ! महिद्धिए जाव महाणुभागे बाहिरए पोग्गले अपरियाइत्ता पभू एगवन्नं एगरूवं विउव्वित्तए ?, गोयमा ! नो तिणट्टे० । देवे णं भंते ! बाहिरए पोग्गले परियाइत्ता पभू ? हंता ! पभू, से णं भंते ! किं इहगए पोग्गले परियाइत्ता विउव्वइ तत्थगए पोग्गले परियाइत्ता विउव्वइ अन्नत्थगए पोग्गले परियाइत्ता विउव्वइ ?, गोयमा ! नो इहगए पोग्गले परियाइत्ता विउव्वइ, तत्थगए पोग्गले परियाइत्ता विउव्वइ, नो अन्नत्थगए पोग्गले परियाइत्ता विउव्वइ, एवं एएणं गमेणं जाव एगवन्नं एगरूवं १ एगवण्ण अणेगरूवं २ अणेगवन्नं एगरूवं ३ अणेगवन्नं अणेगरूवं ४ चउभंगो । देवे णं भंते ! महिद्धिए जाव महाणुभागे बाहिरए पोग्गले अपरियाइत्ता पभू कालयं पोग्गलं नीलगपोग्गलत्ताए परिणामेत्तए नीलगं पोग्गलं वा कालगपोग्गलत्ताए परिणामेत्तए ?, गोयमा ! नो तिणट्टे समट्टे, परियाइत्ता पभू । से णं भंते ! किं इहगए पोग्गले तं चैव नवरं परिणामेत्ति भाणियव्वं, एवं कालगपोग्गलं लोहियपोग्गलत्ताए, एवं कालएणं जाव सुक्किलं, एवं णीलएणं जाव सुक्किलं, एवं लोहियपोग्गलं जाव सुक्किलत्ताए, एवं हाल्लिदएणं जाव सुक्किलं, तंजहा—एवं एयाए परिवाडीए गंधरसफास० कक्खडफासपोग्गलं मउयफासपोग्गलत्ताए २ एवं दो दो गल्लुलहुय २ सीयउसिण २ णिडल्लक्ख २, वन्नाइ सब्बत्थ परिणामेत्त, आलावगा य दो दो पोग्गले अपरियाइत्ता परियाइत्ता ॥ २५२ ॥ अविमुद्धळेसे णं भंते ! देवे असमोहएणं अप्पाणएणं अविमुद्धळेसं देवं देविं अन्नयरं जाणइ पासइ १ ? णो तिणट्टे समट्टे, एवं अविमुद्धळेसे देवे असमोहएणं अप्पाणेणं विमुद्धळेसं देवं ३, २ । अविमुद्धळेसे समोहएणं अप्पाणेणं अविमुद्धळेसं देवं ३, ३ । अवि-

सुद्धलेसे देवे समोहएणं अप्पाणेणं विसुद्धलेसं देवं ३, ४ । अविमुद्धलेसे समोहया-
समोहएणं अप्पाणेणं अविमुद्धलेसं देवं ३, ५ । अविमुद्धलेसे समोहया० विसुद्धलेसं
देवं ३, ६ ॥ विसुद्धलेसे असमो० अविमुद्धलेसं देवं ३, १ । विसुद्धलेसे असमोहएणं
विसुद्धलेसं देवं ३, २ । विसुद्धलेसे णं भंते । देवे समोहएणं अविमुद्धलेसं देवं ३
जाणइ०?, हंता ! जाणइ०, एवं विसुद्ध० समो० विसुद्धलेसं देवं ३ जाणइ ? , हंता !
जाणइ ४ । विसुद्धलेसे समोहयासमोहएणं अविमुद्धलेस देवं ३, ५ । विसुद्धलेसे
समोहयासमोहएणं विसुद्धलेसं देवं ३, ६ । एवं हेट्टिळ्णहिं अट्टहिं न जाणइ न
पासइ उवरिळ्णहिं चउहिं जाणइ पासइ । सेवं भंते ! सेवं भंते ! त्ति ॥ २५३ ॥
छट्टसए नचमो उद्देसो समत्तो ॥

अन्नउत्थिया णं भंते । एवमाइक्खंति जाव परूवेति जावइया रायगिहे नयरे
जीवा एवइयाणं जीवाणं नो चक्किया केइ सुहं वा दुहं वा जाव कोलट्टिगमायमवि
निष्फावमायमवि कलममायमवि मासमायमवि मुग्गमायमवि जूयामायमवि लिक्खा-
मायमवि अभिनिवेट्ठा उवदंसित्तए, से कहमेयं भंते ! एवं ?, गोयमा ! जन्नं ते
अन्नउत्थिया एवमाइक्खंति जाव भिच्छं ते एवमाहंसु, अहं पुण गोयमा ! एवमाइ-
क्खामि जाव परूवेमि सव्वलोएवि य णं सव्वजीवाणं णो चक्किया कोई सुहं वा तं
चेव जाव उवदंसित्तए । से केणट्टेणं ?, गोयमा ! अयन्नं जंबुदीवे २ जाव विसेसाहिए
परिक्खेवेणं पज्जे, देवे णं महिष्णिए जाव महाणुभागे एणं मइं सविलेवणं गंधसमुग्गं
गहाय तं अवहालेइ तं अवहालेत्ता जाव इणामेव कट्टु केवलकप्पं जंबुदीवं २ तिहिं
अच्छरानिवाएहिं तिसत्तखुत्तो अणुपरियट्ठिता णं हव्वमागच्छेज्जा, से नूणं गोयमा ! से
केवलकप्पे जंबुदीवं २ तेहिं घाणपोगलेहि फुडे?, हंता ! फुडे, चक्किया णं गोयमा !
केइ तेसिं घाणपोगलाणं कोलट्टियामायमवि जाव उवदंसित्तए ?, णो तिणट्टे समट्टे,
से तेणट्टेणं जाव उवदंसित्तए ॥ २५४ ॥ जीवे णं भंते । जीवे २ जीवे ?, गोयमा !
जीवे ताव नियमा जीवे जीवेवि नियमा जीवे । जीवे णं भंते । नेरइए नेरइए जीवे ?,
गोयमा ! नेरइए ताव नियमा जीवे जीवे पुण सिय नेरइए सिय अनेरइए, जीवे णं
भंते ! असुरकुमारे असुरकुमारे जीवे ?, गोयमा । असुरकुमारे नाव नियमा जीवे जीवे
पुण सिय असुरकुमारे सिय णो असुरकुमारे, एवं दंडओ भाणियव्वो जाव वेमाणियाणं ।
जीवइ भंते । जीवे जीवे जीवइ ?, गोयमा ! जीवइ ताव नियमा जीवे जीवे पुण
सिय जीवइ सिय नो जीवइ, जीवइ भंते । नेरइए २ जीवइ ?, गोयमा ! नेरइए
नाव नियमा जीवइ २ पुण सिय नेरइए सिय अनेरइए, एवं दंडओ नेयव्वो जाव
वेमाणियाणं । भवसिद्धिए णं भंते । नेरइए २ भवसिद्धिए ?, गोयमा ! भवसिद्धिए

सिय नेरइए सिय अनेरइए नेरइएऽविय सिय भवसिद्धिए सिय अभवसिद्धिए, एवं दंडओ जाव वेमाणियारणं ॥ २५५ ॥ अन्नउत्थिया णं भंते । एवमाइक्खंति जाव परूवेति एवं खलु सच्चे पाणा भूया जीवा सत्ता एगंतदुक्खं वेयणं वेयंति, से कहमेयं भंते ! एवं ?, गोयमा ! जन्नं ते अन्नउत्थिया जाव मिच्छं ते एवमाहंसु, अहं पुण गोयमा ! एवमाइक्खामि जाव परूवेमि अत्येगइया पाणा भूया जीवा सत्ता एगंतदुक्खं वेयणं वेयंति आहच्च सायं, अत्येगइया पाणा भूया जीवा सत्ता एगंतसायं वेयणं वेयंति आहच्च असायं, अत्येगइया पाणा भूया जीवा सत्ता वेसायाए वेयणं वेयंति आहच्च सायमसायं । से केणट्टेणं ? , गोयमा ! नेरइया एगंतदुक्खं वेयणं वेयंति [आहच्च सायमसायं] आहच्च सायं, भवणवइवाणमंतरजोइसवेमाणिया एगंतसायं वेयणं वेयंति आहच्च असायं, पुढविकाइया जाव मणुस्ता वेसायाए वेयणं वेयंति आहच्च सायमसायं, से तेणट्टेणं ० ॥ २५६ ॥ नेरइया णं भंते । जे पोग्गले अत्तमायाए आहारेंति ते कि आयसरीरखेत्तोगाढे पोग्गले अत्तमायाए आहारेंति अणंतरखेत्तोगाढे पोग्गले अत्तमायाए आहारेंति परंपरखेत्तोगाढे पोग्गले अत्तमायाए आहारेंति ?, गोयमा ! आयसरीरखेत्तोगाढे पोग्गले अत्तमायाए आहारेंति नो अणंतरखेत्तोगाढे पोग्गले अत्तमायाए आहारेंति नो परंपरखेत्तोगाढे, जहा नेरइया तहा जाव वेमाणियारणं दंडओ ॥ २५७ ॥ केवली णं भंते ! आयाणेहि जाणइ पासइ ?, गोयमा ! नो तिणट्टे ० । से केणट्टेणं ?, गोयमा ! केवली णं पुरच्छिमेणं मियंपि जाणइ अमियंपि जाणइ जाव निव्वुडे दंसणे केवलिसस से तेणट्टेणं ० । गाहा—जीवाण सुहं दुक्खं जीवे जीवइ तहेव भविया य । एगंतदुक्खवेयण अत्तमाया य केवली ॥ १ ॥ सेवं भंते । सेवं भंते । ति ॥ २५८ ॥ छडुं सयं समत्तं ॥

गाहा—आहार १ विरइ २ यावर ३ जीवा ४ पक्खी य ५ आउ ६ अणगारे ७ । छउमत्थ ८ असंबुड ९ अन्नउत्थि १० दस सत्तमंमि सए ॥ १ ॥ तेणं कालेणं तेणं समएणं जाव एवं वयासी—जीवे णं भंते । कं समयमणाहारए भवइ ?, गोयमा ! पढमे समए सिय आहारए सिय अणाहारए बिइए समए सिय आहारए सिय अणाहारए तइए समए सिय आहारए सिय अणाहारए चउत्थे समए नियमा आहारए, एवं दंडओ, जीवा य एगीदिया य चउत्थे समए सेसा तइए समए ॥ जीवे णं भंते ! कं समयं सब्बप्पाहारए भवइ ?, गोयमा ! पढमसमयोववन्नए वा चरमसमए भवत्थे वा एत्थ णं जीवे णं सब्बप्पाहारए भवइ, दंडओ भाणियव्वो जाव वेमाणियारणं ॥ २५९ ॥ किंसंठिए णं भंते । लोए पक्कते ?, गोयमा ! सुपइह्ठगसंठिएलोए पक्कते, हेट्ठा विच्छिजे जाव उप्पि उबुमुइंगानारसंठिए, तेसिं च णं

सासयंसि लोगंसि हेद्वा विच्छिन्नसि जाव उप्पि उद्धुमुईगागारसंठियंसि उप्पन्नानण-
दंसणधरे अरहा जिणे केवली जीवेवि जाणइ पासइ अजीवेवि जाणइ पासइ तओ
पच्छा सिज्जइ जाव अंतं करेइ ॥ २६० ॥ समणोवासगस्स णं भंते ! सामाइय-
कडस्स समणोवासए अच्छमाणस्स तस्स णं भंते ! किं इरियावहिया किरिया
कज्जइ संपराइया किरिया कज्जइ ?, गोयमा ! समणोवासयस्स णं सामाइयकडस्स
समणोवासए अच्छमाणस्स आया अहिगरणीभवइ आयाहिगरणवत्तियं च णं तस्स
नो इरियावहिया किरिया कज्जइ संपराइया किरिया कज्जइ, से तेणट्ठेणं जाव संपरा-
इया ० ॥ २६१ ॥ समणोवासगस्स णं भंते ! पुच्वामेव तसपाणसमारंभे पच्चक्खाए
भवइ पुढविसमारंभे अपच्चक्खाए भवइ से य पुढविं खणमाणेऽण्णयरं तसं पाणं
विहिंसेजा से णं भंते ! तं वयं अइच्चरइ ?, णो तिणट्ठे समट्ठे, नो खलु से तस्म
अइवायाए आउट्टइ । समणोवासयस्स णं भंते ! पुच्वामेव वणस्सइसमारंभे पच्च-
क्खाए से य पुढविं खणमाणे अन्नयरस्स ख्वस्स मूलं छिंदेजा से णं भंते ! तं
वयं अइच्चरइ ?, णो तिणट्ठे समट्ठे, नो खलु तस्स अइवायाए आउट्टइ ॥ २६२ ॥
समणोवासए णं भंते ! तहारूवं समणं वा माहणं वा फासुएसणिज्जेणं असणपाण-
खाइमसाइमेणं पडिलाभेमाणे किं लब्भइ ?, गोयमा ! समणोवासए णं तहारूवं समणं
वा जाव पडिलाभेमाणे तहारूवस्स समणस्स वा माहणस्स वा समाहिं उप्पाएइ,
समाहिकारएणं तमेव समाहिं पडिलभइ । समणोवासए णं भंते ! तहारूवं समणं
वा जाव पडिलाभेमाणे किं चयइ ?, गोयमा ! जीवियं चयइ दुच्चयं चयइ दुक्करं
करेइ दुल्लहं लहइ बोहिं बुज्जइ तओ पच्छा सिज्जइ जाव अंतं करेइ ॥ २६३ ॥
अत्थि णं भंते ! अकम्मस्स गई पन्नायइ ?, इंता ! अत्थि ॥ कहुं भंते ! अक-
म्मस्स गई पन्नायइ ?, गोयमा ! निस्संगयाए निरंगणयाए गइपरिणामेणं बंधण-
छेयणयाए निरंधणयाए पुच्चप्पओगेणं अकम्मस्स गई प० ॥ कहुं भंते ! निस्संग-
याए निरंगणयाए गइपरिणामेणं बंधणछेयणयाए निरंधणयाए पुच्चप्पओगेणं अक-
म्मस्स गई पन्नायइ ?, से जहानामए-केइ पुरिसे सुक्कं तुंबं निच्छिं निरुवहयंति
आणुपुव्वीए पविकम्ममाणे २ दब्भेहिं य कुसेहिं य वंढेइ २ अट्ठहिं मट्टियालेवेहिं
लिपइ २ उण्हे दलयइ भूइं २ सुक्कं समाणं अत्थाहमतारमपोरसियंसि उदगंसि
पक्खिवेजा, से नूणं गोयमा ! से तुंबे तेसिं अट्ठहं मट्टियालेवेणं गुरुयत्ताए भारिय-
त्ताए गुरुसंभारियत्ताए सलिलतल्लमइवइत्ता अहे धरणितलपइत्ताणे भवइ ?, इंता !
भवइ, अहे णं से तुंबे अट्ठहं मट्टियालेवेणं पक्खिएणं धरणितल्लमइवइत्ता उप्पि
सलिलतलपइत्ताणे भवइ ?, इंता ! भवइ, एवं खलु गोयमा ! निस्संगयाए निरंगण-

याए गइपरिणामेणं अकम्मस्स गई पन्नायइ । कहंजं भंते ! बंधणहेयणयाए अकम्मस्स गई प० ? , गोयमा । से जहानामए—कलसिबलियाइ वा मुग्गसिबलियाइ वा माससिबलियाइ वा सिबलिसिबलियाइ वा एरंडमिजियाइ वा उण्हे दिन्ना सुक्कासमाणी फुडित्ता णं एगंतमंतं गच्छइ, एवं खलु गोयमा । ० । कहंजं भंते ! निरंधणयाए अकम्मस्स गई प० ? , गोयमा । से जहानामए—धूमस्स इंधणविप्पमुक्कस्स उहुं वीससाए निव्वाघाएणं गई पवत्तइ, एवं खलु गोयमा । ० । कहंजं भंते ! पुव्वप्पओगेणं अकम्मस्स गई प० ? , गोयमा । से जहानामए कंडस्स कोदंडविप्पमुक्कस्स लक्खाभिमुही निव्वाघाएणं गई पवत्तइ, एवं खलु गोयमा । नीसंगयाए निरंगणयाए जाव पुव्वप्पओगेणं अकम्मस्स गई प० ॥ २६४ ॥ दुक्खी भते ! दुक्खेणं फुडे अदुक्खी दुक्खेणं फुडे ? , गोयमा ! दुक्खी दुक्खेणं फुडे नो अदुक्खी दुक्खेणं फुडे । दुक्खी णं भंते ! नेरइए दुक्खेणं फुडे अदुक्खी नेरइए दुक्खेणं फुडे ? , गोयमा ! दुक्खी नेरइए दुक्खेणं फुडे नो अदुक्खी नेरइए दुक्खेणं फुडे, एवं दंडओ जाव वेमाणियाणं, एवं पंच दडगा नेयव्वा—दुक्खी दुक्खेणं फुडे १ दुक्खी दुक्खं परियायइ २ दुक्खी दुक्खं उदीरेइ ३ दुक्खी दुक्खं वेदेइ ४ दुक्खी दुक्खं निजरेइ ५ ॥ २६५ ॥ अणगारस्स णं भंते ! अणाउत्तं गच्छमाणस्स वा चिट्ठमाणस्स वा निसीयमाणस्स (वा) तृयइमाणस्स वा अणाउत्तं वत्थं पडिग्गहं कंबल पायपुंछणं गेहमाणस्स वा निक्खिवमाणस्स वा तस्स णं भंते ! किं इरियावहिया किरिया कज्जइ ? संपराइया किरिया कज्जइ ? , गो० नो इरियावहिया किरिया कज्जइ संपराइया किरिया कज्जइ । से केणट्टेणं ? , गोयमा ! जस्स णं कोहमाणमायालोभा वोच्छिन्ना भवंति तस्स णं इरियावहिया किरिया कज्जइ नो संपराइया किरिया कज्जइ, जस्स णं कोहमाणमायालोभा अवोच्छिन्ना भवंति तस्स णं संपराइया किरिया कज्जइ नो इरियावहिया, अहासुत्तं रीयमाणस्स इरियावहिया किरिया कज्जइ उस्सुत्तं रीयमाणस्स संपराइया किरिया कज्जइ, से णं उस्सुत्तमेव रियइ, से त्तेणट्टेणं ० ॥ २६६ ॥ अहं भंते ! सईगालस्स सधूमस्स संजोयणादोसदुट्ठस्स पाणभोयणस्स के अट्टे पण्णत्ते ? , गोयमा ! जे णं निग्गथे वा निग्गंथी वा फासुएसणिजं असणपाण ४ पडिगाहित्ता मुच्छिए निद्धे गट्टिए अज्जोववन्ने आहारं आहारेइ एस णं गोयमा ! सइंगाले पाणभोयणे, जे णं निग्गंथे वा निग्गंथी वा फासुएसणिजं असणपाण ४ पडिगाहित्ता महया २ अप्पत्तियकोहकिलामं करेमाणे आहारमाहारेइ एस णं गोयमा ! सधूमे पाणभोयणे, जे णं निग्गंथे वा २ जाव पडिगाहित्ता गुणपाप्यणहेउं अज्जदब्बेण सद्धिं संजोएत्ता आहारमाहारेइ एस णं गोयमा । संजोयणा-

दोसदुट्टे पाणभोयणे, एस णं गोयमा । सईगालस्स सधूमस्स संजोयणादोसदुट्टस्स पाणभोयणस्स अट्टे पत्तते । अह भंते । वीतिगालस्स वीयधूमस्स संजोयणादोस-विप्पमुक्कस्स पाणभोयणस्स के अट्टे पत्तते ?, गोयमा । जे णं निग्गंथे वा जाव पडिगाहेत्ता अमुच्छिए जाव आहारेइ एस णं गोयमा । वीतिंगाले पाणभोयणे, जे णं निग्गंथे वा निग्गंथी वा जाव पडिगाहेत्ता णो महया अप्पत्तियं जाव आहारेइ, एस णं गोयमा ! वीयधूमे पाणभोयणे, जे णं निग्गंथे वा निग्गंथी वा जाव पडि-गाहेत्ता जहाल्लं तहा आहारमाहारेइ एस णं गोयमा । संजोयणादोसविप्पमुक्के पाणभोयणे, एस णं गोयमा । वीतिंगालस्स वीयधूमस्स संजोयणादोसविप्पमुक्कस्स पाणभोयणस्स अट्टे पत्तते ॥ २६७ ॥ अह भंते ! खेत्ताइक्कंतस्स कालाइक्कंतस्स मग्गाइक्कंतस्स पमाणाइक्कंतस्स पाणभोयणस्स के अट्टे पत्तते ?, गो० जे णं निग्गंथे वा निग्गंथी वा फासुएसणिज्जं णं असणं ४ अणुग्गए सूरिए पडिगाहिता उग्गए सूरिए आहारमाहारेइ एस णं गोयमा । खेत्ताइक्कते पाणभोयणे, जे णं निग्गंथो वा २ जाव साइमं पडमाए पोरेसीए पडिगाहेत्ता पच्छिमं पोरेसि उवायणावेत्ता आहारं आहारेइ एस णं गोयमा ! कालाइक्कंते पाणभोयणे, जे णं निग्गंथो वा २ जाव साइमं पडिगाहिता परं अद्दजोयणमेराए वीइक्कमावइत्ता आहारमाहारेइ एस णं गोयमा ! मग्गाइक्कंते पाणभोयणे, जे णं निग्गंथो वा निग्गंथी वा फासुएसणिज्जं जाव साइमं पडिगाहिता परं वत्तीसाए पमाणमेत्ताणं कवलणं आहारमाहारेइ एस णं गोयमा ! पमाणाइक्कंते पाणभोयणे, अट्टपमाणमेत्ते कवले आहारमाहारेमाणे अप्पाहारे दुवालसपमाणमेत्ते कवले आहारमाहारेमाणे अवद्धोमोयरिया सोलस-पमाणमेत्ते कवले आहारमाहारेमाणे दुभागपत्ते चउन्वीस पमाणमेत्ते कवले आहारमाहारेमाणे ओमोयरिए वत्तीसं पमाणमेत्ते कवले (जत्तिओ जस्स पुरिसस्स आहारो तस्साहारस्स वत्तीमइमो भागो तप्पुरिसावेक्खवाए कवले, इणमेव 'कवल' पमाण ति,) आहारमाहारेमाणे पमाणपत्ते, एत्तो एक्केणवि गसेणं ऊणगं आहार-माहारेमाणे समणे निग्गंथे नो पकामरसभोईति वत्तन्वं सिया, एस णं गोयमा । खेत्ताइक्कंतस्स कालाइक्कंतस्स मग्गाइक्कंतस्स पमाणाइक्कंतस्स पाणभोयणस्स अट्टे पत्तते ॥ २६८ ॥ अह भंते ! सत्थाईयस्स सत्थपरिणामियस्स एसियस्स वेसियस्स समुदाणियस्स पाणभोयणस्स के अट्टे पत्तते ?, गोयमा । जे णं निग्गंथे वा निग्गंथी वा निक्खित्तसत्थमुसले ववगयमालावज्जगविल्लेवणे ववगयचुयचइयत्तदेहं जीवविप्पज्जहं अक्यमकारियमसंक्कप्पियमणाहूयमकीयकडमणुहिइं नवकोढीपरिसुद्धं दसदोसविप्पमुक्कं उग्गमुप्पायथेसणासुरपरिसुद्धं वीतिंगालं वीयधूमं संजोयणादोसविप्पमुक्कं असुरसुरं

अचवचवं अदुयमविलंबियं अपरिसाडिं अक्खोर्वज्जणवणाणुलेवणभूर्यं संजमजायामा-
यावत्तियं संजमभारवहणद्वयाए बिलमिव पन्नगभूएणं अप्पाणेणं आहारमाहारेइ एस
णं गोयमा ! सत्थाईयस्स सत्थपरिणामियस्स जाव पाणभोग्यणस्स अयमट्टे पन्नत्ते ।
सेवं भंते ! सेवं भंते ! ति ॥ २६९ ॥ **सत्तमसए पढमो उद्देसो समत्तो ॥**

से नूणं भंते । सव्वपाणेहिं सव्वभूएहिं सव्वजीवेहिं सव्वसत्तेहिं पच्चक्खायमिति
वयमाणस्स सुपच्चक्खायं भवइ दुपच्चक्खायं भवइ ?, गोयमा ! सव्वपाणेहिं जाव
सव्वसत्तेहिं पच्चक्खायमिति वयमाणस्स सिय सुपच्चक्खायं भवइ सिय दुपच्चक्खायं
भवइ, से केणट्टेणं भंते ! एवं वुच्चइ सव्वपाणेहिं जाव सिय दुपच्चक्खायं भवइ ?,
गोयमा ! जस्स णं सव्वपाणेहिं जाव सव्वसत्तेहिं पच्चक्खायमिति वयमाणस्स णो
एवं अभिसमन्नागयं भवइ इमे जीवा इमे अजीवा इमे तसा इमे थावरा तस्स णं
सव्वपाणेहिं जाव सव्वसत्तेहिं पच्चक्खायमिति वयमाणस्स नो सुपच्चक्खायं भवइ
दुपच्चक्खायं भवइ, एवं खलु से दुपच्चक्खायं सव्वपाणेहिं जाव सव्वसत्तेहिं पच्च-
क्खायमिति वयमाणो नो सच्चं भासं भासइ मोसं भासं भासइ, एवं खलु से मुमा-
वाई सव्वपाणेहिं जाव सव्वसत्तेहिं तिविहं तिविहेणं असंजयविरयपडिहयपच्चक्खा-
यपावकम्मे सकिरिए असंबुडे एगंतदंडे एगंतवाळे यावि भवइ, जस्स णं सव्वपा-
णेहिं जाव सव्वसत्तेहिं पच्चक्खायमिति वयमाणस्स एवं अभिसमन्नागयं भवइ-इमे
जीवा इमे अजीवा इमे तसा इमे थावरा, तस्स णं सव्वपाणेहिं जाव सव्वसत्तेहिं
पच्चक्खायमिति वयमाणस्स सुपच्चक्खायं भवइ नो दुपच्चक्खायं भवइ, एवं खलु
से सुपच्चक्खायं सव्वपाणेहिं जाव सव्वसत्तेहिं पच्चक्खायमिति वयमाणे सच्चं भासं
भासइ नो मोसं भासं भासइ, एवं खलु से सच्चवाई सव्वपाणेहिं जाव सव्वसत्तेहिं
तिविहं तिविहेणं सजयविरयपडिहयपच्चक्खायपावकम्मे अकिरिए संबुडे एगंतपं-
डिए यावि भवइ, से तेणट्टेणं गोयमा ! एवं वुच्चइ जाव सिय दुपच्चक्खायं भवइ
॥ २७० ॥ कइविहे णं भंते ! पच्चक्खाणे पन्नत्ते ?, गोयमा ! दुविहे पच्चक्खाणे
पन्नत्ते, तंजहा-मूलगुणपच्चक्खाणे य उत्तरगुणपच्चक्खाणे य । मूलगुणपच्चक्खाणे णं
भंते ! कइविहे पन्नत्ते ?, गोयमा ! दुविहे पन्नत्ते, तंजहा-सव्वमूलगुणपच्चक्खाणे य
देसमूलगुणपच्चक्खाणे य, सव्वमूलगुणपच्चक्खाणे णं भंते ! कइविहे पन्नत्ते ?,
गोयमा ! पंचविहे पन्नत्ते, तंजहा-सव्वाओ पाणाइवायाओ वेरमणं जाव सव्वाओ
परिग्गहाओ वेरमणं । देसमूलगुणपच्चक्खाणे णं भंते ! कइविहे पन्नत्ते ?, गोयमा !
पंचविहे पन्नत्ते, तंजहा-थूलाओ पाणाइवायाओ वेरमणं जाव थूलाओ परिग्गहाओ
वेरमणं । उत्तरगुणपच्चक्खाणे णं भंते ! कइविहे पन्नत्ते ? गोयमा ! दुविहे पन्नत्ते,

तंजहा-सञ्चुत्तरगुणपञ्चक्खाणे य-देसुत्तरगुणपञ्चक्खाणे य, सञ्चुत्तरगुणपञ्चक्खाणे णं भंते ! कइविहे पन्नते ?, गोयमा ! दसविहे पन्नते, तंजहा-अणागय १ मइक्कंतं २ कोबीसहियं ३ नियंटियं ४ चेव । सागार ५ मणागारं ६ परिमाणकडं ७ निर-वसेसं ८ ॥ १ ॥ सा(सं)केयं ९ चेव अद्दाए १० पञ्चक्खारणं भवे दसहा । देसु-त्तरगुणपञ्चक्खाणे णं भंते ! कइविहे पन्नते ?, गोयमा ! सत्तविहे पन्नते, तंजहा-दिसिच्चय १ उवभोगपरिभोगपरिमाणं २ अणत्थदंडवेरमणं ३ सामाड्यं ४ देसाव-गासियं ५ पोसहोववासो ६ अतिहिसंविभागो ७ अपच्छिममारणंतियसंलेहणाण्णसणा-राहणया ॥ २७१ ॥ जीवा णं भंते ! कि मूलगुणपञ्चक्खाणी उत्तरगुणपञ्चक्खाणी अपञ्चक्खाणी ?, गोयमा ! जीवा मूलगुणपञ्चक्खाणीवि उत्तरगुणपञ्चक्खाणीवि अप-ञ्चक्खाणीवि । नेरइया णं भंते ! कि मूलगुणपञ्चक्खाणी० पुच्छा, गोयमा ! नेरइया नो मूलगुणपञ्चक्खाणी नो उत्तरगुणपञ्चक्खाणी अपञ्चक्खाणी, एवं जाव चउरिंदिया, पंचिंदियतिरिक्खजोणिया मणुस्सा य जहा जीवा, वाणमंतरजोइसियवेमाणिया जहा नेरइया ॥ एएसि णं भंते ! जीवाणं मूलगुणपञ्चक्खाणीणं उत्तरगुणपञ्चक्खाणीणं अपञ्चक्खाणीण य कयरे २ हिंतो जाव विसेसाहिया वा ?, गोयमा ! सव्वत्थोवा जीवा मूलगुणपञ्चक्खाणी उत्तरगुणपञ्चक्खाणी असखेज्जगुणा अपञ्चक्खाणी अणंत-गुणा । एएसि णं भंते ! पंचिंदियतिरिक्खजोणियाणं पुच्छा, गोयमा ! सव्वत्थोवा जीवा पंचिंदियतिरिक्खजोणिया मूलगुणपञ्चक्खाणी उत्तरगुणपञ्चक्खाणी असखेज्जगुणा अपञ्चक्खाणी असखेज्जगुणा । एएसि णं भंते ! मणुस्साणं मूलगुणपञ्चक्खाणीणं० पुच्छा, गोयमा ! सव्वत्थोवा मणुस्सा मूलगुणपञ्चक्खाणी उत्तरगुणपञ्चक्खाणी संखे-ज्जगुणा अपञ्चक्खाणी असखेज्जगुणा । जीवा णं भंते ! कि सव्वमूलगुणपञ्चक्खाणी देसमूलगुणपञ्चक्खाणी अपञ्चक्खाणी ?, गोयमा ! जीवा सव्वमूलगुणपञ्चक्खाणीवि देसमूलगुणपञ्चक्खाणीवि अपञ्चक्खाणीवि । नेरइयाणं पुच्छा, गोयमा ! नेरइया नो सव्वमूलगुणपञ्चक्खाणी नो देसमूलगुणपञ्चक्खाणी अपञ्चक्खाणी, एवं जाव चउरि-दिया । पंचिंदियतिरिक्ख० पुच्छा, गोयमा ! पंचिंदियतिरिक्ख० नो सव्वमूलगुणप-ञ्चक्खाणी देसमूलगुणपञ्चक्खाणीवि अपञ्चक्खाणीवि, मणुस्सा जहा जीवा, वाणमंत-रजोइसियवेमाणिया जहा नेरइया । एएसि णं भंते ! जीवाणं सव्वमूलगुणपञ्चक्खाणीणं देसमूलगुणपञ्चक्खाणीणं अपञ्चक्खाणीण य कयरे २ हिंतो जाव विसेसाहिया वा ?, गोयमा ! सव्वत्थोवा जीवा सव्वमूलगुणपञ्चक्खाणी देसमूलगुणपञ्चक्खाणी असखे-ज्जगुणा अपञ्चक्खाणी अणंतगुणा । एवं अप्पाबहुगाणि तिन्निवि जहा पढमिळ्णं दंड्णं, नवरं सव्वत्थोवा पंचिंदियतिरिक्खजोणिया देसमूलगुणपञ्चक्खाणी अपञ्चक्खाणी

असंखेज्जगुणा । जीवा णं भंते ! किं सन्वुत्तरगुणपञ्चक्खाणी देसुत्तरगुणपञ्चक्खाणी अपञ्चक्खाणी ?, गोयमा ! जीवा सन्वुत्तरगुणपञ्चक्खाणीवि तिञ्चिवि, पंचिंदियतिरिक्खजोणिया मणुस्सा य एवं चेव, सेसा अपञ्चक्खाणी जाव वेमाणिया । एएसि णं भंते ! जीवाणं सन्वुत्तरगुणपञ्चक्खाणीणं० अप्पाबहुगाणि, तिञ्चिवि जहा पढमे डंडए जाव मणुसाणं ॥ जीवा णं भंते ! किं संजया असंजया संजयासंजया ? गोयमा ! जीवा संजयावि असंजयावि संजयासंजयावि, एवं जहेव पच्चवणाए तहेव भाणियव्व जाव वेमाणिया, अप्पाबहुगं तहेव तिण्हवि भाणियव्वं ॥ जीवा णं भंते ! किं पच्चक्खाणी अपञ्चक्खाणी पच्चक्खाणापच्चक्खाणी ?, गोयमा ! जीवा पच्चक्खाणीवि एवं तिञ्चिवि, एवं मणुस्सावि तिञ्चिवि, पंचिंदियतिरिक्खजोणिया आइल्लविरहिया सेसा सव्वे अपञ्चक्खाणी जाव वेमाणिया । एएसि णं भंते ! जीवाणं पच्चक्खाणीणं जाव विसेसाहिया वा ?, गोयमा ! सव्वत्थोवा जीवा पच्चक्खाणी पच्चक्खाणापच्चक्खाणी असंखेज्जगुणा अपञ्चक्खाणी अणंतगुणा, पंचिंदियतिरिक्खजोणिया सव्वत्थोवा पच्चक्खाणापच्चक्खाणी अपञ्चक्खाणी असंखेज्जगुणा, मणुस्सा सव्वत्थोवा पच्चक्खाणी पच्चक्खाणापच्चक्खाणी सखेज्जगुणा अपञ्चक्खाणी असंखेज्जगुणा ॥ २७२ ॥ जीवा णं भंते ! किं सासया असासया ?, गोयमा ! जीवा सिय सामया सिय असासया । से केणट्टेणं भंते ! एवं वुच्चइ-जीवा सिय सासया सिय असासया ?, गोयमा ! दव्वट्टयाए सासया भावट्टयाए असासया, से तेणट्टेणं गोयमा ! एवं वुच्चइ-जाव सिय असासया । नेरइया णं भंते ! किं सासया असासया ?, एवं जहा जीवा तहा नेरइयावि, एवं जाव वेमाणिया जाव सिय सासया सिय असासया । सेवं भंते ! सेवं भंते ! ति ॥ २७३ ॥ **सत्तमस्स विहओ उहेसो समत्तो ॥**

वणस्सइकाइया णं भंते ! किंकालं सव्वप्पाहारगा वा सव्वमहाहारगा वा भवंति ?, गोयमा ! पाउत्तवरिसारत्तेसु णं एत्थ णं वणस्सइकाइया सव्वमहाहारगा भवति तयाणंतरे च णं सरए, तयाणंतरे च णं हेमंते, नयाणंतरे च णं वसंते, तयाणंतरे च णं गिम्हे, गिम्हासु णं वणस्सइकाइया सव्वप्पाहारगा भवंति, जइ णं भंते । गिम्हासु वणस्सइकाइया सव्वप्पाहारगा भवंति, कम्हा णं भंते । गिम्हासु बहवे वणस्सइकाइया पत्तिया पुप्फिया फलिया हरियगरेरिज्जमाणा निरीए अईव अईव उव्वसोभेमाणा उव्वसोभेमाणा चिट्ठंति ?, गोयमा ! गिम्हासु णं बहवे उस्सिणजोणिया जीवा य पोगला य वणस्सइकाइयत्ताए वक्कमंति विउक्कमंति चर्यति उव्वज्जंति, एवं खल्लु गोयमा ! गिम्हासु बहवे वणस्सइकाइया पत्तिया पुप्फिया जाव चिट्ठंति ॥ २७४ ॥ से नूणं भंते । मूला मूलजीवफुडा कंदा कंदजीवफुडा जाव बीया बीय-

जीवफुडा ?, हंता गोयमा ! मूला मूलजीवफुडा जाव बीया बीयजीवफुडा । जइ णं भंते । मूला मूलजीवफुडा जाव बीया बीयजीवफुडा कम्हा णं भंते ! वणस्सइ-काइया आहारैरिति कम्हा परिणामेति ?, गोयमा ! मूला मूलजीवफुडा पुडविविज-पडिबद्धा तम्हा आहारैरिति तम्हा परिणामेति, कंदा कंदजीवफुडा मूलजीवपडिबद्धा तम्हा आहारैरिति तम्हा परिणामेति, एवं जाव बीया बीयजीवफुडा फलजीवपडिबद्धा तम्हा आहारैरिति तम्हा परिणामेति ॥ २७५ ॥ अह भंते ! आलए मूलए सिगबेरे हिरिली सिरिली सिस्सिरिनी किट्टिया छिरिया छीरिविरालिया कण्हकंदे वज्जकंदे सूरणकंदे खेल्हे अइए भइयुत्था पिडहलिदा लोही णीहू थ्रीहू थिरुगा मुगगकणी अस्सकणी सीहकणी मुसुंडी जे यावणे तहप्पगारा सव्वे ते अणंतजीवा विविहसत्ता ?, हंता गोयमा ! आलए मूलए जाव अणंतजीवा विविहसत्ता ॥ २७६ ॥ सिय भंते ! कण्हलेसे नेरइए अप्पकम्मतराए नीललेसे नेरइए महाकम्मतराए ?, हंता ! सिया, से केणट्टेणं भंते ! एवं वुच्चइ-कण्हलेसे नेरइए अप्पकम्मतराए नीललेसे नेरइए महा-कम्मतराए ?, गोयमा ! ठिई पडुच्च, से तेणट्टेणं गोयमा ! जाव महाकम्मतराए । सिय भंते ! नीललेसे नेरइए अप्पकम्मतराए काउलेसे नेरइए महाकम्मतराए ? हंता ! सिया, से केणट्टेणं भंते ! एवं वुच्चइ-नीललेसे नेरइए अप्पकम्मतराए काउलेसे नेरइए महाकम्मतराए ?, गोयमा ! ठिई पडुच्च, से तेणट्टेणं गोयमा ! जाव महाकम्म-तराए । एवं असुरकुम्भारेवि, नवरं तेउलेसा अब्भहिया एवं जाव वेमाणिया, जस्स जड लेमाओ तस्स तत्तिया भाणियव्वाओ, जोइसियस्स न भञ्जइ, जाव सिय भंते ! पम्हलेसे वेमाणिए अप्पकम्मतराए सुक्कलेसे वेमाणिए महाकम्मतराए ?, हंता ! सिया, से केणट्टेणं ? सेसं जहा नेरइयस्स जाव महाकम्मतराए ॥ २७७ ॥ से नूणं भंते ! जा वेयणा सा निज्जरा जा निज्जरा सा वेयणा ?, गोयमा ! णो तिणट्टे समट्टे, से केणट्टेणं भंते ! एवं वुच्चइ जा वेयणा न सा निज्जरा जा निज्जरा न सा वेयणा ?, गोयमा ! कम्म वेयणा णोकम्म निज्जरा, से तेणट्टेणं गोयमा ! जाव न सा वेयणा । नेरइयाणं भंते ! जा वेयणा सा निज्जरा जा निज्जरा सा वेयणा ?, गोयमा ! णो तिणट्टे समट्टे, से केणट्टेणं भंते ! एवं वुच्चइ नेरइयाणं जा वेयणा न सा निज्जरा जा निज्जरा न सा वेयणा ?, गोयमा ! नेरइयाणं कम्म वेयणा णोकम्म निज्जरा, से तेणट्टेणं गोयमा ! जाव न सा वेयणा, एवं जाव वेमाणियाणं । से नूणं भंते ! जं वेदेंसु तं निज्जरिंसु जं निज्जरिंसु तं वेदेंसु ?, णो तिणट्टे समट्टे, से केणट्टेणं भंते ! एवं वुच्चइ जं वेदेंसु नो तं निज्जरेंसु जं निज्जरेंसु नो तं वेदेंसु ?, गोयमा ! कम्मं वेदेंसु नोकम्मं निज्जरिंसु, से तेणट्टेणं गोयमा ! जाव नो तं वेदेंसु, नेरइया णं भंते !

जं वेदेंसु तं निज्जरिंसु ? एवं नेरइयावि एवं जाव वेमाणिया । से नृणं भंते ! जं वेदेति तं निज्जरेति जं निज्जरिति तं वेदेति ?, गोयमा ! णो तिण्ठे समट्ठे, से केणट्ठेण भंते ! एवं वुच्चइ जाव नो तं वेदेति ?, गोयमा ! कम्मं वेदेति नोकम्मं निज्जरेति, से तेणट्ठेणं गोयमा । जाव नो तं वेदेंति, एवं नेरइयावि जाव वेमाणिया । से नृणं भंते ! जं वेदिस्संति तं निज्जरिस्संति जं निज्जरिस्संति तं वेदिस्संति ?, गोयमा ! णो तिण्ठे समट्ठे, से केणट्ठेणं जाव णो तं वेदिस्संति ?, गोयमा । कम्मं वेदिस्संति नोकम्मं निज्जरिस्सति, से तेणट्ठेणं जाव नो तं निज्जरिस्संति, एवं नेरइयावि जाव वेमाणिया । से णूं भंते ! जे वेयणासमए से निज्जरासमए जे निज्जरासमए से वेयणासमए ?, नो तिण्ठे समट्ठे, से केणट्ठेणं भंते ! एव वुच्चइ जे वेयणाममए न से निज्जरासमए जे निज्जरासमए न से वेयणासमए ?, गोयमा । जं समयं वेदेति नो तं समयं निज्जरेति जं समयं निज्जरेति नो तं समयं वेदेति, अन्नम्मि समए वेदेति अन्नम्मि समए निज्जरेति अन्ने से वेयणासमए अन्ने से निज्जरासमए, से तेणट्ठेणं जाव न से वेयणासमए न से निज्जरासमए । नेरइयाणं भंते ! जे वेयणासमए से निज्जरासमए जे निज्जरासमए से वेयणासमए ?, गोयमा ! णो तिण्ठे समट्ठे, से केणट्ठेणं भंते ! एव वुच्चइ नेरइयाणं जे वेयणासमए न से निज्जरासमए जे निज्जरासमए न से वेयणासमए ?, गोयमा ! नेरइया णं जं समयं वेदेति णो तं समयं निज्जरेति जं समयं निज्जरेति नो तं समयं वेदेंति अन्नम्मि समए वेदेति अन्नम्मि समए निज्जरेति अन्ने से वेयणासमए अन्ने से निज्जरासमए, से तेणट्ठेणं जाव न से वेयणासमए एवं जाव वेमाणिया ॥ २७८ ॥ नेरइया णं भंते ! कि सासया असासया ?, गोयमा ! सिय सासया सिय असासया, से केणट्ठेणं भंते ! एवं वुच्चइ नेरइया सिय सासया सिय असासया ?, गोयमा ! अन्वोच्छित्तिणयट्ठयाए सासया वोच्छित्तिणयट्ठयाए असासया, से तेणट्ठेणं जाव सिय सासया सिय असासया, एवं जाव वेमाणिया जाव सिय असासया । सेवं भंते ! सेवं भंते ! त्ति ॥ २७९ ॥

सत्तमे सए तइओ उद्देशो समत्तो ॥

रायगिहे नगरे जाव एवं वयासी—कइविहा णं भंते ! संसारसमावन्नगा जीवा पन्नता ?, गोयमा ! छव्विहा संसारसमावन्नगा जीवा पन्नता, तंजहा—पुठविककडया एवं जहा जीवाभिगमे जाव सम्मतकिरियं वा मिच्छत्तकिरियं वा ॥ जीवा छव्विह पुठवी जीवाणं ठिई भवट्ठिई काए । निल्लेवण अणगारे किरिया सम्मतमिच्छता ॥ ११॥ सेवं भंते ! सेवं भंते ! त्ति ॥ २८० ॥

सत्तमे सए चउत्थो उद्देशो समत्तो ॥

रायगिहे जाव एवं वयासी—खहयरपंचिदियतिरिक्खजोणियाणं भंते ! कइविहे

णं जोणीसंगहे पण्णत्ते ?, गोयमा ! तिविहे जोणीसंगहे पण्णत्ते, तंजहा-अंडया पोयया संमुच्छिमा, एवं जहा जीवाभिगमे जाव नो चेव णं ते विमाणे वीईव-एजा । एवंमहालयाणं गोयमा । ते विमाणा पलत्ता ॥ 'जोणीसंगह ठेसा दिट्ठी नाणे य जोग उवओगे । उववायठिइसमुग्घायचवणजाईकुलविहीओ' ॥ १ ॥ सेवं भंते ! सेवं भंते ! ति ॥ २८१ ॥ सत्तमे सए पंचमो उहेसो समत्तो ॥

रायगिहे जाव एवं वयासी-जीवे णं भंते ! जे भविए नेरइएसु उववज्जिणए से णं भंते ! किं इहगए नेरइयाउयं पकरेइ उववज्जमाणे नेरइयाउयं पकरेइ उववजे नेरइयाउयं पकरेइ ?, गोयमा ! इहगए नेरइयाउयं पकरेइ नो उववज्जमाणे नेरइयाउयं पकरेइ नो उववजे नेरइयाउयं पकरेइ, एवं असुरकुमारेसुवि एवं जाव वेमाणि-एसु । जीवे णं भंते ! जे भविए नेरइएसु उववज्जिणए से णं भंते ! किं इहगए नेरइयाउयं पडिसवेदेइ उववज्जमाणे नेरइयाउयं पडिसवेदेइ उववजे नेरइयाउयं पडिसवेदेइ ?, गोयमा ! णो इहगए नेरइयाउयं पडिसवेदेइ उववज्जमाणे नेरइयाउयं पडिसवेदेइ उववजेवि नेरइयाउयं पडिसवेदेइ, एवं जाव वेमाणिएसु । जीवे णं भंते ! जे भविए नेरइएसु उववज्जिणए से णं भंते ! किं इहगए महावेयणे उववज्जमाणे महावेयणे उववजे महावेयणे ?, गोयमा ! इहगए सिय महावेयणे सिय अप्पवेयणे उववज्जमाणे सिय महावेयणे सिय अप्पवेयणे अहे णं उववजे भवइ तओ पच्छा एगंतदुक्खं वेयणं वेयइ आहच्च सायं । जीवे णं भंते ! जे भविए असुरकुमारेसु उववज्जिणए पुच्छा, गोयमा ! इहगए सिय महावेयणे सिय अप्पवेयणे उववज्जमाणे सिय महावेयणे सिय अप्पवेयणे अहे णं उववजे भवइ तवो पच्छा णगतसायं वेयणं वेदेइ आहच्च असायं, एवं जाव थणियकुमारेसु । जीवे णं भंते ! जे भविए पुडाविकाइएसु उववज्जिणए पुच्छा, गोयमा ! इहगए सिय महावेयणे सिय अप्पवेयणे, एवं उववज्जमाणेवि, अहे णं उववजे भवइ तओ पच्छा वेमायाए वेयणं वेयइ, एवं जाव मणुस्सेसु, वाणमंतरजोइसियवेमाणिएसु जहा असुरकुमारेसु ॥ २८२ ॥ जीवा णं भंते ! किं आभोगनिव्वत्तियाउया अणाभोगनिव्वत्तियाउया ?, गोयमा ! नो आभोगनिव्वत्तियाउया अणाभोगनिव्वत्तियाउया, एवं नेरइयावि, एवं जाव वेमाणिया ॥ २८३ ॥ अत्थि णं भंते ! जीवाणं कक्कसवेयणिज्जा कम्मा कज्जति ?, [गोयमा !] इंता ! अत्थि, कह्खं भंते ! जीवाणं कक्कसवेयणिज्जा कम्मा कज्जति ?, गोयमा ! पाणाइवाएणं जाव भिच्छादंसणसत्तेणं, एवं खलु गोयमा ! जीवाणं कक्कसवेयणिज्जा कम्मा कज्जति । अत्थि णं भंते ! नेरइयाणं कक्कसवेयणिज्जा कम्मा कज्जति ?, [एवं चेव] एवं जाव वेमाणियाणं । अत्थि णं भंते ! जीवाणं अक्कसवेयणिज्जा

कम्मा कज्जंति ? , हन्ता । अत्थि, कहन्नं भंते ! जीवाणं अकक्खसवेयणिज्जा कम्मा कज्जंति ? , गोयमा । पाणाइवायवेरमणेणं जाव परिग्गहवेरमणेणं कोहविवेगेणं जाव मिच्छाईसणसल्लविवेगेणं, एवं खलु गोयमा । जीवाणं अकक्खसवेयणिज्जा कम्मा कज्जंति । अत्थि णं भंते ! नेरइयाणं अकक्खसवेयणिज्जा कम्मा कज्जंति ? , गोयमा ! णो तिणट्ठे समट्ठे, एव जाव वेमाणिया, नवरं मणुस्साणं जहा जीवाणं ॥ २८४ ॥ अत्थि णं भंते ! जीवाणं सायावेयणिज्जा कम्मा कज्जंति ? , हंता ! अत्थि, कहन्नं भंते ! जीवाणं सायावेयणिज्जा कम्मा कज्जंति ? , गोयमा । पाणाणुकंपाए भूयाणुकंपाए जीवाणुकंपाए सत्ताणुकंपाए बहूणं पाणाणं जाव सत्ताणं अदुक्खणयाए असोयणयाए अजूरणयाए अतिप्पणयाए अपिट्ठणयाए अपरियावणयाए एवं खलु गोयमा ! जीवाणं सायावेयणिज्जा कम्मा कज्जंति, एवं नेरइयाणवि, एवं जाव वेमाणियाणं । अत्थि णं भंते ! जीवाणं असायावेयणिज्जा कम्मा कज्जंति ? , हंता ! अत्थि । कहन्नं भंते ! जीवाणं असायावेयणिज्जा कम्मा कज्जंति ? , गोयमा ! परदुक्खणयाए परसोयणयाए परजूरणयाए परतिप्पणयाए परपिट्ठणयाए परपरियावणयाए बहूणं पाणाणं जाव सत्ताणं दुक्खणयाए सोयणयाए जाव परियावणयाए एवं खलु गोयमा ! जीवाणं असायावेयणिज्जा कम्मा कज्जंति, एवं नेरइयाणवि, एवं जाव वेमाणियाणं ॥ २८५ ॥ जंबुदीवि णं भंते ! बीवे भारहे वामे इमीसे ओसप्पिणीए दुसमदुसमाए समाए उत्तमकट्टपत्ताए भारहस्स वासस्स केरिसए आगारभावपडोयारे भविस्सइ ? , गोयमा ! कालो भविस्सइ हाहाभूए भंभाभूए कोलाहलभूए समयणुभावेण य णं खरफरुसधूलिमइला दुव्विसहा वाउला भयंकरा वाया संवट्टगा य वाहिति, इह अभिक्ख २ धूमाहिति य दिसा सन्वओ समंता रउस्सला रेणुकलसतमपडलनिरालोगा समयलक्खयाए य णं अहियं चंदा सीयं मोच्छंति अहियं सूरिया तवइस्संति अदुत्तरं च णं अभिक्खणं बह्वे अरसमेहा विरसमेहा खारमेहा खट्टमेहा अग्गिमेहा विज्जमेहा विसमेहा असणिमेहा अप्पवणिज्जोदगा (अजवणिज्जोदया) वाहिरोगवेयणोदीरणापरिणामसल्लिा अमणुत्तपाणियगा चंडानिलपहयतिक्खधारा निवायपउरवासं वासिहिति । जे णं भारहे वासे गामागरनगरखेडकब्बडमडंबदोणमुहपट्टणासमगयं जणवयं चउप्पयगवेलगए खहयरे य पक्खिसंघे गामारत्तपयारनिरए तसे य पाणे बहुप्पगारे ख्खगुच्छगुम्मलयवद्धितणपव्वगहरियोसहिपवाल्कुरमाइए य तणवणस्सइकाइए विदंसेहिति, पव्वयगिरिडोंगरउच्छ(त्थ)लभट्टिमाइए य वेयणुगिरिवज्जे विरावेहिति सल्लिलबिलगुदुग्गविसमं निण्णुत्तयाई च गंगासिंधुवज्जाई समीकरेहिति ॥ तीसे णं भंते ! समाए भरहवासस्स भूमीए केरिसए आगारभावपडोयारे भविस्सइ ? , गोयमा ! भूमी भविस्सइ

ईंगालभूया मुम्मुरभूया छारियभूया तत्तकवेळ्यभूया तत्तसमजोइभूया धूलिबहुला रेणु-
 बहुला पंकबहुला पणगबहुला चलणिबहुला बहूणं धरणिगोयराणं सत्ताणं दुञ्जिक्कमा
 यावि भविस्सइ ॥ २८६ ॥ तीसे णं भंते । समाए भारहे वासे मणुयाणं केरिसए
 आगारभावपडोयारे भविस्सइ ?, गोयमा ! मणुया भविस्संति दुस्सा दुवन्ना दुगंधा
 दुरसा दुफासा अणिट्ठा अकंता जाव अमणाभा हीणस्सरा वीणस्सरा अणिट्ठस्सरा
 जाव अमणामस्सरा अणादेज्जवयणपञ्चायाया निळजा कूडकवडकलहवहबंधेवरनिरया
 मज्जायाइक्कमप्पहाणा अक्कजनिच्चज्जाया गुरुनियोयविणयरहिया य विकलरूवा परूढ-
 नहकेसमंसुरोमा काला खरफरुसज्जामवन्ना फुट्टसिरा कविलपलियकेसा बहुण्हाए [णि]-
 संपिणद्दुइंसणिज्जरूवा संकुडियवलितरंगपरिवेडियंगमंगा जरापरिणयव्व थेरगनरा
 पविररुपरिसडियदंतसेदी उव्वभडघडमुहा विसमनयणा वंकनासा वंगवलिविगय-
 भेसणमुहा कच्चुकसराभिभूया खरतिक्खनहकंइयविकखयतणू दहुकिडिभिसिञ्ज-
 फुडियफरुसच्छवी चित्तलंगा टोलागइविसमसंधिबंधणउकुडुअट्टिगविभत्तदुब्बलकु-
 सघयणकुप्पमाणकुसंठिया कुरूवा कुठाणासणकुसेज्जकुभोइणो असुइणो अणेगवाहि-
 परिपीलियंगमंगा खलंतविव्वभलगई निरुच्छाहा सत्तपरिवजिया विगयचिद्धा नट्टतेया
 अभिक्खणं सीयउप्पखरफरुसवायविज्जडिया मलिणपंसुरयगुंडियंगमंगा बहुकोह-
 माणमाया बहुलोभा असुहदुक्खभोगी ओसन्न धम्मसण्णसम्मत्तपरिव्वभट्ठा उक्कोसेणं
 ग्यणिप्पमाणमेत्ता मोलसवीसइवासपरमाउसो पुत्तनत्तुपरियालपणयबहुला गंगा-
 सिधूओ महानईओ वेयञ्जं च पव्वयं निस्साए बावत्तरि निओदा वीयं वीयामेत्ता
 बिलवात्तिणो भविस्संति ॥ ते णं भंते ! मणुया किमाहारमाहारेहिंति ?, गोयमा ! ते
 णं काळे णं ते णं समए णं गंगासिधूओ महानईओ रहपहवित्थराओ अक्खसोयप-
 माणमेत्तं जलं वोज्झिहिंति सेवि य णं जले बहुमच्छकच्छभाइन्ने णो चेव णं आउबहुले
 भविस्सइ, नए णं ते मणुया सूरुगमणमुहुत्तंसि य सूरुत्थमणमुहुत्तंसि य बिलेहितो
 निद्धाहिंति निद्धाइत्ता मच्छकच्छभे थलाइं गाहेहिंति सीयायवतत्तएहिं मच्छकच्छ-
 एहि एक्कवीसं वाससइस्साइं वित्तिं कप्पेमाणा विहरिस्संति ॥ ते णं भंते ! मणुया
 निस्सीला निग्गुणा निम्मेरा निप्पक्खवाणपोसहोववासा ओसण्णं मंसाहारा मच्छा-
 हारा खोहाहारा कुणिमाहारा कालमासे काले किञ्चा कहिं गच्छिहिंति कहिं उव्वज्जि-
 हिति ?, गोयमा ! ओसन्नं नरगतिरिक्खजोणिएसु उव्वज्जिहिंति, ते णं भंते ! सीहा
 वग्घा वग्घा वीविया अच्छा तरच्छा परस्सरा निस्सीला तहेव जाव कहिं उव्वज्जि-
 हिंति ?, गोयमा ! ओसन्नं नरगतिरिक्खजोणिएसु उव्वज्जिहिंति, ते णं भंते ! ढंका
 कंका बिलका महुगा सिही निस्सीला तहेव जाव ओसन्नं नरगतिरिक्खजोणिएसु उव-
 वज्जिहिंति । सेवं भंते । सेवं भंते ! ति ॥२८७॥ सत्तमस्स छट्ठो उदेसओ ॥

संबुडस्स णं भंते ! अणगारस्स आउत्तं गच्छमाणस्स जाव आउत्तं तुयट्ठमा-
णस्स आउत्तं वत्थं पडिग्गहं कंबलं पायपुंछणं गेण्हमाणस्स वा निक्खिक्खमाणस्स वा
तस्स णं भंते ! किं इरियावहिया किरिया कज्जइ संपराइया किरिया कज्जइ ?,
गोयमा ! संबुडस्स णं अणगारस्स जाव तस्स णं इरियावहिया किरिया कज्जइ णो
संपराइया किरिया कज्जइ । से केणट्ठेणं भंते ! एवं बुच्चइ-संबुडस्स णं जाव संप-
राइया किरिया कज्जइ ?, गोयमा ! जस्स णं कोहमाणमायालोभा वोच्छिन्ना भवंति
तस्स णं इरियावहिया किरिया कज्जइ, तहेव जाव उस्सुत्तं रीयमाणस्स संपराइया
किरिया कज्जइ, से णं अहासुत्तमेव रीयइ, से तेणट्ठेणं गोयमा ! जाव नो संपराइया
किरिया कज्जइ ॥ २८८ ॥ रूवी भंते ! कामा अरूवी कामा ? गोयमा ! रूवी कामा
समणाउसो ! नो अरूवी कामा । सच्चित्ता भंते ! कामा अच्चित्ता कामा ?, गोयमा !
सच्चित्तावि कामा अच्चित्तावि कामा । जीवा भंते ! कामा अजीवा कामा ?, गोयमा !
जीवावि कामा अजीवावि कामा । जीवाणं भंते ! कामा अजीवाणं कामा ?, गोयमा !
जीवाणं कामा नो अजीवाणं कामा, कइविहा णं भंते ! कामा पन्नत्ता ?, गोयमा !
दुविहा कामा पन्नत्ता, तंजहा-सहा य रूवा य, रूवी भंते ! भोगा अरूवी भोगा ?,
गोयमा ! रूवी भोगा नो अरूवी भोगा, सच्चित्ता भंते ! भोगा अच्चित्ता भोगा ?,
गोयमा ! सच्चित्तावि भोगा अच्चित्तावि भोगा, जीवा भंते ! भोगा अजीवा भोगा ?,
गोयमा ! जीवावि भोगा अजीवावि भोगा, जीवाणं भंते ! भोगा अजीवाणं भोगा ?,
गोयमा ! जीवाणं भोगा नो अजीवाणं भोगा, कइविहा णं भंते ! भोगा पन्नत्ता ?,
गोयमा ! तिविहा भोगा पन्नत्ता तजहा-गंधा रसा फासा । कइविहा णं भंते !
कामभोगा पन्नत्ता ?, गोयमा ! पंचविहा कामभोगा पन्नत्ता, तंजहा-सहा रूवा गंधा
रसा फासा । जीवा णं भंते ! किं कामी भोगी ?, गोयमा ! जीवा कामीवि भोगीवि ।
से केणट्ठेणं भंते ! एवं बुच्चइ जीवा कामीवि भोगीवि ?, गोयमा ! सोइंदियचक्खि-
दियाइं पडुच्च कामी घाणिंदियजिब्भदियफासिंदियाइं पडुच्च भोगी, से तेणट्ठेणं
गोयमा ! जाव भोगीवि । नेरइया णं भंते ! किं कामी भोगी ?, एवं चव एवं जाव
थणियकुमारा । पुढविकाइयाणं पुच्छा, गोयमा ! पुढविकाइया नो कामी भोगी, से
केणट्ठेणं जाव भोगी ?, गोयमा ! फासिंदियं पडुच्च से तेणट्ठेणं जाव भोगी, एवं जाव
वणस्सइकाइया, बेइंदिया एवं चव नवरं जिब्भदियफासिंदियाइं पडुच्च भोगी,
तेइंदियावि एवं चव नवरं घाणिंदियजिब्भदियफासिंदियाइं पडुच्च भोगी चउरिंदि-
याणं पुच्छा, गोयमा ! चउरिंदिया कामीवि भोगीवि, से केणट्ठेणं जाव भोगीवि ?,
गोयमा ! चक्खिंदियं पडुच्च कामी घाणिंदियजिब्भदियफासिंदियाइं पडुच्च भोगी,

से तेणट्टेणं जाव भोगीवि, अबसेसा जहा जीवा जाव वेमाणिया । एएसि णं भंते ! जीवाणं कामभोगीणं नोकामीणं नोभोगीणं भोगीणं य कयरे कयरेहिंतो जाव विसेसाहिया वा ? , गोयमा ! सव्वत्थोवा जीवा कामभोगी नोकामीनोभोगी अणंतगुणा भोगी अणंतगुणा ॥ २८९ ॥ छउमत्थे णं भंते ! मणुस्से जे भविए अन्नयरेसु देवलोएसु देवत्ताए उववज्जित्तए, से नूणं भंते । से खीणभोगी नो पभू उट्टाणेणं कम्मणेणं बलेणं वीरिएणं पुरिसक्कारपरक्कमेण विउलाइं भोगभोगाईं भुंजमाणे विहरित्तए, से नूणं भंते ! एयमट्ठं एवं वयह ? , गोयमा । णो इणट्टे समट्टे, से केणट्टेणं भंते । एवं वुच्चइ ? गोयमा ! पभू णं से उट्टाणेणवि कम्मणेणवि बलेणवि वीरिएणवि पुरिसक्कारपरक्कमेणवि अन्नयराईं विपुलाइं भोगभोगाईं भुंजमाणे विहरित्तए, तम्हा भोगी भोगे परिच्चयमाणे महानिज्जरे महापज्जवसाणे भवइ । आहोहिए णं भंते ! मणुस्से जे भविए अन्नयरेसु देवलोएसु एव चंव जहा छउमत्थे जाव महापज्जवसाणे भवइ । परमाहोहिए णं भंते ! मणुस्से जे भविए तेणेव भवग्गहणेणं सिज्जित्तए जाव अंतं करेत्तए, से नूणं भंते ! से खीणभोगी सेसं जहा छउमत्थस्स । केवली णं भंते ! मणुस्से जे भविए तेणेव भवग्गहणेणं एवं जहा परमाहोहिए जाव महापज्जवसाणे भवइ ॥ २९० ॥ जे इमे भंते ! असन्निणो पाणा, तंजहा-पुढविकाइया जाव वणस्सइकाइया छट्ठा य एगइया तसा, एए णं अंधा मूढा तमपविट्ठा तमपडलमोहजालपडिच्छण्णा अकामनिकरणं वेयणं वेदंतीति वत्तव्वं सिया ? , हंता गोयमा ! जे इमे असन्निणो पाणा पुढविकाइया जाव वणस्सइकाइया छट्ठा य जाव वेयणं वेदंतीति वत्तव्वं सिया ॥ अत्थि ण भंते ! पभूवि अकामनिकरणं वेयणं वेएइ ? , हंता गोयमा ! अत्थि, कहन्नं भंते ! पभूवि अकामनिकरणं वेयणं वेदेइ ? , गोयमा ! जे णं णो पभू विणा बीवेणं अंधकारसि रुवाइं पासित्तए जे णं नो पभू पुरओ रुवाइं अणिज्जाइत्ता णं पासित्तए जे णं नो पभू मग्गओ रुवाइं अणवयक्खित्ता णं पासित्तए [जे णं नो पभू पासओ रुवाइं अणलोइत्ता णं पासित्तए जे णं नो पभू उट्टं रुवाइं अणालोएत्ता णं पासित्तए जे णं नो पभू अहे रुवाइं अणालोएत्ता णं पासित्तए] एस णं गोयमा ! पभूवि अकामनिकरणं वेयणं वेदेइ ॥ अत्थि णं भंते ! पभूवि पकामनिकरणं वेयणं वेदेइ ? , हंता ! अत्थि, कहन्नं भंते ! पभूवि पकामनिकरणं वेयणं वेदेइ ? , गोयमा ! जे णं नो पभू समुद्दस्स पारं गमित्तए जे णं नो पभू समुद्दस्स पारगयाइं रुवाइं पासित्तए जे णं नो पभू देवलोणं गमित्तए जे णं नो पभू देवलोणगयाइं रुवाइं पासित्तए एस णं गोयमा ! पभूवि पकामनिकरणं वेयणं वेदेइ । सेवं भंते ! सेवं भंते ! ति ॥ २९१ ॥ सत्तमस्स सयस्स सत्तमो उहेसथो समत्तो ॥

छउमत्ये णं भंते ! मणसे तीयमणंतं सासयं समयं केवलेणं संजमेणं एवं जहा पढमसए चउत्ये उद्देसए तहा भाणियव्वं जाव अलमत्थु० ॥२९२॥ से णूणं भंते ! हत्थिस्स य कुंथुस्स य समे चेव जीवे ? , हंता गोयमा ! हत्थिस्स य कुंथुस्स य एवं जहा रायप्पसेणइजे जाव खुत्थियं वा महात्थियं वा से तेणट्टेणं गोयमा ! जाव समे चेव जीवे ॥ २९३ ॥ नेरइयाणं भंते ! पावे कम्ममे जे य कडे जे य कज्जइ जे य कज्जिस्सइ सव्वे से दुक्खे जे निज्जिन्ने से सुहे ? , हंता गोयमा ! नेरइयाणं पावे कम्ममे जाव सुहे, एवं जाव वेमाणियाणं ॥ २९४ ॥ कइ णं भंते ! सन्नाओ पन्नत्ताओ ? , गोयमा ! दस सन्नाओ पन्नत्ताओ, तंजहा-आहारसन्ना १ भयसन्ना २ मेहुणसन्ना ३ परिग्गहसन्ना ४ कोहसन्ना ५ माणसन्ना ६ मायासन्ना ७ लोभसन्ना ८ लोगसन्ना ९ ओहसन्ना १०, एवं जाव वेमाणियाणं ॥ नेरइया दसविहं वेयणिज्जं पच्चणुभवमाणा विहरंति, तंजहा-सीयं उसिणं खुहं पिवासं कंडुं परज्जं जरं दाहं भयं सोगं ॥२९५॥ से नूणं भंते ! हत्थिस्स य कुंथुस्स य समा चेव अपच्चक्ख्वाणकिरिया कज्जइ ? , हंता गोयमा ! हत्थिस्स य कुंथुस्स य जाव कज्जइ । से केणट्टेणं भंते ! एवं वुच्चइ जाव कज्जइ ? , गोयमा ! अविरइं पडुच्च, से तेणट्टेणं जाव कज्जइ ॥ २९६ ॥ आहा-कम्मणं भंते ! भुंजमाणे किं बंधइ ? किं पकरेइ ? किं त्विणाइ ? किं उवत्थिणाइ ? एवं जहा पढमे सए नवमे उद्देसए तहा भाणियव्वं जाव सासए पंडिए पंडियत्तं असाभयं, सेवं भंते ! सेवं भंते ! त्ति ॥२९७॥ **सत्तमसयस्स अट्टमो उद्देसो ॥**

असंचुडे णं भंते ! अणगारे बाहिरए पोगगले अपरियाइत्ता पभू एगवन्नं एगरूव विउव्वित्तए ? , णो तिणट्टे समट्टे । असंचुडे णं भंते ! अणगारे बाहिरए पोगगले परियाइत्ता पभू एगवन्नं एगरूवं जाव हंता । पभू । से भंते ! किं इहगए पोगगले परि-याइत्ता विउव्वइ तत्थगए पोगगले परियाइत्ता विउव्वइ अन्नत्थगए पोगगले परिया-इत्ता विउव्वइ ? , गोयमा ! इहगए पोगगले परियाइत्ता विउव्वइ नो तत्थगए पोगगले परियाइत्ता विउव्वइ नो अन्नत्थगए पोगगले जाव विउव्वइ, एवं एगवन्नं अणेगरूवं चउभंगो जहा छट्टसए नवमे उद्देसए तहा इहावि भाणियव्वं, नवरं अणगारे इहगए चेव पोगगले परियाइत्ता विउव्वइ, सेसं तं चेव जाव लुक्खपोगगलं निद्धपोगगलत्ताए परिणामेत्तए ? , हंता ! पभू, से भंते ! किं इहगए पोगगले परियाइत्ता जाव नो अन्नत्थगए पोगगले परियाइत्ता विउव्वइ ॥ २९८ ॥ णायमेयं अरहया सुयमेयं अरहया विनायमेयं अरहया महासिलकंटए संगामे ॥ महासिलकंटए णं भंते ! संगामे वट्टमाणे के जइत्था के पराजइत्था ? , गोयमा ! वज्जी विदेहपुत्ते जइत्था, नवमल्लई नवलेच्छई काशीकोसलगा अट्टारसवि गणरायाणो पराजइत्था ॥

तए णं से कोणिए राया महासिलाकंटगं संगामं उवट्टियं जाणित्ता कोडुंबियपुरिसे सहावेइ २ एवं वयासी-खिप्पामेव भो देवाणुप्पिया ! उदाई हत्थिरायं पडिकप्पेह ह्यगयरहजोहकलियं चाउरंगिणि सेणं सच्चाहेह २ ता मम एयमाणत्तियं खिप्पामेव पच्चप्पिणह । तए णं ते कोडुंबियपुरिसा कोणिएणं रत्ता एवं वुत्ता समाणा हट्ट-तुट्ट जाव अंजलिं कट्टु एवं सामी ! तहत्ति आणाए विणएणं वयणं पडिसुणंति २ खिप्पामेव छेयायरियोवएसमइकप्पणाविकप्पेहिं सुनिउणेहिं एवं जहा उववाइए जाव मीमं संगामियं अउज्झं उदाई हत्थिरायं पडिकप्पंति ह्यगय जाव सच्चाहेति २ जेणेव कूणिए राया तेणेव उवागच्छन्ति तेणेव उवागच्छित्ता करयलं कूणियस्स रत्तो तमाणत्तियं पच्चप्पिणंति, तए णं से कूणिए राया जेणेव मज्जणघरे तेणेव उवा-गच्छइ तेणेव उवागच्छित्ता मज्जणघरं अणुपविसइ मज्जणघरं अणुपविसित्ता ष्हाए सव्वालंकारविभूसिए सच्चद्वद्ववम्मियकवए उप्पीलियसरासणपट्टिए पिगद्धगे-वेजे विमलवरबद्धविधपट्टे गहियाउहृप्पहरणे सकोरिंटमहदासेणं छत्तेणं धरिज्जमा-णं चउत्तामरवालवीडयंगे मंगलजयसहकयालोए एवं जहा उववाइए जाव उवा-गच्छित्ता उदाई हत्थिरायं दुरुढे, तए णं से कूणिए राया हारोत्थयसुकयरइयवच्छे जहा उववाइए जाव सेयवरचामराहि उडुव्वमाणीहिं उडुव्वमाणीहि ह्यगयरहप-वरजोहकलियाए चाउरंगिणीए सेणाए सद्धिं संपरिवुडे महया भडचडगरविदपरि-क्खित्तं जेणेव महासिलाकंटए संगामे तेणेव उवागच्छइ तेणेव उवागच्छित्ता महासिलाकंटयं संगामं ओयाए, पुरओ य से सक्के देविदे देवराया एगं महं अभे-जकवयं वइरपडिस्सुवंगं विउज्जित्ता णं चिड्डइ, एवं खलु दो ईदा संगामं संगामेति, नंजहा-देविदे य मणुइंदे य, एगहत्थिणावि णं पभू कूणिए राया पराजिणित्ता, तए णं से कूणिए राया महासिलाकंटयं संगामं संगामेमाणे नव मल्लइ नव लेच्छइ कासीकोसलगा अट्टारसवि गणरायाणो ह्यमहियपवरवीरघाइयवियडियविधद्वयप-उगे किच्छपाणगए दिसो दिसिं पडिसेहित्था ॥ से केणट्टेणं भंते ! एवं वुच्चइ महा-सिलाकंटए संगामे ?, गोयमा ! महासिलाकंटए णं संगामे वट्टमाणे जे तत्थ आसे वा हत्थी वा जोहे वा सारही वा तणेण वा पत्तेण वा कट्टेण वा सक्कराए वा अभि-हम्मइ सव्वे से जाणइ महासिलाए अहं अभिहए म० २, से तेणट्टेणं गोयमा । महासिलाकंटए संगामे । महासिलाकंटए णं भंते ! संगामे वट्टमाणे कइ जणसय-साहस्सीओ वहियाओ ?, गोयमा । चउरासीइ जणसयसाहस्सीओ वहियाओ । ते णं भंते ! मणुया निस्सीला जाव निप्पच्चक्खाणपोसहोववासा ख्हा परिक्खिया सम-रवहिया अणुवसंता कालमासे कालं किच्चा कहिं गया कहिं उववत्ता ?, गोयमा !

ओसन्नं नरगतिरिक्खजोणिएसु उववन्ना ॥ २९९ ॥ गायमेयं अरहया सुयमेयं अरहया विजायमेयं अरहया रहमुसले संगामे, रहमुसले णं भंते ! संगामे वट्टमाणे के जइत्था के पराजइत्था ?, गोयमा ! वज्जी विदेहपुत्ते चमरे असुरिदे असुरकुमारराया जइत्था नव मल्लई नव लेच्छई पराजइत्था, तए णं से कूणिए राया रहमुसलं संगामं उवट्ठियं सेसं जहा महासिलार्कटए नवरं भूयाणं दे हत्थिराया जाव रहमुसलं संगामं ओयाए, पुरओ य से सक्के देविंदे देवराया, एवं तहेव जाव चिट्ठंति, मग्गओ य से चमरे असुरिदे असुरकुमारराया एगं महं आयसं किट्ठिणपडिरूवगं विउव्वित्ता णं चिट्ठइ, एवं खलु तओ इंदा संगामं सगामेति, तंजहा-देविंदे य मणुइंदे य असुरिंदे य, एगहत्थिणावि णं पभू कूणिए राया जइत्था तहेव जाव दिसो दिसिं पडिसे-हत्थि । से केगट्ठेणं भंते ! एवं वुच्चइ रहमुसले संगामे ?, गोयमा ! रहमुसले णं संगामे वट्टमाणे एगे रहे अणासए असारहिए अणारोहए समुसले महया जगक्खयं जणवहं जणप्पमइं जणसंवट्ठकप्पं रहिरकद्धं करेमाणे सव्वओ समंता परिभ्रावित्था से तेणट्ठेणं जाव रहमुसले संगामे । रहमुसले णं भंते ! संगामे वट्टमाणे कइ जणसयसाहस्सीओ वहियाओ ?, गोयमा ! छन्नउई जणसयसाहस्सीओ वहियाओ । ते णं भंते ! मणुया निस्सीला जाव उववन्ना ?, गोयमा ! तत्थ णं दस साहस्सीओ एगाए मच्छीए कुच्छिमि उववन्नाओ, एगे देवलोगेसु उववन्ने, एगे सुकुले पच्चायाए, अवसेमा ओसन्नं नरगतिरिक्खजोणिएसु उववन्ना ॥ ३०० ॥ कम्हा णं भंते ! सक्के देविंदे देवराया चमरे असुरिदे असुरकुमारराया कूणियस्स रत्तो साहेजं दलइत्था ?, गोयमा ! सक्के देविंदे देवराया पुव्वसंगइए चमरे असुरिदे असुरकुमारराया परि-यायसंगइए, एवं खलु गोयमा ! सक्के देविंदे देवराया चमरे य असुरिदे असुरकुमारराया कूणियस्स रत्तो साहिजं दलइत्था ॥ ३०१ ॥ बहुजणे णं भंते ! अन्नमज्जस्स एवमाइक्खइ जाव परूवेइ एवं खलु बहुवे मणुस्सा अन्नयरेसु उच्चावएसु संगामेसु अभिमुहा चेव पइया समाणा कालमासे कालं किच्चा अन्नयरेसु देवलोएसु देवत्ताए उववत्तारो भवंति, से कहमेयं भंते ! एवं ?, गोयमा ! जणं से बहुजणे अन्नमज्जस्स एवं आइक्खइ जाव उववत्तारो भवंति जे ते एवमाहंसु मिच्छं ते एवमाहंसु, अहं पुण गोयमा ! एवमाइक्खामि जाव परूवेमि-एवं खलु गोयमा ! तेणं कालेणं तेणं समएणं वेसाली नामं नगरी होत्था, वण्णओ, तत्थ णं वेसालीए णगरीए वरुणे नामं णागनत्तुए परिवसइ अट्ठे जाव अपरिभूए समणोवासाए अभिगयजीवाजीवे जाव पडिलाभेमाणे छट्ठंछट्ठेणं अनिक्खत्तेणं तवोक्कमेणं अप्पाणं भावेमाणे विहरइ, तए णं से वरुणे णागनत्तुए अज्जया कयाइ रायाभिओगेणं गणाभिओगेणं बलाभि-

ओगेणं रहमुसले संगामे आणत्ते समाणे छट्टभत्तिए अट्टमभत्तं अणुवट्टे(ट्टु)इ अट्टमभत्तं अणुवट्टेत्ता कोडुंबियपुरिसे सहावेइ २ एवं वयासी-खिप्पामेव भो देवाणुप्पिया । चाउगघंटं आसरहं जुत्तामेव उवट्टावेह ह्यगयरहपवर जाव सन्नाहेत्ता मम एयमाणत्तियं पच्चप्पिणह, तए णं ते कोडुंबियपुरिसा जाव पडिसुणेत्ता खिप्पामेव सच्छत्ता सज्जयं जाव उवट्टावेत्ति ह्यगयरह जाव सन्नाहेत्ति २ जेणेव वरुणे नागनत्तुए जाव पच्चप्पिणत्ति, तए णं से वरुणे नागनत्तुए जेणेव मज्जणघरे तेणेव उवागच्छइ जहा कूणिओ सव्वालंकारविभूसिए सन्नद्धबद्धे सकोरैटमल्लदामेणं जाव धरिज्जमाणेणं अणेगगणनायग जाव दूयसंधिवालसद्धिं संपरिचुडै मज्जणघराओ पडिनिक्खमड पडिनिक्खमिन्ता जेणेव बाहिरिया उवट्टाणसाला जेणेव चाउगघंटे आसरहे तेणेव उवागच्छइ उवागच्छित्ता चाउगघंटं आसरहं दुरूहइ २ ह्यगयरह जाव संपरिचुडे महया भडच्चडगर० जाव परिक्खित्ते जेणेव रहमुसले संगामे तेणेव उवागच्छइ २ ता रहमुसल संगामं ओयाए, तए णं से वरुणे णागणत्तुए रहमुसलं संगामं ओयाए समाणे अयमेयारूवं अभिग्गहं अभिग्गिण्हइ-कप्पइ मे रहमुसलं नगामं संगामेमाणस्स जे पुब्बि पहणइ से पडिहणित्तए अवसेसे नो कप्पइ त्ति, अयमेयारूवं अभिग्गहं अभिग्गिण्हइ अभिग्गिण्हना रहमुसलं संगाम सगामेड, तए णं तस्स वरुणस्स नागनत्तुयस्स रहमुसलं सगामं संगामेमाणस्स एगे पुरिसे सरिसए सरिसत्तए सरिसव्वए सरिसभंडमतोबगरणे रहेणं पडिरहं हव्वमागए, तए णं से पुरिसे वरुणं णागणत्तुयं एवं वयासी-पहण भो वरुणा ! णागणत्तुया ! ५० २, तए णं से वरुणे णागणत्तुए तं पुरिस एवं वयासी-नो खलु मे कप्पइ देवाणुप्पिया ! पुब्बि अहयस्स पहणित्तए, तुमं चेव णं पुब्बि पहणाहि, तए णं से पुरिसे वरुणेणं णागणत्तुएणं एवं वुत्ते समाणे आसुरुत्ते जाव मिसिमिसेमाणे धणुं परामुसइ २ उसुं परामुसइ उसुं परामुसित्ता ठाणं ठाइ ठाणं ठिच्चा आययकजाययं उसुं करेइ आययकजाययं उसुं करेत्ता वरुणं णागणत्तुयं गाडप्पहारी करेइ, तए णं से वरुणे णागणत्तुए तेणं पुरिसेणं गाडप्पहारीकए समाणे आसुरुत्ते जाव मिसिमिसेमाणे धणुं परामुसइ धणुं परामुसित्ता उसुं परामुसइ उसुं परामुसित्ता आययकजाययं उसुं करेइ आययकजाययं ० २ तं पुरिसं एगाहच्चं कूडाहच्चं जीवियाओ ववरोवेइ, तए णं से वरुणे णागणत्तुए तेणं पुरिसेणं गाडप्पहारीकए समाणे अत्थामे अबळे अवीरिए अपुरिसक्कारपरक्कमे अधारणिज्जमित्तकट्टु तुरए निगिण्हइ तुरए निगिण्हित्ता रहं परावत्तेइ रहं परावत्तित्ता रहमुसलाओ संगामाओ पडिनिक्खमइ २ एगंतमंतं अवक्कमइ एगंतमंतं अवक्कमित्ता तुरए निगिण्हइ २ रहं ठवेइ २ ता रहाओ पम्बोरुहइ रहाओ २ रहाओ तुरए मोएइ

तुरए मोएत्ता तुरए विसजेइ २ ता दब्भसंथारगं संथरइ २ ता [पुरच्छा-
 भिसुहे दुरूहइ दब्भस० २] पुरच्छाभिसुहे संपलियं कनिसन्ने करयल जाव कट्ठु
 एवं वयासी-नमोत्थु णं अरिहंतणं जाव संपत्ताणं नमोऽत्थु णं समणस्स भगवओ
 महावीरस्स आइगरस्स जाव संपाविकामस्स मम धम्मायारियस्स धम्मोवएसगरस्स
 वंदामि णं भगवन्तं तत्थगयं इहगए पासउ मे से भगवं तत्थगए जाव वंदइ नमंसइ २
 एवं वयासी-पुव्विपि णं मए समणस्स भगवओ महावीरस्स अंतिए थूलए पाणाइवाए
 पच्चक्खाए जावजीवाए एवं जाव थूलए परिग्गहे पच्चक्खाए जावजीवाए, इयाणिपि णं
 अहं तस्सेव अरिहंतस्स भगवओ महावीरस्स अंतियं सव्वं पाणाइवायं पच्चक्खामि
 जावजीवाए एवं जहा खंदओ जाव एयंपि णं चरमेहिं ऊसासनीसासेहिं वोसिरामिनि-
 कट्ठु सन्नाहपट्टं मुयइ सन्नाहपट्टं मुइत्ता सल्लुद्धरणं करेइ सल्लुद्धरणं करेत्ता आलोदय-
 पडिक्कंते समाहिपत्ते आणुपुव्वीए कालगए, तए णं तस्स वरुणस्स णागनत्तुयस्स
 एगे पियबालवयंसए रहमुसलं सगामं संगामेमाणे एगेणं पुरिसेणं गाढप्पहारीकए
 समाणे अत्थामे अबले जाव अधारणिज्जमितिकट्ठु वरुणं णागनत्तुयं रहमुसलाओ
 सगामाओ पडिनिक्खममाणं पासइ पासित्ता तुरए निगेण्हइ तुरए निगेण्हित्ता जहा
 वरुणे जाव तुरए विसजेइ पडिसंथारगं दुरूहइ पडिसंथारगं दुरूहित्ता पुरत्थाभिसुहे
 जाव अजलि कट्ठु एवं वयासी-जाइं णं मम पियबालवयस्सस्स वरुणस्स
 नागनत्तुयस्स सीलाइं वयाइं गुणाइं वेरमणाइं पच्चक्खाणपोसहोववासाइं ताइं णं
 ममपि भवंतुत्तिकट्ठु सन्नाहपट्टं मुयइ २ सल्लुद्धरणं करेइ सल्लुद्धरणं करेत्ता आणुपु-
 व्वीए कालगए, तए णं तं वरुणं णागणत्तुयं कालगयं जाणित्ता अहासनिहिएहिं
 वाणमंतरेहिं देवेहिं दिव्वे सुरभिगंधोदगवासे जुट्ठे दसद्धवणे कुसुमे निवाडिए दिव्वे
 य गीयगंधव्वनिनाए कए यावि होत्था, तए णं तस्स वरुणस्स णागनत्तुयस्स तं
 दिव्वं देविह्विं दिव्वं देवजुइं दिव्वं देवाणुभागं सुणित्ता य पासित्ता य बहुजणो
 अन्नमज्जस्स एवमाइक्खइ जाव परूवेइ-एवं खलु देवाणुप्पिया ! बहवे मणुस्सा
 जाव उववत्तारो भवंति ॥ ३०२ ॥ वरुणे णं भंते ! नागनत्तुए कालमासे कालं
 किच्चा कहिं गए कहिं उववणे ?, गोयमा ! सोहम्मे कप्पे अरुणामे विमाणे देवत्ताए
 उववणे, तत्थ णं अत्येगइयाणं देवाणं चत्तारि पलिओवमाणि ठिइं पज्जत्ता, तत्थ
 णं वरुणस्सवि देवस्स चत्तारि पलिओवमाइं ठिइं पज्जत्ता । से णं भंते ! वरुणे देवे
 ताओ देवलोगाओ आउक्खएणं भवक्खएणं ठिइक्खएणं जाव महाविदेहे वासे
 सिज्झिहिइ जाव अंतं करेहिइ । वरुणस्स णं भंते ! णागणत्तुयस्स पियबालवयं-
 सए कालमासे कालं किच्चा कहिं गए कहिं उववणे ?, गोयमा ! सुकुले पच्चायाए ।

से णं भंते । तओहितो अणंतरं उव्वट्ठिता कहिं गच्छिहिइ कहिं उववज्जिहिइ ?,
गोयमा ! महाविदेहे वासे सिञ्जिहिइ जाव अंतं करेहिइ । सेवं भंते ! सेवं भंते !
ति ॥ ३०३ ॥ सत्तमस्स सयस्स णवमो उद्देसो समत्तो ॥

तेणं काळेणं तेणं समएणं रायगिहे नामं नगरे होत्या वन्नओ, गुणसिलए
उज्जाणे वन्नओ, जाव पुढविसिलापट्टए वण्णओ, तस्स णं गुणसिलयस्स उज्जाणस्स
अदूरसामंते बहुवे अन्नउत्थिया परिवसंति, तंजहा-कालोदाई सेलोदाई सेवालोदाई
उदए नोमुदए नमुदए अन्नवालए सेलवालए सखवालए सुहत्थी गाहावई, तए
णं तेसिं अन्नउत्थियाणं अन्नया कयाई एगयओ समुवागयाणं सन्नविट्ठाणं सन्नि-
सन्नाणं अयमेयारूवे मिहो क्हासमुल्लावे समुप्पज्जित्या-एवं खलु समणे नाय-
पुत्ते पंच अत्थिकाए पन्नवेइ, तंजहा-धम्मत्थिकायं जाव आगासत्थिकायं, तत्थ णं
समणे नायपुत्ते चत्तारि अत्थिकाए अजीवकाए पन्नवेइ, तंजहा-धम्मत्थिकायं अध-
म्मत्थिकायं आगासत्थिकायं पोग्गलत्थिकायं, एणं च णं समणे णायपुत्ते जीवत्थिकायं
अरूविकाय जीवकायं पन्नवेइ, तत्थ णं समणे नायपुत्ते चत्तारि अत्थिकाए अहवि-
काए पन्नवेइ, तंजहा-धम्मत्थिकायं अधम्मत्थिकायं आगासत्थिकायं जीवत्थिकायं,
एणं च णं समणे णायपुत्ते पोग्गलत्थिकायं रूविकायं अजीवकायं पन्नवेइ, से कहमेयं
मत्ते एवं !, तेणं काळेणं तेणं समएणं समणे भगवं महावीरे जाव गुणसिलए उज्जाणे
समोसडे जाव परिसा पडिगया, तेणं काळेणं तेणं समएणं समणस्स भगवओ महा-
वीरस्स जेट्ठे अंतेवासी इंदभूई णामं अणगारे गोयमगोत्तेणं एवं जहा बिइयसए
नियंहुहेसए जाव भिक्खवारियाए अडमाणे अहापज्जतं भत्तपाणं पडिगाहिता राय-
गिहाओ जाव अतुरियमचवलमसंभंतं जाव रियं सोहेमाणे सोहेमाणे तेसिं अन्नउ-
त्थियाणं अदूरसामंतेणं वीइवयइ, तए णं ते अन्नउत्थिया भगवं गोयमं अदूर-
सामंतेणं वीइवयमाणं पासंति पासेत्ता अन्नमन्नं सहावेति अन्नमन्नं सहावेत्ता एवं
वयासी-एवं खलु देवाणुप्पिया ! अम्हं इमा क्हा आविप्पकडा अयं च णं गोयमे
अम्हं अदूरसामंतेणं वीइवयइ तं सेयं खलु देवाणुप्पिया ! अम्हं गोयमं एयमट्ठं
पुच्छिनएत्तिकट्ठु अन्नमन्नस्स अंतिए एयमट्ठं पडिसुणंति २ ता जेणेव भगवं गोयमे
तेणेव उवागच्छंति तेणेव उवागच्छित्ता ते भगवं गोयमं एवं वयासी-एवं खलु
गोयमा ! तव धम्मायरिए धम्मोवएसए समणे णायपुत्ते पंच अत्थिकाए पन्नवेइ,
तंजहा-धम्मत्थिकायं जाव आगासत्थिकायं, तं चैव जाव रूविकायं अजीवकायं
पन्नवेइ से कहमेयं भंते । गोयमा ! एवं !, तए णं से भगवं गोयमे ते अन्नउत्थिए
एवं वयासी-नो खलु वयं देवाणुप्पिया ! अत्थिभावं नत्थित्ति वयामो नत्थिभावं

अत्थिन्ति वयामो, अम्हे णं देवाणुप्पिया ! सव्वं अत्थिभावं अत्थिन्ति वयामो सव्वं नत्थिभावं नत्थिन्ति वयामो, तं चयेसा खलु तुब्भे देवाणुप्पिया । एयमट्ठं सयमेव पच्चुवेक्खहत्तिकट्ठु ते अन्नउत्थिए एवं वयासी-एवं २, जेणेव गुणसिलए उज्जाणे जेणेव समणे भगवं महावीरे एवं जहा नियंउद्देसए जाव भत्तपाणं पडिदंसेइ भत्तपाणं पडिदंसेत्ता समणं भगवं महावीरं वंदइ नमंसइ २ नच्चासत्ते जाव पच्चुवासइ । तेणं कालेणं तेणं समएणं समणे भगवं महावीरे महाक्कहापडिव्वेजे यावि होत्था, कालोदाई य तं देसं हव्वमागए, कालोदाईति समणे भगव महावीरे कालोदाई एवं वयासी-से नूणं कालोदाई ! अन्नया कयाइ एगयओ सहियाणं समुवागयाणं सन्नविट्ठाणं तहेव जाव से कहमेयं मने एवं ?, से नूणं कालोदाई ! अट्ठ समट्ठे ?, हंता ! अत्थि, तं सत्ते णं एसमट्ठे कालोदाई ! अहं पंचत्थिकाय पन्नवेमि, तंजहा-धम्मत्थिकायं जाव पोगगलत्थिकायं, तत्थ णं अहं चत्तारि अत्थिकाए अजीवत्थिकाए अजीवत्ताए पण्णवेमि तहेव जाव एगं च णं अहं पोगगलत्थिकायं रुविकायं पण्णवेमि, तए णं से कालोदाई समणं भगवं महावीर एवं वयासी-एयंसि णं भंते ! धम्मत्थिकायंसि अधम्मत्थिकायंसि आगासत्थिकायंसि अरुविकायंसि अजीवकायंसि चक्किया केइ आसइत्तए वा १ सइत्तए वा २ चिट्ठइत्तए वा ३ निसीइत्तए वा ४ नुयट्ठित्तए वा ५ ?, णो तिणट्ठे, कालोदाई ! एगंसि णं पोगगलत्थिकायंसि रुविकायंसि अजीवकायंसि चक्किया केइ आसइत्तए वा सइत्तए वा जाव नुयट्ठित्तए वा, एयंसि णं भंते ! पोगगलत्थिकायंसि रुविकायंसि अजीवकायंसि जीवाणं पावा कम्मा पावकम्मफलविवागसंजुत्ता कज्जंति ?, णो इणट्ठे समट्ठे कालोदाई !, एयंसि णं जीवत्थिकायंसि अरुविकायंसि जीवाणं पावा कम्मा पावफलविवागसंजुत्ता कज्जंति ?, हंता ! कज्जंति, एत्थ णं से कालोदाई संबुद्धे समणं भगवं महावीरं वंदइ नमंसइ वंदित्ता नमंसित्ता एवं वयासी-इच्छामि णं भंते ! तुब्भं अंतियं धम्मं निसामेत्तए एवं जहा खंदए तहेव पव्वइए तहेव एक्कारस अंगाइं जाव विहरइ ॥ ३०४ ॥ तए णं समणे भगवं महावीरे अन्नया कयाइ रायगिहाओ नगराओ गुणसिलयाओ उज्जाणाओ पडिनिक्खमइ २ बहिया जणवयविहारं विहरइ, तेणं कालेणं तेणं समएणं रायगिहे नामं नगरे गुणसिलए णामं उज्जाणे होत्था, तए णं समणे भगवं महावीरे अन्नया कयाइ जाव समोसडे० परिसा पडिगया, तए णं से कालोदाई अणगारे अन्नया कयाइ जेणेव समणे भगवं महावीरे तेणेव उवागच्छइ २ समणं भगवं महावीरं वंदइ नमंसइ वंदित्ता नमंसित्ता एवं वयासी अत्थि णं भंते ! जीवाणं पावा कम्मा पावफलविवागसंजुत्ता कज्जंति ?, हंता ! अत्थि । कहणं भंते ! जीवाणं पावा कम्मा पावफ-

लविवागसंजुत्ता कर्जंति ? , कालोदाई । से जहानामए केइ पुरिसे मणुञ्जं थालीपागसुद्धं अद्धारसर्वजणाउलं विससंमिस्सं भोयणं भुंजेज्जा, तस्स णं भोयणस्स आवाए भइए भवइ, तओ पच्छा परिणममाणे परि० दुरूवत्ताए दुग्ंधत्ताए जहा महासवए जाव भुज्जो २ परिणमइ, एवामेव कालोदाई ! जीवाणं पाणाइवाए जाव मिच्छादंसणसल्ले तस्स णं आवाए भइए भवइ तओ पच्छा परिणममाणे २ दुरूवत्ताए जाव भुज्जो २ परिणमइ, एवं खलु कालोदाई ! जीवाणं पावा कम्मा पावफलविवागसंजुत्ता कर्जंति । अत्थि णं भंते ! जीवाणं कल्लाणा कम्मा कल्लाणफलविवागसंजुत्ता कर्जंति ? , हंता ! अत्थि, कहंजं भंते ! जीवाणं कल्लाणा कम्मा जाव कर्जंति ? , कालोदाई ! से जहानामए केइ पुरिसे मणुञ्जं थालीपागसुद्धं अद्धारसर्वजणाउलं ओसहमिस्सं भोयणं भुंजेज्जा, तस्स णं भोयणस्स आवाए नो भइए भवइ, तओ पच्छा परिणममाणे २ सुखत्ताए सुवन्नत्ताए जाव सुहत्ताए नो दुक्खत्ताए भुज्जो २ परिणमइ, एवामेव कालोदाई ! जीवाणं पाणाइवायवेरमणे जाव परिग्गहवेरमणे कोहविवेगे जाव मिच्छा-दंसणसल्लविवेगे तस्स णं आवाए नो भइए भवइ तओ पच्छा परिणममाणे २ सुख-वत्ताए जाव नो दुक्खत्ताए भुज्जो २ परिणमइ, एवं खलु कालोदाई ! जीवाणं कल्लाणा कम्मा जाव कर्जंति ॥ ३०५ ॥ दो भंते ! पुरिसा सरिसया जाव सरिसभडमत्तोव-गरणा अन्नमन्नेणं सद्धिं अगणिकायं समारंभंति तत्थ णं एगे पुरिसे अगणिकायं उज्जा-लेइ एगे पुरिसे अगणिकायं निव्वावेइ, एएसि णं भंते ! दोण्हं पुरिसाणं कयरे पुरिसे महाकम्मतराए चेव महाकिरियतराए चेव महासवतराए चेव महावेयण-तराए चेव कयरे वा पुरिसे अप्पकम्मतराए चेव जाव अप्पवेयणतराए चेव, जे वा से पुरिसे अगणिकायं उज्जालेइ जे वा से पुरिसे अगणिकायं निव्वावेइ ? , कालोदाई ! तत्थ णं जे से पुरिसे अगणिकायं उज्जालेइ से णं पुरिसे महाकम्म-तराए चेव जाव महावेयणतराए चेव, तत्थ णं जे से पुरिसे अगणिकायं निव्वावेइ से णं पुरिसे अप्पकम्मतराए चेव जाव अप्पवेयणतराए चेव । से केणट्ठेणं भंते ! एवं बुच्चइ-तत्थ णं जे से पुरिसे जाव अप्पवेयणतराए चेव ? , कालोदाई ! तत्थ णं जे से पुरिसे अगणिकायं उज्जालेइ से णं पुरिसे बहुतराणं पुढविकायं समारंभइ बहुतराणं आउक्कायं समारंभइ अप्पतरायं तेउक्कायं समारंभइ बहुतराणं वाउक्कायं समारंभइ बहुतरायं वणस्सइक्कायं समारंभइ बहुतराणं तसक्कायं समारंभइ, तत्थ णं जे से पुरिसे अगणिकायं निव्वावेइ से णं पुरिसे अप्पतरायं पुढविकायं समारं-भइ अप्पतराणं आउक्कायं समारंभइ बहुतराणं तेउक्कायं समारंभइ अप्पतराणं वाउ-क्कायं समारंभइ अप्पतराणं वणस्सइक्कायं समारंभइ अप्पतराणं तसक्कायं समारंभइ,

से तेणट्टेणं कालोदाई ! जाव अप्पवेयणतराए चेव ॥ ३०६ ॥ अत्थि णं भंते ! अचित्तावि पोग्गला ओभासति उज्जोर्वेति तर्वेति पभासेति ?, हुंता ! अत्थि । क्यरे णं भंते ! अचित्तावि पोग्गला ओभासंति जाव पभासेति ?, कालोदाई ! कुद्धस्स अणगारस्स तेयळेस्सा निसट्ठा समाणी दूरं गंता दूरं निवयइ देसं गंता देसं निवयइ जहिं जहिं च णं सा निवयइ तहिं तहिं च णं ते अचित्तावि पोग्गला ओभासंति जाव पभासंति, एएणं कालोदाई ! ते अचित्तावि पोग्गला ओभासंति जाव पभासंति, तए णं से कालोदाई अणगारे समणं भगवं महावीरं वंदइ नमंसइ २ बहूहिं चउत्थच्छट्ठम जाव अप्पाणं भावेमाणे जहा पडमसए कालासवेसियपुत्ते जाव सव्व-दुक्खप्पहीणे । सेवं भंते ! सेवं भंते ! ति ॥ ३०७ ॥ सत्तमं सयं समत्तं ॥

गाहा—पोग्गल १ आसीविस २ सक्ख ३ किरिय ४ आजीव ५ फासुग ६ मदत्ते ७ । पड्ढिणीय ८ बंध ९ आराहणा य १० दस अट्ठमंमि सए ॥ १ ॥ राय-गिहे जाव एवं वयासी-कइविहा णं भंते ! पोग्गला पन्नत्ता ?, गोयमा ! ति विहा पोग्गला पन्नत्ता, तंजहा—पओगपरिणया मीससापरिणया वीससापरिणया ॥ ३०८ ॥ पओगपरिणया णं भंते ! पोग्गला कइविहा पन्नत्ता ?, गोयमा ! पंचविहा पन्नत्ता, तंजहा—एगिदियपओगपरिणया बेइंदियपओगपरिणया जाव पंचिदियपओगपरिणया । एगिदियपओगपरिणया णं भंते ! पोग्गला कइविहा पन्नत्ता ?, गोयमा ! पंचविहा पओ तंजहा—पुढविकाइयएगिदियपओगपरिणया जाव वणस्सइकाइयएगिदियपओगपरिणया । पुढविकाइयएगिदियपओगपरिणया णं भंते ! पोग्गला कइविहा पन्नत्ता ?, गोयमा ! दुविहा पन्नत्ता, तंजहा—सुहुमपुढविकाइयएगिदियपओगपरिणया बायरपुढविकाइयएगिदियपओगपरिणया, आउकाइयएगिदियपओगपरिणया एवं चेव, एवं दुयओ मेओ जाव वणस्सइकाइयएगिदियपओगपरिणया । बेइंदियपओगपरिणयाणं पुच्छा, गोयमा ! अणेगविहा पन्नत्ता, एवं तेइंदियचउरिंदियपओगपरिणयावि । पंचिदियपओगपरिणयाणं पुच्छा, गोयमा ! चउव्विहा पन्नत्ता, तंजहा—नेरइयपंचिदियपओगपरिणया तिरिक्ख० एवं मणुस्स० देवपंचिदिय०, नेरइयपंचिदियपओगपरिणयाणं पुच्छा, गोयमा ! सत्तविहा पन्नत्ता, तंजहा—रयणप्पभापुढविनेरइयपंचिदियपओगपरिणया य जाव अहेसत्तमपुढविनेरइयपंचिदियपओगपरिणया य, तिरिक्खजोणियपंचिदियपओगपरिणयाणं पुच्छा, गोयमा ! ति विहा पन्नत्ता, तंजहा—जलयरतिरिक्खजोणियपंचिदिय० थलयरतिरिक्खजोणियपंचिदिय० खहयरतिरिक्खजोणियपंचिदिय०, जलयरतिरिक्खजोणियपंचिदियपओगपरिणयाणं पुच्छा, गोयमा ! दुविहा प०, तंजहा—संमुच्छिमजलयर०, गम्भवक्कंतियजलयर०, थलयरतिरिक्ख० पुच्छा, गोयमा ! दुविहा प०,

तंजहा—चउप्पयथलयर० परिसप्पयथलयर०, चउप्पयथलयर० पुच्छा, गीयमा ! दुविहा प०, तंजहा—संमुच्छिमचउप्पयथलयर० गब्भवक्कंतियचउप्पयथलयर०, एवं एएणं अभिलावेणं परिसप्प० दुविहा प०, तंजहा—उरपरिसप्प० य भुयपरिसप्प० य, उर-परिसप्प० दुविहा प०, तंजहा—संमुच्छिम० य गब्भवक्कंतिय० य, एवं भुयपरिसप्प० वि, एवं खहयर० वि । मणुस्सपंचिदियपओग० पुच्छा, गीयमा ! दुविहा प०, तंजहा—समुच्छिममणुस्स० गब्भवक्कंतियमणुस्स० । देवपंचिदियपओग० पुच्छा, गीयमा ! चउव्विहा पन्नत्ता, तंजहा—भवणवासिदेवपंचिदियपओग० एवं जाव वेमाणिय० । भवणवासिदेवपंचिदिय० पुच्छा, गीयमा । दसविहा प०, तंजहा—असुरकुमार० जाव थणियकुमार०, एवं एएणं अभिलावेणं अट्टविहा वाणमंतर० पिसाय० जाव गंधव्व०, जोइसिय० पंचविहा प०, तंजहा—चंदविमाणजोइसिय० जाव ताराविमाणजोइसिय-देव०, वेमाणिय० दुविहा पन्नत्ता, तंजहा—कप्पोववन्न० कप्पाईयगवेमाणिय०, कापोववन्नग० दुवालसविहा पण्णत्ता, तंजहा—सोहम्मकप्पोववण्णग० जाव अच्चुयक-प्पोववण्णगवेमाणिय० । कप्पाईय० दुविहा पण्णत्ता, तंजहा—गेवेज्जकप्पातीयवे० अणुत्तरोववाइयकप्पाईयवे०, गेवेज्जकप्पातीयग० नचविहा पण्णत्ता, तंजहा—हेट्टिम २ गेवेज्जकप्पातीयग० जाव उवरिम २ गेवेज्जकप्पाईय० । अणुत्तरोववाइ-यकप्पाईयगवेमाणियदेवपंचिदियपओगपरिणया णं भंते । पोगगला कइविहा प० ? , गीयमा ! पंचविहा पण्णत्ता, तंजहा—विजयअणुत्तरोववाइय जाव परिणया जाव सव्वट्टसिद्धअणुत्तरोववाइय० देवपंचिदियपओगपरिणया ॥ सुहुमपुढविकाइयएगिदिय-पओगपरिणया णं भंते । पोगगला कहविहा पण्णत्ता ? गीयमा ! दुविहा पण्णत्ता, [केइ अपज्जत्तगं पढमं भणंति पच्छा पज्जत्तगं] पज्जत्तगसुहुमपुढविकाइय जाव परिणया य अपज्जत्तसुहुमपुढविकाइय जाव परिणया य, बायरपुढविकाइयएगिदिय० वि एवं चेव, एवं जाव वणस्सइकाइय०, एक्केक्का दुविहा पोगगला—सुहुमा य बायरा य, पज्जत्तगा य अपज्जत्तगा य भाणियव्वा । बेंदियपओगपरिणयाणं पुच्छा, गीयमा ! दुविहा पन्नत्ता, तंजहा—पज्जत्तगबेंदियपओगपरिणया य अपज्जत्तग जाव परिणया य, एवं तेइंदिय० वि एवं चउरिंदिय० वि । रयणप्पभापुढविनेरइय० पुच्छा, गीयमा ! दुविहा प०, तंजहा—पज्जत्तगरयणप्पभापुढवि जाव परिणया य अपज्जत्तग जाव परिणया य, एवं जाव अहेसत्तम० । संमुच्छिमजलयरतिरिक्ख० पुच्छा, गीयमा ! दुविहा प०, तंजहा—पज्ज-त्तग० अपज्जत्तग०, एवं गब्भवक्कंतिय० वि, संमुच्छिमचउप्पयथलयर० वि एवं चेव, एवं गब्भवक्कंतिय० वि, एवं जाव संमुच्छिमखहयर० गब्भवक्कंतिय० य, एक्केक्के पज्जत्तगा य अपज्जत्तगा य भाणियव्वा । संमुच्छिममणुस्सपंचिदिय० पुच्छा, गीयमा ! एगविहा प०,

णपरिणयावि, एवं एए नव दंडगा ९ ॥ ३०९ ॥ मीसापरिणया णं भंते ! पोगगला कइविहा पण्णत्ता ?, गोयमा । पंचविहा पण्णत्ता, तंजहा—एग्गिदियमीसापरिणया जाव पंचिदियमीसापरिणया, एग्गिदियमीसापरिणया णं भंते ! पोगगला कइविहा पण्णत्ता ?, एवं जहा पओगपरिणएहिं नव दंडगा भणिया एवं मीसापरिणएहिंवि नव दंडगा भाणियव्वा, तहेव सव्वं निरवसेसं, नवरं अभिलावो मीसापरिणया भाणियव्वो, सेसं तं चेव, जाव जे पज्जत्ता सव्वहसिद्धअणुत्तरो० जाव आययसंठाणपरिणयावि ॥ ३१० ॥ वीससापरिणया णं भंते ! पोगगला कइविहा पज्जत्ता ?, गोयमा । पंचविहा पज्जत्ता, तंजहा—वन्नपरिणया गंधपरिणया रसपरिणया फासपरिणया संठाणपरिणया, जे वन्नपरिणया ते पंचविहा पज्जत्ता, तंजहा—कालवन्नपरिणया जाव सुक्किह्वन्नपरिणया, जे गंधपरिणया ते दुविहा पज्जत्ता, तंजहा—सुब्धिगंधपरिणयावि दुब्धिगंधपरिणयावि, एवं जहा पज्जवणापए तहेव निरवसेसं जाव जे संठाणओ आययसंठाणपरिणया ते वन्नओ कालवन्नपरिणयावि जाव लुक्खफासपरिणयावि ॥ ३११ ॥ एगे भंते ! दव्वे किं पओगपरिणए मीसापरिणए वीससापरिणए ?, गोयमा । पओगपरिणए वा मीसापरिणए वा वीससापरिणए वा । जइ पओगपरिणए किं मणप्पओगपरिणए वइप्पओगपरिणए कायप्पओगपरिणए ?, गोयमा ! मणप्पओगपरिणए वा वइप्पओगपरिणए वा कायप्पओगपरिणए वा, जइ मणप्पओगपरिणए किं सच्चमणप्पओगपरिणए मोसमणप्पओग० सच्चामोसमणप्पओ० असच्चामोसमणप्पओ० ?, गोयमा ! सच्चमणप्पओगपरिणए वा मोसमणप्पओग० सच्चामोसमणप्पओ० असच्चामोसमणप्पओ०, जइ सच्चमणप्पओगप० किं आरंभसच्चमणप्पओ० अणारंभसच्चमणप्पओगपरि० सारंभसच्चमणप्पओग० असारंभसच्चमण० समारंभसच्चमणप्पओगपरि० असमारंभसच्चमणप्पओगपरिणए ?, गोयमा ! आरंभसच्चमणप्पओगपरिणए वा जाव असमारंभसच्चमणप्पओगपरिणए वा, जइ मोसमणप्पओगपरिणए किं आरंभमोसमणप्पओगपरिणए० ? एवं जहा सच्चेणं तहा मोसेणवि, एवं सच्चामोसमणप्पओगपरिणएवि, एवं असच्चामोसमणप्पओगेणवि । जइ वइप्पओगपरिणए किं सच्चवइप्पओगपरिणए मोसवइप्पओगपरिणए ? एवं जहा मणप्पओगपरिणए तहा वइप्पओगपरिणएवि जाव असमारंभवइप्पओगपरिणए वा । जइ कायप्पओगपरिणए किं ओरालियसरीरकायप्पओगपरिणए ओरालियमीसासरीरकायप्पओ० वेउब्बियसरीरकायप्प० वेउब्बियमीसासरीरकायप्पओगपरिणए आहारगसरीरकायप्पओगपरिणए आहारगमीसासरीरकायप्पओगपरिणए कम्मासरीरकायप्पओगपरिणए ?, गोयमा । ओरालियसरीरकायप्पओगपरिणए वा जाव कम्मासरीरकायप्पओगपरिणए वा, जइ

ओरालियसरीरकायप्पओगपरिणए किं एगिदियओरालियसरीरकायप्पओगपरिणए एवं जाव पंचिदियओरालिय जाव परि० ?, गोयमा ! एगिदियओरालियसरीरकायप्प-ओगपरिणए वा बेंदिय जाव परिणए वा जाव पंचिदिय जाव परिणए वा, जइ एगि-दियओरालियसरीरकायप्पओगपरिणए किं पुढविकाइयएगिदिय जाव परिणए जाव वणस्सइकाइयएगिदियओरालियसरीरकायप्पओगपरिणए ?, गोयमा ! पुढविकाइय-एगिदिय जाव परिणए वा जाव वणस्सइकाइयएगिदिय जाव परिणए वा, जइ पुढविकाइयएगिदियओरालियसरीर जाव परिणए किं सुहुमपुढविकाइय जाव परि-णए बायरपुढविकाइयएगिदिय जाव परिणए ?, गोयमा ! सुहुमपुढविकाइयएगिदिय जाव परिणए वा बायरपुढविकाइय जाव परिणए वा, जइ सुहुमपुढविकाइय जाव परिणए किं पज्जत्तसुहुमपुढवि जाव परिणए अपज्जत्तसुहुमपुढवि जाव परिणए ?, गोयमा ! पज्जत्तसुहुमपुढविकाइय जाव परिणए वा अपज्जत्तसुहुमपुढविकाइय जाव परिणए वा, एवं बायरावि, एवं जाव वणस्सइकाइयाणं चउक्कओ भेओ, बेईदिय-तेईदियचउरिंदियाणं दुयओ भेओ पज्जत्तगा य अपज्जत्तगा य । जइ पंचिदियओरा-लियसरीरकायप्पओगपरिणए किं तिरिक्खजोणियपंचिदियओरालियसरीरकायप्पओग-परिणए मणुस्सपंचिदिय जाव परिणए ?, गोयमा ! तिरिक्खजोणिय जाव परिणए वा मणुस्सपंचिदिय जाव परिणए वा, जइ तिरिक्खजोणिय जाव परिणए किं जल-यरतिरिक्खजोणिय जाव परिणए थलयरखहयर० ? एवं चउक्कओ भेओ जाव खहयरारणं । जइ मणुस्सपंचिदिय जाव परिणए किं संमुच्छिमणुस्सपंचिदिय जाव परिणए गभवक्कंतियमणुस्स जाव परिणए ?, गोयमा ! दोसुवि, जइ गभवक्कंतिय-मणुस्स जाव परिणए किं पज्जत्तगभवक्कंतिय जाव परिणए अपज्जत्तगभवक्कंतिय-मणुस्सपंचिदियओरालियसरीरकायप्पओगपरिणए ?, गोयमा ! पज्जत्तगभवक्कंतिय जाव परिणए वा अपज्जत्तगभवक्कंतिय जाव परिणए वा १ । जइ ओरालियमीसा-सरीरकायप्पओगपरिणए किं एगिदियओरालियमीसासरीरकायप्पओगपरिणए बेईदिय जाव परिणए जाव पंचिदियओरालिय जाव परिणए ?, गोयमा ! एगिदियओरालिय जाव परिणए एवं जहा ओरालियसरीरकायप्पओगपरिणएणं आलावगो भणियो तहा ओरा-लियमीसासरीरकायप्पओगपरिणएवि आलावगो भाणियब्बो, नवरं बायरवाउक्काइय-गभवक्कंतियपंचिदियतिरिक्खजोणियगभवक्कंतियमणुस्साणं एएसि णं पज्जत्ताप-ज्जत्तगाणं सेसाणं अपज्जत्तगाणं २ । जइ वेउब्बियसरीरकायप्पओगपरिणए किं एगिदियवेउब्बियसरीरकायप्पओगपरिणए जाव पंचिदियवेउब्बियसरीर जाव परि-णए ?, गोयमा ! एगिदिय जाव परिणए वा पंचिदिय जाव परिणए वा, जइ एगिदिय

जाव परिणए किं वाउक्काइयएगिदिय जाव परिणए अवाउक्काइयएगिदिय जाव परिणए ? , गोयमा । वाउक्काइयएगिदिय जाव परिणए नो अवाउक्काइय जाव परिणए, एवं एणुणं अभिलावेणं जहा ओगाहणसंठाणे वेउव्वियसरीरं भणियं तथा इहवि भाणियव्वं जाव पज्जत्तसव्वट्टसिद्धअणुत्तरोववाइयकप्पाइयवेमाणियदेवपंचिदियवेउव्वियसरीरकायप्पओगपरिणए वा अपज्जत्तसव्वट्टसिद्ध०कायप्पओगपरिणए वा ३ । जइ वेउव्वियमीसासरीरकायप्पओगपरिणए किं एगिदियमीसासरीरकायप्पओगपरिणए जाव पंचिदियमीसासरीरकायप्पओगपरिणए ? , एवं जहा वेउव्वियं तथा वेउव्वियमीसगंपि, नवरं देवनेरइयाणं अपज्जत्तगाणं सेसाणं पज्जत्तगाणं तहेव जाव नो पज्जत्तसव्वट्टसिद्धअणुत्तरो० जाव पओग० अपज्जत्तसव्वट्टसिद्धअणुत्तरोववाइयदेवपंचिदियवेउव्वियमीसासरीरकायप्पओगपरिणए ४ । जइ आहारगसरीरकायप्पओगपरिणए किं मणुस्साहारगसरीरकायप्पओगपरिणए अमणुस्साहारग जाव प० ? , एवं जहा ओगाहणसंठाणे जाव इच्छिपत्तपमतसजयसम्महिट्टिपज्जत्तगसंखेज्जवासाउय जाव परिणए नो अणिच्छिपत्तपमतसंजयसम्महिट्टिपज्जत्तसंखेज्जवासाउय जाव प० ५ । जइ आहारगमीसासरीरकायप्पओगप० किं मणुस्साहारगमीसासरीर० ? एवं जहा आहारगं तहेव मीसगंपि निरवसेसं भाणियव्वं ६ । जइ कम्मासरीरकायप्पओगप० किं एगिदियकम्मासरीरकायप्पओगप० जाव पंचिदियकम्मासरीर जाव प० ? , गोयमा । एगिदियकम्मासरीरकायप्पओ० एवं जहा ओगाहणसंठाणे कम्मगस्त भेओ तहेव इहावि जाव पज्जत्तसव्वट्टसिद्धअणुत्तरोववाइय जाव देवपंचिदियकम्मासरीरकायप्पओगपरिणए वा अपज्जत्तसव्वट्टसिद्धअणु० जाव परिणए वा ७ ॥ जइ मीसापरिणए किं मणमीसापरिणए वइमीसापरिणए कायमीसापरिणए ? , गोयमा । मणमीसापरिणए वा वइमीसा० वा कायमीसापरिणए वा, जइ मणमीसापरिणए किं सच्चमणमीसापरिणए मोसमणमीसापरिणए ? जहा पओगपरिणए तथा मीसापरिणएवि भाणियव्वं निरवसेसं जाव पज्जत्तसव्वट्टसिद्धअणुत्तरोववाइय जाव देवपंचिदियकम्मासरीरमीसापरिणए वा अपज्जत्तसव्वट्टसिद्धअणु० जाव कम्मासरीरमीसापरिणए वा । जइ वीससापरिणए किं वज्जपरिणए गंधपरिणए रसपरिणए फासपरिणए संठाणपरिणए ? , गोयमा । वज्जपरिणए वा गंधपरिणए वा रसपरिणए वा फासपरिणए वा संठाणपरिणए वा, जइ वज्जपरिणए किं कालवज्जपरिणए नील जाव सुच्छिवज्जपरिणए ? , गोयमा । कालवज्जपरिणए वा जाव सुच्छिवज्जपरिणए वा, जइ गंधपरिणए किं सुब्धिगंधपरिणए दुब्धिगंधपरिणए ? , गोयमा । सुब्धिगंधपरिणए वा दुब्धिगंधपरिणए वा, जइ रसपरिणए किं तित्तरसपरिणए ५, पुच्छा, गोयमा । तित्तरसपरिणए वा जाव महु-

रसपरिणए वा, जइ फासपरिणए किं कक्खडफासपरिणए जाव लुक्खफासपरिणए ?, गोयमा ! कक्खडफासपरिणए वा जाव लुक्खफासपरिणए वा, जइ संठाणपरिणए पुच्छा, गोयमा ! परिमंडलसंठाणपरिणए वा जाव आययसंठाणपरिणए वा ॥ ३ १२ ॥ दो भंते ! दब्बा किं पओगपरिणया मीसापरिणया वीससापरिणया ?, गोयमा ! पओगपरिणया वा १ मीसापरिणया वा २ वीससापरिणया वा ३ अहवा एगे पओगपरिणए एगे मीसापरिणए ४ अहवेगे पओगप० एगे वीससापरि० ५ अहवा एगे मीसापरिणए एगे वीससापरिणए एवं ६ । जइ पओगपरिणया किं मणप्पओगपरिणया वइप्पओग० कायप्पओगपरिणया ?, गोयमा ! मणप्पओ० वइप्पओगप० कायप्पओगपरिणयां वा अहवेगे मणप्पओगप० एगे वइप्पओगप०, अहवेगे मणप्पओगपरिणए एगे कायप०, अहवेगे वइप्पओगप० एगे कायप्पओगपरि०, जइ मणप्पओगप० किं सच्चमणप्पओगप० ४ ?, गोयमा ! सच्चमणप्पओगपरिणया वा जाव असच्चा मोसमणप्पओगप० वा १ अहवा एगे सच्चमणप्पओगपरिणए एगे मोसमणप्पओगपरिणए १ अहवा एगे सच्चमणप्पओगप० एगे सच्चा मोसमणप्पओगपरिणए २ अहवा एगे सच्चमणप्पओगपरिणए एगे असच्चा मोसमणप्पओगपरिणए ३ अहवा एगे मोसमणप्पओगप० एगे सच्चा मोसमणप्पओगप० ४ अहवा एगे मोसमणप्पओगप० एगे असच्चा मोसमणप्पओगप० ५ अहवा एगे सच्चा मोसमणप्पओगप० एगे असच्चा मोसमणप्पओगप० ६ । जइ सच्चमणप्पओगप० किं आरंभसच्चमणप्पओगपरिणया जाव असमारंभसच्चमणप्पओगप० ?, गोयमा ! आरंभसच्चमणप्पओगपरिणया वा जाव असमारंभसच्चमणप्पओगपरिणया वा, अहवा एगे आरंभसच्चमणप्पओगप० एगे अणारंभसच्चमणप्पओगप० एवं एएणं गमएणं दुयसंजोएणं नेयब्बं, सव्वे संजोगा जत्थ जत्थिया उट्ठेति ते भाणियव्वा जाव सव्वट्ठसिद्धगत्ति । जइ मीसाप० किं मणमीसापरि०? एवं मीसापरि० वि । जइ वीससापरिणया किं बच्चपरिणया गंचप० ? एवं वीससापरिणयावि जाव अहवा एगे चउरंसंठाणपरि० एगे आययसंठाणपरिणए वा ॥ तिच्चि भंते ! दब्बा किं पओगपरिणया मीसाप० वीससाप० ?, गोयमा ! पओगपरिणया वा मीसापरिणया वा वीससापरिणया वा । अहवा एगे पओगपरिणए दो मीसाप० १ अहवेगे पओगपरिणए दो वीससाप० २ अहवा दो पओगपरिणया एगे मीससापरिणए ३ अहवा दो पओगप० एगे वीससाप० ४ अहवा एगे मीसापरिणए दो वीससाप० ५ अहवा दो मीससाप० एगे वीससाप० ६ अहवा एगे पओगप० एगे मीसापरि० एगे वीससाप० ७ । जइ पओगप० किं मणप्पओगपरिणया वइप्पओगप० कायप्पओगप० ?, गोयमा ! मणप्पओगपरिणया वा एवं एक्कसंजोगो दुयासंजोगो तिवासंजोगो भाधि-

यवो, जइ मणप्पओगपरि० किं सच्चमणप्पओगपरिणया ४ ?, गोयमा ! सच्चमणप्प-
 ओगपरिणया वा जाव असच्चामोसमणप्पओगपरिणया वा ४, अहवा एगे सच्चमण-
 प्पओगपरिणए दो मोसमणप्पओगपरिणया, एवं दुयासंजोगो तियासंजोगो भाणि-
 यवो, एत्थवि तहेव जाव अहवा एगे तंससंठाणपरिणए वा एगे चउरंससठाण-
 परिणए वा एगे आययसंठाणपरिणए वा ॥ चत्तारि भंते ! दब्बा कि पओगपरिणया
 ३ ?, गोयमा ! पओगपरिणया वा मीसापरिणया वा वीससापरिणया वा, अहवा एगे
 पओगपरिणए तिज्जि मीसापरिणया १ अहवा एगे पओगपरिणए तिज्जि वीससापरि-
 णया २ अहवा दो पओगपरिणया दो मीसापरिणया ३ अहवा दो पओगपरिणया
 दो वीससापरिणया ४ अहवा तिज्जि पओगपरिणया एगे मीससापरिणए ५ अहवा
 तिज्जि पओगपरिणया एगे वीससापरिणए ६ अहवा एगे मीससापरिणए तिज्जि वीस-
 सापरिणया ७ अहवा दो मीसापरिणया दो वीससापरिणया ८ अहवा तिज्जि मीसा-
 परिणया एगे वीससापरिणए ९ अहवा एगे पओगपरिणए दो वीससापरिणया
 (एगे मीसापरिणए) १ अहवा एगे पओगपरिणए दो मीसापरिणया एगे वीससा-
 परिणए २ अहवा दो पओगपरिणया एगे मीसापरिणए एगे वीससापरिणए ३ । जइ
 पओगपरिणया किं मणप्पओगपरिणया ३ ? ॥ एवं एएणं कमेणं पंच छ मत्त जाव
 दस संखेज्जा असंखेज्जा अणंता य दब्बा भाणियव्वा (एक्कगसंजोगेणं) दुयासंजो-
 एणं तियासंजोएणं जाव दससंजोएणं बारससंजोएणं उवजुंजिऊणं जत्थ जत्तिया
 संजोगा उट्ठेति ते सव्वे भाणियव्वा, एए पुण जहा नवमसए पवेसणए भण्हामि
 तहा उवजुंजिऊण भाणियव्वा जाव अमंखेज्जा अणंता एवं चेव, नवरं एणं पर्यं
 अब्भहियं, जाव अहवा अणंता परिमंडलसंठाणपरिणया जाव अणंता आययसंठा-
 णपरिणया ॥ ३१३ ॥ एएसि णं भंते ! पोग्गलाणं पओगपरिणयाणं मीसापरिणयाणं
 वीससापरिणयाणं य कयरे २ हितो जाव विसेमाहिया वा ?, गोयमा ! सव्वत्थोवा
 पोग्गला पओगपरिणया मीसापरिणया अणंतगुणा वीससापरिणया अणन्तगुणा ।
 सेवं भंते ! सेवं भंते ! ति ॥ ३१४ ॥ **अट्टमसयस्स पढमो उद्देसो समत्तो ॥**

कइविहा णं भंते । आसीविसा पत्तत्ता ?, गोयमा ! दुविहा आसीविसा पत्तत्ता,
 तंजहा-जाइआसीविसा य कम्मआसीविसा य, जाइआसीविसा णं भंते ! कइविहा
 प० ?, गोयमा ! चउव्विहा प०, तंजहा-विच्छुयजाइआसीविसे मंडुक्कजाइआसीविसे
 उरगजाइआसीविसे मणुस्सजाइआसीविसे, विच्छुयजाइआसीविसस्स णं भंते । केव-
 डए विसए पत्तत्ते ?, गोयमा ! पभू णं विच्छुयजाइआसीविसे अट्टमरहप्पमाणमेत्तं
 वोदिं विसेभं विसपरिणयं विसट्टमाणं पकरेत्तए, विसए से विसट्टयाए नो चेव णं

संपत्तीए करैसु वा करैति वा करिस्संति वा १, मंडुकजाइआसीविसपुच्छा, गोयमा । पभू णं मंडुकजाइआसीविसे भरहृप्पमाणमेत्तं बोदिं विसेणं विसपरिगयं सेसं तं चेव जाव करेस्संति वा २, एवं उरगजाइआसीविसस्सवि नवरं जंबुहीवप्पमाणमेत्तं बोदिं विसेणं विसपरिगयं सेसं तं चेव जाव करेस्संति वा ३, मणुस्सजाइआसीविसस्सवि एवं चेव नवरं समयखेत्तप्पमाणमेत्तं बोदिं विसेणं विसपरिगयं सेसं तं चेव जाव करेस्संति वा ४ । जइ कम्मआसीविसे किं नेरइयकम्मआसीविसे तिरिक्खजोणियकम्मआसीविसे मणुस्सकम्मआसीविसे देवकम्मआसीविसे ?, गोयमा ! नो नेरइयकम्मआसीविसे तिरिक्खजोणियकम्मआसीविसे वि मणुस्सकम्मआ० देवकम्मआसी०, जइ तिरिक्खजोणियकम्मआसीविसे किं एगिंदियतिरिक्खजोणियकम्मआसीविसे जाव पंचिंदियतिरिक्खजोणियकम्मआसीविसे ?, गोयमा ! नो एगिंदियतिरिक्खजोणियकम्मआसीविसे जाव नो चउरिंदियतिरिक्खजोणियकम्मआसीविसे, पंचिंदियतिरिक्खजोणियकम्मआसीविसे, जइ पंचिंदियतिरिक्खजोणियकम्मआसीविसे किं संमुच्छिमपंचिंदियतिरिक्खजोणियकम्मआसीविसे गब्भवक्कंतियपंचिंदियतिरिक्खजोणियकम्मआसीविसे ?, एवं जहा वेउव्वियसरीरस्स भओ जाव पज्जत्तासंखेजवासाउयगब्भवक्कंतियपंचिंदियतिरिक्खजोणियकम्मआसीविसे नो अपज्जत्तासंखेजवासाउय जाव कम्मआसीविसे । जइ मणुस्सकम्मआसीविसे किं संमुच्छिममणुस्सकम्मआसीविसे गब्भवक्कंतियमणुस्सकम्मआसीविसे ?, गोयमा ! णो संमुच्छिममणुस्सकम्मआसीविसे गब्भवक्कंतियमणुस्सकम्मआसीविसे एवं जहा वेउव्वियसरीरं जाव पज्जत्तासंखेजवासाउयकम्मभूमियगब्भवक्कंतियमणुस्सकम्मआसीविसे नो अपज्जत्ता जाव कम्मआसीविसे । जइ देवकम्मआसीविसे किं भवणवासिदेवकम्मआसीविसे जाव वेमाणियदेवकम्मआसीविसे ?, गोयमा ! भवणवासिदेवकम्मआसीविसेवे वाणमंतर० जोइसिय० वेमाणियदेवकम्मआसीविसेवि, जइ भवणवासिदेवकम्मआसीविसे किं असुरकुमारभवणवासिदेवकम्मआसीविसे जाव थणियकुमार जाव कम्मआसीविसे ?, गोयमा ! असुरकुमारभवणवासिदेवकम्मआसीविसेवि जाव थणियकुमार० आसीविसेवि, जइ असुरकुमार जाव कम्मआसीविसे किं पज्जत्तअसुरकुमार जाव कम्मआसीविसे अपज्जत्तअसुरकुमारभवणवासिदेवकम्मआसीविसे ? गोयमा ! नो पज्जत्तअसुरकुमार जाव कम्मआसीविसे अपज्जत्तअसुरकुमारभवणवासिदेवकम्मआसीविसे, एवं थणियकुमारारणं, जइ वाणमंतरदेवकम्मआसीविसे किं पिसायवाणमंतर० एवं सव्वेसिपि अपजत्तगाणं, जोइसियाणं सव्वेसिं अपजत्तगाणं, जइ वेमाणियदेवकम्मआसीविसे किं कप्पोववण्णगवेमाणियदेवकम्मआसीविसे कप्पाइयवेमाणियदेवकम्मआसीविसे ?, गोयमा ! कप्पोववण्णगवेमाणियदेवकम्मआसीविसे नो कप्पातीयवेमाणियदेवकम्मआसीविसे, जइ कप्पोववण्णगवे-

माणियदेवकम्मासीविसे किं सोहम्मकप्पोव० जाव कम्मासीविसे जाव अञ्चुयकप्पोवग जाव कम्मासीविसे ?, गोयमा ! सोहम्मकप्पोववण्णगवेमाणियदेवकम्मासीविसेवि जाव सहस्सारकप्पोववण्णगवेमाणियदेवकम्मासीविसेवि, नो आणयकप्पोववण्णग० जाव नो अञ्चुयकप्पोववण्णगवेमाणियदेव०, जइ सोहम्मकप्पोववण्णग जाव कम्मासी- विसे किं पज्जत्तसोहम्मकप्पोववण्णगवेमाणिय० अपज्जत्तगसोहम्मक० ?, गोयमा ! नो पज्जत्तसोहम्मकप्पोववण्णगवेमाणिय० अपज्जत्तसोहम्मकप्पोववण्णगवेमाणिय- देवकम्मासीविसे, एवं जाव नो पज्जत्तसहस्सारकप्पोववण्णगवेमाणियदेवकम्मा- सीविसे, अपज्जत्तसहस्सारकप्पोववण्णग जाव कम्मासीविसे ॥ ३१५ ॥ दस ठाणाइं छउमत्थे सव्वभावेणं न जाणइ न पासइ, तंजहा-धम्मत्थिकार्यं १ अध- म्मत्थिकार्यं २ आगासत्थिकार्यं ३ जीवं असरीरपट्टिबद्धं ४ परमाणुयोग्गलं ५ सइं ६ गंधं ७ वायं ८ अयं जिणे भविस्सइ ण वा भविस्सइ ९ अयं सव्वदुक्ख्खणं अतं करिस्सइ न वा करेस्सइ १० ॥ एयाणि च्चव उप्पज्जनाणदंसणधरे अरहा जिणे केवली सव्वभावेणं जाणइ पासइ, तंजहा-धम्मत्थिकार्यं जाव करेस्सइ न वा करेस्सइ ॥ ३१६ ॥ कइविहे णं भंते ! नाणे पज्जते ?, गोयमा ! पंचविहे नाणे पज्जते, तंजहा-आभिणिबोहियनाणे सुयनाणे ओहिनाणे मणपज्जवनाणे केवल- नाणे, से किं तं आभिणिबोहियनाणे ?, आभिणिबोहियनाणे चउत्विहे पज्जते, तंजहा-उग्गहो ईहा अवाओ धारणा, एवं जहा रायप्पसेणीए णाणाणं मेओ तहेव इहवि भाणियव्वो जाव सेतं केवलनाणे ॥ अज्जाणे णं भंते ! कइविहे पण्णते ?, गोयमा ! तिविहे पण्णते, तंजहा-मइअज्जाणे सुयअज्जाणे विभंगणाणे । से किं तं मइ- अज्जाणे ?, २ चउत्विहे पण्णते, तंजहा-उग्गहो जाव धारणा । से किं तं उग्गहे ?, २ दुविहे पण्णते, तंजहा-अत्थोग्गहे य वंजणोग्गहे य, एवं जहेव आभिणिबोहिय- नाणं तहेव, नवरं एगद्वियवज्जं जाव नोईदियधारणा, सेतं धारणा, सेतं मइअज्जाणे । से किं तं सुयअज्जाणे ?, २ जं इमं अज्जाणिएहिं मिच्छइड्डिपहिं जहा नंदीए जाव चत्तारि वेया संगोवंगा, सेतं सुयअज्जाणे । से किं तं विभंगनाणे ?, २ अणेगविहे पण्णते, तंजहा-गामसंठिए नगरसंठिए जाव संनिवेशसंठिए बीवसंठिए समुइसंठिए वाससंठिए वासहरसंठिए पव्वयसंठिए रुक्खसंठिए थूससंठिए हयसंठिए गयसंठिए नरसंठिए किंनरसंठिए किंपुरिससंठिए महोरगसंठिए गंधव्वसंठिए उसभसंठिए पसुप- सयविह्गवानरणाणासंठाणसंठिए पण्णते ॥ जीवा णं भंते ! किं नाणी अज्जाणी ?, गोयमा ! जीवा नाणीवि अज्जाणीवि, जे नाणी ते अत्थेगइया दुज्जाणी अत्थेगइया तिज्जाणी अत्थेगइया चउनाणी अत्थेगइया एगनाणी, जे दुज्जाणी ते आभिणि-

बोहियनाणी य सुयनाणी य, जे तिज्ञाणी ते आभिणिबोहियनाणी सुयनाणी ओहि-
नाणी अहवा आभिणिबोहियनाणी सुयनाणी मणपज्जवनाणी, जे चउनाणी ते
आभिणिबोहियनाणी सुयनाणी ओहिनाणी मणपज्जवनाणी, जे एगनाणी ते नियमा
केवलनाणी, जे अज्ञाणी ते अत्येगइया दुअज्ञाणी अत्येगइया तिअज्ञाणी, जे दुअ-
ज्ञाणी ते मइअज्ञाणी य सुयअज्ञाणी य, जे तियअज्ञाणी ते मइअज्ञाणी सुयअज्ञाणी
विभंगनाणी । नेरइया णं भंते । किं नाणी अज्ञाणी ?, गोयमा । नाणीवि अज्ञाणीवि,
जे नाणी ते नियमा तिज्ञाणी, तंजहा—आभिणिबोहि० सुयनाणी ओहिनाणी, जे
अज्ञाणी ते अत्येगइया दुअज्ञाणी अत्येगइया तिअज्ञाणी, एवं तिञ्चि अज्ञाणाणि
भयणाए । असुरकुमारा णं भंते ! किं नाणी अज्ञाणी ?, जहेव नेरइया तहेव तिञ्चि
नाणाणि नियमा, तिञ्चि अज्ञाणाणि भयणाए, एवं जाव थणियकुमारा । पुढविकाइया
णं भंते । किं नाणी अज्ञाणी ?, गोयमा ! नो नाणी अज्ञाणी, जे अज्ञाणी ते नियमा
दुअज्ञाणी—मइअज्ञाणी य सुयअज्ञाणी य, एवं जाव वणस्सइकाइया । बेइंदियाणं पुच्छा,
गोयमा ! णाणीवि अज्ञाणीवि, जे नाणी ते नियमा दुअज्ञाणी, तंजहा—आभिणि-
बोहियनाणी य सुयनाणी य, जे अज्ञाणी ते नियमा दुअज्ञाणी तं० आभिणिबोहिय-
अज्ञाणी सुयअज्ञाणी, एवं तेइंदियचउरिंदियावि, पंचिंदियतिरिक्खजो० पुच्छा,
गोयमा । नाणीवि अज्ञाणीवि, जे नाणी ते अत्ये० दुअज्ञाणी अत्ये० तिज्ञाणी
एवं तिञ्चि नाणाणि तिञ्चि अज्ञाणाणि य भयणाए । मणुस्सा जहा जीवा
तहेव पंच नाणाणि तिञ्चि अज्ञाणाणि भयणाए । वाणमंतरा जहा ने०, जोइ-
सियवेमाणियाणं तिञ्चि नाणाइं तिञ्चि अज्ञाणाइं नियमा । सिद्धा णं भंते !
पुच्छा, गोयमा ! णाणी नो अज्ञाणी, नियमा एगनाणी केवलनाणी ॥ ३१७ ॥
निरयगइया णं भंते ! जीवा किं नाणी अज्ञाणी ?, गोयमा । नाणीवि अज्ञाणीवि,
तिञ्चि नाणाइं नियमा तिञ्चि अज्ञाणाइं भयणाए । तिरियगइया णं भंते ! जीवा किं
नाणी अज्ञाणी ?, गोयमा ! दो नाणाइं दो अज्ञाणाइं नियमा । मणुस्सगइया णं भंते !
जीवा किं नाणी अज्ञाणी ?, गोयमा ! तिञ्चि नाणाइं भयणाए दो अज्ञाणाइं नियमा,
देवगइया जहा निरयगइया । सिद्धगइया णं भंते ! जहा सिद्धा ॥ सइंदिया णं
भंते ! जीवा किं नाणी अज्ञाणी ?, गोयमा ! चत्तारि नाणाइं तिञ्चि अज्ञाणाइं भय-
णाए । एगिंदिया णं भंते ! जीवा किं नाणी० ?, जहा पुढविकाइया, बेइंदियतेइंदि-
यचउरिंदियाणं दो नाणाइं दो अज्ञाणाइं नियमा । पंचिंदिया जहा सइंदिया । अणि-
दिया णं भंते ! जीवा किं नाणी० ?, जहा सिद्धा ॥ सकाइया णं भंते ! जीवा किं
नाणी अज्ञाणी ?, गोयमा ! पंच नाणाणि तिञ्चि अज्ञाणाइं भयणाए । पुढविकाइया

जाव वणस्सइकाइया नो नाणी अच्चाणी नियमा दुअच्चाणी, तंजहा-मइअच्चाणी य सुयअच्चाणी य, तसकाइया जहा सकाइया । अकाइया णं भंते । जीवा किं नाणी० ? , जहा सिद्धा ३ ॥ सुहुमा णं भंते । जीवा किं नाणी० ? जहा पुढविकाइया । बायरा णं भंते । जीवा किं नाणी० ? जहा सकाइया । नोसुहुमानोबायरा णं भंते । जीवा० जहा सिद्धा ४ ॥ पज्जता णं भंते । जीवा किं नाणी० ? , जहा सकाइया । पज्जता णं भंते ! नेरइया किं नाणी० ? , तिञ्जि नाणा तिञ्जि अच्चाणा नियमा जहा नेरइया एवं जाव थणियकुमारा । पुढविकाइया जहा एगिदिया, एवं जाव चउरिदिया । पज्जता णं भंते । पंचिदियतिरेक्खजोणिया किं नाणी अच्चाणी ? , तिञ्जि नाणा तिञ्जि अच्चाणा भयणाए । मणुस्सा जहा सकाइया । वाणमंतरा जोइसिया वेमाणिया जहा नेरइया । अपज्जता णं भंते ! जीवा किं नाणी० ? , तिञ्जि नाणा तिञ्जि अच्चाणा भयणाए । अपज्जता णं भंते ! नेरइया किं नाणी अच्चाणी ? , तिञ्जि नाणा नियमा तिञ्जि अच्चाणा भयणाए, एवं जाव थणियकुमारा । पुढविकाइया जाव वणस्सइकाइया जहा एगिदिया । वेदियाणं पुच्छा, दो नाणा दो अच्चाणा णियमा, एवं जाव पंचिदियतिरेक्खजोणियाणं । अपज्जता णं भंते ! मणुस्सा किं नाणी अच्चाणी ? , तिञ्जि नाणाइ भयणाए दो अच्चाणाइं नियमा, वाणमंतरा जहा नेरइया, अपज्जता जोइसियवेमाणियाणं तिञ्जि नाणा तिञ्जि अच्चाणा नियमा । नोपज्जतागनोअपज्जता णं भंते ! जीवा किं नाणी० ? , जहा सिद्धा ५ ॥ निरयभवत्था णं भंते ! जीवा किं नाणी अच्चाणी ? , जहा निरयगइया । तिरियभवत्था णं भंते ! जीवा किं नाणी अच्चाणी ? , तिञ्जि नाणा तिञ्जि अच्चाणा भयणाए । मणुस्सभवत्था णं० जहा सकाइया । देवभवत्था णं भंते ! जहा निरयभवत्था । अभवत्था जहा सिद्धा ६ ॥ भवसिद्धिया णं भंते ! जीवा किं नाणी० ? , जहा सकाइया, अभवसिद्धियाणं पुच्छा, गोयमा ! नो नाणी अच्चाणी तिञ्जि अच्चाणाइं भयणाए । नो भवसिद्धिया-नोअभवसिद्धिया णं भंते ! जीवा० जहा सिद्धा ७ ॥ सञ्जीणं पुच्छा जहा सइंदिया, असञ्जी जहा बेइंदिया, नोसञ्जीनोअसञ्जी जहा सिद्धा ८ ॥ ३१८ ॥ कइविहा णं भंते । लद्धी पण्णत्ता ? , गोयमा । दसविहा लद्धी ५०, तंजहा-नाण-लद्धी ५ दंसणलद्धी २ चरित्तलद्धी ३ चरित्तचरित्तलद्धी ४ दाणलद्धी ५ लाभलद्धी ६ भोगलद्धी ७ उवभोगलद्धी ८ वीरियलद्धी ९ इंदियलद्धी १० । णाणलद्धी णं भंते । कइविहा ५० ? , गोयमा ! पंचविहा ५०, तंजहा-आभिणिबोहियणाणलद्धी जाव केवलाणलद्धी ॥ अच्चाणलद्धी णं भंते ! कइविहा ५० ? , गोयमा । त्रिविहा ५०, तंजहा-मइअच्चाणलद्धी सुयअच्चाणलद्धी विभंगनाणलद्धी ॥ दंसणलद्धी णं भंते !

कइविहा प० ? , गौयमा । तिविहा प०, तंजहा-सम्मइंसणलद्धी मिच्छादंसणलद्धी सम्माभिच्छादंसणलद्धी ॥ चरित्तलद्धी णं भंते । कइविहा प०?, गौयमा । पंचविहा प०, तंजहा-सामाइयचरित्तलद्धी छेदोवट्ठावणियलद्धी परिहारविसुद्धचरित्तलद्धी सुहुमसंपरायचरित्तलद्धी अहक्खायचरित्तलद्धी ॥ चरित्ताचरित्तलद्धी णं भंते । कइविहा प०?, गौयमा ! एगागारा प०, एवं जाव उवभोगलद्धी एगागारा प० ॥ वीरियलद्धी णं भंते । कइविहा प० ? , गौयमा । तिविहा प०, तंजहा-बालवीरियलद्धी पडियवीरियलद्धी बालपडियवीरियलद्धी । इंदियलद्धी णं भंते । कइविहा प० ? , गौयमा ! पंचविहा प०, तंजहा-सोइंदियलद्धी जाव फासिंदियलद्धी ॥ नाणलद्धिया णं भते ! जीवा कि नाणी अच्चाणी ?, गौयमा ! नाणी नो अच्चाणी, अत्थेगइया दुच्चाणी, एवं पंच नाणाइं भयणाए । तस्स अलद्धिया णं भंते । जीवा कि नाणी अच्चाणी ?, गौयमा । नो नाणी अच्चाणी, अत्थेगइया दुअच्चाणी तिच्चि अच्चाणाणि भयणाए । आभिणिबोहियणाणलद्धिया णं भंते ! जीवा कि नाणी अच्चाणी ?, गौयमा ! नाणी नो अच्चाणी, अत्थेगइया दुच्चाणी तिनाणी, चत्तारि नाणाइं भयणाए । तस्स अलद्धिया णं भंते ! जीवा कि नाणी अच्चाणी ?, गौयमा ! नाणीवि अच्चाणीवि, जे नाणी ते नियमा एगनाणी केवलनाणी, जे अच्चाणी ते अत्थेगइया दुअच्चाणी तिच्चि अच्चाणाइं भयणाए । एवं सुयनाणलद्धियावि, तस्स अलद्धियावि जहा आभिणिबोहियनाणस्स लद्धिया । ओहिनाणलद्धियाणं पुच्छा, गौयमा । नाणी नो अच्चाणी, अत्थेगइया तिच्चाणी अत्थेगइया चउनाणी, जे तिच्चाणी ते आभिणिबोहियनाणी सुयनाणी ओहिनाणी, जे चउनाणी ते आभिणिबोहियनाणी सुय० ओहि० मणपज्जवनाणी । तस्स अलद्धिया णं भंते ! जीवा कि नाणी०?, गौयमा ! नाणीवि अच्चाणीवि । एवं ओहिनाणवज्जाइं चत्तारि नाणाइं तिच्चि अच्चाणाइं भयणाए । मणपज्जवनाणलद्धियाणं पुच्छा, गौयमा ! नाणी नो अच्चाणी, अत्थेगइया तिच्चाणी अत्थेगइया चउनाणी, जे तिच्चाणी ते आभिणिबोहियनाणी सुयणाणी मणपज्जवणाणी, जे चउनाणी ते आभिणिबोहियनाणी सुयनाणी ओहिनाणी मणपज्जवनाणी, तस्स अलद्धियाणं पुच्छा, गौयमा ! नाणीवि अच्चाणीवि, मणपज्जवणाणवज्जाइं चत्तारि नाणाइं, तिच्चि अच्चाणाइं भयणाए । केवलनाणलद्धिया णं भंते ! जीवा कि नाणी अच्चाणी ?, गौयमा ! नाणी नो अच्चाणी, नियमा एगणाणी केवलनाणी, तस्स अलद्धियाणं पुच्छा, गौयमा ! नाणीवि अच्चाणीवि, केवलनाणवज्जाइं चत्तारि नाणाइं तिच्चि अच्चाणाइं भयणाए ॥ अच्चाणलद्धियाणं पुच्छा, गौयमा ! नो नाणी अच्चाणी, तिच्चि अच्चाणाइं भयणाए, तस्स अलद्धियाणं पुच्छा, गौयमा ! नाणी नो

अज्ञानी, पंच नाणाई भयणाए जहा अज्ञानस्स लद्धिया अलद्धिया य भणिया एवं मइअज्ञानस्स सुयअज्ञानस्स य लद्धिया अलद्धिया य भाणियव्वा । विभंगनाण-लद्धियाणं तिन्नि अज्ञाणाई नियमा, तस्स अलद्धियाणं पंच नाणाई भयणाए दो अज्ञाणाई नियमा ॥ दंसणलद्धिया णं भंते ! जीवा किं नाणी अज्ञानी ?, गोयमा ! नाणीवि अज्ञानीवि, पंच नाणाई तिन्नि अज्ञाणाई भयणाए, तस्स अलद्धिया णं भंते ! जीवा किं नाणी अज्ञानी ?, गोयमा ! तस्स अलद्धिया नत्थि । सम्मईसणलद्धियाणं पंच नाणाई भयणाए, तस्स अलद्धियाणं तिन्नि अज्ञाणाई भयणाए, मिच्छादंसणलद्धिया णं भंते ! पुच्छा, णो नाणी अण्णाणी, तिन्नि अज्ञाणाई भयणाए, तस्स अलद्धियाणं पंच नाणाई तिन्नि य अज्ञाणाई भयणाए, सम्मामिच्छादंसणलद्धिया अलद्धिया य जहा मिच्छादंसणलद्धिया अलद्धिया तहेव भाणियव्वा ॥ चरित्तलद्धिया णं भंते ! जीवा किं नाणी अज्ञानी ?, गोयमा ! नाणी नो अण्णाणी पंच नाणाई भयणाए, तस्स अलद्धियाणं मणपज्जवणाणवज्जाई चत्तारि नाणाई तिन्नि य अज्ञाणाई भयणाए, सामाइय-चरित्तलद्धिया णं भंते ! जीवा कि नाणी अज्ञानी ?, गोयमा ! नाणी० केवलवज्जाई चत्तारि नाणाई भयणाए, तस्स अलद्धियाणं पंच नाणाई तिन्नि य अज्ञाणाई भयणाए, एवं जहा सामाइयचरित्तलद्धिया अलद्धिया य भणिया एवं जाव अहक्खायचरित्तलद्धिया अलद्धिया य भाणियव्वा, नवरं अहक्खायचरित्तलद्धियाणं पंच नाणाई भ०, चरित्ता-चरित्तलद्धिया णं भंते ! जीवा कि नाणी अज्ञानी ?, गोयमा ! नाणी नो अज्ञानी, अत्येगइया दुण्णाणी अत्येगइया तिन्नाणी, जे दुण्णाणी ते आभिण्णोहियनाणी य सुयनाणी य, जे तिन्नाणी ते आभि० सुयनाणी ओहिनाणी, तस्स अलद्धियाणं पंच नाणाई तिन्नि अज्ञाणाई भयणाए ४ ॥ दाणलद्धियाणं पंच नाणाई तिन्नि अज्ञाणाई भयणाए, तस्स अ० पुच्छा, गोयमा ! नाणी नो अज्ञानी, नियमा एगनाणी केवल-नाणी । एवं जाव वीरियलद्धिया अलद्धिया य भाणियव्वा ॥ बालवीरियलद्धियाणं तिन्नि नाणाई तिन्नि अज्ञाणाई भयणाए, तस्स अलद्धियाणं पंच नाणाई भयणाए । पंडियवीरियलद्धियाणं पंच नाणाई भयणाए, तस्स अलद्धियाणं मणपज्जवणाणव-ज्जाई णाणाई अज्ञाणाणि तिन्नि य भयणाए । बालपंडियवीरियलद्धिया णं भंते ! जीवा० तिन्नि नाणाई भयणाए, तस्स अलद्धियाणं पंच नाणाई तिन्नि अज्ञाणाई भयणाए ॥ इंदियलद्धिया णं भंते ! जीवा कि नाणी अज्ञानी ?, गोयमा ! चत्तारि णाणाई तिन्नि य अज्ञाणाई भयणाए, तस्स अलद्धियाणं पुच्छा, गोयमा ! नाणी नो अज्ञानी नियमा एगनाणी केवलनाणी, सोईदियलद्धियाणं जहा इंदियलद्धिया, तस्स अलद्धियाणं पुच्छा, गोयमा ! नाणीवि अज्ञानीवि, जे नाणी ते अत्ये-

गइया दुञ्जाणी अत्येगइया एगणाणी जे दुञ्जाणी ते आभिणिबोहियनाणी सुयनाणी, जे एगनाणी ते केवलनाणी, जे अञ्जाणी ते नियमा दुअञ्जाणी, तंजहा-मइअञ्जाणी य सुयअञ्जाणी य, चर्क्खिदियघाणिदियलद्धियाणं अलद्धियाण य जहेव सोइदियलद्धिया अलद्धिया य, जिब्भेदियलद्धियाणं चत्तारि णाणाइं तिञ्चि य अञ्जाणाणि भयणाए, तस्स अलद्धियाणं पुच्छा, गोयमा । नाणीवि अञ्जाणीवि, जे नाणी ते नियमा एगनाणी केवलनाणी, जे अञ्जाणी ते नियमा दुअञ्जाणी, तंजहा-मइअञ्जाणी य सुयअञ्जाणी य, फासिंदियलद्धियाणं अलद्धियाणं जहा इंदियलद्धिया य अलद्धिया य ॥ ३१५ ॥ सागारोवउत्ता णं भंते ! जीवा किं नाणी अञ्जाणी ? पंच नाणाइं तिञ्चि अञ्जाणाइं भयणाए ॥ आभिणिबोहियनाणसागारोवउत्ता णं भंते ! चत्तारि णाणाइं भयणाए । एवं सुयनाणसागारोवउत्तावि । ओहिनाणसागारोवउत्ता जहा ओहिनाणलद्धिया, मणपज्जवनाणसागारोवउत्ता जहा मणपज्जवनाणलद्धिया, केवलनाणसागारोवउत्ता जहा केवलनाणलद्धिया, मइअञ्जाणसागारोवउत्ताणं तिञ्चि अञ्जाणाइं भयणाए, एवं सुयअञ्जाणसागारोवउत्तावि, विभंगनाणसागारोवउत्ताणं तिञ्चि अञ्जाणाइं नियमा ॥ अणागारोवउत्ता णं भंते ! जीवा किं नाणी अञ्जाणी ? पंच नाणाइं तिञ्चि अञ्जाणाइं भयणाए । एवं चक्खुदंसणअचक्खुदंसणअणागारोवउत्तावि, नवरं चत्तारि णाणाइं तिञ्चि अञ्जाणाइं भयणाए, ओहिदंसणअणागारोवउत्ताणं पुच्छा, गोयमा ! नाणीवि अञ्जाणीवि, जे नाणी ते अत्येगइया तिञ्जाणी अत्येगइया चउनाणी, जे तिञ्जाणी ते आभिणिबोहियनाणी सुयनाणी ओहिनाणी, जे चउणाणी ते आभिणिबोहियनाणी जाव मणपज्जवनाणी, जे अञ्जाणी ते नियमा तिअञ्जाणी, तंजहा-मइअञ्जाणी सुयअञ्जाणी विभंगनाणी, केवलदंसणअणागारोवउत्ता जहा केवलनाणलद्धिया ॥ सजोगी णं भंते ! जीवा किं नाणी० ? जहा सकाइया, एवं मणजोगी वइजोगी कायजोगीवि, अजोगी जहा सिद्धा ॥ सळेस्सा णं भंते ! जीवा किं णाणी० ? जहा सकाइया, ऋहळेस्सा णं भंते ! जहा सकाइया सइंदिया, एवं जाव पम्हळेसा, सुक्कळेस्सा जहा सळेस्सा, अळेस्सा जहा सिद्धा ॥ सकसाइं णं भंते ! जहा सइंदिया, एव जाव लोहकसाइं, अकसाइं णं भंते !०? पंच नाणाइं भयणाए ॥ सवेयगा णं भंते ! जहा सइंदिया, एवं इत्थिवेयगावि, एवं पुरिसवेयगावि, एवं नपुंसगवे०, अवेयगा जहा अकसाइं ॥ आहारगा णं भंते ! जीवा० ? जहा सकसाइं नवरं केवलनाणपि, अणाहारगा णं भंते ! जीवा किं नाणी अञ्जाणी ? मणपज्जवनाणवज्जाइं नाणाइं अञ्जाणाणि य तिञ्चि भयणाए ॥ ३२० ॥ आभिणिबोहियनाणस्स णं भंते ! केवइए विसए पत्तते ? गोयमा ! से समासओ चउव्विहे प०, तंजहा-द्व्वजो खेतओ

कालओ भावओ, दव्वओ णं आभिणिबोहियणाणी आएसेणं सव्वदव्वाइं जाणइ पासइ, खेतओ णं आभिणिबोहियणाणी आएसेणं सव्वखेतं जाणइ पासइ, एवं कालओवि, एवं भावओवि । सुयनाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ ४, दव्वओ णं सुयनाणी उवउत्ते सव्वदव्वाइं जाणइ पासइ, एवं खेतओवि कालओवि, भावओ णं सुयनाणी उवउत्ते सव्वभावे जाणइ पासइ । ओहिनाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तजहा-दव्वओ ४, दव्वओ णं ओहिनाणी रुविदव्वाइं जाणइ पासइ जहा नंदीए जाव भावओ । मणपज्जवनाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ ४, दव्वओ णं उज्जुमई अणंते अणंतपएसिए जहा नंदीए जाव भावओ । केवलनाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ खेतओ कालओ भावओ, दव्वओ णं केवलनाणी सव्वदव्वाइं जाणइ पासइ एवं जाव भावओ ॥ मइअच्चाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ खेतओ कालओ भावओ, दव्वओ णं मइअच्चाणी मइअच्चाणपरिगयाइं दव्वाइं जाणइ पासइ, एवं जाव भावओ मइअच्चाणी मइअच्चाणपरिगए भावे जाणइ पासइ । सुयअच्चाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ ४, दव्वओ णं सुयअच्चाणी सुयअच्चाणपरिगयाइं दव्वाइं आघवेइ पण्णवेइ परुवेइ, एवं खेतओ कालओ, भावओ णं सुयअच्चाणी सुयअच्चाणपरिगए भावे आघवेइ तं चव । विभंगणाणस्स णं भंते ! केवइए विसए पण्णत्ते ? गोयमा ! से समासओ चउव्विहे पण्णत्ते, तंजहा-दव्वओ ४, दव्वओ णं विभंगनाणी विभंगनाणपरिगयाइं दव्वाइं जाणइ पासइ, एवं जाव भावओ णं विभंगनाणी विभंगनाणपरिगए भावे जाणइ पासइ ॥ ३२१ ॥ णाणी णं भंते ! णाणीति कालओ केवच्चिरं होइ ? गोयमा ! नाणी दुविहे पण्णत्ते, तंजहा-साइए वा अपज्जवसिए साइए वा सपज्जवसिए, तत्थ णं जे से साइए सपज्जवसिए से जह्जेणं अंतोमुहुत्तं उक्कोसेणं छावट्ठिं सागरोवमाइं साइरेगाइं । आभिणिबोहियणाणी णं भंते ! आभिणिबोहिय० एवं नाणी आभिणिबोहियणाणी जाव केवलनाणी । अच्चाणी मइअच्चाणी सुयअच्चाणी विभंगनाणी, एएसिं दसण्हवि संचिट्ठणा जहा कायठिईए ॥ अंतरं सव्वं जहा जीवाभिगमे ॥ अप्पाबहुगाणि तिञ्चि जहा बहुवत्तव्याए ॥ केवइया णं भंते ! आभिणिबोहियणाणपज्जवा पण्णत्ता ? गोयमा ! अणंता आभिणिबोहियणाणपज्जवा पण्णत्ता । केवइया णं भंते !

सुयनाणपज्जवा प० ? एवं चैव एवं जाव केवलनाणस्स । एवं मइअच्चाणस्स सुय-
अच्चाणस्स, केवइया णं भंते ! विभंगनाणपज्जवा प० ? गोयमा ! अणंता विभंग-
नाणपज्जवा प०, एएसि णं भंते ! आभिणिवोहियनाणपज्जवाणं सुयनाण० ओहि-
नाण० मणपज्जवनाण० केवलनाणपज्जवाण य कयरे २ जाव विसेसाहिया वा ?
गोयमा ! सव्वत्थोवा मणपज्जवनाणपज्जवा ओहिनाणपज्जवा अणंतगुणा सुयनाणप-
ज्जवा अणंतगुणा आभिणिवोहियनाणपज्जवा अणंतगुणा केवलनाणपज्जवा अणंत-
गुणा ॥ एएसि णं भंते ! मइअच्चाणपज्जवाणं सुयअच्चाण० विभंगनाणपज्जवाण य कयरे
२ जाव विसेसाहिया वा ? गोयमा ! सव्वत्थोवा विभंगनाणपज्जवा सुयअच्चाणपज्जवा
अणंतगुणा मइअच्चाणपज्जवा अणंतगुणा ॥ एएसि णं भंते ! आभिणिवोहि-
यणाणपज्जवाणं जाव केवलनाणप० मइअच्चाणप० सुयअच्चाणप० विभंगनाणप०
कयरे २ जाव विसेसाहिया वा ? गोयमा ! सव्वत्थोवा मणपज्जवनाणपज्जवा विभंग-
नाणपज्जवा अणंतगुणा ओहिणाणपज्जवा अणंतगुणा सुयअच्चाणपज्जवा अणंतगुणा
सुयनाणपज्जवा विसेसाहिया मइअच्चाणपज्जवा अणंतगुणा आभिणिवोहियनाणपज्जवा
विसेसाहिया केवलनाणपज्जवा अणंतगुणा । सेवं भंते ! सेवं भंते ! ति ॥ ३२२ ॥
अट्टमस्स सयस्स बिइओ उद्देशो समत्तो ॥

कइविहा णं भंते ! स्वखा पज्जता ? गोयमा ! तिविहा स्वखा प०, तंजहा-
संखेज्जजीविया असंखेज्जजीविया अणंतजीविया । से किं तं संखेज्जजीविया ? संखेज्ज०
अणेगविहा प०, तंजहा-ताळे तमाळे तक्कलि तेतलि जहा पन्नवणाए जाव नालि-
एरी, जे यावन्ने तहप्पगारा, सेत्तं संखेज्जजीविया । से किं तं असंखेज्जजीविया ?
असंखेज्जजीविया दुविहा प०, तंजहा-एगट्टिया य बहुबीयगा य । से किं तं एग-
ट्टिया ? २ अणेगविहा प०, तंजहा-निंबंबर्जवू० एवं जहा पन्नवणाए जाव फळा
बहुबीयगा, सेत्तं बहुबीयगा, सेत्तं असंखेज्जजीविया । से किं तं अणंतजीविया ?
अणंतजीविया अणेगविहा प०, तंजहा-आलुए मूलए सिंगबेरे, एवं जहा सत्तमसए
जाव सीउण्हे सिउंढी मुसुंढी, जे यावन्ने त०, सेत्तं अणंतजीविया ॥ ३२३ ॥ अह
भंते ! कुम्मे कुम्माबलिया गोहे गोहाबलिया गोणे गोणाबलिया मणुस्से मणुस्सा-
बलिया महिसे महिसाबलिया एएसि णं दुहा वा तिहा वा संखेज्जहा वा छिन्नार्णं जे
अंतरा तेवि णं तेहिं जीवपएसेहिं फुडा ? इंता ! फुडा । पुरिसे णं भंते ! (जं अंतरं)
ते अंतरे हृत्येण वा पाएण वा अंगुलियाए वा सलागाए वा कट्टेण वा कल्लिचेण
वा आसुसमाणे वा संमुसमाणे वा आळिहमाणे वा विळिहमाणे वा अन्नयरेण वा
तिक्खेणं सत्थजाएणं आळिहमाणे वा विळिहमाणे वा अगणिकाएणं वा समोड-

हमाणे तेसि जीवपएसाणं किंचि आबाहं वा विबाहं वा उप्पायइ छविच्छेदं वा करेइ ? णो तिणट्ठे समट्ठे, नो खलु तत्थ सत्यं संकमइ ॥ ३२४ ॥ कइ णं भंते ! पुढवीओ पण्णात्ताओ ? गोयमा ! अट्ट पुढवीओ पञ्जात्ताओ, तंजहा-रयणप्पभा जाव अहे सत्तामा पुढविईसिपम्भारा । इमा णं भंते ! रयणप्पभापुढवी किं चरिमा अचरिमा ? चरिमपर्यं निरवसेसं भाणियव्वं जाव वेमाणिया णं भंते ! फासचरिमेणं किं चरिमा अचरिमा ? गोयमा ! चरिमावि अचरिमावि । सेवं भंते ! २ त्ति भगवं गो० ॥ ३२५ ॥ अट्टमसए तइओ उहेसो समत्तो ॥

रायगिहे जाव एवं वयासी-कइ णं भंते ! किरियाओ पञ्जात्ताओ ? गोयमा ! पंच किरियाओ पञ्जात्ताओ, तंजहा-काइया अहिगरणिया, एवं किरियापर्यं निरवसेसं भाणियव्वं जाव मायावत्तियाओ किरियाओ विसेसाहियाओ, सेवं भंते ! सेवं भंते ! त्ति भगवं गोयमे० ॥ ३२६ ॥ अट्टमसए चउत्थो उहेसो समत्तो ॥

रायगिहे जाव एवं वयासी-आजीविया णं भंते । थेरे भगवंते एवं वयासी-समणोवासगस्स णं भंते ! सामाइयकडस्स समणोवस्सए अच्छमाणस्स केइ भंडं अवहरेज्जा से णं भंते ! तं भंडं अणुगवेसमाणे किं सयं भंडं अणुगवेसइ परायणं भंडं अणुगवेसइ ? गोयमा ! सयं भंडं अणुगवेसइ नो परायणं भंडं अणुगवेसइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं से भंडे अमंडे भवइ ? हंता । भवइ ॥ से केणं खाइ णं अट्ठेणं भंते ! एवं बुच्चइ सयं भंडं अणुगवेसइ नो परायणं भंडं अणुगवेसइ ? गोयमा ! तस्स णं एवं भवइ-णो मे हिरजे नो मे सुवजे नो मे कंसे नो मे दूसे नो मे विउलधणकणगरयणमणिमोत्तियसख-सिलप्पवालरत्तरयणमाइए संतसारसावएजे, ममलभावे पुण से अपरिण्णाए भवइ, से तेणट्ठेणं गोयमा । एवं बुच्चइ-सयं भंडं अणुगवेसइ नो परायणं भंडं अणुगवेसइ ॥ समणोवासगस्स णं भंते ! सामाइयकडस्स समणोवस्सए अच्छमाणस्स केइ जायं चरेज्जा से णं भंते ! किं जायं चरइ अजायं चरइ ? गोयमा ! जायं चरइ नो अजायं चरइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं सा जाया अजाया भवइ ? हंता । भवइ, से केणं खाइ णं अट्ठेणं भंते ! एवं बुच्चइ-जायं चरइ नो अजायं चरइ ? गोयमा ! तस्स णं एवं भवइ-णो मे माया णो मे पिया णो मे भाया णो मे भणिणी णो मे भज्जा णो मे पुत्ता णो मे धूया नो मे सुण्हा, पेज्जबंधणे पुण से अवोच्छिजे भवइ, से तेणट्ठेणं गोयमा ! जाव नो अजायं चरइ ॥ ३२७ ॥ समणोवासगस्स णं भंते । पुब्बामेव थूलए पाणाइवाए अपच्चक्खाए भवइ से णं भंते । पच्छा पच्चाइक्खमाणे किं करेइ ? गोयमा ! तीयं पडिक्क-

मइ पडुप्पन्नं संवरेइ अणागयं पक्खस्साइ ॥ तीर्यं पडिक्कममाणे किं तिविहं तिविहेणं पडिक्कमइ १ तिविहं दुविहेणं पडिक्कमइ २ तिविहं एगविहेणं पडिक्कमइ ३ दुविहं तिविहेणं पडिक्कमइ ४ दुविहं दुविहेणं पडिक्कमइ ५ दुविहं एगविहेणं पडिक्कमइ ६ एकविहं तिविहेणं पडिक्कमइ ७ एकविहं दुविहेणं पडिक्कमइ ८ एकविहं एगविहेणं पडिक्कमइ ९ ? गोयमा ! तिविहं तिविहेणं पडिक्कमइ तिविहं दुविहेणं वा पडिक्कमइ तं चैव जाव एकविहं वा एकविहेणं पडिक्कमइ, तिविहं तिविहेणं पडिक्कममाणे न करेइ न कारवेइ करेत्तं णाणुजाणइ मणसा वयसा कायसा १, तिविहं दुविहेणं पडि० न क० न का० करेत्तं नाणुजाणइ मणसा वयसा २, अहवा न करेइ न का० करेत्तं नाणुजाणइ मणसा कायसा ३, अहवा न करेइ ३ वयसा कायसा ४, तिविहं एगविहेणं पडि० न करेइ ३ मणसा ५, अहवा न करेइ ३ वयसा ६, अहवा न करेइ ३ कायसा ७, दुविहं ति० प० न करेइ न का० मणसा वयसा कायसा ८, अहवा न करेइ करेत्तं नाणुजाणइ मणसा वयसा कायसा ९, अहवा न कारवेइ करेत्तं नाणुजाणइ मणसा वयसा कायसा १०, दु० दु० प० न क० न का० म० व० ११, अहवा न क० न का० म० कायसा १२, अहवा न क० न का० वयसा कायसा १३, अहवा न करेइ करेत्तं नाणुजाणइ मणसा वयसा १४, अहवा न करेइ करेत्तं नाणुजाणइ मणसा कायसा १५, अहवा न करेइ करेत्तं नाणुजाणइ वयसा कायसा १६, अहवा न कारवेइ करेत्तं नाणुजाणइ मणसा वयसा १७, अहवा न कारवेइ करेत्तं नाणुजाणइ मणसा कायसा १८, अहवा न कारवेइ करेत्तं नाणुजाणइ वयसा कायसा १९, दुविहं एकविहेणं पडिक्कममाणे न करेइ न कारवेइ मणसा २०, अहवा न करेइ न कारवेइ वयसा २१, अहवा न करेइ न कारवेइ कायसा २२, अहवा न करेइ करेत्तं नाणुजाणइ मणसा २३, अहवा न करेइ करेत्तं नाणुजाणइ वयसा २४, अहवा न करेइ करेत्तं नाणुजाणइ कायसा २५, अहवा न कारवेइ करेत्तं नाणुजाणइ मणसा २६, अहवा न कारवेइ करेत्तं नाणुजाणइ वयसा २७, अहवा न कारवेइ करेत्तं नाणुजाणइ कायसा २८, एगविहं तिविहेणं पडि० न करेइ मणसा वयसा कायसा २९, अहवा न कारवेइ मणसा वयसा कायसा ३०, अहवा करेत्तं नाणुजाणइ मणसा ३१, ३१, एकविहं दुविहेणं पडिक्कममाणे न करेइ मणसा वयसा ३२, अहवा न करेइ मणसा कायसा ३३, अहवा न करेइ वयसा कायसा ३४, अहवा न कारवेइ मणसा वयसा ३५, अहवा न कारवेइ मणसा कायसा ३६, अहवा न कारवेइ वयसा कायसा ३७, अहवा करेत्तं नाणुजाणइ मणसा वयसा ३८, अहवा करेत्तं नाणुजाणइ मणसा कायसा ३९, अहवा करेत्तं नाणुजाणइ

वयसा कायसा ४०, एकविहं एगविहेणं पडिक्कममाणे न करेइ मणसा ४१, अहवा न करेइ वयसा ४२, अहवा न करेइ कायसा ४३, अहवा न कारवेइ मणसा ४४, अहवा न कारवेइ वयसा ४५, अहवा न कारवेइ कायसा ४६, अहवा करेतं नाणुजाणइ मणसा ४७, अहवा करेतं नाणुजाणइ वयसा ४८, अहवा करेतं नाणुजाणइ कायसा ४९ । पडुप्पन्नं संवरेमाणे किं तिविहं तिविहेणं संवरेइ ? एवं जहा पडिक्कममाणेणं एगूणपन्नं भंगा भणिया एवं संवरमाणेणवि एगूणपन्नं भंगा भाणियव्वा । अणागयं पच्चक्खमाणे किं तिविहं तिविहेणं पच्चक्खाइ ? एवं ते चेव भंगा एगूणपणं भाणियव्वा जाव अहवा करेतं नाणुजाणइ कायसा ॥ समणोवासगस्स णं भंते ! पुन्वामेव थूलए मुसावाए अपच्चक्खाए भवइ से णं भंते ! पच्छा पच्चाइक्खमाणे एवं जहा पाणाइवायस्स सीयाळं भंगसयं भणियं तहा मुसावायस्सवि भाणियव्वं । एवं आदिजादाणस्सवि, एवं थूलगस्स मेहुणस्सवि थूलगस्स परिगहस्सवि जाव अहवा करेतं नाणुजाणइ कायसा ॥ एए खलु एरिसगा समणोवासगा भवंति, नो खलु एरिसगा आजीवियोवासगा भवंति ॥ ३२८ ॥ आजीवियसमयस्स णं अयमट्ठे पणत्ते अक्खीणपडिभोइणो सव्वे सत्ता से हंता छेत्ता भेत्ता लुपित्ता विहुं-पित्ता उइवइत्ता आहारमाहारैति, तत्थ खलु इमे दुवाल्स आजीवियोवासगा भवंति, तंजहा-ताळे, १ तालपलंबे, २ उव्विहे, ३ संविहे, ४ अवविहे, ५ उदए, ६ नामुदए, ७ णमुदए, ८ अणुवालए, ९ संखवालए, १० अयंपुळे, ११ कायरिए, १२, इच्चेए दुवाल्स आजीवियोवासगा अरिहंतदेवयागा अम्मापिउसुस्सगा पंचफलपडिक्कता तंजहा उंवरेहिं, वडेहिं, बोरेहिं, सतरेहिं, पिळ्खहिं, पळंडुल्हस(सु)णकंद-मूलविवज्जया अणिङ्गछिएहिं अणक्कभिच्चेहिं गोणेहिं तसपाणविवाज्जिएहिं चि(वि)तेहिं विस्ति कप्पेमाणा विहरंति एएवि ताव एवं इच्छंति, किमंग पुण जे इमे समणोवासगा भवंति जेसिं नो कप्पंति इमाइं पन्नरस कम्मादाणाइं सयं करेत्तए वा कारवेत्तए वा करेतं वा अन्नं समणुजाणेत्तए तंजहा-इंगालकम्मे, वणकम्मे, साहीकम्मे, भाडीकम्मे, फोडीकम्मे, दंतवाणिज्जे, लक्खवाणिज्जे, केसवाणिज्जे, रसवाणिज्जे, विसवाणिज्जे, जंतपीलणकम्मे, निळ्ळणकम्मे, दवगिगदावणया, सरदहतलायपरिसोसणया, असई-पोसणया, इच्चेए समणोवासगा सुक्का सुक्काभिजाइया भविया भवित्ता काल्मासे कालं किच्चा अन्नयरेसु देवलोएसु देवत्ताए उव्वत्तारो भवंति ॥ ३२९ ॥ कइविहा णं भंते ! [देवा] देवलोगा पणत्ता ? गोयमा ! चउव्विहा देवलोगा प०, तंजहा-भवणवासिवाणमंतरजोइसवेमाणिया, सेवं भंते ! २ ति ॥ ३३० ॥ अट्ठमसयस्स पंचमो उइसो समत्तो ॥

समणोवासगस्स णं भंते ! तद्दारुवं समणं वा माहणं वा फासुएसणिज्जेणं अस-
 णपाणखाइमसाइमेणं पडिलाभेमाणस्स किं कज्जइ ? गोयमा ! एगंतसो निज्जरा
 कज्जइ नत्थि य से पावे कम्मे कज्जइ । समणोवासगस्स णं भंते ! तद्दारुवं समणं
 वा माहणं वा अफासुएणं अणेसणिज्जेणं असणपाण जाव पडिलाभेमाणस्स किं कज्जइ ?
 गोयमा ! बहुतरिया से निज्जरा कज्जइ अप्पतराए से पावे कम्मे कज्जइ । समणोवास-
 गस्स णं भंते ! तद्दारुवं असजयअविरयअपडिहयपच्चक्खायपावकम्मं फासुएण वा
 अफासुएण वा एसणिज्जेण वा अणेसणिज्जेण वा असणपाण जाव किं कज्जइ ? गोयमा !
 एगंतसो से पावे कम्मे कज्जइ नत्थि से काइ निज्जरा कज्जइ, [मोक्खत्थं जं दाणं, तं
 पइ एसो विही समक्खाओ । अणुकंभादाणं पुण, जिणेहिं न कयाइ पडिसिद्धं] ॥ ३३१ ॥
 निग्गंथं च णं गाहावइकुलं पिंडवायपडियाए अणुप्पविट्ठं केइ दोहिं पिडेहिं उवनिमंते-
 ज्जा-एगं आउसो । अप्पणा भुंजाहि एगं थेराणं दलयाहि, से य तं पिण्डं पडिग्गाहेज्जा,
 थेरा य से अणुगवेसियव्वा सिया जत्थेव अणुगवेसमाणे थेरे पासिज्ज तत्थेव अणुप्प-
 दायव्वे सिया नो चेव णं अणुगवेसमाणे थेरे पासिज्जा तं नो अप्पणा भुंजेज्जा नो अत्तेसिं
 दावए एगंते अणावाए अत्थित्ते बहुफासुए थंडिल्ले पडिडेहेत्ता पमज्जिता परिट्ठावेयव्वे
 सिया । निग्गंथं च णं गाहावइकुलं पिंडवायपडियाए अणुप्पविट्ठं केइ तिहिं पिडेहिं
 उवनिमंतेज्जा-एगं आउसो । अप्पणा भुंजाहि दो थेराणं दलयाहि, से य तं पडि-
 ग्गाहेज्जा, थेरा य से अणुगवेसियव्वा सेसं तं चेव जाव परिट्ठावेयव्वे सिया, एवं
 जाव दसहिं पिडेहिं उवनिमंतेज्जा नवरं एगं आउसो । अप्पणा भुंजाहि नव थेराणं
 दलयाहि सेसं तं चेव जाव परिट्ठावेयव्वे सिया । निग्गंथं च णं गाहावइकुलं जाव
 केइ दोहिं पडिग्गाहेहिं उवनिमंतेज्जा एगं आउसो । अप्पणा पडिभुंजाहि एगं थेराणं
 दलयाहि, से य तं पडिग्गाहेज्जा, तहेव जाव तं नो अप्पणा पडिभुंजेज्जा नो अत्तेसिं
 दावए सेसं तं चेव जाव परिट्ठावेयव्वे सिया, एवं जाव दसहिं पडिग्गाहेहिं, एवं
 जहा पडिग्गहवत्तव्वया भणिया एवं गोच्छगरयहरणचोलपट्टगर्कवललट्टिसंधारगव-
 त्तव्वया य भाणियव्वा जाव दसहिं संधारएहिं उवनिमंतेज्जा जाव परिट्ठावेयव्वे
 सिया ॥ ३३२ ॥ निग्गंथेण य गाहावइकुलं पिंडवायपडियाए पविट्ठेणं अज्जयरे
 अकिच्चट्ठणे पडिसेविए, तस्स णं एवं भवइ-इहेव ताव अहं एयस्स ठाणस्स आलो-
 एमि पडिक्कामि निंदामि गरिहामि विउट्टामि विसोहेमि अकरणयाए अब्भुट्टेमि
 अहारिहं पायच्छिणं तवोकम्मं पडिबज्जामि, तओ पच्छा थेराणं अंतियं आलोए-
 स्सामि जाव तवोकम्मं पडिबज्जिस्सामि, से य संपट्टिए असंपत्ते थेरा य पुब्बाभेव
 अमुहा सिया से णं भंते ! किं आराहए विराहए ? गोयमा । आराहए नो विर-

हए १ । से य सपट्टिए असंपत्ते अप्पणा य पुव्वामेव अमुहे सिया से णं भंते । कि आराहए विराहए ? गोयमा । आराहए नो विराहए २, से य संपट्टिए असंपत्ते थेरा य कालं करेज्जा से णं भंते । कि आराहए विराहए ? गोयमा । आराहए नो विराहए ३, से य संपट्टिए असंपत्ते अप्पणा य पुव्वामेव कालं करेज्जा से णं भंते । कि आराहए विराहए ? गोयमा । आराहए नो विराहए ४, से य संपट्टिए संपत्ते थेरा य अमुहा सिया से णं भंते । कि आराहए विराहए ? गोयमा । आराहए नो विराहए, से य संपट्टिए संपत्ते अप्पणा य० एवं संपत्तेणवि चत्तारि आलावगा भाणियव्वा जहेव असंपत्तेणं । निगंथेण य बहिया विचारभूमिं वा विहारभूमिं वा निक्खंतेणं अन्नयरे अक्किच्चट्टाणे पडिसेविए तस्स णं एवं भवइ-इहेव ताव अहं० एवं एत्थवि एए चेव अट्ट आलावगा भाणियव्वा जाव नो विराहए । निगंथेण य गामाणुगामं दूज्जमाणेणं अन्नयरे अक्किच्चट्टाणे पडिसेविए तस्स णं एवं भवइ इहेव ताव अहं० एत्थवि ते चेव अट्ट आलावगा भाणियव्वा जाव नो विराहए ॥ निगंथीए य गाहावइकुलं पिंडवायपडियाए अणुपविट्टाए अन्नयरे अक्किच्चट्टाणे पडिसेविए तीसे णं एवं भवइ इहेव ताव अहं एयस्स ठाणस्स आलोएमि जाव तवोकम्मं पडिवज्जामि तओ पच्छा पवत्तिणीए अतियं आलोएस्सामि जाव पडिवज्जिस्सामि, सा य संपट्टिया असंपत्ता पवत्तिणी य अमुहा सिया सा णं भंते । कि आराहिया विराहिया ? गोयमा । आराहिया नो विराहिया, सा य संपट्टिया जहा निगंथस्स तिज्जिगमा भणिया एवं निगंथीएवि तिज्जि आलावगा भाणियव्वा जाव आराहिया नो विराहिया ॥ से केणट्टेणं भंते । एवं बुच्चइ-आराहए नो विराहए ? गोयमा । से जहा नामए-केइ पुरिसे एगं महं उज्जालोमं वा गयलोमं वा सणलोमं वा कप्पासलोमं वा तणसूर्यं वा दुहा वा तिहा वा संखेज्जहा वा छिदिता अगणिकायंसि पक्खिस्सवेज्जा से नूणं गोयमा । छिज्जमाणे छिजे पक्खिस्सपमाणे पक्खिस्सते दज्जमाणे दट्टेत्ति वत्तव्वं सिया ? हंता भगवं ! छिज्जमाणे छिजे जाव दट्टेत्ति वत्तव्वं सिया, से जहा वा केइ पुरिसे वत्थं अहयं वा धोयं वा तंतुगयं वा मंजिट्टादोणीए पक्खिस्सवेज्जा से नूणं गोयमा । उक्खिस्सपमाणे उक्खिस्सते पक्खिस्सपमाणे पक्खिस्सते रज्जमाणे रत्तेत्ति वत्तव्वं सिया ? हंता भगवं ! उक्खिस्सपमाणे उक्खिस्सते जाव रत्तेत्ति वत्तव्वं सिया, से तेणट्टेणं गोयमा । एवं बुच्चइ-आराहए नो विराहए ॥ ३३३ ॥ पईयस्स णं भंते । झियायमाणस्स किं पईवे झियाइ लट्ठी झियाइ वती झियाइ तेत्ते झियाइ पईवचंपए झियाइ जोई झियाइ ? गोयमा । नो पईवे झियाइ जाव नो पईवचंपए झियाइ, जोई झियाइ ॥ अगारस्स णं भंते । झियाय-

माणस्स किं अगारे झियाइ कुडा झियाइ कडणा झि० धारणा झि० बलहरणे
 झि० वंसा० मळा झि० बग्गा झियाइ छित्ता झियाइ छाणे झियाइ जोई झियाइ ?
 गोयमा । नो अगारे झियाइ नो कुडा झियाइ जाव नो छाणे झियाइ, जोई झियाइ
 ॥ ३३४ ॥ जीवे णं भंते ! ओरालियसरीराओ कइकिरिए ? गोयमा । सिय
 तिकिरिए सिय चउकिरिए सिय पंचकिरिए सिय अकिरिए ॥ नेरइए णं भंते ।
 ओरालियसरीराओ कइकिरिए ? गोयमा ! सिय तिकिरिए सिय चउकिरिए
 सिय पंचकिरिए । असुरकुमारे णं भंते ! ओरालियसरीराओ कइकिरिए ? एवं चेव,
 एवं जाव वेमाणिए, नवरं मणुस्से जहा जीवे । जीवे णं भंते ! ओरालियसरीरेहिंतो
 कइकिरिए ? गोयमा । सिय तिकिरिए जाव सिय अकिरिए । नेरइए णं भंते !
 ओरालियसरीरेहिंतो कइकिरिए ? एवं एसो जहा पडमो दंडओ तथा इमोवि अपरिसेसो
 भाणियव्वो जाव वेमाणिए, नवरं मणुस्से जहा जीवे । जीवा णं भंते ! ओरालिय-
 सरीराओ कइकिरिया ? गोयमा ! सिय तिकिरिया जाव सिय अकिरिया, नेरइया णं
 भंते ! ओरालियसरीराओ कइकिरिया ? एवं एसोवि जहा पडमो दंडओ तथा भाणि-
 यव्वो, जाव वेमाणिया, नवरं मणुस्सा जहा जीवा । जीवा णं भंते ! ओरालियसरी-
 रेहिंतो कइकिरिया ? गोयमा ! तिकिरियावि चउकिरियावि पंचकिरियावि अकिरि-
 यावि, नेरइया णं भंते ! ओरालियसरीरेहिंतो कइकिरिया ? गोयमा ! तिकिरियावि
 चउकिरियावि पंचकिरियावि एवं जाव वेमाणिया, नवरं मणुस्सा जहा जीवा ॥ जीवे
 णं भंते ! वेउव्वियसरीराओ कइकिरिए ? गोयमा ! सिय तिकिरिए सिय चउकिरिए
 सिय अकिरिए, नेरइए णं भंते ! वेउव्वियसरीराओ कइकिरिए ? गोयमा ! सिय
 तिकिरिए सिय चउकिरिए एवं जाव वेमाणिए, नवरं मणुस्से जहा जीवे, एवं जहा
 ओरालियसरीरेणं चत्तारि दंडगा तथा वेउव्वियसरीरेणवि चत्तारि दंडगा भाणियव्वा,
 नवरं पंचमकिरिया न भजइ, सेसं तं चेव, एवं जहा वेउव्वियं तथा आहारंगपि
 तेयंगपि कम्मंगपि भाणियव्वं, एक्के चत्तारि दंडगा भाणियव्वा जाव वेमाणिया णं
 भंते ! कम्मगसरीरेहिंतो कइकिरिया ? गोयमा ! तिकिरियावि चउकिरियावि । सेवं
 भंते ! सेवं भंते ! ति ॥ ३३५ ॥ अट्टमसयस्स छट्ठो उडेसओ समत्तो ॥

तेणं कालेणं २ रायगिहे नगरे वज्जओ, गुणसिलए उज्जाणे वज्जओ, जाव पुडवि-
 सिलापट्टए, तस्स णं गुणसिलयस्स उज्जाणस्स अदूरसामंते बहवे अजउत्थिया परि-
 वसंति, तेणं कालेणं २ समणे भगवं महावीरे आइगरे जाव समोसडे जाव परिसा
 पडिगया, तेणं कालेणं २ समणस्स भगवओ महावीरस्स बहवे अंतेवासी थेरा
 भगवंतो जाइसंपक्खा कुलसंपक्खा जहा विइयसए जाव जीवियासामरणभयविप्पमुक्खा

समणस्स भगवओ महावीरस्स अदूरसामंते उरुञ्जाण् अहोसिरा ज्ञाणकोट्टोवगया संजमेणं तवसा अप्पाणं भावेमाणा विहरंति, तए णं ते अन्नउत्थिया जेणेव थेरा भगवंतो तेणेव उवागच्छंति २ ता ते थेरे भगवंते एवं वयासी-तुब्भे णं अज्जो ! तिविहं तिविहेणं असंजयअविरयअप्पडिहय जहा सत्तमसए बिइए उदेसए जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी-केण कारणेणं अज्जो ! अम्हे तिविहं तिविहेणं असंजयअविरय जाव एगंतबाला यावि भवामो ?, तए णं ते अन्नउत्थिया ते थेरे भगवंते एवं वयासी-तुब्भे णं अज्जो ! अदिच्चं गेण्हह अदिच्चं भुंजह अदिच्चं साइज्जह, तए णं ते तुब्भे अदिच्चं गेण्हमाणा अदिच्चं भुंजमाणा अदिच्चं साइज्जमाणा तिविहं तिविहेणं असंजयअविरय जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी-केण कारणेणं अज्जो ! अम्हे अदिच्चं गेण्हामो अदिच्चं भुंजामो अदिच्चं साइज्जामो, जएणं अम्हे अदिच्चं गेण्हमाणा जाव अदिच्चं साइज्जमाणा तिविहं तिविहेणं असंजय जाव एगंतबाला यावि भवामो ?, तए णं ते अन्नउत्थिया ते थेरे भगवंते एवं वयासी-तुम्हे णं अज्जो ! दिज्जमाणे अदिच्चे पडिग्गाहेज्जमाणे अपडिग्गाहिए निसिंसिरिज्जमाणे अणिसिट्ठे, तुब्भे णं अज्जो ! दिज्जमाणं पडिग्गहगं असंपत्तं एत्थ णं अंतरा केइ अवहरिज्जा, गाहावइस्स णं तं भंते ! नो खलु तं तुब्भं, तए णं तुज्जे अदिच्चं गेण्हह जाव अदिच्चं साइज्जह, तए णं तुज्जे अदिच्चं गेण्हमाणा जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे अदिच्चं णिण्हामो अदिच्चं भुंजामो अदिच्चं साइज्जामो अम्हे णं अज्जो ! दिच्चं गेण्हामो दिच्चं भुंजामो दिच्चं साइज्जामो, तएणं अम्हे दिच्चं गेण्हमाणा दिच्चं भुंजमाणा दिच्चं साइज्जमाणा तिविहं तिविहेणं संजयविरयपडिहय जहा सत्तमसए जाव एगंतपंडिया यावि भवामो, तएणं ते अन्नउत्थिया ते थेरे भगवंते एवं वयासी-केण कारणेणं अज्जो ! तुम्हे दिच्चं गेण्हह जाव दिच्चं साइज्जह, जएणं तुज्जे दिच्चं गेण्हमाणा जाव एगंतपंडिया यावि भवह ?, तएणं ते थेरा भगवंतो ते अन्नउत्थिए एवं वयासी-अम्हे णं अज्जो ! दिज्जमाणे दिच्चे पडिग्गाहेज्जमाणे पडिग्गाहिए निसिंसिरिज्जमाणे निसिट्ठे । अम्हे णं अज्जो ! दिज्जमाणं पडिग्गहगं असंपत्तं एत्थ णं अंतरा केइ अवहरेज्जा अम्हाणं तं णो खलु तं गाहावइस्स, जएणं अम्हे दिच्चं गेण्हामो दिच्चं भुंजामो दिच्चं साइज्जामो तएणं अम्हे दिच्चं गेण्हमाणा जाव दिच्चं साइज्जमाणा तिविहं तिविहेणं संजय जाव एगंतपंडिया यावि भवामो, तुज्जे णं अज्जो ! अप्पणा चेव तिविहं तिविहेणं असंजय जाव एगंतबाला यावि भवह, तए णं ते अन्नउत्थिया ते थेरे

भगवंते एवं वयासी-केण कारणेण अज्जो ! अम्हे तिविहं जाव एगंतबाला यावि भवामो ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! अदिन्नं गेण्हह ३, तए णं तु अज्जो ! तुब्भे अदिन्नं गे० जाव एगंत०, तए णं ते अन्नउत्थिया ते थेरे भगवंते एवं वयासी-केण कारणेण अज्जो ! अम्हे अदिन्नं गेण्हामो जाव एगंतबा० ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! दिज्जमाणे अदिज्जे तं चेव जाव गाहावइस्स णं णो खलु तं तुज्जे, तए णं तुज्जे अदिन्नं गेण्हह, तं चेव जाव एगंतबाला यावि भवह, तए णं ते अन्नउत्थिया ते थेरे भ० एवं ब०-तुज्जे णं अज्जो ! तिविहं तिविहेणं असंजय जाव एगंतबा० भवह, तए णं ते थेरा भ० ते अन्नउत्थिए एवं वयासी-केण कारणेणं अम्हे तिविहं तिविहेणं जाव एगंतबाला यावि भवामो ?, तए णं ते अन्नउत्थिया ते थेरे भगवंते एवं वयासी-तुज्जे णं अज्जो ! रीयं रीयमाणा पुढविं पेच्चेह अभिहणह वत्तेह छेसेह संधाएह सघट्टेह परियावेह किलामेह उवह्वेह तएणं तुज्जे पुढविं पेच्चेमाणा जाव उवह्वेमाणा तिविहं तिविहेणं असंजयअविरय जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे रीय रीयमाणा पुढविं पेच्चेमो अभिहणामो जाव उवह्वेमो अम्हे ण अज्जो ! रीयं रीयमाणा कार्यं वा जोगं वा रीयं वा पडुच्च देसं देसेणं वयामो पएसं पएसेणं वयामो तेणं अम्हे देसं देसेणं वयमाणा पएसं पएसेणं वयमाणा नो पुढविं पेच्चेमो अभिहणामो जाव उवह्वेमो, तएणं अम्हे पुढविं अपेच्चेमाणा अणभिहणेमाणा जाव अणुवह्वेमाणा तिविहं तिविहेणं संजय जाव एगंतपंडिया यावि भवामो, तुज्जे णं अज्जो ! अप्पणा चेव तिविहं तिविहेणं असंजय जाव एगंत बाला यावि भवह, तए णं ते अन्नउत्थिया थेरे भगवंते एवं वयासी-केण कारणेणं अज्जो ! अम्हे तिविहं तिविहेणं जाव एगंतबाला यावि भवामो ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! रीयं रीयमाणा पुढविं पेच्चेह जाव उवह्वेह, तए णं तुज्जे पुढविं पेच्चेमाणा जाव उवह्वेमाणा तिविहं तिविहेणं जाव एगंतबाला यावि भवह, तए णं ते अन्नउत्थिया ते थेरे भगवंते एवं वयासी-तुज्जे णं अज्जो ! गममाणे अगए वीइक्कमिज्जमाणे अबीइक्कंते रायगिहं नगरं संपाविउकामे असंपत्ते, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे गममाणे अगए वीइक्कमिज्जमाणे अबीइक्कंते रायगिहं नगरं जाव असंपत्ते, अम्हे णं अज्जो ! गममाणे अगए वीइक्कमिज्जमाणे वीइक्कंते रायगिहं नगरं संपाविउकामे संपत्ते, तुज्जे णं अप्पणा चेव गममाणे अगए वीइक्कमिज्जमाणे अबीइक्कंते रायगिहं नगरं जाव असंपत्ते, तए

यं ते थेरा भगवतो अन्नत्थिए एवं पडिहणेन्ति पडिहणित्ता गइप्पवायनामं अज्झ-
यणं पन्नवइंसु ॥ ३३६ ॥ कइविहे णं भंते ! गइप्पवाए पण्णत्ते ? गोयमा ! पंचविहे
गइप्पवाए पण्णत्ते, तंजहा-पओगगई, ततगई, बंधणछेयणगई, उववायगई, विहाय-
गई, एत्तो आरब्भ पओगपयं निरवसेसं भाणियव्वं, जाव सेसं विहायगई । सेवं
भंते ! सेवं भंते ! त्ति ॥ ३३७ ॥ अट्टमसयस्स सत्तमो उहेसो समत्तो ॥

रायगिहे नयरे जाव एवं वयासी-गुरूणं भंते ! पडुच्च कइ पडिणीया पण्णत्ता ?
गोयमा ! तओ पडिणीया पण्णत्ता, तंजहा-आयरियपडिणीए, उवज्झायपडिणीए,
थेरपडिणीए ॥ गई णं भंते ! पडुच्च कइ पडिणीया पण्णत्ता ? गोयमा ! तओ पडिणीया
पण्णत्ता, तंजहा-इहलोगपडिणीए, परलोगपडिणीए, दुहओलोगपडिणीए ॥ समूहणं
भंते ! पडुच्च कइ पडिणीया पण्णत्ता ? गोयमा ! तओ पडिणीया पण्णत्ता, तंजहा-कुल-
पडिणीए, गणपडिणीए, संघपडिणीए ॥ अणुकंपं भंते ! पडुच्च पुच्छा, गोयमा !
तओ पडिणीया पण्णत्ता, तंजहा-तवरिसपडिणीए, गिलाणपडिणीए, सेहपडिणीए ॥
सुयणं भंते ! पडुच्च पुच्छा, गोयमा ! तओ पडिणीया पण्णत्ता, तंजहा-सुत्तपडिणीए,
अत्यपडिणीए, तदुभयपडिणीए । भावं णं भंते ! पडुच्च पुच्छा, गोयमा ! तओ
पडिणीया पण्णत्ता, तंजहा-नाणपडिणीए, दंसणपडिणीए, चरिसपडिणीए ॥ ३३८ ॥
कइविहे णं भंते ! ववहारे पन्नत्ते ? गोयमा ! पंचविहे ववहारे पन्नत्ते, तंजहा-
आगमे, सुए, आणा, धारणा, जीए, जहा से तत्थ आगमे सिया आगमेणं ववहारं
पट्टवेज्जा, णो य से तत्थ आगमे सिया जहा से तत्थ सुए सिया सुएणं ववहारं
पट्टवेज्जा, णो य से तत्थ सुए सिया जहा से तत्थ आणा सिया आणाए ववहारं
पट्टवेज्जा, णो य से तत्थ आणा सिया जहा से तत्थ धारणा सिया धारणाए
ववहारं पट्टवेज्जा, णो य से तत्थ धारणा सिया जहा से तत्थ जीए सिया जीएणं
ववहारं पट्टवेज्जा, इच्चेएहिं पंचहिं ववहारं पट्टवेज्जा, तंजहा-आगमेणं, सुएणं, आणाए,
धारणाए, जीएणं, जहा २ से आगमे सुए आणा धारणा जीए तद्दा २ ववहारं
पट्टवेज्जा ॥ से किमाहु भंते ! आगमबलिया समणा निग्गंथा इच्चेयं पंचविहं ववहारं
जहा २ जहिं २ तद्दा २ तहिं २ अणिसिओवसियं सम्मं ववहरमाणे समणे निग्गंथे
आणाए आराहए भवइ ॥ ३३९ ॥ कइविहे णं भंते ! बंधे पण्णत्ते ? गोयमा !
दुविहे बंधे पन्नत्ते, तंजहा-इरियावहियबंधे य संपराइयबंधे य । इरियावहियणं
भंते ! कम्मं किं नेरइओ बंधइ तिरिक्खजोणिओ बंधइ तिरिक्खजोणिणी बंधइ
मणुस्सो बंधइ मणुस्सी बंधइ देवो बंधइ देवी बंधइ ? गोयमा ! नो नेरइओ बंधइ
नो तिरिक्खजोणिओ बंधइ नो तिरिक्खजोणिणी बंधइ नो देवो बंधइ नो देवी बंधइ,

पुव्वपडिवज्जए पडुच्च मणुस्सा य मणुस्सीओ य बंधंति, पडिवज्जमाणए पडुच्च मणुस्सो वा बंधइ १ मणुस्सी वा बंधइ २ मणुस्सा वा बंधंति ३ मणुस्सीओ वा बंधंति ४ अहवा मणुस्सो य मणुस्सी य बंधइ ५ अहवा मणुस्सो य मणुस्सीओ य बंधन्ति ६ अहवा मणुस्सा य मणुस्सी य बंधइ ७ अहवा मणुस्सा य मणुस्सीओ य बंधंति ॥ तं भंते ! किं इत्थी बंधइ पुरिसो बंधइ नपुंसगो बंधइ, इत्थीओ बंधन्ति पुरिसा बंधंति नपुंसगा बंधन्ति, नोइत्थीनोपुरिसोनोनपुंसओ बंधइ ? गोयमा ! नो इत्थी बंधइ नो पुरिसो बंधइ जाव नो नपुंसगा बंधन्ति, पुव्वपडिवज्जए पडुच्च अवगयवेया बंधंति, पडिवज्जमाणए य पडुच्च अवगयवेओ वा बंधइ अवगयवेया वा बंधंति ॥ जइ भंते ! अवगयवेओ वा बंधइ अवगयवेया वा बंधंति तं भंते ! किं इत्थीपच्छाकडो बंधइ १ पुरिसपच्छाकडो बंधइ २ नपुंसगपच्छाकडो बंधइ ३ इत्थीपच्छाकडा बंधंति ४ पुरिसपच्छाकडा बंधंति ५ नपुंसगपच्छाकडा बंधंति ६ उदाहु इत्थिपच्छाकडो य पुरिसपच्छाकडो य बंधइ, उदाहु इत्थिपच्छाकडो य पुरिसपच्छाकडा य बंधंति, उदाहु इत्थिपच्छाकडा य पुरिसपच्छाकडो य बंधइ, उदाहु इत्थिपच्छाकडा य पुरिसपच्छाकडा य बंधंति, उदाहु इत्थीपच्छाकडो य नपुंसगपच्छाकडो य बंधइ ४ उदाहु पुरिसपच्छाकडो य नपुंसगपच्छाकडो य बंधइ ४ उदाहु इत्थिपच्छाकडो य पुरिसपच्छाकडो य नपुंसगपच्छाकडो य (बंधइ)भाणियव्वं ८, एवं एए छवीसं भंगा २६ जाव उदाहु इत्थीपच्छाकडा य पुरिसप० नपुंसगप० बंधंति ? गोयमा ! इत्थिपच्छाकडोवि बंधइ १ पुरिसपच्छाकडोवि बंधइ २ नपुंसगपच्छाकडोवि बंधइ ३ इत्थीपच्छाकडावि बंधंति ४ पुरिसपच्छाकडावि बंधंति ५ नपुंसगपच्छाकडावि बंधंति ६ अहवा इत्थीपच्छाकडो पुरिसपच्छाकडो य बंधइ ७ एवं एए चेव छवीसं भंगा भाणियव्वा, जाव अहवा इत्थिपच्छाकडा य पुरिसपच्छाकडा य नपुंसगपच्छाकडा य बंधंति ॥ तं भंते ! किं बंधी बंधइ बंधिस्सइ १ बंधी बंधइ न बंधिस्सइ २ बंधी न बंधइ बंधिस्सइ ३ बंधी न बंधइ न बंधिस्सइ ४ न बंधी बंधइ बंधिस्सइ ५ न बंधी बंधइ न बंधिस्सइ ६ न बंधी न बंधइ बंधिस्सइ ७ न बंधी न बंधइ न बंधिस्सइ ८ ? गोयमा ! भवागरिसं पडुच्च अत्येगइए बंधी बंधइ बंधिस्सइ अत्येगइए बंधी बंधइ न बंधिस्सइ, एवं तं चेव सव्वं जाव अत्येगइए न बंधी न बंधइ न बंधिस्सइ, गहणागरिसं पडुच्च अत्येगइए बंधी बंधइ बंधिस्सइ एवं जाव अत्येगइए न बंधी बंधइ बंधिस्सइ, णो चेव णं न बंधी बंधइ न बंधिस्सइ, अत्येगइए न बंधी न बंधइ बंधिस्सइ अत्येगइए न बंधी न बंधइ न बंधिस्सइ ॥ तं भंते ! किं साइयं सपज्जवसियं बंधइ साइयं अपज्जवसियं

बंधइ अणाइयं सपज्जवसियं बंधइ अणाइयं अपज्जवसियं बंधइ ? गोयमा । साइयं सपज्जवसियं बंधइ नो साइयं अपज्जवसियं बंधइ नो अणाइयं सपज्जवसियं बंधइ नो अणाइयं अपज्जवसियं बंधइ ॥ तं भंते । किं देसेणं देसं बंधइ देसेणं सव्वं बंधइ सव्वेणं देसं बंधइ सव्वेणं सव्वं बंधइ ? गोयमा । नो देसेणं देसं बंधइ णो देसेणं सव्वं बंधइ नो सव्वेणं देसं बंधइ सव्वेणं सव्वं बंधइ ॥ ३४० ॥ संपराइयणं भंते । कम्मं किं नेरइओ बंधइ तिरिक्खज्जोणिओ बंधइ जाव देवी बंधइ ? गोयमा ! नेरइओवि बंधइ तिरिक्खज्जोणिओवि बंधइ तिरिक्खज्जोणिणीवि बंधइ मणुस्सोवि बंधइ मणुस्सीवि बंधइ देवोवि बंधइ देवीवि बंधइ ॥ तं भंते । किं इत्थी बंधइ पुरिसो बंधइ तहेव जाव नोइत्थीनोपुरिसोनो नपुंसओ बंधइ ? गोयमा । इत्थीवि बंधइ पुरिसोवि बंधइ जाव नपुंसगावि बंधन्ति अह्वेए य अवगयवेओ य बंधइ अह्वेए य अवगयवेया य बंधन्ति । जइ भंते ! अवगयवेओ य बंधइ अवगयवेया य बंधन्ति तं भंते ! किं इत्थीपच्छाकडो बंधइ पुरिसपच्छाकडो बंधइ ? एवं जहेव इरियावहियाबंधगस्स तहेव निरवसेसं जाव अहवा इत्थीपच्छाकडा य पुरिसपच्छाकडा य [बंधइ] नपुंसगपच्छाकडा य बंधन्ति ॥ तं भंते । किं बंधी बंधइ बंधिस्सइ १ बंधी बंधइ न बंधिस्सइ २ बंधी न बंधइ बंधिस्सइ ३ बंधी न बंधइ न बंधिस्सइ ४ ? गोयमा ! अत्येगइए बंधी बंधइ बंधिस्सइ १ अत्येगइए बंधी बंधइ न बंधिस्सइ २ अत्येगइए बंधी न बंधइ बंधिस्सइ ३ अत्येगइए बंधी न बंधइ न बंधिस्सइ ॥ तं भंते । किं साइयं सपज्जवसियं बंधइ ? पुच्छा तहेव, गोयमा ! साइयं वा सपज्जवसियं बंधइ अणाइयं वा सपज्जवसियं बंधइ अणाइयं वा अपज्जवसियं बंधइ णो चेव णं साइयं अपज्जवसियं बंधइ । तं भंते । किं देसेणं देसं बंधइ० एवं जहेव इरियावहियाबंधगस्स जाव सव्वेणं सव्वं बंधइ ॥ ३४१ ॥ कइ णं भंते । कम्मपयडीओ पज्जाओ ? गोयमा ! अट्ट कम्मपयडीओ पज्जाओ ?, तंजहा-णाणावरणिज्जे जाव अंतराइयं ॥ कइ णं भंते । परीसहा पण्णा ? गोयमा ! बावीसं परीसहा ५०, तंजहा-दिगिंछापरीसहे, पिवासापरीसहे, जाव दंसणपरीसहे । एए णं भंते ! बावीसं परीसहा कइसु कम्मपगढीसु समयरंति ? गोयमा ! चउसु कम्मपयढीसु समयरंति, तंजहा-णाणावरणिज्जे, वेयणिज्जे, मोहणिज्जे, अंतराइए । नाणावरणिज्जे णं भंते ! कम्मे कइ परीसहा समयरंति ? गोयमा ! दो परीसहा समयरंति, तं-पज्जापरीसहे अण्णाणपरीसहे य, वेयणिज्जे णं भंते । कम्मे कइ परीसहा समयरंति ? गोयमा ! एक्कारस परीसहा समयरंति, तंजहा-पंचेव आणुपुव्वी चरिया सेज्जा ष्ठे य रोगे य । तणफास जहमेव य एक्कारस वेयणिज्जे ॥ १ ॥ दंसणमोहणिज्जे णं

भंते । कम्मे कइ परीसहा समोयरंति ? गोयमा ! एगे दंसणपरीसहे समोयरइ, चरित्तमोहणिजे णं भंते । कम्मे कइ परीसहा समोयरंति ? गोयमा ! सत्त परीसहा समोयरंति, तंजहा-अरई अचेल इत्थी निसीहिया जायणा य अक्कोसे । सक्कारपुर-क्कारे चरित्तमोहंमि सत्तेए ॥ १ ॥ अंतराइए णं भंते । कम्मे कइ परीसहा समोय-
 ति ? गोयमा ! एगे अलाभपरीसहे समोयरइ ॥ सत्तविहबंघगस्स णं भंते । कइरं परीसहा पण्णत्ता ? गोयमा । बावीसं परीसहा पण्णत्ता, वीसं पुण वेदेइ, जं समयं सीयपरीसहं वेदेइ णो तं समयं उत्तिणपरीसहं वेदेइ जं समयं उत्तिणपरीसहं वेदेइ णो तं समयं सीयपरीसहं वेदेइ, जं समयं चरियापरीसहं वेदेइ णो तं समयं निसी-
 हियापरीसह वेदेइ जं समयं निसीहियापरीसहं वेदेइ णो तं समयं चरियापरीसहं वेदेइ । अट्टविहबंघगस्स णं भंते । कइ परीसहा पण्णत्ता ? गोयमा ! बावीसं परी-
 सहा पण्णत्ता, तंजहा-हुहापरीसहे, पिवासापरीसहे, सीयप०, दंसमसगप० जाव अलाभप०, एवं अट्टविहबंघगस्सवि सत्तविहबंघगस्सवि । छव्विहबंघगस्स णं भंते । सरागछउमत्थस्स कइ परीसहा पण्णत्ता ? गोयमा । चोइस परीसहा पण्णत्ता बारस पुण वेदेइ, जं समयं सीयपरीसहं वेदेइ णो तं समयं उत्तिणपरीसहं वेदेइ जं समयं उत्तिणपरीसहं वेदेइ नो तं समयं सीयपरीसहं वेदेइ, जं समयं चरियापरीसहं वेदेइ णो तं समयं सेज्जापरीसहं वेदेइ जं समयं सेज्जापरीसहं वेदेइ णो तं समयं चरियापरीसहं वेदेइ । एकविहबंघगस्स णं भंते । वीयरागछउमत्थस्स कइ परीसहा पण्णत्ता ? गोयमा । एवं चेव जहेव छव्विहबंघगस्स । एगविहबंघगस्स णं भंते । सजोगिभवत्थकेवलिस्स कइ परीसहा पण्णत्ता ? गोयमा । एक्कारस परीसहा पण्णत्ता, नव पुण वेदेइ, सेस जहा छव्विहबंघगस्स । अबंघगस्स णं भंते । अजोगिभवत्थके-
 वलिस्स कइ परीसहा पण्णत्ता ? गोयमा । एक्कारस परीसहा पण्णत्ता, नव पुण वेदेइ, जं समयं सीयपरीसहं वेदेइ नो तं समयं उत्तिणपरीसहं वेदेइ जं समयं उत्तिणपरीसहं वेदेइ नो तं समयं सीयपरीसहं वेदेइ, जं समयं चरियापरीसहं वेदेइ नो तं समयं सेज्जा-
 परीसहं वेदेइ जं समयं सेज्जापरीसहं वेदेइ नो तं समयं चरियापरीसहं वेदेइ ॥ ३४२ ॥
 जबुद्धीवे णं भंते । धीवे सूरिया उग्गमणमुहुत्तंसि दूरे य मूळे य धीसंति मज्झंतिय-
 मुहुत्तंसि मूळे य दूरे य धीसंति अत्थमणमुहुत्तंसि दूरे य मूळे य धीसंति ? इत्ता गोयमा । जबुद्धीवे णं धीवे सूरिया उग्गमणमुहुत्तंसि दूरे य तं चेव जाव अत्थमण-
 मुहुत्तंसि दूरे य मूळे य धीसंति, जबूद्धीवे णं भंते । धीवे सूरिया उग्गमण-
 मुहुत्तंसि मज्झंतियमुहुत्तंसि य अत्थमणमुहुत्तंसि य सब्बत्थ समा उच्चत्तेणं ? इत्ता गोयमा । जबुद्धीवे णं धीवे सूरिया उग्गमण जाव उच्चत्तेणं । जइ णं

भंते । जंबुद्वीवे २ सूरिया उग्गमणमुहुत्तंसि य मज्झंतिय० अत्यमणमुहुत्तंसि मूले जाव उच्चतेणं से केणं खाडणं अट्टेणं भंते ! एवं वुच्चइ जंबुद्वीवे णं बीवे सूरिया उग्गमणमुहुत्तंसि दूरे य मूले य बीसंति जाव अत्यमणमुहुत्तंसि दूरे य मूले य बीसति ? गोयमा ! लेसापडिघाएणं उग्गमणमुहुत्तंसि दूरे य मूले य बीसंति लेसापडिघाएणं अत्यमणमुहुत्तंसि दूरे य मूले य बीसंति, से तेणट्टेणं गोयमा । एवं वुच्चइ-जंबुद्वीवे णं बीवे सूरिया उग्गमणमुहुत्तंसि दूरे य मूले य बीसन्ति जाव अत्यमण जाव बीसंति । जंबुद्वीवे णं भंते ! बीवे सूरिया किं तीयं खेत्तं गच्छति पडुप्पन्नं खेत्तं गच्छंति अणागयं खेत्तं गच्छंति ? गोयमा ! णो तीयं खेत्तं गच्छंति पडुप्पन्नं खेत्तं गच्छंति णो अणागयं खेत्तं गच्छंति, जंबुद्वीवे णं बीवे सूरिया किं तीयं खेत्तं ओभासंति पडुप्पन्नं खेत्तं ओभासंति अणागयं खेत्तं ओभासंति ? गोयमा ! नो तीयं खेत्तं ओभासंति पडुप्पन्नं खेत्तं ओभासति नो अणागयं खेत्तं ओभासंति, तं भंते ! किं पुट्टं ओभासंति अपुट्टं ओभासेति ? गोयमा ! पुट्टं ओभासति नो अपुट्टं ओभासति जाव नियमा छद्दिसि । जंबुद्वीवे णं भंते ! बीवे सूरिया किं तीयं खेत्तं उज्जोवेंति एवं चैव जाव नियमा छद्दिसि, एवं तवेंति एवं भासेति जाव नियमा छद्दिसि ॥ जंबुद्वीवे णं भंते ! बीवे सूरियाणं किं तीए खेत्ते किरिया कज्जइ पडुप्पन्ने खेत्ते किरिया कज्जइ अणागए खेत्ते किरिया कज्जइ ? गोयमा ! नो तीए खेत्ते किरिया कज्जइ पडुप्पन्ने खेत्ते किरिया कज्जइ णो अणागए खेत्ते किरिया कज्जइ, सा भंते ! किं पुट्टा कज्जइ अपुट्टा कज्जइ ? गोयमा ! पुट्टा कज्जइ नो अपुट्टा कज्जइ जाव नियमा छद्दिसि । जंबुद्वीवे णं भंते ! बीवे सूरिया केवइयं खेत्तं उच्चं तवेंति केवइयं खेत्तं अहे तवेंति केवइयं खेत्तं तिरियं तवेंति ? गोयमा ! एगं जोयणसयं उच्चं तवेंति अट्टारस जोयणसयाइं अहे तवेंति सीयालीस जोयणसहस्साइं दोन्नि य तेवट्टे जोयणसए एकवीसं च सट्ठिभाए जोयणस्स तिरियं तवेंति ॥ अतो णं भंते ! माणुसुत्तरस्स पव्वयस्स जे वंदिमसूरियगहगणण-क्खत्तारारुहा ते णं भंते ! देवा किं उच्चोववन्नगा जहा जीवाभिगमे तद्देव निरवसेसं जाव उक्कोसेणं छम्मासा । बहिया णं भंते ! माणुसुत्तरस्स जहा जीवाभिगमे जाव इंदट्टाणे णं भंते ! केवइयं कालं उववाएणं विरहिए पत्ते ? गोयमा ! जह-न्नणं एक्कं समयं उक्कोसेणं छम्मासा । सेवं भंते ! सेवं भंते ! त्ति ॥ ३४३ ॥ अट्टमसए अट्टमो उद्देसो समत्तो ॥

कइविहे णं भंते । बंधे पण्णत्ते ? गोयमा ! इविहे बंधे पण्णत्ते, तंजहा-पओग-बंधे य वीससाबंधे य ॥ ३४४ ॥ वीससाबंधे णं भंते ! कइविहे पण्णत्ते ? गोयमा !

दुविहे पण्णत्ते, तंजहा-साइयवीससाबंधे य अणाइयवीससाबंधे य । अणाइयवीससा-
 बंधे णं भंते ! कइविहे पण्णत्ते ? गोयमा ! तिविहे पण्णत्ते, तंजहा-धम्मत्थिकायअन्न-
 मन्नअणाइयवीससाबंधे, अधम्मत्थिकायअन्नमन्नअणाइयवीससाबंधे, आगासत्थि-
 कायअन्नमन्नअणाइयवीससाबंधे । धम्मत्थिकायअन्नमन्नअणाइयवीससाबंधे णं भंते !
 किं देसबंधे सब्बंधे ? गोयमा ! देसबंधे नो सब्बंधे, एवं अधम्मत्थिकायअन्न-
 मन्नअणाइयवीससाबंधेवि, एवमागासत्थिकायअन्नमन्नअणाइयवीससाबंधेवि । धम्म-
 त्थिकायअन्नमन्नअणाइयवीससाबंधे णं भंते ! कालओ केवच्चिरं होइ ? गोयमा '
 सब्बद्धं, एवं अधम्मत्थिकाए, एवं आगासत्थिकाए । साइयवीससाबंधे णं भंते '
 कइविहे पण्णत्ते ? गोयमा ' तिविहे पण्णत्ते, तंजहा-बंधणपच्चइए, भायणपच्चइए, परि-
 णामपच्चइए । से किं तं बंधणपच्चइए ? २ जन्नं परमाणुपोग्गला दुपएसिया तिपएसिया
 जाव दसपएसिया संग्खेजपएसिया असंग्खेजपएसिया, अणंतपएसियाणं खंधाणं वेमा-
 गनिद्धयाए वेमायलुक्खयाए वेमायनिद्धलुक्खयाए एवं बंधणपच्चइए णं बंधे समुप्पज्जइ
 जहन्नेणं एक्कं समयं उक्कोसेणं असंखेज्जं कालं, सेत्तं बंधणपच्चइए । से किं तं भायण-
 पच्चइए ? भायणपच्चइए जन्नं जुज्जुराजुज्जगुलजुज्जतंतुलाणं भायणपच्चइएणं बंधे
 समुप्पज्जइ जहन्नेणं अंतोमुहुत्तं उक्कोसेणं सखेज्जं कालं, सेत्तं भायणपच्चइए । से किं तं
 परिणामपच्चइए ? परिणामपच्चइए जन्नं अब्भाणं अब्भरूक्खत्ताणं जहा तइयसए जाव
 अमोहाणं परिणामपच्चइए णं बंधे समुप्पज्जइ जहन्नेणं एक्कं समयं उक्कोसेणं
 छम्मासा, सेत्तं परिणामपच्चइए, सेत्तं साइयवीससाबंधे, सेत्तं वीसमाबंधे ॥ ३४५ ॥
 से किं तं पओगबंधे ? पओगबंधे तिविहे पण्णत्ते, तंजहा-अणाइए वा अपज्जवसिए,
 साइए वा अपज्जवसिए, साइए वा सपज्जवसिए, तत्थ णं जे से अणाइए अपज्जव-
 सिए से णं अट्टभ्हं जीवमज्जपएसणं ॥ तत्थवि णं तिण्ह २ अणाइए अपज्जवसिए
 तेमाणं साइए, तत्थ णं जे से साइए अपज्जवसिए से णं सिद्धाणं, तत्थ णं जे से
 माइए सपज्जवसिए से णं चउच्चिविहे पन्नत्ते, तंजहा-आलावणबंधे, अल्लियावणबंधे,
 सरीरबंधे, सरीरप्पओगबंधे ॥ से किं तं आलावणबंधे, आलावणबंधे, जण्णं तण-
 भाराण वा कट्टभाराण वा पत्तभाराण वा पलालभाराण वा वेत्तभाराण वा वेत्तल-
 याबागवरत्तरज्जुवत्तिकुसदब्भमाइएहिं आलावणबंधे समुप्पज्जइ जहन्नेणं अंतोमुहुत्तं
 उक्कोसेणं संखेज्जं कालं, सेत्तं आलावणबंधे । से किं तं अल्लियावणबंधे ? अल्लिया-
 वणबंधे चउच्चिविहे पन्नत्ते, तंजहा-त्सेसणाबंधे, उच्चयबंधे, समुच्चयबंधे, साहण्णाबंधे,
 से किं तं त्सेसणाबंधे ? त्सेसणाबंधे जन्नं कुट्टा(कृ)णं कोट्टिमाणं खंधाणं पासायाणं कट्टाणं
 चम्माणं घडणं पडणं कडणं वुत्ताच्चिन्निखल्लसित्सेसलक्खमहुसित्थमाइएहिं त्सेसणएहिं

बंधे समुप्पज्जइ जहन्नेणं अतोमुहुत्तं उक्कोसेणं संखेज्जं कालं, सेत्तं लेसणाबंधे, से किं तं उच्चयबंधे ? उच्चयबंधे जन्नं तणरासीण वा कट्टरासीण वा पत्तरासीण वा तुसरासीण वा भुसरासीण वा गोमयरासीण वा अबगरासीण वा उच्चएणं बंधे समुप्पज्जइ जहन्नेणं अंतोमुहुत्तं उक्कोसेणं संखेज्जं कालं, सेत्तं उच्चयबंधे, से किं तं समुच्चयबंधे ? समुच्चयबंधे जन्नं अगडतडागनईदहवावीपुक्खरिणीवीहियाणं गुंजालियाण सराणं सरपंतिआणं सरसरपंतियाण बिलपंतियाणं देवकुलसभापव्वधुभक्खाइयाणं फरिहाणं पागारडालगचरियदारगोपुरतोरणाणं पासायधरसरणलेणआवाणाणं सिंघाडगतियचउक्कचच्चरचउम्मुहमहापहमाईणं खुहाचिक्खिक्खसिलेमसमुच्चएणं बंधे समुप्पज्जइ जहन्नेणं अंतोमुहुत्तं उक्कोसेणं संखेज्जं कालं, सेत्तं समुच्चयबंधे, से किं तं साहणणाबंधे ? साहणणाबंधे दुविहे पण्णत्ते, तंजहा-देससाहणणाबंधे य सव्वसाहणणाबंधे य, से किं तं देससाहणणाबंधे ? देससाहणणाबंधे जन्नं सगडरहजाणजुग्गगिद्धिद्धिसीयसंदमाणियलोहीलोहकडाहकडुच्छुयआसणसयणखंभंउमत्तोवगरणमाईणं देससाहणणाबंधे समुप्पज्जइ जहन्नेणं अंतोमुहुत्तं उक्कोसेणं संखेज्जं कालं, सेत्तं देससाहणणाबंधे, से किं तं सव्वसाहणणाबंधे ? सव्वसाहणणाबंधे से णं खीरोदग्गमाईणं, सेत्तं सव्वसाहणणाबंधे, सेत्तं माहणणाबंधे, सेत्तं अल्लियावणबंधे ॥३४६॥ से किं तं सरीरबंधे ? सरीरबंधे दुविहे पण्णत्ते, तंजहा-पुव्वप्पओगपच्चइए य पडुप्पन्नपओगपच्चइए य, से किं तं पुव्वप्पओगपच्चइए ? पुव्वपओगपच्चइए जन्नं नेरइयाणं संसारत्थाणं सव्वजीवाणं तत्थ २ तेसु २ कारणेसु समोहणमाणाणं जीवप्पएमाणां बंधे समुप्पज्जइ सेत्तं पुव्वप्पओगपच्चइए, से किं तं पडुप्पन्नपओगपच्चइए ? २ जन्नं केवलनाणिस्स अणगारस्स केवलिसमुग्घाएणं समोहयस्स ताओ समुग्घायाओ पडिनियत्तेमाणस्स अंतरा मंथे वट्टमाणस्स तेयाकम्माणं बंधे समुप्पज्जइ, किं कारणं ? ताहे से पएसा एगत्तीगया भवंतित्ति, सेत्तं पडुप्पन्नपओगपच्चइए, सेत्तं सरीरबंधे ॥ से किं तं सरीरप्पओगबंधे ? सरीरप्पओगबंधे पंचविहे पण्णत्ते, तंजहा-ओरालियसरीरप्पओगबंधे, वेउव्वियसरीरप्पओगबंधे, आहारगसरीरप्पओगबंधे, तेयासरीरप्पओगबंधे, कम्मासरीरप्पओगबंधे । ओरालियसरीरप्पओगबंधे णं भंते ! कइविहे पण्णत्ते ? गोयमा । पंचविहे पण्णत्ते, तंजहा-एग्गिदियओरालियसरीरप्पओगबंधे वेदियओ० जाव पंचिदियओरालियसरीरप्पओगबंधे । एग्गिदियओरालियसरीरप्पओगबंधे णं भंते ! कइविहे पण्णत्ते ? गोयमा । पंचविहे पण्णत्ते, तंजहा-पुडविक्काइयएग्गिदिय० एवं एणं अब्भिलावेणं भेओ जहा ओगाहणसंठाणे ओरालियसरीरस्स तहा भाणियव्वो जाव पज्जतगम्भवक्कतियमणुस्सपंचिदियओरा-

लियसरीरप्पओगबंधे य अपज्वत्तगम्भवक्कतियमणुस्स जाव बंधे य ॥ ओरालिय-
सरीरप्पओगबंधे ण भंते ! कस्स कम्मस्स उदएणं ? गोयमा ! वीरियसजोगसहव्व-
याए पमादपच्चया कम्मं च जोगं च भवं च आउयं च पडुच्च ओरालियसरीरप्प-
ओगनामाए कम्मस्स उदएणं ओरालियसरीरप्पओगबंधे ॥ एगिदियओरालियसरीर-
प्पओगबंधे ण भंते ! कस्स कम्मस्स उदएणं ? एवं चेव, पुढविकाइयएगिदियओरा-
लियसरीरप्पओगबंधेवि एवं चेव, एवं जाव वणस्सइकाइया, एवं बेइंदिया, एवं तेइंदिया,
एवं चउरिंदिया, तिरिक्खजोणियपंचिदियओरालियसरीरप्पओगबंधे ण भंते ! कस्स
कम्मस्स उदएणं ? एवं चेव, मणुस्सपंचिदियओरालियसरीरप्पओगबंधे ण भंते !
कस्स कम्मस्स उदएणं ? गोयमा ! वीरियसजोगसहव्वयाए पमादपच्चया जाव
आउयं च पडुच्च मणुस्सपंचिदियओरालियसरीरप्पओगनामाए कम्मस्स उदएणं ॥
ओरालियसरीरप्पओगबंधे ण भंते ! कि देसबंधे सव्वबंधे ? गोयमा ! देसबंधेवि
सव्वबंधेवि, एगिदियओरालियसरीरप्पओगबंधे ण भंते ! कि देसबंधे मव्वबंधे ?
एवं चेव, एवं पुढविकाइया, एवं जाव मणुस्सपंचिदियओरालियसरीरप्पओगबंधे ण
भंते ! कि देसबंधे सव्वबंधे ? गोयमा ! देसबंधेवि सव्वबंधेवि ॥ ओरालियसरीर-
प्पओगबंधे ण भंते ! कालओ केवच्चिरं होइ ? गोयमा ! सव्वबंधे एक्कं समयं,
देसबंधे जहजेणं एक्कं समयं, उक्कोसेणं तिच्चि पळिओवमाइं समयऊणाइं, एगिदिय-
ओरालियसरीरप्पओगबंधे ण भंते ! कालओ केवच्चिरं होइ ? गोयमा ! सव्वबंधे एक्कं
समयं, देसबंधे जहजेणं एक्कं समयं, उक्कोसेणं बावीसं वाससहस्साइं समयऊणाइं, पुढवि-
काइयएगिदियपुच्छा, गोयमा ! सव्वबंधे एक्कं समयं, देसबंधे जहजेणं खुड्ढागभवग्गहणं
तिसमयऊणं, उक्कोसेणं बावीसं वाससहस्साइं समयऊणाइं, एवं सव्वेसिं सव्वबंधो
एक्कं समयं, देसबंधो जेसिं नत्थि वेउव्वियसरीरं तेसिं जहजेणं खुड्ढागं भवग्गहणं
तिसमयऊणं, उक्कोसेणं जा जस्स उक्कोसिया ठिई सा समयऊणा कायव्वा, जेसिं पुण
अत्थि वेउव्वियसरीरं तेसिं देसबंधो जहजेणं एक्कं समयं, उक्कोसेणं जा जस्स ठिई सा
समयऊणा कायव्वा जाव मणुस्साणं देसबंधे जहजेणं एक्कं समयं, उक्कोसेणं तिच्चि पळि-
ओवमाइं समयऊणाइं ॥ ओरालियसरीरप्पओगबंधंतरं ण भंते ! कालओ केवच्चिरं
होइ ? गोयमा ! सव्वबंधंतरं जहजेणं खुड्ढागं भवग्गहणं तिसमयऊणं, उक्कोसेणं तेत्तीसं
सागरोवमाइं पुव्वक्कोडिसमयाहियाइं, देसबंधंतरं जहजेणं एक्कं समयं, उक्कोसेणं तेत्तीसं
सागरोवमाइं तिसमयाहियाइं, एगिदियओरालियपुच्छा, गोयमा ! सव्वबंधंतरं जह-
जेणं खुड्ढागं भवग्गहणं तिसमयऊणं, उक्कोसेणं बावीसं वाससहस्साइं समयाहियाइं,
देसबंधंतरं जहजेणं एक्कं समयं, उक्कोसेणं अंतोमुहुत्तं, पुढविकाइयएगिदियपुच्छा

गोयमा ! सव्वबंधंतरं जहेव एगिदियस्स तहेव भाणियव्वं, देसबंधंतरं जहजेणं एक्कं समयं, उक्कोसेणं तिञ्चि समयया, जहा पुढविकाइयाणं एवं जाव चउरिंदियाणं वाउक्काइय-
 चज्जाणं, नवरं सव्वबंधंतरं उक्कोसेणं जा जस्स ठिई सा समयाहिया कायव्वा, वाउ-
 क्काइयाणं मव्वबंधंतरं जहजेणं खुड्ढागभवग्गहणं तिसमयऊणं, उक्कोसेणं तिञ्चि वासमह-
 स्साइं समयाहियाइं, देसबंधंतरं जहजेणं एक्कं समयं, उक्कोसेणं अंतोमुहुत्तं, पंचिदिय-
 तिरिक्खजोणियओरालियपुच्छा, गोयमा ! सव्वबंधंतरं जहजेणं खुड्ढागभवग्गहणं तिस-
 मयऊणं, उक्कोसेणं पुव्वकोढी समयाहिया, देसबंधंतरं जहा एगिदियाणं तहा पंचिदिय-
 तिरिक्खजोणियाणं, एवं मणुस्साणवि निरवसेसं भाणियव्वं जाव उक्कोसेणं अंतोमुहुत्तं ॥
 जीवस्स णं भंते ! एगिदियत्ते णोएगिदियत्ते पुणरवि एगिदियत्ते एगिदियओरालियस-
 रीरप्पओगबंधंतरं कालओ केवच्चिरं होइ ? गोयमा ! सव्वबंधंतरं जहजेणं दो खुड्ढा-
 गभवग्गहणाइं तिसमयऊणाइं, उक्कोसेणं दो सागरोवमसहस्साइं सखेज्जवासमब्भहि-
 याइं, देसबंधंतरं जहजेणं खुड्ढागं भवग्गहणं समयाहियं, उक्कोसेणं दो सागरोवमसह-
 स्साइं संखेज्जवासमब्भहियाइं, जीवस्स णं भंते ! पुढविकाइयत्ते नोपुढविकाइयत्ते पुण-
 रवि पुढविकाइयत्ते पुढविकाइयएगिदियओरालियसरीरप्पओगबंधंतरं कालओ केवच्चिरं
 होइ ? गोयमा ! सव्वबंधंतरं जहजेणं दो खुड्ढागभवग्गहणाइं तिसमयऊणाइं, उक्कोसेणं
 अणंतं कालं अणंताओ उस्सप्पिणिओसप्पिणीओ कालओ, खेत्तओ अणंता लोगा
 असंखेज्जा पोग्गलपरियट्ठा ते णं पोग्गलपरियट्ठा आवलियाए असंखेज्जइभागो, देस-
 बंधंतरं जहजेणं खुड्ढागभवग्गहणं समयाहियं, उक्कोसेणं अणंतं कालं जाव आवलियाए
 अमंखेज्जइभागो, जहा पुढविकाइयाणं एवं वणस्सइकाइयवजाणं जाव मणुस्साणं,
 वणस्सइकाइयाणं दोञ्चि खुड्ढाइं, एवं चव उक्कोसेण असंखेज्जं कालं असंखेज्जाओ उस्स-
 प्पिणिओसप्पिणीओ कालओ, खेत्तओ असंखेज्जा लोगा, एवं देसबंधंतरंपि उक्कोसेणं
 पुढविकालो ॥ एएसि णं भंते ! जीवाणं ओरालियसरीरस्स देसबंधगाणं सव्वबंध-
 गाणं अबंधगाणं य कयरे २ जाव विसेसाहिया वा ? गोयमा ! सव्वत्थोवा जीवा ओरा-
 लियसरीरस्स सव्वबंधगा, अबंधगा विसेसाहिया, देसबंधगा असंखेज्जगुणा ॥ ३४७ ॥
 वेउव्वियसरीरप्पओगबंधे णं भंते ! कइविहे पन्नत्ते ? गोयमा ! दुविहे पन्नत्ते, तंजहा-
 एगिदियवेउव्वियसरीरप्पओगबंधे य पंचिदियवेउव्वियसरीरप्पओगबंधे य । जइ
 एगिदियवेउव्वियसरीरप्पओगबंधे किं वाउक्काइयएगिदियवेउव्वियसरीरप्पओगबंधे
 अवाउक्काइयएगिदिय० एवं एएणं अभिलावेणं जहा ओगाहणसंठाणे वेउव्वियसरीर-
 मेओ तहा भाणियव्वो जाव पज्जत्तसव्वद्वसिद्धअणुत्तरोववाइयक्काप्पाइंयवेमाणियदेव-
 पंचिदियवेउव्वियसरीरप्पओगबंधे य अपज्जत्तसव्वद्वसिद्धअणुत्तरोववाइय जाव पओ-

गबंधे य । वेउव्वियसरीरप्पओगबंधे णं भंते ! कस्स कम्मस्स उदएणं ? गोयमा ! वीरियसजोगसह्वयाए जाव आउयं वा लद्धिं वा पडुच्च वेउव्वियसरीरप्पओगनामाए कम्मस्स उदएणं वेउव्वियसरीरप्पओगबंधे । वाउक्काइयएगिदियवेउव्वियसरीरप्प-
 आंग० पुच्छा, गोयमा ! वीरियसजोगसह्वयाए एवं चेव जाव लद्धिं च पडुच्च जाव वाउक्काइयएगिदियवेउव्विय जाव बंधे । रयणप्पभापुढविनेरइयपंचिंदियवेउव्वियसरी-
 रप्पओगबंधे णं भंते ! कस्स कम्मस्स उदएणं ? गोयमा ! वीरियसजोगसह्वयाए जाव आउयं वा पडुच्च रयणप्पभापुढवि जाव बंधे, एवं जाव अहेसत्तमाए । तिरिक्खजोणिय-
 पंचिंदियवेउव्वियसरीरपुच्छा, गोयमा ! वीरिय० जाव जहा वाउक्काइयाणं, मणुस्स-
 पंचिंदियवेउव्वियसरीरप्पओग० पुच्छा, एवं चेव, असुरकुमारभवणवासिदेवपंचिं-
 दियवेउव्विय जाव बंधे, जहा रयणप्पभापुढविनेरइयाणं एवं जाव थणियकुमारा, एवं वाणमंतरा, एवं जोडसिया, एवं सोहम्मकप्पोवगया वेमाणिया एवं जाव अञ्जुयगेवेज्जग-
 कप्पाईयवेमाणिया णेयव्वा, अणुत्तरोववाइयकप्पाईयवेमाणिया एवं चेव । वेउव्विय-
 सरीरप्पओगबंधे णं भंते ! किं देसबंधे सव्वबंधे ? गोयमा ! देसबंधेवि सव्वबंधेवि,
 वाउक्काइयएगिदिय० एवं चेव, रयणप्पभापुढविनेरइया एवं चेव, एवं जाव अणुत्तरोव-
 वाइया ॥ वेउव्वियसरीरप्पओगबंधे णं भंते ! कालओ केवच्चिरं होइ ? गोयमा !
 सव्वबंधे जहजेणं एक्कं समयं, उक्कोसेणं दो समया, देसबंधे जहजेणं एक्कं समयं, उक्कोसेणं
 तेत्तीसं सागरोवमाइं समयउणाइं ॥ वाउक्काइयएगिदियवेउव्वियपुच्छा, गोयमा !
 सव्वबंधे एक्कं समयं, देसबंधे जहजेणं एक्कं समयं, उक्कोसेणं अतोमुहुत्तं ॥ रयणप्पभा-
 पुढविनेरइयपुच्छा, गोयमा ! सव्वबंधे एक्कं समयं, देसबंधे जहजेणं दसवाससहस्साइं
 तिसमयउणाइं, उक्कोसेणं सागरोवमं समयउणं, एवं जाव अहेसत्तमाए, नवरं देस-
 बंधे जस्स जा जहञ्जिया ठिई सा तिसमयउणा कायव्वा जाव उक्कोसा समयउणा ॥
 पंचिंदियतिरिक्खजोणियाणं मणुस्साण य जहा वाउक्काइयाणं । असुरकुमारनाग-
 कुमार जाव अणुत्तरोववाइयाणं जहा नेरइयाणं नवरं जस्स जा ठिई सा भाणि-
 यव्वा जाव अणुत्तरोववाइयाणं सव्वबंधे एक्कं समयं, देसबंधे जहजेणं एकतीसं साग-
 रोवमाइं तिसमयउणाइं, उक्कोसेणं तेत्तीसं सागरोवमाइं समयउणाइं ॥ वेउव्वियसरी-
 रप्पओगबंधंतरं णं भंते ! कालओ केवच्चिरं होइ ? गोयमा ! सव्वबंधंतरं जहजेणं
 एक्कं समयं, उक्कोसेणं अणंतं कालं अणताओ जाव आवलियाए असंखेज्जइमागो, एवं
 देसबंधंतरंपि ॥ वाउक्काइयवेउव्वियसरीरपुच्छा, गोयमा ! सव्वबंधंतरं जहजेणं
 अतोमुहुत्तं, उक्कोसेणं पळिओक्कमस्स असंखेज्जइमागं, एवं देसबंधंतरंपि ॥ तिरिक्ख-
 जोणियपंचिंदियवेउव्वियसरीरप्पओगबंधंतरं पुच्छा, गोयमा ! सव्वबंधंतरं जहजेणं

अंतोमुहुत्तं, उक्कोसेणं पुव्वकोष्पिपुहुत्तं, एवं देसबंधंतरं पि, एवं मणुस्सस्सवि ॥ जीवस्स णं भंते । वाउकाइयत्ते नोवाउकाइयत्ते पुणरवि वाउकाइयत्ते वाउकाइयएगिदियवेउ-
 व्वियपुच्छा, गोयमा । सव्वबंधंतरं जहन्नेणं अंतोमुहुत्तं, उक्कोसेणं अणंतं कालं वण-
 स्सइकालो, एवं देसबंधंतरं पि ॥ जीवस्स णं भते । रयणप्पभापुडविनेरइयत्ते णोरय-
 णप्पभापुडवि० पुच्छा, गोयमा । सव्वबंधंतरं जहन्नेणं दस वाससहस्साइं अंतोमु-
 हुत्तमम्भहियाइं, उक्कोसेणं वणस्सइकालो, देसबंधंतरं जहन्नेणं अतोमुहुत्तं, उक्कोसेणं
 अणंतं कालं वणस्सइकालो, एवं जाव अहेसत्तमाए, नवरं जा जस्स ठिईं जहन्निया
 सा सव्वबंधंतरं जहन्नेणं अंतोमुहुत्तमम्भहिया कायव्वा, सेसं तं चेव, पंचिदियति-
 रिक्खजोणियमणुस्साण य जहा वाउकाइयाणं । असुरकुमारनागकुमार जाव सहस्सा-
 रदेवाणं एएसिं जहा रयणप्पभापुडविनेरइयाणं नवरं सव्वबंधंतरं जस्स जा ठिईं
 जहन्निया सा अंतोमुहुत्तमम्भहिया कायव्वा, सेसं तं चेव ॥ जीवस्स णं भंते ! आण-
 यदेवत्ते नोआणयदेवत्तेपुच्छा, गोयमा ! सव्वबंधंतरं जहन्नेणं अट्टारस सागरोवमाइं
 वासपुहुत्तमम्भहियाइं, उक्कोसेणं अणंतं कालं वणस्सइकालो, देसबंधंतरं जहन्नेणं
 वासपुहुत्तं उक्कोसेणं अणंतं कालं वणस्सइकालो, एवं जाव अच्चेए नवरं जस्स जा
 ठिईं सा सव्वबंधंतरं जहन्नेणं वासपुहुत्तमम्भहिया कायव्वा सेसं तं चेव । गेवेज्ज-
 कप्पातीयपुच्छा, गोयमा ! सव्वबंधंतरं जहन्नेणं वावीसं सागरोवमाइं वासपुहुत्त-
 मम्भहियाइं, उक्कोसेणं अणंतं कालं वणस्सइकालो, देसबंधंतरं जहन्नेणं वासपुहुत्तं
 उक्कोसेणं वणस्सइकालो ॥ जीवस्स णं भंते ! अणुत्तरोववाइयपुच्छा, गोयमा ।
 सव्वबंधंतरं जहन्नेणं एकतीसं सागरोवमाइं वासपुहुत्तमम्भहियाइं, उक्कोसेणं
 संखेज्जाइं सागरोवमाइं, देसबंधंतरं जहन्नेणं वासपुहुत्तं, उक्कोसेणं संखेज्जाइं सागरो-
 वमाइं ॥ एएसिं णं भंते ! जीवाणं वेउव्वियसरीरस्स देसबंधगाणं सव्वबंधगाणं
 अबंधगाणं य क्यरेरहितो जाव विसेसाहिया वा ? गोयमा । सव्वत्थोवा जीवा
 वेउव्वियसरीरस्स सव्वबंधगा, देसबंधगा असंखेज्जगुणा, अबंधगा अणंतगुणा ॥
 आहारगसरीरप्पओगबंधे णं भंते ! कइविहे पण्णत्ते ? गोयमा । एगागारे पण्णत्ते ।
 जइ एगागारे पण्णत्ते किं मणुस्साहारगसरीरप्पओगबंधे अमणुस्साहारगसरीरप्प-
 ओगबंधे ? गोयमा । मणुस्साहारगसरीरप्पओगबंधे नो अमणुस्साहारगसरीरप्प-
 ओगबंधे, एवं एएणं अभिलावेणं जह्णं ओगाहणसंठाणे जाव इत्थिपत्तपमत्तसंजयस-
 म्मद्विट्ठिपत्तसंखेज्जावासाउयक्म्मभूमियगन्मवक्कंति यमणुस्साहारगसरीरप्पओगबंधे,
 णो अणित्थिपत्तपमत्त जाव आहारगसरीरप्पओगबंधे । आहारगसरीरप्पओगबंधे णं
 भंते । कस्स कम्मस्स उदएणं ? गोयमा । वीरियसजोगसद्दब्बयाए जाव लद्धिं वा

पडुच्च आहारगसरीरप्पओगणामाए कम्मस्स उदएणं आहारगसरीरप्पओगबंधे ।
 आहारगसरीरप्पओगबंधे णं भंते ! किं देसबंधे सच्चबंधे ? गोयमा ! देसबंधेवि
 सच्चबंधेवि । आहारगसरीरप्पओगबंधे णं भंते ! कालओ केवच्चिरं होइ ? गोयमा !
 सच्चबंधे एक्कं ममयं, देसबंधे जहन्नेणं अतोमुहुत्तं उक्कोसेणवि अंतोमुहुत्तं ॥ आहार-
 गसरीरप्पओगबंधंतरे णं भंते ! कालओ केवच्चिरं होइ ? गोयमा ! सच्चबंधंतरं
 जहन्नेणं अंतोमुहुत्तं उक्कोसेणं अणंतं कालं अणंताओ ओसप्पिणिउत्सप्पिणीओ
 कालओ, खेतओ अणंता लोया अवद्धं पोगलपरियट्टं देसूणं, एवं देसबंधंतरं ॥
 एएसि णं भंते ! जीवाणं आहारगसरीरस्स देसबंधगाणं सच्चबंधगाणं अबंधगाण
 य कयरे २ हिंतो जाव विसेसाहिया वा ? गोयमा ! सच्चत्योवा जीवा आहारगसरीरस्स
 मच्चबंधगा, देसबंधगा संवेज्जगुणा, अबंधगा अणंतगुणा ३ ॥ ३४८ ॥ तेयासरीर-
 प्पओगबंधे णं भंते ! कइविहे पण्णत्ते ? गोयमा ! पंचविहे पण्णत्ते, तंजहा-एगिदिय-
 तेयासरीरप्पओगबंधं य बेइंदिय० तेइंदिय० जाव पंचिदियतेयासरीरप्पओगबंधे य ।
 एगिदियतेयासरीरप्पओगबंधे णं भंते ! कइविहे पण्णत्ते ? एवं एएणं अभिलावणं
 भेओ जहा ओगाहणसंठाणे जाव पज्जत्तसच्चद्विसिद्धअणुत्तरोववाइयकप्पातीयवेमाण-
 यदेवपंचिदियतेयासरीरप्पओगबंधे य अपज्जत्तसच्चद्विसिद्धअणुत्तरोववाइय जाव बंधे
 य । तेयासरीरप्पओगबंधे णं भंते ! कस्स कम्मस्स उदएणं ? गोयमा ! वीरियस-
 जोगमहच्चयाए जाव आउयं च पडुच्च तेयासरीरप्पओगणामाए कम्मस्स उदएणं
 तेयासरीरप्पओगबंधे । तेयासरीरप्पओगबंधे णं भंते ! किं देसबंधे सच्चबंधे ?
 गोयमा ! देसबंधे नो सच्चबंधे ॥ तेयासरीरप्पओगबंधे णं भंते ! कालओ केवच्चिरं
 होइ ? गोयमा ! दुविहे पण्णत्ते, तंजहा-अणाइए वा अपज्जवसिए अणाइए वा सप-
 ज्जवसिए ॥ तेयासरीरप्पओगबंधंतरे णं भंते ! कालओ केवच्चिरं होइ ? गोयमा !
 अणाइयस्स अपज्जवसियस्स नत्थि अंतरं, अणाइयस्स सपज्जवसियस्स नत्थि अंतरं ॥
 एएसि णं भंते ! जीवाणं तेयासरीरस्स देसबंधगाणं अबंधगाणं य कयरे २ हिंतो जाव
 विसेसाहिया वा ? गोयमा ! सच्चत्योवा जीवा तेयासरीरस्स अबंधगा, देसबंधगा
 अणंतगुणा ४ ॥ ३४९ ॥ कम्मासरीरप्पओगबंधे णं भंते ! कइविहे पण्णत्ते ?
 गोयमा ! अद्विविहे पण्णत्ते, तंजहा-नाणावरणिज्जकम्मासरीरप्पओगबंधे जाव अतराइ-
 यकम्मासरीरप्पओगबंधे । नाणावरणिज्जकम्मासरीरप्पओगबंधे णं भंते ! कस्स कम्म-
 स्स उदएणं ? गोयमा ! नाणपडिणीयाए, नाणणिह्वणयाए, नाणंतराएणं, नाणप्प-
 ओसेणं, नाणच्चासायणाए, नाणविसंवायणाजोणेणं, नाणावरणिज्जकम्मासरीरप्पओग-
 णामाए कम्मस्स उदएणं नाणावरणिज्जकम्मासरीरप्पओगबंधे । दस्सिणावरणिज्जक-

म्मासरीरप्पओगबंधे णं भंते ! कस्स कम्मस्स उदएणं ? गोयमा ! दंसणपडिणीय-
याए एवं जहा णाणावरणिज्जं नवरं दंसणनाम धेतव्वं जाव दंसणविसंवायणाजोगेणं
दरिसणावरणिज्जकम्मासरीरप्पओगनामाए कम्मस्स उदएणं जाव पओगबंधे । साया-
वेयणिज्जकम्मासरीरप्पओगबंधे णं भंते ! कस्स कम्मस्स उदएणं ? गोयमा ! पाणा-
णुकंपयाए भूयाणुकंपयाए एवं जहा सत्तमसए दसमोद्देसए जाव अपरियावणयाए
सायावेयणिज्जकम्मासरीरप्पओगनामाए कम्मस्स उदएणं सायैवेयणिज्जकम्मा जाव
बंधे । असायावेयणिज्जपुच्छा, गोयमा ! परदुक्खणयाए परमोयणयाए जहा सत्तमसए
दसमोद्देसए जाव परियावणयाए असायावेयणिज्जकम्मा जाव पओगबंधे । मोहणिज्ज-
कम्मासरीरप्पओगपुच्छा, गोयमा ! तिक्वकोहयाए, तिक्वमाणयाए, तिक्वमाययाए,
तिक्वलोहयाए, तिक्वदंसणमोहणिज्जयाए, तिक्वचरित्तमोहणिज्जयाए, मोहणिज्जकम्मास-
रीरप्पओग जाव पओगबंधे । नेरइयाउयकम्मासरीरप्पओगबंधे णं भंते । पुच्छा,
गोयमा ! महारंभयाए, महापरिग्गहयाए, कुणिमाहारेणं, पंचिंदियवहेणं, नेरइयाउय-
कम्मासरीरप्पओगनामाए कम्मस्स उदएणं नेरइयाउयकम्मासरीर जाव पओगबंधे ।
तिरिक्खजोणियाउयकम्मासरीरप्पओगपुच्छा, गोयमा ! माइल्लयाए, नियडिल्लयाए,
अलियवयणेणं, कूडतुलकूडमाणेणं, तिरिक्खजोणियाउयकम्मासरीर जाव पओगबंधे ।
मणुस्सआउयकम्मासरीरपुच्छा, गोयमा ! पगइभइयाए, पगइविणीययाए, साणुक्को-
सयाए, अमच्छारेयाए, मणुस्साउयकम्मा जाव पओगबंधे । देवाउयकम्मासरीर-
पुच्छा, गोयमा ! सरागसंजमेणं, संजमासंजमेणं, बालनवोकम्मेणं, अकामनिज्जराए,
देवाउयकम्मासरीर जाव पओगबंधे ॥ सुभनामकम्मासरीरपुच्छा, गोयमा ! काय-
उज्जुययाए, भावुज्जुययाए, भासुज्जुययाए, अविंसंवायणाजोगेणं, सुभनामकम्मासरीर
जाव पओगबंधे ॥ असुभनामकम्मासरीरपुच्छा, गोयमा ! कायअणुज्जुययाए, भाव-
अणुज्जुययाए, भासअणुज्जुययाए, विसंवायणाजोगेणं, असुभनामकम्मा जाव पओग-
बंधे । उच्चागोयकम्मासरीरपुच्छा, गोयमा ! जाइअमएणं, कुलअमएणं, बलअमएणं,
रूवअमएणं, तवअमएणं, सुयअमएणं, लाभअमएणं, इस्सरियअमएणं, उच्चागोय-
कम्मासरीर जाव पओगबंधे, नीयागोयकम्मासरीरपुच्छा, गोयमा ! जाइमएणं,
कुलमएणं, बलमएणं, जाव इस्सरियमएणं, णीयागोयकम्मासरीर जाव पओगबंधे ।
अतराइयकम्मासरीरपुच्छा, गोयमा ! दाणंतराएणं, लाभंतराएणं, भोगंतराएणं,
उवभोगंतराएणं, वीरियंतराएणं, अंतराइयकम्मासरीरप्पओगनामाए कम्मस्स
उदएणं अंतराइयकम्मासरीरप्पओगबंधे ॥ णाणावरणिज्जकम्मासरीरप्पओगबंधे णं
भंते । किं देसबंधे सव्वबंधे ? गोयमा ! देसबंधे णो सव्वबंधे, एवं जाव

अंतराइयकम्मा० । णाणावरणिज्जकम्मासरीरप्पओगबंधे णं भंते ! कालओ केवच्चिरं होइ ? गोयमा ! णाणा० दुविहे पण्णत्ते, तंजहा-अणाइए सपज्जवसिए अणाइए अपज्जवसिए, एवं जहा तेयगस्स संचिट्टणा तहेव एवं जाव अंतराइयकम्मस्स । णाणावरणिज्जकम्मासरीरप्पओगबंधंतरे णं भंते ! कालओ केवच्चिरं होइ ? गोयमा ! अणाइयस्स एवं जहा तेयगसरीरस्स अतरं तहेव एवं जाव अंतराइयस्स । एएसि णं भंते ! जीवोणं नाणावरणिज्जस्स कम्मस्स देसबंधगाणं अबंधगाणं य कयरेर जाव अप्पावहुगं जहा तेयगस्स, एवं आउयवज्जं जाव अंतराइयं ॥ आउयस्स पुच्छा, गोयमा ! सव्वत्थोवा जीवा आउयस्स कम्मस्स देसबंधगा, अबंधगा संखेज्जगुणा ५, ॥ ३५० ॥ जस्स णं भंते ! ओरालियसरीरस्स सव्वबंधे से णं भंते ! वेउव्वियसरीरस्स किं बंधए अबंधए ? गोयमा ! नो बंधए अबंधए, आहारगसरीरस्स किं बंधए अबंधए ? गोयमा ! नो बंधए अबंधए, तेयासरीरस्स किं बंधए अबंधए ? गोयमा ! बंधए नो अबंधए, जड बंधए किं देसबंधए सव्वबंधए ? गोयमा ! देसबंधए नो सव्वबंधए, कम्मासरीरस्स किं बंधए अबंधए ? जहेव तेयगस्स जाव देसबंधए नो सव्वबंधए ॥ जस्स णं भंते ! ओरालियसरीरस्स देसबंधे से णं भंते ! वेउव्वियसरीरस्स किं बंधए अबंधए ? गोयमा ! नो बंधए अबंधए, एवं जहेव सव्वबंधेणं भणियं तहेव देसबंधेणावि भाणियव्वं जाव कम्मगस्स । जस्स णं भंते ! वेउव्वियसरीरस्स सव्वबंधे से णं भंते ! ओरालियसरीरस्स किं बंधए अबंधए ? गोयमा ! नो बंधए अबंधए, आहारगसरीरस्स एवं चेव, तेयगस्स कम्मगस्स य जहेव ओरालिएणं समं भणियं तहेव भाणियव्वं जाव देसबंधए नो सव्वबंधए । जस्स णं भंते ! वेउव्वियसरीरस्स देसबंधे से णं भंते ! ओरालियसरीरस्स किं बंधए अबंधए ? गोयमा ! नो बंधए अबंधए, एवं जहा सव्वबंधेणं भणियं तहेव देसबंधेणावि भाणियव्वं जाव कम्मगस्स । जस्स णं भंते ! आहारगसरीरस्स सव्वबंधे से णं भंते ! ओरालियसरीरस्स किं बंधए अबंधए ? गोयमा ! नो बंधए अबंधए, एवं जहेव ओरालिएणं समं भणियं तहेव भाणियव्वं । जस्स णं भंते ! आहारगसरीरस्स देसबंधे से णं भंते ! ओरालियसरीरस्स एवं जहा आहारगसरीरस्स सव्वबंधेणं भणियं तहा देसबंधेणावि भाणियव्वं जाव कम्मगस्स । जस्स णं भंते ! तेयासरीरस्स देसबंधे से णं भंते ! ओरालियसरीरस्स किं बंधए अबंधए ? गोयमा ! बंधए वा अबंधए वा, जड बंधए किं देसबंधए सव्वबंधए ? गोयमा ! देसबंधए वा सव्वबंधए वा, वेउव्वियसरीरस्स किं बंधए अबंधए ? एवं चेव, एवं आहारगसरीरस्सवि, कम्मगसरीरस्स किं बंधए

अबंधए ? गोयमा ! बंधए नो अबंधए, जइ बंधए किं देसबंधए सव्वबंधए ? गोयमा ! देसबंधए नो सव्वबंधए । जस्स णं भंते ! कम्मगसरीरस्स देसबंधे से णं भंते ! ओरालियत्तरीरस्स जहा तेयगस्स वत्तव्वया भणिया तथा कम्मगस्सवि भाणियव्वा जाव तेयासरीरस्स जाव देसबंधए नो सव्वबंधए ॥ ३५१ ॥ एएस्ति णं भंते । सव्वजीवाणं ओरालियवेउव्वियआहारगतेयाकम्मसासरीरगणं देसबंधगणं सव्वबंधगणं अबंधगणं य कयरे २ जाव विसेसाहिया वा ? गोयमा ! सव्वत्थोवा जीवा आहारगसरीरस्स सव्वबंधगा १ तस्स चेव देसबंधगा सखेज्जगुणा २ वेउव्वियसरीरस्स सव्वबंधगा असंखेज्जगुणा ३ तस्स चेव देसबंधगा असंखेज्जगुणा ४ तेयाकम्मगणं दुण्हवि तुञ्ज अबंधगा अणंतगुणा ५ ओरालियसरीरस्स सव्वबंधगा अणंतगुणा ६ तस्स चेव अबंधगा विमेसाहिया ७ तस्स चेव देसबंधगा असंखेज्जगुणा ८ तेयाकम्मगणं देसबंधगा विसेसाहिया ९ वेउव्वियसरीरस्स अबंधगा विसेसाहिया १० आहारगसरीरस्स अबंधगा विसेसाहिया ११ । सेवं भंते ! २ त्ति ॥ ३५२ ॥ **अट्टमसयस्स नवमो उद्देसओ समत्तो ॥**

रायगिहे नगरे जाव एवं वयासी-अन्नउत्थिया णं भंते ! एवमाइक्खंति जाव एवं परुवेत्ति-एवं खलु सीलं सेयं, सुयं सेयं, सुयं सेयं सील सेयं, से कहमेयं भंते ! एवं ? गोयमा ! जन्नं ते अन्नउत्थिया एवमाइक्खंति जाव जे ते एवमाहंसु म्मिच्छा ते एवमाहंसु, अहं पुण गोयमा ! एवमाइक्खामि जाव परुवेमि, एवं खलु मए चत्तारि पुरिसजाया पण्णत्ता, तंजहा-सीलसंपन्ने णामं एगे णो सुयसंपन्ने १ सुयसंपन्ने नामं एगे नो सीलसंपन्ने २ एगे सीलसंपन्नेवि सुयसंपन्नेवि ३ एगे णो सीलसंपन्ने नो सुयसंपन्ने ४, तत्थ णं जे से पढमे पुरिसजाए से णं पुरिसे सीलवं असुयवं, उवरए अविन्नायधम्मे, एस णं गोयमा । मए पुरिसे देसाराहए पण्णत्ते, तत्थ णं जे से दोच्चे पुरिसजाए से णं पुरिसे असीलवं सुयवं, अणुवरए विन्नायधम्मे, एस णं गोयमा । मए पुरिसे देसविराहए पण्णत्ते, तत्थ णं जे से तच्चे पुरिसजाए से णं पुरिसे सीलवं सुयवं, उवरए विन्नायधम्मे, एस णं गोयमा । मए पुरिसे सव्वाराहए पण्णत्ते, तत्थ णं जे से चउत्थे पुरिसजाए से णं पुरिसे असीलवं असुयवं, अणुवरए अविन्नायधम्मे, एस णं गोयमा । मए पुरिसे सव्वविराहए पण्णत्ते ॥ ३५३ ॥ कइविहा णं भंते ! आराहणा पण्णत्ता ? गोयमा ! तिविहा आराहणा पण्णत्ता, तंजहा-नाणाराहणा दंसणाराहणा चरित्ताराहणा । णाणाराहणा णं भंते ! कइविहा पण्णत्ता ? गोयमा ! तिविहा पण्णत्ता, तंजहा-उक्कोसिया मज्झिमा जह्जा । दंसणाराहणा णं भंते ! कइविहा ५० ? एवं चेव तिविहावि । एवं चरित्ताराहणावि ॥ जस्स णं भंते !

उक्कोसिया णाणाराहणा तस्स उक्कोसिया दंसणाराहणा जस्स उक्कोसिया दंसणाराहणा तस्स उक्कोसिया णाणाराहणा ? गोयमा ! जस्स उक्कोसिया णाणाराहणा तस्स दंसणाराहणा उक्कोसिया वा अजहन्नउक्कोसिया वा, जस्स पुण उक्कोसिया दंसणाराहणा तस्स नाणाराहणा उक्कोसा वा जहन्ना वा अजहन्नमणुक्कोसा वा । जस्स ण भंते ! उक्कोसिया णाणाराहणा तस्स उक्कोसिया चरित्ताराहणा जस्सुक्कोसिया चरित्ताराहणा तस्सुक्कोसिया णाणाराहणा ? जहा उक्कोसिया णाणाराहणा य दंसणाराहणा य भणिया तहा उक्कोसिया नाणाराहणा य चरित्ताराहणा य भाणियच्चा ॥ जस्स णं भंते ! उक्कोमिया दंसणाराहणा तस्सुक्कोसिया चरित्ताराहणा जस्सुक्कोमिया चरित्ताराहणा तस्सुक्कोसिया दंसणाराहणा ? गोयमा ! जस्स उक्कोसिया दंसणाराहणा तस्स चरित्ताराहणा उक्कोसा वा जहन्ना वा अजहन्नमणुक्कोसा वा जस्स पुण उक्कोसिया चरित्ताराहणा तस्स दंसणाराहणा नियमा उक्कोसा ॥ उक्कोसियं णं भते ! णाणाराहणं आराहेत्ता कइहिं भवग्गहणेहिं सिज्झइ जाव अंतं करेइ ? गोयमा ! अत्येगइए तेणेव भवग्गहणेणं सिज्झइ जाव अंतं करेइ अत्येगइए दोच्चेणं भवग्गहणेणं सिज्झइ जाव अंतं करेइ, अत्येगइए कप्पोवएसु वा कप्पातीयएसु वा उववज्जइ, उक्कोसियं णं भंते ! दंसणाराहणं आराहेत्ता कइहिं भवग्गहणेहिं० एवं चेव, उक्कोसियणं भंते ! चरित्ताराहणं आराहेत्ता० एवं चेव, नवरं अत्येगइए कप्पातीयएसु उववज्जइ । मज्झिमियं णं भंते ! णाणाराहणं आराहेत्ता कइहिं भवग्गहणेहिं सिज्झइ जाव अंतं करेइ ? गोयमा ! अत्येगइए दोच्चेणं भवग्गहणेणं सिज्झइ जाव अंतं करेइ तच्चं पुण भवग्गहणं नाइक्कमइ, मज्झिमियं णं भते ! दंसणाराहणं आराहेत्ता० एवं चेव, एवं मज्झिमियं चरित्ताराहणंपि । जहन्नियन्नं भंते ! नाणाराहणं आराहेत्ता कइहिं भवग्गहणेहिं सिज्झइ जाव अंतं करेइ ? गोयमा ! अत्येगइए तच्चेणं भवग्गहणेणं सिज्झइ जाव अंतं करेइ सत्तह्भुवग्गहणाइं पुण नाइक्कमइ, एवं दंसणाराहणंपि, एवं चरित्ताराहणंपि ॥ ३५४ ॥ कइविहे णं भंते ! पोग्गलपरिणामे पण्णत्ते ? गोयमा ! पंचविहे पोग्गलपरिणामे पण्णत्ते, तंजहा-वन्नपरिणामे १ गंधप० २ रसप० ३ फासप० ४ संठाणप० ५, वन्नपरिणामे णं भंते । कइविहे पण्णत्ते ? गोयमा ! पंचविहे पण्णत्ते, तंजहा-कालवन्नपरिणामे जाव सुक्किल्लवन्नपरिणामे, एवं एएणं अभिल्लवेणं गंधपरिणामे दुविहे, रसपरिणामे पंचविहे, फासपरिणामे अद्दुविहे, संठाणपरिणामे णं भंते ! कइविहे पण्णत्ते ? गोयमा ! पंचविहे पण्णत्ते, तंजहा-परिमंडलसंठाणपरिणामे जाव आययसंठाणपरिणामे ॥ ३५५ ॥ एणे भंते ! पोग्गलत्थिकायपएसे किं दब्बं १ दब्बदेसे २ दब्बाइ ३ दब्बदेसा ४ उदाहु दब्बं च दब्बदेसे य ५ उदाहु दब्बं च दब्बदेसा य ६ उदाहु दब्बाइ च

द्वन्द्वेसे य ७ उदाहु द्वाइं च द्वन्द्वेसा य ८ ? गोयमा । सिय द्वन्द्वं सिय द्वन्द्वेसे नो द्वाइं नो द्वन्द्वेसा नो द्वन्द्वं च द्वन्द्वेसे य जाव नो द्वाइं च द्वन्द्वेसा य ॥ दो भंते ! पोग्गलत्थिकायपएसा किं द्वन्द्वं द्वन्द्वेसे ? पुच्छा तहेव, गोयमा । सिय द्वन्द्वं १ सिय द्वन्द्वेसे २ सिय द्वाइं ३ सिय द्वन्द्वेसा ४ सिय द्वन्द्वं च द्वन्द्वेसे य ५ नो द्वन्द्वं च द्वन्द्वेसा य ६ सेसा पडिसेहेयव्वा ॥ तिञ्चि भंते ! पोग्गलत्थिकायपएसा किं द्वन्द्वं द्वन्द्वेसे ० ? पुच्छा, गोयमा । सिय द्वन्द्वं १ सिय द्वन्द्वेसे २ एवं सत्त भंगा भाणियव्वा जाव सिय द्वाइं च द्वन्द्वेसे य नो द्वाइं च द्वन्द्वेसा य । चत्तारि भंते ! पोग्गलत्थिकायपएसा किं द्वन्द्वं ० ? पुच्छा, गोयमा । सिय द्वन्द्वं १ सिय द्वन्द्वेसे २ अट्टवि भंगा भाणियव्वा जाव सिय द्वाइं च द्वन्द्वेसा य ८ । जहा चत्तारि भणिया एवं पंच छ सत्त जाव संखेज्जा असंखेज्जा । अणंता भंते ! पोग्गलत्थिकायपएसा किं द्वन्द्वं ० ? एवं चैव जाव सिय द्वाइं च द्वन्द्वेसा य ॥ ३५६ ॥ केवइया णं भंते ! लोयागासपएसा प० ? गोयमा ! असंखेज्जा लोयागासपएसा प० ॥ एगमेगस्स णं भंते ! जीवस्स केवइया जीवपएसा प० ? गोयमा ! जावइया लोयागासपएसा एगमेगस्स णं जीवस्स एवइया जीवपएसा पण्णत्ता ॥ ३५७ ॥ कइ णं भंते ! कम्मपगडीओ पण्णत्ताओ ? गोयमा ! अट्ट कम्मपगडीओ पण्णत्ताओ, तंजहा—नाणावरणिज्जं जाव अतराइयं, नेरइयाणं भंते ! कइ कम्मपगडीओ पण्णत्ताओ ? गोयमा ! अट्ट, एवं सव्वजीवाणं अट्ट कम्मपगडीओ ठावेयव्वाओ जाव वेमाणियाणं । नाणावरणिज्जस्स णं भंते ! कम्मस्स केवइया अविभागपलिच्छेया प० ? गोयमा ! अणंता अविभागपलिच्छेया प०, नेरइयाणं भंते ! नाणावरणिज्जस्स कम्मस्स केवइया अविभागपलिच्छेया प० ? गोयमा ! अणंता अविभागपलिच्छेया प०, एवं सव्वजीवाणं जाव वेमाणियाणं पुच्छा, गोयमा ! अणंता अविभागपलिच्छेया प०, एवं जहा नाणावरणिज्जस्स अविभागपलिच्छेया भणिया तथा अट्टण्हवि कम्मपगडीणं भाणियव्वा जाव वेमाणियाणं अंतराइयस्स । एगमेगस्स णं भंते ! जीवस्स एगमेगे जीवपएसे नाणावरणिज्जस्स कम्मस्स केवइएहिं अविभागपलिच्छेएहिं आवेडिए परिवेडिए ? गोयमा ! सिय आवेडियपरिवेडिए सिय नो आवेडियपरिवेडिए, जइ आवेडियपरिवेडिए नियमा अणंतेहिं, एगमेगस्स णं भंते ! नेरइयस्स एगमेगे जीवपएसे नाणावरणिज्जस्स कम्मस्स केवइएहिं अविभागपलिच्छेएहिं आवेडिए परिवेडिए ? गोयमा ! नियमा अणंतेहिं, जहा नेरइयस्स एवं जाव वेमाणियस्स, नवरं मणूसस्स जहा जीवस्स । एगमेगस्स णं भंते ! जीवस्स एगमेगे जीवपएसे दरिसणावरणिज्जस्स कम्मस्स केवइएहिं ० एवं जहेव नाणावरणिज्जस्स

तद्देव दंडगो भाणियञ्चो जाव वेमाणियस्स, एवं जाव अंतराइयस्स भाणियञ्चं, नवरं वेयणिज्जस्स आउयस्स णामस्स गोयस्स एएसिं चउण्हवि कम्मणं मणूसस्स जहा नेरइयस्स तहा भाणियञ्चं सेसं तं चेव ॥ ३५८ ॥ जस्स णं भंते ! नाणावरणिज्जं तस्स दरिसणावरणिज्जं जस्स दंसणावरणिज्जं तस्स नाणावरणिज्जं ? गोयमा ! जस्स नाणावरणिज्जं तस्स दंसणावरणिज्जं नियमा अत्थि, जस्स दरिसणावरणिज्जं तस्सवि नाणावरणिज्जं नियमा अत्थि । जस्स णं भंते ! नाणावरणिज्जं तस्स वेयणिज्जं जस्स वेयणिज्जं तस्स नाणावरणिज्जं ? गोयमा ! जस्स नाणावरणिज्जं तस्स वेयणिज्जं नियमा अत्थि, जस्स पुण वेयणिज्जं तस्स नाणावरणिज्जं सिय अत्थि सिय नत्थि । जस्स णं भंते ! नाणावरणिज्जं तस्स मोहणिज्जं जस्स मोहणिज्जं तस्स नाणावरणिज्जं ? गोयमा ! जस्स नाणावरणिज्जं तस्स मोहणिज्जं सिय अत्थि सिय नत्थि, जस्स पुण मोहणिज्जं तस्स नाणावरणिज्जं नियमा अत्थि । जस्स णं भंते ! नाणावरणिज्जं तस्स आउयं ? एवं जहा वेयणिज्जेण समं भणियं तहा आउएणवि समं भाणियञ्चं, एवं नामेणवि एवं गोएणवि समं, अंतराइएण समं जहा दरिसणावरणिज्जेण समं तद्देव नियमा परोप्परं भाणियञ्चाणि १ ॥ जस्स णं भंते ! दरिसणावरणिज्जं तस्स वेयणिज्जं जस्स वेयणिज्जं तस्स दरिसणावरणिज्जं ? जहा नाणावरणिज्जं उवरिमेहिं सत्तहि कम्महिं ममं भणियं तहा दरिसणावरणिज्जंपि उवरिमेहिं छहिं कम्महिं ममं भाणियञ्चं जाव अंतराइएणं २ । जस्स णं भंते ! वेयणिज्जं तस्स मोहणिज्जं जस्स मोहणिज्जं तस्स वेयणिज्जं ? गोयमा ! जस्स वेयणिज्जं तस्स मोहणिज्जं सिय अत्थि सिय नत्थि, जस्स पुण मोहणिज्जं तस्स वेयणिज्जं नियमा अत्थि । जस्स णं भंते ! वेयणिज्जं तस्स आउयं ? एवं एयाणि परोप्परं नियमा, जहा आउएण समं एवं नामेणवि गोएणवि समं भाणियञ्चं । जस्स णं भंते ! वेयणिज्जं तस्स अंतराइयं ? पुच्छा, गोयमा । जस्स वेयणिज्जं तस्स अंतराइयं सिय अत्थि सिय नत्थि, जस्स पुण अंतराइयं तस्स वेयणिज्जं नियमा अत्थि ३ । जस्स णं भंते ! मोहणिज्जं तस्स आउयं जस्स आउयं तस्स मोहणिज्जं ? गोयमा ! जस्स मोहणिज्जं तस्स आउयं नियमा अत्थि, जस्स पुण आउयं तस्स मोहणिज्जं सिय अत्थि सिय नत्थि, एवं नामं गोयं अंतराइयं च भाणियञ्चं ४, जस्स णं भंते ! आउयं तस्स नामं ? पुच्छा, गोयमा । दोवि परोप्परं नियमं, एवं गोत्तेणवि समं भाणियञ्चं, जस्स णं भंते ! आउयं तस्स अंतराइयं ? पुच्छा, गोयमा ! जस्स आउयं तस्स अंतराइयं सिय अत्थि सिय नत्थि, जस्स पुण अंतराइयं तस्स आउयं नियमा अत्थि ५ । जस्स णं भंते ! नामं तस्स गोयं जस्स गोयं तस्स नामं ?

गोयमा ! जस्स णामं तस्स नियमा गोयं, जस्स गोयं तस्स नियमा नामं, गोयमा ! दोवि एए परोप्परं नियमा, जस्स णं भंते ! णामं तस्स अंतराइयं ? पुच्छा, गोयमा ! जस्स नामं तस्स अंतराइयं सिय अत्थि सिय नत्थि, जस्स पुण अतराइयं तस्स नामं नियमा अत्थि ६ । जस्स णं भंते ! गोयं तस्स अंतराइयं ? पुच्छा, गोयमा ! जस्स गोयं तस्स अतराइयं सिय अत्थि सिय नत्थि, जस्स पुण अंतराइयं तस्स गोयं नियमा अत्थि ७ ॥ ३५९ ॥ जीवे णं भंते ! किं पोगगली पोगगळे ? गोयमा ! जीवे पोगगलीवि पोगगळेवि, से केणट्टेणं भंते ! एवं बुच्चइ जीवे पोगगलीवि पोगगळेवि ? गोयमा ! से जहानामए छत्तेणं छत्ती, दंढेणं दंढी, घडेणं घडी, पडेणं पडी, करेणं करी, एवामेव गोयमा ! जीवेवि सोईदियचक्खिदियघाणिदियजिब्बिदियफासिंदियाइं पडुच्च पोगगली, जीवं पडुच्च पोगगळे, से तेणट्टेणं गोयमा ! एवं बुच्चइ जीवे पोगगलीवि पोगगळेवि । नेरइए णं भंते ! किं पोगगली ? एवं चंच, एवं जाव वेमाणिए नवरं जस्स जइ इदियाइं तस्स तइ भाणियव्वाइं । सिद्धे णं भंते ! किं पोगगली पोगगळे ? गोयमा ! नो पोगगली पोगगळे, से केणट्टेणं भंते ! एवं बुच्चइ जाव पोगगळे ? गोयमा ! जीवं पडुच्च, से तेणट्टेणं गोयमा ! एवं बुच्चइ सिद्धे नो पोगगली पोगगळे । सेवं भंते ! सेवं भंते ! ति ॥ ३६० ॥ **अट्टमसए दसमो उद्देसो समत्तो, अट्टमं सयं समत्तं ॥**

जंबुद्दीवे १ जोइस २ अंतरदीवा ३० असोच्च ३१ गंगेय ३२ । कुंडग्गामे ३३ पुरिसे ३४ नवमंमि मए चउत्तीमा ॥ १ ॥ तेणं कालेणं तेणं समएणं मिहिला नामं नगरी होत्था वन्नओ, माणिभद्द उज्जाणे वन्नओ, सामी समोसडे परिमा निग्गया जाव भगवं गोयमे पज्जुवासमाणे एवं वयासी—कहि णं भंते ! जंबुद्दीवे दीवे ? किंसठिए णं भंते । जंबुद्दीवे दीवे ? एवं जंबुद्दीवपत्तती भाणियव्वा जाव एवामेव सपुव्वावरेणं जंबुद्दीवे २ चोइस सलिला सयसहस्सा छप्पन्नं च सहस्सा भवतीतिमक्खाया । सेवं भंते ! सेवं भंते ! ति ॥ ३६१ ॥ **नवमसए पढमो उद्देसो समत्तो ॥**

रायगिहे जाव एवं वयासी—जम्बुद्दीवे णं भंते ! दीवे केवइया चंदा पभासिमु वा पभासेति वा पभासिस्संति वा ? एवं जहा जीवाभिगमे जाव—‘एणं च सयसहस्सं तेत्तीसं खलु भवे सहस्साइं । नव य सया पन्नासा तारागणकोट्टिकोडीणं ॥ १ ॥’ सोमं सोभिष्ठ सोमिति सोभिस्संति ॥ लवणे णं भंते । समुद्दे केवइया चंदा पभासिष्ठ वा पभासिति वा पभासिस्संति वा ३ एवं जहा जीवाभिगमे जाव ताराओ ॥ धायइ-संडे कालोदे पुक्खरवरे अग्गिभतरपुक्खरवदे मणुस्सख्खेते, एएसु सव्वेसु जहा जीवाभिगमे जाव—‘एगससीपरिवारो तारागणकोडा(कोट्टि)कोडीणं ॥’ पुक्खरवदे णं भंते !

समुद्दे केवइया चंदा पभासिंसु वा ३ ? एवं सन्वेसु शीवसमुद्देसु जोइसियाणं भाणियव्वं जाव सयंमुरमणे जाव सोभं सोभिसु वा सोभंति वा सोभिसंति वा । सेवं भंते ! सेवं भंते ! त्ति ॥ ३६२ ॥ **नवमसए वीओ उद्देसो समत्तो ॥**

रायगिहे जाव एवं वयासी-कहि णं भंते ! दाहिणिह्माणं एगो(गू)ह्यमणुस्साणं एगोह्यदीवे णामं दीवे पज्जते ? गोयमा ! जंबुद्वीवे दीवे मंदरस्स पव्वयस्स दाहिणेणं चुल्लहिमवंतस्स वासहरपव्वयस्स उत्तरपुरच्छिमिह्माओ चरिमंताओ लवणसमुद्दं उत्तरपुरच्छिमे णं तिन्नि जोयणसयाई ओगाहिता एत्थ णं दाहिणिह्माणं एगोह्यमणुस्साणं एगोह्यदीवे नामं दीवे पण्णत्ते, तं गोयमा ! तिन्नि जोयणसयाई आयामविक्खंभेणं णवएगुणवण्णे जोयणसए किंन्निविसे(साहिए)सूणे परिक्खेवेणं पज्जत्ते, से णं एगाए पउमवरवेइयाए एणेण य वणसंढेणं सव्वओ समंता संपरिक्खित्ते दोण्हवि पमाणं वन्नओ य, एवं एएणं कमेणं जहा जीवाभिगमे जाव सुद्धंतदीवे जाव देवलोगपरिग्गहिया णं ते मणुया पण्णत्ता समणाउसो ! । एवं अट्टावीसं अतरदीवा सएणं २ आयामविक्खंभेणं भाणियव्वा, नवरं दीवे २ उद्देसओ, एवं सन्वेवि अट्टावीसं उद्देसगा भाणियव्वा । सेवं भंते ! सेवं भंते ! त्ति ॥ ३६३ ॥ **नवमस्स सयस्स तइयाइआ तीसंता उद्देसा समत्ता, तीसइमो उद्देसो समत्तो ॥**

रायगिहे जाव एवं वयासी-असोच्चा णं भंते ! केवलिसस वा केवलिमावगस्स वा केवलिसावियाए वा केवलिउवासगस्स वा केवलिउवासियाए वा तप्पक्खियस्स वा तप्पक्खियसावगस्स वा तप्पक्खियसावियाए वा तप्पक्खियउवासगस्स वा तप्पक्खियउवासियाए वा केवलिपज्जत्तं धम्मं लभेज्ज सवणयाए ? गोयमा ! असोच्चा णं केवलिसस वा जाव तप्पक्खियउवासियाए वा अन्येगइए केवलिपज्जत्तं धम्मं लभेज्ज सवणयाए, अत्येगइए केवलिपज्जत्तं धम्मं नो लभेज्ज सवणयाए ॥ से केणट्ठेणं भंते ! एवं वुच्चइ-असोच्चा ण जाव नो लभेज्ज सवणयाए ? गोयमा ! जस्स णं नाणावरणिजाणं कम्माणं खओवसमे कडे भवइ से णं असोच्चा केवलिसस वा जाव तप्पक्खियउवासियाए वा केवलिपज्जत्तं धम्मं लभेज्ज सवणयाए, जस्स णं नाणावरणिजाणं कम्माणं खओवसमे नो कडे भवइ से णं असोच्चा णं केवलिसस वा जाव तप्पक्खियउवासियाए वा केवलिपज्जत्तं धम्मं नो लभेज्ज सवणयाए, से तेणट्ठेणं गोयमा ! एवं वुच्चइ-तं चेव जाव नो लभेज्ज सवणयाए ॥ असोच्चा णं भंते ! केवलिसस वा जाव तप्पक्खियउवासियाए वा केवलं बोहिं बुज्जेज्जा ? गोयमा ! असोच्चा णं केवलिसस वा जाव अत्येगइए केवलं बोहिं बुज्जेज्जा, अत्येगइए केवलं बोहिं णो बुज्जेज्जा ॥ से केणट्ठेणं भंते ! जाव नो बुज्जेज्जा ? गोयमा ! जस्स णं दरिसणाव-

रणिजाणं कम्माणं खओवसमे कडे भवइ से णं असोच्चा केवलिस्स वा जाव केवलं बोहिं बुज्जेजा, जस्स णं दरिणावरणिजाणं कम्माणं खओवसमे णो कडे भवइ से णं असोच्चा केवलिस्स वा जाव केवलं बोहिं णो बुज्जेजा, से तेणट्टेणं जाव णो बुज्जेजा ॥ असोच्चा णं भंते । केवलिस्स वा जाव तप्पत्तिस्सयउवासियाए वा केवलं मुंडे भवित्ता अगाराओ अणगारियं पव्वएजा ? गोयमा ! असोच्चा णं केवलिस्स वा जाव उवासियाए वा अत्थेगइए केवलं मुंडे भवित्ता अगाराओ अणगारियं पव्वइजा, अत्थेगइए केवलं मुंडे भवित्ता अगाराओ अणगारियं नो पव्वएजा, से केणट्टेणं जाव नो पव्वएजा ? गोयमा ! जस्स णं धम्मंतराइयाणं कम्माणं खओवसमे कडे भवइ से णं असोच्चा केवलिस्स वा जाव केवलं मुंडे भवित्ता अगाराओ अणगारियं पव्वएजा, जस्स णं धम्मंतराइयाणं कम्माणं खओवसमे नो कडे भवइ से णं असोच्चा केवलिस्स वा जाव मुंडे भवित्ता जाव णो पव्वएजा, से तेणट्टेणं गोयमा ! जाव नो पव्वएजा । असोच्चा णं भंते ! केवलिस्स वा जाव उवासियाए वा केवलं वंभचेरवासं आवसेजा ? गोयमा ! अमोच्चा णं केवलिस्स वा जाव उवासियाए वा अत्थेगइए केवलं वंभचेरवासं आवसेजा, अत्थेगइए केवलं वंभचेरवासं नो आवसेजा, से केणट्टेणं भंते ! एवं चुच्चइ जाव नो आवसेजा ? गोयमा ! जस्स णं चरित्तावरणिजाणं कम्माणं खओवसमे कडे भवइ से णं असोच्चा केवलिस्स वा जाव केवलं वंभचेरवासं आवसेजा, जस्स णं चरित्तावरणिजाणं कम्माणं खओवसमे नो कडे भवइ से णं असोच्चा केवलिस्स वा जाव नो आवसेजा, से तेणट्टेणं जाव नो आवसेजा । असोच्चा णं भंते ! केवलिस्स वा जाव केवलेणं संजमेणं संजमेजा ? गोयमा ! असोच्चा णं केवलिस्स वा जाव उवासियाए वा जाव अत्थेगइए केवलेणं संजमेणं संजमेजा, अत्थेगइए केवलेणं संजमेणं नो संजमेजा, से केणट्टेणं जाव नो संजमेजा ? गोयमा ! जस्स णं जयणावरणिजाणं कम्माणं खओवसमे कडे भवइ से णं असोच्चा णं केवलिस्स वा जाव केवलेणं संजमेणं संजमेजा, जस्स णं जयणावरणिजाणं कम्माणं खओवसमे नो कडे भवइ से णं असोच्चा केवलिस्स वा जाव नो संजमेजा, से तेणट्टेणं गोयमा ! जाव अत्थेगइए नो संजमेजा । असोच्चा णं भंते ! केवलिस्स वा जाव उवासियाए वा केवलेणं संवरेणं संवरेजा ? गोयमा ! असोच्चा णं केवलिस्स वा जाव अत्थेगइए केवलेणं संवरेणं संवरेजा, अत्थेगइए केवलेणं जाव नो संवरेजा, से केणट्टेणं जाव नो संवरेजा ? गोयमा ! जस्स णं अज्झवसाणावरणिजाणं कम्माणं खओवसमे कडे भवइ से णं असोच्चा केवलिस्स वा जाव केवलेणं संवरेणं संवरेजा, जस्स णं अज्झवसाणावरणिजाणं कम्माणं खओवसमे

णो कडे भवइ से णं असोच्चा केवलिस्स वा जाव नो संवरेज्जा, से तेणट्टेणं जाव नो संवरेज्जा । असोच्चा णं भंते । केवलिस्स वा जाव केवलं आभिणिबोहियनाणं उप्पाडेज्जा ? गोयमा । असोच्चा णं केवलिस्स वा जाव उवासियाए वा अत्येगइए केवलं आभिणिबोहियनाणं उप्पाडेज्जा, अत्येगइए केवलं आभिणिबोहियनाणं नो उप्पाडेज्जा, से केणट्टेणं जाव नो उप्पाडेज्जा ? गोयमा ! जस्स णं आभिणिबोहिय-नाणावरणिज्जाणं कम्माणं खओवसमे कडे भवइ से णं असोच्चा केवलिस्स वा जाव केवलं आभिणिबोहियनाणं उप्पाडेज्जा, जस्स णं आभिणिबोहियनाणावरणिज्जाणं कम्माणं खओवसमे नो कडे भवइ से णं असोच्चा केवलिस्स वा जाव केवलं आभिणि-बोहियनाणं नो उप्पाडेज्जा, से तेणट्टेणं जाव नो उप्पाडेज्जा, असोच्चा णं भंते । केव-लिस्स वा जाव केवलं सुयनाणं उप्पाडेज्जा ! एवं जहा आभिणिबोहियनाणस्स वत्तव्वया भणिया तहा सुयनाणस्सवि भाणियव्वा, नवरं सुयनाणावरणिज्जाणं कम्माणं खओव-समे भाणियव्वे । एवं चेव केवलं ओहिनाणं भाणियव्वं, नवरं ओहिणाणावरणिज्जाणं कम्माणं खओवसमे भाणियव्वे, एवं केवलं मणपज्जवनाणं उप्पाडेज्जा, नवरं मणप-जवणाणावरणिज्जाणं कम्माणं खओवसमे भाणियव्वे, असोच्चा णं भंते । केवलिस्स वा जाव तप्पक्खियउवासियाए वा केवलनाणं उप्पाडेज्जा ? एवं चेव नवरं केवल-नाणावरणिज्जाणं कम्माणं खए भाणियव्वे, सेसं तं चेव, से तेणट्टेणं गोयमा । एवं बुच्चइ जाव केवलनाणं नो उप्पाडेज्जा । असोच्चा णं भंते ! केवलिस्स वा जाव तप्प-क्खियउवासियाए वा केवलिपन्नत्तं धम्मं लभेज्ज सवणयाए केवलं बोहिं बुज्जेज्जा केवलं मुंडे भविता अगाराओ अणगारियं पव्वएज्जा केवलं बंभचेरवासं आवसेज्जा केवलेणं संजमेणं संजमेज्जा केवलेणं संवरेणं संवरेज्जा केवलं आभिणिबोहियनाणं उप्पाडेज्जा जाव केवलं मणपज्जवनाणं उप्पाडेज्जा केवलनाणं उप्पाडेज्जा ? गोयमा । असोच्चा णं केवलिस्स वा जाव उवासियाए वा अत्येगइए केवलिपन्नत्तं धम्मं लभेज्ज सवणयाए, अत्येगइए केवलिपन्नत्तं धम्मं नो लभेज्ज सवणयाए, अत्येगइए केवलं बोहिं बुज्जेज्जा, अत्येगइए केवलं बोहिं णो बुज्जेज्जा, अत्येगइए केवलं मुंडे भविता अगाराओ अणगारियं पव्वएज्जा, अत्येगइए जाव नो पव्वएज्जा, अत्येगइए केवलं बंभचेरवासं आवसेज्जा, अत्येगइए केवलं बंभचेरवासं नो आवसेज्जा, अत्येगइए केव-लेणं संजमेणं संजमेज्जा, अत्येगइए केवलेणं संजमेणं नो संजमेज्जा, एवं संवरेणवि, अत्येगइए केवलं आभिणिबोहियनाणं उप्पाडेज्जा, अत्येगइए जाव नो उप्पाडेज्जा, एवं जाव मणपज्जवनाणं, अत्येगइए केवलनाणं उप्पाडेज्जा, अत्येगइए केवलनाणं नो उप्पाडेज्जा । से केणट्टेणं भंते । एवं बुच्चइ असोच्चा णं तं चेव जाव अत्येगइए

केवलनाणं नो उप्पाडेज्जा ? गोयमा । जस्स णं नाणावरणिज्जाणं कम्माणं खओवसमे नो कडे भवइ १ जस्स णं दरिसणावरणिज्जाणं कम्माणं खओवसमे नो कडे भवइ २ जस्स णं धम्मंतराइयाणं कम्माणं खओवसमे नो कडे भवइ ३ एवं चरितावरणिज्जाणं ४ जयणावरणिज्जाणं ५ अज्जवसाणावरणिज्जाणं ६ आभिणिबोहियनाणावरणिज्जाणं ७ जाव मणपज्जवनाणावरणिज्जाणं कम्माणं खओवसमे नो कडे भवइ १० जस्स णं केवलनाणावरणिज्जाणं जाव खए नो कडे भवइ ११ से णं असोच्चा केवलित्स वा जाव केवलपन्नतं धम्मं नो लभेज्ज सवणयाए केवलं बोहिं नो बुज्जेज्जा जाव केवलनाणं नो उप्पाडेज्जा, जस्स णं नाणावरणिज्जाणं कम्माणं खओवसमे कडे भवइ जस्स णं दरिसणावरणिज्जाणं कम्माणं खओवसमे कडे भवइ जस्स णं धम्मंतराइयाणं एवं जाव जस्स णं केवलनाणावरणिज्जाणं कम्माणं खए कडे भवइ से णं असोच्चा केवलित्स वा जाव केवलपन्नतं धम्मं लभेज्ज सवणयाए केवलं बोहिं बुज्जेज्जा जाव केवल्पाणं उप्पाडेज्जा ॥ ३६४ ॥ तस्स णं भंते ! छट्ठत्वेण अनिक्खित्तेणं तवोकम्मणं उहुं बाहाओ पणिज्झय पणिज्झय सूरामिमुहस्स आयावणभूमीए आयावेमाणस्स पगइभइयाए पगइउवसंतयाए पगइपयणुकोहमाणमायालोभयाए मिउमहवसंपत्तयाए अलीवणयाए भइयाए विणीययाए अन्नया कयाइ सुभेणं अज्जवसाणेणं सुभेणं परिणामेण लेस्साहिं विसुज्जमाणीहिं २ तयावरणिज्जाणं कम्माणं खओवसमेणं ईहापोहमग्गणवसेणं करेमाणस्स विभंगे नामं अन्नाणं समुप्पज्जइ, से णं तेणं विभंगनाणेणं समुप्पत्तेणं जहत्तेण अगुलस्स असखेज्जभागं उक्कोसेणं असखेज्जाइ जोयणसहस्साइ जाणइ पासइ, से णं तेणं विभंगनाणेणं समुप्पत्तेणं जीवेवि जाणइ अजीवेवि जाणइ पासइत्थे सारभे सपरिग्गहे संकिलित्समाणेवि जाणइ विसुज्जमाणेवि जाणइ से णं पुब्बामेव सम्मतं पडिवज्जइ सम्मतं पडिवज्जिता ममणधम्मं रोएइ समणधम्मं रोएत्ता चरित्तं पडिवज्जइ चरित्तं पडिवज्जिता लिंणं पडिवज्जइ, तस्स णं तेहिं मिच्छत्तपज्जवेहिं परिहायमाणेहिं २ सम्महंसणपज्जवेहिं परिवक्कमाणेहिं २ से विभंगे अन्नाणे सम्मतपरिग्गहिए खिप्पामेव ओही परावत्तइ ॥ ३६५ ॥ से णं भंते ! कइसु लेस्सासु होज्जा ? गोयमा ! तिसु विसुद्धलेस्सासु होज्जा, तंजहा-तेउलेस्साए पम्हलेस्साए सुक्कलेस्साए । से णं भंते ! कइसु णाणेसु होज्जा ? गोयमा ! तिसु आभिणिबोहियनाणसुयनाणओहिनाणेसु होज्जा । से णं भंते ! किं सजोगी होज्जा अजोगी होज्जा ? गोयमा ! सजोगी होज्जा नो अजोगी होज्जा, जइ सजोगी होज्जा किं मणजोगी होज्जा वइजोगी होज्जा कायजोगी होज्जा ? गोयमा ! मणजोगी वा होज्जा वइजोगी वा होज्जा कायजोगी वा होज्जा । से णं भंते ! किं सागारोवउत्ते

होज्जा अणागारोवउते होज्जा ? गोयमा । सागारोवउते वा होज्जा अणागारोवउते वा होज्जा । से णं भंते ! कयरंमि संघयणे होज्जा ? गोयमा । वइरोसभनारायसंघयणे होज्जा । से णं भंते ! कयरंमि संठाणे होज्जा ? गोयमा । छण्हं संठाणार्णं अन्नयरे संठाणे होज्जा । से णं भंते ! कयरंमि उच्चते होज्जा ? गोयमा । जह्णेणं सप्त रयणी उक्कोसेणं पंचधणुसइए होज्जा । से णं भंते ! कयरंमि आउए होज्जा ? गोयमा । जह्णेणं साइरेगट्टवासाउए उक्कोसेणं पुव्वकोट्टिआउए होज्जा । से णं भंते ! किं सवेदए होज्जा अवेदए होज्जा ? गोयमा । सवेदए होज्जा नो अवेदए होज्जा, जइ सवेदए होज्जा किं इत्थिवेदए होज्जा पुरिसवेदए होज्जा नपुंसगवेदए होज्जा पुरिसनपुंसगवेदए होज्जा ? गोयमा ! नो इत्थिवेदए होज्जा पुरिसवेदए वा होज्जा नो नपुंसगवेदए होज्जा पुरिसनपुंसगवेदए वा होज्जा । से णं भंते ! किं सकसाई होज्जा अकसाई होज्जा ? गोयमा ! सकसाई होज्जा नो अकसाई होज्जा, जइ सकसाई होज्जा से णं भंते ! कइसु कसाएसु होज्जा ? गोयमा ! चउसु संजलणकोहमाणमायालोभेसु होज्जा । तस्स णं भंते ! केवइया अज्झवसाणा प० ? गोयमा । असंखेज्जा अज्झवसाणा प०, ते णं भंते ! किं पसत्था अप्पसत्था ? गोयमा ! पसत्था नो अप्पसत्था, से णं भंते ! तेहिं पसत्थेहिं अज्झवसाणेहिं वड्डमाणेहिं अणंतेहिं नेरइयभवग्गहणेहिंतो अप्पाणं विसंजोएइ अणंतेहिं तिरिक्खजोणिय जाव विसंजोएइ अणंतेहिं मणुस्सभवग्गहणेहिंतो अप्पाणं विसंजोएइ अणंतेहिं देवभवग्गहणेहिंतो अप्पाणं विसंजोएइ जावोविय से इमाओ नेरइयतिरिक्खजोणियमणुस्सदेवग्गइनामाओ चत्तारि उत्तरपयडीओ तासि च णं उवग्गहिए अणंताणुबंधी कोहमाणमायालोभे खवेइ अणं० २ ता अप्पक्खत्ताणकसाए कोहमाणमायालोभे खवेइ अप० २ ता पच्चक्खाणावरणकोहमाणमायालोभे खवेइ पच्च० २ ता संजलणकोहमाणमायालोभे खवेइ संज० २ ता पंचविहं नाणावरणिज्जं नवविहं दरिसणावरणिज्जं पंचविहमंतराइयं तालमत्थकडं च णं मोहणिज्जं कट्टं कम्मरयविकरणकरं अपुव्वकरणं अणुपविट्ठस्स अणंते अणुत्तरे निव्वाघाए निरावरणे कसिणे पडिपुजे केवलवरनाणदंसणे ममुप्पज्जइ ॥ ३६६ ॥ से णं भंते ! केवल्लिपत्तसं धम्मं आघवेज्ज वा पक्खवेज्ज वा परुवेज्ज वा ? नो तिण्ठे समट्ठे, णणत्थ एगणाएण वा एगवाघरणेण वा, से णं भंते ! पव्वावेज्ज वा मुंडावेज्ज वा ? णो तिण्ठे समट्ठे, उवएसं पुण करेज्जा, से णं भंते ! किं स्तिज्जइ जाव अंतं करेइ ? हंता सिज्जइ जाव अंतं करेइ ॥ ३६७ ॥ से णं भंते ! किं उहुं होज्जा अहो होज्जा तिरियं होज्जा ? गोयमा । उहुं वा होज्जा अहो वा होज्जा तिरियं वा होज्जा, उहुं होज्जमाणे सहावइ-खियडावइग्गधावइमालकंतपरियाएसु वट्टवेयणुपव्वएसु होज्जा, साहरणं पटुच्च सोम-

पसवणे वा पंडगवणे वा होजा, अहे होजमाणे गडाए वा दरीए वा होजा, साह-
रणं पडुच्च पायाले वा भवणे वा होजा, तिरियं होजमाणे पन्नरससु कम्मभूमीसु
होजा, साहरणं पडुच्च अण्णइजे वीवसमुहे तदेकदेसभाए होजा, ते णं भंते ! एग-
समएणं केवइया होजा ? गोयमा ! जहणेणं एक्को वा दो वा तिभि वा उक्कोसेणं दस,
से तेणट्ठेणं गोयमा ! एवं वुच्चइ असोच्चा णं केवलिस्स वा जाव अत्येगइए केवलि-
पन्नत्तं धम्मं लभेज्ज सवणयाए, अत्येगइए असोच्चा णं केवलिस्स वा जाव नो लभेज्ज
सवणयाए जाव अत्येगइए केवलनाणं उप्पाडेज्जा, अत्येगइए केवलनाणं नो उप्पाडेज्जा
॥३६८॥ सोच्चा णं भंते ! केवलिस्स वा जाव तप्पक्खियउवासियाए वा केवलिपन्नत्तं
धम्मं लभेज्ज सवणयाए ? गोयमा ! सोच्चा णं केवलिस्स वा जाव अत्येगइए केवलि-
पन्नत्तं धम्मं एवं जा चेव असोच्चाए वत्तव्वया सा चेव सोच्चाएवि भाणियव्वा, नवरं
अभिलावो सोच्चत्ति, सेसं तं चेव निरवसेसं जाव जस्स णं मणपज्जवनाणावरणिज्जाणं
कम्माणं खओवसमे कडे भवइ जस्स णं केवलनाणावरणिज्जाणं कम्माणं खए कडे
भवइ से णं सोच्चा केवलिस्स वा जाव उवासियाए वा केवलिपन्नत्तं धम्मं लभेज्ज
सवणयाए केवलं बोहिं वुच्चेज्जा जाव केवलनाणं उप्पाडेज्जा, तस्स णं अट्ठमंअट्ठमेणं
अनिक्खित्तेणं तवोकम्ममेणं अप्पाणं भावेमाणस्स पगइभइयाए तहेव जाव गवेसणं
करेमाणस्स ओहिणाणे समुप्पज्जइ, से णं तेणं ओहिनाणेणं समुप्पन्नेणं जहणेणं
अंगुलस्स असंखेज्जइभागं उक्कोसेणं असखेज्जाइ अलोए लोयापमाणमेत्ताइं खण्डाइं
जाणइ पासइ ॥ से णं भंते ! कइसु छेस्सानु होजा ? गोयमा ! छसु छेस्सासु होजा,
तंजहा-कण्हलेसाए जाव सुक्कलेसाए । से णं भंते ! कइसु णाणेषु होजा ? गोयमा !
तिसु वा चउसु वा होजा, तिसु होजमाणे तिसु आभिणिबोहियनाणसुयनाणओहि-
नाणेषु होजा, चउसु होजमाणे आभि० सुय० ओहि० मणपज्जवणाणेषु होजा । से
णं भंते ! किं सजोगी होजा अजोगी होजा ? एवं जोगोवओगो संघयणं संठाणं उच्चत्तं
आउर्यं च, एयाणि सव्वाणि जहा असोच्चाए तहेव भाणियव्वाणि । से णं भंते !
किं सवेदए० ? पुच्छा, गोयमा ! सवेदए वा होजा अवेदए वा होजा, जइ अवेदए
होजा किं उवसंतवेयए होजा खीणवेयए होजा ? गोयमा ! नो उवसंतवेदए
होजा खीणवेदए होजा, जइ सवेदए होजा किं इत्थिवेदए होजा पुरिसवेदए
होजा नपुंसगवेदए होजा पुरिसनपुंसगवेदए होजा ? पुच्छा, गोयमा ! इत्थि-
वेदए वा होजा पुरिसवेदए वा होजा पुरिसनपुंसगवेदए वा होजा । से णं भंते !
किं सकसाई होजा अकसाई होजा ? गोयमा ! सकसाई वा होजा अकसाई वा
होजा, जइ अकसाई होजा किं उवसंतकसाई होजा खीणकसाई होजा ? गोयमा !

नो उवसंतकसाई होजा खीणकसाई होजा, जइ सकसाई होजा से णं भंते ।
 कइसु कसाएसु होजा ? गोयमा । चउसु वा तिसु वा दोसु वा एकंमि वा होजा,
 चउसु होजमाणे चउसु संजलणकोहमाणमायालोभेसु होजा, तिसु होजमाणे तिसु
 संजलणमाणमायालोभेसु होजा, दोसु होजमाणे दोसु संजलणमायालोभेसु होजा,
 एगंमि होजमाणे एगंमि संजलणे लोभे होजा । तस्स णं भंते । केवइया अज्झ-
 वसाणा पण्णत्ता ? गोयमा । असंखेज्जा, एवं जहा असोच्चाए तहेव जाव केवल-
 वरनाणदंसणे समुप्पजइ, से णं भंते । केवलिपन्नत्तं धम्मं आधवेज्ज वा पन्नवेज्ज
 वा परूवेज्ज वा ? हंता गोयमा । आधवेज्ज वा पन्नवेज्ज वा परूवेज्ज वा । से णं भंते ।
 पव्वावेज्ज वा मुंडावेज्ज वा ? हंता गोयमा । पव्वावेज्ज वा मुंडावेज्ज वा, तस्स णं
 भंते । सिस्सावि पव्वावेज्ज वा मुंडावेज्ज वा ? हंता पव्वावेज्ज वा मुण्डावेज्ज वा,
 तस्स णं भंते । पसिस्सावि पव्वावेज्ज वा मुंडावेज्ज वा ? हंता पव्वावेज्ज वा मुंडा-
 वेज्ज वा । से णं भंते । सिज्झइ बुज्झइ जाव अंतं करेइ ? हंता सिज्झइ जाव
 अंतं करेइ, तस्स णं भंते । सिस्सावि सिज्झंति जाव अंतं करेन्ति ? हंता सिज्झंति
 जाव अंतं करेन्ति, तस्स णं भंते । पसिस्सावि सिज्झंति जाव अंतं करेन्ति ? एवं
 चेव जाव अंतं करेन्ति । से णं भंते । किं उड्ढं होजा जहेव असोच्चाए जाव तदे-
 क्कदेसभाए होजा । ते णं भंते । एगसमएणं केवइया होजा ? गोयमा । जहन्नेणं
 एको वा दो वा तिषि वा उक्कोसेणं अट्टसयं १०८, से तेणट्ठेणं गोयमा । एवं वुच्चइ-
 सोच्चा णं केवल्लिस्स वा जाव केवलिउवासियाए वा जाव अत्येगइए केवलनाणं
 उप्पाडेज्जा अत्येगइए केवलनाणं नो उप्पाडेज्जा । सेवं भंते । २ ति ॥ ३६९ ॥

नवमसयस्स इगतीसइमो उहेसो समत्तो ॥

तेणं कालेणं तेणं समएणं बाणियगामे नगरे होत्था वज्जओ, दूइपलासे उज्जाणे
 सामी समोसडे, परिसा निग्गया, धम्मो कहिओ, परिसा पडिग्गया, तेणं कालेणं
 तेणं समएणं पासावञ्चिजे गंगेए नामं अणगारे जेणेव समणे भगवं महावीरे तेणेव
 उवागच्छइ तेणेव उवागच्छइत्ता समणस्स भगवओ महावीरस्स अदूरसामंते ठिच्चा
 समणं भगवं महावीरं एवं बयासी-संतरं भंते । नेरइया उववज्जंति निरंतरं नेरइया
 उववज्जंति ? गंगेया । संतरंपि नेरइया उववज्जंति निरंतरंपि नेरइया उववज्जंति, संतरं
 भंते ! असुरकुमारा उववज्जंति निरंतरं असुरकुमारा उववज्जंति ? गंगेया ! संतरंपि
 असुरकुमारा उववज्जंति निरंतरंपि असुरकुमारा उववज्जंति, एवं जाव धणियकुमारा,
 संतरं भंते । पुढविकाइया उववज्जंति निरंतरं पुढविकाइया उववज्जंति ? गंगेया । नो
 संतरं पुढविकाइया उववज्जंति निरंतरं पुढविकाइया उववज्जंति, एवं जाव वणस्सइ-

काइया, बेइंदिया जाव वेमाणिया एए जहा णेरइया ॥ ३७० ॥ संतरं भंते ! नेरइया उववइंति निरंतरं नेरइया उववइंति ? गंगेया ! संतरं पि नेरइया उववइंति निरंतरं पि नेरइया उववइंति, एवं जाव थणियकुमारा, संतरं भंते ! पुढविकाइया उववइंति० ? पुच्छा, गंगेया ! णो संतरं पुढविकाइया उववइंति निरंतरं पुढविकाइया उववइंति, एवं जाव वणस्सइकाइया नो संतरं निरंतरं उववइंति, संतरं भंते ! बेइंदिया उववइंति निरंतरं बेइंदिया उववइंति ? गंगेया ! संतरं पि बेइंदिया उववइंति निरंतरं पि बेइंदिया उववइंति, एवं जाव वाणमंतरा, संतरं भंते ! जोइसिया चयंति० ? पुच्छा, गंगेया ! संतरं पि जोइसिया चयंति निरंतरं पि जोइसिया चयंति, एवं जाव वेमाणिया ॥ ३७१ ॥ कइविहे णं भंते ! पवेसणए प० ? गंगेया ! चउव्विहे पवेसणए पन्नत्ते तंजहा—नेरइयपवेसणए, तिरिक्खजोणियपवेसणए, मणुस्सपवेसणए, देवपवेसणए । नेरइयपवेसणए णं भंते ! कइविहे पन्नत्ते ? गंगेया ! सत्तविहे पन्नत्ते, तंजहा—रयणप्पभाए पुढविनेरइयपवेसणए जाव अहेसत्तमापुढविनेरइयपवेसणए ॥ एणे णं भंते ! नेरइए नेरइयपवेसणएणं पविसमाणे किं रयणप्पभाए होज्जा सक्करप्पभाए होज्जा एवं जाव अहेसत्तमाए होज्जा ? गंगेया ! रयणप्पभाए वा होज्जा जाव अहेसत्तमाए वा होज्जा । दो भंते ! नेरइया नेरइयपवेसणएणं पविसमाणा किं रयणप्पभाए होज्जा जाव अहेसत्तमाए होज्जा ? गंगेया ! रयणप्पभाए वा होज्जा जाव अहेसत्तमाए वा होज्जा, अहवा एणे रयणप्पभाए एणे सक्करप्पभाए होज्जा अहवा एणे रयणप्पभाए एणे बालुयप्पभाए होज्जा जाव एणे रयणप्पभाए एणे अहेसत्तमाए होज्जा, अहवा एणे सक्करप्पभाए एणे बालुयप्पभाए होज्जा जाव अहवा एणे सक्करप्पभाए एणे अहेसत्तमाए होज्जा, अहवा एणे बालुयप्पभाए एणे अहेसत्तमाए होज्जा, एवं एक्केक्का पुढवी छइयव्वा जाव अहवा एणे तमाए एणे अहेसत्तमाए होज्जा ॥ तिञ्जि भंते ! नेरइया नेरइयपवेसणएणं पविसमाणा किं रयणप्पभाए होज्जा जाव अहेसत्तमाए होज्जा ? गंगेया ! रयणप्पभाए वा होज्जा जाव अहेसत्तमाए वा होज्जा, अहवा एणे रयणप्पभाए दो सक्करप्पभाए होज्जा जाव अहवा एणे रयणप्पभाए दो अहेसत्तमाए होज्जा ६ अहवा दो रयणप्पभाए एणे सक्करप्पभाए होज्जा जाव अहवा दो रयणप्पभाए एणे अहेसत्तमाए होज्जा १२ अहवा एणे सक्करप्पभाए दो बालुयप्पभाए होज्जा जाव अहवा एणे सक्करप्पभाए दो अहेसत्तमाए होज्जा १७ अहवा दो सक्करप्पभाए एणे बालुयप्पभाए होज्जा जाव अहवा दो सक्करप्पभाए एणे अहेसत्तमाए होज्जा २२ एवं जहा सक्करप्पभाए वत्तव्वया भणिया तहा सब्बपुढवीणं भाणियव्वा जाव अहवा दो

समाए एगे अहेसत्तमाए होज्जा, ४-४-३-३-२-२-१-१ (४२) अहवा एगे रयणप्पभाए एगे सक्करप्पभाए एगे वालुयप्पभाए होज्जा १ अहवा एगे रयणप्पभाए एगे सक्करप्पभाए एगे पंकप्पभाए होज्जा २ जाव अहवा एगे रयणप्पभाए एगे सक्करप्पभाए एगे अहेसत्तमाए होज्जा ५ अहवा एगे रयणप्पभाए एगे वालुयप्पभाए एगे पंकप्पभाए होज्जा ६ अहवा एगे रयणप्पभाए एगे वालुयप्पभाए एगे धूमप्पभाए होज्जा ७ एवं जाव अहवा एगे रयणप्पभाए एगे वालुयप्पभाए एगे अहेसत्तमाए होज्जा ९, अहवा एगे रयणप्पभाए एगे पंकप्पभाए एगे धूमप्पभाए होज्जा १० जाव अहवा एगे रयणप्पभाए एगे पंकप्पभाए एगे अहेसत्तमाए होज्जा १२ अहवा एगे रयणप्पभाए एगे धूमप्पभाए एगे तमाए होज्जा १३ अहवा एगे रयणप्पभाए एगे धूमप्पभाए एगे अहेसत्तमाए होज्जा १४ अहवा एगे रयणप्पभाए एगे तमाए एगे अहेसत्तमाए होज्जा १५ अहवा एगे सक्करप्पभाए एगे वालुयप्पभाए एगे पंकप्पभाए होज्जा १६ अहवा एगे सक्करप्पभाए एगे वालुयप्पभाए एगे धूमप्पभाए होज्जा १७ जाव अहवा एगे सक्करप्पभाए एगे वालुयप्पभाए एगे अहेसत्तमाए होज्जा १९ अहवा एगे सक्करप्पभाए एगे पंकप्पभाए एगे धूमप्पभाए होज्जा २० जाव अहवा एगे सक्कर० एगे पंक० एगे अहेसत्तमाए होज्जा २२ अहवा एगे सक्करप्पभाए एगे धूमप्पभाए एगे तमाए होज्जा २३ अहवा एगे सक्करप्पभाए एगे धूमप्पभाए एगे अहेसत्तमाए होज्जा २४ अहवा एगे सक्करप्पभाए एगे तमाए एगे अहेसत्तमाए होज्जा २५ अहवा एगे वालुयप्पभाए एगे पंकप्पभाए एगे धूमप्पभाए होज्जा २६ अहवा एगे वालुयप्पभाए एगे पंकप्पभाए एगे तमाए होज्जा २७ अहवा एगे वालुयप्पभाए एगे पंकप्पभाए एगे अहेसत्तमाए होज्जा २८ अहवा एगे वालुयप्पभाए एगे धूमप्पभाए एगे तमाए होज्जा २९ अहवा एगे वालुयप्पभाए एगे धूमप्पभाए एगे अहेसत्तमाए होज्जा ३० अहवा एगे वालुयप्पभाए एगे तमाए एगे अहेसत्तमाए होज्जा ३१ अहवा एगे पंकप्पभाए एगे धूमप्पभाए एगे तमाए होज्जा ३२ अहवा एगे पंकप्पभाए एगे धूमप्पभाए एगे अहेसत्तमाए होज्जा ३३ अहवा एगे पंकप्पभाए एगे तमाए एगे अहेसत्तमाए होज्जा ३४ अहवा एगे धूमप्पभाए एगे तमाए एगे अहेसत्तमाए होज्जा ३५ ॥ चत्तारि भंते । नेरइया नेरइयपवेसणएणं पविसमाणा किं रयणप्पभाए होज्जा० ? पुच्छा, गंगेया । रयणप्पभाए वा होज्जा जाव अहेसत्तमाए वा होज्जा ७, अहवा एगे रयणप्पभाए तिञ्चि सक्करप्पभाए होज्जा अहवा एगे रयणप्पभाए तिञ्चि वालुयप्पभाए होज्जा एवं जाव अहवा एगे रयणप्पभाए तिञ्चि अहेसत्तमाए होज्जा ६ अहवा दो रयणप्पभाए दो सक्करप्पभाए होज्जा एवं जाव अहवा दो रयणप्पभाए दो अहेसत्तमाए होज्जा १२,

अहवा तिभि रयणप्पभाए एगे सक्करप्पभाए होज्जा, एवं जाव अहवा तिभि रयण-
 प्पभाए एगे अहेसत्तमाए होज्जा १८, अहवा एगे सक्करप्पभाए तिभि बालुयप्पभाए
 होज्जा, एवं जहेव रयणप्पभाए उवरिमाहि समं संचारियं तद्वा सक्करप्पभाएवि उव-
 रिमाहिं समं संचारैयव्वं ५, एवं एक्केक्काए समं संचारियव्वं जाव अहवा तिभि तमाए
 एगे अहेसत्तमाए होज्जा १२-६-३-(६३) अहवा एगे रयणप्पभाए एगे सक्कर-
 प्पभाए दो बालुयप्पभाए होज्जा अहवा एगे रयणप्पभाए एगे सक्कर० दो पंक०
 होज्जा एवं जाव अहवा एगे रयणप्पभाए एगे सक्कर० दो अहेसत्तमाए होज्जा ५ अहवा
 एगे रयण० दो सक्कर० एगे बालुयप्पभाए होज्जा एवं जाव अहवा एगे रयण० दो
 सक्कर० एगे अहेसत्तमाए होज्जा १० अहवा दो रयण० एगे सक्कर० एगे बालुय-
 प्पभाए होज्जा, एव जाव अहवा दो रयण० एगे सक्कर० एगे अहेसत्तमाए होज्जा
 १५ अहवा एगे रयण० एगे बालुय० दो पंकप्पभाए होज्जा एवं जाव अहवा एगे
 रयणप्पभाए एगे बालुय० दो अहेसत्तमाए होज्जा ४ एवं एएणं गमएण जहा तिण्हं
 तियसजोगे तद्वा भाणियव्वो जाव अहवा दो धूमप्पभाए एगे तमाए एगे अहेसत्त-
 माए होज्जा १०५ अहवा एगे रयणप्पभाए एगे सक्करप्पभाए एगे बालुयप्पभाए
 एगे पंकप्पभाए होज्जा १ अहवा एगे रयणप्पभाए एगे सक्कर० एगे बालुय० एगे
 धूमप्पभाए होज्जा २ अहवा एगे रयण० एगे सक्कर० एगे बालुय० एगे तमाए
 होज्जा ३ अहवा एगे रयणप्पभाए एगे सक्करप्पभाए एगे बालुयप्पभाए एगे अहेसत्त-
 माए होज्जा ४ अहवा एगे रयण० एगे सक्कर० एगे पंक० एगे धूमप्पभाए होज्जा ५
 अहवा एगे रयण० एगे सक्कर० एगे पंकप्पभाए एगे तमाए होज्जा ६ अहवा एगे
 रयण० एगे सक्कर० एगे पंक० एगे अहेसत्तमाए होज्जा ७ अहवा एगे रयणप्पभाए
 एगे सक्कर० एगे धूम० एगे तमाए होज्जा ८ अहवा एगे रयण० एगे सक्कर० एगे
 धूम० एगे अहेसत्तमाए होज्जा ९ अहवा एगे रयण० एगे सक्करप्पभाए एगे तमाए
 एगे अहेसत्तमाए होज्जा १० अहवा एगे रयण० एगे बालुय० एगे पंक० एगे
 धूमप्पभाए होज्जा ११ अहवा एगे रयण० एगे बालुय० एगे पंक० एगे तमाए
 होज्जा १२ अहवा एगे रयण० एगे बालुय० एगे पंक० एगे अहेसत्तमाए होज्जा
 १३ अहवा एगे रयण० एगे बालुय० एगे धूम० एगे तमाए होज्जा १४ अहवा
 एगे रयणप्पभाए एगे बालुय० एगे धूम० एगे अहेसत्तमाए होज्जा १५ अहवा एगे
 रयण० एगे बालुय० एगे तमाए एगे अहेसत्तमाए होज्जा १६ अहवा एगे रयण०
 एगे पंक० एगे धूम० एगे तमाए होज्जा १७ अहवा एगे रयण० एगे पंक० एगे
 धूम० एगे अहेसत्तमाए होज्जा १८ अहवा एगे रयण० एगे पंक० एगे तमाए एगे

अहेसत्तमाए होज्जा १९ अहवा एगे रयण० एगे धूम० एगे तमाए एगे अहेसत्त-
 माए होज्जा २० अहवा एगे सक्कर० एगे बालुय० एगे पंक० एगे धूमप्पभाए होज्जा
 २१ एवं जहा रयणप्पभाए उवरिमाओ पुढवीओ संचारियाओ तहा सक्करप्पभाएवि
 उवरिमाओ चा(उच्चा)रियन्वाओ जाव अहवा एगे सक्कर० एगे धूम० एगे तमाए एगे
 अहेसत्तमाए होज्जा ३० अहवा एगे बालुय० एगे पंक० एगे धूम० एगे तमाए होज्जा
 ३१ अहवा एगे बालुय० एगे पंक० एगे धूमप्पभाए एगे अहेसत्तमाए होज्जा ३२
 अहवा एगे बालुय० एगे पंक० एगे तमाए एगे अहेसत्तमाए होज्जा ३३ अहवा एगे
 बालुय० एगे धूम० एगे तमाए एगे अहेसत्तमाए होज्जा ३४ अहवा एगे पंक० एगे
 धूम० एगे तमाए एगे अहेसत्तमाए होज्जा ३५ ॥ पंच भंते ! नेरइया नेरइयप्पवे-
 सणएणं पविसमाणा किं रयणप्पभाए होज्जा० ? पुच्छा, गंगेया ! रयणप्पभाए वा
 होज्जा जाव अहेसत्तमाए वा होज्जा अहवा एगे रयण० चत्तारि सक्करप्पभाए होज्जा
 जाव अहवा एगे रयण० चत्तारि अहेसत्तमाए होज्जा अहवा दो रयण० तिज्जि सक्क-
 रप्पभाए होज्जा एवं जाव अहवा दो रयणप्पभाए तिज्जि अहेसत्तमाए होज्जा अहवा
 तिज्जि रयण० दो सक्करप्पभाए होज्जा एवं जाव अहवा तिण्णि रयणप्पभाए दोण्णि
 अहेसत्तमाए होज्जा अहवा चत्तारि रयण० एगे सक्करप्पभाए होज्जा एवं जाव अहवा
 चत्तारि रयण० एगे अहेसत्तमाए होज्जा अहवा एगे सक्कर० चत्तारि बालुयप्पभाए
 होज्जा एवं जहा रयणप्पभाए समं उवरिमपुढवीओ संचारियाओ तहा सक्करप्पभाएवि
 समं चा(उच्चा)रेयन्वाओ जाव अहवा चत्तारि सक्करप्पभाए एगे अहेसत्तमाए होज्जा
 एवं एक्केकाए समं चा(उच्चा)रेयन्वाओ जाव अहवा चत्तारि तमाए एगे अहेसत्तमाए
 होज्जा अहवा एगे रयण० एगे सक्कर० तिज्जि बालुयप्पभाए होज्जा एवं जाव अहवा
 एगे रयण० एगे सक्कर० तिज्जि अहेसत्तमाए होज्जा अहवा एगे रयण० दो सक्कर०
 दो बालुयप्पभाए होज्जा एवं जाव अहवा एगे रयण० दो सक्कर० दो अहेसत्तमाए
 होज्जा अहवा दो रयणप्पभाए एगे सक्करप्पभाए दो बालुयप्पभाए होज्जा एवं जाव
 अहवा दो रयणप्पभाए एगे सक्करप्पभाए दो अहेसत्तमाए होज्जा अहवा एगे रयण०
 तिज्जि सक्कर० एगे बालुयप्पभाए होज्जा एवं जाव अहवा एगे रयण० तिज्जि सक्कर०
 एगे अहेसत्तमाए होज्जा अहवा दो रयण० दो सक्कर० एगे बालुयप्पभाए होज्जा एवं
 जाव दो रयण० दो सक्कर० एगे अहेसत्तमाए होज्जा अहवा तिज्जि रयण० एगे सक्कर०
 एगे बालुयप्पभाए होज्जा एवं जाव अहवा तिज्जि रयण० एगे सक्कर० एगे अहेस-
 त्तमाए होज्जा अहवा एगे रयण० एगे बालुय० तिज्जि पंकप्पभाए होज्जा, एवं एणं
 कमेणं जहा च्चउण्हं तियासंजोगो भण्णिओ तहा पंचण्हवि तियासंजोगो भाणियन्वो

नवरं तत्थ एगो संचारिजइ इह दोभि सेसं तं चेव जाव अहवा तिभि धूमप्पभाए एगे तमाए एगे अहेसत्तमाए होजा अहवा एगे रयण० एगे सक्कर० एगे वालुय० दो पंकप्पभाए होजा एवं जाव अहवा एगे रयण० एगे सक्कर० एगे वालुय० दो अहेसत्तमाए होजा ४ अहवा एगे रयण० एगे सक्कर० दो वालुय० एगे पंकप्पभाए होजा एवं जाव अहवा एगे रयण० एगे सक्कर० दो वालुय० एगे अहेसत्तमाए होजा ८, अहवा एगे रयण० दो सक्करप्पभाए एगे वालुय० एगे पंकप्पभाए होजा एवं जाव अहवा एगे रयण० दो सक्कर० एगे वालुय० एगे अहेसत्तमाए होजा १२ अहवा दो रयण० एगे सक्कर० एगे वालुय० एगे पंकप्पभाए होजा एवं जाव अहवा दो रयण० एगे सक्कर० एगे वालुय० एगे अहेसत्तमाए होजा १६ अहवा एगे रयण० एगे सक्कर० एगे पंक० दो धूमप्पभाए होजा एवं जहा चउण्हं चउ-क्कसंजोगो भणिओ तहा पंचण्हवि चउक्कसंजोगो भाणियव्वो, नवरं अब्भहियं एगो संचारेयव्वो, एवं जाव अहवा दो पंक० एगे धूम० एगे तमाए एगे अहेसत्तमाए होजा अहवा एगे रयण० एगे सक्कर० एगे वालुय० एगे पंक० एगे धूमप्पभाए होजा १ अहवा एगे रयण० एगे सक्कर० एगे वालुय० एगे पंक० एगे तमाए होजा २ अहवा एगे रयण० जाव एगे पंक० एगे अहेसत्तमाए होजा ३ अहवा एगे रयण० एगे सक्कर० एगे वालुयप्पभाए एगे धूमप्पभाए एगे तमाए होजा ४ अहवा एगे रयण० एगे सक्कर० एगे वालुय० एगे धूमाए एगे अहेसत्तमाए होजा ५ अहवा एगे रयण० एगे सक्कर० एगे वालुय० एगे तमाए एगे अहेसत्तमाए होजा ६ अहवा एगे रयण० एगे सक्कर० एगे पंक० एगे धूम० एगे तमाए होजा ७ अहवा एगे रयण० एगे सक्कर० एगे पंक० एगे धूम० एगे अहेसत्तमाए होजा ८ अहवा एगे रयण० एगे सक्कर० एगे पंक० एगे तमाए एगे अहेसत्तमाए होजा ९ अहवा एगे रयण० एगे सक्कर० एगे धूम० एगे तमाए एगे अहेसत्तमाए होजा १० अहवा एगे रयण० एगे वालुय० एगे पंक० एगे धूम० एगे तमाए होजा ११ अहवा एगे रयण० एगे वालुय० एगे पंक० एगे धूम० एगे अहेसत्तमाए होजा १२ अहवा एगे रयण० एगे वालुय० एगे पंक० एगे तमाए एगे अहेसत्तमाए होजा १३ अहवा एगे रयण० एगे वालुय० एगे धूम० एगे तमाए एगे अहेसत्तमाए होजा १४ अहवा एगे रयण० एगे पंक० जाव एगे अहेसत्तमाए होजा १५ अहवा एगे सक्कर० एगे वालुय० जाव एगे तमाए होजा १६ अहवा एगे सक्कर० जाव एगे पंक० एगे धूम० एगे अहेसत्तमाए होजा १७ अहवा एगे सक्कर० जाव एगे पंक० एगे तमाए एगे अहेसत्तमाए होजा १८ अहवा एगे सक्कर० एगे वालुय० एगे धूम०

एगे तमाए एगे अहेसत्तमाए होज्जा १९ अहवा एगे सक्कर० एगे पंक० जाव एगे अहेसत्तमाए होज्जा २० अहवा एगे वालुय० जाव एगे अहे सत्तमाए होज्जा २१ ॥ छम्भंते ! नेरइया नेरइयप्पवेसणएणं पविसमाणा किं रयणप्पभाए होज्जा० ? पुच्छा, गंगेया ! रयणप्पभाए वा होज्जा जाव अहेसत्तमाए वा होज्जा ७ अहवा एगे रयण० पंच सक्करप्पभाए होज्जा अहवा एगे रयण० पंच वालुयप्पभाए होज्जा एवं जाव अहवा एगे रयण० पंच अहेसत्तमाए होज्जा अहवा दो रयण० चत्तारि सक्करप्पभाए होज्जा एवं जाव अहवा दो रयण० चत्तारि अहेसत्तमाए होज्जा अहवा तिञ्चि रयण० तिञ्चि सक्करप्पभाए होज्जा, एवं एएणं कमेणं जहा पंचहं दुयासंजोगो तहा छण्हवि भाणियब्बो नवरं एक्को अब्भहिओ संचारेयब्बो जाव अहवा पंच तमाए एगे अहेसत्तमाए होज्जा, अहवा एगे रयण० एगे सक्कर० चत्तारि वालुयप्पभाए होज्जा अहवा एगे रयण० एगे सक्कर० चत्तारि पंकप्पभाए होज्जा एवं जाव अहवा एगे रयण० एगे सक्कर० चत्तारि अहेसत्तमाए होज्जा अहवा एगे रयण० दो सक्कर० तिञ्चि वालुयप्पभाए होज्जा, एवं एएणं कमेणं जहा पंचहं तियासंजोगो भणिओ तहा छण्हवि भाणियब्बो णवरं एक्को अब्भहिओ उच्चारेयब्बो, सेसं तं चेव ३४, चउक्कसंजोगोवि तहेव, पंचगसजोगोवि तहेव, नवरं एक्को अब्भहिओ संचारेयब्बो जाव पच्छिओ भंगो अहवा दो वालुय० एगे पंक० एगे धूम० एगे तमाए एगे अहेसत्तमाए होज्जा अहवा एगे रयण० एगे सक्कर० जाव एगे तमाए होज्जा १ अहवा एगे रयण० जाव एगे धूम० एगे अहेसत्तमाए होज्जा २ अहवा एगे रयण० जाव एगे पंक० एगे तमाए एगे अहेसत्तमाए होज्जा ३ अहवा एगे रयण० जाव एगे वालुय० एगे धूम० जाव एगे अहेसत्तमाए होज्जा ४ अहवा एगे रयण० एगे सक्कर० एगे पंक० जाव एगे अहेसत्तमाए होज्जा ५ अहवा एगे रयण० एगे वालुय० जाव एगे अहेसत्तमाए होज्जा ६ अहवा एगे सक्करप्पभाए एगे वालुयप्पभाए जाव एगे अहेसत्तमाए होज्जा ७ ॥ सत्त भंते ! नेरइया नेरइयपवेसणएणं पविसमाणा० पुच्छा, गंगेया ! रयणप्पभाए वा होज्जा जाव अहे सत्तमाए वा होज्जा ७, अहवा एगे रयणप्पभाए छ सक्करप्पभाए होज्जा एवं एएणं कमेणं जहा छण्हं दुयासंजोगो तहा सत्तण्हवि भाणियब्बं नवरं एगो अब्भहिओ संचारिज्जइ, सेसं तं चेव, तियासंजोगो चउक्कसंजोगो पंचसंजोगो छक्कसंजोगो य छण्हं जहा तहा सत्तण्हवि भाणियब्बं, नवरं एक्केओ अब्भहिओ संचारेयब्बो जाव छक्कसंजोगो अहवा दो सक्कर० एगे वालुय० जाव एगे अहेसत्तमाए होज्जा अहवा एगे रयण० एगे सक्कर० जाव एगे अहेसत्तमाए होज्जा ॥ अह्म भंते ! नेरइया नेरइयपवेसणएणं पविसमाणा० पुच्छा, गंगेया ! रयणप्पभाए

वा होज्जा जाव अहेसत्तमाए वा होज्जा अहवा एगे रयण० सत्त सक्करप्पभाए होज्जा एवं दुयासंजोगो जाव छक्कसंजोगो य जहा सत्तहं भणि(यं)ओ तथा अट्टण्हवि भाणियव्वं नवरं एक्केको अब्भहिओ संचारेयव्वो सेसं तं चेव जाव छक्कसंजोगस्स अहवा तिज्जि सक्कर० एगे वालुय० जाव एगे अहेसत्तमाए होज्जा अहवा एगे रयण० जाव एगे तमाए दो अहेसत्तमाए होज्जा अहवा एगे रयण० जाव दो तमाए एगे अहेसत्तमाए होज्जा एवं संचारेयव्वं जाव अहवा दो रयण० एगे सक्कर० जाव एगे अहेसत्तमाए होज्जा ॥ नव भंते ! नेरइया नेरइयपवेसणएणं पविसमाणा किं रयणप्पभाए होज्जा० ? पुच्छा, गंगेया । रयणप्पभाए वा होज्जा जाव अहेसत्तमाए वा होज्जा अहवा एगे रयण० अट्ट सक्करप्पभाए होज्जा एवं दुयासंजोगो जाव सत्तगसंजोगो य जहा अट्टण्हं भणिथं तथा नवण्हं पि भाणियव्वं नवरं एक्केको अब्भहिओ संचारेयव्वो, सेसं तं चेव पच्छिमो आलावगो अहवा तिज्जि रयण० एगे सक्कर० एगे वालुय० जाव एगे अहेसत्तमाए होज्जा ॥ दस भंते ! नेरइया नेरइयपवेसणएणं पविसमाणा० पुच्छा, गंगेया । रयणप्पभाए वा होज्जा जाव अहेसत्तमाए वा होज्जा ७ अहवा एगे रयणप्पभाए नव सक्करप्पभाए होज्जा एवं दुयासंजोगो जाव सत्तसंजोगो य जहा नवण्हं नवरं एक्केको अब्भहिओ संचारेयव्वो सेसं तं चेव पच्छिमो आलावगो अहवा चत्तारि रयण० एगे सक्करप्पभाए जाव एगे अहेसत्तमाए होज्जा ॥ संखेज्जा भंते ! नेरइया नेरइयपवेसणएणं पविसमाणा० पुच्छा, गंगेया । रयणप्पभाए वा होज्जा जाव अहेसत्तमाए वा होज्जा ७ अहवा एगे रयण० संखेज्जा सक्करप्पभाए होज्जा एवं जाव अहवा एगे रयण० संखेज्जा अहेसत्तमाए होज्जा अहवा दो रयण० संखेज्जा सक्करप्पभाए होज्जा एवं जाव अहवा दो रयण० संखेज्जा अहेसत्तमाए होज्जा अहवा तिज्जि रयण० संखेज्जा सक्करप्पभाए होज्जा एवं एणं कमेणं एक्केको संचारेयव्वो जाव अहवा दस रयण० संखेज्जा सक्करप्पभाए होज्जा एवं जाव अहवा दस रयण० संखेज्जा अहेसत्तमाए होज्जा अहवा संखेज्जा रयण० संखेज्जा सक्करप्पभाए होज्जा जाव अहवा संखेज्जा रयणप्पभाए संखेज्जा अहेसत्तमाए होज्जा अहवा एगे सक्कर० संखेज्जा वालुयप्पभाए होज्जा एवं जहा रयणप्पभा उवरिमपुठवी(ए)हिं समं चारिया एवं सक्करप्पभा- (ए)वि उवरिमपुठवीहिं समं चारेयव्वा, एवं एक्केका पुठवी उवरिमपुठवी(ए)हिं समं चारेयव्वा जाव अहवा संखेज्जा तमाए संखेज्जा अहेसत्तमाए होज्जा अहवा एगे रयण० एगे सक्कर० संखेज्जा वालुयप्पभाए होज्जा अहवा एगे रयण० एगे सक्कर० संखेज्जा पंकप्पभाए होज्जा जाव अहवा एगे रयण० एगे सक्कर० संखेज्जा अहेसत्तमाए होज्जा अहवा एगे रयण० दो सक्कर० संखेज्जा वालुयप्पभाए होज्जा

जाव अहवा एगे रयण० दो सक्कर० संखेज्जा अहेसत्तमाए होज्जा अहवा एगे रयण० तिन्नि सक्कर० संखेज्जा बालुयप्पभाए होज्जा, एवं एएणं कमेणं एक्केक्को संचारेयव्वो जाव अहवा एगे रयण० संखेज्जा सक्कर० संखेज्जा बालुयप्पभाए होज्जा जाव अहवा एगे रयण० संखेज्जा सक्कर० संखेज्जा अहेसत्तमाए होज्जा अहवा दो रयण० संखेज्जा सक्कर० संखेज्जा बालुयप्पभाए होज्जा जाव अहवा दो रयण० संखेज्जा सक्कर० संखेज्जा अहेसत्तमाए होज्जा अहवा तिन्नि रयण० संखेज्जा सक्कर० संखेज्जा बालुयप्पभाए होज्जा, एवं एएणं कमेणं एक्केक्को रयणप्पभाए संचारेयव्वो जाव अहवा संखेज्जा रयण० संखेज्जा सक्कर० संखेज्जा बालुयप्पभाए होज्जा जाव अहवा संखेज्जा रयण० संखेज्जा सक्कर० संखेज्जा अहेसत्तमाए होज्जा अहवा एगे रयण० एगे बालुय० संखेज्जा पंकप्पभाए होज्जा जाव अहवा एगे रयण० एगे बालुय० संखेज्जा अहेसत्तमाए होज्जा अहवा एगे रयण० दो बालुय० संखेज्जा पंकप्पभाए होज्जा, एवं एएणं कमेणं तियासजोगो चउक्कसंजोगो जाव सत्तगसंजोगो य जहा दसण्हं तहेव भाणियव्वो पच्छिमो आलावगो सत्तसंजोगस्स अहवा संखेज्जा रयण० संखेज्जा सक्कर० जाव संखेज्जा अहेसत्तमाए होज्जा ॥ असंखेज्जा भंते ! नेरइया नेरइयपवेसणएणं पविसमाणा० पुच्छा, गंगेया । रयणप्पभाए वा होज्जा जाव अहेसत्तमाए वा होज्जा, अहवा एगे रयण० असंखेज्जा सक्करप्पभाए होज्जा, एवं दुयासंजोगो जाव सत्तगसंजोगो य जहा संखेज्जाणं भणिओ तहा असंखेज्जाणवि भाणियव्वो, नवरं असंखेज्जाओ अब्बहिओ भाणियव्वो, सेसं तं चेव जाव सत्तगसंजोगस्स पच्छिमो आलावगो अहवा असंखेज्जा रयण० असंखेज्जा सक्कर० जाव असंखेज्जा अहेसत्तमाए होज्जा ॥ उक्कोसेणं भंते । नेरइया नेरइयपवेसणएणं० पुच्छा, गंगेया ! सव्वेवि ताव रयणप्पभाए होज्जा अहवा रयणप्पभाए य सक्करप्पभाए य होज्जा अहवा रयणप्पभाए य बालुयप्पभाए य होज्जा जाव अहवा रयणप्पभाए य अहेसत्तमाए य होज्जा अहवा रयणप्पभाए य सक्करप्पभाए य बालुयप्पभाए य होज्जा एवं जाव अहवा रयण० य सक्करप्पभाए य अहेसत्तमाए य होज्जा ५ अहवा रयण० य बालुय० य पंकप्पभाए य होज्जा जाव अहवा रयण० य बालुय० य अहेसत्तमाए य होज्जा ४ अहवा रयण० य पंकप्पभाए य धूमाए य होज्जा एवं रयणप्पभं अमुयंतेसु जहा तिण्हं तियासंजोगो भणिओ तहा भाणियव्वं जाव अहवा रयण० य तमाए य अहेसत्तमाए य होज्जा १५ अहवा रयणप्पभाए य सक्करप्पभाए य बालुय० य पंकप्पभाए य होज्जा अहवा रयणप्पभाए य सक्करप्पभाए य बालुय० य धूमप्पभाए य होज्जा जाव अहवा रयणप्पभाए य सक्करप्पभाए य बालुय० य अहेसत्तमाए य

होज्जा ४ अहवा रयण० य सक्कर० य पंक० य धूमप्पभाए य होज्जा एवं रयणप्पभं
अमुयंतेसु जहा चउण्हं चउक्कसंजोगो तहा भाणियव्वं जाव अहवा रयण० य धूम०
य तमाए य अहेसत्तमाए य होज्जा अहवा रयण० य सक्कर० य बालुय० य पंक०
य धूमप्पभाए य होज्जा १ अहवा रयणप्पभाए य जाव पंक० य तमाए य होज्जा २
अहवा रयण० य जाव पंकप्पभाए य अहेसत्तमाए य होज्जा ३ अहवा रयण० य सक्कर०
य बालुय० य धूम० य तमाए य होज्जा ४ एवं रयणप्पभं अमुयंतेसु जहा पंचण्हं
पच्चगसंजोगो तहा भाणियव्वं जाव अहवा रयण० य पंकप्पभाए य जाव अहेसत्तमाए य
होज्जा अहवा रयण० य सक्कर० य जाव धूमप्पभाए य तमाए य होज्जा १ अहवा
रयण० य जाव धूम० य अहेसत्तमाए य होज्जा २ अहवा रयण० य सक्कर० य जाव
पंक० य तमाए य अहेसत्तमाए य होज्जा ३ अहवा रयण० य सक्कर० य बालुय०
य धूमप्पभाए य तमाए य अहेसत्तमाए य होज्जा ४ अहवा रयण० य सक्कर० य
पंक० य जाव अहेसत्तमाए य होज्जा ५ अहवा रयण० य बालुय० य जाव अहे-
सत्तमाए य होज्जा ६ अहवा रयणप्पभाए य सक्कर० य जाव अहेसत्तमाए य होज्जा
७ ॥ एयस्स णं भंते ! रयणप्पभापुढविनेरइयपवेसणगस्स सक्करप्पभापुढवि० जाव
अहेसत्तमापुढविनेरइयपवेसणगस्स य कयरे २ जाव विसेसाहिया वा ? गंगेया ।
सव्वत्थोवे अहेसत्तमापुढविनेरइयपवेसणए, तमापुढविनेरइयपवेसणए असंखेज्जगुणे,
एवं पडिलोमगं जाव रयणप्पभापुढविनेरइयपवेसणए असंखेज्जगुणे ॥ ३७२ ॥
तिरिक्खजोणियपवेसणए णं भंते ! क्कहांवहे पन्नते ? गंगेया । पंचविहे पन्नते,
तंजहा-एगिंदियतिरिक्खजोणियपवेसणए जाव पंचेदियतिरिक्खजोणियपवेसणए ।
एगे भंते ! तिरिक्खजोणिए तिरिक्खजोणियपवेसणएणं पविसमाणे कि एगिंदिएसु
होज्जा जाव पंचिंदिएसु होज्जा १ गंगेया ! एगिंदिएसु वा होज्जा जाव पंचिंदिएसु वा
होज्जा । दो भंते ! तिरिक्खजोणिया० पुच्छा, गंगेया ! एगिंदिएसु वा होज्जा जाव
पंचिंदिएसु वा होज्जा, अहवा एगे एगिंदिएसु होज्जा एगे बेइंदिएसु होज्जा एवं जहा
नेरइयपवेसणए तहा तिरिक्खजोणियपवेसणएवि भाणियव्वे जाव असंखेज्जा ।
उक्कोसा भंते ! तिरिक्खजोणिया० पुच्छा, गंगेया । सव्वेवि ताव एगिंदिएसु होज्जा
अहवा एगिंदिएसु य बेइंदिएसु य होज्जा, एवं जहा नेरइया संचारिया तहा तिरिक्ख-
जोणियावि संचारेयव्वा, एगिंदिया अमुयंतेसु दुयासंजोगो तियासंजोगो चउक्कसंजोगो
पंचसंजोगो उव(उज्जि)उंजिरुण भाणियव्वो जाव अहवा एगिंदिएसु य बेइंदिएसु
य जाव पंचिंदिएसु य होज्जा ॥ एयस्स णं भंते ! एगिंदियतिरिक्खजोणियपवेसण-
गस्स जाव पंचेदियतिरिक्खजोणियपवेसणयस्स कयरे २ जाव विसेसाहिया वा ?

गंगेया । सव्वत्थोवे पंविदियतिरिक्खजोणियपवेसणए, चउरिदियतिरिक्खजोणिय०
 विसेसाहिए, तेइदिय० विसेसाहिए, बेइदिय० विसेसाहिए, एगिंदियतिरिक्ख०
 विसेसाहिए ॥ ३७३ ॥ मणुस्सपवेसणए णं भंते । कइविहे पन्नते ? गंगेया । दुविहे
 पन्नते, तंजहा-संमुच्छिममणुस्सपवेसणए य गब्भवक्कंतियमणुस्सपवेसणए य । एगे
 भंते ! मणुस्से मणुस्सपवेसणएणं पविसमाणे किं संमुच्छिममणुस्सेसु होज्जा गब्भ-
 वक्कंतियमणुस्सेसु होज्जा ? गंगेया ! संमुच्छिममणुस्सेसु वा होज्जा गब्भवक्कंतियमणु-
 स्सेसु वा होज्जा । दो भंते ! मणुस्सा० पुच्छा, गंगेया ! संमुच्छिममणुस्सेसु वा होज्जा
 गब्भवक्कंतियमणुस्सेसु वा होज्जा अहवा एगे संमुच्छिममणुस्सेसु होज्जा एगे गब्भ-
 वक्कंतियमणुस्सेसु होज्जा, एवं एएणं कमेणं जहा नेरइयपवेसणए तथा मणुस्सपवेसण-
 एवि भाणियव्वे एवं जाव दस ॥ सखेज्जा भंते ! मणुस्सा० पुच्छा, गंगेया ।
 समुच्छिममणुस्सेसु वा होज्जा गब्भवक्कंतियमणुस्सेसु वा होज्जा अहवा एगे संमुच्छि-
 ममणुस्सेसु होज्जा संखेज्जा गब्भवक्कंतियमणुस्सेसु होज्जा अहवा दो समुच्छिममणु-
 स्सेसु होज्जा संखेज्जा गब्भवक्कंतियमणुस्सेसु होज्जा एवं एक्केक्के उस्सारिते(रि)सु जाव
 अहवा संखेज्जा संमुच्छिममणुस्सेसु होज्जा सखेज्जा गब्भवक्कंतियमणुस्सेसु होज्जा ॥
 असखेज्जा भंते ! मणुस्सा० पुच्छा, गंगेया ! सव्वेवि ताव समुच्छिममणुस्सेसु होज्जा
 अहवा असखेज्जा संमुच्छिममणुस्सेसु एगे गब्भवक्कंतियमणुस्सेसु होज्जा अहवा असं-
 खेज्जा संमुच्छिममणुस्सेसु दो गब्भवक्कंतियमणुस्सेसु होज्जा एवं जाव असंखेज्जा
 संमुच्छिममणुस्सेसु होज्जा संखेज्जा गब्भवक्कंतियमणुस्सेसु होज्जा ॥ उक्कोसा भंते !
 मणुस्सा० पुच्छा, गंगेया ! सव्वेवि ताव संमुच्छिममणुस्सेसु होज्जा अहवा संमुच्छि-
 ममणुस्सेसु य गब्भवक्कंतियमणुस्सेसु य होज्जा । एयस्स णं भंते ! समुच्छिममणुस्स-
 पवेसणगस्स गब्भवक्कंतियमणुस्सपवेसणगस्स य कयरे २ जाव विसेसाहिया वा ?
 गंगेया । सव्वत्थोवे गब्भवक्कंतियमणुस्सपवेसणए, समुच्छिममणुस्सपवेसणए असं-
 खेज्जगुणे ॥ ३७४ ॥ देवपवेसणए णं भंते ! कइविहे पन्नते ? गंगेया ! चउविहे
 पन्नते, तंजहा-भवणवासिदेवपवेसणए जाव वेमाणियदेवपवेसणए । एगे भंते ! देवे
 देवपवेसणएणं पविसमाणे किं भवणवासीसु होज्जा वाणमंतरजोइसियवेमाणिएसु
 होज्जा ? गंगेया । भवणवासीसु वा होज्जा वाणमंतरजोइसियवेमाणिएसु वा होज्जा ।
 दो भंते ! देवा देवपवेसणएणं पुच्छा, गंगेया । भवणवासीसु वा होज्जा वाणमंतर-
 जोइसियवेमाणिएसु वा होज्जा अहवा एगे भवणवासीसु एगे वाणमंतरेसु होज्जा एवं
 जहा तिरिक्खजोणियपवेसणए तथा देवपवेसणएवि भाणियव्वे जाव असंखेज्जति ।
 उक्कोसा भंते ! ० पुच्छा, गंगेया । सव्वेवि ताव जोइसिएसु होज्जा अहवा जोइसियम-

वणवासीसु य होज्जा अहवा जोइसियवाणमंतरेसु य होज्जा अहवा जोइसियवेमाणि-
 एसु य होज्जा अहवा जोइसिएसु य भवणवासीसु य वाणमंतरेसु य होज्जा अहवा जोइ-
 सिएसु य भवणवासीसु य वेमाणिएसु य होज्जा अहवा जोइसिएसु य वाणमंतरेसु य
 वेमाणिएसु य होज्जा अहवा जोइसिएसु य भवणवासीसु य वाणमंतरेसु य वेमाणि-
 एसु य होज्जा । एयस्स णं भंते । भवणवासिदेवपवेसणगस्स वाणमंतरदेवपवेसणगस्स
 जोइसियदेवपवेसणगस्स वेमाणियदेवपवेसणगस्स य कयरे २ जाव विसेसाहिया
 वा ? गंगेया । सव्वत्थोवे वेमाणियदेवपवेसणए, भवणवासिदेवपवेसणए असंखेज्जगुणे,
 वाणमंतरदेवपवेसणए असंखेज्जगुणे, जोइसियदेवपवेसणए संखेज्जगुणे ॥ ३७५ ॥
 एयस्स णं भंते । नेरइयपवेसणगस्स तिरिक्ख ० मणुस्स ० देवपवेसणगस्स कयरे कयरे
 जाव विसेसाहिया वा ? गंगेया । सव्वत्थोवे मणुस्सपवेसणए, नेरइयपवेसणए असंखे-
 ज्जगुणे, देवपवेसणए असंखेज्जगुणे, तिरिक्खजोणियपवेसणए असंखेज्जगुणे ॥ ३७६ ॥
 संतरं भंते । नेरइया उववज्जंति निरंतरं नेरइया उववज्जंति सतरं असुरकुमारा
 उववज्जंति निरंतरं असुरकुमारा उववज्जंति जाव संतरं वेमाणिया उववज्जंति निरंतरं
 वेमाणिया उववज्जंति संतरं नेरइया उववट्ठंति निरंतरं नेरइया उववट्ठंति जाव संतरं
 वाणमंतरा उववट्ठंति निरंतरं वाणमंतरा उववट्ठंति सतरं जोइसिया चयंति निरंतरं
 जोइसिया चयंति संतरं वेमाणिया चयंति निरंतरं वेमाणिया चयंति ? गंगेया ! संतरंपि
 नेरइया उववज्जंति निरंतरंपि नेरइया उववज्जंति जाव सतरंपि थणियकुमारा उववज्जंति
 निरंतरंपि थणियकुमारा उववज्जंति नो सतरं पुढविकाइया उववज्जंति निरंतरं पुढ-
 विकाइया उववज्जंति एवं जाव वणस्सइकाइया सेसा जहा नेरइया जाव संतरंपि
 वेमाणिया उववज्जंति निरंतरंपि वेमाणिया उववज्जंति, संतरंपि नेरइया उववट्ठंति
 निरंतरंपि नेरइया उववट्ठंति एवं जाव थणियकुमारा नो संतरं पुढविकाइया उव-
 वट्ठंति निरंतरं पुढविकाइया उववट्ठंति एवं जाव वणस्सइकाइया सेसा जहा नेरइया,
 नवरं जोइसियवेमाणिया चयंति अभिलावो, जाव संतरंपि वेमाणिया चयंति निरंतरंपि
 वेमाणिया चयंति ॥ सओ भंते ! नेरइया उववज्जंति असओ भंते ! नेरइया उव-
 वज्जंति ? गंगेया ! सओ नेरइया उववज्जंति नो असओ नेरइया उववज्जंति, एवं जाव
 वेमाणिया, सओ भंते ! नेरइया उववट्ठंति असओ नेरइया उववट्ठंति ? गंगेया ।
 सओ नेरइया उववट्ठंति नो असओ नेरइया उववट्ठंति, एवं जाव वेमाणिया, नवरं
 जोइसियवेमाणिएसु चयंति भाणियव्वं । सओ भंते ! नेरइया उववज्जंति असओ
 भंते ! नेरइया उववज्जंति सओ असुरकुमारा उववज्जंति जाव सओ वेमाणिया उववज्जंति
 असओ वेमाणिया उववज्जंति सओ नेरइया उववट्ठंति असओ नेरइया उववट्ठंति

सओ असुरकुमारा उववज्जंति जाव सओ वेमाणिया चर्यति असओ वेमाणिया चर्यति ! गंगेया । सओ नेरइया उववज्जंति नो असओ नेरइया उववज्जंति सओ असुरकुमारा उववज्जंति नो असओ असुरकुमारा उववज्जंति जाव सओ वेमाणिया उववज्जंति नो असओ वेमाणिया उववज्जंति, सओ नेरइया उववज्जंति नो असओ नेरइया उववज्जंति जाव सओ वेमाणिया चर्यति नो असओ वेमाणिया चर्यति, से केणट्टेणं भंते ! एवं वुच्चइ सओ नेरइया उववज्जंति नो असओ नेरइया उववज्जंति जाव सओ वेमाणिया चर्यति नो असओ वेमाणिया चर्यति ? से नूणं भो ! गंगेया । पासेणं अरइया पुरिसादाणिणं सासए लोए बुइए अणाइए अणवयग्गे जहा पंचमसए जाव जे लोक्कइ से लोए, से तेणट्टेणं गंगेया । एवं वुच्चइ जाव सओ वेमाणिया चर्यति नो असओ वेमाणिया चर्यति ॥ सयं भंते ! एए एवं जाणह उदाहु असयं, असोच्चा एए एवं जाणह उदाहु सोच्चा, सओ नेरइया उववज्जंति नो असओ नेरइया उववज्जंति जाव सओ वेमाणिया चर्यति नो असओ वेमाणिया चर्यति ? गंगेया । सयं एए एवं जाणामि नो असयं, असोच्चा एए एवं जाणामि नो सोच्चा सओ नेरइया उववज्जंति नो असओ नेरइया उववज्जंति जाव सओ वेमाणिया चर्यति नो असओ वेमाणिया चर्यति, से केणट्टेणं भंते ! एवं वुच्चइ तं चेव जाव नो असओ वेमाणिया चर्यति ? गंगेया ! केवली णं पुरच्छिमेणं मियंपि जाणइ अमियंपि जाणइ दाहिणेणं एवं जहा म(हु)गड्डेसए जाव निव्वुडे नाणे केवलिसस, से तेणट्टेणं गंगेया । एवं वुच्चइ तं चेव जाव नो असओ वेमाणिया चर्यति ॥ सयं भंते ! नेरइया नेरइएसु उववज्जन्ति असयं नेरइया नेरइएसु उववज्जंति ? गंगेया । सयं नेरइया नेरइएसु उववज्जंति नो असयं नेरइया नेरइएसु उववज्जंति, से केणट्टेणं भंते ! एवं वुच्चइ जाव उववज्जंति ? गंगेया । कम्मोदएणं कम्मगुरुयत्ताए कम्मभारियत्ताए कम्मगुरुयसंभारियत्ताए असुभार्यं कम्माणं उदएणं असुभाणं कम्माणं विवागेणं असुभाणं कम्माणं फलविवागेणं सयं नेरइया नेरइएसु उववज्जंति नो असयं नेरइया नेरइएसु उववज्जंति, से तेणट्टेणं गंगेया । जाव उववज्जंति ॥ सयं भंते ! असुरकुमारा० पुच्छा, गंगेया । सयं असुरकुमारा जाव उववज्जंति नो असयं असुरकुमारा जाव उववज्जंति, से केणट्टेणं तं चेव जाव उववज्जंति ? गंगेया । कम्मोदएणं कम्मोवसमेणं कम्मविगइए कम्मविसेहीए कम्मविमुद्धीए सुभाणं कम्माणं उदएणं सुभाणं कम्माणं विवागेणं सुभाणं कम्माणं फलविवागेणं सयं असुरकुमारा असुरकुमारत्ताए जाव उववज्जंति नो असयं असुरकुमारा असुरकुमारत्ताए जाव उववज्जंति, से तेणट्टेणं जाव उववज्जंति, एवं जाव थणियकुमारा ॥ सयं भंते ! पुढविक्काइया० पुच्छा, गंगेया । सयं पुढविक्काइया जाव

उव्वज्जंति नो असयं जाव उव्वज्जंति, से केणट्ठेणं भंते । एवं वुच्चइ जाव उव्वज्जंति ? गंगेया ! कम्मोदएणं कम्मगुह्यत्ताए कम्मभारियत्ताए कम्मगुह्यसंभारियत्ताए सुभा-
सुभाणं कम्माणं उदएणं सुभासुभाणं कम्माणं विवागेणं सुभासुभाणं कम्माणं फल-
विवागेणं सयं पुढविकाइया जाव उव्वज्जंति नो असयं पुढविकाइया जाव उव्वज्जंति,
से तेणट्ठेणं जाव उव्वज्जंति, एवं जाव मणुस्सा, वाणमंतरजोइसियवेमाणिया
जहा असुरकुमारा, से तेणट्ठेणं गंगेया ! एवं वुच्चइ सयं वेमाणिया जाव उव्वज्जंति
नो असयं वेमाणिया जाव उव्वज्जंति ॥ ३७७ ॥ तप्पभिइ च णं से गंगेए अणगारे
समणं भगवं महावीरं पच्चभिजाणइ सव्वप्णू सव्वदरिसी, तए णं से गंगेए अणगारे
समणं भगवं महावीरं तिक्खुत्तो आयाहिणं पयाहिणं करेइ करेत्ता वंदइ नमंसइ
वंदिता नमंसित्ता एवं वयासी-इच्छामि णं भंते ! तुज्झं अतियं चाउज्जामाओ
धम्मआओ पंचमहव्वइयं एवं जहा कालासवेसियपुत्ते अणगारे तहेव भाणियव्वं जाव
सव्वदुक्खप्पहीणे ॥ सेवं भंते ! सेवं भंते ! त्ति ॥ ३७८ ॥ गंगेयो समत्तो ॥ १।३२ ॥

तेणं कालेणं तेणं समएणं माहणकुंडग्गामे णामं नयरे होत्था वन्नओ, बहुसालए
उज्जाणे वन्नओ, तत्थ णं माहणकुंडग्गामे नयरे उसभदत्ते नामं माहणे परिवसइ अण्णे
दित्ते वित्ते जाव अपरिभूए रिउव्वेयज्जुव्वेयसामवेयअथव्वणवेय जहा खन्दओ जाव
अन्नेसु य बहुसु वंभन्नएसु नएसु सुपरिनिट्टिए समणोवासए अभिगयजीवाजीवे उव-
लद्धपुण्णपावे जाव अप्पाणं भावेमाणे विहरइ, तस्स णं उसभदत्तस्स माहणस्स देवा-
णंदा नामं माहणी होत्था, सुकुमालपाणिपाया जाव पियदंसणा सुत्वा समणोवासिया
अभिगयजीवाजीवा उवलद्धपुण्णपावा जाव विहरइ । तेणं कालेणं तेणं समएणं सामी
समोसदं, परिसा जाव पज्जुवासइ, तए णं मे उसभदत्ते माहणे इर्मासे कहाए लद्धट्ठे
समाणे हट्ठ जाव हियए जेणेव देवाणंदा माहणी तेणेव उवागच्छइ २ ता देवाणंदं
माहणि एवं वयासी-एवं खलु देवाणुप्पिए ! समणे भगवं महावीरे आइगरे जाव
सव्वन्न सव्वदरिसी आगासगएणं चक्केणं जाव सुहंसुहेणं विहरमाणे बहुसालए उज्जाणे
अहापडिरुवं उगगहं जाव विहरइ, तं महाफलं खलु देवाणुप्पिए ! जाव तहारूवाणं
अरिहंताणं भगवंताणं नामगोयस्सवि सवणयाए किमंग पुण अभिगमणवंदनमंसण-
पडिपुच्छणपज्जुवासणयाए, एगस्सवि आ(य)रियस्स धम्मियस्स सुवयणस्स सवण-
याए किमंग पुण विउलस्स अट्ठस्स गहणयाए, तं गच्छामो णं देवाणुप्पिए ! समणं
भगवं महावीरं वंदामो नमंसामो जाव पज्जुवासामो, एयणं इहभवे य परभवे य
हियाए सुहाए खमाए निस्सेसाए आणुगामियत्ताए भविस्सइ । तए णं सा देवाणंदा
माहणी उसभदत्तेणं माहणेणं एवं वुत्ता समाणी हट्ठ जाव हियया करयल जाव कट्ठु

उसभदत्तस्स माहणस्स एयमहुं विणएणं पड्डिसुणेइ, तए णं से उसभदत्ते माहणे कोडुंबियपुरिसे सदावेइ कोडुंबियपुरिसे सदावेत्ता एवं वयासी-खिप्पामेव मो देवाणु-
 प्पिया । लहुकरणजुत्तजोइयसमख्खरवालिहाणसमलिहियसिगेहिं जंबूणयामयकलावजुत्त-
 परिविसिट्ठेहिं रययामयघटसुत्तरज्जुयपवरकंचणनत्थपग्गहोग्गहियएहिं नीलुप्पलकयामे-
 लएहिं पवरगोणजुवाणएहिं नाणामणि(मय)रयणघंटियाजालपरिगयं सुजायजुग्गजोत्तर-
 जुयजुगपसत्थसुविरइयनिम्मियं पवरलक्खणोववेयं धम्मियं जाणप्पवरं जुत्तामेव उव-
 द्धवेइ २ ता मम एयमाणत्तियं पच्चप्पिणह, तए णं ते कोडुंबियपुरिसा उसभदत्तेणं
 माहणेणं एवं जुत्ता समाणा हट्ट जाव हियया करयल जाव एवं सामी । तहत्ति आणाए
 विणएणं वयणं जाव पड्डिसुणेत्ता खिप्पामेव लहुकरणजुत्त जाव धम्मियं जाणप्पवरं
 जुत्तामेव उवट्टयेत्ता जाव तमाणत्तियं पच्चप्पिणंति, तए णं से उसभदत्ते माहणे ष्हाए
 जाव अप्पमहग्गघाभरणालकियसरीरे साओ गिहाओ पड्डिनिकखमइ साओ गिहाओ
 पड्डिनिकखमिन्ता जेणेव बाहिरिया उवट्टाणसाला जेणेव धम्मिए जाणप्पवरं तेणेव उवा-
 गच्छइ तेणेव उवागच्छत्ता धम्मियं जाणप्पवरं दुरुढे । तए णं सा देवाणंदा माहणी
 अंनो अतेउरंति ष्हाया किंच वरपायपत्तनेउरमणिमेहलाहारविरइयउच्चियकडगखुग्गा-
 (इ)यएगावलीकंठसुत्तरत्थगेवेजसोणिसुत्तगनाणामिणिरयणभूसणविराइयंगी चीणं-
 सुयवत्थपवरपरिहिया दुग्गसुकुमालउत्तरिजा सव्वोउयसुरभिकुसुमव(ध)रियसिरया
 वरचंदणवंदिया वरा(भूसण)भरणभूसियंगी कालागु(ग)रुधूवधूविया सिरिसमाणवेसा
 जाव अप्पमहग्गघाभरणालकियसरीरा बहूहिं खुज्जाहिं चिलाइयाहिं वामणियाहिं वडहि-
 याहिं बच्चरियाहिं पओसियाहिं ईसिगणियाहिं जोण्हियाहिं चार(वास)गणियाहिं पल्ह-
 वियाहिं ल्हासियाहिं लउसियाहिं आरबीहिं दमिलाहिं मिंघलीहिं पुलिंढीहिं पुक्खली-
 (पक्कणी)हिं बहूलीहिं मुसुंढीहिं सबरीहिं पारसीहिं नाणाडेसीहिं विट्ठेसपरिपिंठियाहिं
 ईगियचित्तियपत्थियवियाणियाहिं सदेसनेवत्थगहियवेसाहिं कुसलाहिं विणीयाहिं य
 चेळियाचक्खवालविरिसधरथेरकंचुइज्जमहत्तरगविंदपरिक्खत्ता अंतेउराओ निग्गच्छइ
 अंतेउराओ निग्गच्छत्ता जेणेव बाहिरिया उवट्टाणसाला जेणेव धम्मिए जाणप्पवरे
 तेणेव उवागच्छइ तेणेव उवागच्छत्ता जाव धम्मियं जाणप्पवरं दुरुढा ॥ तए णं से
 उसभदत्ते माहणे देवाणंदाए माहणीए सद्धिं धम्मियं जाणप्पवरं दुरुढे समाणे णियग-
 परिणालसपरिबुडे माहणकुंडग्गामं नगरं मज्झमज्जेणं निग्गच्छइ निग्गच्छइत्ता जेणेव
 बहुसालए उज्जाणे तेणेव उवागच्छइ तेणेव उवागच्छइत्ता छत्ताइए तित्थयराइसए पा-
 सइ छ० २ ता धम्मियं जाणप्पवरं ठवेइ २ ता धम्मियाओ जाणप्पवराओ पक्कोरुइइ ध०
 २ ता समणं भगवं महावीरं पंचविहेणं अभिगमेणं अभि(समा)गच्छइ, तंजहा-सचित्तायं

दव्वाणं विउसरणयाए एवं जहा विइयसए जाव तिविहाए पज्जुवासणयाए पज्जुवासइ, तए णं सा देवाणंदा माहणी धम्मियाओ जाणप्पवराओ पच्चोहइ धम्मियाओ जाण-
 प्पवराओ पच्चोहइत्ता बहूहिं खुज्जाहिं जाव महत्तरगवंदपरिक्खित्ता समणं भगवं
 महावीरं पंचविहेणं अभिगमेणं अभिगच्छइ, तंजहा—सच्चित्ताणं दव्वाणं विउसरण-
 याए, अच्चित्ताणं दव्वाणं अविमोयणयाए, विणयोनयाए गायलद्वीए, चक्खुप्फासे
 अंजलिपग्गहेणं, मणस्स एगत्तीभावकरणेणं जेणेव समणे भगवं महावीरे तेणेव उवा-
 गच्छइ तेणेव उवागच्छित्ता समणं भगवं महावीरं तिक्खुत्तो आयाहिणं पयाहिणं
 करेइ २ ता वंदइ नमंसइ वंदित्ता नमंसित्ता उसभदत्तं माहणं पुरओ कट्टुं ठिया चेव
 सपरिवारा सुत्सूसमाणी णमंसमाणी अभिमुहा विणएणं पंजलिउडा जाव पज्जुवासइ
 ॥३७९॥ तए णं सा देवाणंदा माहणी आगयपण्हया पप्फुयलोयणा संवरियवलयबाहा
 कंचुयपरिक्खित्तिया धाराहयकलंबपुप्फाणंपिव स(मुस्सतिय)मूसवियरोमकूवा समणं
 भगवं महावीरं अणिमिसाए दिट्ठीए देहमाणी २ च्चिट्ठइ ॥ भंते ! त्ति भगवं गायमे समणं
 भगवं महावीरं वंदइ नमंसइ वंदित्ता नमंसित्ता एवं वयासी—किण्णं भंते ! एसा देवाणंदा
 माहणी आगयपण्हया तं चेव जाव रोमकूवा देवाणुप्पिए अणिमिसाए दिट्ठीए देह-
 माणी २ च्चिट्ठइ ! गोयमाइ समणे भगवं महावीरे भगवं गोयमं एवं वयासी—एवं खल्ल
 गोयमा ! देवाणंदा माहणी मम अम्मगा, अहञ्जं देवाणंदाए माहणीए अत्ताए, तए
 णं सा देवाणंदा माहणी तेणं पुव्वपुत्तसिणेहणुराएणं आगयपण्हया जाव समूसवि-
 यरोमकूवा मम अणिमिसाए दिट्ठीए देहमाणी २ च्चिट्ठइ ॥ ३८० ॥ तए णं समणे
 भगवं महावीरे उसभदत्तस्स माहणस्सा देवाणंदाए माहणीए तीसे य महइमहालि-
 याए इसिपरिसाए जाव परिसा पडिगया । तए णं से उसभदत्ते माहणे समणस्स भग-
 वओ महावीरस्स अंतियं धम्मं सोच्चा निसम्म हट्ठनुट्ठे उट्ठाए उट्ठेइ उट्ठाए उट्ठेत्ता समणं
 भगवं महावीरं तिक्खुत्तो जाव नमंसित्ता एवं वयासी—एवमेयं भंते ! तहमेयं भंते ! जहा
 खंदओ जाव से जहेयं तुव्वमे वदहत्ति कट्टु उत्तरपुरच्छिम्मं दिसीभागं अवक्कमइ उत्तर-
 पु० २ ता सयमेव आभरणमञ्जालंकारं ओमुयइ सयमे० २ ता सयमेव पंचमुट्ठियं
 जोयं करेइ सयमे० २ ता जेणेव समणे भगवं महावीरे तेणेव उवागच्छइ २ ता समणं
 भगवं महावीरं तिक्खुत्तो आयाहिणं पयाहिणं जाव नमंसित्ता एवं वयासी—आलित्ते
 णं भंते ! लोए, पलित्ते णं भंते ! लोए, धालित्तपलित्ते णं भंते ! लोए जराए
 मरणेण य, एवं एएणं कमेणं जहा खंदओ तहव पव्वइओ जाव सामाइयमाइयाई
 एकारस अंगाई अहिजइ जाव बहूहिं चउत्थल्लदुट्ठमदसम जाव विचित्तेहिं तवोक्कमेहिं
 अप्पाणं भावेमाणे बहूई वासाई सामज्जपरियागं पाठणइ २ ता भासियाए संकेहणाए

अत्ताणं झसेइ मासि० २ ता सट्ठिं भत्ताइं अणसणाए छेदेइ सट्ठिं० २ ता जस्सट्ठाए कीरइ जिणकप्पभावे थेरकप्पभावे जाव तमट्ठं आराहेइ तमट्ठं आराहेत्ता तए णं सो जाव सव्वदुक्खप्पहीणे । तए णं सा देवाणंदा माहणी समणस्स भगवओ महावीरस्स अतियं धम्मं सोच्चा निसम्म हट्ठतुट्ठा समणं भगवं महावीरं तिक्खुत्तो आयाहिणं पयाहिणं जाव नमंसित्ता एवं वयासी-एवमेयं भंते ! तहमेयं भंते ! एवं जहा उमभदत्तो तहेव जाव धम्ममाइ(क्खइ)क्खियं । तए णं समणे भगवं महावीरे देवाणंदं माहणिं सयमेव पव्वावेइ सय० २ ता सयमेव अज्जचंदणाए अज्जाए सीसिणिन्ताए दलयह ॥ तए णं सा अज्जचंदणा अज्जा देवाणंदं माहणिं सयमेव मुंडावेइ सयमेव सेहावेइ एवं जहेव उसभदत्तो तहेव अज्जचंदणाए अज्जाए इमं एयारूवं धम्मियं उवएसं सम्मं संपड्विज्जइ तमाणाए तह गच्छइ जाव संजमेणं संजमेइ, तए णं सा देवाणंदा अज्जा अज्जचंदणाए अज्जाए अंतियं सामाइयमाइयाइं एकारस अंगाइं अहिज्जइ सेसं तं चेव जाव सव्वदुक्खप्पहीणा ॥ ३८१ ॥ तस्स णं माहणकुंडग्गामस्स नगरस्स पच्चत्थिमेणं एत्थ णं खत्तियकुंडग्गामे नामं नगरे होत्था वन्नओ, तत्थ णं खत्तियकुंडग्गामे नयरे जमाली नामं खत्तियकुमारे परिवसइ अट्ठे दित्ते जाव अपरिभूए उप्पि पासायवरगए फुट्टमाणेहिं मुंडंगमत्थएहिं बत्तीसइबद्धेहिं नाडएहिं णाणाविहवरतरुणीसंपउत्तेहिं उवनच्चिज्जमाणे उवनच्चिज्जमाणे उवगिज्जमाणे २ उवलालिज्जमाणे २ पाउसवासारत्तसरयहेमंतसिसिरवसंतगिम्हपज्जते छप्पिउत्त जहा विभवेणं माणमाणे २ कालं गाळेमाणे इट्ठे सद्धफरिसरसरूवगंधे पंचविहे माणुस्सए कामभोगे पक्खणुब्भवमाणे विहरइ । तए णं खत्तियकुंडग्गामे नगरे सिघाडगतियच्चउक्कच्चर जाव बहुजणसहेइ वा जहा उववाइए जाव एवं पन्नवेइ एवं परूवेइ-एवं खलु देवाणुप्पिया । समणे भगवं महावीरे आइगरे जाव सव्वन्नू सव्वदरिसी माहणकुंडग्गामस्स नगरस्स बहिया बहुसालए उज्जाणे अहापडिरूवं जाव विहरइ, तं महप्फलं खलु देवाणुप्पिया । तहारूवाणं अरहंताणं भगवंताणं जहा उववाइए जाव एगाभिमुहे खत्तियकुंडग्गामं नगरं मज्झमज्जेणं निरगच्छइ निरगच्छित्ता जेणेव माहणकुंडग्गामे नगरे जेणेव बहुसालए उज्जाणे एवं जहा उववाइए जाव तिविहाए पज्जवासणाए पज्जवासइ । तए णं तस्स जमालिस्स खत्तियकुमारस्स तं महया जणसइ वा जाव जणसज्जिवायं वा सुणमाणस्स वा पासमाणस्स वा अयमेयारूवे अज्जत्थिए जाव समुप्पज्जित्वा-किं अज्ज खत्तियकुंडग्गामे नगरे इंदमहेइ वा खंदमहेइ वा मुग्गंदमहेइ वा णागमहेइ वा अक्खमहेइ वा भूयमहेइ वा कूवमहेइ वा तडगमहेइ वा नइमहेइ वा दहमहेइ वा पव्वयमहेइ वा रुक्खमहेइ वा

यममहेइ वा जणं एए बहवे उग्गा भोगा राइत्ता इक्खागा णाया कोरध्वा खत्तिया
 खत्तियपुत्ता भडा भडपुत्ता० जहा उववाइए जाव सत्थवाहप्पभिइ(य)ओ ण्हाया
 जहा उववाइए जाव निग्गच्छंति ? एवं संपेहेइ एवं सपेहिता कंचुइज्जपुरिसं सदावेइ
 कंचु० २ ता एवं वयासी-किण्णं देवाणुप्पिया ! अज्ज खत्तियकुंडग्गामे नगरे इंदमहेइ
 वा जाव निग्गच्छंति ?, तए णं से कंचुइज्जपुरिसे जमालिणा खत्तियकुमारेंणं एवं वुत्ते
 समणे हट्टवुट्ठे समणस्स भगवओ महावीरस्स आगमणगहियविणिच्छए करयल०
 जमालि खत्तियकुमारं जएणं विजएणं वद्धावेइ वद्धावेत्ता एवं वयासी-णो खलु देवा-
 णुप्पिया ! अज्ज खत्तियकुंडग्गामे नयरे इंदमहेइ वा जाव निग्गच्छन्ति, एवं खलु
 देवाणुप्पिया ! अज्ज समणे भगवं महावीरे जाव सव्वन्नू सव्वदरिसी माहणकुंडग्गा-
 मस्स नयरस्स बहिया बहुसालए उज्जाणे अहापडिह्वं उग्गहं जाव विहरइ, तए णं
 एए बहवे उग्गा भोगा जाव अप्पेगइया वंदणवत्तियं जाव निग्गच्छंति । तए णं से
 जमाली खत्तियकुमारे कंचुइज्जपुरिसस्स अंतिए एयमट्ठं सोच्चा निसम्म हट्टवुट्ठं
 कोडुंबियपुरिसे सदावेइ कोडुंबियपुरिसे सदावइत्ता एवं वयासी-खिप्पामेव भो देवाणु-
 प्पिया ! चाउग्घटं आसरहं जुत्तामेव उवट्टवेह उवट्टवेत्ता मम एयमाणत्तियं पच्चप्पि-
 णह, तए णं ते कोडुंबियपुरिसा जमालिणा खत्तियकुमारेंणं एवं वुत्ता समाणा जाव
 पच्चप्पिणंति, तए णं से जमाली खत्तियकुमारे जेणेव मज्जणघरे तेणेव उवागच्छइ
 तेणेव उवागच्छत्ता ण्हाए जहा उववाइए परिंसावन्नओ तहा भाणियच्चं जाव चंद(णु-
 क्खित्त)णाकिन्नगायमरीरे सव्वालंकारविभूसिए मज्जणघराओ पडिनिक्खमइ मज्जणघ-
 राओ पडिनिक्खमिन्ता जेणेव बाहिरिया उवट्टाणसाला जेणेव चाउग्घटे आसरहे तेणेव
 उवागच्छइ तेणेव उवागच्छत्ता चाउग्घटं आमरहं दुरूहेइ चाउ० २ ता सकोरंट-
 मल्लदामेणं छत्तेणं धरिज्जमाणेणं महया भडच्चडगरपहकरवंदपरिक्खित्ते खत्तियकुंड-
 ग्गामं नगरं मज्जमज्जेणं निग्गच्छइ निग्गच्छत्ता जेणेव माहणकुंडग्गामे नगरे
 जेणेव बहुसालए उज्जाणे तेणेव उवागच्छइ तेणेव उवागच्छत्ता तुरए निणिण्हेइ २
 ता रहं ठवेइ रहं ठवेत्ता रहाओ पच्चोरुहइ रहा० २ ता पुप्फत्तंबोलाउहमाइयं
 वा(णहा)हणाओ य विसज्जेइ २ ता एगसाडियं उत्तरासंगं करेइ उत्तरासंगं करेत्ता
 आयंतं चोवख्खे परमसुइब्भूए अंजलिमउलियहत्थे जेणेव समणे भगवं महावीरे तेणेव
 उवागच्छइ तेणेव उवागच्छत्ता समणं भगवं महावीरं तिक्खुत्तो आयाहिणं पया-
 हिणं करेइ २ ता जाव तिविहाए पज्जुवासणाए पज्जुवासइ । तए णं समणे
 भगवं महावीरे जमालिस्स खत्तियकुमारस्स तीसे य महइमहाखियाए इस्सि० जाव
 घम्मकहा जाव परिंसा पडिगया, तए णं से जमाली खत्तियकुमारे समणस्स भग-

वओ महावीरस्स अंतियं धम्मं सोच्चा निसम्म हट्ट जाव हियए उट्टाए उट्टेइ उट्टाए उट्टेत्ता समणं भगवं महावीरं तिक्खुत्तो जाव नमंसित्ता एवं वयासी-सइहामि णं भंते ! निगगंथं पावयणं, पत्तियामि णं भंते ! निगगंथं पावयणं, रोएमि णं भंते ! निगगंथं पावयणं, अच्चुट्टेमि णं भंते ! निगगंथं पावयणं, एवमेयं भंते ! तहमेयं भंते ! अविस्सहमेयं भंते ! असंदिद्धमेयं भंते ! जाव से जहेयं तुब्भे वदह, जं नवरं देवाण्-पिया ! अम्मापियरो आपुच्छामि । तए णं अहं देवाण्पियाणं अंतियं मुंडे भवित्ता अगाराओ अणगारियं पव्वयामि, अह्मासुहं देवाण्पिया । मा पडिबंधं ॥ ३८२ ॥ तए णं से जमाली खत्तियकुमारे समणेणं भगवया महावीरेणं एवं बुत्ते समाणे हट्ट-तुट्टे जाव समणं भगवं महावीरं तिक्खुत्तो जाव नमंसित्ता तमेव चाउग्घंटं आसरहं दुरुहेइ दुरुहिता समणस्स भगवओ महावीरस्स अतियाओ बहुसालाओ उज्जाणाओ पडिनिक्खमइ पडिनिक्खमिन्ना सकोरंटं जाव धरिजमाणेणं महया भडच्चडगर जाव परिक्खित्ते जेणेव खत्तियकुंडरगामे नयरे तेणेव उवागच्छइ तेणेव उवागच्छित्ता खत्तियकुंडरगामं नगरं मज्झंमज्जेणं जेणेव सए गिहे जेणेव बाहिरिया उवट्टाणमाला तेणेव उवागच्छइ तेणेव उवागच्छित्ता तुरए निगिण्हइ तुरए निगिण्हिता रहं ठवेइ रहं ठवेत्ता रहाओ पच्चोरुहइ रहाओ पच्चोरुहिता जेणेव अट्ठिभनरिया उवट्टाणसाला जेणेव अम्मापियरो तेणेव उवागच्छइ तेणेव उवागच्छित्ता अम्मापियरो जएणं विजएणं वद्धावेइ वद्धावेत्ता एवं वयासी-एवं खलु अम्मताओ ! मए समणस्स भगवओ महावीरस्स अंतियं धम्मं निसंते, सेवि य मे धम्मं इच्छिए पडिच्छिए अभिरुइए, तए णं तं जमालिं खत्तियकुमारं अम्मापियरो एवं वयासी-धञ्जेसि णं तुमं जाया ! कयत्थेसि णं तुमं जाया ! कयपुत्तेसि णं तुमं जाया ! कयलक्खणेसि णं तुमं जाया ! जजं तुमे समणस्स भगवओ महावीरस्स अंतियं धम्मं निसंते सेवि य धम्मं इच्छिए पडिच्छिए अभिरुइए, तए णं से जमाली खत्तियकुमारे अम्मापियरो दोक्खंपि एवं वयासी-एवं खलु मए अम्मताओ ! समणस्स भगवओ महावीरस्स अंतिए धम्मं निसंते जाव अभिरुइए, तए णं अहं अम्मताओ ! संसारभयउच्चिग्गे मीए जम्मजराभरणेणं तं इच्छामि णं अम्म ! ताओ ! तुब्भेहिं अब्भणुत्ताए समाणे समणस्स भगवओ महावीरस्स अंतिए मुंडे भवित्ता अगाराओ अणगारियं पव्वइत्ताए । तए णं सा जमालिस्स खत्तियकुमारस्स माया तं अणिट्ठं अकंत्तं अपियं अमणुत्तं अमणां अमुयपुब्बं गिरं सोच्चा निसम्म सेयागयरोमकूवपगलंतविलीणत्ता सोगभर-पवेवियगंभी नीत्तेया वीणविमणवयणा करयल्लमत्तियव्व कमलमाला तक्खणओल्लग-दुब्बल्लसरीरलायक्खुत्तनिच्छाया गयसिरीया पसिद्धिलभूसणप(डिय)इंतत्तुणियवसंचु-

त्रियधवलवलयपबभट्टउत्तरिजा मुच्छावसणद्वचेयगु(ग)रुई सुकुमालविकिञ्जकेसहत्या परसुणियतव्व चंपगलया निव्वत्तमहे व्व इंदलट्टी विमुक्कसंधिबंधणा कोट्टिमतलंसि धसत्ति सव्वगेहिं संनिवड्डिया, तए णं सा जमालिस्स खत्तियकुमारस्स माया ससंभ-
मोयत्तियाए तुरियं कंचणभिगारमुहविणिग्गयसीयलविमलजलधारपरिसिचमाणनि-
व्वावियगायलट्टी उक्खेवयतालियंटवीयणगजणियवाएणं सफुसिएणं अतेउरपरिजणेणं
आसासिया समाणी रोयमाणी कंदमाणी सोयमाणी विलवमाणी जमालि खत्तिय-
कुमारं एवं वयासी-तुमंसि णं जाया । अम्हं एगे पुत्ते इट्ठे कंते पिए मणुजे मणामे
येजे वेसासिए संमए बहुमए अणुमए भंडकरडगसमाणे रयणे रयणब्भूए जीविकुस-
सिए हिययानंदिजणणे उंबरपुप्फमिव दुद्धे सवणयाए किमंग पुण पासणयाए, तं
नो खलु जाया । अम्हे इच्छामो तुज्जं खणमवि विप्पओगं, तं अच्छाहि ताव
जाया । जाव ताव अम्हे जीवामो, तओ पच्छा अम्हेहिं कालगएहिं समाणेहिं
परिणयवए वड्डियकुलवंसतंतुकज्जंमि निरवयक्खे समणस्स भगवओ महावीरस्स
अंतिए मुंडे भवित्ता अगाराओ अणगारियं पव्वइहिसि । तए णं से जमाली खत्तिय-
कुमारे अम्मापियरो एवं वयासी-तहावि णं तं अम्म ! ताओ ! जणं तुब्भे ममं
एवं वदह तुमंसि णं जाया ! अम्हं एगे पुत्ते इट्ठे कंते तं चेष जाव पव्वइहिसि,
एवं खलु अम्म ! ताओ ! माणुस्सए भवे अणेगजाइजरामरणरोगसारीरमाणसप-
कामदुक्खेवयणवसणसओवद्वामिभूए अधुवे अणिएए असासए संझव्वभरागसरिसे
जलवुब्बुयसमाणे कुसग्गजलविंदुसन्निभे मुविणगदंसणोवमे विञ्जुलयाचंचले अणिचे
सडणपडणविद्धंसणधम्मे पुब्बि वा पच्छा वा अवस्स विप्पजहियव्वे भविस्सइ, से
केस णं जाणइ अम्म ! ताओ ! के पुब्बि गमणयाए के पच्छा गमणयाए, तं
इच्छामि णं अम्मताओ ! तुब्भेहिं अब्भणुत्ताए समाणे समणस्स भगवओ महा-
वीरस्स जाव पव्वइत्ताए । तए णं तं जमालिं खत्तियकुमारं अम्मापियरो एवं
वयासी—इमं च णं ते जाया ! सरीरगं पविसिद्धरूवलक्खणवंजणगुणोवचंयं उत्तम-
बलवीरियसत्तजुत्तं विष्णाणवियक्खणं ससोहग्गगुणसमुत्तिसयं अभिजायमहक्खमं
विविद्धवाहिरोगरहियं निरुवहयउदत्तलट्ठं पंचिदियपडुपडमजोव्वणत्थं अणेगउत्तम-
गुणेहिं संजुत्तं तं अणुहोहि ताव जाव जाया । नियगसरीररूवसोहग्गजोव्वणगुणे,
तओ पच्छा अणुभूयनियगसरीररूवसोहग्गजोव्वणगुणे अम्हेहिं कालगएहिं समाणेहिं
परिणयवए वड्डियकुलवंसतंतुकज्जंमि निरवयक्खे समणस्स भगवओ महावीरस्स
अंतियं मुंडे भवित्ता अगाराओ अणगारियं पव्वइहिसि, तए णं से जमाली खत्तिय-
कुमारे अम्मापियरो एवं वयासी—तहावि णं तं अम्मताओ ! जणं तुब्भे ममं एवं

वदह-इमं च णं ते जाया । सरीरं तं चेव जाव पव्वइहिसि, एवं खलु अम्म-
ताओ । माणुस्सं सरीरे दुक्खाययणं विविहवाहिसयसंनिकेयं अट्टियकट्टुट्टियं छिरा-
ण्हारुजालओणद्धसंपिणद्धं मट्टियमंडं व दुब्बलं असुइसंकिलिट्ठं अणिट्टवियसव्व-
कालसंठप्पयं जराकुणिमजजरघरं व सडणपडणविद्धंसणधम्मं पुट्ठि वा पच्छा वा
अवस्सं विप्पजहियव्वं भविस्सइ, से केस णं जाणइ, अम्मताओ ! के पुट्ठि तं चेव
जाव पव्वइत्तए । तए णं तं जमालि खत्तियकुमारं अम्मापियरो एवं वयासी—
इमाओ य ते जाया । विउलकुलवालियाओ सरिसयाओ सरित्तायाओ सारेव्वयाओ
सरिसलावन्नरुवजोव्वणगुणोववेयाओ सरिसएहिंतो अ कुट्ठेहिंतो आणिएल्लियाओ
कलाकुसलसव्वकाललालियसुहोच्चियाओ मट्टवगुणजुत्तानिउणविणओवयारपंडियविय-
व्वखाणाओ मंजुलमियमहुरभणियविहसियविप्पेक्खियगइविलासच्चिट्टियविसारयाओ
अविकलकुलसीलमालिणीओ विसुद्धकुलवंसंताणतंतुवदणप्पग(ब्बु)व्वभव(य)प्प-भा-
विणीओ मणाणुकूलहियइच्छियाओ अट्ट तुज्ज गुणवक्खहाओ उत्तमाओ निच्चं भावाणु-
(रत्त)त्तरसव्वंगसुंदरीओ भारियाओ, तं भुंजाहि ताव जाव जाया । एयाहिं सद्धिं विउळे
माणुस्सए कामभोगे, तओ पच्छा भुत्तभोगी विसयविगयवोच्छिन्नकोउहहे अम्हेहिं
कालगएहि जाव पव्वइहिसि । तए णं से जमाली खत्तियकुमारे अम्मापियरो एवं
वयासी-तहावि णं तं अम्म ! ताओ ! जच्चं तुच्चे मम एवं वयह इमाओ य ते जाया ।
विउलकुल जाव पव्वइहिसि, एवं खलु अम्म ! ताओ ! माणुस्सया कामभोगा असुइं
असासया वंतासवा पित्तासवा खेलासवा सुक्कासवा सोणियासवा उच्चारपासवणखे-
लसिघाणगवंतपित्तप्यसुक्कसोणियसमुव्वभा अमणुत्तदुरुव्वमुत्तपूइयपुरीसपुत्ता मयंगु-
स्सासअसुभनिस्सासउव्वेयणगा बीभच्छा अप्पकालिया लहूसगा कलमलाहिया सदु-
व्वखबहुजणसाहारणा परिकिलेसकिच्छदुक्खसज्जा अबुद्धजणणिसेविया सया साहुग-
रहणिजा अणंतसंसारवदण्णा कड्डयफलविवागा तु(डु)डलिव्व अमुच्चमाणदुक्खाणु-
बंधिणो सिद्धिगमणविग्घा, से केस णं जाणइ अम्मताओ ! के पुट्ठि गमण्याए के
पच्छा गमण्याए, तं इच्छामि णं अम्मताओ । जाव पव्वइत्तए । तए णं तं जमालि
खत्तियकुमारं अम्मापियरो एवं वयासी—इमे य ते जाया ! अज्जयपजयपिउपज-
यागए बहु हिरुत्ते य सुव्वे य कंसे य दूसे य विउलघणकणग जाव संतसारसावएव्वे
अलाहि जाव आसत्ताओ कुलवंसाओ पकामं दाउं पकामं भोत्तुं पकामं परिभाएउं
तं अणुहोहि ताव जाया । विउळे माणुस्सए इत्थिसक्कारसमुदए, तओ पच्छा अणुभूव-
कल्लणे वट्ठियकुलवंसंतु जाव पव्वइहिसि । तए णं से जमाली खत्तियकुमारे अम्मा-
पियरो एवं वयासी—तहावि णं तं अम्मताओ ! जच्चं तुज्जे मम एवं वदह-इमं

च ते जाया ! अज्यपज्य जाव पव्वइहिसि, एवं खलु अम्मताओ । हिरणे य सुवणे य जाव सावएजे अग्गिसाहिए चोरसाहिए रायसाहिए मच्चुसाहिए दाइयसाहिए अग्गिसामन्ने जाव दाइयसामन्ने अधुवे अणिए असासए पुर्वि वा पच्छा वा अवस्सं विप्पजहियव्वे भविस्सइ, से केस णं जाणइ तं चेव जाव पव्वइत्तए । तए णं तं जमालिं खत्तियकुमारं अम्मताओ जाहे नो संचाएन्ति विसयाणुलोमाहिं बह्वहिं आघवणाहि य पन्नवणाहि य सन्नवणाहि य विन्नवणाहि य आघवेत्तए वा पन्नवेत्तए वा सन्नवेत्तए वा विन्नवेत्तए वा ताहे विसयपडिकूलाहिं संजमभयउव्वेयणकराहिं पन्नवणाहिं पन्नवेमाणा एवं वयासी—एवं खलु जाया । निग्गंथे पावयणे सच्चे अणुत्तरे केवले जहा आवस्सए जाव सव्वदुक्ख्वाणमंनं करेति अहीव एगंतदिट्ठीए खुरो इव एगंतधाराए लोहमया जवा चावेयव्वा वालुयाकवले इव निस्सा(रे)ए गंगा वा महानई पडिसोयगमण्याए महासमुहोव्व भुयाहिं दुत्तरो तिक्खं कमियव्वं ग(गु)रुयं लंबेयव्वं असिधारणं वयं चरियव्वं, नो खलु कप्पइ जाया ! समणाणं निग्गंथाणं आहाकम्मिइ वा उद्देसिइ वा भिस्सजाएइ वा अज्जोयरएइ वा पूइएइ वा कीएइ वा पामिच्चेइ वा अच्छेज्जेइ वा अणिसिट्ठेइ वा अभिहब्बेइ वा कंतारभत्तेइ वा दुब्बिअक्खभत्तेइ वा गिलाणभत्तेइ वा वड्डियाभत्तेइ वा पाहुणगभत्तेइ वा सेजायरपिंडेइ वा रायपिंडेइ वा मूलभोयणेइ वा कंदभोयणेइ वा फलभोयणेइ वा बीयभोयणेइ वा हरियभोयणेइ वा भुत्तए वा पायए वा, तुमं च णं जाया । सुहसमुच्चिए णो चेव णं दुहसमुच्चिए नालं सीयं नालं उण्हं नालं खुहा नालं पिवासा नालं चोरा नालं वाला नालं दंसा नालं ममगा नालं वाइयपित्तियसेंभियसन्निवाइए विविहे रोगायंके परीसहोवसग्गे उदिजे अहियासेत्तए, तं नो खलु जाया ! अम्हे इच्छामो तुज्झं सणमवि विप्पओणं तं अच्छाहिं नाव जाया । जाव ताव अम्हे जांवाओ, तओ पच्छा अम्हेहिं कालगएहिं जाव पव्वइहिसि । तए णं से जमाली खत्तियकुमारे अम्मापियरो एवं वयासी—तहावि णं तं अम्म ! नाओ ! जन्नं तुज्झे ममं एवं वयह—एवं खलु जाया । निग्गंथे पावयणे सच्चे अणुत्तरे केवले तं चेव जाव पव्वइहिसि, एवं खलु अम्मताओ । निग्गंथे पावयणे कीवारणं कायरारणं कापुरिसाणं इह्लोगपडिबद्धानं परलोगपरंमुहाणं विसयत्तिसियाणं दुरणुत्तरे पागयजणस्स, धीरस्स निच्छियस्स ववसियस्स नो खलु एत्थं किंचिवि दुक्करं करणयाए, तं इच्छामि णं अम्म ! ताओ ! तुब्भेहिं अब्भणुत्ताए समाणे समणस्स भगवओ महावीरस्स जाव पव्वइत्तए । तए णं तं जमालिं खत्तियकुमारं अम्मापियरो जाहे नो संचाएन्ति विसयाणुलोमाहिं य विसयपडिकूलाहिं य बह्वहिं आघवणाहि य पन्नवणाहि य ४ आघवेत्तए वा जाव विन्नवेत्तए वा ताहे अकामए

चेव जमालिस्स खत्तियकुमारस्स निक्खमणं अणुमन्नित्था ॥ ३८३ ॥ तए णं तस्स जमालिस्स खत्तियकुमारस्स पिया कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया ! खत्तियकुंडग्गामं नगरं सच्चिभतरवाहिरियं आसिय-संमञ्जिओवलित्तं जहा उववाइए जाव पच्चप्पिणंति, तए णं से जमालिस्स खत्तिय-कुमारस्स पिया दोब्बं पि कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया ! जमालिस्स खत्तियकुमारस्स महत्थं महग्घं महुरिहं विपुलं निक्खमणा-भिसेयं उवद्वेवेह, तए णं ते कोडुंबियपुरिसा तहेव जाव पच्चप्पिणंति, तए णं तं जमालिं खत्तियकुमारं अम्मापियरो सीहासणवरंसि पुरत्थाभिमुहं निसीयावेंति निसीयावेत्ता अट्टसएणं सोवन्नियाणं कलसाणं एवं जहा रायप्पसेणइजे जाव अट्टसएणं भोभेजाणं कलसाणं सच्चिक्कीए जाव रचेणं महया महया निक्खमणाभिसेगेणं अभिसिंचन्ति निक्खमणाभिसेगेणं अभिसिंचित्ता करयल जाव जएणं विजएणं वद्धावेन्ति, जएणं विजएणं वद्धावेत्ता एवं वयासी-भण जाया ! किं देमो किं पयच्छामो किणा वा ते अट्टो ?, तए णं से जमाली खत्तियकुमारे अम्मापियरो एवं वयासी-इच्छामि णं अम्म ! ताओ ! कुत्तियावणाओ रयहरणं च पडिग्गहं च आणित्तं कासवगं च सद्दा-विउं, तए णं से जमालिस्स खत्तियकुमारस्स पिया कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया ! सिरिघराओ तिन्नि सयसहस्साइं गहाय दोहिं सयसहस्सेहिं कुत्तियावणाओ रयहरणं च पडिग्गहं च आणेह सयसहस्सेणं कासवगं च सद्दावेह, तए णं ते कोडुंबियपुरिमा जमालिस्स खत्तियकुमारस्स पिउणा एवं चुत्ता समाणा हट्टतुट्टा करयल जाव पडिसुणेत्ता खिप्पामेव सिरिघराओ तिन्नि सयसहस्साइं तहेव जाव कासवगं सद्दावेत्ति । तए णं से कासवए जमालिस्स खत्तियकुमारस्स पिउणा कोडुंबियपुरिसेहिं सद्दाविए समाणे हट्टे तुट्टे ष्हाए जाव सरीरे जेणेव जमालिस्स खत्तियकुमारस्स पिया तेणेव उवागच्छइ तेणेव उवा-गच्छित्ता करयल० जमालिस्स खत्तियकुमारस्स पियरं जएणं विजएणं वद्धावेइ जएणं विजएणं वद्धावित्ता एवं वयासी-संदिसंतु णं देवाणुप्पिया ! जं मए करणिज्जं, तए णं से जमालिस्स खत्तियकुमारस्स पिया तं कासवगं एवं वयासी-तुमं देवाणुप्पिया ! जमालिस्स खत्तियकुमारस्स परेणं जत्तेणं चउरंगुल्लवजे निक्खमणपओगे अग्गकेसे (कप्पेह) पडिकप्पेहि, तए णं से कासवए जमालिस्स खत्तियकुमारस्स पिउणा एवं चुत्ते समाणे हट्टतुट्टे करयल जाव एवं सामी ! तहसि आणाए विणएणं वयणं पडिसुणेइ २ ता सुरभिणा गंधोदएणं हत्थपाए पक्खालेइ सुरभिणा० २ ता सुद्धाए अट्टपडलाए पोत्तीए मुहं बंधइ मुहं बंधित्ता जमालिस्स खत्तियकुमारस्स परेणं जत्तेणं चउ-

रंगुलवज्जे निक्खमणपओगे अगगकेसे कप्पेइ । तए णं सा जमालिस्स खत्तियकुमारस्स माया हंसलक्खणेणं पडसाडएणं अगगकेसे पडिच्छइ अगगकेसे पडिच्छिता सुरभिणा गंधोदएणं पक्खालेइ सुरभिणा गंधोदएणं पक्खालेत्ता अगगेहिं धरेहिं गंधेहिं मल्लेहिं अच्चेइ २ ता सुद्धवत्थेणं बंधेइ सुद्धवत्थेणं बंधित्ता रयणकरंडगंसि पक्खिवइ २ ता हारवारिधारसिदुवारछिन्नमुत्तावलिप्पगासाइं सुयविओगइसहाइं अंसइं विणिम्मयमाणी २ एवं वयासी-एस णं अम्हं जमालिस्स खत्तियकुमारस्स बहसु तिहीसु य पव्वणीसु य उस्सवेसु य जन्नेसु य छणेसु य अपच्छिमे दारेसणे भविस्स-तीतिकट्टु ओसीसगमले ठवेइ, तए णं तस्स जमालिस्स खत्तियकुमारस्स अम्मापियरो दोच्चपि उन्तरावक्कमणं सीहासणं रयावंति २ ता दोच्चपि जमालि खत्तियकुमारं सीयापीयएहिं कलसेहिं ण्हारोति सीयापीयएहिं कलसेहि ण्हावेत्ता पम्हलसुकुमालाए सुरभिएणं गंधकासाइएणं गायार्डं ल्हेंति सुरभिएणं गंधकासाइएणं गायार्डं ल्हेंत्ता सरसेणं गोसीसचंदणेणं गायार्डं अणुलिपन्ति गायार्डं अणुलिपित्ता नासानिस्सासवा-यवोज्झं चक्खुहरं वन्नफरिसजुत्तं ह्यलालापेलवाइरेणं धवलं कणगखचियंतकम्मं महरिहं हंसलक्खणपडसाडगं परिहिति २ ता हारं पिणद्धेंति २ ता अद्धहारं पिणद्धेंति २ ता० एवं जहा सूरियाभस्स अलंकारो तहेव जाव चित्तं रयणसंकडुक्कडं मउडं पिणद्धेंति, कि बहुणा गंधिमवेट्टिमपूरिमसघाइमेणं चउव्वहेणं मल्लेणं कप्परक्खगं पिव अलंकियविभूसियं करंति । तए णं से जमालिस्स खत्तियकुमारस्स पिया कोडुंबिय-पुरिसे सदावेइ सदावेत्ता एवं वयासी-खिप्पामेव भो देवाणुप्पिया ! अणेगखंभसय-सच्चिविट्ठं लीलट्टियसालिभंजियागं जहा रायप्पसेणइजे विमाणवन्नओ जाव मणिरय-णघंटियाजालपरिक्खत्तं पुरिससहस्सवाहिणीयं सीयं उवट्टवेह उवट्टवेत्ता मम एयमा-णत्तियं पच्चप्पिणह, तए णं ते कोडुंबियपुरिसा जाव पच्चप्पिणंति । तए णं से जमाली खत्तियकुमारे केसालंकारेणं वत्थालंकारेणं मल्लालंकारेणं आभरणालंकारेणं चउव्वि-हेणं अलंकारेणं अलंकारिए समणे पडिपुत्रालंकारे सीहासणाओ अब्भुट्टेइ सीहास-णाओ अब्भुट्टेत्ता सीयं अणुप्पयाहिणीकरेमाणे सीयं दुरूहइ २ ता सीहासणवरंसि पुरत्थाभिमुहे मच्चिसण्णे । तए णं तस्स जमालिस्स खत्तियकुमारस्स माया ण्हाया जाव सरीरा हंसलक्खणं पडसाडगं गहाय सीयं अणुप्पयाहिणीकरेमाणी सीयं दुरूहइ सीयं दुरूहित्ता जमालिस्स खत्तियकुमारस्स दाहिणे पासे भद्दामणवरंसि संनि-सच्चा, तए णं तस्स जमालिस्स खत्तियकुमारस्स अम्मधाई ण्हाया जाव सरीरा रयहरणं च पडिग्गहं च गहाय सीयं अणुप्पयाहिणी करेमाणी सीयं दुरूहइ सीयं दुरूहित्ता जमालिस्स खत्तियकुमारस्स वामे पासे भद्दामणवरंसि संनि-सच्चा । तए णं

तस्स जमालिस्स खत्तियकुमारस्स पिट्ठओ एगा वरतरुणी सिंगारागारचारुवेसा संगयगय जाव रुवजोव्वणविलासकलिया सुंदरथण० हिमरययकुमुयकुंदेदुप्पगासं सकोरेंटमल्लदामं धवलं आयवत्तं गहाय सलीलं उवरि धारेमाणी २ चिट्ठइ, तए णं तस्स जमालिस्स उभओपासि दुवे वरतरुणीओ सिंगारागारचारु जाव कलियाओ नाणामणिकणगरयणविमलमहरिहतवणिज्जुज्जलविचित्तदंडाओ चिल्लियाओ संखंक्कुंददगरयअमयमहियफेणपुंजसंनिगामाओ धवलाओ चामराओ गहाय सलीलं वीयमाणीओ वीयमाणीओ चिट्ठंति, तए णं तस्स जमालिस्स खत्तियकुमारस्स उत्तरपुरच्छिमेणं एगा वरतरुणी सिंगारागार जाव कलिया सेयरययामयं विमलसलिलपुण्णं मत्तगयमहामुहाकिइसमाणं भिंगारं गहाय चिट्ठइ । तए णं तस्स जमालिस्स खत्तियकुमारस्स दाहिणपुरच्छिमेणं एगा वरतरुणी सिंगारागार जाव कलिया चिनकणगदंडं तालवेटं गहाय चिट्ठइ, तए णं तस्स जमालिस्स खत्तियकुमारस्स पिया कोडुंबियपुरिसे सहावेइ को० २ ता एवं वयासी-खिप्पामेव भो देवाणुप्पिया । सरिसयं सरित्तयं सरिव्वयं सरिसलावन्नरुवजोव्वणगुणोव्वेयं एगाभरणवसणगहियनिज्जोयं कोडुंबियवरतरुणसहस्सं सदावंह, तए णं ते कोडुंबियपुरिसा जाव पड्डिसुणेत्ता खिप्पामेव सरिसयं सरित्तयं जाव सहावेत्ति, तए णं ते कोडुंबियपुरिस्सा जमालिस्स खत्तियकुमारस्स पिउणा कोडुंबियपुरिसेहिं सहाविया समाणा हट्टुट्टु० ण्हाया एगाभरणवसणगहियनिज्जोया जेणेव जमालिस्स खत्तियकुमारस्स पिया तेणेव उवागच्छन्ति ते० २ ता करयल जाव वद्धावेत्ता एवं वयासी-संदिसंतु णं देवाणुप्पिया ! जं अम्हेहिं कारणिजं, तए णं से जमालिस्स खत्तियकुमारस्स पिया तं कोडुंबियवरतरुणसहस्संपि एवं वयासी-तुब्भे णं देवाणुप्पिया । ण्हाया जाव गहियनिज्जोगा जमालिस्स खत्तियकुमारस्स सीयं परिवहह । तए णं ते कोडुंबियपुरिसा जमालिस्स खत्तियकुमारस्स जाव पड्डिसुणेत्ता ण्हाया जाव गहियनिज्जोगा जमालिस्स खत्तियकुमारस्स सीयं परिवहंति । तए णं तम्म जमालिस्स खत्तियकुमारस्स पुरिससहस्सवाहिणि सीयं दुरुडस्स समाणस्स तप्पडमयाए इमे अट्टट्टमंगलगा पुरओ अहाणुपुब्बीए संपट्टिया, तं०-स्तोत्थिय सिरिवच्छ जाव दप्पणं, तयाणंतरे च णं पुत्तकलसभिगारं जहा उववाइए जाव गगणतलमणुलिहंती पुरओ अहाणुपुब्बीए संपट्टिया, एवं जहा उववाइए तहेव भाणियव्वं जाव आलोयं वा करेमाणा जय २ सइं च पउंजमाणा पुरओ अहाणुपुब्बीए संपट्टिया । तयाणंतरे च णं बहवे उग्गा भोगा जहा उववाइए जाव महापुरिसवग्गुरापरिक्खिता जमालिस्स खत्तियकुमारस्स पुरओ य मग्गओ य पासओ य अहाणुपुब्बीए संपट्टिया । तए णं से जमालिस्स खत्तियकुमा-

रस्स पिया ष्हाए जाव विभूसिए हत्थिखंधवरगए सकोरेंटमल्लदामेणं छतेणं धरिज्ज-
 माणेणं सेयवरचामराहिं उब्बुवमाणे २ ह्यगयरहपवरजोहकलियाए चाउरंगिणीए
 सेणाए सद्धिं संपरिवुडे महया भडचडगर जाव परिक्खिते जमालिस्स खत्तियकुमा-
 रस्स पिट्ठओ २ अणुगच्छइ । तए णं तस्स जमालिस्स खत्तियकुमारस्स पुरओ महं
 आसा आसवरा उभओ पासि णागा णागवरा पिट्ठओ रहा रहसंगेष्ठी । तए णं से
 जमाली खत्तियकुमारे अब्भुगयभिगारे परिग्गहियतालियंटे उस्सवियसेयछते
 पवीइयसेयचामरवालवीयणीए सच्चिह्वीए जाव णाइयरचेणं । तयार्णंतरं च णं बहवे
 लट्ठिग्गगाहा कुंतग्गगाहा जाव पुत्थयग्गगाहा जाव वीणग्गगाहा, तयाणंतरं च णं अट्ठसयं
 गयाणं अट्ठसयं तुरयाणं अट्ठसयं रहाणं, तयाणंतरं च णं लठ्ठअसिकोंतहत्थाणं बट्ठणं
 पायत्ताणीणं पुरओ संपट्ठियं, तयाणंतरं च णं बहवे राईसरतलवर जाव सत्थवाहप्पभि-
 इओ पुरओ संपट्ठिया जाव णाइयरचेणं खत्तियकुंडग्गामं नगरं मज्झंमज्जेणं जेणेव
 माहणकुंडग्गामे नयरे जेणेव बहुमालए उज्जाणे जेणेव समणे भगवं महावीरे तेणेव
 पहारेत्थ गमणाए । तए णं तस्स जमालिस्स खत्तियकुमारस्स खत्तियकुंडग्गामं नगरं
 मज्झंमज्जेणं निग्गच्छमाणस्स सिंघाडगतियचउक्क जाव पहेसु बहवे अत्थत्थिया जहा
 उववाइए जाव अभिनंदंता य अभित्थुणंता य एवं वय्मसी-जय जय णंदा धम्ममेणं,
 जय जय णंदा तवेणं, जय जय णंदा ! भदं ते अभग्गंहिं णाणदंसणचरित्तमुत्तमेहिं
 अजियाइं जिणाहि इंदियाइं जियं च पालेहि ममग्गधम्मं जियविग्गोऽवि य वसाहि तं
 देव ! सिद्धिमज्जे णिहणाहि य रागदोममद्दे तवेण धिइधणियबद्धकच्छे महाहि अट्ठ-
 कम्मसत्तू ज्ञाणेणं उत्तमेणं सुक्केणं अप्पमत्तो हराहि आराहणपडागं च धीर ! तेलो-
 क्करंगमज्जे पावय वित्तिमिरमणुत्तरं च कंवलणाणं गच्छय मोक्खं परं परं जिणव-
 रोवइट्ठेणं सिद्धिमग्गेणं अकुडिलेणं हंता परीमहचमूं अभिविय गममकंटगोवसग्गणं
 धम्मं ते अविग्गमत्त्युत्तिकट्ठु अभिनंदंति य अभियुणंति य । तए णं से जमाली खत्ति-
 यकुमारे नयणमालासहस्सेहिं पिच्छजमाणं २ एवं जहा उववाइए कूणिओ जाव
 णिग्गच्छइ निग्गच्छिता जेणेव माहणकुंडग्गामे नयरे जेणेव बहुसालए उज्जाणे तेणेव
 उवागच्छइ तेणेव उवागच्छिता छत्ताइए तित्थगराइसए पासइ पासिता पुरिससह-
 स्सवाहिणिं सीयं ठवेइ २ ता पुरिससहस्सवाहिणीओ सीयाओ पच्चोरुइइ, तए णं तं
 जमालिं खत्तियकुमारं अम्मापियरो पुरओ काउं जेणेव समणे भगवं महावीरे तेणेव
 उवागच्छंति तेणेव उवागच्छिता समणं भगवं महावीरं तिक्खुतो जाव नमंसिता एवं
 वयासी-एवं खलु भंते । जमाली खत्तियकुमारे अम्हं एगे पुते इट्ठे कंते जाव किमंग
 पुण पासणयाए, से जहानामए-उप्पलेइ वा पउमेइ वा जाव सहस्सपत्तेइ वा पंके

जाए जले संवुद्धे णोवलिप्पइ पंकरएणं णोवलिप्पइ जलरएणं एवामेव जमालीवि खत्ति-
यकुमारे कामोहिं जाए भोगोहिं संवुद्धे णोवलिप्पइ कामरएणं णोवलिप्पइ भोगरएणं
णोवलिप्पइ मित्तणाइनियगसयणसंबंधिपरिजणेणं, एस णं देवाणुप्पिया । संसारभयउ-
व्विग्गे भीए जम्मजरामरणेणं इच्छइ देवाणुप्पियाणं अतिए मुंढे भविता अगाराओ
अणगारियं पव्वइत्तए, तं एयञ्जं देवाणुप्पियाणं अम्हे सीसभिक्खं दलयामो, पडिच्छंनु
णं देवाणुप्पिया । सीसभिक्खं, तए णं समणे० ३ तं जमालि खत्तियकुमारं एवं
वयासी-अहासुहं देवाणुप्पिया । मा पडिबंधं । तए णं से जमाली खत्तियकुमारे समणेणं
भगवया महावीरेणं एवं वुत्तं नमाणे हट्टुट्टे समणं भगवं महावीरं तिक्खुत्तो जाव
नमंसित्ता उत्तरपुरच्छिमं दिसीभागं अवक्कमइ २ ता सयमेव आभरणमद्दालंकारं ओमु-
यइ, तए णं सा जमालिस्स खत्तियकुमारस्स माया हंसलक्खणेणं पडसाडएणं आभ-
रणमद्दालंकारं पडिच्छइ पडिच्छित्ता हारवारि जाव विणिम्मयमाणी २ जमालि
खत्तियकुमारं एवं वयासी-अडियव्वं जाया । जइयव्वं जाया । परक्कमियव्वं जाया ।
अरिस च णं अट्टे णो पमायेयव्वंति कट्टु जमालिस्स खत्तियकुमारस्स अम्मापियरो
समणं भगवं महावीरं वंदन्ति णमंसन्ति वंदित्ता णमंसित्ता जामेव दिसे पाउब्भूया
तामेव दिसे पडिगया । तए णं से जमाली खत्तियकुमारे सयमेव पंचमुट्टियं लोमं
करेइ २ ता जेणेव समणे भगवं महावीरे तेणेव उवागच्छइ तेणेव उवागच्छित्ता एवं
जहा उसभदत्तो तहेव पव्वइओ नवरं पंचहिं पुरिससएहिं सद्धिं तहेव जाव सव्वं
सामाइयमाइयाइं एकारस अंगाइं अहिजइ अहिजेत्ता वहुहिं चउत्थच्छट्टम जाव
मासद्धमासखमणेहिं विचिंतेहिं तवोकम्मोहिं अप्पाणं भावेमाणे विहरइ ॥ ३८४ ॥
तए णं से जमाली अणगारे अन्नया कयाइं जेणेव समणे भगवं महावीरे तेणेव उवा-
गच्छइ तेणेव उवागच्छइत्ता समणं भगवं महावीरं वंदइ नमंसइ वंदित्ता नमंसित्ता एवं
वयासी-इच्छामि णं भंते । तुब्भेहिं अब्भणुजाए समाणे पंचहिं अणगारसएहिं
सद्धिं बहिया जणवयविहारं विहरित्तए, तए णं समणे भगवं महावीरे जमालिस्स
अणगारस्स एयमट्टं णो आढाइ णो परिजाणाइ तुसिणीए संचिट्टइ । तए णं से
जमाली अणगारे समणं भगवं महावीरं दोक्षंपि तक्षंपि एवं वयासी-इच्छामि णं
भंते । तुब्भेहिं अब्भणुजाए समाणे पंचहिं अणगारसएहिं सद्धिं जाव विहरित्तए,
तए णं समणे भगवं महावीरे जमालिस्स अणगारस्स दोक्षंपि तक्षंपि एयमट्टं णो
आढाइ जाव तुसिणीए संचिट्टइ । तए णं से जमाली अणगारे समणं भगवं महावीरं
वंदइ णमंसइ वंदित्ता णमंसित्ता समणस्स भगवओ महावीरस्स अंतियाओ बहुसा-
लाओ उज्जाणाओ पडिनिक्खमइ पडिनिक्खमित्ता पंचहिं अणगारसएहिं सद्धिं बहिया

अणवयविहारं विहरइ, तेणं कालेणं तेणं समएणं सावत्थी नामं नयरी होत्था वन्नओ, कोट्टए उज्जाणे वन्नओ जाव वणसंडस्स, तेणं कालेणं तेणं समएणं चंपा नामं नयरी होत्था वन्नओ, पुन्नभेइ उज्जाणे वन्नओ जाव पुडविसिलापट्टए । तए णं से जमाली अणगारे अन्नया कयाइ पंचहिं अणगारसएहिं सद्धिं सपरिवुडे पुव्वाणुपुव्वि चरमाणे गामाणुगामं दूइजमाणे जेणेव सावत्थी नयरी जेणेव कोट्टए उज्जाणे तेणेव उवागच्छइ तेणेव उवागच्छिता अहापडिरूवं उगगहं उग्गिण्हइ अहापडिरूवं उगगहं उग्गिण्हिता सजमेणं तवसा अप्पाणं भावेमाणे विहरइ । तए णं समणे भगवं महावीरे अन्नया कयाइ पुव्वाणुपुव्वि चरमाणे जाव सुहंसुहेणं विहरमाणे जेणेव चंपानमरी जेणेव पुन्नभेइ उज्जाणे तेणेव उवागच्छइ तेणेव उवागच्छिता अहापडिरूवं उगगहं उग्गिण्हइ अहा० २ ता संजमेणं तवसा अप्पाणं भावेमाणे विहरइ ॥ तए णं तस्स जमालिस्स अणगारस्स तेहि अरसेहि य विरसेहि य अंतेहि य पंतेहि य लहेहि य तुच्छेहि य कालाइक्कंतेहि य पमाणाइक्कंतेहि य सीयएहि य पाणभोयणेहिं अन्नया कयाइ सरीरगंसि विउले रोगायंके पाउब्भूए उज्जले विउले पगाढे कक्कसे कट्टए चंडे दुक्खे दुग्गे तिब्बे दुरहियासे पित्तज्वरपरिगयसरीरे दाहवक्कंतिए यावि विहरइ । तए णं से जमाली अणगारे वेयणाए अभिभूए समाणे समणे णिग्गंथे सद्दावेइ सद्दावेत्ता एवं वयासी-तुब्बे णं देवाणुप्पिया ! मम सेज्जासंथारगं सथरेह, तए णं ते समणा णिग्गंथा जमालिस्स अणगारस्स एयमट्ठं विणएणं पड्डिमुणेंति पड्डिसुणेत्ता जमालिस्स अणगारस्स सेज्जासंथारगं संथरेंति, तए णं से जमाली अणगारे बलिय-तर वेयणाए अभिभूए समाणे दोब्बंप्पि समणे निग्गंथे सद्दावेइ २ ता दोब्बंप्पि एवं वयासी-ममग्गं देवाणुप्पिया ! सेज्जासंथारए किं कडे कज्जइ ? (एवं वुत्ते ममाणे समणा निग्गंथा विति-भो सामी ! कीरइ) तए णं ते समणा निग्गंथा जमालि अणगारं एवं वयासी-णो खलु देवाणुप्पियाणं सेज्जासंथारए कडे कज्जइ, तए णं तस्स जमालिस्स अणगारस्स अयमेयारूवे अज्झत्थिए जाव समुप्पजित्था-ज्जं समणे भगवं महावीरे एवं आइक्खइ जाव एवं परूवेइ-एवं खलु चलमाणे चलिए उदीरिज्जमाणे उदीरिए जाव निज्जरिज्जमाणे णिज्जिणे तं णं भिच्छा इमं च णं पञ्चक्खमेव धीसइ सेज्जासंथारए कज्जमाणे अकडे संथरिज्जमाणे असंथरिए जम्हा णं सेज्जासंथारए कज्जमाणे अकडे संथरिज्जमाणे असंथरिए तम्हा चलमाणेवि अचलिए जाव निज्जरिज्जमाणेवि अणिज्जिणे, एवं संपेहेइ एवं संपेहेत्ता समणे निग्गंथे सद्दावेइ समणे निग्गंथे सद्दावेत्ता एवं वयासी-ज्जं देवाणुप्पिया ! समणे भगवं महावीरे एवं आइक्खइ जाव परूवेइ-एवं खलु चलमाणे चलिए तं च्चेव सव्वं जाव निज्जरिज्जमाणे अणिज्जिणे । तए

णं तस्स जमालिस्स अणगारस्स एवं आइक्खमाणस्स जाव परूवेमाणस्स अत्थेगइया समणा निग्गंथा एयमट्ठं सद्दहंति पत्तियंति रोयंति, अत्थेगइया समणा निग्गंथा एय-
मट्ठं णो सद्दहंति ३, तत्थ णं जे ते समणा निग्गंथा जमालिस्स अणगारस्स एय-
मट्ठं सद्दहंति ३ ते णं जमालि च्चैव अणगारं उवसंपज्जिता णं विहरंति, तत्थ णं जे
ते समणा निग्गंथा जमालिस्स अणगारस्स एयमट्ठं णो सद्दहंति णो पत्तियंति णो
रोयंति ते णं जमालिस्स अणगारस्स अंतियाओ कोट्टयाओ उज्जाणाओ पडिनिक्ख-
मंति २ ता पुव्वाणुपुवि चरमाणा गामाणुगामं दूइज्जमाणा जेणेव चंपानयरी जेणेव
पुन्नभेइ उज्जाणे जेणेव समणे भगवं महावीरं तेणेव उवागच्छन्ति २ ता समणं भगवं
महावीरं तिक्खुत्तो आयाहिणं पयाहिणं करंति २ ता वंदंति णमंसंति २ ता समणं
भगवं महावीरं उवसंपज्जिता णं विहरंति ॥ ३८५ ॥ तए णं से जमाली अणगारे
अन्नया कयाइ ताओ रोगायंकाओ विप्पमुक्के द्दडे तुट्ठे जाए अरोए बलियसरीरे
सावत्थीओ नयरीओ कोट्टयाओ उज्जाणाओ पडिनिक्खमइ २ ता पुव्वाणुपुवि चरमाणे
गामाणुगामं दूइज्जमाणे जेणेव चंपानयरी जेणेव पुन्नभेइ उज्जाणे जेणेव समणे भगवं
महावीरं तेणेव उवागच्छइ २ ता समणस्स भगवओ महावीरस्स अदूरसामंते ठिच्चा
समणं भगवं महावीरं एवं वयासी-जहा णं देवाणुप्पियाणं बहुवे अंतेवासी समणा
निग्गंथा छउमत्था भवेत्ता छउमत्थावक्कमणेणं अवक्कंता णो खलु अहं तहा च्चैव छउ-
मत्थे भविता छउमत्थावक्कमणेणं अवक्कमिए, अहन्नं उप्पन्नणाणदंसणधरे अरहा जिणे
केवली भविता केवलिवक्कमणेणं अवक्कमिए, तए णं भगवं गोयमे जमालि अणगारं
एवं वयासी-णो खलु जमाली ! केवलिस्स णाणे वा दंसणे वा सेलंसि वा थंभंसि
वा थूंभंसि वा आवरिज्जइ वा णिवारिज्जइ वा, जइ णं तुमं जमाली ! उप्पन्नणाणदं-
सणधरे अरहा जिणे केवली भविता केवलिवक्कमणेणं अवक्कंते तो णं इमाइं दो
वागरणाइं वागरेहि-सासए लोए जमाली ! असासए लोए जमाली ? सासए जीवे
जमाली ! असासए जीवे जमाली ? तए णं से जमाली अणगारे भगवया गोयमेणं
एवं बुत्ते समणे संकिए कंखिए जाव कलुससमावच्चे जाए यावि होत्था, णो संचाएइ
भगवओ गोयमस्स किंचिवि पमोक्खमाइक्खित्तए नुत्तिणीए संच्चिट्ठइ, जमालीति
समणे भगवं महावीरं जमालि अणगारं एवं वयासी-अत्थि णं जमाली ! ममं बहुवे अंते-
वासी समणा निग्गंथा छउमत्था जे णं पभू एयं वागरणं वागरित्तए जहा णं अहं, नो
च्चेव णं एयप्पगारं भासं भासित्तए जहा णं तुमं, सासए लोए जमाली ! जन्न कयाइ
णासि ण कयाइ ण भवइ ण कयाइ ण भविस्सइ भुवि च्च भवइ य भविस्सइ य भुवे
णिइए सासए अक्खए अव्वए अवट्टिए णिच्चे, असासए लोए जमाली ! जओ

ओसपिणी भविता उस्सपिणी भवइ उस्सपिणी भविता ओसपिणी भवइ, सामए जीवे जमाली ! जं न कयाइ णासि जाव णिच्चे, असासए जीवे जमाली ! जन्ने नेरइए भविता तिरिक्खजोणिए भवइ तिरिक्खजोणिए भविता मणुस्से भवइ मणुस्से भविता देवे भवइ । तए णं से जमाली अणगारे समणस्स भगवओ महावीरस्स एवमाइक्खमाणस्स जाव एवं परूवेमाणस्स एयमट्ठं णो सद्दहइ णो पत्तियइ णो रोएइ एयमट्ठं असद्दहमाणे अपत्तियमाणे अरोएमाणे दोच्चंपि ममणस्स भगवओ महावीरस्स अतियाओ आयाए अवक्कमइ दोच्चंपि आयाए अवक्कमिता बहूहिं असम्भावुम्भावणाहिं मिच्छत्ताभिणिवेसेहि य अप्पाणं च परं च तदुभयं च युग्गाहेमाणे वुप्पाएमाणे बहूइं वासाइं सामन्नपरियाणं पाउणइ २ ता अद्दमासियाए सत्तेहणाए अत्ताण झसैइ अ०२ ता तीसं भत्ताइं अणसणाए छेदेइ २ ता तस्स ठाणस्स अणालोइयपडिक्कंते कालमासे कालं किच्चा लंतए कप्पे नेरससागरोवमट्ठिएसु देवकिव्विसिएसु देवसु देवकिव्विसियत्ताए उववन्ने ॥ ३८६ ॥ तए णं से भगवं गोयमे जमालि अणगारं कालगयं जाणित्ता जेणेव समणे भगवं महावीरे तेणेव उवागच्छइ ते० २ ता समणं भगवं महावीरं वंदइ नमंसइ २ ता एवं वयासी-एवं खलु देवाणुप्पियाणं अतेवासी कुसिस्से जमाली णामं अणगारे से णं भंते । जमाली अणगारे कालमासे कालं किच्चा कहिं गए कहिं उववन्ने ? गोयमाइ समणे भगवं महावीरे भगवं गोयमं एवं वयासी-एवं खलु गोयसा । ममं अतेवासी कुसिस्से जमाली नामं अणगारे से णं तथा मम एवं आइक्खमाणस्स ४ एयमट्ठं णो सद्दहइ ३ एयमट्ठं असद्दहमाणे ३ दोच्चंपि ममं अतियाओ आयाए अवक्कमइ २ ता बहूहिं असम्भावुम्भावणाहिं तं चव जाव देवकिव्विसियत्ताए उववन्ने ॥ ३८७ ॥ कइविहा णं भंते ! देवकिव्विसिया प० ? गोयमा ! तिविहा देवकिव्विसिया प०, तंजहा-तिपलिओवमट्ठिएया तिसागरावमट्ठिएया नेरससागरोवमट्ठिएया, कहिं णं भंते ! तिपलिओवमट्ठिएया देवकिव्विसिया परिवसति ? गोयमा ! उप्पि जोइसियाणं हिट्ठिं सोहम्मसाणेसु कप्पेसु एत्थ णं तिपलिओवमट्ठिएया देवकिव्विसिया परिवसति । कहिं णं भंते ! तिसागरोवमट्ठिएया देवकिव्विसिया परिवसति ? गोयमा ! उप्पि सोहम्मसाणाणं कप्पाणं हिट्ठिं सणंक्कमारमाहिं देसु कप्पेसु एत्थ णं तिसागरोवमट्ठिएया देवकिव्विसिया परिवसति, कहिं णं भंते । तेरससागरोवमट्ठिएया देवकिव्विसिया देवा परिवसति ? गोयमा ! उप्पि बंभलोगस्स कप्पस्स हिट्ठिं लंतए कप्पे एत्थ णं तेरससागरोवमट्ठिएया देवकिव्विसिया देवा परिवसति । देवकिव्विसिया णं भंते । केसु कम्मदाणेसु देवकिव्विसियत्ताए उववत्तारो भवंति ? गोयमा । जे इमं जीवा आयरियपडिणीया उवज्जायपडिणीया कुलपडिणीया गणपडिणीया संघ-

पडिणीया आयरियउवज्जायाणं अयसकरा अब्जकरा अकित्तिकरा बहूहि अस-
 व्भावुभावणाहिं मिच्छताभिनिवेसेहि य अप्पाणं च ३ वुग्गाहेमाणा वुप्पाएमाणा
 बहूई वासाई सामन्नपरियागं पाउणंति २ ता तस्स ठाणस्स अणालोदयपडिक्कंता
 कालमासे कालं किञ्चा अन्नयरेसु देवकिव्विसिएसु देवकिव्विसियत्ताए उववत्तारो
 भवति, तंजहा-तिपल्लिओवमट्टिइएसु वा तिसागरोवमट्टिइएसु वा तेरससागरोव-
 मट्टिइएसु वा । देवकिव्विसिया णं भंते । ताओ देवलोगाओ आउक्खएणं भवक्खएणं
 ठिइक्खएणं अणंतर चयं चइत्ता कहिं गच्छंति कहिं उववज्जंति ? गोयमा । जाव
 चत्तारि पंच नेरइयतिरिक्खजोणियमणुस्स देवभवग्गहणाई संसारं अणुपरियट्ठिता
 तओ पच्छा सिज्जंति वुज्जंति जाव अंतं करेति, अत्येगइया अणाइयं अणवदग्गं
 वीहमदं चाउरंतंसंसारकंतारं अणुपरियट्ठंति ॥ जमाली णं भंते । अणगारे अरसाहारे
 विरसाहारे अंताहारे पंताहारे ल्हाहारे तुच्छाहारे अरसजीवी विरसजीवी जाव तुच्छ-
 जीवी उवसंनजीवी पसंतजीवी विविज्जीवी ? हंता गोयमा । जमाली णं अणगारे
 अरसाहारे विरसाहारे जाव विवित्तजीवी । जइ णं भंते । जमाली अणगारे अरसा-
 हारे विरसाहारे जाव विवित्तजीवी कम्हा णं भंते । जमाली अणगारे कालमासे
 कालं किञ्चा लंतए कप्पे तेरससागरोवमट्टिइएसु देवकिव्विसिएसु देवेसु देवकिव्वि-
 सियत्ताए उववन्ने ? गोयमा । जमाली णं अणगारे आयरियपडिणीए उवज्जाय-
 पडिणीए आयरियउवज्जायाणं अयसकारए जाव वुप्पाएमाणे बहूई वासाई सामन्न-
 परियागं पाउणित्ता अद्दमासियाए संळेहणाए तीसं भत्ताई अणसणाए छेदेइ तीसं
 २ ता तस्स ठाणस्स अणालोदयपडिक्कंते कालमासे कालं किञ्चा लंतए कप्पे जाव
 उववन्ने ॥ ३८८ ॥ जमाली णं भंते । देवे ताओ देवलोयाओ आउक्खएणं जाव
 कहिं उववज्जिहिइ ? गोयमा । चत्तारि पंच तिरिक्खजोणियमणुस्स देवभवग्गहणाई
 संसारं अणुपरियट्ठिता तओ पच्छा सिज्जिहिइ जाव अंतं काहिइ । सेवं भंते ।
 २ ति ॥ ३८९ ॥ **जमाली समत्तो ॥ नवमसए ३३ इमो उद्देशो समत्तो ॥**
 तेरं कालेणं तेणं समएणं रायगिहे जाव एवं वयासी-पुरिसे णं भंते । पुरिसं
 हणमाणे किं पुरिसं हणइ नोपुरिसं हणइ ? गोयमा । पुरिसंपि हणइ नोपुरि(सेवि)संपि
 हणइ, से केणट्ठेणं भंते ! एवं वुच्चइ पुरिसंपि हणइ नोपुरिसंपि हणइ ? गोयमा ।
 तस्स णं एवं भवइ एवं खलु अहं एगं पुरिसं हणाभि से णं एगं पुरिसं हणमाणे अणे-
 गजीवा हणइ, से तेणट्ठेणं गोयमा । एवं वुच्चइ पुरिसंपि हणइ नोपुरिसंपि हणइ ।
 पुरिसे णं भंते । आसं हणमाणे किं आसं हणइ नोआसे हणइ ? गोयमा । आसंपि
 हणइ नोआसेवि हणइ, से केणट्ठेणं अट्ठो तहेव, एवं हत्थि सीहं वग्घं जाव चिह्न-

लगं । पुरिसे णं भंते ! अन्नयरं तसपाणं हणमाणे किं अन्नयरं तसपाणं हणइ नोअ-
 न्नयरं तसपाणे हणइ ? गोयमा । अन्नयरंपि तसपाणं हणइ नोअन्नयरंवि तसे पाणे
 हणइ, से केणट्टेणं भंते । एवं वुच्चइ अन्नयरंपि तसं पाणं हणइ नोअन्नयरंवि तसे पाणे
 हणइ ? गोयमा । तस्स णं एवं भवइ एवं खलु अहं एगं अन्नयरं तसं पाणं हणामि
 से णं एगं अन्नयरं तसं पाणं हणमाणे अणेगे जीवे हणइ, से तेणट्टेणं गोयमा । तं
 चेव, एए सव्वेवि एक्कगमा । पुरिसे णं भंते । इसि हणमाणे किं इसि हणइ नोइसि
 हणइ ? गोयमा । इसिपि हणइ नोइसिपि हणइ, से केणट्टेणं भंते । एवं वुच्चइ जाव
 नोइसिपि हणइ ? गोयमा । तस्स णं एवं भवइ एवं खलु अहं एगं इसि हणामि, से
 णं एगं इसि हणमाणे अणंते जीवे हणइ, से तेणट्टेणं निक्खेवओ । पुरिसे णं भंते । पुरिसं
 हणमाणे किं पुरिसवेरेणं पुट्टे नोपुरिसवेरेणं पुट्टे ? गोयमा । नियमा ताव पुरिसवेरेणं
 पुट्टे, अहवा पुरिसवेरेणं य गोपुरिसवेरेणं य पुट्टे अहवा पुरिसवेरेणं य नोपुरिसवेरेहि
 य पुट्टे, एवं आसं एवं जाव चिल्लगं जाव अहवा चिल्लगवेरेणं य गोचिल्लगवेरेहि य
 पुट्टे, पुरिसे णं भंते ! इसि हणमाणे किं इसिवेरेणं पुट्टे नोइसिवेरेणं पुट्टे ? गोयमा ।
 नियमा इसिवेरेणं य नोइसिवेरेहि य पुट्टे ॥ ३९० ॥ पुढविकाइया णं भंते । पुढविकाइयं
 चेव आणमंति वा पाणमंति वा ऊससंति वा नीससंति वा ? हंता गोयमा ! पुढवि-
 काइया पुढविकाइयं चेव आणमंति वा जाव नीससंति वा । पुढविकाइया णं भंते !
 आउक्काइयं आणमंति वा जाव नीससंति वा ? हंता गोयमा ! पुढविकाइया आउक्काइयं
 आणमंति वा जाव नीससंति वा, एवं तेउक्काइयं वाउक्काइयं एवं वणस्सइकाइयं ।
 आउक्काइया णं भंते ! पुढविकाइयं आणमंति वा पाणमंति वा ? एवं चेव, आउ-
 क्काइया णं भंते । आउक्काइयं चेव आणमंति वा ? एवं चेव, एवं तेउवाउवणस्सइ-
 काइयं । तेउक्काइया णं भंते । पुढविकाइयं आणमंति वा ? एवं जाव वणस्सइकाइया
 णं भंते । वणस्सइकाइयं चेव आणमंति वा ? तहेव । पुढविकाइए णं भंते । पुढविका-
 इयं चेव आणममाणे वा पाणममाणे वा ऊससमाणे वा नीससमाणे वा कइकिरिए ?
 गोयमा । सिय तिकिरिए सिय चउकिरिए सिय पंचकिरिए, पुढविकाइए णं भंते ! आउ-
 क्काइय आणममाणे वा ? एवं चेव, एवं जाव वणस्सइकाइयं, एवं आउक्काइएणवि सव्वे
 भाणियन्वा, एवं तेउक्काइएणवि, एवं वाउक्काइएणवि, जाव वणस्सइकाइए णं भंते ।
 वणस्सइकाइयं चेव आणममाणे वा ? पुच्छा, गोयमा । सिय तिकिरिए सिय चउ-
 किरिए सिय पंचकिरिए ॥ ३९१ ॥ वाउक्काइए णं भंते ! व्खस्स मूलं पचाळेमाणे वा
 पवाळेमाणे वा कइकिरिए ? गोयमा । सिय तिकिरिए सिय चउकिरिए सिय पंचकि-
 रिए । एवं कंदं एवं जाव मूलं, बीयं पचाळेमाणे वा ? पुच्छा, गोयमा ! सिय तिकिरिए

सिय चउकिरिए सिय पंचकिरिए । सेवं भंते । सेवं भंते । ति ॥ ३५२ ॥ नवम-
सए चउत्तीसइमो उहेसो समत्तो ॥ नवमं सयं समत्तं ॥

गाहा—दिसि १ संवुडअणगारे २ आइह्वी ३ सामहत्थि ४ देवि ५ सभा ६ ।
उत्तरअंतररीवा २८ दसमंमि सयंमि चोत्तीसा ॥३४॥ रायगिहे जाव एवं वयासी-
किमियं भंते । पाईणत्ति पवुच्चइ ? गोयमा । जीवा चेव अजीवा चेव, किमियं भंते ।
पवीणत्ति पवुच्चइ ? गोयमा ! एवं चेव, एवं दाहिणा, एवं उदीणा, एवं उट्ठा, एवं
अहोवि । कइ णं भंते । दिसाओ पण्णत्ताओ ? गोयमा । दस दिसाओ पण्णत्ताओ,
तंजहा—पुरच्छिमा १ पुरच्छिमदाहिणा २ दाहिणा ३ दाहिणपच्चत्थिमा ४ पच्चत्थिमा
५ पच्चत्थिमुत्तरा ६ उत्तरा ७ उत्तरपुरच्छिमा ८ उट्ठा ९ अहो १० । एयासि णं
भंते ! दसण्हं दिमाणं कइ णामधेज्जा पण्णत्ता ? गोयमा ! दस नामधेज्जा पण्णत्ता,
तंजहा—इंदा १ अगोई २ जमा य ३ नेरई ४ वारुणी य ५ वायव्वा ६, सोमा ७
ईमाणी य ८ विमला य ९ तमा य १० बोद्धव्वा । इंदा णं भंते ! दिसा किं जीवा
जीवदेसा जीवपएसा अजीवा अजीवदेसा अजीवपएसा ? गोयमा ! जीवावि ३ तं
चेव जाव अजीवपएसावि, जे जीवा ते नियमा एगिदिया बेइंदिया जाव पंचिदिया
अणिदिया, जे जीवदेसा ते नियमा एगिदियदेसा जाव अणिदियदेसा, जे जीवपएसा
ते नियमा एगिदियपएसा बेइंदियपएसा जाव अणिदियपएसा, जे अजीवा ते दुविहा
पत्तत्ता, तंजहा—रूवी अजीवा य अरूवी अजीवा य, जे रूवी अजीवा ते चउच्चिहा
पत्तत्ता, तंजहा—खंधा १ खंधदेसा २ खंधपएसा ३ परमाणुपोगगला ४, जे अरूवी
अजीवा ते सत्तविहा पत्तत्ता, तंजहा—नोधम्मत्थिकाए धम्मत्थिकायस्स देसे, धम्म-
त्थिकायस्स पएसा, नोधम्मत्थिकाए अधम्मत्थिकायस्स देसे, अधम्मत्थिकायस्स
पएसा, नोआगासत्थिकाए आगासत्थिकायस्स देसे, आगासत्थिकायस्स पएसा, अद्धा-
मए ॥ अगोई णं भंते ! दिसा किं जीवा जीवदेसा जीवपएसा० ? पुच्छा, गोयमा ।
णोजीवा जीवदेसावि १ जीवपएसावि २ अजीवावि १ अजीवदेसावि २ अजीवप-
एसावि ३, जे जीवदेसा ते नियमा एगिदियदेसा अहवा एगिदियदेसा य बेइंदि-
यस्स देसे १ अहवा एगिदियदेसा य बेइंदियस्स देसा २ अहवा एगिदियदेसा य
बेइंदियाण य देसा ३ अहवा एगिदियदेसा तेइंदियस्स देसे एवं चेव तियमंगो
भाणियव्वो एवं जाव अणिदियाणं तियमंगो, जे जीवपएसा ते नियमा एगिदिय-
पएसा अहवा एगिदियपएसा य बेइंदियस्स पएसा अहवा एगिदियपएसा य
बेइंदियाण य पएसा एवं आइह्विरहिओ जाव अणिदियाणं, जे अजीवा ते दुविहा
पत्तत्ता, तंजहा—रूवी अजीवा य अरूवी अजीवा य, जे रूवी अजीवा ते चउच्चिहा

पन्नता, तंजहा—खंधा जाव परमाणुपोगगला ४, जे अरूवी अजीवा ते सत्तविहा पन्नता, तंजहा—नोधम्मत्थिकाए धम्मत्थिकायस्स देसे धम्मत्थिकायस्स पएमा एवं अधम्मत्थिकायस्सवि जाव आगासत्थिकायस्स पएसा अद्दासमए । विदिसासु नत्थि जीवा देसे भंगो य होइ सब्वत्थ । जमा णं भंते ! दिसा किं जीवा० ? जहा इंदा तहेव निरवसेसा, नेरइ य जहा अग्गेई, वारुणी जहा इंदा, वायव्वा जहा अग्गेई, सोमा जहा इंदा, ईसाणी जहा अग्गेई, विमलाए जीवा जहा अग्गेई, अजीवा जहा इंदा, एवं तमाएवि, नवर अरूवी छव्विहा अद्दासमओ न भन्नइ ॥ ३९३ ॥ कइ णं भंते ! सरीरा पन्नता ? गोयमा । पंच सरीरा पन्नता, तंजहा—ओरालिए जाव कम्मए । ओरालियसरीरे णं भंते ! कइविहे पन्नते ? एवं ओगाहणसट्ठाणं निरवसेस भाणियव्वं जाव अप्पाबहुगंति । सेवं भंते ! सेवं भंते ! ति ॥ ३९४ ॥ दसमे सए पढमो उद्देसो समत्तो ॥

रायगिहे जाव एवं वयासी—संबुडस्स णं भंते ! अणगारस्स वीइपंधे टिच्चा पुरओ रूवाई निज्जायमाणस्स भग्गओ रूवाई अवयक्खमाणस्स पासओ रूवाई अवलोए-माणस्स उड्डं रूवाई ओलोएमाणस्स अहे रूवाई आलोएमाणस्स तस्स णं भंते ! कि इरियावहिया किरिया कज्जइ संपराइया किरिया कज्जइ ? गोयमा । संबुडस्स णं अणगारस्स वीइपंधे टिच्चा जाव तस्स णं णो इरियावहिया किरिया कज्जइ संपराइया किरिया कज्जइ, से केणट्टेणं भंते । एवं बुच्चइ सबुडस्स जाव संपराइया किरिया कज्जइ ? गोयमा । जस्स णं कोहमाणमायालोभा एवं जहा सत्तमसए पढमोद्दंमए जाव से णं उस्सुत्तमेव रीयइ, से तेणट्टेणं जाव संपराइया किरिया कज्जइ । संबुडस्स णं भंते ! अणगारस्स अवीइपंधे टिच्चा पुरओ रूवाई निज्जायमाणस्स जाव तस्स णं भंते ! कि इरियावहिया किरिया कज्जइ० ? पुच्छा, गोयमा । संबुड० जाव तस्स णं इरियावहिया किरिया कज्जइ नो संपराइया किरिया कज्जइ, से केणट्टेणं भंते ! एवं बुच्चइ जहा सत्तमे सए पढमोद्देसए जाव से णं अहासुत्तमेव रीयइ से तेणट्टेणं जाव नो संपराइया किरिया कज्जइ ॥ ३९५ ॥ कइविहा णं भंते ! जोणी प० ? गोयमा । तिविहा जोणी प०, तंजहा—सीया उस्सिणा सीओस्सिणा, एवं जोणीपयं निरवसेसं भाणियव्वं ॥ ३९६ ॥ कइविहा णं भंते ! वेयणा प० ? गोयमा । तिविहा वेयणा प०, तंजहा—सीया उस्सिणा सीओस्सिणा, एवं वेयणापयं निरवसेसं भाणियव्वं जाव नेरइया णं भंते ! कि दुक्खं वेयणं वेदंति सुहं वेयणं वेयंति अदुक्खमसुहं वेयणं वेयंति ? गोयमा । दुक्खंपि वेयणं वेयंति सुहंपि वेयणं वेयंति अदुक्खमसुहंपि वेयणं वेयंति ॥ ३९७ ॥ मास्सियणं भंते ! भिक्खुपडिअं पडिबन्नस्स अणगारस्स

निचं वोसट्टकाए चियत्तदेहे, एवं मासिया भिक्खुपडिमा निरवसेसा भाणियव्वा [जहा दसाहिं] जाव आराहिया भवइ ॥ ३९८ ॥ भिक्खू य अन्नयरं अकिच्चट्टाणं पडिसेविता से णं तस्स ठाणस्स अणालोइयपडिक्कंते कालं करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा, भिक्खू य अन्नयरं अकिच्चट्टाणं पडिसेविता तस्स णं एवं भवइ पच्छावि णं अहं च(रि)रमकालसमयंसि एयस्स ठाणस्स आलोएस्सामि जाव पडिवाज्जिस्सामि, से णं तस्स ठाणस्स अणालोइयपडिक्कंते जाव नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा, भिक्खू य अन्नयरं अकिच्चट्टाणं पडिसेविता तस्स णं एवं भवइ-जइ ताव समणोवासगावि कालमासे कालं किच्चा अन्नयरेसु देवलोएसु देवताए उववत्तारो भवंति किमंग पुण अहं अन्नपन्नियदेवत्तणंपि नो लभिस्सामिन्ति कट्टु से णं तस्स ठाणस्स अणालोइयपडिक्कंते कालं करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा । सेवं भंते । सेवं भंते । ति ॥ ३९९ ॥ **दसमसयस्स वीथो उडेसो समत्तो ॥**

रायगिहे जाव एवं वयासी-आइड्डीए णं भंते ! देवे जाव चत्तारि पंच देवावा-संतराई वीड्ढंते तेण परं परिड्डीए ? हुंता गोयमा । आइड्डीए णं तं चेव, एवं असुर-कुमारेवि, नवरं असुरकुमारावासंतराई सेसं तं चेव, एव एएणं कमेणं जाव धणिय-कुमारे, एवं वाणमंतरजोइसियवेमाणिए जाव तेण परं परिड्डीए । अप्पिड्डीए णं भंते ! देवे से महिन्डियस्स देवस्स मज्झंमज्झेणं वीड्ढएज्जा ? गोयमा ! णो इणट्ठे समट्ठे । समिड्ढिए णं भंते । देवे समिन्डियस्स देवस्स मज्झंमज्झेणं वीड्ढएज्जा ? णो इणट्ठे समट्ठे, पमत्तं पुण वीड्ढएज्जा, से णं भंते ! किं विमोहिता पभू अविमोहिता पभू ? गोयमा ! विमोहेत्ता पभू नो अविमोहेत्ता पभू । से भंते ! किं पुब्बि विमोहेत्ता पच्छा वीड्ढएज्जा पुब्बि वीड्ढएत्ता पच्छा विमोहेज्जा ? गोयमा ! पुब्बि विमोहेत्ता पच्छा वीड्ढएज्जा णो पुब्बि वीड्ढएत्ता पच्छा विमोहेज्जा । महिन्डिए णं भंते । देवे अप्पिन्डियस्स देवस्स मज्झंमज्झेणं वीड्ढएज्जा ? हुंता वीड्ढएज्जा, से णं भंते ! किं विमोहिता पभू अविमोहेत्ता पभू ? गोयमा ! विमोहेत्तावि पभू अविमोहेत्तावि पभू, से भंते । किं पुब्बि विमोहेत्ता पच्छा वीड्ढएज्जा पुब्बि वीड्ढएत्ता पच्छा विमोहेज्जा ? गोयमा ! पुब्बि वा विमोहेत्ता पच्छा वीड्ढएज्जा पुब्बि वा वीड्ढएत्ता पच्छा विमो-हेज्जा । अप्पिन्डिए णं भंते । असुरकुमारे महिन्डियस्स असुरकुमारेणस्स मज्झंमज्झेणं वीड्ढएज्जा ? णो इणट्ठे समट्ठे, एवं असुरकुमारेणस्स तिजि आलावगा भाणियव्वा जहा ओहिणं देवेणं भणिया, एवं जाव धणियकुमा(रा)रेणं, वाणमंतरजोइसियवेमाणिएणं

एवं चैव । अप्पिड्डिया णं भंते ! देवे महिड्डियाए देवीए मज्झंमज्झेणं वीइवएजा ? णो इण्ठे समट्ठे, समिड्डियाए णं भंते ! देवे समिड्डियाए देवीए मज्झंमज्झेणं ०; एवं तहेव देवेण य देवी(ण)ए य दंडओ भाणियव्वो जाव वेमाणि(या)ए । अप्पिड्डिया णं भंते ! देवी महिड्डियस्स देवस्स मज्झंमज्झेणं एवं एसोवि तइओ दंडओ भाणियव्वो जाव महिड्डिया वेमाणिणी अप्पिड्डियस्स वेमाणियस्स मज्झंमज्झेणं वीइवएजा ? हंता वीइवएजा । अप्पिड्डिया णं भंते ! देवी महिड्डियाए देवीए मज्झंमज्झेणं वीइवएजा ? णो इण्ठे समट्ठे, एवं समिड्डिया देवी समिड्डियाए देवीए तहेव, महिड्डियावि देवी अप्पिड्डियाए देवीए तहेव, एवं एक्केत्तं तिज्जि २ आलावगा भाणियव्वा जाव महिड्डिया णं भंते ! वेमाणिणी अप्पिड्डियाए वेमाणिणीए मज्झंमज्झेणं वीइवएजा ? हंता वीइवएजा, सा भंते ! किं विमोहिता पभू तहेव जाव पुव्वि वा वीइवइता पच्छा विमोहेजा एए चत्तारि दंडगा ॥ ४०० ॥ आसस्स णं भंते ! धावमाणस्स किं खुवुत्ति करेइ ? गोयमा ! आसस्स णं धावमाणस्स हिययस्स य जगयस्स य अतरा एत्थ णं क(क्क)ब्बडए नामं चाए संमुच्छइ जे णं आसस्स धावमाणस्स खुवुत्ति करेइ ॥ ४०१ ॥ अहं भंते ! आसइस्सामो सइस्सामो चिट्ठिस्सामो निसीइस्सामो तुयट्ठिस्सामो, आमंतणि आणवणी जायणी नहं पुच्छणी य पण्णवणी । पक्कवणी भासा भासा इच्छाणलोमा य ॥१॥ अणभिग्गहिया भासा भासा य अभिग्गहंमि बोद्धव्वा । संसयकरणी भासा वीयडमव्वोयडा चैव ॥ २ ॥ पन्नवणी णं एसा भासा न एसा भासा मोसा ? हंता गोयमा ! आसइस्सामो तं चैव जाव न एसा भासा मोसा । सेवं भंते ! सेवं भंते ! ति ॥ ४०२ ॥ **दसमे सए तइओ उहेसो समत्तो ॥**

तेणं कालेणं तेणं समएणं वाणियगामे नामं नयरे होत्था वज्जओ, दइपळासए उजाणे, सामी समोसडे जाव परिमा पडिगया । तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूई नामं अणगारे जाव उड्डंजाणू जाव विहरइ । तेणं कालेणं तेणं समएणं समणस्स भगवओ महावीरस्स अंतेवासी सामहत्थी नामं अणगारे पगइभइए जहा रोहे जाव उड्डंजाणू जाव विहरइ, तए णं से सामहत्थी अणगारे जायसण्णे जाव उट्टाए उट्टेता जेणेव भगवं गोयमे तेणेव उवागच्छइ तेणेव उवागच्छित्ता भगवं गोयमं तिक्खुत्तो जाव पज्जुवासमाणे एवं वयासी-अत्थि णं भंते । चमरस्स असुरिंदस्स असुरकुमाररण्णो तायत्तीसगा देवा ? हंता अत्थि, से केणट्ठेणं भंते ! एवं बुब्बइ चमरस्स असुरिंदस्स असुरकुमाररण्णो तायत्तीसगा देवा २ ? एवं खलु सामहत्थी ! तेणं कालेणं तेणं समएणं इहेव जंबुद्वीपे २ भारहे वासे कायंसी नामं नयरी होत्था वज्जओ, तत्थ णं कायंसीए नय-

रीए तायत्तीस सहाया गाहावई समणोवासगा परिवसन्ति अद्वा जाव अपरिभूया अभिगयजीवाजीवा उवल्लदपुण्णपावा जाव विहरन्ति, तए णं ते तायत्तीसं सहाया गाहावई समणोवासगा पुक्खि उरगा उग्गविहारी संविग्गा संविग्गविहारी भवित्ता तओ पच्छा पासत्था पासत्थविहारी ओसन्ना ओसन्नविहारी कुसीला कुसीलविहारी अहाहंदा अहाहंदविहारी बहुइं वासाइं समणोवासगपरियागं पाउर्णति २ ता अद्ध-मासियाए संळेहणाए अत्ताणं झूसैति अत्ताणं झूसैत्ता तीसं भत्ताइं अणसणाए छेदँति २ ता तस्स ठाणस्स अणालोइयपडिक्कंता कालमासे कालं किच्चा चमरस्स असुरिंदस्स असुरकुमाररत्तो तायत्तीसगदेवत्ताए उववन्ना, जप्पभिइं च णं भंते ! कायंदगा तायत्तीसं सहाया गाहावई समणोवासगा चमरस्स असुरिंदस्स असुरकुमाररत्तो ताय-त्तीसगदेवत्ताए उववन्ना तप्पभिइं च णं भंते ! एवं वुच्चइ चमरस्स असुरिंदस्स असुर-कुमाररत्तो तायत्तीसगा देवा २ ? (तत्थ)तए णं भगवं गोयमे सामहत्थिणा अणगारेणं एवं वुत्ते समाणे संकिए कंखिए विनिगिच्छिए उट्ठाए उट्ठेइ उट्ठाए उट्ठेत्ता सामह-त्थिणा अणगारेणं मद्धिं जेणेव समणे भगवं महावीरे तेणेव उवागच्छइ तेणेव उवागच्छित्ता समणं भगवं महावीरं वंदइ नमंमइ वंदित्ता नमंसित्ता एवं वयासी-अत्थि णं भंते ! चमरस्स असुरिंदस्स असुररण्णो तायत्तीसगा देवा २ ? हंता अत्थि, से केणट्ठेणं भंते ! एवं वुच्चइ ? एवं तं चेव सव्वं भाणियव्वं जाव तप्पभिइं च णं एवं वुच्चइ चमरस्स असुरिंदस्स असुरकुमाररत्तो तायत्तीसगा देवा २ ? गो इणट्ठे समट्ठे, एवं खलु गोयमा ! चमरस्स णं असुरिंदस्स असुरकुमाररत्तो तायत्तीसगणं देवाणं सासए नामधेज्जे पण्णत्ते, जं न कयाइ नासी न कयाइ न भवइ ण कयाइ ण भविस्सइ जाव निच्चे अब्बोच्छित्तिनयट्ठयाए अच्चे चयंति अच्चे उववज्जंति । अत्थि णं भंते ! बलिस्स वइरोयणिदस्स वइरोयणरत्तो तायत्तीसगा देवा २ ? हंता अत्थि, से केणट्ठेणं भंते ! एवं वुच्चइ बलिस्स वइरोयणिदस्स जाव तायत्तीसगा देवा २ ? एवं खलु गोयमा ! तेणं कालेणं तेणं समएणं इहेव जंबुद्दीवे २ भारहे वासे बिभेळे णामं संनिवेसे होत्था वज्जओ, तत्थ णं बिभेळे संनिवेसे जहा चमरस्स जाव उव-वन्ना, जप्पभिइं च णं भंते ! ते बिभेलगा तायत्तीसं सहाया गाहावई समणोवा-सगा बलिस्स वइरोयणिदस्स सेसं तं चेव जाव निच्चे अब्बोच्छित्तिणयट्ठयाए अच्चे चयंति अच्चे उववज्जंति । अत्थि णं भंते ! धरणस्स णागकुमारिंदस्स नागकुमाररत्तो तायत्तीसगा देवा २ ? हंता अत्थि, से केणट्ठेणं जाव तायत्तीसगा देवा २ ? गोयमा ! धरणस्स नागकुमारिंदस्स नागकुमाररत्तो तायत्तीसगणं देवाणं सासए नामधेज्जे पण्णत्ते जं न कयाइ नासी जाव अच्चे चयंति अच्चे उववज्जंति, एवं भूयाणंदस्सवि,

एवं जाव महाघोसस्स । अत्थि णं भंते ! सक्कस्स देविंदस्स देवरत्तो० पुच्छा, हंता अत्थि, से केणट्ठेणं भंते । जाव तायत्तीसगा देवा २ ? एवं खलु गोयमा । तेणं कालेणं तेणं समएणं इहैव जंबुदीवे बीवे भारहे वासे पालासए(वालाए) नामं सनिवेसे होत्था वन्नओ, तत्थ णं पालासए सन्निवेसे तायत्तीस सहाया गाहावई समणोवासगा जहा चमरस्स जाव विहरंति, तए णं ते तायत्तीसं सहाया गाहावई समणोवासगा पुर्विपि पच्छावि उग्गा उग्गविहारी सविग्गा संविग्गविहारी बहूइं वासाइं समणोवासगपरियाग पाउणंति पाउणित्ता मासियाए सलेहणाए अत्ताणं झ्सेन्ति झ्सेत्ता सट्ठि भत्ताइं अणसणाए छेदंति २ ता आलोइयपडिक्कंता समाहिपत्ता कालमासे कालं किच्चा जाव उववन्ना, जप्पभिइं च णं भंते ! पालासिगा नायत्तीसं सहाया गाहावई समणोवासगा सेसं जहा चमरस्स जाव अण्णे उववजंति । अत्थि णं भंते ! ईसाणस्स ३ एवं जहा सक्कस्स नवरं चंपाए नयरीए जाव उववन्ना, जप्पभिइं च णं भंते ! चंपिज्जा तायत्तीसं सहाया० सेसं तं चेव जाव अण्णे उववजंति । अत्थि णं भंते ! सणंकुमारस्स देविंदस्स देवरत्तो० पुच्छा, हंता अत्थि, से केणट्ठेणं जहा धरणस्स तहेव एवं जाव पाणयस्स एवं अच्चुयस्स जाव अण्णे उववजंति । सेवं भंते ! सेवं भंते ! ति ॥४०३॥

दसमस्स सयस्स चउत्थो उद्देसओ समत्तो ॥

तेणं कालेणं तेणं समएणं रायगिहे नामं नगरे गुणसिलए उज्जाणे जाव परिसा पडिगया, तेणं कालेणं तेणं समएणं समणस्स भगवओ महावीरस्स बहवे अतेवासी थेरा भगवंतो जाइमंपन्ना जहा अट्ठमे सए अत्तमुद्देसए जाव विहरंति । तए णं ते थेरा भगवंतो जायसद्दा जाव संसया जहा गोयमसामी जाव पज्जुवासमाणा एवं वयासी-चमरस्स णं भंते ! असुरिंदस्स असुरकुमाररत्तो कइ अग्गमहिस्सीओ पज्जत्ताओ ? अज्जो ! पंच अग्गमहिस्सीओ पज्जत्ताओ, तंजहा-काली राई रयणी विज्जु मेहा, तत्थ णं एगमेगाए देवीए अट्ठट्ठ देविसहस्सा परिवारो पज्जत्तो, पभू णं भंते । ताओ एगमेगा देवी अत्ताइं अट्ठट्ठ देवीसहस्साइं परि(या)वारं विउच्चित्तए ? एवामेव सपुच्चावरेणं चत्तात्तीसं देवीसहस्सा, से णं तुडिए, पभू णं भंते । चमरे असुरिंदे असुरकुमारराया चमरंच्चाए रायहाणीए सभाए सुहम्माए चमरंसि सीहासणंसि तुडिएणं सट्ठि दिव्वाइं भोगभोगाइं भुंजमाणे विहरित्तए ? नो इणट्ठे समट्ठे । पभू णं अज्जो ! चमरे असुरिंदे असुरकुमारराया चमरंच्चाए रायहाणीए सभाए सुहम्माए चमरंसि सीहासणंसि चउसट्ठीए सामाणियसाहस्सीहिं तायत्तीसाए जाव अण्णेहिं च बहूहिं असुरकुमारोहिं देवेहि य देवीहि य सट्ठि संपरिवुडे महयाहय जाव भुंजमाणे विहरित्तए० केवलं परियारिद्धीए नो चेव णं मेहुणवत्तियं ॥ ४०४ ॥ चमरस्स णं भंते ! असुरिंदस्स असुर-

कुमाररत्नो सोमस्स महारत्नो कइ अग्गमहिंसीओ पन्नत्ताओ ? अज्जो ! चत्तारि अग्ग-
महिंसीओ पन्नत्ताओ, तंजहा-कणगा कणगलया चित्तगुत्ता वसुंधरा, तत्थ णं एग-
मेगाए देवीए एगमेगं देविसहस्सं परिवारो पन्नत्तो, पभू णं ताओ एगमेगा(ए) देवी(ए)
अन्नं एगमेगं देविसहस्सं परियारं विउव्वित्तए, एवामेव सपुव्वावरेणं चत्तारि देवि-
सहस्सा, सेत्तं तुडििए, पभू णं भंते ! चमरस्स असुरिंदस्स असुरकुमाररत्नो सोमे
महाराया सोमाए रायहाणीए सभाए सुहम्माए सोमंसि षीहासणंसि तुडििएणं अवसेसं
जहा चमरस्स, नवरं परियारो जहा सूरियाभस्स, सेसं तं चेव, जाव णो चं व णं
मेहुणवत्तियं । चमरस्स णं भंते ! जाव रत्नो जमस्स महारत्नो कइ अग्गमहिंसीओ ?
एवं चं व नवरं जमाए रायहाणीए सेस जहा सोमस्स, एवं वरुणस्सवि, नवरं वरुणाए
रायहाणीए, एवं वेसमणस्सवि नवर वेसमणाए रायहाणीए सेसं तं चेव जाव मेहु-
णवत्तियं । बलिस्स णं भंते ! वड्ढोयणिंदस्स पुच्छा, अज्जो ! पंच अग्गमहिंसीओ
पन्नत्ताओ, तंजहा-सुभा निरुंभा रंभा निरंभा मयणा, तत्थ णं एगमेगाए देवीए
अद्दुद्ध सेसं जहा चमरस्स, नवर बलिवंचाए रायहाणीए परिया(वा)रो जहा मोउड्ढे-
सए, सेसं तं चेव जाव मेहुणवत्तियं । बलिस्स णं भंते ! वड्ढोयणिंदस्स वड्ढोय-
णरत्नो सोमस्स महारत्नो कइ अग्गमहिंसीओ पन्नत्ताओ ? अज्जो ! चत्तारि अग्गम-
हिंसीओ पन्नत्ताओ, तंजहा-मीणगा सुभदा वि(ज्जु)जया अमणी, तत्थ णं एगमेगाए
देवीए सेस जहा चमर(सोम)स्स, एवं जाव वेसमणस्स ॥ धरणस्स णं भंते ! नाग-
कुमारिंदस्स नागकुमाररत्नो कइ अग्गमहिंसीओ पन्नत्ताओ ? अज्जो ! छ अग्गमहिंसीओ
पन्नत्ताओ, तंजहा-इ(अ)ला सु(स)क्का स(ते)दारा सोयामणी ईंदा घणविज्जुया, तत्थ णं
एगमेगाए देवीए छ छ देविसहस्सा परिवारो पन्नत्तो, पभू णं भंते ! ताओ एगमेगा(ए)
देवी(ए) अच्चाइं छ छ देविसहस्साइं परियार विउव्वित्तए एवामेव सपुव्वावरेणं छत्तीसं
देविसहस्साइं, सेत्तं तुडििए । पभू णं भंते ! धरणे सेस तं चेव, नवरं धरणाए राय-
हाणीए धरणंसि षीहासणंसि सओ परिवारो सेसं तं चेव । धरणस्स णं भंते ! नागकु-
मारिंदस्स कालवालस्स लोगवालस्स महारत्नो कइ अग्गमहिंसीओ पन्नत्ताओ ? अज्जो !
चत्तारि अग्गमहिंसीओ पन्नत्ताओ, तंजहा-असोगा विमला सुप्पभा सुदंसणा, तत्थ णं
एगमेगाए देवीए अवसेसं जहा चमरस्स लोगपालाणं, एवं सेसाणं तिण्हवि । भूया-
णंदस्स णं भंते ! पुच्छा, अज्जो ! छ अग्गमहिंसीओ पन्नत्ताओ, तंजहा-रूया रुयंसा
सुरूया ह(रू)यगावईं ह्यकंता ह्यप्पभा, तत्थ णं एगमेगाए देवीए अवसेसं जहा धर-
णस्स, भूयाणंदस्स णं भंते ! नागकुमारस्स वि(च्चि)त्तस्स पुच्छा, अज्जो ! चत्तारि
अग्गमहिंसीओ पन्नत्ताओ, तंजहा-सुणंदा सुभदा सुजाया सुमणा, तत्थ णं एगमेगाए

देवीए अबसेसं जहा चमरलोगपालाणं एवं सेसाणं तिण्हवि लोणपालाणं, जे दाहिणि-
 ळाणिदा तेसिं जहा धरणिंदस्स, लोणपालाणंपि तेसिं जहा धरणस्स लोणपालाणं,
 उत्तरिणाणं इंदाणं जहा भूयाणंदस्स, लोणपालाणवि तेसिं जहा भूयाणंदस्स लोणपा-
 लाणं, नवरं इंदाणं सन्वेसिं रायहाणीओ सीहासणाणि य सरिसणामगाणि, परिवारो
 जहा तइयमए पटमे उद्देसए, लोणपालाणं सन्वेसिं रायहाणीओ सीहासणाणि य सरि-
 सनामगाणि, परिवारो जहा चमरस्स लोणपालाणं । कालस्स णं भंते । पिसाईदस्स
 पिसायरन्नो कइ अग्गमहिंसीओ पन्नत्ताओ ? अज्जो ! चत्तारि अग्गमहिंसीओ पन्न-
 त्ताओ, तंजहा—कमला कमलप्पभा उप्पला सुदंसणा, तत्थ णं एगमेगाए देवीए एग-
 मेगं देविसहस्सं सेसं जहा चमरलोगपालाणं, परिवारो तहेव, नवरं कालाए राय-
 हाणीए कालंसि सीहासणंसि, सेसं तं चेव, एवं महाकालस्सवि । सुखस्स णं भंते !
 भूईदस्स भूयरन्नो पुच्छा, अज्जो ! चत्तारि अग्गमहिंसीओ पन्नत्ताओ, तंजहा—
 रुववई बहुरूवा सुरूवा सुभगा, तत्थ णं एगमेगा(ए) सेसं जहा कालस्स, एवं पडि-
 रुवस्सवि । पुन्नभइस्स णं भंते । जक्खिंदस्स पुच्छा, अज्जो ! चत्तारि अग्गमहिंसीओ
 पन्नत्ताओ, तंजहा—पुञ्जा बहुपुत्तिया उत्तमा तारया, तत्थ णं एगमेगाए सेसं जहा
 कालस्स, एवं माणिभइस्सवि । भीमस्स णं भंते ! रक्खसिंदस्स पुच्छा, अज्जो !
 चत्तारि अग्गमहिंसीओ पन्नत्ताओ, तंजहा—पउमा पउमावई कणगा रयणप्पभा, तत्थ
 णं एगमेगा देवी सेसं जहा कालस्स । एवं महाभीमस्सवि । किन्नरस्स णं भंते ! पुच्छा,
 अज्जो ! चत्तारि अग्गमहिंसीओ पन्नत्ताओ, तंजहा—वड्डेसा केउमई रइसेणा रइप्पिया,
 तत्थ णं सेसं तं चेव, एवं किंपुरिसस्सवि । स(सु)प्पुरिसस्स णं पुच्छा, अज्जो ! चत्तारि
 अग्गमहिंसीओ पन्नत्ताओ, तंजहा—रोहिणी नवमिया हिरी पुप्फवई, तत्थ णं एग-
 मेगा देवी सेसं तं चेव, एवं महापुरिसस्सवि । अइकायस्स णं पुच्छा, अज्जो ! चत्तारि
 अग्गमहिंसीओ प०, तंजहा—भु(य)यंगा भुयंगवई महाकच्छा फुडा, तत्थ णं० सेसं तं
 चेव, एवं महाकायस्सवि । गीयरइस्स णं भंते ! पुच्छा, अज्जो ! चत्तारि अग्गमहिं-
 सीओ प०, तंजहा—सुघोसा विमला सुस्सरा सरस्सई, तत्थ णं०, सेसं तं चेव, एवं
 गीयजसस्सवि, सन्वेसिं एएसिं जहा कालस्स, नवरं सरिसना(मगा)मियाओ रायहा-
 णीओ सीहासणाणि य, सेसं तं चेव । चंदस्स णं भंते ! जोइसिंदस्स जोइसरन्नो पुच्छा,
 अज्जो ! चत्तारि अग्गमहिंसीओ पन्नत्ताओ, तंजहा—चंदप्पभा दोसिणाभा अच्चिमाली
 पभंकरा, एवं जहा जीवाभिगमे जोइसियउद्देसए तहेव, सूरस्सवि सूरप्पभा आ(इष्वा)-
 यवाभा अच्चिमाली पभंकरा, सेसं तं चेव, जाव नो चेव णं मेहुणवत्तिथं । इंगालस्स
 णं भंते ! महग्गइस्स कइ अग्गमहिंसीओ पुच्छा, अज्जो ! चत्तारि अग्गमहिंसीओ

पञ्चताओ, तंजहा-विजया वेजयंती जयंती अपराजिया, तत्थ णं एगमेगाए देवीए सेसं तं चेव जहा चंदस्स, नवरं इंगालवडेंसए विमाणे इंगालगंसि सीहासणंसि सेसं तं चेव, एवं वियालगस्सवि, एवं अट्टासी(ई)एवि महागहाणं भाणियव्वं जाव भावकेउस्स, नवरं वडेसगा सीहासणाणि य सरिसनामगाणि, सेसं तं चेव । सक्कस्स णं भंते ! देविंदस्स देवरजो पुच्छा, अजो ! अट्ट अग्गमहिसीओ पञ्चताओ, तंजहा-पउमा सिवा से(वा)या अज्ज अमला अच्छरा नवमिया रोहिणी, तत्थ णं एगमेगाए देवीए सोलस सोलस देविसहस्सा परिवारो पञ्चतो, पभू णं ताओ एगमेगा देवी अन्नाइं सोलस २ देविसहस्सपरियारं विउव्वित्तए, एवामेव सपुव्वावरेणं अट्टावीसुत्तरं देविसयसहस्स परियारं विउव्वित्तए, सेतं तुडिणं । पभू णं भंते ! सक्क देविंदे देवराया सोहम्मं कपे सोहम्मवडेंसए विमाणे मभाए सुहम्माए सक्कंसि सीहासणंसि तुडिणं सदिं सेसं जहा चमरस्स नवरं परिवारो जहा मोउडेमए । सक्कस्स णं भंते ! देविंदस्स देवरजो सोमस्स महारजो कइ अग्गमहिसीओ पुच्छा, अजो ! चत्तारि अग्गमहिसीओ पञ्चताओ, तंजहा-रोहिणी मयणा च्चिन्ना सोमा, तत्थ णं एगमेगा० सेसं जहा चमरलोगपालाणं, नवरं सयंपभे विमाणे मभाए सुहम्माए सोमंसि सीहासणंसि, सेसं तं चेव, एवं जाव वेसमणस्स, नवरं विमाणाइं जहा नइयसए । ईसाणस्स णं भंते ! पुच्छा, अजो ! अट्ट अग्गमहिसीओ प०, तंजहा-कण्हा कण्हा राई रामा रामरक्खिया वसू वसुगुत्ता वसुमिन्ना वसुंधरा, तत्थ णं एगमेगाए० सेसं जहा सक्कस्स । ईसाणस्स णं भंते ! देविंदस्स देवरजो सोमस्स महारणो कइ अग्गमहिसीओ पुच्छा, अजो ! चत्तारि अग्गमहिसीओ प०, तंजहा-पुडवी राई रयणी विज्जू, तत्थ णं०, सेसं जहा सक्कस्स लोमपालाणं, एवं जाव वल्लणस्स, नवरं विमाणा जहा चउत्थसए, सेसं तं चेव, जाव नो चेव णं मेहुणवत्तियं । सेवं भंते ! सेवं भंते ! ति जाव विहरइ ॥४०५॥ **दसमसए पंचमो उडेसो समत्तो ॥**

कहि णं भंते ! सक्कस्स देविंदस्स देवरजो सभा सुहम्मा पञ्चता ? गोयमा ! जंबुद्दीवे २ मंदरस्स पव्वयस्स दाहिण्णेणं इमीसे रयणप्पभाए पुडवीए एवं जहा रायप्पसेणइज्जे जाव पंच वडेंसगा पञ्चता, तंजहा-असोगवडेंसए जाव मज्जे सोहम्मवडेंसए, से णं सोहम्मवडेंसए महाविमाणे अद्धतेरस जोयणसयसहस्साइं आयाम-विक्खंमेणं, -एवं जह सुरियाभे तहेव माणं तहेव उववाओ । सक्कस्स य अभिसेओ तहेव जह सुरियामस्स ॥ १ ॥ अलंकारो तहेव जाव आयरक्खदेवत्ति, दो सागरो-वमाइं ठिई । सक्के णं भंते ! देविंदे देवराया केमहिण्णिए जाव केम(हेस)हासोक्खे ? गोयमा ! महिण्णिए जाव महासोक्खे, से णं तत्थ बत्तीसाए विमाणावासयसयसहस्साणं

जाव विहरइ, एवमहिक्किए जाव महासोक्खे सक्के देविंदे देवराया । सेवं भंते ! सेवं भंते ! ति ॥ ४०६ ॥ **दसमसए छट्ठो उद्देशो समत्तो ॥**

कहिंणं भंते । उत्तरिह्माणं एगोख्यमणुस्साणं एगोख्यरीवे नामं रीवे पज्जेते ? एवं जहा जीवाभिगमे तहेव निरवमेसं जाव मुद्धरंतरीवोत्ति, एए अट्ठावीसं उद्देशगा भाणियव्वा । सेवं भंते ! सेवं भंते ! ति जाव विहरइ ॥ ४०७ ॥ **दसमसए चउत्तीसइमो उद्देशो समत्तो ॥ दसमं सयं समत्तं ॥**

उप्पल १ साल २ पलासे ३ कुंभी ४ नाली ५ पउम ६ कञ्जी ७ य । नलि-
ण ८ सिव ९ लोग १० काला ११ लंभिय १२ दम दो य एकारे ॥ १ ॥ उववाओ
१ परिमाणं २ अवहाइ ३ च्चत ४ वंध ५ वेए ६ य । उदए ७ उरीरणए ८ लेमा
९ दिट्ठी १० य नाणे ११ य ॥ १ ॥ जोगु १२ वओगे १३ वज्ज १४ रयमाई
१५ ऊमासगे १६ य आहारे १७ । विरई १८ किरिया १९ बंधे २० मज्ज २१
कमायि २२ त्थि २३ बंधे २४ य ॥ २ ॥ मज्जि २५ दिय २६ अणुबंधे २७
संवेहा २८ हार २९ ठिइ ३० समुग्घाए ३१ । चयणं ३२ मूलाइसु य उववाओ
३३ सव्वजीवाणं ॥ ३ ॥ तेणं कालेणं तेणं समएणं रायगिहे जाव पज्जुवासमाणे
एवं वयासी-उप्पले णं भंते ! एगपत्तए कि एगजीवे अणेगजीवे ? गोयमा । एगजीवे
नो अणेगजीवे, तेण परं जे अन्ने जीवा उववज्जंति ते णं णो एगजीवा अणेगजीवा ।
ते णं भंते ' जीवा कओहिंतो उववज्जंति किं नेरइएहिंतो उववज्जंति तिरिक्खमणुस्स-
देवेहिंतो उववज्जंति ? गोयमा । नो नेरइएहिंतो उववज्जंति तिरिक्खजोणिएहितोवि
उववज्जन्ति मणुस्सेहिंतोवि उववज्जंति देवेहिंतोवि उववज्जंति, एवं उववाओ भाणियव्वो
जहा वक्कंतीए वणस्सउकाइयाणं जाव ईसाणेत्ति १ । ते णं भंते । जीवा एगमम-
एणं केवइया उववज्जंति ? गोयमा । जह्जेणं एक्को वा दो वा तिज्जि वा उक्कोसेणं
सखेज्जा वा असंखेज्जा वा उववज्जंति २ । ते णं भंते । जीवा समए २ अवहीरमाणा
२ केवइयकालेणं अवहीरंति ? गोयमा । ते णं असंखेज्जा रामए २ अवहीरमाणा
२ असंखेज्जाहिं उम्मप्पिणिओमप्पिणीहिं अवहीरंति नो चेव णं अवहिया सिया ३ ।
तेसि णं भंते । जीवाणं केमहालिया सरीगेगाहणा पण्णत्ता ? गोयमा । जह्जेणं
अंगुलस्स असंखेज्जइभागं उक्कोसेणं साइरेणं जोयणसहस्सं ४ । ते णं भंते । जीवा
णाणावरणिज्जस्स कम्मम्म कि बंधगा अबंधगा ? गोयमा । नो अबंधगा बंधए वा
बंधगा वा एवं जाव अतराइयस्स, नवरं आउयस्स पुच्छा, गोयमा । बंधए वा
अबंधए वा बंधगा वा अबंधगा वा अहवा बंधए य अबंधए य अहवा बंधए य
अबंधगाय अहवा बंधगा य अबंधए य अहवा बंधगा य अबंधगा य ८ एए अट्ठ

भंगा ५ । ते णं भंते ! जीवा णाणावरणिज्जस्स कम्मस्स किं वेयगा अवेयगा ? गोयमा । नो अवेयगा वेदए वा वेयगा वा एवं जाव अंतराइयस्स, ते णं भंते ! जीवा किं सायावेयगा असायावेयगा ? गोयमा ! सायावेयए वा असायावेयए वा अट्ट भंगा ६ । ते णं भंते ! जीवा णाणावरणिज्जस्स कम्मस्स किं उदई अणुदई ? गोयमा । नो अणुदई उदई वा उदइणो वा, एवं जाव अंतराइयस्स ७ ॥ ते णं भंते ! जीवा णाणावरणिज्जस्स कम्मस्स किं उबीरगा ? गोयमा । नो अणुबीरगा उबीरए वा उबीरगा वा, एवं जाव अंतराइयस्स, नवरं वेयणिजाउएसु अट्ट भंगा ८ । ते णं भंते ! जीवा किं कण्हलेसा नीललेसा काउलेसा तेउलेसा ? गोयमा ! कण्हलेसे वा जाव तेउलेसे वा कण्हलेस्सा वा नीललेस्सा वा काउलेस्सा वा तेउलेसा वा अट्टा कण्हलेसे य नीललेसे य एवं एए दुयासंजोगतियासंजोगचउक्कसंजोगेणं असीइ भंगा भवंति ९ ॥ ते णं भंते ! जीवा किं सम्मदिट्ठी मिच्छादिट्ठी सम्मामिच्छादिट्ठी ? गोयमा ! नो सम्मदिट्ठी नो सम्मामिच्छादिट्ठी मिच्छादिट्ठी वा मिच्छादिट्ठिणो वा १० । ते णं भंते ! जीवा किं नाणी अन्नाणी ? गोयमा । नो नाणी अण्णाणी वा अन्नाणिणो वा ११ । ते णं भंते ! जीवा किं मणजोगी वइजोगी कायजोगी ? गोयमा ! नो मणजोगी णो वइजोगी कायजोगी वा कायजोगिणो वा १२ । ते णं भंते ! जीवा किं सागारोवउत्ता अणागारोवउत्ता ? गोयमा । सागारोवउत्ते वा अणागारोवउत्ते वा अट्ट भंगा १३ । ते णं भंते ! जीवाणं सरीरगा कडवन्ना कइगंधा कइरसा कइफासा ५० ? गोयमा ! पंचवन्ना पंचरसा दुग्ंधा अट्टफासा ५०, ते पुण अप्पणा अवन्ना अग्ंधा अरसा अफासा ५० १४-१५ ॥ ते णं भंते ! जीवा किं उस्सासा निस्सासा नो उस्सासनिस्सासा ? गोयमा ! उस्सासए वा १ निस्सासए वा २ नो उस्सासनिस्सासए वा ३ उस्सासगा वा ४ निस्सासगा वा ५ नो उस्सासनीसासगा वा ६, अहवा उस्सासए य निस्सासए य ४ अहवा उस्सासए य नो उस्सासनीसासए य ४, अहवा उस्सासए य नीसासए य नो उस्सासनिस्सासए य अट्ट भंगा, एए छन्वीसं भंगा भवंति ॥ १६ ॥ ते णं भंते ! जीवा किं आहारगा अणाहारगा ? गोयमा ! नो अणाहारगा आहारए वा अणाहारए वा एवं अट्ट भंगा १७ । ते णं भंते ! जीवा किं विरया अविरया विरयाविरया ? गोयमा ! नो विरया नो विरयाविरया अविरए वा अविरया वा १८ । ते णं भंते ! जीवा किं सकिरिया अकिरिया ? गोयमा ! नो अकिरिया सकिरिए वा सकिरिया वा १९ । ते णं भंते ! जीवा किं सत्ताविहबंधगा अट्टविहबंधगा ? गोयमा ! सत्ताविहबंधए वा अट्टविहबंधए वा अट्ट भंगा २० । ते

णं भंते । जीवा किं आहारसन्नोवउत्ता भयसन्नोवउत्ता मेहुणसन्नोवउत्ता परिग्गहसन्नो-
वउत्ता ? गोयमा । आहारसन्नोवउ(त्ते)त्ता वा असीइ भंगा २१ । ते णं भंते । जीवा
किं कोहकसाई माणकसाई मायाकसाई लोभकसाई ? गोयमा । कोहकसाई वा
असीइ भंगा २२ । ते णं भंते । जीवा किं इत्थिवेदगा पुरिसवेदगा नपुंसगवेदगा ?
गोयमा । नो इत्थिवेदगा नो पुरिसवेदगा नपुंसगवेदए वा नपुंसगवेदगा वा २३ ।
ते णं भंते । जीवा किं इत्थिवेदबंधगा पुरिसवेदबंधगा नपुंसगवेदबंधगा ? गोयमा ।
इत्थिवेदबंधए वा पुरिसवेदबंधए वा नपुंसगवेदबंधए वा, छवीसं भंगा २४ । ते
णं भंते । जीवा किं सज्जी असज्जी ? गोयमा । नो सज्जी असज्जी वा अमज्जिणो वा
२५ । ते णं भंते । जीवा किं सईंदिया अण्णिया ? गोयमा । नो अण्णिया सइ-
दिए वा सईंदिया वा २६ । से णं भंते । उप्पलजीवेत्ति कालओ केवच्चिरं होइ ?
गोयमा । जह्जेणं अंतोमुहुत्तं उक्कोसेणं असंखेज्जं कालं २७ । से णं भंते । उप्पल-
जीवे पुढविजीवे पुणरवि उप्पलजीवेत्ति केवइयं कालं सेवेज्जा केवइयं कालं गइ-
रागइं करेज्जा ? गोयमा । भवादेसेणं जह्जेणं दो भवग्गहणाइं उक्कोसेणं असंखेज्जाइं
भवग्गहणाइं, कालादेसेणं जह्जेणं दो अंतोमुहुत्ता उक्कोसेणं असंखेज्जं कालं, एवइयं
कालं सेवेज्जा एवइयं कालं गइरागइं करेज्जा, से णं भंते । उप्पलजीवे आउजीवे
एवं चैव एवं जहा पुढविजीवे भणिए तथा जाव वाउजीवे भाणियव्वं, से णं भंते ।
उप्पलजीवे से वणस्सइजीवे से पुणरवि उप्पलजीवेत्ति केवइयं कालं सेवेज्जा केवइयं
कालं गइरागइं करेज्जा ? गोयमा । भवादेसेणं जह्जेणं दो भवग्गहणाइं उक्कोसेणं
अणंताइं भवग्गहणाइं, कालादेसेणं जह्जेणं दो अंतोमुहुत्ता उक्कोसेणं अणंतं कालं
तरुकालं एवइयं कालं सेवेज्जा एवइयं कालं गइरागइं करेज्जा, से णं भंते । उप्पल-
जीवे बेइंदियजीवे पुणरवि उप्पलजीवेत्ति केवइयं कालं सेवेज्जा केवइयं कालं गइ-
रागइं करेज्जा ? गोयमा । भवादेसेणं जह्जेणं दो भवग्गहणाइं उक्कोसेणं संखेज्जाइं
भवग्गहणाइं, कालादेसेणं जह्जेणं दो अंतोमुहुत्ता उक्कोसेणं संखेज्जं कालं एवइयं
कालं सेवेज्जा एवइयं कालं गइरागइं करेज्जा, एवं तेइंदियजीवि, एवं चउरिंदियजीवेवि,
से णं भंते । उप्पलजीवे पंचंदियतिरिक्खजोणियजीवे पुणरवि उप्पलजीवेत्ति पुच्छा,
गोयमा । भवादेसेणं जह्जेणं दो भवग्गहणाइं उक्कोसेणं अट्ट भवग्गहणाइं काला-
देसेणं जह्जेणं दो अंतोमुहुत्ताइं उक्कोसेणं पुच्चकोत्तिपुहुत्ताइं एवइयं कालं सेवेज्जा
एवइयं कालं गइरागइं करेज्जा, एवं मणुस्सेणावि समं जाव एवइयं कालं गइरागइं
करेज्जा २८ । ते णं भंते । जीवा किमाहारमाहारैति ? गोयमा । दव्वओ अणंत-
पएसियाइं दव्वाइं एवं जहा आहारुइंसाए वणस्सइकाइयाणं आहारो तहेव जाव

सव्वप्पण्याए आहारमाहारैरिति नवरं निय(मं)मा छद्दिसिं सेसं तं चैव २५ । तेसि णं भंते । जीवाणं केवह्यं कालं ठिईं प० ? गोयमा । जह्णेणं अंतोमुहुत्तं उक्कोसेणं दस वाससहस्साई ३० । तेसि णं भंते । जीवाणं कइ समुग्घाया प० ? गोयमा । तयो समुग्घाया प०, तंजहा-वेयणासमुग्घाए, कसायसमुग्घाए, मारणंतियसमुग्घाए ३१ । ते णं भंते । जीवा मारणंतियसमुग्घाएणं किं समोहया मरंति असमोहया मरंति ? गोयमा । समोहयावि मरति असमोहयावि मरंति ३२ । ते णं भंते । जीवा अणतरं उव्वट्ठिता कहिं गच्छंति कहिं उव्वज्जंति किं नेरइएसु उव्वज्जंति त्तिरिक्खजोणिएसु उव्वज्जंति एवं जहा वक्कंतीए उव्वट्ठणाए वणस्सइकाइयाणं तहा भाणियव्वं । अह भंते । सव्वपाणा सव्वभूया सव्वजीवा सव्वसत्ता उप्पलमूलत्ताए उप्पलकंदत्ताए उप्पलनालत्ताए उप्पलपत्तत्ताए उप्पलकेमरत्ताए उप्पलकन्नियत्ताए उप्पलयिभुगत्ताए उव्वन्नपुव्वा ? इत्ता गोयमा । असइ अदुवा अणंतखुत्तो । सेवं भंते । सेवं भंते ! ति ३३ ॥ ४०८ ॥ **एकारसमस्स सयस्स पढमो उप्पलुद्देसओ समत्तो ॥**

सालुए णं भंते ! एगपत्तए किं एगजीवे अणेगजीवे ? गोयमा । एगजीवे, एवं उप्पलुद्देसगवत्तव्वया अपरिसेसा भाणियव्वा जाव अणंतखुत्तो, नवरं सरीरोगाहणा जह्णेणं अंगुलस्स असंखेज्जइभागं, उक्कोसेणं धणुपुहुत्तं, सेसं नं चैव । सेवं भंते ! सेवं भंते ! ति ॥ ४०९ ॥ ११-२ ॥ पलासे णं भंते ! एगपत्तए किं एगजीवे अणेगजीवे ? एवं उप्पलुद्देसगवत्तव्वया अपरिसेसा भाणियव्वा, नवरं सरीरोगाहणा जह्णेणं अंगुलस्स असंखेज्जइभागं उक्कोसेणं गाउयपुहु(त्त)त्ता, देवा एएसु न उव्वज्जंति । वेस्सासु ते णं भंते ! जीवा किं कण्हलेसा नीललेसा काउलेसा० ? गोयमा । कण्हलेस्से वा नीललेस्से वा काउलेस्से वा छव्वीसं भंगा, सेसं तं चैव । सेवं भंते ! २ ति ॥ ४१० ॥ ११-३ ॥ कुंभिए णं भंते एगपत्तए किं एगजीवे अणेगजीवे ? एवं जहा पलासुद्देसए तहा भाणियव्वं, नवरं ठिईं जह्णेणं अंतोमुहुत्तं, उक्कोसेणं वामपुहुत्तं, सेसं तं चैव । सेवं भंते ! सेवं भंते ! ति ॥ ४११ ॥ ११-४ ॥ नालिए णं भंते ! एगपत्तए किं एगजीवे अणेगजीवे ? एवं कुंभिउद्देसगवत्तव्वया निरक्सेसा भाणियव्वा । सेवं भंते ! सेवं भंते ! ति ॥ ४१२ ॥ ११-५ ॥ पउमे णं भंते ! एगपत्तए किं एगजीवे अणेगजीवे ? एवं उप्पलुद्देसगवत्तव्वया निरक्सेसा भाणियव्वा । सेवं भंते ! सेवं भंते ! ति ॥ ४१३ ॥ ११-६ ॥ कन्निए णं भंते ! एगपत्तए किं एगजीवे० ? एवं चैव निरक्सेसं भाणियव्वं । सेवं भंते ! सेवं भंते ! ति ॥ ४१४ ॥ ११-७ ॥ जल्लिणे णं भंते ! एगपत्तए किं एगजीवे अणेगजीवे ? एवं चैव निरक्सेसं जाव अणंतखुत्तो ॥ सेवं भंते ! सेवं भंते ! ति ॥ ४१५ ॥ **एया-रहमे सए अट्टमो उद्देसो समत्तो ॥**

तेषां कालेण तेषां समएगं हत्थिणापुरे नामं नयरे होत्था वन्नओ, तस्स णं हत्थिणापुरस्स नयरस्स बहिया उत्तरपुरच्छिमे दिसीभागे एत्थ णं सहसंबवणे णामं उज्जाणे होत्था सब्बो उयपुप्फफलसमिद्धे रम्मे णंदणवणसंनिगासे सुहसीयलच्छाए मणोरमे साउफले अकंटए पासाईए जाव पडिरूवे, तत्थ णं हत्थिणापुरे नयरे सिवे नामं राया होत्था महयाहिमवंतं० वन्नओ, तस्स णं सिवस्स रन्नो धारिणी नामं देवी होत्था सुकुमालपाणिपाया वन्नओ, तस्स णं सिवस्स रन्नो पुत्ते धारणीए अत्तए सिव-भए नामं कुमारे होत्था सुकुमाल० जहा सूरियकंते जाव पच्चुवेक्खमाणे पच्चुवेक्खमाणे विहरइ, तए णं तस्स सिवस्स रन्नो अन्नया कयाइ पुव्वरत्तावरत्ताकालसमयंसि रजधुरं चित्तेमाणस्स अयमेयारूवे अब्भत्थिए जाव समुप्पज्जित्था-अत्थि ता मे पुरा पोरणाणं जहा तामलिस्स जाव पुत्तोहिं वड्ढामि पसुहिं वड्ढामि रजेगं वड्ढामि एवं ड्ढेणं बलेणं बाहणेणं कोसेणं कोट्टागारेणं पुरेणं अंतेउरेणं वड्ढामि विपुलधणकणगरयण जाव संतसारसावएज्जेणं अइव २ अभिवड्ढामि, तं किञ्चं अहं पुरा पोरणाणं जाव एगंत-सोक्खयं उव्वेहमाणे विहरामि ? तं जाव ताव अहं हिरलेणं वड्ढामि तं चेव जाव अभिवड्ढामि जाव मे सामंतरायाणोवि वसे वट्ठंति ताव ता मे सेयं कळं पाउप्पभायाए जाव जलंते सुबहुं लोहीलोहकडाहकड्ढच्छुयं तंबियं तावसभंडगं घडावेत्ता सिवभइ कुमारं रजे ठावेत्ता तं सुबहुं लोहीलोहकडाहकड्ढच्छुयं तंबियं तावसभंडगं गहाय जे इमे गंगाकूले वाणपत्था तावमा भवंति, तं०-होत्तिया पोत्तिया को(सो)त्तिया जज्जइ सङ्खई थालई हुंबउट्टा दंतुक्खलिया उम्मज्जगा संमज्जगा निम्मज्जगा संपक्खाला उदकंइयगा अहोकंइयगा दाहिणकूलगा उत्तरकूलगा संखधमगा कूलधमगा मियल्लु-द्धया हत्थितावसा जलाभिसेयक(कि)दिणगाया अंबुवासिणो वाउवासिणो जलवासिणो वे(चे)लवासिणो अंबुभक्खिणो वाउभक्खिणो सेवालभक्खिणो मूलाहारा कंदाहारा पत्ताहारा तयाहारा पुप्फाहारा फलाहारा बीयाहारा परिमडियकंदमूलतयपंडुपत्तपुप्फ-फलाहारा उइंडगा स्वस्समूलिया बिलवासिणो वक्क(ल)वासिणो दिसापोकिखणो आयाव-णाहिं पंचमिगतावेहिं इंगालसोल्लियपिव कंदुसोल्लियपिव कट्टुसोल्लियपिव जाव अप्पाणं करेमाणा विहरंति ॥ तत्थ णं जे ते दिसापोकिखयतावसा तेमिं अंतियं मुंभे भवित्ता दिसापोकिखयतावसत्ताए पव्वइत्तए, पव्वइएवि य णं समाणे अयमेयारूवं अभिगहं अभिगिण्हस्सामि-कप्पइ मे जावजीवाए छट्टंछट्टेणं अनिक्खित्तेणं दिसाचक्कवाल्लेणं तवोकम्मेणं उड्ढं बाहाओ पत्तिज्जिय २ जाव विहरित्तएतिकट्टु, एवं संपेहेइ संपेहेत्ता कळं जाव जलंते सुबहुं लोहीलोह जाव घडावेत्ता कोडुंबियपुरिसे सहावेइ सहावेत्ता एवं बयासी-सिप्पामेव भो देवाणुप्पिया ! हत्थिणाउरं नयरं सच्चिभतरवाहिरियं

आश्रिय जाव तमाणत्तियं पञ्चप्पिण्णति, तए णं से सिवे राया दोब्बपि कोडुंबियपुरिसे सहावेह २ ता एवं बयासी-खिप्पामेव भो देवाणुप्पिया ! सिवभरुस्स कुमारस्स महत्थं २ विउलं रायाभिसेयं उवट्टवेह, तए णं ते कोडुंबियपुरिसा तहेव जाव उवट्टवेति, तए णं से सिवे राया अणेगगणनायगदंडनायग जाव संधिवाल सद्धिं संपरिखुडे सिवमहं कुमारं सीद्दसणवरंसि पुरत्थाभिमुहं निखीयावे(न्ति)इ २ ता अट्टसएणं सोवणियाणं कलसाणं जाव अट्टसएणं भोमेज्जाणं कलसाणं सव्विद्धीए जाव रवेणं महया २ रायाभिसेएणं अभिसिच(न्ति)इ २ ता पम्हलसुकुमालाए सुरभिए गंबकासाइए गायार्हं दहे(न्ति)इ पम्ह ० २ ता सरसेणं गोसीसेणं एवं जहेव जमालिस्स अलंकारो तहेव जाव कप्पस्सख-गंपिव अलंकियविभूसियं करेति २ ता करयल जाव कट्टु सिवमहं कुमारं जएणं विजएणं वद्धावेति जएणं विजएणं वद्धावेत्ता ताहिं इट्ठाहिं कंताहिं पियाहिं एवं जहा उववाइए कोणियस्स जाव परमाउं पालयाहि इट्ठजणसंपरिखुडे हत्थिणापुरस्स नयरस्स अजेसि च बहूणं गामागरनगर जाव विहराहित्तिकट्टु जयजयसहं पडंजंति, तए णं से सिवभहे कुमारे राया जाए महया हिमवंतं वन्नओ जाव विहरइ, तए णं से सिवे राया अन्नया कयाइं सोहणंसि तिहिकरणदिवसमुहुत्तनक्खत्तंसि विपुलं असणं पाणं खाइमं साइमं उवक्खडावेइ उवक्खडावेत्ता मित्तणाइनियग जाव परिजणं रायाणो खत्तिए य आमं-तेइ आमंतेत्ता तओ पच्छा ण्हाए जाव सरीरे भोयणवेलाए भोयणमंडवंसि सुहामण-वरगए तेणं मित्तणाइनियगसयण जाव परिजणेणं राएहि य खत्तिएहि य सद्धिं विपुलं असणं पाणं खाइमं साइमं एवं जहा तामली जाव सक्कारेइ सम्माणेइ सक्कारेत्ता सम्मा-णेत्ता तं मित्तणाइनियग जाव परिजणं रायाणो य खत्तिए य सिवभहं च रायाणं आपु-च्छइ आपुच्छित्ता सुबहुं लोहीलोहकडाहकट्टुच्छुयं जाव भंडगं गहाय जे इमे गंगा-कूलगा वाणपरया तावसा भवंति तं चैव जाव तेसि अंतियं मुंडे भविता दिसापोक्खि-यतावसत्ताए पब्बइए, पब्बइएऽकिय णं समाणे अयमेयारुवं अभिग्गहं अभिगिण्हइ-कप्पइ मे जावजीवाए छट्ठं तं चैव जाव अभिग्गहं अभिगिण्हइ २ ता पढमं छट्ठक्ख-मणं उवसंपज्जित्ता णं विहरइ । तए णं से सिवे रायरिसी पढमछट्ठक्खमणपरणमंसि आयावणभूमीए पच्चोरुहइ आयावणभूमीए पच्चोरुहिता वागलवत्थनियत्थे जेणेव सए उडए तेणेव उवागच्छइ तेणेव उवागच्छित्ता किट्ठिणसंकाइयणं गिण्हइ गिण्हित्ता पुर-च्छिमं दिसिं पोक्खेइ पुरच्छिमाए दिसार् सोमे महाराया पत्थाने पत्थियं अभिर-क्खउ सिवं रायरिसि अभि० २, जाणि य तत्थ कंदाणि य मूलाणि य तयाणि य पत्ताणि य पुप्फाणि य फलाणि य बीयाणि य हरियाणि य ताणि अपुजाणउत्ति कट्टु पुरच्छिमं दिसं पसरइ पुर० २ ता जाणि य तत्थ कंदाणि य जाव हरियाणि य ताइ

गेण्डइ २ ता किट्टिणसंकाइयं भरेइ किट्टि० २ ता दब्भे य कुसे य समिहाओ य पत्तामोळं च गेण्डइ २ ता जेणेव सए उडए तेणेव उवागच्छइ २ ता किट्टिणसंकाइयं ठवेइ किट्टि० २ ता वेई वड्डइ २ ता उवळेवणसंमज्जणं करेइ उ० २ ता दब्भसगब्भकलसाहत्थगए जेणेव गंगा महानई तेणेव उवागच्छइ गंगामहानई ओगाहेइ २ ता जलमज्जणं करेइ २ ता जलकीडं करेइ २ ता जलाभिसेयं करेइ २ ता आयंतं चोक्खे परमसुइभूए देवयपिइकयकजे दब्भसगब्भकलसाहत्थगए गंगाओ महानईओ पञ्चुतरइ २ ता जेणेव सए उडए तेणेव उवागच्छइ तेणेव उवागच्छित्ता दब्भेहि य कुसेहि य वालुयाए य वेई रएइ वेई रएत्ता सरएणं अरणिं महेइ सर० २ ता अरिं पाडेइ २ ता अरिं संधुक्केइ २ ता समिहाकट्ठाईं पक्खिवइ समिहाकट्ठाईं पक्खिवित्ता अरिं उज्जालेइ अरिं उज्जालेत्ता—‘अरिंस्म दाहिणे पासे, सत्तांगं समादहे । तं०—सकहं वक्कलं ठाणं, सिज्जाभंडं कम्मंडलं ॥१॥ दंडदारं त(हप्पा)हा पाणं अहेताइं समादहे ॥ महुणा य घएण य तंदुळेहि य अरिं हुणइ, अरिं हुणित्ता चरं साहेइ, चरं साहेत्ता बलिं वइस्सदेवं करेइ बलिं वइस्सदेवं करेत्ता अतिहिपूर्यं करेइ अतिहिपूर्यं करेत्ता तओ पच्छा अप्पणा आहारमाहारेइ, तए णं से सिवे रायरिसी दोब्बं छट्ठक्खमणं उवसंपज्जित्ताणं विहरइ, तए णं से सिवे रायरिसी दोब्बे छट्ठक्खमणपारणगंतिं आयावणभूमीओ पञ्चोहइ आयावण० २ ता एवं जहा पडमपारणगं नवरं दाहिणं दिसं पोक्खेइ २ ता दाहिणाए दिसाए जमे महाराया पत्थाणे पत्थियं सेसं तं चेव जाव आहारमाहारेइ, तए णं से सिवरायरिसी तच्चं छट्ठक्खमणं उवसंपज्जित्ता णं विहरइ, तए णं से सिवे रायरिसी सेसं तं चेव नवरं पच्चत्थियं दियिं पोक्खेइ पच्चत्थिमाए दिसाए वरुणे महाराया पत्थाणे पत्थियं सेसं तं चेव जाव आहारमाहारेइ, तए णं से सिवे रायरिसी चउत्थं छट्ठक्खमणं उवसंपज्जित्ता णं विहरइ, तए णं से सिवे रायरिसी चउत्थछट्ठक्खमणं एवं तं चेव नवरं उत्तरं दिसं पोक्खेइ उत्तराए दिसाए वेसमणे महाराया पत्थाणे पत्थियं अभिरक्खउ सिवं० सेसं तं चेव जाव तओ पच्छा अप्पणा आहारमाहारेइ ॥ ४१६ ॥ तए णं तस्स सिवस्स रायरिसिस्स छट्ठंछट्ठेणं अनिक्खिनेणं दिसाच्चक्खाल्लेणं जाव आयावेमाणस्स पगइभइयाए जाव विणीययाए अन्नया कयाइ तयावरणिज्जाणं कम्मणं खओवसमेणं ईहापोहमगणगवेसणं करेमाणस्स विभंगं नामं अज्जाणे समुप्पन्ने, से णं तेणं विभंगनाणेणं समुप्पन्नेणं पासइ अस्सि लोए सत्तं बीवं सत्तं समुदे तेण परं न जाणइ न पासइ, तए णं तस्स सिवस्स रायरिसिस्स अयमेयारूवे अन्नमत्थिणं जाव समुप्पज्जित्था—अत्थि णं ममं अइसेसे नाणदंसणे समुप्पन्ने एवं खलु अस्सि लोए सत्तं बीवा सत्तं समुहा तेण परं

बोच्छिन्ना वीवा य समुहा य, एवं संपेहेइ २ ता आयावणभूमीओ पबोरुहइ
 आ० २ ता वागलवत्यनियस्ये जेणेव सए उडए तेणेव उवागच्छइ २ ता सुबहुं
 ल्मेहीलोहकडाहकड्छुयं जाव मंडगं क्किट्ठिणसंकाइयं च गेण्हइ २ ता जेणेव हत्थि-
 णापुरे नयरे जेणेव तावसावसहे तेणेव उवागच्छइ २ ता मंडनिकखेवं करेइ २
 ता हत्थिणापुरे नयरे सिंघाडगतिग जाव पहेसु बहुजणस्स एवमाइक्खइ जाव एवं
 परूवेइ-अत्थि णं देवाणुप्पिया ! मम अइसेसे नाणदंसणे समुप्पणे, एवं खलु अस्सि
 लोए जाव वीवा य समुहा य, तए णं तस्स सिवस्स रायरिसिस्स अतियं एयमट्ठं
 सोच्चा निसम्म हत्थिणापुरे नयरे सिंघाडगतिग जाव पहेसु बहुजणो अन्नमज्जस्स
 एवमाइक्खइ जाव परूवेइ-एवं खलु देवाणुप्पिया ! सिवे रायरिसी एवं आइक्खइ
 जाव परूवेइ-अत्थि णं देवाणुप्पिया ! मम अइसेसे नाणदंसणे समुप्पणे जाव तेण
 परं बोच्छिन्ना वीवा य समुहा य, से कहमेयं मज्जे एवं ? । तेणं काल्हेणं तेणं सम-
 एणं सामी समोसडे परिमा जाव पडिगया । तेणं काल्हेणं तेणं समएणं समणस्स
 भगवओ महावीरस्स जेट्ठे अंतेवासी जहा विइयसए नियंउहेसए जाव अडमाणे
 बहुजणसदं निसामेइ बहुजणो अन्नमज्जस्स एवं आइक्खइ जाव एवं परूवेइ-एवं
 खलु देवाणुप्पिया ! सिवे रायरिसी एवं आइक्खइ जाव परूवेइ-अत्थि णं देवाणु-
 प्पिया ! तं चेव जाव बोच्छिन्ना वीवा य समुहा य, से कहमेयं मज्जे एवं ? तए
 णं भगवं गोयमे बहुजणस्स अंतियं एयमट्ठं सोच्चा निसम्म जायसट्ठे जहा
 नियंउहेसए जाव तेण परं बोच्छिन्ना वीवा य समुहा य, से कहमेयं मंते ! एवं ?
 गोयमादि समणे भगवं महावीरे भगवं गोयमं एवं वयासी-ज्जं गोयमा ! से बहुजणे
 अन्नमज्जस्स एवमाइक्खइ तं चेव सच्चं भाणियव्वं जाव मंडनिकखेवं करेइ हत्थि-
 णापुरे नयरे सिंघाडग० तं चेव जाव बोच्छिन्ना वीवा य समुहा य, तए णं तस्स
 सिवस्स रायरिसिस्स अंतिए एयमट्ठं सोच्चा निसम्म तं चेव सच्चं भाणियव्वं जाव
 तेण परं बोच्छिन्ना वीवा य समुहा य तण्णं मिच्छा, अहं पुण गोयमा ! एवमाइ-
 क्खामि जाव परूवेमि-एवं खलु जंबुदीवाईया वीवा लवणाईया समुहा संठाणओ
 एगविहिंविहाणा वित्थारओ अणेगविहिंविहाणा एवं जहा जीवाभिगमे जाव सर्वभूरमण-
 गमुहपज्जसाणा अस्सि तिरियलोए असंजेजा वीवसमुहा पज्जता समणाउसो ॥ अत्थि
 णं मंते ! जंबुदीवे वीवे दब्बाई सवजाईपि अवजाईपि सर्गंधाईपि अर्गंधाईपि
 सरसाईपि अरसाईपि सफसाईपि अफासाईपि अज्जमज्जबद्धाई अज्जमज्जपुट्ठाई जाव
 षडत्ताए थिड्ढुंति ! इंता अत्थि । अत्थि णं मंते ! लवणसमुहे दब्बाई सवजाईपि
 अज्जसाईपि सर्गंधाईपि अर्गंधाईपि सरसाईपि अरसाईपि सफसाईपि अफसाईपि

अन्नमन्नबद्धाई अन्नमन्नपुट्टाई जाव वडताए चिद्धति ? हुंता अत्थि । अत्थि णं भंते ! धायइसंढे दीवे दब्बाई सवजाईपि० एवं चेव, एवं जाव सयंभूरमणसमुद्दे जाव हुंता अत्थि । तए णं सा महइमहालिया महच्चपारेसा समणस्स भगवओ महवीरस्स अंतियं एयमट्ठं सोच्चा निसम्म इद्धतुट्टा समणं भगवं महावीरं वंदइ नमंसइ वंदित्ता नमंसित्ता जामेव दिसि पाउब्भूया तामेव दिसि पडिगया, तए णं हत्थिणापुरे नयरे सिंघाडग जाव पहेसु बहुजणो अन्नमन्नस्स एवमाइक्खइ जाव परूवेइ-जंभं देवाणुप्पिया ! सिवे रायरिसी एवमाइक्खइ जाव परूवेइ-अत्थि णं देवाणुप्पिया ! ममं अइसेसे नाणदंसणे जाव समुहा य, तं नो इणट्ठे समट्ठे, समणे भगवं महावीरे एवमाइक्खइ जाव परूवेइ-एवं खलु एयस्स सिवस्स रायरिसिस्म छट्ठंछट्ठेणं तं चं व जाव भंडनिकखेवं करेइ भंडनिकखेवं करेत्ता हत्थिणापुरे नयरे सिंघाडग जाव समुहा य, तए णं तस्स सिवस्स रायरिसिस्म अंतियं एयमट्ठं सोच्चा निसम्म जाव समुहा य, तण्णं सिच्छा, समणे भगवं महावीरे एवमाइक्खइ०-एवं खलु जंबुहीवाइया दीवा लवणाइया समुहा तं चेव जाव असंखेज्जा दीवसमुहा पक्कता समणाउसो । तए णं से सिवे रायरिसी बहुजणस्स अंतियं एयमट्ठं सोच्चा निसम्म संक्खिए कंखिए वित्तिगिच्छिए मेदसमावज्जे कल्लससमावज्जे जाए यावि होत्था, तए णं तस्स सिवस्स रायरिसिस्स संक्खियस्स कंखियस्स जाव कल्लमममावज्जस्स से विभंगे अच्चाणे खिप्पामेव परिवडिए, तए णं तस्स सिवस्स रायरिसिस्स अयमेयाहवे अब्भत्थिए जाव समुप्पज्जित्था-एवं खलु समणे भगवं महावीरे आइगरे तित्त्यगरे जाव सव्वन्नू सव्वदरिसी आगासगएणं चक्केणं जाव सहसंबवणे उज्जाणे अहापडि-ह्वं जाव विहरइ, तं महाफलं खलु तद्धारुवाणं अरहंताणं भगवताणं नामगोयस्स जहा उववाइए जाव गहणयाए, तं गच्छामि णं समणं भगवं महावीरं वंदामि जाव पज्जुवामामि, एयं णे इहभवे य परभवे य जाव भविस्सइत्तिकट्ठु एवं संपेहेइ एवं संपेहिता जेणेव तावसावसहइ तेणेव उवागच्छइ तेणेव उवागच्छित्ता तावसावसहं अणुप्पविसइ २ ता सुबहुं लोहीलोहकडह जाव किट्ठिणसंकाइगं च गेण्हइ गेण्हित्ता तावसावसहाओ पडिनिकखमइ ताव० २ ता परिवडियविभंगे हत्थिणापुरे नयरे मज्झंमज्जेणं निग्गच्छइ निग्गच्छित्ता जेणेव सहसंबवणे उज्जाणे जेणैव समणे भगवं महावीरे तेणेव उवागच्छइ तेणेव उवागच्छित्ता समणं भगवं महावीरं तिकच्छतो आयाहिणं पयाहिणं करेइ वंदइ नमंसइ वंदित्ता नमंसित्ता नच्चासणे नाइदूरे जाव पंजलिउठे पज्जुवासइ, तए णं समणे भगवं महावीरे सिवस्स रायरिसिस्स तीसे य महइमहात्थियाए जाव आणाए आराइए भवइ, तए णं से सिवे रायरिसी समणस्स

भगवतो महावीरस्य अंतियं धम्मं सोच्चा निसम्म जहा खंदओ जाव उत्तरपुरच्छिन्नं
 दिसीभागं अवकमइ २ ता सुबहुं लोहीलोहकडाह जाव किट्ठिणसंकाइणं च एगंते एडेइ
 एडिता सयमेव पंचमुट्ठियं लोयं करेइ सयमे० २ ता समणं भगवं महावीरं एवं जहेव
 उसभदत्तो तहेव पव्वइओ तहेव एक्कारस अंगाइं अहिज्जइ तहेव सव्वं जाव सव्व-
 दुक्खप्पहीणे ॥ ४१७ ॥ भंते । ति भगवं गोयमे समणं भगवं महावीरं वंदइ नमंसइ
 वंदित्ता नमंसित्ता एवं वयासी-जीवा णं भंते ! सिज्जमाणा कयरम्मि संघयणे सिज्जंति ?
 गोयमा ! वइरोसभगारायसंघयणे सिज्जंति, एवं जहेव उववाइए तहेव संघयणं
 संठाणं उच्चतं आउयं च परिवसणा, एवं सिद्धिगंडिया निरवसेसा भाणियव्वा जाव
 अब्बाबाहं सोक्खं अणुहवं (हुंती) ति मास(यं)या सिद्धा । सेवं भंते ! २ ति ॥
 ॥ ४१८ ॥ **सिवो समत्तो ॥ एक्कारसमे सए नवमो उहेसो समत्तो ॥**

रायगिहे जाव एवं वयासी-कइविहे णं भंते ! लोए पज्जे ? गोयमा ! चउव्विहे
 लोए पज्जे, तंजहा-दव्वलोए, खेतलोए, काललोए, भावलोए । खेतलोए णं भंते !
 कइविहे पण्णते ? गोयमा ! तिविहे पज्जे, तंजहा-अहोलोयखेतलोए १ तिरियल्ले-
 यखेतलोए २ उच्चलोयखेतलोए ३ । अहोलोयखेतलोए णं भंते ! कइविहे पज्जे ?
 गोयमा ! सत्तविहे पज्जे, तंजहा-रणप्पभापुडविअहेलोयखेतलोए जाव अहेसत्त-
 मापुडविअहोलोयखेतलोए । तिरियलोयखेतलोए णं भंते ! कइविहे पज्जे ? गोयमा !
 असंखेज्जविहे पज्जे, तंजहा-जंबुद्दीवे २ तिरियलोयखेतलोए जाव सयंभूरमणसमुडे
 तिरियलोयखेतलोए । उच्चलोयखेतलोए णं भंते ! कइविहे पज्जे ? गोयमा ! पजर-
 सविहे पज्जे, तंजहा-सोहम्मकप्पउच्चलोयखेतलोए जाव अच्चुरुप्पउच्चलोयखेतलोए
 गेवेज्जविमाणउच्चलोयखेतलोए अणुत्तरविमाणउच्चलोयखेतलोए ईसिपन्भारपुडविउच्च-
 लोयखेतलोए । अहोलोयखेतलोए णं भंते ! किंसंठिए पज्जे ? गोयमा ! तप्पागारसंठिए
 पज्जे । तिरियलोयखेतलोए णं भंते ! किंसंठिए पज्जे ? गोयमा ! झळरिसंठिए पज्जे ।
 उच्चलोयखेतलोय० पुच्छा, गोयमा ! उच्चमुइंगागारसंठिए पज्जे । लोए णं भंते ! किं-
 संठिए पज्जे ? गोयमा ! सुपड्डगसंठिए लोए पज्जे, तंजहा-हेट्ठा विच्छिन्ने मज्जे संखित्ते
 जहा सत्तमसए पढमोइेसए जाव अंतं करंति । अलोए णं भंते ! किंसंठिए पज्जे ?
 गोयमा ! सुत्तिरगोलसंठिए पज्जे ॥ अहोलोयखेतलोए णं भंते ! किं जीवा जीवदेसा जीव-
 पएसा० ? एवं जहा इंदा दिसा तहेव निरवसेसं भाणियव्वं जाव अद्दासमए । तिरिद-
 लोयखेतलोए णं भंते ! किं जीवा० ? एवं चेव, एवं उच्चलोयखेतलोएवि, नवरं अरुबी
 छव्विहा अद्दासमओ नत्थि ॥ लोए णं भंते ! किं जीवा० ? जइ विइयसए अत्थिउडेसए
 लोगागासे, नवरं अरुबी सत्तविहा जाव अहम्मत्थिकामस्स पएसा नो आमासत्थिकस्स

आगासत्थिकायस्स देसे आगासत्थिकायस्स पएसा अद्धासमए, सेसं तं चेव ॥ अलोए णं भंते । किं जीवा० ? एवं जहा अत्थिकायउदेसए अलोगागसे तहेव निरवसेसं जाव अणंतभागूणे ॥ अहेलोगखेतलोगस्स णं भंते । एगंमि आगासपएसे किं जीवा जीवदेसा जीवप्पएसा अजीवा अजीवदेसा अजीवपएसा ! गोयमा । नो जीवा जीवदेसावि जीवपएसावि अजीवावि अजीवदेसावि अजीवपएसावि, जे जीवदेसा ते नियमा एगिदियदेसा १ अहवा एगिदियदेसा य वेईदियस्स देसे २ अहवा एगिदियदेसा य वेईदियाण य देसा ३ एवं मज्झिअलविरहिओ जाव अणिदिएसु जाव अहवा एगिदियदेसा य अणिदियाणयदेसा, जे जीवपएसा ते नियमा एगिदियपएसा १ अहवा एगिदियपएसा य वेईदियस्स पएसा २ अहवा एगिदियपएसा य वेईदियाण य पएसा ३ एवं आइलविरहिओ जाव पंचिदिएसु अणिदिएसु तियभंगो, जे अजीवा ते दुविहा पन्नता, तंजहा-रूवी अजीवा य अरूवी अजीवा य, रूवी तहेव, जे अरूवी अजीवा ते पंचविहा पण्णत्ता, तंजहा-नो धम्मत्थिकाए धम्मत्थिकायस्स देसे १ धम्मत्थिकायस्स पएसे २ एवं अहम्मत्थिकायस्सवि ४ अद्धासमए ५ । तिरियलोगखेतलोगस्स णं भंते । एगंमि आगासपएसे किं जीवा० ? एवं जहा अहोलोगखेतलोगस्स तहेव, एवं उद्धलोगखेतलोगस्सवि, नवरं अद्धासमओ नत्थि, अरूवी चउव्विहा लोगस्स जहा अहेलोगखेतलोगस्स एगंमि आगासपएसे ॥ अलोगस्स णं भंते । एगंमि आगासपएसे० पुच्छा, गोयमा ! नो जीवा नो जीवदेसा तं चेव जाव अणंतहिं अगुह्यलहुयगुणेहिं संजुत्ते सव्वागासस्स अणंतभागूणे ॥ दव्वओ णं अहेलोयखेतलोए अणंताई जीवदव्वाई अणंताई अजीवदव्वाई अणंता जीवाजीवदव्वा एवं तिरियलोयखेतलोएवि, एवं उद्धलोयखेतलोएवि, दव्वओ णं अलोए णेवत्थि जीवदव्वा नेवत्थि अजीवदव्वा नेवत्थि जीवाजीवदव्वा एगे अजीवदव्वदेसे जाव सव्वागासस्स अणंतभागूणे । कालओ णं अहेलोयखेतलोए न कयाइ नासि जाव निचे एवं जाव अलोए । भावओ णं अहेलोयखेतलोए अणंता वक्कपज्जवा जहा खंदए जाव अणंता अगुह्यलहुयपज्जवा एवं जाव लोए, भावओ णं अलोए नेवत्थि वक्कपज्जवा जाव नेवत्थि अगुह्यलहुयपज्जवा एगे अजीवदव्वदेसे जाव अणंतभागूणे ॥ ४१९ ॥ लोए णं भंते । केमहालए पन्नते ? गोयमा । अयं अंजुदीवे २ सव्वरीव० जाव परिकखेवेणं, तेणं कालेणं तेधं समएणं छ देवा महिप्पिसा जाव महेसक्खा अंजुदीवे २ मंदरे पव्वए मंदरवृत्थियं सव्वओ समंता संपरिक्खित्ताणं चिट्ठेज्जा, अहे णं चत्तारि विसाकुमारीओ महत्तारियाओ चत्तारि वळिप्पिडे महाव अंजुदीवस्स २ चउसुप्पि विसाह वडियाभिमुहीओ ठिक्का ते चत्तारि वळिप्पिडे कम्मसमयं

बहियाभिमुहे पक्खिख्वेज्जा, पभू णं गोयमा ! तओ एगमेगे देवे ते चत्तारि बलिपिडे धरणितल्लमसंपते खिप्पामेव पडिसाहरितए, ते णं गोयमा ! देवा ताए उक्किट्ठाए जाव देवगईए एगे देवे पुरच्छाभिमुहे पयाए एवं दाहिणाभिमुहे एवं पक्खत्थाभिमुहे एवं उत्तराभिमुहे एवं उट्ठाभिमुहे एगे देवे अहोभिमुहे पयाए, तेणं कालेणं तेणं समएणं वाससहस्साउए दारए पयाए, तए णं तस्स दारगस्स अम्मापियरो पहीणा भवन्ति णो चेव णं ते देवा लोगंतं संपाउणंति, तए णं तस्स दारगस्स आउए पहीणे भवइ णो चेव णं जाव संपाउणंति, तए णं तस्स दारगस्स अट्ठिमिज्जा पहीणा भवन्ति णो चेव णं ते देवा लोगंतं संपाउणंति, तए णं तस्स दारगस्स आसत्तमेवि कुलवंसे पहीणे भवइ णो चेव णं ते देवा लोगंतं संपाउणंति, तए णं तस्स दारगस्स नामगोएवि पहीणे भवइ णो चेव णं ते देवा लोगंतं संपाउणंति, तेसि णं भंते ! देवाणं किं गए बहुए अगए बहुए ? गोयमा ! गए बहुए नो अगए बहुए, गया(ओ)उ से अगए असंखे-ज्जइभागे अगयाउ से गए असंखेज्जगुणे, लोए णं गोयमा ! एमहालए पक्खत्ते । अलोए णं भंते । केमहालए पक्खत्ते ? गोयमा ! अयञ्जं समयखेत्ते पणयालांसं जोयणसयसह-स्साइं आयामविक्खभेणं जहा खंदए जाव परिक्खेवणं, तेणं कालेणं तेणं समएणं दस देवा महिद्धिया तहेव जाव संपरिक्खत्ताणं संचिट्ठेज्जा, अहं णं अट्ठ दिसाकुमा-रीओ महत्तरियाओ अट्ठ बलिपिडे गहाय माणुसुत्तरस्स पव्वयस्स चउसुवि दिसासु चउसुवि विदिसासु बहियाभिमुहीओ ठिच्चा अट्ठ बलिपिडे जमगसमगं बहियाभिमु-हीओ पक्खिख्वेज्जा, पभू णं गोयमा ! तओ एगमेगे देवे ते अट्ठ बलिपिडे धरणित-ल्लमसंपते खिप्पामेव पडिसाहरितए, ते णं गोयमा ! देवा ताए उक्किट्ठाए जाव देव-गईए लोगंते ठिच्चा असच्चाम्मपट्टवणाए एगे देवे पुरच्छाभिमुहे पयाए एगे देवे दाहिणपुरच्छाभिमुहे पयाए एवं जाव उत्तरपुरच्छाभिमुहे पयाए एगे देवे उट्ठाभिमुहे एगे देवे अहोभिमुहे पयाए, तेणं कालेणं तेणं समएणं वाससयसहस्साउए दारए पयाए, तए णं तस्स दारगस्स अम्मापियरो पहीणा भवन्ति नो चेव णं ते देवा अलोकंतं संपाउणंति, तं चेव जाव तेसि णं भंते ! देवाणं किं गए बहुए अगए बहुए ? गोयमा ! नो गए बहुए अगए बहुए, गयाउ से अगए अणंतगुणे अगयाउ से गए अणंतभागे, अलोए णं गोयमा ! एमहालए पक्खत्ते ॥४२०॥ लोगस्स णं भंते ! एगंमि आगासप-एसे जे एगिदिबपएसा जाव पंजिदियपएसा अणिदियपएसा अच्चमज्जवा अच्चमज्जुट्ठा जाव अच्चमज्जसमभरपट्टाए चिट्ठंति, अत्थि णं भंते । अच्चमज्जस्स किंवि आवाहं वा वावाहं वा उप्पावसिं कक्किच्छेदं वा करंति ? ओ इण्ठे समट्ठे, से केण्ठेणं भंते । एवं बुवाइ लोगस्स णं एगंमि आगासपएसे जे एगिदिबपएसा जाव चिट्ठंति अत्थि

णं अन्नमन्नस्स किञ्चि आबाहं वा जाव करेति ? गोयमा । से जहानामए नट्टिया सिया सिंगारागारचारुवेसा जाव कलिया रंगट्टाणंसि जगसयाउलंसि जणसय-सहस्साउलंसि बत्तीसइविहस्स नट्टस्स अन्नयरं नट्टविहिं उवदसेज्जा, से नूणं गोयमा ! ते पेच्छगा तं नट्टियं अणिसियाए दिट्ठीए सब्बओ समंता समभिलोएति ? हंता भंते ! समभिलोएति, ताओ णं गोयमा ! दिट्ठीओ तंसि नट्टियंसि सब्बओ समंता सण्णपडियाओ ? हंता सन्नि(घ)पडियाओ, अत्थि णं गोयमा ! ताओ दिट्ठीओ तीसे नट्टियाए किञ्चिवि आबाहं वा वाबाहं वा उप्पाएति छविच्छेदं वा करेति ? णो इणट्ठे समट्ठे, अहवा सा नट्टिया तासिं दिट्ठीणं किञ्चि आबाहं वा वाबाहं वा उप्पाएइ छविच्छेदं वा करेइ ? णो इणट्ठे समट्ठे, ताओ वा दिट्ठीओ अन्नमन्नाए दिट्ठीए किञ्चि आबाहं वा वाबाहं वा उप्पाएति छविच्छेदं वा करेन्ति ? णो इणट्ठे समट्ठे, से तेणट्ठेणं गोयमा ! एवं वुच्चइ तं चेव जाव छविच्छेदं वा करेति ॥ ४२१ ॥ लोगस्स णं भंते ! एगंसि आगासपएसे जहन्नपए जीवपएसाणं उक्कोसपए जीवपएसाणं सब्ब-जीवाण य कयरे २ जाव विसेसाहिया वा ? गोयमा । सब्बत्वोवा लोगस्स एगंसि आगासपएसे जहन्नपए जीवपएसा, सब्बजीवा असंखेज्जगुणा, उक्कोसपए जीवपएसा विसेसाहिया । सेवं भंते ! सेवं भंते ! ति ॥ ४२२ ॥ एकारसमस्स सयस्स इसमो उद्देशो समत्तो ॥

तेणं कालेणं नेणं समएणं वाणियगामे नामं नयरे होत्था वन्नओ, वृइपलासे उज्जाणे वन्नओ जाव पुठविसिलापट्टओ, तत्थ णं वाणियगामे नयरे सुदंसणे नामं सेट्ठी परिवसइ अन्हे जाव अपरिभूए समणोवामए अभिगयजीवाजीवे जाव विहरइ, सामी समोसडे जाव परिसा पज्जुवासइ, तए णं से सुदंसणे सेट्ठी इमीसे कहाए लद्धट्ठे समाणे हट्टतुट्ठे ण्हाए सव्वालंकारविभूसिए साओ गिहाओ पडिनिक्खमइ साओ गिहाओ पडिनिक्खमिन्ता सकोरेंटमल्लदामेणं छत्तेणं धरिज्जमाणेणं पायविहारचारेणं महया पुरिसवग्गुरापारिक्खत्ते वाणियगामं नयरं मज्झंमज्झेणं निग्गच्छइ निग्गच्छित्ता जेणेव दूइपलासे उज्जाणे जेणेव समणे भगवं महावीरे तेणेव उवागच्छइ तेणेव उवागच्छित्ता समणं भगवं महावीरं पंचविहेणं अभिगमेणं अभिगच्छइ, तं०-सच्चित्तार्णं दव्वाणं जहा उसभदत्तो जाव तिविहाए पज्जुवासणए पज्जुवासइ । तए णं समणे भगवं महावीरे सुदंसणस्स सेट्ठिस्स तीसे य महइमहालियाए जाव आरा-हए भवइ । तए णं से सुदंसणे सेट्ठी समणस्स भगवओ महावीरस्स अंतियं धम्मं मोच्चा निसम्म हट्टतुट्ठे उट्ठाए उट्ठेइ २ ता समणं भगवं महावीरं तिककूतो जाव नमंसित्ता एवं वयासी-कइविहे णं भंते । काले पक्कते ? सुदंसणा ! चउत्थिइ काले

पक्षे, तंजहा-पमाणकाले १ अहाउनिव्वत्तिकाले २ मरणकाले ३ अद्धाकाले ४, से किं तं पमाणकाले ? २ दुविहे पण्णे, तंजहा-दिवसपमाणकाले य १ राइप्पमाणकाले य २, चउपोरिसिए दिवसे चउपोरिसिया राई भवइ ॥ ४२३ ॥ उक्कोसिया अद्धपंचममुहुत्ता दिवसस्स वा राईए वा पोरिसी भवइ, जहज्जिया तिमुहुत्ता दिवसस्स वा राईए वा पोरिसी भवइ, जया णं भंते ! उक्कोसिया अद्धपंचममुहुत्ता दिवसस्स वा राईए वा पोरिसी भवइ तया णं कइभागमुहुत्तभागेणं परिहायमाणी २ जहज्जिया तिमुहुत्ता दिवसस्स वा राईए वा पोरिसी भवइ तया णं कइभागमुहुत्तभागेणं परि-
वक्कमाणी २ उक्कोसिया अद्धपंचममुहुत्ता दिवसस्स वा राईए वा पोरिसी भवइ ? सुदंसणा ! जया णं उक्कोसिया अद्धपंचममुहुत्ता दिवसस्स वा राईए वा पोरिसी भवइ तया णं बावीसमयभागमुहुत्तभागेणं परिहायमाणी २ जहज्जिया तिमुहुत्ता दिवसस्स वा राईए वा पोरिसी भवइ, जया णं जहज्जिया तिमुहुत्ता दिवसस्स वा राईए वा पोरिसी भवइ तया णं बावीसमयभागमुहुत्तभागेणं परिवक्कमाणी परिवक्क-
माणी उक्कोमिया अद्धपंचममुहुत्ता दिवसस्स वा राईए वा पोरिसी भवइ । कया णं भंते ! उक्कोमिया अद्धपंचममुहुत्ता दिवसस्स वा राईए वा पोरिसी भवइ कया वा जहज्जिया तिमुहुत्ता दिवसस्स वा राईए वा पोरिसी भवइ ? सुदंसणा ! जया णं उक्कोसए अट्टारसमुहुत्ते दिवसे भवइ जहज्जिया दुवालसमुहुत्ता राई भवइ तया णं उक्कोसिया अद्धपंचममुहुत्ता दिवसस्स पोरिसी भवइ जहज्जिया तिमुहुत्ता राईए पोरिसी भवइ, जया णं उक्कोसिया अट्टारसमुहुत्तिया राई भवइ जहज्जिए दुवालस-
मुहुत्ते दिवसे भवइ तया णं उक्कोसिया अद्धपंचममुहुत्ता राईए पोरिसी भवइ जह-
ज्जिया तिमुहुत्ता दिवसस्स पोरिसी भवइ । कया णं भंते ! उक्कोसए अट्टारसमुहुत्ते दिवसे भवइ जहज्जिया दुवालसमुहुत्ता राई भवइ कया वा उक्कोसिया अट्टारसमुहुत्ता राई भवइ जहज्जिए दुवालसमुहुत्ते दिवसे भवइ ? सुदंसणा ! आसाउपुञ्जिमाए णं उक्कोसए अट्टारसमुहुत्ते दिवसे भवइ जहज्जिया दुवालसमुहुत्ता राई भवइ, पोसस्स पुञ्जिमाए णं उक्कोसिया अट्टारसमुहुत्ता राई भवइ जहज्जिए दुवालसमुहुत्ते दिवसे भवइ ॥ अत्थि णं भंते । दिवसा य राईओ य समा चेव भवन्ति ? हंता । अत्थि, कया णं भंते । दिवसा य राईओ य समा चेव भवन्ति ? सुदंसणा ! जितासोयपुञ्जिमासु णं, एत्थ णं दिवसा य राईओ य समा चेव भवन्ति, पजरसमुहुत्ते दिवसे पजरसमुहुत्ता राई भवइ चउभागमुहुत्तभाग्णा चउमुहुत्ता दिवसस्स वा राईए वा पोरिसी भवइ, सेतं पमाणकाले ॥ ४२४ ॥ से किं तं अहाउनिव्वत्तिकाले ? अहाउनिव्वत्तिकाले अणं जेणं नेरइएण वा तिरिक्खजोणिएण वा मणुस्सेण वा देवेण वा अहाउणं

निव्वत्तिं सेत्तं पाळेमाणे अहाउनिव्वत्तिकाले । से किं तं मरणकाले ? २ जीवो वा सरीराओ सरीर वा जीवाओ, सेत्तं मरणकाले ॥ से किं तं अद्धाकाले ? अद्धाकाले अणेगविहे पन्नते, तं० समयद्वयाए आवलियद्वयाए जाव उस्सप्पिणीद्वयाए । एस णं सुदंसणा ! अद्धा दोहारच्छेयणेणं छिज्जमाणी जाहे विभागं नो हव्वमागच्छइ सेत्तं समए, ममयद्वयाए असंखेज्जाणं समयाणं समुदयसमिइसमागमेणं सा एगा आवलियात्ति पवुच्चइ, संखेज्जाओ आवलियाओ जहा सालिउदेसए जाव तं सागरोवमस्स उ एगस्स भवे परिमाणं । एएहि णं भंते ! पलिओवमसागरोवमेहिं किं पवोयणं ? सुदंसणा ! एएहिं पलिओवमसागरोवमेहिं नेरइयतिरिक्खजोणियमणुस्स देवाणं आउयाई माविज्जंति ॥ ४२५ ॥ नेरइयाणं भंते ! केवइयं कालं टिई पन्नत्ता ? एवं टिइपयं निरवसेस भाणियव्वं जाव अजहन्नमणुक्कोसेणं तेत्तीस मागरोवमाई टिई पन्नत्ता ॥ ४२६ ॥ अत्थि णं भंते ! एएसि पलिओवमसागरोवमाणं खएइ वा अवचएइ वा ? हंता आत्थि, से केणट्ठेणं भंते ! एवं वुच्चइ अत्थि णं एएसि णं पलिओवमसागरोवमाणं जाव अवचएइ वा ? एवं खल्ल सुदंसणा ! तेणं कालेणं तेणं समएणं हत्थिणापुरे नामं नयरे होत्था वन्नओ, महसंबवणे उज्जाणे वन्नओ, तत्थि णं हत्थिणापुरे नयरे बले नामं राया हंत्या वन्नओ, तस्स णं बलस्स रज्जो पभावई नामं देवी होत्था मुकुमाल० वन्नओ जाव विहरउ । तए णं सा पभावई देवी अन्नया कयाइ तंति तारिसगंसि वासघरंसि अट्ठिभतरओ सच्चित्तकम्मे बाहिरओ दूमियघट्टमट्ठे विच्चित्तउल्लोगच्चिल्लियतले मणिरयणपणासियंधयारे बहुसमसुविभत्तदेसभाए पंचवन्नसरससरभियुक्कपुप्फपुंजोवयारकलिए कालागुरुपवरकुंदुल्लकुत्तुल्लधूवमधमपंतगंधुदुयाभिरामे सुगंधिवरगंधिए गंधवट्ठिभूए तंति तारिसगंसि सयणिज्जंसि सालिगणवट्ठिए उभओ विव्वोयणे दुहओ उन्नए मज्जेणयगंभीरे गंगापुल्लिणवाल्लयउहाल्लसाल्लिए उवच्चियत्तोमियदुगुल्लपट्टपट्टिच्छायणे सुविरइयरयत्ताणे रत्तंसुयसंबुडे सरम्मे आइणगह्लयवूरणवणीयत्तलफासे सुगंधवरकुत्तुमसुत्तसयणोवयारकलिए अद्धरत्तकालसमयंसि सुत्तजागरा ओहीरमाणी २ अयमेयारुवं ओरालं कल्लाणं सिवं धत्तं मंगलं सत्तिसरीयं महासुविणं पात्तिता णं पल्लियुद्धा तं० हाररययत्तीरसागरससंककिरणदमरयरययमहासेलपंडुरतरोद्धरमणिजपेच्छमिज्जं थिरल्लपुट्टुवट्टपीवरसुसिल्लिद्विसिद्धित्तिक्खदाढाविडंविंयमुहं परिकम्मियज्जक्कमल्लकोमल्लमाइयसोहंतल्लउत्तं रत्तुप्पलपत्तमउयसुत्तमालतासुत्तजीई मूसालयपवरकणगतावियआवत्तायंतवट्टतत्तिविमल्लसरिसनयणं विसालपीवरोरुपत्तिपुत्तविउल्लखं मिउविसयसुत्तुमल्लक्खणपसत्थिचित्तककेसरसडोवसोहियं उत्तियसुत्तनिम्मियसुत्तजायअप्पोत्तियल्लगूळं सोमं सोमाकारं लीलायंतं जंमाइतं न्हयल्लओ

ओवयमाणं निययवयणमह्वयंतं सीहं सुविणे पासिता णं पडिबुद्धा । तए णं सा पभावई देवी अयमेयारूवं ओरालं जाव सत्सिरीयं महासुविणं पासिता णं पडिबुद्धा समाणी हट्टवुद्ध जाव हियया धाराहयकलंबपुष्पंगपिव समूससियरोमकूवा तं सुविणं ओगिण्हइ ओगिण्हिता सयणिजाओ अब्भुट्टेइ सयणिजाओ अब्भुट्टेत्ता अतुतियमच-वलमसंभंताए अविलंबियाए रायहंससरिसीए गईए जेणेव बलस्स रत्तो सयणिजे तेणेव उवागच्छइ तेणेव उवागच्छिता बलं रायं ताहिं इट्ठाहिं कंताहिं पियाहिं मणुजाहिं मणामाहिं ओरालाहिं कळाणाहिं सिवाहिं धखाहिं मंगलाहिं सत्सिरीयाहिं मिउमहुरमंजुलाहिं गिराहिं संलवमाणी संलवमाणी पडिबोहेइ पडिबोहेत्ता बलेणं रत्ता अब्भमणुजाया समाणी नाणामणिरयणभत्तिच्चित्तंसि महासणंसि णिसीयइ णिसी-इत्ता आसत्था वीसत्था मुहासणवरगया बल रायं ताहिं इट्ठाहिं कंताहिं जाव संलव-माणी २ एवं बयासी-एवं खलु अहं देवाणुप्पिया । अज तंसि तारिमंगंसि सयणि-जंसि साल्लिगण० तं चेव जाव नियगवयणमह्वयंतं सीहं सुविणे पासिता णं पडि-बुद्धा, तण्णं देवाणुप्पिया । एयस्स ओरालस्म जाव महासुविणस्स के मन्ने कळाणे फलवित्तिविसेसे भविस्सइ ? तए णं से बडे राया पभावईए देवीए अंतियं एयमट्टं सोच्चा निसम्म हट्टवुद्ध जाव हयहियए धाराहयनीवसुरभिकुसुमचंचुमालइयतणुयउ-सवियरोमकूवे तं सुविणं ओगिण्हइ ओगिण्हिता ईहं पविसइ ईहं पविज्जिता अप्पणो साभाविणं मइपुव्वएणं बुद्धिविज्ञाणेणं तस्स सुविणस्स अत्थोग्गहणं करेइ तस्स० २ ता पभावई देविं ताहिं इट्ठाहिं कंताहिं जाव मंगलाहिं मिउमहुरसत्सिरीयाहिं संलव-माणे २ एवं बयासी-ओराले णं तुमे देवी ! सुविणे दिट्ठे, कळाणे णं तुमे देवी ! सुमिणे दिट्ठे जाव सत्सिरीए णं तुमे देवी ! सुविणे दिट्ठे, आरोग्गनुट्ठिहीहाउकळाणमंगल-कारेणं तुमे देवी ! सुविणे दिट्ठे, अत्थलाभो देवाणुप्पिए ! भोगलाभो देवाणु-प्पिए ! पुत्तलाभो देवाणुप्पिए ! रत्तलाभो देवाणुप्पिए !, एवं खलु तुमं देवाणुप्पिए ! णवण्हं मासाणं बहुपडिपुजाणं अद्धमाण राहंदियाणं वीइक्कंताणं अम्हं कुलकेउं कुलदीवं कुलपव्वयं कुलवडेसयं कुलतिलगं कुलकित्तिकरं कुलनंदिकरं कुलजसकरं कुलाधारं कुलपायबं कुलविवदणकरं सुकुमालपाणिपायं अहीणपडिपुण्णपंचिदिय-सरीरं जाव सत्सिसोमाकारं कंतं पियदंसणं सुत्तं देवकुमारसमप्पभं दारगं पया-हिसि । सेउवि य णं दारए उम्मुक्कवालभावे विजायपरिणयमित्ते जोव्वणगमणुप्पत्ते सूरे वीरे विक्कंते वित्थिक्कामिउलवलवाहणे रत्तवई राया भविस्सइ, तं उराले णं तुमे देवी ! सुमिणे दिट्ठे जाव आरोग्गनुट्ठि जाव मंगलकारेणं तुमे देवी ! सुमिणे दिट्ठेत्तिकट्टु पभावई देविं ताहिं इट्ठाहिं जाव बग्गाहिं दोबपि तबंपि अपुबूहइ । तए

णं सा पभावई देवी बलस्स रत्तो अंतियं एयमदुं सोब्बा निसम्म हट्टुदु० करयल जाव एवं बयासी-एवमेयं देवाणुप्पिया ! तहमेयं देवाणुप्पिया ! अवितहमेयं देवाणुप्पिया ! असंदिद्धमेयं देवाणुप्पिया ! इच्छियमेयं देवाणुप्पिया ! पडिच्छियमेयं देवाणुप्पिया ! इच्छियपडिच्छियमेयं देवाणुप्पिया ! से जहेयं तुज्जे वदहत्तिकदुं तं सुविणं सम्मं पडिच्छइ पडिच्छित्ता बलेणं रत्ता अब्भण्णाया समाणी णाणामणिरयणभत्तिचित्ताओ भहासणाओ अब्भुट्ठेइ अब्भुट्ठेत्ता अतुरियमच्चल जाव गईए जेणेव सए सयणिजे तेणेव उवागच्छइ तेणेव उवागच्छित्ता सयणिजंसि निसीयइ निसीइत्ता एवं चयासी-मा मे से उत्तमे पहाणे मंगले सुविणे अजेहिं पावसुमिणेहिं पडिहम्मिस्सइत्तिकदुं देवगुरुज्जणसंबद्धाहिं पसत्थाहिं मंगल्लाहिं धम्मियाहिं क्काहिं सुविणजागरियं पडिजागरमाणी २ विहरइ । तए णं से बले राया कोडुंबियपुरिसे सहावेइ सहावेत्ता एवं चयासी-खिप्पामेव भो देवाणुप्पिया ! अज्ज सविसंसं बाहिरियं उवट्ठाणसालं गंधोदयसित्तसुइयसमज्जिओवलित्तं सुगंधपवरपंचवन्नपुप्फोवयारकलियं कालागुरुपवरकुंदुस्सु जाव गंधवट्ठिभूयं करेह य करावेह य करेत्ता करावेत्ता सीहासणं रयावेह सीहासणं रयावेत्ता ममेयं जाव पच्चप्पिणह, तए णं ते कोडुंबियपुरिसा जाव पडिसुणेत्ता खिप्पामेव सविसंसं बाहिरियं उवट्ठाणसालं जाव पच्चप्पिणंति, तए णं से बले राया पच्चसकालममयंसि सयणिजाओ अब्भुट्ठेइ सयणिजाओ अब्भुट्ठेत्ता पायपीढाओ पच्चोस्सइ पायपीढाओ पच्चोरहिन्ना जेणेव अट्टणसाला तेणेव उवागच्छइ २ ता अट्टणसालं अणुपविसइ जहा उववाइए तहेव अट्टणसाला तहेव मज्जणघरे जाव ससिच्च पियदंसणे नरवई मज्जणघराओ पडिनिक्खमइ पडिनिक्खमिन्ना जेणेव बाहिरिया उवट्ठाणसाला तेणेव उवागच्छइ तेणेव उवागच्छित्ता सीहासणवरंसि पुरच्छाभिसुहे निसीयइ निसीइत्ता अप्पणो उत्तरपुरच्छिमे दिसीभाए अट्ट भहासणाइं सेयवत्थपच्चुत्थुयाइं सिद्धत्थगकयमंगलोवयाराइं रयावेइ रयावेत्ता अप्पणो अदूरसामंते णाणामणिरयणमंडियं अहियपेच्छणिजं महग्घवरपट्टणुगयं सण्हपट्टबहुभतिसयचित्तताणं ईहामियउसभ जाव भत्तिचित्तं अट्ठिभतरियं जवणियं अंछावेइ अंछावेत्ता णाणामणिरयणभत्तिचित्तं अत्थरयमउयमसूरगोच्छणं सेयवत्थपच्चुत्थुयं अंगमुहफासयं सुमउयं पभावईए देवीए भहासणं रयावेइ रयावेत्ता कोडुंबियपुरिसे सहावेइ सहावेत्ता एवं बयासी-खिप्पामेव ओ देवाणुप्पिया ! अट्टणमहानिमित्तमुत्तत्थधारए विविहसत्थकुसले सुविणलक्खणपाढए सहावेह, तए णं ते कोडुंबियपुरिसा जाव पडिसुणेत्ता बलस्स रत्तो अंतियाओ पडिनिक्खमन्ति पडिनिक्खमिन्ना सिग्घं तुरियं चबलं चंढं वेइयं इत्थिणापुरं नवरं मज्जांमज्जेणं निग्गच्छंति २ ता जेणेव तेसि सुविणलक्खणपाढगाणं गिहाइं तेणेव उवाग-

च्छन्ति तेणेव उवागच्छिता ते सुविणलक्खणपाठए सहावेति । तए णं ते सुविण-
लक्खणपाठगा बलस्स रओ कोडुंभियपुरिसेहिं सहाविया समाणा हट्टुट्टा ण्हाया जाव
सरीरा सिद्धत्तगहरियालियाकयमंगलमुद्दाणा सएहिं २ गिहेहितो निग्गच्छंति स० २
त्ता इत्थिणापुरं नयरं मज्झमज्जेणं जेणेव बलस्स रओ भवणवरवड्ढेसए तेणेव उवा-
गच्छन्ति तेणेव उवागच्छिता भवणवरवड्ढेसगपडिदुवारंसि एगओ मिलंति एगओ
मिलित्ता जेणेव बाहिरिया उवट्टाणसाला जेणेव बले राया तेणेव उवागच्छन्ति तेणेव
उवागच्छिता करयल० बलं रायं जएणं विजएणं वद्धावेति । तए णं ते सुविणलक्खण-
पाठगा बलेणं रत्ता वंदियपुइयसकारियसम्माणिया समाणा पत्तेयं २ पुव्वजत्थेसु
भहासणेसु निसीयंति, तए णं से बले राया पभावई देवि जवणियंतरियं ठावेइ ठावेत्ता
पुप्फफलपडिपुञ्जहस्ये परेणं विणएणं ते सुविणलक्खणपाठए एवं वयासी-एवं खलु
देवाणुप्पिया । पभावई देवी अज्ज तंसि तारिसगंसि वासघरंसि जाव सीहं सुविणे
पासित्ता णं पडिबुद्धा, तण्णं देवाणुप्पिया ! एयस्स ओरालस्स जाव के मणे कल्लणे
फलवित्तिविसेसे भविस्सइ ? तए णं ते सुविणलक्खणपाठगा बलस्स रओ अंतियं एय-
मट्ठं सोच्चा निस्सम्म हट्टुट्ट० तं सुविणं ओगिण्हन्ति २ ता ईहं अणुप्पविसन्ति अणुप्प-
विसित्ता तस्स सुविणस्स अओग्गहणं करेन्ति तस्स० २ ता अजमजेणं सद्धिं संचालेति
२ ता तस्स सुविणस्स लद्धा गहियट्टा पुच्छियट्टा विणिच्छियट्टा अभिगयट्टा बलस्स
रओ पुरओ सुविणसत्थाई उच्चारमाणा २ एवं वयासी-एवं खलु देवाणुप्पिया । अट्ठं
सुविणसत्थंसि बायालीसं सुविणा तीसं महासुविणा भावत्तरिं सव्वसुविणा दिट्ठा, तत्थ णं
देवाणुप्पिया ! तित्थगरमायरो वा चक्कवट्ठिमायरो वा तित्थगरंसि वा चक्कवट्ठिसि वा
गब्भं वक्कममाणंसि एएंसि तीसाए महासुविणाणं इमे चोइस महासुविणे पासित्ता णं
पडिबुज्झंति, तंजहा-गयवसहसीहअभिसेयदामससिदिणयरं झयं कुंभं । पउमसर-
सागरविमाणभवणरयणुच्चयसिहिं च १४ ॥ १ ॥ वासुदेवमायरो वा वासुदेवंसि
गब्भं वक्कममाणंसि एएंसि चोइसण्हं महासुविणाणं अज्जयरे सत्त महासुविणे पासित्ता
णं पडिबुज्झंति, बलदेवमायरो वा बलदेवंसि गब्भं वक्कममाणंसि एएंसि चोइसण्हं
महासुविणाणं अज्जयरे चत्तारिं महासुविणे पासित्ता णं पडिबुज्झंति, मंडलियमायरो
वा मंडलियंसि गब्भं वक्कममाणंसि एएंसि णं चउदसण्हं महासुविणाणं अज्जयरं एयं
महासुविणं पासित्ता णं पडिबुज्झन्ति, इमे य णं देवाणुप्पिया ! पभावईए देवीए एगे
महासुविणे सिट्ठे, तं ओराळे णं देवाणुप्पिया ! पभावईए देवीए सुविणे सिट्ठे जाव
आरोग्गनुट्ठि जाव मंगलकारए णं देवाणुप्पिया ! पभावईए देवीए सुविणे सिट्ठे,
अत्यलाभो देवाणुप्पिया ! ओग० पुत्त० रज्जलामो देवाणुप्पिया । एवं खलु देवाणु-

धिया । पभावई देवी नवण्हं मासाणं बहुपडिपुञ्जाणं जाव वीइकंताणं तुम्हं कुलकेउं जाव दारणं पयाहिइ, सेउविय णं दारए उम्मुक्कबालभावे जाव रज्जवई राया भविस्सइ अणगारे वा भावियप्पा, तं ओराळे णं देवाणुपिया । पभावईए देवीए सुविणे दिट्ठे जाव आरोग्गुट्टिबीहाउयकल्लण जाव दिट्ठे । तए णं से बळे राया सुविणलक्खण-पाढगणं अंतियं एयमट्ठं सोच्चा निसम्म हट्टनुट्ठं करयल जाव कडु ते सुविण-लक्खणपाढगे एव वयासी-एवमेयं देवाणुपिया । जाव से जहेयं तुब्भे वदहत्तिकहु तं सुविणं सम्मं पडिच्छइ तं २ ता सुविणलक्खणपाढए विउलेणं असणपाणस्वाइम-साइमपुण्णवत्तणं धमल्लालंकारेणं सक्कारेइ सम्माणेइ सक्कारेता सम्माणेता विउलं जीवि-यारिहं पीइदागं दलयइ २ ता पडिविसजेइ पडिविसज्जेता सीद्दासणाओ अब्भुट्ठेइ अब्भुट्ठेता जेणेव पभावई देवी तेणेव उवागच्छइ तेणेव उवागच्छिता पभावई देविं ताहिं इट्ठाहिं कंताहिं जाव संलवमाणे संलवमाणे एव वयासी-एवं खल देवाणुपिए । सुविणसत्थंसि बायालीसं सुविणा तीसं महासुविणा बावत्तरिं सव्वसुविणा दिट्ठा, तत्थ णं देवाणुपिए । तिश्यगरमायरो वा चक्कवट्टिमायरो वा तं चेंव जाव अन्नयरं एणं महासुविणं पासिता णं पडिबुज्जंति, इमे य णं तुमे देवाणुपिए । एगे महासुविणे दिट्ठे, तं ओराळे णं तुमे देवी ! सुविणे दिट्ठे जाव रज्जवई राया भविस्सइ अणगारे वा भावियप्पा, तं ओराळे णं तुमे देवी ! सुविणे दिट्ठे जाव दिट्ठेत्तिकहु पभावई देविं ताहिं इट्ठाहिं कंताहिं जाव दोच्चंपि तच्चंपि अणुवूहइ, तए णं सा पभावई देवी बलस्स रज्जो अंतियं एयमट्ठं सोच्चा निमम्म हट्टनुट्ठं करयल जाव एवं वयासी-एवमेयं देवाणु-पिया । जाव तं सुविणं सम्मं पडिच्छइ तं सुविणं सम्मं पडिच्छिता बलेणं रजा अब्भणुजाया समाणी नाणामणिरयणभत्तिवित्त जाव अब्भुट्ठेइ अतुरियमचवल जाव गईए जेणेव सए भवणे तेणेव उवागच्छइ तेणेव उवागच्छिता सयं भवणमणुपविट्ठा । तए णं सा पभावई देवी ण्हाया सव्वालंकारविभूसिया तं गब्भं णाइसीएहिं नाइ-उण्हेहिं नाइत्तिनेहिं नाइकडुएहिं नाइकमाएहिं नाइअंविळेहिं नाइमहुरेहिं उउब्भय-माणसुहेहिं भोयणच्छायणगंधमहेहिं जं तस्म गब्भस्स हियं मियं पत्थं गब्भपोसणं तं देसे य काळे य आहारमाहारेमाणी विवित्तमउएहिं सयणासणेहिं पइरिक्कसुहाए मणाणुकूलाए विहारभूमीए पसत्थदोहला संपुण्णदोहला सम्माभियदोहला अब्भाम्पिय-दोहला वीच्छिन्नदोहला विणीयदोहला ववगयरोगसोगमोहभयपरित्तासा तं मब्भं सुहंसुहेणं परिवहइ । तए णं सा पभावई देवी नवण्हं मासाणं बहुपडिपुञ्जाणं असट्ठ-माण राइदियाणं वीइकंताणं सुकुमालपाणिपायं अहीणपडिपुञ्जाणं चिचियस्सरीं लक्खण-वज्जणगुणोवबेयं जाव सत्तिसोमाकारं कंतं पियदंसणं सुखं दारयं पयाया । तए णं

स्तीसे पभावर्ये देवीए अंगपडियारियाजो पभावर्ये देवि पस्यं जाणेता जेणेव बळे राया तेणेव उवागच्छन्ति तेणेव उवागच्छिता करयल जाव बलं रायं अएणं विजएणं वद्धावेति अएणं विजएणं वद्धावेता एवं वयासी-एवं खलु देवाणुपिया ! पभावर्ये देवी णवण्हं मासाणं बहुपडिपुष्णाणं जाव दारगं पयाया तं एयणं देवाणुपियाणं पियट्टयाए पियं निवेदेमो पियं भे भवउ । तए णं से बळे राया अंगपडिया-रियाणं अंतियं एयमट्ठं सोब्बा निसम्म हट्टुट्ट जाव धाराहयणीव जाव रोमकूवे तासिं अंगपडियारियाणं मउडवज्जं जहामालियं ओमोयं दलयइ २ ता सेयं रययामयं विमलसलिलपुष्पं भिगारं च गिण्हइ गिण्हिता मत्थए घोवइ मत्थए घोवित्ता विउलं जीवियारिहं पीइदाणं दलयइ पीइदाणं दलइत्ता सक्कारेइ सम्माणेइ स० २ ता पडिविमज्जेइ ॥ ४२७ ॥ तए णं से बळे राया कोडुंबियपुरिसे सहावेइ सहावेता एवं वयासी-स्विप्पामेव भो देवाणुपिया ! हत्थिणापुरे नयरे चारगसोहणं करेह चारग० २ ता माणुम्माण(प्पमाण)वक्कणं करेह मा० २ ता हत्थिणापुरं नयरं सत्थिभ-तरबाहिरियं आसियसंमाज्जओवलित्तं जाव करेह य कारवेह य करेता य कारवेता य ज्यसहस्सं वा चक्कसहस्सं वा पूयामहामहिमसक्कारं वा उस्सवेह २ ता भमेयमाणत्तियं पच्चपिणह, तए णं ते कोडुंबियपुरिसा बलेणं रत्ता एवं वुत्ता समाणा जाव पच्चपि-णंति । तए णं से बळे राया जेणेव अट्टणसाला तेणेव उवागच्छइ तेणेव उवाग-च्छिता तं चेव जाव मज्जणघराओ पडिनिक्खमइ पडिनिक्खमिता उस्सुक्कं उक्करं उक्किट्ठं अदिज्जं अमिज्जं अभडप्पवेसं अदंडकोदंडिमं अधरिमं गणियावरनाडइज्जक-लियं अणेगतालाचराणुचरियं अणुसुयमुडुंगं अमिलायमल्लदामं पमुइयपल्लीलियं सपु-रज्जणजाणवयं दसदिवसे ठिइवडियं करेइ, तए णं से बळे राया दसाहियाए ठिइवडियाए बट्टमाणीए सइए य साहस्सिए य सयसाहस्सिए य जाए य दाए य भाए य दल्लमाणे य द्वावेमाणे य सइए य साहस्सिए य सयसाहस्सिए य लंभे पडिच्छमाणे य पडिच्छावेमाणे य एवं विहरइ । तए णं तस्स दारगस्स अम्मापियरो पढमे दिवसे ठिइवडियं करेन्ति, तइए दिवसे चंदसूरदंसणियं करेन्ति, छट्ठे दिवसे जागरियं करेन्ति, एक्कारसमे दिवसे वीइक्कंते निव्वते अउइजायक्कम्मकरणे संपत्ते बारसाहदिवसे विउलं असणं पाणं खाइमं साइमं उवक्खडावेति २ ता जहा सिवो जाव खत्तिए य आमंतंति २ ता तओ पच्छा ष्हाया तं चेव जाव सक्कारंति सम्माणंति स० २ ता तस्सेव मित्तणाइ जाव राईण य खत्तियाण य पुरओ अज्जयपज्जय-पिउपज्जयागयं बहुपुरिसपरंपरप्परूढं कुलाणुस्सवं कुलसरिसं कुलसंताणतंतुविवरुणकरं अयमेयारुवं गोणं गुणनिष्कळं नासवेज्जं करंति-जम्हा णं अण्हं इमे दारए बलस्स

रणो पुते पभावईए देवीए अत्तए तं होउ णं अम्हं एयस्स दारगस्स नामधेज्जं महब्बले, तए णं तस्स दारगस्स अम्मापियरो नामधेज्जं करेति महब्बलेति । तए णं से महब्बले दारए पंचधाईपरिग्गहिए, तंजहा-खीरधाईए एवं जहा दहपइजे जाव निवायनिब्बाघायंसि सुहंसुहेणं परिवट्ठइ । तए णं तस्स महब्बलस्स दारगस्स अम्मापियरो अणुपुब्बेणं ठिड्वच्चियं वा चंदसूरदसावणियं वा जागरियं वा नामकरणं वा परंगामणं वा पयचं कामणं वा जेमा(म)वणं वा पिंडवद्धणं वा पजंपावणं वा कण्णवेहणं वा संवच्छरपडिळेहणं वा चोलोयणं च उवणयणं च अक्काणि य बहूष्णि गब्भाहाणजम्मणमाइयाईं कोउयाईं करेति । तए णं तं महब्बलं कुमारं अम्मापियरो साइरेगट्टवासगं जाणिता सोभणंसि तिहिकरणसुहुत्तंसि एवं जहा दहप्पइजे जाव अलं भोगसमत्थे जाए यावि होत्था । तए णं तं महब्बलं कुमारं उम्मुक्कबालभावं जाव अलं भोगसमत्थं विजाणिता अम्मापियरो अट्ट पासायवडेंमए कारेति अब्भुगयमूसियपहसिए इव वज्जओ जहा रायप्पसेणइजे जाव पडिरूवे, तेसि णं पासायवडेंसगणं बहुमज्झदेसभाए एत्थ णं महेगं भवणं कारेति अणेगव्वंभसयसंनिविट्ठं वज्जओ जहा रायप्पसेणइजे पेच्छाघरमंडवंसि जाव पडिरूवे ॥ ४२८ ॥ तए णं तं महब्बलं कुमारं अम्मापियरो अजया कयाइ सोभणंसि तिहिकरणदिवसनक्खत्तसुहुत्तंसि ष्हायं सव्वालंकारविभूसियं पमक्खणगण्हाणगीयवाइयपसाहणट्ठंगतिलगकंकणअविह्ववहुउवणीयं मंगलमुजंपिएहि य वरकोउयमंगलोवयारकयसंतिक्रम्मं सरिस्त्रियाणं सरित्तयाणं सरिव्वयाणं सरिसलावन्नरूवजोव्वगणुणोव्वेयाणं विणीयाणं सरिसएहिं रायकुळेहितो आणिल्लियाणं अट्टण्हं रायवरकजाणं एगदिवसेणं पाणिं गिण्हाविंसु । तए णं तस्स महाबलस्स कुमारस्स अम्मापियरो अयमेयारूवं पीइहाणं दलयंति तं०-अट्ट हिरक्कोडीओ अट्ट सुवज्जकोडीओ अट्ट मउखे मउउप्पवरे अट्ट कुंडलजोए कुंडलजोयप्पवरे अट्ट हारे हारप्पवरे अट्ट अद्धहारे अद्धहारप्पवरे अट्ट एगावलीओ एगावलिप्पवराओ एवं मुत्तावलीओ एवं कणगावलीओ एवं रयणावलीओ अट्ट कडगजोए कडगजोयप्पवरे एवं तुडियजोए अट्ट खोमजुयलाई खोमजुवलप्पवराई एवं वडगजुयलाई एवं पट्टजुयलाई एवं दुग्गल्लजुयलाई अट्ट सिरीओ अट्ट हिरीओ एवं विईओ कितीओ बुद्धीओ लच्छीओ अट्ट नंदाई अट्ट भदाई अट्ट तळे तलप्पवरे सब्बरयणामए णियगवरभवणकेऊ अट्ट झए झयप्पवरे अट्ट वए वयप्पवरे दसगोसाहस्सिएणं वएणं अट्ट नाडगाई नाडगप्पवराई बत्तीसबद्धेणं नाडएणं अट्ट आसे आसप्पवरे सब्बरयणामए सिरिघरपडिरूवए अट्ट इत्थी इत्थिप्पवरे सब्बरयणामए सिरिघरपडिरूवए अट्ट आणाई जाणप्पवराई अट्ट जुग्गाई जुग्गप्पवराई एवं सिवियाओ

एवं संदमाणीओ एवं गिल्लीओ थिल्लीओ अट्ट वियडजाणाई वियडजाणप्पवराई अट्ट रहे पारिजाणिए अट्ट रहे संगामिए अट्ट आसे आसप्पवरे अट्ट हत्थी हत्थिप्पवरे अट्ट गामे गामप्पवरे दसकुलसाहस्सिएणं गामेणं अट्ट दासे दासप्पवरे एवं दासीओ एवं किंकरे एवं कंचुइजे एवं वरिसधरे एवं महत्तरए अट्ट सोवन्निए ओलंबणवीवे अट्ट रूपमए ओलंबणवीवे अट्ट सुवन्नरूपमए ओलंबणवीवे अट्ट सोवन्निए उक्कचण-
 वीवे एवं चैव तिणिवि, अट्ट सोवणिए पंजरवीवे एवं चैव तिणिवि, अट्ट सोवणिए थाले अट्ट रूपमए थाले अट्ट सुवन्नरूपमए थाले अट्ट सोवन्नियाओ पत्तीओ ३ अट्ट सोवन्नियाई थासयाई ३ अट्ट सोवन्नियाई मंगला(मल्ला)ई ३ अट्ट सोवन्नियाओ तलि-
 याओ ३ अट्ट सोवन्नियाओ कविच्चियाओ ३ अट्ट सोवन्निए अवएइए अट्ट सोवन्नियाओ अवयक्काओ ३ अट्ट सोवणिए पायपीडए ३ अट्ट सोवन्नियाओ भिसियाओ ३ अट्ट सोवन्नियाओ करोडियाओ ३ अट्ट सोवन्निए पळंके ३ अट्ट सोवन्नियाओ पडिसेज्जाओ ३ अट्ट हंसामणाई अट्ट कौंचासणाई एवं गह्लासणाई उच्चयासणाई पणयासणाई
 वीहासणाई महासणाई पक्खासणाई मगरामणाई अट्ट पउमासणाई अट्ट दिसा-
 सोवन्नियासणाई अट्ट तोहसमुग्गे जहा रायप्पसेणइजे जाव अट्ट सरिसवसमुग्गे अट्ट खुज्जाओ जहा उववाइए जाव अट्ट पारिसीओ अट्ट छत्ते अट्ट छत्तधारीओ
 चेढीओ अट्ट चामराओ अट्ट चामरधारीओ चेढीओ अट्ट तालियंटे अट्ट तालियंट-
 धारीओ चेढीओ अट्ट करोडियाधारीओ चेढीओ अट्ट खीरधाईओ जाव अट्ट अंक-
 धाईओ अट्ट अंगमहियाओ अट्ट उम्महियाओ अट्ट ष्ठावियाओ अट्ट पसाहियाओ अट्ट
 वन्नग(चंदण)पेसीओ अट्ट चुन्नगपेसीओ अट्ट कोट्टागारीओ अट्ट दवकारीओ अट्ट
 उवत्थाणियाओ अट्ट नाहइज्जाओ अट्ट कोट्टुंविणीओ अट्ट महाणत्तिणीओ अट्ट भंडा-
 गारिणीओ अट्ट अ(अन्ना)ज्जाधारिणीओ अट्ट पुप्फधारिणीओ अट्ट पाणिधारिणीओ
 अट्ट बलिकारीओ अट्ट सेज्जाकारीओ अट्ट अड्ढितरियाओ पडिहारीओ अट्ट बाहि-
 रियाओ पडिहारीओ अट्ट मालाकारीओ अट्ट पेसणकारीओ अणं च सुबहुं हिरणं
 वा सुवन्नं वा कंसं वा दूंसं वा विउलधणकणग जाव संतसारसावएज्जं अळाहि जाव
 आसत्तमाओ कुलवंसाओ पकामं दाउं पकामं भोत्तुं पकामं परिभाएउं । तए णं से
 महब्बले कुमारं एगमेगाए भज्जाए एगमेगं हिरणकोडिं दलयइ एगमेगं सुवन्नकोडिं
 दलयइ एगमेगं मउडं मउडप्पवरं दलयइ एवं तं चेषं सव्वं जाव एगमेगं पेसणकारिं
 दलयइ अणं च सुबहुं हिरणं वा सुवन्नं वा जाव परिभाएउं, तए णं से महब्बले
 कुमारं उप्पिं पात्तायवरणए जहा जमाली जाव विहरइ ॥ ४२५ ॥ तेणं काळेणं
 तेणं समएणं विमलत्स अरहओ पओप्पइ धम्मघोसे नामं अणगारे जाइसंप्पे

धनञ्जयो जहा केसिसामिस्स जाव पंचहिं अणगारसएहिं सद्धिं संपरिवुडे पुब्बाणुपुक्खि
 चरमाणे गामाणुगामं इड्ढजमाणे जेणेव हत्थिणापुरे नयरे जेणेव सहसंबवणे उज्जाणे
 तेणेव उवागच्छइ २ ता अहापडिरुवं उग्गहं ओगिण्हइ २ ता संजमेणं तवसा
 अप्पाणं भावेमाणे विहरइ । तए णं हत्थिणापुरे नयरे सिंघाडगतिय जाव परिसा
 पज्जुवासइ । तए णं तस्स महब्बलस्स कुमारस्स तं महया जणसहं वा जणवृहं वा
 एवं जहा जमाली तहेव चिंता तहेव कंचुइज्जपुरिसं सहावेइ, कंचुइज्जपुरिसोवि तहेव
 अक्खाइ, नवरं धम्मघोसस्स अणगारस्स आगमणगहियविणिच्छए करयल जाव
 निग्गच्छइ, एवं खलु देवाणुप्पिया ! विमलस्स अरहओ पउत्तए धम्मघोसे नामं
 अणगारे सेस तं चेव जाव सोवि तहेव रहवरेणं निग्गच्छइ, धम्मकहा जहा
 केसिसामिस्स, सोवि तहेव अम्मापियरो आपुच्छइ, नवरं धम्मघोसस्स अणगारस्स
 अंतिए मुंढे भविता अगाराओ अणगारियं पव्वइत्तए तहेव वुत्तपडिउत्तया नवरं
 इमाओ य ते जाया विटलरायकुलवालियाओ कला० सेसं तं चेव जाव ताहे
 अक्कामाईं चेव महब्बलकुमारं एवं वयासी-तं इच्छामो ते जाया । एगदिवसमवि
 रज्जतिरिं पालित्तए, तए णं से महब्बले कुमारे अम्मापियराण वयणमणुयत्तमाणे
 तुत्तिणीए संचिद्धइ । तए णं से वळे राया कोडुंबियपुरिसे सहावेइ एवं जहा सिव-
 भइस्स तहेव रायाभिसेओ भाणियव्वो जाव अभिसिंचइ २ ता करयलपरिग्गहियं
 महब्बलं कुमारं जएणं विजएणं वद्धावेति जएणं विजएणं वद्धाविता एवं वयासी-
 भण जाया ! किं देमो कि पयच्छामो सेसं जहा जमालिस्स तहेव जाव तए णं से
 महब्बले अणगारे धम्मघोसस्स अणगारस्स अंतियं सामाइयमाइयाईं चोइस पुब्बाईं
 अहिज्जइ २ ता वट्टहिं चउत्तय जाव विचित्तेहिं तवोक्कम्महिं अप्पाणं भावेमाणे
 बहुपडिपुत्ताईं दुवालस वासाईं सामन्नपरियाणं पाउणइ २ ता मात्तियाए संखेइणाए
 सद्धिं भत्ताईं अणसणाए छेदेइ २ ता आलोइयपडिकंते समाहिपत्ते कालमासे कालं किष्वा
 उक्कुं चंदिमसुरिय जहा अम्मओ जाव बंभलोए कप्पे देवत्ताए उववणे, तत्थ णं अत्थे-
 गइयाणं देवाणं दस सागरोवमाईं ठिईं पणत्ता, तत्थ णं महब्बलस्सवि देवस्स दस
 सागरोवमाईं ठिईं पणत्ता, से णं तुमं सुदंसणा । बंभलोए कप्पे दस सागरोवमाईं
 दिव्वाइं भोगभोगाईं भुंजमाणे विहरित्ता ताओ चेव देवलोगाओ आउक्खएणं २
 अणंतरं चयं चइत्ता इहेव वाणियगामे नयरे सेट्टिकुलंस्स पुत्तत्ताए पषात्ताए ॥४३०॥
 तए णं तुमे सुदंसणा ! उम्मुक्कवालभावेणं विज्जायपरिणयमेत्तेणं जोव्वणमणुयत्तएणं
 तहास्सुवाणं थेराणं अंतियं केवल्लिपत्तते धम्मो निसंते, सेडविय धम्मो इच्छिए पडि-
 च्छिए अभिरुए तं सुद्धं ण तुमं सुदंसणा ! इवाणिं पकरेत्ति । से तेणहेव्यं सुदंसणा !

एवं बुचइ-अत्थि णं एएसिं पत्तिओवमसागरोवमाणं खएइ वा अवचएइ वा, तए णं तस्स सुदंसणस्स सेट्ठिसस्स समणस्स भगवओ महावीरस्स अंतियं एयमट्ठं सोच्चा निसम्म सुभेणं अज्झवसाणेणं सुभेणं परिणामेणं छेसाहिं विमुज्झमाणीहिं तथावरणि-ज्जाणं कम्माणं खओवसमेणं ईहापोहमग्गणगवेसणं करेमाणस्स सन्नीपुव्वजाईसरणे समुष्ये एयमट्ठं सम्मं अभिसमेइ, तए णं से सुदंसणे सेट्ठी समणेणं भमवया महावीरेणं संभारियपुव्वभवे दुग्गणाणीयसङ्कसंवेगे आणंदंसुपुञ्जनयणे समणं भगवं महावीरं तिकखुत्तो आ० २ वंदइ नमंसइ वं० २ ता एवं वयासी-एवमेयं भंते । जाव से जहेयं तुब्भे वदहत्तिकट्ट उतरपुरच्छिमं दिसीभागं अवकमइ सेसं जहा उसभदत्तस्स जाव मव्वदुक्खप्पहाणे, नवरं चोइस पुव्वाइ अहिजइ, बहुपडिपुञ्जाइ दुवालम वासाइ सामन्नपरियागं पाउणइ, सेसं तं चेव । सेवं भंते । सेवं भंते । ति ॥४३१॥

महव्वलो समत्तो ॥ पगारस्समे सए पगारस्समो उहेसो समत्तो ॥

तेणं काळेणं तेणं समएणं आलंभिया नामं नयरी होत्या वज्जओ, संखवणे उज्जाणे वज्जओ, तत्थ णं आलंभियाए नयरीए बहवे इत्तिभइपुत्तपामोक्खा समणोवासगा परिवमत्ति, अह्हा जाव अपरिभूया अभिगयजीवाजीवा जाव विहरंति । तए णं तेसिं समणोवासयाणं अन्नया कयाइ एगयओ महियाणं समुवागयाणं संनि(समु)विट्ठणं मज्जिसज्जाणं अयमेयारूवे मिहो क्हासमुक्खावे समुप्पजित्था-देवलोगेसु णं अज्जो ! देवाणं केवइयं कालं ठिइ पण्णत्ता ? तए णं से इत्तिभइपुत्ते समणोवासए देवट्ठिइगहियेत्ते ते समणोवासए एवं वयासी-देवलोगेसु णं अज्जो ! देवाणं जहण्णेणं दसवाससहस्साइं ठिइ पण्णत्ता, तेण परं समयाहिया दुसमयाहिया जाव दसममयाहिया संखेज्जसमयाहिया असंखेज्जसमयाहिया उक्कोसेणं तेत्तीसं सागरोवमाइं ठिइ पन्नत्ता, तेण परं वोच्छिन्ना देवा य देवलोगा य । तए णं ते समणोवासगा इत्तिभइपुत्तस्स समणो-वासगस्स एवमाइक्खमाणस्स जाव एवं परवेमाणस्स एयमट्ठं नो सहइंति नो पत्ति-यंति नो रोयंति एयमट्ठं असइहमाण्णा अपत्तियमाण्णा अरोएमाण्णा जामेव दिसिं पाउब्भूया तामेव दिसिं पडिगया ॥ ४३२ ॥ तेणं काळेणं तेणं समएणं समणे भगवं महावीरे जाव समोसडे जाव पिसा पज्जुवासइ । तए णं ते समणोवासगा इमीसे क्हाए लद्धट्ठा समाणा हट्ठुट्ठा एवं जहा तुंगिउहेसए जाव पज्जुवासंति । तए णं समणे भागवं महावीरे तेसिं समणोवासगाणं तीसे य महइ० धम्मकहा जाव आणाए आराहए भवइ । तए णं ते समणोवासगा समणस्स भगवओ महावीरस्स अंतियं धम्मं सोच्चा निसम्म हट्ठुट्ठा उट्ठाए उट्ठेन्ति उ० २ ता समणं भगवं महावीरं वंदन्ति ममंसन्ति वं० २ ता एवं वयासी-एवं खल्ल भंते । इत्तिभइपुत्ते समणोवासए

अम्हं एवं आइक्खइ जाव परुवेइ-देवलोएसु णं अज्जो ! देवाणं जहजेणं दस वासस-
हस्ताइं ठिई पत्तता तेण परं समयाहिया जाव तेण परं वोच्छिन्ना देवा य देवलोगा
य, से कहमेयं भंते ! एवं ? अज्जोत्ति समणे भगवं महावीरे ते समणोवासए एवं
वयासी-जजं अज्जो ! इत्तिभइपुत्ते समणोवासए तुब्भं एवं आइक्खइ जाव परुवेइ-
देवलोगेसु णं अज्जो ! देवाणं जहजेणं दस वाससहस्ताइं ठिई पत्तता तेण परं सम-
याहिया जाव तेण परं वोच्छिन्ना देवा य देवलोगा य, सच्चे णं एसमट्ठे, अहं पुण
अज्जो ! एवमाइक्खामि जाव परुवेमि-देवलोगेसु णं अज्जो ! देवाणं जहजेणं दस
वाससहस्ताइं तं चेव जाव तेण परं वोच्छिन्ना देवा य देवलोगा य, सच्चे णं एसमट्ठे ।
तए णं ते समणोवासगा समणस्स भगवओ महावीरस्स अंतियं एयमट्ठं सोच्चा
निसम्म समणं भगवं महावीरं वंदन्ति नमंसन्ति वं० २ ता जेणेव इत्तिभइपुत्ते समणो-
वासए तेणेव उवागच्छन्ति २ ता इत्तिभइपुत्तं समणोवासगं वंदंति नमंसंति वं० २ ता
एयमट्ठं सम्मं विणएणं भुज्जो २ खामेति । तए णं ते समणोवासगा पत्तिणाइं पुच्छंति
२ ता अट्ठाइं परियादियंति अ० २ ता समणं भगवं महावीरं वंदंति नमंसंति वं०
२ ता जामेव दिसि पाउब्भूया तामेव दिसि पडिगया ॥ ४३३ ॥ भंतेत्ति भगवं
गोयमे समणं भगवं महावीरं वंदइ णमंसइ वं० २ ता एवं वयासी-पभू णं भंते !
इत्तिभइपुत्ते समणोवासए देवाणुप्पियाणं अंतियं मुंछे भविता अगाराओ अणगारियं
पव्वइत्तए ? गोयमा ! णो इणट्ठे समट्ठे, गोयमा ! इत्तिभइपुत्ते णं समणोवासए बह्वहिं
सीलव्वयगुणवयवेरमणपव्वक्खाणपोसहोववासेहिं अट्ठापरिगहिएहिं तवोक्कमेहिं
अप्पाणं भावेमाणे बह्वइं वासाइं समणोवासगपरियागं पाउणिहिइ व० २ ता मासि-
याए संछेहणाए अत्ताणं झुरेहिइ मा० २ ता सट्ठिं भत्ताइं अणसणाए छेदेहिइ २ ता
आलोइयपडिक्कंते समाहिपत्ते काल्मासे कालं किच्चा सोहम्मे कप्पे अरुणाभे विमाणे
देवत्ताए उववज्जिहिइ, तत्थ णं अत्थेगइयाणं देवाणं चत्तारि पत्तिओवमाइं ठिई प०,
तत्थ णं इत्तिभइपुत्तस्सवि देवस्स चत्तारि पत्तिओवमाइं ठिई भवित्त्सइ । से णं भंते !
इत्तिभइपुत्ते देवे ताओ देवलोगाओ आउक्खएणं भवक्खएणं ठिइक्खएणं जाव कहिं
उववज्जिहिइ ? गोयमा ! महाविदेहे वासे तिज्जिहिइ जाव अंतं काहिइ । सेवं भंते ।
सेवं भंते ! त्ति भगवं गोयमे जाव अप्पाणं भावेमाणे विहरइ ॥ ४३४ ॥ तए णं समणे
भगवं महावीरे अज्जया कयाइ आलंभियाओ नयरीओ संखवणाओ उज्जाणाओ पडि-
निक्खमइ पडिनिक्खमिक्का बहिंया जणवयविहारं विहरइ । तेणं काळेणं तेणं समणं
आलंभिया नामं नयरी होत्थां वज्जओ, तत्थ यं संखवणे णामं उज्जाणे होत्था वज्जओ,
तस्स णं संखवणस्स उज्जाणस्स अदूरसामंते ओग्गळे नामं परिव्वायए परिवसइ रिउ-

व्येयजजुव्येय जाव नएसु सुपरिनिट्टिए छट्टुच्छट्टेणं अणिविस्सतेणं तवोक्कमेणं उट्टुं
 बाहाओ जाव आयावेमाणे विहरइ । तए णं तस्स पोग्गलस्स छट्टुच्छट्टेणं जाव
 आयावेमाणस्स पगइभइयाए जहा सिवस्स जाव विभंगे नामं अजाणे समुप्पजे, से
 णं तेणं विभंगेणं अण्णाणेणं समुप्पजेणं बंभलोए कप्पे देवाणं ठिईं जाणइ पासइ । तए
 णं तस्स पोग्गलस्स परिव्वायगस्स अयमेयारूवे अन्मत्थिए जाव समुप्पजित्था-
 अत्थिए णं ममं अइसेसे नाणदंसणे समुप्पजे, देवलोएसु णं देवाणं जहजेणं दसवास-
 सहस्साईं ठिईं प०, तेण परं समयहििया दुसमयाहििया जाव असंख्खेज्जसमयाहििया
 उट्टोसेणं दससागरोवमाईं ठिईं प०, तेण परं वोच्छिन्ना देवा य देवलोगा य, एवं
 संपेहेइ २ ता आयावणभूमीओ पच्चोरुहइ आ० २ ता तिदंडकुंडिया जाव
 धाउरत्ताओ य गेण्हइ २ ता जेणेव आलंभिया णयरी जेणेव परिव्वायगावसहे
 तेणेव उवागच्छइ २ ता भंडनिकखेवं करेइ भ० २ ता आलंभियाए नयरीए
 सिंघाढग जाव पहेसु अन्नमन्नस्स एवमाइक्खइ जाव परूवेइ-अत्थिए णं देवाणुप्पिया ।
 ममं अइसेसे नाणदंसणे समुप्पजे, देवलोएसु णं देवाणं जहजेणं दसवाससहस्साईं
 तहेव जाव वोच्छिन्ना देवा य देवलोगा य । तए णं आलंभियाए नयरीए एएणं
 अभिलावेणं जहा सिवस्स तं चंव जाव से कइमेयं मजे एवं ? सामी समोसडे जाव
 परिसा पडिगया, भगवं गोयमे तहेव भिक्खायरियाए तहेव बहुजणसइं निसामेइ
 तहेव बहुजणसइं निसामेत्ता तहेव सव्वं भाणियव्वं जाव अहं पुण गोयमा । एवं
 आइक्खामि एवं भासामि जाव परूवेमि-देवलोएसु णं देवाणं जहजेणं दस वास-
 सहस्साईं ठिईं पण्णात्ता, तेण परं समयहििया दुसमयाहििया जाव उट्टोसेणं तेत्तीसं
 सागरोवमाईं ठिईं पत्ता, तेण परं वोच्छिन्ना देवा य देवलोगा य । अत्थिए णं
 भंते । सोहम्मे कप्पे दव्वाइं सव्वजाइंपि अवजाइंपि तहेव जाव हंता अत्थिए, एवं
 ईसाणेवि, एवं जाव अन्नुए, एवं गेवेज्जविमाणेसु अणुत्तरविमाणेसुवि, ईसिपन्भाराएवि
 जाव हंता अत्थिए, तए णं सा महइमहालिया जाव पडिगया, तए णं आलंभियाए
 नयरीए सिंघाढगति० अवसेसं जहा सिवस्स जाव सव्वदुक्खप्पहीणे नवरं तिदंड-
 कुंडियं जाव धाउरत्तवत्थपत्तिहििए परिवडियविभंगे आलंभियं नयरं मज्झंमज्जेणं
 निग्गच्छइ जाव उत्तरपुरच्छिमं दिस्सीमार्गं अवक्कमइ २ ता तिदंडं कुंडियं च जहा
 खंदओ जाव पच्चइओ सेस जहा सिवस्स जाव अब्बाबाहं सोक्खं अणुभवति सासयं
 सिद्धा । सेवं भंते । २ ति ॥ ४३५ ॥ एक्कारसमे सए बारहमो उहेसो
 समत्तो, एक्कारसमं सयं समत्तं ॥

संखे १ जयति २ पुढवी ३ पोगल ४ अद्वाय ५ राहु ६ लोणे य ७ । नागे य ८ देव ९ आया १० बारसमसए दसुदेसा ॥ १ ॥ तेषं काळेणं तेषं समएणं सावत्थी नामं नयरी होत्था वज्जओ, कोट्टए उज्जाणे वज्जओ, तत्थ णं सावत्थीए नयरीए बहवे संखप्पाभोक्खा समणोवासगा परिवसंति, अट्ठा जाव अपरिभूया अभिगयजीवाजीवा जाव विहरंति, तस्स णं संखस्स समणोवासगस्स उप्पला नामं भारिया होत्था, सुकुमाल जाव सुख्खा समणोवासिया अभिगयजीवाजीवा जाव विहरइ, तत्थ णं सावत्थीए नयरीए पोक्खली नामं समणोवासए परिवसइ अट्ठे अभिगय जाव विहरइ, तेषं काळेणं तेषं समएणं सामी समोसडे परिसा निग्गया जाव पज्जुवासइ, तए णं ते समणोवासगा इमीसे कहाए जहा आलंभियाए जाव पज्जुवायन्ति, तए णं समणे भगवं महावीरे तेसिं समणोवासगाणं तीसे य महइ० धम्मकहा जाव परिसा पडिगया, तए णं ते समणोवासगा समणस्स भगवओ महावीरस्स अंतियं धम्मं सोच्चा निसम्म हट्टतुट्ठा समणं भगवं महावीरं वंदंति नमसंति वं० २ ता पसिणाइं पुच्छंति २ ता अट्ठाइं परियादियंति अ० २ ता उट्ठाए उट्ठेति उ० २ ता समणस्स भगवओ महावीरस्स अंतियाओ कोट्टयाओ उज्जाणाओ पडिनिक्खमन्ति २ ता जेणेव सावत्थी नयरी तेणेव पहारेत्थ गमणाए ॥ ४३६ ॥ तए णं से संखे समणोवासए ते समणोवासए एवं वयासी-नुच्चे णं देवाणुपिया । विउलं अमणं पाणं साइमं साइमं उवक्खवावेह, तए णं अम्हे तं विपुलं असणं पाणं खाइमं साइमं आसाएमाणा विस्साएमाणा परिभुंजेमाणा परिभाएमाणा पक्खियं पोसहं पडिजागरमाणा विहरिस्सामो, तए णं ते समणोवासगा संखस्स समणोवासगस्स एयमट्ठं विणएणं पडिसुणंति, तए णं तस्स संखस्स समणोवासगस्स अयमेयारूवे अच्चात्थए जाव समुप्पज्जित्वा-नो खलु मे सेयं तं विउलं असणं जाव साइमं आसाएमाणस्स ४ पक्खियं पोसहं पडिजागरमाणस्स विहरितए, सेयं खलु मे पोसहसालाए पोसहियस्स बंभयारिस्स उम्मुक्कमणिसुवज्जस्स ववगयमालावज्जगविलेवणस्स निक्खित्तसत्थमुसलस्स एगस्स अब्बिइयस्स दब्भसंथारोवगयस्स पक्खियं पोसहं पडिजागरमाणस्स विहरितएत्तिकट्टु एवं संपेहेइ २ ता जेणेव सावत्थी नयरी जेणेव सए गिहे जेणेव उप्पला समणोवासिया तेणेव उवागच्छइ २ ता उप्पलं समणोवासियं आपुच्छइ २ ता जेणेव पोसहसाला तेणेव उवागच्छइ २ ता पोसहसालं अणुपक्सिइ २ ता पोसहसालं पमज्जइ पो० २ ता उच्चारपासवणभूमिं पडिक्खेइ उ० २ ता दब्भसंथारणं संयरइ दब्भ० २ ता दब्भसंथारणं कुखइ २ ता पोसहसालाए पोसहिए बंभयारी जाव पक्खियं पोसहं पडिजागरमाणे विहरइ, तए

णं ते समणोवासगा जेणेव सावत्थी नयरी जेणेव साइं २ गिहाइं तेणेव उवागच्छंति
 २ ता विपुलं असणं पाणं खाइमं साइमं उवक्खडावेति २ ता अन्नमन्ने सहावेति
 अ० २ ता एवं बयासी-एवं खलु देवाणुप्पिया ! अम्हेहिं से विउळे असणपाणखा-
 इमसाइमे उवक्खडाविए, संखे य णं समणोवासए नो हृव्वमागच्छइ, तं सेयं खलु
 देवाणुप्पिया । अम्हं संखं समणोवासगं सहावेत्तए । तए णं से पोक्खली समणो-
 वासए ते समणोवासए एवं बयासी-अच्छह णं तुब्भे देवाणुप्पिया ! सुनिब्बुया
 वीरत्था अहं संखं समणोवासगं सहावेमित्तिक्कट्ट तेसिं समणोवासगणं अंतियाओ
 पडिनिक्खमइ २ ता सावत्थीए नयरीए मज्झमज्जेणं जेणेव संखस्स समणोवास-
 गस्स गिहे तेणेव उवागच्छइ २ ता सखस्स समणोवासगस्स गिहं अणुपविट्ठे । तए
 णं सा उप्पला समणोवासिया पोक्खलिं ममणोवासगं एजमाणं पासइ २ ता
 हट्ठतुट्ठा आसणाओ अब्भुट्ठेइ २ ता सत्तट्ठपयाइं अणुगच्छइ २ ता पोक्खलिं
 समणोवासगं वंदइ नमंसइ वं० २ ता आसणेणं उवनिमंतेइ आ० २ ता एवं बयासी-
 संदिसंतु णं देवाणुप्पिया ! किमागमणप्पओयणं ? तए णं से पोक्खली समणो-
 वामए उप्पलं समणोवासियं एवं बयासी-कहिन्नं देवाणुप्पिए ! संखे समणोवासए ?
 तए णं मा उप्पला समणोवासिया पोक्खलिं समणोवामयं एवं बयासी-एवं खलु
 देवाणुप्पिया । संखे समणोवामए पोसहसालाए पोसहिए वंभयारी जाव विहरइ ।
 तए णं से पोक्खली ममणोवासए जेणेव पोसहसाला जेणेव संखे समणोवासए
 तेणेव उवागच्छइ २ ता गमणागमणाए पडिक्कमइ ग० २ ता संखं समणोवासगं
 वंदइ नमंसइ वं० २ ता एवं बयासी-एवं खलु देवाणुप्पिया ! अम्हेहिं से विउळे
 असण जाव साइमे उवक्खडाविए तं गच्छामो णं देवाणुप्पिया ! तं विउळं
 असणं जाव साइमं आसाएमाणा जाव पडिजागरमाणा विहरामो, तए णं से
 संखे समणोवासए पोक्खलिं समणोवासगं एवं बयासी-णो खलु कप्पइ मे देवाणु-
 प्पिया । तं विउळं असणं पाणं खाइमं साइमं आसाएमाणस्स जाव पडिजागरमा-
 णस्स विहरित्तए, कप्पइ मे पोसहसालाए पोसहियस्स जाव विहरित्तए, त छंदेणं
 देवाणुप्पिया । तुब्भे तं विउळं असणं पाणं खाइमं साइमं आसाएमाणा जाव
 विहरह, तए णं से पोक्खली समणोवासए संखस्स समणोवासगस्स अंतियाओ
 पोसहसालाओ पडिनिक्खमइ २ ता सावत्थि नयरीं मज्झमज्जेणं जेणेव ते समणो-
 वासगा तेणेव उवागच्छइ २ ता ते समणोवासए एवं बयासी-एवं खलु देवाणुप्पिया ।
 संखे समणोवासए पोसहसालाए पोसहिए जाव विहरइ, तं छंदेणं देवाणुप्पिया ।
 तुब्भे विउळं असणपाणखाइमसाइमं जाव विहरह, संखे णं समणोवासए नो

हृव्वमागच्छइ । तए णं ते समणोवासगा तं विउलं असणं ४ आसाएमाणा जाव विहरंति । तए णं तस्स संखस्स समणोवासगस्स पुब्बरत्तावरत्तकालस्समयंसि धम्मजागरियं जागरमाणस्स अयमेयाह्वे जाव समुप्पज्जित्था-सेयं खलु मे कळ जाव जलंते समणं भगवं महावीरं वंदित्ता नमंसित्ता जाव पज्जुवासित्ता तओ पडिनिगतस्स पक्खियं पोसहं पारित्तएत्तिकट्टु एवं संपेहेइ २ ता कळं जाव जलंते पोसहसालाओ पडिनिक्खमइ २ ता सुद्धप्पावेसाइं मंगल्लाइं वत्थाइं पवरपरिहिए सयाओ गिहाओ पडिनिक्खमइ सयाओ गिहाओ पडिनिक्खमिता पायविहारचारेणं सावत्थि नयरिं मज्झमज्जेणं जाव पज्जुवासइ, अभिगमो नत्थि । तए णं ते समणो-वासगा कळं पाउप्पभायाए जाव जलंते ष्हाया जाव सरीरा मएहिं मएहिं गेहेहिं तो पडिनिक्खमंति २ ता एगयओ मिलार्यंति २ ता सेसं जहा पठमं जाव पज्जुवासति । तए णं समणे भगवं महावीरे तेसिं समणोवासगाणं तीसिं य धम्मकहा जाव आणाए आराहए भवइ । तए णं ते समणोवासगा समणस्स भगवओ महावीरस्स अंतियं धम्मं सोच्चा निमम्म हट्टतुट्ठा उट्ठाए उट्ठेंति २ ता समणं भगवं महावीरं वंदंति नमंसंति वं० २ ता जेणेव संखे समणोवासए तेणेव उवागच्छन्ति २ ता संखं समणोवासगं एवं वयासी-नुमं देवाणुप्पिया । हिज्जो अम्हे अप्पणा चेव एवं वयासी-नुम्हे णं देवाणुप्पिया । विउलं असणं जाव विहरिस्सामो, तए णं नुमं पोसहसालाए जाव विहरिए तं सुट्टु णं तुमं देवाणुप्पिया ! अम्हं हीलसि, अज्जोति समणे भगवं महावीरे ते समणोवासए एवं वयासी-मा णं अज्जो ! तुब्भे संखं समणोवासगं हीलह निंदह खिसह गरहह अवमन्नह, संखे णं समणोवासए पियधम्मे चेव दट्टधम्मे चेव सुदक्खुजागरियं जागरिए ॥४३॥ भंतेत्ति भगवं बोयमे समणं भगवं महावीरं वंदइ नमंसइ वं० २ ता एवं वयासी-कइविहा णं भंते ! जागरिया प० ? गोयमा ! तिविहा जागरिया प०, तंजहा-बुद्धजागरिया, अबुद्धजागरिया, सुदक्खुजागरिया, से केणट्ठेणं भंते ! एवं बुच्चइ तिविहा जागरिया प० तंजहा-बुद्धजागरिया १ अबुद्धजागरिया २ सुदक्खुजागरिया ३ ? गोयमा । जे इमे अरिहंता भगवंतो उप्पन्नणानंदसणधरा जहा खंदए जाव सव्वन्नू सव्वदरिसी एए णं बुद्धा बुद्धजागरियं जागरंति, जे इमे अणगारा भगवंतो इरियासमिया भासासमिया जाव गुत्तबंभयारी एए णं अबुद्धा अबुद्धजागरियं जागरंति, जे इमे समणोवासगा अभिगयजीवाजीवा जाव विहरन्ति एए णं सुदक्खु-जागरियं जागरंति, से तेणट्ठेणं गोयमा । एवं बुच्चइ तिविहा जागरिया जाव सुदक्खु-जागरिया ॥४३८॥ तए णं से संखे समणोवासए समणं भगवं महावीरं वंदइ नमंसइ वं० २ ता एवं वयासी-कोहवसट्टे णं भंते ! जीवे किं बंधइ किं पकरेइ किं विणाइ

किं उवन्विणाइ ? संखा ! कोहवसष्टे णं जीवे आउयवज्जाओ सत्त कम्मपगढीओ सिद्धिलबंधणवद्धाओ एवं जहा पढमसए असंबुद्धस्स अणगरस्स जाव अणुपरियट्ट् । माणवसष्टे णं भंते । जीवे एवं चेव । एवं मायावसष्टेवि, एवं लोभवसष्टेवि जाव अणुपरियट्ट् । तए णं ते समणोवासगा समणस्स भगवओ महावीरस्स अंतियं एयमट्ठं सोच्चा निसम्म भीया तत्था तत्तिया संसारभउव्विग्गा समणं भगवं महावीरं वंदंति नमंसंति वं० २ ता जेणेव संखे समणोवासए तेणेव उवागच्छंति २ ता संखं समणोवासगं वंदंति नमंसंति वं० २ ता एयमट्ठं सम्मं विणएणं भुज्जे २ खामेति । तए णं ते समणोवासगा सेसं जहा आलंभियाए जाव पडिगया, भंते । त्ति भगवं गोयमे समणं भगवं महावीरं वंदइ नमंसइ वं० २ ता एवं वयासी-पभू णं भंते । संखे समणोवासए देवाणुप्पियाणं अतियं सेसं जहा इत्तिभट्टपुत्तस्स जाव अतं काहिइ । सेवं भंते ! सेवं भंते ! त्ति जाव बिहरइ ॥ ४३९ ॥ वारहमे सए पढमो उहेसो समत्तो ॥

तेणं कालेणं तेणं समएणं कोसंबी नामं नयरी होत्था वज्जओ, चंदो(तराय)वतरणे उज्जाणे वज्जओ, तत्थ णं कोसंबीए नयरीए सहस्साणीयस्स रज्जो पोत्ते सयाणीयस्स रज्जो पुत्ते चेटगस्स रज्जो नत्तुए सिगावईए देवीए अनए जयंतीए समणोवासियाए भत्तिजए उदायणे नामं राया होत्था वज्जओ, तत्थ णं कोसंबीए नयरीए सहस्साणीयस्स रज्जो सुण्हा सयाणीयस्स रज्जो भज्जा चेटगस्स रज्जो धूया उदायणस्स रज्जो माया जयंतीए समणोवासियाए भाउज्जा मियावई नामं देवी होत्था वज्जओ सुकुमाल जाव सुरूवा समणोवासिया जाव बिहरइ, तत्थ णं कोसंबीए नयरीए सहस्साणीयस्स रज्जो धूया सयाणीयस्स रज्जो भगिणी उदायणस्स रज्जो पिउच्छा सिगावईए देवीए नर्णदा वेसालीसावयाणं अरहंताणं पुव्वसिज्जायरी जयंती नामं समणोवासिया होत्था सुकुमाल जाव सुरूवा अभिगय जाव बिहरइ ॥ ४४० ॥ तेणं कालेणं तेणं समएणं सामी समोसडे जाव परिसा पज्जुवासइ । तए णं से उदायणे राया इमीसे कहाए लद्धे ममाणे हट्टुट्टे कोडुंबियपुरिसे सहावेइ २ ता एवं वयासी-खिप्पामेव भो देवाणुप्पिया । कोसंबि नयरी सभित्तरवाहिरियं एवं जहा कूणिओ तहेव सव्वं जाव पज्जुवासइ । तए णं सा जयंती समणोवासिया इमीसे कहाए लद्धा समाणी हट्टुट्टा जेणेव सिगावई देवी तेणेव उवागच्छइ २ ता मियावई देवि एवं वयासी-एवं जहा नव्वमसए उचमदत्तो जाव भविस्सइ । तए णं सा मियावई देवी जयंतीए समणोवासियाए जहा देवाणंदा जाव पच्चिसुमेइ । तए णं सा मियावई देवी कोडुंबियपुरिसे सहावेइ २ ता एवं वयासी-खिप्पामेव भो देवाणुप्पिया । लहुकरणसुत्ताजोह्य जाव धम्मियं आणप्पवरं सुतामेव उचट्टुवेइ जाव उवट्टुवेति जाव पच्चिणंति । तए णं सा मियावई देवी

जयंतीए समणोवासियाए सद्धिं ष्हाया जाव सरीरा बहूहिं खुजाहिं जाव अंतेउराओ निम्माच्छइ २ ता जेणेव बाहिरिया उवट्ठाणसाला जेणेव धम्मिए जाणप्पवरे तेणेव उबागच्छइ २ ता जाव दुख्खा । तए णं सा मियावई देवी जयंतीए समणोवासियाए सद्धिं धम्मियं जाणप्पवरं दुख्खा समाणी नियगपरियालगा जहा उसभदत्तो जाव धम्मियाओ जाणप्पवराओ पच्चोख्खइ । तए णं सा मियावई देवी जयंतीए समणोवासियाए सद्धिं बहूहिं खुजाहिं जहा देवाणंदा जाव वंदइ नमंसइ उदायणं रायं पुरओ कहु ठिडया चेव जाव पज्जुवासइ । तए णं समणे भगवं महावीरे उदायणस्स रत्तो मियावईए देवीए जयंतीए समणोवासियाए तीसे य महइ० जाव धम्मं परिकहेइ जाव परिसा पडिगया उदायणे पडिगए मियावई देवीवि पडिगया ॥ ४४१ ॥ तए णं सा जयंती समणोवासिया समणस्स भगवओ महावीरस्स अंतियं धम्मं नोच्चा निसम्म दहत्तुट्ठा समणं भगवं महावीरं वंदइ नमंसइ वं० २ ता एवं वयासी-कहजं भंते । जीवा गरुयत्तं हव्वमागच्छन्ति ? जयंती ! पाणाइवाएणं जाव मिच्छादंसणसत्तेणं, एव स्सलु जीवा गरुयत्तं हव्वमागच्छंति एवं जहा पढमसए जाव वीईवयंति । भवसिद्धियत्तणं भंते ! जीवाणं किं सभावओ परिणामओ ? जयंती ! सभावओ नो परिणामओ । सव्वेवि णं भंते ! भवसिद्धिया जीवा सिज्झस्संति ? हंता जयंती ! सव्वेवि णं भवसिद्धिया जीवा सिज्झस्संति । जइ णं भंते ! सव्वेवि भवसिद्धिया जीवा सिज्झस्संति तम्हा णं भवसिद्धियविरहिए लोए भविस्सइ ? णो इणट्ठे समट्ठे, से केणं खाइएणं अट्ठेणं भंते ! एवं वुच्चइ सव्वेवि णं भवसिद्धिया जीवा सिज्झस्संति नो चेव णं भवासिद्धियविरहिए लोए भविस्सइ ? जयंती ! से जहानामए सव्वागाससेदी सिया अणाइया अणवदग्गा परित्ता परिवुडा सा णं परमाणुपोगलमेत्ताहिं खंडोहिं समए २ अवहारी-माणी २ अणंताहिं उस्सप्पिणीओसपिणीहिं अवहीरइ नो चेव णं अवहिया सिया, से तेणट्ठेणं जयंती ! एवं वुच्चइ सव्वेवि णं भवसिद्धिया जीवा सिज्झस्संति नो चेव णं भवसिद्धियविरहिए लोए भविस्सइ ॥ सुत्तं भंते ! साहू जागरियत्तं साहू ? जयंती ! अत्थेगइयाणं जीवाणं सुत्तं साहू अत्थेगइयाणं जीवाणं जागरियत्तं साहू, से केणट्ठेणं भंते ! एवं वुच्चइ अत्थेगइयाणं जाव साहू ? जयंती ! जे इमे जीवा अहम्मिया अहम्माणया अहम्मिट्ठा अहम्मक्खाई अहम्मपलोई अहम्मएल-ज्जमाणा अहम्मसमुदायारा अहम्मणेणं चेव विरिं कप्पेमाणा विहरंति एएसि णं जीवाणं सुत्तं स्सहू, एए णं जीवा सुत्ता समाणा नो बहूणं पाणभूयजीवसत्ताणं सुक्खणयाए सोयणयाए जाव परियावणयाए बईति, एए णं जीवा सुत्ता समाणा अप्पाणं वा परं वा तदुभयं वा नो बहूहिं अहम्मियाहिं संजोयणाहिं संजोयत्तारो

भवन्ति, एएसि जीवाणं सुत्तत्तं साहू, जयंती । जे इमे जीवा धम्मिया धम्माणया जाव धम्मेणं चेव विसिं कप्पेमाणा विहरंति एएसि णं जीवाणं जागरियत्तं साहू, एए णं जीवा जागरा समाणा बहूणं पाणाणं जाव सत्ताणं अदुक्खणयाए जाव अपरियावणयाए वट्टंति, ते णं जीवा जागरमाणा अप्पाणं वा परं वा तदुभयं वा बहूहिं धम्मियाहिं संजोयणाहिं संजोएत्तारो भवन्ति, एए णं जीवा जागरमाणा धम्मजागरियाए अप्पाणं जागरइत्तारो भवन्ति, एएसि णं जीवाणं जागरियत्तं साहू, से तेणट्टेणं जयंती ! एवं बुच्चइ अत्येगइयाणं जीवाणं सुत्तत्तं साहू अत्येगइयाणं जीवाणं जागरियत्तं साहू ॥ बलियत्तं भंते ! साहू दुब्बलियत्तं साहू ? जयंती ! अत्येगइयाणं जीवाणं बलियत्तं साहू अत्येगइयाणं जीवाणं दुब्बलियत्तं साहू, से केणट्टेणं भंते ! एवं बुच्चइ जाव साहू ? जयंती ! जे इमे जीवा अहम्मिया जाव विहरंति एएसि णं जीवाणं दुब्बलियत्तं साहू, एए णं जीवा एवं जहा सुत्तस्स तहा दुब्बलियस्स वत्तव्वया भाणियव्वा, बलियस्स जहा जागरस्स तहा भाणियव्वं जाव संजोएत्तारो भवन्ति, एएसि णं जीवाणं बलियत्तं साहू, से तेणट्टेणं जयंती । एवं बुच्चइ तं चेव जाव साहू ॥ दक्खत्तं भंते ! साहू आलसियत्तं साहू ? जयंती ! अत्येगइयाणं जीवाणं दक्खत्तं साहू अत्येगइयाणं जीवाणं आलसियत्तं साहू, से केणट्टेणं भंते ! एवं बुच्चइ तं चेव जाव साहू ? जयंती ! जे इमे जीवा अहम्मिया जाव विहरंति एएसि णं जीवाणं आलसियत्तं साहू, एए णं जीवा आलसा समाणा नो बहूणं जहा सुत्ता तहा आलसा भाणियव्वा, जहा जागरा तहा दक्खा भाणियव्वा जाव संजोएत्तारो भवन्ति, एए णं जीवा दक्खा समाणा बहूहिं आयरियवेयावच्चेहिं उवज्जाय० धेर० तवस्मि० गिलाणवेयावच्चेहिं सेहवेयावच्चेहिं कुलवेयावच्चेहिं गगवेयावच्चेहिं संघवेयावच्चेहिं साहम्मियवेयावच्चेहिं अन्नाणं संजोएत्तारो भवन्ति, एएसि णं जीवाणं दक्खत्तं साहू, से तेणट्टेणं तं चेव जाव साहू ॥ सोइंदियवसट्टे णं भंते ! जीवे किं वंधइ ? एवं जहा कोहवसट्टे तहेव जाव अणुपरियइइ । एवं चक्खिंदियवसट्टेवि, एवं जाव फासिंदियवसट्टेवि जाव अणुपरियइइ । तए णं सा जयंती समणोवासिया समणस्स भगवओ महावीरस्स अंतियं एयमट्टं सोच्चा निसम्म हट्टुट्टा सेसं जहा देवाणंदाए तहेव पव्वइया जाव सव्वदुक्खप्पहीणा । सेवं भंते ! २ ति ॥ ४४२ ॥

बारहमे सए वीओ उइस्सो समत्तो ॥

रायगिहे जाव एवं बयासी-कइ णं भंते ! पुडवीओ पञ्चत्ताओ ? गोयसा ! सत्त पुडवीओ पण्णत्ताओ, तंजहा-पढमा दोषा जाव सत्तमा । पढमा णं भंते ! पुडवी किंवामा किंगोत्ता पण्णत्ता ? गोयसा ! धम्मा नामेणं रवणप्पभा गोत्तेणं, एवं जहा

जीवाभिगमे पढमो नेरइयउहेसओ सो चव निरवसेसो भाषियव्वो जाव अप्पाबहु-
गंति । सेवं भंते । सेवं भंते । ति ॥ ४४३ ॥ **बारहमे सए तइओ उहेसो समत्तो ॥**

रायगिहे जाव एवं वयासी—दो भंते ! परमाणुपोगगला एगयओ साहचंति एग-
यओ साहणिगता किं भवइ ? गोयमा । दुप्पएसिए खंधे भवइ, से भिज्जमाणे दुहा
कज्जइ एगयओ परमाणुपोगगले एगयओ परमाणुपोगगले भवइ । तिज्जि भंते ! परमा-
णुपोगगला एगयओ साहचंति २ ता किं भवइ ? गोयमा । तिपएसिए खंधे भवइ, से
भिज्जमाणे दुहावि तिहावि कज्जइ, दुहा कज्जमाणे एगयओ परमाणुपोगगले एगयओ
दुपएसिए खंधे भवइ, तिहा कज्जमाणे तिण्णि परमाणुपोगगला भवंति । चत्तारि भंते !
परमाणुपोगगला एगयओ साहचंति० पुच्छा, गोयमा ! चउपएसिए खंधे भवइ,
से भिज्जमाणे दुहावि तिहावि चउहावि कज्जइ, दुहा कज्जमाणे एगयओ परमाणु-
पोगगले एगयओ तिपएसिए खंधे भवइ, अहवा दो दुपएसिया खंधा भवंति, तिहा
कज्जमाणे एगयओ दो परमाणुपोगगला एगयओ दुप्पएसिए खंधे भवइ, चउहा कज्ज-
माणे चत्तारि परमाणुपोगगला भवंति । पंच भंते ! परमाणुपोगगला० पुच्छा, गोयमा ।
पंचपएसिए खंधे भवइ, से भिज्जमाणे दुहावि तिहावि चउहावि पंचहावि कज्जइ,
दुहा कज्जमाणे एगयओ परमाणुपोगगले एगयओ चउपएसिए खंधे भवइ अहवा
एगयओ दुपएसिए खंधे भवइ एगयओ तिपएसिए खंधे भवइ, तिहा कज्जमाणे
एगयओ दो परमाणुपोगगला एगयओ तिप्पएसिए खंधे भवइ अहवा एगयओ परमा-
णुपोगगले एगयओ दो दुपएसिया खंधा भवंति, चउहा कज्जमाणे एगयओ तिज्जि
परमाणुपोगगला एगयओ दुप्पएसिए खंधे भवइ, पंचहा कज्जमाणे पंच परमाणुपो-
गगला भवंति । छभंते ! परमाणुपोगगला० पुच्छा, गोयमा ! छप्पएसिए खंधे भवइ,
से भिज्जमाणे दुहावि तिहावि जाव छव्विहावि कज्जइ, दुहा कज्जमाणे एगयओ पर-
माणुपोगगले एगयओ पंचपएसिए खंधे भवइ अहवा एगयओ दुप्पएसिए खंधे एग-
यओ चउपएसिए खंधे भवइ अहवा दो तिपएसिया खंधा भवन्ति, तिहा कज्जमाणे
एगयओ दो परमाणुपोगगला एगयओ चउपएसिए खंधे भवइ अहवा एगयओ पर-
माणुपोगगले एगयओ दुपएसिए खंधे एगयओ तिपएसिए खंधे भवइ अहवा तिज्जि
दुपएसिया खंधा भवन्ति, चउहा कज्जमाणे एगयओ तिज्जि परमाणुपोगगला एगयओ
तिपएसिए खंधे भवइ अहवा एगयओ दो परमाणुपोगगला भवंति एगयओ दो दुप्प-
एसिया खंधा भवंति, पंचहा कज्जमाणे एगयओ चत्तारि परमाणुपोगगला एगयओ
दुपएसिए खंधे भवइ, छहा कज्जमाणे छ परमाणुपोगगला भवंति । सत्त भंते ! पर-
माणुपोगगला० पुच्छा, गोयमा ! सत्तपएसिए खंधे भवइ, से भिज्जमाणे दुहावि जाव

सत्तहाणि कज्जइ, दुहा कज्जमाणे एगयओ परमाणुपोग्गले एगयओ छप्पएसिए खंधे भवइ अहवा एगयओ दुप्पएसिए खंधे भवइ एगयओ पंचपएसिए खंधे भवइ अहवा एगयओ तिप्पएसिए खंधे एगयओ चउपएसिए खंधे भवइ, तिहा कज्जमाणे एगयओ दो परमाणुपोग्गला एगयओ पंचपएसिए खंधे भवइ अहवा एगयओ परमाणुपोग्गले एगयओ दुपएसिए खंधे एगयओ चउपएसिए खंधे भवइ अहवा एगयओ परमाणुपोग्गले एगयओ दो तिपएसिया खंधा भवति अहवा एगयओ दो दुपएसिया खंधा भवति एगयओ तिपएसिए खंधे भवइ, चउहा कज्जमाणे एगयओ तिञ्चि परमाणुपोग्गला एगयओ चउप्पएसिए खंधे भवइ अहवा एगयओ दो परमाणुपोग्गला एगयओ दुपएसिए खंधे एगयओ तिपएसिए खंधे भवइ अहवा एगयओ परमाणुपोग्गले एगयओ तिञ्चि दुपएसिया खंधा भवति, पंचहा कज्जमाणे एगयओ चत्तारि परमाणुपोग्गला एगयओ तिपएसिए खंधे भवइ अहवा एगयओ तिञ्चि परमाणुपोग्गला एगयओ दो दुपएसिया खंधा भवति, छहा कज्जमाणे एगयओ पंच परमाणुपोग्गला एगयओ दुपएसिए खंधे भवइ, सत्तहा कज्जमाणे सत्त परमाणुपोग्गला भवति । अट्ठ भंते ! परमाणुपोग्गला० पुच्छा, गीयमा ! अट्ठपएसिए खंधे भवइ जाव दुहा कज्जमाणे एगयओ परमाणुपोग्गले एगयओ सत्तपएसिए खंधे भवइ अहवा एगयओ दुपएसिए खंधे एगयओ छप्पएसिए खंधे भवइ अहवा एगयओ तिपएसिए खंधे एगयओ पंचपएसिए खंधे भवइ अहवा दो चउप्पएसिया खंधा भवति, तिहा कज्जमाणे एगयओ दो परमाणुपोग्गला एगयओ छप्पएसिए खंधे भवइ अहवा एगयओ परमाणुपोग्गले एगयओ दुप्पएसिए खंधे एगयओ पंचपएसिए खंधे भवइ अहवा एगयओ परमाणुपोग्गले एगयओ तिपएसिए खंधे एगयओ चउपएसिए खंधे भवइ अहवा एगयओ दो दुपएसिया खंधा एगयओ चउप्पएसिए खंधे भवइ अहवा एगयओ दुपएसिए खंधे एगयओ दो तिपएसिया खंधा भवति, चउहा कज्जमाणे एगयओ तिञ्चि परमाणुपोग्गला एगयओ पंचपएसिए खंधे भवइ अहवा एगयओ दोञ्चि परमाणुपोग्गला एगयओ दुपएसिए खंधे एगयओ चउप्पएसिए खंधे भवइ अहवा एगयओ दो परमाणुपोग्गला एगयओ दो तिपएसिया खंधा भवति अहवा एगयओ परमाणुपोग्गले एगयओ दो दुपएसिया खंधा० एगयओ तिपएसिए खंधे भवइ अहवा चत्तारि दुपएसिया खंधा भवति, पंचहा कज्जमाणे एगयओ चत्तारि परमाणुपोग्गला एगयओ चउप्पएसिए खंधे भवइ अहवा एगयओ तिञ्चि परमाणुपोग्गला एगयओ दुपएसिए खंधे एगयओ तिपएसिए खंधे भवइ अहवा एगयओ दो परमाणुपोग्गला एगयओ तिञ्चि दुपएसिया खंधा भवति, छहा कज्जमाणे एगयओ पंच परमाणुपोग्गला एगयओ तिपएस-

सिए खंधे भवइ अहवा एगयओ चत्तारि परमाणुपोगगला एगयओ दो दुपएसिया खंधा भवन्ति, सत्तहा कज्जमाणे एगयओ छ परमाणुपोगगला एगयओ दुपएसिए खंधे भवइ अट्टहा कज्जमाणे अट्ट परमाणुपोगगला भवन्ति ॥ नव भंते ! परमाणुपोगगला० पुच्छा, गोयमा । जाव नवविहा कज्जति, दुहा कज्जमाणे एगयओ परमाणुपोगगले एगयओ अट्ट-पएसिए खंधे भवइ, एवं एक्केक्कं संचा(रिए)रेंतेहिं जाव अहवा एगयओ चउप्पएसिए खंधे एगयओ पंचपएसिए खंधे भवइ, तिहा कज्जमाणे एगयओ दो परमाणुपोगगला एगयओ सत्तपएसिए खंधे भवइ अहवा एगयओ परमाणुपोगगले एगयओ दुपएसिए खंधे एगयओ छप्पएसिए खंधे भवइ अहवा एगयओ परमाणुपोगगले एगयओ तिपएसिए खंधे एगयओ पंचपएसिए खंधे भवइ अहवा एगयओ परमाणुपोगगले एगयओ दो चउप्पएसिया खंधा भवन्ति अहवा एगयओ दुपएसिए खंधे एगयओ तिपएसिए खंधे एगयओ चउप्पएसिए खंधे भवइ अहवा तिञ्चि तिपएसिया खंधा भवन्ति, चउहा कज्ज-माणे एगयओ तिञ्चि परमाणुपोगगला एगयओ छप्पएसिए खंधे भवइ अहवा एगयओ दो परमाणुपोगगला एगयओ दुपएसिए खंधे एगयओ पंचपएसिए खंधे भवइ अहवा एगयओ दो परमाणुपोगगला एगयओ तिपएसिए खंधे एगयओ चउप्पएसिए खंधे भवइ अहवा एगयओ परमाणुपोगगले एगयओ दो दुपएसिया खंधा एगयओ चउप्पएसिए खंधे भवइ अहवा एगयओ परमाणुपोगगले एगयओ दुपएसिए खंधे एगयओ दो तिपएसिया खंधा भवन्ति अहवा एगयओ तिञ्चि दुप्पएसिया खंधा एगयओ तिपएसिए खंधे भवइ, पंचहा कज्जमाणे एगयओ चत्तारि परमाणुपोगगला एगयओ पंचपएसिए खंधे भवइ अहवा एगयओ तिञ्चि परमाणुपोगगला एगयओ दुपएसिए खंधे एगयओ चउप्प-एसिए खंधे भवइ अहवा एगयओ तिञ्चि परमाणुपोगगला एगयओ दो तिपएसिया खंधा भवन्ति अहवा एगयओ दो परमाणुपोगगला एगयओ दो दुपएसिया खंधा एगयओ तिपएसिए खंधे भवइ अहवा एगयओ परमाणुपोगगले एगयओ चत्तारि दुपएसिया खंधा भवन्ति, छहा कज्जमाणे एगयओ पंच परमाणुपोगगला एगयओ चउप्पएसिए खंधे भवइ अहवा एगयओ चत्तारि परमाणुपोगगला एगयओ दुप्पएसिए खंधे एगयओ तिपएसिए खंधे भवइ अहवा एगयओ तिञ्चि परमाणुपोगगला एगयओ तिञ्चि दुप्प-एसिया खंधा भवन्ति, सत्तहा कज्जमाणे एगयओ छ परमाणुपोगगला एगयओ तिप्प-एसिए खंधे भवइ अहवा एगयओ पंच परमाणुपोगगला एगयओ दो दुपएसिया खंधा भवन्ति, अट्टहा कज्जमाणे एगयओ सत्त परमाणुपोगगला एगयओ दुपएसिए खंधे भवइ, नवहा कज्जमाणे नव परमाणुपोगगला भवन्ति ॥ दस भंते ! परमाणु-पोगगला० पुच्छा, गोयमा । जाव दुहा कज्जमाणे एगयओ परमाणुपोगगले एगयओ

नवपएसिए खंधे भवइ अहवा एगयओ दुपएसिए खंधे एगयओ अट्टपएसिए खंधे भवइ एवं एक्केऊ संचारेयव्वन्ति जाव अहवा दो पंचपएसिया खंधा भवन्ति, तिहा कज्जमाणे एगयओ दो परमाणुपोगला एगयओ अट्टपएसिए खंधे भवइ अहवा एगयओ परमाणुपोगले एगयओ दुपएसिए खंधे एगयओ सत्तपएसिए खंधे भवइ अहवा एगयओ परमाणुपोगले एगयओ तिपएसिए खंधे भवइ एगयओ छप्पएसिए खंधे भवइ अहवा एगयओ परमाणुपोगले एगयओ चउप्पएसिए० एगयओ पंचपएसिए खंधे भवइ अहवा एगयओ दुपएसिए खंधे एगयओ तिपएसिए खंधे एगयओ पंचपएसिए खंधे भवइ अहवा एगयओ दुपएसिए खंधे एगयओ दो चउप्पएसिया खंधा भवन्ति अहवा एगयओ दो तिपएसिया खंधा० एगयओ चउप्पएसिए खंधे भवइ, चउहा कज्जमाणे एगयओ तिज्जि परमाणुपोगला एगयओ सत्तपएसिए खंधे भवइ अहवा एगयओ दो परमाणुपोगला एगयओ दुपएसिए० एगयओ छप्पएसिए खंधे भवइ अहवा एगयओ दो परमाणुपोगला एगयओ तिप्पएसिए खंधे एगयओ पंचपएसिए खंधे भवइ अहवा एगयओ दो परमाणुपोगला एगयओ दो चउप्पएसिया खंधा भवन्ति अहवा एगयओ परमाणुपोगले एगयओ दुपएसिए० एगयओ तिपएसिए० एगयओ चउप्पएसिए खंधे भवइ अहवा एगयओ परमाणुपोगले एगयओ तिज्जि तिपएसिया खंधा भवन्ति अहवा एगयओ तिज्जि दुपएसिया खंधा० एगयओ चउपएसिए खंधे भवइ अहवा एगयओ दो दुपएसिया खंधा एगयओ दो तिपएसिया खंधा भवन्ति, पंचहा कज्जमाणे एगयओ चत्तारि परमाणुपोगला एगयओ छप्पएसिए खंधे भवइ अहवा एगयओ तिज्जि परमाणुपोगला एगयओ दुपएसिए खंधे एगयओ पंचपएसिए खंधे भवइ अहवा एगयओ तिज्जि परमाणुपोगला एगयओ तिपएसिए खंधे एगयओ चउपएसिए खंधे भवइ अहवा एगयओ दो परमाणु० एग० दो दुपएसिया खंधा एग० चउप्पएसिए खंधे भवइ अहवा एगयओ दो परमाणुपोगला एगयओ दुपएसिए खंधे० एगयओ दो तिपएसिया खंधा भवन्ति अहवा एगयओ परमाणुपोगले एगयओ तिज्जि दुपएसिया० एगयओ तिपएसिए खंधे भवइ अहवा पंच दुपएसिया खंधा भवन्ति, छहा कज्जमाणे एगयओ पंच परमाणुपोगला एगयओ पंचपएसिए खंधे भवइ अहवा एगयओ चत्तारि परमाणुपोगला एगयओ दुपएसिए० एगयओ चउपएसिए खंधे भवइ अहवा एगयओ चत्तारि परमाणुपोगला एगयओ दो तिपएसिया खंधा भवन्ति अहवा एगयओ तिज्जि परमाणुपोगला एगयओ दो दुपएसिया खंधा० एगयओ तिपएसिए खंधे भवइ अहवा एगयओ दो परमाणुपोगला एगयओ चत्तारि दुपएसिया खंधा भवन्ति, सत्तहा कज्जमाणे एगयओ छ परमाणुपोगला एगयओ चउप्पएसिए खंधे भवइ अहवा एगयओ पंच परमाणुपोगला एगयओ दुपएसिए०

चत्तारि संखेज्जपएसिया खंधा भवन्ति, एवं एएणं कमेणं पंचगसंजोगोवि भाणियव्वो जाव नवगसंजोगो, दसहा कज्जमाणे एगयओ नव परमाणुपोगगला एगयओ संखेज्ज-पएसिए खंधे भवइ अहवा एगयओ अट्ट परमाणुपोगगला एगयओ दुपएसिए० एगयओ संखेज्जपएसिए खंधे भवइ, एवं एएणं कमेणं एक्केक्को पूरेयव्वो जाव अहवा एगयओ दसपएसिए खंधे एगयओ नव संखेज्जपएसिया खंधा भवन्ति अहवा दस संखेज्जपएसिया खंधा भवन्ति, संखेज्जहा कज्जमाणे संखेज्जा परमाणुपोगगला भवन्ति । असंखेज्जा णं भन्ते ! परमाणुपोगगला एगयओ साहणंति एगयओ साहणित्ता किं भवइ ? गोयमा ' असंखेज्जपएसिए खंधे भवइ, से भिज्जमाणे दुहावि जाव दसहावि संखेज्जहावि असंखेज्जहावि कज्जइ, दुहा कज्जमाणे एगयओ परमाणुपोगगले एगयओ असं-खेज्जपएसिए खंधे भवइ एवं जाव अहवा एगयओ दसपएसिए० एगयओ असंखेज्जप-एसिए खंधे भवइ अहवा एगयओ संखेज्जपएसिए खंधे एगयओ असंखेज्जपएसिए खंधे भवइ अहवा दो असंखेज्जपएसिया खंधा भवन्ति, तिहा कज्जमाणे एगयओ दो परमा-णुपोगगला एगयओ असंखेज्जपएसिए खंधे भवइ अहवा एगयओ परमाणुपोगगले एग-यओ दुपएसिए० एगयओ असंखेज्जपएसिए खंधे भवइ जाव अहवा एगयओ परमा-णुपोगगले एगयओ दसपएसिए० एगयओ असंखेज्जपएसिए खंधे भवइ अहवा एग-यओ परमाणुपोगगले एगयओ संखेज्जपएसिए० एगयओ असंखेज्जपएसिए खंधे भवइ अहवा एगयओ परमाणुपोगगले एगयओ दो असंखेज्जपएसिया खंधा भवन्ति अहवा एगयओ दुपएसिए० एगयओ दो असंखेज्जपएसिया खंधा भवन्ति एवं जाव अहवा एग-यओ संखेज्जपएसिए खंधे भवइ एगयओ दो असंखेज्जपएसिया खंधा भवन्ति अहवा तिन्नि असंखेज्जपएसिया खंधा भवन्ति, चउहा कज्जमाणे एगयओ तिन्नि परमाणुपोगगला एगयओ असंखेज्जपएसिए खंधे भवइ एवं चउक्कगसंजोगो जाव दसगसंजोगो (ए(व)ए जहेव संखेज्जपएसियस्स नवरं असंखेज्जयं एगं अहिगं भाणियव्वं जाव अहवा दस असंखेज्जपएसिया खंधा भवन्ति, संखेज्जहा कज्जमाणे एगयओ संखेज्जा परमाणुपोगगला एगयओ असंखेज्जपएसिए खंधे भवइ अहवा एगयओ संखेज्जा दुपएसिया खंधा एगयओ असंखेज्जपएसिए खंधे भवइ एवं जाव अहवा एगयओ संखेज्जा दसपए-सिया खंधा एगयओ असंखेज्जपएसिए खंधे भवइ अहवा एगयओ संखेज्जा संखेज्ज-पएसिया खंधा एगयओ असंखेज्जपएसिए खंधे भवइ अहवा संखेज्जा असंखेज्जपए-सिया खंधा भवन्ति, असंखेज्जहा कज्जमाणे असंखेज्जा परमाणुपोगगला भवन्ति । अणंता णं भन्ते ! परमाणुपोगगला जाव किं भवन्ति ? गोयमा ! अणंतपएसिए खंधे भवइ, से भिज्जमाणे दुहावि तिहावि जाव दसहावि संखेज्जहा असंखेज्जहा अणंतहावि कज्जइ,

दुहा कज्जमाणे एगयओ परमाणुपोग्गले एगयओ अणंतपएसिए खंधे भवइ एवं जाव अहवा दो अणंतपएसिया खंधा भवन्ति, तिहा कज्जमाणे एगयओ दो परमाणुपोग्गल्ल एगयओ अणंतपएसिए खंधे भवइ अहवा एगयओ परमाणुपोग्गले एगयओ दुपएसिए० एगयओ अणंतपएसिए खंधे भवइ जाव अहवा एगयओ परमाणुपोग्गले एगयओ असंखेज्जपएसिए० एगयओ अणंतपएसिए खंधे भवइ अहवा एगयओ परमाणुपोग्गले एगयओ दो अणंतपएसिया खंधा भवन्ति अहवा एगयओ दुपएसिए० एगयओ दो अणंतपएसिया खंधा भवन्ति एवं जाव अहवा एगयओ दसपएसिए० एगयओ दो अणंतपएसिया खंधा भवन्ति अहवा एगयओ संखेज्जपएसिए० एगयओ दो अणंतपएसिया खंधा भवन्ति अहवा एगयओ असंखेज्जपएसिए खंधे एगयओ दो अणंतपएसिया खंधा भवन्ति अहवा तिन्नि अणंतपएसिया खंधा भवन्ति, चउहा कज्जमाणे एगयओ तिन्नि परमाणुपोग्गला एगयओ अणंतपएसिए खंधे भवइ एवं चउक्कसंजोगो जाव असंखेज्जगसंजोगो, एए सव्वे जहेव असंखेज्जाणं भाणिया तहेव अणंताणवि भाणियच्चा नवरं एकं अणंतगं अब्भहियं भाणियच्चं जाव अहवा एगयओ संखेज्जा संखेज्जपएसिया खंधा एगयओ अणंतपएसिए खंधे भवइ अहवा एगयओ संखेज्जा असंखेज्जपएसिया खंधा एगयओ अणंतपएसिए खंधे भवइ अहवा एगयओ असंखेज्जा परमाणुपोग्गला एगयओ अणंतपएसिए खंधे भवइ अहवा एगयओ असंखेज्जा दुपएसिया खंधा एगयओ अणंतपएसिए खंधे भवइ जाव अहवा एगयओ असंखेज्जा संखेज्जपएसिया खंधा एगयओ अणंतपएसिए खंधे भवइ अहवा एगयओ असंखेज्जा असंखेज्जपएसिया खंधा एगयओ अणंतपएसिए खंधे भवइ अहवा असंखेज्जा अणंतपएसिया खंधा भवन्ति, अणंतहा कज्जमाणे अणंता परमाणुपोग्गला भवन्ति ॥ ८४४ ॥ एएसि णं भंते ! परमाणुपोग्गलाणं साहणणाभेदाणुबाएणं अणंतारणं पोग्गलपरियट्टाणं अणंतारणता पोग्गलपरियट्टा समणुगंतच्चा भवन्तीति मक्ख्वाया ? हंता गोयमा ! एएसि णं परमाणुपोग्गलाणं साहणणाभेदाणु जाव मक्ख्वाया ॥ कइविहे णं भंते ! पोग्गलपरियट्टे पण्णत्ते ? गोयमा ! सक्खिहे पोग्गलपरियट्टे पण्णत्ते, तंजहा—ओरालियपोग्गलपरियट्टे वेउच्चिय० तेयापोग्गलपरियट्टे कम्मापोग्गलपरियट्टे मणपोग्गलपरियट्टे बहूपोग्गलपरियट्टे आणापाणुपोग्गलपरियट्टे । नेरइयाणं भंते ! कइविहे पोग्गलपरियट्टे पण्णत्ते ? गोयमा ! सक्खिहे पोग्गलपरियट्टे पण्णत्ते, तंजहा—ओरालियपोग्गलपरियट्टे वेउच्चियपोग्गलपरियट्टे जाव आणापाणुपोग्गलपरियट्टे, एवं जाव वेमाणियारणं ॥ एगमेगस्स णं भंते ! नेरइयस्स केवइया ओरालियपोग्गलपरियट्टा अतीया ? गोयमा ! अणंता, केवइया पुरक्खडा ?

गोयमा । कस्सइ अत्थि कस्सइ नत्थि जस्सइत्थि जहणेणं एक्को वा दो वा तिष्णि वा उक्कोसेणं संखेज्जा वा असंखेज्जा वा अणंता वा । एगमेगस्स णं भंते ! असुरकुमारस्स केवइया ओरालियपोग्गलपरियट्ठा० ? एवं चेव, एवं जाव वेमाणियस्स । एगमेगस्स णं भंते ! नेरइयस्स केवइया वेउव्वियपोग्गलपरियट्ठा अतीया ? गोयमा ! अणंता, एवं जहेव ओरालियपोग्गलपरियट्ठा तहेव वेउव्वियपोग्गलपरियट्ठावि भाणियव्वा, एवं जाव वेमाणियस्स एवं जाव आणापाणुपोग्गलपरियट्ठा, एए एगत्ति(इ)या सत्त दंडगा भवति । नेरइयाणं भंते ! केवइया ओरालियपोग्गलपरियट्ठा अतीया ? गोयमा ! अणंता, केवइया पुरक्खडा ? अणंता, एवं जाव वेमाणियाणं, एवं वेउव्वियपोग्गलपरियट्ठावि एवं जाव आणापाणुपोग्गलपरियट्ठावि जाव वेमाणियाणं, एवं एए पोहत्तिया सत्तचउव्वीसइ दंडगा ॥ एगमेगस्स णं भंते ! नेरइयस्स नेरइयत्ते केवइया ओरालियपोग्गलपरियट्ठा अतीया ? गोयमा ! नत्थि एक्कोवि, केवइया पुरक्खडा ? नत्थि एक्कोवि, एगमेगस्स णं भंते ! नेरइयस्स असुरकुमारत्ते केवइया ओरालियपोग्गलपरियट्ठा० ? एवं चेव, एवं जाव थणियकुमारत्ते जहा असुरकुमारत्ते । एगमेगस्स णं भंते ! नेरइयस्स पुढविकाइयत्ते केवइया ओरालियपोग्गलपरियट्ठा अतीया ? अणंता, केवइया पुरक्खडा ? कस्सइ अत्थि कस्सइ नत्थि जस्सत्थि तस्स जहणेणं एक्को वा दो वा तिष्णि वा उक्कोसेणं संखेज्जा वा असंखेज्जा वा अणंता वा एवं जाव मणुस्सत्ते, वाणमंतरजोइसियवमाणियत्ते जहा असुरकुमारत्ते । एगमेगस्स णं भंते ! असुरकुमारस्स नेरइयत्ते केवइया अतीया ओरालियपोग्गलपरियट्ठा एवं जहा नेरइयस्स वत्तव्वया भणिया तहा असुरकुमारस्सवि भाणियव्वा जाव वेमाणियत्ते, एवं जाव थणियकुमारस्स, एवं पुढविकाइयस्सवि, एवं जाव वेमाणियस्स, सव्वेसि एक्को गमो । एगमेगस्स णं भंते ! नेरइयस्स नेरइयत्ते केवइया वेउव्वियपोग्गलपरियट्ठा अतीया ? अणंता, केवइया पुरक्खडा ? एगुत्तरिया जाव अणंता, एवं जाव थणियकुमारत्ते, पुढविकाइयत्ते पुच्छा, नत्थि एक्कोवि, केवइया पुरक्खडा ? नत्थि एक्कोवि, एवं जत्थ वेउव्वियसरिरे अत्थि तत्थ एगुत्तरि(या)ओ जत्थ नत्थि तत्थ जहा पुढविकाइयत्ते तहा भाणियव्वं जाव वेमाणियस्स वेमाणियत्ते । तेयापोग्गलपरियट्ठा कम्मापोग्गलपरियट्ठा य सव्वत्थ एगुत्तरिया भाणियव्वा, मणुपोग्गलपरियट्ठा सव्वेसु पंचिदिएसु एगुत्तरिया, विगलिदिएसु नत्थि, वइपोग्गलपरियट्ठा एवं चेव, नवरं एगिदिएसु नत्थि भाणियव्वा । आणापाणुपोग्गलपरियट्ठा सव्वत्थ एगुत्तरिया एवं जाव वेमाणियस्स वेमाणियत्ते । नेरइयाणं भंते ! नेरइयत्ते केवइया ओरालियपोग्गलपरियट्ठा अतीया ? नत्थि एक्कोवि, केवइया पुरक्खडा ? नत्थि एक्कोवि, एवं जाव थणि-

यङ्कारो, पुढविकाइयत्ते पुच्छा, गोयमा ! अणंता, केवइया पुरक्खडा ? अणंता, एवं जाव मणुस्सत्ते, वाणमंतरजोइस्सियवेमाणियत्ते जहा नेरइयत्ते एवं जाव वेमाणियस्स वेमाणियत्ते, एवं सत्तावि पोग्गलपरियट्ठा भाणियव्वा, जत्थ अत्थि तत्थ अतीयावि पुरक्खडावि अणंता भाणियव्वा, जत्थ नात्थि तत्थ दोवि नात्थि भाणियव्वा जाव वेमाणियाणं वेमाणियत्ते केवइया आणापाणुपोग्गलपरियट्ठा अतीया ? अणंता, केवइया पुरक्खडा ? अणंता ॥ ४४५ ॥ से केणट्ठेणं भंते ! एवं वुच्चइ-ओरालिय-पोग्गलपरियट्ठे २ ! गोयमा । जण्णं जीवणं ओरालियसरीरे वट्ठमाणेणं ओरालिय-सरीरपाउग्गाइं दव्वाइं ओरालियसरीरत्ताए गहियाइं बद्धाइं पुट्ठाइं कडाइं पट्ठवियाइं निविट्ठाइं अभिनिविट्ठाइं अभिसमन्नागयाइं परिया(ग)इयाइं परिणामियाइं निज्जिन्नाइं निभिरियाइं निसिट्ठाइं भवंति, से तेणट्ठेणं गोयमा । एवं वुच्चइ ओरालियपोग्गलपरियट्ठे २, एवं वेउच्चियपोग्गलपरियट्ठेवि, नवरं वेउच्चियसरीरे वट्ठमाणेणं वेउच्चिय-सरीरप्पाउग्गाइं सेसं तं चेव सव्वं एवं जाव आणापाणुपोग्गलपरियट्ठे, नवरं आणापाणुपाउग्गाइं सव्वदव्वाइं आणापाणुत्ताए सेसं तं चेव ॥ ओरालियपोग्गलपरियट्ठे णं भंते ! केवइकालस्स निव्वत्तिज्जइ ! गोयमा । अणंताहिं उस्सप्पिणिओसप्पिणीहिं एवइकालस्स निव्वत्तिज्जइ, एवं वेउच्चियपोग्गलपरियट्ठेवि, एवं जाव आणापाणुपोग्गलपरियट्ठेवि ॥ एयस्स णं भंते ! ओरालियपोग्गलपरियट्ठेनिव्वत्तणाकालस्स वेउच्चियपोग्गल० जाव आणापाणुपोग्गलपरियट्ठेनिव्वत्तणाकालस्स कयरे कयरेहिंतो जाव विसैसाहिया वा ? गोयमा । मव्वत्थोवे कम्मगपोग्गलपरियट्ठेनिव्वत्तणाकाले, तेयापोग्गलपरियट्ठेनिव्वत्तणाकाले अणंतगुणे, ओरालियपोग्गलपरियट्ठे० अणंतगुणे, आणापाणुपोग्गल० अणंतगुणे, मणपोग्गल० अणंतगुणे, वइपोग्गल० अणंतगुणे, वेउच्चियपोग्गलपरियट्ठेनिव्वत्तणाकाले अणंतगुणे ॥ ४४६ ॥ एएस्सि णं भंते ! ओरालियपोग्गलपरियट्ठेणं जाव आणापाणुपोग्गलपरियट्ठेणं य कयरे ० हिंतो जाव विसैसाहिया वा ? गोयमा । सव्वत्थोवा वेउच्चियपोग्गलपरियट्ठे, वइपोग्गलपरियट्ठे अणंतगुणा, मणपोग्गलपरियट्ठे अणंतगुणा, आणापाणुपोग्गल० अणंतगुणा, ओरालियपोग्गल० अणंतगुणा, तेयापोग्गल० अणंतगुणा, कम्मगपोग्गल० अणंतगुणा । सेवं भंते ! सेवं भंते ! त्ति मगवं जाव विहरइ ॥ ४४७ ॥ बारहमे सए चउत्थो उहेसो समत्तो ॥

रायगिहे जाव एवं वयासी-अह भंते । पाणाइवाए मुसावाए अदिष्णादाने मेहुणे परिग्गहे, एस णं कइव्वे कइग्घे कइरसे कइफासे पण्णत्ते ! गोयमा । पंचवजे पंचरसे दुग्घे चउपासे पण्णत्ते ॥ अह भंते । कोहे १ कोवे २ रोसे ३ दोसे ४ अख(मा)मं ५ संजलणे ६ कलहे ७ चंडिक्के ८ भंडणे ९ विवाए १०, एस णं कइव्वे जाव कइफासे

पण्णत्ते ? गोयमा । पंचवज्जे पंचरसे दुग्ंधे चउफासे पण्णत्ते ॥ अह भंते । माणे मदे दप्पे थंभे गव्वे अ(ण)त्तुक्कोसे परपरिवाए उक्कासे अवक्कासे उन्नए उज्जामे दुक्कामे १२, एस णं कइवज्जे ४ प० ? गोयमा ! पंचवज्जे जहा कोहे तहेव । अह भंते । माया उवही नियही वलए गहणे णूमे कक्कं कुम्माए जिम्हे किच्चिसे १० आयरणया गूहणया वंचणया पत्तिउंचणया सादजोगे य १५, एस णं कइवज्जे ४ प० ? गोयमा । पंचवज्जे जहेव कोहे ॥ अह भंते ! लोभे इच्छा मुच्छा कंखा गेही तण्हा भिज्जा अभिज्जा आसा-सणया पत्थणया १० लालप्पणया कामासा भोगासा जीवियासा मरणात्ता नंदिरागे १६, एस णं कइवज्जे ४ प० ? गोयमा । जहेव कोहे । अह भंते ! पेजे दोसे कलहे जाव सिच्छादंसणसल्ले एस णं कइवज्जे ४ प० । जहेव कोहे तहेव जाव चउफासे ॥ ४४८ ॥ अह भंते ! पाणाइवायवेरमणे जाव पररगहवेरमणे, कोहविंवेगे जाव सिच्छादंसणसल्ल-विंवेगे एम णं कइवज्जे जाव कइकामे पण्णत्ते ? गोयमा ! अवज्जे अग्ंधे अरसे अफासे पण्णत्ते ॥ अह भंते ! उप्पत्तिया वेणइया कम्मिया परिणामिया एस णं कइवज्जा ४ प० ? तं चैव जाव अफामा पज्जता ॥ अह भंते ! उग्गहं ईहा अच्चाए चारणा एम णं कइवज्जा ४ प० ? एवं चैव जाव अफामा पज्जता ॥ अह भंते ! उट्ठाणे कम्मे बडे वीरिए पुरिसक्कापरकमे एम णं कइवज्जे ४ प० । तं चैव जाव अफासे पज्जते । सत्तमे णं भंते । उवासंतरे कइवज्जे ४ प० । एवं चैव जाव अफासे पज्जते । सत्तमे णं भंते ! तणुवाए कइवज्जे ४ प० ? जहा पाणाइवाए, नवर अट्टफासे पण्णत्ते, एवं जहा सत्तमे तणुवाए तहा सत्तमे घणवाए घणोदही पुट्टवी, छट्टे उवासंतरे अवज्जे, तणुवाए जाव छट्टी पुट्टवी एयाइ अट्ट फामाडं, एवं जहा सत्तमाए पुट्टवीए वचध्वया भणिया तहा जाव पट्टमाए पुट्टवीए भाणियव्वं, जंबुदीवे २ जाव सयंभुगमणे समुदे, सोहम्मे कप्पे जाव इत्तिपच्चभारा पुट्टवी, नेरइयावासा जाव वेमाणियावासा एयाणि मव्वाणि अट्टफा-माणि । नेरइया णं भंते ! कइवज्जा जाव कइफासा पज्जता ? गोयमा ' वेउव्वियतेयाइं पडुच्च पंचवज्जा पंचरसा दुग्ंधा अट्टफासा पण्णत्ता, कम्मगं पडुच्च पंचवज्जा पंचरसा दुग्ंधा चउफासा पण्णत्ता, जीवं पडुच्च अवज्जा जाव अफासा पण्णत्ता, एवं जाव वणियकुमार्रा, पुट्टावक्काइयाणं पुच्छा, गोयमा ! ओरालियनेयगाइं पडुच्च पंचवज्जा जाव अट्टफासा पण्णत्ता, कम्मगं पडुच्च जहा नेरइयाणं, जीवं पडुच्च तहेव, एवं जाव चउरिंदिया, नवरं वाउक्काइया ओरालियवेउव्वियतेयगाइं पडुच्च पंचवज्जा जाव अट्टफासा पण्णत्ता, सेसं जहा नेरइयाणं, पंचिंदियतिरिक्खजोणिया जहा वाउक्काइया, मणुस्साणं पुच्छा, गोयमा ! ओरालियवेउव्वियआहारगतेयगाइं पडुच्च पंचवज्जा जाव अट्टफासा पण्णत्ता, कम्मगं जीवं च पडुच्च जहा नेरइयाणं, वाणमंतरजोइसियवेमाणिया

जहा नेरइया, धम्मत्थिकाए जाव पोगलत्थिकाए एए सव्वे अवन्ना जाव अफासा, नवरं पोगलत्थिकाए पंचवन्ने पंचरसे दुग्ंधे अट्टफासे पण्णत्ते, णाणावरणिजे जाव अंतराएए एयाणि जाव चउफासाणि, कण्हलेसा णं भंते ! कइवन्ना ४ प० ? गोयमा ! दव्वत्थेसं पडुच्च पंचवन्ना जाव अट्टफासा पण्णत्ता, भावत्थेसं पडुच्च अवन्ना ४, एवं जाव सुक्कत्थेसा, मम्महिट्ठी ३ चक्खुइंसणे ४ आभिणिबोहियणाणे ५ जाव विभंगणाणे आहारसन्ना जाव परिग्गइसन्ना एयाणि अवन्नाणि ४, ओरालियसरीरे जाव तेयगसरीरे एयाणि अट्टफासाणि, कम्मगसरीरे चउफासे, मणजोगे य वइजोगे य चउफासे, कायजोगे अट्टफासे, सागारोवओगे य अणागारोवओगे य अवन्ना । सव्वदव्वा णं भंते ! कइवन्ना० पुच्छा, गोयमा ! अत्थेगइया सव्वदव्वा पंचवन्ना जाव अट्टफासा पण्णत्ता, अत्थेगइया सव्वदव्वा पंचवन्ना जाव चउफासा पण्णत्ता, अत्थेगइया सव्वदव्वा एगगंधा एगवण्णा एगरसा दुफासा पन्नत्ता, अत्थेगइया सव्वदव्वा अवन्ना जाव अफासा पन्नत्ता, एवं सव्वपएसावि सव्वपज्जावि, तीयद्धा अवन्ना जाव अफासा पण्णत्ता, एवं जाव अणागयद्धावि, एवं सव्वद्धावि ॥ ४४९ ॥ जीवे णं भंते ! गन्धं वक्कममाणे कइवन्नं कइगंधं कइरसं कइफास परिणामं परिणमइ ? गोयमा ! पंचवन्नं पंचरस दुग्ंधं अट्टफासं परिणामं परिणमइ ॥ ४५० ॥ कम्मओ णं भंते ! जीवे नो अकम्मओ विभत्तिभावं परिणमइ कम्मओ णं जए नो अकम्मओ विभत्तिभावं परिणमइ ? हंता गोयमा ' कम्मओ णं तं चेव जाव परिणमइ नो अकम्मओ विभत्तिभावं परिणमइ, सेवं भंते ! सेवं भंते ! जि ॥ ४५१ ॥ बारहमे सए पञ्चमो उद्देशो समत्तो ॥

रायगिहे जाव एवं वयासी-बहुजणे णं भंते । अन्नमज्जस्स एवमाइक्खइ जाव एवं परुवेइ-एवं खलु राहु चंदं गेण्हइ एवं० २, से कहमेयं भंते । एवं ? गोयमा ! जन्नं से बहुजणे णं अन्नमज्जस्स जाव सिच्छं ते एव माहंसु, अहं पुण गोयमा ! एवमाइक्खामि जाव एवं परुवेमि-एवं खलु राहु देवे महिन्णिए जाव महैसक्खे वरवत्थधरे वरमल्लधरे वरगंधधरे वराभरणधारी, राहुस्स णं देवस्स नव नामधेज्जा प०, तंजहा-सिघाडए १ जडिलए २ खंभए [खत्तए] ३ खरए ४ दहुरे ५ मगरे ६ मच्छे ७ कच्छमे ८ कण्हसप्पे ९, राहुस्स णं देवस्स विमाणा पंचवन्ना पण्णत्ता, तंजहा-किण्हा नीला लोहिया हालिहा सुक्किन्ना, अत्थि कालए राहुविमाणे खंजणवन्नामे पण्णत्ते, अत्थि नीलए राहुविमाणे लाउयवन्नामे प०, अत्थि लोहिए राहुविमाणे मंजिट्टवन्नामे प०, अत्थि पीयए राहुविमाणे हालिइवन्नामे पण्णत्ते, अत्थि सुक्किणए राहुविमाणे भासरसिक्खामे पण्णत्ते ॥ जया णं राहु आगच्छमाणे वा गच्छमाणे

वा विउव्वमाणे वा परियारेमाणे वा चंदलेस्सं पुरच्छिमेण आवरेत्ता णं पच्चच्छिमेण वीईवयइ, तथा णं पुरच्छिमेणं चंदे उवदंसेइ पच्चच्छिमेणं राहु, जया णं राहु आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं पच्चच्छिमेणं आवरेत्ताणं पुरच्छिमेणं वीईवयइ, तथा णं पच्चच्छिमेणं चंदे उवदंसेइ पुरच्छिमेणं राहु, एवं जहा पुरच्छिमेणं पच्चच्छिमेण य दो आलावगा भणिया तथा दाहिणेणं उत्तरेण य दो आलावगा भाणियव्वा, एवं उत्तरपुरच्छिमेणं दाहिणपच्चच्छिमेण य दो आलावगा भाणियव्वा, एवं दाहिणपुरच्छिमेणं उत्तरपच्चच्छिमेण य दो आलावगा भाणियव्वा एवं चैव जाव तथा णं उत्तरपच्चच्छिमेणं चंदे उवदंसेइ दाहिणपुरच्छिमेणं राहु, जया णं राहु आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं आवरेमाणे २ चिद्दइ, तथा णं मणुस्सलोए मणुस्सा वदंति-एवं खलु राहु चंदं गोण्हइ एवं०, जया णं राहु आगच्छमाणे वा ४ चंदस्स लेस्स आवरेत्ताणं पासेणं वीईवयइ तथा णं मणुस्सालोए मणुस्सा वदंति-एवं खलु चंदेणं राहुस्स कुच्छी भिन्ना एवं०, जया णं राहु आगच्छमाणे वा ४ चंदस्स लेस्स आवरेत्ताणं पच्चोमकइ तथा णं मणुस्सलोए मणुस्सा वदंति-एवं खलु राहुणा चंदे वंते एवं०, जया णं राहु आगच्छमाणे वा जाव परियारेमाणे वा चंदलेस्स अहं सपक्खि सपडिदिमं आवरेत्ताणं चिद्दइ, तथा णं मणुस्सलोए मणुस्सा वदंति-एवं खलु राहुणा चंदे घथे एवं० ॥ कइविहे णं भंते ! राहु पज्जे ? गोयमा ! दुविहे राहु पज्जे, तंजहा-धुवराहु य पव्वराहु य, तत्थ णं जे से धुवराहु से णं बहुलपक्खस्स पाडिवए पन्नरसतिभागेणं पन्नरसभागं चंदस्स लेस्सं आवरेमाणे २ चिद्दइ, तंजहा-पडमाए पडमं भागं विइयाए विइयं भागं जाव पन्नरसेसु पन्नरसमं भागं, चरिमसमए चंदे रत्ते भवइ अवसेसे समए चंदे रत्ते वा विरत्ते वा भवइ, तमेव सुक्कपक्खस्स उवदंसेमाणे २ चिद्दइ तं० पडमाए पडमं भागं जाव पन्नरसेसु पन्नरसमं भागं, चरिमसमए चंदे विरत्ते भवइ अवसेसे समए चंदे रत्ते वा विरत्ते वा भवइ, तत्थ णं जे से पव्वराहु से जह्णेणं छण्हं मासाणं उक्कोसेणं बायालीसाए मासाणं चंदस्स, अडयान्नीसाए संवच्छराणं सूस्स ॥४५२॥ से केणट्टेणं भंते ! एवं बुच्चइ-चंदे ससी २ ! गोयमा ! चंदस्स णं जोइसिदस्स जोइसरत्तो मियंके विमाणे कंता देवा कंताओ देवीओ कंताइ आसणसयणखंभभं-मतोक्कगरणाइ अप्पणोवि य णं चंदे जोइसिदे जोइसराया सोमे कंते सुभगे पिय-दंसणे सुहवे से तेणट्टेणं जाव ससी ॥ ४५३ ॥ से केणट्टेणं भंते ! एवं बुच्चइ-सूरे आइथे सूरे० २ ! गोयमा ! सूराइया णं समयाइ वा आबलियाइ वा जाव उस्सप्पि-णीइ वा अबसप्पिणीइ वा से तेणट्टेणं गोयमा ! जाव आइथे० २ ॥४५४॥ चंदस्स णं

भंते ! जोइसिदस्स जोइसरओ कइ अगमहिंसीओ पण्णत्ताओ ? जहा दसमसए जाव णो चेव णं मेहुणवत्तिय । सूरस्सवि तहेव । चंदिमसूरिया णं भंते ! जोइसिदा जोइसरायाणो केरिसए कामभोगे पच्चणुच्चवमाणो विहरंति ? गोयमा ! से जहानामए केइ पुरिसे पडमजोव्वणुट्ठाणबलत्थे पडमजोव्वणुट्ठाणबलत्थाए भारियाए साद्धि अवि-रवत्तविवाहकजे अत्थगवेसणयाए सोलसवासविप्पवासिए से णं तओ लद्धे कयकजे अणहसम(ए)ग्गे पुणरवि नियगगिहं हव्वमाणए ष्हाए सव्वालंकारविभूसिए मणुत्तं थालीयागसुद्ध अट्ठारसवंजणाउलं भोयणं भुत्ते समाणे तंसि तारिसगंसि वासघरंसि वत्तओ महव्वले जाव सयणोव्वयारकलिए ताए तारिसियाए भारियाए सिंगा-रागारचारवेसाए जाव कलियाए अणुरत्ताए अविरत्ताए मणाणुकूलाए मद्धि इट्ठे महे फरिसे जाव पंचविहे माणुरसए कामभोगे पच्चणुच्चवमाणे विहरइ, तासे णं गोयमा ! पुरिसे विउसमणकालममयंसि केरिमयं सायासोक्खं पच्चणुच्चवमाणे विहरइ ! ओरालं समणाउयो !, तस्स णं गोयमा ! पुरिमस्स कामभोगेहिंनो वाणमंतराणं देवाणं एत्तो अणंतगुणविसिट्ठनरा चेव कामभोगा, वाणमंतराणं देवाणं कामभोगेहिंनो असुरिंदवजियाणं भवणवासीणं देवाणं एत्तो अणंतगुणविसिट्ठनरा चेव कामभोगा, असुरिंदवजियाणं भवणवासायाणं देवाणं कामभोगेहिंनो अनुरकुमारणं देवाणं एत्तो अणंतगुणविसिट्ठनरा चेव कामभोगा, अनुरकुमारणं देवाणं कामभोगेहिंनो गहगणनकखत्तनारारूवाण जोडमियाणं देवाणं एत्तो अणंतगुणविसिट्ठनरा चेव कामभोगा, गहगणनकखत्तं जाव कामभोगेहिंनो चंदिमसूरियाणं जोडमियाणं जोइसराईं एत्तो अणंतगुणविसिट्ठनरा चेव कामभोगा, चंदिमसूरिया णं गोयमा ! जोइसिदा जोइमरायाणो एरिसए कामभोगे पच्चणुच्चवमाणो विहरति । सेव भंते ! सेव भंते ! नि भगवं गोयमे समणं भगवं महावीर जाव विहरइ ॥ ४५५ ॥ वारहमे सए छट्ठो उद्देशो समत्तो ॥

तेणं कालेण तेणं समएणं जाव एवं वयासी-केमहालए णं भंते ! लोए पत्तते ! गोयमा ! महइमहालए लोए पत्तते, पुरच्छिमेणं असंखेजाओ जोयणकोडाकोडीओ दाहिणेणं असंखेजाओ एवं चेव, एवं पच्चच्छिमेणवि, एवं उन्नरेणवि, एवं उक्कुपि, अहे असंखेजाओ जोयणकोडाकोडीओ आयामविकस्वभेणं । एयंसि णं भंते ! एमहालयंसि लोगंसि आत्थ केइ परमाणुपोग्गलमेत्तेवि पएसे जत्थ णं अयं जीवे न जाए वा न मए वावि ? गोयमा ! नो इणट्ठे समट्ठे, से केणट्ठेणं भंते ! एवं बुद्धइ एयंसि णं एमहालयंसि लोगंसि नत्थि केइ परमाणुपोग्गलमेत्तेवि पएसे जत्थ णं अयं जीवे ण जाए वा न मए वावि ? गोयमा ! से जहानामए-केइ पुरिसे अयासयस्स एणं मइ

अयावयं करेज्जा, से णं तत्थ जहणेणं एगं वा दो वा तिन्नि वा उक्कोसेणं अयास-
हस्सं पक्खिवेज्जा, ताओ णं तत्थ पउरगोयराओ पउरपाणियाओ जहणेणं एगहं वा
दुयाहं वा तियाहं वा उक्कोसेणं छम्मासे परिवसेज्जा, अत्थि णं गोयमा । तस्स
अयावयस्स केइ परमाणुपोगगलमेत्तेवि पएसे जे णं तासिं अयाणं उच्चारेण वा पास-
वणेण वा खेळेण वा सिंघाणण वा वंतेण वा पित्तेण वा पूएण वा सुक्केण वा
सोणिण वा चम्मेहिं वा रोमेहिं वा सिंगेहिं वा खुरेहिं वा नहेहिं वा अणाकंतपुव्वे
भवइ ? भगवं ! णो इण्हे समहे, होज्जावि णं गोयमा । तस्स अयावयस्स केइ
परमाणुपोगगलमेत्तेवि पएसे जे णं तासिं अयाणं उच्चारेण वा जाव णहेहिं वा
अणकंतपुव्वे णो चं व णं एयंसि एमहालयंसि लोगंसि लोगस्स सासयं भावं
संसारस्स य अणाइभावं जीवस्स य णिच्चभावं कम्मबहुतं जम्मणमरणवाहुल्लं च
पडुच्च नत्थि केइ परमाणुपोगगलमेत्तेवि पएसे जत्थ णं अयं जीवं न जाए वा न मए
वावि, से तेणट्टेणं तं चं व जाव न मए वावि ॥ ४५६ ॥ कइ णं भंते ! पुढवीओ
पण्णत्ताओ ! गोयमा ! सन पुढवीओ पण्णत्ताओ जहा पडममए पंचमउद्देसए तहेव
आशामा ठावयव्वा जाव अणुत्तरविमाणेति जाव अपराजिए सव्वट्टसिद्धे । अयन्नं
भंते ! जीवे इमांसि रयणप्पभाए पुढवीए तीसाए निरयावाससयमइस्सेसु एगमेगंसि
निरयावासंसि पुढविकाइयत्ताए जाव वणम्मइकाइयत्ताए नरगत्ताए नेरइयत्ताए उव-
वन्नपुव्वे ? इंता गोयमा ! असइं अदुवा अणंतखुत्तो, अयन्नं भंते ! जीवे मकरप्प-
भाए पुढवीए पण्णत्ताए एवं जहा रयणप्पभाए तहेव दो आलावगा भाणियव्वा,
एवं जाव धूमप्पभाए । अयन्नं भंते ! जीवे तमाए पुढवीए पंचूणे निरयावाससयस-
हस्से एगमेगंसि सेस तं चं व, अयन्नं भंते ! जीवे अहेसत्तमाए पुढवीए पंचसु
अणुत्तरेसु महइमहालएसु महानिरएसु एगमेगंसि निरयावासंसि सेसं जहा रयणप्प-
भाए, अयन्नं भंते ! जीवे चोसट्ठीए असुरकुमारावाससयसइस्सेसु एगमेगंसि असुर-
कुमारावासंसि पुढविकाइयत्ताए जाव वणस्सइकाइयत्ताए देवत्ताए देवित्ताए आसण-
सयणभंडमत्तोवगरणत्ताए उववन्नपुव्वे ? इंता गोयमा ! जाव अणंतखुत्तो, सव्वजीवावि
णं भंते ! एवं चं व, एवं जाव यणियकुमारेसु, नाणत्तं आवाससेसु, आवासा पुव्वभणिया,
अयन्नं भंते ! जीवे असंखेज्जेसु पुढविकाइयावाससयसइस्सेसु एगमेगंसि पुढविकाइ-
यावासंसि पुढविकाइयत्ताए जाव वणस्सइकाइयत्ताए उववन्नपुव्वे ? इंता गोयमा । जाव
अणंतखुत्तो, एवं सव्वजीवावि, एवं जाव वणस्सइकाइएसु, अयण्णं भंते ! जीवे असंखे-
ज्जेसु बेंदियावाससयसइस्सेसु एगमेगंसि बेंदियावासंसि पुढविकाइयत्ताए जाव वणस्स-
इकाइयत्ताए बेइदियात्ताए उववन्नपुव्वे ? इंता गोयमा ! जाव अणंतखुत्तो, सव्वजी-

चावि णं एवं चेव, एवं जाव मणुस्सेसु, नवरं तेइंदिएसु जाव वणस्सइकाइयत्ताए तेइंदियत्ताए चउरिंदिएसु चउरिंदियत्ताए पंचिंदियतिरिक्खजोणिएसु पंचिंदियतिरिक्खजोणियत्ताए मणुस्सेसु मणुस्सत्ताए सेसं जहा बेंदियाणं, वाणमंतरजोइसियसोहम्मीसाणेसु य जहा असुरकुमारारणं. अयणं भंते ! जीवे सणकुमारे कप्पे बारससु विमाणावाससयसहस्सेसु एगमेगंसि वेमाणियावासंसि पुढविकाइयत्ताए सेसं जहा असुरकुमारारणं जाव अणंतखुत्तो, नो चेव णं देवित्ताए, एवं सव्वजीवावि, एवं जाव आणयपाणएसु, एवं आरण्हुएसुवि, अयणं भंते ! जीवे तिसुवि अट्टारसुत्तरेसु गोविज्जविमाणावाससएसु एवं चेव, अयणं भंते ! जीवे पंचसु अणुत्तरविमाणेसु एगमेगंसि अणुत्तरविमाणंसि पुढवि तहेव जाव अणंतखुत्तो, नो चेव णं देवत्ताए वा देवित्ताए वा एवं सव्वजीवावि । अयणं भंते ! जीवे सव्वजीवाणं माइत्ताए पियत्ताए भाइत्ताए भणिणित्ताए भज्जत्ताए पुत्तत्ताए धूयत्ताए सुम्हत्ताए उववन्नपुव्वे ? हंता गोयमा ! अमइं अदुवा अणंतखुत्तो, सव्वजीवावि णं भंते ' इमस्स जीवस्स माउत्ताए जाव उववन्नपुव्वा ? हंता गोयमा ! जाव अणंतखुत्तो, अयणं भंते ! जीवे सव्वजीवाणं आरेत्ताए वेरियत्ताए घायगत्ताए वहगत्ताए पडिणीयत्ताए पच्चामित्तत्ताए उववन्नपुव्वे ? हंता गोयमा ! जाव अणंतखुत्तो, सव्वजीवावि णं भंते ! एवं चेव, अयणं भंते ! जीवे सव्वजीवाणं रायत्ताए जुवरायत्ताए जाव सत्यवाहत्ताए उववन्नपुव्वे ! हंता गोयमा ! असइं जाव अणंतखुत्तो, सव्वजीवाणं एवं चेव । अयणं भंते ! जीवे सव्वजीवाणं दासत्ताए पेसत्ताए भयगत्ताए भाइल्लगत्ताए भोगपुरिसत्ताए सीसत्ताए वेसत्ताए उववन्नपुव्वे ? हंता गोयमा ! जाव अणंतखुत्तो, एवं सव्वजीवावि जाव अणंतखुत्तो । सेवं भंते । सेवं भंते ! पित्तं जाव विहरइ ॥ ४५७ ॥ चारहमे सए सत्तमो उद्देशो समत्तो ॥

तेणं काळेणं तेणं ममएणं जाव एवं वयासी-देवे णं भंते ! महिण्डिए जाव महेसक्खे अणंतरं चयं चइत्ता विसरीरेसु नागेसु उववज्जेज्जा ? हंता गोयमा ! उववज्जेज्जा, से णं तत्थ अच्चियवदियपूइयसङ्कारियसम्माणिए दिव्वे सच्चं सच्चोवाए संनिहियपाडिहेरे यावि भवेज्जा ? हंता भवेज्जा, से णं भंते ! तज्जोहिंनो अणंतरं उव्वट्ठित्ता सिज्जेज्जा बुज्जेज्जा जाव अंतं करेज्जा ? हंता सिज्जेज्जा जाव अंतं करेज्जा, देवे णं भंते ! महिण्डिए एवं चेव जाव विसरीरेसु मणीसु उववज्जेज्जा, एवं चेव जहा नागाणं, देवे णं भंते ! महिण्डिए जाव विसरीरेसु रुक्खेसु उववज्जेज्जा ? हंता उववज्जेज्जा, एवं चेव, नवरं इमं नाणत्तं जाव सन्निहियपाडिहेरे लाउल्लोइयमहिए यावि भवेज्जा ? हंता भवेज्जा, सेसं तं चेव जाव अंतं करेज्जा ॥ ४५८ ॥ अह

भंते । गोलंगूलवसभे कुक्कुडवसभे मंडुकवसभे एए णं निस्सीला निव्वया निग्गुणा निम्मेरा निप्पक्खत्वाणणेसहोववासा कालमासे कालं किञ्चा इमीसे रयणप्पभाए पुढवीए उक्कोसेणं सागरोवमद्विइयंसि नरगंसि नेरइयत्ताए उववज्जेज्जा ? समणे भगवं महावीरे वागरेइ-उववज्जमाणे उववज्जेति वत्तव्वं सिया । अह भंते । सीहे वग्घे जहा उस्सपिणीउहेसए जाव परस्सरे एए णं निस्सीला एवं चेव जाव वत्तव्वं सिया, अह भते । ढंके कंके विलए मग्गुए सिखीए, एए णं निस्सीला० सेसं तं चेव जाव वत्तव्वं सिया । सेवं भंते ! सेवं भंते ! ति जाव विहरइ ॥ ४५९ ॥

बारहमे सए अट्टमो उहेसो समत्तो ॥

कइविहा णं भंते ! देवा पण्णत्ता ? गोयमा ! पंचविहा देवा पण्णत्ता, तंजहा-भवियदव्वदेवा १ नरदेवा २ धम्मदेवा ३ देवा(इ)हिदेवा ४ भावदेवा ५, से केणट्टेणं भंते ! एवं वुच्चइ भवियदव्वदेवा भवियदव्वदेवा ? गोयमा ! जे भविए पंचिदियतिरिक्खजोणिए वा मणुस्से वा देवेसु उववज्जित्तए से तेणट्टेणं गोयमा ! एवं वुच्चइ भवियदव्वदेवा २, से केणट्टेणं भंते ! एवं वुच्चइ नरदेवा नरदेवा ? गोयमा ! जे इमे रायाणो चाउरंतचक्कवत्री उप्पन्नममत्तचक्ररयणप्पहाणा नवनिहिपइणो समिद्धकोमा बत्तीसं रायवरसहस्माणुजायमग्गा सागरवरमेहलाहिवइणो मणुस्सिदा से तेणट्टेणं जाव नरदेवा २, से केणट्टेणं भंते ! एवं वुच्चइ धम्मदेवा धम्मदेवा ? गोयमा ! जे इमे अणगरा भगवंतो इरियासमिया जाव गुत्तबंभयारी से तेणट्टेणं जाव धम्मदेवा २, से केणट्टेणं भंते ! एवं वुच्चइ देवाहिदेवा देवाहिदेवा ? गोयमा ! जे इमे अरिहंता भगवंतो उप्पन्नानाणदंसणधरा जाव सव्वदरिसी से तेणट्टेणं जाव देवाहिदेवा २, से केणट्टेणं भंते ! एवं वुच्चइ-भावदेवा भावदेवा ? गोयमा ! जे इमे भवणवइवाणमंतरजोइसियवेमाणिया देवा देवगइनामगोयाई कम्मआई वेदेति से तेणट्टेणं जाव भावदेवा ॥ ४६० ॥

भवियदव्वदेवा णं भंते ! कओहितो उववज्जंति किं नेरइएहितो उववज्जंति तिरिक्ख० मणुस्स० देवेहितो उववज्जंति ? गोयमा । नेरइएहितो उववज्जंति तिरि० मणु० देवेहितोवि उववज्जंति, भेओ जहा वक्कंतीए सव्वेसु उववाएयव्वा जाव अणुत्तरोववाइयति, नवरं असंखेज्जवासाउयअकम्मभूमियअंतरवीवगसव्वट्टुसिद्धवज्जं जाव अपराजियदेवेहितोवि उववज्जंति, णो सव्वट्टुसिद्धदेवेहितो उववज्जंति । नरदेवा णं भंते ! कओहितो उववज्जंति किं नेरइए० पुच्छा, गोयमा ! नेरइएहितो उववज्जंति नो तिरि० नो मणु० देवेहितोवि उववज्जंति, अइ नेरइएहितो उववज्जंति किं रयणप्पभापुढविनेरइएहितो उववज्जंति जाव अहेसत्तापुढविनेरइएहितो उववज्जंति ?

गोयमा ! रयणप्पभापुहुविनेरइएहितो उववज्जंति नो सक्कर जाव नो अहेसत्तमा-
 पुवविनेरइएहितो उववज्जंति, जइ देवेहितो उववज्जंति किं भवणवासिदेवेहितो उव-
 वज्जंति वाणमंतर० जोइसिय० वेमाणियदेवेहितो उववज्जंति ? गोयमा ! भवण-
 वासिदेवेहितोवि उववज्जंति वाणमंतर एवं सव्वदेवेषु उववाएयव्वा वक्कंतीभेएणं जाव
 सव्वट्टसिद्धत्ति, धम्मदेवा णं भंते ! कओहितो उववज्जंति किं नेरइएहितो० ? एवं
 वक्कंतीभेएणं सव्वेषु उववाएयव्वा जाव सव्वट्टसिद्धत्ति, नवरं तमा अहेसत्तमाए
 तेउवाउअसंखेजवासाउयअक्कम्मभूमियअंतरवीवगवजेसु, देवाहिदेवा णं भंते !
 कओहितो उववज्जंति किं नेरइएहितो उववज्जंति पुच्छा, गोयमा ! नेरइएहितो
 उववज्जंति नो तिरि० नो मणु० देवेहितोवि उववज्जंति, जइ नेरइएहितो एवं तिसु
 पुडवीसु उववज्जंति सेसाओ खोडेयव्वाओ, जइ देवेहितो० वेमाणिएसु सव्वेषु
 उववज्जंति जाव सव्वट्टसिद्धत्ति, सेसा खोडेयव्वा, भावदेवा णं भंते ! कओहितो
 उववज्जंति ? एवं जहा वक्कंतीए भवणवासीणं उववाओ तहा भाणियव्वं ॥ ४६१ ॥
 भवियदव्वदेवाणं भंते ! केवइयं कालं ठिई प० ? गोयमा ! जह्जेणं अंनोमुहुत्तं
 उक्कोसेणं तिज्जि पालिओवमाइ, नरदेवाणं पुच्छा, गोयमा ! जह्जेणं सत्त वामसयाइ
 उक्कोसेणं चउरासीइ पुव्वसयसहस्साइ, धम्मदेवाणं भंते ! पुच्छा, गोयमा ! जह-
 ज्जेणं अंनोमुहुत्तं उक्कोसेणं देमूणा पुव्वकोठी, देवाहिदेवाणं पुच्छा, गोयमा ! जह्जेणं
 बावत्तारि वासाइ उक्कोसेणं चउरासीइ पुव्वसयसहस्साइ, भावदेवाणं पुच्छा, गोयमा !
 जह्जेणं दम वामसहस्साइ उक्कोसेणं तत्तीसं सागरोवमाइ ॥ ४६२ ॥ भवियदव्व-
 देवा णं भंते ! किं एगत्तं पभू विउव्वित्तए पुहुत्तं पभू विउव्वित्तए ? गोयमा ! एग-
 त्तंपि पभू विउव्वित्तए, पुहुत्तंपि पभू विउव्वित्तए, एगत्तं विउव्वमाणे एगिदियक्खं वा
 जाव पंचिदियक्खं वा पुहुत्तं विउव्वमाणं एगिदियक्खाणि वा जाव पंचिदियक्खाणि
 वा ताइ संखेजाणि वा असंखेजाणि वा संबद्धाणि वा असंबद्धाणि वा सरिसाणि
 वा असारिसाणि वा विउव्वंति विउव्वित्ता तओ पच्छा अप्पणो जहिच्छयाइ कजाइ
 करेति, एवं नरदेवावि, एवं धम्मदेवावि, देवाहिदेवाणं पुच्छा, गोयमा ! एगत्तंपि
 पभू विउव्वित्तए पुहुत्तंपि पभू विउव्वित्तए, नो चेष णं संपत्तीए विउव्विसु वा विउ-
 व्वित्ति वा विउव्वित्तसंति वा ! भावदेवाणं पुच्छा, जहा भवियदव्वदेवा ॥ ४६३ ॥
 भवियदव्वदेवाणं भंते ! अणंतरं उव्वट्ठिता कहिं गच्छंति कहिं उववज्जंति किं
 नेरइएसु उववज्जंति जाव देवेषु उववज्जंति ? गोयमा ! नो नेरइएसु उववज्जंति नो
 तिरि० नो मणु० देवेषु उववज्जंति, जइ देवेषु उववज्जंति सव्वदेवेषु उववज्जंति
 जाव सव्वट्टसिद्धत्ति । नरदेवा णं भंते ! अणंतरं उव्वट्ठिता पुच्छा, गोयमा ! नेरइ-

एसु उववज्जति नो तिरि० नो मणु० णो देवेषु उववज्जति, जइ नेरइएसु उववज्जति० सत्तसुवि पुठवीसु उववज्जति । धम्मदेवा णं भंते । अणंतरं उव्वट्ठिता पुच्छा, गोयमा । नो नेरइएसु उववज्जति नो तिरि० नो मणु० देवेषु उववज्जति, जइ देवेषु उववज्जति किं भवणवासि० पुच्छा, गोयमा ! नो भवणवासिदेवेषु उववज्जति नो वाणमंतर० नो जोइसिय० वेमाणियदेवेषु उववज्जति, सव्वेषु वेमाणिएसु उववज्जति जाव सव्वट्ठसिद्धअणुत्तरोववाइएसु उववज्जति, अत्येगइया सिज्झंति जाव अंतं करंति । देवाहिदेवा णं भंते । अणंतरं उव्वट्ठिता कहिं गच्छंति कहिं उववज्जति ? गोयमा ! सिज्झंति जाव अंतं करंति । भावदेवा णं भंते ! अणंतरं उव्वट्ठिता पुच्छा, जहा वक्कंतीए अमुरकुमाराणं उव्वट्ठणा तहा भाणियच्चा ॥ भवियदव्वदेवे णं भंते । भवियदव्वदेवेत्ति कालओ केवच्चिरं होइ ? गोयमा ! जहन्नेणं अंतोमुहुत्तं उक्कोसेणं तिज्जि पलिओवमाइं, एवं जहेव ठिइं सखेव संचिट्ठणावि जाव भावदेवस्स, नवरं धम्मदेवस्स जहण्णेणं एक्कं ममयं उक्कोसेणं देसूणा पुव्वकोडी ॥ भवियदव्वदेवस्स णं भंते । केवडयं कालं अंतरं होइ ? गोयमा ! जहण्णेणं दमवाससइस्साइं अंतोमुहुत्तमब्भहियाइं उक्कोसेणं अणंतं कालं वणस्मइकालो । नरदेवाणं पुच्छा, गोयमा ! जहन्नेणं नाइरेणं सागरोवमं उक्कोसेणं अणंतं कालं अवड्ढु पोगगलपरियट्ठं देमूणं । धम्मदेवस्स णं पुच्छा, गोयमा ! जहन्नेणं पलिओवमपुहुत्तं उक्कोसेणं अणंतं कालं जाव अवड्ढु पोगगलपरियट्ठं देमूणं । देवाहिदेवाणं पुच्छा, गोयमा ! नत्थि अंतरं । भावदेवस्स णं पुच्छा, गोयमा ! जहन्नेणं अंतोमुहुत्तं उक्कोसेणं अणंतं कालं वणस्मइकालो ॥ एएस्सि णं भंते ! भविथदव्वदेवाणं नरदेवाणं जाव भावदेवाणं य कयरे २ जाव विसेसाहिया वा ? गोयमा ! सव्वत्थोवा नरदेवा, देवाहिदेवा संखेज्जगुणा, धम्मदेवा संखेज्जगुणा, भवियदव्वदेवा असंखेज्जगुणा, भावदेवा असंखेज्जगुणा ॥ ४६४ ॥ एएस्सि णं भंते ! भावदेवाणं भवणवासीणं वाणमंतराणं जोइत्तियाणं वेमाणियाणं सोहम्मणाणं जाव अच्चुयगाणं गेवेज्जगाणं अणुत्तरोववाइयाणं य कयरे २ जाव विसेसाहिया वा ? गोयमा ! सव्वत्थोवा अणुत्तरोववाइया भावदेवा, उवरिमगेवेज्जा भावदेवा संखेज्जगुणा, मज्झिमगेवेज्जा संखेज्जगुणा, हेट्ठिमगेवेज्जा संखेज्जगुणा, अच्चुए कपे देवा संखेज्जगुणा जाव आणयकपे भावदेवा संखेज्जगुणा एवं जहा जीवाभिगमे तिविहे देवपुरिसे अप्पाक्कहुयं जाव जोइत्तिया भावदेवा असंखेज्जगुणा । सेवं भंते । २ ति ॥ ४६५ ॥

बारहमस्स सयस्स नवमो उहेसो समत्तो ॥
 कइविहा णं भंते ! आया पण्यत्ता ? गोयमा ! अहुविहा आया पण्यत्ता, तंजहा-
 यक्कियाया कसायाया ओगाया उवओगाया णागाया दंसणाया चरित्ताया वीरियाया ॥

जस्स णं भंते ! दवियाया तस्स कसायाया जस्स कसायाया तस्स दवियाया ? गोयमा । जस्म दवियाया तस्स कसायाया सिय अत्थि सिय नत्थि, जस्स पुण कसायाया तस्स दवियाया नियमं अत्थि । जस्स णं भंते ! दवियाया तस्स जोगाया ? एवं जहा दवियाया कसायाया भणिया तहा दवियाया जोगायावि भाणियव्वा । जस्म णं भंते ! दवियाया तस्स उवओगाया एवं सव्वत्थ पुच्छा भाणियव्वा, गोयमा ! जस्म दवियाया तस्स उवओगाया नियमं अत्थि, जस्सवि उवओगाया तस्सवि दवियाया नियमं अत्थि, जस्स दवियाया तस्स णाणाया भयणाए, जस्स पुण णाणाया तस्स दवियाया नियमं अत्थि, जस्म दवियाया तस्स दंसणाया नियमं अत्थि, जस्सवि दंसणाया तस्स दवियाया नियमं अत्थि, जस्म दवियाया तस्स चरिन्ताया भयणाए, जस्स पुण चरिन्ताया तस्स दवियाया नियमं अत्थि, एवं वीरियायाएवि ममं । जस्स णं भंते ! कसायाया तस्स जोगाया पुच्छा, गोयमा । जस्स कसायाया तस्स जोगाया नियमं अत्थि, जस्म पुण जोगाया तस्स कसायाया सिय अत्थि सिय नत्थि, एवं उवओगायाएवि ममं कसायाया नेयव्वा, कसायाया य णाणाया य परोप्परं दोवि भइयव्वाओ, जहा कसायाया य उवओगाया य तहा कसायाया य दंसणाया य कसायाया य चरिन्ताया य दोवि परोप्परं भइयव्वाओ, जहा कसायाया य जोगाया य तहा कसायाया य वीरियाया य भाणियव्वाओ, एवं जहा कसायायाए वत्तव्वया भणिया तहा जोगायाएवि उवरिमाहिं ममं भाणियव्वा । जहा दवियायाए वत्तव्वया भणिया तहा उवओगायाएवि उवरिमाहिं ममं भाणियव्वा । जस्स णाणाया तस्स दंसणाया नियमं अत्थि, जस्स पुण दंसणाया तस्स णाणाया भयणाए, जस्स णाणाया तस्स चरिन्ताया नियमं अत्थि सिय नत्थि, जस्स पुण चरिन्ताया तस्स णाणाया नियमं अत्थि, णाणाया वीरियाया दोवि परोप्परं भयणाए । जस्स दंसणाया तस्स उवरिमाओ दोवि भयणाए, जस्स पुण ताओ तस्स दंसणाया नियमं अत्थि । जस्म चरिन्ताया तस्स वीरियाया नियमं अत्थि, जस्स पुण वीरियाया तस्स चरिन्ताया सिय अत्थि सिय नत्थि ॥ एयास्ति णं भंते ' दवियायाणं कसायायाणं जाव वीरियायाणं य कयरे २ जाव विसेसाहिया वा ? गोयमा । मव्वत्थोवाओ चरिन्तायाओ, णाणायाओ अणंतगुणाओ, कसायायाओ अणंतगुणाओ, जोगायाओ विसेसाहियाओ, वीरियायाओ विसेसाहियाओ; उवओगादवियदंसणायाओ तिप्पि वि तुल्लाओ विसेसाहियाओ ॥ ४६६ ॥ आया भंते ! नाणे अच्चाणे ? गोयमा । आया सिय नाणे सिय अच्चाणे, णाणे पुण नियमं आया ॥ आया भंते । नेरइयाणं नाणे अच्चे नेरइयाणं नाणे ? गोयमा ! आया नेरइयाणं

सिय नाणे सिय अन्नाणे, नाणे पुण से नियमं आया, एवं जाव षणियकुमारानं, आया भंते ! पुढविकाइयाणं अन्नाणे अन्ने पुढविकाइयाणं अन्नाणे ? गोयमा ! आया पुढविकाइयाणं नियमं अन्नाणे अन्नाणेवि नियमं आया, एवं जाव वणस्सइकाइयाणं, बेईदियतेईदिय जाव वेमाणियाणं जहा नेरइयाणं । आया भंते ! दंसणे अन्ने दंसणे ? गोयमा । आया नियमं दंसणे दंसणेवि नियमं आया । आया भंते ! नेरइयाणं दंसणे अन्ने नेरइयाणं दंसणे ? गोयमा ! आया नेरइयाणं नियमं दंसणे दंसणेवि से नियमं आया, एवं जाव वेमाणियाणं निरंतरं दंडओ ॥ ६६७ ॥ आया भंते ' रयणप्पभापुढवी अन्ना रयणप्पभापुढवी ? गोयमा ! रयणप्पभापुढवी सिय आया सिय नो आया सिय अवत्तव्वं आयाइ य नो आयाइ य, से केणट्टेणं भंते ! एवं चुच्चइ रयणप्पभापुढवी सिय आया सिय नो आया सिय अवत्तव्वं आयाइ य नो आयाइ य ? गोयमा ! अप्पणो आइट्ठे आया, परस्स आइट्ठे नो आया, तदुभयस्स आइट्ठे अवत्तव्वं रयणप्पभापुढवी आयाइ य नो आयाइ य, से नेणट्टेणं तं चैव जाव नो आयाइ य । आया भंते ! सक्करप्पभापुढवी जहा रयणप्पभापुढवी तथा सक्करप्पभा(ए)वि एवं जाव अहे सत्तमा(ए) । आया भंते ! सोहम्मकप्पे पुच्छा, गोयमा ! सोहम्मे कप्पे सिय आया सिय नो आया जाव नो आयाइ य, से केणट्टेणं भंते ! जाव नो आयाइ य ? गोयमा ! अप्पणो आइट्ठे आया, परस्स आइट्ठे नो आया, तदुभयस्स आइट्ठे अवत्तव्वं आयाइ य नो आयाइ य, से तेणट्टेणं गोयमा ! तं चैव जाव नो आयाइ य, एवं जाव अक्खुए कप्पे । आया भंते ! गेविज्जविमाणे अन्ने गेविज्जविमाणे ? एवं जहा रयणप्पभापुढवी तहेव, एवं अणुत्तरविमाणवि, एवं ईसिपन्भारावि । आया भंते ! परमाणुपोग्गळे अन्ने परमाणुपोग्गळे ? एवं जहा सोहम्मे कप्पे तथा परमाणुपोग्गळेवि भाणियव्वे ॥ आया भंते ! दुपएस्सिए खंधे अन्ने दुपएस्सिए खंधे ? गोयमा ! दुपएस्सिए खंधे सिय आया १ सिय नो आया २ सिय अवत्तव्वं आयाइ य नो आयाइ य ३ सिय आया य नो आया य ४ सिय आया य अवत्तव्वं आयाइ य नो आयाइ य ५ सिय नो आया य अवत्तव्वं आयाइ य नो आयाइ य ६, से केणट्टेणं भंते ! एवं तं चैव जाव नो आया य अवत्तव्वं आयाइ य नो आयाइ य ? गोयमा ! अप्पणो आइट्ठे आया १ परस्स आइट्ठे नो आया २ तदुभयस्स आइट्ठे अवत्तव्वं दुपएस्सिए खंधे आयाइ य नो आयाइ य ३ देसे आइट्ठे सन्भावपज्जवे देसे आइट्ठे असन्भावपज्जवे दुप्पएस्सिए खंधे आया य नो आया य ४ देसे आइट्ठे सन्भावपज्जवे देसे आइट्ठे तदुभयपज्जवे दुपएस्सिए खंधे आया य अवत्तव्वं आयाइ य नो आयाइ य ५ देसे आइट्ठे असन्भावपज्जवे देसे आइट्ठे तदुभयपज्जवे दुपएस्सिए खंधे

नो आया य अवत्तव्वं आयाइ य नो आयाइ य ६, से तेणट्ठेणं तं चेव जाव नो आयाइ य ॥ आया भंते ! तिपएसिए खंधे अब्बे तिपएसिए खंधे ? गोयमा ! तिपएसिए खंधे सिय आया १ सिय नो आया २ सिय अवत्तव्वं आयाइ य नो आयाइ य ३ सिय आया य नो आया य ४ सिय आया य नो आयाओ य ५ सिय आयाओ य नो आया य ६ सिय आया य अवत्तव्वं आयाइ य नो आयाइ य ७ सिय आया य अवत्तव्वाइं आया(इ)ओ य नो आयाओ य ८ सिय आयाओ य अवत्तव्व आयाइ य नो आयाइ य ९ सिय नो आया य अवत्तव्वं आयाइ य नो आयाइ य १० सिय(नो) आया य अवत्तव्वाइं आयाओ य नो आयाओ य ११ सिय नो आयाओ य अवत्तव्वं आयाइ य नो आयाइ य १२ सिय आया य नो आया य अवत्तव्वं आयाइ य नो आयाइ य १३, से केणट्ठेणं भंते ! एवं बुच्चइ तिपएसिए खंधे सिय आया एवं चेव उच्चारेयव्वं जाव सिय आया य नो आया य अवत्तव्वं आयाइ य नो आयाइ य ? गोयमा ! अप्पणो आइट्ठे आया १ परस्स आइट्ठे नो आया २ तदुभयस्स आइट्ठे अवत्तव्वं आयाइ य नो आयाइ य ३ देसे आइट्ठे सम्भावपज्जवे देसे आइट्ठे असम्भावपज्जवे तिपएसिए खंधे आया य नो आया य ४ देसे आइट्ठे सम्भावपज्जवे देसा आइट्ठा असम्भावपज्जवा तिपएसिए खंधे आया य नो आयाओ य ५ देसा आइट्ठा सम्भावपज्जवा देसे आइट्ठे असम्भावपज्जवे तिपएसिए खंधे आयाओ य नो आया य ६ देसे आइट्ठे सम्भावपज्जवे देसे आइट्ठे तदुभयपज्जवे तिपएसिए खंधे आया य अवत्तव्वं आयाइ य नो आयाइ य ७ देसे आइट्ठे सम्भावपज्जवे देसा आइट्ठा तदुभयपज्जवा तिपएसिए खंधे आया य अवत्तव्वाइं आयाओ य नो आयाओ य ८ देसा आइट्ठा सम्भावपज्जवा देसे आइट्ठे तदुभयपज्जवे तिपएसिए खंधे आयाओ य अवत्तव्वं आयाइ य नो आयाइ य ९, एए तिज्जि भंग्ग, देसे आइट्ठे असम्भावपज्जवे देसे आइट्ठे तदुभयपज्जवे तिपएसिए खंधे नो आया य अवत्तव्वं आयाइ य नो आयाइ य १० देसे आइट्ठे असम्भावपज्जवे देसा आइट्ठा तदुभयपज्जवा तिपएसिए खंधे नो आया य अवत्तव्वाइं आयाओ य नो आयाओ य ११ देसा आइट्ठा असम्भावपज्जवा देसे आइट्ठे तदुभयपज्जवे तिपएसिए खंधे नो आयाओ य अवत्तव्वं आयाइ य नो आयाइ य १२ देसे आइट्ठे सम्भावपज्जवे देसे आइट्ठे असम्भावपज्जवे देसे आइट्ठे तदुभयपज्जवे तिपएसिए खंधे आया य नो आया य अवत्तव्वं आयाइ य नो आयाइ य १३, से तेणट्ठेणं गोयमा ! एवं बुच्चइ तिपएसिए खंधे सिय आया तं चेव जाव नो आयाइ य ॥ आया भंते ! चउप्पएसिए खंधे अब्बे० पुच्छा, गोयमा ! चउप्पएसिए खंधे सिय

आया १ सिय नो आया २ सिय अवत्तव्वं आयाइ य नो आयाइ य ३ सिय आया य नो आया य ४ सिय आया य अवत्तव्वं ४ सिय नो आया य अवत्तव्वं ४ सिय आया य नो आया य अवत्तव्वं आयाइ य नो आयाइ य १६ सिय आया य नो आया य अवत्तव्वं आयाओ य नो आयाओ य १७ सिय आया य नो आयाओ य अवत्तव्वं आयाइ य नो आयाइ य १८ सिय आयाओ य नो आया य अवत्तव्वं आयाइ य नो आयाइ य १९ । से केणट्टेणं भंते ! एवं वुच्चइ चउप्प-
 एसिए खंधे सिय आया य नो आया य अवत्तव्वं तं चेव अट्टे पड्डिउच्चारेयव्वं, गोयमा । अप्पणो आइट्टे आया १ परस्स आइट्टे नो आया २ तदुभयस्स आइट्टे अवत्तव्वं आयाइ य नो आयाइ य ३ देसे आइट्टे सत्त्भावपज्जवे देसे आइट्टे अस-
 त्त्भावपज्जवे चउभंगो, सत्त्भावपज्जवेणं तदुभएण य चउभंगो, असत्त्भावेणं तदु-
 भएण य चउभंगो, देसे आइट्टे सत्त्भावपज्जवे देसे आइट्टे असत्त्भावपज्जवे देसे आइट्टे तदुभयपज्जवे चउप्पएसिए खंधे आया य नो आया य अवत्तव्वं आयाइ य नो आयाउ य, देसे आइट्टे सत्त्भावपज्जवे देसे आइट्टे असत्त्भावपज्जवे देसा आइट्टा तदुभयपज्जवा चउप्पएसिए खंधे आया य नो आया य अवत्तव्वं आयाओ य नो आयाओ य १७ देसे आइट्टे सत्त्भावपज्जवे देसा आइट्टा असत्त्भावपज्जवा देसे आइट्टे तदुभयपज्जवे चउप्पएसिए खंधे आया य नो आयाओ य अवत्तव्वं आयाइ य नोआयाइ य १८ देसा आइट्टा सत्त्भावपज्जवा देसे आइट्टे असत्त्भावपज्जवे देसे आइट्टे तदुभयपज्जवे चउप्पएसिए खंधे आयाओ य नोआया य अवत्तव्वं आयाइ य नो आयाइ य १९, से तेणट्टेणं गोयमा । एवं वुच्चइ चउप्पएसिए खंधे सिय आया सिय नो आया सिय अवत्तव्वं निक्खंवे ते चेव भंगा उच्चारेयव्वा जाव नो आयाइ य ॥ आया भंते । पंचपएसिए खंधे अस्से पंचपएसिए खंधे ? गोयमा । पंचपएसिए खंधे सिय आया १ सिय नो आया २ सिय अवत्तव्वं आयाइ य नो आयाइ य ३ सिय आया य नो आया य ४ सिय अवत्तव्वं (४) आया य नो आया य ५ (नोआया य अवत्तव्वेण य ४) सियगसजोगे एक्को ण पडइ, से केणट्टेणं भंते ! तं चेव पड्डिउच्चारेयव्वं ? गोयमा । अप्पणो आइट्टे आया १ परस्स आइट्टे नो आया २ तदुभयस्स आइट्टे अवत्तव्वं ३ देसे आइट्टे सत्त्भावपज्जवे देसे आइट्टे असत्त्भाव-
 पज्जवे एवं दुयगसजोगे सव्वे पडंति सियगसजोगे एक्को ण पडइ । छप्पएसियस्स सव्वे पडंति, जहा छप्पएसिए एवं जाव अणंतपएसिए । सेवं भंते । सेवं भंते । ति जाव विहरइ ॥ ४६८ ॥ वृसमो उद्देसो समत्तो, वारसमं स्वयं समत्तं ॥

पुढवी १ देव २ मणंतर ३ पुढवी ४ आहारमेव ५ उववाए ६ । भासा ७

कम्म ८ अणगारे केयाचडिया ९ समुग्घाए १० ॥ रायगिहे जाव एवं वयासी-कह
 णं भंते ! पुडवीओ पन्नताओ ? गोयमा । सत्त पुडवीओ पन्नताओ, तंजहा-रयण-
 प्पमा जाव अहेसत्तमा । इमीसे णं भंते ! रयणप्पमाए पुडवीए केवइया निरया-
 वाससयसहस्सा पण्णत्ता ? गोयमा ! तीसं निरयावाससयसहस्सा पन्नत्ता, ते णं
 भंते ! कि संखेज्जवित्थडा असंखेज्जवित्थडा ? गोयमा । संखेज्जवित्थडावि असंखेज्ज-
 वित्थडावि, इमीसे णं भंते ! रयणप्पमाए पुडवीए तीसाए निरयावाससयसहस्सेसु
 संखेज्जवित्थडेसु नरएसु एगसमएणं केवइया नेरइया उववज्जंति १ ? केवइया काउ-
 छेस्सा उववज्जंति २ ? केवइया कण्हपक्खिया उववज्जंति ३ ? केवइया सुक्कपक्खिया
 उववज्जंति ४ ? केवइया सञ्जी उववज्जंति ५ ? केवइया असञ्जी उववज्जंति ६ ? केवइया
 भवसिद्धिया जीवा उववज्जंति ७ ? केवइया अभवसिद्धिया जीवा उववज्जंति ८ ?
 केवइया आभिणिबोहियनाणी उववज्जंति ९ ? केवइया सुयनाणी उववज्जंति १० ?
 केवइया ओहिनाणी उववज्जंति ११ ? केवइया मइअन्नाणी उववज्जंति १२ ? केवइया
 सुयअन्नाणी उववज्जंति १३ ? केवइया विभंगनाणी उववज्जंति १४ ? केवइया
 चक्खुदंसणी उववज्जंति १५ ? केवइया अचक्खुदंसणी उववज्जंति १६ ? केवइया
 ओहिदंसणी उववज्जंति १७ ? केवइया आहारसन्नोवउत्ता उववज्जंति १८ ? केवइया
 भयसन्नोवउत्ता उववज्जंति १९ ? केवइया सेंहुणसन्नोवउत्ता उववज्जंति २० ? केवइया
 परिग्गहसन्नोवउत्ता उववज्जंति २१ ? केवइया इत्थिवेयगा उववज्जंति २२ ? केवइया
 पुरिसवेयगा उववज्जंति २३ ? केवइया नपुंसगवेयगा उववज्जंति २४ ? केवइया
 कोहकसाई उववज्जंति २५ जाव केवइया लोभकसाई उववज्जंति २६ ? केवइया
 सोइदियउवउत्ता उववज्जंति २७ जाव केवइया फासिदियोवउत्ता उववज्जंति २८ ?
 केवइया नोइदियोवउत्ता उववज्जंति २९ ? केवइया मणजोगी उववज्जंति ३० ? केव-
 इया वइजोगी उववज्जंति ३१ ? केवइया कायजोगी उववज्जंति ३२ ? केवइया सागा-
 रोवउत्ता उववज्जंति ३३ ? केवइया अणागारोवउत्ता उववज्जंति ३४ ? गोयमा !
 इमीसे णं रयणप्पमाए पुडवीए तीसाए निरयावाससयसहस्सेसु संखेज्जवित्थडेसु
 नरएसु जह्जेण एक्को वा दो वा तिज्जि वा उक्कोसेणं संखेज्जा नेरइया उववज्जंति,
 जह्जेण एक्को वा दो वा तिज्जि वा उक्कोसेणं सखेज्जा काउछेस्सा उववज्जंति, जह्जेणं
 एक्को वा दो वा तिज्जि वा उक्कोसेणं संखेज्जा कण्हपक्खिया उववज्जंति, एवं सुक्कपक्खि-
 यावि, एवं सञ्जीवि एवं अमञ्जीवि, एवं भवसिद्धिया एवं अभवसिद्धिया, आभिणिबोहि-
 यनाणी सुयनाणी ओहिनाणी मइअन्नाणी सुयअन्नाणी विभंगनाणी एवं च्चैव, चक्खु-
 दंसणी ण उववज्जंति, जह्जेणं एक्को वा दो वा तिज्जि वा उक्कोसेणं संखेज्जा अचक्खु-

दंसणी उववज्जंति, एवं ओहिर्दसणीवि, एवं आहारसञ्चोवउत्तावि जाव परिग्गहसञ्चोव-
उत्तावि, इत्थीवेयगा न उववज्जंति पुरिसवेयगावि न उववज्जंति, जहन्नेणं एक्को वा दो वा
तिञ्चि वा उक्कोसेणं संखेज्जा नपुंसगवेयगा उववज्जंति, एवं कोहकसाई जाव लोभकसाई,
सोईदियउवउत्ता न उववज्जंति एवं जाव फासिदिओवउत्ता न उववज्जंति, जहन्नेणं एक्को
वा दो वा तिञ्चि वा उक्कोसेणं संखेज्जा नोईदिओवउत्ता उववज्जंति, मणजोगी
ण उववज्जंति, एवं वइजोगीवि, जहन्नेणं एक्को वा दो वा तिञ्चि वा उक्कोसेणं संखेज्जा
कायजोगी उववज्जंति, एवं सागारोवउत्तावि एवं अणागारोवउत्तावि ॥ इमीसे णं
भंते ! रयणप्पभाए पुढवीए तीसाए निरयावाससयमहस्सेसु संखेज्जवित्थडेसु नरएसु
एगसमएणं केवइया नेरइया उववइति, केवइया काउळेस्सा उववइति जाव
केवइया अणागारोवउत्ता उववइति १ गोयमा ! इमीसे णं रयणप्पभाए पुढवीए
तीसाए निरयावाससयसहस्सेसु संखेज्जवित्थडेसु नरएसु एगसमएणं जहन्नेणं एक्को
वा दो वा तिञ्चि वा उक्कोसेणं संखेज्जा नेरइया उववइति, एवं जाव सञ्ची, असञ्ची
ण उववइति, जहन्नेणं एक्को वा दो वा तिञ्चि वा उक्कोसेणं संखेज्जा भवसिद्धिया
उववइति एवं जाव सुयअजाणी विभंगनाणी ण उववइति, चक्खुदंसणी ण उववइति,
जहन्नेणं एक्को वा दो वा तिञ्चि वा उक्कोसेणं संखेज्जा अचक्खुदंसणी उववइति, एवं
जाव लोभकसाई, सोईदियउवउत्ता ण उववइति एवं जाव फासिदियोवउत्ता न
उववइति, जहन्नेणं एक्को वा दो वा तिञ्चि वा उक्कोसेणं संखेज्जा नोईदियोवउत्ता
उववइति, मणजोगी न उववइति एवं वइजोगीवि, जहन्नेणं एक्को वा दो वा तिञ्चि वा
उक्कोसेणं संखेज्जा कायजोगी उववइति, एवं सागारोवउत्तावि अणागारोवउत्तावि ॥ इमीसे
णं भंते ! रयणप्पभाए पुढवीए तीसाए निरयावाससयसहस्सेसु संखेज्जवित्थडेसु नरएसु
केवइया नेरइया पज्जता ? केवइया काउळेस्सा ५० जाव केवइया अणागारोवउत्ता
पज्जता ? केवइया अणंतरोववज्जगा पज्जता १ ? केवइया परंपरोववज्जगा पज्जता २ ?
केवइया अणंतरोगाडा पज्जता ३ ? केवइया परंपरोगाडा ५० ४ ? केवइया अणंत-
राहारा ५० ५ ? केवइया परंपराहारा ५० ६ ? केवइया अणंतरपज्जता ५० ७ ? केव-
इया परंपरपज्जता पज्जता ८ ? केवइया चरिमा ५० ९ ? केवइया अचरिमा ५०
१० ? गोयमा ! इमीसे रयणप्पभाए पुढवीए तीसाए निरयावाससयसहस्सेसु संखेज्ज-
वित्थडेसु नरएसु संखेज्जा नेरइया ५०, संखेज्जा काउळेस्सा ५०, एवं जाव संखेज्जा सञ्ची
५०, असञ्ची सिच अत्थि सिच नत्थि जइ अत्थि जहन्नेणं एक्को वा दो वा तिञ्चि वा
उक्कोसेणं संखेज्जा ५०, संखेज्जा भवसिद्धिया ५०, एवं जाव संखेज्जा परिग्गहसञ्चोवउत्ता
५०, इत्थिवेयगा नत्थि पुरिसवेयगा नत्थि, संखेज्जा नपुंसगवेयगा ५०, एवं कोहकसा-

ईवि, माणकसाई जहा असची, एवं जाव लोभकसाई, संखेज्जा सोईदियोवउत्ता प०, एवं जाव फासिदियोवउत्ता, नोईदियोवउत्ता जहा असची, संखेज्जा मणजोगी प०, एवं जाव अणागारोवउत्ता, अणंतरोववज्जगा सिय अत्थि सिय नत्थि जइ अत्थि जहा असची, संखेज्जा परंपरोववज्जगा प०, एवं जहा अणंतरोववज्जगा तहा अणंतरोगाडगा अणंतरा-
 हारगा अणंतरपज्जत्ता चरिमा, परंपरोगाडगा जाव अचरिमा जहा परंपरोववज्जगा ॥
 इमीसे णं भंते ! रयणप्पभाए पुढवीए तीसाए निरयावासमयसहस्सेसु असंखेज्ज-
 वित्थडेसु नरएसु एगसमएणं केवइया नेरइया उववज्जंति जाव केवइया अणागारोवउत्ता
 उववज्जंति ? गोयमा ! इमीसे णं रयणप्पभाए पुढवीए तीसाए निरयावासमयसहस्सेसु
 असंखेज्जवित्थडेसु नरएसु एगसमएणं जहण्णेणं एक्को वा दो वा तिज्जि वा उक्कोसेणं
 असंखेज्जा नेरइया उववज्जंति, एवं जहेव संखेज्जवित्थडेसु तिज्जि गमगा तहा
 असंखेज्जवित्थडेसुवि तिज्जि गमगा, नवरं असंखेज्जा भाणियव्वा सेसं तं चेव जाव
 असंखेज्जा अचरिमा प०, नाणत्तं लेस्सामु लेसाओ जहा पढमसए नवरं संखेज्जवित्थडेसुवि
 असंखेज्जवित्थडेसुवि ओहिनाणी ओहिदंसणी य संखेज्जा उव्वइवेयव्वा, सेसं तं चेव ॥
 सक्करप्पभाए णं भंते ! पुढवीए केवइया निरयावास० पुच्छा, गोयमा ! पणवीसं
 निरयावाससयसहस्सा पण्णत्ता, ते णं भंते ! किं संखेज्जवित्थडा असंखेज्जवित्थडा ?
 एवं जहा रयणप्पभाए तहा सक्करप्पभाएवि, नवरं असची तिसुवि गमएसु न भज्जइ,
 सेसं तं चेव । वाल्यप्पभाए णं पुच्छा, गोयमा ! पन्नरस निरयावाससयसहस्सा
 प०, सेसं जहा सक्करप्पभाए नाणत्तं लेस्सामु लेसाओ जहा पढमसए ॥ पंकप्पभाए णं
 पुच्छा, गोयमा ! दस निरयावाससयसहस्सा प०, एवं जहा सक्करप्पभाए नवरं ओहि-
 नाणी ओहिदंसणी य न उव्वट्ठंति, सेसं तं चेव ॥ धूमप्पभाए णं पुच्छा, गोयमा !
 तिज्जि निरयावाससयसहस्सा एवं जहा पंकप्पभाए ॥ तमाए णं भंते ! पुढवीए केवइया
 निरयावास० पुच्छा, गोयमा ! एणे पंचूणे निरयावाससयसहस्से पण्णत्ते, सेसं जहा
 पंकप्पभाए ॥ अहेसत्तमाए णं भंते ! पुढवीए कइ अणुत्तरा महइमहालया महानि-
 रया पज्जता ? गोयमा ! पंच अणुत्तरा जाव अपइट्ठणे, ते णं भंते ! किं संखेज्ज-
 वित्थडा असंखेज्जवित्थडा ? गोयमा ! संखेज्जवित्थडे य असंखेज्जवित्थडा य, अहे-
 सत्तमाए णं भंते ! पुढवीए पंचसु अणुत्तरेसु महइमहालया जाव महानिरएसु संखे-
 ज्जवित्थडे नरए एगसमएणं केवइया उववज्जंति ? एवं जहा पंकप्पभाए नवरं तिसु
 नाणेसु न उववज्जंति न उव्वट्ठंति, पज्जत्तएसु तहेव अत्थि, एवं असंखेज्जवित्थडेसुवि
 नवरं असंखेज्जा भाणियव्वा ॥ ४६९ ॥ इमीसे णं भंते ! रयणप्पभाए पुढवीए तीसाए
 निरयावाससयसहस्सेसु संखेज्जवित्थडेसु नरएसु किं सम्मदिही नेरइया उववज्जंति भिच्छ-

दिट्ठी नेरइया उववजंति सम्मामिच्छदिट्ठी नेरइया उववजंति ? गोयमा ! सम्मदिट्ठीवि नेरइया उववजंति, मिच्छादिट्ठीवि नेरइया उववजंति, नो सम्मामिच्छदिट्ठी नेरइया उववजंति । इमीसे णं भंते । रयणप्पभाए पुढवीए तीसाए निरयावाससयमहस्सेसु संखेज्जवित्थडेसु नरएसु किं सम्मदिट्ठी नेरइया उव्वट्ठंति ? एवं चेव । इमीसे णं भंते । रयणप्पभाए पुढवीए तीसाए निरयावाससयसहस्सेसु संखेज्जवित्थडा नरगा किं सम्मदिट्ठीहिं नेरइएहिं अविरहिया मिच्छादिट्ठीहिं नेरइएहिं अविरहिया सम्मामिच्छदिट्ठीहिं नेरइएहिं अविरहिया ? गोयमा ! सम्मदिट्ठीहिवि नेरइएहिं अविरहिया मिच्छादिट्ठीहिवि नेरइएहिं अविरहिया, सम्मामिच्छादिट्ठीहिं नेरइएहिं अविरहिया विरहिया वा, एवं असखेज्जवित्थडेसुवि तिञ्चि गमगा भाणियव्वा, एवं सक्करप्पभाएवि, एवं जाव तमाएवि । अहेमत्तमाए णं भंते ! पुढवीए पंचसु अणुत्तरेसु जाव सखेज्जवित्थडे नरए किं सम्मदिट्ठी नेरइया पुच्छा, गोयमा ! सम्मदिट्ठी नेरइया न उववजंति, मिच्छादिट्ठी नेरइया उववजंति, सम्मामिच्छदिट्ठी नेरइया न उववजंति, एवं उव्वट्ठंतिवि, अविरहिए जहेव रयणप्पभाए, एवं असखेज्जवित्थडेसुवि तिञ्चि गमगा ॥ ४७० ॥ से नूनं भंते ' कण्हलेस्से नीललेस्से जाव मुक्कलेस्से भविता कण्हलेस्सेसु नेरइएसु उववजंति ? हंता गोयमा ! कण्हलेस्से जाव उववजंति, से केणट्ठेणं भंते ! एवं त्रुच्चइ कण्हलेस्से जाव उववजंति ? गोयमा ! लेस्सट्ठाणेसु संकिलिस्समाणेसु २ कण्हलेसं परिणमइ २ ता कण्हलेसेसु नेरइएसु उववजंति, से तेणट्ठेणं जाव उववजंति । से नूनं भंते ! कण्हलेस्से जाव मुक्कलेसे भविता नीललेस्सेसु नेरइएसु उववजंति ? हंता गोयमा ! जाव उववजंति, से केणट्ठेणं जाव उववजंति ? गोयमा ! लेस्सट्ठाणेसु संकिलिस्समाणेसु वा विमुज्जमाणेसु नीललेस्सं परिणमइ २ ता नीललेस्सेसु नेरइएसु उववजंति, से तेणट्ठेणं गोयमा ! जाव उववजंति, से नूनं भंते ! कण्हलेस्से नीललेस्से जाव भविता काउलेस्सेसु नेरइएसु उववजंति ? एवं जहा नीललेस्साए तथा काउलेस्सा(ए)वि भाणियव्वा जाव से तेणट्ठेणं जाव उववजंति । सेवं भंते ! सेवं भंते ! ति ॥ ४७१ ॥ **तेरहमे सप पढमो उहेसो सम्मत्तो ॥**

कइविहा णं भंते । देवा पण्णता ? गोयमा ! चउव्विहा देवा पण्णता, तंजहा-भवणवासी वाणमंतरा जोइक्षिया वेमाणिया । भवणवासी णं भंते । देवा कइविहा पण्णता ? गोयमा ! दसविहा पण्णता, तंजहा-असुरकुमारा एवं भेवो जहा विइयसए देवुहेसए जाव अपराजिया सब्वट्ठसिद्धगा । केवइया णं भंते ! असुरकुमारावाससयसहस्सा पण्णता ? गोयमा ! जोसट्ठि असुरकुमारावाससयसहस्सा पण्णता, ते णं भंते ! किं संखेज्जवित्थडा असंखेज्जवित्थडा ? गोयमा ! संखेज्जवित्थडावि

असंख्यवित्थडावि, चोसट्टीए णं भंते ! असुरकुमारावाससयसहस्सेसु संखेज्जवित्थडेसु असुरकुमारावासेसु एगसमएणं केवइया असुरकुमारा उववज्जंति केवइया तेउळेसा उववज्जंति केवइया कण्हपक्खिया उववज्जंति एवं जहा रयणप्पभाए तहेव पुच्छा, तहेव वागरणं, नवरं दोहिं वेदेहिं उववज्जंति, नपुंसगवेयगा न उववज्जंति, सेसं त चेव, उव्वट्टंतगावि तहेव नवरं असञ्जी उव्वट्टंति, ओहिनाणी ओहिदंसणी य ण उव्वट्टंति, सेसं तं चेव, पन्नतएसु तहेव नवरं संखेज्जगा इत्थिवेदगा पण्णत्ता, एवं पुरिसवेदगावि, नपुंसगवेदगा नत्थि, कोहकसाई सिय अत्थि सिय नत्थि जइ अत्थि जहण्णेणं एक्को वा दो वा तिञ्चि वा उक्कोसेणं संखेज्जा पण्णत्ता, एवं माण माया संखेज्जा जोभकसाई पण्णत्ता, सेस तं चेव तिसुवि गमएसु संखेज्जवित्थडेसु चचारि ठेस्साओ भाणियव्वाओ, एवं असंखेज्जवित्थडेसुवि नवरं तिसुवि गमएसु असंखेज्जा भाणियव्वा जाव असंखेज्जा अचरिमा पण्णत्ता । केवइया णं भंते ! नागकुमारावाम० एवं जाव थणियकुमारावास नवरं जत्थ जत्तिया भवणा ॥ केवइया णं भंते ! वाणमंतरावाससयसहस्सा पन्नता ? गोयमा ! असंखेज्जा वाणमंतरावाससयसहस्सा पन्नता, ते णं भंते ! किं संखेज्जवित्थडा असंखेज्जवित्थडा ? गोयमा ! संखेज्जवित्थडा नो असंखेज्जवित्थडा, संखेज्जसु णं भंते ! वाणमंतरावाससयसहस्सेसु एगसमएणं केवइया वाणमंतरा उववज्जंति ! एवं जहा असुरकुमाराणं संखेज्जवित्थडेसु तिञ्चि समगा तहेव भाणियव्वा वाणमंतराणावि तिञ्चि गमगा । केवइया णं भंते ! जोइसियाविमाणावाससयसहस्सा पण्णत्ता ? गोयमा ! असंखेज्जा जोइसियाविमाणावाससयसहस्सा पण्णत्ता, ते णं भंते ! किं संखेज्जवित्थडा० ? एवं जहा वाणमंतराणं तहा जोइसियाणावि तिञ्चि गमगा भाणियव्वा नवरं एगा तेउळेस्सा, उववज्जंतेसु पन्नत्तेसु य असञ्जी नत्थि, सेसं तं चेव ॥ सोहम्मे णं भंते ! कप्पे केवइया विमाणावाससयसहस्सा पन्नता ? गोयमा ! बत्तीसं विमाणावाससयसहस्सा पण्णत्ता, ते णं भंते ! किं संखेज्जवित्थडा असंखेज्जवित्थडा ? गोयमा ! संखेज्जवित्थडावि असंखेज्जवित्थडावि, सोहम्मे णं भंते ! कप्पे बत्तीसाए विमाणावाससयसहस्सेसु संखेज्जवित्थडेसु विमाणेसु एगसमएणं केवइया सोहम्मगा देवा उववज्जंति केवइया तेउळेसा उववज्जंति ? एवं जहा जोइसियाणं तिञ्चि गमगा तहेव तिञ्चि गमगा भाणियव्वा नवरं तिसुवि संखेज्जा भाणियव्वा, ओहिनाणी ओहिदंसणी य चयावेयव्वा, सेसं तं चेव । असंखेज्जवित्थडेसु एवं चेव तिञ्चि गमगा नवरं तिसुवि गमएसु असंखेज्जा भाणियव्वा, ओहिनाणी य ओहिदंसणी य संखेज्जा जयंति, सेसं तं चेव, एवं जहा सोहम्मे वत्तव्वया भत्थिया तहा ईसाणेवि छ गमगा भाणियव्वा, सणंकुमारेवि एवं

चेव नवरं इत्थीवेयगा न उववज्जंति पन्नोसु य न भण्णंति, असणी तिसुवि गमएसु न भण्णंति, सेसं तं चेव, एवं जाव सहस्सारे, नाणत्तं विमाणेसु लेस्सासु य, सेसं तं चेव ॥ आणयपाणएसु णं भंते । कप्पेसु केवइया विमाणावाससया पण्णता ? गोयमा ! चत्तारि विमाणावाससया पण्णता, ते णं भंते ! किं संखेज्जवित्थडा असंखे-ज्जवित्थडा ? गोयमा । संखेज्जवित्थडावि असंखेज्जवित्थडावि, एवं संखेज्जवित्थडेसु तिञ्चि गमगा जहा सहस्सारे असंखेज्जवित्थडेसु उववज्जंतेसु य चयंतेसु य एवं चेव संखेज्जा भाणियव्वा पन्नोसु असंखेज्जा नवरं नोइंदियोवउत्ता अणंतरोववन्नगा अणंतरो-गाटगा अणंतराहारगा अणंतरपज्जतगा य एएसिं जहण्णेणं एक्को वा दो वा तिञ्चि वा उक्कोसेणं संखेज्जा प०, सेसा असंखेज्जा भाणियव्वा । आरणसुएसु एवं चेव जहा आणयपाणएसु नाणत्तं विमाणेसु, एवं गेवेज्जगावि । कइ णं भंते ! अणुत्तर-विमाणा पज्जता ? गोयमा ! पंच अणुत्तरविमाणा पज्जता, ते णं भंते ! किं संखेज्ज-वित्थडा असंखेज्जवित्थडा ? गोयमा । संखेज्जवित्थडे य असंखेज्जवित्थडा य, पंचसु णं भंते । अणुत्तरविमाणेसु संखेज्जवित्थडे विमाणे एगसमएणं केवइया अणुत्तरोववाइया देवा उववज्जंति केवइया सुक्कलेस्सा उववज्जंति पुच्छा तहेव, गोयमा ! पंचसु णं अणुत्तरविमाणेसु संखेज्जवित्थडे अणुत्तरविमाणे एगसमएणं जहण्णेणं एक्को वा दो वा तिञ्चि वा उक्कोसेणं संखेज्जा अणुत्तरोववाइया देवा उववज्जंति, एवं जहा गेवेज्जवि-माणेसु संखेज्जवित्थडेसु नवरं किण्हपक्खिया अभवसिद्धिया तिसु अज्जाणेसु एए न उववज्जंति न चयंति नवि पज्जतएसु भाणियव्वा अचरिमावि खोडिज्जंति जाव संखेज्जा चरिमा प०, सेसं तं चेव, असंखेज्जवित्थडेसुवि एए न भंति नवरं अचरिमा अत्थि, सेसं जहा गेवेज्जएसु असंखेज्जवित्थडेसु जाव असंखेज्जा अचरिमा प० । बोसट्ठीए णं भंते । असुरकुमारावाससयसहस्सेसु संखेज्जवित्थडेसु असुरकुमारावासेसु किं सम्म-दिट्ठी असुरकुमारा उववज्जंति मिच्छादिट्ठी एवं जहा रयणप्पभाए तिञ्चि आलाबगा भणिया तहा भाणियव्वा, एवं असंखेज्जवित्थडेसुवि तिञ्चि गमगा, एवं जाव गेवेज्ज-विमाणेसु अणुत्तरविमाणेसु एवं चेव, नवरं तिसुवि आलावएसु मिच्छादिट्ठी सम्मामि-च्छादिट्ठी य न भंति, सेसं तं चेव । से नूणं भंते ! कण्हलेस्से नील जाव सुक्क-लेस्से भविता कण्हलेस्सेसु देवेषु उववज्जंति ? इंता गोयमा ! एवं जहेव नेरइएसु पइमे उइसए तहेव भाणियव्वं, नीललेसाएवि जहेव नेरइयाणं, जहा नीललेसाए एवं जाव पण्हलेस्सेसु सुक्कलेस्सेसु एवं चेव, नवरं लेस्सट्ठाणेसु विसुज्जमाणेसु २ सुक्कलेस्सं परिणमइ २ ता सुक्कलेस्सेसु देवेषु उववज्जंति, से तेणट्ठेणं जाव उववज्जंति । सेवं भंते । सेवं भंते । ति ॥ ४७२ ॥ तेरहमे सय बीमो उहेसो समसो ॥

नेरइया णं भंते ! अणंतराहारा तओ निव्वत्तणया एवं परियारणापयं निरव-
सेसं भाणियव्वं । सेवं भंते ! सेवं भंते ! त्ति ॥ ४७३ ॥ तेरहमे सए तइयो
उहेसो समत्तो ॥

कइ णं भंते ! पुढवीओ पत्ताओ ? गोयमा । सत्त पुढवीओ पणत्ताओ,
तंजहा—रयणप्पभा जाव अहेसत्तमा, अहेसत्तमाए णं भंते ! पुढवीए पंच अणुत्तरा
महइमहालया जाव अपइट्ठणे, ते णं णरगा छट्ठीए तमाए पुढवीए नरएहिंतो
महंततरा चेव १ महाविच्छन्नतरा चेव २ महावासतरा चेव ३ महापइरिक्कतरा
चेव ४, णो तथा महापवेसणतरा चेव १ नो आइत्ततरा चेव २ नो आउलतरा
चेव ३ नो अणो(मा)यणतरा चेव ४, तेसु णं नरएसु नेरइया छट्ठीए तमाए पुढवीए
नेरइएहिंतो महाक्कम्मतरा चेव १ महाकिरियतरा चेव २ महामवतरा चेव ३
महावेयणतरा चेव ४ नो तथा अप्पक्कम्मतरा चेव १ नो अप्पकिरियतरा चेव २
नो अप्पासवतरा चेव ३ नो अप्पवेयणतरा चेव ४ अप्पिच्चियतरा चेव १ अप्प-
जुइयतरा चेव २ नो तथा महिच्चियतरा चेव १ नो महाजुइयतरा चेव २ । छट्ठीए
णं तमाए पुढवीए एणे पंचणे निरयावासमयमहस्से पणत्ते, ते णं नरगा अहेसत्त-
माए पुढवीए नरएहिंतो नो तथा महत्तरा चेव महाविच्छन्नतरा चेव ४, महापवेस-
णतरा चेव आइत्ततरा चेव ४, तेसु णं नरएसु नेरइया अहेसत्तमाए पुढवीए नेर-
इएहिंतो अप्पक्कम्मतरा चेव अप्पकिरियतरा चेव ४ नो तथा महाक्कम्मतरा चेव
महाकिरियतरा चेव ४ महिच्चियतरा चेव महाजुइयतरा चेव, नो तथा अप्पिच्चियतरा
चेव अप्पजुइयतरा चेव । छट्ठीए णं तमाए पुढवीए नरगा पंचमाए धूमप्पभाए पुढ-
वीए नरएहिंतो महत्तरा चेव ४ नो तथा महप्पवेसणतरा चेव ४, तेसु णं नरएसु
नेरइया पंचमाए धूमप्पभाए पुढवीए नेरइएहिंतो महाक्कम्मतरा चेव ४ नो तथा
अप्पक्कम्मतरा चेव ४ अप्पिच्चियतरा चेव २ नो तथा महिच्चियतरा चेव २, पंच-
माए णं धूमप्पभाए पुढवीए तिस्सि निरयावाममयसहस्सा पत्ता, एवं जहा छट्ठीए
भणिया एवं सत्तवि पुढवीओ परोप्परं भण्णंति जाव रयणप्पभत्ति जाव नो तथा
महिच्चियतरा चेव अप्पजुइयतरा चेव ॥ ४७४ ॥ रयणप्पभापुढविनेरइया णं भंते !
केरिसयं पुढविफासं पच्चणुच्चवमाणा विहरंति ? गोयमा । अणिट्ठं जाव अमणामं, एवं
जाव अहेसत्तमापुढविनेरइया, एवं आउफासं एवं जाव वणस्सइफासं ॥ ४७५ ॥ इमा
णं भंते ! रयणप्पभापुढवी दोसं सक्करप्पमं पुढविं पणिहाय सव्वमहंतिया बाह्हेणं
सव्वखुत्तिया सव्वंतेसु एवं जहा जीवाभिमगे विइए नेरइयउहेसए ॥ ४७६ ॥ इमीसे
णं भंते ! रयणप्पभाए पुढवीए विरयपरिसामंतेसु जे पुढविकाइया एवं जहा नेरइ-

यउदेसए जाव अहेसनमाए ॥४७७॥ कहि णं भंते । लोगस्स आयाममज्जे पण्णत्ते ? गोयमा । इमीसे णं रयणप्पभाए उवासंतरस्स असंखेज्जइभागं ओगाहेत्ता एत्थ णं लोगस्स आयाममज्जे पण्णत्ते । कहि णं भंते । अहेलोगस्स आयाममज्जे पण्णत्ते ? गोयमा ! चउत्थीए पंकप्पभाए पुढवीए उवासंतरस्स साइरेगं अद्धं ओगाहित्ता एत्थ णं अहेलोगस्स आयाममज्जे पण्णत्ते, कहि णं भंते । उड्डुलोगस्स आयाममज्जे पण्णत्ते ? गोयमा । उप्पि सणं कुमारमाहिंदाणं कप्पाणं हेट्ठि बंभलोए कप्पे रिट्ठविमाणे पत्थडे एत्थ णं उड्डुलोगस्स आयाममज्जे पण्णत्ते । कहि णं भंते । तिरियलोगस्स आयाममज्जे पण्णत्ते ? गोयमा । जंबूवीचे २ मंदरस्स पच्चयस्स बहुमज्जदेसभाए इमासे रयणप्पभाए पुढवीए उवरिमहेट्ठिस्स खुड्गपयरेसु एत्थ णं तिरियलोगस्स मज्जे अट्टपएत्तिए रुयए पण्णत्ते, जओ णं इमाओ दस दिसाओ पवहंति, तंजहा-पुरच्छिमा पुरच्छिमदाहिणा एवं जहा दसमसए नामधेज्जंति ॥ ४७८ ॥ इदा णं भंते ! दिसा किमाइया किपवहा कइपएमाइया कइपएलुत्तरा कइपएसिया किपज्वसिया किसिठिया पज्जता ? गोयमा ! इंदा णं दिमा रुयगाइया रुयगप्पवहा दुपएसाइया दुपएमुत्तरा लोगं पडुच्च असंखेज्जपएसिया, अलोगं पडुच्च अणंतपएसिया, लोगं पडुच्च साइया सपज्वसिया, अलोगं पडुच्च साइया अपज्वसिया, लोगं पडुच्च सुरजसंठिया, अलोगं पडुच्च सगइदिसंठिया पज्जता । अग्गेइं णं भंते । दिसा किमाइया किपवहा कइपएसाइया कइपएसविच्छिन्ना कइपएसिया किपज्वसिया किसिठिया पज्जता ? गोयमा ! अग्गेइं णं दिसा रुयगाइया रुयगप्पवहा एगपएसाइया एगपएवविच्छिन्ना अणुत्तरा लोगं पडुच्च असंखेज्जपएसिया अलोगं पडुच्च अणंतपएसिया, लोगं पडुच्च साइया सपज्वसिया अलोगं पडुच्च साइया अपज्वसिया, छिन्नमुत्तावत्तिसंठिया पण्णत्ता । जमा जहा इंदा, नेरइं जहा अग्गेइं, एवं जहा इंदा तहा दिसाओ चत्तारि, जहा अग्गेइं तहा चत्तारिवि विदिसाओ । विमला णं भंते ! दिसा किमाइया० पुच्छा जहा अग्गेइंए, गोयमा ! विमला णं दिसा रुयगाइया रुयगप्पवहा चउत्पएसाइया दुपएवविच्छिन्ना अणुत्तरा लोगं पडुच्च सेसं जहा अग्गेइंए नवरं रुयगसंठिया पण्णत्ता, एवं तमावि ॥ ४७९ ॥ किमिधं भंते ! लोएत्ति पवुच्चइ ? गोयमा । पंचत्थिकाया, एस्स णं एवइए लोएत्ति पवुच्चइ, तंजहा-धम्मत्थिकाए अहम्मत्थिकाए जाव पोगगलत्थिकाए । धम्मत्थिकाएणं भंते ! जीवाणं किं पवत्तइ ? गोयमा । धम्मत्थिकाएणं जीवाणं आगमणगमणमासुम्भेसमणजोगा बइजोगा कायजोगा खे वाक्खे तहूप्यगारा चला भावा सव्वे ते धम्मत्थिकाए पवत्तंति, गइलक्खणे णं धम्मत्थिकाए । अहम्मत्थिकाएणं भंते । जीवाणं किं पवत्तइ ? गोयमा !

अहम्मत्थिकाएणं जीवाणं ठाणनिसीयणतुयट्ठण मणस्स य एगत्तीभावकरणया जे यावत्ते तहप्पगारा थिरा भावा सव्वे ते अहम्मत्थिकाए पवत्तंति, ठाणलक्खणे णं अहम्मत्थिकाए ॥ आगासत्थिकाएणं भंते ! जीवाणं अजीवाण य णि पवत्तह ? गोयमा ! आगासत्थिकाएणं जीवदब्बाण य अजीवदब्बाण य भायणभूए—एणेणवि से पुत्ते दोहिवि पुत्ते सयंपि माएजा । कोडिसएणवि पुत्ते कोडिसहस्संपि माएजा ॥ ११ ॥ अवगाहणालक्खणे णं आगासत्थिकाए ॥ जीवत्थिकाएणं भंते ! जीवाणं कि पवत्तइ ? गोयमा ! जीवत्थिकाएणं जीवे अणंताणं आभिणिबोहियनाणपज्जवाणं अणंताणं सुयनाणपज्जवाणं एवं जहा विइयसए अत्थिकायउहेसए जाव उवओगं गच्छइ, उवओगलक्खणे णं जीवे ॥ पोगलत्थिकाए णं पुच्छा, गोयमा ! पोगलत्थिकाएणं जीवाणं ओरात्थियवेउत्थियआहारगतेयाकम्मा सोईदियचक्खिदियघाणिदियजिम्भदियफालिदियमणजोगवइजोगकायजोगआणापाणूणं च गहणं पवत्तइ, गहणलक्खणे णं पोगलत्थिकाए ॥ ४८० ॥ एगे भंते ! धम्मत्थिकायपएसे केवइएहिं धम्मत्थिकायपएसेहिं पुट्ठे ? गोयमा ! जहन्नपए तिहिं उक्कोसपए छहिं । केवइएहिं अहम्मत्थिकायपएसेहिं पुट्ठे ? गोयमा ! जहन्नपए चउहिं उक्कोसपए सत्तहिं । केवइएहिं आगासत्थिकायपएसेहिं पुट्ठे ? गोयमा ! सत्तहिं । केवइएहिं जीवत्थिकायपएसेहिं पुट्ठे ? गोयमा ! अणंतेहिं । केवइएहिं पोगलत्थिकायपएसेहिं पुट्ठे ? गोयमा ! अणंतेहिं । केवइएहिं अद्दासमएहिं पुट्ठे ? सिय पुट्ठे सिय नो पुट्ठे जइ पुट्ठे नियमं अणंतेहिं ॥ एगे भंते ! अहम्मत्थिकायपएसे केवइएहिं धम्मत्थिकायपएसेहिं पुट्ठे ? गोयमा ! जहन्नपए चउहिं उक्कोसपए सत्तहिं । केवइएहिं अहम्मत्थिकायपएसेहिं पुट्ठे ? गोयमा ! जहन्नपए तिहिं उक्कोसपए छहिं, सेसं जहा धम्मत्थिकायस्स ॥ एगे भंते ! आगासत्थिकायपएसे केवइएहिं धम्मत्थिकायपएसेहिं पुट्ठे ? गोयमा ! सिय पुट्ठे सिय नो पुट्ठे, जइ पुट्ठे जहन्नपए एक्केण वा दोहे वा तिहिं वा चउहिं वा उक्कोसपए सत्तहिं, एवं अहम्मत्थिकायपएसेहिं वि । केवइएहिं आगासत्थिकाय ० ? गोयमा ! छहिं, केवइएहिं जीवत्थिकायपएसेहिं पुट्ठे ? सिय पुट्ठे सिय नो पुट्ठे, जइ पुट्ठे नियमं अणंतेहिं । एवं पोगलत्थिकायपएसेहिं वि अद्दासमएहिं वि ॥ ४८१ ॥ एगे भंते ! जीवत्थिकायपएसे केवइएहिं धम्मत्थिकाय ० पुच्छा, जहन्नपए चउहिं उक्कोसपए सत्तहिं, एवं अहम्मत्थिकायपएसेहिं वि । केवइएहिं आगासत्थिकाय ० ? सत्तहिं । केवइएहिं जीवत्थि ० ? सेसं जहा धम्मत्थिकायस्स ॥ एगे भंते ! पोगलत्थिकायपएसे केवइएहिं धम्मत्थिकायपएसेहिं ० ? एवं जहेव जीवत्थिकायस्स ॥ दो भंते ! पोगलत्थिकायपएसा केवइएहिं धम्मत्थिकायपएसेहिं पुट्ठा ? जहन्नपए छहिं उक्कोसपए बारसहिं, एवं अहम्मत्थिकायपएसेहिं वि । केवइएहिं आगा-

सत्त्विकाय० ? बारसहि, सेसं जहा धम्मत्थिकायस्स ॥ तिभिं भंते ! पोग्गलत्थिका-
यपएसा केवइएहिं धम्मत्थिकाय० ? जहन्नपए अट्टहिं उक्कोसपए सत्तरसहिं । एवं अह-
म्मत्थिकायपएसेहिं वि । केवइएहिं आगासत्थि० ? सत्तरसहिं, सेसं जहा धम्मत्थि-
कायस्स । एवं एएणं गमेणं भाणियच्चं जाव दस, नवरं जहन्नपए दोळिं पक्खि-
यच्चा उक्कोसपए पंच । चत्तारिं पोग्गलत्थिकायपएसे० जहन्नपए दसहिं उक्कोसपए
बावीसाए, पंच पोग्गलत्थिकाय० जहण्णपए बारसहिं उक्कोसपए सत्तावीसाए, छ
पोग्गल० जहण्णपए चोइसहिं उक्कोसेणं बत्तीसाए, सत्त पोग्गल० जहणेणं सेल्लसहिं
उक्कोसपए सत्ततीसाए, अट्ट पोग्गल० जहन्नपए अट्टारसहिं उक्कोसेणं बायालीसाए, नव
पोग्गल० जहन्नपए वीसाए उक्कोसपए सीयालीसाए, दस पोग्गल० जहण्णपए बावी-
साए उक्कोसपए बावत्ताए । आगासत्थिकायस्स सच्चरथ उक्कोसगं भाणियच्चं ॥
संखेज्जा णं भंते ! पोग्गलत्थिकायपएसा केवइएहिं धम्मत्थिकायपएसेहिं पुट्टा ? जहन्न-
पए तेणेव संखेज्जेएणं दुग्गुणेणं दुरूवाहिएणं, उक्कोसपए तेणेव संखेज्जेएणं पंचगुणेणं
दुरूवाहिएणं, केवइएहिं अधम्मत्थिकाएहिं ? एवं चेव, केवइएहिं आगासत्थिकाय०
तेणेव संखेज्जेएणं पंचगुणेणं दुरूवाहिएणं, केवइएहिं जीवत्थिकाय० ? अणंतेहिं, केव-
इएहिं पोग्गलत्थिकाय० ? अणंतेहिं, केवइएहिं अट्टासमएहिं ! सिय पुट्टे सिय नो पुट्टे
जाव अणंतेहिं । असंखेज्जा भंते । पोग्गलत्थिकायपएसा केवइएहिं धम्मत्थिकाय० ?
जहन्नपए तेणेव असंखेज्जेएणं दुग्गुणेणं दुरूवाहिएणं, उक्कोसपए तेणेव असंखेज्जेएणं
पंचगुणेणं दुरूवाहिएणं, सेसं जहा संखेज्जेणं जाव नियमं अणंतेहिं ॥ अणंता भंते ।
पोग्गलत्थिकायपएसा केवइएहिं धम्मत्थिकाय० एवं जहा असंखेज्जा तथा अणंतावि
निरवसेसं ॥ एगे भंते ! अट्टासमए केवइएहिं धम्मत्थिकायपएसेहिं पुट्टे ? सत्तहिं,
केवइएहिं अहम्मत्थि० ? एवं चेव, एवं आगासत्थिकायपएसेहिं वि, केवइएहिं जीव-
त्थिकाय० ? अणंतेहिं, एवं जाव अट्टासमएहिं ॥ धम्मत्थिकाए णं भंते । केवइएहिं
धम्मत्थिकायपएसेहिं पुट्टे ? नत्थि एक्केणवि, केवइएहिं अधम्मत्थिकायपएसेहिं ?
असंखेज्जेहिं, केवइएहिं आगासत्थिकायप० ? असंखेज्जेहिं, केवइएहिं जीवत्थिका-
यपएसेहिं ? अणंतेहिं, केवइएहिं पोग्गलत्थिकायपएसेहिं० ? अणंतेहिं, केवइएहिं अट्टा-
समएहिं ? सिय पुट्टे सिय नो पुट्टे, जइ पुट्टे नियमा अणंतेहिं । अहम्मत्थिकाए णं
भंते ! केवइएहिं धम्मत्थिकाय० ? असंखेज्जेहिं, केवइएहिं अहम्मत्थि० ? नत्थि एक्के-
णवि, सेसं जहा धम्मत्थिकायस्स, एवं एएणं गमएणं सच्चेवि सट्ठाणए नत्थि एक्के-
णवि पुट्टा, परट्ठाणए आइएहिं तिहिं असंखेज्जेहिं भाणियच्चं, पच्छिक्कएसु तिसु
अणंता भाणियच्चं जाव अट्टासमओप्पि जाव केवइएहिं अट्टासमएहिं पुट्टे ! नत्थि

एक्केणवि ॥ जत्थ णं भंते । एगे धम्मत्थिकायपएसे ओगाढे तत्थ केवइया धम्मत्थिकायपपएसा ओगाढा ! नत्थि एक्कोवि, केवइया अहम्मत्थिकायपपएसा ओगाढा ? एक्को, केवइया आगासत्थिकाय० ? एक्को, केवइया जीवत्थिकाय० ? अणंता, केवइया पोगलत्थिकाय० ? अणंता, केवइया अद्दासमया ? सिय ओगाढा सिय नो ओगाढा जइ ओगाढा अणंता । जत्थ णं भंते ! एगे अहम्मत्थिकायपएसे ओगाढे तत्थ केवइया धम्मत्थिकाय० ? एक्को, केवइया अहम्मत्थि० ? नत्थि एक्कोवि, सेसं जहा धम्मत्थिकायस्स । जत्थ णं भंते ! एगे आगासत्थिकायपएसे ओगाढे तत्थ केवइया धम्मत्थिकाय० ? सिय ओगाढा सिय नो ओगाढा, जइ ओगाढा एक्को, एवं अहम्मत्थिकायपएसावि, केवइया आगामत्थिकाय० ? नत्थि एक्कोवि, केवइया जीवत्थि० ? सिय ओगाढा सिय नो ओगाढा, जइ ओगाढा अणंता, एवं जाव अद्दासमया । जत्थ णं भंते ! एगे जीवत्थिकायपएसे ओगाढे तत्थ केवइया धम्मत्थिकाय० ? एक्को, एवं अहम्मत्थिकायपएसावि, एवं आगामत्थिकायपएसावि, केवइया जीवत्थिकाय० ? अणंता, सेसं जहा धम्मत्थिकायस्स । जत्थ णं भंते ! एगे पोगलत्थिकायपएसे ओगाढे तत्थ केवइया धम्मत्थिकाय० ? एवं जहा जीवत्थिकायपएसे तद्देव निरवसेसं । जत्थ णं भंते ! दो पोगलत्थिकायपएसा ओगाढा तत्थ केवइया धम्मत्थिकाय० ? सिय एक्को सिय दोञ्जि, एवं अहम्मत्थिकायस्सवि, एवं आगासत्थिकायस्सवि, सेसं जहा धम्मत्थिकायस्स । जत्थ णं भंते ! तिञ्जि पोगलत्थिकायपएसा ओगाढा तत्थ केवइया धम्मत्थिकाय० ? सिय एक्को सिय दोञ्जि सिय तिञ्जि, एवं अहम्मत्थिकायस्सवि, एवं आगासत्थिकायस्सवि, सेसं जहेव दोण्हं, एवं एक्केको वञ्चियन्वो पएगो आइलएहिं तिहिं अत्थिकाएहिं, सेसं जहेव दोण्हं जाव दसण्हं सिय एक्को सिय दोञ्जि सिय तिञ्जि जाव सिय दस, संखेजाणं सिय एक्को सिय दोञ्जि जाव सिय दस सिय संखेजा, असंखेजाणं सिय एक्को जाव सिय संखेजा सिय असंखेजा, जहा असंखेजा एवं अणंतावि । जत्थ णं भंते ! एगे अद्दासमया ओगाढे तत्थ केवइया धम्मत्थिकाय० ? एक्को, केवइया अहम्मत्थिकाय० ? एक्को, केवइया आगासत्थिकाय० ? एक्को, केवइया जीवत्थि० ? अणंता, एवं जाव अद्दासमया । जत्थ णं भंते ! धम्मत्थिकाए ओगाढे तत्थ केवइया धम्मत्थिकायपएसा ओगाढा ! नत्थि एक्कोवि, केवइया अहम्मत्थिकाय० ? असंखेजा, केवइया आगासत्थि० ? असंखेजा, केवइया जीवत्थिकाय० ? अणंता, एवं जाव अद्दासमया । जत्थ णं भंते ! अहम्मत्थिकाए ओगाढे तत्थ केवइया धम्मत्थिकाय० ? असंखेजा, केवइया अहम्मत्थिकाय० ? नत्थि एक्कोवि, सेसं जहा धम्मत्थिकायस्स, एवं सग्गे सद्धाने नत्थि एक्कोवि

भाणियव्वं, परद्वाणे आइकगा तिप्पि असंखेज्जा भाणियव्वा, पच्छिह्मगा तिप्पि अणंता भाणियव्वा जाव अदासमओत्ति जाव केवइया अदासमया ओगाढा ? नत्थि एक्कोवि ॥ ४८२ ॥ जत्थ णं भंते ! एगे पुढविकाइए ओगाढे तत्थ णं केवइया पुढविकाइया ओगाढा ? असंखेज्जा, केवइया आउकाइया ओगाढा ? असंखेज्जा, केवइया तेउकाइया ओगाढा ? असंखेज्जा, केवइया वाउकाइया ओगाढा ? असंखेज्जा, केवइया वणस्सइकाइया ओगाढा ? अणंता, जत्थ णं भंते ! एगे आउकाइए ओगाढे तत्थ णं केवइया पुढवि० ? असंखेज्जा, केवइया आउ० ? असंखेज्जा, एवं जहेव पुढविकाइयाणं वत्तव्वया तहेव सव्वेसिं निरवसेस भाणियव्वं जाव वणस्सइकाइयाणं जाव केवइया वणस्सइकाइया ओगाढा ? अणंता ॥ ४८३ ॥ एयंसि णं भंते ! धम्मत्थिकाय० अधम्मत्थिकाय० आगासत्थिकार्यसि चक्किया केइ आसइत्तए वा सुइत्तए वा चिट्ठित्तए वा निसीइत्तए वा तुयट्ठित्तए वा ? नो इणट्ठे समट्ठे, अणंता पुण तत्थ जीवा ओगाढा, से केणट्ठणं भंते ! एवं वुच्चइ एयंसि णं धम्मत्थि० जाव आगासत्थिकार्यसि णो चक्किया केइ आसइत्तए वा जाव ओगाढा ? गोयमा ! से जहा नामए-कूडागारसाला सिया दुहओ लित्ता गुत्ता गुत्तदुवारा जहा रायप्पसेणइजे जाव दुवारवयणाइं पिहेइ दु० २ चा तीसे कूडागारसालाए बहुमज्जदेसभाए जहजेणं एक्को वा दो वा तिप्पि वा उक्कोमेणं पईवसहस्सं पलीवेज्जा, से नूणं गोयमा ! ताओ पईवलेस्साओ अज्जमज्जसंबदाओ अज्जमज्जपुट्ठाओ जाव अज्जमज्जघडत्ताए चिट्ठंति ? हंता चिट्ठंति, चक्किया णं गोयमा ! केइ तासु पईवलेस्सासु आसइत्तए वा जाव तुयट्ठित्तए वा ? भगवं ! णो इणट्ठे समट्ठे, अणंता पुण तत्थ जीवा ओगाढा, से तेणट्ठेणं गोयमा ! एवं वुच्चइ जाव ओगाढा ॥ ४८४ ॥ कहि णं भंते ! लोए बहुसमे, कहि णं भंते ! लोए सव्वविग्गहिए पण्णत्ते ? गोयमा ! इमीसे रयणप्पभाए पुढवीए उवरिमहेट्ठिल्लेसु खुट्ठगपयरेसु एत्थ णं लोए बहुसमे एत्थ णं लोए सव्वविग्गहिए पण्णत्ते ! कहि णं भंते ! विग्गहविग्गहिए लोए पण्णत्ते ? गोयमा ! विग्गहकंडए एत्थ णं विग्गहविग्गहिए लोए पण्णत्ते ॥ ४८५ ॥ किंसठिए णं भंते ! लोए पण्णत्ते ? गोयमा ! सुपइट्ठियसंठिए लोए पण्णत्ते, हेट्ठा विच्छिन्न मज्जे संखित्ते जहा सत्तमसए पढमुहेसए जाव अंतं करेइ ॥ एयस्स णं भंते ! अहेलोगस्स तिरियलोगस्स उच्चलोगस्स य कयरे २ हिंनो जाव विसेसाहिया वा ? गोयमा ! सव्वत्थोवे तिरियलोए, उच्चलोए असंखेज्जगुणे, अहेलोए विसेसाहिए । सेवं भंते ! सेवं भंते ! ति ॥ ४८६ ॥ नेरहमे सए चउत्थो उहेसो समत्तो ॥

नेरइया णं भंते ! किं सच्चित्ताहारा अच्चित्ताहारा मीसाहारा ? गोयमा ! नो सच्चित्ताहारा अच्चित्ताहारा नो मीसाहारा, एवं असुरकुमारा पढमो नेरइयउदेसओ

निरवसेसो भाणियव्वो ॥ सेवं भंते ! सेवं भंते ! त्ति ॥ ४८७ ॥ तेरहमे सय
पञ्चमो उदंसो समत्तो ॥

रायगिहे जाव एवं वयासी-संतरं भंते । नेरइया उववज्जंति, निरंतरं नेरइया उववज्जंति ? गोयमा । संतरंपि नेरइया उववज्जंति, निरंतरंपि नेरइया उववज्जंति, एवं असुरकुमारावि, एवं जहा गंगेए तहेव दो दंडगा जाव संतरंपि वेमाणिया चयंति निरंतरंपि वेमाणिया चयंति ॥ ४८८ ॥ कहिंणं भंते । चमरस्स असुरिदस्स असुररत्तो चमरचंचा नामं आवासे पणत्ते ? गोयमा । जंबुद्वीवे २ मंदरस्स पव्वयस्स दाहिणेणं तिरियमसंखेजे वीवसमुद्दे एवं जहा बिइयसाए मभाए उंमए वत्तव्वया सत्तेव अपरिसेसा नेयव्वा, नवरं इमं नाणत्तं जाव तिगिन्च्छिक्खुडम्म उप्पायपव्वयस्स चमरचंचाए रायहाणीए चमरचंचस्स आवामपव्वयस्स अत्तेसि च बहुणं सेमं तं चेव जाव तेरम य अंगुलाई अदंगुलं च किंचिविसेसाहिया परिक्खेवेणं, तीसे णं चमरचंचाए रायहाणीए दाहिणपञ्चच्छिमेणं छक्कोडिमए पणपत्तं च कोडीओ पणतीसं च सयसहस्साइं पत्तामं च महस्साइं अरुणोदगममुद्दं तिरियं वीईवइत्ता एत्थ णं चमरस्स असुरिदस्स असुरकुमाररत्तो चमरचंचे नामं आवासे पणत्ते, चउरासीइं जोयणमहस्साइं आयामविक्खभेणं दो जोयणसयमहस्सा पत्तं च सहस्साइं छच्चवनीसे जोयणमए किंचिविसेसाहिए परिक्खेवेणं, से णं एणेणं पागारेणं सव्वओ समंता संपरिक्खित्ते, से णं पागारे दिवक्खं जोयणसयं उडुं उच्चतेणं, एवं चमरचंचाए रायहाणीए वत्तव्वया भाणियव्वा सभाविहूणा जाव चत्तारि पामायपंतीओ । चमरे णं भंते ! असुरिदं असुरकुमारराया चमरचंचे आवासे वसहिं उवेइ ? नो इणट्ठे समट्ठे, से केणं खाइ णं अट्ठेणं भंते ! एवं लुच्चइ चमरचंचे आवासे २ ? गोयमा । से जहानामए-इहं मणुस्सलोगंमि उवगारियल्लेणाइ वा उज्जाणियल्लेणाइ वा णिज्जाणियल्लेणाइ वा वारिधारियल्लेणाइ वा तत्थ णं बहुवे मणुस्सा य मणुस्सीओ य आमयंति मयंति जहा रायप्पसेणइजे जाव कल्लणफलवित्तिवित्सेसं पञ्चणुब्भवमाणा विहरंति, अत्तत्थ पुण वसहिं उवेत्ति, एवामेव गोयमा । चमरस्स असुरिदस्स असुरकुमाररत्तो चमरचंचे आवासे केवलं किंत्तारइपत्तियं अत्तत्थ पुण वसहिं उवेइ, से तेणट्ठेणं जाव आवासे, सेवं भंते । सेवं भंते ' त्ति जाव विहरइ ॥ ४८९ ॥ तए णं समणे भगवं महावीरे अजया कयाइ रायगिहाओ नयराओ गुणसिलाओ जाव विहरइ । तेणं कालेणं तेणं समएणं चंपा नामं नयरी होत्था वज्जओ, पुज्जमहे उज्जाणे वज्जओ, तए णं समणे भगवं महावीरे अजया कयाइ पुज्जानुपुब्बि चरमाणे जाव विहरमाणे जेणेव चंपा नयरी जेणेव पुज्जमहे उज्जाणे तेणेव उप्पागच्छइ २ ता

जाव विहरइ, तेणं काळेणं तेणं समणं सिंधुसोवीरेसु जणवएसु वीइभए नामं नयरे होत्था वक्कओ, तस्स णं वीइभयस्स नयरस्स बहिया उत्तरपुरच्छिमे दिखीभाए एत्थ णं मियवणे नामं उज्जाणे होत्था सव्वोउय० वक्कओ; तत्थ णं वीइभए नयरे उदायणे नामं राया होत्था महया वक्कओ, तस्स णं उदायणस्स रत्तो प(उमा)भावई नामं देवी होत्था सुकुमाल० वक्कओ, तस्स णं उदायणस्स रत्तो पुत्ते पभावईए देवीए अत्ताए अमीइनामं कुमारे होत्था सुकुमाल जहा सिवभेइ जाव पञ्चवेक्खमाणे विहरइ, तस्स णं उदायणस्स रत्तो नियए भायणेजे केसीनामं कुमारे होत्था सुकुमाल जाव सुरुवे, से णं उदायणे राया सिंधुसोवीरप्पामोक्खाणं सोलसण्हं जणवयाणं, वीइभयप्पामोक्खाणं तिण्हं तेसट्ठीणं नगरागरसयाणं, महसेणप्पामोक्खाणं दसण्हं राईणं बद्धम-उडाणं विइन्नच्छत्ताचामरवालवीयणाणं अञ्जेसिं च बहूणं राईसरतलवर जाव सत्यवा-हृप्पभिइणं आह्वेवच्चं पोरेवच्चं जाव कारेमाणे पाळेमाणे समणोवासए अभिगयजीवा-जीवे जाव विहरइ । तए णं से उदायणे राया अन्नया कयाइ जेणेव पोसहसाला तेणेव उवागच्छइ २ ता जहा संखे जाव विहरइ । तए णं तस्स उदायणस्स रत्तो पुव्वरत्तावर-त्तकालममयंसि धम्मजागरियं जागरमाणस्स अयमेयारूवे अज्जत्थिए जाव समुप्प-ज्जित्था-धज्जा णं ते गामागरनगरखेडकच्चडमडंबदोणमुहपट्ठणासमसंबाहसभिवेसा जत्थ णं समणे भगवं महावीरे विहरइ, धज्जा णं ते राईसरतलवर जाव सत्यवाहृप्प-भिइओ जे णं समणं भगवं महावीरे वंदति नमंसति जाव पज्जुवासंति, जइ णं समणे भगवं महावीरे पुव्वानुपुव्वि चरमाणे गामानुगामं जाव विहरमाणे इहमाग-च्छेज्जा इह समोसरेज्जा, इहेव वीइभयस्स नयरस्स बहिया मियवणे उज्जाणे अहा-पडिहूवं उरगहं उमिण्हित्ता संजमेणं तवसा जाव विहरेज्जा, तो णं अहं समणं भगवं महावीरे वंदेज्जा नमसेज्जा जाव पज्जुवासेज्जा, तए णं समणे भगवं महावीरे उदाय-णस्स रत्तो अयमेयारूवं अज्जत्थियं जाव समुप्पन्नं विजाणित्ता चंपाओ नयरीओ पुत्तभहाओ उज्जाणाओ पठिनिकखमइ २ ता पुव्वानुपुव्वि चरमाणे गामानुगामं जाव विहरमाणे जेणेव सिंधुसोवीरे जणवए जेणेव वीइभए णयरे जेणेव मियवणे उज्जाणे तेणेव उवागच्छइ २ ता जाव विहरइ । तए णं वीइभए नयरे सिंघाडग जाव परिसा पज्जुवासइ । तए णं से उदायणे राया इमीसे कहाए लद्धे समणे हट्टुट्ठे० कोहुं-बियपुरिसे सहावेइ २ ता एवं वयासी-खिप्पामेव भो देवाणुप्पिया । वीइभयं नयरं सन्धिभतरवाहिरियं जहा कूथिओ उववाइए जाव पज्जुवासइ, पभावईप्पामोक्खाओ देवीओ तहेव जाव वज्जुवासंति, धम्मकडा । तए णं से उदायणे राया समणस्स भगवओ महावीरस्स अंतिव धम्मं सोळा निसम्म हट्टुट्ठे उट्टाए उट्टेव २ ता समणं

भगवं महावीरं तिवखुतो जाव नर्मसिता एवं वयासी-एवमेयं भंते । तहमेयं भंते । जाव से जहेयं तुम्भे षदहत्तिकद्दु जं नवरं देवाणुप्पिया ! अमीइकुमारं रजे ठावेसि, तए णं अह देवाणुप्पियाणं अंतिए मुंढे भविता जाव पव्वयामि, अहासुहं देवाणु-प्पिया ! मा पड्ढिबंधं । तए णं से उदायणे राया समणेणं भगवया महावीरेणं एवं चुत्ते समाणे हट्टुत्ते ममणं भगवं महावीरं वंदइ नमंसइ वं० २ ता तमेव आभिसेक्कं हत्थि दुरुहइ २ ता समणस्स भगवओ महावीरस्स अंतियाओ मियवणाओ उज्जा-णाओ पड्ढिनिकखमइ २ ता जेणेव वीड्भए नयरे तेणेव पद्दारेत्थ गमणाए । तए णं तस्स उदायणस्स रत्तो अयमेयारूवे अज्झत्थिए जाव समुप्पज्जित्था-एवं खल्ल अमीइकुमारे नमं एगे पुत्ते इत्थे कंते जाव किमंग पुण पासणयाए, तं जइ णं अहं अमीइकुमारं रजे ठावेत्ता समणस्स भगवओ महावीरस्स अंतियं मुंढे भविता जाव पव्वयामि तो णं अमीइकुमारे रजे य रद्धे य जाव जणवए य माणुस्सएसु य काममो-गेसु मुच्छिए गिद्धे गट्टिए अज्झोववत्ते अणाइयं अणवदग्गं बीहमदं चाउरंतससार-कंतारं अणुपरियट्टिस्सइ, तं नो खल्ल मे सेयं अमीइकुमारं रजे ठावेत्ता समणस्स भग-वओ महावीरस्स जाव पव्वइत्तए, सेयं खल्ल मे णियगं भाइजेज्जं केसिकुमारं रजे ठावेत्ता समणस्स भगवओ महावीरस्स जाव पव्वइत्तए, एवं संपेहेइ २ ता जेणेव वीड्भए नयरे तेणेव उवागच्छइ २ ता वीड्भयं नयरं मज्झमज्जेणं जेणेव सए गेहे जेणेव बाहिरिया उवट्ठाणमाला तेणेव उवागच्छइ २ ता आभिसेक्कं हत्थि ठवेइ आभि० २ ता आभिसेक्काओ हत्थीओ पच्चोग्गइ २ ता जेणेव सीहासणे तेणेव उवा-गच्छइ २ ता सीहासणवरंसि पुरत्याभिसुहे निसीयइ २ ता कोडुंबियपुरिसे सहावेइ २ ता एवं वयासी-विप्पामेव भो देवाणुप्पिया ! वीड्भयं नयरं सच्चिन्नरबाहिरियं जाव पव्वप्पिणंसि, तए णं से उदायणे राया दोब्बपि कोडुंबियपुरिसे सहावेइ २ ता एवं वयासी-विप्पामेव भो देवाणुप्पिया ! केसिस्स कुमारस्स महत्थं ३ एवं रायाभि-सेओ जहा सिवभट्टस्स कुमारस्स तहेव भाणियच्चो जाव परमाउं पालयाहि इट्ठजण-संपरिवुडे सिधुमोवीरपामोक्खाणं सोलसण्हं जणवयाणं, वीड्भयपामोक्खाणं तिण्णि तेसट्ठीणं नगरागरसयाणं, मह्सेणपामोक्खाणं दसण्हं राईणं अक्केसि च बहूणं राईसर जाव कारेमाणे पाळेमाणे विहराहितिकद्दु जयजयसहं पडंजति । तए णं से केसीकुमारे राया जाए मह्या जाव विहरइ । तए णं से उदायणे राया केसिं रायाणं आपुच्छइ, तए णं से केसीराया कोडुंबियपुरिसे सहावेइ एवं जहा अमात्तिस्स तहेव सच्चिन्नरबाहिरियं तहेव जाव निकखमणाभिसेयं उवट्ठवेइ, तए णं से केसीराबा अणेगगणनायग जाव संपरिवुडे उदायणं रायं सीहासणवरंसि पुरत्याभिसुहे निसी-

यावेइ २ ता अद्भुसएणं सोवन्नियाणं एवं जहा जमालिस्स जाव एवं वयासी-भण
सामी ! किं देमो किं पयच्छामो किणा वा ते अद्भो ! तए णं से उदायणे राया केमि
रायं एवं वयासी-इच्छामि णं देवाणुप्पिया ! कुत्तियावणाओ एवं जहा जमालिस्स णवरं
पउमावई अगकेसे पडिच्छइ पियविप्पओगदुस(णा)हा, तए णं से केसी राया दोब्बपि
उत्तरावक्कमणं सीहासणं रयावेइ दो० २ ता उदायणं रायं सेयापीयएहिं कल्लसेहिं सेसं
जहा जमालिस्स जाव सन्निसजे, तहेव अम्मघाई नवरं पउमावई हंसलक्खणं
पडसाडणं गहाय सेसं तं चेव जाव सीयाओ पञ्चोरुहइ २ ता जेणेव समणे भगवं
महावीरे तेणेव उवागच्छइ २ ता समणं भगवं महावीरं तिक्खुत्तो जाव वंदइ नमंसइ
वंदिता नमंसिता उत्तरपुरच्छिमं दिसीभागं अवक्कमइ २ ता सयमेव आभरणमल्लालंकारं
तं चेव जाव पउमावई पडिच्छइ जाव घडियव्वं सामी ! जाव नो पमाएयव्वंतिकइ
केसी राया पउमावई य समणं भगवं महावीरं वंतेति नमंसंति वं० २ ता जाव पडि-
गया । तए णं से उदायणे राया मयमेव पंचमुट्टियं लोयं सेस जहा उसभदत्तस्स जाव
मव्वदुक्खप्पहीणे ॥ ४९० ॥ तए णं तस्स अभीइकुमारस्स अजया कयाइ पुव्व-
रत्तावरत्तकालसमयंमि कुटुंबजागरियं जागरमाणस्स अयमेयारूवे अज्झत्थिए जाव
समुप्पज्जित्था-एवं खल्ल अहं उदायणस्स पुणे पभावईए देवीए अत्तए, तए णं से
उदायणे राया ममं अवहाय नियगं भायणिज्जं केसिकुमारं रजे ठावेत्ता समणस्स
भगवओ महावीरस्स जाव पव्वइए, इमेणं एयारूवेणं महया अप्पत्तिएणं मणोमाण-
त्तिएणं दुक्खेणं अभिभूए समाणे अंतैउरपरियालसंपरिवुडे समंडमत्तोवगरणमायाए
वीइभयाओ नयराओ निगगच्छइ २ ता पुव्वाणुपुट्ठि चरमाणे गामाणुगामं दूइज्जमाणे
जेणेव चंपा नयरी जेणेव कूणिए राया तेणेव उवागच्छइ २ ता कूणियं रायं उवसंप-
ज्जित्ताणं विहरइ, तत्थवि णं से विउलभोगसमिडसमन्नागए यावि होत्था, तए णं से
अभीइकुमारे समणोवासए यावि होत्था, अभिगय जाव विहरइ, उदायणंमि रायसि-
सिमि समणबद्धवेरे यावि होत्था, तेणं कालेणं तेणं समएणं इमीसे रयणप्पभाए पुढवीए
निरयपरिसामंतेसु चो(य)सट्ठि असुरकुमारावाससयसहस्सा पज्जता, तए णं से अभीइ-
कुमारे बहूइं वासाईं समणोवासगपरियागं पाउणइ २ ता अदमासियाए संखेहणाए तीसं
भत्ताई अणसणाए छेदेइ २ ता तस्स ठाणस्स अणालोइयपडिक्कंते कालमासे कालं किष्वा
इमीसे रयणप्पभाए पुढवीए तीसाए निरयपरिसामंतेसु चोयट्ठीए आयावा जाव सह-
स्सेसु अन्नयरेसि आयावा असुरकुमारा(आया)वासंसि असुरकुमारदेवताए उवक्खणे,
तत्थ णं अत्थेगइयाणं आयावगणं अशुरकुमाराणं देवाणं एणं पत्तिओवमं ठिईं प०,
तस्स णं अभीइस्सवि देवस्स एणं पत्तिओवमं ठिईं पणत्ता । से णं मंते ! अभीइवेवे

ताओ देवलोगाओ आउक्खएणं ३ अणंतरं उव्वट्ठिता कहिं गच्छिहिइ कहिं उव्व-
ज्जिहिइ ? गोयमा ! महाविदेहे वासे तिज्झिहिइ जाव अंतं काहिइ, सेवं भंते ! सेवं
भंते ! ति ॥ ४९१ ॥ तेरहमे सए छट्ठो उडेसो समत्तो ॥

रायगिहे जाव एवं वयासी-आया भंते ! भासा अन्ना भासा ? गोयमा ! नो
आया भासा अन्ना भासा, ह(विं)वी भंते ! भासा अरूवी भासा ? गोयमा ! रूवी
भासा नो अरूवी भासा, सच्चिन्ता भंते ! भासा अचित्ता भासा ? गोयमा !
नो सच्चिन्ना भासा अचित्ता भासा, जीवा भंते ! भासा अजीवा भासा ?
गोयमा ! नो जीवा भासा अजीवा भासा । जीवाणं भंते ! भासा अजी-
वाणं भासा ? गोयमा ! जीवाणं भासा नो अजीवाणं भासा, पुब्बि भंते !
भासा भात्तिज्जमाणी भासा भासासमयवीइक्कंता भासा ? गोयमा ! नो पुब्बि
भासा भात्तिज्जमाणी भासा णो भासासमयवीइक्कंता भासा, पुब्बि भंते ! भासा
भिज्जइ, भात्तिज्जमाणी भासा भिज्जइ, भासासमयवीइक्कंता भासा भिज्जइ ? गोयमा !
नो पुब्बि भासा भिज्जइ, भात्तिज्जमाणी भासा भिज्जइ, नो भासासमयवीइक्कंता भासा
भिज्जइ । कइविहे णं भंते ! भासा पण्णत्ता ? गोयमा ! चउव्विहा भासा पण्णत्ता,
तंजहा-सच्चा, मोसा, सच्चाओसा, असच्चाओसा ॥ ४९२ ॥ आया भंते ! मणे अञ्जे
मणे ? गोयमा ! नो आया मणे अञ्जे मणे, जहा भासा तहा मणेवि जाव नो अजी-
वाणं मणे, पुब्बि भंते ! मणे मणिज्जमाणे मणे ० ? एवं जहेव भासा, पुब्बि भंते !
मणे भिज्जइ, मणिज्जमाणे मणे भिज्जइ, मणसमयवीइक्कंते मणे भिज्जइ ? एवं जहेव
भासा । कइविहे णं भंते ! मणे पण्णत्ते ? गोयमा ! चउव्विहे मणे पण्णत्ते, तंजहा-
सच्चे जाव असच्चाओसे ॥ ४९३ ॥ आया भंते ! काए अञ्जे काए ? गोयमा ! आयावि
काए अञ्जेवि काए, रूवी भंते ! काए अरूवी काए ? गोयमा ! रूवीवि काए
अरूवीवि काए, एवं एक्के पुच्छा, गोयमा ! सच्चित्तेवि काए अचित्तेवि काए, जीवेवि
काए अजीवेवि काए, जीवाणवि काए अजीवाणवि काए, पुब्बि भंते ! काए पुच्छा,
गोयमा ! पुब्बिपि काए काइज्जमाणेवि काए कायसमयवीइक्कंतेवि काए, पुब्बि भंते !
काए भिज्जइ पुच्छा, गोयमा ! पुब्बिपि काए भिज्जइ काइज्जमाणेवि काए भिज्जइ, काय-
समयवीइक्कंतेवि काए भिज्जइ ॥ कइविहे णं भंते ! काए पण्णत्ते ? गोयमा ! सत्तविहे काए
पण्णत्ते, तंजहा-ओरालिए ओरालियमीसए वेउव्विए वेउव्वियमीसए आहारए आहार-
गमीसए कम्मए ॥ ४९४ ॥ कइविहे णं भंते ! मरणे पण्णत्ते ? गोयमा ! पंचविहे मरणे
पण्णत्ते, तंजहा—आवीचियमरणे ओद्धिमरणे आइत्तियमरणे बाल्लमरणे पंडियमरणे ।
आवीचियमरणे णं भंते ! कइविहे पण्णत्ते ? गोयमा ! पंचविहे पण्णत्ते, तंजहा-दब्बा-

वीचियमरणे खेत्तावीचियमरणे कालावीचियमरणे भवावीचियमरणे भावावीचिय-
मरणे, दव्वावीचियमरणे णं भंते । कइविहे पण्णत्ते ? गोयमा । चउव्विहे पण्णत्ते,
तंजहा-नेरइयदव्वावीचियमरणे, तिरिक्खजोणियदव्वावीचियमरणे, मणुस्सदव्वा-
वीचियमरणे, देवदव्वावीचियमरणे, से केणट्ठेणं भंते । एवं बुच्चइ नेरइयदव्वावीचिय-
मरणे नेरइयदव्वावीचियमरणे ? गोयमा । जण्णं नेरइया नेरइयदव्वे वट्टमाणा जाई
दव्वाइं नेरइयाउयत्ताए गहियाइं बद्धाईं पुट्ठाइं कडाइं पट्टुखियाइं निविट्ठाइं अभि-
निविट्ठाइं अभिसमजागयाइं भवंति ताईं दव्वाइं आवी(चियं)ची अणुसभयं निरंतरं
मरंतिलिकट्टु से तेणट्ठेणं गोयमा । एवं बुच्चइ नेरइयदव्वावीचियमरणे, एवं जाव देव-
दव्वावीचियमरणे । खेत्तावीचियमरणे णं भंते । कइविहे पण्णत्ते ? गोयमा । चउव्विहे
पण्णत्ते, तंजहा-नेरइयखेत्तावीचियमरणे जाव देवखेत्तावीचियमरणे, से केणट्ठेणं भंते ।
एवं बुच्चइ नेरइयखेत्तावीचियमरणे २ ? गोयमा । जण्णं नेरइया नेरइयखेत्ते वट्टमाणा
जाईं दव्वाइं नेरइयाउयत्ताए एवं जहेव दव्वावीचियमरणे तहेव खेत्तावीचिय-
मरणेवि, एवं जाव भावावीचियमरणे । ओहिमरणे णं भंते । कइविहे पण्णत्ते ?
गोयमा । पंचविहे पण्णत्ते, तंजहा-दव्वोहिमरणे खेत्तोहिमरणे जाव भावोहिमरणे ।
दव्वोहिमरणे णं भंते । कइविहे पण्णत्ते ? गोयमा । चउव्विहे पण्णत्ते, तंजहा-नेर-
इयदव्वोहिमरणे जाव देवदव्वोहिमरणे, से केणट्ठेणं भंते । एवं बुच्चइ नेरइयदव्वोहि-
मरणे २ ? गोयमा । जण्णं नेरइया नेरइयदव्वे वट्टमाणा जाईं दव्वाइं संपयं मरंति
जण्णं नेरइया ताईं दव्वाइं अणागए काळे पुणोवि मरिस्संति, से तेणट्ठेणं गोयमा ।
जाव दव्वोहिमरणे, एवं तिरिक्खजोणिय० मणुस्स० देवदव्वोहिमरणेवि, एवं एएणं
गमेणं खेत्तोहिमरणेवि कालोहिमरणेवि भवोहिमरणेवि भावोहिमरणेवि । आइंतिय-
मरणे णं भंते । पुच्छा, गोयमा । पंचविहे पण्णत्ते, तं-दव्वाइंतियमरणे खेत्ताइंतिय-
मरणे जाव भावाइंतियमरणे, दव्वाइंतियमरणे णं भंते । कइविहे प० ? गोयमा ।
चउव्विहे प० तं०-नेरइयदव्वाइंतियमरणे जाव देवदव्वाइंतियमरणे, से केणट्ठेणं
भंते । एवं बुच्चइ नेरइयदव्वाइंतियमरणे २ ? गोयमा । जण्णं नेरइया नेरइयदव्वे
वट्टमाणा जाईं दव्वाइं संपयं मरंति जे णं नेरइया ताईं दव्वाइं अणागए काळे नो
पुणोवि मरिस्संति, से तेणट्ठेणं जाव मरणे, एवं तिरिक्ख० मणुस्स० देवाइंतियमरणे,
एवं खेत्ताइंतियमरणेवि, एवं जाव भावाइंतियमरणेवि । बालमरणे णं भंते । कइविहे
प० ? गोयमा । दुबालसविहे प० तं०-बलयमरणे जहा खंदए जाव गिद्धपिट्ठे ॥
पंडियमरणे णं भंते । कइविहे पण्णत्ते ? गोयमा । दुविहे पण्णत्ते, तंजहा-पाओव-
गमणे य भत्तापक्खखाणे य । पाओवगमणे णं भंते । कइविहे प० ? गोयमा । दुविहे

प०, तं०-णीहारिमे य अनीहारिमे य जाव नियमं अपडि(कम्मे)कम्मे । भत्तपक्कत्ताणे णं भंते ! कइविहे प० ? एवं तं चेव नवरं नियमं सपडिकम्मे । सेवं भंते ! २ ति ॥ ४९५ ॥ तेरहमे सए सत्तमो उद्देसो समत्तो ॥

कइ णं भंते ! कम्मपगडीओ पण्णत्ताओ ? गोयमा ! अट्ट कम्मपगडीओ पण्णत्ताओ, एवं बंधट्टिइउद्देसो भाणियव्वो निरवसेसो जहा पन्नवणाए । सेवं भंते ! सेवं भंते ! ति ॥ ४९६ ॥ तेरहमे सए अट्टमो उद्देसो समत्तो ॥

रायगिहे जाव एवं वयासी-से जहानामए-केइ पुरिसे केयाघडियं गहाय गच्छेज्जा, एवामेव अणगारेवि भावियप्पा केयाघडियाकिच्चहत्थगएणं अप्पाणेणं उच्चुं वेहासं उप्पएज्जा ? हंता गोयमा ! जाव समुपएज्जा, अणगारे णं भंते ! भावियप्पा केवइयाइं पभू केयाघडियाकिच्चहत्थगयाइं रुवाइं विउच्चित्तए ? गोयमा ! से जहानामए-जुवइं जुवाणे हत्थेणं हत्थेणं एवं जहा तइयमए पंचमुद्देमए जाव नो चेव णं संपत्तीए विउच्चिसु वा विउच्चिवि वा विउच्चिस्संति वा, से जहानामए-केइ पुरिसे हिरत्तपे(डि)लं गहाय गच्छेज्जा, एवामेव अणगारेवि भावियप्पा हिरण्णपेलहत्थकिच्चगएणं अप्पाणेणं सेस तं चेव, एवं सुवन्नपेलं, एवं रयणपेलं वइ(य)रपेलं वत्थपेलं आभरणपेलं, एवं वियलकि(डं)इं सुवत्तिइं चम्मकिइं कंबलकिइं, एवं अयभारं तंबभारं तउयभारं सीसगभारं हिरत्तभारं सुवन्नभारं वडरभारं, से जहानामए-वग्गुली सिया दोवि पाए उल्लंबिय २ उच्चुंयाया अहोसिरा च्चिट्ठेज्जा, एवामेव अणगारेवि भावियप्पा वग्गुलीकिच्चगएणं अप्पाणेणं उच्चुं वेहासं एवं जन्नोवइयवत्तव्वया भाणियव्वया जाव विउच्चिस्संति वा, से जहानामए-जलोया सिया उदगंसि कायं उच्चिहिय २ गच्छेज्जा, एवामेव सेसं जहा वग्गुलीए, से जहाणामए-वीयंवीयगसउणे सिया दोवि पाए समत्तुरंगेमाणे २ गच्छेज्जा, एवामेव अणगारे सेसं तं चेव, से जहाणामए-पक्खिविरालए सिया रुक्खाओ रुक्खं डेवेमाणे गच्छेज्जा, एवामेव अणगारे सेसं तं चेव से जहानामए-जीवंजीवगसउणे सिया दोवि पाए समत्तुरंगेमाणे २ गच्छेज्जा, एवामेव अणगारे सेसं तं चेव, से जहाणामए-हंसे सिया तीराओ तीरं अभिरममाणे २ गच्छेज्जा, एवामेव अणगारे हंसकिच्चगएणं अप्पाणेणं सेसं तं चेव, से जहानामए-समुद्दवायमए सिया वीइओ वीइं डेवेमाणे गच्छेज्जा, एवामेव तहेव, से जहानामए-केइ पुरिसे च्छं गहाय गच्छेज्जा, एवामेव अणगारेवि भावियप्पा च्छंकिच्चहत्थगएणं अप्पाणेणं सेसं जहा केयाघडियाए, एवं छत्तां, एवं चामरं, से जहानामए-केइ पुरिसे रयणं गहाय गच्छेज्जा, एवं चेव, एवं वइरं वेदलियं जाव रिद्धं, एवं उप्पलहत्थणं पउमहत्थणं कुमुदहत्थणं, एवं जाव से जहानामए-केइ पुरिसे सहस्सपत्तां

गहाय गच्छेज्जा, एवं चैव, से जहानामए-केइ पुरिसे भिसं अक्खलिय २ गच्छेज्जा, एवामेव अणगारेवि भिसक्खिग्गएणं अप्पाणेणं तं चैव, से जहानामए-मुणालिया सिया उदगंसि कायं उम्मज्जिय २ विट्ठिज्जा, एवामेव सेसं जहा वग्गुलीए, से जहानामए-वण(खं)संवे सिया किण्हे किण्होभासे जाव निकुसंभूए पासावीए ४, एवामेव अणगारेवि भावियप्पा वगसंडक्खिग्गएणं अप्पाणेणं उण्णं वेहासं उप्पएज्जा, सेसं तं चैव, से जहानामए-पुक्खरिणी सिया चउक्कोणा समतीरा अणुपुव्वसुजाय जावसहु-अइयमहुरसरणाइया पासाइया ४, एवामेव अणगारेवि भावियप्पा पोक्खरिणीक्खिग्गएणं अप्पाणेणं उण्णं वेहासं उप्पएज्जा २ हंता उप्पएज्जा, अणगारे णं भंते ! भावियप्पा केवइयाईं पभू पोक्खरिणीक्खिग्गयाईं रुवाईं विउव्विप्पाए, सेसं तं चैव जाव विउव्वस्सति वा । से भंते ! किं माईं विउव्वइ अमाईं विउव्वइ ? गोयमा ! माईं विउव्वइ नो अमाईं विउव्वइ, माईं णं तस्म ठाणस्स अणालोइय० एवं जहा तइयसए चउत्थुहेसए जाव अत्थि तस्म आराहणा । सेवं भंते ! सेवं भंते ! ति जाव विहरइ ॥ ४९७ ॥ तेरहमे सए नवमो उहेसो समत्तो ॥

कइ णं भंते ! छाउमत्थियसमुग्घाया पत्तना ? गोयमा ! छ छाउमत्थिया समुग्घाया पत्तना, तंजहा-वेयणासमुग्घाए एवं छाउमत्थियसमुग्घाया नेयव्वा जहा पत्तवणाए जाव आहारगसमुग्घाएत्ति । सेवं भंते ! सेवं भंते ! ति जाव विहरइ ॥ ४९८ ॥ तेरहमे सए दसमो उहेसो समत्तो, तेरसमं सयं समत्तं ॥

चर १ उम्माय २ सरिरे ३ पोग्गल ४ अगणी ५ तथा किमाहारे ६ । संसिहु ७ भंतेर खल ८ अणगारे ९ केवली चैव १० ॥ १ ॥ रायगिहे जाव एवं वयासी-अणगारे णं भंते ! भावियप्पा चरमं देवावासं वीइक्कंते परमं देवावासमसंपत्ते एत्थ णं अंतरा कालं करेज्जा, तस्स णं भंते ! कहिं गईं कहिं उववाए पत्तते ? गोयमा ! जे से तत्थ परि(य)स्सओ तक्केसा देवावासा तहिं तस्स गईं तहिं तस्स उववाए पत्तते, से य तत्थगए विराहेज्जा कम्मलेस्सामेव पडि(म)वडइ, से य तत्थ गए नो विराहेज्जा तामेव लेस्सं उवसंपज्जिताणं विहरइ ॥ अणगारे णं भंते ! भावियप्पा चरमं अट्टरकुमारा-वासं वीइक्कंते परमं अट्टरकुमारा० एवं चैव, एवं जाव थणियकुमारावासं जोइसिया-वासं, एवं वेमाणियावासं जाव विहरइ ॥ ४९९ ॥ नेरइयाणं भंते ! कइं सीहा गईं कइं सीहे गइविसए पण्णते ? गोयमा ! से जहानामए-केइ पुरिसे तरुणे बत्तवं जुगवं जाव निउणसिप्पोवगए आउंटियं बाहं पसारेज्जा पसासिवं वा बाहं आउंटेज्जा, विविस्सणं वा मुट्ठिं साहरेज्जा साहरिमं वा मुट्ठिं विविस्सरेज्जा, उम्मिसियं वा अत्थि निम्मिसेज्जा निम्मिसियं वा अत्थि उम्मिसेज्जा, भवे एयाक्खे ? णो इण्णे

समष्टे, नेरइया णं एगसमएण वा दुसमएण वा तिसमएण वा विग्गहेण उव्वञ्जंति, नेरइयाणं गोयमा । तथा सीहा गई तथा सीहे गइक्सिए पण्णत्ते, एवं जाव वेमाणियाणं, नवरं एगिदियाणं चउसमइए विग्गहे भाणियव्वे, सेसं तं चेव ॥ ५०० ॥ नेरइया णं भंते । किं अणंतरोव्वज्जगा परंपरोव्वज्जगा अणंतरपरंपरअणुव्वज्जगा ? गोयमा । नेरइया णं अणंतरोव्वज्जगावि परंपरोव्वज्जगावि अणंतरपरंपरअणुव्वज्जगावि, से केणट्टेणं भंते । एवं तुच्चइ जाव अणंतरपरंपरअणुव्वज्जगावि ? गोयमा । जे णं नेरइया पुडमसमयोव्वज्जगा ते णं नेरइया अणंतरोव्वज्जगा, जे णं नेरइया अपडमसमयोव्वज्जगा ते णं नेरइया परंपरोव्वज्जगा, जे णं नेरइया विग्गहगइसमाव्वज्जगा ते णं नेरइया अणंतरपरंपरअणुव्वज्जगा, से तेणट्टेणं जाव अणुव्वज्जगावि, एवं निरंतरं जाव वेमाणिया १ । अणंतरोव्वज्जगा णं भंते ! नेरइया किं नेरइयाउयं पकरेंति, तिरिक्खं० मणुस्सं० देवाउयं पकरेंति ! गोयमा । नो नेरइयाउयं पकरेंति जाव नो देवाउयं पकरेंति । परंपरोव्वज्जगा णं भंते ! नेरइया किं नेरइयाउयं पकरेंति जाव देवाउयं पकरेंति ? गोयमा । नो नेरइयाउयं पकरेंति, तिरिक्खजोणियाउयं पकरेंति, मणुस्साउयंपि पकरेंति, नो देवाउयं पकरेंति । अणंतरपरंपरअणुव्वज्जगा णं भंते ! नेरइया किं नेरइयाउयं पकरेंति पुच्छा, गोयमा । नो नेरइयाउयं पकरेंति जाव नो देवाउयं पकरेन्ति, एवं जाव वेमाणियाणं, नवरं पंचिदियतिरिक्खजोणिया मणुस्सा य परंपरोव्वज्जगा चत्तारिवि आउयाइं पकरें(बंधं)ति, सेसं तं चेव २ ॥ नेरइया णं भंते । किं अणंतरनिग्गया परंपरनिग्गया अणंतरपरंपरअणिग्गया ? गोयमा । नेरइया णं अणंतरनिग्गयावि जाव अणंतरपरंपरअणिग्गयावि, से केणट्टेणं भंते ! जाव अणिग्गयावि ? गोयमा । जे णं नेरइया पडमसमयणिग्गया ते णं नेरइया अणंतरनिग्गया, जे णं नेरइया अपडमसमयणिग्गया ते णं नेरइया परंपरनिग्गया, जे णं नेरइया विग्गहगइसमाव्वज्जगा ते णं नेरइया अणंतरपरंपरअणिग्गया, से तेणट्टेणं गोयमा । जाव अणिग्गयावि, एवं जाव वेमाणिया ३ ॥ अणंतरनिग्गया णं भंते ! नेरइया किं नेरइयाउयं पकरेंति जाव देवाउयं पकरेंति ? गोयमा । नो नेरइयाउयं पकरेंति जाव नो देवाउयं पकरेंति । परंपरनिग्गया णं भंते । नेरइया किं नेरइयाउयं० पुच्छा, गोयमा । नेरइयाउयंपि पकरेंति जाव देवाउयंपि पकरेंति । अणंतरपरंपरअणिग्गया णं भंते ! नेरइया पुच्छा, गोयमा । नो नेरइयाउयं पकरेंति जाव नो देवाउयं पकरेंति, एवं निरवसेसं जाव वेमाणिया ४ ॥ नेरइया णं भंते । किं अणंतरखेदोव्वज्जगा परंपरखेदोव्वज्जगा अणंतरपरंपरखेदाणुव्वज्जगा ? गोयमा । नेरइया० एवं एएणं अभिन्नावेणं तं चेव चत्तारि दंडगा भाणियव्वहा । सेवं भंते ! सेवं भंते । ति जाव विहरइ ॥ ५०१ ॥ खोइसमसयस्स पडमो उइसो समत्तो ॥

कहविहे णं भंते ! उम्माए पण्णत्ते ? गोयमा ! दुविहे उम्माए पण्णत्ते, तंजहा-जक्खावेसे य मोहणिज्जस्स य कम्मस्स उदएणं, तत्थ णं जे से जक्खावेसे से णं सुहवेयणतराए चेव सुहविमोयणतराए चेव, तत्थ णं जे से मोहणिज्जस्स कम्मस्स उदएणं से णं दुहवेयणतराए चेव दुहविमोयणतराए चेव ॥ नेरइयाणं भंते ! कहविहे उम्माए पण्णत्ते ? गोयमा ! दुविहे उम्माए पण्णत्ते, तंजहा-जक्खावेसे य मोहणिज्जस्स य कम्मस्स उदएणं, से केणट्ठेणं भंते ! एवं वुच्चइ नेरइयाणं दुविहे उम्माए पण्णत्ते, तंजहा-जक्खावेसे य मोहणिज्जस्स कम्मस्स उदएणं ? गोयमा ! देवे वा से असुभे पोगगळे पक्खिवेजा, से णं तेसि असुभाणं पोगगलाणं पक्खिवणयाए जक्खावेसं उम्मायं पाउणेजा, मोहणिज्जस्स वा कम्मस्स उदएणं मोहणिज्जं उम्मायं पाउणेजा, से तेणट्ठेणं जाव उदएणं । असुरकुमाराणं भंते ! कहविहे उम्माए पण्णत्ते ? एवं जहेव नेरइयाणं नवरं देवे वा से महिच्चियतराए चेव असुभे पोगगळे पक्खिवेजा, से णं तेसि असुभाणं पोगगलाणं पक्खिवणयाए जक्खा(ए)वेसं उम्मायं पाउणेजा, मोहणिज्जस्स वा सेसं तं चेव, से तेणट्ठेणं जाव उदएणं, एवं जाव थणियकुमाराणं, पुढविकाइयाणं जाव मणुस्साणं एएसिं जहा नेरइयाणं, वाणमंतरजोइसियवेमाणियाणं जहा असुरकुमाराणं ॥ ५०२ ॥ अत्थि णं भंते ! पज्जे काल्वासी बुद्धिकार्यं पकरेइ ? हंता अत्थि ॥ जाहे णं भंते ! सक्के देविदे देवराया बुद्धिकार्यं काउंकाभे भवइ से कहमियाणि पकरेइ ? गोयमा ! ताहे चेव णं से सक्के देविदे देवराया अत्थिभतरपरि(सा)सए देवे सहावेइ, तए णं ते अत्थिभतरपरि-सगा देवा सहाविया समाणा मज्झिमपरिसए देवे सहावेति, तए णं ते मज्झिमपरिसगा देवा सहाविया समाणा बाहिरंपरिसए देवे सहावेति, तए णं ते बाहिरपरि-सगा देवा सहाविया समाणा बाहिरंबाहिरगा देवा सहावेति, तए णं ते बाहिरबाहिरगा देवा सहाविया समाणा आभिओणिए देवे सहावेति, तए णं ते जाव सहाविया समाणा बुद्धिकाइए देवे सहावेति, तए णं ते बुद्धिकाइया देवा सहाविया समाणा बुद्धिकार्यं पकरेति, एवं खल्ल गोयमा ! सक्के देविदे देवराया बुद्धिकार्यं पकरेइ ॥ अत्थि णं भंते ! असुरकुमारावि देवा बुद्धिकार्यं पकरेति ? हंता अत्थि, किं पत्तियत्तं भंते ! असुरकुमारा देवा बुद्धिकार्यं पकरेति ? गोयमा ! जे इमे अरहंता भगवता एएसिं णं जम्मणमहिमासु वा, निक्खम्मणमहिमासु वा, णाणुप्पावमहिमासु वा, परिनिब्बाणमहिमासु वा, एवं खल्ल गोयमा ! असुरकुमारावि देवा बुद्धिकार्यं पकरेति, एवं नागकुमारावि, एवं जाव थणियकुमारा, वाणमंतरजोइसियवेमाणिया एवं चेव ॥ ५०३ ॥ जाहे णं भंते ! ईसाणे देविदे देवराया तयुच्चार्यं काउंकाभे भवइ से

कहमियाणिं पकरेइ ? गोयमा ! ताहे च्चैव णं से ईसाणे देविदे देवराया अम्भित-
रपरिए देवे सहावेइ, तए णं ते अम्भितरपरिसगा देवा सहाविया समाणा एवं
जहेव सकस्स जाव तए णं ते आभिओगिया देवा सहाविया समाणा तमुक्काइए
देवे सहावेति, तए णं ते तमुक्काइया देवा सहाविया समाणा तमुक्कायं पकरेति,
एवं खलु गोयमा ! ईसाणे देविदे देवराया तमुक्कायं पकरेइ ॥ अत्थि णं भंते !
असुरकुमारावि देवा तमुक्कायं पकरेति ! हुंता अत्थि । किं पत्तियञ्चं भंते ! असुर-
कुमारा देवा तमुक्कायं पकरेति ? गोयमा ! किङ्गारइपत्तियं वा पडिणीयविमोहणद्वयाए
वा गुत्तीसरक्खणहेउं वा अप्पणे वा सरीरपच्छायणद्वयाए, एवं खलु गोयमा !
असुरकुमारावि देवा तमुक्कायं पकरेति, एवं जाव वेमाणिया । सेवं भंते ' २ ति
जाव विहरइ ॥ ५०४ ॥ **चोइसमसयस्स बीओ उहेसो समत्तो ॥**

देवे णं भंते ! महाकाए महासरीरे अणगारस्स भावियप्पणे मज्झमज्जेणं
वीईवएजा ! गोयमा ! अत्येगइए वीईवएजा अत्येगइए नो वीईवएजा, से केणद्वेणं
भंते ! एवं वुच्चइ अत्येगइए वीईवएजा अत्येगइए नो वीईवएजा ? गोयमा ! देवा
दुविहा पणत्ता, तंजहा-माइमिच्छादिट्ठिउववज्जा य अमाइसम्मदिट्ठिउववज्जा य,
तत्थ णं जे से माइमिच्छदिट्ठिउववज्जाए देवे से णं अणगारं भावियप्पणं पासइ २
त्ता नो वंदइ नो नमंसइ नो सक्कारेइ नो सम्माणेइ नो कळ्ळणं मंगलं देवयं जाव पज्ज-
वासइ, से णं अणगारस्स भावियप्पणे मज्झमज्जेणं वीईवएजा, तत्थ णं जे से अमाइ
सम्मदिट्ठिउववज्जाए देवे से णं अणगारं भावियप्पणं पासइ पासित्ता वंदइ नमंसइ
जाव पज्जुवामइ, से णं अणगारस्स भावियप्पणे मज्झमज्जेणं नो वीईवएजा, से
तेणद्वेणं गोयमा ! एवं वुच्चइ जाव नो वीईवएजा । असुरकुमारे णं भंते ! महाकाए
महासरीरे एवं च्चैव, एवं देवदंडओ भाणियव्वो जाव वेमाणिए ॥ ५०५ ॥ अत्थि
णं भंते । नेरइयाणं सक्कारेइ वा सम्माणेइ वा किडक्कमेइ वा अम्भुद्धानेइ वा अज-
लिपग्गहेइ वा आसणाभिग्गहेइ वा आसणाणुप्पदाणेइ वा इंतस्स पञ्चुगच्छणया
ठियस्स पज्जुवामणया गच्छंतस्स पडिसंसाहणया ? नो इणद्वे समद्वे । अत्थि णं
भंते ! असुरकुमाराणं सक्कारेइ वा सम्माणेइ वा जाव पडिसंसाहणया ? हुंता
अत्थि, एवं जाव बणियकुमाराणं, पुटविकाइयाणं जाव चउरिंदियाणं एएंसि जहा
नेरइयाणं, अत्थि णं भंते ! पंचिंदियतिरिक्खज्जोणियाणं सक्कारेइ वा जाव पडिसं-
साहणया ? हुंता अत्थि, नो च्चैव णं आसणाभिग्गहेइ वा आसणाणुप्पदाणेइ वा,
मणुस्साणं जाव वेमाणियाणं जहा असुरकुमाराणं ॥ ५०६ ॥ अप्पिट्ठिए णं भंते !
देवे महिष्ठियस्स देवस्स मज्झमज्जेणं वीईवएजा ! नो इणद्वे समद्वे, समिष्ठिए

णं भंते । देवे समिद्धियस्स देवस्स मज्झंमज्झेण वीईवएज्जा ? णो इण्टे समट्ठे, पमत्तं पुण वीईवएज्जा, से णं भंते । किं सत्येणं अक्कमिक्का पभू अणक्कमिक्का पभू ? गोयमा । अक्कमिक्का पभू नो अणक्कमिक्का पभू, से णं भंते । किं पुब्बि सत्येणं अक्कमिक्का पच्छा वीईवएज्जा, पुब्बि वीईवएज्जा पच्छा सत्येणं अक्कमेज्जा ? एवं एएणं अभिलावेणं जहा दसमसए आइड्ढिउहेसए तहेव निरवसेसं चत्तारि दंडगा भाणियव्वा जाव महिद्धिया वेमाणिणी अप्पिद्धियाए वेमाणिणीए ॥ ५०७ ॥ रयणप्पभापुडविनेरइया णं भंते ! केरिसयं पोग्गलपरिणामं पच्चणुंभवमाणा विहरंति ? गोयमा । अणिट्ठं जाव अमणामं, एवं जाव अहेसत्तमापुडविनेरइया, एवं वेयणापरिणामं, एवं जहा जीवाभिगमे बिइए नेरइयउहेसए जाव अहेसत्तमापुडविनेरइया णं भंते ! केरिसयं परिग्गहनत्तापरिणामं पच्चणुंभवमाणा विहरंति ? गोयमा ! अणिट्ठं जाव अमणामं । सेवं भंते ! २ ति ॥ ५०८ ॥ **चोइसमसयस्स तहवो उहेसो समसो ॥**

एम णं भंते । पोग्गले तीतमणं सासयं समयं लुक्खी समयं अलुक्खी समयं लुक्खी वा अलुक्खी वा, पुब्बि च णं करणेणं अणेगवन्नं अणेगरूतं परिणामं परिणमइ, अह से परिणामे निज्जिंजे भवइ तओ पच्छा एगवन्ने एगरूवे सिया ? हंता गोयमा । एस णं पोग्गले तीतं तं चेव जाव एगरूवे सिया ॥ एस णं भंते ! पोग्गले पडुप्पन्नं सासयं समयं ? एवं चेव, एवं अणागयमणंतंपि ॥ एस णं भंते ! म्बे नीतमणंतं ? एवं चेव, खंधेवि जहा पोग्गले ॥ ५०९ ॥ एम णं भंते ! जीवे तीतमणंतं सासयं समयं दुक्खी समयं अदुक्खी समयं दुक्खी वा अदुक्खी वा, पुब्बि च णं करणेणं अणेगभावं अणेगभूयं परिणामं परिणमइ, अह से वेयणिजे निज्जिंजे भवइ तओ पच्छा एगभावे एगभूए सिया ? हंता गोयमा । एस णं जीवे जाव एगभूए सिया, एवं पडुप्पन्नं सासयं समयं, एवं अणागयमणंतं सासयं समयं ॥ ५१० ॥ परमाणुपोग्गले णं भंते ! किं सासए असासए ? गोयमा ! सिय सासए सिय असासए, से केणट्ठेणं भंते ! एवं बुब्बइ सिय सासए सिय असासए ? गोयमा ! दव्वड्डयाए सासए, वन्नपज्जवेहिं जाव फासपज्जवेहिं असासए, से तेणट्ठेणं जाव सिय सासए सिय असासए ॥ ५११ ॥ परमाणुपोग्गले णं भंते ! किं चरिमे अचरिमे ? गोयमा ! दव्वादेसेणं नो चरिमे अचरिमे, खेत्तादेसेणं सिय चरिमे सिय अचरिमे, कालादेसेणं सिय चरिमे सिय अचरिमे, भावादेसेणं सिय चरिमे सिय अचरिमे ॥ ५१२ ॥ कइविहे णं भंते ! परिणामे पण्णत्ते ? गोयमा । बुब्बिहे परिणामे पण्णत्ते, तंजहा-जीवपरिणामे य अजीवपरिणामे य, एवं परिवामपवं निरवसेसं भाणियव्वं । सेवं भंते ! २ ति जाव विहरइ ॥ ५१३ ॥ **चोइसमस-यस्स खउत्थो उहेसो समसो ॥**

नेरइए णं भंते ! अगणिकायस्स मज्झमज्जेणं वीईवएज्जा ? गोयमा ! अत्येगइए वीईवएज्जा अत्येगइए नो वीईवएज्जा, से केणट्टेणं भंते ! एवं बुब्बइ अत्येगइए वीईवएज्जा अत्येगइए नो वीईवएज्जा ? गोयमा ! नेरइया दुविहा पण्णत्ता, तंजहा-विग्गहइसमावन्नगा य अविग्गहइसमावन्नगा य, तत्थ णं जे से विग्गहइसमावन्नए नेरइए से णं अगणिकायस्स मज्झमज्जेणं वीईवएज्जा, से णं तत्थ झियाएज्जा ! णो इणट्टे समट्टे, नो खलु तत्थ सत्थं कमइ, तत्थ णं जे से अविग्गहइसमावन्नए नेरइए से णं अगणिकायस्स मज्झमज्जेणं वीईवएज्जा, से तेणट्टेणं जाव नो वीईवएज्जा ॥ अमुरकुमारे णं भंते ! अगणिकायस्स० पुच्छा, गोयमा ! अत्येगइए वीईवएज्जा अत्येगइए नो वीईवएज्जा से केणट्टेणं जाव नो वीईवएज्जा ! गोयमा ! अमुरकुमारा दुविहा पण्णत्ता, तंजहा-विग्गहइसमावन्नगा य अविग्गहइसमावन्नगा य, तत्थ णं जे से विग्गहइसमावन्नए अमुरकुमारे मे णं एवं जहेव नेरइए जाव कमइ, तत्थ णं जे से अविग्गहइसमावन्नए अमुरकुमारे से णं अत्येगइए अगणिकायस्स मज्झमज्जेणं वीईवएज्जा, अत्येगइए नो वीईवएज्जा, जे णं वीईवएज्जा से णं तत्थ झियाएज्जा ? नो इणट्टे समट्टे, नो खलु तत्थ सत्थं कमइ, से तेणट्टेणं एवं जाव थणियकुमारे, एगिदिया जहा नेरइया । बेईदिए णं भंते ! अगणिकायस्स मज्झमज्जेणं जहा अमुरकुमारे तहा बेईदिएवि, नवरं जे णं वीईवएज्जा से णं तत्थ झियाएज्जा ! इंता झियाएज्जा, सेसं तं नेव एवं जाव चउरिदिए ॥ पंचिदियतिरिक्खजोणिए णं भंते ! अगणिकाय० पुच्छा, गोयमा ! अत्येगइए वीईवएज्जा अत्येगइए नो वीईवएज्जा, से केणट्टेणं० ? गोयमा ! पंचिदियतिरिक्खजोणिया दुविहा पण्णत्ता, तंजहा-विग्गहइसमावन्नगा य अविग्गहइसमावन्नगा य, विग्गहइसमावन्नए जहेव नेरइए जाव नो खलु तत्थ सत्थं कमइ, अविग्गहइसमावन्नगा पंचिदियतिरिक्खजोणिया दुविहा पण्णत्ता, तंजहा-इत्थिप्पत्ता य अणित्थिप्पत्ता य, तत्थ णं जे से इत्थिप्पत्ते पंचिदियतिरिक्खजोणिए से णं अत्येगइए अगणिकायस्स मज्झमज्जेणं वीईवएज्जा अत्येगइए नो वीईवएज्जा, जे णं वीईवएज्जा से णं तत्थ झियाएज्जा ! नो इणट्टे समट्टे, नो खलु तत्थ सत्थं कमइ, तत्थ णं जे से अणित्थिप्पत्ते पंचिदियतिरिक्खजोणिए से णं अत्येगइए अगणिकायस्स मज्झमज्जेणं वीईवएज्जा अत्येगइए नो वीईवएज्जा, जे णं वीईवएज्जा से णं तत्थ झियाएज्जा ? इंता झियाएज्जा, से तेणट्टेणं जाव नो वीईव- (झिया)एज्जा, एवं मणुस्सेवि, बाणभंत्तरजेइस्सियवेमाणिए जहा अमुरकुमारे ॥५१४॥ नेरइया दस ठाणाई पक्खुन्भवमाणा विहरंति, तंजहा-अणित्थि सहा अणित्थि क्खा

अणिद्धा गंधा अणिद्धा रसा अणिद्धा फासा अणिद्धा गई अणिद्धा ठिई अणिद्धे लायचे
 अणिद्धे असोकिती अणिद्धे उद्वाणकम्मबलवीरियपुरिसकारपरकमे । असुरकुमारा
 दस ठाणाई पञ्चणुब्भवमाणा विहरंति, तंजहा-इद्धा सदा इद्धा रूवा जाव इद्धे
 उद्वाणकम्मबलवीरियपुरिमकारपरकमे, एवं जाव यणियकुमारा ॥ पुढविकाइया
 छद्वाणाई पञ्चणुब्भवमाणा विहरंति, तं०-इद्धाणिद्धा फासा इद्धाणिद्धा गई एवं जाव
 परकमे, एवं जाव वणस्सइकाइया । बेईदिया सक्कणाणाई पञ्चणुब्भवमाणा विहरंति,
 तंजहा-इद्धाणिद्धा रसा सेसं जहा एगिदियाणं, तेईदिया णं अट्टद्वाणाई पञ्चणुब्भव-
 माणा विहरंति, तं०-इद्धाणिद्धा गंधा सेसं जहा बेईदियाणं, चउरिंदिया णं नवद्वाणाई
 पञ्चणुब्भवमाणा विहरंति, तं०-इद्धाणिद्धा रूवा सेसं जहा तेईदियाणं, पंचिदियतिरि-
 क्खजोणिया दम ठाणाई पञ्चणुब्भवमाणा विहरंति, तंजहा-इद्धाणिद्धा महा जाव
 परकमे, एवं मणुस्सावि, वाणमेतरजोइस्सियवेमाणिया जहा असुरकुमारा ॥ ५१५ ॥
 देवे णं भंते ! महिक्खिए जाव महेसक्खे बाहिरए पोगगले अपरियाइत्ता पभू
 तिरियपव्वयं वा तिरियभित्ति वा उद्धेत्तए वा पल्लेत्तए वा ? गोयमा ! णो इण्ठे
 समट्ठे । देवं णं भंते ! महिक्खिए जाव महेसक्खे बाहिरए पोगगले परियाइत्ता
 पभू तिरिय जाव पल्लेत्तए वा ? इत्ता पभू । सेवं भंते ! सेवं भंते ! सि ॥ ५१६ ॥
चोइस्समे सए पञ्चमो उइसो समत्तो ॥

रायगिहे जाव एवं वयासी-नेरइया णं भंते ! किमाहारा किंपरिणामा किजो-
 णिया किंठिइया पण्णत्ता ? गोयमा ! नेरइया णं पोगगलाहारा पोगगलपरिणामा
 पोगगलजोणिया पोगगलट्ठिइया कम्मोवगा कम्मनियाणा कम्मट्ठिइया कम्मणा(चं)मेव
 विप्परियासमेति, एवं जाव वेमाणिया ॥५१७॥ नेरइया णं भंते ! किं वीचिदब्बाई
 आहारंति अवीचिदब्बाई आहारंति ? गोयमा ! नेरइया वीचिदब्बाईपि आहारंति
 अवीचिदब्बाईपि आहारंति, से केणट्ठेणं भंते ! एवं बुच्चइ नेरइया वीचि० तं चेव
 जाव आहारंति ? गोयमा ! जे णं नेरइया एगपएमूणाईपि दब्बाई आहारंति ते णं
 नेरइया वीचिदब्बाई आहारंति, जे णं नेरइया पडिपुत्ताई दब्बाई आहारंति ते णं
 नेरइया अवीचिदब्बाई आहारंति, से तेणट्ठेणं गोयमा ! एवं बुच्चइ जाव आहारंति,
 एवं जाव वेमाणिया आहारंति ॥ ५१८ ॥ जाहे णं भंते ! सक्खे देविदे देवराया
 दिब्बाई भोगभोगाई भुंजिउंकांमे भवइ से कइमियाणि पकरेइ ? गोयमा ! ताहे
 चेव णं से सक्खे देविदे देवराया एणं महं नेमिपडिस्सगं विउब्बइ, एणं जोयणसव-
 सहस्सं णायामविकल्हेणं तिणि जोयणसयसहस्साई जाव अइंगुलं च किंचिचिसे-
 साहियं परिकल्हेणं, तस्स णं नेमिपडिस्सगं उबारिं बहुसमरमणिजे भूमिभागे पञ्चते

जाव मणीणं फासे, तस्स णं नेभिपडिरूवगस्स बहुमज्झदेसभागे तत्थ णं महं एणं
 पासायवडिसगं विउव्वड पंच जोयणसयाई उच्चं उच्चतेणं, अण्णाइजाई जोयणसयाई
 विक्खंभेणं, अब्भुगयमूसियवन्नओ जाव पडिरूवं, तस्स णं पासायवडिसगस्स उच्चोए
 पउमलयभत्तिवित्ते जाव पडिरूवे, तस्स णं पासायवडिसगस्स अंतो बहुसमरमणिजे
 भूमिभाए जाव मणीणं फासो, मणिपेडिया अट्टजोयणिया जहा वेमाणियाणं, नीसे णं
 मणिपेडियाए उवरिं महं एगे देवसयणिजे विउव्वड सयणिज्ववन्नओ जाव पडिरूवे,
 तत्थ णं मे मक्के देवदे देवराया अट्टहि अगमहिसीहिं सपरिवारहिं दोहि य
 अणिएहिं नं०—नट्टाणिणय य गंधव्वाणिणय य सद्धिं महयाइयनए जाव दिव्वाइं भोग-
 भोगाई भुंजमाणे विहरइ ॥ जाहे णं इमाणे देवदे देवराया दिव्वाइं जहा संक्के तहा
 ईसाणेवि निरवसेसं, एवं सणकुमारोवि, नवरं पामायवडिसओ छ जोयणसयाई उच्चं
 उच्चतेण तिञ्चि जोयणसयाई विक्खंभेणं, मणिपेडिया तहेव अट्टजोयणिया, नीसे
 णं मणिपेडियाए उवरिं एव णं महंगं सीहामणं विउव्वड सपरिवारं भाणियव्वं,
 तत्थ णं सणकुमारो देविदे देवराया बावत्तरीए सामाणियसाहस्सीहिं जाव चउहिं
 बावत्तरीहिं आयरक्खदेवमाहस्सीहिं य वट्टहिं सणकुमारकप्पवासीहिं वेमाणिएहिं
 देवेहिं य देवीहिं य सद्धिं सपरिवुडे महया जाव विहरइ । एवं जहा सणकुमारो
 तहा जाव पाणओ अच्चओ, नवरं जो जस्स परिवारो सो तम्म भाणियव्वो, पामा-
 यउच्चत्तं जं सएसु २ कप्पेसु विमाणणं उच्चत्तं अद्धदं वित्थारो जाव अब्भुयस्स
 नवजोयणसयाइ उच्चं उच्चतेणं अद्धपंचमाइं जोयणमयाइं विक्खंभेणं, तत्थ णं
 गोयमा ! अब्भुए देविदे देवराया दसहिं सामाणियसाहस्सीहिं जाव विहरइ, संवं
 भंते । २ ति ॥ ५१९ ॥ चोइसमे सए छट्ठो उइंसो समत्तो ॥

रायगिहे जाव परिसा पडिगया, गोयमाइ ममणे भगवं महावीरे भगवं गोयमं
 आमंतेता एवं वयासी—चिरसंतिट्ठोऽमि मे गोयमा । चिरसंधुओऽमि मे गोयमा !
 चिरपरिविओऽमि मे गोयमा । चिरजुमिओऽमि मे गोयमा ! चिराणुगओऽमि मे
 गोयमा ! चिराणुवत्तीमि मे गोयमा ! अणंतरं देवलोए अणंतरं माणुस्सए भवे किं
 परं मरणा कायस्स भेदा इओ चुया दोवि तुक्का एगट्ठा अक्खित्तममाणणा भवि-
 स्सामो ॥ ५.२० ॥ जहा णं भंते ! वयं एयमट्ठं जाणामो पासामो तहा णं अणुत्तरो-
 ववाइया देवावि एयमट्ठं जाणंति पासंति ? इता गोयमा ! जहा णं वयं एयमट्ठं
 जाणामो पासामो तहा णं अणुत्तरोववाइया देवावि एयमट्ठं जाणंति पासंति, से
 केणट्ठेणं जाव पासंति ? गोयमा ! अणुत्तरोववाइयाणं अणंताओ मणोदब्बवग्गणाओ
 रुद्धाओ पत्ताओ अभिसमजागयाओ भवंति, से तेणट्ठेणं गोयमा ! एवं बुब्बइ जाव

पासंति ॥ ५२१ ॥ कइविहे णं भंते । तुल्लए पण्णते ? गोयमा । छव्विहे तुल्लए पण्णते, तंजहा-दब्बतुल्लए, खेततुल्लए, कालतुल्लए, भवतुल्लए, भावतुल्लए, संठाणतुल्लए, से केणट्टेणं भंते । एवं बुच्चइ दब्बतुल्लए २ ? गोयमा । परमाणुपोगगळे परमाणुपोगगलस्स दब्बओ तुल्ले, परमाणुपोगगळे परमाणुपोगगलवइरित्तस्स दब्बओ णो तुल्ले, दुपएसिए खंधे दुपएसियस्स खंधस्स दब्बओ तुल्ले, दुपएसिए खंधे दुपएसियवइरित्तस्स खंधस्स दब्बओ णो तुल्ले, एवं जाव दसपएसिए, तुल्लसंखेजपएसिए खंधे तुल्लसंखेजपएसियस्स खंधस्स दब्बओ तुल्ले, तुल्लसंखेजपएसिए खंधे तुल्लसंखेजपएसियवइरित्तस्स खंधस्स दब्बओ णो तुल्ले, एवं तुल्लअसंखेजपएसिएवि, एवं तुल्लअर्णतपएसिएवि, से तेणट्टेणं गोयमा । एवं बुच्चइ दब्बतुल्लए । से केणट्टेणं भंते । एवं बुच्चइ खेततुल्लए २ ? गोयमा । एगपएसोगाढे पोगगळे एगपएसोगाडस्स पोगगलस्स खेतओ तुल्ले, एगपएसोगाढे पोगगळे एगपएसोगाडवइरित्तस्स पोगगलस्स खेतओ णो तुल्ले, एवं जाव दसपएसोगाढे, तुल्लसंखेजपएसोगाढेवि एवं चेव, एवं तुल्लअसंखेजपएसोगाढेवि, से तेणट्टेणं जाव खेततुल्लए । से केणट्टेणं भंते । एव बुच्चइ कालतुल्लए २ ? गोयमा । एगममयटि-ईए पोगगळे एगममयटिईयस्स पोगगलस्स कालओ तुल्ले, एगसमयटिईए पोगगळे एगममयटिईयवइरित्तस्स पोगगलस्स कालओ णो तुल्ले, एवं जाव दसमयटिईए, तुल्लसंखेजसमयटिईए एवं चेव, एवं तुल्लअसंखेजसमयटिईएवि, से तेणट्टेणं जाव काल-तुल्लए । से केणट्टेणं भंते । एवं बुच्चइ भवतुल्लए २ ? गोयमा । नेरइए नेरइयस्स भवद्वयाए तुल्ले, नेरइए नेरइयवइरित्तस्स भवद्वयाए नो तुल्ले, तिरिक्खओणिए एवं चेव, एवं मणु-स्सेवि, एवं देवेवि, से तेणट्टेणं जाव भवतुल्लए । से केणट्टेणं भंते । एवं बुच्चइ भावतुल्लए भावतुल्लए । गोयमा । एगगुणकालए पोगगळे एगगुणकालयस्स पोगगलस्स भावओ तुल्ले, एगगुणकालए पोगगळे एगगुणकालवइरित्तस्स पोगगलस्स भावओ णो तुल्ले, एवं जाव दसगुणकालए, एवं तुल्लसंखेजगुणकालए पोगगळे, एवं तुल्लअसंखेजगुणकालएवि, एवं तुल्लअर्णतगुणकालएवि, जहा कालए एवं नीनए लोहियए हालिहए सुक्खिए, एवं सुब्बिभगंधे, एवं बुब्बिभगंधे, एवं तिणे जाव महुरे, एवं कक्खडे जाव लक्खे, उदइए भावे उदइयस्स भावस्स भावओ तुल्ले, उदइए भावे उदइयभाववइरित्तस्स भावस्स भावओ नो तुल्ले, एवं उवसमिएवि, खइए० खओवसमिए० पारिणामिए० संनिचाइए भावे संनिचाइयस्स भावस्स, से तेणट्टेणं गोयमा । एवं बुच्चइ भावतुल्लए २ । से केणट्टेणं भंते । एवं बुच्चइ संठाणतुल्लए २ ? गोयमा । परिमंडले संठाणे परिमंडलस्स संठाणस्स संठाणओ तुल्ले, परिमंडलसंठाणे परिमंडलसंठाणवइरित्तस्स संठाणस्स संठाणओ षो तुल्ले, एवं बट्टे तंसे चउरंसे जावए, समचउरंसंठाणे सम-

चउरंसस्स संठाणस्स संठाणओ तुल्ले, समचउरंसे संठाणे समचउरंससंठाणवइरितस्स संठाणस्स संठाणओ नो तुल्ले, एवं परिमंडळे, एवं जाव हुंढे, से तेणट्टेणं जाव संठाणतुल्लए २ ॥ ५२२ ॥ भत्तपञ्चक्खायए णं भंते । अणगारे मुच्छिए जाव अज्जोववञ्जे आहारमाहारेइ अहे णं वीससाए कालं करेइ तओ पच्छा अमुच्छिए अगिद्धे जाव अणज्जोववञ्जे आहारमाहारेइ ? हुंता गोयमा ! भत्तपञ्चक्खायए णं अणगारे तं चेव, से केणट्टेणं भन्ते ! एवं बुच्चइ भत्तपञ्चक्खायए णं तं चेव, गोयमा ! भत्तपञ्चक्खायए णं अणगारे मुच्छिए जाव अज्जोववञ्जे आहारे भवइ, अहे णं वीससाए कालं करेइ तओ पच्छा अमुच्छिए जाव आहारे भवइ, से तेणट्टेणं गोयमा । जाव आहारमाहारेइ ॥ ५२३ ॥ अत्थि णं भंते ! लवसत्तमा देवा २ ! हुंता अत्थि, से केणट्टेणं भन्ते ! एवं बुच्चइ लवसत्तमा देवा २ ! गोयमा । से जहानामए-केइ पुरिसे तरुणे जाव निउणसिप्पोवगाए सालीण वा वीहीण वा गोधूमाण वा जवाण वा जवजवाण वा प(पि)क्काणं परिआताणं हम्मियाणं हरियकंडाणं तिक्खेणं णवपज्जणएणं असिअएणं पडिसाहरिया २ पडिसखिविया २ जाव इणामेव (२) तिककुट्टु मत्तलवए लएज्जा, जइ णं गोयमा ! तेसि देवाणं एवइयं कालं आउए पहुप्पए तो णं तं देवा तेणं चेव भवइग्गहेणं सिज्जं(ता)ति जाव अंनं करेति, से तेणट्टेणं जाव लवसत्तमा देवा लवसत्तमा देवा ॥ ५२४ ॥ अत्थि णं भंते । अणुत्तरोववाइया देवा २ ? हुंता अत्थि, से केणट्टेणं भंते ! एवं बुच्चइ अणुत्तरोववाइया देवा २ ? गोयमा ! अणुत्तरोववाइयाणं देवाणं अणुत्तरा सद्दा अणुत्तरा क्वा जाव अणुत्तरा फासा, से तेणट्टेणं गोयमा । एवं बुच्चइ जाव अणुत्तरोववाइया देवा २ । अणुत्तरोववाइया णं भंते । देवा केवइएणं कम्मावसेमेणं अणुत्तरोववाइयदेवताए उववज्जा ? गोयमा । जावइयं छट्ठभत्तिए समणे निग्गये कम्मं निज्जेइ एवइएणं कम्मावसेमेणं अणुत्तरोववाइया देवा देवताए उववज्जा । मेवं भंते ! २ ति ॥ ५२५ ॥ चोइससे सए ससत्तमो उडेसो समत्तो ॥

इमीसे णं भंते । रयणप्पभाए पुटवीए सक्करप्पभाए य पुटवीए केवइयं अवाहाए अंतरे पण्णत्ते ? गोयमा । असंखेज्जाइ जोयणसइस्साइ अवाहाए अंतरे पण्णत्ते, सक्करप्पभागं णं भंते ! पुटवीए बाल्लयप्पभाए य पुटवीए केवइयं ० ! एवं चेव, एवं जाव तमाए अहेसत्तमाए य, अहेसत्तमाए णं भंते ! पुटवीए अलोगस्स य केवइयं अवाहाए अंतरे पण्णत्ते ? गोयमा । असंखेज्जाइ जोयणसइस्साइ अवाहाए अंतरे पण्णत्ते । इमीसे णं भंते ! रयणप्पभाए पुटवीए जोइसियस्स य केवइयं पुच्छा, गोयमा । सत्तनउए जोयणसए अवाहाए अंतरे पण्णत्ते, जोइसियस्स णं भंते ! सोहम्मिआणाय य कप्पार्णं केवइयं पुच्छा, गोयमा । असंखेज्जाइ जोयण जाव

अंतरे पण्णते, सोहम्मीसाणाणं भंते । सणंङ्गमारमाहिंदाणं य केवइयं० ? एवं चेव, सणंङ्गमारमाहिंदाणं भंते । बंभलोगस्स य कप्पस्स केवइयं० ? एवं चेव, बंभलोगस्स णं भंते । लंतगस्स य कप्पस्स केवइयं० ? एवं चेव, लंतगस्स णं भंते । महासुक्कस्स य कप्पस्स केवइयं० ? एवं चेव, एवं महासुक्कस्स य कप्पस्स सहस्सारस्स य, एवं सहस्सारस्स आणयपाणयकप्पाणं, एवं आणयपाणयाणं य कप्पाणं आरणबुयाणं य कप्पाणं, एवं आरणबुयाणं नेविज्जविमाणं य, एवं नेविज्जविमाणं अणुत्तरविमाणं य । अणुत्तरविमाणं भंते । ईसिप्पन्भाराए य पुठवीए केवइयं० पुच्छा, गोयमा ! दुवाल्सजोयणे अबाहाए अंतरे पण्णते, ईसिप्पन्भाराए णं भंते । पुठवीए अलोगस्स य केवइए अबाहाए० पुच्छा, गोयमा ! देसुणं जोयणं अबाहाए अंतरे पण्णते ॥ ५२६ ॥ एम णं भंते । सालस्सक्ये उण्हाभिहए तण्हाभिहए दवगिज्जालाभिहए काल्मासे कालं किच्चा कहिं गच्छिहिइ कहिं उववज्जिहिइ ? गोयमा ! इहेव रायगिहे नयरे सालस्सक्येणए पच्चायाहिइ, मे णं तत्थ अच्चियवंदियपूइयमक्कारियस्सम्माणे दिव्वे सच्चे मच्चोवाए सच्चिहियपाहिहेरे लाउल्लोइयमहिए यावि भविस्सइ, से णं भंते । तओहिंतो अणंतरं उव्वट्ठिता कहिं गमिहिइ कहिं उववज्जिहिइ ! गोयमा । महाविदेहे वासे सिज्जिहिइ जाव अंतं काहिइ ॥ एम णं भंते । साललट्ठिया उण्हाभिहया तण्हाभिहया दवगिज्जालाभिहया काल्मासे कालं किच्चा जाव कहिं उववज्जिहिइ ? गोयमा । इहेव जंबुदीवे २ भारहे वासे विन्सगिरिपायमूले महस्सरीए नयरीए सामल्लिकस्सणाए पच्चायाहिइ, सा णं तत्थ अच्चियवंदियपूइय जाव लाउल्लोइयमहिया यावि भविस्सइ, से णं भंते । तओहिंतो अणंतरं उव्वट्ठिता सेसं जहा सालस्सक्येण जाव अंतं काहिइ । एम णं भंते । उंबरलट्ठिया उण्हाभिहया ३ काल्मासे कालं किच्चा जाव कहिं उववज्जिहिइ ? गोयमा ! इहेव जंबुदीवे २ भारहे वासे पाडलिपुते नयरे पाडलिक्कस्सणाए पच्चायाहिइ, से णं तत्थ अच्चियवंदिय जाव भविस्सइ, से णं भंते । अणंतरं उव्वट्ठिता सेसं तं चेव जाव अंतं काहिइ ॥ ५२७ ॥ तेणं कालेणं तेणं समएणं अम्मडस्स परिब्बायगस्स सणं अंतं वासीसया गिम्हकालसमवसि एवं जहा उववाइए जाव आराहणा ॥ ५२८ ॥ बहुजणे णं भंते । अच्चयजस्स एवमाइक्खइ ४ एवं खलु अम्मडे परिब्बायगे कपिणपुरे नयरे घरसए एवं जहा उववाइए अम्मडस्स वत्तव्वया जाव दट्ठप्पइण्णो अंतं काहिइ ॥ ५२९ ॥ अत्थि णं भंते । अच्चावाहा देवा अच्चावाहा देवा ? इत्ता अत्थि, से केणट्ठेणं भंते । एवं बुवइ अच्चावाहा देवा २ ! गोयमा ! पभू वं एगमेणे अच्चावाहे देवे एगमेणस्स पुसिस्स एगमेवसि अच्चिपत्तंति दिव्वं

देविं विद्वं देवजुइं विद्वं देवापुभा(वं)गं विद्वं बशीसइविहं नद्विहिं उवदसेताए,
 णो चेव णं तस्स पुरिसस्स किंवि आबाहं वा वाबाहं वा उप्पाएइ छविच्छेदं
 वा करेइ, एसुहुमं च णं उवदसेज्जा, से तेणट्टेणं जाव अम्मावाहा देवा २ ॥५३०॥
 पभू णं भंते ! सञ्जे देविं देवराया पुरिसस्स षीसं सपाणिणा असिणा छिदिता
 कम्मडल्लुमि पक्खिविताए ? हंता पभू, से कहमिदाणि पकरेइ ? गोयमा ! छिदिया
 छिदिया च णं वा पक्खिवेज्जा, भिदिया भिदिया च णं वा पक्खिवेज्जा, कुट्टिया कुट्टिया
 च णं वा पक्खिवेज्जा, चुत्तिया चुत्तिया च णं वा पक्खिवेज्जा, तओ पच्छा खिप्पामेव
 पठिसंघाएज्जा, नो चेव णं तस्स पुरिसस्स किंवि आबाहं वा वाबाहं वा उप्पाएज्जा,
 छविच्छेदं पुण करेइ, एसुहुमं च णं पक्खिवेज्जा ॥५३१॥ अत्थि णं भंते ! जंभया
 देवा जंभया देवा ? हंता अत्थि, से केणट्टेणं भंते ! एवं बुच्चइ जंभया देवा
 जंभया देवा ? गोयमा ! जंभगा णं देवा निच्चं पसुइयपक्कीलिया कंदप्परइमोहण-
 षीला जे णं ते देवे कुट्टे पासेज्जा से णं पुरिसे महंतं अयसं पाउणिज्जा, जे णं ते
 देवे पुट्टे पासेज्जा से णं महंतं जसं पाउणेज्जा, से तेणट्टेणं गोयमा ! जंभगा देवा
 २ ॥ कइविहा णं भंते ! जंभगा देवा पण्णत्ता ? गोयमा ! दसविहा पण्णत्ता,
 तंजहा-अन्नजंभगा पाणजंभगा वत्थजंभगा णेणजंभगा सयणजंभगा पुण्णजंभगा
 फलजंभगा पुण्णफलजंभगा विज्जाजंभगा अवियत्तजंभगा, जंभगा णं भंते ! देवा
 कहिं वसहिं उवैति ? गोयमा ! सव्वेसु चेव वीहवेय्हेसु चित्तविचित्तजमगपव्वएसु
 कंचणपव्वएसु य एत्थ णं जंभगा देवा वसहिं उवैति ! जंभगाणं भंते ! देवाणं
 केवइयं कालं ठिइं पण्णत्ता ? गोयमा ! एणं पल्लिओवमं ठिइं पण्णत्ता । सेवं भंते ! सेवं
 भंते ! ति जाव विहरइ ॥ ५३२ ॥ **चोइसमे सए अट्टमो उइसो समत्तो ॥**

अणगारे णं भंते ! भावियप्पा अप्पणो कम्मत्तेस्सं न जाणइ न पासइ तं पुण
 जीवं सरूविं सकम्मत्तेस्सं जाणइ पासइ ? हंता गोयमा ! अणगारे णं भावियप्पा
 अप्पणो जाव पासइ ॥ अत्थि णं भंते ! सरू(वी)वि सकम्मत्तेस्सा पोग्गला ओभासेति
 ४ ? हंता अत्थि ॥ कयरे णं भंते ! सरूवी सकम्मत्तेस्सा पोग्गला ओभासेति जाव
 पभासेति ? गोयमा ! जाओ इमाओ चंदिमत्तुरियारं देवाणं विमाणेहिं तो त्तेस्साओ
 बहिया अभिनिस्सडाओ ताओ ओभासेति जाव पभासेति एवं एएणं गोयमा ! ते
 सरूवी सकम्मत्तेस्सा पोग्गला ओभासेति ४ ॥ ५३३ ॥ नेरइयाणं भंते ! किं अत्ता
 पोग्गला अणत्ता पोग्गला ? गोयमा ! नो अत्ता पोग्गला अणत्ता पोग्गला, असुरकुमारारणं
 भंते ! किं अत्ता पोग्गला अणत्ता पोग्गला ? गोयमा ! अत्ता पोग्गला णो अणत्ता
 पोग्गला, एवं जाव वणियकुमारारणं, पुढविआइयारं पुच्छा, गोयमा ! अत्तावि पोग्गला

अणत्तावि पोगगला, एवं जाव मणुस्साणं, बाणमंतरजोइसियवेमाणियाणं जहा अणु-
कुमारारणं, नेरइयाणं भंते ! किं इट्ठा पोगगला अणिट्ठा पोगगला ? गोयमा ! नो इट्ठा
पोगगला अणिट्ठा पोगगला, जहा अत्ता भणिया एवं इट्ठावि कंतावि पियावि मणुणावि
भाणियव्वा ए(वं)ए पंच दंडगा ॥ देवे णं भंते ! महिणिए जाव महेसकस्से स्वसहस्सं
विउच्चिता पभू भासासहस्सं भासिताए ? इंता पभू, सा णं भंते ! किं एगा भासा
भासासहस्सं ? गोयमा ! एगा णं सा भासा णो खलु तं भासासहस्सं ॥ ५३४ ॥
तेणं काळेणं तेणं समएणं भगवं गोयमे अचिन्नागयं नात्सुरियं जासुमणाकुसुमपुंजप्प-
गासं लोहितगं पासइ पासिता आयसव्वे जाव समुप्पजकोउहल्ले जेणेव समणे भगवं
महावीरे तेणेव उवागच्छइ २ ता जाव नमंसिता एवं वयासी-किमिदं भंते ! सूरिए
किमिदं भंते ! सूरियस्स अट्ठे ? गोयमा ! सुभे सूरिए सुभे सूरियस्स अट्ठे । किमिदं
भंते ! सूरिए किमिदं भंते ! सूरियस्स पभा ? एवं चेव, एवं छाया, एवं लेस्सा ॥ ५३५ ॥
जे इमे भंते ! अजत्ताए समणा निगंया विहरति एए णं कस्स ते(उ)यळेस्सं वीइ-
वयंति ? गोयमा ! मामपरियाए समणे निगंये वाणमंतराणं देवाणं तेयळेस्सं वीइवयइ,
दुमासपरियाए समणे निगंये अणुरिदवज्जियाणं भवणवासीणं देवाणं तेयळेस्सं वीइ-
वयइ, एवं एएणं अभिलावेणं तिमासपरियाए समणे निगंये अनुकुमारारणं देवाणं
तेयळेस्सं वीइवयइ, चउम्मासपरियाए समणे निगंये गहगणनकस्सत्तारात्त्वणं जोइ-
सियाणं देवाणं तेयळेस्सं वीइवयइ, पंचमासपरियाए समणे निगंये चंदिमभूरियाणं जोइ-
मिंदाणं जोइसरायाणं तेयळेस्सं वीइवयइ, छम्मासपरियाए समणे निगंये सोहम्मीसा-
णाणं देवाणं ० सत्तमासपरियाए ० सणंकुमारमाहिंदाणं देवाणं ० अट्ठमासपरियाए समणे
निगंये बंभलोगलंतगाणं देवाणं तेयळेस्सं वीइवयइ, नवमासपरियाए समणे निगंये
महासुक्कसहस्साराणं देवाणं तेयळेस्सं वीइवयइ, दसमासपरियाए समणे निगंये आणव-
पाणयआरण्णुयाणं देवाणं ० एक्कारसमासपरियाए समणे निगंये गेवेज्जाणं देवाणं ०
बारसमासपरियाए समणे निगंये अणुजरोववाइयाणं देवाणं तेयळेस्सं वीइवयइ, तेण
परं य्थे सुक्काभिजाए भविता तओ पच्छा सिण्णइ जाव अंतं करेइ । सेवं भंते ! सेवं
भंते ! ति जाव विहरइ ॥ ५३६ ॥ खोइस्समे सए नवमो उइस्सो समत्तो ॥

केवली णं भंते ! छउमत्थं जाणइ पासइ ? इंता जाणइ पासइ, जहा णं भंते !
केवली छउमत्थं जाणइ पासइ तथा णं सिद्धेवि छउमत्थं जाणइ पासइ ? इंता
जाणइ पासइ, केवली णं भंते ! आहोहिंयं जाणइ पासइ ? एवं चेव, एवं परमाहो-
हिंयं, एवं केवलि एवं सिद्धं जाव जहा णं भंते ! केवली सिद्धं जाणइ पासइ तथा
णं सिद्धेवि सिद्धं जाणइ पासइ ? इंता जाणइ पासइ । केवली णं भंते ! भासेअ वा

वाग्देव वा ? हुंता भासेज वा वाग्देव वा, जहा णं भंते ! केवली भासेज वा वाग्देव वा तथा णं सिद्धेवि भासेज वा वाग्देव वा ? णो इण्ठे समठ्ठे, से केण-
 ठ्ठेणं भंते ! एवं बुच्चइ जहा णं केवली भासेज वा वाग्देव वा णो तथा णं सिद्धे
 भासेज वा वाग्देव वा ? गोयमा ! केवली णं सउट्ठणे सकम्मे सबळे सवीरिए
 सपुरिसक्कारपरक्कमे, सिद्धे णं अणुट्ठणे जाव अपुरिसक्कारपरक्कमे, से तेण्ठेणं जाव नो
 वाग्देव वा, केवली णं भंते ! उम्मिसेज वा निम्मिसेज वा ? हुंता गोयमा ! उम्मि-
 सेज वा निम्मिसेज वा एवं चेव, एवं आउट्ठेज वा पसारेज वा, एवं ठाणं वा सेजं
 वा निसीहियं वा चेएज्जा, केवली णं भंते ! इमं रयणप्पभं पुट्ठवि रयणप्पभापुट्ठवीति
 जाणइ पामइ ? हुंता गोयमा ! जाणइ पासइ, जहा णं भंते ! केवली इमं रयणप्पभं
 पुट्ठवि रयणप्पभापुट्ठवीति जाणइ पासइ तथा णं सिद्धेवि इमं रयणप्पभं पुट्ठवि रय-
 णप्पभापुट्ठवीति जाणइ पासइ ? हुंता जाणइ पासइ, केवली णं भंते ! सकरप्पभं पुट्ठवि
 सकरप्पभापुट्ठवीति जाणइ पासइ ? एवं चेव, एवं जाव अहेसतमं, केवली णं भंते !
 सोहम्मं कप्पं सोहम्मकप्पेति जाणइ पामइ ? हुंता जाणइ पासइ, एवं ईसाणं
 एवं जाव अञ्चुयं, केवली णं भंते ! गेबेज्जविमाणं गेबेज्जविमाणेति जाणइ पासइ ?
 एवं चेव, एवं अणुणरविमाणेवि, केवली णं भंते ! ईसिप्पभार पुट्ठवि ईसिप्पभार-
 पुट्ठवीति जाणइ पासइ ? एवं चेव, केवली णं भंते ! परमाणुयोगसं परमाणुयोगखेति
 जाणइ पासइ ? एवं चेव, एव दुपएसियं खंधं एवं जाव जहा णं भंते ! केवली
 अणंतपएसियं खंधं अणंतपएसिए खंधेति जाणइ पासइ तथा णं सिद्धेवि अणंतपएसियं
 खंधं जाव पामइ ? हुंता जाणइ पासइ । सेवं भंते ! सेवं भंते ! ति ॥ ५३७ ॥
चोइसमे सए वसमो उइसो स्वमत्तो ॥ चोइसमं स्वयं समत्तं ॥

न्मो सुयदेवयाए भगवईए । तेणं कालेणं तेणं समएणं सावत्थी नामं नयरी
 होत्था वज्जओ, तीसे णं सावत्थीए नयरीए बहिया उतरपुरच्छिमे दिह्ठीभाए तत्थ
 णं कोट्टए नामं उज्जाणे होत्था वज्जओ, तत्थ णं सावत्थीए नयरीए हाळाह्ला
 नामं कुंभकारी आजीवियोवासिया परिवसइ, अच्चा जाव अपरिभूया आजीविय-
 समयंसि लद्धा गहियट्ठा पुच्छियट्ठा विच्छियट्ठा अट्ठियट्ठेण्णाम्पुरावरता अव-
 माउसो । आजीवियसमए अट्ठे अयं परमं सुसे अण्ठेति आजीवियसमएणं अप्पाणं
 आवेमाणी विहरइ । तेणं कालेणं तेणं समएणं गोसाळे मंसळिपुत्ते चट्ठवीसवास-
 परियाए हाळाह्लाए कुंभकारीए कुंभकारावर्णसि आजीवियसंघसंपरिवुडे आजी-
 वियसमएणं अप्पाणं आवेमाणे विहरइ, तए णं तस्स गोसाळस्स मंसळिपुत्तस्स
 अज्जया क्कमाइ इमे छ विसावरं अतिरं पाठवमवित्था, तंजहा-सावे क(भं)कडे

कणियारे अस्त्रिणे अग्निवेसायणे अजुणे गोमायुपुते, तए णं ते छ दिसाचरा
अद्भुविहं पुव्वगयं मगगदममं सएहिं २ मइदंसणेहिं निज्जूहंति स० २ ता गोसालं
मंखलिपुत्तं उव्वट्ठाइंसु, तए णं से गोसाले मंखलिपुत्ते तेणं अट्ठंगस्स महानिमित्तस्स
केणइ उल्लोयमेतेणं सव्वेसिं पापाणं भूयाणं जीवाणं सत्ताणं इमाइं छ अणइक्क-
मणिज्जाइं वागरणाइं बागरेइ, तं०-लामं अलामं सुहं दुक्खं जीवियं मरणं तथा ।
तए णं से गोसाळे मंखलिपुत्ते तेणं अट्ठंगस्स महानिमित्तस्स केणइ उल्लोयमेतेणं
सावत्थीए नयरीए अजिणे जिणप्पलावी अणरहा अरहप्पलावी अकेवली केवलि-
प्पलावी असव्वन्नू मव्वन्नूप्पलावी अजिणे जिणसइं पगासेमाणे विहरइ ॥ ५.३८ ॥
तए णं सावत्थीए नयरीए सिंघाडग जाव पहेसु बहुजणे अन्नमज्जस्स एवमाइक्खइ
जाव एवं पक्खेइ-एवं खलु देवाणुप्पिया गोसाळे मंखलिपुत्ते जिणे जिणप्पलावी
जाव पगासेमाणे विहरइ, से कहमेयं मत्ते एवं ? , तेयं कालेणं तेणं समएणं सामी
ममोमटे जाव परिसा पडिगया, तेणं कालेणं तेणं समएणं ममणस्स भगवओ महा-
वीरस्स जेट्ठे अंतेवासी इंदभूइं णामं अणगारे गोयमगोत्तेणं जाव छट्ठंछट्ठयं एवं जहा
विइयसए नियंइइसए जाव अहमाणे बहुजणयइं निम्मायेइ, बहुजणे अन्नमज्जस्स
एवमाइक्खइ ४-एवं खलु देवाणुप्पिया ! गोसाळे मंखलिपुत्ते जिणे जिणप्पलावी
जाव पगासेमाणे विहरइ, से कहमेयं मत्ते एवं ? , तए णं भगवं गोयमे बहुजणस्स
अतियं एयमट्ठं सोष्वा निसम्म जाव जायसक्खे जाव भत्तपाणं पडिंसेइ जाव
पज्जुवासमाणे एवं वयासी-एवं खलु अहं भंते ! छट्ठं तं चेव जाव जिणसइं पगासेमाणे
विहरइ, से कहमेयं भंते ! एवं ? तं इच्छामि णं भंते ! गोसालस्स मंखलिपुत्तस्स
उट्ठाणपरियाणियं परिकहियं, गोयमादि समणे भगवं महावीरे भगवं गोयमं एवं
वयासी-जणं गोयमा ! से बहुजणे अन्नमज्जस्स एवमाइक्खइ ४-एवं खलु गोसाळे
मंखलिपुत्ते जिणे जिणप्पलावी जाव पगासेमाणे विहरइ तण्यं भिन्ना, अहं पुण
गोयमा ! एवमाइक्खामि जाव पक्खेसि-एवं खलु एयस्स गोसालस्स मंखलिपुत्तस्स
मंखलिनामं मंखे पिया होत्था, तस्स णं मंखलिस्स मंखस्स भद्दा नामं भारिया
होत्था सुकुमाल जाव पडिह्वा, तए णं सा भद्दा भारिया अजया कयाइ गुब्बिणी
यावि होत्था, तेणं कालेणं तेणं समएणं सरवणे नामं सज्जिवेसे होत्था रिद्धत्विमिब
जाव सज्जिभप्पगासे पासार्इए ४, तत्थ णं सरवणे सज्जिवेसे गोबहुले नामं माहणे
परिवसइ, अत्ते जाव अपरिभूए रिद्धवेय जाव सुपरिनिट्ठिए यावि होत्था, तस्स णं
गोबहुलस्स माहणस्स गोसाला यावि होत्था, तए णं से मंखलीमंखे नामं अज्ज
कयाइ भद्दाए भारियाए गुब्बिणीए सदि चित्तफलगहत्त्वणए मंखत्तेणं अज्जाण

भावेमाणे पुष्पाणुपुष्पि चरमाणे गामाणुगामं दृग्ज्जमाणे जेणेव सरवणे सञ्जिवेसे जेणेव गोबहुलस्स माहणस्स गोसाला तेणेव उवागच्छइ २ ता गोबहुलस्स माहणस्स गोसालाए एगदेसंसि भंडनिकखेवं करेइ भंड० २ ता सरवणे सञ्जिवेसे उच्चनीय-मज्झिमाई कुलाई घरसमुदाणस्स भिक्खुयारियाए अडमाणे बसहीए सव्वओ समंता मग्गणगवेसणं करेइ, बसहीए सव्वओ समंता मग्गणगवेसणं करेमाणे अन्नत्थ बसहिं अलभमाणे तस्सेव गोबहुलस्स माहणस्स गोसालाए एगदेसंसि वासावासं उवागए, तए णं सा भद्दा भारिया नवण्हं मासाणं बहुपडिपुञ्जाणं अट्टमाण राईदियाणं वीइक्कंताणं सुकुमाल जाव पडिह्वं दारगं पयाया, तए णं तस्स दारगस्स अम्मापियरो एकारसमे दिवसे वीइक्कंते जाव बारसाहे दिवसे अयमेयाह्वं गोणं गुण-निप्पन्नं नामधेज्जं करेति-जम्हा णं अम्हं इमे दारए गोबहुलस्स माहणस्स गोसालाए जाए, तं होउ णं अम्हं इमस्स दारगस्स नामधेज्जं गोसाळे गोमालेति, तए णं तस्स दारगस्स अम्मापियरो नामधेज्जं करेति गोमालेति, तए णं से गोसाले दारए उम्मुक्कवालभावे विष्णायपरिणयमेत्ते जोव्वणगमणुप्पत्ते सयमेव पाडिएक्कं चित्तफलगं करेइ २ ता चित्तफलगहत्थगए मंखत्तणेणं अप्पाणं भावेमाणे विहरइ ॥ ५,३५ ॥

तेणं कालेणं तेणं समएणं अहं गोयमा ! तीसं वासाइ अगारवासमज्जे वसित्ता अम्मापिईहिं देवत्तगएहिं एवं जहा भावणाए जाव एणं देवदूसमादाय मुंडे भविता अगाराओ अणगारियं पव्वइत्तए, तए णं अहं गोयमा ! पढमं वासं अट्टमाम-अट्टमासेणं खममाणे अट्टियगामं निस्साए पढमं अतरावास वासावासं उवागए, दोच्चं वासं मासंमासेणं खममाणे पुष्पाणुपुष्पि चरमाणे गामाणुगामं दृग्ज्जमाणे जेणेव रायग्गिहे नयरे जेणेव नालिदा बाहिरिया जेणेव तंतुवायसाला तेणेव उवा-गच्छामि ते० २ ता अहापडिह्वं उरगहं ओग्गिण्हामि अहा० २ ता तंतुवायसालाए एगदेसंसि वासावासं उवागए, तए णं अहं गोयमा ! पढमं मासकखमणं उवसप-ज्जिणाणं विहरामि । तए णं से गोसाले मंखलिपुत्ते चित्तफलगहत्थगए मंखत्तणेणं अप्पाणं भावेमाणे पुष्पाणुपुष्पि चरमाणे जाव दृग्ज्जमाणे जेणेव रायग्गिहे नयरे जेणेव नालिदा बाहिरिया जेणेव तंतुवायसाला तेणेव उवागच्छइ ते० २ ता तंतुवायसालाए एगदेसंसि भंडनिकखेवं करेइ भंड० २ ता रायग्गिहे नयरे उच्चनीय जाव अन्नत्थ कत्थवि बसहिं अलभमाणे तीसे य तंतुवायसालाए एगदेसंसि वासा-वासं उवागए जत्थेव णं अहं गोयमा !, तए णं अहं गोयमा ! पढममासकख-मणपारणंसि तंतुवायसालाओ पडिनिक्कमामि तंतु० २ ता णालिदाबाहिरियं मज्झमज्जेणं जेणेव रायग्गिहे नयरे तेणेव उवागच्छामि २ ता रायग्गिहे नयरे

उच्चनीय जाव अडमाणे विजयस्स गाहावइस्स मिहं अणुप्पविट्ठे, तए णं से विजए गाहावई ममं एज्जमाणं पासइ २ ता इट्ठतुट्ठं खिप्पामेव आसणाओ अब्भुट्ठेइ स्वि० २ ता पायपीडाओ पञ्चोद्धइ २ ता पाउयाओ ओमुयइ पा० २ ता एयासाडियं उत्तरासंगं करेइ २ ता अंजलिमउलियहत्थे ममं सत्ताड्डयाइं अणुगच्छइ २ ता ममं तिकखुत्तो आयाहिणं पयाहिणं करेइ २ ता ममं वंदइ नमंसइ वं० २ ता ममं विउत्तेणं असणपाणस्साइमसाइमेणं पडिलाभिस्सामित्तिक्कइ तुट्ठे पडिलाभेमाणेवि तुट्ठे पडिला-मिएवि तुट्ठे, तए णं तस्स विजयस्स गाहावइस्स तेणं दब्बसुद्धेणं दायगसुद्धेणं [तवस्सिविमुद्धेणं तिकरणमुद्धेणं] पडिगाहगसुद्धेणं तिविहेणं तिकरणमुद्धेणं दाणेणं मए पडिलामिए समाणे देवाउए निबद्धे संसारे परित्तीकए गिहंसि य से इमाइं पंच दिव्वाइं पाउब्भूयाइं, तंजहा-वसुहारा बुट्ठा १ दसदव्वणे कुसुमे निवाइए २ चेल्ल-क्खेवं कए ३ आहयाओ देवहुंदुमीओ ४ अंतरावि य णं आगासे अहो दाणे २ ति पुट्ठे ५, तए णं रायगिहे नयरे सिंघाडग जाव पहेसु बहुजणो अलमलस्स एवमा-इक्खइ जाव एवं परूवेइ-धजे णं देवाणुप्पिया ! विजए गाहावई, कयत्ये णं देवाणु-प्पिया ! विजए गाहावई, कयपुजे णं देवाणुप्पिया ! विजए गाहावई, कयलक्खणे णं देवाणुप्पिया ! विजए गाहावई, कया णं लोया देवाणुप्पिया ! विजयस्स गाहाव-इस्स, सुलद्धे णं देवाणुप्पिया ! माणुस्सए जम्मजीवियफळे विजयस्स गाहावइस्स जस्स णं गिहंसि तहारूवे साहु साहुरूवे पडिलामिए समाणे इमाइं पंच दिव्वाइं पाउ-ब्भूयाइं, तंजहा-वसुहारा बुट्ठा जाव अहो दाणे २ पुट्ठे, तं धज्जेणं० कयत्ये० कयपुजे० कयलक्खणे० कया णं लोया० सुलद्धे माणुस्सए जम्मजीवियफळे विजयस्स गाहाव-इस्स विजय० २ । तए णं से गोसाळे मंखलिपुत्ते बहुजणस्स अंतिए एयमहुं सोष्वा निसम्म समुप्पन्नसंसए समुप्पन्नओउह्जे जेणेव विजयस्स गाहावइस्स गिहे तेणेव उवागच्छइ २ ता पासइ विजयस्स गाहावइस्स गिहंसि वसुहारं बुट्ठे दसदव्वणं कुसुमं निवडियं ममं च षं विजयस्स गाहावइस्स गिहाओ पडिनिक्खममाणं पासइ २ ता इट्ठतुट्ठं जेणेव ममं अंतिए तेणेव उवागच्छइ २ ता ममं तिकखुत्तो आया-हिणं पयाहिणं करेइ २ ता ममं वंदइ नमंसइ वं० २ ता ममं एवं वयासी-तुच्चे णं भंते ! ममे धम्मयारिया अहंत्तं तुच्चे धम्मंतेवासी, तए णं अहं गोयमा ! गोसा-लस्स मंखलिपुत्तस्स एयमहुं नो आठामि नो परिजाणामि तुत्तिणीए संघिहामि, तए णं अहं गोयमा ! रावगिहाओ नयराओ पडिनिक्खमामि २ ता पाळंरं वाहिरियं मज्झंमज्जेणं जेणेव तंतुवायसाळा तेणेव उवागच्छामि २ ता दोषं मासक्खमणं उवसंपज्जितानं विहरामि, तए णं अहं गोयमा ! दोषं मासक्खमणंपारणंसि

तंतुवायसालाओ पठिनिक्खमामि तं० २ ता नालंद्ं बाहिरियं मज्झंमज्जेणं जेणेव
 रायगिहे नयरे जाव अडमाणे आणदस्स गाहावइस्स गिहं अणुप्पविट्ठे, तए णं से
 आणंदे गाहावई ममं एज्जमाणं पासइ २ ता एवं जहेव विजयस्स, नवरं ममं विउलाए
 खज्जगविहीए पठिलाभेस्सामीति तुट्ठे सेसं तं चेव जाव तच्चं मासक्खमणं उवसंप-
 जिक्खिताणं विहरामि, तए णं अहं गोयमा । तच्चं मासक्खमणपारणंसि तंतुवायसालाओ
 पठिनिक्खमामि तं० २ ता तहेव जाव अडमाणे सुणंदस्स गाहावइस्स गिहं अणुप्प-
 विट्ठे, तए णं से सु(दंसणे)णंदे गाहावई एवं जहेव विजयगाहावई, नवरं ममं सव्व-
 कामगुणिएणं भोयणेणं पठिलाभेइ सेसं तं चेव जाव चउत्थं मासक्खमणं उवसंपजि-
 क्खिताणं विहरामि, तीसे णं नालंदाए बाहिरियाए अदूरसामंतं एत्थ णं कोलाए नामं
 सन्निवेसे होत्था सन्निवेस० वज्जओ, तत्थ णं कोलाए संनिवेसे बहुले नामं माहणे
 परिवसइ, अञ्जे जाव अपरिभूए रिउव्वेय जाव मुपरिनिट्टिए यावि होत्था, तए णं
 से बहुले माहणे कत्थियचाउम्मासियपाडिवयंनि विउत्तेणं महुघयसंजुत्तेणं परमज्जेणं
 माहणे आयामेत्था, तए णं अहं गोयमा । चउत्थमानक्खमणपारणंसि तंतुवाय-
 सालाओ पठिनिक्खमामि २ ता नालंद्ं बाहिरियं मज्झंमज्जेणं निग्गच्छामि २
 ता जेणेव कोलाए संनिवेसे तेणेव उवागच्छामि २ ता कोलाए सन्निवेसे उच्चनीय
 जाव अडमाणे बहुलस्स माहणस्स गिहं अणुप्पविट्ठे, तए णं से बहुले माहणे ममं
 एज्जमाणं तहेव जाव ममं विउत्तेणं महुघयसंजुत्तेणं परमज्जेणं पठिलाभेस्सामीति
 तुट्ठे सेसं जहा विजयस्स जाव बहुले माहणे बहु० २ । तए णं मे गोमाले मंखलिपुत्त
 ममं तंतुवायसालाए अपासमाणे रायगिहे नयरे सच्चिभतरवाहिरियाए ममं सव्वओ
 समंता मग्गणगवेसणं करेइ, ममं कत्थवि सुइं वा खुइं वा पविस्सि वा अलभमाणे
 जेणेव तंतुवायसाला तेणेव उवागच्छइ २ ता साडियाओ य पाडियाओ य कुंडियाओ
 य पाहणा(वाणहा)ओ य चित्तफलं च माहणे आयामेइ आयामेत्ता सउत्तरोट्ठं मुंउं
 करेइ स० २ ता तंतुवायसालाओ पठिनिक्खमइ तं० २ ता नालंद्ं बाहिरियं
 मज्झंमज्जेणं निग्गच्छइ निग्गच्छिता जेणेव कोलागसन्निवेसे तेणेव उवागच्छइ,
 तए णं तस्स कोलागस्स संनिवेसस्स बहिया बहुजणो अज्जमज्जस्स एवमाइक्खइ
 जाव परुव्वेइ-धञ्जे णं देवाणुप्पिया ! बहुले माहणे तं चेव जाव जीवियफळे बहु-
 लस्स माहणस्स ब० २, तए णं तस्स गोसालस्स मंखलिपुत्तस्स बहुजणस्स
 अंतियं एयमट्ठं सोखा निसम्म अयमेयारुव्वे अज्जत्थिए जाव समुप्पजित्था-जारी-
 सिया णं मम धम्मायरियस्स धम्मोवएसगस्स समणस्स भगवओ महावीरस्स इत्थी
 जु(ती)ई जसे बडे वीरिए पुरिसकारपरक्कमे लडे पत्ते अमिसमवागए, नो खल्ल अस्थि

तारिसिया णं अन्नस्स कस्स(वि)इ तहास्सस्स समणस्स वा माहणस्स वा इत्थी जुइ
 जाव परक्कमे लद्धे पत्ते अभिसमन्नागए, तं निस्संदिद्धं च णं एत्थ ममं धम्मायरिए
 धम्मोवएमए समणे भगवं महावीरे भविस्सतीतिकट्टु कोल्लागसच्चिवेसे मच्चिभतरबा-
 हिरिए ममं सच्चओ समंता भग्गणगवेसणं करेइ, ममं सच्चओ जाव करेमाणे
 कोल्लागसंनिवेसस्स बहिया पणियभूमीए मए सद्धिं अभिसमन्नागए, तए णं से
 गोसाले मंखलिपुत्ते बह्वुट्ठे ममं तिकच्छुत्तो आयाहिणं पयाहिणं जाव
 नमंसित्ता एवं बयासी-तुब्भे णं भंते ! ममं धम्मायरिया अहंजं तुब्भं अंतेवासी,
 तए णं अहं गोयमा ! गोसालस्म मंखलिपुत्तस्म एयमट्ठं पच्चिसुणेमि, तए णं
 अहं गोयमा ! गोसालेणं मंखलिपुत्तेणं सद्धिं पणियभूमीए छच्चासाडं लाभं अलामं
 झहं दुक्खं सक्कारमसक्कारं पच्चणुब्भवमाणे अणिच्चजागरियं विहरित्था ॥ ५४० ॥
 तए णं अहं गोयमा ! अन्नया कयाड पडमसरदकालसमयंमि अप्पवुट्ठिकायंसि
 गोमालेणं मंखलिपुत्तेणं सद्धिं सिद्धत्यगामाओ नयरओ कुम्मरगामं नयरं संपट्टिए
 विहाराए, तस्म णं सिद्धत्यगामस्म नयरस्स कु(म्म)म्मरगामस्म नयरस्स य
 अंतरा एत्थ णं महं एगे तिलयंभए पत्तिए पुणिए हृगियगरेरिज्जमाणे तिरीए अइव
 २ उवमोभेमाणे २ च्चिद्धइ, तए णं से गोसाले मंखलिपुत्ते तं तिलयंभगं पामइ २ ता
 ममं वंदइ नमंसइ वं० २ ता एवं बयासी-एस णं भंते ! तिलयंभए किं निप्फजि-
 स्सइ नो निप्फजिस्सइ, एए य सत्त तिलपुप्फजीवा उदाइत्ता २ कहिं गच्छिहिंति
 कहिं उववज्जिहिंति ?, तए णं अहं गोयमा ! गोसालं मंखलिपुत्तं एवं बयासी-
 गोसाला ! एस णं तिलयंभए निप्फजिस्सइ नो न निप्फजिस्सइ, एए य सत्त
 तिलपुप्फजीवा उदाइत्ता २ एयस्स च्चैव तिलयंभगस्स एगाए तिलसं(ग)गळियाए सत्त
 तिला पच्चायाइस्संति, तए णं से गोसाले मंखलिपुत्ते ममं एवं आइक्खमाणस्स
 एयमट्ठं नो सहइ नो पत्तियइ नो रोएइ, एयमट्ठं असइहमाणे अपत्तियमाणे
 अरोएमाणे ममं पणिहाय अयण्णं भिच्छावाइं भवउत्तिकट्टु ममं अंतियाओ सच्चियं
 २ पच्चोसइइ २ ता जेजेव से तिलयंभए तेजेव उवागच्छइ २ ता तं तिलयंभगं
 सलेट्ठयायं च्चैव उप्पाडेइ २ ता एगंते एवेइ, तक्खण्णमेतं च णं गोयमा ! दिव्वे
 अब्भवइए पाठभूए, तए णं से दिव्वे अब्भवइए खिप्पामेव पतणतणा(य)एइ
 २ ता खिप्पामेव पविज्जुसाइ २ ता खिप्पामेव नच्चोदगं षाइमइयिं पविरलपप्फुसियं
 रयरेणुविणासणं दिव्वं सत्तिकोदगं वासं वासइ, जेणं से तिलयंभए आसत्थे वीसरथाए
 पच्चायाए तत्थेव बद्धमूळे तत्थेव पइट्टिए, ते य सत्त तिलपुप्फजीवा उदाइत्ता २ तत्थेव
 तिलयंभगस्स एगाए तिलसं(ग)ळियाए सत्त तिला पच्चायाया ॥ ५४१ ॥ तए णं

अहं गोयमा । गोसालेणं मंखलिपुत्तेणं सद्धिं जेणेव कुंडग्गामे नयरे तेणेव उवा-
गच्छामि, तए णं तस्स कुंडग्गामस्स नयरस्स बहिया वेसियायणे नामं बालतवस्सी
छट्टंछट्टेणं अणिविखत्तेणं तवोक्कम्मेणं उब्बुं बाहाओ पणित्तिव २ सूराभिमुहे
आयावणभूमिए आयावेमाणे विहरइ, आइच्चतेयतवियाओ य से छप्पीओ सव्वओ
समंता अभिनिस्सवंति पाणभूयजीवसत्तदयट्टयाए च णं पडियाओ २ तत्थेव २
भुज्जो २ पच्चोरुहेइ, तए णं से गोसाले मंखलिपुत्ते वेसियायणं बालतवस्सि पासइ
२ ता ममं अंतियाओ सणियं २ पच्चोसक्कइ ममं० २ ता जेणेव वेसियायणे बालत-
वस्सी तेणेव उवागच्छइ २ ता वेसियायणं बालतवस्सि एवं बयासी-किं भवं
मुणी मुणिए उदाहु जूयासेज्जायरए ?, तए णं से वेसियायणे बालतवस्सी गोसालस्स
मंखलिपुत्तस्स एयमट्टं णो आढाइ नो परिजाणाइ तुसिणीए संविट्टइ, तए णं से
गोसाले मंखलिपुत्ते वेसियायणं बालतवस्सि दोब्बंपि तच्चंपि एवं बयासी-किं भवं
मुणी मुणिए जाव सेज्जायरए ?, तए णं से वेसियायणे बालतवस्सी गोसालेणं मंखलि-
पुत्तेणं दोब्बंपि तच्चंपि एवं कुत्तं समाणे आसुरुत्तं जाव मिसिमिसेमाणे आयावणभूमिओ
पच्चोरुहेइ आ० २ ता तेयासमुग्घाएणं समोहणइ तेयासमुग्घाएणं ममोहणित्ता
सत्तट्टपयाइं पच्चोसक्कइ म० २ ता गोसालस्स मंखलिपुत्तस्स बहाए सरीरगंसि तेयं
निसिरइ, तए णं अहं गोयमा । गोसालस्स मंखलिपुत्तस्स अणुक्कपणट्टयाए वेसियायणस्स
बालतवस्सिस्स सीओसिणंतेयलेस्सा-(तेय)पडिसाहरणट्टयाए एत्थं णं अतरा अहं
सीयलियं तेयलेस्सं निसिरामि, जाए सा ममं सीयलियाए तेयलेस्साए वेसियायणस्स
बालतवस्सिस्स सीओ(सा-उ)सिणा तेयलेस्सा पडिहया, तए णं से वेसियायणे बालत-
वस्सी ममं सीयलियाए तेयलेस्साए सीओसिणं तेयलेस्स पडिहयं जाणित्ता गोसालस्स
य मंखलिपुत्तस्स सरीरगस्स किंचि आबाहं वा वाबाहं वा छविच्छेदं वा अकीरमाणं
पासित्ता सीओसिणं तेयलेस्सं पडिसाहरइ सीओ० २ ता ममं एवं बयासी-से
गयमेयं भगवं ! गयमेयं भगवं !, तए णं से गोसाले मंखलिपुत्ते ममं एवं बयासी-
क्किणं भंते । एस जूयासिज्जायरए तुब्भे एवं बयासी-से गयमेयं भगवं ! गयमेयं
भगवं !, तए णं अहं गोयमा । गोसालं मंखलिपुत्तं एवं बयासी-तुमं णं गोसाला ।
वेसियायणं बालतवस्सि पास(इ)सि पासित्ता ममं अंतियाओ सणियं २ पच्चोसक्कसि
जेणेव वेसियायणे बालतवस्सी तेणेव उवागच्छसि ते० २ ता वेसियायणं बालत-
वस्सि एवं बयासी-किं भवं मुणी मुणिए उदाहु जूयासेज्जायरए ?, तए णं से
वेसियायणे बालतवस्सी तव एयमट्टं नो आढाइ नो परिजाणाइ तुसिणीए संविट्टइ,
तए णं तुमं गोसाला ! वेसियायणं बालतवस्सि दोब्बंपि तच्चंपि एवं बयासी-किं भवं

मुष्णी मुष्णिए जाव जूयासेजायरए ? , तए णं से वेसियायणे बालतवस्सी तुमं दोषंपि तर्षपि एवं वुत्ते समाणे आसुरो जाव पचोसकइ २ ता तव वहाए सरीरगं(सि) तेयलेस्स निस्सिरइ, तए णं अहं गोसाला । तव अणुकंपणट्टयाए वेसियायणस्स बालतवस्सिस्स सीयतेयलेस्सापडिसाहरणट्टयाए एत्थ णं अंतरा सीयत्थियं तेयलेस्सं निस्सिरामि जाव पडिहयं जाणित्ता तव य सरीरगस्स किच्चि आबाहं वा वाबाहं वा छविच्छेदं वा अकीरमाणं पासित्ता सीओसिणं तेयलेस्सं पडिसाहरइ सी० २ ता ममं एवं वयासी-से गयमेयं भगवं ! गयगयमेयं भगवं !, तए णं से गोसाले मंखलिपुत्ते ममं अंतियाओ एयमट्टं सोष्वा निसम्म भाए जाव संजायभए ममं वंदइ नमंसइ ममं वं० २ ता एवं वयासी-कहं भंते ! संखित्तविउलतेयलेस्से भवइ ? , तए णं अहं गोयमा ! गोमालं मंखलिपुत्तं एवं वयासी-जे णं गोसाला । एगाए सणहाए कुम्मास-पिडिधियाए एगेण य वियडासएणं छट्टंछट्टेणं अणिकिखत्तेणं तवोक्कमेणं उट्टं बाहाओ परिज्जिनय २ जाव विहरइ, से णं अंतो छण्हं मासाणं संखित्तविउलतेयलेस्से भवइ, तए णं से गोसाले मंखलिपुत्ते ममं एयमट्टं सम्मं विणएणं पडिमुण्हं ॥ ५.४२ ॥ तए णं अहं गोयमा ! अजया कयाइ गोसालेणं मंखलिपुत्तेणं सद्धि कुम्मागामाओ नयराओ सिद्धत्थगामं नयरं संपट्टिए विहाराए, जाहे य मो तं देसं हव्वमागया जत्थ णं से तिलथंभए, तए णं से गोसाले मंखलिपुत्ते ममं एवं वयासी-तु(ज्जे)ब्भे णं भंते ! तया ममं एवं आइक्खइ जाव एवं परूवेइ-गोसाला ! एस णं तिलथंभए निप्फजिस्सइ नो नो निप्फजिस्सइ तं चेव जाव पच्चायाइस्संति तण्णं मिच्छा, इमं च णं पच्चक्खमेव सीसइ एस णं से तिलथंभए णो निप्फजे अनिप्फजमेव ते य सत्त तिलपुप्फजावा उदाइता २ नो एयस्स चेव तिलथंभगस्स एगाए तिलसंगळि-गाए सत्त तिला पच्चायाया, तए णं अहं गोयमा । गोसालं मंखलिपुत्तं एवं वयासी-तुमं णं गोसाला ! तदा ममं एवं आइक्खमाणस्स जाव एवं परूवेमाणस्स एयमट्टं नो सहइसि नो पत्तियसि नो रोयसि, एयमट्टं असइहमाणे अपत्तियमाणे आरोएमाणे ममं पणिहा(ए)य अयच्चं मिच्छावाहं भवउत्तिकइ ममं अंतियाओ सण्णियं २ पचोस-इसि २ ता जेणेव से तिलथंभए तेषेव उवागच्छसि २ ता जाव एगंतमंते एवेसि, तक्खणमेत्तं गोसाला ! दिब्बे अब्भवइए पाउब्भूए, तए णं से दिब्बे अब्भवइए खिप्पामेव तं चेव जाव तस्स चेव तिलथंभगस्स एगाए तिलसंगळियाए सत्त तिसा पच्चायाया, तं एस णं गोसाला ! से तिलथंभए निप्फजे णो अनिप्फजमेव, ते य सत्त तिलपुप्फजावा उदाइता २ एयस्स चेव तिलथंभगस्स एगाए तिलसंगळियाए सत्त तिला पच्चायाया, एवं खल्ल गोसाला ! वणस्सइकाइया पउइपविहारं परिइरंति,

तए णं से गोसाले मंखलिपुत्ते ममं एवमाइक्खमाणस्स जाव परूवेमाणस्स एयमट्ठं
 नो सद्दहइ ३ एयमट्ठं असद्दहमाणे जाव अरोएमाणे जेणेव से तिलथंभए तेणेव उवा-
 गच्छइ २ ता ताओ तिलथंभयाओ तं तिलसंगलियं छुट्ठइ खुट्ठिता करयलंसि सत्त
 तिले पफोडेइ, तए णं तस्म गोसालस्स मंखलिपुत्तस्स ते सत्त तिले गणमाणस्स
 अयमेयारूवे अज्झत्थिए जाव समुप्पज्जित्था-एवं खलु सच्चवीवावि पउट्टपरिहारं
 परिहरंति, एस णं गोयमा ! गोसालस्स मंखलिपुत्तस्स पउट्टे, एस ण गोयमा !
 गोसालस्स मंखलिपुत्तस्स ममं अंतियाओ आया(ओ)ए अवक्कमणे प० ॥ ५४३ ॥
 तए णं से गोमाले मंखलिपुत्ते एगाए सणहाए कुम्मासपिडियाए एणेण य वियडा-
 सएणं छट्ठंछट्ठेणं अपिक्खित्तेणं तवोक्कमणेणं उट्ठं वाहाओ पणिज्जिय २ जाव विहरइ,
 तए णं मे गोसाले मंखलिपुत्ते अनो छट्ठं मासाणं संखित्तिवउलत्तेयत्तेस्से जाए
 ॥ ५४४ ॥ तए णं तस्म गोसालस्स मंखलिपुत्तस्स अन्नया कयाइ इमे छट्ठिसाचरा
 अंतियं पाउच्चभित्था तं०-साणे तं चेष सच्चं जाव अजिणे जिणसहं पगासेमाणे
 विहरइ, तं नो खलु गोयमा ! गोमाले मंखलिपुत्ते जिणे जिणप्पलावी जाव जिणसहं
 पगासेमाणे विहरइ, गोसाले णं मंखलिपुत्ते अजिणे जिणप्पलावी जाव पगासेमाणे
 विहरइ, तए णं सा महइमहालिया महक्खपरिसा जहा निवे जाव पडिगया । तए णं
 सावत्थीए नयरीए सिंघाडग जाव बहुजणो अन्नमज्जस्स जाव परूवेइ-जंजं देवाणु-
 प्पिया ! गोमाले मंखलिपुत्ते जिणे जिणप्पलावी जाव विहरइ तं णं मिच्छा, समणे
 भगवं महावीरे एवं आइक्खइ जाव परूवेइ-एवं खलु तस्म गोमालस्स मंखलि-
 पुत्तस्स मंखली नामं मखे पिया होत्था, तए णं तस्स मंखलिस्स एवं तं चेष सच्चं
 भाणियच्च जाव अजिणे जिणप्पलावी जिणसहं पगासेमाणे विहरइ, तं नो खलु
 गोमाले मंखलिपुत्ते जिणे जिणप्पलावी जाव विहरइ, गोमाले णं मंखलिपुत्ते अजिणे
 जिणप्पलावी जाव विहरइ, समणे भगवं महावीरे जिणे जिणप्पलावी जाव जिणसहं
 पगासेमाणे विहरइ, तए णं से गोसाले मंखलिपुत्ते बहुजणस्स अंतियं एयमट्ठं मोखा
 निसम्म आसुरुत्ते जाव मिसिभिसेमाणे आयावणभूमीओ पञ्चोद्दइ आयावणभूमीओ
 पञ्चोद्दइत्ता सावत्थि नयरीं मज्झमज्जेणं जेणेव हालाहलाए कुंभकारीए कुंभकारावणे
 तेणेव उवागच्छइ उवागच्छिता हालाहलाए कुंभकारीए कुंभकारावणंसि आजीविय-
 संघसंपरिवुडे महया अमरिसं बहुमाणे एवं वाधि विहरइ ॥ ५४५ ॥ तेणं कालेणं तेणं
 समएणं समणस्स भगवओ महावीरस्स अंतेवासी आणंदे नामं वेरे पगइभए जाव
 विणीए छट्ठंछट्ठेणं अपिक्खित्तेणं तवोक्कमणेणं संजमेणं तवसा अप्पाणं भावेमाणे
 विहरइ, तए णं से आणंदे वेरे छट्ठंछट्ठमणपरणगंसि पइमाए पोरेदीए एवं जहा

गोयमसामी तहेव आपुच्छइ, तहेव जाव उच्चनीयमज्जिम जाव अडमाणे हालाहलाए कुंभकारीए कुंभकारावणस्स अद्रसामंतेणं वीह्वयइ, तए णं से गोसाले मंखलिपुत्ते आणंदं थेरं हालाहलाए कुंभकारीए कुंभकारावणस्स अद्रसामंतेणं वीह्वयमाणं पासइ २ ता एवं वयासी-एहि ताव आणंदा ! इओ एणं महं उवमियं निसामेहि, तए णं से आणंवे थेरे गोसालेणं मंखलिपुत्तेणं एवं वुत्त समाणे जेणेव हालाहलाए कुंभकारीए कुंभकारावणं जेणेव गोसाले मंखलिपुत्ते तेणेव उवागच्छइ, तए णं से गोसाले मंखलिपुत्ते आणंदं थेर एवं वयासी-एवं खलु आणंदा ! इओ चिरा(ती)हैयाए अदाए केइ उच्चावया वणिया अत्यत्थी अत्यलुद्धा अत्यगवेसी अत्यकंखिया अत्य-पिवासिया अत्यगवेसणयाए णाणाविह्वित्तलपणियमंडमायाय सगणीसागडेणं सुबहुं नत्तपाणपक्कयणं गहाय एणं महं अगामियं अणोहिय छिन्नावायं वीहमदं अडविं अणुप्पविट्ठा, तए णं तेसि वणियाणं तीसे अगामियाए अणोहियाए छिन्नावायाए वीहमद्दाए अडवीए किच्चिं देसं अणुप्पणाण समाणाणं से पुब्बगहिए उदए अणुपुब्बेणं परि(भुज्ज)भुंजेमाणे २ खीणे, तए णं ते वणिया खीणोदगा समाणा तण्हाए परेअभ-माणा अन्नमन्ने महावेति अन्न० २ ता एवं वयासी-एवं खलु देवानुप्पिया ! अम्हं इमीसे अगामियाए जाव अडवीए किच्चिं देस अणुप्पणाणं समाणाणं से पुब्बगहिए उदए अणुपुब्बेणं परिभुंजेमाणे २ खीणे, तं सेयं खलु देवानुप्पिया ! अम्हं इमीसे अगामियाए जाव अडवीए उदगस्स सब्बओ समंता मग्गणगवेसणं करेत्तएत्तिकट्टु अन्नमन्नस्स अंतिए एयमहुं पडिद्युजेति अन्न० २ ता तीसे अगामियाए जाव अडवीए उदगस्स सब्बओ समंता मग्गणगवेसणं करेत्ति, उदगस्स सब्बओ समंता मग्गणगवेसणं करेमाणा एणं महं वणसंडं आसादेत्ति, किण्हं किण्होमासं जाव निकुद- (हं)बभूयं पासाइयं जाव पडिस्सं, तस्स णं वणसंडस्स बहुमज्जदेसभाए एत्थ णं महेणं वम्भीयं आसादेत्ति, तस्स णं वम्भीयस्स चत्तारि वप्पुओ अब्भुगगयाओ अमि-निस(डा)डाओ तिरियं सुसंपगहियाओ अहे पक्कगदस्साओ पक्कगदसंठाणसंठियाओ पासाइयाओ जाव पडिस्साओ, तए णं ते वणिया इट्ठुद्धा अन्नमन्नं महावेति अ० २ ता एवं वयासी-एवं खलु देवानुप्पिया ! अम्हं इमीसे अगामियाए जाव सब्बओ समंता मग्गणगवेसणं करेमाणेहिं इमे वणसंडे आसादिए किण्हं किण्होमासे० इमस्स णं वणसंडस्स बहुमज्जदेसभाए इमे वम्भीए आसादिए, इमस्स णं वम्भीयस्स चत्तारि वप्पुओ अब्भुगगयाओ जाव पडिस्साओ, तं सेयं खलु देवानुप्पिया ! अम्हं इमस्स वम्भीयस्स पडमं वप्पि भिन्दिताए, अस्मि माई ओरालं उवघारवणं अस्सावे-स्सओ, तए णं ते वणिया अन्नमन्नस्स अंतियं एयमहुं पडिद्युजेति २ ता तस्स

वम्भीयस्स पढमं वप्पि भिदंति, ते णं तत्थ अच्छं पत्थं जच्चं तणुयं फालियवज्जामं उरालं उदगरयणं आसादंति, तए णं ते वणिया हट्टनुट्ठा पाणियं पिबति २ ता वाहणाई पज्जेति वा० २ ता भायणाई भरेति भा० २ ता दोब्बपि अन्नमन्नं एवं वयासी-एवं खलु देवाणुप्पिया ! अम्हेहिं इमस्स वम्भीयस्स पढमाए वप्पाए भिज्जाए ओराले उदगरयणे अस्सादिए, तं सेयं खलु देवाणुप्पिया ! अम्हं इमस्स वम्भीयस्स दोब्बपि वप्पि भिदितए, अवि याई एत्थ ओरालं सुवन्नरयणं अस्सादे-स्सामो, तए णं ते वणिया अन्नमन्नस्स अंतियं एयमट्ठं पड्डिसुणेंति अ० २ ता तस्स वम्भीयस्स दोब्बपि वप्पि भिदंति, ते णं तत्थ अच्छं जच्चं तावणिज्जं महत्थं महग्घं महरिहं ओरालं सुवन्नरयणं अस्सादंति, तए णं ते वणिया हट्टनुट्ठा भाय-णाई भरेति २ ता पवहणाई भरेति २ ता तच्चंपि अन्नमन्नं एवं वयासी-एवं खलु देवाणुप्पिया ! अम्हे इमस्स वम्भीयस्स पढमाए वप्पाए भिज्जाए ओराले उदगरयणे अस्सादिए, दोब्बाए वप्पाए भिज्जाए ओराले सुवन्नरयणे अस्सादिए, तं सेयं खलु देवाणुप्पिया ! अम्हं इमस्स वम्भीयस्स तच्चंपि व(प्प)प्पि भिदितए, अवि याई एत्थं ओरालं मणिरयणं अस्सादेस्सामो, तए णं ते वणिया अन्नमन्नस्स अंतियं एयमट्ठं पड्डिसुणेंति अ० २ ता तस्स वम्भीयस्स तच्चंपि वप्पि भिदंति, ते णं तत्थ विमलं निम्मलं नित्तलं निक्कलं महत्थं महग्घं महरिहं ओरालं मणिरयणं अस्सादंति, तए णं ते वणिया हट्टनुट्ठा भायणाई भरेति भा० २ ता पवहणाई भरेति २ ता चउत्थंपि अन्नमन्नं एवं वयासी-एवं खलु देवाणुप्पिया ! अम्हे इमस्स वम्भीयस्स पढमाए वप्पाए भिज्जाए ओराले उदगरयणे अस्सादिए, दोब्बाए वप्पाए भिज्जाए ओराले सुवन्नरयणे अस्सादिए, तच्चए वापाए भिज्जाए ओराले मणिरयणे अस्सादिए, तं सेयं खलु देवाणुप्पिया ! अम्हं इमस्स वम्भीयस्स चउत्थंपि वप्पि भिदितए, अवि याई इत्थं उत्तमं महग्घं महत्थं महरिहं ओरालं वड्डररयणं अस्सादेस्सामो, तए णं तेमिं वणियाणं एगे वणिए हियकामए सुहकामए परवकामए आणुक्कंपि निस्सेयसिए हियसुद्धनिस्सेसकामए ते वणिए एवं वयासी-एवं खलु देवाणुप्पिया ! अम्हे इमस्स वम्भीयस्स पढमाए वप्पाए भिज्जाए ओराले उदगरयणे जाव तच्चए वप्पाए भिज्जाए ओराले मणिरयणे अस्सादिए, तं ह्योउ अळाहि पज्जतं णे एसा चउत्थी वप्पा मा भिज्जठ, चउत्थी ण वप्पा सउवसग्गा यावि हो(स्या)ज्जा, तए णं ते वणिया तस्स वणियस्स हियकामगस्स सुहकामगस्स जाव हियसुद्धनिस्सेसकामगस्स एवमाइक्कमा-णस्स जाव परूवेमाणस्स एवमट्ठं नो सएहंति जाव नो रोमंति, एवमट्ठं अस्सएहमाण जाव अरोएमाणा तस्स वम्भीयस्स चउत्थंपि वप्पि भिदंति, ते णं तत्थ उदगरयणं

चंडविसं चोरविसं महाविसं अहकायमहाकायं मसिन्साकालं नयणविसरोसपुं
 अंजणपुंजनगरप्यगासं रत्तच्छं जमलजुयलचंचलचलंतजीहं घरणितलवेणिभूयं
 उद्धहफुद्धकुलिलजडुलककखडविकडफडाडोवकरणदच्छं लोहागरधम्ममाणघमघमे-
 तघोसं अण्णागलियचंडतिव्यरोसं समुहिं तुरियं चवलं धमंतं दिट्ठिविसं सप्पं संधट्टंति,
 तए णं से दिट्ठिविसे सप्पे तेहिं वणिएहिं संधट्टिए समाणे आसुहत्तो जाव मिसिमिसे-
 माणे सणियं २ उट्टेव २ ता सरसरसरस्स वम्मीयस्स सिहरतलं दुक्कइ सि० २
 ता आइच्चं णिज्जाइ आ० २ ता ते वणिए अणिमिसाए दिट्ठीए सब्बओ समंता
 समभिल्लोएइ, तए णं ते वणिया तेणं दिट्ठिविसेणं सप्पेणं अणिमिसाए दिट्ठीए
 मव्वओ समंता समभिल्लोइया समाणा खिप्पायेव सभंढमत्तोवगरणमायाए एगाहच्चं
 कूडाहच्चं भासरासी कया यावि होत्या, तत्थ णं जे से वणिए तेसिं वणियाणं हिय-
 कामए जाव हियसुहनिस्सेसकामए से णं अणुकं(प)पियाए देवयाए सभंढमत्तोवगर-
 णमायाए नियणं नयरं साहिए, एवामेव आणंदा । तववि धम्मायरिएणं धम्मोवए-
 सणं समणेणं नायपुत्तेणं ओराळे परियाए अस्सादिए, ओराला किमिवजसइसिल्लोगा
 मदेवमणुयासुरे लोए पुव्वंति गुवंति गुवंति इति खल्ल समणे भगवं महावीरे
 इति० २, तं जड मे से अज्ज किच्चिवि वदइ, तो णं तवेणं तेएणं एगाहच्चं
 कूडाहच्चं भासरासिं करेमिं जहा वा वालेणं ते वणिया, तुमं च णं आणंदा ।
 सारक्खामि संगोवयामि जहा वा से वणिए तेसिं वणियाणं हियकामए जाव निस्सेस-
 कामए अणुकंपियाए देवयाए सभंढमत्तोव० जाव साहिए, तं गच्छह णं तुमं
 आणंदा ! तव धम्मायरियस्स धम्मोवएसगस्स समणस्स नायपुत्तस्स एयमट्ठं
 परिकइहेहि । तए णं से आणंदे वेरे गोसाळेणं मंखलिपुत्तेणं एवं बुत्ते समाणे भीए
 जाव संजायभए गोसालस्स मंखलिपुत्तस्स अंतियाओ हालाहलाए कुंभकारीए
 कुंभकारावणाओ पबिनिक्खमइ २ ता सिग्गं तुरियं सावत्थिं नयरिं मज्झंमज्जेणं
 निग्गच्छइ २ ता जेणेव कोट्टए उज्जाणे जेणेव समणे भगवं महावीरे तेणेव उवा-
 गच्छइ २ ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ
 नमंसइ वं० २ ता एवं वयासी-एवं खल्ल अहं भंते ! छट्ठक्खमणपारणगंसि तुब्भेहिं
 अब्भणुजाए समाणे सावत्थीए नयरीए उच्चनीय जाव अट्ठमाणे हालाहलाए
 कुंभकारीए जाव वीईवयासि, तए णं गोसाळे मंखलिपुत्ते ममं हालाहलाए जाव
 पासिता एवं वयासी-एहिं ताव आणंदा ! इओ एणं महं उच्चमियं निसामेहि, तए
 णं अहं गोसाळेणं मंखलिपुत्तेणं एवं बुत्ते समाणे जेणेव हालाहलाए कुंभकारीए
 कुंभकारावणे जेणेव गोसाळे मंखलिपुत्ते तेणेव उवाचच्छामि, तए णं से गोसाळे-

मंखलिपुत्ते मम एवं वयासी-एवं खलु आणंदा । इओ चिराईयाए अद्दाए केइ उबावया
 वणिया एवं तं चैव सव्वं निरवसेसं भाणियिअं जाव नियगं नयं साहिए तं गच्छ
 णं तुमं आणंदा । तव धम्मयारियस्स धम्मोवएसगस्स जाव परिकहेहि ॥ ५४६ ॥
 तं पभू णं भंते । गोसाळे मंखलिपुत्ते तवेणं तेएणं एगाह्वं कूडाह्वं भासरारि
 करेत्तए, विसए णं भंते । गोसालस्स मंखलिपुत्तस्स जाव करेत्तए; समत्थे णं भंते ।
 गोसाले मंखलिपुत्ते तवेणं जाव करेत्तए ? पभू णं आणंदा । गोसाळे मंखलिपुत्ते तवेणं
 जाव करेत्तए, विसए णं आणंदा । गोसाळे जाव करेत्तए, समत्थे णं आणंदा । गोसाळे
 जाव करेत्तए, नो चैव णं अरिहंते भगवंते, परियावणियं पुण करेज्जा, जावइएणं
 आणंदा । गोसालस्स मंखलिपुत्तस्स तवतेए एत्तो अणंतगुणविसिद्धनराए चैव तवतेए
 अणगाराणं भगवंताणं, खंतिस्समा पुण अणगारा भगवंतो, जावइएणं आणंदा ।
 अणगाराणं भगवंताणं तवतेए एत्तो अणंतगुणविसिद्धनराए चैव तवतेए थेराणं
 भगवंताणं, खंतिस्समा पुण थेरा भगवंतो, जावइएणं आणंदा । थेराणं भगवंताणं
 तवतेए एत्तो अणंतगुणविसिद्धनराए चैव तवतेए अरिहंताणं भगवंताणं, खंति-
 स्समा पुण अरहंता भगवंतो, तं पभू ण आणंदा । गोसाळे मंखलिपुत्ते तवेणं
 तेएणं जाव करेत्तए, विसए णं आणंदा । जाव करेत्तए, समत्थे णं आणंदा । जाव
 करेत्तए, नो चैव णं अरिहंते भगवंतं, पारियावणियं पुण करेज्जा ॥ ५४७ ॥ तं
 गच्छ णं तुमं आणंदा । गोयमाइणं समणारं निग्गंथाणं एयमट्ठं परिकहेहि-मा णं
 अज्जो ! तुब्भं केइ गोसालं मंखलिपुत्तं धम्मियाए पडिचोयणाए पडिचोएउ,
 धम्मियाए पडिसारणाए पडिसारेउ, धम्मिएणं पडोयारेणं पडोयारेउ, गोसाळे णं
 मंखलिपुत्तं समणेहिं निग्गंथेहिं भिच्छं विप्पडिवणे, तए णं से आणंते थेरे समणेणं
 भगवया महावीरेणं एवं युत्ते समाणे समणं भगवं महावीरं वंदइ नमंसइ वं० २ ता
 जेणेव गोयमाइसमणा निग्गंथा तेणेव उवागच्छइ २ ता गोयमाइसमणे निग्गंथे
 आमंतेइ २ ता एवं वयासी-एवं खलु अज्जो ! छंठुक्खमणपारणंति समणेणं भगवया
 महावीरेणं अबणुत्ताए समाणे सावत्थीए नयरीए उच्चनीय तं चैव सव्वं जाव
 णायपुत्तस्स एयमट्ठं परिकहेहि, तं मा णं अज्जो ! तुब्भं केइ गोसालं मंखलिपुत्तं
 धम्मियाए पडिचोयणाए पडिचोएउ जाव भिच्छं विप्पडिवणे ॥ ५४८ ॥ जाव
 च णं आणंते थेरे गोयमाइणं समणारं निग्गंथाणं एयमट्ठं परिकहेइ तावं च णं से
 गोसाळे मंखलिपुत्ते हात्ताहलाए कुंभकारीए कुंभकारावणाओ पडिनिक्खमइ पडिनि-
 क्खमिता आजीवियसेधसंपरिवुके महाया जमरिसं वइमाणे सिग्गं तुरिवं जाव सावत्थि
 नयरिं मज्झमज्जेणं निग्गच्छइ १ ता जेणेव कोट्टए उज्जाणे जेणेव समणे भगवं

यद्वावीरे तेजेव उवागच्छद् ते० २ ता समणस्स भयवओ महावीरस्स अदूरसामंते
 ठिष्वा समणं भगवं महावीरं एवं वयासी-सुद्दु णं आउसो । कासवा । मम एवं
 वयाही साहु णं आउसो । कासवा । मम एवं वयासी-गोसाळे मंखलिपुते ममं
 धम्मंतेवाही गोसाळे० २, जे णं गोसाळे मंखलिपुते तव धम्मंतेवाही से णं सुद्धे
 सुक्कामिजाइए भविता कालमासे कालं किन्वा अजयरेसु देवलोएसु देवताए उववणे,
 अहण्णं उदाई नामं कुंठियायणीए अज्जुणस्स गोयमपुत्तस्स सरीरगं सिप्पजहामि
 अ० २ ता गोसाळस्स मंखलिपुत्तस्स सरीरगं अणुप्पविसामि गो० २ ता इमं सत्तमं
 पउट्टपरिहारं परिहरामि, जेवि आ(या)इं आउसो । कासवा । अम्हं समयंसि केइ
 सिज्जिसु वा सिज्जंति वा सिज्जिस्संति वा सच्चे ते चउरावीइ महाकप्पसयसइ-
 स्साइं सत्त दिव्वे सत्त संज्जे सत्त सण्णिगब्भे सत्त पउट्टपरिहारं पंच कम्मणि-
 सयसहस्साइं सट्ठि च सहस्साइं छव सए तिषि य कम्मसे अणुपुब्बेणं खवइता
 तओ पच्छा सिज्जंति बुज्जंति मुचंति परिनिव्वाइंति सब्बदुकसाणमंतं करिसु वा
 करेति वा करिस्संति वा, से जहा वा गंगा महानइं अओ पवूडा जहिं वा पज्जुव-
 त्थिया एस णं अद्दपंचओयणसयाइं आयामेणं अद्दओयणं विक्खंभेणं पंच धनुहसवाइं
 उब्बेहेणं एएणं गंगापमाणेणं सत्त गंगाओ सा एगा महागंगा, सत्त महागंगाओ सा
 एगा साईणगंगा, सत्त माईणगंगाओ सा एगा मज्जुगंगा, सत्त मज्जुगंगाओ सा एगा
 लोहियगंगा, सत्त लोहियगंगाओ सा एगा आबईगंगा, सत्त आबईगंगाओ सा एगा
 परमाबई, एवामेव सपुब्बावरेणं एणं गंगासयसहस्सं सत्तरस य सहस्सा क्खणुणपक्क-
 गंगासया भवंतीति मक्खमाया, तासिं दुविहे उदारं पण्णते, तंजहा-सुहुमबोदिकळेबरे
 चेव बायरबोदिकळेबरे चेव, तएय णं जे से सुहुमबोदिकळेबरे से ठप्पे, तएय णं जे
 से बायरबोदिकळेबरे तओ णं वाससए २ गए २ एयमेणं गंतावाल्लवं अवहाय
 जावइएणं कालेणं से कोट्टे खीणे जी(र)रेए निक्खेवे निट्ठिए भवइ, सेत्तं सरे सरप्पमाणे,
 एएणं सरप्पमाणेणं तिषि सरसयसाहस्सीओ से एगे महाकप्पे, चउरावीइ महाकप्प-
 सयसहस्साइं से एगे म्हात्ताओ, अर्णताओ संज्जहाओ जीवे चयं चइता उववित्ते
 माणसे संज्जे देवे उववज्जइ, से णं तएय दिव्वाइं भोगभोगाइं मुज्जयाणे विहरइ
 विहरिता ताओ देवलोगाओ आउक्कएणं भक्कएणं ठिइक्कएणं अर्णतरं चयं
 चइता पढमे सत्तियग्ग्गे जीवे पक्कायाइ, से णं तओहिंतो अर्णतरं उव्वट्ठिता अज्जिक्खे
 माणसे संज्जे देवे उववज्जइ, से णं तरव दिव्वाइं भोगभोगाइं जाव विहरिता ताओ
 देवलोगाओ आउक्कएणं ३ जाव चइता दोणे सत्तियग्ग्गे जीवे पक्कायाइ, से णं
 तओहिंतो अर्णतरं उव्वट्ठिता हेत्तिंते माणसे संज्जे देवे उववज्जइ, से णं तरव

दिव्वाइ जाव चइत्ता तच्चे सन्निगन्भे जीवे पच्चायाइ, से णं तओहिंतो जाव उब्ब-
ट्टिता उवरिल्ले माणुसुत्तरे संजूहे देवे उववज्जइ, से णं तत्थ दिव्वाइ भोग जाव
चइत्ता चउत्थे सन्निगन्भे जीवे पच्चायाइ, से णं तओहिंतो अणंतरं उब्बट्टिता
मज्झिल्ले माणुसुत्तरे संजूहे देवे उववज्जइ, से णं तत्थ दिव्वाइ भोग जाव चइत्ता
पंचमे सन्निगन्भे जीवे पच्चायाइ, से णं तओहिंतो अणंतरं उब्बट्टिता हिट्ठिल्ले माणु-
सुत्तरे संजूहे देवे उववज्जइ, से णं तत्थ दिव्वाइ भोग जाव चइत्ता छट्ठे सन्निगन्भे
जीवे पच्चायाइ, से णं तओहिंतो अणंतरं उब्बट्टिता बंभलोगे नामं से कप्पे पण्णे,
पाईणपडीणायए उवीणदाहिणविच्छिन्ने जहा ठाणपए जाव पंच बह्वंसगा प०,
तंजहा-असोगवडंसए जाव पडिरूवा, से णं तत्थ देवे उववज्जइ, से णं तत्थ दस्स
सागरोवमाइ दिव्वाइ भोग जाव चइत्ता सत्तमे सन्निगन्भे जीवे पच्चायाइ, से णं
तत्थ नवण्हं मासाणं बहुपडिपुञ्जाणं अद्धट्टमाण जाव वीडकंतारणं सुकुमालगभइलए
मिउकुंडलकुंचियकेसए मट्ठणंडतलकभपीठए देवकुमारस(म)प्पभए दारए पया(ए)-
यइ, से णं अहं कासवा ! ने (तए)णं अहं आउसो ! कासवा ! कोमारियाए पच्चजाए
कोमारएणं बंभचेरवासेणं अविट्ठकणए चेव संखारणं पडिलभामि सं० २ ता इमे सण
पउट्टपरिहारे परिहरामि, तंजहा-एणेज्जगस्स, मळरामस्स, मंडियस्स, रोहस्स, भार-
हाइस्स, अज्जुणस्स गोयमपुत्तस्स, गोसालस्स मंखळिपुत्तस्स, तत्थ णं जे से पडमे
पउट्टपरिहारे से णं रायगिहस्स नयरस्स बहिया मंडियकुट्ठिसि उज्जाणंसि उदा(यण)-
इस्स कुडियायणस्स सरीरं विप्पजहामि उदा० २ ता एणेज्जगस्स सरीरं अणुप्प-
विसामि एणे० २ ता बावीसं वासाइं पडमं पउट्टपरिहारं परिहरामि, तत्थ णं जे
से दोच्चे पउट्टपरिहारे से णं उहंडपुरस्स नयरस्स बहिया चंदोयरणंसि उज्जाणंसि
एणेज्जगस्स सरीरं विप्पजहामि २ ता मळरामस्स सरीरं अणुप्पविसामि
मळ० २ ता एगवीसं वासाइं दोब्बं पउट्टपरिहारं परिहरामि, तत्थ णं जे से तच्चे
पउट्टपरिहारे से णं चंपाए नयरीए बहिया अंगमंदिरंसि उज्जाणंसि मळरामस्स
सरीरं विप्पजहामि मळ० २ ता मंडियस्स सरीरं अणुप्पविसामि मंडि० २ ता
वीसं वासाइं तच्चं पउट्टपरिहारं परिहरामि, तत्थ णं जे से चउत्थे पउट्टपरिहारे से
णं वाणारसीए नयरीए बहिया काममहावणंसि उज्जाणंसि मंडियस्स सरीरं विप्प-
जहामि मंडि० २ ता रोहस्स सरीरं अणुप्पविसामि रोह० २ ता एगुणवीसं
वासाइं चउत्थं पउट्टपरिहारं परिहरामि, तत्थ णं जे से पंचमे पउट्टपरिहारे से
णं आलंभियाए नयरीए बहिया पत्तकालमंसि उज्जाणंसि रोहस्स सरीरं विप्पज-
हामि रोह० २ ता भारहाइस्स सरीरं अणुप्पविसामि भा० २ ता अज्जुरस

वासाई पंचमं पउट्टपरिहारं परिहरामि, तत्थ णं जे से छट्ठे पउट्टपरिहारे से णं वेसालीए नयरीए बहिया कौं(कं)खियायणंसि उज्जाणंसि भारहाइस्स सरीरगं विप्पज-
हामि भा० २ ता अज्जुणगस्स गोयमपुत्तस्स सरीरगं अणुप्पविसामि अ० २ ता
उत्तरस वासाई छट्ठं पउट्टपरिहारं परिहरामि, तत्थ णं जे से सप्तमे पउट्टपरिहारे से
णं इहेव सावत्थीए नयरीए हालाहलाए कुंभकारीए कुंभकारावणंसि अज्जुणगस्स
गोयमपुत्तस्स सरीरगं विप्पजहामि अज्जुणगस्स० २ ता गोसालस्स मंखलिपुत्तस्स
सरीरगं अलं थिरं धुवं धारणिज्जं सीयसहं उण्हसहं खुहासहं विविहदंसमसग-
परीसहोवसग्गसहं थिरसंघयणंतिकट्टु तं अणुप्पविसामि २ ता तं सोत्तस
वासाई इमं सप्तमं पउट्टपरिहारं परिहरामि, एवामेव आउसो । कासवा ।
एणेणं तेत्तीसेणं वासएणेणं मत्त पउट्टपरिहारा परिहरिया भवंतीति मक्ख्खाया,
तं सुट्टु णं आउसो । कामवा । ममं एवं वयासी साहु णं आउसो । कासवा ।
ममं एवं वयासी-गोसाले मंखलिपुत्ते ममं धम्मतेवासिणि गोसाले० २ ॥ ५४९ ॥
तए णं समणे भगवं महावीरे गोसालं मंखलिपुत्तं एवं वयासी-गोसाला ! से जहा-
नामए तेणए सिया गामेळ्ळण्हिं परन्भ(व)माणे २ कत्थ(वि)इ ग(त्तं)हुं वा दरिं वा दुम्मं
वा निज्जं वा पव्वयं वा विसमं वा अणस्सादेमाणे एणेण महं उच्चालोमेण वा सणलोमेण
वा कप्पामपम्हेण वा तणसूएण वा अत्ताणं आवरेत्ताणं चिट्ठेजा, से ण अणावरिए
आवरियमिति अप्पाणं मज्झइ, अपचच्छण्ये य पच्छण्णमिति अप्पाणं मज्झइ, अ(ण)वि-
लुक्के णिलुक्कमिति अप्पाणं मज्झइ, अपल्लयए पलायमिति अप्पाणं मज्झइ, एवामेव तुयंमि
गोसाला ! अणत्ते संते अन्नमिति अप्पाणं उपलभसि, तं मा एवं गोसाला ! नारिइसि
गोसाला ! मत्थेव ते सा छाया नो अन्ना ॥ ५५० ॥ तए णं से गोसाले मंखलिपुत्ते
समणेणं भगवया महावीरेणं एवं बुत्ते समणे आसुरते ५ समणे भगवं महावीरं
उच्चावयाहिं आउसणाहिं आउसइ उच्चा० २ ता उच्चावयाहिं उदंसणाहिं उदंसइ
उदंसेता उच्चावयाहिं निम्भंछणाहिं निम्भंछेइ उ० २ ता उच्चावयाहिं निच्छोडणाहिं
निच्छोडेइ उ० २ ता एवं वयासी-नट्टेसि कयाइ, विणट्टेसि कयाइ, भट्टेसि कयाइ,
नट्टविणट्टभट्टेसि कयाइ, अज्ज न भवसि नाहिं ते ममाहिंते सुहमात्थि ॥ ५५१ ॥
तेणं कालेणं तेणं समएणं समणस्स भगवओ महावीरस्स अंतेवासी पाईणजाणवए
सव्वाणुभूईं णामं अणगारे उगइअए जाव विणीए धम्मयायियाणुराणेणं एयमहं
असइइमाणे उट्टाए उट्टेइ उ० २ ता जेथेव गोसाले मंखलिपुत्ते तेनेव उच्चागच्छइ २
ता गोसालं मंखलिपुत्तं एवं वयासी-जेथि ताव गोसाला । तहाएवस्स समणस्स वा
माहणस्स वा अंतियं एगममि आ(व)रियं धम्मियं सुववयं विसामेइ सेथि ताव तं

बंदइ नमंसइ जाव क्खणं मंगलं देवयं चेइयं पञ्जुवासइ, किमंग पुण तुमं गोसाला !
 भगवया चेव पव्वाविए, भगवया चेव मुंडाविए, भगवया चेव सेहाविए, भगवया
 चेव सिक्खाविए, भगवया चेव बहुसुइकए, भगवओ चेव भिच्छं विप्पडिबणे, तं
 मा एवं गोसाला ! नारिहसि गोसाला ! सखेव ते सा छाया नो अच्चा, तए णं से
 गोसाले मंखलिपुत्ते सव्वाणुभूइणामेणं अणगारेणं एवं जुत्ते समाणे आसुहते
 ५ सव्वाणुभूइं अणगारं तवेणं तेएणं एगाहब्बं कूडाहब्बं जाव भासरामिं करेइ, तए
 णं से गोसाले मंखलिपुत्ते सव्वाणुभूइं अणगारं तवेणं तेएणं एगाहब्बं कूडाहब्बं जाव
 भासरामिं करेणा दोबंपि समणं भगवं महावीरं उच्चावयाहिं आउसणाहिं आउसइ
 जाव सुइं नत्थि । तेणं कालेणं तेणं समएणं समणस्स भगवओ महावीरस्स
 अंतवासी कोसलजाणवए सुणक्खते णामं अणगारे पगइभए जाव विणीए धम्मयायि-
 याणुरागेणं जहा सव्वाणुभूइं तहेव जाव सखेव ते सा छाया नो अच्चा । तए णं से
 गोसाले मंखलिपुत्ते सुणक्खतेणं अणगारेणं एवं जुत्ते समाणे आसुहते ५ सुनक्खतं
 अणगारं तवेणं तेएणं परितावेइ, तए णं से सुनक्खते अणगारे गोसालेणं मंखलि-
 पुत्तेणं तवेणं तेएणं परिताविए समाणे जेणव समणे भगवं महावीरे तेणेव उवागच्छइ
 २ ता समणं भगवं महावीरं तिक्खन्तो आयाहिणं पयाहिणं करेइ २ ता बंदइ
 नमंसइ वं० २ ता सयमेव पंच महव्वयाइं आरुहेइ स० २ ता समणा य समणीओ य
 खाभेइ सम० २ ता आलोइयपडिक्कंते समाहिपत्ते आणुपुब्बीए कान्ताए । तए णं से
 गोसाले मंखलिपुत्ते सुनक्खतं अणगारं तवेणं तेएणं परितावेता तबंपि समणं
 भगवं महावीरं उच्चावयाहिं आउमणाहिं आउमइ सव्वं तं खेव जाव सुइं नत्थि ।
 तए णं समणे भगवं महावीरे गोसालं मंखलिपुत्तं एवं वयासी-जेवि ताव गोसाला !
 तहास्वस्म समणस्स वा माहणस्स वा तं खेव जाव पञ्जुवासइ, किमंग पुण
 गोसाला ! तुमं मए खेव पव्वाविए जाव मए खेव बहुसुइकए ममं खेव भिच्छं
 विप्पडिबणे, तं मा एवं गोसाला ! जाव नो अच्चा, तए णं से गोसाले मंखलिपुत्ते
 समणेणं भगवया महावीरेणं एवं जुत्ते समाणे आसुहते ५ तेयासमुग्घाएणं समोइणइ
 तेया० २ ता सणद्वपयाइं ष्कोसइ २ ता समणस्स भगवओ महावीरस्स बहाए
 सरीरगंति तेयं निसिइ, से जहानामए बाउक्खियाइ वा बायमंक्खियाइ वा सेवंसि
 वा कुर्वंसि वा वंमंसि वा धूमंसि वा आवरिज्जमा(णा)णी वा निवारिज्जमाणी वा
 सा णं तत्थ णो कमइ नो पक्कमइ, एकायेव गोसालस्सवि मंखलिपुत्तस्स तवे तेए
 समणस्स भगवओ महावीरस्स बहाए सरीरगंति निसिहे समणे से णं तत्थ नो
 कमइ नो पक्कमइ, अंधियंवि करेइ अंधि० २ ता आयाहिणं पयाहिणं करेइ वा०

२ ता उर्ध्वं वेदासं उप्यद्गए, खे णं तन्नो पडिहए पडिनियतो समाणे त(स्से)मेव गोसालस्स मंखलिपुत्तस्स सरीरगं अणुबहमाणे २ अंतो २ अणुप्यविट्ठे, तए णं खे गोसाले मंखलिपुत्ते सएणं तेएणं अच्चाइट्ठे समाणे समणं भगवं महावीरं एवं वयासी-
 तुमं णं आउसो ! कासवा ! ममं तवेणं तेएणं अच्चाइट्ठे समाणे अंतो छण्हं मासाणं पिणञ्जरपरिगयसरीरे दाहवक्कंतीए छउमत्थे च्चैव कालं करिस्ससि, तए णं समणे भगवं महावीरे गोसालं मंखलिपुत्तं एवं वयासी-नो खल्ल अहं गोसाला ! तव तवेणं तेएणं अच्चाइट्ठे समाणे अंतो छण्हं मासाणं जाव कालं करिस्सामि, अहं अच्चाइं मोल-
 सबासाइं जिणे सुहरथी विहरिस्सामि, तुमं णं गोसाला ! अप्पणा च्चैव सएणं तवेणं तेएणं अच्चाइट्ठे समाणे अंतो सत्तरत्तस्स पिणञ्जरपरिगयसरीरे जाव छउमत्थे च्चैव कालं करिस्ससि, तए णं सावत्थीए नयरीए मिघाडग जाव पहेसु बहुज्जणो अन्नमज्जस्स एवमाइक्खवड जाव एवं परूवेइ-एवं खल्ल देवाणुप्पिया ! सावत्थीए नयरीए बहिया कोट्टए उजाणे हुवे जिणा संलवंति, एगे एवं वदंति-तुमं पुंवि कालं करिस्ससि एगे एवं वदंति तुमं पुंवि कालं करिस्ससि, तत्थ णं के पुण सम्मावाइं के पुण मिच्छावाइं ? तत्थ णं जे से अहप्यहाणे जणे से वदइ-समणे भगवं महावीरे सम्मावाइं गोसाले मंखलिपुत्ते मिच्छावाइं, अज्जोति समणे भगवं महावीरे समणे निम्भंथे आमंतंता एवं वयासी-अज्जो ! से जहानामए तणरासीइ वा कट्टरासीइ वा पनरासीइ वा तयारासीइ वा तुसरासीइ वा भुसरासीइ वा गोमयरासीइ वा अवकररासीइ वा अगणिज्जामिए अगणिज्जसिए अगणिपरिणामिए हयतेए गयतेए नट्टतेए भट्टतेए लुत्ततेए विणट्टतेए जाव एवामेव गोसाले मंखलिपुत्ते ममं बहाए सरीरगंसि तेवै निसिरिता हयतेए गयतेए जाव विणट्टतेए जाए, तं छंदेणं अज्जो ! तुम्भे गोसालं मंखलिपुत्तं धम्मियाए पडिचोयणाए पडिचोएह धम्मि० २ ता धम्मियाए पडिसा-
 रणाए पडिसारेह धम्मि० २ ता धम्मिएणं पडोयारेणं पडोयारेह धम्मि० २ ता अट्ठेहि य हेऊहि य पडिणेहि य वागरणेहि य कारणेहि य निष्पट्टपणिगवागरणे करेइ, तए णं ते समणा निम्भंथा समणेणं भगवया महावीरेणं एवं वुत्ता समाणा समणं भगवं महावीरं वदंति नमंसंति वंदिता नमंसिता जेणेव गोसाले मंखलिपुत्ते तेणेव उवागच्छंति तेणेव उवागच्छिता गोसालं मंखलिपुत्तं धम्मियाए पडिचोयणाए पडिचोएंति ध० २ ता धम्मियाए पडिसा(इ)रणाए पडिसारंति ध० २ ता धम्मिएणं पडोयारेणं पडोयारंति ध० २ ता अट्ठेहि य हेऊहि य कारणेहि य जाव वागरणं क(वाग)रंति । तए णं से गोसाले मंखलिपुत्ते समणेहिं निम्भंथेहिं धम्मियाए पडिचोयणाए पडिचोइज्जामाणे जाव निष्पट्टपणिगवागरणे कीरमाणे आत्तुत्ते जाव-

मिस्मिसेमाणे नो संचाएइ समणाणं निग्गंघाणं सरीरगस्स किंवि आबाहं वा बाबाहं वा उप्पाएत्तए छविच्छेदं वा करेत्तए, तए णं ते आजीविआ थेरा गोसालं मंखलिपुत्तं समणेहिं निग्गंयेहिं धम्मियाए पडिचोयणाए पडिचोएज्जमाणं धम्मियाए पडिसारणाए पडिसारिज्जमाणं धम्मिएणं पडोयारेणं पडोयारिज्जमाणं अट्टेहि य हेऊहि य जाव कीरमाणं आसुरुत्तं जाव मिस्मिसेमाणं समणाणं निग्गंघाणं सरीर- गस्स किंवि आबाहं वा बाबाहं वा छविच्छेदं वा अकरेमाणं पासंति २ ता गोसा- लस्स मंखलिपुत्तस्स अंतियाओ आयाए अवक्कमंति आयाए अवक्कमिणा जेणेव समणे भगवं महावीरे तेणेव उवागच्छंति ते० २ ता समणं भगवं महावीरं तिवक्खुत्तो आयाहिणं पयाहिणं० वंदंति नमंसंति वं० २ ता समणं भगवं महावीरं उवसंपज्जितार्थं विहरंते, अत्थेगइया आजीविआ थेरा गोसालं चैव मंखलिपुत्तं उवसंपज्जितार्थं विहरंति । तए णं से गोसाले मंखलिपुत्ते जस्सट्टाए हध्वमाणए तमहुं असाहंमाणे रंदाइं पलोएमाणे दीहुण्हाइं नी(स)सासमाणे दाडियाए लोमा(इं)ए लुंचमाणे अवइं कंहुयमाणे पुयलि पप्फोडेमाणे हत्थे विणिद्धुणमाणे दोहिवि पाएहिं भूमिं कोट्टेमाणे हाहा अहो ! हओइहमस्सीतिकट्टु समणस्स भगवओ महावीरस्स अंतियाओ कोट्टयाओ उज्जाणाओ पडिनिक्खमइ २ ता जेणेव मावत्थी नयरी जेणेव हाल्लाहलाए कुंभकारीए कुंभकारावणे तेणेव उवागच्छइ ते० २ ता हाल्लाहलाए कुंभकारीए कुंभ- कारावणंसि अंबकूणगहत्थगए मज्जपाणं पियमाणे अभिक्खणं गायमाणे अभि- क्खणं नचमाणे अभिक्खणं हाल्लाहलाए कुंभकारीए अंजलिकम्मं करेमाणे सीयल- एणं मट्ठियापाणएणं आयंचणिउदएणं गायाइं परिसिचमाणे विहरइ ॥ ५५२ ॥ अज्जोत्ति समणे भगवं महावीरे समणे निग्गंये आमंतेणा एव वक्कासी-जावइएणं अज्जो । गोसालेणं मंखलिपुत्तेणं मम बहाए सरीरगंसि तेए निसट्टे से णं अन्नाहि पज्जंते मोलसण्हं जणवयाणं, तं०-अंगाणं वंगाणं मगहाणं मलयाणं माल्लवगाणं अ(च्छा)त्थाणं वत्थाणं कोत्थाणं पाठाणं लाठाणं वज्जीणं मोलीणं काष्ठीणं कोसलयाणं अवाहाणं मुंभुत्तराणं घायाए बहाए उच्छादणट्टयाए भासीकरणयाए, अपि य अज्जो । गोसाले मंखलिपुत्ते हाल्लाहलाए कुंभकारीए कुंभकारावणंसि अंबकूणगहत्थगए मज्जपाणं पियमाणे अभिक्खणं जाव अंजलिकम्मं करेमाणे विहरइ, तस्सवि य णं वज्जस्स पच्छादणट्टयाए इमाइं अट्ट चरिमाइं पन्नवेइ, तंजहा-चरिमे पाजे, चरिमे गोए, चरिमे नट्टं, चरिमे अंजलिकम्मं, चरिमे पोक्खन्संबवट्टए महामेहे, चरिमे सेयणए गंधहत्थी, चरिमे महासिल्लाकट्टए संगामे, अइं च णं इमीसे ओसप्पिणीए चउवीसाए तित्थंकराणं चरिमे तित्थंकरे सिज्जिस्सं जाव अंतं करेस्सं ति, अपि य अज्जो ।

गोसाळे मंखलिपुत्ते सीयलएणं मट्टियापाणएणं आर्यचणितदएणं गायइ परिस्सिचमाणे विहरइ, तस्सवि य णं वज्जस्स पच्छादणट्ठयाए इमाइ चत्तारि पाणगाइ चत्तारि अपाणगाइ पन्नवेइ, से किं तं पाणए ? पाणए चउच्चिहे पन्नते, तंजहा-गोपुट्टए, हत्थम-हियए, आयवतत्तए, सिलापन्नमट्टए, सेत्तं पाणए, से किं तं अपाणए ? अपाणए चउच्चिहे पण्णत्ते, तंजहा-थालपाणए, तयापाणए, सिबलिपाणए, सुद्धपाणए, से किं तं थाल-पाणए ? २ जणं (जेणं) दाथालगं वा दावारगं वा दाकुंभगं वा दाकल्लसं वा सीयलगं (वा) उल्लगं हत्थेहिं परामुसइ न य पाणियं पियइ, सेत्तं थालपाणए, से किं तं तयापा-णए ? २ जणं अर्बं वा अंबाडगं वा जहा पओगपए जाव बोरे वा तिदुल्लं वा [तल्लं] वा तरुणगं वा आमगं वा आमगंस्स आवीळेइ वा पवीळेइ वा न य पाणियं पियइ, सेत्तं तयापाणए, से किं तं सिबलिपाणए ? २ जणं कल्लसंगलियं वा मुग्गसंगलियं वा माससंगलियं वा सिबलियंगलियं वा तरुणियं आमियं आसगंस्स आवीळेइ वा पवीळेइ वा ण य पाणियं पियइ, सेत्तं सिबलिपाणए, से किं तं सुद्धपाणए ? सुद्धपा-णए जणं छम्मासे सुद्धखाइमं खाइ दो मासे पुट्टविसंथारोवगए दो मासे कट्ट-संथारोवगए दो मासे दब्भसंथारोवगए, तस्म णं बहुपडिपुत्तणं छण्हं मास्तानं अंतिमराइए इमे दो देवा महिच्चिवा जाव महेसक्खा अंतियं पाउन्नभवति, तं-पुत्तभेइ य माणिभेइ य, तए णं ते देवा सीयलएहिं उल्लएहिं हत्थेहिं गायइ परा-मुत्तंस्सि, जे णं ते देवे साइज्जइ से णं आसीक्किताए कम्मं पकरेइ, जे णं ते देवे ने साइज्जइ तस्स णं संसि सरीरगंस्सि अगणिकाए संभवइ, से णं सएणं तेएणं सरीरगं ज्ञामेइ स० २ ता तओ पच्छा सिज्जइ जाव अंतं करेइ, सेत्तं सुद्धपाणए । तत्थ णं सावत्थीए नयरीए अयंपुळे णामं आजीवियोवासए परिवसइ अणु जाव अपरिभूए जहा हात्ताहत्ता जाव आजीवियसमएणं अप्पाणं भावेमाणे विह-रइ, तए णं तस्स अयंपुल्लस्स आजीवियोवासगस्स अन्नया कयाइ पुक्कर-तावरणकालसमयंस्सि कुंभकारियं जागरमाणस्स अयमेयारूवे अज्जत्थिए जाव समुप्पज्जित्वा-किंसंठिया हत्ता पण्णत्ता ?, तए णं तस्स अयंपुल्लस्स आजी-योवासगस्स दोक्खेपि अयमेयारूवे अज्जत्थिए जाव समुप्पज्जित्वा-एवं खल्लु मम धम्मयारिए धम्मोवएसए गोसाळे मंखलिपुत्ते उप्पन्ननाणदंसणघरे जाव सच्चच्चु सच्चदरिस्सि इहेव सावत्थीए नयरीए हात्ताहत्ताए कुंभकारीए कुंभकारावणंस्सि आजीवियसंघसंपरिवुडे आजीवियसमएणं अप्पाणं भावेमाणे विहरइ, तं सेयं खल्लु मे पल्लं जाव जलंते गोसाळे मंखलिपुत्ते वंदिता जाव पज्जुवासित्ता इमं एया(णु)रूवं वागरणं वागरितएत्थिक्कु एवं संपेहेइ संपेहित्ता कल्लं जाव जलंते ण्हाए जाइ

अप्पमहम्मभरणाळकियसरीरे साओ विहाओ पडिनिक्कवइ सा० २ ता पाय-
विहारचारेणं सावत्थि नयरि मज्झमज्जेणं जेणेव हालाहलाए कुंभकारीए कुंभकारा-
वणे तेणेव उवागच्छइ २ ता पासइ गोसालं मंखलिपुत्तं हालाहलाए कुंभकारीए
कुंभकारावणंसि अंबकूणगहत्थगयं जाव अंजलिक्कम्मं करेमाणं सीयलयाएणं मट्ठिया
जाव गायार्इ परिसिंखमाणं पासइ २ ता लज्जिए विट्ठिए विट्ठे सत्थियं २ पच्चोसकइ,
तए णं ते आजीविया थेरा अयंपुलं आजीवियोवासणं लज्जियं जाव पच्चोसकमाणं
पासेंसि २ ता एवं वयासी-एहि ताव अयंपुला ! एत(इ)ओ, तए णं से अयंपुळे
आजीवियोवासए आजीवियेयेरेहि एवं वुत्ते समाणे जेणेव आजीविया थेरा तेणेव
उवागच्छइ उवागच्छता आजीविए येरे वंदइ नमंसइ वं० २ ता नक्कासजे जाव
पज्जुवासइ, अयंपुलाइ आजीविया थेरा अयंपुलं आजीवियोवासणं एवं वयासी-से
नूणं ते(मे) अयंपुला ! पुब्बरत्तावरत्तकालममयंसि जाव किंसंठिया हत्ता पण्णत्ता ?,
तए णं तव अयंपुला ! दोब्बपि अयमेया० तं चेव सत्थवं भाणियिव्वं जाव सावत्थि
नयरि मज्झमज्जेणं जेणेव हालाहलाए कुंभकारीए कुंभकारावणे जेणेव इहं तेणेव
हव्वमागए, से नूणं ते अयंपुला ! अट्ठे समट्ठे ! इत्ता अत्थि, जपि य अयंपुला !
तव धम्मायरिए धम्मोवएसए गोसाळे मंखलिपुत्ते हालाहलाए कुंभकारीए
कुंभकारावणंसि अंबकूणगहत्थगए जाव अंजलि करेमाणे विहरइ, तत्थयि णं भगवं
इमाइ अट्ठ चरिमाइ पच्चवेइ, तं०-चरिमे पाणे जाव अंतं करेत्सइ, जेवि य
अयंपुला ! तव धम्मायरिए धम्मोवएसए गोसाळे मंखलिपुत्ते सीयलयाएणं मट्ठिया
जाव विहरइ, तत्थयि णं भगवं इमाइ चत्तारि पाणगाइ चत्तारि अपाणगाइ पच्चवेइ, ते
किं तं पाणए ? पाणए जाव तओ पच्छा सिज्ज(न्ति)इ जाव अंतं करे(न्ति)इ, तं गच्छ-
इ णं तुमं अयंपुला ! एस चेव तव धम्मायरिए धम्मोवएसए गोसाळे मंखलिपुत्ते इमं
एयाह्वं वागरणं वाग(रेही)रित्तएण्णि, तए णं से अयंपुळे आजीवियोवासए आजीविएहि
येरेहि एवं वुत्ते समाणे हट्ठुट्ठं० उट्ठाए उट्ठेइ उ० २ ता जेणेव गोसाळे मंखलिपुत्ते
तेणेव पढारेत्थ गमणाए, तए णं ते आजीविया थेरा गोसालत्स मंखलिपुत्तस्स
अंबकूणगप(ए)डावणट्ठयाए एणंतमंते संगारं कुब्बंति, तए णं से गोसाळे मंखलिपुत्ते
आजीवियाणं थेराणं संगारं पडिच्छइ २ ता अंबकूणगं एणंतमंते एकेइ, तए णं से
अयंपुळे आजीवियोवासए जेणेव गोसाळे मंखलिपुत्ते तेणेव उवागच्छइ उवागच्छि-
त्ता गोसालं मंखलिपुत्तं सिक्कत्तो जाव पज्जुवासइ, अयंपुलाइ गोसाळे मंखलिपुत्ते
अयंपुलं आजीवियोवासणं एवं वयासी-से नूणं अयंपुला ! पुब्बरत्तावरत्तकालममयंसि
जाव जेणेव ममं अत्थिं तेणेव हव्वमागए, से नूणं अयंपुला ! अट्ठे समट्ठे ! इत्ता

अथि, तं नो खलु एस अंबकूणए अंबचोयए नं एसे, किंसंठिया हला पजता ?
 वंसीमूलसंठिया हला पणता, वीणं बाएहि रे वीरगा वी० २, तए णं से अयंपुळे
 आजीवियोबासए गोसालेणं मंखलिपुत्तेणं इमे एयाख्वं वागरणं वागरिए समाये
 हट्टुट्टु जाव हियए गोसालं मंखलिपुत्तं वंदइ नमंसइ वं० २ ता पसिणाई पुच्छइ २ ता
 अट्टाई परियादियइ अ० २ ता उट्टाए उट्टेइ उ० २ ता गोसालं मंखलिपुत्तं वंदइ
 नमंसइ वं० २ ता जाव पडिगए। तए णं से गोसाले मंखलिपुत्ते अप्पणे मरणं आमोएइ
 २ ता आजीविए वेरे सदावेइ आ० २ ता एवं बयासी-नुब्बे णं देवाणुप्पिया ।
 मयं कालगयं जाणिता सुग्गिणा गंधोदएणं प्थाणेह सु० २ ता पम्हल्लसुकुमालाए
 गंधकासाईए गाय्याई लुहेह गा० २ ता सरसेणं गोसीसचंदणेणं गावाई अणुलिपह
 सु० २ ता महुरिहं हंसलक्खणं पाहसाडगं नियंसेह मह० २ ता सव्वालंकार-
 विभूसियं करेह स० २ ता पुरिससहस्सवाहिणिं सीयं दुरूहेह पुरि० २ ता
 मावन्धीए न्यरीए सिंघाडग जाव पहेनु महया महया म्हेणं उग्गोसेमाणा २ एवं
 वदह-एवं खलु देवाणुप्पिया । गोसाले मंखलिपुत्ते जिणे जिणप्पलावी जाव
 जिणसई पगासेमाणे विहरिता इमासे ओसापिणीए चउवीसाए तिन्थयराणं चरिमे
 तिन्थयरे सिद्धे जाव सब्बदुक्खप्पहीणे, इड्डीसकारसमुदएणं मयं सरीरगस्स णीहरणं
 करेह, तए णं ते आजीविया थेरा गोसालस्स मंखलिपुत्तस्स एयमट्ठं विणएणं
 पडिमुणंति ॥ ५५३ ॥ तए णं तस्स गोसालस्स मंखलिपुत्तस्स मणरत्तंसि पत्तंगम-
 माणंसि पडिल्लस्सम्मत्तस्स अयमेयारूवे अज्जत्थिए जाव समुप्पज्जिक्खा-णो खलु
 अहं जिणे जिणप्पलावी जाव जिणसई पगासेमाणे विहरइ, अहं णं गोसाले चेव
 मंखलिपुत्ते समणघायए समणमारए ममणपडिणीए आयरियउवज्जायाणं अयस-
 कारए अवजकारए अकित्तिकारए बहुहि असब्भावुब्भावणाहिं मिच्छताभिनिवेसेहि
 य अप्पारं वा परं वा तदुभयं वा कुग्गाहेमाणे पुप्पाएमाणे विहरिता सएणं तेएणं
 अजाइट्ठे समाणे अंतो सत्तरत्तस्स पित्तज्वरपरिगयसरीरे दाहवक्कंतीए छउमत्थे चेव
 कालं करेस्सं, समणे भगवं महावीरे जिणे जिणप्पलावी जाव जिणसई पगासेमाणे
 विहरइ, एवं संपेहेइ एवं संपेहिता आजीविए वेरे सदावेइ आ० २ ता उच्चाव-
 सवहसाविए करेइ उच्चा० २ ता एवं बयासी-नो खलु अहं जिणे जिणप्पलावी
 जाव पगासेमाणे विहरइ, अहं गोसाले मंखलिपुत्ते समणघायए जाव छउमत्थे
 चेव कालं करेस्सं, समणे भगवं महावीरे जिणे जिणप्पलावी जाव जिणसई पगा-
 सेमाणे विहरइ, तं तुब्बे णं देवाणुप्पिया । मयं कालगयं जाणिता वामे पाए सुब्बेणं
 वंचइ वा० २ ता तिक्खतो सुहे लुहुअइ ति० २ ता सक्खीए न्यरीए सिंघाडग

जाव पहेसु आकङ्कविकङ्क करेमाणा महया २ सहेण उग्घोसेमाणा २ एवं बदह—नो खलु देवाणुप्पिया । गोसाले मंखलिपुत्ते जिणे जिणप्पलावी जाव विह(रइ)रिए, एस णं गोसाले चेव मंखलिपुत्ते समणघायए जाव छउमत्थे चेव कालगए, समणे भगवं महावीरे जिणे जिणप्पलावी जाव विहरइ, अणिसक्कारसमुदएणं ममं सरीरगस्स नीहरणं करेज्जाह, एवं बदिता कालगए ॥५५४॥ तए णं ते आजीविया थेरा गोसालं मंखलिपुत्तं कालगयं जाणित्ता हालाइलाए कुंभकारीए कुंभकारावणस्स दुवाराइं पिहेति दु० २ ता हालाइलाए कुंभकारीए कुंभकारावणस्स बहुमज्जसेसभाए सावत्थि नयरिं आलिहंति मा० २ ता गोसालस्स मंखलिपुत्तस्स सरीरगं वामे पाए मुंभेणं बंधति वा० २ ता तिकखुणो मुहे उट्ठुंभंति २ ता सावत्थीए नयरीए सिघाडग जाव पहेसु आकङ्कविकङ्क करेमाणा णीयं २ सहेणं उग्घोसेमाणा २ एवं वयासी—नो खलु देवाणुप्पिया ! गोसाले मंखलिपुत्ते जिणे जिणप्पलावी जाव विहरिए, एस णं गोसाले चेव मंखलिपुत्ते समणघायए जाव छउमत्थे चेव कालगए, समणे भगवं महावीरे जिणे जिणप्पलावी जाव विहरइ, सवहपडिमोक्खणं करेति स० २ ता दोक्षपि पूयासक्कारथिरीकरणद्वयाए गोमालस्स मंखलिपुत्तस्स वामाओ पायाओ मुवं मुर्यंति मु० २ ता हालाइलाए कुंभकारीए कुंभकारावणस्स दुवारवयणाइं अवगुणंति २ ता गोसालस्स मंखलिपुत्तस्स मरीरगं सुरभिणा गंघोदएणं ष्हाणंति तं चेव जाव महया २ इड्डीसक्कारसमुदएणं गोमालस्स मंखलिपुत्तस्स सरीरगस्स नीहरणं करेति ॥ ५५५ ॥ तए णं समणे भगवं महावीरे अजया कयाइ सावत्थीओ नयरीओ कोट्टयाओ उज्जाणाओ पडिनिक्खमइ २ ता बहिया जणवयविहारं विहरइ । तेणं कालेणं तेणं समएणं सिद्धियगामे मामं नयरे होत्था वज्जओ, तस्स णं मेद्धियगामस्स नयरस्स बहिया उत्तरपुरस्सिंमे विसीभाए एत्थ णं सालकोट्टए नामं उज्जाणे होत्था वज्जओ जाव पुट्टविसिलापट्टओ, तस्स णं सालकोट्टगस्स उज्जाणस्स अवरसामंते एत्थ णं महेगं मालयाकच्छए याषि होत्था किण्हे किण्हेभासे जाव निकुईबभूए पत्तिए पुप्फिए फल्लिए हरियगारेरिज्जमाथे सिरीए अईव २ उक्कमोभमाणे २ विट्ठइ, तए णं मेद्धियगामे नयरे रेवई नामं गाहावइणी परिवसइ अण्णा जाव अपरिभूया, तए णं समणे भगवं महावीरे अजया कयाइ पुब्बाणुपुब्बं चरमाणे जाव जेणेव मेद्धियगामे नयरे जेणेव साण(ल)येद्वए उज्जाणे जाव परिमा पडिगया । तए णं समणस्स भगवओ महावीरस्स सरीरगं विउले रोगायंके पाउब्भूए उज्जले जाव वुरहियासे पित्तजरपरिगयसरीरे दाहकणीए याथि विहरइ, अविचाइं लोद्धियवचाइंपि पकरेइ, चाउब्भं वगरेइ—एवं खलु

समणे भगवं महावीरे गोसालस्स मंखलिपुत्तस्स तवेणं तेएणं अच्चाइहे समणे अंतो छण्हं मासाणं पित्तज्वरपरिगयसरिरे दाहवच्छंतीए छउमत्थे च्चैव कालं करिस्सइ । तेणं कालेणं तेणं समएणं समणस्स भगवओ महावीरस्स अंतेवासी सीहे नामं अणगारे पगइभइए जाव विणीए मालुयाकच्छगस्स अवरसामंते छट्ठंछट्ठेणं अनिक्खित्तेणं तवोकम्म्येणं उण्हं बाहाओ जाव विहरइ, तए णं तस्स सीहस्स अणगारस्स ज्ञाणंतरियाए वट्टमाणस्स अयमेयास्सुवे जाव समुप्पज्जित्वा-एवं खल्ल मम धम्मय-रियस्स धम्मोवएसगस्स समणस्स भगवओ महावीरस्स सरीरगंसि विउल्ले रोगायंके पाउअभूए उज्जले जाव छउमत्थे च्चैव कालं करेस्सइ, बदिस्संति य णं अजउत्थिया छउमत्थे च्चैव कालगए, इमेणं एयारूवेणं महया मणोमाणसिएणं दुक्खेणं अभिभूए समणे आयावणभूमीओ पच्चोच्छइ आया० २ ता जेणेव मालुयाकच्छए तेणेव उवागच्छइ २ ता मालुयाकच्छयं अंतो २ अणुप्पविसइ मालुया० २ ता महया २ न्हंणं दुहुकुहुस्स पळे । अज्जोति समणे भगवं महावीरे समणे निगंथे आमंतेइ २ ता एवं वयासी-एवं खल्ल अज्जो । ममं अतेवासी सीहे नामं अणगारे पगइभइए नं च्चैव मव्वं भाणियव्वं जाव पळे, तं गच्छइ णं अज्जो । तुच्चे सीहं अणगारं सइइ, तए णं ते समणा निगंथा समणेणं भगवया महावीरेणं एवं वुत्ता समाणा समणं भगवं महावीरं वंदंति नमंसंति वं० २ ता समणस्स भगवओ महावीरस्स अंतियाओ सालकोट्टयाओ उज्जाणाओ पडिनिक्खमंति सा० २ ता जेणेव मालुयाकच्छए जेणेव सीहे अणगारे तेणेव उवागच्छन्ति २ ता सीहं अणगारं एवं वयासी-सीहा । तव धम्मयारिया सहावेति, तए णं से सीहे अणगारे समणेहिं निगंथेहिं सद्धि मालुयाकच्छयाओ पडिनिक्खमइ २ ता जेणेव सालकोट्टए उज्जाणे जेणेव समणे भगवं महावीरे तेणेव उवागच्छइ २ ता समणं भगवं महावीरं तिक्खुत्तो आयाहिणं २ जाव पज्जुवासइ, सीहादि समणे भगवं महावीरे सीहं अणगारं एवं वयासी-से नूनं ते सीहा । ज्ञाणंतरियाए वट्टमाणस्स अयमेयास्सुवे जाव पळे, से नूनं ते सीहा । अट्ठे समट्ठे ? हंता अत्थि, तं नो खल्ल अहं सीहा । गोसा-लस्स मंखलिपुत्तस्स तवेणं तेएणं अच्चाइहे समणे अंतो छण्हं मासाणं जाव कालं करेस्सं, अहंणं अच्चाइ अट्ठसोलसवासाइं जिणे सुइत्थी विहरिस्सामि, तं गच्छइ णं तुमं सीहा । मेडियगामं नवरं रेवइए गाहावइणीए गिहे, तत्थ णं रेवइए गाहावइणीए ममं अट्ठाए दुवे (कोईडफला) उवक्खअडिया तेहिं नो अट्ठो, अत्थि से अणे पारियासिए [फासुए वीयउरए] तमाहराहि तेणं अट्ठो, तए णं से सीहे अणगारे समणेणं भगवया म-हावीरेणं एवं वुत्ते समणे इत्तुत्तु जाव हियए समणं भगवं महावीरं वंदइ नमंसाइ वंदिताइ

नमंसिता अतुरियमन्वबलमसेभंतं मुहपोत्तियं पडिळेहेइ मु० २ ता जहा गोयमसामी जाव जेणेव समणे भगवं महावीरे तेणेव उवागच्छइ २ ता समणं भगवं महावीरं वंदइ नमंसइ वं० २ ता समणस्स भगवओ महावीरस्स अंतियाओ सालकोट्टयाओ उजाणाओ पडिनिक्खमइ २ ता अतुरिय जाव जेणेव मैडियगामे नयरे तेणेव उवागच्छइ २ ता मैडियगामं नयरं मज्झंमज्जेणं जेणेव रेवईए गाहावइणीए गिहे तेणेव उवागच्छइ २ ता रेवईए गाहावइणीए गिहं अणुप्पविट्ठे, तए णं सा रेवई गाहावइणी सीहं अणगारं एज्जमाणं पासइ २ ता हट्टुट्टु० खिप्पामेव आसणाओ अच्चुट्ठेइ २ ता सीहं अणगारं सत्तट्टुपयाइं अणुगच्छइ स० २ ता तिक्खुत्तो आयाहिणं पयाहिणं० वंदइ नमंसइ वं० २ ता एवं वयासी-संदिसंनु णं देवाणुप्पिया ! किमागमणुप्पओयणं ?, तए णं से सीहं अणगारे रेवई गाहावइणि एवं वयासी-एवं खलु तुमे देवाणुप्पिए ! समणस्स भगवओ महावीरस्स अट्टाए दुवे [कोहंडफला] उवक्खडिया तेहिं नो अट्टो, अत्थि ते अजे पारियाणिए (फामुए बीयऊरए) तमाहराहि तेणं अट्टो, तए णं सा रेवई गाहावइणी सीहं अणगारं एवं वयासी-केस णं सीहा ! से णाणी वा तवस्सी वा जेणं तव एम अट्टे मम ताव रहस्सकडे हव्वमक्खाए जओ णं तुमं जाणासि ? एवं जहा खंदए जाव जओ णं अहं जाणामि, तए णं सा रेवई गाहावइणी सीहस्स अणगारस्स अंतियं एयमहं सोष्वा निसम्म हट्टुट्टा जेणेव भत्तघरे तेणेव उवागच्छइ २ ता पत्तगं मोएइ पत्तगं मोएत्ता जेणेव सीहं अणगारे तेणेव उवागच्छइ २ ता सीहस्स अणगारस्स पडिग्गहंगंसि तं सब्बं मम्मं निस्सरइ, तए णं नीए रेवईए गाहावइणीए तेणं दव्व-मुट्ठेणं जाव दाणेणं सीहे अणगारे पडिलाभिए समाणे देवाउए निक्खे जहा विज्जयस्स जाव जम्मजीवियफळे रेवईए गाहावइणीए रेवईए गाहावइणीए, तए णं से सीहे अणगारे रेवईए गाहावइणीए गिहाओ पडिनिक्खमइ २ ता मैडियगामं नयरं मज्झंमज्जेणं निगच्छइ निगच्छइत्ता जहा गोयमसामी जाव भत्तघाणं पडिदंसेइ २ ता समणस्स भगवओ महावीरस्स पाणिसि तं सब्बं मम्मं निस्सरइ, तए णं समणे भगवं महावीरे अमुच्छिए जाव अणज्जोववजे विलम्बि पत्तगभूएणं अप्पाणेणं तमाहारं सरीरकोट्टुगंसि पक्खिबइ, तए णं समणस्स भगवओ महावीरस्स तमाहारं आहारियस्स समाणस्स से विउळे रोगायंके खिप्पामेव उवसमं पत्तो हट्ठे जाए आरोगे बलियसरीरे तुट्ठा समणा तुट्ठाओ समणीओ तुट्ठा साबया तुट्ठाओ सावियाओ तुट्ठा देवा तुट्ठाओ देवीओ सदेवमणुयाहरे ज्ञेए तुट्ठे इहे जाए समणे भगवं महावीरे इहे० २ ॥ ५५६ ॥ अतेति भगवं शोकमे समणं भगवं

महावीरं वंद्य नमंसइ वं० २ ता एवं बयासी-एवं खलु देवानुप्पियाणं अंतेवासी
 पाईणजाणवए सव्वाणुभूई नामं अणगारे पगइमहए जाव विणीए, से णं भंते ।
 तया गोसाळेणं मंखलिपुत्तेणं तवेणं तेएणं भासारासीकए समाणे कहीं गए कहीं
 उवक्के ? एवं खलु गोयमा । ममं अंतेवासी पाईणजाणवए सव्वाणुभूई नामं अणगारे
 पगइमहए जाव विणीए, से णं तया गोसाळेणं मंखलिपुत्तेणं तवेणं तेएणं भासारासीकए
 समाणे उच्चं चंदिमसूरिय जाव बंमलंतगमहासुक्के कप्पे वीईवइता सहस्सारे कप्पे
 देवताए उवक्के, तत्थ णं अत्थेगइयाणं देवाणं अट्टारस सागरोबमाईं ठिईं पण्णता,
 तत्थ णं सव्वाणुभूइस्सवि देवस्स अट्टारस सागरोबमाईं ठिईं पण्णता, से णं सव्वा-
 णुभूईं देवे ताओ देवलोगाओ आउक्खएणं भक्खएणं ठिइक्खएणं जाव महा-
 विदेहे वासे सिज्जिहइ जाव अंतं करेहिइ । एवं खलु देवानुप्पियाणं अंतेवासी
 कोसलजाणवए सुनक्खत्ते नामं अणगारे पगइमहए जाव विणीए, से णं भंते ।
 तया गोसाळेणं मंखलिपुत्तेणं तवेणं तेएणं परिताविए समाणे कालमासे कालं किञ्चा
 कहीं गए कहीं उवक्के ? एवं खलु गोयमा । ममं अंतेवासी सुनक्खत्ते नामं
 अणगारे पगइमहए जाव विणीए, से णं तया गोसाळेणं मंखलिपुत्तेणं तवेणं तेएणं
 परिताविए समाणे जेणं व ममं अंतिए तेणं उवागच्छइ २ ता वंदइ नमंसइ वं०
 २ ता सयमेव पंच महव्वयाईं आरुहेइ सयमेव पंच महव्वयाईं आरुहेता समणा
 य समणीओ य खामेइ २ ता आत्थेइयपडिक्कंते समाहिपते कालमासे कालं किञ्चा
 उच्चं चंदिमसूरिय जाव आणवपाणमारणकप्पे वीईवइता अणुए कप्पे देवताए
 उवक्के, तत्थ णं अत्थेगइयाणं देवाणं बावीसं सागरोबमाईं ठिईं पण्णता, तत्थ णं
 सुनक्खत्तस्सवि देवस्स बावीसं सागरोबमाईं सेसं जहा सव्वाणुभूइस्स जाव अंतं
 काहिइ ॥ ५५७ ॥ एवं खलु देवानुप्पियाणं अंतेवासी कुत्तिस्से गोसाळे नामं
 मंखलिपुत्ते से णं भंते ! गोसाळे मंखलिपुत्ते कालमासे कालं किञ्चा कहीं गए कहीं
 उवक्के ? एवं खलु गोयमा । ममं अंतेवासी कुत्तिस्से गोसाळे नामं मंखलिपुत्ते
 समणघावए जाव छउमत्थे वेव खलमासे कालं किञ्चा उच्चं चंदिमसूरिय जाव अणुए
 कप्पे देवताए उवक्के, तत्थ णं अत्थेगइयाणं देवाणं बावीसं सागरोबमाईं ठिईं प०,
 तत्थ णं गोसाळस्सवि देवस्स बावीसं सागरोबमाईं ठिईं प० । से णं भंते !
 गोसाळे देवे ताओ देवलोगाओ आउक्खएणं ३ जाव कहीं उवक्कजिहिइ ! गोयमा !
 इहेव जंबूसीवे २ भारहे वासे विक्कमिरिपाय्मूळे पुंवेस जणवएसु सयहुवारे नयरे
 संयु(अ)इस्स रको भहाए अरियाए कुत्तिस्सि पुत्तताए पचायाहिइ, से णं तत्थ नव्वं
 मासाणं बहुपडिपुत्ताणं जाव वीइसंताणं जाव सुत्थे वारए पचाहिइ, णं रववि न णं से

दारए जाइ(पया)हिइ तं रयणि च णं सयदुवारे नयरे सन्भितरबाहिरिए भारगसो य कुंभगसो य पउमवासे य रयणवासे य वासे वासिहिइ, तए णं तस्स दारगस्स अम्मापियरो एकरसमे दिवसे वीइक्कंते जाव संपत्ते वारसाहदिवसे अयमेयाकूवं गोष्णं गुणनिष्फळं नामधेज्जं काहिति-अम्हा णं अम्हं इमंसि दारगंसि जायंसि समाणंसि सयदुवारे नयरे सन्भितरबाहिरिए जाव रयणवासे य वासे बुद्धे, तं होउ णं अम्हं इमस्स दारगस्स नामधेज्जं महापउमे महापउमे, तए णं तस्स दारगस्स अम्मापियरो नामधेज्जं करेहिंति महापउमेति, तए णं त महापउमं दारगं अम्मापियरो साइरेगट्टवासजायगं जाणिना सोहणंसि तिहिकरणदिवसनक्खलमुदुगंसि महया २ रायाभिसेगेणं अभिसिंचेहिंति, से णं तत्थ राया भविस्सइ महया हिमवंतमहंतं वज्जओ जाव विहरिस्सइ, तए णं तस्स महापउमस्स रज्जो अज्जया कयाइ दो देवा महिच्चिया जाव महेसक्खा सेणाकम्मं काहिति, तं-पुज्जभे य माणिभे य, तए णं सयदुवारे नयरे बह्वे राईमरतलवर जाव सत्थवाहप्पभिईओ अज्जमन्नं सहावेहिंति अ० २ ता एवं वदेहिंति-अम्हा णं देवाणुप्पिया ! अम्हं महापउमस्स रज्जो दो देवा महिच्चिया जाव नेणाकम्मं करेति तं-पुज्जभे य माणिभे य, तं होउ णं देवाणुप्पिया ! अम्हं महापउमस्स रज्जो दोवेवि नामधेजे देवसेणे २, तए णं तस्स महापउमस्स रज्जो दोवेवि नामधेजे भविस्सइ देवसेणेति, तए णं तस्स देवसेणस्स रज्जो अज्जया कयाइ सेए संख-तलविमलमज्जिगासे चउइते हत्थिरयणे समुप्पज्जिस्सइ, तए णं से देवसेणे राया तं सेयं संखतलविमलमज्जिगासं चउइतं हत्थिरयणं दुरुद्धे समणे सयदुवारं नयरं मज्जमज्जेणं अभिक्खणं २ अ(भि)इजाहिइ य निज्जाहिइ य, तए णं सयदुवारे नयरे बह्वे राईमर जाव पभिईओ अज्जमन्नं सहावेहिंति अ० २ ता वदेहिंति-अम्हा णं देवाणुप्पिया ! अम्हं देवसेणस्स रज्जो सेए संखतलसज्जिगासे चउइते हत्थिरयणे समुप्पजे, तं होउ णं देवाणुप्पिया ! अम्हं देवसेणस्स रज्जो तवेवि नामधेजे विम-लवाहणे २, तए णं तस्स देवसेणस्स रज्जो तवेवि नामधेजे भविस्सइ विमलवाह-णेति । तए णं से विमलवाहणे राया अज्जया कयाइ समणेहिं निमांवेहिं मिच्छं विप्पडिवज्जिहिइ, अ(त्थे)-पेगइए आउसेहिइ, अप्पेगइए अ(उ)वहसिहिइ, अप्पेगइए निच्छोडेहिइ, अप्पेगइए निअच्छेहिइ, अप्पेगइए बंधेहिइ, अप्पेगइए निरुंभेहिइ, अप्पे-गइयागं छविच्छेइ करेहिइ, अप्पेगइए पमारोहिइ, अप्पेगइयाणं उव्वेहिइ, अप्पेगइयाणं वत्थं पडिगइ कंवलं पायपुच्छं आच्छिदिहिइ विच्छिदिहिइ भिदिहिइ अवहसिहिइ, अप्पेगइयाणं मत्तपाणं वोच्छिदिहिइ, अप्पेगइ(याणं)ए भिज्जगरे करेहिइ, अप्पेगइए

निम्बिसए करेहि(न्ति)इ, तए णं सयदुवारे नयरे बहवे राईसर जाव वदिहिंति-एवं
 खलु देवाणुप्पिया । विमलवाहणे राया समणेहिं निग्गंथेहिं मिच्छं विप्पडिवणे, अप्पेगइए
 आउसइ जाव निम्बिसए करेइ, तं नो खलु देवाणुप्पिया । एयं अम्हं सेयं, नो
 खलु एयं विमलवाहणस्स रज्जो सेयं, नो खलु एयं रज्जस्स वा रट्टस्स वा बलस्स वा
 वाहणस्स वा पुरस्स वा अंतेउरस्स वा जणवयस्स वा सेयं जणं विमलवाहणे
 राया समणेहिं निग्गंथेहिं मिच्छं विप्पडिवणे, तं सेयं खलु देवाणुप्पिया । अम्हं
 विमलवाहणं रायं एयमट्ठं विज्जवित्तएणिकट्टु अज्जमज्जस्स अंतियं एयमट्ठं पडिसुणेति
 अ० २ ता जेणेव विमलवाहणे राया तेणेव उवागच्छंति २ ता करयलपरिग्गहियं
 विमलवाहणं रायं जएणं विज्जएणं वद्वारंति ज० २ ता एवं वयासी-एवं खलु
 देवाणुप्पिया ! समणेहिं निग्गंथेहिं मिच्छं विप्पडिवणा, अप्पेगइए आउस्संति जाव
 अप्पेगइए निम्बिसए करंति, तं नो खलु एयं देवाणुप्पियाणं सेयं, नो खलु एयं
 अम्हं सेयं, नो खलु एयं रज्जस्स वा जाव जणवयस्स वा सेयं जं णं देवाणुप्पिया ।
 समणेहिं निग्गंथेहिं मिच्छं विप्पडिवणा, तं विरमंतु णं देवाणुप्पिया ! एयस्स अट्टस्स
 अकरणयाए, तए णं से विमलवाहणे राया तेहिं बहुहिं राईसर जाव सत्यवाहप्प-
 भिईहिं एयमट्ठं विज्जते ममाणे नो धम्मोति नो तवोति मिच्छाविणएणं एयमट्ठं
 पडिसुणेहिइ, तस्स णं सयदुवारस्स नयरस्स बहिया उजरपुरस्सिमे दिसीभाए
 एथ णं सुभूमिभागं नामं उज्जाणे भविस्सइ सख्खोउय० वज्जो । तेणं कालेणं तेणं
 समएणं विमलस्स अरहत्तो पउप्पए सुमंगळे नामं अणगारे जाइसंपजे जहा धम्म-
 बोसस्स वज्जओ जाव संखिनविउल्लतेयळेस्से तिजाणोवगए सुभूमिभागस्स उज्जाणस्स
 अवूरसामंते छट्ठंछट्ठेणं अणिविस्सतेणं जाव आयावेमाणे विहरिस्सइ । तए णं से
 विमलवाहणे राया अज्जया कयाइ रहचरियं काउं निज्जाहिइ, तए णं से विमल-
 वाहणे राया सुभूमिभागस्स उज्जाणस्स अवूरसामंते रहचरियं करेमाणे सुमंगलं
 अणगारं छट्ठंछट्ठेणं जाव आयावेमाणं पासिहिइ २ ता आउरुते जाव मिसिमिसेमाणे
 सुमंगलं अणगारं रहसिरेणं षोड्ढावेहिइ, तए णं से सुमंगळे अणगारे विमलवाहणेणं
 रजा रहसिरेणं षोड्ढाविए समाणे सणियं २ उट्ठेहिइ २ ता दोषंपि उट्ठुं बाहाओरे
 पणिज्जिय २ जाव आयावेमाणे विहरिस्सइ, तए णं से विमलवाहणे राया सुमंगलं
 अणगारं दोषंपि रहसिरेणं षोड्ढावेहिइ, तए णं से सुमंगळे अणगारे विमलवाहणेणं
 रजा दोषंपि रहसिरेणं षोड्ढाविए समाणे सणियं २ उट्ठेहिइ २ ता ओहिं पउंजेहिइ
 २ ता विमलवाहणस्स रज्जो तीतइ ओहिणा आभोएहिइ २ ता विमलवाहणं रायं
 एवं वदिहिइ-नो खलु तुयं विमलवाहणे राया, नो खलु तुयं देवसेणे राया, नो खलु

सुमं महापउमे राया, तुमण्यं इओ तच्चे भवग्गहणे गोसाळे नामं मंखलिपुत्ते होत्था,
समणघायए जाव छउमत्थे चैव कालगए, तं जइ ते तया सव्वाणुभूणा अणगारेण
पभुणावि होऊणं सम्मं सहिय खमियं तित्तिक्खियं अहियासियं, जइ ते तया सुनक्ख-
त्तेणं अणगारेणं पभुणावि होऊणं जाव अहियासियं, जइ ते तया समणेणं भगववा महा-
वीरेणं पभुणावि जाव अहियासियं, तं नो खल्ल अहं ते तद्दा सम्मं सहिस्सं जाव अहिया-
सिस्सं, अहं ते नवरं सहयं सरहं ससारहियं तवेणं तेएणं एगाह्वं कूडाह्वं भास-
रासिं करेजामि, तए णं से विमलवाहणे राया सुमंगलेण अणगारेणं एवं वुत्ते समणे
आसुहते जाव मिसिमिसेमाणे सुमंगलं अणगारं तच्चपि रहसिरेणं णोक्खावेहिइ, तए
णं से सुमंगले अणगारे विमलवाहणेणं रणा तच्चपि रहसिरेणं णोक्खाविए समणे
आसुहते जाव मिसिमिसेमाणे आयावणभूमीओ पच्चोरुइ आ० २ ता तेयासमु-
ग्घाएणं समोहणिहिइ तेया० २ ता सत्तदुपयाइ पच्चोसक्किहिइ सत्तदु० २ ता
विमलवाहण रायं सहयं सरहं ससारहियं तवेणं तेएणं जाव भासरासिं करेहिइ ।
सुमंगले णं भंते ! अणगारे विमलवाहणं रायं सहयं जाव भासरासिं करेता कहिं
गच्छिहिइ कहिं उववज्जिहिइ ? गोयमा । सुमंगले णं अणगारे विमलवाहणं रायं
सहयं जाव भासरासिं करेता बहूहिं चत्थच्छदुद्धमदसमदुवालस जाव विचित्तेहिं
तवोक्खमेहिं अप्पाणं भावेमाणे बहूइं वासाइं सामलपरियागं पाउणिहिइ बहू० २ ता
मासियाए संखेहणाए सद्धिं भत्ताइं अणसणाए जाव छेदेता आलोइयपक्किंते समाहि-
पत्ते उव्वं चंदिमसूरिय जाव गेविज्जविमाणावाससयं वीइवइत्ता सव्वदुसिडे महाविमाणे
देवताए उववज्जिहिइ, तत्थ णं देवाणं अजहम्मणुक्कोसेणं तेत्तीसं सागरोवमाइं ठिइं
प०, तत्थ णं सुमंगलस्सवि देवस्स अजहम्मणुक्कोसेणं तेत्तीसं सागरोवमाइं ठिइं
प० । से णं भंते ! सुमंगले देवे ताओ देवलोगाओ जाव महाविदेहे वासे सिज्जिहिइ
जाव अंतं करेहिइ ॥ ५५८ ॥ विमलवाहणे णं भंते । राया सुमंगलेणं अणगारेणं सहए
जाव भासरासीकए समणे कहिं गच्छिहिइ कहिं उववज्जिहिइ ? गोयमा । विमलवाहणे
णं राया सुमंगलेण अणगारेणं सहए जाव भासरासीकए समणे अहे सत्तमाए पुढवीए
उक्कोसकालद्विइयंसि नरयंसि नेरइयताए उववज्जिहिइ, से णं तवो अणंतरे उव्वट्ठिता
मच्छेसु उववज्जिहिइ, तत्थवि णं सत्थवज्जे दाह्वंक्कीए कालमासे कालं किष्वा
दोच्चपि अहे सत्तमाए पुढवीए उक्कोसकालद्विइयंसि नरयंसि नेरइयताए उववज्जिहिइ,
से णं तवो अणंतरे उव्वट्ठिता दोच्चपि मच्छेसु उववज्जिहिइ, तत्थवि णं सत्थवज्जे
जाव किष्वा छट्ठीए तमाए पुढवीए उक्कोसकालद्विइयंसि नरयंसि नेरइयताए उवव-
ज्जिहिइ, से णं तवोहिंती जाव उव्वट्ठिता इत्थिवात्त उववज्जिहिइ, तत्थवि णं

सत्यवज्ज्ञे दाह जाव दोषंपि छट्टीए तमाए पुढवीए उक्कोसकाल जाव उव्वट्टिता दोषंपि इत्थियासु उववज्जिहिइ, तत्थवि णं सत्यवज्ज्ञे जाव किञ्चा पंचमाए धूमप्प-
 भाए पुढवीए उक्कोसकालट्टिइयंसि जाव उव्वट्टिता उरएसु उववज्जिहिइ, तत्थवि णं सत्यवज्ज्ञे जाव किञ्चा दोषंपि पंचमाए जाव उव्वट्टिता दोषंपि उरएसु उववज्जिहिइ
 जाव किञ्चा चउत्थीए पंकप्पभाए पुढवीए उक्कोसकालट्टिइयंसि जाव उव्वट्टिता सीहेसु उववज्जिहिइ, तत्थवि णं सत्यवज्ज्ञे तहेव जाव कालं किञ्चा दोषंपि चउत्थीए पंक-
 प्पभाए जाव उव्वट्टिता दोषंपि सीहेसु उववज्जिहिइ जाव किञ्चा तच्चाए वालयप्पभाए पुढवीए उक्कोसकाल जाव उव्वट्टिता पक्खीसु उववज्जिहिइ, तत्थवि णं सत्यवज्ज्ञे जाव
 किञ्चा दोषंपि तच्चाए वालय० जाव उव्वट्टिता दोषंपि पक्खीसु उववज्जिहिइ जाव किञ्चा दोन्नाए मक्करप्पभाए जाव उव्वट्टिता निरीसवेसु उववज्जिहिइ, तत्थवि णं
 सत्यवज्ज्ञे जाव किञ्चा दोषंपि दोन्नाए मक्करप्पभाए जाव उव्वट्टिता दोषंपि सिरीसवेसु उववज्जिहिइ जाव किञ्चा इमीसे रयणप्पभाए पुढवीए उक्कोसकालट्टिइयंसि नरयंसि
 नेरइयणाए उववज्जिहिइ जाव उव्वट्टिता सण्णीसु उववज्जिहिइ, तत्थवि णं सत्यवज्ज्ञे जाव किञ्चा असञ्जीसु उववज्जिहिइ, तत्थवि णं सत्यवज्ज्ञे जाव किञ्चा दोषंपि इमीसे
 रयणप्पभाए पुढवीए पलिओवमस्स असंखेज्जइभागाट्टिइयंसि णरयंसि नेरइयणाए उववज्जिहिइ, मे णं तओ जाव उव्वट्टिता जाइं इमाइं स्रहचरविहाणाइं भवंति, तं०-
 चम्मपक्खीणं, लोमपक्खीणं, समुग्गपक्खीणं, विथयपक्खीणं, तेसु अणेगसयसहस्स-
 खत्तो उहाइत्ता २ तत्थेव २ भुज्जो २ पञ्चायाहिइ, सब्बत्थवि णं सत्यवज्ज्ञे दाहवक्कंतीए कालमासे कालं किञ्चा जाइं इमाइं भुयपरिसप्पविहाणाइं भवंति, तंजहा-गोहाणं
 नउलाणं जहा पज्जवणापए जाव जाहगणं, तेसु अणेगसयसहस्सखत्तो सेसं जहा
 स्रहचराणं जाव किञ्चा जाइं इमाइं उरपरिसप्पविहाणाइं भवंति, तं०-अहीणं अय-
 गराणं आसालियाणं महोरगाणं, तेसु अणेगसयसहस्सखत्तो जाव किञ्चा जाइं इमाइं
 चउत्थयविहाणाइं भवंति, तं०-एगखुराणं दुखुराणं मंभीपयाणं सणहपयाणं, तेसु
 अणेगसयसहस्स जाव किञ्चा जाइं इमाइं जलचरविहाणाइं भवंति, तं०-मच्छाणं
 कच्छभाणं जाव सुंसुमाराणं, तेसु अणेगसयसहस्स जाव किञ्चा जाइं इमाइं चउत्थि-
 दियविहाणाइं भवति, तं०-अंधियाणं पोतियाणं जहा पज्जवणापए जाव गोमय-
 कीडाणं, तेसु अणेगसयसहस्स जाव किञ्चा जाइं इमाइं तेइदियविहाणाइं भवंति,
 तं०-उ(ओ)वच्चियाणं जाव इत्थिसोडाणं, तेसु अणेग जाव किञ्चा जाइं इमाइं वेइ-
 दियविहाणाइं भवंति, तं०-पुलाकिमियाणं जाव समुहल्लिकलाणं, तेसु अणेगसय जाव
 किञ्चा जाइं इमाइं वयस्सइविहाणाइं भवंति, तं०-सक्खाणं गुच्छाणं जाव कुह(हु)णाणं,

तेषु अणेगसय जाव पचायाइस्सइ, उस्सन्नं च णं कडुयस्सखेसु कडुयवलीसु सव्व-
 त्थवि णं सत्थवज्जे जाव किच्चा जाइं इमाइं वाउक्काइयविहाणाइं भवन्ति, तंजहा-
 पाईणवायाणं जाव सुद्धवायाणं, तेषु अणेगसयसहस्स जाव किच्चा जाइं इमाइं
 तेउक्काइयविहाणाइं भवन्ति, तं०-इंगालाणं जाव सरियकत्तमणिनिस्मयाणं, तेषु अणे-
 गसयसहस्स जाव किच्चा जाइं इमाइं आउक्काइयविहाणाइं भवन्ति, तं०-उस्साणं
 जाव स्वातोदगाणं, तेषु अणेगसयसहस्स जाव पचायाइस्सइ, उस्सणं च णं
 खारोदणु धातोदणु, सव्वत्थवि णं सत्थवज्जे जाव किच्चा जाइं इमाइं पुडविका-
 इयविहाणाइं भवन्ति, तं०-पुडवीणं मकराण जाव मूरकंताणं, तेषु अणेगसय जाव
 पचायाहिइ, उस्सन्नं च णं खरबायरपुडविकाइणु, सव्वत्थवि णं सत्थवज्जे जाव
 किच्चा रायगिहे नयरं बाहिं खरियत्ताए उववज्जिहिइ, तत्थवि णं गत्थवज्जे जाव
 किच्चा दोच्चं पि रायगिहे नयरं अतो खरियत्ताए उववज्जिहिइ, तत्थवि णं सत्थ-
 वज्जे जाव किच्चा इहेच जंबुदीये दीये भारहे वासे विस्सगिंपायमूले बिभेले
 सज्जिवेसे माहणकुलंसि दारियत्ताए पचायाहिइ । तए णं तं दारियं अम्मपियरो
 उम्मकुबालभावं जोव्वणगमणुत्तं पडिस्सएणं सुक्केणं पडिस्सएणं विणाणं पडि-
 रुवियस्स भत्तारस्स भारियत्ताए दलइस्संति, सा णं तस्स भारिया भविस्सइ इट्ठा
 कंता जाव अणुमया भंडकरडगममाणा तेळकेला इव सुमगोविया चेलपे(ला)टा इव
 सुसपरिगर्हाया रयणकरडओविव सुमारक्खिया सुसगोविया मा णं सीयं मा णं उण्हं
 जाव परिस्सहोवगग्गा फुमंतु । तए णं मा दारिया अन्नया कयाइ गुव्विणी मनुक्क-
 लाओ कुलधरं निजमाणी अंतरा दवग्गिजालाभिहया काल्मामे कालं किच्चा दाहिणि-
 ल्लेसु अग्गिकुमारेसु देवेषु देवत्ताए उववज्जिहिइ, से णं तओहिंतो अणंतरं उव्वट्ठिता
 माणुस्सं विग्गहं लभिहिइ माणुस्सं० २ ता केवलं बोहिं बुज्जिहिइ के० ० ता केवलं
 मुंडे भवित्ता अगाराओ अणमारियं पव्वट्ठिइ, तत्थविय णं विराहियसामभे काल्मासे
 कालं किच्चा दाहिणिल्लेसु असुरकुमारेसु देवेषु देवत्ताए उववज्जिहिइ, से णं तओहिंतो
 जाव उव्वट्ठिता माणुस्सं विग्गहं तं च्च जाव तत्थवि णं विराहियसामभे काल्मासे
 कालं किच्चा दाहिणिल्लेसु नागकुमारेसु देवेषु देवत्ताए उववज्जिहिइ, से णं तओहिंतो
 अणंतरं उव्वट्ठिता एवं एणं अभित्तावेणं दाहिणिल्लेसु सुवन्नकुमारेसु एवं विज्जुकुमारेसु
 एवं अग्गिकुमारवज्जे जाव दाहिणिल्लेसु थणियकुमारेसु से णं तओ जाव उव्वट्ठिता
 माणुस्सं विग्गहं लभिहिइ जाव विराहियसामभे जोइसिएसु देवेषु उववज्जिहिइ, से
 णं तओ अणंतरं चयं चइत्ता माणुस्सं विग्गहं लभिहिइ जाव अविराहियसामभे
 काल्मासे कालं किच्चा सोहम्मो कप्पे देवत्ताए उववज्जिहिइ, से णं तओहिंतो अणंतरं

चयं चडना माणुस्सं विग्गहं लभिहिइ, केवलं बोहिं बुज्झिहिइ, तत्थवि णं अवि-
 राहियसाम्भे कालमासे कालं किच्चा ईसाणे कप्पे देवताए उववज्झिहिइ, से णं तओ०
 चडना माणुस्सं विग्गहं लभिहिइ० तत्थवि णं अविराहियसाम्भे कालमासे कालं
 किच्चा सणकुमारे कप्पे देवताए उववज्झिहिइ, से णं तओहिंतो एवं जहा सणकुमारे
 तहा बंभलोए महासुक्के आणए आरणे, से णं तओ जाव अविराहियसाम्भे काल-
 मासे कालं किच्चा सव्वट्टसिद्धे महाविमाणे देवताए उववज्झिहिइ, से णं तओहिंतो
 अणंतरं चयं चडना महाविदेहे वासे जाई इमाई कुलाई भवति-अट्टाई जाव
 अपरिभुयाई, तहापगारेयु कुल्लेसु पुत्तनाए पक्खायाहिइ, एवं जहा उववाइए दटप्प-
 डन्नवनध्वया संबव वत्तव्वया निरवमेसा भाणियव्वा जाव केवलवरनाणदंसणे
 ममुप्पज्झिहिइ, तए णं से दटप्पडंने केवली अप्पणो नानदं आभोएहिइ अप्प०
 २ ता मग्गणे निग्गंथे सहावेहिइ मम० २ ता एवं वदिहिइ-एवं खल्ल अहं अज्जो !
 इओ चिरातीयाए अट्टाए गोसाले नामं मखलिपुत्तं होत्था समणघायए जाव छउमत्थे
 चेव कालगए, तम्मूलगे च णं अहं अज्जो ! अणादीयं अणवदग्गं धीहमदं चाउरंत-
 संमारकत्तार अणुपरियट्टिए, तं मा णं अज्जो ! तुच्चमपि केडं भवउ आयरियपडिणीए
 उवज्जायपडिणीए आयरियउवज्जायाग अयनकारए अवन्नकारए अकित्तिकारए,
 मा णं सेऽवि एवं चेव अणादीयं अणवदग्गं जाव ससारकत्तारं अणुपरियट्टिहिइ जहा
 ० अहं । तए णं ते समग्गा निग्गंथा दटप्पडंनस्स केवलस्स अंतियं एयमदं
 सोच्चा निग्गम्म भीया तत्था तमिया ससारभयउत्थिग्गा दटप्पडंने केवलिं वदिहिंति
 नमंनिहिंति वं० २ ता तस्स ठाणस्स आलोइएहिंति निदिहिंति जाव पडिवज्झिहिंति,
 तए णं से दटप्पडंने केवली बट्टई वासाई केवलपरियागं पाउणिहिइ बट्टई० २ ता
 आपणो आउसेसं जाणित्ता भत्तं पक्कत्ताहिइ, एवं जहा उववाइए जाव सव्वदुक्खाण-
 मंतं काहिइ । सेवं भंते ! २ ति जाव विहरउ ॥ ५५९ ॥ **सेयनिसग्गो समत्तो**
(अट्टेणं) ॥ समत्तं च पन्नरसमं स्वयं एकस्सरयं ॥

अहिगरणि जरा कप्पे जावइयं गंगदत्त सुसिणे य । उवओग लोग बलि ओहि धीव
 उदही दिमा थणिया ॥१॥ चउइस० सोलसमे ॥ तेणं कालेणं तेणं समएणं रायगिहे
 जाव पज्जुवासमाणे एवं वयासी-अत्थि णं भंते ! अहिगरणिसिंत्ति वाउयाए बक्कमइ ?
 हंता अत्थि, से भंते ! कि पुट्टे उहाइ अपुट्टे उहाइ ? गोयमा । पुट्टे उहाइ नो अपुट्टे
 उहाइ, से भंते ! कि ससरीरी निक्खमइ असरीरी निक्खमइ ! एवं जहा खंदए जाव
 से तेणट्टेणं जाव नो असरीरी निक्खमइ ॥५६०॥ इंगालकारियाए णं भंते । अगग्गि-
 काए केवइयं कालं संधिहुइ ? गोयमा । जहणेणं अंतोसुहुत्तं उक्कोसेणं तिचि राईदिवाइ,

अन्नेवि तत्थ वाडयाए वक्कमइ, न विणा वाडयाएणं अगणिकाए उज्जलइ ॥ ५६१ ॥
पुरिसे णं भंते । अयं अयकोट्टंसि अयोमएणं संडासएणं उव्विहमाणे वा पव्विहमाणे
वा कइकिरिए ? गोयमा ! जावं च णं से पुरिसे अयं अयकोट्टंसि अयोमएणं संडा-
सएणं उव्विहिइ वा पव्विहिइ वा तावं च णं से पुरिसे काइयाए जाव पाणाइवाय-
किरियाए पंचहिं किरियाहिं पुट्ठे, जेसिपिय णं जीवाणं सरीरेहितो अए निव्वत्तिए
अयकोट्टे निव्वत्तिए संडासए निव्वत्तिए इंगाला निव्वत्तिया इंगालकट्टिणी निव्व-
त्तिया भत्या निव्वत्तिया तेवि णं जीवा काइयाए जाव पंचहिं किरियाहिं पुट्ठा ।
पुरिसे णं भंते । अयं अयकोट्टाओ अयोमएणं संडासएणं गहाय अहिगरणिसि
उक्खिबमाणे वा निक्खिबमाणे वा कइकिरिए ? गोयमा ! जावं च णं से पुरिसे
अयं अयकोट्टाओ जाव निक्खिबइ वा तावं च णं से पुरिसे काइयाए जाव
पाणाइवायकिरियाए पंचहिं किरियाहिं पुट्ठे, जेमिपिय णं जीवाणं सरीरेहितो अए
निव्वत्तिए संडासए निव्वत्तिए चम्मेट्टे निव्वत्तिए मुट्टिए निव्वत्तिए अहिगरणी
निव्वत्ति(ए)या अहिगरणिसोही णिव्वत्तिया उदगदोणी णिव्वत्तिया अहिगरणमाला
निव्वत्तिया तेविय णं जीवा काइयाए जाव पंचहिं किरियाहिं पुट्ठा ॥५६२॥ जीवे
णं भंते ! किं अहिगरणी अहिगरणं ? गोयमा ! जीवे अहिगरणीवि अहिगरणपि,
से केणट्टेणं भंते ' एवं वुच्चइ जीवे अहिगरणीवि अहिगरणंपि ? गोयमा ! अविरइं
पडुच्च, से तेणट्टेणं जाव अहिगरणंपि ॥ नेरइए णं भंते ! किं अधिगरणी अधिग-
रणं ? गोयमा ! अहिगरणीवि अहिगरणंपि, एवं जहेव जीवे तहेव नेरइएवि, एवं
निरंतरं जाव वेमाणिए ॥ जीवे णं भंते ! किं साहिगरणी निरहिगरणी ? गोयमा !
साहिगरणी नो निरहिगरणी, से केणट्टेणं पुच्छा, गोयमा ! अविरइं पडुच्च, से
तेणट्टेणं जाव नो निरहिगरणी, एवं जाव वेमाणिए ॥ जीवे णं भंते ! किं आया-
हिगरणी पराहिगरणी तदुभयाहिगरणी ? गोयमा ! आयाहिगरणीवि पराहिगरणीवि
तदुभयाहिगरणीवि, से केणट्टेणं भंते ! एवं वुच्चइ जाव तदुभयाहिगरणीवि ।
गोयमा ! अविरइं पडुच्च, से तेणट्टेणं जाव तदुभयाहिगरणीवि, एवं जाव वेमा-
णिए ॥ जीवाणं भंते ! अहिगरणं किं आयप्पओगनिव्वत्तिए परप्पओगनिव्वत्तिए
तदुभयप्पओगनिव्वत्तिए ? गोयमा ! आयप्पओगनिव्वत्तिएवि परप्पओगनिव्वत्ति-
एवि तदुभयप्पओगनिव्वत्तिएवि, से केणट्टेणं भंते । एवं वुच्चइ० ? गोयमा ! अविरइं
पडुच्च, से तेणट्टेणं जाव तदुभयप्पओगनिव्वत्तिएवि, एवं जाव वेमाणियाणं ॥५६३॥
कइ णं भंते ! सरीरगा पण्णता ! गोयमा ! पंच सरीरगा पण्णता, तंजहा-ओरालिए
जाव कम्मए । कइ णं भंते ! इंदिया पण्णता ! गोयमा ! पंच इंदिया पण्णता,

तंजहा—सोईदिए जाव फासिदिए, कइविहे णं भंते ! जोए पण्णे ! गोयमा ! तिविहे जोए पण्णे, तंजहा—मणजोए वइजोए कायजोए ॥ जीवे णं भंते ! ओरालियसरीरं निव्वत्तेमाणे किं अहिगरणी अहिगरणं ? गोयमा ! अहिगरणीवि अहिगरणंपि, से केणट्टेणं भंते ! एवं बुच्चइ अहिगरणीवि अहिगरणंपि ? गोयमा ! अविरइं पडुच्च, से तेणट्टेणं जाव अहिगरणंपि, पुडविकाइए णं भंते ! ओरालियसरीरं निव्वत्तेमाणे किं अहिगरणी अहिगरणं ? एवं चेव, एवं जाव मणुस्से ! एवं वेउव्वियसरीरंपि, नवरं जस्स अत्थि । जीवे णं भंते ! आहारगमरीरं निव्वत्तेमाणे किं अहिगरणी० पुच्छा, गोयमा ! अहिगरणीवि अहिगरणंपि, से केणट्टेणं जाव अहिगरणंपि ? गोयमा ! पमायं पडुच्च, से तेणट्टेणं जाव अहिगरणंपि, एवं मणुस्सेवि, तेयासरीरं जहा ओरालियं, नवरं सब्बजीवाण भाणियव्वं, एवं कम्मगसरीरंपि । जीवे णं भंते ! सोईदियं निव्वत्तेमाणे किं अहिगरणी अहिगरणं ? एवं जहेव ओरालिय-गरीरं नहेव सोईदियंपि भाणियव्वं, नवरं जस्स अत्थि सोईदियं, एवं चक्खिदिय-घाणिदियजिभिंदियफासिदियाणावि, नवरं जाणियव्वं जस्स जं अत्थि । जीवे णं भंते ! मणजोगं निव्वत्तेमाणे किं अहिगरणी अहिगरणं ? एवं जहेव सोईदियं तहेव नेरवमेस, वइजोगो एवं चेव, नवरं एण्णियवज्जाणं, एवं कायजोगोवि, नवरं गव्वजीवाणं जाव वेमाणिए । सेवं भंते ! २ ति ॥ ५६४ ॥ सोलसमस्स मयस्स पढमो उहेसो समत्तो ॥

रायणिहे जाव एवं बयासी—जीवाणं भंते ! किं जरा मोगे ? गोयमा ! जीवाणं जगवि मोगेवि, से केणट्टेणं भंते ! एवं बुच्चइ जाव मोगेवि ? गोयमा ! जे णं जीवा सारीरं वेयणं वेदंति तेसि णं जीवाणं जरा, जे णं जीवा माणसं वेयणं वेदंति तेसि णं जीवाणं मोगे, से तेणट्टेणं जाव मोगेवि, एवं नेरइयाणवि, एवं जाव थणियकुमा-गाण, पुडविकाइयाणं भंते ! किं जरा मोगे ? गोयमा ! पुडविकाइयाणं जरा नो मोगं, से केणट्टेणं जाव नो मोगे ? गोयमा ! पुडविकाइया णं सारीरं वेयणं वेदंति नो माणसं वेयणं वेदंति, से तेणट्टेणं जाव नो मोगे, एवं जाव चउरिंदियाणं, सेसाणं जहा जीवाणं जाव वेमाणियाणं, सेवं भंते ! २ ति जाव पज्जुवासइ ॥ ५६५ ॥ तेणं कालेणं तेणं समएणं सक्के देविदे देवराया वज्जपाणी पुरंदरे जाव भुंजमाणे विहरइ, इमं च णं केवलकप्पं जंबुहीवं २ विउल्लेणं ओहिणा आभोएमाणे २ पासइ समणं भगवं महावीरं अंबुहीवे वीवे एवं जहा ईसाणे तइयसए तहेव सक्कोवि नवरं आभोमोगे ण सहावेइ हरी पायसाणियाहिबई, सुथोसा घंटा, पालओ विमाणकारी पालणं विमाणं, उतरिओ निव्वानमग्गे, दाहिणपुरच्छिम्मिओ रएकरगपब्बए सेवं तं चेव

जाव नामं सावेत्ता पञ्जुवासइ, धम्मकहा जाव परिसा पडिगया, तए णं से सक्के देविंदे देवराया समणस्स भगवओ महावीरस्स अतियं धम्मं सोच्चा निसम्म हट्ठ-तुट्ठं समणं भगवं महावीरं वंदइ नमंसइ वं० २ ता एवं वयासी-कइविहे णं भंते ! उग्गहे पन्नते ? सक्का ! पंचविहे उग्गहे पणत्ते, तंजहा-देविंदोग्गहे, रायोग्गहे, गाहावइउग्गहे, सागारियउग्गहे, साहम्मियउग्गहे ॥ जे इमे भंते ! अज्जत्ताए समणा निग्गंथा विहरंति, एएसि णं अहं उग्गहं अणुजाणामीतिकट्टु समणं भगवं महावीरं वंदइ नमंसइ वं० २ ता तमेव दिव्वं जाणविमाणं दुरूहइ २ ता जामेव दिसि पाउब्भूए तामेव दिसि पडिगए । भंते ! त्ति भगवं गोयमे समणं भगवं महावीरं वंदइ नमंसइ वं० २ ता एवं वयासी-जं णं भंते ! सक्के देविंदे देवराया तुब्भे एवं वदइ सक्के णं एसमट्ठे ? हंता सच्च ॥ ५६६ ॥ सक्के णं भंते ! देविंदे देवराया किं सम्मावाइं मिच्छावाइं ? गोयमा ! सम्मावाइं नो मिच्छावाइं ॥ सक्के णं भंते ! देविंदे देवराया किं सच्चं भासं भासइ, मोसं भासं भासइ, सच्चामोसं भासं भासइ, असच्चामोसं भासं भासइ ? गोयमा ! सच्चंपि भासं भासइ जाव असच्चामोसपि भासं भासइ ॥ सक्के णं भंते ! देविंदे देवराया किं सावजं भासं भासइ अणवजं भासं भासइ ? गोयमा ! सावजंपि भासं भासइ अणवजंपि भासं भासइ, से केणट्ठेणं भंते ! एवं चुच्चइ-सावजंपि जाव अणवजंपि भासं भासइ ? गोयमा ! जाहे णं सक्के देविंदे देवराया सुहुमकायं अणिज्जित्ताणं भासं भासइ ताहे णं सक्के देविंदे देवराया सावजं भासं भासइ, जाहे णं सक्के देविंदे देवराया सुहुमकायं निज्जित्ताणं भासं भासइ ताहे णं सक्के देविंदे देवराया अणवजं भासं भासइ, से तेणट्ठेणं जाव भासइ, सक्के णं भंते ! देविंदे देवराया किं भवसिद्धिं अभावसिद्धिं सम्महिट्ठिं ए मिच्छादिट्ठिं एवं जहा मोल्लेसए सणंकुमारे जाव नो अचरिमे ॥ ५६७ ॥ जीवाणं भंते ! किं चेयकडा कम्मा कज्जंति अचेयकडा कम्मा कज्जंति ? गोयमा ! जीवाणं चेयकडा कम्मा कज्जंति नो अचेयकडा कम्मा कज्जंति, से केणट्ठेणं भंते ! एवं चुच्चइ जाव कज्जंति ? गोयमा ! जीवाण आहारोवच्चिया पोग्गला, बौदिव्चिया पोग्गला, क(हे)लेवर-च्चिया पोग्गला तथा २ णं ते पोग्गला परिणमंति नत्थि अचेयकडा कम्मा समणा-उसो !, दुट्ठाणेसु दुमेज्जासु दुज्जिसीहियामु तथा २ णं ते पोग्गला परिणमंति नत्थि अचेयकडा कम्मा समणाउसो !, आर्यके से वहाए होइ संकपे से वहाए होइ मर-णंते से वहाए होइ तथा २ णं ते पोग्गला परिणमंति नत्थि अचेयकडा कम्मा समणाउसो !, से तेणट्ठेणं जाव कम्मा कज्जंति, एवं नेरइयाणवि एवं जाव वेमाणि-याणं । सेवं भंते ! सेवं भंते ! त्ति जाव विहरइ ॥ ५६८ ॥ सोलसमस्स सयस्स बीओ उइसो समत्तो ॥

रायगिहे जाव एवं वयासी-कइ णं भंते ! कम्मपगडीओ पण्णाओ ? गोयमा ! अट्ट कम्मपगडीओ पण्णाओ, तंजहा-नाणावरणिजं जाव अंतराइयं, एवं जाव वेमाणियारं । जीवे णं भंते ! नाणावरणिजं कम्मं वेदेमाणे कइ कम्मपगडीओ वेदेइ ? गोयमा ! अट्ट कम्मपगडीओ, एवं जहा पन्नवणाए वेयावेउहेसओ सो चेव निरवसेसो भाणियव्वो, वेदावंधोवि तहेव, बंधावेदोवि तहेव, बंधावंधोवि तहेव भाणियव्वो जाव वेमाणियारंति । सेवं भंते । २ त्ति जाव विहरइ ॥ ५६९ ॥ तए णं समणे भगवं महावीरे अज्जया कयाइ रायगिहाओ नयरओ गुणसिलाओ उज्जाणाओ पडिनिक्खमइ २ ता बहिया जणवयविहारं विहरइ, तेणं कालेणं तेणं समएणं उद्धुयातीरे नामं नथरे होत्था वजओ, तस्स णं उद्धुयातीरेस्स नयरस्स बहिया उत्तरपुरच्छिमे दिसीभाए एत्थ णं एगजंबुए नामं उज्जाणे होत्था वजओ, तए णं समणे भगवं महावीरे अज्जया कयाइ पुच्चाणुपुव्वि चरमाणे जाव एगजंबुए समोसडे जाव परिसा पडिगया, भंते ! त्ति भगवं गोयमे समणं भगवं महावीरं वंदइ नमंमइ वंदित्ता नमंमिता एवं वयासी-अणगारस्स णं भंते ! भावियप्पणो छट्ठं छट्ठेणं अणिक्खित्तेणं जाव आयावेमाणस्स तस्स णं पुरच्छिमेणं अवहं दिवसं नो कप्पइ हत्थं वा पायं वा बाहं वा ऊरं वा आउंटावेत्तए वा पसारत्तए वा, पच्चच्छिमेणं से अवहं दिवसं कप्पइ हत्थं वा पायं वा जाव ऊरं वा आउंटावेत्तए वा पसारत्तए वा, तस्स णं अंसियाओ लंबंति, तं च वेजे अदक्खु इ(ई)मि पाडेइ २ ता अंसियाओ छिंदेज्जा, से नूणं भंते ! जे छिंदइ तस्स किरिया कजइ, जस्स छिजइ नो तस्स किरिया कजइ णणत्थेगेणं धम्मंतराइएणं ? हंता गोयमा ! जे छिंदइ जाव धम्मंतराइएणं । सेवं भंते ! सेवं भंते ! त्ति ॥ ५७० ॥ सोलसमस्स सयस्स तइओ उहेसो समत्तो ॥

रायगिहे जाव एवं वयासी-जावइयन्नं भंते ! अज्जगिलाए समणे निगंथे कम्मं निजरेइ एवइयं कम्मं नरएसु नेरइयाणं वासेण वा वासेहिं वा वाससए(ण)हिं वा खवयति ? णो इणट्ठे समट्ठे, जावइयणं भंते ! चउत्थमत्तिए समणे निगंथे कम्मं निजरेइ एवइयं कम्मं नरएसु नेरइया वाससएण वा वाससएहिं वा वाससहस्से(ण)हिं वा वाससयसहस्से(ण)हिं वा खवयति ? णो इणट्ठे समट्ठे, जावइयन्नं भंते ! छट्ठमत्तिए समणे निगंथे कम्मं निजरेइ एवइयं कम्मं नरएसु नेरइया वाससहस्सेण वा वाससहस्सेहिं वा वाससयसहस्से(हिं)ण वा खवयति ? णो इणट्ठे समट्ठे, जावइयन्नं भंते ! अट्ठमत्तिए समणे निगंथे कम्मं निजरेइ एवइयं कम्मं नरएसु नेरइया वाससयसहस्सेण वा वाससयसहस्सेहिं वा वासकोडीए वा खवयति ? नो

इण्टे समट्टे, जावइयं भंते । दसमभत्तिए समणे निगंथे कम्मं निजरेइ एवइयं कम्मं नरएसु नेरइया वासकोडीए वा वासकोडीहिं वा वासकोडाकोडीए वा खवयंति ? नो इण्टे समट्टे, से केणट्टेणं भंते । एवं वुच्चइ जावइयं अन्न(इ)गिलायए समणे निगंथे कम्मं निजरेइ एवइयं कम्मं नरएसु नेरइया वासेण वा वासेहिं वा वाससएण वा (जाव) वास-(सय) सहस्सेण वा नो खवयंति, जावइयं चउत्थभत्तिए एवं तं चेव पुव्वभणियं उच्चारयेव्वं जाव वासकोडाकोडीए वा नो खवयंति ? गोयमा । से जहानामए-केइ पुरिसे जुजे जराजजरियदेहे सिद्धिलतयावलितरंगसंपिणद्धगत्ते पविरलपरिसडियदंतसेडी उण्हाभिदए तण्हाभिदए आउरे झुंझिए पिवासिए दुब्बळे किलंते एगं महं कोसवगंडियं सुक्कं जडिलं गंठिलं चिक्कण वाइदं अपत्तियं मुंढेण परसुणा अक्कमेज्जा, तए णं से पुरिसे महंताइं २ सदाइं करेइ नो महंताइं २ दलाइं अवहालेइ, एवामेव गोयमा । नेरइयाणं पावाइं कम्माइं गाडीकयाइं चिक्कणीकयाइं एवं जहा छट्टसए जाव नो महापज्जवसाणा भवंति, से जहानामए-केइ पुरिसे अहिरारणिं आउडेमाणे महया जाव नो महापज्जवसाणा भवंति, से जहानामए-केइ पुरिसे तरुणे बलवं जाव मेहावी निउणसिप्पोवगए एगं महं सामलिंगंडियं उळ्ळं अजडिलं अगंठिलं अचिक्कणं अवाइदं सपत्तियं अइतिकखेण परसुणा अक्कमेज्जा, तए णं से पुरिसे नो महंताइं २ सदाइं करेइ, महंताइं २ दलाइ अवहालेइ, एवामेव गोयमा । समणाणं निगंथाणं अहाबायराइं कम्माइं सिद्धिीकयाइं णिट्टियाइं कयाइं जाव खिप्पामेव परिविद्धत्याइं भवंति, जावइयं नावइयं जाव महापज्जवसाणा भवंति, से जहा वा केइ पुरिसे सुक्कतणहत्थगं जायतेयंसि पक्खिखवेज्जा, एवं जहा छट्टसए तहा अयोक्खलेवि जाव महापज्जवसाणा भवंति, से तेणट्टेणं गोयमा । एवं वुच्चइ जावइयं अन्नगिलायए समणे निगंथे कम्मं निजरेइ तं चेव जाव वासकोडाकोडीए वा नो खवयंति ॥ सेवं भंते । सेवं भंते । ति जाव विहरइ ॥ ५७१ ॥ सोलसमस्स सयस्स चउत्थो उहेसो समत्तो ॥

तेणं कालेणं तेणं समएणं उल्लुयातीरे नामं नयरे होत्था वन्नओ, एगजंबुए उज्जाणे वन्नओ, तेणं कालेणं तेणं समएणं सामी समोसदं जाव परिसा पज्जुवासइ, तेणं कालेणं तेणं समएणं सक्के देविदे देवराया वज्जपाणी एवं जहेव बिइए उहेसए तहेव दिव्वेणं जाणविमाणेणं आगओ जाव जेणेव समणे भगवं महावीरे तेणेव उवागच्छइ २ ता जाव नर्मसित्ता एवं वयासी—देवे णं भंते । महिणिए जाव महेसक्खे बाहिरए पोग्गळे अपरियाइत्ता पभू आगमितए ? नो इण्टे समट्टे, देवे णं भंते । महिणिए जाव महेसक्खे बाहिरए पोग्गळे परियाइत्ता पभू आग-

मित्तए ? हंता पभू, देवे णं भंते ! महिद्धिए एवं एएणं अभिलावेणं गमित्तए
 २, एवं भासित्तए वा वा(विया)गरित्तए वा ३, उम्मिसावेत्तए वा निम्मिसावेत्तए वा ४,
 आउंटवेत्तए वा पसारेत्तए वा ५, ठाणं वा सेज्जं वा निसीहियं वा चेइत्तए वा ६, एवं
 विउव्वित्तए वा ७, एवं परियारावेत्तए वा ८ जाव हंता पभू, इमाइं अट्ट उक्खि-
 त्तपसिणवागरणाइं पुच्छइ इमाइं० २ ता संभंतियवंदणएणं वंदइ संभंतिय० २ ता
 तमेव दिव्वं जाणविमाणं दुरुहइ २ ता जायेव दिसि पाउब्भूए तामेव दिसि पडिगए
 ॥५७२॥ भंते ! त्ति भगवं गोयमे समणं भगवं महावीरं वंदइ नमंसइ वं० २ ता एवं
 वयासी-अन्नया णं भंते ! सक्के देविंदे देवराया देवाणुप्पियं वंदइ नमंसइ सक्कारेइ
 जाव पज्जवासइ, क्खिणं भंते ! अज्ज सक्के देविंदे देवराया देवाणुप्पियं अट्ट उक्खि-
 त्तपसिणवागरणाइं पुच्छइ २ ता संभंतियवंदणएणं वंदइ षमंसइ वं० २ ता जाव
 पडिगए ? गोयमादि समणे भगवं महावीरे भगवं गोयमं एवं वयासी-एवं खलु
 गोयमा ! तेणं कालेणं तेणं समएणं महासुक्के कप्पे महासामाणे विमाणे दां देवा
 महिद्धिया जाव महेसक्खा एगविमाणंसि देवत्ताए उववन्न, नं०-माइमिच्छदिट्ठि-
 उववन्नए य अमाइसम्मदिट्ठिउववन्नए य, तए णं से माइमिच्छादिट्ठिउववन्नए देवे तं
 अमाइसम्मदिट्ठिउववन्नं देवं एवं वयासी-परिणममाणा पोगगला नो परिणया अप-
 रिणया, परिणमंतीति पोगगला नो परिणया अपरिणया, तए णं से अमाइसम्मदिट्ठि-
 उववन्नए देवे तं माइमिच्छदिट्ठिउववन्नं देवं एवं वयासी-परिणममाणा पोगगला
 परिणया नो अपरिणया, परिणमंतीति पोगगला परिणया नो अपरिणया, तं माइमि-
 च्छदिट्ठिउववन्नं देवं एवं पडिहणइ २ ता ओहिं पउंजइ २ ता ममं ओहिणा आभोएइ
 ममं० २ ता अयमेयारूवे जाव समुप्पज्जित्था-एवं खलु समणे भगवं महावीरे
 जंबुदीवे २ जेणेव भारहे वासे जेणेव उल्लुयातीरे नयरे जेणेव एगजंबुए उज्जाणे अहा-
 पडिरूवं जाव विहरइ, तं सेयं खलु मे समणं भगवं महावीरं वंदित्ता जाव पज्जवा-
 सित्ता इमं एयारूवं वागरणं पुच्छित्तएत्तिकड्डु एवं संपेहेइ एवं संपेहिता चउहिवि
 सामाणियसाहस्सीहिं परियारो जहा सूरियाभस्स जाव निग्घोसनाइयरवेणं जेषेव
 जंबुदीवे २ जेणेव भारहे वासे जेणेव उल्लुयातीरे नयरे जेणेव एगजंबुए उज्जाणे
 जेणेव ममं अंतिए तेणेव पहारेत्थ गमणाए, तए णं से सक्के देविंदे देवराया तस्स
 देवस्स तं दिव्वं देविद्धि दिव्वं देवजुइं दिव्वं देवाणुभा(वं)गं दिव्वं तेयळेस्स असहमाणे
 ममं अट्ट उक्खित्तपसिणवागरणाइं पुच्छइ २ ता संभंतिय जाव पडिगए ॥५७३॥ जावं
 च णं समणे भगवं महावीरे भगवओ गोयमस्स एयमट्ठं परिकहेइ तावं च णं से
 देवे तं देसं हव्वमागए, तए णं से देवे समणं भगवं महावीरं तिव्वुतो वंदइ

नमंसइ वं० २ ता एवं वयासी-एवं खलु भंते । महासुक्ते कप्ये महासामाणे विमाणे एगे माइमिच्छादिद्विउववन्नए देवे ममं एवं वयासी-परिणममाणा पोगगला नो परिणया अपरिणया, परिणमंतीति पोगगला नो परिणया अपरिणया, तए णं अहं तं माइमिच्छादिद्विउववन्नं देवं एवं वयासी-परिणममाणा पोगगला परिणया नो अपरिणया, परिणमंतीति पोगगला परिणया णो अपरिणया, से कहमेयं भंते । एवं ? गंगदत्तादि समणे भगवं महावीरे गंगदत्तं देवं एवं वयासी-अहंपि णं गंगदत्ता । एवमाइस्वामि ४-परिणममाणा पोगगला जाव नो अपरिणया सच्चमेसे अट्टे, तए णं से गंगदत्ते देवे समणस्स भगवओ महावीरस्स अंतियं एयमट्ठं सोच्चा निसम्म हट्टुट्ठ० समणं भगव महावीरं वंदइ नमंसइ वं० २ ता नच्चासन्न जाव पज्जुवासइ, तए णं समणे भगवं महावीरे गंगदत्तस्स देवस्स तीसे य जाव धम्मं परिकहेइ जाव आराहए भवइ, तए णं से गंगदत्ते देवे समणस्स भगवओ महावीरस्स अतिए धम्मं सोच्चा निसम्म हट्टुट्ठे उट्ठाए उट्ठेइ उ० २ ता समणं भगवं महावीरं वंदइ नमंसइ वं० २ ता एवं वयासी-अहण्णं भंते । गंगदत्ते देवे किं भवसिद्धिए अभवसिद्धिए ? एवं जहा सूरियाभो जाव बत्तीसइविहं नट्टविहं उवदंसइ २ ता जाव तामेव दिस्सि पड्डिए ॥ ५७४ ॥ भंते ! ति भगवं गोयमे समणं भगवं महावीरं जाव एवं वयासी-गंगदत्तस्स णं भंते । देवस्स सा दिव्वा देविद्धी दिव्वा देवजुई जाव अणुप्पविट्ठा ? गोयमा ! सरीरं गया सरीरं अणुप्पविट्ठा कूटागारसालादिट्ठतो जाव सरीरं अणुप्पविट्ठा । अहो णं भंते ! गंगदत्ते देवे महिद्धिए जाव महेमक्खे, गंगदत्तेणं भंते ! देवेणं सा दिव्वा देविद्धी दिव्वा देवजुई किण्णा लद्धा जाव जं णं गंगदत्तेणं देवेणं सा दिव्वा देविद्धी जाव अभिसमन्नागया ? गोयमादि समणे भगवं महावीरे भगवं गोयमं एवं वयासी- एवं खलु गोयमा ! तेणं कालेणं तेणं समएणं इहेव जंबुद्धीवं २ भारहे वासे हत्थिणापुरे नामं नयरे होत्था वन्नओ, सहसंबवणे उज्जाणे वन्नओ, तत्थ णं हत्थिणापुरे नयरे गंगदत्ते नामं गाहावई परिवसइ अट्टे जाव अपरिभूए, तेणं कालेणं तेणं समएणं मुणिसुव्वए अरहा आइ-गरे जाव सव्वन्नू मव्वदरिसी आगासगएणं चक्केणं जाव पकट्टिज्जमाणेणं २ सीसगण-संपरिवुडे पुव्वाणुपुव्वि चरमाणे गामाणुगामं जाव जेणेव सहसंबवणे उज्जाणे जाव विहरइ, परिसा निगया जाव पज्जुवासइ, तए णं से गंगदत्ते गाहावई इमीसे कहाए लद्धे समणे हट्टुट्ठ जाव सरीरे साओ गिहाओ पडिनिक्खमइ २ ता पायविहारचारेणं हत्थिणाउरं नयरं मज्झमज्जेणं निगच्छइ २ ता जेणेव सहसंबवणे उज्जाणे जेणेव मुणिसुव्वए अरहा तेणेव उवागच्छइ २ ता मुणिसुव्वयं अहं तिक्खत्तो

आयाहिणं पयाहिणं जाव तिविहाए पञ्जुवासणाए पञ्जुवासइ, तए णं मुणिसुव्वए अरहा गंगदत्तस्स गाहावइस्स तीसे य महइ जाव परिसा पडिगया, तए णं से गंगदत्ते गाहावई मुणिसुव्वयस्स अरहओ अतियं धम्मं सोच्चा निसम्म हट्टुत्तुत्तु० उट्टाए उट्टेइ २ ता मुणिसुव्वयं अरहं वंदइ नमंसइ वंदित्ता नमंसित्ता एवं वयासी-सइहामि णं भंते ! निगगंथं पावयणं जाव से जहेयं तुब्भे वदह, जं नवरं देवाणुप्पिया ! जेट्टुपुत्त कुडुंवे ठावेमि, तए णं अहं देवाणुप्पियाणं अंतियं मुंडे जाव पव्वयामि, अहासुहं देवाणु-प्पिया ! मा पडिबंधं, तए णं से गंगदत्ते गाहावई मुणिसुव्वएणं अरहया एवं वुंत्त समणे हट्टुत्तुत्तु० मुणिसुव्वयं अरहं वंदइ नमंसइ वं० २ ता मुणिसुव्वयस्स अरहओ अंतियाओ सहसंबवणाओ उज्जाणाओ पडिनिक्खमइ २ ता जेणेव हत्थिणापुरे नयरे जेणेव सए गिहे तेणेव उवागच्छइ २ ता विउलं असणं पाणं जाव उवक्खडावेइ २ ता मित्ताणइणियग जाव आमंतेइ आमंतेत्ता तओ पच्छा ण्हाए जहा पूरेण जाव जेट्टुपुत्तं कुडुंवे ठावेइ, तं मित्ताणइ जाव जेट्टुपुत्तं च आपुच्छइ २ ता पुरिससहस्स-वाहिणिं सीयं दुरूहइ पुरिससह० २ ता मित्ताणइणियग जाव परिजणेणं जेट्टुपुत्तेण य समणुगम्मसाणमणे सव्विणीए जाव णाइयरवेणं हत्थिणापुरं नयर मज्जंसज्जेणं निगगच्छइ २ ता जेणेव सहसंबवणे उज्जाणे तेणेव उवागच्छइ २ ता छत्ताइए तित्थगराइसए पासइ एवं जहा उदायणे जाव सयमेव आभरणं उमुयइ स० २ ता सयमेव पंचमुट्ठियं लोयं करेइ स० २ ता जेणेव मुणिसुव्वए अरहा एवं जहेव उदायणे तहेव पव्वइए, तहेव एकारस अगाई अहिजइ जाव मासियाए संछेहाए सट्ठिं भत्ताई अणसणाए (जाव) छेदेइ सट्ठिं भत्ताई० २ ता आलोडयपडिक्कंते समाहिपत्ते कालमासे कालं किच्चा महासुक्के कप्पे महासामाणे विमाणे उववायगभाए देवसयणिज्जंसि जाव गंगदत्तदेवणाए उववजे, तए णं से गंगदत्ते देवे अहुणोववज्ज-मेनए समाणे पंचविहाए पज्जतीए पज्जत्तिभावं गच्छइ, तंजहा-आहारपज्जतीए जाव भासामणपज्जतीए, एवं खलु गोयमा ! गंगदत्तेणं देवेणं सा दिव्वा देविक्खी जाव अभिसमजागया । गंगदत्तस्स णं भंते ! देवस्स केवइयं कालं ठिई पत्ता ! गोयमा ! सत्तर ससागरोवमाई ठिई प०, गंगदत्ते णं भंते ! देवे ताधो देवलोगाओ आउक्खएणं जाव महाविदेहे वासे सिज्झिहिइ जाव अतं काहिइ ॥ सेवं भंते । २ ति ॥ ५७५ ॥ सोलसमस्स सयस्स पञ्चमो उइसो समत्तो ॥

कइविहे णं भंते ! सुविणदंसणे पण्णत्ते ? गोयमा ! पंचविहे सुविणदंसणे पण्णत्ते, तंजहा-अहातब्बे पयाणे चित्तासुविणे तन्निवरीए अव्वत्तदंसणे ॥ सुत्ते णं भंते ! सुविणं पासइ, जागरे सुविणं पासइ, सुत्तजागरे सुविणं पासइ ! गोयमा ! नो सुत्ते सुविणं पासइ,

नो जागरे सुविणं पासइ, सुत्ताजागरे सुविणं पासइ ॥ जीवा णं भंते । किं सुत्ता जागरा सुत्ताजागरा ? गोयमा । जीवा सुत्तावि जागरावि सुत्ताजागरावि, नेरइया णं भंते । किं सुत्ता ० पुच्छा, गोयमा । नेरइया सुत्ता नो जागरा नो सुत्ताजागरा, एवं जाव चउरिंदिया, पंदिदियतिरिक्खजोणिया णं भंते । किं सुत्ता ० पुच्छा, गोयमा । सुत्ता नो जागरा सुत्ताजागरावि, मणुस्सा जहा जीवा, वाणमंतरजोइसियवेमाणिया जहा नेरइया ॥ ५७६ ॥ संवुडे णं, भंते ' सुविणं पासइ, असंवुडे सुविणं पासइ, संवुडासंवुडे सुविणं पासइ ? गोयमा । संवुडेवि सुविणं पासइ, असंवुडेवि सुविणं पासइ, संवुडासंवुडेवि सुविणं पासइ, सवुडे सुविणं पासइ अहातच्चं पासइ, असंवुडे सुविणं पासइ तथा वा तं होजा अजहा वा तं होजा, संवुडासंवुडे सुविणं पासइ एवं चेव ॥ जीवा णं भंते । किं संवुडा असंवुडा संवुडासंवुडा ? गोयमा । जीवा संवुडावि असंवुडावि संवुडासंवुडावि, एवं जहेव सुत्ताणं दंडओ तहेव भाणियव्वो ॥ कइ णं भंते । सुविणा पण्णत्ता ? गोयमा ! बायालीसं सुविणा पन्नत्ता, कइ णं भंते । महासुविणा पण्णत्ता ? गोयमा ! तीसं महासुविणा पण्णत्ता, कइ णं भंते । सव्वसुविणा पण्णत्ता ? गोयमा । बावत्तरिं सव्वसुविणा पण्णत्ता । तित्थगरमायरो णं भंते । तित्थगरंसि गब्भं वक्कममाणंसि कइ महासुविणे पासित्ताणं पडिबुज्झंति ? गोयमा । तित्थगरमायरो णं तित्थगरंसि गब्भं वक्कममाणंसि एएसिं तीसाए महासुविणाणं इमे चोइस महासुविणे पासित्ताणं पडिबुज्झंति, तं०-गयउसभसीहअभिसेय जाव सिहिं च । चक्कवट्टिमायरो णं भंते । चक्कवट्टिसि गब्भं वक्कममाणंसि कइ महासुविणे पासित्ताणं पडिबुज्झंति ? गोयमा ! चक्कवट्टिमायरो चक्कवट्टिसि जाव वक्कममाणंसि एएसिं तीसाए महासुविणाणं एवं जहा तित्थगरमायरो जाव सिहिं च । वासुदेवमायरो णं पुच्छा, गोयमा ! वासुदेवमायरो जाव वक्कममाणंसि एएसिं चोइसण्हं महासुविणाणं अजयरे सत्त महासुविणे पासित्ताणं पडिबुज्झंति । बलदेवमायरो णं पुच्छा, गोयमा । बलदेवमायरो जाव एएसिं चोइसण्हं महासुविणाणं अजयरे चत्तारि महासुविणे पासित्ताणं पडिबुज्झंति । मंडलियमायरो णं भंते ! पुच्छा, गोयमा ! मंडलियमायरो जाव एएसिं चोइसण्हं महासुविणाणं अजयरं एगं महासुविणं जाव पडिबुज्झंति ॥ ५७७ ॥ समणे भगवं महावीरे छउमत्थकालियाए अंतिमराइयंसि इमे दस महासुविणे पासित्ताणं पडिबुद्धे, तं०-एगं च णं महं घोररूवदित्तघरं तालपिसायं सुविणे पराजियं पासित्ताणं पडिबुद्धे १, एगं च णं महं सुक्खिलपक्खगं पुंसकोइलं सुविणे पासित्ताणं पडिबुद्धे २, एगं च णं महं चित्तविचित्तपक्खगं पुंसकोइलं सुविणे पासित्ताणं पडिबुद्धे ३, एगं च णं महं दामदुगं सव्वरयणामयं सुविणे पासित्ताणं

पडिबुद्धे ४, एगं च णं महं सेयं गोवग्गं सुविणे पासित्ताणं पडिबुद्धे ५, एगं च णं महं पउमसरं सव्वओ समंता कुसुमियं सुविणे पासित्ताणं पडिबुद्धे ६, एगं च णं महं सागरं उम्मीवीईसहस्सकलियं भुयाहिं तिञ्चं सुविणे पासित्ताणं पडिबुद्धे ७, एगं च णं महं दिणयरं तेयसा जलंतं सुविणे पासित्ताणं पडिबुद्धे ८, एगं च णं महं हरि-
 वैरुलियवज्जाभेणं नियगेणं अंतेणं माणुसुत्तरं पव्वयं सव्वओ समंता आवेडियं परिवेडियं सुविणे पासित्ताणं पडिबुद्धे ९, एगं च णं महं मंदरे पव्वए मंदरचूलियाए उवरि सीहासणवरगयं अप्पाणं सुविणे पासित्ताणं पडिबुद्धे १० । जण्णं समणे भगवं महावीरे एगं महं घोररूवदित्तधरं तालपिसायं सुविणे पराजियं पासित्ताणं पडि-
 बुद्धे, तण्णं समणेणं भगवया महावीरेणं मोहणिज्जे कम्मं मूलाओ उग्घाइए १, जज्जं समणे भगवं महावीरे एगं महं सुक्किल्ल जाव पडिबुद्धे, तण्णं समणे भगवं महावीरे सुक्कज्जाणोवगए विहरइ २, जण्णं समणे भगवं महावीरे एगं महं चित्तविचित्त जाव पडिबुद्धे, तण्णं समणे भगवं महावीरे विचित्तं ससमयपरसमइयं दुवालसंगं गणित्ति-
 डगं आघवेइ पन्नवेइ परुवेइ दंसैइ निदंसैइ उवदंसैइ, तंजहा-आयारं सूयगडं जाव दिट्ठियायं ३, जण्णं समणे भगवं महावीरे एगं महं दामदुगं सव्वरयणामयं सुविणे पासित्ताणं पडिबुद्धे, तण्णं समणे भगवं महावीरे दुविहं धम्मं पन्नवेइ, तं०-आगा-
 रधम्मं वा अणागारधम्मं वा ४, जण्णं समणे भगवं महावीरे एगं महं सेयगोवग्गं जाव पडिबुद्धे, तण्णं समणस्स भगवओ महावीरस्स चाउव्वण्णाड्ढे समणसंघे प०, तं०-समणा समणीओ सावया सावियाओ ५, जण्णं समणे भगवं महावीरे एगं महं पउमसरं जाव पडिबुद्धे, तण्णं समणे भगवं महावीरे चउव्विहे देवे पन्नवेइ, तं०-भवणवाष्ठी वाणमंतरे जोइसिए वेमाणिए ६, जज्जं समणे भगवं महावीरे एगं महं सागरं जाव पडिबुद्धे, तञ्चं समणेणं भगवया महावीरेणं अणादीए अणवदग्गे जाव संसारकंतारे तिञ्चे ७, जज्जं समणे भगवं महावीरे एगं महं दिणयरं जाव पडि-
 बुद्धे, तञ्चं समणस्स भगवओ महावीरस्स अणंते अणुत्तरे निव्वाघाए निरावरणे कसिणे पडिपुत्ते केवलवरन्ताणदंसणे समुप्पजे ८, जण्णं समणे जाव वीरे एगं महं हरिवैरुलिय जाव पडिबुद्धे, तण्णं समणस्स भगवओ महावीरस्स ओराला कित्तिवज्जसहसिलोया सदे-
 वमणुयासुरे लोगे परिअ(वं)मंति-इति खल्ल समणे भगवं महावीरे इति खल्ल समणे भगवं महावीरे ९, जज्जं समणे भगवं महावीरे मंदरे पव्वए मंदरचूलियाए जाव पडिबुद्धे, तण्णं समणे भगवं महावीरे सदेवमणुयासुराए परिसाए मज्झगए केवलीपन्नतं धम्मं आघ-
 वेइ जाव उवदंसैइ ॥५७८॥ इत्थी वा पुरिसे वा सुविणंते एगं महं हयपंति वा गयपंति वा जाव उअभपंति वा पासमाणे पासइ, दुरूहमाणे दुरूहइ, दुरूहमिति अप्पाणं मच्चइ,

तक्खणामेव बुज्झइ, तेणेव भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं दामिणिं पाईणपढीणाययं दुहओ समुद्वे पुट्टं पासमाणे पासइ, संवेत्थेमाणे संवेत्थेइ, संवेत्थियमिति अप्पाणं मज्झइ, तक्खणामेव बुज्झइ, तेणेव भवग्गहणेणं जाव अंतं करेइ । इत्थी वा पुरिसे वा सुविणंते एगं महं रज्जुं पाईणपढीणाययं दुहओ लोगंते पुट्टं पासमाणे पासइ, छिंदमाणे छिंदइ, छिन्नमिति अप्पाणं मज्झइ, तक्खणामेव जाव अंतं करेइ । इत्थी वा पुरिसे वा सुविणंते एगं महं किण्हसुत्तगं वा जाव सुक्खिल्लसुत्तगं वा पासमाणे पासइ, उग्गोवेमाणे उग्गोवेइ, उग्गोवियमिति अप्पाणं मज्झइ, तक्खणामेव जाव अंतं करेइ । इत्थी वा पुरिसे वा सुविणंते एगं महं अयरसिं वा तंबरासिं वा तउयरासिं वा सीसगरासिं वा पासमाणे पासइ, दुरूहमाणे दुरूहइ, दुरूहमिति अप्पाणं मज्झइ, तक्खणामेव बुज्झइ, दोच्चेणं भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं हिरञ्जरासिं वा सुवञ्जरासिं वा रयणरासिं वा वड्ढरासिं वा पासमाणे पासइ, दुरूहमाणे दुरूहइ, दुरूहमिति अप्पाणं मज्झइ, तक्खणामेव बुज्झइ, तेणेव भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं तणरासिं वा जहा तेयनिसग्गे जाव अवकररासिं वा पासमाणे पासइ, विक्खि-
रमाणे विक्खिरइ, विक्खिणमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं सरथंभं वा वीरिणथंभं वा वंसीमूलथंभं वा वल्लीमूलथंभं वा पाममाणे पासइ, उम्मूत्तेमाणे उम्मूत्तेइ, उम्मूलियमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं खीरकुंभं वा दहिकुंभं वा घयकुंभं वा महकुंभं वा पासमाणे पासइ, उप्पाडेमाणे उप्पाडेइ, उप्पाडियमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं सुरावियडकुंभं वा सोवीर-
वियडकुंभं वा तेळकुंभं वा बसाकुंभं वा पासमाणे पासइ, भिदमाणे भिदइ, भिज्ज-
मिति अप्पाणं मज्झइ, तक्खणामेव बुज्झइ, दोच्चेणं भवग्गहणेणं जाव अंतं करेइ । इत्थी वा पुरिसे वा सुविणंते एगं महं पउमसरं कुसुमियं पासमाणे पासइ, ओगाहेमाणे ओगाहेइ, ओगाडमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा जाव सुविणंते एगं महं सागरं उम्मीवीई जाव कलियं पासमाणे पासइ, तरमाणे तरइ, तिज्जमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा जाव सुविणंते एगं महं भवणं सव्वरयणामयं पासमाणे पासइ, [दुरूहमाणे दुरूहइ, दुरूहमिति अप्पाणं मज्झइ,] अणुप्पविसमाणे अणुप्पविसइ, अणुप्पविट्ठमिति अप्पाणं मज्झइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा

सुविणंते एगं महं विमाणं सव्वरयणामयं पासमाणे पासइ, दुरूहमाणे दुरूहइ, दुरूह-
मिति अप्पाणं मन्नइ, तक्खणामेव बुज्झइ, तेणेव जाव अंतं करेइ ॥ ५७९ ॥ अह
भंते ! कोट्टपुडाण वा जाव केयईपुडाण वा अणुवार्यंसि उब्भिज्जमाणण वा जाव
ठाणाओ वा ठाणं संकामिज्जमाणणं कि कोट्टे वाइ जाव केयई वाइ ? गोयमा ! नो
कोट्टे वाइ जाव नो केयई वाइ, घाणसहगया पोग्गला वाइ । सेवं भंते ! २ ति
॥ ५८० ॥ सोलसमस्स सयस्स छट्ठो उद्देसो समत्तो ॥

कइविहे णं भंते । उवओगे पन्नते ? गोयमा ! दुविहे उवओगे पन्नते, एवं जहः
उवओगपयं पन्नवणाए तहेव निरवसेसं भाणियव्वं, पासणयापयं च निरवसेसं
नेयव्वं । सेवं भंते । सेवं भंते । ति ॥ ५८१ ॥ सोलसमस्स सयस्स सत्तमो
उद्देसो समत्तो ॥

केमहालए णं भंते । लोए पन्नते ? गोयमा ! महइमहालए जहा बारसमसए
तहेव जाव असखेज्जाओ जोयणकोडाकोडीओ परिक्खेवेण, लोगस्स णं भंते । पुर-
च्छिमिद्धे चरिमंते कि जीवा जीवदेसा जीवप्पएसा अजीवा अजीवदेसा अजीव-
प्पएसा ? गोयमा ! नो जीवा जीवदेसावि जीवप्पएसावि अजीवावि अजीवदेसावि
अजीवप्पएसावि ॥ जे जीवदेसा ते नियमं एगिंदियदेसा अहवा एगिंदियदेसा य
बेइंदियस्स य देसे एवं जहा दसमसए अग्गेइंदिसा तहेव, नवरं देसेसु अणिंदियाणं
आइल्लविरहिओ । जे अरुनी अजीवा ते छव्विहा, अदासमओ नत्थि, सेसं तं चेव
सव्वं निरवसेसं । लोगस्स णं भंते ! दाहिणिद्धे चरिमंते कि जीवा ? एवं चेव,
एवं पच्चच्छिमिद्धेवि, एवं उत्तरिद्धेवि, लोगस्स णं भंते । उवरिद्धे चरिमंते कि जीवा ?
पुच्छा, गोयमा ! नो जीवा जीवदेसावि जीवप्पएसावि जाव अजीवप्पएसावि । जे
जीवदेसा ते नियमं एगिंदियदेसा य अणिंदियदेसा य अहवा एगिंदियदेसा य
अणिंदियदेसा य बेइंदियस्स य देसे, अहवा एगिंदियदेसा य अणिंदियदेसा य
बेइंदियाणं य देसा, एवं मज्झिक्खविरहिओ जाव पंचिंदियाणं, जे जीवप्पएसा ते
नियमं एगिंदियप्पएसा य अणिंदियप्पएसा य अहवा एगिंदियप्पएसा य अणिंदिय-
प्पएसा य बेइंदियस्स पएसा य अहवा एगिंदियप्पएसा य अणिंदियप्पएसा य बेइं-
दियाणं य पएसा, एवं आइल्लविरहिओ जाव पंचिंदियाणं, अजीवा जहा दसमसए
तमाए तहेव निरवसेसं भाणियव्वं ॥ लोगस्स णं भंते ! हेट्ठिद्धे चरिमंते कि जीवा ?
पुच्छा, गोयमा ! नो जीवा जीवदेसावि जीवप्पएसावि जाव अजीवप्पएसावि, जे
जीवदेसा ते नियमं एगिंदियदेसा अहवा एगिंदियदेसा य बेइंदियस्स देसे अहवा
एगिंदियदेसा बेइंदियाणं य देसा, एवं मज्झिक्खविरहिओ जाव अणिंदियाणं पएसा,

आइल्लविरहिओ सव्वेसिं जहा पुरच्छिमिल्ले चरिमंते तहेव, अजीवा जहेव उवरिल्ले चरिमंते तहेव ॥ इमीसे णं भंते । रयणप्पभाए पुववीए पुरच्छिमिल्ले चरिमंते किं जीवा० पुच्छा, गोयमा । नो जीवा एवं जहेव लोगस्स तहेव चत्तारिवि चरिमंता जाव उत्तरिल्ले, उवरिल्ले तहेव जहा दसमसए विमला दिसा तहेव निरवसेसं, हेट्टिल्ले चरिमंते जहेव लोगस्स हेट्टिल्ले चरिमंते तहेव, नवरं देसे पंचिदिएसु तियभंगोत्ति सेसं तं चेव, एवं जहा रयणप्पभाए चत्तारि चरिमंता भणिया एवं सक्करप्पभाएवि उवरि-महेट्टिल्ला जहा रयणप्पभाए हेट्टिल्ले, एवं जाव अहे सत्तमाए, एवं सोहम्मस्सवि जाव अच्चयस्स, गेवेज्जविमाणणं एवं चेव, नवरं उवरिमहेट्टिल्लेसु चरिमंतेसु देसेसु पंचिदियाणवि मज्झिक्कविरहिओ सेसं तहेव, एवं जहा गेवेज्जविमाणा तहा अणुत्तरवि-माणानि, ईसिप्पभारावि ॥५८२॥ परमाणुपोगगले णं भंते ! लोगस्स पुरच्छिमिल्लाओ चरिमंताओ पच्चच्छिमिल्लं चरिमंतं एगसमएणं गच्छइ, पच्चच्छिमिल्लाओ चरिमंताओ पुरच्छिमिल्लं चरिमंतं एगसमएणं गच्छइ, दाहिणिल्लाओ चरिमंताओ उत्तरिल्लं जाव गच्छइ, उत्तरिल्लाओ चरिमंताओ दाहिणिल्लं चरिमंतं जाव गच्छइ, उवरिल्लाओ चरिमं-ताओ हेट्टिल्लं चरिमंतं जाव गच्छइ, हेट्टिल्लाओ चरिमंताओ उवरिल्लं चरिमंतं एगसमएणं गच्छइ ? हंता गोयमा । परमाणुपोगगले णं लोगस्स पुरच्छिमिल्लं तं चेव जाव उवरिल्लं चरिमंतं गच्छइ ॥ ५८३ ॥ पुरिसे णं भंते ! वासं वासइ नो वासइत्ति हत्थं वा पायं वा बाहुं वा ऊरुं वा आउंटावेमाणे वा पसारमाणे वा कइकिरिए ? गोयमा । जावं च णं से पुरिसे वासं वासइ वास नो वासतीति हत्थं वा जाव ऊरुं वा आउंटावेइ वा पसारेइ वा तावं च णं से पुरिसे काइयाए जाव पंचहिं किरियाहिं पुट्टे ॥५८४॥ देवे णं भंते ! महिच्चिए जाव महेसक्खे लोगंते ठिच्चा पभू अलोगंसि हत्थं वा जाव ऊरुं वा आउंटावेत्तए वा पसारेत्तए वा ? णो इणट्टे समट्टे, से केणट्टेणं भंते । एवं वुच्चइ देवे णं महिच्चिए जाव महेसक्खे लोगंते ठिच्चा णो पभू अलोगंसि हत्थं वा जाव पसारेत्तए वा ? गोयमा । जीवाणं आहारोवच्चिया पोगगला वौदच्चिया पोगगला कलेवरच्चिया पोगगला पोगगला(चे)मेव पप्प जीवाण य अजीवाण य गइपरि-याए आहिज्जइ, अलोए णं नेवत्थि जीवा नेवत्थि पोगगला से तेणट्टेणं जाव पसारेत्तए वा ॥ सेवं भंते । २ ति ॥५८५॥ सोलसमे सए अट्टमो उहेसो समत्तो ॥

कहिं भंते । बलिस्स वइरोयणिंदस्स वइरोयणरत्तो सभा सुहम्मा प० ? गोयमा । इहेव जंबुदीवे दीवे मंदरस्स पव्वयस्स उत्तरेणं तिरियमसंखेजे जहेव चमरस्स जाव बायालीसं जोयणसहस्साई ओगाहिता एत्थ णं बलिस्स वइरोयणिंदस्स वइ-रोयणरत्तो रुयगिंदे नामं उप्पायपव्वए पज्जे, सत्तरस एक्कवीसे जोयणसए एवं

परिमाणं जहेव तिगिच्छिच्छूडस्स पासायवडिंसगस्सवि तं चेव पमाणं वीहासणं सप-
रिवारं बलिस्स परि(वा)यारेणं अट्ठो तहेव, नवरं क्यगिदप्पभाई ३ सेसं तं चेव जाव
बलिचंचाए रायहाणीए अणेसिं च जाव (णिचे) क्यगिदस्स णं उप्पायपव्वयस्स उत्तरेणं
छक्कोडिसए तहेव जाव चत्तालीसं जोयणसहस्साईं ओगाहिता एत्थ णं बलिस्स
वडरोयणिदस्स वडरोयणरज्जो बलिचंचा नामं रायहाणी प० एणं जोयणसयसहस्सं
पमाणं तहेव उववाओ जाव आयरक्खा सव्वं तहेव निरवसेसं, नवरं साइरेणं
सागरोवमं ठिई प०, सेसं तं चेव जाव बली वडरोयणिदे बली० २ ॥ सेवं भंते । २
ति जाव विहरइ ॥ ५८६ ॥ सोलसमस्स सयस्स नवमो उहेसो समत्तो ॥

कइविहे णं भंते । ओही पन्नते ? गोयमा । दुविहा ओही प०, तं—ओहीपयं निरव-
सेसं भाणियव्वं ॥ सेवं भंते ! सेवं भंते ! ति जाव विहरइ ॥ ५८७ ॥ सोल-
समस्स सयस्स दसमो उहेसो समत्तो ॥

वीवकुमारा णं भंते । सव्वे समाहारा सव्वे समुस्सासनिस्सासा ? णो इणट्ठे
समट्ठे, एवं जहा पढमसए विइयउहेसए वीवकुमारारणं वत्तव्वया तहेव जाव समाजया
समुस्सासनिस्सासा । एवं नागावि, वीवकुमारारणं भंते । कइ छेस्साओ पन्नताओ ?
गोयमा । चत्तारे छेस्साओ पन्नताओ, तंजहा—कण्हछेस्सा जाव तेउछेस्सा । एएसि
णं भंते । वीवकुमारारणं कण्हछेस्साणं जाव तेउछेस्साणं य कयरे कयरेहितो जाव
विसेसाहिया वा ? गोयमा । सव्वत्थोवा वीवकुमारा तेउछेस्सा, काउछेस्सा असंखेज-
गुणा, नीलछेस्सा विसेसाहिया, कण्हछेस्सा विसेसाहिया । एएसि णं भंते ! वीवकुमारारणं
कण्हछेस्साणं जाव तेउछेस्साणं य कयरे कयरेहितो अप्पिच्चिया वा महिच्चिया वा ?
गोयमा ! कण्हछेस्साहितो नीलछेस्सा महिच्चिया जाव सव्वमहिच्चिया तेउछेस्सा ।
सेवं भंते ! सेवं भंते ! ति जाव विहरइ ॥ १६ ॥ ११ ॥ उदाहिकुमारा णं भंते !
सव्वे समाहारा० एवं चेव, सेवं भंते । २ ति ॥ १६ ॥ १२ ॥ एवं दिसाकुमारावि
सेवं भंते । २ ति ॥ १६ ॥ १३ ॥ एवं थणियकुमारावि, सेवं भंते ! सेवं भंते ! ति
जाव विहरइ ॥ ५८८ ॥ सोलसमस्स सयस्स चउहसमो उहेसो
समत्तो ॥ सोलसमं सयं समत्तं ॥

नमो सुयदेवयाए भगवईए ॥ कुंजर १ संजय २ सेलेसि ३ किरिय ४ ईसाण
५ पुठवि ६-७ दग ८-९ वाऊ १०-११ । एगिदिय १२ नाग १३ सुवण १४
निज्जु १५ वाउ १६ ऽरिग १७ सत्तरसे ॥ १ ॥ रायगिहे जाव एवं वयासी-
उदाई णं भंते । हत्थिराया कओहितो अणंतरे उव्वट्ठिता उदाइहत्थिरावताए
उववणे ! गोयमा । असुरकुमारेहितो देवेहितो अणंतरे उव्वट्ठिता उदाइहत्थिरा-
४८ सुता०

यत्ताए उववजे, उदाई णं भंते । हत्थिराया कालमासे कालं किच्चा कर्हिं गच्छिहिइ कर्हिं उववज्जिहिइ ? गोयमा ! इमीसे णं रयणप्पभाए पुडवीए उक्कोससागरोवमट्ठि-
इयंसि निरयावासंसि नेरइयत्ताए उववज्जिहिइ, से णं भंते । तओहिंतो अणंतरं उव्वट्ठिता कर्हिं गच्छिहिइ कर्हिं उववज्जिहिइ ? गोयमा ! महाविदेहे वासे सिज्जिहिइ जाव अंतं काहिइ ॥ भूयाणंदे णं भंते ! हत्थिराया कओहितो अणंतरं उव्वट्ठिता भूयाणंदे हत्थिरायत्ताए एवं जहेव उदाई जाव अंतं काहिइ ॥ ५८९ ॥ पुरिसे णं भंते ! तालमारुहइ ता० २ ता तालाओ तालफलं पचालेमाणे वा पवाडेमाणे वा कइकिरिए ? गोयमा ! जावं च णं से पुरिसे तालमारुहइ तालमारुहिता तालाओ तालफलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे, जेसिपिय णं जीवाणं सरीरेहिंतो तले निव्वत्तिए तालफले निव्वत्तिए तेवि णं जीवा काइयाए जाव पंचहिं किरियाहिं पुट्ठा ॥ अहे णं भंते ! से तालफले अप्पणो गइयत्ताए जाव पचोवयमाणे जाइं तत्थ पाणाइं जाव जीवियाओ ववरोवेइ तए णं भंते ! से पुरिसे कइकिरिए ? गोयमा ! जावं च णं से पुरिसे तालफले अप्पणो ग(ग)इयत्ताए जाव जीवियाओ ववरोवेइ तावं च णं से पुरिसे काइयाए जाव चउहिं किरियाहिं पुट्ठे, जेसिपिय णं जीवाणं सरीरेहिंतो तले निव्वत्तिए तेवि णं जीवा काइयाए जाव चउहिं किरियाहिं पुट्ठा जेसिपिय णं जीवाणं सरीरेहिंतो तालफले निव्वत्तिए तेवि णं जीवा काइयाए जाव पंचहिं किरियाहिं पुट्ठा, जेविय से जीवा अहे वीसत्ताए पचोवयमाणस्स उव्वगहे वट्ठंति तेविय णं जीवा काइयाए जाव पंचहिं किरियाहिं पुट्ठा ॥ पुरिसे णं भंते ! रुक्खस्स मूलं पचालेमाणे वा पवाडेमाणे वा कइकिरिए ? गोयमा ! जावं च णं से पुरिसे रुक्खरस मूलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे, जेसिपिय णं जीवाणं सरीरेहिंतो मूले निव्वत्तिए जाव वीए निव्वत्तिए तेविय णं जीवा काइयाए जाव पंचहिं किरियाहिं पुट्ठा, अहे णं भंते ! से मूले अप्पणो गइयत्ताए जाव जीवियाओ ववरोवेइ तओ णं भंते ! से पुरिसे कइकिरिए ? गोयमा ! जावं च णं से मूले अप्पणो जाव ववरोवेइ तावं च णं से पुरिसे काइयाए जाव चउहिं किरियाहिं पुट्ठे, जेसिपिय णं जीवाणं सरीरेहिंतो कंदे निव्वत्तिए जाव वीए निव्वत्तिए तेवि णं जीवा काइयाए जाव चउहिं किरियाहिं पुट्ठा, जेसिपिय णं जीवाणं सरीरेहिंतो मूले निव्वत्तिए तेवि णं जीवा काइयाए जाव पंचहिं किरियाहिं पुट्ठा, जेविय णं से जीवा अहे वीसत्ताए पचोवयमाणस्स उव्वगहे वट्ठंति तेवि णं जीवा काइयाए जाव पंचहिं किरियाहिं पुट्ठा ॥ पुरिसे णं भंते ! रुक्खस्स

कंदं पचाळे० ? गोयमा ! जावं च णं से पुरिसे जाव पंचहिं किरियाहिं पुट्टे, जेसिपिय णं जीवाणं सरीरेहितो मूले निव्वत्तिए जाव वीए निव्वत्तिए तेवि णं जीवा जाव पंचहिं किरियाहिं पुट्टा, अहे णं भंते ! से कंदे अप्पणो जाव चउहिं किरियाहिं पुट्टे, जेसिपिय णं जीवाणं सरीरेहितो मूले निव्वत्तिए खंधे निव्वत्तिए जाव चउहिं पुट्टा, जेसिपिय णं जीवाणं सरीरेहितो कंदे निव्वत्तिए तेवि णं जीवा जाव पंचहिं किरियाहिं पुट्टा, जेवि य से जीवा अहे वीससाए पच्चोवयमाणस्स जाव पंचहिं पुट्टा जहा (कंदे) खंधो एवं जाव वीयं ॥५९०॥ कइ णं भंते ! सरीरगा पण्णत्ता ? गोयमा ! पंच सरीरगा पन्नत्ता, तंजहा-ओरालिए जाव कम्मए । कइ णं भंते ! इंदिया प० ? गोयमा ! पंच इंदिया प०, तं०-सोइंदिए जाव फासिंदिए । कइविहे णं भंते ! जोए प० ? गोयमा ! तिविहे जोए प०, तं०-मणजोए वइजोए कायजोए । जीवे णं भंते ! ओरालियग्गीर निव्वत्तमाणे कइकिरिए ? गोयमा ! सिय तिकिरिए सिय चउकिरिए सिय पंचकिरिए, एवं पुढविक्काइएवि, एवं जाव मणुस्से । जीवा णं भंते ! ओरालियसरीरं निव्वत्तमाणा कइकिरिया ? गोयमा ! तिकिरियावि चउकिरियावि पंचकिरियावि, एवं पुढविक्काइयावि, एवं जाव मणुस्सा, एवं वेउच्चवयसरीरेणवि दो दंडगा नवरं जस्म अत्थि वेउच्चवयं, एवं जाव कम्मगसरीरं, एवं सोइंदियं जाव फासिंदियं, एवं मणजोगं वइजोगं कायजोगं जस्स जं अत्थि तं भाणियव्वं, एए एगत्तपुहुत्तेणं छव्वीस दंडगा ॥ ५९१ ॥ कइविहे णं भंते ! भावे पण्णत्ते ? गोयमा ! छव्विहे भावे प०, तं०-उदइए उवसमिए जाव सन्निवाइए, से किं तं उदइए भावे ? उदइए भावे दुविहे पण्णत्तं, तंजहा-उदइए य उदयानिप्पन्ने य, एवं एएणं अभिलावेणं जहा अणुओगदारे छन्नामं तहेव निरवसेसं भाणियव्वं जाव से तं सन्निवाइए भावे ॥ सेवं भंते ! सेवं भंते ! ति ॥५९२॥ सत्तरसमे सय पढमो उडेसो समत्तो ॥

से नूणं भंते ! संजयविरयपडिहयपच्चक्खायपावकम्मे धम्मे टिए, असजयअविरयअपडिहयपच्चक्खायपावकम्मे अहम्मे टिए, संजयासंजए धम्माधम्मे टिए ! इंता गोयमा ! संजयविरय जाव धम्माधम्मे टिए, एएसि णं भंते ! धम्मंसि वा अहम्मंसि वा धम्माधम्मंसि वा चक्किया केइ आसइत्तए वा जाव तुयइत्तए वा ? गोयमा ! णो इण्ठे समट्टे, से केणं खाइ अट्टेणं भंते ! एवं वुच्चइ जाव धम्माधम्मे टिए ? गोयमा ! संजयविरय जाव पावकम्मे धम्मे टिए धम्मं चेव उवसंपजित्ताणं विहरइ, असंजय जाव पावकम्मे अहम्मे टिए अहम्मं चेव उवसंपजित्ताणं विहरइ, संजयासंजए धम्माधम्मे टिए धम्माधम्मं उवसंपजित्ताणं विहरइ, से तेणट्टेणं गोयमा ! जाव टिए ॥ जीवा णं भंते ! किं धम्मे टिया अहम्मे टिया धम्माधम्मे टिया ?

गोयमा । जीवा धम्मेवि ठिया अहम्मेवि ठिया धम्माधम्मेवि ठिया, नेरइयाणं भंते । पुच्छा, गोयमा । नेरइया णो धम्मे ठिया, अहम्मे ठिया, णो धम्माधम्मे ठिया, एवं जाव चउरिदियाणं, पंचिदियतिरिक्खजोणियाणं पुच्छा, गोयमा । पंचिदियतिरिक्खजोणिया नो धम्मे ठिया, अहम्मे ठिया, धम्माधम्मेवि ठिया, मणुस्सा जहा जीवा, वाणमंतरजोइसियवेमाणिया जहा नेरइया ॥ ५९३ ॥ अन्नउत्थिया णं भंते । एवमाइक्खंति जाव परूवेति-एवं खलु समणा पंडिया समणोवासगा बालपंडिया, जस्स णं एगपाणाएवि दंडे अणिक्खित्ते से णं एगंतबालेत्ति वत्तवं सिया, से कहुमेयं भंते । एवं ? गोयमा ! जण्यं ते अन्नउत्थिया एवमाइक्खंति जाव वत्तवं सिया, जे ते एवमाहंसु मिच्छं ते एवमाहंसु, अहं पुण गोयमा । एवमाइक्खामि जाव परूवेमि-एवं खलु समणा पंडिया, समणोवासगा बालपंडिया, जस्स णं एगपाणाएवि दंडे निक्खित्ते से णं नो एगंतबालेत्ति वत्तवं सिया ॥ जीवा णं भंते । किं बाला पंडिया बालपंडिया ? गोयमा । जीवा बालावि पंडियावि बालपंडियावि, नेरइयाणं पुच्छा, गोयमा । नेरइया बाला नो पंडिया नो बालपंडिया, एवं जाव चउरिदियाणं । पंचिदियतिरिक्खजोणियाणं पुच्छा, गोयमा । पंचिदियतिरिक्खजोणिया बाला नो पंडिया बालपंडियावि, मणुस्सा जहा जीवा, वाणमंतरजोइसियवेमाणिया जहा नेरइया ॥ ५९४ ॥ अन्नउत्थिया णं भंते । एवमाइक्खंति जाव परूवेति-एवं खलु पाणाइवाए मुसावाए जाव मिच्छादंसणसल्ले वट्टमाणस्स अत्थे जीवे अत्थे जीवाया, पाणाइवायवेरमणे जाव परिग्गहवेरमणे कोहविवेगे जाव मिच्छादंसणसल्लविवेगे वट्टमाणस्स अत्थे जीवे अत्थे जीवाया, उप्पत्तियाए जाव पारिणामियाए वट्टमाणस्स अत्थे जीवे अत्थे जीवाया, उग्गहे ईहा अवाए धारणाए वट्टमाणस्स जाव जीवाया, उट्ठाणे जाव परक्कमे वट्टमाणस्स जाव जीवाया, नेरइयत्ते तिरिक्खमणुस्सदेवत्ते वट्टमाणस्स जाव जीवाया, नाणावरणिज्जे जाव अंत-राइए वट्टमाणस्स जाव जीवाया, एवं कण्हळेस्साए जाव सुक्खळेस्साए, सम्महिद्धीए ३, एवं चक्खुदंसणे ४, आभिणिबोहियनाणे ५, मइअजाणे ३, आहारसजाए ४, एवं ओरालियसरीरे ५, एवं मणजोए ३, सागारोवओगे अणागारोवओगे वट्टमाणस्स अण्णे जीवे अत्थे जीवाया, से कहुमेयं भंते । एवं ? गोयमा । जण्यं ते अन्नउत्थिया एवमाइक्खंति जाव मिच्छं ते एवमाहंसु, अहं पुण गोयमा । एवमाइक्खामि जाव परूवेमि-एवं खलु पाणाइवाए जाव मिच्छादंसणसल्ले वट्टमाणस्स सत्थेव जीवे सत्थेव जीवाया जाव अणागारोवओगे वट्टमाणस्स सत्थेव जीवे सत्थेव जीवाया ॥ ५९५ ॥ वेवे णं भंते । महिद्धिए जाव महेसक्खे पुव्वामेव हवी भविता पभू अरुविं विउ-

व्वित्ताणं चिट्ठित्तए ? णो इण्ठे समट्ठे, से केणट्ठेणं भंते । एवं वुच्चइ देवे णं जाव नो पभू अरुवि विउव्वित्ताणं चिट्ठित्तए ? गोयमा । अहमेयं जाणामि, अहमेयं पासामि, अहमेयं बुज्जामि, अहमेयं अभिसमन्नागच्छामि, मए एयं नायं, मए एयं दिट्ठं, मए एयं बुद्धं, मए एयं अभिसमन्नागयं—जणं तहागयस्स जीवस्स सल्लुव्वस्स सकम्मस्स सरागस्स सवेयस्स समोहस्स सल्लेसस्स ससरीरस्स ताओ सरीराओ अविप्पमुक्कस्स एवं पन्नायइ, तंजहा—कालत्ते वा जाव सुक्किल्लत्ते वा, सुब्भिगंधत्ते वा दुब्भिगंधत्ते वा, तित्तत्ते वा जाव महुरत्ते वा, कक्खडत्ते वा जाव लुक्खत्ते वा, से तेणट्ठेणं गोयमा । जाव चिट्ठित्तए ॥ सच्चेव णं भंते । से जीवे पुव्वामेव अरुवी भवित्ता पभू रुवि विउव्वित्ताणं चिट्ठित्तए ? णो इण्ठे समट्ठे, से केणट्ठेणं जाव चिट्ठित्तए ? गोयमा । अहमेयं जाणामि जाव जन्नं तहागयस्स जीवस्स अरुविस्स अकम्मस्स अरागस्स अव्येयस्स अमोहस्स अलेमस्स असरीरस्स ताओ सरीराओ विप्पमुक्कस्स णो एवं पन्नायइ, तं०—कालत्ते वा जाव लुक्खत्ते वा, से तेणट्ठेणं जाव चिट्ठित्तए वा ॥ सेवं भंते । २ ति ॥ ५९६ ॥ सत्तरसमस्स सयस्स बीओ उदेसो समत्तो ॥

सेलेसिं पड्विज्जए णं भंते । अणगारे सया समियं एयइ वेयइ जाव तं तं भावं परिणमइ ? णो इण्ठे समट्ठे, णणत्थेगेणं परप्पओगेणं ॥ कइविहा णं भंते । एयणा प० ? गोयमा । पंचविहा एयणा प०, तंजहा—दव्वेयणा खेत्येयणा कालेयणा भवेयणा भावेयणा, दव्वेयणा णं भंते । कइविहा प० ? गोयमा । चउव्विहा प०, तंजहा—नेरइयदव्वेयणा, तिरिक्खदव्वेयणा, मणुस्सदव्वेयणा, देवदव्वेयणा, से केणट्ठेणं भंते । एवं वुच्चइ—नेरइयदव्वेयणा २ ? गोयमा । जणं नेरइया नेरइयदव्वे वट्ठिसु वा वट्ठंति वा वट्ठिसंति वा ते णं तत्थ नेरइया नेरइयदव्वे वट्ठमाणा नेरइयदव्वेयणं एइसु वा एयंति वा एइस्संति वा, से तेणट्ठेणं जाव दव्वेयणा, से केणट्ठेणं भंते । एवं वुच्चइ तिरिक्खजोणियदव्वेयणा २ ? एवं चेव, नवरं तिरिक्खजोणियदव्वे० भाणियव्वं, सेसं तं चेव, एवं जाव देवदव्वेयणा । खेत्येयणा णं भंते । कइविहा प० ? गोयमा । चउव्विहा प०, तं०—नेरइयखेत्येयणा जाव देवखेत्येयणा, से केणट्ठेणं भंते । एवं वुच्चइ नेरइयखेत्येयणा २ ? एवं चेव, नवरं नेरइयखेत्येयणा भाणियव्वा, एवं जाव देवखेत्येयणा, एवं कालेयणावि, एवं भवेयणावि, एवं जाव देवभावेयणावि ॥ ५९७ ॥ कइविहा णं भंते । चलणा प० ? गोयमा । तिविहा चलणा प०, तं०—सरीरचलणा ईदिमचलणा जोगचलणा, सरीरचलणा णं भंते । कइविहा प० ? गोयमा । पंचविहा प०, तं०—ओरालियसरीरचलणा जाव कम्मगसरीरचलणा, इदियचलणा णं भंते । कइविहा प० ? गोयमा । पंचविहा प०, तंजहा—

सोईदियचलणा जाव फासिदियचलणा, जोगचलणा णं भंते । कइविहा प० ? गोयमा । तिविहा प०, तं०—मणजोगचलणा वइजोगचलणा कायजोगचलणा, से केणट्टेणं भंते ! एवं वुच्चइ ओरालियसरीरचलणा २ ? गोयमा । जं णं जीवा ओरालियसरीरे वट्टमाणा ओरालियसरीरप्पाओगाईं दव्वाईं ओरालियसरीरत्ताए परिणामेमाणा ओरालियसरीरचलणं चलिंस्सु वा चलंति वा चलिस्संति वा से तेणट्टेणं जाव ओरालियसरीरचलणा २, से केणट्टेणं भंते ! एवं वुच्चइ वेउव्वियसरीरचलणा २ ? एवं चेव, नवरं वेउव्वियसरीरे वट्टमाणा एवं जाव कम्मगसरीरचलणा, से केणट्टेणं भंते ! एवं वुच्चइ सोईदियचलणा २ ? गोयमा । जलं जीवा सोइदिए वट्टमाणा सोईदियप्पाओगाईं दव्वाईं सोईदियत्ताए परिणामेमाणा सोईदियचलणं चलिंस्सु वा चलंति वा चलिस्संति वा से तेणट्टेणं जाव सोईदियचलणा २, एवं जाव फासिदियचलणा, से केणट्टेणं भंते ! एवं वुच्चइ मणजोगचलणा २ ? गोयमा । जणं जीवा मणजोए वट्टमाणा मणजोगप्पाओगाईं दव्वाईं मणजोगत्ताए परिणामेमाणा मणजोगचलणं चलिंस्सु वा चलंति वा चलिस्संति वा से तेणट्टेणं जाव मणजोगचलणा २, एवं वइजोगचलणावि, एवं कायजोगचलणावि ॥ ५९८ ॥ अहं भंते ! संवेगे निव्वे(गे)ए गुरुसाहम्मियमुस्सुसणया आलोयणया निंदणया गरहणया खमावणया सुयसहायया विउसमणया भावे अप्पडिबद्धया विणिवइणया विवित्तमयणासणसेवणया सोईदियसंवरे जाव फासिदियसंवरे जोगपच्चक्खाणे सरीरपच्चक्खाणे कमायपच्चक्खाणे संभोगपच्चक्खाणे उवहिपच्चक्खाणे भत्तपच्चक्खाणे खमा विरागया भावसच्चे जोगसच्चे करणसच्चे मणमसण्णाहरणया वडममच्चाहरणया कायसमच्चाहरणया कोहविवेगे जाव मिच्छादसणमल्लविवेगे णाणसंपन्नया दंसणसंपन्नया चरित्तसंपन्नया वेयणअहियासणया मारणंतियअहियासणया एए णं भन्ते । पया किंपज्जवयाणफला पण्णात्ता ? समणाउसो ! गोयमा ! संवेगे निव्वेए जाव मारणंतियअहियासणया एए णं सिद्धिपज्जवसाणफला प० समणाउसो ! ॥ सेवं भंते ! २ ति जाव विहरइ ॥ ५९९ ॥ **सत्तरसमस्स सयस्स तइओ उहेसो समत्तो ॥**

तेणं काळेणं तेणं समएणं रायगिहे नयरे जाव एवं वयासी-अत्थि णं भंते ! जीवाणं पाणाइवाएणं किरिया कज्जइ ? हंता अत्थि, सा भंते ! कि पुट्ठा कज्जइ अपुट्ठा कज्जइ ? गोयमा ! पुट्ठा कज्जइ नो अपुट्ठा कज्जइ, एवं जहा पढमसए छट्ठेसए जाव नो अणाणुपुव्विकडत्ति वत्तव्वं सिया, एवं जाव वेमाणियाणं, नवरं जीवाणं एगिदियाणं य निव्वाघाएणं छट्ठिसिं वाचायं पडुच्च सिय तिदिसिं सिय चउदिसिं सिय पंचदिसिं सेसाणं नियमं छट्ठिसिं । अत्थि णं भंते ! जीवाणं मुसा-

वाएणं किरिया कज्जइ ? हंता अत्थि, सा भंते । किं पुट्टा कज्जइ अपुट्टा कज्जइ ? जहा पाणाइवाएणं दंडओ एवं सुसावाएणवि, एवं अदिजादाणेणवि मेहुणेणवि परिग्गहेणवि, एवं एए पंच दंडगा ५ । जंसमयजं भंते । जीवाणं पाणाइवाएणं किरिया कज्जइ सा भंते । किं पुट्टा कज्जइ अपुट्टा कज्जइ ? एवं तहेव जाव वत्तवं सिया जाव वेमाणियाणं, एवं जाव परिग्गहेणं, एवं एएवि पंच दंडगा १० । जंदेसेणं भंते । जीवाणं पाणाइवाएणं किरिया कज्जइ एयं चेव जाव परिग्गहेणं, एवं एएवि पंच दंडगा १५ । जंपएमजं भंते । जीवाणं पाणाइवाएणं किरिया कज्जइ सा भंते । किं पुट्टा कज्जइ एवं तहेव दण्डओ, एवं जाव परिग्गहेणं २०, एवं एए वीसं दंडगा ॥ ६०० ॥ जीवाणं भंते । किं अत्तकडे दुक्खे, परकडे दुक्खे, तदुभयकडे दुक्खे ? गोयमा । अत्तकडे दुक्खे, नो परकडे दुक्खे, नो तदुभयकडे दुक्खे, एवं जाव वेमाणियाणं, जीवा णं भंते । किं अत्तकडे दुक्खं वेदंति, परकडे दुक्खं वेदंति, तदुभयकडे दुक्खं वेदंति ? गोयमा । अत्तकडे दुक्खं वेदंति, नो परकडे दुक्खं वेदंति, नो तदुभयकडे दुक्खं वेदंति, एवं जाव वेमाणियाणं । जीवाणं भंते । किं अत्तकडा वेयणा, परकडा वेयणा, तदुभयकटा वेयणा ? गोयमा । अत्तकटा वेयणा, नो परकडा वेयणा, नो तदुभयकटा वेयणा, एवं जाव वेमाणियाणं, जावा णं भंते । किं अत्तकडे वेयणं वेदंति, परकडे वेयणं वेदंति, तदुभयकडे वेयणं वेदंति ? गोयमा । जीवा अत्तकडे वेयणं वेदंति, नो परकडे वेयणं वेदंति, नो तदुभयकडे वेयणं वेदंति, एवं जाव वेमाणियाणं । सेवं भंते । सेवं भंते । त्ति ॥ ६०१ ॥

मन्तरस्समे सए चउत्थो उहेसो समत्तो ॥
 कहि णं भंते । ईसाणस्स देविदग्ग देवरत्तो मसा सुहम्मा पण्णत्ता ? गोयमा । जंबु-
 द्वीवे २ भंदरस्स पव्वयस्स उत्तरंणं इमासे णं रयणपभाए पुडवीए बहुसमरमणिज्जाओ
 भूमिभागाओ उच्चं चंदिमभूरिय जहा ठाणपणं जाव मज्जे ईसाणवडिसए महाविमाणे से
 णं ईसाणवडिसए महाविमाणे अद्धनेरसजोयगमयमहस्साई० एवं जहा दसमसए
 मक्खविमाणवत्तव्वया गा इहवि ईसाणस्स निरवसेसा भाणियव्वा जाव आयरक्खत्ति,
 टिइ साहरेगाई दो सागरोवमारं, सेसं तं चेव जाव ईसाणे देविदे देवराया २, सेवं
 भंते ! सेवं भंते ! त्ति ॥ ६०२ ॥

मन्तरस्समे सए पंचमो उहेसो समत्तो ॥
 पुढविकाइए णं भंते । इमासे रयणपभाए पुडवीए समोहए २ ता जे भविए
 सोहम्मे कपे पुढविकाइयाणए उववज्जिताए से भंते । किं पुण्वि उववज्जिता पच्छा
 संपाउणेज्जा, पुण्वि वा संपाउणिता पच्छा उववज्जेज्जा ? गोयमा । पुण्वि वा उव-
 वज्जिता पच्छा संपाउणेज्जा, पुण्वि वा संपाउणिता पच्छा उववज्जेज्जा, से केणट्ठेणं
 जाव पच्छा उववज्जेज्जा ? गोयमा । पुढविकाइयाणं तओ समुग्घाया प०, तं०-

वेयणासमुग्घाए कसायसमुग्घाए मारणंतियसमुग्घाए, मारणंतियसमुग्घाएणं समो-
हणमाणे देसेणं वा समोहणइ सव्वेण वा समोहणइ, देसेणं समोहणमाणे पुब्बि
संपाउणित्ता पच्छा उववज्जिजा, सव्वेणं समोहणमाणे पुब्बि उववज्जित्ता पच्छा
संपाउणेज्जा, से तेणट्ठेणं जाव उववज्जेज्जा । पुढविकाइए णं भंते । इमीसे रयणप्प-
भाए पुढवीए जाव समोहए २ ता जे भविए ईसाणे कप्पे पुढवि० एवं चेव ईसाणेवि,
एवं जाव अच्चुयगेविज्जविमाणे, अणुत्तरविमाणे ईसिप्पभाराए य एवं चेव । पुढविकाइए
णं भंते । सक्करप्पभाए पुढवीए समोहए २ ता जे भविए सोहम्मे कप्पे पुढवि० एवं
जहा रयणप्पभाए पुढविकाइओ उववाइओ एवं सक्करप्पभाएवि पुढविकाइओ उववा-
एयव्वो जाव ईसिप्पभाराए, एवं जहा रयणप्पभाए वत्तव्वया भणिया एवं जाव अहे
सत्तमाए समोहए ईसिप्पभाराए उववाएयव्वो । सेवं भंते ! २ ति (१७-६) ॥६०३॥
पुढविकाइए णं भंते ! सोहम्मे कप्पे समोहए समोहणित्ता जे भविए इमीसे रयण-
प्पभाए पुढवीए पुढविकाइयत्ताए उववज्जित्ताए से णं भंते ! किं पुब्बि सेसं तं चेव
जहा रयणप्पभाए पुढविकाइओ सव्वकप्पेसु जाव ईसिप्पभाराए ताव उववाइओ एवं
सोहम्मपुढविकाइओवि सत्तसुवि पुढवीसु उववाएयव्वो जाव अहे सत्तमाए, एवं जहा
सोहम्मपुढविकाइओ सव्वपुढवीसु उववाइओ एवं जाव ईसिप्पभारापुढविकाइओ
सव्वपुढवीसु उववाएयव्वो जाव अहे सत्तमाए, सेवं भंते ! २ ति (१७-७) ॥६०४॥
आउक्काइए णं भंते ! इमीसे रयणप्पभाए पुढवीए समोहए २ ता जे भविए सोहम्मे
कप्पे आउकाइयत्ताए उववज्जित्ताए एवं जहा पुढविकाइओ तहा आउकाइओवि
सव्वकप्पेसु जाव ईसिप्पभाराए तहेव उववाएयव्वो, एवं जहा रयणप्पभाआउ-
काइओ उववाइओ तहा जाव अहेसत्तमापुढविआउकाइओ उववाएयव्वो जाव ईसिप्प-
भाराए, सेवं भंते ! २ ति (१७-८) ॥६०५॥ आउक्काइए णं भंते ! सोहम्मे कप्पे
समोहए समोहणित्ता जे भविए इमीसे रयणप्पभाए पुढवीए घणोदहिवलएसु आउ-
काइयत्ताए उववज्जित्ताए से णं भंते ! सेसं तं चेव एवं जाव अहे सत्तमाए जहा सोहम्म-
आउक्काइओ एवं जाव ईसिप्पभाराआउक्काइओ जाव अहे सत्तमाए उववाएयव्वो,
सेवं भंते ! २ ति (१७-९) ॥६०६॥ वाउक्काइए णं भंते ! इमीसे रयणप्पभाए पुढवीए
जाव जे भविए सोहम्मे कप्पे वाउक्काइयत्ताए उववज्जित्ताए से णं जहा पुढविकाइओ
तहा वाउकाइओवि नवरं वाउक्काइयाणं चत्तारि समुग्घाया ५०, तं०-वेयणासमु-
ग्घाए जाव वेउव्वियसमुग्घाए, मारणंतियसमुग्घाएणं समोहणमाणे देसेण वा समो०
सेसं तं चेव जाव अहे सत्तमाए समोहओ ईसिप्पभाराए उववाएयव्वो, सेवं भंते !
२ ति (१७-१०) ॥ ६०७ ॥ वाउक्काइए णं भंते ! सोहम्मे कप्पे समोहए २ ता जे

भविए इमीसे रयणप्पभाए पुढवीए घणवाए तणुवाए घणवायवलएसु तणुवायवलएसु वाउक्काइयत्ताए उववजित्ताए से णं भंते ! सेसं तं चेव एवं जहा सोहम्मकप्पवाउकाइओ सत्तसुवि पुढवीसु उववाइओ एवं जाव ईसिप्पभाराए वाउक्काइओ अहे सत्तामाए जाव उववाएयव्वो, सेवं भंते ! २ ति (१७-११) ॥ ६०८ ॥ एगिंदिया णं भंते ! सव्वे समाहारा सव्वे (समसरीरा) समुत्सासणीसासा एवं जहा पढमसए विइयउद्देसए पुढविकाइयाणं वत्तव्वया भणिया सा चेव एगिंदियाणं इह भाणियव्वा जाव समाउया समोववज्जगा । एगिंदियाणं भंते ! कइ डेस्साओ प० ? गोयमा । चत्तारि डेस्साओ प०, तं०-कण्हडेस्सा जाव तेउडेस्सा । एएसि णं भंते ! एगिंदियाणं कण्हडेस्साणं जाव विसेसाहिया वा ? गोयमा । सव्वत्थोवा एगिंदियाणं तेउडेस्सा, काउडेस्सा अणंतगुणा, णीलडेस्सा विसेसाहिया, कण्हडेस्सा विसेसाहिया । एएसि णं भंते ! एगिंदियाणं कण्हडेस्सा इङ्गी जहेव दीवकुमाराणं, सेवं भंते ! २ ति (१७-१२) ॥ ६०९ ॥ नागकुमारा णं भंते ! सव्वे समाहारा जहा सोलसमसए दीवकुमारहेसए तहेव निरवसेसं भाणियव्वं जाव इङ्गीति, सेवं भंते ! २ ति जाव विहरइ (१७-१३) ॥ ६१० ॥ सुवन्नकुमारा णं भंते ! सव्वे समाहारा० एवं चेव, सेवं भंते ! २ ति (१७-१४) ॥ ६११ ॥ विज्जुकुमारा णं भंते ! सव्वे समाहारा० एवं चेव, सेवं भंते ! २ ति (१७-१५) ॥ ६१२ ॥ वाउकुमारा णं भंते ! सव्वे समाहारा० एवं चेव, सेवं भंते ! २ ति (१७-१६) ॥ ६१३ ॥ अग्गिकुमारा णं भंते ! सव्वे समाहारा० एवं चेव, सेवं भंते ! २ ति ॥ ६१४ ॥ **सत्तरसमस्स सयस्स सत्तरसमो उद्देसो समत्तो ॥ सत्तरसमं सयं समत्तं ॥**

पढमे १ विसाह २ मायंदिए य ३ पाणाइवाय ४ असुरे य ५ । गुल ६ केवळि ७ अणगारे ८ भविए ९ तह सोमिलड्डारसे १० ॥ १ ॥ तेणं कालेणं तेणं सम-एणं रायमिहे जाव एवं वयासी-जीवे णं भंते ! जीवभावेणं किं पढमे अपढमे ? गोयमा ! नो पढमे अपढमे, एवं नेरइए जाव वेमाणिए । सिद्धे णं भंते ! सिद्ध-भावेणं किं पढमे अपढमे ? गोयमा ! पढमे नो अपढमे, जीवा णं भंते ! जीवभावेणं किं पढमा अपढमा ? गोयमा ! नो पढमा अपढमा, एवं जाव वेमाणियाणं १ ॥ सिद्धाणं पुच्छा, गोयमा ! पढमा नो अपढमा ॥ आहारए णं भंते ! जीवे आहार-भावेणं किं पढमे अपढमे ? गोयमा ! नो पढमे अपढमे, एवं जाव वेमाणिए, पोहत्तिएवि एवं चेव । अणाहारए णं भंते ! जीवे अणाहारभावेणं पुच्छा, गोयमा ! सिय पढमे सिय अपढमे । नेरइए णं भंते ! एवं नेरइए जाव वेमाणिए नो पढमे अपढमे, सिद्धे पढमे नो अपढमे । अणाहारगा णं भंते ! जीवा अणाहारभावेणं

पुच्छा, गोयमा । पटमावि अपटमावि, नेरइया जाव वेमाणिया णो पटमा अपटमा, सिद्धा पटमा नो अपटमा, एक्केके पुच्छा भाणियव्वा २ ॥ भवसिद्धिए एगत्तपुहुत्तेणं जहा आहारए, एवं अभवसिद्धिएवि, नोभवसिद्धियनोअभवसिद्धिए णं भंते ! जीवे नोभव० पुच्छा, गोयमा । पटमे नो अपटमे, णोभवसिद्धिय नोअभवसिद्धिया णं भंते ! सिद्धा नोभव० अभव०, एवं चेव पुहुत्तेणवि दोण्हवि ॥ सञ्जी णं भंते ! जीवे सण्णिभावेणं किं पटमे पुच्छा, गोयमा । नो पटमे अपटमे, एवं विगल्लिदियवज्जं जाव वेमाणिए, एवं पुहुत्तेणवि ३ ॥ अमञ्ची एवं चेव एगत्तपुहुत्तेणं नवरं जाव वाणमंतरा, नोसञ्चीनोअसञ्ची जीवे मणुस्से सिद्धे पटमे नो अपटमे, एवं पुहुत्तेणवि ४ ॥ सलेस्से णं भंते ! पुच्छा, गोयमा । जहा आहारए एवं पुहुत्तेणवि, कण्हलेस्सा जाव मुक्कलेस्सा एवं चेव नवरं जस्स जा लेस्सा अत्थि । अलेस्से णं जीवमणुस्ससिद्धे जहा नोसञ्चीनोअसञ्ची ५ ॥ सम्महिट्टिए णं भंते ! जीवे सम्महिट्टिभावेणं किं पटमे पुच्छा, गोयमा । सिय पटमे सिय अपटमे, एवं एण्णिदियवज्जं जाव वेमाणिए, सिद्धे पटमे नो अपटमे, पुहुत्तिया जीवा पटमावि अपटमावि, एवं जाव वेमाणिया, सिद्धा पटमा नो अपटमा, मिच्छादिट्टिए एगत्तपुहुत्तेणं जहा आहारए, सम्मामिच्छादिट्टिए एगत्तपुहुत्तेणं जहा सम्महिट्टी, नवरं जग्ग अत्थि सम्मामिच्छत्तं ६ ॥ संजए जीवे मणुस्से य एगत्तपुहुत्तेणं जहा सम्महिट्टी, असजए जहा आहारए, सजयासंजए जीवे पंचिदियतिरिअक्खजोणियमणुस्सा एगत्तपुहुत्तेणं जहा सम्महिट्टी, नोसंजएनंअसंजएनोसंजयासजए जीवे सिद्धे य एगत्तपुहुत्तेणं पटमे नो अपटमे ७ ॥ मक्कमाई कोहकसाई जाव लोभकमाई एए एगत्तपुहुत्तेणं जहा आहारए, अकमाई जीवे सिय पटमे सिय अपटमे, एवं मणुस्सेवि, सिद्धे पटमे नो अपटमे, पुहुत्तेणं जीवा मणुस्सा पटमावि अपटमावि, सिद्धा पटमा नो अपटमा ८ ॥ णाणी एगत्तपुहुत्तेणं जहा सम्महिट्टी, आभिण्णियोहियनाणी जाव मणपज्जवनाणी एगत्तपुहुत्तेणं एवं चेव, नवरं जस्स जं अत्थि, केवलनाणी जीवे मणुस्से सिद्धे य एगत्तपुहुत्तेणं पटमा नो अपटमा । अञ्जाणी मइअञ्जाणी सुयअञ्जाणी विभंगनाणी एगत्तपुहुत्तेणं जहा आहारए ९ ॥ सजोगी मणजोगी वइजोगी कायजोगी एगत्तपुहुत्तेणं जहा आहारए, नवरं जस्स जो जोगो अत्थि, अजोगी जीवमणुस्ससिद्धा एगत्तपुहुत्तेणं पटमा नो अपटमा १० ॥ सागारोवउत्ता अणागारोवउत्ता एगत्तपुहुत्तेणं जहा अणाहारए ११ ॥ सवेदगो जाव नपुंसगवेदगो एगत्तपुहुत्तेणं जहा आहारए नवरं जस्स जो वेदो अत्थि, अवेदञ्चो एगत्तपुहुत्तेणं तिच्चवि पएसु जहा अकसाई १२ ॥ ससरीरी जहा आहारए, एवं जाव कम्मगसरीरी जस्स जं अत्थि

सरिरे, नवरं आहारगसरीरी एगत्तपुहुत्तेणं जहा सम्महिट्ठी, असरीरी जीवो सिद्धो एगत्तपुहुत्तेणं पढमो नो अपढमो १३ ॥ पंचहिं पज्जतीहिं पंचहिं अपज्जतीहिं एगत्तपुहुत्तेणं जहा आहारए, नवरं जस्स जा अत्थि जाव वेमाणिया नो पढमा अपढमा १४ ॥ इमा लक्खणगाहा—जो जेण पत्तपुव्वो भावो सो तेण अपढमो होइ । सेसेमु होइ पढमो अपत्तपुव्वेसु भावेसु ॥ १ ॥ जीवे णं भंते ! जीवभावेणं किं चरिमे अचरिमे ? गोयमा ! नो चरिमे अचरिमे । नेरइए णं भंते ! नेरइयभावेणं पुच्छा, गोयमा ! सिय चरिमे सिय अचरिमे, एवं जाव वेमाणिए, मिद्धे जहा जीवे । जीवाणं पुच्छा, गोयमा ! जीवा नो चरिमा अचरिमा, नेरइया चरिमावि अचरिमावि, एवं जाव वेमाणिया, मिद्धा जहा जीवा १ ॥ आहारए सव्वत्थ एगत्तेणं सिय चरिमे सिय अचरिमे, पुहुत्तेणं चरिमावि अचरिमावि, अणाहारओ जीवो सिद्धो य एगत्तेणवि पुहुत्तेणवि नो चरिमो अचरिमो, सेसट्ठाणेसु एगत्तपुहुत्तेणं जहा आहारओ २ ॥ भवसिद्धीओ जीवपए एगत्तपुहुत्तेणं चरिमे नो अचरिमे, सेसट्ठाणेसु जहा आहारओ । अभवसिद्धीओ सव्वत्थ एगत्तपुहुत्तेणं नो चरिमे अचरिमे, नोभवसिद्धीयनोअभवसिद्धीय जीवा मिद्धा य एगत्तपुहुत्तेणं जहा अभवसिद्धीओ ३ ॥ सत्ती जहा आहारओ, एवं असत्तीवि, नोसत्तीनोअसत्ती जीवपए सिद्धपए य अचरिमो, मणुस्सपए चरिमो एगत्तपुहुत्तेणं ४ ॥ सत्तेस्सो जाव सुक्खेस्सो जहा आहारओ नवरं जस्स जा अत्थि, अत्तेस्सो जहा नोसत्तीनोअसत्ती ५ ॥ सम्महिट्ठी जहा अणाहारओ, मिच्छादिट्ठी जहा आहारओ, सम्मामिच्छादिट्ठी एगिदियविगालिदियवज्जं सिय चरिमे सिय अचरिमे, पुहुत्तेणं चरिमावि अचरिमावि ६ ॥ संजओ जीवो मणुस्सो य जहा आहारओ, असत्तओवि तहेय, सत्तयामंजओवि तहेव, नवरं जस्स जं अत्थि, नोसंजयनोअसंजयनोसंजयासंजय जहा नोभवसिद्धीयनोअभवसिद्धीओ ७ ॥ अकसाई जाव लोभकमाई सव्वट्ठाणेसु जहा आहारओ, अकसाई जीवपए सिद्धपए य नो चरिमो अचरिमो, मणुस्सपए सिय चरिमो सिय अचरिमो ८ ॥ णाणी जहा सम्महिट्ठी सव्वत्थ आभिणिश्रोहियनाणी जाव मणपज्जवनाणी जहा आहारओ नवरं जस्स जं अत्थि, केवल्लनाणी जहा नोसत्तीनोअसत्ती, अच्चाणी जाव विभंगनाणी जहा आहारओ ९ ॥ सजोगी जाव कायजोगी जहा आहारओ जस्स जो जोगो अत्थि, अजोगी जहा नोसत्तीनोअसत्ती १० ॥ सागारोवउत्तो अणागारोवउत्तो य जहा अणाहारओ ११ ॥ सवेदओ जाव नपुंसगवेदओ जहा आहारओ, अवेदओ जहा अकसाई १२ ॥ ससरीरी जाव कम्मगसरीरी जहा आहारओ नवरं जस्स जं अत्थि, असरीरी जहा नोभवसिद्धीयनोअभवसिद्धीय १३ ॥ पंचहिं पज्जतीहिं पंचहिं

अपञ्चतीहिं जहा आहारओ सव्वत्थ एगत्तपुहुत्तेणं दंडगा भाणियञ्चा १४ ॥ इपणं लक्खणगाहा—जो जं पाविहिइ पुणो भावं सो तेण अचरिमो होइ । अचंतविओगो जस्स जेण भावेण सो चरिमो ॥ १ ॥ सेवं भंते ! २ ति जाव विहरइ ॥ ६१५ ॥

अट्टारसमस्स सयस्स पढमो उद्देसो समत्तो ॥

तेणं कालेणं तेणं समएणं विसाहा नामं नयरी होत्था वन्नओ, बहुपुत्तिए उज्जाणे वन्नओ, सामी समोसढे जाव पञ्जुवासइ, तेणं कालेणं तेणं समएणं सक्के देविंदे देवराया वज्जपाणी पुरंदरे एवं जहा सोलसमसए बिइयउद्देसए तहेव दिव्वेणं जाणविमाणेणं आगओ नवरं एत्थ आभिओगा(वि)इ अत्थि जाव बत्तीसइविहं नट्टविहिं उवदंसेइ २ ता जाव पडिगए । भंते ! ति भगवं गोयमे सगणं भगवं महावीरं जाव एवं वयासी—जहा तइयमए ईसाणस्स तहेव कूडागारसालादिट्ठंतो तहेव पुव्वभव-पुच्छा जाव अभिसमन्नागया ? गोयमादि सगणे भगवं महावीरं भगवं गोयमं एवं वयासी—एवं खलु गोयमा । तेणं कालेणं तेणं समएणं इहेव जंबुदीवे २ भारहे वासे हत्थिणाउरे नामं नयरे होत्था वन्नओ, सहसंबवणे उज्जाणे वन्नओ, नत्थ णं हत्थिणाउरे नयरे कत्तिए नामं सेट्ठी परिवसइ अट्ठे जाव अपरिभूए णेगमपढमा-सणिए णेगमट्ठमहस्सस्स बहुसु कजेसु य कारणेसु य कांउंवेसु य एवं जहा राय-प्पसेणइजे चित्ते जाव चक्कवभूए णेगमट्ठसहस्सस्स स(सी)यस्स य कुडुंबस्स आहेवबं जाव कारेमाणे पालेमाणे य समणोवासए अभिगयजीवाजीवे जाव विहरइ । तेणं कालेणं तेणं समएणं मुणिसुव्वए अरहा आइगरे जहा सोलसमसए तहेव जाव समोसढे जाव परिसा पञ्जुवासइ, तए णं से कत्तिए सेट्ठी इमीसे कहाए लद्धे समाणे हट्टुट्टु० एवं जहा एकारसमसए सुदंसणे तहेव निग्गओ जाव पञ्जुवासइ, तए णं मुणिसुव्वए अरहा कत्तियस्स सेट्ठिस्स धम्मकहा जाव परिसा पडिगया, तए णं से कत्तिए सेट्ठी मुणिसुव्वयस्स जाव निसम्म हट्टुट्टु० उट्टाए उट्टेइ उ० २ ता मुणि-सुव्वयं जाव एवं वयासी—एवमेयं भंते ! जाव से जहयं तुज्जे वदह, जं नवरं देवाणु-प्पिया । नेगमट्ठसहस्सं आपुच्छामि जेट्टपुत्तं च कुडुंबे ठावेमि, तए णं अहं देवाणु-प्पियाणं अंतियं पव्वयामि, अहासुहं जाव मा पडिबंथं, तए णं से कत्तिए सेट्ठी जाव पडिनिक्खमइ २ ता जेणेव हत्थिणापुरे नयरे जेणेव सए गेहे तेणेव उवागच्छइ २ ता णेगमट्ठसहस्सं सदावेइ २ ता एवं वयासी—एवं खलु देवाणुप्पिया । मए मुणिसुव्वयस्स अरहओ अंतियं धम्मे निसन्ते सेविय मे धम्मे इच्छिए पडिच्छिए अभिरइए, तए णं अहं देवाणुप्पिया ! संसारभयउव्विग्गे जाव पव्वयामि, तं तुब्भे णं देवाणुप्पिया ! किं करेह किं ववसह किं मे हियइच्छिए किं मे सामत्ये ?, तए णं

तं नेगमद्वसहस्संपि तं कत्तियं सेट्ठि एवं वयासी-जइ णं देवाणुप्पिया । संसारभय-
उव्विग्गा भीया जाव पव्वइस्संति अम्हं देवाणुप्पिया ! किं अजे आलंबणे वा आहारे
वा पडिबंधे वा ? अम्हेवि णं देवाणुप्पिया ! संसारभयउव्विग्गा भीया जम्मणमरणं
देवाणुप्पिएहिं सद्धिं मुणिसुव्वयस्स अरहओ अंतियं मुं(डे)डा भवित्ता अगाराओ
जाव पव्वयामो, तए णं से कत्तिए सेट्ठी तं नेगमद्वसहस्सं एवं वयासी-जइ णं देवाणु-
प्पिया । संसारभयउव्विग्गा भीया जम्मणमरणं मए सद्धिं मुणिसुव्वय जाव पव्वयइ
तं गच्छइ णं तुब्भे देवाणुप्पिया । सएसु २ गिहेसु विउलं असणं जाव उवक्खडायेह
मित्तणाइ जाव पुरओ जेट्ठपुत्ते कुडुंबे ठावेह जेट्ठ० २ ता तं मित्तणाइ जाव जेट्ठपुत्ते
आपुच्छइ २ ता पुरिससहस्सवाहिणीओ सीयाओ दुरूहइ पु० २ ता मित्तणाइ जाव
परिजणेणं जेट्ठपुत्तेहिं य समणुगम्ममाणमग्गा सव्विच्चीए जाव रवेणं अकालपरिहीणं
चेव ममं अंतियं पाउब्भवइ, तए णं ते नेगमद्वसहस्सं कत्तियस्स सेट्ठिस्स एय-
मद्वं विणएणं पडिसुणंति २ ता जेणेव साई साई गिहइ तेषेव उवागच्छंति २ ता
विपुलं असणं जाव उवक्खडावेति २ ता मित्तणाइ जाव तस्सेव मित्तणाइ जाव
पुरओ जेट्ठपुत्ते कुडुंबे ठावेति जेट्ठपुत्ते० २ ता तं मित्तणाइ जाव जेट्ठपुत्ते य
आपुच्छंति जेट्ठ० २ ता पुरिससहस्सवाहिणीओ सीयाओ दुरूहंति २ ता मित्तणाइ
जाव परिजणेणं जेट्ठपुत्तेहिं य समणुगम्ममाणमग्गा सव्विच्चीए जाव रवेणं अकाल-
परिहीणं चेव कत्तियस्स सेट्ठिस्स अंतियं पाउब्भवंति, तए णं से कत्तिए सेट्ठी विपुलं
असणं ४ जहा गंगदत्तो जाव मित्तणाइ जाव परिजणेणं जेट्ठपुत्तेणं नेगमद्वसहस्सेण
य समणुगम्ममाणमग्गे सव्विच्चीए जाव रवेणं हत्थिणापुरं नयरं मज्झमज्जेणं जहा
गंगदत्तो जाव आलित्ते णं भंते ! लोए पलित्ते णं भंते ! लोए आलित्तपलित्ते णं भंते !
लोए जाव आणुगामियत्ताए मविस्सइ, तं इच्छामि णं भंते । नेगमद्वसहस्सेणं सद्धिं
सयमेव पव्वावियं सयमेव मुंडावियं जाव धम्ममाइक्खियं, तए णं मुणिसुव्वए अरहइ
कत्तियं सेट्ठि नेगमद्वसहस्सेणं सद्धिं सयमेव पव्वावेइ जाव धम्ममाइक्खइ, एवं देवाणु-
प्पिया । गंतव्वं एवं चिद्धियव्वं जाव संजमियव्वं, तए णं से कत्तिए सेट्ठी नेगमद्वसह-
स्सेणं सद्धिं मुणिसुव्वयस्स अरहओ इमं एयारुवं धम्मियं उवएसं सम्मं संपच्चिजइ,
तमाणाए तहा गच्छइ जाव संजमेइ, तए णं से कत्तिए सेट्ठी नेगमद्वसहस्सेणं सद्धिं
अणगारे जाए इरियासमिए जाव गुत्तर्भयारी, तए णं से कत्तिए अणगारे मुणि-
सुव्वयस्स अरहओ तहास्सार्णं थेरणं अंतियं सामाइयमाइयाई चोइस पुव्वाई
अहिज्जइ सा० २ ता बहूहिं चउत्थव्वइत्तम जाव अप्पाणं भावेमाणे बहुपडिपुत्ताई
बुबारुसवासाई सामजपरियागं पाउणइ २ ता मासियाए संलेहणाए अत्ताणं ज्ञोसेइ

मा० २ ता सट्टि भत्ताई अणसणाए छेदेइ स० २ ता आलोइयपडिक्कंते जाव काले किच्चा सोहम्मे कप्पे सोहम्मवडिसए विमाणे उववायसभाए देवसयणिजंसि जाव सक्के देविंदत्ताए उववजे, ताए णं से मक्के देविंदे देवराया अहुणोववण्णे सेसं जहा गंगदत्तस्स जाव अंतं काहिइ, नवरं ठिई दो सागरोवमाई प० सेसं तं चेव । सेवं भंते ! २ ति ॥ ६१६ ॥ **अट्टारसमस्स सयस्स वीओ उहेसो समत्तो ॥**

तेणं कालेणं तेणं समएणं रायणिहे नामं नयरे होत्था वन्नओ, गुणसिलए उज्जाणे वन्नओ जाव परिसा पडिगया, तेणं कालेणं तेणं समएणं समणस्स भगवओ महा-
वीरस्स जाव अंतेवासी मागंदियपुत्ते नामं अणगारे पगइभइए जहा मंडियपुत्ते जाव पज्जुवासमाणे एवं वयासी-से नूणं भंते । काउलेस्से पुडविकाइए काउलेस्से-
हिंतो पुडविकाइएहिंतो अणंतरं उव्वट्टित्ता माणुसं विग्गहं लभइ मा० २ ता केवलं बोहिं बुज्जइ के० २ ता तओ पच्छा सिज्जइ जाव अंतं करेइ ? हंता मागंदिय-
पुत्ता । काउलेस्से पुडविकाइए जाव अंतं करेइ । से नूणं भंते ! काउलेस्से आउकाइए
काउलेस्सेहिंतो आउकाइएहिंतो अणंतरं उव्वट्टित्ता माणुसं विग्गहं लभइ मा० २ ता
केवलं बोहिं बुज्जइ जाव अंतं करेइ ? हंता मागंदियपुत्ता । जाव अंतं करेइ । से
नूणं भंते ! काउलेस्से वणस्सइकाइए एवं चेव जाव अंतं करेइ, सेवं भंते ! २ ति
मागंदियपुत्ते अणगारे समणं भगवं महावीरं जाव नमस्सित्ता जेणव समणे निग्गंथे
तेणेव उवागच्छइ २ ता समणे निग्गंथे एवं वयासी-एवं खलु अज्जो । काउलेस्से
पुडविकाइए तहेव जाव अंतं करेइ, एवं खलु अज्जो । काउलेस्से आउकाइए जाव
अंतं करेइ, एवं खलु अज्जो । काउलेस्से वणस्सइकाइए जाव अंतं करेइ, ताए णं ते
समणा निग्गंथा मा(क)गंदियपुत्तरम अणगारस्स एवमाइक्खमाणस्स जाव एवं परूवे-
माणस्स एयमट्ठं नो सइहंति ३ एयमट्ठं असइहमाणा ३ जेणेव समणे भगवं महा-
वीरे तेणेव उवागच्छंति २ ता समणं भगवं महावीरं वंदंति नमस्सति वं० २ ता एवं
वयासी-एवं खलु भंते ! मागंदियपुत्ते अणगारे अम्हं एवमाइक्खइ जाव परूवेइ-
एवं खलु अज्जो ! काउलेस्से पुडविकाइए जाव अंतं करेइ, एवं खलु अज्जो । काउलेस्से
आउकाइए जाव अंतं करेइ, एवं खलु वणस्सइकाइएवि जाव अंतं करेइ, से क्ख-
मेयं भंते ! एवं ? अज्जोति समणे भगवं महावीरे ते समणे निग्गंथे आमंतेत्ता एवं
वयासी-जणं अज्जो ! मागंदियपुत्ते अणगारे तुज्जे एवं आइक्खइ जाव परूवेइ-
एवं खलु अज्जो ! काउलेस्से पुडवीकाइए जाव अंतं करेइ, एवं खलु अज्जो । काउ-
लेस्से आउकाइए जाव अंतं करेइ, एवं खलु अज्जो । काउलेस्से वणस्सइकाइएवि
जाव अंतं करेइ, सच्चे णं एसमट्ठे, अहंपि णं अज्जो । एवमाइक्खामि ४-एवं खलु

अजो ! कण्डलेस्से पुढविकाइए कण्डलेस्सेहिंतो पुढविकाइएहिंतो जाव अंतं करेइ, एवं खल्ल अजो ! नीललेस्से पुढविकाइए जाव अंतं करेइ, एवं काउलेस्सेवि जहा पुढविकाइए जाव अंतं करेइ, एवं आउकाइएवि, एवं वणस्सइकाइएवि, सब्बे णं एसमट्ठे ॥ सेवं भंते ! २ पि समणा निग्गंधा समणं भगवं महावीरं वंदंति नमंसंति वं० २ ता जेणेव मागंदियपुत्ते अणगारे तेणेव उवागच्छंति २ ता मागंदियपुत्तं अणगारं वंदंति नमंसंति वं० २ ता एयमट्ठं सम्मं विणएणं भुज्जो २ खामेंति ॥६१७॥ तए णं से मागंदियपुत्ते अणगारे उट्ठाए उट्ठेइ २ ता जेणेव समणे भगवं महावीरे तेणेव उवागच्छइ ते० २ ता समणं भगवं महावीरं वंदइ नमंसइ वं० २ ता एवं वयासी-अणगारस्स णं भंते ! भावियप्पणो सव्वं कम्मं वेदेमाणस्स सव्वं कम्मं निज्जरेमाणस्स सव्वं मारं मरमाणस्स सव्वं सरीरं विप्पजहमाणस्स चरिमं कम्मं वेदेमाणस्स चरिमं कम्मं निज्जरेमाणस्स चरिमं मार मरमाणस्स चरिमं सरीरं विप्पजहमाणस्स मारणतियं कम्मं वेदेमाणस्स मारणतियं कम्मं निज्जरेमाणस्स मारणतियं मारं मरमाणस्स मारणतियं सरीरं विप्पजहमाणस्स जे चरिमा निज्जरापोगगला सुहुमा णं ते पोगगला प०, समणाउसो ! सव्वं लोगंपिणं ते उग्गाह्तिताणं चिट्ठंति ? इंता मागंदियपुत्ता ! अणगारस्स णं भावियप्पणो जाव ओगाह्तिताणं चिट्ठंति, छउमत्थे णं भंते ! मणुस्से तेलि निज्जरापोगगलाणं किंचि आणत्तं वा णाणत्तं वा एवं जहा ईंदियउडेसए पढमे जाव वेमाणिया जाव तत्थ णं जे ते उवउत्ता ते जाणंति पासंति आहारेंति, से तेणट्ठेणं निक्खेवो भाणियव्वोत्ति न पासंति आहारेंति, नेरइया णं भंते ! निज्जरापोगगला न जाणंति न पासंति आहारेंति, एवं जाव पंचिदियतिरिक्खजोणियाणं, मणुस्सा णं भंते ! निज्जरापोगगले किं जाणंति पासंति आहारेंति उदाहु न जाणंति न पासंति न आहारेंति ? गोयमा ! अत्थेगइया जाणंति ३ अत्थेगइया न जाणंति न पासंति आहारेंति, से केणट्ठेणं भंते ! एवं बुच्चइ अत्थेगइया जाणंति पासंति आहारेंति, अत्थेगइया न जाणंति न पासंति आहारेंति ? गोयमा ! मणुस्सा दुविहा प०, तंजहा-सन्निभूया य असन्निभूया य, तत्थ णं जे ते असन्निभूया ते न जाणंति न पासंति आहारेंति, तत्थ णं जे ते सन्निभूया ते दुविहा प०, तं०-उवउत्ता य अणुवउत्ता य, तत्थ णं जे ते अणुवउत्ता ते न जाणंति न पासंति आहारेंति, तत्थ णं जे ते उवउत्ता ते जाणंति ३, से तेणट्ठेणं गोयमा ! एवं कुच्चइ अत्थेगइया न जाणंति २ आहारेंति, अत्थेगइया जाणंति ३, वाणमंतरजोइसिया जहा नेरइया ! वेमाणिया णं भंते ! ते निज्जरापोगगले किं जाणंति ६ ? गोयमा ! जहा मणुस्सा नवरं वेमाणिया दुविहा प०, तं०-माइमिच्छइट्ठिउवववग्गमा य अमा-

इसम्महिद्धिउववन्नगा य, तत्थ णं जे ते माइमिच्छहिद्धिउववन्नगा ते णं न जाणंति न पासंति आहारैति, तत्थ णं जे ते अमाइसम्महिद्धिउववन्नगा ते दुविहा प०, तं०-अणंतरोववन्नगा य परंपरोववन्नगा य, तत्थ णं जे ते अणंतरोववन्नगा ते णं न जाणंति न पासंति आहारैति, तत्थ णं जे ते परंपरोववन्नगा ते दुविहा प०, तं०-पज्जन्ना य अपज्जन्ना य, तत्थ णं जे ते अपज्जन्ना ते णं न जाणंति न पासंति आहारैति, तत्थ णं जे ते पज्जन्ना ते दुविहा प०, तं०-उवउत्ता य अणुवउत्ता य, तत्थ णं जे ते अणुवउत्ता ते णं न जाणंति २ आहारैति ॥६१८॥ कइविहे णं भन्ते ! वंधे प० ? मागंदियपुत्ता ! दुविहे वंधे प०, तं०-द्व्वबंधे य भावबंधे य, द्व्वबंधे णं भंते ! कइविहे प० ? मागंदियपुत्ता ! दुविहे प०, तं०-पओगबंधे य वीमसाबंधे य, वीमसाबंधे णं भंते ! कइविहे प० ? मागंदियपुत्ता ! दुविहे प०, तं०-साइयवीमसाबंधे य अणाइयवीमसाबंधे य, पओगबंधे णं भंते ! कइविहे प० ? मागंदियपुत्ता ! दुविहे प०, तं०-सिद्धिलबंधणबन्धे य धणियबंधणबन्धे य, भावबंधे णं भंते ! कइविहे प० ? मागंदियपुत्ता ! दुविहे प०, तं०-मूलपगडिबंधे य उत्तरपगडिबंधे य, नेरइयाणं भंते ! कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिबंधे य उत्तरपगडिबंधे य, एवं जाव वेमाणियाणं, नाणावरणिज्जस्स ण भंते ! कम्मस्स कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिबंधे य उत्तरपगडिबंधे य, नेरइयाणं भंते ! नाणावरणिज्जस्स कम्मस्स कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिबंधे य उत्तरपगडिबंधे य, एवं जाव वेमाणियाणं, जहा नाणावरणिज्जेणं दंडओ भणिओ एवं जाव अंतराइएणं भाणियव्वो ॥ ६१९ ॥ जीवाणं भंते ! पावे कम्मे जे य कडे जाव जे य कजिस्सइ अन्थि याइ तस्स केइ णाणत्ते ? हंता अन्थि, से केणट्टेणं भंते ! एवं तुच्चइ जीवाणं पावे कम्मे जे य कडे जाव जे य कजिस्सइ अन्थि याइ तस्स णाणत्ते ? मागंदियपुत्ता ! से जहानामए-केइ पुत्तिसे धणं परामुसइ २ ता उचुं पगमुसइ २ ता ठाणं ठाइ २ ता आययकन्नाययं उयं करेइ आ० २ ता उचुं वेहासं उच्चिहइ से नूणं मागंदियपुत्ता ! तस्स उच्चुस्स उचुं वेहासं उच्चिहइस्स समाणस्स एयइवि णाणत्तं जाव तं तं भावं परिणमइवि णाणत्तं ? हंता भगवं ! एयइवि णाणत्तं जाव परिणमइवि णाणत्तं, से तेणट्टेणं मागंदियपुत्ता ! एवं तुच्चइ जाव तं तं भावं परिणमइवि णाणत्तं, नेरइयाणं भंते ! पावे कम्मे जे य कडे एवं चेव, एवं जाव वेमाणियाणं ॥ ६२० ॥ नेरइया णं भंते ! जे पोगळे आहारत्ताए गेण्हंति तेसि णं भंते ! पोगळाणं सेयकालंसि कइभागं आहारैति कइभागं निच्चरैति ?

मागंदिथपुत्ता ! असंखेज्जइभागं आहारैति अणंतभागं निज्जरैति, चक्किया णं भंते । केइ तेत्तु निज्जरापोगगळेसु आसइत्ताए वा जाव तुयट्ठित्ताए वा ? णो इण्ठे समट्ठे, अणाहरणमेयं बुद्धं ममणाउसो । एवं जाव वेमाणियाणं । सेवं भंते । सेवं भंते । त्ति ॥ ६२१ ॥ अट्टारसमस्सं सयस्स तइओ उद्देसो समत्तो ॥

तेणं कालेण तेणं समएणं रायगिहे जाव भगवं गोयमे एवं वयासी-अह भंते ! पाणाइवाए मुसावाए जाव मिच्छादंसणसळे, पाणाइवायवेरमणे मुसावाय० जाव मिच्छादंसणसळवेरमणे, पुट्टविकाइए जाव वणस्सइकाइए, धम्मत्थिकाए अधम्मत्थिकाए आगासत्थिकाए जीवे असरीरपडिबद्धे परमाणुपोगगळे सेलेसि पडिबन्नए अणगारे सव्वे य बायरवोदिधरा कलेवरा एए णं दुविहा जीवदव्वा य अजीवदव्वा य जीवाणं परिभोगत्ताए हव्वमागच्छति ? गोयमा ! पाणाइवाए जाव एए णं दुविहा जीवदव्वा य अजीवदव्वा य अत्थेगइया जीवाणं परिभोगत्ताए हव्वमागच्छति, अत्थेगइया जीवाणं जाव नो हव्वमागच्छति, से केणट्ठेणं भंते ! एवं बुच्चइ पाणाइवाए जाव नो हव्वमागच्छति ? गोयमा ! पाणाइवाए जाव मिच्छादंसणसळे, पुट्टविकाइए जाव वणरगइकाइए, सव्वे य बायरवोदिधरा कलेवरा एए णं दुविहा जीवदव्वा य अजीवदव्वा य जीवाणं परिभोगत्ताए हव्वमागच्छति, पाणाइवायवेरमणे जाव मिच्छादंसणसळविवेगे, धम्मत्थिकाए अधम्मत्थिकाए जाव परमाणुपोगगळे सेलेसि पडिबन्नए अणगारे एए णं दुविहा जीवदव्वा य अजीवदव्वा य जीवाणं परिभोगत्ताए नो हव्वमागच्छति, से तेणट्ठेणं जाव नो हव्वमागच्छति ॥ ६२२ ॥ कइ णं भंते ! कसाया पज्जता ? गोयमा ! चत्तारि कसाया प०, तं०-कसायपयं निरवसेसं भाणियव्वं जाव निज्जरिस्संति लोभेगे ॥ कइ णं भंते ! जुम्मा पज्जता ? गोयमा ! चत्तारि जुम्मा पज्जता, तं०-कडजुम्मे तेओगे दावरजुम्मे कलिओगे, से केणट्ठेणं भंते ! एवं बुच्चइ जाव कलिओगे ? गोयमा ! जे णं रासी चउक्कएणं अवहारेणं अवहीरमाणे चउपज्जवसिए सेतं कडजुम्मे, जे णं रासी चउक्कएणं अवहारेणं अवहीरमाणे तिपज्जवसिए सेतं तेओगे, जे णं रासी चउक्कएणं अवहारेणं अवहीरमाणे (२) दुपज्जवसिए सेतं दावरजुम्मे, जे णं रासी चउक्कएणं अवहारेणं अवहीरमाणे एगपज्जवसिए सेतं कलिओगे, से तेणट्ठेणं गोयमा ! एवं बुच्चइ जाव कलिओगे ॥ नेरइया णं भंते ! किं कडजुम्मा तेओगा दावरजुम्मा कलिओगा ? गोयमा ! जहन्नपए कडजुम्मा, उक्कोसपए तेओगा, अजहण्णमणुक्कोसपए सिय कडजुम्मा जाव सिय कलिओगा, एवं जाव थणियकुमारा । वणस्सइकाइयाणं पुच्छा, गोयमा ! जहन्नपए अपया उक्कोसपए य अपया अजहण्णमणुक्कोसपए सिय कडजुम्मा जाव सिय कलिओगा । बेइंदि-

याणं पुच्छा, गोयमा ! जहन्नपए कडजुम्मा, उक्कोसपए दावरजुम्मा, अजहन्नमणु-
क्कोसपए सिय कडजुम्मा जाव सिय कलिओगा, एवं जाव चउरिंदिया, सेसा एग्गि-
दिया जहा बेईदिया, पंचिंदियतिरिक्खजोणिया जाव वेमाणिया जहा नेरइया, सिद्धा
जहा वणस्सइकाइया । इत्थीओ णं भंते ! किं कडजुम्माओ० पुच्छा, गोयमा !
जहन्नपए कडजुम्माओ, उक्कोसपए कडजुम्माओ, अजहन्नमणुक्कोसपए सिय कडजु-
म्माओ जाव सिय कलिओगाओ, एवं असुरकुमारइत्थीओवि जाव थणियकुमारइ-
त्थीओवि, एवं निरिक्खजोणियइत्थीओवि, एवं मणुस्सइत्थीओवि, एवं वाणमं-
तरजोइसियवेमाणियदेवइत्थीओवि ॥ ६२३ ॥ जावइयाणं भंते ! वरा अंधगवण्हिणो
जीवा तावइया परा अंधगवण्हिणो जीवा ? हुंता गोयमा ! जावइया वरा अंधग-
वण्हिणो जीवा तावइया परा अंधगवण्हिणो जीवा । सेवं भंते ! २ त्ति ॥ ६२४ ॥
अट्टारसमस्स सयस्स चउत्थो उद्देशो समत्तो ॥

दो भंते ! असुरकुमारा एगंसि असुरकुमारावासंसि असुरकुमारादेवताए उववन्ना,
तत्थ णं एगे असुरकुमारे देवे पासादीए दरिसणिजे अभिरूवे पडिरूवे, एगे अमुर-
कुमारे देवे से णं नो पासादीए नो दरिसणिजे नो अभिरूवे नो पडिरूवे, से कहमेयं
भंते ! एवं ? गोयमा ! असुरकुमारा देवा दुविहा प०, तं०-वेउव्वियसरीरा य अवे-
उल्लियसरीरा य, तत्थ णं जे से वेउव्वियसरीरे अनुकुमारे देवे मे णं पासादीए
जाव पडिरूवे, तत्थ णं जे से अवेउव्वियसरीरे असुरकुमारे देवे से णं नो पासादीए
जाव नो पडिरूवे, से केणट्टेणं भंते ! एवं बुच्चइ-तत्थ णं जे से वेउव्वियसरीरे तं
चेव जाव णो पडिरूवे ? गोयमा ! से जहानामए-इहं मणुस्सलोगंसि दुवे पुरिसा
भवन्ति, एगे पुरिसे अलंकियविभूसिए, एगे पुरिसे अणलंकियविभूसिए, एएसि णं
गोयमा ! दोण्हं पुरिसाणं कयरे पुरिसे पासादीए जाव पडिरूवे, कयरे पुरिसे नो
पासादीए जाव नो पडिरूवे, जे वा से पुरिसे अलंकियविभूसिए जे वा से पुरिसे
अणलंकियविभूसिए ? भगवं ! तत्थ जे से पुरिसे अलंकियविभूसिए से णं पुरिसे
पासादीए जाव पडिरूवे, तत्थ णं जे से पुरिसे अणलंकियविभूसिए से णं पुरिसे नो
पासादीए जाव नो पडिरूवे, से तेणट्टेणं जाव नो पडिरूवे । दो भंते ! नागकुमारा
देवा एगंसि नागकुमारावासंसि एवं चेव, एवं जाव थणियकुमारा, वाणमंतरजोइसिय-
वेमाणिया एवं चेव ॥ ६२५ ॥ दो भंते ! नेरइया एगंसि नेरइयावासंसि नेरइयाताए
उववन्ना, तत्थ णं एगे नेरइए महाकम्मतराए चेव जाव महावेयणतराए चेव, एगे
नेरइए अप्पकम्मतराए चेव जाव अप्पवेयणतराए चेव, से कहमेयं भंते ! एवं ?
गोयमा ! नेरइया दुविहा प०, तं०-माइभिच्छादिट्ठिउववन्ना य अमाइसम्महिट्ठि-

उववन्नगा य, तत्थ णं जे से माइमिच्छादिद्विउववन्नए नेरइए से णं महाकम्मतराए
 चेव जाव महावेयणतराए चेव, तत्थ णं जे से अमाइसम्महिद्विउववन्नए नेरइए
 से णं अप्पकम्मतराए चेव जाव अप्पवेयणतराए चेव, दो भंते ! असुरकुमारा एवं
 चेव, एवं एगिंदियविगलिदियवज्जं जाव वेमाणिया ॥ ६२६ ॥ नेरइ(या)ए णं भंते !
 अणंतरं उव्वट्ठिता जे भविए पंचिंदियतिरिक्खजोणिएसु उववज्जितए, से णं भंते !
 कयर आउयं पडिसंवेदेइ ? गोयमा ! नेरइयाउयं पडिसंवेदेइ, पंचिंदियतिरिक्ख-
 जोणियाउए से पुरओ कडे चिट्ठइ, एवं मणुस्सेवि, नवरं मणुस्साउए से पुरओ
 कडे चिट्ठइ । असुरकुमारा णं भंते ! अणंतरं उव्वट्ठिता जे भविए पुढविकाइएसु
 उववांजितए पुच्छा, गोयमा ! असुरकुमाराउयं पडिसंवेदेइ, पुढविकाइयाउए से
 पुरओ कडे चिट्ठइ, एवं जो जहिं भविओ उववज्जितए तस्स तं पुरओ कडं चिट्ठइ,
 जत्थ ठिओ तं पडिसंवेदेइ जाव वेमाणिए, नवरं पुढविकाइए पुढविकाइएसु उव-
 वज्जइ पुढविकाइयाउयं पडिसंवेदेइ, अजे य से पुढविकाइयाउए पुरओ कडे चिट्ठइ,
 एवं जाव मणुस्सो सट्ठाणे उववाएयव्वो परट्ठाणे तहेव ॥ ६२७ ॥ दो भंते ! असुर-
 कुमारा एगंति असुरकुमारावासंति असुरकुमारदेवताए उववन्ना, तत्थ णं एगे असुर-
 कुमारे देवे उज्जुयं विउव्विस्सामिंति उज्जुयं विउव्वइ, वंके विउव्विस्सामिंति वंके
 विउव्वइ, जं जहा इच्छइ तं तहा विउव्वइ, एगे असुरकुमारे देवे उज्जुयं विउव्वि-
 स्सामिंति वंके विउव्वइ, वंके विउव्विस्सामिंति उज्जुयं विउव्वइ, जं जहा इच्छइ णो
 त तहा विउव्वइ, से कहमेयं भंते ! एवं ? गोयमा ! असुरकुमारा देवा दुविहा प०,
 तं०-माइमिच्छादिद्विउववन्नगा य अमाइसम्महिद्विउववन्नगा य, तत्थ णं जे से माइ-
 मिच्छादिद्विउववन्नए असुरकुमारे देवे से णं उज्जुयं विउव्विस्सामिंति वंके विउव्वइ
 जाव णो तं तहा विउव्वइ, तत्थ णं जे से अमाइसम्महिद्विउववन्नए असुरकुमारे देवे
 से णं उज्जुयं विउव्विस्सामिंति उज्जुयं विउव्वइ जाव तं तहा विउव्वइ । दो भंते !
 नागकुमारा एवं चेव, एवं जाव थणियकुमारा, वाणमंतरजोइसियवेमाणिया एवं चेव ॥
 सेवं भंते ! २ ति ॥ ६२८ ॥ अट्टारसमस्स सयस्स पंचमो उहेसो समत्तो ॥

फाणियगुले णं भंते ! कइवन्ने कइगंधे कइरसे कइफासे पण्णते ? गोयमा ! एत्थ
 णं दो नया भवंति, तं०-निच्छइयनए य वावहारियनए य, वावहारियनयस्स गोहे
 फाणियगुले, नेच्छइयनयस्स पंचवन्ने दुगंधे पंचरसे अट्टफासे प० । भमरे णं भंते !
 कइवन्ने० पुच्छा, गोयमा ! एत्थ णं दो नया भवंति, तं०-निच्छइयनए य वाव-
 हारियनए य, वावहारियनयस्स कालए भमरे, नेच्छइयनयस्स पंचवन्ने जाव अट्ट-
 फासे प० । सुयपिच्छे णं भंते ! कइवन्ने० प० ? एवं चेव, नवरं वावहारियनयस्स

नीलए सुयपिच्छे, नेच्छइयनयस्स पंचवण्णे सेसं तं चेव, एवं एएणं अभिलावेणं लोहि-
 (ति)या मंजिट्टिया, पीतिया हालिहा, सुक्किल्लए संखे, सुब्भिगंधे कोट्टे, दुब्भिगंधे सियग-
 सरीरे, तित्ते निवे, कडुया सुंठी, कसाए कविट्टे, अवा अंबिलिया, महुरे खंडे, कक्खंडे
 वडूरे, मउए नवणीए, गुरुए अए, लहुए उल्लयपत्ते, सीए हिमे, उसिणे अगणिकाए,
 णिद्धे तेहे । छारिया णं भंते ! पुच्छा, गोयमा ! एत्थ णं दो नया भवंति, तं०-निच्छ-
 इयनए य वावहारियनए य, वावहारियनयस्स लक्खा छारिया, नेच्छइयनयस्स पंच-
 वच्चा जाव अट्टफासा प० ॥ ६२९ ॥ परमाणुपोग्गळे णं भंते ! कइवन्ने जाव कइ-
 फासे पन्नत्ते ? गोयमा ! एगवन्ने एगगंधे एगरसे दुफासे पन्नत्ते ॥ दुपएसिए णं भंते !
 खंधे कइवन्ने० पुच्छा, गोयमा ! सिय एगवन्ने सिय दुवन्ने, सिय एगगंधे सिय दुगंधे,
 सिय एगरसे सिय दुरसे, सिय दुफासे सिय तिफासे सिय चउफासे पन्नत्ते, एवं तिप-
 एसिएएवि, नवरं सिय एगवन्ने सिय दुवन्ने सिय निवन्ने, एवं रसेसुवि, सेसं जहा
 दुपएसियस्स, एवं चउप्पएसिएएवि, नवरं सिय एगवन्ने जाव सिय चउवन्ने, एवं रसे-
 सुवि, मेसं तं चेव, एवं पंचपएमिएएवि, नवरं सिय एगवन्ने जाव सिय पंचवन्ने, एवं
 रसेसुवि, गधफाम्मा तहेव, जहा पंचपएमिओ एवं जाव असंवेजपएमिओ ॥ सुट्टम-
 परिणए णं भंते ! अणंतपएसिए खंधे कइवन्ने० ! जहा पंचपएमिए तहेव निरवमेसं,
 बायरपरिणए णं भंते ! अणंतपएसिए खंधे कइवन्ने० पुच्छा, गोयमा ! सिय एगवन्ने
 जाव सिय पंचवन्ने, सिय एगगंधे सिय दुगंधे, सिय एगरसे जाव सिय पंचरसे, सिय
 चउफासे जाव सिय अट्टफासे प० ॥ सेवं भंते ! सेवं भंते ! नि ॥ ६३० ॥
अट्टारसमस्स सयस्स छट्ठो उद्देसो समत्तो ॥

रायगिहे जाव एवं वयासी-अन्नउत्थिया ण भंते ! एक्काइक्खंति जाव पक्-
 वेंति-एवं खलु केवली जक्खाएसेणं आइस्सइ, एवं खलु केवली जक्खाएसेणं आइट्टे
 समाणे आहच्च दो भासाओ भासइ, तं०-मोसं वा सच्चामोसं वा, से कहमेयं भंते !
 एवं ? गोयमा ! जण्णं ते अन्नउत्थिया जाव जे ते एवमाहंनु मिच्छं ते एवमाहंनु,
 अहं पुण गोयमा ' एवमाइक्खामि ४-नो खलु केवली जक्खाएसेणं आइस्सइ, नो
 खलु केवली जक्खाएसेणं आइट्टे समाणे आहच्च दो भासाओ भासइ, तं०-मोसं
 वा सच्चामोसं वा, केवली ण असावजाओ अपरोवघाइयाओ आहच्च दो भासाओ
 भासइ, तं०-सच्चं वा असच्चामोसं वा ॥ ६३१ ॥ कइविहे णं भंते ! उवही
 पण्णत्ते ? गोयमा ! तिविहे उवही प०, तं०-कम्मोवही, सरीरोवही, बाहिरभंडमत्तो-
 वगरणोवही, नेरइयाणं भंते ! पुच्छा, गोयमा ! दुविहे उवही प०, तं०-कम्मोवही य
 सरीरोवही य, सेसाणं तिविहे उवही एगिदियवजाणं जाव वैमाणियाणं, एगिदियाणं

दुविहे उवही प०, तंजहा-कम्मोवही य सरीरोवही य, कइविहे णं भंते । उवही
 प० ? गोयमा ! तिविहे उवही प०, तंजहा-सचित्ते, अचित्ते, भीसए, एवं नेरइयाणचि,
 एत्तं निरक्से(सा)सं जाव वेमाणियाणं । कइविहे णं भंते ! परिग्गहे प० ? गोयमा !
 तिविहे परिग्गहे प०, तं०-कम्मपरिग्गहे, सरीरपरिग्गहे, बाहिरभंजमतोवगरण-
 परिग्गहे, नेरइयाणं भते ! एवं जहा उवहिणा दो दंडगा भणिया तहेव परिग्गहेणवि
 दो दंडगा भाणियच्चा, कइविहे णं भंते ! पणिहाणे प० ? गोयमा ! तिविहे
 पणिहाणे प०, तं०-मणपणिहाणे, वइपणिहाणे, कायपणिहाणे, नेरइयाणं भंते ! कइविहे
 पणिहाणे प० ? एवं चं व, एवं जाव थणियकुमारारणं, पुटविकाइयाणं पुच्छा, गोयमा !
 एगे कायपणिहाणे प०, एवं जाव वगस्सइकाइयाणं, वेईदियाणं पुच्छा, गोयमा !
 दुविहे पणिहाणे प०, तं०-वइपणिहाणे य कायपणिहाणे य, एवं जाव चउरिदियाणं,
 मेत्ताणं तिविहेवि जाव वेमाणियाणं । कइविहे णं भंते ! दुप्पणिहाणे प० ? गोयमा !
 इतिविहे दुप्पणिहाणे प०, तं०-मणदुप्पणिहाणे, वइदुप्पणिहाणे, कायदुप्पणिहाणे,
 जहेव पणिहाणेणं दंडगो भणियो तहेव दुप्पणिहाणेणवि भाणियच्चो । कइविहे णं
 भंते ! दुप्पणिहाणे प० ? गोयमा ! तिविहे सुप्पणिहाणे प०, तंजहा-मणसुप्प-
 णिहाणे, वइसुप्पणिहाणे, कायसुप्पणिहाणे, मणुस्साणं भंते ! कइविहे सुप्पणिहाणे
 प० ? एवं चं व जाव वेमाणियाणं, सेवं भंते ! २ त्ति जाव विहरइ ॥ नए णं
 समणे भगवं महावीरे जाव बहिया जणवयविहार विहरइ ॥ ६३२ ॥ तेषं कालेणं
 तेषं समएणं रायगिहे नामं नयरे गुणत्तिए उज्जाणे वज्जओ जाव पुटविसिला-
 पइओ, तस्स णं गुणत्तिलयस्स उज्जाणस्स अदूरसामंते बहवे अन्नउत्थिया परिवसंति,
 तं०-कालोदाई सेलोदाई एवं जहा मत्तमसए अन्नउत्थियउहेसए जाव से कहमेयं मजे
 एत्तं ! तत्थ णं रायगिहे नयरे महुए नामं समणोवासए परिवसइ, अच्चे जाव अपरि-
 भूए अभिगयजीवाजीवे जाव विहरइ, तए ण समणे भगवं महावीरे अन्नया कयाइ
 पुच्चाणुपुच्चि चरमाणे जाव समोसडे, परिसा जाव पज्जुवासइ, तए णं म(इ)-
 हुए ममणोवासए इमीसे कहाए लद्धे ममाणे हट्टुत्तु जाव हियए ण्हाए जाव
 सरीरे सयाओ गिहाओ पडिनिक्खमइ स० २ ता पायविहारचारेणं रायगिहं नयरं
 जाव निग्गच्छइ २ ता तेसि अन्नउत्थियाणं अदूरसामंतेणं वीईवयइ, तए णं ते
 अन्नउत्थिया महुयं समणोवासयं अदूरसामंतेणं वीईवयमाणं पासंति २ ता अन्नमज्जं
 सहावेति २ ता एवं वयासी-एवं खलु देवाणुप्पिया । अम्हं इमा कहा अविउप्पकळा
 इमं च णं महुए समणोवासए अम्हं अदूरसामंतेणं वीईवयइ, तं सेयं खलु देवाणु-
 प्पिया ! अम्हं महुयं समणोवासणं एयमत्तं पुच्छित्तएत्तिकइ अन्नमज्जस्स अंतिवं

एयमद्वं पडिसुणोति अन्नमन्नस्स० २ ता जेणेव महुए समणोवासए तेणेव उवा-
गच्छंति २ ता महुयं समणोवासणं एवं वयासी-एवं खलु महु(मंडु)या । तव धम्मायरिए
धम्मोवएसए समणे णायपुत्ते पंच अत्थिकाए पन्नवेइ जहा सत्तमे सए अन्नउत्थिय-
उहेसए जाव से कहमेयं महुया । एवं ? , तए णं से महुए समणोवासए ते अन्नउत्थिए
एवं वयासी-जइ कज्जं कज्जइ जाणामो पासामो, अह कज्जं न कज्जइ न जाणामो न
पासामो, तए णं ते अन्नउत्थिया महुयं समणोवासयं एवं वयासी-केस णं तुमं
महुया ! समणोवासगाणं भवति, जे णं तुमं एयमद्वं न जाणस्ति न पाससि ? , तए णं
से महुए समणोवासए ते अन्नउत्थिए एवं वयासी—अत्थि णं आउसो ! वाउयाए
वाइ ? हंता महुया । वाइ, तु(ज्जे)ब्भे णं आउसो ! वाउयायस्स वायमाणस्स रूवं
पासह ? णो इण्टे समट्ठे, अत्थि णं आउसो ! घाणसहगया पोगगला ? हंता अत्थि,
तुब्भे णं आउसो ! घाणसहगयाणं पोगगलाणं रूवं पासह ? णो इण्टे समट्ठे, अत्थि
णं आउसो ! अरणिसहगए अगणिकाए ? हंता अत्थि, तुब्भे ण आउसो !
अरणिसहगयस्स अगणिकायस्स रूवं पासह ? णो इण्टे समट्ठे, अत्थि णं आउसो !
समुदस्स पारगयाइं रूवाइं ? हंता अत्थि, तुब्भे णं आउसो ! समुदस्स पारगयाइं
रूवाइं पासह ? णो इण्टे समट्ठे, अत्थि णं आउसो ! देवलोगगयाइं रूवाइं ?
हंता अत्थि, तुब्भे णं आउसो ! देवलोगगयाइं रूवाइं पासह ? णो इण्टे समट्ठे,
एवामेव आउसो । अहं वा तुब्भे वा अन्नो वा छउमत्थो जइ जो जं न जाणट न
पासइ तं सव्वं न भवइ एवं मे सुवहुए लोए ण भविस्सतीतिकइ ते अन्नउत्थिए
एवं पडिहणइ एवं पडिहणित्ता जेणेव गुणसिलए उज्जाणे जेणेव समणे भगवं महावीरे
तेणेव उवागच्छइ २ ता समणं भगव महावीरं पंचविहेणं अभिगमेणं अभि० जाव
पज्जुवासइ । महुयादि ! समणे भगवं महावीरे महुयं समणोवासयं एवं वयासी-सुट्ठं णं
महुया ! तुमं ते अन्नउत्थिए एवं वयासी, साहु णं महुया ! तुमं ते अन्नउत्थिए एवं
वयासी, जे णं महुया ! अट्ठं वा हेउं वा पसिणं वा वागरणं वा अन्नयं अट्ठि
अस्सुयं अमयं अविण्णायं बहुज्जणमज्जे आघवेइ पन्नवेइ जाव उवदंसेइ, से ण
अरिहंताणं आसायणाए वट्ठइ, अरिहंतपन्नत्तस्स धम्मस्स आसायणाए वट्ठइ, केवलीणं
आसायणाए वट्ठइ, केवलपन्नत्तस्स धम्मस्स आसायणाए वट्ठइ, तं सुट्ठं णं तुमं महुया !
ते अन्नउत्थिए एवं वयासी, साहु णं तुमं महुया ! जाव एवं वयासी, तए णं महुए
समणोवासए समणेणं भगवया महावीरेणं एवं वुत्ते समाणे हट्ठुट्ठे समणं भगवं
महावीरं वंदइ नमंसइ वं० २ ता णच्चासन्ने जाव पज्जुवासइ, तए णं समणे भगवं
महावीरे महुयस्स समणोवासगस्स तीसे य जाव परिसा पडिगया, तए णं महुए

समणोवाभए समणस्स भगवओ महावीरस्स जाव निसम्म इद्धुत्ते पसिणाई (वागर-
णाई) पुच्छइ प० २ ता अट्टाई परियादियइ २ ता उट्टाए उट्टेइ २ ता समणं भगवं
महावीरं वदइ नमंसइ वं० २ ता जाव पडिगए । भंते ! त्ति भगवं गोयमे समणं भगवं
महावीरं वदइ नमंसइ वं० २ ता एवं वयासी-पभू णं भंते । महुए समणोवासए देवाण-
णियाणं अतियं जाव पव्वइत्तए ? णो इणट्ठे समट्ठे, एवं जहेव संखे तहेव अरुणाभे
जाव अंतं करे(का)हिड ॥ ६३३ ॥ देवे णं भंते ! महिद्धिए जाव महेसक्खे लवसहस्सं
विउच्चिणा पभू अन्नमन्नेणं सद्धिं संगामं संगामेत्तए ? हंता पभू । ताओ णं भंते !
बोदीओ कि एगजीवफुडाओ अणेगजीवफुडाओ ? गोयमा ! एगजीवफुडाओ णो
अणेगजीवफुडाओ, तेमि णं भंते । बोदीणं अंतरा कि एगजीवफुडा अणेगजीव-
फुडा ? गोयमा ' एगजीवफुडा नो अणेगजीवफुडा । पुरिसे णं भंते । अंतरेणं
इत्थेण वा एवं जहा अट्टमसए तइए उडेसए जाव नो खलु तत्थ सत्थं कम्मइ
॥ ६३४ ॥ अत्थि णं भंते ! देवासुराणं संगामे २ ? हंता अत्थि, देवासुरेसु णं
भंते ! सगानेसु वट्टमाणंसु किञ्चं तेमिं देवाणं पहरणरयणत्तए परिणमइ ? गोयमा ।
जञ्जे तं देवा नणं वा कट्ठं वा पत्तं वा सक्करं वा परामुसति तं (णं) तं तेसि देवाणं
पहरणरयणत्तए परिणमइ, जहेव देवाणं तहेव असुरकुमारारणं ? णो इणट्ठे समट्ठे,
असुरकुमारारणं देवाणं निच्चं विउच्चिया पहरणरयणा प० ॥ ६३५ ॥ देवे णं भंते !
महिद्धिए जाव महेसक्खे पभू लवणसमुदं अणुपरियट्ठिताणं हव्वमागच्छत्तए ?
हंता पभू, देवे णं भंते ! महिद्धिए एवं धायइसंडं दीवं जाव हंता पभू, एवं जाव
स्यगवरं दीवं जाव हंता पभू, ते णं परं वीइवएजा नो चव णं अणुपरियट्ठेज्जा
॥ ६३६ ॥ अत्थि णं भंते ! देवा जे अणंते कम्मंसे जहन्नेणं एक्केण वा दोहिं वा
तिहिं वा उक्कोसेणं पंचहिं वाससएहिं खवयंति ? हंता अत्थि, अत्थि णं भंते !
देवा जे अणंते कम्मंसे जहन्नेणं एक्केण वा दोहिं वा तिहिं वा उक्कोसेणं पंचहिं वास
सहस्सेहिं खवयंति ? हंता अत्थि, अत्थि णं भंते ! ते देवा जे अणंते कम्मंसे जहन्नेणं
एक्केण वा दोहिं वा तिहिं वा उक्कोसेणं पंचहिं वामसयसहस्सेहिं खवयंति ? हंता अत्थि,
कयरे णं भंते ! ते देवा जे अणंते कम्मंसे जहन्नेणं एक्केण वा दोहिं वा तिहिं वा जाव
पंचहिं वामसएहिं खवयंति, कयरे णं भंते ! ते देवा जाव पंचहिं वाससहस्सेहिं
खवयंति, कयरे णं भंते ! ते देवा जाव पंचहिं वाससयसहस्सेहिं खवयंति !
गोयमा । वाणमंतरा देवा अणंते कम्मंसे एगेणं वाससएणं खवयंति, असुरिदव-
ज्जिया णं भवणवासी देवा अणंते कम्मंसे दोहिं वाससएहिं खवयंति, असुरकुमारा णं
देवा अणंते कम्मंसे ति(ती)हिं वाससएहिं खवयंति, गहगणनक्खत्तताराहवा जोइसिय

देवा अणंते कम्मसे चउहिं वास जाव खवयंति, चंदिमसुरिया जोइसिंदा जोइसरा-
याणो अणंते कम्मसे पंचहिं वाससएहिं खवयंति, सोहम्मीसाणगा देवा अणंते
कम्मसे एणेणं वाससहस्सेणं (जाव) खवयंति, सणकुमारमाहिंदगा देवा अणंते कम्मसे
दोहिं वाससहस्सेहिं खवयंति, एवं एएणं अभिलावेणं बंभलोगळंत्तगा देवा अणंते
कम्मसे तिहिं वामसहस्सेहिं खवयंति, महासुककसहस्सारगा देवा अणंते कम्मसे चउहिं
वाससहस्सेहिं खवयंति, आणयपाणयआरणअच्चुयगा देवा अणंते कम्मसे पंचहिं वास-
सहस्सेहिं खवयंति, हेट्टिमगेवेज्जगा देवा अणंते कम्मसे एणेणं वाससयसहस्सेणं खव-
यंति, मज्झिमगेवेज्जगा देवा अणंते कम्मसे दोहिं वाससयसहस्सेहिं खवयंति, उचारि-
मगेवेज्जगा देवा अणंते कम्मसे तिहिं वाससयसहस्सेहिं खवयंति, विजययेज्जयंतजयं-
तअपराजियगा देवा अणंते कम्मसे चउहिं वाससयसहस्सेहिं खवयंति, सब्वट्टलिद्धगा
देवा अणंते कम्मसे पंचहिं वाससयसहस्सेहिं खवयंति, एएणं गोयमा ! ते देवा जे
अणंते कम्मसे जहंजणं एक्केण वा दोहिं वा तिहिं वा उक्कोसेणं पंचहिं वागमएहिं खवयंति,
एएणं गोयमा । ते देवा जाव पंचहिं वामसहस्सेहिं खवयंति, एएणट्टेणं गोयमा ! ते
देवा जाव पंचहिं वाससयसहस्सेहिं खवयंति । सेवं भंते ! सेवं भंते ! त्ति ॥ ६३७ ॥
अट्टारसमस्स सयस्स सत्तमो उद्देसो समत्तो ॥

रायगिहे जाव एवं वयासी-अणगारस्स णं भंते ! भावियप्पणो पुरओ दुहुओ
जुगन्नायाए पेहाए रीयं रीयमाणस्स पायस्स अहे कुक्कुडपोए वा वज्जापोए वा कुलि-
गच्छाए वा परियावजेज्जा, तस्स णं भंते ! किं इरियावहिया किरिया कज्जइ, सप-
राइया किरिया कज्जइ ? गोयमा ! अणगारस्स णं भावियप्पणो जाव तस्स ण इरि-
यावहिया किरिया कज्जइ, नो संपराइया किरिया कज्जइ, से केणट्टेणं भंते ! एवं
वुच्चइ० ? जहा सत्तमसए संवुडुद्देसए जाव अट्टो निक्खित्तो । सेवं भंते ! सेवं भंते !
त्ति जाव विहरइ ॥ तए णं समणे भगवं महावीरे बहिया जाव विहरइ ॥ ६३८ ॥
तेणं काळेणं तेणं समएणं रायगिहे जाव पुढविसिलापट्टए, तस्स णं गुणसिलयस्स
उज्जाणस्स अदूरमामंते बहवे अन्नउत्थिया परिवसंति, तए णं समणे भगवं महावीरे
जाव समोसडे जाव परिसा पडिगया, तेणं काळेणं तेणं समएणं समणस्स भगवओ
महावीरस्स जेट्टे अंतेवासी इंदभूई नामं अणगारे जाव उट्ठं जाणू जाव विहरइ, तए
णं ते अन्नउत्थिया जेणेव भगवं गोयमे तेणेव उवागच्छन्ति उवागच्छइत्ता भगवं
गोयमं एवं वयासी-तुब्भे णं अज्जो । तिविहं तिविहेणं असंजय जाव एगंतबाला यावि
भवह, तए णं भगवं गोयमे ते अन्नउत्थिए एवं वयासी-से केणं कारणेणं अज्जो !
अम्हे तिविहं तिविहेणं असंजय जाव एगंतबाला यावि भवामो ?, तए णं ते अन्न-

उत्थिया भगवं गोयम एवं वयासी-तुब्मे णं अज्जो ! रीयं रीयमाणा पाणे पेच्चेह अभिहणह जाव उ(व)द्वेह, तए णं तुब्मे पाणे पेच्चेमाणा जाव उद्वेमाणा तिविहं तिविहेणं जाव एगंतवाला यावि भवह, तए णं भगवं गोयमे ते अन्नउत्थिए एवं वयासी-नो खलु अज्जो ! अम्हे रीयं रीयमाणा पाणे पेच्चेमो जाव उद्वेमो, अम्हे णं अज्जो ! रीय रीयमाणा कायं च जोयं च रीयं च पडुच्च दिस्सा २ पदिस्सा २ वयामो, तए ण अम्हे दिस्सा दिस्सा वयमाणा पदिस्सा पदिस्सा वयमाणा णो पाणे पेच्चेमो जाव णो उद्वेमो, तए णं अम्हे पाणे अपेच्चेमाणा जाव अणोह्वेमाणा तिविहं तिविहेणं जाव एगंतपंडिया यावि भवामो, तुब्मे णं अज्जो ! अप्पणा चं व तिविहं तिविहेणं जाव एगंतवाला यावि भवह, तए णं ते अन्नउत्थिया भगवं गोयमं एवं वयासी-केणं कारणेणं अज्जो ! अम्हे तिविहं तिविहेणं जाव भवामो ?, तए णं भगवं गोयमे ते अन्नउत्थिए एवं वयासी-तु(ज्जे)ब्मे णं अज्जो ! रीयं रीयमाणा पाणे पेच्चेह जाव उद्वेह, तए णं तुब्मे पाणे पेच्चेमाणा जाव उद्वेमाणा तिविहं जाव एगंत-धात्या यावि भवह, तए ण भगवं गोयमे ते अन्नउत्थिए एवं पडिहणइ एवं पडिहणित्ता जेणं व समणे भगवं महावीरे तेणं व उवागच्छइ २ ता समणं भगवं महावीरं वंदइ नमंगइ वदिता नमंसित्ता णच्चासन्न जाव पञ्जुवासइ, गोदमादि ' समणे भगवं महा-वीरे भगवं गोयमं एवं वयासी-सुट्टु णं तुमं गोयमा ! ते अन्नउत्थिए एवं वयासी, साहु णं तुमं गोयमा ' ते अन्नउत्थिए एवं वयासी, अत्थि णं गोयमा ! ममं बहवे अत्तेवासी समणा निग्गंथा छउमत्थे जे णं नो पभू एयं वागरणं वागरेत्तए जहा णं तुमं, तं सुट्टु णं तुमं गोयमा ! ते अन्नउत्थिए एवं वयासी, साहु णं तुमं गोयमा ! ते अन्नउत्थिए एवं वयासी ॥ ६३९ ॥ तए णं भगवं गोयमे समणेणं भगवया महा-वीरेणं एवं तुत्ते समाणे हट्टुट्टु० समणं भगवं महावीरं वंदइ नमंसइ वं० २ ता एवं वयासी-छउमत्थे णं भंते ! मणुस्से परमाणुपोगगल किं जाणइ पासइ उदाहु न जाणइ न पासइ ? गोयमा ! अत्येगइए जाणइ पासइ, अत्येगइए न जाणइ न पासइ, छउ-मत्थे णं भंते ! मणुस्से दुपएसियं खंधं किं जाणइ पासइ ? एवं चं व, एवं जाव असं-खेजपएसियं, छउमत्थे णं भंते ! मणुस्से अणंतपएसियं खंधं किं पुच्छा, गोयमा ! अत्येगइए जाणइ पासइ १, अत्येगइए जाणइ न पासइ २, अत्येगइए न जाणइ पासइ ३, अत्येगइए न जाणइ न पासइ ४, आहोहिए णं भंते ! मणुस्से परमाणु-पोगगलं जहा छउमत्थे एवं आहोहिएवि जाव अणंतपएसियं, परमाहोहिए णं भंते ! मणुस्से परमाणुपोगगलं जं समयं जाणइ तं समयं पासइ, जं समयं पासइ तं समयं जाणइ ? णो इणट्टे समट्टे, से केणट्टेणं भंते ! एवं वुच्चइ परमाहोहिए णं मणुस्से पर-

माणुपोगलं जं समयं जाणइ नो तं समयं पासइ, जं समयं पासइ नो तं समयं जाणइ ? गोयमा ! सागारे से नाणे भवइ, अणागारे से दसणे भवइ, से तेणट्टेण जाव नो तं समयं जाणइ, एवं जाव अणंतपएसियं । केवली णं भंते । मणुस्से परमाणुपोगलं जहा परमाहोहिए तथा केवलीवि जाव अणंतपएसियं ॥ सेवं भंते ! सेवं भंते ! ति ॥ ६४० ॥ अट्टारसमस्स सयस्स अट्टमो उद्देशो समत्तो ॥

रायगिहे जाव एवं वयासी-अत्थि णं भंते ! भवियदन्वनेरइया २ ? हंता अत्थि, से केणट्टेणं भंते ! एवं वुच्चइ भवियदन्वनेरइया २ ? गोयमा ! जे भविए पंचिदियतिरिक्खजोणिए वा मणुस्से वा नेरइएणु उववज्जित्तए से तेणट्टेणं, एवं जाव थणियकुमारा, अत्थि णं भंते ! भवियदन्वपुढविकाइया २ ? हंता अत्थि, से केणट्टेणं भंते ! एवं ? गोयमा ! जे भविए तिरिक्खजोणिए वा मणुस्से वा देवे वा पुढविकाइएणु उववज्जित्तए से तेणट्टेणं, आउक्काइयवणस्सइकाइयाणं एवं चेव उववाओ, तेउवाउबेईदियतेईदियच्चउरिंदियाणं य जे भविए तिरिक्खजोणिए वा मणुस्से वा पंचिदियतिरिक्खजोणियाणं जे भविए नेरइए वा तिरिक्खजोणिए वा मणुस्से वा देवे वा पांचादियतिरिक्खजोणिए(वा)सु उववज्जित्तए एवं मणुस्सावि, वाणमंतरजोइसियवेमाणियाणं जहा नेरइयाणं ॥ भवियदन्वनेरइयस्स णं भंते ! केवइयं कालं टिई प० ? गोयमा ! जहन्नेण अंतोमुहुत्तं उक्कोसेणं पुव्वकोडी, भवियदन्वअसुरकुमारस्स णं भंते ' केवइयं कालं टिई प० ? गोयमा ! जहन्नेणं अंतोमुहुत्तं उक्कोसेणं तिन्नि पलिभोवमाई, एवं जाव थणियकुमारस्स । भवियदन्वपुढविकाइयस्स णं पुच्छा, गोयमा ! जहन्नेणं अंतोमुहुत्तं उक्कोसेणं साइरेगाई दो सागरोवमाई, एवं आउक्काइयस्सवि, तेउवाउ जहा नेरइयस्स, वणस्सइकाइयस्स जहा पुढविकाइयस्स, बेईदियस्स तेईदियस्स चउरिंदियस्स जहा नेरइयस्स, पंचिदियतिरिक्खजोणियस्स जहन्नेणं अंतोमुहुत्तं उक्कोसेणं तेत्तीसं सागरोवमाई, एवं मणुस्सावि, वाणमंतरजोइसियवेमाणियस्स जहा अनुरकुमारस्स ॥ सेवं भंते ! सेवं भंते ! ति ॥ ६४१ ॥ अट्टारसमस्स सयस्स नवमो उद्देशो समत्तो ॥

रायगिहे जाव एवं वयासी-अणगारे णं भंते ! भवियप्पा असिधारं वा खुरधारं वा ओगाहेज्जा ? हंता ओगाहेज्जा, से णं तत्थ छिज्जेज वा भिज्जेज वा ? णो इणट्टे समट्टे, णो खलु तत्थ सत्थं कमइ, एवं जहा पंचमसए परमाणुपोगलवत्तव्वया जाव अणगारे णं भंते ! भवियप्पा उदावत्तं वा जाव नो खलु तत्थ सत्थं कमइ ॥ ६४२ ॥ परमाणुपोगले णं भंते ! वाउयाएणं फुडे वाउयाए वा परमाणुपोगलेणं फुडे ? गोयमा ! परमाणुपोगले वाउयाएणं फुडे नो वाउयाए परमाणुपोगलेणं

फुडे । दुपएसिए णं भंते ! खंधे वाउयाएणं एवं चेव, एवं जाव असंखेजपएसिए ॥
अणंतपएसिए णं भंते ! खंधे वाउयाए० पुच्छा, गोयमा । अणंतपएसिए खंधे वाउया-
एणं फुडे वाउयाए अणंतपएसिएणं खंधेणं सिय फुडे सिय नो फुडे ॥ वत्थी णं भंते !
वाउयाएणं फुडे वाउयाए वत्थिणा फुडे ? गोयमा ! वत्थी वाउयाएणं फुडे नो
वाउयाए वत्थिणा फुडे ॥६४३॥ अत्थि णं भंते ! इमीसे रयणप्पभाए पुढवीए अहे
दब्बाइं वन्नओ कालनीललोहियहाल्लिहसुक्किळाईं, गंधओ सुब्भिगांधाईं दुब्भिगंधाड,
रसओ तित्तकडुयकमायअंवलमहुराईं, फासओ कक्खडमउयपुरुयलहुयसीयउसिण-
निदलक्खवाईं, अन्नमन्नबद्धाईं अन्नमन्नपुट्टाईं जाव अन्नमन्नघटत्ताए चिट्ठंति ? हंता
अत्थि, एवं जाव अहेसत्तमाए । अत्थि णं भंते ! सोहम्मस्स कप्पस्स अहे० एवं
चेव, एवं जाव ईमिप्पभाराए पुढवीए । सेवं भंते ! २ ति जाव विहरइ । तए णं
समणे भगवं महावीरे जाव वहिया जणवयविहारं विहरइ ॥६४४॥ तेणं कालेणं तेणं
समाणं वाणियगामे नामं नयरे होत्था वन्नओ, दूइपलामए उज्जाणे वन्नओ, तत्थ
णं वाणियगामे नयरे सोमिले नामं माहणे परिवसइ, अट्ठे जाव अपरिभूए, रिउव्वेय
जाव सुपरिनिट्टिए पंचण्हं खंडियमयाणं मयस्स कुडुंवस्स आहेवचं जाव विहरइ,
तए णं समणे भगवं महावीरे जाव समोसडे जाव परिसा पज्जुवासइ, तए णं तस्स
सोमिलस्स माहणस्स इमांसे कहाए लद्धट्टस्स समाणस्स अयमेयारूवे जाव समुप्प-
ज्जित्था-एवं खलु समणे णायपुत्ते पुब्बाणुपुत्वि चरमाणे गामाणुगामं दूइजमाणे
सुहंसुहेणं जाव इहमागए जाव दूइपलासए उज्जाणे अहापडिस्सं जाव विहरइ, तं
गच्छामि णं समणस्स नायपुत्तस्स अंतियं पाउब्भवामि, इमां च णं एयारूवाइं
अट्टां जाव वागरणाइं पुच्छिस्सामि, तं जइ मे से इमाइं एयारूवाइं अट्टां जाव वागर-
णाइं वागरेहिइ तओ णं वं(दी)दिहामि नमं(सी)सिहामि जाव पज्जुवासिहामि, अहमेयं
से इमां अट्टां जाव वागरणाइं नो वागरेहिइ तो णं एएहिं चेव अट्टेहि य जाव
वागरणेहि य निप्पट्टपसिणवागरणं करेस्सामित्तिकडु एवं सपेहेइ २ ता ष्हाए जाव
सरीरे साओ गिहाओ पडिनिक्खमइ २ ता पायविहारचारेणं एणेणं खंडियसएणं
सद्धिं सपरिवुडे वाणियगामं नयरं मज्झंमज्जेणं निगच्छइ २ ता जेणेव दूइपलासए
उज्जाणे जेणेव समणे भगवं महावीरे तेणेव उवागच्छइ २ ता समणस्स भगवओ
महावीरस्स अदूरमामंते ठिच्चा समणं भगवं महावीरं एवं वयासी-जत्ता ते भंते !
जवणिज्जं ते भंते ! अब्बाबाहं ते भंते ! फामुयविहारं ते भंते ! ? सोमिला ! जत्तावि मे,
जवणिज्जं पि मे, अब्बाबाहं पि मे, फामुयविहारं पि मे, किं ते भंते ! जत्ता ? सोमिला !
जं मे तव नियमसंजमसज्जायज्जाणावस्सयमाइएसु जोगेसु जयणा सेत्तं जत्ता, किं ते

भंते ! जवणिजं ? सोमिला ! जवणिजे दुविहे प०, तं०-इंदियजवणिजे य नोईदिय-
जवणिजे य, से किं तं इंदियजवणिजे ? इंदियजवणिजे जं मे सोईदियचक्रियदियघाण-
दियजिद्धिभदियफामिदियाईं निरुवहयाईं वसे वदति सेतं इंदियजवणिजे, से किं तं
नोईदियजवणिजे ? २ जं मे कोहमाणमायालोना वोच्छिन्ना नो उदीरंति सेतं नोईदिय-
जवणिजे, सेतं जवणिजे, से किं ते भंते ! अवावाह ? सोमिला ' जं मे वाउयपित्ति-
यसिंभियसन्नवाइया विविहा रोगायका मरिगया दोमा उवसता नो उदीरंति सेतं
अवावाहं, किं ते भंते ! फासुयविहारं ? सोमिला ! जं आरामेसु उजाणेसु देवकुलेसु
रुभासु पवासु इत्थीपमुपंडगविवज्जियानु वसहसु फासुएसणिजं पीडकउगनेजासंया-
रगं उवसंपज्जिनाणं विहरामि सेतं फासुयविहार ॥ सारसवा ते भंते ! किं भक्खेया
अभक्खेया ? सोमिला ! सरिसवा भक्खेयावि अभक्खेयावि, ने केणट्टेणं भंते !
' एवं बुच्चइ सारिसवा भक्खेयावि अभक्खेयावि ? से नूणं ते सोमिला ' वमन्नएसु
नएसु दुविहा सरिसवा पन्नत्ता, तंजहा-मित्तसारिसवा य धन्नपरिणवा य, तत्थ णं
जे ते मित्तसारिसवा ते विविहा प०, तं०-सदजायया सहवद्धि(त्र)या मत्तंपुक्कालि-
(य)या, ते णं समणाणं निग्गंथाणं अभक्खेया, तत्थ णं जे ते वल्लगरिमवा ते
दुविहा प०, तं०-सत्यपरिणया य अमत्यपरिणया य, तत्थ णं जे ते अमत्यपरि-
णया ते णं समणाणं निग्गंथाणं अभक्खेया, तत्थ णं जे ते मत्यपरिणया ते
दुविहा प०, तं०-एसणिज्जा य अणेसणिज्जा य, तत्थ णं जे ते अणेसणिज्जा ते
समणाणं निग्गंथाणं अभक्खेया, तत्थ णं जे ते एसणिज्जा ते दुविहा प०, तं०-
जाइया य अजाइया य, तत्थ णं जे ते अजाइया ते णं समणाणं निग्गंथाणं अभ-
क्खेया, तत्थ णं जे ते जाइया ते दुविहा प०, तं०-लद्धा य अलद्धा य, तत्थ
णं जे ते अलद्धा ते णं समणाणं निग्गंथाणं अभक्खेया, तत्थ णं जे ते लद्धा ते
णं समणाणं निग्गंथाणं भक्खेया, से तेणट्टेणं सोमिला ! एवं बुच्चइ जाव अभक्खे-
यावि । मासा ते भंते ! किं भक्खेया अभक्खेया ? सोमिला ! मामा मे भक्खेयावि
अभक्खेयावि, से केणट्टेणं भंते ! जाव अभक्खेयावि ? से नूणं ते सोमिला ।
बंभन्नएसु नएसु दुविहा मासा प०, तं०-दव्वमासा य कालमासा य, तत्थ णं जे ते
कालमासा ते णं सावणादीया आसाढपज्जवसाणा दुवालस प०, तं०-सावणे भद्वए
आमोए कत्तिए मग्गसिरे पोसे माहे फणुणे चेत्ते वइसाहे तेट्टामूले आमाम्भे, ते णं
समणाणं निग्गंथाणं अभक्खेया, तत्थ णं जे ते दव्वमासा ते दुविहा प०, तं०-
अत्यमासा य धण्णमासा य, तत्थ णं जे ते अत्यमासा ते दुविहा प०, तं०-
सुवन्नमासा य हप्पमासा य, ते णं समणाणं निग्गंथाणं अभक्खेया, तत्थ णं जे ते

धनमासा ते दुविहा प०, तं०—सत्यपरिणया य असत्यपरिणया य, एवं जहा धन-
सरिसवा जाव से तेणट्टेणं जाव अभक्खेयावि । कुलत्था ते भंते ! किं भक्खेयः
अभक्खेया ? सोमिला । कुलत्था मे भक्खेयावि अभक्खेयावि, से केणट्टेणं जाव
अभक्खेयावि ? से नूनं ते सोमिला ! वंभन्नएणु नएस्सु दुविहा कुलत्था प०, तं०—
इत्थिकुलत्था य धन्नकुलत्था य, तत्थ णं जे ते इत्थिकुलत्था ते तिविहा प०, तंजहा—
कुलकन्नयाइ वा कुलवहू(धू)याइ वा कुलमाउयाइ वा, ते णं समणाणं निग्गं-
याणं अभक्खेया, तत्थ णं जे ते धन्नकुलत्था एवं जहा धन्नसरिसवा, से तेणट्टेणं
जाव अभक्खेयावि ॥ ६४५ ॥ एगे भवं दुवे भवं अक्खए भवं अब्वए भवं अव-
ट्टिए भवं अणेगभूयभावभविए भवं ? सोमिला ! एगंवि अहं जाव अणेगभूयभाव-
भविएवि अहं, से केणट्टेणं भंते ! एवं वुच्चड जाव भविएवि अहं ? सोमिला । दव्व-
ट्टयाए एगे अहं, नाणउंसणट्टयाए दुविहे अहं, पएसट्टयाए अक्खएवि अहं अब्वएवि
अहं अवट्टिएवि अहं, उवओगट्टयाए अणेगभूयभावभविएवि अहं, से तेणट्टेणं जाव
भविएवि अहं, एय णं से सोमिले माहणे संवुद्धे, तए ण से समणं भगवं महावीरं जहा
खंदओ जाव से जहेय तुब्भे वदह जहा णं देवाणुप्पियाणं अंतियं वहवे । राईभर
एवं जहा गयप्पसेणइजे चित्तो जाव दुवालसविहं सावगधम्मं पडिवज्जइ पडिवज्जिता
समणं भगवं महावीरं वंदइ नमसइ वं० २ ता जाव पडिगए, तए णं से सोमिले माहणे
समणीवासए जाए अभिगयजीवा जाव विहरइ । भंते ! नि भगवं गोयसे समणं भगवं
महावीरं वंदइ नमंसइ वं० २ ता एवं वयासी—पभू णं भंते ! सोमिले माहणे
देवाणुप्पियाणं अंतिए सुंडे भवेत्ता जहेव सव्वे तहेव निरवसेसं जाव अंतं काहिइ ।
सेवं भंते ! २ ति जाव विहरइ ॥ ६४६ ॥ अट्टारसमस्स सयस्स दसमोः
उहेसो समत्तो ॥ अट्टारसमं सयं समत्तं ॥

लेस्सा य १ गम्भ २ पुडवी ३ महासवा ४ चरम ५ दीव ६ भवणा ७ य ।
निव्वत्ति ८ करण ९ वणचरसुरा य १० एगूणवीसइमे ॥ १ ॥ रायगिहे जाव एवं
वयासी—कइ णं भंते ! लेस्साओ पत्ताओ ? गोयमा ! छलेमाओ पत्ताओ, तंजहा—
एवं जहा पत्तवणाए चउत्थो लेसुहेसओ भाणियव्वो निरवसेसो । सेवं भंते ! २ ति
॥ ६४७ ॥ एगूणवीसइमस्स सयस्स पढमो उहेसो समत्तो ॥

कइ णं भंते ! लेस्साओ प० ? एवं जहा पत्तवणाए गम्भुहेसो सो चेव निरवसेसो
भाणियव्वो । सेवं भंते ! सेवं भंते ! ति (१९-२) ॥ ६४८ ॥ रायगिहे जाव एवं
वयासी—सिय भंते ! जाव चत्तारि पंच पुडविकाइया एगयओ साहारणसरीरं बंधंति
एग० २ ता तओ पच्छा आहारैरंति वा परिणामैति वा सरीरं वा बंधंति ? नो इणट्टे

समष्टे, पुढविकाइयाणं पत्तेयाहारा पत्तयपरिणामा पत्तेयं सरीरं बंधंति ५० २ ता तओ पच्छा आहारैति वा परिणामैति वा सरीरं वा बंधंति १, तेसि णं भंते । जीवाणं कइ लेस्साओ ५० ? गोयमा । चत्तारि लेस्साओ ५०, तं०-कण्हलेस्सा, नीललेस्सा, काउलेस्सा, तेउलेस्सा २, ते णं भंते । जीवा किं सम्महिट्ठी मिच्छादिट्ठी सम्मामिच्छादिट्ठी ? गोयमा । मिच्छादिट्ठी नो सम्महिट्ठी नो सम्मामिच्छादिट्ठी ३, ते णं भंते । जीवा किं नाणी अन्नाणी ? गोयमा । नो नाणी अन्नाणी, नियमा एअन्नाणी, तं०-सइअन्नाणी य सुयअन्नाणी य ४, ते णं भंते । जीवा किं मणजोगी वइजोगी कायजोगी ? गोयमा । नो मणजोगी, नो वइजोगी, कायजोगी ५, ते णं भंते । जीवा किं सागारोवउत्ता अणागारोवउत्ता ? गोयमा । सागारोवउत्तावि अणागारोवउत्तावि ६, ते णं भंते । जीवा किमाहारमाहारैति ? गोयमा । दव्वओ णं अणंतपएसियाइं दव्वाइं एवं जहा पन्नवणाए पढमे आहारुहेसए जाव सव्वप्पणयाए आहारमाहारैति ७, ते णं भन्ते । जीवा जमाहारैति तं चिजंति, जं नो आहारैति तं नो चिजंति, चिन्ने वा से उदाइ पलिसप्पइ वा ? हंता गोयमा ! ते णं जीवा जमाहारैति तं चिजंति, जं नो जाव पलिसप्पइ वा ८, तेसि णं भंते । जीवाणं एवं सन्नाइ वा पन्नाइ वा मणोइ वा वइइ वा अम्हे णं आहारमाहारैतो ! णो इण्ट्ठे समष्टे, आहारैति पुण ते ९, तेसि णं भंते । जीवाणं एवं सन्नाइ वा जाव वइइ वा अम्हे णं इट्ठाणिट्ठे फासेयरे वेदेमो पडिसव्वेदेमो ? णो इण्ट्ठे समष्टे, पडिसव्वेदेति पुण ते १०, ते णं भंते । जीवा किं पाणाइवाए उवक्खाइजंति, मुसावाए अदिन्नादाणे जाव मिच्छादंसणसल्ले उवक्खाइजंति ? गोयमा । पाणाइवाएवि उवक्खाइजंति जाव मिच्छादंसणसल्लेवि उवक्खाइजंति, जेसिपिय णं जीवाणं ते जीवा एवमाहिजंति तेसिपिय णं जीवाणं नो वि(ण्णा)ज्जाए नाणने ११ ॥ ते णं भंते ! जीवा कओहिंतो उववजंति किं नेरइएहिंतो उववजंति ? एवं जहा वड्ढंतीए पुढविकाइयाणं उववाओ तहा भाणियव्वो १२ । तेसि णं भंते । जीवाणं केवइयं कालं ठिइ ५० ? गोयमा । जह-ज्जेणं अतोमुहुत्तं उक्कोसेणं बावीसं वाससहस्साइं १३ ॥ तेसि णं भंते । जीवाणं कइ समुग्घाया ५० ? गोयमा । तओ समुग्घाया ५०, तं०-वेयणासमुग्घाए, कसायसमुग्घाए, मारणंतियसमुग्घाए । ते णं भंते । जीवा मारणंतियसमुग्घाएणं किं समोहया मरंति असमोहया मरंति ? गोयमा । समोहयावि मरंति, असमोहयावि मरंति ॥ ते णं भंते । जीवा अणंतरं उव्वट्ठित्तं कहिं गच्छंति कहिं उववजंति ? एवं उव्वट्ठणा जहा वड्ढंतीए १४ । सिय भंते । जाव चत्तारि पंच आउक्काइया एगयओ साहारेणं सरीरं बंधंति २ ता तओ पच्छा आहारैति एवं ओ पुढविकाइयाणं गमो

सो चैव भाणियव्वो जाव उव्वट्ठति, नवरं ठिई सत्तवाससहस्साई उक्कोसेणं सेसं तं चैव । सिय भंते ! जाव चत्तारि पंच तेउक्काइया एवं चैव नवरं उववाओ ठिई उव्वट्ठणा य जहा पन्नवगाए सेसं तं चैव । वाउक्काइयाणं एवं चैव नाणत्तं नवरं चत्तारि समुग्घाया । सिय भंते ! जाव चत्तारि पंच वणस्सइक्काइया पुच्छा, गोयमा । णो इणट्ठे समट्ठे, अणंता वणस्सइक्काइया एगयओ साहारणसरीरं बंधंति एग० २ ता तओ पच्छा आहारंति वा परिणमंति वा सेसं जहा तेउक्काइयाणं जाव उव्वट्ठति, नवरं आहारो नियमं छद्दिसि, ठिई जहन्नेणं अंतोमुहुत्तं उक्कोसेणवि अंतोमुहुत्तं, सेत्तं तं चैव ॥ ६४९ ॥ एएमि णं भंते ! पुडविकाइयाणं आउतेउवाउवणस्सइक्काइयाणं सुहुमाणं वायरणं पज्जत्तगाणं अपज्जत्तगाणं जाव जहन्नुक्कोसियाए ओगाहणाए कथरे २ जाव विसेसाहिया वा ? गोयमा ! सच्चत्तोवा सुहुमनिगोयस्स अपज्जत्तगस्स जहन्निया ओगाहणा १, सुहुमवाउक्काइयस्स अपज्जत्तगस्स जहन्निया ओगाहणा असंखेज्जगुणा २, सुहुमतेउअपज्जत्तगस्स जहण्णिया ओगाहणा असंखेज्जगुणा ३, सुहुमआउअपज्जत्तगस्स जहण्णिया ओगाहणा असंखेज्जगुणा ४, सुहुमपुडविअपज्जत्तगस्स जहन्निया ओगाहणा असंखेज्जगुणा ५, बायरवाउक्काइयस्स अपज्जत्तगस्स जहन्निया ओगाहणा असंखेज्जगुणा ६, बायरतेउअपज्जत्तगस्स जहन्निया ओगाहणा असंखेज्जगुणा ७, बायरआउअपज्जत्तगस्स जहन्निया ओगाहणा असंखेज्जगुणा ८, बायरपुडविकाइयअपज्जत्तगस्स जहन्निया ओगाहणा असंखेज्जगुणा ९, पत्तेयसरीरबायरवणस्सइक्काइयस्स बायरनिगोयस्स एएमि णं पज्जत्तगाणं एएसि णं अपज्जत्तगाणं जहन्निया ओगाहणा दोण्हवि तुल्ला असंखेज्जगुणा १०-११, सुहुमनिओयस्स पज्जत्तगस्स जहन्निया ओगाहणा असंखेज्जगुणा १२, तस्स चैव अपज्जत्तगस्स उक्कोसिया ओगाहणा विसेसाहिया १३, तस्स चैव पज्जत्तगस्स उक्कोसिया ओगाहणा विसेसाहिया १४, सुहुमवाउक्काइयस्स पज्जत्तगस्स जहण्णिया ओगाहणा असंखेज्जगुणा १५, तस्स चैव अपज्जत्तगस्स उक्कोसिया ओगाहणा विसेसाहिया १६, तस्स चैव पज्जत्तगस्स उक्कोसिया ओगाहणा विसेसाहिया १७, एवं सुहुमतेउक्काइयस्स विसे० १८।१९।२०। एवं सुहुमआउक्काइयस्सवि २१।२२।२३। एवं सुहुमपुडविकाइयस्स विसेसाहिया २४।२५।२६। एवं बायरवाउक्काइयस्स विसेसाहिया २७।२८।२९। एवं बायरतेउक्काइयस्स विसेसाहिया ३०।३१।३२। एवं बायरआउक्काइयस्स विसेसाहिया ३३।३४।३५। एवं बायरपुडविकाइयस्स विसेसाहिया ३६।३७।३८। सच्च्वेसिं तिबिहेणं गमेणं भाणियव्वं, बायरनिगोयस्स पज्जत्तगस्स जहन्निया ओगाहणा असंखेज्जगुणा ३९, तस्स चैव अपज्जत्तगस्स उक्कोसिया ओगाहणा विसेसा-

हिया ४०, तस्स चैव पज्जतगस्स उक्कोसिया ओगाहणा त्रिसेसाहिया ४१, पत्ते-
यसरीरवायरवणस्मत्तकाइयस्स पज्जतगस्स जहण्णिग्या ओगाहणा असंखेज्जगुणा ४२,
तस्स चैव अपज्जतगस्स उक्कोसिया ओगाहणा असंखेज्जगुणा ४३, तस्स चैव
पज्जतगस्स उक्कोसिया ओगाहणा असंखेज्जगुणा ४४ ॥ ६५० ॥ एयस्स णं भंते !
पुढविकाइयस्स आउक्काइयस्स नेउकाइयस्स वाउकाइयस्स वणस्सइकाइयस्स
कयरे काए सव्वसुहुमे कयरे काए सव्वसुहुमतराए ? गोयमा ! वणस्सइकाइए
राव्वसुहुमे वणस्सइकाइए सव्वसुहुमतराए १, एयस्स णं भंते ! पुढविकाइयस्स
आउक्काइयस्स तेउकाइयस्स वाउक्काइयस्स कयरे काए सव्वसुहुमे कयरे काए
सव्वसुहुमतराए ? गोयमा ! वाउकाइए सव्वसुहुमे वाउक्काइए सव्वसुहुमतराए
२, एयस्स णं भंते ! पुढविकाइयस्स आउक्काइयस्स तेउकाइयस्स कयरे काए
सव्वसुहुमे कयरे काए सव्वसुहुमतराए ? गोयमा ! तेउकाए सव्वसुहुमे नेउकाए
सव्वसुहुमतराए ३, एयस्स णं भंते ! पुढविकाइयस्स आउक्काइयस्स कयरे काए
सव्वसुहुमे कयरे काए सव्वसुहुमतराए ? गोयमा ! आउक्काए सव्वसुहुमे आउक्काए
सव्वसुहुमतराए ४ ॥ एयस्स णं भंते ! पुढविकाइयस्स आउक्काइयस्स तेउकाइयस्स
वाउक्काइयस्स वणस्सइकाइयस्स कयरे काए सव्ववादरे कयरे काए सव्ववादरत-
राए ? गोयमा ! वणस्सइकाइए सव्ववादरे वणस्सइकाइए सव्ववादरतराए १, एयस्स
णं भंते ! पुढविकाइयस्स आउक्काइयस्स तेउकाइयस्स वाउक्काइयस्स कयरे काए
सव्ववादरे कयरे काए सव्ववादरतराए ? गोयमा ! पुढविकाए सव्ववादरे पुढविकाए
सव्ववादरतराए २, एयस्स णं भंते ! आउक्काइयस्स तेउकाइयस्स वाउक्काइयस्स
कयरे काए सव्ववादरे कयरे काए सव्ववादरतराए ? गोयमा ! आउक्काए सव्ववादरे
आउक्काए सव्ववादरतराए ३, एयस्स णं भंते ! तेउकाइयस्स वाउक्काइयस्स कयरे
काए सव्ववादरे कयरे काए सव्ववादरतराए ? गोयमा ! तेउकाए सव्ववादरे तेउकाए
सव्ववादरतराए ४ ॥ केमहालए णं भंते ! पुढविसरीरे पन्नते ? गोयमा ! अणंताणं
सुहुमवणस्सइकाइयाणं जावइया सरीरा से एगे सुहुमवाउसरीरे, असंखेजाणं सुहुम-
वाउसरीराणं जावइया सरीरा से एगे सुहुमतेउसरीरे, असंखेजाणं सुहुमतेउकाइय-
सरीराणं जावइया सरीरा से एगे सुहुमआउसरीरे, असंखेजाणं सुहुमआउक्काइय-
सरीराणं जावइया सरीरा से एगे सुहुमपुढविसरीरे, असंखेजाणं सुहुमपुढविकाइय-
सरीराणं जावइया सरीरा से एगे बायरवाउसरीरे, असंखेजाणं बायरवाउक्काइयाणं
जावइया सरीरा से एगे बायरतेउसरीरे, असंखेजाणं बायरतेउकाइयाणं जावइया
सरीरा से एगे बायरआउसरीरे, असंखेजाणं बायरआउक्काइयाणं जावइया सरीरा

से एगे बायरपुढविसरीरे, एमहालए णं गोयमा । पुढविसरीरे पक्कते ॥ ६५१ ॥
 पुढविकाइयस्स णं भंते ! केमहालिया सरीरोगाहणा प० ? गोयमा । से जहानामए
 रत्तो चाउरंतचक्कवट्टिस्स वन्नगपेसिया तरुणी बलवं जुगवं जुवाणी अप्पायंका
 वन्नओ जाव निउणसिप्पोवगया नवरं चम्मेट्टुहुहणमुट्टियसमाहयणिचियगत्तकाया न
 भण्णइ सेसं तं चेव जाव निउणसिप्पोवगया तिव्खाए वडरामईए सण्हकरणीए
 तिव्खेणं वडरामएणं वड्ढावरएणं एगं महं पुढविकाइयं जउगोलासमाणं गहाय पडि-
 साहरिय २ पडिसंखिविय २ जाव इणामेवन्निकट्टु तिसत्तखुत्तो उप्पीसेज्जा, तत्थ णं
 गोयमा ! अत्थेगइया पुढविकाइया आलिद्धा, अत्थेगइया पुढविकाइया नो आलिद्धा,
 अत्थेगइया संघट्टि(ट्टि)या, अत्थेगइया नो संघट्टि(ट्टि)या, अत्थेगइया परियाविया,
 अत्थेगइया नो परियाविया, अत्थेगइया उड्विया, अत्थेगइया नो उड्विया, अत्थेगइया
 पिट्ठा, अत्थेगइया नो पिट्ठा, पुढविकाइयस्स णं गोयमा ! एमहालिया सरीरोगाहणा
 प० ॥ पुढविकाइए णं भंते ! अक्कंते समाणे केरिसियं वेयणं पच्चणुब्भवमाणे विहर-
 रइ ? गोयमा ! से जहानामए-केइ पुरिसे तरुणे बलवं जाव निउणसिप्पोवगए एगं
 पुरिसं जुंजं जराजज्जरियदेहं जाव दुब्बलं किलंतं जमलपाणिणा मुद्धानंसि अभिह-
 णिज्जा, से णं गोयमा ! पुरिसे तेणं पुरिसेणं जमलपाणिणा मुद्धानंसि अभिहए समाणे
 केरिसियं वेयणं पच्चणुब्भवमाणे विहरइ ? अणिट्ठं समणाउत्तो, तस्स णं गोयमा !
 पुरिमस्स वेयणाहितो पुढविकाइए अक्कंते समाणे एत्तो अणिट्ठतरियं चेव अकंततरियं
 चेव जाव अमणामतरियं चेव वेयणं पच्चणुब्भवमाणे विहरइ । आउयाए णं भंते !
 संघट्टिए समाणे केरिसियं वेयणं पच्चणुब्भवमाणे विहरइ ? गोयमा । जह ! पुढविकाइए
 एवं आउकाएवि, एवं तेउकाएवि, एवं वाउकाएवि, एवं वणस्सइकाएवि जाव विहरइ,
 सेवं भंते ! २ त्ति ॥ ६५२ ॥ एगूणवीसइमे सए तइओ उडेसो समत्तो ॥

सिय भंते ! नेरइया महासवा महाकिरिया महावेयणा महानिज्जरा ? गोयमा !
 णो इणट्ठे समट्ठे १, सिय भंते ! नेरइया महासवा महाकिरिया महावेयणा अप्प-
 निज्जरा ! हंता सिया २, सिय भंते ! नेरइया महासवा महाकिरिया अप्पवेयणा
 महानिज्जरा ? गोयमा ! णो इणट्ठे समट्ठे ३, सिय भंते ! नेरइया महासवा महा-
 किरिया अप्पवेयणा अप्पनिज्जरा ? गोयमा ! णो इणट्ठे समट्ठे ४, सिय भंते !
 नेरइया महासवा अप्पकिरिया महावेयणा महानिज्जरा ? गोयमा ! णो इणट्ठे समट्ठे
 ५, सिय भंते ! नेरइया महासवा अप्पकिरिया महावेयणा अप्पनिज्जरा ? गोयमा !
 नो इणट्ठे समट्ठे ६, सिय भंते ! नेरइया महासवा अप्पकिरिया अप्पवेयणा
 महानिज्जरा ? नो इणट्ठे समट्ठे ७, सिय भंते ! नेरइया महासवा अप्पकिरिया

अप्पवेयणा अप्पनिजरा ? णो इण्ठे समट्ठे ८, सिय भंते ! नेरइया अप्पासवा महाकिरिया महावेयणा महानिजरा ? नो इण्ठे समट्ठे ९, सिय भंते ! नेरइया अप्पासवा महाकिरिया महावेयणा अप्पनिजरा ? नो इण्ठे समट्ठे १०, सिय भंते ! नेरइया अप्पासवा महाकिरिया अप्पवेयणा महानिजरा ? नो इण्ठे समट्ठे ११, सिय भंते ! नेरइया अप्पासवा महाकिरिया अप्पवेयणा अप्पनिजरा ? णो इण्ठे समट्ठे १२, सिय भंते ! नेरइया अप्पासवा अप्पकिरिया महावेयणा महानिजरा ? नो इण्ठे समट्ठे १३, सिय भंते ! नेरइया अप्पासवा अप्पकिरिया महावेयणा अप्पनिजरा ? नो इण्ठे समट्ठे १४, सिय भंते ! नेरइया अप्पासवा अप्पकिरिया अप्पवेयणा महानिजरा ? नो इण्ठे समट्ठे १५, सिय भंते ! नेरइया अप्पासवा अप्पकिरिया अप्पवेयणा अप्पनिजरा ? णो इण्ठे समट्ठे १६, एए सोलम भंगा । सिय भंते ! असुरकुमारा महासवा महाकिरिया महावेयणा महानिजरा ? णो इण्ठे समट्ठे, एवं चउत्थो भंगो भाणियव्वो, सेमा पन्नरस भंगा खोडियव्वा, एवं जाव थणियकुमारा, सिय भंते ! पुढविकाइया महासवा महाकिरिया महावेयणा महानिजरा ? हुंता सिया, एवं जाव सिय भंते ! पुढविकाइया अप्पासवा अप्पकिरिया अप्पवेयणा अप्पनिजरा ? हुंता सिया, एवं जाव मणुस्सा, वाणमंतरजोइसिय-वेमाणिया जहा असुरकुमारा, सेवं भंते ! सेवं भंते ! ति ॥ ६५,३ ॥ **एगूणवी-सइमस्स सयस्स चउत्थो उद्देसो समत्तो ॥**

अत्थि णं भंते ! चरिमावि नेरइया परमावि नेरइया ? हुंता अत्थि, से नृगं भंते ! चरिमेहिंतो नेरइएहिंतो परमा नेरइया महाकम्मतराए चेव महाकिरियतराए चेव महासवतराए चेव महावेयणतराए चेव, परमेहिंतो वा नेरइएहिंतो चरमा नेरइया अप्पकम्मतराए चेव अप्पकिरियतराए चेव अप्पासवतराए चेव अप्पवेयणतराए चेव ? हुंता गोयमा ! चरमेहिंतो नेरइएहिंतो परमा जाव महावेयणतराए चेव, परमेहिंतो नेरइएहिंतो चरमा नेरइया जाव अप्पवेयणतरा चेव, से केणट्ठेगं भंते ! एवं बुच्चइ जाव अप्पवेयणतरा चेव ? गोयमा ! टिईं पडुच्च, से तेणट्ठेगं गोयमा ! एवं बुच्चइ जाव अप्पवेयणतरा चेव । अत्थि णं भंते ! चरमावि असुरकुमारा परमावि असुरकुमारा ? एवं चेव, नवरं विवरीयं भाणियव्वं, परमा अप्पकम्मा, चरमा महाकम्मा, सेसं तं चेव जाव थणियकुमारा ताव एवमेव, पुढविकाइया जाव मणुस्सा एए जहा नेरइया, वाणमंतरजोइसियवेमाणिया जहा असुरकुमारा ॥ ६५,४ ॥ कइविहा णं भंते ! वेयणा प० ? गोयमा ! दुविहा वेयणा प०, तं०-निदा य अनिदा य । नेरइया णं भंते ! किं निदायं वेयणं वेदंति अनिदायं वेयणं वेदंति ? जहा पच्च-

बणाए जाव वेमाणियनि । सेवं भंते । सेवं भंते । ति ॥ ६५५ ॥ एगूणवीसइ-
मस्स सयस्स पंचमो उद्देसो समत्तो ॥

कहि णं भंते । दीवसमुद्दा, केवडया णं भंते । दीवसमुद्दा, किंसंठिया णं भंते ।
दीवसमुद्दा ? एवं जहा जीवाभिगमे दीवसमुद्दुद्देसो सो चेव इहवि जोइसियमंठि-
उद्देसगवज्जो भाणियव्वो जाव परिणामो जीवउववाओ जाव अणंतखुत्तो, सेवं भंते ।
२ ति ॥ ६५६ ॥ एगूणवीसइमस्स सयस्स छट्ठो उद्देसो समत्तो ॥

केवडया णं भंते ! असुरकुमारभवणावाससयसहस्सा प० ? गोयमा ! चउसद्धि
असुरकुमारभवणावाससयसहस्सा प०, ते णं भंते ! किमया प० ? गोयमा !
सव्वरयणामया अच्छा मण्हा जाव पडिहवा, तत्थ णं बहुवे जीवा य पोगला य
वक्कमंति विटक्कमति चयंति उववजंति, सासया णं ते भवणा दव्वट्टयाए, वन्नपज्जवेहिं
जाव फ़सपज्जवेहिं अमासया, एवं जाव थणियकुमारावासा, केवडया णं भंते ।
वाणमंतरभोमेज्जनयरावाससयसहस्सा प० ? गोयमा ! असखेज्जा वाणमंतरभोमे-
ज्जनयरावामयसहस्सा प०, ते णं भंते ! किमया प० ? सेसं तं चेव, केवडया णं
भंते ! जोइसियविमाणावाससयसहस्सा पुच्छा, गोयमा ! असखेज्जा जोइसिय-
विमाणावाससयसहस्सा प०, ते णं भंते ! किमया प० ? गोयमा ! सव्वफ़ळिहा-
मया अच्छा सेम तं चेव, सोहम्मो णं भंते ! कप्पे केवडया विमाणावाससयसहस्सा
प० ? गोयमा ! वत्तीसं विमाणावाससयसहस्सा प०, ते णं भंते ! किमया प० ?
गोयमा ! सव्वरयणामया अच्छा सेसं तं चेव, एवं जाव अणुत्तरविमाणा, नकरं
जाणियव्वा जत्थ जलिया भवणा विमाणा वा । सेवं भंते ! २ ति ॥ ६५७ ॥
एगूणवीसइमस्स सयस्स सत्तमो उद्देसो समत्तो ॥

कइविहा णं भंते ! जीवनिव्वत्ती प० ? गोयमा ! पंचविहा जीवनिव्वत्ती प०,
तं०-एगिदियजीवनिव्वत्ती जाव पंचिदियजीवनिव्वत्ती, एगिदियजीवनिव्वत्ती णं भंते !
कइविहा प० ? गोयमा ! पंचविहा प०, तं०-पुढविकाइयएगिदियजीवनिव्वत्ती जाव
बणस्सइकाइयएगिदियजीवनिव्वत्ती, पुढविकाइयएगिदियजीवनिव्वत्ती णं भंते । कइ-
विहा प० ? गोयमा ! दुविहा प०, तं०-सुहुमपुढविकाइयएगिदियजीवनिव्वत्ती य बाव-
रपुढवीकाइयएगिदियजीवनिव्वत्ती य, एवं एएणं अभिलावेणं मेओ जहा वग्गबंधो
तेयगसरीरस्स जाव सव्वट्टसिद्धअणुत्तरोववाइयकप्पात्तीतवेमाणियदेवपंचिदियजीव-
निव्वत्ती णं भंते ! कइविहा प० ? गोयमा ! दुविहा प०, तं०-पज्जतगसव्वट्टसिद्धअ-
णुत्तरोववाइय जाव देवपंचिदियजीवनिव्वत्ती य अपज्जतगसव्वट्टसिद्धअणुत्तरोववाइय
जाव देवपंचिदियजीवनिव्वत्ती य । कइविहा णं भंते ! कम्मनिव्वत्ती प० ? गोयमा !

अङ्गुविहा कम्मनिव्वत्ती प०, तं०-नाणावरणिज्जकम्मनिव्वत्ती जाव अंतराइयक-
 म्मनिव्वत्ती, नेरइयाणं भंते ! कइविहा कम्मनिव्वत्ती प० ? गोयमा ! अट्टविहा
 कम्मनिव्वत्ती प०, तं०-नाणावरणिज्जकम्मनिव्वत्ती जाव अंतराइयकम्मनिव्वत्ती,
 एवं जाव वेमाणियाणं । कइविहा णं भंते ! सरीरनिव्वत्ती प० ? गोयमा ! पंच-
 विहा सरीरनिव्वत्ती प०, तं०-ओरालियसरीरनिव्वत्ती जाव कम्मगसरीरनिव्वत्ती ।
 नेरइयाणं भंते । एवं चेव, एवं जाव वेमाणियाणं, नवरं नायव्वं जस्स जइ सरी-
 राणि । कइविहा णं भंते ! सव्विदियनिव्वत्ती प० ? गोयमा ! पंचविहा सव्वि-
 दियनिव्वत्ती प०, तं०-सोईदियनिव्वत्ती जाव फासिदियनिव्वत्ती, एवं (जाव) नेरइया
 जाव थणियकुमारा णं, पुटविकाइयाणं पुच्छा, गोयमा ! एगा फासिदियनिव्वत्ती
 प०, एवं जस्स जइ ईदियाणि जाव वेमाणियाणं । कइविहा णं भंते ! भासानि-
 व्वत्ती प० ? गोयमा ! चउव्विहा भासानिव्वत्ती प०, तं०-सच्चाभासानिव्वत्ती,
 मोसाभासानिव्वत्ती, सच्चा मोसभासानिव्वत्ती, असच्चा मोसभासानिव्वत्ती, एवं एगिं-
 दियवज्जं जस्स जा भासा जाव वेमाणियाणं, कइविहा णं भंते ! मणनिव्वत्ती प० ?
 गोयमा ! चउव्विहा मणनिव्वत्ती प०, तं०-सच्चमणनिव्वत्ती जाव अमच्चामोसम-
 णनिव्वत्ती, एवं एगिंदियविगल्लिदियवज्जं जाव वेमाणियाणं । कइविहा णं भंते !
 कसायनिव्वत्ती प० ? गोयमा ! चउव्विहा कसायनिव्वत्ती प०, तं०-ओहकसाय-
 निव्वत्ती जाव लोभकसायनिव्वत्ती, एवं जाव वेमाणियाणं । कइविहा णं भंते !
 वज्जनिव्वत्ती प० ? गोयमा ! पंचविहा वज्जनिव्वत्ती प०, तं०-कालवज्जनिव्वत्ती
 जाव सुक्किल्लवज्जनिव्वत्ती, एवं निरवसेस जाव वेमाणियाणं, एवं गंधानिव्वत्ती दुविहा
 जाव वेमाणियाणं, रसनिव्वत्ती पंचविहा जाव वेमाणियाणं, फासनिव्वत्ती अट्टविहा
 जाव वेमाणियाणं । कइविहा णं भंते ! संठाणनिव्वत्ती प० ? गोयमा ! छव्विहा
 संठाणनिव्वत्ती प०, तं०-समचउरंसंठाणनिव्वत्ती जाव हुंडसंठाणनिव्वत्ती, नेर-
 इयाणं पुच्छा, गोयमा ! एगा हुंडसंठाणनिव्वत्ती प०, असुरकुमारारणं पुच्छा,
 गोयमा ! एगा समचउरंसंठाणनिव्वत्ती प०, एवं जाव थणियकुमारारणं, पुडवि-
 काइयाणं पुच्छा, गोयमा ! एगा मसूरचंदसंठाणनिव्वत्ती प०, एवं जस्स जं संठाणं
 जाव वेमाणियाणं, कइविहा णं भंते ! सञ्जानिव्वत्ती प० ? गोयमा ! चउव्विहा
 सञ्जा निव्वत्ती प०, तं०-आहारसञ्जानिव्वत्ती जाव परिगहसञ्जानिव्वत्ती, एवं जाव
 वेमाणियाणं, कइविहा णं भंते ! लेस्सानिव्वत्ती प० ? गोयमा ! छव्विहा लेस्सा-
 निव्वत्ती प०, तं०-कण्हलेस्सानिव्वत्ती जाव सुक्कलेस्सानिव्वत्ती, एवं जाव वेमाणि-
 याणं जस्स जइ लेस्साओ तस्स तणिया भाणियव्वा । कइविहा णं भंते ! दिट्ठिनिव्वत्ती

प० ? गोयमा । तिविहा दिट्टिनिव्वत्ती प०, तंजहा-सम्मादिट्टिनिव्वत्ती, मिच्छादिट्टिनिव्वत्ती, सम्मामिच्छादिट्टिनिव्वत्ती, एवं जाव वेमाणियाणं जस्स जइविहा दिट्ठी । कइविहा णं भंते ! पाणनिव्वत्ती पन्नता ? गोयमा । पंचविहा पाणनिव्वत्ती प०, तं०-आभिणिश्रोहियणाणनिव्वत्ती जाव केवलनाणनिव्वत्ती, एवं एगिदियवज्जं जाव वेमाणियाणं जस्स जइ पाणाइं । कइविहा णं भंते ! अन्नाणनिव्वत्ती प० ? गोयमा ! तिविहा अन्नाणनिव्वत्ती प०, तं०-मइअन्नाणनिव्वत्ती, सुयअण्णाणनिव्वत्ती, विभंगनाणनिव्वत्ती, एवं जस्स जइ अन्नाणा जाव वेमाणियाणं । कइविहा णं भंते ! जोगनिव्वत्ती प० ? गोयमा ! तिविहा जोगनिव्वत्ती प०, तं०-मणजोगनिव्वत्ती, वइजोगनिव्वत्ती, कायजोगनिव्वत्ती, एवं जाव वेमाणियाणं जस्स जइविहो जोगो । कइविहा णं भंते ! उवओगनिव्वत्ती प० ? गोयमा ! दुविहा उवओगनिव्वत्ती प०, तं०-सागारोवओगनिव्वत्ती अण्णागारोवओगनिव्वत्ती, एवं जाव वेमाणियाणं, संगहगाहा-जीवाण निव्वत्ती कम्मपगडी सरीरनिव्वत्ती । मव्विदियनिव्वत्ती भासा य मणे कसाया य ॥ १ ॥ वज्जे गंधे रसे फासे संठाणविही य होइ वोइव्वो । लेस्सा दिट्ठी णाणे उवओगे चैव जोगे य ॥ २ ॥ सेवं भंते ! सेवं भंते ! ति ॥ ६५८ ॥ **एगूणवीसइमस्स सयस्स अट्टमो उइसो समत्तो ॥**

कइविहे णं भंते ! करणे पण्णत्ते ? गोयमा । पंचविहे करणे पन्नत्ते, तंजहा-दव्वकरणे, खेतकरणे, कालकरणे, भवकरणे, भावकरणे, नेरइयाणं भंते ! कइविहे करणे प० ? गोयमा । पंचविहे करणे प०, तं०-दव्वकरणे, जाव भावकरणे, एवं जाव वेमाणियाणं, कइविहे णं भंते ! मरीरकरणे प० ? गोयमा । पंचविहे सरीरकरणे पन्नत्ते, तंजहा-ओरालियसरीरकरणे जाव कम्मगसरीरकरणे, एवं जाव वेमाणियाणं जस्स जइ सरीराणि । कइविहे णं भंते ! इंदियकरणे प० ? गोयमा । पंचविहे इंदियकरणे प०, तंजहा-नोइंदियकरणे जाव फासिंदियकरणे, एवं जाव वेमाणियाणं जस्स जइ इंदियाइं, एव एएणं कमेणं भासाकरणे चउव्विहे, मणकरणे चउव्विहे, कसायकरणे चउव्विहे, समुग्घायकरणे सत्तविहे, सन्नाकरणे चउव्विहे, लेस्साकरणे छव्विहे, दिट्टिकरणे तिविहे, वेयकरणे तिविहे पन्नत्ते, तंजहा-इत्थिवेयकरणे, पुरिसवेयकरणे, नपुंसगवेयकरणे, एए सब्बे नेरइयादिइंगगा जाव वेमाणियाणं जस्स जं अत्थि तं तस्स सब्बं माणियव्वं । कइविहे णं भंते ! पाणाइवायकरणे प० ? गोयमा । पंचविहे पाणाइवायकरणे प०, तं०-एगिदियपाणाइवायकरणे जाव पंचिदियपाणाइवायकरणे, एवं निरवसेसं जाव वेमाणियाणं । कइविहे णं भंते ! पोग्गलकरणे प० ? गोयमा । पंचविहे पोग्गलकरणे प०, तं०-वज्जकरणे, गंधकरणे,

रसकरणे, फासकरणे, संठाणकरणे, वजकरणे णं भंते । कइविहे प० ? गोयमा । पंचविहे प०, तंजहा-कालवन्नकरणे जाव सुक्किल्लवन्नकरणे, एवं भेदो, गंधकरणे दुविहे, रसकरणे पंचविहे, फासकरणे अट्टविहे, संठाणकरणे णं भंते । कइविहे प० ? गोयमा । पंचविहे प०, तंजहा-परिमंडलसंठाणकरणे जाव आययसंठाणकरणे, सेवं भंते ! सेवं भंते ! त्ति जाव विहरइ ॥ ६१९ ॥ **एगूणवीसइमस्स सयस्स नवमो उद्देसो समत्तो ॥**

वाणमंतराणं भंते ! सव्वे समाहारा एवं जहा सोलसमसए दीवडुमाह्हेसए जाव अप्पिड्वियत्ति, सेवं भंते । २ त्ति ॥ ६६० ॥ **एगूणवीसइमे सए दसमो उद्देसो समत्तो ॥ एगूणवीसइमं सयं समत्तं ॥ १९ ॥**

वेइंदिय १ मागासे २ पाणवहे ३ उवचए ४ य परमाणू ५ । अतर ६ बंधे ७ भूमी ८ चारण ९ सोवक्कमा जीवा १० ॥ १ ॥ रायगिहे जाव एव वयासी-सिय भंते ! जाव चत्तारि पंच वेइंदिया एगयओ साहारणसरीरं बंधंति २ ता तओ पच्छा आहारैति वा परिणामेति वा सरीरं वा बंधंति ? णो इणट्टे समट्टे, वेइंदिया षं पत्तेयाहारा पत्तयपरिणामा पत्तेयसरीरं बंधंति प० २ ता तओ पच्छा आहारैति वा परिणामेति वा सरीरं वा बंधंति, तेसि णं भंते ! जीवाणं कइ छेस्साओ प० १ गोयमा ! तओ छेस्साओ प०, तं-कण्हल्लेस्सा नील्लेस्सा काउल्लेस्सा, एवं जहा एगूणवीसइमे सए तेउकाइयाणं जाव उव्वट्ठंति, नवरं सम्माइंदीवि मिच्छइंदीवि, नो सम्मामिच्छादिद्वी, दो नाणा दो अजाणा नियमं, नो मणजोगी, वइजोगीवि कायजोगीवि, आहारो नियमं छइसिं, तेसि णं भंते ! जीवाणं एवं सज्जाइ वा पन्नाइ वा मणेइ वा वईइ वा अम्हे णं इट्ठाणिट्टे रसे इट्ठाणिट्टे फामे पडिसंवेदेमो ? णो इणट्टे समट्टे, पडिसंवेदेति पुण ते, टिइ जहजेणं अंतोसुहुत्तं उक्कोसेणं वारम-संबच्छराइं, सेसं तं चव, एवं तेइंदिया(ण)वि, एवं चउररिंदियावि, नाणत्तं इंदिएणु ठिइए य सेसं तं चव टिइ जहा पन्नवणाए । सिय भंते ! जाव चत्तारि पंच पंचिदिया एगयओ साहारणसरीरं एवं जहा वेइंदियाणं नवरं छल्लेस्साओ, दिद्वी तिविहावि, चत्तारि नाणा, तिज्जि अजाणा भयणाए, तिविहा जांगा, तेसि णं भंते ! जीवाणं एवं सज्जाइ वा पन्नाइ वा जाव वईइ वा अम्हे णं आहारमाहारेमो ? गोयमा ! अत्येगइयाणं एवं सज्जाइ वा पन्नाइ वा मणेइ वा वईइ वा अम्हे णं आहारमाहा-रेमो, अत्येगइयाणं नो एवं सज्जाइ वा जाव वईइ वा अम्हे णं आहारमाहारेमो, आहारैति पुण ते, तेसि णं भंते ! जीवाणं एवं सज्जाइ वा जाव वईइ वा अम्हे णं इट्ठाणिट्टे सहे, इट्ठाणिट्टे रुवे, इट्ठाणिट्टे गंधे, इट्ठाणिट्टे रसे, इट्ठाणिट्टे फासे पडिसं-

वेदेमो ? गोयमा ! अत्येगइयाणं एवं सञ्जाइ वा जाव वईइ वा अम्हे णं इट्ठाणिट्ठे सदे जाव इट्ठाणिट्ठे फासे पडिसंवेदेमो, अत्येगइयाणं नो एवं सञ्जाइ वा पण्णाइ वा जाव वईइ वा अम्हे णं इट्ठाणिट्ठे सदे जाव इट्ठाणिट्ठे फासे पडिसंवेदेमो, पडिसंवेदेति पुण ते, ते णं भंते ! जीवा किं पाणाइवाए उवक्खाइज्जंति ? गोयमा ! अत्येगइया पाणाइवाए उवक्खाइज्जंति जाव मिच्छादंसणसल्लेवि उवक्खाइज्जंति, अत्येगइया नो पाणाइवाए उवक्खाइज्जंति नो मुसावाए उवक्खाइज्जंति जाव नो मिच्छादंसणसल्ले उवक्खाइज्जंति, जेरिपिय णं जीवाणं ते जीवा एवमाहिज्जंति तेमिपि णं जीवाणं अत्येगइयाणं विजाए नाणत्ते, अत्येगइयाणं नो विण्णाए नाणत्ते, उववाओ सव्वओ जाव मच्चट्टमिद्दाओ, ठिई जहणेणं अंतोमुहुत्तं उक्कोसेणं तेचीसं सागरोवमाइं, छस्स-मुग्घाया केवल्लिज्जा, उव्वट्टणा सव्वत्थ गच्छंति जाव सव्वट्टसिद्धंति, सेसं जहा वेइंदियाणं । एएसि णं भंते ! वेइंदियाणं जाव पंचिदियाणय क्यरे २ जाव विसेसाहिया वा ? गोयमा ! मच्चत्थोवा पंचिदिया, चउरिंदिया विसेसाहिया, तेइंदिया विसेसाहिया, वेइंदिया विसेसाहिया । सेवं भंते ! सेवं भंते ! त्ति जाव विहरइ ॥ ६६१ ॥ वीसइमस्म सयस्स पढमो उहेसो समत्तो ॥

कइविहे णं भंते ! आगासे प० ? गोयमा ! दुविहे आगासे प०, तं०-लोयागासे य अलोयागासे य, लोयागासे णं भंते ! किं जीवा जीवदेसा० ? एवं जहा विइयसए अत्थिउंमए तह चेव इहवि भाणियच्चं, नवरं अभिलावो जाव धम्मत्थिकाए णं भंते ! केमहालए प० ? गोयमा ! लोए लोयमेत्ते लोयप्पमाणे लोयफुडे लोयं चेव ओगाहिनानं चिट्ठइ, एवं जाव पोग्गलत्थिकाए । अहेलोए णं भंते ! धम्मत्थिका-यस्म केवइयं ओगाढे ? गोयमा ! साइरेगं अद्धं ओगाढे, एवं एएणं अभिलावणं जहा त्रिइयमए जाव ईसिप्पन्नारा णं भंते ! पुट्ठी लोयागासस्स किं संखेज्जभागं ओगाढा० पुच्छा, गोयमा ! नो संखेज्जभागं ओगाढा, असंखेज्जभागं ओगाढा, नो संखेजे भागे ओगाढा, नो असंखेजे भागे ओगाढा, नो सव्वलोयं ओगाढा, सेसं तं चेव ॥ ६६२ ॥ धम्मत्थिकायस्स णं भंते ! केवइया अभिवयणा प० ? गोयमा ! अणेगा अभिवयणा प०, तंजहा-धम्मै वा धम्मत्थिकाए वा पाणाइवायवेरमणेइ वा मुसावायवेरमणेइ वा एवं जाव परिग्गहवेरमणेइ वा कोहविवेगेइ वा जाव मिच्छा-दंसणसल्लविवेगेइ वा इरियासमि(ए)इइ वा भासासमिईइ वा एसणासमिईइ वा आया-णमंडमत्तनिक्खेवणासमिईइ वा उच्चरपासवणखेलजल्लसिवाणपारिद्वाक्खिणासमिईइ वा मणगुत्तीइ वा वइगुत्तीइ वा कायगुत्तीइ वा जे यावत्ते तहप्पगारा सव्वे ते धम्म-त्थिकायस्स अभिवयणा, अहम्मत्थिकायस्स णं भंते ! केवइया अभिवयणा प० ?

गोयमा ! अणेगा अभिवयणा प०, तं०-अधम्मेइ वा अधम्मत्थिकाएइ वा पाणाइ-
 वाएइ वा जाव मिच्छादंसणसल्लेइ वा इरियाअसमिइइ वा जाव उच्चारपासवण
 जाव पारिद्वावणियाअसमिइइ वा मणअगुत्तीइ वा वइअगुत्तीइ वा कायअगुत्तीइ वा
 जे यावन्ने तहप्पगारा सव्वे ते अहम्मत्थिकायस्स अभिवयणा, आगासत्थिकायस्स
 णं पुच्छा, गोयमा ! अणेगा अभिवयणा प०, तं०-आगासेइ वा आगासत्थिकाएइ
 वा गगणेइ वा नमेइ वा समेइ वा विममेइ वा खहेइ वा विहेइ वा वीइइ वा
 विवरेइ वा अवरेइ वा अंवरसेइ वा छिट्ठेइ वा झुत्तिरेइ वा मग्गेइ वा विमुहेइ वा
 अ(ट्टे)इइ वा विय(ट्टे)इइ वा आधारेइ वा वोमेइ वा भायणेइ वा अंतरिकम्भेइ वा मामेइ
 वा उवासंतरेइ वा अगमेइ वा फल्लिहेइ वा अणतेइ वा जे यावन्ने तहप्पगारा सव्वे
 ते आगासत्थिकायस्स अभिवयणा प०। जीवत्थिकायस्स णं भंते ! केवइया अभिवयणा
 प० ? गोयमा ! अणेगा अभिवयणा प०, तं०-जीवेइ वा जीवत्थिकाएइ वा पाणेइ
 वा भूएइ वा सत्तेइ वा विष्णुइ वा चेयाइ वा जेयाइ वा आयाइ वा रंगणेइ वा
 हिंहुएइ वा पोग्गळेइ वा माणवेइ वा कत्ताइ वा विकत्ताइ वा जएइ वा जंतुइ वा
 जोणीइ वा सयंभूइ वा ससरीरीइ वा नायएइ वा अंतरप्पाइ वा जे यावन्ने तहप्प-
 गारा सव्वे ते जीवअभिवयणा प० । पोग्गलत्थिकायस्स णं भंते ! पुच्छा, गोयमा !
 अणेगा अभिवयणा प०, तं०-पोग्गळेइ वा पोग्गलत्थिकाएइ वा परमाणुपोग्गळेइ
 वा दुपएसिएइ वा तिपएसिएइ वा जाव असंखेजपएसिएइ वा अगंतपएसिएइ वा
 (खंधे) जे यावन्ने तहप्पगारा सव्वे ते पोग्गलत्थिकायस्स अभिवयणा प० । सेवं
 भंते ! २ ति ॥ ६६३ ॥ **वीसइमस्स सयस्स वीओ उहेसो समत्तो ॥**

अह भंते ! पाणाइवाए सुसावाए जाव मिच्छादंसणसल्ले, पाणाइवायवेरमणे जाव
 मिच्छादंसणसल्लविवेगे, उप्पत्तिया जाव पारिणामिया, उग्गहे जाव धारणा, उट्टाणे
 कम्मे बले वीरिए पुरिसक्कारपरकमे, नेरइयत्ते असुरकुमारत्ते जाव वेमाणियत्तं, नाणा-
 वरणिजे जाव अंतराए, कण्हलेस्सा जाव सुक्कलेस्सा, सम्मट्टिटी ३, चक्कवुदंसणे ४,
 आभिणिवोहियणणे जाव विभंगनाणे, आहारसन्ना ४, ओरात्थियसरीरे ५, मणजोणे
 ३, सागारोवओगे अणागारोवओगे जे यावन्ने तहप्पगारा सव्वे ते णणत्थ आयाए
 परिणमंति ? हंता गोयमा ! पाणाइवाए जाव सव्वे ते णणत्थ आयाए परिणमंति
 ॥ ६६४ ॥ जीवे णं भंते ! गम्भं वक्कममाणे कइवन्नं कइगंधं एवं जहा वारसमसए
 पंचमुहेसए जाव कम्मओ णं जए णो अकम्मओ विभत्तिभावं परिणमइ । सेवं भंते !
 २ ति जाव विहरइ ॥ ६६५ ॥ **वीसइमे सए तइओ उहेसो समत्तो ॥**

कइविहे णं भंते ! इंदियउवचए पत्तते ? गोयमा । पंचविहे इंदियउवचए प०,

तं०-सोईदियउवचए एवं विइओ ईदियउहेसओ निरवसेसो भाषियव्वो जहा पन्नव-
णाए । सेवं भंते ! सेवं भंते ! ति भगवं गोयमे जाव विहरइ ॥ ६६६ ॥

वीसइमस्स सयस्स चउत्थो उहेसो समत्तो ॥

परमाणुपोग्गळे णं भंते ! कइवन्ने कइगंधे कइरसे कइफासे पन्नते ? गोयमा ।
एगवन्ने एगगंधे एगरसे दुफासे पन्नते, तंजहा-जइ एगवन्ने सिय कालए सिय नीलए
सिय लोहिए सिय हालिहए सिय सुक्किल्लए, जइ एगगंधे सिय सुच्चिभगंधे सिय दुच्चिभ-
गंधे, जइ एगरसे सिय तिन्ने सिय कडुए सिय कसाए निय अंचिळे सिय महुरे, जइ
दुफासे सिय सीए य निद्धे य १, सिय सीए य लक्खे य २, सिय उसिणे य निद्धे
य ३, सिय उसिणे य लक्खे य ४ ॥ दुपएणिए णं भंते ! खंधे कइवन्ने० १ एवं जहा
अट्टारसमसए छट्टुइंनए जाव निय चउफासे पन्नते । जइ एगवन्ने सिय कालए जाव
सिय सुक्किल्लए, जइ दुवन्ने निय कालए य नीलए य १, सिय कालए य लोहिए य २,
सिय कालए य हालिहए य ३, सिय कालए य सुक्किल्लए य ४, सिय नीलए य लोहियए
य ५, सिय नीलए य हालिहए य ६, सिय नीलए य सुक्किल्लए य ७, सिय लोहियए य
हालिहए य ८, सिय लोहियए य सुक्किल्लए य ९, सिय हालिहए य सुक्किल्लए य १०, एवं
एए दुयासंजोगे दस भंगा । जइ एगगंधे सिय सुच्चिभगंधे सिय दुच्चिभगंधे । जइ
दुगंधे सुच्चिभगंधे य दुच्चिभगंधे य, रसेसु जहा वन्नेनु, जइ दुफासे सिय सीए य
निद्धे य एवं जहेव परमाणुपोग्गळे ४, जइ तिफासे सव्वे सीए देसे निद्धे देसे लक्खे
१, सव्वे उसिणे देसे निद्धे देसे लक्खे २, सव्वे निद्धे देसे सीए देसे उसिणे ३, सव्वे
लक्खे देसे सीए देसे उसिणे ४, जइ चउफासे देसे सीए देसे उसिणे देसे निद्धे देसे
लक्खे १, एए नव भंगा फासेसु ॥ तिपएणिए णं भंते ! खंधे कइवन्ने० जहा अट्टार-
समसए छट्टुइंसे जाव चउफासे प०, जइ एगवन्ने निय कालए जाव सुक्किल्लए ५, जइ
दुवन्ने सिय कालए य निय नीलए य १, सिय कालए य नीलगा य २, सिय कालगा
य नीलए य ३, सिय कालए य लोहियए य १, सिय कालए य लोहियगा य २, सिय
कालगा य लोहियए य ३, एवं हालिहएणवि समं भंगा ३, एवं सुक्किल्लएणवि समं ३,
सिय नीलए य लोहियए य एत्थंपि भंगा ३, एवं हालिहएणवि समं भंगा ३, एवं
सुक्किल्लएणवि समं भंगा ३, सिय लोहियए य हालिहए य भङ्गा ३, एवं सुक्किल्लएणवि समं
भंगा ३, सिय हालिहए य सुक्किल्लए य भंगा ३, एवं सव्वेत्ते दस दुयासंजोगा भंगा
तीसं भवंति, जइ तिक्खे सिय कालए य नीलए य लोहियए य १, सिय कालए य
नीलए य हालिहए य २, सिय कालए य नीलए य सुक्किल्लए य ३, सिय कालए य
लोहियए य हालिहए य ४, सिय कालए य लोहियए य सुक्किल्लए य ५, सिय कालए

य हालिद् ए य सुक्लिद् ए य ६, सिय नील ए य लोहिय ए य हालिद् ए य ७, सिय नील ए य लोहिय ए य सुक्लिद् ए य ८, सिय नील ए य हालिद् ए य सुक्लिद् ए य ९, सिय लोहिय ए य हालिद् ए य सुक्लिद् ए य १०, एवं ए ए दस तियासंजोगा । जइ एगगंधे सिय सुब्भिगंधे सिय दुब्भिगंधे, जइ दुगंधे सुब्भिगंधे य दुब्भिगंधे य भंगा ३ ; रसा जहा वन्ना । जइ दुफासे सिय सी ए य निद्धे य एवं जहेव दुपएसियस्म तहेव चत्तारि भंगा, जइ तिफासे सव्वे सी ए देसे निद्धे देसे लुक्खे १, सव्वे सी ए देसे निद्धे देसा लुक्खा २, सव्वे सी ए देसा निद्धा देसे लुक्खे ३, सव्वं उमिणे देसे निद्धे देसे लुक्खे एत्थवि भंगा तिन्नि ६, सव्वे निद्धे देसे सी ए देसे उमिणे भंगा तिन्नि ९, सव्वे लुक्खे देसे सी ए देसे उमिणे भंगा तिन्नि एवं १२, जइ चउफासे देसे सी ए देसे उमिणे देसे निद्धे देसे लुक्खे १, देसे सी ए देसे उमिणे देसे निद्धे देसा लुक्खा २, देसे सी ए देसे उमिणे देसा निद्धा देसे लुक्खे ३, देसे सी ए देसा उमिणा देसे निद्धे देसे लुक्खे ४, देसे सी ए देसा उमिणा देसे निद्धे देसा लुक्खा ५, देसे सी ए देसा उमिणा देसा निद्धा देसे लुक्खे ६, देसा सीया देसे उमिणे देसे निद्धे देसे लुक्खे ७, देसा सीया देसे उमिणे देसे निद्धे देसा लुक्खा ८, देसा सीया देसे उमिणे देसा निद्धा देसे लुक्खे ९, एवं ए ए तिपएणि ए फासेसु पणवीसं भंगा ॥ चउप्पएणि ए णं भंते ! खंधे कइवन्ने ० जहा अट्टारसमसए जाव सिय चउफासे पज्जे, जइ एगवन्ने सिय काल ए य जाव सुक्लिद् ए य ५, जइ दुवन्ने सिय काल ए य नील ए य १, सिय काल ए य नीलगा य २, सिय कालगा य नील ए य ३, सिय कालगा य नीलगा य ४, सिय काल ए य लोहिय ए य एत्थवि चत्तारि भंगा ४, सिय काल ए य हालिद् ए य ४, सिय काल ए य सुक्लिद् ए य ४, सिय नील ए य लोहिय ए य ४, सिय नील ए य हालिद् ए य ४, सिय नील ए य सुक्लिद् ए य ४, सिय लोहिय ए य हालिद् ए य ४, सिय लोहिय ए य सुक्लिद् ए य ४, सिय हालिद् ए य सुक्लिद् ए य ४, एवं ए ए दस दुयासंजोगा भंगा पुण चत्तारि सं ४०, जइ तिबन्ने सिय काल ए य नील ए य लोहिय ए य १, सिय काल ए य नील ए य लोहियगा य २, सिय काल(ए)गा य नीलगा य लोहिय ए य ३, सिय कालगा य नील ए य लोहिय ए य, ए ए णं चत्तारि भंगा, एवं कालनीलहालिद् ए हिं भंगा ४, कालनील-सुक्लिद् ० ४, काललोहियहालिद् ० ४, काललोहियसुक्लिद् ० ४, कालहालिद्सुक्लिद् ० ४, नीललोहियहालिद्गणं भंगा ४, नीललोहियसुक्लिद् ० ४, नीलहालिद्सुक्लिद् ० ४, लोहिय-हालिद्सुक्लिद्गणं भंगा ४, एवं ए ए दसतियासंजोगा एक्केत्ते सं जो ए चत्तारि भंगा सव्वे ते चत्तारि सं भंगा ४०, जइ चउवन्ने सिय काल ए य नील ए य लोहिय ए य हालिद् ए

य १, सिय कालए य नीलए य लोहियए य सुक्किलए य २, सिय कालए य नीलए य हालिहए य सुक्किलए य ३, सिय कालए य लोहियए य हालिहए य सुक्किलए य ४, सिय नीलए य लोहियए य हालिहए य सुक्किलए य ५, एवमेए चउक्कगसंजोए पंच भंगा, एए सव्वे नउइभंगा, जइ एगगंधे सिय सुब्बिभंगंधे सिय दुब्बिभंगंधे, जइ दुगंधे सुब्बिभंगंधे य दुब्बिभंगंधे य । रसा जहा वन्ना । जइ दुफासे जहेव परमाणुपोग्गले ४, जइ तिफासे सव्वे सीए देसे निद्धे देसे लुक्खे १, सव्वे सीए देसे निद्धे देसा लुक्खा २, सव्वे सीए देसा निद्धा देसे लुक्खे ३, सव्वे सीए देसा निद्धा देसा लुक्खा ४, सव्वे उत्तिणे देसे निद्धे देसे लुक्खे एवं भंगा ४, सव्वे निद्धे देसे सीए देसे उत्तिणे ४, सव्वे लुक्खे देसे सीए देसे उत्तिणे ४, एए तिफासे सोलस भंगा, जइ चउफासे देसे सीए देसे उत्तिणे देसे निद्धे देसे लुक्खे १, देसे सीए देसे उत्तिणे देसे निद्धे देसा लुक्खा २, देसे सीए देसे उत्तिणे देसा निद्धा देसे लुक्खे ३, देसे सीए देसे उत्तिणे देसा निद्धा देसा लुक्खा ४, देसे सीए देसा उत्तिणा देसे निद्धे देसे लुक्खे ५, देसे सीए देसा उत्तिणा देसे निद्धे देसा लुक्खा ६, देसे सीए देसा उत्तिणा देसा निद्धा देसे लुक्खे ७, देसे सीए देसा उत्तिणा देसा निद्धा देसा लुक्खा ८, देसा सीया देसे उत्तिणे देसे निद्धे देसे लुक्खे ९, एवं एए चउफासे सोलस भंगा भाणियव्वा जाव देसा सीया देसा उत्तिणा देसा निद्धा देसा लुक्खा, सव्वे एए फासेसु छतीसं भंगा ॥ पंचपएसिए णं भंते ! खंधे कइवञ्जे० जहा अट्टारसमसए जाव सिय चउफसे प०, जइ एगवन्ने एगवन्नदुवन्ना जहेव चउप्पएसिए, जइ तिक्खे सिय कालए य नीलए य लोहियए य १, सिय कालए य नीलए य लोहियगा य २, सिय कालए य नीलगा य लोहियए य ३, सिय कालए य नीलगा य लोहियगा य ४, सिय काल(गा)ए य नीलए य लोहियए य ५, सिय कालगा य नीलए य लोहियगा य ६, सिय कालगा य नीलगा य लोहियए य ७, सिय कालए य नीलए य हालिहए य एत्थवि सत्त भंगा ७, एवं कालगनीलगसुक्किलएसु सत्त भंगा ७, कालगलोहियहालिहएसु ७, कालगलोहियसुक्किलेसु ७, कालगहालिहसुक्किलेसु ७, नीलगलोहियहालिहएसु ७, नीलगलोहियसुक्किलेसु सत्त भंगा ७, नीलगहालिहसुक्किलेसु ७, लोहियहालिहसुक्किलेसुवि सत्त भंगा ७, एवमेए तियासंजोएणं सत्तरि भंगा, जइ चउवन्ने सिय कालए य नीलए य लोहियए य हालिहए य १, सिय कालए य नीलए य लोहियए य हालिहगा य २, सिय कालए य नीलए य लोहियगा य हालिहगे य ३, सिय कालए य नीलगा य लोहियगे य हालिहगे य ४, सिय कालगा य नीलए य लोहियगे य हालिहगे य ५, एए पंच भंगा, सिय कालए य नीलए य लोहियए य सुक्किलए य एत्थवि पंच भंगा, एवं कालगनीलग-

हालिद्सुक्लिद्सुवि पंच भंगा, कालगलोहियहालिद्सुक्लिद्सुवि पंच भंगा ५, नीलग-
लोहियहालिद्सुक्लिद्सुवि पंच भंगा, एवमेए चउक्कगसंजोएणं पणवीसं भंगा, जइ पंच-
वन्ने कालए य नीलए य लोहियए य हालिद्ए य सुक्लिद्ए य सब्वमेए एक्कगदुयगतिय-
गच्चउक्कपंचगसंजोएणं ईयालं भंगसयं भवद् । गंधा जहा चउप्पएसियस्स । रसा जहा
वन्ना । फासा जहा चउप्पएसियस्स ॥ छप्पएसिए णं भंते ! खंधे कइवन्ने० ? एवं
जहा पंचपएसिए जाव सिय चउफासे पञ्जत्ते, जइ एगवन्ने एगवन्नदुवन्ना जहा
पंचपएसियस्स, जइ निवन्ने सिय कालए य नीलए य लोहियए य एवं जहेव
पंचपएसियस्स सत्त भंगा जाव सिय कालगा य नीलगगा य लोहियए य ३, सिय
कालगा य नीलगगा य लोहियगा य ८, एए अट्ट भन्ना, एवमेए दस नियामजोगा
एक्केक्कए संजोगे अट्ट भंगा, एवं सब्वेवि तियगसजोगे असीइ भंगा, जइ चउवन्ने
सिय कालए य नीलए य लोहियए य हालिद्ए य १, सिय कालए य नीलए य
लोहियए य हालिद्गा य २, सिय कालए य नीलए य लोहियगा य हालिद्ए य ३,
सिय कालए य नीलए य लोहियगा य हालिद्गा य ४, सिय कालए य नीलगगा य
लोहियए य हालिद्ए य ५, सिय कालए य नीलगगा य लोहियए य हालिद्गा य ६,
सिय कालए य नीलगगा य लोहियगा य हालिद्ए य ७, सिय कालगा य नीलए य
लोहियए य हालिद्ए य ८, सिय कालगा य नीलए य लोहियए य हालिद्गा य ९,
सिय कालगा य नीलए य लोहियगा य हालिद्ए य १०, सिय कालगा य नीलगगा य
लोहियए य हालिद्ए य ११, एए एकारस भंगा, एवमेए पंचचउक्कसंजोगा वायव्वा,
एक्केक्कसंजोए एकारस भंगा, सब्वेने चउक्कगसंजोएणं पणपत्तं भंगा, जइ पंचवन्ने
सिय कालए य नीलए य लोहियए य हालिद्ए य सुक्लिद्गा य १, सिय कालए य
नीलए य लोहियए य हालिद्ए य सुक्लिद्गा य २, सिय कालए य नीलए य लोहियगे
य हालिद्गा य सुक्लिद्गे य ३, सिय कालए य नीलए य लोहियगा य हालिद्ए य
सुक्लिद्ए य ४, सिय कालए य नीलगगा य लोहियए य हालिद्ए य सुक्लिद्ए य ५,
सिय कालगा य नीलए य लोहियए य हालिद्ए य सुक्लिद्ए य ६, एवं एए छम्भंगा
भाणियव्वा, एवमेए सब्वेवि एक्कगदुयगतियगच्चउक्कगपंचगसंजोगेसु छासीयं भंगसयं
भवद् । गंधा जहा पंचपएसियस्स । रसा जहा एयस्स चेव वन्ना, फासा जहा चउ-
प्पएसियस्स ॥ सत्तपएसिए णं भंते ! खंधे कइवन्ने० ? जहा पंचपएसिए जाव सिय
चउफासे ५०, जइ एगवन्ने एवं एगवन्नदुवण्णातिवन्ना जहा छप्पएसियस्स, जइ चउ-
वन्ने सिय कालए य नीलए य लोहियए य हालिद्ए य १, सिय कालए य नीलए
य लोहियए य हालिद्गा य २, सिय कालए य नीलए य लोहियगा य हालिद्ए य

३, एवमेते चउक्कसंजोगेणं पन्नरस भंगा भाणियन्वा जाव सिय कालगा य नीलगा य लोहियगा य हालिद्दए य १५, एवमेए पंचचउक्कसंजोगा नेयन्वा एक्के संजोए पन्नरस भंगा, सव्वमेए पंचमत्तरिं भंगा भवति । जइ पंचवन्ने सिय कालए य नीलए य लोहियए य हालिद्दए य सुक्किण्णए य १, सिय कालए य नीलए य लोहियए य हालिद्दए य सुक्किण्णगा य २, सिय कालए य नीलए य लोहियए य हालिद्दगा य सुक्किण्णए य ३, सिय कालए य नीलए य लोहियए य हालिद्दगा य सुक्किण्णगा य ४, सिय कालए य नीलए य लोहियगा य हालिद्दए य सुक्किण्णए य ५, सिय कालए य नीलए य लोहियगा य हालिद्दए य सुक्किण्णगा य ६, सिय कालए य नीलए य लोहियगा य हालिद्दगा य सुक्किण्णए य ७, सिय कालए य नीलगा य लोहियए य हालिद्दए य सुक्किण्णए य ८, सिय कालए य नीलगा य लोहियए य हालिद्दए य सुक्किण्णगा य ९, सिय कालगे य नीलगा य लोहियए य हालिद्दगा य सुक्किण्णगे य १०, सिय कालए य नीलगा य लोहियगा य हालिद्दए य सुक्किण्णए य ११, सिय कालगा य नीलए य लोहियए य हालिद्दए य सुक्किण्णए य १२, सिय कालगा य नीलए य लोहियए य हालिद्दए य सुक्किण्णगा य १३, सिय कालगा य नीलए य लोहियए य हालिद्दगा य सुक्किण्णए य १४, सिय कालगा य नीलए य लोहियगा य हालिद्दए य सुक्किण्णए य १५, सिय कालगा य नीलगा य लोहियए य हालिद्दए य सुक्किण्णए य १६, एए सोलस भंगा, एवं सव्वमेए एक्कगदुयगतियगचउक्कगपंचगसजोगेणं दो मोलस भंगसया भवति, गंधा जहा चउप्पएसियस्स, रसा जहा एयस्म चैव वन्ना, फासा जहा चउप्पएसियस्स ॥ अट्टपएसिए णं भंते ! खंधे० पुच्छा, गोयमा ! सिय एगवन्ने जहा सत्तपएसियस्स जाव सिय चउफासे प०, जइ एगवन्ने एवं एगवन्नदुवन्नतिवन्ना जहेव सत्तपएसिए, जइ चउवन्ने सिय कालए य नीलए य लोहियए य हालिद्दए य १, सिय कालए य नीलए य लोहियए य हालिद्दगा य २, एवं जहेव सत्तपएसिए जाव सिय कालगा य नीलगा य लोहियगा य हालिद्दगे य १५, सिय कालगा य नीलगा य लोहियगा य हालिद्दगा य १६, एए सोलस भंगा, एवमेए पंच चउक्कसंजोगा, एवमेए असीइ भंगा ८०, जइ पंचवन्ने सिय कालए य नीलए य लोहियए य हालिद्दए य सुक्किण्णए य १, सिय कालए य नीलए य लोहियए य हालिद्दए य सुक्किण्णगा य २, एवं एएणं कमेणं भंगा चा(उच्चा)रेयन्वा जाव सिय कालए य नीलगा य लोहियगा य हालिद्दगा य सुक्किण्णए य १५, एसो पन्नरसमो भंगो, सिय कालगा य नीलगे य लोहियए य हालिद्दए य सुक्किण्णए य १६, सिय कालगा य नीलगे य लोहियए य हालिद्दए य सुक्किण्णगा य

१७, सिय कालगा य नीलए य लोहियए य हालिद्गा य सुक्किळ्णे य १८, सिय कालगा य नीलगे य लोहियगे य हालिद्गा य सुक्किळ्णा य १९, सिय कालगा य नीलगे य लोहियगा य हालिद्ए य सुक्किळ्णए य २०, सिय कालगा य नीलगे य लोहियगा य हालिद्ए य सुक्किळ्णा य २१, सिय कालगा य नीलगे य लोहियगा य हालिद्गा य सुक्किळ्णे य २२, सिय कालगा य नीलगा य लोहियए य हालिद्ए य सुक्किळ्णए य २३, सिय कालगा य नीलगा य लोहियगे य हालिद्ए य सुक्किळ्णा य २४, सिय कालगा य नीलगा य लोहियगे य हालिद्गा य सुक्किळ्णए य २५, सिय कालगा य नीलगा य लोहियगा य हालिद्ए य सुक्किळ्णए य २६, एए पंचसंजोएणं छवीसं भंगा भवंति, एवामेव सपुन्वावरेण एक्कगदुयगतियगचउक्कगपंचगसजोगेहिं दो एकतीस भंगसया भवंति, गंधा जहा सत्तपएनियस्स, रसा जहा एयस्स चैव वन्ना, फासा जहा चउप्पएसियस्स ॥ नवपएसियस्स पुच्छा, गोयमा ! निय एगवन्ने जहा अट्टपएसिए जाव सिय चउफासे ५०, जइ एगवन्ने एगवन्नदुवन्नतिवन्नचउवन्ना जहेव अट्टपएसियस्स, जइ पंचवन्ने सिय कालए य नीलए य लोहियए य हालिद्ए य सुक्किळ्णए य १, सिय कालए य नीलए य लोहियए य हालिद्ए य सुक्किळ्णा य २, एवं परिवाडीए एकतीसं भंगा भाणियव्वा जाव सिय कालगा य नीलगा य लोहियगा य हालिद्गा य सुक्किळ्णए य ३, एवं एक्कगदुयगतियगचउक्कगपंचगसजोगेहिं दो छतीसा भंगसया भवंति, गंधा जहा अट्टपएसियस्स, रसा जहा एयस्स चैव वन्ना, फासा जहा चउपएनियस्स । दमपएसिए णं भंते ! त्वंधे० पुच्छा, गोयमा ! निय एगवन्ने जहा नवपएसिए जाव सिय चउफासे पन्नत्ते, जइ एगवन्ने एगवन्नदुवन्नतिवन्नचउवन्ना जहेव नवपएनियस्स, पंचवन्नेवि तहेव नवर वत्तीसइमोवि भंगो भन्नइ, एवमेए एक्कगदुयगतियगचउक्कगपंचगसजोएमु दोन्नि मत्तती(सं)सा भंगसया भवंति, गंधा जहा नवपएसियस्स, रसा जहा एयस्स चैव वन्ना, फासा जहा चउप्पएसियस्स । जहा दमपएसिओ एवं सव्वेजपएसिओवि, एवं असव्वेजपएसिओवि, सुहुमपरिणओवि अणंतपएसिओवि एवं चैव ॥ ६६.७ ॥ वायरपरिणए णं भंते ! अणंतपएसिए म्थे कइवन्ने० ? एवं जहा अट्टारसमसए जाव सिय अट्टफासे पन्नत्ते, बन्नगंधरसा जहा दसपएसियस्स, जइ चउफासे मव्वे कक्खडे सव्वे गुहए सव्वे सीए सव्वे निद्धे १, सव्वे कक्खडे सव्वे गुहए सव्वे सीए सव्वे लुक्खे २, सव्वे कक्खडे सव्वे गुहए सव्वे उस्सिणे सव्वे निद्धे ३, सव्वे कक्खडे सव्वे गुहए सव्वे उस्सिणे सव्वे लुक्खे ४, सव्वे कक्खडे सव्वे लहुए सव्वे सीए सव्वे णिद्धे ५, सव्वे कक्खडे सव्वे लहुए सव्वे सीए सव्वे लुक्खे ६, सव्वे कक्खडे सव्वे लहुए सव्वे

उत्तिणे सव्वे निद्धे ७, सव्वे कक्खडे सव्वे लहुए सव्वे उत्तिणे सव्वे लुक्खे ८, सव्वे मउए सव्वे गुरुए सव्वे सीए सव्वे निद्धे ९, सव्वे मउए सव्वे गुरुए सव्वे सीए सव्वे लुक्खे १०, सव्वे मउए सव्वे गुरुए सव्वे उत्तिणे सव्वे निद्धे ११, सव्वे मउए सव्वे गुरुए सव्वे उत्तिणे सव्वे लुक्खे १२, सव्वे मउए सव्वे लहुए सव्वे सीए सव्वे निद्धे १३, सव्वे मउए सव्वे लहुए सव्वे सीए सव्वे लुक्खे १४, सव्वे मउए सव्वे लहुए सव्वे उत्तिणे सव्वे निद्धे १५, सव्वे मउए सव्वे लहुए सव्वे उत्तिणे सव्वे लुक्खे १६, एए सोलस भंगा ॥ जइ पंचफासे सव्वे कक्खडे सव्वे गुरुए सव्वे सीए देसे निद्धे देसे लुक्खे १, सव्वे कक्खडे सव्वे गुरुए सव्वे सीए देसे निद्धे देसा लुक्खा २, सव्वे कक्खडे सव्वे गुरुए सव्वे सीए देसा निद्धा दे(सा)मे लुक्खे ३, सव्वे कक्खडे सव्वे गुरुए सव्वे सीए देसा निद्धा देसा लुक्खा ४, सव्वे कक्खडे सव्वे गुरुए सव्वे उत्तिणे देसे निद्धे देसे लुक्खे ४, सव्वे कक्खडे सव्वे लहुए सव्वे उत्तिणे देसे निद्धे देसे लुक्खे ४, एवं एए कक्खडेणं सोलस भंगा । सव्वे मउए सव्वे गुरुए सव्वे सीए देसे निद्धे देसे लुक्खे ४, एवं मउएणवि समं सोलस भंगा, एवं बत्तीसं भंगा । सव्वे कक्खडे सव्वे गुरुए सव्वे निद्धे देसे सीए देसे उत्तिणे ४, सव्वे कक्खडे सव्वे गुरुए सव्वे लुक्खे देसे सीए देसे उत्तिणे ४, एए बत्तीसं भंगा, सव्वे कक्खडे सव्वे सीए सव्वे निद्धे देसे गुरुए देसे लहुए ४, एत्यवि बत्तीसं भंगा, सव्वे गुरुए सव्वे सीए सव्वे निद्धे देसे कक्खडे देसे मउए ४, एत्यवि बत्तीसं भंगा, एवं सव्वेत्तं पंचफासे अट्टावीसं भंगसयं भवइ । जइ छप्फासे सव्वे कक्खडे सव्वे गुरुए देसे सीए देसे उत्तिणे देसे निद्धे देसे लुक्खे १, सव्वे कक्खडे सव्वे गुरुए देसे सीए देसे उत्तिणे देसे निद्धे देसा लुक्खा २, एवं जाव सव्वे कक्खडे सव्वे गुरुए देसा सीया देसा उत्तिणा देसा निद्धा देसा लुक्खा १६, एए सोलस भंगा । सव्वे कक्खडे सव्वे लहुए देसे सीए देसे उत्तिणे देसे निद्धे देसे लुक्खे एत्यवि सोलस भंगा, सव्वे मउए सव्वे गुरुए देसे सीए देसे उत्तिणे देसे निद्धे देसे लुक्खे एत्यवि सोलस भंगा, सव्वे मउए सव्वे लहुए देसे सीए देसे उत्तिणे देसे निद्धे देसे लुक्खे एत्यवि सोलस भंगा, एए चउसट्ठिं भंगा, सव्वे कक्खडे सव्वे सीए देसे गुरुए देसे लहुए देसे निद्धे देसे लुक्खे एवं जाव सव्वे मउए सव्वे उत्तिणे देसा गुरुया देसा लहुया देसा निद्धा देसा लुक्खा एत्यवि चउसट्ठिं भंगा, सव्वे कक्खडे सव्वे निद्धे देसे गुरुए देसे लहुए देसे सीए देसे उत्तिणे जाव सव्वे मउए सव्वे लुक्खे देसा गुरुया देसा लहुया देसा सीया देसा उत्तिणा

१६, एए चउसट्टि भंगा, सव्वे गुरुए सव्वे सीए देसे कक्खडे देसे मउए देसे निद्धे देसे लुक्खे एवं जाव सव्वे लहुए सव्वे उत्तिणे देसा कक्खडा देसा निद्धा देसा मउया देसा लुक्खा, एए चउसट्टि भंगा, सव्वे गुरुए सव्वे निद्धे देसे कक्खडे देसे मउए देसे सीए देसे उत्तिणे जाव सव्वे लहुए सव्वे लुक्खे देसा कक्खडा देसा मउया देसा सीया देसा उत्तिणा, एए चउसट्टि भंगा, सव्वे सीए सव्वे निद्धे देसे कक्खडे देसे मउए देसे गुरुए देसे लहुए जाव सव्वे उत्तिणे सव्वे लुक्खे देसा कक्खडा देसा मउया देसा गुरुया देसा लहुया, एवमेए चउसट्टि भंगा, सव्वे ते छप्फासे तिज्जिचउरासीया भंगनया भवंति ३८४ । जउ मत्तफासे सव्वे कक्खडे देसे गुरुए देसे लहुए देसे सीए देसे उत्तिणे देसे निद्धे देसे लुक्खे १, सव्वे कक्खडे देसे गुरुए देसे लहुए देसे सीए देसे उत्तिणे देसा निद्धा देसा लुक्खा ४, सव्वे कक्खडे देसे गुरुए देसे लहुए देसे सीए देसा उत्तिणा देसे निद्धे दे(से)सा लुक्खा ८, सव्वे कक्खडे देसे गुरुए देसे लहुए देसा सीया देसे उत्तिणे देसे निद्धे देसे लुक्खे ४, सव्वे कक्खडे देसे गुरुए देसे लहुए देसा सीया देसा उत्तिणा देसे निद्धे देसे लुक्खे, सव्वेए सोलस भंगा भाणियव्वा, सव्वे कक्खडे देसे गुरुए देसा लहुया देसे सीए देसे उत्तिणे देसे निद्धे देसे लुक्खे, एवं गुरुएणं एणत्तणं लहुएण पुहुत्तेणं एएवि सोलस भंगा, सव्वे कक्खडे देसा गुरुया देसे लहुए देसे सीए देसे उत्तिणे देसे निद्धे देसे लुक्खे एएवि सोलस भंगा भाणियव्वा, सव्वे कक्खडे देसा गुरुया देसा लहुया देसे सीए देसे उत्तिणे देसे निद्धे देसे लुक्खे एएवि सोलस भंगा भाणियव्वा, एवमेए चउसट्टि भंगा कक्खडेण समं, सव्वे मउए देसे गुरुए देसे लहुए देसे सीए देसे उत्तिणे देसे निद्धे देसे लुक्खे । एवं मउएणवि समं चउसट्टि भंगा भाणियव्वा, सव्वे गुरुए देसे कक्खडे देसे मउए देसे सीए देसे उत्तिणे देसे निद्धे देसे लुक्खे एवं गुरुएणवि समं चउसट्टि भंगा कायव्वा, सव्वे लहुए देसे कक्खडे देसे मउए देसे सीए देसे उत्तिणे देसे निद्धे देसे लुक्खे एवं लहुएणवि समं चउसट्टि भंगा कायव्वा, सव्वे सीए देसे कक्खडे देसे मउए देसे गुरुए देसे लहुए देसे निद्धे देसे लुक्खे एवं सीएणवि समं चउसट्टि भंगा कायव्वा, सव्वे उत्तिणे देसे कक्खडे देसे मउए देसे गुरुए देसे लहुए देसे निद्धे देसे लुक्खे एवं उत्तिणेणवि समं चउसट्टि भंगा कायव्वा, सव्वे निद्धे देसे कक्खडे देसे मउए देसे गुरुए देसे लहुए देसे सीए देसे उत्तिणे एवं लुक्खे देसे कक्खडे देसे मउए देसे गुरुए देसे लहुए देसे सीए देसे उत्तिणे एवं लुक्खेणवि समं चउसट्टि भंगा कायव्वा जाव सव्वे लुक्खे देसा कक्खडा देसा

मउया देसा गुख्या देसा लहुया देसा सीया देसा उसिणा, एवं सत्ताफासे पंचबार-
सुत्तरा भंगसया भवंति । जइ अट्टफासे देसे कक्खडे देसे मउए देसे गुरुए देसे
लहुए देसे सीए देसे उसिणे देसे निद्धे देसे लुक्खे ४, देसे कक्खडे देसे मउए देसे
गुरुए देसे लहुए देसे सीए देसा उसिणा देसे निद्धे देसे लुक्खे ४, देसे कक्खडे देसे
मउए देसे गुरुए देसे लहुए देसा सीया दे(सा)से उसिणे देसे निद्धे देसे लुक्खे ४,
देसे कक्खडे देसे मउए देसे गुरुए देसे लहुए देसा सीया देसा उसिणा देसे निद्धे
देसे लुक्खे ४, एए चत्तारि चउक्का सोलस भंगा, देसे कक्खडे देसे मउए देसे
गुरुए देसा लहुया देसे सीए देसे उसिणे देसे निद्धे देसे लुक्खे, एवं एए गुरुएणं
एगत्तएणं लहुएणं पोहत्तएणं सोलस भंगा कायव्वा, देसे कक्खडे देसे मउए देसा
गुरुया देसे लहुए देसे सीए देसे उसिणे देसे निद्धे देसे लुक्खे एएवि सोलस
भंगा कायव्वा, देसे कक्खडे देसे मउए देसा गुरुया देसा लहुया देसे सीए देसे
उसिणे देसे निद्धे देसे लुक्खे एएवि सोलस भंगा कायव्वा, सव्वेऽवि ते चउसट्ठिं
भंगा कक्खडमउएहिं एगत्तएहिं, ताहे कक्खडेणं एगत्तएणं मउएणं पुहत्तेणं एए चव
चउसट्ठिं भंगा कायव्वा, ताहे कक्खडेणं पुहत्तएणं मउएणं एगत्तएणं चउसट्ठिं भंगा
कायव्वा, ताहे एएहिं चव दोहिवि पुहत्तेहिं चउसट्ठिं भंगा कायव्वा जाव देसा
कक्खडा देसा मउया देसा गुख्या देसा लहुया देसा सीया देसा उसिणा देसा
निद्धा देसा लुक्खा एसो अपच्छिमो भंगो, सव्वेत्त अट्टफासे दो छप्पक्का भंगसया
भवंति । एवं एए वायरपरिणए अणंतपएसिए खंध सव्वेदु संजोएसु चारम उच्चउया
भंगसया भवंति ॥ ६६८ ॥ कइविहे णं भंते ! परमाणू प० ? गोयमा ! चउच्चिहे
परमाणू प०, तं०-दव्वपरमाणू, खेत्तपरमाणू, कालपरमाणू, भावपरमाणू, दव्व-
परमाणू णं भंते ! कइविहे प० ? गोयमा ! चउच्चिहे प०, तं०-अच्छेजे, अभेजे,
अडज्जे, अगेज्जे, खेत्तपरमाणू णं भंते ! कइविहे प० ? गोयमा ! चउच्चिहे प०,
तं०-अणोक्क, अमज्जे, अपएसे, अविभाइमे, कालपरमाणू पुच्छा, गोयमा ! चउच्चिहे
प०, तं०-अवजे, अगंधे, अरसे, अफासे, भावपरमाणू णं भंते ! कइविहे प० ६
गोयमा ! चउच्चिहे प०, तं०-वज्जमंते, गंधमंते, रसमंते, फासमंते । सेवं भंते ! २
सि जाव विहरइ ॥ ६६९ ॥ वीसहमस्स सयस्स पंचमो उहेसो समत्तो ॥

पुढविकाइए णं भंते ! इमीसे रयणप्पभाए य सक्करप्पभाए य अंतरा समोहए
समोहणित्ता जे भविए सोहम्मे कप्पे पुढविकाइयत्ताए उववज्जिताए से णं भंते ! किं
पुव्वि उववज्जिता पच्छा आहारजेजा पुव्वि आहारिता पच्छा उववजेजा ? गोयमा !
पुव्वि वा उववज्जिता एवं जहा सत्तरसमसए छट्ठेसए जाव से तेणट्ठेणं गोयमा ।

एवं वुच्चइ पुच्चि वा जाव उववज्जेजा नवरं तहिं संपाउणेजा इमेहिं आहारो भवइ
सेसं तं चेव । पुढविकाइए णं भंते । इमीमे रयणप्पभाए पुढवीए सक्करप्पभाए पुढवीए
अंतरा समोहए जे भविए ईसाणे कप्पे पुढविकाइयत्ताए उववज्जिताए एवं चेव, एवं
जाव ईसिप्पव्भाराए उववाएयव्वो । पुढविकाइए णं भंते । सक्करप्पभाए पुढवीए
वाल्लयप्पभाए पुढवीए अंतरा समोहए २ ता जे भविए सोहम्मे जाव ईसिप्पव्भाराए,
एवं एएणं कमेणं जाव तमाए अहेसत्तमाए य पुढवीए अंतरा समोहए २ ता जे
भविए सोहम्मे कप्पे जाव ईसिप्पव्भाराए उववाएयव्वो । पुढविकाइए णं भंते ।
सोहम्मीसाणाणं सणंकुमारमाहिंदाणं य कप्पाणं अंतरा समोहए २ ता जे भविए
इमीसे रयणप्पभाए पुढवीए पुढविकाइयत्ताए उववज्जिताए से णं भंते ! पुच्चि उव-
वज्जिता पच्छा आहारेजा सेम तं चेव जाव से तेणट्ठेणं जाव णिक्खिवओ । पुढ-
विकाइए णं भंते ! सोहम्मीसाणाणं सणंकुमारमाहिंदाणं य कप्पाणं अंतरा समोहए
२ ता जे भविए सक्करापभाए पुढवीए पुढविकाइयत्ताए उववज्जिताए एवं चेव, एवं
जाव अहेसत्तमाए उववाएयव्वो, एवं सणंकुमारमाहिंदाणं बंभल्लोगस्स कप्पस्स
अंतरा समोहए समोहणिता पुणरवि जाव अहेसत्तमाए उववाएयव्वो, एवं बंभलो-
गस्स लंतगस्स य कप्पस्स अंतरा समोहए पुणरवि जाव अहेसत्तमाए, एवं लंत-
गस्स महात्तकस्स कप्पस्स य अंतरा समोहए पुणरवि जाव अहेसत्तमाए, एवं
महात्तकस्स सहस्सारस्स य कप्पस्स अंतरा पुणरवि जाव अहेसत्तमाए, एवं सह-
स्सारस्स आणयपाणयकप्पाणं अंतरा पुणरवि जाव अहेसत्तमाए, एवं आणयपाण-
याणं आरणअच्चुयाणं य कप्पाणं अंतरा पुणरवि जाव अहेसत्तमाए, एवं आरणअच्चु-
याणं नेवेज्जविमाणाणं य अंतरा पुणरवि जाव अहेसत्तमाए, एवं नेवेज्जविमाणाणं
अणुत्तरविमाणाणं य अंतरा पुणरवि जाव अहेसत्तमाए, एवं अणुत्तरविमाणाणं ईसि-
प्पव्भाराणं य पुणरवि जाव अहेसत्तमाए उववाएयव्वो ॥ ६७० ॥ आउक्काइए णं
भंते ! इमीसे रयणप्पभाए य सक्करप्पभाए य पुढवीए अंतरा समोहए समोहणिता
जे भविए सोहम्मे कप्पे आउक्काइयत्ताए उववज्जिताए सेसं जहा पुढविकाइयत्तस
जाव से तेणट्ठेणं, एवं पढमाइेच्चणं अंतरा समोहओ जाव ईसिप्पव्भाराए उववाए-
यव्वो, एवं एएणं कमेणं जाव तमाए अहेसत्तमाए य पुढवीए अंतरा समोहए २
ता जाव ईसिप्पव्भाराए उववाएयव्वो आउक्काइयत्ताए, आउक्काइए णं भंते ! सोह-
म्मीसाणाणं सणंकुमारमाहिंदाणं य कप्पाणं अंतरा समोहए समोहणिता जे भविए
इमीसे रयणप्पभाए पुढवीए षणोदहिं(२)-वल्लएसु आउक्काइयत्ताए उववज्जिताए सेसं
नं चेव एवं एएहिं चेव अंतरा समोहए जाव अहेसत्तमाए पुढवीए षणोदहिवल्लएसु

आउक्काइयत्ताए उववाएयव्वो, एवं जाव अणुत्तरविमाणाणं ईसिप्पव्वभाराए पुढवीए अंतरा समोहए जाव अहेसत्तमाए घणोदहिबलएसु उववाएयव्वो ॥ ६७१ ॥ वाउक्काइए णं भंते । इमीसे रयणप्पभाए पुढवीए सक्करप्पभाए पुढवीए अंतरा समोहए समोहणिता जे भविए सोहम्मं कप्पे वाउक्काइयत्ताए उववज्जितए एवं जहा सत्तरममसए वाउक्काइयउद्दसए तहा इहवि, नवरं अंतरेसु समोहणा नेयव्वा सेसं नं चेव जाव अणुत्तरविमाणाणं ईसिप्पव्वभाराए य पुढवीए अंतरा समोहए समोह-
णिता जे भविए घणवायतणुवाए घणवायतणुवायव्वत्ताए वाउक्काइयत्ताए उववज्जितए सेसं तं चं व जाव से तेणुत्तरेणं जाव उववज्जेजा । सेव भंते । २ ति ॥ ६७२ ॥
वीसइमस्स सयस्स छट्ठो उद्दसो समत्तो ॥

कइविहे णं भंते ! बंधे प० ? गोयमा ! तिविहे बंधे प०, तं०-जीवप्पओगबंधे, अणंतरबंधे, परंपरबंधे । नेरइयाणं भंते ! कइविहे बंधे प० ? एवं चेव, एवं जाव वेमाणियाणं । नाणावरणिज्जस्स णं भंते ! कम्मस्स कइविहे बंधे प० ? गोयमा ! तिविहे बंधे प०, तं०-जीवप्पओगबंधे, अणंतरबंधे, परंपरबंधे, नेरइयाणं भंते ! नाणावरणिज्जस्स कम्मस्स कइविहे बंधे प० ? एवं चेव, एवं जाव वेमाणि-
याणं, एवं जाव अतराइयस्स । नाणावराणजोइयस्स णं भंते ! कम्मस्स कइविहे बंधे प० ? गोयमा ! तिविहे बंधे प० एवं चेव, एवं नेरइयाणवि एवं जाव वेमाणियाणं, एवं जाव अतराइयउद्दयस्स, इत्थीवेयस्स णं भंते ! कइविहे बंधे प० ? गोयमा ! तिविहे बंधे प० एवं चेव, असुरकुमाराणं भंते ! इत्थीवेयस्स कइविहे बंधे प० ? गोयमा ! तिविहे बंधे प० एवं चेव, एवं जाव वेमाणियाणं, नवरं जस्स इत्थिवेदो अत्थि, एवं पुरिसवेयस्सवि, एवं नपुंसगवेयस्सवि जाव वेमाणियाणं, नवरं जस्स जो अत्थि वेदो, दंसणमाहणिज्जस्स णं भंते ! कम्मस्स कइविहे बंधे प० ? एवं चेव निरंतरं जाव वेमाणियाणं, एवं चरित्तमोहणिज्जस्सवि जाव वेमाणियाणं, एवं एएणं कमेणं ओरालियसरोरस्स जाव कम्मगसरोरस्स, आहारस्सचाए जाव परिग्गहत्तण्णाए, रुण्हत्तेस्साए जाव मुक्कत्तेस्साए, सम्मदिट्ठीए ण्मच्छादिट्ठीए सम्माण्मच्छादिट्ठीए, आभि-
णिबोहियणाणस्स जाव केवल्लणाणस्स, मइअन्नाणस्स सुयअन्नाणस्स विभंगणाणस्स, एवं आभिणिबोहियणाणविसयस्स णं भंते ! कइविहे बंधे प० जाव केवल्लणाणवि-
यस्स मइअन्नाणविसयस्स सुयअन्नाणविसयस्स विभंगणाणविसयस्स एएसिं सव्वेसिं पयागं तिविहे बंधे प०, सव्वेते चउब्बीसं दंडगा भाणियव्वा, नवरं जाणियव्वं जस्स जइ अत्थि जाव वेमाणियाणं भंते ! विभगणाणविसयस्स कइविहे बंधे प० ? गोयमा ! तिविहे बंधे प०, तं०-जीवप्पओगबंधे, अणंतरबंधे, परंपरबंधे, सेवं भंते ! २ ति जाव विहरइ ॥ ६७३ ॥ **वीसइमस्स सयस्स सत्तमो उद्दसो समत्तो ॥**

कइ णं भंते ! कम्मभूमीओ प० ? गोयमा ! पन्नरस कम्मभूमीओ प०, तं०-पंच भरहाई, पंच एरवयाई, पंच महाविदेहाई, कइ णं भंते ! अकम्मभूमीओ प० ? गोयमा ! तीसं अकम्मभूमीओ प०, तं०-पंच हेमवयाई, पंच हे(ए)रन्नवयाई, पंच हरि-वासाई, पंच रम्मगवासाई, पंच देवकुराई, पंच उत्तरकुराई, एयासु णं भंते ! तीसासु अकम्मभूमीसु अत्थि उस्सप्पिणीइ वा ओसप्पिणीइ वा ? णो इणट्ठे समट्ठे, एएसु णं भंते ! पंचसु भरहेसु पंचसु एरवएसु अत्थि उस्सप्पिणीइ वा ओसप्पिणीइ वा ? हंता अत्थि, एएसु णं पंचसु महाविदेहेसु०, णेवत्थि उस्सप्पिणी नेवत्थि ओस-प्पिणी अवाट्ठिए णं तत्थ काले प० समणाउमो ! ॥ ६७४ ॥ एएसु णं भंते ! पंचसु महाविदेहेसु अरिहंता भगवंतो पंचमहव्वइयं सपडिक्कमणं धम्मं पन्नवयंति ? णो इणट्ठे समट्ठे, एएसु णं पंचसु भरहेसु पंचसु एरवएसु पु(रिम)रच्छिमप(च)च्छिमगा दुवे अरिहंता भगवंतो पंचमहव्वइयं पंचाणुव्वइयं सपडिक्कमणं धम्मं पन्न(वै)वयंति, अवसेसा णं अरिहंता भगवंतो चाउज्जामं धम्मं पन्नवयति, एएसु णं पंचसु महावि-देहेसु अरिहंता भगवंतो चाउज्जामं धम्मं पन्नवयति । जंबुद्वीवे णं भंते ' दीवे भारहे वासे इमीसे ओसप्पिणीए कइ तित्थगरा पन्नता ! गोयमा ! चउव्वीसं तित्थगरा पन्नता, तंजहा-उसअजियसभवअभिनंदणसुमइत्तापभसुपाभरासिपुष्फंनसीयलसे-जंसवासुपुज्जविमलअणतधम्मसतिकुंथुअरमत्तिमु णिसुव्वगनभिनंमिपासावड्डमाणा २४ ॥ ६७५ ॥ एएसु णं भंते ! चउवीसाए तित्थगराणं कइ जिणंतरा प० ? गोयमा ! तेवीसं जिणंतरा प० । एएसु णं भंते ! तेवीसाए जिणंतरेसु कस्स कहिं कालिय-सुयस्स वोच्छेदे प० ? गोयमा ! एएसु णं तेवीसाए जिणंतरेसु पुरिमपाच्छमएसु अट्ठसु २ जिणंतरेसु एत्थ णं कालियसुयस्स अवाच्छेदे प०, मज्झिमएसु सत्तसु जिणंतरेसु एत्थ णं कालियसुयस्स वोच्छेदे प०, मव्वत्थवि णं वोच्छेत्थे दिट्ठिवाए ॥ ६७६ ॥ जंबुद्वीवे णं भंते ! दीवे भारहे वासे इमीसे ओसप्पिणीए देवाणुप्पियाणं केवइयं कालं पुव्वगए अणु(सि)सज्जिस्सइ ? गोयमा ! जंबुद्वीवे णं दीवे भारहे वासे इमीसे ओसप्पिणीए ममं एगं वाससइस्सं पुव्वगए अणुसज्जिस्सइ, जहा णं भंते ! जंबुद्वीवे दीवे भारहे वासे इमीसे ओसप्पिणीए देवाणुप्पियाणं एगं वाससइस्सं पुव्वगए अणुसज्जिस्सइ तहा णं भंते ! जंबुद्वीवे दीवे भारहे वासे इमीसे ओसप्पिणीए अवसे-माणं तित्थगराणं केवइयं कालं पुव्वगए अणुसज्जिस्सइ ? गोयमा ! अत्थेगइयाणं सखेजं कालं अत्थेगइयाणं असंखेजं कालं ॥ ६७७ ॥ जंबुद्वीवे णं भंते ! दीवे भारहे वासे इमीसे ओसप्पिणीए देवाणुप्पियाणं केवइयं कालं तित्थे अणुसज्जिस्सइ ? गोयमा ! जंबुद्वीवे दीवे भारहे वासे इमीसे ओसप्पिणीए ममं एगवीसं वाससइस्साई

तित्थे अणुसज्जिस्सइ ॥ ६७८ ॥ जहा णं भंते ! जंबुद्वीवे वीवे भारहे वासे इमीसे ओसप्पिणीए देवाणुप्पियाणं एकवीसं वाससहस्साइं तित्थे अणुसिज्जिस्सइ तहा णं भंते ! जंबुद्वीवे वीवे भारहे वासे आगमेस्साणं चरिमतिदथगरस्स केवइयं कालं तित्थे अणुसज्जिस्सइ ? गोयमा ! जावडए णं उसभस्स अरइओ कोसलियस्स जिणपरियाए एवइयाइं संखेज्जाइं आगमेस्साणं चरिमतिदथगरस्स तित्थे अणुसज्जिस्सइ ॥ ६७९ ॥ तित्थं भंते ! ति(त्थे)त्थं नित्थगरे तित्थं ? गोयमा ! अरहा ताव नियमं तित्थगरे, तित्थं पुण चाउवन्नाइंअ समणसघे, तं०-समणा समणीओ सावगा सावियाओ ॥ ६८० ॥ पवयणं भंते ! पवयणं पावयणी पवयणं ? गोयमा ! अरहा ताव नियमं पावयणी, पवयणं पुण दुवालसगे गणिपिडगे, तं०-आयारो जाव दिट्ठिवाओ ॥ जे इमे भंते ! उरगा भोगा गइजा इन्खागा नाया कोरव्वा एए णं अस्सि धम्ममे ओगाहंति अस्सि० २ ता अट्ठविहं कम्मरथमलं पवाहेति पवाहिता तओ पच्छा सिज्जंति जाव अंनं करेति ? इता गोयमा ! जे इमे उरगा भोगा नं चेव जाव अंतं करेति, अत्थेगइया अन्नयरेसु देवलोएसु देवत्ताए उववत्तारो भवंति । कइविहा णं भंते ! देवलोया प० ? गोयमा ! चउव्विहा देवलोया प०, तं०-भवणवासी, वाणमंतरा, जोइसिया, वेमाणिया । सेवं भंते ! २ ति ॥ ६८१ ॥ वीसइमे सए अट्ठमो उइसो समत्तो ॥

कइविहा णं भंते ! चारणा प० ? गोयमा ! दुविहा चारणा प०, नंजहा-विजा-चारणा य जंचाचारणा य, से केणट्ठेणं भंतं ! एवं बुब्बइ विजाचारणा विजाचारणा ? गोयमा ! तस्स णं छट्ठंछट्ठेणं अनिक्खत्तेणं तवोक्कम्भेणं विजाए उत्तरगुणलद्धि खममाणस्स विजाचारणलद्धी नामं लद्धी समुप्पज्जइ, से तेणट्ठेणं जाव विजाचा-रणा २, विजाचारणस्स णं भंते ! कइं सीहा गइं कइं सीहे गइं विसए पण्णत्ते ? गोयमा ! अयसं जंबुद्वीवे वीवे जाव किंचिविसेसाहिए परिक्खेवेणं देवे णं महिद्धिए जाव महेसक्खे जाव इणामेवत्तिकट्टु कवलकल्पं जंबुद्वीवं वीवं तिहिं अच्छरानिवाएहिं तिक्खुत्तो अणुपरियाट्ठिताणं इव्वमागच्छेज्जा, विजाचारणस्स णं गोयमा ! तहा सीहा गइं तहा सीहे गइं विसए पण्णत्ते । विजाचारणस्स णं भंते ! तिरियं केवइए गइं विसए पण्णत्ते ? गोयमा ! से णं इओ एगेणं उप्पाएणं माणुसुतरे पव्वए समो-सरणं करेइ करेत्ता बिइएणं उप्पाएणं नंदीसरवरे वीवे समोसरणं करेइ करेत्ता तओ पडिनियत्तइ २ ता इहमागच्छइ, विजाचारणस्स णं गोयमा ! तिरियं एवइए गइं विसए पण्णत्ते, विजाचारणस्स णं भंते ! उट्ठं केवइए गइं विसए पण्णत्ते ? गोयमा ! से णं इओ एगेणं उप्पाएणं नंदणवणे समोसरणं करेइ करेत्ता बिइएणं उप्पाएणं पंडगवणे समोसरणं करेइ करेत्ता तओ पडिनियत्तइ २ ता इहमागच्छइ,

विज्ञाचारणस्स णं गोयमा ! उद्धं एवइए गइविसए पण्णते, से णं तस्स टाणस्स अणालोइयपडिक्कंते कालं करेइ नत्थि तस्स आराहणा, से णं तस्स टाणस्स आलोइयपडिक्कंते कालं करेइ अत्थि तस्स आराहणा ॥६८२॥ मे केणट्ठेणं भंते ! एवं वुच्चइ जंघाचार(णं)गा २ ? गोयमा ! तस्स णं अट्ठमंअट्ठमेणं अनिक्खित्तणं तवोकम्मैगं अप्पाणं भावेमाणस्स जंघाचारणलद्धी नामं लद्धी समुप्पज्जइ, से तेणट्ठेयं जाव जंघाचारणा २, जंघाचारणस्स णं भंते ! कइं सीहा गइं कइं सीहे गइविसए पण्णते ? गोयमा ! अयन्नं जंबुहीवे दीवे एवं जहेव विज्ञाचारणस्स नवरं तिसत्तखुत्तो अणुपरियट्ठिणाणं हव्वमागच्छेज्जा, जंघाचारणस्स णं गोयमा ! तहा सीहा गइं तहा सीहे गइविसए पण्णते सेसं तं चेव । जंघाचारणस्स णं भंते ! तिरियं केवइए गइविसए पण्णते ? गोयमा ! से णं इओ एगेणं उप्पाएणं रुयगवरे दीवे समोसरणं करेइ करेत्ता तओ पडिनियत्तमाणे बिइएणं उप्पाएणं नंदीसरवर-दीवे समोसरणं करेइ करेत्ता इह(हव्व)मागच्छइ । जंघाचारणस्स णं गोयमा ! तिरियं एवइए गइविसए पण्णते, जंघाचारणस्स णं भंते ! उद्धं केवटए गइविसए पण्णते ? गोयमा ! से णं इओ एगेणं उप्पाएणं पंडगवणे समोसरणं करेइ करेत्ता तओ पडिनियत्तमाणे बिइएणं उप्पाएणं नंदगवणे समोसरणं करेइ करेत्ता इहमागच्छइ, जंघा-चारणस्स णं गोयमा ! उद्धं एवइए गइविसए पण्णते, णं तस्स टाणस्स अणालोइयपडिक्कंते कालं करेइ नत्थि तस्स आराहणा, से णं तस्स टाणस्स आलोइयपडिक्कंते कालं करेइ अत्थि तस्स आराहणा, सेवं भंते ! सेवं भंते ! नि जाव विहरइ ॥ ६८३ ॥ वीम्मइमे स्सए नचमो उट्ठेसो स्सत्तो ॥

जीवा णं भंते ! किं गोवक्कमाउया निरुक्कमाउया ? गोयमा ! जीवा मोवक्कमा-उयावि निरुक्कमाउयावि, नेरइयाणं पुरुद्धा, गोयमा ! नेरइया नो मोवक्कमाउया निरुक्कमाउया, एवं जाव धणियकुमारा, पुडविकाउया जहा जीवा, एवं जाव मणुस्सा, वाणमेनरजोडसियवेमाणिया जहा नेरइया ॥६८४॥ नेरइया णं भंते ! किं आओवक्कमेणं उववजंति, परोवक्कमेणं उववजंति, निरुक्कमेणं उववजंति ? गोयमा ! आओवक्कमेणवि उववजंति, परोवक्कमेणवि उववजंति, निरुक्कमेणवि उववजंति, एवं जाव वेनाणिया णं । नेरइया णं भंते ! किं आओवक्कमेणं उववटंति, परोवक्क-मेणं उववटंति, निरुक्कमेणं उववटंति ? गोयमा ! नो आओवक्कमेणं उववटंति, नो परोवक्कमेणं उववटंति, निरुक्कमेणं उववटंति, एवं जाव धणियकुमारा, पुडविकाउया जाव मणुस्सा तिमु उववटंति, सेसा जहा नेरइया नवरं जोडसियवेमाणिया चयंति ॥ नेरइया णं भंते ! किं आ(य)इद्धीए उववजंति परिद्धीए उववजंति ? गोयमा ! आइद्धीए

उव्वज्जंति नो परिह्वीए उव्वज्जंति, एवं जाव वेमाणिया णं । नेरइया णं भंते ! किं आइह्वीए उव्वज्जंति परिह्वीए उव्वज्जंति ? गोयमा । आइह्वीए उव्वज्जंति नो परिह्वीए उव्वज्जंति, एवं जाव वेमाणिया, नवरं जोइसियवेमाणिया चयंतीति अभिलावो । नेरइया णं भंते ! किं आयकम्मुणा उव्वज्जंति परकम्मुणा उव्वज्जंति ? गोयमा । आयकम्मुणा उव्वज्जंति नो परकम्मुणा उव्वज्जंति, एवं जाव वेमाणिया, एवं उव्वट्टणादंडओवि । नेरइया णं भंते ! किं आयप्पओगेणं उव्वज्जंति परप्पओगेणं उव्वज्जंति ? गोयमा । आयप्पओगेणं उव्वज्जंति नो परप्पओगेणं उव्वज्जंति, एवं जाव वेमाणिया, एवं उव्वट्टणादंडओवि ॥ ६८५ ॥ नेरइया णं भंते ! किं कइसंचिया अकइसंचिया अव्वत्त(व्व)गसंचिया ? गोयमा । नेरइया कइसंचियावि अकइसंचियावि अव्वत्तगसंचियावि, सं केणट्टेणं जाव अव्वत्तगसंचियावि ? गोयमा । जे णं नेरइया सखेज्जएणं पवेसणएणं पविसंति ते णं नेरइया कइसंचिया, जे णं नेरइया असखेज्जएणं पवेसणएणं पविसंति ते णं नेरइया अकइसंचिया, जे णं नेरइया एक्कएणं पवेसणएणं पविसंति ते णं नेरइया अव्वत्तगसंचिया, मे तेणट्टेणं गोयमा । जाव अव्वत्तगसंचियावि, एवं जाव थण्णधकुमार, पुटविकाइयाणं पुच्छा, गोयमा । पुटविकाइया नो कइसंचिया अकइसंचिया नो अव्वत्तगसंचिया, सं केणट्टेणं भंते ! एवं बुच्चइ जाव नो अव्वत्तगसंचिया ? गोयमा । पुटविकाइया असखेज्जएणं पवेसणएणं पविसंति से तेणट्टेणं जाव नो अव्वत्तगसंचिया, एवं जाव वणस्सइकाइया, बेइदिया जाव वेमाणिया जहा नेरइया, सिद्धाणं पुच्छा, गोयमा । सिद्धा कइसंचिया नो अकइसंचिया अव्वत्त(व्व)गसंचियावि, सं केणट्टेणं भंते ! जाव अव्वत्तगसंचियावि ? गोयमा । जे णं सिद्धा संखेज्जएणं पवेसणएणं पविसंति ते णं सिद्धा कइसंचिया, जे णं सिद्धा एक्कएणं पवेसणएणं पविसंति ते णं सिद्धा अव्वत्तगसंचिया, सं तेणट्टेणं गोयमा । जाव अव्वत्तगसंचियावि ॥ एएसि णं भंते ! नेरइयाणं कइसंचियाणं अकइसंचियाणं अव्वत्तगसंचियाणं य कयरे २ जाव विसेसाहिया वा ? गोयमा । सव्वत्थोवा नेरइया अव्वत्तगसंचिया, कइसंचिया सखेज्जगुणा, अकइसंचिया असखेज्जगुणा, एवं एण्णदियवज्जाणं जाव वेमाणियाणं अप्पाबहुणं, एण्णदियाणं नत्थि अप्पाबहुणं । एएसि णं भंते ! सिद्धाणं कइसंचियाणं अव्वत्तगसंचियाणं य कयरे २ जाव विसेसाहिया वा ? गोयमा । सव्वत्थोवा सिद्धा कइसंचिया, अव्वत्तगसंचिया संखेज्जगुणा ॥ नेरइया णं भंते ! किं छक्कसमज्जिया १, नोछक्कसमज्जिया २, छक्केणं य नोछक्केणं य समज्जिया ३, छक्केहिं य समज्जिया ४, छक्केहिं य नोछक्केणं य समज्जिया ५ ? गोयमा । नेरइया छक्कसमज्जियावि १, नोछक्कसमज्जियावि २, छक्केणं य नोछक्केणं य समज्जियावि ३,

छक्केहिं समज्जियावि ४, छक्केहि य नोछक्केण य समज्जियावि ५, से केणट्टेणं भंते ! एवं बुच्च नेरइया छक्कसमज्जियावि जाव छक्केहि य नोछक्केण य समज्जियावि ? गोयमा ! जे णं नेरइया छक्कएणं पवेसणएणं पविसंति ते णं नेरइया छक्कसमज्जिया १, जे णं नेरइया जहजेणं एक्केण वा दोहिं वा तिहिं वा उक्कोसेणं पंचएण पवेसणएणं पविसंति ते णं नेरइया नोछक्कसमज्जिया २, जे णं नेरइया एगेणं छक्कएणं अन्नेण य जहजेणं एक्केण वा दोहिं वा तिहिं वा उक्कोसेणं पंचएणं पवेसणएणं पविसंति ते णं नेरइया छक्केण य नोछक्केण य समज्जिया ३, जे णं नेरइया अणेगेहिं छक्केहिं पवेसणएणं पविसंति ते णं नेरइया छक्केहिं समज्जिया ४, जे णं नेरइया अणेगेहिं छक्केहिं अण्णेण य जहजेणं एक्केण वा दोहिं वा तिहिं वा उक्कोसेणं पंचएण पवेसणएणं पविसंति ते णं नेरइया छक्केहिं य नोछक्केण य समज्जिया ५, से तेणट्टेणं नं चव जाव समज्जियावि, एवं जाव थणियकुमारा । पुढविकाइयाणं पुच्छा, गोयमा ! पुढविकाइया नो छक्कसमज्जिया १, नो नोछक्कसमज्जिया २, णो छक्केण य नोछक्केण य समज्जिया ३, छक्केहिं समज्जियावि ४, छक्केहि य नोछक्केण य समज्जियावि ५, से केणट्टेणं भंते ! जाव समज्जियावि ? गोयमा ! जे णं पुढविकाइया णेगेहिं छक्कएहिं पवेसणगं पविसंति ते णं पुढविकाइया छक्केहिं समज्जिया, जे णं पुढविकाइया णेगेहिं छक्कएहिं अन्नेण य जहजेणं एक्केण वा दोहिं वा तिहिं वा उक्कोसेणं पंचएणं पवेसणएणं पविसंति ते णं पुढविकाइया छक्केहिं य नोछक्केण य समज्जिया, से तेणट्टेणं जाव समज्जियावि, एवं जाव वणस्सइकाइया, बेईदिया जाव वेमाणिया सिद्धा एए जहा नेरइया । एएणि णं भंते ! नेरइयाणं छक्कसमज्जियाणं नोछक्कसमज्जियाणं छक्केण य नोछक्केण य समज्जियाणं छक्केहिं य समज्जियाणं छक्केहि य नोछक्केण य समज्जियाणं य कयरे २ जाव विसेसाहिया वा ? गोयमा ! सब्बत्थोवा नेरइया छक्कसमज्जिया, नोछक्कसमज्जिया संखेज्जगुणा, छक्केण य नोछक्केण य समज्जिया संखेज्जगुणा, छक्केहि य समज्जिया असंखेज्जगुणा, छक्केहि य नोछक्केण य समज्जिया संखेज्जगुणा, एवं जाव थणियकुमारा । एएस्ति णं भंते ! पुढविकाइयाणं छक्केहिं समज्जियाणं छक्केहि य नोछक्केण य समज्जियाणं कयरे २ जाव विसेसाहिया वा ? गोयमा ! सब्बत्थोवा पुढविकाइया छक्केहिं समज्जिया, छक्केहि य नोछक्केण य समज्जिया संखेज्जगुणा, एवं जाव वणस्सइकाइयाणं, बेईदियाणं जाव वेमाणियाणं जहा नेरइयाणं । एएस्ति णं भंते ! सिद्धाणं छक्कसमज्जियाणं नोछक्कसमज्जियाणं जाव छक्केहि य नोछक्केण य समज्जियाणं य कयरे २ जाव विसेसाहिया वा ? गोयमा ! सब्बत्थोवा सिद्धा छक्केहि य नोछक्केण य समज्जिया, छक्केहिं समज्जिया संखेज्जगुणा, छक्केण य नोछक्केण य सम-

जिया संखेजगुणा, छक्कसमजिया संखेजगुणा, नोछक्कसमजिया संखेजगुणा । नेर-
इया णं भंते । किं बारससमजिया १, नोबारससमजिया २, बारसएण य नोबारस-
एण य समजिया ३, बारसएहिं समजिया ४, बारसएहि य नोबारसएण य समजिया
५ ! गोयमा ! नेरइया बारससमजियावि जाव बारसएहि य नोबारसएण य सम-
जियावि, से केणट्टेणं भंते ! एवं जाव समजियावि ? गोयमा ! जे णं नेरइया बार-
सएणं पवेसणएणं पविसंति ते णं नेरइया बारससमजिया १, जे णं नेरइया जह-
अणं एक्केण वा दोहिं वा तिहिं वा उक्कोसेणं एकारसएणं पवेसणएणं पविसंति ते णं
नेरइया नोबारससमजिया २, जे णं नेरइया बारसएणं पवेसणएणं अज्जेण य जह-
अणं एक्केण वा दोहिं वा तिहिं वा उक्कोसेणं एकारसएणं पवेसणएणं पविसंति ते णं
नेरइया बारसएण य नोबारसएण य समजिया ३, जे णं नेरइया णेगेहिं बारसएहिं
पवेसणं पविसंति ते णं नेरइया बारसएहिं समजिया ४, जे णं नेरइया णेगेहिं
बारसएहिं अज्जेण य जहअणं एक्केण वा दोहिं वा तिहिं वा उक्कोसेणं एकारसएणं
पवेसणएणं पविसंति ते णं नेरइया बारसएहिं य नोबारसएण य समजिया ५, से
तेणट्टेणं जाव समजियावि, एवं जाव थणियकुमारा, पुढविकाइयाणं पुच्छा,
गोयमा ! पुढविकाइया नो बारससमजिया १, नो नोबारससमजिया २, नो बारस-
एण य नोबारसएण य समजिया ३, बारसएहिं समजिया ४, बारसएहि य नो बार-
सएण य समजियावि ५, से केणट्टेणं भंते ! जाव समजियावि ? गोयमा ! जे णं पुढ-
विकाइया णेगेहिं बारसएहिं पवेसणं पविसंति ते णं पुढविकाइया बारसएहिं सम-
जिया, जे णं पुढविकाइया णेगेहिं बारसएहिं अज्जेण य जहअणं एक्केण वा दोहिं वा
तिहिं वा उक्कोसेणं एकारसएणं पवेसणएणं पविसंति ते णं पुढविकाइया बारसएहिं य
नोबारसएण य समजिया, से तेणट्टेणं जाव समजियावि, एवं जाव वणस्सइकाइया,
वेइंदिया जाव सिद्धा जहा नेरइया । एएसि णं भंते । नेरइयाणं बारससमजियाणं०
मव्वेमि अप्पाबहुयं जहा छक्कसमजियाणं नवरं बारसाभिलावो सेसं तं चव १ नेर-
इया णं भंते । किं चुलसीइसमजिया १, नोचुलसीइसमजिया २, चुलसीइए य
नोचुलसीइए य समजिया ३, चुलसीइहिं समजिया ४, चुलसीइहि य नोचुलसीइए
य समजिया ५ ! गोयमा ! नेरइया चुलसीइसमजियावि जाव चुलसीइहि य
नोचुलसीइए य समजियावि, से केणट्टेणं भंते ! एवं बुच्चइ जाव समजियावि ?
गोयमा ! जे णं नेरइया चुलसी(इ)इएणं पवेसणएणं पविसंति ते णं नेरइया चुलसीइ-
समजिया १, जे णं नेरइया जहअणं एक्केण वा दोहिं वा तिहिं वा उक्कोसेणं वेडीइ-
पवेसणएणं पविसंति ते णं नेरइया नोचुलसीइसमजिया २, जे णं नेरइया चुलसी-

इएणं अजेण य जहजेणं एक्केण वा दोहिं वा तिहिं वा उक्कोसेणं तेसीइएणं पवे-
सणएणं पविसंति ते णं नेरइया चुलसीइए य नोचुलसीइए य समज्जिया ३, जे णं
नेरइया णेगेहिं चुलसीइएहिं पवमणणं पविसंति ते णं नेरइया चुलसीइ(ए)हिं सम-
ज्जिया ४, जे णं नेरइया णेगेहिं चुलसीइएहिं अजेण य जहजेणं एक्केण वा जाव
उक्कोसेणं तेसीइएणं जाव पविसति ते णं नेरइया चुलसीइहिं य नोचुलसीइए य
समज्जिया ५, से तेणट्टेण जाव समज्जियावि, एवं जाव थणियकुमारा, पुढविकाइया
तहेव पच्छिइएहिं दोहिं २ नवरं अभिलावो चुलसीइओ भंगो एवं जाव वणस्सइ-
काइया, वेइंदिआ जाव वेमाणिया जहा नेरइया । सिद्धाणे पुच्छा, गोयमा ! सिद्धा
चुलसीइसमज्जियावि १, नोचुलसीइसमज्जियावि २, चुलसीइए य नोचुलसीइए य
समज्जियावि ३, नो चुलसीइहिं समज्जिया ४, नो चुलसीइहिं य नोचुलसीइए य सम-
ज्जिया ५, से केणट्टेणं भंते ! जाव समज्जिया ? गोयमा ! जे णं सिद्धा चुलसीइएणं
पवसणएणं पविसंति ते णं सिद्धा चुलसीइसमज्जिया, जे णं सिद्धा जहजेणं एक्केण वा
दोहिं वा तिहिं वा उक्कोसेणं तेसीइएणं पवमणएणं पविसंति ते णं सिद्धा नोचुलसी-
इसमज्जिया, जे णं सिद्धा चुलसीइएणं अजेण य जहजेणं एक्केण वा दोहिं वा तिहिं
वा उक्कोसेणं तेसीइएणं पवसणएणं पविसति ते णं सिद्धा चुलसीइए य नोचुलसीइए
य समज्जिया, से तेणट्टेणं जाव समज्जिया । एएसि णं भंते ' नेरइयाणं चुलसीइस-
मज्जियाणं नोचुलसीइसमज्जियाणं ० सव्वेवांनि अप्पावट्ठणं जहा छक्कममज्जियाणं जाव
वेमाणियाणं, नवरं अभिलावो चुलसीइओ । एएसि णं भंते ! सिद्धाणं चुलसीइसम-
ज्जियाणं नोचुलसीइसमज्जियाणं चुलसीइए य नोचुलसीइए य समज्जियाणं कथरे २
जाव विसेसाहिया वा ? गोयमा ! सव्वन्थोवा सिद्धा चुलसीइए य नोचुलसीइए य
समज्जिया, चुलसीइसमज्जिया अणंतगुणा, नोचुलसीइसमज्जिया अणंतगुणा । सेवं
भंते ' २ ति जाव विहरड ॥ ६८६ ॥ वीसइमस्स मयस्स दसमो उहेसो
समत्तो ॥ वीसइमं सयं समत्तं ॥ २० ॥

सान्नि कल अयमि वंसं इक्खू दब्भे य अब्भ तुलसी य । अट्टेण दस वग्गा
असीड पुण होति उदेमा ॥ १ ॥ रायगिहे जाव एवं वयासी-अइ भंते ! साली वीही
गोधूम जाव जवजवाणं एएसि णं भंते ! जे जीवा मूलत्ताए वक्कमंति ते णं भंते । जीवा
कओंहिनो उववज्जति किं नेरइएहितो उववज्जति तिरि० मणु० देवेहिंनो० जहा
वक्कंतीए तहेव उववाओ नवरं देववज्जं, ते णं भंते ! जीवा एणसमएणं केवइया उव-
वज्जति ? गोयमा ! जहजेणं एको वा दो वा तिहिं वा उक्कोसेणं संखेज्जा वा असंखेज्जा
वा उववज्जति, अवदारो जहा उप्पल्लुहेसए, तेसि णं भंते ! जीवाणं केमहालिया सरी-

रोगाहणा प० ? गोयमा ! जह्वेणं अंगुलस्स असंखेज्जभागं उक्कोसेणं घणुहपुहुत्तं, ते णं भंते ! जीवा नाणावरणिज्जस्स कम्मस्स किं बंधगा अबंधगा ? तहेव जहा उप्पल्लहेसए, एवं वेदवि उदएवि उदीरणाएवि । ते णं भंते ! जीवा किं कण्हलेस्सा नीललेस्सा काउलेस्सा छवीसं भंगा, दिट्ठी जाव ईदिया जहा उप्पल्लहेसए, ते णं भंते ! साली वीही गोधूम जाव जवजवगमूलगजीवे कालओ केवच्चिरं होइ ? गोयमा ! जह्वेणं अंतोमुहुत्तं उक्कोसेणं असंखेज्जं कालं ॥ से णं भंते ! साली वीही गोधूम जाव जवजवगमूलगजीवे पुट्टवीजीवे पुणरवि साली वीही जाव जवजवगमूलगजीवेणि केवउयं कालं सेवेज्जा केवउयं कालं गउगग्ग करेज्जा ? एवं जहा उप्पल्लहेसए, एएणं आभलावेणं जाव मणुस्सजीवे, आहागे जहा उप्पल्लहेसं ठिइं जह्वेणं अंतोमुहुत्तं उक्कोसेणं वासपुहुत्तं, रामुग्घायगमोहया उव्वइणा य जहा उप्पल्लहेसे । अह भंते ! सव्वपाणा जाव सव्वमत्ता साली वीही जाव जवजवगमूलगजीवत्ताए उववन्नपुव्वा ? हंता गोयमा ! अगईं अदुवा अणंतवुत्तां । सेवं भंते ! २ ति ॥ ६८७ ॥ एगवीसहमे सए पढमवगस्स पढमो उहेसो समत्तो ॥२१-१-१ ॥

अह भंते ! साली वीही जाव जवजवाणं एएणि णं जे जीवा कंदत्ताए वक्कमंति ते णं भंते ! जीवा कओहिती उववज्जंति एवं कंशदिगारेण गो चं व मल्लहंसो अपरिसेसं भाणियव्वो जाव असईं अदुवा अणंतवुत्तां, सेवं भंते ! २ ति (२१-१-२) एवं स्वधेवि उहेसओ णेयव्वो (२१-१-३) एवं तयाएवि उहेसो भाणियव्वो (२१-१-४) सालेवि उहेसो भाणियव्वो (२१-१-५) पवालवि उहेसो भाणियव्वो (२१-१-६) पत्तेवि उहेसो भाणियव्वो (२१-१-७) एए मत्तवि उहेसगा अपरिसेसं जहा मल्ले तहा णेयव्वा । एवं पुप्फेवि उहेसओ णवर देवो उववज्जइ जहा उप्पल्लहेसे चत्तारि लेस्साओ असीउ भंगा ओगाहणा जह्वेणं अंगुलस्स असंखेज्जभागं उक्कोसेणं अंगुलपुहुत्तं सेसं तं वेव, सेवं भंते ! २ ति (२१-१-८) जहा पुप्फे एवं फलेवि उहेसओ अपरिसेसो भाणियव्वो (२१-१-९) एवं बीएवि उहेसओ (२१-१-१०) एए दत्त उहेसगा ॥ पढमो वग्गो समत्तो ॥ २१-१ ॥ अह भंते ! कउायममूर्तिलमुग्गमासनिष्कावपुल्लत्थआलिसंदगसउणपल्लिमंथगाणं एएणि णं जे जीवा मूलत्ताए वक्कमंति ते णं भंते ! जीवा कओहिती उववज्जंति ? एवं मूलादीया दस उहेसगा भाणियव्वा जहेव सालीणं णिरवसेसं तहेव ॥ चिइओ वग्गो समत्तो ॥ २१-२ ॥ अह भंते ! अयमिक्कुमुंभक्कोइवकंगुरालगुवरीभोइसासणसरिसवमूलगवीयाणं एएणि णं जे जीवा मूलत्ताए वक्कमंति ते णं भंते ! जीवा कओहिती उववज्जंति ? एवं तत्थवि मूलाधीयां दस उहेसगा जहेव सालीणं णिरवसेसं तहेव भाणि-

यत्वं ॥ तद्भो वग्गो समत्तो ॥ २१-३ ॥ अहं भंते ! वंसवेणुकणगकक्कावंसवारुवंस-
दंडाकुडाविमावंडावेणुयाकल्लाणीणं एएसि णं जे जीवा मूलत्ताए वक्कमंति एवं एत्थवि
मूलादीया दस उद्देसगा जहेव सालीणं, णवरं देवो सव्वत्थवि न उववज्जइ, तिष्णि
ळेस्साओ, सव्वत्थवि छव्वीस भंगा सेसं तं चेव ॥ चउत्थो वग्गो समत्तो ॥ २१-४ ॥
अहं भंत ! उक्खुइवखुवाडियावीरणाइक्कडभमाससुंठिसत्तवेत्ततिमिरसयपोरगनलाण
एएसि णं जे जीवा मूलत्ताए वक्कमंति एवं जहेव वंसवग्गो तहेव एत्थवि मूलादीया
दस उद्देसगा, णवरं खंधुद्देसे देवा उववज्जंति, चत्तारि ळेस्साओ प०, सेसं तं चेव ॥ पंचमो
वग्गो समत्तो ॥ २१-५ ॥ अहं भंते ! सेडियभंडियदब्भकोतियदब्भकुसदब्भगयो-
इदलअजुलआसाडगरोहियंसमुतवखीरुसएरिडकुरुभकुंदकरवरसुंठविभंगुमहुवयणथ-
रगसिप्पिययमुंकठिनणाणं एएसि णं जे जीवा मूलत्ताए वक्कमंति एवं एत्थवि दस उद्दे-
सगा निरवसेसं जहेव वंस(वग्गो)स्स ॥ छट्ठो वग्गो समत्तो ॥ २१-६ ॥ अहं भंते ! अब्भ-
रुहवोयाणहरितगतंदुळेजगतणवत्थुलचोरगमजारयाइच्चिल्लियालक्कदगपिप्पलियद्वि-
योत्थिकसायमंडुक्किमूलगसरिसवअंबिलसागजिवतगाणं एएसि णं जे जीवा मूलत्ताए
वक्कमंति एवं एत्थवि दस उद्देसगा जहेव वंसस्स ॥ सप्तमो वग्गो समत्तो ॥ २१-७ ॥
अहं भंते ! तुलसीकण्हदलफणेजाअज्जाचूयणाचोराजीरादमणाभरुयाइदीवरमय-
पुप्फाणं एएसि णं जे जीवा मूलत्ताए वक्कमंति एत्थवि दस उद्देसगा निरवसेसं जहा
वंसाणं ॥ अट्ठमो वग्गो समत्तो ॥ २१-८ ॥ एवं एएसु अट्ठसु वग्गेषु असीई उद्देसगा
भवंति ॥ ६८८ ॥ पक्कवीसइमं सयं समत्तं ॥

तालेगाट्टियबहुबीयाग य गुत्तला य गुम्म वल्ली य । छहम वग्गा एए सट्ठि पुण
होति उद्देसा ॥ १ ॥ रायगिहे जाव एवं वयासी-अहं भंते ! तालतमालतक्कलिते-
तलिसालसरलासारगल्लण जाव केयतिकदलचम्मरुक्खगुंतरुक्खविहंगुह्मखलवंगरुक्ख-
पूयफलखज्जूरिनालिएरीणं एएसि णं जे जीवा मूलत्ताए वक्कमंति ते णं भंते ! जीवा
कओहितो उववज्जंति ? एवं एत्थवि मूलादीया दस उद्देसगा कायव्वा जहेव सालीणं-
णवरं इमं णाणत्तं मूले कंदे खंधे तथाए साले य एएसु पंचसु उद्देसएसु देवो न उव-
वज्जइ, तिष्णि ळेस्साओ, ठिई जहण्णेणं अंतोमुहुत्तं उक्कोसेणं दसवाममइस्साई, उव,
रिल्लेसु पंचसु उद्देसएसु देवो उववज्जइ, चत्तारि ळेस्साओ, ठिई जहण्णेणं अंतोमुहुत्तं
उक्कोसेणं वामपुहुत्तं, ओगाहणा मूले कंदे धणुहपुहुत्तं, खंधे तथाय साले य गाउय-
पुहुत्तं, पवाले पत्तं धणुहपुहुत्तं, पुप्फे हत्थपुहुत्तं, फले बीए य अंगुलपुहुत्तं, सव्वेसि
जहण्णेणं अंगुलस्स असंखेज्जइभागं सेसं जहा सालीणं, एवं एए दस उद्देसगा ॥
पढमो वग्गो समत्तो ॥ २२-१ ॥ अहं भंते ! निंबंभुकोसंबतालअंकोहपील्लेसुस-

रुद्रमोयइमालयत्तुलपलासकरंजपुत्तंजीवगरिट्टवहेडगहरियगभलायउंवरियखीरणिधा-
यडपियालपुत्रयणिवायगसेण्डययासियसीसवअयसिपुण्णागनागरुक्खसीवण्णअसोगाणं
एएसि णं जे जीवा मूलत्ताए वक्कमंति एवं मूलादीया दस उद्देसगा कायव्वा निरव-
सेसं जहा तालवग्गो ॥ बिडओ वग्गो समत्तो ॥ २२-२ ॥ अह भंते ! अत्थियात्तिट्टु-
यवोरकविट्टअबाडगमाउल्लिगविह्लआमलगफणसदाडिमआमत्थउंवरवडणग्गोहंनदिर-
क्खपिप्पलिसतरपिलक्खवुरुक्खकाउंवरियकुच्छुभरियदेवदालितिलगलउयच्छत्तोहसिरी-
समत्तवण्णदहिवण्णोदधवचंदणअज्जुणणीवकुडुगकलंबाणं एएसि णं जे जीवा मूल-
त्ताए वक्कमंति ते णं भंते ! एवं एत्थवि मूलादीया दस उद्देसगा तालवग्गसरिसा णेयव्वा
जाव वीर्यं ॥ तडओ वग्गो समत्तो ॥ २२-३ ॥ अह भंते ! वाडंगणिअल्लोपेड्ड एवं
जहा पण्णवणाए गाहाणुसारेणं णेयव्वं जाव गंजपाडलावासिअंकोल्लाणं एएसि णं जे
जीवा मूलत्ताए वक्कमंति एवं एत्थवि मूलादीया दस उद्देसगा तालवग्गसरिसा णेयव्वा
जाव वीर्यंति निरवसेसं जहा वंसवग्गो ॥ चउत्थो वग्गो समत्तो ॥ २२-४ ॥ अह
भंते ! सिरियकाणवनालियकोरंटेगबंधुजीवगमणोज्जा जहा पण्णवणाए पडमपए गाहा-
णुसारेणं जाव नलणी य कुंदमहाजाईणं एएसि णं जे जीवा मूलत्ताए वक्कमंति एवं
एत्थवि मूलादीया दस उद्देसगा निरवसेसं जहा सालीणं ॥ पचमो वग्गो समत्तो ॥
॥ २२-५ ॥ अह भंते ! पूमफलिकालिगीतुंवीतउसीएलावालंकी एवं पयाणि छिदिय-
व्वाणि पण्णवणागाहाणुसारेणं जहा तालवग्गो जाव दध्यालोड्ढकाकलितोक्कलिक-
वोदीणं एएसि णं जे जीवा मूलत्ताए वक्कमंति एव मूलादीया दस उद्देसगा कायव्वा
जहा तालवग्गो, णवरं फलउद्देसे ओगाहणा जहण्णेणं अगुलस्स असंखेज्जइभागं
उक्कोसेणं धणुहपुहुत्तं, ठिई मव्वत्थ जहण्णेणं अंनोमुहुत्तं उक्कोसेणं वासपुहुत्तं सेसं
तं चेव ॥ छट्ठो वग्गो समत्तो ॥ २२-६ ॥ एवं छयुवे वग्गेषु सट्ठि उद्देसगा भवंति
॥ ६८९ ॥ **बावीसइमं सयं समत्तं ॥**

णमो सुयदेवयाए भगवईए । आल्लयलोही अवया पाढी तह मासवण्णिवल्ली य ।
पंचने दसवग्ग पण्णासं होति उद्देसा ॥ १ ॥ रायगिहे जाव एवं वयासी-अह भंते !
आल्लयमूलगसिगबेरहाल्लिहक्खकंडरियजारुच्छीरविरालिकिट्टिकुंदुकण्हकडडसुमहुप-
यल्लइमहुसिगिणिह्हामध्यसुगंधाच्छिण्णह्हाबीवरुहाणं एएसि णं जे जीवा मूलत्ताए
वक्कमंति एव मूलादीया दस उद्देसगा कायव्वा वंसवग्गसरिसा णवरं परिभाणं जह-
ण्णेणं एको वा दो वा तिण्णि वा उक्कोसेणं संखेज्जा वा असंखेज्जा वा अणंता वा
उववजंति, अवहारो गोयमा ! ते णं अणंता समए २ अवहीरमाणा २ अणंताहिं
ओसप्पिणीहिं उस्सप्पिणीहिं एवइयकालेणं अवहीरंति णो चेव णं अवहरिया सिया,

ठिई जहण्णेणवि उक्कोसेणवि अतोमुहुत्तं, सेसं तं चेव ॥ पढमो वग्गो समत्तो ॥ २३-१ ॥ अहं भंते ! लोहीणीहृथीहृथिवग्गाअस्सकण्णीसीहकण्णीसीउंढीमुसंढीणं एएस्सि णं जे जीवा मूलत्ताए वक्कमंति एवं एत्थवि दस उद्देसग्गा जह्वेव आल्लयवग्गे, णवरं ओगाहणा तालवग्गसरिरा, सेसं तं चेव, सेवं भंते ! २ ति ॥ बिउओ वग्गो समत्तो ॥ २३-२ ॥ अहं भंते ! आयकायकुहुणकुंदुरुक्क उब्बेहल्लियासफासज्जालतावं-साणियकुमारणं एएस्सि णं जे जीवा मूलत्ताए एवं एत्थवि मूलादीया दस उद्देसग्गा निरवसेसं जहा आल्लवग्गो णवर ओगाहणा तालवग्गसरिरा, सेसं तं चेव, सेवं भंते ! २ ति ॥ तउओ वग्गो समत्तो ॥ २३-३ ॥ अहं भंते ! पाढामियवाल्लुकि-महुररसारावडिपउमानोढारेहत्तिचंडीण एएस्सि णं जे जीवा मूल० एवं एत्थवि मूला-दीया दस उद्देसग्गा आल्लयवग्गसरिरा णवरं ओगाहणा जहा वद्धीणं, सेसं तं चेव, सेवं भंते ! २ ति ॥ चउत्थो वग्गो समत्तो ॥ २३-४ ॥ अहं भंते ! मानपण्णीमु-ग्गपण्णीजीवसरिसवकएणुयकाअंलिखीरकाकोलिभंगिणहिंकिमिरासिभद्दसुच्छणंमल्ल-पओयक्किणापउल्लपाढेहरेणुयालोहीणं एएस्सि णं जे जीवा मूल० एवं एत्थवि दस उद्देसग्गा निरवसेसं आल्लयवग्गसरिरा ॥ पंचमो वग्गो समत्तो ॥ २३-५ ॥

एवं एत्थ पंचसुवि वग्गेणु पन्नास उद्देसग्गा भाणियव्वा मच्चत्थ, देवा ण उववज्जंति, तिज्जि लेस्साओ । सेवं भंते ! २ ति ॥ ६९० ॥ **तेवीग्गइमे मयं समत्ते ॥**

उववायपरीमाणं सघयणुच्चमेव सटाणं । लेस्सा दिट्ठा णाणे अक्खाणे जोग उव-ओणे ॥ १ ॥ सन्नाकमायईदियममुग्गाया त्रेण्णा य पेदे च । आउं अज्जवमाणा अणुवंधो कायसचेहो ॥ २ ॥ जीवपदे जीवपद् नीवाणं दंडगंमि उद्देसो । चउत्थीस-उमंमि सए चउत्थीं हंति उद्देसा ॥ ३ ॥ रायगिहे जाव एव्वं चयासी-णेरइया णं भंते ! कजोहितो उववज्जंति, कि नेरइएहितो उववज्जंति, निरिक्खजोणिएहितो उववज्जंति, मणुस्सेहितो उववज्जंति, देवेहितो उववज्जंति ! गोयमा ! णो नेरइएहितो उववज्जंति, निरिक्खजोणिएहितो उववज्जंति, मणुस्सेहितो उववज्जंति, णो देवेहितो उववज्जंति, जइ निरिक्खजोणिएहितो उववज्जंति । कि एगिदियतिरिक्खजोणिएहितो उववज्जंति, बेइ-दियतिरिक्खजोणिएहितो ० तेइंदियतिरिक्खजोणिएहितो ० चउत्थीदियतिरिक्खजोणिए-हितो ० पंचिदियतिरिक्खजोणिएहितो उववज्जंति ! गोयमा ! णो एगिदियतिरिक्खजो-णिएहितो उववज्जंति, णो बेइदिय ० णो तेइंदिय ० णो चउत्थीदिय ० पंचिवियतिरिक्ख-जोणिएहितो उववज्जंति, जइ पंचिदियतिरिक्खजोणिएहितो उववज्जंति कि सण्णपंचि-दियतिरिक्खजोणिएहितो उववज्जंति असाण्णपंचिदियतिरिक्खजोणिएहितो उववज्जंति ! गोयमा ! सच्चिपंचिदियतिरिक्खजोणिएहितो उववज्जंति असभिपंचिदियतिरिक्खजोणि

एहिंनोवि उववजंति, जइ सन्नियंविदियतिरिक्खजोणिएहिंतो उववजंति कि जलचरे-
हिंतो उववजंति थलचरेहिंतो उववजंति खहचरेहिंतो उववजंति ? गोयमा ! जलच-
रेहिंतो उववजंति, थलचरेहिंतोवि उववजंति, खहचरेहिंतोवि उववजंति, जइ जल-
चरे० थलचरे० खहचरेहिंतो उववजंति कि पज्जतएहिंतो उववजंति अपज्जतएहिंतो
उववजंति ? गोयमा ! पज्जतएहिंतो उववजंति णो अपज्जतएहिंतो उववजंति,
पज्जतअसन्नियंविदियतिरिक्खजोणिए णं भंते ! जे भविण नेरइएसु उववज्जिए मे
णं भंते ! कउसु पुटवीसु उववज्जेजा ? गोयमा ! एगाए रयणप्पभाए पुटवीए
उववज्जेजा, पज्जतअसन्नियंविदियतिरिक्खजोणिए णं भंते ! जे भविण रयणप्पभाए
पुटवीए नेरइएसु उववज्जिए मे णं भंते ! केवइयकालट्टिइएसु उववज्जेजा ? गोयमा !
जहजेणं दगवागमहस्सट्टिइएसु उववज्जेणं पत्तिओवमस्स असंवेज्जइभागट्टिइएसु
उववज्जेजा १, ते णं भंते ! जीवा एगामणं केवइया उववज्जंति ? गोयमा !
जहजेणं एक्को वा दो वा तिसि वा उक्कोमेणं संवेजा वा असंवेजा वा उववज्जंति
५, तेसि णं भंते ! जीवाणं मरीरगा किमंभयणी पज्जता ? गोयमा ! हेवट्टमंप्रयणी
५० २, तेसि णं भंते ! जीवाणं केवइया मरीरगाट्टया पज्जता ? गोयमा !
जहजेणं अंगत्थस्स असंवेज्जइभाग उक्कोमेणं जयणमहस्स ८, तेसि णं भंते !
जीवाणं मरीरगा किमंभयणी पज्जता ? गोयमा ! हेवट्टमंप्रयणी ५, तेसि
णं भंते ! जीवाणं कइ लेस्साओ ५० ? गोयमा ! तिसि लेस्साओ ५०, ते ५-कण्ठेस्सा
नीलेस्सा काउलेस्सा ५, ते णं भंते ! जीवा कि सम्मदिट्ठी सिच्छादिट्ठी सम्मा-
सिच्छादिट्ठी ? गोयमा ! णो सम्मदिट्ठी सिच्छादिट्ठी णो सम्मासिच्छादिट्ठी ५, ते णं
भंते ! जीवा कि णाणी अच्चाणी ? गोयमा ! णो णाणी अच्चाणी नियमा दअच्चाणी
ते ०-मइअच्चाणी य सुयअच्चाणी य ८-९, ते णं भंते ! जीवा कि मणजोगी वड-
जोगी कायजोगी ? गोयमा ! णो मणजोगी वडजोगीवि कायजोगीवि १०, ते णं
भंते ! जीवा कि सागारोवउत्ता अणागारोवउत्ता ? गोयमा ! सागारोवउत्तावि
अणागारोवउत्तावि ११, तेसि णं भंते ! जीवाणं कइ सन्नाओ पज्जताओ ?
गोयमा ! चत्तामि सन्नाओ ५०, ते ०-आहारसन्ना भयसन्ना मेहुणसन्ना परिग्गहसन्ना
१२, तेसि णं भंते ! जीवाणं कइ कयाया ५० ? गोयमा ! चत्तारि कयाया ५०,
ते ०-कोहकसाए माणकसाए मायाकसाए लोभकसाए १३, तेसि णं भंते ! जीवाणं
कइ इंदिया ५० ? गोयमा ! पंचिंदिया ५०, ते ०-सोइंदिए चक्खिदिए जाव
फासिदिए १४, तेसि णं भंते ! जीवाणं कइ समुग्घाया ५० ? गोयमा ! तओ
समुग्घाया ५०, ते ०-वेयणासमुग्घाए कसायसमुग्घाए मारणंतियसमुग्घाए १५,

ते णं भंते । जीवा किं सायावेयगा आसायावेयगा ? गोयमा । सायावेयगावि
 असायावेयगावि १६, ते णं भंते । जीवा किं इत्थीवेयगा पुरिसवेयगा नपुंसग-
 वेयगा ? गोयमा । णो इत्थीवेयगा णो पुरिसवेयगा नपुंसगवेयगा १७, तेसि णं
 भंते । जीवाणं केवइयं कालं ठिई ५० ? गोयमा । जहजेणं अंतोमुहुत्तं उक्कोसेणं
 पुव्वकोडी १८, तेसि णं भंते । जीवाणं केवइया अज्झवसाणा ५० ? गोयमा ।
 असंखेज्जा अज्झवसाणा ५०, ते णं भंते । किं पसत्था अप्पसत्था ? गोयमा ।
 पसत्थावि अप्पसत्थावि १९, से णं भंते । पज्जतअसन्निपंचिदियतिरिक्खजोणिएत्ति
 कालओ केवच्चिरं होइ ? गोयमा । जहजेणं अंतोमुहुत्तं उक्कोसेणं पुव्वकोडी २०,
 से णं भंते । पज्जतअसन्निपंचिदियतिरिक्खजोणिए रयणप्पभापुडविनेरइए
 पुणरवि पज्जतअसन्निपंचिदियतिरिक्खजोणिएत्ति केवइयं कालं सेवेज्जा केवइयं कालं
 गइरागईं करेज्जा ? गोयमा । भवादेसेणं दो भवग्गहणाईं, कालादेसेणं जहजेणं दस-
 वाससहस्साईं अंतोमुहुत्तमब्भहियाईं उक्कोसेणं पल्लिओवमस्स असंबेज्जइभागं
 पुव्वकोडिमब्भहियं एवइयं कालं सेवेज्जा एवइयं कालं गइरागईं करेज्जा २१ ।
 पज्जतअसन्निपंचिदियतिरिक्खजोणिए णं भंते । जे भविए जहज्जकालाट्ठिईएस्स रयण-
 प्पभापुडविनेरइएस्स उववज्जिणए से णं भंते । केवइयकालाट्ठिईएस्स उववजेज्जा ?
 गोयमा । जहजेणं दसवाससहस्सट्ठिईएस्स उक्कोमेणवि दसवावमहस्सट्ठिईएस्स उवव-
 ज्जेज्जा, ते णं भंते । जीवा एगसमएणं केवइया उववजंति ? एवं सच्चैव वत्तव्वया
 निरवसेमा भाणियव्वा जाव अणुबंधोत्ति, से णं भंते । पज्जतअसन्निपंचिदियति-
 रिक्खजोणिए जहज्जकालाट्ठिईयरयणप्पभापुडविनेरइए जहज्जकाल २ पुणरवि
 पज्जतअसन्निपंचिदियतिरिक्खजोणिए गइरागईं करेज्जा ? गोयमा । भवादेसेणं दो भवग्गहणाईं, काला-
 देसेणं जहजेणं दसवाससहस्साईं अंतोमुहुत्तमब्भहियाईं उक्कोसेणं पुव्वकोडी दसहिं
 वाससहस्सेहिं अब्भहिया एवइयं कालं सेवेज्जा एवइयं कालं गइरागईं करेज्जा २ ।
 पज्जतअसन्निपंचिदियतिरिक्खजोणिए णं भंते । जे भविए उक्कोसकालाट्ठिईएस्स रयणप्प-
 भापुडविनेरइएस्स उववज्जिणए से णं भंते । केवइयकालाट्ठिईएस्स उववजेज्जा ? गोयमा ।
 जहजेणं पल्लिओवमस्स असंबेज्जइभागट्ठिईएस्स उववजेज्जा, उक्कोसेणवि पल्लिओवमस्स
 असंबेज्जइभागट्ठिईएस्स उववजेज्जा, ते णं भंते । जीवा अवसेसं तं चेव जाव अणु-
 बंधो । से णं भंते । पज्जतअसन्निपंचिदियतिरिक्खजोणिए उक्कोसकालाट्ठिईयरयण-
 प्पभापुडविनेरइए उक्कोस पुणरवि पज्जत जाव करेज्जा ? गोयमा । भवादेसेणं दो भव-
 ग्गहणाईं, कालादेसेणं जहजेणं पल्लिओवमस्स असंबेज्जइभागं अंतोमुहुत्तमब्भहियं
 उक्कोसेणं पल्लिओवमस्स असंबेज्जइभागं पुव्वकोडिमब्भहियं एवइयं कालं सेवेज्जा

श्रीसूत्रागम प्रकाशक समिति (गुडगाव) के अध्यक्ष



श्रीमान् लाला प्यारेलाल जैन दृगड मिंटगुमरीवाले हाल अंबरनाथ.

एवद्वयं कालं गदरागईं करेज्जा ३ । जहन्नकालट्टिईयपज्जत्तअसन्निपंचिदियतिरिक्ख-
जोणिए णं भंते ! जे भविए रयणप्पभापुडविनेरइएसु उववज्जितए से णं भंते !
केवइयकालट्टिईएसु उववज्जेज्जा ? गोयमा ! जहन्नेणं दसवाससहस्सट्टिईएसु उक्कोसेणं
पलिओवमस्स असंखेज्जइभागट्टिईएसु उववज्जेज्जा, ते णं भंते ! जीवा एगसमएणं
केवइया अवसेसं तं चेव णवरं इमाईं तिन्नि णाणत्ताईं आलं अज्जवसाणा अणुबंधो
य, जहन्नेणं ठिई अंतोमुहुत्तं उक्कोसेणवि अंतोमुहुत्तं, तेसि णं भंते ! जीवाणं केवइया
अज्जवसाणा प० ? गोयमा ! असंखेज्जा अज्जवसाणा प०, ते णं भंते ! किं
पसत्था अप्पसत्था ? गोयमा ! णो पसत्था अप्पसत्था, अणुबंधो अंतोमुहुत्तं सेसं
तं चेव । से णं भंते ! जहन्नकालट्टिईयपज्जत्तअमन्निपंचिदिय० रयणप्पभा जाव
करेज्जा ? गोयमा ! भवादेसेणं दो भवग्गहणाईं, कालादेसेणं जहन्णेणं दसवाससह-
स्साईं अंतोमुहुत्तमब्भहियाईं उक्कोसेणं पलिओवमस्स असंखेज्जइभागं अंतोमुहु-
त्तमब्भहियं एवद्वयं कालं सेवेज्जा जाव गदरागईं करेज्जा ४ । जहन्नकालट्टिईयप-
ज्जत्तअमन्निपंचिदियतिरिक्खजोणिए णं भंते ! जे भविए जहन्नकालट्टिईएसु रयण-
प्पभापुडविनेरइएसु उववज्जितए से णं भंते ! केवइयकालट्टिईएसु उववज्जेज्जा ?
गोयमा ! जहन्णेणं दसवागसहस्सट्टिईएसु उक्कोसेणवि दसवामसहस्सट्टिईएसु उव-
वज्जेज्जा, ते णं भंते ! जीवा सेसं तं चेव ताईं चेव तिन्नि णाणत्ताईं जाव से णं
भंते ! जहन्नकालट्टिईयपज्जत्त जाव जोणिए जहन्नकालट्टिईयरयणप्पभा पुणरवि
जाव गोयमा ! भवादेसेणं दो भवग्गहणाईं, कालादेसेणं जहन्नेणं दसवामसहस्साईं
अंतोमुहुत्तमब्भहियाईं उक्कोसेणवि दसवाससहस्साईं अंतोमुहुत्तमब्भहियाईं एवद्वयं
कालं सेवेज्जा जाव करेज्जा ५ । जहन्नकालट्टिईयपज्जत्त जाव तिरिक्खजोणियाणं
भंते ! जे भविए उक्कोसकालट्टिईएसु रयणप्पभापुडविनेरइएसु उववज्जितए से णं भंते !
केवइयकालट्टिईएसु उववज्जेज्जा ? गोयमा ! जहन्नेणं पलिओवमस्स असंखेज्जइभा-
गट्टिईएसु उक्कोसेणवि पलिओवमस्स असंखेज्जइभागट्टि(इ)ईएसु उववज्जेज्जा, ते णं
भंते ! जीवा अवसेसं तं चेव ताईं चेव तिन्नि णाणत्ताईं जाव से णं भंते ! जह-
न्नकालट्टिईयपज्जत्त जाव तिरिक्खजोणिए उक्कोसकालट्टिईयरयणप्पभा जाव करेज्जा ?
गोयमा ! भवादेसेणं दो भवग्गहणाईं, कालादेसेणं जहन्नेणं पलिओवमस्स असंखे-
ज्जइभागं अंतोमुहुत्तमब्भहियं उक्कोसेणवि पलिओवमस्स असंखेज्जइभागं अंतोमुहुत्त-
मब्भहियं एवद्वयं कालं जाव करेज्जा ६ । उक्कोसकालट्टिईयपज्जत्तअसन्निपंचिदिय-
तिरिक्खजोणिए णं भंते ! जे भविए रयणप्पभापुडविनेरइएसु उववज्जितए से णं
भंते ! केवइयकाल(ट्टिई)स्स जाव उववज्जेज्जा ? गोयमा ! जहन्नेणं दसवाससहस्सट्टि-

ईएस उक्कोसेणं पलिओवमस्स असंखेज्जइभागट्टिईएस उववजेज्जा, ते णं भंते । जीवा एगसमएणं अवसेसं जहेव ओहियगमएणं तहेव अणुगतत्वं, नवरं (जाव) इमाई दोन्नि नाणत्ताई-ठिई जहन्नेण पुव्वकोढी उक्कोसेणवि पुव्वकोढी, एवं अणुबंधोवि, अवसेसं तं चेव, से णं भंते ! उक्कोसकालट्टिईयपज्जत्तअसन्नि जाव तिरिक्खजोणिए रयणप्पभा जाव गोयमा ! भवादेसेणं दो भवग्गहणाई, कालादेसेण जहन्नेणं पुव्वकोढी दसहिं वाससहस्सेहिं अब्भहिया उक्कोसेणं पलिओवमस्स असंखेज्जइभागं पुव्वकोढीए अब्भहियं एवइयं जाव करेज्जा ७ । उक्कोसकालट्टिईयपज्जत्त-तिरिक्खजोणिए णं भंते ! जे भविए जहन्नकालट्टिईएसु रयणप्पभा जाव उववज्जितए से णं भंते ! केवइ जाव उववजेज्जा ? गोयमा ! जहण्णेणं दसवामसहस्सट्टिईएसु उक्कोसेणवि दसवाससहस्सट्टिईएसु उववजेज्जा, ते णं भंते ! सेसं तं चेव जहा सत्तमगमए जाव से णं भंते ! उक्कोसकालट्टिई जाव तिरिक्खजोणिए जहन्नकालट्टिईयरयणप्पभा जाव करेज्जा ? गोयमा ! भवादेसेणं दो भवग्गहणाई, कालादेसेण जहण्णेणं पुव्वकोढी दसहिं वाससहस्सेहिं अब्भहिया उक्कोसेणवि पुव्वकोढी दसहिं वाससहस्सेहिं अब्भहिया एवइयं जाव करेज्जा ८ । उक्कोसकालट्टिईयपज्जत्त जाव तिरिक्खजोणिए णं भंते ! जे भविए उक्कोसकालट्टिईएसु रयणप्पभा जाव उववज्जितए से णं भंते ! केवइयकाल जाव उववजेज्जा ? गोयमा ! जहन्नेणं पलिओवमस्स असंखेज्जइभागट्टिईएसु उक्कोसेणवि पलिओवमस्स असंखेज्जइभागट्टिईएसु उववजेज्जा, ते णं भंते ! जीवा एगसमएणं सेस जहा सत्तमगमए जाव से णं भंते ! उक्कोसकालट्टिईयपज्जत्त जाव तिरिक्खजोणिए उक्कोसकालट्टिईयरयणप्पभा जाव करेज्जा ? गोयमा ! भवादेसेणं दो भवग्गहणाई, कालादेसेण जहन्नेणं पलिओवमस्स असंखेज्जइभागं पुव्वकोढीए अब्भहियं उक्कोसेणवि पलिओवमस्स असंखेज्जइभागं पुव्वकोढीए अब्भहियं एवइयं कालं सेवेज्जा जाव गइरागई करेज्जा ९ । एवं एए ओहिया तिन्नि गमगा ३, जहन्नकालट्टिईएसु तिन्नि गमगा ६, उक्कोसकालट्टिईएसु तिन्नि गमगा ९, सव्वेते णव गमगा भवंति ॥ ६९१-२ ॥ जइ सन्निपंचिदियतिरिक्खजोणिएहिंतो उववज्जंति कि संखेज्जवासाउयसन्निपंचिदिय-तिरिक्खजोणिएहिंतो उववज्जंति असंखेज्जवासाउयसन्निपंचिदियतिरिक्ख जाव उववज्जंति ? गोयमा ! संखेज्जवासाउयसन्निपंचिदियतिरिक्खजोणिएहिंतो उववज्जंति णो असंखेज्जवासाउयसन्निपंचिदिय जाव उववज्जंति, जइ संखेज्जवासाउयसन्निपंचिदिय जाव उववज्जंति कि जलचरेहिंतो उववज्जंति पुच्छा, गोयमा ! जलचरेहिंतो उववज्जंति जहा असन्नी जाव पव्वत्तएहिंतो उववज्जंति णो अपज्जत्तएहिंतो उववज्जंति,

पञ्चतसंखेज्जवासाउयसन्निपंचिदियतिरिक्खजोणिए णं भंते ! जे भविए णेरइएसु उववज्जितए से णं भंते । कइसु पुढवीसु उववज्जेजा ? गोयमा । सत्तसु पुढवीसु उववज्जेजा, तंजहा-रयणप्पभाए जाव अहेसत्तमाए, पञ्चतसंखेज्जवासाउयसन्निपंचि-दियतिरिक्खजोणिए णं भंते । जे भविए रयणप्पभापुढविनेरइएसु उववज्जितए से णं भंते । केवइयकालट्टिईएसु उववज्जेजा ? गोयमा ! जह्हेणं दसवाससहस्सट्टिई-एसु उक्कोसेणं सागरोवमट्टिईएसु उववज्जेजा, ते णं भंते । जीवा एगसमएणं केव-इया उववज्जंति ? जहेव असत्ती, तेसि णं भंते । जीवाणं सरीरगा किंसंघयणी प० ? गोयमा । छव्विहसंघयणी प०, तं०-वइरोसभनारायसंघयणी उसभनाराय-सत्रयणी जाव छेवद्वसघयणी, सरीरोगाहणा जहेव असत्तीणं जह्हेणं अंगुलस्स असंखेज्जइभाग उक्कोसेणं जौयणसहस्स, तेसि णं भंते । जीवाणं सरीरगा किंसंठिया प० ? गोयमा । छव्विहसंठिया प०, तंजहा-समचउरंस० णगोह० जाव हुंड०, तेसि णं भंते । जीवाणं कइ लेस्साओ प० ? गोयमा । छलेस्साओ पन्नत्ताओ, तंजहा-कण्हेस्सा जाव सुक्खेस्सा, दिट्ठी तिविहावि, तिच्छि नाणा तिच्छि अत्ताणा भयणाए, जोगो तिविहोवि सेसं जहा असत्तीणं जाव अणुबंधो, नवरं पंच समुग्घाया प० आइङ्गगा, वेदो तिविहोवि, अवसेसं तं चेव जाव से णं भंते ! पञ्चतसंखेज्जवासाउय जाव तिरिक्खजोणिए रयणप्पभा जाव करेजा ? गोयमा । भवादेसेणं जह्हेणं दो भवग्गहणाइं उक्कोसेणं अट्ट भवग्गहणाइं, कालादेसेणं जह्हेणं दसवाससहस्साइं अंतोमुहुत्तमब्भहियाइं उक्कोसेणं चत्तारि सागरोवमाइं चउहिं पुव्वकोढीहिं अब्भहि-याइं एवइय कालं सेवेजा जाव करेजा १ । पञ्चतसंखेज्जवासाउय जाव जे भविए जह्हेणकाल जाव से णं भंते । केवइयकालट्टिईएसु उववज्जेजा ? गोयमा । जह्हेणं दसवाससहस्सट्टिईएसु उक्कोसेणवि दसवाससहस्सट्टिईएसु उववज्जेजा, ते णं भंते । जीवा एवं सो चेव पढमो गमओ निरवसेसो भाणियव्वो जाव कालादेसेणं जह्हेणं दसवाससहस्साइं अंतोमुहुत्तमब्भहियाइं उक्कोसेणं चत्तारि पुव्वकोढीओ चत्तात्तीसाए वाससहस्सेहिं अब्भहियाओ एवइयं कालं सेवेजा एवइयं कालं गइ-रागइं करेजा २, सो चेव उक्कोसकालट्टिईएसु उववज्जेजा जह्हेणं सागरोवमट्टिईएसु उक्कोसेणवि सागरोवमट्टिईएसु उववज्जेजा, अबसेसो परि(णामा)माणारीओ भवादेसप-ज्वसाणो सो चेव पढमगमगो णेयव्वो जाव कालादेसेणं जह्हेणं सागरोवमं अंतोमुहु-त्तमब्भहियं उक्कोसेणं चत्तारि सागरोवमाइं चउहिं पुव्वकोढीहिं अब्भहियाइं एवइयं कालं सेवेजा जाव करेजा ३, जह्हेणकालट्टिईयपञ्चतसंखेज्जवासाउयसन्निपंचिदिय-तिरिक्खजोणिए णं भंते । जे भविए रयणप्पभापुढवि जाव उववज्जितए से णं भंते ।

केवइयकालट्टिईएसु उववजेज्जा ? गोयमा ! जह्जेणं दसवाससहस्सट्टिईएसु उक्कोसेणं सागरोवमट्टिईएसु उववजेज्जा, ते णं भंते ! जीवा अवसेसो सो चेव गमओ नवरं इमाई अट्ट णाणत्ताई-सरीरोगाहणा जह्जेणं अंगुलस्स असंखेज्जइभागं उक्कोसेणं धणुहपुहुत्तं, छेस्साओ तिच्चि आदिल्लाओ, णो सम्मदिट्ठी मिच्छादिट्ठी णो सम्मा-मिच्छादिट्ठी, णो णाणी दो अच्चाणा णियमं, समुग्घाया आदिल्ला तिच्चि, आउं अज्झवसाणा अणुबंधो य जहेव असन्नीणं अवसेसं जहा पढमगमए जाव काला-देसेणं जह्जेणं दसवाससहस्साई अंतोमुहुत्तमब्भहियाई उक्कोसेणं चत्तारि सागरोव-माई चउहिं अंतोमुहुत्तेहिं अब्भहियाई एवइयं कालं जाव करेज्जा ४, सो चेव जह्जेणं कालट्टिईएसु उववज्जो जह्जेणं दसवाससहस्सट्टिईएसु उक्कोसेणवि दसवाससह-स्सट्टिईएसु उववजेज्जा, ते णं भंते ! एवं सो चेव चउत्थो गमओ निरवसेसो भाणियव्वो जाव कालादेसेणं जह्जेणं दसवाससहस्साई अंतोमुहुत्तमब्भहियाई उक्कोसेणं चत्तालीसं वाससहस्साई चउहिं अंतोमुहुत्तेहिं अब्भहियाई एवइयं जाव करेज्जा ५ । सो चेव उक्कोसकालट्टिईएसु उववज्जो जह्जेणं सागरोवमट्टिईएसु उक्कोसेणवि सागरोवमट्टिईएसु उववजेज्जा, ते णं भंते ! एवं सो चेव चउत्थो गमओ निरवसेसो भाणियव्वो जाव कालादेसेणं जह्जेणं साग-रोवमं अंतोमुहुत्तमब्भहियं उक्कोसेणं चत्तारि सागरोवमाई चउहिं अंतोमुहुत्तेहिं अब्भहियाई एवइयं जाव करेज्जा ६ । उक्कोसकालट्टिईयपज्जत्तसखेज्जवासाउय जाव तिरिक्खजोणि ए णं भंते । जे भवि ए रयणप्पभापुडविनेरइएसु उववज्जित ए से णं भंते । केवइयकालट्टिईएसु उववजेज्जा ? गोयमा ! जह्जेणं दसवाससहस्सट्टिईएसु उक्कोसेणं सागरोवमट्टिईएसु उववजेज्जा, ते णं भंते । जीवा अवसेसो परिमाणादीओ भवादेसपज्जवसाणो एएसिं चेव पढमो गमओ णयव्वो नवरं ठिई जह्जेणं पुव्वकोडी उक्कोसेणवि पुव्वकोडी, एवं अणुबंधोवि, सेसं तं चेव, कालादेसेणं जह्जेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि सागरोवमाई चउहिं पुव्वकोडीहिं अब्भहियाई एवइयं कालं जाव करेज्जा ७ । सो चेव जह्जेणं कालट्टिईएसु उववज्जो जह्जेणं दसवाससहस्सट्टिईएसु उक्कोसेणवि दसवाससहस्सट्टिईएसु उवव-जेज्जा, ते णं भंते । जीवा सो चेव सत्तमो गमओ निरवसेसो भाणियव्वो जाव भवा-देसोत्ति, कालादेसेणं जह्जेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहियाओ एवइयं जाव करेज्जा ८, उक्कोसकालट्टिईयपज्जत्त जाव तिरिक्खजोणि ए णं भंते । जे भवि ए उक्कोसकालट्टिईय जाव उववज्जित ए से णं भंते । केवइयकालट्टिईएसु उववजेज्जा ? गोयमा ! जह्जेणं

सागरोवमट्टिईएसु उक्कोसेणवि सागरोवमट्टिईएसु उववज्जेजा, ते णं भंते ! जीवा सो चेव सत्तमो गमओ निरवसेसो भाणियव्वो जाव भवादेसोत्ति, कालादेसेणं जह्जेणं सागरोवमं पुव्वकोडीए अब्भहियं उक्कोसेणं चत्तारि सागरोवमाईं चउहिं पुव्वकोडीहिं अब्भहियाईं एवइयं जाव करेज्जा ९ । एवं एए णव गमगा उक्खेवनिक्खेवओ नवमुवि जहेव असत्तीणं ॥ ६९३ ॥ पज्जत्तसंखेज्जवासाउयसत्तिपंचिदियतिरिक्ख-जोणिए णं भंते ' जे भविए सक्करप्पभाए पुटवीए णेरइएसु उववज्जितए से णं भंते ! केवइयकालट्टिईएसु उववज्जेजा ? गोयमा ! जह्जेणं सागरोवमट्टिईएसु उववज्जेजा, उक्कोसेणं तिसागरोवमट्टिईएसु उववज्जेजा, ते णं भंते ! जीवा एगसमाएणं एवं जहेव रयणप्पभाए उववज्जंत(गम)गस्स लद्धी सच्चेव निरवसेसा भाणियव्वा जाव भवादेसोत्ति, कालादेसेणं जह्जेणं सागरोवमं अंतोमुहुत्तमब्भहियं उक्कोसेणं बार-ससागरोवमाईं चउहिं पुव्वकोडीहिं अब्भहियाईं एवइयं जाव करेज्जा १, एवं रयणप्पभापुटविगमगसरिसा णववि गमगा भाणियव्वा नवरं सव्वगमएसुवि नेरइय-ट्टिई(य)सवेहेसु सागरोवमा भाणियव्वा एवं जाव छट्ठीपुटवित्ति, णवरं नेरइयठिई जा जत्थ पुटवीए जह्जुक्कोत्तिया सा तेणं चेव कमेणं चउग्गुणा कायव्वा, बालुयप्पभाए पुटवीए अट्ठावीसं.सागरोवमा चउग्गुणिया भवंति, पंकप्पभाए चत्तालीस, धूमप्प-भाए अट्ठमट्ठिं, तमाए अट्ठासीईं, संघयणाईं बालुयप्पभाए पचविहसंघयणी तं०-वइ-रोसभनारायसंघयणी जाव कीटियासंघयणी, पंकप्पभाए चउव्विहसंघयणी, धूमप्प-भाए तिविहसंघयणी, तमाए दुविहसंघयणी तं०-वइरोसभनारायसंघयणी य उसभनारायसंघयणी य, सेस तं चेव ॥ पज्जत्तसंखेज्जवासाउय जाव तिरिक्ख-जोणिए णं भंते ! जे भविए अहेसत्तमाए पुटवीए नेरइएसु उववज्जितए से णं भंते ! केवइयकालट्टिईएसु उववज्जेजा ? गोयमा ! जह्जेणं बावीससागरोवमट्टिईएसु उक्को-सेणं तेत्तीससागरोवमट्टिईएसु उववज्जेजा, ते णं भंते ! जीवा एवं जहेव रयणप्प-भाए णव गमगा लद्धीवि सच्चेव णवरं वइरोसभनारायसंघयणी, इत्थिवेदगा न उववज्जंति सेसं तं चेव जाव अणुबंधोत्ति, संवेहो भवादेसेणं जह्जेणं तिञ्जि भवग्गहणाईं उक्कोसेणं सत्त भवग्गहणाईं, कालादेसेणं जह्जेणं बावीसं सागरोवमाईं दोहिं अतोमुहुत्तेहिं अब्भहियाईं उक्कोसेणं छावट्ठिं सागरोवमाईं चउहिं पुव्वकोडीहिं अब्भहियाईं एवइयं जाव करेज्जा १, सो चेव जह्जेणकालट्टिईएसु उववज्जे सच्चेव वत्तव्वया जाव भवादेसोत्ति, कालादेसेणं जह्जेणं कालादेसोवि तहेव जाव चउहिं पुव्वकोडीहिं अब्भहियाईं एवइयं जाव करेज्जा २, सो चेव उक्कोसकालट्टिईएसु उववज्जेणो सच्चेव लद्धी जाव अणुबंधोत्ति, भवादेसेणं जह्जेणं तिञ्जि भवग्गहणाईं

उक्कोसेणं पंच भवग्गहणाइं, कालादेसेणं जह्णेणं तेत्तीसं सागरोवमाइं दोहिं अंतो-
मुहुत्तेहिं अब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं अब्भहियाइं
एवइयं जाव करेज्जा ३, सो चेव अप्पणा जह्णकालट्ठिइंओ जाओ सच्चेव रयणप्पभा-
पुढविजह्णकालट्ठिइंयवत्तव्वया भाणियव्वा जाव भवादेसोत्ति, नवरं पटमसंघयणं णो
इत्थिवेदगा, भवादेसेणं जह्णेणं तिन्नि भवग्गहणाइं उक्कोसेणं सत्त भवग्गहणाइं, काला-
देसेणं जह्णेणं बावीसं सागरोवमाइं दोहिं अंतोमुहुत्तेहिं अब्भहियाइं उक्कोसेणं छावट्ठिं
सागरोवमाइं चउहिं अंतोमुहुत्तेहिं अब्भहियाइं एवइयं जाव करेज्जा ४ । सो चेव
जह्णकालट्ठिइंएसु उववन्नो एवं सो चेव चउत्थो गमओ निरवसेसो भाणियव्वो
जाव कालादेसोत्ति ५ । सो चेव उक्कोसकालट्ठिइंएसु उववन्नो सच्चेव लद्धी जाव
अणुबंधोत्ति, भवादेसेणं जह्णेणं तिन्नि भवग्गहणाइं उक्कोसेणं पंच भवग्गहणाइं,
कालादेसेणं जह्णेणं तेत्तीसं सागरोवमाइं दोहिं अंतोमुहुत्तेहिं अब्भहियाइं उक्कोसेणं
छावट्ठिं सागरोवमाइं तिहिं अंतोमुहुत्तेहिं अब्भहियाइं एवइयं कालं जाव करेज्जा ६ । सो
चेव अप्पणा उक्कोसकालट्ठिइंओ जाओ जह्णेणं बावीससागरोवमट्ठिइंएसु उक्कोसेणं
तेत्तीससागरोवमट्ठिइंएसु उववज्जेज्जा, ते णं भते । अवसेसा सच्चेव मत्तमपुढविपट-
मगमगवत्तव्वया भाणियव्वा जाव भवादेसोत्ति, नवरं ठिइं अणुबंधो य जह्णेणं
पुव्वकोडी उक्कोसेणवि पुव्वकोडी सेसं तं चेव, कालादेसेणं जह्णेणं बावीसं सागरो-
वमाइं दोहिं पुव्वकोडीहिं अब्भहियाइं उक्कोसेणं छावट्ठिं सागरोवमाइं चउहिं
पुव्वकोडीहिं अब्भहियाइं एवइयं जाव करेज्जा ७ । सो चेव जह्णकालट्ठिइंएसु
उववन्नो सच्चेव लद्धी संवेहोवि तद्देव सत्तमगमगरिसो ८ । सो चेव उक्कोसकाल-
ट्ठिइंएसु उववन्नो सच्चेव लद्धी जाव अणुबंधोत्ति, भवादेसेणं जह्णेणं तिन्नि
भवग्गहणाइं उक्कोसेणं पंच भवग्गहणाइं, कालादेसेणं जह्णेणं तेत्तीसं सागरोवमाइं
दोहिं पुव्वकोडीहिं अब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं
अब्भहियाइं एवइयं कालं सेवेज्जा जाव करेज्जा ॥ ६९.४ ॥ जइ मणुस्सेहितो
उववज्जंति किं सन्निमणुस्सेहितो उववज्जंति असणिमणुस्सेहितो उववज्जंति ? गोयमा ।
सन्निमणुस्सेहितो उववज्जंति णो असणिमणुस्सेहितो उववज्जंति, जइ सन्निमणुस्सेहितो
उववज्जन्ति किं संखेज्जवासाउयसन्निमणुस्सेहितो उववज्जंति असंखेज्जवासाउय जाव
उववज्जंति ? गोयमा । संखेज्जवासाउयसन्निमणुस्सेहितो उ० णो असंखेज्जवासाउय
जाव उववज्जन्ति, जइ संखेज्जवासाउय जाव उववज्जन्ति किं पज्जत्तसंखेज्जवासाउय
जाव उववज्जंति अपज्जत्त जाव उववज्जंति ? गोयमा । पज्जत्तसंखेज्जवासाउय जाव
उववज्जंति नो अपज्जत्तसंखेज्जवासाउय जाव उववज्जंति, पज्जत्तसंखेज्जवासाउयसन्नि-

मणुस्से णं भंते । जे भविए नेरइएसु उववज्जितए से णं भंते । कइसु पुढवीसु उव-
वजेजा ? गोयमा । सत्तसु पुढवीसु उववजेजा, तं०-रयणप्पभाए जाव अहेसत्तामाए,
पज्जतसंखेज्जासाउयसन्निमणुस्से णं भंते । जे भविए रयणप्पभाए पुढवीए
नेरइएसु उववज्जितए से णं भंते । केवइयकालट्टिइएसु उववजेजा ? गोयमा । जह-
ण्णेणं दसवाससहस्सट्टिइएसु उक्कोसेणं सागरोवमट्टिइएसु उववजेजा, ते णं भंते ।
जीवा एगसमएणं केवइया उववज्जंति ? गोयमा । जह्णेणं एक्को वा दो वा तिञ्चि वा
उक्कोसेणं संखेजा (वा) उववज्जंति, संघयणा छ, सरीरोगाहणा जह्णेणं अंगुलपुहुत्तं
उक्कोसेणं पंचघणुहसयाइं, एवं सेस जहा सन्निपंचिदियतिरिक्खजोणियाणं जाव भवा-
देसोत्ति, नवरं चत्तारि णाणा तिञ्चि अन्नाणा भयणाए, छ समुग्घाया केवलिवज्जा,
ठिई अणुब्रंधो य जह्णेणं मासपुहुत्तं उक्कोसेणं पुव्वकोडी सेस तं चेव, कालादेसेणं
जह्णेणं दमवामसहस्साइं मासपुहुत्तमब्भहियाइं उक्कोसेणं चत्तारि सागरोवमाइं
चउहिं पुव्वकोडीहिं अब्भहियाइं एवइयं जाव करेजा १, सो चेव जह्णकालट्टि-
इएसु उववज्जो सा चेव वत्तव्वया नवरं कालादेसेणं जह्णेणं दसवाससहस्साइं मास-
पुहुत्तमब्भहियाइं उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहि-
याओ एवइयं जाव करेजा २, सो चेव उक्कोसकालट्टिइएसु उववज्जो एस चेव
वत्तव्वया नवरं कालादेसेणं जह्णेणं सागरोवमं मासपुहुत्तमब्भहियं उक्कोसेणं चत्तारि
सागरोवमाइं चउहिं पुव्वकोडीहिं अब्भहियाइं एवइयं जाव करेजा ३, सो चेव
अप्पणा जह्णकालट्टिइओ जाओ एस चेव वत्तव्वया नवरं इमाइं पंच नाणत्ताइं-
सरीरोगाहणा जह्णेणं अंगुलपुहुत्तं उक्कोसेणवि अंगुलपुहुत्तं, तिञ्चि नाणा तिञ्चि अन्ना-
णा भयणाए, पंच समुग्घाया आइल्ला, ठिई अणुब्रंधो य जह्णेणं मासपुहुत्तं उक्को-
सेणवि मासपुहुत्तं सेसं तं चेव जाव भवादेसोत्ति, कालादेसेणं जह्णेणं दसवासस-
हस्साइं मासपुहुत्तमब्भहियाइं उक्कोसेणं चत्तारि सागरोवमाइं चउहिं मासपुहुत्तेहिं
अब्भहियाइं एवइयं जाव करेजा ४ । सो चेव जह्णकालट्टिइएसु उववज्जो एस
चेव वत्तव्वया चउत्थगमगसरिसा णेयव्वा नवरं कालादेसेणं जह्णेणं दसवाससह-
स्साइं मासपुहुत्तमब्भहियाइं उक्कोसेणं चत्तालीसं वाससहस्साइं चउहिं मासपुहुत्तेहिं
अब्भहियाइं एवइयं जाव करेजा ५ । सो चेव उक्कोसकालट्टिइएसु उववज्जो एस
चेव गमगो नवरं कालादेसेणं जह्णेणं सागरोवमं मासपुहुत्तमब्भहियं उक्कोसेणं
चत्तारि सागरोवमाइं चउहिं मासपुहुत्तेहिं अब्भहियाइं एवइयं जाव करेजा ६ ।
सो चेव अप्पणा उक्कोसकालट्टिइओ जाओ सो चेव पढमगमओ णेयव्वो नवरं
सरीरोगाहणा जह्णेणं पंचघणुहसयाइं उक्कोसेणवि पंचघणुहसयाइं, ठिई जह्णेणं

पुव्वकोडी उक्कोसेणवि पुव्वकोडी, एवं अणुबंधोवि, कालादेसेणं जहन्नेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवइयं कालं जाव करेज्जा ७ । सो चेव जहन्नकालट्टिइंएसु उववन्नो सच्चैव सत्तमगमगवत्तव्वया नवरं कालादेसेणं जहन्नेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहियाओ एवइयं कालं जाव करेज्जा ८ । सो चेव उक्कोसकालट्टिइंएसु उववन्नो सा चेव सत्तमगमगवत्तव्वया नवरं कालादेसेणं जहन्नेणं एगं सागरोवमं पुव्वकोडीए अब्भहियं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवइयं कालं जाव करेज्जा ९ ॥ ६९५ ॥ पज्जत्तसखेज्जासाउयसन्निमणुस्से णं भंते ! जे भविए सक्करप्पभाए पुढवीए नेरइएसु जाव उववज्जितए से णं भंते ! केवइयकाल जाव उववज्जेज्जा ? गोयमा ! जहन्नेणं सागरोवमाइंएसु उक्कोसेणं तिसागरोवमट्टिइंएसु उववज्जेज्जा, ते णं भंते ! एवं सो चेव रयणप्पभापुढविगमओ णेयव्वो नवरं सरीरोगाहणा जहन्नेणं रयणिपुहुत्तं उक्कोसेणं पंचधणुहसयाइं, ठिइं जहन्नेणं वासपुहुत्तं उक्कोसेणं पुव्वकोडी, एवं अणुबंधोवि, सेस तं चेव जाव भवादेसोत्ति, कालादेसेणं जहन्नेणं सागरोवमं वासपुहुत्तमब्भहियं उक्कोसेणं बारस सागरोवमाइं चउहिं पुव्वकोडीहिं अब्भहियाइं एवइयं जाव करेज्जा १, एवं एसा ओहिएसु तिसु गमएसु मणूमस्म लद्धी नाणत्तं नेरइयाट्टिइं कालादेसेणं संवेहं च जाणेज्जा ३, सो चेव अप्पणा जहन्नकालट्टिइंओ जावो तिसुवि गमएसु एस चेव लद्धी नवरं सरीरोगाहणा जहन्नेणं रयणिपुहुत्तं उक्कोसेणवि रयणिपुहुत्तं, ठिइं जहन्नेणं वासपुहुत्तं उक्कोसेणवि वासपुहुत्तं एवं अणुबंधोवि, सेसं जहा ओहियाणं संवेहो सव्वो उव(जुज्जि)जुज्जिऊण भाणियव्वो ४-५-६, सो चेव अप्पणा उक्कोसकालट्टिइंओ जाओ तस्सवि तिसुवि गमएसु इमं णाणत्तं-सरीरोगाहणा जहन्नेणं पंचधणुहसयाइं उक्कोसेणवि पंचधणुहसयाइं, ठिइं जहन्नेणं पुव्वकोडी उक्कोसेणवि पुव्वकोडी एवं अणुबंधोवि, सेसं जहा पढमगमए नवरं नेरइयठि(इं) इं कायसंवेहं च जाणेज्जा ९, एवं जाव छट्ठपुढवी नवरं तच्चाए आडवेत्ता एक्केकं संघयणं परिहायइ जहेव तिरिक्खजोणियाणं कालादेसोवि तहेव नवरं मणुस्सट्टिइं भाणियव्वा ॥ पज्जत्तसखेज्जावसाउयसन्निमणुस्से णं भंते ! जे भविए अहेसत्तमापुढविनेरइएसु उववज्जितए से णं भंते ! केवइयकालट्टिइंएसु उववज्जेज्जा ? गोयमा ! जहन्नेणं बावीसं सागरोवमट्टिइंएसु उक्कोसेणं तेत्तीस सागरोवमट्टिइंएसु उववज्जेज्जा, ते णं भंते ! जीवा एगसमएणं अवसेसो सो चेव सक्करप्पभापुढविगमओ णेयव्वो नवरं पढमं संघयणं इत्थिवेयगा न उववज्जति सेसं तं चेव जाव अणुबंधोत्ति, भवादेसेणं दो भवग्गहणाइं

कालादेसेण जहन्नेणं बावीसं सागरोवमाइं वासपुहुत्तमब्भहियाइं उक्कोसेणं तेत्तीसं सागरोवमाइं पुव्वकोडीए अब्भहियाइ एवइयं जाव करेज्जा १, सो चेव जहन्नकालट्टिईएसु उववज्जो एस चेव वत्तव्वया नवरं नेरइयट्टिई संवेहं च जाणेज्जा २, सो चेव उक्कोसकालट्टिईएसु उववज्जो एस चेव वत्तव्वया नवरं संवेहं च जाणेज्जा ३, सो चेव अप्पणा जहन्नकालट्टिईओ जाओ तस्सवि तिसुवि गमएसु एस चेव वत्तव्वया नवरं सरीरोगाहणा जहन्नेणं रयणिपुहुत्तं उक्कोसेणवि रयणिपुहुत्तं, टिई जहन्नेणं वासपुहुत्त उक्कोसेणवि वासपुहुत्तं एवं अणुबंधोवि, संवेहो उवउज्जिऊण भाणियव्वो ६ । सो चेव अप्पणा उक्कोसकालट्टिईओ जाओ तस्सवि तिसुवि गमएसु एस चेव वत्तव्वया नवरं सरीरोगाहणा जहन्नेणं पंचधणुहसयाइं उक्कोसेणवि पंचधणुहसयाइं, टिई जहन्नेणं पुव्वकोडी उक्कोसेणवि पुव्वकोडी एवं अणुबंधोवि णवसुवि एसु गमएसु नेरइयट्टि(इ)ई संवेहं च जाणेज्जा, सव्वत्थ भवग्गहणाइं दोन्नि जाव णवमगमए कालादेसेणं जहन्नं तेत्तीस सागरोवमाइं पुव्वकोडीए अब्भहियाइं उक्कोसेणवि तेत्तीसं सागरोवमाइं पुव्वकोडीए अब्भहियाइं एवइय कालं सेवेज्जा एवइयं कालं गइरागइं करेज्जा ९ । सेवं भंते ! २ त्ति जाव विहरइ ॥ ६९६ ॥ चउवीसइमस्स सयस्स पढमो उद्देसो समत्तो ॥

रायगिहे जाव एवं वयासी-असुरकुमारा णं भंते ! कओहितो उववज्जंति किं नेरइएहिंतो उववज्जति तिरिक्ख ० मणुस्से ० देवेहिंतो उववज्जंति ? गोयमा । णो णेरइएहिंतो उववज्जति तिरिक्ख ० मणुस्सेहिंतो उववज्जंति नो देवेहिंतो उववज्जंति, एवं जहेव नेरइयउद्देसए जाव पज्जत्तअसञ्चिपंचिदियतिरिक्खजोणिए णं भंते ! जे भविए असुरकुमारेसु उववज्जितए से णं भंते ! केवइयकालट्टिईएसु उववज्जेज्जा ? गोयमा । जहन्नेणं दसवाससहस्सट्टिईएसु उक्कोसेण पलिओवमस्स असखेज्जइभागट्टिईएसु उववज्जेज्जा, ते णं भंते ! जीवा एवं रयणप्पभागमगसरिसा णववि गमा भाणियव्वा नवरं जाहे अप्पणा जहन्नकालट्टिईओ भवइ ताहे अज्जवसाणा पसत्था णो अप्पसत्था तिसुवि गमएसु अवसेसं तं चेव ९॥ जइ सञ्चिपंचिदियतिरिक्खजोणिएहिंतो उववज्जंति किं संखेज्जवासाउयसञ्चिपंचिदिय जाव उववज्जंति असंखेज्जवासाउय जाव उववज्जंति ? गोयमा । संखेज्जवासाउय जाव उववज्जंति असंखेज्जवासाउय जाव उववज्जंति, असंखेज्जवासाउयसञ्चिपंचिदियतिरिक्खजोणिए णं भंते । जे भविए असुरकुमारेसु उववज्जितए से णं भंते । केवइयकालट्टिईएसु उववज्जेज्जा ? गोयमा । जहन्नेणं दसवाससहस्सट्टिईएसु उववज्जेज्जा उक्कोसेणं तिपलिओवमट्टिईएसु उववज्जेज्जा, ते णं भंते । जीवा एगसमएणं पुच्छा, गोयमा । जहन्नेणं एको वा दो वा तिज्जि वा उक्कोसेणं संखेज्जा

उववजंति, वइरोसभनारायसंघयणी, ओगाहणा जहण्णेणं धणुहपुहुतं उक्कोसेणं छ गाउयाई, समच्चउरंसंठाणसंठिया प०, चत्तारि छेस्साओ आइल्लाओ, णो सम्मदिट्ठी मिच्छादिट्ठी णो सम्मामिच्छादिट्ठी, णो णाणी अन्नाणी नियमं दुअन्नाणी मइअन्नाणी य सुयअन्नाणी य, जोगो तिविहोवि, उवओगो दुविहोवि, चत्तारि सन्नाओ, चत्तारि कसाया, पंच इंदिया, तिज्जि समुग्घाया आइल्लागा, समोहयावि मरंति असमोहयावि मरंति, वेयणा दुविहावि सायावेयगावि असायावेयगावि, वेदो दुविहोवि इत्थिवेयगावि पुरिसवेयगावि णो नपुंसगवेयगा, ठिई जहन्नेणं साइरेगा पुव्वकोडी उक्कोसेण तिज्जि पलिओवमाई, अज्जवसाणा पसत्थावि अप्पसत्थावि, अणुबंधो जहेव टिई, कायसंचेहो भवादेसेणं दो भवग्गहणाई, कालादेसेणं जहन्नेणं साइरेगा पुव्वकोडी दसहिं वाससहस्सेहिं अब्भहिया उक्कोसेणं छपलिओवमाई एवइयं जाव करेज्जा १, सो चेव जहन्नकालट्टिईएसु उववन्नो एस चेव वत्तव्वया नवरं असुरकुमारट्टिई संवेहं च जाणेज्जा २, सो चेव उक्कोसकालट्टिईएसु उववन्नो जहन्नेणं तिपलिओवमट्टिईएसु उक्कोसेणवि तिपलिओवमट्टिईएसु उववज्जेज्जा एस चेव वत्तव्वया नवरं टिई से जहन्नेणं तिज्जि पलिओवमाई उक्कोसेणवि तिज्जि पलिओवमाई एवं अणुबंधोवि, कालादेसेणं जहन्नेणं छपलिओवमाई उक्कोसेणवि छपलिओवमाई एवइयं सेस तं चेव ३, सो चेव अप्पणा जहन्नकालट्टिईओ जाओ जहन्नेणं दसवाससहस्सट्टिईएसु उक्कोसेणं साइरेगं पुव्वकोडीआउएसु उववज्जेज्जा, ते णं भंतं ! अवसेसं तं चेव जाव भवादेसोत्ति, नवरं ओगाहणा जहन्नेणं धणुहपुहुतं उक्कोसेणं साइरेगं धणुहसहस्सं, टिई जहन्नेणं साइरेगा पुव्वकोडी उक्कोसेणवि साइरेगा पुव्वकोडी एवं अणुबंधोवि, कालादेसेणं जहन्नेणं साइरेगा पुव्वकोडी दसहिं वाससहस्सेहिं अब्भहिया उक्कोसेणं साइरेगाओ दो पुव्वकोडीओ एवइयं ० ४, सो चेव अप्पणा जहन्नकालट्टिईएसु उववण्णो एस चेव वत्तव्वया नवरं असुरकुमारट्टिई संवेहं च जाणेज्जा ५, सो चेव उक्कोसकालट्टिईएसु उववण्णो जहन्नेणं साइरेगपुव्वकोडीआउएसु उक्कोसेणवि साइरेगपुव्वकोडीआउएसु उववज्जेज्जा सेसं तं चेव, नवरं कालादेसेणं जहन्नेणं साइरेगाओ दो पुव्वकोडीओ उक्कोसेणवि साइरेगाओ दो पुव्वकोडीओ एवइयं कालं सेवेज्जा ० ६, सो चेव अप्पणा उक्कोसकालट्टिईओ जाओ सो चेव पटमगमगो भाणियव्वो नवरं टिई जहन्नेणं तिज्जि पलिओवमाई उक्कोसेणवि तिज्जि पलिओवमाई एवं अणुबंधोवि, कालादेसेणं जहन्नेणं तिज्जि पलिओवमाई दसहिं वाससहस्सेहिं अब्भहियाई उक्कोसेणं छ पलिओवमाई एवइयं ० ७, सो चेव जहन्नकालट्टिईएसु उववन्नो एस चेव वत्तव्वया नवरं असुरकुमारट्टिई संवेहं च जाणेज्जा ८, सो चेव उक्कोसकालट्टिईएसु उववन्नो

जहण्णेणं तिपलिओव० उक्कोसेणवि तिपलिओव० एस चेव वत्थव्वया नवरं काला देसेणं जहण्णेणं छप्पलिओवमाई उक्कोसेणवि छप्पलिओवमाई एवइयं ९ ॥ जइ संखेज्जवासाउयसन्निपंचिदिय जाव उववज्जंति किं जलचर० एवं जाव पज्जतसंखेज्जवासाउयसन्निपंचिदियतिरिक्खजोणिए णं भंते । जे भविए असुरकुमारेसु उववज्जितए से णं भंते । केवइयकालट्टिईएसु उववज्जेजा ? गोयमा ! जहण्णेणं दसवाससहस्सट्टिईएसु उक्कोसेणं साइरेगसागरोवमट्टिईएसु उववज्जेजा, ते णं भंते । जीवा एगसमएणं एवं एएसि रयणप्पभपुडविगमगसरिसा नव गमगा नेयव्वा, नवरं जाहे अप्पणा जहन्नकालट्टिईओ भवइ ताहे तिसुवि गमएसु इमं णाणत्तं चत्तारि उस्साओ अज्जवसाणा पसत्था नो अप्पसत्था सेसं तं चेव संवेहो साइरेगेण सागरोवमेण कायव्वो ९ ॥ जइ मणुस्सेहितो उववज्जंति किं मन्निमणुस्सेहितो उ० असन्निमणुस्सेहितो उ० ? गोयमा ! सन्निमणुस्सेहितो उ० नो अमन्निमणुस्सेहितो उववज्जंति, जइ सन्निमणुस्सेहितो उववज्जंति किं संखेज्जवासाउयसन्निमणुस्सेहितो उववज्जंति असंखेज्जवासाउयसन्निमणुस्सेहितो उववज्जंति ? गोयमा ! संखेज्जवासाउय जाव उववज्जंति असंखेज्जवासाउय जाव उववज्जंति, असंखेज्जवासाउयसन्निमणुस्से णं भंते । जे भविए असुरकुमारेसु उववज्जितए से णं भंते । केवइयकालट्टिईएसु उववज्जेजा ? गोयमा ! जहण्णेणं दसवाससहस्सट्टिईएसु उक्कोसेणं तिपलिओवमट्टिईएसु उववज्जेजा, एवं असंखेज्जवासाउयतिरिक्खजोणियसरिसा आइल्ला तिन्नि गमगा नेयव्वा, नवरं सरीरोगाहणा पढमबिइएसु गमएसु जहणेणं साइरेगाई पंचधणुहसयाइ उक्कोसेण तिन्नि गाउयाई सेसं तं चेव, तइयगमे ओगाहणा जहणेणं तिन्नि गाउयाई उक्कोसेणवि तिन्नि गाउयाई सेसं जहेव तिरिक्खजोणियाणं ३, सो चेव अप्पणा जहन्नकालट्टिईओ जाओ तस्सवि जहन्नकालट्टिईयतिरिक्खजोणियसरिसा तिन्नि गमगा भाणियव्वा, नवरं सरीरोगाहणा तिसुवि गमएसु जहण्णेणं साइरेगाई पंचधणुहसयाई उक्कोसेणवि साइरेगाई पंचधणुहसयाई सेसं तं चेव ६, सो चेव अप्पणा उक्कोसकालट्टिईओ जाओ तस्सवि ते चेव पच्छिळ्ळा तिन्नि गमगा भाणियव्वा नवरं सरीरोगाहणा तिसुवि गमएसु जहणेणं तिन्नि गाउयाई उक्कोसेणवि तिन्नि गाउयाई अवसेसं तं चेव ९ ॥ जइ संखेज्जवासाउयसन्निमणुस्सेहितो उववज्जंति किं पज्जतसंखेज्जवासाउय० अपज्जतसंखेज्ज जाव उववज्जंति ? गोयमा ! पज्जतसंखेज्ज० णो अपज्जतसंखेज्ज०, पज्जतसंखेज्जवासाउयसन्निमणुस्से णं भंते । जे भविए असुरकुमारेसु उववज्जितए से णं भंते । केवइयकालट्टिईएसु उववज्जेजा ? गोयमा ! जहणेणं दसवाससहस्सट्टिईएसु उक्कोसेणं साइरेगसागरोवमट्टिईएसु उववज्जेजा, ते णं भंते । जीवा एवं जहेव

एएसि रयणप्पभाए उववज्जमाणणं णव गमगा तहेव इहवि णव गमगा भाणियव्वा
णवरं संवेहो साइरेगेण सागरोवमेण कायव्वो सेसं तं चेव ९, सेवं भंते । २ त्ति
॥ ६९७ ॥ चउवीसइमे सए बीओ उहेसो समत्तो ॥

रायगिहे जाव एवं वयासी-नागकुमारा णं भंते ! कओहिंतो उववज्जंति किं
नेरइएहिंतो उववज्जंति तिरि० मणु० देवेहिंतो उववज्जंति ? गोयमा । णो णेरइएहिंतो
उववज्जंति तिरिक्खजोणिएहिंतो उ० मणुस्सेहिंतो उववज्जंति नो देवेहिंतो उववज्जंति,
जइ तिरिक्खजोणि० एवं जहा असुरकुमाराणं वत्तव्वया तहा एएसिपि जाव अस-
ण्णित्ति, जइ सन्निपंचिदियतिरिक्खजोणिएहिंतो उ० किं संखेज्जवासाउय० असंखेज्जवा-
साउय० ? गोयमा ! संखेज्जवासाउय० असंखेज्जवासाउय जाव उववज्जंति, असंखे-
ज्जवासाउयसन्निपंचिदियतिरिक्खजोणिए णं भंते ! जे भविए नागकुमारेसु उववज्जि-
त्तए से णं भंते ! केवइकालट्टिइ० ? गोयमा ! जहन्नेणं दस वाससहस्सट्टिइएसु उक्को-
सेणं देसूणदुपलिओवमट्टिइएसु उववज्जेजा, ते णं भंते ! जीवा अवसेसो सो चेव असु-
रकुमारेसु उववज्जमाणस्स गमगो भाणियव्वो जाव भवादेसोत्ति, कालादेसेणं जहन्नेणं
साइरेगा पुव्वकोवी दसहिं वाससहस्सेहिं अब्भहिया उक्कोसेणं देसूणाइं पंच पलि-
ओवमाइं एवइयं जाव करेजा १, सो चेव जहन्नकालट्टिइएसु उववज्जो एस चेव वत्त-
व्वया नवरं णागकुमारट्टिइं संवेहं च जाणेजा २, सो चेव उक्कोसकालट्टिइएसु उववज्जो
तस्सवि एस चेव वत्तव्वया नवरं ठिइं जहन्नेणं देसूणाइं दो पलिओवमाइं उक्कोसेणं
तिन्नि पलिओवमाइं सेसं तं चेव जाव भवादेसोत्ति, कालादेसेणं जहन्नेणं देसूणाइं
चत्तारि पलिओवमाइं उक्कोसेणं देसूणाइं पंच पलिओवमाइं एवइयं कालं० ३, सो चेव
अप्पणा जहन्नकालट्टिइओ जाओ तस्सवि तिसुवि गमएसु जहेव असुरकुमारेसु उव-
वज्जमाणस्स जहन्नकालट्टिइयस्स तहेव निरवसेसं ६, सो चेव अप्पणा उक्कोसकाल-
ट्टिइओ जाओ तस्सवि तहेव तिन्नि गमगा जहा असुरकुमारेसु उववज्जमाणस्स नवरं
नागकुमारट्टिइं संवेहं च जाणेजा सेसं तं चेव ९ ॥ जइ संखेज्जवासाउयसन्निपंचिदिय
जाव किं पज्जत्तसंखेज्जवासाउय० अपज्जत्तसंखेज्ज० ? गोयमा ! पज्जत्तसंखेज्जवासाउय०
णो अपज्जत्तसंखेज्जवासाउय०, पज्जत्तसंखेज्जवासाउय जाव जे भविए णागकुमारेसु
उववज्जित्तए से णं भंते ! केवइयकालट्टिइएसु उववज्जेजा ? गोयमा ! जहन्नेणं दसवा-
ससहस्सट्टि० उक्कोसेणं देसूणदोपलिओवमट्टि० एवं जहेव असुरकुमारेसु उववज्जमाणस्स
वत्तव्वया तहेव इहवि णवसुवि गमएसु, णवरं णागकुमारट्टिइं संवेहं च जाणेजा, सेसं
तं चेव ९ ॥ जइ मणुस्सेहिंतो उववज्जंति किं सन्निमणु० असण्णिमणु० ? गोयमा !
सन्निमणु० णो असन्निमणुस्से० जहा असुरकुमारेसु उववज्जमाणस्स जाव असंखेज्जवा-

साउयसन्निमणुस्से णं भंते ! जे भविए णागकुमारेसु उववज्जितए से णं भंते ! केवइयकालट्टिईएसु उववज्जइ ? गोयमा ! जह्नेणं दसवाससहस्सट्टिईएसु उक्कोसेणं देसूणदोपलिओवमट्टिईएसु एवं जहेव असंखेज्जवासाउयाणं तिरिक्खजोणियाणं नागकुमारेसु आइइहा तिन्नि गमगा तहेव इमस्सवि, नवरं पढमबिइएसु गमएसु सरीरोगाहणा जह्नेणं साइरेगाइं पंचधणुहसयाई उक्कोसेणं तिन्नि गाउयाई, तइयगमे ओगाहणा जह्नेणं देसूणाई दो गाउयाई उक्कोसेणं तिन्नि गाउयाई सेसं तं चेव ३, सो चेव अप्पणा जह्जकालट्टिईओ जाओ तस्स तिसुवि गमएसु जहा तस्स चेव असुरकुमारेसु उववज्जमाणस्स तहेव निरवसेसं ६, सो चेव अप्पणा उक्कोसकालट्टिईओ जाओ तस्स तिसुवि गमएसु जहा तस्स चेव उक्कोसकालट्टिईयस्स असुरकुमारेसु उववज्जमाणस्स नवरं णागकुमारट्टिईं संवेहं च जाणेजा, सेसं तं चेव ९ ॥ जइ सखेज्जवासाउयसन्निमणु० किं पज्जत्तसंखेज्ज० अपज्जत्तसंखेज्ज० ? गोयमा ! पज्जत्तसंखेज्ज० णो अपज्जत्तसंखेज्ज०, पज्जत्तसंखेज्जवासाउयसन्निमणुस्से णं भंते ! जे भविए णागकुमारेसु उववज्जितए से णं भंते ! केवइ० ? गोयमा ! जह्नेणं दसवाससहस्सट्टिईएसु उक्कोसेणं देसूणदोपलिओवमट्टिईएसु उ० एवं जहेव असुरकुमारेसु उववज्जमाणस्स सच्चेव लद्धी निरवसेसा नवसु गमएसु णवरं णागकुमारट्टिईं संवेहं च जाणेजा, सेवं भते । २ त्ति ॥ ६९८ ॥ **चउवीसइमस्स सयस्स तइओ उहेसो समत्तो ॥**

अवसेसा सुवन्नकुमाराई जाव थणियकुमारा एएवि अट्ट उहेसगा जहेव नागकुमारणं तहेव निरवसेसा भाणियव्वा, सेवं भंते ! सेवं भंते ! त्ति ॥ ६९९ ॥ **चउवीसइमस्स सयस्स एकारसमो उहेसो समत्तो ॥**

पुढविकाइया णं भंते ! कओहिंतो उववज्जंति किं नेरइएहितो उववज्जंति तिरिक्ख० मणु० देवेहिंतो उववज्जंति ? गोयमा ! णो णेरइएहितो उववज्जंति तिरिक्ख० मणु० देवेहिंतोवि उववज्जंति, जइ तिरिक्खजोणिएहिंतो उ० किं एगिदियतिरिक्खजोणिए० एवं जहा वक्कंतीए उववाओ जाव जइ बायरपुढविकाइयएगिदियतिरिक्खजोणिएहिंतो उववज्जंति किं पज्जत्तबादर जाव उववज्जंति अपज्जत्तबादरपुढवि जाव उ० ? गोयमा ! पज्जत्तबादरपुढवि० अपज्जत्तबादरपुढवि जाव उववज्जंति, पुढविकाइए णं भंते ! जे भविए पुढविकाइएसु उववज्जितए से णं भंते ! केवइयकालट्टिईएसु उववज्जेजा ? गोयमा ! जह्नेणं अंतोमुहुत्तट्टिईएसु उक्कोसेणं बावीसवाससहस्सट्टिईएसु उववज्जेजा, ते णं भंते ! जीवा एगसमएणं पुच्छा, गोयमा ! अणुसमयं अविरहिया असंखेज्जा उववज्जंति, छेवद्वसंघयणी, सरीरोगाहणा जह्नेणं अंगुलस्स असंखेज्जइ-भागं उक्कोसेणवि अंगुलस्स असंखेज्जइभागं, मसूरचंदसंठिया, चत्तारि छेस्साओ, णो

सम्मदिद्वी मिच्छादिद्वी णो सम्मामिच्छादिद्वी, णो णाणी अन्नाणी दो अन्नाणा नियमं, णो मणजोगी णो वड्जोगी कायजोगी, उवओगो दुविहोवि, चत्तारि सन्नाओ, चत्तारि कसाया, एगे फासिदिए पञ्चते, तिन्नि समुग्घाया, वेयणा दुविहा, णो इत्थिवेदगा णो पुरिसवेदगा नपुंसगवेदगा, ठिई जहन्नेणं अतोमुहुत्तं उक्कोसेणं बावीसं वाससहस्साइ, अज्झवसाणा पसत्थावि अप्पसत्थावि अणुबंधो जहा ठिई १, से णं भंते ! पुढविकाइए पुणरवि पुढविकाइएत्ति केवइयं कालं सेवेज्जा केवइयं कालं गइरागइं करेज्जा ? गोयमा ! भवादेसेणं जहन्नेणं दो भवग्गहणाइं उक्कोसेणं असंखेज्जाइं भवग्गहणाइं, कालादेसेणं जहन्नेणं दो अंतोमुहुत्ता उक्कोसेण असंखेज्ज कालं एवइयं जाव करेज्जा १, सो चेव जहन्नकालद्विईएसु उववन्नो जहन्नेणं अंतोमुहुत्तद्विईएसु उक्कोसेणवि अतोमुहुत्तद्विईएसु एवं चेव वत्तव्वया निरवसेसा २, सो चेव उक्कोसकालद्विईएसु उववन्नो जहन्नेणं बावीसवाससहस्सद्विईएसु उक्कोसेणवि बावीसवाससहस्सद्विईएसु सेस तं चेव जाव अणुबंधोत्ति, णवरं जहन्नेणं एक्को वा दो वा तिन्नि वा उक्कोसेणं संखेज्जा वा असंखेज्जा वा उववजेज्जा, भवादेसेणं जहन्नेणं दो भवग्गहणाइं उक्कोसेणं अट्ठ भवग्गहणाइं, कालादेसेणं जहन्नेणं बावीसं वाससहस्साइं अंतोमुहुत्तमब्भहियाइं उक्कोसेणं छावत्तारिं वाससहस्सुत्तर सयसहस्सं एवइयं कालं जाव करेज्जा २, सो चेव अप्पणा जहन्नकालद्विईओ जाओ मो चेव पढमिद्दओ गमओ भाणियव्वो नवरं लेस्साओ तिन्नि, ठिई जहन्नेणं अंतोमुहुत्तं उक्कोसेणवि अंतोमुहुत्तं, अप्पसत्था अज्झवसाणा, अणुबंधो जहा ठिई सेसं तं चेव ४, सो चेव जहन्नकालद्विईएसु उववन्नो सच्चेव चउत्थगमगवत्तव्वया भाणियव्वा ५, सो चेव उक्कोसकालद्विईएसु उववन्नो एस चेव वत्तव्वया नवरं जहन्नेणं एक्को वा दो वा तिन्नि वा उक्कोसेणं संखेज्जा वा असंखेज्जा वा जाव भवादेसेणं जहन्नेणं दो भवग्गहणाइं उक्कोसेणं अट्ठ भवग्गहणाइं, कालादेसेणं जहन्नेणं बावीसं वाससहस्साइं अंतोमुहुत्तमब्भहियाइं उक्कोसेणं अट्ठासीइं वाससहस्साइं चउहिं अंतोमुहुत्तेहिं अब्भहियाइं एवइयं ६, सो चेव अप्पणा उक्कोसकालद्विईओ जाओ एवं तइयगमगसरिसो निरवसेसो भाणियव्वो नवरं अप्पणा से ठिई जहन्नेणं बावीसं वाससहस्साइं उक्कोसेणवि बावीसं वाससहस्साइं ७, सो चेव जहन्नकालद्विईएसु उववन्नो जहन्नेणं अंतोमुहुत्तं उक्कोसेणवि अंतोमुहुत्तं, एव जहा सत्तमगमगो जाव भवादेसो, कालादेसेणं जहन्नेणं बावीसं वाससहस्साइं अंतोमुहुत्तमब्भहियाइं उक्कोसेणं अट्ठासीइं वाससहस्साइं चउहिं अंतोमुहुत्तेहिं अब्भहियाइं एवइयं ८, सो चेव उक्कोसकालद्विईएसु उववन्नो जहन्नेणं बावीसं वाससहस्सद्विईएसु उक्कोसेणवि बावीसं वाससहस्सद्विईएसु एस

चेव सत्तमगमगवत्तव्या जाणियव्वा जाव भवादेसोत्ति, कालादेसेण जहण्णेणं चोयालीसं वाससहस्साइं उक्कोसेणं छावत्तरिवाससहस्सुत्तरं सयसहस्सं एवइयं० ९ ॥ जइ आउक्काइयएगिदियतिरिक्खजोणिएहिंतो उववज्जति किं सुहुमआउ० बादर-आउ० एवं चउक्कोओ भेदो भाणियव्वो जहा पुढविकाइयाणं, आउक्काइयाणं भंते । जे भविए पुढविकाइएसु उववज्जिए से णं भंते । केवइयकालट्टिइएसु उववज्जेजा ? गोयमा ! जहणेणं अंतोमुहुत्तट्टिइएसु उक्कोसेणं बावीसं वाससहस्सट्टिइएसु उववज्जेजा, एवं पुढविकाइयगमगसरिसा नव गमगा भाणियव्वा ९, नवरं थिबुगबिंदुसंठिए, ठिइ जहणेणं अंतोमुहुत्तं उक्कोसेणं सत्त वाससहस्साइं, एवं अणुबंधोवि एवं तिसुवि गमएसु, ठिइ संवेहो तइयच्छट्टसत्तमट्टमणवमगमएसु भवादेसेणं जहण्णेणं दो भवग्गहणाइं उक्कोसेणं अट्ट भवग्गहणाइ, सेसेसु चउसु गमएसु जहण्णेणं दो भवग्गहणाइं उक्कोसेणं असंखेज्जाइ भवग्गहणाइं, तइयगमए कालादेसेणं जहणेणं बावीसं वाससहस्साइं अंतोमुहुत्तमब्भहियाइं उक्कोसेणं सोलसुत्तरं वाससयसहस्सं एवइयं०, छट्टे गमए कालादेसेणं जहणेणं बावीसं वाससहस्साइं अंतोमुहुत्तमब्भहियाइं उक्कोसेणं अट्टासीइं वाससहस्साइं चउहिं अंतोमुहुत्तेहिं अब्भहियाइं एवइयं०, सत्तमे गमए कालादेसेणं जहणेणं सत्त वाससहस्साइं अंतोमुहुत्तमब्भहियाइं उक्कोसेणं सोलसुत्तरवाससयसहस्सं एवइयं०, अट्टमे गमए कालादेसेणं जहणेणं सत्त वाससहस्साइं अंतोमुहुत्तमब्भहियाइं उक्कोसेणं अट्टावीस वाससहस्साइं चउहिं अंतोमुहुत्तेहिं अब्भहियाइं एवइयं०, णवमे गमए भवादेसेणं जहणेणं दो भवग्गहणाइं उक्कोसेणं अट्ट भवग्गहणाइं, कालादेसेणं जहणेणं एगूणतीसं वाससहस्साइं उक्कोसेणं सोलसुत्तरं वाससयसहस्सं एवइयं०, एवं णवसुवि गमएसु आउक्काइयठिइं जाणियव्वा ९ ॥ जइ तेउक्काइएहिंतो उववज्जंति तेउक्काइयाणवि एसु चेव वत्तव्वया नवरं नवसुवि गमएसु तिन्नि वेस्साओ तेउक्काइयाणं सु(सु)इं कलावसंठिया ठिइ जाणियव्वा तइयगमए कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं अट्टासीइं वाससहस्साइं बारसहिं राइंदिएहिं अब्भहियाइं एवइयं एवं संवेहो उवजुंजिऊण भाणियव्वो ९ ॥ जइ वाउक्काइएहिंतो उववज्जंति वाउक्काइयाणवि एवं चेव णव गमगा जहेव तेउक्काइयाणं णवरं पडागासंठिया प० संवेहो वाससहस्सेहिं कायव्वो तइयगमए कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं एणं वाससयसहस्सं एवं संवेहो उवजुंजिऊण भाणियव्वो ॥ जइ वणस्सइक्काइएहिंतो उववज्जंति वणस्सइक्काइयाणं आउक्काइयगमगसरिसा णव गमगा भाणियव्वा नवरं णाणासंठिया सरीरोगाहणा प० पढमएसु पच्छिण्णएसु

य तिसु गमएसु जहण्णेणं अंगुलस्स असंखेज्जइभागं उक्कोसेणं साइरेगं जोयणसहस्सं मज्झिण्णएसु तिसु तहेव जहा पुढविकाइयाणं संवेहो ठिई य जाणियब्बा तइयगमए कालादेसेणं जहणेणं बावीस वाससहस्साई अंतोमुहुत्तमब्भहियाई उक्कोसेणं अट्ठावीसुत्तरं वाससयसहस्सं एवइयं एवं संवेहो उवजुंजिऊण भाणियव्वो ॥ ७०० ॥

जइ बेइदिएहिंतो उववज्जंति किं पज्जतबेइदिएहिंतो उववज्जंति अपज्जतबेइदिएहिंतो उववज्जंति ? गोयमा ! पज्जतबेइदिएहिंतो उववज्जंति अपज्जतबेइदिएहिंतो वि उववज्जंति, बेइदि ए णं भंते । जे भवि ए पुढविकाइएसु उववज्जित ए से णं भंते । केवइ-काल ० ? गोयमा ! जहण्णेणं अंतोमुहुत्तट्ठिईएसु उक्कोसेणं बावीसं वाससहस्सट्ठिईएसु, ते णं भंते । जीवा एगसमएणं ० ? गोयमा ! जहणेणं एको वा दो वा तिञ्चि वा उक्कोसेणं सखेज्जा वा असंखेज्जा वा उववज्जंति, छेवट्टसंघयणी, ओगाहणा जहणेणं अंगुलस्स असंखेज्जइभागं उक्कोसेणं बारस जोयणाई, हुंडसंठिया, तिञ्चि लेस्साओ, सम्मदिट्ठीवि मिच्छादिट्ठीवि नो सम्मामिच्छादिट्ठी, दो गाणा दो अच्चाणा नियमं, णो मणजोगी वइजोगीवि कायजोगीवि, उवओगो दुविहोवि, चत्तारि सत्ताओ, चत्तारि कसाया, दो इंदिया ५०, तं०-जिम्भिदि ए य फासदि ए य, तिञ्चि समुग्घाया सेसं जहा पुढविकाइयाणं णवरं ठिई जहणेणं अंतोमुहुत्तं उक्कोसेणं बारस संवच्छराई एवं अणुबंधोवि, सेसं तं चेव, भवादेसेणं जहणेणं दो भवग्गहणाई उक्कोसेणं संखेज्जाई भवग्गहणाई, कालादेसेणं जहणेणं दो अंतोमुहुत्ता उक्कोसेणं सखेज्जं कालं एवइयं ० १, सो चेव जहन्नकालट्ठिईएसु उववज्जो एस चं वत्तव्वया सव्वा २, सो चेव उक्कोसकालट्ठिईएसु उववज्जो एसा चेव बेइदियस्म लद्धी नवरं भवादेसेणं जहण्णेणं दो भवग्गहणाई उक्कोसेणं अट्ठ भवग्गहणाई, कालादेसेणं जहणेणं बावीसं वाससहस्साई अंतोमुहुत्तमब्भहियाई उक्कोसेणं अट्ठासीई वाससहस्साई अडयालीसाए संवच्छरेहिं अब्भहियाई एवइयं ० ३, सो चेव अप्पणा जहन्नकालट्ठिईओ जाओ तस्सवि एस चेव वत्तव्वया तिसुवि गमएसु नवरं इमाई सत्त णाणत्ताई सरीरोगाहणा जहा पुढविकाइयाणं, णो सम्मदिट्ठी मिच्छादिट्ठी णो सम्मामिच्छादिट्ठी, दो अच्चाणा णियमं, णो मणजोगी णो वइजोगी कायजोगी, ठिई जहणेणं अंतोमुहुत्तं उक्कोसेणं वि अंतोमुहुत्तं, अज्झवसाणा अप्पसत्था, अणुबंधो जहा ठिई, संवेहो तहेव आइल्लेसु दोसु गमएसु तइयगमए भवादेसो तहेव अट्ठ भवग्गहणाई कालादेसेणं जहणेणं बावीसं वाससहस्साई अंतोमुहुत्तमब्भहियाई उक्कोसेणं अट्ठासीई वाससहस्साई चउहिं अंतोमुहुत्तेहिं अब्भहियाई ६, सो चेव अप्पणा उक्कोसकालट्ठिईओ जाओ एयस्सवि ओहियगमगसरिसा तिञ्चि गमगा भाणियव्ववा नवरं तिसुवि गमएसु ठिई जहणेणं

वारस संवच्छराई उक्कोसेणवि वारस संवच्छराई, एवं अणुबंधोवि, भवादेसेणं जहण्णेणं दो भवग्गहणाई उक्कोसेणं अट्ट भवग्गहणाई, कालादेसेणं उवजुंजिऊण भाणियव्वं जाव णवमे गमए जह्जेणं बावीस वाससहस्साई वारसहिं संवच्छरेहिं अब्भहियाई उक्कोसेणं अट्टासीइ वाससहस्साई अडयालीनाए संवच्छरेहिं अब्भहियाई एवइयं० ९ ॥ जइ तेइदिएहिंतो पुडविकाइएसु उववज्जन्ति एवं चेव नव गमगा भाणियव्वा नवरं आउण्णं तिनुवि गमएसु सरीरोगाहणा जह्जेणं अंगुलस्स असंखेज्जइभागं उक्कोसेणं तिन्नि गाउयाई, तिन्नि इंदियाई, ठिइ जह्जेणं अंतोमुहुत्तं उक्कोसेणं एगूय-पन्नं राईदियाई, तइयगमए कालादेसेणं जह्जेणं बावीसं वाससहस्साई अतोमुहुत्त-मव्वहियाई उक्कोसेणं अट्टासीइ वाससहस्साई छन्नउई राईदियसयमव्वहियाई एवइयं०, मज्झिमगा तिन्नि गमगा तहेव पन्निच्चमगावि तिन्नि गमगा तहेव नवरं ठिइ जह्जेणं एगूयपन्नं राईदियाई उक्कोसेणवि एगूयपन्नं राईदियाई संवेहो उवजुंजिऊण भाणियव्वो ९ ॥ जइ च उरिदिएहिंतो उववज्जन्ति एवं चेव चउरिदियाणवि नव गमगा भाणियव्वा नवरं एएसु चेव टाणेतु नाणत्ता भाणियव्वा सरीरोगाहणा जह्जेणं अंगुलस्स असंखेज्जइभागं उक्कोसेणं ननावि गाउयाई, ठिइ जह्जेणं अतोमुहुत्तं उक्कोसेणं छम्मागा एवं अणुबंधोवि, चत्तारि इंदियाई सेसं तं चेव जाव नवमगमए कालादेसेणं जह्जेणं बावीस वाससहस्साई छहि मासेहिं अब्भहियाई उक्कोसेणं अट्टा-सीइ वाससहस्साई चउवीसाए मानेहिं अब्भहियाई एवइयं० ९ ॥ जइ पंचिदियतिरि-क्खजोणिएहिंतो उववज्जन्ति कि मन्निपंचिदियतिरिक्खजोणिएहिंतो उववज्जन्ति असंखिपंचि-दियतिरिक्खजोणिए०? गोयमा ! सन्निपंचिदिय०, असण्णिपंचिदिय०, जइ असण्णि-पंचिदिय जाव उ० कि जलचरेहिंतो उववज्जन्ति जाव कि पज्जतएहिंतो उववज्जन्ति अप-ज्जतएहिंतो उववज्जन्ति ? गोयमा ! पज्जतएहिंतोवि उववज्जन्ति अपज्जतएहिंतोवि उवव-ज्जन्ति, असन्निपंचिदियतिरिक्खजोणिए णं भंते ! जे भविए पुडविकाइएसु उववज्जितए-से णं भंते ! केवइ० ? गोयमा ! जह्जेणं अंतोमुहुत्तं उक्कोसेणं बावीसं वाससहस्साई, ते णं भंते ! जीवा एवं जहेव वेइंदियस्स ओहियगमए लद्धी तहेव नवरं सरीरोगाहणा जह्जेणं अंगुलस्स असंखेज्जइभागं उक्कोसेणं जोयणसहस्सं, पंचिदिया, ठिइ अणुबंधो य जह्जेणं अंतोमुहुत्तं उक्कोसेणं पुव्वकोडी सेसं तं चेव, भवादेसेणं जह्जेणं दो भव-ग्गहणाई उक्कोसेणं अट्ट भवग्गहणाई, कालादेसेणं जह्जेणं दो अंतोमुहुत्ता उक्कोसेणं चत्तारि पुव्वकोडीओ अट्टासीइए वाससहस्सेहिं अब्भहियाओ एवइयं० णवसुवि गमएसु कायसंवेहो भवादेसेणं जह्जेणं दो भवग्गहणाई उक्कोसेणं अट्ट भवग्गहणाई कालादेसेणं उवजुंजिऊण भाणियव्वं, नवरं मज्झिमएसु तिनु गमएसु जहेव वेइंदियस्स

मज्झिमएसु तिस्र गमएसु पच्छिन्नएसु तिसु गमएसु जहा एयस्स चेव पढमगमए, नवरं ठिई अणुबंधो जहजेणं पुव्वकोडी उक्कोसेणवि पुव्वकोडी, सेसं तं चेव जाव नक्कम गमए जहण्णेणं पुव्वकोडी बावीसाए वाससहस्सेहिं अब्भहिया उक्कोसेणं चत्तारि पुव्वकोडीओ अट्टासीईए वाससहस्सेहिं अब्भहियाओ एवइयं कालं सेवेज्जा ० ९ ॥ जइ सत्तिपंचिदियतिरिक्खजोणि जाव उ० किं संखेज्जवासाउय० असंखेज्जवासाउय० ? गोयमा ! संखेज्जवासाउय० णो असंखेज्जवासाउय जाव उ०, जइ संखेज्जवासाउय जाव उ० किं जलचरेहितो सेसं जहा असक्कीणं जाव ते णं भंते ! जीवा एगसमएणं केवइया उववज्जंति एवं जहा रयणप्पभाए उववज्जमाणस्स सत्तिपंचिदियस्स तद्देव इहवि, नवरं ओगाहणा जहजेणं अंगुलस्स असंखेज्जइभागं उक्कोसेणं जोयणसहस्सं सेसं तद्देव जाव कालादेसेणं जहजेणं दो अतोमुहुत्ता उक्कोसेणं चत्तारि पुव्वकोडीओ अट्टासीईए वाससहस्सेहिं अब्भहियाओ एवइयं०, एवं संवेहो णवसुवि गमएसु जहा अमर्जाणं तद्देव निरवसेसं लद्धी से आइल्लएसु तिसुवि गमएसु एस चेव मज्झिमएसुवि तिसु गमएसु एम चेव नवरं इमाई नव णाणत्ताई ओगाहणा जहजेणं अंगुलस्स असंखेज्जइभागं उक्कोसेणवि अंगुलस्स असंखेज्जइभागं, तिन्नि टेस्साओ, मिच्छादिट्ठी, दो अक्खाणा, कायजोगी, तिन्नि समुग्घाया, ठिई जहजेणं अंतोमुहुत्तं उक्कोसेणवि अंतोमुहुत्तं, अप्पसत्था अज्जवसाणा, अणुबंधो जहा ठिई सेसं तं चेव, पंचिदियएसु तिसुवि गमएसु जद्देव पढमगमए णवरं ठिई अणुबंधो जहजेणं पुव्वकोडी उक्कोसेणवि पुव्वकोडी, सेसं तं चेव ९ ॥ ७० १ ॥ जइ मणुस्सेहितो उववज्जंति किं मण्णिमणुस्सेहितो उववज्जंति असण्णिमणुस्सेहितो उ० ? गोयमा ! सण्णिमणुस्सेहितो उववज्जंति अमण्णिमणुस्सेहितोवि उववज्जंति, असण्णिमणुस्सेणं भंते ! जे भविए पुट्टविकाइएसु० मे णं भंते ! केवइयकालट्ठिईएसु एवं जहा असण्णिपंचिदियतिरिक्खजोणियस्स जहज्जकालट्ठिईएयस्स तिन्नि गमगा तहा एयस्सवि ओहिया तिन्नि गमगा भाणियच्चा तद्देव निरवसेसा सेसा छ न भण्णति १ ॥ जइ सण्णिमणुस्सेहितो उववज्जंति किं संखेज्जवासाउय० असंखेज्जवासाउय जाव उ० ? गोयमा ! संखेज्जवामाउय० णो असंखेज्जवासाउय जाव उ०, जइ संखेज्जवासाउय जाव उ० किं पज्जल० अपज्जल० ? गोयमा ! पज्जत्तसंखेज्जवासाउय० अपज्जत्तसंखेज्जवासा जाव उ०, सण्णिमणुस्से णं भंते ! जे भविए पुट्टविकाइएसु उववज्जितए से णं भंते ! केवइकाल० ? गोयमा ! जहण्णेषं अंतोमुहुत्तं उक्कोसेणं बावीसं वाससहस्सट्ठिईएसु, ते णं भंते ! जीवा एवं जद्देव रमणप्पभाए उववज्जमाणस्स तद्देव तिसुवि गमएसु लद्धी नवरं ओगाहणा जहण्णेणं अंगुलस्स असंखेज्जइभागं उक्कोसेणं पंचधणुहसयाई, ठिई जहण्णेणं अंतोमुहुत्तं उक्को-

सेणं पुष्वकौडी एवं अणुबंधोवि, संवेहो नवसु गमएसु जहेव सञ्चिपंचिदियस्स मञ्जि-
लएसु तिसु गमएसु ल्दी जहेव सञ्चिपंचिदियस्स म० सेसं तं चेष निरवसेसं, पच्छिञ्जा
तिञ्चि गमगा जहा एयस्स चेष ओहिया गमगा नवरं ओगाहणा जहण्णेणं पंचव-
णुहसयाइं उक्कोसेणवि पंच धणुहसयाइं, ठिई अणुबंधो जहण्णेणं पुष्वकौडी उक्कोसेणवि
पुष्वकौडी सेसं तहेव नवरं पच्छिञ्जएसु गमएसु संखेज्जा उववज्जंति नो असंखेज्जा
उववज्जंति ॥ जइ देवेहिंतो उववज्जंति किं भवणवासिदेवेहिंतो उववज्जंति वाणमं-
तर० जोइसियदेवेहिंतो उववज्जंति वेमाणियदेवेहिंतो उववज्जंति ? गोयमा ! भवण-
वासिदेवेहिंतोवि उववज्जंति जाव वेमाणियदेवेहिंतोवि उववज्जंति, जइ भवणवासिदे-
वेहिंतो उववज्जंति कि असुरकुमारभवणवासिदेवेहिंतो उववज्जंति जाव यणियकुमा-
रभवणवासिदेवेहिंतो उ० ? गोयमा ! असुरकुमारभवणवासिदेवेहिंतो उववज्जंति जाव
यणियकुमारभवणवासिदेवेहिंतो उववज्जंति, असुरकुमारे णं भंते ! जे भविए पुढवि-
क्काइएसु उववज्जितए से णं भंते ! केवइ० ? गोयमा ! जह्जेणं अंतोमुहुत्तं उक्कोसेणं
बावीसं वाससहस्साइं ठिई, ते णं भंते ! जीवा पुच्छा, गोयमा ! जह्जेणं एक्को
वा दो वा तिञ्चि वा उक्कोसेणं संखेज्जा वा असंखेज्जा वा उववज्जंति, तेसि णं भंते !
जीवाणं सरीरगा किंसंघयणी प० ? गोयमा ! छ्हं संघयणाणं असंघयणी जाव
परिणमंति, तेसि णं भंते ! जीवाणं केमहाळिया सरीरोगाहणा ? गोयमा ! दुविहा
प०, तं०-भवधारणिज्जा य उत्तरवेउच्चिया य, तत्थ णं जा सा भवधारणिज्जा सा
जह्जेणं अंगुलस्स असंखेज्जइभागं उक्कोसेणं सत्त रयणीओ, तत्थ णं जा सा उत्तर-
वेउच्चिया सा जह्जेणं अंगुलस्स असंखेज्जइभागं उक्कोसेणं जोयणसयसहस्सं,
तेसि णं भंते ! जीवाणं सरीरगा किंसंठिया प० ? गोयमा ! दुविहा प०, तं०-
भवधारणिज्जा य उत्तरवेउच्चिया य, तत्थ णं जे ते भवधारणिज्जा ते समच्चउरस-
संठाणसंठिया प०, तत्थ णं जे ते उत्तरवेउच्चिया ते णाणासंठाणसंठिया प०, वेस्साओ
चत्तारि, दिट्ठी तिषिहावि, तिञ्चि णाणा नियमं, तिञ्चि अञ्जाणा भयणाए, जोगो विविहोवि,
उवओगो दुविहोवि, चत्तारि सञ्जाओ, चत्तारि कसाया, पंच ईदिया, पंच समुग्घाया,
वेयणा दुविहावि, इत्थिबेदगावि पुरिसवेदगावि णो णपुंसगवैदगा, ठिई जह्जेणं
दसवाससहस्साइं उक्कोसेणं साइरेणं सागरोवमं, अञ्जवसाणा असंखेज्जा पसत्थावि
अप्पसत्थावि, अणुबंधो जहा ठिई, भवादेसेणं दो भवग्गहणाइं, कालादेसेणं जह्जेणं
दसवाससहस्साइं अंतोमुहुत्तमम्भहियाइं उक्कोसेणं साइरेणं सागरोवमं बावीसाए
वाससहस्सेहिं अम्भहियं एवइयं०, एवं णववि गमा णेयन्वा नवरं मञ्जिञ्जएसु
पच्छिञ्जएसु तिसु गमएसु असुरकुमारणं ठिइविसेसो जाणियव्वो सेसा ओहिया चेष

लक्ष्मी कायसंचेहं च जाणेज्जा, सव्वत्थ दो भवग्गहणाइं जाव णवमगमए कालादेसेणं जहण्णेणं साइरेणं सागरोवमं बावीसाए वाससहस्सेहिं अब्भहियं उक्कोसेणवि साइरेणं सागरोवमं बावीसाए वाससहस्सेहिं अब्भहियं एवइयं० ९ ॥ णागकुमारा णं भंते ! जे भविए पुढविक्काइए एम चेव वत्तव्वया जाव भवादेसोत्ति, णवरं ठिई जहण्णेणं दसवाससहस्साइं उक्कोसेणं देसूणाइं दो पळिओवमाइं, एवं अणुबंधोवि, कालादेसेणं जहण्णेणं दसवाससहस्साइं अंतोमुहुत्तमब्भहियाइं उक्कोसेणं देसूणाइं दो पळिओवमाइं बावीसाए वाससहस्सेहिं अब्भहियाइं, एवं णववि गमगा असुरकुमारगमगसरिसा नवरं ठिई कालादेसं च जाणेज्जा, एवं जाव थणियकुमारारणं ॥ जइ वाणमंतरदेवेहिंतो उववजंति किं पिसायवाणमंतरं जाव गंधव्ववाणमंतरं ? गोयमा ! पिसायवाणमंतरं जाव गंधव्ववाणमंतरं, वाणमंतरदेवे णं भंते ! जे भविए पुढविक्काइए एएमिपि असुरकुमारगमगसरिसा नव गमगा भाणियच्चा, नवरं ठिई कालादेसं च जाणेज्जा, ठिई जहणेणं दसवामसहस्साइं उक्कोसेणं पळिओवमं सेसं तहेव ॥ जइ जोइसियदेवेहिंतो उववजंति किं चंदविमाणजोइसियदेवेहिंतो उववजंति जाव ताराविमाणजोइसियदेवेहिंतो उ० ! गोयमा ! चंदविमाण जाव उ० जाव ताराविमाण जाव उ०, जोइसियदेवे णं भंते ! जे भविए पुढविक्काइए लक्ष्मी जहा असुरकुमारारणं णवरं एगा तेउळेस्सा प०, तिञ्जि णाणा तिञ्जि अजाणा णियमं, ठिई जहणेणं अट्टभागपळिओवमं उक्कोसेणं पळिओवमं वाससयसहस्समब्भहियं एवं अणुबंधोवि, कालादेसेणं जहण्णेणं अट्टभागपळिओवमं अंतोमुहुत्तमब्भहियं उक्कोसेणं पळिओवमं वाससयसहस्सेणं बावीसाए वाससहस्सेहिं अब्भहियं एवइयं०, एवं सेसावि अट्ट गमगा भाणियच्चा नवरं ठिई कालादेसं च जाणेज्जा ॥ जइ वेसाणियदेवेहिंतो उववजंति किं कप्पोववण्णगवेमाणिय० कप्पातीयवेमाणिएहिंतो उ० ? गोयमा ! कप्पोववण्णगवेमाणिय जाव उ० णो कप्पातीतवेमाणिय जाव उ०, जइ कप्पोववण्ण जाव उ० किं सोहम्मकप्पोववण्णगवेमाणिय० जाव अञ्जुयकप्पोववण्णगवेमाणिय जाव उ० ? गोयमा ! सोहम्मकप्पोववण्णगवेमाणिय० ईसाणकप्पोववण्णगवेमाणिय जाव उ०, णो सणकुमार जाव णो अञ्जुयकप्पोववण्णगवेमाणिय जाव उ०, सोहम्मगदेवे णं भंते ! जे भविए पुढविक्काइएसु उववज्जिनए से षं भंते ! केवइयं० एवं जहा जोइसियस्स गमगो णवरं ठिई अणुबंधो य जहणेणं पळिओवमं उक्कोसेणं दो सागरोवमाइं, कालादेसेणं जहण्णेणं पळिओवमं अंतोमुहुत्तमब्भहियं उक्कोसेणं दो सागरोवमाइं बावीसाए वाससहस्सेहिं अब्भहियाइं एवइयं कालं०, एवं सेसावि अट्ट गमगा भाणियच्चा, णवरं ठिई कालादेसं च जाणेज्जा ! ईसाणदेवे षं भंते ! जे भविए एवं ईसाणदेवेणवि णव गमगा भाणियच्चा नवरं ठिई अणुबंधो जहणेणं

साइरेणं पळिओवमं उक्कोसेणं साहरेगाई दो सागरोवमाई सेसं तं चव । सेवं भंते । २ ति जाव विहरइ ॥ ७०२ ॥ चउवीसइमे सए बारहमो उहेसो समत्तो ॥

आउक्काइया णं भंते ! कओहिंतो उववज्जंति ! एवं जहेव पुढविकाइयउहेसए जाव पुढविकाइए णं भंते ! जे भविए आउक्काइएसु उववज्जितए से णं भंते ! केवइ० ? गोयमा ! जहजेणं अंतोमुहुता उक्कोसेणं सतबाससइहस्सट्ठिईएसु उववजेजा, एवं पुढविकाइयउहेसगसरिसो भाणियव्वो णवरं ठिई संवेहं च जाणेज्जा, सेसं तहेव, सेवं भंते ! २ ति ॥ ७०३ ॥ चउवीसइमे सए तेरहमो उहेसो समत्तो ॥

तेउक्काइया णं भंते ! कओहिंतो उववज्जंति ? एवं (णवरं) पुढविकाइयउहेसगसरिसो उहेसो भाणियव्वो नवरं ठिई संवेहं च जाणेज्जा, देवेहिंतो ण उववज्जंति, सेसं तं चव । सेवं भंते ! २ ति जाव विहरइ ॥ ७०४ ॥ चउवीसइमस्स सयस्स चउहसमो उहेसो समत्तो ॥

वाउक्काइया णं भंते ! कओहिंतो उववज्जंति ? एवं जहेव तेउक्काइयउहेसओ तहेव नवरं ठिई संवेहं च जाणेज्जा । सेवं भंते ! २ ति ॥ ७०५ ॥ चउवीसइमे सए पण्णरहमो उहेसो समत्तो ॥

वणस्सइक्काइया णं भंते ! कओहिंतो उववज्जंति ? एवं पुढविकाइयसरिसो उहेसो नवरं जाहे वणस्सइक्काइया वणस्सइक्काइएसु उववज्जन्ति ताहे पडमविइयचउत्थपंचमेसु गमएसु परिमाणं अणुसमयं अविरहियं अणंता उववज्जंति, भवादेसेणं जहणेणं दो भवग्गहणाई उक्कोसेणं अणंताई भवग्गहणाई, कालादेसेणं जहणेणं दो अंतोमुहुता उक्कोसेणं अणंतं कालं एवइयं०, सेसा पंच गमा अट्ठभवग्गहणिया तहेव नवरं ठिई संवेहं च जाणेज्जा । सेवं भंते ! २ ति ॥ ७०६ ॥ चउवीसइमस्स सयस्स सोलहमो उहेसो समत्तो ॥

बेईदिया णं भंते ! कओहिंतो उववज्जंति जाव पुढविकाइए णं भंते ! जे भविए बेईदिएसु उववज्जितए से णं भंते ! केवइ० सखेव पुढविकाइयस्स लद्धी जाव काळादेसेणं जहजेणं दो अंतोमुहुता उक्कोसेणं संखेजाई भवग्गहणाई एवइयं०, एवं तेसु चव चउसु गमएसु संवेहो सेसेसु पंचसु गमएसु तहेव अट्ठ भवा । एवं जाव चउरिदिएणं समं चउसु संखेजा भवा, पंचसु अट्ठ भवा, पंचिदियतिरिक्खज्जोपियमणुस्सेसु समं तहेव अट्ठ भवा, देवे चव न उववज्जंति, ठिई संवेहं च जाणेज्जा । सेवं भंते ! २ ति ॥ ७०७ ॥ २४-१७ ॥ तेईदिया णं भंते ! कओहिंतो उववज्जंति ? एवं तेईदियाणं जहेव बेईदियाणं उहेसो नवरं ठिई संवेहं च जाणेज्जा, तेउक्काइएसु समं तइयगमो उक्कोसेणं अट्ठतराई बेराइदियसयाई बेईदिएहिं समं तइयगमे

उक्तोत्प्रेणं अडयालीसं संवत्तराईं छन्नउयराईदियसयमन्महियाईं तेईदिएहिं समं तइयगमे उक्तोत्प्रेणं बाणउयाईं तिभि राईदियसयाईं एवं सन्वत्थ जाणेजा जाव सन्निमणुस्तति, सेवं भंते । २ ति ॥ ७०८ ॥ २४-१८ ॥ चउरिंदिया णं भंते । कओहिंतो उववज्जंति ? जहा तेईदियाणं उदेसओ तहेव चउरिंदियाणवि नवरं ठिईं संवेहं च जाणेजा । सेवं भंते ! सेवं भंते ! ति ॥ ७०९ ॥ २४-१९ ॥ पंचिदिय-तिरिक्खजोणिया णं भंते । कओहिंतो उववज्जंति किं नेरइ० तिरिक्ख० मणु० देवेहिंतो उववज्जंति ? गोयमा ! नेरइएहिंतोवि उववज्जंति तिरिक्ख० मणुसेहिंतोवि उ० देवेहिंतोवि उववज्जंति, जइ नेरइएहिंतो उववज्जंति किं रयणप्पभापुडविनेरइएहिंतो उववज्जंति जाव अहेसत्तमापुडविनेरइएहिंतो उववज्जंति ? गोयमा ! रयणप्पभापुडविनेरइएहिंतो उववज्जंति जाव अहेसत्तमापुडविनेरइएहिंतोवि उववज्जंति, रयणप्पभापुडविनेरइए णं भंते । जे भविए पंचिदियतिरिक्खजोणिएसु उववज्जितए से णं भंते । केवइकालट्टिईएसु उववजेजा ? गोयमा ! जहणेणं अंतोमुहुत्तट्टिईएसु उक्तोत्प्रेणं पुव्वकोडिआउएसु उववजेजा, ते णं भंते ! जीवा एगसमणं केवइया उव-वज्जंति ? एवं जहा अमुरकुमारणं वत्तववया नवरं संघयणे पोगगला अणिद्धा अकंता जाव परिणमंति, ओगाहणा दुविहा प०, तं०-भवधारणिजा य उत्तरवेउव्विया य, तत्थ णं जा सा भवधारणिजा सा जहणेणं अंगुलस्स असंभेज्जइभागं उक्तोत्प्रेणं सत्त धणूईं तिभि रयणीओ छच्चंगुलाईं, तत्थ णं जा सा उत्तरवेउव्विया सा जहणेणं अंगुलस्स संभेज्जइभागं उक्तोत्प्रेणं पजरस धणूईं अट्टाइजाओ रयणीओ, तेसि णं भंते । जीवाणं सरीरगा किंसंठिया प० ? गोयमा ! दुविहा प०, तं०-भवधारणिजा य उत्तरवेउव्विया य, तत्थ णं जे ते भवधारणिजा ते हुंडमंठिया प०, तत्थ णं जे ते उत्तरवेउव्विया तेवि हुंडसंठिया प०, एगा काउलेस्सा प०, समुववाया चत्तारि, णो इत्थिवेदगा णो पुरिसवेदगा णपुंसगवेदगा, ठिईं जहणेणं दसवाससहस्साईं उक्तोत्प्रेणं सागरोवमं एवं अणुबंधोवि, सेसं तहेव, भवादेसेणं जहणेणं दो भवग्ग-हणाईं उक्तोत्प्रेणं अट्ट भवग्गहणाईं, कालादेसेणं जहणेणं दसवाससहस्साईं अंतो-मुहुत्तमन्महियाईं उक्तोत्प्रेणं चत्तारि सागरोवमाईं चउहिं पुव्वकोडीहिं अन्महियाईं एवइयं०, सो चेव जहन्नकालट्टिईएसु उववज्जो जहणेणं अंतोमुहुत्तट्टिईएसु उववजेजा, उक्तोत्प्रेणवि अंतोमुहुत्तट्टिईएसु अबसेसं तहेव, नवरं कालादेसेणं जहणेणं तहेव उक्तोत्प्रेणं चत्तारि सागरोवमाईं चउहिं अंतोमुहुत्तहिं अन्महियाईं एवइयं काल० २, एवं सेसावि सत्त गमगा भाणियन्वा जहेव नेरइयउदेसए सन्निरपंचिदिए(णं)हिं समं णेरइयाणं मज्झिमएसु य तिसुवि गमएसु पच्छिमएसु तिसुवि गमएसु ठिइयाणत्तं

भवद्, सेसं तं चेव सव्वत्थं ठिहं संवेहं च आणेज्जा ९ ॥ सकरप्पभापुडविनेरइए णं भंते । जे भविए एवं जहा रयणप्पभाए णव गमगा तहेव सकरप्पभाएवि, नवरं सरी-
 रोगाहणा जहा ओगाहणासंठाणे, तिन्नि णाणा तिन्नि अच्चाणा नियमं, ठिहं अणुबंधो य पुव्वभणिया, एवं णववि गमगा उवजुंजिऊण भाणियव्वा, एवं जाव छट्टपुडवी,
 नवरं ओगाहणा छेस्सा ठिहं अणुबंधो संवेहो य जाणियव्वा, अहेसत्तापुडवी-
 नेरइए णं भंते ! जे भविए एवं चेव णव गमगा, णवरं ओगाहणा छेस्सा ठिहं
 अणुबंधा जाणियव्वा, संवेहो भवादेसेणं जहण्णेणं दो भवग्गहणाइं उक्कोसेणं उच्चमव-
 ग्गहणाइं, कालादेसेणं जहण्णेणं बावीसं सागरोवमाइं अंतोमुहुत्तमच्चमहियाइं उक्कोसेणं
 छावट्ठि सागरोवमाइं तिहिं पुव्वकोडीहिं अच्चमहियाइं एवइयं०, आइल्लएसु छमुवि गम-
 एसु जहण्णेणं दो भवग्गहणाइं उक्कोसेणं छ भवग्गहणाइं, पच्छिळ्ळएसु तिसु गमएसु जह-
 ण्णेणं दो भवग्गहणाइं उक्कोसेणं चत्तारि भवग्गहणाइं, लडी नवमुवि गमएसु जहा
 षट्ठमगमए नवरं ठिहं विसो कालादे(सेणं)मो य विइयगमए जहण्णेणं बावीसं
 सागरोवमाइं अंतोमुहुत्तमच्चमहियाइं उक्कोसेणं छावट्ठि सागरोवमाइं तिहिं अतोमुहुत्तेहिं
 अच्चमहियाइं एवइयं कालं०, तइयगमए जहण्णेणं बावीसं सागरोवमाइं पुव्वकोडीए
 अच्चमहियाइं उक्कोसेणं छावट्ठि सागरोवमाइं तिहिं पुव्वकोडीहिं अच्चमहियाइं, चउ-
 त्यगमए जहण्णेणं बावीसं सागरोवमाइं अंतोमुहुत्तमच्चमहियाइं उक्कोसेणं छावट्ठि
 सागरोवमाइं तिहिं पुव्वकोडीहिं अच्चमहियाइं, पंचमगमए जहण्णेणं बावीसं सागरोव-
 माइं अंतोमुहुत्तमच्चमहियाइं उक्कोसेणं छावट्ठि सागरोवमाइं तिहिं अतोमुहुत्तेहिं
 अच्चमहियाइं, छट्ठमगमए जहण्णेणं बावीसं सागरोवमाइं पुव्वकोडीहिं अच्चमहियाइं
 उक्कोसेणं छावट्ठि सागरोवमाइं तिहिं पुव्वकोडीहिं अच्चमहियाइं, सत्तमगमए जहण्णेणं
 तेत्तीसं सागरोवमाइं अतोमुहुत्तमच्चमहियाइं उक्कोसेणं छावट्ठि सागरोवमाइं दोहिं
 (अंतोमुहुत्तेहिं) पुव्वकोडीहिं अच्चमहियाइं, अट्ठमगमए जहण्णेणं तेत्तीसं सागरोवमाइं
 अतोमुहुत्तमच्चमहियाइं उक्कोसेणं छावट्ठि सागरोवमाइं दोहिं अतोमुहुत्तेहिं अच्चमहियाइं,
 णवमगमए जहण्णेणं तेत्तीसं सागरोवमाइं पुव्वकोडीए अच्चमहियाइं उक्कोसेणं छावट्ठि
 सागरोवमाइं दोहिं पुव्वकोडीहिं अच्चमहियाइं एवइयं० ९ ॥ जइ तिरिक्खजोणिएहिंतो
 उववज्जति किं एगिदियतिरिक्खजोणिएहिंतो उ० एवं उववाओ जहा पुडविकाइयउइएसए
 जाव पुडविकाइए णं भंते ! जे भविए पंचिदियतिरिक्खजोणिएसु उववज्जितए से
 णं भंते । केवइ० ? गोयमा ! जहण्णेणं अंतोमुहुत्तट्ठिइएसु उक्कोसेणं पुव्वकोडीआउ-
 एसु उववज्जेज्जा, ते णं भंते । जीवा एवं परिमाणादीया अणुबंधपज्जवसाणं जज्जेव
 ज्जप्पणो सट्ठाणे वत्तव्वया सज्जेव पंचिदियतिरिक्खजोणिएसुवि उववज्जमाणस्स

भाणियव्वा णवरं णवसुवि गमएसु परिमाणो जहजेणं एको वा दो वा तिञ्चि वा उक्कोसेणं संखेज्जा वा असंखेज्जा वा उववज्जंति, भवादेसेणवि णवसुवि गमएसु जहजेणं दो भवग्गहणाई उक्कोसेणं अट्ट भवग्गहणाई, सेसं तं चेव, कालादेसेणं उभओ ठि(ई)ई पकरेज्जा । जइ आउक्काइएहिंतो उववज्जन्ति एवं आउक्काइ(ए)याणवि एवं जाव चउरिदिआ उववाएयव्वा, नवरं सुवत्थ अप्पणो लद्धी भाणियव्वा, णवसुवि गमएसु भवादेसेणं जहजेणं दो भवग्गहणाई उक्कोसेणं अट्ट भवग्गहणाई, कालादेसेणं उभओ ठिईं करेज्जा सव्वेसिं सव्वगमएसु, जहेव पुढविकाइएसु उववज्जमाणं लद्धी तहेव सव्वत्थ ठिईं संवेहं च जाणेज्जा ॥ जइ पंचिदियतिरिक्खजोणिएहिंतो उववज्जंति किं सन्निपंचिदियतिरिक्खजोणिएहिंतो उववज्जंति असन्निपंचिदियतिरिक्खजोणिएहिंतो उववज्जंति ? गोयमा ! सन्निपंचिदिय० असन्निपंचिदिय०, भेदो जहेव पुढविकाइएसु उववज्जमाणस्स जाव असन्निपंचिदियतिरिक्खजोणि ए णं भंते ! जे भवि ए पंचिदियतिरिक्खजोणिएसु उववज्जिण ए से णं भंते ! केवइकाल० ? गोयमा ! जहजेणं अंतोमुहुत्ता उक्कोसेणं पलिओवमस्स असंखेज्जइभागट्टिंएसु उवव०, ते णं भंते ! अवसेसं जहेव पुढविकाइएसु उववज्जमाणस्स अमास्सिस्स तहेव निरवसेसं जाव भवादेसोत्ति, कालादेसेणं जहजेणं दो अंतोमुहुत्ता उक्कोसेणं पलिओवमस्स असंखेज्जइभागं पुव्वकोट्टिपुहुत्तामभहियं एवइयं० १, चिइयगण एस्स चेव लद्धी नवरं कालादेसेणं जहजेणं दो अंतोमुहुत्ता उक्कोसेणं चत्तारि पुव्वकोट्टीओ चउहिं अंतोमुहुत्तेहिं अब्भहियाओ एवइयं० २, सो चेव उक्कोसकालट्टिंएसु उववज्जो जहजेणं पलिओवमस्स असंखेज्जइभागट्टिंएसु उक्कोसेणवि पलिओवमस्स असंखेज्जइभागट्टिंएसु उववज्जइ, ते णं भंते ! जीवा एवं जहा रयणप्पभाए उववज्जमाणस्स असन्निस्स तहेव निरवसेसं जाव कालादेसोत्ति, नवरं परिमाणं जहजेणं एको वा दो वा तिञ्चि वा उक्कोसेणं संखेज्जा उववज्जंति, सेसं तं चेव ३, सो चेव अप्पणा जहज्जकालट्टिंओ जाओ जहजेणं अंतोमुहुत्ताट्टिंएसु उक्कोसेणं पुव्वकोट्टिआउएसु उववज्जजा, ते णं भंते ! अवसेसं जहा एयस्स पुढविकाइएसु उववज्जमाणस्स मज्जिमेसु तिसु गमएसु तथा इहवि मज्जिमेसु तिसु गमएसु जाव अणुबंधोत्ति, भवादेसेणं जहजेणं दो भवग्गहणाई उक्कोसेणं अट्ट भवग्गहणाई, कालादेसेणं जहजेणं दो अंतोमुहुत्ता उक्कोसेणं चत्तारि पुव्वकोट्टीओ चउहिं अंतोमुहुत्तेहिं अब्भहियाओ ४, सो चेव जहज्जकालट्टिंएसु उववज्जो एस्स चेव वत्तव्वया नवरं कालादेसेणं जहजेणं दो अंतोमुहुत्ता उक्कोसेणं अट्ट अंतोमुहुत्ता एवइयं० ५, सो चेव उक्कोसकालट्टिंएसु उववज्जो जहजेणं पुव्वकोट्टिआउएसु उक्कोसेणवि पुव्वकोट्टिआउएसु उववज्जजा, एस्स चेव वत्तव्वया नवरं कालादेसेणं जाणेज्जा ६, सो चेव

अप्पणा उक्कोसकालद्विईओ जाओ सत्तेव पढमगमगवत्तव्वया नवरं टिई जहण्णेणं पुव्वकोडी उक्कोसेणवि पुव्वकोडी सेसं तं चेव, कालादेसेणं जहण्णेणं पुव्वकोडी अंतोमुहुत्तमम्भहिया उक्कोसेणं पलिओवमस्स असंखेज्जइभागं पुव्वकोडिपुहुत्तमम्भहियं एवइयं० ७, सो चेव जहण्णकालद्विईएसु उववन्नो एस चेव वत्तव्वया जहा सत्तमगमए नवरं कालादेसेणं जहण्णेणं पुव्वकोडी अंतोमुहुत्तमम्भहिया उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ एवइयं० ८, सो चेव उक्कोसकालद्विईएसु उववन्नो जहण्णेणं पलिओवमस्स असंखेज्जइभागं उक्कोसेणवि पलिओवमस्स असंखेज्जइभागं, एवं जहा रयणप्पभाए उववज्जमाणस्स असञ्जिस्स नवमगमए तहेव निरवसेसं जाव कालादेसोत्ति, नवरं परिमाणं जहा एयस्सेव तइयगमे सेसं तं चेव ९॥ जइ सञ्चिपंचिदियतिरिक्खजोणिएहिंतो उववज्जति किं सखेज्जवासा० असंखेज्जवासा० ! गोयमा ! संखेज्ज० णो असंखेज्ज०, जइ संखेज्जवासाउय जाव किं पज्जत्तसंखेज्ज० अपज्जत्तसंखेज्ज० ? दोसुवि, संखेज्जवासाउयसञ्चिपंचिदियतिरिक्खजोणिए णं भंते ! जे भविए पंचिदियतिरिक्खजोणिएसु उववज्जत्तए से णं भंते ! केवइ० ? गोयमा ! जहण्णेणं अंतोमुहुत्तं उक्कोसेणं तिपलिओवमद्विईएसु उववज्जेज्जा, ते णं भंते ! अवसेसं जहा एयस्स चेव सञ्चिस्सा रयणप्पभाए उववज्जमाणस्स पढमगमए, नवरं ओगाहणा जहण्णेणं अंगुलस्स असंखेज्जइभागं उक्कोसेणं जोअणमहस्सं सेसं तं चेव जाव भवादेसोत्ति, कालादेसेणं जहण्णेणं दो अंतोमुहुत्ता उक्कोसेणं तिञ्चि पलिओवमाइं पुव्वकोडीपुहुत्तमम्भहियाइं एवइयं० १, सो चेव जहण्णकालद्विईएसु उववन्नो एस चेव वत्तव्वया नवरं कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ २, सो चेव उक्कोसकालद्विईएसु उववण्णो जहण्णेणं तिपलिओवमद्विईएसु उक्कोसेणवि तिपलिओवमद्विईएसु उववज्जेज्जा, एस चेव वत्तव्वया नवरं परिमाणं जहण्णेणं एको वा दो वा तिञ्चि वा उक्कोसेणं संखेज्जा उववज्जति, ओगाहणा जहण्णेणं अंगुलस्स असंखेज्जइभागं उक्कोसेणं जोअणसहस्सं सेसं तं चेव जाव अणुबंधोत्ति, भवादेसेणं दो भवग्गहणाइं, कालादेसेणं जहण्णेणं तिञ्चि पलिओवमाइं अंतोमुहुत्तमम्भहियाइं उक्कोसेणं तिञ्चि पलिओवमाइं पुव्वकोडीए अब्भहियाइं ३, सो चेव अप्पणा जहण्णकालद्विईओ जाओ जहण्णेणं अंतोमुहुत्तं उक्कोसेणं पुव्वकोडिआउएसु उववज्जेज्जा, लद्धी से जहा एयस्स चेव सञ्चिपंचिदियस्स पुढविकाइएसु उववज्जमाणस्स मज्झिणएसु तिसु गमएसु सत्तेव इहवि मज्झिमेसु तिसु गमएसु कायव्वा, संवेहो जहेव एत्थ चेव असञ्जिस्स मज्झिमेसु तिसु गमएसु, सो चेव अप्पणा उक्कोसकालद्विईओ जाओ जहा पढमगमए नवरं

ईद्वै अणुबंधो जहन्नेणं पुव्वकोडी उक्कोसेणवि पुव्वकोडी, कालादेसेणं जहन्नेणं
 पुव्वकोडी अंतोमुहुत्तमब्भहिया उक्कोसेणं तिञ्जि पलिओवमाई पुव्वकोडीपुहुत्तमब्भ-
 हियाई ७, सो चेव जहन्नकालट्टिईएसु उववन्नो एस चेव वत्तव्वया नवरं कालादेसेणं
 जहन्नेणं पुव्वकोडी अतोमुहुत्तमब्भहिया उक्कोसेणं चत्तारि पुव्वकोडीओ चउहिं
 अंतोमुहुत्तोहिं अब्भहियाओ ८, सो चेव उक्कोसकालट्टिईएसु उववन्नो जहन्नेणं
 तिपलिओवमट्टिईएसु उक्कोसेणवि तिपलिओवमट्टिईएसु अवसेसं तं चेव, नवरं परिमाणं
 ओगाहणा य जहा एयस्सेव तइयगमए, भवादेसेणं दो भवरगहणाई, कालादेसेणं
 जहन्नेणं तिञ्जि पलिओवमाई पुव्वकोडीए अब्भहियाई उक्कोसेणवि तिञ्जि पलिओवमाई
 पुव्वकोडीए अब्भहियाई एवइयं ९॥ जइ मणुस्सेहिंतो उववज्जंति किं सन्निमणु०
 असन्निमणु० ? गोयमा ! सन्निमणु० असन्निमणु०, अमन्निमणुरसे णं भंते ! जे
 भविए पंचिदियतिरिक्खजोणिएसु उववज्जित्तए से णं भंते ! केवइकाल० ? गोयमा !
 जहन्नेणं अतोमुहुत्तं उक्कोसेणं पुव्वकोडीआउएणु उववज्जंति, लद्धी से तियुवि गमएसु
 जहा पुढविकाइएसु उववज्जमाणस्स संवेहो जहा एत्थ चेव असन्नियपंचिदियस्स
 मज्झिमेसु तिसु गमएसु तहेव निरवसेसो भाणियव्वो, जइ सन्निमणुस्स० किं संखेज्ज-
 वासा उयसन्निमणुस्स० असंखेज्जवासा उयसण्णिमणुस्स० ? गोयमा ! संखेज्जवासा उय०
 नो असंखेज्जवासा उय०, जइ संखेज्ज० किं पजत्त० अपजत्त० ? गोयमा ' पजत्त० अप-
 जत्तसंखेज्जवासा उय०, सन्निमणुस्से णं भंते ! जे भविए पंचिदियतिरिक्खजोणिएसु
 उववज्जित्तए से णं भंते ! केवइ० ? गोयमा ! जहन्नेणं अंतोमुहुत्तं उक्कोसेणं
 तिपलिओवमट्टिईएसु उववज्जेजा, ते णं भंते ! लद्धी ने जहा एयस्सेव सन्निमणुस्सस्स
 पुढविकाइएसु उववज्जमाणस्स पडमगमए जाव भवादेस्योत्ति, कालादेसेणं जहन्नेणं
 दो अंतोमुहुत्ता उक्कोसेणं तिञ्जि पलिओवमाई पुव्वकोडिपुहुत्तमब्भहियाई ५, सो
 चेव जहन्नकालट्टिईएसु उववन्नो एस चेव वत्तव्वया नवरं कालादेसेणं जहन्नेणं दो
 अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तोहिं अब्भहियाओ २, सो
 चेव उक्कोसकालट्टिईएसु उववन्नो जहन्नेणं ति(ण्णि)पलिओवमट्टिईएसु उक्कोसेणवि तिप-
 लिओवमट्टिईएसु सच्चेव वत्तव्वया नवरं ओगाहणा जहन्नेणं अंगुलपुहुत्तं उक्कोसेणं पंच
 धणुहसयाई, टिई जहन्नेणं मासपुहुत्तं उक्कोसेणं पुव्वकोडी एवं अणुबंधोवि, भवादेसेणं
 दो भवरगहणाई, कालादेसेणं जहन्नेणं तिञ्जि पलिओवमाई मासपुहुत्तमब्भहियाई
 उक्कोसेणं तिञ्जि पलिओवमाई पुव्वकोडीए अब्भहियाई एवइयं १, सो चेव
 अप्पणा जहन्नकालट्टिईओ जाओ जहा सन्नियपंचिदियतिरिक्खजोणियस्स पंचिदिय-
 तिरिक्खजोणिएसु उववज्जमाणस्स मज्झिमेसु तिसु गमएसु वत्तव्वया भविया सच्चेव

एयस्सवि मज्झिमेसु तिसु गमएसु निरवत्तेसा भाणियव्वा, नवरं परिमाणं उक्कोसेणं संखेज्जा उववज्जंति, सेसं तं चेव ६, सो चेव अप्पणा उक्कोसकालट्टिइओ जाओ सत्तेव पढमगमगतत्त्वया नवरं भोगाहणा जहण्णेणं पंच धणुहसयाइं उक्कोसेणवि पंच धणुहसयाइं, ठिइ अणुबंधो जहण्णेणं पुव्वकोडी उक्कोसेणवि पुव्वकोडी, सेसं तहेव जाव भवादेसोत्ति, कालादेसेणं जहण्णेणं पुव्वकोडी अंतोमुहुत्तमम्महिया उक्कोसेणं तिन्नि पलिओवमाइं पुव्वकोडिपुहुत्तमम्महियाइं एवइयं ७, सो चेव जहत्तकालट्टिइएसु उववज्जो एस चेव वत्तव्वया नवरं कालादेसेणं जहण्णेणं पुव्वकोडी अंतोमुहुत्तमम्महिया उक्कोसेणं चत्तारि पुव्वकोडीओ च उहि अंतोमुहुत्तेहिं अम्महियाओ ८, सो चेव उक्कोसकालट्टिइएसु उववज्जो जहण्णेणं तिन्नि पलिओवमाइं उक्कोसेणवि तिन्नि पलिओवमाइं, एस चेव लडी जहेव सत्तमगमए, भवादेसेणं दो भवग्गहणाइं, कालादेसेणं जहणेणं तिन्नि पलिओवमाइं पुव्वकोडीए अम्महियाइं उक्कोसेणवि तिन्नि पलिओवमाइं पुव्वकोडीए अम्महियाइं एवइयं ९ ॥ जइ देव्हिंनो उववज्जंति किं भवणवासिदेवेहिंनो उववज्जंति वाणमंतरं ० जोइस्तियं वेमाणियदेवेहिंनो उ० ? गोयमा ! भवणवासिदेवेहिंनो उ० जाव वेमाणियदेवेहिंनोवि उ०, जइ भवणवासि जाव उ० किं असुरकुमारभवणं जाव थणियकुमारभवणं ? गोयमा ! असुरकुमारं जाव थणियकुमारभवणं, अमुरकुमारे णं भंते ! जे भविए पंचिदियतिरिक्खजोणिएसु उववज्जिए से णं भंते ! केवइयं ? गोयमा ! जहणेणं अंतोमुहुत्तट्टिइएसु उक्कोसेणं पुव्वकोडिआउएसु उववज्जेज्जा, असुरकुमाराणं लद्धी णवसुवि गमएसु जहा पुढविकाइएसु उववज्जमाणस्स एवं जाव ईसाणदेवस्स तहेव लद्धी भवादेसेणं गव्वत्थ अट्ट भवग्गहणाइं उक्कोसेणं जहणेणं दोन्नि, भवट्टिइं संवेहं च सव्वत्थ जाणेज्जा ९॥ नागकुमारा णं भंते ! जे भविए एस चेव वत्तव्वया नवरं ठिइं संवेहं च जाणेज्जा, एवं जाव थणियकुमारे ९। जइ वाणमंतरेहिंनो उ० किं पिसायं तहेव जाव वाणमंतरे णं भंते ! जे भविए पंचिदियतिरिक्खं एवं चेव नवरं ठिइं संवेहं च जाणेज्जा ९, जइ जोइस्तियं उववाओ तहेव जाव जोइसिए णं भंते ! जे भविए पंचिदियतिरिक्खं एस चेव वत्तव्वया जहा पुढविकाइयउहेसए भवग्गहणाइं णवसुवि गमएसु अट्ट जाव कालादेसेणं जहणेणं अट्ट भागपलिओवमं अंतोमुहुत्तमम्महियं उक्कोसेणं चत्तारि पलिओवमाइं च उहिं पुव्वकोडीहिं च उहि य वाससयसहस्सेहिं अम्महियाइं एवइयं, एवं नवसुवि गमएसु नवरं ठिइं संवेहं च जाणेज्जा ९॥ जइ वेमाणियदेवे किं कप्पोववन्नगं कप्पातीतवेमाणियं ? गोयमा ! कप्पोववण्णारवेमाणियं नो कप्पातीतवेमाणियं, जइ कप्पोववण्णानं जाव सहस्सारकप्पोववण्णारवेमाणियदेवेहिंनोवि उववज्जंति, नो आणय जाव ओ

अभ्युक्त्योववण्णगवेमाणिय०, सोहम्मगदेवे णं भंते । जे भविए पंचिदियतिरिक्ख-
जोणिएसु उववज्जितए से णं भंते ! केवइ० ? गोयमा ! जहण्णेणं अंतोमुहुत्त०
उक्कोसेणं पुव्वकोडिआउएसु सेसं जहेव पुढविकाइयउइसए नवसुवि गमएसु नवरं
नवसुवि गमएसु जहणेणं दो भवग्गहणाइं उक्कोसेणं अट्ट भवग्गहणाइं, ठिइं काला-
देसं च जाणेज्जा, एवं ईसाणदेवेवि, एवं एएणं कमेणं भवसेसावि जाव सहस्सार-
देवेसु उववाएयव्वा नवरं ओगाहणा जहा ओगाहणासंठाणे, टेस्सा सणंफुमार-
भाहिंदवंभलोएसु एगा पम्हलेस्सा सेसाणं एगा सुक्कलेस्सा, वेदे नो इत्थिवेदगा
पुरिसवेदगा णो नपुंसगवेदगा, आउअणुबंधा जहा टिइपदे सेसं जहेव ईसाणगाणं
कायसंवेहं च जाणेज्जा । सेवं भंते ! सेवं भंते ! त्ति ॥ ७१० ॥ चउवीसइमे सए
वीसइमो उहेसो समत्तो ॥

मणुस्सा णं भंते ! कओहितो उववज्जंति किं नेरइएहिंतो उववज्जंति जाव
देवेहिंतो उववज्जंति ? गोयमा ! नेरइएहिंतोवि उववज्जंति जाव देवेहिंतोवि उवव-
ज्जंति, एवं उववाओ जहा पंचिदियतिरिक्खजोणियउइसए जाव तमापुढविनेरइएहिं-
तोवि उववज्जंति णो अहेसत्तमापुढविनेरइएहिंतो उववज्जंति, रयणपभापुढविनेरइए
णं भंते ! जे भविए मणुस्सेसु उववज्जितए से णं भंते ! केवइकाल० ? गोयमा !
जहण्णेणं मासपुहुत्तद्विइएसु उक्कोसेणं पुव्वकोडीआउएसु अवसेमा वत्तव्वया जहा
पंचिदियतिरिक्खजोणिए उववज्जंतस्म तहेव नवरं परिमाणे जहण्णेणं एक्को वा दो
वा तिज्जि वा उक्कोसेणं संखेज्जा उववज्जंति, जहा तहिं अंतोमुहुत्तोहिं तथा इहं मास-
पुहुत्तोहिं संवेहं करेज्जा मेसं तं चेव ९ ॥ जहा रयणपभाए वत्तव्वया तथा मक्कर-
प्पभाएवि वत्तव्वया नवरं जहणेणं वासपुहुत्तद्विइएसु उक्कोसेणं पुव्वकोडि०, ओगा-
हणालेस्सागाणद्विइअणुबंधसंवेहं णाणनं च जाणेज्जा जहेव तिरिक्खजोणियउइसए
एवं जाव तमापुढविनेरइए ९ ॥ जइ तिरिक्खजोणिएहिंतो उववज्जंति किं एगिदि-
यतिरिक्खजोणिएहिंतो उववज्जंति जाव पंचिदियतिरिक्खजोणिएहिंतो उववज्जंति ?
गोयमा ! एगिदियतिरिक्खजोणिए० मेदो जहा पंचिदियतिरिक्खजोणियउइसए नवरं
तेउवाऊ पडिमेहेयव्वा, सेसं तं चेव जाव पुढविकाइए णं भंते ! जे भविए
मणुस्सेसु उववज्जितए से णं भंते ! केवइ० ? गोयमा ! जहणेणं अंतोमुहुत्तद्विइएसु
उक्कोसेणं पुव्वकोडीआउएसु उववज्जेज्जा, ते णं भंते ! जीवा एवं जखेव पंचिदियति-
रिक्खजोणिएसु उववज्जमाणस्स पुढविकाइयस्स वत्तव्वया सा चेव इहवि उववज्ज-
माणस्स भाणियव्वा णवसुवि गमएसु, नवरं तइयच्छट्ठभवमेसु गमएसु परिमाणं
जहणेणं एक्को वा दो वा तिज्जि वा उक्कोसेणं संखेज्जा उववज्जंति, जाहे अप्पणा

जहन्नकालद्विईओ भवइ ताहे पढमगमए अज्जवसाणा पसत्यावि अप्पसत्यावि, विइयगमए अप्पसत्या, तइयगमए पसत्या भवति सेसं तं चेव निरवसेसं ९ ॥ जइ आउक्काइए एवं आउक्काइयाणवि, एवं वणस्सइकाइयाणवि, एवं जाव चउरिंदियाणवि, असन्निपंचिदियतिरिक्खजोणिया सन्निपंचिदियतिरिक्खजोणिया असन्निमणुस्सा सन्निमणुस्सा य एए सव्वेवि जहा पंचिदियतिरिक्खजोणियउद्देसए तहेव भाणियव्वा, नवरं एयाणि चेव परिमाणअज्जवसाणाणात्ताणि जाणिजा, पुढविकाइयस्स एत्थ चेव उद्देसए भणियाणि सेसं तहेव निरवसेसं ॥ जइ देवेहिंतो उववज्जंति किं भवणवासिदेवेहिंतो उववज्जंति वाणमंतर० जोइसिय० वेमाणियदेवेहिंतो उववज्जंति ? गोयमा ! भवणवासि० जाव वेमाणिय जाव उ०, जइ भवण० किं असुर० जाव थणिय० ? गोयमा ! असुर० जाव थणिय०, अनुरकुमारे णं भंते ! जे भविए मणुस्सेसु उववज्जित्तए से णं भंते ! केवइ० ? गोयमा ! जहणेणं मासपुहुत्तद्विईएसु उक्कोसेणं पुव्वकोडिआउएसु उववज्जेजा, एवं जञ्चेव पंचिदियतिरिक्खजोणियउद्देसए पत्तव्वया सञ्चेव एत्थवि भाणियव्वा, नवरं जहा तहिं जहन्नगं अंतोसुहुत्तद्विईएसु नहा इहं मासपुहुत्तद्विईएसु, परिमाणं जहन्नेणं एक्को वा दो वा तिञ्चि वा उक्कोसेणं संखेज्जा उववज्जंति, सेसं तं चेव, एवं जाव ईसाणदेवोत्ति, एयाणि चेव णाणत्ताणि सणकुमारादीया जाव सहस्सारेत्ति जहेव पंचिदियतिरिक्खजोणियउद्देसए, नवरं परिमाणं जहणेणं एक्को वा दो वा तिञ्चि वा उक्कोसेणं संखेज्जा उववज्जंति, उववाओ जहन्नेणं वासपुहुत्तद्विईएसु उक्कोसेणं पुव्वकोडिआउएसु उववज्जंति, सेसं तं चेव संवेहं वा(मा)मपुहुत्तपुव्वकोडीसु करेज्जा ॥ सणकुमारे ठिई चउगुणिया अट्टावीसं सागरोवमा भवति, माहिंदे ताणि चेव साइरेयाणि, वंभलोए चत्तालीसे, लंतए छप्पन्नं, महासुक्के अट्टसट्ठि, सहस्सारे वावत्तारिं सागरोवमाइं एसा उक्कोसा ठिई भाणियव्वा जहन्नद्विईपि चउ गुणेजा ९ ॥ आणयदेवे णं भंते ! जे भविए मणुस्सेसु उववज्जित्तए से णं भंते ! केवइ० ? गोयमा ! जहणेणं वासपुहुत्तद्विईएसु उववज्जेजा उक्कोसेणं पुव्वकोडिठिईएसु, ते णं भंते ! एवं जहेव सहस्सारदेवारणं पत्तव्वया नवरं ओगाहणा ठिई अणुबंधो य जाणेजा, सेसं तं चेव, भवादेसेणं जहन्नेणं दो भवग्गहणाइं उक्कोसेणं छ भवग्गहणाइं, कालादेसेणं जहन्नेणं अट्टारस सागरोवमाइं वासपुहुत्तमभहियाइं उक्कोसेणं सत्तावधं सागरोवमाइं तिहिं पुव्वकोडीहिं अब्भहियाइं एवइयं कालं०, एवं णववि गमया, नवरं ठिई अणुबंधं संवेहं च जाणेजा, एवं जाव अणुयदेवो, नवरं ठिई अणुबंधं संवेहं च जाणेजा, पाणयदेवस्स ठिई तिगुणिया सट्ठि सागरोवमाइं, आरणयस्स तेवट्ठि सागरोवमाइं, अणुयदेवस्स छावट्ठि सागरो-

वमाई ॥ जइ कप्पातीतवेमाणियदेवेहितो उववजंति किं गेवेजकप्पातीत० अणुत्तरोववाइयकप्पातीत जाव उ० ? गोयमा ! गेवेज० अणुत्तरोववाइय०, जइ गेवेज० किं हेट्टिम २ गेवेजगकप्पातीत० जाव उवरिम २ गेवेज० ? गोयमा ! हेट्टिम २ गेवेज० जाव उवरिम २ गेवेज०, गेवेजगदेवे णं भंते ! जे भविए मणुस्सेसु उववजित्ते से णं भंते ! केवइकाल० ? गोयमा ! जहण्णेणं वासपुहुत्तद्विईएसु उक्कोसेणं पुव्वकोडिआउएसु उ० अवसेसं जहा आणयदेवस्स वत्तव्वया नवरं ओगाहणा० गोयमा ! एगे भवधारणिज्जे सरिरे से जहणेणं अंगुलस्स असंखेज्जइभागं उक्कोसेणं दो रयणीओ, सठाणं, गोयमा ! एगे भवधारणिज्जे सरिरे से समचउरंससठाणसंठिए प०, पंच समुग्घया प०, तं०- वेयणासमुग्घाए जाव तेयगसमुग्घाए णो चेव णं वेउत्थियतेयगससुग्घाएहिंते समोहणिसु वा समोहणंति वा समोहणिसंसंति वा, टिई अणुबंधो जहणेणं बावीसं सागरोवमाई उक्कोसेणं एकतीसं सागरोवमाई, सेसं तं चेव, कालादेसेणं जहणेणं बावीसं सागरोवमाई वासपुहुत्तमब्भहियाई उक्कोसेणं तेणउई सागरोवमाई तिहिं पुव्वकोडीहिं अब्भहियाई एवइयं०, एवं सेसेसुवि अट्टगमएसु नवरं टिई संवेहं च जाणेजा ९॥ जइ अणुत्तरोववाइयकप्पातीतवेमाणिय जाव उ० किं विजयअणुत्तरोववाइय० वेजयंतअणुत्तरोववाइय० जाव सव्वट्टसिद्ध० ? गोयमा ! विजयअणुत्तरोववाइय० जाव सव्वट्टसिद्धअणुत्तरोववाइय०, विजयवेजयंतजयंतअपराजियदेवे णं भंते ! जे भविए मणुस्सेसु उववजित्ते से णं भंते ! केवइ० ? एवं जहेव गेवेजगदेवाणं नवरं ओगाहणा जहणेणं अंगुलस्स असंखेज्जइभागं उक्कोसेणं एगा रयणी, सम्महिट्ठी णो मिच्छादिट्ठी णो मम्मामिच्छादिट्ठी, णाणी णो अजाणी नियमं तिजाणी तं०- आभिणिबोहियनाणी सुयनाणी ओहिणाणी, टिई जहणेणं एकतीसं सागरोवमाई उक्कोसेणं तेतीसं सागरोवमाई, सेसं तहेव, भवादेसेणं जहणेणं दो भवग्गहणाई उक्कोसेणं चत्तारि भवग्गहणाई, कालादेसेणं जहणेणं एकतीसं सागरोवमाई वासपुहुत्तमब्भहियाई उक्कोसेणं छावट्ठी सागरोवमाई दोहिं पुव्वकोडीहिं अब्भहियाई एवइयं०, एवं सेसावि अट्टगमगा भाणियव्वा नवरं टिई अणुबंधं संवेहं च जाणेजा सेसं तं चेव ॥ सव्वट्टसिद्धगदेवे णं भंते ! जे भविए मणुस्सेसु उववजित्ते सा चेव विजयादिदेववत्तव्वया भाणियव्वा नवरं टिई अजहजमणुक्कोसेणं तेतीसं सागरोवमाई एवं अणुबंधोवि, सेसं तं चेव, भवादेसेणं दो भवग्गहणाई, कालादेसेणं जहणेणं तेतीसं सागरोवमाई वासपुहुत्तमब्भहियाई उक्कोसेणं तेतीसं सागरोवमाई पुव्वकोडीए अब्भहियाई एवइयं० १। सो चेव अहजकालद्विईएसु उववजो एस चेव वत्तव्वया नवरं कालादेसेणं जहणेणं तेतीसं सागरोवमाई वासपुहुत्तमब्भहियाई

उक्कोसेणवि तेत्तीसं सागरोवमाइं वासपुहुत्तमब्भहियाइं एवइयं० २ । सो चेव उक्कोसकालट्टिइएसु उववन्नो एस चेव वत्तव्वया, नवरं कालादेसेणं जहण्णेणं तेत्तीसं सागरोवमाइं पुव्वकोडीए अब्भहियाइं उक्कोसेणवि तेत्तीसं सागरोवमाइं पुव्वकोडीए अब्भहियाइं एवइयं० ३, एणं चेव तिञ्जि गमगा सेस न मण्णंति । सेवं भंते । २ ति ॥ ७११ ॥ **चउवीसइमे सए एकवीसइमो उहेसो समत्तो ॥**

वाणमन्तरा णं भंते ! कओहिंतो उववज्जंति किं नेरइएहिंतो उववज्जंति तिरिक्ख० एवं जहेव णागकुमारउद्देमए असघ्नी तहेव निरवसेसं । जइ सञ्जिपंचिदिय० जाव असंखेज्जवासाउयसञ्जिपंचिदिय० जे भविए वाणमंतर० से णं भंते ! केवइ० ? गोयमा ! जह्णेणं दसवागसहस्सट्टिइएसु उक्कोसेणं पलिओवमट्टिइएसु मेसं तं चेव जहा नागकुमारउद्देमए जाव कालादेमेणं जहण्णेणं साइरेगा पुव्वकोडी दसहिं वासमहस्सेहिं अब्भहिया उक्कोसेणं चत्तारि पलिओवमाइं एवइयं०, सो चेव जह्णकालट्टिइएसु उववन्नो जहेव णागकुमारारणं चिइयगमे वत्तव्वया २, सो चेव उक्कोसकालट्टिइएसु उववन्नो जहण्णेणं पलिओवमट्टिइएसु उक्कोमेणवि पलिओवमट्टिइएसु एस चेव वत्तव्वया नवरं ठिइं से जहण्णेणं पलिओवमं उक्कोसेणं तिञ्जि पलिओवमाइं, संवेहो जहण्णेणं दो पलिओवमाइं उक्कोसेणं चत्तारि पलिओवमाइं एवइयं० ३, मज्झिमगमगा तिञ्जिवि जहेव नागकुमारेसु पच्छिमेषु तिसु गमएसु तं चेव जहा नागकुमाररुद्देमए नवरं ठिइं संवेहं च जाणेज्जा, संखेज्जवासाउय तहेव नवरं ठिइं अणुबंभो संवेहं च उभओ ठिइएसु जाणेज्जा, जइ मणुस्स० असंखेज्जवासाउयाणं जहेव नागकुमारारणं उद्देसए तहेव वत्तव्वया नवरं तट्टयगमए ठिइं जह्णेणं पलिओवमं उक्कोसेणं तिञ्जि पलिओवमाइं, ओगाहणा जहण्णेणं गाउयं उक्कोसेणं तिञ्जि गाउयाइं सेसं तं चेव, संवेहो से जहा एत्थ चेव उद्देमए असंखेज्जवासाउयसञ्जिपंचिदियाणं, संखेज्जवासाउयसञ्जिमणुस्से जहेव नागकुमाररुद्देमए नवरं वाणमंतरे ठिइं संवेहं च जाणेज्जा । सेवं भंते । २ ति ॥ ७१२ ॥ **चउवीसइमे सए बावीसइमो उहेसो समत्तो ॥**

ओइसिया णं भंते ! कओहिंतो उववज्जंति किं नेरइए० भेदो जाव सञ्जिपंचिदियतिरिक्खजोणिएहिंतो उववज्जंति नो असञ्जिपंचिदियतिरिक्ख०, जइ सञ्जि० किं संखेज्ज० असंखेज्ज० ? गोयमा ! संखेज्जवासाउय० असंखेज्जवासाउय जाव उ०, असंखेज्जवासाउयसञ्जिपंचिदियतिरिक्खजोणिए णं भंते । जे भविए ओइसिएसु उववज्जिए से णं भंते ! केवइ० ? गोयमा ! जह्णेणं अट्टभागपलिओवमट्टिइएसु उक्कोसेणं पलिओवमवासयसहस्समब्भहियाट्टिइएसु उववज्जेज्जा, अवसेसं जहा असुरकुमाररुद्देसए नवरं ठिइं जह्णेणं अट्टभागपलिओवमं उक्कोसेणं तिञ्जि पलिओवमाइं एवं अणुबंभोवि सेसं

तद्देव, नवरं कालादेसेणं जहण्णेणं दो अट्टभागपलिओवमाई उक्कोसेणं चत्तारि पलिओ-
चमाई वाससयसहस्समम्भहियाई एवइयं० १, सो चेव जहन्नकालट्टिईएसु उववन्नो
जहण्णेणं अट्टभागपलिओवमट्टिईएसु उक्कोसेणवि अट्टभागपलिओवमट्टिईएसु उ०, एस
चेव वत्तव्वया नवरं कालादेसं जाणेज्जा २, सो चेव उक्कोसकालट्टिईएसु उववण्णो एस
चेव वत्तव्वया णवरं टिई जहण्णेणं पलिओवमं वाससयसहस्समम्भहियं उक्कोसेणं
त्तिञ्चि पलिओवमाई, एवं अणुबंधोवि, कालादेसेणं जहण्णेणं दो पलिओवमाई दोहिं वास-
सयसहस्सेहिं अम्भहियाई उक्कोसेणं चत्तारि पलिओवमाई वामसयसहस्समम्भहियाई
३, सो चेव अप्पणा जहन्नकालट्टिईओ जाओ जहन्नेणं अट्टभागपलिओवमट्टिईएसु
उववज्जेज्जा उक्कोमेणवि अट्टभागपलिओवमट्टिईएसु उववज्जेज्जा, ते णं भंते । जीवा
एगसमए एस चेव वत्तव्वया नवरं ओगाहणा जहन्नेणं धणुहपुहुत्तं उक्कोसेणं साइरेगाई
अट्टारमधणुहसयाई, टिई जहन्नेणं अट्टभागपलिओवमं उक्कोसेणवि अट्टभागपलि-
ओवमं, एवं अणुबंधोवि नेस तद्देव, कालादेसेणं जहण्णेणं दो अट्टभागपलिओवमाई
उक्कोसेणवि दो अट्टभागपलिओवमाई एवइयं० जहन्नकालट्टिईयस्स एम चेव एको गमो
६, सो चेव अप्पणा उक्कोसकालट्टिईओ जाओ सा चेव ओहिया वत्तव्वया नवरं टिई
जहन्नेणं त्तिञ्चि पलिओवमाई उक्कोसेणवि त्तिञ्चि पलिओवमाई एवं अणुबंधोवि, सेसं
तं चेव, एवं पच्छिमा त्तिञ्चि गमगा णेयव्वा नवरं टिई सवेहं च जाणेज्जा, एए सत्त
गमगा । जइ संखेज्जवासाउयसत्तिपंचिदियं० संखेज्जवासाउयाणं जद्देव अनुरकुमा-
रेसु उववज्जमाणाणं तद्देव नववि गमा भाणियव्वा नवरं जोइसियाठिई संवेहं च
जाणेज्जा, सेसं तद्देव निरवसेसं भाणियव्वं, जइ मणुस्सेहितो उववज्जंति भंदो तद्देव
जाव असंखेज्जवासाउयसत्तिमणुस्से णं भंते ! जे भविए जोइसिएसु उववज्जितए से
णं भंते । एवं जहा असंखेज्जवासाउयसत्तिपंचिदियस्स जोइसिएसु चेव उववज्ज-
माणास्स सत्त गमगा तद्देव मणुस्साणवि नवरं ओगाहणाविसेतो पट्टमेसु तिसु गमएसु
ओगाहणा जहन्नेणं साइरेगाई नव धणुहसयाई उक्कोसेणं त्तिञ्चि गाउयाई, मज्जिमग-
मए जहण्णेणं साइरेगाई नव धणुहसयाई उक्कोसेणवि साइरेगाई नव धणुहसयाई,
पच्छिमेसु तिसुवि गमएसु जहण्णेणं त्तिञ्चि गाउयाई उक्कोसेणवि त्तिञ्चि गाउयाई, सेसं
तद्देव निरवसेसं जाव संवेहोत्ति, जइ संखेज्जवासाउयसत्तिमणुस्से० संखेज्जवासा-
उयाणं जद्देव अनुरकुमारेसु उववज्जमाणाणं तद्देव नव गमगा भाणियव्वा, नवरं
जोइसियाठिई संवेहं च जाणेज्जा, सेसं तं चेव निरवसेसं । सेवं भंते । २ ति ॥ ७१३ ॥

चउवीसइमे सए तेवीसइमो उहेसो समत्तो ॥
सोहम्मगदेवा णं भंते । कुओहिंतो उववज्जंति किं नेरइएहिंतो उववज्जंति० ! भेदो

जहा जोइसियउहेसए, असंखेज्जवासाउयसञ्चिपंचिदियतिरिक्खजोणिए णं भंते । जे भविए सोहम्मगदेवेसु उववज्जिताए से णं भंते ! केवइकाल० ? गोयमा । जहण्णेणं पल्लिओवमट्टिइएसु उ० उक्कोसेणं तिपल्लिओवमट्टिइएसु उववज्जेजा, ते णं भंते । अवसेसं जहा जोइसिएसु उववज्जमाणस्स नवरं सम्महिट्ठीवि मिच्छादिट्ठीवि णो सम्माम्मिच्छादिट्ठी, णाणीवि अजाणीवि दो णाणा दो अजाणा नियमं, ठिइं जहण्णेणं पल्लिओवमं उक्कोसेणं तिणिए पल्लिओवमाइं एवं अणुबंधोवि सेसं तहेव, कालादेसेणं जहण्णेणं दो पल्लिओवमाइं उक्कोसेणं छप्पल्लिओवमाइं एवइयं० १, सो चेव जहण्णकालट्टिइएसु उववज्जो एस चेव वत्तव्वया नवरं कालादेसेणं जहण्णेणं दो पल्लिओवमाइं उक्कोसेणं चत्तारि पल्लिओवमाइं एवइयं० २, सो चेव उक्कोसकालट्टिइएसु उववज्जो जहण्णेणं तिपल्लिओव० उक्कोसेणवि तिपल्लिओव० एस चेव वत्तव्वया नवरं ठिइं जहण्णेणं तिञ्चि पल्लिओवमाइं उक्कोसेणवि तिञ्चि पल्लिओवमाइं सेसं तं चेव, कालादेसेणं जहण्णेणं छप्पल्लिओवमाइं उक्कोसेणवि छप्पल्लिओवमाइं एवइयं० ३, सो चेव अप्पणा जहण्णकालट्टिइओ जाओ जहण्णेणं पल्लिओवमट्टिइएसु उक्कोसेणवि पल्लिओवमट्टिइएसु एस चेव वत्तव्वया नवरं ओगाहणा जहण्णेणं धणुहपुहुत्तं उक्कोसेणं दो गाउयाइं, ठिइं जहण्णेणं पल्लिओवमं उक्कोसेणवि पल्लिओवमं मेसं तहेव, कालादेसेणं जहण्णेणं दो पल्लिओवमाइं उक्कोसेणपि दो पल्लिओवमाइं एवइयं० ६, सो चेव अप्पणा उक्कोसकालट्टिइओ जाओ आइल्लगमगसरिसा तिञ्चि गमगा णेयव्वा नवरं ठिइं कालादेसं च जाणेज्जा ९ ॥ जइ संखेज्जवासाउयसञ्चिपंचिदिय० संखेज्जवासाउयस्स जहेव असुरकुमारेसु उववज्जमाणस्स तहेव नववि गमगा, नवरं ठिइं संवेहं च जाणेज्जा, जाहे य अप्पणा जहण्णकालट्टिइओ भवइ ताहे तिणुवि गमएसु सम्महिट्ठीवि मिच्छादिट्ठीवि णो सम्माम्मिच्छादिट्ठी, दो णाणा दो अजाणा नियमं सेसं तं चेव ॥ जइ मणुस्सेहिंतो उववज्जंति भेदो जहेव जोइसिएसु उववज्जमाणस्स जाइ असंखेज्जवासाउयसञ्चिमणुस्सो णं भंते ! जे भविए सोहम्मो कप्पे देवत्ताए उववज्जिताए एवं जहेव असंखेज्जवासाउयस्स सञ्चिपंचिदियतिरिक्खजोणियस्स सोहम्मो कप्पे उववज्जमाणस्स तहेव सत्त गमगा नवरं आइल्लएसु दोसु गमएसु ओगाहणा जहण्णेणं गाउयं उक्कोसेणं तिञ्चि गाउयाइं, तइयगमे जहण्णेणं तिञ्चि गाउयाइं उक्कोसेणवि तिञ्चि गाउयाइं, चउत्थगमए जहण्णेणं गाउयं उक्कोसेणवि गाउयं, पच्छिमएसु तिसु गमएसु जहण्णेणं तिञ्चि गाउयाइं उक्कोसेणवि तिञ्चि गाउयाइं सेसं तहेव निरवसेसं ९ ॥ जइ संखेज्जवासाउयसञ्चिमणुस्सेहिंतो० एवं संखेज्जवासाउयसञ्चिमणुस्साणं जहेव असुरकुमारेसु उववज्जमाणं तहेव षड गमगा भाणियव्वा नवरं सोहम्मगदेवट्टिइं संवेहं च जाणेज्जा, सेसं तं चेव ९ ॥ ईसाणदेवा णं भंते ! कओहिंतो

उववज्जति० ईसाणदेवाणं एस चव सोहम्मगदेवसरिसा वत्तव्वया नवरं असंखेज्जवा-
साउयसन्निरिचिदियतिरिक्खजोणियस्स जेसु ठाणेसु सोहम्मे उववज्जमाणस्स पळिओ-
वमट्टिई तेसु ठाणेसु इहं साइरेणं पळिओवमं कायव्वं, चउत्थगमे ओगाहणा जहणेणं
धणुहपुहुत्तं उक्कोसेणं साइरेगाई दो गाउयाई सेसं तं चव ९ ॥ असंखेज्जवासाउयस-
ज्जिमणुस्सस्सवि तहेव ठिई जहा पंचिदियतिरिक्खजोणियस्स असंखेज्जवासाउयस्स
ओगाहणावि जेसु ठाणेसु गाउयं तेसु ठाणेसु इहं साइरेणं गाउयं सेसं तहेव ९ ॥
सखेज्जवासाउयाणं तिरिक्खजोणियाणं मणुस्साण य जहेव सोहम्मेसु उववज्जमाणणं
तहेव निरवसेस णववि गमगा नवरं ईसाणट्टिई सवेहं च जाणेज्जा ९ ॥ सणकुमार-
गदेवा णं भते ! कओहिंतो उववज्जति० उववाओ जहा सक्करप्पभापुढविनेरइयाणं जाव
पज्जत्तसंखेज्जवासाउयसन्निरिचिदियतिरिक्खजोणिणं णं भंते ! जे भविए सणकुमारग-
देवेसु उववज्जिए अवसेसा परिमाणादीया भवाट्टेसपज्जक्साणा सचेव वत्तव्वया
भाणियव्वा जहा सोहम्मे उववज्जमाणस्स नवरं सणकुमारट्टिइं सवेहं च जाणेज्जा,
जाहे य अप्पणा जहन्नकालट्टिईओ भवइ ताहे तिसुवि गमएसु पंच लेस्साओ आइ-
ल्लाओ कायव्वाओ सेस तं चव ९ ॥ इइ मणुस्सेहिंतो उववज्जति मणुस्साणं जहेव
सक्करप्पभाए उववज्जमाणणं तहेव णववि गमा भाणियव्वा नवरं सणकुमारट्टिइं सवेहं
च जाणेज्जा ९ ॥ माहिंदगदेवा णं भंते ! कओहिंतो उववज्जति० जहा सणकुमार-
देवाणं वत्तव्वया तहा माहिंदगदेवाणवि भाणियव्वा, नवरं माहिंदगदेवाणं ठिई साइ-
रेगा जा(भा)णियव्वा सा चव, एवं बंभलोगदेवाणवि वत्तव्वया नवरं बंभलोगट्टिइं
सवेहं च जाणेज्जा, एवं जाव सहस्सरो, णवरं टिईं सवेहं च जाणेज्जा, लंतगाइणं
जहन्नकालट्टिईयस्स तिरिक्खजोणियस्स तिसुवि गमएसु छप्पि लेस्साओ कायव्वाओ,
संघयणाई बंभलोगलंतएसु पंच आइल्लागणि, महामुक्कसहस्सारेम चत्तारि, तिरिक्ख-
जोणियाणवि मणुस्साणवि, सेसं तं चव ९ ॥ आणयदेवा णं भंते ! कओहिंतो उव-
वज्जति० उववाओ जहा सहस्सारे देवाणं णवरं तिरिक्खजोणिया खोडेयव्वा जाव
पज्जत्तसंखेज्जवासाउयसन्निरिचिदियतिरिक्खजोणियस्स मणुस्साणं वत्तव्वया जहेव सहस्सारेसु उववज्जमाणणं णवरं तिञ्चि संघयणाणि सेसं
तहेव जाव अणुबंधो भवादेसेणं जहणेणं तिञ्चि भवग्गहणाइं उक्कोसेणं सत्त भवग्ग-
हणाइं, कालादेसेणं जहणेणं अट्टारस सागरोवमाई दोहिं वासपुहुतेहिं अन्भहियाई
उक्कोसेणं सत्तावन्नं सागरोवमाई चउहिं पुब्बकोबीहिं अन्भहियाई एवइयं०, एवं
तेसावि अट्ट गमगा भाणियव्वा नवरं टिईं सवेहं च जाणेज्जा, सेसं तहेव ९ ॥
एवं जाव अच्चयदेवा, नवरं टिईं सवेहं च जाणेज्जा ९ ॥ चउसुवि संघयणा तिञ्चि

आणयाईसु । गेवेजगदेवा णं मंते ! कओहिंनो उव्वज्जंति० एस चेव वत्तव्वया नवरं दो संघयणा, ठिई संवेहं च जाणेज्जा । विजयवेजयंतजयंतअपराजियदेवा णं मंते ! कओहिंनो उव्वज्जंति० एस चेव वत्तव्वया निरवमेसा जाव अणुबंधोत्ति, नवरं पढमं संघयणं, सेसं तहेव, भवादेसेणं जहणेणं तिन्नि भवग्गहणाई उक्कोसेणं पंच भवग्गहणाई, कालादेसेणं जहणेणं एकतीसं सागरोवमाई दोहिं वासपुहुत्तेहिं अब्भहियाई उक्कोसेणं छावट्ठिं सागरोवमाई तिहिं पुव्वकोडीहिं अब्भहियाई एवइयं०, एवं मेसावि अट्ट गमगा भाणियव्वा, नवरं ठिई संवेहं च जाणेज्जा, मण्णे लद्धी णवडुवि गमएसु जहा गेवेज्जेणु उव्वज्जमागस्स नवरं पढमं संघयणं । सब्बट्टसिद्धगदेवा णं मंते ! कओहिंनो उव्वज्जंति० उववाओ जहेव विजयाईणं जाव से णं मंते ! केवइयकालद्धि-देणु उव्वज्जजा ? गोयमा ! जहणेणं तेत्तीसं सागरोवमट्ठिईएसु उक्कोसेणवि तेत्तीसं सागरोवमट्ठिईएसु उव्वज्जजा, अवग्गसा जहा विजयाईसु उव्वज्जंताणं नवरं भवादे-सेणं तिन्नि भवग्गहणाई, कालादेसेणं जहणेणं तेत्तीसं सागरोवमाई दोहिं वासपुहु-त्तेहिं अब्भहियाई उक्कोसेणवि तेत्तीसं सागरोवमाई दोहिं पुव्वकोडीहिं अब्भहियाई एवइयं० ९ ॥ गो चेव अप्पगा जहणकालद्धिईओ जाओ एस चेव वत्तव्वया नवरं, ओगाहणाट्ठिईओ रयणिपुहुत्तावासपुहुत्ताणि सेसं तहेव संवेहं च जाणेज्जा ९ ॥ सो चेव अप्पणा उक्कोसकालद्धिईओ जाओ एस चेव वत्तव्वया नवरं ओगाहणा जहण्णेणं पंच धणुहसयाई उक्कोसेणवि पंचधणुहसयाई, ठिई जहण्णेणं पुव्वकोडी उक्कोसेणवि पुव्व-कांडी, मंसं तहेव जाव भवादेमोत्ति, कालादेसेणं जहण्णेणं तेत्तीसं सागरोवमाई दोहिं पुव्वकांडीहिं अब्भहियाई उक्कोसेणवि तेत्तीसं सागरोवमाई दोहिं पुव्वकोडीहिं अब्भहि-याई एवइयं कालं सेवेज्जा एवइयं कालं गइरागहं करेज्जा, एए तिन्नि गमगा सब्बट्टसि-द्धगदेवाणं । सेवं मंते ! २ ति भगवं गोयमे जाव विहरइ ॥ ७१४ ॥ चउवीसइमस्स सयस्स चउवीसइमो उहेसो समत्तो ॥ चउवीसइमं सयं समत्तं ॥

लेस्सा य १ दव्व २ संठाण ३ जुम्म ४ पज्जव ५ नियंठ ६ समणा य ७ ओहे ८ भविया ९ भविए १० सम्मा ११ मिच्छे य १२ उहेसा ॥१॥ तेणं कालेणं तेणं समाणं राययिहे जाव एवं वयासी-कइ णं मंते ! लेस्साओ प०? गोयमा ! छल्लेस्साओ प०, तं०-कण्हलेस्सा जहा पढमसए बिइए उहेसए तहेव लेस्साविभागो अप्पाबहुणं च जाव चउव्विहाणं देवाणं चउव्विहाणं देवीणं नीसणं अप्पाबहुणंति ॥ ७१५ ॥ कइविहा णं मंते ! संसारसमापज्जगा जीवा पज्जता ? गोयमा ! चउव्वसविहा संसारस-मापज्जगा जीवा प०, तं०-सुहुमअपज्जत्तगा १, सुहुमपज्जत्तगा २, बायरअपज्जत्तगा ३, बायरपज्जत्तगा ४, वेईदिया अपज्जत्तगा ५, वेईदिया पज्जत्तगा ६, एवं तेई-

दिया ८, एवं चउरिदिया १०, असन्निपंचिदिया अपज्जत्तगा ११, असन्निपंचिदिया पज्जत्तगा १२, सन्निपंचिदिया अपज्जत्तगा १३, सन्निपंचिदिया पज्जत्तगा १४। एएत्ति षं भंते ! चउइसविहणं संसारसमावन्नगाणं जीवाणं जहल्लुक्कोसगस्स जोगस्स कयरे २ जाव विसेसाहिया वा ? गोयमा । सव्वत्थोवे सुहुमस्स अपज्जत्तगस्स जहन्नए जोए १, बायरस्स अपज्जत्तगस्स जहन्नए जोए असंखेज्जगुणे २, बेइंदियस्स अपज्जत्तगस्स जहन्नए जोए असंखेज्जगुणे ३, एवं तेइंदियस्स ४, एवं चउरिंदियस्स ५, असन्निपंचिदियस्स अपज्जत्तगस्स जहन्नए जोए असंखेज्जगुणे ६, सन्निपंचिदियस्स अपज्जत्तगस्स जहन्नए जोए असंखेज्जगुणे ७, सुहुमस्स पज्जत्तगस्स जहन्नए जोए असंखेज्जगुणे ८, बायरस्स पज्जत्तगस्स जहन्नए जोए असंखेज्जगुणे ९, सुहुमस्स अपज्जत्तगस्स उक्कोसए जोए असंखेज्जगुणे १०, बायरस्स अपज्जत्तगस्स उक्कोसए जोए असंखेज्जगुणे ११, सुहुमस्स पज्जत्तगस्स उक्कोसए जोए असंखेज्जगुणे १२, बायरस्स पज्जत्तगस्स उक्कोसए जोए असंखेज्जगुणे १३, बेइंदियस्स पज्जत्तगस्स जहन्नए जोए असंखेज्जगुणे १४, एवं तेइंदियस्सवि १५, एवं जाव सन्निपंचिदियस्स पज्जत्तगस्स जहन्नए जोए असंखेज्जगुणे १८, बेइंदियस्स अपज्जत्तगस्स उक्कोसए जोए असंखेज्जगुणे १९, एवं तेइंदियस्सवि २०, एवं चउरिंदियस्सवि २१, एवं जाव सन्निपंचिदियस्स अपज्जत्तगस्स उक्कोसए जोए असंखेज्जगुणे २३, बेइंदियस्स पज्जत्तगस्स उक्कोसए जोए असंखेज्जगुणे २४, एवं तेइंदियस्सवि पज्जत्तगस्स उक्कोसए जोए असंखेज्जगुणे २५, चउरिंदियस्स पज्जत्तगस्स उक्कोसए जोए असंखेज्जगुणे २६, असन्निपंचिदियपज्जत्तगस्स उक्कोसए जोए असंखेज्जगुणे २७, एवं सन्निपंचिदियस्स पज्जत्तगस्स उक्कोसए जोए असंखेज्जगुणे ॥ २८ ॥ ७१६ ॥ दो भंते ! नेरइया पढमसमयोववन्नगा किं समजोगी किं विसमजोगी ? गोयमा ! सिय समजोगी सिय विसमजोगी, से केणट्ठेणं भंते ! एवं बुच्चइ सिय समजोगी सिय विसमजोगी ? गोयमा ! आहारयाओ वा से अणाहारए अणाहारयाओ वा से आहारए सिय हीणे सिय तुल्ले सिय अन्भहिए, जइ हीणे असंखेज्जइभागहीणे वा संखेज्जइभागहीणे वा संखेज्जगुणहीणे वा असंखेज्जगुणहीणे वा, अह अन्भहिए असंखेज्जइभागमन्भहिए वा संखेज्जइभागमन्भहिए वा संखेज्जगुणमन्भहिए वा असंखेज्जगुणमन्भहिए वा, से तेणट्ठेणं जाव सिय समजोगी सिय विसमजोगी, एवं जाव वेमाणियाणं ॥ ७१७ ॥ कइविहे णं भंते ! जोए ५० ? गोयमा ! पन्नरसविडे जोए ५०, तं—सच्चमणजोए मोसमणजोए सच्चामोसमणजोए असच्चामोसमणजोए सच्चवइजोए मोसवइजोए सच्चामोसवइजोए असच्चामोसवइजोए ओरात्थियसरीरकायजोए ओरात्थि-

यमीसासरीरकायजोए वेउव्वियसरीरकायजोए वेउव्वियमीसासरीरकायजोए आहार-
गसरीरकायजोए आहारगमीसासरीरकायजोए कम्मासरीरकायजोए १५॥ एयस्स षं
भंते ! पन्नरसविहस्स जहल्लुक्कोसगस्स कयरे २ जाव विसेसाहिया वा ? गोयमा । सव्व-
त्थोवे कम्मगसरीरस्स जहन्नए जोए १, ओरालियमीसगस्स जहन्नए जोए असंखेज्ज-
गुणे २, वेउव्वियमीसगस्स जहन्नए जोए असंखेज्जगुणे ३, ओरालियसरीरस्स जहन्नए
जोए असंखेज्जगुणे ४, वेउव्वियसरीरस्स जहन्नए जोए असंखेज्जगुणे ५, कम्मगसरीरस्स
उक्कोसए जोए असंखेज्जगुणे ६, आहारगमीसगस्स जहन्नए जोए असंखेज्जगुणे ७,
आहारगमीसगस्स उक्कोसए जोए असंखेज्जगुणे ८, ओरालियमीसगस्स वेउव्वियमी-
सगस्स एएणि षं उक्कोसए जोए दोण्हवि तुल्ले असंखेज्जगुणे ९-१०, असञ्चामोसमण-
जोगस्स जहन्नए जोए असंखेज्जगुणे ११, आहारगसरीरस्स जहन्नए जोए असंखेज्ज-
गुणे १२, तिविहस्स मणजोगस्स चउव्विहस्स वइजोगस्स एएसि षं सत्तण्हवि तुल्ले
जहन्नए जोए असंखेज्जगुणे १९, आहारगसरीरस्स उक्कोसए जोए असंखेज्जगुणे २०,
ओरालियसरीरस्स वेउव्वियसरीरस्स चउव्विहस्स य मणजोगस्स चउव्विहस्स य
वइजोगस्स एएणि षं दसण्हवि तुल्ले उक्कोसए जोए असंखेज्जगुणे ३०, सेवं भंते । २
त्ति ॥ ७१८ ॥ **पणवीसइमस्स सयस्स पढमो उद्देसो समत्तो ॥**

कइविहा षं भंते ! दव्वा पञ्जा ? गोयमा । दुविहा दव्वा प०, तं०-जीवदव्वा
य अजीवदव्वा य, अजीवदव्वा षं भंते ! कइविहा प० ? गोयमा । दुविहा प०,
तंजहा-रूविअजीवदव्वा य अरूविअजीवदव्वा य, एवं एएणं अभिलावेणं जहा
अजीवपञ्जा जाव से तेणट्टेणं गोयमा ! एवं वुच्चइ ते षं नो संखेज्जा नो असंखेज्जा
अणंता । जीवदव्वा षं भंते ! किं संखेज्जा असंखेज्जा अणंता ? गोयमा ! नो संखेज्जा
नो असंखेज्जा अणंता, से केणट्टेणं भंते । एवं वुच्चइ जीवदव्वा षं नो संखेज्जा नो
असंखेज्जा अणंता ? गोयमा । असंखेज्जा नेरइया जाव असंखेज्जा वाउक्काइया, वणस्स-
इकाइया अणंता, असंखेज्जा बेइदिया एवं जाव वेमाणिया, अणंता सिद्धा, से तेणट्टेणं
जाव अणंता ॥ ७१९ ॥ जीवदव्वाणं भंते ! अजीवदव्वा परिभोगत्ताए हव्वमागच्छंति
अजीवदव्वाणं जीवदव्वा परिभोगत्ताए हव्वमागच्छंति ? गोयमा । जीवदव्वाणं
अजीवदव्वा परिभोगत्ताए हव्वमागच्छंति नो अजीवदव्वाणं जीवदव्वा परिभोगत्ताए
हव्वमागच्छंति, से केणट्टेणं भंते । एवं वुच्चइ जाव हव्वमागच्छंति ? गोयमा । जीव-
दव्वा षं अजीवदव्वे परियादियंति अजीव० २ ता ओरालियं वेउव्वियं आहारं तेयं
कम्मं सोइदियं जाव फासिदियं मणजोगं वइजोगं कायजोगं आप्पापाणुत्तं च निव्व-
(१)तियंति, से तेणट्टेणं जाव हव्वमागच्छंति, नेरइयाणं भंते । अजीवदव्वा परिभोग-

ताए हव्वमागच्छंति अजीवदव्वाणं नेरइया परिभोगत्ताए हव्वमागच्छंति ? गोयमा ।
 नेरइयाणं अजीवदव्वा परिभोगत्ताए हव्वमागच्छंति नो अजीवदव्वाणं नेरइया जाव
 हव्वमागच्छंति, से केणट्टेणं० ? गोयमा ! नेरइया णं अजीवदव्वे परियादियंति अ० २
 ता वेउव्वियं तेयगं कम्मगं सोइंदियं जाव फासिंदियं आणापाणुत्तं च निव्वत्तियंति, से
 तेणट्टेणं गोयमा ! एवं वुच्चइ०, एवं जाव वेमाणिया नवरं सरीरइंदियजोगा भाणियव्वा
 जस्स जे अत्थि ॥ ७२० ॥ से नूनं भंते । असंखेजे लोए अणंताइं दव्वाइं आगासे
 भइयव्वाइं ? हंता गोयमा ! असंखेजे लोए जाव भइयव्वाइं ॥ लोगस्स
 णं भंते ! एगंमि आगासपएसे कइदिमि पोगगला चिजंति ? गोयमा ! निव्वाघाएणं
 छइंसि वाघायं पडुच्च सिय तिदिसिं सिय चउदिसिं सिय पंचदिसिं, लोगस्स
 णं भंते ! एगंमि आगासपएसे कइदिमि पोगगला छिजंति ? एवं चेव, एवं उवच्चिजंति
 एवं अवच्चिजंति ॥ ७२१ ॥ जीवे णं भंते ! जाइं दव्वाइं ओराळियसरीरत्ताए
 गेण्हइ ताइं किं ठियाइं गेण्हइ अठियाइं गेण्हइ ? गोयमा ! ठियाइंपि गेण्हइ अठि-
 याइंपि गेण्हइ, ताइं भंते ! किं दव्वओ गेण्हइ व्वेत्तओ गेण्हइ कालओ गेण्हइ
 भावओ गेण्हइ ? गोयमा ! दव्वओवि गेण्हइ खेत्तओवि गेण्हइ कालओवि गेण्हइ
 भावओवि गेण्हइ, ताइं दव्वओ अणंतपएसियाइं दव्वाइं व्वेत्तओ असंखेजपएसोगा-
 डाइं एवं जहा पन्नवणाए पढमे आहारइत्तए जाव निव्वाघाएणं छइंसि वाघायं पडुच्च
 सिय तिदिसिं सिय चउदिसिं सिय पंचदिसिं ॥ जीवे णं भंते ! जाइं दव्वाइं वेउ-
 व्वियसरीरत्ताए गेण्हइ ताइं किं ठियाइं गेण्हइ अठियाइं गेण्हइ ? एवं चेव नवर
 नियमं छइंसि, एवं आहारगसरीरत्ताएवि ॥ जीवे णं भंते ! जाइं दव्वाइं तेयग-
 सरीरत्ताए गिण्हइ पुच्छा, गोयमा ! ठियाइं गेण्हइ नो अठियाइं गेण्हइ संसं जहा
 ओराळियसरीरस्स कम्मगसरीरे एवं चेव एवं जाव भावओवि गेण्हइ, जाइं दव्वाइं
 दव्वओ गेण्हइ ताइं किं एगपएसियाइं गेण्हइ दुपएसियाइं गेण्हइ ? एवं जहा
 भासापए जाव आणुपुव्वि गेण्हइ नो अणाणुपुव्वि गेण्हइ, ताइं भंते ! कइदिमि
 गेण्हइ ? गोयमा ! निव्वाघाएणं जहा ओराळियस्स ॥ जीवे णं भंते ! जाइं दव्वाइं
 सोइंदियत्ताए गेण्हइ जहा वेउव्वियसरीरं एवं जाव जिंभिदियत्ताए फासिंदियत्ताए
 जहा ओराळियसरीरं मणजोगत्ताए जहा कम्मगसरीरं नवरं नियमं छइंसि एवं
 वइजोगत्ताएवि कायजोगत्ताएवि जहा ओराळियसरीरस्स । जीवे णं भंते ! जाइं
 दव्वाइं आणापाणुत्ताए गेण्हइ जहेव ओराळियसरीरत्ताए जाव सिय पंचदिसिं । सेवं
 भंते । २ ति । केइ चउवीसदंडएणं एयाणि पयाणि भजंति जस्स जं अत्थि ॥ ७२२ ॥
 पणवीसइमस्स सयस्स बीओ उहेसो समत्तो ॥

कइ णं भंते । संठाणा प० ? गोयमा । छ संठाणा प०, तं०—परिमंडले वट्टे तंसे चउ-
रंसे आयए अणित्थंथे, परिमंडला णं भंते । संठाणा दब्बट्टयाए किं संखेज्जा असंखेज्जा
अणंता ? गोयमा । नो संखेज्जा नो असंखेज्जा अणंता, वट्टा णं भंते । संठाणा० एवं चेव,
एवं जाव अणित्थंथा, एवं पएसट्टयाएवि, एवं दब्बट्टपएसट्टयाएवि, एएसि णं भंते ।
परिमंडलवट्टतंसचउरंसआययअणित्थंथाणं संठाणाणं दब्बट्टयाए पएसट्टयाए दब्बट्ट-
पएसट्टयाए कयरे २ हिंनो जाव विसेसाहिया वा ? गोयमा । सव्वत्थोवा परिमंडला
संठाणा दब्बट्टयाए, वट्टा संठाणा दब्बट्टयाए संखेज्जगुणा, चउरंसा संठाणा दब्बट्टयाए
संखेज्जगुणा, नंगा संठाणा दब्बट्टयाए संखेज्जगुणा, आययसंठाणा दब्बट्टयाए संखेज्ज-
गुणा, अणित्थंथा संठाणा दब्बट्टयाए असंखेज्जगुणा, पएसट्टयाए—सव्वत्थोवा परि-
मंडला संठाणा पएसट्टयाए, वट्टा संठाणा पएसट्टयाए संखेज्जगुणा, जहा दब्बट्टयाए
तहा पएसट्टयाएवि जाव अणित्थंथा संठाणा पएसट्टयाए असंखेज्जगुणा, दब्बट्टपए-
सट्टयाए सव्वत्थोवा परिमंडला संठाणा दब्बट्टयाए सो चेव गमओ भाणियव्वो जाव
अणित्थंथा संठाणा दब्बट्टयाए असंखेज्जगुणा, अणित्थंथेहिंनो संठाणेहिंनो दब्बट्टयाए
(हिंनो) परिमंडला संठाणा पएसट्टयाए असंखेज्जगुणा, वट्टा संठाणा पएसट्टयाए
संखेज्जगुणा, सो चेव पएसट्टयाए गमओ भाणियव्वो जाव अणित्थंथा संठाणा पएस-
ट्टयाए असंखेज्जगुणा ॥७२३॥ कइ णं भंते । संठाणा पन्नता ? गोयमा । पंच संठाणा
प०, तं०—परिमंडले जाव आयए । परिमंडला णं भंते । संठाणा किं संखेज्जा असंखेज्जा
अणंता ? गोयमा ! नो संखेज्जा नो असंखेज्जा अणंता, वट्टा णं भंते । संठाणा किं
संखेज्जा० ? एवं चेव, एवं जाव आयया । इमीसे णं भंते । रयणप्पभाए पुढवीए परि-
मंडला संठाणा किं संखेज्जा असंखेज्जा अणंता ? गोयमा ! नो संखेज्जा नो असंखेज्जा
अणंता, वट्टा णं भंते । संठाणा किं संखेज्जा असंखेज्जा० ? एवं चेव, एवं जाव आयया ।
सक्करप्पभाए णं भंते । पुढवीए परिमंडला संठाणा एवं चेव, एवं जाव आयया,
एवं जाव अहेसत्तमाए । सोहम्मं णं भंते । कप्पे परिमंडला संठाणा एवं चेव, एवं जाव
अच्छुए, नेवेज्जगविमाणणं भंते । परिमंडलसंठाणा एवं चेव, एवं अलुत्तरविमाणेसुवि, एनं
ईसिप्पभाराएवि ॥ जत्थ णं भंते । एगे परिमंडले संठाणे जवमज्जे तत्थ परिमंडला
संठाणा किं संखेज्जा असंखेज्जा अणंता ? गोयमा । नो संखेज्जा नो असंखेज्जा अणंता ।
वट्टा णं भंते । संठाणा किं संखेज्जा असंखेज्जा अणंता ? एवं चेव, एवं जाव
आयया । जत्थ णं भंते । एगे वट्टे संठाणे जवमज्जे तत्थ परिमंडला संठाणा एवं चेव,
वट्टा संठाणा एवं चेव, एवं जाव आयया, एवं एक्केकेणं संठाणेणं पंचवि चारेयव्वा,
जत्थ णं भंते । इमीसे रयणप्पभाए पुढवीए एगे परिमंडले संठाणे जवमज्जे तत्थ

णं परिमंडलसंठाणा किं संखेज्जा० पुच्छा, गोयमा ! नो संखेज्जा नो असंखेज्जा
 अणंता, वट्टा णं भंते ! संठाणा किं संखेज्जा० पुच्छा, गोयमा ! नो संखेज्जा नो
 असंखेज्जा अणंता, एवं (चेव) जाव आयया, जत्थ णं भंते ! इमीसे रयणप्पभाए
 पुढवीए एगे वट्टे संठाणे जवमज्जे तत्थ णं परिमंडला संठाणा किं संखेज्जा० पुच्छा,
 गोयमा ! नो संखेज्जा नो असंखेज्जा अणंता, वट्टा संठाणा एवं चेव, एवं जाव
 आयया, एवं पुणरवि एक्केकेणं संठाणेणं पंचवि चारेयव्वा जहेव हेट्ठिजा जाव
 आय(ए)याणं, एवं जाव अहेमत्तमाए, एवं कप्पेसुवि जाव ईसिप्पभाराए पुढवीए
 ॥ ७२४ ॥ वट्टे णं भंते ! संठाणे कइपएसिए कइपएसोगाढे प० ? गोयमा ! वट्टे
 संठाणे दुविहे प०, तं०-घणवट्टे य पयरवट्टे य, तत्थ णं जे से पयरवट्टे से दुविहे प०,
 तं०-ओयपएसिए य जुम्मपएसिए य, तत्थ णं जे से ओयपएसिए पयरवट्टे से जहजेणं
 पंचपएसिए पंचपएसोगाढे उक्कोसेणं अणंतपएसिए असंखेज्जपएसोगाढे, तत्थ णं जे
 से जुम्मपएसिए से जहजेणं बारसपएसिए बारसपएसोगाढे उक्कोसेणं अणंतपएसिए
 असंखेज्जपएसोगाढे, तत्थ णं जे से घणवट्टे से दुविहे प०, तं०-ओयपएसिए य जुम्म-
 पएसिए य, तत्थ णं जे से ओयपएसिए से जहजेणं सत्तपएसिए मत्तपएसोगाढे प०,
 उक्कोसेणं अणंतपएसिए असंखेज्जपएसोगाढे प०, तत्थ णं जे से जुम्मपएसिए से
 जहजेणं बत्तीसपएसिए बत्तीसपएसोगाढे प०, उक्कोसेणं अणंतपएसिए असंखेज्जपए-
 सोगाढे प० ॥ तंसे णं भंते ! संठाणे कइपएसिए कइपएसोगाढे प० ? गोयमा ! तंसे
 णं संठाणे दुविहे प०, तं०-घणतंसे य पयरतंसे य, तत्थ णं जे से पयरतंसे से
 दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए से जह-
 जेणं तिपएसिए तिपएसोगाढे प०, उक्कोसेणं अणंतपएसिए असंखेज्जपएसोगाढे प०,
 तत्थ णं जे से जुम्मपएसिए से जहजेणं छप्पएसिए छप्पएसोगाढे प०, उक्कोसेणं
 अणंतपएसिए असंखेज्जपएसोगाढे प०, तत्थ णं जे से घणतंसे से दुविहे प०,
 तं०-ओयपएसिए य जुम्मपएसिए य, तत्थ णं जे से ओयपएसिए से जहजेणं पण-
 तीसपएसिए पणतीसपएसोगाढे प०, उक्कोसेणं अणंतपएसिए तं चेव, तत्थ णं जे से
 जुम्मपएसिए से जहजेणं चउप्पएसिए चउप्पएसोगाढे प०, उक्कोसेणं अणंतपएसिए
 तं चेव ॥ चउरंसे णं भंते ! संठाणे कइपएसिए० पुच्छा, गोयमा ! चउरंसे संठाणे
 दुविहे प०, भेदो जहेव वट्टस्स जाव तत्थ णं जे से ओयपएसिए से जहजेणं
 नवपएसिए नवपएसोगाढे प०, उक्कोसेणं अणंतपएसिए असंखेज्जपएसोगाढे प०,
 तत्थ णं जे से जुम्मपएसिए से जहजेणं चउप्पएसिए चउप्पएसोगाढे प०, उक्कोसेणं
 अणंतपएसिए तं चेव, तत्थ णं जे से घणचउरंसे से दुविहे प०, तंजहा-ओयपएसिए

य जुम्मपएसि ए, तत्थ णं जे से ओयपएसि से जह्जेणं सत्तावीसइपएसि सत्ता-
 वीसइपएसोगाडे उक्कोसेणं अणंतपएसि तहेव, तत्थ णं जे से जुम्मपएसि से जह-
 जेणं अट्टपएसि अट्टपएसोगाडे प०, उक्कोसेणं अणंतपएसि तहेव ॥ आयए णं
 भंते ! संठाणे कइपएसि कइपएसोगाडे प० ? गोयमा ! आयए णं संठाणे तिविहे
 प०, तं०—सेडिआयए पयरायए घणायए, तत्थ णं जे से सेडिआयए से दुविहे प०,
 तं०—ओयपएसि य जुम्मपएसि य, तत्थ णं जेसे ओयपएसि से जह्जेणं तिप-
 एसि तिपएसोगाडे उक्कोसेणं अणंतपएसि नं चेव, तत्थ णं जे से जुम्मपएसि से
 जह्जेणं दुपएसि दुपएसोगाडे उक्कोसेणं अणंतपएसि नं चेव, तत्थ णं जे से पयरा-
 यए से दुविहे प०, नं०—ओयपएसि य जुम्मपएसि य, तत्थ णं जे से ओयपएसि
 से जह्जेणं पन्नरसपएसि पन्नरसपएसोगाडे उक्कोसेणं अणंत० तहेव, तत्थ णं जे से
 जुम्मपएसि से जह्जेणं छप्पएसि छप्पएसोगाडे उक्कोसेणं अणंत० तहेव, तत्थ णं
 जे से घणायए से दुविहे प०, नं०—ओयपएसि य जुम्मपएसि य, तत्थ णं जे से
 ओयपएसि से जह्जेणं पणयालीसपएसि पणयालीसपएसोगाडे प०, उक्कोसेणं अणं-
 त० तहेव, तत्थ णं जे से जुम्मपएसि से जह्जेणं बारसपएसि बारसपएसोगाडे
 प०, उक्कोसेणं अणंत० तहेव ॥ परिमंडले णं भंते ! संठाणे कइपएसि० पुच्छा,
 गोयमा ! परिमंडले णं संठाणे दुविहे प०, तं०—घणपरिमंडले य पयरपरिमंडले य,
 तत्थ णं जे से पयरपरिमंडले से जह्जेणं वीसइपएसि वीसइपएसोगाडे उक्कोसेणं
 अणंतपएसि तहेव, तत्थ णं जे से घणपरिमंडले से जह्जेणं चत्तालीसपएसि
 चत्तालीसपएसोगाडे प०, उक्कोसेणं अणंतपएसि असंखेजपएसोगाडे पन्नते
 ॥ ७२५ ॥ परिमंडले णं भंते ! संठाणे दव्वट्टयाए किं कइजुम्मे तेओए दावर-
 जुम्मे कळिओए ? गोयमा ! नो कइजुम्मे णो तेओए णो दावरजुम्मे कळिओए,
 चेट्ठे णं भंते ! संठाणे दव्वट्टयाए एवं चेव, एवं जाव आयए ॥ परिमंडला णं भंते !
 संठाणा दव्वट्टयाए किं कइजुम्मा तेओगा दावरजुम्मा कळिओगा पुच्छा, गोयमा !
 ओघादेसेणं सिय कइजुम्मा सिय तेओगा सिय दावरजुम्मा सिय कळिओगा,
 विहाणादेसेणं नो कइजुम्मा नो तेओगा नो दावरजुम्मा कळिओगा, एवं जाव
 आयया ॥ परिमंडले णं भंते ! संठाणे पएसट्टयाए किं कइजुम्मे० पुच्छा,
 गोयमा ! सिय कइजुम्मे सिय तेओगे सिय दावरजुम्मे सिय कळिओगे, एवं जाव
 आयए, परिमंडला णं भंते ! संठाणा पएसट्टयाए किं कइजुम्मा० पुच्छा, गोयमा !
 ओघादेसेणं सिय कइजुम्मा जाव सिय कळिओगा, विहाणादेसेणं कइजुम्मावि
 तेओगावि दावरजुम्मावि कळिओगावि, एवं जाव आयया ॥ परिमंडले णं

भंते । संठाणे किं कडजुम्मपएसोगाडे जाव कलिओगपएसोगाडे ? गोयमा ! कड-
जुम्मपएसोगाडे णो तेओगपएसोगाडे नो दावरजुम्मपएसोगाडे नो कलिओगपए-
सोगाडे ॥ वट्टे णं भंते ! संठाणे किं कडजुम्म० पुच्छा, गोयमा ! सिय कडजुम्म-
पएसोगाडे सिय तेओगपएसोगाडे नो दावरजुम्मपएसोगाडे सिय कलिओगपएसो-
गाडे ॥ तंसे णं भंते ! संठाणे पुच्छा, गोयमा ! सिय कडजुम्मपएसोगाडे सिय
तेओगपएसोगाडे सिय दावरजुम्मपएसोगाडे नो कलिओगपएसोगाडे । चउरंसे णं
भंते ! संठाणे जहा वट्टे तहा चउरंसेवि । आयए णं भंते ! पुच्छा, गोयमा ! सिय
कडजुम्मपएसोगाडे जाव सिय कलिओगपएसोगाडे । परिमंडला णं भंते ! संठाणा
किं कडजुम्मपएसोगाडा तेओगपएसोगाडा० पुच्छा, गोयमा ! ओघादेसेणवि विहा-
णादेसेणवि कडजुम्मपएसोगाडा णो तेओगपएसोगाडा नो दावरजुम्मपएसोगाडा
नो कलिओगपएसोगाडा । वट्टा णं भंते ! संठाणा किं कडजुम्मपएसोगाडा० पुच्छा,
गोयमा ! ओघादेसेणं कडजुम्मपएसोगाडा नो तेओग० नो दावरजुम्म० नो कलि-
ओग०, विहाणादेसेणं कडजुम्मपएसोगाडावि तेओगपएसोगाडावि णो दावरजुम्म-
पएसोगाडा कलिओगपएसोगाडावि, तंसा णं भंते ! संठाणा किं कडजुम्मा० पुच्छा,
गोयमा ! ओघादेसेणं कडजुम्मपएसोगाडा नो तेओग० नो दावरजुम्म० नो कलि-
ओगपएसोगाडा, विहाणादेसेणं कडजुम्मपएसोगाडावि तेओगपएसोगाडावि (नो)
दावरजुम्मपएसोगाडा नो कलिओगपएसोगाडा । चउरंसा जहा वट्टा, आयया णं
भंते ! संठाणा पुच्छा, गोयमा ! ओघादेसेणं कडजुम्मपएसोगाडा नो तेओगपए-
सोगाडा नो दावरजुम्मपएसोगाडा नो कलिओगपएसोगाडा । विहाणादेसेणं कड-
जुम्मपएसोगाडावि जाव कलिओगपएसोगाडावि ॥ परिमंडले णं भंते ! संठाणे किं
कडजुम्ममयटिईए तेओगसमयटिईए दावरजुम्मसमयटिईए कलिओगसमयटि-
ईए ? गोयमा ! सिय कडजुम्मसमयटिईए जाव सिय कलिओगसमयटिईए, एवं जाव
आयए । परिमंडला णं भंते ! संठाणा किं कडजुम्मसमयटिईया० पुच्छा, गोयमा !
ओघादेसेणं सिय कडजुम्मसमयटिईया जाव सिय कलिओगसमयटिईया, विहाणादेसेणं
कडजुम्मसमयटिईयावि जाव कलिओगसमयटिईयावि, एवं जाव आयया ॥
परिमंडले णं भंते ! संठाणे कालवज्जपज्जवेहिं किं कडजुम्मे जाव कलिओगे ?
गोयमा ! सिय कडजुम्मे एवं एएणं अभिलावेणं जहेव टिईए एवं नीलवज्जपज्जवेहिं,
एवं पंचहिं वज्जहिं, टोहिं गंधेहिं, पंचहिं रसेहिं, अट्टहिं फासेहिं जाव लक्खसासपज्जवेहिं
॥ ७२६ ॥ सेट्ठीओ णं भंते ! दच्चट्टयाए किं संखेज्जाओ अंसखेज्जाओ अणंताओ ?
गोयमा ! नो संखेज्जाओ नो अंसखेज्जाओ अणंताओ, पाईणपडीणाययाओ णं भंते !

सेदीओ दव्वट्टयाए किं संखेज्जाओ ३ एवं चेव, एवं दाहिणुत्तराययाओवि, एवं उद्धमहाययाओवि । लोगागाससेदीओ णं भंते ! दव्वट्टयाए किं संखेज्जाओ असंखेज्जाओ अणंताओ ? गोयमा ! नो संखेज्जाओ असंखेज्जाओ नो अणंताओ, पाईणपडीणाययाओ णं भंते ! लोगागाससेदीओ दव्वट्टयाए किं संखेज्जाओ० एवं चेव, एवं दाहिणुत्तराययाओवि, एवं उद्धमहाययाओवि । अलोगागाससेदीओ णं भंते ! दव्वट्टयाए किं संखेज्जाओ असंखेज्जाओ अणंताओ ? गोयमा ! नो संखेज्जाओ नो असंखेज्जाओ अणंताओ, एवं पाईणपडीणाययाओवि, एवं दाहिणुत्तराययाओवि, एवं उद्धमहाययाओवि । सेदीओ णं भंते ! पएसट्टयाए किं संखेज्जाओ० जहा दव्वट्टयाए तहा पएसट्टयाएवि जाव उद्धमहाययाओवि सव्वाओ अणंताओ । लोगागाससेदीओ णं भंते ! पएसट्टयाए किं संखेज्जाओ० पुच्छा, गोयमा ! सिय संखेज्जाओ सिय असंखेज्जाओ नो अणंताओ, एवं पाईणपडीणाययाओवि, एवं दाहिणुत्तराययाओवि, एवं चेव उद्धमहाययाओवि नो संखेज्जाओ असंखेज्जाओ नो अणंताओ ॥ अलोगागाससेदीओ णं भंते ! पएसट्टयाए पुच्छा, गोयमा ! सिय संखेज्जाओ सिय असंखेज्जाओ सिय अणंताओ, पाईणपडीणाययाओ णं भंते ! अलोया० पुच्छा, गोयमा ! नो संखेज्जाओ नो असंखेज्जाओ अणंताओ, एवं दाहिणुत्तराययाओवि, उद्धमहाययाओ पुच्छा, गोयमा ! सिय संखेज्जाओ सिय असंखेज्जाओ सिय अणंताओ ॥ ७२७ ॥ सेदीओ णं भंते ! किं साइयाओ सपज्जवसियाओ १, साइयाओ अपज्जवसियाओ २, अणाइयाओ सपज्जवसियाओ ३, अणाइयाओ अपज्जवसियाओ ४ ? गोयमा ! नो साइयाओ सपज्जवसियाओ, नो साइयाओ अपज्जवसियाओ, णो अणाइयाओ सपज्जवसियाओ, अणाइयाओ अपज्जवसियाओ, एवं जाव उद्धमहाययाओ, लोगागाससेदीओ णं भंते ! किं साइयाओ सपज्जवसियाओ० पुच्छा, गोयमा ! साइयाओ सपज्जवसियाओ, नो साइयाओ अपज्जवसियाओ, नो अणाइयाओ सपज्जवसियाओ, नो अणाइयाओ अपज्जवसियाओ, एवं जाव उद्धमहाययाओ । अलोगागाससेदीओ णं भंते ! किं साइयाओ सपज्जवसियाओ० पुच्छा, गोयमा ! सिय साइयाओ सपज्जवसियाओ १, सिय साइयाओ अपज्जवसियाओ २, सिय अणाइयाओ सपज्जवसियाओ ३, सिय अणाइयाओ अपज्जवसियाओ ४, पाईणपडीणाययाओ दाहिणुत्तराययाओ य एवं चेव, नवरं नो साइयाओ सपज्जवसियाओ सिय साइयाओ अपज्जवसियाओ तसं तं चेव, उद्धमहाययाओ जहा ओहियाओ तद्देव चउर्भंगो । सेदीओ णं भंते ! दव्वट्टयाए किं कडजुम्माओ तेओयाओ० पुच्छा, गोयमा ! कडजुम्माओ नो तेओयाओ नो दावरजुम्माओ नो कलिओगाओ, एवं जाव उद्धमहाययाओ, लोगागाससेदीओ

एवं चेव, एवं अलोगागांससेदीओवि । सेदीओ णं भंते ! पएसद्वयाए किं कडजुम्माओ० पुच्छा, एवं चेव, एवं जाव उद्धमहाययाओ । लोगागाससेदीओ णं भंते ! पएसद्वयाए पुच्छा, गोयमा ! सिय कडजुम्माओ नो तेओगाओ सिय दावरजुम्माओ नो कलिओगाओ, एवं पाईणपडीगाययाओवि दाहिणुत्तराययाओवि, उद्धमहाययाओ णं पुच्छा, गोयमा ! कडजुम्माओ नो तेओगाओ नो दावरजुम्माओ नो कलिओगाओ । अलोगागाससेदीओ णं भंते ! पएसद्वयाए पुच्छा, गोयमा ! सिय कडजुम्माओ जाव सिय कलिओगाओ, एवं पाईणपडीगाययाओवि, एवं दाहिणुत्तराययाओवि, उद्धमहाययाओवि एवं चेव, नवरं नो कलिओगाओ सेसं तं चेव ॥ ७२८ ॥ कड णं भंते ! सेदीओ प० ? गोयमा ! सत्त सेदीओ पज्जाओ, तंजहा-उज्जुआयया एगओवंका दुहओवंका एगओखहा दुहओखहा चक्कवाला अद्धचक्कवाला ॥ परमाणु-पोगलणं भंते ! किं अणुसेटिं(टी) गई पवत्तइ विसेटिं गई पवत्तइ ? गोयमा ! अणुसेटिं गई पवत्तइ नो विसेटिं गई पवत्तइ । दुपएसियाणं भंते ! खंधाणं अणुसेटिं गई पवत्तइ विसेटिं गई पवत्तइ ? एवं चेव, एवं जाव अणंतपएसियाणं खंधाणं । नेरइयाणं भंते ! किं अणुसेटिं गई पवत्तइ विसेटिं गई पवत्तइ ? एवं चेव, एवं जाव वेमाणियाणं ॥ ७२९ ॥ इमीसे णं भंते ! रयणप्पभाए पुटवीए केवइया निरयावामनयसहस्सा प० ? गोयमा ! तीसं निरयावाससयसहस्सा प०, एवं जहा पटमसए पंचमुहेसए जाव अणुत्तरविमाणत्ति ॥ ७३० ॥ कइविहे णं भंते ' गणिपिडए प० ? गोयमा ! दुबालसगे गणिपिडए प०, तं--आयारे जाव दिट्ठिवाओ, से किं तं आयारो ? आयारे णं समणाणं निरगंधाणं आयारगोयर० एवं अंगपरुवणा भाणियवा जहा नंदीए जाव सुत्तथो खल पटमो बीओ निज्जुत्तिमीसिओ भण्णिओ । तइओ य निरवसेसो एस विही होइ अणुओगे ॥ १ ॥ ७३१ ॥ एएसि णं भंते ! नेरइयाणं जाव देवाणं सिद्धाणं य पंचगइसमासेणं कयरे २ हिंतां० पुच्छा, गोयमा ! अप्पाबहुयं जहा बहुवत्तव्वयाए अट्टगइसमासअप्पाबहुगं च । एएसि णं भंते ! सईदियाणं एग्गिदियाणं जाव अग्गिदियाणं य कयरे० ? एयंपि जहा बहुवत्तव्वयाए तहेव ओहिंयं पयं भाणियव्वं, सकाइयअप्पाबहुगं तहेव ओहिंयं भाणियव्वं ॥ एएसि णं भंते ! जीवाणं पोगलणं जाव सव्वपज्जवाणं य कयरे २ जाव बहुवत्तव्वयाए एएसि णं भंते ! जीवाणं आउयस्स कम्मस्स बंधगाणं अबंधगाणं जहा बहुवत्तव्वयाए जाव आउयस्स कम्मस्स अबंधगा विसेसाहिया । सेवं भंते ! सेवं भंते ! सि ॥ ७३२ ॥

पणवीसइमस्स सयस्स तइओ उहेसो समत्तो ॥

कड णं भंते ! जुम्मा पज्जा ? गोयमा ! चत्तारि जुम्मा प०, तं०-कडजुम्मे जाव

कलिओगे, से केणट्टेणं भंते ! एवं बुच्चइ चत्तारि जुम्मा प० कडजुम्मे जाव कलिओगे एवं जहा अट्टारसमसए चउत्थे उइसए तहेव जाव से तेणट्टेणं गोयमा । एवं बुच्चइ । नेरइयाणं भंते ! कड जुम्मा प० ? गोयमा । चत्तारि जुम्मा प०, तंजहा-कडजुम्मे जाव कलिओगे, से केणट्टेणं भंते ! एवं बुच्चइ नेरइयाणं चत्तारि जुम्मा प०, तं०-कडजुम्मे अट्टो तहेव, एवं जाव वाउकाइयाणं, वणस्सइकाइयाणं पुच्छा, गोयमा ! वणस्सइकाइया सिय कडजुम्मा सिय तेओया सिय दावरजुम्मा सिय कलिओया, से केणट्टेणं भंते ! एवं बुच्चइ वणस्सइकाइया जाव कलिओगा ? गोयमा ! उववायं पडुच्च, से तेणट्टेणं तं चेव, वेइंदियाणं जहा नेरइयाणं, एवं जाव वेमाणियाणं, सिद्धाणं जहा वणस्सइकाइयाणं ॥ कइविहा णं भंते ! सव्वदव्वा प० ? गोयमा ! छव्विहा सव्वदव्वा प०, तंजहा-धम्मत्थिकाए अधम्मत्थिकाए जाव अद्दासमए । धम्मत्थिकाए णं भंते ! दव्वट्टयाए किं कडजुम्मे जाव कलिओगे ? गोयमा ! नो कडजुम्मे नो तेओगे नो दावरजुम्मे कलिओगे, एवं अहम्मत्थिकाएवि, एवं आगासत्थिकाएवि, जीवत्थिकाए णं भंते ! पुच्छा, गोयमा ! कडजुम्मे नो तेओए नो दावरजुम्मे नो कलिओए, पोग्गलत्थिकाए णं भंते ! पुच्छा, गोयमा ! सिय कडजुम्मे जाव सिय कलिओगे, अद्दासमए जहा जीवत्थिकाए ॥ धम्मत्थिकाए णं भंते ! पएमट्टयाए किं कडजुम्मे० पुच्छा, गोयमा ! कडजुम्मे नो तेओए नो दावरजुम्मे नो कलिओए, एवं जाव अद्दासमए ॥ एएसि णं भंते ! धम्मत्थिकायअहम्मत्थिकाय जाव अद्दासमयाणं दव्वट्टयाए० एएसि णं अप्पाबहुगं जहा बहुवत्तवयाए तहेव निरवसेसं ॥ धम्मत्थिकाए णं भंते ! किं ओगाडे अणोगाडे ? गोयमा ! ओगाडे नो अणोगाडे, जइ ओगाडे किं संखेजपएसोगाडे० असंखेजपएसोगाडे अणंतपएसोगाडे ? गोयमा ! नो संखेजपएसोगाडे असंखेजपएसोगाडे नो अणंतपएसोगाडे, जइ असंखेजपएसोगाडे किं कडजुम्मपएसोगाडे० पुच्छा, गोयमा ! कडजुम्मपएसोगाडे नो तेओगे० नो दावरजुम्म० नो कलिओगपएसोगाडे, एवं अहम्मत्थिकाएवि, एवं आगासत्थिकाएवि, जीवत्थिकाए पोग्गलत्थिकाए अद्दासमए एवं चेव ॥ इमा णं भंते । रयणप्पभ पुढवीं किं ओगाडा अणोगाडा जहेव धम्मत्थिकाए एवं जाव अहेसत्तामा, सोहम्मे एवं चेव, एवं जाव ईसिप्पभारापुढवी ॥ ७३३ ॥ जीवे णं भंते ! दव्वट्टयाए किं कडजुम्मे० पुच्छा, गोयमा ! नो कडजुम्मे नो तेओगे नो दावरजुम्मे कलिओगे, एवं नेरइएमि, एवं जाव सिद्धे । जीवा णं भंते ! दव्वट्टयाए किं कडजुम्मा० पुच्छा गोयमा ! ओघावेसेणं कडजुम्मा नो तेओगा नो दावरजुम्मा नो कलिओगा, विहाणा वेसेणं नो कडजुम्मा नो तेओगा नो दावरजुम्मा कलिओगा, नेरइया णं भंते

दम्बद्वयाए पुच्छा, गोयमा ! ओघादेसेणं सिय कडजुम्मा जाव सिय कलिओगा, विहाणादेसेणं णो कडजुम्मा णो तेओगा णो दावरजुम्मा कलिओगा, एवं जाव सिद्धा ॥ जीवे णं भंते ! पएसद्वयाए किं कडजुम्मे० पुच्छा, गोयमा ! जीवपएसे पडुच्च कडजुम्मे नो तेओगे नो दावरजुम्मे नो कलिओगे, सरीरपएसे पडुच्च सिय कडजुम्मे जाव सिय कलिओगे, एवं जाव वेमाणिए । सिद्धे णं भंते ! पएसद्वयाए किं कडजुम्मे० पुच्छा, गोयमा ! कडजुम्मे नो तेओगे नो दावरजुम्मे नो कलिओगे । जीवा णं भंते ! पएसद्वयाए किं कडजुम्मा० पुच्छा, गोयमा ! जीवपएसे पडुच्च ओघादेसेणवि विहाणादेसेणवि कडजुम्मा नो तेओगा नो दावरजुम्मा नो कलिओगा, सरीरपएसे पडुच्च ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि जाव कलिओगावि, एवं नेरइयावि, एवं जाव वेमाणिया । सिद्धा णं भंते ! पुच्छा, गोयमा ! ओघादेसेणवि विहाणादेसेणवि कडजुम्मा नो तेओगा नो दावरजुम्मा नो कलिओगा ॥ ७३४ ॥ जीवे णं भंते ! किं कडजुम्मपएमोगाडे० पुच्छा, गोयमा ! निय कडजुम्मपएमोगाडे जाव सिय कलिओगपएमोगाडे, एवं जाव सिद्धे । जीवा णं भंते ! किं कडजुम्मपएमोगाडा० पुच्छा, गोयमा ! ओघादेसेणं कडजुम्मपएमोगाटा नो तेओग० नो दावर० नो कलिओगपएमोगाटा, विहाणादेसेणं कडजुम्मपएमोगाटावि जाव कलिओगपएमोगाटावि, नेरइया णं भंते ! पुच्छा, गोयमा ! ओघादेसेणं निय कडजुम्मपएमोगाटा जाव सिय कलिओगपएमोगाटा, विहाणादेसेणं कडजुम्मपएमोगाटावि जाव कलिओगपएमोगाटावि, एवं एगिंदियनिद्धवजा (जाव वेमाणिया) सन्वेवि, सिद्धा एगिंदिया य जहा जीवा । जीवे णं भंते ! किं कडजुम्मसमयट्टिइए० पुच्छा, गोयमा ! कडजुम्मसमयट्टिइए नो तेओग० नो दावर० नो कलिओगसमयट्टिइए । नेरइए णं भंते ! पुच्छा, गोयमा ! सिय कडजुम्मसमयट्टिइए जाव सिय कलिओगसमयट्टिइए, एवं जाव वेमाणिए, सिद्धे जहा जीवे । जीवा णं भंते ! पुच्छा, गोयमा ! ओघादेसेणवि विहाणादेसेणवि कडजुम्मसमयट्टिइया नो तेओग० नो दावरजुम्म० नो कलिओगसमयट्टिइया, नेरइयाणं पुच्छा, गोयमा ! ओघादेसेणं सिय कडजुम्मसमयट्टिइया जाव सिय कलिओगसमयट्टिइया, विहाणादेसेणं कडजुम्मसमयट्टिइयावि जाव कलिओगसमयट्टिइयावि, एवं जाव वेमाणिया, सिद्धा जहा जीवा ॥ ७३५ ॥ जीवे णं भंते ! कालवधपज्जवेहिं किं कडजुम्मे० पुच्छा, गोयमा ! जीवपएसे पडुच्च णो कडजुम्मे जाव णो कलिओगे, सरीरपएसे पडुच्च सिव कडजुम्मे जाव सिय कलिओगे, एवं जाव वेमाणिए, सिद्धो वेव न पुच्छिअइ ।

जीवा णं भंते ! कालवन्नपज्जवेहिं० पुच्छा, गोयमा ! जीवपएसे पटुच्च ओघादेसेणवि
विहाणादेसेणवि णो कडजुम्मा जाव णो कलिओगा, सरिरपएसे पटुच्च ओघादेसेणं
सिय कडजुम्मा जाव सिय कलिओगा, विहाणादेसेणं कडजुम्मावि जाव कलिओगावि,
एवं जाव वेमाणिया, एवं नीलवन्नपज्जवेहिं दंडओ भाणियच्चो एगतपुहतेणं एवं
जाव लुक्खफासपज्जवेहिं ॥ जीवे णं भंते ! आभिणिबोहियणाणपज्जवेहिं किं
कडजुम्मे० पुच्छा, गोयमा ! सिय कडजुम्मे जाव सिय कलिओगे, एवं एगिदियवज्जं
जाव वेमाणिए । जीवा णं भंते ! आभिणिबोहियणाणपज्जवेहिं० पुच्छा, गोयमा !
ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि जाव
कलिओगावि, एवं एगिदियवज्जं जाव वेमाणिया, एव सुयणाणपज्जवेहिंवि, ओहि-
णाणपज्जवेहिंवि एवं चैव, नवरं विगळिदियाणं नत्थि ओहिनाणं, मणपज्जवनारणंपि
एवं चैव, नवरं जीवाणं मणुस्साण य, सेसाणं नत्थि, जीवे णं भंते ! केवलनाणप-
ज्जवेहिं किं कडजुम्मे० पुच्छा, गोयमा ! कडजुम्मे णो तेओगं णो दावरजुम्मे णो
कलिओगं, एवं मणुस्सेवि, एवं सिद्धेवि, जीवा णं भंते ! केवलनाण०पुच्छा, गोयमा !
ओघादेसेणवि विहाणादेसेणवि कडजुम्मा नो तेओगा नो दावरजुम्मा णो कलिओगा,
एवं मणुस्सावि, एवं सिद्धावि । जीवे णं भंते ! मडअच्चाणपज्जवेहिं किं कडजुम्मे० ?
जहा आभिणिबोहियणाणपज्जवेहिं तहेव दो दंडगा, एव सुयअच्चाणपज्जवेहिंवि, एवं
विभंगनाणपज्जवेहिंवि । चक्खुदंसणअचक्खुदंसणओहिदंसणपज्जवेहिंवि एवं चैव,
नवरं जस्स जं अत्थि तस्स नं भाणियच्चं, केवलदंसणपज्जवेहिं जहा केवलनाणपज्जवेहिं
॥ ७३६ ॥ कइ णं भंते ! सररीगा प० ? गोयमा ! पंच सररीगा प०, तं०-ओराळिए
जाव कम्मए, एत्थं सररीपदं निरवसेमं भाणियच्चं जहा पच्चवणाए ॥ ७३७ ॥
जीवा णं भंते ! किं सेया निरेया ? गोयमा ! जीवा सेयावि निरेयावि, से केणट्टेणं
भंते ! एवं चुच्चइ जीवा मेयावि निरेयावि ? गोयमा ! जीवा दुविहा प०, तंजहा-
संसारसमावन्नगा य असंसारसमावन्नगा य, तत्थ णं जे ते असंसारसमावन्नगा
ते णं सिद्धा, सिद्धा णं दुविहा प०, तंजहा-अणंतरसिद्धा य परंपरसिद्धा य, तत्थ
णं जे ते परंपरसिद्धा ते णं निरेया, तत्थ णं जे ते अणंतरसिद्धा ते णं सेया, ते णं
भंते ! किं देसेया सच्चवेया ? गोयमा ! णो देसेया सच्चवेया, तत्थ णं जे ते संसार-
समावन्नगा ते दुविहा प०, तंजहा-सेलेसिपडिवन्नगा य असेलेसिपडिवन्नगा य,
तत्थ णं जे ते सेलेसीपडिवन्नगा ते णं निरेया, तत्थ णं जे ते असेलेसीपडिवन्नगा
ते णं सेया, ते णं भंते ! किं देसेया सच्चवेया ? गोयमा ! देसेयावि सच्चवेयावि, से
तेणट्टेणं जाव निरेयावि । नेरइया णं भंते ! किं देसेया सच्चवेया ? गोयमा ! देसे-

यावि सव्वेयावि, से केणट्टेणं जाव सव्वेयावि ? गोयमा ! नेरइया दुविहा प०, तं०-विग्गह्गइसमावज्जगा य अविग्गह्गइसमावज्जगा य, तत्थ णं जे ते विग्गह्गइसमावज्जगा ते णं सव्वेया, तत्थ णं जे ते अविग्गह्गइसमावज्जगा ते णं देसेया, से तेणट्टेणं जाव सव्वेयावि, एवं जाव वेमाणिया ॥ ७३८ ॥ परमाणुपोग्गला णं भंते ! कि संखेज्जा अमखेज्जा अणंता ? गोयमा ! नो संखेज्जा नो असंखेज्जा अणंता, एवं जाव अणंतपएत्तिया खंधा । एगपएसोगाडा णं भंते ! पोग्गला कि संखेज्जा असंखेज्जा अणंता ? एवं चेव, एवं जाव असंखेज्जापएसोगाडा । एगममयट्ठिईया णं भंते ! पोग्गला कि संखेज्जा० ? एवं चेव, एवं जाव असंखेज्जममयट्ठिईया । एगगुणकालगा णं भंते ! पोग्गला कि संखेज्जा० ? एवं चेव, एवं जाव अणंतगुणकालगा, एवं अवसेमावि वज्जगंधरसफासा णेयव्वा जाव अणंतगुणलक्खाणं । एएसि णं भंते ! परमाणुपोग्गलानं दुपएसियाणं य खंधाणं दव्वट्ठयाए कयरे २ हंतो अप्पा वा बहुया वा तुळा वा विसेसाहिया वा ? गोयमा ! दुपएसिएहंतो खंधेहंतो परमाणुपोग्गला दव्वट्ठयाए बहुया, एएसि णं भंते ! दुपएसियाणं तिपएसियाणं य खंधाणं दव्वट्ठयाए कयरे २ हंतो बहुया ? गोयमा ! तिपएसिएहंतो खंधेहंतो दुपएसिया खंधा दव्वट्ठयाए बहुया, एवं एएणं गमएणं जाव दसपएसिएहंतो खंधेहंतो नत्रपएसिया खंधा दव्वट्ठयाए बहुया । एएसि णं भंते ! दसपएसि० पुच्छा, गोयमा ! दसपएसिएहंतो खंधेहंतो संखेज्जपएसिया खंधा दव्वट्ठयाए बहुया, एएसि णं भंते ! संखेज्ज० पुच्छा, गोयमा ! संखेज्जपएसिएहंतो खंधेहंतो असंखेज्जपएसिया खंधा दव्वट्ठयाए बहुया, एएसि णं भंते ! असंखेज्जपएसि० पुच्छा, गोयमा ! असंखेज्जपएसिएहंतो खंधेहंतो असंखेज्जपएसिया खंधा दव्वट्ठयाए बहुया, एएसि णं भंते ! असंखेज्जपएसिया खंधा दव्वट्ठयाए बहुया, एएसि णं भंते ! असंखेज्जपएसि० पुच्छा, गोयमा ! असंखेज्जपएसिएहंतो खंधेहंतो असंखेज्जपएसिया खंधा दव्वट्ठयाए बहुया, एएसि णं भंते ! असंखेज्जपएसिया खंधा दव्वट्ठयाए बहुया, एवं एएणं गमएणं जाव नत्रपएसिएहंतो खंधेहंतो दसपएसिया खंधा पएसट्ठयाए बहुया, एवं संवत्थ पुच्छियव्वं, दसपएसिएहंतो खंधेहंतो संखेज्जपएसिया खंधा पएसट्ठयाए बहुया, संखेज्जपएसिएहंतो खंधेहंतो असंखेज्जपएसिया खंधा पएसट्ठयाए बहुया, एएसि णं भंते ! असंखेज्जपएसियाणं पुच्छा, गोयमा ! अणंतपएसिएहंतो खंधेहंतो असंखेज्जपएसिया खंधा पएसट्ठयाए बहुया ॥ एएसि णं भंते । एगपएसोगाडाणं दुपएसोगाडाणं य पोग्गलानं दव्वट्ठयाए कयरे २ हंतो जाव विसेसाहिया वा ? गोयमा ! दुपएसोगाडेहंतो पोग्गलेहंतो एगपएसोगाडा पोग्गला दव्वट्ठयाए विसेसाहिया, एवं एएणं गमएणं तिपएसोगाडेहंतो पोग्गलेहंतो दुपएसोगाडा पोग्गला दव्वट्ठयाए विसेसाहिया जाव दसप-

सोगादेहिंती पोमगळेहिंती नवपएसोगाडा पोमगला दव्वट्टयाए विसेसाहिया, एएसि
णं भंते ! दसपए० पुच्छा, गोयमा ! दसपएसोगादेहिंती पोमगळेहिंती संखेजपएसोगाडा
पोमगला दव्वट्टयाए बहुया, संखेजपएसोगादेहिंती पोमगळेहिंती असंखेजपएसोगाडा
पोमगला दव्वट्टयाए बहुया, पुच्छा सव्वत्थ भाणियव्वा । एएसि णं भंते ! एगपए-
सोगाडाणं दुपएसोगाडाणं य पोमगलाणं पएसट्टयाए कयरे २ हिंती जाव विसेसाहिया वा ?
गोयमा ! एगपएसोगादेहिंती पोमगळेहिंती दुपएसोगाडा पोमगला पएसट्टयाए विसेसा-
हिया, एवं जाव नवपएसोगादेहिंती पोमगळेहिंती दसपएसोगाडा पोमगला पएसट्टयाए
विसेसाहिया, दसपएसोगादेहिंती पोमगळेहिंती संखेजपएसोगाडा पोमगला पएसट्टयाए
बहुया, संखेजपएसोगादेहिंती पोमगळेहिंती असंखेजपएसोगाडा पोमगला पएसट्टयाए
बहुया । एएसि णं भंते ! एगममयट्टिईयाणं दुसमयट्टिईयाणं य पोमगलाणं दव्वट्ट-
याए जहा आगहणए वत्तव्वया एवं ठिईएवि । एएनि णं भंते ! एगगुणकालयाणं
दुगुणकालयाणं य पोमगलाणं दव्वट्टयाए एएनि णं जहा परमाणुपोमगलाइणं नहेव
वत्तव्वया निरवसेसा, एवं मव्वेमि वज्जंधरसाणं, एएसि णं भंते ! एगगुणककख-
डाणं दुगुणककखडाणं य पोमगलाणं दव्वट्टयाए कयरे २ हिंती जाव विसेसाहिया वा ?
गोयमा ! एगगुणककखडेहिंती पोमगळेहिंती दुगुणककखडा पोमगला दव्वट्टयाए
विसेसाहिया, एवं जाव नवगुणककखडेहिंती पोमगळेहिंती दसगुणककखडा पोमगला
दव्वट्टयाए विसेसाहिया, दसगुणककखडेहिंती पोमगळेहिंती मन्वेजगुणककखडा
पोमगला दव्वट्टयाए बहुया, संखेजगुणककखडेहिंती पोमगळेहिंती असंखेजगुणक-
कखडा पोमगला दव्वट्टयाए बहुया, असंखेजगुणककखडेहिंती पोमगळेहिंती अणंत-
गुणककखडा पोमगला दव्वट्टयाए बहुया, एवं पएसट्टयाए सव्वत्थ पुच्छा भाणि-
यव्वा, जहा ककखडा एवं मउगगुरुयलहुयावि, सीयउत्तिणनिद्धलक्खा जहा
वत्ता ॥ ७३५ ॥ एएसि णं भंते ! परमाणुपोमगलाणं संखेजपएसियाणं असंखेज-
पएसियाणं अणंतपएसियाणं य नंराणं दव्वट्टयाए पएसट्टयाए दव्वट्टपएसट्टयाए
कयरे २ जाव विसेसाहिया वा ? गोयमा ! मव्वत्थोवा अणंतपएसिया खंधा
दव्वट्टयाए, परमाणुपोमगला दव्वट्टयाए अणंतगुणा, संखेजपएसिया खंधा
दव्वट्टयाए संखेजगुणा, असंखेजपएसिया खंधा दव्वट्टयाए असंखेजगुणा, पएसट्ट-
याए-सव्वत्थोवा अणंतपएसिया खंधा पएसट्टयाए, परमाणुपोमगला अपएसट्टयाए
अणंतगुणा, संखेजपएसिया खंधा पएसट्टयाए संखेजगुणा, असंखेजपएसिया खंधा
पएसट्टयाए असंखेजगुणा, दव्वट्टपएसट्टयाए-सव्वत्थोवा अणंतपएसिया खंधा दव्व-
ट्टयाए ते चेव पएसट्टयाए अणंतगुणा, परमाणुपोमगला दव्वट्टयाए अपएसट्टयाए

अर्णतगुणा, संखेजपएसिया खंधा दव्वट्टयाए संखेजगुणा ते चैव पएसट्टयाए संखेजगुणा, असंखेजपएसिया खंधा दव्वट्टयाए असंखेजगुणा ते चैव पएसट्टयाए असंखेजगुणा । एएसि णं भंते ' एगपएसोगाडाणं संखेजपएसोगाडाणं असंखेजपएसोगाडाणं य पोग्गलाणं दव्वट्टयाए पएसट्टयाए दव्वट्टपएसट्टयाए कयरे २ जाव विसेसाहिया वा ? गोयमा ! सव्वत्थोवा एगपएसोगाडा पोग्गला दव्वट्टयाए, संखेजपएसोगाडा पोग्गला दव्वट्टयाए संखेजगुणा, असंखेजपएसोगाडा पोग्गला दव्वट्टयाए असंखेजगुणा, पएसट्टयाए-सव्वत्थोवा एगपएसोगाडा पोग्गला(अ)पएसट्टयाए, संखेजपएसोगाडा पोग्गला पएसट्टयाए(अ)संखेजगुणा, असंखेजपएसोगाडा पोग्गला पएसट्टयाए असंखेजगुणा, दव्वट्टपएसट्टयाए-सव्वत्थोवा एगपएसोगाडा पोग्गला दव्वट्टपएसट्टयाए, संखेजपएसोगाडा पोग्गला दव्वट्टयाए संखेजगुणा ते चैव पएसट्टयाए संखेजगुणा, असंखेजपएसोगाडा पोग्गला दव्वट्टयाए असंखेजगुणा ते चैव पएसट्टयाए असंखेजगुणा । एएसि णं भंते ! एगममसद्धिइयाणं संखेजसमयट्ठिइयाणं असंखेजसमयट्ठिइयाणं य पोग्गलाणं जहा ओगाहणाए तहा ट्ठिइएवि भाणियव्वं अप्पाबहुगं । एएसि णं भंते ! एगगुणकालगाणं मखेजगुणकालगाणं असंखेजगुणकालगाणं अर्णतगुणकालगाणं य पोग्गलाणं दव्वट्टयाए पएसट्टयाए दव्वट्टपएसट्टयाए एएसि णं जहा परमाणुपोग्गलाणं अप्पाबहुगं तहा एएसिपि अप्पाबहुगं, एवं सेसाणवि वक्खंधग्गमाणं । एएसि णं भंते ! एगगुणकक्खडाणं संखेजगुणकक्खडाणं असंखेजगुणकक्खडाणं अर्णतगुणकक्खडाणं य पोग्गलाणं दव्वट्टयाए पएसट्टयाए दव्वट्टपएसट्टयाए कयरे २ जाव विसेसाहिया वा ? गोयमा ! सव्वत्थोवा एगगुणकक्खडा पोग्गला दव्वट्टयाए, संखेजगुणकक्खडा पोग्गला दव्वट्टयाए संखेजगुणा, असंखेजगुणकक्खडा पोग्गला दव्वट्टयाए असंखेजगुणा, अर्णतगुणकक्खडा पोग्गला दव्वट्टयाए अर्णतगुणा, पएसट्टयाए एवं चैव नवरं संखेजगुणकक्खडा पोग्गला पएसट्टयाए असंखेजगुणा सेसं ते चैव, दव्वट्टपएसट्टयाए सव्वत्थोवा एगगुणकक्खडा पोग्गला दव्वट्टपएसट्टयाए, संखेजगुणकक्खडा पोग्गला दव्वट्टयाए संखेजगुणा ते चैव पएसट्टयाए संखेजगुणा, असंखेजगुणकक्खडा पोग्गला दव्वट्टयाए असंखेजगुणा ते चैव पएसट्टयाए असंखेजगुणा, अर्णतगुणकक्खडा पोग्गला दव्वट्टयाए अर्णतगुणा ते चैव पएसट्टयाए अ(संखेज)र्णतगुणा, एवं मउयगुहव्वल्लयाणवि अप्पाबहुगं, सीयउमिणनिदल्लक्खाणं जहा वक्खार्णं तह्वेव्वं ॥ ७४० ॥ परमाणुपोग्गले णं भंते ! दव्वट्टयाए किं कइजुम्मे तेओए दावरजुम्मे कलिओए ? गोयमा ! नो कइजुम्मे नो तेओए नो दावरजुम्मे कलिओए, एवं जाव अर्णतपएसिए

खंभे । परमाणुपोगला णं भंते ! दक्खट्टयाए किं कडजुम्मा० पुच्छा, गोयमा ! ओघादेसेणं सिध कडजुम्मा जाव सिध कलिओगा, विहाणादेसेणं नो कडजुम्मा नो तेओगा नो दावरजुम्मा कलिओगा, एवं जाव अणंतपएस्सिया खंभा । परमाणु-
 पोगगळे णं भंते ! पएसट्टयाए किं कडजुम्मे० पुच्छा, गोयमा ! नो कडजुम्मे नो तेओए नो दावरजुम्मे कलिओए, दुपएस्सिए पुच्छा, गोयमा ! नो कडजुम्मे नो तेओए दावरजुम्मे नो कलिओए, तिपएस्सिए पुच्छा, गोयमा ! नो कडजुम्मे तेओए नो दावरजुम्मे नो कलिओए, चउप्पएस्सिए पुच्छा, गोयमा । कडजुम्मे नो तेओए नो दावरजुम्मे नो कलिओए, पंचपएस्सिए जहा परमाणुपोगगळे, छप्पएस्सिए जहा दुपएस्सिए, सत्तपएस्सिए जहा तिपएस्सिए, अट्टपएस्सिए जहा चउप्पएस्सिए, नवपएस्सिए जहा परमाणुपोगगळे, दसपएस्सिए जहा दुपएस्सिए, संखेज्जपएस्सिए णं भंते ! पोगगळे पुच्छा, गोयमा ! सिध कडजुम्मे जाव सिध कलिओगा, एवं असंखेज्जपएस्सिएवि, एवं अणंतपएस्सिएवि । परमाणुपोगगला णं भंते ! पएसट्टयाए किं कडजुम्मा० पुच्छा, गोयमा ! ओघादेसेणं सिध कडजुम्मा जाव सिध कलिओगा, विहाणादेसेणं नो कडजुम्मा नो तेओगा नो दावरजुम्मा कलिओगा, दुपएस्सियाणं पुच्छा, गोयमा ! ओघादेसेणं सिध कडजुम्मा नो तेओगा सिध दावरजुम्मा नो कलिओगा, विहाणा-
 देसेणं नो कडजुम्मा नो तेओगा दावरजुम्मा नो कलिओगा, तिपएस्सियाणं पुच्छा, गोयमा ! ओघादेसेणं सिध कडजुम्मा जाव सिध कलिओगा, विहाणादेसेणं नो कडजुम्मा तेओगा नो दावरजुम्मा नो कलिओगा, चउप्पएस्सियाणं पुच्छा, गोयमा ! ओघादेसेणं सिध कडजुम्मा नो तेओगा नो दावरजुम्मा नो कलिओगा, पंचपएस्सिया जहा परमाणुपोगगला, छप्पएस्सिया जहा दुपएस्सिया, सत्तपएस्सिया जहा तिपएस्सिया, अट्टपएस्सिया जहा चउप्पएस्सिया, नवपएस्सिया जहा परमाणु-
 पोगगला, दसपएस्सिया जहा दुपएस्सिया, संखेज्जपएस्सियाणं पुच्छा, गोयमा ! ओघादेसेणं सिध कडजुम्मा जाव सिध कलिओगा, विहाणादेसेणं कडजुम्मावि जाव कलिओगावि, एवं असंखेज्जपएस्सियावि अणंतपएस्सियावि ॥ परमाणुपोगगळे णं भंते ! किं कडजुम्मपएसोगाढे० पुच्छा, गोयमा ! (णो) कडजुम्मपएसोगाढे नो तेओग० नो दावरजुम्म० कलिओगपएसोगाढे । दुपएस्सिए णं पुच्छा, गोयमा ! नो कडजुम्म-
 पएसोगाढे णो तेओग० सिध दावरजुम्मपएसोगाढे सिध कलिओगपएसोगाढे । तिपएस्सिए णं पुच्छा, गोयमा ! णो कडजुम्मपएसोगाढे सिध तेओगपएसोगाढे सिध दावरजुम्मपएसोगाढे सिध कलिओगपएसोगाढे ३ । चउप्पएस्सिए णं पुच्छा, गोयमा ! सिध कडजुम्मपएसोगाढे जाव सिध कलिओगपएसोगाढे ४, एवं जाव

अर्णतपएसिए ॥ परमाणुपोगला णं भंते ! किं कडजुम्मपएसोगाडा० पुच्छा, गोयमा ! ओघादेसेणं कडजुम्मपएसोगाडा णो तेओग० नो दावर० नो कलिओग०, विहाणादेसेणं नो कडजुम्मपएसोगाडा णो तेओग० नो दावर० कलिओगपएसोगाडा । दुपएसियाणं पुच्छा, गोयमा ! ओघादेसेणं कडजुम्मपएसोगाडा नो तेओग० नो दावर० नो कलिओगपएसोगाडा, विहाणादेसेणं नो कडजुम्मपएसोगाडा नो तेओगपएसोगाडा दावरजुम्मपएसोगाडावि कलिओगपएसोगाडावि । तिपएसियाणं पुच्छा, गोयमा ! ओघादेसेणं कडजुम्मपएसोगाडा नो तेओग० नो दावर० नो कलिओगपएसोगाडा, विहाणादेसेणं नो कडजुम्मपएसोगाडा तेओगपएसोगाडावि दावरजुम्मपएसोगाडावि कलिओगपएसोगाडावि ३ । चउपएसियाणं पुच्छा, गोयमा ! ओघादेसेणं कडजुम्मपएसोगाडा नो तेओग० नो दावर० नो कलिओगपएसोगाडा, विहाणादेसेणं कडजुम्मपएसोगाडावि जाव कलिओगपएसोगाडावि, एवं जाव अर्णतपएसिया ॥ परमाणुपोगला णं भंते ! किं कडजुम्मसमयट्ठिईए० पुच्छा, गोयमा ! सिय कडजुम्मसमयट्ठिईए जाव सिय कलिओगसमयट्ठिईए, एवं जाव अर्णतपएसिए । परमाणुपोगला णं भंते ! किं कडजुम्मसमयट्ठिईया० पुच्छा, गोयमा ! ओघादेसेणं सिय कडजुम्मसमयट्ठिईया जाव सिय कलिओगसमयट्ठिईया ४, विहाणादेसेणं कडजुम्मसमयट्ठिईयावि जाव कलिओगसमयट्ठिईयावि ४, एवं जाव अर्णतपएसिया । परमाणुपोगला णं भंते ! कात्तवणपज्जवेहिं किं कडजुम्मे तेओग० जहा ट्ठिईए वतवया एवं वजेसुवि सव्वेसु गंधेसुवि एवं चेव रसेसुवि जाव मरुतो रगात्तिं, अर्णतपएसिए णं भंते ! खंधि ककखडफासपज्जवेहिं किं कडजुम्मे० पुच्छा, गोयमा ! सिय कडजुम्मे जाव सिय कलिओगे । अर्णतपएसिया णं भंते ! खंबा ककवटफासपज्जवेहिं किं कडजुम्मा० पुच्छा, गोयमा ! ओघादेसेणं सिय कडजुम्मा जाव सिय कलिओगा ४, विहाणादेसेणं कडजुम्मावि जाव कलिओगावि ४, एवं मउसुगुहयलहुयावि भाणियव्वा, सीयउत्तिणनिदलुक्खा जहा वन्ना ॥ ७८१ ॥ परमाणुपोगला णं भंते ! किं स(अ)णु अणु ? गोयमा ! नो नहे अणु । दुपएसिए णं पुच्छा, गोयमा ! सणु नो अणु, तिपएसिए जहा परमाणुपोगले, चउपएसिए जहा दुपएसिए, पंचपएसिए जहा तिपएसिए, छप्पएसिए जहा दुपएसिए, सत्तपएसिए जहा तिपएसिए, अट्ठपएसिए जहा दुपएसिए, नवपएसिए जहा तिपएसिए, दसपएसिए जहा दुपएसिए, संखेजपएसिए णं भंते ! खंधे पुच्छा, गोयमा ! सिय सणु सिय अणु, एवं असंखेजपएसिएवि, एवं अर्णतपएसिएवि । परमाणुपोगला णं भंते ! किं सणु अणु ?

गोयमा ! सङ्गा वा अणङ्गा वा, एवं जाव अणंतपएसिया ॥ ७४२ ॥
 परमाणुपोग्गळे णं भंते ! किं सेए निरेए ? गोयमा ! सिय सेए सिय निरेए, एवं
 जाव अणंतपएसिए । परमाणुपोग्गला णं भंते ! किं सेया निरेया ? गोयमा !
 सेयावि निरेयावि, एवं जाव अणंतपएसिया ॥ परमाणुपोग्गळे णं भंते ! सेए कालओ
 केवच्चिरं होइ ? गोयमा ! जहण्णेणं एकं समयं उक्कोसेणं आवळियाए असंखेज्जभाणं,
 परमाणुपोग्गळे णं भंते ! निरेए कालओ केवच्चिरं होइ ? गोयमा ! जहण्णेणं एकं
 समयं उक्कोसेणं असंखेज्जं कालं, एवं जाव अणंतपएसिए, परमाणुपोग्गला णं भंते !
 सेया कालओ केवच्चिरं हो(इ)न्ति ? गोयमा ! सब्बद्धं, परमाणुपोग्गला णं भंते ! निरेया
 कालओ केवच्चिरं होन्ति ! गोयमा ! सब्बद्धं, एवं जाव अणंतपएसिया ॥ परमाणु-
 पोग्गलस्स णं भंते ! सेयस्स केवड्यं कालं अंतरं होइ ? गोयमा ! सट्ठाणंतरं पडुच्च
 जहण्णेणं एकं समयं उक्कोसेणं असंखेज्जं कालं, परट्ठाणंतरं पडुच्च जहण्णेणं एकं समयं
 उक्कोसेणं असंखेज्जं कालं । निरेयस्स केवड्यं कालं अंतरं होइ ? गोयमा ! सट्ठाणं-
 तरं पडुच्च जहण्णेणं एकं समयं उक्कोसेणं आवळियाए असंखेज्जभाणं, परट्ठाणंतरं
 पडुच्च जहण्णेणं एकं समयं उक्कोसेणं असंखे(ज्ज)ज्जं कालं । दुपएसियस्स णं भंते
 खंधस्स सेयस्स पुच्छा, गोयमा ! सट्ठाणंतरं पडुच्च जहण्णेणं एकं समयं उक्कोसेणं
 असंखेज्जं कालं, परट्ठाणंतरं पडुच्च जहण्णेणं एकं समयं उक्कोसेणं अणंतं कालं ।
 निरेयस्स केवड्यं कालं अंतरं होइ ? गोयमा ! सट्ठाणंतरं पडुच्च जहण्णेणं एकं समयं
 उक्कोसेणं आवळियाए असंखेज्जभाणं, परट्ठाणंतरं पडुच्च जहण्णेणं एकं समयं
 उक्कोसेणं अणंतं कालं, एवं जाव अणंतपएसियस्स । परमाणुपोग्गलाणं भंते !
 सेयाणं केवड्यं कालं अंतरं होइ ? गोयमा ! नत्थि अंतरं, निरेयाणं केवड्यं
 कालं अंतरं होइ ? गोयमा ! नत्थि अंतरं, एवं जाव अणंतपएसियाणं
 खंधाणं ॥ एएसि णं भंते ! परमाणुपोग्गलाणं सेयाणं निरेयाणं य कयरे २ हित्तो
 जाव विसेसाहिया वा ? गोयमा ! सब्बत्थोवा परमाणुपोग्गला सेया, निरेया असं-
 खेज्जगुणा एवं जाव असंखेज्जपएसियाणं खंधाणं । एएसि णं भंते ! अणंतपएसि-
 याणं खंधाणं सेयाणं निरेयाणं य कयरे २ जाव विसेसाहिया वा ? गोयमा !
 सब्बत्थोवा अणंतपएसिया खंधा निरेया, सेया अणंतगुणा ॥ एएसि णं भंते !
 परमाणुपोग्गलाणं संखेज्जपएसियाणं असंखेज्जपएसियाणं अणंतपएसियाणं य खंधाणं
 सेयाणं निरेयाणं य दब्बडुयाए पएसडुयाए दब्बडुपएसडुयाए कयरे २ जाव विसे-
 साहिया वा ? गोयमा ! सब्बत्थोवा अणंतपएसिया खंधा निरेया दब्बडुयाए १,
 अणंतपएसिया खंधा सेया दब्बडुयाए अणंतगुणा २, परमाणुपोग्गला सेया दब्ब-

द्वयाए अणंतगुणा ३, संखेजपएसिया खंधा सेया दब्बद्वयाए असंखेजगुणा ४, असंखेजपएसिया खंधा सेया दब्बद्वयाए असंखेजगुणा ५, परमाणुपोगला निरेया दब्बद्वयाए असंखेजगुणा ६, संखेजपएसिया खंधा निरेया दब्बद्वयाए संखेजगुणा ७, असंखेजपएसिया खंधा निरेया दब्बद्वयाए असंखेजगुणा ८, पएसद्वयाए एवं चैव नवर परमाणुपोगला अपएसद्वयाए भाणियब्बा, संखेजपएसिया खंधा निरेया पएसद्वयाए असंखेजगुणा सेसं तं चैव, दब्बद्वपएसद्वयाए—सब्बत्थोत्था अणंतपएसिया खंधा निरेया दब्बद्वयाए १, ते चैव पएसद्वयाए अणंतगुणा २, अणंतपएसिया खंधा सेया दब्बद्वयाए अणंतगुणा ३, ते चैव पएसद्वयाए अणंतगुणा ४, परमाणुपोगला सेया दब्बद्वयाए अपएसद्वयाए अणंतगुणा ५, संखेजपएसिया खंधा सेया दब्बद्वयाए असंखेजगुणा ६, ते चैव पएसद्वयाए (अ)संखेजगुणा ७, असंखेजपएसिया खंधा सेया दब्बद्वयाए असंखेजगुणा ८, ते चैव पएसद्वयाए असंखेजगुणा ९, परमाणुपोगला निरेया दब्बद्वयाए अपएसद्वयाए असंखेजगुणा १०, संखेजपएसिया खंधा निरेया दब्बद्वयाए असंखेजगुणा ११, ते चैव पएसद्वयाए (अ)संखेजगुणा १२, असंखेजपएसिया खंधा निरेया दब्बद्वयाए असंखेजगुणा १३, ते चैव पएसद्वयाए असंखेजगुणा १४ । परमाणुपोगळे णं भंते ! किं देसेए सव्वेए निरेए ? गोयमा ! नो देसेए सिय सव्वेए सिय निरेए, दुपएसिए णं भंते ! खंधे पुच्छा, गोयमा ! सिय देसेए सिय सव्वेए सिय निरेए, एवं जाव अणतपएसिए । परमाणुपोगला णं भंते ! किं देसेया सव्वेया निरेया ! गोयमा ! नो देसेया सव्वेयावि निरेयावि, दुपएसिया णं भंते ! खंधा मुच्छा, गोयमा ! देसेयावि सव्वेयावि निरेयावि, एवं जाव अणतपएसिया । परमाणुपोगळे णं भंते ! सव्वेए कालओ केवच्चिरं होइ ? गोयमा ! जहजेणं एकं समयं उक्कोसेणं आवलियाए असंखेजइभागं, निरेए कालओ केवच्चिरं होइ ! गोयमा ! जहजेणं एकं समयं उक्कोसेणं असंखेजं कालं । दुपएसिए णं भंते ! खंधे देसेए कालओ केव(च्चि)च्चिरं होइ ? गोयमा ! जहजेणं एकं समयं उक्कोसेणं आवलियाए असंखेजइभागं, सव्वेए कालओ केवच्चिरं होइ ! गोयमा ! जहजेणं एकं समयं उक्कोसेणं आवलियाए असंखेजइभागं, निरेए कालओ केवच्चिरं होइ ? गोयमा ! जहजेणं एकं समयं उक्कोसेणं असंखेजं कालं, एवं जाव अणंतपएसिए । परमाणुपोगला णं भंते ! सव्वेया कालओ केवच्चिरं होति ? गोयमा ! सव्वदं, निरेया कालओ केवच्चिरं हां(न्ति)इ ? गोयमा ! सव्वदं । दुपएसिया णं भंते ! खंधा देसेया कालओ केवच्चिरं होति ? गोयमा ! सव्वदं, सव्वेया कालओ केवच्चिरं होति ! सव्वदं, निरेया कालओ केवच्चिरं होति ? सव्वदं, एवं जाव अणंतपएसिया । परमाणुपोगला

सस्स णं भंते । सव्वेयस्स केवइयं कालं अंतरं होइ ? गोयमा ! सट्ठार्णतरं पडुच्च जह-
 ज्जेणं एक्कं समयं उक्कोसेणं असंखेज्जं कालं, परट्ठार्णतरं पडुच्च जहज्जेणं एक्कं समयं उक्को-
 सेणं असंखेज्जं कालं । निरेयस्स केवइयं कालं अंतरं होइ ? सट्ठार्णतरं पडुच्च जहज्जेणं
 एक्कं समयं उक्कोसेणं आवल्लियाए अमत्वेज्जइभागं, परट्ठार्णतरं पडुच्च जहज्जेणं एक्कं
 समयं उक्कोसेणं असंखेज्जं कालं । दुपएसियस्स णं भंते । खंधस्स देसेयस्स केवइयं
 कालं अंतरं होइ ? गोयमा ! सट्ठार्णतरं पडुच्च जहज्जेणं एक्कं समयं उक्कोसेणं असंखेज्जं
 कालं, परट्ठार्णतरं पडुच्च जहज्जेणं एक्कं समयं उक्कोसेणं अणंतं कालं, सव्वेयस्स केवइयं
 कालं० ? एवं चेव जइ देसेयस्सा, निरेयस्स केवइयं कालं० ? सट्ठार्णतरं पडुच्च
 जहज्जेणं एक्कं समयं उक्कोसेणं आवल्लियाए असंखेज्जइभागं, परट्ठार्णतरं पडुच्च जहज्जेणं
 एक्कं समयं उक्कोसेणं अणंतं कालं, एवं जाव अणंतपएसियस्स ॥ परमाणुपोमगलाणं
 भंते । सव्वेयाणं केवइयं कालं अंतरं होइ ? गोयमा ! नत्थि अंतरं, निरेयाणं केव-
 इयं० ? नत्थि अंतरं, दुपएसियाणं भंते । खंधाणं देसेयाणं केवइयं कालं० ? नत्थि
 अंतरं, सव्वेयाणं केवइयं कालं० ? नत्थि अंतरं, निरेयाणं केवइयं कालं० ? नत्थि
 अंतरं, एवं जाव अणंतपएसियाणं । एसि णं भंते ! परमाणुपोमगलाणं सव्वेयाणं
 निरेयाणं य कयरे २ जाव विसेसाहिया वा ? गोयमा ! सव्वत्थोवा परमाणुपोमगला
 सव्वेया, निरेया अमत्वेज्जगुणा । एसि णं भंते । दुपएसियाणं खंधाणं देसेयाणं
 सव्वेयाणं निरेयाणं य कयरे २ जाव विसेसाहिया वा ? गोयमा ! सव्वत्थोवा दुपए-
 सिया खंधा सव्वेया, देसेया असंखेज्जगुणा, निरेया असंखेज्जगुणा, एवं जाव असं-
 खेज्जपएसियाणं खंधाणं । एसि णं भंते । अणंतपएसियाणं खंधाणं देसेयाणं सव्वे-
 याणं निरेयाणं य कयरे २ जाव विसेसाहिया वा ? गोयमा ! सव्वत्थोवा अणंतप-
 एसिया खंधा सव्वेया, निरेया अणंतगुणा, देसेया अणंतगुणा । एसि णं भंते ।
 परमाणुपोमगलाणं संखेज्जपएसियाणं असंखेज्जपएसियाणं अणंतपएसियाणं य खंधाणं
 देसेयाणं सव्वेयाणं निरेयाणं दव्वट्ठयाए पएसट्ठयाए दव्वट्ठपएसट्ठयाए कयरे २ जाव
 विसेसाहिया वा ? गोयमा ! सव्वत्थोवा अणंतपएसिया खंधा सव्वेया दव्वट्ठयाए १,
 अणंतपएसिया खंधा निरेया दव्वट्ठयाए अणंतगुणा २, अणंतपएसिया खंधा देसेया
 दव्वट्ठयाए अणंतगुणा ३, असंखेज्जपएसिया खंधा सव्वेया दव्वट्ठयाए अ(णंत)संखेज्ज-
 गुणा ४, संखेज्जपएसिया खंधा सव्वेया दव्वट्ठयाए असंखेज्जगुणा ५, परमाणुपोमगला
 सव्वेया दव्वट्ठयाए असंखेज्जगुणा ६, संखेज्जपएसिया खंधा देसेया दव्वट्ठयाए असं-
 खेज्जगुणा ७, असंखेज्जपएसिया खंधा देसेया दव्वट्ठयाए असंखेज्जगुणा ८, परमाणु-
 पोमगला निरेया दव्वट्ठयाए असंखेज्जगुणा ९, संखेज्जपएसिया खंधा निरेया दव्व-

द्वयाए संखेजगुणा १०, असंखेजपएसिया खंधा निरेया दव्वद्वयाए असंखेजगुणा ११, पएसद्वयाए-सव्वत्थोवा अणंतपएसिया खंधा पएसद्वयाए एवं पएसद्वयाएवि नवरं परमाणुपोगला अपएसद्वयाए भाणियव्वा, संखेजपएसिया खंधा निरेया पएसद्वयाए असंखेजगुणा सेसं तं चैव, दव्वद्वपएसद्वयाए सव्वत्थोवा अणंतपएसिया खंधा सव्वेया दव्वद्वयाए १, ते चैव पएसद्वयाए अणंतगुणा २, अणंतपएसिया खंधा निरेया दव्वद्वयाए अणंतगुणा ३, ते चैव पएसद्वयाए अणंतगुणा ४, अणंतपएसिया खंधा देसेया दव्वद्वयाए अणंतगुणा ५, ते चैव पएसद्वयाए अणंतगुणा ६, असंखेजपएसिया खंधा सव्वेया दव्वद्वयाए अणंतगुणा ७, ते चैव पएसद्वयाए असंखेजगुणा ८, संखेजपएसिया खंधा सव्वेया दव्वद्वयाए असंखेजगुणा ९, ते चैव पएसद्वयाए (अ)संखेजगुणा १०, परमाणुपोगला सव्वेया दव्वद्वपएसद्वयाए असंखेजगुणा ११, संखेजपएसिया खंधा देसेया दव्वद्वयाए असंखेजगुणा १२, ते चैव पएसद्वयाए (अ)संखेजगुणा १३, असंखेजपएसिया खंधा देसेया दव्वद्वयाए असंखेजगुणा १४, ते चैव पएसद्वयाए असंखेजगुणा १५, परमाणुपोगला निरेया दव्वद्वपएसद्वयाए असंखेजगुणा १६, संखेजपएसिया खंधा निरेया दव्वद्वयाए संखेजगुणा १७, ते चैव पएसद्वयाए संखेजगुणा १८, असंखेजपएसिया निरेया दव्वद्वयाए असंखेजगुणा १९, ते चैव पएसद्वयाए असंखेजगुणा २० ॥ ७४३ ॥

कइ णं भंते ! धम्मत्थिकायस्स मज्झपएसमा प० ? गोयमा ! अट्ट धम्मत्थिकायस्स मज्झपएसमा प० । कइ णं भंते ! अट्ट धम्मत्थिकायस्स मज्झपएसमा प० ! गोयमा ! एवं चैव, कइ णं भंते ! आगामत्थिकायस्स मज्झपएसमा प० ? एवं चैव । कइ णं भंते ! जीवत्थिकायस्स मज्झपएसमा प० ? गोयमा ! अट्ट जीवत्थिकायस्स मज्झपएसमा प०, एए णं भंते ! अट्ट जीवत्थिकायस्स मज्झपएसमा कइसु आगामपएसमेसु ओगा-हंति ? गोयमा ! जहकेणं एक्कंसि वा दोहिं वा तिहिं वा चउहं वा पंचाहिं वा छहिं वा उक्कोसेणं अट्टसु, नो चैव णं सत्तमु । सेवं भंते ! २ ति ॥ ७४४ ॥ **पणवी-सइमस्स सयस्स चउत्थो उहेसो समत्तो ॥**

कइविहा णं भंते ! पज्जवा पज्जता ? गोयमा ! द्दुविहा पज्जवा प०, तं०-जीव-पज्जवा य अजीवपज्जवा य, पज्जवपयं निरवसेसं भाणियव्वं जहा पज्जवणाए ॥ ७४५ ॥ आवलियाणं भंते ! किं संखेज्जा समयं असंखेज्जा समयं अणंता समयं ? गोयमा ! नो संखेज्जा समयं असंखेज्जा समयं नो अणंता समयं, आणापाण्णं भंते ! किं संखेज्जा० ? एवं चैव, योवे णं भंते ! किं संखेज्जा० ? एवं चैव, एवं लव्वेवि सुहुत्तेवि, एवं अहोरेत्तेवि, एवं पक्खे मासे उ(अ)इ अवणे संवच्छरे जुगे वाससए

वाप्तसहस्ते वाससयसहस्ते पुर्वंगे पुर्वे वृद्धिर्गं तुडिण् अडङ्गे अडवे अवर्गे अववे हुहुअंगे हुहुए उपपलंगे उपपले पउमंगे पउमे नल्लिङ्गे नल्लिणे अच्छिण्णि(उ) पूरंगे अच्छिण्णि(उ)पूरे अउयंगे अउए नउयंगे नउए पउयंगे पउए चूलिङ्गं चूलि(या)ए सीसपहेलियंगे सीसपहेलिया पलिओवमे सागरोवमे ओसपिणी एवं उस्सपिणीवि, पोगलपरियट्टे णं भंते ! किं संखेज्जा ममया असंखेज्जा ममया अर्णता ममया ? गोयमा ! नो संखेज्जा ममया नो असंखेज्जा ममया अर्णता ममया, एवं तीयद्धा अणागयद्धा सव्वद्धा ॥ आवलियाओ णं भंते ! किं संखेज्जा ममया० पुच्छा, गोयमा ! नो संखेज्जा ममया मिय असंखेज्जा ममया मिय अर्णता ममया, आणापाणूणं भंते ' किं संखेज्जा ममया० पुच्छा, एवं चैव, धोवाणं भंते ! किं संखेज्जा ममया ३ ? एवं चैव एवं जाव उस्सपिणीओत्ति, पोगलपरियट्टाणं भंते ! किं संखेज्जा ममया० पुच्छा, गोयमा ' णो संखेज्जा ममया णो असंखेज्जा ममया अर्णता ममया, आणापाणूणं भंते ! किं संखेज्जाओ आवलियाओ० पुच्छा, गोयमा ! संखेज्जाओ आवलियाओ णो असंखेज्जाओ आवलियाओ नो अर्णताओ आवलियाओ, एवं धोवेवि, एवं जाव सीसपहेलियत्ति । पलिओवमे णं भंते ! किं संखेज्जा० पुच्छा, गोयमा ! णो संखेज्जाओ आवलियाओ असंखेज्जाओ आवलियाओ नो अर्णताओ आवलियाओ, एवं सागरोवमेवि, एवं ओसपिणीवि उस्सपिणीवि, पोगलपरियट्टे पुच्छा, गोयमा ! नो संखेज्जाओ आवलियाओ णो असंखेज्जाओ आवलियाओ अर्णताओ आवलियाओ, एवं जाव सव्वद्धा । आणापाणूणं भंते ! किं संखेज्जाओ आवलियाओ० पुच्छा, गोयमा ' मिय संखेज्जाओ आवलियाओ मिय असंखेज्जाओ मिय अर्णताओ, एवं जाव सीसपहेलियाओ, पलिओवमाणं पुच्छा, गोयमा ! णो संखेज्जाओ आवलियाओ मिय असंखेज्जाओ आवलियाओ मिय अर्णताओ आवलियाओ, एवं जाव उस्सपिणीओत्ति, पोगलपरियट्टाणं पुच्छा, गोयमा ! णो संखेज्जाओ आवलियाओ णो असंखेज्जाओ आवलियाओ अर्णताओ आवलियाओ । धोवे णं भंते ! किं संखेज्जाओ आणापाणूओ असंखेज्जाओ जहा आवलियाए वचन्वया एवं आणापाणूओवि निरवसेमा, एवं एएणं गमएणं जाव सीसपहेलिया भाणियन्वा । सागरोवमे णं भंते ! किं संखेज्जा पलिओवमा० पुच्छा, गोयमा ! संखेज्जा पलिओवमा णो असंखेज्जा पलिओवमा णो अर्णता पलिओवमा, एवं ओसपिणीएवि उस्सपिणीएवि, पोगलपरियट्टे णं भंते ! पुच्छा, गोयमा ! णो संखेज्जा पलिओवमा णो असंखेज्जा पलिओवमा अर्णता पलिओवमा, एवं जाव सव्वद्धा । सागरोवमाणं भंते ! किं संखेज्जा पलिओवमा० पुच्छा, गोयमा ! मिय संखेज्जा

पलिओवमा सिय असंखेजा पलिओवमा सिय अणंता पलिओवमा, एवं जाव ओसप्पिणी(ओ)वि उस्सप्पिणीवि । पोग्गलपरियट्ठाणं पुच्छा, गोयमा ! णो संखेजा पलिओवमा णो असंखेजा पलिओवमा अणंता पलिओवमा । ओसप्पिणी णं भंते । किं संखेजा सागरोवमा जहा पलिओवमस्स वत्तव्वया तहा सागरोवमस्सवि, पोग्गलपरियट्ठे णं भंते ! किं संखेजाओ ओसप्पिणीओ० पुच्छा, गोयमा ! णो संखेजाओ ओसप्पिणीओ णो असंखेजाओ अणंताओ ओसप्पिणीओ, पोग्गलपरियट्ठाणं भंते ! किं संखेजाओ ओसप्पिणीओ० पुच्छा, गोयमा ! णो संखेजाओ नो असंखेजाओ अणंताओ, पोग्गलपरियट्ठे णं भंते ! किं संखेजाओ ओसप्पिणउस्सप्पिणीओ० पुच्छा, गोयमा ! णो संखेजाओ ओसप्पिणउस्सप्पिणीओ णो असंखेजाओ अणंताओ ओसप्पिणउस्सप्पिणीओ, एवं जाव सव्वद्धा, पोग्गलपरियट्ठाणं भंते ! किं संखेजाओ ओसप्पिणउस्सप्पिणीओ० पुच्छा, गोयमा ! णो संखेजाओ ओसप्पिणउस्सप्पिणीओ णो असंखेजाओ अणंताओ ओसप्पिणउस्सप्पिणीओ । तीतद्धाणं भंते ! किं संखेजा पोग्गलपरियट्ठा० पुच्छा, गोयमा ! नो संखेजा पोग्गलपरियट्ठा नो असंखेजा अणंता पोग्गलपरियट्ठा, एवं अणागयद्धावि, एवं सव्वद्धावि ॥७४६॥ अणागयद्धाणं भंते ! किं संखेजाओ तीतद्धाओ असंखेजाओ० अणंताओ० ? गोयमा ! णो संखेजाओ तीतद्धाओ णो असंखेजाओ तीतद्धाओ णो अणंताओ तीतद्धाओ, अणागयद्धा णं तीतद्धाओ समयाहिया, तीतद्धा णं अणागयद्धाओ समयउत्था । सव्वद्धाणं भंते ! किं संखेजाओ तीतद्धाओ० पुच्छा, गोयमा ! णो संखेजाओ तीतद्धाओ णो असंखेजाओ तीतद्धाओ णो अणंताओ तीतद्धाओ, सव्वद्धा णं तीतद्धाओ साइरेग्गदुग्णा तीतद्धा णं सव्वद्धाओ थोवणए अद्दे, सव्वद्धाणं भन्ते ! किं संखेजाओ अणागयद्धाओ० पुच्छा, गोयमा ! णो संखेजाओ अणागयद्धाओ णो असंखेजाओ अणागयद्धाओ णो अणंताओ अणागयद्धाओ, सव्वद्धा णं अणागयद्धाओ थोवणग्गदुग्णा अणागयद्धा णं सव्वद्धाओ माडरेगे अद्दे ॥ ७४७ ॥ कइविहा णं भंते ! णिओदा प० ? गोयमा ! दुविहा णिओदा प०, तं०-णिओ(य)गा य णिओयर्जावा य णिओदा णं भंते ! कइविहा प० ? गोयमा ! दुविहा प०, तंजहा-सुहुमनिओदा य वायरनिओ(दा)गा य, एवं निओदा भाणियव्वा जहा जीवाभिग्गमे तहेव निरवसेसं ॥ ७४८ ॥ कइविहे णं भंते ! णामे पज्जे ? गोयमा ! छव्विहे णामे पज्जे, तंजहा-उदइए जाव सज्जिवाइए । से किं तं उदइए णामे ? उदइए णामे दुविहे प०, तं०-उद(इ)ए य उदयनिप्फले य, एवं जहा सत्तरसमसए पढमे उहेसए भावो तहेव इहवि, नवरं इमं नामणाणसं, सेसं तहेव जाव सज्जिवाइए । सेवं भंते ! २ ति ॥ ७४९ ॥ पणवीसइमे सए पंचमो उहेसो समतो ॥

पञ्चवण १ वेय २ रागे ३ कप्प ४ चरित्त ५ पडिसेवणा ६ णाणे ७ । तित्थे
 ८ लिंग ९ सरीरे १० खेत्ते ११ काले १२ गइ १३ संजम १४ निगासे १५
 ॥ १ ॥ जोगु १६ वओग १७ कसाए १८ ठेसा १९ परिणाम २० बंध २१ वेदे
 य २२ । कम्मोपीरण २३ उवसंपजहज २४ सक्ता य २५ आहारे २६ ॥ २ ॥
 भव २७ आगरिसे २८ कालं २९ तरे य ३० समुग्घाय ३१ खेत ३२ फुसणा य
 ३३ । भावे ३४ परि(माणे)णामे ३५ (खलु)विय अप्पाबहुयं ३६ निर्यंठाणं ३७ ॥ ३ ॥
 रायग्घिहे जाव एवं वयासी-कइ णं भंते ! णियंठा पक्कना । गोयमा ! पंच णियंठा
 पक्कना, तंजहा-पुलाए बउसे कुसीले णियंठे सिणाए ॥ पुलाए णं भंते ! कइविहे
 पक्कते ? गोयमा ! पंचविहे प०, तं०-नाणपुलाए दंसणपुलाए चरित्तपुलाए लिंगपु-
 लाए अहानुहुमपुलाए णामं पंचमे । बउसे णं भंते ' कइविहे प० ? गोयमा !
 पंचविहे प०, तं०-आभोगबउसे अणाभोगवउसे सवुडबउसे असंयुडवउसे अहा-
 नुहुमबउसे णामं पंचमे । कुसीले णं भंते ' कइविहे प० ? गोयमा ' दुविहे प०,
 तं०-पडिसेवणाकुसीले य कसायकुसीले य, पडिसेवणाकुसीले णं भंते । कइविहे
 पक्कते ! गोयमा ! पंचविहे प०, तंजहा-नाणपडिसेवणाकुसीले दंसणपडिसेवणा-
 कुसीले चरित्तपडिसेवणाकुसीले लिंगपडिसेवणाकुसीले अहानुहुमपडिसेवणाकुसीले
 णामं पंचमे, कसायकुसीले णं भंते ! कइविहे पक्कते ! गोयमा ' पंचविहे प०, तं०-
 नाणकसायकुसीले दंसणकसायकुसीले चरित्तकसायकुसीले लिंगकसायकुसीले अहा-
 नुमकसायकुसीले णामं पंचमे । निर्यंठे णं भंते ! कइविहे प० ? गोयमा ! पंचविहे
 प०, तंजहा-पडमसमयनिर्यंठे अपडमसमयनिर्यंठे चरिसममयनिर्यंठे अचरिसममय-
 निर्यंठे अहानुहुमनिर्यंठे णामं पंचमे । सिणाए णं भंते ! कइविहे प० ! गोयमा !
 पंचविहे प०, तं०-अच्छवी १, असबले २, अकम्मंसे ३, संसुद्धाणदंसणधरे अरहा
 जिणे केवली ४, अपरिस्सावी ५, ११ पुलाए णं भंते ! कि सवेयए होजा अवैयए
 होजा ? गोयमा ! सवेयए होजा णो अवैयए होजा, जइ सवेयए होजा किं
 इत्थिवैयए होजा पुरिसवैयए होजा पुरिसनपुंसगवैयए होजा ? गोयमा ! नो
 इत्थिवैयए होजा पुरिसवैयए होजा पुरिसनपुंसगवैयए वा होजा । बउसे णं भंते !
 किं सवेयए होजा अवैयए होजा ? गोयमा ! सवेयए होजा णो अवैयए होजा, जइ
 सवेयए होजा किं इत्थिवैयए होजा पुरिसवैयए होजा पुरिसनपुंसगवैयए होजा ?
 गोयमा ! इत्थिवैयए वा होजा पुरिसवैयए वा होजा पुरिसनपुंसगवैयए वा होजा,
 एवं पडिसेवणाकुसीलेवि, कसायकुसीले णं भंते ! किं सवेयए होजा ० पुच्छा, गोयमा !
 सवेयए वा होजा अवैयए वा होजा, जइ अवैयए होजा किं उवसंतवैयए होजा

खीणवेदए होजा ? गोयमा ! उवसंतवेदए वा होजा खीणवेदए वा होजा, जइ सवेदए होजा किं इथिवेदए होजा० पुच्छा, गोयमा ! तिसुवि जहा बउसे । णियंठे णं भंते । किं सवेदए० पुच्छा, गोयमा ! णो सवेदए होजा अवेदए होजा, जइ अवेदए होजा किं उवसत० पुच्छा, गोयमा ! उवसंतवेदए वा होजा खीणवेदए वा होजा । सिणाए णं भंते ! किं सवेयए होजा० ? जहा नियंठे तहा सिणाएवि, नवरं णो उवसंतवेयए होजा खीणवेयए होजा २ ॥ ७५० ॥ पुलाए णं भंते ! किं सरागे होजा वीयरगे होजा ? गोयमा ! सरागे होजा णो वीयरगे होजा, एवं जाव कसायकुसीले । णियंठे णं भंते ! किं सरागे होजा० पुच्छा, गोयमा ! णो सरागे होजा वीयरगे होजा, जइ वीयरगे होजा किं उवसंतकसायवीयरगे होजा खीण-कसायवीयरगे होजा ? गोयमा ! उवसंतकसायवीयरगे वा होजा खीणकसायवीयरगे वा होजा, सिणाए एवं चेव, नवरं णो उवसंतकसायवीयरगे होजा खीणकसायवीयरगे होजा ३ ॥ ७५१ ॥ पुलाए णं भंते ! किं ठियकप्पे होजा अठियकप्पे होजा ? गोयमा ! ठियकप्पे वा होजा अठियकप्पे वा होजा, एवं जाव सिणाए । पुलाए णं भंते ! किं जिणकप्पे होजा थेरकप्पे होजा कप्पातीते होजा ? गोयमा ! नो जिणकप्पे होजा थेरकप्पे होजा णो कप्पातीते होजा । बउमं णं भंते ! पुच्छा, गोयमा ! जिणकप्पे वा होजा थेरकप्पे वा होजा नो कप्पातीते होजा, एवं पडिसेवणाकु-सीलेवि । कसायकुसीले णं पुच्छा, गोयमा ! जिणकप्पे वा होजा थेरकप्पे वा होजा कप्पातीते वा होजा । नियंठे णं पुच्छा, गोयमा ! नो जिणकप्पे होजा नो थेरकप्पे होजा कप्पातीते होजा, एवं सिणाएवि ४ ॥ ७५२ ॥ पुलाए णं भंते ! किं सामाइय-संजमे होजा छेओवट्ठावणियसंजमे होजा परिहारविमुट्ठियसंजमे होजा मुहुमसंपराय-संजमे होजा अहक्खायसंजमे होजा ? गोयमा ! सामाइयसंजमे वा होजा छेओवट्ठावणियसंजमे वा होजा णो परिहारविमुट्ठियसंजमे होजा णो मुहुमसंपराय-संजमे होजा णो अहक्खायसंजमे होजा, एवं बउमंवि, एवं पडिसेवणाकुसीलेवि, कसायकुसीले णं पुच्छा, गोयमा ! सामाइयसंजमे वा होजा जाव मुहुमसंपराय-संजमे वा होजा णो अहक्खायसंजमे होजा । नियंठे णं पुच्छा, गोयमा ! णो सामाइयसंजमे होजा जाव णो मुहुमसंपरायसंजमे होजा अहक्खायसंजमे होजा, एवं सिणाएवि ५ ॥ ७५३ ॥ पुलाए णं भंते ! किं पडिसेवए होजा अपडिसेवए होजा ? गोयमा ! पडिसेवए होजा णो अपडिसेवए होजा, जइ पडिसेवए होजा किं मूलगुणपडिसेवए होजा उत्तरगुणपडिसेवए होजा ? गोयमा ! मूलगुणपडिसेवए वा होजा उत्तरगुणपडिसेवए वा होजा, मूलगुणपडिसेवमाणे पंचवई अण्णसवणं

अक्षयरं पडिसेवेजा, उत्तरगुणपडिसेवमाणे दसविहस्स पच्चक्खाणस्स अक्षयरं पडिसेवेजा । बउसे णं पुच्छा, गोयमा ! पडिसेवए होजा णो अपडिसेवए होजा, जइ पडिसेवए होजा किं मूलगुणपडिसेवए होजा उत्तरगुणपडिसेवए होजा ? गोयमा । णो मूलगुणपडिसेवए होजा उत्तरगुणपडिसेवए होजा, उत्तरगुणपडिसेवमाणे दसविहस्स पच्चक्खाणस्स अक्षयरं पडिसेवेजा, पडिसेवणाकुसीले जहा पुलाए । कसायकुसीले णं पुच्छा, गोयमा ! णो पडिसेवए होजा अपडिसेवए होजा, एवं निर्यंठेवि, एवं सिणाएवि ६ ॥ ७५४ ॥ पुलाए णं भंते ! कइसु नाणेसु होजा ? गोयमा ! दोसु वा तिसु वा होजा, दोसु होजमाणे दोसु आभिणिबोहियनाणे सुअनाणे होजा, तिसु होजमाणे तिसु आभिणिबोहियनाणे सुयनाणे ओहिनाने होजा, एवं बउसेवि, एवं पडिसेवणाकुसीलेवि, कसायकुसीले णं पुच्छा, गोयमा ! दोसु वा तिसु वा चउसु वा होजा, दोसु होजमाणे दोसु आभिणिबोहियनाणे सुयनाणे होजा, तिसु होजमाणे तिसु आभिणिबोहियनाणसुयनाणओहिनानेसु होजा अहवा तिसु होजमाणे आभिणिबोहियनाणसुयनाणमणपज्जवनाणेसु होजा, चउसु होजमाणे चउसु आभिणिबोहियनाणसुयनाणओहिनानमणपज्जवनाणेसु होजा, एवं निर्यंठेवि । सिणाए णं पुच्छा, गोयमा ! एगंमि केवलनाणे होजा ॥ ७५५ ॥ पुलाए णं भंते ! केवइयं सुयं अहिजेजा ? गोयमा ! जहजेणं नवमस्स पुव्वस्स तइयं आयावत्थुं, उक्कोसेणं नव पुव्वाइं अहिजेजा । बउसे णं पुच्छा, गोयमा ! जहजेणं अट्ठ पवयणमायाओ उक्कोसेणं दस पुव्वाइं अहिजेजा । एवं पडिसेवणाकुसीलेवि । कसायकुसीले णं पुच्छा, गोयमा ! जहजेणं अट्ठ पवयणमायाओ उक्कोसेणं चउइस पुव्वाइं अहिजेजा, एवं निर्यंठेवि । सिणाए णं पुच्छा, गोयमा ! सुयवइरिणे होजा ॥ ७५६ ॥ पुलाए णं भंते ! किं तित्थे होजा अतित्थे होजा ? गोयमा ! तित्थे होजा णो अतित्थे होजा, एवं बउसेवि, एवं पडिसेवणाकुसीलेवि । कसायकुसीले पुच्छा, गोयमा ! तित्थे वा होजा अतित्थे वा होजा, जइ अतित्थे होजा किं तित्थयरे होजा पत्तेयबुद्धे होजा ? गोयमा ! तित्थयरे वा होजा पत्तेयबुद्धे वा होजा, एवं निर्यंठेवि, एवं सिणाएवि ८ ॥ ७५७ ॥ पुलाए णं भंते ! किं सल्लिगे होजा अल्लिगे होजा मिहिल्लिगे होजा ? गोयमा ! दम्बल्लिगं पडुब सल्लिगे वा होजा अल्लिगे वा होजा मिहिल्लिगे वा होजा, भावल्लिगं पडुब निय(मं)मा सल्लिगे होजा, एवं जाव सिणाए ९ ॥ ७५८ ॥ पुलाए णं भंते ! कइसु सरीरेसु होजा ? गोयमा ! तिसु ओरात्थितेयाक्कम्मएसु होजा, बउसे णं भंते ! पुच्छा, गोयमा ! तिसु वा चउसु वा होजा, तिसु होजमाणे तिसु ओरात्थितेयाक्कम्मएसु होजा, चउसु होजमाणे चउसु ओरात्थिते-

वेउव्वियतेयाकम्मएसु होजा, एवं पडिसेवणाकुसीलेवि । कसायकुसीले पुच्छा, गोयमा ! तिसु वा चउसु वा पंचसु वा होजा, तिसु होजमाणे तिसु ओरालियतेया-कम्मएसु होजा, चउसु होजमाणे चउसु ओरालियवेउव्वियतेयाकम्मएसु होजा, पंचसु होजमाणे पंचसु ओरालियवेउव्वियआहारगतेयाकम्मएसु होजा, णियंठो सिणाओ य जहा पुलाओ ॥ १० ॥ ७५९ ॥ पुलाए णं भंते ' कि कम्मभूमी(मु)ए होजा अकम्मभूमीए होजा ? गोयमा ! जम्मणसंतिभावं पडुच्च कम्मभूमीए होजा णो अकम्मभूमीए होजा, बउसे णं पुच्छा, गोयमा ! जम्मणसंतिभावं पडुच्च कम्मभूमीए होजा णो अकम्मभूमीए होजा, साहरणं पडुच्च कम्मभूमीए वा होजा अकम्मभूमीए वा होजा, एव जाव निणाए ॥ ११ ॥ ७६० ॥ पुलाए णं भंते ' कि ओसप्पिणिकाले होजा उस्सप्पिणिकाले होजा णोओसप्पिणिकाले उस्सप्पिणिकाले होजा ? गोयमा ! ओसप्पिणिकाले वा होजा उस्सप्पिणिकाले वा होजा नोओसप्पिणिनोउस्सप्पिणिकाले वा होजा, जइ ओसप्पिणिकाले होजा किं सुसमनुसमाकाले होजा १, सुसमाकाले होजा २, सुसमदूसमाकाले होजा ३, दूसमनुसमाकाले होजा ४, दूसमाकाले होजा ५, दूसमदूसमाकाले होजा ६ ? गोयमा ! जम्मणं पडुच्च णो सुसमनुसमाकाले होजा १, णो सुसमाकाले होजा २, सुसमदूसमाकाले वा होजा ३, दूसमनुसमाकाले वा होजा ४, णो दूसमाकाले होजा ५, णो दूसमदूसमाकाले होजा ६, संतिभावं पडुच्च णो सुसमनुसमाकाले होजा णो सुसमाकाले होजा सुसमदूसमाकाले वा होजा दूसमनुसमाकाले वा होजा दूसमाकाले वा होजा णो दूसमदूसमाकाले होजा, जइ उस्सप्पिणिकाले होजा किं दूसमदूसमाकाले होजा दूसमाकाले होजा दूसमनुसमाकाले होजा सुसमदूसमाकाले होजा सुसमाकाले होजा सुसमनुसमाकाले होजा ? गोयमा ! जम्मणं पडुच्च णो दूसमदूसमाकाले होजा १, दूसमाकाले वा होजा २, दूसमनुसमाकाले वा होजा ३, सुसमदूसमाकाले वा होजा ४, णो सुसमाकाले होजा ५, णो सुसमनुसमाकाले होजा ६, संतिभावं पडुच्च णो दूसमदूसमाकाले होजा १, (नो)दूसमाकाले होजा २, दूसमनुसमाकाले वा होजा ३, सुसमदूसमाकाले वा होजा ४, णो सुसमाकाले होजा ५, णो सुसमनुसमाकाले होजा ६ । जइ णोओसप्पिणिनोउस्सप्पिणिकाले होजा किं सुसमनुसमापलिभागे होजा सुसमापलिभागे होजा सुसमदूसमापलिभागे होजा दूसमनुसमापलिभागे होजा ? गोयमा ! जम्मणं संतिभावं च पडुच्च णो सुसमनुसमापलिभागे होजा णो सुसमापलिभागे होजा णो दु(धु)समदूसमापलिभागे होजा दूसमनुसमापलिभागं होजा । बउसे णं भंते ! पुच्छा, गोयमा ! ओसप्पिणिकाले वा होजा उस्सप्पिणिकाले वा होजा नोओसप्पिणिनोउस्स-

पिण्डिकाळे वा होजा, जइ ओसपिण्डिकाळे होजा किं सुसमसुसमाकाळे० पुच्छा, गोयमा ! जम्मणं संतिभावं च पडुच्च णो सुसमसुसमाकाळे होजा णो सुसमाकाळे होजा सुसमवूसमाकाळे वा होजा दुस्समसुसमाकाळे वा होजा दुसमाकाळे वा होजा णो दुसमवूसमाकाळे होजा, साहरणं पडुच्च अन्नयरे समाकाळे होजा । जइ उस्सपिण्डिकाळे होजा किं दुसमवूसमाकाळे होजा ६ पुच्छा, गोयमा ! जम्मणं पडुच्च णो दुस्समदुस्समाकाळे होजा जहेव पुलाए, संतिभावं पडुच्च णो दुसमवूसमाकाळे होजा णो दुसमाकाळे होजा एवं संतिभावेणवि जहा पुलाए जाव णो सुसमसुसमाकाळे होजा, साहरणं पडुच्च अन्नयरे समाकाळे होजा । जइ नोओसपिण्डिनोउस्सपिण्डिकाळे होजा० पुच्छा, गोयमा ! जम्मणसंतिभावं पडुच्च णो सुसमसुसमापलिभागे होजा जहेव पुलाए जाव दुसमसुसमापलिभागे होजा, साहरणं पडुच्च अन्नयरे पंलिभागे होजा, जहा बउसे एवं पड्डिसेवणाकुसीलेवि, एवं कसायकुसीलेवि, निर्यंठो सिणाओ य जहा पुलाओ, नवरं एणमि अब्भहियं साहरणं भाणियच्चं, सेसं तं चैव १२ ॥ ७६१ ॥ पुलाए णं भंते ! कालगए समाणे (क्कि)कं गइं गच्छइ ? गोयमा ! देवगइं गच्छइ, देवगइं गच्छमाणे किं भवणवासीसु उववजेजा वाणमंतरेसु उववजेजा जोइसियवेमाणिएसु उववजेजा ? गोयमा ! णो भवणवासीसु उ० णो वाणमंतरेसु उ० णो जोइसिएसु उ० वेमाणिएसु उववजेजा, वेमाणिएसु उववज्जमाणे जहण्णं सोहम्म्ये कप्पे उक्कोसेणं सहस्सारे कप्पे उववजेजा, बउसे णं एवं चैव नवरं उक्कोसेणं अब्भुए कप्पे, पड्डिसेवणाकुसीले जहा बउसे, कसायकुसीले जहा पुलाए, नवरं उक्कोसेणं अणुत्तरविमाणेसु उववजेजा, भियंठे णं भंते ! एवं चैव, एवं जाव वेमाणिएसु उववज्जमाणे अजहणमणुक्कोसेणं अणुत्तरविमाणेसु उववजेजा, सिणाए णं भंते ! कालगए समाणे कं गइं गच्छइ ? गोयमा ! सिद्धिगइं गच्छइ । पुलाए णं भंते ! देवेसु उववज्जमावे किं ईदत्ताए उववजेजा सामाणियत्ताए उववजेजा तायत्तीसगत्ताए उववजेजा लोगपालत्ताए उववजेजा अहमिदत्ताए उववजेजा ? गोयमा ! अविराहणं पडुच्च ईदत्ताए उववजेजा सामाणियत्ताए उववजेजा लोगपालत्ताए वा उववजेजा तायत्तीसगत्ताए वा उववजेजा नो अहमिदत्ताए उववजेजा, विराहणं पडुच्च अन्नयरेसु उववजेजा, एवं बउसेवि, एवं पड्डिसेवणाकुसीलेवि, कसायकुसीले पुच्छा, गोयमा ! अविराहणं पडुच्च ईदत्ताए वा उववजेजा जाव अहमिदत्ताए उववजेजा, विराहणं पडुच्च अन्नयरेसु उववजेजा, निर्यंठे पुच्छा, गोयमा अविराहणं पडुच्च णो ईदत्ताए उववजेजा जाव णो लोगपालत्ताए उववजेजा अहमिदत्ताए उववजेजा, विराहणं पडुच्च अन्नयरेसु उववजेजा ॥ पुलायस्स णं भंते ! देवलोकेसु उववज्जमावस्स

केवइयं कालं ठिई प० ? गोयमा ! जहजेणं पलिओवमपुहुत्तं उक्कोसेणं अट्टारस-
सागरोवमाई, बउसस्स णं पुच्छा, गोयमा ! जहजेणं पलिओवमपुहुत्तं उक्कोसेणं
बावीसं सागरोवमाई, एवं पडिसेवणाकुसीलस्सवि, कसायकुसीलस्स पुच्छा, गोयमा !
जहजेणं पलिओवमपुहुत्तं उक्कोसेणं तेत्तीसं सागरोवमाई, णियंठस्स पुच्छा, गोयमा !
अजहजमणुक्कोसेणं तेत्तीस मागरोवमाई १३ ॥ ७६२ ॥ पुलागस्स णं भंते !
केवइया संजमट्टाणा प० ! गोयमा ! असंखेज्जा संजमट्टाणा प०, एवं जाव कसाय-
कुसीलस्स । नियंठस्स णं भंते ! केवइया संजमट्टाणा प० ? गोयमा ! एगे अजहजम-
णुक्कोमए संजमट्टाणे प०, एवं सिणायस्सवि, एएसि णं भंते ! पुलागबउसपडिसेवणाक-
सायकुसीलनियंठसिणाययाणं संजमट्टाणाणं कथरे ० जाव विसैसाहिया वा ? गोयमा !
सव्वत्थेवे नियंठस्स सिणायस्स य एगे अजहजमणुक्कोसए संजमट्टाणे, पुलागस्स
संजमट्टाणा असंखेज्जगुणा, बउसस्स संजमट्टाणा असंखेज्जगुणा, पडिसेवणाकुसीलस्स
संजमट्टाणा असंखेज्जगुणा, कसायकुसीलस्स संजमट्टाणा असंखेज्जगुणा १४ ॥ ७६३ ॥
पुलागस्स णं भंते ! केवइया चरित्तपज्जवा प० ? गोयमा ! अणंता चरित्तपज्जवा
प०, एवं जाव सिणायस्स । पुलाए णं भंते ! पुलागस्स सट्टाणमज्जिगासेणं
चरित्तपज्जवेहिं किं हीणे तुल्ले अब्भहिए ? गोयमा ! सिय हीणे १, सिय तुल्ले २, सिय
अब्भहिए ३, जइ हीणे अणंतभागहीणे वा असंखेज्जइभागहीणे वा संखेज्जइभागहीणे
वा सखेज्जगुणहीणे वा असंखेज्जगुणहीणे वा अणंतगुणहीणे वा, अह अब्भहिए अणंत-
भागमब्भहिए वा असंखेज्जइभागमब्भहिए वा संखेज्जइभागमब्भहिए वा संखेज्जगुण-
मब्भहिए वा असंखेज्जगुणमब्भहिए वा अणंतगुणमब्भहिए वा ॥ पुलाए णं भंते !
बउसस्स परट्टाणमज्जिगासेणं चरित्तपज्जवेहिं किं हीणे तुल्ले अब्भहिए ? गोयमा ! हीणे
नो तुल्ले नो अब्भहिए, अणंतगुणहीणे, एवं पडिसेवणाकुसीलेवि, कसायकुसीलेण समं
छट्टाणवडिए जहेव सट्टाणे, नियंठस्स जहा बउसस्स, एवं सिणायस्सवि ॥ बउसे णं
भंते ! पुलागस्स परट्टाणमज्जिगासेणं चरित्तपज्जवेहिं किं हीणे तुल्ले अब्भहिए ?
गोयमा ! णो हीणे णो तुल्ले अब्भहिए अणंतगुणमब्भहिए । बउसे णं भंते ! बउसस्स
सट्टाणमज्जिगासेणं चरित्तपज्जवेहिं० पुच्छा, गोयमा ! सिय हीणे सिय तुल्ले सिय
अब्भहिए, जइ हीणे छट्टाणवडिए । बउसे णं भंते ! पडिसेवणाकुसीलस्स परट्टाणस-
ज्जिगासेणं चरित्तपज्जवेहिं किं हीणे० ? छट्टाणवडिए, एवं कसायकुसीलस्सवि ॥
बउसे णं भंते ! नियंठस्स परट्टाणसज्जिगासेणं चरित्तपज्जवेहिं० पुच्छा, गोयमा !
हीणे णो तुल्ले णो अब्भहिए, अणंतगुणहीणे, एवं सिणायस्सवि, पडिसेवणाकुसीलस्स
एस चव बउमवत्तवव्या भाणियव्वा, कसायकुसीलस्स सज्जिगासेणं एस चव

कउसवत्तव्वया नवरं पुलाएणवि समं छट्ठाणवडिहिए । गियंठे णं भंते ! पुलागस्स परट्ठाणसन्निगासेणं चरित्तपज्जवेहिं० पुच्छा, गोयमा ! णो हीणे णो तुल्ले अब्भहिए अणंतगुणमन्भहिए, एवं जाव कसायकुसीलस्स । गियंठे णं भंते ! गियंठस्स सट्ठाणसन्निगासेणं पुच्छा, गोयमा ! नो हीणे तुल्ले णो अब्भहिए, एवं सिणायस्सवि । सिणए णं भंते ! पुलागस्स परट्ठाणसण्णिगासेणं एवं जहा नियंठस्स वत्तव्वया तहा सिणायस्सवि भाणियव्वा जाव सिणए णं भंते ! सिणायस्स सट्ठाणसन्निगासेणं पुच्छा, गोयमा ! णो हीणे तुल्ले णो अब्भहिए ॥ एएसि णं भंते ! पुलागबउसपडिसेवणाकुसीलकसायकुसीलनियंठसिणायणं जहणुक्कोसगाणं चरित्तपज्जवाणं कयरे २ जाव विसेमाहििया वा ? गोयमा ! पुलागस्स कसायकुसीलस्स य एएसि णं जहणगा चरित्तपज्जवा दोण्हवि तुल्ला सव्वत्थोवा, पुलागस्स उक्कोसगा चरित्तपज्जवा अणंतगुणा, बउमस्स पडिसेवणाकुसीलस्स य एएसि णं जहणगा चरित्तपज्जवा दोण्हवि तुल्ला अणंतगुणा, बउसस्स उक्कोसगा चरित्तपज्जवा अणंतगुणा, पडिसेवणाकुसीलस्स उक्कोसगा चरित्तपज्जवा अणंतगुणा, कसायकुसीलस्स उक्कोसगा चरित्तपज्जवा अणंतगुणा, गियंठस्स सिणायस्स य एएसि णं अजहणमणुक्कोसगा चरित्तपज्जवा दोण्हवि तुल्ला अणंतगुणा १५ ॥ ७६४ ॥ पुलाए णं भंते ! किं सजोगी होज्जा अजोगी होज्जा ? गोयमा ! सजोगी होज्जा नो अजोगी होज्जा, जइ सजोगी होज्जा किं मणजोगी होज्जा बइजोगी होज्जा कायजोगी होज्जा ? गोयमा ! मणजोगी वा होज्जा बइजोगी वा होज्जा कायजोगी वा होज्जा, एवं जाव नियंठे । सिणए णं भंते ! पुच्छा, गोयमा ! सजोगी वा होज्जा अजोगी वा होज्जा, जइ सजोगी होज्जा किं मणजोगी होज्जा सेसं जहा पुलागस्स १६ ॥ ७६५ ॥ पुलाए णं भंते ! किं सागारोवउत्ते होज्जा अणागारोवउत्ते होज्जा ? गोयमा ! सागारोवउत्ते वा होज्जा अणागारोवउत्ते वा होज्जा, एवं जाव सिणए १७ ॥ ७६६ ॥ पुलाए णं भंते ! किं सकसाई होज्जा अकसाई होज्जा ? गोयमा ! सकसाई होज्जा णो अकसाई होज्जा, जइ सकसाई होज्जा से णं भंते ! कइसु कसाएसु होज्जा ? गोयमा ! चउसु कोहमाणमायालोमेसु होज्जा, एवं बउसेवि, एवं पडिसेवणाकुसीलेवि, कसायकुसीले णं पुच्छा, गोयमा ! सकसाई होज्जा णो अकसाई होज्जा, जइ सकसाई होज्जा से णं भंते ! कइसु कसाएसु होज्जा ? गोयमा ! चउसु वा तिसु वा दोसु वा एगम्मि वा होज्जा, चउसु होज्जमाणे चउसु संजलणकोहमाणमायालोमेसु होज्जा, तिसु होज्जमाणे तिसु संजलणमाणमायालोमेसु होज्जा, दोसु होज्जमाणे दोसु संजलणमायालोमेसु होज्जा, एगम्मि होज्जमाणे एगम्मि संजलणलोमे होज्जा, नियंठे णं पुच्छा, गोयमा ! णो सकसाई

होज्जा अकसाई होज्जा, जइ अकसाई होज्जा किं उवसंतकसाई होज्जा खीगकसाई होज्जा ? गोयमा ! उवसंतकसाई वा होज्जा खीगकसाई वा होज्जा, सिणाए एवं चेव, नवरं णो उवसंतकसाई होज्जा, खीगकसाई होज्जा १८ ॥ ७६७ ॥ पुलाए णं भंते । कि सलेस्से होज्जा अलेस्से होज्जा ? गोयमा ! सलेस्से होज्जा णो अलेस्से होज्जा, जइ सलेस्से होज्जा से णं भंते ! कइसु लेस्सासु होज्जा ? गोयमा ! तिसु विसुद्धलेस्सासु होज्जा, तं०-तेउलेस्साए पम्हलेस्साए सुक्कलेस्साए, एवं बउसस्सवि, एवं पडिसेवणाकुसीलेवि, कसायकुसीले पुच्छा, गोयमा ! सलेस्से होज्जा णो अलेस्से होज्जा, जइ सलेस्से होज्जा से णं भंते ! कइसु लेस्सासु होज्जा ? गोयमा ! छसु लेस्सासु होज्जा, तं०-कण्हेलेस्साए जाव सुक्कलेस्साए, नियंटे णं भंते ! पुच्छा, गोयमा ! सलेस्से होज्जा णो अलेस्से होज्जा, जइ सलेस्से होज्जा से णं भंते ! कइसु लेस्सासु होज्जा ? गोयमा ! एगाए सुक्कलेस्साए होज्जा, सिणाए पुच्छा, गोयमा ! सलेस्से वा होज्जा अलेस्से वा होज्जा, जउ सलेस्से होज्जा से णं भंते ! कइसु लेस्सासु होज्जा ? गोयमा ! एगाए परमसुक्कलेस्साए होज्जा १९ ॥ ७६८ ॥ पुलाए णं भंते । किं वड्डमाणपरिणामे होज्जा ही(हा)यमाणपरिणामे होज्जा अवाट्टियपरिणामे होज्जा ? गोयमा ! वड्डमाणपरिणामे वा होज्जा हीयमाणपरिणामे वा होज्जा अवाट्टियपरिणामे वा होज्जा, एवं जाव कसायकुसीले । नियंटे णं पुच्छा, गोयमा ! वड्डमाणपरिणामे होज्जा, णो हीयमाणपरिणामे होज्जा, अवाट्टियपरिणामे वा होज्जा, एवं सिणाएवि । पुलाए णं भंते ! केवड्यं कालं वड्डमाणपरिणामे होज्जा ? गोयमा ! जह्जेणं एक्कं समयं उक्कं सेणं अंतोमुहुत्तं, केवड्यं कालं हीयमाणपरिणामे होज्जा ? गोयमा ! जह्जेणं एक्कं समयं उक्कोसेणं अंतोमुहुत्तं, केवड्यं कालं अवाट्टियपरिणामे होज्जा ? गोयमा ! जह्जेणं एक्कं समयं उक्कोसेणं सत्त समया, एवं जाव कसायकुसीले । नियंटे णं भंते ! केवड्यं काठं वड्डमाणपरिणामे होज्जा ? गोयमा ! जह्जेणं अंतोमुहुत्तं उक्कोसेणवि अंतोमुहुत्तं, केवड्यं कालं अवाट्टियपरिणामे होज्जा ? गोयमा ! जह्जेणं एक्कं समयं उक्कोसेणं अंतोमुहुत्तं । सिणाए णं भंते ! केवड्यं कालं वड्डमाणपरिणामे होज्जा ? गोयमा ! जह्जेणं अंतोमुहुत्तं उक्कोसेणवि अंतोमुहुत्तं, केवड्यं कालं अवाट्टियपरिणामे होज्जा ? गोयमा ! जह्जेणं अंतोमुहुत्तं उक्कोसेणं उप्पणा पुव्वकोटी २० ॥ ७६९ ॥ पुलाए णं भंते ! कइ कम्मप्पगढीओ बंधइ ? गोयमा ! आउयवज्जाओ सत्त कम्मप्पगढीओ बंधइ । बउसे पुच्छा, गोयमा ! सत्तविहवंधए वा अट्टविहवंधए वा, सत्त बंधमाणे आउयवज्जाओ सत्त कम्मप्पगढीओ बंधइ, अट्ट बंधमाणे पडिपुज्जाओ अट्ट कम्मप्पगढीओ बंधइ, एवं पडिसेवणाकुसीलेवि, कसायकुसीले णं पुच्छा, गोयमा !

सत्तविहबंधए वा अट्टविहबंधए वा छव्विहबंधए वा, सत्त बंधमाणे आउयवज्जाओ सत्त कम्मप्पगढीओ बंधइ, अट्ट बंधमाणे पडिपुत्ताओ अट्ट कम्मप्पगढीओ बंधइ, छ बंधमाणे आउयमोहणिज्वज्जाओ छकम्मप्पगढीओ बंधइ । नियंटे णं पुच्छा, गोयमा ! एगं वेयणिजं कम्मं बंधइ । सिणाए णं पुच्छा, गोयमा ! एगविहबंधए वा अवंधए वा, एगं बंधमाणे एगं वेयणिजं कम्मं बंधइ २१ ॥ ७७० ॥ पुल्लाए णं भंते ! कइ कम्मप्पगढीओ वेदेइ ? गोयमा ! नियमं अट्ट कम्मप्पगढीओ वेदेइ, एवं जाव कसायकुसीले, नियंटे णं पुच्छा, गोयमा ! मोहणिज्वज्जाओ सत्त कम्मप्पगढीओ वेदेइ । सिणाए णं पुच्छा, गोयमा ! वेयणिज्जाउयनामगोयाओ चत्तारि कम्मप्पगढीओ वेदेइ २२ ॥ ७७१ ॥ पुल्लाए णं भंते ! कइ कम्मप्पगढीओ उदीरेइ ? गोयमा ! आउयवेयणिज्वज्जाओ छ कम्मप्पगढीओ उदीरेइ । बउसे णं पुच्छा, गोयमा ! सत्तविहउदीरेए वा अट्टविहउदीरेए वा छव्विहउदीरेए वा, सत्त उदीरेमाणे आउयवज्जाओ सत्त कम्मप्पगढीओ उदीरेइ, अट्ट उदीरेमाणे पडिपुत्ताओ अट्ट कम्मप्पगढीओ उदीरेइ, छ उदीरेमाणे आउयवेयणिज्वज्जाओ छ कम्मप्पगढीओ उदीरेइ, पडिसेवणाकुसीले एवं चैव, कसायकुसीले णं पुच्छा, गोयमा ! सत्तविहउदीरेए वा अट्टविहउदीरेए वा छव्विहउदीरेए वा पंचविहउदीरेए वा, सत्त उदीरेमाणे आउयवज्जाओ सत्त कम्मप्पगढीओ उदीरेइ, अट्ट उदीरेमाणे पडिपुत्ताओ अट्ट कम्मप्पगढीओ उदीरेइ, छ उदीरेमाणे आउयवेयणिज्वज्जाओ छ कम्मप्पगढीओ उदीरेइ, पंच उदीरेमाणे आउयवेयणिज्वज्जाओ पंच कम्मप्पगढीओ उदीरेइ । नियंटे णं पुच्छा, गोयमा ! पंचविहउदीरेए वा दुविहउदीरेए वा, पंच उदीरेमाणे आउयवेयणिज्वज्जाओ पंच कम्मप्पगढीओ उदीरेइ, दो उदीरेमाणे णामं च गोयं च उदीरेइ । सिणाए णं पुच्छा, गोयमा ! दुविहउदीरेए वा अणुदीरेए वा, दो उदीरेमाणे णामं च गोयं च उदीरेइ २३ ॥ ७७२ ॥ पुल्लाए णं भंते ! पुल्लायात्तं जहमाणे किं जहइ किं उवसंपज्जइ ? गोयमा ! पुल्लायात्तं जहइ कसायकुसीले वा अस्संजमं वा उवसंपज्जइ, बउसे णं भंते ! बउसत्तं जहमाणे किं जहइ किं उवसंपज्जइ ? गोयमा ! बउसत्तं जहइ पडिसेवणाकुसीले वा कसायकुसीले वा अस्संजमं वा संज्जमासंजमं वा उवसंपज्जइ, पडिसेवणाकुसीले णं भंते ! पडिसेवणाकुसीलत्तं० पुच्छा, गोयमा ! पडिसेवणाकुसीलत्तं जहइ बउसं वा कसायकुसीले वा अस्संजमं वा संज्जमासंजमं वा उवसंपज्जइ, कसायकुसीले पुच्छा, गोयमा ! कसायकुसीलत्तं जहइ पुल्लायात्तं वा बउसं वा पडिसेवणाकुसीले वा णियंठं वा अस्संजमं वा संज्जमासंजमं वा उवसंपज्जइ, नियंटे णं पुच्छा, गोयमा ! नियंठत्तं जहइ कसाय-

कुशीलं वा सिणायं वा अस्संजमं वा उवसंपजइ । सिणाए णं पुच्छा, गोयमा ! सिणाय-
यत्तं जहइ सिद्धिगइ उवसंपजइ २४ ॥ ७७३ ॥ पुलाए णं भंते ! किं सन्नोवउत्ते
होज्जा नोसन्नोवउत्ते होज्जा ? गोयमा ! णो सन्नोवउत्ते होज्जा नोसन्नोवउत्ते होज्जा ।
बउसे णं भंते ! पुच्छा, गोयमा ! सन्नोवउत्ते वा होज्जा नोसन्नोवउत्ते वा होज्जा,
एवं पडिसेवणाकुसीलेवि, एवं कसायकुसीलेवि, नियंठे सिणाए य जहा पुलाए
२५ ॥ ७७४ ॥ पुलाए णं भंते ! किं आहारए होज्जा अणाहारए होज्जा ? गोयमा !
आहारए होज्जा णो अणाहारए होज्जा, एवं जाव नियंठे । सिणाए णं पुच्छा,
गोयमा ! आहारए वा होज्जा अणाहारए वा होज्जा २६ ॥ ७७५ ॥ पुलाए णं
भंते ! कइ भवग्गहणाइ होज्जा ? गोयमा ! जहजेणं एक्कं उक्कोसेणं तिञ्जि । बउसे णं
पुच्छा, गोयमा ! जहजेणं एक्कं उक्कोसेणं अट्ठ, एवं पडिसेवणाकुसीलेवि, एवं कमा-
यकुसीलेवि, नियंठे जहा पुलाए । सिणाए णं पुच्छा, गोयमा ! एक्कं २७ ॥ ७७६ ॥
पुलागस्स णं भंते ! एगभवग्गहणिया केवइया आगरिया प० ? गोयमा ' जहजेणं
एक्को उक्कोसेणं तिञ्जि । बउसस्स णं पुच्छा, गोयमा ! जहजेणं एक्को उक्कोसेणं सयग्गसो,
एवं पडिसेवणाकुसीलेवि, कसायकुसीले एवं चेव । णियंठस्स णं पुच्छा, गोयमा !
जहजेणं एक्को उक्कोसेणं दोञ्जि । सिणायस्स णं पुच्छा, गोयमा ! एक्को ॥ पुलागस्स
णं भंते ! नाणाभवग्गहणिया केवइया आगरिया प० ? गोयमा ' जहजेणं दोञ्जि
उक्कोसेणं सत्त । बउसस्स णं पुच्छा, गोयमा ! जहजेणं दोञ्जि उक्कोसेणं राट्ठस्सग्गसो,
एवं जाव कसायकुसीलस्स । नियंठस्स णं पुच्छा, गोयमा ! जहजेणं दोञ्जि उक्कोसेणं
पंच । सिणायस्स णं पुच्छा, गोयमा ' नत्थि एक्कोवि २८ ॥ ७७७ ॥ पुलाए णं भंते !
कालओ केवच्चिरं होइ ? गोयमा ! जहजेणं अंतोमुहुत्तं उक्कोसेणवि अंतोमुहुत्तं । बउसे
णं पुच्छा, गोयमा ! जहजेणं एक्कं समयं उक्कोसेणं देसूणा पुचवकोडी, एवं पडिसेवणा-
कुसीलेवि, कसायकुसीलेवि एवं चेव । नियंठे णं पुच्छा, गोयमा ! जहजेणं एक्कं समयं
उक्कोसेणं अंतोमुहुत्तं । सिणाए णं पुच्छा, गोयमा ! जहजेणं अंतोमुहुत्तं उक्कोसेणं देसूणा
पुचवकोडी ॥ पुलागा णं भंते ! कालओ केवच्चिरं होइ ? गोयमा ! जहजेणं एक्कं समयं
उक्कोसेणं अंतोमुहुत्तं । बउसा णं भंते ! पुच्छा, गोयमा ! मव्वदं, एवं जाव कसाय-
कुसीला, नियंठा जहा पुलागा, सिणाया जहा बउसा २९ ॥ ७७८ ॥ पुलागस्स
णं भंते ! केवइयं कालं अंतरं होइ ? गोयमा ! जहजेणं अंतोमुहुत्तं उक्कोसेणं अणंतं
कालं अणत्तओ ओसपिणित्ठस्सपिणीओ कालओ, भ्वेत्तओ अवहं पोगलपरियट्ठं
देसुणं, एवं जाव नियंठस्स । सिणायस्स णं पुच्छा, गोयमा ! नत्थि अंतरं ॥ पुलागणं
भंते ! केवइयं कालं अंतरं होइ ? गोयमा ! जहजेणं एक्कं समयं उक्कोसेणं संखे-

ज्वाहं वासाई । बउसाणं भंते । पुच्छा, गोयमा । नत्थि अंतरं, एवं जाव क्साय-
कुसीलाणं । नियंठाणं पुच्छा, गोयमा । जहण्णेणं एक्को समयं उक्कोसेणं छम्मासा,
सिणायाणं जहा बउसाणं ३० ॥ ७७९ ॥ पुलागस्स णं भंते । कइ समुग्घाया
प० ? गोयमा ! तिञ्चि समुग्घाया प०, तं०-वेयणासमुग्घाए क्सायसमुग्घाए मारण-
तियसमुग्घाए, बउसस्स णं भंते । पुच्छा, गोयमा ! पंच समुग्घाया प०, तं०-
वेयणासमुग्घाए जाव तेयासमुग्घाए, एवं पडिसेवणाकुसीलेवि, क्सायकुसीलस्स
पुच्छा, गोयमा ! छ समुग्घाया प०, तं०-वेयणासमुग्घाए जाव आहारगसमुग्घाए,
नियंठस्स णं पुच्छा, गोयमा ! नत्थि एक्कोवि, सिणयस्स णं पुच्छा, गोयमा । एते
केवलिसमुग्घाए प० ३१ ॥ ७८० ॥ पुलाए णं भंते । लोगस्स किं संखेज्जइभागे
होज्जा १, असंखेज्जइभागे होज्जा २, संखेज्जेसु भागेसु होज्जा ३, असंखेज्जेसु भागेसु
होज्जा ४, सव्वलोए होज्जा ५ ? गोयमा ! णो संखेज्जइभागे होज्जा, असंखेज्जइभागे
होज्जा, णो संखेज्जेसु भागेसु होज्जा, (णो) असंखेज्जेसु भागेसु होज्जा, णो सव्वलोए
होज्जा, एवं जाव नियंठं । सिणाए णं पुच्छा, गोयमा ! णो संखेज्जइभागे होज्जा
असंखेज्जइभागे होज्जा णो संखेज्जेसु भागेसु होज्जा असंखेज्जेसु भागेसु होज्जा सव्व-
लोए वा होज्जा ३२ ॥ ७८१ ॥ पुलाए णं भंते । लोगस्स किं संखेज्जइभागं फुसइ
असंखेज्जइभागं फुसइ ? एवं जहा ओगाहणा भणिया नहा फुसणावि भाणियव्वा
जाव सिणाए ३३ ॥ ७८२ ॥ पुलाए णं भंते ! कयरम्मि भावे होज्जा ? गोयमा !
खओवसमिए भावे होज्जा, एवं जाव क्सायकुसीले । नियंठे पुच्छा, गोयमा !
उवसमिए वा भावे होज्जा खइए वा भावे होज्जा । सिणाए पुच्छा, गोयमा ! खइए
भावे होज्जा ३४ ॥ ७८३ ॥ पुलाया णं भंते ! एगसमएणं केवइया होज्जा ?
गोयमा ! पडिवज्जमाणए पडुच्च सिय अत्थि सिय नत्थि, जइ अत्थि जहणेणं एक्को
वा दो वा तिञ्चि वा उक्कोसेणं सयपुहुत्तं, पुव्वपडिवज्जए पडुच्च सिय अत्थि सिय
नत्थि, जइ अत्थि जहणेणं एक्को वा दो वा तिञ्चि वा उक्कोसेणं सहस्सपुहुत्तं । बउसा
णं भंते ! एगसमएणं० पुच्छा, गोयमा ! पडिवज्जमाणए पडुच्च सिय अत्थि सिय
नत्थि, जइ अत्थि जहणेणं एक्को वा दो वा तिञ्चि वा उक्कोसेणं सयपुहुत्तं, पुव्वपडि-
वज्जए पडुच्च जहणेणं कोडिसयपुहुत्तं उक्कोसेणवि कोडिसयपुहुत्तं, एवं पडिसेवणा-
कुसीलेवि । क्सायकुसीलाणं पुच्छा, गोयमा ! पडिवज्जमाणए पडुच्च सिय अत्थि सिय
नत्थि, जइ अत्थि जहणेणं एक्को वा दो वा तिञ्चि वा उक्कोसेणं (कोडि)सहस्सपुहुत्तं,
पुव्वपडिवज्जए पडुच्च जहणेणं कोडिसहस्सपुहुत्तं उक्कोसेणवि कोडिसहस्सपुहुत्तं ।
नियंठाणं पुच्छा, गोयमा ! पडिवज्जमाणए पडुच्च सिय अत्थि सिय नत्थि जइ

अत्थि जह्नेणं एक्को वा दो वा तिज्जि वा उक्कोसेणं वावट्ठं सयं, अट्टसयं खवगार्णं चउप्पन्नं उव(स)सामगार्णं, पुव्वपडिवन्नए पडुच्च सिय अत्थि सिय नत्थि, जइ अत्थि जह्नेणं एक्को वा दो वा तिज्जि वा उक्कोसेणं सयपुहुत्तं । सिणायाणं पुच्छा, गोयमा ! पडिवज्जमाणए पडुच्च सिय अत्थि सिय नत्थि, जइ अत्थि जह्नेणं एक्को वा दो वा तिज्जि वा उक्कोसेणं अट्टसयं, पुव्वपडिवन्नए पडुच्च जह्नेणं कोडिपुहुत्तं उक्कोसेणवि कोडिपुहुत्तं ॥ एएसि णं भंते । पुलगबउसपडिसेवणाकुसीलकमायकुसीलनिर्यंठ-सिणायाण कयरे २ जाव विसेसाहिया वा ? गोयमा ! सव्वत्थोवा निर्यंठा, पुलगग संखेज्जगुणा, सिणाया संखेज्जगुणा, बउमा संखेज्जगुणा, पाटिसेवणाकुसीला संखेज्जगुणा, कसायकुसीला संखेज्जगुणा । सेवं भंते ! सेवं भंते ! ति जाव विहरउ ॥ ३८४ ॥

एणवीसइमस्स सयस्स छट्ठो उद्देसो ममसो ॥

कइ णं भंते ! संजया प० ? गोयमा ! पंच संजया प०, तं०—सामाइयसंजए छेओवट्ठावणियसंजए परिहारविमुद्धियसंजए सुहुमसंपरायसंजए अहक्खायसंजए, सामाइयसंजए णं भंते । कइविहे पन्नने ? गोयमा ! दुविहे पन्नने, तंजहा—उत्तरिए य आवकहिए य, छेओवट्ठावणियसंजए णं पुच्छा, गोयमा ! दुविहे प०, तं०—साइयारं य निरइयारं य, परिहारविमुद्धियसंजए पुच्छा, गोयमा ! दुविहे प०, तं०—णिच्चिसमाणए य निच्चिट्ठकाइए य, सुहुमसंपराय० पुच्छा, गोयमा ! दुविहे प०, तं०—संकिच्छिसमाणए य विमुद्धमाणए य, अहक्खायसंजए पुच्छा, गोयमा ! दुविहे प०, तं०—छउमत्थे य केवली य ॥ गहाओ—सामाइयसि उ कए चाउज्जामं अणुत्तरं धम्मं । ति विहेण फासयंतो सामाइयसंजओ स खलु ॥ १ ॥ हेत्तण उ परियाणं पोरारं जो उवेद अप्पाणं । धम्मंसि पंचजामे छेओवट्ठावणो स खलु ॥ २ ॥ परिहरइ जो विमुद्धं तु पंचजामं अणुत्तरं धम्मं । ति विहेण फासयंतो परिहारियसंजओ स खलु ॥ ३ ॥ लोभाणु वेययंतो जो खलु उवसामओ व खवओ वा । सो सुहुमसंपराओ अहक्खाया उणओ किंचि ॥ ४ ॥ उवसंतं खीणमि व जो खलु कम्मंसि मोहणिजंसि । छउमत्थो व जिणो वा अहक्खाओ संजओ स खलु ॥ ५ ॥ ३८५ ॥

सामाइयसंजए णं भंते ! कि सवेदए होज्जा अवेदए होज्जा ? गोयमा ! सवेदए वा होज्जा अवेदए वा होज्जा, जइ सवेदए होज्जा० एवं जहा कसायकुसीले लहेव निरवसेसं, एवं छेओवट्ठावणियसंजएवि, परिहारविमुद्धियसंजओ जहा पुलगओ, सुहुमसंपरायसंजओ अहक्खायसंजओ य जहा निर्यंठो २ । सामाइयसंजए णं भंते ! कि सरागे होज्जा वीयरगे होज्जा ? गोयमा ! सरागे होज्जा नो वीयरगे होज्जा, एवं जाव सुहुमसंपरायसंजए, अहक्खायसंजए जहा निर्यंठो ३ ॥ सामाइयसंजए णं भंते ! कि

ठियकप्ये होजा अद्वियकप्ये होजा ? गोयमा । ठियकप्ये वा होजा अद्वियकप्ये वा होजा, छेदोवद्वावणियसंजए पुच्छा, गोयमा । ठियकप्ये होजा नो अद्वियकप्ये होजा, एवं परिहारविसुद्धियसंजएवि, मेसा जहा सामाइयसंजए । सामाइयसंजए णं भंते ! किं जिणकप्ये होजा धेरकप्ये होजा कप्पातीते होजा ? गोयमा । जिणकप्ये वा होजा जहा कसायकुसीले तहेव निरवसेसं, छेदोवद्वावणिओ परिहार-विसुद्धिओ य जहा बउमो, मेसा जहा निर्यंटे ४ ॥ ७८६ ॥ सामाइयसंजए णं भंते ! किं पुलाए होजा बउसे जाव सिणाए होजा ? गोयमा । पुलाए वा होजा बउसे जाव कसायकुसीले वा होजा, नो निर्यंटे होजा नो सिणाए होजा, एवं छेदो-वद्वावणिएवि, परिहारविसुद्धियसंजए णं भंते ! पुच्छा, गोयमा । नो पुलाए नो बउसे नो पडिसेवणाकुसीले होजा, कसायकुसीले होजा, नो निर्यंटे होजा नो सिणाए होजा, एवं सुहुमसंपराएवि, अहक्खायसंजए पुच्छा, गोयमा । नो पुलाए होजा जाव नो कसायकुसीले होजा, निर्यंटे वा होजा सिणाए वा होजा ५ ॥ सामाइय-संजए णं भंते ! किं पडिसेवए होजा अपडिसेवए होजा ? गोयमा । पडिसेवए वा होजा अपडिसेवए वा होजा, जउ पडिसेवए होजा किं मूलगणपडिसेवए होजा० सेसं जहा पुलागरुम, जहा सामाइयसंजए एवं छेदोवद्वावणिएवि, परिहारविसुद्धिय-संजए पुच्छा, गोयमा । नो पडिसेवए होजा अपडिसेवए होजा, एवं जाव अह-क्खायसंजए ६ ॥ सामाइयसंजए णं भंते ! कइसु नाणेषु होजा ? गोयमा । दोसु वा तिसु वा चउसु वा नाणेषु होजा, एवं जहा कसायकुसीलेस्स तहेव चत्तारि नाणार्इ भयणाए, एवं जाव सुहुमसंपरा(इ)ए, अहक्खायसंजयस्स पंच नाणाइं भव-णाए जहा नाणुहेसए । सामाइयसंजए णं भंते ! केवदयं सुयं अहिजेजा ? गोयमा । जहजेणं अट्ट पवयणमायाओ जहा कसायकुसीले, एवं छेदोवद्वावणिएवि, परिहार-विसुद्धियसंजए पुच्छा, गोयमा । जहजेणं नवमस्स पुज्वस्स तइयं आयारवत्थुं उक्कोसेणं असंपुजार्इ दस पुज्वार्इ अहिजेजा, सुहुमसंपरायसंजए जहा सामाइयसंजए, अहक्खायसंजए पुच्छा, गोयमा । जहजेणं अट्ट पवयणमायाओ उक्कोसेणं चउहस पुज्वार्इ अहिजेजा सुयवहरिते वा होजा ७ । सामाइयसंजए णं भंते ! किं तित्थे होजा अतित्थे होजा ? गोयमा । तित्थे वा होजा अतित्थे वा होजा जहा कसाय-कुसीले, छेदोवद्वावणि परिहारविसुद्धि (सुहुमसंपराए) य जहा पुलाए, मेसा जहा सामाइयसंजए ८ । सामाइयसंजए णं भंते ! किं सल्लिगे होजा अल्लिगे होजा मिहि-ल्लिगे होजा ? जहा पुलाए, एवं छेदोवद्वावणिएवि, परिहारविसुद्धियसंजए णं भंते । किं० पुच्छा, गोयमा । दव्वलिंगपि भावलिंगपि पद्धव सल्लिगे होजा ९

होज्जा नो मिहिलिगे होज्जा, सेसा जहा सामाइयसंजए ९ । सामाइयसंजए णं भंते । कइसु सरीरेसु होज्जा ? गोयमा ! तिसु वा चउसु वा पंचसु वा होज्जा जहा कसायकुसीळे, एवं छेओवट्ठावणिएवि, सेसा जहा पुलाए १० । सामाइयसंजए णं भंते । किं कम्मभूमीए होज्जा अकम्मभूमीए होज्जा ? गोयमा । जम्मणं संतिभावं च पडुच्च कम्मभूमीए होज्जा नो अकम्मभूमीए जहा बउसे, एवं छेओवट्ठावणिएवि, परिहारविस्सुद्धिए य जहा पुलाए, सेसा जहा सामाइयसंजए ११ ॥ ७८७ ॥ सामाइयसंजए णं भंते । किं ओसप्पिणीकाले होज्जा उस्सप्पिणीकाले होज्जा नोओसप्पिणिनोउस्सप्पिणिकाले होज्जा ? गोयमा ! ओसप्पिणीकाले जहा बउसे, एवं छेओवट्ठावणिएवि, नवरं जम्मणं संतिभावं (च) पडुच्च चउसुवि पठिभागेषु नत्थि, साहरणं पडुच्च अन्नयरे पठिभागे होज्जा, सेसं तं चेव, परिहारविस्सुद्धिए पुच्छा, गोयमा ! ओसप्पिणिकाले वा होज्जा उस्सप्पिणिकाले वा होज्जा नोओसप्पिणिनोउस्सप्पिणिकाले वा होज्जा, जइ ओसप्पिणिकाले होज्जा जहा पुलाओ, उस्सप्पिणिकालेवि जहा पुलाओ, सुहुमसंपरा(इ)ओ जहा नियंठे, एवं अहक्खाओवि १२ ॥ ७८८ ॥ सामाइयसंजए णं भंते । कालगए समाणे किं गइं गच्छइ ? गोयमा ! देवगटं गच्छइ, देवगइं गच्छमाणे किं भवणवासीसु उववज्जेज्जा वाणमंतरेसु उववज्जेज्जा जोइसिएसु उववज्जेज्जा वेमाणिएसु उववज्जेज्जा ? गोयमा ! णो भवणवासीसु उववज्जेज्जा जहा कसायकुसीळे, एवं छेओवट्ठावणिएवि, परिहारविस्सुद्धिए जहा पुलाए, सुहुमसंपराए जहा नियंठे, अहक्खाए पुच्छा, गोयमा ! एवं अहक्खायसंजएवि जाव अजहन्नमणुक्कोसेणं अणुत्तरविमाणेषु उववज्जेज्जा, अत्थेगइ(या)ए सिज्झा(न्ति)इ जाव अंतं करे(न्ति)इ ॥ सामाइयसंजए णं भंते । देवलोगेषु उववज्जमाणे किं इंदत्ताए उववज्जइ पुच्छा, गोयमा ! अविराहणं पडुच्च एवं जहा कसायकुसीळे, एवं छेओवट्ठावणिएवि, परिहारविस्सुद्धिए जहा पुलाए, सेसा जहा नियंठे । सामाइयसंजयस्स णं भंते । देवलोगेषु उववज्जमाणस्स केवइयं कालं ठिईं प० ? गोयमा ! जहजेणं दो पठिओवमाई उक्कोसेणं तेत्तीसं सागरोवमाई, एवं छेओवट्ठावणिएवि, परिहारविस्सुद्धियस्स पुच्छा, गोयमा ! जहजेणं दो पठिओवमाई उक्कोसेणं अट्टारस सागरोवमाई, सेसाणं जहा नियंठस्स १३ ॥ ७८९ ॥ सामाइयसंजयस्स णं भंते ! केवइया संजमट्ठाणा प० ? गोयमा ! असंखेज्जा संजमट्ठाणा प०, एवं जाव परिहारविस्सुद्धियस्स, सुहुमसंपरायसंजयस्स पुच्छा, गोयमा । असंखेज्जा अंतोमुहुत्तिया संजमट्ठाणा प०, अहक्खायसंजयस्स पुच्छा, गोयमा । एगे अजहन्नमणुक्कोसए संजमट्ठाणे प० । एएस्ति णं भंते । सामाइयदेओवट्ठावणियपरिहारविस्सुद्धियसुहुमसंपरायअहक्खायसंजयाणं संजमट्ठाणाणं

कयरे २ जाव विसेसाहिया वा ? गोयमा ! सव्वत्थोवे अहक्खायसंजयस्स एणे अजहन्नमणुक्कोसए संजमट्ठाणे, सुहुमसंपरायसंजयस्स अंतोमुहुत्तिया संजमट्ठाणा असंखेज्जगुणा, परिहारविमुद्धियसंजयस्स संजमट्ठाणा असंखेज्जगुणा, सामाइयसंजयस्स छेदोवट्ठावणियसंजयस्स य एएसि णं संजमट्ठाणा दोण्हवि तुळा असंखेज्जगुणा १४ ॥ ७९० ॥ सामाइयसंजयस्स णं भंते ! केवइया चरित्तपज्जवा प० ! गोयमा ! अणंतत्ता चरित्तपज्जवा प०, एवं जाव अहक्खायसंजयस्स ॥ सामाइयसंजए णं भंते ! सामाइयसंजयस्स सट्ठाणसन्निगासेणं चरित्तपज्जवेहिं किं हीणे तुळे अब्भहिए ? गोयमा ! सिय हीणे छट्ठाणवडिए, सामाइयसंजए णं भंते ! छेदोवट्ठावणियसंजयस्स परट्ठाणसन्निगासेणं चरित्तपज्जवेहिं० पुच्छा, गोयमा ! सिय हीणे छट्ठाणवडिए, एवं परिहारविमुद्धियस्सवि, सामाइयसंजए णं भंते ! सुहुमसंपरायसंजयस्स परट्ठाणसन्निगासेणं चरित्तपज्जवे० पुच्छा, गोयमा ! हीणे नो तुळे नो अब्भहिए, अणंतगुणहीणे, एवं अहक्खायसंजयस्सवि, एवं छेदोवट्ठावणिवि, हेट्ठिन्नेसु तिसुवि समं छट्ठाणवडिए, उवरिन्नेसु दोसुवि तद्देव हीणे, जहा छेदोवट्ठावणिए तहा परिहारविमुद्धियेविवि, सुहुमसंपरायसंजए णं भंते ! सामाइयसंजयस्स परट्ठाण० पुच्छा, गोयमा ! नो हीणे नो तुळे अब्भहिए अणंतगुणमब्भहिए, एवं छेदोवट्ठावणियपरिहारविमुद्धियेविवि समं सट्ठाणे सिय हीणे नो (सिय)तुळे सिय अब्भहिए, जइ हीणे अणंतगुणहीणे, अह (जइ) अब्भहिए अणंतगुणमब्भहिए, सुहुमसंपरायसंजयस्स अहक्खायसंजयस्स परट्ठाण० पुच्छा, गोयमा ! हीणे नो तुळे नो अब्भहिए, अणंतगुणहीणे, अहक्खाए हेट्ठिन्नाणं चउण्हवि नो हीणे नो तुळे अब्भहिए अणंतगुणमब्भहिए, सट्ठाणे नो हीणे तुळे नो अब्भहिए । एएसि णं भंते ! सामाइयछेदोवट्ठावणियपरिहारविमुद्धियसुहुमसंपरायअहक्खायसंजयाणं जहन्नमणुक्कोसगाणं चरित्तपज्जवाणं कयरे २ जाव विसेसाहिया वा ? गोयमा ! सामाइयसंजयस्स छेदोवट्ठावणियसंजयस्स य एएसि णं जहन्नगा चरित्तपज्जवा दोण्हवि तुळा सव्वत्थोवा, परिहारविमुद्धियसंजयस्स जहन्नगा चरित्तपज्जवा अणंतगुणा तस्स चैव उक्कोसगा चरित्तपज्जवा अणंतगुणा, सामाइयसंजयस्स छेदोवट्ठावणियसंजयस्स य एएसि णं उक्कोसगा चरित्तपज्जवा दोण्हवि तुळा अणंतगुणा, सुहुमसंपरायसंजयस्स जहन्नगा चरित्तपज्जवा अणंतगुणा तस्स चैव उक्कोसगा चरित्तपज्जवा अणंतगुणा, अहक्खायसंजयस्स अजहन्नमणुक्कोसगा चरित्तपज्जवा अणंतगुणा १५ ॥ सामाइयसंजए णं भंते ! किं सजोगी होज्जा अजोगी होज्जा ? गोयमा ! सजोगी जहा पुत्ताए, एवं जाव सुहुमसंपरायसंजए, अहक्खाए जहा सिगाए १६ ॥ सामाइयसंजए णं भंते ! किं सागारोवउत्ते होज्जा अणागारोवउत्ते

होज्जा ? गोयमा ! सागारोवउत्ते जहा पुलाए, एवं जाव अहक्खाए, नवरं सुहुमसं-
 पराए सागारोवउत्ते होज्जा नो अणागारोवउत्ते होज्जा १७ ॥ सामाइयसंजए णं भंते !
 किं सकसाई होज्जा अकसाई होज्जा ? गोयमा ! मकसाई होज्जा नो अकसाई होज्जा,
 जहा कसायकुसीले, एवं छेदेवट्टावणिएवि, परिहारविसुद्धिए जहा पुलाए, सुहुमसंपरा-
 यसंजए पुच्छा, गोयमा ! सकसाई होज्जा नो अकसाई होज्जा, जइ मकसाई होज्जा
 से णं भंते ! कइए कसाएणु होज्जा ? गोयमा ! एगम्मि संजणलोभे होज्जा, अह-
 क्खायसंजए जहा नियंटे १८ ॥ सामाइयसंजए णं भंते ! किं सलेस्से होज्जा
 अलेस्से होज्जा / गोयमा ! सलेस्से होज्जा जहा कसायकुसीले, एवं छेदेवट्टावणिएवि,
 परिहारविसुद्धिए जहा पुलाए, सुहुमसंपराए जहा नियंटे, अहक्खाए जहा गिणाए,
 नवरं जइ सलेस्से होज्जा एगाए सुक्खेस्साए होज्जा १९ ॥ ७९,१ ॥ सामाइयसंजए
 णं भंते ! किं बहूमाणपरिणामे होज्जा हीयमाणपरिणामे होज्जा अवट्टियपरिणामे होज्जा ?
 गोयमा ! बहूमाणपरिणामे होज्जा जहा पुलाए, एवं जाव परिहारविसुद्धिए, सुहुमसं-
 पराय० पुच्छा, गोयमा ! बहूमाणपरिणामे वा होज्जा हीयमाणपरिणामे वा होज्जा नो
 अवट्टियपरिणामे होज्जा, अहक्खाए जहा नियंटे । सामाअयसंजए णं भंते ! केवदयं
 कालं बहूमाणपरिणामे होज्जा ? गोयमा ! जहण्णेणं एकं समयं जहा पुलाए, एवं जाव
 परिहारविसुद्धिए, सुहुमसंपरायसंजए णं भंते ! केवदयं कालं बहूमाणपरिणामे होज्जा ?
 गोयमा ! जहण्णेणं एकं समयं उक्कोसेणं अतोमुहत्तं, केवदयं कालं हीयमाणपरिणामे
 होज्जा एवं चेत्त, अहक्खायसंजए णं भंते ! केवदयं कालं बहूमाणपरिणामे होज्जा ?
 गोयमा ! जहण्णेणं अतोमुहत्तं उक्कोसेणं अतोमुहत्तं, केवदयं कालं अवट्टियपरिणामे
 होज्जा ? गोयमा ! जहण्णेणं एकं समयं उक्कोसेणं देमूणा पुच्छकोडी २० ॥ ७९,२ ॥
 सामाइयसंजए णं भंते ! कइ कम्मप्पगडीओ वंधइ ? गोयमा ! सत्तविहवंधए वा
 अट्टविहवंधए वा एवं जहा बउसे, एवं जाव परिहारविसुद्धिए, सुहुमसंपरायसंजए
 पुच्छा, गोयमा ! आउयमोहणिज्जवज्जाओ छ कम्मप्पगडीओ वंधइ, अहक्खाअसंजए
 जहा गिणाए २१ ॥ सामाइयसंजए णं भंते ! कइ कम्मप्पगडीओ वेदेइ ? गोयमा !
 नियमं अट्ट कम्मप्पगडीओ वेदेइ, एवं जाव सुहुमसंपराए, अहक्खाए पुच्छा,
 गोयमा ! सत्तविहवेदए वा अट्टविहवेदए वा, सत्त वेदेमाणे मोहणिज्जवज्जाओ
 सत्त कम्मप्पगडीओ वेदेइ, चत्तारि वेदेमाणे त्रैयणिज्जआउयनामगोयाओ चत्तारि
 कम्मप्पगडीओ वेदेइ २२ ॥ सामाइयसंजए णं भंते ! कइ कम्मप्पगडीओ उडीरेइ ?
 गोयमा ! सत्तविह० जहा बउसे, एवं जाव परिहारविसुद्धिए, सुहुमसंपराए पुच्छा,
 गोयमा ! छविहउडीरेए वा पंचविहउडीरेए वा, छ उडीरेमाणे आउयवैयणिज्जव-

ज्वाओ छ कम्मप्पगहीओ उदीरेइ, पंच उदीरेमाणे आउयवेयणिजमोहणिजवज्जाओ
 पंच कम्मप्पगहीओ उदीरेइ, अहक्खायसंजए पुच्छा, गोयमा ! पंचविहउदीरेए वा
 दुविहउदीरेए वा अणुदीरेए वा, पंच उदीरेमाणे आउय० मेसं जहा नियंठस्स २३
 ॥ ७९३ ॥ सामाइयसंजए णं भंते ! सामाइयसंजयत्तं जहमाणे किं जहइ किं उवसे-
 पज्जइ ? गोयमा ! सामाइयसंजयत्तं जहइ छेदोवट्ठावणियसंज(यं)मं वा सुहुमसंपराय-
 संज(यं)मं वा असंजमं वा संजमासंजमं वा उवसपज्जइ, छेदोवट्ठावणिय० पुच्छा,
 गोयमा ! छेदोवट्ठावणियसंजयत्तं जहइ सामाइयसंजमं वा परिहारविमुद्धियसंजमं वा
 सुहुमसंपरायसंजमं वा असंजमं वा संजमामजमं वा उवसंपज्जइ, परिहारविमुद्धिए
 पुच्छा, गोयमा ! परिहारविमुद्धियसंजयत्तं जहइ छेदोवट्ठावणियसंज(यं)मं वा असंजमं
 वा उवसंपज्जइ, सुहुमसंपराए पुच्छा, गोयमा ! सुहुमसंपरायसंजयत्तं जहइ सामाइय-
 संज(यं)मं वा छेदोवट्ठावणियसंज(यं)मे वा अहक्खायसंज(यं)मं वा असंजमं वा उवसे-
 पज्जइ, अहक्खायसंजए णं पुच्छा, गोयमा ! अहक्खायसंजयत्तं जहइ सुहुमसंपरायसं-
 ज(यं)मं वा असंजमं वा मिद्धिगटं वा उवसंपज्जइ २४ ॥ ७९४ ॥ सामाइयसंजए णं
 भंते ! किं गच्छोवउत्ते होज्जा नीमसोवउत्ते होज्जा ? गोयमा ! गच्छोवउत्ते होज्जा जहा
 वउत्ते, एवं जाव परिहारविमुद्धिए, सुहुमसंपराए अहक्खाए य जहा पुलाए २५ ॥
 सामाइयसंजए णं भंते ! किं आहारए होज्जा अणाहारए होज्जा ? जहा पुत्ताए, एवं जाव
 सुहुमसंपराए, अहक्खायसंजए जहा णिणाए २६ ॥ सामाइयसंजए णं भंते ! कइ भवग्ग-
 हणाइ होज्जा ? गोयमा ! जहण्णेणं एकं (समयं) उक्कोसेणं अट्ठ, एवं छेदोवट्ठावणिएवि,
 परिहारविमुद्धिए, पुच्छा, गोयमा ! जहण्णेणं एकं उक्कोसेणं तिप्पि, एवं जाव अहक्खाए
 २७ ॥ ७९५ ॥ सामाइयसंजयस्स णं भंते ! एगभवग्गहणिया केवइया आगरिसा
 प० ? गोयमा ! जहजेणं जहा वउत्तस्स, छेदोवट्ठावणियस्स पुच्छा, गोयमा ! जहजेणं
 एकं उक्कोसेणं वीसपुहुत्तं, परिहारविमुद्धियस्स पुच्छा, गोयमा ! जहजेणं एकं उक्को-
 सेणं तिप्पि, सुहुमसंपरायस्स पुच्छा, गोयमा ! जहजेणं ए(क्को)कं उक्कोसेणं चत्तारि,
 अहक्खायस्स पुच्छा, गोयमा ! जहजेणं एकं उक्कोसेणं दोप्पि । सामाइयसंजयस्स
 णं भंते ! नाणाभवग्गहणिया केवइया आगरिसा प० ? गोयमा ! जहा वउत्ते, छेदो-
 वट्ठावणियस्स पुच्छा, गोयमा ! जहजेणं दोप्पि उक्कोसेणं उवरिं नवण्हं सयाणं अंतो
 सहस्सस्स, परिहारविमुद्धियस्स जहजेणं दोप्पि उक्कोसेणं सत्त, सुहुमसंपरायस्स जह-
 जेणं दोप्पि उक्कोसेणं नव, अहक्खायस्स जहजेणं दोप्पि उक्कोसेणं पंच २८ ॥ ७९६ ॥
 सामाइयसंजए णं भंते ! कालओ केवच्चिरं होइ ? गोयमा ! जहजेणं एकं समयं
 उक्कोसेणं देसूणएहिं नवहिं वासेहिं ऊपिया पुब्बकोठी, एवं छेदोवट्ठावणिएवि,

परिहारविमुक्तिए जहजेणं एकं समयं उक्कोसेणं देसूणएहिं एगूणतीसाए वासेहिं
 क्कणिया पुव्वकोडी, सुहुमसंपराए जहा नियंठे, अहक्खाए अहा सामाइयसंजए ।
 सामाइयसंजया णं भंते । कालओ केवचिरं होइ ? गोयमा ! सव्व(ई)हा, छेदोवद्वा-
 वणिय० पुच्छा, गोयमा ! जहजेणं अह्णुइज्जाई वाससयाई उक्कोसेणं पत्तासं सागरो-
 वमकोडिसयसहस्साई, परिहारविमुक्तिए पुच्छा, गोयमा ! जहजेणं देसूणाई दो वास-
 सयाई उक्कोसेणं देसूणाओ दो पुव्वकोडीओ, सुहुमसंपरायसंजया णं भंते ! पुच्छा,
 गोयमा ! जहजेणं एकं समयं उक्कोसेणं अंतोमुहुत्तं, अहक्खायसंजया जहा सामाइ-
 यसंजया २९ ॥ सामाइयसंजयस्स णं भंते ! केवइयं कालं अंतरं होइ ? गोयमा !
 जहजेणं जहा पुलागस्स एवं जाव अहक्खायसंजयस्स, सामाइयसंजयाणं भंते !
 पुच्छा, गोयमा ! नत्थि अंतरं, छेदोवद्वावणिय० पुच्छा, गोयमा ! जहजेणं तेवद्धिं
 वाससहस्साई उक्कोसेणं अट्टारस सागरोवमकोडाकोडीओ, परिहारविमुक्तियस्स पुच्छा,
 गोयमा ! जहजेणं चउरासीई वाससहस्साई उक्कोसेणं अट्टारस सागरोवमकोडाको-
 डीओ, सुहुमसंपरायाणं जहा नियंटाणं, अहक्खायाणं जहा सामाइयसंजयाणं ३० ॥
 सामाइयसंजयस्स णं भंते ! कइ समुग्घाया पत्ता ? गोयमा ! उ समुग्घाया
 पत्ता, जहा कसायकुसीलस्स, एवं छेदोवद्वावणियस्सवि, परिहारविमुक्तियस्स
 जहा पुलागस्स, सुहुमसंपरायस्स जहा नियंठस्स, अहक्खायस्स जहा सिणायस्स
 ३१ ॥ सामाइयसंजए णं भंते ! लोगस्स किं संखेजइभागे होज्जा असंखेजइभागे०
 पुच्छा, गोयमा ! नो संखेजइ० जहा पुलाए, एवं जाव सुहुमसंपराए । अहक्खाय-
 संजए जहा सिणाए ३२ ॥ सामाइयसंजए णं भंते ! लोगस्स किं संखेजइभागं
 फुसइ जहेव होज्जा नहेव फुसइ ३३ ॥ सामाइयसंजए णं भंते ! कयरम्मि भावे
 होज्जा ? गोयमा ! उ(खओ)वसमिणं भावे होज्जा, एवं जाव सुहुमसंपराए, अहक्खाय-
 संजए पुच्छा, गोयमा ! उवसमिणं वा खइए वा भावे होज्जा ३४ । सामाइय-
 संजया णं भंते ! एगसमएणं केवइया होज्जा ? गोयमा ! पडिवजमाणए पडुच्च जहा
 कसायकुसीला नहेव निरवसेसं, छेदोवद्वावणिया पुच्छा, गोयमा ! पडिवजमाणए
 पडुच्च सिय अत्थि सिय नत्थि, जइ अत्थि जहजेणं एको वा दो वा तिथि वा उक्कोसेणं
 सयपुहुत्तं, पुव्वपडिवजए पडुच्च सिय अत्थि सिय नत्थि, जइ अत्थि जहजेणं कोडि-
 सयपुहुत्तं उक्कोसेणं कोडिसयपुहुत्तं, परिहारविमुक्तिया जहा पुलागा, सुहुमसंपराया
 जहा नियंठा, अहक्खायसंजयाणं पुच्छा, गोयमा ! पडिवजमाणए पडुच्च सिय अत्थि
 सिय नत्थि, जइ अत्थि जहजेणं एको वा दो वा तिथि वा उक्कोसेणं वावट्ठपयं अट्ठु-
 त्तसयं खवगाणं चउप्पन्नं उवसावगाणं, पुव्वपडिवजए पडुच्च जहजेणं कोडिपुहुत्तं

उक्तेषेणवि कोष्ठिपुहुत्तं ॥ एत्सि णं भंते ! सामादयछेदोवद्वावणियपरिहारविद्युदियस-
हुमसंपरायअहक्खायसंजयाणं कयरे २ जाव विसेसाहिया वा ? गोयमा ! सव्वत्थोवा
सुहुमसंपरायसंजया, परिहारविद्युदियसंजया संखेज्जगुणा, अहक्खायसंजया संखेज्ज-
गुणा, छेदोवद्वावणियसंजया संखेज्जगुणा, सामादयसंजया संखेज्जगुणा ३६ ॥ ७९.७ ॥
पडिसेवण दोसालोयणा य आलोयणारिहे चेव । तन्नो सामायारी पायच्छित्ते तवे चेव
॥ १ ॥ कइविहा णं भंते ! पडिसेवणा प० ? गोयमा ' दसविहा पडिसेवणा प०, तं०—
दप्प १ प्पमाद २ ऽणाभोगे ३, आउरे ४ आवती ५ ति य । संकिंहे ६ सहसकारे,
७ भय ८ प्पओसा ९ य वीमंसा १० ॥ १ ॥ दम आलोयणादोमा प०, तंजहा—
आकंपइता १ अणुमाणइता २ जं दिट्ठं ३ वायरं च ४ सुहुमं (च) वा ५ । छन्नं ६ सहा-
उलयं ७ बहुजण ८ अट्ठवत्त ९ तस्सेवी १० ॥ २ ॥ दसहिं णणेहिं संपन्ने अणगारे
अरिहइ अणदोसं आलोइताए, तंजहा — जाइसंपन्ने १, कुलसंपन्ने २, विणयसंपन्ने ३,
णणसंपन्ने ४, दंसणसंपन्ने ५, चरित्तसंपन्ने ६, संते ७, दंते ८, अमाई ९, अपच्छा-
णतावी १० । अट्ठहिं णणेहिं संपन्ने अणगारे अरिहइ आलोयणं पडिच्छित्तए, तंजहा—
आयारवं १, आदारवं २, ववहारवं ३, उट्ठीलए ४, पयुव्वए ५, अपरिस्तावी ६,
निजवए ७, अवायदंसी ८ ॥ ७९.८ ॥ दसविहा सामायारी प०, तं०—इच्छा १
मिच्छा २ तट्ठकारे ३, आवस्सिया य ४ निसीहिया ५ । आपुच्छणा य ६ पडिपुच्छा
७, छंदणा य ८ निमंतणा ९ ॥ १ ॥ उवसंपया १० य काले, सामायारी भवे दसहा
॥ ७९.९ ॥ दसविहे पायच्छित्ते प०, तं०—आलोयणारिहे पडिक्कमणारिहे तदुभयारिहे
विवेगारिहे विउसग्गारिहे तवारिहे छेदारिहे मूलारिहे अणवट्ठप्पारिहे पारंभियारिहे
॥ ८०० ॥ दुविहे तवे पज्जत्ते, तंजहा—बाहि(रि)ए य अग्ग्भतरए य, से किं तं बाहि-
ए तवे ? बाहिरए तवे छव्विहे प०, तं०—अणसण उणोयरिवा भिक्खायरिया य
रसपरिच्चाओ । कयकिंलेसो पडिसंलीणया (बउज्जो तवो होइ) ॥ १ ॥ से किं तं
अणसणे ? अणसणे दुविहे प०, तं०—इतरिए य आवकहिए य, से किं तं इतरिए ?
इतरिए अणेगविहे पज्जत्ते, तंजहा—चउन्थे भत्ते छट्ठे भत्ते अट्ठमे भत्ते दसमे भत्ते
दुवालसमे भत्ते चउत्तसमे भत्ते अट्ठमासिए भत्ते मासिए भत्ते दोमासिए भत्ते
ते(त्ति)मासिए भत्ते जाव छम्मासिए भत्ते, सेत्तं इतरिए । से किं तं आवकहिए ?
आवकहिए दुविहे प०, तं०—पाओवगमणे य भत्तपक्कवखाणे य, से किं तं पाओवगमणे ?
पाओवगमणे दुविहे प०, तं०—नीहारिमे य अणीहारिमे य निय(मा)मं अपडिक्कमे, से
तं पाओवगमणे, से किं तं भत्तपक्कवखाणे ? भत्तपक्कवखाणे दुविहे प०, तं०—नीहारिमे
च अणीहारिमे य नियमं सपडिक्कमे, सेत्तं भत्तपक्कवखाणे, सेत्तं आवकहिए, सेत्तं

अणसणे । से किं तं ओमोयरिया ? ओमोयरिया दुविहा प०, तं०—द्वोमोयरिया य भावोमोयरिया य, से किं तं द्वोमोयरिया ? द्वोमोयरिया दुविहा प०, तं०—
 उवगरणद्वोमोयरिया य भतपाणद्वोमोयरिया य, से किं तं उवगरणद्वोमोय-
 रिया ? उवगरणद्वोमोयरिया एगे वत्थे एगे पाए चियत्तोवगरणसाइज्जया, सेतं
 उवगरणद्वोमोयरिया, मे किं तं भतपाणद्वोमोयरिया ? भतपाणद्वोमोयरिया
 अट्ट कवले आहार आहारेमा(णे)गस्स अप्पाहारे दुवात्स० जहा सत्तमसए पडमोद्दे-
 सए जाव नो पकानरमभोइति वत्तव्वं मिया, सेतं भतपाणद्वोमोयरिया, सेतं द्वो-
 मोयरिया, से किं तं भावोमोयरिया ? भावोमोयरिया अणेगतिहा प०, तं०—अप्पकोहे
 जाव अप्पलोभे अप्पणं अप्पज्ज्जे अप्पनुमंतुमे, सेतं भावोमोयरिया, सेतं ओमोय-
 रिया । से किं तं भिक्खायरिया ? भिक्खायरिया अणेगविहा प०, तं०—द्व्वाभि-
 म्महचरए जहा उववाइए जाव मुट्टेमाणए संत्तादात्तए, सेतं भिक्खायरिया । से किं
 तं रसपरिच्चाए ? रसपरिच्चाए अणेगविहे प०, तं०—निच्चिगइए पणीयरसविवज्जए जहा
 उववाइए जाव ल्हहाहारे, सेतं रसपरिच्चाए । से किं तं कायकिलेसे ? कायकिलेसे अणेग-
 विहे प०, तं०—टागाईए उक्कुट्टयासणिए जहा उववाइए जाव मव्वगायपडिक्कम्मवि-
 प्पमुक्के, सेतं कायकिलेसे । से किं तं पडिसंलीगया ? पडिसंलीगया च उव्विहा प०, तं०—
 ईदियपडिसंलीगया कसायपडिसंलीगया जोगपडिसंलीगया विविमयणासणसेव-
 णया । से किं तं ईदियपडिसंलीगया ? ईदियपडिसंलीगया पंचविहा प०, तं०—सोईदिय-
 विसयप्पयारणिरोहो वा सोईदियविमयप्पत्तनु वा अन्थे उरामदोमविणिग्गहो चर्किवदि-
 बविसय० एवं जाव फासांदियविमयप्पयारणिरोहो वा फासिदियविसयप्पत्तनु वा अरथेसु
 रागदोमविणिग्गहो, सेतं ईदियपडिसंलीगया, से किं तं कसायपडिसंलीगया ? कसाय-
 पडिसंलीगया च उव्विहा प०, तं जहा—कोहोदयनिरोहो वा उदयप्पत्तस वा कोहस्स
 विक्कीकरणं एवं जाव लोभोदयनिरोहो वा उदयप्पत्तस वा लोभस्स विक्कीकरणं,
 सेतं कसायपडिसंलीगया, से किं तं जोगपडिसंलीगया ? जोगपडिसंलीगया तिक्विहा
 प०, तं०—मग्गजोगप० वइजोगप० कायजोगपडिसंलीगया, से किं तं मग्गजोगपडि-
 संलीगया ? २ तिक्विहा प०, तं०—अकुमलमग्गनिरोहो वा कुमलमग्गउदीरणं वा मग्गस्स
 वा एग्गीभावकरणं, से किं तं वइजोगपडिसंलीगया ? २ तिक्विहा प०, तं०—अकुमल-
 चइनिरोहो वा कुमलवउदीरणं वा वइए वा एग्गीभावकरणं, से किं तं कायपडि-
 संलीगया ? कायपडिसंलीगया जजं सुममाहियपसंत्तगाहरियपाणिपाए कुम्मो इव
 गुत्तिदिए अशीणे पत्तीणे चिट्ठं, सेतं कायपडिसंलीगया, सेतं जोगपडिसंलीगया,
 से किं तं विविमयणासणसेवणया ? विविमयणासणसेवणया जजं आरामेसु

वा उज्जाणेषु वा जहा सोमिल्लुहेसए जाव सेज्जासंधारणं उवसंपज्जितागं विहरइ, सेतं विवित्तसयणासणसेवगया, सेतं पडिसंलीगया, सेतं बाहिरए तवे १ ॥ से किं तं अम्भितरए तवे ? अम्भितरए तवे छव्विहे ५०, तं०-पायच्छित्तं विणओ वेयाव्वं तहेव सज्जाओ । ज्ञाणं विउसग्गो । से किं तं पायच्छित्ते ? पायच्छित्ते दसविहे ५०, तं०-आलोयणारिहे जाव पारंच्चियारिहे, सेतं पायच्छित्तं । से किं तं विणए ? विणए सत्तविहे पन्नते, तंजहा-नाणविणए दंसणविणए चरित्तविणए मणविणए वडियिणए कायवेणए लोमोवयारविणए, से किं तं नाणविणए ? नाणविणए पंचविहे ५०, तं०-आभिणिबोहियनाणविणए जाव केवलनाणविणए, सेतं नाणविणए, से किं तं दंसणविणए ? दंसणविणए दुविहे ५०, तं०-सुसम्सणाविणए य अणच्चासायणाविणए य, से किं तं सुरसुसणाविणए ? सुसम्सणाविणए अणेगविहे ५०, तं०-सकारेइ वा सम्माणेइ वा जहा चउदसमसए त्दैए उद्देसए जाव पडिससाह(र)णया, सेतं सुसुसणाविणए, से किं तं अणच्चासायणाविणए ? अणच्चासायणाविणए पणयालीसइविहे ५०, तं०-अरिहंताणं अणच्चासायणया अरिहंतपन्नत्तस्स धम्मस्स अणच्चासायणया आवगियाणं अणच्चासायणया उवज्जायाणं अणच्चासायणया थेराणं अणच्चासायणया कुलस्स अणच्चासायणया गणस्स अणच्चासायणया संचस्स अणच्चासायणया किरियाए अणच्चासायणया संबोगस्स अणच्चासायणया आभिणिबोहियनाणस्स अणच्चासायणया जाव केवलनाणस्स अणच्चासायणया १५, एएमिं चव मत्तियवहुमाणं एएसिं चव वजसजलणया, सेतं अणच्चासायणयाविणए, सेतं दंसणविणए, से किं तं चरित्तविणए ? चरित्तविणए पंचविहे ५०, तं०-सामाइयचरित्तविणए जाव अहक्खायचरित्तविणए, सेतं चरित्तविणए, से किं तं मणविणए ? मणावणए दुविहे ५०, तं०-पसत्थमणविणए य अपसत्थमणविणए य, से किं तं पसत्थमणविणए ? पसत्थमणविणए सत्तविहे ५०, तंजहा-अपावए असावज्जे अकिरिए निरुवक्केसे अण्हयकरे अच्छविकरे अभूयाभिसंक्रणे, सेतं पसत्थमणविणए, से किं तं अपसत्थमणविणए ? अपसत्थमणविणए सत्तविहे ५०, तं०-पावए सावज्जे सकिरिए सउवक्केसे अण्हयकरे छविकरे भूयाभिसंक्रणे, सेतं अपसत्थमणविणए, सेतं मणविणए, से किं तं वडविणए ? वडविणए दुविहे ५०, तं०-पसत्थवडविणए य अपसत्थवडविणए य, से किं तं पसत्थवडविणए ? पसत्थवडविणए सत्तविहे ५०, तं०-अपावए जाव अभूयाभिसंक्रणे, सेतं पसत्थवडविणए, से किं तं अपसत्थवडविणए ? अपसत्थवडविणए सत्तविहे ५०, तं०-पावए सावज्जे जाव भूयाभिसंक्रणे, सेतं अपसत्थवडविणए, सेतं वडविणए, से किं तं कायविणए ? कायविणए दुविहे ५०, तं०-पसत्थकायविणए य अपसत्थकायविणए

य, से किं तं पसत्यकायविणए ? पसत्यकायविणए सत्तविहे ५०, तंजहा-आउत्तं गमणं आउत्तं ठाणं आउत्तं निसीयणं आउत्तं तुयट्ठणं आउत्तं उल्लंघणं आउत्तं पल्लंघणं आउत्तं सत्त्विदियजोगजुंजणया, सेत्तं पसत्यकायविणए, से किं तं अप्पसत्यकायविणए ? अप्पसत्यकायविणए सत्तविहे पन्नत्ते, तंजहा-अणाउत्तं गमणं जाव्वाणाउत्तं सत्त्विदियजोगजुंजणया, सेत्तं अप्पसत्यकायविणए, सेत्तं कायविणए, से किं तं लो गोवयारविणए ? लो गोवयारविणए सत्तविहे ५०, तं०-अब्भासवत्तियं परच्छंदाणुवत्तियं कज्जहेऊं कयपडिक्किइया अत्तगवेसणया देसकालणया सब्बत्थेसु अप्पडिलोमया, सेत्तं लो गोवयारविणए, सेत्तं विणए । से किं तं वेयावच्चे ? वेयावच्चे दसविहे ५०, तं०-आयरियवेयावच्चे उवज्झायवेयावच्चे थेरवेयावच्चे तवस्तिवेयावच्चे गिलाणवेयावच्चे सेहवेयावच्चे कुलवेयावच्चे गणवेयावच्चे संघवेयावच्चे राहम्मियवेयावच्चे, सेत्तं वेयावच्चे । से किं तं सज्झाए ? सज्झाए पंचविहे पन्नत्ते, तं०-वायणा पडिपुच्छणा परियट्ठणा अणुप्पेहा धम्मकहा, सेत्तं सज्झाए ॥ ८०१ ॥ से किं तं ज्ञाणे ? ज्ञाणे चउत्त्विहे पन्नत्ते, तंजहा-अट्ठे ज्ञाणे रोहे ज्ञाणे धम्मे ज्ञाणे सुक्के ज्ञाणे, अट्ठे ज्ञाणे चउत्त्विहे पन्नत्ते, तंजहा-अमणुन्नसंपओगसंपउत्तं तस्म विपपओगसइ-समन्नागए यावि भवइ १, मणुन्नसंपओगसंपउत्ते तस्म अविपपओगसइसमन्नागए यावि भवइ २, आयंकसंपओगसंपउत्ते तस्म विपपओगसइसमन्नागए यावि भवइ ३, परिजुसियकामभोगसंपओगसंपउत्ते तस्म अविपपओगसइसमन्नागए यावि भवइ ४, अट्ठस्स णं ज्ञाणस्स चत्तारि लक्खणा ५०, तं०-कंदणया सोयणया तिप्पणया परिदेवणया १ । रोइज्जाणे चउत्त्विहे ५०, तं०-हिसाणुबंधी मोसाणुबंधी तेयाणुबंधी सारक्खणाणुबंधी, रोइस्स णं ज्ञाणस्स चत्तारि लक्खणा ५०, तं०-ओसच्च-दोसे बहुलदोसे अण्णाणदोसे आमरणांतदोसे २ । धम्मे ज्ञाणे चउत्त्विहे चउप्पडो-यारे ५०, तं०-आणाविजए अवायविजए विवागविजए संशयविजए, धम्मस्स णं ज्ञाणस्स चत्तारि लक्खणा ५०, तं०-आणाइई निसग्गइई सुत्तइई ओगाठइई, धम्मस्स णं ज्ञाणस्स चत्तारि आलंबणा ५०, तं०-वायणा पडिपुच्छणा परियट्ठणा धम्मकहा, धम्मस्स णं ज्ञाणस्स चत्तारि अणुप्पेहाओ ५०, तं०-एगताणुप्पेहा अणिच्चाणुप्पेहा असरणाणुप्पेहा संसाराणुप्पेहा ३ । सुक्के ज्ञाणे चउत्त्विहे चउप्पडो-यारे ५०, तं०-पुहुत्तवियक्के सवियारी १, एसंतवियक्के अवियारी २, सुहुमकिरिए अनियट्ठी ३, समुच्छिन्नकिरिए अप्पडिवाई ४, सुक्कस्स णं ज्ञाणस्स चत्तारि लक्खणा ५०, तं०-खंती सुत्ती अज्जे मइत्ते, सुक्कस्स णं ज्ञाणस्स चत्तारि आलंबणा ५०, तं०-अव्वहे असंमोहे विवेगे विउसग्गे, सुक्कस्स णं ज्ञाणस्स चत्तारि

अणुप्येहाब्धो प०, तं०—अणतवत्तियाणुप्येहा विप्परिणामाणुप्येहा असुमाणुप्येहा
 अबावाणुप्येहा ४, सेतं ज्ञाणे ॥ ८०२ ॥ से किं तं विउसग्गे ? विउसग्गे दुविहे
 प०, तं०—दब्बविउसग्गे य भावविउसग्गे य, से किं तं दब्बविउसग्गे ? दब्ब-
 विउसग्गे चउव्विहे प०, तं०—गणविउसग्गे सररीविउसग्गे उव्वहिउसग्गे
 भत्तपाणविउसग्गे, सेतं दब्बविउसग्गे, से किं तं भावविउसग्गे ? भावविउसग्गे
 सिविहे प०, तं०—कसायविउसग्गे संसारविउसग्गे कम्मविउसग्गे, से किं तं
 कसायविउसग्गे ? कसायविउसग्गे चउव्विहे प०, तंजहा—कोहविउसग्गे माणवि-
 उसग्गे मायाविउसग्गे लोभविउसग्गे, सेतं कसायविउसग्गे, से किं तं संसारविउ-
 सग्गे ? संसारविउसग्गे चउव्विहे पक्कत्ते, तंजहा—नेरइयसंसारविउसग्गे जाव
 देवसंसारविउसग्गे, सेतं संसारविउसग्गे, से किं तं कम्मविउसग्गे ? कम्मविउसग्गे
 अट्टविहे प०, तंजहा—णाणावरणिज्जकम्मविउसग्गे जाव अंतराइयकम्मविउसग्गे,
 सेतं कम्मविउसग्गे, सेतं भावविउसग्गे, सेतं अविभत(र)रिए तवे । सेवं मंते ! २
 ति ॥ ८०३ ॥ पणवीसइमस्स सयस्स सत्तमो उइसो समसो ॥

रायणिहे जाव एवं वयासी—नेरइया णं मंते ! कइं उव्वज्जंति ? गोयमा ! से
 जहानामए पवए पवमाणे अज्जवसाणनिव्वत्तिएणं करणोवाएणं सेयकाले तं ठाणं
 विप्पजहिता पुरिमं ठाणं उव्वसंपज्जित्ताणं विहरइ एवामेव एए(ते)वि जीवा पक्कओविष
 पवमाणा अज्जवसाणनिव्वत्तिएणं करणोवाएणं सेयकाले तं भवं विप्पजहिता पुरिमं
 भवं उव्वसंपज्जित्ताणं विहरन्ति । तेसि णं मंते ! जीवाणं कइं सीहा गई कइं सीहे
 गइविसए प० ? गोयमा ! से जहानामए—केइ पुरिसे तरुणे बलवं एवं जहा चउइसम-
 सए पडमुइसए जाव तिसमएण बा विगहेणं उव्वज्जंति, तेसि णं जीवाणं तथा
 सीहा गई तथा सीहे गइविसए प० । ते णं मंते ! जीवा कइं परभवियाउवं पक्-
 रेंति ? गोयमा ! अज्जवसाण(जोग)निव्वत्तिएणं करणोवाएणं एवं खलु ते जीवा पर-
 भवियाउवं पक्करेन्ति, तेसि णं मंते ! जीवाणं कइं गई पवत्तइ ? गोयमा ! आउ-
 क्खएणं भवक्खएणं ठिक्खएणं, एवं खलु तेसि जीवाणं गई पवत्तइ, ते णं मंते !
 जीवा किं आइइए उव्वज्जंति परिइए उव्वज्जंति ? गोयमा ! आइइए उव्वज्जंति
 नो परिइए उव्वज्जंति । ते णं मंते ! जीवा किं आयकम्मुणा उव्वज्जंति परकम्मुणा
 उव्वज्जंति ? गोयमा ! आयकम्मुणा उव्वज्जंति नो परकम्मुणा उव्वज्जंति, ते णं
 मंते ! जीवा किं आयप्पओगेणं उव्वज्जंति परप्पओगेणं उव्वज्जंति ! गोयमा !
 अयप्पओगेणं उव्वज्जंति नो परप्पओगेणं उव्वज्जंति । असुरकुमारा णं मंते ! कइं
 उव्वज्जंति ! जहा नेरइया तइेष निरवसेसं जाव नो परप्पओगेणं उव्वज्जंति, एवं

एगिदियवज्जा जाव वेमाणिया, एगिदिया तं (एवं) चेव नवरं चउसमइओ विग्गहो, सेसं तं चेव, सेवं भंते । २ ति जाव विहरइ ॥ ८०४ ॥ २५ । ८ ॥ भवसिद्धिय-
नेरइया णं भंते । कहं उववज्जंति ? गोयमा । से जहानामए पवए पवमाणे अवसेसं
तं चेव जाव वेमाणिए, सेवं भंते ! २ ति ॥ ८०५ ॥ २५ । ९ ॥ अभवसिद्धिय-
नेरइया णं भंते । कहं उववज्जंति ? गोयमा । से जहानामए पवए पवमाणे अवसेसं
तं चेव एवं जाव वेमाणि(ए)या, सेवं भंते ! २ ति ॥ ८०६ ॥ २५ । १० ॥ सम्महिद्धि-
नेरइया णं भंते । कहं उववज्जंति ? गोयमा । से जहानामए पवए पवमाणे अवसेसं
तं चेव एवं एगिदियवज्जं जाव वेमाणि(ए)या, सेवं भंते ! २ ति ॥ ८०७ ॥ २५ । ११ ॥
मिच्छादिद्धिनेरइया णं भंते । कहं उववज्जंति ? गोयमा । से जहानामए-पवए पवमाणे
अवसेसं तं चेव एवं जाव वेमाणिए, सेवं भंते ! २ ति जाव विहरइ ॥ ८०८ ॥
२५ । १२ ॥ पणवीसइमस्स सयस्स बारहमो उदेसो समत्तो ॥ पण-
वीसइमं सयं समत्तं ॥

नमो सुयदेवयाए भगवईए । जीवा १ य लेस्स २ पक्खिथ ३ दिट्ठी ४ अजाण ५ नाण
६ सन्नाओ ७ । वेय ८ कसा(य)ए ९ उवओ(गे)ग १० जोग ११ एकार(स)वि टाण
॥ १ ॥ तेणं काळेणं तेणं समएणं रायगिहे जाव एवं वयासी-जीवे णं भंते । पावं
कम्मं किं बंधी बंधइ बंधिस्सइ १, बंधी बंधइ ण बंधिस्सइ २, बंधी न बंधइ
बंधिस्सइ ३, बंधी न बंधइ न बंधिस्सइ ४ ? गोयमा ! अत्येगइए (जीवे) बंधी बंधइ
बंधिस्सइ १, अत्येगइए बंधी बंधइ ण बंधिस्सइ २, अत्येगइए बंधी ण बंधइ
बंधिस्सइ ३, अत्येगइए बंधी ण बंधइ ण बंधिस्सइ ४-१ ॥ मलेस्से णं भंते ।
जीवे पावं कम्मं किं बंधी बंधइ बंधिस्सइ, बंधी बंधइ ण बंधिस्सइ० पुच्छा,
गोयमा ! अत्येगइए बंधी बंधइ बंधिस्सइ, अत्येगइए एवं चउभंगो । कण्हलेस्से
णं भंते । जीवे पावं कम्मं किं बंधी० पुच्छा, गोयमा ! अत्येगइए बंधी बंधइ बंधि-
स्सइ अत्येगइए बंधी बंधइ न बंधिस्सइ एवं जाव पण्हलेस्से सव्वत्थ पढमविइया
भंगा, सुकलेस्से जहा सलेस्से तहेव चउभंगो । अलेस्से णं भंते । जीवे पावं कम्मं
किं बंधी० पुच्छा, गोयमा ! बंधी न बंधइ न बंधिस्सइ २ ॥ कण्हपक्खिए णं
भंते । जीवे पावं कम्मं० पुच्छा, गोयमा ! अत्येगइए बंधी पढमविइया भंगा ।
सुक्कपक्खिए णं भंते । जीवे पुच्छा, गोयमा ! चउभंगो भाणियन्वो ॥ ८०९ ॥
सम्महिद्धीणं चत्तारि भंगा, मिच्छादिद्धीणं पढमविइया भंगा, सम्मासिच्छादिद्धीणं
एवं चेव । नाणीणं चत्तारि भंगा, आभिणिबोद्धियणाणीणं जाव मणयज्जवणाणीणं
चत्तारि भंगा, केवलनाणीणं चरिमो भंगो जहा अलेस्साणं ५, अजाणीणं पढमविइया,

एवं मद्ब्रह्मणापीर्णं सुयज्ब्रह्मणापीर्णं विभंगणापीर्णं वि ६ । आहारसन्नोवउत्ताणं जाव
परिरगहसन्नोवउत्ताणं पढमविद्या नोसन्नोवउत्ताणं चत्तारि ७ । सवेदगाणं पढम-
विद्या, एवं इत्यवेदगाणं पुरिसवेदगाणं नपुंसगवेदगाणं, अवेदगाणं चत्तारि भंगा ॥
सकसाईर्णं चत्तारि, कोहकसाईर्णं पढमविद्या भंगा, एवं माणकसा(य)इस्सवि माय-
कसाइस्सवि लोभकसाइस्सवि चत्तारि भंगा, अकसाई णं भंते ! जीवे पावं कम्मं
किं बंधी० पुच्छा, गोयमा ! अत्येगइए बंधी न बंधइ बंधिस्सइ ३, अत्येगइए
बंधी ण बंधइ ण बंधिस्सइ ४ । सजोगिस्म चउमंगो, एवं मणजो(ग)गिस्सवि वइ-
जोगिस्सवि कायजोगिस्सवि, अजोगिस्स चरिमो, सागारोवउत्ते चत्तारि, अण्णागारो-
वउत्तवि चत्तारि भंगा ११ ॥ ८१० ॥ नेरइए णं भंते ! पावं कम्मं किं बंधी
बंधइ बंधिस्सउ० पुच्छा, गोयमा ! अत्येगइए बंधी पढमविद्या १, सलेस्से णं भंते !
नेरइए पावं कम्मं० एवं चेव, एवं कण्हलेस्सेवि नीललेस्सेवि काउलेस्सेवि, एवं कण्ह-
क्खिण्ण(वि) सुक्खक्खिण्ण(वि), सम्महिट्ठी मिच्छादिट्ठी सम्मामिच्छादिट्ठी, पाणी आभि-
ण्णिवोहिंयत्ताणी सुयत्ताणी ओहिंणाणी अन्नाणी मद्ब्रह्मणाणी सुयज्ब्रह्मणाणी विभंगन्नाणी
आहारसन्नोवउत्ते जाव परिरगहसन्नोवउत्ते, सवेदए जाव नपुंसगवेदए, सकसाई जाव
लोभकसाई, सजोगी मणजोगी वइजोगी कायजोगी, सागारोवउत्ते अण्णागारोवउत्ते,
एएसु सव्वेसु एएसु पढमविद्या भंगा भाणियव्वा, एवं असुरकुमारस्सवि वत्तव्वया
भाणियव्वा नवरं तेउलेस्सा इत्यवेयगा पुरिसवेयगा य अब्भहिया नपुंसगवेदगा न
भज्जति सेसं तं चेव सव्वत्थ पढमविद्या भंगा, एवं जाव थणियकुमारस्स, एवं पुढ-
विकाइयस्सवि आउकाइयस्सवि जाव पंचिदियतिरिक्खजोगियस्सवि सव्वत्थवि पढम-
विद्या भंगा नवरं जस्स जा लेस्सा दिट्ठी पाणं अन्नार्ण वेदो जोगो य जं जस्स
अत्थि तं तस्स भाणियव्वं सेसं तहेव, मणूसस्स जच्चेव जीवपदे वत्तव्वया सच्चेव
निरवसेसा भाणियव्वा, वाणमंतरस्स जहा असुरकुमारस्स, जोइसियस्स वेमाणियस्स
एवं चेव नवरं लेस्साओ जाणियव्वाओ, सेसं तहेव भाणियव्वं ॥ ८११ ॥
जीवे णं भंते ! नाणावरणिज्जं कम्मं किं बंधी बंधइ बंधिस्सइ एवं जहेव पावकम्मस्स
वत्तव्वया भाणिया तहेव नाणावरणिज्जस्सवि वत्तव्वया भाणियव्वा नवरं जीवपदे
मणुस्सपदे य सकसाई जाव लोभकसाईमि य पढमविद्या भंगा अब्बसेसं तं चेव
जाव वेमाणिए, एवं दरिसणावरणिज्जेगवि दंडगो भाणियव्वो निरवसेसो ॥ जीवे
णं भंते ! वेयणिज्जं कम्मं किं बंधी० पुच्छा, गोयमा ! अत्येगइए बंधी बंधइ बंधि-
स्सइ १, अत्येगइए बंधी बंधइ न बंधिस्सइ २, अत्येगइए बंधी न बंधइ न बंधि-
स्सइ ४, सलेस्सेवि एवं चेव तइयविट्ठणा भंगा, कण्हलेस्से जाव पण्हलेस्से पढम-

बिन्द्या भंगा, सुकलेस्ते तइयविहृणा भंगा, अलेस्ते चरिमो भंगो, कण्हपक्खिए षडमविड्या भंगा, सुकूपक्खिया तइयविहृणा, एवं सम्महिट्टिस्सवि, मिच्छादिट्टिस्स सम्मामिच्छादिट्टिस्स य पडमविड्या, णा(ण)णिस्स तइयविहृणा, आमिणिबोहियनाणी जाव मणपज्जवणाणी पडमविड्या, केवलनाणी तइयविहृणा, एवं नोससोवउत्ते अवेदए अकसाई सागारोवउत्ते अणागारोवउत्ते एएसु तइयविहृणा, अजोगिम्मि य चरिमो, सेसेसु पडमविड्या । नेरइए णं भंते ! वेयणिजं कम्मं किं बंधी बंधड बंधिस्सड० एवं नेरइया(दीया) जाव वेमाणियति जस्म जं अत्थि सव्वत्थवि पडमविड्या, नवरं मणुस्से(सु) जहा जीवे, जीवे णं भंते ! मोहणिजं कम्मं किं बंधी बंधड० जहेव पावं कम्मं तहेव मोहणिजं वि निरवसेसं जाव वेमाणिए ॥ ८१२ ॥ जीवे णं भंते ! आउयं कम्मं किं बंधी बंधड० पुच्छा, गोयमा ! अत्येगइए बंधी चउभंगो, सलेस्ते जाव सुकलेस्ते चत्तारि भंगा, अलेस्ते चरिमो भंगो । कण्हपक्खिए णं पुच्छा, गोयमा ! अत्येगइए बंधी बंधड बंधिस्सइ अत्येगइए बंधी न बंधड बंधिस्सइ, सुकूपक्खिए सम्महिट्टी मिच्छादिट्टी चत्तारि भंगा, सम्मामिच्छादिट्टी पुच्छा, गोयमा ! अत्येगइए बंधी न बंधड बंधिस्सइ अत्येगइए बंधी न बंधड न बंधिस्सइ, नाणी जाव ओहिनाणी चत्तारि भंगा, मणपज्जवणाणी पुच्छा, गोयमा ! अत्येगइए बंधी बंधड बंधिस्सइ, अत्येगइए बंधी न बंधड बंधिस्सइ, अत्येगइए बंधी न बंधड न बंधिस्सइ, केवलना(णी)णे चरिमो भंगो, एवं एएणं कमेणं नोयसोवउत्ते बिन्द्यविहृणा जहेव मणपज्जवणाणे, अवेदए अकसाई य तइयचउत्था जहेव सम्मामिच्छते, अजोगिम्मि चरिमो, मेसेसु पदेसु चत्तारि भंगा जाव अणागारोवउत्ते ॥ नेरइए णं भंते ! आउयं कम्मं किं बंधी = पुच्छा, गोयमा ! अत्येगइए चत्तारि भंगा एवं सव्वत्थवि नेरइयाणं चत्तारि भंगा नवरं कण्हलेस्ते कण्हपक्खिए य पडमतइया भंगा, सम्मामिच्छते तइयचउत्था, असुरकुमारो एवं चेव, नवरं कण्हलेस्ते(सु)वि चत्तारि भंगा भाणियव्वा सेसं जहा नेरइयाणं एवं जाव थणियकुमारणं, पुडावक्काइयाणं सव्वत्थवि चत्तारि भंगा, नवरं कण्हपक्खिए पडमतइया भंगा, तेउलेस्ते पुच्छा, गोयमा ! बंधी न बंधड बंधिस्सइ, सेसेसु सव्वत्थ चत्तारि भंगा, एवं आउक्काइयवणस्सइकाइयाणवि निरवसेसे, तेउक्काइयवाउक्काइयाणं सव्वत्थवि पडमतइया भंगा, बेइदियतेइदियचउरिदियाणं वि सव्वत्थवि पडमतइया भंगा, नवरं सम्मते नाणे आमिणिबोहियनाणे सुयनाणे तइओ भंगो । पंचिदियतिरिक्खजोणियारणं कण्हपक्खिए पडमतइया भंगा, सम्मामिच्छते तइयचउत्था भंगा, सम्मते नाणे आमिणिबोहियनाणे सुयनाणे ओहिनाणे एएसु पंचसुवि पदेसु बिन्द्यविहृणा भंगा, सेसेसु चत्तारि भंगा, मणुस्साणं

जहा जीवार्ण, नवरं सम्माने ओहिण् नाणे आभिषिबोहियनाणे सुयनाणे ओहिण्वाणे
 षण्डु विइयविह्वणा भंगा, सेसं तं चेव, बाणमंतरजोइसियवेमाणिया जहा अणु-
 कुमारा, नामं गोयं अंतरा(इ)यं च एयाणि जहा नाणावरणिज्जं । सेवं भंते । २ ति
 जाव विहरइ ॥ ८१३ ॥ **बंधिसयस्स पटमो उइसो समत्तो ॥**

अणंतरोववन्नए णं भंते ! नेरइए पावं कम्मं किं बंधी० पुच्छा तहेव, गोयमा !
 अत्येगइए बंधी पटमविइया भंगा । सल्लेस्से णं भंते ! अणंतरोववन्नए नेरइए पावं
 कम्मं किं बंधी० पुच्छा, गोयमा ! पटमविइया भंगा, एवं खलु सव्वत्थ पटमविइया
 भंगा, नवरं सम्मानिच्छणं मणजोगो वदजोगो य न पुच्छिज्जइ, एवं जाव बणिय-
 कुमाराणं, वेइदियतेइदियचउरिदियाणं वदजोगो न भणइ, पंयिदियतिरिक्खज्येष्णि-
 याणंपि सम्मानिच्छतं ओहिनाणं विभंगनाणं मणजोगो वदजोगो एयाणि पंच पदाणि
 ण भञ्जंति । मणुस्साणं अल्लेस्ससम्मामिच्छणमणपज्ववणाणकेवलनाणविभंगनाण-
 नांमणोवउत्तअवेदगअक्कसाइमणजो(णि)नवइजोगअजोगी एयाणि एकारस पयाणि
 ण भञ्जंति, बाणमंतरजोइसियवेमाणियाणं जहा नेरइयाणं तहेव ते तिजि न भञ्जंति
 सव्वेसिं, जाणि सेसाणि टाणाणि सव्वत्थ पटमविइया भंगा, एमिदियाणं सव्वत्थ
 पटमावइया भंगा, जहा पावे एवं नाणावरणिज्जेगवि दंडओ, एवं आउयवज्जेसु
 जाव अंतराइए दंडओ ॥ अणंतरोववन्नए णं भंते ! नेरइए आउयं कम्मं किं बंधी०
 पुच्छा, गोयमा ! बंधी न बंधइ बंधिस्सइ । सल्लेस्से णं भंते ! अणंतरोववन्नए
 नेरइए आउयं कम्मं किं बंधी० ? एवं चेव तइओ भंगो, एवं जाव अणागारोवउणे,
 सव्वत्थवि तइओ भंगो, एवं मणुस्सवजं जाव वेमाणियाणं, मणुस्साणं सव्वत्थ
 तइयचउत्था भंगा, नवरं कण्हपक्खिण्णु तइओ भंगो सव्वेसिं नाणताइं ताइं चेव ।
 सेवं भंते । २ ति ॥ ८१४ ॥ **बंधिसयस्स विइओ उइसो समत्तो ॥**

परंपरोववन्नए णं भंते ! नेरइए पावं कम्मं किं बंधी० पुच्छा, गोयमा ! अत्येग-
 इए पटमविइया, एवं जहेव पटमो उइसओ तहेव परंपरोववन्नएहिंवि उइसओ
 भाणियव्वो नेरइयाइओ तहेव नवदंडगसंगहिओ, अट्टण्हवि कम्मप्पगकीणं आ जस्स
 कम्मस्स वत्तव्वथा सा तस्स अहीणमइरिणा नेयव्वा जाव वेमाणिया अणागारो-
 वउत्ता । सेवं भंते । २ ति ॥ ८१५ ॥ **बंधिसयस्स तइओ उइसो समत्तो ॥**

अणंतरोगाइए णं भंते ! नेरइए पावं कम्मं किं बंधी० पुच्छा, गोयमा ! अत्ये-
 गइए० एवं जहेव अणंतरोववन्नएहिं नवदंडगसंगहिओ उइसओ भणियो तहेव
 अणंतरोगाइएहिं अहीणमइरिणो भाणियव्वो नेरइयाइए जाव वेमाणिए । सेवं
 भंते । २ ति ॥ २६-४ ॥ **परंपरोगाइए णं भंते ! नेरइए पावं कम्मं किं बंधी० जहेव**

परंपरोववन्नएहिं उद्देसो सो चेव निरवसेसो भाणियव्वो । सेवं भंते । २ ति ॥ २६-५ ॥
 अणंतराहारए णं भंते । नेरइए पावं कम्मं किं बंधी० पुच्छा, गोयमा । एवं जहेव
 अणंतरोववन्नएहिं उद्देसो तहेव निरवसे(सो)सं । सेवं भंते । २ ति ॥ २६-६ ॥
 परंपराहारए णं भंते । नेरइए पावं कम्मं किं बंधी० पुच्छा, गोयमा । एवं जहेव
 परंपरोववन्नएहिं उद्देसो तहेव निरवसेसो भाणियव्वो । सेवं भंते । सेवं भंते । ति
 ॥ २६-७ ॥ अणंतरपज्जत्तए णं भंते । नेरइए पावं कम्मं किं बंधी० पुच्छा,
 गोयमा । एवं जहेव अणंतरोववन्नएहिं उद्देसो तहेव निरवसेसं । सेवं भंते । २ ति
 ॥ २६-८ ॥ परंपरपज्जत्तए णं भंते ! नेरइए पावं कम्मं किं बंधी० पुच्छा,
 गोयमा ! एवं जहेव परंपरोववन्नएहिं उद्देसो तहेव निरवसेसो भाणियव्वो । सेवं
 भंते । २ ति जाव विहरइ ॥ २६-९ ॥ चरिमे णं भंते ! नेरइए पावं कम्मं किं
 बंधी० पुच्छा, गोयमा ! एवं जहेव परंपरोववन्नएहिं उद्देसो तहेव चरिमेहिं निरव-
 से(सं)सो । सेवं भंते ! २ ति जाव विहरइ ॥ २६-१० ॥ अचरिमे णं भंते ' नेरइए
 पावं कम्मं किं बंधी० पुच्छा, गोयमा ! अत्थेगइए एवं जहेव पढमोद्देमए तहेव पढ-
 मविड्या भंगा भाणियव्वा सव्वत्थ जाव पंचिदियतिरिक्खजोणियाणं । अचरिमे णं
 भंते ! मणुस्से पावं कम्मं किं बंधी० पुच्छा, गोयमा ! अत्थेगइए वंधी वंधइ वंधि-
 स्सइ, अत्थेगइए वंधी वंधइ न वंधिस्सइ, अत्थेगइए वंधी न वंधइ(न) वंधिस्सइ ।
 सळेस्से णं भंते ! अचरिमे मणुस्से पावं कम्मं किं बंधी० ? एवं चेव तिन्नि भंगा चरि-
 मविट्ठणा भाणियव्वा एवं जहेव पढमुद्देसे, नवरं जेसु तत्थ वीससु पदेसु चत्तारि भंगा
 तेसु इह आदिळा तिन्नि भंगा भाणियव्वा चरिमभंगवजा, अळेस्से केवलनाणी य
 अजोगी य एए तिन्निवि न पुच्छिजंति, सेसं तहेव, वाणमंतरजोइसियवेमाणि(ए)या
 जहा नेरइए । अचरिमे णं भंते ! नेरइए नाणावरणिजं कम्मं किं बंधी० पुच्छा,
 गोयमा ! एवं जहेव पावं नवरं मणुस्सेसु सकसाईसु लोभकसाईसु य पढमविड्या
 भंगा, सेसा अट्टारस चरिमविट्ठणा सेसं तहेव जाव वेमाणियाणं, दरिसणावरणिजंवि
 एवं चेव निरवसेसं, वेयणिजे सव्वत्थवि पढमविड्या भंगा जाव वेमाणियाणं नवरं
 मणुस्सेसु अळेस्से केवली अजोगी य नत्थि । अचरिमे णं भंते ! नेरइए मोहणिजं
 कम्मं किं बंधी० पुच्छा, गोयमा । जहेव पावं तहेव निरवसेसं जाव वेमाणिए ॥
 अचरिमे णं भंते । नेरइए आउयं कम्मं किं बंधी० पुच्छा, गोयमा ! पढमवि(त)-
 ड्या भंगा, एवं सव्वपदेसुवि, नेरइयाणं पढमतइया भंगा नवरं सम्मामिच्छते तइओ
 भंगो, एवं जाव थणियकुमारारणं, पुढविकाइयवाउकाइयवणत्सइकाइयाणं तेउळेस्साए
 तइओ भंगो सेसेसु पदेसु सव्वत्थ पढमतइया भंगा, तेउकाइयवाउकाइयाणं सव्वत्थ

पढमतइया भंगा, बेइंदियतेइंदियचउरिंदियाणं एवं चेव नवरं सम्मते ओहिनाणे
आभिणिचोहियनाणे सुयनाणे एणु चउसुवि ठाणेसु तइओ भंगो, पंचिदियतिरिक्ख-
जोणियाणं सम्मामिच्छते तइओ भंगो, सेसेसु पदेसु सव्वत्थ पढमतइया भंगा,
मणुस्साणं सम्मामिच्छते अवेदए अकसाइम्मि य तइओ भंगो, अळेस्स केवलनाण
अजोगी य न पुच्छिजंति, सेसपदेसु सव्वत्थ पढमतइया भंगा, वाणमंतरजोइसिय-
वेमाणिया जहा नेरइया । नामं गोयं अंतराइयं च जहेव नाणावरणिज्जं तहेव
निरवसेसं । सेवं भंते ! २ ति जाव विहरइ ॥ ८१६ ॥ छव्वीसइमं वंधिसए
पयारहमो उहेसो समत्तो ॥ छव्वीसइमं वंधिसयं समत्तं ॥

जीवा णं भंते ! पावं कम्मं किं करिंसु करेन्ति करिस्संति १, करिंसु करेति न
करिस्सति २, करिंसु न करेति करिस्संति ३, करिंसु न करेति न करिस्संति ४ ?
गोयमा ! अत्थेगइए करिंसु करेति करिस्संति १, अत्थेगइए करिंसु करेति न करि-
स्संति २, अत्थेगइए करिंसु न करेति करिस्संति ३, अत्थेगइए-करिंसु न करेति न
करिस्संति ४ । सळेस्से णं भंते ! जीवे पावं कम्मं एवं एणं अभिलावेणं जच्चेव
बंधिसए वत्तव्वया सच्चेव निरवसेसा भाणियव्वा, तहेव नवदंडगसंगहिया एकारस
उहेसगा भाणियव्वा ॥ ८१७ ॥ सत्तावीसइमं करिंसुगसयं समत्तं ॥

जीवा णं भंते ! पावं कम्मं कहिं समज्जिणिसु कहिं समायरिंसु ? गोयमा !
सव्वेवि ताव तिरिक्खजोणिएसु होज्जा १ अहवा तिरिक्खजोणिएसु य नेरइएसु य
होज्जा २ अहवा तिरिक्खजोणिएसु य मणुस्सेसु य होज्जा ३ अहवा तिरिक्खजोणि-
एसु य देवेसु य होज्जा ४ अहवा तिरिक्खजोणिएसु य नेरइएसु य मणुस्सेसु य होज्जा
५ अहवा तिरिक्खजोणिएसु य नेरइएसु य देवेसु य होज्जा ६ अहवा तिरिक्खजो-
णिएसु य मणुस्सेसु य देवेसु य होज्जा ७ अहवा तिरिक्खजोणिएसु य नेरइएसु य
मणुस्सेसु य देवेसु य होज्जा ८ । सळेस्सा णं भंते ! जीवा पावं कम्मं कहिं समज्जिणिसु
कहिं समायरिंसु ? एवं चेव, एवं कण्हळेस्सा जाव अळेस्सा, कण्हपक्खिया सुक्कप-
क्खिया एवं जाव अणागारोवउत्ता । नेरइया णं भंते ! पावं कम्मं कहिं समज्जिणिसु
कहिं समायरिंसु ? गोयमा ! सव्वेवि ताव तिरिक्खजोणिएसु होज्जति एवं चेव अट्ट
भंगा भाणियव्वा, एवं सव्वत्थ अट्ट भंगा, एवं जाव अणागारोवउत्तावि, एवं जाव
वेमाणियाणं, एवं नाणावरणिज्जिणवि दंडओ, एवं जाव अंतराइएणं, एवं एए
जीवादीया वेमाणियपज्जवसाणा नव दंडगा भवंति । सेवं भंते ! २ ति जाव विह-
रइ ॥ ८१८ ॥ २८११ ॥ अणंतरोववज्जगा णं भंते ! नेरइया पावं कम्मं कहिं
समज्जिणिसु कहिं समायरिंसु ? गोयमा ! सव्वेवि ताव तिरिक्खजोणिएसु होज्जा,

एवं एत्यवि अट्ट भंगा, एवं अणंतरोववन्नगाणं नेरइयाईणं जस्स जं अत्थि लेस्सा-
 कीयं अणागारोवओगपज्जवसाणं तं सव्वं एयाए भयणाए भाणियव्वं जाव वेमा-
 णियाणं, नवरं अणंतरेसु जे परिहरियव्वा ते जहा बंधिसए तहा इहंपि, एवं
 नाणावरणिज्जेणावि दंडओ एवं जाव अंतराइएणं निरवसेसं एसोवि नवदंडगसंग-
 हिओ उद्देसओ भाणियव्वो । सेवं भंते । २ त्ति ॥ ८१९ ॥ २८।२ ॥ एवं एएणं
 कमेणं जहेव बंधिसए उद्देसगाणं परिवाडी तहेव इहंपि अट्टसु भंगेसु नेयव्वा नवरं
 जाणियव्वं जं जस्स अत्थि तं तस्स भाणियव्वं जाव (अ)चरिसुद्देसो । सव्वेवि एए
 एकारस उद्देसगा । सेवं भंते । २ त्ति जाव विहरइ ॥ ८२० ॥ अट्टावीसइमं
 कम्मसमज्जणणसयं समत्तं ॥

जीवा णं भंते । पावं कम्मं किं समायं पट्टविंसु समायं निट्टविंसु १, समायं
 पट्टविंसु विसमायं निट्टविंसु २, विसमायं पट्टविंसु समायं निट्टविंसु ३, विसमायं
 पट्टविंसु विसमायं निट्टविंसु ४ ? गोयमा । अत्येगइया समायं पट्टविंसु समायं निट्टविंसु
 जाव अत्येगइया विसमायं पट्टविंसु विसमायं निट्टविंसु, से केणट्टेणं भंते । एवं बुच्चइ
 अत्येगइया समायं पट्टविंसु समायं निट्टविंसु ? तं चेव, गोयमा । जीवा चउव्विहा
 पन्नता, तंजहा-अत्येगइया समाउया समोववन्नगा १, अत्येगइया समाउया
 विसमोववन्नगा २, अत्येगइया विसमाउया समोववन्नगा ३, अत्येगइया विसमाउया
 विसमोववन्नगा ४, तत्थ णं जे ते समाउया समोववन्नगा ते णं पावं कम्मं समायं
 पट्टविंसु समायं निट्टविंसु, तत्थ णं जे ते समाउया विसमोववन्नगा ते णं पावं कम्मं
 समायं पट्टविंसु विसमायं निट्टविंसु, तत्थ णं जे ते विसमाउया समोववन्नगा ते णं
 पावं कम्मं विसमायं पट्टविंसु समायं निट्टविंसु, तत्थ णं जे ते विसमाउया विसमो-
 ववन्नगा ते णं पावं कम्मं विसमायं पट्टविंसु विसमायं निट्टविंसु, से तेणट्टेणं गोयमा ।
 तं चेव । सलेस्सा णं भंते । जीवा पावं कम्मं एवं चेव, एवं सव्वट्टाणेसुवि जाव
 अणागारोवउत्ता, एए सव्वेवि पया एयाए वत्तव्वयाए भाणियव्वा । नेरइया णं
 भंते । पावं कम्मं किं समायं पट्टविंसु समायं निट्टविंसु० पुच्छा, गोयमा । अत्येगइया
 समायं पट्टविंसु एवं जहेव जीवाणं तहेव भाणियव्वं जाव अणागारोवउत्ता, एवं जाव
 वेमाणियाणं जस्स जं अत्थि तं एएणं चेव कमेणं भाणियव्वं जहा पावेण कम्मेण
 दंडओ, एवं एएणं कमेणं अट्टसुवि कम्मप्पगहीसु अट्ट दंडगा भाणियव्वा जीवादीया
 वेमाणियपज्जवसाणा एसो नवदंडगसंगहिओ पढमो उद्देसओ भाणियव्वो । सेवं भंते ।
 २ त्ति ॥ ८२१ ॥ पगूणतीसइमे सए पढमो उद्देसो समत्तो ॥

अणंतरोववन्नगा णं भंते । नेरइया पावं कम्मं किं समायं पट्टविंसु समायं

निट्टविंसु० पुच्छा, गोयमा ! अत्थेगइया समायं पट्टविंसु समायं निट्टविंसु अत्थेगइया समायं पट्टविंसु विसमायं निट्टविंसु, से केणट्ठेणं भंते ! एवं बुच्चइ अत्थेगइया समायं पट्टविंसु तं चेव, गोयमा ! अणंतरोववन्नगा नेरइया दुविहा प०, तं०— अत्थेगइया समाउया समोववन्नगा अत्थेगइया समाउया विसमोववन्नगा, तत्थ णं जे ते समाउया समोववन्नगा ते णं पावं कम्मं समायं पट्टविंसु समायं निट्टविंसु, तत्थ णं जे ते समाउया विसमोववन्नगा ते णं पावं कम्मं समायं पट्टविंसु विसमायं निट्टविंसु, से तेणट्ठेणं तं चेव । सलेस्सा णं भंते ! अणंतरोववन्नगा नेरइया पावं कम्मं एवं चेव, एवं जाव अणागारोवउत्ता, एवं असुरकुमारावि एवं जाव वेमाणिया नवरं जं जस्स अत्थि तं तस्स भाणियव्वं, एवं नाणावरणिज्जेणवि दंडओ, एवं निरवसेसं जाव अंतराइएणं । सेवं भंते ! २ त्ति जाव विहरइ ॥ २९।२ ॥ एवं एएणं गमएणं जच्चेव वंधिसए उद्देसगपरिवाडी सच्चव इहवि भाणियव्वा जाव अचरिमोत्ति, अणंतरउद्देसगाणं चउट्ठवि एक्का वत्तव्वया सेसणं सत्तण्हं एक्का वत्तव्वया ॥ ८२२ ॥

पग्गूणतीसहमं कम्मपट्टवणसयं समत्तं ॥

कइ णं भंते ! समोसरणा प० ? गोयमा ! चत्तारि (चउव्विहा) समोसरणा प०, तंजहा—किरियावाई अकिरियावाई अन्नाणियवाई वेणइयवाई, जीवा णं भंते ! किं किरियावाई अकिरियावाई अन्नाणियवाई वेणइयवाई ? गोयमा ! जीवा किरियावाईवि अकिरियावाईवि अन्नाणियवाईवि वेणइयवाईवि, सलेस्सा णं भंते ! जीवा किं किरियावाई० पुच्छा, गोयमा ! किरियावाईवि अकिरियावाईवे अन्नाणियवाईवि वेणइयवाईवि, एवं जाव सुक्कलेस्सा, अलेस्सा णं भंते ! जीवा पुच्छा, गोयमा ! किरियावाई नो अकिरियावाई नो अन्नाणियवाई नो वेणइयवाई । कण्हपक्खिया णं भंते ! जीवा किं किरियावाई० पुच्छा, गोयमा ! नो किरियावाई अकिरियावाई अन्नाणियवाईवे वेणइयवाईवि, सुक्कपक्खिया जहा सलेस्सा, सम्महिट्ठी जहा अलेस्सा, मिच्छादिट्ठी जहा कण्हपक्खिया, सम्मामिच्छादिट्ठीणं पुच्छा, गोयमा ! नो किरियावाई नो अकिरियावाई अन्नाणियवाईवे वेणइयवाईवि, णाणी जाव केवलनाणी जहा अलेस्सा, अन्नाणी जाव विभंगनाणी जहा कण्हपक्खिया, आहारसन्नोवउत्ता जाव परिगगहसन्नोवउत्ता जहा सलेस्सा, नोसन्नोवउत्ता जहा अलेस्सा, सवेदगा जाव नपुंसगवेदगा जहा सलेस्सा, अवेदगा जहा अलेस्सा, सकसाई जाव लोभकसाई जहा सलेस्सा, अकसाई जहा अलेस्सा, सजोगी जाव कायजोगी जहा सलेस्सा, अजोगी जहा अलेस्सा, सागारोवउत्ता अणागारोवउत्ता जहा सलेस्सा । नेरइया णं भंते ! किं किरियावाई० पुच्छा, गोयमा ! किरियावाईवि

जाव वेणइयवाईवि, सलेस्सा णं भंते ! नेरइया किं किरियावाई० ? एवं चेव, एवं जाव काउलेस्सा, कण्हपक्खिया किरियाविवज्जिया, एवं एएणं कमेणं जञ्चेव जीवाणं वत्तव्वया सञ्चेव नेरइयाणवि वत्तव्वया जाव अणागारोवउत्ता नवरं जं अत्थि तं भाणियव्वं सेसं न भण्णइ, जहा नेरइया एवं जाव थणियकुमारा ॥ पुढविकाइया णं भंते ! किं किरियावाई० पुच्छा, गोयमा ! नो किरियावाई अकिरियावाईवि अजाणियवाईवि नो वेणइयवाई, एवं पुढविकाइयाणं जं अत्थि तत्थि सब्वत्थवि एयाइं दो मज्झिअइं समोसरणाइं जाव अणागारोवउत्तावि, एवं जाव चउरिंदियाणं सब्वट्टाणेषु एयाइं चेव मज्झिअइं दो समोसरणाइं, सम्मतनाणेहिवि एयाणि चेव मज्झिअइं दो समोसरणाइं, पंचिदियतिरिक्खजोणिया जहा जीवा नवरं जं अत्थि तं भाणियव्वं, मणुस्सा जहा जीवा तहेव निरवसेसं, वाणमंतरजोइसिय-वेमाणिया जहा असुरकुमारा ॥ किरियावाई णं भंते ! जीवा किं नेरइयाउयं पकरेन्ति त्तिरिक्खजोणियाउयं पकरेन्ति मणुस्साउयं पकरेन्ति देवाउयं पकरेन्ति ? गोयमा ! नो नेरइयाउयं पकरेन्ति नो त्तिरिक्खजोणियाउयं पकरेन्ति मणुस्साउयं पकरेन्ति देवा-उयं पकरेन्ति, जइ देवाउयं पकरेन्ति किं भवणवासिदेवाउयं पकरेन्ति जाव वेमाणियदेवाउयं पकरेन्ति ? गोयमा ! नो भवणवासिदेवाउयं पकरेन्ति नो वाणमंतरदेवाउयं पकरेन्ति नो जोइसियदेवाउयं पकरेन्ति वेमाणियदेवाउयं पकरेन्ति । अकिरियावाई णं भंते ! जीवा किं नेरइयाउयं पकरेन्ति त्तिरिक्ख० पुच्छा, गोयमा ! नेरइयाउयं पकरेन्ति जाव देवाउयं पकरेन्ति, एवं अजाणियवाईवि वेणइयवाईवि । सलेस्सा णं भंते ! जीवा किरियावाई किं नेरइयाउयं पकरेन्ति० पुच्छा, गोयमा ! नो नेरइयाउयं एवं जहेव जीवा तहेव सलेस्सावि चउहिवि समोसरणेहिं भाणियव्वा, कण्हलेस्सा णं भंते ! जीवा किरियावाई किं नेरइयाउयं पकरेन्ति० पुच्छा, गोयमा ! नो नेरइयाउयं पकरेन्ति नो त्तिरिक्खजोणियाउयं पकरेन्ति मणुस्साउयं पकरेन्ति नो देवाउयं पकरेन्ति, अकिरियावाई अजाणियवाई वेणइयवाई य चत्तारिवि आउयाइं पकरेन्ति, एवं नील्लेस्सावि काउलेस्सावि, तेउलेस्सा णं भंते ! जीवा किरियावाई किं नेरइयाउयं पकरेन्ति० पुच्छा, गोयमा ! नो नेरइयाउयं पकरेन्ति नो त्तिरिक्खजोणियाउयं पकरेन्ति मणुस्साउयं पकरेन्ति देवाउयं पकरेन्ति, जइ देवाउयं पकरेन्ति तहेव, तेउलेस्सा णं भंते ! जीवा अकिरियावाई किं नेरइयाउयं० पुच्छा, गोयमा ! नो नेरइयाउयं पकरेन्ति त्तिरिक्खजोणियाउयं पकरेन्ति मणुस्साउयं पकरेन्ति देवाउयं पकरेन्ति, एवं अजाणियवाईवि वेणइयवाईवि, जहा तेउलेस्सा एवं पण्हलेस्सावि सुक्कलेस्सावि नेयव्वा ॥ अलेस्सा णं भंते ! जीवा किरियावाई किं

नेरइयाउयं पकरेति० पुच्छा, गोयमा । नो नेरइयाउयं पकरेति नो तिरिक्ख० नो मणुस्स० नो देवाउयं पकरेति, कण्हपक्खिया णं भंते ! जीवा अकिरियावाइं किं नेरइयाउयं० पुच्छा, गोयमा ! नेरइयाउयंपि पकरेन्ति एवं चउव्विहंपि, एवं अन्नाणियवाइंवि वेणइयवाइंवि, सुक्कपक्खिया जहा सलेस्सा, सम्महिट्ठी णं भंते ! जीवा किरियावाइं किं नेरइयाउयं० पुच्छा, गोयमा । नो नेरइयाउयं पकरेन्ति नो तिरिक्खजोणियाउयं पकरेन्ति मणुस्साउयंपि पकरेन्ति देवाउयंपि पकरेन्ति, मिच्छादिट्ठी जहा कण्हपक्खिया, सम्मामिच्छादिट्ठी णं भंते ! जीवा अण्णियवाइं किं नेरइयाउयं० जहा अलेस्सा, एवं वेणइयवाइंवि, णाणी आभिणिबोहियनाणी य सुयनाणी य ओहिनाणी य जहा सम्महिट्ठी, मणपजवणाणी णं भंते ! किं० पुच्छा, गोयमा । नो नेरइयाउयं पकरेन्ति नो तिरिक्ख० नो मणुस्साउयं पकरेति देवाउयं पकरेन्ति, जइ देवाउयं पकरेन्ति किं भवणवासि० पुच्छा, गोयमा ! नो भवणवासिदेवाउयं पकरेन्ति नो वाणमंतर० नो जोइसिय० वेमाणियदेवाउयं पकरेन्ति, केवलनाणी जहा अलेस्सा, अन्नाणी जाव विभंगनाणी जहा कण्हपक्खिया, सन्नासु चउव्वि जहा सत्वेस्सा, नोसन्नोवउत्ता जहा मणपजवणाणी, सवेदगा जाव नपुंसगवेदगा जहा सलेस्सा, अवेदगा जहा अलेस्सा, सकसाइं जाव लोभकसाइं जहा सलेस्सा, अकमाइं जहा अलेस्सा, सजोगी जाव कायजोगी जहा सलेस्सा, अजोगी जहा अलेस्सा, सागारोवउत्ता य अणागारोवउत्ता य जहा सलेस्सा ॥ ८२३ ॥ किरियावाइं णं भंते ! नेरइया किं नेरइयाउयं० पुच्छा, गोयमा ! नो नेरइयाउयं पकरे(इ)न्ति नो तिरिक्खजोणियाउयं पकरेति मणुस्साउयं पकरेन्ति नो देवाउयं पकरेन्ति, अकिरियावाइं णं भंते ! नेरइया पुच्छा, गोयमा ! नो नेरइयाउयं पकरे(इ)न्ति तिरिक्खजोणियाउयंपि पकरेन्ति मणुस्साउयंपि पकरेन्ति नो देवाउयं पकरेन्ति, एव्वं अन्नाणियवाइंवि वेणइयवाइंवि । सलेस्सा णं भंते ! नेरइया किरियावाइं किं नेरइयाउयं० एवं सव्वेवि नेरइया जे किरियावाइं ते मणुस्साउयं एगं पकरेन्ति, जे अकिरियावाइं अन्नाणियवाइं वेणइयवाइं ते सव्वहाणेसुविनो नेरइयाउयं पकरेन्ति तिरिक्खजोणियाउयंपि पकरेन्ति मणुस्साउयंपि पकरेन्ति नो देवाउयं पकरेन्ति, नवरं सम्मामिच्छत्ते उवरिद्धेहिं दोहिवि समोसरणेहिं न किंन्चि पकरेन्ति जहेव जीवपए, एवं जाव थणियकुमारा जहेव नेरइया । अकिरियावाइं णं भंते । पुढविकाइया पुच्छा, गोयमा । नो नेरइयाउयं पकरे(इ)न्ति तिरिक्खजोणियाउयं पकरेन्ति मणुस्साउयं पकरेन्ति नो देवाउयं पकरेन्ति, एवं अन्नाणियवाइंवि । सलेस्सा णं भंते ! एवं जं जं पइं अत्थि पुढविकाइयाणं तहिं २ मज्झिमेसु दोसु समोसरणेसु एवं चव दुविहं आउयं पकरेन्ति नवरं तेउलेस्साए न किंपि पकरेन्ति,

एवं आउक्काइयाणवि, एवं षणस्सइकाइयाणवि, तेउकाइया वाउकाइया सव्वट्ठाणेषु
 अज्झिमेसु दोसु समोसरणेसु नो नेरइयाउयं पकरे(इ)न्ति तिरिक्खजोणियाउयं पकरेन्ति
 नो मणुस्साउयं पकरेति नो देवाउयं पकरेन्ति, बेइंदियतेइंदियचउरिंदियाणं जहा
 पुढविक्काइयाणं नवरं सम्मतनाणेसु न एकंपि आउयं पकरेन्ति ॥ किरियावाइं णं भंते !
 पंचिंदियतिरिक्खजोणिया किं नेरइयाउयं पकरेन्ति० पुच्छा, गोयमा ! जहा मणपज्ज-
 वनाणी, अकिरियावाइं अन्नाणियवाइं वेणइयवाइं य चउच्चिहंपि पकरेन्ति, जहा
 ओहिया तहा सलेस्सावि । कण्हलेस्सा णं भंते ! किरियावाइं पंचिंदियतिरिक्खजो-
 णिया किं नेरइयाउयं० पुच्छा, गोयमा । नो नेरइयाउयं पकरेन्ति णो तिरिक्ख० नो
 मणुस्साउयं पकरेति नो देवाउयं पकरेन्ति, अकिरियावाइं अन्नाणियवाइं वेणइयवाइं
 चउच्चिहंपि पकरेन्ति, जहा कण्हलेस्सा एवं नीललेस्सावि काउलेस्सावि, तेउलेस्सा
 जहा सलेस्सा, नवरं अकिरियावाइं अन्नाणियवाइं वेणइयवाइं य णो नेरइयाउयं
 पकरेन्ति तिरिक्खजोणियाउयंपि पकरेन्ति मणुस्साउयंपि पकरेन्ति देवाउयंपि पक-
 रेति, एवं पण्हलेस्सावि, एवं सुक्कलेस्सावि भाणियव्वा, कण्हपक्खिया तिहिं समोस-
 रणेहिं चउच्चिहंपि आउयं पकरेन्ति, सुक्कपक्खिया जहा सलेस्सा, सम्महिट्ठी जहा
 मणपज्जवनाणी तहेव वेमाणियाउयं पकरेन्ति, मिच्छादिट्ठी जहा कण्हपक्खिया,
 सम्मामिच्छादिट्ठी ण य एकंपि आउयं पकरेन्ति जहेव नेरइया, णाणी जाव ओहि-
 नाणी जहा सम्महिट्ठी, अन्नाणी जाव विभंगनाणी जहा कण्हपक्खिया, सेसा जाव
 अणागारोवउत्ता सव्वे जहा सलेस्सा तहा चेव भाणियव्वा, जहा पंचिंदियतिरिक्ख-
 जोणियाणं वत्तव्वया भाणिया एवं मणुस्साणवि वत्तव्वया भाणियव्वा, नवरं मणप-
 ज्जवनाणी नोसन्नोवउत्ता य जहा सम्महिट्ठी तिरिक्खजोणिया तहेव भाणियव्वा,
 अलेस्सा केवलनाणी अवेदगा अकसाइं अजोगी य एए एकंपि आउयं न पकरेन्ति
 जहा ओहिया जीवा सेसं त चेव, वाणमंनरजोइंसियवेमाणिया जहा असुरकुमारा ॥
 किरियावाइं णं भंते ! जीवा किं भवसिद्धिया अभवसिद्धिया ? गोयमा ! भवसिद्धिया
 नो अभवसिद्धिया । अकिरियावाइं णं भंते ! जीवा किं भवसिद्धिया पुच्छा, गोयमा !
 भवसिद्धियावि अभवसिद्धियावि, एवं अन्नाणियवाइंवि, वेणइयवाइंवि । सलेस्सा णं
 भंते ! जीवा किरियावाइं किं भवसिद्धिया पुच्छा, गोयमा ! भवसिद्धिया नो अभव-
 सिद्धिया । सलेस्सा णं भंते ! जीवा अकिरियावाइं किं भवसिद्धिया पुच्छा, गोयमा !
 भवसिद्धियावि अभवसिद्धियावि, एवं अन्नाणियवाइंवि वेणइयवाइंवि जहा सलेस्सा,
 एवं जाव सुक्कलेस्सा, अलेस्सा णं भंते ! जीवा किरियावाइं किं भवसिद्धिया पुच्छा,
 गोयमा ! भवसिद्धिया नो अभवसिद्धिया, एवं एएणं अभिलावेणं कण्हपक्खिया

सिसुवि समोसरणेषु भयणाए, सुक्ष्मपक्खिया चउसुवि समोसरणेषु भवसिद्धिया नो अभवसिद्धिया, सम्महिट्ठी जहा अलेस्सा, मिच्छादिट्ठी जहा कण्हपक्खिया, सम्मा-
मिच्छादिट्ठी दोसुवि समोसरणेषु जहा अलेस्सा, नाणी जाव केवलनाणी भवसि-
द्धिया नो अभवसिद्धिया, अज्ञाणी जाव विभंगनाणी जहा कण्हपक्खिया, सत्तासु
चउसुवि जहा सलेस्सा, नोसञ्जोवउत्ता जहा सम्महिट्ठी, सवेदगा जाव नपुंसग-
बेदगा जहा सलेस्सा, अवेदगा जहा सम्महिट्ठी, सकसाई जाव लोभकसाई जहा
सलेस्सा, अरुसाई जहा सम्महिट्ठी, सजोगी जाव कायजोगी जहा सलेस्सा,
अजोगी जहा सम्महिट्ठी, सागारोवउत्ता अणागारोवउत्ता जहा सलेस्सा, एवं नेरइ-
यावि भाणियव्वा नवरं नायव्वं ञं अत्थि, एवं असुरकुमारावि जाव धणियकुमारा,
पुढविकाइया सव्वट्ठणेषुवि मज्झिन्नेसु दोसुवि समोसरणेषु भवसिद्धियावि अभव-
सिद्धियावि एवं जाव वणस्सइकाइया, बेइंदियतेइंदियचउरिदिया एवं चेव नवरं
सम्मते ओहिनाणे आभिणिवोहियनाणे सुयनाणे एएणु चेव दोसु मज्झिमेसु समोस-
रणेषु भवसिद्धिया नो अभवसिद्धिया, सेसं तं चेव, पंचिदियतिरिक्खजोणिया जहा
नेरइया नवरं नायव्वं जं अत्थि, मणुस्सा जहा ओहिया जीवा, वाणमंतरजोइसिये-
वेमाणिया जहा असुरकुमारा । सेवं मंते ! २ त्ति ॥ ८२४ ॥ तीसइमस्स
सयस्स पढग्गे उहेसो समत्तो ॥

अणंतरोववन्नगा णं भंते ! नेरइया किं किरियावाई० पुच्छा, गोयमा ! किरि-
यावाईवि जाव वेणइयवाईवि, सलेस्सा णं भंते ! अणंतरोववन्नगा नेरइया किं
किरियावाई० एवं चेव, एवं जहेव पढमुहेसे नेरइयाणं वणव्वया तहेव इहवि भाणि-
यव्वा, नवरं जं जस्स अत्थि अणंतरोववन्नगाणं नेरइयाणं तं तस्स भाणियव्वं,
एवं सव्वजीवाणं जाव वेमाणियाणं, नवरं अणंतरोववन्नगाणं जं जहिं अत्थि तं
तहिं भाणियव्वं । किरियावाई णं भंते ! अणंतरोववन्नगा नेरइया किं नेरइयाउर्बं
पकरेन्ति० पुच्छा, गोयमा ! नो नेरइयाउयं पकरेन्ति नो तिरि० नो मणु० नो देवा-
उयं पकरेन्ति, एवं अकिरियावाईवि अज्ञाणियवाईवि वेणइयवाईवि । सलेस्सा णं
भंते ! किरियावाई अणंतरोववन्नगा नेरइया किं नेरइयाउयं० पुच्छा, गोयमा ! नो
नेरइयाउयं पकरेन्ति जाव नो देवाउयं पकरेन्ति, एवं जाव वेमाणिया, एवं सव्वट्ठणे-
सुवि अणंतरोववन्नगा नेरइया न किंचिवि आउयं पकरेन्ति जाव अणागारोवउत्तसि,
एवं जाव वेमाणिया नवरं जं जस्स अत्थि तं तस्स भाणियव्वं । किरियावाई णं
भंते ! अणंतरोववन्नगा नेरइया किं भवसिद्धिया अभवसिद्धिया ? गोयमा ! भव-
सिद्धिया नो अभवसिद्धिया । अकिरियावाईणं पुच्छा, गोयमा ! भवसिद्धियावि

अभवसिद्धियावि, एवं अजाणियवाइवि वेणइयवाइवि । सलेस्सा णं भंते ! किरिया-
वाइ अणंतरोववन्नगा नेरइया किं भवसिद्धिया अभवसिद्धिया ? गोयमा । भव-
सिद्धिया नो अभवसिद्धिया, एवं एएणं अभिलावेणं जहेव ओहिए उहेसए नेरइयाणं
वत्तव्वया भणिया तहेव इहवि भाणियव्वा जाव अणागारोवउत्तत्ति, एवं जाव
वेमाणियाणं नवरं जं जस्स अत्थि तं तस्स भाणियव्वं, इमं से लक्खणं-जे
किरियावाइ सुक्कपक्खिया सम्मासिच्छादिट्ठिया एए सव्वे भवसिद्धिया नो अभव-
सिद्धिया, सेसा सव्वे भवसिद्धियावि अभवसिद्धियावि । सेवं भंते ! २ त्ति ॥ ८२५ ॥
॥ ३०१२ ॥ परंपरोववन्नगा णं भंते । नेरइया किं किरियावाइ० एवं जहेव ओहियो
उहेसओ तहेव परंपरोववन्नएसुवि नेरइयाइओ तहेव निरवसेसं भाणियव्वं तहेव
त्तियदंडगसगाहिओ । सेवं भंते ! २ त्ति जाव विहरइ ॥ ८२६ ॥ ३०१३ ॥ एवं
एएणं कमेणं जच्चेव बंधिसए उहेसगाणं परिवाडी सच्चेव इहंपि जाव अचरिमो
उहेसओ, नवरं अणंतरा चत्तारिवि एक्कगमगा, परंपरा चत्तारिवि एक्कगमएणं, एवं
चरिमावि, अचरिमावि एवं चेव नवरं अलेस्सो केवली अजोगी न भन्इ, सेसं
तहेव । सेवं भंते ! २ त्ति । एए एक्कारसवि उहेसगा ॥ ८२७ ॥ तीसइमं समो-
सरणसयं समत्तं ॥

रायगिहे जाव एवं वयासी-कइ णं भंते ! खुद्दा(ग) जुम्मा प० ? गोयमा ।
चत्तारि खुद्दा(ग) जुम्मा प०, तं०-कडजुम्मे १, तेओगे २, दावरजुम्मे ३, कलिओगे
४, से केणट्टेणं भंते ! एवं बुच्चइ चत्तारि खुद्दा(ग) जुम्मा प० तं०-कडजुम्मे जाव
कलिओगे ? गोयमा । जे णं रासी चउक्कएणं अवहारेणं अवहीरमाणे चउपज्जवसिए
सेत्तं खुद्दागकडजुम्मे, जे णं रासी चउक्कएणं अवहारेणं अवहीरमाणे तिपज्जवसिए सेत्तं
खुद्दागतेओगे, जे णं रासी चउक्कएणं अवहारेणं अवहीरमाणे दुपज्जवसिए सेत्तं खुद्दाग-
दावरजुम्मे, जे णं रासी चउक्कएणं अवहारेणं अवहीरमाणे एगपज्जवसिए सेत्तं
खुद्दागकलिओगे, से तेणट्टेणं जाव कलिओगे । खुद्दागकडजुम्मेनेरइया णं भंते !
कजो उववज्जंति किं नेरइएहिंतो उववज्जंति तिरिक्ख० पुच्छा, गोयमा । नो नेरइए-
हिंतो उववज्जंति एवं नेरइयाणं उववाओ जहा वकंतीए तहा भाणियव्वो । ते णं
भंते । जीवा एगसमएणं केवइया उववज्जंति ? गोयमा । चत्तारि वा अट्ठ वा बारस
वा सोलस वा संखेजा वा असंखेजा वा उववज्जंति । ते णं भंते ! जीवा कइ
उववज्जंति ? गोयमा । से जहानामए पवए पवमाणे अज्जवसाण० एवं जहा पंच-
वीसइमे सए अट्ठउहेसए नेरइयाणं वत्तव्वया तहेव इहवि भाणियव्वा जाव आय-
प्पओगेणं उववज्जंति नो परप्पओगेणं उववज्जंति । रयणप्पभापुडविखुद्दागकडजुम्मे-

नेरइया णं भंते । कओ उववज्जंति० ? एवं जहा ओहियनेरइयाणं वत्तव्वया सञ्चेव
रयणप्पभाएवि भाणियव्वा जाव नो परप्पओगेणं उववज्जंति, एवं सक्करप्पभाएवि,
एवं जाव अहेसत्तमाए, एवं उववाओ जहा वक्कंतीए, असत्ती खलु पटमं दोच्चं व
सरीसवा तइय पक्खी । गाहाए उववाएयव्वा, सेस तहेव । खुट्ठागतेओग-
नेरइया णं भंते । कओ उववज्जंति किं नेरइएहिंती० ? उववाओ जहा वक्कंतीए,
ते णं भंते । जीवा एगसमएणं केवइया उववज्जंति ? गोयमा ! तिजि वा सत्त
वा एक्कारस वा पन्नरस वा संखेज्जा वा असंखेज्जा वा उववज्जंति, सेसं जहा
कडजुम्मस्स, एवं जाव अहेसत्तमाए । खुट्ठागदावरजुम्मनेरइया णं भंते । कओ
उववज्जंति० ? एवं जहेव खुट्ठागकडजुम्मे नवरं परिमाणं दो वा छ वा दस वा चउइस
वा संखेज्जा वा असंखेज्जा वा सेसं तं चेव, एवं जाव अहेसत्तमाए । खुट्ठागकल्लिओग-
नेरइया णं भंते । कओ उववज्जंति० ? एवं जहेव खुट्ठागकडजुम्मे नवरं परिमाणं
एक्को वा पंच वा नव वा तेरस वा संखेज्जा वा असंखेज्जा वा उववज्जंति, सेसं तं
चेव, एवं जाव अहेसत्तमाए । सेवं भंते । २ त्ति जाव विहरइ ॥ ८२८ ॥ ३१११ ॥
कण्हलेस्सखुट्ठागकडजुम्मनेरइया णं भंते । कओ उववज्जंति० ? एवं चेव जहा ओहि-
यगमो जाव नो परप्पओगेणं उववज्जंति, नवरं उववाओ जहा वक्कंतीए, धूमप्पभा-
पुडविनेरइया णं सेसं तहेव, धूमप्पभापुडविकण्हलेस्सखुट्ठागकडजुम्मनेरइया णं
भंते । कओ उववज्जंति० ? एवं चेव निरवसेसं, एवं तमाएवि एवं अहेसत्तमाएवि,
नवरं उववाओ सव्वत्थ जहा वक्कंतीए । कण्हलेस्सखुट्ठागतेओगनेरइया णं भंते । कओ
उववज्जंति० ? एवं चेव नवरं तिजि वा सत्त वा एक्कारस वा पन्नरस वा संखेज्जा वा
असंखेज्जा वा सेसं तहेव एवं जाव अहेसत्तमाएवि । कण्हलेस्सखुट्ठागदावरजुम्म-
नेरइया णं भंते । कओ उववज्जंति० ? एवं चेव नवरं दो वा छ वा दस वा चउइस
वा सेसं तं चेव, एवं धूमप्पभाएवि जाव अहेसत्तमाएवि । कण्हलेस्सखुट्ठागकल्लिओग-
नेरइया णं भंते । कओ उववज्जंति० ? एवं चेव नवरं एक्को वा पंच वा नव वा तेरस
वा संखेज्जा वा असंखेज्जा वा सेसं तं चेव, एवं धूमप्पभाएवि तमाएवि अहेसत्त-
माएवि । सेवं भंते । २ त्ति ॥ ८२९ ॥ ३११२ ॥ नीललेस्सखुट्ठागकडजुम्मनेरइया
णं भंते । कओ उववज्जंति० एवं जहेव कण्हलेस्सखुट्ठागकडजुम्मा नवरं उववाओ
जो बाल्लयप्पभाए सेसं तं चेव, बाल्लयप्पभापुडविनीललेस्सखुट्ठागकडजुम्मनेरइया
एवं चेव, एवं पंकप्पभाएवि, एवं धूमप्पभाएवि, एवं चउसुवि जुम्मेसु नवरं परिमाणं
जाणियव्वं, परिमाणं जहा कण्हलेस्सउहेसए । सेसं तहेव । सेवं भंते । सेवं भंते ! त्ति
॥ ८३० ॥ ३११३ ॥ काउलेस्सखुट्ठागकडजुम्मनेरइया णं भंते । कओ उववज्जंति० ?

एवं जहेव कण्डलेस्सखुङ्गागकडजुम्मनेरइया नवरं उववाओ जो रयणप्पमाए सेसं
 त्तेह । रयणप्पभापुढविकाउलेस्सखुङ्गागकडजुम्मनेरइया णं भंते । कओ उवव-
 ज्जंति० ? एवं चेव, एवं सक्करप्पमाएवि, एवं बालुयप्पमाएवि, एवं चउसुवि जुम्मेसु,
 नवरं परिमाणं जाणियव्वं, परिमाणं जहा कण्डलेस्सउद्देसए सेसं तं चेव, सेवं भंते ।
 २ ति ॥ ८३१ ॥ ३१।४ ॥ भवसिद्धियखुङ्गागकडजुम्मनेरइया णं भंते । कओ उवव-
 ज्जंति किं नेरइए० ? एवं जहेव ओहिओ गमओ तहेव निरवसेसं जाव नो परप्प-
 ओगेणं उववज्जंति । रयणप्पभापुढविभवसिद्धियखुङ्गागकडजुम्मनेरइया णं भंते । एवं
 चेव निरवसेसं, एवं जाव अहेसत्तमाए, एवं भवसिद्धियखुङ्गागतेओगनेरइयावि एवं
 जाव कलिओगत्ति, नवरं परिमाणं जाणियव्वं, परिमाणं पुव्वभणियं जहा पढमुद्देसए ।
 सेवं भंते । २ ति ॥ ८३२ ॥ ३१।५ ॥ कण्डलेस्सभवसिद्धियखुङ्गागकडजुम्म-
 नेरइया णं भंते । कओ उववज्जंति० ? एवं जहेव ओहिओ कण्डलेस्सउद्देसओ
 तहेव निरवसेसं चउसुवि जुम्मेसु भाणियव्वो जाव अहेसत्तमपुढविकण्डलेस्स-
 भवसिद्धियखुङ्गागकलिओगनेरइया णं भंते ! कओ उववज्जंति० ? तहेव । सेवं भंते । २
 ति ॥ ८३३ ॥ ३१।६ ॥ नीललेस्सभवसिद्धिया चउसुवि जुम्मेसु तहेव भाणियव्वा
 जहा ओहिए नीललेस्सउद्देसए । सेवं भंते ! सेवं भंते ! ति जाव विहरइ
 ॥ ८३४ ॥ ३१।७ ॥ काउलेस्सभवसिद्धिया चउसुवि जुम्मेसु तहेव उववाएयव्वा
 जहेव ओहिए काउलेस्सउद्देसए । सेवं भंते ! २ ति जाव विहरइ ॥ ८३५ ॥
 ॥ ३१।८ ॥ जहा भवसिद्धिएहिं चत्तारि उद्देसगा भणिया एवं अभवसिद्धिएहिवि
 चत्तारि उद्देसगा भाणियव्वा जाव काउलेस्साउद्देसओति । सेवं भंते । २ ति ॥ ८३६ ॥
 ॥ ३१।९ ॥ एवं सम्महिट्ठीहिवि लेस्सासंजुत्तेहिं चत्तारि उद्देसगा कायव्वा, नवरं
 सम्महिट्ठी पढमविइएसु दोसुवि उद्देसएसु अहेसत्तमापुढवीए न उववाएयव्वो,
 सेसं तं चेव । सेवं भंते ! सेवं भंते ! ति ॥ ८३७ ॥ ३१।९ ॥ सिच्छादिट्ठीहिवि
 चत्तारि उद्देसगा कायव्वा जहा भवसिद्धियाणं । सेवं भंते ! २ ति ॥ ८३८ ॥
 ॥ ३१।२० ॥ एवं कण्डपक्खिएहिवि लेस्सासंजुत्तेहिं चत्तारि उद्देसगा कायव्वा
 जहेव भवसिद्धिएहिं । सेवं भंते ! सेवं भंते ! ति ॥ ८३९ ॥ ३१।२४ ॥ सुक्कप-
 क्खिएहिं एवं चेव चत्तारि उद्देसगा भाणियव्वा जाव बालुयप्पभापुढविकाउलेस्स-
 सुक्कपक्खियखुङ्गागकलिओगनेरइया णं भंते । कओ उववज्जंति० ? तहेव जाव नो
 परप्पओगेणं उववज्जंति । सेवं भंते ! २ ति ॥ ८४० ॥ ३१ ॥ २८ ॥ सव्वेवि
 एए अट्ठावीसं उद्देसगा ॥ पक्कतीसइमं उववायसयं समत्तं ॥

खुङ्गागकडजुम्मनेरइया णं भंते ! अणंतरे उव्वट्ठिता कहिं गच्छंति कहिं उवव-

जति किं नेरइएसु उववज्जंति तिरिक्खजोणिएसु उववज्जंति० उव्वट्ठणा जहा वक्कं-
तीए । ते णं भंते ! जीवा एगममएणं केवइया उव्वट्ठंति ? गोयमा ! चत्तारि वा
अट्ट वा बारम वा सोलस वा संखैज्जा वा असंखैज्जा वा उव्वट्ठंति, ते णं भंते !
जीवा कहं उव्वट्ठंति ? गोयमा ! से जहानामए पवए एवं तहेव, एवं सो चैव
गमओ जाव आयप्पओगेण उव्वट्ठंति नो परप्पओगेणं उव्वट्ठंति, रयणप्पभापुडवि-
(नेरइए) खुट्ठागकडजुम्म० एव रयणप्पभाएवि एवं जाव अहेसत्तमाएवि, एवं खुट्ठाग-
तेओगखुट्ठागदावरजुम्मखुट्ठागकळिओगा नवरं परिमाणं जाणियव्वं, सेसं तं चैव ।
सेवं भंते ! २ ति ॥ ८४१ ॥ ३२।१ ॥ कण्हलेस्तकडजुम्मनेरइया एव एएणं कमेगं
जहेव उववायसए अट्ठावीसं उहेसगा भणिया तहेव उव्वट्ठणासएवि अट्ठावीस उहेसगा
भाणियव्वा निरवसेमा नवरं उव्वट्ठंति ति अभिळाओ भाणियव्वो, सेसं तं चैव ।
सेवं भंते ! २ ति जाव विहरइ ॥ ८४२ ॥ **बत्तीसइमं उव्वट्ठणासयं समत्तं ॥**

कडविहा णं भंते ! एगिदिया प० ? गोयमा ! पंचविहा एगिदिया प०, तं०-
पुडविकाइया जाव वगस्सइकाइया, पुडविकाइया णं भंते ! कडविहा प० ? गोयमा !
दुविहा प०, तं०-सुहुमपुडविकाइया य बायरपुडविकाइया य, सुहुमपुडविकाइया णं
भंते ! कडविहा प० ! गोयमा ! दुविहा प०, तंजहा-पज्जत्तसुहुमपुडविकाइया
य अपज्जत्तसुहुमपुडविकाइया य, बायरपुडविकाइया णं भंते ! कडविहा प० ?
गोयमा ! एवं चैव, एवं आउक्काइयावि नउक्कएणं भेट्ठेणं भाणियव्वा एवं जाव
वगस्सइकाइया(णं) । अपज्जत्तसुहुमपुडविकाइयाणं भंते ! कड कम्मप्पगडीओ प० ?
गोयमा ! अट्ट कम्मप्पगडीओ प०, तं०-नाणावरणिज्जं जाव अंतराइयं, पज्जत्त-
सुहुमपुडविकाइयाणं भंते ! कड कम्मप्पगडीओ प० ? गोयमा ! अट्ट कम्मप्पगडीओ
प०, तंजहा-नाणावरणिज्जं जाव अंतराइयं । अपज्जत्तबायरपुडविकाइयाणं भंते !
कड कम्मप्पगडीओ प० ? गोयमा ! एवं चैव ८, पज्जत्तबायरपुडविकाइयाणं भंते !
कड कम्मप्पगडीओ प० ? एवं चैव ८, एवं एएणं कमेगं जाव बायरवगस्सइकाइयाणं
पज्जत्तगाणंति । अपज्जत्तसुहुमपुडविकाइया णं भंते ! कड कम्मप्पगडीओ बंधंति ?
गोयमा ! सनविहंबंधगावि अट्टविहंबंधगावि सत्त बंधमागा आउयवज्जाओ सत्त
कम्मप्पगडीओ बंधंति अट्ट बंधमाणा पडिपुत्ताओ अट्ट कम्मप्पगडीओ बंधंति,
पज्जत्तसुहुमपुडविकाइया णं भंते ! कड कम्मप्पगडीओ बंधंति ? एवं चैव, एवं सव्वे
जाव पज्जत्तबायरवगस्सइकाइया णं भंते ! कड कम्मप्पगडीओ बंधंति ? एवं चैव ।
अपज्जत्तसुहुमपुडविकाइया णं भंते ! कड कम्मप्पगडीओ वेदैति ? गोयमा ! चउइस
कम्मप्पगडीओ वेदैति, तं०-नाणावरणिज्जं जाव अंतराइयं, सोइदियवज्जं चक्खि-

दियवज्जं घाणिदियवज्जं जिब्भिदियवज्जं इत्थिवेयवज्जं पुरिसवेयवज्जं, एवं चउक्कएणं भेदेणं जाव पज्जत्ताबायरवणस्सइकाइया णं भंते । कइ कम्मप्पगडीओ वेदंति ? गोयमा ! एवं चेव चउह्म कम्मप्पगडीओ वेदंति । सेवं भंते ! २ त्ति ॥ ८४३ ॥ ३३-१-१ ॥ कइविहा णं भंते ! अणंतरोववन्नगा एगिदिया प० ? गोयमा ! पंचविहा अणंतरोववन्नगा एगिदिया प०, तं०-पुढविकाइया जाव वणस्सइकाइया, अणंतरोववन्नगा णं भंते ! पुढविकाइया कइविहा प० ? गोयमा ! दुविहा पज्जत्ता, तंजहा-सुहुमपुढविकाइया य बायरपुढविकाइया य, एवं दुपएणं भेदेणं जाव वणस्सइकाइया । अणंतरोववन्नगसुहुमपुढविकाइयाणं भंते ! कइ कम्मप्पगडीओ प० ? गोयमा ! अट्ट कम्मप्पगडीओ प०, तं०-नाणावरणिज्जं जाव अंतराइयं, अणंतरोववन्नगबायरपुढविकाइयाणं भंते ! कइ कम्मप्पगडीओ प० ? गोयमा ! अट्ट कम्मप्पगडीओ प०, तं०-नाणावरणिज्जं जाव अंतराइयं, एव(चेव) जाव अणंतरोववन्नगबायरवणस्सइकाइयाणंति, अणंतरोववन्नगसुहुमपुढविकाइया णं भंते ! कइ कम्मप्पगडीओ वधंति ? गोयमा ! आउयवज्जाओ सत्त कम्मप्पगडीओ वधंति, एवं जाव अणंतरोववन्नगबायरवणस्सइकाइयात्ति । अणंतरोववन्नगसुहुमपुढविकाइया णं भंते ! कइ कम्मप्पगडीओ वेदंति ? गोयमा ! चउह्म कम्मप्पगडीओ वेदंति, तं०-नाणावरणिज्जं तहेव जाव पुरिसवेयवज्जं, एवं जाव अणंतरोववन्नगबायरवणस्सइकाइयात्ति । सेवं भंते ! सेवं भंते ! त्ति ॥ ८४४ ॥ ३३-१-२ ॥ कइविहा णं भंते ! परंपरोववन्नगा एगिदिया प० ? गोयमा ! पंचविहा परंपरोववन्नगा एगिदिया प०, तं०-पुढविकाइया एवं चउक्कओ भेदो जहा ओहि(य)उहेसण । परंपरोववन्नगअपज्जत्तसुहुमपुढविकाइयाणं भंते ! कइ कम्मप्पगडीओ प० ? एवं एएणं अभिल्लावेणं जहा ओहि(य)उदेसए तहेव निरवमेसं भाणयव्वं जाव चउह्म वेदंति । सेवं भंते ! २ त्ति ॥ ८४५ ॥ ३३-१-३ ॥ अणंतरोगोडा जहा अणंतरोववन्नगा ४ ॥ परंपरोगोडा जहा परंपरोववन्नगा ५ ॥ अणंतरोहारगा जहा अणंतरोववन्नगा ६ ॥ परंपरोहारगा जहा परंपरोववन्नगा ७ ॥ अणंतरोपज्जत्तगा जहा अणंतरोववन्नगा ८ ॥ परंपरोपज्जत्तगा जहा परंपरोववन्नगा ९ ॥ चरिमावि जहा परंपरोववन्नगा तहेव १० ॥ एवं अचरिमावि ११ ॥ एवं एए एकारम उहेसगा । सेवं भंते ! २ त्ति जाव विहरइ ॥ ८४६ ॥ पडमं एगिदियसयं समत्तं ॥ १ ॥ कइविहा णं भंते ! कण्हलेस्सा एगिदिया प० ? गोयमा ! पंचविहा कण्हलेस्सा एगिदिया प०, तं०-पुढविकाइया जाव वणस्सइकाइया । कण्हलेस्सा णं भंते ! पुढविकाइया कइविहा प० ? गोयमा ! दुविहा प०, तं०-सुहुमपुढविकाइया य बायरपुढविकाइया य, कण्हलेस्सा णं भंते ! सुहुमपुढविकाइया कइविहा

प० ? गोयमा । एवं एएणं अभिलावेणं चउक्कभेदो जहेव ओहिए उहेसए जाव वण-
 स्सइकाइयत्ति, (अणंतरोववन्नग) कण्हलेस्सअपज्जत्तसुहुमपुडविकाइयाणं भंते । कइ
 कम्मप्पगडीओ प० ? एवं चेव एएणं अभिलावेण जहेव ओहि (ओ अणंतरोववण्णग)
 उहेस(ओ) ए तहेव पन्नताओ तहेव बंधंति तहेव वेदंति । सेवं भंते ! २ ति ॥ कइविहा
 णं भंते । अणंतरोववन्नगा कण्हलेस्सा एगिंदिया पन्नता ? गोयमा ! पंचविहा अणंतरो-
 ववन्नगा कण्हलेस्सा एगिंदिया एवं एएणं अभिलावेणं तहेव दुपआं भेदो जाव
 वणस्सइकाइयत्ति, अणंतरोववन्नगकण्हलेस्ससुहुमपुडविकाइयाणं भंते ! कइ कम्मप्प-
 गडीओ प० ? एवं एएणं अभिलावेणं जहा ओहिओ अणंतरोववन्नगाणं उहेसओ
 तहेव जाव वेदंति । सेवं भंते ! सेवं भंते ! ति ॥ कइविहा णं भंते । परंपरोवव-
 न्नगा कण्हलेस्सा एगिंदिया प० ? गोयमा ! पंचविहा परंपरोववन्नगा कण्हलेस्सा
 एगिंदिया पन्नता, तंजहा-पुडविकाइया एवं एएणं अभिलावेणं तहेव चउक्कओ
 भेदो जाव वणस्सइकाइयत्ति, परंपरोववन्नगकण्हलेस्सअपज्जत्तसुहुमपुडविकाइयाणं
 भंते ! कइ कम्मप्पगडीओ प० ? एवं एएणं अभिलावेणं जहेव ओहिओ परंपरो-
 ववन्नगउहेसओ तहेव जाव वेदंति, एवं एएणं अभिलावेणं जहेव ओहिएगिंदियसए
 एकारम उहेसगा भणिया तहेव कण्हलेस्समाएवि भाणियव्वा जाव अचरिमचरिम-
 कण्हलेस्सा एगिंदिया ॥ ८४७ ॥ विदयं एगिंदियसयं समत्तं ॥ २ ॥ जहा कण्हले-
 स्संति भणियं एवं नील्लेस्सेहिवि मयं भाणियव्वं । सेवं भंते ! २ ति ॥ तइयं एगिं-
 दियसयं समत्तं ॥ ३ ॥ एवं काउलेस्सेहिवि सयं भाणियव्वं नवरं काउलेस्सेत्ति
 अभिलावो भाणियव्वो ॥ चउत्थं एगिंदियसयं समत्तं ॥ ४ ॥ कइविहा णं भंते ।
 भवत्तिद्धिया एगिंदिया प० ? गोयमा ! पंचविहा भवत्तिद्धिया एगिंदिया प०, तं०-
 पुडविकाइया जाव वणस्सइकाइया भेदो चउक्कओ जाव वणस्सइकाइयत्ति ।
 भवत्तिद्धियअपज्जत्तसुहुमपुडविकाइयाणं भंते । कइ कम्मप्पगडीओ प० ? एवं एएणं
 अभिलावेणं जहेव पढमिद्धं एगिंदियसयं तहेव भवत्तिद्धियसयंपि भाणियव्वं,
 उहेसगपरिवाडी तहेव जाव अचरिमोत्ति । सेवं भंते । २ ति ॥ पंचमं एगिंदियसयं
 समत्तं ॥ ५ ॥ कइविहा णं भंते ! कण्हलेस्सा भवत्तिद्धिया एगिंदिया प० ? गोयमा !
 पंचविहा कण्हलेस्सा भवत्तिद्धिया एगिंदिया प०, तं०-पुडविकाइया जाव वणस्सइ-
 काइया, कण्हलेस्सभवत्तिद्धियपुडविकाइया णं भंते । कइविहा प० ? गोयमा !
 दुविहा प०, तं०-सुहुमपुडविकाइया य बायरपुडविकाइया य, कण्हलेस्सभवत्तिद्धिय-
 सुहुमपुडविकाइया णं भंते ! कइविहा प० ? गोयमा ! दुविहा प०, तंजहा-पज्जत्तगा
 य अपज्जत्तगा य, एवं बायरास्सि, एवं एएणं अभिलावेणं तहेव चउक्कओ भेदो भाणि-

यवो, कण्हेस्सभवसिद्धियअपज्जत्तसुहुमपुडविकाइयाणं भंते ! कइ कम्मप्पगडीओ प० ? एवं एएणं अभिलावेणं जहेव ओहिउहेसए तहेव जाव वेदेंति । कइविहा णं भंते । अणंतरोववन्नगा कण्हेस्सा भवसिद्धिया एगिदिया प० ? गोयमा ! पंचविहा अणंतरोववन्नगा जाव वणस्सइकाइया, अणंतरोववन्नगकण्हेस्सभवसिद्धियपुडविकाइया णं भंते ! कइविहा प० ? गोयमा ! दुविहा प०, तं०—सुहुमपुडविकाइया (य वायरपुडविकाइया य) एवं दुपओ भेदो । अणंतरोववन्नगकण्हेस्सभवसिद्धियसुहुमपुडविकाइयाणं भते ! कइ कम्मपगडीओ प० ? एवं एएणं अभिलावेणं जहेव ओहिओ अणंतरोववन्नगउहेमओ तहेव जाव वेदेंति, एवं एएणं अभिलावेणं एकारसवि उहेसगा तहेव भाणियव्वा जहा ओहियमए जाव अचरिमोत्ति ॥ छट्ठं एगिदियमयं समत्तं ॥ ६ ॥ जहा कण्हेस्सभवसिद्धिएहिं सयं भणियं एवं नीललेस्सभवसिद्धिएहिवि सयं भाणियव्वं ॥ सत्तमं एगिदियमयं समत्तं ॥ ७ ॥ एवं काउलेस्सभवसिद्धिएहिवि सय ॥ अट्ठम एगिदियमयं समत्तं ॥ ८ ॥ कइविहा णं भते ! अभवसिद्धिया एगिदिया प० ? गोयमा ! पंचविहा अभवसिद्धिया एगिदिया प०, तं०—पुडविकाइया जाव वणस्सइकाइया एव जहेव भवसिद्धियमयं भणियं नवरं नव उहेमगा चारिमअचरिमउहेमगवज्जा सेमं तहेव ॥ नवमं एगिदियमयं समत्तं ॥ ९ ॥ एवं कण्हेस्सभवसिद्धियएगिदियसयंपि ॥ दसमं एगिदियसयं समत्तं ॥ १० ॥ नीललेस्सअभवसिद्धियएगिदिएहिवि सयं ॥ ११ ॥ काउलेस्सअभवसिद्धियमयं, एवं चत्तारवि अभवसिद्धियसयाणि णव २ उहेमगा भवंति, एवं एयाणि वारम एगिदियमयाणि भवंति ॥ ८८८ ॥ **तेत्तीमइमं सयं समत्तं ॥**

कइविहा णं भंते ! एगिदिया प० ? गोयमा ! पंचविहा एगिदिया प०, तं०—पुडविकाइया जाव वणस्सइकाइया, एवं एएणं चं व चउक्कएणं भेदं भाणियव्वा जाव वणस्सइकाइया, अपज्जत्तसुहुमपुडविकाइए णं भंते ! इमीसे रयणप्पभाए पुडवीए पुरच्छिमिहे चरिमंते समोहए समोहउत्ता जे भविए इमीसे रयणप्पभाए पुडवीए पच्छिमिहे चरिमंते अपज्जत्तसुहुमपुडविकाइयाणाए उववज्जितए मे णं भंते ! कइममइएणं विगगहेणं उववज्जेजा ? गोयमा ! एगममइएण वा दुसममइएण वा तिसममइएण वा विगगहेणं उववज्जेजा, से केणट्टेणं भंते ! एवं वुच्चइ एगममइएण वा दुसममइएण वा जाव उववज्जेजा ? एवं खलु गोयमा ! मए सत्त सेढीओ प०, तं०—उज्जुआयया सेढी एगओवंका दुहओवंका एगओखहा दुहओखहा चक्कवाला अद्धचक्कवाला ७, उज्जुआययाए सेढीए उववज्जमाणे एगसमइएणं विगगहेणं उववज्जेजा, एगओवंकाए सेढीए उववज्जमाणे दुसममइएणं विगगहेणं उववज्जेजा, दुहओवंकाए

सेढीए उववज्जमाणे तिसमइएणं विग्गहेणं उववज्जेज्जा, से तेणट्ठेणं गोयमा । जाव उववज्जेज्जा । अपज्जत्तसुहुमपुडविकाइए ण भंते । इमीसे रयणप्पभाए पुडवीए पुरच्छिमिल्ले चरिमंते समोहए २ ता जे भविए इमीसे रयणप्पभाए पुडवीए पच्चच्छिमिल्ले चरिमंते पज्जत्तसुहुमपुडविकाइयत्ताए उववज्जितए से णं भंते । कइसमइएणं विग्गहेणं उववज्जेज्जा ? गोयमा । एगसमइएण वा दुससमइएण वा सेसं तं चेव जाव से तेणट्ठेण जाव विग्गहेणं उववज्जेज्जा, एवं अपज्जत्तसुहुमपुडविकाइओ पुर(त्थि)च्छिमिल्ले चरिमंते समोहणावेत्ता पच्चच्छिमिल्ले चरिमंते बायरपुडविकाइएसु अपज्जत्तएसु उववाएयव्वो, ताहे तेसु चेव पज्जत्तएसु ४, एवं आउक्काइएसुवि चत्तारि आत्तावगा मुहुभेहिं अपज्जत्तएहिं ताहे पज्जत्तएहिं बायरेहिं अपज्जत्तएहिं ताहे पज्जत्तएहिं उववाएयव्वो ४, एवं चेव सुहुमतेउक्काइएहिंवि अपज्जत्तएहिं १ ताहे पज्जत्तएहिं उववाएयव्वो २, अपज्जत्तसुहुमपुडविकाइए णं भंते । इमीसे रयणप्पभाए पुडवीए पुरच्छिमिल्ले चरिमंते समोहए समोहत्ता जे भविए मणुस्सखेत्ते अपज्जत्तबायरतेउक्काइयत्ताए उववज्जितए से णं भंते । कइसमइएणं विग्गहेणं उववज्जेज्जा ? सेसं तं चेव, एवं पज्जत्तबायरतेउक्काइयत्ताए उववाएयव्वो ४, वाउक्काइए(सु) सुहुमबायरेसु जहा आउक्काइएसु उववाउओ तथा उववाएयव्वो ४, एवं वणस्सइक्काइएसुवि २०, पज्जत्तसुहुमपुडविकाइए णं भंते । इमीसे रयणप्पभाए पुडवीए एवं पज्जत्तसुहुमपुडविकाइओवि पुरच्छिमिल्ले चरिमंते समोहणावेत्ता एएणं चेव कमेणं एएसु चेव वी(साए)ससु ठाणेसु उववाएयव्वो जाव बायरवणस्सइक्काइएसु पज्जत्तएसुवि ४०, एवं अपज्जत्तबायरपुडविकाइओवि ६०, एवं पज्जत्तबायरपुडविकाइओवि ८०, एवं आउक्काइओवि चउसुवि गमएसु पुरच्छिमिल्ले चरिमंते समोहए एयाए चेव वत्तव्वयाए एएसु चेव वीसइठाणेसु उववाएयव्वो १६०, सुहुमतेउक्काइओवि अपज्जत्तओ पज्जत्तओ य एएसु चेव वीससु ठाणेसु उववाएयव्वो, अपज्जत्तबायरतेउक्काइए णं भंते । मणुस्सखेत्ते समोहए २ ता जे भविए इमीसे रयणप्पभाए पुडवीए पच्चच्छिमिल्ले चरिमंते अपज्जत्तसुहुमपुडविकाइयत्ताए उववज्जितए से णं भंते । कइसमइएणं विग्गहेणं उववज्जेज्जा सेसं तहेव जाव से तेणट्ठेणं० एवं पुडविकाइएसु चउव्विहेसुवि उववाएयव्वो, एवं आउक्काइएसु चउव्विहेसुवि, तेउक्काइएसु सुहुमेसु अपज्जत्तएसु पज्जत्तएसु य एवं चेव उववाएयव्वो, अपज्जत्तबायरतेउक्काइए णं भंते । मणुस्सखेत्ते समोहए २ ता जे भविए मणुस्सखेत्ते अपज्जत्तबायरतेउक्काइयत्ताए उववज्जितए से णं भंते । कइसमइएणं० सेसं तं चेव, एवं पज्जत्तबायरतेउक्काइयत्ताएवि उववाएयव्वो, वाउक्काइयत्ताए य वणस्सइक्काइयत्ताए य जहा पुडविकाइएसु तहेव चउक्काएणं भेदेणं

उववाएयव्वो, एवं पज्जत्तवायरतेउकाइओवि समयखेत्ते समोहणावेत्ता एएसु चेव वीसाए ठाणेषु उववाएयव्वो जहेव अपज्जत्तओ उववाइओ, एवं सव्वत्थवि वायर-
 तेउकाइया अपज्जत्तगा य पज्जत्तगा य समयखेत्ते उववाएयव्वो समोहणावेयव्वोवावि
 २४०, वाउक्काइया वणस्सडकाइया य जहा पुडविकाइया तहेव चउक्कएणं भेदेणं
 उववाएयव्वो जाव पज्जत्ता ४०० ॥ वायरवणस्सडकाइए णं भंते ! इमीसे रयण-
 प्पभाए पुडवीए पुरच्छिमिह्ले चरिमंते समोहए समोहएत्ता जे भविए इमीसे रय-
 णप्पभाए पुडवीए पञ्चच्छिमिह्ले चरिमंते पज्जत्तवायरवणस्सडकाइयत्ताए उववज्जित्तए
 से णं भंते ! कडमइएणं० सेसं तहेव जाव से तेणट्टेणं०, अपज्जत्तसुहुमपुडविका-
 इए णं भंते ! इमीसे रयणप्पभाए पुडवीए पञ्चच्छिमिह्ले चरिमंते समोहए २ ता
 जे भविए इमीसे रयणप्पभाए पुडवीए पुरच्छिमिह्ले चरिमंते अपज्जत्तसुहुमपुडविकाइ-
 यत्ताए उववज्जित्तए से णं भंते ! कडमइएणं० सेसं तहेव निरवसेसं, एवं जहेव
 पुरच्छिमिह्ले चरिमंते सव्वपणंसुवि समोहया पञ्चच्छिमिह्ले चरिमंते समयखेत्ते य
 उववाइया जे य समयखेत्ते समोहया पञ्चच्छिमिह्ले चरिमंते समयखेत्ते य उववाइया
 एव एएण चेव कमेणं पञ्चच्छिमिह्ले चरिमंते समयखेत्ते य समोहया पुरच्छिमिह्ले
 चरिमंते समयखेत्ते य उववाएयव्वो तेणेव गमएणं, एवं एएणं गमएणं दाहिणिह्ले
 चरिमंते (समयखेत्ते य) समोहयाणं उत्तरिह्ले चरिमंते समयखेत्ते य उववाओ एव चेव
 उत्तरिह्ले चरिमंते समयखेत्ते य समोहया दाहिणिह्ले चरिमंते समयखेत्ते य उववाएयव्वो
 तेणेव गमएणं, अपज्जत्तसुहुमपुडविकाइए णं भंते ! मक्कएणं पुडवीए पुरच्छि-
 मिह्ले चरिमंते समोहए २ ता जे भविए मक्कएणं पुडवीए पञ्चच्छिमिह्ले
 चरिमंते अपज्जत्तसुहुमपुडविकाइयत्ताए उववज्जित्तए एवं जहेव रयणप्पभाए जाव से
 तेणट्टेणं० एवं एएणं कमेणं जाव पज्जत्तएसु सुहुमतेउकाइएणं, अपज्जत्तसुहुमपुडवि-
 काइए णं भंते ! मक्कएणं पुडवीए पुरच्छिमिह्ले चरिमंते समोहए समोहइत्ता जे
 भावए समयखेत्ते अपज्जत्तवायरतेउकाइयत्ताए उववज्जित्तए से णं भंते ! कडम-
 इएणं पुच्छा, गोयमा ! दुममएणं वा तिसमइएणं वा विग्गहेणं उववज्जिजा, से केण-
 ट्टेणं भंते ! पुच्छा, एवं खलु गोयमा ! मए सत्त सेडीओ प०, तं०-उज्जआयया जाव
 अद्धचक्कावा, एगओवंकाए सेडीए उववज्जमाणे दुममएणं विग्गहेणं उववज्जिजा
 दुहओवंकाए मेडीए उववज्जमाणे तिसमइएणं विग्गहेणं उववज्जिजा से तेणट्टेणं०,
 एवं पज्जत्तएसु वायरतेउकाइएणं, सेसं जहा रयणप्पभाए, जेडवि वायरतेउकाइया
 अपज्जत्तगा य पज्जत्तगा य समयखेत्ते समोहणिता दोच्चाए पुडवीए पञ्चच्छिमिह्ले
 चरिमंते पुडविकाइएणं चउव्विहेसु भाउक्काइएणं चउव्विहेसु तेउकाइएणं दुविहेसु

वाउकाइएसु चउव्विहेसु वणस्सइकाइएसु चउव्विहेसु उव्वज्जंति तेऽवि एवं चेव
दुसमइएण वा तिसमइएण वा विग्गहेण उववाएयव्वा, बायरतेउक्काइया अपज्जत्तया
य पज्जत्तया य जाहे तेसु चेव उव्वज्जंति ताहे जहेव रयणप्पभाए तहेव एगसमइय-
दुसमइयतिसमइयविग्गहा भाणियव्वा सेसं जहा रयणप्पभाए तहेव निरवसेसं, जहा
सकरप्पभाए वत्तव्वया भणिया एवं जाव अहेसत्तमाए भाणियव्वा ॥ ८४९ ॥
अपज्जत्तमुहुमपुडविकाइए णं भन्ते । अहोलोयखेत्तनालीए बाहिरिस्से खेत्ते समोहए २
त्ता जे भविए उक्कूलोयखेत्तनालीए बाहिरिस्से खेत्ते अपज्जत्तसुहुमपुडविकाइयत्ताए
उव्वज्जितए से णं भन्ते । कइसमइएणं विग्गहेण उव्वज्जेज्जा ? गोयमा ! तिसमइएण
वा चउसमइएण वा विग्गहेण उव्वज्जेज्जा, से केणट्टेणं भन्ते ! एवं बुच्चइ तिसमइएण
वा चउसमइएण वा विग्गहेण उव्वज्जेज्जा ? गोयमा ! अपज्जत्तसुहुमपुडविकाइए णं
अहोलोयखेत्तनालीए बाहिरिस्से खेत्ते समोहए २ त्ता जे भविए उक्कूलोयखेत्तनालीए
बाहिरिस्से खेत्ते अपज्जत्तमुहुमपुडविकाइयत्ताए एगपयंनि अणुमेठीए उव्वज्जितए
से ण तिसमइएणं विग्गहेणं उव्वज्जेज्जा जे भविए विसेठीए उव्वज्जितए से णं
चउसमइएणं विग्गहेणं उव्वज्जेज्जा, से तेणट्टेणं जाव उव्वज्जेज्जा, एवं पज्जत्तमुहुम-
पुडविकाइयत्ताएवि, एवं जाव पज्जत्तमुहुमनेउकाइयत्ताए, अपज्जत्तमुहुमपुडविकाइए
णं भन्ते ! अहोलोय जाव समोहणित्ता जे भविए समयखेत्ते अपज्जत्तबायरतेउकाइय-
त्ताए उव्वज्जितए से णं भन्ते । कइसमइएणं विग्गहेणं उव्वज्जेज्जा ? गोयमा !
दुसमइएण वा तिसमइएण वा विग्गहेणं उव्वज्जेज्जा, से केणट्टेणं ? एवं रत्त
गोयमा ! मए मत्त सेडीओ ५०, तं०-उज्जुआयया जाव अद्वचक्कवाला, एगओवं-
काए सेडीए उव्वज्जमाणे दुसमइएणं विग्गहेणं उव्वज्जेज्जा दुहुओवंकाए सेडीए
उव्वज्जमाणे तिसमइएणं विग्गहेणं उव्वज्जेज्जा से तेणट्टेणं०, एवं पज्जत्तएसुवि
बायरतेउकाइएसुवि उववाएयव्वो, वाउक्काइयवणस्सउकाइयत्ताए चउक्कणं भेहेणं
जहा आउक्काइयत्ताए तहेव उववाएयव्वो २०, एवं जहा अपज्जत्तसुहुमपुडविकाइयस्स
गमओ भणियो एवं पज्जत्तसुहुमपुडविकाइयस्सवि भाणियव्वो तहेव वीमाए ठाणेसु
उववाएयव्वो ४०, अहोलोयखेत्तनालीए बाहिरिस्से खेत्ते समोहए समोहएत्ता एवं
बायरपुडविकाइयस्सवि अपज्जत्तगस्स पज्जत्तगस्स य भाणियव्वं ८०, एवं आउ-
काइयस्स चउव्विहस्सवि भाणियव्वं १६०, सुहुमनेउक्काइयस्स दुविहस्सवि एवं
चेव २००, अपज्जत्तबायरतेउकाइए णं भन्ते ! समयखेत्ते समोहए २ त्ता जे भविए
उक्कूलोयखेत्तनालीए बाहिरिस्से खेत्ते अपज्जत्तसुहुमपुडविकाइयत्ताए उव्वज्जितए से णं
भन्ते ! कइसमइएणं विग्गहेणं उव्वज्जेज्जा ? गोयमा ! दुसमइएण वा तिसमइएण

वा चउसमइएण वा विग्गहेणं उववज्जेजा, से केणट्ठेणं० अट्ठो जहेव रयणप्पभाए तहेव सत्त सेदीओ एवं जाव अपज्जतवायरतेउकाइए णं भंते । समयखेत्ते समोहए २ ता जे भविए उट्ठुलोगखेतनालीए बाहिरिळ्ळे खेत्ते (अ)-पज्जत्तसुहुमतेउकाइयताए उववज्जितए से णं भंते ! सेसं तं चेव, अपज्जतवायरतेउकाइए णं भंते ! समयखेत्ते समोहए २ ता जे भविए समयखेत्ते अपज्जतवायरतेउकाइयताए उववज्जितए से णं भंते ' कइममइएणं विग्गहेणं उववज्जेजा ? गोयमा ! एगसमइएण वा दुसमइएण वा तिसमइएण वा विग्गहेणं उववज्जेजा, से केणट्ठेणं० अट्ठो जहेव रयणप्पभाए तहेव सत्त सेदीओ, एणं पज्जतवायरतेउकाइयताएवि, वाउकाइएए वणस्सइकाइएए सु य जहा पुडविकाइएए उववाइओ तहेव चउक्कएणं भेदेणं उववाएयव्वो, एवं पज्जतवायरतेउकाइओवि एएसु चेव ठाणेसु उववाएयव्वो, वाउकाइयवणस्समइकाइयाणं जहेव पुडविकाइ(ओ)यत्तं उववा(इ)ओ तहेव भाणियव्वो । अपज्जत्तसुहुमपुडविकाइए णं भंते ! उट्ठुलोगखेतनालीए बाहिरिळ्ळे खेत्ते समोहए समोहणित्ता जे भविए अहे-लोगखेतनालीए बाहिरिळ्ळे खेत्ते अपज्जत्तसुहुमपुडविकाइयताए उववज्जितए से णं भंते ! कइममइएणं० ? एवं उट्ठुलोगखेतनालीए बाहिरिळ्ळे खेत्ते समोहयाणं अहेलोग-खेतनालीए बाहिरिळ्ळे खेत्ते उववज्जयाणं सो चेव गमओ निरवसेसो भाणियव्वो जाव वायरवणस्सइकाइओ पज्जत्तओ वायरवणस्सइकाइएसु पज्जत्तएसु उववाइओ । अप-ज्जत्तसुहुमपुडविकाइए णं भंते । लोगस्स पुरच्छिमिळ्ळे चरिमते समोहए २ ता जे भविए लोगस्स पुरच्छिमिळ्ळे चेव चरिमंते अपज्जत्तसुहुमपुडविकाइयताए उववज्जित-त्तए से णं भंते ! कइममइएणं विग्गहेणं उववज्जेजा ? गोयमा ! एगसमइएण वा दुसमइएण वा तिसमइएण वा चउसमइएण वा विग्गहेणं उववज्जेजा, से केणट्ठेणं भंते ' एवं बुच्चइ एगसमइएण वा जाव उववज्जेजा ? एवं खल्ल गोयमा ! मए सत्त सेदीओ प०, तंजहा—उज्जुआयया जाव अद्धचक्काला, उज्जुआययाए सेदीए उववज्जमाणे एगसमइएणं विग्गहेणं उववज्जेजा, एगओवंकाए सेदीए उववज्जमाणे दुसमइएणं विग्गहेणं उववज्जेजा, दुहओवंकाए सेदीए उववज्जमाणे जे भविए एग-पयरनि अणुसेदी(ए) उववज्जितए से णं तिसमइएणं विग्गहेणं उववज्जेजा जे भविए विसे(दीए)अ उववज्जितए से णं चउसमइएणं विग्गहेणं उववज्जेजा, से ते गट्ठेणं जाव उववज्जेजा, एवं अपज्जत्तसुहुमपुडविकाइओ लोगस्स पुरच्छिमिळ्ळे चरिमंते समोहए २ ता लोगस्स पुरच्छिमिळ्ळे चेव चरिमंते अपज्जत्तएसु पज्जत्तएसु य सुहुमपुडविका-इएसु सुहुमआउकाइएसु अपज्जत्तएसु पज्जत्तएसु य सुहुमतेउकाइएसु अपज्जत्तएसु पज्ज-त्तएसु य सुहुमवाउकाइएसु अपज्जत्तएसु पज्जत्तएसु य वायरवाउकाइएसु अपज्जत्तएसु

पञ्जतएसु य सुहुमवणस्सइकाइएसु अपञ्जतएसु पञ्जतएसु य बारससुवि ठाणेषु एएणं
 चेव कमेणं भाणियव्वो, सुहुमपुडविकाइओ (अ)पञ्जतओ एवं चेव निरवसेसो बारस-
 सुवि ठाणेषु उववाएयव्वो २४, एवं एएणं गमएणं जाव सुहुमवणस्सइकाइओ पञ्ज-
 तओ सुहुमवणस्सइकाइएसु पञ्जतएसु चेव भाणियव्वो ॥ अपञ्जतसुहुमपुडविकाइए
 णं भते । लोगस्स पुरच्छिमिळे चरिमते समोहए २ ता जे भविए लोगस्स दाहिणिळे
 चरिमंते अपञ्जतसुहुमपुडविकाइएसु उववज्जितए से णं भंते ! कडसमइएणं विगगहेणं
 उववजेजा ? गोयमा ! दुसमइएण वा तिममइएण वा चउसमइएण वा विगगहेणं
 उववजेजा, से केणट्टेणं भते ! एव वुच्चइ० ? एवं खलु गोयमा ! मए सत्त सेदीओ
 पञ्जताओ, तंजहा—उज्जुआयया जाव अडचक्कवाला, एगओवंकाए सेदीए उववज्ज-
 माणे दुसमइएणं विगगहेणं उववजेजा दुइओवंकाए सेदीए उववज्जमाणे जे भविए
 एगपयरेसि अणुमेंदी(ए)ओ उववज्जितए से णं तिममइएणं विगगहेणं उववजेजा जे
 भविए विसं(दीओ)डि उववज्जितए से णं च उममइएणं विगगहेणं उववजेजा से तणट्टेणं
 गोयमा । ०, एवं एएणं गमएणं पुरच्छिमिळे चरिमंते समोहए दाहिणिळे चरिमंते
 उववाएयव्वो जाव सुहुमवणस्सइकाइओ पञ्जतओ सुहुमवणस्सइकाइएसु पञ्जतएसु
 चेव, सव्वेसिं दुसमइओ तिममइओ चउसमइओ विगगहो भाणियव्वो । अपञ्जत-
 सुहुमपुडविकाइए णं भंते । लोगस्स पुरच्छिमिळे चरिमंते समोहए २ ता जे भविए
 लोगस्स पञ्चच्छिमिळे चरिमंते अपञ्जतसुहुमपुडविकाइयताए उववज्जितए से णं
 भंते ! कडसमइएणं विगगहेणं उववजेजा ? गोयमा ! एगममइएण वा दुसमइएण
 वा तिममइएण वा चउसमइएण वा विगगहेणं उववजेजा, से केणट्टेणं ? एवं
 जहेव पुरच्छिमिळे चरिमंते समोहया पुरच्छिमिळे चेव चरिमंते उववाइया तहेव
 पुरच्छिमिळे चरिमंते समोहया पञ्चच्छिमिळे चरिमंते उववाएयव्वा सव्वे, अपञ्जत-
 सुहुमपुडविकाइए णं भंते ! लोगस्स पुरच्छिमिळे चरिमंते समोहए २ ता जे भविए
 लोगस्स उत्तरिळे चरिमंते अपञ्जतसुहुमपुडविकाइयताए उववज्जितए से णं भंते !
 एवं जहा पुरच्छिमिळे चरिमंते समोहओ दाहिणिळे चरिमंते उववाइओ तहा
 पुरच्छिमिळे चरिमंते समोहओ उत्तरिळे चरिमंते उववाएयव्वो, अपञ्जतसुहुमपुड-
 विकाइए णं भंते ! लोगस्स दाहिणिळे चरिमंते समोहए समोहणित्ता जे भविए
 लोगस्स दाहिणिळे चेव चरिमंते अपञ्जतसुहुमपुडविकाइयताए उववज्जितए एवं
 जहा पुरच्छिमिळे समोहओ पुरच्छिमिळे चेव उववाइओ तहेव दाहिणिळे समोहओ
 दाहिणिळे चेव उववाएयव्वो, तहेव निरवसेसं जाव सुहुमवणस्सइकाइओ पञ्जतओ
 सुहुमवणस्सइकाइएसु चेव पञ्जतएसु दाहिणिळे चरिमंते उववाइओ एवं दाहिणिळे

समोहो पञ्चच्छिमिले चरिमंते उववाएयव्वो नवरं दुसमइयतिसमइयचउसमइय-
विग्गहो सेसं तहेव, दाहिणिल्ले समोहो उत्तरिल्ले चरिमंते उववाएयव्वो जहेव
सट्टाणे तहेव एगसमइयदुसमइयतिसमइयचउसमइयविग्गहो, पुरच्छिमिले जहा
पञ्चच्छिमिले तहेव दुसमइयतिसमइयचउसमइयविग्गहो, पञ्चच्छिमिले चरिमंते
समोहयाणं पञ्चच्छिमिले चेव उववज्जमाणाणं जहा सट्टाणे, उत्तरिल्ले उववज्जमाणाणं
एगसमइओ विग्गहो नत्थि, सेसं तहेव, पुरच्छिमिले जहा सट्टाणे, दाहिणिल्ले
एगसमइओ विग्गहो नत्थि, सेसं तहेव, उत्तरिल्ले समोहयाणं उत्तरिल्ले चेव उवव-
ज्जमाणाणं जहेव सट्टाणे, उत्तरिल्ले समोहयाणं पुरच्छिमिले उववज्जमाणाणं एवं
चेव, नवरं एगसमइओ विग्गहो नत्थि, उत्तरिल्ले समोहयाणं दाहिणिल्ले उववज्जमा-
णाणं जहा सट्टाणे, उत्तरिल्ले समोहयाणं पञ्चच्छिमिले उववज्जमाणाणं एगसमइओ
विग्गहो नत्थि, सेसं तहेव जाव मुहुमवणस्सइकाइओ पज्जत्तो मुहुमवणस्सइकाइ-
एसु पज्जत्तएसु चेव ॥ कहिञ्चं भंते ! बायरपुडविकाइयाणं पज्जत्ताणं ठाणा ५० ?
गोयमा ! सट्टाणेणं अट्टु पुडवीसु जहा ठाणवए जाव मुहुमवणस्सइकाइया जे य
पज्जत्ता जे य अपज्जत्ता ते सव्वे एगविहा अविसेसमाणाणा सव्वलोगपरिया-
वत्ता ५० समगाउमो ! । अपज्जत्तमुहुमपुडविकाइयाणं भंते ! कइ कम्मप्पगडीओ
पज्जत्ताओ ? गोयमा ! अट्टु कम्मप्पगडीओ ५०, तं०-नाणावरणज्जं जाव अंतराइयं,
एवं चउक्कएणं भेदेणं जहेव एगिदियाएसु जाव बायरवणस्सइकाइयाणं पज्जत्त-
गाणं, अपज्जत्तमुहुमपुडविकाइया णं भंते ! कइ कम्मप्पगडीओ वंधंति ? गोयमा !
सत्तविह्वंधगावि अट्टुविह्वंधगावि जहा एगिदियाएसु जाव पज्जत्ता बायरवणस्स-
इकाइया । अपज्जत्तमुहुमपुडविकाइया णं भंते ! कइ कम्मप्पगडीओ वेदंति ?
गोयमा ! चउत्तं कम्मप्पगडीओ वेदंति, तंजहा—नाणावरणज्जं जहा एगिदियाएसु
जाव एगिदियाएसु एवं जाव बायरवणस्सइकाइयाणं पज्जत्ताणं, एगिदिया णं
भंते ! कओ उववज्जंति किं नेरउएहिंनो उववज्जति० ? जहा वक्कतीए पुडविकाइयाणं
उववाओ, एगिदियाणं भंते ! कइ समुग्घाया ५० ! गोयमा ! चत्तारिं समुग्घाया
५०, तंजहा—वेयणासमुग्घाए जाव वेउव्वियसमुग्घाए ॥ एगिदिया णं भंते ! किं
तुल्लट्टिइया तुल्लविसेसाहियं कम्मं पकरंति तुल्लट्टिइया वेमायविसेसाहियं कम्मं
पकरंति वेमायट्टिइया तुल्लविसेसाहियं कम्मं पकरंति वेमायट्टिइया वेमायविसेसाहियं
कम्मं पकरंति ! गोयमा ! अत्थेगइया तुल्लट्टिइया तुल्लविसेसाहियं कम्मं पकरंति
अत्थेगइया तुल्लट्टिइया वेमायविसेसाहियं कम्मं पकरंति अत्थेगइया वेमायट्टिइया
तुल्लविसेसाहियं कम्मं पकरंति अत्थेगइया वेमायट्टिइया वेमायविसेसाहियं कम्मं

पकरेंति, से केणट्टेणं भंते । एवं बुच्चइ अत्थेगइया तुल्लट्टिइया जाव वेमायविसेसा-
हियं कम्मं पकरेंति ? गोयमा । एगिदिया चउव्विहा पज्जता, तंजहा-अत्थेगइया
समाउया समोववन्नगा १, अत्थेगइया समाउया विसमोववन्नगा २, अत्थेगइया
विसमाउया समोववन्नगा ३, अत्थेगइया विसमाउया विसमोववन्नगा ४ । तत्थ णं
जे ते समाउया समोववन्नगा ते णं तुल्लट्टिइया तुल्लविसेसाहियं कम्मं पकरेंति १,
तत्थ णं जे ते समाउया विसमोववन्नगा ते णं तुल्लट्टिइया वेमायविसेसाहियं कम्मं
पकरेंति २, तत्थ णं जे ते विसमाउया समोववन्नगा ते णं वेमायट्टिइया तुल्लविसे-
साहियं कम्मं पकरेंति ३, तत्थ णं जे ते विसमाउया विसमोववन्नगा ते णं वेमाय-
ट्टिइया वेमायविसेसाहियं कम्मं पकरेंति ४ । से तेणट्टेणं गोयमा । जाव वेमायवि-
सेसाहियं कम्मं पकरेंति ॥ सेवं भंते । २ त्ति जाव विहरइ ॥ ८५० ॥ ३४-१-१ ॥
उडविहा णं भंते । अणंतरोववन्नगा एगिदिया प० ? गोयमा । पंचविहा अणं-
तरोववन्नगा एगिदिया प०, तंजहा-पुडविकाइया दुयाभंदो जहा एगिदियसएसु
जाव बायरवणस्सइकाइया य, कहिअं भंते । अणंतरोववन्नगाणं बायरपुडविकाइ-
याणं ठाणा प० ? गोयमा । मट्टाणेणं अट्टमु पुडवीमु, तं०-रयणप्पभाए जहा
ठाणपाए जाव दीवेमु समुद्दमु एत्थ णं अणंतरोववन्नगाणं बायरपुडविकाइयाणं ठाणा
प०, उववाएणं सव्वलोए समुग्घाएणं सव्वलोए मट्टाणेणं लोगस्स असत्थेजइभागे,
अणंतरोववन्नगसुहुमपुडविकाइया णं एगविहा अविसेसमणाणत्ता सव्वलोए पांश्यावत्ता
प० समणाउसो, एवं एएणं कमेणं सव्वं एगिदिया भाणियत्त्वा, मट्टा(णेणं)णाई
सव्वोस जहा ठाणपाए तेमि पज्जताणं बायरणं उववायसमुग्घायमट्टाणाणि जहा
तेसिं चैव अपज्जताणं, बायरणं सुहुमाणं सव्वोस जहा पुडविकाइयाणं भाणया तहेव
भाणियत्त्वा जाव वणस्सइकाइयत्ति । अणंतरोववन्नगसुहुमपुडविकाइयाणं भंते ।
कइ कम्मप्पगडीओ प० ? गोयमा । अट्ट कम्मप्पगडीओ पज्जताओ एवं जहा एगि-
दियसएसु अणंतरोववन्नगउद्देमए तहेव पज्जताओ तहेव बंधंति तहेव वेदेंति जाव
अणंतरोववन्नगा बायरवणस्सइकाइया । अणंतरोववन्नगाएगिदिया णं भंते ; कओ
उववज्जंति० ? जहेव ओहिए उद्देसओ भणिओ तहेव । अणंतरोववन्नगाएगिदियाणं
भंते । कइ समुग्घाया प० ? गोयमा । दोज्जि समुग्घाया प०, तं०-वेयणासमुग्घाए
य कसायसमुग्घाए य । अणंतरोववन्नगाएगिदिया णं भंते ! कि तुल्लट्टिइया तुल्लविसे-
साहियं कम्मं पकरेंति पुच्छा तहेव, गोयमा । अत्थेगइया तुल्लट्टिइया तुल्लविसेसा-
हियं कम्मं पकरेंति अत्थेगइया तुल्लट्टिइया वेमायविसेसाहियं कम्मं पकरेंति, से केण-
ट्टेणं भंते । जाव वेमायविसेसाहियं कम्मं पकरेंति ? गोयमा । अणंतरोववन्नगा एगि-

दिया दुविहा प०, तं०-अत्येगडया समाउया समोववन्नगा अत्येगडया समाउया विसमोववन्नगा, तत्थ णं जे ते समाउया समोववन्नगा ते णं तुल्लट्टिईया तुल्लविसेसाहियं कम्मं पकरेंति, तत्थ णं जे ते समाउया विसमोववन्नगा ते णं तुल्लट्टिईया वेमायविसेसाहियं कम्मं पकरेंति, से तेणट्टेणं जाव वेमायविसेसाहियं कम्मं पकरेंति । सेवं भंते । २ ति ॥ ८५१ ॥ ३४-१-२ ॥ कइविहा णं भंते ! परंपरोववन्नगा एगिदिया प० ? गोयमा ! पंचविहा परंपरोववन्नगा एगिदिया प०, तं०-पुडविकाइया भेदो चउक्कओ जाव वणस्सटकाइयत्ति । परंपरोववन्नगाअपज्जत्तमुहुमपुडविकाइए णं भंते ! इमीसे रयणप्पभाए पुडवीए पुरच्छिमिल्ले चरिमंते समोहए २ ता जे भविए इमीसे रयणप्पभाए पुडवीए जाव पच्चच्छिमिल्ले चरिमंते अपज्जत्तमुहुमपुडविकाइयत्ताए उववज्जित्तए एवं एएणं अभिलावेणं जहेव पडमो उद्देसओ जाव लोचरिमंनोत्ति । कहन्नं भंते ! परंपरोववन्नगापज्जत्तगञ्जायरपुडविकाइयाणं ठाणा प० ? गोयमा ! सट्टाणेणं अट्टसु पुडवीसु एवं एएणं अभिलावेणं जहा पडमे उद्देसए जाव तुल्लट्टिईयत्ति । सेवं भंते ! २ ति ॥ ३४-१-३ ॥ एवं सेसावि अट्ट उद्देसगा जाव अचरिमोत्ति, नवरं अणंतरा अणंतरसरिमा परंपरा परंपरसरिमा चरिमा य अचरिमा य एवं चेव, एवं एए एक्कारस उद्देसगा ॥ ८५२ ॥ ३४-१-११ ॥ पडम एगिदियमेटिसयं समत्त ॥ कइविहा णं भंते ! कण्हलेस्सा एगिदिया प० ? गोयमा ! पंचविहा कण्हलेस्सा एगिदिया प० भेदो चउक्कओ जहा कण्हलेस्सएगिदियमए जाव वणस्सटकाइयत्ति । कण्हलेस्सअपज्जत्तमुहुमपुडविकाइए णं भंते ! इमीसे रयणप्पभाए पुडवीए पुरच्छिमिल्ले एवं एएणं अभिलावेणं जहेव ओहिउद्देसओ जाव लोचरिमंतेत्ति सव्वत्थ कण्हलेस्समु चेव उववाएयव्वो । कहन्नं भंते ! कण्हलेस्सअपज्जत्तगञ्जायरपुडविकाइयाणं ठाणा प० ? गोयमा ! एवं एएणं अभिलावेणं जहा ओहि(य)उद्देसओ जाव तुल्लट्टिईयत्ति । सेवं भंते ! २ ति ॥ एवं एएणं अभिलावेणं जहेव पडम सेटिसय तहेव एक्कारस उद्देसगा भाणियव्ववा ॥ ३४-२-११ ॥ विइयं एगिदियसेटिसयं समत्त ॥ एवं नील्लेस्सेहिंवि तइयं सयं । काउत्तेस्सेहिंवि सयं, एवं चेव चउत्थं गय । भविसिद्धियएगिदिएहिंवि सयं पंचमं समत्त ॥ कइविहा णं भंते ! कण्हलेस्सभवसिद्धियएगिदिया प० ? एवं जहेव ओहियउद्देसओ, कइविहा णं भंते ! अणंतरोववन्नगा कण्हलेस्सा भवसिद्धिया एगिदिया प० जहेव अणंतरोववन्नगाउद्देसओ ओहिओ तहेव ॥ कइविहा णं भंते ! परंपरोववन्नगाकण्हलेस्सभवसिद्धिया एगिदिया प० ? गोयमा ! पंचविहा परंपरोववन्नगाकण्हलेस्सभवसिद्धियएगिदिया प० ओहिओ भेदो चउक्कओ जाव वणस्सटकाइयत्ति । परंपरोववन्नगाकण्हलेस्सभवसिद्धियअपज्जत्तमुहुमपुडविकाइए णं भंते । इमीसे रयणप्प-

भाए पुडवीए एवं एएणं अभिलावेणं जहेव ओहिवो उद्देसओ जाव लोचरिमंतेत्ति,
सव्वत्थ कण्हलेस्सेसु भवसिद्धिएसु उववाएयव्वो । कहिणं भंते ! परंपरोववन्नगकण्ह-
लेस्सभवसिद्धियपज्जन्नाबायरपुडविकाइयाणं ठाणा प० एवं एएणं अभिलावेणं जहेव
ओहिवो उद्देसओ जाव तुल्लट्ठिइयति, एवं एएणं अभिलावेणं कण्हलेस्सभवसिद्धिय-
एगिंदिएहिवि तहेव एकारसउद्देसगसंजुत्तं सयं, छट्ठं सयं समत्तं ॥ नीललेस्सभव-
सिद्धियएगिंदिएसु सत्तमं सयं समत्तं । एवं काउलेस्सभवसिद्धियएगिंदिएहिवि सयं
अट्ठमं सयं । जहा भवसिद्धिएहिं चत्तारि सयाणि भणियाणि एवं अभवसिद्धिएहिवि
चत्तारि सयाणि भाणियव्वाणि, नवरं चरिमअचरिमवज्जा नव उद्देसगा भाणियव्वा,
सेमं तं चैव, एवं एयाइं बारस एगिंदियसेढीमयाइं भाणियव्वाइं । सेवं भंते ! २
त्ति जाव विहरइ ॥ ८५३ ॥ एगिंदियसेढीमयाइं समत्ताइं ॥ एगिंदिय-
सेढिसयं चउत्तीमइमं समत्तं ॥

कइ णं भंते ! महाजुम्मा पज्जना ? गोयमा ! सोलस महाजुम्मा प०, तं०-
कउजुम्मकउजुम्मे १, कउजुम्मतेओगे २, कउजुम्मदावरजुम्मे ३, कउजुम्मकलिओगे
४, तेओगकउजुम्मे ५, तेओगतेओगे ६, तेओगदावरजुम्मे ७, तेओगकलिओगे
८, दावरजुम्मकउजुम्मे ९, दावरजुम्मतेओगे १०, दावरजुम्मदावरजुम्मे ११, दावर-
जुम्मकलिओगे १२, कलिओगकउजुम्मे १३, कलिओगतेओगे १४, कलिओगदावर-
जुम्मे १५, कलिओगकलिओगे १६ । से केणट्ठेणं भंते ! एवं चुच्चट सोलस महाजुम्मा
प० तं०-कउजुम्मकउजुम्मे जाव कलिओगकलिओगे ? गोयमा ! जे णं रासी
चउक्कएणं अवहारेणं अवहीरमाणे चउपज्जवत्तिए जे णं तस्स रासिस्स अवहार-
समया तेऽवि कउजुम्मा सेत्तं कउजुम्मकउजुम्मे १, जे णं रासी चउक्कएणं अवहारेणं
अवहीरमाणे तिपज्जवत्तिए जे णं तस्स रासिस्स अवहारसमया कउजुम्मा सेत्तं
कउजुम्मतेओगे २, जे णं रासी चउक्कएणं अवहारेणं अवहीरमाणे दुपज्जवत्तिए जे
णे तस्स रासिस्स अवहारसमया कउजुम्मा सेत्तं कउजुम्मदावरजुम्मे ३, जे णं
रासी चउक्कएणं अवहारेणं अवहीरमाणे एगपज्जवत्तिए जे णं तस्स रासिस्स अव-
हारसमया कउजुम्मा सेत्तं कउजुम्मकलिओगे ४, जे णं रासी चउक्कएणं अवहारेणं
अवहीरमाणे चउपज्जवत्तिए जे णं तस्स रासिस्स अवहारसमया तेओगा सेत्तं
तेओगकउजुम्मे ५, जे णं रासी चउक्कएणं अवहारेणं अवहीरमाणे तिपज्जवत्तिए जे
णं तस्स रासिस्स अवहारसमया तेओगा सेत्तं तेओगतेओगे ६, जे णं रासी
चउक्कएणं अवहारेणं अवहीरमाणे दुपज्जवत्तिए जे णं तस्स रासिस्स अवहारसमया
तेओगा सेत्तं तेओगदावरजुम्मे ७, जे णं रासी चउक्कएणं अवहारेणं अवहीरमाणे

एगपज्ववसिए जे णं तस्स रासिस्स अवहारसमया तेओगा सेत्तं तेओगकळिओगे ८, जे णं रासी चउक्कएणं अवहारेणं अवहीरमाणे चउपज्ववसिए जे णं तस्स रासिस्स अवहारसमया दावरजुम्मा सेत्तं दावरजुम्मकडजुम्मे ९, जे णं रासी चउक्कएणं अवहारेणं अवहीरमाणे तिपज्ववसिए जे णं तस्स रासिस्स अवहारसमया दावरजुम्मा सेत्तं दावरजुम्मतेओगे १०, जे णं रासी चउक्कएणं अवहारेणं अवहीरमाणे दुपज्ववसिए जे णं तस्स रासिस्स अवहारसमया दावरजुम्मा सेत्तं दावरजुम्मदावरजुम्मे ११, जे णं रासी चउक्कएणं अवहारेणं अवहीरमाणे एगपज्ववसिए जे णं तस्स रासिस्स अवहारसमया दावरजुम्मा सेत्तं दावरजुम्मकळिओगे १२, जे णं रासी चउक्कएणं अवहारेणं अवहीरमाणे चउपज्ववसिए जे णं तस्स रासिस्स अवहारसमया कळिओगा सेत्तं कळिओगकडजुम्मे १३, जे णं रासी चउक्कएणं अवहारेणं अवहीरमाणे तिपज्ववसिए जे णं तस्स रासिस्स अवहारसमया कळिओगा सेत्तं कळिओगतेओगे १४, जे णं रासी चउक्कएणं अवहारेणं अवहीरमाणे दुपज्ववसिए जे णं तस्स रासिस्स अवहारसमया कळिओगा सेत्तं कळिओगदावरजुम्मे १५, जे णं रासी चउक्कएणं अवहारेणं अवहीरमाणे एगपज्ववसिए जे णं तस्स रासिस्स अवहारसमया कळिओगा सेत्तं कळिओगकळिओगे १६ । से तेणट्टेणं जाव कळिओगकळिओगे ॥८५४॥ कडजुम्मकडजुम्मएगिदिया णं भंते । कओ उववज्जंति कि नेरइएहिंतो जहा उप्पल्लेइमए नहा उववाओ । ते णं भंते । जीवा एगसमएणं केवइया उववज्जंति ? गोयमा । सोलस वा संखेज्जा वा असंखेज्जा वा अणंता वा उववज्जंति, ते णं भंते । जीवा समए समए० पुच्छा, गोयमा । ते णं अणंता समए समए अवहीरमाणा २ अणंताहि ओनप्पिणीउस्सप्पिणीहिं अवहीरंति णो चेव णं अवहिरिया सिया, उच्चत्तं जहा उप्पल्लेइमए, ते णं भंते । जीवा नागावरणिज्जस्स कम्मस्स कि बंधगा अवधगा ? गोयमा । बंधगा नो अबंधगा, एवं सव्वेसिं आउयवजाणं, आउयस्स बंधगा वा अबंधगा वा, ते णं भंते । जीवा नाणावरणिज्जस्स कम्मस्स वेदगा पुच्छा, गोयमा । वेदगा नो अबेदगा, एवं सव्वेसिं, ते णं भंते । जीवा कि मायावेदगा अमायावेदगा पुच्छा, गोयमा । सायावेदगा वा असायावेदगा वा, एवं (खट्ट) उप्पल्लेइमएपरिवाडी, सव्वेसिं कम्माणं उदई नो अणुदई, छण्हं कम्माणं उदीरगा नो अणुदीरगा, वेयणिजाउयाणं उदीरगा वा अणुदीरगा वा, ते णं भंते । जीवा कि कण्हलेस्सा पुच्छा, गोयमा । कण्हलेस्सा वा नीललेस्सा वा काउलेस्सा वा ते उलेस्सा वा, नो सम्मदिट्ठी नो सम्मासिच्छादिट्ठी सिच्छादिट्ठी, नो नाणी अच्चाणी निय(मा)मं दुअच्चाणी तं०-मइअच्चाणी य मुयअच्चाणी य, नो मणजोणी नो वइजोणी

कायजोगी, सागारोवउत्ता वा अणागारोवउत्ता वा, तेसि णं भंते ! जीवाणं सरीरा कइवण्णा जहा उप्पल्लइसए सव्वत्थ पुच्छा, गोयमा । जहा उप्पल्लइसए ऊसासगा वा नीसासगा वा नो उस्सासनीसासगा वा, आहारगा वा अणाहारगा वा, नो विरया अविरया नो विरयाविरया, सकिरिया नो अकिरिया, सत्तविहवधगा वा अट्ठविहवधगा वा, आहारमभोवउत्ता वा जाव परिग्गहसुन्नोवउत्ता वा, कोहकसाई वा जाव लोभकमाई वा, नो इत्थिवेदगा नो पुरिसवेदगा नपुंसगवेदगा, इत्थिवेद-
 वंधगा वा पुरिसवेदबंधगा वा नपुंसगवेदबंधगा वा, नो सञ्जी अमञ्जी, सइंदिया नो अणिदिया, ते णं भंते ! कडजुम्मकडजुम्मएगिदियात्ति कालओ केवच्चिरं होइ ? गोयमा । जहजेण एक्कं समयं उक्कोसेणं अणंतं कालं अणंताओ ओसप्पिण्णिससप्पिणीओ वगस्सइकाडयकालो, संवेहो न भजइ, आहारो जहा उप्पल्लइसए नवरं निव्वाघाएणं छाईसि वाघायं पट्ठच्च सिय तिदिसिं सिय चउदिमिं सिय पंचदिमिं सेस तहेव, ठिई जहजेणं (एक्कं समयं) अतोमुहुतं उक्कोसेणं नावीसं वाससइस्साई, समुग्गयाया आइत्था चत्तारि, मारणंतियसमुग्गघाएणं समोहयावि सरंति असमोहयावि सरति, उव्वट्ठणा जहा उप्पल्लइसए, अह भंते ! सव्वपाणा जाव सव्वसत्ता कडजुम्म २-
 एगिदियात्ताए उव्वन्नपुव्वा ? हंता गोयमा । असइ अट्ठवा अणंतखुत्तो, कडजुम्मते-
 ओगएगिदिया णं भंते ! कओ उव्वज्जंति० ? उव्वाओ तहेव, ते णं भंते ! जीवा एगसमए० पुच्छा, गोयमा । एगूणवीत्ता वा सखेज्जा वा असंखेज्जा वा अणंता वा उव्वज्जंति, सेसं जहा कडजुम्मकडजुम्माणं जाव अणंतखुत्तो, कडजुम्मदावरजुम्म-
 एगिदिया णं भंते ! कओ उव्वज्जंति० ? उव्वाओ तहेव, ते णं भंते ! जीवा एगसमएणं पुच्छा, गोयमा । अट्ठारस वा संखेज्जा वा असंखेज्जा वा अणंता वा उव्वज्जंति सेसं तहेव जाव अणंतखुत्तो, कडजुम्मकलिओगएगिदिशा णं भंते ! कओ उव्वज्जंति० ? उव्वाओ तहेव परिमाणं सत्तरस वा संखेज्जा वा असंखेज्जा वा अणंता वा सेसं तहेव जाव अणंतखुत्तो, तेओगकडजुम्मएगिदिया णं भंते ! कओ उव्वज्जंति० ? उव्वाओ तहेव परिमाणं बारस वा संखेज्जा वा असंखेज्जा वा अणंता वा उव्वज्जंति सेसं तहेव जाव अणंतखुत्तो, तेओगतेओगएगिदिया णं भंते ! कओ उव्वज्जंति० ? उव्वाओ तहेव परिमाणं पन्नरस वा संखेज्जा वा असंखेज्जा वा अणंता वा सेसं तहेव जाव अणंतखुत्तो, एव एएसु सोलससु महाजुम्मेसु एक्को गमओ नवरं परिमाणे नाणत्तं तेओगदावरजुम्मेसु परिमाणं चउहस वा संखेज्जा वा असंखेज्जा वा अणंता वा उव्वज्जंति, तेओगकलिओगेसु तेरस वा संखेज्जा वा असंखेज्जा वा अणंता वा उव्वज्जंति, दावरजुम्मकडजुम्मेसु अट्ठ वा संखेज्जा वा असंखेज्जा वा

अणंता वा उववज्जंति, दावरजुम्मतेओगेसु एक्कारस वा संखेज्जा वा असंखेज्जा, वा अणंता वा उववज्जंति, दावरजुम्मदावरजुम्मेसु दस वा संखेज्जा वा असंखेज्जा वा अणंता वा उववज्जंति, दावरजुम्मकलिओगेसु नव वा संखेज्जा वा असंखेज्जा वा अणंता वा उववज्जंति, कलिओगकडजुम्मेसु चत्तारि वा संखेज्जा वा असंखेज्जा वा अणंता वा उववज्जंति, कलिओगतेओगेसु सत्त वा संखेज्जा वा असंखेज्जा वा अणंता वा उववज्जंति, कलिओगदावरजुम्मेसु छ वा संखेज्जा वा असंखेज्जा वा अणंता वा उववज्जंति, कलिओगकलिओगएगिंदिया णं भंते । कओ उववज्जंति० ? उववाओ तहेव परिमाणं पंच वा संखेज्जा वा असंखेज्जा वा अणता वा उववज्जंति सेसं तहेव जाव अणंतखुतो । सेवं भंते । सेवं भंते ! त्ति ॥ ८५५ ॥ ३५-१-१ ॥ पढममयकडजुम्म २ एगिंदिया णं भंते । कओ उववज्जंति० ? गोयमा । तहेव एवं जहेव पढमो उद्देसओ तहेव सोलसखुतो विइओवि भाणियव्वो, तहेव मव्वं, नवरं इमाणि दम नाणत्ताणि-ओगाहणा जह्वेणं अंगुलस्स असंखेज्जइ भागं उक्कोसेणवि अंगुलस्स असंखेज्जइभागं, आउयकम्मस्स नो बंधगा अबंधगा आउयस्स नो उदीरगा अणुदीरगा, नो उस्सासगा नो निस्सासगा नो उस्सास-निस्सासगा, सत्ताविह्वंधरगा नो अट्टविह्वंधरगा । ते णं भंते ! पढममयकडजुम्म २-एगिंदियत्ति कालओ केवाच्चरं होइ ? गोयमा ! एकं समयं, एवं ठिइएवि, समुग्घाया आइल्ला दोज्जि, समोहया न पुच्छिज्जंति उव्वट्टणा न पुच्छिज्जइ, सेसं तहेव सव्वं निरवसेसं, सोलसयुवि गमएमु जाव अणंतखुतो । सेवं भंते ! २ त्ति ॥ ८५६ ॥ ३५-१-२ ॥ अपढममयकडजुम्म २ एगिंदिया णं भंते ! कओ उववज्जंति० ? एमो जहा पढमुद्देसो सोलसहिंवि जुम्मेस तहेव नेयव्वो जाव कलिओ-गकलिओगताए जाव अणंतखुतो । सेवं भंते ! ० त्ति ॥ ३५-१-३ ॥ चरिममयकड-जुम्म २ एगिंदिया णं भंते ! कओ उववज्जंति० ? एव्वं जहेव पढमसम-यउद्देसओ नवरं देवा न उववज्जंति तेउल्लेस्सा न पुच्छिज्जंति, सेसं तहेव । सेवं भंते ! सेवं भंते ! त्ति ॥ ३५-१-४ ॥ अचरिममयकडजुम्म २ एगिंदिया णं भंते ! कओ उववज्जंति० ? जहा (अ)पढमसमयउद्देसो तहेव निरवसेसो भाणियव्वो । सेवं भंते ! २ त्ति ॥ ३५-१-५ ॥ पढमपढमसमयकडजुम्म २ एगिंदिया णं भंते ! कओ उववज्जंति० ? जहा पढमसमयउद्देसओ तहेव निरवसेसं । सेवं भंते ! २ त्ति जाव विहरइ ॥ ३५-१-६ ॥ पढमअपढमसमयकडजुम्म २ एगिंदिया णं भंते ! कओ उववज्जंति० ? जहा पढमसमयउद्देसओ तहेव भाणियव्वो । सेवं भंते ! २ त्ति ॥ ३५-१-७ ॥ पढमचरिमसमयकडजुम्म २ एगिंदिया णं भंते ! कओ

उव्वज्जंति०? जहा चरिमुद्देसओ तहेव निरवसेसं । सेवं भंते । २ ति ॥ ३५-१-८॥
 पढमअचरिमसमयकडजुम्म २ एगिदिया णं भंते । कओ उव्वज्जंति०? जहा
 (पढमुद्देसओ) बीओ उद्देसओ तहेव निरवसेसं । सेव भंते । २ ति जाव विहरइ
 ॥ ३५-१-९॥ चरिम२समयकडजुम्म २ एगिदिया णं भंते । कओ उव्वज्जंति०? जहा
 चउत्थो उद्देसओ तहेव । सेवं भंते । सेवं भंते । ति ॥ ३५-१-१०॥ चरिमअचरिम-
 समयकडजुम्म२एगिदिया ण भंते । कओ उव्वज्जंति०? जहा पढमसमयउद्देसओ
 तहेव निरवसेसं । सेवं भंते । २ ति जाव विहरइ ॥ ३५-१-११ ॥ एवं एएणं
 कमेणं एकारम उद्देसगा, पढमो तइओ पंचमओ य सरिसगमगा सेसा अट्ट
 सरिसगमगा, नवरं चउत्थे छट्टे अट्टमे दसमे य देवा न उव्वज्जति तंढलेस्सा नत्थि
 ॥ ८५७ ॥ पण्णीसइमे सए पढम एगिदियमहाजुम्मसय समत्तं ॥ १ ॥

कण्हलेस्सकडजुम्म २ एगिदिया णं भंते । कओ उव्वज्जंति०? गोयमा । उव्वाओ
 तहेव एवं जहा ओहियउद्देसए नवरं इमं नाणत्तं ते ण भंते । जीवा कण्हलेस्सा ?
 इंता कण्हलेस्सा, ते णं भंते । कण्हलेस्सकडजुम्म २ एगिदियानि कालओ केवच्चिरं
 होउ ? गोयमा । जह्णणं एक्कं समयं उव्वोसेम अंतोसुह्णं, एवं ठिइएवि, सेस तहेव
 जाव अणेतखुत्तो, एवं सो यमवि जुम्मा भाणियव्वा । सेवं भंते । २ ति ॥ ३५-२-१॥
 पढमसमयकण्हलेस्सकडजुम्म २ एगिदिया णं भंते । कओ उव्वज्जंति०? जहा पढम-
 समयउद्देसओ नवरं ते ण भंते । जीवा कण्हलेस्सा ? हता कण्हलेस्सा, सेस तहेव ।
 सेव भंते । सेवं भंते । ति ॥ ३५-२-२ ॥ एवं जहा ओहियसए एकारम उद्देसगा
 भाणिया तहा कण्हलेस्सएवि एकारस उद्देसगा भाणियव्वा, पढमो तइओ पंचमो
 य सरिसगमगा सेसा अट्टवि सरिसगमगा नवरं चउत्थेछट्टेअट्टमदसमेषु उव्वाओ
 नत्थि देवस्स । सेवं भंते । २ ति ॥ ३५ इमे सए विइयं एगिदियमहाजुम्मसयं
 समत्तं ॥ २ ॥ एवं नी उलेस्सैहिवि सयं कण्हलेस्ससयसरिसं एकारम उद्देसगा तहेव ।
 सेवं भंते । २ ति ॥ तइयं एगिदियमहाजुम्मसयं समत्तं ॥ ३ ॥ एवं काउलेस्सैहिवि सयं
 कण्हलेस्ससयसरिसं । सेवं भंते । २ ति ॥ चउत्थं एगिदियमहाजुम्मसयं ॥ ४ ॥ भवसि-
 दियकडजुम्म २ एगिदिया णं भंते । कओ उव्वज्जंति०? जहा ओहियसयं तहेव नवरं
 एकारमसुवि उद्देसएणु, अह भंते । सव्वपाणा जाव सव्वसत्ता भवसिदियकडजुम्म२-
 एगिदियनाए उव्वज्जपुव्वा ? गोयमा । णो इणट्टे समट्टे, सेसं तहेव । सेवं भंते ।
 २ ति ॥ पंचम एगिदियमहाजुम्मसयं समत्तं ॥ ५ ॥ कण्हलेस्सभवसिदियकडजुम्म२-
 एगिदिया णं भंते । कओ उव्वज्जंति०? एवं कण्हलेस्सभवसिदियएगिदिएहिवि
 सयं विइयसयकण्हलेस्ससरिसं भाणियव्वं । सेवं भंते । सेवं भंते । ति ॥ छट्टं

एगिदियमहाजुम्मसय समत्तं ॥ ६ ॥ एवं नीललेस्सभवसिद्धियएगिदिएहिवि सयं । सेवं भंते । सेवं भंते । त्ति ॥ सत्तमं एगिदियमहाजुम्मसयं समत्तं ॥ ७ ॥ एवं काउलेस्सभवसिद्धियएगिदिएहिवि तहेव एक्कारसउद्देमगसंजुत्तं सयं, एवं एयाणि चत्तारि भवसिद्धियमयाणि, चउत्तुवि सएसु सव्वपाणा जाव उववन्नपुव्वा ? नो इणट्ठे समट्ठे । सेवं भंते । सेवं भंते । त्ति ॥ अट्टमं एगिदियमहाजुम्मसयं समत्तं ॥ ८ ॥ जहा भवसिद्धिएहिं चत्तारि सयाईं भणियाईं एवं अमवसिद्धिएहिवि चत्तारि सयाणि लेस्सासजुत्ताणि भाणियव्वाणि, सव्वपाणा तहेव नो इणट्ठे समट्ठे, एवं एयाईं बारम एगिदियमहाजुम्ममयाईं भवंति । सेवं भंते ! सेवं भंते ! त्ति ॥ ८५८ ॥ पणतीसइं सयं समत्तं ॥

कडजुम्म-बेददिया ण भंते ! कओ उववज्जति ० ? उववाओ जहा वक्कंतीए, परिमाणं मोलम वा संखेज्जा वा असंखेज्जा वा उववज्जति, अवहारो जहा उप्प-लुहेमए, ओगाहणा जहन्नेण अगुल्लम असंगेज्जइभागं उक्कोमेण बारम जोयगाईं, एवं जहा एगिदियमहाजुम्माणं पट्टमुद्देमए तहेव नवरं तिञ्चि लेस्साओ देवा न उववज्जति सम्महिट्ठी वा मिन्ड्यादिट्ठी वा नो सम्मामिन्ड्यादिट्ठी नाणी वा अजाणी वा नो मणजोगी वडजोगी वा कायजोगी वा, ते ण भंते ! कडजुम्म-बेददिया कालओ केवचिरं होइ ? गोयमा । जहन्नेण एक्कं समयं उक्कोमेण सव्वजं कालं, ठिई जहन्नेण एक्कं समयं उक्कोमेण बारम सवन्नराटं, आहारो नियमं ल्हामि, तिञ्चि समुग्घाया सेसं तहेव जाव अणंतखुत्तो, एवं मोल्लमएव जुम्मेसु । सेवं भंते ! २ त्ति ॥ बेददियमहाजुम्मए पट्टमो उद्देगो समत्तो ॥ ३६-१-१ ॥ पट्टममयकडजुम्म-बेददिया ण भंते ! कओ उववज्जति ० ? एव जहा एगिदियमहाजुम्माणं पट्टममय-उद्देमए दस नाणत्ताईं ताईं चैव दस इदवि, एक्कारमसं इम नाणत्तं-नो मणजोगी नो वडजोगी कायजोगी सेस जहा बेददियाणं चैव पट्टमुद्देमए । सेवं भंते ! २ त्ति ॥ एवं एएवि जहा एगिदियमहाजुम्मेसु एक्कारस उद्देमगा तहेव भाणियव्वा नवरं चउत्थच्छ-अट्टमदगमेसु सम्मलनाणाणि न भण्णति, जहेव एगिदिएसु पट्टमो तइओ पंचमो य एक्कगमा सेसा अट्ट एक्कगमा ॥ ३६ इमे सए पट्टमं बेददियमहाजुम्मसयं समत्तं ॥ १ ॥ कण्हलेस्सकडजुम्म-बेददिया ण भंते ! कओ उववज्जति ० ? एवं चैव कण्हलेस्सेसुवि एक्कारसउद्देमगसजुत्तं सयं, नवरं लेस्सा संचिट्ठणा ठिई जहा एगिदियकण्हलेस्साणं ॥ विडयं बेददियसयं समत्तं ॥ २ ॥ एव नीललेस्सेहिवि सयं ॥ तइयं सयं समत्तं ॥ ३ ॥ एवं काउलेस्सेहिवे, सयं चउत्थं समत्तं ॥ ४ ॥ भवसिद्धियकडजुम्म-बेददिया ण भंते ! एवं भवसिद्धियमयावि चत्तारि तेणेव पुव्वगमएणं नेयव्वा नवरं सव्वे पाणा ० णो

इण्ट्रे समट्टे, सेसं तहेव ओहियसयाणि चत्तारि । सेवं भंते ! सेवं भंते ! त्ति ॥
छत्तीसइमे सए अट्टमं सयं समत्तं ॥ ८ ॥ जहा भवसिद्धियसयाणि चत्तारि एवं
अभवसिद्धियसयाणि चत्तारि भाणियव्वाणि नवरं सम्मत्तनाणाणि (मव्वहा)
नत्थि, सेसं तं चेव, एवं एयाणि बारस बेइंदियमहाजुम्मसयाणि भवन्ति । सेवं
भंते ! सेवं भंते ! त्ति ॥ ८५९ ॥ बेइंदियमहाजुम्मसया समत्ता ॥ १२ ॥
छत्तीसइमं सयं समत्तं ॥

कडजुम्म२तेइंदिया णं भंते ! कओ उव्वज्जंति० ? एवं तेइंदिएमुवि बारस मया
कायव्वा बेइंदियसयसरिसा नवरं ओगाहणा जहन्नेणं अंगुलस्स असंखेज्जभागं
उक्कोसेणं तिन्न गाउयाइं, ठिइं जहन्नेणं एक्कं समयं उक्कोसेणं एगुणपत्तं राइंदियाइं
सेमं तहेव । सेवं भंते ! सेवं भंते ! त्ति ॥ ८६० ॥ तेइंदियमहाजुम्ममया समत्ता
॥ १२ ॥ **सत्ततीसइमं सयं समत्तं ॥**

चउरिदिएहिवि एव चैत्तं बारस सया कायव्वा नवरं ओगाहणा जहन्नेणं अंगु-
लस्स असंखेज्जभागं उक्कोसेणं चत्तारि गाउयाइं, ठिइं जहन्नेणं एक्कं समयं उक्कोसेणं
छम्मामा मेस जहा बेइंदियाणं । सेवं भंते ! २ त्ति ॥ ८६१ ॥ चउरिंदियमहा-
जुम्ममया समत्ता ॥ १२ ॥ **अट्टतीसइमं सयं समत्तं ॥**

कडजुम्म२असत्तिपंचिंदिया णं भंते ! कओ उव्वज्जंति० ? जहा बेइंदियाणं तहेव
अमणिसुवि बारस मया कायव्वा नवरं ओगाहणा जहन्नेणं अंगुलस्स असंखेज्ज-
भागं उक्कोसेणं जोयणमहस्सं सच्चिट्ठागा जहन्नेणं एक्कं समयं उक्कोसेणं पुव्वकोट्ठिपुट्टुं
ठिइं जहन्नेणं एक्कं समयं उक्कोसेणं पुव्वकोट्ठी सेसं जहा बेइंदियाणं । सेवं भंते ! २
त्ति ॥ ८६२ ॥ अमणिपंचिंदियमहाजुम्ममया समत्ता ॥ १२ ॥ **एगुणयालीस-**
इमं सयं समत्तं ॥ कडजुम्म२सत्तिपंचिंदिया णं भंते ! कओ उव्वज्जंति० ? उव-
वाओ चउमुवि गईसु, संखेज्जवासाउयअसंखेज्जवासाउयपज्जतअपज्जतएमु य न
कओवि पडिसंढो जाव अणुत्तरविमाणत्ति, परिमाण अवहारो ओगाहणा य जहा
असत्तिपंचिंदियाणं, वेयणिज्जवज्जाणं सत्तण्हं कम्मपगढीं वधगा वा अबंधगा वा, वेय-
णिज्जस्स बंधगा नो अबंधगा, मोहणिज्जस्स वेदगा वा अवेदगा वा सेसाणं सत्त-
ण्हवि वेदग्ग नो अवेदगा, मायावेदगा वा असायावेदगा वा, मोहणिज्जस्स उदई
वा अणुदई वा सेसाणं सत्तण्हवि उदई नो अणुदई, नामस्स गोयस्स य उदीरगा
नो अणुदीरगा सेसाणं छण्हवि उदीरगा वा अणुदीरगा वा, कण्हलेस्सा वा जाव
सुकलेस्सा वा, सम्मादिट्ठी वा सिच्छादिट्ठी वा सम्मामिच्छादिट्ठी वा, णाणी वा
अन्नाणी वा, मणजोगी(वा) वडजोगी कायजोगी, उव्वओगो वज्जमाई उस्सासगा

(वा नीसामगा वा) आहारगा य जहा एगिदियाग, विरया य अविरया य विरयाविरया य, सकिरिया नो अकिरिया । ते णं भंते ! जीवा कि सत्तविहबंधगा अट्टविहबंधगा(वा) छव्विहबंधगा एगविहबंधगा ? गोयमा । सत्तविहबंधगा वा जाव एगविहबंधगा वा, ते णं भंते ! जीवा कि आहारसन्नोवउत्ता जाव परिग्गहसन्नोवउत्ता नोसन्नोवउत्ता ? गोयमा । आहारसन्नोवउत्ता वा जाव नोसन्नोवउत्ता वा, सव्वत्थ पुच्छा भाणियव्वा कोहकसाई वा जाव लोभकसाई वा अकसाई वा, इत्थीवेदगा वा पुरिसवेदगा वा नपुसगवेदगा वा अवंदगा वा, इत्थीवेदबंधगा वा पुरिसवेदबंधगा वा नपुसगवेदबंधगा वा अवंधगा वा, सन्नो नो असन्नी, सईदिया नो अर्णादिया, सच्चिट्ठणा जहन्नेणं एक्कं समयं उक्कोसेणं सागरोवपसयपुहुत्तं साइरेग, आहारो तहेव जाव नियमं छहिसि, ठिई जहन्नेणं एक्कं समयं उक्कोसेण तेत्तीस सागरोवमाइ, छ समुग्घाया आइल्लगा मारणतियममुग्घाएणं समोहयावि मरंति असमोहयावि मरति, उव्वट्ठणा जहेव उववाओ न करयइ पडिसेणो जाव अणुत्तरविमाणत्ति, अह भंते ! सव्वपाणा जाव अणंतखुत्तो, एव सोलसमुवि जुम्मेसु भाणियव्वं जाव अणंतखुत्तो, नवर परिमाणं जहा बेइंदियाणं सेस तहेव । सेव भंते ! २ ति ॥ ४०-१-१ ॥ पडमसमयकडजुम्मरसन्नपिचिदिया णं भंते ! कओ उववज्जन्ति० ? उववाओ परिमाणं आहारो जहा एएसिं चेव पडमोइसए ओगाहणा बंधो वेदो वेयणा उदई उदीरगा य जहा वेइन्दियाणं पडमसमइयाणं तहव कह्लेस्सा वा जाव सुक्खेस्सा वा, सेस जहा वेइन्दियाणं पडमसमइयाणं जाव अणंतखुत्तो नवरं टात्थवेदगा वा पुरिसवेदगा वा नपुसगवेदगा वा मन्नेणो अमन्नेणो सेस तहेव एव सोलसुवि जुम्मेसु परिमाणं तहेव सव्वं । सेव भंते ! २ ति ॥ ४०-१-२ ॥ एवं एत्थवि एक्कएस उदेवगा तहेव, पडमो तइओ पंचमो य मरिसगमगा सेसाअट्टवि मरिसगमगा, चउत्थच्छट्ठअट्टमदसमेसु नत्थि विससो (कोइव) कायव्वो । सेव भंते ! २ ति ॥ ८६३ ॥ चनालीमइमे मए पडमं सन्नपिचिदियमहाजुम्मसयं समत्तं ॥ १ ॥

कह्लेस्सकडजुम्म २ सन्नपिचिदिया णं भंते ! कओ उववज्जन्ति० ? तहेव जहा पडमुइसओ मन्नीणं, नवरं बन्धा वेओ उदई उदीरणा लेस्सा बन्धगसत्ता कमायवेयबंधगा य एयाणि जहा बेइंदियाणं, कह्लेस्साण वेदो ति विहो अबेदगा नत्थि सच्चिट्ठणा जहन्नेणं एक्कं समयं उक्कोसेणं तेत्तीस सागरोवमाइ अंतोमुहुत्तमब्भहियाई एवं ठिईएवि नवरं ठिईए अंतोमुहुत्तमब्भहियाई न भन्ति सेसं जहा एएसिं चेव पडमे उदेवए जाव अणंतखुत्तो । एवं सोलसमुवि जुम्मेसु । सेव भंते ! २ ति ॥ पडमसमयकह्लेस्सकडजुम्मरसन्नपिचिदिया ण भंते ! कओ उववज्जन्ति० ? जहा

सन्निपंचिदियपडमसमयउद्देशए तद्देव निरवसेसं नवरं ते णं भंते । जीवा कण्ड-
लेस्सा ? इंता कण्डलेस्सा सेसं तद्देव, एवं सोलससुवि जुम्मेसु । सेवं भंतं ! सेवं
भंते ! ति ॥ एवं एएवि एकारस उद्देशगा कण्डलेस्सासए, पडमतइयपंचभा
सरिसगमगा सेसा अट्टवि एक्क(सरिस)गमगा । सेवं भंते । २ ति ॥ चिइयं सयं समत्तं
॥ २ ॥ एवं नीललेस्सेसुवि सयं, नवरं संचिट्टुगा जहणेणं एक्कं समयं उक्कोसेणं
दस सागरोवमाइं पलिओवमस्स असंखेज्जइभागमब्भहियाइं, एवं ठिइएवि, एवं तिसु
उद्देशएसु, सेसं तद्देव । सेवं भंते । सेवं भंते । ति ॥ तइयं सयं समत्तं ॥ ३ ॥
एवं काउलेस्ससयंपि, नवरं संचिट्टुगा जहणेणं एक्कं समयं उक्कोसेणं तिज्जि साग-
रोवमाइं पलिओवमस्स असंखेज्जइभागमब्भहियाइं, एवं ठिइएवि, एव तिसुवि
उद्देशएसु, सेसं तद्देव । सेवं भंते ! २ ति ॥ चउत्थं सयं ॥ ४ ॥ एवं तेउलेस्सेसुवि
सयं, नवरं संचिट्टुगा जहणेणं एक्कं समयं उक्कोसेणं दो सागरोवमाइं पलिओवमस्स
असंखेज्जइभागमब्भहियाइं एवं ठिइएवि नवरं नांसज्जोवउत्ता वा, एवं तिसुवि(गमएसु)
उद्देशएसु सेसं तं चेव । सेवं भंते ! २ ति ॥ पंचमं सयं ॥ ५ ॥ जहा तेउलेस्सा-
सयं तथा पण्डलेस्सानयंपि नवरं संचिट्टुगा जहणेणं एक्कं समयं उक्कोसेणं दस
सागरोवमाइं अंनोमुहुत्तमब्भहियाइं, एवं ठिइएवि, नवरं अंनोमुहुत्तं । न भजइ सेसं
तद्देव, एवं एएसु पंचसु सएसु जहा कण्डलेस्सासए गमओ तथा नेयव्वो जाव
अणंतखुत्तो । सेवं भंते ! २ ति ॥ छट्ठं सयं समत्तं ॥ ६ ॥ सुक्कलेस्ससयं जहा
ओहियसयं नवरं संचिट्टुगा ठिइं य जहा कण्डलेस्ससए सेसं तद्देव जाव अणंतखुत्तो ।
सेवं भंते ! २ ति ॥ सप्तमं सयं समत्तं ॥ ७ ॥ भवसिद्धियकडजुम्म २ सन्निपं-
चिदिया णं भंते ! कओ उववज्जन्ति० ? जहा पडमं सज्जिसयं तथा णेयव्वं भवसिद्धि-
याभिलावेणं नवरं सब्वपाणा० ? णो इणट्ठे समट्ठे, सेसं तं चेव, सेवं भंते ! २ ति ॥
अट्ठमं सयं समत्तं ॥ ८ ॥ कण्डलेस्सभवसिद्धियकडजुम्म २ सन्निपंचिदिया णं भंते !
कओ उववज्जन्ति० ? एवं एएणं अभिलावेणं जहा ओहियकण्डलेस्ससयं । सेवं भंते !
२ ति ॥ नवमं सयं ॥ ९ ॥ एवं नीललेस्सभवसिद्धिएवि सयं । सेवं भंते ! २ ति ॥
दसमं सयं ॥ १० ॥ एवं जहा ओहियाणि सन्निपंचिदियाणं सत्त सयाणि भणियाणि एवं
भवामिद्धिएहिवि सत्त सयाणि कायव्वाणि, नवरं सत्तसुवि सएसु सब्वपाणा जाव
णो इणट्ठे समट्ठे, सेसं तं चेव । सेवं भंते ! २ ति ॥ भवसिद्धियसया समत्ता ॥
चउत्थमं सयं समत्तं ॥ १४ ॥ अभवसिद्धियकडजुम्म २ सन्निपंचिदिया णं भंते !
कओ उववज्जन्ति० ? उववाओ तद्देव अणुतरविमाणवज्जो परिमाणं अव(आ)हारो
उच्चत बंधो वेदो वेदणं उदआं उचीरणं य जहा कण्डलेस्ससए कण्डलेस्सा वा जाव

सुकलेस्सा वा नो मम्मदिट्ठी मिच्छादिट्ठी नो सम्मासिच्छादिट्ठी नो नाणी अजाणी एवं जहा कण्हलेस्सए नवरं नो विरया अविरया नो विरयाविरया संचिट्ठणा ठिई य जहा ओहियउद्देमए समुग्धाया आइल्लगा पंच उव्वट्टणा तहेव अणुत्तरविमाणवच्चं सव्वपाणा० णो इणट्ठे समट्ठे सेसं जहा कण्हलेस्सए जाव अणंतखुत्तो, एवं सोलससुवि जुम्मेसु । सेवं भंते । २ ति ॥ पढमसमयअभवसिद्धियकडजुम्म २ सन्निपंचिदिया ण भंते ! कओ उव्वज्जन्ति० ? जहा सर्त्ताणं पढमसमयउद्देसए तहेव नवरं सम्मनं सम्माभिच्छत्तं नाणं च सव्वत्थ नत्थि सेसं तहेव । सेवं भंते । २ ति ॥ एवं एत्थवि एक्कारम उद्देसगा कायव्वा पढमसमयपंचमा एक्कामा सेसा अट्ठवि एक्कामा । सेवं भंते । २ ति ॥ पढमं अभवसिद्धियमहाजुम्मसयं समत्तं ॥ चत्तालीसइमे मए पन्नरमसं सयं समत्तं ॥ १५ ॥ कण्हलेस्सअभवसिद्धियकडजुम्म २ सन्निपंचिदिया णं भंते ! कओ उव्वज्जन्ति० ? जहा एएमि चेव ओहियसयं तहा कण्हलेस्ससयंपि नवरं ते णं भंते ! जीवा कण्हलेस्सा ? हंता कण्हलेस्सा, ठिई सचिट्ठणा य जहा कण्हलेस्सए सेसं तं चंव । सेवं भंते । २ ति ॥ बिइयं अभवसिद्धियमहाजुम्मसयं ॥ चत्तालीसइमे सए सोत्तमसं सयं समत्तं ॥ १६ ॥ एवं छहि वि लेस्साहिं छ मग्गा कायव्वा जहा कण्हलेस्ससयं नवरं संचिट्ठणा ठिई य जहेव ओहियए तहेव भाणियव्वा, नवरं सुकलेस्साए उक्कोसेणं एकतीसं सागरोवमाई अतोमुहुत्तमच्चहियाई, ठिई एवं चेव नवरं अतोमुहुत्तं नत्थि जहन्नगं तहेव सव्वत्थ सम्मननाणाणि नत्थि विरई विरयाविरई अणुत्तरविमाणोववत्ति एयाणि नत्थि, सव्वपाणा० णो इणट्ठे समट्ठे । सेवं भंते ' सेवं भंते ! ति ॥ एवं एयाणि सत्त अभवसिद्धियमहाजुम्ममयाणि भवन्ति । सेवं भंते । २ ति ॥ एवं एयाणि एक्कीसं सज्जिमहाजुम्मसयाणि । सव्वाणिवि एक्कासीइमहाजुम्मसया समत्ता ॥ ८६४ ॥

चत्तालीसइमं सयं समत्तं ॥

कइ णं भंते ! रासीजुम्मा पन्नता ? गोयमा ! चत्तारि रासीजुम्मा पन्नता, तंजहा-कडजुम्मे जाव कलिओगे, से केणट्ठेणं भंते ! एवं कुच्चइ चत्तारि रासीजुम्मा पन्नता तंजहा—कडजुम्मे जाव कलिओगे ? गोयमा ! जे णं रासी चउपज्जवसिए अवहारेणं अवहीरमाणे चउपज्जवसिए सेत्तं रासीजुम्मकडजुम्मे, एवं जाव जे णं रासी चउपज्जवसिए अवहारेणं अवहीरमाणे एगपज्जवसिए सेत्तं रासीजुम्मकलिओगे, से तेषट्ठेणं जाव कलिओगे । रासीजुम्मकडजुम्मेनेइया णं भंते ! कओ उव्वज्जन्ति० ? उववाओ जहा बक्कीए, ते णं भंते ! जीवा एगसमएणं केवइया उव्वज्जन्ति ? गोयमा ! चत्तारि वा अट्ठ वा

बारस वा सोलस वा संखेज्जा वा असंखेज्जा वा उववज्जति, ते णं भंते । जीवा किं संतरं उववज्जन्ति निरंतरं उववज्जन्ति ? गोयमा । संतरंपि उववज्जन्ति निरंतरंपि उववज्जन्ति, संतरं उववज्जमाणा जहङ्गेण एक्कं समयं उक्कोसेण असंखेज्जा समया अंतरं कट्टु उववज्जन्ति, निरंतरं उववज्जमाणा जहङ्गेण दो समया उक्कोसेण असंखेज्जा समया अणुममयं अविरहियं निरंतरं उववज्जन्ति, ते णं भंते ! जीवा जंममयं कडजुम्मा तंममयं तेओगा जगमयं तेओगा तंममयं कडजुम्मा ? गोयमा । णो इणट्ठे समट्ठे, जंसमयं कडजुम्मा तंममयं दावरजुम्मा जंममयं दावरजुम्मा तंममयं कडजुम्मा ? नो इणट्ठे समट्ठे, जंसमयं कडजुम्मा तंममयं कलिओगा जंसमयं कलिओगा तंममयं कडजुम्मा ? णो इणट्ठे समट्ठे । ते णं भंते ! जीवा कहां उववज्जन्ति ? गोयमा ! मे जहानामए पवए पवमाणे एवं जहा उववायसए जाव नो परपओगेण उववज्जन्ति । ते णं भंते ! जीवा किं आयजसेण उववज्जन्ति आयजसेण उववज्जन्ति ? गोयमा । नो आयजसेण उववज्जति आयजसेण उववज्जन्ति, जइ आयजसेण उववज्जन्ति किं आयजसेण उवजीवंति आयजसेण उवजीवंति ? गोयमा । नो आयजसेण उवजीवंति आयजसेण उवजीवंति, जइ आयजसेण उवजीवंति किं सलेस्सा अलेस्सा ? गोयमा । सलेस्सा नो अलेस्सा, जइ सलेस्सा किं सकिरिया अकिरिया ? गोयमा । सकिरिया नो अकिरिया, जइ सकिरिया तेणेव भवग्गहणेण सिज्झति जाव अंतं करेति ? णो इणट्ठे समट्ठे । रासीजुम्मकडजुम्मअमुरकुमारा णं भंते ! कओ उववज्जन्ति ? जहेव नेरइया तहेव निरवसेस एवं जाव पंचिदियतिरिक्खजोणिया नवरं वग्गस्सइकाइया जाव असंखेज्जा वा अणंता वा उववज्जति संसे तं चेव, मणुस्सावि एवं चेव जाव नो आयजसेण उववज्जन्ति आयजसेण उववज्जन्ति, जइ आयजसेण उववज्जन्ति किं आयजसेण उवजीवंति आयजसेण उवजीवंति ? गोयमा । आयजसेण उवजीवंति आयजसेण उवजीवंति, जइ आयजसेण उवजीवंति किं सलेस्सा अलेस्सा ? गोयमा । सलेस्सावि अलेस्सावि, जइ अलेस्सा किं सकिरिया अकिरिया ? गोयमा । नो सकिरिया अकिरिया, जइ अकिरिया तेणेव भवग्गहणेण सिज्झति जाव अंतं करेति ? हंता सिज्झति जाव अंतं करेति, जइ सलेस्सा किं सकिरिया अकिरिया ? गोयमा । सकिरिया नो अकिरिया, जइ सकिरिया तेणेव भवग्गहणेण सिज्झति जाव अंतं करेति ? गोयमा । अत्थेगइया तेणेव भवग्गहणेण सिज्झति जाव अंतं करेति अत्थेगइया नो तेणेव भवग्गहणेण सिज्झति जाव अंतं करेति, जइ आयजसेण उवजीवंति किं सलेस्सा अलेस्सा ? गोयमा । सलेस्सा नो अलेस्सा, जइ सलेस्सा

किं सकिरिया अकिरिया ? गोयमा ! सकिरिया नो अकिरिया, जइ सकिरिया तेणेव भवग्गहणेणं सिज्जंति जाव अंनं करंति । गोयमा ! नो इण्ठे समट्ठे । वाणमंतरजोइसिय-वेमाणिया जहा नेरइया । सेवं भंते । सेवं भंते । ति ॥ इक्कचत्तालीसव्वमे रासीजुम्मसए पडमो उद्देसो ॥ ४१।१ ॥ रासीजुम्मनेओगनेरइया णं भंते । कओ उववज्जंति० ? एवं चेव उद्देसओ भाणियव्वो नवरं परिमाणं तिज्जि वा सत्त वा एक्कारस वा पन्नरम वा संखेज्जा वा असंखेज्जा वा उववज्जंति संतरं नहेव, ते णं भंते ! जीवा जंसमयं तेओगा तंसमयं कडजुम्मा जंसमयं कडजुम्मा तंसमयं तेओगा ? गोयमा ! णो इण्ठे समट्ठे, जंसमयं तेओगा तंसमयं दावरजुम्मा जंसमयं दावरजुम्मा तंसमयं तेओगा ? गोयमा ! णो इण्ठे समट्ठे, एवं कलिओगेणवि समं, सेसं तं चेव जाव वेमाणिया नवरं उववाओ सव्वेसिं जहा वक्कंतीए । सेवं भंते । सेवं भंते । ति ॥ ४१।२ ॥ रासीजुम्मदावर-जुम्मनेरइया णं भंते । कओ उववज्जंति० ? एवं चेव उद्देसओ नवरं परिमाणं दो वा छ वा दस वा संखेज्जा वा असंखेज्जा वा उववज्जंति संवेहो, ते णं भंते ! जीवा जंसमयं दावरजुम्मा तंसमयं कडजुम्मा जंसमयं कडजुम्मा तंसमयं दावरजुम्मा ? णो इण्ठे समट्ठे, एवं तेओएणवि समं, एवं कलिओगेणवि समं, सेसं जहा पडमुद्देसए जाव वेमाणिया । सेवं भंते । २ ति ॥ ४१।३ ॥ रासीजुम्मकलिओगनेरइया णं भंते ! कओ उववज्जंति० ? एवं चेव नवरं परिमाणं एक्को वा पंच वा नव वा तेरम वा संखेज्जा वा असंखेज्जा वा उववज्जंति संवेहो, ते णं भंते ! जीवा जंसमयं कलिओगा तंसमयं कडजुम्मा जंसमयं कडजुम्मा तंसमयं कलिओगा ? नो इण्ठे समट्ठे, एवं तेओगेणवि समं, एवं दावरजुम्मेणवि समं, सेसं जहा पडमुद्देसए एवं जाव वेमाणिया । सेवं भंते । २ ति ॥ ४१।४ ॥ कण्हलेस्सरासीजुम्मकडजुम्मनेरइया णं भंते ! कओ उववज्जंति० ? उववाओ जहा धूमपभाए सेसं जहा पडमुद्देसए, असुरकुमाराणं तहेव एवं जाव वागमताराणं मणुस्साणवि जहेव नेरइयाणं आस-अजसं उवजीवंति अलेस्सा अकिरिया तेणेव भवग्गहणेणं सिज्जंति एवं (न) भाणियव्वं सेस जहा पडमुद्देसए । सेवं भंते । सेवं भंते । ति ॥ ४१।५ ॥ कण्हलेस्सतेओगेहिवि एवं चेव उद्देसओ, सेवं भंते । २ ति ॥ ४१।६ ॥ कण्हलेस्सदावरजुम्मेहिवि एवं चेव उद्देसओ । सेवं भंते । २ ति ॥ ४१।७ ॥ कण्हलेस्सकलिओगेहिवि एवं चेव उद्देसओ परिमाणं संवेहो य जहा ओहिएम उद्देसए । सेवं भंते । २ ति ॥ ४१।८ ॥ जहा कण्हलेस्सेहिं एवं नीललेस्सेहिवि चत्तारि उद्देसणा भाणियव्वा निरवसेसा, नवरं नेरइयाणं उववाओ जहा वाह्ययप्पभाए सेसं तं चेव । सेवं भंते !

सेवं भंते ! ति ॥ ४१११२ ॥ काउलेस्सेहिवि एवं चेव चत्तारि उद्देसगा कायव्वा नवरं नेरइयाणं उववाओ जहा रयणप्पभाए, सेसं तं चेव । सेवं भंते । सेवं भंते । ति ॥ ४१११६ ॥ तेउलेस्सरासीजुम्मकडजुम्मअसुरकुमारा णं भंते । कओ उववज्जन्ति० ? एवं चेव नवरं जेसु तेउलेस्सा अत्थि तेसु भाणियव्व, एवं एएवि कण्हलेस्ससरिसा चत्तारि उद्देसगा कायव्वा । सेवं भंते । २ ति ॥ ४११२० ॥ एवं पम्हलेस्साएवि चत्तारि उद्देसगा कायव्वा पंचिदियतिरिक्खजोणियाणं मणुस्साणं वेमाणिय ण य एएसिं पम्हलेस्सा सेमाणं नत्थि । सेवं भंते । २ ति ॥ ४११२४ ॥ जहा पम्हलेस्साए एवं सुक्खलेस्साएवि चत्तारि उद्देसगा कायव्वा नवरं मणुस्साणं गमओ जहा ओहियउद्देसएसु सेसं तं चेव, एव एए छसु लेस्सासु चउव्वीसं उद्देसगा ओहिया चत्तारि, सव्वेने अट्ठावीसं उद्देसगा भवति । सेवं भंते । २ ति ॥ ४११२८ ॥ भवसिद्धियरासीजुम्मकडजुम्मनेरइया णं भंते ! कओ उववज्जन्ति० ? जहा ओहिया पटमगा चत्तारि उद्देसगा तहेव निरवसेसं एए चत्तारि उद्देसगा । सेवं भंते । २ ति ॥ ४११३२ ॥ कण्हलेस्सभवसिद्धियरासीजुम्मकडजुम्मनेरइया णं भंते ! कओ उववज्जन्ति० ? जहा कण्हलेस्साए चत्तारि उद्देसगा भवति तथा इमेवि भवसिद्धियकण्हलेस्सेहिं चत्तारि उद्देसगा कायव्वा ॥ ४११३६ ॥ एवं नीललेस्सभवसिद्धिएहिवि चत्तारि उद्देसगा कायव्वा ॥ ४११४० ॥ एवं काउलेस्सेहिवि चत्तारि उद्देसगा ॥ ४११४४ ॥ तेउलेस्सेहिवि चत्तारि उद्देसगा ओहियसरिसा ॥ ४११४८ ॥ पम्हलेस्सेहिवि चत्तारि उद्देसगा ॥ ४११५२ ॥ सुक्खलेस्सेहिवि चत्तारि उद्देसगा ओहियसरिसा, एवं एएवि भवसिद्धिएहिवि अट्ठावीसं उद्देसगा भवंति । सेवं भंते ! सेव भंते ! ति ॥ ४११५६ ॥ अभवसिद्धियरासीजुम्मकडजुम्मनेरइया णं भंते ! कओ उववज्जन्ति० ? जहा पटमो उद्देसओ नवरं मणुस्सा नेरइया य सरिसा भाणिय वा, सेसं तहेव । सेवं भंते । २ ति । एवं चउसुवि जुम्मेसु चत्तारि उद्देसगा । कण्हलेस्सअभवसिद्धियरासीजुम्मकडजुम्मनेरइया णं भंते । कओ उववज्जन्ति० ? एवं चेव चत्तारि उद्देसगा, एवं नीललेस्सअभवसिद्धिएहिवि चत्तारि उद्देसगा एवं काउलेस्सेहिवि चत्तारि उद्देसगा एवं तेउलेस्सेहिवि चत्तारि उद्देसगा पम्हलेस्सेहिवि चत्तारि उद्देसगा सुक्खलेस्सअभवसिद्धिएहिवि चत्तारि उद्देसगा, एवं एएसु अट्ठावीसाएवि अभवसिद्धियउद्देसएसु मणुस्सा नेरइयगमेणं नेयव्वा । सेवं भंते । २ ति । एवं एएवि अट्ठावीसं उद्देसगा ॥ ४११८४ ॥ सम्महिट्ठीरासीजुम्मकडजुम्मनेरइया णं भंते ! कओ उववज्जन्ति० ? एवं जहा पटमो उद्देसओ एव चउसुवि जुम्मेसु चत्तारि उद्देसगा भवसिद्धियसरिसा कायव्वा । सेवं भंते । २ ति ॥ कण्हलेस्ससम्महिट्ठीरासीजुम्मकडजुम्मनेरइया णं भंते ! कओ

उववज्जंति० ? एएवि कण्हलेस्समरिसा चत्तारिवि उद्देसगा कायव्वा, एवं सम्महिद्धी-
सुवि भवसिद्धियसरिसा अट्टावीसं उद्देसगा कायव्वा । सेवं भंते । सेवं भंते । त्ति जाव
विहरइ ॥ ४१।११२ ॥ मिच्छादिट्ठिअभिलावेणं अभवसिद्धियसरिसा अट्टावीसं
उद्देसगा कायव्वा । सेवं भंते । सेवं भंते । त्ति ॥ ४१।१४० ॥ कण्हपक्खियरासीजुम्म-
कडजुम्मनेरइया णं भंते । कओ उववज्जंति० ? एवं एथवि अभवसिद्धियसरिसा
अट्टावीसं उद्देसगा कायव्वा । सेवं भंते । २ त्ति ॥ ४१।१६८ ॥ सुक्कपक्खियरासी-
जुम्मकडजुम्मनेरइया णं भंते । कओ उववज्जंति० ? एवं एथवि भवसिद्धियसरिसा
अट्टावीस उद्देसगा भवंति, एवं एए मव्वेवि छन्नउयं उद्देसगसयं भवन्ति रासीजुम्म-
सयं ॥ ४१।१९६ ॥ जाव सुक्कलेस्सा सुक्कपक्खियरासीजुम्मकलिओगवेमाणिया
जाव जइ सक्किरिया तेणेव भवगहणेणं सिञ्जंति जाव अंतं करेति ? णो इणट्ठे
समट्ठे, सेवं भंते । २ त्ति ॥ ८६५ ॥ भगवंं गोयमे समण भगवंं महावीरं तिक्खुत्तो
आयाट्ठिणं पयाहिणं करेइ २ ता वंदइ नमंसइ वंदिता नमंसिता एवं वयासी-एवमेयं
भंते । तहमेयं भंते । अविहत्तमेयं भंते । असदिद्धमेयं भंते । इच्छियमेयं भंते ।
पडिच्छियमेयं भंते । इच्छियपडिच्छियमेयं भंते । मव्वे णं एसमट्ठे जे णं तुब्भे
वदत्तकिट्ठु अपूइवयणा खलु अरिहंता भगवंतो, समणं भगवंं महावीरं वंदइ नमंसइ
वंदिता नमंसिता संजमेणं तवसा अप्पाणं भावेमाणेणं विहरइ ॥ ८६६ ॥ इक्कचत्ता-
लीसइमं रासीजुम्मसयं समत्तं ॥ सव्वाए भगवद्‌ए अट्ठतीमं सयं मयाणं
१३८ उद्देसगाणं १९२५ ॥ चुलसीयमयमहम्मा पयाण पवरवरणाणदसीहिं । भावा-
भावमणंता पत्तता एथमंगंसि ॥ १ ॥ तवनियमविणयवेत्तो जयइ सया नाणविमल-
विउलजलो । हेउमयविउलवेगो संघसमुद्दो गुणविमालो ॥ २ ॥ णमो गोयमाइणं
गणहराणं, णमो भगवद्‌ए विवाहपत्तनीए, णमो दुवालसंगस्स गणपिडगस्स ॥ गहा-
[कुमुम] कुम्मसुसंठियचलणा, अमलियकोरंटवंटसंक्रासा । सुयदेवया भगवद्‌ मम
सइतिमिरं पणासेउ ॥ १ ॥ पत्तनीए आइमाणं अट्ठण्हं सयाणं दो दो उद्देसगा उहि-
सिज्जन्ति णवरं चउत्थे सए पडमदिवसे अट्ठ विइयदिवसे दो उद्देसगा उहिपिज्जंति,
(नवरं) नवमाओ सयाओ आरद्धं जावइयं जावइयं एइ तावइयं तावइयं एगदिवसेणं
उहिसिज्जइ उक्कोसेणं सयंपि एगदिवसेणं म्जिअमेणं दोहिं दिवसेहिं सयं जह्वेणं
तिहिं दिवसेहिं सयं एव जाव वीमइमं सयं, णवरं गोसालो एगदिवसेणं उहिसिज्जइ जइ
ठिओ एगेण चेव आयंबिलेग अपुत्त(विज्जइ)जिहीइ अह ण ठिओ आयंबिलेणं छट्ठेणं
अणुण्णवइ, एकवीसबावीसतेवीसइमाइं सयाइं एक्केदिवसेणं उहिसिज्जन्ति, 'चउ-

वीसइमं सयं दोहिं दिवसेहिं छ छ उइसगा, पंचवीसइमं दोहिं दिवसेहिं छ छ उइ-
सगा, बधिसयाइ अट्टसयाइ एगेणं दिवसेणं सेट्टिसयाइ बारस एगेणं एगिदियमहा-
जुम्मसयाइ बारस एगेणं एवं त्रेइदियाणं बारस तेइदियाणं बारस चउरिदियाणं
बारस एगेणं असन्निपंचिदियाणं बारस सन्निपंचिदियमहाजुम्मसयाइ एकवीसं एग-
दिवसेणं उट्टिसिज्जन्ति रासीजुम्मसयं एगदिवसेणं उट्टिसिज्जइ ॥ **गाहाओ-**वियसि-
यअरविदकरा नासियतिमिरा सुयाहि(वा)या देवी । मज्झंपि देउ मेह बुहविवुहण-
ममिया णिच्च ॥ १ ॥ सुयदेवयाए पणमिमो जीए पसाएण सिक्खियं नाणं । अण्णं
पवयणदे(विं)वी संतिक(रिं)री तं (इं)नमंसांमि ॥ २ ॥ सुयदेवया य जक्खो कुंभधरो
बंभसंति वेरोट्टा । विज्जा य अंतहुंडी देउ अविग्घं लिहंतस्स ॥ ३ ॥ ८६७ ॥
सिरिच्चिवाहपन्नत्ती समत्ता, पंचमं अंगं समत्तं ॥



श्रीसूत्रागम प्रकाशक समितीके आश-संस्कृत



णमोऽत्यु णं समणस्स भगवओ णायपुत्त-महावीरस्स

सुत्तागमे

तत्थ णं

॥ नायाधम्मकहाओ ॥

तेणं कालेणं तेणं समएणं चंपा नामं नयरी होत्था । वण्णओ ॥ १ ॥ तीमे णं चंपाए नयरीए बहिया उत्तरपुरच्छिमे दिसीभाए (एत्य णं) पुण्णभेदे नामं उज्जाणे होत्था । वण्णओ ॥ २ ॥ तत्थ णं चंपाए नयरीए कोणिए नामं राया होत्था । वण्णओ ॥ ३ ॥ तेणं कालेण तेणं समएण समणरम भगवओ महावीरस्स अतेवासी अज्जसुहम्ममे नामं धेरे जाडसंपत्ते कुलसंपत्ते बलरूवाविणयनाणदसणचरितलाघवसंपत्ते ओयंसी नेयंसी बच्चंसी जमसी जियकोहे जियमाणे जियमाए जियलोहे जिइदिणं जियनिहे जियपर्यामहे जीवियासामरणभयविष्पमुक्के तवप्पहाणे गुणप्पहाणे एवं करणचरण-
निगहनिच्छयअज्जवमद्वलाघवश्वंतिगुत्तिमुत्तिविज्जामंतवंम(चेर)वयनयनियमसख-
सोयनाणदसणचरितप्पहाणे उ(ओ)रले घोरे धोएव्वए धोरतवस्सी धोरवंमचरवासी
उच्छुद्धसरीरे सन्वित्तविउलतं(य) उल्लेसे चोहमपुव्वी च उनाणोवगए पंचहिं अणगारस-
एहिं सारि सपतिवुद्धे पुव्वानुपुव्व चरमाणे गामाणुगामं दूइजमाणे सुहंसुहेणं विहरमाणे
जेणेव चंपा नयरी जेणेव पुण्णभेदे उज्जाणे तेगामेव उवागच्छइ २ ता अहापडि-
रूवं उरगइ ओगिण्हइ ओगिण्हिता संजमेणं तवमा अप्पाणं भावेमाणे विहरइ ॥ ४ ॥
तए णं चंपाए नयरीए परिसा निगगया । कोणिओ निगगओ । धम्मो कहिओ । परिसा
जामेव दिसि पाउब्भूया ताभेव दिसि पडिगया । तेण कालेणं तेणं समएणं अज्ज-
सुहम्मस्स अणगारस्स जेट्ठे अतेवासी अज्जंजू नामं अणगारे कासवगोतेणं सत्तु-
स्सेहे जाव अज्जसुहम्मस्स धेरस्स अदूरसामंतं उच्छुजाणु अहोसिरे क्षाणकोट्टोवगए
संजमेणं तवसा अप्पाणं भावेमाणे विहरइ । तए णं से अज्जंजूनामे जायसद्धं ज.य-
संसए जायकोउहल्ले संजायसद्धं संजायसंसए संजायकोउहल्ले उप्पन्नसद्धे उप्पन्नसंसए
उप्पन्नकोउहल्ले समुप्पन्नसद्धे समुप्पन्नसंसए समुप्पन्नकोउहल्ले उट्ठाए उट्ठेइ उट्ठाए
उट्ठिता जेणाभेव अज्जसुहम्ममे धेरे तेणाभेव उवागच्छइ २ ता अज्जसुहम्ममे धेरे तिक्खुत्तो
आयाहिणं पयाहिणं करेइ २ ता बंबइ नमंसइ वदिता नमंसिता अज्जसुहम्मस्स धेरस्स

नञ्चासन्ने नाइदूरे सुस्सममाणे नमंममाणे अभिमुहे पंजलिउडे विणएणं पज्जुवासमाणे एवं वयासी-जइ ण भंते ! समणेणं भगवया महावीरेणं आइगरेण तित्थगरेणं सयंसबुद्धेणं पुरिसुत्तमेणं पुरिससीहेणं पुरिस(वरपुंडरीएणं)वग्घेणं पुरिसवरणंधहत्थिणा लोगुत्तमेणं लोगनाहेण लोगहिणं लोगपईवेणं लोगपज्जोयगरेणं अभयदएणं सरणदएणं चक्खुद-एणं मरगदएणं बोहिदएणं धम्मदएणं धम्मदेसएणं धम्मनायगेणं धम्मसारहिणा धम्म-वरचाउरंतचक्कवट्टिणा अप्पडिहयवरनागदंसणधरेणं वियट्टुत्तमेणं जिणेण जा(व)ण-एणं तिण्णेण तारणं बुद्धेणं बोहएणं मुत्तेणं मोयगेणं सब्बण्णेणं सब्बदग्गिसिणा सिवमय-लमहयमणंतमक्खयमव्वावाहमपुणरावित्तियं सासयं ठाणमुवगएणं पंचमस्स अंगस्स अयमट्टे पन्नते, छट्ठस्स णं अंगस्स भंते ! नायाधम्मकहाणं के अट्टे पन्नते ? जंबु-त्ति अज्जनुहम्मो थेरे अज्जजंबूनामं अणगारं एवं वयासी एवं खलु जंबू ! समणेणं भगवया महावीरेणं जाव संपत्तणं छट्ठस्स अंगस्स दो सुयक्खंधा पन्नता, तंजहा-नाय णि य धम्मकहाओ य । जइ णं भंते ! समणेणं भगवया महावीरेणं जाव सपत्तेण छट्ठस्स अंगस्स दो सुयक्खंधा पन्नता तंजहा-नायाणि य धम्मकहाओ य, पटमस्स ण भंते ! सुयक्खंधस्स समणेणं जाव संपत्तणं नायाणं कइ अज्ज-यणा पन्नता ? एवं खलु जंबू ! समणेणं जाव संपत्तेण नायाणं एगूगवीसं अज्जयणा पन्नता, तंजहा-उक्खित्तणाए सघाडे अडे कुम्भे य सेलंग । तुंजे य रोहिणी मल्ली मायंदी चंदिमाइय ॥ १ ॥ दावद्वे उदगणाए मंडुक्के तयली वि य । नंदी कळे अवरकंका आडन्न सुसुमाइय ॥ २ ॥ अवरं य पुंडरीए नायए एगूगवीसं ॥ ५ ॥ जइ णं भंते ! समणेणं जाव सपत्तेणं नायाणं एगूगवीसं अज्जयणा पन्नता तंजहा-उक्खित्तणाए जाव पुंडरीए (त्ति) य, पटमस्स णं भंते ! अज्जयणस्स के अट्टे पन्नते ? एवं खलु जंबू ! तेणं कालेणं तेणं समएणं इहव जंबुहीवे वीवं भारहे वासे दाहिणक्कुभरहे रायगिहे नामं नयरे होत्या । वण्णओ । गुगमिलए उज्जाणं । वण्णओ । नत्थ णं रायगिहे नयरे मेणिए नामं राया होत्या । महया हिमवंतं वण्णओ । तस्स णं सेणियस्स रत्तो नंदा नामं देवी होत्या सुकुमालपाणिपाया वण्णओ ॥ ६ ॥ तस्स णं सेणियस्स पुत्ते नंदाए देवीए अत्तए अभए नामं कुमारे होत्या अहीणपंचिदियमरीरे जाव सुस्से सामइंडभेयउत्तपयाणनीइमुप्पउत्तनयविहिन्नु इहापोहमग्गणगवेसणअत्तयस्सत्तमइवि-सारए उप्पत्तियाए वेणइयाए कम्मियाए पारिणामियाए चउव्विहाए बुद्धीए उववेए सेणियस्स रत्तो बहुसु कज्जेसु य कुट्टेबेसु य मतेसु य गुज्जेसु य रहस्सेसु य निच्छ-एसु य आपुच्छणिजे पडिपुच्छणिजे मेदी पमाणं आहारे आलंबणं चक्खु मेदीभूए पमाणभूए आहारभूए आलंबणभूए चक्खुभूए सब्बकज्जेसु सब्बभूमिआसु लद्धपच्चए

विष्णुवियारि रजधुरचित् ए यावि होत्या । सेणियस्स रज्जो रज्जं च रट्टं च कोसं च कोट्टागारं च बलं च वाहणं च पुरं च अतेउरं च सयमेव समु(वि)पेक्खमाणे २ विहरइ ॥ ७ ॥ तस्स णं सेणियस्स रज्जो धारिणी नामं देवी होत्या जाव सेणियस्स रज्जो इट्ठा जाव विहरइ ॥ ८ ॥ ताए णं सा धारिणी देवी अन्नया कयाइ तंसि तारिसगसि छक्कट्टगलट्टमट्टसंठियखंमुग्गयपवरवरसालभंजियउज्जलमणिक्कणगरयणथूमियविडक्कजालद्धवंदग्गिज्जहकंनरकणयालिचदमाहियाविभत्तिकलिए सरसच्छाक्कवलवण्णरइए बाहिरओ वूमियवट्टमट्टे अच्चिभतरओ पसत्तसुविलिहियचित्तकम्भे नाणाविह-पंचवण्णमणिरयगकोट्टिमनले पउमलयाफुल्लवल्लिवरपुप्फजाइउल्लोयचित्तियनले चं वं)-दणवरक्कगकलमसु(वि)णिम्मियपडिपुज्जियसरसपउनमोहेतदारभाए पयरगल्ल-वंतमणिमुत्तदामसुविरइयदारगोहे मुगंधवरकुसुममउयपट्टलसयणोवयारमणहिययनि-व्वुउयरे कप्पुलवंगमलप्रचंदणकालागुणपवरकुंदुरक्कुत्तक्कवडज्जंतसुरभिमघमघंतगं-धुद्धुयारिणामे सुगंधवरगंधत गंधवट्टिभाए नणिक्किरणपणासियंधयारे कि बहुणा ? जुड-गुणेहि सुव्वरविमाणवेत्त(विय)ववरघए नंसि तागिसगंसि सयणिज्जमि सालिगणवट्टिए उमआं विच्चोयणे दुइओ उन्नए मज्झे णपगभीरे नंगापुल्लिगवाल्लुवाउहालसाल्लिभाए उयच्चियसोमदुपुल्लइएपडि(च्छुण्णं)च्छायणे अत्तयमलयनवतयकुसत्तलिबसीहके-सरपत्तुताए सुविरइययताणे रत्तउयसइए सुग्गमे आडणगह्ववूरनवणीयतुल्लकसे पुल्लवरावरत्तकालममयंसि सुत्तजागरा ओहीरमाणी ओहीरमाणी एगं महं मत्तुस्सेहं रययक्कडसज्जिहं नहयलंसि सोमं सोमागारं कीअयंतं जेभा(यंतं)यमाणं मुहमइगयं गयं पासिता णं पडिबुद्धा । ताए णं सा धारिणी देवी अयमेयाहत्तं उरालं कळाण तिवं धन्न मंगल मस्सिरीयं महासुमिणं पासिता णं पडिबुद्धा समाणी इट्टतुट्ठा चित्तमाणंदिया पीडमणा परमभोमणस्सिया हरिववसविसप्पमागहियया धाराहयक्कलंबपुप्फणं पिव मम्मसियरोमक्कवा तं सुमिणं ओगिण्हइ २ ता मयणिज्जाओ उट्टेइ २ ता पायपीडाओ पक्कोरुइइ २ ता अतुरियमचवल्लसभंताए अविगंविद्याए रायहंससरितीए गइए जेणामेव से सेणिए राया तेणामेव उवागच्छइ २ ता सेणियं रायं ताहिं इट्ठाहिं कंताहिं पियाहिं मणुज्जाहिं मणामाहिं उरालाहिं कळाणहिं सिवाहिं धज्जाहिं मंगळाहिं सांस्सरीयाहिं हिययगमणिज्जाहिं हिययपल्हायणिज्जाहिं मियमदुररिभियगंभीरसस्सि-रीयाहिं गिगाहिं संलवमाणी २ पडिबोहेइ २ ता सेणिएणं रजा अब्भणुजाया समाणी नाणामणिक्कणगरयणभत्तिचित्तंसि महासणंसि निसीयइ २ ता आसत्था वीसत्था सुहासणवरगया करयलपरिगहियं सिरसत्तवं मत्थए अंजलि वट्टु सेणियं रायं एवं वयासी-एवं खल्ल अहं देवाणुप्पिया । अज्ज वेस्सि तागिसगंसि यज्जणित्तंसि

सालिंगवद्विए जाव नियगवश्रणमइवयंतं गयं सुमिणे पासित्ता णं पडिबुद्धा । तं
 एयस्स णं देवाणुप्पिया ! उरालस्स जाव सुमिणस्स के मन्ने कल्लणे फलवित्तिविसेसे
 भविस्सइ ? ॥ ९ ॥ तए णं से सेणिए राया धारिणीए देवीए अतिए एयमट्ठं सोच्चा
 निम्मम हट्टुट्ठ जाव हियए धाराहयनीवसुरभिक्षुसुमचंचुमालइयत्तणू ऊस(सि)वियरो-
 मकूवे तं सुमिणे उरिगण्हइ २ ता । ईहं पविसइ २ ता अप्पणो साभाविएणं मइपुवएणं
 बुद्धिविज्ञाणेणं तस्म सुमिणस्स अत्थोगगहं करेइ २ ता धारिणि देविं ताहिं जाव,
 हिययपलहायणिजाहिं सि(उ)यमहुररिभियगंभीरसस्सिगीयाहिं वग्गहिं अणुवूहेमाणे २
 एवं वयासी-उराले णं तुमे देवाणुप्पिए ! सुमिणे दिट्ठे, कल्लणे णं तुमे देवाणु-
 प्पिए ! सुमिणे दिट्ठे, सिवे धञ्ज मंगल्ले सस्सिरीए ण तुमे देवाणुप्पिए ! सुमिणे
 दिट्ठे, आरोग्गनुट्ठिरीहा उयकल्लणमंगल्लकारए णं तुमे देवी ! सुमिणे दिट्ठे, अत्थलाभो
 ते देवाणुप्पिए ! पुत्तलाभो ते देवाणुप्पिए ! रज्जलाभो भोगलाभो भोक्खलाभो ते
 देवाणुप्पिए ! एवं खल तुमं देवाणुप्पिए ! नवण्हं मामाणं बहुपडिपुण्णण अदट्टमाण
 य राइदियाणं वीइक्कणाणं अम्हं कुलकेउं कुलदीव कुलपच्चयं कुलवडिसयं कुलनि-
 लय कुलकित्तिरं कुलवित्तिरं कुलनेदिकरं कुलत्तसकर कुलाधारं कुलपायवं कुल-
 विवद्धकरं सुकुमालयाणिपायं जाव दारयं पयाहिसि । मे वि य णं दारए उम्मुक्क-
 बालभावे विज्ञायपरिणयमेते जोव्वगगमणुप्पत्ते सूरे वीरे विक्किते वित्थिणगवि कुल-
 बलवाहणे रजवई राया भविस्सइ । तं उराले णं तुम देवी ! सुमिणे दिट्ठे जाव
 आरोग्गनुट्ठिरीहा उकल्लणकारए ण तुमे देवी ! सुमिणे दिट्ठे त्ति कट्टु मुज्जो २ अणुवूहेड
 ॥ १० ॥ तए णं ना धारिणी देवी सेणिएणं रत्ता एवं वुत्ता समणी हट्टुट्ठ जाव हियया
 करयलपग्गिगहियं जाव अंजलिं कट्टु एवं वयासी-एवमेयं देवाणुप्पिया ! तहमेयं
 देवाणुप्पिया । अविनहमेय असंदिद्धमेय इच्छियमेय (देवाणुप्पिया ।) पडिच्छियमेयं
 इच्छियपडिच्छियमेयं सब्बं णं एयमट्ठे ज णं तुच्चे वयह त्ति कट्टु त सुमिणं सम्मं
 पडिच्छइ २ ता सेणिएणं रत्ता अब्बणुत्ताया समणी नाणामणिक्कणगरयणभत्ति-
 चित्ताओ भद्दामणाओ अब्बुट्ठेइ २ ता जेणेव सए सयणिञ्जे तेणेव उवागच्छइ २ ता
 सयंसि गयणिज्जत्ति निसीयइ २ ता एवं वयासी मा मे से उच्चमे पहाणे मंगल्ले सुमिणे
 अच्चेहिं पावसुमिणेहिं पडिहम्मिहित्ति कट्टु देवयगुरुजणसंबद्धाहिं पसत्थाहिं धम्मि-
 याहिं कहाहिं सुमिणजागसियं पडिजागरमाणी (२)विहरइ ॥ ११ ॥ तए णं से सेणिए
 राया पच्चमकालसमयंसि कोडुविश्रपुरिसं महावेइ २ ता एवं वयासी-स्सिप्पामेव भो
 देवाणुप्पिया । बाहिरियं उवट्ठानसालं अज्ज मविसेसं परमरम्मं गंधोदगसित्तसुइय-
 सम्माज्जओवलित्तं पंचवण्णसरससुरभिक्षुपुप्फपुंजोवयारकलियं कालागरुपवरकुंदुरुक्क-

तुल्यध्वजं तमधमघतंगंधुदुयाभिरामं सुगंधवरगंधियं गंधवद्विभूयं करेह य कारवेह
य करिता य कारविता य ए(च)यमाणत्तियं पञ्चपिणह । तए णं ते कोट्टुवियपुरिया
सेणिएणं रत्ता एवं बुत्ता समाणा हट्टुट्टा जाव पञ्चपिणंति । तए णं से सेणिए
राया कळं पाठपभायाए रयणीए फुल्लप्लकमलकोमलम्मिलियंमि अहापंडुरे पभाए
रतासोगप्पगासकिमुयसुयमुहुंजद्ध(राग)बंधुजीवगपारावयचलणनयणपरहुयसुरचलो-
यणजासुमणकुसुमजलियजलणतवणिज्जकलसहिं गुलयनिगररूवाइरेगरेहन्तसस्सिरीए
दिवा(ग)यरे अहकमेण उदिए तस्स दिण(कर)करपरंपरावयारपारद्धंमि अधयारे
बालायवकुमुमेण खइयव जीवल्लोए लीयणविसयाणुयासविगसंतविसददंमियंमि लोए
कमलागरसंडोहए उट्टियंमि मूरे सहस्सरस्सिमि दिणयरे नेयसा जलंते सयणिजाओ
उट्टुइ २ ता जेणव अट्टणसाला तेणेव उवागच्छट्ट २ ता अट्टणमालं अणुपविसइ २
ता अणेगवायाभजोगवगणवामहणमळजुद्धकरणेहिं संते परिस्मंते सयपागमहस्सपा-
गेहिं सुगंधवरतेल्लमाइएहिं पीगणिज्जेहिं दीवणिज्जेहिं दप्पणिज्जेहिं मयणिज्जेहिं विहणि-
ज्जेहिं गत्विट्टियगायपत्थायणिज्जेहिं अचंभंगाएहिं अचंभंगाए ममाणे तेद्धचम्मंमि पडि-
पुण्णपाणिपायसुकुमालकोमलत्तेहिं पुरिमहिं छेएहिं दक्खेहिं पट्टेहिं कुमलेहिं मेहाजीहिं
विउणेहिं निउगसिण्णोवगाएहिं जियपरिस्समेहिं अचंभंगणपरिमद्गुव्वलणकरणगुणनि-
म्माएहिं अट्टिमुहाए मंसमुहाए तयामुहाए गेममुहाए चउव्विहाए सं(वा)वाहणाए
संवाहिए समाणे अवगयपरिस्समे नरिं दे अट्टणसालाओ पडिनिक्खमइ २ ता जेणव
मज्जणघरे तेणेव उवागच्छट्ट २ ता मज्जणघरं अणुपविसइ २ ता म(मु)म(न्त)ज्जाला-
भिरामे विच्चित्तमणिरयणकोट्टिमतले रमणिज्जे ण्हाणमंडवंसि नाणामणिरयणमत्तिच्चिन्सि
ण्हाणपीवंसि मुहानिसण्णे मुहोदगेहिं पुण्णेदएहिं गंयोदएहिं सुद्धोदएहिं य पुणो पुणो
कल्लाणगपवरमज्जणविहीए मज्जाए तत्थ कोउयमएहिं बहुविहेहिं कल्लाणगपवरमज्जा-
वसाणे पम्हलसुकुमालगंधकामा(डे)यत्थहियेगे अहयमुमहग्घदूसरयणमुंसुए सरससु-
रभिगोसीसचंदणाणुत्तित्तगते सुइमालावण्यगविलेवणे आविद्धमणिसुव्वणे कपियहार-
द्धहारतिसरयपालंबपलंबमाणकडिमुत्तमुकयसोहे पि(ण)णिद्धगेविज्जे अंगुलेज्जगल्लियं-
ग(य)उल्लियरूयाभरणे नाणामणिकडगनुडियथंभियभुए अहियस्ससस्सिरीए कुंडलज्जो-
इयाणणे नउउदित्तसरए हारोत्थयसुकुपरइयवत्तले पालंबपलंबमाणसुकयपउउत्तरिजे
सुदियापिगलंगुलीए नाणामणिकगगरयणविसलमहरिइनिउणोवियमिसिमिसंतविरइय-
मुसिल्लिट्टुविलिट्टुल्लसंठियपमत्थआविद्धवीरवलए, किं बहुणा ? कप्पहक्खए चव सुअ-
उंक्खियविभूसाए नरिं दे सकोरदमल्लदामेणं छत्तेणं धरिज्जमाणेणं (उभओ)चउचामर-
वालवीइयंणे मंगलजयसहकयालोए अणेगगणनायगइंडनायगराईसरतलवरमांडविय-

कोडुंविद्यमंतिमहामंतिगणगदोवारिय अमच्चचेडपीडमहनगरनिगमसेट्टिसेणावइस्थवा-
हृदयसंधिवालमद्धि संपरिवुडे धवलमहामेहनिगए विव गहृगणदिप्यंतरिक्खताराग-
णाण मज्झे सस्ति व्व पियदंसणे नरवई मज्जणघराओ पडिनिक्खमइ २ ता जेणेव
बाहिरिया उवट्टाणमाला तेणेव उवागच्छइ २ ता सीहासणवरगए पुरत्याभिमुहे
सन्निसण्णे । तए णं से सेणिए राया अप्पणो अदूरसामंते उत्तरपुरच्छिमे दिसीमाए
अट्ट भद्दासणाई सेयवत्थपच्चत्थुथाई सिद्धत्थमंगलोवयारकवसंतिक्कमाई रयावेइ २ ता
(अप्पणो अदूरसामंते) नाणामणिरयणमंडियं आहियपेच्छणिजरुवं महवघवरपट्टणुगयं
सण्हबहुभत्तिमयच्चिच(ट्टा)टाणं ईहामिथउसभतुरयनरमगरविहगवालगकिन्नररुस्स-
रनचमरकुंजरवणलयपउमलयभत्तिचित्तं सुवच्चियवरकणगपवरपेरंतदेमभागं अट्ठिभ-
नारियं जवणियं अछावेइ २ ता अ(च्छ)त्थरगमउअमसूरगउच्छत्थं धवलवत्थप-
च्चत्थुयं विमिद्धं अगसुहृफामयं सुमउयं धारिणीए देवीए भद्दागण रयावेइ २ ता
कोडुंबियपुरिमे सदावेइ २ ता एवं वयासी-खिापामेव भो देवाणुपिया ! अट्टगम-
हानिमिन्नुत्तत्थपाटए विविहसत्थकुमले सुमिणपाटए सदावेइ २ ता एयमाणत्तियं
खिप्पामेव पच्चप्पिणह । तए णं ते कोडुंबियपुरिसा मेणिएणं रञ्जा एव जुत्ता समाणा
हट्टुट्ट जाव हियया करयलपरिगगद्धि दगनह सिरगावत्तं मत्थए अंजालं वट्टु एवं
देवो तहत्ति आणाए विणएणं वययं पडिन्नणंति २ ता मेणियस्स रञ्जो अंतियाओ
पडिनिस्समंति २ ता रायणिहस्स नयरस्स मज्जंगज्जेणं जेणेव सुमिणयाटयागिहाणि
तेणेव उवागच्छंति २ ता सुमिणपाटए सदावेति । तए णं ते सुमिणपाटया सेणि-
यस्स रञ्जो कोडुंबियपुरिसेहिं सदाविया समाणा हट्टुट्ट जाव हियया ण्हाया अप्पमह-
ग्घाभरणाळंक्रियसरीरा हागियालिद्यगिद्धत्थयक्यमुद्दागा नएहिं सएहि गिहेहिंतो पडि-
निक्खमति २ ता रायणिहस्स नयरस्स मज्जंगज्जेणं जेणेव सेणियस्स रण्णो भवण-
व(इ)डियगदुवारे तेणेव उवानच्छंति २ ता एगयओ सि(ल)लायंति २ ता सेणियस्स
रञ्जो भयणवार्डिमगदुवारेणं अणुपविसति २ ता जेणेव बाहिरिया उवट्टाणमाला
जेणेव मेणिए राया तेणेव उवागच्छंति २ ता सेणियं रायं जएणं विजएणं वद्धावेति,
सेणिएणं रञ्जा अच्चियवंदियपूइयमाणियसक्कारियसम्माणिया समाणा पसेयं २ पुव्वज-
त्थेसु भद्दासणेसु निसीयति । तए णं सेणिए राया जवणियंतरियं धारिणि देवि ठवेइ
२ ता पुक्कफल्पडिपुण्हत्थे परेणं विणएणं ते सुमिणपाटए एवं वयासी-एवं खलु
देवाणुपिया ! धारिणी देवी अज्ज तंस्स तारिसगंसि सयणिज्जसि जाव महासुमिणं
पासित्ता णं पडियुद्धा, तं एयस्स णं देवाणुपिया ! उरालस्स जाव सत्तिरीयस्स
महासुमिणस्स के मजे कल्लाणे फलवित्तिविसेसे भविस्सइ ? । तए णं ते सुमिणपाटया

सेणियस्स रत्तो अंतिए एयमट्ठं सोच्चा निसम्म हट्ठुत्तु जाव हियया तं सुमिणं सम्मं ओगिण्हंति २ ता ईहं अणुपविसंति २ ता अन्नमत्तेण सद्धिं संचालेति २ ता तस्स सुमिणस्स लद्धत्ता गहियत्ता पुच्छियत्ता विणिच्छियत्ता अभिगयत्ता सेणियस्स रत्तो पुरओ सुमिणसत्थाई उच्चारमाणो (२) एवं वयासी-एवं खलु अम्हं सामी ! सुमिणसत्थांस बायालीस सुमिणा तीसं महासुमिणा वावत्तारि सच्चसुमिणा दिट्ठा । तत्थ णं सामी ! अरहंतमायरो वा चक्खवट्ठिमायरो वा अरहंतंसि वा चक्खवट्ठिसि वा गच्चं वक्कममाणंसि एएसिं तीसाए महासुमिणाणं इमे चउत्स महासुमिणे पासित्ता णं पडिबुज्जंति तंजहा-गयवसहसीहअभिसेयदाममनिदिणयरं द्वयं कुंभं । पउमसरसागरविमाणभवणरयणुच्चयत्तिहि च ॥ १ ॥ वामुदेवमायरो वा वामुदेवंसि गच्चं वक्कममाणंसि एएसिं चउत्समण्हं महासुमिणाणं अन्नयरे मत्त महासुमिणे पासित्ता णं पडिबुज्जंति । बलदेवमायरो वा बलदेवंसि गच्चं वक्कममाणंसि एएसिं चउत्समण्हं महासुमिणाणं अन्नयरे चत्तारि महासुमिणे पासित्ता णं पडिबुज्जंति । मंडलियमायरो वा मंडलियंसि गच्चं वक्कममाणंसि एएसिं चउत्समण्हं महासुमिणाणं अन्नयरे एगं महासुमिणं पासित्ता णं पांडियुज्जंति । इमे य(णं) सामी ! धारिणीए देवीए एगं महासुमिणे दिट्ठे । तं उराले णं सामी ! धारिणीए देवीए सुमिणे दिट्ठे जाव आरोग्गनुट्ठिरीहाउकळ्ळामंगळकारए णं सामी ! धारिणीए देवीए सुमिणे दिट्ठे । अत्थत्ताभो सामी ! सोक्खत्ताभो सामी ! भोगत्ताभो सामी ! पुत्तत्ताभो २ जलत्ताभो, एवं सल्लु सामी ! धारिणी देवी नवण्हं मासाणं बहुपडिपुण्णाणं जाव दारगं पयाहि(नि)इ । मे वि य णं दारए उम्मुक्कत्तालभावे विजायपरिणयमित्ते जोच्चवणगमणुप्पत्ते सूरे वीरे विक्रंते वित्थिण्णविउल्लवलवाहणे रजवई राया भविस्सइ अणगारे वा भावियपा । तं उराले णं सामी ! धारिणीए देवीए सुमिणे दिट्ठे जाव आरोग्गनुट्ठि जाव दिट्ठे-त्तिकट्ठु भुज्जो २ अणु(वू)वूहंति । तए णं सेणिए राया तेसिं सुमिणपाटगाणं अतिए एयमट्ठं सोच्चा निसम्म हट्ठु जाव हियए करयल जाव एवं वयासी-एवमेयं देवाणुप्पिया ! जाव जं णं तुच्चमे वयह-त्तिकट्ठु तं सुमिणं सम्मं पडिच्छइ २ ता ते सुमिणपाटए विउल्लेणं असणपाणखाइमसाइमंणं वत्थगंधमल्लालंकारेण य सक्कारेइ सम्माणेइ सक्कारित्ता सम्माणित्ता विउल्लं जीवियारिहं पीइदाणं दलयइ २ ता पांडविसज्जेइ । तए णं से सेणिए राया सीहासणाओ अब्बुट्ठेइ २ ता जेणेव धारिणी देवी तेणेव उवागच्छइ २ ता धारि(णीदेवी)णं देव एवं वयासी-एवं खलु देवाणुप्पिए ! सुमिणसत्थांसि बायालीसं सुमिणा तीसं महासुमिणा जाव एगं महासुमिणं जाव भुज्जो २ अणुवूहेइ । तए णं सा धारिणी देवी सेणियस्स रत्तो अंतिए एयमट्ठं सोच्चा निसम्म हट्ठु जाव हियया

तं सुमिणं मम्मं पडिच्छइ २ ता जेणेव सए वासपरे तेणेव उवागच्छइ २ ता पहाया
 अप्पमहाग्घाभरणालंक्रियसरीरा विपुलाई जाव विहरइ ॥ १२ ॥ तए णं तीसे धारि-
 णिए देवीए दोय मानेस वीइकंतेनु तइए मामे वट्टमाणे तस्य गब्भस्स दोहलकाल-
 समयंस्स अयमेयाहवे अकालमेहेसु दोहले पाउब्भविट्था-धञ्जाओ णं ताओ अम्म-
 याओ सपुण्णाओ णं ताओ अम्मयाओ कयन्थाओ (णं ताओ०) कयपुण्णाओ कय-
 लक्खणाओ कयविहवाओ सुलद्धे णं तासि माणुस्सए जम्मजीवियरुले जाओ णं मेहेसु
 अब्भुगएणु अब्भुजएणु अब्भुजएणु अब्भुट्टिएणु सगज्जिएसु सविज्जुएणु सफुत्तिएणु
 सथणिएणु धंतथोयरूपपट्टअंकसंखचंदकुदमालिपिट्टरासिसमप्पमेणु चिउरहरियालेभे-
 यचंपगसणकोरंटेमरिस(य)वपउमरयसमप्पमेणु लक्खवारससररत्तकिसुयजामुमणरत्त-
 वंशुजीवगजाइहिंणुलयसरसकुंठुमउरब्भमसहहिरइंदगोवगसमप्पमेणु वरहिणनीलगु-
 लियासुगचासपिच्छभिगपत्तमासगनीलप्लनियरनवनिरीसकुम्मनवमइलममप्पमेणु
 जच्चंजगभिगमेयरिट्टगभमरावल्लिगवल्लुलियकज्जलसमप्पमेणु फुरतात्रिजयसगज्जिएणु
 वायवमविपुलगगणचवलपरिमक्किरेणु निम्मलवरवारिधाराप(ग)यलियपयंटेमास्यस-
 माहयचमोन्धरंतउवरिउवरितुरियवास पवानिएणु धारापहकरनिवायनिव्वानिय(य)यं
 मेइणितले हरिय(ग)गणकंचुए पळविय पायवगणं वल्लिवियाणेणु पमरिएणु उज्जएणु
 सोहरगमुवागएणु (नगेणु नएणु वा) वेभारगिरिपवायतडकडगविमुक्केणु उज्जरेणु
 तुरियपहावियपळोइफेणाउले मकळसं जलं वरंताणु गिरनईसु सज्जणुपनीवकुडय-
 कंदलसिद्धिकलएणु उववणेणु मेहरानियहट्टुट्टचिद्विहहिरिभवसपमुककठकेकारवं
 मुयंतेणु वरहिणेणु उउवममयजणियतरुगसहयत्तिपणच्चिएणु नवपुराभिनिद्धिक्कुउय-
 कंदलकळंबगंवाद्वाणि मुयंतेणु उववणेणु पग्गुयस्यरिभियसंकुलेणु उद्दा(य)इंतरत्त-
 इंदगोवयथोवयकाहणावल्लिजएणु उच्च(ओण)यतगमंडिएणु दहुरपयंपिएणु सर्पिडिय-
 दरियभमरमहुयारिपहकरपरिल्लित्तमतच्छपयकुमुमासबलोमहुरगुंजंतदेमनाएणु उवव-
 णेणु परिमाभियचंदमूरगहगगपणह्वनक्खत्तत्तारगपहे ईदाउहवद्धचिंधपट्टंति अबरतले
 उट्टीणबलागपंतिसोहंतंमहविन्दे कारंडगचक्कावायकलहंसउस्सुयकरं सपते पाउसमि
 काले पहायाओ कि ते वरपायपत्तनेउरमणिमेहलहारइयउ(व)चिक्कडगखुडय-
 विच्चित्तवरवल्लयथंभियभुयाओ कुंडलउज्जोवियाणगाओ रयणभूमियं(गा)णीओ
 नामानीसासवायवोच्चं चक्खुहूरं वण्णफरिससंनुणं हयन्तालापेलवाइरेयं धवलकण-
 यखच्चियंतक्कम्मं आगामकालहमरिमप्पमं अंसुयं पवरपरिहियाओ दुग्गुल्लसुक्काल-
 उत्तरिजाओ सब्बोउयसुरभिक्कुसुमपवरमळ्ळोह्वियसिराओ कालागरु(पवर)धुवधुवियाओ
 सिरीसमाणवेसाओ संयणयगंधइन्धिरयणं दुह्ख्खाओ समाणीओ सकोरंटेमह्खदायेणं

छत्तेण धरिज्जमाणेणं चंदप्पभवइरवेणलियविमलदंडसंखकुंददगरयअमयमहियफेण-
 पुंजगन्निगासचउचामरवालवीजियंगीओ सेणिएणं रत्ता सद्धि हृत्थिखंधधरगएणं
 पिट्टओ (२) समणुगच्छमाणीओ चाउरंगिणीए सेणाए महया हयाणीएणं गयाणीएणं
 रहाणीएणं पायत्ताणीएणं सव्विह्वीए सव्वज्जुइए जाव निग्घासनाइयरवेणं रायगिहं
 नयरं गिंघाडगति(य)गचउक्कचचरचउम्मुहमहापहपहेसु आसित्तित्तमु(चि)इयसम-
 जिओवलित्तं जाव सुगंधवरगंधियं गंधवट्टिभूर्यं अवलोएमाणीओ नागरजणेणं अभिनं-
 दिज्जमाणीओ गुच्छलयारुक्खगुम्भवस्सिगुच्छओच्छाडयं सुरम्मं वेमारगिरिकडगपाय-
 मूलं सव्वओ समंता आहिडेमाणीओ २ दोहलं वि(णि)णयंति । तं जइ णं अहमवि
 मेहेसु अब्भु(व)ग्गएसु जाव दोहलं विणेजामि ॥ १३ ॥ तए णं सा धारिणी देवी तंस्ति
 दोहलंस्ति अविणेजमाणंस्ति असप(ण्ण)त्तदोहया असपुण्णदोहला असमाणियदोहला
 सुक्खा भुक्त्वा निम्मंसा ओलुग्गा ओलुग्गसररीरा पमइल्लदुब्बला किलंता ओमंथियवयण-
 नयणकमला पंडुइयमुही करयल्लमलियव्व चंपगमाला नित्तेया दीणविवग्गवयणा जहो-
 चियपुप्फगंधमल्लालकारहारं अणाभिलसमाणी कीडारमणकिरियं च परिहावेमाणी दीणा
 दुम्मणा निराणंदा भूमिगयदिट्ठीया ओहयमणसंकप्पा जाव झिया(य)इ । तए णं तीसे
 धारिणीए देवीए अंगपडियारियाओ अर्द्धिमतरियाओ दामचेडियाओ धारिणि देवि
 ओलुग्गं जाव झियायमाणं पासति २ ता एवं वयासी-किञ्चं तुमे देवाणुप्पिए ! ओलुग्गा
 ओलुग्गसररीरा जाव झियायसि ? तए णं सा धारिणी देवी ताहि अंगपडियारियाहिं
 अर्द्धिमतरियाहिं दामचेडियाहि(य) एनं वुत्ता समाणी ताओ (दास)-चेडियाओ नो
 आडाइ नो(य) परियाणाइ अणाढायमाणी अपरियाणमाणी तुसिणीया संचिड्डइ । तए णं
 ताओ अंगपडियारियाओ अर्द्धिमतरियाओ दासचे(डी)डियाओ धारिणि देवि दोच्चंपि
 तच्चंपि एवं वयासी-किञ्चं तुमे देवाणुप्पिए ! ओलुग्गा ओलुग्गसररीरा जाव झियायसि ?
 तए णं सा धारिणी देवी ताहिं अंगपडियारियाहि अर्द्धिमतरियाहिं (य) दासचे(डी)-
 डियाहिं दोच्चंपि तच्चंपि एवं वुत्ता समाणी नो आडाइ नो परियाणाइ अणाढायमाणी
 अपरियाणमाणी तुसिणीया संचिड्डइ । तए णं ताओ अंगपडियारियाओ अर्द्धिमत-
 रियाओ दामचेडियाओ (य)धारिणीए देवीए अणाढाडज्जमाणीओ अपरि(याण)जा-
 णिज्जमाणीओ तहेव संभंताओ समाणीओ धारिणीए देवीए अंतियाओ पडिनिक्खमंति
 २ ता जेणेव सेणिए राया तेणेव उवागच्छंति २ ता करयलपरिग्गहियं जाव कट्टु
 जएणं विजएणं बद्धावेति २ ता एवं वयासी-एवं खल्ल सामी ! किंपि अज्ज धारिणी देवी
 ओलुग्गा ओलुग्गसररीरा जाव अट्टज्जाणोवगया झियायइ । तए णं से सेणिए राया तासिं
 अंगपडियारियाणं अंतिए एयमट्ठं सोक्खा निसम्म तहेव संभंते समाणे त्तिगं वुरियं

चक्रल वेद्यं जेणेव धारिणी देवी तेणेव उवागच्छइ २ ता धारिणिं देवि ओलुगं ओलु-
 गसरीरं जाव अट्टज्जाणोवगयं झियायमाणं पासइ २ ता एवं वयासी-किञ्चं तु(मे)मं
 देवाणुप्पिए ! ओलुग्गा ओलुग्गसरीरा जाव अट्टज्जाणोवगया झियायसि ?, तए णं सा
 धारिणी देवी सेणिएणं रत्ता एवं चुत्ता समाणी नो आढाड जाव तुसिणीया संचिद्धइ ।
 तए णं से सेणिए राया धारि(णीं)णि दे(वीं)वि दोच्चपि तच्चपि एवं वयासी-किञ्चं तुमं
 देवाणुप्पिए ! ओलुग्गा जाव झियायसि ?, तए णं सा धारिणी देवी सेणिएणं रत्ता
 दोच्चपि तच्चपि एवं चुत्ता समाणी नो आढाड नो परिजाणाइ तुसिणीया सचिद्धइ । तए
 णं से सेणिए राया धारिणिं देविं सवहमाविय करेइ २ ता एवं वयासी-किं णं तुमं
 देवाणुप्पिए ' अहमेयस्म अट्टस्म अणरिहे सवणथाए ता णं तुमं ममं अयमेयास्व
 मणोमाणसिंयं दुक्कवं रहस्सीकरेति ? । तए णं सा धारिणी देवी सेणिएणं रत्ता
 सवहमाविया समाणी सेणियं रायं एवं वयासी-एवं खलु मामी ! मम तस्म उरा-
 लस्म जाव महासुमिणस्म तिण्हं मामाण बहुपडिपुण्णाणं अयमेयास्वे अकालमेहेसु
 जोहले पाउब्भूए—धन्नाओ णं ताओ अम्मयाओ कयथाओ णं ताओ अम्मयाओ
 जाव वेभारनिरिपायमूळं आहिंइमाणीओ दोहलं तिणिति, त जइ णं अट्टमवि जाव
 दोहलं तिणिजामि । तए णं हं मामी ! अयमेयास्वमि अकालदोहलंसि अविणिज्जमांसि
 ओलुग्गा जाव अट्टज्जाणोवगया झियायामि । एणं अह कारणेणं सामी ! ओलुग्गा
 जाव अट्टज्जाणोवगया झियायामि । तए णं से सेणिए राया धारिणीए देवीए अंतिए
 एयमट्ठं रोचा निम्मम धारिणिं देविं एवं वयासी मा णं तुमं देवाणुप्पिए ! ओलुग्गा
 जाव झियाहि, अह णं तहा करिस्सामि जहा णं तुच्चमं अयमेयास्वस्म अकाल-
 दोहलस्स मणोरहमं वत्ती भविस्सइ—अत्तकट्टु धारिणिं देविं इट्ठाहिं कंतण्हिं पियाहिं
 मणुत्ताहि मणामाहिं वग्गुट्ठिं समासासेइ २ ता जेणेव बाहिरिया उवट्ठाणसान्हा तणामेव
 उवागच्छइ २ ता सीहायणवरणए पुरत्थायममुहे मन्निमण्णे धारिणीए देवीए एयं
 अकालदोहलं बहूहिं आएहि य उवाएहि य उप्पत्तियाहि य वेणइयाहि य कम्मि-
 याहि य पा(प)रिणासियाहि य चउच्चिहाहिं बुद्धीहिं अणुच्चित्तमाणे २ तस्स दोहलस्स
 आयं वा उवाय वा टिंडं वा उप्पत्ति वा अविंदमाणे ओहयमणसंक्रापे जाव झियायइ
 ॥ १४ ॥ तयाणं च ण अमए कुमारे ण्हाए सव्वालंकारविभूतिए पायवंदए पहारेत्थ
 गमणाए । तए णं से अभयकुमारे जेणेव सेणिए राया तेणेव उवागच्छइ २ ता सेणियं
 रायं ओहयमणसंक्रपं जाव झियायमाणं पासइ २ ता अयमेयास्वे अ(ब्भ)ज्जत्थिए
 चित्तिए पत्थिए मणोगए संक्रापे समुप्पज्जिःथा-अज्जया(य)ममं सेणिए राया एज्जमाणं
 पासइ पासित्ता आढाड परिजाणाइ सक्कारेइ सम्माणेइ आलवइ संलवइ अट्ठासणेणं

उचनिमतेइ मत्थयंसि अग्घाइ । इयाणिं ममं सेणिए राया नो आटाइ नो परियाणड
नो सक्कारेइ नो सम्माणेइ नो इट्ठाहि कंताहिं पियाहिं मणुवाहिं ओरालाहिं वग्गुहिं
आलवइ संलवइ नो अद्धासणेणं उचनिमतेइ नो मत्थयंसि अग्घा(य)इ(य) क्किपि
ओहयमणसंक्कप्पे झियायइ । तं भवियव्वं णं एत्थ कारणेणं । तं सेयं खलु(मे) ममं
सेणियं राय एयमट्ठं पुच्छिए । एवं संपेहेइ २ ता जेणामेव सेणिए राया तेणामेव
उवागच्छइ २ ता करयलपरिग्गहियं मिरसावत्तं मत्थए अंजलिं कट्टु जणं विजणं
वज्जावेइ २ ता एवं वयासी-तुच्चे णं ताओ ! अजया ममं एजमाणं पासिता आटाह
परिजाणह जाव मत्थयंसि अग्घायह आमणेणं उचनिमतेइ, इयाणिं ताओ ! तुच्चे
ममं नो आटाह जाव नो आसणेणं उचनिमतेइ क्किपि ओहयमणसंक्कप्पा जाव
झियायइ, तं भवियव्वं ताओ ! एत्थ कारणेणं, तओ तुच्चे म(म)मं ताओ ! एयं कारणं
अग्घेमाणा असक्केमाणा अतिणहवेमाणा अपच्छाएमाणा जहाभुयमवितहमसंदिद्धं
एयमट्ठं आइत्तवह । तए णं ह तस्स कारणस्स अतगमणं गमिस्सामि । तए णं
से सेणिए राया अभएणं कुमारेणं एवं वुत्तं समाणे अभयकुमारं एवं वयासी-एवं
खलु पुत्ता ! तव वुद्धमाउयाए धारिणीए देवीए तस्स गच्चस्स दोनु मासेसु अइक्कंतेसु
तइयमासे वज्जाणे दोहलकालसमयंसि अयमेयारुवे दोहले पाउच्चमवित्था-धज्जाओ
णं ताओ अम्मयाओ तहेव निरवसेसं भाणियव्वं जाव विणिनि । तए णं अहं पुत्ता !
धारिणीए देवीए तस्स अकालदोहलस्स बहूहिं आएहिं य उवाएहिं जाव उप्पत्ति
अविदमाणे ओहयमणसंक्कप्पे जाव झियायामि तुमं आगयंपि न याणामि, तं एएणं
कारणेणं अहं पुत्ता ! ओहयमणसंक्कप्पे जाव झियायामि । तए णं ते अभए कुमारे
सेणियस्स रण्णो अंतिए एयमट्ठं सोच्चा निसम्म हट्ठ जाव हियाए सेणियं रायं एवं
वयासी-मा णं तुच्चे ताओ ! ओहयमणसंक्कप्पा जाव झियायइ । अहं णं तहा
करिस्सामि जहा णं मम जुल्लमाउयाए धारिणीए देवीए अयमेयारुवस्स अकालडो-
हलस्स मणोरहसंपत्ती भविस्सइ-तिकट्टु सेणियं रायं ताहिं इट्ठाहि कंताहिं जाव
समासासेइ । तए णं सेणिए राया अभएणं कुमारेणं एवं वुत्ते समाणे हट्ठउट्ठे
जाव अभयं कुमारं सक्कारेइ सम्माणेइ सक्कारिता सम्माणित्ता पडिविसज्जेइ ॥ १५ ॥
तए णं से अभए कुमारे सक्कारिए सम्माणिए पडिविसज्जिए समाणे सेणियस्स रण्णो
अंतियाओ पडिनिक्खमइ २ ता जेणामेव राए भवणे तेणामेव उवागच्छइ २ ता
सीहासणे निमण्णे । तए णं तस्स अभयकुमारस्स अयमेयारुवे अज्झत्थिए जाव
समुप्पजित्था-नो खलु सक्का माणुस्सएणं उवाएणं मम जुल्लमाउयाए धारिणीए
देवीए अकालदोहलमणोरहसंपत्तिं करितए नत्तय दिन्वेणं उवाएणं । अत्थि णं

मज्झ सोहम्मकप्पवासी पुव्वसगइए देवे महिक्खिए जाव महासोक्खे । तं सेयं खलु मम पोसहमालाए पोसहियस्स वंभयारिस्स उम्मुक्कमणिसुवण्णस्स ववगय-मालावण्णगविळेवण्णस्स निक्खित्तसत्यमुसल्लस्म एगस्स अबीयस्स दब्भसथारोवग-यस्स अट्टमभत्तं प(रि)णिण्हिता पुव्वसगइयं देवं मण(सि)सीकरेमाणस्स विहरित्तए । तए णं पुव्वसंगइए देवे मम चुल्लमाउयाए धारिणीए देवीए अयमेयारू(वे)वं अकाल-मेहेसु डोहलं विणेहिइ । एवं संपेहेइ २ ता जेणेव पोसहसाला तेणामेव उवागच्छइ २ ता पोमहसालं पमज्जइ २ ता उच्चारपासवणभूमिं पडिळेहेइ २ ता दब्भसथारगं पडिलेहेइ २ ता दब्भसंथारगं दुरूहइ २ ता अट्टमभत्तं पणिण्हइ २ ता पोमहमालाए पोसहिए वंभयारी जाव पुव्वसंगइयं देवं मणसीकरेमाणे २ चिट्ठइ । तए णं तस्स अभयकुमारस्स अट्टमभत्ते परिणममाणे पुव्वसंगइयस्स देवस्स आसणं चलइ । तए णं पुव्वसंगइए सोहम्मकप्पवासी देवे आनणं चलिंयं पागइ २ ता ओहिं पउंजइ । तए णं तस्स पुव्वसंगइयस्स देवस्स अयमेयारूवे अज्झत्थिए जाव समुप्पज्जित्था-एवं खलु मम पुव्वसंगइए जंबुद्वीवे २ भारहं वासे दाहिणक्खुभरहे रायगिहं नयरे पोमहमालाए पोगहिए अभाए नामं कुमारे अट्टमभत्तं पणिण्हिता णं मम मणसीकरेमाणे २ चिट्ठइ । तं सेयं खलु मम अभयस्स कुमारस्स अत्तिए पाउब्भवित्तए । एवं संपेहेइ २ ता उत्तरपुरच्छिमं दिसीभागं अवक्कमइ २ ता वेउव्वियसमुग्घाएणं ममोहणइ २ ता सग्गेजाइ जोयणाइं दंठ निसिरइ । तंजहा-रयणाणं वयणाणं वेदलियाणं लोहियक्खाणं मगारगच्छाणं हंसगच्छमाणं पुलगाणं सोमंधियाणं जोडरमाणं अंकाणं अंजणाणं रयणाणं जायक्खाणं अंजणपुलगाणं फलि-हाणं रिट्ठाणं अहाबभ्यरे पोगगले परिसाडेइ २ ता अहासुहुमे पोगगले परिणिण्हइ २ ता अभयकुमारमणुक्कंमाणे देवे पुव्वभवर्जाणयनेहपीडबहुमाणजायमांगं तओ विमा-णवरपुंडरीयाओ रयणुत्तमाओ धरणिथल्लगमणनुरियसज्जणियगमणपया(रो)रे वायुण्णि-यविमलक्कणपयरगवर्डीसगमउउउक्कडाटोवदंमाणं(जो)जे अणेगमणिकणगरयणपह-करपरिमंडियभानेच्चित्तविणित्त(मणुगुण)गमणगज्जणियहरिसे पेंखोलमाणवरललियकुं-डल्लजल्लियवयणगुणज्जणियसोमरूवे उदिओ विव कोमुदीनिसाए सणिच्छरेगारकुज्ज-लियमज्जभागत्ये नयणाणं(दो)दे सरयचंदे दिव्वोसहिएजल्लजल्लियदंसणाभिगा(सो)मे उउल्लच्छसमतजायसोहे पइट्ठगंधुद्धुयाभिरामे मेरुखि वनगव(रो)रे विउव्वियविच्चित्त-वेसे वीवमसुहाणं असंखपरिमाणनामधेज्जाणं मज्झयारेणं वीइवयमा(णो)णे उज्जोयंतो पभाए विमलाए जीवलोयं रायगिहं पुरवरं च अभयस्स (य तस्स) पासं ओवयइ दिव्वस्वधारी ॥ १६ ॥ तए णं से देवे अंतल्लिक्खपडिबधे दसद्धवण्णाइं सखि-

खिणियाई पवरवत्थाई परिहिण । एको ताव एसो गमो । अजोडवि गमो-ताए उक्किट्टाए तुरियाए चवलाए चंडाए सीहाए उड्डयाए ज(इ)यणाए छेयाए दिव्वाए देवगईए जेणामेव जंबुद्वीवे २ भारहे वासे जेणामेव दाहिणद्धभरहे रायणिहं नयरे पोसहसालाए अभए कुमारे तेणामेव उवागच्छइ २ ता अंत(रि)ल्लिक्खपडिवजे दसद्धवण्णाईं सखिन्निणियाईं पवरवत्थाईं परिहिण अभय कुमारं एवं वयासी-अहं णं देवाणुप्पिया । पुव्वसंगइए सोहम्मकप्पवासी देवे महाड्डिए जं णं तुमं पोसहसालाए अट्टमभत्तं पणिण्हिता णं ममं मणसीकरेमाणे चिट्ठसि, तं एस णं देवाणुप्पिया । अहं इहं हव्वमागए । संदिसाहि णं देवाणुप्पिया । किं करेमि किं दलामि किं पयच्छामि किं वा ते हियइच्छियं ? । तए णं से अभए कुमारे तं पुव्वसंगइयं देवं अतल्लिक्खपडिवज्ज पासइ २ ता हट्टतुट्ठे पोसहं पारेइ २ ता करयल जाव अंजलि कट्टु एवं वयासी-एवं खलु देवाणुप्पिया ! मम चुल्लमाउयाए धारिणीए देवीए अयमेयारूवं अकालडोहलं पाउव्वभूए-धज्जाओ णं ताओ अम्मयाओ तहव पुव्वगमेणं जाव विणिज्जामि । तं णं तुमं देवाणुप्पिया । मम चुल्लमाउयाए धारिणीए देवीए अयमेयारूवं अकालडोहलं विणेहि । तए णं से देवे अभएण कुमारेणं एवं वुत्ते समाणे हट्टतुट्ठे अभयं कुमारं एवं वयासी-तुमं णं देवाणुप्पिया । सुनिव्वुयवीसत्थे अच्छाहि, अहं णं तव चुल्लमाउयाए धारिणीए देवीए अयमेयारूवं डोहलं विणेमित्तिकट्टु अभयस्स कुमारस्स अतियाओ पडिनिक्खमइ २ ता उत्तरपुरच्छिमे णं वेभारपव्वए वेउव्वियसमुग्घाएणं समोहण्णइ २ ता संखेज्जाइं जोयणाइं दंडं निस्सरइ जाव दोब्बपि वेउव्वियसमुग्घाएणं समोहण्णइ २ ता खिप्पामेव सगज्जइयं सविज्जुयं सफुसियं (तं) पंचवण्णमेहणिणाओवसोहियं दिव्वं पाउससिरि विउव्वइ २ ता जेणेव अभए कुमारे तेणेव उवागच्छइ २ ता अभयं कुमारं एवं वयासी-एवं खलु देवाणुप्पिया । मए तव पियट्टयाए सर्गज्जिया सफुसिया सविज्जुया दिव्वा पाउससिरी विउव्विया, तं विणेउ णं देवाणुप्पिया । तव चुल्लमाउया धारिणी देवी अयमेयारूवं अकाल(मेह)डोहलं । तए णं से अभए कुमारे तस्स पुव्वसंगइयस्स सोहम्मकप्पवासिस्स देवस्स अंतिए एयमट्ठं सोच्चा निसम्म हट्टतुट्ठे सयाओ भवणाओ पडिनिक्खमइ २ ता जेणामेव सेणिए राया तेणामेव उवागच्छइ २ ता करयल जाव अंजलि कट्टु एवं वयासी-एवं खलु ताओ । मम पुव्वसंगइएण सोहम्मकप्पवासिणा देवेणं खिप्पामेव सगज्जियसविज्जुय- (सफुसियं)पंचवण्णमेहणिणाओवसोभिया दिव्वा पाउससिरी विउव्विया । तं विणेउ णं मम चुल्लमाउया धारिणी देवी अकालडोहलं । तए णं से सेणिए राया अभयस्स कुमारस्स अंतिए एयमट्ठं सोच्चा निसम्म हट्टतुट्ठ जाव कोडंबियपुरीसे सहावेह

२ ता एवं वयासी-खिप्पामेव भो देवाणुप्पिया ! रायगिहं नयरं सिंघाडगति-
 गच्चउक्कच्चर ० आसित्तसित्त जाव सुगंधवरगंधियं गंधवट्ठिभूयं करेह य कारवेह य
 करित्ता य करावित्ता य मम एयमाणत्तियं पच्चप्पिणह । तए णं ते कोडुबियपुरिसा
 जाव पच्चप्पिणंति । तए णं से सेणिए राया दोच्चंपि कोडुंबियपुरिसे सदावेड २ ता
 एवं वयासी-खिप्पामेव भो देवाणुप्पिया ! हयगयरहजोहपवरकलियं चाउरगिणिं
 से(ण्णं)णं मत्ताहेह सेयणयं च गंधहत्थि परिकप्पेह । तेवि नहेव जाव पच्चप्पिणंति ।
 तए णं से सेणिए राया जेणेव धारिणी देवी तेणामेव उवागच्छइ २ ता
 धारिणिं देविं एवं वयासी-एवं खलु देवाणुप्पिए ! मग्गज्जया जाव पाउससिरी
 पाउच्चभूया, तं णं तुमं देवाणुप्पिए ! एयं अकालदोहलं विणेत्ति । तए णं
 सा धारिणी देवी सेणिएणं रत्ता एवं तुत्ता समाणी हट्टनुट्ठा जेणामेव
 मज्जणघरं तेणेव उवागच्छइ २ ता मज्जणघरं अणुप्पविसइ २ ता अंनो अंनेउ-
 रस्मि प्हाया कि ते वरपायपत्तनेउर जाव आगासकालियममापम अंसुधं नियत्था
 सेयणयं गंधहत्थि दुक्कडा समाणी अमयमहियफेणपुंजमत्तिगामाहि मेयचामरवाल-
 वीयणीहि वीड्जमाणी २ संपत्थिया । तए ण से सेणिए राया प्हाए मम्मिगीए
 हत्थिखंधवरगए सकोरंटेमळ्ळामेणं छेणेण धरिजमाणेणं चउचामराहिं वीड्जमाणे
 धारिणीदेवां पिट्ठओ अणुगच्छइ । तए णं सा धारिणी देवी सेणिएणं रत्ता हत्थियं-
 धवरगएणं पिट्ठओ २ समणुगम्ममाणमग्गा हयगयरहजोहकलियाए चाउरगिणीए
 सेणाए सद्धिं सपरिवु(ए)डा महया भउचउगरत्वंदपगिक्खित्ता सविट्ठ्ठीए सव्वजुडंए
 जाव हुंदुभिनिग्घोमुनाउयरवेगं रायगिहे नयरं सिंघाडगतिगच्चउक्कच्चर जाव महा-
 पहेसु नागरजणेणं अभिनंदित्तमा(णा)णी २ जेणामेव वेभारगिरिपव्वणं तेणामेव
 उवागच्छइ २ ता वेभारगिरिकडगतडपायमूले आरामेसु य उज्जाणसु य काणसेसु य
 वणेसु य वणमडेसु य रुक्खेसु य गुरुत्थेसु य गुम्मेसु य लयासु य वल्लीसु य कंदरासु
 य दरीसु य लुण्ठीसु य दहेसु य कच्छेसु य नईसु य संगमेसु य विवरएसु य
 अन्धमाणी य पेच्छमाणी य मज्जमाणी य पत्ताणि य पुष्पाणि य फलाणि य
 पल्लवाणि य गिण्हमाणी य माणेमाणी य अग्घायमाणी य परिमुंजमाणी य परि-
 भाएमाणी य वेभारगिरिपायमूले दोहलं विणेमाणी सव्वओ समंता आहिडइ ।
 तए णं सा धारिणी देवी (तंसि अकालदोहलंसि विणीयंसि सम्माणियदोहला) विणी-
 यदोहला संपुण्णदोहला संपन्नदोहला जाया यावि होत्था । तए णं सा धारिणी देवी
 सेयणयंगंधहत्थि दूक्कडा समाणी सेणिएणं हत्थिखंधवरगएणं पिट्ठओ २ समणुग-
 म्ममाणमग्गा हयगय जाव र(हं)वेणं जेणेव रायगिहे नयरं तेणेव उवागच्छइ २ ता

रायगिहं नयरं मज्झमज्जेणं जेणामेव सए भवणे तेणामेव उवागच्छइ २ ता
 विउलाइं माणुस्सगाईं भोगभोगाईं जाव विहरइ ॥ १७ ॥ तए णं से अमए
 कुमारे जेणामेव पोसहसाला तेणामेव उवागच्छइ २ ता पुव्वसंगइय देवं सक्कारेइ
 सम्माणेइ स० २ ता पडिविसजेइ । तए णं से देवे सगज्जियं पंचवण्णमेहोवमोहियं
 दिव्वं पाउससिरि पडिसाहरइ २ ता जामेव दिसि पाउब्भूए तामेव टिसि
 पडिगए ॥ १८ ॥ तए णं सा धारिणी देवी तंमि अकालदोहलंमि विणीयंसि
 सम्माणियडोहला तस्म गब्भस्म अणुकंपगट्टाए जयं चिट्ठइ जयं आस(य)इ जयं सुवइ
 आहारं पि य णं आहारेमाणी नाइतित्तं नाइक्कुयं नाइकमायं नाइअबिलं नाइमहुरं
 जं तस्म गब्भस्म हियं मियं पथयं देसे य काळे य आहारं आहारेमाणी नाइचित्तं
 नाइसोगं (णाइडेण्णं)नाइमोहं नाइभयं नाइपरिनासं ववगयचित्तामोयमोहभयपरिनासा
 उउभयमाणसुहंहिं भोयणच्छायणगधमल्लालंकारेहिं तं गब्भं सुहंनुहेणं परिवहइ
 ॥ १९ ॥ तए णं सा धारिणी देवी नवहं मामाणं बहुपडिपुण्णं अट्टमाण य
 राईदियाणं वीरुक्कंताणं अट्टरत्तकालसमयंसि सुवुम्मालपाणिपारं जाव सव्वंगसुंदरं(गं)
 दारगं पयाया । तए णं नाओ अंगपडियारियाओ धारिणिं देवि नवहं मामाणं
 जाव दारगं पयायं पामति २ ता सिग्घं तुरियं चवले वेइय जेणव सेणिए राया तेणेव
 उवागच्छति २ ता सेणियं रायं जाणं विजाणं वद्धावेति २ ता कयलपरिगहियं
 तिरसावत्तं मत्थए अजलिं कट्टु एवं वयासी-एवं खट्टु देवाणुप्पिया ! धारिणी देवी
 नवहं मामाणं जाव दारगं पयाया, तं णं अम्हे देवाणुप्पियाणं पियं तिवोणो पियं
 भे भवउ । तए णं से सेणिए राया तामि अंगपडियारियाणं अंतिए एयमट्टं सोच्चा
 निमम्म हट्टुट्टु० ताओ अंगपडियारियाओ महुरेहिं नयणेहिं विउलेण य पुफरंघम-
 म्मालंकारेणं सक्कारेइ सम्माणेइ स० २ ता मत्थयधोयाओ करेइ पुत्ताणुपुत्तियं वित्तिं
 कप्पेइ २ ता पडिविसजेइ । तए णं से सेणिए राया (पच्चसकालसमयंसि) कोट्टुवियपुरिसे
 सदावेइ २ ता एवं वयासी-सिप्पामेव भो देवाणुप्पिया ! रायगिहं नयरं आसिय जाव
 परिगीयं करेह २ ता न्वारगपरिमोहणं करेह २ ता माणुम्माणवद्धणं करेह २ ता एयमा-
 णत्तियं पच्चप्पिणह जाव पच्चप्पिणंति । तए णं से सेणिए राया अट्टारससेणिएपसेणीओ
 सदावेइ २ ता एवं वयासी-गच्छह णं तुब्भे देवाणुप्पिया ! रायगिहं नयरं अड्ढितर-
 बाहिरिए उस्सुक्कं उक्करं अमडप्पवेसं अ(डं)दंडिमकुदंडिमं अधरिमं अधारणिज्जं अणु-
 द्धुयमुइगं अमिलायमल्लदामं गणियावरनाडइज्जकलियं अणेगतालायराणुचरियं पमु-
 इयपक्कीलियाभिरामं जहारिहं ठिइवडियं दसदिचसियं करेह २ ता एयमारणात्तियं पच्च-
 प्पिणह जेस्वि करंति (२) तहेव पच्चप्पिणंति । तए णं से सेणिए राया बाहिरियाए

उवद्वाणसालाए सीहासणवरगए पुरत्याभिमुहे सञ्जिसण्णे स(य)इएहि य साहस्सिएहि य सयराहस्सिएहि य जाए(हिं)हि य दाएहि य भाएहि य दलयमाणे २ पडिच्छेमाणे २ एवं च णं विहइइ । तए णं तस्म अम्मापियरो पउमे दिवसे जायकम्मं करेति २ ता विइयदिवसे जागरियं करेति २ ता तइए दिवसे चंदसूरदंसणियं करेति २ ता एवामेव निव्वत्ते असुइजायकम्मकरणे संपत्ते बारसाहदिवसे विपुलं असणं पाणं खाइमं साइमं उवक्खडावेति २ ता मित्तनाइनियगसयणसंबंधिपरिजणं बलं च बहुवे गणनायगदंड-नायग जाव आमंतेति तओ पच्छा ण्हाया सव्वालंकारविभूसिया महइमहालबंसि भोयणमंडवंसि तं विपुलं असणं पाणं खाइमं साइमं मित्तनाइ० गणनायग जाव सद्धिं आसाएमाणा विसाएमाणा परिभाएमाणा परिभुंजेमाणा एवं च णं विहरंति जिमिय-भुत्तुत्तागयाव य णं समाणा आयंता चोक्खा परमसुइभूया तं मित्तनाइनियगसयण-संबंधिपरियणं बलं च बहुवे गणनायग जाव विपुलेणं पुप्फवत्थगंधमञ्जालंकारेणं सक्का-रेति सम्माणेति स० २ ता एवं वयासी-जम्हा णं अम्हं इमस्स दारगस्स गच्छन्थस्स चैव समाणस्स अकालमेहेसु डोहले पाउब्भूए तं होउ णं अम्हं दारए मेहे नामेणं मे(हुकुमारे)हे । तस्स दारगस्स अम्मापियरो अयमेयाक्ख गेणं गुणानपफणं नामधेजं करेति मेहइ । तए णं मे मेहे कुमारं पंचधाईपरिगहाए तंजहा-खीगधाईए मंडण-धाईए मज्जणधाईए कीलावणधाईए अंकधाईए अजात्रियं बहुहिं नुज्जाहिं चिलादयाहिं वामणिवडाभवव्यरिचउसि जोणि(याहिं) यपत्तवियइसिणि(य) धोम(णिं) गिणिलारियल-उमियदमिल्लिहिलिआरिबिपुलिदिपक्कणिचहत्तिमुसुडिसबरिपारसीहि नानादेसीहि विदे-सपरिमंडियाहिं इंगियच्चितियपत्थियवियाणिघाहिं मदेमनेवत्थगहियचेसाहिं निउण-कुसलाहिं विणीयाहिं चेडियाचक्कवालवरिमधरकंनुइज्जमहगरगवंदपरिक्खत्ते दत्थाओ हत्थं मा(सं)हरिज्जमाणे अक्काओ अकं परिभुज्जमाणे परिगिज्जमाणे उवला(चा)लिज्जमाणे रम्मंसि मणिक्कोट्टिमत्तंसि परिमिज्जमाणे २ निव्वायानिव्वाचार्यंसि गिरिकंदरमल्लीणेव चपगपायवे सुहंसुहेगं वद्धइ । तए णं तस्म मेहस्स कुमारस्स अम्मापियरो अप्पुपुच्चवंगं नामकरणं च पजेमणगं च एवं चंक्रमणं च चोलोवणयं च महया २ इह्ठीयक्कारममुदाणं करिसु । तए णं तं मेहं कुमारं अम्मापियरो साइरेगट्टवासजायगं चैव गब्भट्टमे वासे सोहणंसि तिहिकरणमुहुत्तंसि कलायरियस्स उवणेति । तए णं से कलायरिए मेहं कुमारं लेहाइयाओ गणियप्पहाणाओ मउणस्यपज्जवसाणाओ बावत्तिं कलाओ मुत्तओ य अत्थओ य करणओ य सेहावेइ सिक्खावेइ तंजहा-डेहं गणियं ह्वं नट्टं गीयं वाइयं सरगयं पोक्खरगयं समत्तालं जूयं जणवायं पासयं अट्ठावयं पोरेकच्चं दगमट्टियं अजाविहिं पाणविहिं वत्थविहिं विलेवणविहिं सय्यपाविहिं

अजं पहेलियं मागहियं गाहं गीइयं सिलोयं हिरण्यजुतिं सुवण्णजुतिं चुण्णजुतिं आभार-
णविहिं तरुणीपडिकम्मं इत्थिलक्खणं पुरिसलक्खणं ह्यलक्खणं गयलक्खणं गोणल-
क्खणं कुक्कुडलक्खणं छतलक्खणं दंडलक्खणं असिलक्खणं मणिलक्खणं का(ग)गि-
णिलक्खणं वत्थुविज्जं खंधारमाणं नगरमाणं वृहं पडिवृहं चारं पडिचारं चक्रवृहं गरुलवृहं
सगडवृहं जुद्धं निजुद्धं जुद्धाइजुद्धं लट्टिजुद्धं मुट्टिजुद्धं बाहुजुद्धं लयाजुद्धं ईसत्थं
छरुप्पवायं धणुव्वेयं हिरण्यपागं सुवण्णपागं सुत्तखेडं वट्टखेडं नालियाखेडं पत्तच्छेज्जं
कड(ग)च्छेज्जं मज्जीवं निज्जीवं सउणम्यं ति ॥ २० ॥ तए णं से कएयरिए मेहं
कुमारं लेहाइयाओ गणियप्पहाणाओ गउणम्यपजवसाणाओ वावत्तारिं कलाओ सुत्तओ
य अत्थओ य करणओ य सेहावेइ मिक्खावेइ सेहाविता सिक्खाविता अम्मापिऊणं
उवणेदं । तए णं मेहस्स कुमारस्स अम्मापियरो तं कलायरियं मडुरेहिं वयणेहिं
विउलेणं वत्थगंधमल्लालंकारेणं मक्कारेति मम्माणेति म० २ ता विउल जीवियारिहं
पीट्टदाणं दलयति २ ता पडिविसजेति ॥ २१ ॥ तए णं से मेहं कुमारे वावत्तरिकला-
पंडिए नवंगमुत्तपडियोहिए अट्टारयविहिप्पगारदेसीभासाविसारए गी(इरइ)यरइय-
गंधव्वनट्टुसले ह्यजोही गयजोही रट्टजोही बाहुजोही बाहुप्पमई अत्तेभोगममत्थे
साहमिए वियालचारी जाए यावि होत्था ॥ २२ ॥ तए णं तस्स मेहदुमारस्स अम्मापियरो
मेहं कुमारं वावत्तरिकलापंडियं जाव वियालचारिं जायं पासंति २ ता अट्ट पासाय-
वट्टिमए का(क)रेति अब्भुग्गयसूमयपहसिए विव मणिकणगरयणमत्तचित्ते वाउदुय-
विजयवेजयंतीपडागाछताइच्छतकलिए तुंगे गगणतलमभिलंधमाणासिहरे जानंत्तर-
रयणपंजरम्मिद्धि(य)एव्व मणिकणगधूमियाए वियसियमवपत्तपुंडरीए तिलयरयण-
द्ध(य)चंदसिए नानामणिमयदामालंक्रिए अतो बहिं च सण्हे तवणिज्जडलवाह्यापत्थरे
सुहफासे सस्मिरीयरुवे पासार्इए जाव पडिरुवे । एगं च णं महं भवणं कारंति अणेग-
खंभसयसत्तित्ठं लीलाट्टियसालभेजियागं अब्भुग्गयसुकयवरचंदयातोरणवरइयसा-
लभंजियासुसिलिट्ठविंसिट्ठलट्टमठियपमत्थवेरुलियखंभनाणामणिकणगरयणसच्चियउ-
ज्जले बहुसमसुविभत्तानेचियरमणिज्जभूमिभागं ईहामिय जाव भत्तचित्तं खंभुग्गयवय-
रवेइयापरिगयाभिरामं विज्जाहरजमलजुयलजंतजुत्तपिच अच्चीसहस्समालणीयं रुवग-
सहस्सकलियं भिसमाणं भिच्चिसमाणं चक्खुल्लोयणलेस सुहफास सस्मिरीयरुवं कंच-
णमणिरयणधूमियागं नाणाविहपंचवण्णघंटापडागपरिमंडियग्गसिहरे धवलमि(म)-
रीचिकवयं विणिम्मुर्यंत लाउल्लेइयमहियं जाव गंधवट्टिभूयं पासार्इयं दरिसणिज्जं अभि-
रुवं पडिरुवं ॥ २३ ॥ तए णं तस्स मेहस्स कुमारस्स अम्मापियरो मेहं कुमारं सोह-
णंसि तिहिकरणमक्खत्तमुहुत्तंसि सरिसियाणं सरि(स)व्वयाणं सरि(स)त्तयाणं सरिस-

लावणरूपजोव्वणगुणोववेयाणं सरिसएहिंनो रायकुलेहिंनो आणि(अ)द्वियाणं पसाह-
 णट्टंगभविहववहुओवयणमंगलसुजपिएहिं अट्टहिं रायवरकभाहिं सद्धिं एगदिवसेणं
 पाणि गिण्हाविसु । तए णं तस्म मेहस्म अस्मापियरो इमं एयारूवं पीइदाणं दलयंति-
 अट्ट हिरण्णकोडीओ अट्ट सुवण्णकोडीओ गहाणुसारेण भा(वि)णियव्व जाव पेसणकारि-
 याओ अन्नं च विपुलं धणकणगरयणमणिमोत्तियसंखसिलप्पवाळरत्तरयणसतसारसाव-
 एजं अलाहि जाव आसत्तमाओ कुलवसाओ पकामं दाउं पकामं भोत्तुं पकामं परि-
 भाएउं । तए णं से मेहे कुमारे एगमेगाए भारियाए एगमेगं हिरण्णकोडिं दलयइ
 एगमेगं गुवण्णकोडिं दलयइ जाव एगमेगं पेसणकारिं दलयइ अन्नं च विउलं धण-
 कणग जाव परिभाएउं दलयउ । तए ण मे मेहे कुमारे उप्पि पासायवरगाए फुट्टमा-
 णेहि मुदंगमत्यएहि वरतरुणिसंपउत्तहि बत्तीसदवद्धएहिं नाडएहि उवगिज्जमाणे २
 उवत्ताल्लिज्जमाणे २ सहकरिसरमरूवगंधविउले माणुस्मए कामभोगे पच्चणुभवमाणे
 विहरइ ॥ २४ ॥ तेणं कालेणं तेणं समएणं समणे भगवं महावीरे पुव्वाणुपुव्वि
 चरमाणे गामाणुगामं दृडज्जमाणे सुहंमुहेणं विहरमाणे जेगामेव रायगिहे नयरे
 गुणसिलए उज्जाणे जाव विहरइ । तए ण (सं)रायगिहे नयरे गिघाडगतिगचउक्कचच्चर०
 महया वहुजणमहेइ वा जाव चहवे उग्गा भोगा जाव रायगिहस्स नयरस्स
 मज्जेमज्जेणं एगदिमि एगाभिमुहा निग्गच्छंति, उमं च णं मेहे कुमारे उप्पि
 पासायवरगाए फुट्टमाणेहिं सुयंगमत्यएहिं जाव माणुस्मए कामभोगे मुंजमाणे
 रायमगं च आलाणमाणे २ एवं च णं विहरइ । तए णं (सं)मेहे कुमारे ते बहवे उग्गे
 भोगे जाव एगदिसाभिमुहे निग्गच्छमाणे पाराइ २ ता कंचुडज्जपुरिसं सदावेइ २
 ता एवं वयासी-किंले भो देवाणुप्पिया । अज्ज रायगिहे नयरे इंदमहेइ वा
 खंदमहेइ वा एव रुदमिववेममगनागजकरसूयनइतलायत्तखपव्वयउज्जाणगिरिजत्ताइ
 वा जओ णं बहवे उग्गा भोगा जाव एगदिमि एगाभिमुहा निग्गच्छंति । तए णं
 से कंचुडज्जपुरिसं समगस्स भगवओ महावीरस्स गहियागमणपव्वितीए मेहं कुमारं
 एवं वयासी-नो खलु देवाणुप्पिया । अज्ज रायगिहे नयरे इंदमहेइ वा जाव
 गिरिजत्ताइ वा जं णं एए उग्गा जाव एगदिसि एगाभिमुहा निग्गच्छंति, एवं
 खलु देवाणुप्पिया । समणे भगवं महावीरे आइगरे तित्थगरे इहमाणे इह
 संपत्ते इह समोपदे इह चैव रायगिहे नयरे गुणसिलए उज्जाणे अहापद्धिसुवं जाव
 विहरइ ॥ २५ ॥ तए णं से मेहे कुमारे कंचुडज्जपुरिसस्स अंतिए एयमदुं सोच्चा
 निग्गम्म दट्टनुदं कौडुवियपुरिसं महावेइ २ ता एवं वयासी-खिप्पामेव भो देवाणु-
 प्पिया । चाउग्घटं आसरहं जुत्तामेव उवद्धवेइ (तहत्ति) जाव उवणंति । तए णं से

मेहे ण्हाए सब्वालंकारविभूसिए चाउग्घंटं आसरहं दुरूढे समाणे सक्कोरंउमल्लदामेणं छत्तेणं धरिज्जमाणेणं मन्हाया भट्चडगरविदपरियालसंपरिवुडे रायगिहस्स नयरस्स मज्झमज्झेणं निग्गच्छइ २ ता जेणामेव गुणसिलए उजाणे तेणामेव उवागच्छइ २ ता समणस्स भगवओ महावीरस्स छत्ताइच्छत्तं पडागाइपडागं विजाहरचारणे जंभए य देवे ओवयमाणे उप्पयमाणे पासइ २ ता चाउग्घंटाओ आसरहाओ पच्चोच्छइ २ ता समणं भगवं महावीरं पंचविहेण अभिगमेणं अभिगच्छइ तंजहा—सन्धित्ताणं दब्बाणं विउसरणयाए, अत्थित्ताणं दब्बाणं अविउसरणयाए, एगसाद्धियं उत्तरासंगकरणेणं, चवखुप्फामे अजल्लिपग्गहेणं, मणसो एगर्ताकरणेणं । जेणामेव मणसे भगवं महावीरे तेणामेव उवागच्छइ २ ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ नमसइ वं० २ ता समणस्स भगवओ महावीरस्स नच्चाग्घे नाइदूरे सुस्सुसमाणे नमसमाणे पं(अं)-जाल्ल(य)उडे आभिमुहे विणएणं पज्जवामइ । तए णं मणसे भगवं महावीरे मेहस्स कुमारस्स तीसे य महइमहाल्लियाए (मत्तच्च)परिणाए मत्तज्जगए विच्चित्तं धम्ममाइक्कगइ जहा जीवा बज्झति मुच्चति जह य सक्किल्लिस्सति, धम्मकहा भाणियव्वा जाव पाग्गमा पडिगया ॥ २६ ॥ तए णं से मेहे कुमारे समणस्स भगवओ महावीरस्स अंतिए धम्मं सोच्चा निमम्म दट्टुट्टे समणं भगवं महावीर तिक्खुत्तो आयाहिणं पयाहिणं करेइ २ ता वदइ नमंसट वं० २ ता एवं वयासी—राह्मि णं भंते ! निग्गंथं पावयण एवं पत्तियामि णं रोएमि णं अच्चुट्टेमि णं भंते ! निग्गंथं पावयणं, एवमेयं भंते ! तहमेयं अत्थितहमेयं इच्छियमेयं पांडाच्छियमेयं भंते ! इच्छियपडिच्छियमेयं भंते ! से जहेव तं तुब्भे वयह जं नवरं देवाणुप्पिया ! अम्मापियरो आपुच्छामि तओ पच्छा मुंडे भविता णं पव्वइस्सामि । अहासुहं देवाणुप्पिया ! मा पडिबंधं करेह । तए णं से मेहे कुमारे समणं भगवं महावीरं वंदइ नमंसइ वं० २ ता जेणामेव चाउग्घंटे आसरहे तेणामेव उवागच्छइ २ ता चाउग्घंटं आसरहं दुरूहइ २ ता महया भट्चडगरपहकरेणं रायगिहस्स नगरस्स मज्झमज्झेणं जेणामेव सए भवणे तेणामेव उवागच्छइ २ ता चाउग्घंटाओ आसरहाओ पच्चोच्छइ २ ता जेणामेव अम्मापियरो तेणामेव उवागच्छइ २ ता अम्मापिऊणं पायवडणं करेइ २ ता एवं वयासी—एवं खलु अम्मयाओ ! मए समणस्स भगवओ महावीरस्स अंतिए धम्मं निसंते से वि य मे धम्मं इच्छिए पडिच्छिए अभिहइए । तए णं तस्स मेहस्स अम्मापियरो एवं वयासी—धच्चोसि तुमं जाया ! संपुण्णोसि० कयत्थोसि० कयलक्खणोसि तुमं जाया । जल्लं तुमे समणस्स भगवओ महावीरस्स अंतिए धम्मं निसंते, से वि

डीए खुरो इव एगंतधाराए लोहमया इव जवा चावेयच्वा वालुयाकवले इव निर-
 स्साए गंगा इव महानई पडिसोयगमणाए महासमुद्दो इव भुयाहिं तुतरे तिकखं चंक्र-
 मियच्चं गहअं लंबेयच्चं असिधारच्चय (सं) चरियच्चं । नो (य) खलु कप्पइ जाया ।
 समणाणं निग्गंथाणं आहाकम्मिए वा उहेसिए वा कीयगडे वा ठवियए वा रइयए
 वा दुच्चिमक्खभत्ते वा कंनारभत्ते वा वड्ढलियाभत्ते वा गिलाणभत्ते वा मूलभोयणे
 वा कंदभोयणे वा फलभोयणे वा वीयभोयणे वा हरियभोयणे वा भोतए वा पायए
 वा । तुमं च णं जाया । सहसमुच्चिए नो चेव णं दुहसमुच्चिए नालं सीयं नाल उण्हं
 नालं खह नालं पिवास नालं वाइयपित्तियासभियसत्तिवाइयविविहे गोगाअंके उच्चावए
 गामकंटाए वावीसं परीसहोवसग्गे उदिग्गे मम्मं अहिधासितए । भुंजाहिं ताव जाया ।
 माणुस्सए कामभोणे, तओ पच्छा भुत्तभोगी समणस्स भगवओ महावीरस्स जाव
 पव्वउस्सत्ति । तए णं से मेहे कुमारे अम्मापिऊहि एवं तुत्ते समाणे अम्मापियरे एवं
 वयासी-तहेव ण तं अम्मयाओ ! ज णं तुच्चे ममं एवं वयह-एग णं जाया ! निग्गंथे
 पावयणे सच्च अणुत्तरे पुणरवि तं चेव जाव तओ पच्छा भुत्तभोगी समणस्स भगवओ
 महावीरस्स जाव पव्वउस्सत्ति, एवं खलु अम्मयाओ ! निग्गंथे पावयणे की(वा)बाणं
 कायराणं कापुरिमाणं इहलोपपडिबद्धाणं परलोगान्निपवानाणं दुरणुत्तरे पाययजणस्स
 नो चेव णं धीरस्स निच्छियस्स ववात्तयरग एत्थ कि दुक्कं करणयाए ? तं इच्छामि णं
 अम्मयाओ ! तुच्चेहि अब्भणुजाए समाणं समणस्स भगवओ महावीरस्स जाव पव्व-
 इत्तए ॥ २८ ॥ तए णं तं मेहे कुमार अम्मापियरो जाह नो सचाइति बहहि विसया-
 णुलोमाहि य विसयपडिकुलाहि य आघवणाहि य पजवणाहि य सन्नवणाहि य विन्नव-
 णाहि य आघवित्तए वा पन्नवित्तए वा सन्नवित्तए वा विन्नवित्तए वा ताहे अका(मए)-
 माई चेव मेह कुमारे एवं वयासी-इच्छामो ताव जाया ! एगदिवमच्च वि ते रायसिरीं
 पामित्तए । तए णं से मेहे कुमारे अम्मापियरमणुवत्तमाणे तुमिणीए संचिद्धइ । तए
 णं से मेणिए राया कोहुंविद्यपुरिसं सहावेइ २ ता एवं वयासी-विगपामेव भो देवा-
 णुप्पिया ! मेहस्स कुमारस्स महत्थं महग्गं महरेहं विउलं रायाभिसेयं उवट्टवेह ।
 तए ण ते कोहुंविद्यपुरिसा जाव तेवि तहेव उवट्टवेति । तए णं से सेणिए राया
 बहहिं गणनायगदंडनायगेहि य जाव संपत्तियुडे मेहं कुमारे अट्टमएणं सोवण्णियाणं
 कलसाणं एवं रूपमयाणं कलसाणं सुवण्णरूपमयाणं कलसाणं मणिमयाणं कलसाणं
 सुवण्णमणिमयाणं कलसाणं रूपमणिमयाणं कलसाणं सुवण्णरूपमणिमयाणं कलसाणं
 भोमेजाणं कलसाणं सब्बोदएहिं सब्बमट्ठियाहिं सब्बपुप्फेहिं सब्बगंधेहिं सब्बमलेहिं
 सब्बोसहीहिं य सिद्धत्थएहिं य सब्बिद्धीए सब्बजुईए सब्बबलेणं जाव दुंदुभिनिग्गो-

सणाइयरवेणं महया २ रायाभिसेएणं अभिसिचइ २ ता करयल जाव कइ एवं वयासी-जय २ नंदा ! जय २ भदा ! जय-नंदा ! भदं ते अजियं जि(णे)णाहि जियं पालयाहि जियमज्झे वमाहि अजियं जिणेहि सत्तुपक्ख जियं च पालेहि मित्तपक्खं जाव भरहो इव मणुयागं रायगिहस्स नगरस्स अजेसि च बहूणं गामागरनगर जाव सज्जिवेसागं आहेवच्चं जाव विहराहि त्तिक्कइ जयजयसइं पउंजंति । तए णं से मेहे राया जाए महया जाव विहरइ । तए णं तस्म मेहस्स रत्तो अम्मापियरो एवं वयासी-भण जाया ! किं दलयामो किं पयच्छामो किं वा ते हियइच्छिए सामत्थं(मंते) ?, तए णं से मेहे राया अम्मापियरो एवं वयासी-इच्छामि णं अम्मयाओ ! कुत्तियावणाओ रयहरणं पडिग्ग(दग्गं)हं च (आणिय) उवणेह कामवयं च मदा(विउं)वेह । तए णं से सेणिए राया कोडुब्बियपुरिसे सदावेइ २ ता एवं वयासी-गच्छह णं तुब्भे देवाणुप्पया ' निरिघराओ त्तिज्जि सयसहस्साइं गहाय दोहिं सयसहस्सेहिं कुत्तियावणाओ रयहरणं पडिग्गह च उवणेह सयसहस्सेणं कागवयं सदावेह । तए णं ते कोडुब्बियपुरिमा सेणिएणं रत्ता एवं बुत्ता समाणा दट्टनुट्ठा निरिघराओ त्तिज्जि सयसहस्साइं गहाय कुत्तियावणाओ दोहिं सयसहस्सेहिं रयहरण पडिग्गहं च उवणेति सयसहस्सेणं कामवयं मदावेति । तए णं से कामवए तेह कोडुब्बियपुरिमेहिं मदावए समाणे दट्टनुट्ठ जाव (द्व)हि ए पहाए सुद्धपावेमाइं (संगळाइं)वत्थइं पवरपरिहिए अप्पमहग्गवाभरणालेकियसरीरे जेणेव सेणिए राया तेणेव उवागच्छइ २ ता सेणियं रायं करयल्लमज्जलं कइ एवं वयासी-संसिह णं देवाणुप्पिया । जं मए करणिजं । तए णं से सेणिए राया कामवयं एवं वयासी-गच्छाहि णं तुमं देवाणुप्पिया ! सुरभिणा गंधोदएणं निक्कं हत्थपाए पक्खालेहि सेयाए चउप्फालाए पोत्तीए मुहं बधित्त मेहस्स कुमारस्स चउरंगुलवजे निक्खमणपाउग्गे अग्गकेसे कप्पेहि । तए णं से कामवए सेणिएणं रत्ता एवं बुत्ते समाणे दट्टनुट्ठ जाव हियए जाव पडिमुणेइ २ ता सुरभिणा गंधोदएणं हत्थपाए पक्खालेह २ ता सुद्धवत्थेणं मुह बवइ २ ता परेणं जंतणं मेहस्स कुमारस्स चउरंगुलवजे निक्खमणपाउग्गे अग्गकेसे कप्पइ । तए णं तस्स मेहस्स कुमारस्स माया महुरिहेण हंसलक्खणेणं पडसाइएणं अग्गकेसे पडिच्छइ २ ता सुरभिणा गंधोदएणं पक्खालेह २ ता सरसेणं गोसीसचंदणेणं चच्चाओ दलयइ २ ता सेयाए पोत्तीए बंधइ २ ता रथणममुग्गयंति पक्खवइ २ ता मजूसाए पक्खवइ २ ता हारवारिधारसिंदुवारच्छिन्नमुत्तावलिप्पगासाइं अंसुइ विणिम्मुयमाणी २ रोयमाणी २ कंदमाणी २ विलवमाणी २ एवं वयासी-एस णं अम्हं मेहस्स कुमारस्स अब्बुद-एस य उस्सवंसु य पसवेसु य तिहीसु य ल्पेसु य अन्नेसु य पव्वणीसु य अपच्छिमे

दरिसणे भविस्सइ-तिकट्ट उस्सीसामूले ठवेइ । तए णं तस्स मेहस्स कुमारस्स अम्मा-
 पियरो उत्तरावक्कमणं सीहासणं रयावैति मेहं कुमारं दोच्चपि तच्चपि सेयापीयाएहिं
 कलसेहिं ण्हावैति २ ता पम्हलसुकुमालाए गंधकासाइयाए गायआई छ्हेति २ ता
 सरसेणं गोसीमचंदणेणं गायआई अणुलिपंति २ ता नासानासासवायवोज्ज जाव
 हंसलक्कवणं पड(ग)स्राडगं नियसेति २ ता हारं पिण्ढेति २ ता अद्धहारं पिण्ढेति
 २ ता (एवं) एगावलि (२) मुत्तावलि (२) कणगावलि (२) रयणावलि (२) पालंबं (२)
 पायपलंबं कडगाइ (२) तुडिगाइ (२) केऊराइ (२) अंगयाइ (२) दसमुहियाणंतयं
 कडिसुनयं (२) कुंडलाइ चूडामणिं रयणुक्कडं मउडं पिण्ढेति २ ता दिब्बं सुमणदामे
 पिण्ढेति २ ता दहरमलयसुगंधिए गंधे पिण्ढेति । तए णं तं मेहं कुमारं
 गंठिमवेद्धिमपूरिमसंघाडमेण चउव्विहेणं मत्थेणं कप्परक्कवगं पिव अलंक्किपविभूसियं
 करेति । तए णं से सेणिए राया कोडुंबियपुरिसे सहावेइ २ ता एवं वयासी-
 खिप्पामेव भो देवाणुप्पिया । अणेगसंभसयसन्निविट्ठं लीलट्टियमालमंजियागं
 ईहामियउसभतुरयनरमगरविहगवालगाक्किन्नररुमरभचमरकुंजरवणलयपउमलयभ-
 तिच्चित्तं घंटावल्लिमहुरमणहरसरं सुभकंतदरिसणिज्ज निउणो(वि)वियमिसिमिमितम-
 णिरयगंधंटियाजालपरिक्खित्तं खं (अब्)भुवगयवउरवेइयापरिगयाभिरामं विज्जाहर-
 जमलजननुतं पिव अच्चोसहस्समालणीयं रुवगसहस्सकलियं भिसमाणं भिच्चिसमाणं
 चक्खुद्योयणलेस्सं सुहफासं सस्सिरीयक्कं निग्घं तुरियं चवलं वेडयं पुरिसमहस्स-
 वाहि(णीयं)णीं सीयं उवट्टवेह । तए णं तं कोडुंबियपुरिसे दट्टुट्टु जाव उवट्टुवैति ।
 तए णं मे मेहे कुमारे सीयं दुंरुइइ २ ता सीहामणवरगए पुरत्थाभिमुहे
 सन्निसण्णे । तए णं तस्स मेहस्स कुमारस्स माया ण्हाया अप्पमहुरघाभरणालं-
 कियसरीरा सीयं दुंरुइइ २ ता मेहस्स कुमारस्स दाहिणे पासे भद्दासणंसि निसीयइ ।
 तए णं तस्स मेहस्स कुमारस्स अंबथाइ रयहरणं च पडिग्गहगं च गहाय सीयं
 दु(रु)रुइइ २ ता मेहस्स कुमारस्स वामे पासे भद्दासणंसि निसीयइ । तए णं तस्स
 मेहस्स कुमारस्स पिट्टओ एगा वरतरुणीं सिंगारागारचारुवेसा संगयगयहसिय-
 भणियचेट्टि पविलाससंलाधुल्लवनिउणजुत्तोवयारकुसला आमेलगजमलजुयलवट्टिय-
 अब्भुन्नयपीणरइयसंठियपवोहरा हिमरययकुं देदुपगासं सकोरेंटमल्लदामधवलं
 आयवत्तं गहाय सलीलं ओहारेमाणी २ चिट्ठइ । तए णं तस्स मेहस्स कुमारस्स
 दुवे वरतरुणीओ सिंगारागारचारुवेसाओ जाव कुसलाओ सीयं दुंरुइइति २ ता मेहस्स
 कुमारस्स उभओ पा(सि)सं नानामणिकणगरयणमहरिहत्तवणिज्ज उज्जलविच्चित्तदंडाओ
 चिल्लियाओ सुहमवरसीहवालाओ संखकुंददगरयभमयमहियफेणुपुंजसधिगासाओ

चामराओ गहाय सलीलं ओहारेमाणीओ २ चिट्रंति । तए णं तस्स मेहकुमारस्स एगा वरतरुणी सिंगारा जाव कुसला सीयं जाव दुरुहइ २ ता मेहस्स कुमारस्स पुरओ पुरत्थिमेणं चंदप्पभवइरवेरुलियविमलदंडं ता(लत्रिं)लियंटां गहाय चिट्टइ । तए णं तस्स मेहस्स कुमारस्स एगा वरतरुणी जाव सुखा सीयं दुरुहइ २ ता मेहस्स कुमारस्स पुच्चदक्खिणेण सेयं रययामयं विमलसल्लिउपुण्णं मनगयमद्दामुहाकिइममाणं भिंगारं गहाय चिट्टइ । तए णं तस्स मेहस्स कुमारस्स पिथा कोडुंबियपुरिरं महावेइ २ ता एवं वयासी-खिप्पामेव भो देवाणुप्पिया ! सरिमयाणं सरि(स)नयाणं सरि(स)-व्वयाणं एगाभरणगहियनिज्जोयाणं कोडुंबियवरतरुणाणं सहस्सं सद्दावेह जाव मद्दावेति । तए णं (ते) कोडुंबियवरतरुणपुरिया सेणियस्स रत्तो कोडुंबियपुरिसेहिं सद्दाविया समाणा हद्दा प्हाया एगाभरणगहियणिज्जोया जेगामेव सेणिए राया तेणामेव उवागच्छंति २ ता सेणिय रायं एवं वयासी-सदिसह णं देवाणुप्पिया ! जं णं अम्हेहिं करणिज्जं । तए ण से सेणिए राया त कोडुंबियवरतरुणसहस्सं एवं वयासी-गच्छह णं (तुब्भं)देवाणुप्पिया । मेहस्स कुमारस्स पुरिससहस्सवाहिणिं सीयं परिव(हे)-हइ । तए णं तं कोडुंबियवरतरुणसहस्सं सेणिएणं रत्ता एवं वुत्तं संतं हट्टं तुट्ट तस्स मेहस्स कुमारस्स पुरिससहस्सवाहिणिं सीयं परिवहइ । तए ण तस्स मेहस्स कुमारस्स पुरिससहस्सवाहिणिं सीयं दुरुहस्स समाणस्स इमे अट्टमंगलया तप्पडमयाए पुरओ अहाणुपुब्बीए संपट्टिया, तंजहा-सोत्थिय सिरिवच्छ नंदियावान वद्धमाणग भद्दासण कलम मच्छ दप्पण जाव बहवे अत्यत्थिया जाव ताहिं इट्ठाहिं जाव अणवरयं अभिनंदंता य अभियुणंता य एवं वयासी-जय २ नंदा । जय २ भद्दा ! जयनंदा । भद्दं ते अजि(य)याई जिणाहि इंदियाई जियं च पाळेहि समणधम्मं जियविग्गेऽविय वसाहि तं देव । सिद्धिमज्जे निहणाहि रागदोममल्ले तवेणं धिइ-धणियैद्ध कच्छे मद्दाहि य अट्टकम्मसत्तु ज्ञाणेणं उन्नमेणं सुक्केणं अप्पमत्तो पावय वितिमिरमगुत्तरं केवलं नाणं गच्छ य मोक्खं परमं पर्यं सासयं च अयलं हंता परीसहच(मुं)भूणं अभीओ परीसहोवसगणं धम्मं ते अविग्घ भवउ-त्तिरुट्ट पुणो २ मगलजयंरसहं पडंजंति । तए णं से मेहे कुमारे रायगिहस्स नयरस्स मज्झमज्जेणं निग्गच्छइ २ ता जेणेव गुणसिलए उज्जाणे तेणेव उवागच्छइ २ ता पुरिससहस्सवाहिणीओ सीयाओ पच्चोरुहइ ॥ २९ ॥ तए णं तस्स मेहस्स कुमारस्स अम्मापियगे मेहं कुमारं पुरओ कट्टु जेणामेव समणे भगवं महावीरे तेणामेव उवागच्छंति २ ता समणं भगवं महावीरं तिक्खुत्तो आयाहिणं पयाहिणं करंति २ ता वंदंति नमंसेति वं० २ ता एवं वयासी-एस णं देवाणुप्पिया । मेहे

पुत्ते इट्ठे कंते जाव जीवियऊसासए हिययनंदिअणए उंबरपुफं पिब बुल्लहे सवणयाए
 किमंग पुण दरिसणयाए ? से जहानामए उप्पलेड वा पउमेइ वा कुमुदेइ वा पंके
 जाए जले संबङ्गिए नोवलिप्पइ पंकरएण नोवलिप्पइ जलरएणं एवामेव मेहे कुमारे
 कामेस जाए भोगेसु संवुङ्गे नोवलिप्पइ कामरएणं नोवलिप्पइ भोगरएणं, एस णं
 देवाणुप्पियां । संसारभउत्विग्गे भीए जम्मण(जर)मरणं इच्छइ देवाणुप्पियाणं
 अंतिए मुंडे भविता अगाराओ अणगारियं पव्वइतए । अम्हे णं देवाणुप्पियाणं
 सिस्सभिकखं दलयामो । पडिच्छंनु णं देवाणुप्पिया । सिस्सभिकखं । तए णं से
 समणे भगवं महावीरे मेहस्स कुमारस्स अम्मापिऊहिं एवं तुत्ते समाणे एयमट्ठं
 सम्मं पडिसुणेइ । तए णं से मेहे कुमारे समणस्स भगवओ महावीरस्स अंतियाओ
 उत्तरपुरच्छिम दिसीभागं अवक्कमइ २ ता सयमेव आभरणमल्लालंकारं ओपुयइ ।
 तए णं (से) तस्स मेहकुमारस्स माया हसलक्कवणेणं पडसाडएणं आभरणमल्ल-
 लंकारं पडिच्छइ २ ता हारवारिधारसिदुवारच्छिन्नमुत्तावलप्पयासाइं अंसूणि विणिम्म-
 यमाणी २ रोयमाणी २ कंदमाणी २ विलवमाणी २ एवं वयासी-जइयव्वं जाया ।
 षडियव्वं जाया । परक्कमियव्वं जाया । अस्मिं च णं अट्ठे नो पमाएयव्वं, अम्हंपि
 णं (ए)सेव मग्गे भवउ-त्तिकट्टु मेहस्स कुमारस्स अम्मापियरो समणं भगवं
 महावीरं वंदंति नमसंति वं० २ ता जामेव दिस्सिं पाउब्भूया तामेव दिस्सिं पडिगया
 ॥ ३० ॥ तए णं से मेहे कुमारे सयमेव पंचमुट्ठियं लोयं करेइ २ ता जेणामेव
 समणे भगवं महावीरे तेगामेव उवागच्छइ २ ता समणं भगवं महावीरं तिक्कवुत्तो
 आयाहिणं पयाहिणं करेइ २ ता वंदइ नमंमइ वं० २ ता एवं वयासी-आलित्ते णं
 भंते । लोए, पलित्ते णं भंते । लोए, आलित्तपलित्ते णं भंते । लोए जराए मरणेण
 य । से जहानामए केड गाहावइ अगारंसि त्रियायमाणंसि जे तत्थ मडे भवइ
 अप्पभारे मोल्लगुरुए तं गहाय आयाए एगंतं अवक्कमइ-एस मे नित्यारिए समाणे
 पच्छा पुरा (लोए)दियाए सुहाए खे(ख)माए निस्सेसाए आणुगामियताए भविस्सइ-
 एवामेव ममवि एगे आयाभंडे इट्ठे कंते पिए मणुञ्जे मणामे एस मे नित्यारिए
 समाणे संसारवोच्छेयकरे भविस्सइ, तं इच्छामि णं देवाणुप्पि(या)एहिं सयमेव
 पव्वावियं सयमेव मुंडावियं सेहावियं सिक्खावियं सयमेव आयारगोयरविणयवेणइय-
 चरणकरणजायामायावसियं धम्ममाइक्खियं । तए णं समणे भगवं महावीरे
 मेहं कुमारं सयमेव पव्वावेइ सयमेव आयार जाव धम्ममाइक्खइ-एवं देवाणुप्पिया ।
 गंतव्वं च्चिट्ठियव्वं निसीयव्वं तुयट्ठियव्वं भुंजियव्वं भासियव्वं एवं उट्ठाए
 उट्ठाय पाणेहिं भूएहिं जीवेहिं सत्तेहिं संजमेणं संजमियव्वं अस्सिं च णं अट्ठे नो

पमाण्यव्वं । तए णं से मेहे कुमारे समणस्स भगवओ महावीरस्स अंतिए इमं
 एयारुवं धम्मियं उवएसं निसम्म सम्मं पडिवज्जइ तमाणाए तह गच्छइ तह चिट्ठइ
 जाव उट्ठाए उट्ठाया पाणेहिं भूएहिं जीवेहिं सत्तेहि मज्जइ ॥ ३१ ॥ जं दिवसं च ण
 मेहे कुमारे-मुडे भवित्ता अ(आ)गाराओ अणगारियं पव्वइए तस्स णं दिवसस्स
 पच्चावरण्हकालसमयंसि समणाणं निगंथाणं अट्टाराइणियाए सेज्जासंधारएसु
 विभज्जमाणेसु मेहकुमारस्स दारमूले सेज्जासंधारए जाए यावि होत्था । तए
 णं समणा निगंथा पुव्वरत्तावरत्तकालसमयंसि वायणाए पुच्छणाए परियट्ठणाए
 धम्माणुजोगचिंताए य उच्चारस्स य पासवणस्स य अडंगच्छमाणा य निगच्छमाणा
 य अप्पेगइया मेहं कुमारं हत्थेहिं सघट्टेति एवं पाएहिं सीसे पोटे कायंसि अप्पेगइया
 ओलंडेति अप्पेगइया पोलंडेति अप्पेगइया पायरयेणुगुडियं करेति । एवं
 महालियं च णं रयणि मेहे कुमारे नो संचाएइ खणमवि अ(च्छि)च्छी निमीलित्ताए ।
 तए णं तस्स मेहस्स कुमारस्स अयमेयारुवे अज्जत्थिए जाव समुप्पजित्था-एवं
 खलु अहं सेणियस्स रत्तो पुत्ते धारिणीए देवीए अनए मेहे जाव सवणयाए, तं
 जया णं-अहं अगारमज्जे वसामि तथा णं मम समणा निगंथा आढायति परिजाणंति
 सक्कारेति सम्माणेति अट्ठाइं हेऊइं परिणाइं कारणाइं वागरणाइं आह्वखेति इट्ठाहिं
 कंताहिं वग्गुहिं आलवेति संलवेति, जप्पभिइं च णं अहं मुडे भवित्ता अगाराओ
 अणगारियं पव्वइए तप्पभिइं च णं म(म)मं समणा नो आढायति जाव नो संलवेति,
 अदुत्तरं च णं ममं समणा निगंथा राओ पुव्वरत्तावरत्तकालसमयंसि वायणाए पुच्छ-
 णाए जाव महालियं च णं रत्तिं नो संचाएमि अच्छि निमि(ला)लावेत्ताए, तं सेयं खलु
 मज्जे कल्लं पाउप्पभायाए रयणीए जाव तेयसा जलंते समणे भगवं महावीरं
 आपुच्छित्ता पुणरवि अगारमज्जे वसित्ताए-त्तिकडु एवं संपेहेइ २ ता अट्टदुइइवसट्ट-
 माणसगाए निरयपडिरुवियं च णं तं रयणि खवेइ २ ता कल्लं पाउप्पभायाए
 सुविमत्ताए रयणीए जाव तेयसा जलंते जेणामेव समणे भगवं महावीरे तेणामेव
 उवागच्छइ २ ता तिक्खुतो आयाहिणं पयाहिणं करेइ २ ता वंदइ नमंसइ वं०
 २ ता जाव पज्जुवासइ ॥ ३२ ॥ तए णं मेहाइ समणे भगवं महावीरे मेहं
 कुमारं एवं बयासी-से नूणं तुमं मेहा । राओ पुव्वरत्तावरत्तकालसमयंसि समणेहिं
 निगंथेहिं वायणाए पुच्छणाए जाव महालियं च णं राइं नो संचाए(मि)सि मुहुत्तमवि
 अच्छि निमिल्लावेत्ताए, तए णं तु(ब्भं)ब्भे मेहा । इमे एयारुवे अज्जत्थिए जाव समुप्प-
 जित्था-जया णं अहं अगारमज्जे वसामि तथा णं मम समणा निगंथा आढायति
 जाव संलवेति, जप्पभिइं च णं मुडे भवित्ता अगाराओ अणगारियं पव्वयामि

तप्पभिइं च णं मम समणा नो आढायति जाव नो (परियाणंति) संलवेंति अदुत्तरं
 च णं मम समणा निगंथा राओ अप्पेगइया वायणाए जाव पायरयरेणुण्डियं
 करेति, तं सेयं खलु मम कळं पाउप्पभायाए समणं भगवं महावीरं आपुच्छित्ता
 पुणारवि अगारमज्झे आवसितए-त्तिरुदु एवं संपेहेसि २ ता अट्टुहट्टवसट्टमाणसे
 जाव रयाणं खवेसि २ ता जेणामेव अहं तेणामेव हव्वमागए, से नूणं मेहा ! एस
 अट्टे समट्टे २ हंता अट्टे समट्टे । एवं खलु मेहा ! तुमं इओ तच्चे अईए भवग्गहणे
 वेयङ्गुगिरिपायमूले वणयरेहिं निव्वत्तियनामधेज्जे सेए संखंदलउज्जलविमल-
 निम्मलदहिषणगोखीरफेणरयणियर(दगरयरययनियर)प्पयासे सत्तुस्सेहे नवायए
 दसपरिणाहे सत्तंगपउट्टिए सोमे समिए सरुवे पुरओ उदग्गे समूसियत्तिरे सुहासणे
 पिट्ठओ वराहे अइयाकुच्छी अन्निहकुच्छी अलंबकुच्छी पलंबलंबोदराहरकरे
 धणुपट्टागिद्विसिद्धपुट्टे अत्तीणपमाणजुत्तवट्टियपीवरागतावरे अत्तीणपमाणजुत्तपुच्छे
 पडिपुग्गसुचारुक्कमचलणे पंडुरसुविसुदनिद्धनिरुवहयविमतिनहे छइंते सुमेहपपभे नामं
 हत्थिराया होत्या । तत्थ ण तुमं मेहा ! बहूहि हत्थीहि य हत्थिणियाहि य लोएएहि य
 लोट्टियाहि य कलभेहि य कलभियाहि य सद्धिं संपरियुडे हत्थिसहस्सनायाए देसए
 पागट्टी पट्टवए मूदवइं वंदपरियट्टए अज्जेसि च बहूणं एकल्लाण हत्थिफलभाणं आह्वेवच्चं
 जाव विहरसि । तए णं तुम मेहा ! निच्चप्पमत्ते सइं पल्लिए कंदप्परइं मोहण-
 सीले अविताण्हे कामभोगतिसिए बहूहि हत्थीहि य जाव संपरियुडे वेयङ्गुगिरिपायमूले
 गिरीसु य दरीसु य कुदरेसु य कंदरासु य उज्जरेसु य निज्जरेसु य वियरएसु य गद्दासु
 य पल्लेसु य चिल्लेसु य कडगेसु य कडयल्लेसु य तडीसु य विग्गडीसु य टंकेसु य
 कूडेसु य सिहरेसु य पब्भारेसु य मच्चेसु य मालेसु य काणणेसु य वणेसु य वणसडेसु
 य वगराईसु य नईसु य नईकच्छेसु य जूहेसु य संगमेसु य वावीसु य पोस्वरिणीसु
 य दीहियासु य गुजालियासु य सरेसु य सग्पंतियासु य सरसरपंतियासु य वणयरेहिं
 दिन्नवियारे बहूहि हत्थीहि य जाव सद्धिं संपरियुडे बहुविहत्तहपल्लवपउरपाणियत्तणे
 निब्भए निहव्वग्गे सुहंसुहेणं विहरसि । तए णं तुम मेहा ! अजया कयाइ पाउस-
 वरिसारत्तसरयहेमंतवसंतेसु क्रमेण पंचसु उऊसु समइकंतेसु गिम्हकालसमयंसि जेट्टामू-
 लमासे पायवघससमुट्टएणं सुकतणपत्तकथवरमादयसंजोगीविणं महाभयंकरेणं
 हुयवहेणं वणदव जालासंपल्लित्तैसु वणंतेसु धूमाउलासु दिसासु महावायवेगेणं संघट्टिएसु
 छिन्नजालेसु आवयमाणेसु पोल्लव्वेसु अंतो अंतो द्वियायमाणेसु मयकुहियवि(णिवि)-
 णट्टकिमियकहमनईवियरग(जिण्ण)ज्जीणपाणीयतेसु वणतेसु भिगारकरीणकदियर-
 वेसु खरफदसअणिट्टरिट्ठावाहि(त)त्तविहुमग्गेसु दुमेसु तण्हावसमुक्कपक्खपयडियजिब्भ-

तालय असंपुडियतुंडपनिखसंधेषु ससंतेसु गिम्ह उम्ह उण्हायखर फरुमचंडमारुय-
सुकृतणपत्तकयवरवाउलिभमंतदि(त्त)जसंभंतसावयाउलमिगतण्हाबद्धचिंधपेट्टेसु गिरि-
वरेसु संवट्टिएसु तत्थमियपस(व)यमरीसिवेसु अवदालियवयणविवरनिळालियग्गजीहे
महंततुबइयपुण्णकण्णे सकुच्चियथोरपीवर करे ऊसियनं(लं)गूले पीणाइयविरसरडिय-
सहेग फोडयतेव अंबरतलं पायदहरएणं कंर्यंतेव मेइणितलं विणिम्मयमाणे य सीयारं
सव्वओ समंता वल्लिवियाणाइं छिंदमाणे रुक्खमहस्समाइं तत्थ सुबहृणि नो(हा)ळयंते
विणट्टरट्टेव्व नरवरिंदे वायाइट्टेव्व पोए मंडलवाएव्व परिब्भमते अत्थिक्खण २
लिंडनियर पमुंचमाणे २ बहृहिं हत्थीहिं य जाव मद्धिं दिसोदिसिं विप्पलाइत्था ।
तत्थ णं तुमं मेहा ! जुण्णे जराजजरियदेहे आउरे झंझिए पिवसिए हुब्बले
क्किलंते नट्टसुइए मूढदिसाए सयाओ जूहाओ विप्पहृणे वणदवजालापारद्धे उण्हेण
य तण्हाए य छुहाए य परब्भाहए सम्मणे भाए तत्थे तसिए उच्चिग्गे संजायभए
सव्वओ समंता आधावमाणे परिधावमाणे एगं च णं महं सरं अप्पोदयं पंकवहुलं
अत्ति(त्थि)त्थेणं पाणियपाए (उइण्णे) ओइण्णे । नत्थ णं तुमं मेहा ! तीरमइगए पाणियं
असंपत्ते अंतरा चेंव सेयंसि विमण्णे । तत्थ णं तुमं मेहा ! पाणियं पाइस्सामि-त्तिकट्टु
हत्थ पसारंसि, से वि य ते हत्थे उदगं न पावइ । तए णं तुमं मेहा ! पुणरवि
कायं पच्चुद्धरिस्सामि-त्तिकट्टु बलियनरायं पंकंसि खुत्ते । तए णं तुमं मेहा ! अन्नया
कयाइ एगं चिरनिज्जे गयवरजुवाणए सगाओ जूहाओ करचरणदंतमुसलप्पहारेहिं
विप्परद्धे समाणे तं चेंव महइह पाणी(यं पाएउं)यपाए समोयरइ । तए णं से क्लभए
तुमं पासइ २ ता तं पुव्ववेरं समरइ २ ता आसुरत्तं रुद्धं कुविए चंडिकिए मिसिमिमेमाणे
जेणेव तुमं तेणेव उवागच्छइ २ ता तुमं तिक्खेहिं दत्तमुसलेहिं तिक्खुतो पिट्टओ
उच्छुभइ २ ता पुव्ववेरं निजाएइ २ ता हट्टुट्टे पाणियं पियइ २ ता ज मेव
दिस पाउब्भए तामेव दियिं पडिगए । तए ण तव मेहा ! सरीरगंसि वेयणा
पाउब्भविद्या उज्जला विउला (तिउला) कक्खडा जाव दुरहियासा पित्तज्जरपरिगय-
सरीरे दाहवक्कंतीए यावि विहरित्था । तए ण तुमं मेहा ! तं उज्जलं जाव
दुरहियासं सनराइदियं वेयं वेदेसि सवीसं वाससयं परमाउं पालइत्था
अट्टवमट्टुदुहे कालमासे कालं किच्चा इहेव जंबुहीवे २ भारहे वासे दाहिण्णुभरहे
गंगाए महानइए दाहिणे कूले विंझगिरिपायमूले एगेणं मत्तवरगंधहत्थियणा एगाए
गयवरकरेणूए कुच्चिसि गयक्कलभए जणिए । तए णं सा गयक्कलभिया नवण्हं
मासाणं वसंतमासम्मि तुमं पयाया । तए णं तुमं मेहा ! गब्भवासाओ विप्पमुक्के
समाणे गयक्कलभए यावि होत्था रत्तुप्पलरत्तसुमालए जासुमणारत्तपारिजत्तय-

लक्खारससरसकुंकुमसंज्ञभरागवण्णे इट्ठे नियगस्स जूह्वइणो गणि(या)यारकणेरु-
 क्कोत्थहत्थी अणेगहत्थिसयसंपरिवुडे रम्मेसु गिरिकाणेषु सुहंसुहेणं विहरसि ।
 तए णं तुमं मेहा । उम्मुक्कवालभावे जोव्वणगमणुप्पत्ते जूह्वइणा कालधम्मुणा
 संजुत्तेणं तं जूहं सयमेव पडिबज्जसि । तए णं तुमं मेहा । वणयरोहिं
 निव्वत्तियनामधेजे जाव चउदंते मेरुप्पमे हत्थिरयणे होत्था । तत्थ णं तुमं मेहा ।
 सत्तंगपइट्टिए तहेव जाव पडिह्वे । तत्थ णं तुमं मेहा । सत्तसइयस्स जूह्वस्स
 आहेवच्चं जाव अभिरमेत्था । नए णं तुम अन्नया कयाइ गिम्हकालसमयसि जेट्ठामूले
 वणद्वजालापलित्तेसु वणंतेसु(सु)धूमाउलासु दिसासु जाव मंडलवाएव्व परिब्भ-
 मंते भीए तत्थे जाव संजायभए बहूहिं हत्थीहि य जाव कलभियाहि य सद्धि
 संपरिवुडे सब्बओ समंता देसोदिमिं विप्पलाइत्था । तए णं तव मेहा । तं वणदवं
 पासिन्ना अयमेयारूवे अज्झत्थिए जाव समुप्पजित्था-कहिं णं मन्न मए भयमेयाह्वे
 अग्गिसंभवे अणुभूयपुव्वे ?, तए णं तव मेहा । लेस्माहिं विसुज्जमाणीहिं अज्ज-
 वसाणेणं सोहणेणं सुभेणं परिणामेणं तयावरणिज्जाणं कम्माण खओवसमेगं ईहा-
 पोहमग्गणवनेसणं करेमाणस्स सन्निपुव्वे जा(ई)इसरणे समुप्पजित्था । तए णं तुमं
 मेहा । एयमट्ठं सम्मं अभिसमेसि-एवं खलु मया अईए दोच्चं भवग्गहणे इहेव
 जंबुहीवे २ भारहे वासे वेयङ्कगिरिपायमूले जाव (सुहंसुहेणं विहरइ)तत्थ णं
 महया अयमेयारूवे अग्गिसंभवे समणुभूए । तए णं तुमं मेहा । तस्सेव दिवमस्स
 पच्चावरण्हकालममयंमि नियएणं जूहेणं सद्धिं समन्नागए यावि होत्था । तए णं
 तुमं मेहा । सत्तुस्सेहे जाव सन्निजाइस्सरणे चउदंते मेरुप्पमे नामं हत्थी (राया)
 होत्था । तए णं तुज्जं मेहा । अयमेयारूवे अज्झत्थिए जाव समुप्पजित्था-(तं)सेयं
 खलु मम दयागिं गंगाए महानईए दाहिणिळंसि कूलंसि विंझगिरिपायमूले
 दवग्गिमं(ताण)जायकारणट्ठा सएणं जूहेण (महइ)महालय मंडलं घाइत्ताए-तिकट्टु
 एवं संपेहेसि २ ता सुहंसुहेणं विहरसि । तए णं तुमं मेहा । अन्नया कयाइ
 पढमपाउंसि महावुट्टिकार्यंसि सन्निवइयंसि गंगाए महानईए अदूरमामंते बहूहिं
 हत्थीहिं जाव कलभियाहि य सत्तहि य हत्थिसएहिं संपरिवुडे एणं महं
 जोयणपरिमंडलं महइमहालयं मंडलं घाएसि जं तत्थ तणं वा पत्तं वा कट्ठं वा
 कंटए वा लया वा वली वा स्ताणुं वा रुक्खे वा खु वे)वं वा तं सब्वं तिक्खुत्तो आहु-
 णिय २ पाएणं उ(द्वे)द्वरेसि हत्थेणं गेण्हसि एगंते ए(पा)डेसि । तए णं तुमं मेहा ।
 तस्सेव मंडलस्स अदूरसामंते गंगाए महानईए दाहिणिळे कूले विंझगिरिपायमूले
 गिरीसु य जाव विहरसि । तए णं तुमं मेहा । अन्नया कयाइ मज्झिमए बरिसारत्तंसि

महाबुद्धिऋषिसि सन्निवृत्तसि जेणेव से मंडले तेणेव उवागच्छसि २ ता दोचंपि मंडलं
 वाएसि, एवं चारेमवासारनंसि महाबुद्धिऋषिसि सन्निव(इ)यमाणंसि जेणेव से मंडले
 तेणेव उवागच्छसि २ ता तचंपि मंडलघायं करेसि जं तत्थ तणं वा जाव सुहंमुहेणं विह-
 रसि । अह मेहा ! तुमं गइंदभावम्मि वट्टमा(णे)णो कमेणं नलिणिवणवि(वह)हवणगरे
 हेमंते कुंदलोद्धउद्धुयनुवारपरम्मि अइक्कंते अहिगवे गिम्हसमयंसि पत्ते विगट्टमा(णे)-
 णो वणेसु वग करेणुविविहदित्तकयपसवघाओ तुमं उउयकुमुमकयचामरकणपूरपरिमंडि-
 याभिरामो मयवसविगसंतकडतडकिलित्तगंधमदवारिणा सुरभिजणियगंधो करेणुपरि-
 वारिओ उउममनजणियसोहो काले दिणयरकरपयंडे परिसोसियतम्बरसि(रि)हरभीम-
 तरदंमिजे भिगारखंतभेरवरवे नागाविहपत्तकट्टतण रुयवस(द)द्धुयपड्मासुयाडडनह-
 यलद्धुमगणे वाउलि(या)दारुणतरे नण्हावमदोमदसियममंतविहिसावयसमा उडे भी-
 मदरिसणिजे वट्टते दारुणम्मि गिम्हे मासुयवसपमरपमरियवियंभिएणं अब्भहियभीम-
 भेरवरवप्पगारेणं महुधाराषडियमित्तउदायमाण(ध्रग)धगधगंतसहु(द्धु)द्धएणं दित्त-
 तरमफुल्लिगेण धूममालाउलेणं सावयसयंतकरणेणं (अब्भहिय)वणदवेणं जालालो-
 वियनिदद्धभ्रमंधकारभीओ आयवालोयमहंततुंबदयपुण्णरुण्णो आकुंचियथोरपीवरकरो
 भयवमभयंतदित्तनयणे वेणेणं महामेहोव्व वाय(पवा)णोल्लियमहत्त्वो जे(णेव)ण
 कओ ते(ण) पुरा दवत्तिगभयभीयहियएणं अवगयतणप्पएमरुक्खो रुक्खोइसो दवग्गि-
 संताणकारणट्टा (ए) जेणेव मंडले तेणेव पहारेत्थ गमगाए । एक्को ताव एम गमो ।
 तए णं तुमं मेहा ! अनया कयाई कमेणं पंचनु उउसु ममइक्कंतेसु गिम्हकालस-
 मयंसि जेट्टामूलेमासे पायवसंचंससमुट्ठिणं जाव संबट्टिएसु मियपसुपक्खिसरीसिवे(सु)
 दिमोदिस विप्पलायमाणेसु तेहिं बहूहिं हत्थीहि य सद्धिं जेणेव (से) मंडले तेणेव
 पहारेत्थ गमगाए । तत्थ णं अत्ते बहवे सीहा य वग्घा य विगा य दीविया अच्छा
 य तरच्छा य पारासरा य सरभा य सियाला विराला सुण्हा कोला ससा कोकतिया
 चित्ता चिल्ला पुव्वपविट्ठा अग्गिभयभिहुया एगयओ बिलधम्मणेणं चिट्ठसि । तए
 णं तुमं मेहा ! जेणेव से मंडले तेणेव उवागच्छसि २ ता तेहिं बहूहिं सीहेहिं जाव
 चिल्लेहि य एगयओ बिलधम्मणेणं चिट्ठसि । तए णं तुमं मेहा ! पाएणं गतं
 कंडुइस्सामीतिकट्टु पाए उक्खित्ते, तंमि च णं अंतरेसि अत्तेहिं बलवंतेहिं सत्तेहिं
 पणो(लि)ल्लिजमाणे २ ससए अणुप्पविट्ठे । तए णं तुमं मेहा ! गायं कंडुइत्ता पुणरवि
 पायं पड्डिनि(क्खमि)क्खेविस्सामि-त्तिकट्टु तं ससयं अणुपविट्ठं पाससि २ ता पाणाणु-
 कंपयाए भूयाणुकंपयाए जीवाणुकंपयाए सत्ताणुकंपयाए से पाए अंतरा चैव संधारिए
 नो चैव णं निक्खित्ते । तए णं तुमं मेहा ! ताए पाणाणुकंपयाए जाव सत्ताणुकंपयाए

संसारे परिशीरुए माणुस्साउए निबद्धे । तए णं से वणदवे अण्णाइजाइं राईदियाइं तं वणं ज्ञामेइ २ ता निट्टिए उवरए उवसते विज्झाए यावि होत्था । तए णं ते बहवे सीहा य जाव चिल्ला य तं वणदवं निट्टियं जाव विज्झायं पासंति २ ता अग्गिभयविप्पमुक्का तण्हाए य छुहाए य परब्भाहया समाणा तओ)मंडलाओ पडिनिक्खमंति २ ता सव्वओ समंता विप्पसरित्था । तए णं ते बहवे हत्थी जाव छुहाए य परब्भाहया समाणा तओ मंडलाओ पडिनिक्खमंति २ ता दिसोदिसिं विप्पसरित्था । तए णं तुमं मेहा ! जुण्णे जराजजरियदेहे सिद्धिलवल्लितयापिणिद्ध- गत्ते दुब्बळे किलंते जुंजिए पिवासिए अत्थामे अबले अपरक्कमे अचकमणो वा ठाणुखडे वेगेण विप्पसरिरुगामि-त्तिरुट्टु पाए पसारमाणे विज्झए विव रययगिरि- पब्भारे धरणिनलंसि सव्वगेहि सान्नवडए । तए ण तव मेहा ! सरीरगसि वेयणा पाउब्भूया उज्जला जाव दाहवक्कतिए यावि विहरसि । तए ण तुमं मेहा ! तं उज्जलं जाव दुरहियासं तिन्नि राइदियाइं वेयण वेणमाणे विहरित्ता एणं वामसयं परमाउं पालदत्ता इहेव अंबुद्धीवे २ भारहे वसे रायगिहे नयरे सेणियस्स रज्जो धारेणीए देवीए कुच्छसि कुमारणाए पच्चायाए ॥ ३३ ॥ तए णं तुमं मेहा ! आ(अ)णुपुब्बेणं गम्भवासाओ निक्खवंतं समाणे उम्मुक्कबालभावे जोव्वणगमणुपत्ते मम अतिए मुंडे भविता अगाराओ अणगारियं पव्वइए । तं जइ ता(जा)व तुमे मेहा ! तिरिक्ख- जोणियभावमुवगएणं अपडिलद्धमम्मत्तरयणलंभेण से पाए पाणाणुकपयाए जाव अंतरा चेव संवारिए नो चेव णं निक्खित्ते किमंग पुण तुमं मेहा ! इयाणि विपुल- कुलसमुब्भवेणं निह्वहयमरीर(दंत)त्तल्लद्वपंचिदिएणं एव उट्टाणबलवीरियपुरिस- (क्का)गारपरक्कमसंजुत्तेण म(म)मं अतिए मुंडे भविता अगाराओ अणगारियं पव्वइए समाणे समणार्णं निग्गथार्णं राओ पुव्वरत्तावरत्तकालममयंसि वायणाए जाव धम्माणु- ओगच्छिताए य उच्चारस्स वा पासवणस्म वा अइगच्छमाणण य निग्गच्छमाणण य हत्थसेघट्टणाणि य पायसघट्टणाणि य जाव रयरेणुगुंडणाणि य नो सम्मं सहसि खमसि तिनिक्खसि अहियासेसि ?, तए णं तस्स मेहस्स अणगागस्स समणस्स भगवओ महावीरस्स अंतिए एयमडुं सोच्चा निग्गम्म सुभेहि परिणामेहिं पसत्थेहिं अज्झवमाणेहि टेस्साहिं विमुज्झमाणीहि तयवरणिज्जाणं कम्मणं खओवसमेण ईहापोहमग्गणगवेसणं करेमाणस्स सन्निपुव्वे जाईसरणे समुप्पजे एयमडुं सम्मं अभिसमेइ । तए णं से मेहे कुमारे समणेणं भगवया महावीरेणं संभारियपुव्वजाई- सरणे दुगुणाणीयसंवेगे आगंदयंसुपुणमुहे हरिसवसेणं धाराहयकयंबकं पिव समूससियरोमकूवे समणं भगवं महावीरं बंदइ नमंसइ वं० २ ता एवं वयासी-

अज्जप्पभिई ण भंते ! मम दो अच्छीणि मोत्तूणं अवसेसे काए समणाणं निग्गथाणं निसट्ठे-त्तिकट्टु पुणरवि समणं भगवं महावीरं वंदइ नमंसइ वं० २ ता एवं वयासी-इच्छामि णं भंते ! इयाणि दोब्बपि सयमेव पव्वावियं सयमेव मुडावियं जाव सयमेव आयारगोयंरं जायामायावत्तिर्यं धम्ममाइक्ख(ह)न्तु । तए णं समणे भगवं महावीरे मेहं कुमारे सयमेव पव्वावेइ जाव जायामायावत्तिर्यं धम्ममाइक्खइ-एवं देवाणुप्पिया । गंतव्वं एवं चिट्ठियव्वं एवं णिसीयव्वं एवं तुयट्ठियव्वं एवं भुंजियव्वं एवं भासियव्वं उट्ठाय २ पाणाणं भूयाणं जीवाणं सत्ताणं संजमेणं संजमियव्वं । तए णं से मेहे समणस्स भगवओ महावीरस्स अयमेयारूव धम्मियं उवएसं सम्मं पडि (च्छइ)वज्जइ २ ता तह (चिट्ठइ) गच्छइ जाव संजमेणं संजमइ । तए णं से मेहे अणगारे जाए इरियासमिए अणगारवणगओ भाणियव्वो । तए णं से मेहे अणगारे समणस्स भगवओ महावीरस्स अंतिए तहा(एया)रूवाणं थेराणं सामाइयमाइयणि एक्कारम अंगाइ अहिज्जइ २ ता बहुहिं चउत्थच्छट्टमदसमदुवालसेहिं मासद्धमासखमणेहिं अप्पाणं भावेमाणे विहरइ । तए णं समणे भगवं महावीरे रायगिहाओ नयराओ गुणसिलयाओ उज्जाणाओ पडि निक्खमइ २ ता बहिया जणवयविहारं विहरइ ॥ २४ ॥ तए णं से मेहे अणगारे अज्जया कयाइ समणं भगवं महावीरं वंदइ नमंसइ वं० २ ता एवं वयासी-इच्छामि णं भंते ! तुब्भेहिं अब्भणुजाए समाणे मासियं भिक्खुपडिमं उवसंपज्जिताणं विहरित्तए । अहासुहं देवाणुप्पिया । मा पडिवंधं करेह । तए णं से मेहे अणगारे समणेणं भगवया महावीरेणं अब्भणुजाए समाणे मासियं भिक्खुपडिमं उवसंपज्जिताणं विहरइ, मासियं भिक्खुपडिमं अहासुहं अहाकप्पं अहामग्गं सम्मं काएणं फासेइ पालेइ सोभेइ तीरेइ किंइइ सम्मं काएणं फासेत्ता पालित्ता सोभेत्ता तीरेत्ता किंइत्ता पुणरवि समणं भगवं महावीरं वंदइ नमंसइ वं० २ ता एवं वयासी-इच्छामि णं भंते ! तुब्भेहिं अब्भणुजाए समाणे दोमासियं भिक्खुपडिमं उवसंपज्जिताणं विहरित्तए । अहासुहं देवाणुप्पिया । मा पडिवंधं करेह । जहा पडमाए अभिलावो तहा दोब्बाए तच्चाए चउत्थाए पंचमाए छम्मासियाए सत्तमासियाए पढमसत्तरा(य)ईदियाए दोब्बं सत्तराइदियाए तइयं सत्तराईदियाए अहोराईदियाएवि एगराईदियाएवि । तए णं से मेहे अणगारे बारस भिक्खुपडिमाओ सम्मं काएणं फासेत्ता पालेत्ता सोभेत्ता तीरेत्ता किंइत्ता पुणरवि वंदइ नमंसइ वं० २ ता एवं वयासी-इच्छामि णं भंते ! तुब्भेहिं अब्भणुजाए समाणे गुणरयणसंवच्छरं तवोक्कम्मं उवसंपज्जितार्णं विहरित्तए । अहासुहं देवाणुप्पिया । मा पडिवंधं करेह । तए णं से मेहे अणगारे पढमं मासं चउत्थंचउत्थेणं अणिकिक्खत्तेणं तवोक्कम्मेणं दिया ठाणुक्खए सुराभिसुहे

आयावणभूमीए आयावेमाणे रत्ति वीरासणेण अवाउडेणं । दोच्च मासं छट्ठंछट्ठं० । तच्चं मासं अट्ठमंअट्ठमेणं० । चउत्थं मासं दसमंदसमेगं अणिक्वित्तणं तवोकम्मेणं दिया ठाणुकुडुए सूराम्भिमुहे आयावणभूमीए आयावेमाणे रत्ति वीरासणेणं अवाउडेणं । पंचमं मासं दुवालममंदुवालममेणं अणिक्वित्तणेण तवोकम्मणेणं दिया ठाणुकुडुए सूराम्भिमुहे आयावणभूमीए आयावेमाणे रत्ति वीरासणेणं अवाउडेणं । एवं खल्ल एएणं अभिलावेणं छट्ठे चोद्दसमं २ मत्तमे सोलसमं २ अट्ठमे अट्ठारसमं २ नवमे वीमइम २ दसमे वावीसइमं २ एक्कारसमे चउत्थीमइमं २ बारसमे छव्वीसइमं २ तेरसमे अट्ठावीमइमं २ चोद्दसमे तीमइमं २ पत्तर(पंचद)ममे बत्तीसइमं २ सोलसमे(मासे) चउत्तीमइमं २ अणिक्वित्तणं तवोकम्मणेणं दिया ठाणुकुडुए (णं) सूराम्भिमुहे आयावणभूमीए आयावेमाणे रत्ति वीरासणेण य अवाउडेण य । तए णं से मेहे अणगारे गुणरथणसवच्छर तवोकम्मं अहासुत्तं जाव सम्मं काणं पत्तमेइ पात्तेइ सोभेइ तीरेइ किट्ठेइ अहासुत्तं अहाकपं जाव किट्ठेत्ता समणं भगवं महावीर वंदइ नमंमइ वं० २ ता बहूहिं छट्ठट्ठमदसमदुवालसेहिं मामद्दमामखमणेहिं विचि-त्तेहिं तवोकम्मेहिं अप्पाणं भावेमाणे विहरइ ॥ ३५ ॥ तए णं मे मेहे अणगारे तेणं उरालेणं विपुलेणं सरिसीरणं पयत्तणं पगाहिएणं कल्लणेण सिवेणं धज्ज मगल्लं उदग्गेणं उदारएणं उत्तमेण महाणुभावेण तवोकम्मणेणं त्ठं भुक्खे लुक्खे निम्मंमे निस्सोणिए किंकिडियाभूए भट्ठिचम्मावणइ किमे धमणिमतए जाए यावि होत्था, जीवंजीवेणं गच्छइ जीवंजीवेणं चिट्ठइ भास भासिन्ता गिला(य)इ भास भासमाणे गिलायइ भासं भासिस्सामित्ति गिलायइ । से जहानामए ईगालमगडियाइ वा कट्ट-सगडियाइ वा पत्तमगडियाइ वा तिलमगडियाइ वा एणं कट्टमगडियाइ वा उण्हे दिन्ना सुक्का समाणी समइ गच्छइ मसइ चिट्ठइ एवामेव मेहे अणगारे समइ गच्छइ समइ चिट्ठइ उवच्चिए तवेणं अवच्चिए मंनमोणित्ठणं हुयासणं इव भासराम्पिपरिच्छे तवेण तेणं तवनेयागिगीए अईव २ उवसोभमाणे २ चिट्ठइ । तेणं कालेणं तेणं समएणं समणे भगवं महावीरे आइगरे तित्थगरे जाव पुब्बाणुपुच्चि चरमाणे गामा-णुगामं द्दुज्जमाणे सुहसुहेणं विहरमाणे जेणामेव रायगिहे नथरे जेणामेव गुणसिलए उज्जाणे तेणामेव उवागच्छइ २ ता अहापट्टिहवं उरगहं ओगिण्हित्ता संजमेणं तवसा अप्पाणं भावेमाणे विहरइ । तए णं तस्स मेहस्स अणगरस्स राओ पुंवरत्तावरत्त-कालसमयंसि धम्मजागरियं जागरमाणस्स अयमेयाहवे अज्झत्थिए जाव समुप्प-जित्था—एवं खल्ल अह इमेणं उरालेणं तहेव जाव भासं भासिस्सामित्ति गिलासि, तं अत्थि ता मे उट्ठाणे कम्मे बडे वीरिए पुरिसक्कारपरक्कमे सद्धा धिई संवेगे तं जाव

ता मे अथि उट्टाणे कम्मे बले वीरिए पुरिसक्कारपरक्कमे सदा धिई सवेगे जाव य मे धम्मयारिए धम्मोवाएए समणे भगवं महावीरे जिणे सुहत्थी विहरइ ताव(ताव)मे सेयं कळं पाउप्पभायाए रयणीए जाव तेयसा जलंते (सूरे)समणं भगवं महावीरं वंदित्ता नमंसित्ता समणेणं भगवया महावीरेणं अब्भणुजायस्स समाणस्स सयमेव पंच महव्वयाइं आ(रु)राहिता गोयमाइए समणे निग्गथे निग्गंथीओ य खामेत्ता तहारूवेहिं कडाईहिं थेरेहिं सद्धिं विउलं पव्वयं सणियं २ दुरुहत्ता मयमेव मेहघणसज्जिगासं पुढविस्सिलापट्टयं पडिलेहिता सलेहणाञ्जुसणा(ए)इसियस्स भत्तपाणपडियाऽक्खियस्स पाओवगयस्स कालं अणवकलमाणस्स विहरित्तए । एवं सपेहेइ २ ता कळं पाउप्पभायाए रयणीए जाव जलंत जेणेव समणे भगवं महावीरे तेणेव उवागच्छइ २ ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ नमंसइ वं० २ ता नच्चासजे नाइट्टरे सुस्सुसमाणे नमंसमाणे अभिमुहे विणएणं पंजलिउडे पब्बुवावइ । मे(होत्ति)हाइ समणे भगवं महावीरे मेहं अणगार एवं वयासी-से नूणं तव मेहा ! राओ पुव्वरत्तावत्तकालसमयसि धम्मजागरियं जागरमाणस्स अयमेप्राक्खे अज्जन्थिए जाव भमुप्पज्जित्था-एवं खत्तु अह इमेणं उरालेणं जाव जेणेव अ(इ)हं तेणेव हव्वमागए । से नूणं मेहा ! अट्टे समट्टे ? हता अथि । अट्टाअुहं देवाणुपिया । मा पडिवंधं करेह । तए णं से मेहे अणगारे समणेणं भगवया महावीरेणं अब्भणुजाए समाणे हट्ट जाव हियए उट्टाए उट्टेइ २ ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ नमंसइ वं० २ ता सयमेव पंच महव्वयाइं आरुहेइ २ ता गोयमाइ समणे निग्गथे निग्गंथीओ य खामेइ २ ता तहारूवेहिं कडाईहिं थेरेहिं सद्धिं विपुल पव्वयं सणियं २ दुरुहइ २ ता मयमेव मेहघणसज्जिगासं पुढविस्सिलापट्टयं पडिलेहेइ २ ता उच्चारपासवणभूमिं पडिलेहेइ २ ता दच्चसंधारणं सथरइ २ ता दच्चसंधारणं दुरुहइ २ ता पुरत्थाभिमुहे सपलंयकनिसणणे कग्गलपरिग्गहियं सिरसावत्तं तत्थए अजालि कट्टु एवं वयासी-नमोत्थु णं अरिहंताणं भगवंताणं जाव सपत्ताणं, नमोत्थु णं समणस्स भगवओ महावीरस्स जाव संपाविउकामस्स मम धम्मयारियस्स । वंदामि णं भगवंतं नत्थ-गयं इहगए पासउ मे भगवं तत्थगए इहगयं-तिकट्टु वंदइ नमंसइ वं० २ ता एवं वयासी-पुब्बि पि(य) णं मए समणस्स भगवओ महावीरस्स अंतिए सव्वे पाणाइ-वाए पच्चक्खाए मुसावाए अदिच्चादाणे मेहुणे परिग्गहे कोहे माणे माया लोहे पेज्जे दोसे कलहे अब्भक्खाणं पेसुजे परपरिवाए अरइरइ मायामोसे सिच्छादंसणसहे पच्चक्खाए । इयापि पि णं अहं तस्सेव अंतए सव्वं पाणाइवायं पच्चक्खामि जाव सिच्छा-

दंसणमल्लं पञ्चस्वामि सव्वं असणपाणखाइमसाइमं चउव्विहंपि आहारं पञ्चस्वामि जावजीवाए । जंपि य इमं सरिरं इट्ठं कतं पियं जाव विविहा रोगायंका परीसहो-
 वसग्गा फुसंतीति ऋट्टु एयं पि य णं चरमेहि ऊसासनीपासेहिं वोसिरामि-त्तिकट्टु-
 संलेहणाइसणाइसिए भत्तपाणपडियाइक्खिए पाओवगए काल अणवकंखमाणे विह-
 रइ । तए णं ते थेरा भगवतो मेहस्स अणगरस्स अगिलाए वेयावडिय करंति ।
 तए णं से मेहे अणगारे समणस्स भगवओ महावीरस्स तहाह्वारणं थेराणं अंतिए
 सामाइयमाइयाइं एकारस अंगाइं अहिज्जिता बहुपडिपुणगाइं दुवालसवरिसाईं साम-
 णपरियागं पाउणित्ता मासियाए संलेहणाए अप्पाण झोसेत्ता सट्ठिं भत्ताइ अणसणाए
 छेएत्ता आलोइयपडिक्कंते उद्वियसल्ले समाहिपत्ते आणुपुव्वेणं कालगए । तए णं(ते)
 थेरा भगवंतो मेहं अणगरं आणुपुव्वेणं कालगयं पासंति २ ता परिनिव्वाणवतियं
 काउस्सगं करंति २ ता मेहस्स आयारभंडगं गेहंति २ ता विउलाओ पव्वयाओ
 सणियं २ पच्चोरुहंति २ ता जेणामेव गुणसिलए उजाणे जेणामेव समणे भगवं महा-
 वीरे तेणामेव उवागच्छंति २ ता समणं भगवं महावीरं वंदंति नमंसति वं० २ ता
 एवं वयासी-एव खलु देवाणुप्पियाणं अंतवासी मेहे नामं अणगारे पगइभए जाव
 विणीए । से ण देवाणुप्पिएहिं अब्भणुजाए समाणे गोयमाइए समणे निगंथे निगं-
 थीओ य खामेत्ता अम्हेहिं मद्धिं विपुलं पव्वयं सणियं २ दुक्कइइ २ ता सयमेव मेघ-
 घणसन्निगासं पुट्टविसिलं (पट्टयं)पडिलेहेइ २ ता भत्तपाणपडियाइक्खिए अणुपुव्वेणं
 कालगए । एस णं देवाणुप्पिया । मेहस्स अणगरस्स आयारभंडए ॥ ३६ ॥ भंते ।
 त्ति भगवं गोयमे समणं भगवं महावीरं वंदइ नमंसइ वं० २ ता एवं वयासी-एवं
 खलु देवाणुप्पियाणं अंतवासी मेहं नामं अणगारे, से णं भंते ! मेहे अणगारे
 कालमासे कालं किच्चा कहिं गए कहिं उववजे ? गोयमाइ समणे भगवं महावीरे
 भगवं गोयमं एवं वयासी-एव खलु गोयमा । मम अंतवासी मेहे नामं अणगारे
 पगइभए जाव विणीए, से णं तहाह्वारणं थेराणं अंतिए सामाइयमाइयाइं एका-
 रस अंगाइं अहिजइ २ ता बारस भिक्खुपडिमाओ गुणरयणसवच्छरं नवोक्कम्मं
 काएणं फासेत्ता जाव किट्ठेत्ता मए अब्भणुजाए समाणे गोयमाइ थेरे खामेइ २
 ता तहाह्वेहिं जाव विउलं पव्वयं दुक्कइइ २ ता दब्भसंधारणं संथरइ २ ता
 दब्भसंधारोवगए सयमेव पंचमहव्वए उच्चारेइ बारस वासाईं सामणपरियागं
 पाउणित्ता मासियाए संलेहणाए अप्पाण झूसित्ता सट्ठिं भत्ताइ अणसणाए छेदेत्ता
 आलोइयपडिक्कंते उद्वियसल्ले समाहिपत्ते कालमासे कालं किच्चा उद्धं चंदिमसूरग-
 हगणनक्खत्ताराह्वारणं बहुइं जोयणाइं बहुइं जोयणसयाइं बहुइं जोयणसहस्साइं

बहुई ज्येष्ठास्यसहस्साहं बहु(ई)इ ज्येष्ठाकोटीओ बहुइ ज्येष्ठाकोटीओ उचुं
 दूरं उच्यता सोहम्मीसाणसम्कुमारमाहिदंभलंतगमहासुक्तसहस्साराणयपाणयार-
 णसुए सिण्णि य अट्टारसुगरे गेवेज्जविमा(ण)णावाससए वीइवइता विजए महाविमाणे
 देवताए उववजे । तत्थ णं अत्येगइयाणं देवाणं ते(ब)तीसं सागरोवमाईं ठिई
 पत्तता । तत्थ णं मेहस्सवि देवस्स तेतीसं सागरोवमाईं ठिई पत्तता । एस णं
 मंते । मेहे देवे ताओ देवलोयाओ आउक्खएणं ठिइक्खएणं भवक्खएणं अणंतं
 चयं चइता कहिं गच्छिहिइ कहिं उववज्जिहिइ ? गोयमा । महाविदेहे वाए सिज्जि-
 हिइ बुज्जिहिइ मुच्चिहिइ परिनिव्वाहिइ सव्वदुक्खाणमंतं काहिइ । एणं खलु जंबू !
 समणेणं भगवया महावीरेणं आइगरेणं तित्थगरेणं जाव संपत्तेणं अप्पोपाळंभ-
 निमित्तं पढमस्स नायज्जयणस्स अयमट्ठे पत्तते त्तिवेमि ॥ ३७ ॥ **माहा-महुरेहिं**
निउणेहिं वयणेहिं चोययंति आयरिया । सीसे कहिंप्पि खलिए जह मेहमुणिं महावीरो
॥ १ ॥ पढमं अज्जयणं समत्तं ॥

जइ णं भंते । समणेणं भगवया महावीरेणं जाव संपत्तेणं पढमस्स नायज्जयणस्स
 अयमट्ठे पत्तते विइयस्स णं भंते । नायज्जयणस्स के अट्ठे पत्तते ? एवं खलु जंबू !
 तेणं काळेणं तेणं समएणं रायगिहे नामं नयरे होत्था वण्णओ । [तत्थ णं रायगिहे
 नयरे सेणिए नामं राया होत्था महया वण्णओ] त(त्थ)स्स णं रायगिहस्स नयरस्स
 बहिया उत्तरपुरच्छिमे दीसीभाए गुणसिलए नामं उज्जाणे होत्था वण्णओ । तस्स
 णं गुणसिलयस्स उज्जाणस्स अदूरसामंते एत्थ णं महं एगे (पडिय) जिण्णुजाणे यावि
 होत्था विण्णुदेवउळे परिसडियतोरणघरे नाणाविहगुच्छगुम्मलयावळिवच्छच्छाइए
 अणेगवालसयसंक्रणिजे यावि होत्था । तस्स णं जिण्णुजाणस्स बहुमज्जदेसभाए
 एत्थ णं महं एगे भगगकूवए यावि होत्था । तस्स णं भगगकूवस्स अदूरसामंते एत्थ णं
 महं एगे मालुयाकच्छए यावि होत्था किण्हे किण्णोभासे जाव रम्मे महामेहनितरंबभए
 बहुहिं हक्खेहि य गुच्छेहि य गुम्मेहि, य लयाहि य बलीहि य (तणेहि य) कुसेहि
 य खाणुएहि य संछेजे पत्तिच्छेजे अंतो सुसिरे बाहिं गंभीरे अणेगवालसयसंक्रणिजे
 यावि होत्था ॥ ३८ ॥ तत्थ ण रायगिहे नयरे ध(णे)ण्णे नामं सत्थवाहे अण्णे दिसे
 जाव विउलमत्तपाणे । तस्स णं घण्णस्स सत्थवाहस्स भइ नामं भारिया होत्था
 सुकुमालपाणिपाया अहीणपडिपुण्णपंचिदियसरीरा लक्खणवज्रणगुणोववेया माणु-
 म्माणप्पमाणपडिपुण्णसुजावसव्वंगसुंदरंगी ससिसोमामारा कंता पियदंसणा सुक्खा
 करयलपरिमियत्तिवळियमज्जा कुंडलुळ्ळिहियगंडळेहा कोमुइ(य)रयणियारपडिपुण्ण-
 सोभवयणा सिंगारारारवारवेसा जाव पडिहवा दंशा अशियाउरी आणुकोप्परमावा
 ६२ सुत्ता०

धावि होत्था ॥३९॥ तस्स णं धण्यस्स सत्थवाहस्स पंथए ना(म)मं दासचेडे होत्था
 सव्वंगसुंदरगे मंसोवन्धिए बालकीलावणकुसले यावि होत्था । तए णं से धण्णे सत्थ-
 वाहे रायगिहे नयरे बहूणं नगरनिगमसेट्टिसत्थवाहाणं अट्टारसण्ह य सेण्णिप्पसेणीणं
 ब(हु)हसु कज्जेसु य कुडुंबेसु य (मंतेसु य) जाव चक्खुभूए यावि होत्था नियगस्स
 वि य णं कुडुंबस्स बहूसु(य) कज्जेसु जाव चक्खुभूए यावि होत्था ॥४०॥ तत्थ णं
 रायगिहे नयरे विजए नामं तक्करे होत्था पावे चंडालरूवे भौमतररूहकम्मे आरुसिय-
 क्षितरत्तनयणे खरफरुसमहलविगयवीभ(त्थ)च्छदादिए असंपुच्छियउट्टे उडुयपडूण्णलं-
 बंतमुद्धए भमरराहुवण्णे निरणक्कोसे निरणुतावे दारुणे पइभए निसंसइए निरणुकंये
 अ(हिंस्व)हीव एगंतदि(ट्टि)ट्टीए खरेव एगंतधाराए गिद्धेव आम्मितल्लिच्छे अरिगमिब
 सव्वभ(क्खे)क्खी जलमिब सव्व(गा)ग्गाही उक्कंचगवंचणमायानियडिक्कडकबडसाई-
 संपओगबहुले चि(नगरविणट्टुट्टुसी)लायारचरित्ते जूय(प)प्पसंगी मज्जप्पसगी भोजप्प-
 संगी मंसप्पसंगी दारुणे हिययदारए साहसि ए संधिच्छेयए उव्हिए विस्संभथाई आली-
 यगतित्थभेयलहुहत्थसंपउने परस्स दव्वहरणंमि निच्चं अणुबद्धे तिव्ववेरे रायगिहस्स
 नगरस्स बहूणि अइगमणाणि य निरगमणाणि य बा(दा)राणि य अववाराणि य
 छिं(डि)डीओ य खंडीओ य नगरनिद्धमणाणि य सव्वट्टणाणि य निव्वट्टणाणि य जू(व)
 यखलयाणि य पाणागाराणि य वेसागाराणि य (तद्दारट्टाणाणि य) तक्करट्टाणाणि य
 तक्करघराणि य सिं(गा)वाडगाणि य ति(या)गाणि य चउक्काणि य चच्चराणि य नागघ-
 राणि य भूयघराणि य जक्खवेउलाणि य सभाणि य पवाणि य पणियसालाणि य सुन्न-
 घराणि य आभोएमाणे (२) मग्गमाणे गवेसमाणे बहुवणस्स छिंहेसु य विसमेसु य विहु-
 रेसु य वसणेसु य अब्भुदएसु य उस्सवेसु य पसवेसु य तीहीसु य छणेसु य जनेसु य
 पव्वणीसु य मत्तपमतस्स य वक्खित्तस्स य बाउलस्स य सुहियस्स य दु(बिख)हियस्स
 य विदेसत्थस्स य विप्पवसियस्स य मग्गं च छिं च विरहं च अंतरं च मग्गमाणे
 गवेसमाणे एवं च णं विहरइ, बहिया वि य णं रायगिहस्स नगरस्स आरामेसु य उज्जा-
 णेसु य वाविपोक्खरणीदीहियाणुजालिया(सरेसु य)सरपंति(सु य)यसरसरपंतियासु य
 खिण्णुजाणेसु य भग्गकूवएसु य माल्लयाकच्छएसु य सुसण्णेसु य गिरिकंदरलेणउवट्टा-
 णेसु य बहुवणस्स छिंहेसु य जाव एवं च णं विहरइ ॥ ४१ ॥ तए णं तीसे भद्दाए
 भारियाए अज्जया कयाई पुव्वरत्तावरत्तकालसमयंसि कुडुंबजागरियं जागरमाणीए
 अयमेयारूवे अज्जत्थिए जाव समुप्पज्जित्था-अहं धण्णेणं सत्थवाहेणं सद्धिं बहूणि
 दासाणि सहफरिसरस(गंध)रूवाणि माणुस्सगाई कामभोगाई पक्खणुन्मवमानी
 विहरामि नो चेव णं अहं दारगं वा दारि(गं)यं वा प(था)यामि । तं अज्जाओ णं ताओ

अम्मयाओ जाव सुलदे णं माणुसए जम्मजीवियफळे तासिं अम्मयाणं जासिं मणे
 नियगकुच्छिसंभूयाई थणदुद्धलुद्धयाई महुरसमुल्लावगाई मम्मणपयंपियाई थणमू(ल)ल
 कखदेसभागं अभिसरमाण्णाई मुद्धयाई थणयं पि(वं)यंति तओ य कोमलकमलोव-
 मेहिं हृत्थेहिं गिण्हिऊणं उच्छेणे निवेसियाई देति समुल्लावए पिए सुमहुरे पुणे २
 मंजुलपभणिए । (तं) अई णं अधच्चा अपुण्णा अ[कय]लक्खणा (अकयपुण्णा) एत्तो
 एगमवि न पत्ता । तं सेयं मम कळं पाउप्पभायाए जाव जलंते धण्णे सत्थवाहं
 आपुच्छिता धण्णेणं सत्थवाहेणं अब्भणुजाया समाणी सुबहुं विपुलं असणं ४
 उवक्खवावेत्ता सुबहुं पुप्फ(वत्थ)गंधमल्लंकारं गहाय बहूहिं मित्तनाइनियगसयण-
 संवंधिपरिजगमहिलाहिं सद्धिं संपरिवुडा जाई इमाई रायगिहस्स नयरस्स बहिया
 नागाणि य भूयाणि य जक्खाणि य ईदाणि य खंदाणि य रुदाणि य सि(से)वाणि
 य वेसमणाणि य तत्थ णं बहूणं नागपडिमाण य जाव वेसमणपडिमाण य महुरिहं
 पुक्खपियं करेत्ता जनु(जाणु)पायपडियाए एवं वइत्तए—जइ णं अहं देवाणुप्पिया ।
 दारगं वा दारिगं वा पयायामि तो णं अहं तुब्भं जायं च दायं च भायं च अक्ख-
 यणिहिं च अणुवह्मेमि त्तिकट्टु उवाइयं उवाइत्तए । एवं संपेहेइ २ ता कळं जाव
 जलंते जेणामेव धण्णे सत्थवाहे तेणामेव उवागच्छइ २ ता एवं वयासी—एवं खलु
 अहं देवाणुप्पिया । तुब्भेहिं सद्धिं बहूईं बासाई जाव देति समुल्लावए सुमहुरे पुणे
 २ मंजुलपभणिए, तं णं अहं अहच्चा अपुण्णा अकयलक्खणा एत्तो एगमवि न पत्ता,
 तं इच्छामि णं देवाणुप्पिया । तुब्भेहिं अब्भणुजाया समाणी विपुलं असणं ४ जाव
 अणुवह्मेमि उवाइयं क(रे)रित्तए । तए णं धण्णे सत्थवाहे भइं भारियं एवं वयासी-
 ममं पि य णं (खलु)देवाणुप्पिए । एस चेव मणोरहे—कहं णं तुमं दारगं वा दारियं वा
 पयाए(ज्ज)जासिं (!) भद्दाए सत्थवाहीए एयमट्ठं अणुजाणइ । तए णं सा भद्दा
 सत्थवाही धण्णेणं सत्थवाहेणं अब्भणुजाया समाणी हइतुइ जाव ह्यहियया विपुलं
 अमणं ४ उवक्खवावेइ २ ता सुबहुं पुप्फगंध(वत्थ)मल्लंकारं गेण्हइ २ ता सयाओ
 गिहाओ निगगच्छइ २ ता रायगिहं नयरं मज्झंमज्जेणं निगगच्छइ २ ता जेणेव
 पोक्खरिणी तेणेव उवागच्छइ २ ता पुक्खरिणीए तीरे सुबहुं पुप्फ जाव मल्लंकारं
 ठवेइ २ ता पुक्खरिणि ओगाहेइ २ ता जलमज्जणं करेइ जल(कीडं)किइं करेइ
 २ ता ण्हाया उल्लपडसाडिगा जाई तत्थ उप्पलाई जाव सइस्सपत्ताई ताई गिण्हइ
 २ ता पुक्खरिणीओ पच्चोहइ २ ता तं सुबहुं पुप्फ[वत्थ]गंधमल्लं गेण्हइ २ ता
 जेणामेव नगघरए (य) जाव वेसमणघरए य तेणामेव उवागच्छइ २ ता तत्थ णं
 नागपडिमाण य जाव वेसमणपडिमाण य आलोए पणामं करेइ ईसिं पञ्चुषयइ

५ ता लीमहत्थेणं परामुसइ २ ता नागपडिमाओ य जाव वेसमणपडिमाओ य लीमहत्थेणं पमजइ उदगघाराए अब्भुक्खेइ २ ता पम्हलसुकुमालए गंधकासा(ई)इए मायाई छहेइ २ ता महरिहं वत्थारुहणं च मल्लारुहणं च गंधारुहणं च चुण्णारुहणं च वण्णारुहणं च करेइ २ ता (जाव) धूवं डहइ २ ता जल्लुपायपडिया पंजळिउडा एवं वयासी-जइ णं अहं दारगं वा दारियं वा प(या)यामि तो णं अहं जायं च जाव अणु-बभूेमि तिकट्टु उवाइयं करेइ २ ता जेणेव पोक्खरिणी तेणेव उवागच्छइ २ ता विपुलं असणं ४ आसाएमाणी जाव विहरइ जिमि(या)य जाव सुइभूया जेणेव सए गिहे तेणेव उवागया । अदुत्तरं च णं भद्दा सत्यवाही चाउद्दसट्टमुद्दिट्टुपुण्णमासिणीसु विपुलं असणं ४ उवक्खडेइ २ ता बहवे नागा (यणे) य जाव वेसमणा य उवायमाणी नमंसमाणी जाव एवं च णं विहरइ ॥ ४ २ ॥ तए णं सा भद्दा सत्यवाही अनया कयाइ केणइ कालंतरेणं आवजसत्ता जाया यावि होत्था । तए णं तीसे भद्दाए सत्यवाहीए दोसु मासेसु वीइकंतेसु त(इ)ईए मासे वट्टमाणे इमेयाएवे दोहले पाउब्भूए-घन्नाओ णं तावो अम्म-वाओ जाव कयलक्खणाओ (णं) ताओ अम्मयाओ जाओ णं विउलं असणं ४ सुबहुयं पुप्फ(वत्थ)गंधमल्लालंकारं गहाय मित्तनाइनियगसयणसंबंधिपरियणमहिलियाहि य सद्धिं संपरिवुडाओ रायगिहं नयरं मज्झमज्जेणं निगच्छंति २ ता जेणेव पुक्खरिणी तेणेव उवागच्छंति २ ता पोक्खरिणी ओगाहंति २ ता ष्ण्वायाओ सब्वालंकार-विभूसियाओ विपुलं असणं ४ आसाएमाणीओ जाव पडिभुंजेमाणीओ दोहलं विणेंति । एवं संपेहेइ २ ता कल्लं जाव जलंते जेणेव धण्णे सत्यवाहे तेणेव उवागच्छइ २ ता धण्णं सत्यवाहं एवं वयासी-एवं खलु देवाणुप्पिया ! मम तस्स गम्भस्स जाव विणेंति, तं इच्छामि णं देवाणुप्पिया । तुब्भेहिं अब्भणुत्ताया समाणी जाव विहरिताए । अहासुहं देवाणुप्पि(ए)या । मा पडिबंधं करेइ । तए णं सा भद्दा सत्यवाही धण्णेणं सत्यवाहेणं अब्भणुत्ताया समाणी ह(ट्टु)ट्टा जाव विपुलं असणं ४ जाव ष्ण्वाया उल्लपडसाडगा जेणेव नागघरए जाव धूवं ड(द)हइ २ ता षणामं करेइ २ ता जेणेव पोक्खरिणी तेणेव उवागच्छइ । तए णं ताओ मित्तनाइ जाव नगरमहिलाओ भइं सत्यवाहिं सब्वालंकारविभूसियं करंति । तए णं सा भद्दा सत्यवाही ताहिं मित्तनाइनियगसयणसंबंधिपरिजणनगरमहिलियाहिं सद्धिं तं विपुलं असणं ४ जाव परिभुं(ज)जेमाणी (य) दोहलं विणेइ २ ता जामेव दिसिं पाउब्भूया तामेव दिसिं पडिगया । तए णं सा भद्दा सत्यवाही संपुण्ण(डो)दोहला जाव तं गम्भं सुहंसुहेणं परिवहइ । तए णं सा भद्दा सत्यवाही नचण्हं मासाणं बहुपडिपुण्णाणं अट्टुमानं य राईदियाणं सुकुमालपाणिपायं जाव दारगं पयाया । तए णं तस्स

दारगस्स अम्मापियरो पढमे दिवसे जायकम्मं करेति २ ता तद्देव जाव विपुलं असणं ४ उवक्खडावेति २ ता तद्देव मित्तनाइनियगं भोयावेत्ता अयमेयास्वं योण्यं गुणनिष्फञ्जं नामधेज्जं करेति-जम्हा णं अम्हं इमे दारए बहूणं नामपडिमाष य जाव वेसमणपडिमाण य उवाइयलद्धे (णं) तं होउ णं अम्हं इमे दारए देवदिक्खे नामेणं । तए णं तस्स दारगस्स अम्मापियरो नामधेज्जं करेति देवदिक्खेत्ति । तए णं तस्स दारगस्स अम्मापियरो जायं च दायं च भायं च अक्खयनिहिं च अपुवहुंति ॥ ४३ ॥ तए णं से पंथए दासचेडए देवदिक्खस्स दारगस्स भालमगाही जाए, देवदिक्खं दार(यं)णं कडीए गेण्डइ २ ता बहूहिं डिंभएहि य डिंभियाहि य दारएहि य दम्मियाहि य कुमारएहि य कुमारियाहि य सद्धिं संपरिवुडे (अभिरममाणे) आभरमइ । तए णं सा भदा सत्थवाही अन्नया कयाइं देवदिक्खं दारयं ण्हायं सन्वालंकारविभूसियं करेइ २ ता पंथयस्स दासचेडयस्स हृत्ययंसि दलयइ । तए णं से पंथए दासचेडए भदाए सत्थवाहीए इत्थाओ देवदिक्खं दारयं कडीए गेण्डइ २ ता सयाओ गिहाओ पडिनिक्खमइ २ ता बहूहिं डिंभएहि य डिंभियाहि य जाव कुमारियाहि य सद्धिं संपरिवुडे जेणेव रायमग्गे तेणेव उवागच्छइ २ ता देवदिक्खं दारयं एणंते ठावेइ २ ता बहूहिं डिंभएहि य जाव कुमारियाहि य सद्धिं संपरिवुडे पमत्ते याभि (होत्था) विहरइ । इमं च णं विजए तकरे रायगिहस्स नयरस्स बहूणि बाराणि य अवबाराणि य तद्देव जाव आभोएमाणे मग्गेमाषे गवेससाषे जेणेव देवदिक्खे दारए तेणेव उवागच्छइ २ ता देवदिक्खं दारयं सन्वालंकारविभूसियं पासइ २ ता देवदिक्खस्स दारगस्स आभरणालंकारेसु मुच्छिए गहिए गिद्धे अज्जोवबधे पंथ(यं)णं दासचेडं पमत्तं पासइ २ ता दिसालोयं करेइ २ ता देवदिक्खं दारयं सेण्डइ २ ता कन्नसंसि अल्लियावेइ २ ता उत्तारिजेणं पिहेइ २ ता सिग्घं तुप्पियं चवणं वेइयं रायगिहस्स नयरस्स अबदारेणं निग्गच्छइ २ ता जेणेव जिण्णुज्जामे जेणेव भम्मकूवए तेणेव उवागच्छइ २ ता देवदिक्खं दारयं जीवियाओ ववरोवेइ २ ता आभरणालंकारं गेण्डइ २ ता देवदिक्खस्स दारगस्स ससी(रयं)रं निष्पाणं निषेहुं जी(विय)ज्जिप्पज्जं सत्थकूवए पक्खिवइ २ ता जेणेव भाल्लुयाक्कच्छए तेणेव उवागच्छइ २ ता अल्लुयाक्कच्छयं अत्थमन्विसइ २ ता निक्खले निष्फंदे तुप्पिणीए दिवसं ख(खि)विमाणे विद्धइ ॥ ४४ ॥ तए णं से पंथए दासचेडे तओ मुहुसंतरस्स जेणेव देवदिक्खे दारए ठविए तेणेव उवागच्छइ २ ता देवदिक्खं दारयं तंसि द्वापंसि अपासमाणे रोसमाणे कंठमाणे चिल्लमाणे देवदिक्खस्स दारगस्स अन्वओ समंता अण्णमवेसणं करेइ २ ता देवदिक्खस्स दारगस्स कट्ठयं कट्ठं ५ कट्ठं ता पउत्ति वा अल्लममाणे जेणेव सए सिद्धे जेणेव अण्णे सत्थकूवए जेणेव

उवागच्छइ २ ता धण्णे सत्थवाहं एवं वयासी-एवं खलु सामी ! भद्दा सत्थवाही देवदिन्नं दारयं ण्हार्यं स० मम ह(त्थंति)त्थे दलयइ । तए णं अहं देवदिन्नं दारयं कवीए गिण्हामि जाव मग्गणगवेसणं करेमि । तं न नज्जइ णं सा(मि)मी ! देवदिन्ने दारए केणइ ह(णी)ए वा अवहिए वा अ(वस्वि)क्खित्ते वा पायवडिए धण्णस्स सत्थवाहस्स एयमट्ठं निवेदेइ । तए णं से धण्णे सत्थवाहे पंथयस्स दासचेडयस्स एयमट्ठं सोच्चा निसम्म तेण य महया पुत्तसोएणाभिभूए समाणे फ(प)रखुणियत्ते व चंपगपायवे धसत्ति धरणीयलंसि सव्वंगेहिं सन्निवइए । तए णं से धण्णे सत्थवाहे तवो मुहुत्तंतरस्स आसत्थे प(च्छा)च्चागयपाणे देवदिन्नस्स दारगस्स सव्वओ समंता मग्गणगवेसणं करेइ देवदिन्नस्स दारगस्स कत्थइ सुइ वा खुइ वा प(उ)वत्ति वा अत्थममाणे जेणेव सए गिहे तेणेव उवागच्छइ २ ता महत्थं पाहुटं गेण्हइ २ ता जेणेव नगरगुत्तिया तेणेव उवागच्छइ २ ता तं महत्थं पाहुटं उवणेइ २ ता एवं वयासी-एवं खलु देवाणुप्पिया ! मम पुत्ते भद्दाए भारियाए अत्तए देवदिन्ने नामं दारए इहे जाव उंबरपुप्फंपिब दुल्लहे सवणयाए किमंग पुण पामणयाए (१) । तए णं सा भद्दा [भारिया] देवदिन्नं [दारगं] ण्हार्यं सव्वालंकारविभूसियं पंथगस्स हत्थे दलाइ जाव पायवडिए तं मम निवेदेइ । तं इच्छामि णं देवाणुप्पिया ! देवदिन्नस्स दारगस्स सव्वओ समंता मग्गणगवेसणं कयं । तए णं ते नगरगुत्तिया धण्णेणं सत्थवाहेणं एवं वुत्ता समाणा सज्जद्वबद्ध(वम्मिय)कवया उप्पीलियमरामण(व)पट्टिया जाव गहियाउहपहरणा धण्णेणं सत्थवाहेणं सद्धिं रायगिहस्स नगरस्स बहूणि अडगमणाणि य जाव पवासु य मग्गणगवेसणं करेमाणा रायगिहाओ नगराओ पडिनिक्खमंति २ ता जेणेव जिण्णुज्जाणे जेणेव भग्गकूवए तेणेव उवागच्छंति २ ता देवदिन्नस्स दारगस्स सररीरं निप्पाणं निच्चेट्ठं जीवविप्पजटं पासंति २ ता हा हा अहो अकज्जमितिकट्ठु देवदिन्नं दारगं भग्गकूवाओ उत्तारंति २ ता धण्णस्स सत्थवाहस्स हत्थे(णं) दलयति ॥४५॥ तए णं ते नगरगुत्तिया विजयस्स तक्करस्स पयमग्गमणुगच्छमाणा (२) जेणेव मालुयाकच्छए तेणेव उवागच्छंति २ ता मालुयाकच्छ(यं)गं अणुप्पविसंति २ ता विजयं तक्करं ससक्खं सहोढं सगेवेज्जं जीवग्गाहं गेण्हंति २ ता अट्टिसुट्टिजाणु-कौप्परपहारसंभग्गमहियगतं करंति २ ता अव(उडा)ओडगबध्धणं करंति २ ता देवदिन्न(ग)स्स दारगस्स [सव्वं] आभरणं गेण्हंति २ ता विजयस्स तक्करस्स गीवाए बंधंति २ ता मालुयाकच्छगाओ पडिनिक्खमंति २ ता जेणेव रायगिहे नयरे तेणेव उवागच्छंति २ ता रायगिहं नयरे अणुप्पविसंति २ ता रायगिहे नयरे सिंघाडमतिगन्धउक्कचंवरमहापहपहेस कलप्पहारे य लयापहारे य छिवापहारे य

निवा(ए)यमाणा २ छारं च धूलिं च कयवरं च उवरिं पक्रिमाणा २ महया २ सहेणं उग्गोसेमाणा एवं वयति-एस् णं देवाणुप्पिया । विजए नामं तक्करे जाव गिद्धे विव आमिसमक्खी बालघायए बालमारए, तं नो खलु देवाणुप्पिया । एयस्स केइ राया वा (रायपुत्ते वा) रायमच्चे वा अवरज्जइ (एत्थट्ठे) नत्थय अप्पणो सयाइं कम्माइं अवरज्जति-सिक्खु जेणामेव चारगसाला तेणामेव उवागच्छंति २ ता हडिबंघणं करेति २ ता भत्तपाणनिरहेइं करेति २ ता तिसंझं कसप्पहारे य जाव निवाएमाणा २ विहरंति । तए णं से धण्णे सत्थवाहे मित्तनाइनियगसयणसंबंधिपरियेणं सद्धिं रोयमाणे जाव विलवमाणे देवदिन्नस्स दारगस्स सरीरस्स महया इड्डीसक्कार-समुदएणं नी(नि)हरणं करे(न्ति)इ २ ता बहूइं लोइयाइं मय(ग)किच्चाइं करेइ २ ता केणइ कालंतरेणं अवगयसोए जाए यावि होत्था ॥ ४६ ॥ तए णं से धण्णे सत्थवाहे अन्नया कयाइं ल(हू)हुसयंति रायावराहंसि संपलत्ते जाए यावि होत्था । तए णं ते नगरगुप्तिया धण्णं सत्थवाहं गेण्हंति २ ता जेणेव चार(गे)ए तेणेव उवागच्छंति २ ता चारगं अणुपवेसंति २ ता विजएणं तक्करेणं सद्धिं एगयओ हडिबंघणं करेति । तए णं सा भद्दा भारिया कळं जाव जलंते विपुलं असणं ४ उवक्खडेइ २ ता भोयणपिंडए करेइ २ ता मो(भा)यणाइं पक्खिवइ २ ता लेछिय-मुद्धियं करेइ २ ता एणं च सुरभिवारिपडिपुण्णं दगवारयं करेइ २ ता पंथयं दासचेइं सहावेइ २ ता एवं वयासी-गच्छ(ह) णं तुमं देवाणुप्पिया । इमं विपुलं असणं ४ गहाय चारगसालाए धण्णस्स सत्थवाहस्स उवणेहि । तए णं से पंथए भद्दाए सत्थवाहीए एवं सुत्ते समाणे हट्टुट्ठे तं भोयणपिंड(यं)गं तं च सुरभिवारिपडिपुण्णं दगवारयं गेण्हइ २ ता सयाओ गिहाओ पडिनिक्खमइ २ ता रायगिहं नगरं मज्झमंज्जेणं जेणेव चारगसाला जेणेव धण्णे सत्थवाहे तेणेव उवागच्छइ २ ता भोयणपि(डि)डयं ठावेइ २ ता उल्लेइइ २ ता (भायणाइं) भोयणं गेण्हइ २ ता भायणाइं घोवेइ २ ता हत्थसोयं दलयइ २ ता धण्णं सत्थवाहं तेणं विपुलेणं असण्णे ४ परिवेसेइ । तए णं से विजए तक्करे धण्णं सत्थवाहं एवं वयासी-तु(मं)ज्जे णं देवाणुप्पिया ! म(म)मं एयाओ विपुलाओ असणाओ ४ संबिभागं करेहि । तए णं से धण्णे सत्थवाहे विजयं तक्करं एवं वयासी-अवियाइं अहं विजया । सुमं विपुलं असणं ४ का(या)वाणं वा सुणगाणं वा दलएज्जा उक्कुसुट्टियाए वा णं छेइज्जा नो चेव णं तव पुत्तवायगस्स पुत्तमारगस्स अरिस्स वेरियस्स पडिणीयस्स प्रब्बाधितस्स एत्तो विपुलाओ असणाओ ४ संबिभागं करेज्जामि । तए णं से धण्णे सत्थवाहे णं विपुलं असणं ४ आहारेइ २ ता तं पंथयं पडिक्खिजेइ । तए णं से पंथयं दावचे-

वे तं श्रेयणपिडयं गिण्डइ २ ता जामेव दिसिं षाउभूए तामेव दिसिं पडिवए ।
 तए णं तस्स धण्यस्स सत्थवाहस्स तं विपुलं असणं ४ आहारिचस्स खयाणस्स
 उच्चारपासवणे णं उच्चाहित्था । तए णं से धण्णे सत्थवाहे विजयं तकरं एवं
 बयासी-एहि ताव विजया ! एगंतमवकथामो जेणं भइ उच्चारपासवणं परिद्वेमि ।
 तए णं से विजए तकरे धण्णं सत्थवाहं एवं वयासी-तुब्भं देवाणुप्पिया ! विपुलं
 असणं ४ आहारियस्स अत्थि उच्चारे वा पासवणे वा, मसं णं देवाणुप्पिया । इमेहिं
 बहूहिं कसप्पहारेहि य जाव ल्यापहारेहि य तप्पाए य लुहाए य परम्भवमाणस्स
 नत्थि केइ उच्चारे वा पासवणे वा, तं छंदेणं तुमं देवाणुप्पिया । एगंते अवकमिणा
 उच्चारपासवणं परिद्वेहि । तए णं से धण्णे सत्थवाहे विजएणं तकरेणं एवं कुत्ते
 सभाणे तुसिणीए संचिद्वइ । तए णं से धण्णे सत्थवाहे मुहुत्तरस्स बलियतराणं
 उच्चारपासवणेणं उच्चाहिज्जमाणे विजयं तकरं एवं वयासी-एहि ताव विजया ।
 जाव अवकमामो । तए णं से विजए धण्णं सत्थवाहं एवं वयासी-जइ णं तुमं
 देवाणुप्पिया । ता(त)ओ विपुलाओ असणाओ ४ संविभागं करेहि तओ हं तु(मे)म्भेहिं
 सद्धिं एगंतं अवकमामि । तए णं से धण्णे सत्थवाहे विजयं एवं वयासी-अइ णं
 तुब्भं ताओ विपुलाओ असणाओ ४ संविभागं करिस्सामि । तए णं से विजए
 धण्यस्स सत्थवाहस्स एयमहुं पडिउणेइ । तए णं से विजए धण्णेणं सद्धिं एयंसे
 अवक(मे)मइ उच्चारपासवणं परिद्वेइ भायंते चोक्खे परमसुइभूए तमेव ठाणं उच-
 संकमिताणं विहरइ । तए णं सा भइ कळं जाव जलंसे विपुलं असणं ४ जाव
 परिवेसेइ । तए णं से धण्णे सत्थवाहे विजयस्स तकरस्स ताओ विपुलाओ
 असणाओ ४ संविभागं करेइ । तए णं से धण्णे सत्थवाहे पंधयं दासचेडं विसज्जेइ ।
 तए णं से पंधए भोयणपिडयं गहाय चार(गा)गसालाओ पडिनिक्खमइ २ ता शय-
 निहं नयारं मज्झिमज्जेणं जेणेव सए मि(मे)हे जेणेव भइ (अरियां) सत्थवाही तेणेव
 उच्चागच्छइ २ ता भइ सत्थवाहिणिं एवं वयासी-एवं खल्लु देवाणुप्पिए । धण्णे सत्थवाहे
 उव पुत्तयाभयस्स जाव पच्चाभिरस्स ताओ विपुलाओ असणाओ ४ संविभागं
 करेइ ॥ ४७ ॥ तए णं सा भइ सत्थवाही पंधवस्स दासचेडयस्स अंतिए
 एयमहुं सोळा आसुत्ता रुद्धा ऋव विस्सिमिसेत्ता(णा)णी धण्यस्स सत्थवाहस्स
 पओकमाचजइ । तए णं से धण्णे सत्थवाहे अन्नमा कयइं भित्तन्नाइनिवगसयण-
 संनविपरियवेणं सएण य अत्थवाहारेणं रासकजाओ अप्पार्यं श्रेयाभेइ २ ता
 चारणत्तज्जओ पडिनिक्खमइ २ सा जेणेव अरंणारियसत्ता तेणेव उच्चागच्छइ
 २ सा अरंणारियकर्मं क(रि)एवेइ २ ता जेणेव पुक्कसिणी जेणेव उच्चागच्छइ २ स्रं

अह घोषमद्वयं गेष्णइ २ ता पोक्खरिणी ओगाहइ २ ता जलमज्जणं करेइ २ ता
 ण्हाए रायगिहं नगरं अणुप्पविसइ २ ता रायगिहस्स नगरस्स अज्जमज्जेणं
 जेणेव सए गिहे तेणेव पहारेत्थ गमणाए । तए णं (त्तं) धण्णं सत्थवाहं एज्जमाणं
 पासिता रायगिहे नयरे बहुवे नियगसेट्ठिसत्थवाहपभि(त)इओ आढंति परिवारणंति
 सक्कारेति सम्माणेति अब्भुट्ठेति सरीरकुस(लं)लोदंतं सं-पुच्छंति । तए णं से धण्णे
 [सत्थवाहे] जेणेव सए गिहे तेणेव उवागच्छइ । जावि य से तत्थ बाहिरिया
 परिसा भवइ तंजहा-दासाइ वा पेस्साइ वा भियगाइ वा भाइल्लागइ वा (से) सा
 वि य णं धण्णं सत्थवाहं एज्ज(न्तं)माणं पासइ २ ता पायचडिया(ए) खेमकुसलं
 पुच्छ(न्ति)इ । जावि य से तत्थ अब्भितरिया परिसा भवइ तंजहा-सायाइ वा भियगइ
 वा भायाइ वा भइणीइ वा सावि य णं धण्णं सत्थवाहं एज्जमाणं पासइ २ ता
 आसणाओ अब्भुट्ठेइ २ ता कंठाकंठियं अवयासिय बाहप्पमोक्खणं करेइ । तए णं
 से धण्णे सत्थवाहे जेणेव भद्दा भारिया तेणेव उवागच्छइ । तए णं सा भद्दा धण्णे
 सत्थवाहं एज्जमाणं पासइ २ ता नो आढाइ नो परियाणाइ अणाढायमाणी अचरि-
 याणमाणी तुत्तिणीया परम्मुही संचिट्ठइ । तए णं से धण्णे सत्थवाहे भइ भारियं
 एवं वयासी-किं णं तुब्भं देवाणुप्पिए ! न तुट्ठी वा न हरिसे वा नाणंदे वा जं झए
 सएणं अत्थसारेणं रायकज्जाओ अप्पाणं विमोइए । तए णं सा भद्दा धण्णं सत्थवाहं
 एवं वयासी-कहं णं देवाणुप्पिया । मम तुट्ठी वा जाव आणंदे वा भविस्सइ जेणं
 तुयं मम पुत्तघायगस्स जाव पच्चामित्तस्स ताओ विपुलाओ असणाओ ४ संबिभायं
 करेसि । तए णं से धण्णे भइ [भारियं] एवं वयासी-नो खलु देवाणुप्पिए ! धम्मोत्ति
 वा तवोत्ति वा कयपडिइइयाइ वा लोमजताइ वा नायएइ वा [सं]घाठिएइ वा सहा-
 एइ वा सुहिति वा ताओ विपुलाओ असणाओ ४ संबिभागे कए नमत्थ सरीरचित्ताए ।
 तए णं सा भद्दा धण्णेणं सत्थवाहेणं एवं नुत्ता समाणी इ(द्वु)ट्ठा जाव अस्स-
 णाओ अब्भुट्ठेइ २ ता कंठाकंठि अवयासेइ खेमकुसलं पुच्छइ २ ता ण्हाया विपु-
 लाइ भोगभोगाई भुंजमाणी विहरइ । तए णं से विजए तकरे चारससालाए खेहिं
 बंधेहिं बंधेहिं कसप्पहायेहि य जाव तण्हाए य लुहाए य परब्भवमाणे अक्खसाये
 काळं किन्वा नरएसु नेरइयताए उववणे । से णं तत्थ नेरइए जाए काले कालोभासे
 जाव देवणं पक्खणुब्भइमाणे विहरइ । से णं तओ उब्भट्ठिता अप्पाणीयं अमत्तइयं
 कील्लवदं पाउरंतसंसारकंतारं अणुपरियाट्ठिस्सइ । इत्थमेव अंदू । जे णं जम्हं निमाओ
 वा निमंभी वा भायरियउवज्जायाणं अंतिए मुंठे भविता अमत्तसाओ अक्खसायिं
 पक्खइए समाणे विपुलमभि(सु)मोत्तियधणकणमारकणसारेणं क्खइ से वि(व) एवं चेव

॥ ४८ ॥ तेणं कालेणं तेणं समएणं धम्मघोसा नामं येरा भगवंतो जाइसंपन्ना कुल-
संपन्ना जाव पुब्बाणुपुक्खि चरमाणा जाव जेणेव रायगिहे नयरे जेणेव गुणसिलए
उज्जाणे जाव अहापडिरूवं उग्गहं उग्गिण्हित्ता संजमेणं तवसा अप्पाणं भावेमाणा
विहरंति । परिसा निग्गया धम्मो कहिओ । तए णं तस्स धण्णस्स सत्थवाहस्स
बहुजणस्स अंतिए एयमट्ठं सोच्चा निसम्म इमेयारूवे अज्झत्थिए जाव समुप्पज्जित्था-
एवं खलु येरा भगवंतो जाइसंपन्ना इहमागया इह-संपत्ता, तं इच्छामि णं येरे भगवंते
वंदामि नमंसामि ण्हाए मुद्धप्पावेसाइं मङ्गलाइं वत्थाइं पवरपरिहिए पायविहार-
चारेणं जेणेव गुणसिलए उज्जाणे जेणेव येरा भगवंतो तेणेव उवागच्छइ २ ता वंदइ
नमंसइ । तए णं येरा धण्णस्स विचिचं धम्ममाइक्खंति । तए णं से धण्णे सत्थ-
वाहे धम्मं सोच्चा एवं वयासी-सद्दहामि णं भंते ! निग्गंये पावयणे जाव पव्वइए
जाव बहूणि वासाणि सामण्यपरियागं पाउणित्ता भत्तं पच्चक्खाइत्ता मासियाए संले-
हणाए सट्ठिं भत्ताइं अणसणाए छेदेइ २ ता कालमासे कालं किच्चा सोहम्मं कप्पे
देवत्ताए उववन्ने । तत्थ णं अत्थेगइयाणं देवाणं चत्तारि पलिओवमाइं ठिई प० ।
तत्थ णं धण्णस्सवि देवस्स चत्तारि पलिओवमाइं ठिई प० । से णं धण्णे देवे ताओ
देवलोगाओ आउक्खएणं ठिइक्खएणं भवक्खएणं अणंतरं चयं चइत्ता महाविदेहे
वासे सिज्झहिइ जाव सव्वदुक्खाणभंतं करेहिइ ॥ ४९ ॥ जहा णं जंबू ! धण्णेणं
सत्थवाहेणं नो धम्मोत्ति वा जाव विजयस्स तक्करस्स ताओ विपुलाओ असणाओ
४ संविभागे कए नन्नत्थ सरीरसारक्खणट्ठाए एवामेव जंबू ! जे णं अम्हं निग्गंये
वा २ जाव पव्वइए समाणे ववगयण्हाण(उम्म)इणुप्फगंधमल्लालंकारविभूसे इमस्स
ओरात्थिसरीरस्स नो वण्णहेउं वा हवहेउं वा (बल)विसयहेउं वा [तं विपुलं] असणं
४ आहारमाहारेइ नन्नत्थ नाणदंसणचरित्ताणं वहण(ट्ठ)याए से णं इहलोए चैव
बहूणं समणाणं (बहूणं) समणीणं (बहूणं) सावगाण य सावियाण य अच्चणिजे जाव
पञ्जुवासणिजे भवइ । परलोए वि य णं नो (आगच्छइ) बहूणि हृत्यच्छेयणाणि य
कण्णच्छेयणाणि य नासाछेयणाणि य एवं हिय(य)उप्पायणाणि य बसणुप्पां(इ)यणाणि
य उल्लवणाणि य पाविहिइ अणाइयं च णं अणवदग्गं दीहमद्धं जाव बीईवइस्सइ
जहा व से धण्णे सत्थवाहे । एवं खलु जंबू ! समणेणं जाव संपत्तेणं दोच्चस्स नाय-
ज्झयणस्स अयमट्ठे पत्तेत्ते तिबेमि ॥ ५० ॥ गाहा-सिवसाहणेसु आहारविरहिओ
जं न वट्टए देहो । तम्हा धण्णोव्व विजयं साहू तं तेण पोसेज्जा ॥ १ ॥ बीयं
अज्झयणं समत्तं ॥

जइ णं भंते ! समणेणं ३ जाव संपत्तेणं दोच्चस्स अज्झयणस्स नायाधम्मकहाणं

अयमद्वे पञ्चते तद्व्यस्त अज्ज्ञयणस्स के अद्वे पञ्चते ? एवं खलु जंबू ! तेणं कालेणं तेणं समएणं चंपा नामं नयरी होत्था वण्णओ । तीसे णं चंपाए नयरीए बहिया उत्तरपुरच्छिमे दिसीभाए सुभूमिभाए नामं उज्जाणे होत्था स(व्वो)व्वउयपुप्फफलसमिद्धे सुरम्मे नंदणवणे इव सुहसुरभिसीयलच्छायाए समणुबद्धे । तस्स णं सुभूमिभागस्स उज्जाणस्स उत्तर(ओ)पुरत्थिमे एगदेसंमि मालुयाकच्छए होत्था वण्णओ । तत्थ णं एगाव(रि)णम(यू)ऊरी दो पुट्टे परियागए पिट्ठुंकीपंडुरे निव्वणे निरुवहए भिन्नमुट्ठिप्प-माणे मऊरी-अंडए पसवइ २ ता सएणं पक्खवाएणं सारक्खमाणी संगोवेमाणी सं(वि)विट्ठेमाणी विहरइ । तत्थ णं चंपाए नयरीए दुवे सत्थवाहदारगा परिवसंति तंजहा-जिणदत्तपुत्ते य सागरदत्तपुत्ते य सहजायया सहवट्ठियया सहपंसुकीलियया सहदारदरिसी अन्नमन्नमणुर(त्तया)ता अन्नमन्नमणुव्व(य)या अन्नमन्नच्छंदाणुवत्तया अन्नमन्नहियइच्छियकारया अन्नमलेसु गिहेसु(क्किच्चाई) कम्मआई करणिज्जाई पच्चणुभ-वमाणा विहरंति ॥ ५१ ॥ तए णं तेसिं सत्थवाहदारगाणं अन्नया कयाइं एगयओ सहियाणं समुवागयाणं सन्निसण्णाणं सन्निविट्ठाणं इमेयारूवे मिहोकहासमुल्लवे समु-प्पजित्था-जर्जं देवाणुप्पिया । अम्हं सुहं वा दु(क्खं)हं वा पव्वजा वा विदेसगयणं वा समुप्पज्जइ तं णं अम्हेहिं एगयओ समेच्चा नित्थरियव्वं-तिकट्टु अन्नमन्नमेयारूवं संगारं पडिच्चुणेंति २ ता सकम्मसंपजत्ता जाया यावि होत्था ॥ ५२ ॥ तत्थ णं चंपाए नयरीए देवदत्ता नामं गणिया परिवसइ अट्ठा जाव भत्तपाणा चउसट्ठिकलापंडियिा चउसट्ठिगणियागुणोववेया अउणत्ती(सं)सविसेसे रममाणी एकवीसरइगुणप्पहाणा वत्तीसपुरिसोवयारकुसला नवंगसुत्तपडिबोहिया अट्ठारसदेसीभासाविसारया सिंगारा-गारचारुवेसा संगयगयहसिय जाव ऊसिय(इ)ज्झया सहस्सलंभा विदिच्चलत्तामर-बाल(वि)वीयणिया कण्णीरहप्पयाया(या) वि होत्था बट्ठणं गणियासहस्साणं आहेवच्चं जाव विहरइ । तए णं तेसिं सत्थवाहदारगाणं अन्नया कयाइं पु(व्वरत्तावरत्त)व्वावरप्प-कालसमयंसि जिमियभुत्तारागयाणं समाणाणं आयन्तारणं चोक्खाणं परमसुइभूयाणं सुहासणवरगयाणं इमेयारूवे मिहोकहासमुल्लवे समुप्पजित्था-(तं) सेयं खलु अम्हं देवाणुप्पिया । कल्लं जाव जलंते विपुलं असणं ४ उवक्खडावेत्ता तं विपुलं असणं ४ धूवपुप्फगंधवत्थं गहाय देवदत्ताए गणियाए सद्धिं सुभूमिभागस्स (उज्जाणस्स) उज्जा-णसिरिं पच्चणुभवमाणाणं विहरित्तए-त्तिकट्टु अन्नमन्नस्स एयमट्ठं पडिच्चुणेंति २ ता कल्लं पाउ(ब्भूए)प्पभायाए कोडुंभियपुरिसे सहावेंति २ ता एवं वयासी-गच्छह णं देवा-णुप्पिया । विपुलं असणं ४ उवक्ख(डे)डावेह २ ता तं विपुलं असणं ४ धूवपुप्फं गहाय जेणेव सुभूमिभागे उज्जाणे जेणेव नंद्रापुक्खरिणी तेगाभेव उवायच्छह २ ता नंदाए

भोक्खरिणीए अदूरसामंते थूणामंडवं आहणह २ ता आसियसम्मज्जिओवळिणं सुगंध
 जाव कलियं करेह २ ता अ(म्हे)म्हं पडिवालेमाणा २ चिड्डह जाव चिड्ढंति । तए णं
 [ते] सत्यवाहदारगा दोचंपि कोडुंबियपुरिसे सद्दवेति २ ता एवं बयासी-खिप्पामेव
 रुहुकरणजुतजोइयं समखुरवालिहाणं समलिहियतिकखग्गसिंगएहिं रययामयघंटसुत्तर-
 ज्जुपवरकंचणखचियनत्थपग्गहोवग्गहिएहिं नीलुप्पलक्यामेलएहिं पवरगोणजुवाणएहिं
 नानामभिरयणकंचणघंटियाजालपरिक्खित्तं पवरलक्खणोववेयं जु(त्त)तामेव पबहणं
 उन्नणेह । ते वि तहेव उवणेति । तए णं ते सत्थवाहदारगा प्हाया अप्पमहग्गघाभर-
 णालंकिय सरीरा पवहणं दुरुहंति २ ता जेणेव देवदत्ताए गणियाए गिहे तेणेव
 उवागच्छंति २ ता पवहणाओ पचोरुहंति २ ता देवदत्ताए गणियाए गिहं अणुप्प-
 विसंति । तए णं सा देवदत्ता गणिया [ते] सत्थवाहदारए एज्जमाणे पासइ २ ता
 हट्टतुट्टा आसणाओ अब्भुट्ठेइ २ ता सत्तइ पयाइ अणुगच्छइ २ ता ते सत्थवाहदारए
 एवं बयासी-संदिसतु णं देवाणुप्पिया ! किमिहागमणप्पओयणं । तए णं ते सत्थवाह-
 दारमा देवदत्तं गणियं एवं बयासी-इच्छामो णं देवाणुप्पिए । तु(म्हे)न्मेहिं सद्धिं
 सुभूमिभागस्स (उज्जाणस्स) उज्जाणसिरिं पच्चणुब्भवमाणा विहरितए । तए णं सा
 देवदत्ता तेसिं सत्थवाहदारगाणं एयमट्ठं पडिसुणेइ २ ता प्हाया किं ते पवर जाव
 सिरिसमाणवेसा जेणेव सत्थवाहदारगा तेणेव उवा(समा)गया । तए ण ते सत्थ-
 वाहदारगा देवदत्ताए गणियाए सद्धिं जाणं दुरुहंति २ ता चंपाए नयरीए मज्झ-
 मज्जेयं जेणेव सुभूमिभागे उज्जाणे जेणेव नंदापोक्खरिणी तेणेव उवागच्छंति २ ता
 पवहणाओ पचोरुहंति २ ता नंदापोक्खरिणीं ओगाहंति २ ता जलमज्जणं करेति जल-
 किइं करेति प्हाया देवदत्ताए माद्धिं पक्कुरंति जेणेव थूणामंडवे तेणेव उवागच्छंति
 २ ता थूणामंडवं अणुप्पविसंति २ ता सन्वालंकार(वि)भूमिया आसत्था वीसत्था
 उवासक्खरगया देवदत्ताए सद्धिं तं विपुलं असणं ४ धूवपुप्फमंधत्तयं आस्ताप्पमाणा
 वि(वी)सद्धमाणा (परिभाएमाणा) परिभुंजेमाणा एवं च णं विहरंति जिमियभुत्ततरा-
 यया वि य णं समाणा (आयंता) देवदत्ताए-सद्धिं विपुलाइं भाणुत्सगाइं कामभोग्यइं
 भुंज्याणा विहरंति ॥५३॥ तए णं ते सत्थवाहदारगा पुब्बावरप्हकालसमयंसि देव-
 दत्ताए गणियाए सद्धिं थूणामंडवाओ पडिक्खिक्खमंति २ ता हत्थसंगोहीए सुभूमिभागे
 बहसु वाक्खिक्खएसु य कालीवरएसु य उवावरएसु य अच्छणवरएसु य पेच्छणवर-
 एसु य पसाहणवरएसु य ओहणवरएसु य सालवरएसु य जालवरएसु य इत्थमवरएसु
 य उज्जाणपरिं पवणुब्भवमाणा विहरंति ॥ ५४ ॥ तए णं ते सत्थवाहदारगा जेणेव
 ते प्राणुयाकच्छए तेणेव पद्दादेव गसणाइ । तए णं सा सत्थवाहदारगा

एजमणे पासइ २ ता भीया तत्था० महया २ सहेर्ण केकारवं विणिम्मयसाणी २ मालुयाकच्छओ पडिनिक्खमइ २ ता एमांसि रुक्खडालयंसि ठिच्चा ते सत्यवाहदारए मालुयाकच्छं च अणिसिसाए दिट्ठीए पेहमाणी २ चिट्ठइ । तए णं ते सत्यवाहदारगा अब्भमसं सहावैति २ ता एवं वयासी-जहा णं देवाणुप्पिया ! एसा वणमउरी अम्हे एजमा(णा)णे पासित्ता भीया तत्था तसिया उव्विग्गा पलाया महया २ सहेर्ण जाव अ(म्हे)म्हं मालुयाकच्छयं च पेच्छमाणी २ चिट्ठइ तं भवियव्वमेत्थ कारणेणं-तिकट्टु मालुयाकच्छयं अंतो अणुप्पविसंति २ ता तत्थ णं दो पुट्ठे परियागए जाव पासित्ता अब्भमसं सहावैति २ ता एवं वयासी-सेयं खलु देवाणुप्पिया ! अम्हं इमे वणमउरी-अंडए साणं जाइमंताणं कुक्कुडियाणं अंडएसु (अ)पक्खिवावित्तए । तए णं ताओ जाइमं-ताओ कुक्कुडियाओ ए(ता)ए अंडए सए य अंडए सएणं पक्खवाएणं सारक्खमाणीओ संगोवेमाणीओ विहरिस्संति । तए णं अम्हं ए(त्थं)त्थ दो कीलावणगा मउरपोयग्न भविस्संति-तिकट्टु अब्भमसस एयमद्वं पडिसुणेति २ ता सए सए दासचेडए सहावैति २ ता एवं वयासी-गच्छइ णं तुम्भे देवाणुप्पिया ! इमे अंडए गहाय सगाणं जाइमंताणं कुक्कुडीणं अंडएसु पक्खिववह जाव ते (वि) पक्खिवैति । तए णं ते सत्यवाहदारगा देवद-त्ताए गणियाए सद्धिं सुभूमिभागस्स (उज्जाणस्स) उज्जाणसिर्णि पच्चणब्भवमाणा विहरित्ता तमेव जाणं दुरुडा समाणा जेणेव चंपा नयरी जेणेव देवदत्ताए गणियाए गिहे तेणेव उवागच्छंति २ ता देवदत्ताए गिहं अणुप्पविसंति २ ता देवदत्ताए गणियाए विउलं जीवियारिहं पीइदाणं दलयंति २ ता सक्कारेति सम्माणेति स० २ ता देवदत्ताए गिहाओ पडिनिक्खमंति २ ता जेणेव सयाइं २ गिहाइं तेणेव उवागच्छंति २ ता सकम्मसंपउत्ता जाया यावि होत्था ॥५५॥ त(ए)त्थ णं जे से सागरदत्तपुत्ते सत्यवाहदारए से णं कळं जाव जलंते जेणेव से वणमउरीअंडए तेणेव उवागच्छइ २ ता तंसि मउरीअंडयंसि संकिए कैसिए विइगिच्छसमावज्जे भेयसमावजे कलुससमावजे किंसं ममं एत्थ कीलावणए मउ(री)रपोयए भविस्सइ उदाहु नो भविस्सइ-तिकट्टु तं मउरीअंडयं अभिक्खणं २ उव्वत्तेइ परियत्तेइ आसारेइ संसारेइ चाळेइ फंदेइ घट्टे खोभेइ अभिक्खणं २ कण्णमूलंसि टिट्ठियावेइ । तए णं से वण-मउरीअंडए अभिक्खणं २ उव्वत्तिज्जमाणे जाव टिट्ठियावेज्जमाणे पोच्छे जाए यावि होत्था । तए णं से सागर-दत्तपुत्ते सत्यवाहदारए अब्भया कगाइं जेणेव से वणमउरीअंडए तेणेव उवागच्छइ २ ता तं मउरीअंडयं पोच्छमेव पासइ २ ता अहो णं ममं (एस) एत्थ कीलावणए मउ(री)रपोयए न जाए-तिकट्टु ओहयमण जाव झिमायइ । एवामेव समणाउंसे ! ज्जे अम्हं निम्भो वा २ आयरियउव्वज्जायाणं अंतिए पव्वइए समाणे पंचमहव्वएसु जाव

छजीवनिकाएसु निग्गथे पावयणे संकिए जाव कळुससमावणे से णं इह-भवे चेव
 बहूणं समणाणं बहूणं समणीणं बहूणं सावगाणं साविगाणं हीलणिज्जे निंदणिज्जे
 उंसिणज्जे गरहणिज्जे परिभवणिज्जे परलोए विय णं आगच्छइ बहूणि दंडणाणि य
 जाव अणुपरियट्ट(ए)इ ॥५६॥ तए णं से जिणदत्तपुत्ते जेणेव से मऊरीअंडए तेणेव
 उवागच्छइ २ ता तंसि मऊरीअंडयंसि निस्संकिए सुव्वतए णं मम एत्थ कीलावणए
 मऊ(री)रपोयए भविस्सइ-त्तिकट्टु तं मऊरीअंडयं अभिक्खणं २ नो उव्वत्तइ जाव
 नो टिड्ढियावेइ । तए णं से मऊरीअंडए अणुव्वत्तिज्जमाणे जाव अटिड्ढियाविज्जमाणे
 (तेणं) काळेण (तेणं) समएणं उच्चिमण्णे मऊ(री)रपोयए एत्थ जाए । तए णं से
 जिणदत्तपुत्ते(तं) मऊरपोययं पासइ २ ता हट्टवुट्ठे मऊरपोसए सदावेइ २ ता एवं
 वयासी-तुब्भे णं देवाणुप्पया । इमं मऊरपोययं बहूहिं मऊरपोसणापा(उ)ओगेहिं
 दव्वेहिं अणुपुव्वेणं सारक्खमाणा संगोवेमाणा संवक्खेह नट्टुळ्ळं च सिक्खावेह । तए णं
 ते मऊरपोसगा जिणदत्तस्स पुत्तस्स एयमट्ठं पडिस्सणेंति २ ता तं मऊरपोययं गेण्हंति
 २ ता जेणेव सए गिहे तेणेव उवागच्छंति २ ता तं मऊरपोययं जात्र नट्टुळ्ळं सिक्खा-
 वेंति । तए णं से (वण)मऊरपोयए उम्मुक्कवालभावे विन्नायपरिणयमेते जोव्वणगमणु-
 पत्ते लक्खणवंजणगुणोव्वेए माणुम्माणप्पमाणपडिपुण्णपक्खपेहुणकलावे विचिन्निपि-
 च्छस्स(त्त)तचंदए नीलकंठए नच्चणसीलए एगाए चप्पुडियाए कयाए समाणीए अणेगाइं
 नट्टुळ्ळगसयाइं केकारवसयाणि य करेमाणे विहरइ । तए णं ते मऊरपोसगा तं मऊर-
 पोययं उम्मुक्क जाव करेमाणं पासिन्ता (२) णं तं मऊरपोययं गेण्हंति २ ता जिणदत्तस्स
 पुत्तस्स उव्वणेंति । तए णं से जिणदत्तपुत्ते मत्थवाहदारए मऊरपोययं उम्मुक्क जाव
 करेमाणं पासिन्ता हट्टवुट्ठे तेसिं विउलं जीवियारिहं पीइदाणं जाव पडिविसज्जेइ । तए णं
 से मऊरपोयगे जिणदत्तपुत्तेणं एगाए चप्पुडियाए कयाए समाणीए नंगोलाभंगसिरोधरे
 सेयावंगे ओरालि(अवयारि)यपइण्णपक्खे उक्खित्तचंदकाइयकलावे केकाइयसयाणि
 विमु(ञ्च)ममाणे नच्चइ । तए णं से जिणदत्तपुत्ते तेणं मऊरपोयएणं चंपाए नयरीए
 सिंघाडग जाव पहेसु स(इ)एहि य साहस्सिएहि य सयसाहस्सिएहि य पणिएहि य
 जयं करेमाणे विहरइ । एवामेव समणाउसो ! जो अम्हं निग्गंथो वा २ पव्वइए
 समाणे पंच(सु)महव्वएसु छजीवनिकाएसु निग्गंथे पावयणे निस्संकिए निक्कंखिए
 निव्विइगिच्छे से णं इहभवे चेव बहूणं समणाणं जाव वीइवइस्सइ । एवं खलु जंन् ।
 समणेणं ३ जाव संपत्तेणं नायाणं तच्चस्स अज्झयणस्स अयमट्ठे पच्चत्तेसि वेमि ॥५७॥
 गाहाओ-जिणवरभासियभावेसु भावसच्चेसु भावओ मइमं । नो कुज्जा संदेहं
 संदेहोऽणत्यहेत्तति ॥ १ ॥ निस्संदेहत्तं पुण गुणहेत्तं जं तओ तयं कज्जं । एत्थं दो

सिद्धिसुखा अंडयगाही उदाहरणं ॥ २ ॥ कथंइ मद्बुद्धेण तच्चिहायरियविरहो
वा वि । नेयगहणत्तेणं नाणावरणोदएणं च ॥ ३ ॥ हेऊदाहरणासंभवे य सइ
सुद्धं जं न सुज्झिजा । सव्वण्णमथमवितहं तहावि इइ च्चितए मइमं ॥ ४ ॥
अणुवकयपराणुगहपरायणा जं जिणा जगप्पवरा । जियारागदोसमोहा य गण्ण-
हावाणो तेण ॥ ५ ॥ तच्चं नायज्झयणं समत्तं ॥

जइ णं भंते ! समणेणं ३ नायाणं तच्चस्स नायज्झयणस्स अयमट्ठे पन्नत्ते चउत्थस्स
णं नायाणं के अट्ठे पन्नत्ते ? एवं खलु जंबू । तेणं कालेणं तेणं समएणं वाणारसी नामं
नयरी होत्था वण्णओ । तीसे णं वाणारसीए नयरीए (बहिया) उत्तरपुरच्छिमे दिसीभाए
गंगाए महानइए मयंगतीरइहे नामं दहे होत्था अणुपुव्वसुजायवप्पमंभीरसीयलज्जे
अच्छविमलसलिलपलिच्छन्नं संछन्नपत्तपुप्फपलासे बहुउप्पलपउमकुमुयनलिंगसुभ-
गसोर्गधियपुंडरीयमहापुंडरीयसयपत्तसहस्सपत्तकेसरपुप्फोवचिए पासाइए ४ । तत्थ
णं बहूणं मच्छाण य कच्छभाण य गाहाण य मगराण य सुंसुमाराण य स(इ)या(ण)णि
य (साहस्सियाण) सहस्साणि य सय(माहस्सियाण)सहस्साणि य ज्झाई निब्भयाई
निरुव्विग्गाई सुहंसुहेणं अभिग्गमाणाई २ विहरंति । तस्स णं मयंगतीरइहस्स
अदूरसामंते एत्थ णं महं एगे मालुयाकच्छए होत्था वण्णओ । तत्थ णं दुवे
पावसियालगा परिवसंति पावा चंडा र(री)इ तल्लिच्छा साहस्सिया लोहियपाणी
आमिसत्थी आमिसाहारा आमिसप्पिया आमिसलोला आमिस गवेसमाणा रत्ति
वियालचारिणे दिया पच्छन्नं(चा) वि च्चिद्धंति । तए णं ताओ मयंगतीरइहाओ
अन्नया कयाई सूरियंसि चिरत्थमिंसि लुलियाए संझाए पविरलमाणुसंसि
निसंतपडिनिसंतसि समाणंसि दुवे कुम्मगा आहारत्थी आहारं गवेसमाणा सणियं
२ उत्तरंति तस्सेव मयंगतीरइहस्स परिपेरंतेणं सव्वओ समंता परिचोलेमाणा २
वित्ति कप्पेमाणा विहरंति । त(य)याणंनरं च णं ते पावसियालगा आहारत्थी
जाव आहारं गवेसमाणा मालुयाकच्छ(या)गाओ पडिनिकखमंति २ ता जेणेव
मयंगतीरइहे तेणेव उवागच्छंति २ ता तस्सेव मयंगतीरइहस्स परिपेरंतेणं
परिचोलेमाणा २ वित्ति कप्पेमाणा विहरंति । तए णं ते पावसियाला ते कुम्मए
पासंति २ ता जेणेव ते कुम्मए तेणेव पहारेत्थ गमगाए । तए णं ते कुम्मगा(ते) पावसि-
यालए एज्जमाणे पासंति २ ता भीया तत्या तसिया उव्विग्गा संजायभया इत्थे य
पाए य गीवाए य सएहिं २ काएहिं साहरंति २ ता निबला निप्फंदा तुसिणीया
संचिद्धंति । तए णं ते पावसियाल(या)गा जेणेव ते कुम्मगा तेणेव उवागच्छंति २ ता
वे कुम्मगा सव्वओ समंता उव्वत्तेति परियत्तेति आसारंति संसारंति चालेत्ते षट्ठेति

क्वेति खोभेति नहेहि आलुं पति दंतेहि य अक्खोडेति नो चेव णं संचाएति
 तेसिं कुम्मगाणं सरीरस्स आवाहं वा पवाहं वा वावाहं वा उप्पा(ए)इत्तए छविच्छेयं
 वा क(रे)रित्तए । तए णं ते पावसियालगा (एए) ते कुम्मए दोच्चपि तच्चपि
 सब्बओ समंता उव्वत्तेति जाव नो चेव णं संचाएति करित्तए ताहे संता तंता
 परितंता निव्विण्णा समाणा सणियं २ पच्चोस(क्के)केति एगंतमवक्कमंति २ ता
 निच्चला निप्फदा नुसिणीया संचिट्ठेति । तत्थ णं एगे कुम्म(गे)ए ते पावसियालए
 चि(रं)रगए दूरंगए जाणित्ता सणियं २ एगं पायं निच्चुभइ । तए णं ते पावसि-
 यालगा तेथं कुम्मएणं सणियं २ एगं पायं नीणियं पासंति २ ता (ताए उक्किट्ठाए
 गइए) सिग्घं चवलं तुरियं चंडं जइणं वेगियं जेणेव से कुम्मए तेणेव उवागच्छंति
 २ ता तस्स णं कुम्मगस्स तं पायं नखेहि आलुं पति दंतेहि अक्खोडेति तओ
 पच्छा मंसं च सोणियं च आहारंति २ ता तं कुम्मगं सब्बओ समंता उव्वत्तेति
 जाव नो चेव णं संचा(इ)एति करित्तए ताहे दोच्चपि अवक्कमंति एवं चत्तारि वि
 पाया जाव सणियं २ गीवं नीणेइ । तए णं ते पावसियालगा तेणं कुम्मएणं
 गीवं नीणियं पासंति २ ता सिग्घं चवलं ४ नहेहि दंतेहि (य) क्वालं विहाडेति
 २ ता तं कुम्मगं जीवियाओ बबरोवेति २ ता मंसं च सोणियं च आहारंति । एवामेव
 समणाउसो । जो अम्हं निगंथो वा २ आयरियउवज्झायाणं अंतिए पवइए
 समाणे पंच य से इंदिया (इं) अगुत्ता भवति से णं इहभवे चेव बहूणं समाणाणं ४
 हींलण्जिजे परलो(गे)ए वि य णं आगच्छइ बहूणं इंडणाणं जाव अणुपरियट्ठइ
 जहा (व) से कुम्मए अगुत्तिदिए । तए णं ते पावसियालगा जेणेव से दोचे कुम्मए
 तेणेव उवागच्छंति २ ता तं कुम्मगं सब्बओ समंता उव्वत्तेति जाव दंतेहि अक्ख-
 डेति जाव करित्तए । तए णं ते पावसियालगा दोच्चपि तच्चपि जाव नो संचाएति
 तस्स कुम्मगस्स किंचि आवाहं वा विवाहं वा जाव छविच्छेयं वा करित्तए ताहे संता
 तंता परितंता निव्विण्णा समाणा जामेव दिंसि पाउब्भूया तामेव दिंसि पडिगया ।
 तए णं से कुम्मए ते पावसियालए चिरगए दूरगए जाणित्ता सणियं २ गीवं नेणेइ
 २ ता दिसावलोयं करेइ २ ता जमगसमगं चत्तारि वि पाए नीणेइ २ ता ताए उक्किट्ठाए
 कुम्मगइए वीइवयमाणे २ जेणेव भयंगतीरइहे तेणेव उवागच्छइ २ ता भित्तनाइ-
 नियगसयणसंबंधिपरियणेणं सद्धि अभिसमजागए यावि होत्था । एवामेव समणाउसो ।
 जो अम्हं समणो वा सुमणी वा पंच (य) से (महच्चयाई) इंदियाई गुत्ताइ भवंति
 जाव जहा(उ) व से कुम्मए गुत्तिदिए । एवं खलु जंबू । समणेणं भगवया महावीरेणं
 अउत्थस्स नायज्झयणस्स अयमट्ठे पच्चत्तेति वेमि ॥ ५८ ॥ गाहाउ-विसएइ

इदिआई रुंमेता रागदोसनिम्मुक्का । पावति निव्वुइसुहं कुम्मुव्व मयंगदहमोम्बं
॥ १ ॥ अवरे उ अणत्थपरंपरा उ पावेति पावकम्मवसा । संसारसागरगया
गोमाउग्गसियकुम्भोव्व ॥ २ ॥ चउत्थं नायज्जयणं समत्तं ॥

जइणं भंते ! समणेगं ३ जाव संपत्तेणं चउत्थस्स नायज्जयणस्स अयमट्ठे पज्जेते
पंचमस्स णं भंते ! नायज्जयणस्स के अट्ठे पज्जेते ! एवं स्व्लु जंबू ! तेणं कालेणं तेणं
समएणं बारवई नामं नयरी होत्था पाईणपटीणायया उदीणदाहिणविन्थिण्णा नवजो-
यणविन्थिण्णा दुवालसजोयणायामा धणवइमइनि(इम्म)म्माया चामीयरपवरपागारा
नाणामणिपचवणकविसीसगरोहिया अलयापुरिसकासा प्पुइयपक्कीलिया पच्चक्खं
देवलो(य)गभूया । तीसे णं बारवईए नयरीए बहिया उत्तरपुरच्छमे दिसीभाए रेवयगे
ना(म)मं पच्चए होत्था तुगे गगणत्तमणुलिहंतस्सिदरे नाणाविहगुञ्जुम्मलयावलि-
परिगए हंयमि(ग)यमयूरकों चसारसन्वक्कवायमयणसालकोइलकुलोववेए अणेगतडक-
डगवियरउज्जर(य)पवायपन्मारसिहरपउरे अन्च्छरगणदेवसपचारणविजाहरमिहुण-
संविच्छिणे निच्चच्छणए दमारवरवीरपुरिमतेलोकबलवगाणं सोमे सुभगे पियइंसणे
सुरूवे पासाइए ४ । तस्स णं रेवयगस्स अदूरमामने एत्थ णं नंदणवणे नामं
उज्जाणे होत्था सव्वउयपुप्फफलममिद्धे रम्मे नंदगवणप्पगासे पासाइए ४ ।
तस्स णं उज्जाणस्स बहुमाइइदेसभाए मुरप्पिए नामं जक्ख्खाययणं होत्था वण्णओ ।
तत्थ णं वारवईए नयरीए कहे नामं वासुदेवे राया परिवमइ । से णं तत्थ
समुहविजयपामोक्खाणं दसण्हं दमारणं बलदेवपामोक्खाणं पंचण्हं महावीराणं
उगसेगपामोक्खाणं सोलमण्हं राईगहस्साणं पञ्जुलपामोक्खाणं अद्दुट्ठाणं
कुमारकोडीणं सवपामोक्खाणं सट्टीए दुइतसाहस्सीणं वीरसेणपामोक्खणं एकवीसाए
वीरसाहरसीणं महासेणपामोक्खाणं छप्पजाए बलवगसाहस्सीणं रुप्पि(णी)णिप्पा-
मोक्खाणं वत्तीसाए महिलामाहस्सीणं अभेसिं च बहूणं [रा]ईमरनलवर जाव
सत्थवाहपभिइणं वैयड्डुगरिसा(य)गरपेरंतस्स य दाहिणद्धमरहस्स य बारवईए
नयरीए आह्वेव्वं जाव पालेमाणे विहरइ ॥ ५९ ॥ त(स्स)त्थ णं बारवईए नयरीए
थावच्चा नामं गाहावइणी परिवसइ अट्ठा जाव अपरिभूया । तीसे णं थावच्चाए
गाहावइणीए पुत्ते थावच्चापुत्ते नामं सत्थवाहदारए होत्था मुकुमालपाणिपाए
जाव सुरूवे । तए णं सा थावच्चा गाहावइणी तं दार(यं)गं साइरेगअट्ठवासजा(य)यं
जाणिता सोहणंसि तिहिकरणवक्खत्तमुहुत्तंसि कलायरियस्स उवणेइ जाव भोगसमत्थं
जाणिता बत्तीसाए इब्भकुलबालियाणं एगदिवसेणं पाणिं गेण्हावेइ बत्तीमओ दाओ
जाव बत्तीसाए इब्भकुलबालियाहिं सद्धिं विपुळे सद्धरिसरसररुववण्णगंधे जाव

भुंजमाणे विहरइ । तेणं कालेणं तेणं समएणं अरहा अरिद्वनेमी सो चेव वण्णओ दसधणुस्सेहे नीलुप्पलगवलगुलियअयसिक्कुसुमप्पगासे अट्टारसहिं समणसा-हस्सीहिं चत्तालीयाए अज्जियासाहस्सीहि सद्धि संपरिवुडे पुब्बाणुपुक्खि चरमाणे जाव जेणेव बारवई नगरी जेणेव रेवयगपव्वए जेणेव नंदणवणे उज्जाणे जेणेव मुरप्पियस्स जक्खस्स जक्खाययणे जेणेव असोगवरपायवे तेणेव उवागच्छइ २ ता अहापडिख्वं उग्गहं ओगिण्हत्ता सज्जेणं तवसा अप्पाण भावैमाणे विहरइ । परिसा निग्गया धम्मो कह्थो । तए णं से कण्हे वासुदेवे डभीसे कहाए लद्धंटे समाणे कोडुंबियपुरिसे सद्दावेइ २ ता एवं वयासी-खिप्पामेव भो देवाणुप्पिया । सभाए सुहम्माए मेघोघरसियं गंभी(र)रमहुरसहं कोमुइयं भेरिं तालेह । तए णं ते कोडुंबियपुरिसा कण्हेगं वासुदेवेणं एवं वुत्ता समाणा हट्टवुट्ट जाव मथए अजलि कट्ट एवं मामी ! तह नि जाव पडिसुणेति २ ता कण्हस्स वासुदेवस्स अतियाओ पडिनि-क्खमंति २ ता जेणेव स(हा)भा सुहम्मा जेणेव कोमुइया भेरी तेणेव उवागच्छंति २ ता तं मेघोघरसि(यं)यगंभीरमहुरसहं कोमुइयं भेरिं तालेति । तओ निद्धमहुर-गंभीरपडिसुएणं पिव सारइएणं बलाहएणं (पिव) अणुरसियं भेरीए । तए णं तीसे कोमुइयाए भे(रिया)रीए तालियाए समाणीए बारवईए नयरीए नवजोयणविन्थिण्णाए दुवालमजोयणायामाए सिंघाडगतियच्चउक्कच्चरकंदरदरी (य) विवरकुहरगिरिसिहरन-गरगोउरपासायदुवारभवणदेउलपडि(सु)स्सुयामयमहस्समसेकुलं(सह) करैमाणे बारव-ई)ईए नय(रिं)रीए सत्थिनरवाहिरियं सव्वओ ममंता(से)महे विप्पसरित्था । तए णं बारवईए नयरीए नवजोयणविन्थिण्णाए बारसजोयणायामाए समुहविजयपा-मोक्खा दस दसारा जाव कोमुइयाए भेरीए सह सोच्चा निसम्म हट्टवुट्टा जाव ष्हाया आविद्धवधारियमल्लदामकलावा अहयवत्थचंदणो(क्कि)क्खिन्नगायसरीरा अप्पेगइया हयगया एवं गयगया रहसीयासंदमाणीगया अप्पेगइया पायविहारचारेणं पुरिस वग्गुरारपरिक्खत्ता कण्हस्स वासुदेवस्स अंति(यं)ए पाउब्भवित्था । तए णं से कण्हे वासुदेवे समुहविजयपामोक्खे दस दसारे जाव अंतियं पाउब्भवमाणे (पासइ) पामित्ता हट्टवुट्ट जाव कोडुंबियपुरिसे सद्दावेइ २ ता एवं वयासी-खिप्पामेव भो देवाणुप्पिया । चाउरंगिणिं सेगं सज्जेह विजयं च गंधहत्थि उवट्टवेह । तेवि (तहत्ति) तहेव उवट्टवैति जाव पज्जुवासति ॥६०॥ थावच्चापुसे वि निग्गए जहा मेहे तहेव धम्मं सोच्चा निसम्म जेणेव थावच्चा गाहावइणी तेणेव उवागच्छइ २ ता पायग्गहणं करेउ जहा मेहस्स तहा चेव निवेयणा जाहे नो संचाएइ विसयाणुलोमाहि य विसय-पडिक्कलाहि य बहूहिं आववणाहि य पन्नवणाहि य सन्नवणाहि य विन्नवणाहि य

आधवित्तए वा ४ ताहे अकामिया चेव थावच्चापुत्त(दारग)स्स निक्खमणमणु-
मञ्जित्वा (णवरं निक्खमणाभिसेयं पामामो, तए णं से थावच्चापुत्ते तुस्सिणीए
संचिट्ठइ) । तए णं सा थावच्चा आसणाओ अब्भुट्ठेइ २ ता महत्थं महग्घं महरिहं
रा(य)यारिहं पाहुडं गेण्हइ २ ता मित्त जाव संपरिवुडा जेणेव कण्हस्स वासुदेवस्स
भवणवरपडिदुवारदेसभाए तेणेव उवागच्छइ २ ता पडिहारदेसिएणं मग्गेणं जेणेव
कण्हे वासुदेवे तेणेव उवागच्छइ २ ता करयल जाव वद्धावेइ २ ता तं महत्थं ४ पाहुडं
उवणेइ २ ता एवं वयासी-एवं खलु देवाणुप्पिया । मम एगे पुत्ते थावच्चापुत्ते नामं
दारए इट्ठे जाव (से ण)संसारभउच्चिग्गे (भीण) इच्छइ अरहओ अरिट्ठेनेमिस्स जाव
पव्वइत्तए । अहं णं निक्खमणसक्कारं करेमि । इच्छामि णं देवाणुप्पिया । थावच्चा-
पुत्तस्म निक्खममाणस्सा छत्तमउडच्चामग्गओ य विदिजाओ । तए णं कण्हे वासुदेवे
थावच्चागाहावदणि एवं वयासी-अच्छाहि णं तुमं देवाणुप्पिए ! सुनिव्वु(या)यवी-
सत्था । अहं णं सयमेव थावच्चापुत्तस्स दारगस्स निक्खमणसक्कारं करिस्सामि । तए
णं से कण्हे वासुदेवे चाउरगिणीए सेणाए विजयं हत्थिरयणं दुरुट्ठे समाणे जेणेव
थावच्चाए गाहावडणीए भवणे तेणेव उवागच्छइ २ ता थावच्चापुत्तं एवं वयासी-मा
णं तु(मे)म देवाणुप्पिया ! मुडे भविता पव्वयाहि, मुंजाहि णं देवाणुप्पिया । विउले
माणुस्सए कामभो(ए)गे मम बाहुच्छायापरिग्गहिए, केवलं देवाणुप्पियस्स (अहं)
नो सच्चाएमि वाउक्कयं उवरिमेणं गच्छमागं निवारित्तए, अत्ते ण देवाणुप्पियस्स जं
क्किंवि(वि) आबाह वा वि(वा)वाहं वा उप्पाएइ त सव्वं निवारेमि । तए णं से थावच्चा-
पुत्ते कण्हेणं वासुदेवेणं एवं पुत्ते ममाणे कण्हं वासुदेवं एवं वयासी-जइ णं (तुमं)देवाणु-
प्पिया । मम जीविघ्नकरणं मच्चुं एज्जमाणं निवारिसि जरं वा सरीररूवविणा(सि)सणि
सरीरं अइवयमाणि निवारिसि तए णं अहं तव बाहुच्छायापरिग्गहिए विउले माणुस्सए
कामभोगे भुंजमाणे विहरामि । तए णं से कण्हे वासुदेवे थावच्चापुत्तं एवं पुत्ते
समाणे थावच्चापुत्त एवं वयासी-एए णं देवाणुप्पिया । दुरइक्कमणिजा, नो खलु
सक्का सुबलिण्णावि देवेण वा दाणवेण वा निवारित्तए नन्नत्थ अप्पणो कम्मक्ख-
एणं । तए णं से थावच्चापुत्ते कण्हं वासुदेवं एवं वयासी-जइ णं एए दुरइक्कमणिजा
नो खलु सक्का सुबलिण्णावि देवेण वा दाणवेण वा निवारित्तए नन्नत्थ अप्पणो
कम्मक्खएणं तं इच्छामि णं देवाणुप्पिया । अन्नाणमिच्छत्तअविरइक्कसायसंचियस्स
अत्तणो कम्मक्खयं करित्तए । तए णं से कण्हे वासुदेवे थावच्चापुत्तं एवं पुत्ते समाणे
क्केहुंन्नियपुरिसे सदावेइ २ ता एवं वयासी-गच्छह णं देवाणुप्पिया । बारवडंए नयरीए
सिघाडगति(य)ग जाव पहेसु (अ) हत्थिखंधवरगया महया २ सण्णं उग्गोसेमाणा

२ उग्घोसणं करेह-एवं खलु देवाणुप्पिया । थावच्चापुत्ते संसारभउव्विग्गे भीए जम्मणमरणाणं इच्छइ अरहओ अरिद्धनेमिस्स अंतिए मुड्डे भवित्ता पव्वइत्तए, तं जो खलु देवाणुप्पिया ! राया वा जुवराया वा देवी वा कुमारे वा ईमरे वा तलवरे वा कोडुंबियमाडंबियइब्भसेट्टिसेणावइस्तथवाहे वा थावच्चापुत्त पव्वयतमणुपव्वयइ तस्स ण कण्हे वामुदेवे अणुजाणइ पच्छाउरस्स वि य से मित्तनाइनियगसंबंधि-परिजणस्स जोग(खे क्खेमं वट्टमाणं पडिवहइ-त्तिकट्टु घोसणं घोसेह जाव घोसति । तए णं थावच्चापुत्तस्स अणुराएणं पुरिससहस्सं निक्खमणाभिसुहं ष्हायं सच्चा लंकारविभूमियं पतयं २ पुरिससहस्समवाहिणीसु सिवियामु दुक्कं समाणं मित्तनाइ-परिवुड थावच्चापुत्तस्स अंतियं पाउब्भयं । तए णं से कण्हे वामुदेवे पुरिससहस्सं अतियं पाउब्भममाणं पासइ २ ता कोडुंबियपुरिसे सहावेइ २ ता एव वयासी-जहा मेहस्स निक्खमणाभिसेओ तहेव सेयापीएहि कलसेहिं ष्हावेइ जाव अरहओ अरिद्ध-नेमिस्स छत्ताइच्छत्तं पडागाइपडागं पास(न्ति)इ २ ता विज्जाहरचारणे जाव पासित्ता सी(सिवि)याओ पचोरुइइ । तए णं से कण्हे वामुदेवे थावच्चापुत्त पुरओ काउं जेणेव अ(रि)रहा अरिद्धनेमी सव्वं तं चेव जाव आभर(णमल्लकारं)णं ओमुयइ । तए णं सा थावच्चा गाहावइणी हंमलक्खणेणं पड(ग)साडएण आभरणमल्लालंका(रे)रं पडिच्छइ हारवारिधा(र)राड्डिबमुत्तावल्लिप्पगामाई असुणि विणि(म्)मुंचमार्णी २ एवं वयासी-जइयव्वं जाया ! घडियव्वं जाया ! प(रि)क्कमियव्वं जाया ! अस्मि च णं अट्टे नो पमाएयव्वं । जामेव दिमि पाउब्भया तामेव दिसि पडिगया । तए ण से थावच्चापुत्ते पुरिससहस्से(हिं)णं मद्धि सयमेव पंचमुट्टियं लोयं करेइ जाव पव्वइए । तए णं से थावच्चापुत्ते अणगारे जाए इरियासमिए भामासमिए जाव विहरइ । तए णं मे थावच्चापुत्ते अरहओ अरिद्धनेमिस्स तद्दाहवाणं थेराणं अतिए सामाइयमाइयाई (इक्कारम अंगाडं) चोइसपुव्वाइं अहिज्जइ २ ता बहूहिं जाव चउत्थेणं विहरइ । तए णं अ(रि)रहा अरिद्धनेमी थावच्चापुत्तस्स अणगारस्स तं इब्भाइयं अणगार-सहस्सं सीमत्ताए दलयइ । तए णं मे थावच्चापुत्ते अन्नया कयाइं अरहं अरिद्धनेमि वंदइ नमंसइ वं० २ ता एवं वयासी-इच्छामि णं भंते ! तुब्भेहिं अब्भणजाए समाणे अणगारसहस्सेणं सद्धि बहिया जणवयविहारं विहरित्तए । अद्दासुहं देवाणु-प्पिया ॥ तए णं से थावच्चापुत्ते अणगारसहस्सेणं सद्धि तेणं उरालेणं उ(द)गेणं पयत्तेणं पग्गहिएणं बहिया जणवयविहारं विहरइ ॥ ६१ ॥ तेणं कालेणं तेण समएणं सेलगपुरे नामं नग(रं)रे होत्था । सुभूमिभागे उज्जाणे । सेलए राया पडमावई देवी मंडुए कुमारे जुवराया । तस्स णं सेलगस्स पंथगपामोक्खा (णं) पंच मंतिसया

होत्था उप्पत्तियाए ४ (चउव्विहाए बुद्धीए) उव्वेया (रज्जधुरचित्तयावि होत्था) रज्जधुरं चित्तयंति । (तए णं) थावच्चापुत्ते (णामं अणगारे सहस्सेणं अणगारेणं मद्धि जेणेव) सेलगपुरे (जेणेव सुभूमिभागे नामं उज्जाणे तेणेव) समोमहे । राया निग्गए (धम्मो कहिंआ) धम्मं कदा । धम्मं सोच्चा जहा णं देवाणुप्पियाणं अंतिए बह्वे जग्गा भोगा जाव चइत्ता हिरण्णं जाव पव्वइया तहा णं अहं नो सचाएम्मि पव्वइत्तए । अहं णं देवाणुप्पियाणं अंतिए पंचाणुव्वइयं जाव समणोवामए जा(व)ए अद्दिगयजीवाजीवे जाव अप्पाणं भावेमाणे विहरइ । पंथगपामो म्खा पच मंतिमया य समणोवामया जाया । थावच्चापुत्ते बहिया जणवयविहारं विहरइ । तेणं कालेणं तेणं समएणं सोगंधिया । नामं नयरी होत्था वणओ । तीरासोए उज्जाणे वणओ । तन्थ णं सोगंधियाए नयरीए मुदयणे नामं नयरेद्धी परिवसइ अह्वे जाव अपरिभूए । तेणं कालेणं तेणं समएणं सु । नामं परिव्वायए होत्ता रिउव्वेयज(उ)जुव्वेयसामवे-यअयव्वणवेयगट्टित्तकुमले सयगरमए लद्धे पंच(जा)जमपंचनियमजुत्त सोयम्- (उय)ळं दमएयार परिव्वायगधम्मं दाणधम्मं च सोयधम्मं च तित्थाभिसेय च आउव्वेमणे पन्नवेमाणे (परुवेमाणे) धाउरत्तवत्तपरपरिहिए तिदंडकुट्टियल्लत्तल्लान्ना- (लि)ल्लयअंजमपवित्तयकेमरिहत्ताए परिव्वायगसहस्सेणं सद्धि सपरिवुडे जेणेव सोगंधिया नयरी जेणेव परिव्वायगावमहे तेणं च उवागच्छइ २ ता परिव्वायगाव-सहानि भंउगनिक्खेवं करेइ २ ता संससमएणं अप्पाणं भावेमाणे विहरइ । नए णं सोगंधियाए नगरीए सिंघाडग जाव बहुजगो अज्जमन्नस्स एवमाइक्खइ-एवं खलु सुए परिव्वायए इह(हव्व)मागए जाव विहरइ । परिसा निग्गया । मुदंसणो वि निग्गए । तए णं से सुए परिव्वायए तीसे परिमाए मुदंसणस्स(य) अन्नेमि च बहूणं संव्वाणं (धम्मं) परिकहेइ-एवं खलु मुदंसणा । अम्हं सोयमूलए धम्मे पन्नते । से वि य सोए (धम्मे) दुविहे पन्नते तं जहा-दव्वेसोए य भावसोए य । दव्वसोए य उदएणं मट्टियाए य । भावसोए दव्वेहि य मंतेहि य । ज णं अम्हं देवाणुप्पिया ! किंचि असुई भवइ तं सव्वं म(ज्जो) ज्जपुडवीए आलि(प्पइ)म्पइ तओ पच्छा सुद्धेण वारिणा पक्खालिज्जइ तओ तं असुई सुई भवइ । एवं खलु जीवा जलाभिसेयपूयप्पाणो अविग्घेणं सग्गं गच्छंति । तए णं से मुदंसणे सुयस्स अंतिए धम्मं सोच्चा हट्ठे सुयस्स अंतियं सोयमूलयं धम्मं गेण्हइ २ ता परिव्वायए विउलेणं असणेणं ४ वत्थ० पडिलभेमाणे जाव विहरइ । तए णं से सुए परिव्वाय(गवसहाओ)गे सोगंधियाओ नयरीओ निग्गच्छइ २ ता बहिया जणवयविहारं विहरइ । तेणं कालेणं तेणं समएणं (थावच्चापुत्ते णामं अणगारे सहस्सेणं अणगारेणं सद्धि पुव्वाणुपुव्वि चरमाणे गामाणु-

गामं दइज्जमाणे सुहंसुहेणं विहरमाणे जेणेव सोगंधिया णयरी जेणेव णीलासोए उज्जाणे तेणेव समोसडे) थावच्चापुत्तस्स समोसरणं । परिसा निग्गया । सुदंसणे वि निग्ग(ए)ओ थावच्चापुत्तं (नामं अणगारं आ०) वंदइ नमंसइ वं० २ ता एवं वयासी-तुम्हाणं किंमूलए धम्मे पन्नते ? । तए णं [से] थावच्चापुत्ते सुदंसणेणं एवं वुत्ते समाणे सुदंसणं एवं वयासी-सुदंसणा ! विणयमूले धम्मं पन्नते । से विय विणए दुविहे पन्नते तंजहा-अगारविणए(य) अणगारविणए य । तत्थ ण जे से अगारविणए से णं पंच अणुव्वयाइं सत्त सिक्खावयाइं एक्कारस उवासरगपडिमाओ । तत्थ णं जे से अणगारविणए से णं पंच महव्वयाइं तंजहा-सव्वाआ पाणाइवायाओ वेरमणं सव्वाओ मुसावायाओ वेरमणं सव्वाओ अदिच्चादाणाओ वेरमणं सव्वाओ मेहुणाओ वेरमणं सव्वाओ परिग्गहाओ वेरमणं सव्वाओ राइभोयणाओ वेरमणं जाव मिच्छादंसणसल्लओ वेरमणं दसविहे पच्चक्खाणे बारस भिक्खुपडिमाओ इच्चेएणं दुविहेणं विणयमूलएणं धम्मं आणुपुव्वेणं अट्टकम्मपगडीओ खवेत्ता लोयग्गपइट्ठा(णे)णा भवति । तए णं थावच्चापुत्ते सुदंसणं एवं वयासी-तु(ब्भे)ब्भं णं सुदंसणा । किंमूलए धम्मं पन्नते ? अम्हाणं देवाणुपिया । सोयमू(ले)लए धम्मं पन्नते जाव सग्गं गच्छंति । तए णं थावच्चापुत्ते सुदंसणं एवं वयासी-सुदंसणा । से जहानामए केइ पुरिसे एणं महं रुहिरकयं वत्थ रुहिरेण चेव धोवेज्जा तए णं सुदंसणा । तस्स रुहिरकयस्स वत्थस्म रुहिरेण (चेव) पक्खालिज्जमाणस्स अत्थि काइ सोही ? नो इणट्ठे गमट्ठे । एवामेव सुदंसणा । तुब्भंपि पाणाइवाएणं जाव मिच्छादंसणसल्लेणं नत्थि सोही जहा तस्स रुहिरकयस्स वत्थस्स रुहिरेणं चेव पक्खालिज्जमाणस्स नत्थि सोही । सुदंसणा ! से जहानामए केइ पुरिसे एणं महं रुहिरकयं वत्थं मज्जियाग्गारेणं अणुलिपइ २ ता पयणं आ(रु)रोहेइ २ ता उण्हं गाहेइ २ ता तओ पच्छा सुद्रेण वारिणा धोवेज्जा से नूणं सुदंसणा । तस्स रुहिरकयस्स वत्थस्म मज्जियान्नारेण अणुलित्तस्स पयणं आगेहियस्स उण्हं गाहियस्स सुद्रेणं वारिणा पक्खालिज्जमाणस्स सोही भवइ ? हंता भवइ । एवामेव सुदंसणा ! अम्हपि पाणाइवायवेरमणेण जाव मिच्छादंसणसल्लेवेरमणेणं अत्थि सोही जहा(वि) वा तस्स रुहिरकयस्स वत्थस्स जाव सुद्रेणं वारिणा पक्खालिज्जमाणस्स अत्थि सोही । तत्थ णं (से) सुदंसणे संबुद्धे थावच्चापुत्तं वदइ नमंसइ वं० २ ता एवं वयासी-इच्छामि णं भंते । धम्मं सोच्चा जाणित्तए जाव समणोवासए जाए अभिग्गयजीवाजावे जाव पडिलाभेमाणे विहरइ । तए णं तस्स सुयस्स परिव्वायगस्स इमीसे कहाए लद्धट्टस्स समागस्स अयमेयारूवे जाव समुप्पजित्था-एवं खल्ल सुदंसणेणं सोयधम्मं विप्पजहाय विणयमूले धम्मं पडिवत्ते । तं सेयं खल्ल मम

सुदंसणस्स दिट्ठि वामेत्तए पुणरवि सोयमूलए धम्मो आघवित्तए—त्तिकट्टु एवं संपेहेइ
 २ ता परिव्वायगसहस्सेणं सद्धि जेणेव सोगंधिया नयरी जेणेव परिव्वायगावसहे
 तेणेव उवागच्छइ २ ता परिव्वायगावसहंसि भंडनिक्खेवं करेइ २ ता धाउरत्तव-
 र्थ[पवर]परिहिए पविरलपरिव्वायगेणं सद्धि संपरिवुडे परिव्वायगावसह्वाओ पडिनि-
 क्तवमड २ ता सोगंधियाए नयरीए मज्झमज्जेणं जेणेव सुदंसणस्स गिहे जेणेव
 सुदंसणे तेणेव उवागच्छइ । तए णं से सुदंसणे तं सुयं एजमाणं पामइ २ ता नो
 अब्भुट्ठेइ नो पच्चगच्छइ नो आडाड नो परियाणाइ न्णे वंदइ तुत्तिणीए संचिट्ठइ ।
 तए णं मे सुए परिव्वायए सुदंसं अ(ण)णुब्भुट्ठियं पासित्ता एवं वयासी-तु(मं)ज्जे
 णं सुदंसणा ! अज्जयाममं एजमाणं पासित्ता अब्भुट्ठेसि जाव वंदसि, इयाणिं सुदंसणा !
 तुमं ममं एजमाणं पासित्ता जाव नो वंदसि, तं कस्स णं तुमे सुदंसणा ! इमेयारूवे
 विणयमूल(ल)ळे धम्मो पडिवज्जे ! । तए णं से सुदंसणे सुएणं परिव्वाय(ए)गेणं एवं वुत्ते
 समाणे आमणाओ अब्भुट्ठेइ २ ता करयल जाव सुयं परिव्वायगं एवं वयासी-एवं
 वल्ल देवाणुपिया ! अरहओ अरिट्ठनेमिस्स अंतेवासी थावच्चापुत्तं नामं अणगारे जाव
 इहमागए इह चव नीलासोए उज्जाणे विहरइ, तस्म णं अतिए विणयमूल धम्मो पडिवज्जे ।
 नए णं मे सुए (परिव्वायए) सुदंसणं एवं वयासी-तं गच्छामो णं सुदंसणा ! तव
 धम्मायरियस्स थावच्चापुत्तस्स अंतियं पाउब्भवामो इमाइ च णं एयारूवाटं अट्ठाइ
 हेऊइं पत्तिणाइं कारणाइं वागरणाइं पुच्छामो । तं जइ(णं) मे से इमाइं अट्ठाइं जाव
 वागरइ त(ए)ओ णं (अहं) वंदामि नमंसामि । अह मे से ट्माइं अट्ठाइं जाव नो से
 वागरइ तओ णं अहं एएहिं चव अट्ठेहिं हेऊहिं निष्पट्ठपत्तिणवागरणं करिस्सामि । तए
 णं से सुए परिव्वायगसहस्सेणं सुदंसणेण य सेट्ठिणा सद्धि जेणेव नीलासोए उज्जाणे
 जेणेव थावच्चापुत्ते अणगारे तेणेव उवागच्छइ २ ता थावच्चापुत्तं एवं वयासी-जत्ता ते
 भंते ! जवणिजं ते अब्वाबाहं(पि ते) फासु(यं)यविहार(ते) ? । तए णं से थावच्चापुत्ते
 सुएणं (परिव्वायगेणं) एवं वुत्ते समाणे सुयं परिव्वायग एव वयासी-सुया ! जत्तावि मे
 जवणिजंपि मे अब्वाबाहं(पि मे) फासु(य)विहारं(पि मे) । तए णं (से) सुए थावच्चापुत्तं एवं
 वयासी-किं भंते ! जत्ता ? सुया ! जं णं मम नाणदंसणचरित्तवसंसजममाइएहिं जोएहिं
 जो(ज)यणा से तं जत्ता । से किं तं भंते ! जवणिजं ? सुया ! जवणिजे दुविहे पत्तसे
 तंजहा-ईदियजवणिजे य नोईदियजवणिजे य । से किं तं ईदियजवणिजं ? सुया !
 जं णं म(म)मं सोईदियच(किं)दियघाणिदियजिब्भदियफासिंदियाइं निरुवहयाइं वसे
 वइति से तं ईदियजवणि(जं)ज्जे । से किं तं नोईदियजवणिजे ? सुया ! जं णं कोहमाण-
 मायालोभा खीणा उवसंता नो उदयंति से तं नोईदियजवणिजे । से किं तं भंते !

अव्वाबाहं ? सुया । जं णं मम वाइयपित्थिसिभियसन्निवाइया विविहा रोगायंका नो उदीरेंति से तं अव्वाबाहं । से कि तं भंते ! फासुयविहारं ? सुया ! जं णं आरामेसु उज्जाणेसु दे(व)उलेसु सभासु प(व्वा)वासु इत्थीपमुपंडगविवज्जियासु वसहीसु पाडिहारियं पीडफलगसेज्जसथारयं ओगिण्हत्ताणं विहरामि से तं फासुयविहारं । सरिसवया(ते) भंते ! कि भक्खेया अभक्खेया ? सुया ! सरिमवया भक्खेयावि अभक्खेयावि । से केणट्ठेणं भंते ! एवं वुच्चइ सरिमवया भक्खेयावि अभक्खेयावि ? सुया ! सरिसवया दुविहा पन्नत्ता तंजहा-मित्तसरिसवया य धन्नसरिसवया य । तत्थ णं जे ते मित्तसरिसवया ते तिविहा पन्नत्ता तंजहा-सहजायया सहवद्धियया सहपंसुकीळि(य)या य, ते णं समणणं निग्गंथाणं अभक्खेया । तत्थ णं जे ते धन्नसरिसवया ते दुविहा पन्नत्ता तंजहा-सत्थपरिणया य अमत्थपरिणया य । तत्थ णं जे ते अमत्थपरिणया ते समणणं निग्गंथाणं अभक्खेया । तत्थ णं जे ते सत्थपरिणया ते दुविहा पन्नत्ता तंजहा-फासु(गा)या य आफानुया य । आफानुया णं नुया ! नो भक्खेया । तत्थ णं जे ते फासुया ते दुविहा पन्नत्ता तंजहा-जाइया य अजाइया य । तत्थ णं जे ते अजाइया ते अभक्खेया । तत्थ णं जे ते जाइया ते दुविहा पन्नत्ता तंजहा-एमणिज्जा य अणेमणिज्जा य । तत्थ णं जे ते अणेमणिज्जा ते (णं) अभक्खेया । तत्थ णं जे ते एसणिज्जा ते दुविहा पन्नत्ता तंजहा-लद्धा य अलद्धा य । तत्थ णं जे ते अलद्धा ते अभक्खेया । तत्थ णं जे ते लद्धा ते निग्गंथाणं भक्खेया । एएण अट्ठेणं सुया । एवं वुच्चइ सरिमवया भक्खेयावि अभक्खेयावि । एवं कुत्थ्यावि भाणियव्वा नव(रि)र इमं नाणत्ते-इत्थिकुलत्था य धन्नकुलत्था य । इत्थिकुलत्था तिविहा पन्नत्ता तंजहा-कुल्लव(हु)हया य कुल्लमाउया इ य कुल्लभूया इ य । धन्नकुलत्था तहेव । एवं मासा वि नवर इमं नाणत्त-मासा तिविहा पन्नत्ता तंजहा-कालमासा य अत्थमासा य धन्नमासा य । तत्थ णं जे ते कालमासा ते णं दुवालसविहा पन्नत्ता तंजहा-सावणे जाव आसाटे, ते णं [समणणं २] अभक्खेया । अत्थमासा दुविहा प० तं०-रूप(हिरण्ण)मासा य सुवण्णमासा य, ते णं अभक्खेया । धन्नमासा तहेव । एगे भवं दुवे भवं अणगे भवं अक्खए भवं अब्बए भवं अवट्ठिए भवं अणेगभूयभावभविएवि भवं ? सुया । एगेवि अहं दुवेवि अहं जाव अणेगभूयभावभविएवि अहं । से केणट्ठेणं भंते ! एगेवि अहं जाव सुया । दव्वट्ठयाए एगे[वि] अहं नाणदंमणट्ठयाए दुवेवि अहं पएसट्ठयाए अक्खएवि अहं अब्बएवि अहं अवट्ठिएवि अहं उवओगट्ठयाए अणेगभूयभावभविएवि अहं । एत्थ णं से सुए संबुद्धे थावन्नापुत्तं वंदइ नमंसइ वं० २ ता एवं वयासी-इच्छामि णं भंते । तु(ब्भे)ब्भं अत्तिए केवलपन्नत्तं

धम्मं निसामित्ताए । धम्मकहा भाणियव्वा । तए णं से सुए परिव्वायए थावच्चा-
 पुत्तस्स अतिए धम्मं सोच्चा निसम्म एवं वयासी-इच्छामि णं भंते ! परिव्वाय-
 गसहस्सेणं मद्धि संपरिवुडे देवाणुप्पियाण अतिए मुडे भवित्ता पव्वइत्ताए । अहागुहं
 देवाणुप्पिया ! जाव उत्तरपुरच्छिमे दिसीभाए ति(डं)दंडयं जाव धाउरत्ताओ य एगंते
 एडेइ २ ता सयमेव सिहं उप्पाडेइ २ ता जेणेव थावच्चापुत्ते २ तेणेव उवागच्छइ
 जाव मुडे भवित्ता जाव पव्वइए सामाइयमाइयाई (इकारस अंगाड) चोहसपुव्वाइं
 अहिज्जइ । तए णं थावच्चापुत्ते सुयस्स अणगार (स्म) महस्सं सीमत्ताए वियरइ ।
 तए णं थावच्चापुत्ते भोगंभियाओ (नयगीओ) नीलामोयाओ पडिनिक्खमइ २ ता बहिया
 जणवयविहार विहरइ । तए णं मे थावच्चापुत्ते अणगारमहस्सेणं सद्धिं संपरिवुडे जेणेव
 पुं ग्री(ए)यपव्वए तेणेव उवागच्छइ २ ता पुं गरीयं पव्वयं सणियं २ दुरूहइ २ ता
 मेघघगगग्निगासं देवराज्जिवार्यं पुढविसिन्धापट्टयं जाव पाओवगमगं (कए)णवण्णे ।
 तए णं से थावच्चापुत्ते बहूणि वामाणि सामण्णपरियागं पाउणित्ता मामियाए संखेहणाए
 माट्टि भचाइ अणसणाए जाव केवलवरनागदेवणं समुप्पाडेत्ता तओ पच्छा सिद्धे जाव
 प्पहीण ॥६०॥ तए णं से ताए अजया कपाइ जेणेव सेलगपुरे नगरे जेणेव सुभूमिभागे
 उज्जाणे (समोसरणं) तेणेव समोसरिए परिव्या निग्गया सेलआ निग्गच्छइ धम्मं
 सोच्चा जे नवरं देवाणुप्पिया ! पंथगपामोक्खाइं पंच मंतिमयाइं आपुच्छामि मंडुयं
 च वुमारं गजे ठावेमि तओ पच्छा देवाणुप्पियाअं अन्तिए मुंडे भवित्ता अगाराओ
 अणगारियं पव्वयामि । अहाम्हं । तए णं से सेलए राया सेलगपुरे नगरं अणुप्पविमइ
 २ ता जेणेव सए गिहे जेणेव बाहिरिया उवट्ठाणमाला तेणेव उवागच्छइ २ ता सीहा-
 म(ण)णं सज्जिण्णे । तए णं से सेलए राया पंथ(य)गपामोक्खे पंच मंतिमए सइवेइ
 २ ता एवं वयासी-एवं खलु देवाणुप्पिया ! मए सुयस्स अंतिए धम्मं निसंते से वि
 य मे धम्मं इच्छिए पडिच्छिए अभिरुडाए, अहं णं देवाणुप्पिया । संसारभ(य)उव्विग्गे
 जाव पव्वयामि, तुब्भे णं देवाणुप्पिया । किं करेह किं व(से)वमह किं वा (ते) मे
 हियइच्छिए सामत्थे ? । तए णं ते पंथगपामोक्खा सेलगं रायं एवं वयासी-जइ णं
 तुब्भे देवाणुप्पिया । संसार जाव पव्वयह अम्हाणं देवाणुप्पिया ! (किमण्णे)ओ अत्ते
 आधारे वा आलंबे वा अम्हे वि य णं देवाणुप्पिया । संसारभउव्विग्गा
 जाव पव्वयामो, जहा णं देवाणुप्पिया ! अम्हं बहुसु कज्जेसु य कारणेसु य
 जाव तहा णं पव्वइयाण वि समाणार्णं बहुसु जाव चक्खुभूए । तए णं से सेलगे
 पंथगपामोक्खे पंच मंतिमए एवं वयासी-जइ णं तुब्भे देवाणुप्पिया । संसार जाव
 पव्वयह तं गच्छइ णं देवाणुप्पिया । सएसु २ कुडंबेसु जे(डे)ट्टपुत्ते कुडंबमज्जे ठावेत्ता

पुरिससहस्त्रवाहिणी[या]ओसीयाओ दुरूडा समाणा मम अतियं पाउब्भवह(त्ति)। तेवि
 तहेव पाउब्भवन्ति । तए णं से सेलए राया पंच मंतिसयाइ पाउब्भवमाणार्इ पासइ
 २ ता हट्टुत्तु कोडुबियपुरिसे सदावेइ २ ता एवं वयासी-खिप्पामेव भो देवाणुप्पिया ।
 मंडुयस्स कुमारस्स महत्थं जाव रायाभिसेयं उवट्टवेह जाव अभिमिचइ जाव राया
 जाए (जाव) विहरइ । तए णं से सेलए मंडुयं रायं आपुच्छइ । तए णं (से) मंडुए राया
 कोडुंबियपुरिसे सदावेइ २ ता एवं वयासी-खिप्पामेव सेलगपुर नयरं आसिय जाव गंध-
 वट्टिभूयं करेह(य) कारवेह य क० २ ता ए(य)वमाणत्तियं पच्चप्पिणह । तए णं से मंडुए
 दोच्चपि कोडुंबियपुरिसे सदावेइ २ ता एवं वयासी-खिप्पामेव सेलगस्स रत्तां महत्थं
 जाव निक्खमणाभिसेयं जहेव मेहस्स तहेव नयरं पउमावई-देवी अगकेसे पडिच्छइ
 मव्वेवि पडिग्गहं गहाय सीयं दुरूहंति अन्नसेस तहेव जाव सामादयमाइयाई एका-
 रस अंगाई अहिज्जइ २ ता बहूहिं चउत्थ जाव विहरइ । तए णं से सुए सेल(य)गस्स
 अणगारस्स ताई पंथगपामोक्खाइं पंच अणगारसयाई सीसत्ताए वियरइ । तए णं मे
 सुए अन्नया कयाई सेलगपुराओ नगराओ मुभूमिभागाओ उज्जाणाओ पडिनिक्खमइ
 २ ता बहिया जणवयविहारं विहरइ । तए णं से सुए अणगारे अन्नया कयाइ तेण
 अणगारसहस्सेणं सद्धि सपरिवुडे पुच्चाणुपुत्वि चरमाणे गामाणुगाम विहरमाणे जेणेव
 पुं(पो)डरीयपव्वए तेणेव उवागच्छइ जाव निद्धे ॥ ६३ ॥ तए णं तस्म मेलगस्स
 रायरिसस्स तेहिं अंतेहि य पंतेहि य तुच्छेहि य लहेहि य अरसेहि य विरमंहि य
 सीणहि य उण्हेहि य कालाडक्कंतेहि य पमाणाइक्कंतेहि य निच्चं पाणभंयणेहि य पयद-
 मुकुमाल(य)स्स य सुहोच्चियस्स सरीरगंति वेयणा पाउब्भूया उज्जला जाव दुरहियामा
 कंडु(य)दाहपित्तज्वरपरिययसरीरे यावि विहरइ । तए णं से सेलए तेणं गो(गा)याथं-
 केणं सु(क्के)क्खे जाए यावि होत्था । तए णं [से] मेलए अन्नया कयाई पुच्चाणुपुत्वि
 चरमाणे जाव जेणेव मुभूमिभागे जाव विहरइ । परिसा निग्गया मंडुओडवि निग्गओ
 सेल(यं)गं अणगारं (जाव) वंदइ जाव पज्जुवासइ । तए णं से मंडुए राया सेलगस्स
 अणगारस्स सरीर(यं)गं सुक्कं जाव सव्वावाहं सरीरं पासइ २ ता एवं वयासी-अहं
 णं भंते ! तुब्भं अहाप(वि)वत्तेहिं तिगिच्छएहिं अहापवत्तेणं ओसहभेस(जणं)ज्जभ-
 त्तपाणेणं तिगिच्छं आउंटावेमि । तुब्भे णं भंते ! मम जाणसालासु समोसरह फालु-
 (अ)एसणिज्जं पीडकल्लगसेज्जासथारणं ओगिण्हिणाणं विहरह । तए णं से सेलए
 अणगारे मंडुयस्स रत्तो एयमट्टं तहत्ति पडियुणेइ । तए णं से मंडुए सेलगं वंदइ
 नमंसइ वं० २ ता जामेव दिमि पाउब्भूए तामेव दिसिं पडिगए । तए णं से सेलए
 कळं जाव जलेते सभेडमतोवगरणमायाए पंथगपामोक्खेहिं पंचहिं अणगारसएहिं

सद्धिं सेलगपुरमणुप्पविसइ २ ता जेणेव मंडुयस्स जाणसाला तेणेव उवागच्छइ
 २ ता फासुयं पीड जाव विहरइ । तए णं से मंडुए (राया) ति(चि)गिच्छिए सहावेड
 २ ता एवं वयासी-नुब्भे णं देवाणुप्पिया ! सेलगस्स फासुएसणिज्जेणं जाव
 ति(ते)गिच्छं आ(उट्ठे)उट्ठेह । तए णं तिगिच्छया मंडुएणं रत्ता एवं चुता समाणा
 हट्टनुट्ठा सेलगस्स (रायरिसिस्मं) अहापवत्तेहिं ओसहभेसज्जभत्तपाणेहिं तिगिच्छं
 आउट्ठंति । तए णं तस्म सेलगस्स अहापवत्तेहिं ओसहभेसज्जभत्तपाणेहिं से रोगायंके
 उवमते जाए यावि होत्या हट्टं (जाव) बलियमरीरे जाए ववगयरोगायंके । तए णं से
 सेलए तंसि रेयातंकेसि उवसंतंसि यमाणंसि तसि विपुलंसि असणंसि ४ मुच्छिए
 गट्टिए गिट्ठे अज्जोववत्ते ओसजे ओसज्जविहारी एवं पासत्थे २ कुसीले २ पमत्ते २
 संवत्ते २ उउबद्धपीडफलगसेज्जासंधारए पमत्ते यावि विहरइ नो संचाएइ फासुए-
 सणिज्जं पीडं पच्चाप्पणित्ता मंडुयं च रायं आपुच्छित्ता बहिया जाव विहरित्तए ॥६४॥
 तए णं तेसि पंधगवज्जाणं पंचण्हं अणगारसयाणं अन्नया कयाइ एगयओ सहियाणं
 जाव पुब्बवारत्तावरत्तकालसमयंसि धम्मजागरियं जागरमाणं अयमेयारूवे अज्ज
 त्थिए जाव समुप्पज्जित्था-एवं खलु सेलए रायरिसी चइता रज्जं जाव पव्वइए विउले
 (णं) असणे ४ मुच्छिए ४ नो संचाएइ चइउं जाव विहरित्तए । नो खलु कप्पइ
 देवाणुप्पिया ! समाणाणं जाव पमत्तणं विहरित्तए । तं संयं खलु देवाणुप्पिया ! अहं
 कल्लं सेलगं रायरिसिं आपुच्छित्ता पाडिहारियं पीडफलगसेज्जासंधार(गं)यं पच्चाप्पणित्ता
 सेलगस्स अणगारस्स पंधयं अणगारं वेयावच्चकरं ठा(ठ)वेत्ता बहिया अब्भुज्जएणं जाव
 विहरित्तए । एवं संपेहंति २ ता कल्लं जेणेव सेल(ए)गरायरिसी० आपुच्छित्ता पाडि-
 हारियं पीडफलग जाव पच्चाप्पणित्ति २ ता पंधयं अणगारं वेयावच्चकरं ठावेत्ति २ ता
 बहिया जाव विहरंति ॥६५॥ तए णं से पंधए सेलगस्स सेज्जासंधारउच्चारपासवणख्ले-
 म्मिथाणमलाओ ओसहभेसज्जभत्तपाणएण अगिलाए विणएणं वेयावडियं कैरेइ । तए
 णं से सेलए अन्नया कयाइ कत्तियचाउम्मासियंसि विउले असणं ४ आहारमाहारिए
 पुब्बवारत्तकालसमयंसि सुहप्पसुत्ते । तए णं से पंधए कत्तियचाउम्मासियंसि कय-
 काउस्सग्गे देवसियं पडिक्कमणं पडिक्कंते चाउम्मासियं पडिक्कमि(उं)उकामे सेलगं
 रायरिसिं खामणट्ठयाए सीसेणं पाएसु संघट्टेइ । तए णं से सेलए पंधएणं सीसेणं पाएसु
 संघट्टिए समाणे आसुत्ते जाव भिसिभिसेमाणे उट्ठइ २ ता एवं वयासी-से केस णं भो
 एम अपत्थियपत्थिए जाव बज्जिए जे णं ममं सुहपसुत्तं पाएसु संघट्टेइ ? , तए णं से
 पंधए सेलएणं एवं चुत्ते समाणे भीए तथे तसिए करयल जाव कइ एवं वयासी-
 अहं णं भंते ! पंधए कयकाउस्सग्गे देवसियं पडिक्कमणं पडिक्कंते (चाउम्मासियं

पडिक्कंते) चाउम्मासियं खामेमाणे देवाणुप्पियं बंदमाणे सीसेणं पाएसु संघट्टेमि । तं खामेमि णं तुब्भे देवाणुप्पिया । खमन्तु मे अवराहं तुमं णं देवाणुप्पिया । नाडभुज्जो एवं करणयाए—तिकट्टु सेलयं अगगारं एयमट्टं सम्मं विणएणं भुज्जो २ खामेइ । तए णं तस्म सेलगस्म रायरिसिस्म पंथएणं एव वुत्तस्म अयभेयाह्वे जाव समुप्पज्जित्था—एवं खलु अहं रज्जं च जाव ओमन्नो जाव उउवद्वपीउ० विहरामि । तं नो खलु कप्पद समगाणं २ पासत्थाणं जाव विहरितए । तं सेयं खलु मे कळ मंडुपं रायं आपुच्छिता पाडिहारियं पीडकलासेज्जासंयारणं पचप्पिणित्ता पंथणं अगगारेणं सद्धिं बहिया अब्भुज्जएणं जाव जगवयविहारेणं विहरितए । एव संपेहेइ २ ता कळं जाव विहरइ ॥ ६६ ॥ एवामेव समगाउत्तो । जाव निग्गंथो वा २ ओमन्नं जाव सथारए पपत्ते विहरइ से णं इहलोए चैत्र बहूणं समगाणं ४ हीलणिज्ज संवारो भाणियव्वो । तए ण ते पथगवज्जा पंच अगगारसथा इमांसे कटाए लद्धा ममाणा अन्नमन्नं महावेत्ति २ ता एए वयासी—[एवं खलु] सेलग रायरिसी पंथणं बहिया जाव विहरइ । त सेयं खलु देवाणुप्पिया । अम्ह सेलग [रायरिसिं] उवमपज्जित्ताणं विहरितए । एवं संपेहेत्ते २ ता सेलग रायरिसिं उवसपज्जित्ताणं विहरंति ॥ ६७ ॥ तए ण (ते सेलगपामोक्खा) से सेटए रायरिसी पंथगामोक्खा पंच अगगारसथा बहूणि वागाणि मामणपपरियाणं वाउणित्ता जेणेए पुंडरीयपवए तेणेव उवागच्छते २ ता जहेव थाववापुत्ते तहेव सिद्धा ४ । एवामेव समगाउत्तो ! जो निग्गंथो वा २ जाव विहरिम्मइ । एवं खलु जंबू' समणेणं भगवया महावीरेणं जाव सपत्तेणं पचमस्म नायज्जयणस्म अयमट्टे पन्नत्ते तिवेमि ॥ ६८ ॥ गाहा—सिद्धिल्लियसज्जमकजावि हांडउं उज्जमंति जउ पच्छा । संवेगाओ तो सेलउव्व आराहया होत्ति ॥ १ ॥ पंचमं नायज्जयणं समत्तं ॥

जइ णं भंते । समणेणं ३ जाव सपत्तेणं पंचमस्म नायज्जयणस्म अयमट्टे पन्नत्ते छट्टस्म णं भंते ! नायज्जयणस्म समणेणं जाव सपत्तेणं के अट्टे पन्नत्ते ४ एवं खलु जंबू ! तेणं कालेणं तेणं समणं रायरिहिं (णामं णयरे होत्था, तत्त्व णं रायरिहिहे णयरे सेणिए नाम गया होत्था, तस्म णं रायरिहस्म बहिया उत्तरपुरच्छिमे दिसी-भाए एत्थ णं गुगमित्ताए णामं उज्जाणे होत्था, तेणं कालेण तेणं समएणं समणे भगवं महावीरे पुब्बाणुपुत्तिं चरमाणे ज्ञाव जेणेव रायरिहिहे णयरे जेणेव गुगमित्ताए उज्जाणे तेणेव समोमढे अहापडिक्कं उग्गह उग्गिण्हिता संजमेणं तवसा अप्पाणं भावेमाणे विहरइ) समोसरणं परिया निग्गया (सेणिओ वि णिग्गओ धम्मो कहिओ परिसा पडिगया) । तेणं कालेणं तेणं समएणं समणस्स भगवओ महावीरस्स

जेष्टे अंतेवासी ईदभृई नामं अणगारे अद्रमामंते जाव सुक्कज्जाणोवगए विहरइ । तए णं से ईदभृई जायसञ्जे जाव एवं वयासी-कहं णं भंते ! जीवा ग(ग)रुयत्तं वा लहुयत्तं वा हव्वमागच्छति ? गोयमा । से जहानामए केइ पुरिसे एणं मह सुक्कं तुंबं निच्छि(इ)इं निम्बहयं दब्भे(हिं)हि य कुसेहि य वेढेइ २ ता मट्टियालेवेणं लिपइ २ ता उण्हे दलयइ २ ता सुक्कं समाण दोच्चंपि दब्भेहि य कुसेहि य वेढेइ २ ता मट्टियालेवेणं लिपइ २ ता उण्हे दलयइ २ ता सु(क्कं)क्के समा(णं)णे तच्चपि दब्भेहि य कुसेहि य वेढेइ २ ता मट्टियालेवेणं लिपइ । एवं खलु एएणं उवाएणं (सत्तरत्तं) अंतरा वेढेमाणे अंतरा लिप्प(लिपे)माणे अंतरा सु(क्क)क्केवेमाणे जाव अट्टहिं मट्टियालेवेहि आलिपइ २ ता अत्थाहमनारमपोरिसियंसि उदगंसि पक्खिजेव्जा । से नूणं गोयमा ! से तुंबे तेमि अट्टण्हं मट्टियालेवेणं गुरुययाए भारि(य)याए गुरुयभा-रिययाए उप्पि सलिलमइवइता अहे धरणियलपट्टाणे भवइ । एवामेव गोयमा ! जीवावि पाणाइवाएणं जाव सिच्छादंसणसल्लेणं अणुपुब्बेणं अट्टकम्मपगडीओ समजि (णंति)णित्ता तामि गुरुययाए भारिययाए गुरुयभारिययाए (एवामेव) कालमासे कालं किच्चा धरणियलमउवइत्ता अहे नरगतलपट्टाणा भवन्ति । एवं खलु गोयमा ! जीवा गुरुयत्तं हव्वमागच्छति । अहे णं गोयमा ! से तुंबे तंसि पडमिद्धांसि माट्टियालेवेणं तिच्चंसि कुहियंसि परिसडियंसि इमि धरणियलाओ उप्पइत्ताणं चिद्धइ । तयाणतर (च णं) दोच्चंपि मट्टियालेवे जाव उप्पइत्ताणं चिद्धइ । एवं खलु एएणं उवाएणं तेसु अट्टसु मट्टियालेवेसु तिच्चंसु जाव विमुक्कबंधणे अहे-धरणियलमउवइत्ता उप्पि सलिलतलपट्टाणे भवइ । एवामेव गोयमा ! जीवा पाणाइवायवेरमणेणं जाव सिच्छादंसणसल्लेवेरमणेणं अणुपुब्बेणं अट्टकम्मपगडीओ खवेत्ता गगगतलमुप्पइत्ता उप्पि लोयग्गपट्टाणा भवन्ति । एवं खलु गोयमा ! जीवा लहुयत्तं हव्वमागच्छति । एवं खलु जंबू ! समणेणं जाव संपत्तेणं छट्टस्स नायज्जयणस्स अयमट्टे पन्नत्ते तिच्चेमि ॥ ६९ ॥ गाहाउ-जह मिउलेवाल्लिग गरुयं तुवं अहो वयइ एवं । आसव-कयम्मगुरु जीवा वच्चंति अहरगइ ॥ १ ॥ तं चेव तव्विमुक्कं जलोवरिं ठाइ जायलहुभावं । जह तह कम्मविमुक्का लोयग्गपट्टिया होत्ति ॥ २ ॥ छट्टं नाय-ज्जयणं समत्तं ॥

जइ णं भंते ! समणेणं जाव संपत्तेणं छट्टस्स नायज्जयणस्स अयमट्टे पन्नत्ते सत्तमस्स णं भते ! नायज्जयणस्स के अट्टे पन्नत्ते ? एवं खलु जंबू ! तेणं कालेणं तेणं समएणं रायगिहे नामं नयरै होत्था । (तत्थण रायगिहे नयरै सेणिए नामं राया हत्था, तस्स णं रायगिहस्स नयरस्स बहिया उत्तरपुरिच्छमे दिसीभाए)

सुभूमिभागे उज्जाणे (होत्था) । तत्थ णं रायगिहे नयरे ध(णे)ण्णे नामं सत्थवाहे परिवसद् अह्णे जाव अपरिभूए । (तस्स णं धण्णस्स सत्थवाहस्स) भद्दा (नामं) भारिया (होत्था) अर्हाणपंचिदियमरीरा जाव मुरुवा । तस्स णं धण्णस्स सत्थवाहस्स पुत्ता भद्दाए भारियाए अत्तया चत्तारि सत्थवाहदारगा होत्था तंजहा—धणपाले धणदेवे धणगोवे धणरक्खिए । तस्स णं धण्णस्स सत्थवाहस्स चउण्हं पुत्ताणं भारियाओ चत्तारि सुण्हाओ होत्था तंजहा—उज्जिन्या भोगवइया रक्खइया रोदिणिया । तए णं तस्स धण्णस्स सत्थवाहस्स अन्नया कयाडं पुण्वरत्तावरत्तकाल-समयंसि इमेयारूवे अज्झत्थिए जाव समुप्पजित्था—एवं खल अहं रायगिहे नयरे बहूणं राईसरतलवर जाव पभिरुंणं सयस्स कुडुंबस्स बहूस्स कजेमु य कारणे(करण-जे)सु य कोडुंबेसु य मंतणेसु य गुज्जेसु रहुस्सेसु निच्छएसु ववहारेसु य आपुच्छ-णिज्जे पडिपुच्छणिज्जे मेढी पमा(णे)णं आहारे आलंबणं चक्खू मेढी—पमाणभूए मव्वकज्जव(झ)ह्णवए । तं न नज्जइ(जं) णं मए गयंसि वा चुयंसि वा मयंसि वा भगंसि वा लग्गंसि वा सडियंसि वा पडियंसि वा विदेस(त्थमि)गयंसि व विष्प-वत्थियंसि वा इमस्स कुडुंबस्स(किं) के मत्ते आहारे वा आलंबे वा पडिबंध वा नविस्सइ । तं मेयं खल मम कळं जाव जलंते विपुलं असणं ४ उवक्खडावेत्ता मित्तनाइ० चउण्ह य सुण्हाणं कुलघरवग्गं आमंतेत्ता तं मित्तनाइनियगमयण० चउण्ह य सुण्हाणं कुलघरवग्गं विपुलेणं असणेणं ४ धूवपुप्फवन्धगंधं जाव सक्कारेत्ता सम्माणेत्ता तस्सेव मित्तनाइ चउण्ह य सुण्हाणं कुलघरवग्गस्स (य) पुरओ चउण्हं सुण्हाणं परिवक्खणट्टयाए पंच २ सालिअक्खए दलट्ठत्ता जाणामि नाव का कि(इ)इ वा सारक्खेइ वा संगोवेइ वा सब्बेइ वा । एवं संपेहेइ २ ता कळं जाव मित्तनाइ० चउण्हं सुण्हाणं कुलघरवग्गं आमंतेइ २ ता विपुलं असणं ४ उवक्खडावेइ तओ पच्छा प्हाए भोयणमंडवंसि मुद्दासणवरगए (तं) मित्तनाइ० चउण्ह य सुण्हाणं कुल-घरवग्गेणं साद्धं त विपुलं असणं ४ जाव सक्कारेइ सम्माणेइ स० २ ता तस्सेव मित्तनाइ० चउण्ह य सुण्हाणं कुलघरवग्गस्स (य) पुरओ पंच सालिअक्खए गेण्हइ २ ता जे(ट्टा)ट्टं मु(ण्हा)ण्हं उज्जिइ(या)यं (तं) मद्दावेइ २ ता एवं वयासी—तुमं णं पुत्ता ! मम हत्थाओ इमे पंच सालिअक्खए गेण्हाहि २ ता अणुपुब्बेणं सारक्ख-माणी संगोवेमाणी विहराहि । जया णं अहं पुत्ता । तुमं इमे पंच सालिअक्खए जाएज्जा तथा णं तुमं मम इमे पंच सालिअक्खए पडि(दि)नि ज्जाएज्जासि—सिकट्टु सुण्हाए हत्थे.दलयइ २ ता पडिविसज्जेइ । तए णं सा उज्जिन्या धण्णस्स तह ति एयमट्टं पडिसुणेइ २ ता धण्णस्स सत्थवाहस्स हत्थाओ ते पंच सालिअक्खए

गेण्हइ २ ता एगंतमवक्कमइ एगंतनवक्कमियाए इमेयारुवे अज्झत्थिए जाव समुप्प-
ज्जित्था-एवं खलु तायाणं कोट्टागारंस्सि बहवे पक्का सालीणं पडिपुण्णा च्चिट्ठंति, तं
जया णं म(मं)म ताओ इमे पंच सालिअक्खए जाए(रु)मइ तथा णं अहं पळंतराओ
अन्ने पंच सालिअक्खए गहाय दाहासि-त्तिकट्टु एवं संपेहेइ २ ता ते पंच सालिअ-
क्खए एगंते एडेइ २ ता सकम्मसंजुत्ता जाया यावि होत्था । एवं भोगवइयाए वि-
नवरं मा छो(हे)ल्लइ २ ता अणुगिल्लइ २ ता सकम्मसंजुत्ता जाया यावि होत्था ।
एवं रक्खिया वि नवरं गेण्हइ २ ता इमेयारुवे अज्झत्थिए०-एवं खलु ममं ताओ
इमस्स मितनाइ० चउण्ह य सुण्हाणं कुलघरवग्गस्स य पुरवो सहावेत्ता एवं वयासी-
तुमं णं पुत्ता ! मम हन्थाओ जाव पडिनिज्जाएज्जासि-त्तिकट्टु मम हत्थंसि पंच
सालिअक्खए दलयइ, तं भवियव्वं एत्थ कारणेणं-त्तिकट्टु एव संपेहेइ २ ता ते पंच
सालिअक्खए सद्धे वत्थे बंधइ २ ता रयणकरंडियाए पक्ख(वे)वइ २ ता उ(ऊ)-
सीसामुल्ले टावेइ २ ता तिसंझं पडिजागरमाणी २ विहरइ । तए णं से धण्णे
मत्थवाहे त(स्से)हेव मिन जाव चउत्थि रोहिणीयं मुण्हं सहावेइ २ ता जाव तं
भावियव्वं एत्थ कारणेणं (ते) तिकट्टु सेयं खलु मम एए पंच सालिअक्खए सारक्ख-
माणीए संगोवेमाणीए संवङ्केमाणीए-त्तिकट्टु एवं संपेहेइ २ ता कुलघरपुरिसे सहावेइ
२ ता एवं वयासी-तुम्हे णं देवाणुप्पिया ! एए पंच सालिअक्खए गेण्हइ २ ता
पडमपाउसंसि महावुट्टिकायंसि निवइयंसि समाणंसि खुट्ठागं केयारं सुपरिकम्मियं करेह
२ ता इमे पंच सालिअक्खए वावेह २ ता दोच्चपि तच्चपि उक्खयनिहए करेह
२ ता वाडिपक्खेवं करेह २ ता सारक्खमाणा संगोवेमाणा आणुपुव्वेणं सवङ्केह ।
तए णं ते कोट्टुंबिया रोहिणीए एयमट्टं पडिसुणेति (२ ता) ते पंच सालिअक्खए
गेण्हति २ ता अणुपुव्वेणं सारक्खंति संगोवित्ति (विहरंति) । तए णं ते कोट्टुंबिया
पडमपाउसंसि महावुट्टिकायंसि निवइयंसि समाणंसि खुट्ठागं केयारं सुपरिकम्मियं
करंति २ ता ते पंच सालिअक्खए ववति २ ता दोच्चपि तच्चपि उक्खयनिहए
करंति २ ता वाडिपरिक्खेवं करंति २ ता अणुपुव्वेणं सारक्खेमाणा संगोवेमाणा
संवङ्केमाणा विहरंति । तए णं ते माली (अक्खए) अणुपुव्वेणं सारक्खज्जमाणा
संगोविज्जमाणा सवङ्केज्जमाणा साला जाया किण्हा किण्होभासा जाव निउरंबभूया
पासाइया ४ । तए णं ते साली पत्तिया वन्निया गट्ठिभया पसू[इ]या आगयगधा
खीराइया बद्धफला पक्का परियागया सल्लइया पनइया हरियपक्कंडा जाया यावि
होत्था । तए णं ते कोट्टुंबिया ते साली(ए) पत्तिए जाव सल्लइ(ए)यपनइए जाणित्ता
तिक्खेहिं नवपज्जणएहिं असि(य)एहिं लुणंति २ ता करयलमलिए करंति २ ता

पुणंति । तत्थ णं चोक्खमाणं सु[इ]याणं अखंडाणं अ(को)कुडियाणं छ(इ)डछडा-
 पूयाणं सालीणं मागहए पत्थए जाए । तए णं ते कोडुंबिया ते साली नवएसु षडएसु
 पक्खिवंति २ ता उ(पलिं)ल्लपंति २ ता लेच्छियमुद्दिए करेति २ ता कोट्टागारस्स
 एगदेसंसि ठावेति २ ता सारक्खमाणा सगोवेमाणा विहरंति । तए णं ते कोडुंबिया
 दोर्च्चंसि वासारत्तंसि पटमपाउसांसि महावुट्टिकायंसि निवइयंसि खुट्ठागं केयारे सुपरि-
 कम्मियं करेति २ ता ते साली चवंति दोच्चपि (तच्चपि) उक्खायणिए जाव लुणंति
 जाव चलगतलमल्लिए करेति २ ता पुणंति । तत्थ णं सालीणं बहवे कुडवा जाव
 एगदेसंसि ठावेति २ ता सारक्खमाणा सगोवेमाणा विहरंति । तए णं ते कोडुंबिया
 तच्चंसि वासारत्तंसि महावुट्टिकायंसि निवइयंसि बहवे केयारे सुपरिकम्मिए जाव
 लुणंति २ ता संवहंति २ ता खलयं करेति २ ता मल्लेति जाव बहवे कुंभा जाया ।
 तए णं ते कोडुंबिया साली कोट्टागारेसि प(क्खि)ल्लवंति जाव विहरति । चउत्थे
 वासारत्ते बहवे कुंभसया जाया । तए णं तस्स धम्मस्य पंचमयंसि सवच्छरंसि
 परिणममाणंसि पुव्वरत्तावरत्तकालममयंसि इमेयाहंवे अज्जत्थिए जाव समुप्प-
 ज्जित्था-एवं खल्ल म(म)ए इओ अईए पंचमे सवच्छरे चउण्हं सुण्हाणं परिक्ख-
 णट्टयाए ते पंच २ सालिअक्खया हत्थे दिज्जा, ते सेयं खल्ल मम कल्लं जाव जलंते
 पंच सालिअक्खए परिजाइतए जाव जागामि(नाव)काए(त्त)मारक्खियावा संगोविया
 वा सवड्डिया (जाव तिकट्टु) वा एवं सपेहेइ २ ता कल्ल जाव जलंते विपुलं अगणं
 ४ मित्तनाइनियगं चउण्हं य सुण्हाणं कुलघरवग्गं जाव सम्माणित्ता तस्सेव मित्तं
 चउण्हं य सुण्हाणं कुलघरवग्गस्स पुरओ जेट्ठं उज्झ(य)य महावेइ २ ता एवं
 वयासी-एव खल्ल अहं पुत्ता ! इओ अईए पंचमंसि सवच्छरंसि इमस्स मित्तं
 चउण्हं य सुण्हाणं कुलघरवग्गस्स य पुरओ तव हत्थांसि पंच सालिअक्खए दलयामि
 जया णं अहं पुत्ता ! एए पंच सालिअक्खए जाएजा तया णं तुमं मम इमे पंच
 सालिअक्खए पडिनिजाएसि-त्तिकट्टु (तं हत्थेसि दलयामि) । मे नूणं पुत्ता ! अट्टे
 समट्टे ? हंता अत्थि । तं णं [तुमं] पुत्ता ! मम ते सालिअक्खए पडिनिजाए(हिं)सि ।
 तए णं सा उज्झ (इ) या एयमट्ठं धण्णस्स पडिमुणेइ २ ता जेणेव कोट्टागारं तेणेव
 उवागच्छइ २ ता पल्लाओ पंच सालिअक्खए गेण्हइ २ ता जेणेव धण्णे मत्थवाहे
 तेणेव उवागच्छइ २ ता (धण्णं सत्थवाह) एवं वयासी-एए णं ते पंच सालिअ-
 क्खए-त्तिकट्टु धण्णस्स हत्थेसि ते पंच सालिअक्खए दलयइ । तए णं धण्णे उज्झयं
 सवहमावियं करेइ २ ता एवं वयासी-त्तिकं णं पुत्ता ! (एए) ते चेव पंच सालिअ-
 क्खए उदाहु अन्नं ?, तए णं उज्झया धण्णं सत्थवाहं एवं वयासी-एवं खल्ल तुब्भे

ताओ ! इओ अईए पंचमे संवच्छरे इमस्स भित्तनाइ० चउण्ह य जाव विहराहि । तए णं अहं तुब्भं एयमट्ठं पड्डिसुणेमि २ ता ते पंच सालिअक्खए गेण्हामि एंगंतमवक्कामामि । तए णं मम इमेयारूवे अज्झत्थिए जाव समुप्पज्जित्था-एवं खलु तायाणं कोट्टागारंसि जाव सकम्मसंजुत्ता, तं नो खलु ता(ओ)या ! ते चेव पंच सालिअक्खए एए णं अन्ने । तए णं से धण्णे उज्झि[इ]याए अंतिए एयमट्ठं सोच्चा निसम्म आयुरत्ते जाव भित्तिमिसेमाणे उज्झिइयं तस्म भित्तनाइ० चउण्हं सुण्हाणं कुलघरवरगस्स य पुरओ तस्स कुलघरस्स छारुज्झियं च छाणुज्झियं च कयवर्हज्झियं च सपु(समु)च्छिइयं च सम्मज्जिअं च पाउवदा(इं)इयं च ष्हाणोवदा(इं)इयं च बाहिरपेयणका(रिं)रियं [च] ठावेइ । एवामेव समणाउसो । जो अम्हं निगंथो वा २ जाव पव्वडए पंच य से महव्वयाइं उज्झियाइं भवंति से णं इहभवे चेव बहूणं समणाणं ४ हीलणिजे जाव अणुपरियइइस्सइ जहा सा उज्झिया । एवं भोगवडयावि नवरं तस्स कुलघरस्स कांडतियं च कोट्टंतियं च पीसंतियं च एवं रुच्चंतियं (च) रंधंतियं (च) परिवेसंतियं च परिभायंतियं च अट्ठिभतरियं च पेयणकारिं महाणसिणि ठावेइ । एवामेव समणाउसो । जो अम्हं समणो वा २ पंच य से महव्वयाइं फोडियाइं भवंति से णं इहभवे चेव बहूणं समणाणं ४ हीलणिजे ४ जाव जहा व सा भोगवडया । एवं रक्खिइयावि नवरं जेणेव वामघरे तेणेव उवागच्छइ २ ता मज्जसं विहाडेइ २ ता रयणकरंडगाओ ते पंच सालिअक्खए गेण्हइ २ ता जेणेव धण्णे सत्थवाहे तेणेव उवागच्छइ २ ता पंच सालिअक्खए धण्णस्स हत्थे दलयइ । तए णं से धण्णे (स०) रक्खिइयं एवं वयासी-कहं णं पुत्ता ! ते चेव एए पंच सालिअक्खए उदाहु अन्नं (सि) ? । तए णं रक्खिइया धण्णं (सत्थवाहं) एवं वयासी-ते चेव ताया ! एए पंच सालिअक्खया नो अन्ने । कहं णं पुत्ता ! ? एवं खलु ताओ ! तुब्भे इओ पंचमंसि (संवच्छरे) जाव भवियव्वं एत्थ कारणेणं-तिकुट्टु ते पंच सालिअक्खए सुद्धे वत्थे जाव तिसंझं पड्डिजागरमाणी यावि विहरामि । तओ एएणं कारणेणं ताओ ! ते चेव (ते) पंच सालिअक्खए नो अन्ने । तए णं से धण्णे रक्खिइयाए अंतिए(ए)यं एयमट्ठं सोच्चा हट्टुट्टे तस्स कुलघरस्स हिरण्णस्स य कंमदूसविपुलधण जाव सावएज्जस्स य भंडागारिणिं ठावेइ । एवामेव समणाउसो ! जाव पंच य से महव्वयाइं रक्खियाइं भवंति से णं इहभवे चेव बहूणं समणाणं ४ अच्चणिजे जाव जहा सा रक्खि[इ]या । रोहि(णि)णीयावि एवं चेव नवरं तुब्भे ताओ ! मम सुबहुयं सगडीसागडं दला(हि)इ जा(जे)णं अहं तु(ब्भे)ब्भे ते पंच सालिअक्खए पड्डिनिज्जाएमि । तए णं से धण्णे (सत्थवाहे) रोहिणि एवं वयासी-कहं णं तुमं मम

पुत्ता । ते पंच सालिअक्खए सगडसागडेणं निज्जा(इ)एस्ससि ? । तए णं सा रोहिणी धण्णं (सत्थवाहं) एवं वयासी-एवं खलु ताओ । इओ तुब्भे पंचमे संबच्छरे इमस्स मित्त जाव बहवे कुंभसया जाया तेणेव कमेणं, एवं खलु ताओ । तुब्भे ते पंच सालिअक्खए सग(इ)डीसागडेणं निज्जाएमि । तए णं से धण्णे सत्थवाहे रोहिणीयाए सुबहुयं सगडीसागडं दलयइ । तए णं रोहिणी सुबहुं सगडीसागडं गहाय जेणेव सए कुलघरे तेणेव उवागच्छइ (२ ता) कोट्टागा(रे)रं विहाडेइ २ ता पल्ले उड्ढिमदइ २ ता सगडीसागडं भरेइ २ ता रायगिहं नगरं मज्झंमज्झेणं जेणेव सए गिहे जेणेव धण्णे सत्थवाहे तेणेव उवागच्छइ । तए णं रायगिहे नयरे सिंघाडग जाव बहुजणो अन्नमच्चं एवमादक्खइ ४-धन्ने णं देवाणुप्पिया । धण्णे सत्थवाहे जस्स णं रोहिणीया सुण्हा (जीए ण) पंच सालिअक्खए सगडसागडिएणं निज्जाएइ । तए णं से धण्णे सत्थवाहे ते पंच सालिअक्खए सगडसागडेणं निज्जा(ए)इए पासइ २ ता हट्ठ जाव पडिच्छइ २ ता तस्सेव मित्तनाइ० चउण्ह य सुण्हाणं कुलघर(वगस्स)पुरओ रोहिणीयं सुण्हं तस्स कुलघरस्स बहमु कज्जेमु य जाव रहस्सेमु य आपुच्छणिज्जं जाव वज्जावियं पमाणभूयं ठावेइ । एवामेव समणाउसो । जाव पंच [से] महव्वयाइं संबद्धियाइं भवंति से णं इहभवे चैव बहूणं समगाणं जाव वीइवदस्सइ जहा व सा रोहिणीया । एवं खलु जंबू ! समणेणं भगवया महावीरेणं जाव संपनेणं रात्तमस्स नायज्जयणस्स अयमट्ठे पन्नत्ते त्तिवेमि ॥ ७० ॥

गाहाओ-जह सेट्ठी तह गुरुणो जह णाइजणो तहा समगसंघो । जह वहुया तह भव्वा जह सालिकणा तह वयाइं ॥ १ ॥ जह सा उज्जययनामा उज्जयसाली जहत्यमभिहाणा । पेसणगारित्तणं असंखदुक्खक्खणी जाया ॥ २ ॥ तह भव्वा जो कोइ मंघसमक्यं गुणविदिण्णाइं । पडिवाज्जिउं समुज्जइ महव्वयाइं महामोहा ॥ ३ ॥ सो इह चैव भवंगी जणाण धिक्कारभायणं होइ । परलोए उ दुहत्तो णाणाजोणीसु संचरइ ॥ ४ ॥ जह वा सा भोगवईं जहत्यनामोवभुत्तसालिकणा । पेसणविसैसकारित्तणेण पत्ता दुहं चैव ॥ ५ ॥ तह जो महव्वयाइं उवभुंजइ जीवियत्ति पालिनो । आहाराइसु सत्तो चत्तो सिवसाहणिच्छाए ॥ ६ ॥ सो एत्थ जहिच्छाए पावइ आहारमाइ लिगित्ति । विउसण नाइपुज्जो परलोयम्मी दुही चैव ॥ ७ ॥ जह वा रक्खियवहुया रक्खियसालीकणा जहत्यक्खा । परिजणमण्णा जाया भोगसुहाइं च संपत्ता ॥ ८ ॥ तह जो जीवो सम्मं पडिवज्जिता महव्वए पंच । पाळेइ निरइयारे पमायलेसपि वज्जेतो ॥ ९ ॥ सो अप्पहिएक्करई इहलोयमि विज्जहिं पणयपओ । एगंतसुही जायइ परम्मि मोक्खंवि पावेइ ॥ १० ॥ जह रोहिणी उ सुण्हा रोवियसाली जहत्यमभिहाणा ।

वक्षिता सालिकणे पत्ता सब्वस्स सामित्तं ॥ ११ ॥ तद्द जो भव्वो पाविय वयाई
पालेइ अप्पणा सम्मं । अण्णेसेवि भव्व्वाणं देइ अणेगेसि हियहेउं ॥ १२ ॥ सो
इइ संघपहाणो जुगप्पहाणेत्ति लहइ संमहं । अप्पपरेसि कल्लणकारओ गोयमपहुव्व
॥ १३ ॥ तित्थस्स सुद्धिकारी अक्खेवणओ कुत्तित्थियाईणं । विउसनरसेवियकमो
कमेण सिद्धिपि पावेइ ॥ १४ ॥ **सत्तमं नायज्जयणं समत्तं ॥**

जइ णं भंते । समणेणं जाव संपत्तेणं सत्तमस्स नायज्जयणस्स अयमट्ठे पत्तते
अट्टमस्स णं भंते । के अट्ठे पत्तते ? एवं खलु जंबू । तेणं कालेणं तेणं समएणं
इहेव जंबुदीवे २ महाविदेहे वासे मंदरस्स पव्वयस्स पव्वत्थिमेणं निसदस्स वास-
हरपव्वयस्स उत्तरेणं सीओयाए महानदीए दाहिणेण सुहावहस्स वक्खारपव्वयस्स
पव्वत्थिमेणं पव्वत्थिमलवणगमुदस्स पुर(च्छि)त्थिमेणं एत्थ णं सल्लिलावई नामं
विजए पत्तत्तं । तत्थ णं सल्लिलावईविजए वीयसोगा नामं रायहाणी पत्तत्ता नवजोयण-
वित्थिण्णा जाव पव्वक्खं देवलोगभूया । तीसे णं वीयसोगाए रायहाणीए उत्तरपुरच्छिमे
दिसीभाए (एत्थ णं) इंदकुंभे नामं उज्जाणे (होत्था) । नत्थ णं वीयसोगाए रायहा-
णीए बले नामं राया (होत्था) । न(स्सेव)स्स धारिणीपामोक्खं दे(वि)वीसहरस्सं
ओ(उव)रोहे होत्था । तए णं सा धारिणी देवी अजया कयाइ सीहं सुमिणे पासित्ताणं
पडिबुद्धा जाव महब्बले (नामं) दारए जाए उम्मुक्क जाव भोगवमत्थे । तए णं तं
महब्बलं अम्मापियरो सरिसियाणं कमलसि(री)रिपामोक्खाणं पंचण्हं रायवरकजा-
सयाणं एगदिवसेणं पाणिं गेण्हावेत्ति । पंच पासायसया पंचसओ दाओ जाव विह-
रइ । (तेणं कालेणं तेणं समएणं धम्मघोसा नामं थेरा पंचहिं अणमारसएहिं सद्धिं
संपरिवुद्धा पुव्वाणुपुव्विं चरमाणा गामाणुयामं दूहज्जमाणा सुहंसुहेणं विहरमाणा
जेणेव इंदकुंभे नामं उज्जाणे तेणेव समोसटा संजमेणं तवसा अप्पार्णं भावेमाणा
विहरंति) थेरागमगं इंदकुंभे उज्जाणे समोसटे परिसा निग्गया बलो वि (राया)
निग्गओ धम्मं सोच्चा निसम्म जं नवरं महब्बलं कुमारं रजे ठावेइ जाव एक्कारसंगवी
बहुणि वासाणि सामण्यपरियागं पाउणित्ता जेणेव चारुपव्वए मासिएणं भत्तेणं
(अपाणेणं केवलं पाउणित्ता जाव) सिद्धे । तए णं सा कमलसिरी अजया कयाइ
(जाव) सीहं सुमिणे (पासित्ताणं पडिबुद्धा) जाव बलभहो कुमारो जाओ जुवराया
यावि होत्था । तस्स णं महब्बलस्स रज्जा इमे छप्पियबालवयंसगा रायाणी होत्था
तंजहा-अयले धरणे पूरणे नस्स वेसमणे अभिचंदे सहजा[य]या जाव सं(बद्धिया
ते)हिच्चाए नित्थरियव्वे-त्तिकट्टु अन्नमन्नस्स एयमट्ठं पडिसुणैत्ति (सुहंसुहेणं विह-
रंति) । तेणं कालेणं तेणं समएणं (ध० थे० जै० इ० उ० ते० स०) इंदकुंभे

उजाणे थेरा समोसडा । परिसा निग्गया । (महब्बलोवि राया निग्गओ धम्मो कहिओ) महब्बले णं धम्मं सोच्चा जं नवरं (देवाणुप्पिया !) छप्पियबालवयंसए आपुच्छामि बलभइं च कुमारं रजे ठावेमि जाव छप्पियबालवयंसए आपुच्छइ । तए णं ते छप्पिय० महब्बल रायं एवं वयासी-जइ णं देवाणुप्पिया ! तुब्भे पव्व-यह अम्हं के अत्ते आहारे वा जाव पव्वयामो । तए णं से महब्बले राया ते छप्पिय० एवं वयासी-जइ णं (देवाणुप्पिया !) तुब्भे मए सद्धिं जाव पव्वयह तो णं गच्छइ जेट्ठे पुत्ते सएहि २ रजेहिं ठावेह पुरिससहस्सवाहिणीओ सीयाओ दुरूडा जाव पाउब्भवंति । तए णं से महब्बले राया छप्पियबालवयंसए पाउब्भए पासइ २ ता हट्ठ जाव कोडुबियपुरिसे (सहावेड २ ता एवं वयासी-गच्छइ णं तुब्भे देवा-णुप्पिया ! बलभइस्स कुमारस्स जाव तेवि तहेव जाव अभिसिंचइ०, तए णं से महब्बले बलभइं० आपुच्छइ)० बलभइस्स रायाभिसेओ जाव आपुच्छइ । तए णं से महब्बले जाव महया इह्वीए (छ० स०) पव्वइए एक्कारमअं(गाईं०)गवी बह्वहिं चउत्थ जाव भावेमाणे विहरइ । तए ण तेसिं महब्बलपामोक्खाणं सत्तण्हं अणगा-रागं अन्नया कयाइ एगयओ सहियाणं इमेयाह्वं सिट्ठो-कहाममुद्धावे समुप्पज्जित्था-जं णं अम्ह देवाणुप्पिया ! ए(गं)गे तवोकम्मं उवसंपज्जिताणं विहरइ तं णं अम्हेहि सव्वेहिं (साद्ध) तवोकम्मं उवसंपज्जिताणं विहरिताए-त्तिकट्टु अन्नमन्नस्स एयमट्ठं पडिसुण्णेति २ ता बह्वहिं चउत्थ जाव विहरंति । तए णं से महब्बले अणगारे इमेणं कारणेणं इत्थिनामगोयं कम्मं निव्वत्तिमु-जइ णं ते महब्बलवजा छ अणगारा चउत्थं उवसंपज्जिताणं विहरंति तओ से महब्बले अणगारे छट्ठं उवसंपज्जिताणं विहरइ । जइ णं ते महब्बलवजा [छ] अणगारा छट्ठं उवसंपज्जिताणं विहरंति तओ से मह-ब्बले अणगारे अट्ठमं उवसंपज्जिताणं विहरइ । एवं [अह] अट्ठमं तो दसमं अह दसमं तो दुवाल(सं)समं । इमेहि य णं वीसाएहि य कारणेहिं आसेवियबहुलीक-एहिं तित्थयरनामगोयं कम्मं निव्वत्तिमु तंजहा-अरहंतसिद्धपवयणगुरुधेरबहुस्सुए तवस्सीमुं । वच्छइया य तेसिं अभिक्ख नाणोवओ(गे)गा य ॥ १ ॥ दंसणविणए आवस्सए य सीलव्वए निरइया(रं)ओ । खणलवतव(च्चि, चियाए वेयावच्चं समाही य ॥ २ ॥ अ(ए)पुव्वनाणगहणे सुयभत्ती पवयणे च(भा)हावणया । एएहिं कारणेहिं तित्थयरत्तं लहइ (जीओ) सो उ ॥ ३ ॥ तए णं ते महब्बलपामोक्खा सत्त अण-गारा मासियं भिक्खुपडिमं उवसंपज्जिताणं विहरंति जाव एगराह्यं (मि० उव०) । तए णं ते महब्बलपामोक्खा सत्त अणगारा खुट्ठागं सीहनिक्कीलियं तवोकम्मं उव-संपज्जिताणं विहरंति तंजहा-चउत्थं करेति २ ता सव्वकामगुणियं पारेति २ ता

छट्टं करेति २ ता चउत्थं करेति २ ता अट्टमं करेति २ ता छट्टं करेति २ ता दसमं करेति २ ता अट्टमं करेति २ ता दुवालसमं करेति २ ता दसमं करेति २ ता चो(चाउ)इसमं करेति २ ता दुवालसमं करेति २ ता सोलसमं करेति २ ता चोइसमं करेति २ ता अट्टारसमं करेति २ ता सोलसमं करेति २ ता वीसइमं करेति २ ता अट्टारसमं करेति २ ता वीसइमं करेति २ ता सोलसमं करेति २ ता अट्टारसमं करेति २ ता चोइसमं करेति २ ता सोलसमं करेति २ ता दुवालसमं करेति २ ता चोइसमं करेति २ ता दसमं करेति २ ता दुवालसमं करेति २ ता अट्टमं करेति २ ता दसमं करेति २ ता छट्टं करेति २ ता अट्टमं करेति २ ता चउत्थं करेति २ ता छट्टं करेति २ ता चउत्थं करेति सव्वत्थ सव्वकामगुणिएणं पारेति । एवं खल्ल एसा खुट्ठागसीहनिक्कीलियस्स तवोकम्मस्स पढमा परिवाडी छहिं मासेहि सत्तहि य अहोरत्तेहि य अहासु(त्ता)त्तं जाव आराहिया भवइ । तथाणंत्तरं दोच्चाए परिवाडीए चउत्थ करेति नवरं विग(इ)ध्वज्जं पारेति । एवं तच्चा[ए]वि परिवाडी[ए] नवरं पारणए अलेवाडं पारेति । एवं चउत्थावि परिवाडी नवरं पारणए आर्यावलेण पारेति । तए णं ते महब्बलपामोक्खा सत्त अणगारा खुट्ठागं सीहनिक्कीलियं तवोकम्मं दोहिं सवच्छरेहिं अट्टावीमाए अहोरत्तेहि अहासुत्तं जाव आणाए आराहेत्ता जेणेव थेरे भगवंते तेणेव उवागच्छंति २ ता थेरे भगवंते वंदंति नमंसति वं० २ ता एवं वयासी-इच्छामो णं भंते ! महालयं सीहनिक्कीलियं (तवोकम्मं) तद्धेव जहा खुट्ठागं नवरं चोत्तीसइमाओ नियत्त(ए)इ एगाए परिवाडीए कालो एगेणं संवच्छरेणं छहिं मासेहिं अट्टार(सं)सहि य अहोरत्तेहिं समप्पेइ । सव्वंपि सीहनिक्कीलियं छहिं वामेहिं दो(हि य)हि मासेहिं बारसहि य अहोरत्तेहिं समप्पेइ । तए णं ते महब्बलपामोक्खा सत्त अणगारा महालयं सीहनिक्कीलियं अहासुत्तं जाव आरा(हे)हिता जेणेव थेरे भगवंते तेणेव उवागच्छंति २ ता थेरे भगवंते वंदंति नमंसति वं० २ ता बहूणि चउत्थं जाव विहरंति । तए णं ते महब्बलपामोक्खा सत्त अणगारा तेणं उ(ओ)रात्तेणं सुक्का भुक्खा जहा खंदओ नवरं थेरे आपुच्छिता चारु(वक्खार)पव्वयं [सणियं] दुरुहंति जाव दोमासियाए संलेहणाए सवीसं भत्तसयं (अणसणं) चउरासीइं वाससयसहस्साइं सामण्णपरियागं पाउणंति २ ता चुलसीइं पुव्वसयसहस्साइं सव्वाउयं पालइता जयंते विमाणे देवत्ताए उववन्ना ॥ ७१ ॥ तत्थ णं अत्थेगइयाणं देवाणं बत्तीसं सागरोवमाइं ठिई पज्जाता । तत्थ णं महब्बलवज्जाणं छण्हं देवाणं देस्साइं बत्तीसं सागरोवमाइं ठिई । महब्बलस्स देवस्स पड्डिपुण्णाइं बत्तीसं सागरोवमाइं ठिई/७-१) । — २०

महब्बल(देव)वजा छप्पि(य) देवा (जयं)ताओ देवलोगाओ आउक्खएणं जाव अणंतं चयं चइत्ता इहेव जंबुद्वीवे २ भारहे वासे विसुद्धपिइमाइवंसेमु रायकुलेसु पत्तेयं २ कुमारत्ताए पच्चायाया(सी) तंजहा-पडिबुद्धी इक्खागराया, चंदच्छाए अंग-राया, संखे कासिराया, रुप्पी कुणालाहिवई, अदीणसत्त कुरुराया, जियसत्त पंचाला-हिवई । तए णं से महब्बले देवे तिहिं नाणेहिं समग्गे उच्चट्टाण(ट्टि)गएसु गहेसु सोमासु दिसासु वितिमिरासु विसुद्धासु जइएसु सउणेसु पयाहिणाणुकलंसि भूमिसप्पिसि माख्यंसि पवायंसि निप्फन्नसस्समेइणीयंसि कालंसि पमुइयपक्कीलिएसु जणवएसु अद्धरत्तकालसमयंसि अस्सिणीनक्खत्तेणं जोगमुवागएणं जे से हेमंताणं चउत्थे मासे अट्टमे पक्खे फग्गुणसुद्धे तस्स णं फग्गुणसुद्धस्स चउत्थिपक्खेणं जयंताओ विमाणाओ बत्तीसं सागरोवमट्टि(इं)इयाओ अणंतं चयं चइत्ता इहेव जंबुद्वीवे २ भारहे वासे मिहिलाए रायहाणीए कुंभगस्स रत्तो पभावईए देवीए कुच्छिसि आहा-रवक्कंतीए भववक्कंतीए सरीरवक्कंतीए गम्भत्ताए वक्कंते । नं रयणिं च णं चोइस महावुमिणा वण्णओ । भत्तारकहणं मुमिणपाडगपुच्छा जाव विहरइ । तए णं तीसे पभावईए देवीए तिण्हं मासाणं बहुपडिपुण्णाणं इमेयाहूवे डोहले पाउब्भूए-धन्नाओ णं ताओ अम्मयाओ जाओ णं जलथलयभासुरप्पभूएणं दसद्धवण्णेणं मद्धेणं अत्थुयपच्चत्तुयंसि सयणिज्जंसि सज्जिसण्णाओ संनिवन्नाओ य विहरंति एणं च महं सि(री)रिदामगंडं पाडलमल्लियचंप(य)गअसोगपुच्चागनागमरुयगदमण्णगअणोज्ज-य(कोरंउपत्तवर)पउरं परमसुह(फास)दग्गिसणिज्जं महया गंधद्धणिं मुयंतं अग्घायमा-णीओ डोहलं विणेति । तए णं ती(से)ए पभावईए देवीए इमं ए(इमे)याहूवं डोहलं पाउब्भूयं पासित्ता अहासज्जिहिया वाणमंतरा देवा खिप्पामेव जलथलय जाव दस-द्धवण्णमल्लं कुंभगसो य भारग्गसो य कुंभगस्स रत्तो भवणंसि साहरंति एणं च णं महं सिरिदामगंडं जाव (गंधद्धणिं) मुयंतं उवणेति । तए णं सा पभावई देवी जलथलय जाव मद्धेणं दोहलं विणेइ । तए णं सा पभावई देवी पसत्थ्यदोहला जाव विहरइ । तए णं सा पभावई देवी नवण्हं मासाणं अद्धट्टमाणं य रायं(रत्तिं)दियाणं जे से हेमंता-णं पढमे मासे दोब्बे पक्खे भग्गसिरसुद्धे तस्स णं (भग्गसिरसुद्धस्स) एक्कारसीए पुव्व रत्तावरत्तकालसमयंसि अस्सिणीनक्खत्तेणं (जोगमुवागएणं) उच्चट्टाण जाव पमुइयप-क्कीलिएसु जणवएसु आरोगारोगं एग्गुणवीसइमं तित्थयरं पयाया ॥ ७२ ॥ तेणं काळेणं तेणं समएणं अ(हो)हेलोगवत्थव्वाओ अट्ट दिमाकुमारी(ओ)मयह(री)रियाओ जहा जंबुद्वीवपक्कंतीए जम्मणं सव्वं (भाणियव्वं) नवरं मिहिलाए (नयरीए) कुंभ(राय)-गस्स (भवणंसि) पभावईए (देवीए) अभिलावो संओएयव्वो जाव नंणीसरव(रे)र-

शीघ्रे महिमा । तथा णं कुंभए राया बहूहिं भवणवईहिं ४ तित्थयर(जम्मणाभित्सेयं)-
 जायकम्मं जाव नामकरणं-जम्हा णं अ(म्हे)म्हं इमीए दारियाए (माउगम्भंस्ति
 वक्कममाणंस्ति) माऊए मलसयणीयंस्ति ढोहले विणीए तं होउ णं नामेणं मल्ली (नामं
 ठवेइ) जहा महब्बले (नाम) जाव परिवञ्चिया-सा व(द्ध)इई भगवई दियलोयचुया
 अणोवमसिरीया । दासीदासपरिवुडा परिकिण्णा पीठमईहिं ॥१॥ अस्तियसिरया सुन-
 यणा विबोद्धी धवलदंतपंतीया । वरकमलकोमलंगी फुल्लुप्पलगंधनीसासा ॥ २ ॥ ७३ ॥
 तए णं सा मल्ली विदेहरायवरकन्ना उम्मुक्कबालभावा जाव रूवेण [य] जोव्वणेण य
 लावण्णेण य अईव २ उक्किट्ठा उक्किट्ठसरीरा जाया(या)वि होत्था । तए णं सा मल्ली
 (वि०) देसूणत्तामसयजाया ते छप्पि(य) रायाणो विउलेणं ओहिणा आभोएमाणी
 २ विहरइ तंजहा-पडिबुद्धिं जाव जियसत्तुं पंवालात्तिवई । तए णं सा मल्ली(वि०)
 कोडुंविद्यपुरिसे मद्दवेइ २ ता एवं वयासी-गच्छह णं तुब्भे देवाणुप्पिया ! असो-
 वणियाए एगं महं मोहणघरं करेह अणेगखंभसयसत्तिवट्ठं । तस्स णं मोहणघरस्स
 बहुमज्झदेसभाए छ गम्भघरए करेह । तेसि णं गम्भघरगाणं बहुमज्झदेसभाए
 जालघरयं करेह । तस्स णं जालघरयस्स बहुमज्झदेसभाए मणिपेट्ठियं करेह
 (तंवि तहेव) जाव पच्चप्पिणंति । तए णं [सा] मल्ली मणिपेट्ठियाए उवरिं अप्पणो
 सरिसियं सरित्तयं सरिव्वयं सरिसलावण्णजोव्वणगुणोव्वेयं कणगम(इं)यं मत्थय-
 च्छिइं पउमप्पलपिहाणं पडिभं करेइ २ ता जं विउलं असणं ४ आहारेइ तओ
 मणुक्काओ असणाओ ४ कल्लकल्लि एगमेगं पिंडं गहाय तीसे कण(ग)गामइए मत्थ-
 यच्छिणाए जाव पडिमाए मत्थयंसि पक्खिबमाणी २ विहरइ । तए णं तीसे कणगा-
 मईए जाव मत्थयच्छिणाए पडिमाए एगमेगंसि पिंडे पक्खिप्पमाणे २ (पउमुप्पल-
 पिहाणं पिहेइ) तओ गंधं पाउब्भवइ से जहानामए अट्ठिमडेइ वा जाव एतो
 अणिट्ठतराए अमणामतराए [चेव] ॥ ७४ ॥ तेणं कालेणं तेणं समएणं कोसला
 नामं जणवए (होत्था) । तत्थ णं सागेए नामं नयरे । तस्स णं उत्तरपुरच्छिमे
 दिसीभाए एत्थ णं (महं एगे) महेगे नागघरए होत्था । तत्थ णं सागेए नयरे पडि-
 बुद्धी नामं इक्खा(गु)गराया परिवसइ पउमावई देवी खुबुद्धी अमत्थे सामदंड० ।
 तए णं पउमावईए देवीए अन्नया कयाई नागजन्नए यावि होत्था । तए णं सा पउ-
 मावई नागजन्नमुवट्ठियं जाणित्ता जेणेव पडिबुद्धी० करयल जाव एवं वयासी-एवं
 खलु सामी ! मम कळं नागजन्नए (यावि) भविस्सइ, तं इच्छामि णं सामी ।
 तुब्भेहिं अब्भणुक्काया समाणी नागजन्नयं ममित्ताए, तुब्भेवि णं सामी ! मम नाग-
 जन्नयंसि समोसरह । तए णं पडिबुद्धी पउमावईए (देवीए)

तए णं पउमावईं पडिबुद्धिणा रत्ता अब्भणुजाया समाणी ह(डुडु)डा जाव कोडुं-
 वियपुरिसे सदावेइ २ ता एवं वयासी-एवं खलु देवाणुप्पिया । मम कळं नागजन्नए
 भविस्सइ । तं तुब्भे मालागारे सदावेइ २ ता एवं वयह-एवं खलु पउमावईंए
 देवीए कळं नागजन्नए भविस्सइ । तं तुब्भे णं देवाणुप्पिया । जलथलय(०)दसद्धवणं
 मळं नागघरयंसि साहरह एगं च णं महं सिरिदामगंडं उवणेह । तए णं जलथल-
 यदसद्धवणेणं महेणं नाणाविहमत्तिसुविरइयं (करेह तंसि भत्तिसि) हंसमियमयूर-
 कौचसारसच्चवायमयणसालकोइलकुलोववेयं ईहामिय जाव भत्तित्तं महग्घं मह-
 रिहं विउलं पुप्फमंडवं विरएह । तस्स णं बहुमज्जदेसभाए एगं महं सिरिदामगंडं
 जाव गंधदणिं मुयंतं उल्लोयंसि आ(ओ)लंबेह २ ता पउमावईं देविं पडिवालेमाणा
 २ चिट्ठह । तए णं ते कोडुंविया जाव चिट्ठंति । तए णं सा पउमावईं देवी कळं०
 कोडुंवि(यपुरिसे)ए (सदावेइ २ ता) एवं वयासी-खिप्पामेव भो देवाणुप्पिया ।
 सागेयं नयरं सत्तिभतरवाहिरियं आसियमम्मज्जिओवल्लिनं जाव पच्चिप्पणंति । तए
 णं मा पउमावईं (देवी) दोच्चंपि कोडुंविय जाव खिप्पामेव लहुकरणजुत्तं जाव
 जुत्तामेव (उवट्टवेह, तए णं तेवि तहंवे) उव(ट्टा)ट्टवंति । तए णं मा पउमावईं
 अंतो अतेउरंसि ण्हाया सव्वालंकारविभूमिया धम्मियं जाणं दुल्लडा । तए णं सा
 पउमावईं नियगपरि(वा)यालसंपरिवुडा सागेयं नयरं मज्झंमज्झेणं नि(ज)जाइ २
 ता जेणेव पुक्खरणी तेणेव उवागच्छइ २ ता पो(पु)क्खराणि ओगा(ह)हेइ २ ता
 जलमज्जणं जाव परमनुइभूया उल्लपडसाडया जाइं तत्थ उप्पलाइं जाव गेण्हइ २
 ता जेणेव नागघरए तेणेव पहारेत्थ गमणाए । तए णं पउमावईंए दासचेडीओ
 ब्रह्मओ पुप्फपडलगहत्यगयाओ ध्वक्(डु)डच्छु(ग)यहत्यगयाओ पिट्ठओ समणुग-
 च्छंति । तए णं पउमावईं सच्चिद्धीए जेणेव नागघ(रे)ए तेणेव उवागच्छइ २
 ता नागव(रयं)रं अणुपविसइ २ ता लोमहत्यगं जाव धूवं डहइ २ ता पडिबुद्धिं
 (रायं) पडिवालेमाणी २ चिट्ठइ । तए णं पडिबुद्धी(राया) ण्हाए हत्थिवंधवरगए
 सकोरंत्त जाव सेयवरचामरा(हिं)हि य (महया)हयगयरह(जोह)महयाभडचडगर-
 प्हकरेहिं सागेयं नगरं मज्झंमज्झेण निग्गच्छइ २ ता जेणेव नागघरए तेणेव
 उवागच्छइ २ ता हत्थिवंधवाओ पच्चोरुहइ २ ता आलोए पणामं करेइ २ ता
 पुप्फमंडवं अणुपविसइ २ ता पासइ तं एगं महं सिरिदामगंडं । तए णं पडिबुद्धी
 तं सिरिदामगंडं सु(इ)चिरं कालं निरिक्खइ २ ता तंसि सिरिदामगंडंसि जायविहए
 सुद्धिं अमच्चं एवं वयासी-तुमं(मं) देवाणुप्पिया । मम दोच्चंणं बहूणि गाभागर
 जाव सत्तिवेसाईं आहिंसि बहू(णि)ण य रा(य)ईंसर जाव गिहाईं अणुपविसि,

तं अत्थि णं तुमे कर्हिन्वि एरिसए सिरिदामगंडे दिट्ठपुण्वे जारिसए णं इमे पउमा-
वड्ढे(ए)देवीए सिरिदामगंडे ? । तए णं सुबुद्धी पडिबुद्धिं रायं एवं वयासी-एवं खलु
सामी ! अह अन्नया कयाइं तुभं दोच्चणं मिहिल रायहाणिं गए । तत्थ णं मए
कुंभगस्स रत्तो धूयाए पभावइए देवीए अत्तयाए मल्लीए (विदेहरायवरकजाए)संव-
च्छरपडिलेहणगंसि दिव्वे सिरिदामगंडे दिट्ठपुण्वे । तस्स णं सिरिदामगंडस्स इमे
पउमावड्ढेए [देवीए] सिरिदामगंडे सयसहस्मइमंपि कलं न अग्घइ । तए णं पडि-
बुद्धी(राया) सुबुद्धिं अमच्चं एवं वयासी-केरिसिया णं देवाणुप्पिया ! मल्ली २ जस्स
णं सवच्छरपडिलेहणयंसि सिरिदामगंडस्स पउमावड्ढेए देवीए सिरिदामगंडे सयस-
हस्मइमंपि कलं न अग्घइ ? । तए णं सुबुद्धी (अमच्चं) पडिबुद्धिं इक्खागरायं एवं
वयासी-(एवं खलु सामी !) मल्ली विदेहरायवरकजा सुपइट्ठियकुम्मन्नयचारुवरणा
वण्णओ । तए णं पडिबुद्धी (राया) सुबुद्धिस्स अमच्चस्स अंतिए एयमड्ढं सोच्चा
निम्मम सिरिदामगंडजणियहामे दयं सहावेइ २ ता एवं वयासी-गच्छाहि णं तुमं
देवाणुप्पिया ! मिहिल रायहाणिं, तत्थ णं कुंभगस्स रत्तो धूयं पभावइए (देवीए)
अ(त्त)त्तिर्भं मळिं २ मम भारियत्ताए वरेहिं जइ वि य णं ता सयं रज्जसुंका । तए
णं मे दए पडिबुद्धिणा रत्ता एवं बुत्ते समणे हट्ठ जाव पडिसुणेइ २ ता जेणेव सए
निहे जेणेव चाउग्घटं आसरहे तेणेव उवागच्छइ २ ता चाउग्घटं आसरहं पडि-
क्कपावेइ २ ता दुरुडे जाव हयगयमहयाभडच्चडगरेणं साएयाओ निग्गच्छइ २ ता
जेणेव विदेहजणवए जेणेव मिहिला रायहाणीं तेणेव पहारंत्थ गमणाए (१)
॥ ७५ ॥ तेणं कालेणं तेणं समएणं अंग नाम जणवए होत्था । तत्थ णं चंपा नामं
नयरी होत्था । तत्थ णं चंपाए नयरीए चंदच्छाए अंगराया होत्था । तत्थ णं चंपाए
नयरीए अरहन्नगपामोक्खा बह्वे संजत्तानावावाणियगा परिवसंति अट्ठा जाव
अपरिभूया । तए णं से अरहन्नगे समणोवासए यावि होत्था अहिगयजीवाजीवे
वण्णओ । तए णं तेसिं अरहन्नगपामोक्खार्णं संजत्तानावावाणियगाणं अन्नया कयाइ
एगयओ सहियाणं इमे(ए)यारूवे मिहोकहासमुल्ला(संला)वे समुप्पजित्था-सेयं खलु
अम्हं गणिमं(च) धरिमं च मेज्जं च प(पा)रिच्छेज्जं च भंडगं गहाय लवणसमुहं
पोयवहणेणं ओगाहितए-त्तिकट्टु अन्नम(जं)जस्स एयमड्ढं पडिसुणेति २ ता गणिमं
च ४ गेण्हंति २ ता सग(डि)डीसाग(डि)डयं (च) सज्जेति २ ता गणिमस्स ४
भंडगस्स सगडसागडियं भरंति २ ता सोहणंसि तिहिकरणनक्खत्तमुहुत्तंसि विउल्लं
असणं ४ उवक्खडावेति मित्तनाइ भोयणवेलाए भुंजावेति जाव थापुच्छंति २ ता
सगडीसागडियं जोयंति २ ता चंपाए नयरीए मज्झमज्जेणं निग्गच्छंति २ ता जेणे-

गंभीरए पोयपट्टणे तेणेव उवागच्छंति २ ता सगडीसागळियं मोयंति २ ता पोयवहणं सज्जेति २ ता गणिमस्स(य) जाव चउविह(स्स)भंडगस्स भरेति तंदुलाण य समियस्स य तेळस्स य घयस्स य गुलस्स य गोरसस्स य उदगस्स य उदयभायणाण य ओस-
हाण य भेसजाण य तणस्स य कट्टस्स य आवरणाण य पहरणाण य अंसेसि च
बहूणं पोयवहणपाउरगाणं दव्वाणं पोयवहणं भरेति (२ ता) सोहणांसि तिहिकरण-
नक्खत्तमुहुत्तंसि विउलं असणं ४ उचक्खवडावेति २ ता भित्तनाइ० आपुच्छंति २
ता जेणेव पोयट्टाणे तेणेव उवागच्छंति । तए णं तेसि अरहन्नग जाव वाणियगाणं
परियणो जाव ता(रिसे)हिं इट्ठाहिं जाव वग्गहिं अभिनंदना य अभिसंयुणमाणा य
एवं वयासी-अज । ता य । भाय । माउल । भाइणेज । भगवया समुदेणं अभिर-
क्खिज्जमाणा २ चिरं जीवह भदे च भे पुणरवि लद्धे कयकजे अणहसमगे नियगं
घर हव्वमागए पासामो-त्तिकट्टु ताहिं सोमाहिं निद्धाहिं वीहाहिं मप्पिवासाहिं पप्पु-
याहिं दिट्ठीहिं नि(री)रिक्खमाणा मुहुत्तमेत्तं संचिट्ठंति । तओ समाणिएसु पुण्णवलि-
कम्मेषु दिजेसु सरसरत्तचंदणदहरपंचंगुलितलेसु अणुक्खत्तंसि धूमि पूइएसु समुद-
वाएसु संसारियासु वलयबाहासु ऊसिएसु सिएसु ज्ञयगेसु पड्डप्पवाइएसु त्रेसु जइएसु
सव्वमउणेषु गहिएसु रायवरसासणेषु महया उक्किट्टसीहनाय जाव रवेणं पक्खुभिय-
महामसुहरवभूयंपिव मेइणिं करेमाणा एगदिसिं जाव वाणियगा ना(वं)वाए दुल्ला ।
तओ पुस्समाणवो वक्कमुदाहु-हं भो ! सव्वेसिमवि अत्थसिद्धी उवट्ठियाइं कट्ठाणाइं
पड्डिहयाइं सव्वपावाइं जुत्तो पूसो विजओ मुहुत्तो अयं देसकालो । तओ पुस्समा-
णएणं व(क्के)क्कमुदा(हि)हरिए हट्टुट्टे कुच्छियारकण्णधारगम्म(ज)जसंजतानावा-
वाणियगा वाचारिसु तं नावं पुण्णुच्छंणं पुण्णमुहिं बंधणेहितो भुंत्तंति । तए णं सा
नावा विमुक्कबंधणा पवणवलममाहाया ऊसि(उस्मि)यमिया विततपं(पक्)खा इव गरु-
(ड)लजुवई गंगासलिलतिकव्वसोयवेगेहिं संखुब्भमाणी २ उम्मीतरंगमालासहस्साइं
समइच्छमाणी २ कइवएहिं अहोरेत्तेहिं लवणसमुदं अणेगाइं जोयणसयाइं ओगाडा ।
तए णं तेसि अरहन्नगपामोक्खाणं संजत्तानावावाणियगाणं लवणसमुदं अणेगाइं
जोयणसयाइं ओगाडाणं समाणाणं बहूइं उप्पाइयसयाइं पाउब्भूयाइं तंजहा-अकाळे
गजिए अकाळे विजुए अकाले थणियमइ अभिक्खणं २ आगासे देवयाओ नब्बंति
एगं च णं महं पिसायस्वं पासंति तालजंघं दिवं-गयाहिं बाहाहिं मसिमूसगमहिस-
कालगं भरियमेहवण्णं लंबोत्तं निग्गयगदंतं निल्लाणियजमलजुयलजीहं आऊसियव-
यणगंडदेसं चीणत्वि(पिट)मिठनासियं विगयभुग्गभग्गभुमयं खज्जोयगदित्तचक्खुरायं
उत्तासणगं विसालवच्छं विसालकुच्छिं पलंबकुच्छिं पव्हसियपयलियपयडियगत्तं पण-

ज्ञमाणं अप्पोडंतं अभिवयंतं अभिगजंतं बहुसो २ अद्दृहासे विणिम्मुर्यंतं नीलुप्प-
 लगवल्गुलियअयसिक्कुसुमप्पगासं खुरभारं असिं गहाय अभिमुहमावयमाणं पामति ।
 तए णं ते अरहज्जगवजा संजतानावावाणियगा एगं च णं महं तालपिसायं (पासंति)
 पासिना तालजंघं दिवंगयाहिं बाहाहिं फुट्टसिरं भमरनिगरवरमासरासिमहिंसकालं
 भरियमेहवणं सुप्पणहं फालसरिसजीहं लंबोद्धं घवलवट्टअसिलिद्धतिक्खथिरपीणकु-
 ष्टिलदाटोवगुहवयणं विक्कोसियधारासिजुयलसममरिसतणुयचंचलगतंतरसलोलच-
 वलफुरुफुरेंतनिक्कालियग्गजीहं अवयच्छियमहल्लविगयवीभच्छलालपगलंतरत्ततालुयं
 हिगु(ल)लयसगब्भकंदरबिलं व अंजणगिरिस्स अग्गिजालुग्गिलंतवयणं आऊसिय-
 अक्खचम्मउडट्टगंडदेसं चाणचि(पिड)मिडवंकभग्गनासं रोसागयधमधमैत्तमारुय-
 निट्टुखरफल्सञ्जुमिरं ओभुग्गनासियपुहं घ(घा)डउब्भडरइयभीसणमुहं उद्धमुहक-
 ण्णसक्कुलियमहंतविगयलोमसंखालगतलंबंतचलियकणं पिंगलदिप्पंतलयणं भिउडित्त-
 ष्टि(य)निडालं नरसिरमालपरिणद्धचिधं विच्चित्तगोणससुबद्धपरिकरं अवहोलंतपु(प्फु)-
 प्फयायंतसप्पविच्छुयगोघुंदरनउलसरडविरइयविच्चिनवेयच्छमालियागं भोगकूरकण्ह-
 सप्पधमधमैत्तलंबंतकण्णपूरं मज्जारसियोललइयखंधं दित्त(युधु)धूपयंतधूपयकयकुंतल-
 सिरं घंटाएवेण भीमं भयंक्कं कायरजणहिययफोडणं दित्तमद्दृहासं विणिम्मुर्यंतं वसा-
 रुहिरपूयमंसमलमलिणपोच्चडतणुं उप्पासणयं विमालवच्छं पेच्छंताभिन्नहमुहनयण-
 कण्णवरवग्गघच्चित्तकनीणि(व)यंसणं सरमरुहिरगयचम्मविययऊसवियबाहुजुयलं ताहि
 य खरफल्मअसिणिद्धअणिद्धदित्तअसुभअप्पिय(अमणुज्ज)अकंतवग्गूहि य तज्जयंतं
 पासंति तं तालपिसायरुवं एज्जमाणं पासंति २ ता भीया संजायभया अन्नमज्जस्स
 कायं समतुरंगेमाणा २ बहूणं ईंदाण य खंदाण य रुहसिक्खवैसमणनागाणं भूयाण य
 जक्खणा य अज्जकोट्टकिरियाण य बहूणि उवाइयसयाणि ओवाइयमाणा २ चिट्ठंति ।
 तए णं से अरहज्जेण समणोवामए तं दिव्वं पिसायरुवं एज्जमाणं पासइ २ ता अभीए
 अतत्थे अचलिए असंभंते अणाडले अणुक्खिग्गे अभिन्नमुहरागनयणवण्णे अदीणवि-
 मणमाणसे पोयवहणस्स एगदेसंसि बत्थंतेणं भूमिं पमज्जइ २ ता ठाणं ठाइ २ ता
 करयल(ओ) जाव एवं वयासी-नमोत्तु णं अरहंताणं जाव संपत्ताणं, जइ णं अहं
 एत्तो उवसग्गाओ मुंचामि तो मे कप्पइ पारित्तए, अहं णं एत्तो उवसग्गाओ न
 मुंचामि तो मे तथा पच्चक्खाएयव्वे-(ति)तिकट्टु सागारं भत्तं पच्चक्खाइ । तए णं
 से पिसायरुवे जेणेव अरहज्ज(ए)गे समणोवासए तेणेव उवागच्छइ २ ता अरहज्जगे
 एवं वयासी-हं भो ! अरहज्जमा अपत्थियपत्थिया जाव परिवज्जिया [!] नो खल्ल
 कप्पइ तव सीलव्वयगुणवेरमणपच्चक्खा(णे)णपोसदोत्तयायणं

खो(भे)भित्तए वा खंछित्तए वा भंजित्तए वा उज्झित्तए वा परिचइत्तए वा । तं जइ णं तुमं सीलव्वयं जाव न परिचयसि तो ते अहं एयं पोयवहणं दोहिं अंगुलियाहिं गेण्हामि २ ता सत्तद्धतलप्पमाणमेत्ताइं उद्धं वेद्दासं उव्विहामि (२ ता) अंतो-जलंसि निच्छोलेमि जा(जे)णं तुमं अट्टदुहट्टवसट्टे असमाहिपत्ते अकाळे चेव जीवि-याओ ववरोविज्जसि । तए णं से अरहन्नगे समणोवासए त देवं मगमा चेव एवं वयासी-अहं णं देवाणुप्पिया ! अरहन्नए नामं समणोवासए अहिगयजीवाजीवे, नो खलु अहं सक्का केणइ देवेण वा जाव निग्गंथाओ पावयणाओ चालित्तए वा खोभि-त्तए वा विपरिणा(मे)मित्तए वा, तुमं णं जा सद्धा तं करेहि-त्तकट्टु अभीए जाव अभिन्नमुहरागनयणवण्णे अदीणविमणमाणसे निच्चले निष्फंदे तुसिणीए धम्मज्जाणो-वगए विहरइ । तए णं से दिव्वे पिसायरूवे अरहन्नं समणोवासमं दोच्चंपि तच्चंपि एवं वयासी-हं भो अरहन्नगा ! जाव (अदीणविमणमाणसे निच्चले निष्फंदे तुसिणीए) धम्मज्जाणोवगए विहरइ । तए णं से दिव्वे पिसायरूवे अरहन्नं धम्मज्जाणोवगयं पासइ २ ता बलियतरागं आसुस्ते तं पोयवहणं दोहि अंगुलियाहिं गिण्हइ २ ता मत्तद्धतलाई जाव अरहन्नं एवं वयासी-हं भो अरहन्नगा ! अपत्थियपत्थिया ! नो खलु कप्पइ तव सीलव्वय तहेव जाव धम्मज्जाणोवगए विहरइ । तए णं से पिसा-यरूवे अरहन्नं जाहे नो संचाएइ निग्गंथाओ० चालित्तए वा (०ताहे)तहेव (उव)-संते जाव निव्विण्णे तं पोयवहणं सणियं २ उवारिं जलस्स ठवेइ २ ता तं दिव्वं पिसायरूवं पडिसाह(२)रेइ २ ता दिव्वं देवरूवं विउव्वइ २ ता अंतलिकखपडिविजे सखिंखि(णि)णीयाइं जाव परिहिण अरहन्नं समणोवासं एव वयासी-हं भो अर-हन्नगा । धम्मोमि णं तुमं देवाणुप्पिया ! जाव जीवियकले जस्स णं तव निग्गंथे पावयणे इमेयारूवा पडिवत्ती लद्धा पत्ता अभिरामज्जागया, एवं खलु देवाणुप्पिया ! सक्के देविंदे देवराया मोहम्मं कप्पे सोहम्मवाडिमए विमाणे सभाए सुहम्माए बहूणं देवाणं मज्झगए महया [२] सहेणं [एवं] आइक्खइ ४-एवं खलु जंबुदीवे २ भारहे वासे चंपाए नयगीए अरहन्नए समणोवासए अभिगयजीवाजीवे नो खलु सक्का केणइ देवेण वा (दाणवेण वा) ६ निग्गंथाओ पावयणाओ चालित्तए वा जाव विपरिणामित्तए वा । तए णं अहं देवाणुप्पिया ! सक्कस्स (देविंदस्स) नो एयमट्ठं सद्दहामि(०) । तए णं मम इमेयारूवे अज्झत्थिए०-गच्छामि णं [अहं] अरहन्न(य)गस्स अंतियं पाउब्भवासि जाणामि ताव अहं अरहन्नं किं पियधम्मं नो पियधम्मं, ददधम्मं नो ददधम्मं, सीलव्वयगुणे किं चाळेइ जाव परिचयइ नो परिचयइ-त्तिकट्टु एवं संपेहेमि २ ता ओहिं पउंजामि २ ता देवाणुप्पियं ओहिणा आओमि २ ता उत्तरपुरच्छिमं २

उत्तरवेउच्चियं० ताए उच्चिद्वाए(जाव)जेणैव लवणसमुद्दे जेणैव देवाणुप्पिया तेणेव उवागच्छामि २ ता देवाणुप्पि(याणं)यं उवसम्मं करेमि नो चेव णं देवाणुप्पिया भीया वा(०), तं जं णं सक्के ३ [एवं] वयह सक्के णं एसमद्वे, तं दिद्वे णं देवाणुप्पियाणं इद्धी जाव परक्कमे ल्ळे पत्ते असिसमन्नागए । तं खामेमि णं देवाणुप्पिया ! खमंतु मरहंतु णं देवाणुप्पिया ! नाइभुजो (२) एवंकरणयाए-त्तिकड्डु पंजलिउडे पायवडिए एयमद्वं विणएणं भुजो २ खामेइ (२ ता) अरहन्नगस्स [य] दुवे कुंडलजुयलं दलशइ २ ता जामेव दिसिं पाउब्भूए तामेव(दिसिं)पडिगए ॥ ५६ ॥ ताए णं से अरहणए निरुवसग्गमितिकड्डु पडिमं पारेइ । ताए णं ते अरहन्नगपामोक्खा जाव वाणियगा दक्खिण्णकुल्लेणं वाएणं जेणेव गंभीरए पोय(पट्टणे)द्वारेणे तेणेव उवागच्छंति २ ता पोयं लंबेति २ ता सगडिसागडं सज्जेति (२ ता) तं गणिमं [च] ४ सगडि० संकामेति २ ता सगडी० जो(ए)विति २ ता जेणेव मिहिला(०) तेणेव उवागच्छंति २ ता मिहिलाए रायहाणीए बहिया अग्गुज्जाणंसि सगडीसागडं मोएति २ ता (मिहिलाए रायहाणीए तं)महत्थं (महत्थं महारिहं) विउलं रायारिहं पाहुडं कुंडलजुयलं च गेण्हंति २ ता (मिहिलाए रायहाणीए) अणुप्पविसंति २ ता जेणेव कुंभए(राया) तेणेव उवागच्छंति २ ता करयल जाव महत्थं दिव्वं कुंडलजुयल उवणेति । ताए णं कुंभए(राया) तेसिं मंजत्तगाणं जाव पडिच्छइ २ ता मरिं २ सहावेइ २ ता तं दिव्वं कुंडलजुयलं मलीए २ पिगदेइ २ ता पडिविमज्जेइ । ताए णं से कुंभए राया ते अरहन्नगपामोक्खे जाव वाणियगे विपुलेणं (अस०) वत्थगंधमल्लालंकारुणं जाव उरुक्कं वियरइ २ ता रायमग्गमोगाडे(इ)य आवासे वियरइ [२ ता] पडिविसज्जेइ । ताए णं अरहन्नगसंजत्तगा जेणेव रायमग्गमोगाडे आवासे तेणेव उवागच्छंति २ ता भंडववहरणं करेति (२ ता) पडिभं(डं)डे गेण्हंति २ ता सगडी० भरेति जेणेव गंभीरए पोयपट्टणे तेणेव उवागच्छंति २ ता प्रोयवहणं सज्जेति २ ता भंडं संकामेति दक्खिण्णानु० जेणेव चंपा पोयद्वारेणे तेणेव पोयं लंबेति २ ता सगडी० सज्जेति २ ता तं गणिमं ४ सगडी० संकामेति जाव महत्थं [महत्थं] पाहुडं दिव्वं च कुंडलजुयलं गेण्हंति २ ता जेणेव चंदच्छाए अंगराया तेणेव उवागच्छंति २ ता तं महत्थं जाव उवणेति । ताए णं चंदच्छाए अंगराया तं दिव्वं महत्थं(च) कुंडलजुयलं पडिच्छइ २ ता ते अरहन्नगपामोक्खे एवं वयासी-तुब्भे णं देवाणुप्पिया । बहूणि गामागर जाव अहिंइह लवणसमुद्दं च अभिक्खणं २ पोयवहणेहिं ओगाहेइ, तं अत्थियाई भे केइ कहिंवि अच्छेए दिट्ठपुव्वे ? । ताए णं ते अरहन्नगपामोक्खा चंदच्छायं अंगरायं तं

वयासी-एवं खलु सामी । अम्हे इहेव चंपाए नयरीए अरहन्नगपामोक्खा बहुवे संजत्तगानावावाणियगा परिवसामो । तए णं अम्हे अन्नया कयाइ गणिमं च ४ तहेव अहीण(म)अइरितं जाव कुंभगस्स रत्तो उवणेमो । तए णं से कुंभए महीए २ तं दिव्वं कुंडलजुयलं पिण्णदेइ २ ता पड्डिविसज्जेइ । तं एस णं सामी ! अम्हेहिं कुंभ[ग]रायभवणंसि मल्ली २ अच्छेरए दिट्ठे । तं नो खलु अन्ना कावि तारिसिया देवकत्ता वा जाव जारिसिया णं मल्ली २ । तए णं चंदच्छाए(ते)अरहन्नगपामोक्खे सक्कारेइ उम्माणेइ स० २ ता [उस्सुकं वियरइ] पड्डिविसज्जेइ । तए णं चंदच्छाए वाणियगजणियहासे दूय सद्दावेइ जाव जइ वि य णं सा सयं रज्जसुक्का । तए णं से दए दट्ट जाव पहारित्य गमणाए (२) ॥ ७७ ॥ तेषं कालेणं तेषं समएणं कुणाला नामं जणवए होत्था । तत्थ णं सावत्थी नामं नयरी होत्था । तत्थ णं रुप्पी कुणालाहिवई नामं राया होत्था । तस्स णं रुप्पिस्स धूया धारिणीए देवीए अन्नया सुवा(हु)हु नामं दारिया होत्था सुकुमाल जाव रुवेण य जोव्वणे(णं)ग य लावण्णेण य उक्किट्ठा उक्किट्ठमरीरा जाया यावि होत्था । तीसे णं सुवाहुए दारियाए अन्नया चाउम्मासियमज्जणए जाए यावि होत्था । तए णं से रुप्पी कुणालाहिवई सुवाहुए दारियाए चाउम्मासियमज्जणयं उवट्ठियं जाणउ २ ता कोडुंबियपुरिसे सदावेइ २ ता एवं वयासी-एवं खलु देवाणुप्पिया । सुवाहु(ए)दारियाए कळं चाउम्मानियमज्जणए भविस्सइ । तं(कळं)तुम्भे णं रायमग्गमोगाढंसि(चउक्कंसि)मंडवंसि जलथलयदरा-द्धवण्णमल्लं साह(रे)ग्ग जाव गिरिदामग(डे)डं ओलइति । तए णं से रुप्पी कुणाला-हिवई सुवण्णगारसेणिं सद्दावेइ २ ता एवं वयासी-स्विप्पामेव भो देवाणुप्पिया । रायमग्गमोगाढंसि पुप्फमंडवंसि नाणाविहपंचवण्णेहिं तंदुलेहिं नयरं आण्हिह तस्स बहुमज्झदेमभाए पट्टयं रएह जाव पच्चप्पिणंति । तए णं से रुप्पी कुणालाहिवई हत्थि-खंधवरगए चाउरंणिणीए सेगाए महया भडच्चडगर जाव अंतैउरपरियालसंपरिवुडे सुवाहुं दारियं पुरओ कडु जेणेव रायमग्गे जेणेव पुप्फमंडवे तेणेव उवागच्छइ २ ता हत्थियंधाओ पच्चोरुहइ २ ता पुप्फमंड(व)वे अनुप्पविसइ २ ता सीहामणवरगए पुरत्याभिमुहे यच्चिसण्णे । तए णं ताओ अंतैउरियाओ सुवाहुं दारियं पट्टयंसि दुरुहेति २ ता से(य)यापीयएहिं कलसेहिं प्हाणंसि २ ता सव्वालंकारविभूसियं करंसि २ ता पिउणो पा(यं)यवंदि(उं)यं उवणंसि । तए णं सुवाहु दारिया जेणेव रुप्पी राया तेणेव उवागच्छइ २ ता पायग्गहणं करेइ । तए णं से रुप्पी राया सुवाहुं दारियं अंके निवेसेइ २ ता सुवाहु(ए)दारियाए रुवेण य जोव्वणेण य लावण्णेण य (जाव विम्भिए) जायविम्भए वरिसधरं सद्दावेइ २ ता एवं वयासी-तुमं

णं देवाणुपिया । मम दोषेणं बहूणि गामागरनगरगिहाणि अणुपुविससि, तं
 अत्थियाई ते कस्सइ रत्तो वा ईसरस्स वा कहिंवि एयारिसए मज्जणए दिट्ठपुव्वे
 आरिसए णं इमीसे सुबाहुदारियाए मज्जणए ? । तए णं से वरिसधरे लुपि करयल
 जाव वद्धावेत्ता एवं वयासी-एवं खलु सामी ! अहं अन्नया तु(ब्भेणं)ब्भं दोषेणं
 मिहिलं गए, तत्थ णं मए कुंभगस्स रत्तो धूयाए पभावेइए देवीए अत्तयाए मल्लीए
 २ मज्जणए दिट्ठे, तस्स णं मज्जणगस्स इ(मे)मीए सुबाहु(ए)दारियाए मज्जणए
 सयसहस्सइमपि कलं न अ(ग्घे)ग्घइ । तए णं से रूप्पी राया वरिसधरस्स अंति-
 (ए)यं एयमट्ठं सोच्चा निम्मम(सेसं तद्देव) मज्जणगजपियहासे दूयं सदावेइ जाव
 जेणेव मिहिला नयरी तेणेव पद्दारेत्थ गमणाए (३) ॥ ७८ ॥ तेणं कालेणं तेणं
 समएणं कासी नामं जणवए होत्था । तत्थ णं वाणारसी नामं नयरी होत्था । तत्थ
 णं सखे नामं कासीराया होत्था । तए णं तीसे मल्लीए २ अन्नया कयाइ तस्स
 दिव्वस्स कुंडलजुयलस्स संधी विसंघडिए यावि होत्था । तए णं से कुंभए राया
 सुवण्णगारमेणि सदावेइ २ ता एवं वयासी-तुब्भे णं देवाणुपिया । इमस्स दिव्वस्स
 कुंडलजुयलस्स संधिं सघाडेइ । तए णं सा सुवण्णगारसेणी एयमट्ठं तुहत्ति पडिसुणेइ
 २ ता तं दिव्वं कुंडलजुयलं गेण्हइ २ ता जेणेव सुवण्णगारभिसियाओ तेणेव उवा-
 गच्छइ २ ता सुवण्णगारभिसियासु निवेसेइ २ ता बहूहिं आपुहि य जाव परिणामे-
 माणा इच्छ(न्ति)इ तस्स दिव्वस्स कुंडलजुयलस्स संधिं घडिनाए नो चव णं संचा-
 एइ (सं)घडिनाए । तए णं सा सुवण्णगारसेणी जेणेव कुंभए तेणेव उवागच्छइ २ ता
 करयल जाव वद्धावेत्ता एवं वयासी-एवं खलु सामी ! अज्ज तु(ब्भे)म्हे अम्हे सदावेइ
 जाव संधिं सघाडेत्ता ए(य)वमा(णं)णत्तियं पक्खपिणह । तए णं अम्हे तं दिव्वं कुंड-
 लजुयलं गेण्हामो जेणेव सुवण्णगारभिसियाओ जाव नो संचापामो सघाडिनाए । तए
 णं अम्हे सानो ! एयस्स दिव्वस्स कुंडलस्स अन्नं सरिसयं कुंडलजुयलं घडेमो । तए
 णं से कुंभए राया तीसे सुवण्णगारसेणीए अंतिए एयमट्ठं सोच्चा निम्मम आसुत्ते ४
 तिवालियं भिउडिं निडाळे साहट्टु एवं वयासी-(से के)केम णं तुब्भे कलामाणं भवह (?)
 जे णं तुब्भे इमस्स [दिव्वस्स] कुंडलजुयलस्स नो संचापह संधिं सघाडिनाए ? ते
 सुवण्णगारे निव्विसए आणवेइ । तए णं ते सुवण्णगारा कुं(मे)भगेणं रत्ता निव्विसया
 आणत्ता समाणा जेणेव साई २ गिहाई तेणेव उवागच्छंति २ ता समंडमत्तेवगर-
 णमाया(ओ)ए मिहिलाए रायहाणीए मज्झंमज्झेणं निकलमंति २ ता विदेइस्स
 जणवयस्स मज्झंमज्झेणं जेणेव कासी जणवए जेणेव वाणारसी नयरी तेणेव उवा-
 गच्छंति २ ता अणुजाणंसि सगळीसागर्डं मोएंति २ ता महत्थं जाव पाहुइं गेण्हंति

२ ता वाणारसीए नयरीए मञ्जंमज्जेणं जेणेव संखे कासीराया तेणेव उवागच्छंति
 २ ता करयल जाव वद्धावैति २ ता (पाहुडं पुरओ ठावैति २ ता संखरःयं) एवं
 वयासी-अम्हे णं सामी ! मिहिलाओ (नयरीओ) कुंभएणं रत्ता निव्विसया आणत्ता
 समाणा इ(हं)ह हव्वमागया, तं इच्छामो णं सामी । तुब्भं बाहुच्छायापरिगगहिया
 निब्भया निव्विवग्गा सुहंमुहेणं परिवसितं । तए णं संखे कासीराया ते सुवण्णगारे
 एवं वयासी-कि णं तुब्भे देवाणुप्पिया ! कुंभएणं रत्ता निव्विसया आणत्ता ? । तए
 णं ते सुवण्णगारा संखं एवं वयासी-एवं खलु सामी ! कुंभगस्स रत्तो धूयाए पभा-
 वईए देवीए अत्तयाए मल्लीए कुंडलजुयलस्स संधी वंसंधडिण्ण । तए णं से कुंभए
 सुवण्णगारसेणं सदावेइ जाव निव्विसया आणत्ता । तं एएणं कारणेणं सामी ! अम्हे
 कुंभएणं निव्विसया आणत्ता । तए णं से संखे सुवण्णगारे एवं वयासी-केरिसिया
 णं देवाणुप्पिया ! कुभ(ग)स्स [रत्तो] धूया पभावईदेवीए अत्तया मल्ली विदेहराय-
 वरकत्ता ? । तए णं ते सुवण्णगारा स(स्स)खं रायं एवं वयासी-नो खलु माम्मा ! अत्ता
 का(डं)वि तारिसिया देवकत्ता वा गंधव्वकत्ता वा जाव जारिसियाणं मल्ली २ । तए णं
 से संखे कुंडल(जुअल)जणियहासे दूयं सदावेइ जाव तहं पहारेत्थ गमणाए (४)
 ॥ ७९ ॥ तैणं कालेणं तेणं समएणं कुरुजणवए होत्था । हत्थिणाउरे नयरे । अदी-
 णसत्तु नामं राया होत्था जाव विहरइ । तत्थ णं मिहिलाए [तस्स णं] कुंभगस्स पुत्ते
 पभावईए अत्तए मल्लीए अणु[मग्ग]जायए मल्लदि(ण्णए)न्न नामं कुमारे जाव जुवराया
 यावि होत्था । तए णं मल्लदिन्ने कुमारे अत्तया कोडुंबियपुरिसे सदावेइ २ ता एवं
 वयासी-गच्छह णं तुब्भे मम पमदवणंनि एगं महं चित्तसभं करेह अणेग जाव
 पच्चप्पिणंति । तए णं से मल्लदिन्ने चित्तगरसेणं मदावेइ २ ता एवं वयासी-तुब्भे णं
 देवाणुप्पिया ! चित्तसभं हावभावविलासविब्बोयकन्दिएहिं रूवेहिं चित्तेह जाव पच्च-
 प्पिणह । तए णं सा चित्तगरसेणी तहत्ति पत्तिसुणेइ २ ता जेणेव सयाइं गिहाइं
 तेणेव उवागच्छइ २ ता तूलियाओ वण्णए य गेण्हइ २ ता जेणेव चित्तसभा तेणेव
 (उवागच्छइ २ ता) अणुप्पविसइ २ ता भूमिभागे विरयइ २ ता भूमिं सज्जेइ २
 ता चित्तसभं हावभाव जाव चित्तेउं पयत्ता यावि होत्था । तए णं एगस्स चित्तग-
 रस्स इमेयारूवा चित्तगरलद्धी लद्धा पत्ता अभिसमन्नागया-जस्स णं दुपयस्स वा
 चउ(प)पयस्स वा अपयस्स वा एगदेसमवि पासउ तस्स णं देसाणुसारेणं तयाणु-
 रूवं [रूवं] नि(व्व)वत्तेइ । तए णं से चित्तगर(दार)ए मल्लीए जवणियंतरियाए जाल-
 तरेण पायंगुट्टं पासइ । तए णं तस्स(णं) चित्तगरस्स इमेयारूवे अज्जत्थिए जाव
 समुप्पजित्था-सेयं खलु ममं मल्लीए २ पायंगुट्टाणुसारेणं सरिसणं जाव गुणोववेयं

रुवं निव्वत्तिणए । एवं संपेहेइ २ ता भूमिभागं सज्जेइ (२ ता) मल्लीए २ पायंगुट्टा-
णुसारेणं जाव निव्वत्तेइ । तए णं सा चित्तगरसेणी चित्तसभा जाव हावभा(वे)वं
चित्तेइ २ ता जेणेव मल्लदिन्ने कुमारे तेणेव उवागच्छइ जाव ए(य)वमाणत्तिय पच्च-
प्पिणइ । तए णं मल्लदिन्ने चित्तगरसेणिं सक्कारेइ २(०) विपुल जीवियारिहं पीइदाणं
द(ले)लथइ २ ता पडिविसज्जेइ । तए णं मल्लदिन्ने (कुमारे) अज्जया ण्हाए अंतंउ-
रपरियालसंपरिवुडे अम्मथाइए सद्धिं जेणेव चित्तसभा तेणेव उवागच्छइ २ ता
चित्तसभं अणुप्पविसइ २ ता हावभावविलास(वि)बिब्बोयकलियाइं रुवाइ पासमाणे
(२) जेणेव मल्लीए २ तयाणुरु(वे)वं निव्वत्तिणए तेणेव पहारेत्थ गमणाए । तए णं
से मल्लदिन्ने (कुमारे) मल्लीए २ तयाणुरुवं निव्वत्तिय पाणइ २ ता इमेयारुवे अज्जत्थिए
जाव ममुप्पजिन्था-एस णं मल्ली २ तिकट्टु लज्जिए वीडिए त्रि(अडे)इ मणियं २
पच्चोसक्कइ । तए णं [नं] मल्लदिन्ने अम्मथाइ [मणियं २] पच्चोमक्कंतं पासिता एवं
वयासी-किञ्चं तुम पुत्ता । लज्जिए वीडिए त्रिइ मणियं २ पच्चोसक्कसि ? । तए णं से
मल्लदिन्ने अम्मथाइ एवं वयासी-जुत्तं णं अम्मो । मम जेट्ठाए भगिणीए गुरुदेवय-
भूयाए लज्जणिज्जाए मम चित्तगरणिव्वत्तियं समं अणुपविसिणए ? । तए णं अम्म-
थाइ मल्लदिन्ने कुमारे एवं वयासी-नो खलु पुत्ता ! एस मल्ली, एस ण मल्लीए २
चित्तगरणं तयाणुरुवे निव्वत्तिणए । तए णं [से] मल्लदिन्ने अम्मथाइए एयमट्ट सोच्चा
निसम्म आसुत्ते [४] एवं वयासी-केस णं भो (') [से] चित्त(य)गरए अपत्तियपत्थिए
जाव परिवज्जिए जे णं मम जेट्ठाए भगिणीए गुरुदेवयभूयाए जाव निव्वत्तिणए-त्तिकट्टु
तं चित्तगरं वज्जं आणवेइ । तए णं सा चित्तगर(स्)मेणी इमीसे क्हाए लद्धा समाणा
जेणेव मल्लदिन्ने कुमारे तेणेव उवागच्छइ २ ता करयलपरिगहिं जाव वद्धावेत्ता
एवं वयासी-एवं खलु सामी ! तस्स चित्तगरस्स इमेथारुवा चित्त(क)गरलद्धी लद्धा
पत्ता अभिसमन्नागथा-जस्स णं दुपयस्स वा जाव निव्वत्तेइ, तं मा णं सामी ! तुब्भे तं
चित्तगरं वज्जं आणवेइ, तं तुब्भे णं सामी ! तस्स चित्तगरस्स अञ्जं तयाणुरुवं दंढं
निव्वत्तह । तए णं से मल्लदिन्ने तस्स चित्तगरस्स संडासगं छिंदावेइ २ ता निव्वि-
सयं आणवेइ । तए णं से चित्तगरए मल्लदिन्ने णं निव्विसए आणते (समाणे) सभंड-
मत्तोवरणमायाए मिहिलाओ नयरीओ निकलमइ २ ता विदेहं जगवयं मज्झंम-
ज्जेणं जेणेव कुरुजणवए जेणेव हत्थिगाउरे नयरे (जेणेव अवीणसत्तू राया) तेणेव
उवागच्छइ २ ता भंडनिक्खेवं करेइ २ ता चित्तफलगं सज्जेइ २ ता मल्लीए २
पायंगुट्टाणुसारेणं रुवं निव्वत्तेइ २ ता क्वखंतरंसि कुब्भइ २ ता महत्तयं जाव पाहुइं
गेण्णइ २ ता हत्थिणाउरं नयरं मज्झंमज्जेणं जेणेव अवीणसत्तू राया तेणेव उवा-

गच्छइ २ ता तं करयल जाव वद्धावेइ २ ता पाहुडं उवणेइ २ ता एवं वयासी-
 एवं खलु अहं सामी ! मिहिलाओ रायहाणीओ कुंभगस्स रज्जो पुत्तेणं पभावेइए
 देवीए अत्तएणं मल्लदिजेणं कुमारेणं निव्विसए आणत्ते समाणे इ(ह)हं हव्वमागए,
 तं इच्छामि णं सामी ! तुब्भं बाहुच्छायापरिगहिए जाव परिवसित्तए । तए णं
 से अदीगसत्तू राया तं चित्तगरदारयं एव वयासी-किञ्चं तुमं देवाणुप्पिया !
 मल्लदिजेणं निव्विसए आणत्ते ? । तए णं से चित्त(य)गरदारए अदीगस(त्तु)त्तुं रायं
 एवं वयासी-एवं खलु मामी ! मल्लदिजे कुमारे अन्नया कया(ई)इ चित्तगरसेणिं सहावेइ
 २ ता एवं वयासी-तुब्भे णं देवाणुप्पिया ! मम चित्तसभं तं चेव सव्वं भाणियव्वं
 जाव मम सडासगं छिंदावेइ २ ता निव्विसयं आणवेइ, तं एवं खलु [अहं] सामी !
 मल्लदिजेणं कुमारेणं निव्विसए आणत्ते । तए णं अदीगसत्तू राया तं चित्तगरं एवं
 वयासी-से केरिसए णं देवाणुप्पिया ! तुमे मल्लीए त(दा)हाणुत्तवे (रूवे) निव्व-
 त्तिए ? । तए ण से चित्तगरे कक्खंताराओ चित्तकल(यं)गं नीणंइ २ ता अदीगसत्तुस्स
 उवणेइ २ ता एवं वयासी-एस णं सामी ! मल्लीए २ तयाणुरूवस्स रूवस्स केइ
 आगारभावपडोयारे निव्वन्-ए, नो खलु सक्का केणइ देवेण वा जाव मल्लीए २
 तयाणुरूवे रूवे निव्वत्तित्तए । तए णं [से] अदीगसत्तू (राया) पडिक्खज्जणियहासे दुसं
 सहावेइ २ ता एवं वयासी तहेव जाव पहारेत्थ गम(णया)णाए (५) ॥८०॥ तेणं
 कालेणं तेणं समएणं पंचाले जणवए कंपि(ङ्गि)ळपुरे (नामं) नयरे (होत्था) । जिय-
 सत्तू नामं राया पंचालाहिवई । तस्स णं जियसत्तुस्स धारिणीपामोकखं दे(वि)नीस-
 हस्सं ओरोहे होत्था । तत्थ णं मिहिलाए चोक्खा नामं परिव्वाइया रिउव्वेय जाव [सु]प-
 रिणिट्ठिया यावि होत्था । तए णं सा चोक्खा परिव्वाइया मिहिलाए बहूणं राईसर
 जाव सत्थवाहपभिईणं पुरओ दाणधम्म च सोयधम्मं च तित्थाभिसेयं च आघवे-
 माणी पन्नवेमाणी परूवेमाणी उवदंसेमाणी विहरइ । तए णं सा चोक्खा (परिव्वा-
 इया) अन्नया कयाई तिट्ठं च कुंडियं च जाव धाउरत्ताओ (य) ४ गेण्हइ २ ता
 परिव्वाइगावसहाओ पडिनिक्खमइ २ ता पविरलपरिव्वाइयासद्धिं सपरिवुडा
 मिहिलं रायहाणि मज्झंमज्जेणं जेणेव कुंभगस्स रज्जो भवणे जेणेव कन्नंतेउरे जेणेव
 मल्ली २ तेणेव उवागच्छइ २ ता उदयपरि(का)त्तासियाए दम्भोवारि पच्चत्थुयाए
 भिसियाए नि(सि)सीयइ २ ता मल्लीए २ पुरओ दाणधम्मं च जाव विहरइ । तए
 णं मल्ली २ चोक्खं परिव्वाइयं एवं वयासी-तुब्भे णं चोक्खे ! किंमूलए धम्मं
 पत्तते ? । तए णं सा चोक्खा परिव्वाइया मल्लि २ एवं वयासी-अम्हं णं देवाणु-
 प्पिए ! सोयमूलए धम्मं पत्त(वेसि)त्ते, जं णं अम्हं किञ्चि अस्सई भवइ तं णं उद-

एण य मट्ठियाए जाव अविग्घेणं सग्गं गच्छामो । तए णं मळी २ चोक्खं परिव्वा-
 इय एवं वयासी-चोक्खा ! से जहानामए के(ई)इ पुरिसे रुहिरकयं वत्थं रुहिरे(ण)णं
 चेव भोवेज्जा अत्थि णं चोक्खा । तस्स रुहिरकयस्स वत्थस्स रुहिरेणं धोव्वमाणस्स
 का(ई)इ सोही ? नो इणट्ठे समट्ठे । एवामेव चोक्खा । तुब्भे णं पाणाइवाएणं जाव
 भिच्छादंमणसल्लेणं नत्थि काइ सोही जहा (व) वा तस्म रुहिरकयस्स वत्थस्स रुहि-
 रेणं चेव धोव्वमाणस्स । तए णं सा चोक्खा परिव्वाइया मळीए २ एवं वुत्ता समा-
 (णा)णी संकिया कंखिया विट्ठिच्छिया भेयसमावन्ना जाया(या)वि होत्था मळीए
 नो संचाएइ किंचि वि पामोक्खमाइक्खिणए तुसिणीया संचिद्धइ । तए णं त चोक्खं
 मळीए -] ब(हु)हुओ दासचेडीओ हीलेंति निंदंति िखसंति ग(र)रिहंति अप्पेगइया
 [ओ] हेरुया(ल)लेंति अप्पेगइया मुहमक्कडियाओ करंति अप्पेगइया बग्घाडीओ करंति
 अप्पेगइया न(ज्ज)जेमाणीओ (क० अ०) तालेमा(णि)णीओ (क०अ०) निच्छु(भं)
 इति । तए णं सा चोक्खा मळीए २ दामचेडियाहिं हीलिज्जमाणी जाव गरहिज्जमाणी
 आसुरुत्ता जाव भिसिभिसेमाणी मळीए २ पओममावज्जइ [२] भिसियं गेण्हइ २ ता
 कल्लंते उगओ पडिनिक्खमइ २ ता मिहिल्लाओ निगच्छइ २ ता परिव्वाइयासपरिवुडा
 जेणेव पंचालज्जणवए जेणेव कंपिल्लपुरे तेणेव उवागच्छइ २ ता बहूगं राईसर जाव
 पहवमाणी विहरइ । तए णं से जियसत्तू अच्चया कयाइ अंतंउरपरियालमहिं संप-
 रिउडे एवं जाव विहरइ । तए णं सा चोक्खा परिव्वाइयासपरिवुडा जेणेव जिय-
 सत्तुस्स रत्तो भवणे जेणेव जियसत्तू तेणेव (उवागच्छइ २ ता) अणुपविसइ २ ता
 जियसत्तुं जएणं विजएणं वद्दावेइ । तए णं से जियसत्तू चोक्खं परिव्वाइयं एज्जमाणं
 पासइ २ ता सीहासणाओ अब्भुट्ठेइ २ ता चोक्खं (परिव्वाइयं) सक्कारेइ २(०) आस-
 णेणं उवनिमंतंइ । तए णं सा चोक्खा उदगपरिफोसियाए जाव भिसियाए निविसइ
 जियसत्तुं रायं ग्जे य जाव अंतंउरे य कुसलोदतं पुच्छइ । तए णं सा चोक्खा
 जियसत्तुस्स रत्तो दाणपम्मं च जाव विहरइ । तए णं से जियसत्तू अप्पणो ओरो-
 हंसि (जाव विम्भिए) जायविम्भिए चोक्खं (परिव्वाइयं) एवं वयासी-त्तुमं णं देवा-
 ण्णिया ! बहूणि गामागर जाव (अडह) आहिंसि बहूग य राईसरिगिह्हाइं अणु-
 प्पविस(सि)हि, तं अत्थियाइं ते कस्स(वि)इ रत्तो वा जाव एरिसए ओरोहे दिट्ठ-
 पुव्वे जारिसए णं इमे म(ह)म ओ(उव)रोहे ? । तए णं सा चोक्खा परिव्वाइया
 जियसत्तुं (रायं) एवं (वयासी-)इंसि अब्भसियं करेइ २ ता एवं वयासी-(एवं च)
 सरिरए णं तुमं देवाण्णिया । तस्स अगडदहुस्स । केस्स णं देवाण्णिए । से अग-
 डदहुरे ? जियसत्तू । से जहानामए अगडदहुरे सिया, से णं तत्थ जाए तत्थेव च(के)-

द्विए अन्नं अगडं वा तलागं वा दहं वा सरं वा सागरं वा अपासमाणे (चव) मन्त्र-
 अय चैव अगडे वा जाव सागरे वा । तए ण तं कूवं अन्ने सामुद्दए दहुरे हव्वमागए । तए
 णं से कूवदहुरे तं स(सा)मुद्ददहुरं एवं वयासी-से केम ण तुमं देवाणुप्पिया । कत्तो
 वा इह हव्वमागए ? तए णं से सामुद्दए दहुरे तं कूवदहुरं एवं वयासी-एवं खलु
 देवाणुप्पिया ! अहं सामुद्दए दहुरे । तए णं से कूवदहुरे तं सामुद्दए दहुरं एवं
 वयासी-केमहालए ण देवाणुप्पिया । से समुद्दे ? । तए णं से सामुद्दए दहुरे तं कूव-
 दहुरं एवं वयासी-महालए णं देवाणुप्पिया । समुद्दे । तए णं से कूवदहुरे पाणं लीहं
 कहेइ २ ता एवं वयासी-एमहालए णं देवाणुप्पिया । से समुद्दे ? नो इणट्ठे समट्ठे,
 महालए णं से समुद्दे । तए णं से कूवदहुरे पुर(च्छि)त्त्यमिद्धाओ तीराओ उप्पिडि-
 त्तार्णं(पच्चत्थिमिल्लं तीरं)णच्छइ २ ता एवं वयासी-एमहालए णं देवाणुप्पिया । से
 समुद्दे ? नो इणट्ठे(समट्ठे)नहेव । एवामेव तुमं पि जियमत्तू अन्नोसं बहूणं राइंनर जाव
 सत्थवाह(प)प्पभिइणं भज्जा वा भणिणं वा धूय वा सुणं वा अपासमाणे जा(ण)णसि
 जारिसए मम चैव णं ओरोहे तारिमए नो अन्नस्म । तं एव खलु जियसत्त । मिहि-
 लाए नयरीए कुंभगस्स धूया पभावइए आत्तिया मल्लीनामं(ति)२ रूवेण य(जुव्वणेण)
 जाव नो खलु अन्ना काइ देवकजा वा जारिसिया मल्ली । विदेहवररायकजाए छिन्नस्स
 वि पायंगुट्टगस्स इमे तव ओरोहे मयसहस्सइमं पि कलं न अग्घड-त्तिकट्टु जामेव
 दिसं पाउब्भूया तामेव दिसं पडिगया । तए णं से जियमत्तू परिव्वाइया जणियहासे
 दूयं सहावेइ जाव पहारेत्थ गमणाए(६)॥ ८१ ॥ तए णं तमि जियम(त्तू)त्तुपामो-
 क्ख्वाणं छण्ह राइंणं दूया जेणेव मिहिला तेणेव पहारेत्थ गमणाए । तए णं छप्पि
 (य) दू(त्तका)यगा जेणेव मिहिला तेणेव उवागच्छंति २ ता मिहेलाए अग्गुज्जाणंसि
 पत्तेयं २ खंधावारनिवेसं करंते २ ता मिहिल रायहाणं अग्गुप्पविसंति २ ता
 जेणेव कुंभए तेणेव उवागच्छंति २ ता पत्तयं(२) करयल जाव साणं २ राइंणं वय-
 णाई निवेदंति । तए णं से कुंभए(राया)तेसि दूयाणं(अतिए)एयमट्ठं सोच्चा आसुरोते
 जाव तिवलियं भिउडिं(णिउडाले साहट्टु)एवं वयासी-न देमि णं अहं तुब्भ मल्लि २
 त्तिकट्टु ते छप्पि दूए असक्कारिय असम्माणिप्र अवदारेणं निच्छुभावेइ । तए णं
 जियसत्तुपामोक्खाणं छण्हं राइंणं दूया कुंभएणं रत्ता असक्कारिया असम्माणिया
 अवदारेणं निच्छुभाविया समाणा जेणेव सणा २ ज(जा)णवया जेणेव सयाई २
 नगराई जेणेव स(गा)या २ रायाणो तेणेव उवागच्छंति २ ता करयल जाव एवं
 वयासी-एवं खलु सामी । अम्हे जियस(त्तू)त्तुपामोक्खाणं छण्हं रा(इ)याणं दूया
 जमगसमणं चैव जेणेव मिहिला जाव अवदारेणं निच्छुभावेइ । तं न देइ णं

सामी । कुंभए मलिं २ । माणं २ राईणं एयमट्टं निवेदिति । तए णं ते जियमत्तु-
 पामोक्खा छप्पि रायाणो तेसि दूयाण अंतिए एयमट्ट सोञ्जा(निमम्म)आनुत्ता
 अन्नमन्नस्म दूयसपेमणं करेति (०) एवं वयासी-एवं खलु देवाणुप्पिया ! अम्हं छण्हं
 राईणं दूया जमगममगं चेव जाव निच्छूडा । त सेयं खलु देवाणुप्पिया ! (अम्हं)
 कुंभगस्स जत्तं गेण्हित्तए-निकट्ट अन्नमन्नस्म एयमट्टं पडिसुणेति २ ता ण्हाया
 सन्नद्धा हत्थिखंधवरगया गको(रं)रिट्टमल्लदामा जाव सेयवरचामागहिं(०)महया-
 हयगयरहपवरजाहकलियाए चा वरंगिणीए सेगाए सद्धि संपरिवुडा सन्विहीए जाव
 रवेणं सएहि[तो]२ नगरेहिंनो जाव निगच्छति २ ता एगयओ मिलायंति(२ता)
 जेणेव मिहिला तेणेव पहारेत्थ गमगाए । तए णं कुंभए राया इमीसे कहए
 लद्धट्टे ममाणं बळवाउय महावेइ २ ता एवं वयासी-स्वप्पामेव(भो देवाणुप्पिया ।)
 हय जाव मंज मघाहेह जाव पञ्चप्पिणति । तए णं कुंभ(राया)ण्हाए सन्नद्धे हत्थि-
 खंधवरगए जाव सेयवरचामा(राह)रए महया (०) मिहिल(रायहाणि)मज्जंमज्जेणं
 नि(गच्छ)जाइ २ ता विदे(हं)हजणवय मज्जमज्जेणं जेणेव टेमअं२ तेणेव
 (उवागच्छ २ ता)खंध वारनिवेसं करेइ २ ता जियमत्तुपामोक्खा छप्पि य रायाणो
 पडिवाल्लमाणे जुज्जमज्जे पडिच्चिट्टइ । तए णं ते जियमत्तुपामोक्खा छप्पि(य)
 रायाणो जेणेव कुंभए तेणेव उवागच्छति २ ता कुंभए । रजा सद्धि संमलगा
 यावि होत्था । तए णं (३) जियमत्तुपामोक्खा छप्पि रायाणो कुंभय रायं हयमहिय-
 पवरवीरघाइय(नि)विबद्धियाचध(द्ध)वय(छत) गडामं किच्छप्पा ोवगायं दिसोदि(सं)-
 सं पडिसे(हिं)हंति । तए णं से कुंभए (राया)जियमत्तुपामोक्खेहि छहिं राईह हय-
 महिय जाव पडिसेहिए समाणे अन्थामे अबले अवीरेए जाव अधारणिज्जमित्तकट्ट
 सिग्घं तुरिय जाव वेइय जेणेव मिहिला तेणेव उवागच्छइ २ ता मिहिलं अणुपवि-
 सइ २ ता मिहिलाए दुवाराई पिहंइ २ ता रोहमज्जे चिट्टइ । तए णं ते जिय-
 सत्तुपामोक्खा छप्पि रायाणो जेणेव मिहिला तेणेव उवागच्छति २ ता मिहिलं
 रायहाण निस्संचारं निस्संचारं सव्वओ ममंता ओहभित्ताण चिट्ठंति । तए णं से
 कुंभए(राया)मिहिलं रायहाणिं रुद्धं जाणित्ता अ(ब्भं)विभनरियाए उवड्ढणसालाए
 सीहामणवरगए तेसि जियसत्तुपामोक्खणं छहं राईणं छिदाप्पि य विवरणि य
 मम्मणि य अलभमाणे बहूहिं आए हे य उवाएहि य उपपत्तियाहि य ४ बुद्धीहिं
 परिणामेमाणे २ किंचि आय वा उवायं वा अलभमाणे ओहयमणसंकरे ये अन्न
 श्लियायइ । इमं च णं मत्ती २ ण्हाया सव्वालंकारविभूतिया बहूहिं खुज्जाहिं परि-
 वुडा जेणेव कुंभए तेणेव उवागच्छइ २ ता कुंभगस्स पायगहणं करेइ । तए णं

कुंभए(राया)मल्लिं २ नो आडाइ नो परियाणाइ तुसिणीए संविट्टइ । तए णं मल्ली
 २ कुंभग(रायं)एवं वयासी-तुब्भे णं ताओ ! अनया ममं एज्जमाणं जाव निवेसेह,
 किञ्चं तुब्भ अज्ज ओहय जाव झियायह ? । तए णं कुंभए मल्लिं २ एवं वयासी-
 एवं खलु पुत्ता । तव कजे जियसत्तुपामोक्खेहिं छहि राईहिं दूया संपेसिया । ते
 णं मए असक्कारिया जाव निच्छुडा । तए ण(ते)जियसत्तुपा(मु)मोक्खा तेसिं दूयाणं
 अंतिए एयमट्ठं मोच्चा परिकुविया समाणा मिहिलं रायहाणि निस्संचारं जाव
 चिट्ठंते । तए णं अहं पुत्ता(।)तेसिं जियसत्तुपामोक्खागं छण्हं राईणं अंतराणि
 अलभमाणे जाव झियामि । तए णं सा मल्ली २ कुंभ(यं)गं रायं एवं वयासी-मा
 णं तुब्भे ताओ ! ओहयमणसंक्रप्पा जाव झियायह, तुब्भे णं ताओ ! तेसिं
 जियसत्तुपामोक्खाणं छण्हं राईणं पत्तेयं २ रह(सियं)स्मिए दूयसपेसे करेह एगमेगं
 एवं वयह-तव देसि मल्लिं २ तिरुट्टु संज्ञाकालसमयंसि पविरलमणस्संसि निसन-
 पडिनिंसंतंसि पत्तेयं २ मिहिलं रायहाणि अणुप्प(वे)विसेह २ ता गब्भघरएसु
 अणुपविसेह मिहिलाए रायहाणीए दुवाराइं पिहेह २ ता रोहमजे चिट्टह । तए
 णं कुंभए(राया)एवं तं चेव जाव पवेसेइ रोहसजे चिट्टइ । तए णं ते जियसत्तु-
 पामोक्खा लुप्पि(य)रायाणे कल्ल(पाउब्भूया)जाव [जलंते] जालंतरेहिं कणगमयं
 मत्थयच्छिं पउमुप्पलपिहाणं पडिमं पासंति एम णं मल्ली २ तिरुट्टु मल्ली २ हवे
 य जोव्वणं य लावण्णे य मुच्छिया गिद्धा जाव अज्जोववजा अणिमिसाए दिट्ठीए
 पेहमाणा २ चिट्ठंति । तए णं सा मल्ली २ ण्हाया सव्वालकारविभूसिया बहुहिं
 खुजाहिं जाव परिकिखत्ता जेणेव जालघरए जेणेव कण(य)गपडिमा तेणेव उवागच्छइ
 २ ता तीसे कण पडिमाए मत्थयाओ तं पउमं अवणेइ । तए णं गंधे निद्धा(त्र)वेइ
 से जहानामए अहिमडेइ वा जाव असुभतराए चेव । तए णं ते जियसत्तुपामोक्खा
 तेणं असुभेगं गंधेणं अभिभूया समाणा सएहिं २ उत्तरि(जए)जेहिं आयाइं पिहेंति
 २ ता परम्मुहा चिट्ठंति । तए णं सा मल्ली २ ते जियसत्तुपामोक्खे एव वयासी-
 किं णं तु(ब्भं)ब्भे देवाणुप्पिया ! सएहिं २ उत्तरिजेहिं जाव परम्मुहा चिट्टइ ? ।
 तए णं ते जियसत्तुपामोक्खा मल्लिं २ एवं वयंति-एवं खलु देवाणुप्पिए ! अम्हे
 इमेणं असुभेण गंधेणं अभिभूया समाणा सएहिं २ जाव चिट्टामो । तए णं मल्ली
 २ ते जियसत्तुपामोक्खे एवं वयासी-जइ ताव देवाणुप्पिया । इतीसे कणग जाव
 पडिमाए कल्लकल्लिं ताओ मणुजाओ असणाओ ४ एगमेगे पिडे पक्खिप्पमाणे २
 इमेयाह्वे असुभे पोग्ग(ल)ले परिणामे इमस्स पुण ओरालियसरीरस्स खेलासवस्स
 वंतासवस्स पित्तासवस्स सु(क्क)क्कासवस्स सोणियपूयासवस्स दु(स्स)स्ससासनीसा-

सस्स दुल्लयमुत्त(पु)पुहयपुरीसपुण्णस्स सडण जाव धम्मस्स केरिसए[य]पतिणामे भवि-
 स्सइ ! तं मा णं तुब्भे देवाणुप्पिया । माणुस्सएसु कामभोगेसु सज्जह रज्जह गिज्जह
 मुज्जह अज्जोववज्जह । एवं खलु देवाणुप्पिया ! (तुम्हे)अम्हे इ(भाओ) मे तच्चे
 भवग्गहणे अवरविदेहवासे सल्लिलावईविजए वीयसोगए रायहाणीए महब्बल-
 पामोक्खा सत्त(वि)पियबालवयंसया रायाणो होत्था सहजाया जाव पव्वइया । तए
 णं अह देवाणुप्पिया ! इमेणं कारणेणं इत्थीनामगोयं कम्मं निव्वत्तेमि-जइ णं
 तु(ब्भं)ब्भे चउ(चो)त्थं उवसंपज्जित्ताणं विहरह त(ए)ओ णं अहं छट्ठं उवसंपज्जि-
 त्ताणं विहरामि सेसं तहेव सव्वं । तए णं तुब्भे देवाणुप्पिया । कालमासे कालं किच्चा
 जयंते विमाणे उववन्ना । तत्थ णं तु(ब्भं)ब्भं देसूणइ बन्तीसाइं सागरोवमाइं
 ठिई । तए णं तुब्भे ताओ देवलो(या)गाओ अणंतरं चयं चइत्ता इहेव जंबुदीवे
 २ (जाव)साइं २ रज्जाइं उवसंपज्जित्ताणं विहरह । तए णं अहं(देवाणुप्पिया !)ताओ
 देवलोगाओ आउक्खएणं जाव दारियत्ताए पच्चायाया । कि(थ)च तयं पम्हुट्ठं जं
 थ तथा भो जयंतपवरंमि । नुत्था समयनिबद्धं देवा तं संभरह जाइं ॥ १ ॥ तए
 णं तोसं जियसत्तुपामोक्खाणं छण्हं स(या)इंणं मल्लीए २ अंतिए एयमट्ठं सोच्चा २
 सुभेणं परिणामेणं पमत्थेणं अज्जवसाणेण लेमाहि विसुज्जमाणं हिं तयावरणिज्जाणं
 कम्माणं खओवसमेणं ईहा(वू)पूह जाव मत्तिजाइंसरणे समुप्पत्ते एयमट्ठं सम्मं
 अभिसमागच्छंति । तए णं मल्ली अरहा जियसत्तुपामोक्खे छप्पि रायाणो समु-
 प्पज्जा(इ)इंसरणे जाणित्ता गम्भघराणं दाराइं विहा(डावे)डेइ । तए णं(ते)
 जियसत्तुपामोक्खा जेणेव मल्ली अरहा तेणेव उवागच्छंति । तए णं महब्बल-
 पामोक्खा सत्त पियबालवयंसया एगयओ अभिसमजागया(था)वि होत्था । तए णं
 मल्ली अरहा ते जियसत्तुपामोक्खे छप्पि(य)रायाणो एव वयासी-एवं खलु अहं
 देवाणुप्पिया । संसारभ(य)उन्विग्गा जाव पव्वयामि, तं तुब्भे णं किं करेह किं
 ववसह(जाव)किं मे हियसामत्थे ? । तए णं जियसत्तुपामोक्खा(छ० रा०)मल्लि
 अरहं एवं वयासी-जइ णं तुब्भे देवाणुप्पिया । संसार जाव पव्वयह अम्हाणं
 देवाणुप्पिया । के अत्ते आलबणे वा आहारे वा पडिबंभे वा ? जह चैव णं देवाणु-
 प्पिया । तुब्भे अ(म्हे)म्हं इओ तच्चे भवग्गहणे बहूसु कज्जेसु य मेदी पमाणं जाव
 धम्मधुरा होत्था त(हा)ह चैव णं देवाणुप्पिया । इण्हिपि जाव भविस्सह । अम्हे
 वि(य)णं देवाणुप्पिया । संसारभउन्विग्गा जाव भीया जम्मगमरणाणं देवाणुप्पिया-
 (णं)मद्धि मुंडा भवित्ता जाव पव्वयामो । तए णं मल्ली अरहा ते जियसत्तुपामोक्खे
 एवं वयासी-(जे)जइ णं तुब्भे संसार जाव मए सद्धिं पव्वयह तं गच्छह थं तुब्भे

देवाणुप्पिया । सएहिं २ रजेहिं जे(द्वे)द्वुपुत्ते रजे ठावेह २ ता पुरिससहस्स-
वाहिणीओ सीयाओ दुल्लह(दुरुडा समाणा) २ ता मम अंतियं पाउच्चवह ।
तए णं ते जियमत्तुपामोक्खा मल्लिस्स अरहओ एयमद्वं पडिसुणेंति । तए णं
मल्ली अरहा ते जियमत्तुपामो(क्खे)क्खा गहाय जेणेव कुंभए (राया) तेणेव
उवागच्छइ २ ता कुंभगस्स पाएसु पाडेइ । तए ण कुंभए (राया) ते जियमत्तु-
पामोक्खा विउल्लेणं असणेण ४ पुप्फवत्थगंधमल्लालंकारेणं सक्कारेइ जाव पडिवि-
सजेइ । तए णं ते जियमत्तुपामोक्खा कुंभएणं रत्ता विसज्जिया समाणा जेणेव
साइं २ रजाइं जेणेव नगराइ तेणेव उवागच्छंति २ ता सगाइं [२] रजाइं
उवसंपज्जिता[णं] विहरंति । तए ण मल्ली अरहा सवच्छरावसाणे निकवमिस्सामिति
मणं पहारेइ ॥ ८२ ॥ तेषं कालेणं तेण समणं सक्कस्स आमणं चलइ । तए णं
सक्के देविंदे देवराया आमणं चत्थियं पासड २ ता ओहिं पउंजइ २ ता मल्लि अरहं
ओत्तिणा आभोएइ २ ता इमेयारूवे अज्जत्थिए जाव ममुप्पज्जित्था-एवं ग्वलु
जंबुदीवे २ भारहे वासे मिहिलिए कुंभगस्स रत्तो मली अरहा निकवमिस्सामिति
मणं पहारेइ । तं जीयमेयं तीयपत्तुपन्नमगागयाणं सक्काणं (३) अरहताणं भगवं-
ताणं निकवममाणाणं इमेयारूवं अत्थसपयाणं द(लि)उइए तंजहा-तिण्णेव य
कोडिसया अट्टासीइ च हुं(हां)ति कोडीओ । असिइं च सयमहस्सा इंदा दलयति
अरहाणं ॥ ५ ॥ एवं संपेहेइ २ ता वेसमणं देवं सदावेइ २ ता एवं वयासी-एवं
खलु देवाणुप्पिया । जंबुदीवे २ भारहे वामे जाव असीइं च मयमहस्साइं दलउत्तए,
तं गच्छइ णं देवाणुप्पिया । जंबुदीवे (दीवे) भारहे वासे मिहिलिए कुंभगस्सणंसि
इमेयारूवं अत्थसपयाणं नाहराहि २ ता खिप्पामेव मम एयमाणत्थियं पच्चप्पिणाहि । तए
णं से वेसमणे देवे सक्केणं देवदेणं (०) एव वुत्त (ममाणं) इ (०) द्वे करयल जाव पडि-
सुणेइ २ ता जंभए देवे सदावेइ २ ता एवं वयासी-गच्छइ णं तुच्चं देवाणुप्पिया ! जंबु-
दीवं २ भारहं वासं मिहिल रायहाणिं कुंभगस्स रत्तो भवणंसि तिणेव य कोडिसया
अट्टासीयं च कोडीओ अ(सि)सीयं च सयमहस्साइ अयमेयारूवं अत्थसपयाणं साहरह
२ ता मम एयमाणत्थियं पच्चप्पिणह । तए णं ते जंभगा देवा वेसमणेण जाव सुणेत्ता
उत्तरपुरच्छिंयं दिसीभाणं अवक्कमति जाव उत्तरवेउव्वियाइं ह्वाइ वि(इ)उव्वंति २ ता
ताए उक्किट्टाए जाव वीइवयमाणा जेणेव जंबुदीवे २ भारहे वासे जेणेव मिहिला
रायहाणी जेणेव कुंभगस्स रत्तो भवणे तेणेव उवागच्छंति २ ता कुंभगस्स रत्तो
भवणंसि तिञ्चि कोडिसया जाव साहरंति २ ता जेणेव वेसमणे देवे तेणेव उवागच्छंति
२ ता करयल जाव पच्चप्पिणंति । तए णं से वेसमणे देवे जेणेव सक्के ३ तेणेव

उवागच्छइ २ ता करयल जाव पञ्चपिणइ । तए णं मल्ली अरहा कञ्जाकळि जाव मागहओ पायरासो ति बहूणं सणाहाण य अणाहाण य पहियाण य पथियाण य करोडियाण य कप्पडियाण य एगमेगं हिरण्णकोडि अट्ट य अण्णुगई सयसहस्साई इमेयारुवं अथसंपथाणं दलयड । तए णं (से)कुंभए (राया) मिहेलाए रायहाणीए तत्थ २ तहिं २ देसे २ बहूओ महाणमसालाओ करेइ । तत्थ णं बहवे मणुया दिज्जभइ-भन्नवेयणा विउलं असणं ४ उवक्खडेंति (०) जे जहा आगच्छंति तजहा-पथिया वा पहिया वा करोडिया वा कप्पडिया वा पासंडया वा गिहत्या वा तस्म य तहा आसत्थस्स वीसत्थस्स सुहासणवरगयस्स तं विउलं असणं ४ परिभाएमाणा परिवे-सेमाणा विहरंति । तए णं मिहेलाए सिंघाडग जाव बहुजणो अन्नमज्जस्स एवमाइ-क्खइ-एवं खल देवाणुपिया ! कुंभगस्स रज्जो भवणंमि सव्वकामगुणियं किमिच्छियं विपुलं असण ४ बहूणं समणण य जाव परिवेज्जइ । वरवरिया घोसिज्जइ किमि-च्छियं दिज्जए बहुविहीयं । सुरअसुरदेवदागवनारदमहियार्षं निक्खमणे ॥ १ ॥ तए णं मल्ली अरहा सवच्छरेण तिज्जि कोडिसया अट्टासीत्तिायं च होति कोडीओ अ(सिंति)मीयं च सयसहस्साई इमेयारुवं अथसंपथाणं दलयड निक्खमामिंति मणं पहारैइ ॥ ८३ ॥ तेणं कालंणं तेणं समएणं लोगतिया देवा वंभलोए कप्पे रिट्ठे विमाणपत्थडे सएहिं २ विमाणेहि सएहिं २ पासायवडिसएहिं पत्तेयं २ चउहिं सामाणियसाहस्सीहिं तिहिं परिमाहिं सत्तहिं अणिएहिं मत्तहिं अणियाद्विइहिं सोल्लमहिं आयरक्खदेवसाहस्सीहिं अत्तहिं य बट्टहिं लोगतिएहिं देवेहिं सद्धि सपरि-सुडा महयाहयनट्टगीयवाइय जाव रवेणं भुज्जमागा विहरंति तंजहा — सारस्सयमाडच्चा वर्णी वरुणा य गहोया य । तुसिया अन्वावाहा अग्गिक्खा जेव रिट्ठा य ॥ १ ॥ तए णं तेसिं लो(यं)गंतियाणं देवानं पत्तेयं २ आमणाइ च्चलति तहेव जाव अरहताणं निक्खममाणं संबोहणं कर(रे)रित्तए-त्ति तं गच्छामो णं अम्हे मरिहस्स अरहओ संबोहणं करे(मि)मो-त्तिकट्ट एव संपेहेति २ ता उत्तरपुरच्छिम्मं दिसीभा(यं०)गं वेउत्तिव पसमुग्घाएणं समोहेणंति (०) स(खि)खेज्जाई जोयणाई एवं जहा जंभगा जाव जेणेव मिहेला रायहाणी जेणेव कुंभगस्स रज्जो भवणे जेणेव मल्ली अरहा तेणव उवागच्छंति २ ता अंतत्तिकवपडिवच्चा सखिंखिणियाइ जाव वत्थाई पवरपरिहिया करयल जाव ताहिं इट्ठाहिं (जाव) एवं बयासी-बुज्झाहि भगवं(1) लोम गहा ! पवत्तहिं भम्मतित्थं जीवाणं स्खिण्णुहनिस्सेयसकरं भविस्सइ-त्तिकट्ट दोक्खपि तच्चपि एवं वथंति (०) मल्लि अरहं वंदंति नमंसेति वं० २ ता जामेव दिसे पाउब्भू(आ)या तामेव दिसे पडिगया । तए णं मल्ली अरहा सेहिं लोगतिएहिं देवेहिं संबोहिए समाप्ते जेणेव

धम्मापियरो तेणेव उवागच्छइ २ ता करयल जाव एवं वयासी-इच्छामि णं अम्म-
 याओ । तुब्भेहिं अब्भणुत्ताए सुंढे भविता जाव पव्वइत्तए । अहासुई देवाणुप्पिया ।
 मा पडिबंधं करे(हिं)ह । तए णं कुंभए राया कोडुबियपुरिसे सहावेइ २ ता एवं
 वयासी-खिप्पामेव अट्टसहस्सं सोवणियाणं [कलसाण] जाव भोमेजाणं (ति) अन्नं
 च महत्थं जाव तित्थयराभिसेयं उवट्टवेह जाव उवट्टवेति । तेणं कालेणं तेणं
 समएणं चमरे असुरिदे जाव अच्चुयपज्जवसाणा आगया । तए णं सक्के (३)
 आभिओगिए देवे सहावेइ २ ता एवं वयासी-खिप्पामेव अट्टसहस्सं सोवणियाणं
 (कलसाण) जाव अन्नं च तं विपुलं उवट्टवेह जाव उवट्टवेति । तेवि कलसा ते
 चेव कलमे अणुपविट्ठा । तए ण से सक्के देविदे देवराया कुंभए य राया मत्तिं
 अरहं सीहासणासि पुरत्थाभिमुह निवेसेइ अट्टसहस्सेणं सोवणियाणं जाव अभि-
 सिचंति । तए णं मत्तिस्स भगवओ अभिसेए चट्टमाणे अप्पेगइया देवा मिहिल च
 सत्तिभन(रं)रवा(हिं)हिरं जाव सव्वओ समंता [सं]परिधावंति । तए णं कुंभए राया
 दोचपि उतागवक्कमणं जाव सव्वालंकारविभूसियं करेइ २ ता कोडुबियपुरिसे सहावेइ
 २ ता एवं वयासी-खिप्पामेव मणोरमं सीयं उवट्टवेह ते उवट्टवेति । तए ण सक्के
 (३) आभिओगिए देवे सहावेइ २ ता एवं वयासी-खिप्पामेव अणंगखंभ जाव
 (मणोरमं) सीयं उवट्टवेह जाव सावि सीया तं चेव सीयं अणुप्पविट्ठा । तए णं मल्ली
 अरहा सीहासणाओ अब्भुट्टेइ २ ता जेणेव मणोरमा सीया तणेव उवागच्छइ २ ता
 मणोरमं सीयं अणुपयाहिणीकरेमाणा मणोरमं सीयं दुरुहइ २ ता सीहामणवरगए
 पुरत्थाभिमुहे सज्जिमण्णे । तए ण कुंभए (राया) अट्टारस सेणप्पसेणीओ सहावेइ
 २ ता एवं वयासी-तुब्भे णं देवाणुप्पिया । ण्हाया मव्वालंकारविभूसिया मत्तिस्स सीयं
 परिवहइ जाव परिवहंति । तए णं सक्के ३ मणोरमाए [सीयाए] दक्खिणिल्लं उवरिल्लं
 बाहं गेण्हइ । ईमाणे उतरिल्लं उवरिल्लं बाहं गेण्हइ । चमरे दाहिणिल्लं हेट्ठिल्लं बली
 उत्तरिल्लं हेट्ठिल्लं अवसेसा देवा जहारिहं मणोरमं सीयं परिवहंति-पुत्वि उक्खिता
 माणु(रं)सेहिं (तो)सा हट्टगेमकूवेहिं । पच्छा वहंति सीयं असुरिदसुरिदना(गें)गिंदा
 ॥१॥ चलचवलकुंडलधरा सच्छदविउव्वियाभरणधारी । देविददाणविंदा वहति सीयं
 जिग्गिदस्स ॥२॥ तए णं मत्तिस्स अरहओ मणोरमं सीयं दुरुदस्स इमे अट्टमंगलगा
 पुगओ अहाणु(व्वीए)व्वेणं एवं निग्गमो जहा जमालिस्स । तए णं मत्तिस्स अरहओ
 निक्खममाणस्स अप्पेगइया देवा मिहिलं आसिय जाव अब्भितरवासविहिगाहा जाव
 परिधावंति । तए णं मल्ली अरहा जेणेव सहस्संभवणे उज्जाणे जेणेव असोगवरपायवे
 तेणेव उवागच्छइ २ ता सीयाओ पच्चोर(भ)इइ० आभरणालंकारं पभावई पडिच्छइ ।

तए णं मल्ली अरहा सयमेव पंचमुट्टियं लोयं करेइ । तए णं सक्के ३ मल्लिस्स केसे पडिच्छइ
 (२त्ता) खीरोदगसमुदे साहर(पक्खिव)इ । तए णं मल्ली अरहा नमो(S)त्थुं सिद्धाणं-
 तिकहुं सामाइय(च)चारित्त पडिवज्जइ । जं समयं च णं मल्ली अरहा चारित्तं पडिवज्जइ
 तं समयं च णं देवाणं [य]माणुसाणं य निग्घोसे तु(रि)डिय(नि)णा(य)ए गीयवाइय-
 निग्घोसे य सक्क(स्स)वयणसंदेसेणं निलक्के यावि होत्था । जं समयं च णं मल्ली अरहा
 सामाइ(यं)यचारित्तं पडिवज्जे तं समयं च णं मल्लिस्स अरहओ माणुसधम्मओ उतरिए
 मणपज्जवनाणे समुप्पन्नं । मल्ली णं अरहा जे से हेमंताणं दोच्चे मासे चउत्थे पक्खे
 पोमसुद्धे तस्म णं पोमसुद्धन्स एकारसीपक्खेणं पुव्वण्हकालसमयंसि अट्टमेणं भत्तेणं
 अपाणएणं अस्सिणीहि नक्खणेणं जोगमुवराएणं तिहिं इत्थीमएहिं अर्ब्भतरियाए
 परिसाए तिहिं पुरिससएहिं बाहिरियाए परिमाए साद्ध मुंडे भविता पव्वइए । मल्लि
 अरहं इमे अट्ट ना(रा)यकुमारा अणुपव्वइंछु तंजहा-नंदे य नंदिसित्ते सुमित्तबलमित्त-
 भाणुमित्ते य । अमरवइ अमरसेणे महसेणे च्चव अट्टमए ॥ १ ॥ तए णं (म) ते भव-
 णवइं ४ मल्लिस्स अरहओ निक्खमणमहिमं करेति २ ता जेणेव नदीस(ख)रे(०)
 अट्टाहियं करेति जाव पडिगया । तए णं मल्ली अरहा जं च्चव दिवसं पव्वइए तस्सेव
 दिवमस्स पुव्वा(प०)वरण्हकालसमयंसि असोगवरपायवस्स अहे पुडविसिलापट्टयंसि
 सुट्टासणवरगयन्स सुहेणं परिणामेण(पसत्येहिं अज्झवसाणेहि) पमत्थाहि लेसाहि
 (विसुज्झमाणीहि) तथावरणकम्मरयविकरणकरं अपुव्वकरणं अणुपविट्टस्स अणंते
 जाव केवल[वर]नाणदंसणे समुप्पन्नं ॥ ८४ ॥ तेणं कालेणं तेषं समएणं सव्वदेवाणं आ-
 सणाइं च(लं)लेंति समोसटा सुणेंति अट्टाहि(य)यं म(हिमा)हा० नंदीस(रं)रं [जाव]
 जामेव दिमि पाउब्भूया तामेव (दिसि) पडिगया । कुंभए वि निग्गच्छइ । तए णं
 ते जियसत्तपामोक्खा छप्पि य रायाणो जेट्टपुत्ते रज्जे ठावेत्ता पुरिससहस्सवाहिणी-
 याओ दुरुडा सव्विद्धीए जेणेव मल्ली अरहा जाव पज्जवासंति । तए णं मल्ली अरहा
 तीसे महइमहालियाए कुंभगस्म (रण्णो) तेसि च जियसत्तपामोक्खाणं धम्मं
 [परि]कहेइ । परिसा जामेव दिसि पाउब्भूया तामेव दिसि पडिगया । कुंभए
 समणोवासए जाए पडिगए पभावइ(य ममणोवासिया जाया पडिगया) पि । तए
 णं जियसत्तपामोक्खा छप्पि रायाणो धम्मं सोच्चा आलित्तए णं भंते । जाव पव्वइया
 [जाव] चोहसपुब्बिणो अणंते केव(ले)ती सिद्धा । तए णं मल्ली अरहा सहसंबवणाओ
 [पडि]निक्खमइ २ ता बहिया जणवयविहारं विहरइ । मल्लिस्स णं (अरहओ) भिसग-
 (किंसुय)पामोक्खा अट्टावीसं गणा अट्टावीसं गणहरा होत्था । मल्लिस्स णं अरहओ
 [अट्ट]चत्तावीसं समणसाहस्सीओ उट्ठो० । बंधुम(रं)इपामोक्खाओ षण्णपणं अज्जिया-

साहस्सीओ उक्को० । सुव्वयपामोक्खा(मल्लिस्स ण अरह)ओ सावयाणं एग मयसा-
हस्सी चुलसीईं (च) सहस्सा (०) सुगंदापामोक्खा(मल्लिस्स णं अरह)ओ सावियाणं
तिण्ण मयसाहस्सीओ पण्णाट्ट च सहस्सा (०) छ(र)च्चसया चोइमपुव्वीणं [सपया ।]
वी(म)सं सया ओहिनाणीणं बत्तीसं सया केवलनाणीणं पणतीस सया वेउव्वियाणं
अट्टमया मणपज्जवनाणीणं चोइमसया वाहेगं वीधं सया अणुत्तरोववाइयाणं ।
मल्लिस्स [णं] अरहओ दुविहा अतगडभूमी होत्या तं जहा-जु(य)गत करभूमी परिया-
यंतकरभूमी य जाव वीसइमाओ पुरिसजुगाओ जुगंतकरभूमा दुवा[ल]मपरियाए
अतमकासी । मल्ली णं अरहा पणवीस धणू (०) उद्ध उच्चत्तेगं वण्णेण पियंगु(म) णामे
समचउत्तंमसठाणे वज्जरिसहनारायसंघयणे मज्झंदसे सुहंमुहेणं विहरिता जेणेव
सम्मैए पव्वए तेणेव उवागच्छइ २ ता संमेयसंसलसिहरे पाओवगमणुववजे । मल्ली
णं अरहा एगं वासमयं अगारवासमज्जे पणपज्जं वामसहस्साइं वाममयज्जणाइं
केवलपरियाग पाउणिता पणपज्जं वाससहस्साइं मन्वाउयं पालइता जे सं गग्ग्हागं
पढमे मासे दोचे पत्रखे चे(च्चि)नसुद्धे तस्स णं चेतमुद्धस्म च उथीए भरणीए नक्खत्तेणं
अद्धरत्तकालसमयंसि पंचहिं अजियासहिं अडिभनारियाए परिनाए पंचहिं अणगार-
सएहिं बाहिरियाए परिनाए मासिएणं मत्तेणं अयाणएणं वग्घारियाणी खीणे वेयणज्जे
आउए ना(मे)मगोए सिद्धे । एवं परिानव्वाणमहिमा भाणियन्वा जहा जंबुदीवपण्णनीए
नेदीसरे अट्टाहियाओ पडिगयाओ । एव खलु जंबू ! समणेण ३ जाव संपत्तेणं
अट्टमस्स नायज्झयणस्म अयमट्टे पज्जते-तिवेमिं ॥ ८५ ॥ **गाहाउ-**उग्गतव-
सजमवओ पगिद्धकलमाहगस्सवि जिग्गस्म । धम्मविमएवि सुहुमावि होइ माया
अप्पत्थाय ॥ १ ॥ जइ मल्लिस्स महाबलमवामि तित्थयरनामवधेऽवि । तवविसय-
येवमाया जाया जुवइगहेउत्ति ॥ २ ॥ **अट्टमं नायज्झयणं समत्तं ॥**

जइ ण भते ! समणेणं भगवया महावीरेणं जाव सपत्तग अट्टमस्स नायज्झय-
णस्म अयमट्टे पज्जते नवमस्स ण भते ! नायज्झयणस्स समणेणं जाव संपत्तेणं के
अट्टे पज्जते ! एवं खलु जंबू ! तेणं कालेणं तेणं समएणं चंया नामं नयरी होत्था ।
(तीसे णं चपाए नयरीए कोष्पिए नामं राया होत्था तत्थ णं चंयाए नयरीए बहिया
उत्तरपुरच्छिमे दिसीभाए) पुण्णभेहे(नामं) उज्जाणे(होत्था) । तत्थ णं माकंठी नामं
सत्थवाहे परिवसइ अट्टे जाव अपरिभूए । तस्स णं भहा नामं भारिया होत्था ।
तीसे णं भहाए अतया दुवे सत्थवाहदारया होत्था तंजहा-जिणपालिए य जिगर-
क्खिए य । तए णं तेसिं मागदियदारगणं अजया कयाइ एगयओ इमेगस्से
मिहोक्खासमुल्लवे समुप्पज्जिथा-एवं खलु अम्हे लवणसमुहं पोयवइणेणं एक्कारसं

वारा ओगाढा सव्वत्थ वि य णं लद्धद्वा क्यकज्जा अणहसमग्गा पुणरवि निय(य)-
 गघरं हव्वमागया । तं सेयं खलु अम्हं देवाणुप्पिया । दुवालसमंपि लवणसमुद्दं
 पोयवहणेणं ओगाहित्तए-त्तिकट्टु अन्नमज्जस्स एयमट्ट पड्डिसुणेति २ ता जेणेव अम्मा-
 पियरो तेणेव उवागच्छंति २ ता एवं वयासी-एवं खलु अम्हे अम्मयाओ ! एकारस
 वारा तं चेव जाव निय(यं)गघरं हव्वमागया, तं इच्छामो णं अम्मयाओ !
 तुच्चेहिं अब्भणुत्ताया समाणा दुवाल(मं)लवणसमुद्दं पोयवहणेणं ओगाहित्तए ।
 तए णं ते मागंदियदारए अम्मापियरो एवं वयासी—इमे (ते) भे जाया । अज्ज
 जाव परिभाएत्ताए, तं अणुहोह ताव जाया ! विपुत्ते माणुस्सए इद्धीभक्कार-
 समुदए, किं भे सपच्चवाएणं निरालंबणेणं लवणसमुद्दंत्तारेणं ? एवं खलु पुत्ता !
 दुवालसमी जत्ता सोउसग्गा यावि भवड, तं मा णं तुच्चे दुवे पुत्ता ! दुवालमसंपि
 लवण जाव ओगाहेह, मा हु तुच्चेमं सरिरस्म वावती भविस्सइ । तए णं [ते]
 मा(ग)कंदियदारगा अम्मापियरो दोच्छंति तच्चपि एव वयासी-एवं खलु अम्हे अम्म-
 याओ ! एकारस वारा लवण जाव ओगाहित्तए । तए णं ते मा(गदी)कंदियदारए
 अम्मापियरो जाहे नो संचाएंति बहूहिं आघवणाहि य पणवणाहि य (आघवित्तए
 वा पच्चवित्तए वा) ताहे अकामा चेव एयमट्टं अणु(जाणि)मत्तिरया ! बए णं ते
 माकंदियदारगा अम्मापिउहिं अब्भणुत्ताया समाणा गणिमं च धविमं च मेज्जं च
 पारिच्छेज्ज च जहा अरहन्नगस्म जाव लवणसमुद्दं बहूइं ओ(अ)यणसयाइं ओगाढा
 ॥ ८६ ॥ तए णं तेहिं माकंदियदारगाणं अणेगाइं जोगसयाइं ओगाढाणं समा-
 णाणं अणेगाइं उप्पाइयसयाइं पाउच्चभूयाइं तंजहा-अकाले गज्जियं जाव यणियसंइ
 कालियवाए तत्थ समुट्टिए । तए णं सा नावा तेषं कालियवाएणं आहुणित्तमाणी
 २ संचालित्तमाणी २ संखोभित्तमाणी २ सलिलतिक्खवेगेहिं अइव(आय)इत्त-
 माणी २ कोट्टिमंसि करतलाहए विव ति(ते)दूसए तत्थेव - ओवयमाणी य उप्पयमाणी
 य उप्पयमाणी-विव धरणीयलाओ सिद्धविज्जा विज्जाहरकन्नगा ओवयमाणी विव
 गगणतलाओ भट्टविज्जा विज्जाहरकन्नगा विपलायमाणी विव महागरुलवेगवित्त(सिया
 भुयगवरकन्नगा धावमाणी विव महाजणरसियसहवैनत्था ठाणभट्टा आत्तिकसोरी
 निगुंजमाणी विव गुरुजणदिट्ठावराहा सु(य)जणकुलकन्नगा धुम्ममाणी विव वी(ची)-
 च्चिपहारसयतालिया गल्लिलंबणा विव गगणतलाओ रोयमाणी विव सलिल[भिन्न]-
 गंठिविप्पहरमाण(घो)थोरंसुवाएहिं नववहू उवरयभत्तुया विलवमाणी विव परचक्कराया-
 भिरोहिया परममहब्भयाभिहुया महापुरवगी स्थायमाणी विव कवडच्छोम[ण]पओग-
 जुत्ता जोगपरिब्बाइया वीस(निसा)समाणी विव महाकंतारविणिग्गयपारेस्संता

परिणयवया अम्मया सोयमाणी विव तवचरणखीणपरिभोगा च(य)वणकाले देवव-
 रवहू संचुण्णियकट्टकूवरा भग्गमेढिमोडियसहस्समाला सूलाइयवंकपरिमामा फलहं-
 तरतडतडेंतफुइंतसंधिवियलंतलोह(की)खीलिया सव्वंगवियंभिया परिसडियरज्जुवि-
 सरंतसव्वगता आमगमल्लगभूया अकयपुण्णजगमणोरहो विव चित्तिज्जमागगुरुइ
 हाहाकय कृष्णधारनावियवाणियगज्जकम्म(गा)करविलविया नाणाविहरयणपणियसं-
 पुण्णा बहुहिं पुरिमसएहिं रोयमाणेहिं कंदमाणेहिं सोयमाणेहिं तिप्पमाणेहिं विलव-
 माणेहिं एगं महं अंनोजलगयं गिरिसिहरमासा(य)इत्ता संभग्गकूवतोरणा मोडिय(अ)-
 ज्जययंटा वलयसयखंडिया क(र)डकडस्स तत्थेव विद्वं उवगया । तए णं तीए
 नावाए भिज्जमाणीए [तं] बहुवे पुरिसा विपुलप(डि)णियभंडमायाएअंनोजलमि निम-
 ज्जावि यावि होत्था । तए णं ते माकदियदारगा छेया दक्ख्हा पत्तट्ठा कुमला मेहावी
 निउणसिणोवगया बहुसु पोयवहणसपराएसु कय कर(ण)णा लद्धविजया अमूडा
 अमूडहत्था एगं महं फलगखंडं आमादेंति । जं(मिं)सि च णं पएंसंति से पोयवहणे
 विवजे तंसि च णं पएंसंति एगे महं रयण(दी)दीवे नामं दीवे होत्था अणेगाइं
 जोयणाइं आयामविक्खंमेगं अणेगाइं जोयणाइं परिक्खेवेगं नाणादुमसडमंडिउहंसे
 सस्मिरीए पासाईए दरि(दं)मणिजे अभिहवे पडिह्वं । तस्स णं बहुमज्जदेमभाए
 ए(त)त्थेणं महं एगे पासायवडेंसए होत्था अब्भुग्गयमूनि(य)णं जाव सारे री(भू)ग्रह्वे
 पासाईए ४ । तत्थ णं पासायवडेंसए रयणदीवदेवया नामं देवया परिवसइ पावा
 चंडा रुदा खुदा साहसिया । तस्स णं पासायव(इड)डेंगस्स चउ(हिं)दिसिं चत्तारि
 वणसंडा [पत्रत्ता] किण्हा किण्होभासा । तए णं ते माकदियदारगा तंणं फलय-
 खंडेणं उवुज्जमाणा २ रयणदीवतेणं संबुडा यावि होत्था । तए णं ते माकदियदा-
 रगा थ हं लभंति २ ता मुहुत्तंतरं आ(स)सामंति २ ता फलगखंडं विसज्जंति २ ता
 रयणदीवं उत(रं)रेंति २ ता फलाणं मग्गणगवेसणं करेंति २ ता फलाइं (गि(गे)ण्हंति
 २ ता) आहारंति २ ता नात्ति(ए)यराणं मग्गणगवेसणं करेंति २ ता नात्तियराइं
 फोडेंते २ ता नात्तियरतेल्लेणं अन्नमज्जस्स गाया(गत्ता)इं अ(ब्भं)त्तिमंति २ ता
 पोक्खरणीओ ओगा(हिं)हेंति २ ता जलमज्जणं करेंति २ ता जाव पच्चरंति २ ता पुड-
 विसिन्नापट्ठयंसि निसीयति - ता आमत्था वीसत्था सुहामणवरगया चं(पा)पं नयरिं
 अम्मापिउआपुच्छं च लवणसमुदोता(रं)रणं च कालियवायसं(स)मु(ह्य)च्छणं च
 पोयवहणविवानि च फलयखंड[य]स्स आमायणं च रयणदी(वु)वोत्तारं च अणुवित्ते-
 माणा २ ओहयमणसंक्रपा जाव झिया(यें)यंति । तए णं सा रयणदीवदेवया ते माकं
 दियदारए ओहिणा आभोएइ २ ता असिफलगवग्गहत्था सत्त[अ]इ(ता)तलप्पमाणं

उहं वेदासं उप्पयइ २ ता ताए उक्किट्ठाए जाव देवगाइए वी(इ)ईवयमाणी २ जणेव
 माकंदियदारए तेणेव उवागच्छइ २ ता आमुत्ता [ते] माकंदियदारए खरफरुसनिट्टुर-
 वयणेहि एवं वयासी-हं भो माकंदियदारया ! (अपत्थियपत्थिया !) जइ णं तुब्भे
 मए साद्ध विउलाइं भोगभोगाईं भुंजमाणा विहरह तो मे अत्थि जीवि(अ)यं,
 अह(०)णं तुब्भे मए सद्धिं विउलाइं नो विहरह तो मे इमेणं नीलुप्पलगवलगुलिय
 जाव खुरधारेणं असिणा रत्तगंडमंसुयाईं माउ(या)आहिं उवमोहियाइ तालफला-
 (णी)णिव सीयाईं एगंते एडेमि । तए णं ते माकंदियदारगा रयणदीवदेवयाए अंतिए
 एयमट्ठं मोच्चा निसम्म भीया करयल जाव वद्धावेत्ता एवं वयासी—जच्च देवाणु-
 प्पिया (!) वडस्सइ तस्म आणाउचवायवयणनिहेसे चिट्ठिस्सामो । तए णं सा रयणदीव-
 देवया ते माकंदियदारए गेण्हइ २ ता जणेव पासायवडेंसए तेणेव उवागच्छइ
 २ ता अनुभपोगगलावहारं करेइ २ ता सुभपोगगलपक्खेवं करेइ २ ता [तओ] पच्छा
 तेहि मद्धिं विउलाइं भोगभोगाईं भुंजमाणी विहरह कल्लकालिं च अमयफलाईं
 उवणेइ ॥ ८७ ॥ तए णं सा रयणदीवदेवया सक्कवयणमंदेसेणं सुट्ठिएणं लवणाहि-
 वड्ढा लवणममुंदं तिसत्तखुत्तो अणुपरिय(ट्ठि)इयव्वे ति जं किचि नत्थ तणं वा पत्तं
 वा कट्ठं वा कयवरं वा अह(ई)इ पू(त्ति)यं दुरभिगंधमचोक्खं तं सव्वं आहुणिय २
 तिसत्तखुत्तो एगंते एडेयव्व-तिरुद्धु निउत्ता । तए णं सा रयणदीवदेवया ते माकं-
 दियदारए एवं वयासी—एवं खल्ल अहं देवाणुप्पिया ! सक्कवयणसंदेसेणं सुट्ठिए(णं)
 लवणाहिवड्ढा तं चेव जाव निउत्ता । त जाव [ताव] अहं देवाणुप्पिया ! लवण-
 समुद्धं जाव एडेमि ताव तुब्भे इहेव पासायवडेंसए सुहंसुहेणं अभिरममाणा चिट्ठह ।
 जइ णं तुब्भे एयंसि अतरंसि उच्चिग्गा वा उस्सुया वा उपुया वा भवेज्जाह तो णं
 तुब्भे पुर(च्छि)त्थिमिल्लं वणसडं गच्छेज्जाह । तत्थ णं दो उ(ऊ)ऊ सया साहीगा
 तंजहा-पाउसे य वासारत्ते य । तत्थ उ कंदलसिलिधदंतो निउवरपुत्फपीवरकरो ।
 कुडयज्जुणनीवसुरभिदाणो पाउसउऊ-गयवरो साहीणो ॥ १ ॥ तत्थ य-सुरगोवमणि-
 विचित्तो दहुरकुलरसियउज्जररबो । बरहिण(वि)वंदपरिणद्धसिहरो वामार(त्ता)तउ-
 ऊपव्ववो साहीणो ॥ २ ॥ तत्थ णं तुब्भे देवाणुप्पिया ! बहुसु वाचीसु य जाव
 सरसरपंतियासु [य] ब(ह्)हुसु आलीवरएसु य मालीवरएसु य जाव कुसुमघरएसु य
 सुहंसुहेणं अभिरममाणा [२] विह(रे)वेज्जाह । जइ णं तुब्भे त(ए)त्थ वि उच्चिग्गा वा
 उस्सुया वा उपुया वा भवेज्जाह तो णं तुब्भे उत्तरिल्लं वणसडं गच्छेज्जाह । तत्थ णं
 दो उऊ सया साहीणा तंजहा-सरदो य हेमंतो य । तत्थ उ सणस(त्त)त्थिवणकउ-
 (ओ) हो नीलुप्पलवउमनल्लिगखिणो । सारसच(क्खवा)क्खारवियघोसो सरयउऊ-गोवई

साहीणो ॥ १ ॥ तत्थ य सियकुंदधवलजोण्हो कुमुमियलोद्धवगसंडमंडलतलो । तुसारदगधारपीवरकरो हेमंतउऊमसी सया साहीणो ॥ २ ॥ तत्थ णं तुब्भे देवाणुप्पिया ! वावीउ य जाव विहरेजाह । जइ णं तुब्भे तत्थ वि उव्विग्गा वा जाव उस्सुया वा भवेजाह तो णं तुब्भे अवरिल्लं वणसड गच्छेजाह । तत्थ णं दो उऊ सया माहीगा तंजहा—वसंते य गिम्हे य । तत्थ उ सहकारचारुहारो किमुयकण्णियारासोगमउडो । ऊसयतिलगब(उ)कुलायवत्तो वसतउऊ—नरवई साहीणो ॥ १ ॥ तत्थ य पाडलसिगिसमल्लो म(ल्लि)त्रियावासतियवउवेलो सीयलभुरभिअनिलमगरचर्रो गिम्हेउऊयागरो साहीणो ॥ २ ॥ तत्थ णं बहुउ जाव विहरेजाह । जइ णं तुब्भे देवाणुप्पिया । तत्थ वि उव्विग्गा [वा] उस्सुया [वा उप्पुया वा] भवेजाह तओ तुब्भे जेगेव पासायवडेंता तेणेव उवागच्छेजाह ममं पडिवलेमागा २ च्चिट्ठेजाह । मा णं तुब्भे दक्खिणिल्लं वणसंडं गच्छेजाह । तत्थ णं महं एगे उयगविसे चंडावसे घोरविसे महाविसे अइका(य) १ महाकाए जटा तेयानेमग्गे मसिमहि(मा)-समुसाकालए नयणविमरोमपुण्णे अजगपुंजनियरप्पगासे रत्तच्छे जनलजुयलचंचलचलंनजीहे धरणियलवेणिभूए उऊडफुडकुडिलजडिलककवडवियडफडाडोवकरणदच्छे लो(गाहा)हागरधम्ममागधमयमंतपोसे अगागलियचंचडतिव्वरोसं समु(हिं)हं तुरि(यं)यचचलं धमध(मं)नेतदिट्ठीवमं मप्पे (य) परिववद । मा णं तुब्भं सरीर(ग)स्स वावत्ती भविस्सइ । ते माकंदियदारए ओचंपि तचंपि एवं वयइ २ ता वेउव्वियममुग्घाएणं समोह[ण]गइ २ ता ताए उक्किट्ठाए लवगममुद्दं तिवत्तखुत्तो अणुपरियट्ठं पयता यावि हांता ॥ ८८ ॥ तए णं ते माकंदियदारया तओ मुहुत्तंतरस्म पासायवडेनए सई वा रई वा धिई वा अलभमाणा अजमजं एवं वयासी—एवं खलु देवाणुप्पिया । रयगसीवदवया अम्हे एवं वयासी—एवं खलु अहं सक्कयणसदेसणं सुट्ठिणं लवगाहिबइणा जाव वावत्ती भविस्सइ । तं सेयं खलु अम्हं देवाणुप्पिया । पुगत्थिमि(ल्ले)उं वगसंडं गमितए । अनमजस्स (एयमट्ठं) पडिपुणेंति २ ता जेगेव पुरत्थिमिल्ले वगसंडे तेणेव उवागच्छति २ ता तत्थ णं वावीउ य जाव आलीयरएउ य जाव विहरंति । तए णं ते माकवियदारया तत्थ वि सई वा जाव अलभमाणा जेगेव उक्करिल्ले वगसंडे तेणेव उवागच्छंति (२ ता) तत्थ णं वावीउ य जाव आलीयरएउ य विहरंति । तए णं ते माकंदियदार(या)या तत्थ वि सई वा जाव अलभमाणा जेगेव पक्कत्थिमिल्ले वणसंडे तेणेव उवागच्छंति २ ता जाव विहरंति । तए णं ते माकंदियदारया तत्थ वि सई वा जाव अलभमाणा अजमजं एवं वयासी—एवं खलु देवाणुप्पिया । अम्हे रयगसीवदवया एवं वयासी—एवं खलु अहं देवाणु-

पिया । सक(स्स)वयणसंदेसेणं सुट्टिए(ण)णं लवणाद्धिक्कणा जाव मा णं तुब्भं सरी-
रस्स बावत्ती भविस्सइ । तं भवियब्बं एत्थ क्कारणेणं । तं सैयं खल्लु अम्हं दक्खिण्णिहं
वणसंडं गमितए-त्तिकट्ठु अन्नमन्नस्स एयमद्धं पळिसुणोति २ ता जेणेव दक्खिण्णिहं
वणसंडे तेणेव पहारेत्थ गमणाए । त(ए)ओ णं गंधे निद्धाइ ते जहानामए
अहिमडेइ वा जाव अण्हिततराए(चव) । तए णं ते मार्कंदियदार(या)गा तेणं असु-
भेणं गंधेणं अभिभूया समाणा सएहिं २ उत्तरिज्जेहिं आमाइं पिहेति २ ता जेणेव
दक्खिण्णिहं वणसंडे तेणेव उवागया । तत्थ णं महं एगं आ(घा)वयणं पासंति(०)
अट्टियरासिमयसकुलं भीमदरिसणिज्जं एगं च तत्थ सूलाइ(त)यं पुरिसं कल्लुपाइं
क्कडाइं विस्सराइं कुब्बमाणं पासंति(२ ता)भीया जाव संजायभया जेणेव से सूलाइ(य)-
ए पुरिसे तेणेव उवागच्छंति २ ता तं सूलाइयं पुरिसं एवं वयासी-एस णं देवाणुप्पिया !
कस्स आघयणे तुमं च णं के कओ वा इहं हव्वमाणए केण वा इमेयारूवं आव(तिं)यं
पाविए ? । नए णं से सूलाइए पुरिसे[ते]मार्कंदियदार(ए)ओ एवं वयासी-एस णं
देवाणुप्पिया ! रयणदीवदेवयाए आघयणे । अहं णं देवाणुप्पिया ! जंबुदीवाओ
दीवाओ भारहाओ वासाओ क(गंढी)कंदिए आसवाणियए विपुलं पणियभंडमायाए
पोयवहणेणं लवणसमुदं ओयाए । तए ण अहं पोयवहणविवत्तीए निब्बुइभंडसारे
एगं फल्लगखंडं आसाएमि । तए णं अहं उवुज्जमाणे २ रयणदीवतेणं संबूडे ।
नए णं सा रयणदीवदेवया ममं (ओहिणा) पासइ २ ता ममं गेण्हइ २ ता मए सद्धिं
विउलाइं भोगभोगाइं भुंजमाणी विहरइ । तए णं सा रयणदीवदेवया अन्नया
कयाइ अहालहुसगंसि अवरारहंसि परिकुविया समाणी ममं एयारूवं आवयं पावेइ ।
तं न नज्जइ णं देवाणुप्पिया । तु(म्हं)ब्भं पि इमेसिं सरीरगाणं का मजे आवइ भवि-
स्सइ (!) । तए णं ते मार्कंदियदारगा तस्स सूलाइ(य)गस्स अंतिए एयमद्धं सोब्बा
निसम्म बलियतरं भीया जाव संजायभया सूलाइयं पुरिसं एवं वयासी-कहं णं
देवाणुप्पिया ! अम्हे रयणदीवदेवयाए हत्थाओ साहत्थिं नित्थरिज्जामो ? । तए
णं से सूलाइए पुरिसे ते मार्कंदियदारगे एवं वयासी-एस णं देवाणुप्पिया । पुरत्थि-
मिहं वणसंडे सेल्लगस्स जक्खस्स जक्खा(य)यणे सेल्लए नामं आसहवधारी जक्खे
परिवसइ । तए णं से सेल्लए जक्खे चाउ(वो)इसट्टमुहिट्टुपुण्णमासिणीसु आगयसमए
पत्तसमए महया २ सद्धेयं एवं बद्ध-कं तारयामि ? कं पालयामि ? तं गच्छइ णं तुब्भे
देवाणुप्पिया ! पुरत्थिमिहं वणसंडं सेल्लगस्स जक्खस्स महरिहं पुप्फवणियं करेइ
२ ता जणुपायवडिया पंजळिउडा विण्णणं फल्लवासमाणा विहर(विट्ठ)इ । जाहो णं से
सेल्लए जक्खे आगयसमए पत्तसमए एवं बद्ध-कं तारयामि ? कं पालयामि ! ताहो

तुब्भे [एवं] वयह-अम्हे तारयाहि अम्हे पालयाहि । सेलए (भे) भो जक्खे परं रयणबीवदेवयाए हत्थाओ साहत्थि नित्यारेजा । अन्नदा भो न याणामि इमेसिं सरीरगाणं का मन्ने आवई भविस्सइ ॥ ८९ ॥ तए णं ते मार्कंदियदारगा तस्स सूला-इयस्स अंतिए एयमट्टं सोच्चा निसम्म सिग्घं चंडं चवलं तुरियं वेइयं जेणेव पुरत्थिमिन्ने वणसंडे जेणेव पोक्खरिणी तेणेव उवागच्छंति २ ता पोक्खरिणि ओगाहें(गाहं)ति २ ता जलमज्जणं करंति २ ता जाई तत्थ उप्पलाई जाव गेण्हंति २ ता जेणेव सेलगस्स जक्खस्स जक्खाययणे तेणेव उवागच्छंति २ ता आलोए पणामं करंति २ ता महरिहं पुप्फन्नणियं करंति २ ता जलुपायवड्डिया सुस्सुसमाणा नमंसमाणा पज्जुवासंति । तए णं से सेलए जक्खे आगयसमए पत्तसमए एवं वयासी-कं तारयामि ? कं पालयामि ? । तए णं ते मार्कंदियदारगा उट्ठाए उट्ठंति करयल जाव वद्धावेत्ता एवं वयासी-अम्हे तारयाहि अम्हे पालयाहि । तए णं से सेलए जक्खे ते मार्कंदियदारए प्णं वयासी-एवं खल देवाणुप्पिया ! तुब्भं मए सद्धिं लवणसमु(हेणं)हं मज्झमज्जेणं वीईवयमा(णे)णाणं सा रयणबीवदेवया पावा चंडा खुदा खुदा साहसिया बहूहिं खरएहि य मउएहि य अणुलोमेहि य पडिलोमेहि य सिगारेहि य कलुणेहि य उवसग्गेहि य उवसग्गं करेहिइ । तं जइ णं तुब्भे देवाणुप्पिया । रयणबीवदेवयाए एयमट्टं आढाह वा परियाणह वा अव(ए)यक्खह वा तो मे अहं पिट्ठाओ वि(भु)हूणामि । अह णं तुब्भे रयणबीवदेवयाए एयमट्टं नो आढाह नो परियाणह नो अवयक्खह तो मे रयण-बीवदेवया[ए] हत्थाओ साहत्थि नित्यारेमि । तए णं ते मार्कंदियदारगा सेलगं जक्खं एवं वयासी-जं णं देवाणुप्पिया(।)वइस्संति तस्स णं उववायवयणनिहेसे चिट्ठिस्सामो । तए णं से सेलए जक्खे उत्तरपुर(च्छि)त्थिमं दिसीभागं अवक्कमइ २ ता वेउच्चियसमु-ग्घाएणं समोहणइ २ ता संखेजाइं जोयणाइं दंडं निस्सरइ दोष्भं(पि(तच्छं(पि)वेउच्चिय-समुग्घाएणं समोहणइ २ ता एयं महं आसरूवं वे(वि)उच्चइ २ ता ते मार्कंदियदारए एवं वयासी-हं भो मार्कंदियदारया । आरुह णं देवाणुप्पिया । मम पिट्ठसि । तए णं ते मार्कंदियदारया हट्टं सेलगस्स जक्खस्स पणामं करंति २ ता सेलगस्स पि(ट्ठि)ट्ठं डुरुढा । तए णं से सेलए ते मार्कंदियदारए वुरुढे जाणित्ता सत्त[अ]ट्ठतालप्पमाणमेत्ताई उच्चं वैहासं उप्पयइ २ ता (य) ताए उक्किट्ठाए तुरियाए[चवलाए चंडाए दिव्वाए] देवयाए दे(दि०)वगईए लवणसमुई मज्झमज्जेणं जेणेव जंबुहीवे बीवे जेणेव भारहे वासे जेणेव चंपा नयरी तेणेव पहारेत्थ गमणाए ॥९०॥ तए णं सा रयणबीवदेवया लवणसमुई तिसत्तखुतो अणुपरियट्ठइ जं तत्थ तणं वा जाव एड्ढे(२ ता)जेणेव पासा-यवडेसए तेणेव उवागच्छइ २ ता ते मार्कंदियदारया पासायवडेसए अपासमाणं

जेणेव पुरत्थिमिल्ले वणसंडे जाव सव्वओ समंता मग्गणववैसणं करेइ २ ता तेसिं
 माकंदियदारगणं कत्थइ इइं वा ३ अलभमाणी जेणेव उत्तरिल्ले (वणसंडे) एवं चैव
 पञ्चत्थिमिल्ले वि जाव अपासमाणी ओहिं पउंजइ (०) ते माकंदियदारए सेलएणं सद्धिं
 लवणसमुद्दं मज्झंमज्झेणं वीईवयमाणे २ पासइ २ ता आसुरता असिखेडगं गेण्हइ
 २ ता सत्तद्धु जाव उप्पयइ २ ता ताए उक्किट्ठाए जेणेव माकंदियदार(गा)या तेणेव उवा-
 गच्छइ २ ता एवं वयासी-हं भो माकंदियदारगा अपत्थियपत्थिया ! किण्णं तुब्भे
 जाणह विप्पजहाय सेलएणं जक्खेणं सद्धिं लवणसमुद्दं मज्झंमज्झेणं वीईवयमाणा ? तं
 ममं एवमवि गए जइ णं तुब्भे ममं अवयक्खह तो भे अत्थि जीवियं, अह णं नावय-
 क्खह तो भे इमेणं नीलुप्पलगवल जाव एडेमि । तए णं ते माकंदियदारगा रयण-
 दीवदेवयाए अंतिए एयमट्टं सोच्चा निसम्म अभीया अतत्था अणुव्विग्गा अवक्खुभिया
 असंभंता रयणदीवदेवयाए एयमट्टं नो आढंति नो परियाणंति ना(णो अ)वयक्खंति
 अणाढायमाणा अपरियाणमाणा अणवयक्खमाणा[य]सेलए(ण)णं जक्खेणं सद्धिं
 लवणसमुद्दं मज्झंमज्झेणं वीईवयंति । तए णं सा रयणदीवदेवया ते माकंदि[यदार]या
 जाहे नो संचाएइ बहुहं पळिलोमेहि य उवसग्गेहि य चालितए वा खोभितए वा
 विपरिणामित्तए वा (लोभितए वा) ताहे महुरे(हि)हिं[य]सिगारेहि य कल्लणेहि य उव-
 सग्गेहि य उवसग्गेउं पयत्ता यावि होत्था-हं भो माकंदियदारगा । जइ णं तुब्भेहिं
 देवाणुप्पिया । मए सद्धिं हसियाणि य रमियाणि य ललियाणि य कीलियाणि य
 हिंभियाणि य मोहियाणि य ताहे णं तुब्भे सव्वाइं अगणेमाणा ममं विप्पजहाय
 सेलएणं सद्धिं लवणसमुद्दं मज्झंमज्झेणं वीईवयह । तए णं सा रयणदीवदेवया
 जिणरक्खियस्स मणं ओहिणा आभोएइ २ ता एवं वयासी-निच्चंपि य णं अहं जिण-
 पालियस्स अणिट्ठा ५ । निच्चं मम जिणपालिए अणिट्ठे ५ । निच्चंपि य णं अहं
 जिणरक्खियस्स इट्ठा ५ । निच्चंपि य णं ममं जिणरक्खिए इट्ठे ५ । जइ णं ममं
 जिणपालिए रोयमा(णीं)णिं कंदमाणिं सोयमाणिं तिप्पमाणिं विल्वमाणिं नावयक्खइ
 किण्णं तुमं[पि]जिणरक्खिया । ममं रोयमाणिं जाव नावयक्खसि ? तए णं—सा
 पवररयणदीवस्स देवया ओहिणा (उ) जिणरक्खियस्स मणं । नाऊ(ण)णं वधनि-
 मित्तं उव(रि)रिं माकंदियदारगा(णं)ण दोण्हंपि ॥ १ ॥ दोसकलिया स(ललि)लिल्यं
 नाणाविहचुण्णवासमोसियं दिव्वं । घाणमणनिव्वुइकरं सव्वोउयसुरभिकुसुमवुट्ठिं
 पसुंभमाणी ॥ २ ॥ नाणामणिकणगरखणघट्टियखिखिणिने(ऊ)उरमेहलभूसणरवेणं ।
 दिसाओ विदिसाओ पूरयंती वयणमिणं बेइ सा (स)कलुसा ॥ ३ ॥ होल वसुल
 गोल नाह दइय पिय रमण कंत सामिय निग्घण नित्थक्क । यि(ळि)ण्ण निक्खि

अकय(लु)वुयु सिदिलभाव निरुज्ज लुक्ख अकल्लण जिणरक्खिय मज्झं हियवर-
क्ख(गा)ग ॥ ४ ॥ न हु जुज्जति एक्कियं अणाहं अबंधवं तुज्ज चलगओवायकारियं
उज्जित्तम(ह)धवं । गुणसंकर (। अ)हं तुमे विदूणा न समत्था (वि) जीविदं खणपि
॥ ५ ॥ इमस्स उ अणेगइसमगरविविधसावयसया(उ)कूलधरस्स । रयणागरस्स
मज्झे अप्पाणं वहेमि तुज्ज पुरओ एहि नियनाहि जइ सि कुविओ खमाहि
ए(क्का)कावराहं मे ॥ ६ ॥ तुज्ज य विगयघणबिमलसस्सिंमंड(ल)लागारसस्सिरियं
सारयनवकमलकुमुदकुवलयविमलदलनिकरसरिसनि(मं)भनयण । वयणं पिवासा-
गयाए सदा मे पेच्छउं जे अवलोएहि ता इओ ममं नाह जा ते पेच्छामि वयण-
कमलं ॥ ७ ॥ एवं सप्पणयसरलमहुराईं पुणो २ कल्लणाईं वयणाईं जंपमाणी सा
पावा मग्गओ समण्णेइ पावहियया ॥ ८ ॥ तए णं से जिणरक्खिवाए चलमणे तेणेव
भूसणरवेणं कण्णबुहमणोहरेणं तेहि य सप्पणयसरलमहुरभणिएहिं संजायविउण-
[अणु]ताए रयणदीवस्स देवयाए तीसे सुंदरथणजहणवयणकरचरणनयणलावणरूव-
जोवण्णासिरिं च दिव्वं सरभसउवगूहियाईं (जातिं)बिब्बोयविलसियाणि य विहस्सियस-
कडक्खदिट्ठिनिरस्सियमलियउवल्लिय(ठि)थियगमणपणयस्खिजिय(पा)पसाइयाणि य
नरमाणे रागमोहियमई अवसे कम्मवसगए अवयक्खइ मग्गओ सविलियं । तए णं
जिणरक्खियं समुप्पन्नकल्लणभावं मच्चगलत्थल्लणोत्थियमई अवयक्खवं तहेव जक्खे (य)
उ सेलए जाणिऊण सणियं २ उव्विहइ नियगपिट्ठा(हि)हिं विगयस(त्थं)इ । तए णं
सा रयणदीवदेवया निस्संसा कल्लणं जिणरक्खियं सकलुसा सेलगपिट्ठाहिं ओ(उ)व-
यंतं-दास । मओसि त्ति जंपमाणी अ(ए)पत्तं सागरसलिलं गेण्हिय बाहाहि आरसंतं
उड्ड उव्विहइ अंवरतळे ओवयमाणं च मंडलगणे पडिच्छिता नीलुप्पलगवल-
अयसिप्पगासे(ण)णं असिबरेणं खंडाखाडिं करेइ २ ता तत्थ विलवमाणं तस्से य
सरसवहियस्स घेतुण अगमंगाईं सफहिराईं उक्खित्तबलिं चउदिसिं करेइ सा पंजली
प(हि)हट्ठा ॥ ९ ॥ एवामेव समणाउसो । जो अम्हं निरगंथाण वा निरगंथीण वा
अंतिए पव्वइए समाणे पुणरवि भाणुस्सए कामभोगे आसायइ पत्थयइ पीहेइ
अभिलसइ से णं इहभवे चेव बहूणं समणाणं बहूणं समणीणं बहूणं सावयाणं बहूणं
सावियाणं जाव संसारं अणुपरियट्ठिस्सइ जहा (वा) व से जिणरक्खिए । छल्लिओ अबय-
क्खंतो निरावयक्खो गओ अक्खिघेणं । तम्हा पवयणसारे निरावयक्खेण भवियव्वं
॥ १ ॥ भोगे अवयक्खता पडंति संसारसा(य)गरे घोरे । भोगेहिं [य] निरवयक्खा
तरंति संसारकंतारं ॥ २ ॥ ९२ ॥ तए णं सा रयणदीवदेवया जेणेव जिणपाळिए तेणेव
उवागच्छइ २ ता बहूहिं अणुलोमेहि य पडिलोमेहि य खरम(हुर)उयसिगारे(हि)हिं

य क्लृणेहि य उवमग्नेहि य जाहे नो संचाएइ चालितए वा खोभितए वा वि(र)परि-
 णामितए वा ताहे संता तंता परितंता निविण्णा समा(गी)णी जामेव दिसिं पाउब्भ्या
 तामेव दि(सं)मिं पडिगया । तए णं से सेलए जक्खे जिणपालिएण सद्धिं लवणसमुहं
 मज्झमज्जेणं वीइवयइ २ ता जेणेव चंपा नयरी तेणेव उवागच्छइ २ ता चंपाए नयरीए
 अगुज्जाणंसि जिणपालियं प(पि)ट्ठाओ ओयारेइ २ ता एवं वयासी-एस णं देवाणु-
 पिया । चंपा-नयरी वीसइ-तिकट्टु जिणपालियं आपुच्छइ २ ता जामेव दिसिं
 पाउब्भूए तामेव दिसिं पडिगए ॥ ९३ ॥ तए णं जिणपालिए चंपं अणुपविसइ
 २ ता जेणेव सए निहे जेणेव अम्मापियरो तेणेव उवागच्छइ २ ता अम्मापिऊणं
 रोयमाणं जाव पिलवमाणे जिणरक्खियवावत्तिं निवेदेइ । तए णं जिणपालिए
 अम्मापियरो सिन्ताइ जाव पवियणेणं मद्धिं रोयमाणःइं बहुइं लोइयाइं मयक्खिच्चइं
 करेति २ ता कालेग विगयतोया जाया । तए णं जिणपालियं अजया कया(इ)इं
 महानणवरगयं अम्मापियरो एवं वयासी-कहणं पुत्ता । जिणरक्खिए कालगए ? ।
 तए णं से जिणपालिए अम्मापिऊणं लवणसमुहोत्तारणं च कालियवायरासुच्छर्णं [च]
 पोयवहणविवत्ति च फलहृस्वंडआमायणं च रयणदीवुत्तारं च रयणदीवदेवया(गिहं)-
 गेण्हि च भोगविभुइं च रयणदीवदेवयाअप्पाहणं च सुलाइयपुरिसदरिसणं च
 मेलगजक्खआरुहणं च रयणदीवदेवयाउवसग्गं च जिणरक्खियविवत्तिं च लवण-
 समुहउत्तरणं च चंपागमणं च सेलगजक्खआपुच्छणं च जहाभूयमवितहमसंदिदं
 परिकहेइ । तए णं जिणपालिए जाव अप्पसोगे जाव विउलाइं भोगमोगाइं भुंजमाणे
 विहरइ ॥ ९४ ॥ तेणं कालेणं तेणं गमएणं समणे भगवं महावीरे (जाव जेणेव
 चंपा न(र)यरी जेणेव पुण्णभेइ उज्जाणे तेणेव) समोसढं (परिसा भिरगया कूणिओ
 वि राया निग्गओ जिणपालिए) जाव धम्मं सोच्चा पव्वइए ए(क्का)गारसंग(विऊ)वी
 मासिएणं भत्तेणं जाव अत्ताणं झसेत्ता सोहम्मे कप्पे दो सागरोवमाइं ठिई प० । ताओ
 आउक्खएणं ठिइक्खएणं भवक्खएणं अणंतरं चयं चइत्तां जेणेव महाविदेहे वासे
 सिज्झहिइ जाव अंतं काहिइ । एवामेव समणाउसो ! जाव माणुस्सए कामभोगे
 नो पुगरवि आसाइ से णं जाव वीइवइस्सइ जहा व से जिणपालिए । एवं खलु
 जंबू ! समणेणं भगवया महावीरेणं जाव संपत्तेणं नवमस्स नायज्जसयणस्स अवमड्ढे
 पक्कते त्तिवेमि ॥ ९५ ॥ **गाहाओ**-जह रयणदीवदेवी तह एत्थं अविरइं महापावा ।
 जह लाहत्थी वणिया तह सुहकामा इहं जीषा ॥ १ ॥ जह तेहिं भीएहिं दिट्ठो
 आघायमंडले पुरिसो । संसारदुक्खभीया पासंति तहेव धम्मकहं ॥ २ ॥ जह
 तेण तेसि कहिया देवी दुक्खाण करणं धोरं । तत्तो खिय नित्वासे सेलगजक्खाओ

नण्णत्तो ॥३॥ तह धम्मकही भव्वाण साहए दिट्ठअविरइसहावो । सयलदुहहेउभूओ
विक्कया विर्यंति जीवाणं ॥ ४ ॥ सत्ताणं दुहत्ताणं सरणं चरणं जिणिदपण्णत्तं ।
आणंदरूवनिव्वाणसाहणं तह य देसेइ ॥ ५ ॥ जह तेसि तरियव्वो रुइसमुहो तहेव
संसारो । जह तेसि सणिहगमणं निव्वाणगमो तहा एत्थं ॥ ६ ॥ जह सेलग-
पिट्ठाओ भट्ठो देवीइ मोहियमईओ । सावयसहस्सपउरम्मि सायरे पाविओ निहणं
॥ ७ ॥ तह अविरइइ नड्ढिओ चरणचुओ दुक्खसावयाइण्णे । निवडइ अपारसंसार-
सायरे दारुणसरूवे ॥ ८ ॥ जह देवीए अक्खोहो पत्तो सट्ठाण जीवियसुहाइं । तह
चरणट्ठिओ साहू अक्खोहो जाइ निव्वाणं ॥ ९ ॥ नवमं नायज्जयणं समत्तं ॥

जइ णं भंते ! समणेणं० नवमस्स नायज्जयणस्स अयमट्ठे पन्नत्ते दसमस्स(०)
के अट्ठे पन्नत्ते ? एवं खलु जंबू । तेणं कालेणं तेणं समएणं रायगिहे (नामं) नयरे
(हो० तत्थ णं रा० न० से० णा० रा० हो० तस्स णं रा० न० ब० उ० दि०
एत्थ णं गु० णा० उ० हो० ते० का० ते० स० स० भ० म० पु० च० जाव
जे० गु० उ० ते० स०) सामी समोसडे (प० नि० सेणिओ वि रा० नि० धम्मं
सोच्चा प० प० तए णं)गोय(मसासी)मो(समणं ३) एवं वयासी-कट्ठणं भंते ! जीवा
वड्ढंति वा हार्यंति वा ? गोयमा ! से जहानामए बहुलपक्खस्स पडिबयाचंदे पुण्णि-
माचंदं पणिहाय ही(णो)णे वण्णेणं हीणे सो(रु)मयाए हीणे निद्वयाए हीणे कंतीए एवं
दितीए जुत्तीए छायाए पभाए ओयाए ठे(रु)साए मंडलेणं । तयाणंतरं च णं बीया-
चंदे प(पा)डिब(यं)याचंदं पणिहाय हीणतराए वण्णेणं जाव मंडलेणं । तयाणंतरं च
णं तइयाचंदे बी(चित्ति)याचंदं पणिहाय हीणतराए वण्णेणं जाव मंडलेणं । एवं खलु
एएणं कमेणं परिहायमाणे २ जाव अमाव(रु)साचंदे चाउइसिचंदं पणिहाय नट्ठे वण्णेणं
जाव नट्ठे मंडलेणं । एवामेव समणाउसो ! जो अम्हं निग्गंथो वा निग्गंथी वा जाव
पव्वइए समाणे हीणे खंतीए एवं मुत्तीए गुत्तीए अज्जेवणं मद्देवणं लाघवेणं सब्बेणं
तवेणं चियाए अक्किचणयाए बंभचेरवासेणं । तयाणंतरं च णं हीणे हीणतराए खंतीए
जाव हीणतराए बंभचेरवासेणं । एवं खलु एएणं कमेणं परिहायमाणे २ नट्ठे खंतीए
जाव नट्ठे बंभचेरवासेणं । से जहा वा सुक्कपक्खस्स पडिबयाचंदे अमावसा(ए)चंदं
पणिहाय अहिए वण्णेणं जाव अहिए मंडलेणं । तयाणंतरं च णं बीयाचंदे पडिब-
याचंदं पणिहाय अहिययराए वण्णेणं जाव अहिययराए मंडलेणं । एवं खलु एएणं
कमेणं परि(वु)बद्धेमाणे २ जाव पुण्णिमाचंदे चाउइसि चंदं पणिहाय पडिपुण्णे
वण्णेणं जाव पडिपुण्णे मंडलेणं । एवामेव समणाउसो ! जाव पव्वइए समाणे
अहिए खंतीए जाव बंभचेरवासेणं । तयाणंतरं च णं अहिययराए खंतीए जाव

बंभचेरवासिणं । एवं खलु एएणं कमेणं परिवहेमाणे २ जाव पडिपुण्णे बंभचेरवा-
सेणं । एवं खलु जीवा वहुंति वा हायंति वा । एवं खलु जंबू । समणेणं भगवया
महावीरेणं० दसमस्स नायज्जयणस्स अयमद्वे पन्नते ति बेमि ॥१६॥ गाहाओ-
जह चंदो तह साहू राहुवरोहो जहा तह पमाओ । वण्णाइं गुणगणो जह तहा खमाई
यमणधम्मो ॥ १ ॥ पुण्णो वि पइदिणं जह हायंतो सन्वहा ससी नस्से । तह
पुण्णचरित्तोऽवि हु कुसील्लसंसिगिमाईहिं ॥ २ ॥ जणियपमाओ माहू हायंतो
पइदिणं खमाईहिं । जायइ नट्टचरित्तो तत्तो दुक्खाईं पावेइ ॥ ३ ॥ हीणगुणो
वि हु होउं सुहगुरुजोगाइजणियसंवेणो । पुण्णसरूवो जायइ विवद्धमाणो सस-
हरोव्व ॥ ४ ॥ **दसमं नायज्जयणं समत्तं ॥**

जइ णं भंते । समणेणं० दसमस्स नायज्जयणस्स अयमद्वे पन्नते एकारसमस्स(०)
के अद्वे पन्नते ? एवं खलु जंबू । तेणं कालेणं तेणं समएणं रात्रगिहे जाव गोयमे
(समणे ३) एवं वयासी-कहं णं भंते । जीवा आराहगा वा विराहगा वा भवंति ?
गोयमा । से जहानामए एगंसि समुद्कल्लंसि दावहवा नामं रुक्खा पत्तया किण्ह-
जाव निउ(रं)रंबभूया पत्तिया पुप्फिया फलिया हरियगरेरिजमाणा सिरीए अईव
उवसोभेमाणा २ चिट्ठंसि । जया णं दीविच्चगा ईसिं पुरेवाया पच्छावाया मंदावाया
महावाया वार्यंति तया णं बहवे दावहवा रुक्खा पत्तिया जाव चिट्ठंसि । अप्पेगइया
दावहवा रुक्खा जुण्णा झोडा परिसडियरंडुपत्तपुप्फफला सुक्खरुक्खओ विव मिला-
यमाणा २ चिट्ठंसि । एवामेव समणाउसो । (जे) जो अम्हं निगंथो वा २ जाव
पव्वइए समाणे बहूणं समणाणं ४ सम्मं सहइ जाव अहियासेइ बहूणं अन्नउत्थि-
याणं बहूणं गिहत्थाणं नो सम्मं सहइ जाव नो अहियासेइ एस णं मए पुरिसे
देसविराहए पन्नते समणाउसो । जया णं सामुद्गा ईसिं पुरेवाया पच्छावाया मंदा-
वाया महावाया वार्यंति तया णं बहवे दावहवा रुक्खा जुण्णा झोडा जाव मिलाय-
माणा २ चिट्ठंसि । अप्पेगइया दावहवा रुक्खा पत्तिया पुप्फिया जाव उवसोभेमाणा
२ चिट्ठंसि । एवामेव समणाउसो । जो अम्हं निगंथो वा २ जाव पव्वइए समाणे
बहूणं अन्नउत्थि(याणं ब०)यगिहत्थाणं सम्मं सहइ बहूणं समणाणं ४ नो सम्मं सहइ
एस णं मए पुरिसे देसाराहए पन्नते समणाउसो । जया णं नो दीविच्चया नो सामु-
द्गा ईसिं (पुरेवाया) पच्छावाया जाव महावाया वार्यंति त(ए)या णं सच्चे दावहवा
रुक्खा जुण्णा झोडा(०) । एवामेव समणाउसो । जाव पव्वइए समाणे बहूणं समणाणं
४ बहूणं अन्नउत्थियगिहत्थाणं नो सम्मं सहइ एस णं मए पुरिसे सब्बविराहए पन्नते
समणाउसो । जया णं दीविच्चया वि सामुद्गा वि ईसिं (पुरेवाया पच्छावाया) जाव

वायंति तया णं सव्वं दावइवा (रुक्खा) पत्तिया जाव चिट्ठंति । एवामेव समणाउत्तो ! जो अहं पव्वइए समाणे बहणं समणाणं ४ बहणं अन्नउत्थियगिहत्थाणं सम्मं सहइ एस णं मए पुरिसे सव्वआराहए पन्नते (समणाउत्तो !) । एवं खलु गोयमा । जीवा आराहगा वा विराहगा वा भवंति । एवं खलु जंबू ! समणेणं भगवया महावीरेणं जाव संपत्तेणं एक्कारसमस्स अयमट्ठे पन्नते तिवेमि ॥ ९७ ॥ गाहाओ-जह दावइवतरुवगमेवं साहू जहेव वीविच्चा । वाया तह समणाइयसपक्खवयणाई हुसहाई ॥ १ ॥ जह सामुद्दयवाया तहउण्णतित्थाइरुड्डयवयणाई । कुमुमादसंपया जह सिवमगाराहणा तह उ ॥ २ ॥ जह कुमुमाइविणामो सिवमगगविराहणा तहा नेया । जह वीववाउजोगे बहु इण्णी ईसिय अणिण्णी ॥ ३ ॥ तह माहम्मियवयणाण सहमागाराहणा भवे बहुया । इयराणमसहणे पुण सिवमगगविराहणा थोवा ॥ ४ ॥ जह जलहिवाउजोगे थेविण्णी बहुयरा यउण्णिण्णी य । तह परपक्खक्खमणे आराहणमीत्ति बहु य यरं ॥ ५ ॥ जह उभयवाउविरहे सव्वा तस्संपया विणट्ट ति । अनिमित्तोभयमच्छरुवे विराहणा तह य ॥ ६ ॥ जह उभयवाउजोगे सव्वसमिद्धी वणस्स संजाया । तह उभयवयणसहणे सिवमगगाराहणा वुत्ता ॥ ७ ॥ ता पुण्णममणधम्माराहणचित्तो सया महासत्तो ! सव्वेण वि कीरंतं सहेज्ज सव्वं पि पड्डिकूलं ॥ ८ ॥

एक्कारसमं नायज्जयणं समत्तं ॥

जइ णं भंते ! समणेणं जाव संपत्तेणं एक्कारसमस्स नायज्जयणस्स अयमट्ठे पन्नते बारसमस्स णं (०) के अट्ठे पन्नते ? एवं खलु जंबू ! तेणं कालेणं तेणं समएणं चंपा ना(मं)म नयरी । पुण्णभेदे उज्जाणे । जियसत्त [नामं] राया (होत्था) । (तस्स णं जियसत्तुस्स रण्णो) धारिणी (नामं) देवी (होत्था अही० जाव सुच्चा) । (तस्स णं जि० र० पुत्ते धारिणीए अत्तए) अदीणसत्तु नामं कुमारे जुवराया वि होत्था । सुवुद्धी [नामं] अमचे जाव रज्जपुराचित्तए [यावि होत्था जाव] समणोवासए (अ०) । तीसे णं चंपाए नयरीए बहिया उत्तरपुरन्धियेणं एगे फरिहोदए यावि होत्था मेयवमारुहिरमंसपूय-पडलपोच्चडे मयगकलेवरसंछन्ने अमणुत्ते [णं] वण्णेणं जाव फासेणं से जहानामए अहिमडेइ वा गोमडेइ वा जाव मयकुहियविणट्टकिमिणवावण्णदुरभिगधे किमिजालाउले संसत्ते अमुडविगयवीभच्छदरिसणिजे । भवेयारुवे सिया ? नो इण्णट्ठे ममट्ठे । एत्तो अणिण्णतराए चेव जाव गंधेणं पन्नते ॥ ९८ ॥ तए णं से जियमत्तू राया अन्नया कयाइ प्हाए अप्पमहग्घाभरणालंकिवसरीरे बहूहिं(रा)ईसर जाव सत्थवाहपभि(ति)ईहिं सद्धिं [भोयणमंडवंसि] भोयणवेलाए सुहासणवरगए विउलं असणं ४ जाव विहरइ जिमियभुत्ततरागए जाव सुइभूए तंसि विपुलंसि अस(णं)ंसि ४ जाव

जायविम्हए ते बहवे ईसर जाव पभिइए एवं वयासी-अहो णं देवाणुणिया । इमे मणुञ्जे असणं ४ वण्णेणं उववेए जाव फासेणं उववेए अस्सायणिजे वि(र)सायणिजे पीणणिजे दीवणिजे दप्पणिजे मयणिजे त्रिहणिजे सत्विदियगायपल्हायणिजे । तए णं ते बहवे ईसर जाव पभियओ जियसत्तुं एवं वयासी-तहेव णं सामी ! जण्णं तुब्भे वयह-अहो णं इमे मणुञ्जे अस(णं)णे ४ वण्णेणं उववेए जाव पल्हायणिजे । तए णं जियसत्तुं सुबुद्धि अमच्चं एवं वयासी-अहो णं सुबुद्धी ! इमे मणुञ्जे असणे ४ जाव पल्हायणिजे । तए णं सुबुद्धी जियसत्तुस्स [रञ्जो] एयमट्ठं नो आडाइ जाव तुस्सिणीए संच्चिट्ठइ । [तए णं जियसत्तुं सुबुद्धि दोच्चंपि तच्चंपि एवं वयासी-अहो णं सुबुद्धी ! इमे मणुञ्जे नं चेव जाव पल्हायणिजे ।] तए णं (जियसत्तुणा) से सुबुद्धी [अमच्चे] दोच्चंपि तच्चंपि एवं वुत्ते समणे जियसत्तुं गयं एवं वयासी-नो खल्ल सामी ! अ(हं)म्हं एयंणि मणुञ्जंति अनणंसि ४ केइ विम्हए । एवं खल्ल सामी ! सु(त्ति)रभिसद्दा वि पो(पु)ग्गला दुरभिमद्दताए परिणमंति दुरभिमद्दा वि पोग्गला सुरभिसद्दताए परिणमंति । सुरुवा वि पोग्गला दुरुवत्ताए परिणमंति दुरुवा वि पोग्गला सुरुवत्ताए परिणमंति । सुरभिगंधा वि पोग्गला दुरभिगंधत्ताए परिणमंति दुग्भिगंधा वि पोग्गला सुरभिगंधत्ताए परिणमंति । सुरसा वि पोग्गला दुरमत्ताए परिणमंति दुरसा वि पोग्गला सुरगत्ताए परिणमंति । सुहफासा वि पोग्गला दुहफामत्ताए परिणमंति दुहफासा वि पोग्गला सुहफामत्ताए परिणमंति । पओग्गवीससा-परिणया वि य णं सामी ! पोग्गला पञ्जात्ता । तए णं(से)जियसत्तुं सुबुद्धिस्स अमच्चस्स एवमाइक्खमाणस्स ४ एयमट्ठं नो आडाइ नो परिणणइ तुस्सिणीए संच्चिट्ठइ । तए णं से जियसत्तुं अज्जया कयाड प्हाए आसखंधवरगए महया-भड्चडगर(ह)आसवाहणियाए निजायमाणे तस्स फरिहोद(ग)यस्स अदूरमामंतेणं वीईवयइ । तए णं जियसत्तुं (राया) तस्स फरिहोदगरस असुभेणं गंधेणं अभिभूए समणे सएणं उतरिज्ज(गे)एणं आमगं पिहेइ एगंतं अवक्कमइ (ते) २ ता बहवे ईसर जाव पभिइओ एवं वयासी-अहो णं देवाणुणिया । इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणामतराए चेव । तए णं ते बहवे राईसर जाव पभियओ एवं वयासी-तहेव णं तं सामी ! जं णं तुब्भे एवं वयह-अहो णं इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणामतराए चेव । तए णं से जियसत्तुं सुबुद्धिं अमच्चं एवं वयासी-अहो णं सुबुद्धी ! इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणामतराए चेव । तए णं(से)सुबुद्धी अमच्चे जाव तुस्सिणीए संच्चिट्ठइ । तए णं से जियसत्तुं रागा सुबुद्धिं अमच्चं दोच्चंपि तच्चंपि एवं वयासी-

अहो णं तं चेव । तए णं से सुबुद्धी अमच्चे जियसत्तुणा रत्ता दोच्चंपि तच्चंपि एवं सुत्ते समाणे एवं वयासी-नो खलु सामी । अम्हं एयंसि फरिहोदगंसि केइ विम्हए । एवं खलु सामी । सुरभिसद्दा वि पोग्गला दुब्बिसद्दताए परिणमंति तं चेव जाव पओगवीससापरिणया वि य णं सामी । पोग्गला पन्नता । तए णं जियसत्तू(राया) सुबुद्धि (अमच्चे) एवं वयासी-मा णं तुमं देवाणुप्पिया ! अप्पाणं च परं च तदुभयं च बहूहि य असब्भावुच्चावणाहिं मिच्छताभिनिवेत्तेण य वुग्गाहेमाणे वुप्पाएमाणे विहराहि । तए णं सुबुद्धिस्स इमेयारूवे अज्झत्थिए० समुप्पजित्था-अहो णं जियसत्तू संते तच्चे तहिए अविनहे सब्भूए जिणपन्नते भावे नो उवलभइ । तं सेयं खलु मम जियसत्तुस्स रत्तो संताणं तच्चाणं तहियाणं अवितहाणं सब्भूयाणं जिणपन्नताणं भावाणं अभिगमणट्ठयाए एयमट्ठं उवा(इ)यणावेत्तए । एवं संपेहेइ २ ता पच्चइएहिं पुरिसेहिं सद्धि अंतरावणाओ नवए घड(य)ए य पडए य(प)गेण्हइ २ ता संझाकालसमयंसि पविरेलमणुस्संसि निसत्तपडिनि संतंसि जेणेव फरिहोदए तेणेव उवाग(ए)च्छइ २ ता तं फरिहोदगं गेण्हावेइ २ ता नवएसु घडएसु गालावेइ २ ता नवएसु घडएसु पक्खिवावेइ २ ता [सज्जखारं पक्खिवावेइ] लंछियमुद्दिए का(क)रावेइ २ ता सत्तरत्तं परिवसावेइ २ ता दोच्चंपि नवएसु घडएसु गालावेइ २ ता नवएसु घडएसु पक्खिवावेइ २ ता सज्ज(क)खारं पक्खिवावेइ २ ता लंछियमुद्दिए का(र)रावेइ २ ता सत्तरत्तं परिवसावेइ २ ता तच्चंपि नवएसु घडएसु जाव संवसावेइ । एवं खलु एएणं उवाएणं अंतरा गा(ग)लावेमाणे अंतरा पक्खिवावेमाणे अंतरा य (विपारि)वसावेमाणे (२) सत्तसत्त[य]राइंदिया[इं](वि)परिवसावेइ । तए णं से फरिहोदए सत्त(म)मंसि सत्तयंसि परिणममाणंसि उदगरयणे जाए यावि होत्वा अच्छे पत्थे जच्चे तणुए फालिय(फलिह)वण्णाभे वण्णेणं उववेए ४ आसायणिज्जे जाव सव्विदियगायपल्हायणिज्जे । तए णं सुबुद्धी(अमच्चे)जेणेव से उदगरयणे तेणेव उवागच्छइ २ ता करयलंसि आसादेइ २ ता तं उदगरयणं वण्णेणं उववेयं ४ आसायणि(ज्जे)जं जाव सव्विदियगायपल्हायणिज्जं जाणित्ता हट्टट्ठे बहूहि उदगसंभारणिजेहिं दव्वेहिं संभारेइ २ ता जियसत्तुस्स रत्तो पाणियघरियं सद्दावेइ २ ता एवं वयासी-तुमं (च) णं देवाणुप्पिया । इयं उदगरयणं गेण्हाहि २ ता जियसत्तुस्स रत्तो भ्मेयणवेलाए उवणेज्जासि । तए णं से पाणियघरिए सुबुद्धि(य)स्स एयमट्ठं पडिसुणेइ २ ता तं उदगरयणं गेण्ह(गिण्हा)इ २ ता जियसत्तुस्स रत्तो मोयणवेलाए उवट्ठवेइ । तए णं से जियसत्त राया तं विपुलं असणं ४ आसाएमाणे जाव विहरइ जिम्मियमुत्तत्तर(या)गए वि य णं जाव परमसुद्धभूए तंसि उदगरव(ण)णंसि जाव-

विम्हए ते बह्वे राईसर जाव एवं वयासी-अहो णं देवाणुप्पिया । इमे उदगरयणे
 अच्छे जाव सच्चिदियगायपल्हायणिजे । तए णं [ते] बह्वे राईसर जाव एवं वयासी-
 तहेव णं सामी । जणं तुब्भे वयह जाव एवं चेव पल्हायणिजे । तए णं जियसत्तू राया
 पाणियघरियं सहावेइ २ ता एवं वयासी-एस णं तु(ब्भे)मे देवाणुप्पिया । उदगरयणे
 कओ आसाइए ? । तए णं से पाणियघरिए जियसत्तुं एवं वयासी-एस णं सामी ।
 मए उदगरयणे सुबुद्धिस्स अंतियाओ आसाइए । तए णं जियसत्तू (राया) सुबुद्धि
 अमच्चं सहावेइ २ ता एवं वयासी-अहो णं सुबुद्धी । केणं कारणेणं अहं तव अणिट्ठे
 ५ जेणं तुमं मम कल्लाकल्लिं भोयणवेलाए इमं उदगरयणं न उवट्ठवेसि ? तं एस (तए)
 णं तुमे देवाणुप्पिया ! उदगरयणे कओ उवलद्धे ? । तए णं सुबुद्धी जियसत्तुं एवं
 वयासी-एस णं सामी । से फरिहोदए । तए णं से जियसत्तुं सुबुद्धिं एवं वयासी-
 केणं कारणेणं सुबुद्धी ! एस से फरिहोदए ? तए णं सुबुद्धी जियसत्तुं एवं वयासी-
 एवं खल्ल सामी ! तु(म्हे)ब्भे तथा मम एवमाइक्खमाणस्स ४ एयमट्ठं नो सदहइ ।
 तए णं मम इमेयारूवे अज्जात्थिए ०-अहो णं जियसत्तुं संते जाव भावे नो सदहइ नो
 पत्तियद नो रोएइ । तं सेयं खल्ल म(मं)म जियसत्तुस्स रओ संताणं जाव सन्भूयाणं
 जिणपत्ताणं भावाणं अभिगमणट्ठयाए एयमट्ठं उवायणावेत्ताए । एवं संपेहेमि २
 ता तं चेव जाव पाणियघरियं सहावेमि २ ता एवं वदामि-तुमं णं देवाणुप्पिया ।
 उदगरयणं जियसत्तुस्स रओ भोयणवेलाए उवणेहि । तं एएणं कारणेणं सामी ।
 एस से फरिहोदए । तए णं जियसत्तुं राया सुबुद्धिस्स (अमच्चस्स) एवमाइक्खमाणस्स
 ४ एयमट्ठं नो सदहइ ३ असदहमाणे अपत्तियमाणे अरो(य)एमाणे अब्भितर(ट्ठा)-
 ठाणिजे पुरिसे सहावेइ २ ता एवं वयासी-गच्छह णं तुब्भे देवाणुप्पिया । अंतराव-
 णाओ नव[ए]घडए पडए य गेण्हइ जाव उदगसं(हा)भारणिजेहिं दब्भेहिं संभारेह ।
 तेवि तहेव संभारंति २ ता जियसत्तुस्स उवणंति । तए णं से जियसत्तुं राया
 तं उदगरयणं करयलंसि आसाएइ आसायणिजं जाव सच्चिदियगायपल्हायणिजं
 जाणिता सुबुद्धि अमच्चं सहावेइ २ ता एवं वयासी-सुबुद्धी । एए णं तुमे संता तच्चा
 जाव सन्भूया भावा कओ उवलद्धा ? । तए णं सुबुद्धी जियसत्तुं एवं वयासी-एए
 णं सामी । मए संता जाव भावा जिणवयणाओ उवलद्धा । तए णं जियसत्तुं सुबुद्धिं
 एवं वयासी-तं इच्छामि णं देवाणुप्पिया । तव अंतिए जिणवयणं निसा(मे)मित्तए ।
 तए णं सुबुद्धी जियसत्तुस्स विवित्तं केवलपत्तं चाउज्जां मं धम्मं परिकहेइ तमाइ-
 क्खइ जहा जीवा बज्झंति जाव पंचाणुव्वयाइ । तए णं जियसत्तुं सुबुद्धिस्स अंतिए
 यम्मं सोच्चा निसम्म हट्ठं सुबुद्धिं अमच्चं एवं वयासी-सहामि णं देवाणुप्पिया ।

निगगंथं पावयणं ३ जाव से जहेयं तुब्भे वयह । तं इच्छामि णं तव अंतिए पंचा-
 गुव्वइयं सत्तसिक्खावइयं जाव उचसंपज्जिताणं विहरितए । अहामुहं देवाणुप्पिया ।
 मा पडिबधं (करेह) । तए णं मे जियसत्तु सुबुद्धिस्स (अमच्चरस) अंतिए पंचाणु-
 व्वइयं जाव दुवालसविहं सावयधम्मं पडिवज्जइ । तए णं जियसत्तु म्मणोवासए जाए
 अ(भि)हिमयजीवाजीवे जाव पडिलाभेमाणे विहरइ । तेणं कालेणं तेणं समएणं
 (थेरा जेणेव चंपा नयरी जेणेव पुण्णमंदे उज्जाणे तेणेव स०) थेरागमणं । जियसत्त
 राया सुबुद्धी य निगगच्छइ । सुबुद्धी धम्मं सोच्चा ज नवरं जियमत्तुं आपुच्छामि
 जाव पव्वयामि । अहामुहं देवाणुप्पिया ! । तए णं [से] सुबुद्धी जेणेव जियमत्त तेणेव
 उवागच्छइ २ ता एवं वयासी—एवं खलु सामी ! मए थेराणं अतिए धम्मं निसंते ।
 से(S)वि य धम्मं इच्छि(य)ए पडिच्छिए ३ । तए णं अहं सामी ! समारभउव्विग्गे
 मीए जाव इच्छामि णं तुब्भेहिं अब्भणुज्जाए (स०) जाव पव्वइजए । तए णं
 जियसत्तु सुबुद्धिं एयं वयासी—अ(च्छा)च्छमु ताव देवाणुप्पिया । कइयथाई वासाई
 उरालाई जाव भुंजमाणा । तओ पच्छा एणयओ थेराणं अतिए मुंडे भावता जाव
 पव्वइस्सामो । तए णं सुबुद्धी जियमत्तुस्स रत्तो एयमट्ठं पडिसुण्णइ । तए णं तस्स
 जियसत्तुस्स रत्तो सुबुद्धिणा सद्धि विपुलाई माणुस्सगारं जाव पच्चणुव्वभवमाणस्स
 दुवालम वासाई वीउत्तंताई । तेणं कालेणं तेणं समएणं थेरागमणं । (तए णं) जिय-
 मत्त धम्मं सोच्चा एवं ज नवरं देवाणुप्पिया ! सुबुद्धि आमंतेमि जेट्ठपुत्तं रत्ते ठा(ठ)-
 वेमि तए णं तुब्भं [अंतिए] जाव पव्वयामि । अहामुहं देवाणुप्पिया ! । तए णं
 जियसत्तु राया जेणेव सए गिहे तेणेव उवागच्छइ २ ता सुबुद्धि सहावेइ २ ता
 एवं वयासी—एवं खलु मए थेराणं जाव पव्व(जा)यामि, तुमं णं किं करेसि ? । तए
 णं सुबुद्धी जियमत्तुं एवं वयामी जाव के अन्ने आ(हा)धारे वा जाव प(व्वया)व्वामि ।
 तं जइ णं देवाणुप्पिया ! जाव प(व्वयह)व्वहि । गच्छह णं देवाणुप्पिया ! जेट्ठपुत्तं च
 कुटुंबे ठावेहि २ ता सीयं दुरुहितानं ममं अंतिए सीया जाव पाउब्भ(वेत्ति)वइ ।
 (त० सु० जाव पाउब्भवइ) तए णं जियमत्त कोट्टुंबियपुंरिसं सहावेइ २ ता एवं
 वयासी—गच्छह णं तुब्भे देवाणुप्पिया । अदीणसत्तुस्स कुमारस्स रायाभिसेयं उव-
 ट्ठवेह जाव अभिमिचंति जाव पव्वइए । तए णं जिपसत्तु एकारम अंगाइ अहिज्जइ
 वट्ठणि वासाणि परियाओ(पाउणित्ता)मासियाए संलेहणाए जाव सिद्धे । तए णं सुबुद्धी
 एकारस अंगाई अहिज्जिता वट्ठणि वासाणि जाव सिद्धे । एवं खलु जंबू ! समणेणं
 भगवया महावीरेणं जाव संपत्तेणं बारसमस्स नायज्जवणस्स अयमट्ठे पत्तते ति
 वेमि ॥ ९९ ॥ **गाहा**—मिच्छतमोहियमणा पावपसत्तावि पाणिणो विगुगा । फवेहो-
 दगं व गुणिण्णे हवंति वरगुरुपसायाओ ॥ १ ॥ **बारसमं नायज्जयणं समत्तं ॥**

अहं णं भंते । समणेणं जाव संपत्तेणं बारसमस्स (णा०) अयमट्ठं पन्नते तेरस-
मस्स (णं भंते । नाय०) के अट्ठे पन्नते ? एवं खलु जंबू ! तेणं कालेणं तेणं समएणं
रायगिहे नयरे(०) गुणसिलए उज्जाणे (ते० का० ते० स० समणे ३ चउ(ह)दसहिं
समणसाहस्सीहिं जाव सद्धि पु० च० जाव जे० गु० उ० ते० स० अ० उ० स०
त० अ० भा० विहरइ) समोसरणं परिसा निग्गया । तेणं कालेणं तेणं समएणं
सोहम्मं कप्पे दहुरवाडंसए विमाणे सभाए सुहम्माए दहुरंसि सीहासणंसि दहुरे देवे
चउहिं सामाणियसाहस्सीहिं चउहिं अग्गमाहिसीहिं सपरिसाहिं एवं जहा सू(सु)रिया-
(भो)भे जाव दिव्वाइं भोगभोगाईं भुंजमा(णो)णे विहरइ इमं च णं केवलकपं जंबु-
दावं दीवं विउलेणं ओहिणा आभोएमाणं २ जाव नट्टविहिं उवदंसिचां पडिगए जहा
सूरियाभे । भंते(ति) । त्ति भगवं गोयमे समणं ३ वंदइ नमंसइ वं० २ ता एव वयासी-
अहो णं भंते ! दहुरे देवे महिष्णिए ६ । दहुरस्स णं भंते ' देवस्स सा दिव्वा
देविष्णी ३ कहिं गया ? कहिं (अणु)पविट्ठा ? गोयमा ! मरीर गया मरीरं अणु-
पविट्ठा कूडागारदिट्ठतो । दहुरेणं भते ! देवेणं सा दिव्वा देविष्णी ३ किळा लद्धा
जाव अभिममजागया ? एवं खलु गोयमा ! इहं व जंबुदावं २ भारहे वासे रायगिहे
गुणसिलए उज्जाणे सेणिए राया । तत्थ णं रायगिहे नंदे नामं मणियारसेट्ठीं परिब-
सड अट्ठे दित्ते० । तेणं कालेणं तेणं समएणं अहं गोयमा ! समोस(डे)ट्ठे परिसा
निग्गया सेणिए वि (राया) निग्गए । तए णं से नंदे मणियारसेट्ठीं इमीसे कहाए लद्धे
समाणे ण्हाए पायचारेणं जाव पज्जुवासइ । नंदे धम्मं सोच्चा समणोवासए जाए ।
तए णं अहं रायगिहाओ पडिनिक्खंते बहिया जणवयविहारं विहरामि । तए णं से
नं(दे)दमणियारसेट्ठीं अन्नया कयाइ असाहुदंसणेणं य अपज्जुवासणाए य अणुसा-
सणाए य असुस्सणाए य सम्मतपज्जवेहिं परिहायमाणेहिं २ मिच्छत्तपज्जवेहिं परि-
वज्जमाणेहिं २ मिच्छत्तं विप्पडिवत्ते जाए यावि होत्था । तए णं नंदे मणियारसेट्ठीं
अन्नया [कयाइ] गिम्हकालसमयंसि जेट्ठामूलंसि मासंसि अट्ठमभत्तं परिगेण्हइ २ ता
पोसहसालाए जाव विहरइ । तए णं नंदस्स अट्ठमभत्तंसि परिणममाणंसि तण्हाए
छुहाए य अभिभूयस्स समाणस्स इमेयारूवे अज्जत्थिए०-धन्ना णं ते जाव ईसर-
पभियओ जेसिं णं रायगिहस्स बहिया बहूओ बावीओ पोक्ख(र)रिणीओ जाव सर-
सरपंतियाओ जत्थ णं बहुज्जणे ण्हाइ य पियइ य पाणियं च संबहइ । तं सेयं खलु
म(म)म कळं (पाउ०) सेणियं रायं आपुच्छिता रायगिहस्स बहिया उत्तरपुरत्थिये
दिसीभा(ए)मे वे[=]भारपक्कयस्स अदूरसामंते वत्थुपाढगरोइयंसि भूमिभागंसि(जाव)
नंदं पोक्खारिणि खणवत्ताए-त्तिकट्टु एवं संपेहेइ २ ता कळं जाव पोसहं पारेइ २ ता

ण्हाए मित्तनाइ जाव संपरिवुडे महत्थं जाव पाहुडं रायारिहं गेण्हइ २ ता जेणेव सेणिए राया तेणेव उवागच्छइ जाव पाहुडं उवट्टवेइ २ ता एवं वयासी-इच्छीमि णं सामी । तुब्भेहिं अब्भणुजाए समाणे रायगिहस्स बहिया जाव खणावेत्ताए । अहासुहं देवाणुप्पिया (।) । तए णं [से] नंदे सेणिएणं रत्ता अब्भणुजाए समाणे हट्टतुट्टे रायगिहं [नगरं] मज्झंमज्जेणं निग्गच्छइ २ ता वत्थुपाठयरोइयंसि भूमिभागंसि नंदं पोक्खरणि खणा(वि)वेदं पयत्ते यावि होत्था । तए णं सा नंदा पोक्खरणी अणुपु-
 व्वेणं ख(ण)म्ममाणा २ पोक्खरणी जाया यावि होत्था चाउक्कोणा समतीरा अणु-
 पु(व्व)व्वं सुजायवप्पसीयलजला संछन्नपत्त(वि)मिस्समुणाला बहु[उ]प्पलपउमकुमुद-
 नलि(ण)िणसुभगसोगंधियपुंडरीयमहापुंडरीयसयपत्तसहस्सपत्त(पफुळ)पुप्फफलकेस-
 रोववेया परिहत्थभमंतमत्तछप्पयअणेगस्सउणगणमिहुणवियरियम(हुन्न)हनइयमहुरस-
 रनाइया पासाइया ४ । तए णं से नंदे मणियारसेट्ठी नंदाए पोक्खरिणीए चउदिमिं
 चत्तारि वणसंडे रोवावेइ । तए णं ते वणसंडा अणुपुव्वेणं सारक्खिज्जमाणा संगो-
 विज्जमाणा (य) संवत्थि(य)ज्जमाणा य (से) वणसंडा जाया किण्हा जाव नि(कु)उरंब-
 भूया पत्तिया पुप्फिया जाव उवमोभेमाणा २ चिट्ठति । तए णं नंदे पुरत्थिमिहे
 वणसंडे एगं महं चित्तसभं करावेइ [२] अणेगखंभसयसंनिविट्ठं पासाइयं ४ । तत्थ
 णं बहूणि किण्हाणि य जाव सुक्किलाणि य कट्टकम्माणि य पोत्थकम्माणि य चित्त(०)-
 ले(लि)प्प(०)गंधिमवेट्ठिमपूरिमसंघाड(म०)माइं उवदंसिज्जमाणाइं २ चिट्ठति । तत्थ
 णं बहूणि आसणाणि य सयणाणि य अत्थुयपच्चत्थुयाइं चिट्ठति । तत्थ णं बहवे नडा
 य नडा य जाव दिन्नभइभत्तवेयणा तालायरक्कम्मं करेमाणा विहरंति । रायगिहवि-
 णिग्गओ(य) त(ज)त्थ [णं] ब(ह्)हुजणो तेम पुच्चन्नत्थेसु आसणसयणेसु संनिसणो
 य संतुयट्ठो य सुणमाणो य पेच्छमाणो य सा(सो)हेमाणो य सुहंसुहेणं विहरइ । तए
 णं नंदे दाहिणिहे वणसंडे एगं महं महाणससालं कारावेइ अणेगखंभ जाव रूवं । तत्थ
 णं बहवे पुरिसा दिन्नभइभत्तवेयणा विउलं असणं ४ उवक्खडंति बहूणं समगमाहण-
 अति(ही)ट्ठिकिवणवणीममाणं परिभाएमाणा २ विहरंति । तए णं नंदे मणियारसेट्ठी
 पच्चत्थिमिहे वणसंडे एगं महं ति(ते)गिच्छियसालं क(रे)रावेइ अणेगखंभसय जाव
 पडिरूवं । तत्थ णं बहवे वेजा य वेज्जपुत्ता य जाणया य जाणुयपुत्ता य कुसला य
 कुसलपुत्ता य दिन्नभइभत्तवेयणा बहूणं वाहिया(णं)ण य गिलाणाण य रोगियाण य
 दुब्बलाण य तेइ(च्छं)च्छक्कम्मं करेमाणा विहरंति । अन्ने य त(ए)त्थ बहवे पुरिसा
 दिन्नभइ० तेसि बहूणं वाहियाण य रोगि(०)यगिला(०)णदुब्बलाण य ओसहभेस-
 ज्जभत्तपाणेणं पडियारक्कम्मं करेमाणा विहरंति । तए णं नंदे उत्तरिहे वणसंडे एगं

महं अलंकारियसभं कारेइ अणेगखंभसय जाव पडिह्वं । तत्थ णं बहुवे अलंकारि-
य(पुरिसा)मणुस्सा दिव्वभइभत्त(वेय)पाणा बहुणं समणाण य [माहणाण य सनाहाण
य] अणाहाण य गिलाणाण य रोगियाण य दुब्बलाण य अलंकारियकम्मं करेमाणा
२ विहरंति । तए णं तीए नंदाए पोक्खरिणीए बहुवे सणाहा य अणाहा य पंचिया
य पहिया य करोडिया य (कारिया०) त(णा)णहारा पत्तहारा कट्टहारा अप्पेगइया
प्यायंति अप्पेगइया पाणियं पियंति अप्पेगइया पाणियं संवहंति अप्पेगइया विस-
जियसेयजल्लमलपरिस्समनिदुक्खुप्पिवासा सुहंसुहेणं विहरंति । रायगिह्वं(वि)निग्गओ
वि ए(ज)त्य बहुजणो किं ते जलरमणविविहमज्जणकयल्लिलया(घ)हरयकुसुमसत्थर-
यअणेगसउणगण(र)कयरिभियसंकुलेसु सुहंसुहेणं अभिरममाणो २ विहरइ । तए णं
नंदाए पोक्खरिणीए बहुजणो प्यायमाणो य पीयमाणो य पाणियं च संवहमाणो य
अन्नमन्नं एवं वयासी-धत्ते णं देवाणुप्पिया । नंदे मणियारसेट्ठी कयत्ये जाव जम्म-
जीवियफले जस्स णं इमेयारूत्ता नंदा पोक्खरिणी चाउक्कोणा जाव पडिह्वत्ता जस्स
णं पुरस्थिमिल्ले तं चं व सव्वं चउमु वि वणसंझेसु जाव रायगिह्वविनिग्गओ जत्य बहु-
जणो आसणेसु य सयणेसु य सन्निसण्णे य संतुयट्ठे य पैच्छमाणो य साहेमाणो य
सुहंसुहेणं विहरइ । तं धत्ते कयत्ये [कयल्लक्खणे] कयपुण्णे कया णं लोया(!) सुल्लहे
माणुस्सए जम्मजीवियफले नंदस्स मणियारस्स । तए णं रायगिह्वे सिं(सं)घाउग जाव
बहुजणो अन्नमन्नस्स एवमाइक्खइ ४-घत्ते णं देवाणुप्पिया ! नंदे मणियारे सो च्चे
गमओ जाव सुहंसुहेणं विहरइ । तए णं से नंदे मणियारे बहुजणस्स अंतिए एयं
महं सोच्चा निसम्म इट्ठुट्ठे धाराहयक(लं)घं(गं)कं पिव समूस(सि)वियरोमकूवे
परं सायासोक्खमणुभ(व)वेमाणे विहरइ ॥ १०० ॥ तए णं तस्स नंदस्स मणिया-
रसेट्ठिस्स अज्जा कयाइ सरीरगंसि सोलस रोयायंका पाउब्भूया तंजहा-सासे कासे
जरे दाहे कुच्छिसूले भगंदरे । अरिसा अजीरए दि(ट्ठि)ट्ठीमुद्धसूले अ(गा)कारए
॥ १ ॥ अच्छिवेयणा कण्णवेयणा कंइ दउदरे कोडे ॥ तए णं से नंदे मणियारसेट्ठी
सोलसहिं रोयायंकेहिं अभिभूए समाणे कोडुंभियपुरिसे सदावेइ २ ता एवं वयासी-
गच्छह णं तुब्भे देवाणुप्पिया । रायगिह्वे नयरे सिंघाउग जाव(म०)पहेसु महया [२]
सरेणं उग्गोसेमाणा २ एवं वयह-एवं खलु देवाणुप्पिया । नंदस्स मणियार(सेट्ठि)स्स
मरीरगंसि सोलस रोयायंका पाउब्भूया तंजहा-सासे जाव कोडे । तं जो णं इच्छइ
देवाणुप्पिया । वि(वे)ज्जो वा विज्जपुत्तो वा जाणुओ वा २ कुसलो वा २ नंदस्स
मणियारस्स तेसिं च णं सोलसण्हं रोयायंकाणं एगमवि रोयायंके उवसा(मे)मित्तए
तस्स णं (दे०)नंदे मणियारे विउलं अत्थसेपयाणं दलयह-त्तिकट्टु दोब्धि तच्चपि

घोसपं घोसेह २ ता एयमाणत्तियं पञ्चपिणह तेवि तहेव पञ्चपिणंति । तए णं
 रायगिहे इमेयारूवं घोसपं सोच्चा निसम्म बहवे वेज्जा य वेज्जपुत्ता य जाव कुसल-
 पुत्ता य सत्थकोसहत्थगया य (कोसगपायहत्थगया य) सिलियाहत्थगया य गुलि-
 याहत्थगया य ओसहभेसज्जहत्थगया य सएहिं २ गिहेहिंतो निक्खमंति २ ता
 रायगिहं मज्झंमज्जेणं जेणेव नंदस्स मणियारसेट्ठिस्स गिहे तेणेव उवागच्छंति २
 ता नंदस्स मणियारस्स सरी(रं)रयं प्रांसंति [२] तेसिं रोयायंकाणं नियणं पुच्छति
 [२ ता] नंदस्स मणियारस्स बहूहिं उव्वलणेहि य उव्वट्ठणेहि य सिणेहपाणेहि य
 वमणेहि य विरेयणेहि य सेयणेहि य अवदहणेहि य अवण्हा[व]णेहि य अणुवास(णे)-
 णाहि य व(व)त्थिकम्महेहि य निरूहेहि य सिरावेहेहि य तच्छणाहि य पच्छणाहि
 य सिरा(वेढे)वत्थीहि य तप्पणाहि य पु(ड)डवाएहि य छल्लीहि य बल्लीहि य मूलेहि
 य कंदेहि य पत्तेहि य पुप्फेहि य फलेहि य बीएहि य सिलियाहि य गुलियाहि य
 ओसहेहि य भेसज्जेहि य इच्छंति तेसिं सोलसण्हं रोयायंकाणं एगमवि रोमायंकं
 उवसामितए नो चव णं संचाएति उवसामेतए । तए णं ते बहवे विज्जा य ६ आहे
 नो संचाएति तेसिं सोलसण्हं रो(गा)यायंकाणं एगमवि रोयायंकं उवसामितए ताहे
 संता तंता जाव पडिगया । तए णं नंदे [मणियारे] तेहिं सोलसेहिं रोयायंकेहिं अभि-
 मूए समाणे नंदा[ए] पु(पो)क्खरिणीए मुच्छिए ४ तिरिक्खजोणिएहिं निक्खडाउए
 बद्धपएसिए अट्टदुहट्ठवसट्टे कालमासे कालं किच्चा नंदाए पोक्खरिणीए दहुरीए कुच्छिंति
 दहुरताए उववन्ने । तए णं नंदे दहुरे गम्भाओ वि(णिम्म)प्पमुञ्जे समाणे उ(म)मु-
 क्खबालभावे विजायपरिणयमिते जोव्वणगमण[ए]पत्ते नंदाए पोक्खरिणीए अभिरममाणे
 २ विहरइ । तए णं नंदाए पोक्खरिणीए बहुज(णे)णो ष्हायमाणो य पिय(माणो)इ
 य पाणियं च संवहमाणो(य)अजम(जस्स)जं एवमाइक्खइ ४-धन्ने णं देवाणुप्पिया ।
 नंदे मणियारे जस्स णं इमेयारूवा नंदा पुक्खरिणी चाउक्कोण जाव पडिरूवा जस्स
 णं पुरत्थिमिहे वणसडे चित्तसभा अणेगस्संभ(०)तहेव चत्तारि स(हा)भाओ जाव
 जम्मजीवियफले । तए णं तस्स दहुरस्स तं अभिक्खणं २ बहुजणस्स अंतिए एयमट्टं
 सोच्चा निसम्म इमेयारूवे अज्जत्थिए० समुप्पज्जित्या-से कहिं मजे मए इमेयारूवे
 सहे निसंतपुव्वे-त्तिकट्टु सुभेणं परिणामेणं जाव जाईसरणे समुप्पजे पुव्वजाइं सम्मं
 समामच्छइ । तए णं तस्स दहुरस्स इमेयारूवे अज्जत्थिए०-एवं खलु अहं इहेव
 रायगिहे नयरे नंदे नामं मणियारे अक्के० । तेणं काळेणं तेणं समएणं समभे भगवं
 महावीरे[इह]समोसक्के । तए णं[मए]समणस्स ३ अंतिए पंचाणुव्वइए सत्थिकव्वा-
 चइए जाव पडिवणे । तए णं अहं अजया कयाइ असाहुईसणेण य जाव भिन्नातं

विष्पक्षिवजे । तए षं अहं अक्षया कया(हे)ईं नि(म्हे)म्हकाक्समयंसि जाव उवसंप-
ज्जिताणं विहरामि-एवं अहेव चिंता आपुच्छणा नंदापुक्खरिणी बणसंडा सहाओ तं
चेव सव्वं जाव नंदाए (पु(पो)क्ख०) दहुरताए उववजे । तं अहो णं अहं अहजे
अपुण्णे अकयपुण्णे निवगंयाओ पाववणाओ नट्टे भट्टे परिन्भट्टे । तं सेयं खल्ल ममं
सयमेव पुव्वपक्षिवचाई पंचाणुव्वयाई (०) उवसंपज्जिताणं विहरिताए । एवं संपेहेइ
२ ता पुव्वपक्षिवचाई पंचाणुव्वयाई जाव आरु(हे)इइ २ ता इमेयाह्वं अभिगहं
अभिग्गिहइ-कप्पइ मे जाव(जी)ज्जीवं छट्ठंछट्ठेणं अपिक्खित्तेणं अप्पाणं भावेमाणस्स
विहरिताए । छट्ठस्स वि य णं पारणगंसि कप्पइ मे नंदाए पोक्खरिणीए परिपेरितेसु
फासएणं ण्हाओदएणं उम्मइ(णी)णालोलियाहि य विप्पिं कप्पेमाणस्स विहरिताए ।
इमेयाह्वं अभिगहं अभिगेणइ जावज्जीवाए छट्ठंछट्ठेणं जाव विहरइ । तेणं काळेणं
तेणं समएणं अहं गौयमा । गुणसिलए समोसङ्गे परिसा निग्गया । तए णं नंदाए
पो(पु)क्खरिणीए बहुजणे ण्हा(य०)इ ३ अजमर्षं (०) जाव समणे ३ इहेव गुणसि-
लए उज्जाणे समोसङ्गे । तं गच्छामो णं देवाणुप्पिया ! समणं ३ वंदाओ जाव पज्जुवा-
सामो । एयं (मे) जे इहभवे परभवे य हियाए जाव आ(अ)णुगामियत्ताए भविस्सइ ।
तए णं तस्स दहुरस्स बहुजणस्स अत्तिए एयमहं सोचा निसम्म अयमेयाह्वे अज्झ-
त्थिए० समुप्पज्जित्था-एवं खल्ल समणे ३ (०) समोसडे । तं गच्छामि णं वंदा-
मि (०) । एवं संपेहेइ २ ता नंदाओ पुक्खरिणीओ सणियं २ उत्त(र)रेइ (२ ता)
जेणेव रायमग्गे तेणेव उवागच्छइ २ ता ताए उक्किट्ठाए ५ दहुरगईए वीईवयमाणे
जेणेव मयं अंतिए तेणेव पहारेत्थ गमणाए । इमं च णं सेप्पिए राया मि(भं)भसारे
ण्हाए सव्वाहंकारविभूसिए इत्थियखंधवरगए सक्को(रं)रेंटमहदाभेणं छत्तेणं धरिज्जमा-
णेणं सेयवरत्ताम(रा)रे० हयगयरइ० महया भइचडगर(०)नाउरंगिणीए सेणाए
सद्धिं संपरिवुडे मस पायवंदए हव्वमागच्छइ । तए णं से दहुरे सेणियस्स रओ
एणेणं आसकिसोरएणं वामपाएणं अहंते समाणे अंतनिग्वाइए कए यावि होत्था ।
तए णं से दहुरे अ(र)यामे अबडे अवीरिए अपुरिस(का)क्कारपरक्कमे अधारणिज्जमि-
तिकडु एयंतमात्रक्कइ (०) करमल(परिगहियं विखुत्तो सिरसावसं म० अं० कट्टु)
जाव एवं वयासी-नसोत्थु णं अ(र)रहंताणं (भगवंताणं) जाव संपत्ताणं । नमोत्थु णं
(समणस्स ३) मम धम्मावदियस्स जाव संपाविउकामस्स । पुक्खिपि य णं मए
समणस्स ३ अंतिए थूलए पाणाइवाए पक्कन्हाए जाव थूलए परिगहइ पक्कन्हाए ।
तं इयाधिमि तरस्सेव अंतिए सव्वं पाणाइवायं पक्कन्हामि जाव सव्वं परिगहं पक्क-
न्हामि जावज्जीवं सव्वं अयणं ४ पक्कन्हामि जावज्जीवं जंयि य इमं सरीरं इहं

कतं जाव मा फुसंतु एयंपि [य] णं चरिमेहि ऊसासेहि बोसिरामि-त्तिकट्टु । तए णं से दहुरे कालमासे कालं किच्चा जाव सोहम्मसे कपे दहुरवडिसए (विमाणे) उववा-यसभाए दहुरदेवताए उववणे । एवं खल्ल गोयमा ! दहुरेणं सा दिव्वा वेविह्वी लद्धा ३ । दहुरस्स णं भंते ! देवस्स केव(ति)इयं कालं ठिई पज्जाता ? गोयमा ! चत्तारि पलिओवमाईं ठिईं पज्जाता । [दहुरे णं भंते ! देवे ताओ देवलोगाओ आउ-क्खएणं ठिइक्खएणं कहिं गच्छिहिइ कहिं उववज्जिहिइ ? गोयमा !] से णं दहुरे देवे (०) महाविदेहे वासे सिज्झिहिइ बुज्झिहिइ [सुच्चिहिइ] जाव अंतं करेहिइ । एवं खल्ल [जंबू !] समणेणं भगवया महावीरेणं जाव संपत्तेणं तेरसमस्स नायज्झ-यणस्स अयमट्ठे पज्जेत्ति वेमि ॥ १०१ ॥ गाहाउ-संपन्नगुणे वि जओ सुमा-हुसंसग्गिज्जिओ पायं । पावइ गुणपरिहाणिं दहुरजीवोव्व मणियारो ॥ १ ॥ तित्थ-यरवंदणत्थं चलिओ भावेण पावए सग्गं । जह दहुरदेवेणं पत्तं वेमाणियसुरत्तं ॥ २ ॥

तेरसमं नायज्झयणं समत्तं ॥

जइ णं भंते ! समणेणं जाव संपत्तेणं तेरसमस्स नायज्झयणस्स अयमट्ठे पज्जेत्ते चोहममस्स (०) के अट्ठे पज्जेत्ते ? एवं खल्ल जंबू ! तेणं कालेणं तेणं समएणं तेय-लिपु(रे)रं ना(मं)म नय(रे)रं (होत्था) । (त० णं ते० ब० उ० दि० एत्थ णं) पमयवणे (णामं) उज्जाणे (होत्था) । (तत्थ णं ते० णयरे) कणगरहे (णामं) राया (होत्था) । तस्स णं कणगरहस्स (रण्णो) पत्तमावइ (णामं) देवी (होत्था) । तस्स णं कणगरहस्स रत्तो तेयलिपुत्ते नामं अमच्चे (होत्था) साम(दाम)दंडभेय(दंडे)-निउणे । तत्थ णं तेयलिपुरे कलादे नामं मूसियारदारए होत्था अट्ठे जाव अपरि-भूए । तस्स णं भद्दा नामं भारिया (होत्था) । तस्स णं कलायस्स मूसियारदार-(य)गस्स धूया भद्दाए अत्तया पोट्टिला नामं दारिया होत्था रुवेण य (जोव्वणेण य ला०) जाव उक्किट्ठा उक्किट्ठसरीरा । तए णं [सा] पोट्टिला दारिया अज्जाया कयाइ प्हाया सव्वालंकारविभूसिया चेडियाचक्कवालसंपरिवुट्ठा उप्पि पासायवरगया आगा-सतलर्गसि कणग(मएणं)तिंदूसएणं कीलभाणी २ विहरइ । इमं च णं तेयलिपुत्ते अमच्चे प्हाए आसखंधवरगए महया भड्चडगर[०] आसवाहणियाए निज्जायमाणे कलायस्स मूसियारदारगस्स गिहस्स अवूरसामंतेणं वीईवयइ । तए णं से तेयलि-पुत्ते [अमच्चे] मूसियारदारगगिहस्स अवूरसामंतेणं वीईवयमाणे २ पोट्टिलं दारियं उप्पि (पासायवरगयं) आगासतलर्गसि कणगतिंदूसएणं कीलभाणी पासइ २ ता पोट्टिलाए दारियाए रुवे य (३) जाव अज्जोववणे कोहुंबियपुसिसे सद्दावेइ २ ता एवं वयासी-एस णं देवाणुप्पिया । कस्स दाप्पिया किं नामचेजा [वा] ? । तए णं

कोडुबियपुरि(से)सा तेयलिपुत्तं एवं वयासी-एस णं सानी । कलायस्स मूसियारदा-
 रयस्स धूया भदाए अत्तया पोड्डिला नामं दारिया रुवेण य जाव [उक्किट्ट]मरीरा ।
 तए णं से तेयलिपुत्ते आसवाहणियाओ पडिनियत्ते समाणे अब्भितर(ट्टा)ठाणिजे
 पुरिसे सदावेइ २ ता एवं वयासी-गच्छइ णं तुब्भे देवाणुप्पिया ' कला(द)यस्स २
 धूयं भदाए अत्तयं पोड्डिलं दारियं मम भारियत्ताए वरेइ । तए णं ते अब्भितरठा-
 णिजा पुरिसा तेयलिणा एवं वुत्ता (समाणा) इट्टं करयत्तं तहन्ति जेणेव कलायस्स
 २ गिहे तेणेव उवागया । तए णं से कलाए मूसियारदार[ए]त्ते पुरिसे एज्जमाणे
 पासइ २ ता इट्टतुट्टे आसणाओ अब्भुट्टेइ २ ता सत्तत्तपयाइं अणुगच्छइ २ ता आस-
 णेणं उवणिमंतेइ २ ता आसत्थे वीसत्थे सुहासणवरगए एवं वयासी-संदिसंत्तु णं
 देवाणुप्पिया ! किमायमणपओयणं (?) । तए णं ते अब्भितरठाणिजा (पुरिसा)
 कलायं २ एवं वयासी-अम्हे णं देवाणुप्पिया ' तव धूयं भदाए अत्तयं पोड्डिलं दारियं
 तेयलिपुत्तस्स भारियत्ताए वरेमो, तं जइ णं जाणसि देवाणुप्पिया ! सुत्तं वा पत्तं वा
 सलाहणिजं वा मरिमो वा संजोगो ता दिज्जउ णं पोड्डिला दारिया तेयलिपुत्तस्स,
 (ता) तो भण देवाणुप्पिया ' कि दलामो सुक्कं (?) । तए णं कलाए २ ते अब्भितर-
 ठाणिजे पुरिसे एवं वयासी-एस चेव णं देवाणुप्पिया ' मम सु(क्के)क्कं जत्तं तेयलिपुत्ते
 मम दारियानिमित्तेणं असुग्गहं करेइ । ते ठाणिजे पुरिसे तिपुत्तेणं अस(ण)णेणं ४
 पुप्फवत्थ जाव मल्लालंकारेणं सक्कारेइ सम्माणेइ (०) पडिविसजेइ । तए णं [ते
 पुरिसा] कलायस्स २ गिहाओ पडिनि(क्कवमं)यत्तंति २ ता जेणेव तेयलिपुत्ते अमब्भे
 तेणेव उवागच्छंति २ ता तेयलिपुत्तं एयमत्तं निवे(यं)ईति । तए णं कलाए २
 अन्नया कयाइं सोहणंसि तिहि[करण]नक्खत्तमुट्टुत्तंसि पोड्डिलं दारियं ण्हायं सव्वाल-
 कारविभूसियं सीयं (दुरुइइ) दुरु(हि)हेत्ता मित्तणाइसंपरिवुडे सवा(सा)ओ गिहाओ
 पडिनिक्खमइ २ ता सच्चिणीए [४] तेयलिपुरं [नयरं] मज्झमज्जेणं जेणेव तेय-
 लिस्स गिहे तेणेव उवागच्छइ (०) पोड्डिलं दारियं तेयलिपुत्तस्स सयमेव भारियत्ताए
 दलयइ । तए णं तेयलिपुत्ते पोड्डिलं दारियं भारियत्ताए उवणीयं पासइ २ ता पोड्डिलाए
 सद्धि पट्टयं दुरुइइ २ ता सेयापी(त)एहिं कलसेहिं अप्पाणं मज्जावेइ २ ता अग्नि-
 होमं करेइ २ ता पाणिग्गहणं करेइ २ ता पोड्डिलाए भारियाए मित्तनाइ जाव परि-
 (ज)यणं विउट्ठेणं असणपाणखाइमसाइमेणं पुप्फ[वत्थ] जाव पडिविसजेइ । तए णं
 से तेयलिपुत्ते पोड्डिलाए भारियाए अणुरत्ते अविरत्ते उरालाइं जाव विहरइ ॥ १०२ ॥
 तए णं से कणमरहे (राया) रजे व रत्ते य बळे य वाहणे य कोसे य कोडुगारे य
 अंतैउरे य मुच्छिए ४ जाए २ पुत्ते वियंगेइ । अप्पेगइवायं इत्तंमत्तियाओ

अप्येगइयाणं हत्थंगुडुए छिंदइ । एवं पारंगुलियाओ पामंगुडुए वि कम्म(सङ्ग)संक्रुत्ती-
 (ए)याओ वि नासापुडाइं फाळेइ अं(सम)मोवंगाइं विर्येगेइ । तए णं तीसे पउमव-
 ईए देवीए अजया [कयाइ] पुज्वरत्तावरत्तकालसमयंसि अयमेमारुवे अज्जत्थिए ५
 समुप्पजित्था-एवं खल्ल कणगरहे राया रजे य जाव पुत्ते विर्यंगेइ जाव अंगमंगमइं
 विर्यंगेइ । तं जइ [णं] अहं दारयं प(या)यामि सेयं खल्ल म(सं)म तं दारगं कणग-
 हस्स रहस्सि[य]यं चेव सारक्खमाणीए संगोवेभाणीए विहरितए-त्तिकडु एवं संपेहेइ
 २ ता तेयलिपुत्तं अमच्चं सहावेइ २ ता एवं वयासी-एवं खल्ल देवाणुप्पिया । कण-
 गरहे राया रजे य जाव विर्यंगेइ । तं जइ णं अहं देवाणुप्पिया । दारगं पयायामि
 तए णं तुमं कणगरहस्स रहस्सिययं चेव अणुपुब्बेणं सारक्खमाणे संगोवेमाणे संव-
 ड्ढेहि । तए णं से दारए उमुक्कवालभावे [जाव] जोव्वणगमणुप्पते तव य मम य
 भिक्खाभायणे भविस्सइ । तए णं से तेयलिपुत्ते पउमावईए एयमडुं पड्डिलुणेइ २
 ता पड्डिए । तए णं पउमावई (य) देवी पोड्डिला य अमची सममेव गब्भं गेण्ह-
 (न्ति)इ सममेव (गब्भं) परिवहंति (सममेव गब्भं परिवहंति) । तए णं सा पउ-
 मावई नवण्हं मासाणं जाव पियदंसणं सुखं दारगं पयाया । जं रयणिं च णं पउ-
 मावई (देवी) दारयं पयाया तं रयणिं च णं पोड्डिला वि अमची नवण्हं मासाणं
 विणि(हा)वायमावणं दारियं पयाया । तए णं सा पउमावई देवी अम्मधाईं सहा-
 वेइ २ ता एवं वयासी-गच्छह णं तु(मे)मं अम्मो । (तेयलि(पुत्त)गिहे) तेयलि-
 पुत्तं रहस्सिययं चेव सहावे(ह)हि । तए णं सा अम्मधाईं तहंति पड्डिलुणेइ २ ता
 अंतउरस्स अब(हा)दारेणं निग्गच्छइ २ ता जेणेव तेयलिस्स गिहे जेणेव तेयलि-
 पुत्ते तेणेव उवागच्छइ २ ता करयल जाव एवं वयासी-एवं खल्ल देवाणुप्पिया ।
 पउमावई देवी सहावेइ । तए णं तेयलिपुत्ते अम्मधाईए अंतिए एयमडुं खोळा
 (णिसम्म) हट्ठु(ड्डे) अम्मधाईए सदिं सयाओ गिहाओ निग्गच्छइ २ ता अंतउ-
 रस्स अबदारेणं रहस्सिययं चेव अणु[र]पविसइ २ ता जेणेव पउमावई (देवी) तेणेव
 उवागच्छइ (२ ता) करयल जाव एवं वयासी-संदिंसंतु णं देवाणुप्पिया । जं इए
 कायणं । तए णं पउमावई तेयलिपुत्तं एवं वयासी-एवं खल्ल कणगरहे राया जाव
 विर्यंगेइ । अहं च णं देवाणुप्पिया । दारगं पयाया । तं तु(सं)ग्भे णं देवाणुप्पिया ।
 (तं) एयं दारगं गेण्हहि जाव तव मम य भिक्खाभायणे भविस्सइ-त्तिकडु तेव-
 लिपुत्तस्स हत्थे दलयइ । तए णं तेयलिपुत्ते पउमावईए हत्थाओ दारगं गेण्हइ उत-
 तिजेणं पिहेइ २ ता अंतउरस्स रहस्सिययं अबदारेणं निग्गच्छइ २ ता जेणेव
 सए गिहे जेणेव पोड्डिला भारिया तेणेव उवागच्छइ २ ता पोड्डिलं एवं वयासी-सुयं

खलु देवाणुपि(या)ए । कणगरहे राया रजि म जाव विर्यगेह । अयं च णं दारए
 कणगरहस्स पुने पउमावईए अत्तए । (तेणं) तणं तुमं देवाणुपिए ! इमं दारणं
 कणगरहस्स रहस्सियं चैव अणुपुब्बेणं सारकप्पाहि य संगोवेहि य संघोवेहि य ।
 तए णं एस दारए उमुक्कवाल्लमवि सव य मम य पउमावईए य आहारं भविस्सइ-
 पिकट्टु पोट्टिलाए पासे विविस्सवइ [२] पोट्टिला(ओ)ए पासाधो तं विविहायमाव-
 जियं दारियं गेणइ २ ता उत्तरिजेणं पिहेइ २ ता अंतितरस्स अवदारणं अणुप्य-
 विसइ २ ता जेणैव पउमावई देवी तेणैव उवावच्छइ २ ता पउमावईए देवीए पासे
 ठावई (०) जाव पडिनिम्माए । तए णं तीसे पउमावईए अंगपडियासियाओ पउ-
 मावई देवि विविहायमावजियं (च) दारियं पयायं पासंति २ ता जेणैव कणगरहे
 राया तेणैव उवावच्छंति २ ता करयल जाव एवं बयासी-एवं खलु सामी ! पउ-
 मावई देवी म(इ)एल्लियं दारियं पयाया । तए णं कणगरहे राया तीसे मएल्लियाए
 दारियाए [ग्रहया] नीहरणं करइ बहु(णि)ई लो(इ)गियाई मयक्किप्पाई करइ [२]
 काळेणं विगयसीए जाए । तए णं से तेयलिपुत्ते क(ल्ले)लं कोडुंभियपुत्तिसे सदावैइ २
 ता एवं बयासी-स्वप्पामेव चारगसोहणं जाव ठिइपडियं अम्हा णं अम्हं एस दारए
 कणगरहस्स रजि जाए तं होउ णं दारए नामेणं कणगण्णए जाव अर्जमोगसमत्थे
 जाए ॥ १०२ ॥ तए णं सा पोट्टिला अन्नया कयाइ तेयलिपुत्तस्स अणिट्ठा ५
 आया यावि होत्था नेच्छइ (य) णं तेयलिपुत्ते पोट्टिलाए नामगो(त)यमवि सबणयाए
 किंणुण ई(दरि)सणं वा परिभोगं वा (?) । तए णं तीसे पोट्टिलाए अन्नया कयाई पुब्ब-
 रत्तभरत्तकालसमयसि इमियारूवे अज्जस्सिए ४ जाव समुप्पज्जित्था-एवं खलु अहं
 तेयत्तिस्स पुब्बि इट्ठा ५ आसि इयाणि अणिट्ठा ५ आया । नेच्छइ णं तेयलिपुत्ते
 मम नामं जाव परिभोगं वा ओहयमणसंकप्पा जाव झियावइ । तए णं तेयलिपुत्ते
 पोट्टिलं ओहयमणसंकप्पं जाव झियावमाणं पासइ २ ता एवं बयासी-मा णं तुमं
 देवाणुपिए ! ओहयमणसंकप्पा जाव झियाहि, तुमं णं मम महाणसंति विपुलं
 असणं ४ उवक्खवावेहि २ ता बहूणं समणमाहणं जाव वणीमणणं देवभाणी य
 द(वि)वावेभाणी य विहराहि । तए णं सा पोट्टिला तेयत्तिपुत्तेणं [अमणेणं] एवं सुता
 समा(णा)णी इट्ठ० तेयत्तिपुत्तस्स इय्मइ पडिउणैइ २ ता कल्लक(ल्लं)लि महाणसंति
 विपुलं असणं ४ जाव द्वावेभाणी विहरइ ॥ १०४ ॥ तेणं काळेणं तेणं समएवं
 सुब्बवाओ नामं अजाओ इ(ई)रियासमियाओ जाव सुतावंम(या)वारिणीओ बहु-
 स्सयाओ बहुपरिवाराओ सुब्बानुपुत्ति [चरभाणीओ] जेणामेव तेयलिपुरे बवरे तेणैव
 उवावच्छंति २ ता अहापडिसं उम्माहं ओगिण्हंति २ ता संजवे(णं)णं तवसा

अप्पाणं भावेमाणीओ विहरंति । तए णं तासिं सुव्वयाणं अज्जाणं एगे संघाडए पढमाए पोरिसीए सज्जायं करइ जाव अडमाणीओ तेयलिस्स गिहं अणुपविट्ठाओ । तए णं सा पोहिला ताओ अज्जाओ एज्जमाणीओ पासइ २ ता हट्ट० आसणाओ अब्भुट्ठेइ (०) वंदइ नमंसइ वं० २ ता विपु(लं)लेणं अस(णं)णेणं ४ पडिलामेइ २ ता एवं वयासी-एवं खल्ल अहं अज्जाओ ! तेयलिपुत्तस्स पुब्बि इट्ठा ५ आसि इयाणिं अणिट्ठा ५ जाव दंसणं वा परिभोगं वा, तं तुब्भे णं अज्जाओ बहुनायाओ [बहु] सि-क्खियाओ बहुपट्टियाओ बहूणि गामागर जाव आहिंउह बहूणं राईसर जाव गिहाइं अणुणविसह, तं अत्थि-याइं भे अज्जाओ ! केइ क(हं)हिंवि चुण्णजोए वा मंतजोगे वा कम्मणजोए वा हियउट्ठावणे वा काउट्ठावणे वा आभिओगिए वा वसीकरणे वा कोउयकम्मे वा भूउकम्मे वा मूले [वा] कंदे [वा] छल्ली वल्ली सिलिया वा गुलिया वा ओसहे वा भेसज्जे वा उवल्लपुव्वे जेणाहं तेयलिपुत्तस्स पुणरवि इट्ठा ५ भवे-ज्जामि [?] । तए णं ताओ अज्जाओ पोहिलाए एवं बुनाओ समाणीओ दोवि कण्णे [अंगुलियं] ठवे(ठाई)ति २ ता पोहिलं एवं वयासी-अम्हे णं देवाणुप्पिए ! सम-णीओ निगंथीओ जाव गुत्तवंभचारिणीओ । नो खल्ल कप्पइ अम्हं एयप्प(या)गारं कण्णे(हि)हिं वि निसा(मे)सित्तए किंमंग पुण उव(दि)दंसित्तए वा आयरित्तए वा (?) । अम्हे णं तव देवाणुप्पिया ! विचित्तं केवल्लिपन्नत्तं धम्मं प(डि)रिकहिज्जामो । तए णं सा पोहिला ताओ अज्जाओ एवं वयासी-इच्छामि णं अज्जाओ ! तु(म्हं)ब्भं अंतिए केवल्लिपन्नत्तं धम्मं निसामित्तए । तए णं ताओ अज्जाओ पोहिलाए विचित्तं धम्मं परिकहेति । तए णं सा पोहिला धम्मं सोच्चा निसम्म हट्ट० एवं वयासी-सइहामि णं अज्जाओ ! निगंथं पावयणं जाव से जहेयं तुब्भे वयह, इच्छामि णं अइं तुभं अंतिए पंचाणुव्व(याई)इयं जाव धम्मं पडिवज्जित्तए । अहासुहं [देवाणुप्पिया] । तए णं सा पोहिला तासि अज्जाणं अंतिए पंचाणुव्वइयं जाव धम्मं पडिवज्जइ ताओ अज्जाओ वंदइ नमंसइ वं० २ ता पडिविसजेइ । तए णं सा पोहिला समणोवासिया जाया जाव पडिलाभेमाणी विहरइ ॥ १०५ ॥ तए णं तीसे पोहिलाए अज्जया कयाइ पुव्वरत्तावरत्तकाल्समयंसि कुहुंबजागरियं जागरमाणीए अयमेयारुवे अज्ज-त्थिए०-एवं खल्ल अहं तेयलिपुत्तस्स पुब्बि इट्ठा ५ आसि इयाणिं अणिट्ठा ५ जाव परिभोगं वा, तं सेयं खल्ल म(म)मं सुव्वयाणं अज्जाणं अंतिए पव्वइत्तए । एवं संपे-हेइ २ ता कल्लं (पाउ०) जेणेव तेयलिपुत्ते तेणेव उवागच्छइ २ ता करयल्ल खाव एवं वयासी-एवं खल्ल देवाणुप्पिया ! मए सुव्वयाणं अज्जाणं अंतिए धम्मं निसंते जाव अब्भणुजाया पव्वइत्तए । तए णं तेयलिपुत्ते पोहिलं एवं वयासी-एवं खल्ल

तुमं देवाणुप्पिए । मुंडा पव्वइया समाणी कालमासे कालं किञ्चा अ(ज)णंतरेसु देवलोएसु देवताए उववज्जिहिसि, तं जइ णं तुमं देवाणुप्पिए ! ममं ताओ देवलो(या)गाओ आगम्म केवलपन्नते धम्मं बो(हि)हेहि तो इं विसज्जेमि, अह णं तुमं ममं न संबोहेसि तो ते न विसज्जेमि । तए णं सा पोट्टिला तेयलिपुत्तस्स एयमड्डं पड्डिसुणेइ । तए णं तेयलिपुत्ते विउलं असणं ४ उवक्खडावेइ २ ता मितनाइ जाव आमंतैइ (०) जाव सम्माणेइ २ पोट्टिलं ष्हायं स० पुरिससइस्सवा(ह)हिणीयं सीयं दुरुहिता मितनाइ जाव [सं]परिवुडे सव्वि(ण्डि)णीए जाव रवेणं तेयलिपु(रस्स)रं मज्झमज्जेणं जेणेव सुव्वयाणं उवस्सए तेणेव उवागच्छइ २ ता सीयाओ पच्चोरुइइ २ ता पोट्टिलं पुरओ-कट्टु जेणेव सुव्वया अज्जा तेणेव उवागच्छइ २ ता वंदइ नमंसइ वं० २ ता एवं वयासी-एवं खलु देवाणुप्पि(ए)या । मम पोट्टिला भारिया इट्ठा ५, एस णं संसारमउल्लिग्गा जाव पव्वइत्तए, पड्डिच्छंतु णं देवाणुप्पिया ! सिस्सिणि-भिक्खं (दल्लयामि) । अहासुइं मा पड्डिबंधं (करेइ) । तए णं सा पोट्टिला सुव्वयाहिं अज्जाहिं एवं तुता समाणी हट्ठ० उत्तरपुर(च्छिमे)त्थिमं दिसीभा(ए)णं [अवक्कमइ २] सयमेव आभरणमल्लालंकारं ओमुयइ २ ता सयमेव पंचमुट्टियं लोयं करेइ २ ता जेणेव सुव्वयाओ अज्जाओ तेणेव उवागच्छइ २ ता वंदइ नमंसइ वं० २ ता एवं वयासी-आलित्ते णं भंते । लोए एवं जहा देवाणंदा जाव एकारस अगाई बहूणि वासाणि सामण्यपरियारणं पाउणइ २ ता मासियाए संलेहणाए अत्ताणं होसेत्ता सट्ठि भत्ताइं अणस(णाई)णेणं [छेएत्ता] आलोइयपड्डिकंता समाहिपत्ता कालमासे कालं किञ्चा अज्जयरेसु देवलोएसु देवताए उववक्खा ॥ १०६ ॥ तए णं से कणगरहे राया अज्जया कयाइ कालधम्मणा संजुत्ते यावि होत्था । तए णं [ते] राईसर जाव नीहरणं करेति २ ता अज्जमभं एवं वयासी-एवं खलु देवाणुप्पिया ! कणगरहे राया रज्जे य जाव पुत्ते वियंगित्था । अग्गे णं देवाणुप्पिया । रायाहीणा रायाहिट्टिया रायाहीणकज्जा । अयं च णं तेयली अमच्चे कणगरहस्स रत्तो सव्वद्वाणेसु सव्वभूमियासु लद्धपच्चए दिक्खियारे सव्वकज्जव(ट्ठा)क्खाव यावि होत्था । तं सेयं खलु अग्गं तेयलिपुत्तं अमच्चं कुमारं जाइत्तए-त्तिकट्टु अज्जमज्जस्स एयमड्डं पड्डिसुणेति २ ता जेणेव तेयलिपुत्ते अमच्चे तेणेव उवागच्छति २ ता तेयलिपुत्तं एवं वयासी-एवं खलु देवाणुप्पिया ! कणगरहे राया रज्जे य रट्ठे य जाव वियंगेइ, अग्गे (य) णं देवाणुप्पिया । रायाहीणा जाव रायाहीणकज्जा, तुमं च णं देवाणुप्पिया । कणगरहस्स रत्तो सव्व(ट्ठा)ठाम्भेसु जाव रज्जुरावित्तए [होत्था], तं जइ णं देवाणुप्पिया ! अत्थि वेइ कुमारं रायलक्खणसंपजे अनिसेयानिहे तण्णं तुमं अग्गं-दक्खहि जण(जा)णं अग्गे

महया २ रायामिसेएण अभिसिन्वामो । तए णं तेयलिपुत्ते तैस्सि ईसर जाव एयमहं पड्डिमुणैह २ ता कणगज्झयं कुमारं प्हायं सव्वालंकारविमूसियं सस्सिरीवं करैह २ ता तेस्सि ईसर जाव उवणेह २ ता एवं वयासी-एस णं देवाणुप्पिया ! कणगरहस्स रज्जो पुत्ते पउमावईए देवीए अत्तए कणगज्झए नामं कुमारे अभिसेयारिहे रायल-क्खणसंपन्ने मए कणगरहस्स रज्जो रहस्सिययं संवड्ढिए, एयं णं तुम्भे महया २ रायामिसेएणं अभिसिंचह । सव्वं च तेस्सि उट्ठाणपरियावणियं परिकहेइ । तए णं ते ईसर जाव कणगज्झयं कुमारं महया (२) रायामिसेएणं अभिसिंचंति । तए णं से कणगज्झए कुमारे राया जाए महयाहिमवंत(मलय) वण्णओ जाव रज्जे पसा- (से)हेमाणे विहरइ । तए णं सा पउमावई देवी कणगज्झयं रायं सहावेइ २ ता एवं वयासी-एस णं पुत्ता । तव रज्जे जाव अंतैउरे य तुमं च तेयलिपुत्तस्स [अम- वस्स] प(हा)भावेणं, तं तुमं णं तेयलिपुत्तं अमच्चं आढाहि परिजाणाहि सक्कारेहि सम्माणेहि इंतं अब्भुट्ठेहि ठियं पज्जुवासाहि वच्चंतं पड्डिसंसाहेहि अद्दासणेणं उव- णिमंतैहि भोगं च से अणुवड्ढेहि । तए णं से कणगज्झए पउमावईए (देवीए) तहत्ति [वयणं] पड्डिमुणैह जाव भोगं च से [सं]वड्ढेइ ॥ १०७ ॥ तए णं से पोट्टिले देवे तेयलिपुत्तं अभिक्खणं २ केवलपन्नते धम्मे संबोहेइ नो चेव णं से तेयलि- पुत्ते संबुज्झइ । तए णं तस्स पोट्टिलदेवस्स इमेयास्सवे अज्झत्थिए०-एवं खलु कण- गज्झए राया तेयलिपुत्तं आढाइ जाव भोगं च संवड्ढेइ । तए णं से तेय(डी)लि- पुत्तै अभिक्खणं २ संबोहिज्जमाणे वि धम्मे नो संबुज्झइ । तं सेयं खलु कणगज्झयं तेयलिपुत्ताओ विप्परिणा(मे)मित्तए-त्तिकडु एवं संपेहेइ २ ता कणगज्झयं तेयलिपु- ताओ विप्परिणामेइ । तए णं तेयलिपुत्ते कळं प्हाए आसत्थंघवरगए बहुहिं पुरिसेहिं [सद्धिं] संपरिवुडे सयाओ गिहाओ निगच्छइ २ ता जेणेव कणगज्झए राया तेणेव पहारेत्थ गमणाए । तए णं तेयलिपुत्तं अमच्चं जे जहा बहुवे राईसरतल्लवर जाव पभिवओ पासंति ते तहेव आढायंति परि(जा)याणंति अब्भुट्ठंति २ ता अजलि- परिमाहं करंति इट्ठाहिं कंताहिं जाव वम्महिं आल(वे)वमाणा य संलवमाणा य पुरओ य पिट्ठओ य पासओ य मग्गओ य समणुगच्छंति । तए णं से तेयलिपुत्ते जेणेव कणगज्झए तेणेव उवागच्छइ । तए णं [से] कणगज्झए तेयलिपुत्तं एज्ज- माणं पासइ २ ता नो आढाइ नो परियाणाइ नो अब्भुट्ठेइ अणाढायमाणे ३ पर- म्मुहे संविट्ठइ । तए णं [से] तेयलिपुत्ते कणगज्झयस्स रज्जो अजळं करैइ । तए णं से कणगज्झए राया अणाढायमाणे दुसिणीए परम्मूहे संविट्ठइ । तए णं तेयलि- पुत्ते कणगज्झयं [रायं] विप्परिणयं जाणित्ता मीए जाव संजायमए एवं वयासी-वड्ढे

णं मम कणगज्जाए राया । हीणे णं मम कणगज्जाए राया । अवज्जाए णं कणव-
 ज्जाए (राया) । तं न गज्जइ णं मम केणइ कुमारेण मारेहिइ-तिकट्टु भीए तत्थे
 (य) जाव सणियं २ पंचोस(हे)कइ २ ता तमेव आसख्खं वुरु(हे)इइ २ ता तेय-
 लिपुरं प्रज्जोमज्जोणं जेणेव सए गिहे तेजेव पहारैत्थ गमणाए । तए णं तेयलिपुत्तं
 जे अहा ईसर जाव पांसति ते तहा नो आढार्यति नो परियाणंति नो अब्भुत्तेति
 नो अज(लि)लिं० इहा(हे)इ जाव नो संलवंति नो पुरओ य पिट्ठओ य पासओ
 (य वगओ य)समणुगच्छंति । तए णं तेयलिपुत्ते जेणेव सए गिहे तेजेव उवाग-
 (च्छइ)ए । जा वि य से तत्थ बाहिरिया परिसा भवइ तंजहा-दासेइ वा पेसेइ वा
 भाइल्लेइ वा सा वि य णं नो आढाइ १ । जा वि य से अट्ठिमतरिया परिसा भवइ
 तंजहा-पियाइ वा मायाइ वा जाव मुहाइ वा सा वि य णं नो आढाइ २ । तए
 णं मे तेयलिपुत्ते जेणेव बासघरे जेणेव (सए) सयणिजे तेजेव उवागच्छइ २ ता
 सयणिज्जेति निसीयइ २ ता एव वयासी-एवं खलु अहं सयाओ गिहाओ जिग्गच्छामि
 तं खेव जाव अट्ठिमतरिया परिसा नो आढाइ नो परियाणाइ नो अब्भुत्तेइ । तं
 सेयं खलु मम अप्पाणं जीवियाओ ववरोवित्तए-तिकट्टु एवं संपेहेइ २ ता तालउडं
 विसं आसगंति पक्खिवइ, से (य विसे) नो संकमइ । तए णं से तेयलिपुत्ते [अमणे]
 नीलुप्पल जाव अमिं खं(वे)वंसि ओहरइ, तत्थ वि य से धारा ओपक्का । तए णं से
 तेयलिपुत्ते जेणेव अमोगवणिया तेजेव उवागच्छइ २ ता पासगं गीवाए बंधइ २ ता
 रूखं वुरुइइ २ ता पा(सं)सगं रूखे बंधइ २ ता अप्पाणं सुयइ, तत्थ वि य से
 रज्जुं छिन्ना । तए णं से तेयलिपुत्ते अहइमहा(ल)त्थियं सिलं गीवाए बंधइ २ ता
 अत्थाहमतारमपोत्ति(सि)सीरंति उदरंति अप्पाणं सुयइ, तत्थ वि से बाहे ऊए ।
 तए णं से तेयलिपुत्ते सुखंति तणकूटंति अगणिकार्यं पक्खिवइ २ ता अप्पाणं सुयइ,
 तत्थ वि य से अगणिकाए विज्जाए । तए णं से तेयलिपुत्ते एवं वयासी-सदेयं
 खलु भो समणा वयंति, सदेयं खलु भो माहणा वयंति, सदेयं खलु भो समणा
 माहणा वयंति, अहं एमो असदेयं वयामि, एवं खलु अहं सह पुतोहिं अपुत्ते, को
 मेवं सहहिस्सइ ? सह भित्तेहिं अमित्ते, को मेवं सहहिस्सइ ? एवं अत्थेवं दारेणं
 दासेहिं [विसेहिं] परिजणेणं । एवं खलु तेयलिपुत्तेणं अमणेणं कणगज्जाएणं रत्ता अव-
 ज्जाएणं समाणेणं तालपुडगे विसे आसगंति पक्खित्ते, से वि य नो (सं)कमइ,
 को मेवं सहहिस्सइ ? तेयलिपुत्ते नीलुप्पल जाव खंवंसि ओहरिए, तत्थ वि य से
 धारा ओपक्का, को मेवं सहहिस्सइ ? तेयलिपु(त्तस)ते पासगं गीवाए बंधं(वे)छिन्ना
 जाव रज्जुं छिन्ना, को मे(रं)वं सहहिस्सइ ? तेयलिपुत्ते अहइ(सिल)त्थियं जाव वंविन्ना

अत्थाह जाव उदगंसि अप्पा[णं] मुक्के, तत्थ वि य णं थाहे जाए, को मेयं सह-
 हिस्सइ ? तेयलिपुत्ते सुक्कंसि तणकूडे अग्गी विञ्जाए, को मेयं सहहिस्सइ !—ओह-
 यमणसंकरुपे जाव झिया[य]इ । तए णं से पोद्विळे देवे पोद्विलारुवं विउव्वइ २ ता
 तेयलिपुत्तस्स अदूरसामंते ठिच्चा एवं वयासी—हं भो तेयलिपुत्ता ! पुरओ पवाए
 पिट्ठओ हत्थिमयं दुहलो अचक्खुफासे मज्जे सराणि पतं(वरिसयं)ति, गामे पलित्ते
 रत्ते झियाइ रत्ते पलित्ते गामे झियाइ, आउसो (1) तेयलिपुत्ता ! क्वओ वयाभो ? । तए
 णं से तेयलिपुत्ते पोद्विलं एवं वयासी—भीयस्स खलु भो ! पव्वज्जा सरणं, उक्कं(ठि)-
 ट्ठियरस्स सदेसगमणं छुहियस्स अन्नं तिसियस्स पाणं आउरस्स मेसज्जं माइयस्स
 रहस्सं अभिजुत्तस्स पच्चयकरणं अद्धानपरिसंतस्स वाहणगमणं तरिउक्कामस्स पव-
 ह(णं)णकिच्चं परं अभिओजिउक्कामस्स सहायकिच्चं, खंतस्स दंतस्स जिइदियस्स
 एतो एगमवि न भवइ । तए णं से पोद्विळे देवे तेयलिपुत्तं अमच्चं एवं वयासी—
 सुट्ठु णं तुमं तेयलिपुत्ता ! एयमट्ठु आया(णि)णहि—त्तिकट्टु दोच्चंपि [तच्चंपि] एवं वयइ
 २ ता जामेव दि(सं)सि पाउच्चूए तामेव दिसि पड्डिगए ॥ १०८ ॥ तए णं तस्स
 तेयलिपुत्तस्स सुमेणं परिणामेणं जाइसरणे समुप्पजे । तए णं (तस्स) तेयलिपुत्तस्स
 अयमेयाह्वे अज्जत्थिए ० समुप्पजे—एवं खलु अहं इहेव जंबुद्वीवे २ महाविदेहे
 वासे पोक्खलावद्वेविजए पोंड(री)रिगिणीए रायहाणीए महापउमे नामं राया
 होत्या । तए णं (अ)हं थेराणं अंतिए मुंडे भविता जाव चोइस—पुव्वाइ (०) बहूणि
 वासाणि सामण्णपरिया(ए)णं पाउणित्ता मासियाए संलेहणाए महासुक्के करुपे देवे
 (उववच्चे) । तए णं हं ताओ देवलोगाओ आउक्खएणं [भवक्खएणं ठिइक्खएणं
 अणंतरं चयं चइत्ता] इहेव तेयलिपुरे तेयलिस्स अमच्चस्स भद्दाए भारियाए दार-
 गत्ताए पच्चायाए । तं सेयं खलु मम पुव्वदिट्ठाइं महव्वयाइं सयमेव उवसंपज्जिताणं
 विहरित्तए । एवं सपेहेइ २ ता सयमेव महव्वयाइं आरुहेइ २ ता जेणेव पमय-
 वणे उज्जाणे तेणेव उवागच्छइ २ ता अयोगवरपायवस्स अहे पुठवित्तितापट्टयंस्सि
 सुहन्निस्सणस्स अणुचितेमाणस्स पुव्वाहीयाइं सामाइयमाइयाइं चोइसपुव्वाइं सय-
 मेव अभिसमजागयाइं । तए णं तस्स तेयलिपुत्तस्स अणगारस्स सुमेणं परिण-
 मेणं जाव तयावरणिजाणं कम्मणं खओवसमेणं कम्मरयविकरणकरं अपुव्वकरणं
 पविट्ठस्स केवलवरनाणदंसणे समुप्पजे ॥ १०९ ॥ तए णं तेयलिपुरे नयरे अहस-
 षिद्धिण्हिं वाणमंतरेहिं देवेहिं देवीहिं य देवदुंदु(भी)हीओ समाइयाओ दसइवण्णे
 कुलमे निवाइए दिव्वे गीयगंघव्वनिनाए कए यावि होत्था । तए णं से कअयउच्चए
 एया इमीसे क्हाए लउट्टे समाणे एवं वयासी—एवं खलु तेय(लि)लिपुत्ते मए अव-

ज्जाए मुंढे भविता पव्वइए तं गच्छामि णं तेयलिपुत्तं अणगारं वंदामि नमंसामि ॥
 वं० २ ता एयमट्ठं विणएणं भुज्जे २ खामेमि । एवं संपेहेइ २ ता ष्हाए चाउरं गि-
 णीए सेणाए जेणेव पमयवणे उज्जाणे जेणेव तेयलिपुत्ते अणगारे तेणेव उवागच्छइ
 २ ता तेयलिपुत्तं (अणगारं) वंदइ नमंसइ वं० २ ता एयमट्ठं च [णं] विणएणं भुज्जे
 २ खामेइ [२] नञासञ्जे जाव पज्जुवासइ । तए णं से तेयलिपुत्ते अणगारे कणगज्ज-
 यस्स रत्तो तीसे य महइमहालियाए परिसाए धम्मं परिकहेइ । तए णं से कणग-
 ज्जए राया तेयलिपुत्तस्स केवलित्स्स अंतिए धम्मं सोञ्चा निसम्म पंचाणुव्वइयं
 सत्तसिक्खावइयं सावगधम्मं पडिवज्जइ २ ता समणोवासए जाए जाव अ(हि)भि-
 गयजीवार्जाव । तए णं तेयलिपुत्ते केवली बहूणि वासाणि केवळिपरियागं पाउणिता
 जाव सिद्धे । एवं खलु जंबू ! समणेणं भगवया महावीरेणं जाव संपत्तेणं चोइस-
 मस्स नायज्जयणस्स अयमट्ठे पत्तते तिबेमि ॥ ११० ॥ गाहा—जाव न दुक्खं
 पत्ता माणव्वंसं च पाणिगो पायं । ताव न धम्मं गेण्हंति भावओ तेयलिमुउव्व
 ॥ १ ॥ चोइ(चउद्)समं नाय(अ)ज्जयणं समत्तं ॥

जइ णं भंते ! समणेणं० चोइसमस्स नायज्जयणस्स अयमट्ठे पत्तते पत्तसमस्स
 णं (०) के अट्ठे पत्तते ? एवं खलु जंबू । तेणं कालेणं तेणं समएणं चंपा ना(मं)म
 नयरी होत्था पुण्णभेइ उज्जाणे जियसत्त राया । तत्थ णं चंपाए नयरीए ध(ण)णे
 नामं सत्थवाहे होत्था अट्ठे जाव अपरिभूए । तीसे णं चंपाए नयरीए उत्तरपुरत्थिमे
 दि(स्ति)षीभाए अहिच्छत्ता ना(मं)मं नयरी होत्था रिद्धत्थिमियसमिद्धा वण्णओ ।
 तत्थ णं अहिच्छत्ताए नयरीए कणगकेऊ नामं राया होत्था (महया) वण्णओ ।
 [तए णं] तस्स ध(ण)णस्स सत्थवाहस्स अन्नया कयाइ पुव्वरत्तावरत्तकालसमयसि
 इमेयारूवे अज्जत्थिए चित्तिए पत्थिए मणोगए संकप्पे समुप्पजित्था—सेयं खलु
 मम विपुलं पणियमंडमायाए अहिच्छत्तं न(गरं)यरिं वाणिज्जाए गमित्तए । एवं संपे-
 हेइ २ ता गणिमं च ४ चउव्विहं भंडं गेण्हइ (०) सगढीसागडं सज्जेइ २ ता
 मगढीसागडं भरेइ २ ता कोइंबियपुरिसे सहावेइ २ ता एवं वयासी—गच्छइ णं
 तुब्भे देवाणुप्पिया । चंपाए नयरीए सिंघाडग जाव पहे(सुं)सु [एवं वयइ—] एवं
 खलु देवाणुप्पिया । धणे सत्थवाहे विपु(ले)लं पणि(य०)यं [आदाय] इच्छइ अहि-
 च्छत्तं नयरिं वाणिज्जाए गमित्तए । तं जो णं देवाणुप्पिया । चरए वा च्चौरिए वा चम्म-
 खंडिए वा मिच्छंढे वा पं(ड)डरगे वा गोयमे वा गोव(ती)त्थिए वा (गिद्धिधम्मे वा)
 गिद्धिधम्मचित्तए वा अविच्छदविच्छदुत्तुसावगरत्तपडनिग्गंथपभिइपासंडत्थे वा गिद्धत्थे
 वा (तस्स थं) ध(ण)णेणं सद्धिं अहिच्छत्तं नयरिं गच्छइ तस्स णं धणे अच्छत्तायस्स

छत्तमं दलाइ अणुवाहणस्स ओ(उ)वाहणा(उ)ओ दलयइ अकुञ्चिक्खस्स कुञ्चियं दल-
यइ अपत्थयणस्स पत्थयणं दलयइ अपक्खेवगस्स थक्खेवं दलयइ अंतरा वि य से
पञ्चियस्स वा भग्गलुग्ग[स्स] साहेज्जं दलयइ सुहंसुहेण य (णं) अहिच्छन्ती चंपावेइ-
त्तिकट्टु दोच्चपि तच्चपि [घोसणं] घोसेह २ ता मम एयमाणत्तियं पच्चप्पिणह । तए णं
ते कोडुंबियपुरिसा जाव एवं वयासी-हंदि सुणंतु भगवंतो चंपानयरीवत्थव्वा बहवे
चरगा (य) जाव पच्चप्पिणंति । तए णं (से) तेसि कोडुंबिय(घोस)पुरिसाणं [अंसिए
एयमद्धं] सो(सु)वा चंपाए नयरीए बहवे चरगा य जाव गिहत्था य जेणव घणे सत्थ-
वाहे तेणव उवागच्छंति । तए णं घणे [सत्थवाहे] तेसि चरगाण य आव गिहत्थाण
य अच्छत्तगस्स छत्तं दलयइ जाव पत्थयणं दलाइ-गच्छह णं तुब्भे देवाणुप्पिया !
चंपाए नयरीए बहिया अग्गुजाणंसि ममं पडिवालेमाणा चिट्ठह । तए णं [ते] चरगा
य० घणेणं सत्थवाहेणं एवं सुणा समाणा जाव चिट्ठंति । तए णं घणे सत्थवाहे
सोहणंसि तिहिकरणनक्खत्तंसि विउलं असणं ४ उवक्खडावेइ २ ता भित्तना(हे)इ
आमंतेइ २ ता भोयणं भोयावेइ २ ता आपुच्छइ २ ता सगबीसागडं जोयावेइ २
ता चंपा[ओ] नयरीओ निग्गच्छइ (०) नाइविप्पगिट्ठेहि अदाणेहि वसमाणे २ सुहेहिं
वसहिपायरासेहिं अंगं जणवयं मज्झमज्झेणं जेणव देसगं तेणव उवागच्छइ २
ता सगबीसागडं भोयावेइ (०) सत्थनिवेसं करेइ २ ता कोडुंबियपुरिसे सहावेइ २
ता एवं वयासी-तुब्भे णं देवाणुप्पिया ! मम सत्थनिवेसंसि महया २ सहेणं उग्घो-
सेमाणा २ एवं वयह-एवं खल देवाणुप्पिया ! इमासे आगामियाए छिन्नावायाए
दीहमदाए अडवीए बहुमज्झदेसभाए [एत्थ णं] बहवे नंदिफला नामं स्वखा पज्जता
किण्हा जाव पनिया पुप्फिया फलिया हरिया रेरिज्जमाणा सिरीए अईव २ उवसो-
भेमाणा चिट्ठंति मणुक्का वण्णेणं [४] जाव मणुक्का फासेणं मणुक्का छायाए । तं जो णं
देवाणुप्पिया ! तेसि नंदिफलाणं स्वखाणं मूलाणि वा कंद(०)तयपत्तपुप्फकलबी-
याणि वा हरियाणि वा आहारेइ छायाए वा वीसमड नस्स णं आवाए भइए भक्क
तओ पच्छा परिणममाणा २ अकाले चैव जीवियाओ ववरोवै(न्ति)इ । तं मा णं
देवाणुप्पिया ! केइ तेसि नंदिफलाणं मूलाणि वा जाव छायाए वा वीसमड मा णं
से(ऽ)वि अकाले चैव जीवियाओ ववरोविज्जिस्मइ । तुब्भे णं देवाणुप्पिया ! अज्जेसि
स्वखाणं मूलाणि य जाव हरियाणि य आहारे(थ)ह छायासु वीसमह ति वीसणं
घोसेह जाव पच्चप्पिणंति । तए णं घणे सत्थवाहे सगबीसागडं ओइ २ ता जेणव
नंदिफला स्वखा तेणव उवागच्छइ २ ता तेसि नंदिफलाणं अपूरसामंते सत्थनिवेसं
करेइ २ ता दोच्चपि तच्चपि कोडुंबियपुरिसे सहावेइ २ ता एवं वयासी-तुब्भे णं

देवाण्युपिया । मम सत्यनिवेशं महया [२] सद्गुणं उज्ज्वलेमाणा २ एवं बयह-एए
 णं देवाण्युपिया । ते नंदिफला [स्वस्वा] किष्ठा जाव मणुष्या छायाए । तं ज्ञे णं
 देवाण्युपिया । एएणि नंदिफलाणं स्वस्वाणं मूलाणि वा कंद(०)पुष्पतयापतफलाणि
 जाव अकाळे चैव जीवियाओ ववरोवेइ । तं मा णं तुब्भे जाव (दूरं दूरेणं परिहर-
 माणा) वीसमह मा णं अकाळे [चैव] जीवियाओ ववरोविस्संति अजेसि हक्खाणं
 मूलाणि य जाव वीसमह-त्तिकट्टु घोसणं [जाव] पव्वप्पिणंति । तत्थ णं अत्थेयइया
 पुरिसा धणस्स सत्थवाहस्स एयमहं सहहंति जाव रोयंति एयमहं सहइमाणा तेसि
 नंदिफलाणं दूरंदूरेणं परिहरमाणा २ अजेसि स्वस्वाणं मूलाणि य जाव वीसमंति ।
 तेसि णं आवाए नो भइए भवइ तओ पच्छा परिणममाणा २ सु(ह)भरुवताए ५
 भुज्जो = परिणमंति । एवामेव समणाउमो ! जो अमहं निग्गंधो वा २ जाव पंचसु
 कामगुणेषु नो स(ज्जे)जइ (नो रज्जेइ) से णं इहभवे चैव बहूणं समणाणं ४ अच-
 णिज्जे परलोए नो आगच्छइ जाव वीह्वइस्सइ । तत्थ णं (जं स) अप्पेगइया
 पुरिसा धणस्स एयमहं नो सहहंति ३ धणस्स एयमहं असइइमाणा ३ जेणेव ते
 नंदिफला तेषेव उवागच्छंति २ ता तेसि नंदिफलाणं मूलाणि य जाव वीसमंति
 तेसि णं आवाए भइए भवइ तओ पच्छा परिणममाणा जाव ववरोवंति । एवामेव
 समणाउमो ! जो अमहं निग्गंधो वा २ पव्वइए पंचसु कामगुणेषु सज्जइ जाव अणु-
 परियट्ठिस्सइ जहा व ते पुरिसा । तए णं से धणे सगढीसागढं जोयावेइ २ ता
 जेणेव अहिच्छत्ता नयरी तेषेव उवागच्छइ २ ता अहिच्छत्ताए नयरीए बाहिया
 अम्भुज्जाणे सत्यनिवेशं करेइ २ ता सगढीसागढं मोयावेइ । तए णं से धणे सत्थ-
 वाहे महत्थं ३ रायासिहं पाहुढं गेण्डइ २ का बहुपुरिसेहिं सदिं संपरिसुडे अहि-
 च्छत्तं नय(रे)रिं मज्जंमज्जेणं अणुप्पविसइ २ ता जेणेव कणमकेऊ राया तेषेव
 उवागच्छइ २ ता करयल जाव बद्धावेइ २ ता तं महत्थं ३ पाहुढं उवणेइ । तए णं
 से कणमकेऊ राया इद्धव(डु०)डे धणस्स सत्थवाहस्स तं महत्थं (३) जाव पडिच्छइ
 २ ता ध(०)णं सत्थवाहं सक्कारेइ सम्माणेइ स० २ ता उस्सुळं वियरइ २ ता पडि-
 विसज्जेइ [२] भंडविसिमयं करेइ २ ता पडिभंडं गेण्डइ २ ता सद्गुणं जेणेव चंपा
 नयरी तेषेव उवागच्छइ २ ता मित्तनाइमभिससकागए विपुळाहं माणुस्सगाइं जाव
 विहरइ । तेषं कालेणं तेषं समएणं वेराप्पमभं ध० धम्मं सोक्का जेहूपुत्तं कुडुंवे
 ठावेत्ता [जाव] पव्वइए सामा[इयम]इ-वाहं एद्धारक अंगारं बहूणि वासअणि जाव
 माणियाए (हं०) जाव अजमरेसु देवलोपसु देवताए उवपचे (से णं वेवे वाक्को वेव-
 ज्जेणज्जे वाक्कण० षयं वइत्ता) महाविरेहे वाक्के तिसिइइइ जाव भंतं करेइइ ।

एवं खलु जंबू । समणेणं जाव संपत्तेणं पन्नरस[म]स्स नायज्झयणस्स अयमट्ठे पन्नते
 त्तिवेमि ॥ १.११ ॥ गाहाओ--चंपा इव मण्यगई धणो व्व भयवं जिणो दएक्करसो ।
 अहिच्छतानयरिसमं इह निव्वाणं मुणेयव्वं ॥ १ ॥ धोसणया इव तित्थंकरस्स सिव-
 मगदेसणमहग्घं । चरगाइणोव्व इत्थं सिवसुहकामा जिया बहुवे ॥ २ ॥ नंदिफलाइ
 व्व इहं सिवपहपडिचण्णगाण विसया उ । तव्वक्खणाओ मरणं जह तह विसएहिं
 संसारो ॥ ३ ॥ तव्वज्जणेण जह इट्ठपुरगमो विमयवज्जणेण तहा । परमानंदनिबंध-
 णसिवपुरगमणं मुणेयव्वं ॥ ४ ॥ पन्नरसमं नायज्झयणं समत्तं ॥

जइ णं भंते ! समणेणं ३ जाव संपत्तेणं पन्नरसमस्स नायज्झयणस्स अयमट्ठे
 पन्नते मोलममस्स णं भंते ! नायज्झयणस्स (०) के अट्ठे पन्नते ? एवं खलु जंबू ।
 तेणं कालेणं तेणं समएणं चंपा नामं नयरी होत्था । तीसे णं चंपाए नयरीए बहिया
 उतरपुरत्थिमे दिसीमाए सुभूमिभागे नामं उज्जाणे होत्था । तत्थ णं चंपाए नयरीए
 तओ माहणा भायरो परिवसंति तंजहा-सोमे सोमदत्ते सोमभूइं अट्ठा जाव [अपरि-
 भूया] रिउव्वेयजउव्वेयसामवेयअथव्वणवेय जाव सुपरिनिट्ठिया । ते(सि णं)सिं
 माहणाणं तओ भारियाओ होत्था तंजहा-नागसिरी भूयसिरी जक्खसिरी सुकुमा-
 (ल)ळा जाव तेसि णं माहणाणं इट्ठाओ वि(पु)उळे माणस्सए जाव विहरंति । तए णं
 तेसि माहणाणं अन्नया कयाइ एगयओ समुवागयाणं जाव इमेयारूवे मिहोकहासमु-
 ळावे समुप्पज्जित्था-एवं खलु देवाणुप्पिया ! अम्हं इमे विउळे धणे जाव सावएजे
 अलाहि जाव आसत्ताओ कुलवंसाओ पकामं दाउं पकामं भोत्तुं पकामं परिभाएउं ।
 तं सेयं खलु अम्हं देवाणुप्पिया ! अन्नमन्नस्स गिहेसु कळाकळि विपुलं अस(णं)णपा-
 (णं)णखाइ(मं)ममाइमं उवक्खडेउं (र) परिभुं(ज)जेमाणाणं विहरितए । अन्नम-
 न्नस्स एयमट्ठं पडिसुणेंति कळाकळि अन्नमन्नस्स गिहेसु विपुलं असणं ४ उवक्खडा-
 वेति २ ता परिभुंजेमाणा विहरंति । तए णं तीसे नागसिरीए माहणीए अन्नया
 [कयाड] भोयणवारए जाए यावि होत्था । तए णं सा नग्गासिरी [माहणी] विपुलं
 असणं ४ उवक्ख(डे)डावेइ २ ता एणं महं सालइयं ति(ता)तलाउ(अं)यं बहुसंभार-
 संजुणं नेहावगाढं उवक्खडावेइ एणं बिंदुर्यं करयलंसे आसाएइ [२] तं खारं कडुर्यं
 अखज्जं (अभोज्जं) विस(ं)भूयं जाणित्ता एवं वयासी-धिरत्थु णं मम नागसिरीए
 अ(ह)वन्नाए अपुण्णाए दूमगाए दूमगसत्ताए दूमगनिबोलियाए जा(जी)ए णं मए
 सालइए बहुसंभारसंभिए नेहावगाढे उवक्खडिए सुबहुदव्वक्खए(णं) नेहक्खए य
 कए । तं जइ णं ममं जाउयाओ जाणिसंति तो णं मम खिसिस्संति । तं जाव-ताव
 ममं जाउयाओ न जाणंति ताव मम सेयं एयं सालइयं ति(ता)तलाउ(अं) बहुसंभार-

१. नेहकयं एगंते गो(वे)वितए अन्नं सालइयं महु(रा)रलाउबं जाव नेहावगाढं उव-
 कख(डे)वितए । एवं संपेहेइ २ ता तं सालइयं जाव गोवेइ [२] अन्नं सालइयं महुर-
 लाउयं उवकखडेइ [२] तेसि माहणणं प्हायाणं सुहासणवरगयाणं तं विपुलं असणं
 ४ परिवेसेइ । तए णं ते माहणा जिमियभुत्तारागया समाणा आयंता चोक्खा परम-
 सुइभूया सकम्मसंपउत्ता जया यावि होत्था । तए णं ताओ माहणीओ ष्हायाओ
 सब्वालंकारविभूसियाओ तं विपुलं असणं ४ आहारैति २ ता जेणेव सयाइ २ गि(गे)-
 हाइं तेणेव उवागच्छंति २ ता सकम्मसंपउत्ताओ जायाओ ॥ ११२ ॥ तेषं कालेणं
 तेषं समएणं धम्मघोसा ना(म)मं थेरा जाव वहुपरिवारा जेणेव चंपा (नामं) नयरी
 जेणेव सुभूमिभागे उज्जाणे तेणेव उवागच्छंति २ ता अहापडिक्खं जाव विहरंति ।
 परिसा निग्गया धम्मो कहिओ परिसा पडिग्गया । तए णं तेसि धम्मघोसाणं थेराणं
 अंतेवासी धम्मरुइं नामं अणगारे उ(ओ)गळे जाव ने(उ)यळेस्से मासंमासेणं खम-
 माणे विहरइ । तए णं से धम्मरुइं अणगारे मासखमणपारणयंसि पडमाए पोरिसीए
 सज्जायं करेइ २ ता वीयाए पोरिसीए एवं जहा गोयमसामी तहेव उग्गाहेइ २ ता
 तहेव धम्मघोसं थेरं आपुच्छइ जाव चंपाए नयरीए उच्चनीयमज्जिमकुलाइं जाव
 अडमाणे जेणेव नागसिरीए माहणीए गिहे तेणेव अणुपविट्टे । तए णं सा नाग-
 सिरी माहणी धम्मरुइं एजमाणं पामड २ ता तस्स सालइयस्स तितकडुयस्स बहु-
 (०)नेहावगाडस्स एड(निसिर)णट्टयाए हट्टुट्टा [उट्टाए] उट्टेइ २ ता जेणेव भतथरे
 तेणेव उवागच्छइ २ ता तं सालइयं तितकडुयं च बहुने(हं)हावगाढं धम्मरुइस्स
 अणगारस्स पडिग्गहंसि सव्वमेव नि(सि)स्सिइ । तए णं से धम्मरुइं अणगारे अहा-
 पज्जत्तमितिकट्टु नागसिरीए माहणीए गिहाओ पडिनिक्खमइ २ ता चंपाए नयरीए
 मज्झंमज्जेणं पडिनिक्खमइ २ ता जेणेव सुभूमिभागे उज्जाणे तेणेव उवागच्छइ २
 ता [जेणेव धम्मघोसा थेरा तेणेव उवागच्छइ २] धम्मघोमस्स अदूरसामंते अन्न-
 पाणं पडि(वसे)लेहेइ २ ता अन्नपाणं करयलंसि पडिदंसेइ । तए णं (ते) धम्मघोसा
 थेरा तस्स सालइयस्स नेहावगाडस्स गंधेणं अभिभूया समाणा तओ सालइयाओ
 नेहावगाढाओ एगं बिहु(मं)यं गहाय करयलंसि आसा(दे)दित्ति ति(तयं)तं खारं
 कडुयं अख्खं अओखं विसभूयं जाणित्ता धम्मरुइं अणगारं एवं वयासी-जइ णं तुयं
 देवाणुप्पिया । एयं सालइयं जाव नेहावगाढं आहारेसि तो णं तुमं अकाले चैव जीवि-
 याओ बवरोविज्जसि । तं मा णं तुमं देवाणुप्पिया । इमं सालइयं जाव आहारेसि मा णं
 तुमं अकाले चैव जीवियाओ बवरोविज्जसि । तं गच्छ[ह] णं तुमं देवाणुप्पिया । इमं
 सालइयं एगंतमणावाए अ(वि)चित्ते वंदि(डे)हे परिट्टवेहि २ ता अन्नं पासुयं एत्त-

णिज्जं असणं ४ पडिगाहेता आहारं आहारेहि । तए णं से धम्मरुई अणगारे धम्म-
 चोलेणं थेरेणं एवं वुत्ते समाणे धम्मघोसस्स थेरस्स अंतियाओ पडिनिक्खमइ २ ता
 सुभूमिभा(ग)गाओ उज्जणाओ अदूरसामंते थंढिल्लं पडिल्लेहेइ २ ता ता(त)ओ साल-
 इयाओ एगं बिंदुगं ग(हेइ)हाय २ थंढि(लं)लंसि निसिरइ । तए णं तस्स सालइयस्स
 तित्तकडुयस्स बहुनेहावगाढस्स गंधेणं बहुणि पिपीलिगासइस्साणि पाउब्भू० जा
 ज्झा य णं पिपीलिगा आहारेइ सा [णं] तहा अकाळे चेव जीमियाओ ववरोविज्जइ ।
 तए णं तस्स धम्मरुइस्स अणगारस्स इमेयारुवे अज्जातियिए०—जइ ताव इमस्स
 सालइयस्स जाव एगंमि बिंदु(गं)यंमि पक्खित्तमि अणेगाइं पिपीलि(का)गासइस्साई
 ववरोविज्जंति तं जइ णं अहं एयं सालइयं थंढिल्लंसि सव्वं निसिरामि (तए) तो णं
 बहुणं पाणाणं ४ वहकरणं भविस्सइ । तं सेयं खलु मम एयं सालइयं जाव [नेहाव]-
 गाढं सयमेव आहा(रे)रित्तए मम चेव एएणं सरी(रे)रएणं निज्जाउ—त्तिकहु एवं
 संपेहेइ २ ता मुहपोत्तियं [२] पडिल्लेहेइ २ ता ससीसोवसियं कायं पमज्जेइ २ ता तं
 सालइयं तित्तकडुयं बहुनेहावगाढं बिलमिव पज्जगभूएणं अप्पा(णे)णएणं सव्वं सरी-
 रक्के(ट्टं)ट्टयंसि पक्खिवइ । तए णं तस्स धम्मरुइ[य]स्स तं सालइयं जाव नेहावगाढं
 आहारियस्स समाणस्स मुहुत्तंतेरेणं परिणममाणंसि सरीरगंसि वेय्या पाउब्भूसा
 उज्जला जाव दुरहियासा । तए णं से धम्मरु(ची)इं अणगारे अथामे अवळे अवीरिए
 अपुरिसक्कारपरक्कमे अधारणिज्जमित्तिकहु आयारमंडगं एगंते ठा(ठ)वेइ २ ता थंढिल्लं
 पडिल्लेहेइ २ ता दब्भसंधारगं संधारेइ २ ता दब्भसंधारगं दुक्कइ २ ता पुरत्था-
 भिमुहे संपलियं कनिसण्णे करयलपरिग्गहिंयं एवं वयासी—नमोत्थु णं अरहंताणं जाव
 संपत्ताणं नमोत्थु णं धम्मघोसाणं थेराणं मम धम्मारायियाणं [मम] धम्मोत्तएससणं
 पुव्वि पि णं मए धम्मघोसाणं थेराणं अंतिए सव्वे पाणाइवाए पक्कक्खाए जावक्खी-
 वाए जाव परिग्गहे इयारिणि पि णं अहं तेसि चेव भयवताणं अंति(यं)ए सव्वं
 पाणाइवायं पक्कक्खामि जाव परिग्गहं पक्कक्खामि जाव(जी)जीवाए जइ खंदब्भो
 जाव चरिमेहिं उस्तासेहिं बोसिरामि—त्तिकहु आलोइयपडिकंते समाहिपणे कालगाए ।
 तए णं ते धम्मघोसा थेरा धम्मरुई अणगारं च्चि(रं)रययं जाणिता समणे निग्गंथे
 सट्ठवेत्ति २ ता एवं वयासी—एवं खलु देवाणुप्पिया । धम्मरुइस्स अणगारस्स मस-
 [क]खमण्यपाणणंसि सालइयस्स जाव [नेहाव]गाढस्स निसिरबहुवाए बहिया
 निग्गए च्चिरा[वे]इ, तं मच्छइ णं तुच्चे देवाणुप्पिया । धम्मरुइस्स अणगारस्स
 सव्वओ सत्तंता मग्गणगवैसणं करेइ । तए णं ते ससण्णा निग्गंथ जाव पडिणुत्तिये २
 ता धम्मघोसाणं थेराणं अंतियाओ पडिनिक्खमंसि २ ता धम्मरुइस्स अणगारस्स

सव्वओ समंता मग्गणववेषणं करेमाणा जेणेव थंङ्खिल्लं तेणेव उवागच्छंति २ ता धम्म-
रुद्धयस्स अणगारस्स सरीरं निप्पाणं निच्छेत्तुं जीवविप्पजडं पासंति २ ता हा हा [!]
अहो ! अकज्जमित्तिकहुं धम्मरुद्धस्स अणगारस्स परिनिव्वानवत्तियं काउस्सगं करेति
(०) धम्मरुद्धस्स आयारभंडगं गेण्हंति २ ता जेणेव धम्मघोसा थेरा नेणेव उवागच्छंति
२ ता गमणागमणं पडिक्कमंति २ ता एवं वयासी-एवं खलु अम्हे तुच्चं अंतियाओ
पडिनिक्खमामो २ ता सुभूमिभागस्स उज्जाणस्स परिपेरेतेणं धम्मरुद्धस्स अणगा-
रस्स सव्वं जाव करेमा(णे)णा जेणेव थंङ्खिल्लं तेणेव उवागच्छामो (०) जाव इहं
हव्वमागया, तं कालगए णं भंते ! धम्मरुद्धे अणगारे इमे से आयारभंडए । तए णं
(ते) धम्मघोसा थेरा पुव्वगए उवज्जोगं गच्छंति २ ता समणे निगंगंथे निगंगंथीओ य
सहावेंति २ ता एवं वयासी-एवं खलु अज्जो ! मम अंतेवासी धम्मरुद्धे ना(म)मं अण-
गारे पगइभए जाव विणीए मासंमासेणं अणिक्खित्तेणं तवोक्कमेणं जाव नाग-
सिरीए माहणीए गि(हे)हं अणुपवि(ट्टे)मइ । तए णं सा नागसिरी माहणी जाव
निसिरड । तए णं मे धम्मरुद्धे अणगारे अहापज्जत्तमि(ति)त्तिकहुं जाव कालं अणव-
क्खमाणे विहरइ । मे णं धम्मरुद्धे अणगारे बहूणि वामाणि सामणपरियागं पाउणित्ता
आलोइयपडिक्कंते नमाहिपत्ते कालमामे कालं किच्चा उहुं सोह(म्म)म्मे जाव सव्वट्ट-
त्तिद्धे महाविमाणे देवताए उववन्ने । तए णं [अन्थेगइयाणं] (अ)जहजमणुक्कोसेणं
तेत्तीसं सागरोवमाइं ठिई पज्जता । तए णं [णं] धम्मरुद्धस्स वि देवस्स तेत्तीसं सागरो-
वमाइं ठिई पज्जता । से णं धम्मरुद्धे देवे ताओ देवलोगाओ जाव महाविदेहे वासे
सिज्जिहइ ॥११३॥ तं धिरत्थु णं अज्जो । नागसिरीए माहणीए अधच्चाए अपुण्णाए
जाव निवोलियाए जाए णं तहारूवे साहू [साहुरूवे] धम्मरुद्धे अणगारे मासक्खमण-
पारणंसि मालइएणं जाव गाढेणं अकाले चेव जीवियाओ ववरोविए । तए णं ते
समणा निगंगंथा धम्मघोसाणं थेराणं अंतिए एयमहुं सोच्चा निसम्म चंपाए सिंघाडग
(तिग) जाव [पहेसु] बहुजणस्स एवमाइक्खंति [४]-धिरत्थु णं देवाणुप्पिया । नाग-
सिरीए (माहणीए) जाव निवोलियाए जाए णं तहारूवे साहू साहुरूवे सालइएणं
जीवियाओ ववरो(वेइ)विए । तए णं तेसिं समणाणं अंतिए एयमहुं सोच्चा निसम्म
बहुजणां अन्नमज्जस्स एवमाइक्खइ एवं भासइ-धिरत्थु णं नागसिरीए माहणीए जाव
जीवियाओ ववरोविए । तए णं ते माहणा चंपाए नयरीए बहुजणस्स अंतिए एयमहुं
सोच्चा निसम्म आसुरुता जाव भिसिंखिसेमाणा जेणेव नागसिरी माहणी तेणेव उवा-
गच्छंति २ ता नागसि(री)रिं माह(णी)णि एवं वयासी-हं भो नागसिरी ! अपत्थियप-
त्थिए [!] इरंतर्पतलक्खणे [!] हीणपुण्णत्ताउहसे [!] धिरत्थु णं तच्च अधच्चाए अपु-

साए (बाव) सिरोतिवाए बाए वं दुने तहास्वे साह साहस्वे मापसगणपरणो
सालाएवे जाव ववरोमिए उचाव(ए)याहि अकोसणाहि अकोसंति उकावयाहि उदं
णाहि उदंसेति उचावयाहि निव्व(त्वे)उचायाहि निव्व(त्वे)उचंति उकावयाहि
 निच्छोडगाहि निच्छोडेंति तजेंति तालेंति त(जे)जिता ता(ले)तिना सयाओ तिहावे
 निच्छुभंति । तए णं सा नागसिरी सयाओ गिहाओ निच्छूडा समाणी चपाए नयरीए
 सिचाडगालियवउक्कवचएउम्मुहमहापहपहेस बहुजणेणं हीलिजमाणी खिसिजमाणी
 निदिजमाणी गरहिजमाणी तज्जिजमाणी पव्वहिजमाणी धिक्कारिजमाणी थुक्कारिज-
 माणी कत्थइ ठाण वा निलयं वा अलभमाणी २ दंढीखंडनिवसणा खंडमल्लयखंडघड-
 गहट्ठयगा फुट्टहडाहडसीसा मच्छियवचडगरेणं अचिजमाणमग्गा नि(गे)हं(ने)नि-
 हेणं देहंबलियाए वित्तिं कप्पेमा(णी)णा विहरइ । तए णं तीसे नागसिरीए माहणीए
 तव्वभवंसि चव सोलम रोयायंका पाउव्वभूया तंजहा—सासे कासे जोणिसूले जाव कोढे ।
 तए णं सा नागसिरी माहणी सोलसहिं रो(या)गायंकेहिं अभिभूया समाणी अट्टु-
 हट्टवसट्टा काल्मासे कालं किच्चा छट्टीए पुढवीए उक्को(सेणं)सं बावीससागरोवम(ठि-
 ती)द्विइएसु नेरइ(नर)एसु नेरइयणाए उवववा । सा णं तओ(S)अणंतरं(सि) उव्व-
 ट्ठिता मच्छेसु उवववा । तत्थ णं सत्थवज्जा दाहवक्कंतीए काल्मासे कालं किच्चा
 अहेसत्त(मी)माए पुढवीए उक्को(साए)म(त्ति)ओ सागरोवमद्विइएसु [नरएसु] नेरइ-
 एसु उवववा । सा णं तओ(S)णंतरं उव्वट्ठिता दोचंपि मच्छेसु उववज्जइ । तत्थ वि य
 णं सत्थवज्जा दाहवक्कंतीए दोचंपि अहे सत्तमाए पुढवीए उक्को(मं)म(नेत्तीम)साग-
 रोवमद्विइएसु नेरइएसु उववज्जइ । सा णं तओहिंतो जाव उव्वट्ठिता तच्चपि मच्छेसु
 उवववा । तत्थ वि य णं सत्थवज्जा जाव [काल्मासे] कालं किच्चा दोचंपि छट्टीए
 पुढवीए उक्कोसेणं (०) । तओणंतरं उव्वट्ठिता उरएसु एवं जहा गोसाळे तहा मेयव्वं
 जाव रयगप्पभा(ए)ओ [पुढवीओ उव्वट्ठिता] स(त्त)ओसु उवववा । तओ उव्वट्ठिता
 जा(व)इं इमाइं खहरविहाणाइं जाव अदुत्तरं च णं खरवायरपुढविकाइयणाए सेसु
 अणेगसयसहस्सखुत्तो ॥ ११४ ॥ सा णं तओणंतरं उव्वट्ठिता इहेव जंबुदीये शीवे
 भारहे वासे चपाए नयरीए सागरदत्तस्स सत्थवाहस्स भदाए भारियाए कुच्छिसि
 दारियणाए प्चायाया । तए णं सा भदा सत्थवाही नव्वहं मासाणं दारियं पयाया
 सुकुमालकोमलियं गयनालयसमाणं । तीसे [णं] दारियाए निव्व(ने)नवारमाहियाए
 अम्मापियरो इम एयाह्वं गोणं गुगनिप्फं तामधेज्जं करेंति—अम्हा णं अम्हं एसा
 दारिया सुकुमाअ गयनालयसमाणा तं हाउ णं अम्हं इमीसे दारियाए नामधे(जे)जं
 सुकुमालिया [२] । तए णं तीसे दारियाए अम्मापियरो नामधेज्जं करेंति सुयालि-

ति । तए णं सा सूमालिया दारिया पंचघाईपरिगहिया तंजहा—खीरघाईए जाव
गिरिकंदरमल्लीणा इव चंप(क)गलया नि(व)वा(ए)यनिव्वाघायसि जाव परिक्कइ ।
तए णं सा सूमालिया दारिया उम्मुक्कबालभावा जाव रुवेण य जोव्वणेण य लाव-
ण्णेण य उक्किट्ठा उक्किट्ठसरीरा जाया यावि होत्था ॥ ११५ ॥ तत्थ णं चंपाए नयरीए
जिणदत्ते ना(म)मं सत्थवाहे अहे(०) । तस्स णं जिणदत्तस्स भद्दा भारिया सूमाला
इद्दा (जाव) माणुस्सए कामभो(ए)गे पच्चणुन्भवमाणा विहरइ । तस्स णं जिणदत्तस्स
पुत्ते भद्दाए भारियाए अत्तए सागरए नामं दारए सुकुमाले जाव सुखे । तए णं से जिण-
दत्ते सत्थवाहे अन्नया कयाइ सयाओ गिहाओ पक्किनिक्खमइ २ ता सागरदत्तस्स
सत्थवाह(गिह)स्स अदूरसामंतेणं वीइवयइ । इमं च णं सूमालिया दारिया ण्हाया
वेडियासंघपरियुडा उप्पि आगासतलगंसि कणग(ते)तिंदूसएणं कीलमाणी (२)
विहरइ । तए णं से जिणदत्ते सत्थवाहे सूमालिय दारियं पासइ २ ता सूमालियाए
दारियाए रुवे य ३ जायविन्दए कोडुंबियपुरिसे सहावेइ २ ता एवं वयासी—एस णं
देवाणुप्पिया । कस्स दारिया किं वा नामधेज्जं से ? । तए णं ते कोडुंबियपुरिसा जिण-
दत्तेणं सत्थवाहेण एवं युत्ता समाणा ह० करयल जाव एवं वयासी—एस णं (देवा-
णुप्पिया) सागरदत्तस्स २ धूया भद्दाए अत्तया सूमालिया ना(म)मं दारिया सुकुमा-
लपाणिपाया जाव उक्किट्ठा । तए णं (से) जिणदत्ते सत्थवाहे तेसि कोडुंबियाणं अंतिए
एयमहुं सोच्चा जेणेव सए गिहे तेणेव उवागच्छइ २ ता ण्हाए स० मित्तनाइपरिवुडे चंपाए
नयरीए मज्झंमज्जेणं जेणेव सागरदत्तस्स गिहे तेणेव उवाग(च्छइ)ए । तए णं [से]
सागरदत्ते २ जिणदत्ते २ एज्जमाणं पासइ २ ता आसणाओ अब्भुट्ठेइ २ ता आस-
णेणं उवनिमंतेइ २ ता आसत्थं वीसत्थं सुहासणवरगयं एवं वयासी—भण देवाणु-
प्पिया । किनागमणपओयणं (?) । तए णं से जिणदत्ते (सत्थवाहे) सागरदत्तं (सत्थ-
वाहं) एवं वयासी—एवं खलु अहं देवाणुप्पिया ! तव धूयं भद्दाए अत्तिवं सूमालिं
सागरस्स भारियणाए वरेमि । जइ णं जाणह देवाणुप्पिया ! जुत्ते वा पत्तं वा सला-
हणिज्जं वा सरंभो वा संजोगो ता दिज्जउ णं सूमालिया सागर[दारग]स्स । तए णं
देवाणुप्पिया ' किं दउयामो सुंके [च] सूमालियाए ? । तए णं से सागरदत्ते (ते) २
जिणदत्तं [२] एं वयासी—एवं खलु देवाणुप्पिया । सूमालिया दारिया (मम) एणा
एगजाया इद्दा [०] जाव किमंग पुण पासणयाए । तं नो खलु अहं इच्छामि सूमा-
लियाए दारियाए खगमवि विष्पओगं । तं जइ णं देवाणुप्पिया । सागर[ए] दारए
मम थरजामाउए भवइ तो णं अहं सागर(स्स)दारगस्स सूमालिं दलयामि । तए
णं से जिणदत्ते २ सागरदत्तं २ एवं युत्ते समाणे जेणेव सए गिहे तेणेव उवाग-

ष्णाए (जाव) निबोलियाए जाए णं तुमे तहारूवे साहू साहुरूवे मासखमणपारणंसि
 सालइएणं जाव ववरोविए उच्चाव(ए)याहिं अक्कोसणाहिं अक्कोसंति उच्चावयाहिं उदंस-
 णाहिं उदंसंति उच्चावयाहिं निम्भ(त्य)च्छणाहिं निम्भ(त्य)च्छंति उच्चावयाहिं
 निच्छोडणाहिं निच्छोडंति तज्जेति तालेति त(ज्जे)जिता ता(ले)लित्ता सयाओ गिहाओ
 निच्छुभंति । तए णं सा नागसिरी सयाओ गिहाओ निच्छूडा समाणी चंपाए नयरीए
 सिंघाडगतियचउक्कचच्चरचउम्मुहमहापहपहेसु बहुजणेणं हीलिज्जमाणी खिसिज्जमाणी
 निदिज्जमाणी गरहिज्जमाणी तज्जिज्जमाणी पव्वहिज्जमाणी धिक्कारिज्जमाणी थुक्कारिज्ज-
 माणी कत्यइ ठाण वा निलयं वा अलभमाणी २ दंडीखंडनिवसणा खंडमल्लयम्बंडचड-
 गहत्तवगया फुट्टहडाहडसीसा मच्छियाचडगरेणं अज्जिज्जमाणमग्गा गि(गे)हं(ने)गि-
 हेणं देहंबलियाए विति कप्पेमा(णी)णा विहरइ । तए णं तीसे नागसिरीए माहणीए
 तम्भवंसि च्चैव सोलम रोयायंका पाउम्भूया तंजहा—सासे कासे जोणिसूले जाव कोडे ।
 तए णं सा नागसिरी माहणी सोलसहिं रो(या)गायंकेहिं अभिभूया समाणी अट्टु-
 हट्टवसट्टा काल्माने कालं किच्चा छट्टीए पुढवीए उक्को(सेणं)सं बावीपसागरोवम(ठि-
 ती)ट्टिइएसु नेरइ(नर)एसु नेरइयताए उववच्चा । सा णं तओ(S)अणंतरं(सि) उव्व-
 ट्टिता मच्छेसु उववच्चा । तत्थ णं सत्थवज्जा दाहवक्कंतीए कालमासे कालं किच्चा
 अहेसत्त(नी)माए पुढवीए उक्को(साए)म(तिन्ती०)सागरोवमट्टिइएसु [नरएसु] नेरइ-
 एसु उववच्चा । सा णं तओ(S)णंतरं उव्वट्टिता दोचंपि मच्छेसु उववज्जइ । तत्थ वि य
 णं सत्थवज्जा दाहवक्कंतीए दोचंपि अहे सत्तमाए पुढवीए उक्को(सं)म(नेत्तीस)साम-
 रोवमट्टिइएसु नेरइएसु उववज्जइ । सा णं तओहिंतो जाव उव्वट्टिता तच्चपि मच्छेसु
 उववच्चा । तत्थ वि य णं सत्थवज्जा जाव [कालमासे] कालं किच्चा दोचंपि छट्टीए
 पुढवीए उक्कोसेणं (०) । तओणंतरं उव्वट्टिता उरएसु एवं जहा गोसाळे तहा नेयव्वं
 जाव रयगप्पभा(ए)ओ [पुढवीओ उव्वट्टिता] स(त्त)जीसु उववच्चा । तओ उव्वट्टिता
 जा(व)इ इमाइं खहरविहागाइं जाव अदुत्तरं च णं खरबायरपुढविकाइयणाए तेसु
 अपेगसयसहस्सखुत्तो ॥ ११४ ॥ सा णं तओणंतरं उव्वट्टिता इहेव जंबुदीपे वीवे
 भारहे वासे चंपाए नयरीए सागरदत्तस्स सत्थवाहस्स भहाए भारियाए कुच्छिसि
 दारियणाए प्चायाया । तए णं सा भहा सत्थवाही नवणं मासाणं दारियं पयाया
 सुकुमालकोमलियं गयताल्लयसमाणं । तीसे [णं] दारियाए निव्व(ने)नबारसाहियाए
 अम्मापियरो इम एयारूवं गोणं गुगनिप्फन्नं नामधेज्जं करंति—जम्हा णं अम्हं एसा
 दारिया सुकुमा का गयताल्लयसमाणा तं होउ णं अम्हं इमीसे दारियाए नामधे(ज्जे)ज्जं
 सुकुमालिया [२] । तए णं तीसे दारियाए अम्मापियरो नामधेज्जं करंति सुमालि-

यति । तए णं सा सूमाळिया दारिया पंचधाईपरिगहिया तंजहा—खीरधाईए जाव गिरिकंदरमल्लीणा इव चंप(क)गलया नि(ठ)वा(ए)यनिव्वाघायसि जाव परिववुइ । तए णं सा सूमाळिया दारिया उम्मुक्कबालभावा जाव हूवेण य जोव्वणेण य लाव-
 ण्णेण य उक्किट्ठा उक्किट्ठसरीरा जाया यावि होत्या ॥ ११५ ॥ तत्थ णं चंपाए नयरीए जिणदत्ते ना(म)मं सत्थवाहे अट्टे(०) । तस्स णं जिणदत्तस्स भहा भारिया सूमाला इट्ठा (जाव) माणुस्सए कामभो(ए)मे पञ्चणुभवमाणा विहरइ । तस्स ण जिगदत्तस्स पुत्ते भहाए भारियाए अत्तए सागरए नामं दारए सुकुमाले जाव सुखे । तए णं से जिण-
 दत्ते सत्थवाहे अत्तया कयाइ सयाओ गिहाओ पड्डिनिक्खमइ २ ता सागरदत्तस्स सत्थवाह(गिह)स्स अदूरसामंतणं वीईवयइ । इमं च णं सूमाळिया दारिया ण्हाया वेड्डियासंघपरिवुडा उप्पि आगासतलंगंसि कणग(ते)तिदूसएणं कीलमाणी (२) विहरइ । तए णं से जिणदत्ते सत्थवाहं सूमाळिय दारियं पासइ २ ता सूमाळियाए दारियाए हूवे य ३ जायविम्हए कोडुंबियपुरिसे सहावेइ २ ता एवं वयासी—एस णं देवाणुप्पिया । कस्स दारिया किं वा नामधेज्जं से ? । तए णं ते कोडुंबियपुरिसा जिण-
 दत्तेणं सत्थवाहेणं एवं जुत्ता समाणा ह० करयल जाव एवं वयासी—एस णं (देवा-
 णुप्पिया !) सागरदत्तस्स २ धूया भहाए अत्तया सूमाळिया ना(म)मं दारिया सुकुमा-
 लपाणिपाया जाव उक्किट्ठा । तए णं (से) जिणदत्ते सत्थवाहे तेसिं कोडुंबियाणं अंतिए एयमदुं सोच्चा जेणेव सए गिहे तेणेव उवागच्छइ २ ता ण्हाए स० मित्तनाइपरिवुडे चंपाए नयरीए मज्झमज्जेणं जेणेव सागरदत्तस्स गिहे तेणेव उवाग(च्छइ)ए । तए णं [से] सागरदत्ते २ जिणदत्तं २ एज्जमाणं पासइ २ ता आसणाओ अन्मुट्टेइ २ ता आस-
 णेणं उवनिमंतेइ २ ता आसत्यं वीसत्यं सुहासणवरगयं एवं वयासी—भण देवाणु-
 प्पिया । किमागमणपओयणं (?) । तए णं से जिगदत्ते (सत्थवाहे) सागरदत्तं (सत्थ-
 वाहं) एवं वयासी—एवं खलु अहं देवाणुप्पिया ! तव धूयं भहाए अत्तया सूमाळियं सागरस्स भारियनाए वरेमि । जइ णं जाणह देवाणुप्पिया ! जुत्तं वा पत्तं वा सत्ता-
 हणिज्जं वा सरेमो वा संजोगो ता दिज्जउ णं सूमाळिया सागर[दारग]स्स । तए णं देवाणुप्पिया ' किं द उयामो सुंक्क [व] सूमाळियाए ? । तए णं से सागरदत्ते (ते) २ जिणदत्तं [२] एणं वयासी—एवं खलु देवाणुप्पिया । सूमाळिया दारिया (मम) एण्ण एगजाया इट्ठा [•] जाव किंसंग पुण पासणयाए । तं नो खलु अहं इच्छामि सूमा-
 लियाए दारियाए खगमत्थे विप्पओमं । तं जइ णं देवाणुप्पिया । सागर[ए] दारए मम घरत्तामा उए भवह तो णं अहं सागर(स्स)दारगस्स सूमाळियं दलयामि । तए णं से जिगदत्ते २ सागरदत्तं २ एवं जुत्ते समाणे जेणेव सए गिहे तेणेव उवाग-

च्छइ २ ता सागरदारगं सहावेइ २ ता एवं बयासी-एवं खल्ल पुत्ता । सागरदत्ते २ म(म)मं एवं बयासी-एवं खल्ल देवाणुप्पिया । सूमालिया दारिया इट्ठा तं चेव, तं जइ णं सागरदारए मम घरजामाउए भवइ ता[व] दलयामि । नए णं से सागरए दारए जिणदत्तेणं २ एवं जुत्ते समाणे तुसिणीए । तए णं जिणदत्ते २ अजया कयाइ सोहणंसि तिहिकरणे वि(उ)पुलं असणं ४ उवक्खडावेइ २ ता मित्तना(ई)इ धामंतेइ जाव [सकारेता] सम्मा(णि)णेत्ता सागरं दारगं ण्हायं सव्वालंकारविभूसियं करेइ २ ता पुरिससहस्सवाहि(णि)णीयं सीयं दुरुहावेइ २ ता मित्तनाइ जाव संपरिवुडे सच्चिणीए सयाओ गिहाओ निग्गच्छइ २ ता चं(पा)पुं नयरिं मज्झंमज्झेणं जेणेव सागरदत्तस्स गिहे तेणेव उवागच्छइ २ ता सीयाओ पक्कोरुहइ २ ता साग(रगं)रं दारगं सागरदत्तस्स २ उवणेइ । तए णं [से] सागरदत्ते २ विपुलं अमणं ४ उवक्खडावेइ २ ता जाव सम्माणेत्ता सागरं दारगं सूमालियाए दारियाए सद्धिं पट्ठयं[सि] दुरुहावेइ २ ता सेयापी(त)एहिं कल्लेहिं मजावेइ २ ता [अग्गि]होमं करावेइ २ ता सागरं दारयं सूमालियाए दारियाए पाणिं गेग्हा(विंति)वेइ ॥ ११६ ॥ तए णं सागर(दार)ए सूमालियाए दारियाए इमं एयारुवं पाणिफासं (पडि)संवदेइ से जहानामए असिपत्तेइ वा जाव मुम्मुरेइ वा (इतो) एत्तो अणिट्ठनराए चेव पाणिफासं संवेदेइ । तए णं से सागरए अक्कमए अवस(व)वसे (तं) मुहुत्त(मि)मेत्तं सच्चिइइ । तए णं (से) सागरदत्ते २ सागरस्स (दारगस्स) अम्मापियरो मित्तनाइ विपुलं असणं ४ पुप्फवत्थ जाव सम्माणेत्ता पडिविसज्जेइ । तए णं सागरए (दारए) सूमालियाए सद्धिं जेणेव वासधरे तेणेव उवागच्छइ २ ता सूमालियाए दारियाए सद्धिं तल्लि(गं)मंसि निवज्जइ । तए णं से सागरए दारए सूमालियाए दारियाए इमं एयारुवं अंगफासं पडिसंवेदेइ से जहानामए असिपत्तेइ वा जाव अमणाम(य)तरागं चेव अंगफासं पञ्चणुभवमाणे विहरइ । तए णं से सागरए दारए [सूमालियाए दारियाए] अंगफासं असहमाणे अवसवसे मुहुत्तमेत्तं सच्चिइइ । तए णं से सागरदारए सूमालियं (दारियं) सुहपद्धत्तं जाणित्ता सूमालियाए दारियाए पासो उट्ठेइ २ ता जेणेव सए सयणिज्जे तेणेव उवागच्छइ २ ता सयणीयंसि निवज्जइ । तए णं सूमालिया दारिया तओ मुहुत्ततरस्स पडिबुद्धा समाणी पईबया पइमणुरत्ता पई पासे अपस्समाणी तल्लिमा(उ)ओ उट्ठेइ २ ता जेणेव से सयणिज्जे तेणेव उवागच्छइ २ ता सागरस्स पासे शुवज्जइ । तए णं से सागरदारए सूमालियाए दारियाए दो(दु)ब्धि इमं एयारुवं अंगफासं पडिसंवेदेइ जाव अक्कमए अवसवसे मुहुत्तमेत्तं सच्चिइइ । तए णं (से) सागरदारए सूमालियं दारियं सुहपद्धत्तं जाणित्ता सयणिजाओ उट्ठेइ २

२ ता वासधरस्स दारं विहाडेइ २ ता मारामुक्के विव काए जामेव दिसि पाठम्भए तामेव
 दिसि पडिगए ॥ ११७ ॥ तए णं सूमालिया दारिया तवो मुहुत्तंतरस्स पडिबुद्धा
 पतिवया जाव अपासमाणी सयणिज्जाओ उट्ठेइ सागरस्स दारगस्स सव्वओ समंता
 मग्गणगवेसणं करेमाणी २ वासधरस्स दारं विहाडियं पासइ २ ता एवं वयासी-
 गए [णं] से साग(रे)रए-त्तिकड्ड ओहयमणसंकप्पा जाव झियायइ । तए णं सा भद्दा
 सत्यवाही कळं पाउप्पभा[या]ए दासचे(डियं)डि सद्दावेइ २ ता एवं वयासी-गच्छह
 णं तुमं देवाणुप्पिए । व(हु)ह्वरस्स मुह(सोह)धोवणियं उवणेहि । तए णं सा दास-
 चेढी भद्दाए एवं युता समाणी एयमट्ठं तहत्ति पडिसुणेइ [२] मुहधोवणियं गेण्हइ
 २ ता जेणेव वागधरे तेणेव उवागच्छइ (०) सूमालियं दारियं जाव झियायमाणि
 पासइ २ ता एवं वयासी-किञ्चं तु(मं)ब्भे देवाणुप्पिए)या । ओहयमणसंकप्पा जाव
 झियाहि(सि) ? । तए णं सा सूमालिया दारिया तं दासचे(ढी)डियं एवं वयासी-एवं
 खलु देवाणुप्पिया । सागरए दारए म(म)मं सुहपसुत्तं जाणित्ता मम पासाओ उट्ठेइ २ ता
 वामधरदुवारं अवणु(ण्ड)णेइ जाव पडिगए । तए णं [हं] तओ (अहं)मुहुत्तंतरस्स जाव
 विहाडियं पासामि [२] गए णं से सागरए-त्तिकड्ड ओहयमणसंकप्पा जाव झिया-
 यामि । तए णं सा दासचेढी सूमालियाए दारियाए एयमट्ठं सोच्चा जेणेव सागरदत्ते
 [२] तेणेव उवागच्छइ २ ता सागरदत्तस्स एयमट्ठं निवे(ए)देइ । तए णं से साग-
 रदत्ते दासचेढीए अंतिए एयमट्ठं सोच्चा निसम्म आसुरत्ते [४ जाव सिमिसिसेमाणे]
 जेणेव जिणदत्त[स्स] २ गिहे तेणेव उवागच्छइ २ ता जिणदत्तं २ एवं वयासी-किञ्चं
 देवाणुप्पिया ! ए(वं)यं जुत्तं वा पत्तं वा कुलाणुस्सं वा कुलसरिसं वा जण्णं सागर[ए]
 दारए सूमालियं दारियं अदिट्ठदो(सं)मवडियं पइवयं विप्पजहाय इहमाग(ओ)ए [१]
 बद्धहिं खिजणियाहि य रुंटाणियाहि य उवा(ल)लंभइ । तए णं जिणदत्ते सागरदत्तस्स
 [२] एयमट्ठं सोच्चा जेणेव सागरए (दारए) तेणेव उवागच्छइ २ ता साग(रयं)रं दारयं
 एवं वयासी-दुट्ठु णं पुत्ता । तुमे कयं सागरदत्तस्स गिहाओ इहं हव्वमाग(ते)च्छं-
 तेणं, तं गच्छह णं तुमं पुत्ता । एवमवि गए सागरदत्तस्स गिहे । तए णं से साग-
 रए जिणदत्तं एवं वयासी-अवि-याइं अहं ताओ । गिरिपडणं वा तरुपडणं वा मरु-
 प्पबायं वा जलप्पे(वेसं)वायं वा जलणप्पवेसं वा विसभक्खणं वा सत्योवाडणं वा
 वि(वे)हाणसं वा गिद्ध(पि)पट्ठं वा पव्वब्बं वा विदेसगमणं वा अन्भुवग(च्छि)च्छे-
 जा(मि) नो खलु अहं सागरदत्तस्स गिहं ग(च्छि)च्छेज्जा । तए णं से सागरदत्ते २
 ऊइतरि[या]ए सागरस्स एयमट्ठं निसामेइ २ ता लजिए वि(उपविट्ठे)जीए विट्ठे जिण-
 दत्तस्स [२] गिहाओ पडिनिक्खमइ २ ता जेणेव सए गिहे तेणेव उवागच्छइ २ ता

सुकुमालियं दारियं सहावेइ २ ता अंके निवेसेइ २ ता एवं वयासी-किञ्चं तव पुत्ता । सागरएणं दारएणं (मुक्का) ? अहं णं तुमं तस्स दाहामि जस्स णं तुमं इत्ता (जाव) मणामा भविस्ससि-त्ति सुमालियं दारियं ताहिं इत्ताहिं [जाव] वग्गुहिं समासासेइ २ ता पड्डिविसज्जेइ । तए णं से सागरदत्ते २ अञ्जया उप्पि आगासतल्लंगंसि सुहनि-सण्णे रायमग्गं ओलोएमाणे २ चिद्धइ । तए णं से सागरदत्ते एणं महं दमगपुरिसं पासइ दंढिसंडनिवसणं खंड(ग)मल्लगखंडघडगहत्थगयं मच्छिन्नासहस्सेहिं जाव अञ्जिज्जमाणमग्गं । तए णं से सागरदत्ते [सत्यवाहे] कोडुंबियपुरिसे सहावेइ २ ता एवं वयासी-तुब्भे णं देवाणुप्पिया ! एयं दमगपुरिसं विपुल्लेणं अस(ण)णेणं ४ प(लो)डि-लाभेइ (०) गिहं अणुप्प(वे)विसेइ २ ता खंड(ग)मल्लगं खंडघडगं च से एगंते एहेइ २ ता अलंकारियकम्मं कारेइ २ ता ण्हायं सव्वालंकारविभूसियं करेइ २ ता मणुञ्चं असणं ४ भोयावेइ (०) मम अंतियं उवणेइ । तए णं [ते] कोडुंबियपुरिसा जाव पड्डियुणैति २ ता जेणेव से दमगपुरिसे तेणेव उवागच्छंति २ ता तं दम(गं)गपुरिसं अस(णं)णेणं ४ उवप्पलो(मं)भंति २ ता सयं गिहं अणुप्पवेसिंति २ ता तं खंड(ग)-मल्लगं खंड(ग)घडगं च तस्स दमगपुरिसस्स एगंते एहेति । तए णं से दम(गे)गपुरिसे तं[सि] खंडमल्लगंसि खंडघडगंसि य (एगते) एडिज्जमाणंसि महया २ सहेणं आरसइ । तए णं से सागरदत्ते तस्स दमगपुरिमस्स त महया २ आरसियसइ सोच्चा निसम्म कोडुंबियपुरिसे एवं वयासी-किञ्चं देवाणुप्पिया ! एम दमगपुरिसे महया २ सहेणं आरसइ ! । तए णं ते कोडुंबियपुरिसा एव वयासी-एस णं सामी ! तंसि खंडमल्ल गंसि खंडघडगंसि (एगते) य एडिज्जमाणंसि महया २ सहेणं आरसइ । तए णं से सागरदत्ते २ ते कोडुंबियपुरिसे एवं वयासी-मा णं तुब्भे देवाणुप्पिया ! एयस्स दमगस्स तं खंड जाव एहेइ पासे [से] ठवेइ जहा णं पत्तियं भवइ । ते(वि) तहेव ठावै(ठरि)ति (तए णं ते कोडुंबियपुरिसा) २ तस्स दमगस्स अलंकारियकम्मं करैति २ ता सयपागमहस्सपागेहिं ते(ति)हेहिं अ(ब्भ)म्भिगेति अर्द्धिभगिए समाणे सु-भि[णा] गं(धुव्व)धवट्ट(णे)एणं गायं उ(व्वट्टि)वट्टैति २ ता उस्सिगोद(ग)गेणं गंधोद-एणं [पुट्ठे]ति सीओदगेणं ण्हाणैति (०) पम्हल्लसुकुमालगंधकासा(हे)इए गायार्हं ल(हं)हेति २ ता हंमल्लस्वणं प(ट्ट)डगसाडगं परि(हं)हेति २ ता सव्वालंकारविभूसियं करैति २ ता विपुल्लं असणं ४ भोयावैति २ ता सागरदत्तस्स [समीवे] उवणैति । तए णं [से] सागरदत्ते [२] सुमालियं दारियं ण्हायं सव्वालंकारविभूसियं क(रि)रेत्ता तं दमगपुरिसं एवं वयासी-एस णं देवाणुप्पिया ! मम धूया इत्ता, एयं णं अहं तव भारियत्ताए द(ला)ल्ल्यामि भदियाए भदन्तो भ(वि)वेज्जासि । तए णं से दमगपुरिसे

सागरदत्तस्स एयमट्ठं पडिसुणेइ २ ता सूमालियाए दारियाए सद्धिं वासघरं अणुपवि-
 सइ सूमालियाए दारियाए सद्धिं तल्लिमंसि निवज्जइ । तए णं से दमगपुरिसे सूमालि-
 याए इमं एयारुवं अंगफासं पडिसंवेदेइ सेसं जहा सागरस्स जाव सयणिज्जाओ अन्भु-
 ट्ठेइ २ ता वासघराओ निगगच्छइ २ ता खंडमल्लंगं खंडघ(डं)डगं च गहाय मारासुक्के
 विव काए जामेव दि(सं)सि पाउब्भूए तामेव दिसि पडिगए । तए णं सा सूमालिया
 जाव गए णं से दमगपुरिसे-तिकट्टु ओहयमणसंकप्पा जाव झियायइ ॥ ११८ ॥ तए
 णं सा महा क्कलं पाउपभायाए दासचेडिं सहावेइ (२ एवं वयासी) जाव सागरद-
 त्तस्स एयमट्ठं निवेदेइ । तए णं से सागरदत्ते तहेव संभंते समाणे जेणेव वास(ह्)घरे
 तेणेव उवागच्छइ २ ता सूमालियं दारियं अंके निवेसेइ २ ता एवं वयासी-अहो
 णं तुमं पुता ! पुरापोराणाणं [कम्मणां] जाव पच्चणुब्भवमाणी विहरसि, तं मा णं
 तुमं पुता ! ओहयमणसंकप्पा जाव झियाहि, तुमं णं पुता ! मम महाणसंसि विपुलं
 अमणं ४ जहा पो(पु)ट्टिला जाव परिमाएमाणी विहराहि । तए णं सा सूमालिया
 दारिया एयमट्ठं पडिसुणेइ २ ता महाणसंसि विपुलं अमणं ४ जाव दल्लमाणी विह-
 रइ । तेणं कालेणं तेणं समएणं गोवालियाओ अज्जाओ बहुस्सुयाओ एवं जहेव तेय-
 लिणाए सुव्वयाओ तहेव समोस(ड्ढा)ढाओ तहेव संधाडओ जाव अणुपविट्टे तहेव
 जाव सूमालिया पडिला(भि)मेत्ता एवं वयासी-एवं खल्ल अज्जाओ । अहं सागरस्स
 अणिट्ठा जाव अमणामा, नेच्छइ णं सागरए [दारए] मम नामं वा जाव परिभोगं
 वा, जस्स जस्स वि य णं दे(दि)ज्जामि तस्स तस्स वि य णं अणिट्ठा जाव अम-
 णामा भवामि, तुंमे य णं अज्जाओ ! बहुनायाओ एवं जहा पोट्टिला जाव उवत्थे
 [णं] जेणं अहं सागरस्स दारगस्स इट्ठा कंता जाव-भवेज्जामि । अज्जाओ तहेव
 भणंति तहेव माविद्या जाया तहेव चिंता तहेव सागरद(त्तं स०)त्तस्स आपुच्छइ
 जाव गोवालियाणं अंति(ए)यं पव्वइया । तए णं सा सूमालिया अज्जा जाया इ(ई)-
 रियासमिया जाव [गुत्त]वंभयारिणी बहूहिं चउत्थउट्टट्टम जाव विहरइ । तए णं सा
 सूमालिया अज्जा अन्नया कयाइ जेणेव गोवालियाओ अज्जाओ तेणेव उवागच्छइ २
 ता वंदइ नमंसइ वं० २ ता एवं वयासी-इच्छामि णं अज्जाओ । तुंमेहिं अन्भण-
 जाया समाणी चंगा(ओ)ए बाहिं सुभूमिभागस्स उज्जाणस्स अदूरसामंते छट्ठंछट्ठेणं
 अणिक्खित्तेणं तवोक्कमेणं सूराभिसुही आयावेमाणी विहरिताए । तए णं ताओ
 गोवालियाओ अज्जाओ सूमालियं एवं वयासी-अम्हे णं अ(ज्जे)ज्जे ! समणीओ
 निर्गंभीओ इ(ई)रियासमियाओ जाव गुत्तवंभचारिणीओ, नो खल्ल अम्हं कप्पइ बडिया
 गायस्स [वा] जाव सधिवेसस्स वा छट्ठंछट्ठेणं जाव विहरिताए, कप्पइ णं अम्हं अंतो-

उक्त्सयस्स बइपरिक्खित्तस्स संघाडिबद्धियाए णं समतलपइयाए आया(वि)वेत्ताए । तए णं सा सूमालिया गोवालियाए (अज्जाए) एयमट्ठं नो सहइ नो पत्तियइ नो रोएइ एयमट्ठं असइहमा(णे)णीं ३ सुभूमिभागस्स उज्जाणस्स अवरसामंते छट्ठंछट्ठेणं जाव विहरइ ॥ ११९ ॥ तत्थ णं जंपाए (न०) ललिया नाम गोट्ठां परिवसइ नरवइदिज्ज- (वि)पयारा अम्मापिइनिययनिप्पिवासा वेसविहारकयनिकेया नाणाविहअविणयप्प- हाणा अह्वा जाव अपरिभूया । तत्थ णं चंपाए (०) देवदत्ता नामं गणिया होत्था म्(सुकु)माला जहा अउत्ताए । तए णं तीसे ललियाए गोट्ठीए अज्जाया [कयाइ] पंच गोट्ठिज्जगपुरिसा देवदत्ताए गणियाए मद्धिं सुभूमिभागस्स उज्जाणस्स उज्जाणत्तिरिं पच्चण्णभवमाणा विहरंति । तत्थ णं एणे गोट्ठिज्जगपुरिसे देवदत्तं गणियं उच्छंणे ध(र)रेइ एणे पिट्ठओ आयवत्तं वरेट एणे पुप्फपूर(यं)गं रएइ एणे पाए रएइ एणे चामरुक्खेवं करेइ । तए णं सा सूमालिया अज्जा देवदत्तं गणियं तेहिं पंचहिं गोट्ठि- ज्जपुरिसेहिं सद्धिं उरालाई माणुस्सगाई भोगभोगाई भुंजमा(णिं)णीं पासइ २ ता उमेयारूवे संकप्पे समुप्पज्जित्था-अहो णं इमा इत्थिया पुरापोराणाणं कम्माणं जाव विहरइ । तं जइ णं केइ इमस्स सुचार्यस्स तवनिग्रमवंमचेरवागस्स कट्ठाणे फलवित्तिविमंसे अत्थि तो णं अहयावि आगमिस्सरेणं मयग्गहणेणं उमेयारूवाई उरा- लाई जाव विहरिज्जामि-त्तिकट्ठु नियाणं करेइ २ ता आयावणभ्(मिओ)मीए पच्चो- र्(इ)भइ ॥ १२० ॥ तए णं सा सूमालिया अज्जा सरीर(व)वाउत्ता जाया यावि होत्था अभिक्खणं २ हत्थे धोवेइ [अभिक्खणं २] पाए धोवेइ सीसं धोवेइ मुहं धोवेइ थणंतराई धोवेइ कक्खंतराई धोवेइ गु(गो)ज्जंतराई धोवेइ जत्थ [२] णं ठाणं वा सेज्जं वा निसीट्ठिणं वा चोणइ तत्थ वि य णं पुव्वामेव उदएणं अब्भु(क्ख- ट्ठ)क्खेत्ता नओ पच्छा ठाणं वा ३ चंएट् । तए णं ताओ गोवालियाओ अज्जाओ सूमालियं अज्जं एवं वयासी-एवं खल (देवा०!) अज्जे ! अम्हे समणीओ निगंभीओ उरियासमियाओ जाव वंमचेरधारिणीओ, नो खल कप्पइ अम्हं सरीरबाउत्तियाए होत्ताए, तुमं च णं अज्जे ! सरीरबाउत्तिया अभिक्खणं २ हत्थे धो(व)वेसि जाव चे(दे)एसि, तं तुमं णं देवाणुप्पिए । एय(त)स्स ठाणस्स आलोएहि जाव पडिबज्जाहि । तए णं सूमालिया गोवालियाणं अज्जाणं एयमट्ठं नो आढाइ नो परि(जाण)याणाइ अणाढायमाणी अपरि(जा)याणमाणी विहरइ । तए णं ताओ अज्जाओ सूमालियं अज्जं अभिक्खणं २ (अभि)ही(लं)लेत्ति जाव परिभवन्ति अभिक्खणं २ एयमट्ठं निवा- रेंति । तए णं तीसे सूमालियाए समणीहिं निगंभीहिं हील्लिज्जमाणीए जाव बारि- ज्जमाणीए इमेयारूवे अज्जत्थिए जाव समुप्पज्जित्था-जया णं अहं अगारवासमज्जे

वसामि तया णं अहं अप्पवसा । जया णं अहं सुं(ढे)डा भवित्ता पव्वइया तया षं
 अहं परवसा । पुक्खि च णं मयं समणीओ आडायंति इयाणि नो आ(ढं)डायंति ।
 तं सेयं खलु मम कळं पाउण्णभायाए गोवालियाणं अंतियाओ पडिनिक्खमिता पाडि-
 एक्कं उवस्स(गं)यं उवसंपज्जिताणं विहरित्ताए-त्तिकहु एवं संपेहेट २ ता कळं(पा०)
 गोवालियाणं (अज्जाणं) अतियाओ पडिनिक्खमइ २ ता पाडिएक्कं उवस्सयं उवसं-
 पज्जिताणं विहरइ । तए णं सा सूमालिया अज्जा अणोहट्टिया अनिवारिया सच्छंद-
 मइ अभिक्खणं २ हत्थे धोवेइ जाव चेएइ तत्थ वि य णं पासत्था पासत्थविहा-
 (मी)रिणी ओसजा २ कुसीला २ संसत्ता २ बहुणि वायाणि सामण्णपरियागं पाउ-
 णइ [२] अद्दमासियाए संलेहणाए तस्म टाणस्स अणालोइय(अ)पडिक्कंता काल-
 मासे काले किच्चा इराणे कापे अन्नयरंमि विमाणंसि देवगणियत्ताए उववत्ता । तत्थे-
 गइयाणं देवीणं नव-पलिओवमाइं टिई पत्तता । तत्थ णं सूमालियाए देवीए नवप-
 लिओवमाइं टिई पत्तता ॥ १२१ ॥ तेणं कालेणं तेणं समएणं इहेव जंबुद्दीवे २
 भारहे वासे पंचालेसु जणवएसु कंपिल्लपुरे नामं नयरे होत्था वण्णओ । तत्थ णं
 दुवए नामं राया होत्था वण्णओ । तस्स णं चुलणी देवी धट्टज्जणे कुमारं जुवराया ।
 तए णं सा सूमालिया देवी ताओ देवलोगाओ आउक्खएणं जाव चट्ता इहेव जंबु-
 द्दीवे २ भारहे वासे पंचालेसु जणवएसु कंपिल्लपुरे नयरे दु(प)वयस्स रत्तो चुलणीए
 देवीए कुच्छिसि दारियात्ताए पच्चायाया । तए णं सा चुलणी देवी नवण्हं मासाणं
 जाव दारियं पयाया । तए णं तीसे दारियाए निव्वत्तबारसाहियाए इमं एयाह्वं (०)
 नामं(०)-जम्हा णं एसा दारिया इ(व)पयस्स रत्तो धूया चुलणीए देवीए अत्तया
 तं हो(उ)ऊ णं अम्हं इमीसे दारियाए नाम(धिजे)धेज्जं दोवई । तए णं तीसे अम्मा-
 पियरो इमं एयाह्वं गो(गु)ण्णं गुणनिप्फज्जं नामधेज्जं क(रिं)रेंति दोवई । तए णं
 या दोवई दारिया पंचधा(द)ईपरिग्गहिया जाव गिरिकंदरमळी(ण)णा इव चंपगल्लया
 निवायनिव्वाचार्यंसि सुहंसुहेणं परिवट्टइ । तए णं सा दोवई [देवी] रायवरकत्ता
 उम्मुक्कबालभावा जाव उक्किट्टसरीरा जाया यावि होत्था । तए णं तं दोवई राय-
 वरकत्तं अज्जाया कयाइ अंतेउरियाओ ण्हार्यं सव्वालंकारविभूसियं करंति २ ता
 दुवयस्स रत्तो पायवंदि(उं)यं पे(सं)सेंति । तए णं सा दोवई २ जेणेव दुवए राया
 नेणेव उवागच्छइ २ ता दुवयस्स रत्तो पायग्गहणं करेइ । तए णं से दुवए राया
 दोवई दारियं अंके निवेसेइ २ ता दोवईए २ ह्वे(ण) य ३ जायविम्हए दोवई
 २ एवं वयासी-जस्स णं अहं [दुमं] पुत्ता । रायस्स वा जुवरायस्स वा भारि-
 यत्ताए सयमेव दलइस्सामि तत्थ णं दुमं सुहिया वा दु(क्खि)हिया वा भ(नि)के-

ज्जासि । तए णं प्र(मं)म जावज्जीवाए हियय(डा)दाहे भविस्सइ । तं णं व्हई तव पुत्ता । अज्जाए सयंवरं वि(रया)यरामि । अज्जाए णं तुमं दिजं सयंवरा । (जे) जं णं तुमं मयमेव रायं वा जुवरायं वा वरेहिसि से णं तव भत्तारे भविस्सइ—सिकहु ताहिं इट्ठाहिं जाव आंसासेइ २ ता पडिविसज्जेइ ॥ १२२ ॥ तए णं से दुबए राया दूरं सहावेइ २ ता एवं वयासी—गच्छह णं तुमं देवाणुप्पिया । बारवई नयरिं । तत्थ णं तुमं कण्हं वासुदेवं समुद्विजयपामोक्खे दस दसारे बलदेवपा(मु)मोक्खे पंच महावीरे उग्गसेणपामोक्खे सोलस रायसइस्से पज्जुलपा(मु)मोक्खाओ अबुट्ठाओ कुमारकोडीओ सबपामोक्खाओ सट्ठि दुइंतसाहस्सीओ वीरसेणपा(मु)मोक्खाओ ए—(इ)क्कीसं [राय]वीरपुरिससाहस्सीओ म(ह)हासेणपामोक्खाओ छप्पनं बलवगसाहस्सीओ अन्ने य बहवे राईसरतलवरमाडंबियकोडुंबियदब्भ(सि)सेट्ठिसेणावइसत्यवाहपभिइओ करयलपरिग्गहियं दसनहं सिरसावत्तं मत्थए अजलिं कहु जएणं विजएणं वद्धावेहि २ ता एत्तं वयाहि—एवं खलु देवाणुप्पिया । कंपिल्लपुरे नयरे दुवयस्स रत्तो धूयाए चुलणीए (देवीए) अत्तयाए धट्टज्जुणकुमारस्स भ(गि)णीए दीवईए २ सयं-वरे भविस्सइ । (तं) तए णं तुब्भे (देवा०) दुवयं रायं अणुगिण्हेमाणा अकालपरि-हीणं चैव कंपिल्लपुरे नयरे समोभरह । तए णं से दूए करयल जाव कहु दुवयस्स रत्तो एयमट्ठं (विणएणं) पडिणुणेइ २ ता जेणेव सए गिहे तेणेव उवागच्छइ २ ता कोडुंबियपुरिसे महावेइ २ ता एवं वयासी खिप्पामेव भो देवाणुप्पिया । चाउग्घंट आसरहं जुत्तामेव उवट्टवेह जाव उवट्टवेति । तए णं से दूए ण्हाए अलंकार० सरीरे चाउग्घंटं आसरहं डू(र)रुहइ २ ता बहूहिं पुगिसेहिं सज्जइ जाव गहिया(SS) उहपहरणेहिं सद्धिं संपरिणुडे कंपिल्लपुरं नयरे मज्झमज्झेणं निग्गच्छइ (०) पंचालजगवयस्स मज्झमज्झेणं जेणेव देगप्पते तेणेव उवागच्छइ २ ता सुरट्ठा जणवयस्स मज्झमज्झेणं जेणेव बारवई नयरी तेणेव उवागच्छइ २ ता बारवई नयरिं मज्झमज्झेणं अणुप्पविसइ २ ता जेणेव क्रुहस्स वासुदेवस्स बाहिरिया उवट्ठाणसाला तेणेव उवागच्छइ २ ता चाउग्घंटं आसरहं टा(ठ)वेइ २ ता रहाओ पच्चोरुहइ २ ता मणुस्सवग्गुरापारि-स्सित्ते पायच(गविदा(रच्चा)रेणं जेणेव कण्हं वासुदेवे तेणेव उवागच्छइ २ ता कण्हं वासुदेवं समुद्विजयपा(मु)मोक्खे य दस दसारे जाव बलवगसाहस्सीओ करयल तं चैव जाव समोभरह । तए णं से कण्हं वासुदेवे तस्स दूरस्स अंतिए एयमट्ठं सोष्वा निसम्म हट्ट[तुट्टे] जाव हियए तं दूरं सक्कारेइ सम्माणेइ स० २ ता पडिविसज्जेइ । तए णं से कण्हं वासुदेवे कोडुंबियपुरि(सं)से सएवेइ २ ता एवं वयासी—गच्छह णं तुमं देवाणुप्पिया । समाए सुहम्माए सामुदाइयं भेरिं ताळेहि । तए णं से कोडुंबियपु-

रिसे करयल जाव कण्हस्स वासुदेवस्स एयमहं पडिसुणेइ २ ता जेणेव सभाए सुह-
 म्माए सामुदाइया मेरी तेणेव उवागच्छइ २ ता सामुदाइयं भेरिं महया २ सरेणं
 तालेइ । तए णं ताए सामुदाइयाए भेरीए तालियाए समाणीए समुहविजयपामोक्खा
 दस दसारा जाव महासेणपामोक्खाओ छप्पजं बलवगसाहस्सीओ ण्हाया सव्वालंकार-
 विभूसिया जहाविभवइक्खिसकारसमुदएणं अप्पेगइया [हयगया] जाव [अप्पेगइया]
 पाय(विहारत्ता) चारविहारेणं जेणेव कण्हे वासुदेवे तेणेव उवागच्छंति २ ता करयल
 जाव कण्हं वासुदेवं जएणं विजएणं वद्धावेति । तए णं से कण्हे वासुदेवे कोडुंविजयपुरिसे
 सहावेइ २ ता एवं वयासी-सिप्पामेव भो देवाणुप्पिया । अभिसेकं हत्थिरयणं पडि-
 कप्पेह हयगय जाव पच्चपिणंति । तए णं से कण्हे वासुदेवे जेणेव मज्जणधरे तेणेव
 उवागच्छइ २ ता समुत्तजालाकुलाभिरामे जाव अंजणगिरिकूळमज्जिमं गयवइं नरवइं
 दुरूढे । तए णं से कण्हे वासुदेवे समुहविजयपा(मु)मोक्खेहिं दमहिं दसारेहिं जाव म०
 छ० ब० सदिं संपरिवुडे सव्विद्धीए जाव रवेणं बारव(इ)इं नयरिं मज्जमज्जेणं निग्ग-
 च्छइ २ ता सुरट्टाजणवयस्स मज्जमज्जेणं जेणेव देमप्पंतं तेणेव उवागच्छइ २ ता
 पंचालजणवयस्स मज्जमज्जेणं जेणेव कंपिळपुरे नयरे तेणेव पहारेत्थ गमणाए । तए
 णं से दुवए राया दोळं [पि] दूयं सहावेइ २ ता एवं वयासी-गच्छ[ह] ण तुमं देवाणु-
 प्पिया । हत्थिणाउरं नयरं, तत्थ णं तुमं पंडुरायं सपुत्तयं जुहिट्ठिं भीमसेणं अज्जुणं
 नउलं सहदेवं दुज्जोहणं भाइसयसमग्गं गंगेयं विदुरं दोणं जयइहं सउ(णीं)णिं कीवं
 आसत्थामं करयल जाव कइ तहेव [जाव] समोसरह । तए णं से दए एवं (व०-)
 जहा वासुदेवे नवरं भेरी नत्थि जाव जेणेव कंपिळपुरे नयरे तेणेव पहारेत्थ गम-
 णाए । एएणेव कमेणं तच्चं दूयं चं(पा)पं नयरिं, तत्थ णं तुमं कण्हं अंगरायं स(सि)ळं
 नंदिरायं करयल तहेव जाव समोसरह । चउत्थं दूयं सुत्तिमइं नयरिं, तत्थ णं तुमं
 सिमुपालं दमघोससुयं पंचभाइसयसंपरिवुडं करयल तहेव जाव समोसरह । पंचमगं
 दूयं हत्थिसी(स)सं नय(रं)रिं, तत्थ णं तुमं दमदंतं रायं करयल (तहेव) जाव
 समोसरह । छट्ठं दूयं महुरं नयरिं, तत्थ णं तुमं धरं रायं करयल जाव समोसरह ।
 सत्तमं दूयं रायणिहं नयरं, तत्थ णं तुमं सहदेवं जरा(सिंधु)संधसुयं करयल जाव
 समोसरह । अट्ठमं दूयं कोडिणं नयरं । तत्थ णं तुमं एपि मे(मे)सगसुयं करयल
 तहेव जाव समोसरह । नवमं दूयं खिरा(ड)टं नय(रं)रिं, तत्थ णं तुमं की(कि)यगं
 भाउसयसमग्गं करयल जाव समोसरह । दसमं दूयं अबसेसेसु (य) गाभागरनगरैसु
 अणेगाई रायसहस्साइं जाव समोसरह । तए णं से दए तहेव निग्गच्छइ जेणेव
 गामागर [तहेव] जाव समोसरह । तए णं ताई अणेगाई रायसहस्साइं तस्स दूयस्स

अंति एयमदुं सोच्चा निसम्म हट्ट० तं दयं सकारेति सम्माणेति स० २ ता पठिविस-
 (जि)ज्जेति । तए णं ते वासुदेवपामोक्खा बहवे रायसहस्सा पत्तेयं २ ष्णया सच्चदह-
 त्थिखंधवरगया महया ह्यगयरह(०)मडचडगरपहकर (०) सएहिं २ नगरोहेतो
 अभिनिग्गच्छंति २ ता जेणेव पंचाले जणवए तेणेव पहारेत्थ गमणाए ॥१२३॥ तए
 णं से दुवए राया कोडुंबियपुरिसे सदावेइ २ ता एवं वयासी-गच्छह णं तुमं देवाणु-
 प्पिया । कंपिल्लपुरे नयरे बहिया गंगाए महानइए अदूरसामंते एणं महं सयंवरमंडवं
 करेह अणेगखंभसयसज्जिविट्ठं लीलट्टियसा(ल)लिमंजि(आ)यागं जाव पच्चप्पिणंति ।
 तए णं से दुवए राया [दोच्चंपि] कोडुंबियपुरिसे सदावेइ २ ता एवं वयासी-खिप्पामेव
 भो देवाणुप्पिया ! वासुदेवपा(मु)मोक्खाणं बहूणं रायसहस्साणं आवासे करेह । ते वि
 करेत्ता पच्चप्पिणंति । तए णं [से] दुवए राया वासुदेवपा(०)मोक्खाणं बहूणं रायसह-
 स्साणं आग(मं)मणं जाणेत्ता पत्तेयं २ हत्थिखंध जाव परिवुडे अयं च पजं च
 गहाय मच्चिद्धीए कंपिल्लपुराओ निग्गच्छइ २ ता जेणेव ते वासुदेवपा(मु)मोक्खा बहवे
 रायसहस्सा तेणेव उवागच्छइ २ ता ताइं वासुदेवपा(मु)मोक्खाइं अणेण य पज्जेण य
 सकारेइ सम्माणेइ स० २ ता तेमि वासुदेवपा(०)मोक्खाणं पत्तेयं २ आवासे वियरइ ।
 तए णं ते वासुदेवपामोक्खा जेणेव सया २ आवासा तेणेव उवागच्छंति २ ता हात्थि-
 खंध(धा)धेहितो पच्चोसहंति २ ता पत्तेयं [२] खंधावारनिवेशं करेति २ ता सए[सु] २
 आवासे[सु] अणु[प]पविसंति २ ता सएसु (२) आवासेसु [य] आमणेसु य मयणेसु य
 सच्चिसण्णा य संतुयइ य बहूहि गंधवेहि य नाइएहि य उवगिज्जमाणा य उवनच्चि-
 ज्जमाणा य विहरंति । तए णं से दुवए राया कंपिल्लपुरं नयरं अणुप्पविसइ २ ता
 विपुलं असणं ४ उववखटावेइ २ ता कोडुंबियपुरिसे सदावेइ २ ता एवं वयासी-
 गच्छह णं तुम्भे देवाणुप्पिया ! विपुलं असणं ४ सुवहुपुप्फवरयगंधमज्जालंकारं च
 वासुदेवपामोक्खाणं रायसहस्साणं आवासेसु साहरह । ते वि साहरंति । तए णं ते
 वासुदेवपा(०)मोक्खा तं विपुलं अम(णं)णपा(णं)णखाइ(मं)ममाइं आसाएमाणा ४
 विहरंति जिम्मियभुत्तरागया वि य णं समाणा आर्यता [चोक्खा] जाव सुहासणवर-
 गया बहूहि गंधवेहिं जाव विहरंति । तए णं से दुवए राया पुव्वावरण्हकालसमयंस्ति
 कोडुंबियपुरिसे सदावेइ २ ता एवं वयासी-गच्छह णं तु(मे)म्भे देवाणुप्पिया ।
 कंपिल्लपुरे सिं(सं)घाउग जाव पहे[सु]वासुदेवपा(मु)मोक्खाणं य रायसहस्साणं आवा-
 सेसु हत्थिखंधवरगया महया २ सहेणं जाव उग्घोसेमाणा २ एवं वयह-एवं खल्ल
 देवाणुप्पिया ! कलं पाउत्पभायाए दुवयस्स रत्तो धूयाए जुलणीए देवीए अ(त्त)ति-
 याए घट्टज्जु(ण)णस्स भगिणीए दोवरेए २ सयंवरे भविस्सइ । तं तुम्भे णं देवाणु-

पिया । दुवर्य रायाणं अणुणिवहेमाणा ष्हाया सव्वालंकारविभूसिया हत्थिसंधव-
 रगया सको(रं)रेंट० सेयवरचामर० ह्यगयरह० महया भडच(र)डगरेणं जाव
 परिक्खित्ता जेणेव सयंवरामंडवे तेणेव उवागच्छइ २ ता पत्तयं नामंकेसु आसणेसु
 निसीयइ २ ता दोवई २ पडिवाल्लेमाणा २ च्चिद्धइ घोसणं घोसेह [२] मम
 एयमाणत्तियं पच्चप्पिणह । तए णं ते कोडुंबिया तहेव जाव पच्चप्पिणंति । तए णं
 से दुवए राया कोडुंबियपुरिसे सहावेइ २ ता एवं वयासी-गच्छइ णं तुब्भे देवाण-
 प्पिया । सयंवरमंड(पं)वं आसियसंमज्जिओवलित्तं सुगंधवरगंधियं पंचवण्णपु(प्फ-
 पुंजो)प्फोवयारकलियं कालागरुपवरकुंदुरुक्कुरुक्कः जाव गंधवट्टिभूयं मंचाइमंचकलियं
 करेइ कारवेह करेत्ता कारवेत्ता वासुदेवपा(०)मोक्खाणं बहूणं रायसहस्साणं पत्तयं २
 नामंकाई आसणाई अत्थुय(सेयव०)पच्चत्थुयाई एह २ ता एयमाणत्तियं पच्चप्पिणह
 (तेवि) जाव पच्चप्पिणंति । तए णं ते वासुदेवपा(०)मोक्खा बहवे रायसहस्सा कळं
 (पाउ०) ष्हाया सव्वालंकारविभूसिया हत्थिसंधवरगया सकोरेंट० मेयवरचामराहिं
 [महया] ह्यगय जाव परिचुटा सच्चिद्धीए जाव रवेणं जेणेव सयंव(रे)रामंडवे
 तेणेव उवागच्छंति २ ता अणुपविस्सति २ ता पत्तयं २ नामं(के)कएसु निसीयंति
 दोवई २ पडिवाल्लेमाणा च्चिद्धंति । तए णं से दुवए गया कळं ष्हाए सव्वालंकार-
 विभूसिए हत्थिसंधवरगए सकोरेंट० ह्यगय० कंपिहपुरं मज्झंमज्झेणं निग्गच्छइ
 (०) जेणेव सयंवरामंडवे जेणेव वासुदेवपा(०)मोक्खा बहवे रायसहस्सा तेणेव
 उवागच्छइ २ ता तैस्सि वासुदेवपा(०)मोक्खाणं करयल जाव वद्धावेत्ता कण्हस्स
 वासुदेवस्स सेयवरचामरं गहाय उववीयमाणे च्चिद्धइ ॥ १२४ ॥ तए णं सा दोवई
 २ [कळं जाव] जेणेव मज्जणघरे तेणेव उवागच्छइ २ ता [मज्जणघरं अणुपवि-
 सइ २ ता] ष्हाया सुद्धप्पावेसाई मंगलाई वत्थाई पवरपरिहिया मज्जणघराओ
 पडिनिक्खमइ २ ता जेणेव अंतोउरे तेणेव उवागच्छइ । तए णं तं दोवई २
 अंतोउरियाओ सव्वालंकारविभूसियं करंति, किंते ? वरपायपत्तनेउरा जाव
 चेडियाचक्कालम(यइ)हयरगविंइपरिक्खित्ता अंतोउराओ पडिनिक्खमइ २ ता
 जेणेव बाहिरिया उवट्ठाणसाला जेणेव चाउग्घंटे आसरहे तेणेव उवागच्छइ २ ता
 किट्ठावियाए लेहियाए सद्धिं चाउग्घंटे आसरहं दुरूहइ । तए णं से घट्टजुणे कुमारे
 दोवईए कणाए सारत्थं करेइ । तए णं सा दोवई २ कंपिहपुरं (नयरं) मज्झंमज्झेणं
 जेणेव सयंव(र)रामंडवे तेणेव उवागच्छइ २ ता रहं ठावेइ रहाओ पच्चोर(इ)मइ २
 ता किट्ठावियाए लेहियाए (य) सद्धिं सयंवरमंडवं अणुपविसइ करयल [जाव] तैस्सि
 वासुदेवपा(०)मोक्खाणं बहूणं रायवरसहस्साणं पणामं करेइ । तए णं सा दोवई २

एणं महं सिरिदामगंडं [०] किं ते ! पाडलमल्लियचंपय जाव सतच्छयाईहिं गंधदणि मुयंतं परमसुहकासं दरिसणिज्जं गे(गि)ण्हइ । तए णं सा किट्ठाविया (जाव) सुखा जाव वामहत्थेणं चिल्लगं दप्पणं गहेऊण सललियं दप्पणसंकंतविबसंसंतिए य से दाहिणेण हत्थेणं दरि(सि)सए पवररायसीहे फुडविसयविमुदरिभियं गंभीरमहुरभ-
णिया सा तेसिं सव्वेसिं पत्थिवाणं अम्मपि(ऊणं) उवंससतसामत्थगोतविककित्तं-
तिबहुविदुआगममाहप्परुवजोव्वणगुणलावण्णकुलसीलजाणिया कित्तणं करेइ । पढभं
ताव बण्हिपुंगवाणं दसदसार[वर]वीरपुरि(साणं)न(ते)तिलोक्कबलवगाणं सत्तुसयस-
हस्समाणावमहागां भवसिद्धिपवरपुंडरीयाणं चिल्लाणं बलवीरियरुवजोव्वणगुणला-
वण्णकित्तिया कित्तणं करेइ । तओ पु(णो)ग उग्गसेणमाईणं जायवाणं भणइ(य)-
सोहमगरुवकाले वरेहे वरपुरिसंगंधहत्थीणं जो हु ते [लोए] होइ हियपदइओ ॥
तए णं सा दोवई रायवरकजगा बहूणं रायवरसहस्साणं मज्झमज्जेणं यमइच्छ-
माणी २ पुव्वकयनियाणेणं चोइज्जमाणी २ जेणेव पंच पंडवा तेणेव उवागच्छइ
२ ता ते पंच पंडवे तेणं दसद्धवणेणं कुमुदामेणं आवेडियपरिवेडि(य)ए करेइ
२ ता एवं वयासी-एए णं मए पंच पंडवा वरिया । तए णं (तेसिं) ताई वासुदेव-
पामोक्खा(ण)इं बहूणि रायसहस्साणि महया २ सदेणं उग्गोसेमाणा[इं] २ एवं वयंति-
सुवरियं खलु भो ! दोव(इ)इए रायवरकजाए (२) तिकट्टु मयंवरमडवाओ षडिनिक्ख-
मति २ ता जेणेव सया २ आवासा तेणेव उवागच्छंति । तए णं धट्टज्ज(ण्णे)णकुमारे
पंच पंडवे दोवई[च] रायवरक(ण्णं)जगं चाउग्घंट आसरहं दुरु(ह)इइ २ त कंपिल-
पुरं मज्झमज्जेणं जाव सयं भवणं अणुपविसइ । तए णं दुवए राया पंच-पंडवे दोवई
२ पट्टयं दुरुहेइ २ ता सेयापी[य]एहिं कलसेहिं मजावेइ २ ता अग्गिहोमं
करा(कार)वेइ पंचण्हं पंडवाणं दोवईए य पाणिग्गहणं करावेइ । तए णं से दुवए
राया दोवईए २ इमं एयारुवं पीइदाणं दलय(ती)इ तंजहा-अट्ट हिरण्णकोठीओ जाव
(अट्ट) पेमण्णकारीओ दासचेडीओ अन्न च विपुलं धणकणग जाव दलइइ । तए
णं से दुवए राया ताई वासुदेवपामोक्खाइं विपुटेणं असणपाणवाइमयाइमेणं
वत्थगंध जाव पडिविमज्जेइ ॥ १२५ ॥ तए णं से पंडु राया तेमि वासुदेवपा-
मोक्खाणं बहूण रायसहस्साणं करयल जाव एवं वयासी-एवं खलु देवाणुप्पिया !
हत्थिणाउरे नयरे पंचण्हं पंडवाणं दोवईए य देवीए कळागकरे भणिसवइ, तं
तुब्भे णं देवाणुप्पिया । ममं अणुणिण्हमाणा अकालपरिहीणं समोसरह । तए णं
[ते] वासुदेवपामोक्खा पत्तेयं २ जाव पहारेत्थ गमणाए । तए णं से पंडु(इ)इ राया
कोइंबियपुरिसे सहावेइ २ ता एवं वयासी-गच्छइ णं तुब्भे देवाणुप्पिया ! हत्थिणा-

उरे पंचर्षु पंडबाणं पंच पासायवडिसए कारे(ह)हि अन्भुगयमूमिय वण्णओ जाव पडिस्से । तए णं ते कोडुंबियपुरिसा पडिसुणेंति जाव कार(करा)वेंति । तए णं से णं(डुए)इ राया पंचर्हि पंडवेर्हि दोवईए देवीए सद्धि ह्यगयसंपरिउडे कंफिलपुराओ पडिनिक्खमइ २ ता जेणेव हत्थिणाउरे तेणेव उवागए । तए णं से पंडुराया तेसि वासुदेवपामोक्खाणं आगमणं जाणित्ता कोडुंबियपुरिसे सहावेइ २ ता एवं वयासी-गच्छह णं तुब्भे देवाणुप्पिया ! हत्थिणाउरस्स नयरस्स बहिया वासुदेवपामोक्खाणं बहूणं रायसहस्साणं आवासे कारेह अणेग(खं)यंभसय तहेव जाव पच्चप्पिणंति । तए णं ते वासुदेवपामोक्खा बहवे रायसहस्सा जेणेव हत्थिणाउरे तेणेव उवागच्छंति । तए णं (से) पंडुराया ते(सिं) वासुदेवपामो(क्खाणं)क्खे [जाव] आग(म-णं)ए जाणित्ता हट्टुत्ते ष्हाए जहा दु(प)वए जाव जहारिहं आवासे दलयत् । तए णं ते वासुदेवपा(०)मोक्खा बहवे रायसहस्सा जेणेव सया(इं) २ आवासा(इं) तेणेव उवागच्छंति (०) तहेव जाव विहरंति । तए णं से पंडुराया हत्थिणाउरं नयरं अणुपविसइ २ ता कोडुंबियपुरिसे सहावेइ २ ता एवं वयासी-तुब्भे णं देवाणुप्पिया ! णं पुलं असणं ४ तहेव जाव उवणेंति । तए णं ते वासुदेवपामोक्खा बहवे रा(या)यमहस्सा ष्हाया तं विपुलं असणं ४ तहेव जाव विहरंति । तए णं से पंडुराया [ते] पंचपंडवे दोवई च देविं पट्टयं दुरुहेइ २ ता सीयापीएहिं कलसेहिं ष्हावे(न्ति)इ २ ता वल्लाण(का)करं करेइ २ ता ते वासुदेवपामोक्खे बहवे रायसहस्से विपुलेणं अस(ण)णेण ४ पुप्फवत्थेणं सक्कारेइ सम्माणेइ (०) जाव पडिविसज्जेइ । तए णं ताई वासुदेवपामोक्खाइ बहू(हिं)ई जाव पडिगयाइ ॥ १२६ ॥ तए णं ते पंच पंडवा दोवईए देवीए (सद्धि अंतो अंते-उरपरियाल) सद्धि कल्लकळिं वारंवारेणं उ(ओ)रालाई भोगभोगाई जाव विहरंति । तए णं से पंडुराया अजया कया(ई)ई पंचर्हि पंडवेर्हि कौंतीए देवीए दोवईए (देवीए) य सद्धि अंतोअंते उरपरियालसद्धि संपरिवुडे सीहासणवरगए यावि विहरइ । इमं च णं कच्छुक्खनारए दंसणेणं अइमहए विणीए अंतो(२)य कल्लसहियाए मज्झ(त्था)व्यउवत्थिए य अल्लीगसोमपियदंसणे सुखे अमइलसगलपरिहिए कालमियचम्म उतरासंगरइयव- (त्थे)च्छे दण्डकमण्डलुहत्थे जहामउडदित्तिसिए जज्जोवइयगणेतिथमुं अमेह(ल)लावा- गलधरे हत्थकयकच्छभीए पियगंधवे घराणिगे ररप्पहाणे संवरणावरण षोवय(गड)- णुप्पयणिलेसणीसु य संक्रामणि(अ)आमिओ णपत्तिसिगमणीयं(भ)मिणीसु य ब(हु)इसु विजाहरीसु विजासु विस्सुयजसे इहे रामस्स य केसवस्स य पज्जुसपईवसंबअतिरुद्धनि- सडउम्मुयसारणगयसुमुहदुम्मुहाई(ग)णं जायबाणं अबुद्धाण[य] रुमाराकोवीषं हिषय- वईए संबवए कलहजुद्धकोलहलप्पिए भंडणाभिलासी बहूसु य सम(रेस)रसयसंपराएसु

दंसगरए समंतओ कलहं सदक्खिसणं अणुगवेसमाणे असमाहिकरे दत्तारवरवीरपुरि-
स(ति)तेल्लोक्कबलवगाणं आमंतेऊण तं भगव(तीं)ई प(ए)कमाणि गगणगमणदच्छं
उप्पइओ गगणमभिलंघयंतो गामागरनगरखेडकब्बडमडंबदोगमुहपट्टणसं(वा)जाह-
सहस्समंडियं थिमियमेइणीतलं वसुहं औलोई(तो)ते रम्मं हत्थियाउरं उवागए पंडु-
रायभवणंसि अइवेगेण समोवइए । तए णं से पंडु राया कच्छुल्लनारयं एज्जमाणं पासइ
२ ता पंचहिं पंडवेहिं कुंतीए य देवीए सद्धिं आसणाओ अब्भुट्टेइ २ ता कच्छुल्लना-
रयं सत्तट्टपयाई पच्चुग्गच्छइ २ ता तिक्खुतो आयाहिणपयाहिणं करेइ २ ता वंदइ
नमंसइ वं० २ ता महरिहेणं आसणेणं उवनिमंतेइ । तए णं से कच्छुल्लनारए उद-
गपरिफोसियाए दब्भोवरिप(च्च)त्थुयाए भिसियाए निसीयइ २ ता पंडुरायं रजे
[य] जाव अंतेउरं य कुमलोदंतं पुच्छइ । तए णं से पंडुराया कौंती [य] देवी पंच
य पंडवा कच्छुल्लनारयं आदंति जाव पज्जुवासंति । तए णं मा दोइ देवी कच्छुल्ल-
नारयं अस्सज(यं)यअविर(यं)यअप्पडिहय[अ]पच्चक्खायपावकम्मं-तिकट्टु नो
आडाइ नो परियाणइ नो अब्भुट्टेइ नो पज्जुवामइ ॥ १२७ ॥ तए णं तस्स कच्चु-
ल्लनारयस्स इमेयाहवे अज्जत्थिए चित्थिए पत्थिए मगोणए संकप्पे समुप्पजित्था-
अहो णं दोवइ देवी क्वे(णं)ण य जाव लावण्णेण य पंचहिं पंडवेहिं अ(णुव)वत्थदा
ममाणी ममं नो आडाइ जाव नो पज्जुवासइ । तं सेयं प्ल मम दोवइए देवीए
विपिपयं क(रि)रेत्तए-त्तिकट्टु एवं संपेहेइ २ ता पंडु(य)रायं आपुच्छइ २ ता उप्प-
यणिं विज्जं आवाहेइ २ ता नाए उक्किट्ठाए जाव विज्जाहरगईए लवणसमुदं मज्झं-
मज्जेणं पुरत्थाभिसुहे वी(इ)ईवइउं पयत्ते यावि होत्था । तेणं कालेणं तेणं समएणं
धायइसंडे दीवे पुरत्थिमद्धदाहिण्हुभरहवासे अ(म)वरकंका ना(म)मं रायहाणी
होत्था । त(ए)त्थ णं अ(म)वरकंकाए रायहाणीए पउमनाभे नामं राया होत्था महया
हिमवंतं वण्णओ । तस्म णं पउमनाभस्स रत्तो सत्त देवीसयाई ओरोहे होत्था ।
तस्स णं पउमनाभस्स रत्तो मुनाभे नामं पुत्ते जुवराया(या)वि होत्था । तए णं से
पउमनाभे राया अतोअंतेउरंसि ओरोहसंपरिवुडे सी(मि)हासणवरगए विहरइ ।
तए णं से कच्छुल्लनारए जेणेव अवरकंका रायहाणी जेणेव पउमना(ह)भस्स मब्बणे
तेणेव उवागच्छइ २ ता पउमनाभस्स रत्तो भवणंसि झ(त्ति)त्ति वेगे(णं)ण समो-
वइए । तए णं से पउमनाभे(राया) कच्छु(ल्लं)ल्लनारयं एज्जमाणं पासइ २ ता आस-
णाओ अब्भुट्टेइ २ ता अग्घेणं जाव आसणेणं उवनिमंतेइ । तए णं से कच्छुल्लनारए
उदयपरिफोसियाए दब्भोवरिपच्चत्थुयाए भिसियाए निसीयइ जाव कुसलोदंतं आपु-
च्छइ । तए णं से पउमनाभे राया नियगओरोहे जायविम्हए कच्छुल्लनारयं एवं

। ब्रह्मादी-दु(र्वा)र्षि देवाणुपिया ! ब्रह्मि ब्रह्मि वाव नि(गि)हार्द कणुपमिसवि,
 तं वृत्ति-मार्द से कर्हिषि देवाणुपिया । एरिसए ओरोहे विदुपुण्ये वारिसए षं मय
 ओरोहे ! । तए षं से कच्छुन्नारए पडमनाभेणं (रका) एवं वृते समगे ईसिं विह-
 सियं करेइ २ ता एवं वयासी-सरिसे षं तुमं पडम-नामा । तदस अगवद्वहुरस ।
 के षं देवाणुपिया । से अगवद्वहुरे ? एवं कहा मन्निगाए । एवं कलु देवाणुपिया ।
 जंबुदीवे २ भारहे वासे हत्विणाउरे [नयरे] दुपयस रबो ध्या जुलणीए देवीए
 अतया पंडुसस सुन्हा पंचवहं पंडवानं मारिया दोवई देवी रुवेण य जाव उक्किड-
 सरीरा । दोवईए षं देवीए छिबससवि पार्यगुडु(य)सस अवं तव ओरोहे स(तिमं)यंति
 कलं न अगवह-सिकदु पडम-नामं आपुच्छह (०) जाव पडिमए । तए षं से
 पडमनाभे राया कच्छुन्नारसस अंसिए एयमडुं सोषा निसम्म दोवईए देवीए
 रुवे व ३ मुच्छिए ४ (०) जेणेव पोसहसाला तेणेव उवागच्छह २ ता पोसहसालं
 जाव पुण्वसंगइयं देवं एवं वयासी-एवं कलु देवाणुपिया ! जंबुदीवे २ भारहे
 वासे हत्विणाउरे जाव [उक्किट्ट]सरीरा, तं इच्छामि षं देवाणुपिया ! दोव(वीं)ई
 देवीं इहमा(णि)णीयं । तए षं पुण्वसंगइए देवे पडमनामं एवं वयासी-नो
 कलु देवाणुपिया । ए(यं)वं भयं वा भयं वा भविसं वा ज-मं दोवई देवी
 पंच-पंडवे मोत्(ण)णं अणेणं पुरिसेयं सदिं उ(ओ)रालाई जाव विहरिससह । तहावि
 य षं अहं तव पिबडु(त)याए दोवई देवि इहं हृवमाणेभि-सिकदु पडम-नामं
 आपुच्छह २ ता ताए उक्किट्टाए जाव कणससमुई मज्झंमज्जेणं जेणेव हत्विणाउरे
 नयरे तेणेव पहारेत्त गमगाए । तेणं काणेणं तेणं समएणं हत्विणाउरे [नयरे]
 सुद्धिट्ठिणे राया दोवईए देवीए सदिं उप्पि आगसत(कं)ल्लंसि सुह[८]पसुते वामि
 होत्सा । तए षं से पुण्वसंगइए देवे जेणेव सुद्धिट्ठिणे राया जेणेव दोवई देवी तेणेव
 उवागच्छह २ ता दोवईए देवीए ओसोवणियं बलयह २ ता दोवईं देविं गिण्हइ २
 ता ताए उक्किट्टाए जाव जेणेव अ-वरकंका जेणेव पडम-नामसस भवणे तेणेव उवा-
 गच्छह २ ता पडम-नामसस अतपंसि अतोगवणियाए दोवईं देविं आवेइ २ ता
 ओसोवणिं अहहरइ २ ता जेणेव पडमनाभे तेणेव उवागच्छह २ ता एवं वयासी-
 एस षं देवाणुपिया । मए हत्विणाउराओ दोवईं देवी इ(ह)ई हृवमाणिया तव
 असोवणियाए विदुह । अओ पई तुमं आपसि-सिकदु जाणेव विदिं पावअए
 रामेव विदिं पडिचए । तए षं से दोवईं देवी तवो सुद्धंतारसस पडिडुवा
 वयासी तं अवं अतोगवणियं च अतपसिआमयासी एवं वयासी-नो कलु कलई
 वृते एए अयवे नो कलु सुस-कलई स(मा)य अतोमपणित्त । तं व अयव षं कलई
 ६९ सुता०

केण(ई)द् देवेण वा दाणवेण वा किंपुरिसेण वा किन्नरेण वा महोरगेण वा गंधव्वेण
 वा अन्नस्स र-ओ असोगवणियं साहरिय-तिकट्टु ओहयमणसकप्पा जाव झियायह ।
 तए णं से पउम-नाभे राया ण्हाए सव्वालंकारविभूतिए अंतेउरपरियालसंपरिबुद्धे
 जेणेव असोगवणिया जेणेव दोवई देवी तेणेव उवागच्छइ २ ता दोव(तीं)ई दे(वीं)विं
 ओहय(०) जाव झियायमा(णीं)णि पासइ २ ता एवं वयासी-कि-अं तुमं देवाणुप्पि-
 (ए)या ! ओहय जाव झियाहि ! एवं खल तुमं देवाणुप्पिए ! मम पुब्बसंगइएणं देवेणं
 जंबुद्दीवाओ २ भारहाओ वासाओ हत्थिणा(पु)उराओ नयराओ जुहिद्धिस्स र-ओ
 भवणाओ साहरिया, तं मा णं तुमं देवाणुप्पि-वा ! ओहय-जाव झियाहि, तुमं [णं]
 मए सद्धि विपुलाई भोगभोगाई जाव विहराहि । तए णं सा दोवई (देवी) पउम-नाभं
 एवं वयासी-एवं खल देवाणुप्पिया ! जंबुद्दीवे २ भारहे वासे बारव(ति)ईए नयरीए
 कण्हे नामं वासुदेवे मम(प्पि)पियभाउए परिवसइ, तं जइ णं से छण्हं मासाअं
 म(मं)म कूवं नो हव्वमागच्छइ तए णं अहं देवाणुप्पिया ! जं तुमं बदस्सि तस्स
 आणाओवायवयणनिहेसे च्चिद्धिस्सामि । तए णं से पउ(मे)मनाभे दोवईए एयमइ
 पडिमुणेइ २ ता दोवई देविं क-अंतेउरे ठवेइ । नए णं सा दोवई देवी छट्टंछट्टेणं
 अणिकिस्वनेणं आर्यंभिलपरिग्गहिएणं तवोक्कम्भेणं अप्पाणं मावेमाणी विहरइ
 ॥ १२८ ॥ तए णं से जु(हु)हिद्धिजे राया तओ मुहुसंतरस्स पडिबुद्धे समणे दोवई
 देविं पासे अपाममा(णो)णे सयणिज्जाओ उट्टेइ २ ता दोवईए देवीए सब्बओ ममंता
 मगगणवसेणं करेइ २ ता दोवईए देवीए कत्थइ सुई वा खुई वा पवतिं वा अलभ-
 माणे जेणेव पं हाराया तेणेव उवागच्छइ २ ता पं-हरायं एवं वयासी-एवं खल ताओ !
 म-म आगासतलंगंसि [सुह]पसुणस्स पासाओ दोवई देवी न नजइ केणइ देवेण
 वा दाणवेण वा [किंपुरिसेण वा] किन्नरेण वा महोरगेण वा गंधव्वेण वा हिया वा
 नि(णी)या वा अ(व)क्खिता वा (?), [तं] इच्छामि णं ताओ । दोवईए देवीए
 सब्बओ समंता मगगणवसेणं क(यं)रित्तए । तए णं से पं-हाराया ओडुंबियपुरिसे
 सदावेड २ ता एवं वयासी-गच्छइ णं तुम्भे देवाणुप्पिया । हत्थिणाउरे नयरे सिंघा-
 डगति(य)गच्छउक्कचरमहापहपहेसु महया २ सहेणं उक्खोसेमाणा २ एवं बयह-एवं
 खल देवाणुप्पिया ! जुहिद्धिस्स र-ओ आगासतलंगंसि सुहपसुणस्स पासाओ दोवई
 देवी न नजइ केणइ देवेण वा दाणवेण वा किंपुरिसेण वा किन्नरेण वा महोरगेण
 वा गंधव्वेण वा हिया वा नि(नी)या वा अ-क्खिता वा, तं जे णं देवाणुप्पिया ! दोवईए
 देवीए सुई वा खुई वा पवतिं वा परिवहेइ तस्स णं पं-हारावा निज्जं अत्थसेयानं
 (दाणं)दलयइ-तिकट्टु ओसणं ओसावेइ २ ता एकमापरिवं वक्खण्णइ । तए णं से

कोडुंबियपुरिसा जाव पञ्चपिमंति । तए णं से पंडु-राया दोवईए देवीए कथइ सुई वा जाव अलभमाणे कौंती देवीं सहावेइ २ ता एवं वयासी-गच्छह णं तुम्हे देवानु-पिया ! बारवई नयरिं कण्हस्स वासुदेवस्स एयमट्ठं निवेदेहि । कण्हे णं परं वासुदेवे दोवईए (देवीए) मरगणगवेसणं करेज्जा अचहा न नजइ दोवईए देवीए सु(तीं)ई वा खु(तीं)ई वा पव(तीं)ति वा उवलभेज्जा । तए णं सा कौंती देवी पंडु(रण)गा एवं बुना समाणी जाव पडिपुणेइ २ ता ष्हाया हत्थिसंधवरगया हत्थिणा(उ)पुं नयरं मज्झंमज्झेणं निग्गच्छइ २ ता कुरुअणवयं मज्झंमज्झेणं जेणेव सुर(ठ्ठ)द्वाअणवए जेणेव बारवई नयरी जेणेव अग्गुजाणे तेणेव उवागच्छइ २ भा हत्थिसंधाओ पञ्चोस्सइ २ ता कोडुंबियपुरिसे सहावेइ २ ता एवं वयासी-गच्छह णं तुम्हे देवा-णुपिया ! जेणेव (बारवई ण०) बारवई नयरिं अणुपबिसह २ ता कण्हं वासुदेवं करयल[०] एवं वयह-एवं खलु सामी । तुम्हे पिउच्छा कौंती देवी हत्थिणाउराओ नयराओ इहं हृव्वभागया तुम्हे दंसणं कंसइ । तए णं ते कोडुंबियपुरिसा जाव कहंनि । तए णं कण्हे वासुदेवे कोडुंबियपुरिसाणं अंतिए [एयमट्ठं] सोळा निसम्म [हट्टुट्ठे] हत्थिसंधवरगए हयगय[०] बारवईए (य) नयरीए मज्झंमज्झेणं जेणेव कौंती देवी तेणेव उवागच्छइ २ ता हत्थिसंधाओ पञ्चोस्सइ २ ता कोनीए देवीए पायग-इणं करेइ २ ता कौंतीए देवीए सट्ठि हत्थिसंधं डुरूइ २ ता बारव(तीए)ई नय- (रीए)रिं मज्झंमज्झेणं जेणेव सए गिहे तेणेव उवागच्छइ २ ता सयं गिहं अणु-पबिसइ । तए णं से कण्हे वासुदेवे कौं(तीं)ति देविं ष्हायं जिमियभुत्तरागयं जाव सुहासणवरगयं एवं वयासी-संदिसउ णं पिउच्छा । किमागमणपओयेणं (?) । तए णं सा कौंती देवी कण्हं वासुदेवं एवं वयासी-एवं खलु पुत्ता ! हत्थिणाउरे नयरे जुहिट्ठिस्स [गओ] आगसत(ले)ए सुह[ए]पसुत्तस्स पासाओ दोवई देवी न नजइ केणइ अवहिंया जाव अवक्खिता वा, तं इच्छामि णं पुत्ता । दोवईए देवीए मग्ग-णगवेसणं कयं । तए णं से कण्हे वासुदेवे कौं(तीं)तीपिउच्छि एवं वयासी-जं नवई पिउच्छा (!) दोवईए देवीए कथइ सुई वा जाव लभामि तो णं अहं पायालाओ वा भवणाओ वा अद्यभरहाओ वा समंतओ दोवई [देविं] साहत्थि उवणेमि-सिकहु कौं(तीं)तीपिउ(त्थि)च्छि सक्कारेइ सम्माणेइ जाव पडि विसजेइ । तए णं सा कौंती देवी कण्हेणं वासुदेवेणं पडि विसजिया समाणी जामेव विसि पाउम्भ्या तामेव विसि पडिगया । तए णं से कण्हे वासुदेवे कोडुंबियपुरिसे सहावेइ २ ता एवं वयासी-गच्छह णं तुम्हे देवानुपिया ! बारवई नयरिं एवं जहा पंडु तहा दोसवं दोसा-वेइ जाव पञ्चपिमंति पंडुस्स जहा । तए णं से कण्हे वासुदेवे अजया अंतोअवे-

चरमए ओरोहे जाव विहरइ । इमं च णं कच्छुळए [नारए] जाव समोवइए जाव
 निरीइता कण्हं वासुदेवं कुसत्त्रेदंतं पुच्छइ । तए णं से कण्हे वासुदेवे कच्छुळं
 नारयं एवं वयासी-तुमं णं देवाणुप्पिया । बहुणि गामागर जाव अणुपविससि,
 तं अत्थि-याईं ते कहिं(वि)प्पि दोबईए देवीए सुईं वा जाव उवलद्धा ? । तए णं से
 कच्छु(ले)ळए (णारए) कण्हं वासुदेवं एवं वयासी-एवं खल्ल देवाणुप्पिया । अन्नया
 [क्याई] धायईसंढे ढीवे पुरत्थिमद्धं दाहिणक्कुभरहवासं अवरककारायहाणिं गए,
 तत्थ णं मए पउमनामस्स रत्तो भवणंसि दोबई देवी जारिसिया दिट्ठुपुब्बा यावि
 होत्था । तए णं कण्हे वासुदेवे कच्छुळं एवं वयासी-तुम्भं नेव णं देवाणुप्पिया ।
 ए(वं)यं पुव्वकम्मं । तए णं से कच्छुळनारए कण्हेणं वासुदेवेणं एवं जुते समाणे वप्प-
 यणिं विज्जं आवाहेइ २ ता जामेव विसि पाउम्भूए तामेव विसि पडिगए । तए णं से
 कण्हे वासुदेवे दूयं सहावेइ २ ता एवं वयासी-गच्छह णं तुमं देवाणुप्पिया । इत्थिणाउरं
 पंडुस्स रत्तो एयमट्ठं निवे(दे)एहि-एवं खल्ल देवाणुप्पिया । [दोबई देवी] धाय(इ)ई-
 सं(डे)डदीवे पुर(च्छि)त्थिमद्धे अवरकंकाए रायहाणीए पउम-नामभवणंसि [साहिया]
 दोबईए देवीए पउत्ती उवलद्धा । तं गच्छंतु पंच पंडवा चाउरंगिणीए सेणाए सद्धि
 संपरिवुडा पुर-त्थिमवेयालीए ममं पडिवाळेमाणा षिट्ठंतु । तए णं से दए जाव भणइ
 [जाव] पडिवाळेमाणा षिट्ठइ । तेवि जाव चिट्ठंति । तए णं से कण्हे वासुदेवे कोडुं-
 वियपुरिसे सहावेइ २ ता एवं वयासी-गच्छह णं तुम्भे देवाणुप्पिया । सजाहिंयं भेरि
 ता(डे)लेह । तेवि ताळंति । तए णं ती(से)ए स-जाहियाए भेरीए मई सोच्चा समुहविज-
 यपामोकखा दस दसारा जाव छप्प-णं बलव(य)गसाहस्सीओ सन्नद्धवद्ध जाव महि-
 याउहपहरणा अप्पेगइया हयगया [अप्पेगइया] गयगया जाव [मणुस्स]बग्गुरापरि-
 किन्नता जेणेव सभा ह्ठ(ध)हम्मा जेणेव कण्हे वासुदेवे तेणेव उवागच्छंति २ ता
 करयल जाव क्हावेति । तए णं [से] कण्हे वासुदेवे हत्थिखंधवरमए सक्खेरंमत्तदा-
 मेणं छत्तेणं ध(धा)रिज्जमाणेणं सेयवर० हयगय(०) महया भवच्छडगरपहकरेणं
 वारवईए नयरीए मज्झमज्जेणं निगगच्छइ (०) जेणेव पुर-त्थिमवेयाली तेणेव उवा-
 गच्छइ २ ता पंचहिं पंडवेहिं सद्धि एगयओ सि(ल)लाइ २ ता खंधावार-निवेसं करेइ
 २ ता [पोसहसालं करेइ २ ता] पोसहसालं अणु-पविसइ २ ता सुद्धियं देवं मण(सि)-
 षीकरेयाणे २ षिट्ठइ । तए णं कण्हेस्स वासुदेवस्स अट्ठममत्तंसि परिक्कमत्तंसि
 सुद्धिओ जाव आगओ (.) [एवं बवह-] मम देवाणुप्पिया । जं मए काकमं । तए णं से
 कण्हे वासुदेवे सुद्धियं (देवं) एवं वयासी-एवं खल्ल देवाणुप्पिया । सोचईं देवी जाव
 पउमनामस्स भवणंसि सा(इरि)हिमा, तन्नं तुमं देवाणुप्पिया । मम संवद्धिं पं-

वेहिं सदिं अप्पल्लुत्तस्स छण्हं र्हाणं लवणसमुदे मग्गं विय(रं)राहिं वा(अ०)णं अहं
 अ-वरकंकारायहाणिं दोवईए क्वं गच्छामि । तए णं से सुट्टिए देवे कण्हं वासुदेवं
 एवं वयासी-किण्हं देवाणुप्पिया । जहा चैव पउम-नामस्स रओ पुव्वसंगइएणे
 देवेणं दोवईं जाव साहिं(संहारि)या तथा चैव दोवइं देवि धायईसंडाओ बीवाओ
 भारहाओ जाव हत्थिणाउरं साहरामि उदाहु पउम-नाभं रायं सपुरबलवाहणे
 लवणसमुदे पक्खिवामि ? । तए णं [मे] कण्हं वासुदेवं सुट्टियं देवं एवं वयासी-
 मा णं तुमं देवाणुप्पिया । जाव साहराहि, तुमं णं देवाणुप्पिया । [मम] लवण-
 समुदे [पंचहिं पंडवेहिं सदिं] अप्पल्लुत्तस्स छण्हं र्हाणं मग्गं वियराहि, सयमेव
 णं अहं दोवईए क्वं गच्छामि । तए णं से सुट्टिए देवे कण्हं वासुदेवं एवं वयासी-
 एवं होउ [णं] । पंचहिं पंडवेहिं सदिं अप्पल्लुत्तस्स छण्हं र्हाणं लवणसमुदे मग्गं
 वियरइ । तए णं से कण्हं वासुदेवे चाउरं(गि(जी)णिं सेणं पडि विसजेउ २ ता
 पंचहिं पंडवेहिं सदिं अप्पल्लुत्ते छहिं र्हेहिं लवणसमुदे मज्जमज्जेणं वीइवयइ २
 ता जेणेव अ-वरकंका रायहाणी जेणेव अ-वरकंकाए [रायहाणीए] अग्गुजाणे तेणेव
 उवागच्छइ २ ता रइं ठा(ठ)वेइ २ ता दास्यं सारहिं सहावेइ २ ता एवं
 वयासी-गच्छह णं तुमं देवाणुप्पिया ! अ-वरकंकारायहाणिं अनु-प-पविसाहिं २ ता
 पउम-नामस्स र-ओ कामेणं पाएणं पायपीडं अ[व]कमिणा कुंतग्गेणं लेहं पणामेहि
 तिबलियं भिउडि निउाले साहदु आसुत्ते र्हे कुन्हे कुविए चंडिक्किए एवं व०-
 इं ओ पउम-ना(हा)भा ! अपत्थियपत्थिया दुरंतपंतलक्खणा हीणपु-ण्णाचाउइसा
 सि(री)रिहिरि(धी)धिइपरिवज्जिया [!] अज्ज न भवसि किंत्तं तुमं न याणासि
 कण्हस्स वासुदेवस्स मणिणिं दोवइं देवि इहं इव्वमा(ण)णेमा(णे)णं ? तं एयमवि गए
 पव्वप्पिणाहि णं तुमं दोवइं देवि कण्हस्स वासुदेवस्स अहव णं सुद्धसज्जे नियग-
 च्छाहि, एस णं कण्हं वासुदेवे पंचहिं पंडवेहिं [सदिं] अप्पल्लुत्ते दोवई[ए] देवीए
 क्वं इव्वमागए । तए णं से दाए सारही कण्हणे वासुदेवेणं एवं कुत्ते समाणे
 हत्तुत्ते (जाव) पडिसुणेइ २ ता अ-वरकं(का)कं रायहाणिं अनुपविसइ २ ता
 जेणेव पउमना(हि)मे तेणेव उवागच्छइ २ ता करयल जाव वदाविता एवं
 वयासी-एस णं सामी ! मम विणयपडिवत्ती इमा अवा मम सामिस्स समुहाणति-
 तिकहु आसुत्ते कामपाएणं पायपीडं अ(णु)वक्कमइ २ ता कुं(को)त्तग्गेणं लेहं पव्व-
 (म)मेइ (०) जाव क्वं इव्वमागए । तए णं से पउम-नामे दाएएवं सारहिणा एवं कुत्ते
 समाणे आसुत्ते तिबलिं निउाले साहदु एवं वयासी-(णो) न अप्पियामि वे
 अहं देवाणुप्पिया । कण्हस्स वासुदेवस्स दोवई । एस णं अहं संकवेव कुत्तस(जो)

जे निम्नगच्छामि-तिकट्टु दास्यं सारहिं एवं वयासी-केवलं भो । रायसत्येसु पू(ये)ए
 अबज्जे-तिकट्टु असक्कारि(य)यं असम्माणि(य)यं अब-दारेणं निच्छुभावेइ । तए
 णं से दाए सारही पउम-नाभेणं असक्कारि-यं जाव निच(इ)उडे समाणे जेमेव कण्हे
 वासुदेवे तेणेव उवागच्छइ २ ता करयल जाव कण्हं (जाव) एवं वयासी-एवं
 खलु अहं सामी । तुब्भं वयणेणं जाव निच्छुभावेइ । तए णं से पउम-नाभे बल-
 वाउयं सहावेइ २ ता एवं वयासी-खिप्पामेव भो देवाणुप्पिया ! आभिसेहं हत्थिर-
 यणं पडिकप्पेह । तयाणंतरं च णं छेयायरियउव(दे)एसमइविकप्पणा(विगप्पेहिं)हि
 जाव उव(णे)णंति । तए णं से पउमनाहे सन्नद्ध० अभिसेयं दुरूहइ २ ता हयगय
 जेणेव कण्हे वासुदेवे तेणेव पहारेत्थ गमणाए । तए णं से कण्हे वासुदेवं पउम-
 नामं रायाणं एजमाणं पासइ २ ता ते पंच पंडवे एवं वयासी-हं भो दारगा ।
 किञ्चं तुब्भे पउम-नाभेणं सद्धिं जुञ्झि(हि)हह उयाहु पिच्छह(पेच्छिहि)ह ? ।
 तए णं ते पंच-पंडवा कण्हं वासुदेवं एवं वयासी-अम्हे णं सामी ! जुञ्झामो तुब्भे
 पेच्छह । तए णं पंच-पंड(वे)वा स-न्नद्ध जाव पहरणा रह्हे दुरूहंति २ ता जेणेव
 पउम-नाभे राया तेणेव उवागच्छंति २ ता एवं वयासी-अम्हे [वा] पउम-नाभे वा
 राय-तिकट्टु पउमनाभेणं सद्धिं संपलग्गा यावि होत्था । तए णं से पउमनाभे
 राया ते पंच-पंडवे खिप्पामेव हयमहियपवरविबद्धियाचिध(इ)धयपडा(गा)गे जाव
 दिभादिमि पडिसेहेइ । तए णं ते पंच-पंडवा पउम-नाभेणं र-जा हयमहियपवरविब-
 धिय जाव पडिसेहिया समाणा अत्यामा जाव अधारणिज्ज[मि]तिकट्टु जेणेव कण्हे
 वासुदेवे तेणेव उवागच्छंति । तए णं से कण्हे वासुदेवं ते पंच-पंडवे एवं वयासी-
 कण्हणं तुब्भे देवाणुप्पिया । पउम-नाभे(ण)णं रजा सद्धिं संपलग्गा ? । तए णं ते
 पंच पंडवा कण्हं वासुदेवं एवं वयासी-एवं खलु देवाणुप्पिया ! अम्हे तुब्भेहिं
 अब्भणुजाया समाणा सन्नद्ध० रह्हे दुरूहामो २ ता जेणेव पउम-नाभे जाव पडि-
 सेहेइ । तए णं से कण्हे वासुदेवे ते पंच-पंडवे एवं वयासी-जइ णं तुब्भे देवाणु-
 प्पिया ! एवं वयंता-अम्हे नो पउम-नाभे रायतिकट्टु पउम-नाभेणं सद्धिं संपलग्गाता
 तो णं तुब्भं नो पउम-ना-भे हयमहियपवर जाव पडिसे(हंते)हित्था तं पेच्छह णं
 तुब्भे देवाणुप्पिया ! अहं नो पउम नाभे रायतिकट्टु पउमनाभेणं रजा सद्धिं जुञ्झामि
 रहं दुरूहइ २ ता जेणेव पउमनाभे राया तेणेव उवागच्छइ २ ता सेयं गोखी-
 रहारधवलं तणसोहियसिदुवारकुंदेदुसभिगासं नियय[स्स] बलस्स हरिसज्जणं
 रिउसे-वविगासकरं पंचज-जं संखं परामुसइ २ ता मुहघायपूरिवं करेइ । तए णं तस्स
 पउम-ना(इ)भस्स तेणं संखसहेणं जलतिभाए हए जाव पडिसेहिए । तए णं से कण्हे

वासुदेवे षण्णुं परासुसइ वेढो षण्णुं पूरइ २ ता षण्णुसइं करेइ । तए णं तस्स पउम-नामस्स दोषे बलतिभाए तेणं षण्णुसइेणं इयमइियि जाव पडिसेहिए । तए णं से पउम-नामे राया विभागबलावसेसे अत्वामे अबळे अनिरीए अपुरि-सकारपरक(२)मे अधारणिज्ज-मि-त्तिकइ सिग्घं तुरियं जेणेव अ-वरकंका तेणेव उवा-गच्छइ २ ता अ-वरकं(कं)कारायहाणि अणुपक्सइ २ ता बा(दा)राइं पिहेइ २ ता रोहसज्जे चिद्धइ । तए णं से कण्हे वासुदेवे जेणेव अ-वरकंका तेणेव उवा-गच्छइ २ ता रहं टा-वेइ २ ता रहाओ पच्चोरुइ २ ता वेउच्चियसमुग्घाएणं समोह[ण]णइ (०) एणं महं नरसीहरूवं विउव्वइ २ ता महया २ सइेणं पा(द)यदह-रियं करेइ । तए णं (से) कण्हेणं वासुदेवेणं महया २ सइेणं पा-यदहरएणं कएणं समाणेणं अ-वरकंका रायहाणी संभग्गपागारगो(पु)उराट्टाल्यचरियतोरणपल्लत्थिय-पवरमचणसिरिघरा सर(२)सरस्स धरणियळे सन्निवइया । तए णं से पउम-नामे राया अ-वरकंके रायहाणि संभग्ग(ग)गं जाव पासिन्ता भीए दोवईं देविं सरणं जवेइ । तए णं सा दोवईं देवी पउमनामे रायं एवं वयासी-कि-न्तं तुमं देवाणु-प्पिया ! (त) जाणसि कण्हस्स वासुदेवस्स उत्तमपुत्तेसस्स विप्पियं करेमाणे (ममं इह हव्वमाणेसि) ? तं एवमवि गए गच्छइ णं तुमं देवाणुप्पिया । ण्हाए उल्लपडसाइए ओ(अ)चूलगवत्य-नियत्थे अंतेउरपरियालसंपरिवुडे अग्गाइं वराइं रयणाइं गहाय ममं पुरओ-काउं कण्हं वासुदेवं करयल [जाव] पाय(प)वडिए सरणं उवेहि, पणिवइयवच्छला णं देवाणुप्पिया । उत्तमपुरिंसा । तए णं से पउमनामे दोवईए देवीए एयमइं पडिसुणेइ २ ता ण्हाए जाव सरणं उवेइ २ ता करयल जाव एवं वयासी-दिट्ठा णं देवाणुप्पिमाणे इड्डी जाव परकमे । तं खामेमि णं देवा-णुप्पिया । जाव खमंतु णं जाव नाहं भुज्जे २ एवं करणयाए-त्तिकइ पंचलि(तु)उडे पायवडिए कण्हस्स वासुदेवस्स दोवईं देविं साहत्थि उवणेइ । तए णं से कण्हे वासुदेवे पउम-नामं एवं वयासी-हं भो पउम-नामा । अ(२)पत्थियपत्थिया ४ कि-न्तं तुमं (ण) जाणसि मम भणिणि दोवईं देविं इह हव्वमाणमाणे ? तं एवमवि गए नत्थि ते ममाहिंतो इयाणि मयमत्थि-त्तिकइ पउम-नामं पडिविसज्जेइ (०) दोवईं देविं गे(गि)ण्हेइ २ ता रहं डुरुहेइ २ ता जेणेव यंच पंड-वा तेणेव उवागच्छइ २ ता पंचण्हं पंडवाणं दोवईं देविं साहत्थि उवणेइ । तए णं से कण्हे पंचहिं पंडवेहिं सदि अप्पच्छे छहिं रहेहिं लवणसमुहं मज्झमज्जेणं जेणेव षण्णुदीवे २ जेणेव भारहे वासे जेणेव पहादेत्थ ममणाए ॥ १२९ ॥ तेणं कालेणं तेणं समएणं धावइ-छंढे सीवे पुर-त्थिमइदे भारहे वासे वंपा नामं वयरी होत्था । पुण्णमइे कज्जाणे ॥

तस्य णं चंपाए नयरीए कविले नामं वासुदेवै राया होत्वा (महथा हियं०) वण्णओ । तेणं कालेणं तेणं समएणं मुणिसुव्वए अरहा चंपाए पुण्णभरे समोसते । क(पि)विले वासुदेवे धम्मं सुणेइ । तए णं से कविले वासुदेवे मुणिसुव्वयस्स अरहओ [अंतिए] धम्मं सुणेमाणे कण्हस्स वासुदेवस्स संखसइं सुणेइ । तए णं तस्स कविलस्स वासुदेवस्स इमेयारूवे अ(ब्भ)ज्जत्थिए [४] समुप्पज्जित्या-किं षण्णे धायइसंसे षीवे भारहे षाले दोब्ब वासुदेवे समुप्पजे (!) जस्स णं अयं संखसइं मयं पिं मुहवायपूरिए वियंभइ [?] कविले वासुदे(वे)वा भ(स)हा(त्ति)इ (सुणेइ) मुणिसुव्वए अरहा कविलं वासुदेवं एवं वयासी-से नूणं (ते) कविला वासुदेवा । म(म)मं अंतिए धम्मं निसामेमाणस्स संखसइं आकण्णिता इमेयारूवे अ-ज्जत्थिए-किं षणे जाव वियंभइ । से नूणं कविला वासुदेवा ! अ(यम)हे समत्ते ? इंता [!] अत्थि । [नं] नो खलु कविला ! एवं भूयं वा भ(वड)व्वं वा भविस्(सइ)सं वा जभं ए(गे)-गखेत्ते ए-आजुगे ए-नाममए [णं] दुवे अरहंता वा चक्खवट्ठी वा बलदेवा वा वासुदेवा वा उप्पज्जिसु वा उप्पज्जिति वा उप्पज्जिस्संति वा । एवं खलु वासुदेवा । जंबुही-वाजे २ भारहाओ वासाओ हत्थिणार(र)राओ नयराओ पंडुस्स र-ओ सुव्हा पंचण्हं पंडवारणं भारिया दोवइं देवी तव पठम-नामस्स र-ओ पुव्वसंगइएणं देवेणं अ-वरकं-कं-नयरिं साहरिया । तए णं से कण्हे वासुदेवे पंचहिं पंडवेहिं सद्धिं अप्पच्छे छहिं र्हेहिं अ-वरकं रायहाणिं दोवइंए देवीए कूवं हव्वमागए । तए णं तस्स कण्हस्स वासुदेवस्स पठम-नामेणं र-जा सद्धिं संगामं संगामेमाणस्स अयं संख-सइं तव मुहवाया० (इव) इहे (कंते) इ(हे)व वियंभइ । तए णं से कविले वासुदेवे मुणिसुव्वयं वंदइ नमंसइ वं० २ ता एवं वयासी-गच्छमि णं अहं अंते ! कण्हं वासुदेवं उत्तमपुरिसं [मम] सरिसपुरिसं पासामि । तए णं मुणिसुव्वए अरहा कविलं वासुदेवं एवं वयासी-नो खलु देवाणुप्पिया । एवं भूयं वा ३ जण्णं अरहंता वा अरहंतं पासंति चक्खवट्ठी वा चक्खवट्ठी पासंति बलदेवा वा बलदेवं पासंति वासु-देव्य वा वासुदेवं पासंति । तहमि च णं तुमं कण्हस्स वासुदेवस्स लवणसमुइं मज्झमज्जेणं वी(ति)इवयमाणस्स सेयापीयाइं धयग्गाइं पासिहिसि । तए णं से कविले वासुदेवे मुणिसुव्वयं वंदइ नमंसइ वं० २ ता हत्थिबंधं बुरुहइ २ ता सिग्घं २ जेणेव वेला(उ)कूले तेणेव उवागच्छइ २ ता कण्हस्स वासुदेवस्स लवणसमुइं मज्झमज्जेणं वी इवयमाणस्स सेयापीया(हिं)इ धयग्गाइं पासइ २ ता एवं वयइ-एस णं मम सरिसपुरिसं उत्तमपुरिसं कण्हे वासुदेवे लवणसमुइं मज्झमज्जेणं वीइवयइ-सिक्खु पंचवत्तं वीं परामुसइ [२] मुहवायपूरिवं करेइ । तए णं से कण्हे वंइ

देवै कविलस्स वासुदेवस्स संखसई जाय-ज्जेइ २ ता पंचवर्षं जाव पूरियं करेइ ।
 तए णं होवि वासुदेवा संखसइ(सा)समायारिं करेति । तए णं से कविले वासुदेवे
 जेणेव अ-वरकंका तेणेव उवागच्छइ २ ता अ-वरकंका रायहाणि संभग्गतोर्णे जाव
 पासइ २ ता पउम नामं एवं वयासी-किंन देवाणुप्पिया । एसा अ-वरकंका संभग्ग
 जाव सच्चिवइया ? । तए णं से पउम-ना-भे कविलं वासुदेवं एवं वयासी-एवं खलु
 सामी । जंबुहीवाओ २ भारहाओ वासाओ इई हव्वमागम्म कण्हेणं वासुदेवेणं
 तुब्भे परिभूय अ-वरकंका जाव सच्चि(वा)वडिया । तए णं से कविले वासुदेवे पउम-
 ना-अस्स अंतिए एयमट्टं सोखा पउम ना(हं)भं एवं वयासी-हं भो पउम-नाभा । अय-
 थियपथिया [५] किंनं तुमं (न) आणसि मम सरिसपुरिसस्स कण्हस्स वासुदेवस्स
 विप्पिषं करेमाणे ! आसुरहे जाव पउम-ना-भं निव्विसयं आणवेइ पउम-ना-अस्स
 पुत्तं अ-वरकंका[ए] रायहाणीए महया २ रायामिसेएणं अभिसिंचइ जाव पडिगाए
 ॥ १३० ॥ तए णं से कण्हे वासुदेवे लवणसमुइ मज्झंमज्जेणं वी-ईवयह (गं)
 उवागए ते पंच-पंडवे एवं वयासी-गच्छइ णं तुब्भे देवाणुप्पिया । गं(गा)गं महा-
 न(दि)ई उत्तरह जाव ताव अहं सुट्ठियं लवणाहिबइं पासामि । तए णं ते पंच पंडवा
 कण्हेणं २ एवं सुता समाणा जेणेव गंगा महानवी तेणेव उवागच्छंति २ ता
 एगट्ठियाए नावाए मग्गणगवेसणं करेति २ ता एगट्ठियाए नावाए गं-मं महान-ई
 उत्तरंति २ ता अ-अम-अं एवं वयंति-पहू णं देवाणुप्पिया । कण्हे वासुदेवे गं-गं
 महान-ई बाहाहिं उत्तरिणए उदाहु नो प(भू)ह उत्तरितए-तकट्ट एगट्ठियाओ
 (नावाओ) णंमेति २ ता कण्हं वासुदेवं पडिवाळेमाणा २ चिट्ठंति । तए णं से कण्हे
 वासुदेवे सुट्ठियं लवणाहिबइं पासइ २ ता जेणेव गंगा महान(वी)ई तेणेव उवागच्छइ
 २ ता एगट्ठियाए सव्वओ समंता मग्गणगवेसणं करेइ २ ता एगट्ठियं अपासमाणे
 एगाए बाहाए रहं सतुरगं ससारहिं गेण्हइ एगाए बाहाए गंमं महान-ई बासट्ठि
 जोयणाई अइजोयणं च वि(च्छि)त्थिण्णं उत्तरिठं पयत्ते यावि होत्था । तए णं से कण्हे
 वासुदेवे गंगा[ए] महान-ईए बहुमज्झदेसभा(गं)ए संपत्ते समाणे संते तंते परितंते
 बइसेए जाए यावि होत्था । तए णं [तस्स] कण्हस्स वासुदेवस्स इमे(ए)मारुवे
 अ-ज्जत्थिए (जाव समुप्पज्जित्वा)अहो णं पंच पंडवा महाबलवगा जेहिं गंतामहा-
 न-ई वा(स)वट्ठि जोयणाई अइजोयणं च वि-त्थिण्णा बाहाहिं उत्तिण्णा, इच्छंत्थइहिं
 णं पंचहिं पंडवेहिं पउम-अभे (राका) हव्वमदिवं जाव भो पडिसेइए । तए णं गंगा-
 देवी कण्हस्स वासुदेवस्स इमं एवास्सं अ-ज्जत्थिवं जाव जामिणा वयं विचइइ । तए
 णं से कण्हे वासुदेवे सुट्ठित्तरे समंता(सं)वेइ २ ता गं-मं महान-अदि वासट्ठि जेणेव

उत्तरइ २ ता जेणेव पंच-पंडवा तेणेव उवागच्छइ (०) पंच पंडवे एवं वयासी-अहो णं तुब्भे देवाणुप्पिया । महाबलवगा जे[हिं] णं तुब्भेहिं गंगामहा-न-ई वा-बद्धि जाव उत्तिण्णा, इच्छंतएहिं [णं] तुब्भेहिं पउम[नाहे] जाव नो पडिसेहिए । तए णं ते पंच पंडवा कण्हेणं वासुदेवेणं एवं पुता समाणा कण्हं वासुदेवं एवं वयासी-एवं खलु देवाणुप्पिया । अम्हे तुब्भेहिं विसज्जिया समाणा जेणेव गंगा महा-न-ई तेणेव उवागच्छामो २ ता एगद्धियाए मगगणवसेणं तं चेव जाव णूमेओ तुब्भे पडिवालेमाण्णा चिद्धामो । तए णं से कण्हे वासुदेवे तेसिं पंच(ण्हं)-पंडवाणं [अंतिए] एयमट्ठं सोच्चा निसम्म आसुस्ते जाव तिवलियं एवं वयासी-अहो णं जया मए लवणसमुदं दुवे जोयणसयसह(स्सा)स्सनि-त्थिणं वीईवडता पउम-नामं हयमहि(य)यं जाव पडिसेहिता अ-वरकंका संभग(ग०)गा दोवई साहत्थि उवणीवा तथा णं तुब्भेहिं मम माहपे न वि-ज्ञायं इयाणि जाणिससह-तिकट्ट लोहदंडं परा-मुसइ पंचण्हं पंडवाणं रहे सुस्(चू)रेइ २ ता निव्विसए आणवेइ २ ता तत्थ णं रह-मदणे नामं कोट्टे निव्विट्ठे । तए णं से कण्हे वासुदेवे जेणेव नए खंधावारे तेणेव उवागच्छइ २ ता सएणं खंधावारेणं सद्धि अभिसमजागए यावि होत्था । तए णं से कण्हे वासुदेवे जेणेव बारवई नयरी तेणेव उवागच्छइ २ ता अणु-प्पविसइ ॥ १२१॥ तए णं ते पंच-पंडवा जेणेव हत्थिणाउरे (णयरे) तेणेव उवागच्छंति २ ता जेणव पंड [राया] तेणेव उवागच्छंति २ ता करयल जाव एवं वयासी-एवं खलु ताओ । अम्हे कण्हेणं निव्विसया आणत्ता । तए णं पंड-राया ते पंच-पंडवे एवं वयासी-कण्हेणं पुता ! तुब्भे कण्हेणं वासुदेवेणं निव्विसया आणत्ता ? । तए णं ते पंच-पंडवा पं(ड)डं रायं एवं वयासी-एवं खलु ताओ ! अम्हे अ-वरकंकाओ पडि-नियत्ता लवणसमुदं दोषि जोयणसयसहस्साडं वीईवड(ता)त्था । तए णं से कण्हे वासुदेवे अम्हे एवं व(या०)-यड-गच्छइ णं तुब्भे देवाणुप्पिया । गं-गं महा-न-ई उत्तरइ जाव (चिद्धइ) ताव अई एवं तहेव जाव चिद्धामो । तए णं से कण्हे वासुदेवं कट्ठियं लवणाहिबइ दड्ढणं तं चेव सव्वं नवरं कण्हस्स चिंता न बुज्झ(जुब्ब(बुब्ब)इ जाव (अम्हे) निव्विसए आणवेइ । तए णं से पंड-राया ते पंच-पंडवे एवं वयासी-दुद्धु णं [तुमं] पुता ! कयं कण्हस्स वासुदे-वस्स विप्पियं करेमाणेहिं । तए णं से पंड-राया कोत्तिं देविं सहावेइ २ ता एवं वयासी-गच्छ[इ] णं तुमं देवाणुप्पिया । बारवई कण्हस्स वासुदेवस्स निवे-एहि-एवं खलु देवाणुप्पिया ! तु(म्हे)मे पंच-पंडवा निव्विसया आणत्ता, तुमं च णं देवाणुप्पिया । दाहिणभरहस्स सामी, तं संदिंसंतु णं देवाणुप्पिया । ते पंच-पंडवा कयं(दिदिं) देसं वा (नि)दिदिं वा गच्छंतु ? । तए णं सा कोत्ती पंडुया एवं पुता समाणी इत्थिं

दुरुद्ध (०) जहा हेहा जाव संदिसंतु णं पिउ(त्वा)च्छा ! किमागमणपबोयणं- । तए णं सा कौती कण्हं वासुदेवं एवं वयासी-एवं खलु तुमे पुता । पंच-पंडवा निव्विसया आणत्ता तुमं च णं दाहिणक्कभरह[स्स] जाव (वि)दि(सि)सं वा गच्छंतु (?) । तए णं से कण्हे वासुदेवे कौतिं देवि एवं वयासी-अप्(ई)यवयणा णं पिउ-च्छा । उत्तमपुरिसा वासुदेवा बलदेवा चक्रवर्ती । तं गच्छंतु णं (देवाणु०) पंच-पंडवा दाहिणि(ल्ल)क्खवेयालिं तत्थ पंडुमहुरं निवेसंतु म-म अदिट्टसेवगा भवंतु-त्तिकट्टु कौतिं देवि सकारेइ सम्माणेइ जाव पडिविसज्जेइ । तए णं सा कौती (देवी) जाव पंडुस्स एयमट्ठं निवे-एइ । तए णं पंडु राया पंच पंडवे सहावेइ २ ता एवं वयासी-गच्छहं णं तुब्भे पुता । दाहिणिं वेयालिं, तत्थ णं तुब्भे पंडुमहुरं निवेसेह । तए णं [ते] पंच-पंडवा पंडुस्स र-ओ जाव तहमि पडिसुणेंति २ ता सबलवाहणा दयग० हत्थिणाउराओ पडि-नि-क्खमंति २ ता जेणेव दक्खिणिं वेयालीं नेणेव उवागच्छंति २ ता पंडुमहुरं [नाम] नग(रिं)रं निवे(से)संति (०) । तत्थ[वि] णं ते विपुलभोगसमिहसम-आगया यावि होत्था ॥ १२ २ ॥ तए णं सा दोवई देवी अजया कया(ई)उ आव-जसत्ता जाया(या)वि होत्था । तए णं सा दोवई देवी नवण्हं मासाणं जाव सुरुहं दारणं पयाया सुमालं निव्वत्तबारसाहस्स इमं एथाक्खं-जम्हा णं अम्हं एस दारए पंचण्हं पंडवाणं पुते वेवइए देवीए अत्तए तं हो(उ)ऊ (अम्हं) णं इमस्स दारगस्स नामधेज्जं पंडुसेणं [ति] । तए णं तस्स दारगस्स अम्मापियरो नामधेज्जं क(रेइ)रंति पंडुसेणात्त । वावत्तिरिं कलाओ जाव [अलं]भोगसमत्थे जाए जुवराया जाव विहरइ । (तेणं काळेणं तेणं सम-एणं धम्मघोसा) थेरा समोसठा परिसा निग्गया । पंडवा निग्गया धम्मं सोत्था एवं वयासी-जं नवरं देवाणुप्पिया । दोवई देवि आपुच्छामो पंडुसेणं च कुमारं रजे ठावेमो तओ पच्छा देवाणुप्पियाणं अंतिए सुंढे भविता जाव पव्वयामो । अहासइ देवाणुप्पिया । । तए णं ते पंच-पंडवा जेणेव सए गिहे तेणेव उवागच्छंति २ ता दोवई देवि सहावेति २ ता एवं वयासी-एवं खलु देवाणुप्पिए ! अम्हेहिं थेराणं अंतिए धम्मे निसंते जाव पव्वयामो, तुमं [णं] देवाणुप्पिए ! किं करेसि ? । तए णं सा दोवई (देवी) ते पंच-पंडवे एवं वयासी-अइ णं तुब्भे देवाणुप्पिया । संसार-अउव्विग्गा [जाव] पव्वयह म-म के अ-चे आल्लंवे वा जाव भविस्सइ ! अहं पि य णं संसारअउव्विग्गा देवाणुप्पिएहिं सद्धिं पव्वइस्सामि । तए णं ते पंच-पंडवा पंडुसेणस्स अभिसेओ जाव राया जाए जाव रजं पसाहेमाणे विहरइ । तए णं से पंच-पंडवा दोवई य देवी अजया कया-इ पंडुसेणं रायाणं आपुच्छंति । तए णं से पंडु-सेणे रासा कोट्टुविगुरिसे सहावेइ २ ता एवं वयासी-विप्पयावे भो [!] देवाणुप्पिया ।

निक्खमणाभिसेयं जाव उवट्टवेह पुरिससहस्सवा-हिणीओ सिवियाओ उवट्टवेह जाव
 पक्खोहंति जेणेव येरा [भगवंतो] तेणेव उवागच्छंति जाव आळिते थं जाव समणा
 जाया चोह[र]स पुव्वाइं अहिजंति २ ता बहूणि वासाणि छट्टट्टमदसमदुवाल्सेहिं
 मासद्धमासखमणेहिं अप्पाणं भावेमाणा विहरंति ॥ १२३ ॥ तए णं सा दोषइं देवी
 सीयाओ पक्खोहइ जाव पव्वइया सुव्वयाए अज्जाए सिस्सि(णी)णियत्ताए दलयइ
 ए(इ)कारस अंगाइं अहिजइ (०) बहूणि वासाणि छट्टट्टमदसमदुवाल्सेहिं जाव विह-
 रइ ॥ १२४ ॥ तए णं येरा भगवंतो अज्जाया कया (इं)इ पंडुमहुराओ नयरीओ सहसंबव-
 णाओ उज्जाणाओ पडि-निक्खमंति २ ता बहिया जणवयविहारं विहरंति । तेणं कालेणं
 तेणं समएणं अ(रि)रहा अरिट्टनेमी जेणेव सुरट्टाजणवए तेणेव उवागच्छइ २ ता
 सुरट्टाजणवयंसि संजमेणं तवमा अप्पाणं भावेमाणे विहरइ । तए णं बहुजणो अज्जम-
 व्रस्स एवमाइक्खइ ४-एवं खलु देवाणुप्पिया । अरहा अरिट्टनेमी सुरट्टाजणवए जाव
 विहरइ । तए णं (से) ते जुहिट्टिअपामोक्खा पंच अणगारा बहुजणस्स अंतिए एय-
 मट्ठं मोच्चा अज्जमव्वं महावेति २ ता एवं वयासी-एवं खलु देवाणुप्पिया ! अरहा
 अरिट्टनेमी पुव्वाणुपुत्वि जाव विहरइ, तं सेयं खलु अम्मं येरा आपुच्छिना अरहं
 अरिट्टनेमि वंदणाए गमिन्तए । अज्जमव्वस्स एयमट्ठं पडिअणेति २ ता जेणेव येरा भग-
 वंतो तेणेव उवागच्छंति २ ता येरे भगवंते वंदंति नमंसंति वं० २ ता एवं वयासी-
 इच्छामो णं तुब्भेहिं अब्भणुजाया समाणा अरहं अरिट्टनेमि जाव गमिन्तए । अहासुइं
 देवाणुप्पिया । । तए णं ते जुहिट्टिअपामोक्खा पंच अणगारा येरेहिं अब्भणुजाया
 समाणा येरे भगवंते वंदंति नमंसंति वं० २ ता येराणं अंतियाओ पडि-निक्खमंति
 (०) मासंमासेणं अणिक्रिअसेणं तवोकम्मणेणं गामाणुगामं दू(इं)इज्जमाणा जाव जेणेव
 इ(त्थि)त्यकम्पे (नयरे) तेणेव उवागच्छंति (०) ह-त्थकप्पस्स बहिया सहसंबवणे
 उज्जाणे जाव विहरंति । तए णं ते जुहिट्टिअवज्जा चत्तारि अणगारा मास-क्-स-
 मणपारणए पडमाए पो(र)रिहीए सज्जायं करंति बीयाए एवं जहा गोयमसामी
 नवर जुहिट्टिअं आपुच्छंति जाव अहमाणा बहुजणसहं निसामंति । एवं खलु
 देवाणुप्पिया । अरहा अरिट्टनेमी उ(अं)अंतसेलसिहरे मात्तिएणं भनेणं अपाणएणं
 पंचहिं छत्तीसेहिं अणगारसएहिं सद्धि कालंगए जाव पहीणे । तए णं ते जुहि-
 ट्टिअवज्जा चत्तारि अणगारा बहुजणस्स अंतिए (एयमट्ठं) सोच्चा ह-त्थकप्पाओ
 पडि-निक्खमंति २ ता जेणेव सहसंबवणे उज्जाणे जेणेव जुहिट्टिअं अणगारे तेणेव
 उवागच्छंति २ ता अत्तपारं व(अुवे)वच्छंति २ ता गज्जनाज्जणस्स पडिअंति २
 ता एसअमनेसणं आळोहंति २ ता अत्तपारं पडिअंति २ ता एवं वयासी-एवं खलु

देवशुष्यिया (!) जाव कालमाए । तं सेयं खलु भस्मं देवशुष्यिया । इमे पुष्वगह्रियं
 भक्तपाणं पशुद्वेता सेतुञ्जं पञ्चयं सणियं २ दु(रु)रहितए संलेहण(ए)ससणा[सो]-
 सिवाणं कालं अण(वकंछ)वेकसमाणाणं विहरितए-तिकट्टु अ-जम-जस्स पृथमदं पङ्कि-
 सुपेहि २ ता तं पुष्वगह्रियं भक्तपाणं एगंते षरिदुवेंति २ ता जेणेव सेतुञ्जे पञ्चए
 तणेव उवागच्छंति २ ता सेतुञ्जं पञ्चयं [सणियं २] दुख्खंति (०) जाव कालं अणवकं-
 क्षमाणा विहरंति । तए णं ते जुहिद्विष्णामोक्खा पंच अणगरा सामाइयमाइयाइं
 चोइस-पुष्वाइं अहि(जिता)जंति बहुणि दासाणि (सामण्णपरियागं पाउणिता)
 दोमासियाए संलेहणाए जताणं श्रो(सि)सेता जस्सद्वाए की(कि)रइ धेरकप्पभावे
 जिणकप्पभावे जाव तमद्वमाराइंति २ ता अणंते जाव फेबलवर-नाणदंसणे समुप्पणे
 जाव सिद्धा ॥ १३५ ॥ तए णं सा दोवइं अज्जा सुव्वयाणं अजियाणं अंतिए
 सामाइयमाइयाइं एक्कारस अंगाइं अहिजइ २ ता बहुणि दासाणि (सा०) मासि-
 याए संलेहणाए आलोइयपकिंता कालमासे कालं किंवा बंभलोए उववधा । तत्थ
 णं अस्थेगइयाणं देवाणं दस सागरोवमाइं ठिइं पजसा । तत्थ णं दुव(ति)यस्स
 [वि] देवस्स दस-सागरोवमाइं ठिइं पजसा । से णं भंते ! दुवए देवे ता(त)ओ जाव
 महाविदेहे दासे जाव अंतं काहिइ । एवं खलु जंबू ! समणेणं मगवया महावीरेणं
 जाव संपत्तेणं मोलसमस्स नायज्जयणस्स अयमद्वे पज्जते त्तिवेमि ॥ १३६ ॥
 माहाउ—सुषहं पि तवकिल्लेसो नियाणदोसेण दसिओ संतो । न सिवाय दोवइंए
 जइ किल सुदुमालियाज्जम्भे ॥ १ ॥ अमणुजमभतीए पत्ते दाणं भवे अणत्थाव । जइ
 कडुयजुंबदायं नागसिभिवमि दोवइए ॥ २ ॥ सोलसमं नायज्जयणं समसं ॥

जइ णं भंते ! समणेणं० सोलसमस्स नायज्जयणस्स अयमद्वे प-ज्जते सत्त-
 समस्स (०) नायज्जयणस्स के अद्वे पज्जते ? एवं खलु जंबू ! तेषं कालेणं सेणं सम-
 एणं हत्थिसीसे नामं नयरे होत्था वण्णओ । तत्थ णं कणगकेळ नामं राव्य होत्था
 वण्णओ । तत्थ णं हत्थिसीसे नयरे कहवे संजुता-नावाषाणियणा परिवसंति अट्टा जाव
 ब(हु)हुकमस्स अपरिभूया यावि होत्था । तए णं तेसि संजुतानावाषाणियणाणं अणया
 क्कमाइ एणयओ (सहिंयाणं) जहा अरह-बओए जाव लवणसमुहं अणेमाइं जोकमस-
 याइं ओमावा यावि होत्था । तए णं तेसि जाव बहुणि उप्पा(ति)वसमाइं जहा मा-कं-
 दियदारणाणं जाव काकियवाए अ तत्थ सं(स)सु(त्थि)च्छिए । तए णं सा नावा तेषं
 काकियवाएणं आ(ओकि)वुण्णिजमणी २ संचाकिजवाणी २ संखोविजवाणी २
 तत्थेव काविभस्म । तए णं से निज्जमए नडुवइंए नडुवइंए कडुसणे मुद्विद्यामाव
 आए यावि होत्था न जणवइ कयरं (देव वा) विदं वा विविदं वा पोयवइणे [अ]क

हिए-तिकट्टु ओहयमणसंकप्पे जाव झियायइ । तए णं ते बहवे कुच्छिघारा य कण्णधारा य ग(ब्भि)ब्भेळ्ळगा य संजुत्ता-नावावाणियगा य जेणेव से निजामए तेणेव उवागच्छंति २ ता एवं वयासी-किंनं तुमं देवाणुपिया । ओहयमणसंक- (प्पा)प्पे (जाव) झियायसि ? । तए णं से निजामए ते बहवे कुच्छिघारा य ४ एवं वयासी-एवं खलु [अहं] देवाणुपिया । नट्टमईए जाव अवहिएतिकट्टु तओ ओहय- मणसंकप्पे (जाव) झियासि । तए णं ते कण्णधारा [य ४] तस्स निजामयस्संतिए एयमट्ठं सोच्चा निमम्म भीया० ष्हाया करयल [जाव] बहूणं ईदाण य खं(दा)धाण य जहा मत्तिनाए जाव उवायमाणा २ चिद्धंति । तए णं से निजामए तओ मुहुत्तंनरस्स लद्धमईए ३ अमूडदिसाभाए जाए यानि होत्या । तए णं से निजामए ते बहवे कुच्छिघारा य ४ एवं वयासी-एवं खलु अहं देवाणुपिया । लद्धमईए जाव अमूड- दिसाभाए जाए । अम्हे णं देवाणुपिया । कालियवीवंतेणं सं(वू)ळ्ळटा । एस णं कालियवीवे आलोक्कइ । तए णं ते कुच्छिघारा य ४ तस्स निजामगस्स अंतिए एय- मट्ठं सोच्चा हट्टुट्टा पयक्खिणाणुकूलेणं बाएणं जेणेव का(नी)लियवीवे तेणेव उवाग- च्छंति २ ता पोयवहूणं लंबंति २ ता एगट्टियाहिं कालियवीवं उतरंनि । तथ णं बहवे हिरण्णागरे य सुवण्णागरे य रयणागरे य वडरागरे य बहवे तथ आमे पासंति किं ते ? हरिरेणुमोणिवुत्त(गा)ग आ(ई)इणवेडो । तए णं ते आमा(ते)ओ बाणियए पासंति (०) तेमिं गंधं आ(अग)घायंति (०) भीया तत्या उच्चिग्गा उच्चि- गगमणा तओ अणेगाई जोयणाई उच्चमंति । ते णं तथ पउरगोयरा पउरतण- पाणिया निच्चया निरुच्चिग्गा सुहंउहेणं विहरंति । तए णं [ते] संजुत्ता-नावावा- णियगा अ-जम-नं एवं वयासी-कि(णं)नं अ(म्हे)म्हं देवाणुपिया । आसेहिं ? इमे णं बहवे हिरण्णागरा य सुवण्णागरा य रयणागरा य व(द)यरागरा य । तं सेयं खलु अम्हं हिरण्णास्स य सुवण्णास्स य रयणास्स य व-यरस्स य पोयवहूणं भरिताए- त्तिकट्टु अजमजस्स एयमट्ठं पड्डिसुणेंति २ ता हिरण्णास्स य सुवण्णास्स य रयणास्स य व-यरस्स य तणस्स य कट्टस्स य अ-जस्स य पाणियस्स य पोयवहूणं भरेंति २ ता द(पय)क्खिणाणुकूलेणं बाएणं जेणेव गंभीरपोय(वहूण)पट्टे तेणेव उवाग- च्छंति २ ता पोयवहूणं लंबंति २ ता सगढीसागढं सज्जेति २ ता तं हिरण्णं जाव वडरं च एगट्टियाहिं पोयवहूणाओ संचारेंति २ ता सगढीसागढं संजी(ई)एति (०) जेणेव हत्थिसी(सा)से नयरे तेणेव उवागच्छंति २ ता हत्थिसीसयस्स नयरस्स बहिया अरुणुज्जाणे सत्थ-निवेसं करेंति २ ता सगढीसागढं धोएति २ ता मद्धं वाव पाहुं गेण्णंति २ ता हत्थिसीसं च न(य)यरे अणु-पयसिंति २ ता जेणेव [ते] कण-

गकेऊ (राया) तेणेव उवागच्छंति २ ता जाव उवणेति । तए णं से कणगकेऊ तेसि संजुता(गावा)वाणियगाणं तं महत्वं जाव पडिच्छइ [२] ते संजुता-वाणियगा एवं ब्यासी-तुम्भे णं देवाणुपिया । गामागर जाव आहिंडह ल्वणसमुहं च अभिक्खणं २ पोयवहणेणं ओगा(ह)हेह, तं अत्थि-या(इ)इ [त्व] केइ भे कहिंत्थि अच्छेरए दिट्ठुपुब्बे ? । तए णं ते संजुता-वाणियगा कणगकेउं (रायं) एवं ब्यासी-एवं खल्ल अम्हे देवाणुपिया ! इहेव हत्थिसीसे नयरे पभिवसामो तं चेव जाव कालि(य)यं-दीबंतेणं सं-छुटा । तत्थ णं बहवे हिरण्णागरा य जाव बहवे तत्थ आसे, किं ते ? हरिरेण जाव अणेगाइं जोयणाइं उव्वमंति । तए णं मामी ! अम्हेहिं कालियदीवे ते आसा अच्छेरए दिट्ठुपुब्बे । तए णं से कणगकेऊ तेसि संजु(त्ता)ताणं अंतिए एयमद्वं सोच्चा ते संजुतए एवं ब्यासी-गच्छह णं तुम्भे देवाणुपिया ! मम कोडुं-वियपुरिसेहिं सदि कालियदीवाओ ते आसे आणेह । तए णं ते संजुतावाणियगा कणगकेउं-एवं ब्यासी-एवं सामि-त्ति(कट्टु) आणाए विणएणं वयणं पडिसुणेति । तए णं [सि] कणगकेऊ-कोडुंवियपुरिसे सदावेइ २ ता एवं ब्यासी-गच्छह णं तुम्भे देवाणुपिया । संजुतएहिं [नावावाणियएहिं] सदि कालियदीवाओ मम आसे आणेह । तेवि पडिसुणेति । तए णं ते कोडुंवि(य०)या सगढीसागडं सज्जेति २ ता तत्थ णं बहूणं वीणाण य क्ककीण य भामरीण य कच्छभीण य भंभाण य छब्भामरीण य विच्चिनवीणाण य अजेमिं च बहूणं सो(ति)यंदिपउउग्गाणं दव्वाणं सगढीसागडं भरेति २ ता बहूणं किष्हाण य जाव सुक्किन्नाण य कट्टुक्कम्माण य ५ गंधिमाण य ४ जाव संपाइमाण य अजेसिं च बहूणं चविंसदियपाउग्गाणं दव्वाणं सगढीसागडं भरेति २ ता बहूणं कोट्टुपुडाण य केयइपुडाण य जाव अजेसिं च बहूणं घाणिदियपाउग्गाणं दव्वाणं सगढीसागडं भरेति २ ता बहुस्स खंडस्स य गुलस्स य सक्कराए य मच्छंडियाए य पुण्फुत्तरपउमुत्तर० अजेमिं च जिच्चिभदियपाउग्गाणं दव्वाणं सगढीसागडं भरेति २ ता [अजेसिं च] बहूणं कोय(ब्या)वाण य कंबलाण य फा(वरणा)वाराण य नवत्तयाण य मलयाण य मसुराण य सिळावट्टाण [य] जाव हंसगब्भाण य अजेसिं च फासिदियपाउग्गाणं दव्वाणं जाव भरेति २ ता सगढीसागडं जो(ए)यंति २ ता जेणेव गंभीरए पोयवहणे तेणेव उवागच्छंति (०) सगढीसागडं मो(ए)यंति २ ता पोयवहणं सज्जेति २ ता तेसि उक्किट्ठाणं सहकसिसरसरुवगंधाणं कट्टुस्स य तणस्स य पाणियस्स य तंदुलाण य सभियस्स य गोरसस्स य जाव अजेसिं च बहूणं पोयवहणपाउग्गाणं पोयवहणं भरेति २ ता इत्थिणानुक्कलेणं वाएणं जेणेव कालियदीवे तेणेव उवागच्छंति २ ता पोयवहणं

क्वेति २ ता ताई उक्लिद्धाई सहफरिसरसरुवगंधाई एगद्वियाई कालियपीवं उत्त-
 रैति २ ता जहिं जहिं च णं ते आसा आसयंति वा सयंति वा चिद्धंति वा तुयटंति
 वा तहिं तहिं च णं ते कोडुंबियपुरिसा ताबो वीणाओ य जाव (वि)चिणवीणाओ य
 अजाणि बहूणि सो(ई)यंदियपाउग्गाणि य दब्बाणि समु(ही)रीरेमाणा ठवें(चिद्धं)ति
 तेसिं [च] परिपेरंतेणं पा(सए)से ठवेंति (०) निच्चला निप्फंदा तुसिणीया चिद्धंति ।
 जत्थ जत्थ ते आसा आसयंति वा जाव तुयटंति वा तत्थ तत्थ णं ते कोडुंबि-या
 बहूणि किण्हाणि य (५) कट्टकम्मणि य जाव संचाइमाणि य अजाणि य बहूणि
 च्चिख्खदियपाउग्गाणि य दब्बाणि ठवेंति तेसिं परिपेरंतेणं पासए ठवेंति २ ता
 निच्चला निप्फंदा तुसिणीया चिद्धंति । जत्थ जत्थ ते आसा आसयंति (४) तत्थ तत्थ
 [ते] णं (ते कोडुंबियपुरिसा) तेसिं बहूणं कोट्टपुडाण य अजेसिं च घाणिदियपाउग्गाणं
 दब्बाणं पुंजे य नियरे य करेति २ ता तेसिं परिपेरंते जाव चिद्धंति । जत्थ जत्थ णं ते
 आसा आसयंति ४ तत्थ तत्थ गुल्हस्स जाव अजेसिं च बहूणं जिम्भियपाउग्गाणं
 दब्बाणं पुंजे य नि(क)यरे य करेति २ ता वियरए खणंति २ ता गुल्पाणगस्स
 खंबपाणगस्स पा(पो)रपाणगस्स अजेसिं च बहूणं पाणगणं विय(रे)रए भरैति २
 ता तेसिं परिपेरंतेणं पासए ठवेंति जाव चिद्धंति । जहिं जहिं च णं ते आसा
 (आस०) तहिं तहिं च ते बहवे कोयवया (५) जाव सिलावट्टया अजाणि य फासिदि-
 यपाउग्गाई अत्युयपच्चथुयाई ठवेंति २ ता तेसिं परिपेरंतेणं जाव चिद्धंति । तए णं ते
 आसा जेणेव (ए)ते उक्लिद्धा सहाफरिसरसरुवगंधा तेणेव उवागच्छंति (०) । तत्थ णं
 अत्येगइया आसा अपुब्बा णं इमे सहफरिसरसरुवगंधा (३) तिक्कहु तेषु उक्लिद्धेसु सह-
 फरिसरसरुवगंधेषु अमुच्छया ४ तेसिं उक्लिद्धाणं सह जाव गंधाणं दूरेदूरेणं अब-
 क्कमंति [२] ते णं तत्थ पउरगोशरा पउरतणपाणिया निच्चमया निरुच्चिग्गा सुद्धं-
 हेणं विहरंति । एवामेव ममणाउसो । जो अम्हं निग्गंधो वा निग्गंधी वा सहफरिस-
 (रसरुवगंधा) जाव नो सज्जइ से णं इहलोए चेव बहूणं समयाणं ४ अज्जणिजे जाव
 वी-ईव(य)उस्सइ ॥ १३७ ॥ तए णं अत्येगइया आसा जेणेव उक्लि(द्ध)त्ता सहफरि-
 सरसरुवगंधा तेणेव उवागच्छंति २ ता तेषु उक्लिद्धेसु स(ह०)हेसु ५ सुच्छिद्या जाव
 अज्जोवव-जा आसंविउं पय(ते)ता यावि होत्था । तए णं ते आसा (एए) ते उक्लिद्धे
 स(ह)रे ५ आसेवमाणा तेहिं बहूहिं कूबेहिं य पासेहिं य गलपसु व पाएसु व
 वज्जंति । तए णं ते कोडुंबिया (एए) ते आसे गिण्हांति २ ता एगद्वियाई पोयकइये
 संचारैति २ ता तणस्स [य] कट्टस्स [य] जाव भरैति । तए णं ते संजुषा(भावा-
 भाषियमा) सुक्खिणापुकूलेणं बाएणं जेणेव गंजीर[ए] पोयपट्टये तेणेव उवागच्छंति

२ ता पोयवहणं लंबेति २ ता ते आसे उत्तारेंति २ ता जेणेव हस्त्रियसीसे नयरे जेणेव कणगकेऊ राया तेणेव उवागच्छंति २ ता करयल जाव वडावेंति (०) ते आसे उवणेंति । तए णं से कणगकेऊ (राया) तेसि संजुजावाणियगणं उस्सुक्कं विय-
रइ २ ता सक्कारेइ संमाणेइ स० २ ता पडिविसजेइ । तए णं से कणगकेऊ-कोडुंबिय-
पुसिने सदावेइ २ ता सक्कारेइ संमाणेइ स० २ ता पडिविसजेइ । तए णं से कणगकेऊ
राया आसमहए सदावेइ २ ता एवं वयासी-नुब्भे णं देवाणुप्पिया । मम आसे
विणएह । तए णं ते आगमद्दगा तहन्ति पडिसुणेंति २ ता ते आसे बहहिं मुह-
बंधेहि य कणबधेहि य नामाबंधेहि य बालबधेहि य खुरबंधेहि य कडगबंधेहि य
खलिगबंधेहि य अट्टिळा(णे)णबंधेहि य पडियाणेहि य अंकणाहि य (विलापहारेहि
य) वि(चि)त्तपहारेहि य लयप्पहारेहि य कसप्पहारेहि य छिवप्पहारेहि य विण-
यंति (०) कणगकेऊस्स रक्षा उवणेंति । तए णं से कणगकेऊ ते आममहए सक्कारेइ
२ (०) पडिविसजेइ । तए णं ते आसा बहहिं मुहबंधेहि य जाव छि(व)वापहारेहि
य बहणि सासीरमाणसा(णि)इ दुक्खाइं पावेंति । एवमेव ममणाउरसो । जो अम्हं
निग्गथो वा निग्गथी वा पव्वए समाणे इट्टेसु सइकारिभरसक्कवंधेसु मज्ज(न्ति)इ
रज्ज-इ गिज्ज-इ मुज्ज-इ अक्खोवज्ज-इ मे णं इहलोए चैव बहणं ममणा(ण य)यं
[बहणं ममणीणं] जाव सानिधा(ण य)णं हीलणिजे जाव अणुपरिय(इत्तस्स)इइ ।
[गाहा]—कलरिभियमहुरतंतीतलतालवंसकउहाभिरामेसु । सहेसु रज्जमाणा रमं-
(ती)ति सोहांदियवसइ ॥ १ ॥ सोहांदियदुहंतणस्स अह एत्तिओ हवइ दोसो ।
वीविगस्यममइतो वडबंधं तित्तिरो पत्तो ॥ २ ॥ धणञ्जहणवयणकरचरण-नयणगच्चि-
यविलासियग(ती)णसु । रूवेस्स रज्जमाणा रमंति चक्खिदियवसइ ॥ ३ ॥ चक्खिदिय-
दुहंतणस्स अह एत्तिओ ह(अ)वइ दोसो । जं जलणंमि जलंते पडइ पर्यगो अवुद्धीओ
॥ ४ ॥ अ(ग)गरवरपवरध्वणंउउयमलाणुलेबणविहीसु । मंधेसु रज्जमाणा रमंति
घाणिदियवसइ ॥ ५ ॥ घाणिदियदुहंतणस्स अह एत्तिओ हवइ दोसो । जं ओम्-
ह्दिबंधेणं विलाओ निद्धावई उरसो ॥ ६ ॥ तिणकडुयं कसायं(च) [अबिरं] महुरं बहु-
खज्जपेजलंज्जेसु । आसायंमि उ गिद्धा रमंति जिब्भियदियवसइ ॥ ७ ॥ जिब्भिय-
यदुहंतणस्स अह एत्तिओ हवइ दोसो । जं गललगुक्खित्तो फुरइ थलवि(र)रेक्खिओ
मच्छो ॥ ८ ॥ उउभयमाणसुहे(सु)हि य सविभवहिययमणनिब्बुइकरे(सु)हि । फासेसु
रज्जमाणा रमंति फासिदियवसइ ॥ ९ ॥ फासिदियदुहंतणस्स अह एत्तिओ हवइ
दोसो । जं अणइ मत्थयं कुंजरस्स ज्जेहंकुसो तिवखो ॥ १० ॥ कलरिभियमहुरतं-
तीतलतालवंसकउहाभिरामेसु । सहेसु जे न पिद्धा वसइमरणं न ते मए ॥ ११ ॥

यणज्जहणवयणकरचरणनयणगन्धियविलासियगईसु । रुवेसु जे न रत्ता वसट्टमरणं न ते मरए ॥ १२ ॥ अगस्वरपवरधूवणउउयमत्ताणुलेवणविहीसु । गंधेसु जे न गिद्धा वसट्टमरणं न ते मरए ॥ १३ ॥ तित्तकडुयं कसायं-महरं [व] बहुखज्जेणुलेज्जेसु । आसा (ए जे) यमि न गिद्धा वसट्टमरणं न ते मरए ॥ १४ ॥ उउभयमाणसुहेसु य मविभवहिययमण-निव्वुइकरेसु । फासेसु जे न गिद्धा वसट्टमरणं न ते मरए ॥ १५ ॥ सहेसु य भइयपावएसु सोयविसयं उ(व)वागएसु । तुट्टेण व रुट्टेण व समणेण सया न होयव्वं ॥ १६ ॥ रूवेसु य भइ(ग)यपावएसु चक्खुविसयं उवगएसु । तुट्टेण व रुट्टेण व समणेण सया न होयव्वं ॥ १७ ॥ गंधेसु य भइयपावएसु पाणविस(यं उ)यमुवगएसु । तुट्टेण व रुट्टेण व समणेण सया न होयव्वं ॥ १८ ॥ रसेसु य भइयपावएसु जिब्बविस-यमुवगएसु । तुट्टेण व रुट्टेण व समणेण सया न होयव्वं ॥ १९ ॥ फासेसु य भइयपावएसु कायविस-यमुवगएसु । तुट्टेण व रुट्टेण व समणेण सया न होयव्वं ॥ २० ॥ एवं खलु जंबू ! ममणेणं भगवया महावीरेणं जाव संपनेणं सत्तरमस्स नायज्जयणस्स अयमट्टे पत्ते तित्थेमि ॥ १३८ ॥ गाहाओ—जह सो कालियदीवो अणुवमनोक्खो तहेव जहधम्मो । जह आसा तह साहू वणियव्व-णुकूलकारिजणा ॥ १ ॥ जह महाइअगिद्धा पत्ता नो पामबंधणं आसा । तह विस-एसु आगिद्धा बज्जंति न कम्मणा माहू ॥ २ ॥ जह सच्छंदविहागे आसाणं तह य इह वरमुणीणं । जरमरगाटं विवच्चिव संपत्ताणंदनिव्वारणं ॥ ३ ॥ जह महाइसु गिद्धा बद्धा आसा तहेव विमयरया । पावेति कम्मबंधं परमासुहकारणं धोरं ॥ ४ ॥ जह ते कालियदीवा णीया अत्तथ दुहगणं पत्ता । तह धम्मपरिब्रमट्टा अधम्म-पत्ता इहं जीवा ॥ ५ ॥ पावेति कम्मनरवइवसया संसारवाइयालीए । आसप्पमह-एहि व नेरइयाइहि दुक्खाइं ॥ ६ ॥ सत्तरममं नायज्जयणं समत्तं ॥

जइ णं भंते ! ममणेणं सत्तरममस्स (नायज्जयणस्स) अयमट्टे पत्ते अट्टार-ममस्स के अट्टे पत्ते ? एवं खलु जंबू ! तेण कालेणं तेणं ममएणं रायगिहे नामं नयरं होत्था वण्णओ । तत्थ णं ध(७)णे नामं सत्थवाहे (परिवसइ) होत्था महा भारिया । तस्स णं ध(७)णस्स सत्थवाहस्स पुत्ता महाए अत्तया पंब सत्थवाह-दारया होत्था तंजहा-यणे धणपाले धणदेवे धणगोवे धणरक्खिए । तस्स णं धणस्स सत्थवाहस्स धूया महाए अत्तया पंबव्हं पुत्ताणं अणुमग्गा(ती)इया सुंसुमा नामं दारिया होत्था सुमालपाणिपाया । तस्स णं धणस्स सत्थवाहस्स खिलाए नामं दासचेडे होत्था अहीणपंविदियसरीरे मंसोवच्चिए बालकीलावणकुसले यावि होत्था । तए णं से दासचेडे सुंसुमाए दारियाए बालग्गाहे जाए यावि होत्था सुंसुमं दारियं

कडीए गिण्णइ २ ता बहुहिं दारएहि य दारियाहि य डिंभएहि य डिंभियाहि य
 कुमारएहि य कुमारियाहि य सद्धिं अभिरममाणे २ विहरइ । तए णं से च्चिलाए
 दासचेडे तेसिं बहूणं दारयाण य ६ अप्पेगइयाणं खुळ्ण अवहरइ एवं वट्टए आढो-
 लियाओ तिंदू(तिंदु)सए पोत्तुळ्ण साडोळ्ण, अप्पेगइयाणं आभरणमञ्जलंकारं भव-
 हरइ अप्पेगइ(या)ए आउ(रु)मइ एवं अवहमइ निच्छोडेइ निच्चच्छेइ तज्जेइ अप्पे-
 गइ-ए तालेइ । तए णं ने बहवे दारगा य ६ रोयमाणा य ५ साणं साणं अम्मापि-
 ऊणं निवेदंति । तए णं तेसिं बहूणं दारगाण य ६ अम्मापियगे जेणव धणे सत्व-
 वाहे तेणव उवागच्छंति २ ता ध(ण)णं २ बहुहिं खि(खे)ज्ज(णा)णियाहि य हंटा-
 णाहि य उ(व)पालंभणाहि य खि ज्जमाणा य हंटाणा य उ(व)वालं(मे)भमाणा य
 धणम्म [२] एयमट्ठं निवेदंति । तए णं [से] धणे २ च्चिलायं दासचेडे एयमट्ठं भुज्जे
 भुज्जे निवारं(न्ति)इ नो चेव णं च्चिलाए दासचेडे उवरमइ । तए णं से च्चिलाए दास-
 चेडे तेसिं बहूणं दारगाण य ६ अप्पेगइयाणं खुळ्ण अवहरइ जाव तालेइ । तए णं ते
 बहवे दारगा य ६ रोयमाणा य जाव अम्मापिऊणं निवेदंति । तए णं ने आनुहना ५
 जेणव धणे २ तेणव उवागच्छंति २ ता बहुहिं खिज्जणाहि (य) जाव एयमट्ठं निवे-
 (दिं)दंति । तए णं से धणे २ बहूणं दारगाणं ६ अम्मापिऊणं अंतिए एयमट्ठं सोच्चा
 आसुक्ते च्चिलायं दासचेडे उच्चावथाहिं आउमणाहि आउमइ उदंमइ नि(च्चच्छे)-
 च्चिच्छेइ निच्छेडेइ तज्जेइ उच्चावथाहिं तालणाहिं तालेइ साओ गिहाओ तच्छुभइ
 ॥ १३९ ॥ तए णं से च्चिलाए दासचेडे साओ गिहाओ निच्छेडे समाणे रायगिहं
 नयरे सिंघाड(ए)ग जाव पहेइ देवकुलेसु य मभासु य पवासु य ज्यखलएसु य
 वेसाघ(रे)एसु य पाणघरएसु य सुहंसुहेणं परिवहइ । तए णं से च्चिलाए दास-
 चेडे अणोहट्टिए अणिवारिए मच्छंदमइ सइरप्पयारी मज्ज-प्पसंगी चोच्च-प्पसंगी
 (मंस) ज्यप्पसंगी वे(सा)मप्पसंगी परदारप्पसंगी जाए यावि होत्या । तए णं
 रायगिहस्स न-यरस्स अदूरमामंते दाहिणपुरस्थिमे दि-सीभाए सीहगुहा नामं चोर-
 पत्नी होत्या विममगिरिकडगक्के(वं)लंभवसिंविट्ठा वंसीकलंकरागारपरिविखना छि-व-
 सेलविममप्पकायफरिहोवगूडा एगदुवारा अणेगखंठी विदितजण-निग्गम[६]पवेसा
 आविभतरपाणिया सुदुल्लभजलपेरंता सुबहुस्सामि कूवियबलस्स आंगयस्स दुप्पइंसा
 यावि होत्या । तस्य णं सीहगुहाए चोरपत्नीए विजए नामं चोरसेणावई परिवसइ
 अहम्मिए जाव अ(ध)हम्मकैळ समुद्रिए बहु-नगर-निग्गयजसे मुरे [२] दडप्पहारी
 साह(सी)सिए सहवेही । से णं तस्य सीहगुहाए चोरपत्नीए पंभवइ चोरसयाणं जाहे-
 वणं जाव विहरइ । तए णं से विजए तक्करे (चोर)सेणावई बहुवं चोराण य पार-

दारियाण य गंठिभेयगाण य संधिच्छेयगाण य खत्तखणगाण य राखावगारीण य
अणधारगाण य बालघायगाण य वीसभघायगाण य ज्यूकाराण य खंडरक्खाण य
अञ्जेमि च बहुणं छिन्नभिन्न(ब)बाहिराहयाणं कुडंगे यावि होत्था । तए णं से विजए
(तकरे) चोरसेणावई रायगिहस्स दाहिणपुर-त्थिमं जणवयं बहुहिं गामघाएहि य
नगरघाएहि य गो(ग)गहणेहि य वंदिग्गहणेहि य पंथकुट्टणेहि य खत्तखणणेहि य
उत्तीलेमाणे २ विद्धसेमाणे २ नित्थाणं निद्धणं करेमाणे विहरइ । तए णं से चिलाए
दामचे(डे)डए रायगिहे (णयरे) बहुहिं अत्थाभिसकीहि य चो(रा)जाभिसकीहि
य दाराभिसकीहि य ध(णि)गएहि य वृ(इ)यकरेहि य परब्भवमाणे २ रायगिहाओ
नग(री)राओ निग्गच्छइ २ ता जेणेव सीहगु(का)हा चोरपल्ली तेणेव उवागन्छइ
२ ता विजयं चोरसेणावई उवसग्जिजाणं विहरइ । तए णं से चिलाए दामचेडे
विजयस्म चारसेणावइस्स अग्गे असिल(ट्ट)ट्टिग्गाहे जाए यावि होत्था । जाहे वि
य ण से विजए चोरसेणावई गामघयं वा जाव पंथकोट्टं वा काउं वबइ ताहे वि य
णं से चिलाए दामचेडे सुवट्टं पि (हु) क्वियबलं हयमहि य जाव पडिभंहेइ [२] पुण-
रवि लद्धट्टे कयकज्ज अणट्टममग्गे सीहगुं चोरपल्ली हव्वमागच्छइ । तए ण से
विजए चोरसेणावई चिन्नायं तकरं बहु(इ)ओ चोरविजाओ य चोरमेते य चोरमा-
याओ य चोरनिगडीओ य मिक्खावइ । तए ण से विजए चोरसेणावई अजया
कया(ई)ड कालधम्मुणा सजुते यावि होत्था । तए णं ताई पंच-चोरसयाइं विजयस्म
चोरसेणावइस्स महया २ इद्धीमक्कारममुदएणं नीहग्गे करेति २ ता बहुई लोदयाईं
सयक्किच्चाईं करे(उ)न्ति २ ता जाव विगयगोया जाया चाणि होत्था । तए णं ताई पंच-
चोरसयाइं अजमलं राहावेति २ ता एवं वयासी-एवं खलु अहं देवाणुप्पिया ! विजए
चोरसेणावइं कालधम्मुणा सजुते । अयं च णं चिलाए तकरे विजएणं चोरसेणाव-
इणा बहु ओ चोरविजाओ य जाव मिक्खाविए । तं सेयं खलु अहं देवाणुप्पिया ।
चित्थायं तकरं सीहगुहाए चोरपल्लीए चोरसेणावइणाए अभिमिच्चित्तए-त्तिकहु अज-
मलस्स एयमट्टं पडिमुण्णि २ ता चित्थायं (तीए) सीहगुहाए [चोरपल्लीए] चोरसेणा-
वइणाए अभिमिच्चंति । तए णं से चिलाए चोरसेणावइं जाए अहम्मिए जाव विह-
रइ । तए णं से चिलाए चोरसेणावइं चोर-नायगे जाव कुडंगे यावि होत्था । से णं
तत्थ सीहगुहाए चोरपल्लीए पंचण्हं चोरसयाण य एवं जहा विजओ तहेव सव्वं जाव
रायगिहस्स [नयरस्स] दाहिणपुर-त्थिमिहं जणवयं जाव नित्थाणं निद्धणं करेमाणे
विहरइ ॥ १४० ॥ तए णं से चिलाए चोरसेणावइं अजया कयाइ विपुलं असणं ४
[उवसग्गटावइं] उवसग्गटावेत्ता ते पंच चोरसए आभंतेइ तओ पच्छा च्छाए ओवण-

मंडवंसि तेहिं पंचहिं चोरसएहिं सद्धि विपुल असणं ४ सुरं च मज्जं च मंसं च सीधुं च पस-अं च आमाएमाणे ४ विहरइ जिमियभुत्तुरागए ते पंच चोरसए विपुळेण ध्रुवपु-
 प्फांघमल्लाकरेणं सक्कारेइ सम्माणेइ स० २ ता एवं वयासी-एवं खलु देवाणुप्पिया ।
 रायगिहे नयरे धणे नामं सत्यवाहे अंहुं[०], तस्स णं धूया भहाए अनया पंचपहं
 पुलाणं अणुमगजाइया सुंसुमा नामं दारिया (यावि) होत्था अहीणा जाव सुब्बा, तं
 गच्छामो णं देवाणुप्पिया । धणस्स सत्यवाहस्स गिहं विलुंपामो, तुन्धं विपुळे धण-
 कणग जाव सिलप्पवाळे ममं सुंसुमा दारिया । तए णं ते पंच चोरसया चिलायस्स
 (०) पडिसुणेति । तए णं से चिलाए चोरसेणावई तेहिं पंचहिं चोरसएहिं सद्धि अळ-
 चम्म दुळ्ळइ [२] पञ्चावरपहकालममयांसि पंचहिं चोरसएहिं सद्धि स-अद्ध जाव गहि-
 गाउहपहरणा माउबगोमुहि(एहिं)फलएहि नि(क)क्किट्ठाहिं असिलट्टीहिं अंगगएहिं
 तोणेहिं म(ज)जीवेहिं धणूहिं ममुक्खिस्सत्तेहिं मरेहिं ममुक्खाठियाहिं वीहाहिं ओमारियाहिं
 उरुधंठियाहिं छिप्पतूरेहिं वज्जमाणेहिं महया २ उक्किट्टसीह-नाय(चोरकलकलगवं) जाव
 समुहरवभयं [पिच] करेमाणा सीहगुहाओ चोरपल्लीओ पडिनिक्खमंति २ ता जेणेव
 रायगिहे नयरे तेणेव उवागच्छंति २ ता रायगिहस्स अदूरसामंते एणं महं महणं
 क्षण-प्पविमंति २ ता दिवसं ग्ववेभागा चिट्ठंति । तए णं से चिलाए चोरसेणावई अद्ध-
 रत्तकालसमयांसि निसंनपडिनिं सतंसि पंचहिं चोरसएहिं सद्धि माइयगोमुहिएहिं फल-
 एहि जाव मूड(आ)याहिं उरुधंठियाहिं जेणेव रायागिह [नयरे] पुर-न्यिमिळे दुवारे
 तेणेव उवागच्छइ (०) उदग(व)वत्थि पराभुमइ (०) आयंते चोक्खे परमसु-भूए
 ताहग्घाडणिंविच्च आवाहेइ २ ता रायगिहस्स दुवारकवाळे उदएण अन्धोवेइ २
 ता कवाड विहावेइ २ ता रायगिहं अणु-पक्खिसइ २ ता महया २ सहणं उरुधोसे-
 माणे २ एवं वयासी-एवं खलु अहं देवाणुप्पिया । चिआए नामं चोरसेणावई पंचहिं
 चोरसएहिं साद्ध सीहगुहाओ चोरपल्लीओ इ()हं हव्वमागए धणस्स सत्यवाहस्स
 गिहं पाउकामे । तं(त्रो) जे णं नखियाए माउयाए दुद्धं पाउकामे से णं नि(४)गच्छउ-
 त्तिकइ जेणेव धणस्स सत्यवाहस्स गिहे तेणेव उवागच्छइ २ ता धणस्स गिहं
 विहावेइ । तए णं से धणे चिलाएणं चोरसेणावइणा पंचहिं चोरसएहिं सद्धि
 गिहं पाउज्जमाण पातइ २ ता भीए तत्थे ४ पंचहिं पुत्तेहिं साद्ध एगंतं अवक्कमइ ।
 तए णं से चिलाए चोरसेणावई धणस्स सत्यवाहस्स गिहं घाएइ २ ता सुबहुं
 धणकण(ग)गं जाव मावएणं सुंसुमं च दारियं गेहइ २ ता रायगिहाओ पडि-नि-
 न्धमइ २ ता जेणेव सीहगुहा तेणेव पदारेत्थ गममाए ॥ १४१ ॥ तए णं से धणे
 सत्यवाहे जेणेव सए गिहे तेणेव उवागच्छइ २ ता सुबहुं धणकणं सुंसुमं च दारियं

अव(ह)हारियं जाणित्ता महत्थं ३ पाहुडं गहाय जेणेव नगरगुत्तिया तेणेव उवाग-
 च्छइ २ ता तं महत्थं पाहुडं (जाव) उवणे(न्ति)इ २ ता एवं वथासी-एवं खल्ल
 देवाणुप्पिया ! चिलाए चोरसेणावइ सीइगुहाओ चोरपळीओ इहं हव्वमागम्म पंचहिं
 चोरसएहि सद्धिं मम गिहं थाएत्ता सुबहुं धणकणगं सुसुमं च दारियं गहाय जाव
 पडिगए, तं इच्छा(मो)मि णं देवाणुप्पिया ! सुंसुमा[ए] दारियाए क्वं गमित्तए,
 तु(ब्भे)ब्भं णं देवाणुप्पिया ! से विपुले धणकणगं ममं सुंसुमा दारिया । तए णं ते
 न(य)गरगुत्तिया धणस्स एयमट्ठं पडिसुणैति २ ता सच्चइ जाव गहियाउहपहरणा
 महया २ उक्किट्ठ जाव समुहरवभूयं पिव करेमाणा रायगिहाओ निगगच्छंति २ ता
 जेणेव चिलाए चारे तेणेव उवागच्छंति २ ता चिलाएणं चोरसेणावइणा सद्धिं संप-
 लग्गा यावि होत्था । तए णं [ते] नगरगुत्तिया चिलायं चोरसेणावइ हयमहि(या)य
 जाव पडिसेहंति । तए णं ते पंच-चोरसया नगर(गो)गुत्तिएहिं हयमहिय जाव पडिसे-
 हिया समाणा तं विपुलं धणकणगं विच्छ(इ)इमाणा य विपकि(ने)ग्गमाणा य सब्बओ
 समंता विपपलाइत्था । तए णं ते न-नगरगुत्तिया तं विपुल धणकणगं गेण्हंति २ ता
 जेणेव रायगिहे तेणेव उवागच्छंति । तए ण से चिलाए त चोरसे चं नेहिं न गर-
 गुत्तिएहिं हयमहिय (जाव) [०पवर]भीए [जाव] तत्थे सुसुमं दारियं गहाय एगं महं
 आ(अ)गामियं सीइमद्धं अडवि अणु-प-पविट्ठे । तए णं धणे सत्थवाहे सुंसुमं दारियं
 चिलाएणं अडवीमु(हि)हं अवहारमाणे पान्तिपाणं पंचहिं पुनेहिं सद्धिं अप्पच्छट्ठे
 सच्चइबद्ध[०] चि-अयस्स प(द)यमगविहिं (अभिगच्छात्) अणुगच्छमाणे अभिग-
 (जिमाणे)ज्जंतं हक्कारेमाणे पुकारेमाणे अभिन जेमाणे अभिनासेमाणे पिट्ठओ अणुग-
 च्छइ । तए णं से चिलाए तं धणं सत्थवाहं पचहि पुनेहिं [सद्धिं] अप्पच्छट्ठं सच्चइबद्धं
 ममणुगच्छमाणे पामइ २ ता अत्थामं ४ जाहे नो सचाएइ सुंसुमं दारियं निव्वाहिनए
 ताहं संते नंते परि(से)नेत्ते नीलुप्प[लगव]लं आगं परामुमइ २ ता सुंसुमाए दारि-
 याए उतमंगे छिंदइ २ ता तं गहाय तं आ-गामियं अडावे अणु-प-पविट्ठे । तए णं [से]
 चिलाए तीसे अगामियाए अडवीए तण्हाए [बुद्धाए] अभिभाए समाणे पम्(हु)इत्थदि-
 साभाए सीइगुहं चोरपडि असंपत्ते अंतरा चं च कालगए । एवाभेव समणाउयो ! जाव
 पचवहए समाणे इमम्म ओरालियमरीरस्स बंताभवस्स जाव विद्धंसणधम्मस्स वण्ण-
 हेउं [वा] जाव आहारं आहारेइ से णं इहलोए चं बहुणं गमणार्णं ४ हीलणिजे
 जाव अणुपरियट्ठिस्सइ जहा व से चिलाए तक्करे । तए णं से धणे सत्थवाहे पंचहिं
 पुनेहिं अप्पच्छट्ठे चिलायं [तीसे अगामियाए सब्बओ समंता] परिचाडेमाणे २
 (तण्हाए बुद्धाए य) संते नंते परित्तं नो सचाएइ चिलायं चोरसेणावइं साहसिं

निष्कृतए । से णं तओ पडिनियत्तइ २ ता जेणेव सा सुंसुमा बालि(दारि)या चिलाएणं
 जीवियाओ ववरोवि(लि)या (तेणं)तेणेव उवागच्छइ २ ना सुंसुमं दारियं चिलाएणं
 जीवियाओ ववरोविंयं पामइ २ ता परसुनिय(न्तेव)तेव्व चंपगपायवे[०] । तए णं
 से धणे सत्थवाहे (पंचहिं पु०) अप्पच्छट्ठे आसत्थे क्वमणे कंदमाणे विलवमाणे
 महया २ सहणं कु(ह)हुकु-हु(उ)स्स फुल्ले सच्चि(रं)रकालं वा(वा)ह[ए]मोक्खं
 करेइ । तए णं से धणे [सत्थवाहे] पंचहिं पुत्तेहिं अप्पच्छट्ठे चित्तायं तीसे आ-गामियाए
 मव्वओ समंता परिधाडेमा(णा)णे तण्हाए जुहाए य परि(र)त्तं(रद्धं)ते समाणे तीसे
 आगामियाए अडवीए सव्वओ समंता उदगस्स मग्गणवेसणं करे(न्ति)इ २ ना
 संते तते परिन्ते निव्व-ण्णे [समाणे] तीसे आगामियाए (अडवीए उदगस्स मग्ग-
 णवेसणं करेमाणे नो चेव णं उदगं आसादेति तए णं) उदगं अणासाएमाणे जेणेव
 सुंसुमा जीवियाओ ववरो(एलि)विया तेणेव उवागच्छइ २ ना जेत्तं पुत्तं धणे (य०)
 सहावेइ २ ना एवं वयासी-एवं खल्ल पुत्ता ! सुंसुमाए दारियाए अट्ठाए चित्तायं त्करं
 मव्वओ समंता परिधाडेमाणा तण्हाए जुहाए य अभिभूया समाणा इमांसे आगामि-
 याए अडवीए उदगस्स मग्गणवेसणं करेमाणा नो चेव णं उदगं आसादेमो । तए
 णं उदगं अणासाएमाणा नो संचाएमो रायसिहं संपावितए । तण्णे तुब्भे ममं देवा-
 णुपिया ! जीवियाओ ववरोवेह [ममं] मंसं च सोणियं च आहारेह (०) तेणं आता-
 रेणं अवाहित्ठ)यदा गमाणा तओ पच्छा इमं आगामियं अटावे निन्थाराहेह राय-
 सिहं च संपावि(हि)हह सित्त-त्ताइ(य)० अभिसमागच्छइ-हह अत्थस्स य धम्मस्स य
 पुण्यस्स य आभागी भविस्सह । तए णं से जे(उ)त्ते पुत्ते धणेणं सत्थवाहेणं एवं
 पुत्ते समाणे धणं २ एवं वयासी-तुब्भे णं ताओ ! अम्हं पिया गु(ह)रुज्जण(या)य-
 देवयभूया ठावका पइ(त्ता)त्तवका संरत्थगा सुंगोवगा । तं कळ्णं अम्हं ताओ !
 तुब्भे जीवियाओ ववरोवेमो तुब्भं णं मंसं च सोणियं च आहारेमो ? तं तुब्भे णं
 ताओ ! ममं जीवियाओ ववरोवेह मंसं च सोणियं च आहारेह आगामियं अडवि-
 न्तर[ह]ह तं चेव सव्वं भणइ जाव अत्थस्स जाव (पुण्यस्स) आभागी भवि-
 स्सह । तए णं धणं सत्थवाहं दोब्भे पुत्ते एवं वयासी-मा णं ताओ ! अम्हं जेत्तं
 भायरे गु(ह)रुदेवयं जीवियाओ ववरोवेमो, तुब्भे णं ताओ ! ममं जीवियाओ
 ववरोवेह जाव आभागी भविस्सह । एवं जाव पंचमे पुत्ते । तए णं से धणे सत्थवाहे
 पंचपुत्ताणं हियइच्छियं ज्ञापिता ते पंच पुत्ते एवं वयासी-मा णं अम्हं पुत्ता ! एग-
 मलि जीवियाओ ववरोवेमो । एतं णं सुंसुमाए दारियाए सरी(रए)रे निप्पाणे जाव
 जीवियापज्जे । तं सेयं खल्ल पुत्ता ! अम्हं सुंसुमाए दारियाए मंसं च सोणियं च

आहारेत्तए । तए णं अम्हे तेणं आहारेणं अव(र)थद्धा समाणा रायगिहं संपाउणि-
स्सामो । तए णं ते पंच-पुत्ता धणेणं सत्यवाहेणं एवं सुत्ता समाणा एयमट्ठं पडिबु-
णेति । तए णं धणे सत्यवाहे पंचहिं पुत्तेहिं मद्धिं अरणिं करेइ २ ता सरणं (च)
करेइ २ ता सरएणं अरणिं महेइ २ ता अरिं पाडेइ २ ता अरिं संयुक्खेइ २ ता
दाहया(ति)इं प(रि)क्खेवे)क्खिवइ २ ता अरिं पज्जाळेइ २ ता सुंसुमाए दारियाए
मंसं च (पइत्ता) सोणियं च आहारे(न्ति)इ । तेणं आहारेणं अव थद्धा समाणा राय-
गिहं नय(रिं)रं संपत्ता मित्त-ना(इ इनियगं० अभिमम-न्नागया तस्स य विउलस्स
धणकणगरयण जाव आभागी जाया(वि होत्था) । तए णं मे धणे सत्यवाहे सुंसुमाए
दारियाए बहूइं लोइयाइं [मयक्खिच्छाडं] जाव विगयसोए जाए यावि होत्था ॥ १४२ ॥
तेणं कालेणं तेण समएणं समणे भगवं महावीरे गुणमित्ते उज्जाणे समोमडे । (न)
तए णं धणे सत्यवाहे सपु(संप)ते धम्मं सोत्ता पच्चइए एक्कारसंगवी मासियाए
संलेहणाए सोइम्मं उवव(ण्णा)जं महाविदेहे वासे सिज्जिहिं । जहा वि य णं जंबू !
धणेणं सत्यवाहेणं नो वण्णहेउं वा नो रूवहेउं वा नो बउहेउं वा नो विमयहेउं
वा सुंसुमाए दारियाए संममोणिए आहारिए नत्तथ एगाए रायगिहं संपावणट्टयाए
एवामेव समणाउमो । जो अम्हं निग्गंथो वा निग्गंथी वा उयस्स आंगलियमरी-
रस्स वंतामवस्स पितामवस्स सुक्कामवस्स गोणियामवस्स जाव अवम(सं)माविप्प-
जहियच्चवस्स नो वण्णहेउं वा नो रूवहेउं वा नो बउहेउं वा नो विमयहेउं वा
आहारं आहारेइ नत्तथ एगाए सिद्धिममणसंपावणट्टयाए से णं इह-भवं चेव बहूणं
समणागं बहूणं समणीणं बहूणं मावथागं बहूणं मावियाणं अञ्जणिज्जे जाव नीइध-
इरुसइ । एवं खल्लु जंबू ! समणेणं भगवथा महावीरेणं जाव संपत्तेमं अट्टारसमं
(णावज्जयारस्स) अयमट्ठे प-ज्जते तं बंसि ॥ १४३ ॥ **गाहावो**—जह सो चित्त-
इपुत्तो सुंसुमागद्धो अकज्जपडिबद्धो । धणवारद्धो पत्तो महाउवि वमणसयकलियं
॥ १ ॥ तह जीवो विसयमुहे लुद्धो काऊण पावकरियाअं । कम्मवसेणं पावइ भवा-
डवीए महाउक्खं ॥ २ ॥ धणमेट्ठी—जव गुरुणो पुत्ता इव साहवो भवो अडवी ।
सुयमंसमिवादारो रायगिहं इह सिवं नेयं ॥ ३ ॥ जह अडविनयरणित्थरणपावणत्थं
तएहिं सुयमंसं । भुत्तं तंहेह साह गुरुण आणाए आहारं ॥ ४ ॥ भवलेधणसिधपाव-
णहेउं भुंजं(भुज्ज)ति ण उण गेहीए । वण्णबलरूवहेउं च भावियप्पा महासत्ता ॥५॥
अट्टारसमं नायज्जयणं समत्तं ॥

जइ णं भंते । समणेणं० अट्टारसमस्स नायज्जयणस्स अयमट्ठे प-ज्जते एणवीस-
इमस्स (०) के अट्ठे पज्जते ? एवं खल्लु जंबू ! तेणं कालेणं तेणं समएणं इहेव जंबुवी

बीचे पुक्वविदेहे सीयाए महान-ईए उत्तरिह्ने कूळे नीलवंतस्स दाहिणेणं उत्तरिह्णस्स सीयापुद्दवणसंडस्स प(च्छि)त्थिमेणं एगसेलगस्स वक्खारपव्वयस्स पुर-त्थिमेणं एव णं पुक्वत्तावई नामं विजए प-अने । तत्थ णं पुंडरिगिणी नामं रायहाणी पञ्जता नव ज्ञेयणवि-त्थिष्णा दुवाल्लस ज्ञेयणायामा जाव पञ्चस्सं देवलो(य)गभूया पासाईया दरिमणीया अभिरूवा पडिरूवा । तीसे णं पुंडरिगिणीए नयरीए उत्तरपुर त्थिमे दि-सीभाए नलिषिवणे नामं उज्जाणे होत्था (वण्णओ) । तत्थ णं पुंडरिगिणीए राय-हाणीए महापउमे नामं राया होत्था । तस्स णं पउमावई नामं देवी होत्था । तस्स णं महापउमस्स रत्तो पुत्ता पउमावईए देवीए अत्तया दुवे कुमारा होत्था तं जहा-पुंडरीए य कंडरीए य सुक्कमालपाणिपाया[०] । पुंडरीए जुवराया । तेणं कालेणं तेणं समणं (धम्मघोसा थेरा पंचहिं अणगारमएहिं मदिं सं० पुव्वाणुपुक्वि चरमाणा जाव ण० उज्जाणे तेणेव स०) थेरागमणं महापउमे राया निग्गए धम्मं सोच्चा पुं(पों)डरीयं गजे ठवेत्ता पव्वइए पुंडरीए राया जाए कंडरीए जुवराया । महापउमे अणगारे चोहम-पुव्वाइं अहिज्जइ । तए णं थेरा बहिया जणवयविहारं विहरंति । तए णं मे महापउमे बहूणि वासाणि जाव सिद्धे ॥ १४४ ॥ तए णं थेरा अत्तया कयाइ पुणरवि पुंडरिगिणीए रायहाणीए नलिषवणे उज्जाणे भजोमहा । पुं-डरीए राया निग्गए । कंडरीए महाजणसहं सोच्चा जहा म(हव)हाबलो जाव पञ्जवामइ । थेरा धम्मं परिकहेति पुंडरीए समणोवामए जाए जाव पडिगाए । तए णं कंडरीए उट्टाए उट्टेइ २ ता जाव से जहेयं तुम्मे वयहं जं नवरं पुंडरीयं रायं आपुच्छामि तए णं जाव पव्वयामि । अइसुहं देवाणुप्पिया ! । तए णं से कंडरीए जाव थेरे वद्धं नमंसाइ वं० २ ता [थेराणं] अंतियाओ पडिनिक्खमइ २ ता तमेव चाउ[३]घटं आसरहं दुस्स-हइ जाव पञ्चोहइ जेणेव पुंडरीए राया तेणेव उवागच्छइ (०) करयल जाव पुंड-रीयं [रायं] एवं वयासी-एवं खलु (देवा० !) मए थेराणं अतिए (जाव) धम्मं निसंवे से धम्मं अभिरुए । तए णं (देवा० !) जाव पव्वइतए । तए णं से पुंडरीए कंडरीयं एव वयासी—मा णं तुमं भाउ(देवाणुप्पि)या ! इ(दा)याणि सुंढे जाव पव्वयाहि, अहं णं तुमं म(हया २)हारायाभिसेएणं अभिमि(चया)चामि । तए णं से कंडरीए पुंडरीयस्त रत्तो एयमट्ठं नो आत्ताइ जाव तुस्तिणीए सच्चिद्धइ । तए णं पुंडरीए राया कंडरीयं दोच्छं पि तच्छं पि एवं वयासी जाव तुस्तिणीए सच्चिद्धइ । तए णं पुंडरीए कंडरीयं कुमारं जाहे नो संचाएइ बहूहिं आघवणा(हिं)हिं य प-ञ्चवणाहिं य ४ ताहे अकामए चेव एयमट्ठं अणुमंजित्था जाव निक्खमणाभिसेएणं अभिमिचइ जाव थेराणं सीसभिवच्चं दलवइ पव्वइए अणगारे जाए एक्खारसंग-वी । तए णं थेरा

भगवंतो अन्नया कया-इ पुंड(री)रिमिणीओ नयरीओ नलि(णी)णिवणाओ उज्जाणाओ पडि-निक्खमंति २ ता बहिया जणवयविहारं विहरंति ॥ १४५ ॥ तए णं तस्स कंडरीयस्स अणगारस्स तेहिं अंतोहि य पंतोहि य जहा सेलगस्स जाव दाहवक्कं-तीए यावि विहरइ । तए ण थेरा अन्नया कया(इ)इ जेणेव पोंडरिगिणी तेणेव उवागच्छ(इ)न्ति २ ता नलि(णि)णीवणे सनोसडा । पुंडरीए निगए धम्मं सुणेइ । तए णं पुंडरीए राया धम्मं सोच्चा जेणेव कंडरीए अणगारे तेणेव उवागच्छइ २ ता कंडरीयं वंदइ नमंसइ वं० २ ता कंडरीयस्स अणगारस्स सररीरं सव्वाबाहं सरो(यं)गं पासइ २ ता जेणेव थेरा भगवंतो तेणेव उवागच्छइ २ ता थेरे भगवंते वंदइ नमंसइ वं० २ ता एवं वयासी-अहणं भंते ' कंडरीयस्स अणगारस्स अहापवणेहिं ओसह-मेमजेहिं जाव तिगि(तेइ)च्छं आ(उहा)उंटासि, तं तुब्भे णं भंते ! मम जाणमालासु समोसरह । तए णं थेग भगवंतो पुंडरीयस्स पडिमणेति (०) जाव उवसपाज्जनाणं विहरंति । तए णं पुंडरीए (राया) जहा मंडुए सेलगस्स जाव बलिंयसरीरे जाए । तए णं थेरा भगवंतो पुंडरीयं रायं [आ]पुच्छंति २ ता बहिया जणवयविहारं विहरंति । तए णं से कंडरीए ताओ रोयायकाओ विप्पमुक्के समणे नसि मणु-भंसि असण-पाणखाडमसाइमंसि मुच्छिण गिंइ गडिए अज्जोववन्ने नो सचाएइ पुंडरीयं आपुच्छिना बहिया अब्भुज्जएणं (जणवयविहारं) जाव विहरिणए तन्थेव ओमन्ने जाए । तए णं से पुंडरीए इमंसि क्हाए लद्धे समणे श्हाए अंते उरपरियात्सपरिवुद्धे जेणेव कंडरीए अणगारे तेणेव उवागच्छइ २ ता कंडरीयं तिक्खुतो आयाहि(णं)ण-पयाहिणं करेइ २ ता वंदइ नमंसइ वं० २ ता एवं वयासी-धञ्जेसि ण तुमं देवाणुपिया ! कयत्थे कयपुण्णे कयलवखणे, सुलद्धे ण देवाणुपिया ! तव माणु-स्सए जम्मजीवियफले जे णं तुमं रज्जं च जाव अते उर न [वि]ज्ज(इइ)त्तेना विगो-वडता जाव पव्वडाए, अहणं अहन्ने [अपुण्णं] अकयपुण्णे रज्जं [य] जाव अंतउरे य माणुस्सएण य कामभोगेसु मुच्छिण जाव अज्जोववन्ने नो सचाएसि जाव पव्वडनाए, तं धञ्जेसि णं तुमं देवाणुपिया ! जाव जीवियफले । तए णं से कंडरीए अणगारे पुंडरीयस्स एयमट्ठं नो आत्ताइ जाव संचिट्ठइ । तए णं से कंडरीए पोंडरीएणं दोच्चपि तच्चंपि एवं वुत्ते समणे अकामए अब्भ(स्)सवसे लज्जाए गारवेण य पुंडरीयं (रायं) आपुच्छइ २ ता थेरोहिं सद्धिं बहिया जणवयविहारं विहरइ । तए णं से कंडरीए थेरोहिं स्सद्धिं कं(किं)त्ति काले उमांउगणं विह(रति)सिता तओ पच्छा समणत्तणपरितंते समणत्तण-नंजिवि(०)णं समणत्तण-निब्भ(त्ति)च्छिणए समणपुणमुक्कजोगी थेराणं अंतियाओ सणियं २ पच्चोसकइ २ ता जेणेव पुंडरिगिणी

नयरी जेणेव पुंडरीयस्स भवणे तेणेव उवागच्छइ २ ता असोगवणियाए असोगवर-
पायवस्स अहे पुढविस्सिलापट्टमंसि निसीयइ २ ता ओहयमणसंकप्पे जाव झियाय-
माणे संचिद्धइ । तए णं तस्स पोंडरीयस्स अंब(अम्म)धाई जेणेव असोगवणिया
तेणेव उवागच्छइ २ ता कंडरीयं अणगारं असोगवरपायवस्स अहे पुढविस्सिला(ब)-
पट्ट-मंसि ओहयमणसंकप्पं जाव झियायमाणं पासइ २ ता जेणेव पुं-डरीए राया तेणेव
उवागच्छइ २ ता पुं-डरीयं रायं एवं वयासी-एवं खलु देवाणुप्पिया । तव पि(उ)य-
भाउए कंडरीए अणगारे असोगवणियाए असोगवरपायवस्स अहे पुढविस्सिला-पट्टे
ओहयमणसंकप्पे जाव झियायइ । तए णं [से] पुं-डरीए अम्मधा(इ)इए एयमट्टं सोच्चा
निम्मम तहेव संभंतं समाणे उट्टाए उट्टइ २ ता अतेउरपरियालसंपरिवुडे जेणेव
असागवणिया जाव कंडरीयं तिकखुणो (०) एवं वयासी-व-भेसि णं तुमं देवाणुप्पिया ।
जाव पव्वइए, अहं णं अध-भे [२] जाव [अ]पव्वइए, तं धकेसि णं तुमं देवाणु-
प्पिया । जाव जीवियफले । तए णं कंडरीए पुंडरीएणं एवं युणे समाणे तुस्सिणीए
सचिद्धइ दोब्बपि तच्चपि जाव चिद्धइ । तए णं पुंडरीए कंडरीयं एवं वयासी-अट्टो
भंते । भोगहिं ? हंता [१] अट्टो । तए णं से पुं-डरीए राया कोट्टुंविद्यपुरिमे सहावेइ २
ता एवं वयासी-वि-पामेव भो देवाणुप्पिया । कंडरीयस्स महत्थं जाव रायाभिसे-
(अ)णं उवट्टवेह जाव रायाभिसेणं अमिस्सिइ ॥ १४७ ॥ तए णं [से] पुंडरीए
सयमेव पंचमुट्टयं त्रयं करेइ सयमेव चाउज्जामं धम्मं पडिवज्जइ २ ता कंडरी-
यस्स संतियं आहारभंड(य)ग गेण्हइ २ ता इमं एयाख्वं आभगहं अभिगिण्हइ-
कपइ मे थेरे वंदित्ता नमंस्सित्ता थेराणं अंतिए चाउज्जामं धम्मं उवसेपज्जिणाणं
तओ पच्छा आहारं आहारिणए-त्तिकडु इमं (च) एयाख्वं अभिगहं अभिगि(ण्हे)-
ण्हिणाणं पुं-ड-रिगिणी(ए)ओ पडिनिक्खमइ २ ता पुब्बाणुपुर्वि चरमाणे गामाणुगामं
दुद्धज्जमाणं [जेणेव] थेरा भगवंतो तेणेव पहारेत्थं गमणाए ॥ १४८ ॥ तए णं
तस्स कंडरीयस्स र-जो तं पणीयं पाणभोयणं आहारियस्स समाणस्स अइजाग(रि)-
राएणं य अइभोयणपसंगेणं य से आहारे नो सम्मं परिण(मइ)ए । तए णं तस्स
कंडरीयस्स र-जो नंसि आहारंसि अपरिणममाणंसि पुब्बरत्तावरत्तकालसमयंसि
यरी(रं)रगंसि वेयणा पाउन्भूया उज्जला विउला पगगडा जाव दुरहियासा पित्तज्ज-
रपरंगयसरीरे दाहवक्कतीए यावि विहरइ । तए णं से कंडरीए राया रजे य रट्टे
य अनंतरे य जाव अज्जोववणे अट्टुहुट्टवसट्टे अकामए अव-सवसे कालमासे कालं
विच्चा अहे सत्तमाए पुढवीए लकोलकालद्धियंसि नरबंसि नेरइयत्ताए उवव-भे ।
एशमेव समणालसो । जाव पव्वइए समाणे पुणरवि माणुस्सए कामभो(गे)ए आसा-

(इए)एइ जाव अणुपरियहिस्सइ जहा व से कंडरीए राया ॥ १४८ ॥ तए णं से पुंडरीए अणगारे जेणेव थेरा भगवंतो तेणेव उवागच्छइ २ ता थेरे भगवंते वंदइ नमंसइ वं० २ ता थेराणं अंतिए दोब्बंपि चाउज्जां धम्मं पडिबज्जइ छट्ठि[क]खमणपारण- गंति पउमाए पोरीसीए सज्जायं करेइ २ ता जाव अट्ठमाणे सीयलुक्खं पाणभोयणं पडिगाहेइ २ ता अहायज्जमितिऋट्टु पडि-निय(त्त)त्तेइ जेणेव थेरा भगवंतो तेणेव उवागच्छइ २ ता भत्तपाणं पडिदंसेइ २ ता थेरेहिं भगवंतेहिं अब्भणुष्ठाए समाणे वधुच्छिइ ४ विलमिव पञ्जगभूएणं अप्पाणेणं तं फासुएमणिज्ज असण ४ सरीरको- ट्ठगंमि पक्खिवइ । तए णं तस्स पुंडरीयस्स अणगारस्स तं कालाइक्कं अरसं विरसं सीयलुक्खं पाणभोयणं आहारियस्स समाणस्स पुव्वरत्तावरत्तकालसमयंमि धम्म- जागरिय जागरमाणस्स से आहारे नो सम्मं परिणमइ । तए णं तस्स पुंडरीयस्स अणगारस्स सरीरगंमि वेयणा पाठब्भूया उज्जन्ता जाव दुरहियामा पित्तज्जरपरिगय- सरीरे दाहवक्कंतीए विहरइ । तए णं से पुंडरीए अणगारे अत्यामे अबले अवीरिए अपुरसकारपरक्कमे करयल जाव एवं वयासी-नमो-त्सु ण अ(गि)रहंतणं [भगवंताणं] जाव सपत्ताणं । नमो-त्सु णं थेराणं भगवंताणं मम धम्माथरियाणं धम्मोवाग्मयाणं । पुब्बि पि य णं मए थेराणं अंतिए मच्चे पाणाइवाए पच्चक्खाए जाव भिच्छादमण- मत्ते (णं) पच्चक्खाए जाव आलोदयपडिक्कंते कालमासे कालं किच्चा मत्त्वट्ठमिद्वे उव- वत्ते । तत्रो अणंतरं उव्वट्ठिता महाविदेहे वासे मिज्झाहिइ जाव सव्वदुक्खाणमंतं काहिइ । एवाभेव समणाउमो । जाव पव्वइए समाणे माणुस्सएहिं कामभोगहिं नो सज्जइ नो रज्जइ जाव नो विप्पडिघायमावज्जट्ठ से णं उहभवं चेव बहुणं समयाणं बहुणं समणीणं बहुणं माव(या)गाणं बहुणं मावियाणं अब्भणिज्जे वंदणिज्जे पूयणिज्जे सकारणिज्जे सम्माणणिज्जे कळाणं मंगलं देवयं चेइयं पज्जुवासणिज्जे-त्तिकट्टु परलोए वि य ण नो आगच्छइ बहुणि दंडणाणि य मुंडणाणि य तज्जणाणि य ता(ड)ळ- णाणि य जाव चाउरंतं संसारकंतारं जाव वीह्वइस्सइ जहा व से पुंडरीए अणगारे ४ एवं खलु जंजू । समणेणं भगवया महावीरेणं आ(दि)इगरेणं तित्थगरेणं [सयंसंबुद्धेणं] जाव सिद्धिगइ-नामधंजं ठाणं संपत्तेणं एगूणवीसइमस्स नायज्जसयणस्स अयमट्ठु पक्कंत्तं । एवं खलु अंतु । समणेणं भगवया महावीरेणं जाव सिद्धिगइ-नामधंजं ठाणं संपत्तेणं छट्ठस्स अंगस्स पत्तमस्स सुयक्खंधस्स अयमट्ठे पक्कंत्तं ति बेमि । तस्स णं सुयक्खंधस्स एगूणवीसं अज्जसयणाणि ए(क्क)गासरगाणि एगूणवीसाए दिवसेसु सम- प्पंति ॥ १८९ ॥ गाहाउ—नामसइस्स पि जइ काऊणं संबमं सुविउलं पि । अंतं किलिद्धभाबो न निमुज्जइ कंडरीउव्व ॥ १ ॥ अप्पेण वि काऊणं केइ अहा-

गहियसीलमामण्णा । साहित्ति निययकज्जं पुंडरीयमहारिसिख्व जहा ॥ २ ॥
एगुणवीसइमं अज्झयणं समत्तं ॥ नायाधम्मकहाणं पढमो सुय-
क्खंथो समत्तो ॥

तेणं कालेणं तेणं समएणं रायगिहे नामं नयरे होत्था वण्णओ । तस्स णं रायगिहस्स [नयरस्स] बहिया उत्तरपुर-स्थिमे दि-सीभाए तत्थ णं गुण(सी)सिलए नामं उज्जाणं होत्था वण्णओ । तेणं कालेणं तेणं समएणं समणस्स भगवओ महा-
चीरस्स अंतेवासी अज्जसुहम्ममा नामं घेरा भगवंतो जाइसंपत्ता कुल्लसंपत्ता जाव चो(चउ)इमपुळ्वी चउ नाणोवगया पंचहिं अणगारस्सएहिं मद्धि संपरिवुडा पुव्वाणु-
पुथ्वि चरमाणा गामाणुगामं द्(दु)डज्जमाणा सुहंसुहेणं विहरमाणा जेणेव रायगिहे नयरे जेणव गुण-सिलए उज्जाणे जाव संजमेणं तवसा अप्पाणं भावेमाणा विहरंति ।
परिसा निग्गया धम्मो कहिओ परिसा जामेव दि(सं)सिं पाउब्भूया तामेव दिसि पडिगया । तेणं कालेणं तेणं समएणं अज्जसुहम्मस्स (अणगारस्स) अनेवासी अज्जजंबू नाम अणगारे जाव पज्जुवासमाणे एवं वयासी-जइ णं भंते । समणेणं (३) जाव सपत्तेणं छट्ठस्स अंगस्स पढम[स्स] सुयक्खंधस्स ना(यत्तु)याण अयमट्ठे पत्तते दोक्खस्स णं भते । सुयक्खंधस्स धम्मकहाणं समणेणं० के अट्ठे पत्तते ? एवं खलु जंबू ! समणेणं० धम्मकहाणं दस वग्गा पत्तता तंजहा-चमरस्स अग्गमहिंसीणं पढमे वग्गे, बालिस्स बइरोयणिदस्स वट्ठोयणरओ अग्गमहिंसीणं बीए वग्गे, अमु-
रिदवाज्जयाणं दाहिणिल्लानं इंदाणं अग्गमहिंसीणं त(इ)ईए वग्गे, उत्तरिल्लानं अमु-
रिदवाज्जयाणं भवगवासिइंदाणं अग्गमहिंसीणं चउत्थे वग्गे, दाहिणिल्लानं वाणमं-
तराणं इंदाणं अग्गमहिंसीणं पंचमे वग्गे, उत्तरिल्लानं वाणमंतराणं इंदाणं अग्ग-
महिंसीणं छट्ठे वग्गे, चंदस्स अग्गमहिंसीणं सत्तमे वग्गे, सरस्स अग्गमहिंसीणं अट्ठमे वग्गे, सकस्स अग्गमहिंसीणं नवमे वग्गे, ईसाणस्स [य] अग्गमहिंसीणं दसमे वग्गे । जइ णं भंते । समणेणं० धम्मकहाणं दस वग्गा पत्तता पढमस्स णं भंते ! वग्गस्स समणेणं० के अट्ठे पत्तते ? एवं खलु जंबू ! समणेणं० पढमस्स वग्गस्स पंच अज्जयणा प-ज्जता तंजहा-काली राई रयणी बिज्जू मेहा । जइ णं भंते । समणेणं० पढमस्स वग्गस्स पंच अज्जयणा पत्तता पढमस्स णं भंते । अज्जयणस्स समणेणं० के अट्ठे पत्तते ? एवं खलु जंबू ! तेणं कालेणं तेणं समएणं रायगिहे नयरे गुण-सिलए उज्जाणे सेणिए राया च(ल)ल्लणा देवी सामी समोस-
(रिए)दे परिसा निग्गया जाव परिसा पज्जुवासइ । तेणं कालेणं तेणं समएणं क्खळी (नामं) देवी चमरबंधाए रायहाणीए कालव-डेंसगभवणे क्खलंसि सीहासणंसि चउहिं

सामान्यसाहस्त्रीहि चउहि मयहरियाहि सपारेवाराहि तिहि परिसाहि सप्तहि
अणिएहि सप्तहि अणियाद्विवईहि सोलसहि आयरक्खदेवसाहस्त्रीहि अजे(हि)हि य
ब(हुएहि य)हृदि कालवडिसयभवणवासीहि असुरकुमारेहि देवेहि देवीहि य सद्धि
संपरिवुजा महयाहय जाव विहरइ इमं च णं केवलकप्प जंबुदीवं २ विउलेणं ओहिणा
आभोएमाणी २ पासइ ए(त)त्थ समणं भगवं महावीरं जंबुदीवं दीवे भारहे वासे
रायगिहे न-यरे गुणसिलए उजाणे अहापच्छिस्वं उग्गहं ओगि(उगि)ण्हिता संजमेणं
नवसा अप्पाणं भावेमाणं पासइ २ ता इद्धनुद्धचित्तमाणंदिया पीडमणा जाव (हय)-
हियया सीहासणाओं अन्भुट्टेइ २ ता पायपीठाओ पच्चोहइ २ ता पाउया ओमुयइ
२ ता तिन्थगराभिसुही सत्तद्ध पयाइं अणुमच्छइ २ ता वामं जाणुं अचेइ २ ता
दाहिणं जाणुं धरणियलंसि निहट्टु तिक्खुत्तो मुद्धाणं धरणियलंसि निवेसेइ (०) ईसि
पच्च-न्नमइ २ ता कइ(य)गनुद्धियर्थंभियाओ भुयाओ साहरट २ ता करयल जाव कइ
एवं वयासी-नमो-त्थु णं अरहंताणं (भगवंताण) जाव संपत्ताणं । नमो-त्थु णं समगस्म
भगवओ महावीरस्स जाव संपाविउकामस्स । वंदासि णं भगवंतं नत्थगयं इहग(ए)-
या पानउ मे समणे ३ नत्थ-गए इह-गयं-तिकइ वंदइ नमंसइ वं० २ ता सीहा-
सणावरंसि पुरत्थाभिसुहा निमण्णा । तए णं तीस कालीए देवीए इमेयाएवे जाव
समुप्पजित्था [तंजहा]-सेयं खलु मे समणं ३ वंदिता जाव पच्चवासिणए-तिकइ
एवं संपेहेइ २ ता आभिओगि(ए)या दे(वे)वा सहावेइ २ ता एव वयासी-एवं खलु
देवाणुपया । समणे ३ एवं जहा सू-रियाओ तहेव आणत्तियं देइ जाव दिव्वं सुर
वराभिगमणजोमं करेइ २ ता जाव पच्चपिणह । तेवि तहेव करेत्ता जाव पच्चपि-
णंति । नवरं जोयणत्तहस्मवि-त्थिण्णं जाणं सेसं तहेव । तहेव नामगोयं साहेइ तहेव
नट्टविहि उवदंसइ जाव पडिगया । भंते त्ति भगवं गोयमे समणं ३ वदइ नमंसइ
वं० २ ता एवं वयासी-का(लि)लीए णं भंते ! देवीए मा दिव्वा देविष्ठी ३ कहिं
गया ? कूडागारमान्नादिह्ठेणे । अहो णं भंते ! काली देवी महिष्ठिया [३] । का-लीए
णं भंते । देवीए सा दिव्वा देविष्ठी ३ कि-न्ना लद्धा कि-न्ना पत्ता कि णा अभिसम-आ-
गया ! एव जहा सूरियाभस्स जाव एवं खलु गोयमा ! तेणं कालेणं तेणं समएणं
इहेव जंबुदीवं २ भारहं वासे आमलकप्पा नामं नयरी ह्योत्था वण्णओ । अंबसा-
लवणे उजाणे । जियसण्ण राया । नत्थ णं आमलकप्पाए नयरीए काळे नामं गाहा-
वई होत्था अद्ध जाव अपरिभाए । तस्स णं कालस्स गाहावदस्स कालसिरी नामं
भारिया होत्था सुकुमाल(पाणिपाया) जाव सुक्खा । तस्स णं काल(ग)स्स गाहाव-
इस्स भूया कालसिरीए भारियाए अन्नाया काली नामं दारिया होत्था कडा वडुकुमारी

जुष्णा जुष्णकुमारी पडियपुयत्थणी निम्बि-ण्णवरा वरपरिवडिया वि होत्या । तेणं कालेणं तेणं समणं पासे अरहा पुरिसादाणीए आइगरे जहा बद्धमाणसामी नवरं नवहृत्युस्सेहे सोलसहिं समणसाहस्सीहिं अट्टणीमाए अज्जियासाहस्सीहिं सदिं संप-
 रित्ठुडे जाव अंबसालवणे समोसडे । परिमा निग्गया जाव पज्जुवामइ । तए णं सा काली दारिया इमीसे कहाए लद्धटा समाणा हट्ट जाव हियया जेणंव अम्मापियरो तेणंव उवागच्छइ २ ता करयल जाव एवं वयासी-एवं खलु अम्मयाओ ! पासे अरहा पुरिसादाणीए आइगरे जाव विहरइ, तं इच्छामि णं अम्मयाओ ! तुच्चेहिं अब्भणुत्ताया समाणी पामस्स [णं] अरहओ पुरिसादाणीयस्स पायवंदिया गमिमाए । अहान्हं देवाणुप्पिया ! मा पडिबंधं करेहि । तए णं मा का(लिया)की दारिया अम्मापिईहिं अब्भणुत्ताया समाणी हट्ट जाव हियया ण्हाया गुद्ध(प)पावेसाई मंगळाई बत्थाई पवर-परिहिया अप्पमहइयाभरणालं कियसरीरा चेडियाचक्कवान्परिकिष्णा साओ गिहाओ पडि-निकखमइ २ ता जेणंव बाहिरिया उवट्टाणमाला जेणंव धम्मिए जाणप्पवरे तेणंव उवागच्छइ २ ता धम्मियं जाणपवरं दुरुटा । तए णं मा काली दारिया धम्मियं जाण[ण]पवरं एवं जहा दोवई (जाव) तहा पज्जुवासइ । तए णं पासे अरहा पुरिसादाणीए कालीए दारियाए तीसे य महइमहा(ल)त्थियाए परिसाए धम्मं कहेइ । तए णं सा काली दारिया पामस्स अरहओ पुरिसादाणीयस्स अंतिए धम्मं सोच्चा निसम्म हट्ट जाव हियया पासे अरहं पुरिसादाणीयं तिव्वुतो वंदइ नमंसइ वं० २ ता एवं वयासी-मह्हामि णं भंते ! निग्गंथं पावयणं जाव से जहेयं तुच्चे वयइ जं नवरं देवाणुप्पिया ! अम्मापियरो आपुच्छामि तए णं अहं देवाणु-
 प्पियाणं अंतिए जाव पव्वयामि । अहान्हं देवाणुप्पिए । । तए णं सा काली दारिया पासेणं अरहया पुरिसादाणीएणं एवं वुत्ता समाणी हट्ट जाव हियया पासे अरहं वंदइ नमंसइ वं० २ ता तमेव धम्मियं जाणप्पवरं दु-रुद्धइ २ ता पासस्स अरहओ पुरिसादाणीयस्स अंतियाओ अंबसालवणाओ उज्जाणाओ पडि-निकखमइ २ ता जेणंव आमलकप्पा नयरी तेणंव उवागच्छइ २ ता आमलकप्पं नयरीं मज्झंमज्जेणं जेणंव बाहिरिया उवट्टाणमाला तेणंव उवागच्छइ २ ता धम्मियं जाण पवरं ठवेइ २ ता धम्मियाओ जाणप्पवराओ पच्चोद्धइ २ ता जेणंव अम्मापियरो तेणंव उवा-
 गच्छइ २ ता करयल[परिग्गहियं] जाव एवं वयासी-एवं खलु अम्मयाओ ! मए पायस्स अरहओ अंतिए धम्मो निसंते, से वि य धम्मो इच्छिए पडिच्छिए अभि-
 रुए, तए णं अहं अम्मयाओ ! संसारअ उव्विग्गा भीया जम्भणमरवाणं इच्छामि णं तुच्चेहिं अब्भणुत्ताया समाणी पासस्स अरहओ अंतिए सुंदा भविता जा-वा-

राओ अणगारियं पव्वइत्तए । अहासुहं देवाणुप्पि-ए ! मा पडिबंथं करे-हि । तए णं
 छे काले गाहावर्दे वि उल्ल असणं ४ उवक्खवावेइ २ ता मित्त-नाइ-नियगसयणसंबंधि-
 परियणं आमंनेइ २ ता तओ पच्छा ण्हाए विपुल्लेणं पुप्फवत्थगंधमल्लालंकारेणं
 सकारे(त्ता)इ सम्माणे-इ [२] तस्सेव मित्त-नाइ-नियगसयणमबंधिपरियणस्स पुरओ
 कालियं दारियं सेयापीएहिं कलसेहिं ण्हावेइ २ ता सव्वालंकारविभूसियं करेइ २
 ता पुरिससहस्सवाहि(णीयं)णि सीयं दु-रूहेइ २ ता मित्त-नाइ-नियगसयणसंबंधिपरि-
 यणेणं मद्धि संपरिचु(डा)डे सव्विबद्धीए जाव रवेणं आमलरूपं नयारं मज्झंमज्झेणं
 निगगच्छइ २ ता जेणेव अबमालवणे उज्जाणे नेणेव उवागच्छइ २ ता छत्ताइए
 तित्थगराड(म्)ण पासइ २ ता सीयं ठा-वेइ २ ता [कालियं दारियं सीयाओ पबोहइ ।
 तए णं तं] कालियं दारियं अम्मापियगे पुरओ काउं जेणेव पासे अरहा पुरिसादा-
 णीए नेणेव उवागच्छ(इ)न्ति २ ता वद-न्ति नमंस-न्ति विं० २ ता एवं वयासी-
 एवं खल देवाणुप्पिया ! काली दारिया अम्हं धूया उट्ठा कंता जाव किमंग पुण पामण-
 याए ? एम णं देवाणुप्पिया ! संसारमउच्चिग्गा इच्छइ देवाणुप्पियाण अतिग मुंडा
 भवित्ता (मं) जाव पव्वइत्तए, तं एवं णं देवाणुप्पियाणं सिस्मिणिभिक्खं दलयामो,
 पडि-च्छंतु णं देवाणुप्पिया ! सिस्मिणिभिक्खं । अहासुहं देवाणुप्पिया ! मा पडिबंथं
 (करेइ) । तए ण [ना] काली कुमारी पामं अरहं वंदइ नमंसइ विं० २ ता उत्तरपुर-
 त्थिमं दि-सीभाग अवक्खमइ २ ता सयमेव आभरणमल्लालंकारं ओमुयइ २ ता सयमेव
 लोयं करेइ २ ता जेणेव पासे अरहा पुरिसादाणीए तणेव उवागच्छइ २ ता पासं
 अरहं तिक्खुत्ते वंदइ नमंसइ विं० २ ता एवं वयासी-आल्लिं णं भंते ! लोए एवं
 जहा देवाणंदा जाव सयमेव पव्वा(वि)वेउं । तए णं पामं अरहा पुरिसादाणीए
 का(लि)लियं सयमेव पुप्फचूलाए अज्जाए सिस्मिणियत्ताए दलयइ । तए णं सा पुप्फ-
 चूला अज्जा कालि कुमारी सयमेव पव्वावेइ जाव उवसंपाज्जणं विहरइ । तए णं सा
 काली अज्जा जाया इ-रियासमिया जाव गुत्तबंधयारिणी । तए णं (सा) काली अज्जा
 पुप्फचूला[ए] अज्जाए अंतिए मामाइयमाइयाइ एकारस अंगाइ अहिज्जइ बड्ढहिं
 चउत्थ जाव तिहरइ । तए णं सा काली अज्जा अज्जा कया(ति)इ मरीरबाउसिया
 जाया(या)वि होत्था, अभिक्खमं २ हत्थे धो(व)वेइ पाए धो-वेइ सीसं धो-वेइ मुहं
 धो-वेइ यणंतरा(टं)णि धो-वेइ कक्खंतराणि धो-वेइ गुज्जंतरा(इं)णि धो-वेइ अरव अत्थ
 वि य णं ठाणं वा सेज्जं वा निसीहियं वा चेएइ तं पुव्वामेव अन्नु(क्खे)क्खत्ता
 तओ पच्छा आसयइ वा मयइ वा । तए णं सा पुप्फचूला अज्जा क्ख-लियं अज्जं एवं
 वयासी-नो खल कप्पइ देवाणुप्पिए ! समणीं निर्माणीं सरीरबाउसियावं होणए,

तुमं च णं देवाणुप्पिण्णं । मगीग्वाउमिया जाय अमिक्खणं २ हत्थे धोवसि जाव आसयहि वा मय्यहि वा । तं तुमं देवाणुप्पिण्णं । एयरम ठाणस्म आलोएहि जाव पायच्छिन्नं पडिवजाहि । तण् णं सा वा री अज्जा पुफक्खयाए अजाए एयमद्धं नो आटाइ जाव तुमिणीया संचिद्धुड । तण् णं ताओ पुफक्खलाओ अज्जाओ कालि अज्जं अमिक्खणं २ हीलेनि निदेनि वि(सं)सेति गरहति अवमञ्चंति अमिक्खणं २ एयमद्धं निवारंति । तण् णं तामे कालीण अज्जाए समणीहि निगंथीहि अमिक्खणं २ हीलिज्जमाणीण जाव वारिज्जमाणीण उमेयारूपे अ उलयिण जाव समुपाज्जिवा-जया णं अहं अ(अ)गारवामसच्छे वसिन्था तया णं अहं गयं वसा । जप्पमिहं च णं अहं मुं(हे)अ भविता अ-गाराओ अगगारिणं पव्वइया तप्पमिहं च णं अहं परवसा जाया । तं सेणं लउ मम वत्तं पाउपभायाए रयणीए जाव जलंते पाडि(क्वि)क्यं उयस्सयं उव्वमपाज्जनाणं विहरिन्ताण-त्तिरुद्ध एवं संपेहेड २ ता कलं जाव जलंते पाडि(७)हं उव्वस्सयं रो(सि)ण्हड तय णं अणिवारिथा अणोदट्टिया सच्छेदमइ अमिक्खणं २ हत्थे धोवेड जाव आसयह वा मयह वा । तण् णं सा काली अज्जा पामत्या पागन्निहा० ओस-जा ओम ज्विहा० कुसीया कुनीलविहा० अटाउंदा अजाउउविहा० मगत संसत्तविहा० वट्ठणि वानाणि गाम-ण्णपरियागं पयणइ २ ता अट्टमारियाण सलेहयाए अ(ता)प्याणं झसेइ २ ता तीसं मलाइ अयनणाए छेएइ २ ता तस्स ठाणस्स अगालोदयअण्डिकंता काल्मासे कालं किन्ना चमरुचंवाए गयहाणीए कालवडिंसाए भवणे उववायसभाए देवसय-णिज्जंति देवदंसंतरिया अंगुत्तसा असंखे(जाइ)ज्जागमेताए ओगाहयाए कालीदे- (वी)विताए उवव-जा । तण् णं सा काली देवी अट्टणोवव जा समणी पंचविहाए पज्जलीए जहा सूययाओ जाव भामामणपज्जलीए । तण् णं सा काली देवी चउण्हं सामणियमाहस्सीणं जाव अज्जसिं च बट्ठणं कालवडेंसगभवणवासीणं असुरकुमा- रण देवाण य देवीण य आहेवच्चं जाव विहरइ । एवं खलु गोवसा ! कालीए देवाण सा दिक्खा देविह्वा इ लद्धा पता अभिमम जागया । कालीए णं भंते । मणी कंवदयं कालं ठिइं पवता ? गोवसा ! अट्टाइज्जाइं पलिओवमाइं ठिइं पवता । काली णं भंते ! देवी ताओ देवलोगाओ अगतरं उ(व)बडिन्ता कहिं गच्छि- मिइ काहं उव्वज्जहिइ ? गोवसा ! महाविदेहे वासे लिज्जिहिइ [जाव अंतं काहिइ] । एणं गल जंत्तु ! समणेणं जाव संपत्तेणं पटम[स्स] वग्गस्स पटमज्जयणस्स अयमहे प अंतं भिचेमि ॥ १५० ॥ (धम्मकहाणं पटमज्जयणं समत्तं) ॥

जद णं भंते ! समणेणं० धम्मकहाणं पटमज्जयणं अयमहे

अयमद्वे प-ज्जते विइयस्स णं भंते । अज्झयणस्स समणेणं (३) जाव संपत्तेणं के
 अद्वे प-ज्जते ? एवं खलु जंबू । तेणं कालेणं तेणं समएणं रायगिहे न-यरे गुण-
 सिलए उज्जाणे सामी समोमढे परिसा निग्गया जाव पज्जुवासइ । तेणं कालेणं
 तेणं समएणं राई देवी चमरचंचाए रायहाणीए एवं जहा काली तहेव आगया नट्ट-
 विहिं उवदं(से)सित्ता पडिगया । भंतेत्ति भगवं गोयमे पुव्वभवपुच्छा । एवं खलु
 गोयमा । तेणं कालेणं तेणं समएणं आमलकप्पा नयरी अबसालवणे उज्जाणे जिय-
 रुतू राया राई गाहावई रा(ई)इसिरी भारिया राई दारिया पासस्स समोसरणं राई
 दारिया जहेव काली तहेव निक्खंता तहेव सरीरवाउसिया तं चैव सव्वं जाव अंतं
 काहिइ । एवं खलु जंबू । बि(ड)ईयज्झयणस्स निक्खेवओ ॥ जइ णं भंते ! तइय-
 ज्झयणस्स उक्खेवओ । एवं खलु जंबू । रायगिहे नयरे गुणसिलए उज्जाणे एवं जहेव
 राई तहेव रयणी वि नवरं आमलकप्पा नयरी रय(णी)णे गाहावई रयणसिरी
 भारिया रयणी दारिया सेसं तहेव जाव अंतं काहिइ । ; विज्जू वि आमलकप्पा
 नयरी वि(ज्जू)ज्जू गाहावई विज्जुसिरी भारिया वि-ज्जू दारिया सेसं तहेव । एवं मेहा
 वि आमलकप्पाए नयरीए मेहे गाहावई मेहसिरी भारिया मेहा दारिया सेसं तहेव ।
 एवं खलु जंबू । समणेणं जाव संपत्तेणं धम्मकहाणं पढमस्स वग्गस्स अयमद्वे पज्जते
 ॥ १५१ ॥ जइ णं भंते ! समणेणं० दोच्चस्स वग्गस्स उक्खेवओ । एवं खलु जंबू ।
 समणेणं० दोच्चस्स वग्गस्स पंच अज्झयणा पज्जता तंजहा—सुंभा निंसुंभा रंभा
 निरंभा म(द)यणा । जइ णं भंते ! समणेणं० धम्मकहाणं दोच्चस्स वग्गस्स पंच
 अज्झयणा प ज्जता दोच्चस्स णं भंते ! वग्गस्स पढमज्झयणस्स के अद्वे प-ज्जते ? एवं
 खलु जंबू । तेणं कालेणं तेणं समएणं रायगिहे नयरे गुण सिलए उज्जाणे सामी
 समोस(ढो)डे परिसा निग्गया जाव पज्जुवासइ । तेणं कालेणं तेणं समएणं सुंभा देवी
 बलिवंचाए रायहाणीए सुंभवडेंसाए भवणे सुंभंति सीहासर्णसि कालीगमएणं जाव
 नट्टविहिं उवदंसेत्ता जाव पडिगया । पुव्वभवपुच्छा । सावत्थी नयरी कोट्टए
 उज्जाणे जियसत्तू राया सुंभा गाहावई सुंभसिरी भारिया सुंभा दारिया सेसं जहा
 क(लिया)लीए नवरं अट्टुडाई पल्लिओवमाई ठिई । एवं खलु जंबू । निक्खेवओ
 अज्झयणस्स । एवं सेसावि चत्तारि अज्झयणा सावत्थीए नवरं भाया पिया सरिस-
 नामया । एवं खलु जंबू । निक्खेवओ वि(ती)इयवग्गस्स ॥ १५२ ॥ उक्खे(वओ)ओ
 तइयवग्गस्स । एवं खलु जंबू । समणेणं० तइय(स्स)वग्गस्स चउप-त्तं अज्झयणा
 प-ज्जता तंजहा—पढमे अज्झयणे जाव चउपत्ततिमे अज्झयणे । जइ णं भंते ! सम-
 णेणं० धम्मकहाणं तइय-वग्गस्स चउप्प(ज)र्जं [अ]ज्झयणा पज्जता पढमस्स णं

भंते । अज्ज्ञयणस्स समणेण० के अहे प-भते ? एवं खलु जंबू । तेणं काळेणं तेणं समएणं रायगिहे नयरे गुण-खिलए उज्जाणे सामी समोसखे परिसा निग्गया जाव पज्जुवासइ । तेणं काळेणं तेणं समएणं अ(इ)ला देवी धर(णी)णाए रायहाणीए अ-लाव(ड)डेंसए भवणे अ-संसि सीहासणंसि एवं कालीगमएणं जाव नट्टविहिं उवदंसैता पडिगया । पुव्वभवपुच्छा । वाणारसीए नयरीए काममहावणे उज्जाणे अ-ले गाहावई अ लस्सरी भारिया इला दारिया सेसं जहा कालीए नवरं धरण(स्स)अग्ग-महिसिताए उववाओ मादरे(ग)गं अद्धपलिओव(म)मं ठिई सेसं तहेव । एवं खलु निकखेवओ पठमज्ज्ञयणस्स । एवं क(मा सत्ते)मसोतरा सोयामणी इंदा घ(ण)णया विज्जुया-वि । सव्वाओ एयाओ धरणस्स अग्गमहिस्सीओ (एव) । एए छ अज्ज्ञयणा वेणुदेवस्स वि अविसेसिया भाणियव्वा, एवं जाव घोसस्स वि एए चेव छ अज्ज्ञ-यणा । एवमेते दाहिणिल्लणं इंदाणं चउप्प-जं अज्ज्ञयणा भवंति सव्वाओ वि वाणा-रसीए काममहावणे उज्जाणे । तदयवग्गस्स निकखेव(ओ)गो ॥ १५३ ॥ चउत्यस्स उक्खेव-गो । एवं खलु जंबू ! समणेणं० धम्मकहाणं चउत्यवग्गस्स चउप्प-जं अज्ज्ञ-यणा प भत्ता तंजहा-पठमे अज्ज्ञयणे जाव चउप्प-जदमे अज्ज्ञयणे । पठमस्स अज्ज्ञ-यणस्स उक्खेव गो । एवं खलु जंबू ! तेणं काळेणं तेणं समएणं रायगिहे समोसरणं जाव परिसा पज्जुवासइ । तेणं काळेणं तेणं समएणं ह्या देवी ह्(भू)याणंदा राय-हाणी ह्यगव(डि)डेंसए भवणे ह्यगंसि सीहासणंसि जहा कालीए तथा नवरं पुव्वभवे चंपाए पुण्णभेदे उज्जाणे ह्यगगाहावई ह्यगसिरी भारिया ह्या दारिया सेसं तहेव नवरं भूयाणं(द)दा अग्गमहिसिताए उववाओ देमूणं पलिओवमं ठिई । निकखेवओ । एवं खलु सुह्या वि ह्यसा वि ह्यगावई वि ह्यकंता वि ह्यप्पभा वि । एयाओ चेव उन्नरिल्लणं इंदाणं भाणियव्वाओ जाव महापोसस्स । निकखेवओ चउत्थवग्गस्स ॥ १५४ ॥ पंचमवग्गस्स उक्खेवओ । एवं खलु जंबू ! जाव बत्तीसं अज्ज्ञयणा प-भत्ता तंजहा-कमला कमलप्पभा चेव, उप्पला य सुदंसणा । खवई बहुरूवा, उरूवा सुयगा वि य ॥ १ ॥ पुण्णा बहुपुत्तिया चेव, उतमा भारिया वि य । पउमा वमुमई चेव, कणगा कणगप्पभा ॥ २ ॥ वडेंसा के(उ)ज्जमई चेव, वडरसेथा रइप्पिया । रोहिणी नवमिया चेव, हिरी पुप्फवई(ति) वि य ॥ ३ ॥ भुयगा भुयगवई चेव, महाकच्छा(S)परा(फुवा)इ(य)या । सुघोसा विमला चेव, सुस्सरा य सरस्सई ॥ ४ ॥ उक्खेवओ पठमज्ज्ञयणस्स । एवं खलु जंबू ! तेणं काळेणं तेणं समएणं राय-गिहे समोसरणं जाव परिसा पज्जुवासइ । तेणं काळेणं तेणं समएणं कमला देवी कम-लाए रायहाणीए कमलवडेंसए भवणे कमलंसि सीहासणंसि सेसं जहा कालीए ज्ञे-

नवरं पुव्वभवे नागपुरे नयरे सहसंबवणे उज्जाणे कमलस्स गाहावइस्स कमल-
 सिरीए भारियाए कमला दारिया पासस्स(०) अंतिए निक्खंता कालस्स पिसायकु-
 मारिदस्स अगमहिंसी अद्धपलिओवमं ठिइं । एवं सेसा वि अज्झयणा दाहिणिह्णाणं
 वाणमंतरिंदाणं भ(भा)णियव्वाओ (सव्वाओ) नागपुरे सहसंबवणे उज्जाणे मायापि-
 (या)यरो धूया सरिसनामया ठिइं अद्धपलिओवमं । पंचमो वग्गो समत्तो ॥ १५५ ॥
 छट्ठो वि वग्गो पंचमवग्गसरितो नवरं महाका(लिंदा)याईणं उत्तरिह्णाणं इंदाणं अग-
 महिंसीओ । पुव्वभवे सागे(य)ए नयरे उत्तरकुरुवज्जाणे मायापि-यरो धूया सरिस-
 नामया । सेसं तं चेव । छट्ठो वग्गो समत्तो ॥ १५६ ॥ सत्तमस्स वग्गस्स उक्खे-
 वओ । एवं खलु जंबू ! जाव चत्तारि अज्झयणा प-न्नता तंजहा-सूरप्पभा आयवा
 अच्चिमाली पमंकरा । पठमज्झयणस्स उक्खेवओ । एवं खलु जंबू ! तेणं कालेणं
 तेणं समएणं रायगिहे समोसरणं जाव परिसा पज्जुवासइ । तेणं कालेणं तेणं समएणं
 सूरप्पभा देवी सूरसि विमाणंसि सूरप्पभंसि सीहामणंसि सेसं जहा कालीए तहा
 नवरं पुव्वभवो अरक्खुरीए नयरीए सूरप्पभस्स गाहावइस्स सूरसिरीए भारियाए
 सूरप्पभा दारिया सूरस्स अगमहिंसी ठिइं अद्धपलिओवमं पंचहिं वाससएहिं अब्भ-
 हियं सेसं जहा कालीए । एवं सेसाओ वि सव्वाओ अरक्खुरीए नयरीए । सत्तमो
 वग्गो समत्तो ॥ १५७ ॥ अट्ठमस्स उक्खेवओ । एवं खलु जंबू ! जाव चत्तारि
 अज्झयणा प-न्नता तंजहा-चंदप्पभा दोसि-नाभा अच्चिमाली पमंकरा । पठम-
 (स्स अ)ज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे
 समोसरणं जाव परिसा पज्जुवामइ । तेणं कालेणं तेणं समएणं चंदप्पभा देवी चंद-
 प्पभंसि विमाणंसि चंदप्पभंसि सीहासणंसि सेसं जहा कालीए नवरं पुव्वभ(वे)ओ
 महुराए नयरीए भंठि(चंद)वडंसए उज्जाणे चंदप्पमे गाहावइं चंदसिरी भारिया
 चंदप्पभा दारिया चंदस्स अगमहिंसी ठिइं अद्धपलिओवमं प-न्ना(साए)सवाससह-
 स्सेहिं अब्भहियं, सेसं जहा कालीए । एवं सेसाओ वि महुराए नयरीए मायापि-
 यरो(वि) धूया सरिस-नामा । अट्ठमो वग्गो समत्तो ॥ १५८ ॥ नवमस्स उक्खेवओ ।
 एवं खलु जंबू ! जाव अट्ठ अज्झयणा पन्नता तंजहा-पठमा सिवा सई अंजू रोहिणी
 न(व)मिया [इ य] अ(च)यला अच्छरा ॥ पठमज्झयणस्स उक्खेवओ । एवं खलु
 जंबू ! तेणं कालेणं तेणं समएणं रायगिहे समोसरणं जाव परिसा पज्जुवासइ । तेणं
 कालेणं तेणं समएणं पठमावइं देवी सोहम्मो कप्पे पठमवडंसए विमाणे सभाए
 सुहम्माए पठमंसि सीहासणंसि जहा कालीए एवं अट्ठ वि अज्झयणा कालीनमएणं
 नायव्वा नवरं सावत्थीए दो-जणीओ हत्थिणाउरे दो-जणीओ कपिण्णुरे दो-जणीओ

सा(गियनयरे)एए दो-जणीओ पउमे पियरो विजया मायराओ सव्वाओ वि पासस्स अंति(ए)यं पव्वइयाओ सक्कस्स अग्गमहिंसीओ ठिई सत्त पळिओवमाई महाविदेहे वासे अंतं काहिति । नवमो वग्गो समत्तो ॥ १५९ ॥ दसमस्स उक्खेवओ । एवं खलु जंबू ! जाव अट्ठ अज्झयणा पन्नत्ता तंजहा-कण्हा य कण्हराई रामा तह राम-रक्खिया वस्-या । वसुगुत्ता वसुमित्ता वसुंधरा चेव ईसाणे ॥ १ ॥ पटमज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे समोसरणं जाव परिसा पज्जवासइ । तेणं कालेणं तेणं समएणं कण्हा देवी ईसाणे कप्पे कण्हवड्डेसए विमाणे सभाए सुहम्माए कण्हंसि सीहासणंसि सेसं जहा कालीए एवं अट्ठवि अज्झ-यणा कालीगमएणं ना(णे)यव्वा नवरं पुव्वभ-वो वाणारसीए नयरीए दो-जणीओ राय-गिहे नयरे दो जणीओ सावत्थी(ए)नयरीए दो-जणीओ कोसंबीए नयरीए दो-जणीओ रामे पिया धम्मा माया सव्वाओ वि पासस्स अरइओ अंतिए पव्वइयाओ पुप्फ-चूलाए अज्जाए सिस्मि(णी)णियत्ताए ईसाणस्स अग्गमहिंसीओ ठिई नवपळिओवमाई महाविदेहे वासे सिज्झिहिति युज्झिहिति मुच्चिहिति सव्वदुक्खाणं अंतं काहिति । एवं खलु जंबू ! निक्खेव-गो दसमवग्गस्स । दसमो वग्गो समत्तो ॥ १६० ॥ एवं खलु जंबू ! समणेणं भगवया महावीरेणं आइगरेणं तित्थगरेणं सयंसंबुद्धेणं पुरिसो-त्तमेणं [पुरिससीद्धेणं] जाव संपत्तेणं धम्मकहाणं अयमट्ठे पन्नते । धम्मकहा सुय-क्खंधो समत्तो । दसहिं वग्गेहिं नायाधम्मकहाओ समत्ताओ ॥ १६१ ॥ बीओ सुयक्खंधो समत्तो ॥ नायाधम्मकहाओ समत्ताओ ॥



श्रीमूत्रागम प्रकाशक समितिके द्वितीय-संरक्षक,



णमोऽस्त्यु णं समणस्स भगवओ णायपुत्तमहावीरस्सं

सुत्तागमे

तत्थ णं

उवासगदसाओ

तेणं कालेणं तेणं समएणं चप्पा नामं नयरी होत्था । वण्णओ । पुण्णभेइ उज्जाणे । वण्णओ ॥ १ ॥ तेणं कालेणं तेणं समएणं अज्जसुहम्मं समोसरिए जाव जम्बू पञ्जुवासमाणे एवं वयासी-जइ णं भन्ते ! समणेणं भगवया महावीरेणं जाव सम्पत्तेणं छट्ठस्स अत्तस्स नायाधम्मकहाणं अयमट्ठे पण्णत्ते, सत्तमस्स णं भन्ते ! अंगस्स उवासगदसाणं समणेणं जाव सम्पत्तेणं के अट्ठे पण्णत्ते ? एवं खलु जम्बू । समणेणं जाव सम्पत्तेणं सत्तमस्स अंगस्स उवासगदसाणं दस अज्जयणा पण्णत्ता, तंजहा-आणन्दे १, कामदेवे य २, गाहावइचुलणीपिया ३, सुरादेवे ४, चुल्लसयए ५, गाहावइकुण्डकोल्लिए ६, सहालपुत्ते ७, महासयए ८, नन्दिणीपिया ९, मालिहीपिया १० ॥ २ ॥ जइ णं भन्ते ! समणेणं जाव सम्पत्तेणं सत्तमस्स अंगस्स उवासगदसाणं दस अज्जयणा पण्णत्ता पढमस्स णं भन्ते ! समणेणं जाव सम्पत्तेणं के अट्ठे पण्णत्ते ? एवं खलु जम्बू । तेणं कालेणं तेणं समएणं वाणियगामे नामं नयरे होत्था । वण्णओ । तस्स [णं] वाणियगामस्स नयरस्स बहिया उत्तरपुर(त्थि)च्छिमे दिसीभाए दइपलासए नामं उज्जाणे [होत्था] । तत्थ णं वाणियगामे नयरे जियसत्तू राया (होत्था) । वण्णओ । तत्थ णं वाणियगामे आणन्दे नामं गाहावई परिवसइ, अट्ठे जाव अपतिभूए । तस्स णं आणन्दस्स गाहावइस्स चत्तारि हिरण्णकोडीओ निहाणपउत्ताओ, चत्तारि हिरण्णकोडीओ खु(व)ञ्चिपउत्ताओ, चत्तारि हिरण्णकोडीओ पवित्थरपउत्ताओ, चत्तारि वया दस-गोसाहस्सिएणं वएणं होत्था । से णं आणन्दे गाहावई बहूणं राईसर जाव सत्थ-वाहाणं बहूसु कजेसु य कारणेसु य मन्तेसु य कुट्टम्बेसु य गुज्जेसु य रहस्सेसु य निच्छएसु य ववहारेसु य आपुच्छणिजे (य) पठिपुच्छणिजे, सयस्सवि य णं कुट्टम्बस्स मेढी पमाणं आहारे आलम्बणं चक्खू, मे(ढी)ठिभूए जाव सब्बकज्ज-व(ट्ठा)ण्णवए यावि होत्था । तस्स णं आणन्दस्स गाहावइस्स सि(वा)वन्दा नामं भारिया होत्था, अहीण जाव सुखा आणन्दस्स गाहावइस्स इड्ढा आणन्देणं गाहा-

बह्णा संद्धिं अणुरता अविरता इ(द्वा)ङ्के सह जाव पद्यविहे माणुस्सए कामभोए पच्चणुभवमाणी विहरइ । तस्स णं वाणियगामस्स बहिया उत्तरपुर-च्छमे दिसीभाए एत्थ णं कोलाए नामं सज्जिवेसे होत्था, रिद्धत्थिमिय जाव पासावीए (४) । तस्य णं कोलाए सज्जिवेसे आणन्दस्स गाहावइस्स बहुए मित्तनाइनियगसयणसम्बन्धि-परिजणे परिवसइ, अङ्गे जाव अपरिभूए । तेणं काळेणं तेणं समएणं समणे भगवं महावीरे जाव समोसरिए । परिसा निग्गया, कूणिए राया जहा तहा जियसत्तू निग्गच्छइ (२ ता) जाव पज्जुवासइ । तए णं से आणन्दे गाहावइ इमीसे कहाए लद्धे समणे 'एवं खलु समणे जाव विइरइ, तं महाफळं [जाव] गच्छामि णं जाव पज्जुवासामि' एवं सम्पेहेइ, सम्पेहिता ष्हाए सुद्धप्पावेसाई जाव अप्पमहग्घाभरणालङ्कियसरीरे सयाओ गिहाओ पड्डिणिकखमइ, पड्डिनिकखमित्ता सको(रे)रुष्टमल्लदामेणं छत्तेणं धरिजमाणेणं मणुस्सगगुरापरिक्खित्ते पायविहारचा-रेणं वाणियगामं नयरं मज्झमज्झेणं निग्गच्छइ, निग्गच्छत्ता जेणामेव दू(दु)इपलासे उज्जाणे जेणेव समणे भगवं महावीरे तेणेव उवागच्छइ, उवागच्छत्ता तिकखुत्तो आयाहिणं पयाहिणं करेइ, करेत्ता वन्दइ नमंसइ जाव पज्जुवासइ । तए णं समणे भगवं महावीरे आणन्दस्स गाहावइस्स तीसे य महइमहालियाए परिसाए जाव धम्मकहा, परिसा पड्डिगया, राया य ग(ए)ओ ॥ ३ ॥ तए णं से आणन्दे गाहावइ समणस्स भगवओ महावीरस्स अन्तिए धम्मं सोच्चा निसम्म हइत्तुइ जाव एवं धयासी-सहइमि णं भन्ते । निग्गन्थं पावयणं, पत्तियामि णं भन्ते ! निग्गन्थं पावयणं, रोएमि णं भन्ते ! निग्गन्थं पावयणं, एवमेयं भन्ते !, तहमेयं भंते !, अवितहमेयं भन्ते !, इच्छियमेयं भन्ते !, पड्डिच्छियमेयं भन्ते !, इच्छियपड्डिच्छिय-मेयं भन्ते !, से जहेयं तुब्भे वयह'त्तिकट्टु जहा णं देवाणुप्पियाणं अन्तिए बहवे राई-सरतलवरमाडम्बियकोडुम्बियसेट्टि[सेणावइ]सत्थवाहप्पभि(इया)ईओ मुण(डे)डा भविता अ-गाराओ अणगारियं पव्वइया नो खलु अहं तहा संचाएमि मुण्ठे जाव पव्वइत्तए, अहं णं देवाणुप्पियाणं अन्तिए पञ्चाणुव्वइयं सत्तसिक्खावइयं दुबालसविहं गिहिधम्मं पड्डिवज्जिरसामि । अहासुहं देवाणुप्पिया ! मा पड्डिबंधं करे(हि)ह ॥ ४ ॥ तए णं से आणन्दे गाहावइं समणस्स भगवओ महावीरस्स अन्तिए तप्पडमयाए थूलगं पाणाइत्तार्यं पच्चक्खाइ, 'जावजीवाए दुविहं तिविहेणं न करे(इ)मि न कारवे-इ)मि मणसा धयसा कायसा' १ । तयाणन्तरं च णं थूलगं सुसात्तार्यं पच्चक्खाइ, 'जावजीवाए दुविहं तिविहेणं न करेमि न कारवेमि मणसा धयसा कायसा' २ । तयाणन्तरं च णं थूलगं अ(दत्ता)दिण्णादार्यं पच्चक्खाइ, 'जावजीवाए दुविहं

तिविहेर्ण न करेमि न कारवेमि मणसा वयसा कायसा' ३ । तयाणन्तरं च णं सदारसन्तो(सी)सिए परिमाणं करेइ, 'नञ्जत्थ एक्काए सिवनन्दाए भारियाए, अवसेसं सव्वं मेहुणविहिं पच्चक्खामि ३' ४ । तयाणन्तरं च णं इच्छाविहिपरिमाणं करेमाणे हिरण्णमुवण्णविहिपरिमाणं करेइ, 'नञ्जत्थ चउहिं हिरण्णकोडीहिं निहाणपउत्ताहिं, चउहिं बु-ञ्चिपउत्ताहिं, चउहिं पवित्थर-पउत्ताहिं, अवसेसं सव्वं हिरण्णसुवण्णविहिं पच्चक्खामि ३' । तयाणन्तरं च णं चउप्पयविहिपरिमाणं करेइ, 'नञ्जत्थ चउहिं चएहिं दसगोसाहस्सिएणं वएणं, अवसेसं सव्वं चउप्पयविहिं पच्चक्खामि ३' । तयाणन्तरं च णं खेतवत्थु-विहिपरिमाणं करेइ, 'नञ्जत्थ पञ्चहिं हलसएहिं नियत्तणसइएणं हत्थेणं, अवसेसं सव्वं खेतवत्थुविहिं पच्चक्खामि ३' । तयाणन्तरं च णं सगडविहिपरिमाणं करेइ, 'नञ्जत्थ पञ्चहिं सगडसएहिं दिसायत्तिएहिं, पञ्चहिं सगडसएहिं संवाहणिएहिं, अवसेसं सव्वं सगडविहिं पच्चक्खामि ३' । तयाणन्तरं च णं वाहणविहिपरिमाणं करेइ, 'नञ्जत्थ चउहिं वाहणेहिं दिसायत्तिएहिं, चउहिं वाहणेहिं संवाहणिएहिं, अव-सेसं सव्वं वाहणविहिं पच्चक्खामि ३' ५ । तयाणन्तरं च णं उवभोगपरिभोगविहिं पच्चक्खाएमाणे उल्लणियाविहिपरिमाणं करेइ, 'नञ्जत्थ एगाए गन्धकासाईए, अवसेसं सव्वं उल्लणियाविहिं पच्चक्खामि ३' । तयाणन्तरं च णं दन्तवणविहि-परिमाणं करेइ, 'नञ्जत्थ एगेणं अल्लट्ठीमहुएणं, अवसेसं दन्तवणविहिं पच्चक्खामि ३' । तयाणन्तरं च णं फलविहिपरिमाणं करेइ, 'नञ्जत्थ एगेणं खीरामलएणं, अवसेसं फलविहिं पच्चक्खामि ३' । तयाणन्तरं च णं अब्भट्ट(ण)णाविहिपरिमाणं करेइ, 'नञ्जत्थ एगेणं सुरहिष्ठा गन्धट्टएणं, अवसेसं उव्वट्ट-णाविहिं पच्चक्खामि ३' । तयाणन्तरं च णं मज्जणविहि-परिमाणं करेइ, 'नञ्जत्थ अट्ठहिं उ(ट्ठि)ट्टिएहिं उदगस्स षडएहिं, अवसेसं मज्जणविहिं पच्चक्खामि ३' । तयाणन्तरं च णं बत्थविहिपरिमाणं करेइ, 'नञ्जत्थ एगेणं खोमजुयत्थेणं, अवसेसं बत्थविहिं पच्चक्खामि ३' । तयाणन्तरं च णं वित्थेवणविहि-परिमाणं करेइ, 'नञ्जत्थ अ(ग)गुरुकुमचन्दणमादिएहिं, अवसेसं वित्थेवणविहिं पच्च-क्खामि ३' । तयाणन्तरं च णं पुप्फविहिपरिमाणं करेइ, 'नञ्जत्थ एगेणं सुद्धपउमेणं माल्लुकुसुमदामेणं वा, अवसेसं पुप्फविहिं पच्चक्खामि ३' । तयाणन्तरं च णं आम-रगविहिपरिमाणं करेइ, 'नञ्जत्थ मट्ठक[ण]जेजएहिं नामसुराए य, अवसेसं आधरण-विहिं पच्चक्खामि ३' । तयाणन्तरं च णं धूवणविहिपरिमाणं करेइ, 'नञ्जत्थ अयस्त-

रुक्कभूषमादिर्हि, अवसेसं धूवणविहिं पञ्चक्खामि ३' । तयाणन्तरं च णं भोयणविहि-
परिमाणं करेमाणे पेज्जविहिपरिमाणं करेइ, 'नञ्जत्थ एगाए कट्टुपेज्जाए, अवसेसं
पेज्जविहिं पञ्चक्खामि ३' । तयाणन्तरं च णं भक्खविहिपरिमाणं करेइ, 'नञ्जत्थ
एगेहिं घयपुण्णेहि खण्डखजएहि वा, अवसेस भक्खविहिं पञ्चक्खामि ३' । तयाण-
न्तरं च णं ओदणविहिपरिमाणं करेइ, 'नञ्जत्थ कलमसाल्लिओदणेणं, अवसेसं ओदण-
विहिं पञ्चक्खामि ३' । तयाणन्तरं च णं सूवविहिपरिमाणं करेइ, 'नञ्जत्थ कलायसू-
वेण वा मुग्गमाससूवेण वा, अवसेसं सूवविहिं पञ्चक्खामि ३' । तयाणन्तरं च णं
घयविहिपरिमाणं करेइ, 'नञ्जत्थ सारइए(ण)णं गोघयमण्डेणं, अवसेसं घयविहिं
पञ्चक्खामि ३' । तयाणन्तरं च णं सागविहिपरिमाणं करेइ, 'नञ्जत्थ वत्थुसाएण
वा सुत्थियसाएण वा, अवसेसं सागविहिं पञ्चक्खामि ३' । तयाणन्तरं च णं
माहुरयविहिपरिमाणं करेइ, 'नञ्जत्थ एगेणं पालङ्गामाहुरएणं, अवसेसं माहुरयविहिं
पञ्चक्खामि ३' । तयाणन्तरं च णं जेमणविहिपरिमाणं करेइ, 'नञ्जत्थ सेहं(व)-
वदालियं(वे)वेहिं, अवसेसं जेमणविहिं पञ्चक्खामि ३' । तयाणन्तरं च णं पाणिय-
विहिपरिमाणं करेइ, 'नञ्जत्थ एगेणं अन्तल्लिक्खोदएणं, अवसेसं पाणियविहिं पञ्च-
क्खामि ३' । तयाणन्तरं च णं मुहवासविहिपरिमाणं करेइ, 'नञ्जत्थ पयसोगन्धिएणं
तम्बोलेणं अवसेसं मुहवासविहिं पञ्चक्खामि ३' ६ । तयाणन्तरं च णं चउत्त्वहं
अणट्ठादण्डं पञ्चक्खाइ, तंजहा-अवज्झाणायरियं पमायायरियं हिंसप्पयाणं पावक-
म्मोवएसे ३, ७ ॥ ५ ॥ इह खलु 'आणन्दा'(इ)इं समणे भगवं महावीरे आणन्दं
समणोवासगं एत्वं वयासी-“एवं खलु आणन्दा! समणोवासएणं अभिगयजीवा-
जीवेणं जाव अणइक्कमणिज्जेणं सम्मत्तस्स पञ्च अइयारा पेयाला जाणियव्वा न समा-
यरियव्वा, तंजहा-संका, कङ्गा, विद्दिगिच्छा, परपासण्डपसंसा, परपासण्डसंध-
(वो)वे । तयाणन्तरं च णं थूलगस्स पाणाइवायवेरमणस्स समणोवासएणं पञ्च अइ-
यारा पेयाला जाणियव्वा न समायरियव्वा, तंजहा-बन्धे, वहे, छविच्छेए, अइभारे,
भत्तपाणवोच्छेए १ । तयाणन्तरं च णं थूलगस्स मुत्तावायवेरमणस्स पञ्च अइयारा
जाणियव्वा न समायरियव्वा, तंजहा-सहसा[८]भक्खाने, रहसा[८]भक्खाने,
सदारमन्तमेए, मोमोवएसे, कूडलेहकरणे २ । तयाणन्तरं च णं थूलगस्स अदिण्णा-
दाणवेरमणस्स पञ्च अइयारा जाणियव्वा न समायरियव्वा, तंजहा-तेणाहडे,
तक्करप्पओगे, विरुद्धरज्जाइक्कमे, कूलनु(ळ)ळकूडमाणे, तप्पडिस्सवगवव्हारे ३ । तया-
णन्तरं च णं सदारसन्तो-सिए पञ्च अइयारा जाणियव्वा न समायरियव्वा, तंजहा-
इत्तरियपरिगगहिंयागमणे, अपरिगगहिंयागमणे, अणत्त(किङ्गा)कीडा, परविवाहकरणे,

कामभोगतिष्वाभिलासे ४ । तयाणन्तरं च णं इच्छापरिमाणस्त समणोवासएणं पञ्च अइयारा जाणियव्वा न समायरियव्वा, तंजहा-खेतवत्थुपमाणाइक्कमे, हिरण्ण-सुवण्णपमाणाइक्कमे, दुपयचउप्पयपमाणाइक्कमे, धणधत्तपमाणाइक्कमे, कुवियपमाणाइक्कमे ५ । तयाणन्तरं च णं दिसि(०)वयस्स पञ्च अइयारा जाणियव्वा न समायरियव्वा, तंजहा-उट्टुदिसिपमाणाइक्कमे, अहोदिसिपमाणाइक्कमे, तिरियदिसिपमाणाइक्कमे, खेततुट्ठी, सइअन्तरद्धा ६ । तयाणन्तरं च णं उवभोग-परिभोगे दुविहे पण्णत्ते, तंजहा-भोयणओ य कम्मओ य । तत्थ णं भोयणओ [य] समणोवासएणं पञ्च अइयारा जाणियव्वा न समायरियव्वा, तंजहा-सच्चित्ताहारे, सच्चित्तपडिबद्धाहारे, अप्पउलिओसहिभक्खणया, दुप्पउलिओसहिभक्खणया, तुच्छोमहिभक्खणया । कम्मओ णं समणोवासएणं पण्णरस कम्मादाणाइं जाणियव्वाइं न समायरियव्वाइं, तंजहा-इत्थालकम्मे, वणकम्मे, साढीकम्मे, भाढीकम्मे, फोढीकम्मे, दन्तवाणिज्जे, लक्(खा)खवाणिज्जे, रसवाणिज्जे, विसवाणिज्जे, केसवाणिज्जे, जन्तपीलणकम्मे, निळ्छणकम्मे, दवगिगदावणया, सरदहतलावसोसणया, असईजणपोसणया ७ । तयाणन्तरं च णं अणट्ठादण्डवेर-मणस्स समणोवासएणं पञ्च अइयारा जाणियव्वा न समायरियव्वा, तंजहा-कन्दप्पे, कुक्कुड[ड]ए, मोहरिए, संजुत्ताहिररणे, उवभोगपरिभोगाइरित्ते ८ । तयाणन्तरं च णं सामाइयस्स समणोवासएणं पञ्च अइयारा जाणियव्वा न समायरियव्वा, तंजहा-मणदुप्पणिहाणे, वयदुप्पणिहाणे, कायदुप्पणिहाणे, सामाइयस्स सइअकरणया, सामाइयस्स अणवट्ठियस्स करणया ९ । तयाणन्तरं च णं देसावगासियस्स समणोवासएणं पञ्च अइयारा जाणियव्वा न समायरियव्वा, तंजहा-आणवणप्पओगे, पेसवणप्पओगे, सहाणुवाए, रुवाणुवाए, बहिया पोग्गल-पक्खेवे १० । तयाणन्तरं च णं पोसहोववासस्स समणोवासएणं पञ्च अइयारा जाणियव्वा न समायरियव्वा, तंजहा-अप्पडिलेहियदुप्पडिलेहियसिज्जासंथारे, अप्प-मज्जियदुप्पमज्जियसिज्जासंथारे, अप्पडिलेहियदुप्पडिलेहियउच्चारपासवणभूमी, अप्प-भज्जियदुप्पमज्जियउच्चारपासवणभूमी, पोसहोववासस्स सम्मं अणणुपान्णया ११ । तयाणन्तरं च णं अह्वासंविभागस्स समणोवासएणं पञ्च अइयारा जाणियव्वा न समायरियव्वा, तंजहा-सच्चित्तनिकखेवणया, सच्चित्त(पे)पिहणया, कालाइक्कमे, प(रो)रववडेसे, मच्छरिया १२ । तयाणन्तरं च णं अपच्छिममारणन्तियसंलेहणाइंस-णाराहणाए पंच अइयारा जाणियव्वा न समायरियव्वा, तंजहा-इहल्लेगासंसप्प-ओगे, परल्लेगासंसप्पओगे, जीवियासंसप्पओगे, मरणासंसप्पओगे, कामभोगा-

संसप्पओगे १३ ॥ ६ ॥ तए णं से आणन्दे गाहावई समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवालसविहं सावयधम्मं पडिवज्जइ, पडिवज्जिता समणं भगवं महावीरं वन्दइ नमंसइ, वंदित्ता नमंसित्ता एवं वयासी-
 'नो खलु मे भन्ते । कप्पइ अज्जप्पभिइं अज्जउत्थिए वा अज्जउत्थियदेवयाणि वा वन्दित्तए वा नमंसित्तए वा, पुव्विं अणालत्तेणं आलवित्तए वा संलवित्तए वा, तेसिं असणं वा पाणं वा खाइमं वा साइमं वा दाउं वा अणुप्पदाउं वा, नत्तय रायाभि-
 ओगेणं गणाभिओगेणं बलाभिओगेणं देवयाभिओगेणं गु(रु)रुनिग्गहेणं वित्तिक्कन्ता-
 रेणं । कप्पइ मे समणे निग्गन्थे फासुएणं एसणिजेणं असणपाणखाइमसाइमेणं
 वत्थपडिग्गहक्कम्बलपायपुल्लणेणं पीढफल(ग)यसिज्जासंथारएणं ओसहभेसजेण य
 पडिल्लामेमाणस्स विहरित्तए'त्तिकट्टु इमं एयासुं अभिग्गइं अभिग्गिण्हइ, अभिग्गि-
 ष्हित्ता पसिणाइं पुच्छइ, पुच्छित्ता अट्ठाइं आदियइ, आदिइत्ता समणं भगवं महावीर
 तिक्खुत्तो वन्दइ, वंदित्ता समणस्स भगवओ महावीरस्स अन्तियाओ हइपलासाओ
 उज्जाणाओ पडिणिक्खमइ, पडिनिक्खमित्ता जेणेव वाणियगामे नयरे जेणेव सए
 गिहे तेणेव उवागच्छइ, उवागच्छित्ता सिवनन्दं भारियं एवं वयासी- 'एवं खलु
 देवाणुप्पिए ! मए समणस्स भगवओ महावीरस्स अन्तिए धम्मं निसन्ते, सेऽवि
 य धम्मं मे इच्छिए पडिच्छिए अभिरुहए, तं गच्छ णं तुमं देवाणुप्पिए !
 समणं भगवं महावीरं वन्दाहि जाव पज्जुवासाहि, समणस्स भगवओ महा-
 वीरस्स अन्तिए पञ्चाणुव्वइयं सत्तसिक्खावइयं दुवालसविहं गिहिधम्मं पडि-
 वज्जाहि' ॥ ७ ॥ तए णं सा सिवनन्दा भारिया आणन्देणं समणोवासएणं
 एवं वुत्ता समाणा हट्ठट्ठट्ठा कोडुम्बियपुरिसे सहावेइ, सहावेत्ता एवं वयासी- 'खिप्पा-
 मेव लट्ठुकरण जाव पज्जुवासइ । तए णं समणे भगवं महावीरे सिवनन्दाए तीसे
 य महइ जाव धम्मं कहेइ । तए णं सा सिवनन्दा समणस्स भगवओ महावीरस्स
 अन्तिए धम्मं सोक्खा निसम्म हट्ठ जाव गिहिधम्मं पडिवज्जइ २ ता तमेव धम्मियं
 जाणप्पवरं दुरूहइ, दुरुहित्ता जामेव दि(सं)सिं पाउब्भूया तामेव दि-सिं पडिगया
 ॥ ८ ॥ 'भन्ते'त्ति भगवं गोयमे समणं भगवं महावीरं वन्दइ नमंसइ, वंदित्ता नमं-
 सित्ता एवं वयासी- 'पट्ठ णं भन्ते ! आणन्दे समणोवासए देवाणुप्पियाणं अम्सिए
 मुण्ढे जाव पव्वइत्तए ?' नो इणट्ठे समट्ठे, गोयमा ! आणन्दे णं समणोवासए बहइं
 वासाइं समणोवासगपरियागं पाउणिहिइ, पाउणित्ता जाव सोहम्मं कप्पे अरुणे
 सिमाणे देवत्ताए उव्वज्जिहिइ । तत्थ णं अत्थेगइयाणं देवाणं चत्तारिं पडिओवमाइं
 ठिइं पण्णत्ता । तत्थ णं आणन्दस्स[ऽ]दि समणोवासगस्स चत्तारिं पडिओवमाइं ठिइं

पण्णत्ता । तए णं समणे भगवं महावीरे अत्थया कयाइ बहिया जाव विहरइ । तए णं से आणन्दे समणोवासए जाए अभिगयजीवाजीवे जाव पडिल्लभेमाणे विहरइ । तए णं सा सिवन्नदा भारिया समणोवासिया जाया जाव पडिल्लभेमाणी विहरइ ॥ ९ ॥ तए णं तस्स आणन्दस्स समणोवासगस्स उच्चावएहिं सीलव्वय-गुणवेरमणपच्चक्खाणपोसहोववासेहिं अप्पाणं भावेमाणस्स चउ(चो)इस्स संबच्छराइं वइक्कन्ताइं, पण्णरसमस्स संबच्छरस्स अन्तरा वट्ठमाणस्स अत्थया कयाइ पुव्वरत्ता-वरत्तकालममयंसि धम्मजागरियं जागरमाणस्स इमेयारूवे अज्झत्थिए चिन्तिए पत्थिए मणोगए सङ्कप्पे समुप्पज्जित्था—‘एवं खलु अहं वाणियगामे नयरे बहूणं राईसर जाव सयस्सवि य णं कुट्टुम्बस्स जाव आधारे, तं एएणं वि(व)क्खेवेणं अहं नो संचाएमि समणस्स भगवओ महावीरस्स अन्तियं धम्मपण्णत्ति उवसम्पज्जिताणं विहरित्तए, तं सेयं खलु ममं कळं जाव जलन्ते विउलं असणं० जहा पूरणो जाव जेट्टपुत्तं कुट्टुम्बे ठवेत्ता तं मित्त जाव जेट्टपुत्तं च आपुच्छित्ता कोल्लए सन्निवेसे नायकुळेसि पोसहसालं पडिल्लेहिता समणस्स भगवओ महावीरस्स अन्तियं धम्मपण्णत्ति उवसम्पज्जिता णं विहरित्तए’ एवं सम्पेहेइ, संपेहिता कळं विउलं[०] तहेव जिभियभुत्तुत्तरागए तं मित्त जाव विउलेणं पुप्फु[०] ५ सक्कारेइ सम्माणेइ, सक्कारित्ता संमाणित्ता तस्सेव मित्त जाव पुरओ जेट्टपुत्तं सद्दावेइ, सद्दावेत्ता एवं वयासी—‘एवं खलु पुत्ता ! अहं वाणियगामे बहूणं राईसर[०] जहा चिन्तियं जाव विहरित्तए, तं सेयं खलु मम इदाणि तुमं सयस्स कुट्टुम्बस्स आलम्बणं ४ ठवेत्ता जाव विहरित्तए’ । तए णं जेट्टपुत्ते आणन्दस्स समणोवास(ग)-यस्स तहत्ति एयमट्ठं विणएणं पडिसुणेइ । तए णं से आणन्दे समणोवासए तस्सेव मित्त जाव पुरओ जेट्टपुत्तं कुट्टुम्बे ठवेइ, ठवेत्ता एवं वयासी—‘मा णं देवाणु-प्पिया ! तुम्बे अज्जपभिइं केइ मम बहूसु कज्जेसु जाव आपुच्छउ वा पडिपुच्छउ वा, ममं अट्ठाए असणं वा ४ उवक्कवडेउ [वा] उवकरेउ वा । तए णं से आणन्दे समणोवासए जेट्टपुत्तं मित्तनाइं आपुच्छइ, आपुच्छित्ता सयाओ गिहाओ पडिषि-क्खमइ, पडिनिक्खमित्ता वाणियगामं नयरं मज्झमज्जेणं निग्गच्छइ, निग्ग-च्छित्ता जेणेव कोल्लए सन्निवेसे जेणेव नायकुळे जेणेव पोसहसाला तेणेव उवा-गच्छइ, उवागच्छित्ता पोसहसालं पमज्जइ, पमज्जित्ता उच्चारपासवणभूमिं पडिल्लेहेइ, पडिल्लेहिता दम्मसंधारयं संवरइ, दम्मसंधारयं दु-रुइइ, दुरुहित्ता पोसहसालाए पो रहिए दम्मसंधारोवणए समणस्स भगवओ महावीरस्स अन्तियं धम्मपण्णत्ति उवसम्पज्जिता णं विहरइ ॥ १० ॥ तए णं से आणन्दे समणोवासए

माओ उवसम्पञ्जिता णं विहरइ । पढमं उवासगपडिमं अहासुरं अहाकर्पं अहा-
मगं अहातच्चं सम्मं काएणं फासेइ पाळेइ सोहेइ तीरेइ कितेइ आराहेइ । तए णं
से आणन्दे समणोवासए दोच्चं उवासगपडिमं, एवं तच्चं चउत्थं पथमं छट्ठं
सत्तमं अट्ठमं नवमं दसमं एकारसमं जाव आराहेइ ॥ ११ ॥ तए णं से आणन्दे
समणोवासए इमेणं एयाह्वेणं उरालेणं विउलेणं पयत्तेणं परगहिएणं तवोकम्मेणं
सुक्के जाव किसे धमणिसन्तए जाए । तए णं तस्म आणन्दस्स समणोवासगस्स
अन्नया कयाइ पुव्वरत्ता जाव धम्मजागरियं जागरमाणस्स अयं अज्जत्थिए ५-
एवं खलु अहं इमेणं जाव धमणिसन्तए जाए, तं अत्थि ता मे उट्ठाणे कम्ममे बले
वीरिए पुरिसक्कारपरक्कमे सद्दाधिइसंवेगे, तं जाव ता मे अत्थि उट्ठाणे सद्दाधिइ-
संवेगे जाव य मे धम्मायरिए धम्मोवएसए समणे भगवं महावीरे जिणे मुहत्थी
विहरइ ताव ता मे सेयं कळं जाव जउन्ते अपच्छिममारणन्तियसंलेहणाइसणा-
इत्थियस्स भत्तपाणपडियाइक्खियस्स कालं अणवकङ्कमाणस्स विहरित्तए' एवं
सम्पेहेइ, संपेहिता कळं पाउ जाव अपच्छिममारणन्तिय जाव कालं अणवकङ्कमाणे
विहरइ । तए णं तस्स आणन्दस्स समणोवासगस्स अन्नया कयाइ सुमेणं अज्जव-
साणेणं सुमेणं परिणामेणं लेसाहिं विमुज्जमाणीहिं नदावरणिजाणं कम्माणं खओ-
वसमेणं ओहिनाणे समुप्पजे । पुरत्थिमेणं लवणसमुदे पयजोयणस(याइ)दयं खेतं
जाणइ पासइ, एवं दक्खिणेणं पच्चत्थिमेणं य, उत्तरेणं जाव सुहहिमवन्तं वासथर-
पव्वयं जाणइ पामइ, उट्ठं जाव मोहम्मं कर्पं जाणइ पामइ, अहे जाव इर्मासे
रयणप्पभाए पुढवीए लोलुयञ्जुयं नरयं चउरासीइवाससहस्सट्ठियं जाणइ पामइ
॥ १२ ॥ तेणं कालेणं तेणं समएणं समणे भगवं महावीरे समोमरिए, परिसा
निगया जाव पडिगया । तेणं कालेणं तेणं समएणं समणस्स भगवओ महावीरस्स
जेट्ठे अन्तेवासी इन्दभूई नामं अणगारे गोयमगोत्तेणं सत्तुस्सेहे समचउरंसंठाण-
संठिए वज्जिरिमहनारायसङ्खयणे कणगपुलगनिवसपम्हगेरे उरगतवे दित्ततवे तत्त-
तवे घोरतवे महातवे उराले घोरगुणे घोरतवस्सी घोरबम्मचेरवासी उच्छूढसरीरे
संखित्तविउलतेउलेसे छट्ठंछट्ठेणं अणिकिस्सत्तेणं तवोकम्मेणं संजमेणं तवसा अप्पाणं
भावेमाणे विहरइ । तए णं से भगवं गोयमे छट्ठकस्वमणपारणंसि पढमाए पोरिसीए
सज्जायं करेइ, बिइयाए पोरिसीए ज्ञाणं श्रियाइ, तइयाए पोरिसीए अतुरियं अन्वबलं
असम्मन्ते मुहपत्तिं पडिलेहेइ, १ ता भायणवत्थाई पडिलेहेइ, २ ता भायणवत्थाई
पमजइ, २ ता भायणं उरगाहेइ, उरगाहेता जेषेव समणे भगवं महावीरे तेणेव
उवागच्छउ. उवागच्छिता समणं भगवं महावीरं चन्दइ नमंसइ. बंदिता नमंसिता

एवं वयासी-इच्छामि णं भन्ते । तुब्भेहिं अब्भणुण्णाए छट्टक्खमण(स्स)पारणगति
वाणियगामे नयरे उच्चनीयमज्जिमाइं कुलाइं घरसमु(द्वा)दाणस्स भिक्खायरियाए
अडिताए' । अहासुहं देवाणुप्पिया । मा पडिबन्धं करेह । तए णं भगवं गोयमे सम-
णेणं भगवया महावीरेणं अब्भणुण्णाए समाणे समणस्स भगवओ महावीरस्स अन्ति-
याओ दूइपलासाओ उज्जाणाओ पडिणिक्खमइ, पडिणिक्खमिता अतुरियमचवलम-
सम्भन्ते जुगन्तरपरिलोयणाए दिट्ठीए पुरओ ई(इ)रियं सोहेमाणे जेणेव वाणियगामे
नयरे तेणेव उवागच्छइ, उवागच्छता वाणियगामे नयरे उच्चनीयमज्जिमाइं कुलाइं
घरसमु-दाणस्स भिक्खायरियाए अडइ । तए णं से भगवं गोयमे वाणियगामे नयरे जहा
पण्णत्तीए नहा जाव भिक्खायरियाए अडमाणे अहापज्जत्तं भत्तपाणं सम्मं पडिग्गा-
हेइ, पडिग्गाहिता वाणियगामाओ पडिणिग्गच्छइ पडिणिग्गच्छता कोल्लयस्स सज्जि-
वेसस्स अदूरसामन्तेणं व(वी)ईवयमाणे बहुजणमइं निसामेइ । बहुजणो अब्भमज्जस्स
एवमाइक्खइ ४-‘एवं खलु देवाणुप्पिया ! समणस्स भगवओ महावीरस्स अत्तेवासी
आणन्दे नामं समणोवासए पोसहसालाए अपाण्णम जाव अणवकंत्तमाणे विहरइ’ ।
तए णं तस्स गोयमस्स बहुजणस्स अन्तिए ए(यं)यमइं सोच्चा निमम्म अयमेयाह्वे
अज्जत्थिए ४-‘तं गच्छामि णं आणन्दं समणोवासयं पासामि’ एवं सम्पेहेइ,
संपेहिता जेणेव कोल्लाए सज्जिवेसे जेणेव आणन्दे समणोवासए जेणेव पोसहसाला
तेणेव उवागच्छइ । तए णं से आणन्दे समणोवासए भगवं गोयमं एज्जमाणं पासइ,
पासिता हट्ट[तुट्ट] जाव हियए भ(ग)यवं गोयमं वन्दइ नमंसइ, वंदिता नमंसिता
एवं वयासी-‘एवं खलु भन्ते । अहं इमेणं उरालेणं जाव धमणिसन्तए जाए, (नो)
न संचाएमि देवाणुप्पियस्स अन्तियं पाउब्भविता णं तिक्खुत्तो मुद्धानेणं पाए
अभिवन्दिताए, तुब्भे णं भन्ते । इच्छाकारेणं अणभिओएणं इओ चेव एह, जा णं
देवाणुप्पियणं तिक्खुत्तो मुद्धानेणं पाएसु वन्दामि नमंसामि’ । तए णं से भगवं
गोयमे जेणेव आणन्दे समणोवासए तेणेव उवागच्छइ ॥ १३ ॥ तए णं से आणन्दे
समणोवासए भगवओ गोयमस्स तिक्खुत्तो मुद्धानेणं पाएसु वन्दइ नमंसइ, वंदिता
नमंसिता एवं वयासी-‘अत्थि णं भन्ते ! गिहिणो गि(हि)हमज्जावसन्तस्स ओहिनाणे
(णं) समुप्पज्जइ ?’ हन्ता अत्थि । अइ णं भन्ते ! गिहिणो जाव समुप्पज्जइ, एवं खलु
भन्ते ! ममत्थि गिहिणो गिहिमज्जावसन्तस्स ओहिनाणे समुप्पजे-पुरत्थिमेणं
उवणसमुहे पक्ख जोवणसयाइं जाव लोख्यन्तुयं नरयं जाणामि पासामि । तए णं से
भगवं गोयमे आणन्दं समणोवासयं एवं वयासी-‘अत्थि णं आणन्दा ! गिहिणो
जाव समुप्पज्जइ ते ते’ ।

आलोएहि जाव तवोकम्मं पडिबज्जाहि' । तए णं से आणन्दे समणोवासए भगवं गोयमं एवं वयासी-‘अत्थि णं भन्ते । जिणवयणे सन्ताणं तच्चाणं तहियाणं सब्भूयाणं भावाणं आलोइज्जइ जाव पडिबज्जिज्जइ ?’ नो इणट्ठे समट्ठे । ‘जइ णं भन्ते ! जिणवयणे सन्ताणं जाव भावाणं नो आलोइज्जइ जाव तवोकम्मं नो पडिबज्जिज्जइ तं णं भन्ते । तुब्भे चेव एयस्स ठाणस्स आलोएह जाव पडिबज्जह’ । तए णं से भगवं गोयमे आणन्देणं समणोवासएणं एवं वुत्ते समाणे संकिए कंस्विए विइगिच्छारामावन्ने आणन्दस्स अन्तियाओ पडिणिक्खमइ, पडिनिक्खमिन्ता जेणेव दूइपलासे उज्जाणे जेणेव समणे भगवं महावीरे तेणेव उवागच्छइ, उवागच्छिता समणस्स भगवओ महावीरस्स अदूर-सामन्ते गमणागमणाए पडिक्कमइ, पडिक्कमिन्ता एसणमणेसणं आलोएइ, आलोएत्ता भत्तपाणं पडिदंसेइ, पडिदंसित्ता समणं भगवं महावीर वन्दइ नमंसइ, वंदित्ता नमंसित्ता एवं वयासी-‘एवं खलु भन्ते ! अहं तुब्भेहिं अब्भणुण्णाए तं चेव सव्वं क्खेइ जाव तए णं अहं संकिए ३ आणन्दस्स समणोवासगस्स अन्तियाओ पडिणिक्खमामि, पडिनिक्खमिन्ता जेणेव इहं तेणेव हव्वमागए, तं णं भन्ते ! किं आणन्देणं समणोवासएणं तस्स ठाणस्स आलोएयव्वं जाव पडिबज्जेयव्वं उदाहु मए ?’ ‘गोयमा’ इ समणे भगवं महावीरे भगवं गोयमं एवं वयासी-‘गोयमा । तुमं चेव णं तस्स ठाणस्स आलोएहि जाव पडिबज्जाहि, आणन्दं च समणोवासयं एयमट्ठं खामेहि’ । तए णं से भगवं गोयमे समणस्स भगवओ महावीरस्स ‘तह’ति एयमट्ठं विणएणं पडिसुणेइ, पडिसुणेत्ता तस्स ठाणस्स आलोएइ जाव पडिबज्जइ, आणन्दं च समणोवासयं एयमट्ठं खामेइ । तए णं समणे भगवं महावीरे अन्नया कयाइ बहिया जणवयविहारं विहरइ ॥ १४ ॥ तए णं से आणन्दे समणोवासए बहूहिं सीलव्वएहिं जाव अप्पाणं भावेत्ता वीसं वासाइं समणोवासगपरियागं पाउणिता एकारस य उवासगपडिमाओ सम्मं काएणं फासित्ता मासियाए संलेहणाए अनाणं झसित्ता सट्ठि भत्ताइं अणसणाए छेदेत्ता आलोइयपडिक्कन्ते समाहिपत्ते कालमासे कलं किच्चा सोहम्मं कप्पे सोह-म्मबडिसगस्स महाविमाणस्स उत्तरपुर-च्छिमेणं अरुणे विमाणे देवताए उव्वन्ने । तत्थ णं अत्थेगइयाणं देवानं चत्तारे पल्लिओवमाइं ठिई पण्णत्ता, तत्थ णं आण-न्दस्सवि ठेवस्स चत्तारे पल्लिओवमाइं ठिई पण्णत्ता । आणन्दे णं भन्ते । देवे ताओ देवलोगाओ आउक्खएणं ३ अणन्तरं बयं चइत्ता कहिं गच्छिहिइ कहिं उव्वज्जिहिइ ? गोयमा । महाविदेहे वासे सिज्जिहिइ ॥ १५ ॥ निक्खेवो ॥ सत्त-मस्स अक्कस्स उवासगदसाणं पदमं अज्जायणं समत्तं ॥

जइ णं भन्ते । समणेणं भगवया महावीरेणं जाव संपत्तेणं सत्तमस्स अइस्स उवासगदसार्णं पढमस्स अज्झयणस्स अयमद्वे पण्णत्ते, दोबस्स णं भन्ते । अज्झयणस्स के अद्वे पण्णत्ते ? एवं खलु जम्बू ! तेणं कालेणं तेणं समएणं चम्पा नामं नयरी होत्था । पुण्णभदे उज्जाणे । जियस(त्तु)णू राया । कामदेवे गाहाव(इ)ई । भहा भारिया । छ हिरण्णकोडीओ निहाणपउत्ताओ, छ(हि०)वु-त्तिपउत्ताओ, छ-पवित्थरपउत्ताओ । छ वया दसगोसाइस्सिएणं वणं । (तेणं का० तेणं स० भगवं म०) समोस(त्तु)रणं । जहा आणन्दो तहा निग्गओ, तहेव सावयधम्मं पडिब-जइ । सा चेव बत्तव्वया जाव जेट्टुपुनं सित्तनाई (आपुच्छइ) आपुच्छिणा जेणेव पोसहसाला तेणेव उवागच्छइ, उवागच्छिणा जहा आणन्दो जाव ममणस्स भग-वओ महावीरस्स अन्तियं धम्मपण्णत्तिं उवसंपज्जिता-णं विहरइ ॥ १६ ॥ तए णं तस्स कामदेवस्स समणोकामगस्स पुव्वरत्तावरत्तकालसभयंसि एगे देवे मायी सिच्छ-हिद्धी अन्तियं पाउब्भुए । तए णं से देवे एगं महं पिसायरूवं विउव्वइ । तस्स णं देवस्स पिसायरूवस्स इमे एयारूवे वण्णावामे पण्णत्ते-सीसं से गोकिलज्जसंठाण-संठियं, सात्तिभसेल्लसरिसा से केमा कविलतेएणं दिप्पमाणा, महल्लउट्टियाकभल्लसंठा-णसंठियं निडालं, मुग्गंमुपुं व तस्स भुमगाओ फुरगफुरगाओ विगय(वी)वीभ(स्थ)-च्छदंसणाओ, सीसघडि विणिग्गयाइं अच्छीणि विगय-वीभच्छदंसणाई, कणा जह सुप्पकर्तारं चेव विगयवीभच्छदंसणिजा, उरब्भपुडमन्निभा से नासा, इत्तिरा जम-ल्लुह्णीसंठाणसंठिया दो[S]वि तस्स नासापुडया, घोडयपुं व तस्स मंमूई कविलक-विलाई विगयवीभच्छदंसणाई, उट्ठा उ(ट्ट)इस्स चेव लम्बा, फालमरिसा से दन्ता, जिच्चा ज(ह)हा सुप्पकर्तारं चेव विगयवीभच्छदंसणिजा, हल्लु(डा)हल्लसंठिया से हणुया, गल्लकडिहं व तस्स खट्टं फुट्टं कविलं फहसं महल्लं, मुइज्जाकारोवमे से खन्धे, पुरवरकवाडोवमे से वच्छे, कोट्टियासंठाणसंठिया दो-वि तस्स बाहा, निसापाहाणसं-ठाणसंठिया दो-वि तस्स अग्गहत्था, निसालोडसंठाणसंठियाओ हत्थेषु अंगुलीओ, सिप्पिपुडग(संठाण)संठिया से नक्खा, ण(ह)हावियपसेवओ व्व उरंसि लम्बन्ति दो-S-वि तस्स थणया, पोहं अयकोट्टओ व्व बइ, पाणकलन्दसरिसा से नाही, सिक्खगसंठाणसंठि(या)ए से नेत्ते, किण्णपुड(संढवसण)संठाणसंठिया दो-S-वि तस्स वमणा, जमल्लकोट्टियासंठाणसंठिया दो-S-वि तस्स ऊरु, अज्जुण्णुइ व तस्स जाणूई कुच्चिल्लकुच्चिलाई विमयवीभच्छदंसणाई, जंघाओ क(रक)कल्लवीओ लोमेहिं उवचि-याओ, अहरीसंठाणसंठिया दो-S-वि तस्स फया, अहरीलोडसंठाणसंठियाओ पाएसु अंगुलीओ, सिप्पिपुड(सं०)संठिया से नक्खा, लडहमडहजाणुए विगयमम्ममुग्ग-

(भमुहे)भुमए अवदालियवयणाविव(रे)रनिष्ठाखियग्गीहे सरडकयमालियाए उन्दुर-
मालापारिणाद्भुसुक्यचिधे नउलक्यकण्णपूरे सप्पकयवैगच्छे अप्फोडन्ते अभिगाजन्ते
भीममुकट्टहासे नाणाविहृपञ्चवण्णेहिं लोमेहिं उवचिए एगं मइं नीलुप्पलगवलगुल्लिय-
अयसिक्खुमप्पगासं असिं खुरधारं गहाय जेणेव पोसहसाला जेणेव कामदेवे समणो-
वासए तेणेव उवागच्छइ, उवागच्छता आसु(र)रते रुद्धे कुविए चण्डिक्खिए मिसिमि-
सीयमाणे कामदेवं समणोवासयं एवं वयासी-‘हं भो कामदेवा ! समणोवासया ! अप्प-
त्थियपत्थिया दुरन्तपन्तलक्खणा हीणपुण्णचाउहसिया हिरिसिरेधिइकित्तिपरिवज्जिया
धम्मकामया पुण्णकामया सग्गकामया मोक्खकामया धम्मकंसिया पुण्णकंसिया
सग्गकंसिया मोक्खकंसिया धम्मपिवासिया पुण्णपिवासिया सग्गपिवासिया मोक्ख-
पिवासिया नो खलु कप्पइ तव देवाणुप्पिया ! जं सीलाइं वयाइं वेरमाणं पञ्चवसा-
णाइं पोसहोववासाइं चालित्तए वा खोभित्तए वा खण्डित्तए वा भजित्तए वा उज्जित्तए
वा परि(ट्ठि)ञ्चित्तए वा, तं जइ णं तुमं अज्ज सीलाइं जाव पोसहोववासाइं न छ(इ)-
ट्टेसि न भजेसि तो ते अहं अज्ज इमेणं नीलुप्पल[०] जाव असिणा खण्डाखण्डि करेसि,
ज-हा णं तुमं देवाणुप्पिया ! अट्टदुहट्टवसट्टे अकाले च्चव जीवियाओ ववरोविज्जसि’ ।
तए णं से कामदेवे समणोवासए तेणं देवेणं पिसायरूवेणं एवं वुत्ते समाणे अभीए
अतरथे अणुच्चिग्गे अक्खुभिए अचलिए असम्भन्ते तुसिणीए धम्मज्जाणोवगए
विहरइ ॥ १७ ॥ तए णं से देवे पिसायरूवे कामदेवं समणोवासयं अभीयं जाव
धम्मज्जाणोवगयं विहरमाणं पासइ, पासिता दोब्बं-पि तब्बं-पि कामदेवं (समणोवासयं)
एवं वयासी-‘हं भो कामदेवा ! समणोवासया ! अपत्थियपत्थि० जइ णं तुमं अज्ज
जाव ववरोविज्जसि’ । तए णं से कामदेवे समणोवासए तेणं देवेणं दोब्बं-पि तब्बं-पि
एवं वुत्ते समाणे अभीए जाव धम्मज्जाणोवगए विहरइ । तए णं से देवे पिसायरूवे
कामदेवं समणोवासयं अभीयं जाव विहरमाणं पासइ, पासिता आसु-रते (५) विव-
लियं भिउडिं निडाळे साहडुकामदेवं समणोवासयं नीलुप्पल-जाव असिणा खण्डा-
खण्डि करेइ । तए णं से कामदेवे समणोवासए तं उज्जलं जाव दुरहियासं वेयणं सम्मं
सहइ जाव अहियासेइ ॥ १८ ॥ तए णं से देवे पिसायरूवे कामदेवं समणोवासयं
अभीयं जाव विहरमाणं पासइ, पासिता जाहे नो संचाएइ कामदेवं समणोवासयं
निगन्धाओ पावयणाओ चालित्तए वा खोभित्तए वा विपरिणामित्तए वा ताहे सम्मे
तन्ते परितन्ते सणियं सणियं पच्चोसकइ, पच्चोसकित्ता पोसहसालाओ पच्चिगिवक्ख-
मइ, पच्चिनिक्खमिता दिव्वं पिसायरूवं विप्पज्जइ, विप्पज्जहिता एगं मइं दिव्वं इत्थि-
रूवं विउव्वइ, सत्तापइट्ठियं सम्मं संठियं सुजायं पुरओ उदम्मं पिट्ठयो वाराइं अया-

कुच्छि अलम्बकुच्छि पलम्बलम्बोदराधरकरं अब्भुमगयमउलमल्लियाविमलघवलदन्तं
 कञ्चणकोटीपविट्टदन्तं आणामियचावललियसंविस्त्रियग्गसोण्डं कु(ग्मिब)म्मपडिपुण्ण-
 चलणं वीसइनक्खं अलीणपमाणजुत्तापुच्छं मत्तं मेहमिव गुलगुलेन्तं मणपवणजइणवेगं
 दिव्वं हत्थिरुवं विउव्वइ, विउव्विता जेणेव पोसइसाला जेणेव कामदेवं समणोवा-
 सए तेणेव उवागच्छइ, उवागच्छिता कामदेवं समणोवासयं एवं वयासी-‘हं भो
 कामदेवा ! समणोवासया ! तह्वेव भणइ जाव न भजेसि, तो ते अज्ज अहं
 मोण्डाप गिण्हामि, गिण्हिता पोसइसालाओ नीणेमि, नीणिता उव्वं वेहासं उव्व-
 हामि, उव्वहिता तिकखेहिं दन्तमुसलेहिं पडिच्छामि, पडिच्छिता अहे धरणितालंसि
 तिकखुतो पाएउ लोलेमि, जहा णं तुमं अट्टइइट्टवसट्टे अकाळे चेष नीवियाओ
 ववरोविज्जसि’ । तए णं से कामदेवे मणोवासए तेणं देवेणं हत्थिरुवेणं एवं वुत्ते
 समाणे अभीए जाव विहरइ । तए णं मे देवे हत्थिरुवे कामदेवं समणोवासयं
 अभीयं जाव विहरमाणं पासइ, पासिता दोब्बं-पि तब्बं-पि कामदेवं समणोवासयं
 एवं वयासी-‘हं भो कामदेवा ! तह्वेव जाव सो-ऽ-वि विहरइ । तए णं से देवे हत्थि-
 रुवे कामदेवं समणोवासयं अभीयं जाव विहरमाणं पासइ, पासिता आउ(र)रुत्ते ५
 कामदेवं समणोवासयं सोण्डाप गिण(ह)हेइ, गिण्हिता उव्वं वेहासं उव्विहइ, उव्वि-
 हिता तिकखेहिं दन्तमुसलेहिं पडिच्छइ, पडिच्छिता अहे धरणितालंसि तिकखुतो पाए-
 (पडे)सु लोलेइ । तए णं से कामदेवे समणोवासए तं उज्जलं जाव अहियासेइ ॥१९॥
 तए णं से देवे हत्थिरुवे कामदेवं समणोवासयं जाहे नो संचाएइ जाव सणियं
 सणियं पबोसइइ, पबोसइहिता पोसइसालाओ पडिणिकखमइ, पडिणिकखमिता दिव्वं
 हत्थिरुवं विप्पजइइ, विप्पजइहिता एगं महं दिव्वं सप्परुवं विउव्वइ, (तं) उग्गविसं
 चण्डविसं घोरविसं (दिट्ठिविसं) महाकार्यं म(सि)सीमूसाकालं नयणविसरोसपुण्णं
 अंजणपुंजिनिरग्गसं रत्तच्छं लोहियलोयणं जमलजुयलचबलजीहं धरणीयलवे-
 (णी)णिभूयं उक्कडफुडकुडिलजडिलकक्खसवियड(फु)फडाडोवकरणवच्छं लोहाभरध-
 म्ममाणधममेन्तघोसं अणागलियनिव्वचण्डरोसं सप्परुवं वि(वे)उव(वे)वइ, २ ता
 जेणेव पोसइसाला जेणेव कामदेवे समणोवासए तेणेव उवागच्छइ, उवागच्छिता
 कामदेवं समणोवासयं एवं वयासी-‘हं भो कामदेवा ! समणोवासया ! जाव न भ(ज्ज)-
 जेसि तो ते अ(ज्ज)जेव अहं सरसरस्स कार्यं दु(रु)रहामि, २ ता पच्छिमेणं भाएणं
 तिकखुतो गीवं वेडेमि, वेडेता तिकखाहिं विसपरिमयाहिं दाहाहिं उरंसि चेष निकुट्टेमि,
 ज-हा णं तुमं अट्टइइट्टवसट्टे अकाळे चेष नीवियाओ ववरोविज्जसि’ । तए णं से कामदेवे
 समणोवासए तेणं देवेणं सप्परुवेणं एवं वुत्ते समाणे अभीए जाव विहरइ, सो-ऽ-वि

दोर्च-पि तर्च-पि भणइ, कामदेवो-ऽ-वि जाव विहरइ । तए णं से देवे सप्परूवे कामदेवं
समणोवासयं अभीयं जाव पासइ, पासिन्ना आसु-रुते ४ कामदेवस्स समणोवास(ग)-
यस्स सरसरस्स कायं दुक्खइ, दुक्खहिता पच्छिमभाएणं तिक्खुतो गीवं वेढे(ई)इ, वेढेता
तिक्खवाहिं विसपरिगयाहिं दाडाहिं उरंसि चेव निकुट्टेइ । तए णं से कामदेवे सम-
णोवासए तं उज्जलं जाव अहियासेइ ॥ २० ॥ तए णं से देवे सप्परूवे कामदेवं
समणोवासयं अभीयं जाव पासइ, पासिन्ना जाहे नो संचाएइ कामदेवं समणोवासयं
निग्गन्धाओ पावयणाओ चालितए वा खोभितए वा विपरिणामितए वा ताहे सन्ते
३ सणियं सणियं पच्चोसकइ, पच्चोसकित्ता पोसहसालाओ पडिणिक्खमइ, पडिणिक्ख-
मित्ता दिव्वं सप्परूवं विप्पजहइ, विप्पजहिता एगं महं दिव्वं देवरूवं वि-उव्वइ,
हारविराइयवच्छं जाव दस-दिसाओ उज्जोवेमाणं पभासेमाणं पासाईयं दरिसणिज्जं
अभिरूवं पडिरूवं दिव्वं देवरूवं विउव्वइ, विउव्वित्ता कामदेवस्स समणोवासयस्स
पोसहसालं अणुप्पविसइ, अणुप्पविसित्ता अन्नत्तिकव्वपडिक्खे सखिखिणियाई पञ्च-
वण्णाइं वत्थाईं पवरपरिहिए कामदेवं समणोवासयं एवं वयासी-‘हं भो कामदेवा ।
समणोवासया । धञ्जे सि णं तुमं देवाणुप्पिया । स(म)पुण्णे कयत्थे कयलक्खणे, सुल्लेद्धे
णं तव देवाणुप्पिया । माणुस्सए जम्मजीवियफले, जस्स णं तव निग्गन्थे पावयणे
इमेयारूवा पडिवत्ती लद्धा पत्ता अभिसमजागया । एवं खलु देवाणुप्पिया । सक्के
देविन्दे देवराया जाव सक्कसि सीहामणंसि चउरासीईए सामाणियसाहस्सीणं जाव
अञ्जेसि च बहूणं देवाण य देवीण य भज्जगए एवमाइक्खइ ४-एवं खलु देवा(०) ।
जम्बुद्वीवे वीवे भारहे वासे चम्पाए नयरीए कामदेवे समणोवासए पोसहसालाए
पोसहि(ए)यबम्म(चेरवासी)चारी जाव दम्मसं(थ)थारोबगए समणस्स भगवओ
महावीरस्स अन्ति(ए)यं धम्मपण्णमि उव्वसम्पजित्ता-णं विहरइ, नो खलु से
स(का)क्को केणइ देवेण वा दाणवेण वा जाव गन्धव्वेण वा निग्गन्धाओ पावय-
णाओ चालितए वा खोभितए वा विपरिणामितए वा । तए णं अहं सक्कस्स देवि-
न्दस्स देवरण्णो एयमद्धं असइहमाणे ३ इहं हव्वमागए, तं अहो णं देवाणुप्पिया ।
इह्वा ६ लद्धा ३, तं दिट्ठा णं देवाणुप्पिया । इह्वा जाव अभिसमजागया, तं खामेमि
णं देवाणुप्पिया । खमन्नु मज्झ देवाणुप्पिया । खन्नुस(ठ)रहन्ति णं देवाणुप्पिया ।
नाईं भुज्जो करणयाए’ति-कइ पायवडिए पज्जलिउडे एयमद्धं भुज्जो भुज्जो खामेइ,
खामेत्ता जामेव दि(सि)सं पाउन्भूए तामेव दिसं पडिगए । तए णं से कामदेवे
समणोवासए निक्खसग्गं (इइ) तिरुट्टु पडिमं पारेइ ॥ २१ ॥ तेषं कालेणं तेषं
समएणं समणे भगवं महावीरे जाव विहरइ । तए णं से कामदेवे समणो-

वासए इमीसे कहाए लद्धडे समणे 'एवं खलु समणे भगवं महावीरे जाव विहरइ, नं सेयं खलु भम समणं भगवं महावीरं वन्दिता नमंसिता तओ पडिणियतास्स पोसहं पारित्तए'ति कट्टु एवं सम्पेहेइ, संपेहिता सुद्धप्पावेसाइं वत्थाइं जाव मणुस्स-चग्गुरापरिक्खित्ते सयाओ गिहाओ पडिणिकखमइ, पडिणिकखमित्ता चम्मं नगरिं मज्झंमज्जेणं निग्गच्छइ, निग्गच्छिता जेणेव पुण्णभेइ उज्जाणे जहा संखो जाव पञ्चुवासइ । तए णं समणे भगवं महावीरे कामदेवस्स समणोवासयस्स तीसे य जाव धम्मकहा समता ॥ २२ ॥ कामदेवा ! इ समणे भगवं महावीरे कामदेवं समणोवासयं एवं वयासी-से नूणं कामदेवा ! तुच्चं पुव्वरत्तावरत्तकालसमयंसि एगे देवे अन्तिए पाउच्चूए, तए णं से देवे एगं महं दिव्वं पिसायरूवं विउव्वइ, विउ-व्वित्ता आसु-एते ४ एगं महं नीलुप्पल-जाव असिं गहाय तुमं एवं वयासी-हं ओ कामदेवा ! जाव जीवियाओ ववरोविज्जसि, तं तुमं तेणं देवेणं एवं वुत्ते समणे अमीए जाव विहरसि, एवं वण्णगरहिया तिण्णि-वि उवसग्गा तहेव पडिउच्चारयेव्वा जाव देवो पडिगओ । से नूणं कामदेवा ! अट्टे समट्टे ? हुन्ता, अत्थि । 'अज्जो ! इ समणे भगवं महावीरे बहवे समणे निग्गन्थे य निग्गन्थीओ य आमन्तेणा एवं वयासी-जइ ताव अज्जो ! समणोवासगा यिहिणो गि(हि)हमज्जावसन्ता दिव्वमा-णु(र)सतिरिक्खजोणिए उवसग्गे सम्मं सहन्ति जाव अहियासेन्ति, सक्का-पुणा(इ)ई अज्जो ! समणेहिं निग्गन्थेहिं दुवालसङ्गं गणिपिडगं अहिज्जमाणेहिं दिव्वमाणुसति-रिक्खजोणिए सम्मं सहितए जाव अहियासितए । तओ ते बहवे समणा निग्गन्था य निग्गन्थीओ य समणस्स भगवओ महावीरस्स त(हि)हत्ति एयमट्टं विणएणं पडिसु-णन्ति । तए णं से कामदेवे समणोवासए इ० जाव समणं भगवं महावीरं पसिणाइं पुच्छइ, अट्टमादियइ, समणं भगवं महावीरं तिक्खत्तो वन्दइ नमंसइ, वंदित्ता नमं-सित्ता जामेव दि-सिं पाउच्चूए तामेव दि-सिं पडिगए । तए णं समणे भगवं महावीरे अज्जया कयाइ चम्पाओ पडिणिकखमइ, पडिणिकखमित्ता बहिया जणवय-विहारं विहरइ ॥ २३ ॥ तए णं से कामदेवे समणोवासए पढमं उवासरपडिमं उव-सम्पज्जित्तणं विहरइ, तए णं से कामदेवे समणोवासए बहूहिं [सीलवएहिं] जाव भावेणा वीसं वासाइं समणोवासगपरियागं पाउणित्ता एकारस उवासगपडिमाओ सम्मं कारणं फासेत्ता मात्तियाए संलेहणाए अप्पाणं झूसित्ता सट्ठि भत्ताइं अणमणाए छेदेत्ता आलोइयपडिक्कन्ते समाहिपत्ते कालमासे कालं किच्चा सोहम्मं कप्पे सोहम्म-वडिसयस्स महाविमाणस्स उत्तरपुरत्थिमेणं अरुणाभे विमाणे देवताए उववजे । ताव णं अत्थेगइयाणं देवाणं चत्तारि पलिओवमाइं ठिई पण्णत्ता, (तत्थणं) काम-

देवस्स-५-वि देवस्स चत्तारि पलिओवमाइं ठिइं पण्णत्ता । से णं भन्ते ! कामदेवे (देवे) ताओ देवलोगाओ आउक्खएणं भवक्खएणं ठिइक्खएणं अणन्तरं चयं चइत्ता कहिं गमिहिइ, कहिं उववज्जिहिइ ? गोक्कमा ! महाविदेहे वसे सिज्जिहिइ (जाव सव्वदुक्खा०) ॥ २४ ॥ निक्खेवो ॥ सत्तमस्स अङ्गस्स उव्वसगद-साणं वीर्यं अज्झयणं समत्तं ॥

उक्खेवो तइयस्स अज्झयणस्स । एवं खलु जम्बू ! तेणं कालेणं तेणं समएणं वाणारसी नामं नयरी(होत्था), कोट्ट(गनाम)ए उज्जाणे, जियसत्तू राया । तत्थ णं वाणारसीए न(य)गरीए चुलणीपिया नामं गाहावईं परिवसइ, अन्हे जाव अपरिभूए । सामा भारिया । अट्ट हिरण्णकोडीओ निहाणपउत्ताओ, अट्ट-बुद्धिपउत्ताओ, अट्ट-पवित्थरपउत्ताओ, अट्ट वया दसगोसाहस्सिएणं वएणं, जहा आणं(दो)दे राईसर[०] जाव मव्वकज्जवच्चावए यावि होत्था । सामी समोस(बु)डे, परिसा निग्गया, चुलणी-पिया-वि जहा आणन्दो तथा निग्गओ, तहेव गिहिधम्मं पडिक्कइ । गीयमपुच्छा तहेव सेसं जहा कामदेवस्स जाव पोसहसालाए पोसहिए बम्भचारी समणस्स भग-वओ महावीरस्स अन्तियं धम्मपण्णत्तिं उव्वसम्पज्जिना-णं विहरइ ॥ २५ ॥ तए णं तस्स चुलणीपियस्स समणोवासयस्स पुव्वरत्तावरत्तकालसमयंसि एगे देवे अन्तियं पाउच्चूए । तए णं से देवे एगं(महं) नीलुप्पल-जाव असिं गहाय चुलणीपियं समणोवासयं एवं वयासी-हं भो चुलणीपिया ! समणोवासया ! जहा कामदे(वे)वो जाव न भज्जसि तो ते अहं अब्ब जेद्धं पुत्तं साओ गिहाओ नीणेमि, नीणेत्ता तव अग्गओ घाएमि, घाएत्ता तओ मंससोळ्ळे करेमि, करेत्ता आदाणभरियंसि कडाहर्यंसि अहहेमि, अहहेत्ता तव गायं मंसेण य सोणिण्ण य आ(इं)यच्चामि, जहा णं तुमं अट्टु-हट्टवसट्टे अकाले चेव जीवियाओ ववरोवि(जा)ज्जसि ॥ २६ ॥ तए णं से चुलणीपिया समणोवासए तेणं देवेणं एवं बुत्ते समाणे अभीए जाव विहरइ । तए णं से देवे चुलणीपियं समणोवासयं अभीयं जाव पासइ, पासित्ता दोच्चं-पि तच्चं-पि चुलणीपियं समणोवासयं एवं वयासी-हं भो चुलणीपिया ! समणोवासया ! तं चेव भणइ, सो जाव विहरइ । तए णं से देवे चुलणीपियं समणोवासयं अभीयं जाव पासित्ता आसु-रुत्ते ४ चुलणीपियस्स समणोवास-यस्स जेद्धं पुत्तं गिहाओ नीणेइ, नीणेत्ता अग्गओ घाएइ, घाएत्ता तओ मंससोळ्ळे करेइ, करेत्ता आदाणभरियंसि कडाहर्यंसि अहहेइ, अहहेत्ता चुलणीपियस्स समणोवासयस्स गायं मंसेण य सो(णी)णिण्ण य आयच्चइ । तए णं से चुलणीपिया समणोवासए तं जज्जलं जाव अहियासेइ । तए णं से देवे चुलणीपियं समणोवासयं अभीयं जाव पासइ, पासित्ता दोच्चं-पि चुलणी-

पियं समणोवासयं एवं वयासी-हं भो चुलणीपिया । समणोवासया ! अपत्थिय-
 प(त्थि)त्थया [1] जाव न भजसि तो ते अहं अज्ज मज्झिमं पुत्तं साओ गिहाओ
 नीणेमि, नीणेत्ता तव अग्गओ घाएमि, जहा जेहं पुत्तं तहेव भणइ, तहेव करेइ ।
 एवं तच्च-पि कणीयसं जाव अहियासेइ ॥ २७ ॥ तए णं से देवे चुलणीपियं
 समणोवासयं अभीयं जाव पासइ, पासित्ता चउत्थं-पि चुलणीपियं समणोवासयं एवं
 वयासी-“हं भो चुलणीपिया ! समणोवासया ! अपत्थियप-त्थं ० ४ इइ णं तुभं
 जाव न भजसि तओ अहं अज्ज जइ इमा तव माया भद्दा सत्थवा(हिणी)ही देवय-
 गुरुजणणी दुक्करदुक्करकारिया तं ते साओ गिहाओ नीणेमि, नीणेत्ता तव अग्गओ
 घाएमि, घाएत्ता तओ मंससोए करेमि, करेत्ता आदानभरियंसि कडाहयंसि अह-
 हेमि, अहहेत्ता तव गायं ममेण य सोणिएण य आयच्चामि जहा णं तुमं अट्टुहट्टव-
 सत्ते अकाले चैव जीवियाओ ववरोविज्जमि” । तए णं से चुलणीपिया समणोवासए
 तेणं देवेणं एवं बुत्ते समाणे अभीए जाव विहरइ । तए णं से देवे चुलणीपियं
 समणोवासयं अभीयं जाव विहरमाणं पासइ, पासित्ता चुलणीपियं समणोवासयं
 दोच्च-पि तच्च-पि एवं वयासी-हं भो चुलणीपिया ' समणोवासया ' तहेव जाव
 ववरोविज्जसि । तए णं तस्म चुलणीपियस्स समणोवासयस्स तेणं देवेणं दोच्च-पि
 तच्च-पि एवं बुत्तस्स समाणस्स इमेयारुवे अज्जत्थिए ५-अहो णं इमे पुरिसे अणा-
 रिए (अणारियबुद्धी) अणारि(याइ पाबाइ)यकम्मइ समायरइ, जेणं म(म)नं जेहं
 पुत्तं साओ गिहाओ नीणेइ, नीणेत्ता मम अग्गओ घाएइ, घाएत्ता जहा कयं तहा
 चिन्तेइ जाव गायं आयच्चइ, जेणं म-मं मज्झिमं पुत्तं साओ गिहाओ जाव
 सोणिएण य आयच्चइ, जेणं ममं कणीयसं पुत्तं साओ गिहाओ तहेव जाव आयच्चइ,
 आ-5-वि य णं इमा ममं माया भद्दा सत्थवाही देवयगुरुजणणी दुक्करदुक्करकारिया
 तं-पि य णं इच्छइ सा(सया)ओ गिहाओ नीणेत्ता मम अग्गओ घा(इ)एत्ताए, तं
 सेयं खल्ल ममं एयं पुरिसं गिण्हित्ताए त्तिकहु उ(द्धा)द्धाइए, से-5-वि य आगासे उप्प-
 इए, तेणं च खम्मो आसाइए, महया महया सहेणं कोलाहळे कए, तए णं सा भद्दा
 सत्थवा-ही तं कोलाहलसइ सोच्चा निसम्म जेणेव चुलणीपिया समणोवासए तेणेव
 उवागच्छइ, उवागच्छित्ता चुलणीपियं समणोवासयं एवं वयासी-किण्णं पुत्ता ! तुमं
 महया महया सहेणं कोलाहळे कए ? तए णं से चुलणीपिया समणोवासए अम्मयं
 मइ सत्थवाहिं एवं वयासी-एवं खल्ल अम्मो ! न आ(या)णामि, केवि पुरिसे आसु-
 सत्ते ५ एणं मइं नीलुप्पल-जाव असि गहाय ममं एवं वयासी-हं भो चुलणी-
 पि० समणोवासया ! अपत्थियप-त्थया ४ वजिया जइ णं तुमं जाव ववरोविज्जसि ।

(त०णं) अहं तेणं पुरिसेणं एवं वुत्ते समाणे अभीए जाव विहरामि । तए णं से पुरिसे ममं अभीयं जाव विहरमाणं पासइ, पासित्ता ममं दोच्चं-पि तच्चं-पि एवं वयासी-हं भो चुलणीपि० समणोवासया ' तहेव जाव गायं आयब्बइ । तए णं अहं तं उज्जलं जाव अहियासेमि । एवं तहेव उच्चारयेयव्वं सव्वं जाव कणीयसं जाव आयब्बइ, अहं तं उज्जलं जाव अहियासेमि । तए णं से पुरिसे ममं अभीयं जाव पासइ, पासित्ता ममं चउत्थं-पि एवं वयासी-हं भो चुलणीपि० समणोवासया ! अपत्थिय-पत्थया जाव न भज्जसि तो ते अज्ज जा इमा (तव) माया (म०) गुरुं [०] जाव ववरोविज्जसि । तए णं अहं तेणं पुरिसेणं एवं वुत्ते समाणे अभीए जाव विहरामि । तए णं से पुरिसे दोच्चं-पि तच्चं-पि ममं एवं वयासी-हं भो चुलणीपि० समणोवासया ! अज्ज जाव ववरोविज्जसि । तए णं तेणं पुरिसेणं दोच्चं-पि तच्चं-पि ममं एवं वुत्तस्स समाणस्स इ(अय)मेयारूवे अज्जत्थिए ५.-अहो णं इमे पुरिसे अणारिए जाव समायरइ, जेणं म-मं जेट्टं पुत्तं साओ गिहाओ तहेव जाव कणीयसं जाव आयब्बइ, तु(ज्जे)ब्बे-5-वि य णं इच्छइ साओ गिहाओ नीणेत्ता मम अगगओ धाएणए, तं सेयं खल्ल ममं एयं पुरिसं गिण्हित्तए त्तिक्कडु उ-दाइए, से-5-वि य आगासे उप्पइए, मए-5-वि य खम्ममे आसाइए, महया महया सदेणं कोठाहले कए ॥ २८ ॥ तए णं सा भहा सत्यवाही चुलणीपियं समणोवामयं एवं वयासी-नो खल्लु के(इ)इ पुरिसे तव जाव कणीयसं पुत्तं साओ गिहाओ नीणेइ, नीणेत्ता तव अगगओ धाएइ, एस (न) णं केइ पुरिसे तव उवसगं करेइ, एस णं तुमं विदरिसणे दिट्ठे, तं ण तुमं इ(दा)याणिं भगव्वए भगगनियमे भगगपोस(होववासे)हे विहरत्ति, तं णं तुमं पुत्ता ! एयस्स टाणस्स आलोएहि जाव पड्डिवजाहि । तए णं से चुलणीपिया समणोवामए अम्मगाए भहाए सत्यवाहीए तद्धत्ति एयमट्ठं विणएणं पड्डिसुणेइ, पड्डिसुणेत्ता तस्स टाणस्स आलोएइ जाव पड्डिवज्जइ ॥ २९ ॥ तए णं से चुलणीपिया समणोवामए पटमं उवासग-पडिमं उवसम्पज्जिण-णं विहरइ, पटमं उवामगपडिमं अहानुत्तं जहा आणन्दो जाव ए(ड)क्कारम-वि । तए णं से चुलणीपिया समणोवासए तेणं उरालेणं अह्हा कामदेवो जाव मोहम्ममे कप्पे सोहम्मवडिसगस्स महाविमाणस्स उत्तरपुरत्थिमेणं अदणप्पमे विमाणं देवताए उवव(ज्जो)जे । चत्तारि पडिओवमाईं ठिईं (जाव) पण्णत्ता । महाविदेहे वासे तिज्झहिइ ५ ॥ ३० ॥ तिक्खेवो (तहेव) ॥ सत्तमस्स अहस्स उवासगदसाणं तइयं अज्जयणं समत्तं ॥

उक्खेवओ चउत्थस्स अज्जयणस्स । एवं खल्लु जम्बू । तेणं कालेणं तेणं सम-एणं वाणारसी नामं नयरी । कोट्टए उज्जाणे । जियस-तू राया । सुरादेवे नाहाव-ई,

अन्वे (जाव अपरिभूए) । छ हिरण्णकोडीओ जाव छ बया दसगोसाहस्तिएणं वएणं । धन्ना भारिया । सामी समोसडे । जहा आणन्दो तहेव पडियजइ गिहिधम्मं । जहा कामदेवो जाव समणस्स भगवओ महावीरस्स धम्मपण्णत्ति उवसम्पज्जिता-णं विहरइ ॥ ३१ ॥ तए णं तस्स सुरादेवस्स समणोवासयस्स पुब्बरतावरणकालस्समयंसि एगे देवे अन्तियं पाउब्भवित्थया । से देवे एगं महं नीलुप्पल-जाव असिं गहाय सुरादेवं समणोवासयं एवं वयासी-हं भो सुरादे० समणोवासया ! अपत्थियप-त्थया ४ जइ णं तुमं सी(लब्बया)लाई जाव न भज्जसि तो ते जेट्ठं पुत्तं साओ गिहाओ नीणेमि, नीणेना तव अगगओ घाएमि, घाएत्ता पन्न (मंस)सोछए करेमि, (२ ता) आ(या)-दाणभरियंसि कडाहयंसि अहहेमि, अहहेत्ता तव गायं मंसेण य सोणिण्ण य आ(-च)-यत्थामि, जहा णं तुमं अकाले चेव जीवियाओ ववरोविज्जसि । एवं मज्झि(मं)मयं, कणीयसं, एक्केक्के पन्न सोछया, तहेव करेइ, जहा चुलणीपियस्स, नवरं एक्केक्के पन्न सोछया । तए णं से देवे सुरादेवं समणोवासयं चउत्थं-पि एवं वयासी-हं भो सुरादेवा ! समणोवासया ! अपत्थियप-त्थया ४ जाव न परिच्चय(मंज)सि (त)तो (अहं) ने अज (तव) सरीरंसि जमगसमगमं व सोलस रोगायक्के पक्खिस्स(वे)वामि, तं-जहा-साये, कासे जाव को(ठए)डे, ज-हा णं तुमं अट्टुहुइ[०] जाव ववरोविज्जसि । तए णं से सुरादेवे समणोवासए जाव विहरइ । एवं देवो दोब्बं-पि तब्बं-पि भणइ जाव ववरोविज्जसि ॥ ३२ ॥ तए णं तस्स सुरादेवस्स समणोवासयस्स तेणं देवेणं दोब्बं-पि तब्बं-पि एवं वुत्तस्स समाणस्स इमेयारूवे अज्जत्थिए ४ (समु०)-अहो णं इमे पुरिसे अणारिए जाव समायरइ, जेणं ममं जेट्ठं पुत्तं जाव कणीयसं जाव आयच्चइ, जे-ऽ-वि य इमे सोलस रोगायक्का ते-ऽ-वि य इच्छइ मम सरीरगंसि पक्खिवित्तए, तं सेयं खलु ममं एयं पुरिसं गिण्हित्तए त्तिकहु उ-द्धाए । से-ऽ-वि य आगसे उप्पइए, तेण ३ खम्मे आसाइए, महया महया सहेणं कोलाहले कए ॥ ३३ ॥ तए णं सा धन्ना भारिया कोलाह(लसहं)ळं सोब्बा निसम्म जेणेव सुरादेवे समणोवासए तेणेव उवागच्छइ, उवागच्छत्ता एवं वयासी-किण्णं देवाणुप्पिया ! तुब्भेहिं महया महया सहे(ण)णं कोलाहले कए ? तए णं से सुरादेवे समणोवासए धन्नं भारियं एवं वयासी-एवं खलु देवाणुप्पिए ! के(इ)-ऽ-वि पुरिसे तहेव कहेइ जहा चुलणीपिया । धन्ना-ऽ-वि पक्कि-भणइ-जाव कणीयसं, नो खलु देवाणुप्पिया । तुब्भं के-ऽ-वि पुरिसे सरीरंसि जमग-समगं सोलस रोगायक्के पक्खिस्सइ, एस-णं के-वि पुरिसे तुब्भं उवसगं करेइ, सेसं जहा चुलणीपियस्स तहा भणइ । एवं सेसं अहा चुलणीपियस्स निरवसेसं जाव सोइम्(स)मे कप्पे अरुअकन्ते विमाणे उववधे । चत्ताहि पक्किओवमाई ठिई, महा-

विदेहे वासे सिञ्जिहिइ ५ ॥ ३४ ॥ निक्खेवो ॥ सत्तमस्स अक्कस्स उवास-
गदसाणं चउत्थं अज्झयणं समत्तं ॥

उक्खेवो पञ्चमस्स । एवं खलु जम्बू ! तेणं कालेणं तेणं समएणं आ(लं)लभिया
नामं नयरी-। सङ्खवणे उज्जाणे । जियसत्तू राया । चुळसयए गाहावई(परिवसड),
अङ्गे जाव छ हिरण्णकोडीओ जाव छ वया दसगोसाहस्सिएणं वएणं । बहुला भारिया ।
सामी समोस-हे । जहा आणंओ तहा (धम्मं सोच्चा) गिहिधम्मं पडिवज्जइ, सेसं जहा
कागदे-वो जाव धम्मपण्णति उवसम्पज्जिताणं विहरइ ॥ ३५ ॥ तए णं तस्स चुळसय
गस्स समणोवासयस्स पुव्वरत्तावरत्तकालसमयंसि एगे देवे अन्तियं जाव आसिं गहाय
एवं वयासी-हं भो चुळसय० समणोवासया । जाव न भज्जसि तो ते अज्ज जेट्टं पुत्तं साओ
गिहाओ नीणेमि, एव जहा चुलणीपियं, नवरं एक्के सत्तं मंसमोक्क्या जाव कणीयमं
जाव आयस्सामि । तए णं से चुळसयए समणोवामए जाव विहरइ । तए णं से देवे
चुळसयगं समणोवासयं चउत्थं-पि एवं वयासी-हं भो चुळसयगा । समणोवासया !
जाव न भज्जसि तो ते अज्ज जाओ इमाओ छ हिरण्णकोडीओ निहाणपउत्ताओ, छ
वु-ङ्खिपउत्ताओ, छ पवित्थरपउत्ताओ (सव्वाओ) ताओ साओ गिहाओ नीणेमि, नीणेत्ता
आ-लभियाए नयरीए सिङ्गाडग[०]जाव पहेसु सव्वओ समन्ता विप्पइरामि, ज-हा
णं तुमं अट्टुहट्टवसट्टे अकाले चैव जीवियाओ ववरोविज्जसि ॥ ३६ ॥ तए णं
से चुळसयए समणोवासए तेणं देवेणं खवं बुत्ते समाणे अभीए जाव विहरइ । तए णं
से देवे चुळसयगं समणोवासयं अभीयं जाव पासित्ता दोच्चं-पि तच्चं-पि तहेव भणड
जाव ववरोविज्जसि । तए णं तस्स चुळसयगस्स समणोवासयस्स तेणं देवेणं दोच्चं-पि
तच्चं-पि एवं जुत्तस्स समाणस्स अयमेयारूचे अज्जत्थिए ४-‘अहो णं इमे पुरिसं
अणारिए जहा चुलणीपिया तहा चिन्तेइ जाव कणीयसं जाव आयस्सइ, जाओ-ऽ वि
य णं इमाओ म-मं छ हिरण्णकोडीओ निहाणपउत्ताओ छ बु-ङ्खिपउत्ताओ छ
पवित्थरपउत्ताओ ताओ-ऽ वि य णं इच्छइ ममं साओ गिहाओ नीणेत्ता आ-लभियाए
नयरीए सिङ्गाडग-जाव विप्पइरितए, तं सेयं खलु ममं एयं पुरिसं गिहित्तए’
त्ति-कट्टु उ-दाइए जहा सुरादे-वो तहेव भारिया पुच्छइ तहेव कहे० । सेसं जहा
चुलणीपियस्स जाव सोहम्मे कप्पे अरुणसिट्टे विमाणे उववणे, चत्तारि पत्तिओवमाहं
ठिई । सेसं तहे(तं चै)व जाव महाविदेहे वासे सिञ्जिहिइ [५] ॥ ३७ ॥ निक्खेवो ॥
सत्तमस्स अक्कस्स उवासगदसाणं पञ्चमं अज्झयणं समत्तं ॥

छट्टस्स उक्खेवओ । एवं खलु जम्बू ! तेणं कालेणं तेणं समएणं कम्पिण्णपुरे
नयरे । सह(र)सम्बवणे उज्जाणे । जियसत्तू राया । कुण्डकोल्लिए गाहावई । पूमा

भारिया । छ हिरण्यकोडीओ जिह्वाणपउत्ताओ, छ कुङ्कियपउत्ताओ, छ पवित्यरपउ-
 ताओ, छ बया दसगोसाहस्सिएणं वएणं । सामी समोसडे । जहा कामदेवो तहा साव-
 यधम्मं पडिबजइ । (से) स(अवे)अेव वलव्वया जाव पडिलामेमाणे विहरइ ॥ ३८ ॥
 तए णं से कुण्डकोलिए समणोवासए अन्नया कयाइ पुव्वावरण्हकालसययंसि जेणेव
 असोगवणिया जेणेव पुढविसिलापट्टए तेणेव उवागच्छइ, उवागच्छिता नाममुद्दं
 च उत्तरिजगं च पुढ(वी)विसिलापट्टए ठवेइ, ठवेणा समणस्स भगवओ महावीरस्स
 अन्तियं धम्मपण्णत्ति उवसम्पज्जिता-णं विहरइ ॥ ३९ ॥ तए णं तस्म कुण्डकोलि-
 यस्स समणोवासयस्स एगे देवे अन्तियं पाउवभित्थया । तए णं से देवे नाममु(द्दं)द्दं
 च उत्तरि(यं)जं च पुढ-विसिलापट्टयाओ गे(गि)ण्हइ, २ ता सखिखिणि[०] अन्तलि-
 व्वत्रपडिव्वे कुण्डकोलियं समणोवासयं एवं वयासी-हं भो कुण्डकोलि समणोवासया !
 सुन्दरी णं देवाणुप्पिया । गोसालस्स मङ्गलिपुत्तस्स धम्मपण्णती, नत्थि उट्टाणे
 इ वा कम्मे इ वा बळे इ वा वी(वि)रिए इ वा पुरिसक्कारपरक्कमे इ वा, नियया सव्व-
 भावा, मंगुली णं समणस्स भगवओ महावीरस्स धम्मपण्णती, अत्थि उट्टाणे इ
 वा कम्मे इ वा बळे इ वा वीरिए इ वा पुरिसक्कारपरक्कमे इ वा, अणियया
 सव्वभावा ॥ ४० ॥ तए णं से कुण्डकोलिए समणोवासए तं देवं एवं वयासी-
 जइ णं देवा-! सुन्दरी गोसालस्स मङ्गलिपुत्तस्स धम्मपण्णती-नत्थि उट्टाणे इ वा
 जाव नियया सव्वभावा, मंगुली णं समणस्स भगवओ महावीरस्स धम्मपण्णती-
 अत्थि उट्टाणे इ वा जाव अणियया सव्वभावा, तुमे णं देवा-! इमा एयारूवा दिव्वा
 देविष्ठी दिव्वा देवजुई दिव्वे देवाणुभावे किणा लद्धे, किणा पत्ते, किणा अभि-
 समजागए, किं उट्टाणेणं जाव पुरिसक्कारपरक्कमेणं, उदाहु अणुट्टाणेणं अकम्मेणं
 जाव अपुरिसक्कारपरक्कमेणं ? तए णं से देवे कुण्डकोलियं समणोवासयं एवं वयासी-
 एवं खलु देवाणुप्पिया ! नए इमेयारूवा दिव्वा देविष्ठी ३ अणुट्टाणेणं जाव अपुरि-
 सक्कारपरक्कमेणं लद्धा पत्ता अभिसमजागया । तए णं से कुण्डकोलिए समणोवासए
 तं देवं एवं वयासी-जइ णं देवा-! तुमे इमा एयारूवा दिव्वा देविष्ठी ३ अणुट्टाणेणं
 जाव अपुरिसक्कारपरक्कमेणं लद्धा पत्ता अभिसमजागया, जेति णं जीवाणं नत्थि
 उट्टाणे इ वा जाव परक्कमे इ वा, ते किं न देवा ? अहं णं देवा-! तुये इमा एयारूवा
 दिव्वा देविष्ठी ३ उट्टाणेणं जाव परक्कमेणं लद्धा पत्ता अभिसमजागया, तो जं
 वदसि-सुन्दरी णं गोसालस्स मङ्गलिपुत्तस्स धम्मपण्णती, नत्थि उट्टाणे इ वा जाव
 नियया सव्वभावा, मंगुली णं समणस्स भगवओ महावीरस्स धम्मपण्णती-अत्थि
 उट्टाणे इ वा जाव अणियया सव्वभावा, तं ते निच्छा । तए णं से देवे कुण्ड-

कोलिएणं समणोवासएणं एवं बुते समणे संकिए जाव कल्ल(स)सं समावजे नो
 संचाएइ कुण्डकोलियस्स समणोवासयस्स किंवि पा(मु)मोक्खमाइक्खित्तए, नाममुह्यं
 च उतरिज्जयं च पुढविसित्तापट्टए ठवेइ, ठवेत्ता जामेव दि-सि पाउब्भूए तामेव
 दि-सि पडिगए । तेणं काळेणं तेणं समएणं सामी समोसडे । तए णं से कुण्ड-
 कोलिए समणोवासए इमांसे क्हाए लद्धेट्ठे हट्ठ(तुट्ठे) जहा कामदेवो तथा निग्गच्छइ
 जाव पज्जुवासइ । धम्मकहा ॥ ४१ ॥ 'कुण्डकोलिया' इ समणे भगवं महावीरे
 ऋण्डकोलियं समणोवासयं एवं वयासी-से नूणं कुण्डकोलिया ! कळं तुव(भं)भ पुच्चा-
 वरह्णकालसमयंसि असोगवणियाए एगे देवे अन्तियं पाउब्भवित्था । तए णं से
 देवे नाममुहं च तहेव जाव पडिगए । से नूणं कुण्डकोलिया ' अट्टे ममट्टे ? हन्ता
 अन्थि । तं धजे सि णं तुमं कुण्डकोलिया ' जहा कामदेवो । 'अज्जो' इ समणे
 भगवं महावीरे समणे निग्गन्थे य निग्गन्धीओ य आमन्तिता एवं वयासी-जइ ताव
 अज्जो । गिहिणो गि-हमज्ज(झे)झावसन्ता णं अन्नउत्थिए अट्टेहि य हेऊहि य पत्ति-
 येहि य कारणेहि य वागरणेहि य निप्पट्टपसिणवागरणे करेन्ति, सक्का पुणाइं
 अज्जो । समणेहिं निग्गन्थेहिं टुवाल्लसङ्गं गणिपिडगं अहिज्जमाणेहिं अन्नउत्थिया
 अट्टेहि य जाव निप्पट्टपसि(ण)णवागरणा करित्तए । तए णं समणा निग्गन्था य
 निग्गन्धीओ य समणस्स भगवओ महावीरस्स तहत्ति एयमट्टं विणएणं पडि-
 सुणेन्ति । तए णं से कुण्डकोलिए समणोवासए समणं भगवं महावीरे वंदइ नमं-
 सइ, वंदित्ता नमंसित्ता पसिणाइं पुच्छइ, पुच्छित्ता अट्टमादियइ, २ ता जामेव दि-सं
 पाउब्भूए तामेव दि-सं पडिगए । मामी बहिया जणवयविहारं विहरइ ॥ ४२ ॥
 तए णं तस्स कुण्डकोलियस्स समणोवासयस्स बहूहिं सील[०]जाव भावेमाणस्स
 चोइ[र]स संवच्छराइं व(वि)इक्कन्ताइं, पण्णरसमस्स संवच्छरस्स अन्तरा बट्टमाणस्स
 अन्नया कयाइ जहा कामदेवो तथा जेट्टपुत्तं (कुट्टुवे) ठवेत्ता तथा पोसहसालाए जाव
 धम्मपण्णत्ति उवसम्पज्जित्ता णं विहरइ । एवं एकारस उवासगपडिमाओ, तहेव जाव
 सोहम्मे कप्पे अरुणज्जए विमाणे जाव अन्तं काहिइ ॥ ४३ ॥ निक्खेवो ॥ सप्त-
 मस्स अङ्गस्स उवासागदसाणं छट्ठं अज्जयणं समत्तं ॥

सप्तमस्स उक्खेवो । पोलासपु(र)रे नामं नयरे । सहस्सम्बव(णे)णे उज्जा-णे । जिय-
 सनू राया । तत्थ णं पोलासपुरे नयरे सहालपुत्ते नामं कुम्मकारे आजीविओवासए
 'परिवसइ, आजीवियसमयंसि लद्धेट्ठे गहियट्टे पुच्छियट्टे विणिच्छियट्टे अभिगक्खे
 अट्टिमिज्जपेमाणुरागरते य, अयमाउसो ' आजीवियसमए अट्टे अवं परमट्टे सेसे
 अणट्टेत्ति (एवं) आजीवियसमएणं अप्पाणं भावेमाणे विहरइ । तस्स णं सहालपुत्तस्स

आजीविओवासगस्स एका हिरण्णकोडी निहाणपउत्ता, एका बुद्धिपउत्ता, एका पवित्थरपउत्ता, ए(गे)क्के वए दसगोसाहस्सिएणं वएणं । तस्स णं सद्दालपुत्तस्स आजीविओवास(य)गस्स अग्गिम्भिता नामं भारिया होत्वा । तस्स णं सद्दालपुत्तस्स आजीविओवासगस्स पोलासपुरस्स नगरस्स बहिया पच्च कुम्भकरावणसया होत्वा । तत्थ णं बहवे पुरिसा दिण्णभइभत्तवेयणा कळ्ळकळिं बहवे करए य वारए य पिहडए य घडए य अद्धघडए य कलसए य अलिन्नरए य जम्बूलए य उट्टियाओ य करेन्ति । अन्ने य से बहवे पुरिसा दिच्चभइभत्तवेयणा कळ्ळकळिं तेहिं बहूहिं करएहि य जाव उट्टिया(हिं)हि य रायमग्गंसि विरिं कप्पेमाणा विहरन्ति ॥ ४४ ॥ तए णं से सद्दालपुत्ते आजीविओवासए अन्नया कयाइ पुव्वावरण्हकालसमयंमि जेणेव असोगवणिया तेणेव उवागच्छइ, उवागच्छिता गोसालस्स मङ्गलिपुत्तस्स अन्तियं धम्मपण्णति उवसम्पज्जिता-णं विहरइ । तए णं तस्स सद्दालपुत्तस्स आजीविओवासगस्स एगे देवे अन्तियं पाउव्भवित्था । तए णं से देवे अन्नलिक्खपडिक्के सखिखिणियाई जाव परिहिए सद्दालपुत्तं आजीविओवासयं एवं वयासी-एहिइ णं टेवाणुप्पिया ' कळ्ळं इ(ह)हं महामाहणे उप्पन्नणणदंसणवरे तीयपडुप्पन्नणणायजाणए अरहा जिणे केवली सव्वण्णु सव्वदरिसी तेलोक्कवहियमहियपूडए सदेवमणुयासुरस्स लो-गस्स अच्चणिज्जे वन्दणिज्जे (पूयणिज्जे) मक्कारणिज्जे संमाणणिज्जे कळ्ळणं मङ्गलं देवयं चेइयं जाव पञ्जुवासणिज्जे त(वो)क्कम्मसम्पयासम्पउत्ते, तं णं तुमं वन्देज्जाहि जाव पञ्जुवासेज्जाहि, पाडिहारिए-णं पीटफलगसिज्जासंभारएणं उवनिमन्तेज्जाहि, दोच्चं-पि तच्चं-पि एवं वयइ वइत्ता जामेव दि-सं पाउव्भूए तामेव दि-सं पडिगए ॥ ४५ ॥ तए णं तस्स सद्दालपुत्तस्स आजीविओवासगस्स तेणं देवेणं एवं वुत्तस्स समाणस्स इमेयारूवे अज्जत्थिए ४ समुप्पजे-एवं खल्ल म-मं धम्मायरिए धम्मोवएमाए गोसाले मङ्गलिपुत्ते, से णं महामाहणे उप्पन्नणणदंसणवरे जाव त-क्कम्मसम्पयासम्पउत्ते, से णं कळ्ळं इहं हव्वमागच्छिस्सइ । तए णं तं अहं वन्दिस्सामि जाव पञ्जुवास्सामि, पाडिहारिएणं जाव उवनिमन्तिस्सामि ॥ ४६ ॥ तए णं कळ्ळं जाव जलन्ते समणे भगवं महावीरे जाव समोस(इ)रिए । परिसा निग्गघा जाव पञ्जुवासइ । तए णं से सद्दालपुत्ते आजीविओवासए इमीसे क्खाए लड्ढे समणे 'एवं खल्ल समणे भगवं महावीरे जाव विहरइ, तं गच्छामि णं समणं भगवं महावीरं, वन्दामि जाव पञ्जुवास्सामि' एवं सम्पेहेइ, संपेहिता ष्हाए सुद्धप्पवेसाई जाव अप्पमहइवाभरणालंकिवसरीरे मणुस्सवग्गुएपरिगए साओ गिहाओ पच्चिभि-(ग्गच्छ)क्कम्मइ, २ ता पोलासपुरं नवरं मज्झीमज्जेणे निग्गच्छइ, निग्गच्छिता

जेणेव सहस्सम्बवणे उजाणे जेणेव समणे भगवं महावीरे तेणेव उवागच्छइ, उवागच्छिता तिव्वुत्तो आयाहिणं पयाहिणं करेइ, करेत्ता वन्दइ नमंसइ, वंदिता नमंसित्ता जाव पज्जुवासइ ॥ ४७ ॥ तए णं समणे भगवं महावीरे सहालपुत्तस्स आजीविओवासगस्स तीसे य महइ जाव धम्मकहा समत्ता । 'सहालपुत्ता' इ समणे भगवं महावीरे सहालपुत्तं आजीविओवासयं एवं वयासी- 'से नूनं सहालपुत्ता । कळं तुमं पुव्वावरण्हकालसमयंसि जेणेव असोगवणिया जाव विहरसि । तए णं तुब्भं एगे देवे [अन्तियं] पाउब्भवित्थ्या । तए णं से देवे अन्तलिक्खपडिवणे एवं वयासी-हं भो सहालपुत्ता । तं चेव सव्वं जाव पज्जुवासिस्सामि' । से नूनं सहालपुत्ता ! अट्टे समट्टे ! हंता अत्थि । (तं) नो खलु सहालपुत्ता । तेणं देवेणं गोसालं महुल्लिपुत्तं पणिहाय एवं वुत्ते । तए णं तस्स सहालपुत्तस्स आजीविओवासयस्स समणेणं भगवया महावीरेणं एवं वुत्तस्स समाणस्स इमेयाह्वे अज्जत्थिए ४- 'एस णं समणे भगवं महावीरे महामाह्वणे उप्पन्नणाणदंसणधरे जाव त-च्चकम्मसम्पया-सम्पउत्ते, तं सेयं खलु ममं समणं भगवं महावीरं वन्दिता नमंसित्ता पाडिहारिएणं पीडफलग[०]जाव उवनिमन्तिताए' एवं सम्पेहेइ, संपेहिता उट्टाए उट्टेइ, उट्टेत्ता समणं भगवं महावीरं वन्दइ नमंसइ, वन्दिता नमंसित्ता एवं वयासी- 'एवं खलु भन्ते ' ममं पोलासपुरस्स नयरस्स बहिया पच्च कुम्भकारावणसया । तत्थ णं तुब्भे पाडिहारियं पीड[०]जाव संथारयं ओगिण्हिता-णं विहरइ' । तए णं समणे भगवं महावीरे सहालपुत्तस्स आजीविओवासगस्स एयमट्ठं पडिसुणेइ, पडिसुणेत्ता सहालपुत्तस्स आजीविओवासगस्स पच्चकुम्भकारावणसएसु फासुएसणिज्जं पाडिहारियं पीडफलग-जाव संथारयं ओगिण्ह(या)त्ता-णं विहरइ ॥ ४८ ॥ तए णं से सहालपुत्ते आजीविओवासए अज्जया कया(ई)इ वायाहययं कोलालभण्हं अन्तो सालाहिनो बहिया नीणेइ, नीणेत्ता आयवंसि दलयइ । तए णं समणे भगवं महावीरे सहालपुत्तं आजीविओवासयं एवं वयासी- 'सहालपुत्ता ! एस ण कोलालभण्हे कओ ?' तए णं से सहालपुत्ते आजीविओवासए समणं भगवं महावीरं एवं वयासी- 'एस णं भन्ते ! पुब्बि मट्ठिया आसी, तओ पच्छा उदएणं तिमिज्जइ, २ ता छारेण य करिसेण य एगयओ सीसिज्जइ, २ ता चक्के आ(ह)रोहिज्जइ, त(तो)ओ बहवे करगा य जाव उट्ठियाओ य कज्जति । तए णं समणे भगवं महावीरे सहालपुत्तं आजीविओवासयं एवं वयासी- 'सहालपुत्ता ! एस णं कोलालभण्हे किं उट्टाणेणं जाव पुरि-सक्कारपरकमेणं कज्ज(न्ति)ति, उदाहु अणुट्टाणेणं जाव अपुरिसक्कारपरकमेणं कज्ज-ति ?' तए णं से सहालपु(तो)त्ते आजीविओवासए समणं भगवं महावीरं एवं वयासी-

‘मन्ते । अणुद्वाणेणं जाव अपुरिसकारपरकमेणं(कज्जति), नत्थि उट्टाणे इ वा जाव परकमे इ वा, नियया सब्बभावा’ ॥ ४९ ॥ तए णं समणे भगवं महावीरे सहाल-पुत्तं आजीविओवासयं एवं वयासी-‘सहालपुत्ता । जइ णं तुब्भं केइ पुरिसे वायाहयं वा पक्केल्लयं वा कोलालभण्हं अवहरे(ज)जा वा वि(क्खरि-)विस्खरेजा वा मिन्दे-जा वा अत्तिदे-जा वा परि(ठ)ट्टवे-जा वा, अग्गिमिताए वा भारियाए सद्धिं विउ(उरा)लाइं भोगभोगाइं भुज्जमाणे विहरै(-वा)जा, तस्स ण तुमं पुरिसस्स किं दण्हं [नि]वत्तेज्जसि ?’ मन्ते । अहं णं तं पुरिसं आओसे-जा वा हणे-जा वा वं(वंधि)धेजा वा महे-जा वा तजे-जा वा ताले-जा वा निच्छोडे-जा वा निच(भं)भच्छे-जा वा अकाले चेव जीवि-वाओ ववरो(वि)वे(-वा)जा । सहालपुत्ता । नो खल्ल तुब्(भ)भं केइ पुरिसे वा(त)याहयं वा पक्केल्लयं वा कोलालभण्हं अवह(रे)रइ वा जाव परिट्टवेइ वा, अग्गिमिताए वा भारियाए सद्धिं विउलाइं भोगभोगाइं भुज्जमाणे विहरइ, नो वा तुमं तं पुरिसं आओसेज्जसि वा ह(णे)णिज्जसि वा जाव अकाले चेव जीवियाओ ववरो-वेज्जसि, जइ(णं)नत्थि उट्टाणे इ वा जाव परकमे इ वा नि(ति)यया सब्बभावा । अ(हं)ह णं तुब्भं के(इ)इ पुरिसे वायाहयं जाव परिट्टवेइ वा, अग्गिमिताए वा जाव विहरइ, तुमं वा तं पुरिसं आओसेसि वा जाव ववरो(-ज)वेसि, तो जं वदमि नत्थि उट्टाणे इ वा जाव नियया सब्बभावा तं ते मिच्छा । एत्थ णं से सहालपुत्ते आजीविओवासए सम्बुद्धे ॥ ५० ॥ तए णं से सहालपुत्ते आजीविओवासए समणं भगवं महावीरं वन्दइ नमंसइ, वन्दिता नमंसिता एवं वयासी-‘इच्छामि णं मन्ते । तुब्भं अन्ति(यं)ए धम्मं निसा-मेताए’ । तए णं समणे भगवं महावीरे सहालपुत्तस्स आजीविओवासगस्स तीसे य जाव धम्मं परिकहेइ । तए णं से सहालपुत्ते आजीविओवासए समणस्स भग-वओ महावीरस्स अन्तिए धम्मं सोष्वा निसम्म हट्टुट्ट जाव हियए जहा आणंदो तहा गिहिधम्मं पडिबज्जइ । नवरं एगा हिरण्णकोडी निहाणपउत्ता, एगा हिरण्ण-कोडी कुट्टिपउत्ता, एगा हिरण्णकोडी पवित्थरपउत्ता, ए(ग)णे वए दसगोसाहस्सिएणं वएणं, जाव समणं भगवं महावीरं वन्दइ नमंसइ, वन्दिता नमंसिता जेणेव पोलासपुरे नयरे तेणेव उवागच्छइ, उवागच्छिता पोलासपुरं नयरं मज्झमज्जेणं जेणेव सए गिहे जेणेव अग्गिमिता भारिया तेणेव उवागच्छइ, उवागच्छिता अग्गिमित्तं भारियं एवं वयासी-‘एवं खल्ल देवाणुत्पिए । समणे भगवं महावीरे जाव समोस-डे, तं गच्छाहि णं तुमं समणं भगवं महावीरं, वन्(द)दाहि जाव पज्जु-वा(स)साहि, समणस्स भगवओ महावीरस्स अन्तिए पञ्चणुत्त्वइयं सत्तसिक्खावइयं उवात्तसविहं गिहिधम्मं पडिब-जाहि’ ॥ ५१ ॥ तए णं सा अग्गिमिता भारिया

सहालपुत्तस्स समणोवासगस्स 'त-ह'ति एयमद्धं विणए-णं पडिबुणेइ । तए णं से
 सहालपुत्ते समणोवासए कोडुम्बियपुरिसे सहावेइ, सहाविता एवं वयासी-
 'खिप्पामेव भो देवाणुप्पिया ! लहुकरणजुत्तजोइयं समञ्चुरवालिहाणसमलिहियसिन्नए(हि)हिं जम्बु-
 णयामयकलावजोत्तपइविस्सिद्वएहिं रययामयवण्टसुत्तरज्जुगवरकम्बणस्सइयनत्थापरगहोग्ग-
 हि(य)एहिं नीलुप्पलकयामे(ह)लएहिं पवरगोणजुत्तवाणएहिं नाणामणिकगगघण्टिया-
 जालपरिगयं सुजायजुगजुत्तउज्जुगपसत्थमुविरइयनिम्मियं पवरलक्खणोववेयं जुत्तामेव
 धम्मियं जाणप्पवरं उवट्टवेह, उवट्टवेत्ता मम एयमाणतियं पच्चप्पिणह' । तए
 णं ते कोडुम्बियपुरिसा जाव पच्चप्पिणन्ति ॥ ५२ ॥ तए णं सा अग्गिम्मा
 भारिया ण्हाया सुद्धप्पावेसाइं जाव अप्पमहत्तवाभरणालंकियसरीरा (जाव) चेडिया-
 चक्कवालपरिक्किणा धम्मियं जाणप्पवरं दुरुहइ, दुहहिता पोलासपुरं नग(णय)रं मज्झं-
 मज्जेणं निग्गच्छइ, निग्गच्छिता जेणेव सहस्सम्बवणे उज्जाणे तेणेव उवागच्छइ,
 उवागच्छिता धम्मियाओ जागाओ पच्चोरुहइ, पच्चोरुहिता चेडियाचक्कवालपरिवुडा
 जेणेव समणे भगवं महावीरे तेणेव उवागच्छइ, उवागच्छिता तिक्खुत्तो जाव
 वन्दइ नमंसइ, वंदिता नमंसिता नच्चासञ्जे नाइदूरे जाव पज्जलिउडा ठिइया चं
 पज्जुवासइ ॥ ५३ ॥ तए णं समणे भगवं महावीरे अग्गिम्माए तीसे य जाव
 धम्मं कहेइ । तए णं सा अग्गिम्मा भारिया समणस्स भगवओ महावीरस्स
 अन्तिए धम्मं सोच्चा निसम्म हट्टतुट्ठा समणं भगवं महावीरं वन्दइ नमंसइ,
 वंदिता नमंसिता एवं वयासी-'सइहामि णं भन्ते ! निग्गन्धं पावयणं जाव से
 जहेयं तुम्भे व(द)यह, जहा णं देवाणुप्पियाणं अन्तिए बहवे उग्गा भोगा जाव
 पव्वइया नो खलु अहं तथा संवाएमि देवाणुप्पियाणं अन्तिए मुग्डा भविता जाव
 अ(ह)इं णं देवाणुप्पियाणं अन्तिए पञ्चाणुब्बइयं सत्तसिक्खावइयं दुवालसविहं गिहि-
 धम्मं पडिबज्जिस्तामि' । अहामुहं देवाणुप्पिया ! (म)मा पडिबन्धं करेइ । तए णं सा
 अग्गिम्मा भारिया समणस्स भगवओ महावीरस्स अन्तिए पञ्चाणुब्बइयं सत्त-
 सिक्खावइयं दुवालसविहं गिहि(सावग)धम्मं पडिबज्जइ, पडिबज्जिता समणं भगवं
 महावीरं वन्दइ नमंसइ, वंदिता नमंसिता त(ता)मेव धम्मियं जा(णं)णप्पवरं दुरुहइ,
 दुहहिता जामेव दि-सं पाउञ्चभूया तामेव दि-सं पडिगया । तए णं समणे भगवं महावीरे
 अज्जया कयाइ पोलासपुराओ [नयराओ] सहस्सम्बव(म)गाओ (उज्जा-ग्गाओ) पडि-
 निग्गच्छइ, पडिनिग्गच्छिता बहिया जणवयविहारं विहरइ ॥ ५४ ॥ तए णं से
 सहालपुत्ते समणोवासए जाए अग्गिगयजीवाजीवे जाव विहरइ । तए णं से गोसाले
 मङ्गलिपुत्ते इमीसे कहाए लट्ठे समाणे-'एवं खलु सहालपुत्ते आजीवियसमयं भि-

(चइ)ता समणार्ण निग्गन्धारं दिट्ठि पडिचये, तं गच्छामि णं सहालपुत्तं आजीवियो-
वासयं समणार्ण निग्गन्धारं दिट्ठि वामेता पुणरवि आजीवियदिट्ठि ने-ण्हावित्तए'
त्ति-कहु एवं सम्पेहेइ, संपेहिता आजीवियसइसम्परिखुडे जेणेव पोलासपुरे नयरे
जेणेव आजीवियसभा तेणेव उवागच्छइ, उवागच्छता आजीवियसभाए भण्ड-
(ग)निक्खेवं करेइ, करेता कइवएहिं आजीविएहिं सट्ठि जेणेव सहालपुत्ते समणेवासए
तेणेव उवागच्छइ । तए णं से सहालपुत्ते समणेवासए गोसालं मङ्गलपुत्तं एज्जमाणं
पासइ, पासिता नो आढाइ, नो परिजा(ण)णइ, अणाठा[य]माणे अपरिजाण-
माणे तुसिणीए संबिद्धइ ॥ ५५ ॥ तए णं से गोसाळे मङ्गलपुत्ते सहालपुत्तेणं समणे-
वासएणं अणाढाइज्जमाणे अपरिजाणिज्जमाणे पीडफलमसिज्जासंसारडुयाए समणस्स
भगवओ महावीरस्स गुणकित्तणं करे(त्ति)माणे सहालपुत्तं समणेवासयं एवं वयासी-
'आगए णं देवाणुप्पिया ! इहं महामाहणे ?' तए णं से सहालपुत्ते समणेवासए गोसालं
मङ्गलपुत्तं एवं वयासी-'के णं देवाणुप्पिया ! महामाहणे ?' तए णं से गोसाळे मङ्गलि-
पुत्ते सहालपुत्तं समणेवासयं एवं वयासी-'समणे भगवं महावीरे महामाहणे' 'से
केणट्ठेणं देवाणुप्पिया ! एवं बु(उ)ण्णइ-समणे भगवं महावीरे महामाहणे ?' 'एवं खलु
सहालपुत्ता ! समणे भगवं महावीरे महामाहणे उप्पञ्जणणदंसणधरे जाइ महिय-
पूइए जाव त-ण्णकम्मसम्पयासंपउत्ते, से तेणट्ठेणं देवाणुप्पिया ! एवं बु-ण्णइ-समणे
भगवं महावीरे महामाहणे' 'आगए णं देवाणुप्पिया ! इहं महागोवे ?' 'के णं
देवाणुप्पिया ! महागोवे ?' 'समणे भगवं महावीरे महागोवे' 'से केणट्ठेणं देवाणुप्पिया !
जाव महागोवे ?' 'एवं खलु देवाणुप्पिया ! समणे भगवं महावीरे संसाराडवीए बहवे
जीवे न(त)स्समाणे विणस्समाणे खज्जमाणे छिज्जमाणे भिज्जमाणे लुप्पमाणे विहुप्प-
माणे धम्ममएणं दण्णेणं सा(सं)रक्खमाणे संगोवेमाणे निब्बाणमहावा(हे)इं साहत्थि
सम्पावेइ, से तेणट्ठेणं सहालपुत्ता ! एवं बुण्णइ-समणे भगवं महावीरे महागोवे'
'आगए णं देवाणुप्पिया ! इहं महासत्थवाहे ?' 'के णं देवाणुप्पिया ! महासत्थवाहे ?'
सहालपुत्ता ! समणे भगवं महावीरे महासत्थवाहे' 'से केणट्ठेणं (देवाणु० महासत्थ-
वाहे) ?' 'एवं खलु देवाणुप्पिया ! समणे भगवं महावीरे संसाराडवीए बहवे जीवे
न-स्समाणे विणस्समाणे जाव विहुप्पमाणे (उम्मग्गपडिचण्णे) धम्ममएणं पन्नेणं
सा-रक्खमाणे निब्बाणमहापट्ठ(णंत्ति)णाम्भियुहे साहत्थि सम्पावेइ, से तेणट्ठेणं सहा-
लपुत्ता ! एवं बुण्णइ-समणे भगवं महावीरे महासत्थवाहे' 'आगए णं देवाणु-
प्पिया ! इहं म(ह)हाधम्मकळी !' 'के णं देवाणुप्पिया ! महाधम्मकळी !' 'समणे भगवं
महावीरे महाधम्मकळी' 'से केणट्ठेणं समणे भगवं महावीरे महाधम्मकळी !' 'इहं

खलु देवाणुप्पिया । समणे भगवं महावीरे महइमहालयंसि संसारं(मि)सि बहवे जीवे न-स्समाणे विणस्समाणे [खज्जमाणे छिज्जमाणे भिज्जमाणे लुप्पमाणे विलुप्पमाणे] उम्मग्गपडिवने सप्पहविप्पणट्ठे मिच्छत्तबलाभिभूए अट्टविहकम्मत्तमपडलप(डि)डो-
 च्छणे बहूहि अट्टेहि य जाव वागरणेहि य चाउरन्ताओ संसारकन्ताराओ साहत्वि
 नित्थारेइ, से तेणट्ठेणं देवाणुप्पिया । एवं बुच्चइ-समणे भगवं महावीरे महाधम्म-
 कही 'आगए णं देवाणुप्पिया ! इहं महानिज्जामए ?' '(से) के णं देवाणुप्पिया ।
 महानिज्जामए ?' 'समणे भगवं महावीरे महानिज्जामए' 'से केणट्ठेणं (समणे =) ?' 'एवं
 खलु देवाणुप्पिया । समणे भगवं महावीरे संसारमहासमुदं बहवे जीवे न-स्समाणे
 विणस्समाणे [जाव विलुप्पमाणे] बु(वु)इमाणे नि(वु)इमाणे उप्पियमाणे धम्ममईए
 नावाए निब्बानतीराभिमुहे साहत्थि सम्पावेइ, से तेणट्ठेणं देवाणुप्पिया । एवं बुच्चइ-
 समणे भगवं महावीरे महानिज्जामए' ॥ ५६ ॥ तए णं से सद्दालपुत्ते समणोवासए
 गोसालं मङ्गलिपुत्तं एवं वयासी- 'तुब्भे णं देवाणुप्पिया । इयच्छेया जाव इयनिउणा
 इयनयवाणी इयउवएसलद्धा इयविष्णाणपत्ता, पभू णं तुब्भे मम धम्मयारिएणं
 धम्मोवएसएणं (समणेणं) भगवया महावीरेणं सद्धिं विवादं क(रि)रेत्तए ?' 'नो ति(इ)-
 णट्ठे समट्ठे' 'से केणट्ठेणं देवाणुप्पिया ! एवं बुच्चइ-नो खलु पभू तुब्भे मम धम्मय-
 रिएणं जाव महावीरेणं सद्धिं विवादं क-रेत्तए ?' 'सद्दालपुत्ता ! से जहानामए केइ पुरिसे
 तरुणे जुगवं जाव निउणसिप्पोवगए एणं महं अयं वा एलयं वा सूयरं वा कुक्कुडं
 वा तित्तिरं वा वट्ठयं वा लावयं वा कवोयं वा कविज्जलं वा वायसं वा सेणयं वा
 हत्थंसि वा पार्यंसि वा खुरंसि वा पुच्छंसि वा पिच्छंसि वा सिज्जंसि वा विसाणंसि
 वा रोमंसि वा जहिं जहिं गिण्हइ तहिं तहिं निच्चलं निप्फन्दं धरेइ, एवामेव समणे
 भगवं महावीरे ममं बहूहि अट्टेहि य हेऊहि य जाव वागरणेहि य जहिं जहिं गिण्हइ
 तहिं तहिं निप्पट्टपसिणवागरणं करेइ, से तेणट्ठेणं सद्दालपुत्ता ! एवं बुच्चइ-नो
 खलु पभू अहं तव धम्मयारिएणं जाव महावीरेणं सद्धिं विवादं क-रेत्तए' ॥ ५७ ॥
 तए णं से सद्दालपुत्ते समणोवासए गोसालं मङ्गलिपुत्तं एवं वयासी- 'जम्हा णं
 देवाणुप्पिया । तुब्भे मम धम्मयारियस्स जाव महावीरस्स संतेहिं तच्चेहिं तद्दिएहिं
 (सव्वेहि) सव्वेहि-हिं भावेहिं गुणकित्ठणं करेह तम्हा णं बहं तुब्भे पाठिहारिएणं
 पीढ-जाव संघारएणं उवनिमन्तेसि, नो च्चैव णं धम्मो-सि वा-सवो-सि वा, सं
 गच्छइ णं तुब्भे मम कुम्भारावणेसु पाठिहारियं पीढफलम-जाव ओगिण्ह(उक-
 संपज्जि)त्ताणं विहरइ' । तए णं से गोसाळे मङ्गलिपुत्ते सद्दालपुत्तस्स समणोवासयस्स
 एयमट्ठं पडिसुणेइ, पडिसुणेत्ता कुम्भ(भक्ता)भारावणेसु पाठिहारियं पीढ जाव ओगि-

गिह-ता-णं विहरइ । तए णं से गोसाले मङ्गळिपुत्ते सहालपुत्तं समणोवासयं जाहे नो संचाएइ बहूहिं आधवणाहि य पण्णवणाहि य सण्णवणाहि य विण्णवणाहि य (परुवणेहि य) निग्गन्थाओ पावयणाओ (सं)चालितए वा खोमितए वा विपरिणामिणए वा ताहे सन्ते तन्ते परितन्ते पोलासपुराओ नगराओ पड्डिमिक्खमइ, पड्डिमिक्खमिता बहिया जणवयविहारं विहरइ ॥ ५८ ॥ तए णं तस्स सहालपुत्तस्स समणोवासयस्स बहूहिं सील-जाव भावेमाणस्स चोइस संवच्छरा व(वी)इक्कन्ता, पण्णरसमस्स संवच्छरस्स अन्तरा बट्टमाणस्स पुब्बरत्तावरत्तकाले जाव पोसहसालाए समणस्स भगवओ महावीरस्स अन्तियं धम्मपण्णसि उवसम्पज्जिता-णं विहरइ । तए णं तस्स सहालपुत्तस्स समणोवासयस्स (अंतिए) पुब्बरत्तावरत्तका(लसमयंसि)ले एणे देवे अन्तियं पाठब्भवित्था । तए णं से देवे एणं महं नीलुप्पल-जाव असि गहाय सहालपुत्तं समणोवासयं एवं वयासी-अहा चुलणीपियस्स तहेव देवो उवसमं करेइ, नवरं एक्के पुत्ते नव (२) मंससोहए करेइ जाव कणीयसं घाएइ, घाइता जाव आयच्चइ । तए णं से सहालपुत्ते समणोवासए अभीए जाव विहरइ । तए णं से देवे सहालपुत्तं समणोवासयं अभीयं जाव पा(सि)सिणा चउत्थं-पि सहालपुत्तं समणोवासयं एवं वयासी-‘हं भो सहालपुत्ता ! समणोवासया ! अपत्थियप-त्थया जाव न भजसि तवो ते आ इमा अग्गिमिता भारिया धम्मसहाइया धम्म(वि)विइज्जिया धम्मापुरागरता समइइदु(ह)क्खसहाइया तं ते साओ गिहाओ नीणेमि, नीणेता तव अग्गओ घाएमि, घाएता नव मंससोहए करेमि, करेता आदाणभरियंसि कडाहर्यंसि अइहेमि, अइहेता तव गायं मंसेण य सोमिएण य आयच्चामि, जहा णं तुमं अइइदु[०] जाव बबरोविज्जसि’ । तए णं से सहालपुत्ते समणोवासए तेणं देवेणं एवं बुत्ते समाणे अभीए जाव विहरइ । तए णं से देवे सहालपुत्तं समणोवासयं दोब्बं-पि तब्बं-पि एवं वयासी-‘हं भो सहालपुत्ता ! समणोवासया ! तं चेव भणइ । तए णं तस्स सहालपुत्तस्स समणोवासयस्स तेणं देवेणं दोब्बं-पि तब्बं-पि एवं बुत्तस्स समाणस्स अयं अज्जात्थिए ४ समुप्प(जित्था)णे । एवं अहा चुलणीपिया तहेव चिन्तेइ-‘जेणं ममं जेइं पुत्तं, जेणं ममं मज्झिमयं पुत्तं, जेणं म-मं कणीयसं पुत्तं जाव आयच्चइ, जा-इ-वि य णं म-मं इमा अग्गिमिता भारिया समइइदु-क्खसहाइया तं-पि य इच्छइ साओ गिहाओ नीणेता मम अग्गओ घाएतए, तं सेयं कल्ल ममं एवं पुत्तिसं गिण्हितए’ सि-कइ उ-इइए अहा चुलणीपिया तहेव सब्बं भाणियब्बं, नवरं अग्गिमिता भारिया कोलाहलं सु(वि)मिता भणइ, सेसं अहा चुलविदियावत-त्थया, नवरं अकमभूए विमाणे उव(वाओ)वणे, जाव महाविदे(ह)हे वासे सिज्जि-

हिइ (५) ॥ ५९ ॥ निकले(वो)वजो ॥ सत्तमस्स अङ्गस्स उवाचगदसाञ्जे
सत्तमं अङ्गयणं समत्तं ॥

अट्टमस्स उक्खेवओ । एवं खल्ल जम्भू । तेणं कालेणं तेणं समएणं रायणिहे
नवरं । गुणसि(लए)ळे उज्जाणे । सेभि(य)ए राया । तत्थ षं रायणिहे महासयए नार्म
गाहावई परिबसइ, अट्टे-जहा आणन्दो । नवरं अट्ट हिरण्णकोडीओ सर्कसाओ
निहाणपउत्ताओ, अट्ट हिरण्णकोडीओ सर्कसाओ वु(द्धी)ण्णपउत्ताओ, अट्ट हिरण्ण-
कोडीओ सर्कसाओ पवित्थरपउत्ताओ, अट्ट वया दसगोसाहस्सिएणं वएणं । तस्स
णं महासयगस्स रेव(इ)ईपामोक्खाओ तेरस भारियाओ होत्था, अहीण[०] जाव
छुरूवाओ । तस्स णं महासयगस्स रेवईए भारियाए कोल(ह)घरियाओ अट्ट हिर-
ण्णकोडीओ, अट्ट-वया दसगोसाहस्सिएणं वएणं होत्था । अवसेसाणं दुवालसण्हं
भारियाणं कोल-घरिया एगमेगा हिरण्णकोडी, एगमेगे य वए दसगोसाहस्सिएणं
वएणं होत्था ॥ ६० ॥ तेणं कालेणं तेणं समएणं सामी समोस-डे । परिसा
निग्गया । जहा आणन्दो तहा निग्गच्छइ, तहेव साव(ग)यचम्मं पडिबजइ । नवरं
अट्ट हिरण्णकोडीओ सर्कसाओ उच्चारइ, अट्ट वया, रेवईपामोक्खाहिं तेर(से)सहिं
भारियाहिं अवसेसं मेहुणविहिं पक्कन्नाइ, सेसं सव्वं तहेव । इमं च णं एयाह्वं
अभिग्गइ अभिग्गिण्हइ-कल्लाकलिं [च णं] कप्पइ मे वे(वे-दो)दोनियाए कंसपाईए
हिरण्णभरियाए संववहरितए । तए षं से महासयए समणोवासए जाए अभिग्ग-
जीवाजीवे जाव विहरइ, तए णं समणे भगवं महावीरे बहिया अणवयविहारं विहरइ
॥ ६१ ॥ तए णं तीसे रेव-ईए गाहावइणीए अजया कया-इ पुग्गवत्तावरत्ताकाल्लसम-
वईसि कु(ट्ठ)डुम्भ[०] जाव इमेयारुवे अज्जत्थिए ४-एवं खल्ल अइ इमासि दुवाल-
सण्हं सवत्तीणं विघाएणं नो संचाएमि महासयएणं समणोवासएणं सद्धि उ(ओ)रा-
लाई माणुस्सववाई मोगमोगाई भुज्जमाणी विहरितए, तं सेयं खल्ल म-मं एयाओ दुवा-
लस-वि सवत्थियाओ अग्गिण्णओगेणं वा सत्थप्पओगेणं वा विसप्पओगेणं वा जीवि-
याओ ववरोविता, एयासि एगमेगं हिरण्णको(डी)विं एगमेगं वयं सयमेव उवसप्प-
ज्जिता-णं महासयएणं समणोवासएणं सद्धि उरालाई जाव विहरितए एवं सम्पेहेइ,
संपेहिता तासि दुवालसण्हं सवत्तीणं अन्तराणि य छिइमि य वि(रहा)वरमि य
पडिआगरमाणी विहरइ । तए णं सा रेवई गाहावइणी अजया कया-इ तासि
दुवालसण्हं सवत्तीणं अन्तरं जाणित्ता छ सवत्तीओ सत्थप्पओगेणं उहवेइ, उहवेत्ता
छ सवत्तीओ विसप्पओगेणं उहवेइ, उहवेत्ता तासि दुवालसण्हं सवत्तीणं कोळ्ळरियं
एगमेगं हिरण्णकोदिं एगमेगं वयं सयमेव पडिबजइ, पडिबजित्ता महासयएणं

समणोवासएणं सद्धिं उराब्बाइं भोगभोगाईं भुञ्जमाणीं विहरइ । तए णं सा रेवईं गाहावइणीं मंसलोह्रया मंसेसु मुच्छिया जाव अज्जोवववा बहुविदेहिं मंसेहिं व सोलेहिं य तच्छिएहिं य भजिएहिं य सुरं च महं च मेरगं च मज्जं च वीधुं च पसन्नं च आसाएमाणीं च विहरइ ॥ ६२ ॥ तए णं रावगिहे नवरे अज्जया कयाइ अमा(रि)वाए सुद्धे यावि होत्था । तए णं सा रेवईं गाहावइणीं मंसलोह्रया मंसेसु मुच्छिया च कोलघरिए पुरिसे सहावेइ, सहावेत्ता एवं वयासी-‘तुब्भे (णं) देवानुपिया । म(मं)म कोलघरिएहिं तो (गो)वएहिं तो क्काकलिं दुवे दुवे गोगपोयए उव्वेइ, उव्वेत्ता म-मं उव्वेइ । तए णं (ते) कोल-घरिया पुरिसा रेवईए गाहावइणीए ‘तह’ति एयमद्धं विणएणं पच्चिसु(णे)णन्ति, पच्चिसुणेत्ता रेवईए गाहावइणीए कोलघरिएहिं तो वएहिं तो क्काकलिं दुवे दुवे गोगपोयए वहेन्ति, वहेत्ता (तं) रेवईए गाहावइणीए उव्वेणन्ति । तए णं सा रेवईं गाहावइणीं तेहिं गोगमंसेहिं सोलेहिं य च सुरं च ६ आसाएमाणीं च विहरइ ॥ ६३ ॥ तए णं तस्स महासयगस्स समणोवासगस्स बहूहिं सील-जाव भावेमाणस्स चो(चउ)इस संवच्छरा बहून्ता । एवं तहेव जे(इ)द्धं पुत्तं ठवेइ जाव पोसहसालाए धम्मपण्णसि उव्वसम्पज्जिता-णं विहरइ । तए णं सा रेवईं गाहावइणीं मत्ता ह्रुत्थिया विइण्णकेसी उत्तरिज्जयं विककुमाणीं २ जेणेव पोसहसाला जेणेव महासयए समणोवासए तेथैव उवागच्छइ, उवागच्छिता मोहुम्मावज्जणणाईं सिक्कारियाईं इत्थिभाभाईं उव्वदंसेमाणीं २ महासययं समणोवासयं एवं वयासी-‘हं भो महासय(गा)या ! समणोवासया ! धम्मकामया पुण्यकामया सग्गकामया मोक्खकामया धम्मकङ्खिया च धम्मपिवासिया च किण(कि)णं तुब्भं देवानुपिया ! धम्मणेण वा पुण्येण वा सग्गेण वा मोक्खणेण वा [?] ज्जणं तुयं मए सद्धिं उ-राब्बाइं जाव सुखमाणे नो विहरसि(?)’ । तए णं से महासयए समणोवासए रेवईए गाहावइणीए एयमद्धं नो आडाइ, नो परियाणाइ, अणाढायमाणे अपरियाणमाणे तुसिणीए धम्मज्जाणोवगए विहरइ । तए णं सा रेवईं गाहावइणीं महासययं समणोवासयं दोक्खं-पि तक्खं-पि एवं वयासी-‘हं भो ! (म० स०) तं चोव मणइ, सो-ऽ-वि तहेव जाव अणाढायमाणे अपरियाणमाणे विहरइ । तए णं सा रेवईं गाहावइणीं महासयएणं समणोवासएणं अणाढाइज्जमाणीं अपरियाणिज्जमाणीं जायेव दि-सि पाठकम्पया तामेव दि-सिं पच्चिसवा ॥ ६४ ॥ तए णं से महासयए समणोवासए पदमं उवासमपच्चियं उव्वसंपज्जिता-णं विहरइ । पदमं आहासुत्तं जाव एक्का-रस-ऽ-वि । तए णं से महासयए समणोवासए तेणं सरणेणं जाव किले ज्जस-पिणन्ताए जाए । तए णं तस्स महासयवस्स समणोवासयवस्स अज्जया कया(इ)ई

पुव्वरत्तावरत्तकाले धम्मजागरियं जागरमाणस्स (इमेयारूवे) अयं अज्झत्थिए ४-
 'एवं खलु अहं इमेणं उरालेणं जहा आणन्दो तद्देव अपच्छिन्नमारणन्तियसंलेहणा-
 (ए स्रो)सुसियसरीरे भत्तपाणपच्चियाइक्खिए कालं अणवकङ्कमाणे विहरइ । तए णं
 तस्स महासयगस्स समणोवासगस्स सुभेणं अज्झवसाणे(परिणामे)णं जाव खओवस-
 मेणं ओहिणाणे समुप्पजे । पुरत्थिमेणं लवणसमुद्दे जोयण(स)साह(स्स)स्सियं खे(त्तं)त्ते
 जाणइ पासइ, एवं दक्खिणेणं पच्चत्थिमेणं, उत्तरेणं जाव जुल्लहिमवन्तं वासहरपब्बयं
 जाणइ पासइ, अहे इमीसे रयणप्पभाए पुढवीए लोल्लयञ्चुयं नरयं चउ(चो)रासी[इ]वा-
 ससहस्सट्ठिइयं जाणइ पासइ ॥ ६५ ॥ तए णं सा रेवई गाहावइणी अन्नया कया-इ
 मत्ता जाव उत्तरिज्ययं विकङ्कमाणी २ जेणेव पोसहसाला जेणेव महासयए समणो-
 वासए तेणेव उवागच्छइ, उवागच्छिता महासययं तद्देव भणइ, जाव दोच्चं-पि
 तच्चं-पि एवं वयासी-'हं भो तद्देव । तए णं से महासयए समणोवासए रेवईए
 गाहावइणीए दोच्चं-पि तच्चं-पि एवं जुत्ते समाणे आसु-रुते ४ ओहिं पउंजइ, पउंजिता
 ओहिणा आभोएइ, आभोएत्ता रेवई गाहावइणि एवं वयासी-'हं भो रेव(ई)इ ।
 अपत्थियपत्थिए-!-४ एवं खलु तुमं अन्तो सत्तरत्तस्स अलसएणं वाहिणा अभि-
 भूया समाणी अट्टुदुहट्टवसट्टा असमाहिपत्ता कालमासे कालं किञ्चा अहे इमीसे रयण-
 प्पभाए पुढवीए लोल्लयञ्चुए नरए चउरासी(ई)इवाससहस्सट्ठिइएसु नेरइएसु नेरइयत्ताए
 उववज्जिहिसि' । तए णं सा रेवई गाहावइणी महासयएणं समणोवासएणं एवं
 जुत्ता समाणी (भीया) एवं वयासी-'रुद्धे णं म-मं महासयए समणोवासए, हीणे णं
 म-मं महासयए समणोवासए, अवज्जाया णं अहं महासयएणं समणोवासएणं, न
 नजइ णं अहं केणवि कुमारेणं मारिज्जिस्तामि'ति-कट्टु भीया तत्था तसिया उच्चिग्गा
 सज्जायभया सणियं २ पच्चोसकइ, पच्चोसकित्ता जेणेव सए गिहे तेणेव उवागच्छइ,
 उवागच्छिता ओहय[०] जाव सियाइ । तए णं सा रेवई गाहावइणी अन्तो सत्तरत्तस्स
 अलसएणं वाहिणा अभिभूया अट्टुदुहट्टवसट्टा कालमासे कालं किञ्चा इमीसे रयणप्प-
 भाए पुढवीए लोल्लयञ्चुए नरए चउरासीइवाससहस्सट्ठिइएसु नेरइएसु नेरइयत्ताए
 उववत्ता ॥ ६६ ॥ तेणं कालेणं तेणं समयेणं समणे भगवं महावीरे, समोस-रणं,
 जाव परिसा पड्डिगया । 'गोयमा'-!-इ समणे भगवं महावीरे एवं वयासी-'एवं
 खलु गोयमा । इहेव रायगिहे नयरे म-मं अन्तेवासी महासयए नामं समणोवासए
 पोसहसालाए अपच्छिन्नमारणन्तियसंलेहणाए सुसियसरीरे भत्तपाणपच्चियाइक्खिए
 कालं अणवकङ्कमाणे विहरइ । तए णं तस्स महासयगस्स रेवई गाहावइणी मत्ता
 जाव विक(ङ्क)माणी २ जेणेव पोसहसाला जेणेव महासयए तेणेव उवागच्छइ, उवा-
 गच्छिता मोहुम्मया[०] जाव एवं वयासी-तद्देव जाव दोच्चं-पि तच्चं-पि एवं वयासी

तए णं से महासयए समणोवासए रेवईए गाहावइणीए दोब्बं-पि तच्चं-पि एवं वुत्ते समाणे आसु-रुत्ते ४ ओहिं पउंजइ, पउंजिता ओहिणा आभोएइ, आभोएत्ता रेवई गाहावइणि एवं बयासी-जाव 'उववज्जिहिसि' । नो खलु कप्पइ गोयमा ! समणो-वामगस्स अपच्छिम[०] जाव झूसियसरीरस्स भत्तपाणपडियाइक्खियस्स परो सन्तेहिं तच्चेहिं तहिएहिं सम्भूएहिं अणिट्ठेहिं अकन्ते-हिं अप्पिएहिं अमणुणेहिं अमणामेहिं वागरणेहिं वागरितए, तं गच्छ(इ)णं देवाणुप्पिया ! तुमं महासययं समणोवासयं एवं बयाहि-नो खलु देवाणुप्पिया ! कप्पइ समणोवासगस्स अपच्छिम-जाव भत्तपाणपडियाइक्खियस्स परो सन्ते-हिं जाव वागरितए । तुमे य णं देवाणुप्पिया ! रेवई गाहावइणी संतेहिं ४ अणिट्ठेहिं ५ वागरणेहिं वागरिया, तं णं तुमं एयस्स ठाणस्स आलोएहि जाव जहारिइ च पायच्छित्तं पडिब-ज्जाहि' । तए णं से भगवं गोयमे समणस्स भगवओ महावीरस्स 'तह'ति एयमइं विणएणं पडिसुणेइ, पडिसुणेत्ता तओ पडिणिक्खमइ, पडिनिक्खमिता रायगिहं न(ग)यरं मज्झमज्जेणं अणुप्पविसइ, अणुपविसित्ता जेणेव महासयगस्स समणोवासयस्स गिहे जेणेव महासयए समणोवासए तेणेव उवागच्छइ । तए णं से महासयए (समणोवासए) भगवं गोयमं एज्जमाणं पासइ, पासित्ता इ(ट्ठे)इ जाव हियए भगवं गोयमं वन्दइ नमंसइ । तए णं से भगवं गोयमे महासययं समणोवासय एवं बयासी-'एवं खलु देवाणुप्पिया ! समणे भगवं महावीरे एवमाइक्खइ भासइ पणवेइ परूवेइ-नो खलु कप्पइ देवाणुप्पिया ! समणोवासगस्स अपच्छिम जाव वागरितए, तुमे णं देवाणुप्पिया ! रेवई गाहावइणी सन्तेहिं जाव वागरि(या)आ, तं णं तुमं देवाणु-प्पिया । एयस्स ठाणस्स आलोएहि जाव पडिब-ज्जाहि' । तए णं से महासयए समणोवासए भग(वं)वओ गोयमस्स 'तह'ति एयमइं विणएणं पडिसुणेइ, पडिसुणेत्ता तस्स ठाणस्स आलोएइ जाव अहारिइ च पायच्छित्तं पडिबज्जइ । तए णं से भगवं गोयमे महासयगस्स समणोवासयस्स अन्तियाओ पडिणिक्खमइ, पडि-निक्खमिता रायगिहं नगरे मज्झमज्जेणं निगच्छइ, निगच्छित्ता जेणेव समणे भगवं महावीरे तेणेव उवागच्छइ, उवागच्छित्ता समणं भगवं महावीरं वंदइ नमंसइ, वंदित्ता नमंसित्ता संजमे(णं)ण तच्चसा अप्पारणं भावेमाणे विहरइ । तए णं समणे भगवं महावीरे अजया कया-इ रायगिहाओ नयराओ पडिणिक्खमइ, पडि-निक्खमिता बहिया जणवयविहारं विहरइ ॥ ६७ ॥ तए णं से महासयए समणो-वासए बहूहिं सील-जाव भावेत्ता बीसं वासाइं समणोवास-यपरिया(गं)यं पाउयित्ता ए-कारस उवासयपडिमाओ सम्मं काए-ण फासित्ता मासियाए संकेहणाए अप्पारणं अ-सित्ता सट्ठिं भत्ताइं अपसणाए छेदेत्ता आलोइयपडिक्कन्ते समाहिपते कक्कयासे

कालं किञ्चा सोहम्मे कप्पे अरुणवडिसए विमाणे देवताए उववणे । चत्तारि पल्लिओवमाई ठिई, महाविदे-हे वासे सिज्झहिइ ॥ ६८ ॥ निक्खेवो ॥ सत्तमस्स अंगस्स उवासगदसाणं अट्टमं अज्झयणं समत्तं ॥

नवमस्स उक्खेवो । एवं खलु जम्(बु)वू ! तेणं कालेणं तेणं समएणं सावत्थी नयरी । कोट्ट(ग)ए उज्जाणे । जियस-नू राया । तत्थ णं सावत्थीए नयरीए नन्दिणी-पिया नामं गाहावई परिवसइ, अट्टे । चत्तारि हिरण्णकोडीओ निहाणपउत्ताओ, चत्तारि हिरण्णकोडीओ बु-द्धिपउत्ताओ, चत्तारि हिरण्णकोडीओ पवित्थरपउत्ताओ, चत्तारि वया दसगोसाहस्सिएणं वएणं । अस्सिणी भारिया । सामी समोसडे । जहा आणन्दो तहेव गिहिधम्मं पडिवज्जइ । सामी बहिया (विहारं) विहरइ । तए णं से नन्दिणीपिया समणोवासए जाए जाव विहरइ । तए णं तस्स नन्दिणीपियस्स समणोवासयस्स बहुहिं सीलव्वयगुण[०] जाव भावेमाणस्स चोइस संवच्छराई वइक्कन्ताई । तहेव जेट्टं पुत्तं ठवेइ, धम्मपण्णसि, वीसं वासाई परियागं, नाणत्तं अरुणगवे विमाणे उववाओ । महाविदे-हे वासे सिज्झहिइ ॥ ६९ ॥ निक्खेवो ॥ सत्तमस्स अंगस्स उवासगदसाणं नवमं अज्झयणं समत्तं ॥

दसमस्स उक्खेवो । एवं खलु जम्-वू ! तेणं कालेणं तेणं समएणं सावत्थी नयरी । कोट्टए उज्जाणे । जियस-नू राया । तत्थ णं सावत्थीए नयरीए सालिही-पिया नामं गाहावई परिवसइ । अट्टे दित्ते । चत्तारि हिरण्णकोडीओ निहाणपउत्ताओ, चत्तारि हिरण्णकोडीओ बु-द्धिपउत्ताओ, चत्तारि हिरण्णकोडीओ पवित्थर-पउत्ताओ । चत्तारि वया दसगोसाहस्सिएणं वएणं । फग्गुणी भारिया । सामी समोस-डे । जहा आणन्दो त(ह)हेव गिहिधम्मं पडिवज्जइ, जहा कामदेवो तहा जेहूँ पुत्तं ठवे(इ)ता पोसहसालाए समणस्स भगवओ महावीरस्स धम्मपण्णसि उवसम्प-ज्जित्ताणं विहरइ । नवरं निरुवसग्गाओ एक्कारस-वि उवासगपडिमाओ तहेव भाणिय-न्वाओ । एवं कामदेवगमेणं नेयब्बं जाव सोहम्मे कप्पे अरुणकीडे विमाणे देवताए उववणे । चत्तारि पल्लिओवमाई ठिई, महाविदे-हे वासे सिज्झहिइ ॥ ७० ॥ (०) ॥

सत्तमस्स अंगस्स उवासगदसाणं दसमं अज्झयणं समत्तं ॥
दसप्प-वि पणरसमे संवच्छरे वट्टमाणे चिन्ता । दसप्प-वि वीसं वासाई समप्पे-वासयपरियाओ । एवं खलु जम्बू ! समणेणं जाव सम्पत्तेणं सत्तमस्स अङ्गस्स उवासगदसाणं अयमट्ठे पण्णत्ते ॥ ७१ ॥ उवासगदसाओ समताओ । उवासगदसाणं सत्तमस्स अङ्गस्स एगो सुयखन्धो दस अज्झयणा एक्कसरग दसइ चेव विवसेइ उहिस्सिज्जति तओ सुयखन्धो समुत्तिस्सिज्जइ अनुण्णविज्जइ दोसु विवसेइ, अहं तहेव ॥

णमोऽस्त्यु णं समणस्स भगवओ णायपुत्तमहावीरस्स

सुत्तागमे

तत्थ णं

अंतगडदसाओ

[पढमो वग्गो]

तेणं कालेणं तेणं समएणं चंपा-नामं न(ग)यरी (हो० व० तत्थ णं चं० न० उ० दि० ए०) पुण्णभेइ (णा०) उज्जाणे (हो०) वण्णओ, (ती० चं० न० को० ना० ए० हो० म० हि० व०) तेणं कालेणं तेणं समएणं अज्जसुहम्मे (बे० जाव पं० अ० स० सं० पु० च० गा० सु० वि० जे० चं० न० जे० पु० उ० ते०) समोसरि(ते)ए परिसा निग्ग(ता)या जाव पडिग-या, तेणं कालेणं तेणं समएणं अज्जसुहम्मस्स अंतेवासी अज्जजंबू जाव पज्जुवास(माणे)इ, एवं व(दासि)यासी-ज्ज(ति)इ णं भंते । समणेणं (भ० म०) आ(इग्ग)दिकरेणं जाव संपत्तेणं सत्तमस्स अंगस्स उवासगदसाणं अयमट्ठे पण्णते अट्ठमस्स णं भंते । अंगस्स अंतगडदसाणं समणेणं जाव संपत्तेणं के अट्ठे पण्णते ! एवं खल्ल जंबू । समणेणं जाव संपत्तेणं अट्ठमस्स अंगस्स अंतगडदसाणं अट्ठ वग्गा पण्णता, जइ णं भंते । समणेणं जाव संपत्तेणं अट्ठमस्स अंगस्स अंतगडदसाणं अट्ठ वग्गा पण्णता पढमस्स णं भंते । वग्गस्स अंतगडदसाणं समणेणं जाव संपत्तेणं कइ अज्जयणा पण्णता ? एवं खल्ल जंबू । समणेणं जाव संपत्तेणं अट्ठमस्स अंगस्स अंतगडदसाणं पढमस्स वग्गस्स दस अज्जयणा पण्णता, तं--'मोयम-समुह-सागर-गंभीरे जेव होइ थिमिए य १ अब्बे कंथिल्ले खल्ल अक्खोभ-पसेण(ती)इ(वण्णी)विण्णू ॥ १ ॥' जइ णं भंते ! समणेणं जाव संपत्तेणं अट्ठमस्स अंगस्स अंतगडदसाणं पढमस्स वग्गस्स दस अज्जयणा पण्णता (तं० गो० जाव वि०) पढमस्स णं भंते ! अज्जयणस्स अंतगडदसाणं समणेणं जाव संपत्तेणं के अट्ठे पण्णते ? एवं खल्ल जंबू । तेणं कालेणं तेणं समएणं वारइ-नामं नयरी होत्था, दुवालसजोवणायामा नवजो(अ)यणविस्विण्णा पण्णवइय-इण्णिज्जाया चामीकरपाणारा नाणागणिरुचवण्णकविधीसण(पमि)मंठिया सुग्ग्या अल्ल-कापुरिसंकासा पमुदियवकीलिया पण्णवत्थं देवलोगभूवा पास(धी)दिवा ४, तीसे के

बारवईणयरीए बहिया उत्तरपुरच्छिमे दिसीभाए एत्य णं रेवयए नामं पव्वए होत्या तत्थ णं रेवयए पव्वए नंदणवणे नामं उज्जाणं होत्या वण्णओ, सुरप्पिए नामं जक्खायतणे होत्या, असोणवरपायवे[०], तत्थ णं बारवई(ए)ण-यरीए कण्हे नामं वासुदेवे राया परिवसइ महया[०] रायवण्णओ, से णं तत्थ समुद्दिवजयपा(मु)मोक्खाणं दसण्हं दसाराणं बलदेवपा-मोक्खाणं पंचण्हं महावीराणं पज्जुण्णपामोक्खाणं अद्दुट्ठाणं कुमारकोडीणं संबपामोक्खाणं सट्ठीए दुद्वैतसाहस्सीणं महसेणपामोक्खाणं छप्पण्णाए बलव(भ-ग)यसाहस्सीणं वीरसेणपामोक्खाणं एगवीसाए वीरसाहस्सीणं उग्गसेणपामोक्खाणं सोळसण्हं रायसाहस्सीणं रुप्पिणीपामोक्खाणं सोलसण्हं दे(वि)वीसाहस्सीणं अक्केसि च बहूणं ईसर जाव सत्यवाहाणं बारवईए नयरीए अद्धभरहस्स य सम(न्त-त्त)त्थस्स आहेवच्चं जाव विहरइ, तत्थ णं बा(वा)रवईए नयरीए अंधग(वि-ण्णु)वण(णी)ही-नामं राया परिवसइ, महया० रायवण्णओ, तस्स णं अंधगवण्णिस्स रण्णो धारिणी नामं देवी होत्या वण्णओ, तए णं सा धारिणी देवी अण्णया कयाइ तंसि तारिसगंसि सयणिजंसि (एवं) जहा महब्बले 'सुम्मिण्हंसणकहणा जम्मं बालत्तणं कलाओ य । जोव्वणपाणिग्गहणं (कंता) कण्णा पासायमोगा य ॥ १ ॥' नवरं गोयमो नामेणं अद्दुण्हं रायवरकण्णाणं एगदिवसेणं पाणिं गेण्हावेत्ति अद्दुट्ठओ दाओ, तेणं कालेणं तेणं समएणं अरहा अरिट्ठणेमी आ-दिकरे जाव विहरइ चउव्विहा देवा आगया कण्हे-वि निग्गए, तए णं तस्स गोयमस्स कुमारस्स[०] जहा मेहे तहा णिग्गए भम्मं सोच्चा (णि०) जं नवरं देवाणुम्मिया ! अम्मापियरो आपुच्छामि देवाणुप्पियाणं० एवं जहा मेहे जाव अणगारे जाए [इरिया समि-ए] जाव इणमेव निग्गयं पावयणं पुरओ काउं विहरइ, तए णं से गोयमे (अ०) अण्णया कया(इ)इं अरहओ अरिट्ठणेमिस्स तहारूवाणं येराणं अंतिए साम्माइयमाइयाइं एक्कारस अंगाइं अहि(ज्ज)-ज्जेइ २ ता बहूहिं चउत्थ जाव भावेमाणे विहरइ, (तएणं) ते अरिहा अरिट्ठणेमी अण्णया कया-इं बारवईओ [नयरीओ] नंदणवणाओ (उ०) पडिणिक्खमइ (२ ता) बहिया जणवयविहारं विहरइ, तए णं से गोयमे अणगारे अण्णया कया-इं जेणेव अरहा अरिट्ठणेमी तेणेव उवागच्छइ २ ता अरहं अरिट्ठणेमिं तिक्खुतो आया-ह्णिपयाहिणं करेइ २ ता वंदइ नमंसइ वं० २ ता एवं कयाही-इच्छामि णं अंते ! तुब्भेहिं अन्भणुण्णाए समाणे मासियं भिक्खुपडिमं उव्वसंपज्जिताणं विहरेताए, एवं जहा खंदओ तहा बारस भिक्खुपडिमाओ फासेइ (०) गुणरवणं-पि तवोक्कम्मं तह्वेव फासेइ निरवसेसं जहा खंदओ तहा चितेइ तहा आपुच्छइ तहा बेरेहिं सडिं सेत्तुअं डुरूइ मासियाए संलेहणाए बारस वरिसाई परियाए जाव सिडे (५) ॥ १ ॥ एवं

खलु जंबू ! समणेणं जाव संपणेणं अट्टमस्स अंगस्स अंतगडदसाणं पढम[स्स]व-
गग[स्स]पढम[स्स]अज्झयणस्स अयमट्ठे पण्णत्ते, एवं जहा गोयमो तहा सेसा वण्णी
पिया धारिणी माया समुद्दे सागरे गंभीरे थिमिए अयत्ते कंपिद्धे अक्खोभे पसेणइ
विण(हुए)हु एए एगगमा, पढमो वग्गो दस अज्झयणा पण्णत्ता ॥ २ ॥

[दोब्बो वग्गो]

जइ दोब्बस्स वग्गस्स[०] उक्खेवओ, तेणं कालेणं तेणं समएणं वा-रवइए नय-
रीए वण्णी पिया धारिणी माया-अक्खोभसागरे खलु समुद्दहिमवंत-अ(य)चलनामे
य । धरणे य पूरणे-वि य अभिचंद्रे चेव अट्टमए ॥ १ ॥ जहा पड(मो)मे वग(गो)गे
तहा सव्वे अट्ट अज्झयणा, गुणरय(ण)णं तवोक्कम्मं, सोलस-वासाइं परियाओ,
सेत्तुञ्जे मासियाए संलेहणाए (जाव) सि(द्धे)द्धी (०) ॥ ३ ॥

[तब्बो वग्गो]

जइ तब्बस्स[०] उक्खेवओ एवं खलु जंबू ! (स० जाव सं० अ० अं०) तब्बस्स
वग्गस्स अंतगडदसाणं तेरस अज्झयणा पण्णत्ता, तं०-अणीयसे(ण) वणंतसेणे
[अजियसे-णे] अणिहय(वि)रि(उ)ऊ देव(जसे)सेणे सत्तुसेणे सारणे गए समुद्दे दुम्मुद्दे
कुवए दारुए अणादिद्धी । जइ णं भंते ' समणेणं जाव संपणेणं (०) तब्बस्स वग्गस्स
अंतगडदसाणं तेरस अज्झयणा प० (तं० अ० जाव अ०) तब्बस्स णं भंते । वग्गस्स
पढम-अज्झयणस्स अंतगडदसाणं (०) के अट्ठे प० ? एवं खलु जंबू ! तेणं
कालेणं तेणं समएणं महिलपुरे नामं न(य)गरे होत्था (रि०) वण्णओ, तस्स णं भदि-
लपुरस्स (न०) उत्तरपुर(त्थि)च्छिमे दिसीभाए स्तिरिवणे नामं उजाणे होत्था
वण्णओ, जियसलू राया, तत्थ णं महिलपुरे न-यरे नागे नामं गाहावई होत्था अट्ठे
जाव अपरिभूए, तस्स णं नामस्स गाहावइस्स सुलसा नामं भारिया होत्था स(स-
कु)माला जाव सुखा, तस्स णं नागस्स गाहावइस्स पुत्ते सुलसाए भारियाए अत्ताए
अणीय(ज)से-नामं कुमारे होत्था सू-भाले जाव सुखे पंचघाइपरिक्खिते तं०-खीर-
धाई[०] जहा दढपइण्णे जाव गिरि० सुइंसुहेणं परिवक्खइ, तए णं तं अ(णि)णीयसं
कुमारं सा(इ)तिरेगअट्ठवासजायं अम्मापियरो कलायरिय[०] जाव[०] भोगसमत्थे
जाए यावि होत्था, तए णं तं अ-णीयसं कुमारं उम्मुक्कवालभावं जा(जे)थित्ता अम्मा-
पियरो सरि[सियाणं] जाव बत्तीसाए इक्कवरकण्णगारिणं एगदिचसे पाणिं नेण्णावेंसि,
तए णं से नागे गाहावई अणीयसस्स कुमारस्स इमं एक्कारुवं पीइदानं दत्तइ
तं०-बत्तीसं हिरण्णकोटीओ[०] जहा म(ह)हावलस्स जाव उप्पि पासायवरगए
फुट्ठं विहरइ, तेणं कालेणं तेणं समएणं अरहा अरिद्ध[णेमी] जाव समोसडे सिरि-

वधे उज्जाणे ज(अ)हा जाव विहरइ परिसा निगगया, तए णं तस्स अणीयसस्स (कु०) तं (म०) जहा गोयमे तहा नवरं सामाइयमाइयाईं चोहस-पुब्बाईं अहिज्जइ वीसं वासाइं परियाओ सेसं तहेव जाव सेत्तुजे पब्बए मासियाए संलेहणाए जाव सिद्धे (५) । एवं खलु जंबू ! समणेणं [०] अट्टमस्स अंगस्स अंतगडदसागं तव्वस्स वग्गस्स पवम-अज्जयणस्स अयमट्ठे पण्णत्ते, एवं जहा अणीयसे एवं सेसा-वि अणं-तसे(णो)णे जाव सत्तुसेणे छ-अज्जयणा ए(ग)ङ्गमा बत्तीसओ दाओ वीसं वासा परिवाओ चोहस [पु०] सेत्तुजे (जाव) सिद्धा ॥ छट्टमज्जयणं समतं ॥ ४ ॥ (ज० षं० मं० उ० स०) तेणं कालेणं तेणं समएणं बारवईए नयरीए जहा पठ(मे नव-रं)मं वडुदेवे राया धारिणी देवी सीहो सुमिणे सारणे कुमारे पण्णासओ दाओ चोहस पुब्बा वीसं वासा परियाओ सेसं जहा गोयमस्स जाव सेत्तुजे सिद्धे ॥ ५ ॥ जइ [०] उक्खे[व]ओ अट्टमस्स एवं खलु जंबू ! तेणं कालेणं तेणं समएणं बारवईए नयरीए जहा पठमे जाव अरहा अरिद्धणेमी सामी समोसडे । तेणं कालेणं तेणं समएणं अरहओ अरिद्धणेमिस्स अंतेवासी छ अणगारा भायरो सहोदरा होत्या सरिसया सरितया सरिब्बया नीलुप्पल्लगुलियअयसिकुसुमप्पगासा सिरिबच्छंफियवच्छा कुसुम-कुंडलभइलया नलकु(व्व)ब्बरसमाणा, तए णं ते छ अणगारा अं चेव दिवसं पुंडा भवेत्ता अ(आ)गाराओ अणगारियं पब्बइया तं चेव दिवसं (अरहं) अरिद्धणेमि वंदंति णमंसंति वं० २ ता एवं वयासी-इच्छामो णं भंते ! तुब्भेहिं अब्भणुण्णाया समाणा जावजीवाए छट्ठंछट्ठेणं अपिक्खितेणं तवक्कम्मसंजमेणं तवसा अप्पाणं भावे-माणे विहरिताए, अहासुहं देवाणुप्पिया ! मा पडिबंघं करेह, तए णं (ते) छ अण-गारा अरहया अरिद्धणेमिणा अब्भणुण्णाया समाणा जावजीवाए छट्ठंछट्ठेणं जाव विह(रें)रंति, तए ण-छ अणगारा अण्णया कयाईं छट्ठक्खमणपार(णं)णयंसि पढ-माए पोरेसीए सज्जायं करंति ज(ह)हा गोम(मसा०)मो जाव इच्छामो णं (मं०) छट्ठक्खमणस्स पार(णा)णए तुब्भेहिं अब्भणुण्णाया समाणा तिहिं संघाडएहिं बार-वईए नयरीए जाव अडिताए, अहासुहं देवाणुप्पिया ! मा पडिबंघं करेह, तए णं-छ अणगारा अरहया अरिद्धणेमिणा अब्भणुण्णाया समाणा अरहं अरिद्धणेमि वंदंति नमंसंति वं० २ ता अरहओ अरिद्धणेमिस्स अंलियाओ सह(र)संघवणाओ (०) पडिभि क्खमंति २ ता तिहिं संघाडएहिं अत्तुरियं जाव अरंति, तत्थ णं एणे संघाडए बार-वईए नयरीए उच्चणीयमज्झिमाईं कुलाईं घरसमुदाणस्स भिक्खायरिवाए अवमा-णे (२) वडुदेवस्स रण्णे देवईए देवीए गेहे अणुपविट्ठे, तए णं सा देवां देवीं ते अणगारे एज्जमाणे पासइ पा(सइ)सेता हट्ट जाव हियया आसणाओ अत्तुट्ठेइ २

ता सतष्ट-पयाई (अ० २ ता) तिक्युतो आयाहिणपयाहिणं करेइ २ ता वंदइ नर्म-
सइ वं० २ ता जेणेव भत्तघ(रे)रए तेणेव उवाग(च्छइ २ ता)या सीहकेसरार्ण
मोयगाणं थालं भरेइ (०) ते अणगारे पबिलाभेइ (०) वंदइ नर्मसइ वं० २ ता
पडिविसजेइ, त(दा)याणंतरं च णं दोषे संघाडए बारवईए (न०) उच्च[०] जाव
विमजेइ, तयाणंतरं च णं तच्चे संघाडए बारवईए न-गरीए उच्च-जाव पबिलाभेइ
२ ता एवं वयासी-किण्णं देवाणुप्पिया । कण्हस्स वासुदेवस्स इमीसे बारवईए न-
रीए (हु०) नवओयण० पच्चक्खदेवलोगभूयाए समणा निग्गया उच्च-जाव अडमाणा
भत्तपाणं नो लभति (१) जण्णं ताईं चेव कुळाईं भत्तपाणाए भुज्जो २ अणुप्पविसंति १,
तए णं ते अणगारा देवईं देवि एवं वयासी-नो खलु देवा० । कण्हस्स वासुदेवस्स
इमीसे बारवईए नयरीए जाव देवलोगभूयाए समणा निग्गया उच्च-जाव अडमाणा
भत्तपाणं णो लभति नो [जं] चेव णं ताईं ताईं कुळाईं दोषं-पि तच्चं-पि भत्तपाणाए
अणुपविसंति, एवं खलु देवाणुप्पि० । अम्हे महिलपुरे न-गरे नागस्स गाहावइस्स
पुत्ता सुलसाए भायियाए अत्ताया छ मायरो सहोदरा सरिसया[०] जाव नलकुच्चर-
समाणा अरहओ अरिदुणेमिस्स अंतिए धम्मं सोष्ठा-संसारअउब्बिगा मीया अम्म-
(ण)भरणार्णं मुंढा जाव पच्चइया, तए णं अम्हे जं चेव दिवसं पच्चइया तं चेव
दिवसं अरहं अरिदुणेमि वंढामो नर्मसामो वं० २ ता इमं एयाळवं अभिग्गहं अभि-
गेण्ढामो-इच्छामो णं भंते । तुज्जेहिं अम्मणुण्णाया समाणा जाव अहासुईं०, तए
णं अम्हे अरहओ (अ०) अम्मणुण्णाया समाणा जावजीवाए छट्टुल्लुट्ठेणं जाव विह-
रामो, तं अम्हे अच्च छट्टक्खमणपारणसंति पढमाए पोरिसिए जाव अडमाणा तच्च गेहं
अणुप्पविट्ठा, तं नो खलु देवाणुप्पिए । ते चेव णं अम्हे, अम्हे णं अण्णे-देवईं देवि एवं
वदंति २ ता जामेव दिवसं पाउच्चूया तामेव दिवसं पडिगवा, (तए णं) तीसे देवईए
(देवीए) अवमेयाळवे अ(म्म)ज्जत्थिए ४ समुप्पण्णे, एवं खलु अहं पोळासपुरे नयरे
अइसुत्तेणं कुमारसमणेणं बालत्तणे बागरिया तुमण्णं देवाणुप्पिए । अहु पुत्ते पयाइ-
स्ससि सरिसए जाव नलकुच्चरसमाणे नो चेव णं अरहे वासे अण्णाओ अम्मयाओ
तारिसए पुत्ते पयाइस्संति तं णं मिच्छा, इमं णं पच्चक्खमेव दिस्सइ अरहे वासे
अण्णाओ-वि अम्मयाओ (खलु) एरिस जाव पुत्ते पयावाओ, तं गच्छामि णं अरहं
अरिदुणेमि वंढामि (न० वं०) २ ता इमं च णं एयाळवं बागरणं पुच्छिस्सामी-
तिकहु एवं संपेहेइ २ ता कोट्टुविबपुरिसा सहावेइ २ ता एवं वयासी ज्जुकर-
प्पवर्[०] जाव उवत्तुवेत्ति, अहा देवाणंदा जाव पच्चुवासेइ-ते अरहा अरिदुणेवी
देवईं देवि एवं वयासी-से न्हे तच्च देवईं । इमे छ अणगारे पासेता अवमेयाळवे

अ(ज्ज)भत्थिए० एवं खलु अहं पोलासपुरे नयरे अइमुत्तं तं चैव जाव निग्ग-
च्छसि २ ता जेणेव ममं अंतियं हव्वमागया से नूनं देवई । अ(रथे)ठ्ठे समठ्ठे ?
हंता अत्थि, एवं खलु देवाणुप्पिए । तेणं कालेणं तेणं समएणं भद्विपुरे नयरे नागे
नामं गाहावई परिवसइ अत्थे०, तस्स णं नागस्स गाहावइस्स सुलसा-नामं भारिया
होत्था, मा सुलसा गाहावइणी बालत्तणे चैव ने(नि)मित्तएणं वागरिया-एस णं
दारिया णिदू भविस्स०, तए णं तीसे सुलसाए गाहावइणीए भत्तिबहुमाणसुस्साए
हरिणेगमेसी-देवे आराहिए यावि होत्था, तए णं से हरिणेगमेसी देवे सुलसाए
गाहावइणीए अणुकंपण(ट्टया)ट्टाए सुलसं गाहावइणि तुमं च (णं) दो-वि समउ-
उयाओ करेइ, तए णं तुब्भे दो-वि सममेव गम्भे णिण्हह सममेव गम्भे परिवहह
सममेव दारए पयायह, तए णं मा सुलसा गाहावइणी विणिहायमावण्णे दारए
पया(इ)यइ, तए णं से हरिणेगमेसी देवे सुलसाए अणुकंपणट्टाए विणिहायमावण्णए
दारए करयलसंपुठ्ठेणं गेण्हइ २ ता तव अंतियं साहरइ (२) तंसमयं च णं तुमं-पि
नवण्हं मासाणं० सुकुमालदारए पसवसि, जे-वि (अ) य णं देवाणुप्पिए । तव पुत्ता
ते-वि य तव अंतियाओ करयलसंपुठ्ठेणं गेण्हइ २ ता सुलसाए गाहावइणीए अंतिए
साहरइ, तं तव चैव णं देव(इ)ई । एए पुत्ता णो चैव सुलसाए गाहावइणीए, तए
णं सा देवई देवी अरहओ अरिट्टणेमिस्स अंतिए एयमट्ठं सोळा निसम्म हह्वुट्ठ
आव हियया अरहं अरिट्टणेमि वंदइ नमंसइ वं० २ ता जेणेव ते छ अणगारा तेणेव
उवागच्छइ [२ ता] ते छप्पि अणगारा वंदइ नमंसइ वं० २ ता आगयपण(हु)इया
पप्फुयल्लोयणा कंचुयपडिक्खित्तया दरियवलयबाहा धाराइयकलंबपुप्फांपिष समू-
सियरोमकूवा ते छप्पि अणगारे अणिमिसाए दिट्ठीए पेहमाणी २ सुच्चिरं निरिक्खइ
२ ता वंदइ नमंसइ वं० २ ता जेणेव अ(रि)रहा अरिट्टणेमी तेणेव उवागच्छइ २
ता अरहं अरिट्टणेमि तिक्खुणो आयाहि(णं)णपयाहिणं करेइ २ ता वंदइ नमंसइ
वं० २ ता तमेव धम्मियं आणं दु(ह)रुइइ २ ता जेणेव बारवई-नयरी तेणेव उवा-
गच्छइ २ ता बारवई नयरिं अणुप्पविसइ २ ता जेणेव सए णिहे जेणेव बाहिरिया
उवट्टाणसाला तेणेव उवागच्छइ २ ता धम्मियाओ जाणप्पवराओ पच्चोरुइइ २ ता
जेणेव सए वासधरे जेणेव सए सयणिजे तेणेव उवागच्छइ २ ता सर्वसि सयणि-
जंसि निघीयइ, तए णं तीसे देवईए देवीए अवं अन्मत्थिए ४ समुप्पण्णे-एवं खलु
अहं सरिसए जाव नल्लु-च्चरसमाने सत्ता पुत्ते पयाया, नो चैव णं मए एगस्स-वि
बालत्तणए समुन्भूए, एस-वि-य णं कण्हे वासुदेवे छण्हं छण्हं मासाणं ममं अंतियं
पायवंदए हव्वमागच्छइ, तं धण्णाओ णं ताओ अम्माओ आसि मण्णे शियगकुच्छि-

संभूययाई यणदुद्धलदयाई महुरसमुलावयाई मंमण(प)जंपियाई धणमूलकक्खदेस-
 भागं अभिसरमाणाई मुद्धयाई पुणो य कोमलकमलोवमेहिं इत्येहिं (गेण्हंति) गिण्हि-
 ळ्ळण उच्छंणि णिवेसियाई देति समुलावए सुमहुरे पुणो २ मंजुलप्पभणिए अहं णं
 अधण्णा अपुण्णा अकयपुण्णा एतो ए(क)कतरमपि न पत्ता, ओहय० जाव झिया-
 यइ । इमं व णं कण्हे वासुदेवे ण्हाए सब्बालंकारविभूसिए देवईए देवीए पायवंदए
 हव्वमागच्छइ, तए णं से कण्हे वासुदेवे देवई देविं० पासइ २ ता देवईए देवीए
 पायग्गहणं करेइ २ ता देवई देवीं एवं वयासी-अण्णया णं अम्मो । तुब्भे ममं
 पासेत्ता हट्ठ जाव भवह, किण्णं अम्मो । अज्ज तुब्भे ओहय[०] जाव झियायइ ?,
 तए णं सा देवई देवी कण्हं वासुदेवं एवं वयासी-एवं खलु अहं पुत्ता ! सरिसए जाव
 समाणे सत्त-पुत्ते पयाया नो चैव णं मए एगस्स-वि बालत्तणे अणुब्भूए तुमं-पि(य)णं
 पुत्ता ! ममं छण्हं २ मासाणं ममं अंतियं पादवंदए हव्वमागच्छसि तं धण्णाओ णं
 ताओ अम्मयाओ जाव झियामि, तए णं से कण्हे वासुदेवे देवई देविं एवं वयासी-
 मा णं तुब्भे अम्मो । ओहय-जाव झियायइ अहण्णं तहा ष(त्ति)इस्सामि जहा णं
 ममं सहोदरे कणीयसे भाउए भविस्सतीतिकट्टु देवई देविं ताहिं इट्ठाहिं (कं० जाव)
 वग्गहिं समासासेइ (२) तओ पडिणिक्खमइ २ ता जेणेव पोसहसाला तेणेव उवाग-
 च्छइ २ ता जहा अभओ नवरं हरिणेगमेस्सिस्स अट्टमभणं पगेण्हइ जाव अंबलिं कट्टु
 एवं व-यासी-इच्छामि णं देवाणुप्पिया । सहोदरं कणीयसं भाउयं विदिण्णं, तए णं
 से हरिणेयमेसी (देवे) कण्हं वासुदेवं एवं वयासी-होहिइ णं देवाणुप्पिया । तव देव-
 लोयञ्चुए सहोदरे कणीयसे भाउए से णं उम्मुक्क[०] जाव अणुप्पत्ते अरहओ अरिड-
 णेमिस्स अंतियं मुंढे जाव पव्वइस्सइ, कण्हं वासुदेवं दोर्बं-पि तर्बं-पि एवं वदइ २
 ता जामेव दिसं पाउब्भूए तामेव दिसं पडिगए, तए णं से कण्हे वासुदेवे पोसह-
 सालाओ पडिणि० जेणेव देवई देवी तेणेव उवागच्छइ २ ता देवईए देवीए
 पायग्गहणं करेइ २ ता एवं वयासी-होहिइ णं अम्मो । म(यं)म सहोदरे कणीयसे
 (भाउ-ए)त्तिकट्टु देवई देविं ताहिं इट्ठाहिं जाव आसासेइ २ ता जामेव दिसं पाउ-
 ँब्भूए तामेव दिसं पडिगए । तए णं सा देवई देवी अण्णया कयाई तंति तारिस-
 गंति जाव सीई सुमिणे पासेत्ता पडिबुद्धा जाव पाठया हट्ठ(तु०)हिंयया (तं ग० सु०)
 परिवहइ, तए णं सा देवई देवी नवण्हं मासाणं जास(म)मिणारत्तवंहुजीवयलक्खार-
 ससरसपारिजातकतत्तणदिवायरसमप्पमं सब्बणयणकंते सुक्कमाले जाव सुक्कं गयता-
 छयसमार्णं दारयं पयाया जम्मणं जहा मेहक्कमारे जाव जम्हा णं अण्हं इमे दारए
 वयताल्लसमाणे तं होउ णं अण्हं एयस्स दारगस्स नामवेज्जे गयसुक्कमाले (२), तए

षं तस्स दारगस्स अम्मापियरे नामं करेति गयसुकुमा(ले)लो-त्ति सेसं जहा मेहे जाव
 (अलं)- भोगसमत्ये जाए यावि होत्था । तत्थ षं बा-रवईए नयरीए सोमिले नामं
 माहणे परिवसइ अरिउ०वे० जाव सुपरिणिट्टिए यावि होत्था, तस्स सोमिलमाहणस्स
 सोमसिरी नामं माहणी होत्था सू-माल०, तस्स णं सोमिलस्स (मा०) धूया सोमसिरीए
 माहणीए अत्था सोमा नामं दारिया होत्था सो(सुकु)माला जाव सुरूवा रूपेणं जाव
 लावण्णेणं उक्किट्ठा उक्किट्ठसरीरा यावि होत्था, तए णं सा सोमा दारिया अण्णया
 कयाइ ष्हाया सव्वालंकारविभूसिया बहूहिं खुज्जाहिं जाव परिनिखत्ता सयाओ
 गिहाओ पडिणिक्खमइ २ ता जेणेव रायमग्गे तेणेव उवागच्छइ २ ता राय-
 मग्गंसि कणगतिदूसएणं कीलमाणी(२) चिद्धइ । तेणं कालेणं तेणं समएणं अरहा
 अरिट्ठणेमी समोसटे परिसा निग्गया, तए णं से कण्हे वासुदेवे इमीसे क्हाए लद्धे
 समाणे ष्हाए सव्वालंकारविभूसिए गयसुकुमालेणं कुमारैणं सद्धिं हत्थियंखंवरगए
 सकोरंटेमल्लदामेणं छत्तेणं धरेज्जमाणेणं से(य)अवरचामराहिं उकुव्वमाणीहिं बारवईए
 नयरीए मज्झमज्झेणं अरहओ अरिट्ठणेमिस्स पायवंदए निग्गच्छमाणे सोमं दारियं
 पासइ २ ता सोमाए दारियाए रूपेणं य जोव्वणेणं य लावण्णेणं य जाव विम्हिए, तए
 णं (से) कण्हे[०] कोडुंबियपुरिसे सहावेइ २ ता एवं वयासी-गच्छइ णं तुम्भे-देवाणु-
 प्पिया । सोमिलं माहणं जायित्ता सोमं दारियं गेण्हइ २ ता कण्णंतेउरंसि पक्खि-
 वइ, तए णं एसा गयसुकुमालस्स कुमारस्स भारिया भविस्सइ, तए णं कोडुंबिय
 जाव पक्खिवंति, तए णं से कण्हे वासुदेवे बारवईए नयरीए मज्झमज्झेणं निग्ग-
 च्छइ २ ता जेणेव सह-संभवणे उज्जाणे जाव पज्जुवासइ, तए णं अरहा अरिट्ठणेमी
 कण्हस्स वासुदेवस्स गयसुकुमालस्स (कुमारस्स) तीसे य वम्मक्हाए कण्हे पडि-
 णए, तए णं से गयसुकुमाले (कु०) अरहओ अरिट्ठणेमिस्स अंति(यं)ए वम्मं सोषा अं
 नवरं अम्मापियरं आपुच्छामि जहा मेहो (णवरं) महेलियावज्जं जाव वण्णियकुले, तए
 णं से कण्हे वासुदेवे इमीसे क्हाए लद्धे समाणे जेणेव गयसुकुमाले-तेणेव उवा-
 गच्छइ २ ता गयसुकुमालं (०) आलिगइ २ ता उच्छंणे निवेसेइ २ ता एवं वयासी-तुमं
 ममं सहोदरे कणीयसे भाया तं मा णं तुमं देवाणुप्पिया । इयाणि अरहओ (अ०अं०)
 मुंठे जाव पव्वयाहि, अहणं बारवईए नयरीए महया (२) रायाभिसेएणं अभि-
 रसिचिस्सामि, तए णं से गयसुकुमाले-कण्हेणं वासुदेवेणं एवं कुत्ते समाणे तुत्थिणीए
 संचिद्धइ, तए णं से गयसुकुमाले-कण्हं वासुदेवं अम्मापियरो य दोब्बं-पि तंभं-पि एवं
 वयासी-एवं खलु देवाणुप्पिया । माणुस्सया कामा खेलासवा जाव विप्पवहियन्वा
 सविस्संति, तं इच्छामि णं देवाणुप्पिया । तुम्भेहिं अब्भणुजाए (स०) अरहओ अरिट्ठणे-

मिस्स अंति ए जाव पव्वइत्तए, तए णं तं गयसुकुमालं कण्हे वासुदेवे अम्मापियरो य जाहे नो संचाए० बहुयाहिं अणुलोमाहिं जाव आघवित्तए ताहे अकामाईं चैव एवं वयासी-तं इच्छामो णं ते जाया । एगादिवसमवि रजसिरे पासित्तए निक्खमणं जहा महाबलस्स जाव तमाणाए तहा[०]तहा जाव संजमइ, से गयसुकुमाले अणगारे जाए ई(इ)रिया(०) जाव[०] गुत्तवंभयारी, तए णं से गयसुकुमा(रे)ले (अ०) जं चैव दिवसं पव्वइए तस्सेव दिवसस्सा पुव्वावरण्हकालसमयंसि जेणेव अरहा अरिट्टणेसी तेणेव उवागच्छइ २ ता अरहं अरिट्टणेमिं तिक्खुत्तो आयाहिणपयाहिणं० वंदइ नमंसइ वं० २ ता एवं वयासी-इच्छामि णं भंते । तुभेहि अब्भणुणाए समाणे महाकालंसि सुसाणंसि एगराइयं महापडिमं उवसंपज्जित्ता-णं विह(रे)रित्तए, अहामुहं देवाणुप्पिया । मा पडिबंधं करेह, तए णं से गयसुकुमाले अणगारे अरहया अरिट्टणेमिणा अब्भणुणाए समाणे अरहं अरिट्टणेमिं वंदइ नमंसइ वं० २ ता अरहओ अरिट्टणेमिस्स अंति० सह-संबवणाओ उज्जाणाओ पडिणिक्खमइ २ ता जेणेव महाकाले सुसाणे तेणेव उवागए २ ता थंडिल्लं पडिलेहेइ २ ता (उच्चार-पामवणभूमिं पडिलेहेइ २ ता) ई(सिं)त्तिपन्भारगएणं काएणं जाव दो-वि पाए साहट्टु! एगराइं महापडिमं उवसंपज्जित्ताणं विहरइ, इमं च णं सोमिले माहणे सामिधेयस्स अट्टाए वा-रवइओ नयरीओ बहिया पुव्वणिग्गए समिहाओ य दब्भे य कुसे य पत्तामोडं च गेण्हइ २ ता तओ पडिणियत्तइ २ ता महाकालस्स सुसाणस्स अदूर-सामंतेणं वीईवयमाणे (२) संझाकालसमयंसि पविरलमणुस्संसि गयसुकुमालं अणगारं पासइ २ ता तं वेरं गरइ २ ता आसुरुत्ते ५ एवं वयासी-एस णं भो ! से गय(सू)सुकुमाले कुमारे अ(ए)पत्थिय जाव परिवज्जिए, जे णं मम धूयं सोमसिरीए भारियाए अत्तरं सोमं दारियं अदिट्टदोसपइयं कालवत्तिणिं विप्पजहेत्ता मुंडे जाव पव्वइए, तं सेयं खलु ममं गयसुकुमालस्स कुमारस्स वेरनिज्जायणं करेत्तए, एवं संपेहेइ २ ता दिसापडिलेहणं करेइ २ ता सरसं मट्ठियं गेण्हइ २ ता जेणेव गयसुकुमाले अणगारे तेणेव उवागच्छइ २ ता ग(ज)य-सुकुमालस्स कुमा(अणगा)रस्स मत्थए मट्ठियाए पालिं बंधइ २ ता जलंतीओ चिययाओ फुल्लियकिंसुयसमाणे ख(य)इरंगारे कहल्लेणं गेण्हइ २ ता गय-सुकुमालस्स अणगारस्स मत्थए पविस्खवइ २ ता भीए ५ तओ खिप्पामेव अवक्कमइ २ ता जामेव दिसं पाउब्भूए तामेव दिसं पडिगए, तए णं (से) तस्स ग-य-सुकुमालस्स अणगारस्स सरीरयंसि वेयणा पाउब्भूया उज्जला जाव दुरहियासा, तए णं से गय-सुकुमाले अणगारे सोमिलस्स माहणस्स मणसा-वि अप्पदुस्समाणे तं उज्जलं जाव अहियासेइ, तए णं तस्स गय-सुकुमालस्स अणगा-

रस्स तं उज्जलं जाव अहियासेमाणस्स सुमेणं परिणामेणं पसत्थज्जवसाणेणं त(या)दा-
 बरणिजाणं कम्माणं खएणं कम्मरयविकिरणकरं अपुव्वकरणं अणु[ए]पविट्ठस्स
 अणंते अणुत्तरे जाव केवलवरणाणदसणे समुप्पण्णे, तओ पच्छा सिद्धे जाव-
 प्पहीणे, तत्थ णं अहासंनिहिएहिं देवेहिं सम्मं आराहियंतिकट्टु दिव्वे सुरभिगंधोदए
 वुट्ठे दसद्धवण्णे कुसुमे निवाडिए चेलुक्खैवे कए दिव्वे य गीयगंधव्वणिणाए कए
 यावि होत्था । तए णं से कण्हे वासुदेवे कळं पाउप्पभायाए जाव जलंते ण्हाए
 सव्वालंकारविभूसिए हत्थिखंधवरगए सको(रं)रेंटमल्लदामेणं छत्तेणं धरेज्जमाणेणं
 सेयवरचामराहि उड्डु(प्प)व्वमाणीहिं महया भडचडगरपहकरवंदपरिक्खित्तं बा-रवडं
 नयरि मज्झंमज्जेणं जेणेव अरहा अरिट्ठणेमी तेणेव पहारेत्थ गमणाए, तए णं से
 कण्हे वासुदेवे बारवडैए नयरीए मज्झंमज्जेणं निगगच्छमाणे ए(गं)ळं पुरिसं पासइ
 जुणं जराजजरियदेहं जाव (किलंतं) महइमहालयाओ इट्टगरासीओ एगमेगं इट्टं
 गहाय बहियारत्थापहाओ अंतोगिहं अणुप्पविसमाणं पासइ, तए णं से कण्हे
 वासुदेवे तस्स पुरिसस्स अणुकंपणट्ठाए हत्थिखंधवरगए चेव एगं इट्टं गेण्हइ
 २ ता बहिया रत्थापहाओ अंतोगिहं अणुप्पवेसेइ, तए णं कण्हेणं वासुदेवेणं एगाए
 इट्टगाए गहियाए समाणीए अणेगेहि पुरिससएहिं से महालए इट्टगस्स रासी
 बहिया रत्थापहाओ अंतोघरसि अणुप्पवेसिए, तए णं से कण्हे वासुदेवे बारवडैए
 न-गरीए मज्झंमज्जेणं निगगच्छइ २ ता जेणेव अरहा अरिट्ठणेमी तेणेव उवागए
 २ ता जाव वंदइ नमंसइ वं० २ ता गयसुकुमालं अणगारं अपासमाणे अरहं अरिट्ठ-
 णेमिं वंदइ नमंसइ वं० २ ता एवं वयासी-कहि णं भंते । से म-मं सहोदरे कणीयसे
 भाया गयसुकुमाले अणगारे (?) जा(जण)णं अहं वंदामि नमंसामि [?], तए णं अरहा
 अरिट्ठणेमी कण्हं वासुदेवं एव वयासी-साहिए णं कण्हा । गयसुकुमालेणं अणगारेणं
 अप्पणो अट्ठे, तए णं से कण्हे वासुदेवे अरहं अरिट्ठणेमिं एवं वयासी-कण्णं
 (भंते !) गयसुकुमालेणं अणगारेणं साहिए अप्पणो अट्ठे ?, तए णं अरहा अरिट्ठ-
 णेमी कण्हं वासुदेवं एवं वयासी-एवं खल्ल कण्हा ! गयसुकुमाले णं (अणगारे णं)
 ममं कळं पुव्वावरण्हकालसमयंसि वंदइ नमंसइ वं० २ ता एवं वयासी-इच्छामि
 णं जाव उवसंपजित्ताणं विहरइ, तए णं तं गयसुकुमालं अणगारं एगे पुरिसे पासइ
 २ ता आसुरुत्ते ५ जाव सिद्धे, तं एवं खल्ल कण्हा ! गयसुकुमालेणं अणगारेणं
 साहिए अप्पणो अट्ठे, तए णं से कण्हे वासुदेवे अरहं अरिट्ठणेमिं एवं वयासी-
 (केम) से के णं भंते ! से पुरिसे अ-पत्थियपत्थिए जाव परिवजिए (?) जे-णं ममं
 सहोद(रं)रे कणीय(सं)से भाय(रं)रे गयसुकुमा(लं)ळे अणवा(रं)रे अकाले चेव

जीवियाओ ववरोविए [?], तए णं अरहा अरिट्टणेमी कण्हं वासुदेवं एवं वयासी-
मा (णं) कण्हा । तुमं तस्स पुरिसस्स पदोसमावजाहि, एवं खलु कण्हा । तेणं
पुरिसेणं गयसुकुमालस्स अणगारस्स साहिजे दिण्णे, कण्हणं भंते ! तेणं पुरिसेणं
गयसुकुमालस्स णं सा(हि)हिजे दिण्णे ?, तए णं अरहा अरिट्टणेमी कण्हं वासुदेवं
एवं वयासी-से नूणं कण्हा ! ममं तुमं पायवंदए हव्वमागच्छमाणे बारवईए नय-
रीए (एणं) पुरिसं पाससि जाव अणु-पविसिए, जहा णं कण्हा ! तुमं तस्स पुरिसस्स
साहिजे दिण्णे एवमेव कण्हा । तेणं पुरिसेणं गयसुकुमालस्स अणगारस्स अणेग-
भवसयसहस्ससंचियं कम्म उदीरेमाणेणं बहुकम्मणिजरत्थं साहिजे दिण्णे, तए णं
से कण्हे वासुदेवे अरहं अरिट्टणेमि एवं वयासी-से णं भंते ! पुरिसे मए कण्हं
जाणियव्वे ?, तए णं अरहा अरिट्टणेमी कण्हं वासुदेवं एवं वयासी-जे णं कण्हा !
तुमं बारवईए नयरीए अणु-पविसिमाणं पासेत्ता ठियए चेव ठिइभेएणं कालं करिस्सइ
तण्णं तुमं जा(णे)णिजासि एस णं से पुरिसे, तए णं से कण्हे वासुदेवे अरहं अरिट्ट-
णेमि वंदइ नमंसइ वं० २ ता जेणेव आभिसे(ये)यं हत्थिरय(णे)णं तेणेव उवागच्छइ
२ ता हत्थि रु-रुइइ २ ता जेणेव बारवई नयरी जेणेव सए गिहे तेणेव पहारेत्थ
गमणाए, (तए णं) तस्स सोमिलमाहणस्स कळं जाव जलंते अयमेयास्से अ-भमथिए
४ समुप्पण्णे-एवं खलु कण्हे वासुदेवे अरहं अरिट्टणेमि पायवंदए निग्गए तं
नायमेयं अरहया विण्णायमेयं अरहया सुयमेयं अरहया सि(द्ध)ट्टमेयं अरहया
भविस्सइ कण्हस्स वासुदेवस्स, तं न नज्जइ णं कण्हे वासुदेवे ममं केणावे कुमारेणं
मारिस्सइत्तिकट्टु भीए ४ सयाओ गिहाओ पडिणिक्खमइ, कण्हस्स वासुदेवस्स
बा-रवई नयरी अणु-पविसिमाणस्स पुरधो सपक्खि सपडिदिसि हव्वमागए, तए णं
से सोमिले माहणे कण्हं वासुदेवं सहसा पासेत्ता भीए ४ ठि(ए य)थए चेव ठिइमेयं
कालं करेइ धरणि(त्त)तलंसि सव्वंगेहिं धसत्ति संणिवडिए, तए णं से कण्हे
वासुदेवे सोमिलं माहणं पासइ २ ता एवं वयासी-एस णं (ओ) देवाणुपिया ! से
सोमिले माहणे अ-पत्थियपत्थिए जाव परिवज्जिए जे(ण)णं ममं सहोयरे कणीयसे
भायरे गयसुकुमाले अणगारे अकाले चेव जीवियाओ ववरोविए[ति]त्तिकट्टु सोमिलं
माहणं पाणेहिं कण्हावेइ २ ता तं भूमिं पाणिएणं अब्भोक्खावेइ २ ता जेणेव सए
गिहे तेणेव उवागए सयं गिहं अणु-पविविडे, एवं खलु जंबू ! जाव अट्टमस्स अंगस्स
अंतगडदसाणं तन्वस्स बग्गस्स अट्टमज्जयणस्स अयमट्टे पण्णत्ते ॥ ६ ॥ नवमस्स
(उ) उक्खेवओ, एवं खलु जंबू ! तेणं कालेणं तेणं समएणं बारवईए नयरीए जहा
पठमए जाव विहरइ, तत्थ णं बारवईए-बलदेवे नामं राया होत्था धण्णओ, तस्स

णं बलदेवस्स रण्णो धारिणी-नामं देवी होत्था वण्णओ, तए णं सा धारिणी सीहं सुमिणे जहा गोयमे नवरं सुमुहे नामं कुमारे पण्णासं कण्णाओ पण्णासओ दाओ चोह्म-पुच्चाइं अहिज्जद वीसं वामाई परियाओ सेसं तं चव (जाव) सेत्तुञ्जे सिद्धे निकखेवओ । एवं हुम्मुहे-वि कूव(दार)ए-वि, तिण्णिवि बलदेवधारिणीमुया, दारुए-वि एवं चंव, नवरं वा(व)सुदेवधारिणीसुए । एवं अणा(धि)दिट्ठी-वि वा-सुदेवधारिणीसुए, एवं खलु जंवू । ममणेणं जाव संपत्तेणं अट्टमस्स अगस्म अंतगडदसाणं तच्चस्स वग्गस्स तेरसमस्स अज्झयणस्स अयमट्ठे पण्णत्ते ॥ ७ ॥

[चउत्थो वग्गो]

जइ णं भंते ! ममणेणं जाव संपत्तेणं (अं०) तच्चस्म वग्गस्स अयमट्ठे पण्णत्ते चउत्थस्स (णं भं० व० अं० स० जाव सं०) के अट्ठे पण्णत्ते ? एवं खलु जंवू । ममणेणं जाव संपत्तेणं चउत्थस्स वग्गस्स (अं०) दस अज्झयणा पण्णत्ता, तं०-जाळिमयालिउवया(लि)ली पुरिमसेणे य वारिसेणे य । पज्जुणसंबअणिरुद्धे सच्चणेमी य दडणेमी (य) ॥ १ ॥ जइ णं भंते ! ममणेणं जाव संपत्तेणं चउत्थस्स वग्गस्स दस अज्झयणा पण्णत्ता पढमस्स णं (भं०) अज्झयणस्स (म०जाव सं०) के अट्ठे पण्णत्ते ? एवं खलु जंवू । तेणं कालेणं तेणं समएणं बा-रवई (णा०) नयरी (हो०), तीसे जहा पढमे कण्हे वासुदेवे आहेवच्च जाव विहरइ, तत्थ णं बारवईए नगरीए वसुदेवे राया, [तस्स णं वसुदेवस्स रण्णो] धारिणी [नामं देवी होत्था] वण्णओ जहा गोयमो नवरं जालिकुमारे पण्णासओ दाओ बारसंगी सोलस-वामा परियाओ सेसं जहा गोयमस्स जाव सेत्तुञ्जे सिद्धे । एवं मया-ली उवया-ली पुरिससेणे य वारिसेणे य । एवं पज्जुणे-वि-त्ति, नवरं कण्हे पिया रुप्पिणी माया । एवं सवे-वि, नवरं जंबवई माया । एवं अणिरुद्धे-वि, नवरं पज्जुणे पिया वेदम्मी माया । एवं सच्चणेमी, नवरं समुहविजए पिया सिवा माया, (एवं) दडणेमी-वि, सव्वे एगगमा, चउत्थ[स्स] वग्गस्स निकखेवओ ॥ ८ ॥

[पंचमो वग्गो]

जइ णं भंते ! ममणेणं जाव संपत्तेणं चउत्थस्स वग्गस्स अयमट्ठे पण्णत्ते पंचमस्स (णं भं०) वग्गस्स अंतगडदसाणं ममणेणं जाव संपत्तेणं के अट्ठे पण्णत्ते ? एवं खलु जंवू । ममणेणं जाव संपत्तेणं पंचमस्स वग्गस्स दस अज्झयणा पण्णत्ता, तं०-‘पउमावई य गोरी गंधारी लक्खणा सुसीमा य । जंबव(ई)इसच्चमामा रुप्पिणिमूलत्ति(री)रिमूलदत्ता-वि ॥ १ ॥’ जइ णं भंते ! [ममणेणं जाव संपत्तेणं] पंचमस्स वग्गस्स दस अज्झयणा प० पढमस्स णं भंते ! अज्झयणस्स-के

अद्वे प० ? एवं खलु जंबू ! तेणं कालेणं तेणं समएणं बारवई-नगरी-जहा पदमे जाव कण्हे वासुदेवे आहेवच्चं जाव विहरइ, तस्स णं कण्हस्स वासुदेवस्स पउमावई ना(मं)म देवी हो(हु)इथा वण्णओ, तेणं कालेणं तेणं समएणं अरहा अरिट्ठणेमी समोसडे जाव विहरइ, कण्हे वासुदेवे निग्गए जाव पज्जुवासइ, तए णं सा पउमाव(इ)ई देवी इमासे कहाए लद्धट्ठा (समाणी) हट्ट० जहा देवई जाव पज्जुवासइ, तए णं अ-रहा अरिट्ठणेमी कण्हस्स वासुदेवस्स पउमावईए (दे०) य धम्मकहा परिसा पडिगया, तए णं कण्हे वासुदेवे अरहं अरिट्ठणेमिं वंदइ नमंसइ वं० २ ता एवं वयासी-इमोसे णं भंते ! बारवईए न-गरीए-नवजोयण[०] जाव देवलोगभूयाए किमूलाए विणासे भविस्सइ ? कण्हाइ ! अरहा अरिट्ठणेमां कण्हं वासुदेवं एवं वयासी-एवं खलु कण्हा ! इमासे वा-ग्वईए नयरीए-नवजोयण-जाव[०] भूयाए मुरगिगीवीवायणमूलाए विणासे भविस्सइ, (तए णं) कण्हस्स वासुदेवस्स अरहओ अरिट्ठणेमिस्स अंतिए ए(यमट्टं)यं सोच्चा निमम्म (अ०) एयं अब्भत्थिए ४-धण्णा णं ते जाळिमयालि(उ०)पुरिससेण-वारिसेणपज्जुणसंबअणिरुद्धदडणेमिसच्चणेमिप्पभियओ कुमारा जे णं (चिच्चा) चइत्ता हिरणं जाव परिभा(ए)इत्ता अरहओ अरिट्ठणेमिस्स अंतियं मुंडा जाव पव्वइया, अट्ठणं अधणे अकयपुणे रत्ते य जाव अंतेउरे य माणुस्सएत्तु य कामभोगेसु मुच्छिए ४ नो संचाएमि अरहओ अरिट्ठणेमिस्स जाव पव्वइत्तए, कण्हाइ ! अरहा अरिट्ठ-णेमी कण्हं वासुदेवं एवं वयासी-से नूणं कण्हा ! तव अयम-ब्भत्थिए ४-धण्णा णं ते जाव पव्वइत्तए, से नूणं कण्हा ! अ(यम)ट्टे समट्टे ? हंता अत्थि, तं नो खलु कण्हा ! तं एवं भू(यं)तं वा भव्वं वा भविस्सइ वा जणं वासुदेवा चइत्ता हिरणं जाव पव्व-इस्संति, से के-णं [अ]ट्टेणं भंते ! एवं वुच्चइ-न ए(वं)यं भूयं वा जाव पव्व-इस्संति ? कण्हाइ ! अरहा अरिट्ठणेमी कण्हं वासुदेवं एवं वयासी-एवं खलु कण्हा ! सव्वे-वि य णं वासुदेवा पुव्वभवे नि-दाणगडा, से ए(ए)तेणट्टेणं कण्हा ! एवं वुच्चइ-न एयं भूयं० पव्वइस्संति, तए णं से कण्हे वासुदेवे अरहं अरिट्ठणेमिं एवं वयासी-अहं णं भंते ! इ(ओ)तो कालमासे कालं किच्चा कहिं गमिस्सामि (!) कहिं उववजिस्सामि ?, नए णं अ-रहा अरिट्ठणेमी कण्हं वासुदेवं एवं वयासी-एवं खलु कण्हा ! बारवईए नयरीए मुरगिगीवीवायण(कुमार)कोवनि(इ)दट्ठाए अम्मापिडिनियगविप्पडूणे रामे(ण)णं बल-देवे-णं सद्धि दाहिणवेयालिं अभिमुहे जो(जु)हिट्ठिक्कपाभोक्खाणं पंचण्हं पंचवाणं इरायपुत्ताणं पासं पंडुमहुरं संपत्थिए कोसंबवणकाणणे नग्गोहवरपायवस्स अ(घे)इ इविस्सिलापट्टए पीयवत्थपच्छाइयसरीरे ज(र)राकुमारेणं तिवत्थेणं कोदंडविप्पमुक्कणं सुणा वामे पा(ये)दे चिच्चे समाणे कालयाये कायं चि- —

पुढवीए उज्जल्लिए नरए नेरइयत्ताए उववज्जिहिसि, तए णं कण्हे वासुदेवे अरहवो अरिट्ठणेमिस्स अंतिए एयमट्ठं सोच्चा निसम्म ओहय-जाव क्षियाइ, कण्हाइ । अरहा अरिट्ठणेमी कण्हं वासुदेवं एवं वयासी-मा णं तुमं देवाणुप्पिया । ओहय-जाव क्षियाहि, एवं खलु तुमं देवाणुप्पिया ! तच्चाओ पुढवीओ उज्जल्लियाओ अणंतं उव्वट्ठिता इहेव जं(बूवी)बुदीवे भारहे वासे आगमेसाए उस्सप्पिणीए पुंडे(पुण्णे)सु जणवएसु सयदुवारे बारसमे अममे नामं अरहा भविस्ससि, तत्थ तुमं बह्वई वासाइ केवलपरियारं पाउणेत्ता सिज्झिहिसि ५, तए णं से कण्हे वासुदेवे अरहवो अरिट्ठणेमिस्स अंतिए एयमट्ठं सोच्चा निसम्म हट्ठतुट्ठं० अफोबेइ २ ता वग्गइ २ ता तिवइं छिदइ २ ता सीहणायं करेइ २ ता अरहं अरिट्ठणेमिं वंदइ नमंसइ वं० २ ता तमेव आ(अ)भिसेकं ह(त्थिर०)त्थि दु-रूहइ २ ता जेणेव बारव-ई नयरी जेणेव सए गिहे तेणेव उवागए अभिसेयहत्थिरयणाओ पच्चोरुहइ (०) जेणेव बाहिरिया उवट्ठाणसाला जेणेव सए सीहासणे तेणेव उवागच्छइ २ ता सीहासणवरंसि पुरत्थाभिमुहे निसीयइ २ ता कोडुंबियपुरिसे सहावेइ २ ता एवं वयासी-गच्छह णं तुब्भे देवाणुप्पिया । बारवईए नयरीए सिंघाउग[०] जाव उवघोसेमाणा एवं वयह-एवं खलु देवाणुप्पिया ! बारवईए नयरीए-नव-जोयण-जाव-भूयाए सुरगिगीवायणमूलाए विणासे भविस्सइ, तं जो णं देवाणु-प्पिया । इच्छइ वा-रवईए नयरीए राया वा जुवराया वा ईसरे तलवरे माडं-चियकोडुंबियइब्भसेट्ठी वा देवी वा कुमारो वा कुमारी वा अरहवो अरिट्ठ-णेमिस्स अंतिए मुंडे जाव पव्वट्ठणए तं णं कण्हे वासुदेवे विसज्जेइ, पच्छातुर-स्स-वि य से अहापवित्तं विणिं अणुजाणइ महया इ[ट्ठि]ट्ठीसक्कारसमुदणय से निक्खमणं करेइ, दोच्चं पि तच्चं-पि घोसणयं घोसेह २ ता मम ए(यमाणसि)यं पच्चप्पिणह, तए णं ते कोडुंबिय जाव पच्चप्पिणंति, तए णं सा पउमावई-देवी अरहवो० अंतिए धम्मं सोच्चा निसम्म हट्ठतुट्ठं[०] जाव हियया अरहं अरिट्ठणेमिं वंदइ नमंसइ वं० २ ता एवं वयासी-सह्हामि णं भंते ! निग्गंथं पा(प)वयणं० से जहेयं तुब्भे वदहं जं नवरं देवाणुप्पिया ! कण्हं वासुदेवं आपुच्छामि, तए णं अहं देवा० अंतिए मुंडा जाव पव्वयामि, अहासुहं देवाणुप्पिं० ! मा पच्चि-बंधं करे(हि)ह, तए णं सा पउमावई देवी धम्मियं जाणप्पवरं दुस्सइ २ ता जेणेव वा-रवई-नयरी जेणेव सए गिहे तेणेव उवागच्छइ २ ता धम्मियाओ आपाओ पच्चोर(भ)हइ २ ता जेणेव कण्हे वासुदेवे तेणेव उवागच्छइ २ ता कारवल० अज्जलिं कट्ठु (कण्हं वा०) एवं वयासी-इच्छामि णं देवाणुप्पिया । तुब्भेहिं अन्भणुप्पया

समाणी अरहओ अरिट्ठणेमिस्स अंतिए मुंडा जाव पव्व०, अहासुहं०, तए णं से कण्हे वासुदेवे कोडुंबिए (पु०) सद्वावेइ २ ता एवं वयासी-खिप्पामेव (भो दे०) पउमा-
वईए (०) महत्थं निक्खमणाभिसेयं उवट्ठवेह २ ता एयमाणत्तियं पच्चप्पिणह, तए णं ते
जाव पच्चप्पिणंति, तए णं से कण्हे वासुदेवे पउमावईं देविं पट्ठयं[सि] दु-रूहेइ (०)
अट्ठसएणं सोवण्णकलस जाव महाणिक्खमणाभिसेएणं अभिसिच्चइ २ ता
सव्वालंकारविभूसियं करेइ २ ता पुरिससहस्सवाहिणिं सि(वि)बियं दुरु(हावे)हेइ २ ता
बारवईए नयरीए मज्झमज्जेणं निग्गच्छइ २ ता जेणेव रेवयए पव्वए जेणेव
सहसंब्रवणे उज्जाणे तेणेव उवागच्छइ २ ता सीयं ठवेइ (०) पउमावईं देवी सीयाओ
पच्चोरु-हइ २ ता जेणेव अरहा अरिट्ठणेमी तेणेव उवागच्छइ २ ता अरहं
अरिट्ठणेमिं तिक्खुत्तो आयाहिणपयाहिणं करेइ २ ता वंदइ नमंसइ वं० २
ता एवं वयासी-एस णं भंते । मम अग्गमहिंसी पउमावईं-नामं देवी इट्ठा
कंता पिया मणुष्णा मणा(मा अ)भिरामा जाव किमंग पुण पासणयाए ? तण्णं
अहं देवाणुप्पिया । सिस्मि(णी)णिभिक्खं दल्ल्यामि पडिच्छंतु णं देवाणुप्पिया !
सिस्मिणिभिक्खं, अहासुहं०, तए णं सा पउमावईं (०) उत्तरपुर-च्छि(मे)मं
दिशीभा(गे)गं अवक्कमइ २ ता सयमेव आभरणालंकारं ओमुयइ २ ता सयमेव
पंचमुट्ठियं लोयं करेइ २ ता जेणेव अरहा अरिट्ठणेमी तेणेव उवागच्छइ २
ता अरहं अरिट्ठणेमिं वंदइ नमंसइ वं० २ ता एवं वयासी-आलित्ते जाव
घम्ममाइक्खि(तं)उं, तए णं अरहा अरिट्ठणेमी पउमावईं देविं सयमेव पव्वा-
वेइ २ ता सयमेव मुंडावेइ सयमेव जक्खिणीए अज्जाए सिस्सिणिं दल्लयइ, तए णं
सा जक्खिणी अज्जा पउमावईं देविं स(यं)यमेव पव्वा० जाव संजमियव्वं, तए णं
सा पउमावईं जाव संजमइ, तए णं सा पउमावईं अज्जा जावा ईरियासमिया
जाव गुत्तवंभयारिणी, तए णं सा पउमावईं अज्जा जक्खिणीए अज्जाए अंतिए
सामाइयमाइयाई एकारस अंगाईं अहिज्जइ, बहुहिं चउत्थच्छट्ठमदसमदुवालसेहिं
मासद्धमासखमणेहिं० अप्पाणं भावेमा(णी)णा विहरइ, तए णं सा पउमावईं अज्जा
बहुपडिपुण्णाईं वीसं वासाईं सामण्णपरियागं [पाउणइ] पाउणित्ता मासियाए संलेह-
णाए अप्पाणं इ(द्धो)सेइ २ ता सट्ठिं भत्ताईं अणस(णेणं)णा-ए छेवेइ २ ता
जस्सट्ठाए कीरइ जिणकप्पभावे थेरकप्पभावे जाव तमईं आराहेइ चरिसुस्सासेहिं
मिद्धा ५ ॥ ९ ॥ (उ० य अ०) तेणं कालेणं तेणं समएणं बारवईं (प०) रेववेए
उज्जाणे नंदणवणे तत्थ णं बारवईं नयरीए कण्हे वासुदेवे० तस्स णं
कण्हं स्स वासुदेवम्म गोदी केदी

जहा पउमावई तहा निग्गया भम्मकहा परिसा पडिगया, कण्हे-वि, तए णं सा गोरी जहा पउमावई तहा निक्खंता जाव सिद्धा ५ । एवं गं(गो)धारी । लक्खणा । सुसीमा । जबवई । सच्चभामा । रुप्पिणी । अट्ट-वि पउमाव[इ]ईसरिसाओ अट्ट अज्जयणा ॥ १० ॥ ('न०) तेणं कालेणं तेण समएणं वारवई[ए]नयरीए रेवयए (५०) नंदणवणे (उ०) कण्हे०, तत्थ णं वारवईए नयरीए कण्हस्स वासुदेवस्स पु(त्तए)त्ते जंबवईए देवीए अनए संबे नामं कुमारं होत्था अहीण०, तस्स णं संबस्स कुमारस्स मूलसिरी-नामं भारिया होत्था वण्णओ, अरहा-समोसडे कण्हे निग्गए मूलसिरी-वि निग्गया जहा पउमावई जं नवरं देवाणुप्पिया ! कण्हं वासुदेवं आपुच्छामि जाव सिद्धा । एवं मूलदत्ता-वि । पंचमो वग्गो ॥ ११ ॥

[छट्टो वग्गो]

जइ (णं भं०) छट्ट(म)स्स उक्खेवओ नवरं सोलस अज्जयणा ५०, तं०— 'म(मं)काई किंक(म्)मे चैव मोग्गरपाणी य कासवे । खेमए धिइ(ध)हरे चं व केलासे हरिचंदणे ॥ १ ॥ वारत्तसुदंमणपुण्णभइसुमणभइसुपडट्टे मेहे । अइमुत्ते अ[इ] अलक्खे अज्जयणाणं [उ] तु सोलसयं ॥ २ ॥' जइ सोलस अज्जयणा ५०[०] पडमस्स अज्जयणस्स के अट्टे पण्णत्ते ? एवं खलु जंवू ! तेणं कालेणं तेणं समएणं रायगिहे नगरे गुणसिलए उज्जाणे सेणिए राया (तत्थ णं) म-काई-नामं गाहावई परिवमइ अट्टे जाव अपरिभूए, तेण कालेणं तेणं समएणं समणे भगवं महावीरे आदिकरे गुणसिलए जाव विहरड परिसा निग्गया, तए णं से म-काई गाहावई इमीसे कहाए लद्धे जहा पण्णत्तीए गंगदत्तं तहेव इमो(S)वि जेट्टपुत्तं कुटुंबे ठवेत्ता पुरिससहस्सवाहिणीए सीयाए निक्खंते जाव अणगारे जाए ईरियासमिए०, तए णं से म-काई अणगारे समणस्स भगवओ महावीरस्स तहारूवाणं धेराणं अंतिए सामाइयमाइयाई एक्कारस अंगाई अहिज्जइ सेस जहा खंदगस्स, गुणरयणं तवोकम्मं सोलसवासाई परियाओ तहेव वि(पु)उळे सिद्धे । (दो० उ०) किंकमे-वि एवं चैव जाव वि-उळे सिद्धे ॥ १२ ॥ (त० उ० ए० ख० जं०) तेण कालेणं तेणं समएणं रायगिहे (ण०) गुणसिलए उज्जाणे सेणिए राया चेळणा-देवी[वण्णओ], तत्थ णं रायगिहे-अज्जुणणं नामं मालागारे परिवमइ, अट्टे[०] जाव अपरिभूए, तस्स णं अज्जुणयस्स मालायारस्स वंधुमई-नामं भारिया होत्था सूमा०, तस्स णं अज्जुण-यस्स मालायारस्स रायगिहस्स नयरस्स बहिया एत्थ णं महं एणे पुप्फारामे होत्था कि(क)ण्हे जाव नि(कु-गु)उरंबभूए दसद्धवण्णकुसुमकुसुमिए पासाईए ४, तस्स णं पुप्फारामस्स अदूरसामंते तत्थ णं अज्जुणयस्स माला(गा)यारस्स अज्जय-

पञ्चपिडपञ्चयागए अणेगकुलपुरिसपरंपरागए भोगरपाणिस्स जक्खस्स जक्खा-
ययणे होत्था, तत्थ णं भोगरपाणिस्स पडिमा एगं महं पलसहस्सणिप्फणं
अयोमयं भोग्गं गहाय चिद्धइ, तए णं से अज्जणए मालागारे बालप्पभिइं चेव
भोगरपाणिजक्ख(स्स)भत्ते यावि होत्था, कल्लाकळि प(च्छ)त्थि(या)यपिडगाईं गेण्हइ
२ ता रायगिहाओ न-यराओ पडिणिक्खमइ २ ता जेणेव पुप्फारामे तेणेव उवा-
गच्छइ २ ता पुप्फुच्चयं करेइ २ ता अग्गाईं वराईं पुप्फाईं गहाइ २ ता
जेणेव भोगरपाणिस्स जक्खाययणे तेणेव उवागच्छइ २ ता भो(मु)ग्गरपाणिस्स
जक्खस्स महारिहं पुप्फच्चणयं करेइ २ ता जण्णुपाय(व)पडिए पणामं करेइ, तओ
पच्छा रायमगंस्सि वित्तिं कप्पेमाणे विहरइ, तत्थ णं रायगिहे नयरे ललिया
नामं गोट्टी परिवसइ अट्ठा[०] जाव अपरिभू या)ता जंकयसुकया यावि होत्था, तए
णं रायगिहे न-यरे अण्णया कयाइ पमो(ग)दे बुट्ठे यावि होत्था, तए णं से अज्जणए
मालागारे कल्लं पभूयत(राए)रेहिं पुप्फेहिं कज्जमितिकट्टु पच्चसकालसमयंसि बंधु-
मईए भारियाए सद्धि प-त्थियपिडयाईं गेण्हइ २ ता सयाओ गिहाओ पडि-
णिक्खमइ २ ता रायगिह न-गरं मज्झंमज्झेणं निग्गच्छइ २ ता जेणेव पुप्फा-
रामे तेणेव उवागच्छइ २ ता बंधुमईए भारियाए सद्धि पुप्फुच्चयं करेइ, तए
णं तीसे ललियाए गोट्टीए छ गोट्टिञ्जा पुरिसा जेणेव भोगरपाणिस्स जक्खस्स
जक्खाययणे तेणेव उवागया अभिरममाणा चिट्ठंति, तए णं से अज्जणए माला-
गारे बंधुमईए भारियाए सद्धि पुप्फुच्चयं करेइ (०) अग्गाईं वराईं पुप्फाईं गहाय
जेणेव भोगरपाणिस्स जक्खस्स जक्खाययणे तेणेव उवागच्छइ, तए णं-छ
गोट्टिञ्जा पुरिसा अज्जणयं मालागारं बंधुमईए भारियाए सद्धि एजमाणं पासंति
२ ता अण्णमण्णं एवं वयासी-एस णं देवाणुप्पिया ! अज्जणए मालागारे बंधु-
मईए भारियाए सद्धि इहं हव्वमागच्छइ तं सेयं खल देवाणुप्पिया ! अहं
अज्जणयं मालागारं अव(उ)ओडयबंधणयं करेत्ता बंधुमईए भारियाए सद्धि
विउलाइं भोगभोगाईं भुंजमाणणं विहरित्तए-त्तिकट्टु एयमट्ठं अण्णमण्णस्स पडि-
सुणेति २ ता कवाडंतरेसु निलकंति निच्चला निप्फंदा तुस्सिणीया पच्छण्णा
चिट्ठंति, तए णं से अज्जणए मालागारे बंधुम(ईए)इभारियाए सद्धि जेणेव भोगर-
पाणिजक्खाययणे तेणेव उवागच्छइ (०) आलोए पणामं करेइ (०) महारिहं पुप्फ-
च्चणं करेइ (०) जण्णुपायपडिए पणामं करेइ, तए णं-छ गो(ट्टे)ट्टिञ्जा पुरिसा दव-
दवस्स कवाडंतरेहिंतो निग्गच्छंति २ ता अज्जणयं मालागारं गेण्हंति २ ता
अवओड(ग)यबंधणं करंति (०) बंधुमईए मालागारीए सद्धि ति-उलाइं भोगभोगाईं

मुंजमाणा विहरंति, तए णं तस्स अज्जुणयस्स मालागारस्स अयमज्जत्थिए ४ (स०), एवं खलु अहं बालप्पभिइं चैव मोगगरपाणिस्स भगवओ कल्लाकलिं जाव कप्पेमाणे विहरामि, तं जइ णं मोगगरपा(णि)णी जक्खे इह संणिहिए होंते से णं किं मयं एयाह्वं आवइं पावेजमाणं पासंते ?, तं नत्थि णं मोगगरपा-णी जक्खे इह संणिहिए, सुव्वत्तं तं एस कट्ठे, तए णं से मोगगरपा-णी जक्खे अज्जुणयस्स मालागारस्स अयमेयाह्वं अ-भत्थियं जाव विया(णि)णेत्ता अज्जुणयस्स मालागारस्स सरीरयं अणु-पविसइ २ ता तडतडतडस्स बंधाईं छिंदइ, [छिंदित्ता] तं पलसहस्सणिप्फणं अयोमयं मोगगरं गेण्हइ २ ता ते इत्थिसत्तमे पुरिसे घाएइ, तए णं से अज्जुणए मालागारे मोगगरपाणिणा जक्खेणं अण्णाइट्ठे समाणे रायगिहस्स न-गरस्स परिपेरतेणं कल्लाकलिं छ इत्थिसत्तमे पुरिसे घाएमाणे विहरइ, (तए णं) रायगिहे नयरे सिंघाडग-जाव महापहपहेसु बहुजणो अण्णमण्णस्स एवमाइक्खइ ४-एवं खलु देवाणुप्पिया ! अज्जुणए मालागारे मोगगरपाणिणा अण्णाइट्ठे समाणे रायगिहे नयरे बहिया छ इत्थिसत्तमे पुरिसे घा(य)एमाणे विहरइ, तए णं से सेणिए राया इमीसे क्हाए लद्धट्ठे समाणे कोडुंबिय० सदावेइ २ ता एवं वयासी-एवं खलु देवाणुप्पिया ! अज्जुणए मालागारे जाव घाएमाणे जाव विहरइ तं मा णं तुब्भे के-इ कट्ठस्स वा तणस्स वा पाणियस्स वा पुप्फफलाणं वा अट्ठाए सदरं निग्गच्छउ मा णं तस्स सरीरस्स वावत्ती भविस्सइत्तिकट्ठु दोब्ब-पि तच्च-पि घोसणयं घोसेह २ ता खिप्पामेव ममेयं पच्चप्पिणह, तए णं ते कोडुंबिय[०] जाव पच्चप्पिणंति, तत्थि णं रायगिहे न-गरे सुदंसणे नामं सेट्ठी परिवसइ अट्ठु०, तए णं से सुदंसणे समणोवामए यावि होत्था अभि(म)गय-जीवाजीवे जाव विहरइ, तेणं काळेणं तेणं समएणं समणे भगवं जाव समोसडे [०] विहरइ, तए णं रायगिहे न-गरे सिंघाडग० बहुजणो अण्णमण्णस्स एवमाइक्खइ जाव किमंग पुण विपुलस्स अट्ठस्स गहणयाए [०] एवं तस्स सुदंसणस्स बहुजणस्स अंतिए ए-यं मौच्चा निसम्म अयं अ-भत्थिए ४-एवं खलु समाणे जाव विहरइ तं गच्छामि णं [०] वंदामि०, एवं संपेहेइ २ ता जेणेव अम्मापियगे तेणेव उवागच्छइ २ ता करयल० अज्जलिं कट्ठु एवं वयासी-एवं खलु अम्मयाओ ! समाणे जाव विहरइ तं गच्छामि णं समणं भगवं महावीरं वंदामि नमंसामि जाव पज्जुवासामि, तए णं (तं) सुदंसणं सेट्ठि अम्मापियरो एवं वयासी-एवं खलु पुत्ता ! अज्जु(णे)णए मालागारे जाव घाएमाणे विहरइ, तं मा णं (तुमं) पुत्ता ! समणं भगवं महावीरं वंदए निग्गच्छाहि, मा णं

तव सरीरयस्स वावती भविस्सइ, तुमणं इहगए चेव समणं भगवं महावीरं वंदाहि नर्मसाहि, तए णं सुदंसणे सेट्ठी अम्मापि(तरो)यरं एवं वयासी-किण्णं(तुमं) अहं अम्मयाओ । समणं भगवं महावीरं इहमागयं इह-पत्तं इह समोसठं इहगए चेव वंदिस्सामि(न०)इ, तं गच्छामि णं अहं अम्मयाओ । तुभेहिं अब्भणुण्णाए समाणे (स०) भगवं महावीरं वं(दा० जाव प०)दए, तए णं-सुदंस(ण)णं सेट्ठी अम्मापियरो जाहे नो संचा(यं)एंति बहूहिं आघवणाहिं ४ जाव पस्स-वेत्तए ताहे एवं वयासी-अहासुइ०, तए णं से सुदंसणे अम्मापिईहिं अब्भणु-ण्णाए समाणे ण्हाए सुदप्पावेसाइं जाव सरीरे सयाओ गिहाओ पड्डिणक्ख-मइ २ ता पायविहारचारेणं रायगिहं नगरं मज्झंमज्झेणं निग्गच्छइ २ ता मोगगरपाणिस्स जक्खस्स जक्खाययणस्स अदूरसामंतेणं जेणेव गुणसिलए उज्जाणे जेणेव समणे भगवं महावीरे तेणेव प(पा)हारेत्थ गमणाए, तए णं से मोगगरपाणी जक्खे सुदंसणं समणोवासयं अदूरसामंतेणं वीइवयमाणं (२) पासइ २ ता आसुरुते ५ तं पल्लसहस्सणिप्फण्णं अयोमयं मोगगरं उल्लात्तेमाणे २ जेणेव सुदंसणे समणोवासए तेणेव पहारेत्थ गमणाए, तए णं से सुदंसणे समणोवासए मोगगरपाणि जक्खं एजमाणं पासइ २ ता अभीए अन्तथे अणुविवग्गे अक्खुभिए अचलिए असंमंते वत्(थए)थंतेणं भूमिं पमज्जइ २ ता कर-यल० एवं वयासी-नमोऽस्तु णं अरहंताणं जाव संपत्ताणं नमोऽस्तु णं सम-णस्स जाव संपाविउकामस्स, पुव्वि (च) पि णं मए समणस्स भगवओ महा-वीरस्स अंतिए थूलए पाणाइवाए पच्चक्खाए जावज्जीवाए थूलए मुसावाए थूलए अदिण्णादाणे सदारसंतोसे कए जावज्जीवाए इच्छापरिमाणे कए जावज्जीवाए, तं इदाणि-पि णं तस्सेव अंतियं सव्वं पाणाइवार्यं पच्चक्खामि जावज्जीवाए (०) मुसावार्यं (०) अदत्तादाणं (०) मेहुणं (०) परिग्गहं पच्चक्खामि जावज्जीवाए सव्वं कोहं जाव मिच्छादंसणसल्लं पच्चक्खामि जावज्जीवाए सव्वं असणं पाणं खाइमं साइमं चउत्विहं-पि आहारं पच्चक्खामि जावज्जीवाए, जइ णं एत्तो उवसग्गाओ सुच्चि-स्सामि तो मे कपेइ पारेत्तए अह णो एत्तो उवसग्गाओ (न) मुच्चिस्सामि तओ मे तहा पच्चक्खाए चेवत्तिकइ सागारं पड्डिमं पड्डिवज्जइ । तए णं से मोगगर-पा-णी जक्खे तं पल्लसहस्सणिप्फण्णं अयोमयं मोगगरं उल्लात्तेमाणे २ जेणेव सुदंसणे समणोवासए तेणेव उवाग(च्छ०)ए नो चेव णं संचाएइ सुदंसणं समणो-वासयं तेयसा समभिपड्डितए, तए णं से मोगगरपाणी-जक्खे सुदंसणं समणो-वासयं सव्वओ समंताओ परिचोत्तेमाणे २ जाहे नो [चेव णं] संचाएइ सुव-

सणं समणोवासयं तेयसा समभिपडित्तए ताहे सुदंसणस्स समणोवासयस्स पुरऔ सपक्खि सपडिदिसिं ठिच्चा सुदंसणं समणोवासयं अणिसिसाए दिट्ठीए सुच्चिरं निरिक्खइ २ ता अज्जुणयस्स मालागारस्स सरीरं विप्पज(हा)इइ २ ता तं पल्लसहस्सणिप्फणं अयोमयं मोग्गरं गहाय जामेव दिसं पाउब्भूए तामेव दिस पडिगए, तए णं से अज्जुणए मालागारे मोग्गरपाणिणा जक्खेणं विप्प(ज०)-मुक्के समाणे धसत्ति धरणियलंसि सव्वंगेहं (सं)निवडिए, तए णं से सुदंसणे समणोवासए निरुवसग्गमितिकट्टु पडिमं पारेइ, तए णं से अज्जुणए मालागारे त(ओ)तो मुहुत्तंतरेणं आसत्थे समाणे उट्ठेइ २ ता सुदंसणं समणोवासयं एवं वयासी-तुब्भे णं देवाणुप्पिया ! के कहिं वा संपत्थिया ?, तए णं से सुदंसणे समणोवासए अज्जुणयं मालागारं एवं वयासी-एवं खल्ल देवाणुप्पिया ! अहं सुदंसणं नामं समणोवासए अभिगयजीवाजीवे शुणसिलए उज्जाणे समणं भगवं महावीरं वंदए संपत्थिए, तए णं से अज्जुणए मालागारे सुदंसणं समणो-वासयं एवं वयासी-तं इच्छामि णं देवाणुप्पिया । अहमवि तुमए सद्धिं समणं भगवं महावीरं वं(दे)दित्तए जाव पज्जुवा(सं)सित्तए, अहामुहं देवाणुप्पिया ! मा पडिबंधं करेइ, तए णं से सुदंसणे समणोवासए अज्जुणएणं मालागारेणं सद्धिं जेणव गुणसिलए उज्जाणे जेणव समणे भगवं महावीरे तेणेव उवा-गच्छइ २ ता अज्जुणएणं मालागारेणं सद्धिं समणं भगवं महावीरं तिसुवुणो जाव पज्जुवासइ, तए णं [से] समणे भगवं महावीरे सुदंसणस्स समणोवास-गस्स अज्जुणयस्स मालागारस्स तासे य० धम्मकहा०, सुदंसणे पडिगए । तए णं से अज्जुणए [मालागारे] समणस्स भगवओ महावीरस्स वाति(ए)यं धम्मं सोच्चा [निसम्म] दट्ठं सहामि णं भंते ! निग्गंथं पावयण जाव अब्भुट्ठेसि, अहासुहं०, तए ण मे अज्जुणए मालागारे उत्तर० सयमेव पंचमुट्ठियं लोयं करेइ [करिणा] जाव अणगारे जाए जाव विहरइ, तए णं से अज्जुणए अण-गारं ज चेव दिवस मुंढे जाव पव्वइए तं चेव दिवसं समणं भगवं महावीरं वंदइ नमंसइ वं० २ ता इमं एयारुवं अभिग्गहं उ(ग्गे-ओग्गे)गिग्गइ-कप्पइ मे जावजीवाए छट्ठंछट्ठेणं आणक्खित्तेणं तवोकम्भेण अप्पाणं भायेमाणस्स विहरित्तए-त्तिकट्टु अयमेयारुवं अभिग्गहं ओग्गेणइ २ ता जावजीवाए जाव विहरइ, तए णं से अज्जुणए अणगारे छट्ठंक्खमणपारणयंमि पट्ठ(म)भाए पोरिसीए सज्जायं करेइ जहा गोयमसामी जाव अड(विहर)इ, तए णं तं अज्जुणयं अणगारं रायगिहे नयरे उच्च[०] जाव अडमाणं बहवे इ(त्थिया)त्थीओ य पुरिसा य

डहरा य महद्वा य जुवाणा य एवं वयासी-इमेणं मे पिता-मा(र)रिए [माता
 मारि-या] भाया० भगिणी० भजा० पु(त्)तै० धूया० सुण्हा० इमेण मे अण्ण-
 यरे सयणसंबंधिपरियणे मारिएत्तिकट्टु अप्पेगइया अक्कोसंति अप्पेगइया हीलंति
 निंदंति स्त्रिसंति गरिहंति तज्जंति तार्लंति, तए णं से अज्जुणए अणगारे तेहिं
 बहुहिं इत्थीहि य पुरिसेहि य डहरेहि य महल्लेहि य जुवाणएहि य आ-तो-
 -सिज्जमाणे जाव ताळेजमाणे तेसिं मणसा-वि अपउत्समाणे सम्मं महइ
 सम्मं खमइ तितिकखइ अहियासेइ सम्मं सहमाणे० रायगिहे नयरे उच्चणीय-
 मज्झिमकुलाई अडमाणे जइ भत्तं ल-हइ तो पाणं न लभइ जइ पाणं तो भत्तं न
 लभइ, तए णं से अज्जुणए (अ०) अदीणे अविमणे अकलसे अणाइले अविमा(इ)दी
 अपरितंतजोगी अडइ २ ता रायगिहाओ न-गराओ पडिणिक्खमइ २ ता
 जेणेव गुणसिलए उज्जाणे जेणेव ममणे भगवं महावीरे जहा गोयमसार्ना जाव
 पडिदंसेइ २ ता समणेणं भगवया महावीरेणं अब्भणुण्णाए अमुच्छिए ४
 बिलमिव पण्णगभूएणं अप्पाणेणं तमाहारं आहारेइ, तए णं समणे भगवं
 महावीरे अन्नया (क०) राय० पडिणिक्खमइ २ ता बहिं जण० विहरइ, तए णं से
 अज्जुणए अणगारे तेणं ओ(उ)राल्लेणं (वि०) पयत्तेणं पग्गहिएणं महानुभागेणं तत्रो-
 क्कमेणं अप्पाणं भावेमाणे बहुपुण्णे छम्मासे सामण्णपरियागं पाउणइ, [पाउ-
 णिता] अडमासियाए संलेहणाए अप्पाणं झु[झु]सेइ [२ ता] तीस भत्ताइं अणसणाए
 छेदेइ २ ता जस्सट्ठाए कीरइ जाव सिद्धे ३ ॥ १३ ॥ (उ० च० अ० ए० ख० जं०)
 तेणं काल्लेणं तेणं समएणं रायगिहे न-गरे गुणसिलए उज्जाणे (तत्थ णं) सेणिए
 राया कासवे नामं गाहावई परिवसइ जहा म-काई, सोलस वासा परियाओ
 विपुले सिद्धे ४ । एवं खेमए-ऽ-वि गाहावई, नवरं का(मं)यंभी नयरी सोलस
 वासा परियाओ विपुले पव्वए सिद्धे ५ । एवं धिइहरे-वि गाहावई का(मं)यंभीए
 नयरीए सोलस वासा परियाओ (जाव) विपुले सिद्धे ६ । एवं केलासे-वि गाहा-
 वई नवरं सागेए नयरे बारस-वासाइं परियाओ विपुले सिद्धे ७, एवं हरि-
 चंदणे-वि गाहावई साएए बारस-वासा परियाओ विपुले सिद्धे ८ । एवं वारत्तए-वि
 गाहावई नवरं रायगिहे न-गरे बारस-वासा परियाओ विपुले सिद्धे ९ । एवं
 सुदंसणे-वि गाहावई नवरं वाणिय[ग]गामे नयरे दूइपलासए उज्जाणे पंच-वासा
 परियाओ विपुले सिद्धे १० । एवं पुण्णभोइ-वि गाहावई वाणिय-गामे नयरे पंच-
 वासा परियाओ विपुले सिद्धे ११ । एवं सुमणभोइ-वि गाहावई सावत्थीए नयरीए
 बहुवा(स-सा)साइं परि० सिद्धे १२ । एवं सुपइहे-वि गाहावई सावत्थीए नयरीए

सत्तावीसं वासा परियाओ विपुले सिद्धे १३ । एवं मेहे वि गाहावई रायगिहे नयरे
 बहई वासाई परियाओ विपुले सिद्धे १४ ॥ १४ ॥ (उ० प० अ० ए० व० ए०
 ख० जं०) तेणं कालेणं तेणं समएणं पोलासपुरे न-गरे सि-रिवणे उज्जाणे, तत्थ णं
 पोलासपुरे नयरे विजये नामं राया होत्था, तस्स णं विजयस्स रण्णो सिरी-
 नामं देवी होत्था वण्णओ, तस्स णं विजयस्स रण्णो पुत्ते सिरीए देवीए
 अत्तए अइमुत्ते नामं कुमारे होत्था सू-माले[०], तेणं कालेणं तेणं समएणं
 समणे भगवं महावीरे जाव सि-रिवणे विहरइ, तेणं कालेणं तेणं समएणं
 समणस्स भगवओ महावीरस्स जेट्ठे अंतेवासी इंदभू(ई)ती जहा पण्णत्तीए जाव
 पोलासपुरे नयरे उच्च-जाव अडइ, इमं च णं अइमुत्ते कुमारे ण्हाए सव्वा-
 लंकारविभूसिए बहूहिं दारए[हिं]हि थ दारिया-हि य डिंभएहि य डिंभियाहि
 य कुमारएहि य कुमारियाहि य सद्धिं संपरिवुडे स(या)ओ गिहाओ पडिणिकख-
 मइ २ ता जेणेव इंदट्ठणे तेणेव उवागए तेहिं बहूहिं दारएहि य ६ संपरि-
 वुडे अभिरममाणे २ विहरइ, तए णं भगवं गोयमे पोलासपुरे न-यरे उच्च
 जाव अडमाणे इंदट्ठणस्स अदूरसामंतेणं वीइवयइ, तए णं से अइमुत्ते कुमारे
 भगवं गोयमं अदूरसामंतेणं वीइवयमाणं पासइ २ ता जेणेव भगवं गोयमे
 तेणेव उवागए २ ता भगवं गोयमं एवं वयासी-के णं भंते । तुब्भे ! किं
 वा अडइ ?, तए णं भगवं गोयमे अइमुत्ते कुमारं एवं वयासी-अम्हे णं
 देवाणुप्पिया ! समणा निग्गंथा ईरियासमिया जाव बंभयारी उच्च-जाव अडामो,
 तए णं अइमुत्ते कुमारे भगवं गोयमं एवं वयासी-एह णं भंते ! तुब्भे
 (जेणेव) जा णं अहं तु(हं)ब्भं भिक्खं दवावेमीतिकट्टु भगवं गोयमं अंगु-
 लीए गेण्हइ २ ता जेणेव सए गिहे तेणेव उवागए, तए णं सा सि-रिदेवी
 भगवं गोयमं एज्जमाणं पासइ २ ता हट्ठ० आसणाओ अब्भुद्धेइ २ ता
 जेणेव भगवं गोयमे तेणेव उवागया भगवं गोयमं तिक्खत्तो आयाहि-णपयाहि०
 चंदइ० विउलेणं असण० जाव पडिविसजेइ, तए णं से अइमुत्ते कुमारे
 भगवं गोयमं एवं वयासी-कहि णं भंते ! तुब्भे परिवसइ ?, तए णं
 [से] भगवं गोयमे अइमुत्तं कुमारं एवं वयासी-एवं खलु देवाणुप्पिया । मम
 धम्मयारिए धम्मोवएसए भगवं महावीरे आइगरे जाव संपाविउकामे इहेव
 पोलासपुरस्स न-गरस्स बहिया सिरिवणे उज्जाणे अहापडिह्वं उगगई उगि-
 ण्हिता संजमेणं जाव भावेमाणे विहरइ, तत्थ णं अम्हे परिवसामो, तए णं
 से अइमुत्ते कुमारे भगवं गोयमं एवं वयासी-गच्छामि णं भंते ! अहं

तुभ्येहिं सद्धिं समणं भगवं महावीरं पायवंदए, अहाउहं०, तए णं से अइमुत्ते कुमारे भग(वं)वया गोयमेणं सद्धिं जेणेव समणे (अ०) महावीरे तेणेव उवागच्छइ २ ता समणं भगवं महावीरं तिक्खुत्तो आयाहिणपयाहिणं करेइ २ ता वंदइ जाव पज्जुवासइ, तए णं भगवं गोयमे जेणेव समणे भगवं महावीरे तेणेव उवागए जाव पडिदंसेइ २ ता संजमेणं तव० विहरइ, तए णं समणे भगवं महावीरे अइमुत्तस्स कुमारस्स तीसे य धम्मकहा, तए णं से अइमुत्ते (कु०) समणस्स भगवओ महावीरस्स अंतिए धम्मं सोच्चा निसम्म हट्ठ० जं नवरं देवाणुप्पिया। अम्मापियरो आपुच्छामि, तए णं अहं देवाणुप्पियाणं अंतिए जाव पव्वयामि, अहाउहं देवाणुप्पिया। मा पडिंबवं [करेइ], तए णं से अइमुत्ते [कुमारे] जेणेव अम्मापियरो तेणेव उवागए जाव पव्वइत्तए, अइमुत्तं कुमारं अम्मापियरो एवं वयासी-बाले-सि जा(ता)व तुमं पुत्ता। असंजुद्धे-सि० कि णं तुमं जा(णा)णसि धम्मं?, तए णं से अइमुत्ते कुमारे अम्मापियरो एवं वयासी-एवं खलु (अहं) अम्मयाओ। जं चेव जाणामि तं चेव न जा(या)णामि जं चेव न जा-णामि तं चेव जाणामि, तए णं तं अइमुत्तं कुमारं अम्मापियरो एवं वयासी-कहं णं तुमं पुत्ता। जं चेव जा-णसि जाव तं चेव जा-णसि?, तए णं से अइमुत्ते कुमारे अम्मापियरो एवं वयासी-जाणामि अहं अम्मयाओ। जहा जाएणं अवस्सवरियव्वं न जाणामि अहं अम्मयाओ। काहे वा कहिं वा कहं वा केचिरेण वा?, न जाणामि-अम्मयाओ। केहिं कम्माययणेहिं जीवा नेरइयतिरिक्खजोणिमणुस्सदेवेषु उव्वज्जंति, जाणामि णं अम्मयाओ! जहा सएहिं कम्माययणेहिं जीवा नेरइय[०] जाव उव्वज्जंति, एवं खलु अहं अम्मयाओ! जं चेव जाणामि तं चेव न जा-णामि जं चेव न जा-णामि तं चेव जाणामि, इच्छामि णं अम्मयाओ। तुभ्येहिं अब्भणुण्णाए जाव पव्वइत्तए, तए णं तं अइमुत्तं कुमारं अम्मापियरो जाहे नो संचाएंति बट्ठहिं आषव० तं इच्छामो ते जाया। एगइविसमवि रा(ज)यसिरिं पासेत्तए, तए णं से अइमुत्ते कुमारे अम्मापिउव्वयणमणुयत्तमाणे तुस्सिणीए संविट्ठइ अभिसेओ जहा महाबलस्स निक्खमणं जाव सामाइयमाइयाइं अहिजइ बहूइं चासाइं सामण्य-परियागं गुणरयणं जाव विपुले सिद्धे १५। (उ० सो० अ० ए० ख० जं०) तेणं कालेणं तेणं समएणं वा(बा)णारसीए नयरीए काममहावणे उज्जाणे, तत्त्व णं वाणारसी(इ)ए अलक्खे नामं राया होत्था, तेणं कालेणं तेणं समएणं समणे जाव विहरइ परिसा निग्गया, तए णं [से] अलक्खे राया डमीसे क्हाए

लद्धे (स०) हट्टुद्ध० जहा कूणिए जाव पज्जुवासइ धम्मकहा०, तए णं से अलक्खे राया समणस्स भगवओ महावीरस्स अतिए जहा उदायणे तथा निकखंते नवरं जेट्टपुत्तं रजे अहिसिचइ एक्कारस अंगाई बहू वासा परियाओ जाव विपुले सिद्धे १६ । एवं जंबू ! समणेणं जाव छट्ट-स्स वग्गस्स अयमट्ठे पण्णत्ते ॥ १५ ॥

[सत्तमो वग्गो]

जइ णं भंते ! सत्तमस्स वग्गस्स उक्खेवओ[०] जाव तेरस अज्झयणा पण्णत्ता तं०- 'नंदा तह नंद(मती)वई नं(दो)उत्तर नं(द)दिसेणिया चेव । म(हया)रुय सुमरु-य महमरु-य मर(हे)देवा य अट्टमा ॥ १ ॥ भदा य सुभदा य सुजाया सुमणा(तिया)वि य । भूयदि(त्ता)ण्णा य बो(द्ध)धव्वा सेणिय-भज्जा(णं) नामाई ॥ २ ॥' जइ णं भंते !० तेरस अज्झयणा पण्णत्ता पटमस्स णं भंते ! अज्झयणस्स समणेणं० के अट्ठे पण्णत्ते ? एवं खलु जंबू ! तेणं कालेणं तेणं समएणं रायगिहे नयरे गृणसिलए उज्जाणे सेणिए राया (व०) तस्म णं सेणियस्स रण्णे नंदा नामं देवी होत्था वण्णओ, सान्ना समोमहे परिमा निग्गया, तए णं सा नंदा-देवी इमीसे क्हाए उद्धट्ठा (स० जाव हट्टु०) कोडुंविथपुरिसं सदावेइ २ ता जाणं जहा पउमावई जाव एक्कारस अगाई अहिज्जिता वीसं वासाई परियाओ जाव सिद्धा । एवं तेरम-वि देवीओ नंदागमेण नेयव्वाओ (णि०) ॥ सत्तमो वग्गो समत्तो ॥ १६ ॥

[अट्टमो वग्गो]

जइ णं भंते ! अट्टमस्स वग्गस्स उक्खेवओ-जाव दस अज्झयणा पण्णत्ता, तं०- काली सुकाली महाकाली कण्हा सुकण्हा महाकण्हा । वीरकण्हा य वो-धव्वा रामकण्हा नहेव य ॥ १ ॥ पिउसेणकण्हा नवमी दसमी महासेणकण्हा य । जइ० दस अज्झयणा[०] पटमस्स (णं भं०) अज्झयणस्स (स० जाव सं०) के अट्ठे पण्णत्ते ? एवं खलु जंबू ! तेणं कालेणं तेणं समएणं चंपा नामं न-गरी होत्था पुण्णभंहे उज्जाणं, तत्थ णं चंपाए नयरीए कोणिए राया वण्णओ, तत्थ णं चंपाए नयरीए सेणियस्स रण्णे भज्जा कोणियस्स रण्णे चुल्लमाउया काली नामं देवी होत्था वण्णओ जहा नंदा जाव सामाइयमाइयाई एक्कारस अंगाई अहिज्जइ, वट्ठहिं चउत्थ० जाव अप्पाणं भावेमाणी विहरइ, तए णं सा काली (अज्जा) अण्णया कयाइ जेणेव अज्जचंदणा अजा तेणेव उवागया २ ता एवं वयासी-इच्छामि णं अजाओ । तुब्भेहिं अब्भणुण्णाया समा-णा रयणावलिं तवं उवसंपज्जेत्ताणं विहरेत्तए, अहासुई०, तए णं सा काली अजा अज्जचंदणाए अब्भणुण्णाया

समा-णा रयणावलिं (त०) उवसंपज्जिता-भं विहरइ तं०-चउत्थं करेइ चउत्थं करेता
सव्वकामगुणियं पारेइ सव्वकामगुणियं पारेता छट्ठं करेइ छट्ठं करेता सव्व-
कामगुणियं पारेइ २ अट्ठमं करेइ २ सव्वकाम० २ अट्ठ छट्ठाई करेइ २
सव्वकाम० २ चउत्थं करेइ २ सव्वकाम० २ छट्ठं करेइ २ सव्वकाम० २
अट्ठमं करेइ २ सव्वकाम० २ दसमं करेइ २ सव्वकाम० २ दुवात्समं
करेइ २ सव्वकाम० २ बोहसमं० २ सव्व० २ सोलसमं० २ सव्व० २
अट्ठारसमं० २ सव्व० २ वीसइमं० २ सव्व० २ बावीसइमं० २ सव्व० २
चउवीसइमं० २ सव्व० २ छव्वीसइमं० २ सव्व० २ अट्ठावीसइमं० २
सव्व० २ तीसइमं० २ सव्व० २ बत्तीसइमं० २ सव्व० २ चोत्तीसइमं०
२ सव्व० २ चोत्तीसं छट्ठाई करेइ २ सव्व० २ चोत्ती(सइमं)सं करेइ २ सव्व० २
बत्ती-सं० २ सव्व० २ तीसं० २ सव्व० २ अट्ठावी-सं० २ सव्व० २ छव्वी-सं०
२ सव्व० २ चउवी-सं० २ सव्व० २ बावी-सं० २ सव्व० २ वी-सं० २
सव्व० २ अट्ठार(समं)सं० २ सव्व० २ सोलसमं० २ सव्व० २ चोहसमं० २
सव्व० २ बारसमं० २ सव्व० २ दसमं० २ सव्व० २ अट्ठमं० २ सव्व०
२ छट्ठं० २ सव्व० २ चउत्थं० २ सव्व० २ अट्ठ छट्ठाई करेइ २ सव्व०
२ अट्ठमं करेइ २ सव्व० २ छट्ठं करेइ २ सव्व० २ चउत्थं० २ सव्व०
एवं खलु एसा रयणावलीए तवोकम्मस्स पढमा परिवाडी एणेणं संवच्छरेणं
तिहिं मासेहिं बावीसाए य अहोरतेहिं अहासुत्ता जाव आराहिया भवइ,
तयानंतरं च णं दोष्वाए परिवाडीए चउत्थं करेइ २ विगइवज्जं पारेइ २
छट्ठं करेइ २ विगइवज्जं पारेइ (०) एवं अहा पढमाए-वि नवरं सव्वपारणए विगइ-
वज्जं पारेइ जाव आराहिया भवइ, तयानंतरं च णं तच्चाए परिवाडीए चउत्थं
करेइ चउत्थं करेता अलेवाडं पारेइ सेसं तहेव, एवं चउत्था परिवाडी नवरं
सव्वपारणए आयंबिलं पारेइ सेसं [तहेव] तं चव,-'पढमंमि सव्वकामं पार-
णयं बिइयए विगइवज्जं । तइयंमि अलेवाडं आयंबि(लमो)ळं चउत्थंमि ॥ १ ॥'
तए णं सा काली अज्जा रयणावली-तवोकम्मं पंचहिं संवच्छरेहिं दोहि य
मासेहिं अट्ठावीसाए य दिवसेहिं अहासुत्तं जाव आराहेता जेवेव अज्जचंदणा
अज्जा तेणेव उवा० २ ता अज्जचंदणं अज्जं वंदइ नमंसइ वं० २ ता बहहिं
चउत्थ[०] जाव अप्पाणं भावेमाणी विहरइ, तए णं सा काली अज्जा तेणं
उ(ओ)राळेणं जाव धमणिसंतया जाया यावि होत्था से अहा इंगाल० जाव
इहुयहुयासणे इव भासरारसिपलिच्छण्णा तवेणं तेएणं तवतेयसिरीए अ-तीव

उवसो-हेमाणी चिद्वद्, तए णं तीसे कालीए अजाए अण्णया कयाइ पुव्वरत्ता-
 वरत्ताकाले अयम-अभ्यिए जहा खंदयस्स चिता जहा जाव अत्यि उट्ठा० ताव
 ता(व) मे सेयं कळं जाव अलंते अज्जचंदणं अर्जं आपुच्छिता अज्जचंदणाए
 अजाए अन्भणुण्णायाए समाणीए संलेहणाइरुण्णाइरुण्णियाए भत्तपाणपडियाइक्खियाए
 पायोवगयाए कालं अणवकंखमाणीए विहरैत्तएत्तिकद्दु एवं संपेहेइ २ ता कळं
 जेणेव अज्जचंदणा अज्जा तेणेव उवागच्छइ २ ता अज्जचंदणं (अज्जं) वंदइ नमंसइ
 वं० २ ता एवं वयासी-इच्छामि णं अज्जो । तुब्भेहिं अन्भणुण्णाया समाणी
 संलेहणा० जाव विहरैत्तए, अहासुहं०, (तओ) काली अज्जा अज्जचंदणाए अन्भणु-
 ण्णाया समाणी संलेहणा० जाव विहरइ, सा काली अज्जा अज्जचंदणाए अंतिए
 सामाइयमाइयाइं एकारस अंगाइं अहिज्जिता बहुपडिपुण्णाइं अट्ट संवच्छराइं
 सामण्णपरियाणं पाउणित्ता मासियाए संलेहणाए अ(प्पा)त्ताणं झुसेत्ता सट्ठिं भत्ताइं
 अणसणाए छे(दे)दिता जस्सट्ठाए कीरइ जाव चरिसुस्सासनीसासेहिं सिद्धा ५ ॥
 निक्खे(वो)वओ ॥ [पडमं] अज्जयणं [समतं] ॥ १७ ॥ (उ० बि० अ० ए० ख० जं०)
 तेणं कालेणं तेणं समएणं चंपा-ना(म)मं नयरी पुण्णभेइ उजाणे कोणिए राया, तत्थ
 णं सेणियस्स रण्णो भज्जा कोणियस्स रण्णो जुलमाउया सुकाली-ना-मं देवी होत्था
 जहा काली तहा सुकाली-वि निक्खंता जाव बहुहिं चउत्थ-जाव भावेमाणी
 विहरइ, तए णं सा सुकाली अज्जा अण्णया कयाइ जेणेव अज्जचंदणा अज्जा
 जाव इच्छामि णं अज्जो । तुब्भेहिं अन्भणुण्णाया समाणी कणगावली-तवोक्कम्मं
 उवसंपज्जित्ताणं विहरैत्तए, एवं जहा रयणावली तहा कणगावली-वि, नवरं तिसु
 ठाणेषु अट्टमाइं करेइ जहा रयणावलीए छट्ठाइं एकाए परिवाडीए संवच्छरो पंच
 मासा बारस य अहोरेत्ता चउण्हं पंच वरिसा नव मासा अट्टारस दिवसा
 सेसं तहेव, नव वामा परियाओ जाव सिद्धा ॥ १८ ॥ एवं महाकाली-वि,
 नवरं खुण्णं सीहनिक्कीलियं तवोक्कम्मं उवसंपज्जित्ताणं विहरइ, तं०-चउत्थं
 करेइ २ सव्वकामगुणियं पारेइ २ छट्ठं करेइ २ सव्वकामगुणियं पारेइ
 २ चउत्थं करेइ २ सव्वका० २ अट्टमं करेइ २ सव्वका० २ छट्ठं०
 २ सव्व० २ दसमं० २ सव्व० २ अट्टमं० २ सव्व० २ दुवाल-सं० २ सव्व०
 २ दसमं० २ सव्व० २ चौह-सं० २ सव्व० २ (बारसमं) दुवाल-सं० २ सव्व०
 २ सोलसमं० २ सव्व० २ चौह-सं० २ सव्व० २ अट्टार-सं० २ सव्व०
 २ सोलसमं० २ सव्व० २ वीसं २ सव्व० २ अट्टार० २ सव्व० २
 वीसं० २ सव्व० २ सोलसमं० २ सव्व० २ अट्टार० २ सव्व० २ चौह-सं०

२ सव्व० २ सोलसमं० २ सव्व० २-दुवालसं० २ सव्व० २ चोह-सं०
 २ सव्व० २ दसमं० २ सव्व० २-दुवालसं० २ सव्व० २ अट्टमं० २
 सव्व० २ दसमं० २ सव्व० २ छट्ठं० २ सव्व० २ अट्टमं० २ सव्व०
 २ चउत्थं० २ सव्व० २ छट्ठं० २ सव्व० २ चउत्थं० २ सव्वक्खमगुणिरु
 पारेइ-तहेव चत्तारि परिवारीओ, एकाए परिवारीए छम्मासा सत्त य दिवसा,
 चउत्थं दो वरिसा अट्टावीसा य दिवसा जाव सिद्धा ॥ १९ ॥ एवं कण्हा-वि
 नवरं महालयं सीहणिक्खीलियं तवोकम्मं जहेव खुत्तागं नवरं चोतीसइमं जाव
 नेयव्वं तहेव ऊसारेयव्वं, एकाए वरिसं छम्मासा अट्टारस य दिवसा, चउत्थं
 छव्वरिसा दो मासा बारस य अहोरत्ता, सेसं जहा काठीए जाव सिद्धा ॥ २० ॥
 एवं सुकण्हा-वि नवरं सत्तसत्तमियं भिक्खुपडिमं उवसंपज्जित्तानं विहरइ, पटमे
 सत्तए एकेकं भोयणस्स दत्ति पडिगाहेइ एकेकं पाणयस्स, दोब्बे सत्तए दो
 दो भोयणस्स दो दो पाणयस्स पडिगाहेइ, तच्चे सत्तए तिण्णि० चउत्थे०
 पंचमे० छ० सत्तमे सत्तए सत्त दत्तीओ भोयणस्स पडि(ग)गाहेइ सत्त पाण-
 यस्स, एवं खल्ल एयं सत्तसत्तमियं भिक्खुपडिमं एगुणपण्णाए रा(इ)तिदिएहिं एणेण
 य छण्णउएणं भिक्खासएणं अट्टासुत्ता जाव आराहेत्ता जेणेव अज्जचंदणा
 अज्जा तेणेव उवागया [२ ता] अज्जचंदणं अज्जं वंदइ नमंसइ वं० २ ता
 एवं वयासी-दच्छामि णं अज्जाओ ! तुब्भेहिं अब्भणुण्णाया समाणी अट्टट्ठमियं
 भिक्खुपडिमं उवसंपज्जित्तानं विहरेत्तए, अट्टासुत्तं०, तए णं सा सुकण्हा अज्जा
 अज्जचंदणाए अब्भणुण्णाया समाणी अट्टट्ठमियं भिक्खुपडिमं उवसंपज्जित्तानं
 विहरइ, पटमे अट्टए एकेकं भोयणस्स दत्ति पडिगाहेइ एकेकं पाण(ग)यस्स
 जाव अट्टमे अट्टए अट्टट्ठ भोयणस्स (दत्ति) पडिगाहेइ अट्ट पाण-यस्स, एवं खल्ल
 एयं अट्टट्ठमियं भिक्खुपडिमं चउसट्ठीए रा-तिदिएहिं दोहि य अट्टासीएहिं
 भिक्खासएहिं अट्टासु(त्तं)त्ता जाव नवनवमियं भिक्खुपडिमं उवसंपज्जित्तानं विह-
 रइ, पटमे नवए एकेकं भोयणस्स दत्ति पडिगाहेइ (य) एकेकं पाणयस्स जाव
 नवमे नवए नव नव द० भो० पडि०-नव २ पाणयस्स, एवं खल्ल नवनव-
 मियं भिक्खुपडिमं एकासी-ईराइदिएहिं चउहिं पंचोत्तरेहिं भिक्खासएहिं अट्टा-
 सुत्ता जाव दसदसमियं भिक्खुपडिमं उवसंपज्जित्तानं विहरइ, पटमे दसए एकेकं
 भोयणस्स दत्ति पडिगाहेइ-एकेकं पाणयस्स जाव दसमे दसए दस २ भोयणस्स
 द(त्ति)त्ती[ओ] पडि-गाहेइ दस २ पाण[य]स्स०, एवं खल्ल एयं दसदसमियं
 भिक्खुपडिमं एकेयं राइदियसएणं अट्टछट्ठेहिं भिक्खासएहिं अट्टासुत्तं जाव

आराहेइ २ ता बहूहिं चउत्थ जाव मासद्धमासविहृतवोकम्मोहिं अप्पाणं भावेमाणी विहरइ, तए णं सा सुकण्हा अज्जा तेणं उ-राळेणं जाव सिद्धा ॥ निकखे-वओ ॥ पंचम(अ)ज्जय(णा)णं ॥ २१ ॥ एवं महाकण्हा-वि नवरं खुगां सव्वओभइं पद्धिमं उवसंपज्जिताणं विहरइ, (तं०-) चउत्थं करेइ २ सव्वकामगुणियं पारेइ २ छट्ठं करेइ २ सव्व० २ अट्ठमं० २ सव्व० २ दसमं० २ सव्व० २ दुवालसमं० २ सव्व० २ अट्ठमं० २ सव्व० २ दसमं० २ सव्व० २ दुवालसमं० २ सव्व० २ चउत्थं० २ सव्व० २ छट्ठं० २ सव्व० २ दुवाल-सं० २ सव्व० २ चउत्थं० २ सव्व० २ छट्ठं० २ सव्व० २ अट्ठमं० २ सव्व० २ दसमं० २ सव्व० २ छट्ठं० २ सव्व० २ अट्ठमं० २ सव्व० २ दसमं० २ सव्व० २ दुवाल-सं० २ सव्व० २ चउत्थं० २ सव्व० २ दसमं० २ सव्व० २ दुवालसमं० २ सव्व० २ चउत्थं० २ सव्व० २ छट्ठं० २ सव्व० २ अट्ठमं० २ सव्व० एवं खलु एवं खुगासव्वओभइस्स तवोकम्मस्स पढमं परिवाडिं तिहिं मासेहिं दसहिं दिवसेहिं अहासुत्तं जाव आरा(हे)हिणा दोच्चाए परिवाडीए चउत्थं करेइ २ विगइवज्जं पारेइ २ जहा रयणावलीए तहा एत्थ-वि चत्तारि परिवाडीओ पारणा तहेव, चउत्थं कालो संक्कछरो भासो दस य दिवसा सेसं तहेव जाव सिद्धा ॥ निकखे-वओ ॥ [छट्ठं] अज्जयणं ॥ २२ ॥ एवं वीरकण्हा-वि नवरं महालयं सव्वओभइं तवोकम्मं उवसंपज्जिता-णं विहरइ, तं०-चउत्थं करेइ २ सव्व० २ छट्ठं० २ सव्व० २ अट्ठमं० २ सव्व० २ दसमं० २ सव्व० २ दुवालसमं० २ सव्व० २ चोइ(चउद)सं० २ सव्व० २ सोल(सं)समं० २ सव्व० २ (प० लया) दसमं० २ सव्व० २ दुवालसमं० २ सव्व० २ चोइ-सं० २ सव्व० २ सोल-समं० २ सव्व० २ चउत्थं० २ सव्व० २ छट्ठं० २ सव्व० २ अट्ठमं० २ सव्व० २ (चि० ल०) सोल-समं० २ सव्व० २ चउत्थं० २ सव्व० २ छट्ठं० २ सव्व० २ अट्ठमं० २ सव्व० २ दसमं० २ सव्व० २ दुवाल० २ सव्व० २ चोइ-सं० २ सव्व० २ (ति० ल०) अट्ठमं० २ सव्व० २ दसमं० २ सव्व० २ दुवाल-सं० २ सव्व० २ चोइसमं० २ सव्व० २ सोलसमं० २ सव्व० २ चउत्थं० २ सव्व० २ छट्ठं० २ सव्व० २ (च० ल०) चोइ-सं० २ सव्व० २ सोलसमं० २ सव्व० २ चउत्थं० २ सव्व० २ छट्ठं० २ सव्व० २ अट्ठमं० २ सव्व० २ दसमं० २ सव्व० २ दुवाल० २ सव्व० २ (पं० ल०) छट्ठं० २ सव्व० २ अट्ठमं० २ सव्व० २ दसमं० २ सव्व० २ दुवाल० २ सव्व० २ चोइ-सं० २ सव्व० २ सोलसमं० २ सव्व० २ चउत्थं० २ सव्व० २ (छ० ल०)

दुबाल० २ सव्व० २ चोहसं० २ सव्व० २ सोलसमं० २ सव्व० २
 चउत्थं० २ सव्व० २ छट्ठं० २ सव्व० २ अट्ठमं० २ सव्व० २ दसमं०
 २ सव्व० (स० ल०) एक्केक्काए लयाए अट्ठ मासा पंच य दिवसा चउण्हं दो वासा
 अट्ठ मासा वीसं दिवसा सेसं तहेव जाव सिद्धा ॥ २३ ॥ एवं रामकण्हा-वि नवरं
 अहोतरपडिमं उवसंपज्जिताणं विहरइ तं—दुबालसमं करेइ २ सव्व० २ चोहसमं०
 २ सव्व० २ सोलसमं० २ सव्व० २ अट्ठारसमं० २ सव्व० २ वीसइमं० २
 सव्व० २ सोलसमं० २ सव्व० २ अट्ठारसमं० २ सव्व० २ वीसइमं० २ सव्व०
 २ दुबालसमं० २ सव्व० २ चोहसमं० २ सव्व० २ वीसइमं० २ सव्व० २
 दुबालसं० २ सव्व० २ चोहसमं० २ सव्व० २ सोलसमं० २ सव्व० २
 अट्ठारसमं० २ सव्व० २ चोहसमं० २ सव्व० २ सोलसमं० २ सव्व० २
 अट्ठारसमं० २ सव्व० २ वीसइमं० २ सव्व० २ दुबालसमं० २ सव्व० २
 अट्ठारसमं० २ सव्व० २ वीसइमं० २ सव्व० २ दुबालसमं० २ सव्व० २
 चोहसमं० २ सव्व० २ सोलसमं० २ सव्व० एक्काए कालो छम्मासा वीस
 य दिवसा, चउण्हं कालो दो वरिसा दो मासा वीस य दिवसा, सेसं तहेव
 जहा काली जाव सिद्धा ॥ २४ ॥ एवं पिउसेणकण्हा-वि नवरं मुत्ताबलीतवोक्कम्मं
 उवसंपज्जिताणं विहरइ, तं—चउत्थं करेइ २ सव्व० २ छट्ठं० २ सव्व० २
 चउत्थं० २ सव्व० २ अट्ठमं० २ सव्व० २ चउत्थं० २ सव्व० २ दसमं० २
 सव्व० २ चउत्थं० २ सव्व० २ दुबाल० २ सव्व० २ चउत्थं० २ सव्व०
 २ चोहसमं० २ सव्व० २ चउत्थं० २ सव्व० २ सोलसमं० २ सव्व० २
 चउत्थं० २ सव्व० २ अट्ठारसमं० २ सव्व० २ चउत्थं० २ सव्व० २
 वीसइमं० २ सव्व० २ चउत्थं० २ सव्व० २ बावीसइमं० २ सव्व० २
 चउत्थं० २ सव्व० २ चउवीसइमं० २ सव्व० २ चउत्थं० २ सव्व० २
 छव्वीसइमं० २ सव्व० २ चउत्थं० २ सव्व० २ अट्ठावीसं० २ सव्व० २
 चउत्थं० २ सव्व० २ तीसइमं० २ सव्व० २ चउत्थं० २ सव्व० २ बत्तीसइमं०
 २ सव्व० २ चउत्थं० २ सव्व० २ चोत्तीसइमं० [सव्व०] (२ ता च० २ ता
 स० २ ता ब० २ ता) एवं तहेव ओसारैइ जाव (चउत्थं करेइ) चउत्थं
 क(रेइ)रित्ता सव्वकामगुणियं पारेइ, एक्काए कालो एक्कारस मासा पणरस
 य दिवसा चउण्हं तिण्णि वरिसा दस य मासा सेसं जाव सिद्धा ॥ २५ ॥ एवं
 महासेणकण्हा-वि, नवरं आर्यबिल्वङ्गुमाणं तवोक्कम्मं उवसंपज्जिताणं विहरइ,
 तं—आर्यबिलं करेइ २ चउत्थं करेइ २ वै आर्यबिलाई करेइ २ चउत्थं

करेइ २ तिणिण आर्यबिलाई करेइ २ चउत्थं० २ चत्तारि० २ चउत्थं० २ पंच०
 २ चउत्थं० २ छ० २ चउत्थं० २ एवं एकोत्तरियाए वण्णीए आर्यबिलाई वण्णुति
 चउत्थंतरियाई जाव आर्यबिलसयं करेइ २ चउत्थं करेइ, तए णं सा
 महासेणकण्हा अज्जा आर्यबिलवण्णुमाणं तवोकम्मं चोइसहिं वासेहिं तिहि य मासेहिं
 वीसहि य अहोरतोहिं अहासुत्तं जाव सम्मं काएणं फासेइ जाव आरा-हिता
 जेणेव अज्जचंदणा अज्जा तेणेव उवा० २ ता (अ० अ०) वंदइ नर्मसइ वंदिता
 नर्मसिता बहूहिं चउ(त्येहिं)त्थ जाव भावेमाणी विहरइ, तए णं सा महा-
 सेणकण्हा अज्जा तेणं उ-रालेणं जाव उवसोमेमाणी चिट्ठइ, तए णं तीसे
 म(ह)हासेणकण्हाए अज्जाए अण्णया कयाई पुव्वरत्तावरत्तकाले चिंता जहा खंद-
 यस्स जाव अज्जचंदणं(-आ)पुच्छइ जाव संलेहणा[०] कालं अणवकंखमाणी
 विहरइ, तए णं सा महासेणकण्हा अज्जा अज्जचंदणाए अज्जाए अंतिए सामाइयाई
 एक्कारस अंगाई अहिज्जिता बहुपडिपुण्णाईं सत्तरस वासाई परियाय पालइत्ता
 मासियाए संलेहणाए अप्पाणं झू-सिता सट्ठिं भत्ताईं अणसणाए छे-दिता
 जस्सट्ठाए कीरइ जाव तमट्ठं आराहेइ [आराहिता] चरिभउस्सासणीसासेहिं
 सिद्धा बुद्धा [०] । अट्ट य वासा आ(दी)ई एक्कोत्त(रि)रयाए जाव सत्तरस । एसो
 खल्ल परियाओ सेणियभज्जा-णं नायव्वो ॥ १ ॥ एवं खल्ल जं(वु)वू! समणेणं
 (भगवया महावीरेणं आ-दिगरेणं) जाव संपत्तेणं अट्टमस्स अंगस्स अंतगड-
 दसाणं अयमट्ठे पण्णत्ते (०) ॥ अंगं स(सं)मत्तं ॥ २६ ॥ अतगडदसाणं अंगस्स
 एगो सुयखंधो अट्ट-वग्गा अट्टसु चैव दिवसेसु उट्ठि[स्सि]त्तिज्जंति, तथ पडमविइय-
 वग्गे दस दस उट्ठेसगा तइयवग्गे तेरस उट्ठेसगा चउत्थपंचमवग्गे दस दस
 उट्ठेस(या)गा छट्ठवग्गे सोलस उट्ठेसगा सत्तमवग्गे तेरस उट्ठेसगा अट्टमवग्गे दस
 उट्ठेसगा सेसं जहा नायाधम्मकहाणं ॥ २७ ॥



नमोऽस्तु णं समणस्स भगवओ णायपुत्तमहावीरस्स

सुत्तागमे

तत्थ णं

अणुत्तरोववाइयदसाओ

[पढमो वग्गो]

तेणं कालेणं तेणं समएणं रायगिहे (णा०) [नयरे] (हो० से० ना० रा० हो०
चे० दे० गु० उ० व० ते० का० ते० स० रा० न०) अज्जसुहम्म(णा० वे०)स्स
समोस(रिए)रणं परिसा निग्गया जाव जंबू (जाव) पज्जुवासइ० एवं वयासी-जइ
णं भंते ! समणेणं जाव संपत्तेणं अट्टमस्स अंगस्स अंतगडदसाणं अयमट्ठे पण्णत्ते
नवमस्स णं भंते ! अंगस्स अणुत्तरोववाइयदसाणं समणेणं जाव संपत्तेणं के अट्ठे
पण्णत्ते ? (तिणं०) तए णं से सुहम्मे अणगारे जं(बु)बुं अणगारं एवं वयासी-एवं
खल्ल जम्बू ! समणेणं जाव संपत्तेणं नवमस्स अंगस्स अणुत्तरोववाइयदसाणं तिण्णि
वग्गा पण्णत्ता, जइ णं भंते ! समणेणं जाव संपत्तेणं नवमस्स अंगस्स अणुत्तरो-
ववाइयदसाणं (ति०) तओ वग्गा पण्णत्ता पढमस्स णं भंते ! वग्गस्स अणुत्तरोववा-
इयदसाणं समणेणं जाव संपत्तेणं (के) कइ अज्जयणा पण्णत्ता ? एवं खल्ल जंबू ! सम-
णेणं जाव संपत्तेणं अणुत्तरोववाइयदसाणं पढमस्स वग्गस्स दस अज्जयणा पण्णत्ता,
तं०-(गा०-)जालिमयालिउव(मा-जा-लि)याळी पुरिससेणे य वारिसेणे य षीहदंते
य लद्धदंते य वे(वि)हल्ले वेहा[य]से अभए इ य कुमारे ॥ जइ णं भंते ! समणेणं जाव
संपत्तेणं पढमस्स वग्गस्स दस अज्जयणा पण्णत्ता पढमस्स णं भंते ! अज्जयणस्स
अणुत्तरोववाइयदसाणं समणेणं जाव संपत्तेणं के अट्ठे पण्णत्ते ? एवं खल्ल जंबू ! तेणं
कालेणं तेणं समएणं रायगिहे नयरे रिद्धत्थिमियसमिद्धे गुणसिलए उज्जाणे सेणिए
राया धा(र)रिणी-देवी सी(ह)हो सुमि(णं)णे (पा० प० जाव) जाळी-कुम्मा(रेजाए)रो
जहा मेहो (जाव) अट्ठट्ठओ दाओ जाव उप्पि पासाय० विहरइ, (ते० का० ते० स०
स० भ० म० जाव) सायी समोसडे सेणिओ निग्गओ जहा मेहो तहा जाळी-वधि
निग्गओ तहेव निक्खंतो जहा मेहो, एक्कारस अंगाई अहिजइ, गुणरयणं तवोक्कमं
[जहा खंदयस्स] एवं जा नेव खंद(य)ग[स्स] वत्तव्वया सां चेव चित्ता आपुच्छया
येरेहिं सद्धिं वि(पु)उल्लं तहेव इ(रु)इइइ, नवरं सोलस वासाईं सामण्यपरियागं

पाठणिता कालमासे कालं किञ्चा उचुं चंदिम०सोहृन्मीसाण जाव आरण्णुए कप्पे नव-य-मेवे(जे)ज्ज(य)विमाणपत्थडे उचुं दूरं वी(इ)ईवइत्ता विजयविमाणे देवत्ताए उववण्णे, त(या)ए णं (ते) येरा भगवंतो जालिं अणगारं कालगयं जा(णे)णिता परिणिञ्चाणवत्तियं काउत्सगं करंति २ ता पत्तचीवराइं गेण्हंति तद्देव उण(ओय)रंति जाव इमे से आयारमंडए, भंते । त्ति भगवं गोयमे जाव एवं वयासी-एवं खल्ल देवाणुप्पियाणं अंतेवासी जा(लि)ली नामं अणगारे पगइभइए से णं जाली अणगारे कालगए कहिं गए कहिं उववण्णे ? एवं खल्ल गोयमा ! ममं अंतेवासी तद्देव जहा खंदयस्स जाव काल० उचुं चंदिम जाव विज(य)ए विमाणे देवत्ताए उववण्णे । जालिस्स णं भंते । देवस्स केवइयं कालं ठिई पण्णत्ता ? गोयमा ! बत्तीसं सागगेवमाइं ठिई पण्णत्ता । से णं भंते । ताओ देवलो(गा)याओ आउक्खएणं ३ कहिं गच्छिहिइ २ ? गोयमा । महाविदेहे वासे सिज्झिहिइ (जाव स० अं० क०), (ता) एवं [खल्ल] जंबू ! समणेणं जाव संपत्तेणं अणुत्तरोववाइयदसाणं पढम[स्स]-वग्गस्स पढम[स्स] अ]ज्जयणस्स अयमट्ठे पण्णत्ते । (इति प० प० स०) एवं सेसाण-वि अट्ठ(नव)ण्हं भाणियव्वं, नवरं (सत्त) छ धा-रि(णी)णिसुआ वे-हल्लवेहा-[य]सा चेल्हाणए (अ० णं०), आइल्लणं पंचण्हं सोलस वासाइं सामण्णपरियाओ तिण्हं बारस वासाइं दोण(ह)हं पंच वासाइं, आइल्लणं पंचण्हं आ(अ)णुप्वीए उववा(ओ)यो विजए वेजयंते जयंते अपराजिए सव्वट्ठसिडे, सीहदंते सव्वट्ठसिडे, उ(अणु)क्कमेणं सेसा, अमओ विजए, सेसं जहा पढमे, अभयस्स नाणत्तं, रायणिहे नयरे सेणिए राया नंदा देवी (माया) सेसं तद्देव, एवं खल्ल जंबू ! समणेणं जाव संपत्तेणं अणुत्तरोववाइयदसाणं पढमस्स वग्गस्स अयमट्ठे पण्णत्ते ॥ १ ॥ [(इति) पढमो वग्गो समत्तो ॥]

[दोसो वग्गो]

जइ णं भंते ! समणेणं जाव संपत्तेणं अणुत्तरोववाइयदसाणं पढमस्स वग्गस्स अयमट्ठे पण्णत्ते दोसस्स णं भंते ! वग्गस्स अणुत्तरोववाइयदसाणं समणेणं जाव संपत्तेणं के अट्ठे पण्णत्ते ? एवं खल्ल जंबू ! समणेणं जाव संपत्तेणं अणुत्तरोववाइयदसाणं दोसस्स वग्गस्स तेरस अज्जयणा पण्णत्ता, तं०--सीह-सेणे महासेणे लट्ठदंते य गूढदंते य सुद्धदंते [य] हल्ले कुमे कुमसेणे महाकुमसेणे य आहिए ॥ सीहे य सीहसेणे य महासीहसेणे य आहिए पुण्णसेणे य बो(इ)व्वे तेरसमे होइ अज्जयणे ॥ जइ णं भंते ! समणेणं जाव संपत्तेणं अणुत्तरोववाइयदसाणं दोसस्स वग्गस्स तेरस अज्जयणा प० दोसस्स णं भंते ! वग्गस्स

पढम-ज्झयणस्स समणेणं (३) जाव संपत्तेणं के अट्ठे प० ? एवं खलु जंबू ! तेणं कालेणं तेणं समएणं रायगिहे नयरे गुणसिलए उज्जाणे सेणिए राया धा-रिणी देवी सी(हे)हो सुमिणे जहा जाली तहा जग्(मर्ण)मं बालत्तणं कलाओ नवरं बीइसे(णे)ओ कुमा(रि)रो स(च्चि)व्वेव वत्तव्वया जहा जालिस्स जाव अंतं काहिइ, एवं तेरख-वि रायगिहे (न०) सेणि(ए)ओ(रिपि)पिया धारिणी माया तेरसण्ह-वि सोलस-वासस परियाओ, आणुपुव्वीए (उ०) विजए दोण्णि वेजयंते दोण्णि जयंते दोण्णि अपराजिए दोण्णि, सेसा महादुमसेणमाई पंच सव्वट्टसिद्धे, एवं खलु जंबू ! समणेणं० अणुत्तरोववाइयदसाणं दोच्चस्स वग्गस्स अयमट्ठे पण्णत्ते, मासियाए संखेहणाए दोसु-वि वग्गेसु ॥ २ ॥ [ति(०बीओ) दोच्चो वग्गे समत्तो ।]

[तच्चो वग्गे]

जइ णं भंते ! समणेणं जाव संपत्तेणं अणुत्तरोववाइयदसाणं दोच्चस्स वग्गस्स अयमट्ठे पण्णत्ते तच्चस्स णं भंते ! वग्गस्स अणुत्तरोववाइयदसाणं समणेणं जाव संपत्तेणं के अट्ठे प० ? एवं खलु जंबू ! समणेणं जाव संपत्तेणं अणुत्तरो-ववाइयदसाणं तच्चस्स वग्गस्स दस अज्झयणा पण्णत्ता, तं०--घण्णे य सुण-क्खत्ते [य], इसिदासे (अ) य आहिए । पेळए रामपुत्ते य, चंदिमा पि(पु)ट्टिमा-इ(या)य ॥ १ ॥ पेढालपुत्ते अणगारे, नवमे पो(पु)ट्टिळे (इ) वि य । वे-ह्हे दसमे युत्ते, इमे(ते)य दस (ए० अ०) आहि(ते)या ॥ २ ॥ जइ णं भंते ! समणेणं जाव संपत्तेणं अणुत्तरोववाइयदसाणं तच्चस्स वग्गस्स दस अज्झयणा प० पढमस्स णं भंते ! अज्झयणस्स समणेणं जाव संपत्तेणं के अट्ठे पण्णत्ते ? एवं खलु जंबू ! तेणं कालेणं तेणं समएणं का(गं-कं)यंवी ना(म)मं नयरी होत्था रिद्धत्थिमियसमिद्धा सह(स्)संबवणे उज्जाणे सब(बोडुए)उउउ० जि(अ)यस(सु)त्तू राया, तत्थ णं का-यंवीए नयरीए भहा-नामं सत्थवाही परिवसइ अट्ठा जाव अपरिभू(आ)या, तीसे णं भहाए सत्थवाहीए पुत्ते घण्णे ना(मए)मं दारए होत्था अहीण जाव सुत्तुवे पंचधा[इ]ई-परिग्गहिए तं०-खीरघाई[ए] जहा म(हाब)हन्वळे जाव वावत्त(रि)रि कलाव्वे अ(हि०)हीए जाव अलं-भोगसमत्थे जाए यावि होत्था, तए णं सा भहा सत्थवाही घण(ण)णं दारयं उम्मुक्कवालभावं जाव भोगसमत्थं या(वा)वि(या)जा-णि(या)त्ता बत्तीसं पासायवडिसए कारेइ अन्नुग्गयमूसिए जाव तेसिं मज्झे भवणं अणेग-खंभसयसंघिविहुं जाव बत्तीसाए इन्भवरकण्णगार्णं एगदिबसेणं पाणि नेण्हावेइ (२) बत्तीसओ दाओ जाव उप्पि पासाय० फु(ट्टि)इंतेहिं जाव निहरइ, तेणं कालेणं तेणं समएणं समणे० समोसडे परिखा निग्गया राया जहा कोणिओ तहा जिअत्तू

विग्गाओ, तए णं तस्स धण्णस्स तं महया (ज०) जहा जमाली तहा निग्गाओ, नवरं पाय(विहा)चारेणं जाव जं नवरं अम्मयं भदं सत्यवाहिं आपुच्छामि, तए णं अहं देवाणुप्पियाणं अंतिए जाव पन्वयामि जाव जहा जमाळी तहा आपुच्छइ मु(पु)च्छिया वुत्तपडिवुत्तया जहा म-हब्बले जाव जाहे नो संचाएइ जहा थावचा-पुत्तो जियसत्तुं आपुच्छइ छत्तचामराओ० सयमेव जियसतू निक्खमणं करेइ जहा थावचापुत्तस्स कण्हो जाव पव्वइए (०) अणगारे जाए ई(इ)रियासमिए जाव [गुत्त]बंभयारी, तए णं से धण्णे अणगारे जं चेव दिवसं मुंडे भवित्ता जाव पव्वइए तं चेव दिवसं समणं भगवं महावीरं वंदइ नमंसइ वं० २ ता एवं वयासी-[एवं खलु] इच्छामि णं भंते । तुब्भे(णं)हिं अब्भणुण्णाए समाणे जावजीवाए छट्ठंछट्ठेणं अणिक्खित्तेणं आर्यबिलपरिग्गहिएणं तवोक्कमेणं अप्पाणं भावेमाणे विह(रे)रित्तए छट्ठस्स-वि-य णं पारण(गं)यंसि कर(प)पेइ [मे] आर्यबिलं पडि(ग्गहि)गाहेत्तए नो चेव णं अणायबिलं तं-पि-य संसट्ठं नो चेव णं असं-सट्ठ तं-पि-य णं उज्झियधम्मियं नो चेव णं अणुज्झियधम्मियं तं-पि-य (णं) जं अण्णे बहवे समणमाहणअतिहिकिवणवणीमगा नावकंखंति, अहासुहं देवाणुप्पिया ! मा पडिबंधं करेइ, तए णं से धण्णे अणगारे समणेणं भगवया महावीरेणं अब्भणुण्णाए समाणे हट्ठ० जावजीवाए छट्ठंछट्ठेणं अणिक्खित्तेणं तवोक्कमेणं अप्पाणं भावेमाणे विहरइ, तए णं से धण्णे अणगारे पडमछट्ठ(व)द्धमणपारण-यंसि पडमाए पो(र)रिसीए सज्झायं करेइ जहा गोयमसामी तहेव आपु-च्छइ जाव जेणेव का(कं)यंदी नयरी तेणेव उवागच्छइ २ ता का-यंदीए नयरीए उच्च० जाव अडमाणे आर्यबिलं [नो अणायबिलं] जाव नावकंखंति, तए णं से धण्णे अणगारे ताए अब्भुजयाए (पयययाए) पयत्ताए पग्गहियाए एसणाए [एसमाणे] जइ भत्तं लभइ तो पाणं न लभइ अह पाणं (ल०णो) तो भत्तं न लभइ, तए णं से धण्णे अणगारे अदीणे अविमणे अकल्लसे अविसा(यी)दी अपरितंतजोगी जयणघडणजोगचरित्ते अहापज्ज(त्त)नं ससु(दा)हाणं पडिगाहेइ २ ता का-यंदीओ नयरीओ पडिणिक्खमइ [पडिणिक्खमित्ता] जहा गोयमे जाव पडिदंसेइ, तए णं से धण्णे अणगारे समणेणं भगवया महावीरेणं अब्भणुण्णाए समाणे अमु-च्छिए जाव अणजओववण्णे बिलमिव पण्णगभूएणं अप्पाणेणं आहारं आहा-रेइ २ ता संजमेणं तवसा० विहरइ, [तए णं] समणे भगवं महावीरे अण्णया कया(ई)इ का-यंदी(ए)ओ नयरीओ सहसंबवणाओ उज्जाणाओ पडिणिक्खमइ २ ता बहिया जणवयविहारं विहरइ, तए णं से धण्णे अणगारे समणस्स भग-

बभ्रो महावीरस्स तद्धारुवाणं धेरारणं अंतिए सामाइयमाइयाईं एकारस अंगार्इ
 अहिज्जइ [अहिज्जिता] संजमेणं तवसा अप्पाणं भावमाणे विहरइ, तए णं से
 घण्णे अणगारे तेणं उ(ओ)रालेणं (त०) जहा खंदओ जाव० चिट्ठइ, धण्णस्स
 णं अणगारस्स पायाणं अय(इ)मेयारूवे तवरूवलावण्णे होत्वा, से जहानामए
 सुक्कल्ली-इ वा कट्टपाउया-इ वा जरग(उ)ओवाहणा-इ वा, एवामेव धण्णस्स अण-
 गारस्स पाया सुक्का (लुक्खा) निम्मंसा अट्टिचम्मछिरताए पण्णायंति नो चेव
 णं मंसोणियताए, धण्णस्स णं अणगारस्स पायंगुलियाणं अयमेयारूवे० से
 जहानामए कलसंगलिया-इ वा मुग्ग(सं०)माससंगलिया-इ वा तरुणिया छिण्णा उण्हे
 दिण्णा सुक्का समाणी मिलायमाणी २ चिट्ठंति, एवामेव धण्णस्स (अ०) पायंगुलि-
 याओ सुक्काओ जाव सोणियताए, धण्णस्स (णं अ०) जंघाणं अयमेयारूवे० से जहा०
 काकजंघा-इ वा कंकजंघा-इ वा देणियालि(य)याजंघा-इ वा जाव सोणियताए, धण्णस्स
 (णं) जाण्णं अयमेयारूवे० से जहा० का(ली)लिपोरे-इ वा मयूरपोरे-इ वा देणियालि-
 यापोरे-इ वा एवं जाव सोणियताए, धण्णस्स उरुस्स० जहा नामए सामक(रे)रिल्ले-इ
 वा बो(रि)रीकरिल्ले-इ वा सल्लकरिल्ले-इ वा साम-त्तिकरिल्ले-इ वा तरुणिए (छि०)
 उण्हे जाव चिट्ठइ एवामेव धण्णस्स उरु जाव सोणियताए, धण्णस्स कडिप(इ)तस्स
 इमेयारूवे० से जहा० उट्टपा(ए)दे-इ वा जरगपाए-इ वा [महिसपाए-इ वा] जाव
 सोणियताए, धण्णस्स उदरभायणस्स इ(अय)मेयारूवे० से जहा० सुक्कदिए-इ वा भज्ज-
 (णय)यणकभल्ले-इ वा कट्टकोलंबए-इ वा, एवामेव उदरं सुक्कं [०], धण्णस्स पा(पां)सु-
 लि(या)यक(रं)डयाणं इमेयारूवे० से जहा० थासयावली-इ वा पाथावली-इ वा मुंडा-
 वली-इ वा [०], धण्णस्स पि(ट्ट)ट्टिकरेड-याणं अयमेयारूवे० से जहा० कण्णावली-इ
 वा गोलावली-इ वा वट्टयावली-इ वा, एवामेव०, धण्णस्स उ(ह)रक-डयस्स अय-
 मेयारूवे० से जहा० चित्त(य)कट्टरे-इ वा वियणपत्ते-इ वा तालियंत्पत्ते-इ वा एवा-
 मेव०, धण्णस्स बाहाणं० से जहानामए समिसंगलिया-इ वा प(वा)ह्वा(य)या-
 संगलिया-इ वा अगतियय-संगलिया-इ वा एवामेव०, धण्णस्स हत्थाणं० से जहा०
 सुक्कछगणिया-इ वा घडपत्ते-इ वा पलासपत्ते-इ वा, ए(व)वामेव०, धण्णस्स हत्थं-
 गुलियाणं० से जहा० क(लाय)लसंगलिया-इ वा मुग्ग(०)माससंगलिया-इ वा तरुणिया
 छिण्णा आयवे दिण्णा सुक्का समाणी एवामेव०, धण्णस्स गीवाए० से जहा० करग-
 गीवा-इ वा कुंडियागीवा-इ वा उच्च(त्थ)ट्टवणए-इ वा एवामेव०, धण्णस्स णं हण्ण(आ)-
 याए० से जहा० लाउ(य)फले-इ वा हकुवफले-इ वा अंबगट्टिया-इ वा एवामेव०,
 धण्णस्स-उट्टाणं० से जहा० सुक्कजलोया-इ वा सिळेसगुलिया-इ वा अलत्त(ग)-

गुलिया-इ वा एवामेव०, धण्णस्स जिम्भाए० से जहा० वडपत्ते-इ वा पलासपत्ते-इ वा (उंबर०) सागपत्ते-इ वा एवामेव०, धण्णस्स ना(सिया)साए० से जहा० अंबगपेसिया-इ वा अंबाडगपेसिया-इ वा माउ(लिं)लुंगपेसिया-इ वा तरुणिया एवामेव०, धण्णस्स अच्छीणं० से जहा० वीगालि(हे)इ-इ वा व(बी)डी(पन्नी)सगछि-इ-इ वा पा(प)भाइयता(रि)रगा-इ वा एवामेव०, धण्णस्स कण्णाणं० से जहा० मू(लि)-लाछल्लिया-इ वा वालुक० कारेल्लय(च)ल्ल(ली)ल्लिया-इ वा एवामेव०, धण्णस्स (अ०) सीसस्स० से जहा० तरुणगलाउए-इ वा तरुणगएलाड(यत्ति)ए-इ वा सिण्हा(लु)लए-इ वा तरुणए जाव चिट्ठइ, एवामेव धण्णस्स अणगारस्स सीसं सुक्कं लुक्खं निम्मंसं अट्टिचम्म(च्छि)छिरत्ताए पण्णायइ नो चेव णं मंससोणियत्ताए, एवं सब्बत्थ(मेव), नवर उ(द)यरभाय(ण)णं क(ण्ण)ण्णा जीहा उट्ठा एएसिं अट्ठी न भण्णइ चम्म छिरत्ताए पण्णायइ-त्ति भण्णइ, धण्णे णं अणगारे णं सुक्कं लु(अु)क्खेणं पायजंघोरुणा विगतडिकरालेणं कडिकडाहेणं पि-ट्टिम(व)स्सिएणं उदरभायणेणं जोइज्जमाणेहिं पा(पं)मुलि[य]रु-डएहिं अक्खमुत्तमाला(ति वा)विव (गणिज्जमालाति वा) ग(णि)-णेज्जमा(णा)णेहिं पि-ट्टिकरंडगसंधीहिं गंगातरंगभूएणं उरकडगदेसभाएणं सुक्कमप्प-समाणाहिं बाहाहिं सि(स)ट्टिलकडाली-पिव लंबं(चलं)तेहि य अगहत्थेहिं कंपणवा-इ(ओ)एविव वेवमाणीए सीसपवीए पव्वायवयणकमणे उब्भडच्च(डा)उमुहे उच्चुट्ठ-णयणकोसे जीवं-जीवेणं गच्छइ जीवं-जीवेणं चिट्ठइ भासं भासिस्सा(मीति)मि ति गिला(य)इ ३ से जहा नामए इंगालसगडिया-इ वा जहा खंदओ तहा जाव हुयासणे इव भासरा(सी)सिपल्लिच्छण्णे तवेणं तेएणं तवतंसिरीए (अ०) उव्वसोभमाणे २ चिट्ठइ ॥ ३ ॥ तेणं कालेणं तेणं समएणं रायगिहे नयरे गुणसिलए उज्जाणे सेणिए राया, तेणं कालेणं तेणं समएणं समणे भगवं महावीरे समोमटे परिसा निग्गया सेणि(ओ)ए निग्ग-ए धम्मकहा परिसा पडिगया, तए णं से सेणिए राया समणस्स भगवओ महावीरस्स अंतिए धम्मं तोच्चा निसम्म समणं भगवं महावीरं वंदइ नमंसइ वं० २ ता एवं वयासी-इमासि णं भंते ! इंदभू-इपामोक्खाणं चो(चउ)इसण्हं समणसाहस्सीणं क(य)इरे अणगारे महादुक्करकारए चेव महाणिज्जरयराए चेव ? एवं खल्ल सेणिया । इमासि इंदभूइपामोक्खाणं चो-इसण्हं समणसाहस्सीणं धण्णे अणगारे महादुक्करकारए चेव महाणिज्ज(रा)रयराए चेव, से केणट्ठेणं भंते । एवं वुच्चइ इमासि जाव साहस्सीणं धण्णे अणगारे महादुक्करकारए चेव महाणिज्ज(-कार)रयराए चेव ? एवं खल्ल सेणिया ! तेणं कालेणं तेणं समएणं का-यंबी नामं नयरी होत्था [०] उप्पि पासायवडिसए विहरइ, तए णं अहं अण्णया कयाइ पुव्वाणुप-

(त्रिं)वीए चरमाणे गामाणुगामं दूङ्गमाणे जेणेव का-यंदी नयरी जेणेव सह-संक-
वणे उज्जाणे तेणेव उवागए [उवागमिता] अहापडिखूवं उगहं उगिण्हासि २ ता
संजमेणं जाव विहरामि, परिसा निगगया, नहे(तं चे)व जाव पव्वइए जाव बिलमिव
जाव आहारेइ, धण्णस्स णं अणगारस्स पादाणं सरीरवण्णओ सव्वो जाव
उवसोभेमाणे २ चिट्ठइ, से तेणट्ठेणं सेणिया । (इमं) एवं वुचइ-इमासिं चउदसण्हं
(समण)साहस्सीणं धण्णे अणगारे महादुक्करकारए महानिज्जरयराए चेव, तए णं से
सेणि(य)ए राया समणस्स भगवओ महावीरस्स अंति(यं)ए एयमट्ठं सोच्चा निसम्म
हट्ठ० समणं भगवं महावीरं तिक्खुतो आयाहि(णं)णपयाहिणं करेइ २ ता वंदइ
नमंसइ वं० २ ता जेणेव धण्णे अणगारे तेणेव उवागच्छइ २ ता धण्णं अण-
गां तिक्खुतो आयाहि-णपयाहिणं करेइ २ ता वं(दे)दइ नमंसइ वं० २ ता एवं
वयासी-धण्णे(ऽ)सि णं तुमं देवाणुप्पिया ! सुपुण्णे(०) सुकयन्थे कयलक्खणे सुल्लहे
णं देवाणुप्पिया । तव मा(म)णुम्सए जम्मजीवियफलेत्तिकट्ठु वंदइ नमंसइ वं० २ ता
जेणेव समणे भगवं महावीरं तेणेव उवागच्छइ २ ता समणं भगवं महावीरं
तिक्खुतो (जाव) वंदइ नमंसइ वं० २ ता जामेव दि(सिं)सं पाउब्भए तामेव
दि-सं पडिगए ॥ ४ ॥ तए णं तस्स धण्णस्स अणगारस्स अणया कया(इं)इ पुव्व-
रत्तावरत्तका(ले)लसमयंसि धम्मजागरियं० इमेयारूवे अ(ज्ज)ब्भत्थिए० एवं खलु
अहं इमेणं उ-रालेणं [०] जहा खंदओ तहेव चिता आपुच्छ(णा)णं थेरेहिं सद्धिं
वि(-त्तप०)उलं दुरु(हंति)हइ मासिया संलेहणा नव-मा(स)सा परियाओ जाव काल-
मासे कालं किच्चा उच्चं चंदिम जाव नव-य-गे(वि)वेज्ज(वि०)विमाणपत्थे उच्चं दूरं
वीईवडत्ता सव्वट्ठसिद्धे विमाणे देवत्ताए उववण्णे, थेरा तहेव उ(त्त)यरति जाव इमे
से आयारभंडए, भंतेत्ति भगवं गोयमे तहेव पुच्छइ जहा खंदयस्स भगवं वागरेइ
जाव सव्वट्ठसिद्धे विमाणे उववण्णे । धण्णस्स णं भंते । देवस्स केवइयं कालं टिई
पण्णत्ता ? गोयमा । तेत्तीसं सागरोवमाइं टिई पण्णत्ता । से णं भंते । ता(त्त)ओ
देवलोगाओ (आ० ३) कहिं गच्छिहिदं कहिं उववज्जिहिदं ? गोयमा । महाविदे(इ)हे
वासे सिज्झिहिइ ५ । तं एवं खलु जंबू ! समणेणं जाव संपतेणं पढमस्स अज्झय-
णस्स अयमट्ठे पण्णत्ते ॥ ५ ॥ (इ० ति० व०) पढ(म)मं अज्झयणं समत्तं ॥ जइ
णं भंते । [०] उक्खेवओ एवं खलु जंबू ! तेणं कालेणं तेणं समएणं [का-यंदी
(ना०) नयरी (ही०) जियस० राया तत्थ णं] का-यंदीए नयरीए भद्दा-नामं सत्थ-
वाही परिवसइ अट्ठा०, तीसे णं भद्दाए सत्थवाहीए पुत्ते सुणक्खत्ते नामं दारए
होत्था अहीण० जाव सुरुवे पंचधाइपरिक्खंते जहा ध(जे)ण्णे त(हेव)हा बत्तीसओ
दाओ जाव उप्पि पासायव(डें)डिंसए विहरइ, तेणं कालेणं तेणं समएणं (सामी)

समोस(हुँ)रणं जहा ध-ण्णो तहा सुणक्खत्ते-ऽ)त्तो-वि निग्ग(ते)ओ जहा थावच्चापु-
त्तस्स तहा निम्बखमणं जाव अणगारे जाए ई-रियासमिण्ण जाव बंभयारी, तए णं से
सुणक्खत्ते (अणगारे) जं चैव दिवसं सभणस्स भगवओ महावीरस्स अंतिए मुंडे
जाव पव्वइए तं चैव दिवसं अभिग्गहं तहेव जाव बिलमिच्च [०] आहारैइ संजमेणं
जाव विहरइ [०] बहिया जणवयविहारं विहरइ एक्कारस अंगाई अहिजइ [०] संजमेणं
त्वसा अप्पाणं भावेमाणे विहरइ, तए णं से सुणक्खत्ते (अ०) तेणं ओ-रालेणं [०]
जहा खंदओ तेणं कालेणं तेणं समएणं रायगिहे नयरे गुणसिलए उज्जाणे सेणिए
राया सामी समोसडे परिमा निग्गया राया निग्गओ धम्मकहा राया पडिग्गओ परिमा
पडिग्गया, तए णं तस्स सुणक्खत्तस्स अण्णया कया-इ पुव्वरत्तावरत्तकालसमयंसि
धम्मजा० जहा चंदयस्स ब(हुँ)हु वासा परियाओ गोयमपुच्छा तहेव कहेइ जाव
सव्वट्टसिद्धे विमाणे दे(वे)वत्ताए उववण्णे तेत्तीसं मागरोवसाई टिडे पणत्ता, मे णं
भंतं ।० महाविदे(-वासं)हे सिज्जिअहिइ ॥ [(इ०) बी(वी)थं अज्जप्रणं समत्तं ॥]
एवं (ख० ज०) सुणक्खत्तगमेणं सेसा-वि अट्ट भाणियव्वा, नवर आ-णुपुव्वीए
दोणिण रायगिहे दोणिण साएए दोणिण वाणियगामे नवमो हत्थि(ण)णापुरे दसमो
रायगिहे नवण्हं भद्दाओ जगणीओ नवण्ह-वि बर्त्तासओ दाओ नवण्हं निम्बखमणं
थावच्चापुत्तस्स सरिसं वेद्वस्स-पिया करेइ टम्मासा वेद्वए नव धण्णे सेसाणं ब-हु
वासा(ई)मासं संनेहणा मव(वे)वट्टसिद्धे महाविदे-हे सि(ज्जणा)ज्जि(हिं)स्सति [एवं
दस अज्जयणाणि] । एवं खलु जंजू ! समणेणं भगवया महावीरेणं आइगरेणं तित्थ-
गरेणं सयंसंबुद्धेणं लोगणाहेणं लोगप्पदीवेणं लोगपच्चोयगरेणं अभयदएणं सरण-
दएणं चक्खुदएणं मग्गदएणं धम्मदएणं धम्मदेमएणं धम्मवरचाउरतचक्खवट्टिणा
अप्पडिहयवरणाणंदमणधरेणं जिगेणं जाणएणं बुद्धेणं चोहएणं मोक्खेणं मोयएणं
निण्णेणं तारएणं सिच्चमयलमक्यमणं नमक्खयमव्वावाहमपुणरावत्तयं सिद्धिगइणाम-
धेयं ठाणं संपत्तेणं अणुत्तरोववाइयदसाणं तच्चस्स वग्गस्स अयमट्टे पणत्ते ॥ ६ ॥
अणुत्तरोववाइयदसाओ समत्ताओ ॥ (अणुत्तरोववाइयदसाणां भं मुत्ते) नवममंणं समत्तं ॥
[अणुत्तरोववाइयदसाणं एगो सुयखं० तिण्णिण व० तिसु चैव दिवसेसु उ० तत्थ
पडमे वग्गे दस उहेस० विइ(वी)ए वग्गे तेरस उहेस० तइए वग्गे दस उहेस०
सेसं जहा धम्मकहा ने(ना)यव(वं)वा ॥ ७ ॥]



णमोऽत्यु णं समणस्स भगवओ णायपुत्तमहावीरस्स

सुत्तागमे

तत्थ णं

पण्हावागरणं

नमो अग्घिंताणं नमो सिद्धाणं नमो आयरियाणं नमो उवज्जायाणं नमो लोए
सव्वमाहूणं । (तेणं कालेणं तेणं समएणं चपा-नाम नगरी होत्था, पुण्णभेइ उज्जाणे
अणोगवरपायवे पुट्टविसिन्हापट्टए, तत्थ णं चंपाए नयरीए कोणिए नाम राया
होत्था, भारिणी देवी, तेणं कालेणं तेणं समएणं समणस्स भगवओ महावीरस्स
अंतेवासी अज्जसुहम्मं नाम धेरे जाइसंपन्ने कुलसपन्ने बलसंपन्ने रुवसंपन्ने विणय-
संपन्ने नाणसंपन्ने दंसणसंपन्ने चरित्तसपन्ने लज्जासंपन्ने लघवसंपन्ने ओयंसी
तेयंसी वचंसी जसंसी जियकोहे जियमाणे जियमाए जियलोभे जियनिहे जिय-
इदिए जियपरीसहे जीवियाममरणभयविप्पमुक्के तवप्पहाणे गुणप्पहाणे मुत्तिप्प-
हाणे विज्जापहाणे मंतप्पहाणे बंभप्पहाणे वयप्पहाणे नयप्पहाणे नियमप्पहाणे
मच्चप्पहाणे सोयप्पहाणे नाणप्पहाणे दंसणप्पहाणे चरित्तप्पहाणे चौइसपुव्वी
चउनाणोवगए पंचहिं अणगारमएहिं सद्धिं संपरियुडे पुव्वानुपुव्विं चरमाणे
गामाणुगामं दूइज्जमाणे जेणेव चंपा न(ग)यरी तेणेव उवागच्छइ जाव अहापठिरुव्वं
उगगहं उगिगण्हिता संजमेणं तवसा अप्पाणं भावेमाणे विहरति । तेणं कालेणं
तेणं समएणं अज्जसुहम्मस्स अंतेवासी अज्जजंबू नामं अणगारे कासवगोत्तेणं
सत्तुस्सेहे जाव संखित्तविपुलतेयलेस्से अज्जसुहम्मस्स धेरस्स अदूरसामन्ते उद्धं-
जाणू जाव संजमेणं तवसा अप्पाणं भावेमाणे विहरइ । तए णं से अज्जजंबू
जायसंद्धे जायसंसए जायकोउहल्ले उप्पन्नस(द्धे)द्धे ३ संजायस-द्धे ३ समुप्पन्नस-द्धे
३ उट्टाए उट्टेइ २ ता जेणेव अज्जसुहम्मं धेरे तेणेव उवागच्छइ २ ता अज्जसुह-
म्म(मे)मं धे(रे)रं तिक्खुत्तो आयाह्णिगपयाहिंणं करेइ २ ता वंदइ नमंसइ वं० २ ता
नच्चासन्ने नाइदूरे विणएणं पंजलिपुडे पज्जुवासमाणे एवं वयासी-जइ णं भंते । सम-
णेणं भगवया महावीरेणं जाव संपत्तेणं णवमस्स अंगस्स अणुत्तरोववाइवदसाणं अय-
मट्टे प० दसमस्स णं (अं०) अंगस्स पण्हावागरणाणं समणेणं जाव संपत्तेणं के अट्टे
प० ? जंबू ! दसमस्स अंगस्स समणेणं जाव संपत्तेणं दो सुयकखंवा पण्णत्ता-

आसवदारा य संवरदारा य, पढमस्स णं भंते । सुयक्खंधस्स समणेणं जाव संपत्तेणं
 कइ अज्झयणा पण्णत्ता ? जम्बू । पढमस्स णं सुयक्खंधस्स समणेणं जाव संपत्तेणं
 पंच अज्झयणा पण्णत्ता, दोक्खस्स णं भंते ।० एवं चेव, एएत्ति णं भंते । अण्हय-
 संवराणं समणेणं जाव संपत्तेणं के अट्ठे पण्णत्ते ?, तते णं अज्जसुहम्मं येरे जंबुनामेणं
 अणगारेणं एवं वुत्ते समाणे जं० अणगारं एवं वयासी-) जंबू । इणमो अण्हयसंव-
 विणिच्छयं पवयणस्स निस्संदं । वोच्छामि णिच्छयत्थं सुहासियत्थं महेसीहिं ॥ १ ॥
 पंचविहो पण्णत्तो जिणे[हिं]हिं इह अण्हओ अणादीओ । हिंसामोसमदत्तं अब्बंभ-
 परिग्गहं चेव ॥ २ ॥ जारिसओ जंनामा जह य कओ जारिसं फलं देति । जेविय
 करेति पावा पा(णि)णवहं तं निसामेह ॥ ३ ॥ पा-णवहो नाम एस निच्चं जिणेहिं
 भणिओ-पावो चंडो रुहो खुहो साहसिओ अणारिओ णिविघणो णिस्संसो महब्भओ
 पइभओ १० अतिभओ वीहणओ तासणओ अणज्जो उच्चेयणओ य णिरवयत्तओ
 णिद्धम्मो णिप्पिवासो णिक्कुणो णि-रयवासगमणनिधणो २० सोहमहब्भयपयट्ठओ
 मरणावेमणस्सो २२ ॥ पढमं अधम्मदारं ॥ १ ॥ तस्स य नामाणि इमाणि
 गोष्णाणि होति तीसं, तंजहा-पाणवहो १ उम्मूलणा मरीराओ २ अवीसभो ३
 हिंसविहिंसा ४ तहा अकिच्चं च ५ घायणा ६ मारणा य ७ वट्ठणा ८ उट्ठणा ९
 तिवायणा य १० आरंभसमारंभो ११ आउयकम्मस्सुवट्ठो भेयणिट्ठवणगालणा य
 संबट्ठगसंखेवो १२ मच्चू १३ असंजमो १४ कट्ठगसट्ठणं १५ चोरमणं १६ परभव-
 संकामकारओ १७ दुग्गतिप्पवाओ १८ पावकरो य १९ पावलोभो २० छविच्छेओ
 २१ जीवियंतकरणो २२ भयंकरो २३ अणकरो य २४ वज्जो २५ परितावणअण्हओ
 २६ विणायो २७ निज्जवणा २८ हंपणा २९ गुणाणं विराट्ठणत्ति ३० विय तस्स
 एवमादीणि णामधेज्जाणि होति तीसं पाणवहस्स कल्लमस्स कट्टयफलदेमगाहं ॥ २ ॥
 तं च पुण करेति केइ पावा अ(स्)संजया अविरया अणिहुयपरिणामदुप्पयोगी पाणवहं
 भयंकरं बहुनिहं बहुप्पगारं परदुक्खुपायणप्पमत्ता इकेहिं तसथावरेहिं जीवेहिं पड्डिणि-
 विट्ठा, किं ते ?, पाठीणत्तिमित्तिभिं गिलअणगससविधिहजातिमंदुक्खट्टुविहकन्ठभणक-
 मगरदुविहगाहादिन्निवेडयमंदुयसीमागारपुल्लयसुंसमारबट्टुप्पगारजलथरविहाणकत्ते य
 एवमादी, बुगंगरुत्तरभचमरसवर(हु)उरब्भससयपसयगोणरोहियहयगयखरकरभ-
 खग्गवानरगवयविगमियालकोलमज्जारकोलसुण(का)कत्तिरियंदलगावत्तकोकंतिथगोक्क-
 ण्णमियमहिसविग्गलगतदीवि(य)यासाणतरच्छअच्छ(व)भल्लसहूलसीहचिच्चलचउप्प-
 यनिहाणाकए य एवमा(यी)दी, अयगरगोणसवराहिमउत्तिका(ओ)उदरदब्भपुप्फ-
 यासालियमहोरगौरगविट्ठाणककए य एवमादी, टीरलसरंबसेहसेहगोभुं(दु)दरणउ-

लसरडजाहगमुं(सी-सा)सखाडहि(ला)लबाउ(प्यि)प्यड्युं घी]बरोलियसिरीसिवगणे
 य एवमादी, कादंब(कं)कवकबलाकासारसआडासेतीयकुललवंजुलपारिप्यवचकी-
 वसउण-[पि]पीपीलिय[दीविय]इंसधतरिडुगभासकुलीकोसकुंचदगतुंडेणियालगस्-
 (यी)ईमुहकविलापिगलक्खगकारंडगचक्कवागउक्कोसगकल्पिपुलसुयबरहिणमयणसाल-
 नंयीमुहन्दमाणगकोरंगभिगारगकोणालगजी(वं)वजीव(ग)कतित्तिरवट्टकलावककपि-
 जलककवोतक[काग]पारेवयग(च)च्चिडिगडिक्कुडवेसरमयूरगचउरगहयपोंडरीय-
 सालग[करक]वीरल्लमेणवायसयविहंग(भे)भिणासि(य)चामवग्गुलिचम्मट्टिलविततप-
 किन्वस्वहयारविहाणाकते य एवमादी, जलयल्लग्नचारिणे उ पंचिदिए पसुगणे
 चियतियचउरिदिए विविहे जीवे पियजीविए मरणदुक्खपडिकूले वराए हणंति
 बहुसंक्किलिडुक्कम्मा । इमेहिं विविहेहिं कारणेहिं, किं ते ? , चम्मवसामंसमेयसोणिय-
 जगफिप्फिसमत्तुं[लि]ल्लंगहिनयंतपित्तफोफसदंत(ट्टी)ट्टा अट्टिमिजनहनयणकण्णहा-
 रुणिनक्कधमणिसिगदादिपिच्छविसविमाणवाल्हेटं, हिंसंति य भमरमधुकरिगणे रसेसु
 गिद्धा तहेव तेंदिए सरीरोवकरणट्टयाए किवणे बेंदिए बहुवे वत्थोहरपरिमंडणट्टा,
 अण्णंहि य एवमाट्टएहिं बहुहिं कारणमतेहिं अबुहा इह हिंसति तसे पाणे इमे य एग्गि-
 दिए चह्वे वराए तमे य अण्णं तदस्सिए चेव तणुसरीरे ममारंभंति अत्ताणे असरणे
 अणाहे अबंधवे कम्मनिगलबद्धे अकुसलपरिणाममंदवुडिज्जणदुक्खिजाणए पुड(वी)-
 विम[ये]ए पुड-विसंसि(ये)ए जलमए जलगए अणलाणिलनणवणस्सतिगणनिस्सिए य
 तम्मयतज्जिते चेव तदाहारे तत्परिणतवण्णगंधरमफामबोंदिरूवे अचक्खुत्ते चक्खुसे
 य तमकाइए असंखे थावग्काए य सुहुमबायरपनेयसरीरनामसाधारणे अणंते
 हणंति अविजाणओ य पारेजाणओ य जीवे इमेहिं विविहेहिं कारणेहिं, किं ते ? ,
 करिसणपोक्खरणीवाविवप्पिणिकूवसरतलागच्चित्तिवे(दि)तियस्वातियआरामविहारथू-
 भपागारदारगोउरअट्टालगचरियासंतुसंक्रमपासायविकापमवणधरसरणलेणआवणचे-
 तियदेवकुलच्चित्तसभापवाआयतणावसहभूमिधरमंडवाण य कए भायणभंडोवगरणस्स
 विविट्टस्स य अट्टाए पुडवि हिंसति मंदवुडिया जलं च भज्जणयपाणभोयणवत्थधोवण-
 सोयमादिएहिं पयणपयावणजलावणविदंसणेहिं अगणिं सुप्पवियणतालर्यंटपेहुणमुह-
 करयलसागपत्तवत्थमादिएहिं अणिलं अगारपरिवा(डि-या)रभवस्सभोयणसयणासण-
 फल(क)गमुसलउखलततविततातोज्जवहणवाहणमंडवविविहभवणतोरणाविडंगदेव-
 कुलजालयद्धचंदनिज्जुगचंदसालियवेतियणिस्सेणिदोणिचंगेरिखीलमेडकसभापवावस-
 हगंधमल्लणुलेवणंवर जुयनेंगलमइयकुलियसंदणसीयारहसगडजाणजोग्गअट्टालगचरि-
 अदारगोपुरफलिहाजंतसूलियलउडमुसंढिसतग्गिबहुपहरणावणुक्खराण कते,

अण्णेहि य एवमादिपिहं बहुहिं कारणसत्तेहिं हिंसन्ति ते तरुणे भणिता एवमादी सते सत्तपरिवज्जिया उवहणन्ति ददमूढा दाहणमती कोहा माणा माया लोभा हस्सरती अरती सोय-वेदत्थी जीयकामत्थधम्महेउं सवसा अवसा अट्टा अणट्टाए य तसपाणे थावरे य हिंसंति (हिंसंति) मंदबुद्धी सवसा हणंति अवसा हणंति सवसा अवसा दुहओ हणंति अट्टा हणंति अणट्टा हणंति अट्टा अणट्टा तुहओ हणंति हस्ता हणंति वेरा हणंति रती-य हणंति हस्सवेरारती य हणंति कुद्धा हणंति लुद्धा हणंति मुद्धा हणंति कुद्धा लुद्धा मुद्धा हणंति अत्था हणंति धम्मा हणंति कामा हणंति अत्था धम्मा कामा हणंति ॥ ३ ॥ कयरे ते ? जे ते सोयरिया मच्छब्धा साउणिया वाहा कूरकम्मा वाउरिया वीवितबंधणप्पओगतप्पगलजालवीरल्लगायसी-दब्भवगुराकूडछेलिहत्था (वीविया) हरिएसा[सा]उणिया य वीदंसगपासहत्था वण-चरगा लुद्धयमहुघातपोतघाया एणीयारा पएणियारा सरदहवीहिअनलागपल्लपरि-गालणमलणमोत्तबंधणसल्लिसयसोसगा विसगरस्स य दायगा उत्तणवद्धदवग्गि-णियपलीवका कूरकम्मकारी इमे य बहुवे मिलक्खुजाती, के ते ? सकजवणम[व]-वरबब्बरगायमुसंडोदभडगतितियपक्कणियकुलक्खगोडसीहलपारसकौंचंधविल(चि)-बिल्लपुलिदअरोसडोबपोक्कणगंधहारगबहलीयजल्लरोममामबउसमलया चुंचुया य चूलिया कौक्कगगा मेत्तपण्हवमालवमहुरआभासियाअणक्खीणल्लासियखसवासिया नेहुरमरहट्टमुट्टि(अ)यआरबडोविलगकुहणकेकयहुणरोमगरुरुमरगा चिलायविसय-वासी य पावमतिणो जलयथलयरसणफुतोरगखहचरमंडासतोडर्जावोव(३)घाय-जीवी मण्णी य अमण्णिणो य पज्जत्ता अनुभत्तेसपपरिणामा एते अण्णे य एवमादी करेति पाणातिवायकरणं पावा पावाभिगमा पावरुई पाणवहकयरती पाणवहरूवाणुट्टाणा पाणवहकहासु अभिरमंता तुट्टा पावं करेत्तु हों(हो)ति य बहु-प्पगारं । तस्स य पावस्स फलविवागं अयाणमाणा वहुंति महवभयं अविस्साम-वेयणं दीहकालबहुदुक्खसंकडं नरयतिरिक्खजोणिं, इओ आउक्खवए चुया अनुभक्क-म्मबहुला उववजंति नरएसु हलितं महालएसु वयराययकुह्दनिस्संधिदारविरहिय-निम्महवभूमिनल्लवरामारिसविसमणिरयचरचारएसुं महोसिणसया[व]पतत्तदुग्गंधवि-स्सउव्वेयजणगेसु वीभच्छदरिसणिज्जेसु निच्चं हिमपडलसीयलेसु कालोभासेसु य मीमगंभीरलोमहरिमणेसु णिरभिरामेसु निप्पडियारवाहिरोगजरापीलिएसु अतीव-निच्चंधकारतिमिस्सेसु पतिभाएसु ववगयगहचंदसूरणक्खलजोड्जेसु मेयवसांसपडल-पोच्चडपूरुहिरुक्किणविलीणच्चिक्कणरसियावावण्णकुहियच्चिक्खल्लकद्दमेसु कुकूलानल्ल-पणिनजालमुम्मुरअसिक्खुरकरवत्तधारात्तुनिसितविच्छुयडंकनिवातोवम्मफरिसअति-

दुस्सहेद्य य अत्ताणासरणकडुयदुक्खपरितावणेसु अणुबद्धनिरंतरवेयणेसु जमपुरिस-
संकुलेसु, ताथ य अन्तोमुहुत्तालद्धिमवपक्खएणं निव्वत्तेति उ ते सरिरें हुंढं
वीमच्छएरिसिणजं बीहणं अट्टिण्हाणहरोमवज्जियं अमुभ-गंध-दुक्खविसहं, ततो
य पज्जतिमुबगया इदिएहिं पंचहिं वेदेति अमुभाए वेयणाए उज्जलवलवितलउक्कड-
क्खरफरुसपर्यङ्घोरघीहणगदारणाए, किं ते ?, कंडुमहारुंभियपयणपडलगतवम-
तलणमद्दुभज्जणाणि य लोहकडाहुक्कडुणाणि य कोट्टबलिकरणकोट्टणाणि य सामत्ति-
तिकक्खगालोहकंटकअभिसरणपसारणाणि फालणविदालणाणि य अवकोट्टकबंधणाणि
लट्टिसयतालणाणि य गलगबल्लुंबणाणि सूलमगभेयणाणि य आएसपवंचणाणि
खिसणविमाणणाणि विद्युट्टपणिज्जणाणि वज्जसयमातिकाति य एवं ते । पुव्वकम्म-
कयसंचयोवत्ता निरयगिमहम्मिसंपलिना गाढदुक्खं महच्चभयं कक्कसं असायं
सारिरें मानसं च तिव्वं दुविहं वेदेति वेयणं पावकम्मकारी बहूणि पलिओवम-
सागरोवमाणि कलुणं पालेन्ति ते अहाउयं जमकातियतासिता य सहं करेति
भीया, किं ते ?, अविभायसामि(माम)भायबप्पतायजितवं मुय मे मरामि दुब्बलो
वाहिपीलिओऽहं किं दाणिऽसि ? एवंदारुणो णिह्य मा देहि मे पहारे उस्सासेतं
(एयं) मुहुत्तयं मे देहि पसायं करेहि मा रुस वीसमामि गेविजं सु(च)य[ह] मे
मरामि, गाढं तण्हातिओ अहं देह पाणीयं हंता पिय इमं जलं विमलं सीयलंति वेतूण
य नरयपाला तवियं तउयं मे देति कलसेण अंजलीसु ददूण य तं पवे[पि]खियंगोवंगा
असुपगलंतपपुयच्छा छिण्णा तण्हाइयम्ह कलुणाणि जंपमाणा विप्पेक्खन्ता दिसो-
दिसि अत्ताणा असरणा अणाहा अबंधवा वंयुविप्पट्टणा विपलयांति य म्मिगा इव
वेगेण भयुव्विग्गा, घेतूण बला पलायमाणार्णं निरणुक्का मुहं विहाडेत्तुं लोहडं-
डेहिं कलकलं ष्हं वयणंसि छुभंति केइ जमकाइया हसंता, तेण दब्बा संतो रसंति
य भीमाइं विस्मराइं रुवंति य कलुणगाइं पारेवतगाव एवं पलवितविलावकलुणा-
कंदियबहुक्कडुदियसहो परि[वे]देवितरुद्धबद्धयनारकारवसंकुलो णीसट्टो रसियभणिय-
कुविउक्कडुयनिरयपालतज्जिय गेण्ह-कम पहर छिंद भिंद उप्पाडेहुक्खणाहि कणाहि
विकत्ताहि य मुज्जो हण विहण विच्छुभोन्नुब्भ आकडु विरुद्ध किं ण जंपसि ?
सराहि पावकम्माइं दुक्कयाइं एवं वयणमहप्पगम्भो पडिसुयासहसंकुलो तासओ
सया निरयगोयराण महाणगरडज्जमाणसारिसो निग्घोसो सु[च]व्वए अणिट्टो तहिं
नेरइयाणं जाइजंताणं जायणाहिं, किं ते ?, असिबणदब्भवणजंतपत्थरसूइतलक्ख्वा-
रवाविकलकलन्तवेयर णिकलंबवालुयाजलियगुहनिर्भणउसिणोसिणकंटइल्लुगुग्गमरह-
जोयणतत्तलोहमग्गमणवाहणाणि, इमेहिं विविहेहिं, आयुहेहिं किं ते ? भोगारमुसुं-

डिकरकयसत्तिहलगयमुसलचक्रकौतनोमरसूललउलभिडिमालस[इ]द्वलपट्टिसचम्मेडु-
दुहणमुट्टियअसिन्वेडगखग्गचावनारा(यं)यकणककप्पणिवासिपरसुट्टकतिक्खनिम्मल-
खण्णेहि य ए(य)वमादिएहि असुभेहि वेउव्विएहिं पहरणसतेहि अणुबद्धतिव्वेवैरा परो-
प्परवेयणं उदीरेति अभिहणंता, तत्थ य मोगगरपहारचुण्णियमुसुंखिसंभग्गमहितदेहा
जंतोवपीलणफुरंतकप्पिया केइत्थ सचम्मका विगत्ता णिम्मूल(उ)ल्लणकण्णोद्वयासिका
छिण्णहत्थपादा अनिकरकयतिक्खकौतपरसुप्पहारफालियवासीसंतच्छित्तंगमंगा कल-
कलमाणस्वारपरित्तगाढडज्झंतगतकुंतग्गभिण्णजज्जरियसव्वदेहा विलोलेति मही-
तले (निग्गयग्गजीहा) विपुणियंगमंगा, तत्थ य विगसुणगसियालकाकमज्जारसरम-
दीवियवियग्गस इलसीहदपियखुहाभिभूनेहि णिच्चकालमणसिएहिं घोरा-SS-रसमाण-
सीमरूवेहिं अक्कमिन्ना दडदाटागाढडक्कड्ढियसुतिक्खनहफालियउद्देहा विच्छिपंतते
भमंतओ विमुक्कसंधिबंधणावियंगमंगा कंककुररगिद्धचोरकट्टवायमग्गणेहि य पुणो खर-
थिरदटणक्खलोहनुंडेहिं ओवतिता पक्खाहयनिकखणक्खविकिक्कजिप्पंशियनयणनि-
(इ)इओलुग्गविगतवयणा, उक्कोमंता य उप्पयंता निपंतता भमंता पुव्वकम्मोदयो-
वगता पच्छाणुस[ये]एण उज्जमाणा णिदंता पुरेकडाई कम्माई पावगाइं तहिं २ नारि-
साणि ओमज्जचिक्कणाइं दुक्खानिं अणुभवित्ता ततो य आउक्खएणं उव्वट्टिया समाणा
बहवे गच्छंति तिरियवसहिं दुक्खुत्तर सुट्टारुणं जम्मणमरणजराव्वाहिपरियट्टणरहट्टं
जलयत्तव्वहचरपगोप्परविहिंसणपवंचं इम च जगपागडं वग[का]गा दुक्खं पावेन्ति
दीहकलं, कि ते १, सीउहत्तण्हाखुहवेपणअपडेकारअडनिजम्मणणिच्चभउव्वि-
ग्गवामजग्गणवहबंधणताडगंणनिवायणअट्टिभंजणनासाभेयप्पहारदग्गणल्लविच्छेय-
णअभिओगपावणकमक्खारनिवायदमणाणि वाहणाणि य माप्पपित्तिविप्पयोगसोयप-
रिपीलणाणि य सत्थविग्गविमाभिन्नायगल्लगवलआवलणमारणाणि य गलजालुच्छि-
यणाणि प(ओ)उलण-विकप्पणाणि य जाव्वीवि[क]गबंधणाणि पंजरनिरोहणाणि
य सय्हनिद्धाउणाणि धमणाणि य दोहणाणि य कुट्टंडगलबंधणाणि वाडगपरिवार-
णाणि य पंकजलनिमज्जणाणि (य) वाग्गिपत्तेसणाणि य ओवायणिभंगविमग्गिवडणद-
वग्गिजालुदहणाउं य, एवं ते वुक्खसयसंपलिन्ना नरगाउ आगया इहं मावसेस-
कम्मा निरिक्खवंपंचदिएसु पावित्ति पावकारी कम्माणि पमायरागदोसबहुसंन्धियाई
अतीव अस्मायकक्कमाइं मरममग्गमच्छिमाडएसु य जाइकुलकोडिसयसहस्सेहिं
नवहिं चउरिदियाण नहिं नहिं चैव जम्मणमरणाणि अणुभवंता कालं संखेज्जकं
भमंति नेरइ[अ]यममाणतिव्वदुक्खा फारिसरमग्गणक्खखुसहिया नहेव तेइदिएसु
कुंयुपिप्पीलिकाअवधिकदिक्केसु य जातिकुलकोडिसयसहस्सेहिं अट्टहिं अणुणएहिं

तेईदियाण तर्हि २ चेव जम्मणमरणाणि अणुह्वंता कालं संखेज्जकं भमंति नेरइय-
समाणतिव्वदुक्खा फरिसरसणघाणसंपउत्ता (तहेव बेइ(वे)दि(ये)एसु) गंहूलयजल्लय-
किमियचंदणगमादिएसु य जा(ती)तिकुलकोळिसयसहस्सेहिं सत्तर्हिं अणूणएहिं बेइदि-
याण तर्हिं २ चेव जम्मणमरणाणि अणुह्वंता कालं संखिज्जकं भमंति नेरइयसमाणति-
व्वदुक्खा फरिसरसणसंपउत्ता पत्ता एविदियत्तणपि-य पुढाविजलजलणमारुयवणप्फत्ति
सुहुमवायरं च पज्जत्तमपज्जत्तं पत्तेयसरीरणाम-साहारणं च पत्तेयसरीरजीविएसु य
तत्थवि कालमसंखेज्जगं भमंति अणंतकालं च अणंतकाए फासिंदियभावसंपउत्ता
दुक्खसमुदयं इमं अणिट्ठं पाविति पुणो २ तर्हिं २ चेव परभवत्तणग(ह)णे
कोहालकुलियदालणसलिलमलणखुंभणरंभणअणलाणिलविविहसत्थघट्टणपरोप्पराभिह-
णणमारणविराहणाणि य अकामकाई परप्पओगोदीरणहिं य कज्जपओयणेहिं य पेस्स-
पमुनिमि[त्तं]त्तओसहाहारमाइएहि उक्खणणउक्कत्थणपयणकोइणपीसणपिट्ठणभज्जण-
गालणआमोडणसडणफुडणभज्जणछेयणनच्छणविलुंच्चणपत्तज्जोडणअग्गिदहणाइया-
(नि)ति एवं ते भवपरंपरादुक्खसमणुबद्धा अटंति संसारबीहणकरे जीवा पागाइ-
चार्यानिरया अणंतकालं जेविय इह माणुनत्तणं आगया क(हिं वि)हं चि नरगा
उव्वट्टिया अधत्ता तेविय दीसंति पाचसो विकयविगलरूवा खुजा वउभा य वामणा
य बहिरा काणा कुंटा पंगुला विउला य (आ)विय जल्ल(या)का य मंमणा य अं(धि-
ल्ल)ययगा एगत्तक्खु विणिहयस(पिस-वे)च्चिल्लया वाहारेगपीलियअप्पाउयसत्थवज्ज-
वाला कुलक्खणक्किच्चदेहा दुब्बलकुसंघयणकुप्पमाणकुसंठिया कुरूवा किविणा य
हीणा हीणसत्ता निचं-सोक्खपरिवज्जिया अमुहदुक्खभा[ग]गी णरगाओ [उव्वट्टिया]
इहं सावसेसक्कम्मा, एवं णरगं तिरेक्खजोणे कुमाणुसत्तं च हिडमाणा पावति
अणंताई दुक्खाई पावकारी एसो सो पाणवहस्स फलविवागो इहलोइओ पा(प)-
रलोइओ अप्पसुहो बहुदुक्खो महब्भयो बहुरयप्पगाढो दासुणो कक्कसो असाओ
वाससहस्सेहिं मुच्चती, न य अवेदयित्ता अत्थि हु मोक्खोत्ति एवमाहंसु, नायकुल-
नंदणो महप्पा जिणो उ वीरवरनामधेज्जो क(हइ सीह)हेसी य पाणवह(ण)स्स
फलविवागं, एसो सो पाणवहो चंडो रूहो खुहो अणारिओ निग्घिणो निसंसो मह-
ब्भओ बीहणओ तासणओ अणज्जो उव्वेयणओ य णिरवयक्खो निद्धम्मो
निप्पिवासो निक्खल्लणो निरयवासगमणनिधणो मोहमहब्भयपबहुओ मरणवेमणस्सो
पढमं अहम्मदारं समत्ततिबेमि ॥ ५ ॥ जंबू ! बितियं च अट्ठियवयणं लहुसगल्लु-
च्चबलभणियं भयंकरं दुहकरं अयसकरं वेरकरं अरतिरतिरागदोसमणसंकिळेसविय-
रणं अट्ठियनियडिसातिजोयबहुलं नीयजणनिसेवियं निस्संसं अप्पच्चयकारकं परम-

साहुगरहणिजं परपीलाकारकं परमकिण्डलेस्ससहिंयं दुग्गइविणिवायवणुणं भवपुण-
 ञ्भवकरं चिरपरिक्खियमणुगतं दुरन्तं कित्ति(यं)तं बितितं अधम्मदारं ॥ ५ ॥ तस्स
 य णामाणि गोण्णाणि होति तीसं, तंजहा-अलियं १ सडं २ अणजं ३ मायाभोमो
 ४ असंतर्कं ५ कूडकवडमवत्युगं च ६ निरत्ययमवत्ययं च ७ विहेसगरहणिजं
 ८ अणुजुकं ९ कक्कणा य १० वंचणा य ११ मिच्छापच्छाकडं च १२ साती उ
 १३ उच्छलं १४ उकूलं च १५ अट्टं १६ अब्भक्खणं च १७ किन्बिसं १८ बलयं
 १९ गहणं च २० मम्मणं च २१ नूमं २२ निय(ही)यी २३ अप्पच्चओ २४ अस-
 मओ २५ असच्चसंधत्तणं २६ विवक्खो २७ अवही(आणाड)यं २८ उवहिअसुदं
 २९ अवलोवोत्ति ३०, अविय तस्स एयाणि एवमादीणि नामधेजाणि होति तीसं
 सावजस्स अलियस्स वडजोगस्स अणेगाइं ॥ ६ ॥ तं च पुण वदंति के[ई]द अलियं
 थावा असंजया अविरया क्वडकुडिलकडुयचदुलभावा कुद्धा लुद्धा भया य हस्स-
 ट्ठिया य सक्खी चोरचारभडा खंडरक्खा जियजूईकरा य गहियगहणा कक्कुरुग-
 कारगा कुलिगी उवहिया वाणियगा य कूडनुल्लकूडमाणी कुडकाहावणोवजीवी
 पडगारकलायकारुडजा वंचणपरा चारियचाट्टयारनगरगोसियपरिचारगा दुट्टवायि-
 स्यूकअणबलमणिया य पुव्वकालियवयणदच्छा माहसिका लहुस्सगा अमच्चा गार-
 विया, असच्चट्टावणाहिप्पिमा उच्चच्छंदा अणिरगहा अणियता छंदेण मुक्कवाता
 भवंति अलियाहिं जे अविरया, अवरे नत्थिकवादिणो वामलोकवादी भणंति नत्थि
 जीवो न जाइ इह परे वा लोए न य किन्चिवि फुसति पुजपावं नत्थि फलं सुकय-
 दुक्कयागं पंचमहाभूतियं सरीरं भासंति हे ! वानजोगजुणं, पंच य खंधे भणंति केइं,
 मणं च मणजीविका वदंति, वाउजीवोत्ति एवमाहंनु, मरीरं सादियं सनिधणं इह-
 भवं एगे भवे तस्म विप्पणासंमि राव्वनागोत्ति, एवं जंपंति मुनावादी, तम्हा
 दाणवयपोसहणं तवमंजमबंभचेरकळाणमाइयाणं नत्थि फलं नवि य पाणव[हे]ह-
 अलियवयणं न चैव चोरिक्करणपरदारसेवणं वा मपरिग्गहपाक्कम्मकरणं-पि नत्थि
 किन्चि न नेरइयतिरियमणुयाण जोणी न देवलोको वा अत्थि न य अत्थि सिद्धि-
 गमणं अम्मापियरो नत्थि नवि अत्थि पुरिसकारो पक्खवाणमवि नत्थि नवि अत्थि
 कालमच्चू य अरिइंता चक्कवट्ठी बलदेवा धामुदेवा नत्थि नेवत्थि के[वि]इ रिसओ
 धम्माधम्मफलं च नवि अत्थि किन्चि बहुयं च थोवर्कं वा, तम्हा एवं विजाणिउण
 जहा सुबहु दंदियाणुकुल्लेसु सब्बविसएसु वट्टह णत्थि काइ[कि]रिया वा अकिरिया
 वा एवं भणंति नत्थिकवादिणो वामलोगवादी, इमंपि विनीयं कुदंसणं असब्भावावा-
 इणो पण्णवेत्ति मूढा-संभूतो अंडकाओ लोको सयंभुणा सयं च निम्मिओ, एवं एव

अलियं-पयावङ्गणा इस्सरेण य कयंति केति, एवं विण्हुमयं क्कसिणमेव य जागंति केई, एवमेके वदंति मोसं एक्को आया अकारको वेदको य सुकयस्स दुक्कयस्स य करणाणि कारणाणि सब्बहा सब्बहिं च निक्को य निक्किओ निग्गुणो य अ(न्नो अ)णुवत्तेव-ओप्पि-विय एवमाहंसु असब्भावं, जेपि इहं किंचि जीवलोके सीसइ सुकय वा दुक्कयं वा एयं अदिच्छाए वा सहावेण वासि दइवतप्पभावओ वासि भवति, नत्थेत्य किंचि कयकं [तत्तं]कयं च लक्खणविहाणनियती[ए]य कारि[यं]या एवं केइ जंपंति इह्ति-रससातगारवपरा बहुवे करणालसा परूवेति धम्मवीमंसएण मोसं, अवरे अहम्मओ रायदुट्ठं अन्भवखाणं भणोति-अलियं चोरोप्पि अचोरयं करेत्तं डामरिउत्तिवि-य एमेव उदासीणं दुस्सीलोत्ति य परदारं गच्छतित्ति मइलित्ति सीलकलियं अयंपि गुरुत्तप्पओ, अण्णे एमेव भणंति उवाहणंता मित्तकलत्ताई सेवंति अयंपि लुत्तधम्मो इमोवि विस्सं-भ[वाइ]घायओ पावकम्मकारी अकम्मकारी अगम्मगामी अयं दुरप्पा बहुएसु य पा(प)वगेषु जुत्तोप्पि एवं जंपंति मच्छरी, भद्दके वा गुणकित्तिनेहरलोगनिप्पिवासा, एवं ते अलियवयणदच्छा परदोसुप्पायणप्पसत्ता वेदेन्ति अक्खत्तातियबीएण अप्पाणं कम्मबंधणेण मुद्दरी असमिक्खियप्पलावा निक्खेवे अवहरंति परस्स अत्थंमि गठि-यगिद्धा अभिजुंजंति य परं असंतएहिं लुद्धा य करेत्ति कूडसक्खित्तणं असच्चा अत्थालियं च कन्नालियं च भोमालियं च तह गवालियं च गस्यं भणंति अहरगति-गमणं(कारणं), अन्नंपि य जातिरुक्कुलसीलपच्चयं मायाणिगुणं चवल पिसुणं पर-मद्दमेदकम[स]संतकं विद्देसमणन्यकारकं पावकम्ममूलं दुहिट्ठं दुस्सयं अमुणियं निरुज्जं लोकरहणिज्जं बहुबंधपरिकिलेसबहुलं जरामरणदुक्खसोयनिम्मं असुद्धपरिणामसंकि-लिट्ठं भणंति अलिया(हिं)हिंसं(ति)धिसंनिविट्ठा असंतगुणुबीरका य संतगुणनासका य हिंसाभूतोवघातितं अलियसंपउत्ता वयणं सावज्जमकुसलं साहुगरहणिज्जं अधम्म जणणं भणंति अणभिगयपुत्तपावा, पुणोवि अधिकरणकिरियापवत्तका बहुविहं अणत्थं अवमहं अप्पणो परस्स य करेत्ति, एमेव जंपभाणा महिससूकरे य साहिंति घायगार्णं सस-यपसयरोहिए य साहिंति वागुराणं तित्तिरवट्ठकलावके य क्विजलकवोयके य साहिंति साउणीणं हसम्मगरक्कच्छभे य साहिंति मच्छियाणं संखंके खुल्लए य साहिंति म(रिग)-गराणं अयगरगोणसमंडलिदब्बीकरे मउली य साहिंति वा(यल्लिया)लवीणं गोहा सेहग सल्लगसरड[गे]के य साहिंति लुद्धगार्णं गयकुलवानरकुळे य साहिंति पासियाणं सुक्कबरहिणमयणसालकोइलहंसकुळे सारसे य साहिंति पोसगार्णं क्वबंधजायणं च साहिंति गोम्मियाणं धणधन्नगवेल्ए य साहिंति तक्कराणं गामागरनगरपट्ठे य साहिंति चारियाणं पारघाइयपंधघातियाओ सा(हं)हिंति य गंठिभेयाणं कयं च चोरियं

नगरगोतियाणं लंछणनिंछणधमणदुहणपोसणवणणदवणवाहणादियाई साहिति बहूणि गोमियाण धातुमणिसिलप्पवालरयणागरे य साहिति आगरीणं पुप्फविहिं फलविहिं च साहिति मालियाणं अग्घमहुकोसए य साहिति वणचरणं जंताई विसाई मूलकम्मं आ(हिंव्व)हेवण[आविंघण]आभियोगमंतोसहिप्पओगे चोरियपरदारगमणबहुपावकम्मकरणं उक्खंथे गामघातियाओ वणदहणतलागभेयणाणि बुद्धि-विसविणासणाणि वसीकरणमादियाई भयमरणकिल्लेसदोसजणणाणि भावबहुसंकि-लिट्टमलिणाणि भूतघातोवघातियाई सच्चाईपि ताई हिंसकाई वयणाई उदाहरंति पुट्टा वा अपुट्टा वा परतनियवावडा य असमिक्खियभासिणो उवदिंसंति सहसा उट्टा गोणा गवया दंमंतु परिणयवया अस्सा हत्थी गवेलगकुक्कुडा य किजंतु किणावेध य विक्खेह पयह य सयणस्स देह पियय दासिदासभयकभाइल्लका य सिस्सा य पेसकजणो कम्मकरा य किकरा य एए सयणपरिजणो य कीस अच्छंति [१] भारिया भे क(रिंतु)रिंतु कम्मं गहणाई वणाई खेतखिलभूमिवल्लराई उत्तणघणसंकडाई डज्जंतु सूडिज्जंतु य रुक्खा भिजंतु जंतभंडाडयस्स उवहिस्स कारणाए बहुविहस्स य अट्टाए उच्छं दुजंतु पीलिजंतु य तिला पयावेह य इट्टकाउ मम घरट्टयाए खेतताई कसह कसावेह य लहुं गामआगरनगरखेडकब्बडे निवेमेह अट्टवीदेसेसु विपुल-सीमे पुप्फाणि य फलाणि य कंदमूलाई कालपताई गेण्हेह करेह संचयं परिजणट्टयाए साली वीही जवा य लच्चंतु मलिजंतु उप्(फ)पणिजंतु य लहुं च पविंसंतु य कोट्टागारं अप्पमहउक्कोसगा य दंमंतु पोयसत्या सेणा णिज्जाउ जाउ डमरं घोरा वट्टंतु य संगामा पवहतु य मगडवाहणाई उवणयण चोलगं विवाहो जन्नो अमु-गम्मि उ होउ दिवसे सुकरणे सुमुहुत्ते सुनक्खत्ते सुतिहिंसु य अज्ज होउ ण्हवणं मुदितं बहुखज्जपिज्जकलियं कोतुकं विण्हावणकं संतिकम्माणि कुणह ससिरविगहोव-रागविसमेसु सज्जणपरियणस्स य नियकस्स य जीवियस्स परिरक्खणट्टयाए पडि-सीसकाई च देह देह य सीसोवहारे विविहोसहिमज्जमंसभक्खज्जणामल्लानुल्लेवणपई-वज्जलिउज्जलसुगंधिधूवावकारपुप्फफलसमिडे पायच्छित्ते करेह पाणाइवायकरणेणं बहुविहेणं विवरीउप्पायदुस्सुमिणपावसउणअसोमग्गहचरियअमंगलनिमित्तपडिघाय-हेउं वित्तिच्छेयं करेह मा देह किंचि दाणं सुट्टु हओ सुट्टु हओ सुट्टु छिन्नो भिज्जति उवदिंसंता एवंविहं करेति अलियं मणेण वायाए कम्मुणा य अकुसला अणजा अल्लि-याणा अलियधम्मणिरया अल्लियासु कहासु अभिरमंता तुट्टा अल्लियं करेत्तु हों-ति य बहुप्पयारं ॥ ७ ॥ तस्स य अल्लियस्स फलविवागं अयाणमाणा वण्णुत्ति महब्भयं अविस्सामवेयणं दीहकालं बहुदुक्खसंकडं नरयतिरियजोणि तेण य अल्लिएण समणुबद्धा

आइद्वा पुण्भ्रवंधकारे भ्रंमंति भीमे दुग्गतिवसहिमुवगया, ते य दीसंतिह
दुगगया दुरंता परवसा अत्थभोगपरिवज्जिया असुहिता फुद्धियच्छविनीभच्छविद्वज्जा
खरफरुसविरत्तज्जामज्जुसिरा निच्छाया लल्लविफलवाया असकृतमसक्या अगंधा
अचेयणा दुब्भगा अकंता काकस्सरा हीणभिन्नघोसा विहिंसा जडबहिरन्ध (मू)या य
मम्मणा अ(क)कंतविकयकरणा णीया णीयज्जणनिसेविणो लोगगरहणिज्जा भिच्चा अस्स-
रिसज्जणस्स पैस्सा दुम्मेहा लोक्वेदअज्झप्पसमयसुतिवज्जिया नरा धम्मबुद्धिवियला
अलिण्ण य तेणं पडज्जमाणा असंतएण य अवमाणणपट्टिमंमाहिंस्खेवपिसुणभेयण-
गुखंधवसयणमित्तवक्खारणादियाइ अब्भक्खाणाइ बहुविहाइ पावेति अ(मणोर)-
णुवमा[णि]इं हिययमणदूमकाइं जावजीवं दुरुद्धराइं अणिट्ट(स)खरफरुसवयण-
तज्जणनिब्भच्छणदीणवदणविमणा कुभोयणा कुवाससा कुवसहीसु किलिस्संता नेव
सुहं नेव निव्वुइं उवलभंति अचंतविपुलदुक्खसयसंपलित्ता । एसो मो अलियवयणस्स
फलविवाओ इहलोइओ परलोइओ अप्पसुहो बहुदुक्खो महद्भओ बहुरयप्पगाढो
दारुणो कक्कमो असाओ वाससहस्सेहिं मुच्चइ, न य अवंदयित्ता आत्थ हु मोक्खोत्ति,
एवमाहंसु नायकुलनंदणो महप्पा जिणो उ वीरवरनामधेज्जो कहेसी य अलियवयणस्स
फलविवागं एयं तं वित्तीयंपि अलियवयणं लहुसगलहुच्चवलभणियं भयंकर दुहकरं
अयसकरं वेरकरगं अरतिरतिरागदोसमणसकिलेसविग्रयणं अलियणियडिसादि-
जोगबहुलं नी-यज्जणनिसेवियं निस्ससं अप्पच्चयकारकं परमसाहुगरहणिज्जं परपीला-
कारकं परमकण्ठेससहियं दुग्गतिविनिवायवद्धुणं (भव)पुण्भवकरं चिरपरिचिय-
मणुगयं दु(रुत्तं)रंतं वितियं अधम्मदारं समत्तं ॥ ८ ॥ जं वू ! तइयं च अदत्तादानं
हरदहमरणभयकल्लसतासणपरसंतिगडभेजलोभमूलं कालविसमसंसियं अहाडच्छिञ्च-
तण्हपत्थाणपत्थोइमइयं अकित्तिकरणं अणजं छिद्दंमंतरविधुरवसणमगणउत्सव-
मत्तप्पमत्तपुत्तवंचणक्खिखवणघायणपराणिहुयपरिणामत्तकरज्जणबहुमयं अक्कलुणं राय-
पुरिसरक्खियं सया साहुगरहणिज्जं पियज्जणमित्तज्जणभेदविप्पीतिकारकं रागदोसबहुलं
पुणो य उप्पूरसमरसंगामडमरकलिकलह्वेहकरणं दुग्ग[ति]इविणिवायवद्धुणं भवपुण-
भवकरं चिरपरिचित्तमणुगयं दुरंतं तइयं अधम्मदारं ॥ ९ ॥ तस्स य णामाणि गोक्काणि
होति तीसं, तंजहा-चोरिक्कं १ परहडं २ अदत्तं ३ कूरि(कुरुदुय)क(यं)डं ४ परलाभो ५
असंजमो ६ परधर्णमिगेही ७ लोलिक्कं ८ तक्करत्तणंति-य ९ अवहारो १० हत्थल(हु)त्तणं
११ पावकम्मकरणं १२ तेणिक्कं १३ हरणविप्पणासो १४ आदियणा १५ लुंणणा
धणाणं १६ अप्पच्चओ १७ ओ(अ)वीलो १८ अक्खेवो १९ खेवो २० विक्खेवो
२१ कूडया २२ कुलमपी य २३ कंत्ता २४ लालप्पणपत्थणा य २५ (आससणाय)

वसपं २६ इच्छामुच्छा य २७ तण्हगेहि २८ नियडिकम्मं २९ अपरच्छंति ३०
 विय तस्स एयाणि एवमाकीणि नामधेज्जाणि होंति तीसं अदिन्नादाणस्स पावकलिकलु-
 सकम्मबहुलस्स अणेगाई ॥ १० ॥ तं पुण करेति चोरियं तकरा परदन्वहरा छेया
 कयकरणलद्धलक्खा साहसिया लहुस्सगा अतिमहिच्छलोभग(च्छा)त्या दहरओवी-
 लका य गेहिया अहिमरा अणभंजकभग्गसंधिया रायदुट्टकारी य विसयनिच्छूढलोक-
 बज्जा उदोहकगामघाययपुरघायगपंथघायगआलीवगतिथभेया लहुहृत्यसंपउत्ता
 जूइकरा खंडरक्खत्थीचोरपुरिसचोरसंधिच्छेया य गंधिभेदपरधणहरणलोमावहार-
 अक्खेवी हडकारका निम्मद्गगूढचोरकगोचोरगअस्सचोरगदासिचोरा य एकचोरा
 ओकहूकसंपदायकउच्छिपकसत्थघायकबिल(चोरी)कोलीकारका य निग्गाहविप्पलुंगगा
 बहुविहतेणिकहरणबुद्धी, एते अजे य एवमादी परस्म दव्वा हि जे अवरिया । विपुल-
 बलपरिग्गहा य बहुवे रायाणो परधणंमि गिद्धा सए व दव्वे असंतुट्ठा परविसए अहिह-
 णंति ते लुद्धा परधणस्स कजे चउरंग(सम)विभन्नबलसमग्गा निच्छियवरजोइजुद्धस-
 द्वियअहमहमितिदप्पिएहिं [मेजेहिं] संपरिवुडा पउमसगडसूइचक्कासागरगरुलवूहाति-
 एहिं अणिएहिं उत्थरंता अभिभूय हरंति परधणाई अवरे रणसीसलद्धलक्खा संगामं-
 [मि] अतिवयंति सन्नद्धबद्धपरियरउप्पीलियचिंधपट्टगहियाउहपहरणा माडि(गुड)वर-
 वम्मंगुडिया आविद्धजालिका कवयकंकडडया उरसिरमुहबद्धकंठोणमाइतवरफलहर-
 चितपहकरभरहसखरचावकरकरंछियसुनिसितसरवरिसचडकरक(भंते)मुयंतघणचंड-
 वेगधारानिवायमग्गे अणेगधणुमंडलगसंधिता उच्छलियसत्तिरणगवामकरगहिय-
 खेडगनिम्मलनिकिद्धुखग्गपहरंत कौततोमर चक्कगयापरसुमु सललंगलसूललउलभिंड-
 मालासब्बलपट्टिसचम्भेट्टुघणमोट्टियमोगगरवरफलिहजंनपत्थरदुहणतोणकुवेणीपीठ-
 कछियईलीपहरणमिलिमिलिमिलंतखिप्पंतविजुजलविरचितममपहणभतले फुडप-
 हरणे महारणसंखभेरिवरतूरपउरपडुप(हडा)डहाहयणिणायगंमीरणंदिनपक्खुभिय-
 विपुलोसे ह्यगयरहजोहनुरितपसरितउद्धततमंधकारबहुले कातरनरणयणहिययवा-
 लकरे विलुलियउक्कडवरमउडतिरीडकुंडलोडुदामाडोविय[म्मि]पागडपडागउसिय-
 उज्जयवैजयंतिचामरचलंतछतंधकारग्गमीरे ह्यहेसियहत्थियुलुगुलाइयरहघणघणाइ-
 यपाइक्करहरराइयअप(फा)फोडियसीहना[या]यछेलियविधुद्धुकुट्टकंठगयसद्भीमगजिए
 सयराइहसंतरुसतकलकलरवे आसूणियवयणरुंहे]इमीमदसणाधरोट्टगाडद[हे](द)-
 द्दसप्प[ह]हार(कर)णुजयकरे अमरिसवसतिव्वरत्तनिहारितच्छे वेरदिद्धिकुद्धचिद्धिय-
 तिवलीकुडिलभिउडिकयनिलाडे वहपरिणयनरसहस्सविक्रमवियंभियबळे वग्गतनुर-
 गरहपहावियसमरभडा आवडियछेयलाघवपहारसाधिता समूसवियबाहुजुय(लं)ळे

मुक्कट्टहासपुक्कंतबोलबहुले फुर(फल)फलगावरणगहियगयवरपत्थितद(प्पि)रियभञ्ज-
 खलपरोप्परपलग्गजुद्दगन्वितविउसितवरासिरोसतुरियअभिमुरहपहरित्तच्छिककरिकरवि-
 भंगितकरे अवइ[द्व]दनिमुद्दभिज्जफालियपगलियरहरिकतभूमिकहमचिलिच्छिपट्टे
 कुच्छि(वि)दालियगलित[रलित]निभेत्तंतफुरफुरंतविगलमम्माहयविकयगाढदिज्ज-
 पहारमुच्छितरलंतवैभलविलावकलणे हयजोहभमंतदुरगउद्दाममतकुंजरपरिसंकि-
 जणनिञ्चुकच्छिअधयभग्गरहवरनट्टिसिरकारिकटेवराकिजपतितपहरणविकिजाभरण-
 भूमिभागे नच्चंतकबंधपउरभयंकरवायसपरिलेतगिद्धमंडलभमंतच्छायंधकारगंभीरे
 वसुवसुहविकंपितत्व पञ्चकखपिउवणं परमरुहवीहणगं दुप्पवेसरगं अभिवयंति संगम-
 संकडं परधणं महंता अवरे पाइक्कचोरसंघा सेणावतिचोरवंदपागञ्चिका य अडवीदेस-
 दुग्गवासी कालहरितरत्तपीतमुद्धिअणेगसयच्चिधपट्टबद्धा परविसए अभिहणंति लद्धा
 धणस्स कुजे रयणागरसागरं उम्मीसहस्समालाउलाकुलवितोयपोतकलकलेतकलियं
 पा(ता)याल(कलस)सहस्सवायवसवेगसलिलउद्धम्ममाणदगरयरयंधकारं वरफेणप-
 उरधवलपुलंपुलसमुट्टियट्टहास मारुयविच्छुभमाणपाणियजलमालुप्पीलहुलियं अविञ्च
 समंतओ खुभियल्लियखोखुब्भमाणपक्खलियचलियविपुलजलचक्खवालमहानईवेग-
 तुरियआपूरमाणगंभीरविपुलआवत्तचवलभममाणगुप्पमाणुच्छलंतपच्चोणियत्तपाणिय-
 पधावियखरफरुसपर्यडवाउलियसलिलफुट्टंतवीतिबल्लोलसंकुलं महामगरमच्छकच्छ-
 भोहारगाहतिमिंसुमारसावयसमाहयसमुद्दायमाणकपूरघोरपउरं कायरजणहिययक्क-
 षणं घोरमारसतं महब्भयं भयंकरं पतिभयं उत्तासणगं अणोरपारं आगासं चेव
 निरवलंबं उप्पाइयपवणधणितनोह्लियउवररितरंगदरियअतिवेगवेगचक्खुपहमुच्छ-
 रंतकच्छइगंभीरविपुलगज्जियगुंजियनिग्घायगरुयनिवतितसदीहनीहारिदूरसु[च्चं]वंत-
 गंभीरधु(गु)गधुगंतसइं पड्डिपहरुंमंतजक्खरक्खसकुहंडपिसायरुसियतजायउवसग्ग-
 सहस्ससकुल बहूप्पाइयभूयं विरचित्तबलिहोमधूवउवचारदिज्जहरिञ्जणाकरणयतजो-
 गपययचरियं परिणन्तजुगंतकालकप्पोवमं दुरंतमहानईनईव[इ]ईमहाभीमदरिसणिज्जे
 दुरण्णरं विसमापवेसं दुक्खुत्तारं दुरासयं लवणसलिलपुणं असियसियसमूसियगे(हि)-
 हिं दच्छ(हत्थ)तरकेहिं वाहणेहि अइवइत्ता समुद्दमउत्ते हणंति गंतूण जणस्स पोते
 परदव्वहरा नरा निरण्णकंपा नि(रा)रवयक्खा गामागरनगरखेडकब्बडमडंबदोण-
 मुहपट्टणासमणिगमजणवते य धणसमिद्धे हणंति थिरहिययच्छिलज्जा बंदिग्गह-
 गोग्गहे य गेण्हंति दारुणमती णिक्खिवा णियं हणंति छिदंति गेहसंधिं निक्खित्ताणि
 य हरंति धणधज्जदव्वजायाणि जणवयकुलाणं णिग्घणमती परस्स दव्वाहिं जे
 अविरया, तहेव केई अदिद्दादाणं गवेसमाणा कालाकालेसु संचरंता चियक्कापज-

लियसरसदरदङ्ककङ्कियकलेवरे रुहिरलित्तवयणअखतखातियपीतडाङ्णिभमंतभ(य)मं-
करं जंबुयन्त्रिक्रियते घ्यकथघोरसद्दे वेयालुट्टियनिसुद्धकहकहितपहसितवीहण-
कनिरभिरामे अतिदुष्मिभंगंधवीभच्छदरसणिज्जे सुसाणवणमुन्नघरलेणअंतरावणगिरि-
कंदरविसमसावयसमाकुलालु वसहीसु किलिस्संता सीतानवसोसियसरीरा दङ्कुच्छवी
निरयतिरियभवसंकडुक्खसंभारवेयणिजाणि पावकम्मणि संचिणंता दुल्लभक्खन्न-
पाणभोयणा पिवासिया झुंझिया किलंता मंसकुणिमकंदमूलजंकिच्चिकयाहारा उव्विग्गा
टप्पुया असरणा अडवीवासं उव्वेति वालसतसंकणिज्ज अयसकरा तकरा भयंकरा
त्ता(कस्)स हरामोत्ति अज्ज दव्वं इति सामत्थं करेति गुज्झं बहुयस्स जणस्स
कजकरणेसु विग्घकरा मत्तपमत्तपमुत्तवीसत्थच्छिद्घाती वसणब्भुदएसु हरणवुद्धी
विगव्व रुहिरमहिया परेति नरवतिमज्जायमतिकंता सज्जणजणदुगुच्छिया सकम्मेहिं
पावकम्मकारी असुभपरिणया य दुक्खभागी निच्चाइल्लदुहमनिव्वुइमणा इह-ल्लोके
चेव किलिस्संता परदव्वहरा नरा वसणसयसमावण्णा ॥ ११ ॥ त्थेव केइ परस्स
दव्वं गवेसमाणा गहिता य हया य बद्धरुद्धा य तुरियं अतिधाडिया पुरवरं समप्पिया
चोरगहचारभडचाडुकराण तेहि य कप्पडप्पहारनिद्दयआरक्खियखरफत्तसवयण-
तज्जणगलच्छल्लुच्छल्लणाहिं विमणा चारगवसाहिं पवेसिया निग्गवसहिसरिसं तत्थवि
गोम्मियप्पहारदुमणनिच्चच्छणकडुयवयणभेसण(गभया)गाभिभूया अक्खित्तनियं-
मणा मल्लिणदंडिखंडनिवसणा उक्कोडालंचपासमग्गणपरायणेहिं (दुक्खसमुदीरणेहिं)
गोम्मियभडेहिं विविहेहिं बंधणेहिं, किं ते ?, इड्डिनिगड[वा]वालरज्यकुदंड-
गवरत्तलोहसकलहत्थंदुयबज्जपट्टदामकणिक्कोडणेहिं अच्चेहिं य एवमादिएहिं गोम्मिक-
भंडोवकरणेहिं दुक्खसमुदीरणेहिं संकोड[ण]मोडणाहिं बज्झंति मंदपुण्णा संपुड-
कवाडलोहपंजरभूमिघरनिरोहकूवचारगकीलगज्यच्चक्कविततबंधणखंभालण उद्धचलण-
बंधणविहम्मणाहिं य विहेडयन्ता अवकोडकगाडउरसिरबद्धउद्धपूरितफुरंत उरकडग-
मोडणाभेडणाहिं बद्धा य नीससंता सीसावेड[उ]ऊरुया[व]लचप्पडगसंधिबंधणतत्त-
सलागसूयाकोडणाणि तच्छणविमाणणाणि य खारकडुयतित्तनावणजायणाकारण-
सयाणि बहुयाणि पावियंता उरक्खोडीदिज्जगाडपेळ्णअट्टिकसंभग्गमुपंसुलीगा गलका-
लक्कोहदंडउरउदरवत्थि-पिट्ठि-परिपीलिता म[त्थं]च्छंतहिययसंचुण्णियं(गुप)गमंगा
आणत्ताकिकरेहिं केति अविराहियचेरेएहिं जमपुरिससन्निहेहिं पहया ते तथ
मंदपुण्णा चडवेलावज्जपट्टपाराईछिवकसलतवरत्त[ने]वित्तप्पहारसयतालियंगमंगा
क्खिण्णा लंबंतचम्मवणवेयणविमुहियमणा घणकोट्टिमनियलजुयलसंकोडियमोडिया य
कीरेति निच्छारा एया अच्चा य एवमादीओ वेयणाओ पावा पावेति अदन्तिदिया

वसद्वा बहुमोहमोहिया परधर्णमि लुद्धा फासिदियविसयतिव्वगिद्धा इत्थिगयरूवसद्-
रसगंधइद्धरतिमहितभोगतण्हाइया य धणतोसगा गहिया य जे नरगणा पुणरवि ते
कम्मदुव्वियद्धा उवणीया रायकिंकराण तेमिं वहसत्थगपाडयाणं विलउलीकारकाणं
लंच्चसयणेण्हागाणं कूटकवडमायानियडिआयरणपणिहिंवंचणविसारयाणं बहुविहअलि-
यसतजंपकाणं परलोकपरम्मुहाणं निरयगतिगामियाणं तेहि य आणत्तजीयदंडा
तुरि(य)यं उग्घाडिया पुरवरे सिंघाडगतियचउक्कचच्चरचउम्मुहमहापहपहेसु वेत्तदंड-
लउडकट्टलेट्टुपत्थरपणाालिपणोळ्ळिमुट्टिलयापादपणिहजाणुंकोप्परपहारसंभग्गमहियगत्ता
अट्टारसकम्मकारणा जाह्यंगमंगा कल्लणा मुक्कोट्टकंठगलकतालुजीहा जायंता पाणीयं
विगयजीवियामा तण्हादिता वरागा तंपिय ण लभंति वज्जपुरिसेहिं धाडियंता तत्थ
य खरफरुसपडहघट्टितकूडग्गहगाडरुद्धनिसट्टपरामुद्धा वज्जकरकुडिजुयनियत्था नुरत्त-
कणवीरगहियविमुकुलकंठेगुणवज्जदूतआविद्धमल्लदामा मरणभयुप्पणसेदआयत्तणे-
हुत्तुपियकिल्लजगता चुण्णगुंडियसरीररयरेणुभरियकेमा कुंभंगोक्किचमुद्धया छिज्जजी-
वियासा घुन्नंता वज्ज[या]पाण[भीता]पीया तिलं तिलं चेव छिज्जमाणा सरीर-
विकिन्तलोहिओलि[ना]त्तकागणिमंसाणि खविथंता पावा खर[फर]करसएहिं
ताल्लिज्जमाणदेहा वातिकनरनारिसंपरिवुद्धा पेच्छिज्जंता य नागरजणेण वज्जनवेत्थिया
पणेज्जंति नयरमज्जेण किवणकल्लणा अत्ताणा असरणा अणाहा अबंधवा बंधुविप्पहीणा
विपिक्खिता दिसोदिमिं मरणभयुव्विरगा आघायणपडिडुवारसंपाविया अधन्ना
सूलग्गविलग्गभिन्नदेहा, ते य नत्थ कीरंति परिकपियंगमंगा उल्लंभिज्जंति स्वस्सालामु
केइ कल्लणाइं विलवमाणा अवरे चउरंगधणियवद्धा पव्वयकडगा पमुच्चंते दूरपात-
बहुविसमपत्थरसहा अच्चे य गयचलणमलयनिम्महिया कीरंति पावकारी अट्टारस-
खंडिया य कीरंति मुंडपरमूहिं केइ उक्कत्तकन्नोद्धनासा उप्पाडियनयणदसणवसणा
जि[ब्भिमिदियं]ब्भंलि[या]यछिन्नकन्नसिरा पणिज्जंते छिज्जन्ते य असिणा निव्विसया
छिन्नहत्थपाया पमुच्चंते जावजीवबंधणा य कीरंति केइ परदव्वहरणलुद्धा कारग्गल-
नियलजुयलरूद्धा चारगा[व]ए हनसारा सयणविप्पमुक्का मिनजणनि[रिक्खि]र[क्कि]-
क्या निरासा बहुजणधिकारसइलजायिता (अलजाविया) अलजा अणुबद्धखुहापार-
द्धसीउण्हत्तण्वेयणदुग्घट्टघट्टिया विवन्नमुहविच्छविया विहलमतिलदुब्बला किलंता
कासंता वाहिया य आमामिभूयगत्ता परूडनहकेसमंसुरोमा छगमुत्तंसि णियंगमि
खुत्ता तत्थेव मया अकामका बंधिऊग पादेसु कड्डिया खाइयाए लूडा तत्थ
य ब(ब)गमुणगसियालकोलमजारवंदसंदंसगतुंडपक्खिगणविविहुमहसय[ल]विल्ल-
गत्ता क्यविहंगा केइ किमिणे य कुहियदेहा अणिट्टवयणेहिं सप्पमाणा सुद्धु कयं जं

मउत्ति पावो तुट्टेणं जगेण हम्ममाणा लज्जावणका य हौति सयणस्सवि-य वीहकालं
 मया संता, पुणो परलोगसमावजा नरए गच्छंति निरभिरामे अंगारपलितककप्प-
 वत्तत्तसीतवेदणअस्साउदिन्नसयतदुक्खसयसमभि(भू)हुते ततोवि उव्वट्टिया
 समाणा पुणोवि प(डि)वज्जंति तिरियजोणिं तर्हिपि निरयोवमं अणुहवंति वेयणं, ते
 अणंतकालेण जति नाम कहिं(वि-वि)पि मणुयभावं लभंति गेगेहिं गिरयगतिगमणति-
 रियभवसयसहस्सपरियेद्वेहिं तत्थवि-य भवं[त]तिऽणारिया नीचकुलममुप्पण्णा
 आरियजगेवि लोणवज्जा तिरिक्खभूता य अकुसला कामभोगतिसिया जहिं निबंधंति
 निरयवत्तणिभवप्पवंच करणपणोळ्ळि पुणोवि संसा(र)रावत्तणेममूले धम्मदुत्तितिविजिया
 अणजा कूरा सिच्छतत्तुतिपवत्ता य हौति एगंतदंडइणो वेहंता कोसिकारकीडोव्व
 अप्पगं अट्टकम्मनंतुधणबंधणेणं एवं नरगतिरियनरअमरणमणपेरनचक्खवालं जम्म-
 जरामरणकरणगम्भीरदुक्खपत्तुभियपउरमलिलं संजोगवि[यो]ओगवीचीचितापसंग-
 पसरियवहवंधमहल्लविपुलकल्लोलकल्लणविलवितलोभकलकलितनवोलबहुल अवसाण-
 फेणं निव्वसितणपुणंपुलपभूयरोगवेयणपराभवाविणिवातफहसधरिसणसमावडियक-
 ट्ठिणकम्मपत्थरनरंगंतनिक्खमसुभयतोयपट्टं कसायपायान्सकुलं भवमयमहस्सजल-
 संचयं अणंतं उव्वे(व)यणयं अणोरपारं महच्चभयं भयंकरं पडभयं अपरिमियमहिच्छ-
 कलुममनिवाउवेगउद्धम्ममाणआसापिवासापायालकामरतिरागदोसंघंणबहुविहसंक-
 प्पविपुलदगरयरयंधकारं मोहमहावणभोगभममाणगुप्पमाणुच्छलंतवहुगम्भवासपञ्चो-
 णियत्तपाणि[यं]यप(बाहिय)धावितवमणसमावज्जहसचंडमाहयममाहयामणुजवीची-
 वाकुलितभग्गफुट्टंनिट्टकल्लोलसंकुलजत्तं पमानबहुचंडुट्टसावयसमाहयउद्धायमाणग-
 पूरधोरविद्धंमण्यबहुलं अण्णाणभसंतमच्छपरिहृ[त्थं]थअनिहुत्तिदियमहाभगरतुरिय-
 चरियखोच्छुममाणसंतावनि[त्तं]च्चयत्तत्तच्चवलचंचलअत्ता(ण)णाऽमरणपुव्वकयक-
 म्मसंचयोदिन्नवज्जवेइज्जमाणदुहसयविपाक्खुत्तंतजलसमूहं इट्ठिरममायगारवोहारव-
 हियकम्मपडिबद्धसत्तकक्खिज्जमाणनिरयत्तलहुत्तमज्जविमज्जबहु[ला]लअरइभयविसा-
 ययोगमिच्छत्तमेत्तसंका[दं]इअणात्तिसंताणकम्मबंधणकिल्लंमक्खिक्खत्तुत्तारं अमर-
 नरतिरियनिरयगतिगमणकुडिलपरियत्तविपुलवेले हिंसालियअदत्तादाणमेहुणपरिग्ग-
 हारंभकरणकारावणाणुमोदणअट्टविहअणिट्टकम्मापिडित्तुग्गभारकंत्तदुग्गजलोयपूर-
 णोळ्ळिज्जमाणउत्त(मु)मग्गनि-मग्गदुल्लभतलं सारीरमणोमयाणि दुक्खाणि उपपियंता
 सातस्सायपरिजावणमयं उच्चुट्टुनिबुट्टुयं करंता चउरंतमहंतमणवयग्गं (हंरं) इहंसंसार-
 सागरं अट्टि[यं]यअणालंबणमपनिटाणमप्पमेयं सुलसीतिजोणिसयसहस्सयुविलं अणा-
 लोक्कर्मधकारं अणंतकालं निच्चं उच्चयसुण्णभयसण्णसंपउत्ता (संसारसागरं) वसंति

उखिगावासवसहिं जहिं आउर्यं निबंधंति पावकम्मकारी बंधवजणसयणमित्तपरि-
 वज्जिया अणिट्ठा भवंति अणादेज्जदुब्बिणीया कुठाणासणकुसेज्जकुभोयणा असुण्णो
 कुसंधयणकुप्पमाणकुसंठिया कुरूवा बहुकोहमाणमायालोभा बहुमोहा धम्मसजसम्मत्त-
 पब्भट्ठा दारिदोवह्वाभिभूया निच्चं परकम्मकारिणो जीवणत्थरहिया किविणा पर-
 पिडतक्का दुक्खल्लद्दाहारा अरसविरसतुच्छकयकुच्चिपूरा परस्स पेच्छंता रिद्धि-
 सक्कारभोयणविसेससमुदयविहिं निंदंता अप्पक कयंतं च परिवयंता इह य पुरेकडाई
 कम्माई पावगाई विभणमो सोएण डज्जमाणा परिभूया हौंति सत्तपरिवज्जिया य
 लोभासिप्पकलासमयसत्थपरिवज्जिया जहाजायपसुभूया अवियत्ता णिच्चनीयकम्मो-
 चजीविणो लोयकुच्छणिजा मोघमणोर[हा]हनिरासबहुला आसापासपब्धिबद्धपाणा
 अत्थोपायाणकाममोक्खे य लोयमारे हौंति अफलवंतका य सुद्धुविय उज्जमंता
 तद्धिवसुज्जत्तकम्मकयदुक्खसंठवियसित्थपिडसंचयप[क]राखीणदव्वसारा निच्चं अधुव-
 धणधणकोसपरिभोगविबज्जिया रहियकामभोगपरिभोगमव्वसोक्खा परसिरिभोगोव-
 भोगनिस्साणमग्गणपरायणा बरागा अकामिकाए विणोति दुक्खं णेव सुहं णेव
 निव्वुंति उवलभंति अच्चंनविपुलदुक्खसयसंपलिता परस्स दव्वेहिं जे अविरया,
 एसो सो अदिण्णादाणस्स फलविवागो इहलोइओ पारलोइओ अप्पसुहो बहुदुक्खो
 महम्मओ बहुरयप्पगाओ दारुणो कक्कसो असाओ वामसहस्सेहिं मुच्चति, न य
 अवैयहत्ता अत्थि उ मोक्खोति, एवमाहंसु णायकुल-गंदणो महप्पा जिणो उ
 वीरवरनामधेज्जो कहेसी य अदिण्णादाणस्स फलविवागं एयं तं तनियंपि अदि-ण्णा
 दाणं हरदहमरणभयकल्लसतामणपरसंतिकमेज्जलोभमूलं एवं जाव चिरपरिगतमणु-
 गतं दुरंतं तनियं अहम्मदारं समत्तं तिबेस्सि ॥ १२ ॥ जंबू । अबंभं च चउत्थं
 सदेवमणुयासुरस्स लोयस्स पत्थणिज्जं पंकपणयपासजालभूयं थीपुरिसनपुंसवेदविधं
 तवसंजमबंभचेरविग्घं भेदायतणबहुपमादमूलं कायरकापुरिससेवियं सुयणजणवज्ज-
 णिज्जं उच्चनरयतिरियतिरोक्कपइट्ठाणं जरामरणरोगसोगबहुलं वधबंधविधातदुब्बिघायं
 दंसणचरित्तमोहस्स हेउभूयं चिरपरि[गय]न्चित्तमणुगयं दुरंतं चउत्थं अधम्मदारं
 ॥ १३ ॥ तस्स य णामाणि गोत्ताणि इमाणि हौंति तीस, तं०-अबंभं १ मेहुणं
 २ चरंतं ३ संसग्गि ४ सेवणाधिकारो ५ संकप्पो ६ बाहणा पदार्णं ७ दप्पो
 ८ मोहो ९ मणसंखेवोस्सोभो १० अणिग्गहो ११ बुग्गहो १२ विघाओ १३
 विभंगो १४ विव्भमो १५ अधम्मो १६ असीलया १७ गामधम्म[ति]त्ती १८ रत्ती
 १९ राग(चित्ता)कामभोगमारो २१ वेरं २२ रहस्सं २३ गुज्जं २४ बहुमाणो २५
 बंभचेरविग्घो २६ बावत्ति २७ विराहणा २८ पसंगो २९ कामगुणोत्ति ३० विय

तस्स एयाणि एवमादीणि नामधेजाणि होति तीसं ॥ १४ ॥ तं च पुण निसेवंति
सुरगणा सअच्छरा मोहमोहियमनी असुरभुयगगहलविज्जुजलणवीवउदहिदिसिपवण-
यणिया १० अणवक्षिपणवजियइसिवादियभूयवादियकंदियमहाकंदियकूहउपयंगदेवा
८ पिसायभूयजक्खरक्खसकिनरकिपुरिसमहोरगगंबव्वा ८ तिरियजोडमविमाणवासि-
मणुयगणा जलयरथलयर-वहयरा य मोहपडिबद्धचिन्ता अवितण्हा कामभोगतिसिया
तण्हाए बलवईए महईए समभिभूया गडिया य अतिमुच्छिया य अबंमे उस्सण्णा
तामसेण भावेण अणुमुक्का दंसगचरितमोहस्स पंजरं पिव करेति अ(णमण्णं)ओऽन्नं
सेवमाणा, भुजो असुरसुरतिरियमणुअभोगरतिविहारसंपउत्ता य चकवट्टी सुरनरवति-
सक्या सुरवह्व देवलोए भरहणगणगरणि[य]गमजणवयपुरवरदोणमुहखेडकब्बड-
मडंबसंवाहपट्टणमहस्समंडियं यिमियमेयणियं एगच्छत्तं मसागरं मुंजिऊण वसुहं नर-
सीहा नरवई नरिदा नरवमभा मक्षयवसभकप्पा अब्भहियं रायतेयलच्छीए दिप्पमाणा
सोमा रायवंसतिलगा रविसंसंखवरचक्खसोत्थियपडागजवमच्छकुम्मरहवरभगभ-
वणविमाणतु(ग्ग)रयनोरणगोपुरमणिरयणनंदियावत्तमुमलणंगल्लमुरइयवरकप्पकस्स-
मिगवतिभद्दामणसुहविधुभवरमउत्तरियकुंडलुंजरवरवसभदीवसंदिराकलद्धयईद-
केउदप्पणअट्टावयचाववाणनक्खलमंहमेहलवीणाजुगच्छतदामदासिणि कम्मंडलुकमल्ल-
घंटावरपोतमुइसागरकुमुदागरमगरहारगागरनेउरणगणगरचदरकिन्नरभयूरवरायहं-
ससारसचकोरचक्खवागमिहणचामरखेडगपव्नीसगविपंचिवरतालियंउत्तिसियाभिसेयमे-
इणिस्रगंकुसविमलकलसभिगारवद्धमाणगपसत्थउत्तमविभत्तवरपुरिसलक्खणधरा ब-
त्तीसं वरगयसहस्साणुजायमरगा चउसट्टिसहस्सपवरजुवनीण णयणकंता रत्ताभा पड-
मपह्कोरंउगदामचंपकसुत(त्त)यवरकगकनिहमव-ण्णा सुजायसव्वंगमुंदरंगा महउधव-
रपट्टणुग्गयविच्चिरागणुणियेणिणिम्मियदुग्गुवरचीणपट्टकोनेज्जमोणीसुणकविभूसियंगा
वरसुरभिरंघवरचुण्णवामवरकुसुमभरियमिरया कापियछेयायरियमुकयरईत्तियमाल-
(कुं)कड(लं)गंगयतुडियपवरभूयणपिणद्धदेहा एकावलिकंउसुरइयवच्छा पालंबपलंब-
माणसुकयपडउत्तारंज्जमुहियापिगलंगुलिया उज्जलनेवत्थरइयचेल्लगविरायमाणा तेएण
दिवाकलोव्व दिन्ता सारयनवत्थणियमहुरगंभीरनिद्धघोसा उपपन्नमत्तरयणचक्खरय-
णप्पहाणा नवनिह्दि(य)वहणो समिद्धकोसा चाउरंता चाउराहिं सेणाहिं समणुजातिज्ज-
माणमग्गा नुरावती गयवती रहवती नरवती विपुलकुलवीसुयजसा सारयससिसकल-
सोमवयणा सुरा तेलोक्कतिग्गयपभावलद्धसद्दा समनभरहाहिवा नरिदा ससेलक्खणकणणं
च हिमवंतसागरंतं धीरा भुत्तण भरहवासं जियसत्तु पवररायसीहा पुव्वकल्लतवप्पभावा
निविट्टसंचियसुहा अणेगन्नाममयमायुवंतो भज्जाहि य जणवयप्पहाणाहिं लालियंता

अतुलसहफरिसरसरुवर्गधे य अणुभवेता तेवि उवणमंति मरणधम्मं अवितत्ता कामाणं । भुजो [भुजो] बलदेववासुदेवा य पवरपुरिसा महाबलपरकमा महाधनु-
वियदृका महासप्तसागरा दुद्धरा धणुद्धरा नरवसभा रामकेसवा भायरो सपरिसा
वसुदेवसमुद्विजयमादियदसाराणं पज्जुन्नपतिवसंबनिरुद्धनिसहउम्मुयसारणगयसु-
मुहदुम्मुहादीण जायवाणं अद्दुडाणवि कुमारकोबीणं हिययदयिया देवीए रोहिणीए
देवीए देवकीए य आणंदहिययभावनेंदणकरा सोलसरायवरसहस्साणुजातमग्गा
सोलसदेवीसहस्सवरणयणहिययद[यि]इया णाणामणिकणगरयणमोत्तियपवलधब्ब-
धन्नसंचयरिद्धिसमिद्धकोसा हयगयरहसहस्ससामी गामागर-णगरखेडकब्बडमडंबदो-
णमुहपट्टणासमसं(बा)वाहसहस्सयिमियणिव्वुय-प-मुदितजणविविह[मस्]सासनिप्फ-
ज्जमाणमेइणिसरसरियतलागसेलकाणणआरामुजाणमणाभिरामपरिमंडियस्स दाहिण-
द्वेयद्वुगिरिविभत्तस्स लवणजलहिपरिगयस्स छव्विहकालगुणकामजुत्तस्स अद्धमर-
हस्स सामिका धीरकित्तिपुरिसा ओहबला अइबला अनिहया अपराजियसत्तुभट्टण-
रिपुसहस्समाणमहणा साणुकोमा अमच्छरी अचवला अन्नंडा मित्तमंजुलपलावा-
हसियगंभीर-महुर(परिपुण्णसच्चयणा)भणिया अब्भुवगयवच्छला सरण्णा लक्ख-
णर्वजणगुणोववेया माणुम्माणपमाणपडिपुत्तगुजायसव्वंगसुंदरंगा सत्तिसोमागारकंत-
पियदंसणा अमरिसणा पयंडडंढप्पयारगंभीरदरिसणिज्जा तालद्धउव्विद्धगरुलकेऊ
बलवगगजंतदरितदपितमुट्टियत्ताणुर(चू)मूरगा रिद्धवसभधातिणो केसरिसुहविप्प-
डगा दारितनागदप्पमहणा जमलज्जुणमंजगा महासउणिपूतणारि[ऊ]वू कंमउड-
मोडगा जरासिंभमाणमहणा तेहि य (अब्भपडलापेगलुजलेहिं) अविरलसमसहिय-
चंडमंडलसमप(हे)भेहिं (मंगलसयभत्तिच्छेयचित्तियरिखिखिणिमणिहेमजालविरइयप-
रिगयपेरंतकणयधंठियपयलियस्त्रिणिस्त्रिणितसुमहुरसुइसुहसहाल्लसोहिएहिं सपयरगसु-
तदामलंबंतभूसणेहिं नरिंदनामप्पमाणहंदपरिमंडलेहिं सीयायववायवरिसविसदोसणा-
सएहिं तमरयमलबहुलपडलधाडणपहाकरेहिं मुद्धसुहसिचच्छायसमणुबदेहिं वेळि-
यदंडसज्जिएहिं बयारामयवत्थिणिउण जोइयअडसहस्सवरकंचणसलागानिम्मिएहिं सुधि-
मलरययसुद्धुच्छइएहिं णिउणोवियमिसिमिसित्तमणिरयणसूरमंडलवित्तिमिरकरनिग्गव-
पडिहयपुणरविपन्नोवयंतचंचल-सूर-(म)मिरी(इ)यकवयं विणिग्गुयंतेहिं सपतिदंडेहिं
आयवत्तेहिं धरिज्जंतेहिं विरार्यता ताहि य पवरणिरिद्धरविहरणसमुट्टियाहिं निरुवहव-
चमरपच्छिमसरीरसंजाताहिं अमल्लसियकमलविमुक्कुलुज्जलितरयत्तियिरिसिहरविमल-
ससिक्किरणसरिसकलहोयानिम्मलाहिं पवणाहयचबलचलियसललियपणावियवीइप्प-
रियलीरोदगपवरसागहप्पूरचंचलाहिं भाणससरपसरपरिवियावासविसदवेसाहिं क-

गगिरिसिहरसंसिताहि उवाउप्पातचवलजयिणसिग्घवेगाहिं हंसवधूयाहिं चैव कलिया
नाणामणिकणगमहरिहतवणिज्जुज्जलविचित्तंडाहिं सललियाहिं नरवतिसिरिसमुदय-
प्पगासनकरीहिं वरपइणुग्गयाहिं समिद्धरायकुल्लसेवियाहिं कालागुरुपवर कुंदुक्कतु-
क्कधूवव[र]सवासविसदग्ंधुद्धूयाभिरामाहिं चिल्लिकाहिं उभयोपासंपि चामराहिं
उत्तिस्वप्पमाणाहिं सुहसीतलवातवीतियंगा अजिता अजितरहा हलमुसलकणगपाणी
संखचक्कगयसनिणंदगधरा पवरुज्जलसुकतविमलकोभूमतिरीडधारी कुंडलउज्जोविया-
णणा पुंडरीयणयणा एगावलीकंठरतियवच्छा सिरिबच्छमुल्लंछणा वरजसा सव्वोउय-
सुरभिकुमुमसुरइयपलंबसोहंतवियसंतचित्तवणमालरतियवच्छा अट्टसयविभत्तलक्खण-
पसत्यसुंदरविराइयंगमंगा मत्तगयवरिंदललियविक्रमविलसियगती कडिसुत्तगनील-
पीतकोसिज्जवाससा पवरदित्ततेया सारयनवधणियमहुरंगंभीरनिद्धोसा नरसीहा सीह-
विक्रमगई अत्यमि(य)या पवररायसीहा सोमा वा[वा]रवइपुञ्जचंदा पुव्वकयनवप्प-
भावा निविट्टसंचियसुहा अणेगवाससयमा(तु)युवंतो भज्जाहि य जणवयप्पहाणाहिं
लालियंता अनुलसद्दफिरसरमरुवगंधे अणुभवेत्ता ने-वि उवणमंति मरणधम्मं अवितात्ता
कामाणं । भुज्जो मंडलियनरवरेंदा सबला सअंतेउरा सपरिमा सपुगेहिया[५]मच्चदंड-
नायकसेणावतिमंतनीतिकुसला नाणामणिरयणविपुलधणधज्जसंचयनिहीसमिद्धकोसा
रज्जसिंरि विपुलमणुभविता विक्रोसेता यलेण मत्ता तेवि उवणमंति मरणधम्मं अवितात्ता
कामाणं । भुज्जो उत्तरकुरुदेवकृष्णविवरपा[य]दचारिणो नरगणा भोगुत्तमा भोगल-
क्खणधरा भोगसस्मिरीया पसत्यसोमपडिपुण्णरुवद(र)रिमणिजा मुजातसव्वंग-
सुंदरंगा रत्तुप्पलपत्तकंतकरचरणकोमलतला मुपइट्टियकुम्मचारुचलणा अणुपुव्वट्ट
(जायपीवर)संहयंगुलीया उन्नयतणुत्तंबनिद्धनखा संठि(त)यमुसिलिद्धगुहगोका एणी-
कुरुविदवत्तवइणुपुञ्जिजंधा समुग्गनि(मु)सग्गगूहजाणू वरवारणमत्ततुक्कविक्रमविला-
सितगती वरनुरगमुजायगुग्गदेगा आइच्चइयच्च निरुत्तलेवा पमुइयवरनुरगसीहअति-
रेगवट्टियकडी गंगावत्तदाहिणावत्ततरंगभंगुरसिक्किरणबोहियविकोसायंतपम्हगंसीर-
विगडनाभी साहनसोणंदमुसलदप्पणनिगरियवरकणगच्छरुसरिसवरबइरबलियमज्जा
उज्जुगसमसहियजच्चतणुकुसिणिद्धआदेज्जलडइमूमालमउयरोमराई ज्ञसविहगमुजा-
तपीणकुच्छी शसोदरा पम्हविगडनाभा संनतपासा संगयपासा सुंदरपासा सुजात-
पासा मितमाइयपीणरइयपासा अकरंडुयकणगरुयगनिम्मलमुजायनिच्चइयदेहवारी
क्कणसिलातलपसत्यसमतलउवइयविच्छिक्कपिहुलक्कळा जुयसंनिभपीणरइयपीवर-
पउट्टसंठियमुसिलिद्धविसिद्धलट्टमुनिचित्तघणथिरसुवदसंधी पुरवरवरफलिहवट्टियमुसा
मुयईसरविपुलभोगआयाणफलिउच्छूडवीहवाहू रत्ततलोवतियमउयमंसलमुजायक्क-

क्खणपसत्थअच्छिद्दजालपाणी पीवरसुजायकोमलवर्गुली तंबतल्लिणसुद्धलनिद्ध-
 न-क-खा निद्धपाणिलेहा चंदपाणिलेहा सूरपाणिलेहा संखपाणिलेहा चक्खपाणिलेहा
 दिसामोवत्थियपाणिलेहा रविससिसंखवरचक्कदिसासोवत्थियविभत्तसुविरइयपाणिलेहा
 वरमहिसवराह[सीह]सहूल[सी](सि)रिसहनागवरपडिपुञ्जविउलखंवा चउरगुलसुप्प-
 माणकंबुवरसरिसग्गीवा अवद्वियसुविभत्तचित्तमंस् उवचियमंसलपसत्थसहूलविपुलह-
 णुया ओयवियसिलप्पवालबिबफलसंनिभाधरोट्टा पंडुरससिसकलविमलसंखगोष्ठीर-
 फेणकुंददगरयमुणालियाधवलदंतसेठी अखंडदंता अप्फुडियदंता अविरलदंता सुणि-
 द्ददंता सुजायदंता एगदंतसेडिन्व अणेगदंता हुयवहनिद्धंतधोयतत्तवणिज्जरत्तत-
 [ला]लतालुजीहा गरुलायतउज्जुतुंगनासा अवदालियपौबरीयनयणा कोकासियधवल-
 पत्तलच्छा आणामियचावसुद्धलकिण्हम्भराजिसंठियसंगयायसुजायभुमगा अहीणप-
 माणजुत्तसवणा सुमवणा पीणमंसलकवोलदेसभागा अचिरुमायबालचंदसंठियमहा-
 निडाला उडुवतिवि पडिपुञ्जसोमवयणा छत्तागारुत्तमंगदेसा घणनिचियसुबद्धलक्ख-
 णुज्यकूडागारनिभपिडियगगसिरा हुयवहनिद्धंतधोयतत्तवणिज्जरत्तकैसंतकैसभूमी
 सामलीपोंडघणानिचियछोडियमिउविसत्तपसत्थसुहुमलक्खणसुगंधिसुंदरभुयभोगभि-
 गनीलकज्जलपहट्टभमरगणनिद्धनिगुरुंबनिचियकुंचियपयाहिणावत्तमुद्धसिरवा सुजात-
 सुविभत्तसंगयं(गमं)गा लक्खणवंजणगुणोववेया पसत्थवत्तीसलक्खणघरा इंसस्सरा
 कुंचस्सरा दुंदुभिस्सरा सीहस्सरा ओघ(उज्ज)सरा मेघसरा सुस्सरा सु[र]सरनिग्घोसा
 वज्जरिसहनारायसंघयणा समचउरंससंठाणसंठिया छायावज्जोवियगमंगा पसत्थच्छवी
 निरातंका कंकग्गहणी कवोत्तपरिणामा सणुणियोसपिण्डुंतरोरुपरिणया पउमुप्पलसरि-
 संगंधुत्साससुरभिवयणा अणुलोमवाउवेगा अवदायनिद्धकाला विग्गहियउत्तयकुल्लो
 अमयरसफलाहारा तिगा[ऊ]उयसमूसिया तिपत्तिओवमद्वि(ती)तिका तिचि य पत्ति-
 ओवमाई परमाउं पालयित्ता ते-वि उवणमंति मरणधम्मं अवि[त]तिता कामाणं ।
 पमया-वि य तेत्तिं होति सोम्मा सुजायसव्वंगसुंदरीओ पहाणमहिलागुणेहिं जुत्ता
 अतिकंतविसप्पमाणमउत्तसुत्तमालकुम्मसंठियसिल्लिह्व[र]लणा उज्जुमउयपीवरसुप्पा-
 हंतगुत्तीओ अम्भुत्तरतिततल्लिणतंबसुद्धनिद्धनखा रोमरहियवट्टसंठि[अ]यअजह्वप-
 सत्थलक्खणअकोप्पजंघजुयला सुण्णिम्मित्तसुनिगूडजाभूमंसलपसत्थसुबद्धसंधी कयली-
 खंभातिरेकसंठियनिव्वणसुत्तमालमउयकोमलअविरलसमसहितसुजायवट्टपीवरनिर-
 न्तरोल अट्टावयवीडपट्टसंठियपसत्थविच्छिन्नपिहुलसोणी वयणायामप्पमाणसुगुणिय-
 विसाल्मंसलसुबद्धजह्वणवरधारिणीओ वज्जविराइयपसत्थलक्खणनिरोद्रीओ तिक्कि-
 वलियतणुनभियमज्जियाओ उज्जुवसमसहियज्जत्तपुकसिणनिद्धआदेज्जलट्टहसुत्तमास-

मउयसुविभत्तरोमरानीओ गंगावत्तगपदाहिणावत्ततरंगंभंगरविकिरणतरुणबोधितआ-
कोसायंतपउमगंभीरविगडनाभा अणुभंडपसत्यसुजातपीणकुच्छी सन्नतपासा सुजात-
पासा संगतपासा मियमायियपीणरतितपासा अकरंदुयकणगरुयगनिम्मलसुजाय-
निह्वइयगायलट्टी कंचणकलसपमाणसमसहियलट्ट[चू]त्रु(चू)चुयआमेलगजमलजुय-
लवट्टियपओहराओ भुयंगअणुपुव्वतणुयगोपुच्छवट्टसमसहियनमियआदेज्जलडहवाहा
तंबनहा मंसलग्गहत्था कोमलपीवरवरंगुलीया निद्धपाणिलेहा ससिसूरसंखचक्कवर-
सोत्थियविभत्तसुविरदियपाणिलेहा पीणुण्णयकक्खवत्थियप्पदेसपडिपुक्कगालकवोला चउरं-
गुलसुप्पमाणकंबुवरसरिसगीवा मंसलसंठियपसत्यहणुया दालिमपुप्फप्पगामपीवरप-
लंबकुंक्वितवराधरा सुंदरोतोट्टा दधिदगरयकुंदचंदवासंतिमउलअच्छिह्विमलदसणा
रत्तुप्पलपउमपतसुकुमालतालुजीहा कणवीरमुउलडकुडिलडब्भुजयउत्तुंगनासा सार-
दनवकमलकुमुतकुवलयदलनिरगरसरिसलक्खणपसत्यअजिम्हकंतनयणा आनामिय-
चावरुइलकिण्हम्भराइसंगयसुजायतणुकसिणनिद्धभुमगा अल्लीणपमाणजुनमवणा सुस्म-
वणा पीणमट्टगंडलेहा चउरंगुलविमालसमनिडाला कोमुदिरयणिकरविमलपडिपुक्क-
सोमवदणा छत्तुजयउत्तमंगा अक्कविलसुसिणिद्वीहसिरया छनज्जयजूवधूमदासिणिक-
मंडलुकलसवाविसोत्थियपडागजवमच्छकुम्भग[ह]यवरमकज्जयअंकयालअंकुसअट्टा-
वयसुपइट्ट(मयू)अमरसिरियाभिसेयनोरणमेइणिउदधिवरपवरभवणगिरिवरवरायंसस-
ललियगयउसभसीह्वाभरपसत्यवतीसलक्खणधरीओ हंसमरि(त्य)च्छगतीओ
कोइलमहुरगिराओ कंता सव्वस्स अणुमयाओ ववगयवलिपलिनवंगदुव्वन्नवाधिदोहग्ग-
सोयमुक्काओ उच्चतेण य नराण थोत्रूणमूसियाओ गिंगारागारचारुवेमाओ सुंदरयण-
जहणवयणकरचरणयणा लावक्करुवजोव्वणगुणोववेया नंदणवणविवरचारिणीओव्व-
अच्छराओ उत्तरकुस्माणुसच्छराओ अच्छेरगपेच्छणिज्जियाओ तिलि य पल्लिओक्कमाइं
परमाउं पालयिता ताओडवि उवणमंति मरणधम्मं अवित्तिता कामाणं ॥ १५ ॥
मेहुणसञ्जासंपगिद्धा य मोहभरिया सत्येहिं हर्णति एक्कमेक्कं विसयविस उठीएए,
अवरे परदारेहिं हम्मंति वि(मु)सुणिया धणनासं सयणविप्पणासं च पाठर्णति, परस्स
दाराओ जे अविरया मेहुणसञ्जसंपगिद्धा य मोहभरिया अस्सा इत्थी गवा य
महिसा मिगा य मारैति ए[क्के]क्कमेक्कं, मणुयगणा वानरा य पक्खी य विरुज्जति,
मिताणि स्त्रियं भवंति सत्तू समये धम्मे गणे य भिदंति पारदारी, धम्मगुणरया य
बंधयारी खणेण उल्लोहए चरिणाओ जसमन्तो सुव्वया य पावैति अ[य(ज)स]किंति
रोगता वाहिया पवड्ढिंति रोयवाही, दुवे य लोया दुआराहगा भवंति-इहओए चेव
परलोए परस्स दा(र)राओ जे अविरया, तहेव केइ परस्स दारं गवेसमाणा गहिया

हया य बद्धददा य एवं जाव गच्छति विपुलमोहाभिभूयसन्ना, मेहुणमूलं च द्रव्वए
तत्थ तत्थ वत्तपुव्वा संगामा जणक्खयकरा सीयाए दोवईए कए ष्पिणीए पउ-
मावईए ताराए कंचणाए रत्तसुभदाए अहिलियाए सुवन्नगुलियाए किन्नरीए इरुक्ख-
विज्जुमतीए रोहिणीए य, अनेसु य एवमादिएसु बहवो महिलकएसु सुव्वंति अह-
ल्लंता संगामा गामधम्ममूला इहलोए ताव नट्ठा परलोएवि-य नट्ठा महया मोह-
तिमिसंधकारे घोरे तसथावरसुहुमबादरेसु पज्जत्तमपज्जत्तसाहारणसरीरपत्तेयसरीरेसु
य अंडजपोतजजराउयरसजसंसेइमसंमुच्छिमउच्चिभयउववादिएसु य नरगतिरियदेव-
माणुसेसु जरामरणरोगसोगबहुटे पत्तिओवमसागरोवमाइ अणावीयं अणबदग्गं
सीहमदं चाउरंतसंसारकंतारं अणुपरियहंति जीवा मोहवससत्तिविट्ठा । एसो सो
अवंभस्स फलविवागो इहलोइओ पारलोइओ य अप्पसुहो बहुदुक्खो महम्मओ
बहुरयप्पगाढो दारुणो कक्खसो असाओ वाससदस्सेहिं मुच्चती, न य अवेदइत्ता
अत्थि हु मोक्खोत्ति, एवमाइंसु नायकुलनंदणो महप्पा जिणो उ वीरवरनामधेज्जे
कहेसी य अवंभस्स फलविवागं एयं तं अवंभंपि चउत्थं सदेवमणुयासुरस्स
लोगस्स पत्थणिज्जं एवं चिरपारेत्थियमणुग[तं]यं दुरंतं चउत्थं अधम्मदारं समत्तंति
वेमि ॥ १६ ॥ जंबू । इत्तो परिग्गहो पंचमो उ नियमा णाणाभण्णिक्कणगरयणमह-
रिहपरिमलसपुनदारपरिजणदासीदासभयगपेसहयगयगोमहिसउट्टखरअयगवेलमसी-
यासगडरहज्जाणजुग्गसंदणसयणामणवाहणकुवियथणधज्जाणभोयणाच्छायणगंधमह-
भायणभवणविहिं चेव बहुविहीयं भरदं णगणगरणियमजणचयपुरवरदोणमुहखेड-
कब्बडमउंबसं-वाहपट्टणसहस्सपरिमंळियं थिमियमेइणीयं एगच्छत्तं ससागरं भुंजि-
ऊण वसुहं अपरिमियमणंततप्पहमणुगयमहिच्छसारनिरयमूलो लोभकलिकसायमह-
क्खंधो वितासयनिच्चियविपुलसालो गारवपविरल्लियगविडवो नियत्तियापत्तपल्लव-
धरो पुप्फकलं जस्स कामभोगा आयासविसूणाकलहपकंपियगसिहरो नरवति-
संपूजितो बहुजणस्स हिययददओ इमस्स मोक्खवरमोत्तिमग्गस्स फलिहभूओ
चरिमं अहम्मदारं ॥ १७ ॥ तस्स य नामाणि इमाणि गोष्णाणि हौति तीसं, तंजहा-
परिग्गहो १ संबयो २ चयो ३ उवचओ ४ निहाणं ५ संभारो ६ संकरो
७ (एवं) आयरो ८ पिंडो ९ दन्वसारो १० तहा महिच्छा ११ पट्टिबंधो १२ लोहप्पा
१३ मह[ही]इ १४ उवकरणं १५ संरक्खणा य १६ आरो १७ संपाउप्पायको
१८ कलिकरंडो १९ पवित्थरो २० अणत्थो २१ संथवो २२ अगुणी २३ आयसो
२४ अविओगो २५ अमुणी २६ तण्हा २७ अपत्थको २८ आसत्ती २९ अवंतो-
सोत्तिविय ३०, तस्स एयाणि एवमावीणि नामधेज्जाणि हौति तीसं ॥ १८ ॥ तं च

पुण परिग्गहं ममायंति लोभघत्या भवणवरविमाणवासिणो परिग्गहस्ती परिग्गहे
 विविहकरणबुद्धी देवनिकाया य असुरभुयगगहलविज्जु[उ]जलणदीवउदहिदिसिपक्कण-
 षणियअणवनिपणवनिपइसिवातियभूतवाइयकंदियमहाकंदियकुहंडपतंगदेवा पिसा-
 यभूयजक्खरक्खसकिंनरकिंपुरिसमहोरगगंधच्चा य तिरियवासी पंचविहा जोइसिया
 य देवा बहस्सतीचंदसूरसुक्कसनिच्छरा राहुधूमकेउबुधा य अंगारका य तप्ततव-
 णिज्जकणयवण्णा जे य गहा जोइसम्मि चारं चरंति केऊ य गतिरतीया अट्ठावीसति-
 विह, य नक्खत्तदेवगणा नाणासंठाणसंठियाओ य तारगाओ ठियळेस्सा चारिणो
 य अविस्साममंडलगती उवरिचरा उट्टुलोगवासी दुविहा वैमाणिया य देवा सोह-
 म्मीसाणसणकुमारमाहिंदबंभलोगलंतकमहासुक्कसहस्सारआणयपाणय भारणअञ्जुया
 कप्पवरविमाणवासिणो सुरगणा गेवेज्जा अणुत्तरा दुविहा कप्पातीया विमाणवासी
 महिण्डिका उत्तमा सुरवरा एवं च ते चउव्विहा सपरिसावि देवा ममायंति भवण-
 वाहणजाणविमाणसयणासणाणि य नाणाविहवत्थभूसाणा-णि य-ववरपहरणाणि य
 नाणामणिपंचवन्नदिच्चं च भायणविहिं नाणाविहकामरूवे वैउव्वितअच्छरगणसंघाते
 वीवसमुदे दिसाओ विदिसाओ वणसंडे पव्वते य गाम्नगराणि य आरामुज्जाण-
 काणणाणि य कूवसरतलागवाविहीहियदेवकुलसभप्पववसहिमाइयाइं बहुकाइं कित्त-
 णाणि य परिगेण्हिता परिग्गहं विपुलदव्वसारं देवावि सईदगा न तित्ति न तुट्ठिं
 उवलभंति अच्चंतविपुललोभाभिभू[त]यास[त्ता]वा वासहरइक्खुगारवट्टपव्वयकुंडल-
 रुचगवरमाणुमोत्तरकालोदधिलवणसलिलदहपतिरतिकरअंजणकसेलदहिसुइवपातु-
 प्पायकंचणकच्चित्तविच्चित्तजमकवरसिहरकूडवासी वक्खारअक्कम्मभूमिसु सुविभत्त-
 भागदेसात्तु कम्मभूमिसु, जेऽवि-य नरा चाउरंतचक्कवट्टी वासुदेवा बलदेवा मंड-
 लीया इस्सरा तलवरा सेणावनी इच्चभा सेट्टी रट्टिया पुरोहिया कुमारा दंडणायगा
 मादंबिया सत्थवाहा कोट्टंबिया अयच्चा एए अण्णे य एवमाती परिग्गहं संविणंति
 अणंतं असरणं दुरंतं अञ्जुवमणिच्चं असासयं पावकम्मनेम्मं अवकिरियच्चं विणास-
 मूलं बहबंधपरिकिळेसबहुलं अणंतसंकिलेसकारणं, ते तं धणकणगरयणनिच्चयं पिण्डिता
 चैव लोभघत्या संसारं अतिवयंति सच्चदुक्खसंनिलयणं, परिग्गहस्[स]सेव य
 अट्टाए सिप्पसयं सिक्खए बहुजणो कलाओ य बावत्तरि सुनिपुणाओ लेहाइयाओ
 सउणह्यावसाणाओ-गणियप्पहाणाओ-चउसाट्ठिं च महिलाणुणे रतिज्रणणे सिप्पसेवं
 असिमसिकिमिवाणिज्जं ववहारं अत्थसत्थ(इसु)ईसत्थच्छरुप्प(वा)गयं विविहाओ य
 जोगजुंजणाओ अण्णेषु एवमादिणसु बहसु कारणसएस जावज्जीवं नडिज्जए संविणंति
 मंदबुद्धी परिग्गहस्सेव य अट्टाए करंति पाणाण बहकरणं अलियनियडिसाइसंपओगे

परद्वजभिजा सपौरि]रदारअभिगमणासेवणाए आयासविसूरणं कलहभंडणवे-
 राणि य अबमाणणविमाणणाओ इच्छामहिच्छपिवाससतततिसिया तण्हगेहि-
 लोभघत्था अत्ताणा अणिग्गहिया करेति कोहमाणमायालोभे अकित्तणिजे परिग्गहे
 चैव होंति नियमा सल्ला दंडा य गारवा य कसाया सत्ता य काम्मुण-अण्हगा य
 ईदियत्सेसाओ सयणसंपजोगा सच्चिन्नाचित्तमीसगाई दब्बाई अणंतकाई इच्छंति
 परिचेत्तुं सदेवमणुयासुरम्मि लोए लोभपरिग्गहो जिणवरेहिं भणियो नत्थि एरिसो
 पासो पट्टिबंधो अत्थि सच्चजीवारणं सच्चलोए ॥ १५ ॥ परलोगम्मि य नद्धा
 तमं पविट्ठा मद्यामोहमोहियमती तिमिसंधकारे तसथाबरसुहुमबादरेसु पज्जत्तम-
 पज्जत्तग एवं जाव परियट्ठति वीहमद्धं जीवा लोभवससंनिविट्ठा । एसो सो परिग्ग-
 हस्स फलविवाओ इहलोइओ परलोइओ अप्पसुहो बहुदुक्खो महब्भओ बहुरयप्प-
 गाढो दारुणो कक्कमो असाओ वाससहस्सेहिं मुच्चइ, न-य-अवे(त)तिना अत्थि हु
 मोक्खोत्ति, एवमारंसु नायकुल्लनंदणो महप्पा जिणो उ वीरवरनामघेजो कहेसी
 य परिग्गहस्स फलविवागं । एमो सो परिग्गहो पंचमो उ नियमा नाणामणिकण-
 गरयणमहरिइ एवं जाव इमस्स मोक्खवरमोत्तिमग्गस्स फल्लिहभूयो चरिमं अधम्म-
 दारं यमत्तं । एण्हिं पंचहिं असवरेहिं रयमा[दि]न्विणित्तु अणुसमयं । चउव्विहग[ति]-
 इ(पज्जं)पेरंतं अणुपरियट्ठति संसारं ॥ १ ॥ सच्चवगई पक्खंदे का[हिं]हिंति अणंतए
 अकयपुण्णा । जे य ण सुणंति धम्मं सो(सुणि)ऊण य जे पमायंति ॥ २ ॥ अणुसिद्धं-
 पि बहुविहं मिच्छादिट्ठी (य जे) णरा अ(हमा)बुद्धीया । बद्धनिकाइयकम्मा सु(णं)-
 णेति धम्मं न य करेति ॥ ३ ॥ किं सक्का काउं जे जं पेच्छह ओसहं मुहा पाउं ।
 जिणवयणं गुणम[धु]हुर विरेयणं सच्चदुक्खाणं ॥ ४ ॥ पंचेव य उज्जित्तऊणं पंचेव
 य रक्खित्तऊण भावेण । कम्मरयविप्पमुक्का सिद्धिवरमणुत्तरं जंति ॥ ५ ॥ (तिबेमे ॥)
 २० ॥ जंबू ।-एत्तो संबरदारार्इ पंच वोच्छामि आणुपुव्वीए । जह भणियाणि भगवया
 सच्चदुहविमोक्खणट्ठाए ॥ १ ॥ पडमं होइ अहिंसा वितियं सच्चवयणंति पज्जंतं ।
 दत्तमणुत्ताय संबरो य बंभचेरमपरिग्गहत्तं च ॥ २ ॥ तत्थ पडमं अहिंसा तसथा-
 वरसच्चभूयस्सेमकरी । तीसे सभावणा(ए)ओ किंची वोच्छं गुणइसं ॥ ३ ॥ ताप्पि
 उ इमाणि सुव्वय । महव्वयाई लोक[हियस]धिइअव्वयाई सुयसागरदेसियाई तव-
 सेजममहव्वयाई सील्लगुणवरव्वयाई सच्चज्जवव्वयाई नरगतिरियमणुयदेवगतिविबज्ज-
 काई सच्चजिणसासणगाई कम्मरयविदारगाई भवसयविणासणकाई दुहसयविमोयण-
 काई सुहसयपवत्तणकाई कापुरिसदुरुत्ताराई सप्पुरिस(तीरि)निसेविमाई निव्व्याणग्गम-
 मरग-सग्ग(८)प(याण)णाव[गा]काई संबरदारार्इ पंच कहियाणि उ भगवया ।

तत्त्व पदमं अहिंसा जा सा सदेवमणुयासुरस्स लोगस्स भवति चीवो ताणं सरणं गती
 पङ्क्या निव्वाणं १ निव्वुई २ समाही ३ (संती) सती ४ कित्ती ५ कंती ६ रती य
 ७ विरती य ८ सुयंगतिती ९-१० दया ११ विमुत्ती १२ खन्ती १३ सम्मत्तारा-
 हणा १४ महंती १५ बोही १६ बुद्धी १७ धिती १८ समिद्धी १९ रिद्धी
 २० विद्धी २१ ठिती २२ पुद्धी २३ नंदा २४ भदा २५ विसुद्धी २६ लद्धी
 २७ विसिद्धदिद्धी २८ कल्लाणं २९ मंगलं ३० पमोओ ३१ विभूती ३२ रक्खा
 ३३ सिद्धावासो ३४ अणासवो ३५ केवलीण ठाणं ३६ सिवं ३७ समिई ३८ सी[ल]लं
 ३९ संजमोत्ति य ४० सीलपरिघरो ४१ संवरो ४२ य गुणी ४३ ववसाओ
 ४४ उस्सओ ४५ जन्नो ४६ आयतणं ४७ जतण मप्पमातो ४८-४९ अस्सासो
 ५० वीसासो ५१ अभओ ५२ सव्वस्सवि अमाघाओ ५३ चोक्खपविणा ५४-५५
 सूती ५६ पूया ५७ विमल ५८ पभामा ५९ य निम्मलतर ६० ति एव-
 मादीणि निययगुणनिम्मियाई पज्जवनामाणि होंति अहिंसाए भगवतीए ॥२१॥ एमा
 सा भगवती अहिंसा जा सा भौयाण विव सरणं पक्खीणं पिव ग(ग)मणं तिम्मियाणं
 पिव सलिलं खुहियाणं पिव अमणं समुद्दमन्हे व पोतवहणं चउत्पयाणं व आसम-
 पयं दुहद्वियाणं (व) च ओसहिबलं अटवीमज्जे विमत्थगमणं एत्तो विसिद्धतरिका
 अहिंसा जा सा पुटविजलअगणिमाह्यवणस्सद्वीजहरितजलचरथलचरखहचर-
 तसथावरसव्वभूयस्खेमकरी एमा भगवती अहिंसा जा सा अपरिमियनाणदंसणधरेहं
 सीलगुणविणयतवसेयमनायकेहिं तिरथंकरेहिं मव्वजगजीववच्छलेहिं निलोगमहिएहिं
 जिणचंदेहिं सुट्टु दिट्ठा ओहिजिणेहिं विण्णया उज्जुमतीहिं विदिट्ठा विपुलमतीहिं
 विविदिता पुव्वधरेहिं अधीता वेउव्वीहिं पत्तिजा आभिणिबोहियनाणीहिं सुयनाणीहिं-
 ओहिनाणीहिं-मणपज्जवनाणीहिं केवलनाणीहिं आमोसहिपत्तेहिं खेलोमहिपत्तेहिं अन्नो-
 सहिपत्तेहिं विण्णोमहिपत्तेहिं सव्वोसहिपत्तेहिं बीजबुद्धीहिं कुट्टुबुद्धीहिं पदानुसारीहिं
 संभिन्नमोतेहिं सुयधरेहिं मणबन्दिएहिं वयबलिएहिं कायबन्दिएहिं नाणबलिएहिं दंसण-
 बलिएहिं चरित्तबलिएहिं खीरासवेहिं म(धु)हुआसवेहिं सणियासवेहिं अक्खीणमहाण-
 सिएहिं चारणेहिं विज्जाहरेहिं चउत्थभत्तिएहिं एवं जाव छम्माममणिएहिं उक्खित्त-
 चरएहिं निक्खित्तचरएहिं अंतचरएहिं पंतचरएहिं ल्हचरएहिं समुदाणचरएहिं
 अन्नइलाएहिं मोणचरएहिं संमट्टकप्पिएहिं तज्जायसंसट्टकप्पिएहिं उवनिहिएहिं
 सुद्धेमणिएहिं संखादत्तिएहिं दिट्ठलाभिएहिं अदिट्ठलाभिएहिं पुट्टलाभिएहिं आयंभिल्लि-
 एहिं पुत्तिमच्चिएहिं एकासणिएहिं निव्वितिएहिं भिन्नपिंडवाइएहिं परिमियपिंडवाइएहिं
 अंताहारेहिं पंताहारेहिं अरसाहारेहिं विरसाहारेहिं लद्धाहारेहिं तुच्छाहारेहिं अंतजी-

[वि]वीहिं पंतजी-वीहिं ल्हजी-वीहिं तुच्छजी-वीहिं उवसंतजी-वीहिं पसंतजी-वीहिं विविक्तजी-वीहिं अखीरमदुसप्पिएहिं अमज्जमंसासिएहिं ठाणाइएहिं पडि[मंठा]मट्टाईहिं ठाणुक्कडिएहिं वीरासणिएहिं णेसज्जिएहिं बंडाइएहिं लगंडसाईहिं एगपासगेहिं आयाव-एहिं अप्पावएहिं अणहु[व]भएहिं अकं[इ]डुयएहिं धुतकेसमंसुलोमनखेहिं सब्बगाय-पडिक्कम्मविप्पमुक्केहिं समणुत्तिञ्जा सुयधरविदितन्थकायबुद्धीहिं धीरमतिबुद्धिणे य जे ते आसीविसउग्गतेयकप्पा निच्छयववमाय(विणीय)पज्जत्तकयमतीया णिच्चं सज्झायज्झाणअणुबद्धधम्मज्झाणा पंचमहव्वयचरित्तनुत्ता समिता समितिसु समित-पावा छव्विहजगवच्छला निच्चमप्पमत्ता एएहिं अजेहिं य जा सा अणुपालिया भगवती इमं च पुट्टविदगअगणिमारायतरुगणतसथावरसव्वभूयसं(य)जमदयद्वयाते सुद्धं उच्छं गवेसियव्वं अकतमकारिमणाहूयमणुहिं अकीयकउं नवहिं य कोडिहिं सुपरि-सुद्धं दसहिं य दोसेहिं विप्पमुक्कं उग्गमउप्पायणेमणासुद्धं ववगयचुयचावियचत्तदेहं च फासुयं चन नि(सि)सज्जकहापओयणकतानुओ[व]णीयंति न तिग्गिच्छामंतमूलभेसज्ज-कद्धेउं न लक्खणुप्पायसुसिणत्रोइसनिमित्तकहकप्पउत्तं नवि डंभणाए नवि रक्ख-णाते नवि सामणाते नवि दंभगरक्खणमारणाते भिक्खं गवेसियव्वं नवि वंदणाते नवि माणणाते नवि पूयणाते नवि वंदणमाणणपूयणाते भिक्खं गवेसियव्वं नवि हीलणाने नवि निंदणाते नवि गरहणाते नवि हीलणनिंदणगरहणाने भिक्खं गवेसियव्वं नवि भेसणाते नवि तज्जणाते नवि तालणाते नवि भेसणतज्जणताल-णाते भिक्खं गवेसियव्वं नवि गारवेणं नवि कुहणयाते नवि वणीमयाते नवि गारवकुहवणीमयाए भिक्खं गवेसियव्वं नवि भित्तयाए नवि पत्थणाए नवि सेव-णाए नवि भित्तपत्थणसेवणाने भिक्खं गवेसियव्वं अजाए अगडिए अडुट्टे अदीणे अविमणे अक्कले अविसाती अपरिनंतजोगी जयणचडणकरणचरियविणयगुणजोग-संपउते भिक्खं भिक्खेसणाते निरते, इमं च णं सव्वजीवरक्खणदयट्ठाते पावयणं भगवया सुकहियं अत्तहियं पेञ्चाभावियं आगभेसिभइ सुद्धं नेयाउयं अकुडिलं अणु-त्तरं सव्वदुक्खपावाण विउसमणं ॥ २२ ॥ तस्स इमा पंच भावणानो पउमस्स वयस्स हौंति पाणातिवायवेरमणपरिरक्खणद्वयाए-पडमं ठाणगमणुणजोगजुंजण-जुगंतरनिवानियाए दिट्ठीए ईरियव्वं कीडपयंगतसथावरदयावरेण निच्चं पुप्फफल-तयप[बा]वालकंदमूलदगमट्टियबीजहरियपरिवज्जिएण सं[स]मं, एवं खड्ड सव्वपाणा न हीलियव्वा न निंदियव्वा न गरहियव्वा न हिंसियव्वा न छिंदियव्वा न भिदियव्वा न वहेयव्वा न भयं दुक्खं च किंचि लब्भा पावेउं एवं ईरियासमित्तजोगेण भावितो भवति अंतरप्पा असबलमसंकिट्टिनिव्वणचरित्तभावणाए अहिंसए संजए

सुसाहू, वितीयं च मणेण पावएणं पाव[गं]कं अहम्मियं दाहणं निस्संसं बहुबंधपरि-
 किल्लेसबहुलं जरा(भय)मरणपरिकिल्लेससंकिल्लिट्ठं न कयावि मणेण पावतेणं पावणं
 किंचि-वि ज्ञायव्वं एवं मणसमितिजोगेण भावितो भवति अंतरप्पा असबलमसंकिल्लिट्ठ-
 निव्वणचरितभावणाए अहिंसए संजए सुसाहू, ततियं च वतीते पावियाते पाव-कं-
 अ० कं.....वईए पाविया(ओ)ए पावगं-न किंचि-वि भासियव्वं एवं वतिसमितिजोगेण
 भावितो भवति अंतरप्पा असबलमसंकिल्लिट्ठनिव्वणचरितभावणाए अहिंसओ संजओ
 सुसाहू, च उत्थं आहारएम्णाए सुद्धं उंछं गवेसियव्वं अजाए अ[गदिते]कहिए अ[दु]-
 सिट्ठे अवीणे अकल्लुणे अविसादी अपरितंतजोगी जयणघडणकरणचरियविणयगुणजोग-
 संपओगजुत्ते भिक्खु भिक्खेसणाते जुत्ते समुदाणेऊण भिक्खचरियं उंछं घेतूण आगतो
 गुरुजणस्स पासं गमणागमणा[तिचारे पडिक्कमणपडिक्कंते आलोयणदायणं च दाऊण
 गुरुजणस्स गुरुसंदिट्ठस्स वा जहोवएसं निरइयारं च अप्पमतो, पुणरवि अणेमणाते
 पयतो पडिक्कमिन्ता पसंते आसीणगुहनिमजे सुहुत्तमेसं च ज्ञाणगुहजोगनाणमज्जाय-
 गोवियमणे धम्ममणे अविमणे सुहमणे अविग्गहमणे समाहियमणे सद्धासंवेगनिजरमणे
 पवतणवच्छ(ल)कभावियमणे उट्ठेऊण य पहट्ठुट्ठे जहारायणियं निमंतइत्ता य माहवे
 भावओ य विइणे य गुरुजणेणं उपविट्ठे संपमज्जिऊण ससीमं कायं तहा करनलं
 अमुच्छित्ते अगिद्धे अगट्टिए अगरहित्ते अणज्जोववण्णे अणाइत्ते अलुद्धे अणनट्ठित्ते
 असुरसुरं अचवचवं अदुनमविलंबियं अपरिसाडिं आलोयभायणे जयं पयत्तेण
 ववगयमंजोगमणिगालं च विगयधूमं अक्खोवंज-गव-गाणुलेवणभूयं संजमजायामाया-
 निमित्तं संजमभारवहणद्वयाए भुंजेजा पाणधारणद्वयाए संजएण समियं एवं आहार-
 समितिजोगेण भाविओ भवति अंतरप्पा असबलमसंकिल्लिट्ठनिव्वणचरितभावणाए
 अहिंसए संजए सुसाहू, पंचमं आदा[न]णिकखेव[ण]णागमिई पीडफुलगमिज्जा-
 संयारगवत्थपलकंबलरहरणचोलपडुगमुहपोत्तिगपायपुंछणादी एयंपि संजमस्स
 उववहणद्वयाए बानातवदंसममगसीयपरिरक्खणद्वयाए उवगरणं रागदोमरहित्तं
 परिहरितव्वं संजमेणं निच्चं पडिलेहणपप्फोटणपमज्जणाए अहो य राओ य अप्पमत्तेण
 होइ मययं निक्खियव्वं च गिण्हियव्वं च भायणमंडोवहि उवगरणं एवं आयाणभंब-
 निक्खेवणासमितिजोगेण भाविओ भवति अंतरप्पा असबलमसंकिल्लिट्ठनिव्वण-
 चरितभावणाए अहिंसए संजते सुसाहू, एवमिगं संवरस्स दारं सम्मं संबरियं होति
 सुप्पणिहियं उमेहिं पंचडिंवि कारणेहिं मणवयणकायपरिरक्खिएहिं णिच्चं आमरणंतं च
 एस जोगो णेयव्वो धितिमया मतिमया अणासवो अकल्लसो अच्छिहो-अपरिस्सावी-
 असंकिल्लिट्ठो सुद्धो सब्बजिणमणुजानो, एवं पढमं संवरदारं फालियं पालियं सोहियं

तीरियं किट्टियं आराहियं आणाते अणुपालियं भवति, ए(यं)वं नायमुणिणा भगवया पञ्चवियं परुवियं पसिदं सिदं सिद्धवरसासणमिणं आववितं सुदेसितं पसत्थं पडमं संवरदारं समत्तं तिबेमि [इति पडमं संवरदारं] ॥ २३ ॥ जंबू ! वितियं च सच्चवयणं सुदं सुचियं सिवं सुजायं सुभासियं सुव्वयं सुकहियं सुदिदं सुपतिट्टियं सुप-
इट्टियजसं सुसंजमियवयणधुइयं सुरवरनरवसभपवरबलवगसुविहियजणबहुभयं परम-
साहुधम्मचरणं तवनियमपरिगहियं सुगतिपहदेस[गं]कं च लोगुलमं वयमिषं
विजाहरगणगमणविजाणसाहकं सग्गमग्गसिद्धिपहदेसकं अवितहं तं सच्चं उज्जुयं
अकुडिलं भूयत्थं अत्यनो विसुदं उज्जोयकरं पभासकं भवति सव्वमावाण जीवल्लोगे
अविस्वादि जहत्थमथुरं पच्चक्खं दयिवयंबं जं तं अच्छेरकारकं अवत्थंतरेसु
बहुएणु माणुसाणं सच्चेण महासमुद्दमज्जेवि चिट्ठंति न निमज्जंति मूढाणिया-वि पोया
सच्चेण य उदगसंभमंमि वि न उज्जइ न य मरंति धाहं ते लभंति सच्चेण य अगणि-
संभमंमि वि न उज्जंति उज्जुगा मणूसा सच्चेण य तत्ततेल्लतउलोहसीसकाइं छिवंति
धरंति न य उज्जंति मणूसा पव्वयकडकाहिं मुच्चंते न य मरंति सच्चेण य परिग्ग-
(ही)ट्टिया असिपंजरगया समराओ-वि णिइंति अणहा य सच्चवादी वहबंधभियोग-
वेरधोरोहिं पमुच्चंति य अमित्तमज्जाहिं निडंति अणहा य सच्चवादी सादेव्वाणि य
देवयाओ करंति सच्चवयणे रताणं । तं सच्चं भगवं तित्थकरसुभासियं दसविइं चोह-
नगुल्वीहिं पाहुइत्थविदितं महुरि(मि)सीण य समय(पइ)प्पदि(जत्थि)वं देविदनरि-
दभासियत्थं वेमाणियसाहियं महत्थं मंतोमहि विजासाहणत्थं चारणगणममणसिद्ध-
विज्जं मणुयगणाणं वंदणिज्जं अमरगणाणं अच्चणिज्जं असुरगणाणं च पूयणिज्जं अणेग-
पासंछिपरिग्गहिं जं तं लोकेमि सारभूयं गंभीरतर महासमुद्दाओ धिरतरं मेरुप-
व्वयाओ सोमतरं चंदमंडलाओ दित्तरं सूरमंडलाओ विमलतरं सरयनहयलाओ
सुरभितरं गंधमादणाओ जेविय लोगम्मि अपरिसेसा मंतजोगा जवा य विज्जा य
जंभका य अत्याणि य सत्याणि य सिक्खाओ य आगमा य स(च्चा)व्वाणिवि ताइं
सच्चं पइट्टियाइं, सच्चंपि-य संजमस्स उवरोहकारकं किंचि न वत्तत्थं हिंसासावज्जसंप-
उत्तं भेयविकहकारकं अणत्थवायकलहकारकं अणज्जं अववायविवायसंपउत्तं वेलेबं
ओजपेज्जबहुलं तिळ्ळं लोयगरहणिज्जं दुविट्ठं दुस्सुयं अमुणियं अप्पणो यवणा परेसु
निदानं तंसि मेहावी ण तंसि च्छो न तंसि पियधम्मो न तं कुलीणो न तंसि दाण-
[व]पती न तंसि स्रो न तंसि पठिरुवो न तंसि लट्ठो न पंछिओ न बहुस्सुओ नवि
य तं तवस्सो ण यावि परलोगणिच्छियमतीऽसि सव्वकालं आतिकुल्लववाहिरोगेण
वावि जं होइ वज्जणिज्जं दु(हओ)हिलं उववारमतिकंतं एवंविइं सच्चंपि न वत्तत्थं,

अह केरिसकं पुणाइ सच्चं तु भासियव्वं ? जं तं दव्वेहिं पज्जवेहि य गुणेहिं कम्मोहिं
 बहुविहेहिं सिप्पेहिं आगमेहि य नामक्खायनिवाउवसग्गतद्वियसमाससंधिपदहेउजो-
 गियउणादिकिरियाविहाणधातुसरविभसिवच्चजुत्तं तिकळं दसविहंपि सच्चं जह भणियं
 तह य कम्मुणा होइ दुवालसविहा होइ भासा वयणंपिय-होइ सोलसविहं, एवं अर-
 हंतमणुत्तायं समिक्खियं संजएण कालंमि य वत्तव्वं ॥ २४ ॥ इमं च अलियपिसुण-
 फरुसकडुयचवलवयणपरिरक्खणट्टयाए पावयणं भगवया सुकहियं अत्तहियं पेच्चाभा-
 विकं आगमेसिभइं सुद्धं नेयाउयं अकुळिलं अणुत्तरं सव्वदुक्खपावाणं विओसमणं,
 तस्स इमा पंच भावणाओ वितियस्स वयस्स अलियवयणस्स वेरमणपरिरक्खणट्ट-
 याए, पडमं सोऊणं संवरट्ठं परमट्ठं सुद्धु ज्ञाणिऊण न वेगियं न तुरियं न चवलं न
 कडुयं न फरुस न साहसं न य परस्स पीत्ताकरं सावजं सच्चं च हियं च मियं च
 गाहगं च सुद्धं संगयमकाहलं च नमिक्खित्तं संजतेण कालंमि य वत्तव्वं एवं अणु-
 वीतिसमितिजोगेण भाविओ भवति अंतरप्पा संजयकरचरणनयणवयणो सूरुो सच्च-
 ज्जवसंपुत्तो, वितियं कोहो ण सेवियव्वो, बुद्धो चंडिक्कि[यो]ओ मणूयो अलियं भणेज्ज
 पिसुणं भणेज्ज फरुस भणेज्ज अलियं पिसुणं फरुस भणेज्ज कलहं करेजा वेरं करेजा
 विकहं करेजा कलहं वेरं विकहं करेजा सच्चं हणेज्ज सीलं हणेज्ज विणयं हणेज्ज सच्चं
 सीलं विणयं हणेज्ज वेसो हवेज्ज वत्थुं भवेज्ज गम्मो भवेज्ज वेसो वत्थुं गम्मो भवेज्ज
 एयं अन्नं च एवमादियं भणेज्ज कोहम्मिमपत्तिनो तम्हा कोहो न सेवियव्वो, एवं
 खंतीइ भाविओ भवति अंतरप्पा संजयकरचरणनयणवयणो सूरुो सच्चज्जवसंपुत्तो,
 ततियं लोभो न सेवियव्वो लुद्धो लोलो भणेज्ज अलियं खेमस्स व वत्थुस्स व कतेण
 १ लुद्धो लोलो भणेज्ज अलियं कित्तीए लोभस्स व कएण २ लुद्धो लोलो भणेज्ज
 अलियं रिद्धी(ए)य व मोक्खस्स व कएण ३ लुद्धो लोलो भणेज्ज अलियं भत्तस्स व
 पाणस्स व कएण ४ लुद्धो लोलो भणेज्ज अलियं पीटस्स व फलगस्स व कएण ५
 लुद्धो लोलो भणेज्ज अलियं सेजाए व संथारकस्स व कएण ६ लुद्धो लोलो भणेज्ज
 अलियं वत्थस्स व पत्तस्स व कएण ७ लुद्धो लोलो भणेज्ज अलियं वंबनस्स व
 पायणउणस्स व कएण ८ लुद्धो लोलो भणेज्ज अलियं सीमस्स व सिस्सिणीए
 व कएण ९ लुद्धो लोलो भणेज्ज अलियं अज्ञेषु य एवमादिसु बहुसु कारणसत्तेषु,
 लुद्धो लोलो भणेज्ज अलियं तम्हा लोभो न सेवियव्वो, एवं मुत्तीय भाविओ भवति
 अंतरप्पा सच्चप्रकरचरणनयणवयणो सूरुो सच्चज्जवसंपुत्तो, चउत्थं न भाइयव्वं
 भीतं गु भया अइति लुद्धयं भीतो अवितिज्जओ मणूयो भीतो भूतेहिं धिप्पइ
 भीतो अन्नंपिहु भेजेजा भीतो तवसंजमंपि हु सुएजा भीतो य भरं न नित्तरेजा

सप्पुरिसनिसेवियं च मगं भीतो न समत्थो अणुचरितं तम्हा न भातियव्वं मयस्स
वा वाहिस्स वा रोगस्स वा जराए वा मच्चुस्स वा अजस्स वा ए(वमादिय)गस्स-वा-
एवं धेज्जेण भाविज्जो भवति अंतरप्पा संजयकरचरणनयणवयणो सुरो सच्चजवसंपन्नो,
पंचमकं हासं न सेवियव्वं अलियाई असंतकाई अंपति हासइत्ता परपरिभवकारणं
च हासं परपरिवायपियं च हासं परपीत्ताकारणं च हासं भेदविमुत्तिकारकं च
हासं अन्नोन्नजणियं च होज हासं अन्नोन्नगमणं च होज मम्मं अन्नोन्नगमणं च
होज्ज कम्मं कंदप्पाभियोगगमणं च होज हासं आसुरियं किच्चिसत्तणं च जणेज्ज
हासं तम्हा हासं न सेवियव्वं एवं मणेण भाविज्जो भवइ अंतरप्पा संजयकर-
चरणनयणवयणो सुरो सच्चजवसंपन्नो, एवमिणं संवरस्स दारं सम्मं संवरियं होइ
सुप्पणिहियं इमेहिं पंचहिवि कारणंहिं मणवयणकायपरिरक्खिण्हिं निच्चं आमरणंतं
च एस जोगो णेयव्वो धितिमया मतिमया अणासदो अकलुसो अच्छिदो अगरिस्सावी
असंकिलिट्ठो-सुद्धो-सव्वज्जिमणुत्ताओ, एवं वितियं संवरदारं फासियं पालियं सोहियं
तीरियं किट्टियं अणुपालियं आणाए आराहियं भवति, एवं नायमुण्णिणा भगवया पक्कियं
परुवियं पमिद्धं सिद्धवरमागणमिणं आघवितं सुदेसि(यं)तं पसत्थं वितियं संवरदारं
समत्थं विवेमि [इति वितियं दागं] ॥ २५ ॥ अंबू ! दत्तमणुण्णायसंबवणे नाम होनि नतियं
सुव्वता । महव्वतं गुणव्वतं परदव्वहरणपडिविरइकरणजुत्तं अपरिमियमणंततप्प्राणु-
गयमहिच्छम्मगवयणकल्लस आयाणसुनिर्गहियं सुमंजमियम[णो]णहृत्यपायनिभियं
निर्गमं णट्टिकं निहतं निरामवं निब्भयं विमुत्तं उगमनरवमभपवारबल्लवगसुविहित-
जागसंमत्तं परममाहुपम्मचरणं जन्व य गाभागरनगरनिगमखेटकव्वडमहंबदोणमुह-
संवाहपट्टणारामगयं च किच्चि दव्वं मणिमुत्तसिलप्पवालकंसदूमरययवरकणगरयणमादिं
पडियं पम्हुट्टं विष्णणट्टं न कप्पति कस्मनि बहेत्ते वा नेच्छित्तं वा अहिरत्तसुवत्तिकेण
गमत्तेद्धुकंचणेण अपरिरगहसंबुद्धेण लोमिंमि विहरियव्वं, जंपिय होजाहि दव्वजातं
वुल(थल)ग(यं)तं खेल-मत्तरत्त-मत्तरग(यं)तं वा किच्चि तणकट्टगक्कादि अप्यं
च बहुं च अणुं च धूउगं वा न कप्प(ती)ति उगहंमि अदिणंमि गिच्छित्तं
जे, हणि हणि उगहं अणुत्तविय गेण्हियव्वं वज्जेयव्वो [य] सव्वकालं अच्चियत्त-
परप्पवेमो अच्चियत्तभत्तपारं अच्चियत्तपीडफलगसेज्जासंयारगवत्थपत्तकंबलरयहरण-
निसेज्जचोलपट्टगमुहुपोत्तियपायपुच्छगाइ भायणमंबोवहिउवकरणं परपरिवाओ परस्स
दोमो परववाएसेणं जं च गेण्हइ परस्स नासेइ जं च सुकयं दाणस्स य अंतरात्तिव्वं
दाणविष्णयात्तो पेसुअं च्चैव यच्छरितं च, जेविय पीडफलगसेज्जासंयारगवत्थ(पत्त)-
पायकंबल[रयहरणनिसेज्जचोलपट्टग]मुहुपोत्तियपायपुच्छगादिभायणमंबोवहिउवकरणं

असंविभागी असंगहस्ती तवनेणे य वदतेणे य स्वतेणे य आयारे चेष भावतेणे य
 सहकरे झञ्झकरे कलहकरे वेरकरे विकहकरे असमाहिकरे सया अप्पमाणभोती
 सततं अणुबद्धवेरे य निच्चरोसी से तारिसए नाराहए वयमिणं, अह केरिसए पुणार्इ
 आराहए वयमिणं?, जे से उवहिभत्तपाणसंगहणदाणकुसले अचंतबालदुब्बलगि-
 लाणवुद्धुखमके पवत्तिआयरियउवज्जाए सेहे साहम्मिके तवस्सीकुलगणसंपद्धे य
 निच्चरट्टी वेयावच्चं अणिस्मियं दसविहं बहुविहं करेति, न य अचियत्तस्स गिहं पविसइ
 न य अचियत्तस्स गेण्हइ भत्तपाणं न य अचियत्तस्स सेवइ पीढफलगनेजासंधारग-
 वत्थपायकंबलरयहरणनिसेज्जचोलपट्टयमुहपोत्तियपायपुंजणाद्भायणभंबोवहिउवगरणं
 न य परिवायं परस्स जंपति न यावि दोसे परस्स गेण्हति परववएसेणवि न किंचि
 गेण्हति न य विपरिणामेति कं(किं)चि जणं न यावि णासेति दिक्खसुक्यं दाऊण य
 [काऊण य] न होइ पच्छाताविए सं-वि-भागसीळे संगहोवग्गहकुसले से तारिसते
 आराहते वयमिणं, इमं च परदव्वहरणवेरमणपरिरक्खणदुयाए पावयणं भगवया
 सकहितं अत्ताहितं पेच्चाभावितं आगमेसिभइ सुद्धं नेयाउयं अकुडिलं अणुत्तरं सब्बदुक्ख-
 पाबाण विओ[व]समणं, तस्स इमा पंच भावणातो तत्तियस्स (वयस्स) द्दोति परदव्वह-
 रणवेरमणपरिरक्खणदुयाए, पढमं देवकुलमभप्पवावसहरुक्खमूलआरामकंदरागर-
 गिरिगुहाकम्मउजाणजाणसालाकुचितमालामंडवसुत्तघरसुसाणलेणआवणे अजंमि य
 एवमादियंमि दगमट्टियदीजहरिततसपाणअसंसत्ते अहाकडे फासुए विवित्ते पसत्थे
 उवस्सए होइ विहरियच्चं, आहाकम्मबहुले य जे से आसितसंमज्जिउस्सितभोहिय-
 छाथणदूमणलिपणअणुलिपणजलणभंडव्वाल[णे]ण अंतो बहिं च असज्जमो जत्थ
 व[द्ध]इती नंजयाण अट्टा वज्जेयच्चो हु उवस्सओ से तारिसए मुत्तपडिकुट्टे, एवं विवित्त-
 वासवसहिसमिइजोगेण भावितो भवति अंतरप्पा निच्चं अहिकरणकरणकारावण-
 पावकम्मविरते दत्तमणुत्तायओग्गहस्ती । वित्तीयं आरामुजाणकाणवणप्पदेसभागे
 जं किंचि इक्कउं व कट्ठिणमं च जंतुयं च परामेरकुक्खुम्भडम्भपलाल्लमूयगावक्कय-
 तणकट्टसकरादी गेण्हइ मेज्जेवहिम्म अट्टा न कम्मए उग्गहे अदिक्कंमि गेण्हि(गिण्हे)उं
 जे हणि हणि उग्गहं अणुत्तविय गेण्हियच्चं एवं उग्गहम्मितिजोगेण भावितो भवति
 अंतरप्पा निच्चं अहिकरणकरणकारावणपावकम्मविरते दत्तमणुत्तायओग्गहस्ती ।
 ततीयं जस्सेव उवस्सने वसेज्ज सेज्जं तत्थेव गवेसेच्चा न निवायपवायउस्सुणत्तं न
 बंसमसगेसु गुभियच्चं एवं, संजमबहुले संवरबहुले संवुउबहुले समाहिबहुले धीरे
 क्खण फासयंतो सययं अज्जप्पज्जाणजुणे समिए एगे चरेच्च धम्मं, एवं सेजास-
 मितिजोगेण भावितो भवति अंतरप्पा निच्चं अहिकरणकरणकारावणपावकम्मविरते

दत्तमणुजायउगग्रहृती । चउत्थं साह्यरणपिंडपातलामे भोतव्वं संजएण समियं न सायसुयाहिकं न खडं ण वेगितं न दुरियं न चवलं न साहसं न य पर[स्स]पीलाकर-सावज्जं तह भोतव्वं जह से ततियववं न सीदति साह्यरणपिंडपा[त]यलाभे सुहुमं अदिक्कादाण-विरमण-वयनियम(विरम)णं, एवं साह्यरणपिंडवायलाभे समितिजोगेण भावितो भवति अंतरप्पा निच्चं अहिकरणकरणकारावणपावकम्मविरते दत्तमणुजाय-उगग्रहृती । पंचमगं साहम्मिण् विणओ पउंजियव्वो उव्व[ग]करणपारणासु विणओ पउंजियव्वो वायणपरियट्ठणासु विणओ पउंजियव्वो दाणगहणपुच्छणासु विणओ पउंजियव्वो निक्खमणपत्तेसणासु विणओ पउंजियव्वो अत्तेसु य एवमादिसु बहुसु कारणसएसु विणओ पउंजियव्वो, विणओवि तवो तवोवि धम्मो तम्हा विणओ पउंजियव्वो गुरुसु साहुसु तवस्सीसु य, एवं विणतेण भाविओ भवइ अंतरप्पा निच्चं अधिकरणकरणकारावणपावकम्मविरते दत्तमणुजायउगग्रहृई । एवमिणं संव-रस्स दारं सम्म संवरियं होइ सुपणिहियं एवं जाव आघवियं सुदेतितं पसत्थं ततियं संवरदारं समणंतिबेमि ॥ २६ ॥ जं(उ)वू । एतो य बंधेचरे उन्नमनवनिय-मणाणं संसणचरित्तसम्मत्तविणयमूलं य [ज]मानियमणुणप्यहाणजुत्तं हिमवंतमहंततेयमंतं पसत्थगंभीरथिमित्तमज्झं अजवसाहुजणाचरितं मोक्खमग्गं विमुद्धमिद्धिगतितिलयं सासयमव्वाचाहुमणुणम्मवं पसत्थं मोमं सुभं सिवमचलमक्खयकरं जतिवरसारक्खित्तं सुचरियं सुभात्ति]साहियं तवरि सुणिवरेहिं महापुरिसधीरसूरधम्मियधित्तितंताण य सया विमुद्धं भव्वं भव्वजणाणुच्चिन्नं गिस्संकेयं निच्चभयं नित्तुसं निरायासं निच्चत्तेवं निच्चोत्तपरं नियमनिप्पकं तवसंजममूलदत्तियणेम्मं पंचमहव्वयसुरक्खियं ममित्तिगुणं गुणं ज्ञाणवरकवाडसुकयमज्जसप्पदिजफलित्तं संनद्धोच्छइयदुग्गइपहं सुगति-पहदेसगं च लोगुत्तं च वयमिणं पउमसरतलागपालिभूयं महासगउअरगनुंबभूयं महाविडिमरुक्खनबंधभूयं महानगरपागारकवाडकल्लिहभूयं रज्जुपिण्हो व इंदकैवु विमुद्धणेगगुणसंपिणद्धं जंमि य भग्गंमि होइ सहसा मव्वं संभग्गम(हि)थियजुभिय-जुसत्तिवपल्लट्ठपच्चियसंखियपरिसडियविणात्तियं विणयसीलनवनियमणुणसमूहं तं बंधं भगवंतं गह्वणनक्खत्तारगणं (ब) वा जहा उट्टुपती मणिमुत्तानिलपवात्तरत्तव-पागराणं (च) व जहा समुदो वेठल्लिओ चैव जहा मणीं जहा मउदो चैव भूसणार्णं वत्थार्णं चैव खोमजुयलं अरविदं चैव पुप्फजेहं गोसीसं चैव चंदणाणं हिमवंतो चैव ओमहीणं सीतोदा चैव निज्जाणं उदहीणु जहा सयंभुरमणो ख्यगघरे चैव पंडलिकपव्ववाण पव्वरे एउवण इव कुंजरार्णं सीहोव्व जहा भिगार्णं पव्वरे प[ट्ठ]व-करणं चैव केणुदेवे धरणो जह पण्णागईदराया कप्पार्णं चैव बंधजोए सभासु व

जहा भवे सुहृम्मा ठितिसु लवसत्तमव्व पवरा दाणाणं चेव अभयदाणं किमिरा[उ]ओ
 चेव कंबलाणं संघयणे चेव वज्जरिसभे संठाणे चेव समच्चरंते ज्ञाणेसु य परम-
 सुकज्जाणं णाणेसु य परमकेवलं तु सिद्धं तेसासु य परमसुकळेस्सा तित्थंकरे जहा
 चेव मुणीणं वासेसु जहा महाविदेहे गिरिराया चेव मंदरवरे वणेसु ज[हा]इ नंदणवर्णं
 पवरं दुमेसु जहा जंबू सुदंसणा धीमुयजसा जीय नामेण य अयं धीवो, तुरगवती
 गयवती रहवती नरवती जह वीसुए चेव राया रहिए चेव जहा महारहगते,
 एवमणेगा गुणा अहीणा भवंति एकंमि बंभचेरे जंमि य व्वाराहियंमि व्वाराहियं
 वयमिणं सव्वं, सीलं तवो य विणओ य संजमो य खंती गुत्ती मुत्ती तहेव इह-
 लोइयपारलोइयजसे य कित्ती य पच्चओ य, तम्हा निहुएण बंभचेरं चरियव्वं
 सव्वओ विसुद्धं जावज्जीवाए जाव सेयट्टिसंजउत्ति, एवं भणियं वयं भगवया, तं
 च इमं-पंचमहव्वयसुव्वयमूलं, समणमणाइल्लासाहुमुच्चिं । वेरविरामणपज्जवसाणं,
 सव्वसमुद्धमहोदधितित्थं ॥ १ ॥ तित्थकरेहि सुदेसियमग्गं, नरयतिरिच्छविवज्जिय-
 मग्गं । सव्वपवित्तिमुनिम्मियसारं, सिद्धि विमाणअवंगुयदारं ॥ २ ॥ देवनरिद-
 नमंसियपूर्यं, सव्वजगुत्तममंगलमग्गं । दुद्धरिसं गुणताय[ग]कमेळं, मोक्खपहस्म
 वडिस[क]गभूयं ॥ ३ ॥ जेण सुद्धचरिएण भवइ सुवंभणो नुत्तमणो सुसाहू सइसी समुणी
 ससंजए स एव भिक्खू जो सुद्धं चरांत वंभचेरं, इमं च रतिरागदोसमोहपवहुणकरं
 किंमज्झपनायदोसपासत्थसीलकरणं अब्भंगणाणि य तेळमज्झणाणि य अभिक्खणं
 कक्खा]ससीसकरचरणवदणधोवणसंवाहणगायकम्मपरिमहणाणुत्तेवणचुसवासधूक्क-
 णसरीरपरिमंडणवाउत्ति(य)कहसियभणियनट्टगीयवाइयनडनट्टकज्जमळपेच्छणवेल्ल-
 क(जा)जाणि य मियारागाराणि य अजाणि य एवमादियाणि तवसंजमबंभचेर-
 घातांवाधितियाई अणुचरमाणेणं वंभचेरं वज्ज्यव्वाइ सव्वकालं, भावेयव्वो भवइ
 थ अंतरप्पा इमेहि तवनिपमसीलजोगहि निच्चकालं, किं ते ?-अण्हाणकअदंत-
 धावणमंयमलजद्धधारणं मूणवयकेसलोए य खमदमअवेलगखुप्पिवासलाघवसीतो-
 सिणकट्टेज्जाभूमिनिसे जापरघरपवेसल द्वावल्लमाणावमाणनिदणंइसमसगफासनिय-
 मनवगुणविणयमादिएहि जहा से थिरतर[गं]कं होइ वंभचेरं इमं च अब्भंभचेरविरमण-
 परिरक्खणट्टयाए पावयणं भगवया सुकहियं-अतहितं-पेक्काभाविकं आगमेसिभइ सुद्धं
 नेयाउयं अमुद्धिलं अणुत्तरं सव्वदुक्खपावाण विउसवणं, तस्स इमा पंच भावणाओ
 चउत्थ(व)यस्स हांति अवंभचेरविरमणपरिरक्खणट्टयाए, पट्ठमं सयणासणघरदुवार-
 अंगणआगामगवक्खसालअभिन्नोयणपच्छवत्थुकपसाहणकथाणिकावकासा अब-
 कासा जे य वेत्तियायं अच्छंति य जत्थ इत्थिकाओ अभिक्खणं मोहदोसरतिराव-
 वहुणीओ कहंति य कहाओ बहुविहाओ तेऽवि हु वज्जणिजा इत्थिसंसासंकिच्छिड्डा

अज्ञेयि य एवमादी अवकासा ते हु वज्रणिजा जत्य मणोविबभभो वा भंगो वा भंसं(गो)णा वा अष्टं रुई च हुज्ज प्राणं तं तं वजेज वज्रभीरु अणायतणं अंतपंतवासी, एवमसंसक्तवासवसहीसमितिजोगेण भावितो भवति अंतरप्पा आरतमणविरयगामधम्मं जि(त्ते)तिदिए बंभचेरगुत्ते । वितियं नारीजणस्स मज्झे न कहेयव्वा क्हा विचिता वि(व्वो)व्वोयविलाससंपउत्ता हाससिगारलोइयकह्व्व मोहजणणी न आवाहविवाहवरकहाविच इत्थीणं वा सुभगदुभगकहा चउसट्ठिं च महिलागुणा न वकदेनजातिकुल्लव्वनामनेवत्थपरिजणकहा इत्थियाणं अजावि य एवमादियाओ कहाओ सिगारकल्लणाओ तवसंजमबंभचेरघातोवघातियाओ अणुचरमाणेणं बंभचेरं न कहेयव्वा न मुण्येयव्वा न चित्तियव्वा, एवं इत्थीकह्वविरतिसमितिजोगेणं भावितो भवति अंतरप्पा आरतमणविरयगामधम्मं जिनिदिए बंभचेरगुत्ते । ततीयं नारीण हान्तनमणि(त)तं वेदिइयविपेक्किस्सतगटविलासकीळियं विव्वंति यिनट्ठीनतबारियसरीर-संटाणवच्चकरचरणनयणलाव-ण्णकव्व जोध्वणपयोहर(धरवन्थाळंकारभूमणाणि य गुच्छोवकामियाडं अज्ञाणि य एवमादियाडं तवगजमवंभचेरघातोवघातियाडं अणुच-रमाणेणं बंभचेरं न चक्खुसा न मणत्ता न ययमा पधेयव्वाइ पावकम्माई, एवं इत्थीव्वंधरतिममितिजोगेण भावितो भवति अंतरप्पा आरतमणविरयगामधम्मं जिर्तिन्नि बंभचेरगुत्ते । चउत्थं पुव्वरगपुव्वकीळियपुव्वसगंधगथसंयुत्ता जे ते आवाह-विवाहचोत्थेत्तु य तिथिन्नु जजेत्तु उस्सवेत्तु य निगारागारचारवंमाहिं हावभावपल्लिय-विक्खेवविन्नामभाट्ठिणीहि अणुकूळपेम्मिमाह सदि अणुभूत्ता मयगमंपओगा उदुसुह-वक्खुत्तसुगंभचंरणसुगंधचरवामभुव्वसुहकरिसवन्त्यभूमणगुणोवचेया रमणिज्जाउज्ज-गेनपउरनदनइ(ग)क जाइमळगुट्टिकवेलेवगकहगपवगतानगमाइक्खगल्लसमंखत्तुणइक्क-तुंभवीणियतात्तायफकरणाणि य अट्ठणि महुरमरगीनस्सराई अज्ञाणि य एवमादि-ताणि तवसंजमबंभचेरघातोवघातियाडं अणुचरमाणेणं बंभचेरं न तात्ति समणेण एवमा दट्ठुं न कहेठं नवे सुभरिउं जे, एवं पुव्वरयपुव्वकीळियविरतिसमितिजोगेण भावितो भवति अंतरप्पा आरयमणविरतगामधम्मं जिईदिए बंभचेरगुत्ते । पंचमणं न हारपणीयनिद्वभायणविवज्जेन संजते सुमाह ववगयस्वीरदहिस्सिपिनवनीयतेल्लगुल-संयमच्छट्टिकमहुमज्जेसत्तज्जकविगतिपिचचकयाहारे ण दप्पणं न बहुसो न निनिव्वं न मायभुपाहिके न रुदं तहा भोत्तव्वं जइ से आयामात्ता-य भवति, न य भवति विबभभो न भंसथा य धम्मस्सा, एवं पणीयाहारविरतिसमितिजोगेण भावितो भवति अंतरप्पा आरयमणविरतगामधम्मं जिईदिए बंभचेरगुत्ते । एवमिणं संवरस्स शरं मम्मं संवरिये होइ सुपणिहिते इमेहि पञ्चहिमि कारणेहि मणवयणकायपरि-

रक्खिएहि णिच्चं आमरणंतं च एसो जोगो णेयव्वो धितिम(या)ता मतिमात-
 अणासवो अकल्लसो अच्छिद्धो अपरिस्सावी असंकिलिद्धो सुद्धो सव्वजिणमणुजातो,
 एवं चउत्थं संवरदारं फासियं पालितं सोहितं तीरितं किट्टितं आणाए अणुपालियं
 भवति, एवं नायमुणिणा भगवया पन्नविय परूवियं पसिद्धं सिद्धवरसासणमिणं
 आघवियं सुदेसितं पसत्यं चउत्थं संवरदारं समतंतिवेमि ॥ २७ ॥ जंबू ! अपरिग्गह-
 संवुडे य समणे आरंभपरिग्गहातो विरते विरते कोहमाणमायालोभा एगे असंजमे
 दो चेव रागदोसा तिच्चि य दंडगारवा य गुत्तीओ तिच्चि तिच्चि य विराहणाओ
 चत्तारि कसाया ज्ञाणसन्नाविकहा तथा य हुंति चउरो पंच य किरियाओ समिति-
 इंदियमहव्वयाइं च छजीवनिकाया छच्च लंसाओ सत्त भया अट्ट य मया नव चेव
 य बंभचेरवयगुत्ती दसप्पकारे य समणधम्मो एक्कारस य उवासकार्णं बारस य
 भिक्ख(खुणं)त्तुपडिमा किरियठाणा य भूयगामा परमाधम्मिया गाहात्तोलसया
 असंजमअवंभणायअसमाहिठाणा सबला परिसहा सूयगडज्जयणदेवभावणउद्दस-
 गुणपरुपपावसुतमोहणिजे सिद्धानिगुणा य जोगसंगहे तिसीमा आसातणा सुरिदा
 आदिं एकातियं करेत्ता एकुत्तरियाए व[त्ति]त्तीए तीमातो जाव उ भवे तिकाहिका
 विरतीपणिहीमु अविरतीसु य (अ०) एवमादिनु बहूनु ठाणेषु जिणपमत्थेसु अचित्तेसु
 सासयभावेसु अवट्टिएसु संकं कंखं निगकरेत्ता मइहते सामण भगवतो अणियाणे
 अगारवे अल्ले अमूढमणवयणकायगुत्ते ॥ २८ ॥ जो मो वीरवरवयणविरतिपवित्थर-
 बहुविहप्पकारो सम्मत्तविमुद्धमूलो धितिकंठो विणयवेत्तिनो निग्गनत्तिलोक्खिपुत्तजस-
 नि[विड]च्चियपीण[प]पीवरसुजातखधो पंचमहव्वयविसालमालो भावणवयंतज्जाण-
 सुभजोगनाणपह्ववरंकरधरो बहुगुणकुनुमससिद्धो सीलसुगंधो अणह्वकलो पुणो य
 मोक्खवरबीजसारो मंदरगिरिसिद्धरचूलिका टव इमस्स मोक्खवरमुत्तिमग्गस्स
 सिद्धरभूओ संवरवरपादपो चरिमं संवरदारं, जत्थ न कप्पइ गामागरनगरस्सेडकव-
 डमइंबदोणमुहपट्टणासमगयं च किच्चि अप्पं व बहुं व अणुं व थूलं व तसथावरकाय-
 दव्वजायं मणसावि परिचेत्तुं ण हिर-ण्णसुव-ण्णखेलवत्तु न दासीदामभयकपेसइय-
 गयगवेत्तं (च) वा न जाणनुग्गसयणा-सणा-इणं छत्तकं न कुडिया न उवाणहा न
 पेहुणवीयणतालियंटका ण यावि अयनउयतंबसीसककंसरयतजानरूवमणिमुत्ताधार-
 पुडकसंखदंतमणिमिग(लेस)सेलकायवरचेलचम्मपत्ताइं महुरिहाइं परस्स अज्जोव-
 वायलोभजणयाइं परिग्गहेउं गुणवओ न यावि पुक्कफलकंदमूलादिवाइं सजसत्तरयाइं
 छव्वधप्पाइं तिहिचि जोगेहिं परिचेत्तुं ओसइभेसअभोयणट्टवाए संजएणं, किं कारणं ?,
 अपरिमितणाणदंसणधरेहिं सीलगुणविणयतवसंजमनायकेहिं तित्थधरेहिं सव्वजग-


[जी]जीववच्छेदेहि तिलोयमहिएहि जिणवरिदेहि एस जोणी जगा[जंगमा]णं दिद्धा न कप्पइ जोणिसमुच्छेदोति तेष वज्जंति समणसीहा, जंपिय ओइणकुम्मासगं [जं]ज-तप्पणमंथुभुजियतिलुपुप्फपिट्ठसूपसक्कुलिवेदिमवरसरकनुभकोसगपिडसिहरिणिबट्टमो-यगखीरदहिसप्पितेत्तगुल्लखंडमच्छंडियखज्जकवंजणविधिमादिकं पणीयं उवस्सए परघरे व रजे न कप्प-ति तंपि सन्निहिं काउं सुविहियाणं, जंपि-य उदिट्ठउवियरन्वियग-पज्जवजानं पकिण्णपाउकरणपामिच्चं मीसकजायं कीयकडपाहुडं च दाणट्टपुअपगडं समणवणीसगट्टयाए व कयं पच्छाकम्मं पुरेकम्मं नि[च]तिकम्मं मक्खित्तयं अतिरित्तं मोहरं चैव सयग्गहमाहुडं मट्ठि[उ]ओवल्लिनं अच्छेज्जं चैव अणीसट्ठं जं तं तिहीसु जन्नेसु ऊसवेसु य अंतो व बहिं व होज्ज समणट्टयाए ठवियं हिंसासावज्जसंपउत्तं न कप्प-ति तंपि-य परिघेत्तुं, अइ केरिमयं पुणाइ कप्पति ?, जं तं एक्कार,सपिडवायसुद्धं किणगहणपयणकयकारियाणमोयणनवकोडीहिं सुपरिसुद्धं दसहिं य दोमेहिं विप्पमुक्कं उभगमउपायणेमणाए सुद्धं ववगयचुयचवियचनदेदं च फासुयं ववगयसंजोगमगिगालं विगयधूमं छट्ठाणनिमित्तं छक्कायपरिरक्खणट्टा ह[णि]णि ह-णिं फासुकेण भिक्खेण वट्ठियच्चं, जंपि-य गमणस्म सुविहियस्स उ रोगायंके बहुप्पकारंमि समुप्पसे वाताहिकपिण्णिमिअतिरित्तकुविये तह सन्निवानजाते व उदयपत्ते उज्जलबलविउ-ल[तिउल]कक्खवडपगाउदुकुप्पे अशुभकडुयफस्से चंउफलविवागे महब्भ[ये]ए जोवि-यंतकरणे यव्वमरीरपरितावणकरे न कप्प-ति तारिसं-वि तह अप्पणो परस्स वा ओसहभेसज्जं भणयागं च तंपि संनिहिकयं, जंपि-य गमणस्म सुविहियस्स दु पडिग्गहोभारिस भवति भायणभेडोवहिउवकरणं पडिग्गहो पादबंधणं पादकेस-तिया पादठवणं च पडलाइं तिजेव रयताणं च गोच्छओ तिजेव य पच्छाका रयोहरण चोत्पट्टकमुहणंतकमादीयं एयं-पि-य संजमस्स उववुहणट्टयाए वायायबदंसम-यगसीयपरिरक्खणट्टयाए उवकरणं रागदोमरहियं परिहरियच्चं संजएण णिच्चं पडिलेहणपफांडणपमज्जणाए अहो य राजो य अप्पमत्तेण होइ सततं निक्खिच्चि-यच्चं च गिण्हियच्चं च भायणभंशोवहिउव(क)रणं, एवं से संजते विमुत्ते विस्संणे निप्पसिग्गहहइं निम्ममे निज्जेहबंधणे सव्वपावविरते वासीचंदणसमाणकप्पे सम-तिणमणिमुत्तात्तेडुकुच्चणे समे य भाणावमाणणाए समियरते समितरागदोत्ते समिए यमितीसु सम्म(हिं)दिट्ठी समे य जे सव्वपाणभूनेसु से हु समणे सुयधारते उज्ज[ने]ते उंजने स साहु सरणं सव्वभूयाणं सव्वजगवच्छेले सव्वभासके य संसारतट्ठित्ते य संसारसमुत्तिज्जे सततं मरणणुपारते पारगे य सव्वेत्ति संसयाणं पववणमावाहिं पट्ठहिं अट्टकम्मगंठीविभोयके अट्टमयमहणे ससमयकुसळे य भवति सुहडक्ख-

निव्विसेसे अब्भितर बाहिरंमि मया तवोवहाणंमि य सुदुञ्जुते खंते दंते य हिय(त्रित्ति)-
 निरते ईरियासमिते भासासमिते एसणासमिते आयाणमंडमत्तनिकखेवणासमिते
 उच्चारपासवणखेलसिघाणजळ[प]पारिट्ठावणियासमिते मणगुत्ते वयगुत्तं कायगुत्ते गुत्ति-
 दिए गुत्तवंभयारी चाई लज्जू धक्के तवस्सी खंतिखमे जिर्निदिए सोधिए अणियाणे
 अबहिहेस्से अममे अकिंचणे छिन्न(सोए)-व-गंधे निखलेवे सुविमलवरकंसभायणं व
 मुक्कतोए संखेविव निरंजणे विगयरागदोसमोहे कुम्मो इव इंदिएस गुत्ते जञ्जकंचणगं
 व जायरुवे पोक्खरपत्तं व निरुवलेवे चंदो इव सोम(भाव)याए सरो-व्व दिक्कनेए
 अचले जह मंदरे गिरिवरे अक्खोमे रागरो व्व थिमिए पुटवी-व मव्वफाससाहे
 तवसा च्चिय भासरासिछान्निव्व जाततेए जलियहुयासणो विव तेयसा जलंते
 गोसीसचंदणं-पिव सीयले दुगंधे य हर(ए)यो विव समिय(ता)भावे उग्घोसियमुग्गिम्मलं
 व आयसमंडलतलं व पागडभावेण सुद्धभावे सोढीरे कुंजगेव वमभेव्व जायथामे
 सीहे वा जहा मिगाहिचे हांति दुप्पघारेसे सारयसलिलं व सुद्धहिय(से)ए भारंडे च्चैव
 अप्पमत्ते खगिवसाणं व एगजाते स्वाणं च्चैव उच्चुक्काए मुत्तागारेव्व अप्पडिक्कम्मे
 सुत्तागारावणस्संतो निवायसरणप्परीपज्जाणमिव निप्पक्के जहा खुरो च्चैव एगघारे
 जहा अही च्चैव एगदिट्ठी आगासं च्चैव निरालंबे विहगे विव मव्वओ विप्पमुक्के
 कयपरनित्ताए जहा च्चैव उरए अप्पडिक्कं अणिलोव्व त्रंजोव्व अप्पडिक्कियगती
 गामे गामे ए[ग]करायं नगरे नगरे य पंचरायं ददुज्जेते य जिर्निदिए जितपरीमहे
 निच्चओ वि(सुद्धो)ऊ मच्चत्ताच्चिन्नीसकेहिं दव्वेहिं विरायं गते संचयानो विरए मुत्ते
 लहुक्के निरवक्खे जीवियमरणामविप्पमुक्के निस्समिध निव्वणं चरितं धीरे काएण
 फासयंते सतनं अज्जप्प(उ)झाणगुत्ते निहए एगे च्चरेज्ज धम्मं । इमं च परिग्गह-
 वेरमणपरिरक्खणट्टयाए पाववणं भगवया मुक्कहियं अणहियं पेच्चाभाविकं आगमंसिअई
 सुद्धं नेयाउयं अक्कडिलं अणुत्तरं मव्वदुक्खपावाण विओसमणं तस्स इमा पंच
 भावणाओ चरिमस्स वयस्स हांति परिग्गहवेरमणरक्खणट्टयाए-पठमं सोईदिएण
 सोच्चा महाई मणुत्तभट्टगाढं, किं ते ?, वरमुरयमुइंगपणवदहुरक्कछभिणीणाविपंची-
 वल्लयिवदीमकसुघोसनंदिस्सरपरिवादिणिवंसत्तणकपव्वकनंतीतलनालट्टडियनिग्घोस-
 गीयवाउयाटं न इनट्टकजल्लमल्लसुट्टिकवेलंबककहकपव्वकलासगआइवखकलंखमंखत्तूण-
 डल्लुत्तुंबवीणियतालायपकरणाणि य बहुणि महुरमरगीनसुस्सरातिं कचोमेहलाकलाव-
 पत्तरकपट्टेरकपायजालगधंष्टियखिस्त्रिणिरयणोरुत्तालियल्लु[दि]ट्टियनेउर च्चलणमालिय-
 कणगानियलजालभूसाणमहाणि लीलचंक्कम्ममाण पूवीरियाई तरुणीजणहस्सियभणिय-
 कलरिभित्तमंजुलाइं गुणवयाणाणि व बहुणि महुरजणभासियाई अजेस य एवमादिएइ

सहेसु मणुजभहएसु ण तेसु समणेण सज्जियव्वं न रज्जियव्वं न गिज्जियव्वं न मुज्जियव्वं न विनिग्घायं आवज्जियव्वं न लुभियव्वं न नुसियव्वं न हसियव्वं न सई च मई च तत्थ कुज्जा, पुणरवि सोईदिएण सोबा सहाई अमणुजपावकाई, किं ते ?, अक्कोसफरुसखिसणअवमाणणतज्जणनिब्भंछणदित्तवयणतासणउक्कजिय-
रुजरुद्धियकंदियनिग्घुट्टुरसियकल्लणविलवियाई अजेसु य एवमादिएसु सहेसु अमणुण-
पावएसु न तेसु समणेण रुसियव्वं न हीलियव्वं न निंदियव्वं न खिसियव्वं न छिंदियव्वं न भि[भि]दियव्वं न बहुयव्वं न दुगुंछावत्तियाए लब्भा उप्पाएउं, एवं सोतित्दियभाषणाभावित्तो भवति अंतरप्पा मणुज्जाऽमणुजसुच्चिभदुच्चिभरागदोसप्पणि-
हियप्पा माह मणवयणकाश्रुणे संवुढे पणिहित्तिदिए चरेज्ज धम्मं । त्तित्तियं चक्खिदिएण पासिय रुवाणि मणुज्जाई भहकाई सच्चिता[ऽ]चित्तमीमकाई कट्ठे पोत्थे य चित्तकम्मं लेप्पकम्मं सेत्थे य दंनकम्मं य पंचहिं वण्णेहिं अणेगसंठाणसं(धि)ठि-
याई गं(धि)ठिमवेडिमपरिमसंपातिमाणि य मल्लई बहुविहाणि य अहियं नयणमण-
सुहकराई वणसंढे पव्वते य गामागरनगराणि य छुदियपुक्कन्नरिणिवावीहीहियगुंजा-
लियसरमरपंतियसागरबिलपंतियखादिवनदीसरतत्तागवप्पिणीफुल्लुप्पलपउमपरिमंदि-
याभिरामे अणेगगउणगगमिहुणविचारेण वरमंठवविदिहभवणतोरणसभप्पवात्तसह-
सुकयसयणाभणसीयरहसयडजाणजुग्गसंदणनरनारिगणे य सोमपडिरुवदरेसणिजे
अलंकिन्तविभूत्तिने पुव्वकयतवप्पभावसोहग्गसंपउणे नडनट्टगज्जल्लमुद्वियवेलंबग-
कह[क]गपवगलासगआइक्खगलंखमंखत्तणदल्लुंबवीणियनालायरपकरणाणि य बहुणि
सुकरणाणि अजेसु य एवमादिएसु रुवेसु मणुजभहएसु न तेसु समणेण सज्जियव्वं
न रज्जियव्वं जाव न सई च मई च तत्थ कुज्जा, पुणरवि चक्खिदिएण
पासिय रुवाई अमणुजपावकाई, किं ते ?, गंढिकोडिककुणि उदरिक्कच्छुल्लपहल्लुज्ज-
पंगुलवामणअंधिद्वगएगचक्खुविणिहयसप्पिसल्लगवाद्धिरोगपीलियं विगयाणि य मय-
ककलेवराणि सक्किमिणकुहियं च दव्वरासि अजेसु य एवमादिएसु अमणुजपावतेसु
न तेसु समणेण रुसियव्वं जाव न दुगुंछावत्तियाणि लब्भा उप्पातेउं, एवं चक्खि-
दियभाषणाभावित्तो भवति अंतरप्पा जाव चरेज्ज धम्मं । त्तित्तियं घाणिदिएण
अग्घाइय गंधानि मणुजभहगाई, किं ते ?, जल्लयथल्लयसरसपुक्कफलपाणभो-
यणकुट्टनगरपत्तचोददमणकमरुयएलारसपिडमंस्तिगोसीससरसचंदणकप्परलवंगअगर-
कुंकुमककोलउसीरसेयचंदणसुयन्धसारंगजुत्तिवरधूबवासे उउयपिडिमिह्दिरिमगीधि-
एसु अजेसु य एवमादि-ए-सु गंधेसु मणुजभहएसु न तेसु समणेण सज्जियव्वं जाव
न सति च मई च तत्थ कुज्जा, पुणरवि घाणिदिएण अग्घात्तिय गंधाणि अमणुज-

पावकाई, किं ते ? अहिमडअस्समडहत्थिमडगोमडविगसुणगसि याल्लमणुयमज्जार-
सीहसीवियमयकुहियविणट्टकिविणबहुदुरभिगंघेसु अजेसु य एवमादि-ए-सु गंधेसु
अमणुजपावएसु न तेसु समणेण हसियव्वं जाव पणिहियपंचिदिए चरेज्ज
धम्मं । चउत्वं जिच्चिदिएण साइय रसाणि उ मणुजभइकाई, किं ते ?,
उग्गाहिमविविहपाणभोयणगुलकयखंडकयतेल्लघयकयभक्खेसु बहुविहेसु लवणरस-
संजुत्तेसु निट्ठाणगदालियंबमेहंबुद्धदहिसायबहुप्पगारेसु भोयणेमु य मणुजवज्जगंधरस-
फासबहुद्वसंभितेसु अजेसु य एवमादिएसु रसेसु मणुजभइएसु न तेसु समणेण
सज्जियव्वं जाव न सद् च मत्ति च तत्थ कुज्जा, पुणरवि जिच्चिदिएण माथिय
रसानि अमणुजपावगाई, किं ते ?, अरसविरससीयल्लक्खणिज्जप्पपाणभोयणाई
जेसीणअमणुजाई तितकडुयकमायअंबिलरसलिंडनीरसाई अजेसु य एवमा(ति)उएसु
रसेसु अमणुजपावएसु न तेसु समणेण हसियव्वं जाव चरेज्ज धम्मं । पंचमगं
-परावेक्खाए-फामिदिएण फासिय फासाई मणुजभइकाई, किं ते ?, दगमंडवहार-
सेयचंदणसीयल्लविमलजलविविहकुसुमसत्थरओसीरमुत्तियमुणालदोत्तिणापेहुणउक्खे-
वगतालियंतवीयणगज्जणियसुहसीयले य पवणे सिम्हकाळे सुहफामाणि य बहुणि
सयणाणि आसणाणि य पाउरणगुणे य निरिरकाळे अंगारपतावणा य आयवनिद्ध-
मउयसीयउत्तिणलहुया य जे उदुसुहफामा अंगमुहनिव्वुइकरा ते अजेसु य एवमादि-
तेसु फासेसु मणुजभइएसु न तेसु समणेण सज्जियव्वं न रज्जियव्वं न गिज्जियव्वं
न मुज्जियव्वं न विणिग्घायं आवज्जियव्वं न लुभियव्वं न अज्जोववाज्जियव्वं न
तुत्तियव्वं न हसियव्वं न मत्ति च मत्ति च तत्थ कुज्जा, पुणरवि फामिदिगण फासिय
फासानि अमणुजपावकाई, किं ते ?, अणेगवधबंधनालणं कणअतिभागोवणए अंग-
भंजणमूतीनगरप्पवेसगायपच्छणालक्खारसत्थारतेल्लकलकलंतनउअसीसककाललोह-
मिचगहद्धिबंधणरज्जुनिगलमंकलहत्वं डुयकुंभिपाकदहणसीहपुच्छण उव्वंधणसुल्लमेय-
गयचल्लणमल्लणकरचरणककनामोद्धसीसल्लेयणजिच्चंछणवसणनयणहिय[य]यंतदंतभं-
जणजोत्तलयकमप्पहारपादपण्हि जाणुपत्थरनिवायपीलणकविकच्छुअगणिक्खिनुयडक्क-
वायातवदंसममकनिवाते दुट्ठणिसज्जदुनिसीहियदुम्भिकक्खडगुसीयउत्तिणल्लक्खेसु
बहुविहेसु अजेसु य एवमाइएसु फासेसु अमणुजपावकेसु न तेसु समणेण हसियव्वं
न हीलियव्वं न निदियव्वं न गरहियव्वं न खिसियव्वं न छिदियव्वं न भिदियव्वं
न वहेयव्वं न दुग्गुत्तावणियं च लब्भा उप्पाएउं, एवं फासिदियभावणाभावितो
भवति अंतरप्पा मणुजामणुजसुम्भिसुम्भिरागदोसपणिहियप्पा साहू भणवयणकावगुत्तो
सेवुहे पणिहिनिदिए चरिज्ज धम्मं । एवमिणं संवरस्स वारं धम्मं संवरियं होइ

सुष्पणिहियं इमेहि पंचद्वि-वि कारणेहि मणवयकायपरिरिखिण्णहि निच्चं आमरणंतं च
 एस जोगो नेयव्वो धितिमया मतिमया धणाम्भो अक्कल्लसो अचिच्छो अपरिस्तावी
 असंकिलिद्धो सुद्धो मव्वजिणमणुक्कातो, एवं पंचमं संवरदारं फासियं पालियं सोहियं
 तीरियं किट्टियं अणुपालियं आणाए आराहियं भवति, एवं नायमुणिणा भगवया
 पभावियं परुवियं पसिद्धं सिद्धं सिद्धवरमासणमिणं आघवियं सुद्रेसियं पसत्थं पंचमं
 संवरदारं समत्तंतिवेमि । एयाति वयाई पंचवि सुव्वयमहव्वयाई हेउसयवित्ति-
 पुक्कत्थाई कहियाई अरिहंतसासणे पंच ममासेण संवरा वित्तयेण उ पणवीमत्तिस-
 मियमहियसंयुडे मया जयणघडणसुविमुद्धदंसणे एण अणुचरियसंजते चरमसरीरधरे
 भविस्मतीति ॥ २९ ॥ पण्हावागरणे णं एगो सुयक्खंधो दस अज्जयणा एक्कसरगा
 दमसु चव दिवसेसु उद्दिमिज्जंति एगंतरेसु आयंथिलेसु निरुद्धेसु आउत्तभत्तपाणएणं
 अंगं जहा आयारस्म ॥ ३० ॥



जमोऽत्यु णं समणस्स भगवओ णायपुत्तमहावीरस्स

सुत्तागमे

तत्य णं

विवागसुयं

तेणं कालेणं तेणं समएणं चंपा नामं नयरी होत्था वण्णओ, (० चं० ण० उ० दि० एत्थ णं) पुण्णभेद्द (णा०) उज्जाणे (हो० व०) ॥ १ ॥ तेणं कालेणं तेणं समएणं समणस्स भगवओ महावीरस्स अंतैवासी अज्जसुहम्मै-नामं अणगारे जाइसंप-जे वण्णओ चउ(द)हम्मपुअवी चउनाणोवगए पंचहिं अणगारमएहिं मद्धि संपरिबुद्धे पुत्ताणुपुत्वि जाव जेणेव पुण्णभेद्द उज्जाणे अहापडिअवं जाव विहरइ, परिसा निग्गया धम्मं सोच्चा निसम्म जामेव दि(सं)सि पाउअभूया तामेव दि-सि पडि-गया, तेणं कालेणं तेणं समएणं अज्जसुहम्म(स्स)अंतैवासी अज्जजंबू-नामं अणगारे सत्तुस्सेहे जहा गोयमगामी तहा त्राव आणकोट्टो[वगए] विहरइ, तए णं अज्ज-जंबू-ना(मे)मं अणगारे जायसक्के जाव जेणेव अज्जसुहम्मै अणगारे तेणेव उवागए तिवक्खतो आयाहि(णं)णयाहिणं करेइ २ ता वंदइ नमंसेइ वं० २ ता जाव पत्तुवासइ, [२] एवं बयासी-जइ णं भंते । समणेणं भगवया महावीरेणं जाव संपत्तेणं दसमस्स अंगस्स पण्हावागरणाणं अयमट्ठे प-अत्ते, एकारणमस्स णं भंते । अंगस्स विवागसुयस्स समणेणं जाव संपत्तेणं के अट्ठे प-अत्ते १, तए णं अज्जसुहम्मै अणगारे अं(बू)भुं अणगारं एवं बयासी-एवं खलु जंबू । समणेणं जाव संपत्तेणं एकारणमस्स अंगस्स विवागसुयस्स दो सुयक्खंघा प-अत्ता, तं०-दुहविवागा य सुहविवागा य, जइ णं भंते । समणेणं जाव संपत्तेणं एकारणमस्स अंगस्स विवागसुयस्स दो सुयक्खंघा प-अत्ता, तं०-दुहविवागा य सुहविवागा य, पटमस्स णं भंते । सुयक्खंघस्स दुहविवागणं समणेणं जाव संपत्तेणं (के) कइ अ(द्धि)ज्जकणा पत्त(ने)ता १, तए णं अज्जसुहम्मै अणगारे जं-भुं अणगारं एवं बयासी-एवं गलु जंबू । समणेणं० आइगरेणं तित्थगरेणं जाव संपत्तेणं दुहविवागणं दस अज्जसयणा प-अत्ता, तं०-‘भियापुत्ते य उज्जियए अमग्ग सगडे ब(व)इस्सई नंदी । उंबर सोरियइतो य देवदत्ता य अंबू य ॥ १ ॥’ जइ णं भंते । समणेणं० आइगरेणं तित्थ(व)गरेणं जाव संपत्तेणं दुहविवागणं दस अज्जसयणा प-अत्ता,

तं०-मियापुत्ते य जाव अंजू य, पढमस्स णं भंते । अज्जयणस्स दुहविवागाणं समणेणं जाव संपत्तेणं के अट्ठे प-ज्जत्ते ? , तए णं से सुहम्मि अणगारे जं-बुं अण-गारं एवं वयासी-एवं खलु जंबू ! तेणं कालेणं तेणं समएणं मिय[ग]गामे नामं नयरे होत्या वण्णओ, तस्स णं मिय-गामस्स नयरस्स बहिया उत्तरपुर(च्छि)-त्थिमे दिसीभाए चंदणपायवे नामं उज्जाणे होत्या सच्चोउय...वण्णओ, नत्थ णं मियग्गामे नयरे विजए-नामं स्वत्तिए राया परिवसट्ठ वण्णओ, तस्स णं विजयस्स खत्तियस्स मिया-नामं देवी होत्या अहीण...वण्णओ, तस्स णं विजयस्स खत्तियस्स पुत्ते मियाए देवीए अत्तए मियापुत्ते-नामं दारए होत्या जाइअधे जाइमूए जाइबहिरे जाइपंगुळे (य) हुंडे य वायव्वे य, नत्थि णं तस्स दारगस्स हत्था वा पाया वा कण्णा वा अच्छी वा नाया वा, केवलं से तेमिं अणोवंगाणं आ(ग)गिइं आ-गिइं(मि)मेत्ते, तए णं मा मिया देवी तं मियापु(त्त)तं दारगं रहस्सियंमि भूमिघरंस्ति रहस्सिएणं भत्तपाणेणं पडिजागरमाणी २ विहरइ ॥ २ ॥ तत्थि णं मि(या)यग्गामे नयरे एगे जाइअंधे पुरिसे परिचमड, से णं एगेणं सच्चक्खुएणं पुरिसेणं पुरओ-दंडएणं पग(टि)ट्टिज्जमाणे २ फुट्टहडाहडसीसे मच्छियाचडगरपहकरेणं अत्तिज्ज-माणसग्गे मि-यग्गामे नयरे गे(मि)हे २ काळुणवड्डियाए विरत्त कप्पेमाणे विहरइ । तेणं कालेणं तेणं समएणं समणे भगवं महावीरे जाव समोसरिए जाव परिमा निग्गया । तए णं से विजए स्वत्तिए इमीमे कहाए लद्धट्ठे ममाणे जहा वु(को)णिए तहा निग्गए जाव पज्जुवासट्ठ, तए णं से जाउअधे पुरिसे तं म(हा)हया अणगदं जाव सुणेत्ता तं पुरिस एवं वयासी-किं णं देवाणुप्पिया । अज्ज मियग्गामे नयरे इंदमहे-इ वा जाव निग्गच्छइ, तए णं से पुरिसे तं जाइअंधपुरिसं एवं वयासी-तो खलु देवाणुप्पिया । इंदमहे-इ वा जाव निग्गच्छइ, एवं खलु देवाणुप्पिया । समणे जाव विहरइ, तए णं एए जाव निग्गच्छंति, तए णं से अंधपुरिसे तं पुरिसं एवं वयासी-गच्छामो णं देवाणुप्पिया । अम्हे-वि समणं भगवं जाव पज्जुवासामो, तए णं से जाइअंधे पुरिसे [तेणं] पुरओ-दंडएणं [पुरिसेणं] पगट्टिज्जमाणे २ जेणेव समणे भगवं महावीरे तेणेव उवागए (२ ता) तिक्खुतो आयाहि-त्थपयाहिणं करेइ २ ता वंदइ नमंमइ वं ० २ ता जाव पज्जुवासइ, तए णं समणे भगवं महावीरे विजयस्स खत्तियस्स तीसे य० धम्ममाइक्खइ(०) जाव परिमा (जाव) पडिगया, विजए-वि गए ॥ ३ ॥ तेणं कालेणं तेणं समएणं समणस्स भगवओ महावीरस्स जेहे अंतेवासी इंदभू(ति)ई नामं अणगारे जाव विहरइ, तए णं से भगवं (२) मोयमे तं जाइअंधपुरिसं पासइ २ ता जायसहु जाव एवं वयासी-भत्थि णं भंते । के(ई)इ

पुरिसे जाइअंधे जाइअंधारुवे ? हंता अत्थि, क[हं]हि णं भंते । से पुरिसे जाइअंधे जाइअंधारुवे ? एवं खलु गोयमा । इहेव मियग्गामे नयरे विजयस्स क्षणियस्स पुत्ते मियादेवीए अत्तए मियापुत्ते नामं दारए जाइअंधे जाइअंधारुवे, नत्थि णं तस्स दारगस्स जाव आ-गिइ-मेत्ते, तए णं सा मियादेवी जाव पडिजागरमाणी २ विहरइ, तए णं से भगवं गोयमे समणं भगवं महावीरं वंदइ नमंसइ वं० २ ता एवं वयासी-इच्छामि णं भंते ! अहं तुब्भेहि अब्भणु-जाए समाणे मियापुत्ते दार(यं)णं पात्तिए, अहासहं देवाणुप्पिया !, तए णं से भगवं गोयमे समणेणं भगवया महावीरेणं अब्भणु-जाए समाणे इ(द्धे)द्धुद्धे समणस्स भगवओ महावीरस्स अंतियाओ पडि-जिक्खमइ २ ता अतुरियं जाव सोहमाणं (२) जेणेव मि-यग्गामे नयरे तेणेव उवागच्छइ २ ता मि-यग्गामं नयर मज्झमज्झे(णं) जेणेव मिया(ए)-देवीए गि(गि)हं तेणेव उवाग(च्छइ)ए, तए णं सा मियादेवी भगवं गोयमं एज्जमाणं पासइ २ ता हट्टुद्ध जाव एवं वयासी-संदिसंतु णं देवाणुप्पिया ! किमागमण- [ए]प(यो)ओयणं !, तए णं [से] भगवं गोयमे मियादेवि एवं वयासी-अहं णं देवाणुप्पियाए ! तव पुत्तं पात्तिउं हव्वमागए, तए णं सा मियादेवी मियापुत्तस्स दार(यं)गस्स अणुमगजायए चत्तारि पुत्ते सव्वालंकारविभूत्तिए करेइ २ ता भग(वं)वओ गोयमस्स पाएसु पाडेइ २ ता एवं वयासी-एए णं भंते ! मम पुत्तं पासइ, तए णं से भगवं गोयमे मि(यं)यादे(वी)वि एवं वयासी-नो खलु देवा० अहं एए तव पुत्तं पात्तिउं हव्वमागए, तत्थे णं जे से तव जेट्टे (पु०) मियापुत्ते दारए जाइअंधे जाइअंधारुवे अं णं तुमं रहस्सिमंस्सि भूमिघरस्सि रहस्सएणं भत्तपाणेणं पडिजागर-माणी २ विहरस्सि तं णं अहं पात्तिउं हव्वमागए, तए णं सा मियादेवी भगवं गोयमं एवं वयासी-से के णं गोयमा । से तहारुवे नाणी वा तवस्सी वा जेणं तव एगमट्ठे मम ताव रह(स्सि)स्सीकए तुब्भं हव्वमक्खाए जओ णं तुब्भे जाणहं ?, तए णं भगवं गोयमे मियादे-वि एवं वया(सि)सी-एवं खलु देवाणु-पिए ! मम धम्मायएिए समणे भगवं महावीरे (जाव) जओ णं अहं जाणामि, जाव च णं मियादेवी भगवया गोयमेण सद्धि एयमट्ठं सेलवइ तावं च णं मियापुत्तस्स दारगस्स भत्तवेला जाया यावि होत्था, तए णं सा मियादेवी भगवं गोयमं एवं वयासी-तुब्भे णं भंते ! इ(ह)हं केव चिट्ठइ जा णं अहं तुब्भं मियापुत्तं दार-णं उब-दंसेमित्तिकइ जेणेव भत्तपाणघ(रए)रे तेणेव उवागच्छइ २ ता वत्थपरिय(इ)ह्यं करेइ २ [ता] कट्ठसगखियं गिण्हइ २ [ता] मि(पु)उत्तस्स असणपायसाइमसाइमस्स भरेइ २ [ता] तं कट्ठसगखियं अणुकट्ठमाणी २ जे(णे)वामेव भगवं गोयमे तेणेव उवागच्छइ

२ ता भगवं गोयमं एवं बयासी-एह णं तुम्भे भंते ! म(मं)म अणुगच्छह जा णं
 अहं तुम्भं मियापुत्तं दार-गं उवदसेमि, तए णं से भगवं गोयमे मि-यादेवि
 पिट्ठओ समणुगच्छइ, तए णं सा मियादेवी तं कट्टसगखियं अणुकव्वमाणी २
 जेणेव भूमिधरे तेणेव उवागच्छइ २ ता चउप्पुडेणं वत्थेणं णासिगं बंधेइ णासिगं
 बंधमाणी भगवं गोयमं एवं बयासी-तुम्भे(ऽ)वि णं भंते ! एवं करेइ तए णं
 से भगवं गोयमे मियादेवीए एवं बुत्ते समाणे तहेव करेइ, तए णं सा
 मियादेवी परंमुही भूमिधरस्स दुवारं विहावेइ, त(ओ)ए णं गंडधे निग्गच्छइ
 से जहा-नामए अहिमडे-इ वा सप्पकडेवरे इ वा जाव तओ(ऽ)वि[य]णं अणिट्ठ-
 तराए चेव जाव गंधं प-न्नते, तए णं से मियापुत्तं दारए तस्म वि-उल्लस्स असण-
 पाणखाइमसाइमस्स गधेणं अभिभूए समाणे नंसि वि-उल्लंसि असणपाणखाइम-
 साइमंसि मुच्छिए० तं वि-उल्लं असणं ४ आसएणं आहारेइ २ ता सिग्गामेव
 विद्धंसेइ २ ता तओ पच्छा पूयताए य सोणियताए य परिणामेइ तं-पि-य णं
 पूय च सोणियं च आहारेइ, तए णं भगवओ गोयमस्म तं मियापुत्तं दार-गं
 पासिता अयमेयारूवे अज्झत्थिए [५] समुप्पज्जित्था-अहो णं इमे दारए पुरा-
 पोराणाणं दुच्चिणाणं दुप्पडिक्कंताणं असुभाणं पावाणं कडाणं कम्माणं पावगं
 फलवित्तिविसंसं पच्चण(०)भवमाणे विहरइ, २ पच्चक्खं खलु अयं पुरिसे नर-गपडिहवियं
 वेयणं वे(एईत)यइतिकट्टु मियं देवि आपुच्छइ २ ता मियाए देवीए गिहाओ
 पडिनिक्खमइ २ ता मियग्गाम नयरं मज्जंमज्जेणं निग्गच्छइ २ ता जेणेव
 समणे भगवं महावीरे तेणेव उवागच्छइ २ ता समणं भगवं महावीरं तिक्खुतो
 आयाहिणपयाहिणं करेइ २ ता वंदइ नमंमइ वं० २ ता एवं बयासी-एवं खलु (अं०)
 अहं तुम्भेहिं अब्भणु-जाए समाणे मियग्गामं नयरं मज्जंमज्जे-णं अणुप्पविसामि
 [२] जेणेव मियाए देवीए गि-हे तेणेव उवागए, तए णं सा मियादेवी ममं एज्ज-
 माणं पासइ २ ता इट्ठा तं चेव सुव्वं जाव पूयं च सोणियं च आहारेइ, तए णं मम
 इमे अज्झत्थिए (०) समुप्पज्जित्था-अहो णं इमे दारए पुरा जाव विहरइ ॥ ४ ॥
 से णं भंते ! पुरिसे पुव्वभवे के आ(सि)सी [? किं-नामए वा किंगोए वा] कयरंसि
 गामंसि वा नयरंसि वा [?] किं वा दच्चा किं वा भोच्चा किं वा शामायरिता केसि वा
 पुरा जाव विहरइ ?, गोयमाइ समणे भगवं महावीरे भगवं गोयमं एवं बयासी-एवं
 खलु गोयमा ! तेषं काळेणं तेषं समएणं इहेव जंजुहीवे सीधे भारइ वासे
 सयदुवारे नामं नयरे होत्या रिद्ध(त्य)त्थिमि(ए)य वण्णओ, तत्थ णं सयदुवारे नयरे
 धणवइ नामं राया हो(हु)त्या वण्णओ, तस्स णं सयदुवारस्स नयरस्स अहरवामंसे

दाहिनपुर-त्वमे दि(सि)वीभाए विजयवदमाणे नाम खेडे होत्या रिद्ध-त्विमियसमिडे, तस्स णं विजयवदमाणस्स खेडस्स पंच गामसयाई आभोए यावि हो-त्या, तत्व णं विजयवदमाणे खेडे इ(ए)काई नाम रट्टकूडे होत्या अहम्मिए जाव दुप्पडियाणं दे, से णं इ-का(इणाम)ई रट्टकूडे विजयवदमाणस्स खेडस्स पंचहं गामसयाणं आहेवचं जाव पालेमाणे विहरइ, तए णं से इ-काई (२०) विजयवदमाणस्स खेडस्स पंच-गामसयाई बहूहिं करेहिं य भरेहिं य विट्ठीहिं य उक्कोडाहिं य परामवेहिं य दे(दि)जेहिं य मेजेहिं य कुंतेहिं य लंछपोसेहिं य आलीवणेहिं य पंचकोट्टेहिं य थो(उ)वीळे-माणे २ विहम्ममाणे २ नजेमाणे २ तालेमाणे २ निद्धणे करेमाणे २ विहरइ । तए णं से इ काई रट्टकूडे विजयवदमाणस्स खेडस्स बहूणं राईसरतलवरमाडंबिय-कोट्टुंबियमोडुमत्थवाहाणं अ-जेमि च बहूणं गामेळगपुरिसाणं ब(हु)हुसु कजेसु य कारणेसु य मंतेसु य गुत्सेसु य निच्छएसु य ववहारेसु य मुणमाणे भणइ-न सुणेमि अस्सणमाणे भणइ-सुणेमि एवं पम्ममाणे भासमाणं गिण्हमाणे जाणमाणे, तए णं से इ-का(२)ई रट्टकूडे एयकम्मे एयपहाणे एयविजे एयसमायारे सुव(हु)हुं पावकम्मं कलिकलमं समज्जियमाणे विहरइ, तए णं तस्स इ-का(३)इयस्स रट्टकूडस्स अ-ज्जया क.पा(ई ई)इ मरीरगंमि जमगसमगमेव सोलम रोगार्थका पाउब्भया, तं०-सासे म(ला)मे जरे दाहे कुच्छिमूले भगंदरे । अदि(से)सा अजी(रे)गए दिट्ठीमुदसुळे अ(रो)कारण ॥ १ ॥ अ(त्रि)व)च्छिवेयणा कण्णव्येयणा कट्ट उ(द)येरे को(वु)डे । तए णं से इ-का(उ)ई रट्टकूडे मोठमहिं गो(या)गापंकेहिं अभिभुणं समणे कोट्टुंबियपुरिसे महावेइ २ ता एवं बयासी-गच्छह णं तुब्भे त्रेबाणुप्पिया ! विजयवदमाणे खेडे सि(मं)पाडगति-गचउक्कचच्चरमहापहपहेसु मइया २ मंहेणं उग्घोसेमाणा २ एवं बयह-(एवं) इहं खलु देवाणुप्पिया ! इ-का-ईरट्टकूडस्स मरीरगंसि सोलम-रोगार्थका पाउब्भया, तं०-सासे कासे जरे जाव कोट्टे, तं जो णं इच्छउ त्रेवाणुप्पिया । वे (वि)ज्जो वा वे-ज्जणुतो वा जा(णु)णओ वा जा-णयपुत्तो वा तेगिन्ही वा तेगिच्छिपुत्तो वा इ-का-ईरट्टकूडस्स तेसि सोलमण्हं रोगार्थकाणं एगमवि रोगार्थं उवसामितए तस्स णं इ काई रट्टकूडे वि-उलं अत्यसेपयाणं इलमइ, दोबं-पि तबं-पि उग्घोसेह २ ता एयमाणसियं पच्चप्पिणइ, तए णं मे कोट्टुंबियपुरिसा जाव पच्चप्पिणंति, तए णं (से) विजयवदमा(ण)णे खे(डे)सि)के इमं एयाकम्मं उग्घोसणं सोच्चा निसम्म बहवे वे-जा य ६ गन्तकोसहत्थयया सएहिं(तो) २ गिहेहिंते पडिनिक्कमंसि २ ता विजयवदमाचस्स मोरम्म मज्झमज्जेणं जेणेव इ-का-ईरट्टकूडस्स गिहे तेणेव उवागच्छंति २ ता इ काईरट्टकूडस्स मरीर-यी परामुंसंति २ ता तेसि रोगाणं नि(वा)दानं पुच्छंति २ ता

इ-क्काईरुडकूडस्स बहूहि अब्भंगेहि य उव्वट्ट(णा)णेहि य सिणेहपाणेहि य बमणेहि य विरेयणेहि (सि०) य अबद्ध(णे)णाहि य अबण्हाणेहि य अणुवासणाहि य ब(व)-
 त्यिकम्मेहि य नि(रु)ह्हेहि य सिरावेहेहि य तच्छणेहि य पच्छणेहि य सि(र)रो(व)-
 बत्थीहि य तप्प-णाहि य पुडपाणेहि य छलीहि य मूलेहि य कंदेहि य पणेहि य पुप्फेहि य फलेहि य वीएहि य सिलियाहि य गुलियाहि य ओसहेहि य भेसजेहि
 य इच्छंति तेसि गोळसण्हं रोगायंकाणं एगमवि रोगायंके उव(सामि)समावित्तए,
 नो चेव णं संचाएति उवसामित्तए । तए णं ते बहवे वे-ज्जा य वे-ज्जपुत्ता य जाहे
 नो संचाएति तेसि सोलमण्हं रोगायंकाणं एगमवि रोगायंके उवसामित्तए ताहे संता
 तंता परितंता जामेव दिमि पाउव्वया तामेव दिसि पडिगया, तए णं इ-क्का ई-रुडकूडे
 वे-ज्जेहि य ६ पडियाइक्खिए पणियारगपसे(च)चत्ते नि(च्चि)वि(ण्णे)टोसहभेमजे
 सोलसरोगायंकेहि अभिभूए ममाणे रजे य रट्ठे य जाव अंतोउरे य मुत्तिछए रज्जं च
 रट्ठं च आसा(य) एमाणे पत्थेमाणे पीहेमाणे अभिलसमाणे अट्टदुहत्तमंटे अक्काइजाडं
 वासययाडं परमाउयं पाळइत्ता कालमासे कालं किच्चा इमंमे रयगपभाए पुडवीए
 उक्कोसेणं मागगेवमट्ठि(ती)इएणु नेरइएणु नेरउयत्ताए उवव-जे, से णं तओ अणंतरे
 उव्वट्ठिना इहेव मियग्गमे नयरे विजयस्स खत्तियस्स मियाए देवीए क्खिच्छिमि
 पुत्तनाए उवव-जे, तए णं तीसे मियाए देवीए मगिरे वेयणा पाउव्वया उज्जया जाव
 (जलंता) इरहियासा, जप्पभिइं च ण मियापु(त्त)ने दारए मियाए देवीए क्खिच्छि
 गम्भनाए उवव-जे तप्पभिइं च णं मियादेवी विजयस्स (ख०) अणिट्ठा अकंता
 अप्पिया अनणु-त्ता अमगाना जाया य.वि होत्था, तए णं तीसे मियाए देवीए अ-ज्या
 कया(ई)इ पुव्वरत्तावरलकालसमयंमि कु.टुं)दुंबजागरियाए जागरमाणीए इमे एयाह्वे
 अज्जात्थिए जाव यमुप(जे)जित्था-एवं खणु अहं विजयस्स खत्तियस्स पुच्चि इट्ठ
 ६ धेत्ता वेसागिया अणुमया आसी, जापभिइं च णं म-म इमे गम्भे क्खिच्छिमि
 गम्भनाए उवव-जे तप्पभिइं च णं अहं विजयस्स खत्तियस्स अणिट्ठा जाव अम-
 गामा जाया यावि होत्था, नि(ने)च्छइ णं विजए खत्तिए म-म नामं वा गोयं वा
 मिण्हित्तए वा किमंग पुण इमणं वा परिभोगं वा, तं सेयं खल्ल म-म एसे गम्भं
 बहूहि गम्भमाडणाहि य पाटणाहि य गालणाहि य मारणाहि य साधित्तए वा
 ४, एवं संपेहेइ सपेहित्तं बहूणि स्वाराणि य रुद्धयाणि य त्थराणि य गम्भसाड-
 णाणि य ४ स्थायमाणी य पी(पि)यमाणी य इच्छइ तं गम्भं साधित्तए वा ४ नो
 चेव णं से गम्भे मडइ वा ४ । तए णं सा मियादेवी जाहे नो संचाएइ तं गम्भं
 सा(डे)धित्तए वा ४ ताहे संता तंता परितंता अक्कमिया अस[य]वसा तं गम्भं

दुर्हृष्टेण परिवहद्, तस्स णं दारगस्स गम्भगयस्स चैव अट्ट-नालीओ अच्चितर-
 प्पवहाओ अट्ट-नालीओ बाहिर[]पवहाओ अट्ट-पूयप्पवहाओ अट्ट-सोणियप्पवहाओ
 दुवे दुवे कण्णंतरेसु दुवे दुवे अ(च्छि-क्खि)च्छिअंतरेसु दुवे दुवे नक्तंरेसु दुवे दुवे
 धमणिअंतरेसु अभिक्खणं अभिक्खणं पूयं च सोणियं च परि(र)सवमाणीओ २ चैव
 विट्ठति, तस्स णं दारगस्स गम्भगयस्स चैव अग्गिण-नामं वार्दी पाउच्चभू जे णं
 से दारए आद्दारेइ से णं त्तिप्पामेव विडं(सं)समागच्छइ (०) पूयत्ताए (य) सोणिय-
 त्ताए य परिणमइ, तं-पि-य से पूयं च सोणियं च आद्दारेइ, तए णं मा मियादेवी
 अ-जया कया-इ नवण्हं मामाणं बहुपडिपुण्णाणं दारगं पयाया जाइअंधे जाव
 आ-गिइ-मेत्तं, तए णं सा मियादेवी तं दार-गं हुंडं अंधात्तं पासइ २ ता भीया
 ४ अम्मधाइं सहावेइ २ ता एवं वयासी-गच्छ[इ] णं देवाणुप्पि(ए)या ! तुमं एयं
 दारगं एगंतं उक्कुडियाए उज्जाहि, तए णं मा अम्मधाइं मियादेवीए तहत्ति
 एयमट्ठं पडिप्पणेइ २ ता जेणेव विजए मत्तिए तेणेव उवागच्छइ २ [त्ता]
 करयलपरिग्गहियं... एवं वयासी-एवं खलु मा(मि)मां! मियादेवी नवण्हं मामाणं....
 जाव आ-गिइ-मेत्तं, तए णं सा मियादेवी तं हुंडं अंधात्तं पासइ २ ता भीया तत्या
 उक्खिग्गा मंत्रायभया ममं सहावेइ २ ता एवं वयासी-गच्छ[इ] णं तुं(भे)मं
 देवाणुप्पि या ! एये दार-गं एगंतं उक्कुडियाए उज्जाहि, तं संदिमइ णं सामा ! तं
 दारगं अहं एगंतं उज्जाहि उदाहु मा !, तए णं से विजए खलिये तीसे अम्मधाइए
 अंतिए एयमट्ठं गोत्था [निम्म] तहेव संभंतं उट्ठाए उट्ठइ २ ता जेणेव मियादेवी
 तेणेव उवागच्छइ २ ता मियादे-विं एवं वयासी-देवाणुप्पि-या ! तुमं पठमं
 गम्भे तं जइ णं तु-मं एयं (दा०) एगंतं उक्कुडियाए उज्(सा)त्तमि (तो) तओ णं
 तुं(भे)मं पया नोथिरा भविस्सइ, नो(ते)गं तुमं एयं दारगं रहस्सियगंति भूमिघरंति
 रहस्सियगं भत्तपाणेणं पडिजागरमाणी (२) विहराहि तो णं तुंमं पया थिरा
 भविस्सइ, तए णं मा मियादेवी विजयस्स खलियस्स तहत्ति एयमट्ठं विजएणं पडि-
 पुणेइ २ ता तं दारगं रहस्सि(य)यंति भूमिघरंति रहस्सिएणं भत्तपाणेणं पडिजातर-
 माणी विहरइ, एवं खलु गोयमा ! मियापु-ने दारए पुरा(पो)पुराणार्थं जाव पक्खु-
 भवमाणे विहरइ ॥ ५ ॥ मियापुत्ते णं भंतं ! दारए इओ कालमासे कालं
 किष्वा कहिं गमहिइ (!) कहिं उववज्जिहिइ ! गोयमा ! मियापुत्ते दारए छ्वीसं
 वासाइं परमाउयं पालइता कालमासे कालं किष्वा इहेव जंबुदीवे सीवे भारहे वासे
 वेयङ्गिरिपाबन्धुले सीहकुलंसि सीहत्ताए पञ्चायाहिइ, से णं तएव सीहे भविस्सइ
 अहम्मिए जाव साइसिए सुन-हुं पारं जाव समज्जिइ २ [त्ता] कालमासे कालं.

किञ्चा इमीसे रयणप्पभाए पुडवीए उक्कोसमागरोवमाई (ठि-) द्विइएसु जाव उववज्जिहिइ, से णं तओ अणंतरं उव्वट्ठिता स(सि)री(सि)सवेसु उववज्जिहिइ, तत्थ णं कालं किञ्चा दोष्साए पुडवीए उक्कोसेणं तिण्णि सागरोवमाई...., से णं तओ अणंतरं उव्वट्ठिता पक्खीसु उववज्जिहिइ, तत्थ-वि कालं किञ्चा तच्चाए पुडवीए सत्त सागरोवमाई...., से णं तओ सीहेसु य...., तयाणंनरं (च णं) चो(चउ)त्थीए (पु०) उरगो पंचमी० इत्थी० छट्ठी० मणु(आ-ओ)या० अहे-सत्त(मा)मीए, त(तोऽ)ओ अणंतरं उव्वट्ठिता से जाई इमाई जलयरपीचिदियतिरिक्खजोणियाणं मच्छकच्छ(भ)वगाहमगर(सु)सुंसु-मारा(वी)ईणं अ(द्ध)द्धतेरम जाइडुलको(वी)डिजोणिपमुहसयसहस्साई.... तत्थ णं एगमेगसि जो(णी)णिविहाणंसि अणेगसयमहस्मखुत्तो उदात्ता २ नत्(थेव)य भुज्जी २ पच्चायाइस्सइ, से णं तओ उव्वट्ठिता. एव चउ(८)पएसु उरपरिसप्पेसु भुयपरिसप्पेसु खहयरेसु चउरिंदिएसु नेईदिएसु वेईदिएसु वणप्पइएसु कइयत्तखेणु कइयदुद्धिएसु वा(ऊ)उ० ते-उ० आ-उ० पुड(वि)वी० अणंगसयमहस्मखुत्तो...., से णं तओ अणंतरं उव्वट्ठिता संपट्टपुरे नयरे गौणत्ताए पच्चायाहिइ, से णं तत्थ उम्मुक्क जाव अ-जया कया-उ पडमपाउस(मि)नि गंगाए मदा-नईए खली(य)गमट्ठियं स्वणमाणे तडीए पोळिए नानाणे कालगए तत्थेव सुपड(ट्टे)ट्टपुरे नयरे वेण्टुकुल्लेण पु(न)भत्ताए पच्चायाइस्सइ, से णं तत्थ उम्मुक्क पच्चावे जाव जौव्वणगमणु[र]पत्ते तहारूवाणं येगणं अतिए धम्म गोवा निसम्म सुंडे भविता अ(आ)गाराओ अणगारियं पव्वइस्सइ, से णं तत्थ अणगारे भविस्सइ उ(ड)रियासमिए जाव बंधगारी, से णं तत्थ बहूई वाराई सामण्यपरियाग पाउणिता आलोइयपडिक्कंते नमाहियणे कालमासे कालं किञ्चा सोहम्म(म)मे रूपे देवत्ताए उव्वज्जिहिइ, से णं तओ अणंतरं तथं चइत्ता महाविदेहे वामे जाई कुत्थाई भवेणि अट्ठाई.... जहा दउपइजे सा चेव वतव्वया कयाओ जाव सिज्जिहिइ [५] । एवं खलु जंबू ! समणेणं भगवया महावीरेणं जाव संपत्तेणं दुहविवागणं पडमस्स अज्जयणस्स अयमट्टे प-अत्तेत्तिवैमि ॥ ६ ॥

पदमं अज्जयणं समत्तं ॥

जउ णं भते ! समणेणं जाव संपत्तेणं दुहविवागणं पडमस्स अज्जयणस्स अय-मट्टे प-अत्ते दोक्खस्स णं भंते ! अज्जयणस्स दुहविवागणं समणेणं जाव संपत्तेणं के अट्टे प-अत्ते ? , तए णं से सुहम्मं अणगारे जं-सुं अणगारे एवं वयासी-एवं खलु जंबू ! तेणं कालेणं तेणं समएणं वाणियगामे नामं नयरे होत्था रि(द्धि)द्वत्थिमिवसमिद्धे । तस्स णं वाणियगामस्स (नग०) उत्तरपुर-त्थिमे दिसीभाए दुईपलासे नामं उज्जाने होत्था, तत्थ णं वाणियगामे सिसे नामं राया होत्था वण्णओ, तस्स णं सितास्स र-ओ

सिरी-नामं देवी होत्या वण्णओ, तस्य णं वाणियगा(मण०)मे कामज्जया-नामं गणिया
होत्या अहीण जाव सुखा वावत्त(री)रिक्कलायंथिया चउसट्टिगणियागुणोववेया ए(कू)-
गूणतीसविसेसे रममाणी एकवीसरइगुणप्पहाणा वतीसपुरिसोवयारकुसला नवंग्-
मुत्तपडिबोहिया अट्टारमदेसीभामाविसारया सिंगारागा(ह)त्वात्वेसा गियरइ(य)-
गंधव्व-नट्टकुसला संगयगव० सुंदरथण० ऊसिय(ध)ज्जया सहस्सत्तंभा विदिण्णछत्त-
चामरवालवीथणीया कण्णीरहप्पयामा यावि होत्या, बट्टणं गणियाणं आहेवच्चं जाव
विहरइ ॥ ७ ॥ तस्य णं वाणियगामे विज्जयमित्ते नामं सत्यवाहे परिवसद अहे०,
तस्स णं विज्जयमित्तस्स सुभहा-नामं भारिया होत्या अहीण०, तस्स णं विज्जयमित्तस्स
पुत्ते सुभहाए भारियाए अत्तए उज्जयणं नामं दारए होत्या अहीण जाव सुखे ।
तेणं कालेणं तेणं समएणं समणे भगवं महावीरे (जाव) समोस(इ)ढे परिमा निग्गया
राया(धि) जहा कू-णिओ तहा निग्गओ धम्मो कहिओ परिमा पडिगया राया य
गओ, तेणं कालेणं तेणं समएणं समणस्स भगवओ महावीरस्स जेट्ठे अंतंबाही
इंदभू(इ)ई नामं अणगारे जाव ले(इ)से छट्ठेछट्ठेणं जहा पक्कतीए पढम जाव
जेणेव वाणियगामे [नयरे] तेणेव उवागच्छइ २ ना उच्चनीय'...अडमाने जेणेइ
रायमग्गं तेणेव (३०) ओगाढे, तस्य णं बहवे हत्थी पासइ संनद्धबद्धवम्मियगुडिब-
उत्पीलियकच्छे उहामियपटं नाणाणिरयणविविहगे(वि)वेज्जउत्तरकंसुइजे पडि-
नगिणए सयपडागवरपंचाभेत्तआरुडहत्थारांहे गहियाउहप्पहरणे अ-जं य तस्य बहवे
आमे पागइ संनद्धबद्धवम्मियगुडिए आविडगु(डि)ढे ओसारियपक्खरे उत्तरकंसुइब-
ओचूलमुहब्बंदाधरचामरथामगपरिमंथियकडिए आरुड(अरु)आसारोहे गहियाउह-
प्पहाणे अजे य तस्य बहवे पुरिसे पासइ संनद्धबद्धवम्मियकवए उत्पीलियसरा-
मणय(ही)ट्टिए पि(णि)णद्धोवेजे विमल्लवरबद्धनिचपठे गहियाउहप्पहरणे, तेसिं च णं
पुरिमाणं मज्झमयं (एमं) पुरिसं पासइ अब(उ)ओड(ग)यच्चणं उक्कितकण्ण-नासं
नेहदुगिपयगतं बत्तकुर(रु)क्खडियजुय-नियत्थं कंटेगुमरत्तमक्खदामं चुण्णगुडिब-
(गायं)गत्तं चुण्णयं व[ब]ज्जपाण(पी)पियं तिलंतिलं चेष छिज्जमाणं का(क-णी)-
गणिमंसाईं न्नाक्खिवंत्तं पावं खक्खरगसएहिं हम्ममाणं अणेग-नर-नारीसंपरिवुदं चबरे
चबरे खंडपठहएणं तवोत्तिज्जमाणं, इमं च णं एभारुवं उग्गोसगं पडिपुणैइ-नो खलु
देवा० । उज्जयगस्स दारगस्स केइ राया वा रायपुणो वा अवरज्जइ अप्पणो से
मयाईं कम्मआईं अवरज्जन्ति ॥ ८ ॥ तए णं से भगवओ गोयमस्स तं पुरिसं पात्तिता इमे
अज्जत्थिए ५-अहो णं इमे पुरिसे जाव न(णि)रत्तपडिक्खिवं वे(ह)मणं वे(दे)एइतिकडु
वाणियगामे मयरे उच्च-नीयमज्जिमकु(डे)लाई जाव अडमाने अहापज्जत्तं समु(का)-

दा(ण)णियं गिण्हइ २ ता वाणियगा(मं)मे नय(रं)रे मज्झमज्जेण जाव पडिदंसेइ,
 [२] समणं भगवं महावीरं वंदइ नमंसइ वं० २ ता एवं वयासी-एवं खलु अहं
 भंते ! तु(ज्जे)च्चे(हि)हिं अब्भणु-नाए समाणे वाणियगामं जाव तहेव (नि)वे-एइ,
 से णं भंते ! पुरिसे पुब्बभवे के आ-सी जाव पच्चणु-भवमाणे विहरइ ? एवं
 खलु गोयमा ! तेणं काट्ठेणं तेणं समएणं इहेव जंबुहीवे २ भारहे वासे हत्थिणा-
 उरे नामं नयरे होत्था रिद्ध०, तत्थ णं हत्थिणाउरे नयरे मुनंदे नामं गया होत्था
 महया०, तत्थ णं हत्थिणाउरे (ण(य)गरे) बहुमज्झदेसभाए एत्थ णं महं एगे
 गोमंड(वे)वए होत्था अणेगस्संभसयस-स्सिविद्धे पासार्इए ४, तत्थ णं वहवे
 न(य)गरगोह्वाणं सणाहा य अणाहा य न-गरगा(वि)नी(उ)ओ य नगरवसभा य
 न-गरव(त्ति)लीवहा य न-गरपट्टया-ओ य पउरतणपाणिया निब्भया निक्खमग्गा
 सुहंसुहेणं परिवसेति, तत्थ णं हत्थिणाउरे नयरे भीमे नामं कूडग्गा(ही)हे होत्था
 अहम्मिए जाव तुप्पडियणंदे । तस्स णं भीमस्स कूडग्गाहस्स उप्पला-नामं
 भारिया होत्था अहीण०, तए णं सा उप्पला कूडग्गाहिणी अ-जया कया(ई)इ
 धाव-जसना जाया यावि होत्था, तए णं तीसे उप्पलाए वृट्[र]गाहिणीए
 तिण(र)हं मासाणं बहुपडिपुण्णाणं अयमेयाक्खे दोहळे पाउच्चुए-धन्नाओ णं
 ताओ अम्मयाओ ४ जाव सुलद्धे जम्मजीति(ए)यफळे जाओ णं बहूणं न-गरगो-
 (रु)क्खाणं सणाहाण य जाव वसभाण य ऊहेहि य षणेहि य वसणेहि य छे-
 (छ-छि)प्पाहि य ककुहेहि य बहेहि य कण्णेहि य अ(रिद्ध)च्छीहि य नागाहि
 य जिच्चान्नि य ओ(उ)ट्टेहि य कंबळेहि य मोहेहि य तल्लिएहि य मज्जिएहि
 य परिमुक्केहि य त्वावणेहि य सुरं च महं च मेरुं च जाइं च नी(पुं)हुं च पग-भं
 च आगाएमाणीओ विसाएमाणीओ परिभाएमाणीओ परिमुं(ज)जेमाणीओ दोहलं
 वि(णयं)णैति, तं जइ णं अहमवि बहूणं न-गर जाव विणिज्जामिणिकट्टु तंसि दोह-
 लंसि अविणिज्जमाणंसि सुक्का मुक्खा निम्मया ओलुग्गा ओ-लुमासरीरा नित्थेया
 वीणविमणवयणा पंडुल्लहयमु(ही)हा ओमंथियनयणवयणकमला जहोइयं पुप्फत्तवर्ग-
 धमल्लालंकाराहारं अपरिभुक्खमाणी करयल्लमल्लिय-व्व कमल्लमाला ओहय जाव श्रिया-
 (य)इ । उमं च णं भीमे कूडग्गाहे जेणेव उप्पला कूडग्गा(ह)हिणी तेणेव उवा-
 गच्छइ २ ता ओहय जाव पासइ २ [ता] एवं वयासी-किं णं तु(मे)मं देवाणु-
 प्पि-ए ! ओहय जाव श्रियाणि ?, तए णं सा उप्पला भारिया भी(म)मं कूडग्गाहं
 एवं वयासी-एवं खलु देवाणुप्पिया । ममं तिण्हं मासाणं बहुपडिपुण्णाणं दोह(ळे)ला
 पाउच्चु(ए)या-ध-जा णं ता० जा-ओ णं बहूणं गो० ऊ(ह०)वेहि य जाव

लाव(ण)णेहि यं च ६ आसाएमाणी[ओ]० दोहलं वि(णि)जेति, तए णं अहं देवाणुप्पिया । तंस्सि दोहलंसि अविणिज्जमाणंसि जाव झियामि । तए णं से भी(म)मे कूडग्गा-हे उप्पलं भारियं एवं वयासी-मा णं तुमं देवाणुप्पिया ! ओहय० झियाहि, अहं णं (तं) तहा करिस्सामि जहा णं तव दोहलस्स संपणी भविस्सह, ताहिं इट्ठाहिं ५ जाव वग्गुहिं समासासेइ, तए णं से मी-मे कूडग्गा-हे अद्धरत्तकालसमयंसि एगे अवीए संनद्ध जाव पहरणे सया(सा)ओ गिहाओ निग्गच्छइ २ [ता] हत्थिणाउ(रं)रे नयरे मज्झमज्झेणं जेणेव गोमंडवे तेणेव उवाग(-२ ता)ए बहुणं न-गरगो-स्त्वाणं जाव वसभाण य अप्पेगइयाणं ऊहे छिंदइ जाव अप्पे-गइयाणं कंबले छिंदइ अप्पेगइयाणं अ-अम-आणं अंगोवंगाणं विर्यगेइ २ ता जेणेव सए गिहे तेणेव उवागच्छइ २ ता उप्पलाए कूडग्गा-हिणीए उवणेइ, तए णं सा उप्पला भारिया तेहिं बहूहिं गोमंसेहि यं नोत्ते(सुत्ते)हि यं च [५] आसा-एमा० तं दोहलं विणेइ, तए णं सा उप्पला कूडग्गा(ही)-हिणी संपुण्णदोहला संमाणियदोहला विणीयदोहला वोच्छिन्नदोहला संप-अदोहला तं गन्धं सुहंसुहेयं पविचहड, तए णं सा उप्पला कूडग्गाहिणी अजया कया(ई-ई)इ नवणं मासाणं बहु-पडिपुणाणं दार-गं पयाया ॥ ९ ॥ तए णं तेणं दारएणं जाय-मेणेणं चैव महया महया सहेंणं विधुट्ठे विसरे आरत्तिए, तए णं तस्स दारगस्स आरत्तियसहं सोचा निसम्म हत्थिणाउरे नयरे बहवे न-गरगो-स्त्वा जाव वसभा य भीया'...उच्चिग्गा सव्वओ समंता विप्पलाइत्था, तए णं तस्स दारगस्स अममापियरो अयमेयाह्वं नामधेअं करेति, जम्हा णं अम(हे)हं इमेणं दारएणं जायमेणेणं चैव महया महया विधीमहेणं विधुट्ठे विसरे आरत्तिए तए णं एयस्स दारगस्स आरत्ति(यं)यसहं सोचा निसम्म हत्थिणाउरे बहवे न-गरगो-स्त्वा जाव भीया ५ सव्वओ समंता विप्पला-इत्था तम्हा णं होउ अम्हं दारए गोत्तासए नामेणं, तए णं से गोत्ता(से)सए दारए उम्मुक्कवालभा० जाए यावि होत्था, तए णं से भी-मे कूडग्गाहे अजया कया-(ई-ई)इ कालधम्मणा संजुत्ते, तए णं से गोत्तासे दारए ब(इ)हुएणं भित्त-नाइ-नियगसयणसंबधिपति(अ)यणेथं सद्धिं संपरिधुडे रोयमाणे कंदमाणे वित्थयमाणे भीमस्स कूडग्गा(हि)हस्स वीहरणं करेइ २ [ता] बहुइं लोइयमय(कजा)किंवाइं करेइ, तए णं से सु-वंदे राया गोत्तासं दारयं अजया कयाइ सयमेव कूडग्गा-हताए ठा(ठ)वेइ, तए णं से गोत्तासे दारए कूडग्गाहे जाए यावि होरया अहम्मिअ जाव पुप्पडियाणं दे, तए णं से गोत्तासे दारए कूडग्गा(हे)हिताए कक्काकहिं अद्धर(तं)ति-यकारसमयंसि एगे अवीए संनद्धककवाए जाव यहि(आ)वाउह[८]पहरणे सया-ओ

गिहाओ नि(जा)गच्छइ [२] जेणेव गोमंडवे तेणेव उवागच्छइ २ [ता] बहूणं
 न-गरगो-रूचाणं सणाहाण य जाव विर्यंगेइ २ ता जेणेव सए गे(गि)हे तेणेव उवा-
 ग(च्छइ)ए, तए णंसे गोत्तासे कूडग्गाहे तेहिं बहूहिं गोमंसे(हिं)हि य सोजे-हि य...
 सुरं च ६ आसाएमाणे विसाएमाणे जाव विहरइ, तए णं से गोत्तासे कूडग्गाहे एय-
 कम्मं...सुबहुं पावकम्मं समज्जिणिता पंचवानसयाइ परमाउर्यं पालइता अद्दुह-
 शेवगए कालमासे कालं किच्चा दोच्चाए पुडवीए उक्कोसं निसागरोवमठिइएमु नेरइएसु
 नेरइयत्ताए उवव-जे ॥ १० ॥ तए णं सा विजयमित्तस्स सत्थवाहस्स सुभहा नामं
 भारिया जाय-निंदुया याचि होत्या जाया जाया दारगा विणिहायमावज्जंति, तए णं
 से गोत्तासे कूडग्गाहे दोच्चा(ओ)ए पुडवी(ओ)ए अणंतरं उववट्टिणा इहेव वाणिय-
 गामे नयरे विजयमित्तस्स सत्थवाहस्स सुभहाए भारियाए कच्छिंति पुत्ताए उव-
 व-जे, तए णं सा सुभहा सत्थवाही अ जया कया(ई)इ नवण्हं मासाणं बहुपडि-
 पुष्णाणं दार-णं पयाया, तए ण सा सुभहा सत्थवाही तं दारणं जायमेतयं चं व एणंते
 उ(कु)कुड्डियाए उज्झावेइ उज्झावेना दोच्चं-पि गिण्हावेइ २ ता अ(आ)णुपुव्येणं
 सारक(ख)खेमाणी संगोवेमाणी संवहेइ, त-ए णं तस्स दारगस्स अम्मापियरो
 ठिडवडियं [च] चंदसुरदंस(णियं)णं च जागरियं [च] मद्या उक्कीकारममुदएणं
 करेति, त-ए णं तस्स दारगस्स अम्मापियरो ए(इ)कारममे दिवसे नि-वते संपणे
 बार(साहे)ममे दिवसे इममेयारुवं गोणं गुगणिफज्जं नामधेज्जं करेति, जम्हा णं अम्हं
 इमे दारए जाय-मेतए चं व एणंते उक्कुड्डियाए उज्झए तम्हा णं होउ अम्हं
 दारए उज्झयए नामेणं, तए णं से उज्झयए दारए पंचधाईपरिग्ग(ही)हिए
 तं० खीरधाईए (१) मज्जगधाईए (२) मंडगधाईए (३) कीजावणधाईए
 (४) अंकधाईए (५) जहा दडपठ जे जाव निव्वाधाए गिरिकंदरमझीणे [वि]व
 चंप-नापायवे सुहंसहेणं विहरइ, तए णं से विजयमिते सत्थवाहे अ-सया कया-इ
 गणिमं च १ धरिमं न २ मेज्जं च ३ पारिच्छेज्जं च ४ चउव्विहं भंडगं गहाय
 लवणसमुदं पोयवहणे(णं)ण उवागए, तए णं से विजयमिते सत्थ लवणसमुदे पोय-
 विवत्ताए नि(ं)णुभंडसारे अणाणे असरणे कालधम्मणा संजुतं, तए णं तं
 विजयमित्तं सत्थवाहं जे जहा बहवे ईसरनलवरमाहंभियकोहुंभियइभसेद्विसत्थवाहा
 लवणसमुदं पोयविवत्ताए कूडं निचुण्णभंडसारे कालधम्मणा संजुतं सुणैति ते तहा
 इत्थ-निकखेवं च बाहिरभंडसारे च गहाय एमं(तं)ते अचकमति । तए णं सा सुभहा
 सत्थवाही विजयमित्तं सत्थवाहं लवणसमुदे पोयविवत्ताए निचुण्ण- कालधम्मणा
 संजुतं सुणेइ २ ता महया पइसोएणं अपफु-वा समाणी परसु नियता-विष चंपसक्या

धस-ति धरणीचलंसि सव्वगे(हिं)ण संनि(प)वड्डिया, तए णं सा सुभहा सत्थ-
 वाही मुहुत्तंतेरेण आसत्था समाणी बह्वहिं भिन जाव परिखुडा रोयमाणी कंदमाणी
 विलवमाणी विजयमित्तसत्थवाहस्स लोइयाइं मयकिचाइं करेइ, तए णं सा सुभहा
 सत्थवाही अ ज्ञया कया-इ लवणसमुत्तरणं च लच्छिविणासं च पोयविणासं च
 पइमरणं च अणुधि(त)नेमाणी २ कालधम्मणा संजुत्ता ॥ ११ ॥ तए णं ते नगर-
 गुत्तिया सुभइं सत्थवा(इ)हिं कालगयं जाणिता उज्झियगं दारगं सयाओ गिहाओ
 निच्छुभंति निच्छुभिता तं गिहं अ-जस्स दलयंति, तए णं से उज्झियए दारए
 सयाओ गिहाओ निच्छुटे समाणे वाणियगामे नयरे सिंघादग जाव पहेसु जूव-
 (स)खेलएसु वेत्तियाध रेमु पाणागारेसु य मुहंसुहेणं परिवड्डइ, तए णं से उज्झियए
 दारए अणेह[हि]:ए अणिवारिए सच्छदमई गइर[प]पयारे मज्जप्पसंगी चोरज्यवेस-
 दारप्पसंगी जाए यावि होत्था, तए णं से उज्झियए अ-जया कया-इ कामज्जयाए
 गणियाए सद्धिं सपलगे जाए यावि होत्था, कामज्जयाए गणियाए सद्धिं विउल्लई
 उरालाई माणुस्सगाई भोगभोगाई भुंजमाणे विहरइ, तए णं तस्स विजयमित्तस्स
 र-लो अ ज्ञया कया-इ गिरीए देवीए जो(णी)णिसुठे पाउन्भूए यावि होत्था, नो
 संचाएइ विजयमित्त राया मि(रि)रीए देवीए सद्धिं उरालाई माणुस्सगाई भोगभोगाई
 भुंजमाणे विहरिए, तए णं से विजयमित्त राया अ-जया कया-इ उज्झियदारयं
 कामज्जयाए गणियाए गिहाओ निच्छुभावेइ २ ता कामज्जयं गणियं अत्थिभतरियं
 ठावेइ २ ता कामज्जयाए गणियाए सद्धिं उरालाई भोगभोगाई भुंजमाणे विहरइ ।
 तए णं से उज्झियए दारए कामज्जयाए गणियाए गिहाओ निच्छुमेमाणे कामज्ज-
 याए गणियाए मुच्छिए गिंदे गट्टिए अज्जोषव-जे अ-जत्थ कत्थइ सुइं च रईं च
 धिइं च अत्थिदमाणे अत्थिने तम्मणे तहेसे तदज्जवसाणे तदट्ठोवउत्ते तयणियकरथे
 तन्भावणाभाविए कामज्जयाए गणियाए बह्वणि अंतराणि य छि(हा)इयाणि य
 विवराणि य पडिजागरमाणे २ विहरइ, तए णं से उज्झियए दारए अ-जया कया-इ
 कामज्जयं गणियं अंतरं ल(मे)न्नेइ, [२] कामज्जयाए गणियाए गिहं रहस्सिं
 अणुप्पविसइ २ ता कामज्जयाए गणियाए सद्धिं उरालाई माणुस्सगाई भोगभोगाई
 भुंजमाणे विहरइ । इमं च णं मित्ते राया प्हाए सव्वानंकारविभुसिए मणुस्स-
 वागुरा(ए)परि[स्सि]क्खित्ते जेणैव कामज्जयाए गिहे तेणैव उवागच्छइ २ ता तत्थ
 णं उज्झियए दारए कामज्जयाए गणियाए सद्धिं उरालाई भोगभोगाई जाव विहर-
 माणं पासइ २ ता आसुक्के [४] तिक्खियमित्तं नि(लाडे)डाके साहदु उज्झिय-
 व-नं पुरिसेहं गिहावेइ २ ता अत्थिमुत्थिजाणुकोप्परपहारसंम्ममद्वियगतं करेइ

२ ता अव-ओड-यबंधनं करेइ २ ता एणं विहाणेणं वज्जं आणावेइ, एवं खल्लु
 गोयमा ! उज्जिन्यए दारए पुरापोराणां कम्मणं जाव पच्चणु-भवमाणे विहरइ
 ॥ १२ ॥ उज्जिन्यए णं भंते ! दारए इओ कालमासे कालं किच्चा कहिं गच्छिहि०
 कहिं उव्वज्जिहिइ ? गोयमा ! उज्जिन्यए दारए पणवीसं वासाई परमाउर्यं
 पालइता अज्जेव तिभागावसेसे दिवसे सूलीभिन्ने कए समणे कालमासे कालं किच्चा
 इमीसे रयणप्पभाए पुडवीए नेरइयताए उव्वज्जिहिइ, से णं तओ अणंतरं उव्व-
 ट्ठिता इहेव जंबुदीवे वीवे भारहे वासे वेयङ्गुगिरिपायमूले वा-णरकुलंसि वाणरताए
 उव्वज्जिहिइ, से णं तत्थ उम्मुक्कवालभावे तिरियभो(ए)मेसु मुच्छिए गिंढे गट्टिए
 अज्जोववन्ने जाए जाए वा-णरपेहए बहेइ तं एयकम्मं [एयप्पहाणे एयविज्जे एय-
 ससुदायारे] कालमासे कालं किच्चा इहेव जंबुदीवे वीवे भार(इ)हे वासे इंदपुरे नयरे
 गणियाकुलंसि पुनत्ताए पच्चायाहिइ, तए णं तं दार(गं)यं अम्मापियरो जाव(मि)मेत्तकं
 वद्धेहिंति नपुंगकम्मं सिक्खावेहिंति, तए णं तस्म दार-यस्स अम्मापियरो
 निव्वत्तवारसाहस्म इमं एयासुवं नामधेज्जं क(रेहिं)रेंति तं०-हो(ऊ)उ णं [अहं इमे
 दारए] पियसेणे नामं नपुंगए, तए णं से पियसेणे नपुंगए उम्मुक्कवालभावे जोव्वण-
 गमणुपत्ते विण(णा)णयपरिणय-मेते रूवेग य जोव्वणेण य लाक्खणेग य उच्छिंटे
 उच्छिद्धसरीरे भविस्सइ, तए णं से पियसेणे नपुंगए इंदपुरं नयरे बहवे राईसर
 जाव पभि(इ-य)ईओ बहूहि य विजाप[यो]ओगेहि य मंतचुण्णेहि य हियउट्ठावणाहि
 य निण्हवणेहि य पण्हवणेहि य वसीकरणेहि य आभि-ओगिएहि य अभि-आगिता
 उरालाई माणुस्मगाई भोगभोगाई भुंजमाणे विहरिस्सइ, तए णं से पियसेणे नपुं-
 सए एयकम्मे० सुवहुं पावकम्मं समज्जिणिता ए-क्कवीसं वासमयं परमाउर्यं पालइता
 कालमासे कालं किच्चा इमीसे रयणप्पभाए पुडवीए नेरइयताए उव्वज्जिहिइ, त(ओ)-
 तो सरीस(गिरिसि)वेसु भुंजुमारे तहेव जहा पडमो जाव पुडवि० से णं तओ अणं-
 तरं उव्वट्ठिता इहेव जंबुदीवे वीवे भारहे वासे चंपाए नयरीए महिसणाए पच्चाया-
 हिइ, से णं तत्थ अ-अया कया-व गोट्टिक्कएहिं जीवि(आ)याओ ववरोक्खिए समणे
 तत्थेव चंपाए नयरीए सेट्टिकुलंसि पुनत्ताए पच्चायाहिइ, से णं तत्थ उम्मुक्कवाल-
 भावे तहास्साणं थेराणं अंतिए केवलं बोहिं...अणगारे सोहम्मं कप्पे जहा पडमे
 जाव अंतं करेहिइ ॥ निक्खेवो ॥ १३ ॥ विइर्यं अज्जस्यणं समत्तं ॥

तच्चस्स उक्खेवो एवं खल्लु जंबू ! तेणं कालेणं तेणं समएणं पुरिमताळे नामं
 नयरे होत्था रिद्ध०, तस्स णं पुरिमताळस्स नयरस्स उत्तरपुर-त्विने विसीभाए
 एस्य णं अमोहदंसणे उज्जाणे होत्था, तत्थ णं पुरिमताळे (ग०) म(इ०)हाक्के...कम्मं

राया होत्या, तस्य णं पुरिमतालस्स नयरस्स उत्तरपुर-त्थिमे दिस्सीभाए देसप्यंते
 अडवी संत्थिया, एत्थ णं साला-नामं अडवी-चोरपल्ली होत्या विस्समगिरिकंदरकोल-
 बसं-निविट्ठा बंसीकलंकपागारपरिक्खिता छि-बसेलविसमप्पवायफरिदोवग्गुटा अत्थि-
 तरपाणीया सुदुल्लभजलपेरंता अणेगखंडी-विदियजणदि-बनिग्गम[८]पवेसा सुबहुय-
 स्स-वि कुवियस्स जणस्स दुप्पहंसा यावि होत्या, तस्य णं सालाडवीए चोरपल्लीए
 विजए नामं चोरसेणावई परिवसइ अहम्मिए जाव (इणत्थिज्जमिन्नवियत्तए) लोहिय-
 पाणी बहु-नयर-निग्गयजसे सूरे दडप्पहारे साहसिए सइवेही परिवसइ (अहम्मिए०)
 असिलट्ठिपडममंल, से णं तस्य सालाडवीए चोरपल्लीए पंचण्हं चोरसयाणे आहवणं
 जाव छिहरइ ॥ १८ ॥ तए णं से विजए चोरसेणावई बहुणं चोराण य पारदारि-
 याण य गंठिभेयाण य संघिच्छेयाण य लंडपट्टाण य अ-भेत्ति च बहुणं छि-ज्जमि-
 न्नाहिराहियाणं कुंडंये यावि होत्या, तए णं से विजए चोरसेणावई पुरिमतालस्स
 नयरस्स उत्तरपुर-त्थिमिहं जणवयं बहुहिं गामघाएहि य न-गरघाएहि य योग्गह-
 णेहि य बंदिग्गहणेहि य पंथकोट्टहि य खत्तव्वणणेहि य ओ-वीलेमाणे (२) विदंसे-
 माणे तज्जेमाणे तालेमाणे नित्याणे निद्धणं निक्कणे कप्पायं करेमाणे विहरइ, महज्ज-
 लस्स २-ओ अभिस्सणं २ कप्पायं गेण्हइ, तस्स णं विजयस्स चोरसेणावइस्स
 खंदमि(वि-री नामं भारिया होत्या अहीण०, तस्स णं विजयचोरसेणावइस्स पुत्ते
 संदसिरीए भारियाए अत्तए अमग्गसेणे नामं दारए होत्या अहीणपुग्गपं(वे)-
 चिदियसरीरे वि(ष्णा)सयपत्तेणयमेत्ते ओव्वणगमणु-पत्ते । तेणं कालेणं तेणं
 समएणं समणे मग्गवं महावीरे पुरिमताले नयरे (जे० अ० उ० ते०) समोगट्ठे
 परिसा निग्गया राया निग्गओ धम्मो कहिओ परिसा राया य पडिग्गओ, तेणं
 कालेणं तेणं समएणं रामणस्स भगवओ महावीरस्स जेट्ठे अंतवासी गोथमे जाव
 रायमग्गं समोगाटे, तस्य णं बहुवे इत्थी पासइ बहुवे भात्ते पुरिसे संनदबद्धकवए
 ते(सि)त्तिं णं पुरिसाणं मज्झगयं एणं पुरिसं पासइ अब-ओडय जाव उग्गो(से)सि-
 ज्जमाणं, तए णं तं पुरिसं रावपुरिसा पडमं(मि)सि चच्चरंसि नि(सि)सीया(वि)
 वेंति २ ता अट्ठ चुळ्ळ(प्पिय)पिटए अग्गओ घाएंति २ [ता] कसप्पहारेहि ताळेमाणा २
 कळ्ळणं का-नाथिमंसाइं खावेंति खावेता इहिरपा(णी)णियं च पा(यं)एंति तयाणंतरे
 च णं दोचंति चच्चरंसि अट्ठ चुळ्ळ(लहु)भाउयाओ अग्गओ घा-एंति एवं तथे चच्चरे
 अट्ठ महापिटए चउत्थे अट्ठ महाभाउयाओ पंचमे पुत्ते छट्ठे सुब्बा सत्तमे जाम्मा-
 उया अट्ठमे धूयाओ नवमे नत्तुया दसमे नत्तुईओ एक्कारसमे नत्तुयावई बारसमे
 नत्तुपणीओ तेरसमे पिडत्तियपइया चो(चउ)इसमे पिडत्तियाओ प-अरससे माद-

सियापइया सोळसमे माउ(त्सि)सियाओ सतरसमे मा(सि)मियाओ अट्टारसमे अव-
सेसं सिम-नाइ-नियगसयणसंबंधिपरि-यणं अगगओ घा-एति २ ता कसप्पहारेहिं
ताळ्ळिमाणा २ कळुणं का-गणिमंसाइं खावेंति [२] रुहिरपा-णियं च पाएंति ॥ १५ ॥
तए णं से भगवं गोयमे तं पुरिसं पा(स)सेइ २ ता दमे ए(अयमे)यारुवे अज्जा-
त्थिए (पत्थिए) समुप्प-जे जाव तहेव निगए एवं वया-सी-एवं खलु अहं णं भंते !
तं चेव जाव से णं भंते ! पुरिसे पुव्वभवे के आसी जाव विहरइ ? एवं खलु
गोयमा ! तेणं कालेणं तेणं समएणं इहेव जंबुदीवे दीवे भारहे वासे पुरिमताले ना-
(म)स नयरे होत्था रिद्धं, तत्थ णं पुरिमताले नयरे उदिओदिए-नामं राया होत्था
महया०, तत्थ णं पुरिमताले निजए-नामं अंडयवाणियए होत्था अहुं जाव अपरि-
भूए अहम्मिए जाव दुप्पडियाणंदे, तस्स णं नि-जयस्स (अंडयवाणिय-ग-स्स) बहवे
पुरिसा दि-ज्जभइभक्तवेयणा कळाकळि कु(क्को)हाल्लियाओ य पत्थि(या)यपिडए [य]
णि-ण्हंति, [२] पुरिमतालस्स नयरस्स परिपेरेतेसु बहवे काइअंडए य घू(घू)इअं-
डए य पारेवइ० टिट्ठिमिअंडए य ख[ग्गि]ग्गि अं० मयूरे० कुक्कुडिअंडए य अ ज्जसि
च बहूणं जलयरथलयरखहयरमाईणं अंडाई गेण्हंति २ ता पत्थियपिडगाइं भरेति
[२] जेणेव नि-जयए अंडवाणियए ते[णामे]णेव उवागन्छन्ति २ ता नि-जय(ग)स्स
अंडवाणियस्स उवणेति, तए णं (मे) तस्म नि-जयस्स अंडवाणियस्स बहवे पुरिसा
दि-ज्जभइ० बहवे काइअंडए य जाव कुक्कुडिअंडए य अ ज्जसि च बहूणं जलयरथल-
यर(खिच)खहयरमाईणं अंडयए तवएसु य कवणीसु य कं(डु)दुएसु य भज्जणएसु य
इंगाळेसु य त(लि)लेति भ(ज्जं)जेति सो(डि)लेति नलेता भ(ज्जि)ज्जंता सो-खेता
रायमणे अंतरावर्णंसि अंडय(एहि य)पणि(ग)एणं विपे कप्पेमाणा विहरंति,
अप्प(णो)णा-वि य णं से नि-जयए अंडवाणियए तेहिं बहूहिं काइ(य)अंडएहि य
जाव कुक्कुडिअंडएहि य सोरेहि य तलिएहि य भ(जे)जिएहि य सुरं च....आसाएमाणे
विसाएमाणे विहरइ, तए णं से नि जए अंडवाणियए एयकम्मं ४ सुबहुं पावकम्मं
सर्माजणिता एणं वाससइहस्सं परमाउयं पालइणा काल्मासे कालं किष्वा तच्चाए पुड-
वीए उट्ठोससणमागधोवमठि-इएसु नेरइएसु नेरइयत्ताए उवव-जे ॥ १६ ॥ से णं तओ
अर्णतरं उव्वट्ठिणा इहेव साल्लाहवीए चोरपणीए विजयस्स चोरसेणाबइहस्स खंदसिरीए
भारियाए कुच्छिसि पुणत्ताए उवव-जे, तए णं तीसे खंदसिरीए भारियाए अ-जया
कया-इ तिण्हं मासाणं बहूपडिपुष्णाणं इमे एयारुवे दोहले पाउच्चूए-ध-जा-ओ णं
ताओ अम्मया० जाओ णं बहूहिं सिम-नाइ-नियगसयणसंबंधिपरियणमहिल्लाहिं
अ-भाहि य चोरमहिल्लाहिं सद्धिं संपरिवुडा ण्हाया सख्खालंकारविभूसिया वि-उलं

असर्ण पाणं स्वाइमं साइमं सुरं च म० च आसाएमाणी विसाएमाणी० विहरंति जिमियभुत्तुनरागयाओ पुरिस-नेवत्थिया संनद्धबद्ध जाव [गहियाउह] पहरणा (वरणा) भविए (ति य) हिं फ (लि) लएहिं निक्किट्ठाहिं असीहिं अंसागएहिं तोणेहिं सजीवेहिं धणहिं समुक्खित्तेहिं सरेहिं समुल्लालिया-हिं दा (दा) माहिं लंबिया-हि य ओसारियाहिं ऊरुषंटाहिं छिप्पतूरेणं वज्जमाणेणं २ महया उक्किट्ट जाव समुहरवभूर्य-पिव करेमाणीओ सालाडवीए चोरपल्लीए सच्चओ समंता ओलोएमाणीओ २ आहिंङ्ग-माणीओ (२) दोहलं विणेति, तं जइ (णं) अहं-पि जाव [दोहलं] विणिज्जामि-त्तिकट्टु तंमि दोहलंस्सि अविणिज्जमाणंस्सि जाव झियाइ । तए णं से विजए चोरसेणावई खंदसि-रिभारियं ओहय जाव पासइ, २ [ता] एवं वयासी-किं णं तुमं देवाणुप्पिया ! ओहय जाव झियासि ?, तए णं सा खंदसिरी (भा०) विज्जयं एवं वयासी-एवं खलु देवाणुप्पिया ! म-म तिण्हं मामाणं जाव झियासि, तए णं से विजए चोरसेणावई खंदसिरीए भारियाए अंति(यं)ए एयमट्टं सोच्चा निसम्म खंदसि-रिभारियं एवं वयासी-अहासुहं देवाणुप्पियत्ति एयमट्टं पडिउणेइ, तए णं सा खंदसि(री)रिभारिया विजएणं चोरसेणावइणा अच्चभणु जाया समाणी दट्टुट्ट० बडुहिं मित्त जाव अन्नाहि य बडुहिं चोरमहिलाहिं सद्धिं संपरिवुडा ण्हाया सन्वाल्कार-विभूसिया वि-उलं असणं ४ सुरं च ६ आसाएमा(णा)णी ४ विहरइ जिमिय-भुत्तुनरागया पुरिस नेव[च्छा]त्था संनद्धबद्ध जाव आहिंङ्गमाणी दोहलं विणेइ, तए णं सा खंदसि-रिभारिया संपुण्णदोहला संमाणियदोहला विणीयदोहला कोट्ठि अदोहला संप-अदोहला तं गब्भं सुहंसुहेणं परिवहइ, तए णं सा (खंदसिरी) चोरसेणावइणी नवण्हं मासायं बहुपडिपुण्माणं दार-णं पयाया, तए णं से विज(य)ए चोरसेणावई तस्स दारगस्स महया इ(त्ति)त्थीसकारसमुदएणं दसरत्तं ठिइवडियं करेइ, तए णं से विजए चोरसेणावई तस्स दारगस्स एकारसमे दिवसे वि-उलं असणं ४ उव्वखडावेइ [२] मित्त-नाइ० आरंतेइ २ ता जाव तस्सेव मित्त-नाइ० पुरओ एवं वयासी-अम्हा णं अम्हं इमंस्सि दारगंस्सि गब्भगयंस्सि समाणंस्सि इमे एयासुवे दोहले पाउच्चए तम्हा णं होउ अम्हं दार(गे)ए अमग्गसेणे नामेणं, तए णं से अमग्गसेणे कुमारे पंचधाई(ए) जाव परिवहइ ॥ १० ॥ तए णं से अमग्गसेणे कुमारे उम्मुक्खालभावे यावि होत्था अट्ट दारियाओ जाव अट्टओ दाओ...उरिय पासा०...मुंजमाने विहरइ, तए णं से विजए चोरसेणावई अ-जया कया(ई)इ कालधम्मणा संजुत्ते, तए णं से अमग्गसे(ण)णे कुमारे पंचहिं चोरसएहिं सद्धिं संपरि-वुडे रोयमाणे कंदमाणे विलवमाणे विजयस्स चोरसेणावइस्स महया इ-त्थीसकार-

समुद्रएणं नीहरणं करेइ २ ता बहुई लोइयाई मयकिबाई करेइ २ ता के(व)ण-
 कालेणं अप्पतोए जाए यावि होत्या, तए णं ते पंच चोरसयाई अन्नया कया(इ)इ
 अभग्गसेणं कुमारे सालाडवीए चोरपल्लीए महया २ चोरसेणावइताए अभिसिचंति ।
 तए ण से अभग्गसेणे कुमारे चोरसेणावई जाए अहम्मिए जाव कप्पायं गि-ण्हइ,
 तए ण (से) ते जाणवया पुरिसा अभग्गसेणेणं चोरसेणावइणा बहुगामघायावणाहिं
 ताविया समाणा अन्नमन्नं सहावेति २ ता एवं वयासी-एवं खलु देवाणुप्पिया ।
 अभग्गसेणे चोरसेणावई पुरिमताल्स नयरस्त उत्तरिद्धं जगवयं बहुहिं गमघाएहिं
 जाव निद्धणं करेमाणे विहरइ, तं सेयं खलु देवाणुप्पिया ! पुरिमताले नयरे
 म-हाबलस्म र-न्नो एयमट्ठं वि-न्नविणए, तए णं ते जा(ज)णवया पुरिसा एयमट्ठं
 अन्नमन्नेणं पडिसुणेति २ ता महत्थं महग्गं महरेहं रा(य)यारिहं पाहुइं
 गि-ण(हे)हंति २ ता जेणेव पुग्गिमान्ते नयरे तेणेव उवाग० २ ता जेणेव म-हाबले
 राया तेणेव उवाग० २ ता म-हाबलस्म र-न्नो तं महत्थं जाव पाहुइं उवणेति [२]
 करयल...अंजलिं कट्टु म-हाबले रायं एवं वयासी-एवं ग्यन्तु मासी । सालाडवीए
 चोरपल्लीए अभग्गसेणे चोरसेणावई अम्हे बहुहिं गामघाएहि य जाव निद्धणे करेमाणे
 विहरइ, तं इच्छामि गं मासी ! तु(इमं)ज्जे वाहुत्तायापरिग्गहिया निम्मया निष्-
 वसग्गा सुहेणं परेवसिणएत्तिकट्टु पा-य वपडिया पंजलिउडा म-हाबले रायं एयमट्ठं
 वि-न्नवेति, तए णं से म-हाबले राया तेसिं जा-णवयाणं पुरिमाणं अंतिए एयमट्ठं
 सोबा निसम्म आसुणंते जाव मिसिमिसेमाणे तिबलियं मिउडिं निडाले माहुइ
 दंडं सहावेइ २ ता एवं वयासी-गच्छइ णं तु० देवाणुप्पिया । सालाडव चोरपल्ली
 विल्लंपाहि २ ता अभग्गसेणे चोरसेणावई जीवग्गाहं गि-ण्हहि २ ता म-म उव-
 णेहि, तए णं से दंडे तहत्ति एयमट्ठं पडिसुणेइ, तए णं से दंडे बहुहिं पुरिसेहिं
 संनद्धवइ जाव पहरणेहिं सदि संपरिवुडे मग्गइएहिं फलएहिं जाव छिप्पतरेणं
 वज्जमाणेणं महया जाव उक्कि(ट्ठि)ट्ठ जाव करेमाणे पुरिमताले नयरं मज्झमज्जेणं
 निग्गच्छइ २ ता जेणेव सालाडवी(ए) चोरपल्ली(ए) तेणेव पहारेत्थ गमणाए, तएणं
 तस्स अभग्गसेणस्स चोरसेणावइ(य)स्स चारपुरिमा इमीसे क्हाए लद्धा समाया
 जेणेव सालाडवी चोरपल्ली जेणेव अभग्गसेणे चोरसेणावई तेणेव उवाग(या)च्छंति
 २ ता करयल जाव एवं वयासी-एवं खलु देवाणुप्पिया । पुरिमताले नयरे
 म-हाबलेणं र-न्ना म(हया)हामडच्चडगरेणं द(डं)डे आणते-गच्छइ णं तु(से)ज्जे
 देवाणुप्पिया ! सालाडविं चोरपल्लीं विल्लंपाहि अभग्गसेणे चोरसेणावई जीव(र)गाहं
 गेण्हहि २ ता म-म उवणेहि, तए णं से दंडे महया मडच्चडगरेणं जेणेव

सालाहवी चोरपत्नी तेणेव पहारेत्य गमणाए, तए णं से अभग्गसेणे चोरसेणावई तेसिं चारपुरिसाणं अंतिए एयमहुं सोळा निसम्म पंच-चोरसयाई सहावेइ सहा-वेत्ता एवं बयासी-एवं खलु देवाणुप्पिया ! पुरिमताले नयरे म-हाबले जाव तेणेव पहारेत्य गमणाए (आगए, तए णं से अभग्गसेणे ताई पंच-चोरसयाई एवं बयासी-) तं सेयं खलु देवाणुप्पिया ! अमहुं तं दंडं सालाहवीं चोरपत्तिं असंप(त्तं)त अंतरा चेव पडिसेहिए, तए णं ताई पंच-चोरसयाई अभग्गसेणस्स चोरसेणा-वइस्स तद्वत्ति जाव पडिसुणोति, तए णं से अभग्गसेणे चोरसेणावई वि-उलं असणं पाणं खाइमं साइमं उवक्खडावेइ २ ता पंचहिं चोरसएहिं सद्धिं ष्हाए भोगणमंड-वंसि तं वि-उलं असणं ६ मुरं च ६ आसाएमाणे ४ विहरइ, जिमियसुत्तुतराग-एवि (अ) य णं समाणे आर्यंते चोक्खे परमवुडभूए पंचहिं चोरसएहिं सद्धिं अळं चम्मं दु(रु)रइइ २ [ता] सं-नद्धवद्ध जाव पहरणेहिं मगइएहिं जाव रवेणं पुब्बा- (पक्का)वरण्हकालसमयंसिं मालाहवीओ चोरपत्नीओ निग्गच्छइ २ [ता] विसमदुग्ग-गहणं ठिए गहियभत्तपाणे तं दंडं पडिवाल्लमाणे चिट्ठइ, तए णं से दंडे जेणेव अभग्गसेणे चोरसेणावई तेणेव उवागच्छइ २ [ता] अभग्गसेणेणं चोरसेणावइणा सद्धिं संपलओ यावि होइथा, तए णं से अभग्गसेणे चोरसेणावई तं दंडं खिप्पामेव हयमहिय जाव पडिसेहिं० तए णं से दंडे अभग्गसेणेणं चोग्गसेणावइणा हय जाव पडिसंहिए समाणे अ(र)धामे अबले अवीरिए अपुरिसक्कारपरकमं अधारणिजमिति-कडु जेणेव पुरिमताले नयरे जेणेव म-हाबले राया तेणेव उवागच्छइ २ ता करयल० एवं बयासी-एवं खलु सार्मी ! अभग्गसेणे चोरसेणावई विसमदुग्गगहणं ठिए गहियभत्तपा(मि)णीए नो खलु से सक्का केणइ मुच्चहुएणावि आसवळेण वा हत्थिबळेण वा जोहबळेण वा रहबळेण वा चाउरिगिणि-पि० उरंउरेणं गिण्हिताए ताहे सामेण य भे-एण य उच्चप्प(दा)याणेण य वि[रु](वी)संभमाणे उ(प)ववए यावि होइथा, जे-त्ति (अ) से अट्ठिभतरणा सीसग(स)भमा मित-नाइ विद्यससयण-संबंधिपरियणं च वि-उल्लषणकणपरयणसंनसारसाव(इ)एजेणं भिदइ अभग्गसेणस्स य चोरसेणावइस्स अभिक्खणं २ महत्थाई महग्गाई महुरिहाई पाहुडाई पेसेइ [२] अ(मंग)मगासेणे चोरसेणावई वी(चि)संभमाणेइ ॥ १० ॥ तए णं से म-हाबले राया अ-ब्बा कया-इ पुरिमताले नयरे एगं मई महइमहात्थिं कूडामारसालं करेइ अणेगक्कंभसयसनिविद्धं पासा(इ)ईयं दरसणिवं०, तए णं से म-हाबले राज अ-ब्बा कया-इ पुरिमताले नयरे उस्सुळं जाव दसरत्तं पमोयं (उग)वेवावेइ २ ता कोट्टिविचपुरि(सं)से सहावेइ २ ता एवं बयासी-मच्छइ वं मुक्खे देवाणुप्पिया !

सालाडवीए चोरपल्लीए तत्य णं तु[ब्भे]म्हे अभग्गसेणं चोरसेणावई करयल जाव एवं व०-एवं खलु देवाणुप्पिया । पुरिमताळे नयरे महाबलस्स र-ओ उस्सुक्के जाव दसरत्ते पमो-ए उग्घोसिए तं किं णं देवाणुप्पिया ! वि-उलं असणं ४ पुप्फवत्त्व- (गंध)मल्लालङ्का(रे य)रं ते इहं हव्वमाणिज्ज उदाहु सयमेव गच्छि[त्था]त्ता ? तए णं [ते] कोडुंबियपुरिसा म हाबलस्स र-ओ करयल जाव पडिसुणैति २ ता पुरिमतालाओ नयराओ पडि० नाडविकिट्ठेहिं अद्दाणेहिं सुहेहिं वस(हिं)हीपायरासेहिं जेणेव सालाडवी चोरपल्ली तेणेव उवागच्छति [२] अभग्गसेणं चोरसेणावई करयल जाव एवं वयासी-एवं खलु देवाणुप्पिया ! पुरिमताळे नयरे म-हाबलस्स र-ओ उस्सुक्के जाव उदाहु मयमेव गच्छि-त्ता ? तए णं से अभग्गसेणे चोरसेणावई ते कोडुंबियपुरिसे एवं वयासी-अहं णं देवाणुप्पिया ! पुरिमता(ले)लनय(रे)रं मयमेव गच्छामि, ते कोडुंबियपुरिसे मक्कारेइ...पडिविसज्जेइ, तए णं से अभग्गसेणे चोरसेणावई बहुहिं भित्त जाव परिवुडे ष्हाए सव्वालंकारविभूसिए सालाडवीओ चोरपल्लीओ पडि-निकवमइ २ ता जेणेव पुरिमताळे नयरे जेणेव म(-ल)हाबले राया तेणेव उवागच्छइ २ ता करयल० म(हव्व)हाबलं रायं जएणं विजएणं वदावेइ २ ता महत्थं जाव पाहुडं उवणेइ । तए णं से म-हाबले राया अभग्गसेणस्स चोरसेणावइस्स तं महत्थं जाव पडिच्छइ, अभग्गसेणं चोरसेणावई मक्कारेइ संमाणेइ पडिविसज्जेइ कूडागारसालं च से आवसहं दन्त्यइ, तए णं [से] अभग्गसेणे चोरसेणावई म-हाबलेणं र-आ विसज्जिए संमाणे जेणेव कूडागारसाला तेणेव उवागच्छइ, तए णं से म(-ल)हाबले राया कोडुंबियपुरिसे महावेइ २ ता एवं वयासी-गच्छह णं तुब्भे देवाणुप्पिया ! वि-उलं असणं पाणं खाइमं साइमं उवक्कवडावेइ २ ता तं वि-उलं असणं ४ सुरं च ६ सुबहुं पुप्फ[वत्त्य]गंधमल्लालंकारं च अभग्गसेणस्स चोरसेणावइस्स कूडागार-सा(लाए)लं उवणेइ, तए णं ते कोडुंबियपुरिसा करयल जाव उवणैति, तए णं से अभग्गसेणे चोरसेणावई बहुहिं भित्त-नाइ जाव सदिं संपरिवुडे ष्हाए सव्वालंकारवि-भूसिए तं वि-उलं असणं ४ सुरं च ६ आसाएमाणे ४ पमत्ते विहरइ, तए णं से म-हाबले राया कोडुंबियपुरिसे महावेइ २ ता एवं वयासी-गच्छह णं तुब्भे देवाणुप्पिया ! पुरिमतालस्स नयरस्स दुवाराई पिहे० अभग्गसेणं चोरसेणावई जीव-गाई निष्णइ [२] मम उवणेइ, तए णं ते कोडुंबियपुरिसा करयल जाव पडिसुणैति २ ता पुरिमतालस्स नयरस्स दुवाराई पिहैति अभग्गसेणं चोरसेणावई जीवगाई निष्णैति [२] म-हाबलस्स र-ओ उवणैति, तए णं से म-हाबले राया अभग्गसेणे चोरसेणा-वई एणं विहाणेणं वज्जं आणवेइ, एवं खलु गोयमा ! अभग्गसेणे चोरसेणावई

पुरा(पु)रोराणां जाव विहरइ । अभग्गसेणे णं भंते । चोरसेणावइ कालमासे कालं किञ्चा कहिं गच्छहि० कहिं उव्वज्जिहिइ ? गोयमा । अभग्गसेणे चोरसेणावइ सत्तत्तीसे वासाइ परमाउयं पालइता अज्जव तिभागावसेसे दिवसे म्हाभेणे कए समणे कालमासे कालं किञ्चा इमीसे रयणप्पभाए पुडवीए उक्कोसं...नेरइएसु उव्वज्जिहिइ, से णं तओ अणंतरं उव्वट्ठिता...एवं संमारो जहा पड(मो)मे जाव पुडवीए, तओ उव्वट्ठिता वागारसीए नयरीए स्यरत्ताए पञ्चायाहिइ, से णं तत्थ सो[सू]यरिएहिं जीवियाओ वक्खरोविणं ममाणे तत्थेव वागारसीए नयरीए सेट्टिकुणंसि पुत्तनाए पञ्चायाहिइ, से णं तत्थ उम्मुक्कवालभावे...एवं जहा पडमे जाव अंते काहिइ ॥ निक्खेवो ॥ १९ ॥ तइयं अज्जायणं समसं ॥

अइ णं भंते !...चउत्थस्स उक्खेवो, एवं खलु जंबू ! तेणं कालेणं तेणं समएणं साहंजणी-नामं नयरी होत्था रिद्धतिथमियमभिद्धा, तीसे णं साहंजणीए वहिवा उत्तरपुग-तिथमे दिसीभाए वेवरमणे नामं उज्जाणे होत्था, तत्थ णं साहंजणीए नयरीए महवन्दे नामं राधा होत्था महया०, तस्स णं महवन्दस्स र-सो मुसेणे नामं अमके होत्था सामभेयदंड० निग्गहकुसले, तत्थ णं साहंजणीए नयरीए सु(दं)दरि-सणा-नामं गणिया होत्था वण्णओ, तत्थ णं साहंजणीए नयरीए सुभेइ नामं सत्थ-वाहे (हो०) परिवसइ अणु०, तस्स णं सुभइस्स सत्थवाहस्स भदा-नामं भारिया होत्था अहीण०, तस्स णं सुभइ(स्स)सत्थवाहस्स पुणे भदाए भारियाए अत्तए सगवे नामं दारए होत्था अहीण०, तेणं कालेणं तेणं समएणं समणे भगवं महादीरे...समोस-रणं परिगा राया व निग्गाए धम्मो कहिओ परिसा (रा०) पब्बिग(ओ)या, तेणं कालेणं तेणं समएणं समणस्स भगवओ महावीरस्स जेट्ठे अंतेवासी जाव रायसत्तमोणाहे तत्थ णं हत्थी आसे पुरिसे...ते-स च णं पुरिसाव्वं मज्झमा[ए]यं पासइ एणं सइ-त्थीयं पुरिसे अच-ओड-यवंधणं उक्खित्त जाव चो(सेण)सिक्खमाणं चिंता तहेव जाव भगवं वागरेइ, एवं खलु गोयमा ! तेणं कालेणं तेणं समएणं इहेव जंबूद्वीवे वीवे भारहे वासे छगलपुरे नामं नयरे होत्था, तत्थ सी(सि)हमि(रि)री नामं राधा होत्था महया०, तत्थ णं छगलपुरे नयरे छ(णि)णिए नामं छागलि(छगली)ए परिवसइ अणु० अहम्मिए जाव दुप्पडियान्धे, तस्स णं छ-णियस्स छा(छ)गलियस्स बहवे अ(जा)माणं य ए(ला)लयाणं य रोज्जाणं य वसभाणं य ससयाणं य स्यराणं य पसयाणं य सिंघाणं य हरिणाणं य भयूराणं य महिसाणं य सयकदाणं य सहस्सव-दाणं य जुहाणि वावणंसि संनिस्सइ चिद्धंसि, अ-भे य तत्थ बहवे पुरिसा दि-अ-भदभतवेयणा बहवे अए य जाव महिसे य सारक(स)वेमाणा संयोवेमाणा चिद्धंसि-

अ-ञे य से बहवे पुरिसा अयाण य जाव गिहंसि निरुद्धा चिद्वंति, अ-ञे य से बहवे पुरिसा दि-न्नभइभनवेयणा बहवे सय(अ)ए.य (जाव) सहस्(महि)से य जीवियाओ बबरो-वेंति [२] मंसाई क(प्पि-णी)प्पणिकप्पियाईं करेंति [२] छ(णी)णियस्स छाग-लि-यस्स उवणेंति, अञे य से बहवे पुरिसा ताईं ब(हु)हुयाईं अयमंसाईं जाव महि-समंसाईं तवएणु य कवल्लीसु य कं(द्)दुएसु य भज्जणेणु य इंगालेणु य त(त्ते)लेंति य भज्जंति य सो(ळयं)ळेंति य ० तओ रायममंगमि विणिं कप्पेमाणा विहरंति, अप्पणा-वि-य णं से छ(त्ति-य)णिण् छाग(ली)णिण् तेहिं बहुवि० मंसेहिं जाव महि-समंसेहिं मोळेहि य त(ले)लिण्हि य भ(ज्जे)जिण्हि य तुरं च ६ आनाएमाणे विहरइ, तए णं से छ(त्ती)णिण् (य) छगलि-ए एयकम्मं सुबहुं पावकम्मं कलि-कल्लुसं समज्जिणिता सण-वासमयाईं परमाउयं पालदणा कालमासे कालं किष्वा चो-त्थीए पुट्ठीए उक्कोसेणं दमसागरोबमट्ठिएणु नेरइयत्ताए उवव-ञे ॥ २० ॥ तए णं तस्स सुभइ-सन्धवाहस्स भइा भारिया जा(व)यनिदुया यावि होत्था, जाया जाया दारगा विणिहायमावज्जंति, तए णं से छ-णिण् छाग(ले-)णिण् चो-त्थीए पुट्ठीए अणंतरं उव्वट्ठिता इहेव साइंजणीए नयरीए सुभइस्स सन्धवाहस्स भइाए भारियाए कुच्छमि पुनत्ताए उवव-ञे, तए णं सा भइा सन्धवाही अ-ञया कया-इ नबण्ढं मामाणं बहुपडिपुष्णाणं दारगं पयाया, तए णं तं दारगं अम्मापियरो जायमेणं चैव सगइस्स हे(ट्ट)ट्टा[ओ] ठावेंति (०) दोबं-पि गिण्हावेंति (०) अणुपुव्वेणं सारक्(खे)वेंति संगोवेंति संबुंति जहा उज्झयण् जाव जम्हा णं अम्हं इमे दारए जायमेणं चैव सगइस्स हेट्टा ठाविण् तम्हा ण ह्यो-उ णं अम्हं एस्स दारए सगडे नामेणं, सेसं जहा उज्झयण्, सुभइे लवणममुदे कालणए माया-वि कालगया, से(ड)वि मयाओ गिहाओ निच्छूडे, तए णं से सगडे दारए सया-ओ गिहाओ निच्छूडे समाणे सि(सं)घाडग...तहेव जाव सु-दरिसणाए गणियाए मदि संपल्लगे यावि होत्था, तए णं से सुसेणे अमबे तं सगडं दारणं अ-ञया कया-इ सुदरिसणाए गणियाए गिहाओ निच्छुभावेइ [२] सु-दरिस(ण)णियं गणियं अत्थितरियं ठा-वेइ २ ता सुदरिसणाए गणियाए सदिं उरालाईं माणुस्सगाईं भोगभोगाईं भुञ्जमाणे विहरइ, तए णं से सगडे दारए सुदरिसणा(ओ)ए गिहाओ निच्छूडे समाणे अ-ञत्थ कत्थ(ड)वि सुइं वा...अत्तम० अ-ञया कया-इ रह(सि)सियं सुदरिसणा-गेइ(सि) अणुप्पविसइ २ ता सुदरि(सि)मणाए सदिं उरालाईं भोगभोगाईं भुञ्जमाणे विहरइ, इमं च णं सुसेणे अमबे न्हाए सम्बालंकारविभूंसिए यत्तुस्सकणुराए जेणेव सुदरिसणा[ए] गणियाए गेहे तेणेव उवामच्छइ २ [ता] सगडं दारणं सु-दरिसणाए

गणियाए सद्धि उरालाई भोगभोगाई भुंजमाणं पासइ २ ता आसुहते जाव
 मि(स)सिमिसेमाणे तिबलियं भित्ति निडाले साहदु सगडं दारयं पुरिसेहिं
 गिण्हावेइ [२] अट्टि जाव महियं करेइ [२] अब-ओड-यबध(गर्ग)णं करेइ १ ता
 जेणेव महचंदे राया तेणेव उवागच्छइ उवागच्छिणा करयल जाव एवं बयासी-एवं
 खलु सामी ! सगडे दारए म-मं अंते-उरसि अवरडे, तए णं से महचंदे राया
 सुसेणं अमच्चं एवं बयासी-तुमं चैव णं देवाणुप्पिया ! सगहस्स दारगस्स दंडं
 (नि)वोहि, तए णं से सुसेणे अमच्चे महचंदेणं र-जा अब्भणु-क्षाए ममाणे सगडं दारयं
 सुदरिसणं च गणियं एएणं विहाणेणं वज्जं आणवेइ, तं एवं खलु गोयमा ! सगडे
 दार-ए पु(पो)रा-पोराणणं...पच्चणुभवमाणे विहरइ ॥ २१ ॥ सगडे णं भंते !
 दारए कालगए कहिं गच्छिहि० कहिं उववज्जिहिइ ? सगडे णं दारए गोयमा !
 मत्ताव अं वासाइं परमाउयं पालदत्ता अजेव तिभागावसेसे दिवसे एगं महं अ(ओ)-
 गोमयं त(त्त)तं ममजोइभूयं इ(तवी)त्थिपद्धिमं अबयासाविए ममाणे कालमासे कालं
 किञ्चा इमीसे रयणपभाए पुढवीए नेरइयणाए उववज्जिहिइ, से णं तओ अणंतरे
 उव्वट्ठिणा रायगिहे नयरे मानंगकुलंस्ति जुग(जम)लत्ताए पचायाहिइ, तए णं तस्स
 दारगस्स अम्मापियरो नि[०]वणवारस(म)गस्स (दि०) इमे एयाक्खं गोष्णं नामधेज्जं
 करिस्सेति, तं हो-उ णं दार० सगडे नामेणं हो-उ णं दारिया सुदरिसणा-नामेणं,
 तए णं से सगडे दारए उम्मुक्कवालभावे जोव्वण...भविस्सइ, तए णं सा सुदरि-
 सणा-वि दारिया उम्मुक्कवालभावा (विण(णा)गय) जोव्वणगमणुप्पणा हवेण य जोव्व-
 णेण य लावण्णेण य उच्छिद्धा उच्छिट्टसरीरा यानि भविस्सइ, तए णं से सगडे दारए
 सुदरिसणाए हवेण य जोव्वणेण य लावण्णेण य मुच्छिउ ५ सुदरिसणाए (अ०) सद्धि
 उरालाडं (मा०) भोगभोगाई भुंजमाणे विहरिस्सइ, तए णं से सगडे दारए अ-जवा
 (क्या(इ)इ) सयमेव कूड-गा-हिणं उववसंपज्जिणाणे विहरिस्सइ, तए णं से सगडे
 दारए कूड-गाहे भविस्सइ अहम्मिए जाव दुप्पडियार्णेदे एयकम्मे० सुबहुं पावकम्मं
 (जाव) समज्जिणिणा कालमासे कालं किञ्चा इमीसे रयणपभाए पुढवीए नेरइयणाए
 उवव-जे, संसारो तहेव जाव पुढवीए, से णं तओ अणंतरे उव्वट्ठिणा वाणारसीए
 नयरीए मच्छताए उववज्जिहिइ, से णं तत्थ (णं) मच्छबंघिएहिं बहिए तत्थेव
 वाणारसीए नयरीए सेट्टिकुलंस्ति पुत्ताए पचायाहिइ बोहिं बु(ज्जे)दे० पव्व०
 मोहम्मे कप्पे...महाविदेहे वासे सिज्जिहिइ ॥ निवस्सेवो ॥ २२ ॥ सो-स्वो
 अज्जयणं समर्थं ॥

अइ णं भंते !...वचमस्स (अज्जयणस्स) उक्खे(वओ)वो, एवं खलु उव्व ! जे-

कालेणं तेणं समएणं कोसंबी-नामं नयरी होत्या रिद्धित्यमिय० बाहिं चंदोयरणे उजाणे, तत्थ णं कोसंबीए नयरीए सयाणीए नामं राया होत्या महया०, (त० णं स० र०) मियावई (णा०) देवी (हो० अ० जाव सु०), तस्स णं सयाणीवस्स (र०) पुणे मिया(वतीए)देवीए अत्तए उदायणे नामं कुमारे होत्या अहीण० जुवराया, तस्स णं उदायणस्स कुमारस्स पउमाव(इ)ई-नामं देवी होत्या, तस्स णं सयाणीवस्स सोमदत्ते नामं पुरोहिए होत्या रिउ[०]वेय०, तस्स णं सोमदत्तस्स पुरोहियस्स वसुदत्ता नामं भारिया होत्या, तस्स णं सोमदत्तस्स पुत्ते वसुदत्ताए अत्तए ब(व)हस्सइदत्ते नामं दारए होत्या अहीण०, तेणं कालेणं तेणं समएणं समणे भगवं महावीरे...सोम(रिए)रणं, तेणं कालेणं तेणं समएणं भगवं गोयमे तहेव जाव रायमगमोगाडे तहेव पासइ हन्धी आसे पुरि(से)समज्जे पुरिसं चिना तहेव पुच्छइ पुव्वभवं भगवं वागरेइ-एवं खलु गोयमा ; तेणं कालेणं तेणं समएणं इहेव जंबुदीवे दीवे भागहे वासे सव्वओभेदे नामं नयरे होत्या रिद्धित्यमियसमि० तत्थ णं सव्वओभेदे नयरे जियत्तु (जा(या)मं) राया (हो०), तस्स णं जियत्तुस्स र-ओ महेशरदत्ते नामं पुरोहिए होत्या रिउव्वेय जाव अथ-व्वणकुमले या(आ)वि होत्या, तए णं से महेशरदत्ते पुरोहिए जियत्तुस्स र-ओ रज्जवत्तविद्धगअट्टआए कळासिं एगमेणं माहणदार-यं एगमेणं खलियदार-यं एग-मेणं बइस्सदार-यं एगमेणं सुददार-यं गिण्हावेइ २ णा तेसि जीवंतगाणं चेव हिय-उंडए गिण्हावेइ [२] जियत्तुस्स र-ओ संतिहोमं करेइ, तए णं से महेशरदत्ते पुरोहिए अट्टमीचोइसीउ दुवे २ माहणत्तियवइस्(वे)ग सुं चउ(ओ)ण्हा मासाणं चत्तारि २ छण्हं मायाणं अट्ट २ संवच्छरम्म भोळम २ जाहे जाहे(ऽ)वि-य णं जियत्तु राया परवलेणं अभिजुंजउ ताहे ताहे-वि-य णं से महेशरदत्ते पुरोहिए अट्टसय माहणदारगाणं अट्टसयं खलियदारगाणं अट्टसयं बइस्सदारगाणं अट्टसयं सुददारगाणं पुरिसेहिं गिण्हावेइ गिण्हावेना तेसि जीवंतगाणं चेव हियउंडीओ गिण्हावेइ २ णा जियत्तुस्स र-ओ संतिहोमं करेइ ॥ २३ ॥ तए णं से महेशरदत्ते पुरोहिए एयकम्म० सुबहुं पावकम्मं समज्जिणिणा तीसं वानसयं परमाउयं पाल्हणा काण्मासे कानं किच्चा पंच(मा)सीए पुत्रवीए उक्कोसेणं सत्ताससागरोक्कमहिइए मर-ओ उव्व ने, से णं तओ अर्थतरं उव्वट्टिणा इहेव कोसंबीए नयरीए सोमदत्तस्स पुरोहि-यस्स वसुदत्ताए [भारियाए] पुत्ताए उव्व-ओ, तए णं तस्स दारगस्स अम्मापियरो निव्वत्तवार(मा)हस्स इ(मं)यं एयाण्वं नाम(भि)थेज्जं करेति, अम्हा वं अम्हं इमे दारए सोमदत्तस्स पुरोहियस्स पुणे वसुदत्ताए अत्तए तम्हा णं होउ अम्(ह)ई दारए ब-इ-

स्सइदतो नामेणं, तए णं से ब-इस्सइदतो दारए पंचणा(इ)ईपरिगहिए जाब परि-
 वड्ढइ, तए णं से ब-इस्सइदतो उम्मुक्खालभावे जो(जु)म्बण० वि-अय० होत्थ
 से णं उदायणस्स कुमारस्स पियबालवयस्सए यावि होत्था सहजावए सहव(ही)-
 ण्हियए सहपंसकीळियए, तए णं से सयाणीए राया अ-अया कयाइ कालवम्मुणा
 संजुते, तए णं से उदाय(णे)णकुमारे ब(हु)ह्हिं राईसर जाब सत्यवाहप्पमि(इ)ईह्हिं
 सद्धिं संपरिवुडे रोयमाणे कंदमाणे विलवमाणे सयाणीयस्स र-ओ महया इणीसकार-
 समुदएणं नीहरणं करेइ, [२] बह्हं लोइयाई मयक्किवाइ करेइ, तए णं ते बह्वे
 राईसर जाब सत्यवाह० उदायणं कुमारं मह० रायामित्तेणं अमिसिंवंति, तए
 णं से उदायणे कुमारे राया जाए महया०, तए णं से ब-इस्सइदतो दारए उदाय-
 णस्स र-ओ पुरोहियक्कम्मं करेमाणे सव्वट्ठानेसु सव्वभूमियासु अंतोउरे ब विष-
 वियारे जाए यावि होत्था, तए णं से ब-इस्स(ती)इदतो पुरोहिए उदायणस्स र-ओ
 अंतोउ(रे)रंस्सि वेलासु य अवेलासु य काले य अकाले य राओ य वियाळे ब पवि-
 समणे अ-अया कया इ पउमाव(इ)ईए देवीए सद्धिं संपलम्मे यावि होत्था पउमावईए
 देवीए सद्धिं उरालाई भोगभोगाई भुंजमाणे विहरइ, इमं च णं उदायणे राया
 ण्हाए सव्वालंकारविभूसिए जेणेव पउमावई देवी तेणेव उवागच्छइ, [२] ब-इ-
 स्सइदतं पुरोहियं पउमावईदेवीए सद्धिं उरालाई भोगभोगाई भुंजमाणं पासइ [२]
 आमुत्ते...तिव(न्नि)त्तियं भिठडिं [नि-डाले] साहडु ब-इस्सइदतं पुरोहियं
 पुरिसेह्हिं गिण्हावेइ जाव एएणे विहाणेणं वज्जं आ०, एवं खलु मोगमा । ब-इस्सइदतो
 पुरोहिए पुरापोराणाणं जाव विहरइ । ब-इस्सइदतो णं भंते । दारए इओ कालगए
 समाणे क्हिं गच्छिहिइ क्हिं उववज्जिहिइ ? गोवमा । ब-इस्सइदतो णं दारए पुरोहिए
 चो-सद्धिं वासाई परमाउयं पालइता अज्जेव तिभानाकसेसे दिक्खे सु(ली)त्तियभिच्छे
 कए समाणे कालमासे कालं किष्सा इमीसे रअणप्पमाए पुडवीए०, संसारो तह्वेव०
 पुडवी, तओ हत्थिणाउरे नयरे मि-गताए वध्यायाइस्सइ, से णं तत्थ वाउरिएह्हिं
 बहिए समाणे तत्थेव हत्थिणाउरे नयरे सेट्टिकुलसि पुत्ताए० बोह्हिं० सोहम्मं कप्पे०
 महाविदेहे वासे सिज्जिह्हिं ॥ निक्खेवो ॥ २४ ॥ पंचमं अज्जयणं समत्तं ॥

अइ णं भंते ।...खलुस्स उवव्वेणो एवं खलु जंइ । तेणं कालेणं तेणं समएणं महुदा
 ना(म)भं नयरी [होत्था], मंकीरे उजाणे, सि(री)रिदामे राया, बंधुसिरी धारिया
 पुते नंदिवदणे (गा०) कुमारे अही० शुवराया, तस्स (णं) सि-रिदामस्स सुव्व(धु-)वू
 नाम अमथे होत्था सामईव०, तस्स णं सुव्वणुस्स अक्खस्स (ब० णा० भा० ही०
 त० णं सु० अ०) बह्मिणपुते नाम दारए होत्था अहीण०, तस्स णं सिरिदायस्स
 ८० सुता०

२-ओ चित्ते नाम अलंकारिणो होत्या, सिरिदामस्स २-ओ चित्तं बहुविद् अलंकारियकम्मं करेमाणे सव्वट्टणेषु य सव्वभूमियासु य अतेवरे य दि-जवियारे यावि होत्या; तेणं काळ्णेणं तेणं समएणं सामी सैमोस-ढे परिसा निग्गया राया(वि) निग्गओ जाव परिसा पडिगया, तेणं काळ्णेणं तेणं समएणं समण० जेट्ठे...जाव रायमग्(गं)ओ गमोगाडे तहेव हत्थी आसे पुरिसे...तेसि च णं पुरिसाणे मज्झगयं एणं पुरिसं पासइ जाव नर-ना(रि)रीसंपरिवुडं, तए णं तं पुरिसं रायपुरिसा चच्चरंति तत्तंति अयोमयंति सम-जो(ई)इभूय(मि)सीहासणंति नि(वि)वेसावेति, तयाणंतरं च णं पुरिसाणे मज्झगयं बहुविद् अयकलसेहिं तनेहिं समजोइभूएहिं अप्पेगइया तंबभरिएहिं अप्पेगइया तउयभरिएहिं अप्पेगइया सीसगभरिएहिं अप्पेगइया कलकलभरिएहिं अप्पेगइया खारतेल्लभरिएहिं महया २ रायाभिसेएणं अभिसि०, तयाणंतरं च णं तत्तं अयोमयं समजोइभूयं अयोमयसंडासएणं गहाय हारं पिणदंति, तयाणंतरं च णं अ(इ)हुहारं जाव पडं मउडं चित्ता तहेव जाव वागरेइ-एवं खलु गोयमा ! तेणं काळ्णेणं तेणं समएणं इहेव जंबुदीवे वीवे भारहे वासे सीहपुरे नामं नयरे होत्या रिद्ध०, तस्य णं सीहपुरे नयरे सीहरहे नामं राया होत्या, तस्स णं सीहरहस्स र ओ दुज्जोहणे ना(मे)मे चारगपालए होत्या अहम्मिए जाव दुप्पडियाणंदे, तस्स णं दुज्जोहणस्स चारगपालगस्स इमेयारूवे चारगभंढे होत्या-बहवे अयकुंडीओ अप्पेगइयाओ तंबभरियाओ अप्पेगइयाओ तउयभरियाओ अप्पेगइयाओ सीसगभरियाओ अप्पेगइयाओ कलकलभरियाओ अप्पेगइयाओ खारतेल्लभरियाओ अगणिकार्यंति अहहिया(ओ) चिट्ठंति, तस्स णं दुज्जोहणस्स चारगपालगस्स बहवे उट्टियाओ अप्पेगइयाओ आसमुत्तभरियाओ अप्पेगइयाओ हत्थिमुत्तभरि(आ)याओ अप्पेगइयाओ गोमुत्तभरियाओ अप्पेगइयाओ महिसमुत्तभरियाओ अप्पेगइयाओ उस्सुत्तभरियाओ अप्पेगइयाओ अयमुत्तभरियाओ अप्पेगइयाओ एत्त(य)मुत्तभरियाओ बहुपडिपुण्णाओ चिट्ठंति । तस्स णं दुज्जोहणस्स चारगपालगस्स बहवे हर(युं)यं(इ)उ-याण य पायं-दुयाण य हवीण य नियलाण य संकलण य पुंजा (य) निगरा य संनि-क्खित्ता चिट्ठंति, तस्स णं दुज्जोहणस्स चारगपालगस्स बहवे वेणुलयाण य वेत्तलयाण य चिचालयाण य छिया(णं)ण य कमाण य वायरासीण य पुंजा निगरा चिट्ठंति, तस्स णं दुज्जोहणस्स चारगपालगस्स बहवे सिलाण य लउडण य मोमगराण य कणंगराण य पुंजा निगरा चिट्ठंति, तस्स णं दुज्जोहणस्स चारगपालगस्स बहवे तंताण य वरताण य वा(ग)गुर(जा)याण य वा(वा)लयत्तनरत्तूण य पुंजा निगरा चिट्ठंति, तस्स णं दुज्जोहणस्स चारगपालगस्स बहवे अस्सिपत्ताण य करवत्ताण य

क्षुरपत्तण य कर्लवचीरपत्तण य पुंजा निगरा चिद्धंति, तस्स णं दुज्जोहणस्स चार-
गपालगस्स बहवे लोहखीलालण य कडगसक्कराण य चम्मपट्टाण य अन्नपट्टाण य
पुंजा निगरा चिद्धंति, तस्स णं दुज्जोहणस्स चारगपालगस्स बहवे सूईण य डंभणाण
य कोट्टिक्काण य पुंजा निगरा चिद्धंति, तस्स णं दुज्जोहणस्स चारगपालगस्स बहवे
पच्छा(सत्था)ण य पिप्पलाण य कुहाडाण य नहच्छेयणाण य दम्मतिणाण य पुंजा
निगरा चिद्धंति, तए णं से दुज्जोहणे चारगपा(ले)णए सीहर(य)हस्स र-ओ बहवे
चोरे य पारदारिए य गंठिभे-ए य रायाव(का)यायी य अण[हा]धारए य बालघायए
य वि-संभघाए य ज्यूग(जुत्तिक)रे य सं(खं)डपट्टे य पुरिसेहिं गिण्हावेइ २ ता
उत्ताणए पाडेइ [२] लोहदंढे(ण)णं सुहं विहावेइ [२] अप्पेगइए तत्तानं पं पजेइ अप्पे-
गइ(या)ए तउर्यं पजेइ अप्पेगइए सीमगं पजेइ अप्पेगइए कलकलं पजेइ अप्पे-
गइए खार(ति)तेळं [पजेइ] अप्पेगइयाणं तेणं चेव अभिसेयगं करेइ, अप्पेगइए उत्ता-
णए पाडेइ [२] आसमुत्तं पजेइ अप्पेगइए हत्थियमुत्तं पजेइ जाव एलमुत्तं पजेइ,
अप्पेगइए हे(हिं)ट्टामुहे पाडेइ, छडछट्टस्स न्ममावेइ, [२] अप्पेगइयाणं तेणं चेव
ओ-वीलं दलयइ, अप्पेगइए हत्थं-दुयाइ बंधावेइ अप्पेगइए पायं-दु(डियं)ए बंधा-
वेइ, अप्पेगइए हडिबंधणं करेइ अप्पेगइए निय(ल)डबंधणं करेइ अप्पेगइए संकल-
बंधणं करेइ, अप्पेगइए संकोट्टियमोडिय[यं]ए करेइ अप्पेगइए हत्थ(छि)च्छि-णए
करेइ जाव मत्थोवाडि-ए करेइ, अप्पेगइ-ए वेणुलयाहि य जाव वायरासीहि य
हणावेइ, अप्पेगइए उत्ताणए कारवेइ [२] उरे सिलं दलावेइ (०) तओ लउ(लं)डं
दु(भा)हावेइ २ ता पुरिसेहिं उक्कंपावेइ, अप्पेगइए तंतीहि य जाव सुतरज्जहि य
हत्थेषु (य) पा-एमु य बंधावेइ अगडं-मि उच्च[ओ]चूलयालगं पजेइ, अप्पेगइए
असिपत्तेहि य जाव कर्लवचीरपत्तेहि य पच्छावेइ [२] खारतेल्लेणं अ(म्मं)डिभगावेइ,
अप्पे० निलाडेसु य अवदुसु य कोप्परेसु य जा(णु)णसु य खलएसु (अ) य लोहकीलए
य कडसक्कराओ य द(ला)वावेइ अ(ल)लिए भंजावेइ, अप्पेगइए स(सु)ईओ य
डं(दं)भणाणि य हत्थं गुलियासु य पायं गुलियासु य कोट्टिक्काएहिं आउडावेइ २ ता भूमिं
कंहुयावेइ, अप्पेगइए सत्थेहि य जाव नहच्छे(द-णए)यणेहि य अंगं पच्छावेइ
वब्भेहि य कुमेहि य ओ-ह(व)बदेहि य वेडावेइ [२] आयवंसि दलयइ [२] पुक्के
समाणे चडचडस्स उप्पावेइ । तए णं से दुज्जोहणे चारगपालए एयकम्मे ४ सुव-हुं
पावकम्मं समज्जिणिता एगतीसं वासमयाई परमाउर्यं पालइता कालमासे कालं किञ्च
छट्ठीए पुक्कीए उक्कोसेयं भावीससागरोवमट्टिइएइ मेरइ(एसु)ताए उवव-वे ॥ २५ ॥
से णं तओ अणंतरे उव्वट्टिता इहेव महुराए नयरीए सि-रिदामस्स र-ओ बंधुसिरीए

देवीए कुच्छिसि पुताताए उवव-जे, तए णं बंधुसिरी नवण्हं मासाणं बहुपडिपुण्णाणं
 जाव दारणं पयाया, तए णं तस्स दारगस्स अम्मापियरो निव्व(ण)ते बारसाहे इमं
 एवा(णु)रुवं नामधेअं करेति हो-उ णं अहं दार० नंदिसेणे नामेणं, तए णं से
 नंदिसेणे कुमारे पंचघाईपरिवुडे जाव परि(वु)वण्हइ, तए णं से नंदिसेणे कुमारे
 उम्मुकवालभावे जाव विहरइ जोव्व० जुवराया जाए यावि होत्था, तए णं से
 नदिसेणे कुमारे रजे य जाव अंतेउरे य मुच्छिए इच्छइ सिरिदामं रायं जीवि-
 याओ बवरोवि(ण)णए सयमेव रज्जसिरिं कारेमाणे पालेमाणे विहरिताए, तए णं से
 नंदिसेणे कुमारे सि-रिदामस्स रज्जो बहुणि अंतराणि य छिद्धानि य विवराणि य
 पडिजागरमाणे विहरइ, तए णं से नंदिसेणे कुमारे सि-रिदामस्स रज्जो अंतरं अल-
 ममाणे अ-जया कया-इ चित्तं अलंकारियं सदावेइ २ ता एवं बया[सि]सी-तुम्हे णं
 देवाणुप्पिया ! सि-रिदामस्स रज्जो सव्वद्धानेसु य सव्वभू(मिया)मीसु य अंतेउरे य
 दि-ववियारे सि-रिदामस्स रज्जो अभिक्खणं २ अलंकारियं कम्मं क(रे)माणे विह-
 रसि तं णं तु० देवाणुप्पिया ! सि-रिदामस्स रज्जो अलंकारियं कम्मं करेमाणे गीवाए
 छरं निवेसेहि तो णं अहं तुम्हं अद्धरज्जयं क(रे)रिस्सामि तुमं अम्हेहि सद्धिं उरालाई
 भोगभोगाई भुंजमाणे विहरिस्ससि, तए णं मे चित्ते अलंकारिए नंदिसेणस्स कुमा-
 रस्स (वयणं) एयमद्धं पडिसुणेइ, तए णं तस्स चित्तस्स अलंकारियस्स इमेयास्सवे
 जाव समुप्पज्जित्था-जइ णं म-म सि-रिदामे राया एयमद्धं आगमेइ तए णं म० न
 नज्जइ केणइ अयुमेणं कुमरणेणं मारिस्सइतिकइ मी० जेणेव सि-रिदामे राया
 तेणेव उवागच्छइ [२] सि-रिदा(म)मं रायं रहसिसयणं करयल० एवं बयासी-एवं खल्ल
 सामी ! नंदिसेणे कुमारे रजे य जाव मुच्छिए इच्छइ तुम्हे जीवियाओ बवरोविता
 सबमेव रज्जसिरिं कारेमाणे पालेमाणे विहरिताए, तए णं से सिरिदामे राया
 चित्तस्स अलंकारियस्स (अंतिए) एयमद्धं सोळा निसम्म आसुस्ते जाव साहइ
 नंदिसेणे कुमारे पुरिसेहिं (सद्धिं) गिण्हावेइ, [२] एएणं विहाणेणं क(ब)अं भाण-
 वेइ, तं एवं खल्ल गोयमा ! नंदिसेणे (पुरे) जाव विहरइ, नदिसेणे कुमारे इओ
 चुए कालमासे कालं किञ्चा कहीं गच्छिहिइ कहीं उववजिहिइ ! गोयमा ! नंदिसेणे
 कुमारे सद्धिं वाताई परमाजयं पालइता कालमासे कालं किञ्चा इमीसे रयणप्पयाए
 पुढवीए०, संसारे तहे० तओ हत्थिजा-उरे नवरे मच्छणाए उववजिहिइ, से णं
 तत्थ मच(छी)छिएहिं च(वि)हिए समाणे तत्थेव सेट्टिकुळे... जोहिं... खेइम्हे
 कप्पे... महाविदेहे वासे सिज्जिहिइ बुज्जिहिइ सुचिहिइ परिमि(वि)म्माहिइ सव्व-
 दुपक्काणमंतं करेहिइ ॥ निक्खेवो ॥ २६ ॥ सुद्धमज्जयणं समर्थं ॥

जद् गं मंते !... उक्तेवो सतामस्स एवं खलु खंभु ! तेणं काळेणं तेणं समएणं
 पाड[ल]लिसंडे नयरे, वणसंडे ना-मं उज्जाये, तत्थ णं पाड-लिसंडे नयरे सिद्धमे
 रासा, तत्थ णं पाड-लिसंडे नयरे सागरदत्ते-सत्थवाहे होत्वा अहुं० गंगदत्ता
 भारिया, तस्स (णं) सागरदत्तस्स पुत्ते गंगदत्ताए भारियाए अत्ताए उंकरदत्ते
 नामं दारए होत्वा अहीण जाव पंचिदियसरीरे, तेणं काळेणं तेणं स० समोत्तरणं
 जाव परिसा पडिमया, तेणं काळेणं तेणं समएणं भगवं गोयमे तहेव जेणेव
 पाड-लिसंडे नयरे तेणेव उवागच्छइ [२] पाड-लिसंडं नयरं पुरत्थि(मे)मिळिं
 दुवारेणं अणुप्पविसइ [२] तत्थ णं पासइ एणं पुरिसं कच्छुळं कोटियं दोउयस्सि
 भगंद(लि)गिं अरिसिं कासिं मासिं सोगिं सु[३]यमुह[३]ययइत्थं सु[३]-
 यपायं सडि(न)यवत्थंगुत्थियं सडियपायंगुत्थियं सडियकण्ण-नासियं र(सी)सियाए (वा)
 य पू[३]इएण य यिविधि[विध]वित्तवणमुहकिमित्तयंतपगलंतपूयस्सिहरे न्नात्थायवकं-
 तक-न-नासं अभिक्खणं २ पूयकवळे य रुहिरकवळे य किमियकवळे य वममाणं कच्छुई
 कच्छुणाई वी[वि]सराई कूय(कूव)मणं मन्थियाचडगरपह(ग)करेणं अ-भिज्जा-
 णमग्ग फुट्टडाहडसीसं दडिसं डवसणं सडमल्लगखंडघडहत्थगयं गेहे [२] दे(ह)ई-
 वल्लियाए वित्तिं कप्पेमाणं पासइ, त(दा-ए णं) या भगवं गोयमे उच्चनीय जाव
 णडइ [२] अहापज्जंतं० गिण्ह० पाड० पडि-निकखमइ [२] जेणेव समणे भगवं०
 भनपाणं आलोइ भनपाणं पडिदंसेइ समणेणं.. अम्मणु-जाए समणे जाव विल्लिह
 प-जगभूएणं] अप्पाणेणं आहारमाद्दारेइ, संजमेणं तक्सा अप्पाणं भावेयाणे विह-
 रइ । तए णं से भगवं गोयमे दोषं पि छट्टकखमणपरणंसि पढमाए पो(र)रिखीए
 सज्जायं जाव पाडलिसंडे नयरं दाहिमिळेणं दुवारेणं अणुप्पविसइ तं चेव पुरिसं
 पासइ कच्छुळं तहेव जाव संजमेणं तक्सा० विहरइ, तए णं से गोयमे स०
 छट्ट० तहेव जाव पवत्थिमिळेणं दुवारेणं अणु(२)पविसमाणे तं चेव पुरिसं कच्छुळं ...
 पास० चो-त्(य)वं पि छट्ट० उत्तरेणं० इ० अज्जत्थिए समुप्प-जे-अहो णं इमे पुरिसे
 पुरापोराणाणं जाव एवं वयासी-एवं खलु अइं मंते ! . छट्ट० जाव री(रि)मंते जेणेव
 पाड-लिसंडे नयरे तेणेव उवागच्छमि २ ता पाड० पुर-त्थिमिळेणं दुवारेणं
 (अणु)पविट्ठे, तत्थ णं एणं पुरिसं पासामि कच्छुळं जाव कप्पेमाणं० अइं दोषड०
 पारण(ए)मंसि दाहिमिळेणं दुवारेणं ... तक्खट्टकखमण० पवत्थियेणं तहेव० अइं
 चो-त्थछट्ट० उत्तरदुवारे-णं अणुप्पविसामि तं चेव पुरिसं पासामि कच्छुळं
 जाव वित्तिं कप्पेमा० सिह० विता मम पुब्बभवपुच्छ० वागरेइ-एवं खलु योवत्ता !
 तेणं काळेणं तेणं समएणं इहेव अणुहीने हीने मारहे वासे विजयपुरे अ-मं नयरे

होत्या रिद्ध०, तत्थ णं विजयपुरे नयरे कणगरहे नामं राया होत्था, तस्स णं कणगरहस्स र-ओ धन्तरी-ना(मे)मं वे(वि)जे होत्था अट्टंगाउव्वेयपाठए, तं०-कु(को)मारभिच्चं १ सालागे २ सल्ल(क)हते ३ कायतिगिच्छा ४ जंगोले ५ भूय- (वि)वि(जे)जा ६ रसायणे ७ वाजीकरणे ८, तए णं से ध-धन्तरी वे-जे विजयपुरे नयरे कणगरहस्स र-ओ अंतैउरे य अ-ओसि च बहूणं राईसर जाव मत्थवाहाणं अ-ओसि च बहूणं दु(व्व)व्वलाण य गिलाणण य वाहियाण य रोगियाण य अणाहाण य सणाहाण य माहणाण य भिक्(खा)ख गाण य करोडियाण य कप्पडियाण य आउराण य अप्पेगइयाणं मच्छमंसाइ उव(दं-दि)देसेइ अप्पेग-इयाणं कच्छपमंसाइ (उवदि०) अप्पेगइयाणं गा(हा)हमं० अप्पेगइयाणं मगरमं० अप्पेगइयाणं सुमुमारमं० अप्पेगइयाणं अयमं० एवं ए(ला)लयरोज्ज(मु)न्यरमिग-ससयगोमं(साइ)समहिसमंसाइ अप्पेगइयाणं ति(त्त)त्तिरमं साइ अप्पेगइयाणं बट्टक(०)लाबक(०)क(पो)वोय(०)कुकुड(०)मयूरमंसाइ अ-ओमि च बहूणं जलय-रथलयरखहयरमा(सी)ईणं मंसाइ उव-देसेइ अप्पणावि-य णं से ध-धन्तरी-वेजे तेहि बहूहि मच्छमंसेहि य जाव मयूरमंसेहि य अ-ओहि य बहूहि जलयरथलयरखहयर-मंसेहि य सोहेहि य त-छिएहि य (भिजेहि) भजिएहि य गुरं च ६ आसाएमाणे विसाएमाणे विहरइ। तए णं से ध-धन्तरी वे-जे एयकम्मं० मुब-हुं पावं कम्मं समज्जिणित्ता बत्तीसं वाससयाइ परमा(उं)उयं पालइत्ता कालमासे कालं किष्वा छट्ठीए पुढवीए उक्कोसेणं वावीसमागरोव० उवव-ओ। तए णं [मा] रंगदत्ता भारिया जाय-निदुया यावि होत्था जाया जाया दारगा विणि(धा)हायमावजंति, तए णं तीसे रंगदत्ताए मत्थवाहीए अ-अया कया-इ पुव्वरत्तावरणकालसमयंसि कुहुंबजागरियं जागरमा० अयं अ-अत्थिए० समुप्पजे-एवं कल्लु अहं सागरदत्तेणं सत्थवाहेणं सद्धि बहूइ वासाइ उरालाई मणुस्सगाई भोगभोगाई भुंजमाणी विहरामि, नो चेव णं अहं दारगं वा दारियं वा पयामि, तं धन्ताओ णं ताओ अम्मयाओ सपुण्णाओ कयत्थाओ (कयपु०) कयलक्खणाओ सुल्लेहे णं तासि अम्मयाणं माणुस्सए जम्म-जीवियफले जासि म-ओ नियगकुच्छिसंभू(य-गा)याइ यणदुद्धुद्ध-(गा)याइ महुरस-मुल्लावगाई मम्म(ण)णप(यं)जंपियाइ यणमूलकक्खदेसभायं अ(त्ति)भिसरमाण-याइ मुद्ध-याइ पुणो [पुणो] य ओमल्लकम्मलोवमे-हिं हत्थेहिं गिण(हि)हिउण उच्छं(गं)-निवेसियाइ दें(दिं)ति समुल्लावए समहुरे पुणो २ मंजुलप्पमणिए, अहं णं अथ-त्ता अपुण्णा अकवपुण्णा एत्तो एगमणि न पत्ता, तं सेयं कल्ल म-म फलं जाव जलंते सागरदत्तो सत्थवाइ आपुच्छित्ता सुबहुं पुप्फवत्थगीयमल्लाल्लं अरं महाव बहूमित्त-नाइ-

नियगसयणसेवधिपरि-यणमहिलाहिं सदिं पाड-लिसंढाओ नयराओ पडि-निकखमिता
 बहिया जेणेव उंबरदत्तस्स जकखस्स जकखाययणे तेणेव उवागच्छत्तए तत्थ णं
 उंबरदत्तस्स जकखस्स म(हा)हरिहं पुप्फवणं क(रेइ)रिता जकु(जाणु)पायवडियाए
 ओ(यावि-उवाए)वायइत्तए-जइ णं अहं देवाणुप्पिया । दारणं वा दारियं वा पयामि
 तो णं अहं तुब्भं जायं च दायं च भायं च अकखय-निहिं च अणुव(हु)इस्सामि-
 त्तिक ओवाइयं उ[ओ]वाइणित्तए, एवं संपेहेइ २ ता कळं जाव जलते जेणेव
 सागरदत्ते सत्थवाहे तेणेव उवागच्छइ २ ता सागरदत्तं सत्थवाहं एवं वयासी-एवं
 खलु अहं देवाणुप्पिया । तुब्भेहिं सदिं जाव न पत्ता, तं इच्छामि णं देवाणुप्पिया ।
 तुब्भेहिं अब्भणु-जाया जाव उ-वाइणित्तए, तए णं से सागरदत्ते (स०) गंगदत्तं
 भारियं एवं वयासी-ममं-पि णं देवाणु० एस चेव मणोरहे क्हं (णं) तुमं दारणं
 (वा) दारियं वा पया(ए)इज्जति(!), गंगदत्ताए भारियाए एयमट्ठं अणुजाणइ, तए
 णं सा गंगदत्ता भारिया सागरदत्तसत्थवाहेणं एयमट्ठं अब्भणु-जाया ममाणी सुबहुं
 पुप्फ जाव महिलाहिं सदिं सयाओ गिहाओ पडि-निकखमइ २ ता पाड-(ली)लिसंढं
 नयरे मज्झंमज्जेणं निगगच्छइ २ ता जेणेव पुक्खरिणी तेणेव उवागच्छइ २ ता
 पुक्खरिणीए तीरे सुबहुं पुक्फवत्थगंधमल्लालंकारं ठवे[उवणे]इ २ ता पुक्खरि-
 (णी)णि ओगाहेइ २ ता जलमज्जणं करेइ २ ता जलकीडं करे(इ २ ता)माणी ष्हाया
 उइ(ग)पडसाडिया पुक्खरिणीओ पञ्चुत्तरइ २ ता तं पुप्फ० गिण्हुइ २ ता जेणेव
 उंबरदत्तस्स जकखस्स जकखाययणे तेणेव उवागच्छइ २ ता उंबरदत्तस्स जकखस्स
 आलोए पणामं करेइ २ ता लोमहत्थं परामुसइ (०) उंबरदत्तं जकखं लोमहत्(थए)वेणं
 पमज्जइ २ ता दगघाराए अब्(भो)भुक्खेइ २ ता पम्हल० गायल (०) ओल्लहेइ २ ता
 सेयाइ वरबाइ परिहेइ [२] महुरिहं पुप्फारुहणं (वत्थाहणं) मल्लारुहणं गंचारुहणं
 जुण्णारुहणं करेइ २ ता धूवं डहइ [२] ज-पाय-वडिया एवं व(यासी)वइ-इ
 णं अहं देवाणुप्पिया । दारणं वा दारियं वा पयामि तो णं...जाव उ-वाइणइ २ ता
 जामेव दिसि पाउब्भया तामेव दि-सि पडिगया । तए णं से व-वंतरी वे-जे ताओ
 नर-याओ अणंतरं उव्वडिता इहेव जंबुहीवे वीचे भारहे वासे पाड-लिसंढे नयरे
 गंगदत्ताए भारियाए कुट्टिंछसि पुत्तताए उवव-जे, तए णं तीसे गंगदत्ताए भारियाए
 तिण्हं मासाणं बहुपडिपुण्णार्थं अयनेयारुवे दोहले पाउब्भूए-ध-जाओ णं ताओ...
 जाव फले जाओ णं सि-उळं असणं ५ उवक्खडावेत्ति २ ता बहुइ जाव परिसुवाओ
 तं सि-उळं असणं ५ इरं च ६ पुप्फ जाव महाय पाड-लिसंढं नयरे मज्झंमज्जेणं
 पडि-निकखमति २ ता जेणेव पुक्खरिणी तेणेव उवागच्छंति २ [ता] पुक्ख(रि)रणी

ओगा(हिं)हेति [२] ष्वाया तं वि-उलं असणं बहुहिं मित-नाइ जाव सदि आसा(दे)-
 ए० दोहलं वि(णये)णैति, एवं संपेहेइ २ ता कळं जाव जळते जेणेव सागरदत्ते
 सत्यवाहे तेणेव उवागच्छइ २ ता सागरदत्तं सत्यवाहं एवं वयासी-धन्नाओ ण
 ता-ओ जाव विणैति तं इच्छामि णं जाव विणितए, तए णं से सागरदत्ते सत्यवाहे
 गंगदत्ताए भारियाए एयमदुं अणुजा(णा)णइ, तए णं सा गंगदत्ता सागरदत्तेणं
 सत्यवाहेणं अब्भणु-आया समाणी वि-उलं असणं ४ उवकस्रडावेइ [२] तं वि-उलं
 असणं ४ सुरं च ६ सुबहुं पुफ्फ० परिगिण्हावेइ [२] बहुहिं जाव ष्वाया उ० जेणेव
 उंबरदत्त(जकल)स्स जकस्वाययणे जाव धुवं ड(ह)हेइ (०) जेणेव पुक्ख(र)रिणी
 तेणेव उवागच्छइ, तए णं ताओ मित जाव महिलाओ गंगदत्तं मत्थवा(हं)हिं
 सव्वालंकारविभूसियं करेति, तए णं सा गंगदत्ता भारिया ताहिं मितनाईहिं अक्काहिं
 बहुहिं न-गरमहिलाहिं सदि तं वि-उलं असणं ४ सुरं च ६ दोहलं विणेइ २ ता
 जामेव दिसिं पाउब्भ्या तामेव दिसिं पखिगया, तए णं सा गंगदत्ता (भा०)
 सत्यवाही तं गळं सुहंसुहेणं परिवहइ, तए णं सा गंगदत्ता भारिया नवपहं
 मासाणं बहुपडिपुण्णाणं जाव पयाया ठिदवडिया जाव जम्हा णं अम्हं
 इमे दारए उंबरदत्तस्स जकस्स ओ(उव-उ)वाइयलडए तं हो-उ णं० दारए
 उंबरदत्ते नामेणं, तए णं से उंबरदत्ते दारए पंचधा-ईपरिग्गहिए परिवहुइ,
 तए णं से सागरदत्ते सत्यवाहे जहा विजयमिते जाव काल० गंगदत्ता-वि, उंबरदत्ते
 निच्छुडे जहा उज्जियए, तए णं तस्स उंबरदत्तस्स दार-नास्स अ-आया
 कया(वि)इ सरीरगंसि जमगममगमेव सोल्ल-रोगायंका पाउब्भ्या, तं०-मासे का-से
 जाव कोडे, तए णं से उंबरदत्ते दारए सोल्लमहिं रोगायंकेहिं अभिभूए समाणे०
 जाव विहरइ, एवं खलु गोयमा! उंबरदत्ते (दा०) पुरा-पोराणाणं जाव पच्चु-
 भवमाणे विहरइ, (तएते णं) से [णं] उंबरदत्ते-कालमासे कालं किष्वा कहिं
 गच्छिहिइ कहिं उववज्जिहिइ! गोयमा! उंबरदत्ते दारए वाक्का(रि)रिं वासाई
 परमाउयं पा(लि)ल्लदत्ता कालमासे कालं किष्वा इमीमे रयणप्पभाए पुडवीए नेरइय-
 ताए उवव०, संमारो तहेव जाव पुडवी, तओ हत्थिणाउरे नयरे कुक्कुडताए पचा-
 वाहिइ गोट्टिवहिए त(हे)स्येव इत्थिणाउरे नयरे सेट्टिकुलंसि उववज्जिहिइ बोहिं
 सोहम्मे कप्पे महाविदेहे वाडे सिज्जिहि० ॥ निक्खेवो ॥ २० ॥ सप्तमं
 अज्जययं समत्तं ॥

जइ णं भंते! अज्जमस्स उक्खेवो एवं खलु जंइ! तेणं काळेणं तेणं
 समएणं सोरियपुरं नयरे सोरियव(डे)सियं उज्जाणं सोरियव(ते)से रावा,

तस्स णं सोरियपुरस्स नयरस्स बहिया उत्तरपुर-त्थि-मे दिसीभा(गे)ए एत्थ णं एगे
 मच्छंध[वा]पाडए होत्था, तत्थ णं समुद्दत्ते-नामं मच्छंधे परिवसद्द अहम्मिए जाव
 दुप्पडियाणंदे, तस्स णं समुद्दत्तस्स समुद्दत्ता-नामं मारिया होत्था अहीण०-
 विदियसरीरा, तस्स णं समुद्दत्तस्स (म०) पुत्त समुद्दत्ता[ए]मारियाए अत्तए
 सोरियदत्ते नामं दारए होत्था अहीण०, तेणं कालेणं तेण समएणं सामी समयो-
 जाव परिसा पडियाया, तेणं कालेणं तेणं सपए० जेट्ठे (अं०) सीसे जाव सोरियपुरे
 नयरे उच्च-नीयमज्जि(म)माइं कुण्डाईं० अहापज्जणं समुदाणं गहाय सोरियपुराओ
 नयराओ पडि-निक्खमइ, [१] तस्स मच्छंध-पाडगस्स अद्रसामंतेणं वी(इ)इवयमाणे
 महद्दमहात्तियाएम् [हव]पुस्सपरिणाए मज्जगयं पासइ एणं पुरिसं सुद्धं सुक्कं निम्मसं
 अट्टिचम्मत्तावणद्द किडि(दी)डियाभूयं नीउमाडग-निय(च्छ)त्थं मच्छकंटएणं मलए
 अणुत्तरगेणं कट्टाईं कणाईं वी-नराईं कुवेमाणं अभिक्खणं २ पूयकवले य क्हिरकवले य
 किम्मिकवले य व(२)ममाणं पासइ, [२] इमे(यारुवे) अज्जत्तिए ५-पुरा-
 पोराणाणं जाव विहरइ, एवं मंपेहेइ [१] जेणेव समणे भगवं जाव पुण्वभवपुच्छा
 जाव वागरणं-एणं अल्ल गोपमा । तेणं कालेणं तेणं समएणं इहेव जंबूदीवे सीवे भारहे
 वासे नंदिपुरे-नामं नयरे हांत्था मित्ते राया, तस्स णं मीनस्स रणे सिरीए नामं
 महान्तिए होत्था अम्मिए जाव दुप्पडियाणंदे, तस्स णं निरीयस्स महान्तियस्स
 बहवे मच्छन्धा य वागुरिया य साउणिया य दि-अभइभनवेयणा कट्टाक(क)डि
 बहवे सण्डमच्छा य जाव पडागाट्टपडागे य अए य जाव महिसे य तिनिरे य जाव
 म(यू)ऊरे य जीवियाओ ववरोवोते [२] सिरीयस्स महान्तियस्स उवणंति, अ-जे
 य से बहवे तिनिरा य जाव म-ऊरा य पंजणंति संनिरुद्धा चिट्ठंति, अ-जे य बहवे
 पुरिसा दि-अभइभनवेयणा ते बहवे तिनिरे य जाव म-ऊरे य जीवियाओ चोव
 ति[प]कपंखोति [२] निरीयस्स महान्तियस्स उवणंति, तए णं से सिरीए महान्तिए
 बहूणं जलयर-जलयरखहयराणं मंसाईं कप्प(-य)मिकपिवाइं करेइ, तं०-सण्डखडि-
 षाणि य बहूखडि षाणि य सीहयंखडियाणि य रहस्सखडियाणि य हिमपहाणि य अम्म-
 १०वेग० मारुयपहाणि य कालाणि य हेरेगाणि य महिद्धाणि य कामलर-
 सियाणि य मुहियारसियाणि य कविट्टारसियाणि य दात्तिमरसियाणि य मच्छरसियाणि
 य तलियाणि य भज्जियाणि य मोत्तियाणि य उवकखडावेइ अ-जे य बहवे मच्छरले
 य ए(णि)जेअरसे य तिनिरसे य जाव मयूरसे य अ-जे य विउलं हरियसायं
 उवकखडावेइ २ ता मित्तस्स २-ओ भोयणवैकवंसि भोयणवेलाए उवनेइ अप्पका-
 य णं से ति(नि)रीए महान्तिए ते० बहू० जलयर(०)जलयर(०)सहयरा-

सेहि च र(स)सिएहि य हरियसगेहि य सोलेहि य त-लिएहि य भजिए(भि-)हि य सुरं
 च ६ आसाएमाणे० विहरइ, तए णं (से) सि-रीए महाणसिए एयकम्मे० सुबहुं
 पावकम्मं समज्जिणित्ता तेत्तीसं वाससयाईं परमाउयं पालइत्ता कालमासे कालं किञ्चा
 छट्ठीए पुढवीए उवव(सो)जे । तए णं सा समुद्दत्ता भारिया निंदू यावि होत्था जाया २
 दारगा विणि-हायमावज्जंति ज(हा)ह गंगदत्ताए चित्ता आपुच्छणा ओ-वाइयं दोहत्ता
 जाव दारगं पयाया जाव जम्हा ण अम्हं इमे दारए सोरियस्स जक्खस्स ओ-वा-
 इयल्ले तम्हा णं होउ अम्हं दारए सोरियदत्ते नामेणं, तए णं से सोरियदत्ते दारए
 पंचधा(इ)ईं जाव उम्मुक्कवालभावे वि-जयपरिणयमित्ते जोव्वण० होत्था, तए णं से
 समुद्दत्ते अ-जया कया(ई)इ कालधम्मणा संजुने, तए णं से सोरियदत्ते (दा०) बहुहिं
 मित्त-नाइ० रोयमा० समुद्दत्तस्स नीहरणं करेइ कोइ(य)याईं म(याईं)यकिञ्चाईं
 करेइ, अ-जया कया-इ सयमेव मच्छंधमहत्तरगणं उवमंपज्जिताणं विहरट्; तए णं
 से सोरिव(ण)दत्ते दारए मच्छंधे जाए अहम्मिणु जाव दुप्पडियाणं, तए णं तस्स
 सोरियदत्तमच्छंधस्स चहवे पुरिसा दि-जमइ० एगट्टियाहिं जउ(णं)गमदान(दी)ईं
 ओगा-हेति [२] बहुहिं दहगालणाहि य दहमत्तगेहि य दहमत्तणे(हिं)हि य दहवद-
 णे-हि य दहपवदणेहि य अयंपुत्तेहि य पंचपुत्तेहि य मच्छंधेलेहि य मच्छंधुत्तेहि
 य जंभाहि य ति[मि]गराहि य भि-मगाहि य चिमगाहि य वि-मगाहि य द्विजिरीहि
 य लज्जिरीहि य सिगिरीहि य जालेहि य गलेहि य कूटपासेहि य बक्कंभेहि य सुभ-
 वंधणेहि य वा-लबंधणेहि य बहवे मच्छंधे य जाव पडागाइपडाने य गिण्हंति (०)
 एगट्टियाओ (नावा) भ(रे)रंति (०) कूले गा(ई-हिं)हेति (०) मच्छंधाए करंति (०)
 आयवंसि दत्तपंति, अ-जे य मे बहवे पुरिगा दि-जमइभजवेयणा आयवत्त-
 एहिं सो(ले)देहि य त-लिएहि य भ जिएहि य गायमगंमि विंमिं कपेमाणा विह-
 रंति, अप्पणा-वि-य णं से सोरियदत्ते बहुहिं गच्छमच्छेहि य जाव पडा० सोद्रेहि य
 तलिएहि य भ जिएहि य सुरं च ६ आसा(य)एमाणे० विहरइ, तए णं तस्स
 सोरियदत्तस्स मच्छंधस्स अ जया कया इ ते मच्छंधोणे [य] त-लिए य भ-जिए य
 आहारेमाणस्स मच्छंधंए गलए लगे या-वि होत्था, तए णं से सोरियदत्तमच्छंधे
 महायाए वेयणाए अभिभूए ममाणे कोहुंविपुसिसे महावंइ २ ता एवं बवासी-गच्छह
 णं तु-म्हे देवाणुपिया । सोरियपुरे नयरे मि-पाडग जाव पडैय [य] महाया २ सोरेणं
 उग्घोसेमाणा (२) एवं ब-यह-एवं बलु देवाणुपिया । सोरियदत्तस्स मच्छंधंए
 ग(लए)ले लगे तं जो णं इच्छह वे-जो वा ६ सोरियमच्छंधस्स मच्छंधं-वं
 मत्ताओ नी(नि)हरिताए तस्स णं सोरिय० वि-उरं अत्थसंपयानं हल्लयइ, त-ए णं

ते कोहुंबियपुरिसा जाव उग्यो(सं)सेति, त-ए णं ते बहवे वे-जा य ६ इमेयारुवं उग्योसणं उग्योसिज्जमाणं निमामेति २ ता जेणेव सोरिय० मे-हे जेणेव सोरियमच्छंवे तेणेव उवागच्छंति [२] बहुहिं उप्पत्तिया० परिणममाणा वमणेहि य छइणेहि य ओ-वीलणेहि य कवल्लगाहेहि य मल्लदरणेहि य विसल्लकरणेहि य इच्छंति सोरिय-मच्छं० मच्छकं-यं गलाओ नीहरिणए नो (चेव णं) संचाएंति नीहरिणए वा विसो-हिणए वा, तए णं ते बहवे वे-जा य ६ जाहे नो संचाएंति सोरिय० मच्छकं-टगं गलाओ नीहरिणए ताहे संता जाव जामेव दिमि पाउब्भया तामेव दि-मि पडिगया, तए णं से सोरिय० म० विज्ज०पडियारनि(वि)व्वण्णे तेणं दुक्खेणं महया अभिभूए मक्के जाव विहरइ, एवं खलु गोयमा ! सोरियदत्ते पुरापोरणार्णं जाव विहरइ, मोरिए णं भंते ! मच्छंवे इओ (य) कालमासे कालं किञ्चा कहिं गच्छि-हिइ (?) कहिं उववज्जिहिइ ? गोयमा ! सत्तरि-वामाइं परमाउयं पाउडना कालमासे काल किञ्चा इमीसे रयणपभाए पुटवीए०, संसारो तहे० पुट० हत्थिणाउरे नयरे मच्छत्ताए उवव०, से णं तओ मच्छिणहिं जीवियाओ ववगेसिए नत्थेव मेत्तुकुलं-सि...दो० मोहमे कपे...महाविदेहे वामे सिज्जहिं ॥ निकखेवो ॥ २८ ॥ अहमं अज्जयणं समत्तं ॥

उउ णं भंते ! ...उक्खेवो तवमस्स० एवं खलु जंबू ! तेणं कालेणं तेणं समएणं मेहीइए-नामं नयरे होत्या रिद०, पुट(वी)विक-डिसए उज्जाणे, वेसमणड[त्तो]ने राया, सिरी देवी, एस-नंठी कुमारे जुवराया, तत्थ णं रोहीइए नयरे दत्ते नामं गारा-वई परिवसइ अणु० कण्हमिरी भारिया, तस्स णं दत्तस्स धूया क(ञ)श्रुसिरीए अत्तया देवदत्ता-नामं दारिया होत्या अहीण(०) जाव उक्खिटा उक्खिट्टमरीरा, तेणं कालेणं तेणं समएणं सामी समोम-डे जाव परिसा०, तेणं कालेणं तेणं समए० जेहे अंतेवासी छट्टकव्वयण...तहेव जाव रायमस्स-समोपादे हत्थी आसे पुरिसे पाराइ, तेति पुग्गिमाणं भज्जगारं पासइ एणं इत्थियं अक्-ओउ-यबंधणं उक्खिणक-ण-नासं जाव सूडे भिज्जमाणं पासइ, [२] इमे अ-ज्जत्थिए...तहेव निग्गाए जाव एवं वयासी-एसा णं भंते ! इत्थिया पुव्वभवे का आसी ? एवं खलु गोयमा ! तेणं कालेणं तेणं समएणं इहेव जंबुही(व)वे वीवे भारहे वासे छुपट्टे नामं नयरे होत्या रिद०, म(ह)हासे-णे राया, तस्स णं महासेणस्स र-ओ धा-रिणीपामोक्(खं)स्ताणं देवीसहस्सं ओरोहे याधि होत्या, तस्स णं महासेणस्स र-ओ पुत्ते धा-रिणीए देवीए अत्तए सीइसेणे नामं कुमारे होत्या अहीण० जुवराया, तए णं तस्स सीहसेणस्स कुमारस्स अम्मापिनरो अ-क्खया कया-इ पैव पासाक्खिसयस्सयाइ

कारेति अब्भुमगय०, तए णं तस्स सीहसेणस्स कुमारस्स अन्नया कया(वि)इ
 सामापामोक्खाणं पंचहं राखरकच्चगसयाणं एगदिबसे पाणिं गिण्हा(विं)विंश पंच-
 सयओ दाओ, तए णं से ह्रीहसेणे कुमारे सामापामोक्खाहिं पंच(हिं)सयाहिं
 देवीहिं मद्धि उणिं जाव विहरइ, तए णं से म-हासे-णे राया अ-न्नया कयाइ
 कालवम्मुणा संजुणे नीहरणं...राया जाए महया०, तए णं से सीहसे-णे राया
 सामाए देवीए मुच्छिए ५ अक्सेसाओ देवीओ नो आडाइ नो परिजाणाइ अणा-
 ङायमाणे अपरिजाणमाणे विहरइ, तए णं तामि एगूणगाणं पंचहं देवीसयाणं
 एगूणाइं पंच(धा-इ)माइसयाइं इमीसे क्हाए लद्धाइं समाणाइं एवं खलु सामी
 सीहसे-णे राया सामाए देवीए मुच्छिए ५ अम्हं धूयाओ नो आडाइ नो परिजाणइ
 अणाहायमाणे अपरिजाणमाणे विहरइ, तं सेयं खलु अम्हं सा(मा)मं दे-विं अग्गि-
 पओणेण वा विसप्पओणेण वा सत्थप्पओणेण वा जीवियाओ ववरोविणए, एवं सेपे-
 हेन्ति [२] सामाए देवीए अंतराणि य छिद्दाणि य वि[बरा]रहाणि य पडिजागर-
 माणीओ (२) विहरंति, तए णं सा सामा देवी इमीसे क्हाए लद्धा समाणी एवं
 बयासी-एवं ख० म-म पंचहं सबत्तीसयाणं पंच माइसयाइं इमीसे क्हाए लद्धाइं
 समाणाइं अ-न्नम-अं एवं बयासी-एवं खलु सीहसेणे...जाव पडिजागरमाणीओ
 विहरंति, तं न नज्जइ णं म-म केण-इ कुमारेणं मारिस्संतिक्किट्टु मीया जाव
 जेणेव कोवचरे तेणेव उवागच्छइ २ ता ओहय जाव झियाइ, तए णं से सीहसे-णे
 राया इमीसे क्हाए लद्धे समाणे जेणेव कोवच-ए जेणेव सामा देवी तेणेव उवा-
 गच्छइ २ ता मामं देविं ओइ० जाव पासइ २ ता एवं बयासी-किं णं तुमं देवाणु-
 प्पि-ए ! ओइ० जाव झियासि ?, तए णं सा सामा देवी सीहसेणे-णं रण्णा एवं
 वुणा समा-णी उप्फेअ(ओ)उप्फे(णी)णियं सीहसे-णे रायं एवं बयासी-एवं
 खलु सामी ! म-म ए-गूणपंचसवतीनयाणं ए-गूणपंच(धा)माइसयाणं इमीसे क्हाए
 लद्धाणं समाणा० अन्नमणे महावेत्ति २ ता एवं बयासी-एवं खलु सीहसे-णे राया
 सामाए देवीए उवरि मुच्छिए ५ अम्(हा णं)हं धू(आ)माओ नो आडाइ...जाव
 अंतराणि य छिद्दाणि ० पडिजागरमाणीओ विहरंति तं न नज्जइ० मीया जाव
 झियासि, तए णं से सीहसेणे राया सा-मं देविं एवं बयासी-मा णं तुमं देवाणु-
 प्पि-ए ! ओइ० जाव झिया(इमि)हि, अइं णं त(इ)हा अ(च)णित्तामि जहा णं तव
 नत्थि कतो-वि मरीरस्स आ(का)वाहे (वा) प-वाहे वा भविस्सइत्तिक्कु ताहिं
 इडाहिं ६ समासासेइ, [२] तओ पडि-निक्कमइ २ ता कोइविचपुरिसे सएवेइ २ ता
 एवं बयासी-गच्छइ णं तुम्हे देवाणुप्पिया ! इण्डस्स नवरस्स क्विणा एवं

मई कूडागारसालं करेह अणेगकखंमसमसंनिवि० पासा० ४ करेह २ ता मई एवमाणसियं पंचपिणह, तए णं ते कोडुंबियपुरिसा करवल जाव पडिउणेंति २ ता सुपइद्धनयरस्स बहिया पंच-त्थिमे दिसीत्थिभाए एणं मई कूडागारसालं जाव करेंति अणेगकखंम० पासा० ४ जेणेव सीहसेणे राया तेणेव उवागच्छंति २ ता तमाणात्थियं पंचपिणंति, तए णं से सीहसेणे राया अ-जया कमाइ एगूणगाणं पंचण्हं देवीसयाणं एगूणाइ पंचमाइसयाइ आमंतेइ, तए णं तासि एगू(णा)णपंचदेवीसयाणं एगूणपंचमाइसयाइ सीहसेणेणं र-जा आमंतियाइ समाणाइ सञ्चालंकारविभूत्तियाइ अहाविभवेणं जेणेव सुपइद्धे नयरे जेणेव सीहसेणे राया तेणेव उवागच्छंति, तए णं से सीहसेणे राया ए-गूणपंचदेवीसयाणं ए-गूणगाणं पंचण्हं मा(इ)इसयाणं कूडागारसालं आवा(से)सं दलयइ, तए णं से सीहसेणे राया कोडुंबियपुरिसे सहावेइ २ ता एवं वयासी-गच्छइ णं तु-म्भे देवाणुप्पिया ! विठल असणं० उवणेह सुब-हुं पुणफवत्थगंधमल्लालंकारं च कूडागारसालं साहरह [य], तए णं ते कोडुंबिय-पुरिसा तहेव जाव साहरेंति, तए णं तासि एगूणगाणं पंचण्हं देवीसयाणं एगूण-पंचमा[इ]इगयाइ सञ्चालंकारविभूत्तिया० तं विउलं असणं ४ सुरं च ६ आसा-एमाणा० गंधर्व-हि व नाडए-हि य उवगीयमाणाइ २ विहरंति, तए णं से सीह-सेणे राया अद्वरतकालसमयंसि बहहिं पुरिसेहिं सदिं संपरिचुडे जेणेव कूडागा-रसाला तेणेव उवागच्छइ २ ता कूडागारसालाए दुबाराइ पिहेइ [२] कूडा-गारसालाए सञ्चओ समंता अगणिकार्यं दलयइ, तए णं तासि एगूणगाणं पंचण्हं देवीसयाणं एगूणगाइ पंच-मा-इसयाइ सीहर-जा आलीवियाइ समाणाइ रोयमाणाइ २ अताणाइ असरणाइ कालधम्मणा संजुणाइ, तए णं से सीहसेणे राया एयकम्मे ४ सुबहुं पावकम्मं समज्जिप्पिता चो-त्तंसं वाससयाइ परमाउवं पालइता कालमासे कालं किञ्चा छट्ठीए पुढवीए उक्कीसेणं भावीसमागरोव(भाइं टि)मड्डिएसु [निरइय-णाए] उवव-जे, से णं तओ अणंतरं उव्वट्ठिता इहेव रोहीवए नयरे दत्तस्स सत्त्व-वाइस्स क-ण्ह-त्थि-रीए मारियाए कुच्छिसिं दारियाणाए उवव-जे, तए णं सा क-ण्ह-त्थिरी नवण्हं मासाणं जाव दारियं पयाया सु(कु)उमाल० सुखं, तए णं सीसे दारियाए अम्मापियरी नि(त्थि)व्वत्तवारसाहियाए विठलं असणं ४ जाव मित्त-नाइ० नामवेजं करेंति ... तं हो-उ णं दारिया देवदत्ता नामेणं, तए णं सा देवदत्ता [दारिका] पंचबाइपति[२]महिया जाव परिवहुइ, तए णं सा देवदत्ता दारिया उम्मुक्कालभावा ओवणेण व रुणेण व लावणेण व जाव अई० उच्छिन्ना उच्छिन्नपीरा जाया भावि शौत्वा, तए णं सा देवदत्ता दारिया अ-जया कमा(इ)इ ग्हाया सञ्चालंकारविभूत्तिया

बहूहिं खुजाहिं जाव परेन्खिता उप्पि आगासतलगंसि कणगतिवू(सए)सेणं कीलमाणी
 विहरइ, इमं च णं वेसमणदत्ते राया ष्हाए सव्वालंकारविभूसिए आसं दु-रुहिणा
 बहूहिं पुरिमेहिं सद्धिं संपरिवुडे आसवा[हि]ह(पी)णिषाए निजायमाणे दत्तस्स
 गाहावइस्स गिहस्स अदूरसामंतेणं वी(वि)इवयइ, तए णं से वेसमणे राया जाव
 वी(वि-ई)इवयमाणे देवदत्तं दारियं उप्पि आगासतलगंसि कणगतिवूसे(ण य)णं कील-
 म्म-णिं पासइ, देवदत्ताए दारियाए जो-व्वणेण य ह्वेण य लावण्णेण य जाव
 विन्धिए कोडुंबियपुरिसे सहावेइ २ ता एवं वयासी-कस्म णं देवाणुप्पिया ! एसा
 दारिया किं वा नामधेज्जणं ?, तए णं ते कोडुंबियपुरिसा वेसमणरायं करयल० एवं
 वयासी-एस णं सानी ! दत्तस्स सत्थवाहस्स धू-या कण्हसि(मि)रीए भारियाए
 अत्तया देवदत्ता नामं दारिया जो-व्वणेण य ह्वेण य लावण्णेण य, उक्खिद्धा उक्खिद्ध-
 सगीरा, तए णं से वेसमणे राया आसवा-हणियाओ पडि-नियत्ते यमाणे अट्ठिभतर-
 (द्धा)उणिज्जे पुरिसे सहावेइ २ [ता] एवं वयासी-गच्छइ णं जुच्चे देवाणुप्पिया !
 दत्तस्स धूयं कण्हमिरीए भारियाए अत्तयं देवदत्तं दारियं पूस(णं(दि)द)नंदिस्स
 जुवर-ओ भारियत्ताए बरेइ, जइ-वि सा सयंरज्जुक्का, तए णं ते अट्ठिभतर-उणिज्जा
 पुरिसा वेसमणं रक्षा एवं बुणा समाणा हइतुद्धा करयल जाव पडिमुणेंति २ ता
 ष्हाया मुद्दापावेमाइं...संपरिवुटा जेणेव दत्तस्स-गिहे तेणेव उवागच्छइया, तए
 णं से दत्ते सत्थवाहे ते पुरिसे एज्जमाणे पागइ २ [ता] हइतुद्ध० आमणाओ अज्जुहेइ
 २ [ता] सत्तइ पयाइं पञ्चुग्गए आसणं उवनिमंतेइ २ ता ते पुरिसे आमत्ये
 वीमत्ये मुद्दासणवरगए एवं वयासी-सांसंनु णं देवाणुप्पिया ! किं आगमणप्प-
 ओयणं ?, तए णं ते रायपुरिमा दत्तं सत्थवाहं एवं वयासी-अम्हे णं देवाणुप्पिया !
 तव धूयं कण्हमिरीए अत्तयं देवदत्तं दारियं पूस-नंदिस्स जुवर ओ भारियत्ताए बरेमी,
 तं जइ णं जाणामि देवाणुप्पिया ! जुत्तं वा पत्तं वा मत्ताहणित्तं वा सरिसो वा
 संजोगो दिज्जउ णं देवदत्ता भारिया पूस-नंदिस्स जुवर-ओ, भणं देवाणुप्पिया ! किं
 दत्तयामो मुक्खं ?, तए णं से दत्तं ते अट्ठिभतर-उणिज्जे पुरिसे एवं वयासी-ए(वी)-
 यं वेष णं देवाणुप्पिया ! म-म मुक्खं जं णं वेसम(णदत्ते)णे राया म-म दारिया-निम्भिणेणं
 अणु-गिण्हइ, ते ठा(णे)णिज्जपुरिसे वि-उल्लेणं पुप्फदरयमंथमञ्जालंकारेणं सक्कारेइ०
 पडिक्खिमजेइ, तए णं ते उणिज्जपुरिसा जेणेव वेसमणे राया तेणेव उवागच्छंति २ ता
 वेसमणस्स र-ओ एयमट्ठं निवेडेति, तए णं से दत्ते गाहावइं अ-अया कवा(मि)इ
 सोमणंसि तिहिकरणदिवस-नक्खलमुद्दुरंसि वि-उल्लं अत्तणं ४ उवक्खवावेइ २ ता
 मित्त-नाइ० आर्यतेइ ष्हाए मुद्दासणवरगए तेणं मित्त० सद्धिं संपरिवुडे तं वित्तं

असणं ४ आसाएमा० विहरइ जिमियभुत्ताराग० आर्यने ३ तं मित्त-नाइनियग०
 विउल्लंघपुष्प जाव अलंकारेणं सक्कारेइ० देवदत्तं दारियं ष्ण्डायं सव्वालंकारविभू-
 सियसरिरे० पुरिससइस्सवाहिणीयं सीयं बु-रुहेइ २ ता सुबहुमित्त जाव सद्धि संपरिवुवे
 स(व्वइ)त्तिवङ्गीए जाव नाइयरवेणं गोही(इं)ड-यं नयरं मज्झमउत्तरेणं जेणेव वेसमण-
 र-ओ गिहे जेणेव वेसम(णो)णे राया तेणेव उवागच्छइ २ ता करयल जाव वद्धा-
 वेइ २ ता वेसमणस्स रओ देवदत्तं दारियं उवणेइ, तए णं से वेसमणे राया देवदत्तं
 दारियं उव(णि)णीयं पासइ २ [ता] हट्टपुट्ट० विउल्लं असणं ४ उवक्खडावेइ २ ता
 मित्त-नाइ० आर्यतेइ जाव सक्कारेइ० पूस-नेदिक्कुमारं देवदत्तं च दारियं पट्टयं
 वु-रुहेइ २ ता से(त्ति)यापीएहिं कल्लसेहिं मज्जावेइ २ ता वर-नेव-न्याइं करेइ २ ता
 अग्गिहोमं करेइ [२] पूस-ने(वी)दिक्कुमारं देवदत्ताए दारियाए पाणिं गिण्हवेइ,
 तए णं मे वेसमणे राया पूस-नेदिक्कुमारस्स देवदत्तं दारियं स-त्तिवङ्गीए जाव रवेणं
 महया-उट्ठीमक्कारस्समुदएणं पाणिगगहणं करेइ [२] देवदत्ताए दारियाए अम्मा-
 पिघरे मित्त जाव पणियणे च विउल्ले-णे असण० वत्तयंघमकालंकारेण य
 सक्कारेइ संभागेइ जाव पद्धिविमज्जेइ, तए णं मे पूस-नेवी-कुमारे देवदत्ताए सद्धि
 उट्ठि पागाय० (कु(इ)इ)सार्णेहिं सुइंगमर(थे)एहिं चर्णा० उवगिज्जमाणे जाव विह-
 रइ, तए णं से वेसमणे राया अ-नया कया(इं)इ कालधम्मणा संसुणे नीहरणं जाव
 राया जाए, तए णं से पूस-नेवी राया सिरीए देवीए मा(य)याअ(त्ति-ने)तए यावि
 होत्वा, कडाकडि जेणेव सिरी देवी तेणेव उवागच्छइ २ ता सिरीए देवीए पाय-
 वड्ढणे करेइ [२] मयगागमहम्मपागेहिं तिळेहिं अविभागावेइ अट्टिसुहाए मेससुहाए
 तयासुहाए (अम्मसुहाए) रोमसुहाए चउ-त्तिवहाए संवाहणा(इ)ए संवाहावेइ [२]
 सुरभिणा गंधवट्टएणं उव्वहावेइ [२] तिहिं उट्टएहिं मज्जावेइ तं०-उत्तिणोदएणं
 सीओदएणं तंधोदएणं, [२] विउल्लं असणं ० भोयावेइ [२] सिरीए देवीए ष्ण्डायाए
 जिमिः भुत्तारागयाए त-ए णं पच्छा ष्ण्डाइ वा भुंजइ वा उरालाई मा(म)णुस्सगाई
 भोगभोगाई भुंजमाणे विहरइ । त-ए णं तीसे देवदत्ताए देवीए अ-नया कयाइ
 पुव्वरत्तावरत्तकालसमयंति कु-हुंअजागरियं जागराणी-ए इमेयारुवे अ[ब्भ]उत्तिवए
 ५ समुप्पणे-एवं कल्ल पूस-नेवी राया सिरीए देवीए माइअत्ते जाव विहरइ तं एएणं
 कण्ठेवेणं नो संवाएमि अहं पूस-नेदिणा र-आ सद्धि उरालाई० भुंजमाणी विहरिताए
 तं मेवं कल्ल मम सि(री)णि दे-विं अग्गिपओगेण वा सत्थ० विस० अंतपप्पजोगेण वा
 जीवियाओ बवटो(वे)त्तिए २ ता पूसनेदि[णा]रत्ता सद्धि उरालाई भोगभोगाई
 भुंजमाणीए विहरिताए, एवं संपेहेइ २ ता सिरीए देवीए अंतराणि व ३ पद्धि-

आमरमाणी विहरइ, तए णं सा सिरी देवी अ-मया कमाइ मजाइया विरहियसव-
 मिज्जंति सुहपसुता जाया यावि होत्था, इमं च णं देवदणा देवी जेणेव सिरी-देवी
 तेणेव उवागच्छइ २ ता (सिरीदेवी) मजाइयं विरहियसवणिज्जंति सुहपसुता
 पासइ २ ता दिसालोयं करेइ २ ता जेणेव भक्तघरे तेणेव उवागच्छइ २ ता लोहदंडं
 परासुसइ २ ता लोहदंडं तावेइ [२] तसं समजोइभूयं फुल्लिंभुयसमाणं संजासएणं
 गहाय जेणेव सिरी-देवी तेणेव उवागच्छइ २ ता सिरी देवीए अ-वाणंसि पविज्ज-
 (वे)वइ, तए णं सा सिरी-देवी महया २ सुदणं आरसिता कालधम्मणा संजुता,
 तए णं तीसे सिरीए देवीए दासचेडीओ आरसियस(इं)रे सोबा निसम्म जेणेव सिरी-
 देवी तेणेव उवागच्छंति [२] देवदत्तं दे-विं तओ अबक्कममाणि पासंति २ ता जेणेव
 सिरी-देवी तेणेव उवागच्छंति [२] सि-रिं दे-विं निप्पाण नि(वि)वेदंती जी(व)विय-
 विप्पजठं पासंति २ ता हा हा अहो अक्कमित्तिहुं रोयमाणीओ कंदमाणीओ
 विल्लमाणीओ जेणेव पूम(दि)नंटी राया तेणेव उवागच्छंति २ ता पूम(दी)दिं
 रायं एवं वयासी-एवं खलु सामी ! सिरी-देवी देवदणाए देवीए अफाळे येव
 जीवमाओ ववरोविया, तए णं से पूस-नंटी राया तामिं दासचेडीणं अंतिए एयसद्धं
 सोबा निसम्म महया माइलोएणं अप्फु-जे समाणे परसु-निवने-विब चंगवरपाववे
 बस-त्ति धरणीयत्तेसि सब्बंनेहिं संनि-वडिए, तए णं से पूस-नंटी राया मुहुंनरे(णं)ण
 आसत्ये वीसत्ये समाणे वहुहिं राईरार जाव मत्त्ववाहेहिं मित्त जाव परियेण (व)
 सदिं रोयमाणे ३ सिरीए देवीए महया इहोए नीहरणे करेइ २ ता आसुसो-
 देवदत्तं देवि पुरिसेहिं गिण्हावे० ते(ए)णं विहाणेणं वज्जं आणवेइ, तं एवं खलु
 गोयमा ! देवदणा देवी पुरापुराणणं विहरइ । देवदणा णं भंते ! देवी इओ
 कालमासे कालं किच्चा कहिं ग(च्छ)मित्ति० कहिं उक्कजिहिइ ! गोयमा ! खसीई
 वासाई परमाउयं पाळइता कालमासे कालं किच्चा इनीसे रयणप्पभाए पुळवीए
 नेरइयताए उक्कजा ससारी वणस्सइ०००, नओ अणंसर उक्कहिंता रंगपुरे नयरे
 इंसताए प्छामाहिइ, से णं नत्थ माउमिएहिं व-हिंए ममाणे तत्थेव रंगपुरे नयरे
 सेट्टिहुं० बोहिं सोहम्मै० महासिदेहे वासे म्मिज्जहिं० ॥ म्मिक्कणेओ ॥ २९ ॥
 नचमं अज्जयणं समत्तं ॥

अइ णं भंते । समणेणं भगवसा महावीरेणं दसमस्स उक्कणे-ओ एवं खलु जंजु ।
 तेणं कालेणं तेणं समएणं वड्डमागपुरे ना-मं नयरे होत्था, विजयवड्डमाणे उक्कणे,
 विजयमित्ते राया, तत्थे णं धणदेवे नामं सत्त्ववाहे होत्था अणु०, पिग्ग(गु)ण-म-
 भारिया, अंजु दाविया जाव सरीरा, समोसरणं परिखा जाव पविमका, तेणं कालेणं

तेणं समएणं जेठ्ठे जाव अडमाणे जाव विजयमितस्त र-जो गिहस्त असंगवणियाए
 अदूरसामेतेणं वी(वि)इवयमाणे पासइ एणं इत्थियं सुद्धं मुक्खं निम्मंसं किट्टिक्किट्टिया-
 भूयं अट्टिचम्मभाषणद्धं नीलसाडग-नियत्थं कट्ठाई कट्टणाई वी-सराई कूवमाणं पासइ०
 चिंता तहेव जाव एवं वयासी-सा णं भंते ! इत्थिया पुव्वभवे [के] का आ-सी ?,
 वागरणं-एवं खल्ल गोयमा ! तेणं कालेणं तेणं समएणं इहेव अंबुहीवे दीवे भारहे
 वासे ईदपुरे नामं नयरे होत्था, तत्थ णं ईददत्ते राया पुठवीसिरी नामं गणिया
 होत्था बण्णओ, तए णं सा पुठ-वीसिरी गणिया ईदपुरे नयरे बहवे राईसर जाव
 पर्णभि[ई]यओ बहूहिं चुण्णप्पओगेहिं य जाव आभि-ओगेत्ता उरालाई माणुस्मगाई
 भोगभोगाई भुंजमा-णी विहरइ, तए णं सा पुठवीसिरी गणिया एयकम्मा ४
 सबहुं० समज्जिणिना पणनीसं वासमयाई परमाउयं पाळइत्ता कालमासे कालं किच्चा
 छट्ठीए पुठवीए उल्लोमेणं० नेरइयत्ताए उववञ्जा, सा णं तओ अणंतरे उव्वट्ठिता
 इहेव बद्धमाणपुरे नयरे धणदेवस्स मन्थवाहस्स पियंयुभारियाए कुच्छिसिं दारिय-
 ताए उववञ्जा, तए णं सा पियंयुभारिया नवणं मामाणं० दारियं पयाया, नामं
 अ(जु)जुमिरी. सेसं जहा देवदत्ताए । तए णं से विजए राया आमवाह० जहा
 वेत्तमणदत्ते तहा अंजुं पासइ नवरं अप्पणो अट्टाए वरेइ जहा तेयन्नी जाव अंजुए
 भारियाए मडिं उण्णि जाव विहरइ, तए णं तीसे अंजुए देवीए अ-जया कया-इ
 जो-णिमूले पाउब्भूए यावि होत्था, तए णं [से] विजए राया कोट्टुबियपुरिसे सहा-
 वेइ २ ना एवं वयासी-राउठ्ठ णं देवाणुप्पिया ! बद्धमा(णे)णपुरे नयरे विघा-
 डग जाव एवं व-यइ-एवं खल्ल देवाणुप्पिया ! विजय० अंजुए देवीए जोणिमूले
 पाउब्भूए जो णं इ० वे-ज्जे वा ६ जाव उगणंसंति, तए णं ते बहवे वे-ज्जा०
 ६ इमं एयाकूवं सोच्चा निसम्म जेणेव विज(व)ए राया तेणेव उवागच्छंति०
 उप्पत्तियाहिं० परिणामेमाणा इच्छंति अंजुए देवीए जोणिसुलं उवसामितए
 नो संचाएंति उवसामितए, तए णं ते बहवे वे-ज्जा य ६ जाहे नो संचाएंति
 अंजु० जोणिसुलं उवसामितए ताहे संता तंता परितंता जामेव दिंसि पाउ-
 ष्भ्या तामेव दिंसि पडिगया, तए णं सा अंजु-देवी ताए वेयणाए अभिभूया
 समा-णी सुक्का मुक्खा निम्मंसा कट्ठाई कट्टणाई वी-सराई विल्लवइ, एवं खल्ल गोयमा !
 अंजु-देवी पुरापोरणां जाव विहरइ । अंजु णं भंते ! देवी इज्जे कालमासे कालं
 किच्चा कहिं गच्छिहिं० कहिं उववज्जिहिइ ? गोयमा ! अंजु णं देवी नउई वासाई
 परमाउयं पा-ळइत्ता कालमासे कालं किच्चा इमीसे एवणप्पभाए पुठवीए नेरइयत्ताए
 उववज्जिहिइ, एव संसारी जहा पवमे तहा नेयव्वं जाव वणस्सइ०, सा णं तओ

अर्णतरं उव्वहिता सव्वओभदे नयरे मयूरत्ताए पच्चायाहिइ, से णं तत्थ सत्तणिएहिं व-हिए समाणे तत्थेव सव्वओभदे नयरे सेट्टिकुलंति पुत्तत्ताए पच्चायाहिइ, से णं तत्थ उम्मुक्कवालभावे तद्दास्साणं वेराणं० केवलं बोहिं बुज्झिहिइ पव्वजा सोहम्मो०, से णं ताओ देवलोगाओ आउक्खए० कहिं गच्छिहि० कहिं उववज्जि-हिइ? गोयमा । महाविदे-हे जहा पढमे जाव सिज्झिहिइ जाव अंतं काहिइ । एवं खलु जंबू । समणेणं जाव संपत्तेणं दुहविवागाणं दसमस्स अज्झयणस्स अयमद्दे प-ज्जते, सेवं भंते० ॥ ३० ॥ दसमं अज्झयणं समत्तं ॥ दुहविवागो दससु अज्झयणेसु ॥ पढमो सुयच्छ्वंधो समत्तो ॥

तेणं काळेणं तेणं समएणं रायगिहे नयरे गुणसि(ले)लए उज्जाणे सु(सो)हम्मो समोस-डे जंबू जाव पज्जवासमाणे एवं वयासी-जइ णं भंते ! समणेणं जाव संप-त्तेणं दुहविवागाणं अयमद्दे प-ज्जते सुहविवागाणं भंते ! समणेणं जाव संपत्तेणं के अद्दे प-ज्जते ?, तए णं से सु-हम्मो अणगारे जंबुं अणगारं एवं वयासी-एवं खलु जंबू ! समणेणं जाव संपत्तेणं सुहविवागाणं दस अज्झयणा प-ज्जता, तं०-(ग०) सुवाहु भद-नेवी य सुजाए य सुवासवे । तद्देव जिणदासे [य] धण(ती)-वइ व महब्बले ॥ १ ॥ भद-नेवी महब्बदे वरदत्ते [तद्देव य] । जइ णं भंते ! समणेणं जाव संपत्तेणं सुहविवागाणं दस अज्झयणा प-ज्जता पढमस्स णं भंते ! अज्झय-णस्स सुहविवागाणं जाव संपत्तेणं के अद्दे प-ज्जते ?, तए णं से सुहम्मो अणगारे जंबुं अणगारं एवं वयासी-एवं खलु जंबू ! तेणं काळेणं तेणं समएणं ह(रणी)त्वि-सीसे-नामं नयरे होत्था रिद्ध०, त[त्त्व]स्स णं हत्विसीसस्स (नम(पञ्च)रस्स) बहिया उत्तरपुर-त्विमे विसीभाए एत्थ णं पुप्फकरंढए नामं उज्जाणे होत्था सम्बो-उय०, तत्थ णं हत्विसीसे नयरे अरीणसत्तू-नामं राया होत्था महा०, तस्स णं अरीणसत्तूस्स र-ओ धा-रिणीपानो० देवीसहस्स ओरोहे खासि होत्था, तए णं सा धा-रिणी देवी अ-अया कयाइ तंति तारिसगंति वास(भवणं)वरंति सीहं सुग्घिणे पासइ जहा भेहस्स जम्मणं तद्दा आणियव्वं जाव सुवाहुकुम्मा० अत्तं-भोपसम-कार्णणि० पंच-पामायवडिंसगसमाई कार(करा)वैसि अन्धुम्मय० मक्कं एवं क्कहा महाबलस्स र-ओ नवरं पुप्फकूटापामोकक्याणं पंचण्हं राखवरकखवसखणं एयवि-वसेणं पाणि निष्ठावैति, तद्देव पंचसइओ [राओ] जाव उप्पि पासाववरकइ फुट्टु[माणेहिं] जाव विहरइ, तेणं काळेणं तेणं समएणं समणे अगणं महावीरे समो-सडे परिसा निग्घया अरीणसत्तू क्कहा को[कु]प्पि(ए)ओ निग्घ-ओ सुवाहु-नि क्कहा जमाकी तद्दा रद्देणं निग्घए जाव धम्मो क्कहिओ रा(वा)वपरिसा (पप्पि)ववा, तए

षं से सुबाहुकुमारे समणस्स भगवओ महावीरस्स अतिए धम्मं सोळा निस्सम्म
 हट्टुट्ठे उट्टाए उट्टेव जाव एवं बयासी-सहस्राणि षं अंते । निग्गंथं पावय० जहा षं
 देवाणुप्पिमाणं अतिए बहवे राईसर जाव अहं षं देवाणुप्पिमाणं अतिए पं(च अ)-
 चाणुप्पवइयं सत्तसिक्खावइयं. गिहिधम्मं पडि०, अहासुहं. मा पडिबंघं करेह, तए
 षं से सुबाहु समणस्स भगवओ महावीरस्स अतिए पंचाणुप्पवइयं सत्तसिक्खावइयं.
 गिहिधम्मं पडिबज्जइ २ ता तमेव० दु-रुहइ [२] जामेव०, तेणं कालेणं तेणं स०
 जेट्ठे अंतवासी इंदभई जाव एवं बयासी-अहो षं अंते । सुबाहुकुमारे इट्ठे इट्ठरुवे
 कंते कंतरुवे पिए पियरुवे मणु-अे २ बयामे २ सोमे सुभगे पियइसणे सुत्त्वे,
 बहुजणस्स-वि य षं अंते । सुबाहुकुमारे इट्ठे इट्ठरुवे ५ सोमे ४ साहुजणस्स-वि य
 षं अंते । सुबाहुकुमारे इट्ठे इट्ठरुवे ५ जाव सुत्त्वे सुबाहुणा अंते । कुमारेणं इमा
 एयात्त्वा उराळा माणुस्ससिद्धी कि-आ लट्ठा कि-आ पत्ता कि-आ अभिसम-बागया [?]
 (को) के वा एम आ-सी पुच्चभवे० एवं सल्ल गोयमा ! तेणं कालेणं तेणं समएणं
 इहेव ऋकुहीवे कीवे भारइ वाने हत्थिणाउरे नामं नयरे होत्था रिद्ध०, तत्त्व षं
 हत्थिणाउरे नयरे भुमुहे नामं गाहावई परिवसइ अणु०, तेणं कालेणं तेणं समएणं
 धम्मघोना-नामं येरा जाइसंप-आ जाव पंचहिं समणसएहिं सद्धि संपरिवुट्ठा पुच्चा-
 णुप्पिवि चरमाणा गामाणुगामं बुद्धजमाणा जेणेव हत्थिणाउरे नयरे जेणेव सहसंसं-
 बवणे उज्जाणे तेणेव उवागच्छंति २ ता अहापडिस्सं उग्गई उग्गिण्हत्ता (षं)
 संजमणे तबभा अप्पाणं भावेमाणा विहरन्ति, तेणं कालेणं तेणं समएणं धम्मघो-
 साणं येराणं अंतवासी सुदत्ते नामं अजगारे उराळे जाव टेस्से मांसंमासेणं खम-
 माणे विहरइ, तए षं से सुदत्ते अजगारे मासकखमणपारणंसि पडमाए पोरिसीए
 सज्जायं करेइ जहा गोयमसामी तहेव धम्मपोसे येरे आपुच्छइ जाव अजमाणे
 समुहस्स गाहावइस्स मे(-इं)हे अणुप्पविट्ठे, तए षं से समु(इं)हे गाहावई सुदत्ते
 अजगारे एजमाणं फसइ २ ता हट्टुट्ठे आसणाओ अन्धुट्ठेइ २ ता पाव[वी]पीढाओ
 पणोरुहइ २ ता पाउयाओ ओसुयइ २ ता एमसाखियं उतरसंगं करेइ २ ता सुदत्ते
 अजगारे सणद्ध-पमाई अणुगच्छइ २ ता तिकहुत्तो आयाहि(णं) पयइयिं करेइ २ ता
 इंदइ नमंसइ वं० २ ता जेणेव अत्तवरे तेणेव उवागच्छइ २ ता सयइत्थेणं
 विउत्थेणं असणया० पडिवा(अे)मिस्सामीति उट्ठे...तए षं तस्स समुहस्स
 गाहावइस्स तेणं इम्बडुडेणं विविहेणं विकरणडुडेणं सुदत्ते अजगारे पडिवाभिए
 ामणे संखारे परित्तकए मणुस्साउए निवडे गेहिसि य से इमाई पंच-सिक्खाई
 षट्ठभूसाई ई०-बुद्धाराया उवा उवाउत्तवणे अजगारे वि...

देवदुंदु[मी]हीओ अंतरा-वि य णं आ(का)गा(संसि)से अहो दाणमहो षणं पु०
 हत्थिणाउरे सिंघाडग जाव पहेसु बहुजणो अ-अम-अस्स एवं आइक्खइ ४-ध-ओ
 णं देवाणुपि० । सुमुहे गाहाव० जाव तं ध-ओ णं देवाणुपिया । सुमुहे गाहाव० ।
 तए णं से सुमुहे गाहावइ बहुइं वामसयाईं आउयं पाल[यि]इत्ता काल्मासे कालं
 किब्बा इहेव हत्थिसीसे नयरे अवीणसत्तुस्स र-ओ धा-रिणीए देवीए कुच्छिसि
 पुत्तनाए उववणे, तए णं सा धा-रिणी देवी सयणिजंति सुतजाग०
 ओहीरमाणी २ तहेव सीहं पासइ सेसं तं च्चव जाव उणिं पामा० विहरइ,
 तं ए[व]वं खलु गोयमा । सुवाहुणा इमा एवाक्खा माणुस्सरिदी रुद्धा पत्ता
 अभिरुम-जागया, पभू णं भंते । सुवाहुकुमारं देवाणुपियाणं अंतिए मुंडे भविता
 अ-गाराओ अणगारियं पव्वइत्तए ? इत्ता पभू . तए णं से भगवं गोयमे समणे
 भगवं० वंदइ नमंस्स वं० २ ता संजमेणं तवसा अप्पारं भावेमाणे विहरइ, तए
 णं से समणे भगवं महावीरे अ-अया कयाइ हत्थिसीमाओ नयराओ पुप्फ[ग]क-
 रंइमाओ उज्जाणाओ पडि-त्तिकस्समइ २ ता वहिया जणवयविहारं विहरइ, तए णं
 से सुवाहुकुमारं समणेवासए जाए अभिगयजीवाजावे जाव पडिआभेमाणे विहरइ ।
 तए णं से सुवाहुकुमारं अ-अया कया(इ)इ चाउइसइमुहिदुपुण्णमासिणीणु जेणेव
 पोमहमाला तेणेव उवागच्छइ २ ता पोमहमालं पमजइ २ ता उक्खारपासवणभूमिं
 पडिले(इ)हेइ २ ता दवभसंथा(रं)रगं संयइ २ ता दवभसंथारं दु-रुइइ २ ता
 अट्टमभणं पणिणइ २ ता पोमहमालाए पोमहिण अट्टमभ[ण]णिणु पोसइं पडि-
 जागरमाणे विहरइ, तए णं तस्स सुवाहुस्स कुमारस्स पुव्वरणावरतकालसमवेसि
 वम्मजागरियं जागरमाणस्स इमे-आक्खे अ(अ)उअत्थिए ५-ध-आ णं ते गामा-
 गर-नगर जाव संनिवेगा जत्थ णं समणे भगवं महावीरे जाव विहरइ, ध-आ णं
 ते राईसरतलवर० जे णं समणस्स भगवओ महावीरस्स अंतिए मुंडा जाव पव्व-
 रयंति, ध-आ णं ते राईसरतलवर० जे णं समणस्स भगवओ महावीरस्स अंतिए
 पंचाणुव्वयं जाव गिद्धिधम्मं पडिबजंति, ध-आ णं ते राईसर जाव जे णं सम-
 णस्स भगवओ महावीरस्स अंतिए धम्मं सुजंति, तं जइ णं समणे भगवं महावीरे
 पुव्व्याणुपुत्तिं चरमाणे गामाणुगामं वृड्ढमाणे इहमागच्छिआ जाव विहरिआ त-ए
 णं अइं मनणस्स भगवओ, अंतिए मुंडे भविता जाव पव्वएआ, तए णं समणे
 भगवं महावीरे सुवाहुस्स कुमारस्स इमं एवास्सं अज्जत्थियं जाव सिंघाणिता
 पुव्व्याणुपुत्तिं जाव वृड्ढमाणे जेणेव हत्थिसीसे नयरे जेणेव पुप्फ[ग]क[र]इए उज्जाणे
 तेणेव उवागच्छइ २ ता अहापडिइयं उग्गइं गिद्धिक्खा संजमेणं तवसा अप्पारं

भावेभावे विहरद् परिसा राया निगया । तए णं तस्स सुबाहु(य)स्स कुमार० तं
महया जहा पठमं तहा निगओ धम्मो कहिओ परिसा राया पडिगया, तए णं से
सुबाहुकुमारे समणस्स भगवओ महावीरस्स अंतिए धम्मं योवा नितम्म इदुदु०
जहा मेहे तहा अम्मापियरो आपुच्छइ निक्खमणाभिसेओ तहेव जाव अणगारे
जाए इ(दे)रियासमिए जाव वंभयारी, तए णं से गुबा(हु)हू अणगारे समणस्स
भगवओ महावीरस्स तहास्वार्णं येराणं अंतिए सामाडयमादवाइ एकारस अंगाई
अहिज्जइ २ ता बहुहिं चउत्तयउदुदुम० तवो[व]विहाणेहिं अप्पाणं माविता बहुई
वागार्इ सामण्यपरियारी पाउणिता मासियाए संठेहणाए अप्पाणं इत्थिता मट्ठि
भताई अणसणाए छे(दि)इता आलोइयपडिक्कने समाहिणे कालमासे कालं किवा
मोहम्मसे कप्पे देवणाए उवव-जे, से णं ता(न)ओ देवलोगाओ आउक्खएणे भव-
क्खएणं ठिइक्खएणं अणंतं चयं चइता माणुस्सं विगहई ल(नि)हिहिइ २ ता
कंवरं बोहि बुजिअहिइ २ ता नहास्वार्णं येराणं अंतिए मुंठे जाव पव्वइस्सइ, से
णं तत्तय बहुई वागार्इ सामण्यं पाउणिहिइ आलोइयपडिक्कने समाहि० काल०
सणंकुमारे कप्पे देवणाए उवव०, से णं ताओ देवलो(या)गाओ... माणुस्सं पव्वजा
वंभलोए माणुस्सं तओ महासुक्के तओ माणुस्सं आप्पा० देवे तओ माणुस्सं तओ
आग(गा)णे० देवे तओ माणुस्सं सव्वइत्थिदे, से णं तओ अणंन[रे]रं उव्वट्ठिता
महाविदेहे वासे जा[इ]व अहू[ई]... जहा दउपइ-जे० सिज्जिअहिइ [५], एवं
खलु जंबु ! समणेणं जाव संपणेणं सुइविवागारं पडमस्स अज्जयणस्स अयमट्ठे
५० ॥ ३१ ॥ एदमं अज्जयणं समत्तं ॥

सोब(चितिय)म्म (णं) उक्खे-वो एवं खलु जंबु ! तेणं कालेणं तेणं समएणं
सभपुरे नयरे धूमकरं(इ-ग)ठे उज्जाणे धणावहो राया मरस्स(इ)ई देवी सुमिण-
सणं कइ(गा)णं ज(म्मं)मणं बाललणं कला-ओ य ओ(तु)ध्व(जे)णं पाणिगहणं
ओ पासा० भोगा य जहा सुबाहु-स्स नवरं महनंरी कुमारे सि-रिदेवीपा(सु)मो-
त्तार्णं पंचस० सामीसमोसरणं सावणधम्मं... पुव्वमवपुच्छा महाविदेहे वासे
उदीकिणी नयरी विजयए कुमारे सुगवाहू तित्थ(इ)ररे पत्थितामिए म(मा)णु-
शाठए निबदे इई उप्प-जे सेसं जहा सुबाहु-स्स जाव महाविदेहे वासे सिज्जि-
इ० ॥ विहयं अज्जयणं समत्तं ॥

तवस्स उक्खे० वीरपुरं नयरे मणोरमं उज्जाणं वीरकण्ठरितो राया सिरी देवो

नयरे उसभदत्ते गाहावई पुष्पदत्ते अणगारे पडिला० मणुस्साउए निबदे इह उप्प-जे जाव महाविदेहे वासे तिज्जिहि० ॥ तइयं अज्झयणं समत्तं ॥

चउत्थस्स उक्खे० विजयपुरं नयरं (मणोरमं) नंदणवणं उज्जाणं वासवदत्ते राया कण्हा देवी सुवासवे कुमारे महापामोकखणं पंचस० जाव पुव्वभवो कोसंबी नयरी धणपाळे राया वेममणभेहे अणगारे पडिलाभिए इ(हं)इ जाव सि० ॥ चोत्थं अज्झयणं समत्तं ॥

पंचमस्स उक्खे० सोगंधिया नयरी नीलासोए उज्जाणे अप्पडिहओ राया सुकन्ना देवी महचंदे कुमारे तस्स अरहइत्ता भारिया जिणदासो पुणो तित्थ(ग)य-रागमणं जिणदामपुव्वभवो म(जिह)उज्जमिया नयरी मेहरहो राया सु(इ)धम्मो अणगारे पडिलाभिए जाव सि० ॥ पंचमं अज्झयणं समत्तं ॥

छट्ठस्स उक्खे० कणगपुरं नयरं मेयासोयं उज्जाणं पियचंदो राया सुभहा देवी वेसमणे कुमारे जुवराया सि-रिदेवीपामो० पंचस० क० पाणिगहणं तित्थ-यरागमणं धणवई जुवरा(या)यपुणे जाव पुव्वभवो मणिवया नयरी भिनो राया संभुति-अणगारे पडिलाभिए जाव सि० ॥ छट्ठं अज्झयणं समत्तं ॥

सत्तमस्स उक्खे० महापुरं नयरं रत्तामोगं उज्जाणं ऋळे राया सुभहा देवी म(हा)हउवळे कुमारे रत्तवईपामो० पंचस० क० पाणिगहणं तित्थ-यरागमणं जाव पुव्वभवो मणिपुरं नयरं नागवणे गाहावई इंदपुरे अणगारे पडिलाभिए जाव सि० ॥ सत्तमं अज्झयणं समत्तं ॥

अट्ठमस्स उक्खे० सुधोसं नयरं देवरमणं उज्जाणं अजु(ध)धो राया तणवई देवी महनंठी कुमारे सि-रिदेवीपामो० पंचस० जाव पुव्वभवो महाधोसे नयरे धम्मधोसे गाहावई धम्मसीहे अणगारे पडिलाभिए जाव सि० ॥ अट्ठमं अज्झ-यणं समत्तं ॥

नवमस्स उक्खे० चंपा नयरी पुण्णभेहे उज्जाणे इतो राया द(र)त्तवई देवी महचंदे कुमारे जुवराया सिरिचंतापामो० पंचस० क० जाव पुव्वभवो तिमिण्डी नयरी जियम(नु)गू राया धम्मवीरिए अणगारे पडिलाभिए जाव सि० ॥ नवमं अज्झयणं समत्तं ॥

(जति णं) दसमस्स उक्खे० नो एवं कल्ल अइ। तेणं कल्लेणं तेणं सणएणं सणोए नामं नयरे होत्वा उत्तरकुल्लज्जाणे भित्त-नंठी राया सिरिचंता देवी वर-द-ते कुमारे वरसेनापामो० पंच देवीसया तित्थ-यरागमणं जाववचम्मं"पुव्व-

भ(वो)वपुच्छा सयदुबारे नबरे विमलवाहणे राया धम्मद(स्त्रि)ई नामं अण्णारं
 एज्जमाणं पासइ० पखिलामिए समा० मणुस्साउए विचदे इहं उप्प-जे सेसं जहा
 सुबाहु-स्स कुमारस्स चिता जाव पव्वजा कप्पंतरीओ जाव सब्बट्टसिद्धे तओ
 महाविदेहे जहा ददपइओ जाव सिज्जहिइ ५. एवं खलु जंबू ! समणेणं (भगवया
 महावीरेणं) जाव संपणेणं सुहविवागणं दसमस्स अज्जयणस्स अयमट्ठे प-सत्ते,
 सेवं मंते ।० ॥ ३२ ॥ दसमं अज्जयणं समत्तं ॥ सुहवि० ॥ बीओ सुय-
 कखंधो समत्तो ॥ विवागसुर्यं समत्तं ॥

विवागसुर्यस्स दो सुयकखंधा सुहविवागो य सुहविवागो य, तत्थ सुहविवागो
 दस अज्जयणा ए(क)कगरगा दसमु चैव दिवसेसु उद्दिशिज्जति, एवं सुहविवा-
 (गो)मे-वि, सेसं जहा आयारस्म ॥

॥ एकारसमं अंगं समत्तं ॥

तस्समत्तीए

एकारस अंगाइं समत्ताइं

॥ सच्चसिलोगसंत्वा ३५००० ॥



